

---

Sept. 15. 1685.

In Concilio REGIÆ SOCIETATIS, *Londini*,  
ad Scientiam Naturalem promovendam.

*Liber cui Titulus Historia Plantarum Species hactenus editas aliasque insuper multas noviter inventas & descriptas complectens, &c. Authore JOANNE RAIO, M. A. è Societate Regia: Imprimatur ab Henrico Faithorne, dictæ Societatis Typographo.*

*S. Pepys, Pr. R. S.*

---

151



---

Sept. 15. 1685.

In Concilio REGIÆ SOCIETATIS, *Londini*,  
ad Scientiam Naturalem promovendam.

*Liber cui Titulus Historia Plantarum Species hactenus editas aliasque insuper multas noviter inventas & descriptas complectens, &c. Authore JOANNE RAI0, M. A. è Societate Regia: Imprimatur ab Henrico Faithorne, dictæ Societatis Typographo.*

*S. Pepys, Pr. R. S.*

---

15

# HISTORIA PLANTARUM

Species hactenus editas aliasque insuper multas  
noviter inventas & descriptas complectens.

In qua agitur primò

## De Plantis in genere,

Earúmque

PARTIBUS, ACCIDENTIBUS & DIFFERENTIIS;

Deinde

Genera omnia tum summa tum subalterna ad Species usque infimas,

*Notis suis certis & Characteristicis*

Definita,

## METHODO

Naturæ vestigiis insistente disponuntur;

Species singulæ accurate describuntur, obscura illustrantur,  
omissa supplentur, superflua resecantur, Synonyma necessaria  
adjiciuntur;

VIRES denique & USUS

recepti compendiò traduntur.

AUCTORE

JOANNE R A I O,

*E Societate Regiâ, & SS. Individuæ Trinitatis Collegii apud Cantabrigienfes  
quondam Socio.*

TOMUS PRIMUS.

LONDINI:

Typis MARIE CLARK:

Prostant apud HENRICUM FAITHORNE & JOANNEM KERSEY ad  
insigne Rosæ in Cœmeterio D. Pauli, & è regione ædium Bedfordiensium  
in vico the Strand dicto. Cl. 10 CLXXXVI.



*Med  
Z. 1.*



---

Sept. 15. 1685.

In Concilio REGIÆ SOCIETATIS, *Londini*,  
ad Scientiam Naturalem promovendam.

*Liber cui Titulus* Historia Plantarum Species hæcenus editas aliasque insuper multas noviter inventas & descriptas complectens, &c. *Authore* JOANNE RAI0, M. A. è Societate Regia: Imprimatur ab Henrico Faithorne, dictæ Societatis Typographo.

S. Pepys, Pr. R. S.

---

# HISTORIA PLANTARUM

Species hæctenus editas aliasque insuper multas  
noviter inventas & descriptas complectens.

In qua agitur primò

## De Plantis in genere,

Earúmque

PARTIBUS, ACCIDENTIBUS & DIFFERENTIIS;

Deinde

Genera omnia tum summa tum subalterna ad Species usque infimas,

*Notis suis certis & Characteristicis*

Definita,

## M E T H O D O

Naturæ vestigiis insistente disponuntur;

Species singulæ accurate describuntur, obscura illustrantur,  
omissa suppleuntur, superflua resecantur, Synonyma necessaria  
adjiciuntur;

## V I R E S denique & U S U S

recepti compendiò traduntur.

AUCTORE

J O A N N E R A I O,

*E Societate Regiâ, & SS. Individuæ Trinitatis Collegii apud Cantabrigienfes  
quondam Socio.*

TOMUS PRIMUS.

L O N D I N I:

Typis M A R I Æ C L A R K:

Prostant apud HENRICUM FAITHORNE & JOANNEM KERSEY ad  
insigne Rosæ in Cœmeterio D. Pauli, & è regione ædium Bedfordiensium  
in vico the Strand dicto. CLO IO CLXXXVI.



*Med.*  
12  
Z. 1. 11





---

Prænobili Viro  
**D. CAROLO HATTON**  
ARMIGERO,  
Nobilissimi Domini  
**D. CHRISTOPHORI HATTON**  
BARONIS LIBERI  
*ANGLIÆ* FILIO,  
HANC

# Plantarum Historiam

Ipsius instinctu compositam perquam officiosè dedicat & plurimam  
Salutem vovet

*JOANNES RAIUS.*



U M tu, Nobilissime Vir, Operis hujus aggrediendi mihi auctor fueris, tibi in solidum debentur gratiæ, siquid inde vel emolumenti, vel honestæ saltem oblectationis ad Lectorem redundabit. Quòd si successus vòtis non respondeat, nec multorum expectationi, quâ me tua aliorumque amicorum affectui nimium indulgentium malè fundata opinio oneravit, minimè satisfaciam, paratam habeo excusationem, me non instinctu proprio, sed tuo suasu tuoque consilio, quæ apud me semper mandatorum vim obtinent, permotum ei conscribendæ animum appulisse. Qualiscunque autem successus fuerit, hæc vestra de viribus meis opinio aliquem usum habuit, ad industriam scilicet nostram excitandam, ut veterno excusso omni studio & contentione niterer eam si non mereri, saltem non penitus fallere & frustrari, non minùs tamen irritò & ridiculo conatu, quàm si Rana bovem intumescendo æquare contenderem, ni quantum in viribus meis æstimandis affectui licere permiseris, tantum in opere ipso judicando permittas.

Non usque adeo Suffenus sum aut meipsum palpo, ut magni aliquid me præstitisse putem. Materiæ maximam partem aliunde mutuata agnosco. Quæ tamen desiderari animadverti ipse supplevi, quæ redundare amputavi, errata correxi, obscura, qua potui illustravi, brevitatem ubique secutus sum, quatenus tamen cum perspicuitate consisteret, nè suspensum & incertum Lectorem dimitterem, nève Specierum non necessariæ multiplicationi an-  
sam præberem. Methodus denique & dispositio in plurimis nostra est ac nova.



---

---

Hæc si Tibi tuique similibus candidis & ingenuis probari intellexero, aliorum vel minùs idoneorum vel minùs æquorum Historiæ nostræ censorum nec asteriscos capto, nec obeliscos metuo, verùm vestro iudicio fretus, quicquid illi fenserint securus, alacri & erecto animo ad reliqua pertexenda, & coronidem tandem Operi imponendam progrediar.

---

PRÆFATIO.

---

# PRÆFATIO.



Auca quædam, Amice Lector, quæ vel tu fortasse scire desideras, vel nostrâ interest ut scias, huic operi præfanda habeo, nimirum Primò, quæ me rationes ad id aggrediendum impulerint: deinde quam Methodum secutus sim; tandem quid in eo præstiterim, aut saltem me præstitisse putem.

Quod ad primum attinet, scias me suasu & hortatu D. Francisci Willughby b. m. Amici nostri æternum honorandi plantas maximè vulgares describere, materiàmque, & supellectilem Historiæ Plantarum condendæ & instruendæ parare cœpisse. Verùm illo fati functo cum mecum reputarem Medicinam meam non esse professionem, opus etiam illud plus operæ & temporis exigere, quàm ego ei impendere possem aut deberem, remissiùs agere cœpi, & paullatim omnem ejus curam & cogitationem abjicere; præsertim cum intelligerem Robertum Morisonum Aberdonensem, Scotum, Virum magni nominis & famæ ob scientiam Botanicam, inque ejus studio & plantarum cultura diu versatum ejusmodi Historiæ conscribendæ insudare. Audito tamen postea opus illud, uno Volumine edito, interruptum ob Autorem ære alieno implicitum, unde eum brevi se expedire & institutum persequi exigua spes esset; nec ita multo post certior factus ipsum D. Morisonum infelici casu rebus humanis exemptum, instinctu & hortatu Nobilissimi Viri D. Caroli Hatton aliorumque Amicorum, quorum ego de facultate mea opinionibus nimis credulus, Historiam denuo in manus sumere, eamque quanta potui industria & festinatione prosequi & perficere decrevi. Rationes autem quibus præcipuè permotus amicorum precibus cessi & consiliis obtemperavi fuere sequentes.

Primò Divinæ gloriæ illustratio: Cum enim inexplicabilis stirpium varietas, eximia pulchritudo, mirus ordo, immensa utilitas infinitæ supremi Opificis potentia, sapientia, bonitatis luculentissima indicia & argumenta sint, qui materiam hanc pro dignitate tractabit, Attributa illa omnibus una agnoscenda, suspicienda, veneranda proponet.

Deinde, quòd tale opus desiderari animadverterem: Cum enim multi jam effluxerint anni ex quo Jo. Bauhini Historia Plantarum & Jo. Parkinsoni Theatrum Botanicum evulgata sint, plurimæque interea temporis novæ plantæ observatæ & descriptæ fuerint à Clarissimis Viris Gulielmo Pisone, Georgio Marggravio, Jacobo Bontio, Reccho, Hernandez, Paulo Boccone, Jacobo Zانونi, Roberto Morisono, Jacobo Breynio, Horti Malabarici auctoribus, Christiano Mentzelio, Muntingio, aliisque, tempestivum videbatur olim descriptis recens inventis additis & in sua genera distributis, unam ex omnibus Historiam componere, tum ut tenuioribus earum cognoscendarum avidis, quorum facultates tot libris coemendis non sufficiunt consuleretur, tum ut rudioribus facilior aditus ad eas intelligendas & addiscendas pateret.

Tandem cum nemo hætenus ex nostra natione Historiam stirpium Latino sermone conscriptam publicavit, nè putarent exteri neminem id potuisse aut posse.

Ego autem tum instinctu proprio, tum amicorum monitu festinandum censui, partim ob ætatem ingravescentem, nè mors cessantem occuparet, & vitæ filum prius intercideret quàm Historiæ telam pertexuissem; partim ut è diverticulo in viam studiorum redirem, & stationem pristinam, quam in aliena castra transfuga ad tempus deserueram, quamprimum repeterem, & res meas agerem.



## P R Æ F A T I O.

Sequitur proximo in loco ut de Methodo quam secutus sum compendio dicam.

Methodum Memoriae matrem esse apud omnes in confesso est, Memoriam autem Musarum fabulantur Veteres. Quocirca nè Historiam Musis & Apolline nullo composuisse videar, de ea adornanda maximè sollicitus, id præcipue operam dedi, ut & summa Genera rectè constituentur, & tanquam in acie bene ordinata Species omnes tum subalternae tum infimæ suis locis disponantur, quo & universæ facilius comprehendendi, & singulae clariùs intelligi queant, & indaganti promptiùs occurrant, & memoriae firmiùs inhereant.

Aliis autem Methodis rejectis ob rationes \* alibi expositas, eam quæ à convenientia stirpium in partibus præcipuis, flore putà & ejus calyce, semine ejusque conceptaculo, notas genericas sumit amplector & usurpo: quæ & maximè naturalis & philosophica est, & ad Botanicen compendiò addiscendam longè commodissima. Hujus enim interventu & auxilio studiosus quisque quamvis subsidiis alienis destitutus, & proprio Marte rem aggressus, Plantarum cognitionem haud difficulter assequetur. Oblatâ enim quacunque stirpe è non vulgo cognitis, cum summorum Generum notis (quas expedit ut in numerato habeat) eam conferendo, ad quodnam pertineat mox deprehendet: deinde Tabula ductum sequendo velut Ariadnao filo per Genera subalterna pari facilitate descendet ad Species usque infimas, cum quarum descriptionibus collatâ plantâ vel descriptam agnoscet, vel novam & inobservatam concludet.

Verùm quod alias dixi illud hic repeto & inculco, non sperandam à me Methodum undequaque perfectam & omnibus suis numeris absolutam, quæ & plantas in Genera ità distribuat ut universæ Species comprehendantur, nullâ adhuc anomalâ & sui generis reliquâ, & unumquodque genus notis suis propriis & characteristicis ità circumscribat, ut nullæ inveniantur Species incerti, ut ita dicam, laris, & ad plura genera revocabilis. Nec enim id patitur natura rei. Nam, cum Natura (ut dici solet) non faciat saltus, neque ab extremo ad extremum transeat nisi per medium, inter superiores & inferiores, rerum ordines nonnullas mediæ & ambiguae conditionis producere solet, quæ de utroque participant, & utrosque velut connectant, ut ad utrum pertineant omnino incertum sit. Præterea eadem alma Parens in Methodi cujuscunque angustias coerceri repugnat, sed ad libertatem & αὐτονομίαν suam nullis legibus obnoxiam ostendendam in unoquoque rerum ordine nonnullas Species creare solet, tanquam exceptiones à regulis generalibus, singulares & anomalas.

Notandum autem, non semper & in omnibus plantis notas Generum indices certas minimèque fallaces è forma seminis externa ejusve involucris aut conceptaculi summi (ut nonnullos velle audio) ità ut quibus hæ partes similes & conformes sunt eæ genere convenient, quibus dissimiles differant: siquidem in genere Cumini datur aliqua Species semine hispido & villoso, quæ reliquarum partium figura earundemque & ipsius seminis odore, colore, sapore cum vulgari Cumino semine striato lævi convenit. Pastinacæ latifoliæ sativæ semina lata & compressa, seu foliacea sunt; Sisari & Sii dicti angusta & striata. Quis tamen plantas ipsas ob convenientiam in foliis odore & sapore, (quæ tanta inter Sisarum & Pastinacam intercedit ut vix ovum ovo similius sit) non potiùs ad idem genus referendas statueret, quàm ob solam seminum difformitatem separandas, & procul à se invicem removendas. Fumariam filiquosam à γυμνοστέριον ego equidem invitè separo. Spergulam quæ semine est foliaceo ab eo cui semen rotundum nemo utique sejungit: Nec probo Papaver corniculatum à capitato divelli, quantumvis seminibus & vasculorum figuris discrepent.

Supereſt ut quid in hac Historia præstiterim, aut me saltem præstitisse putem brevibus exponam.

## P R Æ F A T I O.

Primo in loco Plantas omnes hætenus editas, & per multa volumina sparsas, in Genera & Species veluti tot membra distributas in unum quasi corpus redegi. Quod ut efficerem, non omnes quotquot extant Stirpium Historias, Theatra, Pandectas, Adversaria, Observationes, Illustrationes, Commentarios evolvere & examinare necessarium duxi, nè actum agerem, cum Viri longè eruditissimi maximèque industrii J. Bauhinus & Casp. Bauhinus fratres immenso labore diligenter perlectis & studiosè inter se collatis Botanicorum scriptis ante se editis, species jam tum cognitæ, paucissimis omissis excerptas & methodicè digestas, hic in Theatri Botanici pinace, ille in Historia Plantarum generali exhibuerunt. Stirpes noviter inventas, & post Bauhinum utrunque denatum editas à Clariss. Viris Prospero Alpino, Joanne Vellingio, Jacobo Cornuto, Joan. Parkinsono, aliisque superius memoratis ipse collegi & ad sua genera retuli: non paucas denique à meipso observatas tam in Anglia, quàm in transmarinis regionibus adjeci.

Longissimè tamen abest ut me perfectam Plantarum omnium Historiam composuisse, aut alium quemvis componere posse existimem, cum nè dimidiam quidem partem plantarum toto terrarum orbe nascentium Europæis hætenus cognitam aut observatam esse certissimum sit. Primum etenim vastissima terrarum spatia diverso mundi cardini subiecta nondum detecta, at nè fando quidem audita latere plusquam verisimile est: Quin earum regionum quarum aliqualem notitiam habemus pars longè maxima Botanicis inaccessa, nondum certè lustrata est. Tandem in iis etiam quæ omnium diligentissimè perscrutatae sunt non paucae Botanicorum industriam eluserunt & etiamnum inobservatae latitant: ut hujusmodi Historiam vixdum inchoatam, non ante absolvendam putem.

Exitio terras quam dabit una dies.

Præterea non sum nescius alias adhuc præter hoc opere comprehensas species, novas & nondum descriptas, in hortis Medicis quæ Academicarum publicis, quæ Magnatum & curiosorum privatis ali, à cultoribus suo tempore publicandas: ego autem editarum præcipuè historiam præ me fero; ex quibus etiam nonnullas per incuriam, oscitantiam, oblivionem aut festinationem omissas esse mihi metipso conscius sum, plures fortasse Lectores observabunt. Quid enim aliud sperari potest ab uno, & homine, qui ne Ananuensem quidem habuerim, verum propriâ manu omnia exarare coactus sum.

Constitutis speciebus proxima cura fuit singularum descriptiones plenas & accuratas tradere: cum autem animadverterem Clarissimos Viros utrosque Bauhinos, Fabium Columnam & Car. Clusium in plantis describendis præ aliis diligentes & curiosos esse, eorum præcipue descriptiones mutuatus sum (quarum tamen non paucas emendavi & supplevi) autorum nominibus præfixis, nè pro meis eas venditare videar. Alias multas nimis succinctè & obscurè traditas, quales sunt pleraque familiarissimæ & passim nascentes, plenius & acuratiùs describere adnixus sum. Novæ & post Bauhinum evulgatae ab autoribus suis, quos plerunque singulares habent, satis accuratè describuntur, ut de iis minùs laborandum esset; singulae duntaxat suis sedibus disponendæ.

Obscuris & ambiguis lucem aliquam fœnerari conatus sum, multis nihilominus admis-  
sis speciebus incertis & suspectis, nec enim quas pro talibus habeo omnes rejicere & eliminare ausus sum, nè Charybdin evitare cupiens in Scyllam inciderem, & superflua amputandi studio vivo aliquo membro Historiam mutilarem.

Cum autem plantarum numerum in natura adeò ingentem noverim, ut haud facile à quoquam memoriâ comprehendi & retineri omnes possint, summopere cavendum duxi nè ipse novas cuderem, unam & eandem speciem in plures distrahendo, quod in tanta multitudine specierum, brevitatèque & obscuritate descriptionum quæ ejusdem plantæ in diversis libris occurrunt evitari vix potest; qua in parte à summis etiam viris sæpius erratum novi.

Errores



## PRÆFATIO.

Errores & ~~neglecta~~ quæ in Botanicorum scriptis adnotari obiter correxi, non ut cujusquam famam minuam aut existimationem ledam, sed solo veritatis illustrandæ studio, quo nihil antiquius nobis esse debet. Aliis autem siquid humanitus acciderit facile ignosco, cum ipse sæpius, quamcunque curam adhibeo, titubem aut dormitem, æquum autem sit, Erratis veniam poscentem reddere rursus.

Quod ad synonyma attinet, quatuor præcipuè Auctorum Joannis Bauhini, Caspari Bauhini, Gerardi, & Parkinsoni nomenclaturas & titulos exhibui, nec plures necessarias putavi, cum reliquæ jamdudum à C. Bauhino in pinace & J. Bauhino in Historia traditæ sunt. Novæ & post Bauhinum editæ singulos plerunque ut Autores, ita titulos habent.

De stylo & orationis nitore parum sollicitus, magis laboravi ut sententia clara esset quàm ut sermo ornatus. Perspicuitati etiam brevitem quoad potui conciliare studui

— Ut citò dicta

Percipiant animi dociles teneantque fideles.

Vires & Usus à Botanicis quæ Veteribus quæ Recentioribus fusè traditas in compendium contraxi, Observationes etiam plurimas ab Amicis communicatas adjeci.

Icones nullas adhibui, non quod minùs necessarias aut inutiles ducerem, sed partim nè operis editionem morarer, partim ob sumptus immodicos: Lignæ enim ad gustum seculi non sunt, æneis autem exsculpendis vix census Senatorius sufficeret. Quòd si Historia eas mereri videbitur, non minùs commodè ei jam editæ addi quàm unà edi possunt.

Restat tantum ut fatear per quos profecerim, eorùmque nomina qui Historiæ huic aliquid contulerunt vel in ea edenda mihi adjumento fuere grata commemoratione recenseam. Ii fuere D. Gulielmus Bowle M. D. defunctus, D. Petrus Dent, Medicus & Pharmacopœus Cantabrigiæ D. Radulphus Johnson, D. Martinus Lister M. D. D. Gualterus Needham M. D. D. Jacobus Newton, D. Josua Palmer M. D. D. Philippus Skippon Eques auratus, D. Barnhamus Soame, Tho. Willisellus defunctus. Horum mentio frequens in hoc opere occurrit, eorùmque nomina symbolis suis adscripta Lector reperiet. Quatuor autem præ aliis celebrandi veniunt qui Historiam nostram plurimis observationibus locupletarunt, vel aliter ei perficiendæ non inutilem nobis operam navarunt. Nimirum

D. Edvardus Hullius M. D. vetus Amicus noster, de Republicâ Literariâ optimè meritus, sua laude & multorum commodo Londini Medicinam exercens, cui ob promptum Operis hujus promovendi & perficiendi studium tot Observationibus medicis ultro collatis testatum, maximæ à me & Lectoribus meis, siquos habiturus sum, debentur gratiæ.

D. Tancredus Robinsonus M. D. quem ob præclaram eruditionem, suavissimos mores, & propensum in me animum merito suo plurimum diligo, qui & opus ipsum variis Observationibus ditavit; inque ejus editione accurandâ exornandâque non minus diligens & industrius fuit, quàm si ipsemet ejusdem Auctor fuisset.

D. Hans Sloane, M. D. Botanices apprimè gnarus, qui & multas rariores plantas à se collectas, & curiosè observatas quas mihi non antea videre contigerat, suâsque de iis Observationes benevole communicavit, & plurima etiam rariorum semina impertivit, quo stirpes inde enatas observare & describere possem.

D. Samuel Dale, Medicus & Pharmacopœus vicinus & familiaris noster, Brantriæ in Essexia degens, qui libris diligenter collatis Synonyma examinavit, errata correxit, & omissa supplevit, præterea siquas species per incuriam aut festinationem omissas observavit, me commonefecit, ut ejus ope Historia nostra aliquot mendis repurgata, & speciebus aucta sit.

Det Deus Opt. Max. ut quem mihi scopum destinaveram petam, eâque absoluto opere consequar quibus me ad illud inchoandum initio permotum dixi, nempe ut ipsius gloriam illustriorem reddam, & proximi commodis, Botanicorum præcipuè studiis promovendis inserviam.

Explicatio



*Explicatio nominum abbreviatorum & recensio operum ab eisdem  
Autoribus editorum.*

**A** D. & Ad. Lob. Adversariorum opus, à Petro Pena & Matthia de Lobel editum, primò Londini Anno 1570. additis circiter 284. figuris. Postmodum Anno 1576. Antverpiæ: novus titulus præfixus, epistolâ ad Reginam omiſſâ: cui operi Lobelius Observationes suas cum novis figuris junxit. Tandem Anno 1605. iterum Londini edidit Lobelius Adversaria, unâ cum parte secunda & Pharmacopœa Rondeletii.

**Amat.** Amatus Lusitanus, qui in libros quinque Dioscoridis enarrationes edidit, additis diversarum linguarum nominibus. Argentinæ 1554. in 4.

**Apul.** Apuleius Platonius, non antiquus ille Madaurensis, sed alius recentior, quem Johnsonus in Præfatione ad Gerardum à se emaculatum sexcentis retro annis aut circiter vixisse conjectatur, & opusculum suum de plantarum virtutibus primùm Græcè scripsisse. Idem observavit in duobus libris manuscriptis à se visis Autorem hunc Platonem Apoliensem nominatum. Constantinopolin autem urbem *Apokey* dictam fuisse auctor est Ferrarius.

**Alp.** Prosper Alpinus sextus Horti Patavini præfectus de Balsamo Dialogum, additâ ejus figurâ, scripsit. Venetiis 1594. 4. Ejusdem de Plantis Ægypti liber cum figuris 46. & cum medicina Ægyptiorum Venetiis 1592. 4. Liber de Plantis Ægypti & Dialogus de Balsamo unâ cum Observationibus Jo. Vesslingii secunda vice impressus est Patavii 1640. in 4.

Ejusdem de Plantis Exoticis libri duo cum figuris æneis à filio post ejus mortem editi sunt Venetiis 1627.

**Ang.** Aloysius Anguillara Horti Patavini tertius in ordine Præfectus de plantis suam sententiam diversis communicavit: Opusculum in partes 14. divisum operâ Joan. Marinelli Italicè prodiit; additis duabus figuris Chamæleontis & Sedi arboreſcentis. Venetiis 1561. 8.

**Bell.** Honorius Bellus Vicentinus, medicus Cydoniensis in Creta insula. Extant Epistolæ ejus de Plantis ad Clusium conscriptæ, ejusque historiæ additæ.

**Bellon.** Petrus Bellonius, scripsit Observationum libros tres, qui à C. Clusio Latinitate donati, additis plantarum figuris 10. prodire Antverpiæ 1589. 8. Item tractatum de neglecta stirpium cultura quem idem Clusius vertit, & unâ cum Observationibus Exoticorum, libris adjecit. Item librum de arboribus coniferis, resiniferis & semper virentibus cum earundem iconibus 8. Parisiis 1553. 4.

**C. B.** Casparus Bauhinus in pinace. *C. B. Phyt.* Idem in Phytopinace. *C. B. prod.* Idem in Prodromo Theatri Botanici *C. B. Theatr.* Idem in primo volumine Theatri Botanici.

**C.** Bauhinus medicus & Professor Basileensis in Phytopinace 2460. plantarum nomina cum aliquot Synonymiis exhibuit, & 164. descriptiones novarum plantarum, octoque figuras adposuit. Basileæ 1596. in 4.

Idem P. Andreæ Matthioli opera omnia in Germania priùs non cûsa emaculata dedit, additis 330. figuris, & 50. novis ab ipso primùm descriptis, cum Synonymiis. Francofurti 1598. in fol.

Idem Animadversiones in Historiam generalem Lugdunensem in quibus circiter 400. figuras in illo opere bis tervè positas & repetitas esse ostendit. Francofurti 1600. in 8.

Idem Jacobi Theodori Tabernamontani Historiam Germanicam correxit, maxima parte auxit: figuras novas plures addidit: nonnullas descripsit, & parti primæ synonymias adposuit. Francofurti 1613. in fol.

Ejusdem Prodromus Theatri Botanici, in quo circiter 600. plantæ ab ipso primùm descriptæ, additis 140. novis figuris, Francofurti 1620. in 4. editus est. *Continet hic liber multas species nobis suspectas, à plantis siccis descriptas.*

Ejusdem Catalogus Plantarum circa Basileam sponte nascentium, cum eorundem Synonymiis & locis natalibus. Basileæ 1622. in 8.

Tandem Anno 1623. prodiit Pinax Theatri Botanici, opus absolutissimum, 40. annorum, circiter 6000 plantarum nomina continens cum earundem Synonymiis & differentiis. *Liber isthic Sphælmatis & erroribus suis non caret: Species aliquæ bis tervè repetuntur sub diversis titulis, aliæ locis non suis disponuntur, ut Historiam generalem Ebrodunensem, Morisoni Prælud. Bot. & Historiam Oxoniensem, & nostram etiam legenti patebit.*

Multis post obitum C. Bauhini annis Joan. Caspar. Bauhinus ejus filius edidit primum Volumen Theatri Botanici sive Historiæ Plantarum, quod est pars duodecima totius Operis, Basileæ 1658. in fol.

**Boccon.** Paulus Boccone Siculus Panormitanus: Icones & descriptiones rariorum plantarum Sicilia, Melitæ, Galliæ, Italiæ Oxonii edidit Anno 1674. 4. Ejusdem Epistolæ Gallico sermone conscriptæ, & Amsterodami editæ, nonnulla de Lithophytis aliisque plantis submarinis continent.

**Bont.** Jacobus Bontius medicus Bataviæ novæ libros 6. Historiæ naturalis Indiæ orientalis conscripsit, quos morte præventus indigestos reliquit, postea Gulielmus Piso eos in ordinem redegit, illustravit, & edidit simul cum Historiâ naturali Indiæ occidentalis, Amstelodami 1658. cujus Historiæ Lib. IV. de Arboribus, Fructibus, Herbis Medicis atque alimentariis nascentibus in Brasiliâ & regionibus vicinis agit. VI. Mantissam Aromaticam continet. XII. Notas in Garciam ab Hort. XIV. & ultimus Historiam quarundam plantarum Indicarum.

**Anf. Boetius de Boet** edidit Historiam quorundam Florum, Herbarum, Frugum cum Iconibus æneis, Brugis 4.

**Breyn.** Jacobi Breynii Patritii Dantiscani, Borussi Exoticarum plantarum Centuria prima, Gedani 1678. cum æneis figuris elegantissimis in fol. edita.

Idem



## Explicatio nominum &

Idem Prodromum fasciculi rariorum plantarum edidit Gedani 1680. qui liber ad manus nostras nondum pervenit.

*Brunf.* Otho Brunfelsius. Primus Germanorum vivas plantarum icones edidit. Hujus Historia Latina tribus tomis prodit; primus Anno 1530. alter 1531. & tertius posthumus Anno 1536. Argentina cum figuris 238. at sedecim bis ponuntur: summam cum & fine figuris 288. describuntur. Idem & Germanicè scripsit in folio cum eisdem figuris, & in 4. parvis figuris additis Argentina 1539.

*Jo. Theod. de Bry.* Florilegii partes tres 1612. 1614, 1618. folio.

*Cæs.* Andreas Cæsalpinus Aretinus in Acad. Pisana Professor de plantis 16. libros scripsit, nullis figuris additis: prodire Florentiæ 1583. Eiusdem Appendix ad hos libros Romæ 1603. in 4.

*Cam. & Cam. hort.* Camerarius in hort. *Cam. ep.* Camerarius in Epitome Matthioli. Joachimus Camerarius Matthioli Historiam Germanicam per Hantschium primum versam & cum Matthioli figuris culam rursus emaculavit, novis iconibus 123. & notis auxit.

Idem Matthioli epitomen dedit cum figuris 1003. Francofurti 1586. 4.

Idem Hortum Medicum & Philosophicum scripsit, figuras 56. addidit. Francofurti 1588. 4.

*Cast.* Castor Durantes medicus Romanus Herbarium novum cum figuris plantarum quæ in tota Europa, India Orientali & Occidentali nascuntur Italicè edidit, viribus Latinis versibus expressis. Ordinem Alphabeticum observavit, & plantarum figuras 879. adposuit. Romæ 1585. in fol.

*Cat. Aldorf.* Catalogus Plantarum in agro Altdorffino locisque vicinis sponte nascentium à Ludovico Jungermannno primò editus, à Cæsp. Hofmanno recensitus, à Mauritio Hofmanno denuo recognitus & auctus, A. D. 1662. in 4.

*Clus. & Clus. hist.* Clusius in historia. *Clus. pan.* Clusius in Pannonicis. *Clus. exot.* Idem in Exoticorum libris. *Clus. cur. post.* Curæ posteriores.

Carolus Clusius Atrebas, Botanicus insignis Dodonæi historiam vernaculâ linguâ conscriptam Gallicam fecit, & corollarium de Aromatibus addidit, cum figuris quæ separatim in octavo prodire Anno 1560. in fol.

Idem Garciz ab Horto dialogos de Aromatibus & simplicibus, Lusitanicè conscriptos in Epitomen contraxit, Latinos fecit, Annotatiunculis & figuris plantarum 30. illustravit. Antverpiæ Anno 1574. in 8. cujus editio quinta auctior additis 36. figuris cum ejusdem exoticis 1605. in folio prodit.

Idem Nicolai Monardis lib. de Medicamentis Indiæ Occidentalis ex Hispanico transtulit, notis & figuris 9. illustravit. Anno 1574. in 8. cujus editio quarta cum Exoticis excusa est. Eiusdem Monardis liber tertius ab eadem Latinè redditus Antverpiæ 1583. in 8. cufus.

Idem Christophori Acoftæ historiam ex Hispanico Latinam fecit, in Epitomen contraxit. Scholius illustravit, & anno 1582. edidit. Terriò verò additis 6. figuris cum Exoticis An. 1605. in fol. prodit.

Idem de plantis per Hispaniam observatis libros duos scripsit, figuris 230. additis. Antverpiæ 1576. 8.

Postea ab Imperatore Maximiliano II. evocatus Austriam, Pannoniam & adjacentes provincias illustravit, & de simplicibus ibi observatis lib. 4. conscripsit, figuras 353. addidit. Antverpiæ 1583. 8.

Idem tam Hispanicâ, quàm Pannonicâ Historiâ simul junctâ, & aliis quibusdam additis, unam ex omnibus Historiam composuit, sex libris comprehensam, & sub titulo Historiæ plantarum rariorum evulgavit, additis figuris 1135. Antverpiæ 1601. in fol.

Idem Exoticorum libros decem scripsit, quorum sex priores variam materiam circa Animalia & Plantas cum iconibus Plantarum 194. continent. Item Garciz, Monardis & Acoftæ libros supradictos, item Nicolai Monardis lib. 3. De lapide Bezoar, de Scorzonera, De Ferro & Nive An. 1605. fol.

Eiusdem Curæ posteriores cum additam, post mortem editæ sunt, additis 27. figuris, Antverpiæ 1611. in fol.

*Col.* Fabius Columna Neapolitanus, è familia Columnarum Romana, doctissimus Vir & limati iudicii, ex Academia Lynceorum edidit Phytobasanon cum figuris 36. Neapoli 1592. Item De minus cognitis plantis partes duas, quarum prima cum figuris 161. Romæ Anno 1606. altera etiam cum figuris 44. ibidem 1616. cusa est.

Idem Annotationes & Additiones in Historiam Plantarum Mexicanarum Fr. Hernandez & aliorum scripsit, quæ cum dicta Historia editæ sunt Romæ 1651.

*Cord. & Cord. Hist.* Cordus in historia. Valerius Cordus scripsit Annotationes in Dioscoridem: item lib. 4. de Stirpium historia cum figuris 272. ex Trago, & aliquot novis à Gesnero additis: Item Sylvam observationum, quæ omnia, Gesnero curante, Argentina 1561. in folio edita. Eiusdem Dispensatorium sæpius recusum est.

*Corn. & Cornut.* Jacobus Cornutus Gallus, Medicus Parisiensis edidit historiam Plantarum Canadensium aliarumque, Parisiis 1635. 4.

*Diosc. & Dioscor.* Pedacius Dioscorides Anazarbeus. Vixit circa Plinii tempora, Botanicus & Medicus insignis, non tamen Allexandrinus ille Marco Antonio & Cleopatraz familiaris, scripsit De Materia Medica usu antiquissimo & experientiâ longâ comprobata libros 8. qui sæpius recusi sunt. Nonnulli C. Plinium Secundum multa ex hoc opere in Historiam suam transtulisse, nulla Auctoris mentione facta, opinantur. Quod quoniam candori Pliniano repugnat, ego potius cum Salmasio sentio utrumque tum Dioscoridem tum Plinium à Sextio Nigro ea mutuatum, nec Plinium Dioscoridis librum unquam legisse, aut vidisse.

*Dod.* Dodonæi Pemptades Latine in fol. *Dod. gal.* Eiusdem historia Gallica *Clus. Dod. Belg.* Eiusdem historia Belgica.

Rembertus Dodonæus Medicus Mechliniensis stirpium historiam Belgicè scripsit, quæ à Clusio Gallicè reddita cum quibusdam additamentis prodit Antverpiæ 1559. ut superius diximus.

Anno 1552. edidit frugum historiam in 8. Latine; & paulò post Florum & purgantium histor. in 8. Eadem simul junctâ in libros 30. divisa Antverpiæ Anno 1583. in fol. cum 1305. figuris. Hæc Historia denuò recusa Belgicè cum cujusdam annotationibus prolixis, additis adhuc 36. novis figuris



## Recensio operum.

ris, Anno 1608. & Latine similiter ab Autore emaculata, paucis mutatis, & figuris quæ in Belgica editione habentur cum descriptione additis, Anno 1616. prodiit.

*Dodart.* Description de quelques Plantes nouvelles. A Paris 1676. Librum hunc mihi nondum videre contigit.

*D. Johannes Evelynus,* Vir eruditissimus, Sylvam, seu tractatum de Arboribus, Londini edidit in fol. unâ cum aliis ad rem Botanicam spectantibus.

*Eyft.* Hortus Episcopi Eyfettenfis in Bavaria, à Basilio Beslero Pharmacopœo Norimbergenfi editus cum magnis figuris in æs incisus 1083. Norimbergæ 1613. In hoc opere exhibentur Synonyma tantum & descriptiones. In 4. partes secundum 4. anni tempestates dividitur: & singulæ partes iterum in tres subdividuntur secundum anni menses.

*Ephem. German.* Ephemerides medico-physicæ Germanicæ: five Miscellanea curiosa medico-physica S. R. Imperii Academiæ naturæ curiosorum per Germaniam.

*Acta Haf.* Acta Hafniensia Medica & Philosophica à Tho. Bartholino edita.

*Emanuelis Swertii* Florilegium Francofurti impressum fuit cum figuris & plantis novis, fol.

*Ferrar.* Joan. Baptista Ferrarius Senensis S. J. Scripsit Floram seu de Florum cultura libros 4. editos ultimo Amsterodami 1646. Continet hic liber figuras & descriptiones Plantarum aliquot novarum.

*Joannes Fragosus* Hispaniarum Regis medicus & Chirurgus aromatum, fructuum, & simplicium aliquot ex utraque India in Europam delatorum historiam Hispanicè scripsit. Israel Spachius medicus Argentinensis edidit Argentinæ 1610. 8.

*Fuch.* Fuchsius in Historia Latina in folio. Leonardus Fuchsius Germanus, Tubingensis, medicus, doctus & industrius Botanicus, Tragi æmulus edidit Historiam Latinam cum 516. figuris artificiosissimè ligno incisus, Basileæ 1542. in fol. Hunc præceptorem suum Jo. Bauhinus appellat.

*Flora D.Rea.* Londini fol.

*Gal.* Claudius Galenus, Pergamenus Medicorum omnium post Hippocratem facillè princeps.

*Ger.* Joan. Gerardi Historia plantarum Anglica cum figuris ipsius Tabernamontani, nonnullis etiam Lobelii, & insuper 16. novis additis. Londini 1597. in fol. Joannes Gerardus (referente Johnsono in Præfat. ad Gerardum emaculatum) natus est Nantvici in comitatu Cestrensi, unde Londinum venit, ubi Chirurgiæ operam dedit, in qua aded profecit, ut magisterium in ea facultate adeptus sit. Linguarum mediocrem aut nullam habuit peritiâ. Hujus operis potissima pars & quasi corpus sunt Pemptades Dodonæi, Anglicè redditæ à quodam Doctore *Priest*, quas Gerardus ferè integras transsumpsit. Hoc ut celaret mutavit Dodonæi methodum in Lobelianam, à Graminibus & Graminifoliis initium sumens. Huic versioni Dodonæi addidit insuper nonnullas plantas è Clusio, alias ex Adversariis Penæ & Lobel. ex suis circiter 14. non antea editas. Assumpsit verò icones Tabernamontani, quas sæpius imperitè confudit & transposuit.

*Ger. emac.* Gerardi Historia emaculata & aucta à doctissimo Viro Thoma Johnsono, cive & pharmacopœo Londinensi, quem ob insignem totius Medicinæ, sed præcipuè Rei Botanicæ peritiâ Academia Oxoniensis Doctoratûs gradu & titulo meritissimè auxit. Opus hoc bis Londini impressum est, primò 1633. iterum 1636.

*Gesn. Gesnerus.* *Gesn. hort.* Gesnerus in libro de hortis Germaniæ. *Gesn. col.* in libello de collectione stirpium. *Gesn. cat.* in Catalogo plantarum quadrilingui. Conradus Gesnerus Tigurinus, ingenio, eruditione, industria, fide, modestia nulli secundus, Historiam plantarum & vires ex Dioscoride, Ægineta, Theophrasto, Plinio & recentioribus Græcis juxta Elementorum ordinem edidit, Venetis 1541. 16.

Item, Catalogum plantarum quadrilinguem, Tiguri 1542. in 4.

Item, De Lunariis & noctu lucentibus cum figuris 5. & montis Fracti five Pilati Lucernatum descriptione ibid. 1552. 4.

Item, De Hortis Germaniæ librum cum Appendice & Corollario ad Cordi historiam, in quo fig. 5. cum Cordi operibus. Argentinæ 1561. in fol.

Item, De Lapidibus, fossilibus & gemmis cum marinarum plantarum 8. figuris, Tiguri 1565. 8.

Ejusdem Epistolæ medicinales per Casparum Wolfium editæ, addito de Aconito primo asseveratione cum 3. fig. Tiguri 1577. 4.

Item, De stirpium collectione per Wolfium edit. Tiguri 1587. 8.

Hunc Jo. Bauhinus Præceptorem suum sæpius appellat, & à candore ac modestia commendat.

*Melchior Guilandinus* Borussus, quartus in ordine Horti Patavini præfectus, emisit librum qui inscribitur Theon, five Apologia adversus Matthiolum. Patavii 1558. 4. Item Epistolas aliquot de stirpibus. Ibid. Item Commentarium in tria C. Plinii capita de Papyro, qui inscribitur Papyrus. Ejusdem conjectanea synonymica plantarum cum horti Patavini Catalogo sub annum 1591. Jo. Schenckii operâ edita. Francofurti 1600. 8.

*Hermol.* Hermolaus Barbarus Patriarcha Aquileiensis scripsit quinque libros Commentariorum in Dioscoridem, quos Corollarium vocat. Colon. 1530. in fol. Item in C. Plinii Historiam Naturalem castigationes. Basileæ 1534. 4.

*Hernandez.* Plantarum, Animalium, &c. Mexicanorum Historia, à Francisco Hernandez primùm compilata & à Nardo Antonio Reccho in Volumen digesta. Romæ 1651. in fol.

*Hort. Malab.* Hortus Malabaricus Indicus, continens Regni Malabarici omnis generis plantas rariores, Latinis, Malabaricis, Arabicis & Bramanum characteribus nominibusque expressas. Unâ cum Floribus, Fructibus & seminibus, naturali magnitudine delineatas, & in æs incisas; Addita insuper accurata earundem descriptione, Adornatus per Henricum Reed van Draakenstein aliòfque. Hujus operis quinque volumina, jam edita sunt; nec tamen ultra arbores & frutices progressum est.

*Hort. Leyd.* & *Hort. Lugd. Bat.* Horti Leydenfis Catalogus.

*Hort. Parif.* Horti Regii Parisiensis Catalogus Anno 1665. editus in folio.

*Hort.*



## Explicatio nominum &

- Hort. Blas.* Hortus Blasensis auctus, à R. Morifono editus Londini 1669. 8.  
Catalogos variorum hortorum collegit, & unà edidit S. Paulus. Hafniae 1653. 16.
- Hort. Farnesianus* cum figuris à Tobia Aldino, Romae fol.
- C. Hofman.* Caspari Hofmanni Libri duo De Medicamentis Officinalibus. Catalogum Altdor-  
fienfem Jungermanni recensuit. Altorfii 1615. 4.
- J. B.* Joannes Bauhinus, Caspari frater, Ducis Wirtemberg. Archiater, ingeniosus admodum  
& eruditus, summæ fidei, infinitæ lectionis, limati & maturi judicii, in omnibus Botanicorum, tam  
Antiquorum quàm Recentiorum scriptis versatissimus, omni humanioris & severioris literaturæ ge-  
nere instructissimus, uno verbo Herbariorum Coryphæus, præter opuscula quædam, v. g. Libellum  
de Plantis à Divis denominatis. Basileæ 1598. 8. Libellum de Absinthii generibus. Montisbeli-  
gardi 1593. 8. Et De plantis circa Balneum Bollenfæ nascentibus Catalogum, Pomorum figuris  
60. & Pyrorum 40. additis cum Historia de Balneo Bollenfæ. Montisbeligardi 1598. 4. Præter hæc  
inquam Historiam Plantarum Universalem inchoavit, inque eâ perficienda exornandâque diu  
multumque laboravit, verum morte præventus opus illud imperfectum reliquit: quod recensuit &  
auxit Dominicus Chabreus M. D. Genevensis, juris vero publici fecit Franciscus Lud. à Graffen-  
ried, Dominus Gertzenzee, &c. Opus omnium quæ hætenus lucem viderunt absolutissimum,  
complectens quicquid fere scitu & observatione dignum vel apud Veteres vel apud Neotericos oc-  
currit: unà cum synonymis, æquivocis, succedaneis, &c. Summo studio cavet hic Auctor, ne spe-  
cies præter necessitatem multiplicaret, & ex una plures faceret, veritati adeò addictus, ut hujus cau-  
sa non dubitet etiam *τὴν ὁμοῖαν ἀναγεῖν*. Multæ in hoc opere species desiderantur ex iis quas procul-  
dubio non omisisset Auctor si supervivisset & editioni præfuisset, quin potius alias plurimas addidisset,  
omniumque ordinem & dispositionem in melius mutasset.
- Imperat.* Ferrantes Imperatus Neapolitanus Pharmacopœus evulgavit Historiæ naturalis lib. 28.  
cum figuris lapidum, corallorum, spongiarum, &c. plantarum verò & fructuum 33. Neapoli 1599.  
in fol. & Venetiis 1672. ab Ant. Ferri aucti.
- Jo. Bod.* Joannes Bodaus à Stapel, medicus Amstelodamensis in Commentariis seu notis in The-  
ophrasti historiam, Amstelodami editis, unà cum Græco contextu 1644. in folio. Habentur in  
hoc opere tum vulgarium, tum rariorum plantarum icones permultæ.
- Jung.* Joachimi Jungii Isagoge Phytoscopica, &c. Hamburgi 1679. 4.
- Lac.* Andreas Lacuna. Extant ejus Commentaria in Dioscoridem cum figuris Hispanicâ lin-  
guâ conscripta. Salmanticæ 1552. in fol.
- Item Annotationes in Dioscoridem, in quibus Ruellii versio castigatur.
- Lob.* Lobelius in Observationibus aut Adversariis. *Lob. ico.* Idem in iconibus separatim editis.  
Lobelius præter Adversariorum opus de quo superius diximus, edidit Plantarum seu Stirpium Histo-  
riam, quam etiam Stirpium Observationes inscribit, additis figuris 1476. Antverpiæ 1576. in  
fol.
- Postea Historiam plantarum seu stirpium Belgicè edidit, in qua & Adversaria & Observationes  
complexus est, aliis insuper additis. Cum figuris 2116. quæ postea seorsim cusæ sunt Antverpiæ  
in forma longa.
- Designavit insuper aliud magnum opus, cui titulus Stirpium Illustrationes. Verum mors illud in-  
terrupit. Hujus fragmentum aliquod diu post ejus mortem Londini impressum est.
- Lobelium, quantum memini, Jo. Bauhinus alicubi vagum & inanem jactatorem appellat: quam  
censuram quamvis minus probe, observavi tamen Lobelium in plantis describendis parum curio-  
sum fuisse & memoriæ nimium filum sæpius errasse, in locis præsertim plantarum. Nam multas  
pro indigenis Angliæ habet, quas nemo præter ipsum in Angliæ sponte nascentes observavit, quâs-  
que in locis ab illo designatis frustra requisiveris: imò nec alibi fortè in rerum natura. Exemplo sit  
Lycopsis altera Anglica, & Nymphæa lutea, necnon alba minor.
- Lon.* Adamus Lonicerus: Is Herbarium Eucharii Rollin, sui in Officio Francofurti antecesso-  
ris Germanicè scriptum quarto auxit, quod postremò anno 1569. prodit: postmodum remoto  
Eucharii nomine suum præfixit, & cum figuris 833. circiter Anno 1582. dedit Francofurti.
- Lugd.* Historia generalis plantarum lib. 18. à Dalechampio inchoata, per Joan. Molinæum col-  
lecta & edita, qui nomen suum non adposuit. Lugduni Anno 1587. excusa est. In hac figuræ 2686.  
proponuntur; verum circiter 400. bis tæve repetuntur.
- D. Marcellus* Malpighius, Vir sagacissimus, & D. *Nebemiah Grew* ediderunt Anatomiam plan-  
tarum summo cum applausu. Utraque Londini impressa fol.
- Matth.* Petrus Andreas Matthioli. Hujus Commentaria Italica cum 957. magnis figuris, 1568.  
Venetiis edita: Ejusdem Italica cum parvis figuris 1563. De ejusdem editione Germanica Came-  
rariana, & Latina à C. Bauhino emaculata superius diximus, deque Epitome.
- Ejusdem Epistolæ cum Commentariis Francofurti editæ sunt cum Apologia in Amatam Lusita-  
num. Lobelio aliisque magnam incurrit reprehensionem.
- Magn.* Petrus Magnol Monspelienfis Medicinæ Doctör, Botanicus insignis edidit Catalogum  
Plantarum circa Monspelium nascentium, titulo Botanici Monspelienfis Lugduni 1676. 8. in quo  
& obscura multa illustravit, & novarum aliquot Plantarum icones & descriptiones dedit.
- Marggrav.* Georgius Marggravius de Liebstad, Misnicus Germanus scripsit Historiæ rerum na-  
turalium Brasiliæ libros octo: quorum tres priores agunt de Plantis. Amstelodami 1648. in fol.
- Mentzel.* Christianus Mentzelius Furstenwald. March. Philosophiæ & Medicinæ Doctör, Se-  
reniss. Electoris Brandeburgici Confiliarius & Archiater edidit Indicem Nominum Plantarum Uni-  
versalem multilinguem, cum Pugillo rariorum Plantarum & figuris aliquot in æs incis. Berolini  
1682. in fol.
- Morif. prælud.* Morifoni Præludia Botanica. *Morif. Hist.* Morifoni Historia plantarum Uni-  
versalis. Robertus Morifonus Aberdonensis Scotus M. D. Botanices Professor Oxoniensis, & Horti  
Medici Præfectus edidit Hortum Blasensem auctum, unà cum Plantarum inibi contentarum nemi-  
ni



## Recensio operum.

ni huc usque scriptarum brevi & succincta delineatione, Hallucinationibus quas vocat C. Bauhini in Pinace & Jo. Bauhini in Historia, aliisque nonnullis, Præludiorum Botanicorum titulo. Londini 1669. 8.

Item, Plantarum Umbelliferarum Distributionem novam, per Tabulas cognationis & affinitatis, Oxonii 1672. in fol.

Item, Historiæ Plantarum Universalis Oxoniensis Partem secundam Oxonii 1680. in folio.

Hic quandiu intra suos limites se continuit, & Catalogis Hortorum componendis, notis generum caracteristicis indagandis, Botanicorum in Dispositione specierum erroribus aut, ut loqui, amat hallucinationibus detegendis corrigendisque operam dedit, laudem sane meruit. Verum cum sibi nimis placeret suique plenus alios etiam se doctiores contemneret, majora viribus aggredi, & Plantarum Historiam Universalem conscribere ausus, nec famæ suæ consuluit, nec multorum expectationi fatisfecit.

*Munting.* Abrahamus Muntingius M. D. & in patria Academia Groningensi Botanices professor, edidit librum de vera herba Britannica cum Appendice de speciebus Aloes, Amsterodami 1681. 4. Historiam etiam plantarum Belgicæ edidit An. 1672. 4.

*P. B.* Phytologia Britannica Londini edita 1650. 8.

*P. Renealm.* Paulus Renealmus Blænsis specimen Historiæ plantarum cum figuris 43. typis æneis expressis edidit Lutetiæ 1611. 4.

*Park.* Parkinsonus in Theatro Botanico. *Park. parad.* Parkinsonus in Paradiso terrestri. Joannes Parkinsonus Londinensis, Pharmacopœus Regius Anno 1629. edidit Paradisum suam terrestrem Anglicè, in qua florum omnium historiam, quin & Arborum fructiferarum, olerum & fruticum elegantiorum quæ in hortis aluntur historiam latè persequitur.

Postea Anno 1640. emisit Theatrum suum Botanicum, itidem Anglicè, omnes in universum plantas exceptis Paradiso terrestri comprehensis complectens, in quo novâ Methodo usus, plantas secundum vires & facultates præcipuè in varias Classes distribuit. Continet hoc opus plures species quàm quævis alia quæ hæcenus extat Historia. In plerisque C. Bauhini vestigiis insistit: multas tamen species addit ex Alpini Exoticis, Cornuti Canadensium historia aliisque. Ex altera etiam parte per oblivionem aut festinationem multas omittit, aliquas etiam repetit.

*Plin.* Caius Plinius Secundus, Vixit temporibus Vespasiani. Vesuvii vaporibus sulphureis suffocatus, dum incendiû causâs rimaretur interiit, Anno Dom. 79. Plurima scripsit quæ injuriâ temporum interciderunt: Superfunt de Historia mundi lib. 37. in quibus multa habet de plantis earumque cultura & viribus, quorum tamen nullam partem è Dioscoride transcripsit, ut vulgarem opinionem secutus aliquando scripsi, cum clariss. Salmasius Dioscoridem Plinio vel æqualem vel potius posteriorem fuisse demonstrat in *Præfat. ad Homonyma Hyles latricæ*: nec conveniat candori Plinio quem erga omnes etiam sui sæculi scriptores & etiamnum viventes, quos expressè nominat, semper ostendit, tot ab alio aliquo suffuratum esse quot cum Dioscoride communia habet, nulla Auctoris mentione facta; quin potius verisimile est utrumque ubi eadem habent, à tertio quodam, præcipuè Sextio Nigro mutuatum esse. Plura in hanc rem vide apud Salmasium Præfationis citatæ pag. 25. & sequentibus.

*Pon.* Jo. Pona pharmacopœus Veronensis simplicium in monte Baldo nascentium Catalogum scripsit, & nonnullarum descriptiones cum figuris 16. addidit. Clusius suæ Historiæ rariorum adjunxit.

Idem auctiorem dedit, & nonnullarum stirpium ab Honorio Belli in Creta observatarum descriptiones cum figuris 38. addidit. Basileæ 1608. 4.

Idem auctus cum plurimis aliis exoticis ex nobiliss. Nicolai Contareni Senatoris Veneti horto instructissimo acceptis, fig. 91. additis à Filio Francisco Pona M. D. in linguam Italicam translatus, Venetiis, 1617. in 4. prodit.

*Petrus Laurembergius*, de plantis tuberosis, bulbosis, & de Horticulurâ scripsit. Francofurt. 4. cum fig. æneis.

*Leonard. Rauwolfius*, Med. Augustanus in peregrinatione suâ in Orientem plurimas plantas descripsit, & Icones adjecit. Lavingæ 1583. 4.

*Ruel.* Joan. Ruellius Dioscoridem Latine vertit: De natura stirpium libros tres scripsit. Basileæ 1537. in fol.

*Schwenck.* Casparus Schwenckfeldius scripsit Catalogum Stirpium & fossilium Silesiæ. Lipsiæ 1601. 4.

*Schrod.* Joannis Schroderi Pharmacopœia Medico-Chymica sæpius impressa.

*Sibbald. Prod.* Roberti Sibbaldi Prodrum Historiæ naturalis Scotiæ. Edinburgi 1684.

*Tab.* Jacobi Theodori Tabernamontani historia Germanica tribus partibus edita cum figuris 2087. Francofurti 1588. in fol.

Idem emaculatus, & auctus plantarum descriptionibus & figuris & medicamentis plurimis à C. Bauhino anno 1613. in fol.

Ejusdem icones cum nudo nomine Latino & Germanico Francofurti 1590. in longa forma prodire. Hunc ut ignarum in re herbaria taxat Jo. Bauhinus.

*Thal.* Joannis Thalii Medici Northusani Sylva Hærcynia five Catalogus plantarum in montibus & locis vicinis sponte nascentium cum plurimarum descriptionibus; cum Cametarii horto, 9. figuris additis, editus Francofurti 1588. 4.

*Theophr.* & *Theophr. Hist.* Theophrastus Eresius Aristotelis in Schola successor. Vixit circiter 322. annis ante Christum natum. Scripsit De Historia Plantarum libros 10, quorum novem, de causis Plantarum libros 8. quorum sex tantum ad manus nostras pervenerunt.



## Explicatio nominum, &c.

*Trag.* Hieronymus Tragus Medicus Germanus. Scripsit ille Historiam Plantarum, quæ sæpius Germanicè Argentinae in folio prodit: & per Davidem Kyberum Latine reddita, cum iconibus 567. licet ad 800. describantur, Argentina 1552. excusa est in 4. Editio Germanica à Melchiorre Sebizio & Nicolao Agerio emaculata est 1595. in fol.

*Tur.* Gulielmus Turnerus M.D. Anglus, vir solidæ eruditionis & iudicii Anno 1551. emisit plantarum historiam Anglicè, in qua figuras Fuchii plerumque adhibuit. Nomina expressit Latine, Græcè, Anglicè, Germanicè, Gallicè. Ordinem Alphabeti secutus est.

*Ulyssis.* Aldrovandi Dendrologia fol. Bonon.

*Joan. Fontsonii* Dendrologia cum figuris aeneis, Francofurt. fol.

*Zan. & Zanon.* Jacobus Zanonius, Italus, Bononiensis, Pharmacopœus, Horti Medici Bononiensis, qui est in Palatio Cardinalis, præfectus, rei Herbariæ peritissimus, scripsit Italicè Historiam Botanicam Plantarum rariorum à se observatarum & cultarum, partim in horto suo privato, partim in publico Bononiensi, quarum plurimæ nondum à quoquam ante se editæ aut descriptæ fuere. Bononia 1675. in fol. cum figuris aeneis elegantissimis.

*D. Wheeleri,* & Sponii Itinerarium in Græciam: & in aliis quamplurimis Itinerariis & navigationibus (præsertim ad Indiam Orientalem & Occidentalem) variis locis editæ plantæ passim describuntur, quæ omnia enumerare Lectori tadio esset.

## ERRATA.

Pag. lin. lege	Pag. lin. lege	Pag. lin. lege	Pag. lin. lege	Pag. lin. lege	Pag. lin. lege
4 28 efficitur.	180 18 Aronis.	468 47 strati.	650 70	777 10	53
14 16 alia.	186 19 utilitas.	471 2 Simeoni.	Caulis tenui ro-	voces singula &	Hoxoqtamoclit.
22 Rubia.	195 24 mavis.	475 34 exortu.	tundo, viridi, her-	bina <i>ranjponen-</i>	915 4 Valer.
23 22 in <i>ans</i> uteri &c.	208 8 commendat.	482 30 Fractu.	boso serpit, &	<i>de sant.</i>	61 scire desiderat.
33 pro Nunc Nam.	20 melle.	483 30 Mart.	fruticibus se im-	778 24	927 24
44 ori.	210 15 necne.	518 43 herbacea.	plicat. Folia he-	voces illæ Ma-	437 38
25 51 etiamnum.	214 50 Boutonetum.	520 25 lanuginosis capi-	dense scandentis	jore, foliis fami-	38 consuecis.
26 10 arborea.	229 30 extima.	535 12 quæ.	foliis figurâ simi-	nalibus <i>pertinent</i>	940 39 sint.
35 frontes.	230 30 <i>bitten.</i>	543 49 <i>inveterata.</i>	lia, in tria cornua	ad <i>lin. preced.</i>	937 34
30 33 ni.	244 37 emittit.	550 22 sunt flores.	diducta, & supe-	780 7	942 47
31 13 affluxum.	257 44 spinosis foliis.	551 68 duabus.	rius splendide vi-	23 alii.	944 15
34 4 laciâ.	258 25 <i>dele</i> obstitis.	554 69 autem sensim.	ridia, &c.	24 multi <i>item</i> odo-	94 57
35 57 ridetur.	259 23 Singulos.	567 30 formentur.	654 ult. ei tribuit.	rati.	948 49
37 6 liber libro.	261 13 lanuginosis.	580 22 unde undc.	666 ult. cauliculo.	33 seu.	950 49
8 pro libræ ligni.	269 5 maximo.	51 que.	669 37 <i>dele</i> in.	791 33 floribus.	951 50
44 37 lætiorem.	281 40 expellunt & c.	590 27 translatus.	671 ult. Est.	796 9 perfert.	955 22
53 Hertoda.	313 28 ætatem.	597 16 deleteria.	678 35 trium.	800 25 <i>dele</i> à congeneri-	956 17
65 recta.	389 32 fara.	603 ult. plantas.	679 4 diffinctæ.	bus.	958 13
47 18 similitudine.	404 27 <i>dele</i> à.	608 69 Carinthia-	684 Cap. XXVII. per er-	804 35 Latium.	959 23
56 <i>dele</i> à.	411 5 perficiuntur.	609 9 <i>μυγαλινος.</i>	rorem operarum	806 4 majora.	961 7
51 1 <i>caephyta.</i>	424 66 Morinum.	617 27 compescit fil.	in medium Ca-	37 acetariis.	569 33
98 14 <i>inter</i> utring; & demonstrantib; <i>infer</i> se.	426 36 cu.	623 42 radicia.	pitis XXVI. in-	36 continentes suc-	971 34
103 26 idem.	433 21 <i>æiso</i>	629 30 rotundi folio.	feritur.	cedunt.	41 magni.
109 6 duarum.	434 55 <i>dele</i> per.	631 9 florem.	685 4 albis.	834 70 pro & lege ad.	Errata multa leviora in
123 19 microscopiis.	436 7 luxuriat.	633 1 Hermaphrodi-	687 16 pediculus.	841 33 perfecti.	licetis a & e, a & n, a
127 51 3. m. p.	18 crassus, obliquæ.	tica.	689 29 sue.	877 38 Pijllii.	& o, e & c, e & i, ab O-
144 10 raris.	30 Tridentum.	38 colorum.	694 47 in lege &.	884 41 latus.	peris, eas in M.S. nostro
154 24 autem.	448 49 <i>dele</i> minora.	639 45 Lagenariam.	706 69 <i>dele</i> quantum.	888 27 nigra.	minus accuratè pictas non
156 45 ridicas.	459 1 Hippomarathri	641 43 succedunt.	709 70 flori.	890 10 filiquæ.	rectè distinguendis, in-
157 15 qui.	sphærocephali.	643 13 inunctio non.	734 17 profilium.	892 42 congesti.	vicem permutatis, admissa
159 28 macin.	464 1 pro Danubio l.	647 71 humidum.	737 17 trium.	898 48 purpureus.	Lectorem semel monuisse
16 59 Schorigenam.	Ratisbona.	649 17 minutim.	742 45 Speculi.	900 12 sylvestri.	sufficit: nam & ipse facile
169 35 ni.	467 9 tria.		748 70 obsoleti.	901 36 duas aut duas.	ea detegere & emendare
			768 42 His.	903 33 item 53 <i>Tine.</i>	potest.
			765 18 & 21. q. f.	911 22 filiquæ.	

**Terminor**

# Terminorum quorundam & vocum generaliorum Interpretatio & Explicatio brevis.

## A.

**A** Blaqueare arbores est terrâ circa truncum seu caudicem in ambitu effosâ radices superiores denudare & aeri exponere, ut magis fructificent; vel, Palladii verbis, *circa codicem dolabrâ diligenter terram aperire, & purgatis omnibus velut lacus efficere, ut Solis teporibus & imbris provocentur.*

**Acinus** non pro uvæ vinaceo apud idoneos auctores, sed pro uva ipsa seu fructu toto accipitur, qui ex succo, & parte quæ veluti caro est, & ex vinaceis, & ex ambiente cute seu folliculo constat. **Angl. A Grape, not a Grape-stone.** Columel. lib. 11. cap. 2. *Cum expresseris vinacea, quæ acinis celantur, eaque jam infuscata, & propemodum nigra fuerint, &c.*

Extenditur & hoc nomen latius ad fructus minores arborum fruticumve spissius crescentes & coactius, ut *Hedera*, &c. & sic à bacca distinguitur, quæ rarius crescit, ut in *Olea*, *Lau-ro*, &c. **Fun.**

Medici recentiores pro gigarto seu vinaceo accipiunt, cum dicunt *uva exacinate*.

**Acus, eris**, purgamentum frumenti, palea. **The Chaff.** Porro *Acus* Plinio dicitur cum per se spica pinxitur; *Palea* verò ubi cum stipula teritur in area.

**Adonidis horti** vocantur *αἰθῶνες* & *μὴ ἰππὶς ὠδῶν*, quales sunt qui testis & fictilibus è fenestris ad Solem exponi solent.

**Ala** caulis est angulus quem cum caule vel ramo vel folium, vel pediculus folii constituit, qui semper ferè acutus est, vel rectus saltem, quia pediculi sursum nituntur. **Fun.** Non rarò etiam accipitur pro ramulo, ut cum dicimus *caule multis alis brachiato*, vel in *multas alas diviso*, quia rami veluti totidem alæ cauli adnascuntur.

**Alabastra** sunt folia illa viridia, herbacea quæ flores sepiunt. **Juvius** exponit *alabastrum* Rosæ globum nondum explicatum torum, sed coniventem.

**Alburnum** Plinio dicitur exterior ligni pars mollior & teredini obnoxia, à colore albo.

**Alica** vel *Halica* interdum accipitur pro certo frumenti genere: Vide Plinium lib. 18. cap. 7. & Cellsum lib. 3. c. 6. sed frequentius pro refectitia, quæ fiebat ex Zea quæ semen appellatur, cui admiscebatur creta, quæ transibat in corpus, colorémque ac teneritatem adferebat. Hæc propria & genuina Alica res Romana à Plinio dicitur, apud quem lib. 18. cap. 11. modum conficiendi vide. Differt autem Alica latè sumpta à Græcorum Chondro, ut genus à specie; siquidem Chondrus non creta sed gypso & arena repurgaretur, quemadmodum altera Zeæ species memorata Plinio, adulterina cognominata, ex Zea in Africa degenerante confecta.

**Amylum** dicebatur quòd *ῥεῖς ὕλη* sine mola pararetur: cujus conficiendi modum vide apud C. Bauhinum in *Theatr.* lib. 1. Macerabatur scilicet sæpius quotidie Triticum aut Siligo a-

quâ affusâ & effusâ, donec ita mollesceret ut cremor exprimi posset, qui deinde in Sole siccabatur, & hunc Amylum vocabant. Humifmodi Amylum ex avena paratum apud Wallos in cibis æstimatur, & *LLummary* dicitur.

**Anthera** Offic. sunt summitates seu cacuminula in florum medio staminibus incumbencia, q. *ανθος ῥόδι*, i. e. flos rosæ. **The Chives.**

**Apices** idem significant quod *Anthera*.

**Arbor** [*ἄρδευ*] est planta lignosa, crassitudine & altitudine inter omnes maxima, cui caudex pro superficie est perennis & naturâ simplex, qui in multos ramos majores, quos *ἀρδευοὶ* & *ῥοδοὶ* Græci vocant, & deinde in ramusculos complures, quos iidem *ῥοδοὶ*, Latini surculos appellant, dividitur. **Anglicè a Tree.**

**Arilli** Offic. Vinacea, gigarta, q. aridula, quòd sicci sint, & nullum succum præbeant.

**Arista** Acus exilis ac longa è gluma extans. **The Beard of Wheat.**

**Asparagus** dicitur primum germen herbarum quod edendo est vel oleris cujusque turio antequam in folia explicetur, à *ἄσπερον*. **The tender sprout or shoot of any herb from the ground.** Hinc per Antonomastian dicitur herba quædam quæ grandes profert & edules asparagos.

## B.

**Baccæ** dicuntur qui sparsim arboribus fruticibusque adnascuntur fructus parvo-rotundi, **Berries** **Anglicè**, & sic ab Acinis distinguuntur, qui sunt racematim dependentes baccæ. Nos in hoc opere restrictiore acceptione voce *Baccæ* utimur pro fructu minore pericarpio seu pulpa carneve molli & humida semina includente, & membrana tenuiore tecto.

**Balaustium**, sylvestris mali Puniceæ flos. **The flower of the wild Pomegranate-tree.**

**Bulbus** est radix subrotunda vel pluribus tunicis in orbem se amplexantibus, vel pluribus squamis imbricatim ferè dispositis coagmentata, fibras plurimas ex ima sede seu basi emittens. Interdum latius accipitur pro radice quavis uno tubere constante etiam solidâ & substantiâ continuâ, nec divisâ in squamas aut tunicarum involucria, fibras ex ima sede aut basi emittente. Sic Croci & Colchici radices bulbosæ censentur.

## C.

**Calyx**, folliculus seu involucrium floris priusquam dehiscat, præcipuè Rosæ: interdum flos ipse rosæ connivens & nondum expansus. At nunc frequentissimè accipitur pro folliculo, quo flos primum deinde semen herbarum & fructus arborum cooperitur. **The Cup enclosing, or containing the flower.**

**Capillamenta** sunt filamenta illa tenuia, in florum medietate surgentia, apicibus plerunque donata. **Threads.**



## Terminorum quorundam &

*Capitulum* est quod constat ex pluribus floribus & staminibus arcte in globosam aut circula-  
rom sive disci figuram congestis, ut in Cyano,  
Scabiosa, Jacea, Carduis, &c.

*Capitata plantæ* nobis in hoc opere dicuntur,  
quarum flores ex flosculis, etiam marginali-  
bus, fistulosis componuntur, quoniam calyx  
eorum squamosus in ventrem plerunque ex-  
tumescebat grandiusculum & subrotundum: cu-  
jusmodi sunt *Jacea, Carduus, Centaurium*, &c.

*Capreolus*, est pars quædam auxiliaris, filamen-  
ti aut funiculi æmulus, cincinni in modum  
contortus, quæ planta quævis vicinis stirpibus  
aliisve stipitibus se implicans, in altum enitit-  
tur. Angl. *A clasper or tendrel*. Hujus-  
modi cernuntur in Vite & Leguminibus.

*Caro* in Phytologia substantiam illam molliorem  
fructuum succulentorum notat, quam alias  
pulpam vocamus, ut pulpa seu caro Cassiæ,  
caro Prunorum, &c. *Schrod.*

*Catulus* apud recentiores Botanicos idem sonat  
quod Julus aut nucamentum, ut catuli Salicis  
aut Juglandis, id est Juli. *A palm or Cat-  
kin.*

*Caulis* est quod supra terram simplex assurgit,  
unde folia frondisque seu ramusculi emicant:  
vel, definiente Jungio, est pars herbæ superna,  
ita in altitudinem exposita, ut anteriora à  
posterioribus, vel dextra à sinistris non diffe-  
rant. In arboribus & fruticibus *caudex*, in  
frumentis *culmus* appellatur. *The stalk of  
any Herb; The stem or trunk, or body  
of a Tree.*

*Cicinus & ciccum*, membrana tenuis acinos in Ma-  
lo Punico discriminans. Hinc proverbialis lo-  
cutio *Ciccum non interduim*, id est, Non curo,  
perinde mihi est.

*Clavicula* idem quod Capreolus. *A clasper or  
tendrel.*

*Comæ* sunt plantarum summitates vel arborum  
frondes.

*Comus* in Phytologia dicitur fructus ex compa-  
ctili lignosarum squamarum strue compositus,  
coni figuram æmulans, hoc est, à lata & cir-  
culari basi in mucronem definens, qualis est  
*Pini, Abietis*, &c. Anglicè, *A Cone or clog.*

*Cor* sive corculum feminis est portiuncula femi-  
nis unde tum radix, tum germen enascitur.

*Cortex*, exterior arboris quasi crusta, *The bark  
of a Tree or other plant*. Interior tunica  
ipsi ligno adhaerens *Liber* dicitur. *Cortex* au-  
tem à *corium* & *tengo*, quia quasi corium tegit,  
ut *Ildorus* ἐπιμορφίζω.

*Corymbus* in genere significat quodvis summum.  
Nam prima notio τὸ κορυμνέον est in capite Ve-  
terum Atticorum tutulus seu meta suggestus  
capillorum, autore Scaligero. Verum apud  
plantarum scriptores Corymbi propriè Hede-  
ræ racemi appellantur. Plin. lib. 16. cap. 34.  
in descriptione Hederæ ponit, *Racemis in or-  
bem circumactis qui vocantur Corymbi.*

*Corymbi* nomen extendit Jungius ad significan-  
dam extremitatem caulis, ita subdivisam, &  
floribus aut fructibus onustam, ut spherica fi-  
gura inde oriatur, ut in *Sambuco aquatica, Cæpa,  
Porro*, &c. Alii Umbellæ synonymum faciunt.

*Corymbus* etiam alias sumitur apud recentiores  
Botanicos pro flore composito discoide, qui in  
pappos non resolvitur: qualis in *Chrysanthemo,  
Bellide, Chrysocome*, &c. cernitur: Nam hu-  
jusmodi flores in latum extensi umbellam seu  
corymbum quodammodo æmulantur.

*Croci* idem sunt quod apices. Est enim Crocus  
nihil aliud quam apex croci herbæ floris sta-  
mini incumbens.

*Culmus*, frumenti (aut etiam Graminis) cala-  
mus à radice ad spicam, *The blade of any  
Corn or Grass.*

*Cyma, c,* & *Cyma, atis*, q. *winua*, id est, partus  
novellus qui prima germinatione producitur,  
est ipsorum caulium delicatior teneriorque  
cauliculus, & dicitur præcipuè de Brassica:  
verum & in genere Cymæ sunt cauliculi te-  
neriores delicatiorisque scaporum, quos à pri-  
ma sectione præstant: imò Cymæ apud Bo-  
tanicos adhuc latius sumuntur pro summita-  
tibus quarumcunque herbarum.

*Cytinus*, flos mali Puniceæ sativæ: sed & hic quo-  
que Balaustium Officinis dicitur, quibus Cyt-  
ni appellatio incognita est.

### D.

*Dactylus*, Palmula, caryotis, Palmæ arboris fru-  
ctus, à digiti similitudine sic dictus. *A Date.*

*Digitatum* folium nobis cum Jungio dicitur, in  
quo plures lacinie seu plura simplicia folia  
quasi ad unum petioli punctum sive terminum  
aptata sunt, ut in *Pentaphyllo, Lupino, Camabe,  
Vitice, Trifolii, Fragaria*, &c.

*Discus* est media pars floris compositi ex com-  
pressis & confertis flosculis ita ut unam quasi  
apparentem superficiem constituent, ut in  
Caltha, Flore Solis, &c. à similitudine *disci*  
cujus figura plana erat ac rotunda, ut ex ve-  
teri statua apparet. Hinc Sol Græcis Discus  
appellatur. Erat autem Discus moles aliqua è  
plumbo aliòve metallo quam jacentes athle-  
tæ inter se decertabant.

### E.

*Echinus*, asperum & spinosum Castaneæ oper-  
culum, & in genere quicquid numerosa con-  
gerie aculeorum stipatur, sive tegmen, sive  
caput, sive cacumen fuerit, à similitudine E-  
chini animalis. *A Bur, or any prickly  
fruit.*

*Emplastratio, Budding or inoculating*, cujus  
descriptionem vide Lib. 1. cap. 19.

### F.

*Fibræ* sunt veluti stamina rebus nonnullis inter-  
textæ, v. g. *ligno, foliis*, &c. sic fibras ligneas  
vocamus corpora seu filamenta in longum ex-  
tensa, ex quibus maximam partem lignum  
componitur, vid. lib. 1. cap. 8. Item fibræ di-  
cuntur minutissimæ & extremæ radiculæ.

*Flos* est pars plantæ tenuior, colore vel figurâ,  
vel utroque insignis, fructui prævia, eique plu-  
rimùm coharens, & tenello tegendo foven-  
dòque inserviens, quæ postquam explicatur  
brevi aut decedit aut inarescit, Flos simplex  
& compositus seu aggregatus, uniformis &  
difformis, discoides, radiatus, &c. quis sit vide  
Lib. 1. cap. 11. pag. 18, 19.

*Folium*, definiente Jungio, est quod à sede cui  
adhæret ita in longitudinem & latitudinem  
extenditur, ut tertiæ dimensionis termini in-  
ter se differant, hoc est, superficies folii in-  
terna seu superior caulem respiciens ab exter-  
na seu inferiore.



## Vocum generalium Explicatio.

*Folii* differentias, quidque per folium digitatum, pennatum & triangulatum intelligimus vide lib. 1. cap. 9. p. 13.

*Folliculus*, est theca tenuis quæ granum, vel semen continet involutum. *A husk oꝝ cod.*

*Frit* Varroni quod in summa spica matura minus est quàm granum.

*Frontatum* petalum seu floris folium nobis dicitur quod in extremum latius & non raro rectâ linæ terminatum definit, ut in *Calendula* & similibus; cui opponitur *Cuspidatum*, in angulum desinens, quale in *Parmica Austriaca Clus.* & *Flore Solis* cernitur.

*Fructus* sunt grandiores illi ac succulenti plantarum foetus, seminum receptacula, ut *Poma, Pyra, Pruna*, &c. à fruendo, sed & latius extenditur nomen fructus ad omnem agrorum proventum. Jungio fructus dicitur pars plantæ annua, flori coherens & succedens, qui ubi maturuerit, id est, ad perfectionem suam pervenerit, sponte à planta abscedit, & terrâ aliâve commoda nutrice excepta, novæ plantæ fit initium. Angl. *The fruit.* Sunt ergo fructus, vel Pericarpia integra cum seminibus contentis, vel Semina sola in iis quibus pericarpium deest.

*Fruges*, quicquid de terræ proventu in alimoniam cedit. Errant ergo qui discriminant legumina à frugibus.

*Frumenta* five frumentacea Botanicis dicuntur quæcunque geniculato culmo & arundinaceis foliis constant, seménque pulvis aut panificio aptum in spicis aut jubis producant, ut *Triticum, Hordeum, Milium, Panicum*, &c. Frugum enim duo sunt summa genera, Frumentacea & Legumina. Cæterum & Ficum grana illa exigua Frumenta dicta sunt Plinio.

*Frutex*, definiente Bodæo à Stapel, est stirps inter lignosas altitudine ac crassitudine mediocris, cui pro superficie stipes perennis, natura multiplex, quique facile in naturam arborum stolonum abscissione transcendit. *A shrub.*

*Fundus* plantæ [ *πυλὸν* ] Jungio est limes communis in quo radix & pars superna coherant.

### G.

*Gemma* in Phytologia idem est quod Oculus. Anglicè *A Bud.* Id quod in arboribus tumescit cum parere incipiunt. Gemmæ plenior descriptionem vide lib. 1. cap. 8. p. 12.

*Geniculum* est nodus quidam herbarum in caule. *A joint oꝝ knot.*

*Glans* dicitur quod cortice constat crustoso unicum tantum semen continente, cujus pars posterior, quæ arbori adhæret, calyce proximè cooperitur, parte superiore nuda. *Spigel. Isag.* Rectius Glans dicitur ipse fructus calyce contentus.

*Gluma, utriculus*, folliculus grani seu involucrium seminum in frumentis, à glubendo, quod eo folliculo deglubitur granum. *The husk oꝝ chaff of Corn oꝝ Chaff.*

*Granum* propriè semen frugum dicitur, indè generalius quicquid minutum est, & similitudinem aliquam habet cum grano frumenti.

*Gummi* est succus plantæ concretus, qui in aqua facile dissolvitur, in igne non liquefit, nec flammam concipit, sed duntaxat crepitat; cujus generis sunt *Gummi Arabicum, Gummi Cerasi*, &c.

### H.

*Herba* (definiente Bodæo à Stapel ex Antiquorum sententia) est stirps cujus superficies est ex foliis tantum, vel etiam ex caule sed illo annuo, carnosio & qui diutius durare nequit, lignosusque non est nisi cum exaruerit. In praxi medica pro foliis solis, ut plurimum usurpatur.

### I.

*Internodium* est intervallum inter bina genicula, quale in culmis & arundinibus cernitur. *The space between two joints,*

*Faba* in Phytologia est arundinacea coma laxè effusa, qualis in Milio est.

*Fulus*, nucamentum, quod in Corylo, Juglande, &c. velut prælongus vermiculus dependet, & nihil aliud esse videtur quàm florum stamineorum series. *A Catkin, and in Willows a Palm.* Salicum Juli à Juglandis, &c. diversi sunt; nam in fertilibus plantis numerosis vasculis feminalibus constant.

*Infusio* latissimo sensu est ejusmodi applicatio surculi seu gemmæ ad truncum ramumve, vel suum vel alienum, ut tandem uniantur & coalescant: & multas species seu modos sub se complectitur. Angl. *Grafting.*

### L.

*Lachryma* est humor è plantis, tum sponte effluens (five is concretus v. g. in oleum, refinam, gummi, five non) tum facta incisione emanans. *Schrod.* Spigelius lachrymam in eo distinguit à succo, quod liquor qui ex contusa herba exprimitur aut elicitor succus vocetur, qui verò vel sponte, vel incisione manat *lachryma.*

*Lacinia* est portio folii inter duas fissuras (fissura est profundior scissura) inclusa. *A Tag.*

*Lanugo* in Phytologia est mollis foliorum aut fructuum lana, ut Cydoniorum, &c. *Fun.* vel (ut Schroderus definit) filamenta tenella cuticulæ extimæ instar pilorum aut lanæ adnascentia. *Down.*

*Legumen*, legumentum, quicquid ex terræ satis in filiqua nascitur, ut Faba, Pisum, Cicer, Lens; à legendo, teste Varrone, quoniam id non secatur sed legitur manu vellendo. *Pulse.* Nos in hoc opere leguminibus accensimus herbas omnes quæ florem producant papilionaceum.

*Liber*, interior tunica arboris ipsi ligno adhærens. *Fun.* Unde Liber adhuc dicitur, in quo scribitur ex quacunque fiat materia, quia ante repertum chartæ vel membranæ usum de libris arborum volumina compaginabantur. *The innermost bark of a Tree.*

*Loculamentum* est camera quædam seclusa & distincta in seminum vasculis, uti videre est in capitulis Papaverum. *Fun. a Cell.*

*Locusta* in Phytologia sunt Avenaceæ glumæ singulares cum seminibus ex longis filis dependentes, ob quandam similitudinem cum locustis dictæ. Extenditur hoc nomen ad Graminum paniculorum grana glumis involuta significanda.

### M.



## Terminorum quorundam &

### M.

*Malicorium*, Mali Punici cortex.

*Matrix* arboris idem est quod ejus medalla sive Cor.

*Medulla* in Phytologia mediam cujuslibet plantæ partem molliorem & spongiolam significat, quam & Cor matricemve appellant, cujus descriptionem pleniorē vide lib. 1. cap. 4. p. 7.

*Malleolus*, definiente Columella lib. 3. cap. 5. novellus est palmes innatus prioris anni flagello, cognominatusque à similitudine rei, quod in ea parte quæ deciditur ex vetere famento prominens utrinque Malleoli speciem præbet.

*Merges*, manipulus spicarum, quantum sci. semel instrumentum messorum mergus dictum inter metendum capiat.

*Mutica* spica dicitur quæ aristas caret, quasi mutila.

### N.

*Nervum*, in Phytologia, prælongum & continuum filamentum folia perreptans, ut in Plantagine, quæ inde quinquenervia & septinervia dicitur.

*Nucamentum*, idem quod *Fulus*, quædam scilicet quasi panicula dependens è ramis nucum aliarumve arborum: *A Cathin* & *Palm*.

*Nucleus*, Veteribus *Nuculeus*, id vescum quod sub putamine nucis latet, & generalius semen quodcunque nucibus vel fructibus inclusum & occultatum.

*Nux*, agriculturæ scriptoribus dicitur omne Pomum quod foris duro tegitur cortice, intus vero continet quod est esui. *Macrob.* Hi nempe existimant Pomum cum Malo haud idem esse, sed Pomi nomen Nuces atque Mala continere.

### O.

*Oculus*, *Gemma*, tuberculum in arborum furculis unde germinant *A Bud*. Hinc *inoculatio* infestationis species, cujus descriptionem vide lib. 1. cap. 19. pag. 37. Schröderus oculos exponit florum prodromos, inque flores explicabiles, nimis restrictè, nam *Oculus* æquè latè patet ac *Gemma*.

*Olus*, quæcunque herba esculenta, ab olla nomen sortita, quod in cibum veniat *Jun.* Holus Julio Scaligero ab *ὄλῳ*, claro indicio priscae frugalitatis, quæ ad victum nihil obsonii sibi deesse existimaret, modo nè deesset olus. Hoc enim *ὄλῳ* est sicut Panis *πᾶν*. *Jos. Scaliger* in notis ad Varronem olus deducit ab *oleo* cresco, quod olera in hortum translata ex agrestibus culta fiant. *Potherbs*.

*Officulum*, O, penetrale fructuum carne contentum, in quo nucleus est, ut in Cerasis prunisque. *The stone of a Plum, Cherry* & *the like fruit*.

### P.

*Palmula*, *Dactylus*, caryotis. *A Date*.

*Panicula* est lanosa coma unde semen dependet, ut in Arundine, Milio, Gramine, &c. seu (ut *Jungius* definit) Spica laxè diffusa præsertim propendentibus petiolis, ut in *Milio*. Idem valet quod Juba & opponitur Spicæ.

*Pappus*, lanugo è floribus veterascentibus deci-

dua & volatica, qualis in Carduis, Erigero, Hieracio, &c. cernitur. Hinc Herbarum classis Papposa seu Pappiflora dicta. *The Down growing to the seed* & *wherein the seed lies*.

*Pecten* arboris, linearum tractus qui in longum excurrit in materia seu ligno, cujusmodi in pectine conspiciuntur dentes. *The grain of the Wood*.

*Pennatum folium*, est in quo bini lobi seu majores folia partialia, è regione sibi ad idem quasi costæ punctum sive ad eandem costæ distinctionem opponuntur, ut in *Fraxino*, *Fuglande*, &c. seu folium compositum ex foliis partialibus binis sibi invicem ad costam mediam oppositis.

*Petala* nobis F. Columnam sequutis dicuntur floris folia, seu laminæ illæ tenellæ colore insignes & fugaces. Hoc autem nomine partim ob breviteratem, partim ad Homonymiam evitandam pro floris folio utimur. Hinc monopetalæ herbæ nobis dicuntur quorum flos unico folio seu laminâ constat, tripetalæ, tetrapetalæ, pentapetalæ &c. quorum flos tribus, quatuor, quinque, &c. foliis componitur.

*Pediculus* est à quo folium, aut flos, aut fructus dependet. *The foot-stalk of a leaf, flower* & *fruit*.

*Perianthium* est quod florem tegit, & dicitur etiam calyx.

*Pericarpium*, nonnullis restringitur ad significandam pulpam mollem seu humidam semina ambientem ut, *Pyræ*, *Pomis*, &c. Alii latius extendunt id nomen ad significandum thecam aut involucrium seminis quodcunque, sive membranofum id sit ut in vesicis Ulmi, Staphylo-dendri, &c. sive durum ut in *Castanea*, sive carneum ut in *Pomis*, &c.

*Petiolus* idem est quod pediculus. *A foot-stalk*.

*Pomum* generale nomen est, quo continetur omnis fructus arboris esui aptus, sive is molli corio tegatur, sive duro, ut sci. Nucem & Malum sub se complectatur. Nos cum arbores quædam *Pomiferas* dicimus Pomi, nomen strictius accipimus pro fructu cujus caro esculenta nec duro putamine includitur, nec officulum in se continet. *An Apple* & *a Pear*. Alii Pomum à Nuce distinguunt, ut Pomum sit quicquid foris habet quod edendo est, & durum intus includit, Nux quicquid foris durior corio tegitur, intus habet quod est esui.

*Pulpa* est caro seu substantia fructuum succulentorum inter corticem ac nucleum comprehensa, v. g. Pomorum, Cerasorum & similium. Primariò significat partem carnosam in corpore animalis.

### R.

*Racemus* est integra uva è multis constans acinis.

*A Cluster of Grapes*. Ad alios etiam fructus extenditur qui uvæ in modum ex pluribus acinis sunt conglobati.

*Radix*, definiente, *Jungio* est pars plantæ inferior, quæ intra corpus solidius, quod plantæ sedem præbet, abdita (sive illud terra sit ut plerumque, sive saxum, sive calx, sive arena, sive lignum, sive quodcunque aliud) & alimento attrahendo destinata est. Nonnullæ ex plantis submarinis radices habent expositas & minime intra corpus aliquod solidius abditas, sed duntaxat saxa in fundo jacentia amplectentes.

*Ramus* est in quem caulis dividitur, estque velut brachium plantæ. *A Bough* & *Branch*.

*Refina*



## Vocum generalium Explicatio.

*Resina* est liquor pinguis & oleaginosus ex arbore seu sponte seu ea vulnerata destillans, quæ in aqua non dissolvitur sed in oleo duntaxat, & flammam facile concipit.

S.

*Sagitta* dicitur superior pars furculi aut flagelli. Vid. lib. 1. cap. 18. pag. 33.

*Scapus* est caulis rectus in columnæ modum. *Jun.* Est enim scapus ipsum corpus columnæ inter basin & epistylum. *The Shaft*, vel Scapus est pars caulis ramosi, qui à fundo ad cacumen unâ quasi lineâ extenditur, cui rami utrinque adherent. *Jun.*

*Scobs* quod serra de ligno deteritur. *Saw-dust.* Sic etiam dicitur limatura, seu illa velut farina quæ limâ abraditur: à Scabendo.

*Semen* in Officinis minutiores plantarum fructus denotat ex quibus simile nasci potest. *Schrod.*

*Servia*, sertum è floribus, five pastillus è floribus compactus *Jun.* *A Garland.*

*Siliqua* est folliculus oblongus cui Leguminum & similibus grana includuntur. *A Pod or Husk.*

*Spadix*, Ramus Palmæ unâ cum fructibus revulsus; inde color quidam Spadiceus denominatur. *A colour approaching to Bay or Chestnut, but with more red in it.*

*Spica* est quod culmus extulit, continetque granum, glumam & aristam, an *Ear of Corn.* Verum hoc nomen latius extenditur: unde rectè à Jungio definitur, quod ex floribus vel seminibus spissè compositum est, ita ut conus erectus sed oblongus, five admodum acutus inde evadat, ut in Plantagine, Bistorta, Secali, Hordeo, &c.

*Stamina* idem sunt quod Capillamenta, quæ sic describit *\* Spigelius.* Sunt autem stamina in floris medio, quod umbilicus appellatur, partes oblongæ, tenues veluti capillamenta, interdum paulo crassiores, paululum prominentes in summitate, apicibus frequenter præditæ, quæ stylum partem similiter oblongam, sed paulo crassiorem, atque è centro umbilici emergentem ambiunt.

*Stirps*, planta firmitate prædita *Jun.* in genere Plantæ Synonyma est.

*Stolones* sunt cauliculi inutiles à radicibus aut caudicis lateribus succrescentes. *Suckers from the root.* Jo. Bodæus à Stapel Stolonem dici vult quæ nascitur circa stipites & avellitur cum radice & corporis parte; quo à Vivradice differt, quæ integra ex arboribus è longinquo extrahitur. Vid. lib. 1. cap. 19. p. 33.

*Stylus* in Phytologia est pars floris medium ejus occupans & rudimento fructus aut seminis coherens. Dicitur stylus quia in longitudinem tenuem plerumque extenditur *Jun.* Vid. lib. 1. cap. 10. pag. 18.

*Suffrutex* est planta humilior, lignescens & perennis, à radice non foliata, & ab imo statim ramosa; vel Planta inter lignosas minimæ & altitudinis, & crassitudinis superficie perenni, non gemmipara, ut *Salvia, Ruta, Lavendula.*

*Surculus* est quod in ramis simplex assurgit, tenebrum & exile. Est etiam ramulus novellus, qui inspicatur ad ferendum. *A small twig of a tree, also a Graft or graft,* germen arboris anniculum.

T.

*Talea* nonnullis est surculus præcisus ab utraqque parte ut terræ inferatur. Vid. lib. 1. cap. 18. pag. 32.

*Termes*, Ramus ex arbore decerptus cum fructu. Propriè (ait *\* Porphyrius*) termes est Olivæ, ut palmes Vitis. Gellius tamē *\* In Horatium.* termitem appellat ramum Palmæ cum fructu decerptum.

*Thyrus* est quod virgulæ in modum, aut in teli rectitudinem in planta consurgit: *Caulem autem medium fruticis qui vulgo thyrus dicitur:* Servius. Vossius exponit, *quicquid sic consurgit ut in gracilitatem attenuetur, ut arbores conspiciat, vel conipiceat.* Apud Botánicos cum Spica confunditur. Item Hastula frondibus vestita, quam solebant Bacchantes ferre.

*Tomentum* est lana brevis forpibus defecta, aut in poliendo à fullone de pannis rudibus aut interpolatis deducta, quâ inferciuntur culcitæ qualescunque. *Jun. Flocks or Flax.* Hinc ad plantas transfertur quæ molli & lanolâ comâin capitulis eminente præditæ sunt, ut *Carduus tomentosus, Gramen tomentosum, &c.*

*Topiarium* opus vocant arbores & herbas egregio artificio in formas animalium aut aliarum rerum ductas: five quæ in picturas opere historiali trahuntur. Plin. lib. 16. cap. 33. A topiis seu funiculis nomen obtinuit, quibus frutices aut arbusculæ tonsiles religatæ, multis hinc inde distinentur locis, torquentur, flectunturque ad fingenda quæ ludunt rerum & animalium argumenta.

*Truncus* caudex arboris ramis & frondibus destitutus.

*Tuber*, est fungus subterraneus, à tumeo. Hinc dicitur de plantarum radicibus prætumidis, rotundis. Radices tuberose, *Knobby roots.*

*Turiones*, tenella arborum, fruticum aut herbarum cacumina, quasi teneriones; vel ut Vossius vult, quia facile teruntur. Teneritates summitatum ipsarum arborum quæ singulis annis crescunt. *Schrod.*

U.

*Verticillatæ* plantæ dicuntur quarum flosculi caulem articulatum velut verticilli amplectuntur foliolis interspersis, ut in *Pulegio & Marrubio* cernitur. Sunt autem Verticilli instrumenta quædam rotunda, quæ fusis adhibentur ut facilius vertantur: Anglice *Whorles* dicimus.

*Vimen*, omne virgultum lentum ac flexile, ad ligandum aptum, à viendo. *A bending twig or wpythe.*

*Vinaceum*, granum acini, *Υἰνᾶς ὄσῳ.* *A grape-stone.* Vide *Acinus.* Accipitur etiam nonnunquam pro tortis uvæ expressæ reliquiis.

*Virgultum, cremium,* Ligna tenuia seu germina quorum usus est ad cremandum, *Bush-wood or small slender twigs.*

*Vinilia*, vimina, propriè quibus vites vinciuntur.

*Umbella* vocatur floris seminifere velut pedamentum in plures divisum longiores pediculos, qui simul ex eodem fastigio orti in latius continuo radiantur, singulique florem sustinent in orbem circumactum, ut in Fœniculo, Anetho, Apio, &c. vel, ut Jungius definit, est extremitas caulis per multas subdivisiones in coni universi figuram aptata; à similitudine umbellæ quam-



## Terminorum Explicatio.

- mulieres faciem à Sole arcent. In Umbelliferis enim summus caulis, summique ramuli in plures ab eodem puncto ortos radios dividuntur, singuli radii itidem in plures pediculos qui flores sustinent.
- Umbilicus*, 1. quod in Pomis vel prominet, vel reconditur ab adversa pediculi parte. 2. media pars floris unde stylus & stamina emergunt.
- Unguis* pars ima folii Rosæ albida. Extenditur etiam ad florum aliorum petala.
- Uniformem* florem dicimus cujus anterior pars posteriori & dextra sinistra similis est. Vide lib. i. cap. ii. pag. 18.
- Volva*, Pomi medium, in quo ceu loculo latent semina. Scribon.
- Uruncus*, quod in infima spica ad culmum stramenti est minus quam granum.
- Utriculi* sunt seminum in frugibus involucra & operimenta, quæ trita & cribro excussa Glumæ five Acus dicuntur.

A litera Plantæ alicui præfixa indicat speciem illam in ANGLIA sponte nasci. Verum nota illa per incuriam aut oblivionem seu nostram, seu Operarum non omnibus Angliæ indigenis præfigitur, sed in multis omittitur, quarum idcirco Catalogum dabimus.

<b>A</b> <i>Uricula marina</i> seu Fungus auricularis Cæs. quæ nihil aliud est quam Fucus marinus Gallo-pavonis pennas referens C.B.	77.	<i>Conyza major vulgaris.</i>	292.
<i>Spongia ramosa</i> C. B.	81.	<i>Eupatorium cannabinum.</i>	293.
<i>Spongia ramosa fluvialis</i> Newtoni.	ibid.	<i>Facea nigra.</i>	325.
<i>Fungus minimus</i> pediculo longo tenuissimo lactescens.	99.	<i>Eupatorium cannabinum semina.</i>	360.
<i>Muscus denticulatus minor</i> C. B.	112.	<i>Linaria adulterina.</i>	399.
<i>Muscus crustæ aut lichenis modo arboribus adnascens cinereus.</i>	116.	<i>Pimpinella sylvestris</i> Ger.	402.
<i>Muscus clavatus</i> sive <i>Lycopodium</i> Ger. Park.	120.	<i>Sium majus latifolium.</i>	443.
<i>Muscus clavatus foliis Cupressi</i> C. B.	ibid.	<i>Caucalis nodosa echinato semine.</i>	468.
<i>Muscus terrestris repens clavus singularibus foliosis erectis.</i>	121.	<i>Clinopodium majus</i> Park.	558.
<i>Muscus erectus Abietiformis.</i>	122.	<i>Scorodonia sive Salvia agrestis.</i>	576.
<i>Muscus terrestris erectus polyspermus</i>	ibid.	<i>Caryophyllata Alpina Chamædryos foliis i. e. Teucrium Alpinum Cifti flore.</i>	608.
<i>Muscus terrestris latioribus foliis major seu vulgaris.</i>	ibid.	<i>Pentaphyllum Alpinum splendens aureo flore.</i>	612.
<i>Muscus terrestris vulgaris minor Adianti aurei capitulis.</i>	ibid.	<i>Sagitta seu Sagittaria.</i>	619.
<i>Muscus palustris terrestri similis.</i>	ibid.	<i>Umaria vulgaris.</i>	623.
<i>Muscus aquaticus terrestri similis sed major.</i>	ibid.	<i>Asparagus palustris.</i>	683.
<i>Polytrichum aureum medium.</i>	124.	<i>Helieborus niger hortensis flore viridi.</i>	697.
<i>Polytrichum aureum minus.</i>	ibid.	<i>Helieborus maximus</i> Ger.	698.
<i>Adiantum aureum humilius, foliis latis subrotundis.</i>	ibid.	<i>Antirrhinum angustifolium sylvestre.</i>	760.
<i>Muscus palustris Adianto aureo affinis, &amp;c.</i>	ibid.	<i>Scrophularia aquatica major.</i>	764.
<i>Lichen minimus foliolis laciniatis.</i>	126.	<i>Alliaria.</i>	792.
<i>Ophioglosson</i> J. B.	126.	<i>Thlaspi foliis Globulariæ.</i>	832.
<i>Lunaria minor</i> Ger.	127.	<i>Bursa pastoris.</i>	838.
<i>Xanthium sive Lappa minor</i> J. B.	165.	<i>Brassica marina monospermus.</i>	ibid.
<i>Lapathum pulchrum Bononiense sinuatum.</i>	174.	<i>Eruca marina</i> Ger.	840.
<i>Millefolium aquaticum pennatum spicatum.</i>	191.	<i>Glastum sativum.</i>	842.
<i>Millefolium aquat. cornutum.</i>	ibid.	<i>Coronopus Ruellii.</i>	843.
<i>Sonchus arboreescens alter.</i>	226.	<i>Papaver spontaneum sylvestre.</i>	854.
<i>Hieracium minimum Clusii.</i>	229.	<i>Pisum vulgare, parvum, album, arvense</i> J.B.	891.
<i>Lampsa Dodonæi.</i>	256.	<i>Pisum arvense flore Roseo, fructu fusco, aut ex cinereo nigricante.</i>	ibid.
<i>Helenium seu Enula campana.</i>	273.	<i>Lathyrus sylvestris</i> Dod.	894.
<i>Virga aurea.</i>	278.	<i>Aphaca</i> Park.	899.
<i>Carlina sylvestris.</i>	288.	<i>Vicia maxima dumetorum.</i>	901.
<i>Senecio hirsutus viscidus major odoratus.</i>	290.	<i>Vicia sylvestris sive Cracca major</i> Ger.	902.
		<i>Lens</i> J. B.	904.
		<i>Faba minor sive equina</i> C. B.	909.
		<i>Glycyrrhiza vulgaris</i> Ger. emac.	910.
		<i>Catanance leguminosa quorundam.</i>	921.
		<i>Trifolium affine Quadrifolium phænix Lobelii.</i>	J. B.
			942.
		<i>Trifolium fragiferum</i> Ger. emac.	946.

Asteriscus præfixus denotat plantam nobis nondum conspectam.

INDEX.

# I N D E X.

<b>A.</b>		
<b>A</b> Abrorum farmina	358, 359, 360. mas	371
Abfimbium	366, &c. ad	370
Aburylon i. e. Althea lutea		699
Acanthium		313
Acacia		976, 877
Acarna		314, 315
Acetofa 177, &c. ad		181
Acetofella i. e. Trifolium acetosum.		
Achillea i. e. Millefolium	345, 346, 347	
Acinos seu Clinopodium		553
Aconitum	700, 701, &c. ad	705
Aconitum racemosum i. e. Christophoriana		661
Adæa Plinii præcedenti idem est.		
Adiantum album	146, 152, 153	
nigrum		147
aureum		123
Adonis flos		596
Æschynomene seu Herba viva mimosa		982
Æthiops		543
Agaricus		107
Ageratum		364
Agrimonia seu Eupatorium Græcorum	399, 400	
Aizoon i. e. Sempervivum	687, 688	
Alcea	604, 605	
Alchymilla	208, 209	
Alcyonium		82
Alectorolophus i. e. Crista galli	769, 770, 771	
Alga	70, 71, &c.	
Allyffon Dioscoridis		788
Galenii		557
Alkakengi i. e. Solanum halicacabum		681
Alliaria		792
Alfine spuria	847, 848	
Althea	601, 602, 603	
Amaracus i. e. Majorana,	337, &c. ad	540
Amarantus	201, 202, 203	
Ambrosia		164
Ammi		454
Anagallis aquatica		852
Anchusa	496, 497	
Androsaces Matthioli		66
Anemone	624, &c. ad	633
Anethum		415
Angelica	434, 435	
Anguria sive Citrullus		643
Anil sive Nil		926
Anisum		449
Anonis	957, 958, 959	
Anthyllis leguminosa		922
Anthyllus Clus. 215. Alpini ibid.		
Anthora seu Antithora		705
Antipatbes i. e. Corallium nigrum		61
Anurbinum	760, 761	
Aparine		484
Aphaca		899
Apios Tithymali species	870, 871	
Apium	447, 448, 463	
Aquilegia	705, 706	
Arachidna	918, 919	
Arachis Vicia species		902
Argemone	855, 856	
Argentina		617
Aristolochia	761, &c. ad	764
Artemisia		372
Asarum		207
Asparagus		683
Asperula		483
Asplenium sive Scolopendria		139
Aster	266, &c. ad	273
Astragalus	928, 935, 936, &c.	
Astrantia		474
Atractylis		304
Atriplex	191, &c. ad	195
Auricula Jude, Fungi species		106
Auricula muris 242, 243.	Leporis	473
<b>B.</b>		
Baccharis Monspeliensium		292
Ballote, i. e. Marrubium nigrum		571
Balsamina		647
Balsamita mas, sive Costus hortorum		363
Balsamita farmina, sive Ageratum		364
Banguæ		159
Barba capra i. e. Ulmaria major		709
Barbarea i. e. Nasturtium hybernium		809
Bardana. i. e. Xanthium seu Lappa minor. 165. major		332
Becabunga i. e. Anagallis aquatica		852
Bella donna i. e. Solanum lethale		679
Bellis minor 349. major		351
Belvedere Italorum		210
Beta		204
Betonica		550
Biflingua i. e. Hypoglossus		663
Bifnolva i. e. Althea		601
Bistorta.		186, 187
Blitum 200. Sylvestre		196, 197, &c.
Bulbonach i. e. Viola lunaris		787
Boletus		91
Bonus Henricus		195
Borago		492
Botrys		196
Brassica	794, 795, &c.	
Britannica Antiquorum		172
Bryonia alba 659. nigra		660
Brunella seu Prunella		552
Bugula		575
Buglossum	493, 494	
Bulbocastanum		440
Buphtalmum 451. Dodonei		596
Bupleuron seu Auricula leporis		473
Bursa pastoris		789
<b>C.</b>		
Caaco Basiliensibus		979
Cacalia		291
Cacchrys		424
Cacabulum Plinii i. e. Alfine baccifera		
Calamintba		568, 569
Calcitrapa i. e. Cardus stellatus		317
Calendula Caltha		337
Caltha palustris		700
Camelina Dod. Myagri species		812
Campanula	721, 722 & seqq. ad	747
Camporata		210
Canabis 158. spuria Lamii species		561
Capillus Veneris, i. e. Adiantum verum		157
Capficum seu Piper Indicum		676, 677, &c.
Caput gallinaceum i. e. Onobrychis.		
Cardamine		814, 815, 816
Cardiaca.		561
Cardus chrysanthemus 257. benedictus 303. variae species		308. & seq.
Caryophyllata		606, 607
Carlina		288
Carthamum i. e. Cnicus sativus		302, 303
Carum		446
Catanance		921
Cataputia. Tithymali species		866
Caucalis	411, 412, 466, 467	
Centaurium majus		329, 330
Corinthe		506, 507
Ceterach i. e. Scolopendria		139
Chamæcrista pavonis		983
Cherophyllum		430
Chamæcyparissus i. e. Abrorum farmina	358, 359, 360	
Chamedrys		527, 528
Chameleon	301, &c.	314
Chamæmelum		353
Chamæmoris		653
Chamænerion Gesneri		860
Chamæperichlymenum		655
Chamæpitys		573, 574
Chelidonium majus		858
minus		579
China radix		657
Chondrilla		227, 228
Chrysanthemum	336, &c. ad	342
Christophoriana		661
Cyanus		321, 322
Cicer sativum		917
Cichorium		255
		Cicuta



# I N D E X.

<i>Cicuta</i>	450	<i>Avicenne i. e. Eupatorium cannabinum mas</i>	360
<i>Cicutaria</i>	429, 451	<i>293. famina</i>	771, 772, 773
<i>Cinara</i>	299, 300	<i>Euphrasia</i>	872
<i>Cineraria</i> i. e. <i>Jacobaea marina</i>	286	<i>Euphorbium</i>	F.
<i>Circea Lutetiana</i>	401	<i>Faba</i>	909
<i>Cirsium</i>	305	<i>Fegopyrum</i>	181, 182
<i>Citrullus</i> i. e. <i>Anguria</i>	643	<i>Ferrum equinum</i>	929, 930
<i>Clematid, Clematis,</i>	620, 621, 622	<i>Ferula</i>	420
<i>Clinopodium</i> 558. v. <i>Acinos.</i>		<i>Filipendula</i>	623
<i>Cnicus</i>	302, 303	<i>Filix</i> 143. mas 143, 144. famina 149, 150. florida 151	146
<i>Cochlearia</i>	832, 833	<i>Saxatilis</i>	596
<i>Colus Fovis</i> i. e. <i>Horminum luteum.</i>	642	<i>Flos Africanus</i> 342. <i>Adonis</i>	814
<i>Colocynthis</i>	923, 924, 925	<i>Cuculi</i> i. e. <i>Cardamine vulgaris</i>	649, &c.
<i>Colutea</i>	118	<i>Cardinalis, Trachelii species</i> 746. <i>passionis</i>	334, 335
<i>Conferua Plinii</i>		<i>Sols</i>	457, 458
<i>Consolida.</i>		<i>Feniculum</i>	954
<i>major</i>	504, 505	<i>Fenum Græcum</i>	609, 610
<i>media</i> i. e. <i>Bugula</i>	575	<i>Fragaria</i>	689
<i>minor</i> i. e. <i>Bellis minor</i>	351	<i>Fraxinella</i>	981
<i>Regalis</i> i. e. <i>Delphinium</i>	707, 708, 709	<i>Frutex pavoninus seu Crista pavonina Sinensium</i>	70, 71, &c.
<i>Convolvulus</i>	722, 723, 724, &c.	<i>Fucus</i>	404, 405
<i>Convolvulus niger</i>	182	<i>Fumaria</i>	974, 975
<i>Conyza</i>	261, 262, &c.	<i>siliquosa</i>	85, 86, &c.
<i>Corallina</i>	65, 67	<i>Fungus</i>	G:
<i>Corallium</i>	61, 62	<i>Galega</i>	911
<i>Coriandrum</i>	470	<i>Galeopsis, Lamium</i>	547
<i>Coris</i>	882	<i>Gallierichum</i> i. e. <i>Horminum.</i>	542, &c. ad 547
<i>Coronopus</i>	879, 880, &c.	<i>Gallium</i>	482
<i>Coronilla</i>	925	<i>Gentiana</i>	716, 717, &c. ad 722
<i>Coronopus Ruellii</i> i. e. <i>Nasturtium verrucosum</i>	843	<i>Geum</i> i. e. <i>Caryophyllata</i>	606, 607
<i>Corruda</i> i. e. <i>Asparagus sylvestris</i>	683	<i>Gingidium</i>	456
<i>Costus hortorum</i> i. e. <i>Balsamita mas</i>	363	<i>Glastum, Isatis</i>	842
<i>Corula fetida Chamæmelis species</i>	355	<i>Glaux vulgaris</i> 935. <i>Hispanica</i>	940
<i>Cracca</i> i. e. <i>Aracus.</i>		<i>Ghecyrrhiza</i>	910
<i>Crassula</i> i. e. <i>Telephium</i>	689, 690	<i>Gnapthalium</i>	294, 295, 296
<i>Cratægonon Euphrasie species</i>	772	<i>Granadilla</i>	649, &c.
<i>Crista galli</i> i. e. <i>Pedicularis</i>	769, 770, &c.	<i>Gummi Arabicum</i>	977
<i>Crista pavonina five Frutex pavoninus</i>	981		H.
<i>Cristum seu Feniculum marinum</i>	456	<i>Halicacabum</i> i. e. <i>Alkakengi</i>	681
<i>Cruciata</i>	879, 880	<i>Halimus, seu Portulaca marina</i>	194, 195
<i>Crupina Belgarum</i>	331	<i>Hedera terrestris</i>	566, 567
<i>Cucumis</i> 645, 646. <i>agrestis</i>	647	<i>Hedysarum</i>	929
<i>Cucurbita</i>	638	<i>Helenium, seu Emula campana</i>	273
<i>Cuminum</i>	433	<i>Helichrysum</i>	280, 281, &c.
<i>Cyanus</i>	321, 322	<i>Heliotropium tricoctum</i>	165
<i>Cymbalaria Italica Linaria species</i>	759	<i>vulgare</i>	501
<i>Cynocrambe</i> i. e. <i>Mercurialis sylvestris</i>	163	<i>Helleborus, albus</i>	168
<i>Cynoglossum</i>	489, 490	<i>niger</i>	697, 698
<i>Cyrtus</i>	970, 971, &c.	<i>Hemionitis</i>	135, 142
	D.	<i>Hepatica seu Lichen</i>	124
<i>Daucus</i>	460	<i>nobilis seu trifolia</i>	580
<i>Delphinium Consolida regalis</i>	707, &c.	<i>Heptaphyllum</i> i. e. <i>Tormentilla</i>	617
<i>Dens leonis</i>	245, 245, 246	<i>Herba Doria</i>	279
<i>Dentaria</i>	784, 785	<i>Paris</i>	670
<i>Dentellaria Rondeletii, Plumbago Plinii.</i>		<i>Venti Monspelienfium</i>	562
<i>Diastamus Creticus</i>	537	<i>Viva</i>	982
<i>Digitalis</i>	767, 768	<i>Mimosa</i>	ibid.
<i>Dipsacus</i>	381, 382	<i>Herniaria</i>	214
<i>Dorycnium</i>		<i>Hesperis</i>	790, 791
<i>Doronicum</i>	274, 275, &c.	<i>Hieracium</i>	230, &c. ad 242
<i>Draba</i>	821	<i>Hydropiper</i> i. e. <i>Persicaria.</i>	
<i>Draco herba</i>	373	<i>Hyoctamus</i>	711, 712
<i>Dracunculus</i> i. e. <i>Parmica</i>	344	<i>Hypoglossus corrupte Hippoglossus</i>	663
<i>Dryopteris</i> Lob.	146	<i>Hippocelinum</i>	436, 437
<i>Trag.</i>	151	<i>Hippuris</i> i. e. <i>Equisetum</i>	127, 128
<i>Vulg.</i>	152	<i>Hysopus</i>	516, 517
<i>Dulcamara, i. e. Solanum lignosum</i>	651	<i>Holsteum</i>	881
<i>Dyabibala Cingalensium</i>	982	<i>Horminum</i>	542, &c. ad 547
	E.	<i>Hyoferis</i>	229
<i>Echium</i> 488, 489. <i>Scorpioides</i>	504		I.
<i>Elaphoboscum</i>	410	<i>Facea spinosa</i> 318, &c. <i>lavis</i>	323, &c.
<i>Elatine Linaria species</i>	759	<i>Jacobæa</i>	271, 284, 285, &c.
<i>Eleoselinum Apium palustre</i>	457	<i>Iberis</i>	827
<i>Elleborus seu Helleborus</i>	697, 698	<i>Imperatoria</i>	436
<i>Endivia seu Intybus</i>	254	<i>Indigo five Nil</i>	926
<i>Emula campana</i> i. e. <i>Helenium</i>	353	<i>Intybus</i>	254
<i>Equisetum</i>	127, 128	<i>Isatis five Glastum</i>	842
<i>Eranthemum</i> i. e. <i>Flos Adonis</i>	596	<i>arthritica</i> i. e. <i>Chamæpitrys</i>	573
<i>Erigeron</i> i. e. <i>Senecio</i>	290, 291	<i>Iva moschata</i>	573
<i>Eryngium</i>	384, 385, &c.	<i>Juncaria Salmanticensis Clusii</i>	211
<i>Erysimum</i>	810, 811, &c.	<i>Juncus floridus</i>	701
<i>Erythrodanum</i> i. e. <i>Rubia tinctorum</i>	478		K.
<i>Eruca</i>	806, 807	<i>Kali geniculatum</i> 211. <i>Majus semine coctileato, &amp;c.</i>	212
<i>Ervum seu Orobus.</i>		<i>minus album</i>	198, 199
<i>Esula Tichymali species.</i>			L.
<i>Eupatorium Græcorum</i>	359, 400		
<i>Mefus</i> i. e. <i>Ageratum</i>	364		

# I N D E X.

<b>L.</b>			
<i>Labrum Veneris</i> i. e. <i>Dipsacus</i>	381, 382	<i>Olusatrum, Hippofelinum</i>	436, 437
<i>Lactuca agnina, Valerianella.</i>		<i>Onobrychis</i>	913, 926, 927, &c.
<i>Marina</i>	77	<i>Ononis</i> five <i>Ononis</i>	
<i>Sativa</i>	220	<i>Ophioglossum</i>	126
<i>Sylvestris</i>	221, 222, &c.	<i>Oreofelinum</i>	413
<i>Ladanum segetum Sideritis</i> species.		<i>Origanum</i>	539, 540
<i>Lagopus</i>	948, 949	<i>Ornithopodium</i>	931, 932
<i>Lamium</i>	559, &c. ad 562	<i>Orobis</i> 912, &c. <i>genuinus</i>	915
<i>Lampfana</i>	256	<i>Olyris</i>	210
<i>Lapathum</i> 169. & seqq.		<i>Osmunda regalis</i> i. e. <i>Filix florida</i>	151
<i>Lappa major</i> i. e. <i>Bardana major</i>	332	<i>Oxalis</i> i. e. <i>Acetosa</i>	173
<i>minor, Xanthium</i>	165	<i>Oxylapathum</i>	169
<i>Laserpitium</i>	425	<b>P.</b>	
<i>Lathyrus</i>	893, &c.	<i>Paeonia</i>	693, 694, 695
<i>Lathyrus</i>	866	<i>Paludapium</i>	447
<i>Lavendula</i>	512	<i>Panax, Asclepium</i>	417
<i>Laurus Alexandrina</i>	663	<i>Papaver,</i>	853, 854, & seqq.
<i>Lens</i>	904, 905	<i>Parietaria</i>	205, 206
<i>Lenticula palustris</i>	117	<i>Paronychia</i>	789
<i>Leontopodium Gnaphalii</i> species.		<i>Parthenium</i> i. e. <i>Matricaria</i>	357
<i>Lepidium seu Piperis</i>	828	<i>Pastina latifolia</i> 410, 411. <i>tenuifolia</i> 464, 465. <i>marina</i> 469	
<i>Leucoium incanum</i> & <i>marinum</i> 779, 780. <i>luteum</i>	782, 783	<i>Pecten Veneris</i> i. e. <i>Scandix</i>	428
	437	<i>Pedicularis</i>	769
<i>Levisticum</i>	427	<i>Pentaphyllum</i>	611, 612, &c.
<i>Libanotis</i> 413. <i>cachryphoros</i> 424. <i>Theophrasti</i>	427	<i>Pentaphylloides</i>	616
<i>Lichen</i>	124	<i>Peplis</i>	869
<i>Ligusticum</i>	438	<i>Peplis</i>	ibid.
<i>Lilium convallium</i>	667	<i>Pepo</i>	639
<i>Limonium</i>	396	<i>Percepier</i>	209
<i>Linaria</i> 752. & seqq. ad	759	<i>Perfoliata</i>	471, 472
<i>Lingua passerina</i>		<i>Perficaria</i>	182, 183
<i>Cervina</i> i. e. <i>Phyllitis</i>	134	<i>Personata</i> i. e. <i>Lappa major</i>	332
<i>Lithospermum</i>	502, 503	<i>Pes anserinus</i>	197, 198
<i>Lonchitis aspera</i>	138	<i>Petasites</i>	260
<i>Lotus herba</i>	967, 968, 969	<i>Petroelinum vulgare</i>	448
<i>Lunaria borystis</i> 127. <i>Græca</i>		<i>Petum</i> i. e. <i>Nicotiana</i>	713
<i>Lupinus</i>	906, 907	<i>Peucedanum</i>	416, 417
<i>Lupulus</i>	156	<i>Phaeolus</i>	884, &c. ad 890
<i>Lycopodium</i>	120	<i>Phyllitis</i> i. e. <i>Lingua cervina</i>	134
<i>Lycopsis, Echii</i> species est.		<i>Phyllon Mercurialis</i> species	164
<i>Lysimachia</i>	572, 860, 861, &c.	<i>Phyteuma Monspeliensium Reseda</i> species.	
<b>M.</b>		<i>Phthora Ranunculi</i> species	591
<i>Majorana</i>	537, &c. ad 540	<i>Phu</i> i. e. <i>Valeriana</i>	388, 389
<i>Mala insana</i>	673	<i>Pisifella</i> i. e. <i>Auricula muris</i>	240, 241, 242, 243, 244
<i>Malva</i>	597, &c. ad 601	<i>Pimpinella sanguisorba</i>	401
<i>Mandragora</i>	668	<i>Saxifraga</i>	445
<i>Marrubium aquaticum</i> 535. <i>album</i> 555, 556, 557. <i>nigrum</i>		<i>Pinguicula</i>	751
<i>Marum</i>	571	<i>Piperitis</i> i. e. <i>Lepidium</i>	828
<i>Matricaria</i>	348, 357	<i>Pisum cordatum</i> 487. <i>vulgare</i>	890, 891
<i>Medica</i>	960, 961, &c.	<i>Ptyusa Tithymalus pineus.</i>	
<i>Melampyrum</i>	774, 775	<i>Plantago aquatica</i> 618. <i>aquat. stellata</i>	701
<i>Melilotus</i>	950, 951, &c.	<i>Plantago</i>	878
<i>Melissa, Melissophyllum</i>	570	<i>Plumbago Plinii</i>	394
<i>Melo</i>	644	<i>Polygon.</i>	
<i>Mentha</i>	530, 531, &c.	<i>Polygonatum</i>	664, 665, &c.
<i>Mentastrium</i>	532	<i>Polygonum</i>	184, 185, 212, 213
<i>Mercurialis</i>	163	<i>Polypodium</i>	136, 137
<i>Meum</i>	432	<i>Polytrichum Trichomanes.</i>	
<i>Millefolium aquaticum</i> 191. <i>terrestre</i>	345, 346, &c.	<i>Polium</i>	524, 525
<i>Mirabilis Peruviana</i>	396, 397	<i>Pomum amoris</i>	675
<i>Mollugo</i>	481	<i>Potamogeton</i>	188, 189
<i>Molucca</i>	568	<i>Potentilla</i> i. e. <i>Argentina</i>	617
<i>Monophyllum</i>	669	<i>Poterium</i>	400
<i>Morsus gallinae Alfine spuria</i> species.		<i>Prunella</i>	552
<i>Morsus Diaboli, Succisa Scabiosa</i> species	380	<i>Psyllium</i>	881, 882
<i>Moschatellina</i>	684	<i>Ptarmica</i> 344. <i>Austriaca</i>	287
<i>Mungo</i>	955	<i>Pulegium</i>	533
<i>Muscus terrestris</i>	112, 121	<i>Pulmonaria maculosa</i>	488
<i>Myagrum</i>	820, 839	<i>Gallorum Hieracii</i> species	238
<i>Myosotis</i>	242, 243	<i>Pulsatilla</i>	633, 634
<i>Myrrhis</i>	431	<i>Pyrethrum</i> 353. <i>umbelliferum</i>	462
<b>N.</b>		<b>Q.</b>	
<i>Napellus Aconiti</i> species.		<i>Quamoclit Indorum</i> i. e. <i>Convolvulus pennatus exoticus.</i>	
<i>Napus</i>	801	<i>Quinquefolium Pentaphyllum</i>	612, 613, &c.
<i>Nardus Celtica</i>	391	<b>R.</b>	
<i>Rustica</i> i. e. <i>Asarum</i>	207	<i>Radix cava</i> i. e. <i>Fumaria bulbosa.</i>	
<i>Nasturtium Indicum</i> 487. <i>aquaticum</i> 814. 816. <i>hortense</i>	824, &c.	<i>Ranunculus</i>	581, &c. ad 596
<i>Nepeta seu Mentha cataracta</i>	548, 549	<i>Rapa</i>	800, 801
<i>Nicotiana</i>	713	<i>Rapistrum</i> 802, 803, 805. <i>monospermon</i>	840
<i>Nil five Anil</i>	926	<i>Rapunculus</i>	737, 738 & seqq.
<b>O.</b>		<i>Rhaphanus</i> 804. <i>aquaticus</i> 818. <i>rusticanus</i>	ibid.
<i>Ochrus</i> five <i>Eruvia</i> Dod.	899	<i>Refta boris</i> i. e. <i>Anonis.</i>	
<i>Ocimum</i>	540, 541	<i>Rhabarbarum</i>	170, 171
<i>Oenanthe aquatica</i>	440, 441	<i>Rhodia radix</i>	690
		<i>Ricinus</i> seu <i>Palma Christi</i>	166, 167
		<i>Rosa Hierichuntina; Tolafpeos</i> species.	
		<i>Rosmarinum</i>	515
			<i>Rusa</i>



# I N D E X.

<i>Rubia</i> 478, 479, 480. <i>cynanchica</i> 485. <i>spicata</i> <i>ibid.</i>	<i>Stachys</i> 554
<i>Rufcus</i> 664	<i>Staphis agria</i> 705
<i>Ruta vulgaris</i> 874, 875	<i>Stæbe</i> 323, 324
<i>canina</i> <i>Scrophulariæ species</i> 766	<i>Stæchas Arabica</i> 513, 514
<i>capraria</i> , <i>Galega</i> 914	<i>citrina</i> 280, 281, &c.
<i>muraria</i> , <i>Adiantum album</i> 152	<i>Stramonia</i> 747, 748, &c.
<i>pratensis</i> i. e. <i>Thalictrum</i> 403	<i>Stratiotes Millefolia</i> 745, 746
<i>S.</i> 619	<i>Succisa</i> i. e. <i>Morsus Diaboli</i> 389
<i>Sagitta</i> , <i>Sagittaria</i> 656	<i>Symphitum majus</i> 504, 505
<i>Salsaparilla</i> 509, 510, &c.	<i>T.</i>
<i>Salvia</i>	<i>Tabacum</i> i. e. <i>Nicotiana</i> 713
<i>Salvia vitæ</i> i. e. <i>Adiantum album</i> 537, &c.	<i>Tanacetum</i> 365
<i>Sampsuchus</i> i. e. <i>Majorana</i> 401	<i>Telephium</i> 689, 690
<i>Sanguisorba Pimpinella</i> 475	<i>Terra glandes.</i>
<i>Sanícula</i> 518, 519	<i>Teucrium</i> 526, 527
<i>Saturata</i> 453	<i>Thalictrum seu Ruta pratensis</i> 403
<i>Saxifraga</i> i. e. <i>Seseli pratense</i> 207	<i>Thapsia</i> 418, 419
<i>aurea</i> 374, 375. & seqq. 722, 723	<i>Thyselinum</i> 413
<i>Scabiosa</i> 428	<i>Thymus</i> 519, 520, 421
<i>Scammonia</i> 139	<i>Thlaspi spinosum</i> 814. <i>Abysson diellum</i> 829, <i>alia species ab</i>
<i>Scandix</i> , <i>Pecten Veneris</i> 576	830 ad 838
<i>Scolymus</i> i. e. <i>Cinara</i> <i>ibid.</i>	<i>Tithymalus</i> 863, 864, & seqq.
<i>Scolopendria</i> i. e. <i>Asplenium</i> 930, 931	<i>Tordylium</i> 411, 412
<i>Scordium</i> 764, 765, 766	<i>Tormentilla</i> 617
<i>Scorodonia</i> 248, 249	<i>Trachelium</i> 731 & seqq.
<i>Scorpioides Bupleuri folio</i> 921	<i>Tragopogon</i> 251, 252, 253
<i>Scrophularia</i> 691, 692	<i>Tragacantha</i> 933, 934
<i>Scorzonera</i> 447, 448, 463	<i>Tragos seu Tragum.</i>
<i>Securidaca</i> 687	<i>Tragoriganum</i> 523
<i>Sedum majus</i> 687, 688. <i>minus echinatum</i> & <i>stellatum</i> 691, 692	<i>Trichomanes</i> 140
<i>Selinum</i> i. e. <i>Apium</i> 447, 448, 463	<i>Trifolium pratense</i> 942, 943. <i>stellatum</i> 945. <i>fragiferum</i>
<i>Semprevivum</i> i. e. <i>Sedum majus</i> 687	946. <i>lupulinum</i> 949
<i>Senecio</i> 290, 291	<i>Trifago</i> i. e. <i>Chamaedrys</i> 527, 528
<i>Seriphium Absinthii species.</i>	<i>Tuber terra</i> 110, 111
<i>Serpyllum</i> 520, 521, 522	<i>Turris</i> 798, 799
<i>Serratula</i> 331	<i>Tussilago</i> 259
<i>Sesban</i> 926	<i>V.</i>
<i>Seseli Massiliense</i> 414. 439. <i>montanum</i> 452. <i>pratense</i> 453	<i>Vaccinia palustris</i> 685
<i>Ethiop.</i> 476	<i>Valeriana</i> 388, 389, &c.
<i>Sideritis</i> 562, &c. ad 566	<i>Veratrum nigrum</i> 697, 698
<i>Sigillum Solomonis</i> , <i>Polygonatum</i> 664, 665, &c.	<i>Verbena</i> 536, 537
<i>Siler montanum</i> 439	<i>Vermicularis frutex</i> 199
<i>Symphitum Consolida major</i> 504, 505	<i>Veronica</i> 845. & seqq. ad 853
<i>Sinapi</i> 802, 803, &c.	<i>Vicia</i> 890, 891, &c.
<i>Sifer</i> , <i>Sifarum</i> 442	<i>Viola mariana</i> 732
<i>Sison Cordi</i> i. e. <i>Anomum Germanicum</i> 443	<i>lunaris</i> 787
<i>Sisymbrium</i> i. e. <i>Mentha aquatica</i> 443, 444	<i>maritima</i> 790, 791
<i>Sium</i> 655	<i>Viorna vulgi</i> 620
<i>Smilax aspera</i> 436, 437	<i>Virga aurea</i> 278, 279
<i>hortensis</i> i. e. <i>Phacelus</i> 683	<i>Pastoris</i> 382
<i>Smyrniun</i> i. e. <i>Hippofelinum</i> 726	<i>Vismaga</i> i. e. <i>Gingidium</i> 456
<i>Solanum</i> 671, &c. <i>halicacabum seu vesicarium</i> 279	<i>Vitis alba</i> i. e. <i>Bryonia alba</i> 659
<i>Soldanella</i> 224, 225	<i>nigra</i> i. e. <i>Bryonia nigra</i> 660
<i>Solidago</i> 812	<i>Ulmaria</i> 623. <i>major</i> 709
<i>Sonchus</i> 743	<i>Unifolium</i> 669
<i>Sophia Chirurgorum</i> 408	<i>Urtica urens</i> 159, 160, 161
<i>Speculum Veneris</i> 162	<i>mortua</i> i. e. <i>Lamium</i> 559. & seqq.
<i>Spondylium</i> 80, 81	<i>X.</i>
<i>Spinachia</i>	<i>Xanthium</i> i. e. <i>Lappa minor</i> 165
<i>Spengia</i>	<i>Xeranthemum</i> 287

Plantæ Omissæ quarum descriptiones (ut & aliarum quotquot occurrent) in  
Appendice dabimus.

**A** *Cetosa Indica Bontii*, *Alcea species videtur.*  
*Fungus spiralis seu Alga spiralis maritima* P. Boc.  
*Fungus typhoides coccineus Melitensis*  
    *subcærulea pulpa arillis flavis refertus.*  
    *Malicorii facie.*  
*Tuba marina Muscorum Londinensium.*  
*Malva altera repens, foliis Betonica Zanoni.*  
*Aster latifolius Tripolis flore.*  
*Urtica racemosa Canadensis.*

*Astragalus Canadensis flo. viridi flavescens.*  
*Brunella Lusitanica flore & spica majore.*  
*Cyanus Syriacus flo. luteo fistuloso.*  
*Saxifraga aurea Lichenis facie Morisoni.*  
*Loto affinis Coryli folio.*  
*Scabiosa stellata annua prolifera.*  
*Sedum serratum flore albo multiflorum.*  
*Thlaspi semper virens.*  
*Trachelium Americanum flo. cæruleo patulo.*

HISTO-

# HISTORIÆ PLANTARUM LIBER PRIMUS

QUI EST

## De Plantis in Genere.



UÆ Historiæ nostræ Botaniciæ de Plantis in genere præmittenda duximus ad sequentia Capita reducemus.

I. Primum erit de Definitione Plantæ. CAP. i.

II. Secundum, de Partibus Plantarum: Primò in genere. CAP. ii.  
Secundò in specie:

1. De earum Radicibus. CAP. iii.

2. De Caulibus. CAP. iv, v, vi, vii.

3. De Gemmis. CAP. viii.

4. De Foliis. CAP. ix.

5. De Floribus. CAP. x, xi.

6. De Fructibus & Seminibus. CAP. xii, xiii, xiv, xv.

7. De Partibus auxiliaribus. CAP. xvi.

III. Tertium erit de Actionibus Plantarum. Quæ sunt, 1. Nutritio, CAP. xvii. 2. Auctus, CAP. vi. 3. Propagatio. CAP. xviii.

IV. Quartum de Accidentibus Plantarum respectu Quantitatis. 1. Permanentis; sc. De Statura & Magnitudine Plantarum. CAP. xxii. 2. Fluentis; sc. De Ætate & duratione Plantarum. CAP. xxiii.

V. Quintum de Qualitatibus Plantarum. 1. Primis; Frigore, calore, humiditate, siccitate. 2. Secundis; Odoribus, Saporibus. CAP. xxiv. Viribus in Medicina. Ibid.

VI. Sextum de Adjunctis Plantarum externis, v. g. 1. De Loco Plantarum. CAP. xxv. 2. De usibus quos hominibus præstant in Cibo, Medicina, Ædificiis, Mechanicis, &c. CAP. xxiv. 3. De operationibus circa Plantas, v. g.

1. De Satione. CAP. xviii.

2. De Infitione. CAP. xix. De reliqua cultura, v. g. Translatione, putatione, stercoratione, protectione, &c. Vid. Agriculturæ & Horticulturæ Scriptores.

3. De Collectione, exsiccatione, asservatione, &c. Plantarum earumque partium. CAP. xxviii.

4. De Chymica Plantarum Analyfi, & partium resolutarum usu. CAP. xxix.

VII. Septimum, De iis quæ præter naturam Plantis accidunt, v. g. De morbis Plantarum eorumque remediis. CAP. xxx.

VIII. Octavum, De Plantarum differentiis genericis & specificis, & de divisione Plantarum. CAP. xxi, xxvi, xxvii.

### CAPUT PRIMUM.

#### Quid sit Planta.

**P**LANTA [*φυτόν*] definiēte \*Jungio, est corpus vivens, non sentiens, certo loco, aut certæ \*Isag. Phyt. sed affixum, quod nutriri, augeri, se denique propagare potest. scop. cap. i.

Vita est unio seu conjunctio animæ cum corpore. Animam voco principium illud internum, quodcunque tandem sit, five Substantia, five Accidens, à quo operationes Vegetabilium propriæ, uti sunt Nutritio, Augmentatio, seminis Productio, fluunt: quandiu enim principium illud intus corpori unitum manet, tamdiu Planta vivere dicitur. Vita quid.

Non sentiens in Definitione additur ad excludendum Animalia, quæ non minùs quàm Plantæ vivunt & vegetant.

Obijciēt quispiam, Plantas nonnullas *Æschynomēnas* seu *pudicas* Veteribus dictas, Recentioribus *Vivæ* & *Sensitivæ* & *Mimosas*, haud obscura sensûs indicia prodere: Siquidem folia earum manu aut baculo tacta, & paululum compressa, pleno etiam meridie, splendēte Sole, illico se contrahunt & veluti marcescunt, quod idem ab Aeris frigidioris appulsu patiuntur.

Fatemur equidem quomodo hæc fiant, si sensum omnem & motum spontaneum plantis denegemus, mechanicâ aliquâ ratione explicare perdifficile esse.



Herbarum folia & summitates avulsas aut decerptas brevi flaccescere & collabi experientia constat: cujus Phænomeni ratio manifesta est, nimirum ob succi eorum vasa & poros replere & distendere soliti fugam & evaporationem, novo non succedente. Quemadmodum enim Animalium pulmones aere inspirato repletæ extenduntur & attolluntur, sic pariter folia plantarum spiritibus & vaporibus per nervos influentibus: quemadmodum etiam è contrario iidem pulmones, aere seu exspirato seu per poros elapso vacui, concidunt & collabuntur; sic iidem folia succo evaporato exinanita. Cur, inquit, in decerptis expirat succus, in matri hærentibus non item? Imo in utrisque expirat: Plantarum enim omnium partes humida in perpetuo fluxu sunt, perque earum poros indefinenter evaporant: at in matri hærentibus novæ jugiter in locum abscedentium à radice subministrantur, non item in avulsis aut decerptis, unde hæc flaccescunt, illa etiamnum extensa manent. Fieri ergo potest ut tangentis manus nervorum compressu succi vaporosi influxum tantisper impediatur & retardetur, unde eo qui nervos & vasa replebat exhalante, folia necessario contrahuntur & collabascant.

Præterea Plantarum nonnullarum partes, [folia, ramuli, arista,] siccitate etiam contrahuntur & interdum convolvuntur, humore iterum explicantur & extenduntur, quod in aristis Avenaceis inque Planta illa, *Rosa Hierichuntina* perperam dicta, evidentissimè cernitur. Hæc enim postquam planè exaruit, imò per multos annos sicca reposita in globum coeuntibus ramulis contracta fuerit, si radice tenuis in aquam tepidam immittatur, illico se explicat, & ramulos in orbem denuo expandit, humore scilicet in ramulorum poros sese insinuante eosque extendente. Notandum etiam tam folia, quam ramulos plantarum siccitate sursum seu introsum contrahi & curvari: cujus ratio esse videtur, quia partes internæ seu supinæ solaribus radiis expositæ humore evocato prius & magis siccantur, unde necessariò illorum contractio fit, non secus ac in tabulis seu asseribus ligneis aut etiam librorum operimentis membranisque videmus, quæ si Soli aut igni exponantur, in partem Soli obversam curvantur & inflectuntur. Verùm contractio quæ fit ex siccitate hic, ut puto, locum non habet.

Datur adhuc & alia contractio ex frigore, quod corporum fluidorum, præsertim in vaporem resolutorum, motum illico sistit eaque in angustius spatium coarctat: Atque ex hoc genere videtur esse contractio illa in foliis plantarum mimolarum, qua de agitur. Frigus enim seu digiti, seu ambientis, succi in nervis motum expansivum cohibet, ejusque influxum magna ex parte sistit, unde sponte se contrahunt fibræ, & foliorum lobos unà adducunt; non secus ac idem frigus corporis nostri cutem condensare & corrugare, uti è contrario calor eandem extendere solet. Lobi autem foliorum introsum ad se mutuo trahuntur, quoniam fortasse fibrillæ in nervis superiores sicciores sunt adeoque promptius & citius contrahuntur, inferiores autem molliores, adeoque facilius cedunt & extenduntur.

Quòd contractio hæc foliorum à frigore fit, argumento est Leguminosarum fere omnium quæ folia pariter lobata seu pinnata obtinent, similis prorsus nocturno tempore contractio & diurno expansio foliorum. Item florum nonnullorum internoctu se claudendum compressio, ut v.g. Calendula, Cichorii, Convolvuli, &c. Etenim, Jacobi Cornuti experimento Flos anemones, qui ex hoc genere est, decerptus & loco calidissimo reconditus, velut arculæ exigua fideliter obliata, illico præter tempus aperitur, si modo ejus pediculus aquæ tepenti immergatur.

Verùm in causis hujus phænomeni assignandis mihi metipsum non satisfacio. Valvulas autem, quas nonnulli comminiscuntur in plantarum valis dari nequaquam concesserim.

Augeri dicitur planta quæ plus substantiæ sibi restituit quàm dissipata est. Planta autem non solum secundum omnes non satis adultas partes in omnes dimensiones major redditur, verùm etiam novas partes sibi semper aggenerat, folia, flores, fructus: in quo ab Animali differt, quod neque amittit ulla partes, neque aggenerat, nisi pilos plumasque pro partibus accipias, quæ quotannis defluunt novis succrescentibus. Excipiendum tamen hic videtur Cervinum genus, in quibus cornua quotannis decidunt & regerminant. Cornua enim æquo si non potiori jure partes Animalium quàm folia Plantarum censerè possunt; nec obstat quòd sentiendi facultate careant, cum & ossa periosteò denudata sensus expertia sint; nec minùs tamen Animalium partes ab omnibus habentur. Fructus qui in plantis pro partibus reputari solent, non minùs in Animalibus quàm in Plantis à matre decedunt; an verò novi in Animalibus perinde ac in plantis generentur, est cur dubitem. Cum autem Animalium ova plantarum fructibus adeò exactè respondeant, eodémque fere modo ex ovario germinant quo plantarum fructus è gemmis & racemis, cur nomen Partis eis denegetur, his concedatur, rationem non video.

Plantæ perennes augmenti respectu, ab Animalibus differunt, quòd partes illæ quæ perennant, quandiu planta vivit augentur, ut in arboribus quantumvis annosis manifestè cernitur, quibus quotannis novus accedit ligni circulus: Animalia autem cum justum magnitudinis terminum affecta sunt augeri desinunt.

Additur in definitione, certo loco, aut certæ sedi affixum, quod tamen nec omnibus in universum plantis, nec solis convenit. Non omnibus; siquidem *Stratiotes* Veteribus dicta, (Dioscoride teste,) aquis supernatans sine radice vivat, quamvis folium habeat *Aizoo* simile ac majus; quod & Prosper Alpinus in parte confirmat, pro radicibus, inquit, exigua quedam & rara lanugo dependet: & eruditiss. Vesslingius, *Planta tota sessili basi Nilo incubat, aquis innatans citra radicem, quamvis radicem vicem demissa terram versus tenuissima fibrarum veluti filamenta sustineant.* Tenuia autem isthæc filamenta, quæ versùs terram extendi, non terram attingere scribit, non videntur plantam stabilire posse aut sistere quo minùs huc illuc fluitet & locum mutet. At nec solis plantis convenit terræ aliæ sedi affigi; verùm id Animalibus etiam nonnullis commune est, iisque non imperfectis tantum, aut ancipitis naturæ, quæ Zoophyta appellare solemus, sed etiam perfectioribus. Sunt enim ex genere testaceorum certæ sedi affixa, quæ *subiuga*, id est, stabilia, Aristoteli ob eam rationem dicuntur; idque non casu aliquo, sed ex ipsius naturæ instituto. Vidimus enim ipsi Mytilorum speciem funiculo è testa egresso petris adnexum: quin & balani illi *Cinchæ anatifera* dici soliti apophysi quadam fistulosâ, coriacea, rugosâ, oblongâ navium carinis aliisque lignis vetustis in mari fluitantibus adhærescunt. Verùm terræ aliæ sedi ita adhærere ut alimentum inde attrahat seu exugat, id plantæ proprium est, nec ulli (quod sciam) Animali convenit. Nam quæ de *Agnoscibico* traduntur pro falsis & fabulosis habeo.

CAP.

\* De Plantis  
Ægypt. c. 35.  
† Observat.  
in Alpin. Æ-  
gypt. plant.  
cap. 35.



## CAP. H.

## De Partibus Plantarum in genere.

**A**ntequam partium Plantarum divisionem instituam, non incommodum erit celebrem illam distinctionem partium in *similares* & *organicas* paulisper excutere, quidque per *similares* intelligimus, quid per *organicas*, paucis exponere.

Pars *similari* (verba sunt \* Sennerti) ut vel ipsam nomen Græcum *ὁμοιωμένης* indicat, est quæ simplicis & unius est naturæ, & ex partibus naturæ diversis non constat, & proinde propriè opponitur *dissimilari*: cujus generis sunt *Ossa*, *Cartilagine*, *Caro*, *Membrana*, *Nervi*, *Vena*, &c. Pars ergo *similari* quatenus est *similari*, nullum publicum Officium habet, sed saltem nutritionem suam procurat. Pars *Organica* est quæ præter sui nutritionem aliam aliquam actionem habet, quâ vel aliis partibus, vel toti corpori inservit. Hinc patet partem *similarem* non propriè opponi *Organicæ* sed *dissimilari*, ut modò diximus: Eadem enim pars potest esse & *similari* & *Organica* diverso respectu: *similari* nimirum respectu texturæ & constitutionis; *Organica* respectu figuræ & conformationis, adeoque usus & officii in corpore. Sic vena quidem suâ naturâ *similari* pars est, sed quatenus eo modo conformata est, ut sanguini refluxo ad cor derivando aptus canalis sit, *Organica* dicitur: sic tibiæ os suâ naturâ *simplex* est, sed quatenus suam habet peculiarem figuram & magnitudinem, tibiâ nominatur.

Pars *organica* alia est *simplex*, alia *composita*. *Simplex* est, quæ constat ex partibus ejusdem quidem naturæ & temperamenti, verum peculiarem aliquam figuram & conformationem requirit ad actionem communem, hoc est in usum vel corporis totius, vel aliarum partium, exercendam. Hujusmodi sunt *Os*, *Vena*, *Nervus*, &c. Pars *organica composita* est, quæ constat ex pluribus partibus diversæ naturæ & constitutionis, quæ tamen simul ad eandem actionem concurrunt, atque hoc sensu accepta *Pars organica similari* opponitur. Sic v. g. Oculus est Pars *organica*, composita ex variis tunicis & humoribus, diversæ texturæ & constitutionis, quæ tamen simul ad visionem conspirant. Hujusmodi actiones quæ ab organis è multis diversæque naturæ partibus compositis obeuntur Perfectas vocat Galenus.

His ad distinctionis istius intelligentiam præmissis, nos partes plantarum dividemus in *simplices* & *compositas*.

*Simplices* sunt quæ constant ex partibus ejusdem texturæ & constitutionis.

*Compositæ* quæ ex partibus diversæ naturæ coalescunt.

*Simplices* sunt vel *continentes* seu vasa, vel *contentæ* seu succi.

Verisimile enim est partes *simplices* in universum omnes, corpus integrantes, in Plantis saltem, si non & in Animalibus, vel vasa esse, vel succos seu liquores, in vasis contentos.

Partes *contentæ* omnes ad sensum *similares* sunt: quamvis enim chymicâ Analyfi in alias adhuc simplices possint resolvi, sunt tamen ita per minima divisæ & commixtæ, ut quælibet pars sensibilis pariter ex omnibus hisce simplicioribus mixta sit, adeoque ejusdem naturæ cum reliquis sensibilibus partibus.

Partes *continentes* dupliciter considerari possunt; vel respectu *substantiæ* & texturæ suæ uniformis, quomodo *similares* sunt; nec aliam habent actionem præter sui nutritionem, vel respectu *figuræ* & conformationis ad usum aliquem & officium in corpore obeundum destinata, adeoque *organicæ* appellantur.

Partes *compositæ* quæ ex pluribus partibus simplicibus iisque (ut diximus) diversæ naturæ constant, *Organicæ* etiam appellantur, quia partes hæ *simplices* simul ad unam quandam actionem concurrunt.

Partes *compositæ* in quas Planta dividi solet sunt *Radix*, *Caulis*, *Folia*, *Flos*, *Fructus*, de quibus in specie agemus.

Sunt etiam aliæ partes minùs principales seu secundariæ, ut v. g. *Capreoli* seu *Clavicula*, *Pili*, *Spina*, &c.

## CAP. III.

## De Radicibus Plantarum.

**R**adix (definiente Jungio) est pars Plantæ inferior, quæ intra corpus solidius, quod Plantæ sedem præbet (sive illud terra sit, ut plerunque, sive saxum, sive calx, sive arena, sive lignum, sive quodcunque aliud) abditâ, & alimento attrahendo destinata est.

Radices dividi possunt in *fibrosas* & *crassiores*. *Fibrosas* voco quæ plurimis fibris seu filamentis è plantæ fundo separatim exeuntibus constant.

*Crassiores* quæ corpore pro plantæ modo crassiore sunt vel in furculos diviso, vel fibras emittente. Hæ vel carnosæ sunt, & in *latum extumescentes*, vel in *longum extensæ*, plerunque strictiores & lignosiores.

*Carnosæ* & in *latum extumescentes* sunt vel *Bulbosæ*, vel *Tuberosæ*.

*Bulbosas* voco quæ unico constant tubere seu capite, eoque vel squamato vel tunicato, fibras plurimas ex ima sede seu basi emittente.

*Bulbosæ* ergo strictè dictæ sunt vel *tunicatæ*, hoc est, ex pluribus corticibus in orbem se amplexantibus compositæ, cujusmodi sunt *Cepa*, *Allium*, *Hyacinthus*, *Tulipa*, &c. vel *Squamosæ*, b. e. è pluribus squamis imbricatim ferè dispositis coagmentatæ, ut *Lilium* & *Martagon*.

Notandum autem *Bulbosas* strictè dictas *Fibrosis* rectius accenseri. Fibræ enim è bulbi fundo exeuntes propriè duntaxat radices sunt; Bulbus ipse nihil aliud esse videtur quàm gemma grandior sub-



terranea, ut rectè eruditissimus & ingeniosissimus Vir, D. *Nebemias Greiv.* M.D. ob præclara sua inventa & observata, in *Anatome Plantarum*, reliquaque earundem Historia meritò celeberrimus.

\* *Lib. de Anatome radicum.* Tuberosæ sunt quæ carne solidâ continuâ constant, suntque vel simplici tubere ut in *Rapa*, *Croco*, &c. vel multiplici, ut in *Asphodelo*, *Pæonia*, &c.

Not. Plantæ nonnullæ duum generum radicibus donantur, tuberosis & fibrosis, ut *Orchis*.

Radices in longum extensæ quæ plerunque strictiores sunt & lignosiores, vel *sarmentosæ* sunt & transversim progredientes seu reptantes, ut *Glycyrrhizæ*, *Cardus viarum*, *Acetosæ Orilla*, &c. vel *cauliformes* & in altum descendentes.

Notandum autem, in plurimis reptatricibus propagines sub terra reptantes, geniculatæ cum sint, & è geniculis fibras emittant, ut in *Gramine canino* *Offic. Mentha*, *Pilosella aurea*, *Præmice*, &c. caules potiùs subterraneos videri quàm radices.

Radices *cauliformes* & in altum descendentes sunt vel *simpliciores*, fibras tantum è lateribus emittentes, vel *ramosæ*: Hæ autem ad modum caulium vel ab exortu statim ramosæ sunt, vel simplici scapo aliquouique descendunt, deinde in ramos; rami in furculos & fibras sparguntur. Nonnullæ etiam plantæ plures è fundo emittunt radicem truncos.

Possent & aliæ radicum differentiæ, à coloribus, sapore, odore, facultatibus sumi, quas hoc in loco prosequi nostri non est instituti; alibi fortassè earum catalogos daturi sumus.

Radices nonnullas bulbosas ut v. g. *Tuliparum*, annuatim in terram descendere à Botanicis dudum observatum est: idem nuper in aliis plurimis & quidem diversorum generum radicibus observavit † D. *Grevius*, ut v. g. *Ari*, *Valeriana*, *Scrophulariæ*, *Hellebóri nigri*, *Tanacetii*, *Lychnidis*, *Cisthmi*, *Primulæ*, *Caryophyllatæ*, *Acetosellæ*, *Iridis*, &c. quarum omnium, eodem observante, Radix quotannis ex trunco seu caule ipso renovatur, aut potiùs particulatim reparatur: Basis sci. seu ima pars caulis, sensim infra superficiem terræ descendens, seque in ea occultans in naturam genuinæ radices transmutatur, ejusque locum occupat, & officium præstat. Ad motum autem caulis radix etiam unâ descendit, & pro durabilitate substantiæ suæ brevior aut longior evadit, vetustiore & inferiore ejus portione eisdem gradibus putrescente quibus superior è caule descendente & transmutato augetur. Sic in *Scrophularia* v. g. sed præcipue *Succisa*, quæ ab radice præmorsâ apparet, ima pars caulis gradatim subsidens donec terræ immergatur superior radices pars officitur, & descensu continuato, sequenti anno, inferior ejusdem pars evadit, proximo deinde anno corrumpitur & evanescit; novâ scilicet quotannis è caule accessione facta, prout inferiores & vetustiores partes putrescunt & absumuntur. Ità pariter in *Draconio*, *Croco*, *Gladiolo*, &c. ubi bulbus geminus est, superior & inferior, basis caulis anno insequenti fit superior radix, proximo inferior, tertio interit & absumitur.

Hujusmodi descensus caulis & transformatio in radicem in nonnullis plantis evidentius cernitur & clariùs demonstratur quàm in aliis, ut in transversis & tuberculosis radicibus *Primulæ* & *Acetosellæ*. Harum enim Plantarum foliis successivè marcescentibus & abscedentibus bases eorumdem copiosiore succo enutritæ in totidem nodulos crassiores turgescunt. Idem in aliis nonnullis colligi potest ex simili vasorum & partium lignosarum situ in trunco & in radice, ut v. g. *Helleborastro*, sed præcipue *Iride tuberosâ*, in qua quamvis folia proximè juxta caulis superficiem decidunt, postquam tamen caulis descendit & in radicem intumuit, foliorum delapsorum sedes seu vestigia unâ cum vasorum iis inservientium extremitatibus non obscurè apparent, radice sci. annulis quibusdam, & lineis punctatis variegatâ, annulis foliorum sedes, punctis vasorum officia demonstrantibus.

Descensus hujusce causæ proxima & visibilis seu manifesta sunt radices fibrosæ, quas hujusmodi caules emittunt: hæ enim in terram rectâ descendentes, velut totidem funiculi truncum post se rapiunt. Hinc radicum nonnullarum figura veluti invertitur. Nam cum pleræque inferius in ramos aliquot seu totidem crura divaricantur, nonnulla superne in plures veluti cervices seu cornua [capita vocant Botanici] dividuntur, ut in *Dente tæoni* aliisque nonnullis cernitur. Hæ enim radices è summo capite plures protrudunt gemmas, quæ in totidem caules abeunt. Gemmæ hæ seu germinâ novâ successivè folia emittentia, vetera abiciunt, adeoque paulatim continuò descendentiâ, in totidem tandem cervices, 3, 4, 5. aut etiam plures uncias longas, abeunt.

Hinc intelligitur quomodo radices nonnullæ præmorsæ videntur, ut in *Succisa*, perennèsque evadunt, nimirum successivâ aggeneratione novarum portionum in locum earum quæ quotannis corrumpuntur & intereunt, ut in plantis de quibus egimus, ex parte trunci quotannis descendente annua sua damna reparantibus, inque *Orchide*, *Battatæ*, *Napello*, *Chelidonia minore* aliisque tuberosis in quibus, vetustioribus radicibus seu tuberibus marcescentibus, novæ earum loco aggenerantur. Cum his etiam consentiunt *Tulipæ* aliæque radices bulbosæ: tunica enim ex quibus præcipue bulbi constant quotannis exarescunt, & in tenues membranas seu cuticulas exiccantur, novis assidue in medio succrescentibus foliis & corticibus. Ad eundem modum fibrosæ earum radices aliæ aliis annuatim succedunt; unde post aliquot annos bulbus quamvis idem perseverare videtur, alia omnino revera res est, nullâ ejus particulâ primitivâ residuâ.

Partes Radicis uti & Caulis sunt Cortex, Lignum aut in herbaceis pars ligno respondens, & medulla.

CORTEX.  
Cuticula.

Cortex componitur ex cuticula & substantia interiore.

Cuticula à cortice originem habere videtur, & nihil aliud esse quàm corticem veterem exarescentem & contractum, novo quotannis subnato; quemadmodum spoliū Serpentis quod quotannis exuit ejusdem cutis exarofacta est. Cuticula in radice isdem partibus componi videtur quibus & in caule, nimirum utriculis seu vasculis velut parenchymate, ligneis aliquot vasis seu fibris fistulosis intermixtis, quæ quamvis etiam microscopio ægrè visibiles sunt, adesse tamen colligit D. *Grevius* ex eo quod cuticula multo difficilius finditur aut dilaceratur transversim quàm secundum longitudinem, aliisque argumentis, quæ apud ipsum vide.

Corticis substantia interior crassitudine plurimum variat, in nonnullis enim radicibus ut *Flore Solis pyramidalis*, *Tragopogone*, &c. arboribus plerisque prætenuis est; in aliis crassa admodum, longè



gè maximam radicis partem constituens, ut in fibris *Asparagi*: Quin cortex radicis in plurimis plantis multò majorem obtinet proportionem ad lignum, quàm Caulis; atque hac in re radix à caule insigniter differt, corticis nimirum crassitie.

Cortex in radice iisdem ferè partibus componitur quibus & in caule, nimirum, 1. Utriculis seu vesiculis seu parenchymate, Sphæricis plerunque, interdum tamen oblongis, minimè perviis seu in se mutuò hiantibus, sed undique clausis, & aquæ bullarum instar pellucidis, adeò ut corticis Parenchyma, quoad compositionem suam, spumam Cerevisiæ aut ovorum conquassatorum proximè referat, aut panis probè fermentati medullam. Vesiculæ hæc adeò parvæ sunt ut absque microscopio agrè sint visibiles; magnitudine tamen differunt, tum in eadem, tum præcipuè in diversi generis radicibus. In rectas lineas seriatim non rarò disponuntur tam secundum longitudinem quam secundum latitudinem radicum. Liquore limpidò seu pellucido semper turgidæ sunt, qui per eandem membranarum poros se infinuat, nec enim datur patentior janua quàm intret. D. Malpighius utriculos in se mutuò hiantes & pervios facit.

Utriculos hosce in nonnullis plantis duùm generum esse observavit D. Grevius: præter descriptos enim alii dantur albidiores nec transparentes, sicciore etiam nec liquore turgidi, unde verè repletos esse opinatur. Pleniorum horum descriptionem videbis apud laudatum autorem in libro de *Anatome radicum*.

2. Præter utriculos fibræ etiam ligneæ seu vasa succifera, plura pauciorave, corticis compositionem ingrediuntur, ut ex faciliore dilaceratione corticis secundum longitudinem quam transversaliter; ex ductu earundem fibrarum secundum longitudinem visibili, tenuium filamentorum specie; & ex ascensu succi cortice transversim secto, iis in locis ubi filamenta isthæc terminantur, patet.

Reticulares plexus eodem modo componunt fibræ hæc quo in cortice caulium. Quamvis tamen ad se invicem accedant, & iterum reflectantur, nullæ omnino (observante Grevio) dantur inter eas anastomoses, sed unumquodque filamentum unicum & simplex vas est ab imo ad summum continuum, non ramosum, cavitatè ab imo ad summum æquali. At neque alia aliis circumvolvuntur, aliterve implicantur, sed sibi mutuò duntaxat contigua sunt. Plexus hi in variis plantis numero & figurâ variant, in aliis rariores, in aliis crebriores. Notandum autem singula filamenta, non singula vasa esse, sed vasorum parallelorum fasciculum seu congeriem, quæ tamen nec in se mutuò pervia sunt, nec sibi invicem in fasciculo suo convolvuntur aliterve implicantur, ut de filamentis diximus. Eadem de tracheis seu vasis aerem deferentibus quæ in lignea parte occurrunt dicta sunt. Est tamen cur suspicemur dari in hujusmodi vasis anastomoses, nec D. Grevii sententiæ penitus acquiescamus, præcipuè quod ad fibras ligneas attinet, partim ab analogia venarum & arteriarum in animalibus quarum propagines manifestè in se mutuò perviæ sunt & reticulariter inosculatæ, partim à foliorum, quæ sunt ligneæ expansiones, structurâ, in quibus fibræ sibi mutuò occurrentes inosculatæ & reticulariter implexæ videntur: partim denique ab experimento de succi motu deorsum in sectione transversâ inferius proponendo.

Color radicum in plerisque plantis albus est, in nonnullis flavus, in paucis ruber aut atro-rubens, ut *Anchusa*, *Erythrodano*, *Pastinaca tenuifolia*.

Vasa hæc diversorum generum esse ex diversitate liquorum quos continent colligit D. Grevius, quem consule: alia enim lympham continent, alia lacteum succum, alia in plantis nonnullis rorem seu vaporem. Verùm vasa hæc iis quæ in caulium corticibus observantur analogæ esse, & succos congeneres deferre opinamur, atque idcirco plura de iis dicere superfedemus.

Lignea radicis pars eisdem ferè partibus constat, eodémque modo contextis quo in caule, nimirum, 1. Parenchymate seu utriculis in radios diametrales à circumferentia ad centrum tendentes dispositis, ut in transversâ sectione patet. L I O N U M.

2. Fibris ligneis seu vasis succiferis, quæ etiam ut in cortice duùm generum sunt, nimirum vel lympham deferentia, vel succum lacteum, aliúmve plantæ peculiarem, seu, ut vocant, specificum.

3. Fistulis aeri excipiendo & derivando destinatis seu tracheis, de quarum textura seu compositione infra dicemus. De earum magnitudine, numero, situ, quæ in variis plantarum generibus variant, vide Grevii lib. de *Anatome Radicum*, cap. 4. Has autem in radicibus majores plerunque esse & magis patentès quàm in trunco ac ramis annotat Malpighius.

Medulla plantarum omnium radicibus communis non est: Nonnullæ enim, ut v. g. *Nicotianæ*, *Stramonii*, &c. eâ carent. Aliæ quamvis parte inferiore nullam habeant, supernè tamen satis conspicuam obtinent. Ex utriculis componitur ut in caule, iisque etiam magnitudine & figurâ diversis, quibus vasa aliquot succifera interdum admiscuntur.

Notandum autem utriculos seu vesiculas hæc ex quibus Medulla componitur, non meras & rudes membranas esse, sed ex plurimis ordinibus seu seriebus tenuissimarum fibrarum seu filamentorum ab imo ad summum vesicularum juxta positum, & à vesicula ad vesiculam transversim, (ut in subtegmine à staminis filo ad filum) decurrentium compositas; adeò ut Medulla nihil aliud sit quàm rete quoddam mirabile, seu infinitus fibrarum minutissimarum mirabili ordine complicatarum numerus. Quinetiam fibræ hæc non simplices sunt, sed ex pluribus simul conjunctis compositæ, fibrillis etiam transversis, (quæ simplices esse videntur) contextæ.

Quâ ratione alimentum radices subingrediat meos adhuc sensus fallit (inquit Malpighius) ut probabiliter tamen conjectari licet; aqueæ particulæ solutos sales, & reliqua mineralia per terram dispersa sibi associant ac fluida reddunt, appellensque hujusmodi heterogeneous corpus ad plantarum radices, veluti per cribrum tractum, in ligneas fistulas exprimitur; seu per pilorum, qui circa tenellas radices copiosè luxuriant, orificia intret; seu per exteriorem ambientem cuticulam percoletur, adeoque vel sensim utriculis communicetur & ab his in contiguas fistulas derivetur, vel per extrema fistularum ora intro excipietur, & ab iisdem transversalibus utriculis minivretur; ut in minimis radiculis quæ fibræ appellantur probabiliter accidit, in quibus ad extrema usque fistulæ deducuntur, transversalibus utriculis parum luxuriantibus.



## CAP. IV.

De Caulibus Plantarum, & eorundem partibus continentibus, à Clariss. Malpighii & Grevii scriptis.

\* In Isag. Phy-  
scop.

**C**aulis, definiente \* Jungio; est pars Plantæ superna in altitudinem ita exposita; ut anteriora à posterioribus, vel dextera à sinistris non differant. Caulis in arboribus & fruticibus *caudex* [ *Stipes*, *truncus* ] in fistulosis *calamus*, in frumentis *culmus* dicitur.

Caulis est vel *simplex*, vel *ramosus*.

*Scapus* caulis est pars caulis ramosi, quæ à fundo ad cacumen summum unâ quasi lineâ extenditur, cui rami utrinque adherent.

Caulis partes sunt *Cortex*, *Lignum*, aut in Herbaceis pars ligno respondens, & *Medulla*.

*Cortex* est qui caulem & ramos undique investit. Componitur autem è *cuticula* & substantia interiore.

*Cuticula.*

*Cuticula* utriculis seu sacculis horizontali ordine locatis, ita ut annulus efformetur, componitur, qui ambientis rigiditate & ætatis vitio depletur, & in seipsos collapsi aridam interdum epidermidem efficiunt, ut in Betula, Cerasis, Pomisque præcipue observatur. *Malpigh.*

De Cortice.

**CORTICIS** substantia interior constat, 1. Ex *fibrarum lignearum* in plexus retiformes contextarum plurimis involucri, exteriori interiorum tunicarum Cephæ in modum ambiente: deinde, 2. Ex utriculis seu sacculis subrotundis [ interdum ovalibus aut angulosis ] plexuum modò dictorum maculas seu spatia replentibus, horizontali situ lignum versus radiorum instar directis. 3. Denique ex vasis peculiaribus; succum plantæ proprium & specificum continentibus.

D. Grev. substantiam corticis interiorum in vasa & parenchyma primò distinguit: parenchyma vocat utriculos modò dictos qui parenchymati viscerum in animalibus respondent. Vasa dividit in lympham deferentia quæ dum generum esse statuit: exteriora enim & cuticulæ proxima succum specie diversum ab interioribus & ligno vicinis deferre opinatur: [ hæc vasa sunt quas fibras ligneas diximus ] & succum plantæ proprium & specificum continentia, qualia sunt v. g. in Abiete & Pinu resinifera, in Prunis & Cerasis gummiifera, in Tithymalo lactifera. De tribus hisce partibus explicatis paulo agemus.

*Fibra lignea,*  
seu *Vasa lympham*  
*deferentia.*

1. *Fibra lignea*, describente Clariss. *Malpighio*, sunt tubulosa corpora, subingredientibus liquoribus pervia, ipsarumque structura è quadratis [ aliisve interdum figuræ ] corporibus, concavis, invicem hiantibus constat. Vasa hæc nec recta, nec parallela ducuntur, & ut plurimum in fasciculis coagmentantur. Horum aliqua iterum inclinata, & [ à fasciculis suis ] separata rete efficiunt, unde reticularia quæ diximus involucria, quibus lignum ambitur. Fibras hæc Lymphæ ductus seu vasa lympham deferentia appellat D. Grevius, quia scilicet liquorem aqueum, limpidum & pene insipidum continent. Plexus hi fibrarum retiformes è fasciculorum portionibus digredientibus & ad proximos tendentibus cumque iis unitis, & rursus reflexis contexti in radice Rapæ caulescentis, præsertim coctæ, manifestè possunt discerni, imò digitis extendi.

*Utriculi seu*  
*Parenchyma*  
*corticis.*

2. *Utriculi* dicti sunt vesiculæ seu ampullæ liquore turgidæ, quem è fibris ligneis excipiunt, horizontaliter plerumque fixæ in lineis rectis seu radiis à cuticula ad lignum tendentibus, suntque veluti corticis parenchyma, ut superius diximus. [ D. Grev. utriculos corticales in radios diametrales rarius disponi ait: quo à radicis corticis parenchymate differunt. ] A fibris fistulosis ligneis horizontales ( verba sunt Malpighii ) utriculorum ordines pendent & erumpunt. Etenim dum tenelli adhuc corticis fistulæ vi evelluntur, continuatæ utriculorum appendices subsequuntur. In hos igitur transversales utriculos ascendens humor chyli instar exoneratur, ibique longiorem passus moram antiquiori succo intimè commixtus & fermentatus in naturam alimenti exaltatur. Copiosus admodum in corticis hujusmodi horizontalibus appendicibus excoquitur succus, qui ligno, reliquisque plantarum partibus distribuitur; unde nil mirum si cortex abundantius & validius pabulum præ reliquis plantarum partibus igni subministret.

*Vasa succifera.*

3. Vasa succum plantæ proprium & specificum deferentia in variis plantis diversum succum continent, ut v. g. in Abiete resinam, in Tithymalo & Lactucaceis lac. Succus hujusmodi è vasis extractus humore aqueo evaporante plerumque concrevit in resinam gummi, aliudve crassamentum.

Succi hujus ( inquit *Malpighius* ) varia est natura, frequenter aquei diaphanique humoris specie effluit, quandoque Lactis instar, non rarò luteo inficitur colore, & interdum semiconcretus lentorem acquirit, ita ut quot Plantarum species extant, totidem peculiare succi inveniantur. Hic ( pergit ) *succus, in singulas partes delatus, roris instar affunditur, & concresecendo ipsas auget, & ad debitam magnitudinem perducit.* Videtur ergo respondere sanguini animalium: quamvis ( ut verum fatear ) sententiæ D. Malpighii, nimirum succum hunc ultimum & specificum plantæ alimentum esse, non penitus acquiesco. Esse eum Quintessentiam ( ut vocant ) totius plantæ, ejusque & odorem & saporem reddere virisque velut concentratas in se continere non diffiteor.

Vasa aerem deferentia nulla in cortice observantur, certè si adsunt, adhuc inconspicua sunt, nec suo funguntur munere, ut in Animalibus intra uterum conclusis accidit, & sola conversione corticis in ligneam naturam manifestantur & patent, ut loquitur Malpighius.

De Ligno.

**LIGNUM** eisdem partibus, eodemque modo connexis componitur quibus cortex, nimirum, 1. *Fibris ligneis* fistulosis, in fasciculos coagmentatis, & in retiformes plexus contextis; 2. *Utriculis* eorundem maculas & spatia replentibus; 3. Vasis succum specificum deferentibus; & 4. Peculiari insuper vasis genere aeri derivando destinato, & animalium tracheæ & pulmonibus respondentis.

1. *Fibra lignea* ejusdem sunt naturæ cum corticem componentibus: iisdem enim ( ut *Malpighii* verbis utar ) componuntur minimis vacuisque orbiculis, invicem hiantibus, & consimilem amittunt succum. Caterum inter corticis & ligni fibras hæc intercedit differentia, quòd illæ trunco transversim dissecto succum sponte effundunt omnes; harum autem nullæ semper, pleræque nunquam



quam id faciunt. Fibrae hæc ad maiorem firmitudinem & robur transversalium utriculorum ordines supererigunt, ita ut ex horum mutua implicatione quadam veluti storea efficiatur. Præcipua autem & potior trunci caulifve portio ligneis hisce fistulis constat. Hæc in variis plantarum speciebus magnitudine, numero, situ differunt, ut facile esset ostendere. Vide *Malpighii & Grevii Plantarum & Truncorum Anatomen*.

Inter ligneas fibras anastomofin intercedere, non aliter quam in Animalibus inter venarum ramos probat *Malpighius, Anat. Plant. p. 11.*

2. *Utriculi* in radios diametrales fibras & vasa intercurrentes, à cortice ad medullam extensos disponuntur; non tamen omnes ipsam attingunt, sed interdum versus interiora ligni obliterantur, novis subortis in penitioribus ligni circulis: patent autem secto per transversum ramo seu caudice. In fruticibus (observante *Malpighio*) & in quibus non valde crassum est ligneum corpus, & condita medulla ampla, à cortice utriculorum appendices in medullam deducuntur & in ipsum laxantur: unde eadem natura in utrisque [corticalibus & medullaribus utriculis] reperitur: quin & eadem phaenomena quæ in corticis utriculis contingunt, quandoque in medulla occurrunt. Utriculorum autem ordines ovalibus invicem hiantibus corporibus compaginantur, unde & contento succo turgent, in nonnullis plantis diaphano, in aliis colorato; tenui autem pellucidâ, diaphanâque membranâ singuli utriculi constant. In diversis plantarum speciebus plurimum variant, numero, magnitudine, texturâ, extensione, &c.

3. Vasa succum plantæ proprium & essentialem continentia in tot circulos disponuntur quot sunt tunicae seu involucria annui incrementi à medulla ad corticem; eademmet enim sunt cum corticalibus interioribus quæ à cortice quotannis abscedunt, & ligno se applicant, angustiora duntaxat ob fibrarum lignearum undique circumstantium pressuram reddita.

4. Vasa aeri excipiendo & derivando destinata, quæ fistulas spirales & tracheas appellat *Malpighius*, argenteâ laminâ in spiram contortâ componuntur, ut facili laceratione in oblongam & continuatam fasciam resolvantur. Lamina hæc si ulterius microscopio lustretur particulis squamatis componi deprehenditur. [Lamina hæc (observante *Grevio*) è multis fibris teretibus collateraliter in eodem plano sitis, teniæ seu fasciolæ staminum in modum, & minoribus transversis fibellis velut subtegmine contextis constat.] Ampliores spirales fistulæ frequenter pulmonares quasi vesiculas, trachearum substantiâ, continent, quandoque invicem hiant, interdum ovali constant formâ, & altero nonnunquam fine imperviæ sunt, ita ut parum dissimiles insectorum pulmonaribus vesiculis extent. D. *Malpighius* Naturam in Insectis & Plantis spiralem laminam squamosis frustulis compactam tracheæ vice fabrefecisse opinatur, ut constrictionem & dilatationem in vehementibus flexuris & curvationibus arborum, & in elastico conclusi aeris motu pati possit. Tracheas hæc fibræ ligneæ per se fulciunt & undique stipant & interdum coarctant, unde insecto per transversum ligno earundem orificia frequenter ovalia apparent, vel rotunda, interdum angularia: Tracheæ autem non multum à recto declinantes, à radicibus sursum in truncum, caulem, & ramos disperguntur, in foliis verò curvata in rete implicantur. Vasa hæc exceptis succiferis corticalibus propriis omnium longè maxima; per totam ligni substantiam frequentissima occurrunt, in cortice autem nulla observantur.

Tanta est Respirationis necessitas & usus, ut natura in singulis viventium ordinibus varia sed analogâ paraverit instrumenta, quæ pulmones vocamus, cum hoc discrimine, ut quæ perfectiora nobis censentur, ea minori pulmonum apparatu gaudeant, ut per Quadrupeda, Aves, Pisces, Exanguia aquatica & Insecta discurrendo ostendit Cl. *Malpighius*. In plantis verò, inquit, quæ infimum Animalium attingunt ordinem tantam trachearum copiam & productionem extare par est, ut his minimæ vegetantium partes præter corticem irrigentur.

Qua parte aer vasa hæc subintret quaestio est, an scilicet per radices, an per trunci, foliorum, reliquarumque partium superficialium poros. D. *Malpighius* se diu anxie quaesivisse scribit, an in foliis & cortice orificia pro aere paterent, nec ea unquam deprehendere potuisse: radices verò tot tantisque coagmentari tracheis observavit, ut in quibusdam plantis & arboribus hæc reliquarum molem longè superarent. Quare (ut conjectari licet) vapor seu respiratorius succus, à terra aquæ & aeri admixta separatus, tracheas subintrans ipsas replet & distendit. Ligneæ autem fibræ aut horizontalium utriculorum ordines separatam à trachearum tunicis halitus partem seu succum pro respiratione recipiunt, cum ligneæ fibræ Hederæ instar tracheas ambient. D. *Grevius* aerem omnium partium tam superficialium quam subterranearum poros subingredi statuit, hos autem posteriores copiosissimè. Pori enim in plantarum nonnullarum truncis adeo ampli sunt, ut nudo & inermi etiam oculo pateant, ejusmodi sunt *cannæ Indicæ* quibus pro virgis & scipionibus utimur: quin & in Pinum foliis eleganti ordine per totam foliorum longitudinem dispositi cernuntur; verisimile ergo est aliquam Aeris partem per hos se insinuare. Potissima tamen & quasi regia via quâ ingreditur Aer, sunt radices oscula, in quæ succo commixtus se ingerit. Radix enim in Plantis Animalium ori responderet. Deinde si aer per partium superficialium tantum poros intraret, antequam cum radice succo commisceri possit, necessario deberet descendere, contra motum succi qui perpetuo ascendit, adeoque Aer & Succus sibi mutuò occurrentes impedimento essent, quod non videtur verisimile; cum si per radicem reciperetur motu ascensus facili & naturali unâ cum succo conspiraret. Quod idem ulterius argui potest à paucitate & parvitate diametralium portionum [utriculorum] in trunco præquam in radice, quas natura ibidem Aeri à succo, quocum commixtus excipitur, separando designasse videtur. Hactenus D. *Grevius*, apud quem plura vide.

MEDULLA, cordi & cerebro analogâ olim credita, multiplici globulorum per longum locorum ordine constat. Globuli quos diximus membranosi utriculi seu vesiculæ sunt, in plerisque quidem plantis rotundi, in nonnullis tamen angulosi & vel cubici, vel pentagoni, vel hexagoni lateribus. Medulla quamvis à ligni & corticis parenchymate [ita voco utriculos diametrales fibrarum spatia replentes] diversum nomen obtineat, naturâ tamen & substantiâ cum eo convenit, ut & textura & continuïtas evincunt; continuïtas, inquam: Nam utriculorum ordines à cortice emanantes (ut D. *Malpighii* verbis utar) per ligneas fibras producti in medullam terminantur, unde eadem natura



natura in utrisque [corticalibus & medullaribus utriculis] reperitur: nec aliter quàm magnitudine inter se differunt utriculi *medullares*, qui omnium maximi sunt, *corticales*, qui mediæ magnitudinis, & *lignei*, qui minimi.

Medullæ magnitudo in variis plantis varia est: in *Absinthio*, v. g. *Rhoe*, *Ficu*, *Oxyacantha*, (observante D. Grevio) amplissima: in *Pinu*, *Fraxino*, *Agrifolio*, *Fuglande* minor seu angustior ferè duplo: in *Quercu*, *Malo*, *Pyro*, *Corylo* adhuc minor: in *Ulmo* minima.

Herba & Frutices majores plerunque obtinent medullas quàm Arbores, pro magnitudinis ratione, ut in *Rhoe*, *Ficu*, *Oxyacantha* apparet. Medulla ex vasis & utriculis componitur, vasa ad marginem medullæ sita sunt, eamque circulariter ambiunt: continent autem succum plantæ essentialem & proprium.

Medullares utriculi quamvis reliquorum ejusdem plantæ respectu majores dicantur, in diversis tamen plantis magnitudine insigniter differunt: In nonnullis enim, ut v. g. *Carduo* vulgariss. centuplo majores sunt quàm in aliis, v. g. *Quercu*.

Notandum etiam utriculorum magnitudinem non sequi medullæ proportionem; cum in medulla Sambuci, quæ multò amplior est medulla *Oxyacanthæ*, utriculi componentes duplo minores sunt quàm hujus.

Medullæ primi anni, eique foli convenit succulentam esse: post primum enim annum medulla exarescit, nec unquam postea succum admittit; unde laxæ mollisque supersunt pelliculæ. Grev.

In medullæ utriculis, necnon in transversalibus vascula utriculos reticulariter ambientia occurrunt, unde conjectari licet vasorum plexibus tum medullarium tum transversalium sacculorum ordines irrigari.

## CAP. V.

### De Partibus caulium contentis & de motu succi.

Partim è Clariss. Malpighii, & Grevii scriptis, partim ex nostra observatione.

**Q**UOT vasorum genera sunt in truncis & radicibus, totidem etiam partium contentarum differentiæ. Utriculos hic è vasorum numero excludimus, & parenchymatis ascribimus, quamvis & hi revera vasa sint, Partes ergo contentæ sunt, 1. Lympha seu succus limpidus & aqueus, in Lymphæ-ductibus seu fibris ligneis fistulosis; 2. Succus plantæ essentialis seu specificus, in vasis peculiaribus succiferis reconditus; 3. Aer in fistulis spiralibus delatus; qui tamen plantæ pars non videtur dicendus. Succum limpidum in nonnullis plantis ex structura & situ Lymphæ-ductuum duum generum esse colligit D. Grevius.

Utriculi (ut diximus) sunt veluti parenchyma trunci, nec succum à supradictis diversum continent, sed inter vasa mediant, & vel succo crudiori concoquendo inserviunt, ut vult D. Malpighius; vel etiam aeri è fistulis spiralibus excipiendo & in vasa succifera derivando, eodem ferè modo quo in animalibus pulmonum vesiculæ aerem à bronchiis tracheæ exceptum Arteriis imperiunt, ut opinatur D. Grevius.

Lympha.

Succus limpidus seu lympha ab aqua communi, cum primùm effluere incipit, nec gustu, nec consistentiâ multùm differt. Tantâ copiâ verno tempore ascendit, ut in nonnullis arboribus è vulnere inflicto ubertim emanet. Vasa autem per quæ movetur, autore D. Grevio, sunt fistulæ spirales seu tracheæ D. Malpighio dictæ. Ratio, seu causa (inquit) propter quam primo vere per fistulas hasce ascendit, est, quia corticis Lymphæ-ductus seu vasa per quæ totâ ætate fertur, tum primùm formari incipiunt, cum ergo hæc viam non invenit, in vasa aerea digreditur; quamprimùm verò lymphæ-ductus prædicti consistentiam & extensionem debitam consecuta sunt, succus è diverticulo in viam redit, & tracheis derelictis in hæc in proprium suum receptaculum se confert. Hæc D. Grevius, qui tamen nobis non undequaque satisfacit: quamvis enim satis causæ sit cur succus in tracheas primùm irruat, cum tamen vasa ista ampliora sint & patentiora quàm noviter extructi lymphæ-ductus, & nihil obstet quo minùs cursum continuet, cur hisderelictis velut electione quadam ad novos canales se reciperet, rationem non video. Interim tamen succum verno tempore per vasa aerea sursum ferri, & vulnerato trunco per eorum orificia effluere minimè negamus.

Quæ de motu succi vernali in *Betula*, *Vite*, *Acere majore & minore*, *Fuglande*, *Carpino*, *Salice* (nam has solas arbores in nostra regione lachrymare hæcenus observavimus) experiendo didicimus, subjiciemus.

1. Per quæcunque tandem vasa ascendat succus, per totam ligni crassitiem ascendere experimenta evincunt: Siquidem terebrato trunco aut ramo radicève, quò profundius factum fuerit foramen eò copiosior succus extillat, & quidem pro altitudinis proportionem, ut ex duplo profundiore foramine dupla ferè succi quantitas eodem tempore emanet.

Deinde ut omnem vel scrupulosissimo cuique dubitandi ansam præcinderemus, grandiore *Betulae* ramum ferrâ reciprocâ ad medullam ferè incidimus, spatîoque circiter semipedali interposito, ab eadem parte paris altitudinis sulcum seu incisionem fecimus, deinde ligno ferraturas, intercedente exemplo, inque areæ ligneæ complanata medio foramine terebrato, panni laciniam seu filtrum ei immisimus, cauto interim nè quid desuper liquoris in filtrum deflueret. Quibus peractis succum nihilominus è foramine copiosè extillare deprehendimus.

2. Succum in vasis tam deorsum quam sursum liberè moveri constat. Virga enim *Salicis* aliùsve arboris cum succo turget recisa, & perpendiculari situ suspensa, ab inferiori majore extremo lachrymam aliquandiu extillabat: quin si taleæ aut baculi saligni aut *Acerni* utrinque recisi superiori extremo fistulam ceream ita applices & agglutines, ut vasculum quoddam efformet, cujus latera sint circumferentia tibi, fundus planum extremi baculi recisi, eique perpendiculariter erecto aquam infundas, videbis



videbis brevi aquam transito ligno ab altera baculi extremitate paulatim extillare, nec cessare antequam vasculum prædictum exinanitum fuerit. Idem in Tithymalo aliisque lactescentibus cernitur, quæ recisæ ab utraque parte, tam supernâ quàm infernâ succum lacteum pariter effundunt. Unde patet nullas in plantarum vasis valvulas dari. Quod inde etiam confirmatur, quod si tale aut furculus inversus plantetur, superiore nimirum extremitate terræ immisâ, nihilominus comprehendit, & quantumvis mutata succi directione germinabit, ut in *Salice* experti sumus. Hoc tamen perpetuò evenit (*Malpighio* moriente) plantatos taliter furculos minùs proficere.

3. Vasa succifera in progressu inter se communicant per mutuas anastomoses, quod hujusmodi experimento probamus. Serrato profundè per transversum *Betulæ* adultioris caudicis, deinde interposito spatio ab eadem caudicis parte ad eandem quantum conjectari potuimus profunditatem ferrâ adactâ, non ab inferiore tantum sulco lachrymavit truncus, sed etiam à superiore, & quidem æquâ quantitate, idque non tantum cum primò serraturæ seu sulci facti essent, sed etiam post aliquot dies, & de novo iterum postquam cessasset aliquoties effluere. Vasa autem dissecta non aliunde succum excipere potuerunt quàm ab integris & intactis in altero trunci latere ascendentibus, cum quibus in superiore arboris parte per anastomoses conjungebantur. Hic autem obiter monere convenit, Sectionem Corticis transversam circularem non semper aut omnem arborem perimere, ut vulgò creditum est. Siquidem ex nostra observatione in *Agrifolio* corticis annulo palmaris propè latitudinis detracto, & ligno denudato, arbor nihilominus per plures annos supervixit. D. autem *Malpighius* in variis diversarum arborum furculis & ramis *Opuli* v. g. *Prunorum*, *Malî* *Cydoniæ*, *Quercûs*, *Salicis*, *Populi*, *Avellane*, horizontalem sectionem in cortice fecit, ablata ejusdem & libri annulari portione: quo facto pars superior furculi seu caudicis supra sectionem brevi vegetans ita excrevit ut longè turgida redderetur. Cortex enim, in *Quercu* præcipuè, in *Prunis* & *Cydonia malo*, horizontales utriculorum ordines ita elongat, ut frequenter appendices promantur, quibus denudata ligni portio cooperitur; & factâ denuo mutâ anastomosi cum inferiori secti corticis labio continuus redditur cortex: rami quoque portio ultra sectionem ligneo superexcrecente circulo & involucrio, impensè crassa protuberat. Denudata verò lignea portio gracilis adhuc subsistit nullo vigente incremento, quod reliquo quoque furculi infra sectionem contingit. Hinc autem patet,

Succum non tantum inter corticem & lignum sursum repere, sed etiam in vasis in ipsâ ligni substantia sitis ascendere.

Quandoque dubitavi (inquit D. *Malpighius*) & nos quoque unâ, an expositus tumor ultra circularem sectionem in superioribus ramorum partibus excitatus, ab impetu succi sursum propulsi contingeret: Secto namque cortice per solas ligneas fistulas ascendens alimentum quasi ab angusto & arcto loco, laxiorem corticis campum ultra sectionem inveniens ad extra dilatari posset; unde hærendo nutritionem in proximis partibus promovere valeret. Quoniam tamen in novellis, præcipuè *Quercûs*, facta corticis laceratione, si exigua rami portio ultra sectionem circularem superfit, amputatâ sci. rami extremitate, nullus ferè tumor subreſcit: & in arboribus, in quibus factâ pariter horizontali sectione, ita tamen ut portio ejusdem corticis minimi unguis latitudinem æquans adhuc integra superfit, cortice ita continuato; certum est nutritionis augmentum subsequi in relicta corticis parte, & in superiori portione: Quare ex his probabilius conjeci nutritii succi motum à superioribus etiam ad inferiora promoveri. Hactenus *Malpighius*, cui & nos etiam suffragamur, imò succi descensum ex superius allato experimento, atque etiam ex discissa radice ab utraque parte, tam quæ trunco hæret, quàm quæ in terra restat, lachrymante, necessariò colligi & conclusi opinamur, adeoque ramuli supra annulum decorticatum germinationem & augmentum succo descendenti deberi, qui cum ulterius inferiora versus ob corticem interruptum motum suum continuare nequeat, in corticis & ligni novum involucrium erogatur.

4. Succus non tantum inter corticem & lignum, ut olim & vulgò creditum est, neque inter annos tantum ligni circulos seu tunicas sursum repit, sed etiam in vasis in ipsâ ligni substantiâ sitis, ut modo ostendimus.

5. Arbores nonnullæ citius lachrymare incipient quàm aliæ ejusdem generis & ætatis: adultiores & majores citius perpetuò quàm minores & juniores, & copiosius etiam ex aqua incisione.

6. Arbor quæcunque ex incisione antequam succus ascendat facta, cum idem ascendere incipiet lachrymabit.

7. Dissecta particulari aliqua radice, ab utraque parte, hoc est, tam ab ea quæ trunco unita manet, quàm ab ea quæ ab eodem separatur; ut mox innuimus, succus extillabit, unde etiam constat eum susque deque in utramvis partem moveri.

8. Succus è vulnere inflictò in eundem locum aliquandiu destillans gelatinam quandam seu coagulum albicans paulatim præcipitabit, & copiosius cum arbor folia explicare incipit. Coagulum hoc videtur esse materia ligni.

9. In motu & effluxu succi in varii generis arboribus magna est differentia. *Acer majus* Autumno etiam post delapsa statim folia, & deinceps per totam hyemem idoneâ tempestate vulnerata succum extillat: idoneâ inquam tempestate, hoc est, aeris temperie gelida & leviter pruinosâ. *Acer majus*, *Juglans*, &c. incisæ aut terebratæ, post nocturnum gelu splendente Sole, modò frigus non nimium vehemens sit, succum uberrimè manant, non internoctu quidem aut summo manè, sed duabus tribusve à Solis exortu horis, & circa meridiem maximè. Post gelu vehementius & diuturnius, cum frigus incipit se remittere, succus maximâ omnium quantitate effluit, etiam è vulneribus pridem factis, usque arboribus quæ vix unquam aliàs vulneranti respondent. Quod adeò verum est, ut si gelu fortè inciderit adulto vere, cum jam succus extillare desiit, fluxum denudò repetit, & matutinis saltem horis emanat. Gelu ergo modò non sit valdè vehemens succi motum promovet, imò jam cessantem revocat: vidimus enim è vulneribus *Aceri* majori & *Juglandi* inflictis noctu diuque extillantem liquorem cum statim post egressum vi frigoris in stria conſcresceret & condensaretur. Notandum etiam in gelu vehementi, cum terræ superficies nive obtegeretur, radicem *Aceris* majoris discissam, è parte terræ hærente uberrimè lachrymâsse, & copiosius



copiosius quàm aliàs unquam, cum tamen ob vim frigoris succus in trunco vel congelatus vel ad motum pigrior redditus incisione facta non efflueret. Unde patet copiosi huiusce effluxus causam gelu fuisse; an quia superficies terræ constricta vapores ascendere solitos cohiberet & repercuteret: qui exitum non invenientes, paulò infra terræ superficiem constipati, impetu facto in radicis poros irruerent? Verùm (ut verum fatear) in ratione hujus phænomeni reddenda mihi met ipsi non satisfacio: eadem tamen proculdubio est quæ copiosissima emanationis fontium vivorum in gelu vehementissimo, quale brumâ præcedenti accidit.

Succi plantarum proprii & specifici plerumque concrefcunt vel in gummi, vel in Resinam, vel in mediam quandam naturam inter gummi & resinam.

*Gummi quid.* Gummi est succus concretus qui in aqua facillè dissolvitur, in igne nec liquefcit, nec flammam concipit, sed duntaxat crepitat; cujus generis sunt Gummi Arabicum, Gummi Cerasi, &c. Hoc genus [D. Grevio] nihil aliud est quàm mucilago exsiccata, cujus substantia parum vel nihil olei continet.

*Resina quid.* Resina est liquor pinguis & oleaginosus ex arbore sæpius sponte, interdum eâ vulneratâ defluens: Est autem ratione consistentiæ duplex, liquida & sicca. C. B. Cum aquæ paucum, plurimum olei contineat, in aqua non dissolvitur, sed in oleo duntaxat. Hujus generis sunt Terebinthina, Mastiche, &c.

Medii generis succus inspissatus cum partibus suis oleosis plurimum aquæ admixtum habet; idcoque tam in aqua quàm in oleo dissolvi potest, ut Galbanum, Sagapenum, Ammoniacum, &c. Hæc autem nihil aliud initio sunt quàm succi lactei inspissati. Cujuscunque enim plantæ lactescens succus probè exsiccatus flammam facillè concipit, eamque lucidam & diuturnam emittit, non secus quàm Terebinthina aut Pix liquida. Color enim lacteus in plantarum succis ex admixtione partium oleosarum cum aqueis copiosiore oritur. Eadem utique (ut rectè D. Grevius) vegetabilium quæ animalium lactis origo & causa est, mixtura nimirum prædicta partium oleosarum cum aqueis per minima, ut vocant. Hinc partes lactis serosæ & oleosæ ab invicem separatæ utraque diaphanæ evadunt. Hinc in destillatione aquæ Anisi aut Cinnamomi v. g. qui primò exit spiritus limpidus est & diaphanus, verùm cum spiritus pars maxima exhausta est, cumque residuo aqueæ particulæ ascendant quæ oleosas secum sursum rapiunt, liquor turbidus & albidus, ac si lacte suffusus esset, evadit.

## CAP. VI.

## De annuo trunci incremento.

**A**Rborum & fruticum trunci, indeque emergentes rami, novis quolibet anno additis ligneis involucris augentur. Quolibet enim anno novus fibrarum annulus interiori libro accrescit, & bifariam tandem divisus in diversa discedit, pars exterior cortici adjungitur, interior sensim indurefcens ante exactum Autumnum ligni duritiem & soliditatem acquirit, & à cortice abscedens ligno agglutinatur, adeoque truncum augeat: ita ut non raro oblongam & continuatam fibræ, mox in lignum ferruminatam, paulò infra corticis, naturam adhuc servantem animadvertit D. Malpighius: unde (inquit) nil mirum si in truncis & ramis arborum, quibus corticis exigua portio detracta est, subjecta lignea pars cortice destituta nunquam incrementum capiat. Cum ergo trunci & rami hoc tantum modo augeantur, hinc olim creditum succum nutritium inter corticem & lignum duntaxat ascendere; quam opinionem erroneam esse superius ostendimus.

\* Tom. 2. pag. 178.

Circuli hi seu tunice lignæ in arboribus intra tropicos nascentibus omni ex parte æqualiter inter se distant, & medullam pro centro legitimo obtinent, ut in ligno Brasiliæ Acanthino dicto observavit \* Gassendus, in cæteris verò regionibus vel ad Austrum, vel ad Septentrionem positis meridiem versus dilatantur, & à parte polum respiciente contrahuntur, adeo ut medullæ respectu habito semper excentrici reperiantur: hinc multi ex hac circulorum positura meridianum invenire docuerunt; & Geoponici peritiores arbores transluros monent, ut eundem denuò plantatis partium situm respectu plagarum cœli servant quem in priore statione obtinebant.

Ex circulorum ligneorum numero trunci vel rami ætas innotescit, siquidem numerus circulorum numerum annorum quos duraverit æquat.

Circuli interiores angustiores sunt quàm exteriores, tum quia cum planta robustior est copiosius alimentum attrahit & crassiores circulos efformat; tum quia interiores ab exterioribus premuntur & constringuntur, tum denique quia lignum tempore arescit & contrahitur. Hæc de arboribus vegetis & nondum staturam & magnitudinem justam adeptis; nam in annosis & senescentibus aliter se res habet.

Interiores circuli, dum annis & siccitate contrahuntur, medullam spongiosam magis magisque comprimunt & coarctant donec in quibusdam omnino occultetur & evanescat.

Lignum circulorum interiorum durius est quàm exteriorum, & plerumque colore saturatiore tinctum, nunquam certè dilutiore. Hinc exterior ligni pars à colore Alburnum † Plinio dicitur, nostratibus *The Sap of the Tree*. D. Malpighius fibris & transversalibus utriculorum ordinibus, quibus lignum contextitur, peculiarem affundi succum existimat, cujus corporaturâ & concretionem varia firmitas & durities ligno comparatur. Longum tamen (inquit) tempus requiritur, ut recenti ligno talis concilietur soliditas, qualis deprehenditur in præexistente ligno: unde nova inducta lignea additamenta talem duritiem non sortiuntur quam subcrescentia insecta non erodant, sed teredini summè obnoxia sunt. In Quercu octo circulos & involucra alburnum constituere vidi, quare cum aeris & aquæ injuriis cedant, à mechanicis ut inutilia abjiciuntur.

Arbores & rami qui in altitudinem per plures annos crescunt in parte superiore pauciores circulos ostendunt quàm in inferiore, exteriores autem circuli utrisque communes sunt, non interiores:



res : exteriores enim interioribus quotannis superinducuntur, unde & interiores qui cacumen non attingunt, semper in punctum desinunt, & singuli velut conum concavum efficiunt, ut perspicue videre licet in Abietis tabulis per longitudinem arboris sectis.

Ex comparatione horum circulorum in variis arboribus innotescit differentia annui incrementi quarumlibet collatarum. Sic v. g. triennale augmentum Quercus quinquennale ulmi incrementum crassitudine adæquat. Ex comparatione etiam circulorum annui incrementi in eadem arbore (qui non semper æquales sunt, sed crassitie plurimum differunt, pro anni, ut verisimile est, constitutione) colligere licet qualisnam anni temperies latitudinali arboris cujuscunque incremento maximè propitia sit.

## CAP. VII.

De Caulium differentiis è Joach. Jungii *Isagoge Phytoscopica*, additis & mutatis nonnullis.

Caulis multipliciter differunt,

1. Respectu Foliorum, Caulis vel est *foliis vestitus*, vel iis omnino destitutus, five *nudus*. *Differentie*  
Folii vestiti plerique plantarum caules sunt. Caulis *nudus* vel *absolutè*, vel *secundum quid* *caulium foli-*  
*nudus* est. *Absolutè* nudum dicimus qui nullis omnino foliorum rudimentis donatur, ut *Taraxaci*, *rum respectu*  
*Plantaginis*, *Bellidis*, &c. *Secundum quid* nudum, qui foliis admodum exilibus, & à caule non satis  
distinctis est amictus, ut *Tussilaginis*, *Petasitis*, *Dentariæ aphylli*, &c.

Caulis foliis *vestitus* est vel *determinatè* vel *indeterminatè* foliatus. *Determinatè* foliatus est qui ex certa  
distinctione tantum folia profert: Ex *unica* quidem in *Anemone*, *Pulsatilla*, *Herba Paris*, *Aco-*  
*nito hyemali*: Ex *duabus* in *Phthora*, *Unifolio*, *Cotyledone altera*. *Indeterminatè* foliati sunt reliqui.

2. Respectu ramorum & petiolorum, Caulis est vel *simplex*, vel in *ramos divisus*: *Simplex*, ut in *Differentie*  
*Taraxaco*, *Bellide*, *Plantagine*, *Pulsatilla*, *Anemone*, *Nymphæa*, *Bistorta*, *Vincetoxico*, *Pyrola* *caulium ra-*  
*vulgari*, &c. *Ramosus* in plerisque. *ramorum respec-*  
*tu*.

Inter simplicem & ramosum ambigit caulis in umbellam sparsus, ut in *Primula veris*, *Auricula ur-*  
*si*. In his tamen caulis petiolis potius quàm ramulis est diffusus.

3. Respectu sitûs florum, Caulis vel *determinatus* est, vel *indeterminatus*. *Differentie*  
*Determinatus* est qui in extremitatibus live fastigiis stipitis flores & semina producit, ideòque vel in *foliorum sitûs*  
*capitulum*, vel in *spicam* live *thyrsus*, vel *paniculam*, vel *umbellam*, vel *corymbum* terminatur. *respectu*.

*Capitulum* est quod constat ex pluribus flosculis & seminibus autè in globosam aut circularem si- *Capitulum*  
ve disci figuram congestis, ut in *Cyano*, *Scabiosa*, *Jacea*, *Carduis*, &c. inque *Bellide*, *Chrysanthe-*  
*mo*, &c. *quid*.

*Spica* est quod ex floribus & seminibus spisse compositum est, ità ut conus erectus sed oblongus five *Spica quid*  
admodum acutus inde evadat, ut in *Lysimachia purpurea*, *Verbascò*, *Plantagine*, *Luteola*, *Reseda*,  
*Bistorta*, *Secali*, *Hordeo*, &c.

*Panicula*, item *fuba*, est spica laxè diffusa, præsertim perpendentibus petiolis, ut in *Milio*. *Panicula quid*.

*Umbella* est extremitas caulis in plures longiores pediculos divisa, qui in latius continuo radiantur, *Umbella quid*  
inque minores divisi flores sustinent in orbem circumactos: à similitudine umbellæ, quâ mulieres fa-  
ciem à Sole arcent, dicta.

*Corymbus* est extremitas caulis ita subdivisa & floribus aut fructibus onusta ut sphaerica figura indè *Corymbus*  
oriatur, ut in *Hedera arborea*, *Sambuco aquatica*, *Cepa*, *Porro*. *Corymbus* interdum pendulus est, *quid*  
ut in *Sambuco aquatica*, seu rosea.

*Corymbi* nomen latius patet, & in genere quodvis summum significat. Nam prima notio *τὸ κορυμνὸν* *Corymbi*  
est, in capite veterum Atticorum, tutulus seu meta suggestus capillorum, autore Scaligero. Verùm apud  
Plantarum scriptores *Corymbi* propriè *Hederæ* racemi appellantur. *Plin. lib. 16. cap. 34.* in descripti-  
one *hederæ* ponit, *Racemis in orbem circumactis, qui vocantur Corymbi*. *Dioscorides* in capite de *Hip-*  
*pophæa*, *Flores corymbis Hederæ similes*, inquit, *velut racemi coherentes inter se*.

*Corymbus* etiam aliàs sumitur apud recentiores Botánicos pro flore composito discoide, qui in pap- *Corymbi alià*  
pum non resolvitur. *acceptio.*

Caulis *indeterminatus* est qui petiolis à latere caulis prognatis flores & semen gerit.

Ideoque nullum extensionis habet terminum nisi quem hybernus frigus imponit.

4. Respectu figuræ Caulis vel *angulosus* est, vel *teres*; & uterque vel *solidus*, vel *cavus*. *Caulis inde-*  
*terminatus*

*Angulosus* caulis vel *triquetrus* est, ut in *Cypero* & *Gramine Cyperode*, *Papyro*, &c. Ad trian- *quis.*  
gulum caulem etiam referri potest caulis qui ternis foliorum processibus, præsertim spinosis distingui- *Differentie*  
tur, ut *Carduus chrysanthemus*. *caulium respec-*  
*tu figuræ.*

Vel *Quadrangulus*, in *Salvia*, *Mentha*, *Lamio*, *Marrubio*, *Rubia* & sexcentis aliis.

Vel *Quinquangulus* in *Campanula*, *Polyacantha vulgari*:

Vel *Sexangulus* in *Lysimachia purpurea trifolia*.

Inter angulatos & teretes caules ambigunt striati, ut in *Siciliana*.

Caulis *teres* seu rotundus est in *Anagallide aquatica*, *Nummulariâ*, & infinitis aliis, præsertim in *Bulbosis*.

Caulis *inanis* vel totus *inanis* est, vel in nodis seu geniculis consolidatus, ut in *Arundine*, *Frumen-*  
*tis*, *Graminibus*, *Foeniculo*, *Gentiana*, &c.

5. Tandem Caulis sitûs respectu vel *rectus* est, vel *repens*. *Rectus* vel suis viribus se sustentat; vel *Differentie*  
adminiculis indiget, quibus vel circumvolvendo sese implicat, ut *Lupulus* & *Convolvuli*; vel claviculis *caulium sitûs*  
se alhgat, ut *Vitis*, *Bryonia alba*, & *Legumina* pleraque; vel foliorum pediculis annectit, ut *Nasturtium* *respectu*  
*Indivum* & *Fumaria*; vel cirris adhærescit, ut *Hedera*.

Repens



*Repens* est quæ horizontaliter extensus ad intervalla folia emittit & radices agit: ut in *Fragaria*<sup>12</sup>, *Pentaphyllo*, *Ranunculo*. Quibus caules huiusmodi sunt Plantas plurium fundorum appellat *Jungius*. Pleraque autem huius generis plantæ duum generum caules emittunt, alterum *erectum*, alterum *repentem*, ut in *Fragaria*, *Bugula*, *Ranunculo* cernitur.

## CAP. VIII.

*De Gemmis, è Clariff. Malpighii & Grevii præcipue scriptis.*

**G**emmae dicuntur arborum & fruticum foetus novelli, quos quotannis Æstate aut Autumno pariunt squamosis tegumentis veluti secundis obvoluti, in quibus per totum hyemem latitant, & vere tandem novo in furculos explicari incipiunt. Hæ (inquit *Malpighius*) in nostris hisce regionibus circa Junium mensem [serius apud nos in Anglia] è tenello furculo erumpunt, intra folii axillam cubantes. Singulis enim annis è quibuscunque tenellis ramulis novæ emergunt partes, à quibus excoquitur & derivatur non tantum feminum materia, sed & *Spermatica organa*. Non enim idem uterus perpetuo viget, & reliquo inservit vegetanti corpori cui appenditur, ut in *Animalibus*, sed singulus quique ramus anno quo luce fruitur propriis gaudet spermaticis organis, & fecundus brevi viget, reliquum vero suæ vitæ infœcundum transigit.

Nec furculi tantum arborum & fruticum, sed & radices quoque herbarum restibiles gemmas quotannis Autumno pariunt.

Gemma cum sit compendium furculi, seu tenellus furculus cum futurorum foliorum inchoamentis compendio quasi conclusus, iisdem partibus integratur quibus & rami componuntur. Media enim & profunda substantia tenellum est lignum suo cortice circumdatum, fibris ligneis utriculisque medullaribus contextum, & frequentissime candidis pilis obsitum, à quo hinc inde erumpunt folia, squamatis locata, quorum exteriora quæ protegendæ gemmæ inserviunt, vel temporanea sunt & caduca, vel in alienam degenerant formam, ut multis exemplis ostendit *D. Malpighius*. Hæc autem (ut ille philosophatur) non tantum interioribus & conclusis custodiam pariunt, sed contentus ipsorum reliquorumque succus in propriis utriculis excoquitur, & longa illa [per hyemem] quiete digeritur, donec exaltatus spermatico illo spiritu, ope ambientis aeris, in gemmæ carinam, furculum sci. tenellum revehatur, ut ulteriorem foliorum vegetationem excitet. Unde huiusmodi gemmarum folia non unicam costulam, ut in stabilibus foliis ferè semper miramur per medium productam possident, sed multiplices fasciculi à basi assurgentes in proprios appensos utriculos desinunt. Contabescunt postremo foliola hæc gemmarum, dum gemina uni adstant stabili folio, exhausto jam concocto humore, & tandem concidunt, vel gracilescendo in petioli formam absumuntur.

Non autem una perpetuo est naturæ methodus in augendis gemmarum foliis, ita ut primò eaduca erumpant folia, mox stabilia emergant, & tandem adactis illis ista contabescant & decidant, sed passim in pluribus arboribus gemmarum folia, & præcipue quæ basin ipsius componunt, mitrali amissâ figurâ, novis mutationibus tandem in stabilia evadant folia, quibus furculus condecoratur.

Naturæ pariter methodus in producendis stabilibus foliis mirabilis est. Primò enim costula seu petiolus, carinæ instar, humore turgidus cum appensis fibrulis manifestatur, à quibus probabiliter sacculorum seu utriculorum transversalium membranulæ pendent, ut in *Animalium* primæva delineatione observatur. Patent autem deducto novo alimento, quia complicata sacculorum moles subintrante succo turget, & ita folio latitudinem & laxitatem conciliat.

Foliorum stabilium situs intra gemmæ claustra mirabilis pariter est: ita enim ipsorum partes contorquentur & complicantur, ut sibi mutuo adaptata tuto custodiantur & minus occupent spatium.

Sic, exempli causâ, in *Lapatho*, *Acetosa*, *Bistorta*, &c. singula folia membraneo tenuique sacculo involvuntur, geminæ pariter foliorum partes convolutæ versùs exteriorem partem, minori folio intra proprium sacculum contento locum supra excurrentem costulam parant: quod pariter intra involucrum suum custoditum, eandem suarum partium revolutionem patitur, minùsque adhuc foliolum suo sacculo circumdatum supra costulam custodit, & ita usque ad minima, vel si à minimis exordiamur, hæc cum proprio suo velo seu involucrio, semper cum folio proximè majori alteri utrisque communi velo includuntur, deinde utraque hæc folia velis suis obiecta unâ cum folio proximè majori alteri itidem omnibus communi involucrio obteguntur, & ita progrediendo usque ad maxima. Est autem (inquit *D. Grevius*) regula generalis quam observat natura in gemmis, cum foliorum pediculi longiores sunt quàm ut folia sibi mutuo commodè obvolvi possint, nec alia specialis tutela providetur, è pediculorum basi membranas latas extendere, velut stragula foliis protegendis, interdum binas, interdum singulas.

Varios autem modos quibus natura folia tenella complicat, ut in gemmæ angustias coerceantur, pro uniuscujusque certè figura & compositione commodissimos, vide apud *Grevium* lib. de *Anatome Plantarum*, cap. 4. itemque lib. 4. de *Anat. Foliorum* cap. 1.

Gemmarum duo sunt genera, aliæ folia tantum intra se continent, & in furculos foliosos explicantur, aliæ etiam floribus prægnantes sunt, quæ faciliè ab illis veris initio magnitudine sua discernuntur.

Flores autem omnes, (observante *Grevio*) non secus quàm furculi perfectè formantur omnibus suis partibus absolutis tribus aut quatuor mensibus, & interdum dimidio anno, aut etiam amplius antequam in lucem & conspectum prodeunt: Adeò ut perennium herbarum omniumque in genere Arborum & Fruticum, qui censentur anni cujuscunque flores, anni illius revera non sint, sed diu antea extiterunt, præcedenti sci. anno integram omnium partium formam & dispositionem adepti: ut singularum gemmas dissecando patebit. Sic flos *Mezerii* v. g. qui Januario mense interdum aperitur, circa medium Augustum anni præcedentis integrè formabatur: quo tempore foliis gemmæ viridibus cautè detractis floris petala ejusdemque apices, seminis conceptaculum cingentes



gentes, perspicillo etiam mediocri clarè & distinctè visibilia redduntur. Alia exempla adducit laudatus Autor quæ apud ipsum vide. Tempus autem quo Flos generatur seu formatur à nemine ante se observatum miratur. Invenio tamen in Lunaria min. tempus illud ab oculatissimo F. Columna observatum. In hac specie (inquit) omnes plantæ in imo petiolo supra radicem folliculum quandam habent, veluti Ari florem exiguum, in quo plantulam exiguum, veluti foetum complicatum extare vidi, intra folliculum, utriusque vicem gerentem integram, foliosum tantum quæ racemo vidua erat, post annum proferendam, & quæ racemosa cum ipso exiguo sed integro racemo convolutam. Et hoc mirum Naturæ institutum. Alias plantas simili modo infra terram uterum gerere agnovimus & suo tempore proferre, sed non anno integro, & forsitan non mediè, verum à nova radice ipsius extumescencia, ut in bulbosis quibusdam, in quibus intra bulbum ipsum spicatum cauliculum observavimus, suo tempore proferendum.

## CAP. IX.

De Foliis Plantarum è Joach. Jungii & aliorum scriptis.

**F**olium, definiente Jungio, est quod à sede cui adhæret ita in longitudinem & latitudinem extenditur, ut tertiæ dimensionis termini inter se differant, hoc est, superficies folii interna ab externa. \* In Isag. Phys. toscop.  
Superficies folii interna, quæ & superior, item supina dicitur, est quæ caulem respicit, ideòque vel cavitatis aliquid obtinet, vel saltem minùs convexa est quàm altera exterior, sive inferior sive prona superficies.

Folium aliud est simplex, aliud compositum.

Folium compositum est quod ex petiolo sive nervo, sive costa, & lobis vel lacinis [potius quàm, Folium compositum quid. ut vult Jungius, simplicibus foliis] constat. Totum enim illud, ut Theophrastus nos docuit, quod cum petiolo decidere solet, folium appellari debet, ut in *Juglande, Fraxino, Sorbo, &c.* Partes autem illæ, quæ in multis foliis videntur distinctæ, lobi sunt & lacinie, non propriè folia.

*Petiolus* sive pediculus folii pars est in longitudinem extensa, quæ folium sustinet & cauli connectit. Petiolus quid.

*Petiolus* strictè dictus à caule usque ad folii initium intelligitur; id quod inter folia est *nervus* sæpiùs aut *costa* dicitur.

Folium compositum, dividente Jungio, est vel *digitatum*, vel *pennatum*, vel *triangulatum*.

Folium *digitatum* est ubi plures lacinie, [seu plura simplicia folia Jungio] quasi ad unum petioli punctum sive terminum aptatæ sunt, ut in *Trifolii & Pentaphyllis, Fragaria, Lupino, Cannabe, Vitice, &c.*

Folium *pennatum* est in quo binilobi [Jungio folia] è regione sibi ad idem quasi costæ punctum sive ad eandem costæ distinctionem opponuntur. [*Lobi non semper sibi mutuo directè opponuntur in hujusmodi foliis, ut in multis Filicum speciebus aliisque observavimus.*] Hoc genus folia sunt vel pariter, vel impariter pennata. Pariter pennata, ut in *Faba, Vicia, Piso, &c.* [Una arbor *Lentiscus* pariter pennata folia obtinet.] Impariter pennata, ubi ultimus costæ terminus singulari folio clauditur, quod impari lorum numerum tribuit, ut in *Rosa, Juglande, Fraxino, Potentilla, Sorbo, &c.* Folium pennatum porro vel est *uniforme*, vel *difforme*. *Uniforme*, si lobi circa eandem costam hærentia magnitudine ferè æqualia sint. *Difforme*, si majoribus minora sint interposita, ut in *Ulmaria, Agrimonia, Filipendula*.


Folium *triangulatum* est cujus costa ita ramosa est ut bini rami ex eadem distinctione sibi primariò oppositi in tot ramos findantur quot reliqua exterior costæ primariæ portio obtinet, dicitur etiam ala foliosa sive folium ramosum. Hæc *Jungius*. Verum nos cum oculatissimo F. Columna Lynceo Folium compositum malumus dividere in 1. *digitatum* seu circumscriptione rotundum & ad pediculum usque incisum: 2. *pennatum* seu *παρασπονδύλιον* & 3. *multifidum* seu *πολυρρις* h. e. in plures lobos seu lacinias dissectum. In hoc autem genere quæ latos habent lobos seu lacinias folia *παρασπονδύλιον*, ut *Apii, Cicuta, Angelica, Sphondylii & similia*; quæ verò angustioribus lobis seu segmentis dividuntur, *λεπτοσπονδύλιον* dici possunt, ut *Ligustici, Thapsiæ, Rutæ, &c.* quæ denique in capillares omnino lacinias dividuntur, *παραρρις* merito appellantur, ut *Ferulacea, Ammi, Millefolii, Fœniculi & similia*.

Folium simplex est quod non dividitur in lobos seu lacinias disjunctas. Estque margine vel integro vel scisso, vel sinuato vel sine sinibus, denique vel planum, vel concavum. Sin dichotomian observare malumus Folium simplex dividi potest in planum & teres, teres autem in farctum & concavum seu fistulosum: Planum in margine integro & æquali donatum, & margine inæquali, eoque vel sinuato vel scisso. Folium sinuatum est vel angulosum vel absque angulis.

Angulatum folium inter integri & scissi marginis folium quasi ambigit, ut *Hederæ adultæ, Bryoniæ*: Absque angulis, ut *Smilacis asperæ*.

Scissi marginis folium est vel laciniatum, vel serratum sive crenatum, vel dentatum [denticulatum.] Lacinia est portio folii inter fissuras (fissura est profundior scissura) inclusa.

Folium teres est vel farctum, ut in *Juncis*; vel fistulosum & intus vacuum, ut in *Cepa*: in his autem infima pars & cauli proxima plana est.





Possunt etiam folia aliter multis modis dividi, ut v. g.

1. Respectu Superficiei, in 1. *Lavia* à Græcis *λῆα* dicta, qualia sunt Betæ, Lapathi, &c. 2. *Hirsuta* seu lanuginosa & tomentosa, [ *δαρῖα* ] ut sunt Verbasci, Lychnidis, &c. 3. *Aspera* [ *τραχέα* ] qualia obtinent Buglossum, Echium, &c. 4. *Aculeata* vel spinosa [ *ακανθώδης* ] ut Carduorum, Agrifolii, &c. An dentur plantæ quæ spinam pro folio habent dubito; Scorpius certè præter spinas folia etiam habet.

2. Respectu Figuræ & circumscriptionis, in rotunda & longa, triquetra, teretia, &c.

3. Respectu Quantitatis, in magna & parva, lata & angusta, longa & brevia, crassa & tenuia.

4. Respectu Coloris, in viridia, ut sunt major pars foliorum tam herbarum quam arborum, in luteum languentia, obscurè virentia, ad cæruleum vergentia, candida & incana, rubentia, maculosa, striata, &c.

5. Respectu Durationis, in perpetua seu diuturna, & decidua.

6. Respectu Sitûs & ortûs, in ea quæ ordinatè caulem cingunt, nimirum è singulis geniculis seu caulibus distinctionibus vel *bina* prodeunt, ut in Salvia, Urtica & aliis quamplurimis.

Notand. Plantas quadrato caule præditas omnes conjugatim & bijugo ordine, & quidem alternatim præferre folia; itemque ramos ex aliis, sive sinibus, sive angulis quos folia & pediculis folii cum caule constituit.

Alternatim pronasci dicuntur folia, aut germina, aut rami petiolive, si superioris paris oppositio decussat aut quasi ad angulos rectos secet inferioris paris oppositionem.

Multa etiam plantæ teretis & non quadrati caulibus *bijuga* habent folia, ut Bugula, Brunella, &c. Vel *terna*, ut in *Lysimachia* lutea, cærulea, purpurea; vel *quaterna*, ut in *Cruciata*; vel *sexa* aut plura, ut in Gallio, Rupia, Aparine, &c. vel inordinatè & singula hærent: quamvis, inquit Columna, nec ista tam inordinata dici possunt, ut non aliquo numero, quino, aut majore vel minore in circuitu ramuli ordinem aliquem observent, ut in *Vermicularia*, *Tithymalo* & similibus.

Partes folium  
integrantes.

Quod ad partes folium componentes attinet, sciendum est easdem illas esse quibus truncus integratur, nimirum fibras ligneas seu lymphæ-ductus; vasa succum specificum deferentia, tracheas; utriculos fibrarum reticulariter contextarum spatia replentes; & cuticulam. Sciendum enim est, folii petiolum fistulis ligneis unà cum tracheis & vase peculiari à tenelli furculi profundiore ligno seu intimioribus fistulis fibrivæ ad extra continuatâ substantiâ derivatis, & in fasciculum collectis componi. Enascitur autem è tenello furculo & nunquam ab antiquioribus ramis aut trunco ipso, nisi medio gemmæ furculo. Petiolus velut peculiaris caudex in ramos & furculos scinditur. Frequenter per longum excurrrens sub costulæ specie hinc inde promit ramulos, qui tandem in reticulares plexus desinunt. In aliis autem foliis petiolus statim ac latitudinem attingit scinditur in minores ramos, conspicuos tamen, qui quasi ab uno exorti umbilico alios minores producant, ut in *Hedera* aliisque apparet. Notandum fibras petiolum componentes, initio antequam pediculum ingrediantur reticulari opere implicari, ut mos est Naturæ.

Petiolo appenditur folium dilatatum, cujus præcipua pars occupatur à costulis seu nervis vario ritu productis. Fibræ etenim ligneæ unà cum tracheis & peculiari vase conglomeratæ, à petiolo excedentes, velut minima arbor hinc inde disperguntur, & solvuntur in ramulos, & hi denuo ulteriore divisione in furculos, qui sibi mutuò occurrentes & unitæ in reticulares plexus contexuntur, qui in plerisque foliis consumptâ utrâque cuticulâ emergunt, in *Salviæ* autem & similibus foliis etiam virentibus, aversâ præsertim parte, conspicui sunt.

Vasa Sucoifera  
peculiaris da-  
ri probatur.

Fistulas & tracheas concomitari peculiaris vasa, quæ concoctum succum continent, humoris eruptione patet, qui cum alieno pollet colore, vel crassiore constar substantiâ faciliè in conspectum se dat. Sic in sectis foliis *Tithymali*, *Cichorii* & similibus lac emergit, in *Chelidonio* sublateus humor: in reliquis autem herbarum & arborum foliis, quia limpidus aut aquosus humor est, nullam sui exhibet notam, cum tamen adesse analogia evincit.

Utriculi qua-  
les.

Reticularium plexuum maculas seu areas utriculorum series à costulis emanantes & quasi ab ipsis pendentes replent, unde foliorum crassities confurgit. Hi autem utriculi ex contenti succi natura, mutuâ compressione vel laxitate varias subeunt in exteriori regione formas, unde quasi cæcales aut vermiculares vesiculæ contortæ apparent: Interdum angulis scatent, & frequenter irregulariter terminantur.

Inter utriculos & fibrosum rete in plerisque foliis peculiares folliculi seu loculi disperguntur, qui patenti hiato foras vel halitum vel humorem fundunt. Horum descriptionem in plantis aliquot peculiaribus unà cum succo quem continent vide apud \* *Malpighium*.

\* Anat. Plant.  
pag. 37.

Has omnes partes quibus folia coagmentantur levis superextensa cuticula seu epidermis obducit, quæ subjectorum colorem refert, ipsaque contenta investit & custodit.

Foliorum extremus unguis seu margo quasi zonâ seu crassiore lineâ circumdatur. Hæc in aliquibus solæ membranæ esse videtur, quibus hinc inde tegitur folium exiguis interceptis utriculis, unde faciliè à lumine pervaditur & diaphana fit. In aliis hujusmodi zona crassior est, & exterius oblongis cooperitur utriculis, interius verò ligneæ fibræ reliquis continuatæ excurrunt. *Malpig.*

In laciniarum apice in quas folia dissecantur dum tenella adhuc vegetant papillæ & utriculi quidam eminent diverfos continentes succos. *Malpigh.*

Plantarum ferè omnium, paucis admodum exceptis, Atriplicibus v. g. & *Amarantis* nonnullis, folia postquam explicantur, Herbarum etiam caules colore viridi imbuuntur: cujus coloris quæ causa sit ambigitur. Plerique rei naturalis scriptores aeri eum ascribunt, nec præter rationem. Nam non tantum radices Plantarum in terra latitantes albæ plerumque sunt, nunquam certe virides, sed & folia aere excluso, ejusve appulsu prohibito, albescent, ut in *Brassicis* & *Lactucis capitatis* videmus, quarum interiora folia exterioribus obvoluta, & liberi aeris usurâ privata colorem album contrahunt. Deinde ad *Lactucam*, *Endiviam*, *Cichoreum*, *Myrrhidem*, *Apium dulce*, aliisque olea dealbanda pro Acetariis, vel ligamentis quibusdam folia vincunt, vel terrâ obruunt, vel alio quodam artificio aeris appulsu arcant. Quin & plantæ in conclavi undique ocluso satæ folia in luteum colorem languent, eò pallidiorem quo aeris externi ingressus diligentius prohibetur.



Aliud adhuc experimentum ad hanc opinionem confirmandam producit D. Grevius: nimirum quod in caulibus Althææ & aliarum quarundam plantarum transversim dissectis, quamvis corticis parenchyma album sit, vasa tamen succifera parenchymate inclusa non minus virent quam cuticula ipsa; nimirum quia tracheis seu vasis aerem deferentibus proxima & contigua sunt, cum parenchyma ab aere externo cuticulâ intercluditur, ab interno vasis succiferis interpositis.

Quod plantæ Aerem liberum & apicum affectent luculento experimento ostendit \* D. Sbarrocius. \* Lib. de Hist. prop. gationis Vegetabilium.  
Plantam tenellam è semine ortam, fictili exceptam in Fenestra collocavit, cui unica vitri quo obturata erat quadra deerat. Plantula quæ aliter sursum succreverat, relictâ hac directione, illico se inclinans versûs foramen rectâ tendit, situ ad superficiem terræ in fictili propemodum depresso & ferè parallelo: Deinde fictili converso ita ut inclinatio caulis à foramine averfa aliorum spectaret; plantula caule reflexo & in formam literæ C incurvato, ad foramen iterum se direxit; mutato denuo fictilis situ, & superiore curvaturæ cornu à foramine averfo, caulis pariter summa pars directionem suam mutavit, & versûs parentem quadram sese retroflexit, & in literæ S figuram incurvavit; & interdum animi causa ut admirationem excitaret, amicos aut adstantes rogavit ut dicerent versûs quam partem vellent ut planta crescendo tenderet, eamque notâ aliquâ in margine fictilis signarent; quod cum fecissent parte illa fictilis fenestræ foramini obversâ, intra paucas horas, sponte suâ, nullâ vi adhibitâ planta illa caulem suum illorûm inclinavit.

Nobis tamen non tam aer quàm lumen, luminisve actio coloris in plantarum foliis viridis causa esse videtur. Nam externo Aere excluso plantæ tamen nonnullæ viridem utcunque colorem acquirunt & retinent, ut in vitreis operculis seu campanis tegi solitis cernitur, ut v. g. Plantâ mimosâ humili nostratibus dictâ, quæ ob cœli nostri frigiditatem aeris externi appulsum non patitur, sed perpetuò regi postulat, & tamen colore viridi tingitur. Vitrum autem quamvis lumen admittat, aerem excludit. Unde colligimus luminis actionem causam viroris esse. Eadem enim plantæ vase opaco testæ haud dubiè pro viridi pallidum induerent colorem, ut in conclavi clausis contingit. Nec tamen adeo latè virere puto plantas vitreo operculo testas ac aeri libero expositas, quoniam vitrum quamvis radios aliquos luminis transmittit, alios tamen intercipit & reflectit, nec enim aliter visibile esset. Quinetiam aqua vel aerem excludit, vel modicâ admodum quantitate intra poros suos admittit, & tamen plantæ ei immersæ virescunt, quod nobis luminis potius actioni tribuendum videtur, quàm (ut D. Grevius opinatur) aeri interno radicibus excepto. Verùm quicquid sit de lumine ejusque actione, nec enim huic sententiæ mordicus adhæremus, certissimum est ad virorem inducendum non sufficere aerem conclusum & stagnantem, sed liberum & apertum requiri: unde in sylvis etiam opacis nascentes herbæ dilutiùs virent, quàm in locis apricis & solaribus radiis expositis. Nec tamen omnibus plantarum partibus colorem hunc conciliat five aer, five lumen, sed tantùm ritè præparatis & dispositis ad actionem suam excipiendam: Fieri etiam posse non negamus ut Aer salinas aliquas particulas plantæ succo communicet, quæ eum in viridem colorem mutant. Unusquisque quod sibi verissimillimum videtur sequatur. Ad hunc autem colorem inducendum non requiritur calor, sed potius frigus moderatum: Aer enim in conclavi occluso calidior est quàm sub dio, ut patet ex celeri & immodico in longitudinem auctû plantarum inibi ex semine nascentium: vidimus enim ejusmodi in locis plantulæ semipalis scapum in semipedalem ferè longitudinem excrecentem subtus folia seminalia, seu antequam folia explicaret. Quin inclinationem prædictam caulis ad foramen in fenestra relictum inde ortam putamus, quod Aer externus in foramen irruens & parti caulis eidem obversæ occurrens, frigore suo poros ex ea parte constringeret, adeoque caulem illorûm incurvari faceret.

Quis foliorum usus sit, quodnam officium quæritur. Cæsalpinus hujus gratiâ folia data existimat ut tenerum germen (quod tanquam manibus invicem superpositis circumplectuntur) tueantur, vel etiam fructum, ubi fructus erumpit cum germine. Postquam verò eadem explicata sunt, germine adultiore, alium usum præstare videntur, umbram scilicet, nè à Sole nimis urantur tum fructus, tum novella germina; moderatos enim Solis radios utraque desiderant, quod foliorum positione & formâ præstatur, illos partim transmittentium partim retinentium. Ideo plurimis in Autumno decidunt folia perfectis fructibus & germinibus induratis. Ferunt autem in regione fervente, ubi perpetui ferè sunt æstus, nullis arboribus folia decidere, quod rectâ ratione fit: egent enim plantæ perpetuâ inibi foliorum operâ ad umbram faciendam. Cæsalp.

Clarissimus Malpighius alium præterea usum plantæ præstare folia existimat. A natura, inquit, fabrefacta videntur ut coctioni alimenti inserviant. Nutritii namque succi portio quæ radices subingreditur, nec in appensas transversales strias derivatur, postremo à ligneis fistulis in folia exoneratur; ideo necesse est, ut in ipsorum quasi transversalibus utriculis moram trahat, & antiquo succo commisceatur & fermentetur, juvante non parùm externo ambientis aeris calore, ut faciliùs inutilia transpirata evolent. Dari autem hujusmodi concoctionem in foliis, seminalis plantulæ structura indicare videtur. Hæc geminis plerumque constat foliis, quæ propriis vasculis & utriculis succo turgidis ditantur, ut mole suâ reliquum plantulæ superent. In germinatione verò soluti & turgidi hujusmodi plantulæ humores advenientem succum fermentant & antiquum augent, ita ut in ampla folia extendantur, ut patet in *Endivia*, *Peponibus* & *Cucurbita*, cujus seminalia folia in tantam excrecent molem ut vix credibile sit, & ablata cuticulâ series pendentium utriculorum tam manifestò exhibentur, ut evidenter pateat folia hujusmodi conditoria esse seu penu concreti succi. Quoniam tamen sensim, vegetante radice trunco & plantulæ germine, contabescere incipiunt hujusmodi folia, hinc constat à foliis in caulem & caudicem regressum esse concocti succi, & quasi peculiarem circulationem. Remittunt itaque & folia probabiliter concoctum succum, ipsûmque in annotino & novello furculo, cui adnascuntur, congregant, ut in tenellam gemmam absumatur. Etenim non longè ab insertione & folii eruptione gemma post aliquod tempus succrescit; & maturatus per longum tempus in furculo coercitus humor, advenientis veris ope refermentatus, in gemmæ foetum absumitur, & nutritionem inchoat: Unde videtur nulla succrescere, ut plurimum gemma quam non antecedit & successivè alat folium.



Idem ministerium præstant probabiliter folia feminibus, &c. Corruptis singulis annis minimis meatulis, exhaustoque antiquo succo, cum folia amplius naturæ nequaquam inserviant, abjiciuntur, novumque organum formatur: & quibus in plantis folia adhuc virent, novis tamen æstate germinantibus geminis antiqua marasmo confecta collabuntur. Hæc omnia D. Malpighius, quæ & nobis probantur.

## CAP. X.

## De Floribus Plantarum, &amp; primò de eorum partibus.

**F**los, definiente *Jungio*, est pars plantæ tenuior, colore vel figurâ, vel utroque insignis, rudimento fructus cohærens. Hæc definitio, vel ipso *Jungio* fatente, nimis angusta est: nec enim omnis flos rudimento fructus cohæret: nam in *frumento Indico* *Maiz* dicto, *Palma Christi* seu *Ricino*, *Bardana minore* seu *Xanthio*, *Heliotropio tricoloro*, *Lachryma Jobi*, *Ambrosia*, à fructu aliquantulum removeretur. Nec in herbis tantum sed & in arboribus ut v. g. *Juglande*, *Corylo*, *Quercu*, &c. dantur flores amentacei à fructu disjuncti.

Quinimo non in eadem tantum planta florem à fructu removet natura, sed etiam in eadem specie flores & fructus totis individuis discevit, ita ut quæ flores ferrent, infœcundæ & steriles essent, quæ fœcundæ, flores non producerent: Has in eadem specie sexu differre volunt Botanici, & fertiles fœminas, steriles mares appellant. Præterea in plurimis plantarum speciebus, in quibus etiam flores fructibus cohærent, dantur plurimi flores inutiles, hoc est, quibus nullus fructus semineve succedit, ut in *Pomiferis*, *Pepone*, *Cucurbitâ*, *Melone*, &c. inque *Malo* & *Pyro* manifestè cernitur.

Rectius ergo meâ sententiâ definitur *flos*, Pars plantæ tenuior & fugax, colore vel figurâ vel utroque insignis, fructui prævia, eique plurimum cohærens & tenello tegendo fovendoque inserviens, quæ postquam explicatur brevi aut decidit aut marcescit.

Fructui prævi dici possunt etiam flores inutiles & amentacei, quamvis eidem contigui non sint, quoniam plerunque aut decidunt aut marcescunt antequam fructus maturescit.

Partes floris sunt. 1. *Calyx* five *Perianthium*, quod tamen nonnullis adjunctum potius quam pars floris censetur. 2. *Folia illa tenella & fugacia*, quæ nos ad Homonymiam vitandam cum *Columna petala* appellare solemus. 3. *Stamina*: & 4. *Stylus*.

Flores *perfecti* dicuntur qui omnibus hisce partibus donati sunt: *imperfecti*, qui harum partium aliquâ carent. Nos tamen in hoc opere florem *perfectum* vocamus quicumque petalis seu foliis fugacibus coloratis constat, five calycem habeat, ut plerique, five non, ut *Calthæ palustris*, *Anemones* & bulbosarum nonnullarum flores; *imperfectum* qui apetalos est, seu foliis illis fugacibus, coloratis caret: Hunc etiam stamineum vocamus, quia staminibus & calyce duntaxat constat. Sub staminibus etiam stylum comprehendimus quo paucissimi flores carent.

**CALYX.** *Calyx* est qui florem tegit & sustentat, ejusque velut basis & fulcimentum est, ideoque crassior est & minus insignis flore ipso. Oritur autem ex exteriori surculi cortice, ideoque (inquit Cæsalpinus) herbacei coloris est, nec decidit cum flore. Verum ex nostra observatione in nonnullis plantarum generibus vel unâ cum flore decidit, ut in *Ranunculo* & *Lyfimachia siliquosa*; vel etiam ante florem, ut in *Papavere*.

Calyces seu *Perianthia* in nonnullis plantis, tum colore, tum consistentiâ, tenella florum petala proximè referunt, distinguuntur quòd non defluant aut marcescant antequam femina maturescant, verum ipsis pro vasculis inserviant. Hujusmodi sunt *Fegopyri*, *Potamogetonis angustifolii*, *Bistortæ*, &c. florum calyces. Calyces enim voco quantumvis coloratas has partes, quia nec deciduæ sunt; nec fugaces.

**PETALA.** *Petala* seu floris folia sunt laminæ illæ tenellæ, colore insignes & fugaces. Ad petalum enim constituendum duæ hæ conditiones concurrant oportet: 1. Ut sit tenue & colore insigne: 2. ut sit fugax & caducum: adeò ut si qua pars plantæ harum conditionum alterutrâ careat, quamvis alteram habeat, petalum dicenda non sit. Ob defectum primæ conditionis *Ranunculi* & *Papaveris* calyces quamvis decidui pro petalis non sunt habendi: ob secundæ carentiam *Bistortæ* & *Perficariæ* supradicti calyces à petalorum numero excluduntur.

Quod ad petalorum texturam & compositionem attinet, Interioris cauliculi seu ligni (docente \* *Anat. Plan.* \* Malpighio) substantia, fistulæ scil. & trachæ extenduntur & elongantur in floris folia, quæ omni vasorum genere instructa pendentibus utriculorum seriebus integrantur. Hæc tenui halituosoque turgent succo, unde incisuras non patiuntur: ob humoris etenim benignitatem & ductilitatem utriculorum ordines extenduntur usque ad extremum unguem, & ut plurimum vasa non ab una excedunt costula, sed copiosi fasciculi à basi exurgunt, & productis ramis in omnem dimensionem elongantur. Quod ad colores, excepto nigro & viridi, omnes in floribus spectantur.

**STAMINA.** *Stamina* seu capillamenta, describente \* *Spigelio*, sunt in floris medio, quod umbilicus appellatur, partes oblongæ, tenues, veluti capillamenta, interdum paulò crassiores, paulò prominentes in summitate, apicibus frequenter præditæ, quæ stylum partem similiter oblongam sed crassiorem atque è centro umbilici emergentem ambiunt.

*Stamina* pediculo constant & capitulo seu apice.

Pediculi staminum plerunque liberi sunt, & in quamplurimis plantis à fundo floris seu dilatata petioli substantiâ (ut cum D. Malpighio loquar) oriuntur: in *Digitali* & plerisque omnibus tubulosa petala habentibus (ut *galeatis* & *labiatis*) ab interioris superficiei petali una parte erumpunt, interdum toti eidem affixi sunt seu cohærent, ut in *Symphyto majore*, *Lithospermo*, *Polygonato*, &c.

\* *Isag. Phyto.* Differentias staminum *Jungius* sic \* persequitur.

*scop. c. 20.* Pediculi staminum liberi plerunque teretes sunt, rarò latiusculi ut in *ornithogalis*.

Pediculus teres vel tenuis est, vel crassiusculus.

Pediculus



Pediculus item, alius curvus est, ut in galeatis floribus in quibus sub galea latentia stamina curvaturam ejus imitantur, ut in *Salvia*, *Lamio*, *Sclarea*: & in *Papilionaceis* in quibus latent in inferiore carina sursum recurva.

Staminum pediculi porro plerumque glabri sunt, interdum hirsuti; ut in *Blattaria*.

Stamina ferè semper inter se æqualia sunt, interdum inæqualia, ut in *Napello*, *Colutea*, *Scorpioide*, &c.

Staminum pediculi ferè semper simplices sunt, in *Lauro* ramosi.

Staminum numerus plerumque foliis aut lacinis ambitus respondet, ita ut aut æqualis sit, aut multiplus, aut submultiplus. Sic in *Rutæ* flore 4 petala sunt, 8 stamina; in *Cervicariæ* flore campaniformi 5 laciniae seu cuspides intus in fundo 5 stamina; in *Iride* 9 folia, 3 stamina; in *Gladiolo Ital.* 3 stamina, folia 6.

Sunt autem flores tam copiosa habentes stamina, ut eorum numerus non facile possit iniri, staminosi ideoque dicendi; ut *Ranunculo*, *Papavere*, &c.

Capitula five cacuminula staminibus incumbentia *Apices* dicuntur; Malpighio staminum capsula. *APICES.* Hæc diversimode colorantur & figurantur, frequenter tamen lutea aut crocea sunt, interdum nigricant, alias albescent; observavimus etiam purpureo aut rubente colore conspicua, quamvis rarius, ut v. g. in *Hepaticæ trifoliæ* specie illa, quam *Parkinsonus* albam staminibus rubris appellat, *Gramine leucanthemo* minore, *Alfine pulchro* flore, folio tenuissimo nostrate, aliisque quæ non occurrunt memoriæ: ideoque securè nimis \* affirmat *Grevius*, Apicum colorem nunquam rubrum esse; quicumque tandem floris petalorum color sit, intus non rarò concava sunt, & globulorum congeriem continent.

Eadem vel ex medio longitudinis suæ aptata sunt pediculo vel quasi medio, rarius extremo, ut in *Tulipis*, *Iridibus*, &c.

Staminum capitula plerumque ita sita sunt, ut longitudo cujusque ad longitudinem pediculi sui sit transversa, hoc est, angulos cum ea vel rectos, vel obliquos constituat. Est & ubi longitudo capituli longitudini pediculi in directum quasi sita est, ut in *Tulipis*: imò sunt flores in quibus staminum capitula pediculis directim sita, lateribus inter se coeant, ut fistulam quandam constituent, in qua stylus ita includatur, ut extimā tantum parte promineat, ut in *Boragine*, *Solano*, *Dulcamara*. Denique in omnibus flosculis capitula florea constituentibus, ut in *Eupatorio cannabino* vulgari, *Ageratō*, *Centaurio* majore, *Scabiosis*, *Gyanis*, *Jaceis*, *Carduis*; item in flosculis discos floreatos constituentibus, ut in *Flore Solis*, *Helenio*, *Parmica*, *Millefolio*, *Tanaceto*, *Acanthio* loco staminum est foliolum aliquod oblongum, fronte in aliquot quasi staminum petiolos scissā, quod complicatum fistulæ instar stylum involvit. D. Malpighius accuratius, tubum hunc efformari ait petiolis quinque ab interiori floris substantia sursum productis & unitis, qui etiam in capite laciniatur, in nonnullis.

Hæc staminum partes, pediculus nimirum & appensa capsula (autore Malpighio) ligneis fibris & tracheis integrantur singule, quibus utriculi per longum locati adduntur. Quare cum in galeatis & quibusdam etiam aliis ab elongatis floralibus foliis producantur, iisdem etiam particulis necessario componuntur.

Quis harum partium usus sit ambigitur: nonnulli ornatu tantum gratiā floribus concessas putant: alii ad materiam generationi femininum incongruam eliminandam, ut residua purior & defæciatior evadat: adeoque velut emunctoria quadam esse, per quæ determinata quadam succi portio excernitur, nimirum aerea, ut semen oleosius reddatur, ejusque principia fixiora. Hinc (inquit Malpighius) fortasse non incongruè derivato nomine, *menstruæ purgationes*, quæ in mulieribus conceptoris tempora proximè antecedunt, *flores* dicuntur: nam ut in plantis determinata succi portio per stamina & floris petala excernitur, ita in viviparis, quæ conceptus particulas quoquo modo inficere possunt, singulo mense cribrata per uterum foras protruduntur, ut reliquum defæcati sanguinis in utero stagnantis, facilius vi seminis fecundetur, & in animalis naturam dirigatur.

*Grevius* noster non hunc tantum usum stamina præstare opinatur, sed & pollinem illum seu globulos quibus apices prægnantes sunt, quosque per maturitatem effundunt, spermatis masculini instar feminibus fecundandis inservire existimat; ac proinde maximam plantarum partem utriusque sexus participem esse. Quod non adeò incredibile videri debet, cum & in Animalium genere nonnulla androgyna observantur, ut v. g. *Cochleæ terrestres*; quamvis quidem in seipsis non generent, quo à plantis differunt. Nec obstat, quod particula hæc (si modò sperma sint aut spermati analogæ) in uterum aut semina non penetrent, nam & in piscibus externè tantum ovis jam editis inspergitur genitalura, nec in ullo animalium genere, quod sciam, ovarium intrat, at ne uterum quidem ipsum in plerisque, sed solus ejus halitus & effluvia subtilia sufficiunt ad ova fecundanda, & embryon intus conclusum vivificandum.

Hæc si ita sint, non similitudine aliqua duntaxat, sed revera & strictè loquendo sexu differunt plantæ illæ, quarum aliæ semen absque flore, aliæ [ab ejusdem plantæ semine orta] florem absque semine producant. Tales sunt in Arborum genere *Palma dactylifera*, *Salices* pleræque ex nostra observatione, & secundum *Plinium* etiam *Cedrus major*: in Herbarum, *Lupulus salictarius*, *Cannabis*, *Cynocrainbe*, *Mercurialis*, *Phyllon*, *Urtica*, *Spinachia*, *Sesamoides* *Cluini*, aliæque non pauca.

D. *Grevii* sententiam magnopere confirmant, quæ de *Palma dactylifera* à \* Veteribus & Recentioribus traduntur, nimirum feminas non omnino fructificare, nisi mas juxta ipsas confitus fuerit: quin & pulverem maris feminæ aspersum eam fecundiores reddere. Ni enim *Ægyptii* hoc fecerint (inquit *Prosper* \* *Alpinus*) sine dubio feminæ vel nullos fructus ferent, vel quos ferent non retinebunt, neque hi maturefcent. At inquit in arenosis & desertis, ubi nemo maris pulverem seu pollinem florum femineo fetui aspergit, feminæ nihilominus fecundæ sunt. Inimò verò ventorum beneficio, qui pulverem marium feminis afflant.

\* De florum  
Anat. cap. c. 3.  
§ 5.

\* *Plin. Hist. Nat. lib. 13. c. 4.*  
\* *Lib. de Plantis Ægyptiacis.*



Cæterum rectè à D. Grevio observatum, globulos hosce seu particulas seminiformes apicum thecis inclusas, illud ipsum corpus esse quod Apes colligunt & femoribus appensum gestant, quod nostrates *panem Apum* vocant, quod etiam in cellulas unà cum melle recondunt. Ceram enim ore domum portant, mel ventriculo.

Opinio autem hæc de usu pollinis prædicti ulteriori adhuc confirmatione indiget; nos ut verisimilem tantum admittimus.

STYLUS.

*Stylus* est pars floris medium ejus occupans & rudimento fructus sive seminis inhaerens. Dicitur *Stylus* quia in longitudinem tenuem plerumque extenditur.

Foliola pars floris modò apici, modò sedi fructus seminifve cohaeret; Stamina vel medio, vel imo foliola; *Stylus* semper apici fructus seminifve inhaeret, ideòque reliquis floris partibus defluentibus in planta remanet. Hæc *Jungius*.

D. *Malpighius* *Stylum* concavitate sua semen fovere, appendice assurgere, interque stamina ludere ait. Vasculum ergo seminale *Stylum* facere videtur *Malpighius*, & *Styli* appendicem, quem alii *Stylum* vocant: hanc autem uterinis tubis analogam existimat, & exemplis probat. Est ergo *Stylus* uteri seu vasculi seminalis tubus perpetuò hians, ad semen intus conclusum ventilandum, & halitus expellendos.

Videndum in verticillatis an *Stylus* summo femini infideat necne: nobis quatuor semina *Stylum* circumstare videntur.

*Stylus* plerumque unicus adest, interdum tamen plures, ut v. g. in *Aquilegia* quini, quia rudimentum fructus in quinas maturatur filiquas.

Flores nonnulli *Stylo* carent, ut *Papaver*, *Tulipa*, &c. nisi vasculum seminale pro *Stylo* admittere velimus. In *Iride* tria folia interna sub quibus stamina occultantur *Styli* succedaneum facit *Jungius*.

*Stylus* propriè dictus terminatur vel *cuspidè*, vel *globulo*, vel *cono*, vel *cornibus*: *Cuspidè*, ut in *Digitali*, *Symphyto* majore aliisque plurimis; *Cono*, ut in *Liliis* nonnullis; *Globulo*, ut in *Convolvulo* peregrino purpureo: *Cornua* vel *brevia* sunt, ut in *Convolvulo* vulgari, vel *prolixa*, ut in *Eupatorio* vulgari: interdum adeò *prolixa* ut plures adeste videantur *Styli*, ità bini in *Staphylo dendro*: quod ad numerum attinet vel *bina* sunt, ut in *Cichoreo*; vel *terna*, ut in *Cervicaria*; vel quod rarius, *quaterna*, ut in *Lyfimachia* Virginiana. *Cornua* plerumque *æqualia* sunt, interdum *inequalia* longitudinis, ut in *Salvia* & *Æthiopide*; plerumque etiam *reflexa* sive recurva sunt, ut in *Cichorio*, *Cervicaria*; interdum *recta*.

## C A P. XI.

De *Florum differentiis*: è Joach. Jungii *Isagoge Phytoscopica*, additis & mutatis nonnullis.

**F**LOS perfectus, qualem superius descripsimus, vel est *simplex*, vel *compositus*.

*Simplex* nobis dicitur qui non dividitur in flosculos, sive qui unico & simplici plerumque stylo sive vasculo seminali donatur.

*Compositus* seu *aggregatus*, qui ex pluribus flosculis in unum totalem florem coeuntibus constat; quorum unusquisque non tantum folio seu bractea colorata, verum etiam vel staminibus vel stylo saltem constat, & singuli singulis seminibus cohererent. Ejusmodi flores sunt, *Lactuce*, *Hieracii*, *Carduorum*, &c.

Flos simplex interdum opponitur multiplici seu pleno. [*Jungius* simplicem absolutè vocat quem nos *monopetalon* seu *unifolium*.]

Flos ergo simplex est vel *Monopetalos* seu *unifolius*, vel *Polypetalos* seu *multifolius*: uterque per accidens plenus seu multiplex est.

*Monopetalos* est qui unico petalo continuo constat, quod plerumque cavum aut fistulosum est.

*Polypetalos* qui pluribus foliis in una serie aut circulo dispositis componitur. Estque vel *dipetalos* seu *bifolius*, ut in *Circæa* *Lutetiana*, *Hypocoo* *Clusii*, *Alfines* *facie nova* *planta* *Columnæ*: vel *tripetalos*, ut in *Plantagine* *aquatica*, *Sagittaria*, *Militari* *Aizoide*, *Nymphaea* *alba minima*: vel *tetrapetalos*, ut in *Leucoio*, *Brassica* & congeneribus aliisque plurimis: vel *pentapetalos*, ut in *Alfina*, *Lychnide*, *Caryophyllis*, &c. vel *hexapetalos*, ut in *Bulbaceis* & congeneribus. *Columna* Flores nullos naturaliter *heptapetalos* observavit. *Trifolium* *hepaticum* florem *octapetalon* proferre observavit F. *Columna*; Florem *Africanum* *enneapetalon*; *Granadillam* *Mexicanam* *decapetalon*. Verum in hujusmodi *polypetalis* quorum petala senarium numerum excedunt dubitamus an *Natura* certum numerum observet.

Flos uterque tam *monopetalos* quam *polypetalos* vel *uniformis* est vel *difformis*.

*Monopetalon uniformem* cum *Jungio* voco qui terminos duarum dimensionum inter se similes habet, sive qui dextrum sinistro & anterius posteriori simile, superius inferiori dissimile obtinet, sive figura quasi tornatilis est.

*Tornatilis* autem figura est quæ oritur planâ figurâ super uno latere rectilineo quiescente in orbem motâ, sive rectilinea sit mota figura sive mixtilinea.

Dixi quasi tornatilis figuræ, quia si plicæ, striæ & fissuræ accedant tornatilis figura esse definit.

*Monopetali* flores uniformes sunt in *Convolvulo*, *Campanula*, *Buglosso*, *Hyoscyamo*, *Tabaco*, &c.

Flos *monopet. uniformis* margine superiore vel integro est, vel in laciniis fisso: integro ut in *Convolvulo*; fisso ut in *Buglosso*, &c.

Si profundæ sint scissuræ sæpe compositum florem simulat; sed discernitur ab eo, quod totus [seu integer] decidat; uti flores *Boraginis*, *Buglossi*, *Sambuci*, *Cyclamini*.

Fissi flores vel numero lacinarum differunt, vel figurâ.

*Número*, ut vel tribus in *Cassia* *Poetica*, *Phalangio* *Virginiano* & paucis admodum aliis, vel quatuor; vel quinque; vel sex; ut in plurimis.

Figura

*Figurâ*, vel *angulosâ*, angulo *acuto* ut in *Boragine*; *obtusâ* ut in *Hyoscyamo*: vel *rotundâ* seu *sinuata*, ut in *Primula veris*, seu *simpliciter rotundâ* & *convexâ* ut in *Buglosso*.

Porrò flos uniformis tunicâ est vel uniformiter tereti; vel plicis, ut in *Convolvulo*; aut striis, ut in *Campanula*, variatâ.

Monopetalos difformis est qui unius tantum dimensionis terminos inter se similes habet, *b. e.* cujus non superiora tantum ab inferioribus, sed & anteriora à posticis discrepat, uti sunt *Lamii*, & reliquarum verticillatarum. Estque vel 1. *Semifistularis*, qui fistulâ superius obliquè resectâ constat, ut in *Aristolochia*: vel 2. *Labiatus*, idque vel unico labio, eoque vel superiore seu interiore, ut in *Acantho sativo*; vel inferiore seu exteriori ut in *Scordio*, *Teucrio communi* & *Betico*, &c. vel duobus, ut major pars florum labiatorum, in quibus labium superius vel repandum est five sursum reflexum, convexam faciem alteri labio obvertens, ut in *Chamæcisso* &c. vel convexum five deorsum reflexum, cavitatem inferiori labio obvertens, quod frequentius est; unde Labium hujusmodi *Galea*, *Cucullus*, *Galericulus*; & flos ipse *galeatus*, *cucullatus* & *galericulatus* dicitur. Est & labium aliud integrum, aliud scissum in laciniâ, &c. vel 3. Flos monopetalos difformis *corniculatus* est. *Corniculum* in flore vocat *Jungius* quod alii *Calcar* seu *Calcaneum*. Est ergo, eodem definiente, *Corniculatus* flos flos cavus qui partem aliquam corniculo similem superiori sui parti connexam habet, *b. e.* cavam & rotundam partem, quæ in cuspidem non perviam definat, ut in *Linaria*, *Delphinio*, &c.

Flos multifolius seu polypetalos *uniformis* est, cujus petala figurâ & situ conveniunt, licet magnitudine interdum differant, ut in *Umbelliferis*. *Difformis* est cujus petala figurâ, aut situ, aut utroque differunt, ut *v. g.* *Iridis*, & *Leguminum*, licet fortasse horum flos, potius monopetalos profundè laciniatus sit.

Superius diximus florem simplicem tam monopetalon, quàm polypetalon per accidens interdum plenum esse seu multiplicem. [Simplicem florem appello qui ex flosculis Composito opponitur, non qui multiplici.]

Flos per accidens plenus est cujus pars foliacea ob culturam, ubertatem soli, aliudve accidens multiplicata est. Quod si laminâ unicâ flos non plenus constat, in pleno laminâ aliquoties iteratâ, prima secundam, secunda tertiam includit, ut in *Stramonio*, *Aquilegia*, &c. sin ex pluribus foliis compositus sit floris ambitus, gyri foliorum repetuntur, ut in *Rosa*, *Ranunculo*, *Anemone*, *Papavere*, *Caryophyllo*, *Leucoio*, *Pæonia*, *Colchico*, *Croco*, *Caltha*, *Melanthio*.

Quædam flores ad plenitudinem culturâ perducere nequeunt, ut *Galeati* & *Papilionacei*, &c.

Superest ut Floris compositi superius descripti differentias adferamus.

Flos ergo compositus vel est discoides, vel planifolius naturâ plenus, vel fistularis.

Discus est quod ex plurimis compressis & confertis flosculis ita componitur, ut unam quasi apparentem superficiem constituent.

Flos *discoides* est vel disco *radiato*, vel disco *nudo*.

[Flos discoides disco radiato, interdum per accidens plenus est multiplicatis foliis marginalibus, ut in *Matricaria* & *Chamæmelo* cernitur: interdum etiam prolifer, ut in *Calendula*, *Bellide*, &c.]

Disco *radiato* est cujus exteriora folia quæ marginem quasi floris constituunt prolixiora & dispersiora sunt reliquis quæ discum efformant, & quasi plana.

Folia illa vel sunt frontata & quasi parallelogramma, vel cuspidata, ut in *Parmica Austriaca Clus.* Flore Solis &c. frontata sunt vel integrâ, vel crenatâ fronte, ut in *Caltha* vulgari. Disco *nudo* est qui flosculis marginalibus caret, ut in *Tanaceto*, &c.

Flos planifolius, naturâ plenus, seu secundum speciem plenus est qui ex flosculis quasi planis, in aliquot gyros dispositis confarctus est.

Frons autem horum foliorum plerumque crenata est, ut in *Taraxaco*, *Sonchis*, *Cichoreis*, *Hieracis*, *Scorzonera*, *Tragopogone*.

Flos fistularis est qui plurimis concavis oblongis flosculis, ad margines in longas laciniâ dissectis compositus est. Est etiam in hoc genus floribus differentia. Nonnulli flosculos marginales cæteris productiores & majores obtinent; alii omnes æquales.

Not. In floribus compositis flosculi illi, qui à nonnullis perperam Stamina dicuntur, inferiori parte in prolixum candidum, quasi pediculum definunt, quo seminibus singulis coherent, habentque plerumque oram supremam five craterem in laciniâ aliquot sectum: è singulis quoque prominet stylus aliquis (bifidus plerumque) qui peculiari fistulâ coloratâ usque ad apicem five cornua vestitus est.



- Perfectus*, qui petalis, stylo & staminibus constat; estque vel
- Simplex*, qui in flosculos non dividitur, isque vel
- Monopetalos*, qui unico petalo five laminâ continuâ constat, ut in *Convolvulo*, *Campanula*, &c. estque vel
- Uniformis*, qui dextram partem sinistrae, & anteriorem posteriori similem, inferiorem superiori dissimilem obtinet, ut in *Convolvulo*. Estque margine vel
- Integro*, ut in *Convolvulo*.  
*In laciniis fissis*, differentes
- Numero*, in nonnullis sci. tres, in aliis quatuor, vel quinque, vel sex lacinae sunt.  
*Figurâ*, vel angulosâ, vel rotundâ.
- Difformis*, cujus non tantum superiora ab inferioribus, sed & anteriora à posterioribus differunt, estque vel
- Semifistularis*, ut in *Aristolochia*.
- Labiatus*, labio
- Unico*, eoque vel superiore, ut in *Acantho sativo*; vel inferiore, ut in *Scordio*, &c.  
*Duobus*, superiore vel
- Reflexo* sursum, ut in *Chamaecisso*.  
*Convexo* five deorsum reflexo, five galeato, ut in *Lamio* & plerisque *Verticillatis*.
- Corniculatus* corniculo seu calcaneo concavo & impervio retrorsum extenso, ut in *Delphinio*, *Linaria*, &c.
- Polypetalos* five multifolius est qui pluribus petalis in unica serie aut circulo dispositis componitur; estque vel
- Uniformis*, in quo petala, figurâ & situ conveniunt, quamvis magnitudine interdum differant; estque vel
- Dipetalos*, ut in *Circaea Lutetiana*.  
*Tripetalos*, ut in *Plantagine aquatica*.  
*Tetrapetalos*, ut in *Leucoio*, *Brassica*, *Thlaspi*, &c.  
*Pentapetalos*, ut in *Lychnide*, *Caryophyllo*, *Alfina*, &c.  
*Hexapetalos*, ut in *Bulbosis*. *Polypetalos* in aliis.
- Difformis*, ut in *Viola*, *Papilionaceis*, &c.
- Compositus*, qui ex pluribus flosculis, quorum singuli singulis insident feminibus, in unum totalem florem coeuntibus constat; estque vel
- Discoides*, in quo flosculi breves, arête compressi unam quasi planam superficiem componunt, ut in *Calendula*, &c. est vel
- Radiatus*, limbo vel margine foliorum planorum discum cingente; foliis marginalibus vel *frontatis*, fronte *crenatâ*, ut in *Calendula* & papposis lactescentibus, *aequali*: vel *cuspidatis*, ut *Parmica Austriaca* Clus.  
*Nudus*, qui petalis illis seu flosculis marginalibus caret, ut in *Tanaceto*, &c.
- Naturâ plenus*, ut in Papposis lactescentibus.  
*Fistularis*, ut in Capitatis dictis, *Facea*, *Carduo*, &c.
- Imperfectus*, qui harum partium aliqua caret.

Ufus floris est ad tenellos fructus tegendos: priusquam enim explicantur, aut insident ipsis fructibus, aut illos undique circumplectuntur: crescente autem fructu jam flores aperiuntur, ac paulo post, tanquam in futurum inutiles, decidunt arefacti. *Cæsalp. D.\* Malpighius* interdum florum petala in suis utriculis succum excoquere, quem intrò refluente tenello utero & seminis inchoamento effunderent opinatus est: quandoque petalorum ministerium in incongrui potius humoris depuratione versari existimavit. Verum cum avulsis sæpius floris petalis antequam hiarent (in *Tulipa* præcipue) interdum styli seu uteri incrementa remorari observavit, quandoque quædam

\* *Anat. Plant.*  
*p. 55. 56.*

morari observavit, quandoque quædam semina absque noxa debitam magnitudinem sortita esse, se adhuc dubium restare ait, an floris folia tenello utero à Solis & externi aeris injuriis tutando duntaxat inserviant; an ulterius etiam depurando præparent activam seminis materiam.

Floris folia si plus justo luxurient multiplicatis exortibus, vel semina manca redduntur, vel deficiunt & nullus plerunque uterus adest, ut in plenis floribus observatur. An quia singuli fistularum fasciculi in folia elongentur & absumentur? nullæque lignæ fibræ uteri structuræ & colligamenti vesiculæ relinquuntur? & ita infœcundi contingunt flores.

Quatervis autem plerique flores naturâ pleni steriles & infœcundi sint, hoc tamen perpetuum non est in omnibus plantarum generibus: Caryophylli enim pleno flore nihilominus fœcundi sunt. Idem etiam observatur in floribus compositis planifolio margine, per accidens plenis, ut v. g. *Matricaria* & *Chamæmelo*; nimirum hujusmodi etiam fœcundos esse.

Aliæ adhuc florum Differentiæ à situ sumi possunt, idque vel respectu caulis, vel respectu fructus. Caulis respectu flos aut solitarius est, aut coacervatus.

Solitarius est qui ita in caule dispositus est ut alium proximè non tangat.

Coacervatus, qui vel in spicam, vel verticillum, vel corollam ut in Trifolio corniculato *Dod.* vel umbellam, vel corymbum, vel paniculam, vel racemum dispositus est.

De Spica, Umbella, Corymbo, Panicula, in differentiis caulis superius diximus.

Verticilli in plantis dicuntur flores & semina caules ad nodos in orbem cingentes, ad similitudinem instrumentorum illorum quæ fusis adhibere solent mulieres, ut facilius vertantur.

Solitarius flos aut sigillatim, aut sociatim cauli adhæret.

Sigillatim si unus ex una caulis aut rami distinctione prodeat.

Socialiter si aut bini ut in multis, aut tergemini ut in Sagittali, aut feni ut in *Viola aquatica*.

Respectu fructus aut rudimenti fructus Flos aut insidet summo fructui, aut sedi fructus coheret.

Qui summo fructui insidet, aut nudo semini insidet, ut in *Veleriana*; aut pericarpio five folliculo seminis, ut in *Cucurbita*, *Melone* reliquisque Pomiferis, *Bryonia*, *Periclymeno*, *Aristolochia*, *Ligustro*, *Rosa*, *Pruno*, *Pomo*, *Pyro*, *Grossularia* &c. Siliquæ in *Lyfimachia Siliquosa*.

Flos sedi fructus coheret, ideoque fructus rudimentum quasi includit & protegit in *Solanis*, *Cappico*, *Geraniis*, *Papavere*, *Leguminibus* & siliquosis omnibus (excepta *Lyfimachia siliquosa*) *Lychnide*, *Ranunculo*, *Nymphaea*, *Arbuto*, *Tulipa*, &c.

Supereff ut Calycis etiam seu Perianthii differentias ex ejusdem Jungii \* *Isagoge Phytoscopica* adiciamus.

\* *Isagoge Phytoscopica* cap. 24

Perianthium ergo aliud ab initio *clausum* est, quod florem nondum explicatum totum involvit, & dehiscens deinde eundem retegat, ut in *Papavere* omni, *Capparide*, *Palma dactylifera*, *Lauro*, *Pæonia*: Aliud semper *apertum*, ut in plerisque aliis.

Perianthium plerunque suum cuique flori proprium est; interdum etiam pluribus commune, videlicet nondum explicatis, ut in *Palma dactylifera* & *Lauro*.

Perianthium aliud flori cum fructu commune est, aliud flori proprium. Commune in iis omnibus plantis in quibus flos fructum complectitur, five quarum flos sedi fructus affigitur, ut in *Spergula*, item cavis floribus, quibus nuda subsunt semina, five labiatis, ut in *Salvia*, *Marrubio* aliisque Verticillatis, five uniformibus, ut in *Buglosso*, *Lithospermo*, &c.

Perianthium deinde vel simplex est, vel compositum.

*Simplex* quod utriculus est solâ laminâ constans, ut in *Salvia* aliisque Verticillatis, *Nicotiana*, *Lychnidibus*, *Caryophyllis* &c.

*Compositum*, quod vel foliis pluribus juxta se positis constat, ut in *Eupatorio cannabino*, & *Scabiosis*: vel ex foliis aut squamis sibi invicem arcè & imbricatim insidentibus, ut in *Jacea*, *Cinara*, & aliis *Carduis*.

Perianthium simplex plerunque in margine in lacinias sectum est, vel acutas ut in *Salvia*, *Lamio*, vel obtusas, ut in *Priapeia*; item vel profundè in lacinias prolixas, vel minus profundè in brevículas, ut in *Othonna*.

Perianthium plerunque inferiore parte strictius est, interdum tamen ventriosum quasi & turgidum, ut in *Geraniis*, *Ocymoide*, *Vaccaria*, *Ben albo* &c.

Perianthium aliud rotundum & teres est, ut in *Caryophyllis*; aliud striatum five fulcatum, ut in *Othonna*.

Inter nudos & Perianthio vestitos flores ambigunt flores *Cucurbitæ* & *Peponum*: Viridibus enim quibusdam five nervis, five doris, five strigibus à fundo ad marginem tendentibus variantur, quorum nonnulli [nervi] intra mediam floris partem à flore quasi avulsi speciem perianthii angustifolii exhibent.

Peculiare etiam quid in iisdem floribus observatur, quod inferiores partes aliquid inter stamen & stylum ambigens, vel ex stamine & stylo conflatum obtinent.



## CAP. XII.

## De Fructibus &amp; Seminibus Plantarum.

**F**ructus à fruendo dicitur, estque pars ea Plantæ quæ in cibis fruimur, sive Pericarpium sit, sive Semen. Nomen autem fructus per analogiam ad omnium plantarum partes similes, quamvis nullum nobis usum præstent, nec in cibis neque in medicina, extendi potest.

Fructus ergo (describente Jungio) dicitur Pars Plantæ annua, flori coharens & succedens, qui ubi maturuerit, i. e. ad perfectionem suam pervenerit, sponte à Plantâ abscedit, & terrâ, aliâve commodâ matrice excepta, novæ plantæ fit initium.

Succedere dicitur flori fructus, quod floris inchoatio, perfectio, defluxio, fructûs inchoationem, perfectionem, defluxionem antecedit. Fructus igitur à reliquis plantæ annuis partibus differt, quod cum primum absolutus est, sive ad perfectionem devenit, pars esse desinit, cum reliquæ (uti folia & flores) tum demum ubi marcescere, putrescere, aliterve corrumpi incipiunt, à plantâ suâ separantur.

Fructus vel semen est, vel Seminis conceptaculum, [vasculum, folliculus, capsula, theca, involu-  
crum.]

Conceptaculum est quod semini ad tempus undique tegendo [aliterve continendo] peculiariter destinatum est.

Excluduntur ab hujus appellationis ambitu perianthia illa in quibus flore delapso semina latitant, uti fit in Salvia reliquisque Verticillatis plantis: nam nec undique tegunt semina, cum superiore parte hient, neque peculiariter seminis tutelæ inserviunt; sed flori potissimum muniendo destinata sunt. *Hactenus Jungius.*

Semina vel duplici conceptaculo seu involucrio, altero alterum ambiente teguntur, vel *simplici* & unico; *Duplici* in Prunis & Cerasis, nimirum Pericarpio & Officulo; in Malis & Pyris, nimirum Pericarpio & Cartilagine; in Nucibus Avellanis, nimirum Folliculo membranaceo & Officulo; in Pinu, nimirum Cortice lignoso & Officulo, ut alia plurima omittam. *Simplici*, in Faba, Piso, aliisque Leguminibus, in Leucoio, Brassica, Thlaspi, aliisque filiquosis & capsulatis tetrapetalis, &c.

Seminum conceptacula sunt vel *solitaria*, seu *simplicia* unicâ intus cavitate, ut in Faba, Piso, aliisque leguminibus, in quibus semina filiquæ dorso adnectuntur; item in Lychnide, Caryophyllo, Primula &c. in quibus seminis sedes est in medio, exterius protegente vasculo: vel in *plures cellulas* seu loculamenta *divisa*, easque vel *disjunctas*, ut in Aconito, Aquilegia, Delphinio: vel *conjunctas*; seu i. *binas*, vel cum *solitariis* seminibus in singulis alveolis, ut in Xanthio, Mercuriali &c. vel cum *pluribus* in singulis alveolis, ut in filiquosis, *Brassica*, *Leucoio*, &c. in capsularibus, *Verbasc*, *Thlaspi*, &c.

2. *Ternas*, seminibus intus vel *solitariis* in singulis alveolis, ut in Ricino, Tithymalo, Heliotropio tricocco, vel *pluribus* in singulis alveolis, ut in Convolvulo, Viola, Hyperico, Asaro &c.

3. *Multas*, incerto numero, ut in *Papavere*, *Lino*, &c.

Unus fructus  
quis.

Cæsalpinus rectè meo judicio unum fructum esse statuit qui uno tegmine continetur externo, quamvis interna divisa sint, ut in Paxonia, Aconito tres filiquæ aut plures in eodem exortu, sub eodem flore continentur, quæ enim sub eodem flore sunt, sunt etiam sub eodem floris tegmine, quod externum est. Plures verò qui nullo communi tegmine teguntur, licet ex ejusdem sedis divisione orientur, ut Uvarum acini, singuli enim sub singulis floribus sunt, licet racemus unus sit.

Semina nuda voco quæ nullo præter perianthium vasculo aut tegmine donantur, ut *Valeriana*, &c.

Pro seminibus etiam nudis in hoc opere habemus quæcunque pericarpio non inclusa, solitariæ & singulatim decidentia, filiquas suas sponte non exuunt, verum iis induta à planta matre abscedunt. Sic Malvæ, v. g. semina, ut & umbelliferarum omnium, nobis nuda censentur.

Semina sunt vel  $\left\{ \begin{array}{l} \text{Nuda, nullo præter perianthium vasculo aut tegmine donata, ut } \textit{Valeriana}, \textit{Thalictri}, \\ \text{Umbelliferarum \& Verticillatarum.} \\ \text{Conceptaculis inclusa,} \end{array} \right.$

$\left\{ \begin{array}{l} \text{Simplicibus unicam intus cavitatem habentibus, ut in Leguminibus aliisque plurimis,} \\ \text{In plures cellulas seu loculamenta divisis,} \end{array} \right.$

$\left\{ \begin{array}{l} \text{Disjuncta, ut in } \textit{Aconito}, \textit{Aquilegia}, \textit{Delphinio}, \textit{\&c.} \\ \text{Conjuncta, simul, vel} \end{array} \right.$

$\left\{ \begin{array}{l} \text{Bina, cum seminibus in singulis alveolis} \end{array} \right.$

$\left\{ \begin{array}{l} \text{Solitariis, ut in } \textit{Xanthio}, \textit{Mercuriali}, \textit{\&c.} \end{array} \right.$

$\left\{ \begin{array}{l} \text{Pluribus, ut in } \textit{Siliquosis}, \textit{Brassica}, \textit{Leucoio}, \textit{\&c.} \text{ inque capsularibus, } \textit{Verba-} \\ \text{sc}, \textit{Thlaspi}, \textit{\&c.} \end{array} \right.$

$\left\{ \begin{array}{l} \text{Terna, seminibus itidem in singulis alveolis} \end{array} \right.$

$\left\{ \begin{array}{l} \text{Solitariis, ut in } \textit{Tithymalo}, \textit{Ricino}, \textit{Heliotropio tricocco}, \textit{\&c.} \end{array} \right.$

$\left\{ \begin{array}{l} \text{Pluribus, ut in } \textit{Convolvulo}, \textit{Hyperico}, \textit{Asaro}, \textit{Viola}, \textit{\& Bulbosis omnibus.} \end{array} \right.$

$\left\{ \begin{array}{l} \text{Multa, incerto numero, ut in } \textit{Papavere}, \textit{\&c.} \end{array} \right.$

De



*De processu Naturæ in generatione seminum à D. Malpighii Plantarum Anatome.*

Stylus in plantis utero in Animalibus respondet. Nam sicut in oviparis unica est concameratio; in solitariam tubam definens: in viviparis verò uterus geminis ovariis totidemque tubis [seu cornibus] componitur: ita in plantis uterus seu ovarium unicū quādoque est, cujus tuba hiatu patet, quādoque multiplex, totidemque exporriguntur tubæ.

Not. Conceptaculum seu vasculum seminale nobis Uterus potius plantæ videtur dicendum: quod quidam interdum stylus est, ut in Tulipa, Papavere, &c. interdum corpus à stylo distinctum ut, in Caryophyllis inque Pomo & Pyro aliisque, in quibus flori subest, cum Stylus pars floris censetur: in his tamen aliisque stylus conceptaculi apici insidet. Verum quem nos stylum dicimus D. Malpighius styli tubam seu appendicem appellat. Non est ergo cur de nominibus litigemus, siquidem Uterus plantæ vel est stylus ipse, vel basis styli, seu corpus cui stylus insidet, quod Malpighius stylum facit.

Uterus igitur plantarum, seu conceptaculum feminis, in aliquibus solo membraneo gracilique corpore, concavo & tubuloso, vesiculæ instar, constat, hocque ligneis fibris, tracheis & utriculis contexto; in cujus centro semina seu foetus gignuntur & adolefcunt. In aliis vegetantium ordinibus, ut in filiquosis, crassiori substantiâ, quasi pericarpio, constare videtur: In quibusdam oblongæ quædam appendices adduntur, quæ semina stipant & foveant, & crassius pariter obducitur pericarpium, elongatis fibrarum & trachearum fasciculis, à quibus utriculi succo turgidi pendent, adeoque uteri substantia conflatur è fasciculis jam dictis & utriculorum stiris in commune corpus quod fructus dicitur, conglobatis; non dispari ritu ac in Foeminis accidit, quarum uteri substantia contento sanguine ita tumet, ut solitam crassitiem triplo excedat. In aliquibus pericarpium hæc moles, turgidi uteri vices supplens, ambiente interius corpore obvelatur, quod plerumque cartilagineum est, ut pomis pyrisque accidit; in aliis autem osseam substantiam sortitur, huiusque structura in tenellis adhuc è pericarpio uteri cavitatem cribratam extillat humorem.

Pericarpium, in iis quibus datur, concoctum fortasse succum contento foetui subministrat, vel saltem externi caloris vim obtundit, nè solaribus radiis contabescat. Quoniam tamen plures uteri pericarpio vel ejus analogo destituuntur, ideo fas est credere, succum qui à pericarpio percolatur in semen, non omnino productioni ejusdem conducere; sed materiam à fibris derivatis immediatè à petiolo & secundinis excerni, pericarpium verò succum tutari potius quàm componere. Quod vero pericarpia nonnulla nobis aliisque animantibus gratum cibum ministrent, non est ex primariâ naturæ intentione, quæ pericarpium ad seminis tutelam destinavit, sed ex secundaria.

Seminis integumenta seu membranæ semen involventes Secundinis analoga sunt, quorum ope diu custodiuntur & terræ concredita pro germinatione juvantur.

Officula in Cerasis, malis Persicis & Mespilis, quibus semen custoditur, pro uteris habet D. Malpighius, non pro secundinis. Nunc licet crassioribus constent parietibus, pericarpio tamen continuantur, & per ipsos humor fortasse in contentum semen percolatur. Secundinæ autem proprie sunt quæ hiante utero unâ cum semine excidunt.

At pace tanti viri nullam video rationem cur Avellanarum & Juglandium putamina secundinæ censenda sint, Cerasorum autem & Persicorum officula minimè; cum tamen si secundinam rectè definiat, quæ hiante utero unâ cum semine excidet, necessariò ita se res habebit, cum illarum putamina, utero se aperiente, unâ cum semine excident, horum autem officula minimè.

In plerisque Secundinis, ut v. g. Pyri & Pomi, hiatus aperitur arctiori in cacumine, ubi scil. plantulæ conus latitat, in aliis verò fenestra occurrit patenti cum hiatu. Quis hujus fenestellæ seu foraminis usus sit ambigitur, an ut externus aer admittatur ad fermentationem excitandam aut promovendam; an ut incongrua eliminentur evidenti transpiratu; an potius ad humorem nutritionis excipiendum. Quod nobis magis probatur: Foramen isthoc ovi in Animalibus respondere existimat Malpighius. Sicut enim (inquit) in Animalibus foetus non tantum per umbilicum nutritur, recepto sanguine alimentitio succo commixto, sed etiam per os, derivato scilicet chylo in ventriculum, indeque solitis viis in cavam, ut sensim instituatur hæc alimenti via, quæ in edito foetu durante vita manuteneri debet, ita probabiliter contingere reor in seminalibus plantulis: Siphones [qui in plurimorum seminum secundinis horizontaliter ordine collocati sunt] alimentum foliis plantulæ ministrant, quod præexistenti in propriis utriculis succo commixtum, per propria vasa gemmam versus intro deducitur, & ita plantula quasi per umbilicum augeri videtur. Et quoniam hiatus in Pomis, Pyris, & sim. fenestella in Ciceribus, Fabis, &c. aperitur sub quibus extremum conici corporis, radicem scil. inchoamenta, conduntur, & eidem externum ministratur alimentum, ut regia nutritionis via instituatur, ab extremis videlicet radicibus in caulem vel caudicem, & ab his in ramos & folia, ideo hanc nutritionis viam analogam ei puto quæ per os celebratur in Animalium foetu. His accedat radicis truncum vaginâ, copiosis utriculis compaginatâ condi, quorum ope extremo caudici debitum auctivum subrogatur alimentum.

Notandum autem naturam non in omnibus Pericarpium exterius collocasse, & fructui seu semini circumposuisse, quamvis nomen Pericarpium id videtur indicare & exigere, sed in aliquibus inversâ viâ, à pericarpio in globosum corpus coagmentato emergere voluit uteros & semina, ut in Fragis præcipue cernitur.

Seminis autem seu potius plantulæ seminalis intra secundinas generatio viventium productionibus analoga est. Primò enim umbilicus occurrit qui manifestè perforatus est, & sensim in extremitate laxatus seu dilatatus, colliquamenti ichore (qui in Fabis fluidus est, in reliquis utriculis, coercitus) repletus, in molem diversâ [in diversis seminibus] figuræ intumescit. Tractu temporis semen seu foetus emergere incipit, in apice scil. amnii, supereminentibus binis foliolis, alarum instar apertis, & frequentissimè diductis, ita ut angularis amnii apex fissuram impleat: à foliis verò seu alis acuminatum minimūque confimilis substantiæ corpus (quod gemma est) assurgit. Successivo incremento auctior reddita amnii moles fetum quoque seu plantulam auget & fovet. Amnio in plurimis plantis utriculorum ordines chorii instar circumaffunduntur; Chorium autem in quibus adest à primordiis turgit, sensimque adaucto amnio exinanitur, & postremo à plantula amnion, in quod perco-



percolantur omnia, absumitur. Quare probabiliter seminalis humor primo ex secundinis in umbilicum, & sensim in laxatum amnion derivatur; unde prima plantulæ delineatio. Verum hæc omnia exemplo & iconibus appositis clariùs intelligentur.

Augetur autem probabiliter amnion, non tantum subministrato succo ab umbilico, sed & transudante humore à chorio, cum tractu temporis oblitteretur umbilicus. Et cum plantula seminalis peculiari umbilico destituatur, quo exterius adveniens alimentum altè ipsam penetrans, in singulas diffusus partes eas augeat & alar: sed ut plurimum contiguus amnii humor foliorum hiatum repleat, ipsisque hæreat, non incongruum fortasse rationi erit censere, filtratione transductum chorii humorem in amnion, tandem plantulæ folia, inversâ nutritionis subingredi, ex his in caulem & gemmam derivari.

Mira autem est Plantarum nonnullarum fecunditas seminis respectu, ut v. g. Verbasci, Digitalis, Papaveris, Hyoscyami, Nicotianæ. In uno Helenii flore (inquit P. \*Laurembergius) numeravi ultra 3000 semina, neque tamen perveni ad finem. Helenium autem in eodem caule multos producit & gestat flores. Ex uno grano *Mayz*, seu Frumenti Turcici iterum 1050; in Virginia 2000 colliguntur, feriturque bis quotannis Martio & Junio. Ex uno flore Solis majore, prognata ex uno semine eodem anno Camerarius exemit circiter 4000 semina: ego 3000 & paulò amplius. Sed hæc nihil sunt si cum Tabaci veri fecunditate conferantur. Ego curiositati meæ indulgens, numerare aliquando cœpi, quot granula seminum Nicotianæ ponderent drachmam unam, & expertus sum ponderi unius grani medici (quæ est minima mensura) respondere grana Tabaci 1012. Jam verò ex una planta collegi seminum maturorum drachmas circiter sex, quæ faciunt medica grana 360 hæc multiplicata per 1000 (omissis 12) largiuntur grana 360000, quorum ferax fuit una planta Tabaci nata ex uno granulo.

Papaver album (supputante D. Grevio) semina 32000 annuatim producit, quam summam ita colligit: Quatuor plurimum planta hæc capitula matura profert, in quorum unoquoque denæ minimum membranæ seu parietes, totidem cellulas determinantes sunt. Harum uniuscujusque alterutri lateri semina adnascuntur circiter 800, quibus in 10, numerum membranarum, ductis, exurgit summa 8000, quæ iterum 4 pro capitulorum numero multiplicatâ efficitur numerus prædictus 32000.

Not. Planta hæc, si celum & solum faveat, non dico quatuor capitula, sed duplo triplòve plura producit.

Typha major (eodem observante) ultra 120000 quotannis semina perficit, quod ita demonstrat. Semina enim unâ cum lanugine spicam seu clavam cylindricam efficient 6 uncias longam, diametro  $\frac{1}{2}$  uncia æquali circumferentiâ  $1\frac{1}{2}$  uncia. Horum autem seminum 9, latere ad latus juncto, ut in spica collocantur,  $\frac{1}{2}$  duntaxat uncia partem efficiunt, adeò ut 72 lineam uncialem expleant. Verum quoniam in spica pili seminibus interpositi sunt, 10 detractis, 62 tantum supputabimus; quibus si addamus  $\frac{1}{2}$  numeri 62, hoc est 46, exurgit pro circuitu cylindri summa seminum 108, cumque cylindrus 6 uncias longus sit sexies 62, hoc est 372, semina unam longitudinis lineam component. Quo numero in 108 ducto producitur summa 40176, pro numero seminum unius clavae; proque trium quas planta illa singulis annis plurimum profert, 120000.

Verum numerosissima omnium semina producant herbæ capillares dictæ. Unius *Lingvæ cervinæ* plantæ annuus proventus ad decies centena millia seminum ascendit. Vide Caput de Phyllitide.

### C A P. XIII.

#### De Plantarum Seminibus observationes quædam generales.

I. **N**atura non observat magnitudinis proportionem inter semina & plantas ab iisdem ortas, ita ut majus semen majorem semper producat plantam, minus minorem. Sunt enim in genere herbarum non pauca, quarum semina arborum nonnullarum seminibus non dico æqualia sunt, sed multo majora, Sic v. g. semina *Fabæ*, *Pisi*, *Viciæ*, *Lupini*, *Peponis*, *Melonis*, *Cucurbitæ*, ut alias innumeras omittam, semina *Ulmis*, *Populi*, *Salicis*, *Betulæ*, *Ficis*, &c. multis vicibus magnitudine superant.

Atque hoc non in plantis duntaxat diversorum generum observari potest, sed interdum etiam in ejusdem generis speciebus. Sic in genere arborum glandiferarum *Ilex coccifera* dicta, quæ fruticis modum vix unquam excedit, glandem edit *Quercus* vulgaris parem: *Cerrus* arbor *Quercus* nostrati magnitudine cedit, glandem tamen duplo majorem producit. *Cerintbe* purpurea annua *montana* perenni minor est, semen tamen illius hujus semine majus. Eadem differentia magnitudinis respectu observari potest inter semina *Rapistris* & *Sinapeos*, plantarum productricium proportioni contraria: nam semen *Rapistris* *Sinapeos* semine majus est, cum *Rapistrum* ipsum *Sinapi* minus sit. At neque Natura in animalibus oviparis eandem perpetuò magnitudinis differentiam observat inter ova quæ est inter animalia quæ ea ponunt. Quamvis enim inter *Locustas* & *Astacos*, magnitudine excepta qua *Locusta* *Astacum* excedit, indiscreta ferè similitudo sit, ova tamen *Astaci* *Locustæ* ovis multò majora sunt; Sic in Avium genere ova *Anatis Arcticæ* Clusii *Alkæ* Hoieri, ejusdemque *Lomviæ* tanto Anatium domesticarum ovis majora sunt, quanto *Aves* ipsæ *Anatibus* minores. Notandum tamen, Aves hæc palmipedes esse & tridactylas & unicum tantum ovum una vice ponere antequam incubent, adeoque unum duntaxat pullum excludere. Notatu autem dignissimum est, quò minora sunt eò esse fertiliora: Feracissima enim sunt Papaver, Nicotiana, Digitalis, & capillares omnes, Sinapi, Typha, ut alia omittam, quæ semina minutissima proferunt.

II. De Herbarum annuarum seminibus nota, 1. Ea omnium longè maxima esse, ut in *faba*, *piso*, *lupino*, *cicere*, *melone*, *pepone*, *cucurbita*, *flore solis*, *Phaseolo*, aliisque patet. 2. In iis etiam generibus



in quibus alia species annua sunt, alia perennes; annuarum semina feminibus perennium majora esse, magnitudinis plantarum ratione habita. Sic v. g. *Pisa* vulgaris majora sunt feminibus *Lathyrus* majoris perennis: Sic *Triticum*, *Secale*, *Hordeum*, *Oriza*, *Avena*, *Maiz* seu *Fruentum Indicum*, quæ nihil aliud sunt quam Graminum annuorum semina, majora sunt feminibus cujuscunque Graminis perennis nobis cogniti, Arundinibus etiam maximis non exceptis. 3. Semina omnia quæ hominibus in cibum veniunt herbarum annuarum genimina esse: sive frumenta sint, ut v. g. *Secale*, *Triticum*, *Oriza*, *Sorghum*, *Fruentum Indicum*, *Milium*, *Panicum*, *Avena*, *Hordeum*, &c. five Legumina, ut *Faba*, *Pisa*, *Lentes*, *Vicia*, &c. Cujus ratio esse videtur, quia ex feminibus saporis grati & nutrimenti salubris ea maxima sunt, adeoque eorum purgatio facilius, proventus uberior & farina ad surfures proportio major.

III. Quamvis in plantis nonnullis, quæ flagellis radices subinde agentibus se propagant, aut quæ radicibus proliferis vel reptatricibus se multiplicant, ut in *Vinea Pervinca*, *Colocasia*, *Battata Canadensis*, *Raphano rusticano*, &c. verum sit quod à nonnullis observatur, eas scilicet semen rarius perficere & ad maturitatem perducere, quoniam natura his propagationis modis intenta eum qui est per semen negligit: Quamvis inquam hoc in nonnullis verum sit, procul tamen abest à regula generali, cum stirpes non pauca reperiuntur quæ aut radicibus reptant, aut flagellis se propagant, & tamen semen copiosum idemque fecundum gignunt. Prioris generis sunt *Herba Gerardis*, *Solanum halicabum*, &c. Posterioris *Fragaria* & *Ranunculus repens*. Verum ex altera parte in genere & sine exceptione verum existimo, quod quæ plantæ semen paucum perficiunt eadem modis superius tactis se propagant: aliis enim natura, quæ in necessariis non deficit, talium specierum conservationi & perpetuitati non satis cavisse videretur.

IV. Plinius alique rei naturalis scriptores dudum de Animalibus observarunt, quod, diutius gestantur quibus sunt longiora vitæ spatia: Hanc observationem si plantis accommodare velis minime veram invenies. Nam ex spatio temporis breviori aut productiore, quod intercedit inter eruptionem floris & seminis perfectionem, de vita seu duratione istius plantæ nihil certi colligi potest. Videmus enim *Ulmum*, cujus semen primo vere statim à flore edito perficitur, atque etiam defluit ante quam folia explicantur, arborem esse satis longævam.

V. Semina plantarum oleo copiosiore scatent quam quævis alia earum pars; quod prælo subjectæ & tortæ fatentur, magna ejus quantitate fusâ. Oleum autem cum corpus sit viscidum, nec facile evaporet, seminali spiritui continendo idoneum est vehiculum. Hinc sit quod semina per multos etiam annos fecunda manent, & sata germinant. Quin & copiosum salem volatilem continent, ut luculenter demonstrat *Wedelius* in *Experimento novo chymico de sale volatili plantarum*. Verum de chymica seminum analysi agere in præsentiarum nostri non est instituti.

VI. Quot annos semina plantarum fecunda durabunt, difficilis admodum quæstio est: Veterum nonnulli vel 40 prodidere: D. *Morrisonus* non ultra decennium affirmat; alii fecunditatis spatium quinquennio circumscribunt. Proculdubio autem magna hoc respectu inter semina est differentia; alia enim diutius fecunditatem suam custodiunt, alia eam citius amittunt & sterilescent, ut verisimile sit nonnulla fecunditatem suam ultra decennium prorogare, alia ante quinquennium eam amittere. Ostendit mihi olim D. *Toll* curiosus florum cultor *Lenæe Norfolkice* fimetum, in quod ante aliquot annos projectæ fuissent uvæ passæ corruptæ, ut ibidem computrescerent; ex earum autem vinaceis quotannis, stercore moto, vites aliquam multæ enascebantur, & novæ post 4. minimum annos. Ego (ut verum fatear) in nullo adhuc semine, 5. annis vetustiore experimentum feci, quinquennia autem germinare compertum habeo. Multum autem conducit ad fecunditatem prorogandam seminum conservatio; cavendum enim est ne humorem nimium bibant indeque fitum & putredinem contrahant, neve nimium calefiant & exarescant; nonnulla etiam frigus vehementius urit & corrumpit. Quicquid sit, in terræ gremio latitantia, quamvis tot calor, frigus, humoris & siccitatis varietatibus ibidem obnoxia, diutius tamen (ut puto) fertilitatem suam tuentur, quam ab hominibus diligentissime custodita; nam & ego & alii ante me multi observarunt *Sinapeos* vim magnam enatam in aggeribus fossarum recens factis, inque areis gramineis effossis, ubi post hominum memoriam nulla unquam *Sinapeos* seges succreverat. Quam tamen non sponte ortam suspicor, sed è feminibus in terra per tot annos residuis etiam prolificis.

VII. Semina omnia seu ab hominibus sata, seu sponte è conceptaculis suis in terram delapsa, primum suum alimentum per poros tegumentorum hauriunt; aut (ut verius & magis Philosophice loquar) primum seminum satorum alimentum per tunicarum seu tegumentorum poros se insinuat. In plerisque autem feminibus foraminulum quoddam seu fenestella patentior observatur, quæ humor alimentaris primitus subintrat: quo semel admissio, spiritus vitalis intus hospitans plantulam seminalem ejusque involucra fermenti in modum inflat & extendit, unde etiam humor terrestris copiose in eam irruat necesse est, quo nutritur & augetur.

VIII. Magna est analogia & similitudo inter vegetationem & augmentum seminum seu ovorum plantarum in terra, & viviparorum animalium in utero. Quemadmodum enim semen plantæ plenam maturitatem adeptum in terram decedit, ibidemque liberum & solutum jacens alimentum (ut dixi) primitus per poros tegumentorum suorum attrahit imbibitque; postmodum radices in terram agit; sic pariter ovum Animalis vivipari, maris semine fecundatum, & quasi ad maturitatem perductum ab ovario velut arbore in uterum seu terram delabatur, ubi aliquandiu liberum & solutum permansens, absque ullâ cum utero cohaesione, primum suum alimentum per membranas involventes seu secundas attrahit. Aliquanto autem post, velut radicibus actis utero se affigens, aliquam saltem nutrimenti portionem inde exugere videtur. Ovaria voco corpora illa, testes femineos vulgo dicta, quæ qui diligenter inspexerit, oculorum testimonio victus nihil aliud esse quam congeries seu racemos ovorum necessario confitebitur. Cum semen humorem imbibere assero, aut foetum alimentum attrahere, vulgari & usitato loquendi modo utor, nec aliud intellectum vellem, propriè & Philosophice accipiendo, quam humorem per poros se insinuare, aut influere per venas & vasa: nec enim attractionem propriè dictam in natura dari ullatenus concesserim. Neque verò semina dun-



taxat plantarum verum & earundem radices maximam alimenti sui partem per poros tegumentorum attrahere existimo, minimam autem per capillarium fibrarum extremitates, quas nonnulli pro totidem osculis habent. Quod plantæ per corticum poros alimentum hauriant à modo ramulos & *amavusquidna* depangendi quem memorat P. Laurembergius Horticult. cap. 21. §. 1. clarissimè evincitur. Nulla (inquit ille) ferè stirps est quæ non queat propagari per ramulos amniculos, modo 1. inferior extremitas abscissa oblinatur emplastro sequenti: R. ceræ 3i terebintb. 3i resinae communis 3ii commixtis. 2. Non directè infigas terræ ramulum sic oblitum, sed incurvo arcu, ut suprema pars promineat è terra, media tangat imum, infima, quam oblinendam dixi sursum nonnihil vergat, ita tamen ut delitescat. In hoc casu non alia patet via qua succus alimentaris subintret, quam corticis pori.

Quoniam autem mentio incidit hujus arboris ramulis seu taleolis depactis ferendi methodi, operæ pretium fore putem eam in omne genus Pomiferis experiri; cum si succedit facillima omnium erit & fructuosissima propagandi ratio. Quamvis enim furculus infitus eodem pariter anno fructum producat, truncus tamen seu stipes aliquot annos à satione exigit antequam infitioni idoneus sit. Quin & ramulus cum multo major sit quam furculus & uberius crescat, fructus longe plures eodem temporis spatio producit. His adde, quod si planta quævis non comprehendat, facile extirpari aliaque ejus loco depangi potest. Quod vero hic plantandi modus in cujuscunque generis pomiferis arboribus succedet verisimillimum judico, cum nulla mihi sufficiens ratio reddi possè videretur, cur in eodem Arboris genere alia species ramulo sata comprehendat, ut v. g. *Codlings* & *Applis* nostratibus dictæ; aliz minimè. Qua in sententia valde confirmabar à D. Josselino, qui in sua *Nova Anglia* descriptione hunc apud indigenas ramulis avulsis plantandi modum in omne genus Malis & Pyris cum successu frequentari scribit.

## CAP. XIV.

## De foliis Plantarum Seminalibus dictis.

**S**eminum satorum pars maxima binis primulum foliis è terra exoritur, quæ quoniam multiplici respectu succedentibus dissimilia sunt, hortulanis nostris non ineptè, *folia seminalia* appellantur.

1. *Folia* hæc *seminalia* à succedentibus differunt, primò Parvitate, ut quæ in omne genus plantis illis minora sint.

2. Figurâ, ut quæ integra sint & indivisa iis etiam plantis quibus subsequencia multifariam dissecta sunt, ut v. g. *Umbelliferis*, circum oras æqualia iis quibus reliqua crenata aut dentata; in plerisque plantis à sequentibus foliis circumscriptione diversa. Hic tamen notandum est, quod quamvis *folia seminalia* in plerisque plantis integra sint absque ulla omnino crena, sectione aut divisione, non tamen hoc in omnibus constans est & perpetuum, siquidem *nasturtii borrensis* folia seminalia in tres lobos dividuntur quæ totidem folia mentiuntur; *Brasica*, *Raphani*, *Sinapeos*, *Rapæ* frondes unicâ crenâ incisâ obtinent, *Nasturtii Indici* duplici crena in tres dentes divisas: *Geranii moschati* pinnata sunt ad modum ferè subsequentium. Verum nullam hactenus plantam novi cujus folia seminalia circum oras undique crenata aut dentata sint, *Urticæ* aut *Betonicæ* modo.

3. Differunt Superficie, lævi v. g. iis etiam plantis quarum folia hirsuta sunt aut pilosa; non tamen omnibus, nam folia seminalia *Boraginis*, *Buglossi* aliorumque quotquot observavi ex *Asperifoliis* dictis hirsuta seu pilosa sunt.

4. Differunt insuper Situ & nascendi modo, cum bina opposita nascantur, non in iis duntaxat plantis quarum folia in caulibus conjugatim disposita sunt, verum etiam quibus singulatum & alternatim oriuntur, ad inferiorem articulum ex hoc latere, ad superiorem proximè ex adverso, vel 2. stellarum plura caules ad nodos ambiunt, ut in *Asperula*, *Aparine*, &c. vel 3. crebra in caule confusè & nullo ordine nascuntur, ut in *Lino*, *Linaria*, *Tithymalo*.

5. Folia seminalia totaque in universum seminalis plantula ante germinationem, dum adhuc tegumentis suis includitur, pulposa est & fragilis, ut tota fere carne constare videatur, fibræ autem minimum continere.

## CAP. XV.

## De Plantula seminali reliquisque semine contentis.

**I**N omnibus quæ unquam dissectui idoneæ magnitudinis seminibus plantulam feminalem semper inveni, in nonnullis perfectè efformatam, ut partes ejus omnes nudis etiam oculis possent discerni, & digitis à se invicem diduci, in aliis minùs perfectam, certè partes ejus non ità facile à me potuerunt discerni.

1. Plantula hæc seminalis in plerisque seminum generibus *binis foliis seminalibus* constat, aut saltem gemino lobo foliis seminalibus respondente; *Radicula* & *Gemmâ*. Gemino dixi lobo foliis seminalibus respondente, quia sunt ex hoc seminum genere quæ lobos suos supra terram foliorum formâ non exferunt, unde nonnulli fortasse foliorum titulum iis minimè tribuendum censeant. Verum quoniam ejusdem omnino naturæ sunt, eundemque proculdubio usum obtinent, nullam video rationem cur eodem etiam nomine non possint insigniri.

2. In nonnullis seminum generibus plantula seminalis non conficitur ex *binis foliis seminalibus*, *Radicula* & *Gemmâ*; sed vel solo trunco absque foliis constat, vel trunco folioso, vel folio solo absque



que trunco, nudo saltem oculo visibili. Ex hac seminum divisione sumi potest generalis plantarum distinctio, eaque meo iudicio omnium prima & longe optima, in eas scil. quæ plantula seminali sunt bifolia aut *διλόφα*, & quæ plantula seminali adultæ analogæ.


3. E primi generis seminibus (in quibus plantula seminalis binis foliis seminalibus, gemma & radiculâ constat) sunt in quibus præter plantulam feminalem nihil omnino pulpæ aut medullæ continetur; sunt etiam in quibus præter plantulam alia etiam continentur, seu in quibus plantula pars tantum est pulpæ seu medullæ.

Semina illa quæ nihil aliud continent præter plantulam feminalem in duplici itidem sunt differentia, 1. In nonnullis plantula seminalis plana est & extensa absque ulla plica, ruga aut convolutione. 2. In aliis folia seminalia cum radiculâ variè complicata sunt aut convoluta. In primo genere folia seminalia nihil aliud sunt quam seminis lobi planis suis superficiebus coaptati, ut in *Avellana* nuce videre est. Gibba seu externa lobi alterutrius superficies eadem est figurâ cum medietate seminis secundum longitudinem per medium fissi. Hujus generis sunt *Faba*, *Pisa*, *Phaseoli*, *Vicia*, *Amygdalæ*, *Pruna*, *Glandes*, &c.

Hic obiter notare possumus unionem hanc seu connexionem radiculæ cum lobis non semper seu in omni plantarum genere ex ea parte esse qua semen fructui aut vasculo seminali coheret; unde nec in omnibus speciebus germinatio à puncto cohaesionis incipit, ut nonnulli tradiderunt; sed in aliquibus ad distantiam notabilem à loco cohaesionis, ut in *Fabis*, *Lupinis*, &c. in aliis ad extremum oppositum, ut in *Glandibus*, *Juglandi* nuce, *Amygdalis*, *Prunis*, *Boragine*, *Buglossis*, & *Asperifoliis* reliquis. Jam vero in feminibus oblongis aut acuminatis radiculam ad acutiorem extremitatem sitam observavi; five extremitas illa vasculo coheret, five eidem è diametro opposita sit. Sic v. g. in feminibus *Pomi*, *Pyri*, *Floris Solis*, *Melonis*, *Peponis*, *Cucumeris* & *Verticillatarum* omnium, cum acutior extremitas eadem sit quæ vasculo seminali contigua est, radiculæ etiam apex cohaesionis punctum respicit: in feminibus autem *Glandis*, *Amygdalis*, *Boraginis*, *Buglossis*; &c. in quibus acutior seminis extremitas cohaesionis puncto è diametro opponitur, radiculâ quoque eundem situm obtinet. In quibus feminibus medullæ cum lobis connexio vel loco cohaesionis seminis ipsius, vel eidem opposito adjacet, hoc est, in feminibus productioribus in quibus alterutram extremitatem occupat, radiculâ necessario brevis est, in quibus verò connexionis locus à seminis cum planta cohaesione distat, radiculâ aliquanto longior est, & juxta marginem lorum producit, donec apicè suo ad cohaesionis locum terminetur.

Hæc observatio nonnullius usûs esse potest in ferendis seminibus saltem grandioribus, nam earundem germinationem proculdubio nonnihil promovebit, ita ea ferere ut plantulæ radices apex deorsum spectet; ut vice versa necessariò vegetationem & augmentum impediet, eo situ ferere ut ejusdem apex fursum tendat. Radix enim in hoc casu integrum semicirculum seu duos angulos rectos inflectatur oportet antequam deorsum descendat, & ex altera parte similiter gemma tantundem incurvanda est antequam fursum erigatur, ita ut succus nutritius bis reflectatur necesse est antequam è radice in caulem derivetur.

Secundi seminum generis in quo plantula seminalis convoluta seu complicata est multæ sunt varietates, cum complicatio foliorum seminalium & radiculæ in variis generibus admodum variet. Exempla aliquot proponam seminum majusculorum in quibus tegumentis detractis complicationis modus clarè apparet, ut quivis facile eum oculis discernere queat, & plantulam inclusam propriis digitis extendere aut explicare. 1. In *Raphano* & ut verisimile est in aliis omnibus quæ foliis seminalibus sibi mutuo è terra exeunt, ut v. g. *Brassicis*, *Rapis*, *Sinapi*, *Rapistro*, *Eruca*, &c. Plantula seminalis in figuram globosam elegantissimè convolvitur hoc modo. Folis seminalibus sibi mutuo admotis seu appressis ut in aliis plerisque, primò radiculâ inflexa iis superimponitur, deinde foliorum eorundem partes dextra & sinistra versus se mutuo incurvatur supra radiculam, & tandem occurrentes eam sinu suo amplectuntur; cujus sic convolutæ & explicatæ plantulæ icones exhibemus è *Malpighii Plantarum Anatomie desumptas*, Tab. 53. Fig. 319. 2. In *Acere* majore *Sycomoro* falso dicta, folia seminalia sibi mutuo admota, ut in priore, ambo simul paulò supra mediam longitudinis partem incurvantur, donec sibi mutuo dimidiæ earum partes contiguæ fiant, deinde unâ cum radiculâ in globulum convolvuntur, ut si quis angustam laciniam bis replicaret, deinde à flexuræ loco incipiendo convolveret. Apposita icon rem illustrabit. 3. In *Nasturtii* hortensis semine lateralia duo segmenta utriusque folii seminalis parti posticæ medii seu præcipui segmenti adplicata (quæ simul ejusdem cum illo exactè la-





titudinis sunt) tegumentis includuntur, radicula non nudâ in folia reflexâ, sed velut si prius extensa tegumentis involuta fuisset, postmodum autem una cum tegumentis ad folia seminalia inflexa, ut semen ipsum contemplanti manifestè patebit. 4. In seminibus *Convolvulorum* omnium, sed præcipuè marinæ seu *Soldanellæ*, folia seminalia multis plicis seu flexuris corrugantur, adeo ut è tegumentis exempta facillimè possint expandi & erugari, cum tenuiora sint minùsque fragilia quam in plerisque aliis, quin & viridescunt nonnihil; adeo ut ex omnibus quæ hæcenus observavi hujus generis seminibus huic usui commodissima sint, nimirum demonstrando naturæ artificio in compliendo intra membranas involventes plantulam seminalem, quod sanè valde admirabile est & spectatu jucundissimum.

Hæcenus de Seminibus quorum pulpa seu medulla tota nihil aliud est quàm plantula seminalis seu extensa, seu complicata, sequitur ut de iis agam in quibus præter plantulam seminalem aliud etiam corpus continetur, seu plantulæ seminali alendæ seu defendendæ inserviat. Hæc etiam consimiliter in duo genera dividi possunt. Primum est eorum in quibus plantula seminalis plana est & extensa absque ulla plica aut flexura. Hujusmodi sunt Fraxini semina & Umbelliferarum nonnullarum. Secundum est eorum in quibus eadem plantula inflexa complicata aut convoluta existit; cujusmodi sunt semina Malvæ, Stramonii, Atriplicis, Spinachiz, aliarumque plurimarum, in quibus pulpa residua seminali plantulæ dum adhuc tenella est alendæ aut (ut diximus) fovendæ inservire videtur.

In priore genere caro seu pulpa foliorum seminalium seu lorum primum radici nutrimentum, cum primulum germinat suppeditare videtur; quæ post productior facta, & in terram descendens inde alimentum tum sibi exugit, tum foliis vicissim rependit. Folia enim seu lobi seminales in id genus seminibus dum adhuc tegumentis inclusa latent, crassi sunt (ut ante diximus) carnosissimi & fragiles, fibræ paucæ, carnis multum obtinentes: ideoque ordo seu processus germinationis in eis hujusmodi esse videtur. Semine terræ compresso humor seu succus nutritius duplici filtratione per seminis tegumenta & plantulæ ipsius membranulam depuratus à foliorum pulpa imbibitur, cumque eorundem salinis & oleosis particulis commixtus idoneum radiculæ nutrimentum suppeditat. Hæc autem primum germinans tunica disrumpit & producta in terram descendit, indidemque nutrimentum & sibi haurit, & foliis seminalibus reddit, quæ deinde aucta & explicata è terra erumpunt, tegumenta dilacerata exuunt, inque longitudinem & latitudinem extenduntur, rariores tamen magisque spongiosæ, lentæ quoque & fibrosæ evadunt. Verùm in seminibus quorum folia seu lobi seminales supra terram non exurgunt, ut v. g. Fabis, Pisib, Viciis reliquisque leguminibus radícula (quantum quidem ego observare potui) lobis alimentum non suppeditat, qui idcirco crescere & augere propriè non sunt dicendi, quamvis intumescant admodum ratione humoris in eorum poros se insinuantis, spongiæ in modum. Lobi ut & folia seminalia aliquandiu post plantæ germinationem turgida & extensa durant, postea paulatim extenuantur & flaccescunt, tandemque exiccata decidunt. An nutrimentum aliquod plantæ post emersionem è terra subministrant & quandiu turgidæ maneant, mihi non constare fateor. Experimentum autem facillè fieri posset folia seu lobos abscindendo quamprimum plantula è terra prodierit, eamque cum altera corvæ cui maneant comparando. Si enim mutila integram vigore & augmento æquat, manifestum est nullum folia nutrimentum plantulæ saltem necessarium suppeditare.

Ex quo hæc primum scripti ad manus meas venit sagacissimi & verè incomparabilis Philosophi, naturæ ipsi à secretis *Marcelli Malpighii Anatomies Plantarum pars altera*, in qua experimentum hoc à summo viro factum invenio in variis seminum generibus tam ante quam post germinationem inchoatam: quo successu ipsum referentem attende. Primo, inquit, vere *Fabarum* plurimas plantulas sevi, detractis prius cotyledonibus seu farinaceo pericarpio. Ex his binæ tantum plantulæ, reliquis corruptis, parum vegetarunt, gemma scilicet sursum excreverat immota hærente conica radice. Circa undecimam diem gemma non expandebatur: sed foliola in extremitate arescebant: caulisque non elongabatur; sed maculis in atrum tendentibus inficiebatur. Transactâ vigesimâ primâ totus caulis minimus nigrescens tandem contabuit: corrupta prius radice, quæ nullum augmentum omnino erat experta. Mense quoque *Maii* alias seminales plantulas *Fabarum* & *Phaseolorum* ablatis pariter binis seminalibus foliis seu cotyledonibus incubandas posui; è quibus unica *Fabæ* plantula vegetavit, elatâ supra terram minimâ gemmâ, productâque parum infra radice, ita ut tota plantulæ longitudo semidigitum non excederet. Hæc transactâ vigesimâ primâ nigrescens radice & exiccatis foliis gemmæ seu futuri caulis contabuit. Alias denuo plures seminales *Fabarum* plantulas detractis omnino cotyledonibus plantavi, quarum nullæ penitus vegetarunt. Idem expertus sum in plantulis *Cucurbitæ*, *Peponum*, *Lupinorum* & *Phaseolorum*: qui insigni pollent trunco & gemma.

Hanc eandem observationem progrediente in cubatu & post inchoatam vegetationem tentavi, dum scilicet cotyledones sub specie seminalium foliorum supra terram emergebant. In *Cucurbitæ* itaque plantulis vegetantibus discusso cortice, ablatis binis seminalibus foliis, protrahébatur quidem vegetatio, sed gemma seu relictus caulis nullum ferè augmentum capiebat, hocque sæpius mihi accidebat. Idem contingebat in *Lupinis*, quorum cotyledones in ampla & crassa extuberabant folia. In *Peponibus* quoque, in *Lactuca*, *Endivia*, *Raphano* & *Rapis*; quorum plantulæ cotyledonibus orbata, vegetationis incrementa non fortiebantur; sed vel citò exstinguebantur, vel minima absque vegetatione tabida subsistebant. Plantulis verò à primordiis vegetantibus, unico detracto folio, altero autem superstite, germinatio producebatur, non tanta tamen felicitate qualis in non mutilatis observatur.

Vegetantium cotyledonum vim & durationem exploraturus, plura sevi *Lupinorum*, *Cucurbitæ* & *Fabarum* ova: à quibus plantulis, dum supra terram erumpebant singulo die seminalia folia abstuli. In *Lupinis*, quarta die è terra emergentibus laceravi folia; in *Cucurbita* pariter, quinta die primò apparente planta, idem molitus sum, & septima die in *Faba* vegetante cotyledones abstuli, & ita subsequentibus diebus idem tentavi in consimilibus plantis per spatium dierum decem, *Lupinorum* igitur tres primæ plantulæ, cotyledonibus orbata, nullum ferè sortitæ incrementum post mensem

conta-



contabuerunt; reliquæ verò longè minores perdurarunt. Cucurbitæ verò quatuor primæ reliquis vegetantibus extinctæ sunt. Fabarum plantæ cotyledonibus orbata, plures quidem vegetarunt sed gracillimæ & minimæ.

Ex his igitur conjectari licet, bina illa, ut plurimum crassa, folia quæ plantulæ seminali hærent uterinæ placentæ vel cotyledonum vices explere. Hæc autem humorem exposcunt à terreno utero emanantem, quo soluti fermentativi & spermatici eorum succi per propria umbilicalia vascula quotidianam plantulæ alimoniam & activam materiam suppeditant: unde plantulæ foetus è fermentatis & in motum actis particulis, in placentis scilicet seu seminalibus foliis jam concretis, non solum laxatis meatulis augetur; sed ad vegetandum excitatur. Hactenus *Malpighius*.

Quòd folia seminalia ad primam vegetationem seu germinationem plantulæ necessaria sint, experimenta allata evincunt: seu quia humor terrenus minimè idoneus est plantulæ dum adhuc tenella est alendæ, nisi præparetur per admixtionem succi foliorum seminalium fermentativi, ut *Malpighius* conjectatur, & rationi consonum est, seu quia tenella & imbellis plantula è terra nondum haurire valeat quantum sibi alendæ sufficiat, sed supplemento adhuc egeat à foliis subministrato, ut pullo recens excluso alendo vitellus necessarius est, quantumvis cibum ore capeffat; seu ob utramque rationem.

Quòd folia hæc ad vegetationem prosperam faciant aliquamdiu etiam postquam plantæ è terra emerferit experimenta itidem probant.

Quod verò non semper necessaria sint, neque etiam utilia, manifestum est, quia post aliquod tempus paulatim marcescunt & intereunt, radice totum suum nutrimentum plantæ subministrante.

Notandum quoque est, quòd post vegetationem inchoatam plantula tenella recens nata partem saltem aliquam nutrimenti sui radice attrahit, ut patet à celeri auctu & extensione foliorum seminalium. Sic in Animalibus videmus quòd Embrya partem aliquam nutrimenti è cotyledonibus seu placenta uterina exugunt, partem ore admittunt, dum adhuc in utero sunt: siquidem in ventriculo dissecto idem planè humor invenitur qui in amnio cernitur, & in intestinis etiam excrementa, post ejusmodi humoris coctionem & distributionem reliqua, observantur.

Ex his omnibus colligere licet primum plantulæ seminalis alimentum, & (ut verisimile est) foetus etiam in utero à cotyledonibus seu placentis uterinis, hoc est in plantis à foliis seminalibus præparari & præberi; postmodum succo nutritio partim ore seu radice hausto, partim à cotyledonibus subministrato aluntur, adeoque paulatim indies ore seu radice plus assumentes, à cotyledonum succo velut ablaquantur, eoque tandem prorsus deficiente, animalia ore, plantæ radicibus integrum suum alimentum hauriunt aut capeffunt.

Supereft jam ut de iis feminibus dicamus, in quibus plantula seminalis non binis seminalibus foliis, radice & gemmâ constat, sed cujus folia primum apparentia subsequenter similia sunt.

Horum duo genera observavimus. Primum est eorum in quibus plantula seminalis alteri feminis extremitati, ei nimirum quæ vasculo seminali contigua est, exterius affigitur, figurâ ferè gemmæ cum scuto suo in emplastratione arboris alicujus trunco aut ramo appositæ. Secundum est eorum in quibus plantula seminalis media feminis pulpa velut medulla includitur.

Prioris generis sunt frumenta omnia & gramina quæ fibrosas obtinent radices; plurimis minutis fibrillis è fundo plantæ unâ erumpentibus, non autem simplici trunco qui postmodum in furculos & fibras spargitur. Sic in grano *Hordei* v. g. observavi sex ejusmodi fibrillas enatas, antequam folium germinare inciperet. Plantula seminalis in his vix decimam partem pulpæ seu medullæ seminalis magnitudine æquat. Reliqua pulpa seu farina plantulæ dum adhuc tenella est nutrienda inservit, etiam postquam radices egerit; quemadmodum in Animalibus oviparis ovi vitellus pullo alendo aliquandiu etiam postquam excluditur, quanvis interim ipse cibum rostro capeffat. Pulpam hanc seu carnem feminis in hoc genere folium conglobatum appellat vir nunquam satis laudatus *Marcellus Malpighius*, in *Plantarum Anatomes parte prima*, pag. 77. qua occasione in hanc opinionem inductus est ipse declarat. In *tritico* (inquit) & *avenaceis* videtur plantula seminalis unico hocque obscuro folio prædita. Huic meditationi lucem tulit seminum *pomi Armeniaci* frequens inspectio: semel enim incidi in feminalem plantulam folio destitutam, & hujus gemma cum radice non parum luxuriabat: aderat autem intra eundem nucleum alterum semen seu plantula, in cujus auctorem primò conspiraverat natura. Ex hoc itaque monstro interdum credidi frumenti & consimilium seminales plantulas unico pollere folio, cui hæret gemma cum cauliculi inchoamento & radicibus. Sic in *Avena* præcipuum corpus seu feminis caro in ovale & oblongum configuratur corpus, quod in sui medio excurrentem exhibet foveam. Namque est veluti crassa lamina suis extremis in medium reflexis & convolutis cujus summitati plantula seminalis appenditur seu inferitur. Hactenus *Malpighius*. Verum hæc medulla seu caro farinacea feminis, seu folium convolutum conglobatumve dicenda sit five minus, certè plantulæ recens satæ alimentum suppeditat, ut in *tritico*, v. g. evidentissimè apparet. Si enim cum primum exorta fuerit plantula, eam extirpes, pulpam in grano ferè integram invenies; quod si de die in diem plantulas simul satas extirpare pergas, pulpam seu farinam sensim quotidie minui observabis, donec tandem nihil reliquum sit præter vacuum folliculum plantæ fundo adhærentem. Pulpa autem feminis seu farina post germinationem terræ humore per poros tegumentorum percolato commixta in cremorem faceffit chylo non dissimilem. In iis autem frumentorum generibus quorum grana membranâ tenui vestiuntur, ut v. g. *tritico* & *secale*, folium tegumenta dirumpit, & ab eadem cum radicibus extremitate egreditur. In quibus verò grana cortice crassiore obteguntur, ut *Hordeo* & *Avena*, folium sub crassiori cortice reptans è feminis summitate exit, quamvis gemma seu plantula seminalis eidem feminis inferiori extremo adnascatur, primaque tum folii tum radicis germinatio ab eodem puncto incipiat tam in hoc genere quàm in illo.

Secundi generis femina, h. e. in quibus plantula seminalis mediâ feminis pulpâ includitur nonnihil variant. In nonnullis enim tum truncus tum folia perfectè formantur. Sic v. g. in nucleis *pinis* (& ut verisimile est, aliarum omnium coniferarum & resiniferarum arborum feminibus) *Pinum*



pufillum perfectè effigiatam truncòque & foliis suis discretam, prout apparet cum primum fata è terra emerferit, si eos diffecueris facillè invenies. Pulpa exterior, cujus medium occupat plantula feminalis, eidem alendo non videtur infervire, saltem maxima ejus pars. Observavi enim à germinatione post plantulam enatam totam ferè pulpam exteriorem in cortice residuam. Si conjecturas sequi licet, verisimile nobis videtur, pulpam infervire semini partim protegendo nè arescat nimis & humidum ejus radicale evaporet, partim succo nutritio per filtrationem depurando, partim denique ut tenuior ejus pars cum humore commixta in nutritionem plantulæ tenellæ faceffat.

2. In aliis plantula feminalis nihil aliud esse videtur quàm cylindrus aut bacillus quidam, in nonnullis acuminatus, in aliis in capitellum extuberans. Plantula hæc cylindroides in nonnullis feminibus incurvatur, in aliis rectà extenditur, in omnibus eam feminis partem occupat, quæ matri adnascitur, & ad molem pulpæ feminalis minimam obtinet proportionem; reliqua autem pulpa corpus est durum & cartilagineum; quod plantulæ feminali partim alendæ, partim protegendæ infervire videtur. Hujus generis sunt semina bulbosorum omnium, *Iridum, Ari, Asparagi*, & (ut puto) *Pæoniæ & Cyclamini*. Aliquam etiam inter hæc semina differentiam observavi. Nam in feminibus *Cepæ & Porri* exterior terminus cylindrici stipitis seu plantulæ feminalis, primum germinans, deorsum rectà descendit in terram, & fit radix, pulpam feminali alimentum eidem suppeditante, & eam velut protrudente. Radix deinde terram apprehendens alimentum inde attrahit, & vicissim truncò reddit, qui in longum extensus supra terram assurgit inflexus, cum alteri extremo radix alteri autem semen alimentum subministret. Verum cum radix copiosius præbeat quàm semen, hinc fieri videtur, quòd à flexura trunci medietas illa quæ radici continuatur, celerius crescens & productior facta, alteram medietatem unà cum semine adhærente è terra extrahat & sursum rapiat.

Siquis autem plantulam feminalem videre desiderat, semen quodvis ex masculis (quæ huic usui aptiora sunt) adultum quidem, dum tamen adhuc viride est & humore turget, diffecandum sumat; quòd si exiccatum offeratur, aqua tepida prius infundat donec intumescat & germinare incipiat. Tunc enim plantulam tunicis exutam facile explicabit, omnesque ejus partes, folia feminalia, radiculam & gemmam, clare discernet. Quod si fecerit, non poterit non naturæ artificium in plantis feminalibus tam curiosè complicandis summo opere admirari, & tam amæno spectaculo vehementer capi & delectari.

## CAP. XVI.

## De Partibus Plantarum secundariis seu auxiliaribus, Capreolis, Spinis, &amp;c.

CUM Plantarum nonnullarum eximie etiam magnitudinis Caules infirmiores sint quàm ut per se subsistant, quin humi provolvantur, necesse est in alienis adminiculis sustententur: harum securitati sollicita partes aliquas secundarias & auxiliares ingeniosa excogitavit Natura, quarum ope vicinis stirpibus aliisve fulcimentis sese implicantes adhærentesve firmentur & in altum enitantur, adeoque & seipsas tumentur, & fructus suos ad maturitatem felicius perducant. Aliis enim Capreolos concessit seu claviculos, quibus (ut Cæsalpini verbis utar) tanquam manibus vicinas plantas apprehendant, & velut funiculo circumducto amplexentur, ut *Viti, Cucurbitæ, Pisi*, aliisque leguminibus. Oriuntur autem Capreoli vel in ipsis foliorum alis, vel à latere, vel ex adverso, vel etiam in summis foliis, ut Leguminibus quibusdam contingit. Hujusmodi capreoli styli-formes appendices seu flagella exserunt, modò tria, frequenter quatuor, & non raro etiam sex. Hæc à primordiis tenella, & parùm obliqua (verba sunt Malpighii) producantur; temporis tractu solidiora reddita in spiram contorquentur, unde occurrentes plantarum ramos arcuè amplexantur. Capreolorum color viridis est, & fistulis, tracheis, & interpositis utriculorum ordinibus compaginantur. Aliis eadem polydactyla natura aliud vinculorum genus machinata est. Sic *Hederæ* vulgari cirros quosdam seu radículas pilosas indulsit per totam caulem frequentes hinc inde, velut *Millepedum* pedes, qui, observante sagacissimo *Malpighio*, glutinosum fundunt humorem seu terebinthinam, quæ arboribus aut parietibus occurrentibus pertinaciter adhærescunt & agglutinantur. Sic *Hederæ* Canadensi quinquefoliæ quasi manus qualdam elargita est, velut in digitos divisas, qui diuturnitate temporis cincinni instar in spiram contorquentur. Horum extremitates (eodem observante) dum tenelli sunt acuminatæ extant, tandem verò laxantur in corpus crassiusculum, quod papillis seu minimis siphonibus refertum, terebinthinam fundit, unde parietibus hærens concretam quasi cuticulam efformat, quæ nisi summâ vi à muro vel subiecto ligno avelli nequit.

Aliis autem plantis infirmis (ut id obiter notemus) vel caules volubiles concessit, ut *Convolvulo, Lupulo, Phaseolis, Helxine, &c.* quibus vicinas stirpes aut pedamenta amplexentur, serpentum modo iis se circumvolventes; vel foliorum pediculos tortiles, quibus sese iis adnectant, ut in *Clematide, Fumaria, Nasturtio Indico* cernitur.

Alias præterea Plantis partes minùs principales aut forte excrementitias donavit natura, pilos & aculeos. Illos vel ornamentum vel tutelæ causâ, vel (quod opinatur Malpighius) ut turgentis alimonie sub harum forma incongrua portio erumpat & digeratur; de quibus ipsum eruditè & subtiliter, ut solet, philosophantem consulas: hos ad arcendas injurias aut etiam inferendas, nunc in caulibus, ut *Rubo*; nunc in foliis, ut *Agrifolio*; nunc in fructu, ut *Tribulo*; nunc sub foliis tantum, ut *Ononi*; nunc ubique, ut in plurimis *Acanaceis Cæf.* In his ipsis plantis nonnullis elargiendis providentiam naturæ satis admirari amplectique non est (inquit Plinius.) Naturæ autem consilium in hujusmodi aculeatis efformandis ingeniosè simul & succinctè explicat, pro more suo, verbis sequentibus. Inde excogitavit aliquas aspectu hispidas, tactu truces, ut tantum non vocem ipsius naturæ fingentis illas rationemque reddentis exaudire videamur, nè se depascat avida Quadrupes, ne procaces manus rapiant, nè neglecta vestigia obterant, ne infidens ales infringat, his muniendo aculeis



aculeis telisque armando, [provisum] remediis ut tuta ac salva sint. Ita hoc quoque quod in iis odimus hominum causâ excogitatum est.

## CAP. XVII.

## De Nutritione Plantarum.

**N**utritio dicitur alimenti intus suscepti & alterati in omnes Plantæ partes distributio, si- que earundem substantiam transmutatio, ad supplendum id quod continuè calor seu infici, seu adventitii vi absorbitur & evaporat. Partes enim humidiores tam Plantarum, quam Animalium in perpetuo fluxu sunt: id quod ex foliis & floribus decerptis evidentissimè apparet. Hæc enim flaccescunt illico & contrahuntur, ob succi eorum vasa & vesiculas replentis & distendentis fugam. Eadem autem succi evaporatio partibus hisce accidit dum adhuc plantæ ma- tri coherent, nec tamen sentitur, foliis consistentiam & extensionem suam nihilominus retinenti- bus, ob novi scilicet humoris à radice subministrati jugem effluxum. Plantarum autem nutritio à nutritione Animalium in eo differt, quod hæc cibum ore assumptum in ventriculo concoquant, adeoque comminuunt & partium ejus unionem laxant, ut sponte ferè ab invicem secedant, saltem purum ab impuro, clarum à faculento, alimento idoneum ab excrementitio haud difficulter possit secerni, adeoque illud vasorum mesentericorum (quæ plantarum radicibus respondent) seu poros, seu orificia subire, hoc per partes & meatus ad id officium destinatos expelli: Plantæ autem succum nutritium non præparant; nullus enim in iis ad hoc præstandum partium apparatus, nullum os, nullus ventriculus, nullæ primæ viæ, sed quem in terra inveniunt succum radicibus excipiunt & as- similant.

An Plantæ electione quadam in alimento attrahendo utantur, ut quod congruum est & nutritioni idoneum imbibant, incongruum repudient; an verò quodcunque se offert indiscriminatim admit- tant, ambigitur. Nonnulli attractionem electivam asserunt: quæ tamen nobis non probatur. Pri- mò enim attractionem propriè dictam in rerum natura dari, imò possibilem esse, vix concedimus. Fieri tamen potest ut radicum pori taliter figurati sint, ut particulas amicas & plantæ alendæ aptas intromittant, alienas & incommodas excludant; quomodo Hepar bilem, Renes urinam transmi- tentes à sanguine intus cohibito secernunt. Verùm id non fieri multis experimentis probatur.

Aqua enim vulgaris, fibrarum cava facile subintrat, eaque liberè permeat, ut superius ostendi- mus. Deinde verno tempore qui factâ incisione effluit liquor, pruinosâ præsertim tempestate, ab aqua communi gustu vix potest discerni. Probabilius ergo nobis videtur, stirpes omnes succum quemcunque in terra invenerint intus suscipere, qui in vasis cum succis uniuscujusque propriis per- mixtus concoquitur & assimilatur, superfluo & ad nutriendum inutili rejecto & evaporato; ad eun- dem modum quo tertia (ut vocant) concoctio in Animalibus peragitur, quæ ex chylo in sanguinem recepto partem aliquam assimilant, reliquum qui nutritioni superest, per transpirationem insensibi- lem evacuant, qui sanè longe maxima ejus pars est. Animal enim plus excrementorum hoc mo- do expellit quàm omnibus aliis viis simul sumptis, ut \* *Sanctorius* demonstrat.

Plantas aquâ solâ nutrirî posse & augeri tum nostra, tum aliorum experientiâ constat. † *D. Sbarro* Catalogum nobis exhibet herbarum quarum surculi in phialas vitreas aquâ oppletas à se immixti germinârunt, quem non pigebit huc transcribere. *Balsamita femina*, *Mentha quæcunque*, *Pulegium*, *Sedum multisidum*, *Prunella*, *Nasturtium aquaticum*, *Bugula*, *Trifolium purpureum*, *Clema- tis daphnoides*, *Herba Doria*, *Ranunculus*, *Becabunga*, *Althea*, *Lauro-cerasus*, *Scordium*, *Triposium*, *Polygonum*, *Nummularia*, *Panax coloni*, *Matricaria*, aliæque quarum non meminit. Nec dubium est, quin & aliæ multæ quas ille expertus non est pariter germinarent & radices agerent. Aqua enim non est simplex & purum elementum, sed multas heterogeneas particulas, præsertim salinas, in se continet.

Quomodo autem Aer hujusmodi Plantarum radices intret, non ità perspicuum est, cùm enim vitri poros non permeat, oportet ut per phialæ orificium ingrediatur & per aquæ poros se insinuet. Aquæ autem pori admodum stricti sunt, nec aerem nisi parvâ admodum quantitate, & in minimas particulas divisum admittunt. Et tamen (quod mirum) particulae hæc quas Aer aquæ communicat non solum plantarum vegetationi sed & piscium respirationi sufficiunt. Quandiu enim Aer aquæ superficiem lambit, tandiu pisces in vase vitreo incarcerati bene se habent: quamprimum verò Aer externus excluditur, ejus inopiâ laborant, & in superficiem aquæ confestim enatant, ut eo liberi- ore fruantur. Sive ergo Aer præcipitet nitrosas particulas in aquam (ut nonnulli volunt) sive subtilius aliquod corpus, certum est continuè & non interrupto tenore ab aere decedere hujus par- ticulas, & per aquam diffundi: nam si perexiguo tempore, aer (ut diximus) intercludatur, pisces conclusi ejus absentiam sentiunt, & agere se habere incipiunt, quod & patiuntur in stagnis & piscinis amplissimis, cùm per hyemem aquæ superficies congelatur. Quod si nitrum esset ab aqua solutum & præcipitatum cujus particulae piscibus pro respiratione inserviunt, adeoque aqua perpe- tuo nitrosas particulas ab aere imbibat, quomodo fit ut aqua omnis jamdudum tantâ nitri copiâ im- prægnata non sit, quantam sustentare potis est, ut saliedo vel gustui perceptibilis fiat? saltem in stagnis immensis & piscinis: aquæ enim fluentes & per terram multam percolatæ facile in eam particulas hæc iterum deponere possunt.

Quomodo succus nutritius per fibrarum poros arborum etiam altissimarum summa fastigia con- scendat mihi non penitus perspectum fateor. Aquam in tenues tubulos utrinque apertos, perpen- diculariter etiam erectos aliquousque ascendere experientiâ constat, eoque altius quò angustiores sunt tubi. Quis verò istius ascensus terminus sit, certusne an incertus, & pro angustia tuborum in- tantum altior, ut in angustissimis ad excellarum etiam arborum summos apices evadat, me later.

Contra-

\* Lib. de Me-  
dicina Stati-  
ca.

† Lib. de pro-  
pagat. Vege-  
tabiliun.



Contrarium tamen videtur cum, annotante nobilissimo Boylio, satis difficulter ad tres quatuorve uncias ascendat. Quo impulso hoc fiat, difficile est investigare. Aquam equidem in angustiores meatus quam aerem, vel sponte se insinuare, vel vi compelli posse, adeoque tubulorum angustias aeri impervias subire, experimenta evincunt, quia scilicet aqua minoribus particulis componitur quam aer. Cum ergo fibrarum cava ob angustias suas aerem excludant, aquam admittant, externi autem aeris gravitas effectum suum sortiatur, quidni humorem in fibras sursum compellet, ad eam scilicet altitudinem, donec ad æquilibrium cum aere externo veniat, hoc est, ad triginta duorum plus minus pedum? Hæc quamvis ratiocinanti verisimilia videantur, si tamen experientiam consulas longè aliter rem se habere deprehendes; siquidem nobilissimus Boylius aquam in istiusmodi tubulis filtrivæ non minùs intra Recipiens seu vas magnum aere exhaustum suspendi quam extra in Aere libero & aperto, experiundo didicit & nos docuit.

Verum (ut id concedatur) arbores altissimæ duplo triplòve hanc mensuram excedunt. Alia ergo adhuc ascensûs causa, saltem adjuvans, quærenda est. Experientiâ constat aquam in vaporem resolutam, & in minima divisam, gravitatem suam amittere, & per aerem medium ascendere, quæcunque tandem gravitatis causa sit. Videtur ergo ut gravitas suum sortiri possit effectum, requiri ut corpus grave aliquam habeat molem & magnitudinem; aliàs enim (ut vidimus) si in minima dividatur, fieri potest ut à fluido cui innatant ejus particule vel sustentari possit, ut metalla etiam ponderosissima in menstribus eadem in minima solventibus, vel etiam sursum compelli, ut aqua in vaporem resoluta in aere. Fortè ergo succi in angustissimis fibrarum canaliculis in tenuissima filamenta divisio ad ascensum ejus promovendum concurrere potest.

Lib. de Anatomie truncorum.

D. Grew ascensum succi in plantarum vasis, partim vasorum angustiarum, partim parenchymatis vasâ ambientis, ex innumeris vesiculis compositi pressuræ attribuit. Hæ enim vesiculæ ad ingressum alicujus liquoris naturali quadam propensione se dilatant, ut in Spongiis apparet, quarum textura plantarum parenchymati non adeo dissimilis est. Parenchyma ergo succo repletum & intumescens continuum sese dilatandi & extendendi conatum exserit, unde & vasâ unâ comprimatur & coarctetur necesse est, adeoque & succum sursum compellat. Verum cum compressio utrinque tam deorsum, quam sursum effectum suum sortiatur, non video quin ascensum succi initio impediatur, nisi valvulæ obstitant, quas neque nos, neque D. Grew, ob rationes superius dictas admittimus. Adde quòd unde oriatur hæc sese dilatandi propensio in parenchymate plantarum, explicatione ulteriori indiget.

\* Anat. plant. part. 1. pag. 5.

Nos equidem succum eodem ferè modo plantarum fibras subire & conscendere, quo aqua panis aut spongiæ poros, pannique linei laneive lacinias aut aliud filtrum solet, concedimus. Fibrarum etiam structura & conformatio (ut observat D. Malpighius) liquoris ascensum adjuvat. Sunt enim fibræ tubulosâ corpora, è corpusculis plurimis concavis, quadratis, aut interdum orbicularibus, aliùsve figuræ, invicem hiantibus, composita. Subintrans itaque humor (D. Malpighii verba sunt) sursum ascendit & quasi suspenditur. Singula namque portio quæ fibrarum frustula unit, cum parum interiùs emineat, valvulæ vices supplet, & ita minima quælibet guttula veluti per funem, seu per gradus ad ingens deducitur fastigium. Quanam autem ascensûs hujusce causa efficiens seu impulsiva sit, quæ succum sursum adigat & compellat, nos hæcenus latet; nec enim in causis assignatis nobismetipsis satisfacimus.

## CAP. XVIII.

### De Satione & Propagatione Plantarum.

**S**ationis & propagationis Plantarum varii modi sunt. Veteribus usitati fuere *Semine*, *ramo*, *surculo*, *talea*, *malleolo*, *gemma*, *stolone*, *viviparice*.

Semen quid sit notius est quam ut definiri debeat: Ramus pariter, & Surculus.

*Talea* nonnullis est Surculus utrinque præcisus. Varro lib. 1. de Re Rustica cap. xi. Demum in oleagineis seminibus arbores videndum, ut sit de tenero ramo, æquabiliter præcisus, quas alii clavolas, alii taleas appellant, ac faciunt circiter pedales.

Plinius Taleam à Ramo atque etiam Surculo distinguit, Ramum facit majorem Taleam, Taleam Surculo. Ejus verba sunt, [lib. 1. cap. 17.] *Multa sic seruntur (ramis scilicet) ac imprimis Ficus, omnibus quidem aliis modis nascens, præterquam talea. Optimè quidem si vastiore ramo pali modo exacuto adigatur altè, exiguo supra terram relicto capite, eoque ipso harenâ cooperto. Ramo seruntur & Punica, palis laxato prius meatu: item Myrtus: omnium horum longitudine trium pedum, crassitudine minùs brachiali, cortice diligenter servato, trunco exacuto. Myrtus & taleis seritur: morus talea tantum, quoniam ramis eam seri religio fulgurum prohibet. Quapropter de talearum satù nunc dicendum est: Cavendum in eo ante omnia, ut taleæ ex feracibus fiant arboribus, nè curvæ, nè scabræ aut bifurcæ, nève tenuiores quam ut manum impleant, nè minores pedibus, ut illibato cortice, atque ut sectura inferior ponatur semper & quod erat ab radice, accumuleturque germinatio terrâ, donec robur planta capiat.*

Palladius Clavolam à Talea diversam facit, quam Varro (ut vidimus) cum eadem confundit. Mense (inquit) Martio Citri arbor 4 modis seritur, *semine*, *ramo*, *talea*, *clava*: & paulò post, *Clava feri commodius est, quæ fit manubrii crassitudine, longitudine cubitali, ex utraque parte levigata, nodis & aculeis recisis, sed relicta summitate gemmarum, per quas spes futuri geniminis intumescat, &c. Talea & gracilior & brevior esse potest, quæ similiter ut clava mergatur. Sed talea palmis duobus superfit; clava omnis obruitur.*

Malleolus à Columella de Re Rust. l. 3. c. 5. sic definitur. Malleolus novellus est palmes, innatus prioris anni flagello, cognominatusque à similitudine rei, quòd in ea parte, quæ deciditur ex vetere sarmento prominens utrinque malleoli speciem præbet: & Plinius l. 17. c. 21. Solebat capitulatus utrinque è duro surculus feri, eoque argumento malleolus vocatur etiam nunc: & Columella, c. 17. Malleolis autem sic ab iisdem [agricolis antiquis] pangebatur, ut novello sarmento pars aliqua veteris hæret:



ret: Sed hanc positionem damnavit usus. Nam quicquid ex vetere materia relictum erat depressum atque obrutum celeriter humore putrescebat, proximâque radices teneras & vixdum prorum-pentes vitio suo enecabat: quod cum acciderat superior pars seminis retorrescebat. Secuti ergo quicquid residui fuit ex vetere palma, per ipsam commissuram, quâ nascitur materia nova, rescuerunt, atque ita cum suo capitulo sarmentum deprefferunt.

Et ad faciendum malleolum supremam flagelli partem rescuerunt, solamque eam quæ est juncta cum vetere sarmento probaverunt. Longitudo quæ debeat esse parum certa est (inquit idem) quoniam si crebras gemmas habeat, brevior faciendus est: seu raras longior: attamen nec major pede, nec dodrante minor esse debet.

Superior pars furculi seu flagelli Sagitta rusticis vocabatur, eodem autore, siye quia longius recessit à matre & quasi micuit atque profiliuit; siye quia cacumine attenuata prædicti teli speciem gerit. Hanc prudentissimi agricolæ negaverunt conferi debere; nec immerito: Omnis enim fecundus pampinus intra quintam aut sextam gemmam fructu exuberat, reliqua parte, quanvis longissima, vel cessat, vel perexiguos ostendit racemos. Quam ob causam sterilitas cacuminis jure ab Antiquis accusata est.

Stolo à Stolone viro qui propter diligentiam culturæ Stolonum confirmavit cognomen dictus est, quod scilicet nullus in ejus fundo reperiri poterat Stolo, quod effodiebat circum arbores à radicibus quæ nascerentur è solo quas Stolones appellabant. Stolo ergo *J. Bodæo à Stapel* est qui nascitur circa stipites & avellitur cum radice & corporis parte & sic feritur: quo à Viviradice differt, quæ integra ex arboribus è longinquo extrahitur. *Plin. lib. 17. cap. 10.* Et aliud genus simile natura monstravit, avulsique arboribus stolones vixere. Quo in genere & cum perna sua avelluntur, partemque aliquam à matris quoque corpore auferunt secum, fimbriato corpore. Hoc sensu si accipiat non video quid differat avulsio à Stolone. Nobis tamen Viviradix dicta videtur vel soboles quæcunque à radice, jam ablactata à matre, & suis radicibus sibi sufficiens; vel aliâ quævis propago quæ jam radices egit.

Antequam exponamus quot modis arte propagentur plantæ, inquirendum videtur quot quibusque modis sponte naturæ se propagant: Li autem sunt vel 1. *Semine*: vel 2. *Flagellis* seu funiculis emissis; ad nodos radices agentibus & sursum germinantibus: quæ flagella ad plantam propagandam nata videntur. Nam germina illa ad nodos radices agentia, cum invalescunt, funiculis exarescentibus à matribus suis sponte separantur, & novæ plantæ fiunt: ut in *Fragaria*, *Pentaphyllo*, &c. videre est. 3. *Sobolibus* ex radice, iisque vel furculorum seu virgarum specie è radice transversim acta seu reptante succrescentibus; vel gemmarum seu bulbillorum specie; idque vel ex radicis fundo vel ex fibris in bulbulos intumescantibus, ortis. Quæ ex tuberibus sponte propagantur plantæ ad alterum genus, ex radicibus transversis in tubercula extumescantibus referendæ sunt. 4. *Caulibus* ipsis, humi procumbentibus, & ad nodos radices agentibus, quod plurimis plantis contingit.

Dantur & alii modi peculiares quibus plantæ nonnullæ se propagant, ut v. g. *Ficus Indica* gummi è ramis in terram usque demisso funiculi specie. Alii quædam genera bulbulis seu spicis in summo caule confertim enascentibus. *Chelidonium* minus tuberibus in alis imorum foliorum ortis: *Moly Homericum* dictum bulbo in summo folio excrecente: *Opuntia* foliis depactis. Verum quoniam paucarum admodum specierum sunt, non est cur eorum rationem habeamus.

Supereft jam ut exponamus quot modis plantæ arte propagari possint, aut soleant. Li autem ad duos reduci possunt, *sationem* nimirum & *infisionem*. Quod ad primum attinet, Plantæ feruntur vel 1. *Semine*, vel 2. *Ramo* [Sub ramo comprehendendo etiam *talem*, *clarvolum*, *malleolum*, *furculum*] eoque vel deciso, seu avulso à caule antequam radices egerit, & in terram depacto; vel terræ submerso, nec à matre separato antequam radices egerit: vel 3. *Sobole* seu ex flagello, ut in *Fragaria*; seu ex radice sub terra reptante, furculi specie affurgente, quæ vel Stolo vel Viviradix dicitur; seu è radicis fundo exeunte, *Gemma* specie, ut in *Bulbosis*. Bulbus enim (ut diximus) nihil aliud esse videtur quàm *Gemma* grandior subterranea. In *bulbosis* autem soboles non semper è bulbi parentis fundo exit, sed interdum è fibra crassiore in bulbum extuberante, seu denique è radicem tuberibus in iis quæ radicibus tuberosis sunt. Poteft etiam propagari planta radice divisa in tot scilicet partes si placet quot ex ejus capite gemmæ exeunt; gemmâ cum parte aliqua radicis adhærente decisa.

Plantæ autem inferuntur multis modis, de quibus postea breviter agemus, cum varios sationis modos expediverimus: Primò ergo plantæ feruntur *Semine*.

Antequam autem Semina terræ mandentur, oportet ut solum debito modo præparetur, nimirum ut aratro sæpius vertatur, ligone fodiatur, furculo findatur, bipalio subigatur, occa & rastro in minutias dividatur. Hoc autem fieri convenit, partim ut inutilibus herbis eradicatis & submersis, aut ejectis liberetur: partim ut solum laxius & levius, mollius & tenerius reddatur, quo fit tum ut factorum radices facilius illud penetrent, adeoque fibras undique spargentes latius se diffundant, & copiosius alimentum attrahant, unde plantæ lætiores & vegetiores fiant: tum ut particula aeris nitrosæ, quibus præcipue vegetatio promovetur, in terreni interstitia liberius & copiosius se insinuantes ibidem præcipitentur & terreno adhærescant. Quin & aquæ pluvie fortasse ad salum solutionem conducunt, quos secum unâ in radicem poros convehunt. Præterea in terra laxa & soluta aquæ promptius subsidunt, adeoque nec humore nimio radices suffocant, nec frigore corrumpunt. Præterea terra laxa & soluta ad hoc conducit ut Aer copiosior radicem tracheas subeat ad respirationis usum, quam Plantis non minus necessarium esse quàm Animalibus superius ostendimus.

Commodissimum ferendi tempus Natura indicat, nimirum quando semina jam plenam maturitatem adepta vel dehiscantibus conceptaculis in terram decidunt, vel contrahentibus se valvulis excutuntur, vel lanugine innascente alata ventorum arbitrio huc illuc feruntur & latè disseminantur.

Harum nonnulla Autumno plantas producant totâ hyeme virentes: aliæ per hyemem in terra restant, nec ante ver proximum ex involucris erumpunt. Ex iis quæ Autumno exeunt alia, ut v. g. *Angelica*, ex observatione nostra & aliorum, collecta & asservata vere ferentem plerumque frustantur, sponte delapsa & terræ gremio excepta, vel etiam à fatore eidem mox concredita haud dubie



dubie germinabunt nisi tempestas admodum sicca & aestuosa fuerit, quo in casu per hyemem in terra quiescentia, sequenti tamen vere in lucem exhibunt; cum tamen si à colligente reposita vere fata fuissent nequaquam germinassent. Alia quamvis vere etiam fata hatid infelicitè proveniant; fidelius tamen & latius Autumno, firmiores etiam fiunt plantæ inde enatæ adversus injurias cœli, & sequenti æstate uberiore quam vernaes proventu, cæteris paribus, Agricolam aut Hortulanum locupletant, grano quoque turgidiore, solidiorèque fætæ. Nam ex observatione prudentissimi agricolæ, Amici nostri plurimum honorandi, quod planta aliqua ex semine nata diutius duraverit antequam in semen abierit, hoc est, quo maturius fata fuerit, eo semen copiosius, plenius, ponderosius, cæteris paribus producit. Sic Triticum & Avena hyberna seu autumno fata, vere editis, firmiora solidioraque sunt.

Reliqua quæ per hyemem in terra restant, proculdubio vel terreni vapore macerata, vel salinis quas imbibunt particulis imprægnata ad germinandum præparantur: & securius interim latitant, tempestatūque omnes mutationes constantius tolerant, quam in Apothecis recondita, & quam diligentissime adservata.

Exoticas tamen plantas & regionum calidiorum alumnas si habere velimus, oportet ut eorum semina vere seramus, quandoquidem illæ hyemes nostras non tolerant, sed à frigore faciliè corrumpuntur.

Quinimo si præcoces fructus è tenerioribus desideramus, sive rariore & deliciores omnino ad maturitatem perducere cupimus; oportet ut pulvino calenti, è fimo equino recenti paleis permixto extracto, deinde terra pingui cribrata, ad trium quatuorve digitorum altitudinem instrato, & operculo è storeis superinducto lecto, semina committamus.

Quocunque autem tempore seras Semina eligantur recentia, æstatis proximè præterita, si haberi possunt. Quamvis enim Plantæ nonnullæ ad decennium & ultra fecunditatem suam custodiant, alia tamen eam citius amittunt: omnia autem quod vetustiora eò difficilius & parcius germinant.

Quæ in aquâ subsidunt firmiora sunt, & ad ferendum fideliora, quæ fluitant languidiora & propagationi inepta.

In siliquis & spicis media potius quam ima aut summa nobis probantur, quamvis Ferrarius ima in Caryophyllis commendat.

Quod si flores multiplices aut variegatos desideras, præstat semina colligere è siliquis aut conceptaculis ejusmodi floribus succedentibus. Sive enim varietates illæ morborum symptomata sint, sive naturæ errores, sive ejusdem lascivientis lus, pronior certè erit natura in his ad ita iterum deerrandum aut lascivendum: quemadmodum videmus in Animalibus parentes morbo aliquo aut corporis vicio, membro v. g. deficiente aut redundante, laborantes sobolem non raro procreare iisdem vitiis affectam, & morbis obnoxiam. Hoc autem præcipue in *Mirabili Peruviana* servandum si floribus striatis insignem plantam obtinere cupias.

\* Horticult.  
lib. 3. c. 1.

Semina omnia sicca tempestate ferenda sunt, tertio quartove die à pluvia largiore. Nec tamen (inquit \* Ferrarius) simul ac magnis imbris terra permaduit seras, sed tantisper expectabis dum pluvius ille mador modicè exsiccet, nè madenti limosque solo statutæ radices exputrescant. Hoc autem in feminibus quæ humore nimio in mucilaginem faciliè solvuntur, ut v. g. *Myrrhida*, *Ocymo*, *Scorzonera*, præcipue servandum est nè solo madido serantur, nè recens fata irrigentur.

Cavendum etiam est, nè recens fata quæcunque tempestate frigidâ irrigentur, nè aquâ gelidâ fontanâ aut puteali, nisi prius probè insolata fuerit.

\* Hort. l. 3.

Nonnulli Semina aquæ seu simplici, seu nitrata, vino, aliive alicui liquori prius infundunt quam terræ committunt ad germinationem promovendum: quod tamen non necessarium esse puto in feminibus recentibus & indigenis, fortè etiam nocivum in aliquibus. Verum in vetustis & aridioribus, aut exoticis *Hen. Corvini* Romani praxin non improbo cujus meminit \* Ferrarius his verbis. *Antequam contumacis lentæque duritiæ semina solo committat, aquam defundit in catinum, nitri modicum superfundit ac distabescere sinit: in eam nitrata aquam semina immittit: duodenas horas pro varia duritiæ plus minusve macerari & medicari patitur, exinde serit: eandem aquam inspergit, ut nitrum ex igneo terræ balitu concretum seminale contumaciam ad uberem germinationem proritet.*

Generale est in omni satione ut semina terrâ operiantur, non quod exposita & intecta minimè germinent, sponte enim decidentia non minùs feliciter pullulant, sed nè avibus spermologis præda fiant. Seruntur autem & conteguntur variis modis, nimirum vel in sulco terræ aratro superinjectâ, vel in superficie terræ occâ aut rastro inhumata, vel in area coarctata, pulvere aut velut farina terræ manu aut incerniculo inspersa, vel denique seorsim singula in foraminulis pastino factis sepulta.

Summopere autem cavendum est nè semina altè demergantur aut nimia terrâ obruantur, adeoque sine ulla resurrectionis spe sepeliantur. Plurimos enim hac in parte errare video. Nam quamvis Triticum aliæque Cerealia quorum spiritus vegetiores leni etiam colore excitantur, germinaque validiora gravem terræ incumbentis molem haud difficulter penetrent, ideoque ut hyemem facilius tolerant altius inhumari solent, nè scilicet radices immodico frigore perurantur; non tamen omnium, imò paucorum seminum eadem conditio est. Pleraque enim ad vegetandum segniora blando solarii radiorum tepore fovenda & ad pariendum invitanda sunt, ideoque in summa tellure modico insperfo pulvere exponenda.

Quo Semina maturius feruntur vere, eò plantulæ indè enatæ diligentius à frigore defendendæ sunt; quò seriùs, eò largius irrigandæ & inumbrandæ.

An Plantæ  
sponte oriantur.

An Plantæ aliquæ nullo semine prævio sponte è terra oriantur difficilis quæstio est.

Qui affirmativam tuentur rationibus & experimentis suffragantibus non destituuntur. Cum enim nulla non regio peculiare suas stirpes obtineat, verisimile videtur terram ipsam nullo imprægnatam semine familiares regionibus plantas producere.

Deinde in aggeribus fossarum derivandis aquis ad paludes exsiccandas ductarum in insula *Elcensi* ingentem Sinapeos vim enatam, & alibi etiam in areis gramineis effossis, mirati sumus: quam Sinapeos feminibus in terra residuis ortum suum debere verisimile non est, cum nullum unquam Sinapi post hominum memoriam ibidem nascens observatum fuerat. In rudibus etiam Urbis *Londonensis*



*dinensis* post deflagrationem illam funestissimam quæ anno 1666. accidit, non minorem copiam *Erysimi angustifolii Neapolitani* succrevisse Autores fide dignos habemus, partim etiam ipsi vidimus; cum loca illa per multas annorum centurias ædificiis occupata fuissent, nec ullus ibi auditus *Erysimi* proventus. Oportet ergo ut vel sponte ortum sit, vel ex seminibus per tot annos in terra latentibus: nisi forte suspicari velimus malè feriatum aliquem plantæ istius semina de industria sparsisse ut curiosis illuderet & admirationem excitaret. Non est autem cur quis miretur, ubi tantam seminis copiam, quæ ducentis agri jugeribus conferendis sufficeret, colligere potuisset. Plantam enim illam ad vias inter urbem & *Kensington* vicum, & alibi circa urbem copiosissimè provenientem observavimus: semina autem minutissima & numerosissima profert.

Tertio, Plantas imperfectas, *Fungos, Tubera, Muscos* & id genus ex semine non nasci manifestum est, cum nullum (quantum hætenus observatum est) gignant: quin & Submarinas omnes, *Algas, Fucos, Corallia, Alcyonia, &c.* ob eandem rationem sponte oriri arbitramur, quod scilicet, nullum hætenus semen in eis animadversum fuerit, quod tamen satis mirari nequimus in tanta specierum multitudine, & uberrimo omnium proventu. Alii fortasse post nos diligentiores aut feliciores harum etiam semina detegent, aut propagandi modum invenient.

Vulgò receptum est, & experientiâ (ut aiunt) quotidianâ confirmatum, quòd si aqua in qua Fungi aliquandiu infusi distabuerint, vel etiam abluti fuerint, veteri pulvillo calenti, qualem modò descripsimus, affundatur, vel etiam Fungorum frustulatim divisorum particulæ minimæ eidem inspergantur, magnam indè Fungorum vim illico exorituram; unoquoque nimirum frustulo seu rammento imperfectæ istius plantæ prolifico & fecundo, seminali vi potiùs dotari credito, ut in \* *Mali Cydoniæ* v. g. ramis cernitur, quàm ut Natura semen aliquod visum fugiens, certè nondum detectum, in aliqua ejus parte occultaverit.

† *Sharroc. de Propag. Vegetab. c. 3. n. 5.*

Quartò & ultimò, Perfectiores etiam plantas interdum sponte oriri, aut ex alieno succo germinare magnum nobis argumentum Viscus suppeditat, arboribus innatus, etiam in prona seu aversa ramorum parte. Unde omnino fabulosum esse constar, quod de ejus exortu Veteres prodidere, quodque Proverbio illi *Turdus malum ipse sibi cacat* originem dedisse perhibetur. Quanto rectius Maro

*Viscum*

*Fronde virere novâ cecinit, quam non sua seminat arbor.*

Ex altera tamen parte satis mirari nequimus, Naturam quæ nihil facit frustra, semen alicui plantæ dedisse absque effectu, sed tota specie ad generandum inutile.

His omnibus rationibus & experimentis contrariam opponimus Clarissimi Viri Marc. Malpighii experientiam. Is enim ut exploraret an Terra nullo semine fecundata plantas aliquas sponte produceret, terram è profundo erutam vitreo vase conclusit, cujus orificio multiplex Sericum velum super extendit, ut Aer & affusa aqua admitteretur, exclusis minimis seminibus, quæ ventò rapiuntur: In hac autem, inquit, nulla omnino planta vegetavit.

Ego equidem sententiam opinantium nullam dari in plantis generationem spontaneam libenter amplecterer, si experimenta permitterent. Verùm quæ adduximus contrarium suadent, necdum satis perspicio quomodo iis responderi possit. Temerarium enim nimis esset asserere, Plantas etiam imperfectas vulgò creditas semen gignere, cum nullum in iis ostendere possimus.

Notandum tamen fieri posse ut plantulæ è radicum aut ramorum frustulis enatæ pro spontaneis fallant. Radicum autem frustula germinare ipse expertus sum in *Raphano rusticano* & *Scorzoneræ*: Ramorum minimas particulas J. Bodæus à Stapel, in *Salice* & *Rosa centifolia* ut apud ipsum videre licet, *Comment. in Theophr. hist. lib. 2. cap. 1. pag. 73.* D. Sharrocus in malo cydonia. *Lib. de propag. Plant. cap. 3. n. 5.*

Ceterùm Semina rariora in fictilibus ferere convenit, ut Plantæ indè enatæ commodiùs transferri, & per hyemem, si opus sit, in hypocaufta subduci possint. Oportet autem ut fictilium fundi foraminibus pertundantur, ut Plinius olim monuit, nè humor in fundo stagnans diutinâ morâ putresceret, & plantarum radices seu vapore, seu frigore suo corrumpere: forte etiam nè respirationis inopia eadem suffocentur: quam rationem Plinius etiam ipse eleganter pro more suo innuit, *Per foramina (inquiens) infernè dato radicibus spiramento.*

Secundò, Plantæ feruntur ramo aut furculo, vel avulso decisivè & terræ impactò, vel dum adhuc matri hæret depresso & eidem immerso tantisper donec radices egerit.

*Propagatio ex Surculis facta.*

Surculi hi majores minoresve esse possunt pro natura plantæ ferendæ. Aliæ enim feruntur ramo majore, aliæ taleâ, aliæ malleolo, aliæ sagitta, quas voces superius exposuimus.

Taleæ furculivè ferendi recentes sint oportet, Oleæ tamen ramî etiam sicci germinant, Veteribus id attestantibus, ut v. g. Virgilio, *Truditur è sicco radix oleagina ligno.* Quod quamvis Recentioribus nonnullis videtur, Fortunii tamen Liceti autoritas me movit ut Veteribus assentiar, Recentioresque eos dum temere ridet seipsos deridendos propinâsse putem. Scribit autem Licetus se vidisse Rechi in horto patris sui stipitem Oleæ sativæ aridum ferè ac levem, per decennium & ultra à trunco separatum, neque posthac unquam terræ implantatum, ad alterius ligni fulcrum in terram demissum, & ligno cui fulcimentum præstabat clavis ferreis affixum, pullulasse germinasseque eodem anno plures Olivarum novellas, foliis ac fructibus onustas, atque in posterum etiam per plures annos protulisse. Hinc virga illa arida, quam monachus à superiore suo, ut obedientiam ejus probaret, iussus assidue irrigavit, si fortè oleagina fuit, potuit sine miraculo radices agere & germinare.

Quò teneriores sunt plantæ eò furculi earum seriùs pangendi sunt; adulto scilicet vere in frigidioribus hisce regionibus. Oportet etiam si tempestas permittat fatos irrigare; si tempestas, inquam, permittat, nam si Aer paulò frigidior sit, nimius humor recens plantatos facile corrumpit: quin & sereno celo radii Solares umbraculo opposito sollicitè arcendi sunt, nè furculos depauctos confestim urant & exsiccent.

Observandum etiam in plantis quarum caules nodis intercepti sunt, ut furculus ferendus vel in ipso nodo, vel proximè infra nodum decidatur. Cum enim radices ex nodis tantum pullulent, si quid internodii relinquatur, necessariò putrescet & corrumpetur, adeoque vitio serpente periculum est nè proximum nodum veneno suo inficiat & furculum perimat.

Arbores



Arbores furculis seu ramulis propagandi modum docet P. Laurembergius his verbis, Ramulum elegantem non tortuosum aut erosum, vegetum, anniculum (relinqui illi poterit portio exigua adhærescentis rami bimi.) Hujusmodi igitur ramum præcisum ab arbore, utraque extremitate mutilatum terræ secundæ ad profunditatem dimidiæ ulnæ arcuatim impone, substrato fimo, bubulo aut ovillo. Fossam terrâ conculcatâ reple.

Fruticum herbarumque taleolis vel ramulis pangendis alteram extremitatem malleo prius conculca, ut filamenta ducat: Tum aqua irriga, non fimo, quem nullâ ratione ferunt: postea terrâ operi.

Nulla (pergit ille) ferè stirps est quæ non queat propagari per ramulos anniculos, modo 1. Inferior extremitas abscissa oblinatur emplastro sequenti vel simili, R Cera, Terebinthinæ ana ʒi. Resinæ communis ʒii. commisceantur. Sic naturalis succus non exsudabit, nec inutilis humor subibit, qui alioqui putredinem inferre solet. 2. Non directè infigas terræ ramulum sic oblitum, sed incurvo arcu, ut suprema pars promineat è terra, media tangat imum, infima, quam oblinendam dixi, fursum nonnihil vergat, ita tamen ut delitescat. E medio illo ramuli dorso innumeras videbis radices pullulare.

Alium adhuc modum proponit Stapelius. Ramus ab arbore avellitur superne deorsum, ut quasi pes illi adhærescat. Hinc pedunculus aut appendix undique perforatur subulâ: ad dimidiam ulnam defoditur in terra fertili, sæpiusque irrigatur.

*Submersio.*

Propagationem illam quæ fit ramulorum submersione ipsa etiam natura docuit, plantarum plurimarum ramulis quamprimum reclinati terram attigerint radices sponte agentibus. Ramuli autem submersi non prius ablaetandi seu à matre separandi sunt, quàm radicibus multis in profundum actis terram firmiter apprehenderint: quâ autem parte matri hærent transversim initio ad medium ferè incidendi sunt, ut succo à matre parçè subministrato ei è terra exugendo affuecant adeoque facilius & tutius cum res postulat ablaetentur.

In Caryophyllis (monente D. Sharroco) furculi submergendi scapum sub infimo seu radicis capiti proximo, aut saltem secundo geniculo transversim imâ parte ad medium ferè incidito, deinde ab incisione facta sursum ad secundum (seu ab imo juxta quem incisio fit proximum) internodium findito, folii particula in fissuram immissa ut aperta teneatur, quamvis id non sit omnino necessarium: cum enim incisio, ex ima (ut diximus) seu terram spectante parte fiat, furculus autem leniter primo à radicis capite reclinetur seu deprimatur, ut moris est, deinde summa ejus pars terra substrata erigatur mediâ in arcum flexâ, fissura sponte sua aperietur & hiabit, si omnia ritè peragantur. Nonnulli uncinulo ligneo in terram adacto furculum apprehensum detinent nè resiliat, sed in eodem situ in quo primò depositus fuit perseveret. Tandem furculi arcum seu partem inflexam terrâ pingui operias eamque frequenter irriges.

Aliarum etiam plantarum, exceptis iis quæ quoquo modo depositæ comprehendunt, ut Vitis, &c. furculos flagellave submergenda pari modo incidere utilissimum erit, nè dicam necessarium. Tempestate etiam sicca furculi submersi assidue irrigandi sunt, alias enim radices non faciliè emittent.

Tempestates autem huic operationi cum successu exercendæ commodissima sunt Veris initium, aut Æstas caloribus remissis in Autumnum declinans.

*Circumpositio.*

Circumpositio non differt à submersione, nisi quòd in hac ramulus deprimitur ad terram, in illa terra vase idoneo vimineo ligneove excepta attollatur ad ramulum, eique circumponatur, ramulo scilicet per vas recipiens seu terram continens foraminibus ad id factis trajecto. Locum autem habet ubi ramulus ob altitudinem suam & distantiam à terra eo usque non potest deprimi. Solent autem nonnulli ramulum eâ parte quâ terrâ circumpositâ latitat, vel aliquantulum deliberare, vel corticem ejus superne subulâ perforare.

Itali utuntur cistulis ligneis quadratis, quæ ita confectæ sunt, ut non solum foramen habeant in fundo, sed & compactæ sint ex duabus medietatibus, pro libitu separandis, vel iterum jungendis: ut ita commodius ramis circumponi, & postmodum his in terram deponendis segregari iterum possint. \* P. Lauremberg.

\* Horticult.  
lib. 1. cap. 22.

Huc spectant hæc Plinii, lib. 17. cap. 13. *Alterum genus luxuriosius radices in ipsa arbore sollicitandi, trajectis per vasa fictilia vel qualos ramis, terræque circumcompactis: atque hoc blandimento impetratis radicibus inter poma ipsa & cacumina, audaci ingenio aliam arborem longè à tellure faciendi.*

Tertiò, Plantæ propagantur sobole, eaque vel

1. Ex flagellis seu cauliculis funiculorum specie serpentibus, & radices subinde agentibus, ut in *Fragaria*, *Pentaphyllo*, *Ranunculo*, &c.

2. Ex radicibus transversis, flagelliformibus, sub terra reptantibus, obiter germinantibus & furculos emittentibus: ut in *Ulmo*, *Pruno sylvestri*, *Ceraso*, &c. Atque hoc genus Soboles propriè *Viviradices* appellantur. *Stolones* enim dicuntur, qui è majoribus radicem truncis propè ipsum matris corpus seu ex imo ipsius caudice oriuntur, autore *J. Bodæo à Stapel*.

3. In herbis radicibus tuberosis donatis ex ipsis radicum tuberibus, ut in *Chelidonia minore*, *Flore Solis pyramidalis*, *Croco*.

4. In bulbosis, ex ipso bulbi fundo aut fibra aliqua crassiore propè bulbum, bulbillorum seu nucleorum specie egerminante, ut in *Tulipa*, *Narcisso*, *Allio*, &c.

De his nihil præcipiendum habemus, nisi ut opportuno tempore transferantur, eque solo steriliore in fertilis & pinguis; nec antequam firmitatem aliquam & robur contraxerint à matribus ablaetentur.



## CAP. XIX.

## De Infitione.

**I**nfisio, voce latissimo sensu accepta, est ejusmodi applicatio furculi seu gemmæ ad truncum ramumve, vel suum, vel alienum, ut tandem uniantur & coalescant. *Infisio quid.*

Cum autem potissima succi nutriti pars inter libram & lignum ascendat, totum inferendi artificium in eo consistit, ut in trunco & furculo libra libram, lignum ligno continua sint, & in eandem superficiem disposita; vel ut furculus gemmæ stipiti seu ramo ita applicentur, ut interstitium libram & corticis in utroque [trunco & infito] ferè continuum sit, & unam quasi superficiem componat, unde è trunco in infitum [furculum gemmæve] facilis & expeditus succi transitus fiat.

Infisio est vel *furculi* vel *gemmæ*. Gemma autem à furculo non aliter differt quàm infans ab adulto. Gemma enim nihil aliud est quàm velut embryon furculi, perfectè quidem efformatum, omnibusque suis partibus distinctum, tegumentis tamen velut secundis obvolutum & per Hyemem latitans, Vere sequenti in lucem edendum, & in furculum paulatim extendendum. *Infisio quomodo.*

Surculus inseritur vel applicatione externa seu coaptatione, vel infitione strictè dicta. *Gemma & Surculus quid differant.*

Applicatio externa seu coaptatio est vel *Surculum inferendi modi.*

1. Quando virgæ minori transversim obliquè dissectæ furculus paris crassitie, pari obliquitate caesus, ita applicatur, ut interstitium libram & corticis in utroque (ut diximus) ferè continuum sit; deinde vinculo seu fasciâ circumductâ firmiter adalligatur, ut in situ contineatur. Obliqua sectio uncialis minimùm aut longior esse debet. Hic modus inferendi nostratibus *Whipgrafting* dicitur, & ob difficultatem furculum virgæ, sectionem sectioni coequandi, ut exactè congruant, minùs frequentatur. *Primus coaptandi modus.*

2. Vel secundò coaptatio fit, cum furculus obliquè ut prior dissectus, ita tamen ut in suprema obliquæ sectionis parte cultello perpendiculariter adactò cortex cum tantillo ligni auferatur, trunco transversim primò seu horizontaliter dissecto, deinde ab uno latere [Austro-occidentali] cortice obliqua sectione eousque denudato, ut plano sectionis in furculo exactè respondeat, ita applicetur, ut angulus ejus seu projectura plano horizontalis trunci sectionis innitatur: adeoque vinculo adalligetur, & luto oblinatur. Hic modus inferendi *Shoulder-grafting* nostratibus appellatur. *Secundus modus.*

Infisio propriè dicta duplex iterum est, vel

1. Inter corticem & lignum. Timebant scilicet Prisci, referente Plinio, truncum findere, ideoque inter corticem & lignum inferebant. Hic modus à \* nonnullis nunc dierum in usum revocatur, & in arboribus quarum cortex à ligno ob ascensum succi priùs separabilis est quàm furculi ob gemmas nimis explicitas infitioni inepti (hujusmodi autem è frugiferis solæ Mali sunt) omnium optimus habetur. *Infisio inter corticem & lignum.*

Trunco ergo & furculo ut in secundo coaptationis modo preparatis corticem nè auferas, sed duntaxat findas seu secundum longitudinem incidas, à capite deorsum ad longitudinem ferè obliquæ furculi sectionis, ab Austro-occidentali trunci latere. Deinde cortice à ligno primò cultello, deinde instrumento ex ebore, osse, aut ligno aliquo solido, figurâ obliquæ furculi sectionis sed minore, ad id factò, immisso, lenitèr separato & elato, inter corticem & lignum furculum intrudas, ablato prius à tenui extrema furculi acie cortice, nè inter demittendum replicetur. Deinde quoniam furculus infitus corticem à trunco elevans, & ad utramque cuspidis suæ aciem cavitatem relinquens, influxum succi interrumpit, cortex trunci ad utrumque furculi latus incidendus est, nè à trunco abscedat, & ut ejus oræ cum corticis furculi marginibus concurrant & coaptentur, ad transitum succo à trunco in furculum dandum. Quibus peractis vinculo obligandus & luto muniendus est, ut in præcedentibus operationibus.

2. In fissuram ipsius ligni: quam Plinii verbis exsequar. Aufertur, inquit, ferrâ aequaliter superficies, lævigatur falce truncus: deinde eodem per media lenitèr fisso, cuneoque tenui fissuram custodiens, donec cuspidatim decusus descendat in ramum calamus, operatio absolvitur. Furculi inferendi cuspidis ita solet incidi ut cum basi ejusdem utrinque extante angulos efficiat, quò basis lūmo trunco firmiùs innitatur. Nonnulli tamen hanc praxin improbant, quia cuspidis inde infirmior fit. *Infisio in fissura.*

Verùm quoniam hæc inferendi ratio omnium longè usitatissima est, descriptio autem Pliniana nimis fortasse concisa & obscura alicui videatur, pleniorè & explicatiorem è Petri Laurembergii Horticulturæ, lib. 1. cap. 24. mutuata dābimus.

Elige (inquit) verno tempore arbusculam crassitie trium circiter pollicum, cui deme partem superiorem ferrâ, relicta unius ulnæ altitudine, operamque dato nè librum, id est, corticem faucies. Siquid inæquale relictum à ferra, id cultro abscinde, & conforma in æqualitatem. Stipitem ita dispositum molli cultri ictu leviter finde per medullium, cavendo summâ diligentia nè fissuras ducat fissura. Hanc fissuram cuneolo eburneo aut buxæ servabis apertam, ut eò promptiùs recipiat hospitem venientem furculum; sed neque illud negliges circumligandum esse stipitem funi aut vimine, eo loco quousque terminatam iri fissuram reberis, quæ si profundius penetrabit emoriatur stipes, tuncque omnem perdes operam. His sic paratis fume furculum inferendum, quem in summitatè præfectum altera crassiore parte, proximè sub nodo vel tumore, (qui omnibus bonis furculis inest, unde incipit quod unius anni ætatem gerit) scalpello conformabis in triangularem formam, cunei instar, non præfecto cortice ab uno loco, \* integræque servatâ quantum fieri potest, medullâ.

Jam hunc furculum apice cuneato inferere in stipitis ante preparati fissuram, eâ lege ut cortex furculi cortici stipitis respondeat, totusque furculus firmiter fissurâ comprehendatur, subtrahito iterum cuneo. Denique fissuram superne & ad latera archissimè obtura ac obline emplastro emphyteutico, mox argillâ aut limo circumdâ, & linteolo investi aut cannabino vinculo obliga fortiter.

E

Empla-

\* Hanc observationem nihil esse puro.



Emplastrum hoc emphyteuticum non necessarium ducimus fortè etiam nocivum; siquis autem illud experiri velit ita præparet.

R. Resinæ commun. ʒi. Cera ʒβ. Visci ʒij. Butyri antiq. q. s. ad form. empl.

Quæ arborum  
species sibi  
mutuo insitæ  
coalescunt.

1. Multa in hoc genus insitione servanda sunt. Primum omnium quæ patiatur coitum talem arbor, & cuius arboris calamus. Facillimè coalescunt quibus eadem corticis natura, quæque pariter florentia ejusdem horæ germinationem succorumque societatem habent. *Plin.* Oportet certè ut furculi truncis cognati & congeneres sint, aliter non coalescunt. Hinc mirum nobis non videtur, *Pyrum* vel *Cydonia*, vel *Oxyacanthæ*, huic *Mespilum*, *Pruno Armeniacam* insitam comprehendere, & vice versa. Quid enim est *Malus Cydonia* dicta quàm *Pyrus* fructu tomentoso? *Malus Armeniaca* quàm *Pruni* genus? nec fructus *Oxyacanthæ* à parvo *Pyro* vel figura, vel qualitate multum ablu- dit. *Pyrus* & *Malus* ob dissimilitudinem non coeunt, uti nec *Malus* & *Oxyacantha*, nec (observante *D. Sbarroco*) *Pyrus* & *Sorbus*. Hæ tamen (ut ex ejusdem observatione habeo) ut & aliæ diversi generis, sibi mutuo insitæ non rarò comprehendunt: post perfectam tamen (ut videtur) unionem, & germina productiora edita, furculi paulatim, quamcunque curam adhibueris, languescunt & tandem intereunt, ob succum vel deficientem, vel incongruum.

Fissura qualis  
esse debet.

2. Alia observatio est, nè fissura in nodo fiat. Repudiat quippe advenam inhospitalis duritia, ut in parte nitidissima, nè longior multo tribus digitis, nè obliqua, nè translucens, nè hiscat nimium rima laxèque capiat, aut nè parùm & exprimat, aut expressum necet. *Plin.* Hinc si truncus crassior sit monent hortulani, ut cuspidis furculi interior pars, quæ aliàs in aciem tenuari solet paulò crassior relinquatur, nè exterior adeò comprimatur, ut cortex laxetur aut corrugetur, adeoque succi influxus impediatur aut interrumpatur. Alii in hujusmodi truncis fissuram cuneo ligneo tenui adactò apertam tenendam malunt.

Electio furcu-  
lorum.

3. Certum est (inquit *Plinius*) ab humeris arborum Orientem æstivum spectantibus furculos petendos, & è feracibus, & è germine novello, nisi vetustæ arbori inferantur; ii enim robustiores esse debent. Præterea ut prægnantes, hoc est, germinatione turgentes, & qui parere illo speraverint anno; denique ut è pulcherrimis & robustissimis ramis eligantur: ante omnia gemmantes nitere convenit, nihil usquam ulcerosum esse aut retorridum. Hortulani nostri præcipiunt, ut aliquid (uncia saltem) veteris ligni cum novello. Ità enim & ad resistendum injuriis cœli firmiorem, & durabiliorem & feraciorum futurum. Surculum nimis gracilem & è germine tantum novello, contra præceptum *Plinii*, inferi vetant ob contrarias rationes. Monent etiam ut furculi cum inferitur summitas præcidatur.

Surculi longi-  
tudo & gem-  
mæ quot.

4. Quod ad longitudinem furculorum & numerum gemmarum attinet, ità præcipiunt, Si trunci cortex viridanti nitore se succo turgere prodant, ut largum insito alimentum se ministraturum spondeat, plures in furculo gemmæ relinquuntur, sufficiunt plurimum tres quatuorve ad exitum succo dandum. Præferuntur autem furculi quorum gemmæ crebriores sunt, nec nimis distent vel à se invicem vel à furculi sui pede. Si arborem patulam desideras, furculum longum inferas, qui supra trunci caput ad 5, vel 6 digitos exeret, ut crebriores ramos emittat: si arborem rectà assurgentem & proceram; brevem adhibeas, qui non ultra 4 digitos supra stipitem abscissum emineat, duabus gemmis supra lutum relictis; vel si placet, unicam tantum gemmam adolefcere finas. Quò enim longior est furculus eò languidiùs succum attrahit, eoque magis & ventorum concussionibus, & avium injuriis opportunus est.

\* *Plinius* fur-  
culum inver-  
sum inferi ju-  
bet, cum id  
agitur ut mi-  
nor altitudo in  
latitudinem se  
diffundat.

Surculi quan-  
tū & quomo-  
do si opus sit,  
asservandi.

5. Surculos decisos duas trêse septimanas antequam inferantur servare expedit; ut trunci succo magis turgant, furculi exhaustantur, adeoque subundi avidiùs novum combibant. Non oportet autem eos terrâ humidâ obruere, nè ad præpropere germinandum invitentur, adeoque cum inferuntur aeri frigido expositi perurantur & exarescant. Sub arbore aut tecto, aliòve loco frigido reponere sufficit, aut si à gelu periculum sit, terrâ siccâ aut arenâ operire. Si longiùs afferantur furculi rapo infixos optimè custodire succum arbitrabantur, inquit *Plinius*. Nonnulli è nostris imam partem luto madido infigere, reliquum musco aut palea obvolvere jubent; verum sufficit vasculo inclusos, tempestate præsertim tepidiore, musco madido circumposito, aut terrâ cribratâ munire.

Quâ parte  
trunci inferere  
convenit.

6. Inferere aptissimum quamproximum terræ, si patiatur nodorum truncique ratio. *Plin.* Præsertim si furculum arboris naturâ crassioris & grandioris gracilioris trunco inferas ut *Pyrum*, *Cydonia* aut *Oxyacanthæ*. Item à parte trunci vento occidentali aut Libonoto opposita (hic enim apud nos omnium vehementissimè spirat) ut vi venti ad truncum potius cui pede suo innititur, quàm à trunco impellatur: indè enim periculum est nè abruptatur aut luxetur.

7. Si fructum copiosum ab insito quamprimum desideras, adultiorem truncum decapites, eique calamos inferas.

Quot furculi  
inferendi.

8. Eidem trunco plures inferere furculos expedit, ut mortalitati ex numero succurras. *Plin.* & nè si fortè unus deficiat, truncus ipse periclitetur. Cautiores tamen Agricolaæ vetant truncum transversim seu in cruce findere, quoniam nimia indè trunco injuria fit, & vulnera ægrè consolidantur. Optimum virgæ minori, & quæ unum tantum calamum admittat, inferere.

Cur stipiti ci-  
cui potius  
quàm sylvestri.

9. Si mitem & generosum succum desideras, trunco sylvestri aut spontaneo nè inferas, sed potius cicuri & culto. Hinc enim fructus mitior & delicatior evadit, ut qui alimento mitiore & melius præparato utitur, quamvis arbor ipsa ad durandum minus firma, & brevioris ævi, esse credatur. Surculus decifus arbori suæ iterum insitus, meliorem dabit fructum quàm arbori etiamnum hærens.

Tempus inse-  
rendo aptissi-  
mum.

10. Tempus inferendo aptissimum censetur veris initium, aut ver proximè antecedens, antequam gemmæ explicari incipiunt: quamvis per totam hyemem insitio satis feliciter plerumque succedat; & *D. Sbarroco* asserit se observasse furculos *Malo* insitos Novembri mense & circa Natalitia Christi comprehendisse. *Pyrum* vel florentem inferere licet, autore *Plinio*, & in Maium quoque mensem protendere insitionem. Verum ex recentiore observatione, furculus cujus gemmæ jam explicatur agrè coalescet: unioni non repugnat quòd truncus germinaverit.

Lutum ad in-  
situm munien-  
dum quale.

11. Ad insitum muniendum contra injurias cœli & bestiarum, Cato olim argillæ vel cretæ harrenam finumque bubulum admisceri, atque ità ad lentorem subigi jubet, idque interponi & circumlini.



cumlini. Plinii ætate abundè arbitrabantur paleato luto libros farcire, duos digitos infito extante. Hortulani aliqui nunc dierum fimum bubulum luto tenaci probè admistum & in massam subactum illinunt. Non multum interest utrum adhibeas. P. Laurembergius emplastrum emphyteuticum commendat, de quo supra.

Novæ fructuum species ab infitione frustra sperantur. Est enim regula generalis & perpetua in Horticultura, *Fructum semper furculi naturam sequi.* *Infisio fructum non mutat.*

Alii tamen transmarinos quosdam Horticultores furculorum vel gemmarum specie diversarum, per mediam longitudinem seu medullam fissarum medietates disparatas tam dextrè coaptare & inter se componere, ac deinde inferere nòsse, ut & coalescant & comprehendant, & fructus ex utrâque specie mixtas producant.

Nonnulli truncum non findunt sed rimam seu sulcum in ejus latere cultello excavant, & furculum eidem adaptatum dextrè immittunt, & vinculo alligant.

Dantur & alii furculum ad trunci minimè decapitati latus applicandi modi, quos vide apud D. Langford in libro de Arborum frugiferarum satù & cultura.

Non immeritò autem queritur quinam ex his inferendi modis præstabilior sit. Longus omnium seculorum usus eum qui fit in fissura approbavit. At verò Auctor mox laudatus tertium omnibus aliis præfert, & post eum secundum reliquis, ob has rationes. *Quinam inferendi modus præstantior.*

1. Quia trunci hujusmodi operationum capaces sunt aliquot annis antequam ad calamum admittendum findi apti.

2. Quia ab illis minùs læduntur quàm ab hoc genere. Fissura enim humorem facillè admittit, qui arbores corrumpit, unde trunci infitioni iteratè minùs idonei fiunt, si fortè furculi prima vice non comprehendant, aut alio quovis modo corrumpantur.

3. Surculus multò expeditius trunci amputati caput cortice & ligno obducet & integet, quod ad firmitatem, salubritatem & celeriore auctum arboris magnopere conducit.

4. Hæ operationes faciliores sunt, citius perficiuntur & felicius plerunque succedunt.

Datur adhuc & alia inferendi ratio, quam *Ablactationem* vocant, cum furculus alicujus arboris ab uno latere delibratus, matri adhuc hærens, arboris vicinæ ramo pariter delibrato applicatur & alligatur donec coaluerit, deinde à suo stipite separatus alieno duntaxat succo ali permittitur. Plinius in *Vite* hanc operationem sic breviter præcipiendo è Catone describit. Si inter se Vites contingant, in-obliquum latere contrario adrafo junctis medullis colligari. Notandum autem plantas nonnullas hoc modo sibi invicem implantari & condescere quæ prædictis infitionum rationibus in societatem trahi non possunt, ut v. g. Vites diversarum specierum, Mali *Armeniæ* & *Persicæ*. *Ablactatio quid.*

Hactenus de infitione quæ furculo fit. Gemmæ inferendi ratio duplex est, altera *Inoculatio* dicitur, altera, quæ sola nunc dierum in usu est, *Emplastratio*. *Gemma inferendi ratio duplex. Inoculatio.*

*Inoculatio* Antiquis usitata, describente Plinio, fiebat sutoriæ simili fistulâ aperiendo in arbore oculum cortice exciso, seménque includendo eadem fistulâ sublatum ex alia.

*Emplastratio*, eodem Plinio auctore, ex inoculatione nata videri potest. Ergo (inquit) amputatis omnibus ramis, nè succum avocent, nitidissima in parte, quæque præcipua cerniter hilaritas, exemptâ scutulâ (ne descendat ultra ferrum) cortici imprimitur ex alia arbore cortex par cum sua gemminis mamma, sic compage densata, cicatrici ut locus non sit, & statim unitas fiat, non humorem, non afflatum recipiens; nihilominus tamen & luto munire & vinculo melius. *Emplastratio.*

Alii non eximunt corticem, sed duntaxat incidunt, primò rectè deorsum, perpendiculari incisione, digitum longâ, deinde in summa hujus parte lineâ transversâ ebusque utrinque extensâ, ut corticis anguli commodè elevari possint, & scutum (quod ima parte in angulum exacuari debet) ligno applicandum sinu suo excipere, tandem cortices angulis seu labiis scuto appressis & vinculo ligatis in situ omnia continentur.

Alii perpendiculari incisione facta, media ejus parte transversam lineam imprimunt, & cultello vel calamo elatis, ut priùs quatuor angulis seu labiis corticis, scutum cum gemma sua inferunt & vinciunt; ut in præcedente sectione.

Alii quadrata incisione scuto æquali in cortice facta ut in primo modo, totum tamen corticem non auferunt, sed inferiore medietate relicta & elata scutum sub ea ligno applicant & vinculo ligant.

Optima ratio gemmam à furculo integram & illæsam auferendi est lineis scutum finientibus cultello per corticem adacto ductis, reliquum lignum decorticare, scuto solo cum gemma intacto; deinde è pennæ anserinæ calamo per medium fisso imbrice factò, acie ejus extrema (quæ acuta esse debet) sub cortice immissa gemmam excindere seu extirpare. *Quomodo gemma à furculo extirpanda.*

Ut loco denudato scutum exactè congruat necesse est, ideòque tum longitudo tum latitudo scuti circino sumptæ in ramulo denudando signentur; vel furculo unde scutum sumitur utrinque ad longitudinem ejus deciso, & ad latitudinem per medium fisso, applicetur scutum cum frustulo ligni adhuc adhærente furculo delibrando, & lineæ circumducantur.

Antequam scutum cum gemma eximitur, locus in quem transferendus est ritè præparetur, ut quàm ocysimè possit inferi: aliàs gemma aëri exposita vitium contrahet aut exarescet. Vincula fiant ex materia extendi apta, v. g. Juncis lavibus, filo lineo laneòve, ut trunci scutique cortici intumescenti cedant. Vincula enim non solvi antequam gemmæ explicentur melius. *Gemma exempta statim inferenda.*

Tempus inferendi gemmâ à primo vere cum pruinæ cessaverint tandiu durat, donec tantum spatii superfit ad reditum pruinarum, quantum sufficiat gemmæ cum trunco cui applicatur conglutinandæ & consolidandæ, omnium aptissimum censetur media æstas circa festum S. Joannis Baptistæ. *Tempus emplastrationi aptissimum.*

Quod ad electionem gemmarum attinet eadem observentur quæ de furculis præcepimus.

Si gemma comprehendat sequente Martio quæ supra eam sunt omnia amputentur, & gemmæ in parte reliqua, unâ exceptâ (quam nonnulli ad succum deducendum hauriendum necessariam arbitrantur) omnes detergantur.



Quæ arbores  
emplastra ad-  
mittunt.

Emplastratio-  
nem insitio  
preferendam  
probat.

Quæcunque arbor furculo insito eadem & emplastratione propagari potest, nisi obftet tenuitas & imbecillitas scuti. *Vitis non recipit emplastra, nec quibus tenuis ac caducus rimosusque cortex. Fertilissima omnium inoculatio, eadem tamen infirmissima. Et quæ cortice nituntur tantum vel levi aurâ ocysimè de-plantantur. Inserere firmissimum & fecundius quàm ferere.* Plin.

Mali Perficæ & Armeniacæ rarè & difficulter insitione, emplastratione facilè propagantur.

Emplastrationem in quibus succedit insitioni longè præferendam esse multis probare nititur D. Langfordus.

1. Quia stipes seu truncus duobus tribusve annis citiùs magnitudinem emplastrationi quàm insitioni idoneam assequitur: unde & tempus lucret; & arbor multò celerius augetur post naturam immutatam quàm antea.

2. Arbor indè sanior efficitur quàm ab insito, quia stipitem decisum citiùs & securiùs obducit & investit gemma cum scuto quàm furculus.

3. Arborem minùs lædit quàm insitio, & si fortè gemma non comprehendat, potest arbor vel proximo anno, vel interdum etiam eodem, denuò emplastrari.

4. Praxis ejus facilior est, expeditior & delectabilior quàm insitionis: mediâ enim æstate peragitur, quando nullum à frigore periculum imminet, quod persæpe vehemens est, & vix sine injuria aut valetudinis detrimento delicatioribus tolerabile, Februario & Martio mensibus, tempestate insitioni aptissima.

## C A P. XX.

### De specifica (ut vocant) Plantarum differentia.

**U**T Plantarum numerus iniri possit, & earundem divisio rectè institui, oportet ut notas aliquas seu indicia specificæ (ut vocant) distinctionis investigemus. Nobis autem diu multumque indagantibus nulla certior occurrit quàm distincta propagatio ex semine. Quæcunque ergo Differentiæ ex ejusdem seu in individuo, seu specie plantæ semine oriuntur, accidentales sunt, non specificæ. Hæ enim speciem suam satione iterum non propagant: Sic v. g. *Caryophyllos* flore pleno seu multiplici pro specie distinctis à *Caryophyllis* flore simplici non habemus, quia ab horum semine ortum suum ducunt, & semine sati *Caryophyllos* simplices iterum edunt. At quæ ex eodem specie semine nunquam proveniunt ex demum specificæ censendæ sunt: aut si inter duas aliquas comparatio instituitur, quæ plantæ ex alterutro semine non proveniunt, nec unquam semine satæ transmutantur in se invicem, ex demum specie distinctæ sunt.

Sicut enim in Animalibus sexuum distinctio non sufficit ad speciei diversitatem arguendam, quia sexus uterque ex eodem specie semine, eisdemque non rarè parentibus oritur, quamvis multis & insignibus Accidentibus inter se differant; nec Taurum cum Vacca, Virum cum Muliere specie convenire aliud requiritur argumentum, quàm utrosque iisdem persæpe parentibus eademve matre ortos esse: sic pariter in plantis convenientiæ specificæ non aliud certius indicium est quàm ex semine ejusdem plantæ seu in specie seu in individuo oriri. Nam quæ specie differunt speciem suam perpetuò servant, neque hæc ab illius semine oritur, aut vice versa.

Hinc pro distinctis plantarum speciebus non habendas censeo,

1. Quæ solo floris colore, geminatione aut multiplicitate differunt.

Genes. 2.

Cùm enim specierum numerus in natura certus & determinatus sit: cum \* *Deus sexto die ab omni opere suo*, hoc est, à novarum specierum creatione, requievit: floris autem colore & multiplicitate variantium plantarum numerus, novis quotannis exorientibus, infinitus sit, meritò eas à specierum gradu & dignitate dejicimus & excludimus.

Deinde, si hæc sufficerent ad specificam distinctionem inferendam, *Æthiops* quoque pari ratione ab *Europæo*, *Juvenus niger* ab albo, rubro, variove specie differret; quod nemo, ut opinor, sanæ mentis unquam concesserit.

Quinimo hæc varietates coeli, aut soli, alimentive differentiis debentur: quæ quantam vim habeant ad hæc & similia effecta producenda in domesticis & mansuetis animalibus patet. Cùm enim fera in plerisque speciebus eisdem colores servant, mansueta & domestica coloribus infinitum variant, nec coloribus tantum, sed & carnis sapore, aliisque accidentibus à feris differunt, ut à palato non admodum sagaci haud difficulter gustu possint distingui.

Præterea hæc varietates seminio non propagantur, sed vel ramulis avulsis, vel sobole, vel stolonibus.

Denique arte & mangonio induci possunt, nimirum translatione iterata de loco in locum, & irrigatione aquâ colore aliquo imbutâ. Nam *P. Laurembergius*, vir fide dignus, Horticult. cap. 28. Sect. 3. se in *Caryophyllis* sæpius expertum scribit, *Caryophyllos* quos simplices Vere primum, deinde Autumno, iterum Vere sequenti transposuerat, (neque interim florere passus erat) Æstate omnes flores multiplices protulisse. Deinde ad mutationem coloris in flore inducendam variis in locis hæc repetit. Terrâ pinguisimâ in Sole exsiccata aut cribrata reple vas aliquod. Ei implanta germen florum candidorum (nam bi soli tingi possunt) ad irrigandum non utere aliâ aquâ quàm rubefactâ si flores rubeos desideras, viridi si virides, &c. Tali aqua de die plantam irriga mane & vespere, noctu transfer in ædes, nè nocturnum aut matutinum bibat rorem per tres septimanas. Produci flores experieris tinctos non prorsus eo colore quem effudisti, sed partim eo, partim naturali. Hæc quamvis à nonnullis ridentur, Laurembergio tamen Aurori æquari in iis quæ sibi comperta tradit fidem derogare non audemus. Quid quod plantæ florum coloribus aut multiplicitate spectabiles in eodem loco sine cultura diutius relicte & neglectæ colorum delicias amittant paulatim, petalorum comam exuant, & ad sylvestrium ingenium redeant.

Idem



Idem esto iudicium de floribus nudis in iis plantis quæ radiatos plerunque proferunt, ut *Chamaemelo*, *Cotula*, *Parthenio*: proliſeris dictis, in *Bellide*, *Calendula*, aliisque nonnullis Corymbiferis: petalis fistulosis donatis, in iis quibus naturaliter plana sunt, ut *Bellide* & *Flore Africano*, & siquæ præterea sunt huiusmodi florum differentia.

Quoniam verò varietates hæ floribus plenis aut variegatis insignes ob pulchritudinem & elegantiam raritatemque suam à florum cultoribus magni æſtillantur, & non raro insanis pretiis redimuntur, non ab re fuerit quibus illæ mediis obtineri possint ostendere.

Et quod ad Caryophyllos attinet, eos è simplicibus multiplices fieri translatione iterata de loco in locum Laurembergio aliisque expertis credimus: nec dubitamus quin & aliis plantis flores plenos producere aptis pariter translatis idem eveniret.

Quin & unica sola translatione in plantis nonnullis flores è simplicibus in plenos evectos legimus. D. *Sbarroco* se novisse ait qui *Anemonas nemorum* & *Colchica flore multiplici* in hortis habuerint, qui afferebant se eosdem simplici flore sylvestres ex agris in hortos tranſtulisse, soli luxurie, & cultura diligenti mutatione illâ inductâ.

\* Lib. de pro-  
pag. Vegetabi-  
lium.

Verum quicquid sit de translatione, varietates prædictas certissimè & facillimè satione obtinebis. Si enim plantæ cuiusunque florem mutare aptæ semen solo lato & opulento largâ manu severis, inter multas flore simplici, nulla colorum varietate spectabiles paucæ enascentur flore pleno, & nonnullæ etiam variegato insignes. Cujus generis ut plures obtineas ex sententia Hortulanorum seminum serendum electio fieri debet. Sic v. g. ex florum Caryophylleorum Aurantii mali colore tinctorum, tam purorum quam variegatorum feminibus satis plurimæ & pulcherrimæ habentur varietates. Ferrario autore, ex albi Caryophylli semine multiplex varietas provenire solet: item ex fuscis maculis distincti.

\* Horticult.  
lib. 3. cap. 13.

Observatio nonnullorum ad obtinenda Leucoia flore pleno ut semina colligantur ex filiqua flori succedente per luxuriam pentapetalo, experientiâ nostrâ frivola est & falsa.

In Tulipis præcocius ad producendas varietates purpureæ aut purpurea marginibus albis semina omnium optima esse observavit Parkinsonus: in mediis quæ coloribus lucidioribus sunt reliquis præferuntur.

2. Plantas sola magnitudine differentes. Quamvis enim dentur certi magnitudinis termini in unaquaque specie, quos neque excedere, neque ab iis deficere possunt individua: neque enim *Grossularia* v. g. *Quercus* staturam & dimensiones unquam assequetur, quamcunque culturam adhibueris; magna tamen inter hos terminos latitudo est, & maximi fortasse ad minimum decupla proportio. Quæ tamen differentia vel soli ubertati aut sterilitati, vel regionis temperiei caloris aut frigoris respectu, vel tempeſtati sicca aut pluvia, vel alii cuiuspiam accidenti debetur, non specificæ plantæ naturæ. Si enim Plantæ, culturæ patientis, in suo genere minimæ & pauperrimæ semen accipias, idque lato & pingui solo, loco soli exposito & ab aeris injuriis tuto severis, brevi sobolem matre planta decuplo fortè majorem obtinebis; immo verò si plantæ alicujus perennis & culturæ patientis radicem à monte sterili & aprico, ventis exposito, quem per hyemem *Boreæ penetrabile frigus adurit*, in hortum pinguem & tepidum tranſtuleris, mirum quantum luxuriabit & magnitudine proficiet, ut vix pro eadem agnoscas. Nec minor hoc respectu differentia invenitur in Animalibus inter individua ejusdem speciei: siquidem in Anglia nostra oves quæ in montosis & sterilibus frigidis degunt quintuplo ferè minores sunt iis quæ in pinguibus & temperatis pascuntur, adeo ut illæ vix quinque solidis nostræ monete singulæ veneant, cum hæ interdum duas libras, i. e. octuplum illarum pretii, valeant. Equi etiam qui in montibus Cambricis immodico frigore perustis educantur & aluntur, adeo pumili fiunt & contemptæ parvitatæ, ut canem Molossum magnitudine & staturâ non multum superent. Vidimus enim Cestriæ qui quatuor aut quinque solidis emi possent.

Excipiendæ tamen hic videntur species plantarum nonnullæ à nobis & aliis inventæ, quæ quantum hætenus observavimus, non alia in re quàm magnitudine differunt; suspicamur tamen & alias inter eas intercedere differentias, remque ulteriori observationi committimus. Has specie diversas esse opinamur quia simul in eodem loco nascentes nos & alii observavimus, & tamen major minorem triplo quaduplove magnitudine superabat. Tales sunt *Hyssopifolia* major & minor à nobis; *Alchimilla* major & minor à *Morisono*; *Heliotropium* majus Siculum & majus vulgare à *P. Boccone*; *Millefolium* aquaticum flore luteo galericulato majus & minus à *D. Dent* Cantabrigienſi unâ nascentes observatæ. Vidimus etiam in horto Nobilissimi viri *D. Caroli Hatton* *Astrantiæ* nigræ speciem minorem, quæ non aliâ in re quàm parvitate sua à vulgari differre nobis visâ est. Alias etiam non paucas invenies apud *D. Morisonum* in *Historia Plant. univers.*

3. Foliorum variegatio, qualis in *Alaterno*, *Buxo*, *Rosmarino*, *Dulcamara*, &c. cernitur, tantum abest ut sit specificæ distinctionis nota; ut sit potius symptoma morbidæ constitutionis in Planta aliqua, quæ vel calce radici supposita, vel pari mixtura calcis cum terra ruderata induci potest; unde in ramis depactis durat, in plantis è semine ortis evanescit. An floris petalorum variegatio morbi etiam symptoma sit inquirendum.

An planta foliorum marginibus crispis à congeneribus foliis planis specie differant ambigo. Quantum enim hætenus observavi, quæ huiusmodi sunt speciem suam satione semper propagant, nec unquam plantas planifolias producant. Quin & *Nasturtii hortensis* crispi folia seminalia ab hortensis vulgaris seminalibus figurâ suâ & incisuris differunt, cum hæc tripartita seu in tres lobos divisa sint, illa unica duntaxat hinc inde incisione secta: quod argumento est eas specie differre.

At 4. Quæ radicis colore solo differunt, cuiusmodi sunt *Pastinacæ* tenuifoliæ radice lutea, alba, atro-rubente; *Rapæ* radice alba & lutea pro specie distinctis non habendas cenſeo: nec magis quæ radicis tantum figurâ differunt, ut *Rapæ* radice longa & rotunda.

Denique 5. Quæ Fructus seu Pericarpium magnitudine, sapore, figurâ, colore differunt ut *Pomorum* & *Pyrorum* infinitæ ferè varietates: Caterum (observante \* *D. Sbarroco*) *Arbores* è Mali & *Pyræ* hortensium & cultarum feminibus satis ortæ non semper degenerant in naturam sylvestrium; sed interdum fapidiore & mitiores generosioresve fructus edunt, quàm earundem matres seu productrices; contra quàm vulgo creditum & receptum est.

\* Lib. de pro-  
pag. Vegetab.



Quæ item feminis colore ludunt, ut Phaseoli, Fabæ vulgares, Frumentum Indicum, ob rationes superius allatas specie distare non concedimus. Quin de industria experiundi causâ Fabas rubras plures unâ aliquando sevimus; quæ tamen indè enatæ sunt plantæ pleræque Fabas albas dederunt. Notandum tamen distinctam propagationem ex semine non esse illud ipsum quod constituit differentiam essentialem seu specificam, live in quo illa consistit, sed ejus signum seu indicium tantum.

Deinde cum dicimus in Plantis specie distinctis hanc ab illius semine non oriri, de eo quod plerunque & naturaliter contingit loquimur, non de eo quod rarò & inusitatè extra ordinem naturæ. Nam ut inferius ostendemus, Plantarum nonnullarum semina degenerem & diversæ speciei sobolem interdum producant; unde colligimus dari in plantis veram specierum transmutationem.

## CAP. XXI.

## De Specierum in Plantis transmutatione.

**P**lantas quæ ex eodem semine ortum ducunt, & speciem suam satione iterum propagant, specie convenire superius docuimus; adeoque varietates illas in florum colore, geminatione & multiplicitate, in foliorum variegatione, radicis colore, fructûs seminifve sapore aut etiam colore, specificæ quam vocant diversitatis notas aut indicia non esse, conclusimus.

Verùm nota hæc quamvis satis constans sit specificæ convenientiæ signum, non tamen perpetuum est & infallibile. Semina enim nonnulla degenerare, & diversæ à matre speciei plantas interdum licet rarius producere, adeoque dari in plantis transmutationem specierum, experimenta evincunt.

*Hypomn. 5.  
cap. 2.*

Triticum, referente \* Sennerto, degenerat in Lolium; Rapum in Raphanum; Sisymbrium in Mentham; Ocimum in Serpyllum: Vitis nigra in albam, alba in nigram mutatur: Zea in Triticum, & è contra Triticum in Zeam. Si in Ungaria Secale Germaniæ feratur, generatur indè Triticum. Si ager paulò sterilior sit, Avena nostra alba quam appellant in nigrum degenerat. Si idem semen eodem in agro aliquot annis feratur in vilius degenerat. Galeni pater Triticum & Hordeum aliquando sevit, omnibus diversis generis seminibus quæ ipsis erant admista, selectis, quo certò cognosceret num ex eorum mutatione Lolium & Ægilops nascerentur, an proprium hæc quoque semen haberent. Cùm autem fortè unâ cum puris seminibus, in Tritico quidem frequens Lolium, in Hordeo autem magnam Ægilopsis vim, natam conspiceret, in aliis quoque seminibus idem est aggressus. Reperit igitur in Lente durum quoque rotundumque Aracum & Securinum, præterea Aparinem enatam.

Hæc experimenta ex variis Autoribus collecta Veteribus & Recentioribus, quamvis eorum nonnulla verisimilia nobis videntur, partim tamen quia vulgo per errorem non causam pro causa accipienti, partim quia Philosophis vel nimis credulis, vel minus circumspèctis in causis phænomenon assignandis, & receptis opinionibus addictis, originem suam debent, pro incertis & suspectis habemus, nec sufficere putamus sententiæ adeò ancipiti & controversæ stabiliendæ.

Sic Galeni patrem in ratione phænomeni modò dicti reddenda deceptum putamus: Nec enim sequitur quia frequens Lolium in Tritico nasceretur, Triticum in Lolium mutatum fuisse, seu ex Lolii semine Triticum enatum; potuit enim ex Lolii semine in agro superiore anno residuo Lolium oriri. Et quod ad Ægilopem attinet, ipse olim observavi in agro quodam ubi Triticum purum factum fuerat magnam Ægilopsis vim enatam, idque sæpius, etiam postquam intermissâ satione, ut mos est, ager ille annum integrum requieverat: quæ tamen ipsius Ægilopsis non Tritici semini originem suam debuit. Cùm enim Ægilops citius maturescat & semen suum perficiat quàm Triticum, cùmque semen ipsius per maturitatem facile defluat, vel vento, & inter metendum manu decutiat in terram, ibi relictum, quamvis ager non feratur sequenti anno, per integrum biennium durabit, & cùm frumento postmodum facto succrescet. Nec dubium est quin semina plantarum, non dico per biennium, sed per decennium & amplius in terra non rarò fecunda restent, ut superius ostendimus.

Verùm quanvis experimenta allata incerta nobisque suspecta sint, non desunt tamen alia certiora, idoneis testibus confirmata, quæ rem planè conficiunt & extra omnem dubitationis aleam ponunt.

E Brassicæ floridæ semine facto Brassicam capitatam sæpius enatam hortulanis apud nos plurimis affirmantibus credimus, imò Brassicæ species omnes satione in se invicem transmutari affirmat R. Morisonus, & experimentis probat. Brassicæ tophosæ semina ex Italia ad Reverendissimum Episcopum Londinensem D. Hen. Compton transmissa Brassicam produxere tophosam, sed hujus semen denudò satum degeneravit in vulgarem apertam lævem Brassicam. Idem dicendum de Brassica florida botryte, nimirum ex semine plantarum in Anglia nascentium & cultarum satum Brassicam longifoliam apertam oriri: quod Richardus Baal hortulanus Brainfordensis multorum experimentis damno suo didicit. Hic enim ingentem copiam seminis Brassicæ floridæ in horto suo collectam, hortulanis quamplurimis in suburbanis Londini locis, vulgò dictis *the Peat-houses* degentibus vendidit: atque hi cum summa cura & industria eadem semina terræ pingui à multis annis bene stercozate commiserunt, quæ Brassicas satis magnas, longifolias apertas ipsis produxere. Quare prædicti hortulani animadvertentes se oleum & operam perdidisse, & in rem nihili labores & sumptus impendisse, se fraudatos querunt, & prædicto Richardo Baal litem intendunt in foro Westmonasteriensis: qui ex sententia Judicum illic sedentium condemnatus est, non solum ut ipsis pecunias quas accepisset restitueret, sed ut jacturam temporis & amissum terræ usum fructum refarciret.

Idem



Idem accidit Brassicæ Sabaudæ tam hybernæ, quàm æstivæ, cujus semina recenter ex Italia ad nos transmissa, feliciter hic proveniunt [in Angliâ] verùm semina ejusdem hic ortæ collecta & sata degenerant in Brassicam apertam. Oportet ergo si species has habere velimus, ut nova quotannis semina è transmarinis regionibus petamus.

Nec Brassicæ tantùm semina sata degenerem prolem producant, sed & Primulæ veris seu Paralyseos. Affirmavit nobis, Oxonii cùm essemus, *Jacobus Robertus* Horti publici Academici custos, è semine Primulæ veris majoris sibi enatas Primulam vulgarem & Primulam pratensem inodoram luteam.

*Olaus Wormius Musci, lib. 2. cap. 7. pag. mihi 150.* asserit se habere Hordeum quod Hermaphroditicum vocat, quia in una spica & Hordeum & Secale contineret, cujus descriptionem videbis loco citato. *Johnsonus* quoque apud *Gerardum emac. lib. 1. cap. 46. pag. 65.* sibi ostensam refert à *D. Goodyer* spicam Tritici albi, circa cujus mediam partem tria aut quatuor grana Avenacea undique perfecta enata sunt.

Hæc si vera sunt, ut à fide dignis narrantur, negativam sententiam, in quam promiores sumus, deferere nos cogunt, & vel invitos concedere, dari in plantis specierum transmutationem.

Observandum tamen transmutationem hanc dari tantùm inter species cognatas & ejusdem generis participes; quasque nonnulli fortasse specie differre non concedent.

Quòd vero plantæ nonnullæ bulbosæ diuturniore in eodem loco morâ absque translatione, mirabili metamorphosi in alias species vel degenerent vel transmutentur, ut v. g. \* *Crocum* in *Gladium*, *Leucium* in *Hyacinthum* & vice versa, utrique *Roberto*, nè juratis quidem crederem.

\* *Sbarroci*  
de propagat.  
Plant. cap. 1.  
n. 4.

## CAP. XXII.

## De Statura &amp; Magnitudine Plantarum.

**D**E magnitudine Plantarum nihil notatu dignum habeo quod adjiciam iis quæ ab Historiæ naturalis conditoribus traduntur.

Dari in unaquaque specie certos dimensionum terminos, quos neque excedere, neque ab iisdem deficere possunt individua, opinamur: Magna tamen inter hosce latitudo existit, & maximi ad minimum decupla, ferè proportio. Arbores Animalia, saltem terrestria, (Belluæ enim marinæ excipiendæ videntur) statura & magnitudine tantùm excedunt quantum herbula minutissima parvitate ab iisdem vincuntur. Dantur enim Animalcula quæ oculorum etiam lynceorum aciem fugiunt.

Arbores omnium maximas & altissimas India utraque aliæque regiones fervidæ producant: quæ calor maximè viget,

*Quaque dies medius flagrantibus æstuat horis.*

Ibidem & animalia visendæ magnitudinis: in Quadrupedibus, Elephas, Rhinoceros, Hippopotamus; in Avibus Struthio & Emeu; in Serpentino genere, Crocodilus aliique stupendæ longitudinis & crassitie, in Exanguibus aquaticis testaceis Murices, Buccina aliæque portentosæ molis innumera nascuntur.

Mira sunt & fidem penè superantia, quæ de arborum nonnullarum crassitudine & proceritate feruntur. Plinium attendamus, Volum. 16. cap. 40. exempla producentem. Amplissima arborum ad hoc ævi existimatur Romæ visa, quam propter miraculum Tiberius Cæsar in ponte naumachiaro exposuerat, advectum cum reliqua materie: Fuit autem trabs è Larice, longa pedes 120, bipedalis crassitudinis, æqualis. Quo intelligitur vix credibilis reliqua magnitudo fastigium ad cacumen æstigmatibus. Fuit memoria nostra & in porticibus septorum à M. Agrippa relicta, æquè miraculi causâ, 20 pedibus brevior, sesquipedali crassitudine. Abies admirationis præcipuæ in nave, quæ ex Ægypto Cæii principis jussu obeliscum in Vaticano circo statutum, quatuorque truncos lapidis ejusdem ad sustinendum eum advexit. Arboris ejus crassitudo quatuor hominum ulnas complectentium implebat. Cedrus maxima in Cypro traditur ad undecirem Demetrii succisâ centum triginta pedum; crassitudinis verò ad trium hominum complexum. Germaniæ prædones singulis arboribus cavatis navigant, quarum quædam & triginta homines ferunt. Quid hoc ad Congenses arbores, è quarum singulis pariter excavatis Canoæ (itâ vocant hoc genus cymbas monoxylas) ducentorum hominum capaces fieri possunt.

In Indiæ Orientalis Regno Malabarico stupendæ magnitudinis Arbor enascitur, *Atti-meer-alou* Indigenis dicta, caudice quinquaginta plerumque pedum ambitu: cujus generis in provincia Cochinchinensi prope templum *Beykam* habetur, quæ bis mille annos vixisse dicitur. *Hort. Malab.*

Hic tamen obiter monere convenit falsum omnino esse quod Plinius aliique de magnitudine Ficus Indiæ prodidere, nimirum vasto matrem corpore esse, ut 60 pedes pleræque orbe colligunt. Celeberrimus enim Vir, idemque fide dignissimus *D. Gualterus Raleigh* eques auratus, qui vices mille minimum hujus generis arbores in quadam valle non procul Paria America nascentes vidit, nec pauciores in intimis *Trinidado*, & alibi 12 etiam milliarius iter sub earum umbra se confecisse scribit, magnitudinem mediocrem earum truncis attribuit, & inter decies mille unam aliquam reliquis majorem invenire perdifficile esse ait.

Quæ sequuntur exempla arborum maximarum è celeberrimi viri *D. Joannis Evelyn* Sylva, ut labori nostro parceremus, pleræque transtulimus.

Quod ad staturam attinet, Arborum in Fortunatis insulis proceritatem ad 144. pedes adolescere prodidit *Sebosus*. *Plin. lib. 6. cap. 31.* Idem in India arbores quædam tantæ proceritatis inveniri refert, ut sagittis superari nequeant, lib. 7. cap. 3. Et quod omnia miracula excedit in insula *Barbados* Antillarum una *Palmitas* regales dictas sesquipedali non majore trunci diametro ad trecentorum pedum altitudinem adolescere non solum *Ligonus* scripsit, sed & testes *antiqui* nobis confirmarunt.

Matthioli



Matthiolus arboris in insulâ Cypro natæ meminit, quæ ad 144 pedum altitudinem materiem produxit.

Quod ad magnitudinem, referente Plinio, sylvestris circa Memphin regio tam vastas arbores producit, ut terni nequirent vel circumplecti. Arborum ad Gambra fluvium nascentium 37 pedum diametro meminit Jul. Scaliger. Alii in Nicaragua & Gambia arbores tantæ crassitudinis nasci referunt, ut 17 homines ulnis extensis eas agrè complecti possint, nec minores in Brasilia, in quibus una ab Indigenis religioni habita, 120 pedum erat ambitu. In Historia Chinenſi non ita pridem edita legimus arborem quandam *Ciennich*, [i. e. Arbor mille annorum] dictam in Provincia *Sucbu* propè urbem *Kien* reperiri, adeò portentosa magnitudinis, ut sub unico solo ramo ducentas oves adeò integat & occultet, ut ab appropinquantibus discerni non possint: & aliud etiam monstrum & miraculum potiùs arboris quàm arborem in Provincia *Chekian*, adeò stupendæ amplitudinis, ut 80 etiam homines vix truncum ejus complecti possent.

Verùm ut exotica mittamus, Arborum nonnullarum ex domesticis & Europæis in specie exempla proponemus.

*Pyrus.* Pyrum propè Rossam in Herefordia 18 pedum ambitu meminit Autor noster quæ septem quotannis dolia majora Pyracei exhibuit.

*Castanea.* In Sicilia monte Ætna ad locum *gli Castayne* inde dictum trium Castanearum meminit Kircherus, quarum unius cortex tantæ amplitudinis erat, ut intra eam integer pecorum grex à pastoribus tanquam in caula commodissima noctu includeretur. *Chine illustr.* p. 185.

*Tilia.* Tiliam visendæ magnitudinis & staturæ Depehamiæ in Norfolcia à se visam & mensam literis ad D. Evelyn datis describit celeberrimus & eruditissimus Vir D. Thomas Brown Norwicensis, cujus hæ dimensiones erant. Trunci ambitus gracillima sui parte, duobus supra terram ulnis, 8½ minimùm ulnarum nostræ mensuræ, i. e. 24 pedum erat: ima parte terræ & radici proximâ 16 ulnarum: superius ad cubiti distantiam 12 fere ulnarum: Altitudo ad summos ramos 30. Tiliam illam famosam Tiguri in Helvetia omnibus dimensionibus superans: an à quaquam in externis Tilicetis hoc genus arbore excedatur incertum. Nam prodigiosa illa Neostadii in Ducatu Wirtembergensi conspicienda Tilia, ob enormem magnitudinem tantopere celebrata ut urbi ipsæ cognomentum dederit, Germanis *Nieustadt ander grossen Linden* indè dictæ, humilior fuit, ut cujus trunci circumferentia non plus 27 pedum, & 4 digitorum erat; ramorum extensorum ambitus 403, ejusque diameter à Meridie ad Septentrionem 145, ab Oriente ad Occidentem 119.

*Platanus.* Platani ingentis duodecimo volumine Plinius meminit his verbis, Nunc est clara in Lycia gelidi fontis sociâ amœnitate, itineri apposita, domicilii modo cava 80 atque unius pedis specu, nemoroso vertice, & se vastis protegens ramis arborum instar, agros longis obtinens umbris: ac nequid desit speluncæ imagini, saxea intus crepidinis coronâ, muscosos complexa pumices: tam digna miraculo ut Licinius Mutianus ter Consul, & nuper provinciæ ejus legatus prodendum etiam posteris putavit, epulatum intra eam se cum duodevicesimo comite, largè ipsa toros præbente fronde, ab omni afflatu securam, optantem imbrium per folia crepitus, latiore quàm marmorum nitore, picturæ varietate, laquearium auro cubuisse in eadem.

*Ulmus.* In manerio de Horton in Parœcia de Elsham in Surreia, cujus Dominus Autoris nostri frater, Ulmi etiamnum restant in sepibus bene multi, truncis trium in quadrum pedum ad 40 plus pedum altitudinem. Ulmus folio lavi intra tres quatuorve annos in D. Gualteri Bagoti Parco in Comitatu Staffordiæ dejecta, ad 40 ulnas extensa 48 ligni ad focum vehes in summo capite seu coma gestabat, ejusque truncus ad sedem 17 pedum diametro præter 8 modiolorum paria 8660 pedes tabularum seu asserum præbuit. Tota materies ad 97 tonnas æstimabatur. Eruditissimus Vir D. Rob. Plot, in Hist. Nat. Oxoniensi Ulmi cujusdam meminit, quæ pauperculæ cuidam gravidæ ab inhospitali vicinia exclusæ receptum & hospitium præbuit, quæ in ejus cavo puerum enixa est, marem adhuc viventem adultum & robustum juvenem.

*Fraxinus.* Fraxinos in Essexia 132 pedes longas nuper venundatas audivimus.

*Taxus.* His adde Taxum ingentem in Cœmeterio Ecclesiæ de *Crowberst* in Surreia decem ulnarum ambitu: & aliam annosam visendæ magnitudinis in cœmeterio Brabournensi in Cantio, cujus truncus 58 pedum & 11 insuper unciarum erat in circuitu, unde colligitur diametrum 20 fere pedum fuisse.

*Salix.* Dantur etiam & Salices enormis crassitie. D. Plot è Joan. Ferdinandi de Hortoda cujusdam in Moravia pago crescentis meminit, intus concava 27 pedum ambitu.

*Quercus.* Sed ad Quercus tranſeamus. Hujus generis arborem memorat idem celeberrimus Vir, in vireto de *Kidlington* Comitatus Oxoniensis adhuc stantem, cujus interior cavitas carceris extemporanei usum præstat. Ei etenim incarcerandos tantisper includere solebant donec ad carcerem publicum commodè transmitti possent. Quercuum nonnullarum in Westphalia non ita pridem stantium & florentium incredibilis vastitas, quarum altera Arcis & Propugnaculi loco munita, altera 130 pedes alta, 30 pedum diametro fuisse fertur.

Silentio transmittendæ non sunt arbores illæ imprimis memorabiles quas Galfridus Chaucerus poeta ævo suo celeberrimus in Parco *Demingtonensi* plantasse fertur, tanto satore dignæ, quarum una Regis, altera Regina, tertia ipsius Chauceri dicebatur. Harum prima, quæ Regis, ad 50 pedum altitudinem ætatis & enodis erat, ad imum quinque in quadrum pedum, tota firma & solida, optimâ materie: Secunda, quæ Regina, ad 40 pedum altitudinem rectus & enodis, præstantissimâ materie, imâ parte 4 in quadrum pedum, summa propè trium erat. Tertia, quæ Chauceri, staturâ & magnitudine inferior, pulchra tamen & ipsa erat. Hinc, si vera sunt quæ feruntur de harum arborum satione, colligi potest ad quantam altitudinem & crassitiem intra 300 annos (nec enim antiquior est Chaucerus) Quercus excrescere potest. Ingens nobilis imprimis arbor erat ex qua trabes transversæ ad navem illam longè maximam & pulcherrimam *the Royal Sovereign* dictam, ab optimo Principe Carolo primo exadificatam, factæ fuere; diametro 4 pedum & 9 insuper unciarum, in 4 tigna, singula 44 pedes longa, dissecta. Nec prætereunda, quamvis alterius generis



neris, arbor illa prægrandis & procera, quæ navigio prædicto mali usum præstitit, 99 pedes longâ, diametro 35 pedum.

Ingeniosissimus Vir D. Rob. Plot in laudatissima sua Historia Nat. Oxon. Quercum meminit inter *Newenham-Courtney* & *Clifton* crescentem, cujus diameter ab extremo ad extremum ramorum extensorum pedum erat 81, aream 560 ulnarum quadratarum inumbrans, in qua 2420 homines commodè consistere possent: Et aliam adhuc majorem propè januam Ambulacrorum Collegii Magdalenensis Oxonii, cujus rami à caudice ad 16 ulnas extenduntur: aliam denique Ricoti in Parco nobilissimi Baronis Dom. *Norreys*, cujus rami à trunco ad 54 pedes porrecti, 304 equitibus, peditibus 4374 opacandis sufficiunt.

D. Rob. Harley literis superius memoratis, Quercus in ædium suarum vicinia non ita pridem dejectæ meminit, cujus crassitudo 5 in quadrum pedum erat ad 40 usque pedum altitudinem, in cujus unoquoque pede (omnibus utique simul sumptis divisione facta) dimidia tonna materiei erat. Rami præterea 25 ligni chordas suppeditabant in focum.

Multa adhuc exempla adducit Autor quem sequimur ingeniosissimus, Quercuum enormis magnitudinis & crassitiei vel etiamnum stantium, vel non ita pridem dejectarum, in Sheffeldensi Eboracensis comitatûs præcipuè agro & locis vicinis, scitu non indigna, & idoneis testibus comprobata, quæ omnia huc transcribere longum & operosum nimis foret. Qui plura desiderat librum ipsum adeat; cap. 30.

## CAP. XXIII.

## De Ætate &amp; Duratione Plantarum.

**P**lantæ durationis respectu immensum distant. Aliæ brevis admodum ævi sunt, aliæ admodum longævæ.

Aliæ Æstivæ sunt, quæ Vere oriuntur, Autumno intereunt, & sequenti iterum Vere ex semine in terra residuo se renovant. Hujusmodi sunt *Atriplices*, *Blita*, *Sonchi*, &c.

Aliæ annuo spatio ætatem circumscribunt. Hæ Autumno exeunt, per hyemem virent, æstatè sequenti excaulescunt, florent, & demum semine ad maturitatem perducto radicitus exarescunt: Hæ tamen etiam Vere satæ Autumno insequenti perficiuntur.

Aliæ biennes aut triennes sunt, aut plurium etiam annorum, ut v. g. *Petroselinum vulgare*, *Angelica*, &c. Hæ primo aut secundo postquam satæ sunt anno in caulem non abeunt, imo earum nonnullæ quinquennium interdum & amplius excaules durant, at caule semel edito & seminibus perfectis funditus marcescunt.

Aliæ denique perpetuæ sunt, nec certum durationis terminum obtinent.

Hæ autem vel radice tantum sunt perpetua vel etiam superficie.

Quæ radice tantum sunt perpetua *rescibiles* appellantur, quæ etiam superficie *perennes*.

Quæ radice perpetuæ censentur non eandem omnes perpetuò radicem individuum servant, nisi improprie & (ut Philosophi loqui amant) per æquivalentiam; novâ aggeneratione annua radices damna reparantes, ut superius in capite de Radicibus Plantarum ostendimus.

Arbores admodum longævas esse plurimis exemplis allatis volumine xvi. cap. 48. probat Plinius. *Vita arborum quarundam immensa credi potest (inquit) si quis profunda mundi & saltus inaccessos cogitet. Verum ex his quas memoria hominum custodit, durant in Læternino Africani prioris manu satæ Olivæ, item Myrtus eodem loco conspicuæ magnitudinis. Romæ verò Lotos in Lucinæ area, Anno qui fuit sine Magistratibus 369 Urbis æde condita: incertum quantum ipsa vetustior. Esse quidem vetustiorē non est dubium, cum ab eo loco Lucina nominetur. Hæc nunc circiter annum 450. habet. Antiquior illa est sed incerta ejus ætas quæ capillata dicitur, quoniam Vestalium Virginum capillus ad eam defertur. Verum altera Lotos in Vulcanali, quod Romulus constituit ex victoria de decimis, æquæva Urbi intelligitur, ut auctor est Massarius. Radices ejus in forum usque Cæsaris per stationes municipiorum penetrant. Fuit cum ea Cupressus æqualis circa suprema Neronis Principis prolapsa atque neglecta. Vetustior autem Urbe in Vaticano Ilex, in qua titulus æreis literis Hetruscis religione arborem jam tum dignam fuisse significat. Reliqua quia incerta & fabulosa nobis videntur, omittimus: Videat qui volet apud Plinium loco citato.*

Idem celeberrimus autor lib. xvi. cap. 2. Hercyniæ, inquit, Sylvæ arborum vastitas, invicta ævis & congenita mundo, propè immortalis forte miracula excedit. Ut alia omittamus fide caritura, constat attolli colles concursantium inter se radicum percussu, aut ubi secuta tellus non sit arcus ad ramos usque, & ipsos inter se rixantes, curvati portarum patentium modo, ut turmas equitum transmittant. Josephus de Bello Judaico lib. 5. cap. 31. Sexto ab urbe Hebron stadio Terebinthum cerni refert, & *ἡ παλαιὰ καὶ ἀντικειμένη τῇ πόλει δαυιδικὴ*

Lawsonus nostras Horticulturæ scriptor non incelebris arbores etiam frugiferas, *Malos* & *Pyros* ad nongentos usque annos vitam producere non contemnendis rationibus probare nititur. Habere se in horto arbores, quas ante octoginta annos satas fuisse seniorum testimonio constat. Has tamen aliis congeneribus (quas noverat) nec commodius sitis, nec diligentius cultis, quin potius neglectis & malè tractatis, necdum plene adultis triplo minimum magnitudine & perfectione inferiores fuisse. Unde colligit hoc genus arbores trecentos circiter annos augmento impendere antequam ad *ἀκμὴν* perveniant. Cùmque in animalibus statûs & declinationis spatia incrementi minimum dupla sint; quanto magis in Arboribus quarum substantia solida, ad durandum firma, cœli injuriarum patiens: victus naturalis & purus, nullis facibus aut *μεσίσquam* contaminatus? Quod si arbores frugiferæ, tot injuriis obnoxie ex iterata translatione, putatoris falce, aliisque accidentibus, quin & ex prodiga succi nutritii in tot annuos fructus impenſa vigore exhaustæ, tot annos durent quanto



quanto magis longævas esse credi par est arbores illas statura & magnitudine excellentes, materie firma & invicta, locis natalibus adolentes, nec succi in foetus prodigas, quibus terra mater est non noverca, alimentum idoneum, nec vires cultu aut mangonio labefactata.

Verum facessant rationes quantumvis speciosæ; experimenta quærimus non argumenta. Quæ de arborum longævitate feruntur apud nos non facile fidem inveniunt. Cum enim temporum quibus arbores primum satæ sunt nulla aut perquam rara fide digna testimonia, literis consignata extant; quæ de earum vetustate traduntur, incertis & male fundatis rumoribus & opinionibus constant, ideoque vel omnino falsa & fabulosa nobis videntur, vel incerta & conjecturis plena. Quercum certe longævitati repugnant quæ D. Rob. Harley ad D. Rob. Murray literis ante decennium datis perscriptis: Nimirum se ex inquisitione 200 circiter abinde retro annis capta certiorum factum, in Parco quodam suo (sic vocant vivaria ferarum septis circumdata) & sylvis adjacentibus nē unam quidem Quercum tunc temporis per ætatem glandibus ferendis parem extitisse, in quibus cum hæc scriberet se observasse plurimas eximia magnitudinis & proceras, interque eas nonnullas jamdudum æquæ-  
vitas & vigore defectas, in extremo senii & marasmi declivio constitutas.

## CAP. XXIV.

## De Viribus &amp; Usibus Plantarum in Cibo &amp; Medicina.

**P**lantarum usus latissimè patet, & in omni vita parte occurrit. Sine illis lautè, sine illis com-  
modè non vivitur, at nec vivitur omnino: Quæcunque ad victum necessaria sunt, quæcun-  
que ad delicias faciunt, è locupletissimo suo penu abunde subministrant. Quanto ex iis  
mensa innocentior, mundior, salubrior quàm ex Animalium carne & laniena? Homo certè naturā  
Animalium carnivorum non est, nullis ad prædam & rapinam armis instructum, non dentibus exertis  
& ferratis, non unguibus aduncis. Manus ad fructus colligendos, dentes ad mandendos comparati.  
Nec legimus ei ante diluvium carnes ad esum concessas. At non victum tantum nobis suppeditant,  
sed & vestitum, & medicinam, & domicilia aliæque ædificia, & navigia, & suppellectilem, & focum,  
& oblectamenta sensuum animique: Ex his naribus odoramenta & suffumigia parantur. Horum  
flores inenarrabili colorum & Schematum varietate & elegancia oculos exhilarant, suavissima odorum  
quos expirant fragrantia spiritus recreant. Horum fructus gulæ illecebræ mensas secundas instruunt,  
& languentem appetitum excitant. Taceo virorem amœnissimum oculis amicum, quem per prata  
pascua, agros, sylvas spatiantibus obiciunt, & Umbras quas contra æstum & solis ardores præbent.  
Verum, his missis, de earum tantum viribus seu usibus in Medicina verba faciam, quæque dicenda  
habeo in pauca contraham. Medici tum Antiqui, tum Recentiores de Plantarum temperamentis,  
Qualitatum primarum quas vocant, *caloris*, *frigoris*, *humiditatis* & *siccitatis* respectu, fusè differunt.  
Singulas enim qualitates in quatuor gradus, & unumquemque gradum in tres mansiones subtiliter nimis  
distinguunt. Verum quoniam doctrina hæc argutior nobis quàm utilis videtur, neque de qualita-  
tum gradibus in plerisque plantis autores consentiunt, atque ex saporum differentis & gradibus de  
temperamentis iudicium faciunt, huiusmodi minutis immorari non necessarium ducimus: qui iis  
delectantur Institutionum Medicarum Scriptores adeant. Magis ad rem foret Odorum sed præcipuè  
Saporum differentias, causas, effectus indagare: ex his enim vires plantarum & usus in Medicina  
certius colligi possent quàm ex aliis quibuscunque notis signisve omnes consentiunt. Quæcunque enim  
plantæ saporibus conveniunt, facultatibus quoque consentire verisimillimum est. Verum antequam  
de saporibus in specie agamus, alios plantarum vires indagandi modos excutimus, quorum primus  
est ex signaturis dictis. Signaturam vocant Plantæ alicujus ejusve partis, radices puta, caulis, foliis  
aut fructibus, cum parte aliqua corporis, aut morbo ejusve symptomate, similitudo aut convenientia  
in figura, colore, textura, aliòve accidente, unde eam tali corporis parti amicam & salutarem, ta-  
liæ morbo utilem esse conjiciunt. Ejusmodi enim similitudinem talis proprietatis signum seu no-  
tam à natura impressam arbitrantur. Signaturas præcipuè crepant Chymistæ. Chymicum autem  
dudum definivit Davisonus ut memini (quàm rectè ipse viderit) *Animal credulum & mendax*.

Nos alibi Signaturas rejecimus, nec ullas notas naturæ consilio plantis impressas ut naturalium fa-  
cultatum indices essent, demonstravimus, nec dum sententiam mutamus, ob rationes ibi adductas,  
quas hic repetemus.

1. E plantis specificis dictis, quæ scilicet cuius parti aut membro corporis, aut morbo, ut propriæ  
& salutes dicantur, numerus earum quæ Signaturis carent longè major est, ut in Cardiacis, Tho-  
racicis, Cephalicis, Hepaticis, &c. facile esset ostendere.

2. Diversæ partes ejusdem plantæ diversas, imò nonnunquam contrarias exhibent Signaturas.

3. Plurimæ plantæ rerum naturalium & artificialium imagines exprimunt, ad quas tamen nullum  
habent respectum; ut flores quarundam Orchidum, Muscarum, Apum, Papilionum, hominis nudi,  
&c. [inter quas tanta (ut id obiter notem) intercedit similitudo, ut nemo non statim illam agnoscat,  
nec facile sibi persuadeat in tot præsertim speciebus casu evenisse, sed potius naturæ ludentis confi-  
lium arguere:] Bursa pastoris vascula seminalia sacculi: Thlaspeos biscutati clypei: Antirrhini  
vulgaris capitis vitulini; Phaseoli femina renum: Tragopogon Barbæ hircinæ: radix Terræ glan-  
dium muris; Gladiolus gladii; Foenugræci siliquæ cornuum; folia Medicæ cochleatæ vulgarissimæ  
cordis: cujus etiam imaginem expressam gestat Pisum cordatum dictum; ad quæ tamen referri nul-  
latenus aut debent aut possunt.

4. Partes plantarum quarundam eas interdum partes corporis repræsentant quibus quam maximè  
adversantur. Sic Anacardii fructus cor repræsentat, est tamen venenatus. Fungi arborei pulmo-  
nes figurâ, colore & spongiosa mollitie referunt; Fungus phalloides membrum virile; Utrique ta-  
men maligni sunt & perniciosi. Tithymalorum succus acerrimus lacti similis est, nemo tamen il-  
lum



lum nutritibus propinat ad lac augendum, Mespilorum caro stercore colore & consistentia responderet, alvum tamen non subducit, sed adstringit & constipat.

5. Eadem corporis partes diversis & non raro contrariis morbis afficiuntur, qui diversa & qualitibus discrepantia remedia exposcunt.

6. In diversis plantis partes ejusdem speciei & figuræ vires diversas aut etiam contrarias obtinent, ut in bulbosis radicibus constat, quarum alia vomitum cient, ut Narcissi, alia cibum præbent gratissimum ut Tulipæ, Cepe, Allium, &c.

7. Signaturarum paucitas, & assignatarum obscura nec cuivis facile observabilis cum rebus quas representare dicuntur similitudo nullum naturæ intendentis consilium arguunt, sed potius humani ingenii observantis & accommodantis subtilitatem. Utcunque tamen memoriæ juvandæ inserviunt, & efficiunt ut facilius recordemur facultatum earum plantarum, quæ hujusmodi notam velut frontis impressam gestant. Alia ratio Plantarum vires investigandi est Insectorum easdem depascentium observatio; quæ revera nonnullius usus esse potest. Et primò quas nullum animal, nedum insecta attingant, eas venenatas esse extra dubium est. Et hoc indicium habuerunt Europæi, cum Americæ sylvas oberrarent, fructus aliquos edules esse, aut saltem impunè gustari posse, si nimirum ab Avibus decerptos aut admosos viderent.

Verisimile etiam est viribus convenire quas eadem insecta arrodunt. Ipsi sæpius observavimus Scarabæi genus parvum, nigrum, (quem à parvitate æquali & aliquali similitudinem Pulicem hortensem hortulani nostri vocitare soliti sunt) plantas duntaxat acres & calidas, Piperitin, Nasturtium, Iberidem appetere; unde certò colligere licet, quamcunque plantam illud attingat ejusdem qualitatis participem esse. Sic & Erucam quandam annulis nigris & aureis transversis insignem Jacobæam plerunque, interdum tamen & Senecionem depasci; unde concludimus plantas illas ut facie sic viribus affines esse.

Quin si quod Insecti genus peculiarem aliquam speciem affectet, reliquis omnibus spretis, verisimile est Plantam illam pollere etiam vi aliqua aut proprietate peculiari, quanvis fortè ea sensus nostros non incurrat. Insecta enim subtilius quàm nos sapores distinguunt.

Non est autem hæc observatio certa & universalis in omne genus insectis: dantur enim nonnulla polyphaga & pamphaga, quæ nullum fere escæ genus averfantur.

Supereffert tertia & optima initio proposita Plantarum vires indagandi ratio, nimirum ex saporibus.

Medici vetustiores novem saporum differentias seu species constitunt, temperamentorum indices, calidi tres, tres frigidi, & medii seu temperati totidem, quas tribus versiculis complectitur Schola Salernitana,

*Hi fervore vigent tres, salsus, amarus, acutus :  
Alget acetosus, &c.*

Jo. Fernelius Autor imprimis eruditus & elegans pro styptico acerbum substituit, pro Pontico sapore austerum: Saporum autem differentias seu species sic describit,

*Sapor acer* est, qui linguam & os acrimoniâ ferit atque compungit, simulque calfacit & interdum quasi exurit: is maximè conspicuus est in Pipere, Pyrethro & Euphorbio.

*Acidus sapor* gustum quoque penetrat & tenuitate ferit, sed citra ullum sensum caloris. Tale maximè in acetoprehenditur, deinde etiam in succo mali cytrii, limonum, &c.

*Pinguis sapor* nec calore, nec acrimonia gustum sollicitat, sed linguam orisque partes lentore quodam oblinat. Is præcipuè animadvertitur in oleo, butyro, adipe, &c.

*Salsus sapor* linguam non admodum calfacit, sed acriter siccando corradit. Hic imprimis elucet in sale communi.

*Austerus sapor* os & linguam moderatè constringit & quadam asperitate coarctat: hinc quandantenus ficit & refrigerat. Hic propriè *crudus* appellatur, estque immaturis fructibus peculiaris, ut in succo uvæ acerbæ, pomorum, pyrorum, mespilorum immaturorum.

*Dulcis sapor* gustu suavis atque jucundus oblectat, nullaque qualitate exuperante molestus est. Ejusmodi conspicuus est in Saccharo, melle, glycyrrhiza, &c.

*Amarus sapor* dulci ex adverso oppositus, insuavis ac tristis; sensum ipsum veluti corradit aut dividit. Eo insignis est Aloe, deinde absinthium, centaurium minus & colocynthis.

*Acerbus sapor* austero finitimus, eo tamen gravior molestiorque est, ac magis linguam omnemque gustum constringit & exasperat, ac proinde magis tum ficit, tum refrigerat. Is luculenter in malicorio, in galla, in rhoe & nucibus cupressi conspicitur.

*Insipidus*, *ἀμωγος* dictus, qui propriè sapor non est, sed saporis privatio, nulla qualitate manifestata gustum ferit. Talis esse videtur Farris universum genus, & cucurbita & citrulus. Hactenus Fernelius, qui & causas horum saporum assignat, in quibus tamen nobis non satisfacit.

At neque hic, neque alii seu Medici, seu Physici saporum differentias satis diligenter observasse videntur; & nonnullos etiam compositos pro simplicibus habuisse, alios gradu tantum diversos pro specie distinctis. Quocirca Grevius noster doctrinâ in Scholis traditâ non contentus, rem totam ad examen revocans & curiosius expendens sexdecim minimùm simplicium saporum species diversas animadvertit & distinxit. Eæ sunt,

Primò Sapor *amarus* qualis in *Absinthio* sentitur: cui opponitur. 2. *Dulcis*, ut in *Saccharo* 3. *Acidus*, ut in *Aceto*; cui adversatur, 4. *Salsus*. 5. *Calidus*, ut in *Caryophyllis*; cui opponitur 6. *Frigidus*. Dantur enim corpora quædam quæ frigoris sensum linguæ manifestè imprimunt, ut v. g. *Sal prunella*, idque quamvis liquor in quo solutus fuerit calidus degustetur. 7. *Aromaticus*, nec enim minus saporis quam odori convenit aromaticum esse. Aromaticum autem saporem à calido distinctum esse manifestum est, cum plurima observentur corpora calido gustu vel remisso vel etiam intenso, quæ nullatenus aromatica sunt, ut v. g. Euphorbium. Adeo ut quamvis sapor Aromaticus



maticus cum calido sapissimè conjunctus sit, non est tamen una eadèmq̃ue saporis species, sed diversa. 8. *Nauseosus* seu malignus præcedenti contrarius, qualis unà cum adstringente & amaro in Rhabbarbo sentitur, cum amaro & dulci in Aloe. Malignus dicitur quia ingratus est quamvis vel remisso gradu cum aliis saporibus misceatur. 9. *Vapidus*, in albumine ovorum, Amylo, Bolis nonnullis. 10. *Unctuosus*, qualis in Oleo, Adipe, &c. atque hosce duos sapores *molles* vocat Auctor noster, quemadmodum sequentes quatuor *duros*. 11. *Penetrans*, qui sine acrimonia aliqua in linguam se infinuat, quomodo nonnulla insecta in cutem: qualis in radice & foliis Cucumeris agrestis sentitur. 12. *Stupefaciens*, qualis in radice Hellebori nigri percipitur, quæ commansa, & linguæ aliquandiu imposita, eam paralytico quodam stupore afficit, ac si nimis calidum sorbendo ustulata fuisset. Atque hos duos proximè dictos sapores vapido contrarios facit; quemadmodum sequentes duos. 13. *Adstringentem* scilicet, qualis in Gallis sentitur, & 14. *Pungentem*, qualis in spiritu Salis Armoniaci, Unctuosus seu pingui opponit. Deinde Sapores dividit in continuos quales plerique & 15. *Intermittentes*, cujusmodi observatur in radice Dracontii, qui postquam planè sopitus & extinctus videtur, ad intervalla quasi reviviscit & renovatur, maximè ex appulsu linguæ ad fauces aut gingivas. Denique sapores sunt vel æquales ut plerique, vel 16. *Tremuli*, ut calor à Pyrethro productus, quem vibratio quædam comitatur. Verùm hæc duæ ultimæ species nobis potius Affectiones saporum videntur, cum & multis saporibus accidere possunt, nec seorsim & ab aliis omnibus separati existere.

Sapores compositi numerosissimi sunt, interdum enim bini, interdum terni, quaterni, quini aut etiam plures in eodem subiecto concurrunt.

Ex innumeris ferè Saporum conjunctionibus quæ in variis corporibus observari possent ob linguæ Latine egestatem & inopiam verborum, sex tantum (quod novimus) nomina imposita sunt, nimirum *Acerbo*, *Austero*, *Acro*, *Muriatico*, *Lixivo* & *Nitroso*; quorum plerique saporibus simplicibus annumerari solent, verùm admodum improprie, cum omnes compositi sunt, aut decompositi. Est enim

1. *Austerus* ex adstringenti & amaro compositus; ut in immaturis & mollibus uvarum nucleis seu vinaceis.

2. *Acerbus* propriè dictus ex Adstringente & Acido; ut in Omphacio.

3. *Acro* ex pungenti & calido, nec enim simpliciter calidus est, cum multa corpora calida reperiantur quæ non sunt acra, ut radices Zedoariae, Millefolii, Contrayervæ; nec minùs pungentiæ pariter non acra, cujus generis est Ari radix.

4. *Muriaticus* est salus cum pungente remisso compositus; velut Salis communis Sapor.

5. *Lixivus* dicitur Salsus cum pungente & calido.

6. *Nitrosus* vocatur Salsus cum pungenti & frigido concurrens. Differunt præterea Sapores variis modis; 1. Respectu graduum: 2. Respectu Durationis. 3. Respectu subiecti quod afficiunt.

1. Differunt sapores in unaquaque specie respectu graduum. In aliis enim corporibus remissiores sunt, in aliis intensiores, idque eo excessu, ut in nonnullis decem gradus possint distingui. Sic, v. g. Radix Curcumæ primo gradu amara est, Gentianæ decimo, Cardui benedicti radix gradu primo calida est, Clematidis peregrinæ filiquæ decimo. Et quamvis in omnibus saporum speciebus tanta graduum latitudo seu differentia non inveniatur; plerique tamen quinque saltem gradus intensioris & remissionis observabiles obtinent.

2. Differunt sapores respectu durationis, & terminorum motus. Quemadmodum enim morborum ita & Saporum quatuor tempora sunt, seu motus termini, nimirum *Principium*, *Augmentum*, *Status* & *Declinatio*.

Ad quos rite observandos & distinguendos oportet ut corpora duriora quorum partes gustabiles non adeò promptè abscedunt & gustui occurrunt, in pulverem tenuissimum reducantur. Aliàs de principio nullum potest fieri iudicium.

*Principium* voco spacium illud temporis quod intercedit inter primum corporis gustandi contactum, & primam saporis manifestam perceptionem. Sic ex. gr. corpora *acida* aut *amara*, ut *Acetum* & *Absinthium* ad primum statim contactum, quatenus acida & amara sunt, sensum afficiunt, & talia esse deprehenduntur, adeoque principium habent brevissimum. *Acra* principium aliquanto longius obtinent. Sic Clematidis peregrinæ folliculi, quamvis acrimoniam vehementissimam ad decimum usque gradum obtineant, ea tamen non statim sentitur, nec tam citò gustum afficit quam Rosarum amaror, qui secundum gradum non excedit. Verùm saporum calidorum principium longius seu tardius plerumque est quàm aliorum quorumcunque. Sic *Hellebori nigri* radicem amaror, qui gradum secundum non transcendit, mox tamen à contactu sentitur; calor verò quem in linguâ excitant, quamvis uno saltem gradu intensior, non ante duo minuta temporis à primo occurru exacta omnino percipitur. Confimiliter Enulæ amaror qui quartum gradum non superat, citius tamen sentitur quàm ejusdem calor qui octavum attingit gradum.

*Augmentum* appello interstitium illud inter primum saporis perceptionem & summum quem affequitur intensioris gradum interveniens. Sic calor *Galangæ* non solum statim percipitur, sed & intra unius minuti dimidium ad *exulm* seu summum intentionis gradum ascendit. At radicis *enulæ* calor ad augmenti terminum non accedit nisi post integrum minutum; nec *Hellebori nigri* ante 4 à primo contactu minuta præterita.

*Status*, seu spatium quo Sapor in vigore suo persistit, in variis substantiis varius est. Sic, v. g. filiquarum *Helleborastri* calor, ad *exulm* pervenit & declinare incipit intra dimidium minutum; radicis *Nasturtii* hortensis non ante minutum exactum; radicis *Asari* post duo demum minuta completa.

*Declinatio*, à prima saporis remissione ad totalem ejus extinctionem extenditur, cujus etiam ratio varia est, pro differentia corporum gustatorum. Sic v. g. Folia *Millefolii* in quarto gradu amara sunt, in primo tantum calida, & tamen calor aliquandiu durat, amaro illico evanescit. *Calamus*



*mus Aromaticus* amarus est in quarto gradu, in primo calidus, in tertio Aromaticus: Amaror tamen illico extinguitur, calor duo minuta durat, Aromaticus sapor 7. aut 8. Calor radicis *Contrayervæ* ad duo propemodum minuta extenditur; pungens sapor *Gialappæ* ad sex ferè: calor *Nasturtii bortenſis* ad 7. aut 8. *cucumeris agreſtis* amaritudo ad horæ ferè quadrantem: At *Euphorbii* calor, ut & *Hellebori nigri* multò diutiùs, ad dimidiam ſcilicet plus horam permanet. *Ari* radix vere guſtata per 12. etiam horas linguam compungere interdum perſeverat.

Adeò ut augmentum rariùs ultra 4. aut ſex minuta à contactu primo extenditur, at declinatio ad 30, 40, aut etiam plura.

3. Differunt Sapoſes reſpectu *ſubjecti* ſeu *ſedis* ſeu partis illius corporis quam præcipuè afficiunt. Atque hoc reſpectu ſunt vel *fixi*, vel *mobiles*.

*Fixus* ſapor dicitur qui ab initio ad terminum intra ejuſdem partis limites ſe continet, ut v.g. apicem radicemve linguæ.

*Mobilis* eſt vel *diffuſivus*, vel *transitivus*; ſi ita loqui liceat.

*Diffuſivum* voco qui gradatim in partes vicinas ſe diffundit & propagat, nec tamen interim partem illam deferit quam initio affecit. Sic amaror radicum exſiccatarum *Hellebori nigri*, qui in linguæ apice primò ſentitur, ad ejuſdem mediam partem ſe dilatat; amaror foliorum *Cucumeris agreſtis* ab apice ad radices uſque linguæ ſe extendit.

Sapor *transiens* dicitur, qui partem quam initio affecit poſt moram aliquam penitus deferit, & in aliam ſe transfert. Sic *Gentianæ* amaror ab apice linguæ ad ejus mediam partem illico tranſit.

Partes illæ quas modis prædictis ſapoſes afficiunt, quibus etiam reſpectibus Saporum ſedes & organa guſtûs dici poſſunt, ſunt *Labia, Lingua, Palatum, Fauces, Gula*.

*Labiis* radix *Hellebori albi*, ut & *Pyrethri* caloris ſenſum imprimi, qui 9. aut 10. minuta durat; in aliis partibus multò diutiùs.

*Linguam* tribus præcipuè in locis ſapoſes afficiunt. 1. in *Apice*, ut plerique. 2. Propè baſin, ubi *Cucumeris agreſtis* foliorum ſapor ſe præcipuè manifeſtat. 3. Mediâ parte, ubi *Gentianæ, Colocynthis*, & aliorum plurimorum corporum ſapor viget, cum nec in apice, nec in alia parte omninò ſentitur.

*Palato* radix *Solani* lethalis ( quantum memini ) ſui ſenſum præcipuè imprimi, & ad 4. minuta ibidem durat.

*Fauces* ſeu Guttur ſaporum non rarò ſedes eſt. Non pauca etenim corpora quamvis in *Lingua* reliquiſque partibus prædictis ſaporem nullum manifeſtent, gutturi tamen & faucibus vehementem latit inſigunt. Sic *Bellidis minoris, Chelidonis minoris, &c.* folia, ut & radices *ſalappæ, Mercurialis, Aſparagi, &c.* commanducata linguæ exiguum aut nullum ſaporis ſenſum imprimunt: at ſuccus eorundem deglutitus guttur quodammodo compungit, & laceſcit, catarrhi acris in modum: qui affectus ab aliis acris & calidis ut v. g. *Pyrethri* & *Gentianæ* ſuccis deglutitis non producit.

Poſtremò, Saporis voce latiffimè accepta *Gula* quoque ſeu *Oeſophagus* ejuſdem *ſedis* ſeu ſubjectum ( ut vocant ) eſſe poteſt. Sic v. g. calor à radice *Absinthii vulgaris* productus, qui primò in apice linguæ percipitur, inde primò ad radicem ejus tranſit, deinde in fauces & paulatim in gulam deſcendit, ut ipſum tandem ventriculum calefacere videatur, caloris ſenſu ad horæ quadrantem durabili, idque quamvis nihil omnino ſucci deglutatur, neque tamen ingratus eſt aut caput tentat, quemadmodum folia; unde obiter colligi poteſt, radicem hanc, quæ ab omnibus vulgo ut inutilis rejicitur, præſtantiffimis ſtomachicis annumerari debere, prout eam revera eſſe etiam experienciâ didici.

Quæ de Saporum cauſis Autor noſter habet apud ipſum quærenda omitto, ne nimium ( quod aiunt ) extra oleas.

Cæterum Saporum in plantis diligens & curioſa obſervatio ad nondum cognitarum aut fortè oblatarum vires inveſtigandas eximii uſus eſſe poteſt, cum enim in iis quarum vires traduntur, quæ ſaporibus conveniunt viribus quoque convenire compertum ſit, quidni in nondum traditis aut expertis eadem obſervatio locum habeat? Sic v. g. cum *ſalappæ, Mercurialis* & *Bellis*, quæ eundem fauces exaſperantem ſaporem obtinent, vi cathartica intenſiore aut remiſſiore omnes polleant, colligere licet alias etiam plantas quæ eundem gutturi ſaporem imprimunt ( plures autem ejuſmodi ſunt ) eadem quoque facultate purgatrice dotatas eſſe, ut alia exempla omittam.

Deinde in plantis ejuſdem generis quæ ſaporibus differunt & facultatibus unâ diſtare veriſimillimum eſt: quemadmodum *Rhabarbarum* à reliquis *Lapathis*.

Inter eſt quoque plurimùm in diverſis ejuſdem plantæ partibus ſaporum differentias obſervare. Sic v. g. cortex arboris *Saſſafras* ejuſdem ligno triplo fortior eſt; quod & in aliis plerique vulgo cognitæ arboribus experimur. Unde veriſimile eſt, *Santali, Ligni Rhodii, Ligni Aloes, &c.* cortices ( ſi haberi poſſent ) eorundem lignis efficaciores futuros & majorum virium. Nonnullarum etiam partium ejuſdem plantæ, ſapoſes quam reliquarum delicatiores ſunt & palato gratiores, ut florum v. g. *Cardui benedicti* quàm foliorum ejuſdem. Nos etiam alibi [ in catal. plant. Cantabrig. ] indicavimus & allatis exemplis confirmavimus, diverſas ejuſdem plantæ partes diverſis interdum imò planè contrariis qualitatibus & viribus inſtructas eſſe.

Obſervatu quoque dignum eſt quomodo plantarum ſapoſes & facultates conſervando, exſiccando aut præparando vel immutantur, vel minuuntur, vel planè abolentur & amittuntur. Sic v. g. *Ari* radix recens effoſſa vehementer mordax acris & pungens eſt, eadem penitus exſiccata, præſertim ſi diutiùs aſſervetur, planè inſipida evadit, & proinde, ut veriſimile eſt, prorfus inefficax & nullarum virium. Idem eſto iudicium de aliis plantis quarum virtus in parte humida & vaporofa conſiſtit. Olea multarum plantarum ſtillatitia earum partibus unde eliciuntur plerumque validiora ſunt; in nonnullis tamen, ut in *Euphorbio*, imbecilliora.

Tandem ex ſuperiùs de ſaporibus dictis ſummâ veriſimilitudine colligit Autor noſter, Plantis nonnullis vires ſpecificas quas vocant, hoc eſt, partem aliquam corporis, *Cerebrum, Cor, Hepar, &c.*



respicientes inesse, quas Medici & Philosophi nonnulli pernegant, alii in dubium vocant. Cum enim una aliqua planta aut plantæ pars uni alicui oris parti privatim saporis sui sensum imprimat, non alii: cur non & eadem vel alia quædam unum aliquod viscus afficiat, aliud non item; præsertim cum oris partes textura & constitutione minùs differre videntur quàm viscera nonnulla inter se.

Horum pleraque è D. Grevii ingeniosissimo libello de saporum causis & differentiis, in Latinum versa huc transferre non piguit, quoniam scitu dignissima sunt, & nonnulli fortasse qui hæc nostra legent, Anglicanum sermonem in quo conscripta sunt non intelligent.

## CAP. XXV.

## De loco Plantarum.

**P**lantæ loci respectu dividi possunt in eas 1. Quæ certo alicui loco aut sedi ita adstrictæ sunt, ut alibi nec durare. nec vivere omnino possunt, cujusmodi sunt *Viscus arboreus*, & *Submarina* omnes.

2. Quæ quamvis locum aliquem peculiarem affectent, nec temerè alibi sponte sua orta reperiuntur, culturam tamen admittunt, & in hortis curâ adhibitâ educari, florere, semen perficere, seque propagare possunt.

3. Quæ plurium locorum communes sunt, nec ullum ferè solum aut coelum refugiunt.

Secundum genus multas admittit subdivisiones cœli, solique respectu: Aliæ enim locis frigidis gaudent, aliæ temperatis, aliæ calidis: Aliæ montanæ sunt, aliæ campestris, aliæ sylvaticæ, aliæ pratenses, aliæ palustres & aquaticæ, aliæ maritimæ, &c.

De loco plantarum cœli respectu observavimus quòd quo ad Meridiem & Solis cursum propius accedas eò plures plantarum species sponte oriri deprehendes. Quamvis enim Regiones frigidæ & Septentrionales suas quoque peculiare stirpes obtineant, paucissimæ tamen ex sunt si cum illarum multitudine conferantur quæ in temperatis & calidioribus tantum proveniunt. Cui accedit, quod juga, vertex aut etiam latera montium in regionibus calidis cum frigidiorum depressis, planis & sylvestris aeris temperamento quodammodo conveniunt, quo fit ut easdem ferè stirpes producant, adeoque nè plantæ quidem Septentrionales Meridionalibus desint.

Deinde multæ plantæ quæ in frigidis & Septentrionalibus regionibus Fruticum modum non excedunt, in calidioribus Arborum staturam & magnitudinem assequuntur, ut superius ostendimus.

Tandem in regionibus calidis multæ observantur herbarum species fruticescentes, ut v. g. *Sempervivum majus*, *Althea*, *Malva*, *Tubymalis*, *Scabiosa*, &c.

Respectu sitûs sublimioris aut humilioris in eadem regione observavimus, Montes excelsos, quorum vertex maximam anni partem nivibus operiuntur, varietate specierum præcipuè abundare. Alpes certè quæ Italiam & Galliam Germaniamque determinant, inexhausto plantarum penu Botanico scrutiniis in hunc usque diem sufficiunt, magnâ adhuc nondum proditarum residuâ multitudine. Nec ullus ferè vertex excelsior est præsertim salebrosus & præruptus, qui non peculiare aliquas species, nec alibi quàm in parâ altitudinis & naturæ verticibus inveniendas producat. Quin & altissimos omnium montes & montium vertex & plurimas & rarissimas plantarum species fundere observavimus. Hæc specierum diversitas soli differentiæ, partim etiam aeris temperamento deberi videtur. Si enim montes terræ motibus originem suam debent, ut Claris. Hookii sententia est, materiam eructatam è visceribus terræ, & in montes aggestam, non in omnibus verticibus imò nec in eodem uniformem esse, ejusdemve naturæ seu temperamenti certum est, sed diversissimam, unde nil mirum si diversas plantarum species producat.

Observavimus insuper Plantas montanas omnium sui generis plerumque maximas esse, & pulcherrimos flores edere, in partibus montium non nimium apricis & ventis Septentrionalibus expositis. Quod tanta soli fertilitas dicam an luxuria nivibus imputanda sit, nobis equidem videtur; seu quia nix velut vestis superextensa radices foveat, & ab injuriis cœli & frigoris vehementiâ defendat, sive quòd Sale nitroso, quo abundare creditur, terram latifcet & fecundet: Ob quas rationes agricolæ etiam nostri hybernas nives ad satorum tutelam in terræ superficie aliquandiu restare exoptant. In montibus autem, colliquatis statim nivibus, brevi temporis spatio, celerissimo auctu adeò proficiunt pascua, ut montium juga vernantium pratorum speciem exhibeant.

## CAP. XXVI.

## De Divisione Plantarum in genere.

**P**lantarum divisionem instituere, cujus membra seu genera subalterna universas species complectantur, nullâ adhuc anomalâ & sui generis relictâ, quæque singula genera notis suis caracteristicis ita circumscribat, ut non communicent in vicem, hoc est, ut nulla possit inveniri species incerti (ut ita dicam) laris & ad plura genera revocabilis, difficillimum esset imò planè impossibile.

Nec enim primò id patitur natura rei. Cum enim *Natura* (ut dici solet) non faciat saltus, nec ab extremo ad extremum transeat nisi per medium, inter superiores & inferiores rerum ordines species nonnullas mediæ & ambiguae conditionis, quæ utrosque velut connectant, producere solet, ut ad

utrum



utrum pertineant omnino incertum fit : ut v. g. inter Plantas & Animalia *Zophyta* dicta. Deinde in unoquoque etiam ordine non paucas exhibet species singulares & anomalas, sui, ut vocant, generis, tanquam exceptiones à regulis generalibus, ad libertatis scilicet suæ nullis legibus obnoxie ostentationem.

At neque secundò, si natura rei id pateretur, humana conditio admitteret. Cùm enim plantarum numerus ingens sit, in his ætatis angustis, memoriæ imbecillitate, intellectus inadvertentia & caligine; quis adeò universalem specierum omnium notitiam, adeoque claram & distinctam singularum, se unquam assequi posse sperat, ut tali incepto sufficeret? Quis adeò circumspèctus esse potest ut ad omnes omnium convenientias & differentias attendat; easque sub uno quasi intuitu comprehendat, quod tamen ad eas inter se conferendas necessarium est?

Nos ergo Methodum Plantarum omnibus numeris absolutam non pollicemur, cùm natura (ut diximus) intra limites Methodi cuiuscunque coerceri repugnet: at neque quam patitur natura perfectam & elimatam: non enim id unius est hominis aut ætatis; sed quàm potuimus accuratam pro ingenii nostri tenuitate, & modica harum rerum peritiâ.

Methodos autem illas quæ plantas secundum locos natales, aut florendi tempus, vires & usus disponunt, rejicimus, quoniam omnes illæ cognatas species separant, alienas confociant; eam autem quæ à similitudine & convenientiâ partium præcipuarum, floris scilicet, & calycis, seminis ejusque conceptaculi notas características generum sumit, amplectimur & usurpamus.

## CAP. XXVII.

De Divisione Plantarum, in Arborea, Frutices; Suffrutices & Herbas; & singulorum in genera sua subordinata.

**P**lanta perfecta à Botanicis vulgò dividi solet in Arborem, Fruticem, Suffruticem & Herbam.

Arbor [*ἄνδρην*] definiente \* *Jo. Bodæo à Stapel*, cujus definitionem probamus, est Planta lignosa, crassitudine & altitudine inter omnes maxima, cui caudex pro superficie est, perennis & naturâ simplex, qui in multos ramulos majores, & deinde ramulos multiplices finditur, ut *Pyrus*, *Abies*, *Quercus*, &c. \* *Comment. in Theophr. Hist.*

Frutex [*ἄνδρην*] eodem definiente, est stirps inter lignosas altitudine & crassitudine mediocris, cui pro superficie stipes perennis, naturâ multiplex, quique facili in naturam arborum stolonum abscissione transcendit.

Suffrutex [*ἄνδρην*] eidem ex Antiquorum sententia sic definitur; stirps minimæ inter lignosas & crassitudinis & altitudinis, caule perenni, interdum simplici, interdum multiplici & sarmentaceo, folio minuto & tenui, ut *Rosmarinum*, *Lavendula*, &c. Hæc definitio nullas continet notas quibus Suffrutex à Frutice certò possit distinguì; ideoque nos paulò post commodiorem dabimus.

Herba [*ἄνδρην*] eodem definiente ex Antiquorum sententia, est stirps cujus superficies est ex foliis tantum, ut *Phyllitis*, &c. vel etiam ex caule, sed illo annuo, carnoso, & qui diutius durare nequit, lignosusque non est nisi cùm exaruerit.

Divisio hæc quamvis unicuique è vulgò nota, & populari usu omnibus sæculis recepta & frequentata fuit, non tamen accurata & Philosophica censenda est.

Nam primò, Plantæ nonnullæ inter duo genera ambigunt, ut ad utrum pertineant difficile sit judicare, aliis Botanicis uni, aliis alteri eas ascribentibus. Sic v. g. *Vitis* Theophrasto arbor est, reliquis Botanicis frutex, ut alias omittam. Natura enim tam in plantarum, quàm in Animalium genere, inter superiores & inferiores ordines, species nonnullas mediæ & ambiguae conditionis producere solet, quæ utroque velut connectant, ut ad utrum pertineant omnino incertum sit.

Secundò, Arborea nonnullæ recisis cymis in frutices; frutices avulsis aut abscissis stolonibus in arborea facili transiunt. Sic v. g. *Lentiscus* magnâ solum ex parte fruticat; multis ab una radice stolonibus & virgultis affurgens; interdum verò quando non cæditur sed negligitur (ut plerisque locis ad Anam fluvium observavi) in arborem juxta magnitudinis excrescit, inquit \* *Clusius*. Juniperus quoque apud nos in ericetis frequentissima, cæsa aut à jumentis depasta plerumque fruticat; sin permittatur nec violetur in arborem adolescit. Idem dicendum est de *Buxo*, & (ut nonnullis videtur) *Ilice coccifera*, quæ in Gallia Narbonensi eisdem de causis in fruticum ordine coercentur. Ex altera parte *Myrtus* nisi sæpius purgetur in fruticem transit. Theophrast. Hist. lib. 1. cap. 5. *Comarus* [*Arbutus*] suâ naturâ pusilla est, sed ramis expurgata in magnam altitudinem affurgit, quemadmodum etiam *Malus Punica*. Bellon. de neglect. stirp. cult. Probl. 12. \* *Hist. lib. 1. cap. 10.*

Tertiò, Plantæ nonnullæ in aliquibus regionibus fruticum modum non excedunt, in aliis arborum staturam & magnitudinem assequuntur. Sic *Ricinus*, quæ Lobelio in *Adversar.* annua nec rediviva planta dicitur, in Creta multos perdurat annos, & in tantam excrescit altitudinem, ut nonnisi scalis admotis conscendi possit, quod \* *Bellonius* tradit. Clusius quoque in maritimis Bætica *Ricinus* crassitudine humana, altitudine trium hominum, multis praegrandibus ramis brachiatos & multos annos durantes observavit, eosque exactissimè congruentes descriptioni Dioscoridis. *Schol. in Monard. cap. 4.* Nos quoque in Sicilia *Ricinus* arbuticulam, *Sambuci* æmulam lignosam & perennem, in sepius frequentem observavimus. *Rhododendri* nonnullis Cretæ insulæ locis ad adicularum trabes conficiendas aptæ, quæ alibi parvæ sunt. Bellon. de neglect. stirp. cult. Probl. 12. Idem *Observ. lib. 1. cap. 43.* *Rhododendri* rubro flore, inquit, in monte Atho in summam celsitudinem attolluntur, earumque caudices crassitudine ficibus non cedunt. *Arbuti* quoque, quæ in aliis locis plerumque duntaxat fruticant, ingentes illuc fiunt arborea. Bellon. *ibid.* *Cornus* fœmina, quam Galli Latinos imitari sanguineum fruticem appellant, haud minor in monte *Castagne*, non procul Philippis Macedoniæ urbe, \* *Observ. lib. 1. cap. 18.*



urbe, nascitur quàm majores nostri Corni mares. Idem *Observat.* lib. 1. cap. 56. Multis Austria locis nascuntur etiam Corni feminae arbores mare non minores. *Clus. Annot. ad dictum locum Bellon.* Suffrutices quoque alicubi in fruticum aut etiam arborum altitudinem excrescunt. Josephus Rutæ cujusdam Machærunte in ipsa Regia plantatæ meminit, quæ à nulla Ficu vel celsitudine vel magnitudine vincebatur. Nos quoque vidimus baculum tricubitale ligno satis duro & solido, è caudice Rutæ cujusdam in Virginia nascentis factum, uti retulit generosus quidam ex amicis nostris, qui secum illud gestare & circumferre solitus erat.

Quartò denique Arbores nonnullæ cum Fruticibus, Frutices & Suffrutices inter se & cum Herbis genere proximo conveniunt, eosdemque characteres seu notas genericas & essentielles obtinent. Sic in genere *Buxi* alia reperitur arborea, alia pumila; in genere *Amygdali* alia pariter procera, alia nana; necnon in genere *Ilicis*, ut alias omittam. In *Sambuco* autem, *Hyperico*, *Tithymalo*, *Sempervivo*, *Malva*, *Scabiosa* aliisque plurimis res est manifestissima. Ebulus enim quæ herba est, cujusque superficies quotannis emoritur, easdem omnino cum *Sambuco* (quæ arbor Botanice censetur) notas genericas & essentielles obtinet. *Tragium* quoque (quod frutex est lignosus) cum *Hyperico*: *Tithymalus* dendroides cum vulgaribus herbaceis; *Sempervivum* arborecens, *Scabiosa* arborea *Cretica*, *Malva* arborea, &c. cum cognominibus plantis notis genericis conveniunt, & primo statim aspectu ad eadem genera pertinere agnoscuntur.

Verùm his non obstantibus, quoniam Divisio hæc passim cognita & recepta, omniumque ferè seculorum usu approbata est, nec alia commodior occurrat, nos quoque eam retinebimus, certiores tamen inter *Fruticem*, *Suffruticem* & *Herbam* distinctionis notas afferemus.

Plantas ergo initio, divisione dichotomâ, partiemur in eas quæ caule sunt *annuo*, vel si perenni non lignoso, & quæ caule *perenni* lignoso. Quarumcunque caules annui sunt, Herbas appellamus, siue radices perennent siue non; nonnullæ, etiam caule perenni non lignoso herbis accensendæ videntur, ut v. g. *Brassicæ* species nonnullæ, *Nicotiana* cujus caulis interdum perennat, *Malva* arborea marina, &c. Quæ caule sunt perenni vel *gemmae* sunt, & furculos simplices non ramosos annuatim producant, vel non *gemmae*, germina producentes eodem anno in ramos & ramulos interdum divisa. Has Suffrutices appellamus; illas adhuc in Arbores & Frutices subdividimus, inter quas hætenus certas & stables distinctionis notas non invenimus, ideòque superius in earundem definitionibus positis contenti simus oportet. Gemmas appello Arborum & Fruticum fetus novellos quos quotannis Autumno, aut interdum etiam Estate, concipiunt, squamosis tegumentis velut secundis obvolutos, in quibus per totam hyemam latitant, quæ exactâ, vere novo in furculos explicari incipiunt, ut superius diximus.

Arbores ergo & Frutices à Suffruticibus distinguo quòd illæ gemmae sunt, hæ autem minimè. Esto ergo Suffrutex nobis definitivus, Planta minimæ inter lignosas altitudinis & crassitudinis, non gemmipara, caule perenni. Seu Planta caule perenni, lignoso, non simplices tantum furculos annuatim producant, sed ramos in ramulos & furculos divisos & subdivisos.

Verùm quoniam Suffrutices plerique cum Herbis notis genericis conveniunt, nec admodum numerosi sint, eos Herbis admiscebimus, adeoque tria duntaxat summa Plantarum genera constituemus, Arborem, Fruticem, Herbam.

Summis autem generibus constitutis sequitur ut subalterna, seu horum unicuique subordinata exquiramus.

Horum autem notæ characteristicae non tantum à semine ejusque conceptaculo (quanquam ab his præcipue) sed & à flore ejusque calice desumendæ sunt; non omnino neglectâ Radicis figurâ & constitutione, aut foliorum situ. Flores enim & perianthia nonnullorum generum certiores & magis conspicuos characteres exhibent quàm semina aut eorundem involucria. Sic v. g. in genere Leguminoso *Flos papilionaceus* character est insignis, quem species omnes *Leguminum* velut fronti impressum intuentibus ostentant; cum ex seminum eorumve conceptaculi numero, figura, situ aliive accidentibus difficile esset notam generis indicem sumere.

De Arborum & Fruticum divisione instituenda, cum horum genera non admodum numerosa sint, non est cur multum laboremus. Herbae autem cum numerosissima sint, in iis ritè distribuendis & ordinandis præcipua est difficultas. Nobis diu multumque considerantibus non alia prior aut potior differentia videtur quàm quæ desumitur à *Plantula seminali*. Plantas ergo primo in loco dividemus in eas quæ *Plantulam seminalem* habent *bifoliam* aut *bivalvem*, seu mavis, binis coryledonibus instructam; & eas quæ eandem obtinent *altero* vel *utroque folio* seu coryledone *carentem*; in his quæ primò è terra exeunt folia succedentibus similia sunt.

Posterioris generis omnes, paucis exceptis, *Asparago*, *Pæoniâ*, *Aro*, *Cyclamino* & siqua sunt similia, foliis sunt Gramineis. Florum respectu dividuntur, in eas quæ floribus sunt *apetalis* seu *stamineis*, & eas quæ floribus *petaliferis* seu bracteatis. Quæ floribus *stamineis* sunt dividuntur in *Culmiferas*, hoc est, quæ caulem teretem, geniculatum & plerunque concavum edunt, singulis foliis ad singula genicula eum involventibus: & *Graminis folias caule*, geniculis nodosis non intercepto. *Culmiferæ* grano majore quarum semina hominibus in cibum veniunt *Frumenta* & *Cerealia* vocantur, reliquæ grano minore *Gramina*. Quæ floribus *petaliferis* sunt, vel conceptaculum seminale in terna loculamenta divisum obtinent, seu radice *bulbosâ* propriè dictâ sint, hoc est, vel è pluribus squamis invicem incumbendis, vel è pluribus tunicis exteriori interiore ambiente contextâ; seu radice *tuberosâ*, ut *Crocon* *Colchicum*, *Asphodelus*, &c. seu radice *fibrosa*, ut *Phalangium*; vel *bacciferae* sunt, ut *Asparagus*, *Arum*, *Dracontium*, &c.

Prioris generis herbae, quæ scilicet *plantulam seminalem bifoliam* aut *bivalvem* obtinent, à floribus conditione commodissimè dividi posse videntur in eas quæ florem habent *apetalon* seu *stamineum*, hoc est, solis staminibus cum Stylo & Calice compositum, foliis illis fugacibus, tenellis, coloratis, petalis nobis cum *Columna* dictis, quæ vel decidunt vel marcescunt ante seminum maturitatem, carentem: & eas quæ florem obtinent *petalodon* seu bracteatum, foliis illis fugacibus coloratis instructum.



Not. Ad petalum constituendum duæ conditiones concurrant oportet; 1. Ut sit tenellum, & colore aliquo præter herbaceum insigne. 2. Ut sit fugax aut caducum, hoc est ut vel defluat, vel marcescat antequam semen maturelcat.

Quæ florem habent *petalis instructum* seu bracteatum, vel sunt eodem *composito*, vel *simplici*.

Florem *compositum* voco qui ex multis flosculis in unum totalem florem coeuntibus constat. Florem hunc unicum compositum voco potius quàm flosculorum agmen, quia unico pediculo donatur, & unico calice includitur, & id multis speciebus circulum in margine habet foliorum planorum radiatim medium discum ambientium, diversæ à reliquis flosculis figuræ & magnitudinis.

Herbæ flore composito vel *lactescunt*, suntque eodem planifolio plerunque naturâ pleno; vel *succo limido* scatent. Hæ autem vel sunt flore *discoide*, h. e. ex pluribus brevibus, compressis & confertis flosculis, in unam quasi apparentem superficiem digestis composito; succedente semine vel pappo innascente alato, cujus generis herbæ *Papposæ* dicuntur, vel *solido* & pappo destituto, in *Corymbiferis* dictis; vel flore *fistulari*: hoc est, ex pluribus concavis oblongis flosculis, ad margines in longas lacinias dissectis composito. In hoc genere flosculi etiam marginales fistulosi sunt. Hæ *Capitatae* vulgò dicuntur, quia calyx earum squamosus in ventrem plerunque extumescit.

Quæ florem habent *simplicem*, h. e. ex petalis, tantum cum staminibus & stylo constantem, femininum respectu dividi possunt in duo genera, Primum est earum quæ seminibus sunt *nudis* seu verè, seu apparentur tantum, h. e. nullo præter Perianthium vasculo aut tegmine donatis: Alterum earum quæ feminibus *conceptaculo* proprio, & à perianthio distincto *reclis*.

Quæ seminibus sunt *nudis* pro numero seminum singulis floribus succedentium dividi possunt, in eas quæ semina ad singulos flores obtinent. 1. *Singula*, 2. *Bina*, 3. *Terna*, 4. *Quaterna*, 5. *Multa* incerto numero. Quæ *bina* ad singulos flores semina obtinent in duplici sunt differentia, Aliis flores *pentapetali* in umbellas plerunque digesti, & hæ *Umbelliferae* dicuntur: aliis flores monopetali, quadripartiti, folia caules ad singula genicula stellatim ambientia, multa, & hæ *Stellatae* appellantur.

Quæ itidem *quaterna* producant semina post florem unumquemque, duorum sunt generum: Aliis folia in caulibus ad singulos geniculos ex adverso bina, flores labiati, quæ *Verticillatae* appellantur: aliis folia alterna, seu singulatim in caule sita, quæ *Asperifoliarum* titulo innotescunt.

Verum quoniam semina, quæ videntur in nonnullis hujus generis plantis nuda, reverà non sint, sed folliculis seu thecis inclusa, ideòque titulum hujus membri divisionis sic emendabimus.

Herbæ flore perfecto seminibus vel nudis, vel in singulis folliculis, à planta matre unà abscedentibus, singulis.

Nos equidem in Methodo plantarum non ità pridem edita pro nudis habuimus *Verticillatarum* semina, prout vulgò habentur, quamvis in nonnullis, ut *Libanotidis cactryophoræ*, dari nucleum, à spongioso cortice discretum non nesciremus, quoniam in plerisque hujus generis cortex nucleo arctè adhæret, & Theophrastus ipse semina hujusmodi nonnulla pro nudis habet: idem de reliquis hoc genus seminibus, ut v. g. *Stellatarum*, *Asperifoliarum*, & *Polyspermæ* dicendum, ea à nobis nudis accenseri quia folliculi quibus includuntur interiori nucleo in multis speciebus adhærent, in omnibus (etiam *Malvis* ipsis) unà cum seminibus inclusis à planta productrice abscedunt; ideòque videntur & vulgò reputantur non conceptacula seu uteri seminum, sed membranæ tantum involventes, & fecunditatis analogi.

Quæ semina ferunt in conceptaculis seu vasculis propriis, à perianthio distinctis, distingui possunt in eas quæ in pericarpio seu pulpa humida aut molli semina inclusa obtinent: Hæ duum generum sunt, nimirum vel 1. *Fructu majore*, corticoso, cui flos infidet; quæ *Pomiferae* dicuntur: vel 2. fructu minore membranâ tenuiore vestito, quæ *Bacciferae* appellantur: & eas quæ in *conceptaculis* *ficcioribus* semina continent. Hæ autem in multa adhuc genera subdividuntur. Sunt enim vel *conceptaculis* pluribus & *disjunctis* eidem flori succedentibus, quas *Multisiliquas* dicimus, ut v. g. *Aconitum*, *Aquilegia*, *Delphinium*, &c. vel *conceptaculis* singulis, aut *conjunctis*, quas enim nos pro ejusdem vasculi cellulis habemus, Cæsalpinus aliique pro conceptaculis diversis sed conjunctis. Has autem pro numero foliorum in flore & eorundem figurâ dividimus in 1. *Monopetalas*, quarum scilicet flos unico & continuo folio constat, eoque vel *Uniformi*, vel *Difformi*. Florem uniformem superius descripsimus, in capite de Floribus plantarum. 2. *Tetrapetalas*, flore pariter vel *Uniformi*; cui succedit vasculum seminale, seu *oblongum* ut in *Tetrapetalis siliquosis*, seu breve & *curtum* in *Tetrapetalis capsulatis*; vel *Difformi*, quales sunt *Papilionaceæ* dictæ, quia earum flos Papilionem alis expansis quadantenus imitari videtur. 3. *Pentapetalas*, seu *veras* quarum flos quinque petalis distinctis constat; sive *apparentes*, quarum flos reverà monopetalos est, cum lacinia in quas dividitur ad ungues junctæ sint, sed pentapetalum refert ob profundas & ad ungues ferè pertinentes scissuras.

## CAP. XXVIII.

## De Collectione, exsiccatione, asservatione Plantarum, earumque partium.

**I**N Plantis earumve partibus colligendis observationum cœlestium, & Astrologicarum de partibus Zodiaci, planetarum aspectibus, configurationibus, influentiis, &c. rationem non habendam censemus. Quantum enim hæcenus observare licuit, incertæ & fallaces sunt, & successu carent.

At neque multum referre putamus quâ Lunæ ætate collectæ fuerint plantæ: quin æque durabiles esse crescente & decrecente sydere collectas.

Omnes denique de modo colligendi observatiunculas superstitionis vanitatis damnamus.



In genere autem colligendas censemus cum in statu & vigore sunt, cum succo jam miti & probe concocto turgida, antequam indurescentibus fibris lignescere incipiant: & quod ad tempus attinet, die sereno, cum Solaribus radiis matutino rore dissipato penitus exsiccata fuerint.

Verum (ut rectè Schroderus) finem duplicem collectio respicit, asservationem & usurpationem.

Asservationis causâ (ut ille pergit) colligendæ sunt eâ temporis periodo, quâ vigent qualitates ad durationem facientes, ut sunt siccitas, caliditas, vel moderata frigiditas.

Usurpationis ratione colligi requirunt dum qualitates vigent medicationi aptiores.

Sed ut de partibus plantarum in specie agamus,

1. Quod ad Radices attinet nonnulli Vere potius quam Autumno colligendas iudicant, quia tum (priusquam succus in folia & fructus absorbitur) major iis insit & vegetior vis, humorque abundantior: è contra Autumno pariori polleant succo, siquidem æstatis decursu in caules, folia, flores, fructus omnis facultas insumpta sit, & proinde radix enervata. Alii præstare putant æstate eas colligere, cum planta in vigore ac maturitate fuerit. Quippe ut integram plantam ita & radicem cum maturitate vigorari censent. Alii denique Autumno colligi satius esse statuunt, cum folia decidunt, caulesque contabescunt, ob has rationes, 1. Quia omnis humor à stirpe ad radicem recedit. 2. Plurimæ per hyemem in terra relicta ad ver usque pereunt non raro frigore, aut gelu constrictæ corrumpuntur, ut v. g. Cichorium, Beta, Carrota, &c. 3. Non habent radices hyeme quod nutrant, adeoque sibi solis alendis vacant, & tunc temporis robustissimæ sint oportet. 4. Accedit frigus Autumni, condensans radicem calorem, omniâque exactius concoquens. 5. Radices Autumno vegetiores esse inde etiam evincitur, quod Autumno transplantatæ facilius proveniant quam Vere. Hæc omnia \* P. Laurembergius.

\* Hortienlt.  
lib. 2. cap. 7.  
sect. 7.

Verum rationes hæc rem non concludunt, hisque facile respondetur. Nam 1. Nullus est Autumno humoris à caule in radicem recessus propriè dictus: quod tamen in idem recidit, humor qui in caule erat evaporat; cumque ascensu à frigore inhibito, novus à radice non subministratur, tum folia defluunt, tum in nonnullis caulibus ipse inarescit. Radix autem in terra latitans succo turgeat necesse est, cum humor semper præsto sit quem è terra combibat, nec ullum in folia & caules impendat. Nec tamen inde sequitur Autumno vegetiorem esse radicem, sed potius Vere, postquam succus longa in vasis per hyemem digestionem & velut circulationem exaltatus fuerit, mitiorque & maturior evaserit.

2. Excipiendas concedimus quæ à brumali frigore vel corrumpuntur, vel etiam damnum & injuriam sentiunt: has enim Autumno colligere præstat.

3. Cum radices per hyemem non habeant quod nutrant, tunc temporis robustissimas quidem esse convenit, non tamen initio hyemis, sed cum temporis diuturnitate earum succus (ut diximus) probe concoctus & maturatus fuerit.

4. Quod frigus Autumni condenset radicem calorem omniâque exactius concoquat concedimus. Quo ergo diutius insultus ejus senserint, (ni nimis vehemens sit) èd melius concocto succo mitiores & maturiores fiunt; ut in Pastinacis latifoliis experimur, quarum radices tempore Quadragesimali erutæ longè sapidiores & dulciores sentiuntur quam Autumno.

5. Quod Radices Autumno transplantatæ facilius proveniant, eas tunc temporis vegetiores esse non convincit. Ideo enim facilius comprehendunt, quia cum omnis germinatio sursum à frigore inhibeatur, nec aliud habeant quod agant, fibræ duntaxat agendis vacant; nec ante foliis & caulibus emittendis distrahuntur, quam diuturnitate temporis solo affuerint, eique firmiter coaluerint. Adde quod per hyemem terra plerumque humore scatet, ut nullum iis à siti periculum sit, quæ æstate plerumque calore ambientis humorem evocante, perimuntur.

Nos ergo herbarum omnium radices colligendas censemus cum plenam maturitatem adeptæ sunt, antequam caulem emittere incipiunt: atque nonnullas autumno, alias æstate, plerasque vere: Plantarum annuarum æstate: Biennium, si periculum sit nè Brumali frigore corrumpantur, aut vitium contrahant, ut Carotæ, autumni initio; si hyemem facile tolerant nec lignescant, primo vere antequam germinent, ut Pastinacæ latifoliæ; quod si ante hyemem exactam lignescere incipiant, ipsa etiam hyeme, ut Rapa: Earum quæ caule edito radicibus intereunt, vere antequam germinent; quo tempore pleræque etiam plantarum perpetuarum radices colligi postulant: nonnullæ tamen, ut Acetosæ, Alibææ, Asari, Buglossi, Cyclamini, Dracunculi, &c. quovis anni tempore excepta hyeme colligi possunt. Ratio cur radices plerarumque plantarum colligendæ sunt antequam caulem edant vel germinent est, quia cum caulem emittunt, succus illico radicem destituit & fibræ lignescunt.

Flores (ut rectè Schroderus) colligendi sunt, cum pulchritudine sua luxuriant, nec tamen marcescunt. Excipe paucas quæ in gemmis colligi volunt, ut Rosæ, Jasmini, & sim.

Herbæ & folia cum odore, colore, sapore, cacuminéque superbiunt, & florescentiæ appropinquant, ad usum scilicet medicum, aut ad Herbarium siccum conficiendum, cum enim nimis teneræ sunt, succus aquosior est, & tota ferè planta in humorem resoluta evaporat. Hinc & gramen non ante demetunt pro fœno quam in caulem abierit. Nam quamvis ad pascua aptius sit, dum adhuc tenerum & recens est, non tamen ut exsiccetur in fœnum: quia quamvis tunc temporis humore admodum turgeat, postquam tamen exaruerit, succo evaporante parum solidi restat pro pabulo, sed in nihilum ferè contrahitur. Deinde succus minus exaltatus minus firmum & solidum nutrimentum præbet. Tandem succus ille specificus, vasis propriis contentus, in quo tota vis plantæ quâ talis consistit, aliquo tempore indiget, ut ritè præparetur, & maturescat.

Ad usum culinæ sive in acetariis, sive in olere, Herbæ ferè aptiores sunt dum teneræ adhuc & recens natæ, ut in Asparagis, Lactucis, Portulaca, &c. cernimus.

Herbæ, ut plurimum ad usum medicum cum floribus asservantur, colligendæ itaque hæc erunt quando floribus triumphant; ut Calamintha, Centaurium, Chamædrys, Chamæpitys, Daucus, Fumaria, Majorana, Origanum, Polium, Pulegium, Serpyllum, Thymus, &c. Schrod.

Semina



*Semina* colligenda sunt cum bene matura fuerint, ficcarique coeperint, nec tamen exciderint : *Idem.*

*Fructus* ad medicinam cum bene maturuerunt, ut rectè idem Schröderus : ad asservationem, ut idem è *Bapt. Porta in Mag.* antequam omnino maturecant, at neque omnino acerbi sunt, neque ad justam maturitatem pervenerint.

Verum nos eorum potius consilium probamus qui non ante plenam maturitatem fructus colligendos monent. Maturitatis autem indicia sunt quod sponte defluere incipiunt, vel quod grana seu semina colorem mutare & nigrescere coeperint.

Qui enim immaturi decerpti sunt contrahuntur admodum & corrugantur, eorumque caro ficca & lenta evadit.

De exsiccatione plantarum, earumque partium ambigitur. Plerique enim medici præcipiunt ut *EXSICCATIO* in umbra siccentur. Nos potius iis assentimur, qui citò & in Sole ficcari jubent, quod in Fœno etiam exsiccando commodissimum experimur. Quo enim citius exsiccantur eò melius. Nam quæ in umbra siccantur, ni diligens cura adhibeatur, facili situm & rubiginem contrahunt, & tandem corrumpuntur. Quod si velles ut flores & folia colores nativos diutius retineant, in umbra ficcare præstat. Cum autem folia, flores & summitates plantarum in sole siccandos dico, nolle ut singulatim sparsa Solaribus radiis exponantur, sed in acervulos composita sapius versentur donec probè exsiccata fuerint.

*Fructus* pulpâ molli constantes quales sunt *Pruna* & *Uva* in sole aut in furno exsiccari requirunt: reliqui exsiccari non desiderant.

Pro Herbario ficco efficiendo Plantarum folia & flores diligenter explicata inter chartas ficas reponenda, & moderatè premenda sunt: nam si nimis comprimantur, vas ruptis humoribus confusis, colorem mutant & nigrescunt. Sapius deinde transferenda sunt in chartas novas & ficas, alias faciliè mucescunt & corrumpuntur. Cum penitus ficca evaserint chartis potius assuenda quam agglutinanda statuimus, quoniam agglutinatio minùs firma & durabilis est.

Asservanda sunt herbarum folia, flores & summitates, postquam probè exsiccata fuerint in sacculis chartaceis (alii coriaceos præferunt) iisque pyxidibus ligneis inclusis, inque loco ficco & frigido potius quam calido repositis. Calor enim partes spirituosas & odoriferas (in quibus vis plantæ præcipuè hospitatur) agitando faciliè evaporabiles & fugitivas reddit. Conducit certè ad diuturnam asservationem, ut aer sedulo arceatur, qui partes activas ei expositæ plantæ brevi evocat & dissipat. Aeris enim partes in perpetuo motu sunt, movendo autem dividunt & partes volatiliores plantæ secum auferunt, præsertim si sit calidior. Proprium enim caloris est partes agitando à se invicem separare & dividere. Quod si hoc non esset, & partes plantarum vaporabiles non minùs in vase clauso quam in aere libero exhalarent; vasis tamen latera eos cohibent ne longius recedant, sed ad plantam conclusam rursus reflectantur, & ibidem quandam quasi circulationem efficiant. Hinc morem illum improbamus herbas in fasciculos colligandi, deque Officinarum te-  
*ASSERVATIO.*

*Fructus* qui exsiccari non desiderant, ut *Mala* & *Pyra*, aeri exposita & in acervos congesta satis commodè servantur, si modò loco ficco & frigido reponantur: nam si locus calidior sit succo exinanitos contrahi & corrugari experientiâ didicimus. Sed ne nimius sim, varios modos servandi fructus vide apud P. Laurebergium *Horticult.* lib. 2. cap. 3. §. v.

*Semina* in conceptaculis suis optimè servantur loco frigidior & ficco: satis commodè etiam in sacculis aut involucris chartaceis iisque cistis ligneis inclusis, inque loco ficco non nimis calido repositis. Nam calor immoderatus eo usque exsiccatur semina ut germinationi inepta evadant.

*Semina* nonnulla si probè asservata fuerint per decennium integrum fecunditatem suam custodiunt & sata germinant. Maximum ab humore damnum sentiunt & ad putredinem disponuntur. Et tamen (quod mirum est) terræ gremio excepta, quantumvis per hyemem perpetuò ferè madeant, secunda & illasa latitant, novoque vere promptius & alacrius germinant quam quæ diligentissime custodita fuerint, ut superius innuimus.

## CAP. XXIX.

## De Chymicâ Plantarum Analyfi, &amp; partium resolutarum Usu.

**M**ISSA controversiâ illâ inter Chymicos & Philosophos tantopere celebratâ, an Ignis sit verus corporum Analysta, vulgò notum est, constitutiva vegetabilium principia esse spiritum, sal, phlegma, oleum, & terram.

Spiritus Vegetabiles sunt vel Vinosi, vel Urinosi; illique vel Acetosi vel Sulphurei; hi verò nil aliud sunt quam salia volatilia modico phlegmate soluta. Salia dividantur in volatilia & fixa, illa in Urinosa & Oleosa (Olea enim interdum concrecant in Salia sui generis) hæc in essentialia, seu marina, & lixivialia, etiam & in saccharina. Phlegma prout magis vel minùs participat de Sale, vel Oleo, varia fortia epitheta, ut simplex, insipidum, aqueum, frigidum, albescens, aromaticum, amarum, calidum; phlegma per se proprie loquendo est humiditas elementaris. Olea sunt vel distillata, vel expressa, eaque odorifera, balsamica, fetida, inodora, inflammabilia, æthera, crassa, &c. terra damnata & insipida audit, licet interdum variis operationibus & usibus inserviat, quod quidam Chymici optimè norunt. Hæc principia Vegetabilium in se invicem transmutentur, sunt enim secundaria elementa.

Modi eliciendi & præparandi hæc principia, seu Membra Vegetabilia è seminibus, frugibus, floribus, foliis, aliisque partibus plantarum, putrefaciendo, fermentando, digerendo, destillando, separando,



parando, rectificando, incinerando, elixiviando, filtrando, evaporando, vel Crystallizando, adeo triti & omnibus familiares sunt, ut hic non opus sit Cramben toties coctam propinare.

In Scholis Medicis notissimum est, spiritus acetosos vim Bezoardicam habere, volatilem venenatamque acrimoniam domare, ferocientes humores figere, & obtundere; unde apud Chymicos corrigentis Vice admodum frequenter funguntur in præparando Antimonio, Saturno, Helleboro, Opio, Aro, &c.

Spiritus sulphurei sunt inflammabiles, inebriant, sanguinem accendunt, absumunt roridum nectar partium, exiccantque tonum Viscerum, & humores reddunt acres, unde horum potiores sapissimè evadunt Phthifici, Hectici, vel Hydropici; modicè tamen sumpti sunt Cordiales, & labantes vires sapè revocant; in externis applicationibus sunt egregii usus contra frigidas intemperies; inserviunt etiam extrahendis tincturis, & resinis.

Spiritus urinosi vegetabiles, & salia volatilia, sunt diaphoretica, diuretica, acidum destruiunt, & cum illo se jungunt, unde sal compositum resultat Armoniacum simile; sanguinem torpidum, crassum, vel emortuum, resuscitant, fluidum & volatilem reddunt, & restaurant; spiritibus animalibus, & generi nervoso sunt admodum amici; unde juvant in Scorbuticis, Cephalicis, & convulsivis affectibus. Notandum tamen est, quod hæc salia vel spiritus urinosi frequentèr vel copiosè propinati appetitum deiciant, & digestionem impedian, obtundunt enim glandulosum fermentum primarum viarum, & interdum excitant paroxysmos Hypochondriacos, convulsivos & scorbuticos, (licet eosdem eradicent, & tollant,) fermentando cum materia morbifica, quæ sæpenumero habet texturam acidam.

Salia volatilia plantarum rarè in Alembicum ascendunt sub ficcâ formâ, aut lateribus vasis adherent, sed liquore immerguntur, & solvuntur; quod patet ab odore, & mixturâ cum acidis. Hi spiritus urinosi & volatiles reddantur fixi cum spiritu salis, aut vitrioli: affirmant nonnulli omnè hoc sal volatile oriri ex animalculis copiosissimè repertis in plantis putrefactis, sed hi nimis indulgent suæ phantasiæ; multa enim experimenta faciunt ex contrariâ parte. Hi spiritus urinosi seu Salia volatilia non solum eliciantur è plantis calidis, Aromaticis, aut vulgò dictis antiscorbuticis, cephalicis, & Stomachicis, ut Cinnamomo, Galangâ, Zingibere; Cochleariâ, Aro, Nasturtio, Lepidio, Beccabungâ, Raphano; Rosmarino, Majoranâ, Salviâ, Rutâ, Lavendulâ, Thymo; Mentâ, Absynthio, Chelidonio, &c. Sed etiam è frigidioribus vel insipidis, ut gramine, papavere, lactucâ, portulacâ, endiviâ, acetosâ, sempervivo, melissâ, musco, Nymphæâ, lenticulâ palustri, &c. quod experimenta & argumenta D. *Wedelii*, & *Coxii*, extra dubium posuerunt. Hoc intelligendum est de vegetabilibus dum recentes & virentes sint; semina dicuntur maximâ ex parte esse fertilissima hoc sale.

Phlegma maximè fungitur officio Vehiculi, & inservit Julapiis: Laudana, Spiritus, tincturæ, & Olea vix adhibeantur absque idoneo Vehiculo.

Olea destillata habent suos Usus tam internos, quam externos; nam rarefaciunt, penetrant, discutunt, & roborant, attamen cautè & cum judicio internè adhibenda sunt, nè inflammabili suâ facultate febrim sanguini, & uredinem visceribus inferant, præcipuè in infantibus: verùm Olea expressa & cocta pigriora sunt, lubricant, & laxant, commodèque miscentur cum destillatis, ita enim & horum caliditas & illorum segnities corriguntur, quod rectè monet *Wedelius*: inserviunt etiam variis usibus mechanicis.

Salia fixa videntur differre in suis viribus, saporibus, figuris, aliisque qualitibus, pro ratione plantæ, vel operationis; omnia tamen obtundunt & destruiunt acida, aperiunt & resolvunt coagulationes; unde in cachexia, affectibus Hypochondriacis, Ictericis, & febrilibus juvent. Hæc salia inter se non differre affirmat Clarissimus *Coxius* noster; attamen illa viribus discrepare ostendit D. *Grevius*; & figuris suis multum variari demonstrat D. *Leuwenboeck*. Inserviunt etiam pro conficiendo Vitro, & Sapone.

*Wedelius* videtur (meâ saltem opinione) rem acu terigisse, affirmans Sal Alkali unum ab altero non differre, in genere, formâ externâ, seu affectu generali, attamen figuris, poris, & viribus per omnia non convenire.

Salia essentialia, & marina è lixiviis Crystallifata, quorum præparationes, & figuras vide apud D. *Grevium*, suos habeant usus in Medicinâ, incidendo, & detergendo; nec fermenta viscerum tam facillè obtundunt, & debilitant, ut volatilia, & lixivialia.

Salia seu concreciones Saccharinæ (qualia sunt è succis Fraxini, Aceris majoris, Cannæ Indicæ, & Arboris Coco dictæ) inserviunt officinis pro conficiendis syrupis, conservis, electuariis, conditis, &c. variisque usibus domesticis. Attamen Clarissimus *Willisus*, & S. *Paulus* contendunt Scorbutum, tabem, aliosque morbos chronicos ab horum usu generari, & propagari; continent enim particulas acres & corrosivas mixtas cum rotundis & roscidis, palliantibus acrimoniam, quæ distillatione se manifestat.

Decocta plantarum, modò clausè & diligenter fiunt, numerentur inter optimas præparationes; vires enim, & virtutes vegetabilium maximâ ex parte continent, sic etiam & tincturæ, extracta, & pulveres; attamen singulæ partes plantarum chymica analysi solutæ non donantur omnibus specificis virtutibus, quas in ipsis plantis reperiamus; licet sæpissimè id separatim agant, quod conjunctim non agant.

Succi vegetabiles fermentati dant omnia genera Vinorum & liquorum inebriantium, quæ varia induunt nomina & qualitates pro naturis plantarum & regionum, & sunt apprimè utilia necessitatibus humanæ vitæ, modò sobriè utantur secundum saluterum naturæ institutum. Hi succi colliguntur vel incisione, vel maceratione, & expressione. Succi inspissati dicuntur *Rob*, quod sit vel solâ coctione, vel mixtura sacchari seu mellis. *Rob* cum liquoribus diluta essentias efficaces constituunt, vel inserviunt pro fundamento bolorum & pilularum. Gummi seu Resinæ nil aliud esse videntur quam succi vegetabiles magis cocti, digesti, & concreti. Omnia operantur pro ratione plantæ, hinc audiunt diuretica, cathartica, & narcotica, e. g. Terebinthina, Gummi Gotta, Opium, &c.

Meliora



Meliora & nobiliora fiunt medicamenta è spiritibus urinosi, salibus, & oleis, inter se invicem mixtis, & unitis s. a. digerendo, circulando, & destillando repetitis vicibus. Balsama, & saponis componantur è lixivis, & oleis, egregii usus in pharmaciâ, & mechanicis.

Tincturæ vegetabiles, & extracta optimè eliciantur & præparentur cum spiritibus, seu menstuis ab ipsis plantis abstractis, corpora enim facillimè solvuntur à suis propriis spiritibus, seu menstuis; e. g. tinctura rosarum extrahatur cum ipso spiritu rosarum.

Colores seu laccæ eliciantur è floribus cum succo limonum percolato, & depurato; vel cum lixivio benè filtrato è calce vivâ & cineribus clavellatis, seu sodâ. Hoc fiat degerendo, decantando, & evaporando. Hi colores seu laccæ inserviant pingendis floribus, aliisque rebus colorandis, seu miniandis, quando solvuntur & parantur in aquâ gummatâ, aut cum albumine Ovi; habeant & suos usus in pharmaciâ.

Caput hoc de Chymicâ Plantarum Analyfi partiumque resolutarum usu contribuit ingeniosissimus, vir & singularis amicus noster D. Tancredus Robinson, M. D.

## CAP. XXX.

## De Morbis Plantarum eorumque Remediis.

Quamvis de morbis Plantarum eorumque remediis multa ab aliis dicta sunt, & plura adhuc cum fructu dici possent iis qui earundem culturæ & observationi multum temporis & operæ impenderunt. Me tamen, cui aliud est quod agam, quique stirpes *as in mensis* & animi duntaxat causâ contemplor, observationes & experimenta destituunt, nec quicquam ferè dicendum suppetit, quod non ab aliis jam pridem dictum est: ad quos Lectorem remittere mallet, quàm eorum commentarios exscribendi tedium devorare. Quocirca caput hoc paucis absolvam, & primo huic libro coronidem imponam.

Morbi Plantarum sunt vel interni, vel externi.

Internos voco qui à succo nutritio intus suscepto originem ducunt. Hic enim si vel nimis parca subministratur, vel nimis copiosè irruat, vel nimis frigidus & aqueus sit, vel maligna aliqua aut noxia qualitate imbuatur, morbos in plantis generat; Fame plantas non minùs quàm animalia tabescere & tandem enecari minimè dubium est. Nonnullæ ex nimio alimento obefitate laborant: ut omnia quæ resinas ferunt, nimia pinguedine in tædam mutantur; & cum radices quoque pinguescere cœpere intereunt, ut animalia nimio adipe, autore Plinio. Est & alius ab alimento nimis ubere morbus quem *polluxianus* Græci vocant, cum arbores aut etiam herbæ foliis aut frondibus adeò luxuriant, ut fructum, vel nullum, vel paucum, vel strigosum edant. \* *Luxuria hæc in segetibus castigatur dente* \* Plin. lib. 18. pecoris dum in herba sunt, & depastæ quidem, vel sæpius nullam in specie injuriam sentiunt. Sed & tunc cap. 17. furâ prodest, quicquid contradicat Plinius. Ab humore nimio radices perpetuò alluente aut inundante pleræque plantæ præcipuè læduntur, vel ob frigiditatem, vegetationi maximè inimicam, vel fortè quod humor poros obstruens aeris ad radices liberum appulsum & influxum prohibet. Hinc in Septentrionalibus montosis Angliæ & Scotiæ, ubi solum palustre rarum & fungosum Spongiæ instar aquam imbibit & retinet, Ericæ longè latèque omnia occupant, & paucissimæ præterea plantæ proveniunt: hinc in fictilibus fundo impervio latæ stirpes languent, & ad frugem non perveniunt: quamvis in his fortasse etiam aqua stagnans computrescat, & ad plantas corrumpendas conducatur. Hinc, ni fallor, corticis in arboribus nimia constrictio & densitas, quæ succi liberum ascensum impedit, & truncum in latitudinem extendi & augeri non permittit; cui malo hortulani nostri subveniunt cortice secundum longitudinem lineis aliquot ductis inciso: hinc denique arbores musco infestantur, qui ab humore crudo & frigido ortum ducit. Ustilago frumentorum & graminum nonnullorum morbisne internis an externis accensenda sit dubito. Dispositio certè ad hunc morbum est in ipso semine, quamvis fortasse detur aliqua causâ procatarctica seu externa quæ in materiam dispositam agens morbum faciliè inducat. Verùm de ustilagine in capite de frumento fufius agetur.

Externos morbos voco qui ab externa causâ inducuntur. Causæ externæ morbos producentes sunt vel injuriæ cœli & tempestatum, vel insectorum punctiones, erosiones aut etiam afflatus maligni. Cœleste malum (utcum Plinio loquar) & maxima segetum pestis *Rubigo* est, Anglice *Mildew* vocamus. Frequentissima hæc in roscido tractu convallibusque & perflatum non habentibus: è diverso carent eâ ventosa & excelsa. Hujus remedium superstitiosum & magicum proponit Plinius, nimirum Lauri ramos in arvo defixos, in quarum folia vitium ex arvis transit. Melius probassè ferias, festosque dies solennes, quos huic pesti averruncandæ instituebant, *Robigalia* appellantes, si modo vero Numini & non falsis & fictitiis quibusdam Diis sacrati fuissent.

Insectorum punctiõibus, erosionibus aut etiam afflatibus noxiis originem debent plerique tumores & excrescentiæ in plantis, quæ generali Gallarum nomine complectitur summus Vir Marcellus Malpighius, quorumque historiam & Anatomen solitâ sua sagacitate & *anæsthesia* exsequitur Anatomes Plantarum parte altera. Tractatum autem illum de Gallis sic concludit, Erunt ergo Gallæ & reliqui plantarum tumores morbosæ excrescentiæ vi dispositi [ab Insecto] ovi à turbata plantarum compage & vitio humorum motu excitatæ, quibus inclusa ova & animalcula, velut in utero foventur & augentur, donec manifestatis firmatisque propriis partibus quasi exoriantur novam exoptantia auram. Nam superius multis adductis exemplis demonstrat plantarum tumores reliquasque fideratas partes muscas & diversa Insectorum genera fovere & alere donec emancipata viam sibi faciant. Plura enim (inquit) insecta sua edunt ova, omni fere auctivo succo destituta, quarum aliqua cortice privantur, ita ut mollis primæva partium compages occurrat sub specie quasi vermis. Ut igitur inclusum animal debitam acquirat partium manifestationem & soliditatem, utrum vel



vel saltem vicariam ipsius opem exigit, quam in plantis sagax insectorum natura perquirat. Quare ex diversa Ovorum contentorumque Animalium indigentia à parentibus Muscis variè diversis plantarum partibus ova committuntur vel deponuntur. Quæ enim robusto cortice muniuntur, & alimoniam unà cum animali claudunt, quacunque arborum parte jam tabefacta opportunè custodiuntur. Quæ verò molliora sunt in foliis ipsis deponuntur, vel si copiosius exigant humidum, majorémque tutelam, intra gemmæ tenellum corpus; intra furculos, flores, amentum, pericarpium, semina, lignum, radices & singulas ferè vegetantium partes conduntur, ope terebræ, qua Gallarum muscæ præ cæteris pollent. Terebræ enim quam diximus radix ovario necitur, ita ut dispersa per multiplices tubas ova per communem ductum, quasi per uterum seu vaginam foràs à basi terebræ propellantur. His conjecturis sensuum fidem addere liceat. Semel propè Junii finem vidi muscam [qualem alibi delineavit] infidentem Quercinæ gemmæ adhuc germinanti: Hærebat etenim foliolo stabili ab apice hiantis gemmæ erumpenti; & convulso in arcum corpore terebram evaginabat, ipsamque tenfam immittebat, & tumefacto ventre circa terebræ radicem tumorem excitabat, quem interpolatis vicibus emittebat. In folio igitur avulsâ muscâ minima & diaphana reperi ejecta ova, similima iis quæ adhuc in tubis supererant. Tam ferax itaque muscarum familia è Gallis erumpentium, sic dictante natura, terebræ seu duplicis limæ usu vulnerat & perfodit molles plantarum partes; ita ut ex diversa ipsarum natura & compage variæ pariter emergant morbosæ excrescentiæ & tumores. Ex infuso namque liquore è terebræ extremo effluente, qui summè activus & fermentativus est, nova in tenellis vegetantibus particulis excitatur fermentatio seu intestinus motus, ita ut appellens nutritivus succus & in transversalibus relictus utriculis, peregrinâ aurâ inspiratus fermentari incipiat & turgere, ut frequenter in nobis & sanguineis perfectis Animalibus ex apum inflicto vulnere, & subinde infuso ichore experimur. At non ex vulnere tantum & liquore fermentativo infuso morbi excitantur, sed afflatu ipso ovi aut insecti afficiuntur & contabescunt plantarum partes: Mirabilis est (inquit idem Clariss. Malpighius) quod passim ex relicto uno vel altero muscæ minimo ovo in foliis Vitis, Quercus & similium accidit: convulsis enim fibris totum folium circa expositum ovum in spiram contortum contabescit: quin tanta est depositi ovi vis; ut non solum subjectum folium, sed communicata pediculo labe, indeque continuato furculo & appensis foliis; totus tenellus ramus in spiram contortus summâ colorum jacturâ exarescit. Hæc omnia D. Malpighius.

Notandum autem non omnes Plantarum tumores & excrescentias ab insectorum vulneribus aut afflatibus venenatis excitari, sed quosdam ab interno principio, nimirum succo nutritio quomodo-cunque alterato, viciato, & à debita sua crasi & consistentia recedente oriri: interdum etiam ab externo vinculo aut pressura, contusioneve impedito nè per propria vasa liberè fluat: Cum enim à radice semper copiosè subministretur, & à dictis causis impediatur nè cursum continuet, in latus digreditur, & vasis impetu ruptis tumores gignit. Verùm de his consulatur Clariss. Malpighii liber modo laudatus. Nos his contenti hunc librum finiemus.



*Herbarum Tabula generalis, summa genera exhibens.**Herbæ sunt vel*

*Imperfectæ*; quæ partibus præcipuis, flore scilicet & semine, sed præcipuè semine, vel carent, vel carere videntur, adeoque ortum habere spontaneum; ut FUNGI, ALGÆ, & MUSCI species nonnullæ. LIBER II.

*Perfectiores*; quæ flore & semine donantur, saltem semine. Hæ vel sunt semine

*Minutissimo*, & nudis oculis inconspicuo; adeò ut earum pleræque ante inventum microscopium à nonnullis etiam magni nominis Botanicis steriles habitæ sunt; ut CAPILLARES herbæ dictæ, &c. LIB. III.

*Majore*; quæ vel sunt Plantulæ feminali

*Bifolia*, seu bivalvi, binifve cotyledonibus instructa. Hæ semine satæ binis primò foliis plerunque è terra exeunt, rariùs valvas seu cotyledones non efferunt supra terram foliorum specie: Sunt autem vel flore

*Imperfecto* seu stamineo, hoc est solis staminibus cum stylo & calyce composito, foliis illis tenellis, fugacibus, coloratis, quæ nos Petala dicere solemus, carente. LIB. IV.

*Perfecto*, seu petalode aut bracteato, foliis illis fugacibus instructo: Hæ autem vel sunt eodem

*Composito*, seu ex pluribus flosculis in unum totalem florem coeuntibus aggregato: qui vel

*Plantifolius*, naturâ plerunque plenus, plantâ lactescente. LIB. V.

*Discoides*, hoc est, ex plurimis brevibus, compressis & confertis flosculis, in unam quasi apparentem superficiem digestis compositus, succedente semine, vel

*Pappo innascente alato*, in PAPPOSIS inde dictis. LIB. VI.

*Solido & pappo destituto*, in CORYMBIFERIS. LIB. VIII.

*Fistularis*, h.e. ex pluribus concavis oblongis flosculis, ad margines in longas lacinias dissectis compositus flosculis etiam marginalibus fistulosis; quod genus herbæ CAPITATÆ dicuntur. LIB. VII.

*Simplici*, seu ex petalis tantum cum staminibus & stylo constantem. Hæ vel sunt feminibus

*Nudis*, hoc est, nullo præter perianthium vasculo aut tegmine donatis; ad singulos flores, vel

*Singulis*. LIB. IX. PAR. I.

*Binis*, floribus

*Pentapetalis*, in umbellæ formam plerunq. dispositis, UMBELLIFERÆ. LIB. IX. PAR. II.

*Monopetalis*, in quatuor lacinias dissectis; foliis caules ad nodos stellatim ambientibus, STELLATÆ. LIB. X. PAR. I.

*Ternis*, cujus generis est *Nasturtium Indicum* dictum.

*Quaternis*; Hæ vel sunt foliis in caule

*Ex adverso binis*, floribus labiatis, caules plurimum verticillorum in modum ambientibus, VERTICILLATÆ. LIB. XI.

*Alterno vel nullo ordine positis*; floribus monopetalis, margine quinquepartito; quæ ob folia in plerisque speciebus aspera ASPERIFOLIÆ denominantur. LIB. X. PAR. II.

*Pluribus quatuor*, nullo certo aut definito numero, quas *Gymnospermas polyspermas* vocamus. LIB. XII.

*Conceptaculis propriis & à perianthio diversis donatis*, quæ constant vel Pericarpio



{ Pericarpio molli, seu pulpâ per fructûs maturitatem humidâ semina ambiente; Hæ vel sunt fructu

{ Majore cortice crassiore tecto, cui flos monopetalos margine quinquepartito insidet, semina etiam majora sunt: POMIFERÆ dictæ. LIB. XIII. PAR. I.

{ Minore, membranâ tenui vestito, seminibus etiam minoribus. BACCIFERÆ. LIB. XIII. PAR. II.

{ Materiâ per maturitatem siccioræ, Hæ autem vel in

{ Conceptaculis pluribus & distinctis eidem flori succedentibus semina continent, quas MULTISILIQUAS dicimus. LIB. XIV.

{ Conceptaculis solitariis & singulis, aut conjunctis, quas florum respectu dividimus in

{ Monopetalas, flore vel

{ Uniformi.

{ Difformi.

{ Tetrapetalas, flore itidem

{ Uniformi seu

{ SILIQUOSAS, flori succedente vasculo oblongo.

{ SILICULOSAS, capsulatâve, vasculo succedente curto.

{ Difformi, papilionem alis expansis quadantenus referente, quas idcirco PAPILIONACEAS vocant.

{ Pentapetalas seu

{ Veras & genuinas, quarum flos quinque petalis distinctis constat:

{ Apparentes, quarum flos revera monopetalos est, cum lacinia in quas dividitur ad ungues junctæ sint, sed pentapetalum simulat, ob profundas & ad ungues fere pertinentes scissuras.

{ Unifolia aut apbyllo, i. e. singulis aut nullis cotyledonibus donatâ, ideoque foliis succedentibus similibus, è terra exit. Hæ vel sunt

{ Flore imperfecto seu stamineo, seu

{ CULMIFERÆ, hoc est quæ caulem teretem, geniculatum & plerumq. concavum edunt, singulis foliis ad singula genicula eum involventibus, sũntque vel grano

{ Majore, quarum semina hominibus in cibum veniunt, FRUMENTA & CEREALIA dictæ

{ Minore, GRAMINA.

{ Caule geniculis nodosis non intercepto, vel non tereti. Graminifoliae floribus stamineis.

{ Flore perfecto, seu petalode, quæ vel sunt radice

{ Bulbosâ, hoc est ex pluribus tunicis, exteriori interiorem ambiente, contextâ.

{ Tuberosâ fibrosâve, in bulbosis affinis nobis dictis.

His adnumeramus plantas nonnullas quæ semina pulpâ per maturitatem humidâ inclusa obtinent, ut Arum & Dracontium, quas ni obstaret nota generica cum aliis communis ad Bacciferas rectius retulissem.



## T A B. I.

*Plantæ imperfectæ.*

Plantas imperfectas voco quæ flore & semine carent, aut saltem carere videntur, cum neque flos neque semen in iis hactenus observatum sit, adeoque sponte provenire creduntur. Hæ ex loco natali distingui possunt in

(*Marinæ*, suntque vel consistentiæ

Aquaticas, quæ vel

{ *Durioris & lapideæ*, plurimarum specierum; *CORALIUM*, *Corallina*, *Porus*.  
{ *Tenerioris & herbaceæ*; referentes

{ *Herbas*, seu frutices,

{ *maiores & cauliferæ* ferè; *Fucus*.

{ *minores*; *ALGA*. Utriusque generis species plurimæ observantur.

{ *Muscum seu Fungum*; *SPONGIA*.

(*Aquarum dulcium alumnæ*; vel foliis

{ *Carentes*, capillaceæ seu filamentosæ; *CONFERVA*.

{ *Trifidis*; *LENS PALUSTRIS*, *Lenticula*.

(*Extra aquas nascentes*, quæ vel sunt substantiæ

{ *Crassioris*, ad carnes aut ligna accedentis. Hæ nihil ferè commune habent cum plantis perfectioribus: nec enim color iis herbaceus, nec textura analoga, neque flos ullus semine, aut folium propriè dictum adest; *FUNGI*: qui vel

{ *Arborei*, secundum arbores quibus innascuntur distinguendi; peculiaria autem nomina sortiti sunt *Fungus Laricis AGARICUM* dictus, & *Fungus Sambuci Auricula Judeæ*.

{ *Terrestres*, iique vel

{ *Cauliferi*, qui vel

{ *Pileati*, pileo subtus

{ *Lamellato*; quorum species plurimæ esculentæ & noxiæ.

{ *Poroso*; *Fungus POROSUS*.

{ *Non pileati*, qui vel sunt caule

{ *Simplici*; *Fungus OPHIOGLOSSOIDES*, *Digitelli*.

{ *Ramoso*; *Fungus RAMOSUS*.

{ *Caule carentes*, vel

{ *Tenuiores*, membranæ seu corium referentes; *PEZICÆ Plinii*.

{ *Crassi & in formam globosam coacti*; *Fungus PULVERULENTUS*, *Crepitus lupi*.

{ *Subterranei*, *TUBERA terræ*.

(*Tenuioris & ficcioris*, ad herbæ naturam propius accedentis. Hæ vel sunt

{ *Cauliferæ & ramosæ*, plurimarum specierum; *MUSCI*.

{ *Caule carentes*, crustæ modo in terræ superficie, aut in arboribus, lignis, lapidibus, &c. reptantes; *LICHEN arboreus & terrestris*.

Herbarii Fuci & Algæ nomina ferè confundunt: & revera admodum est difficile plantas hasce submarinas ad genera aliqua reducere quæ notis certis & essentialibus differant.

Quæ Musci marini Botanicis censentur, nobis Algæ species sunt.

Stirpes marinas à maritimis ita distinguimus, ut marinæ dicantur quæ perpetuò aquis innatant, vel singulis saltem æstuum accessibus aquis operiuntur; maritimæ quæ extra aquas in maris litoribus, aut palustribus mari vicinis, alibi in confinio maris oriuntur.

Præter muscos semine viduos de quibus in hac Tabula agimus, est & aliud Plantulæ genus eodem nomine, semine minutissimo prægnans, de quo in sequenti.

Sennertus *Hypomn. Phys.* probabile existimat tubera & fungos omnes è plantis provenire & nasci.

T A B. II.



## TAB. II.

*Herbæ semine minutissimo & nudis oculis vix conspicuo  
sunt vel eodem*

{ Foliis aversis adnascente: v. Tab. sequentem.

{ Caulibus ipsis aut pediculis privatis innascente infidentéve: Hujus generis sunt vel

{ Imperfectiores superficie perenni

{ Caule carentes, foliis in superficie terræ reptatricibus latè se diffundentes, pediculis semina  
sustinentibus è foliis enatis; LICHEN *terrestris*.

{ Cauliferæ,

{ Majores,

{ Spicatae & { Abietiformis; LYCOPodium.

{ repentes { Cupressiformis; SABINA SYLVEST.

{ Non spicatae & erectæ; Muscus seu abietiformis, seu Polyspermos

{ Minores, vasculis seminalibus

{ Caules terminantibus; ADIANTHUM AUREUM.

{ E lateribus caulium egredientibus; seu erectus; Muscus *terrestris* five repens.

{ Perfectiores superficie annua; suntque vel

{ Monophyllæ,

{ Spicatae, folio integro simplici; OPHIOGLOSSUM.

{ Paniculatae, folio è multis segmentis composito; LUNARIA.

{ Polyphyllæ, foliis teretibus, caules ad nodos in orbem ambientibus multis, radiorum in  
modum; foliis & caulibus pyxidatim articulatis; EQUISETUM.

Muscus quamvis ab imperitissimo quoque primo statim aspectu agnoscat; cùm latissimè pateat  
id nomen, omnes ejus differentias unica definitione complecti difficillimum est.



# HISTORIÆ PLANTARUM

## LIBER SECUNDUS.

QUI EST

De Plantis imperfectis.



**P**LANTAS imperfectas voco quæ flore & semine carent, aut saltem carere videntur, cum neque flos neque semen in iis hætenus observatum sit, adeoque sponte provenire creduntur. Sunt qui affirmant Fungorum plurimos e terra erumpentes semen habere si curiosè examinentur, formâ, quamvis minori, Alceæ Egyptiacæ semen ferè exprimente. *Ephem. German. An. 6. & 7. Obs. 174.* Et clariss. Car. Clusius plantam quandam Submarinam describit *Corallinae plumatæ* seu *Myriophylli pelagii Cortusi* titulo, quæ in nuculis quibusdam tenellas plantas, jam formatas, matri facie similes continet, quæ nihil aliud sunt quàm femina. Unde fortasse his etiam quæ imperfectæ & seminum expertes censerī solent vim generandi semen, seque ordinario & usitato modo propagandi natura contribuit. Verum tantisper donec hac de re certius constiterit nihil innovabimus, sed receptæ sententiæ adherentes Plantas submarinas, Fungos, Muscos pro imperfectis habebimus.

Plantæ ergo imperfectæ sunt vel submarinæ, *Coralia, Fuci, Spongia, &c.* Vel terrestres. Terrestres autem sunt vel *Fungi*, vel *Musci*. Proinde Librum hunc primum in tres partes dividemus. Prima erit de Plantis submarinis: Secunda de Fungis: Tertia de Muscis, sterilibus scilicet seu infecundis: Dantur enim aliqui hujus generis, aut saltem nominis, fertiles & semine pragnantes.

## PARS PRIMA.

De Plantis submarinis.

**Q**UAMVIS in ipso maris fundo & imis gurgitibus innumera Vegetabilium species exoriantur; in immenso gaudio fertilitatis nusquam cessante natura, sed ubique divitias suas explicante: Nobis tamen per amplissima submarina vireta spatium, & plantas ibidem pululantes indagare non conceditur; adeoque ex duntaxat in notitiam nostram venire possunt, quas vel æstus reciprocatio detegit, vel undarum agitatio abrumpit, & in litus expellit, cum Venti

\* Incubere mari, totumque à sedibus imis  
Una Eurûsque Notûsque ruunt, crebèrque procellis  
Africus, & vastos volvunt ad littora fluctus.

\* Virgil.  
Æneid. 1.

Quin & harum etiam quota pars hætenus cognita & observata est? cum plerique maris accolæ profundâ barbarie oppressi, & cæcis ignorantie tenebris merfi, & velut sepulti jaceant, nec quicquam sublime aut ingenuum sapiant cogitentve: Alii qui ad eos commeant negotiandi causâ lucro intenti hujusmodi inquisitiones negligunt, & stultæ curiositatis damnant. Horum tamen avaritiæ (ut id obiter moneam) pleraque debemus quæ de *Coraliis* aliisque *Lithophytis* nobis innovare, dum insatiabilis divitiarum sitis explendæ studio sese in profundum demergant, & *Coralia* retibus implicita à rupibus abrumpere & extrahere satagant: Alii qui hujusmodi scrutiniis libenter operam impendere vellent, ob rei familiaris angustias sumptibus in itinera necessariis faciendis non sufficiunt. Harum ergo historiam plenam & perfectam texere, non dico nobis, sed nè exercitatissimo cuique in re Botanica possibile est. Sufficiat impræsentiarum paucas illas species quæ vel ab aliis traditæ, vel nobis observatæ fuerint, curiosis exhibuisse.

Primum



## TAB. II.

*Herbæ semine minutissimo & nudis oculis vix conspicuo  
sunt vel eodem*

{ Foliis aversis adnascente: v. Tab. sequentem.

{ Caulibus ipsis aut pediculis privatis innascente insidentëve: Hujus generis sunt vel

{ Imperfectiores superficie perenni

{ Caule carentes, foliis in superficie terræ reptatricibus latè se diffundentes, pediculis semina  
sustinentibus è foliis enatis; LICHEN terrestris.

{ Cauliferæ,

{ Majores,

{ Spicata & { Abietiformis; LYCOPodium.

{ repentes { Cupressiformis; SABINA SYLVEST.

{ Non spicata & erectæ; Muscus seu abietiformis, seu Polyspermos

{ Minores, vasculis feminalibus

{ Caules terminantibus; ADIANTHUM AUREUM.

{ E lateribus caulium egredientibus; seu erectus; Muscus terrestris five repens.

{ Perfectiores superficie annua; suntque vel

{ Monophyllæ,

{ Spicata, folio integro simplici; OPHIOGLOSSUM.

{ Paniculata, folio è multis segmentis composito; LUNARIA.

{ Polyphyllæ, foliis teretibus, caules ad nodos in orbem ambientibus multis, radiorum in  
modum; foliis & caulibus pyxidatim articulatis; EQUISETUM.

Muscus quamvis ab imperitissimo quoque primo statim aspectu agnoscatur; cùm latissimè pateat  
id nomen, omnes ejus differentias unica definitione complecti difficillimum est.



# HISTORIÆ PLANTARUM

## LIBER SECUNDUS.

QUI EST

### De Plantis imperfectis.



**P**LANTAS imperfectas voco quæ flore & semine carent, aut saltem carere videntur, cum neque flos neque semen in iis hætenus observatum sit, adeoque sponte provenire creduntur. Sunt qui affirmant Fungorum plurimos è terra erumpentes semen habere si curiosè examinentur, formâ, quamvis minori, Alceæ Ægyptiacæ semen ferè exprimente. *Ephem. German. An. 6. & 7. Obs. 174.* Et clariss. Car. Clusius plantam quandam Submarinam describit *Corallinæ plumatæ* seu *Myriophylli pelagii Cortusi* titulo, quæ in nuculis quibusdam tenellas plantas, jam formatas, matri facie similes continet, quæ nihil aliud sunt quàm semina. Unde fortasse his etiam quæ imperfectæ & seminum expertes censeri solent vim generandi semen, seque ordinario & usitato modo propagandi natura contribuit. Verum tantisper donec hac de re certius constiterit nihil innovabimus, sed receptæ sententiæ adherentes Plantas submarinas, Fungos, Muscos pro imperfectis habebimus.

Plantæ ergo imperfectæ sunt vel submarinæ, *Coralia, Fuci, Spongiæ, &c.* Vel terrestres. Terrestres autem sunt vel *Fungi*, vel Musci. Proinde Librum hunc primum in tres partes dividemus. Prima erit de Plantis submarinis: Secunda de Fungis: Tertia de Muscis, sterilibus scilicet seu infecundis: Dantur enim aliqui hujus generis, aut saltem nominis, fertiles & semine prægnantes.

## PARS PRIMA.

### De Plantis submarinis.

**Q**UAMVIS in ipso maris fundo & imis gurgitibus innumera Vegetabilium species exoriantur; in immenso gaudio fertilitatis nusquam cessante natura, sed ubique divitias suas explicante: Nobis tamen per amplissima submarina vireta spatium, & plantas ibidem pululantes indagare non conceditur; adeoque ex duntaxat in notitiam nostram venire possunt, quas vel æstus reciprocatio detegit, vel undarum agitatio abruptit, & in littus expellit, cum Ventis

\* Incubere mari, totumque à sedibus imis  
Una Eurûsque Notûsque ruunt, crebèrque procellis  
Africus, & vastos volvunt ad littora fluctus.

\* Virgil.  
Æneid. 1.

Quin & harum etiam quota pars hætenus cognita & observata est? cum plerique maris accolæ profundâ barbarie oppressi, & cæcis ignorantie tenebris merfi, & velut sepulti jaceant, nec quicquam sublime aut ingenuum sapiant cogitentve: Alii qui ad eos committant negotiandi causâ lucro intenti hujusmodi inquisitiones negligunt, & stultæ curiositatis damnant. Horum tamen avaritiæ (ut id obiter moneam) pleraque debemus quæ de *Coralliis* aliisque *Lithophytis* nobis innutuere, dum insatiabilis divitiarum sitis explendæ studio sese in profundum demergant, & *Coralia* retibus implicita à rupibus abruptere & extrahere satagant: Alii qui hujusmodi scrutiniis libenter operam impendere vellent, ob rei familiaris angustias sumptibus in itinera necessariis faciendis non sufficiunt. Harum ergo historiam plenam & perfectam texere, non dico nobis, sed nè exercitatissimo cuique in re Botanica possibile est. Sufficiat impræsentiarum paucas illas species quæ vel ab aliis traditæ, vel nobis observatæ fuerint, curiosis exhibuisse.

Primum



Primum autem mirari subit, quod in tanta specierum multitudine, & uberrimo omnium proventu, modus propagandi curiosos mortalium oculos tamdiu latuerit: nullum enim in iis semen hactenus observatum fuit, nisi fortè *Corallinam plumatam* seu *Millefolium pelagium Cortusi* *Clus* excipias. Interfuit scilicet majestatis Naturæ non omnia statim opera sua propalare, sed nonnulla visibus humanis subducere, & velut in adytis occultare, partim nè omnium oculis exposita quotidiano spectaculo fastidiosa mortalitati vilescerent, partim ut studiosorum industriam ad ea indaganda excitaret, & modestè inquirentium labores arcani alicujus revelatione compensaret.

Hæ plantæ quamvis in suo fortasse genere perfectæ sunt, à nobis tamen imperfectis accensentur, quoniam partibus generum indicibus, flore nimirum & semine, vel carent, vel saltem carere videntur: eas autem in tria genera dispescemus.

Primum erit earum quæ substantiâ durâ & lapideâ constant, ut *Corallium* & *Pori dicti*.

Secundum earum quæ consistentiæ sunt ligneæ & tenacis, aut quodammodo corneæ; *Coralline* Botanicis dictæ.

Tertium denique earum, quæ molliores sunt & herbaceæ; ut *Algæ*, *Fuci*, *Spongiæ*, *Musci*, &c.

## SECTIO PRIMA,

### De Plantis submarinis Substantiæ lapideæ.

#### CAPUT PRIMUM.

##### De Corallio.

**C**orallium dictum volunt nonnulli *ἡ ἐν ᾧ κρηττα*, quod in mari tondetur, quò Plinius respicit, lib. 32. cap. 2. *Aliunt tactu protinus lapidescere si vivat, itaque occupari evellique retibus, aut acri ferramento præcidi: Hac de causa Corallium vocitatum interpretantur.* Variè autem scribitur, vel cum simplici l. *Corallium*: vel cum duplici; cum i sequente *Corallium*, vel sine i *Corallum*.

Substantiâ lapideâ solidâ, & minimè porosâ aut spongiosâ à *Poro* dicto reliquisque lapideis marinis ceu notâ caracteristicâ, distinguitur. *Lithodendron* nonnullis antiquitus dictum fuisse auctores sunt Dioscorides & Plinius.

1. *Corallium rubrum* J. B. Ger. *rubrum majus* Park.  
*Corallium rubrum* C.B. **Red Corall.**

*Corallium frutex* (inquit Cæsalpinus) villosâ substantiâ obsitus est instar Musci, colore viridi aut cinereo, intus rubrâ, qualis est color carnis, aut intensioris rubedinis, qualis Cocci. Figurâ autem est arboreâ, lapidibus hærens, cubito brevior, multis ramis tortuosis [qui rursus in alios minores divaricantur] sine foliis, sine fructu, ac sine radice. Falsò Plinius putavit baccharum formam artificio paratam sponte nasci.

Substantiâ petrosâ est, densâ, quæ præclaram atque insignem polituram admittit.

Quod Veteres tradiderunt, & plerique neoterici eos sequuti crediderunt, nimirum *Corallium*

\* Ovid. *Metamorph.*

*Tempore in lapidem durescere, mollem sub undis herbam fuisse* Experientia falsi convincit. Testantur enim viri fide dignissimi, qui ejus piscationi (ut loquuntur) interfuerunt, non minùs sub undis quàm supra undas durum & lapideum esse, cortice duntaxat molli & muscoso (qui tamen facile deraditur) integri.

Observante ingeniosissimo Viro & rei Herbariæ callentissimo D. Paulo Boccone Panormitano Siculo, excipiendæ sunt ramorum summitates subrotundæ, quæ inflatæ sunt & teneræ, succumque lacteum parva licet quantitate fundunt, Lactuæ aut Tithymali quodammodo similem. Extremitates hæ seu fastigia tumida grandiora non sunt Ribesii aut Berberis baccis, neque apud Autores Botanicos descripta aut depicta reperiuntur, quandoquidem in corallio ex aquis extrahendo non satis diligentes & cauti fuere. Ipse enim observando didicit *Corallium* retibus implicitum teneras suas extremitates abrumpi faciles plerumque amittere.

Idem Boccone crustam tartaream corallium integentem, in rubro coral. rubram esse, in albo albam observavit: quin & sub crusta exteriori plures rugas seu sulcos ad extremitates prædictas terminatos cerni, ubi cellula quædam observantur. In extremitatum autem circuitu clarissimè discernuntur complures pori seu foramina exigua stellata, quæ & in omnibus aliis partibus ad pedem usque habentur. Pororum nomine intelligit notas quasdam in 7 aut 8 fissuras divisas, quæ omnes simul stellam efformant, nudo etiam oculo absque microscopio conspiciendam, quos ramorum productioni interservire existimat.

Extre-

Extremitates rotundas supradictas curiosius examinans, & unguibus rumpens, plerasque omnes invenit in sex cellulas distinctas, humore quodam albo & pingui repletas, sapore acri cum aliqua adstrictione ad Piperis & Castaneæ saporem accedente, qui in recens è mari extracto Coralio manifestè sentitur, in exsiccatò evanescit, adstrictione tantum residua.

Succus quem diximus lacteus intra sex circiter horas postquam Corallium è mari extractum est ficescit, & colorem mutat.

Cæterum Corallium rubrum & album Dioscoridis non vegetabilium modo per succi nutritiù intus susceptionem crescere & augeri contendit, sed per extra-positionem seu additionem partis ad partem: unde & lapidibus non plantis annumerandum censet. Argumenta quibus opinionem hanc suam confirmat apud ipsum vide in Epistolis.

Cum D. Boccone sentit doctissimus & ingeniosissimus Petrus Guisony M. D. Avenionensis, cujus in Epistola ad Paul. Boccone hæc verba sunt, Sed brevi propositæ difficultati respondeo, nullum prorsus Coralli genus esse plantam, at purum putam minerale ex multo sale & paucâ terrâ potissimum compositum. Existimo quidem variorum salium cum terra aliisque mixtionis principis arietantium occursum atque præcipitationem tam nobile mixtum emergere, non secus ac famigeratam illam incrementi tantum non extemporanei Chymicorum arborem metallicam, quæ Mercurii & argenti cupellati in aqua Stygia prius dissoluturum, & aquæ communi dein innatantium subfidentia atque nexu per appositionem partis ad partem accrescit, &c. Nobis nondum satisfactum est.

In mari Tyrrheno & Siculo passim invenitur, perhibente Matthiolo. Verum non credo Corallium rubrum adeò frequens inveniri iis in locis. Nobis certè in Italia peregrinantibus de ejus piscatione nihil inauditum. In Catalonia Hispaniæ ad promontorium *Cau de creux* indigenis dictum, in rupibus copiosè nascitur, ubi ejus piscandi modum observavit D. Franc. Willughby.

Machina, quâ ibi loci ad illud extrahendum utuntur, est Crux lignea grandis, cujus centro, ut in aquis promptè subsidat, affigitur globus plumbeus magni ponderis: Huic autem adnectitur funis validus, prælongus. Unicuique cruri seu extremo crucis rete orbiculare appenditur. Demissa in aquas cruce, cum urinatores in imo mari rupem invenerint cavernosam, Coralliis foetam, is cui funis regendi cura demandatur, in ejus cava unum vel alterum machinæ crus impellit; adeoque Corallium (si quod inibi oritur) retibus implicitum abruptum & extrahunt qui supernè in lembis præstolantur. Color fruticis dum adhuc viget & rupibus adnascitur pallidè cinereus est; verum cum exteriori crustâ, quæ cortici in arboribus respondet, exuitur, rubet. Cum vel æstu maris, vel piscantium manu abruptum, fluctibus in litus ejectum est, corticem amittit, & rubiginem quandam è viridi cinerascens contrahit. Omnes autem quos consulimus urinatores uno ore sub aquis durum & lapideum esse constanter asseverarunt. Nobis ob ventos vehementiores turbido mari piscationem ejus propriis oculis videre non contigit, impossibilis enim ea est nisi mari admodum placido & tranquillo.

Urinatores arbusculas Coralli; testis & fornicibus tantum cavernarum adnasci, atque deorsum versus crescere nobis asseruerunt, verum non persuaferunt; suspicamur enim illas pro situ rupium tam sursum, quàm deorsum & ad latus crescere.

Interdum sed rarissimè ramos vel arbusculas tres quatuorve libras pendentes inveniunt & avelunt.

Quæ de Coralli viribus traduntur pleraque nobis suspecta sunt: verum adstrictoriâ vi pollere, præsertim ustum & in pulverem redactum non abnuerim; unde & fluxus quoscunque alvi, uteri, penis, [gonorrhœam] sistit, & ad omnes affectus valet in quibus adstrictione opus est. An verò cor exhilaret, aut Epilepsiam infantium præcaveat (si recens nato ante omnem cibum in lacte materno grana 10. exhibeantur, ut præscribit Schroderus) in medio relinquimus.

Extrinsecus commendatur ad ulcera quæ carne explet, ad cicatrices quas extenuat, ad oculos quorum lachrymas sistit, visumque recreat in Collyriis. *Schrod.*

Solent nutrices & mulierculæ apud nos in Anglia de collo infantulorum corallia suspendere ad dentitionem promovendam: infantes enim iis ori admotis & commorhis (quod libenter faciunt quoniam & lavia sunt & frigida) gingivas atterunt, & dentium eruptionem faciliorem reddunt; nec enim proprietate aliqua aut vi occultâ, ut vulgò persuasum est, ad id valere concedimus.

Tinctura Coralli in febribus pestilentibus magnopere commendatur. Boetius de Boot eâ cum successu usus est. Garenciers in iis curandis spem suam rarò fefellisse scribit. De Coral. pag. 10, 46. & aliis. Verum quæstio est inter Chymicos an detur vera & genuina tinctura Coralli.

#### 2. *Corallium nigrum* C. B. *nigrum* sive *Antipathes* J. B. Ger. Park.

Imperatus Corallium nigrum substantiâ omnino simile ait rubro, & colore nigerrimo tantum differre atque raritate.

*In Museis curiosorum in Italia asservatum vidimus non semel.*

#### \* 3. *Antipathes hirsutum* sive *Corallium foliatum* J. B. *Corallina nigra setacea hirsuta* C. B. *Antipathes* 2. *species* Ponzæ.

Folius est minutis instar setæ porcorum seu aristæ triticeæ. Invenitur in maris Sardinie fundo inter Corallia piscandum. Est autem longitudine unius hominis stature, & vocatur in illis partibus vulgò *Sambeggia*.



4. *Corallium album* C. B. J. B. Lob. Ger. *album majus* Park.

f. B.

J. Bauhinus *Corallii albi* officinarum truncum ramosum à se adservatum sic describit. Maxima crassities ferè carpi humani est; pars quæ hæret lapidea, porosa; substantia solida, lapidea, ponderosa, exterius lævis, tota candida, multis foraminibus, radiatim intus striatis donata. Rami temere & inæqualiter divisi, tortuosi, quos cum radice *Polypodii*, si figuram spectes, haud malè conferri posse dixeris.

Imperatus distinguit *Corallium album* à nigro densitate & politurâ quam recipit; sed in cæteris omnibus rubro simile dicit, albedine pura & lactea. Tradit & alterum *Corallium album*, fistulosum, valdè ramosum, in superficie foratum, quod ex Sicilia adferri testatur.

Matthiolus autor est *Corallium nivei candoris* in Tyrreno & Siculo mari reperiri, non quidem ut rubrum compactum ponderosumque, sed lævius ac rarius, spongiarum modi inane.

Nos *Genæ venales* vidimus pulcherrimas *Corallii albi* arbusculas, valdè ramosas, candoris nivei.

\* 5. *Corallium album verrucosum punctatum* C. B. candidius verrucosum punctatum J. B.

f. B. ex Imp.

Colore est quàm vulgare candidiore, superficie tenus punctatum, tuberculosum, trunco cæteroqui ramisque crassioribus quàm rubri.

Provenit in Oceano: reperitur quoque in Mari majori, seu Ponto Euxino.

\* 6. *Corallium stellatum albi puri coloris* J. B. *Corallium album stellatum* C. B.

f. B. ex Imp.

Substantiâ est cæteris *Corallii* speciebus simili, colore exquisitè candido, superficie tenus denso agmine stellarum minutularum impressarum obfita, unde & nomen. Planta est de *Coralliorum* genere magna satis, trunco & ramis teretibus, quadam sui parte striata.

\* 7. *Corallium stellatum minus album* J. B. alterum sive *album stellatum minus* C. B.

f. B. ex Imp.

Hoc ex mari Hispanico delatum substantiâ est minùs solidâ, nec ità candidum sicut id quod punctatum modò vocavimus, cæterum undique etiam stellis parvis impressis notatum. Truncus quoque & rami crassiores quàm reliqua *Coralli* genera.

Hanc aut sequentem speciem Londino habuimus *Corallii Sinenfis* titulo.

8. *Corallii albi varietas stellata* J. B. *Corallium album ramosum alterum* C. B. *Coral. album algerum* Ger. Park. *Coralloides* sive *Coralli albi varietas*. Lob.

Lob.

Stipite est reliquis longè crassiore, brachium æquante, & materiâ magis fungosâ, acetabulis insculptâ aut inscriptâ. Universa planta pedem unum longa est, vixque cubitum proceritate superat.

9. *Corallium album articulatum* C. B. Park. *geniculatum album* J. B.

f. B.

Ex argumento nomen inditum est. Constat enim hoc *Corallium* internodiis quibusdam ceu articulis animalium. Ramosum etenim est, & rami ad instar articulorum animalium ad invicem committuntur. Figurâ cæteroqui sunt rectâ, circa articulos nodosiore, per longitudinem striatâ. Substantia ejus densa, alba, in medio exiguum meatum, medullæ ut puto vices suppletentem, habet, qui à radice productus in omnes ramos propagatur. Est ut & alicubi velut pluribus corticibus constare videatur, alioqui cortice unico obtectum est, undique corallineo, albo, & reliquæ substantiæ simili. Percussu secundum longitudinem factò facillè diffinditur.

Crescit in Majorica insula, unde ab Imperato delatum est. Vidimus aliquoties in *Museis Italicis*.

\* 10. *Corallium asperum candicans adulterinum* J. B.

f. B.

Ex lato principio crassus exoritur caudex, qui mox in ramos divaricatur minutiùs divisos, albicantes, superficie asperos, tortuosos. Substantia interna minutissimis poris pertusa est, & quàm externa facies albicantior. Omnium maximè lapideum hoc *Corallium* esse videtur. Altitudo vix quatuor uncias adæquat.

11. *A. Corallium album pumilum nostras*. An *album minus* Park. *album* Ger. qui cum albo Lob. perperam illud confundit.

Vix triuncialis est, admodum tortuosus, culmi crassitie aut paulo majore. E fundo maris in portus Falmuthensis recessibus copiosissimè extrahitur.

12. *Pseudo-Corallium croceum, articulatum, punctatum, ramosum* P. Boccone Epist.

Valdè porosum est hoc genus, & in medio coloris coccinei ad croceum inclinantis. Ab imo caule ad extremos ramulos in exiguas particulas seu frustula dividitur, pollicem circiter longas extremis uniuscujusque rotundis. Materia articulos intercedens, iisque conjungendis inserviens flavicat, & molliuscula est, quo fit ut separatu admodum faciles sint. In medio perforatum seu concavum non est, quemadmodum illud quod describit Imperatus: verùm è contra meditullium partibus durioribus minùsque porosis constat quàm totum corpus reliquum, quod superficie est rugosa.

Pori quibus scatet hoc genus sunt fermè ovals. Lima autem derafo & rotundato tum hoc, tum Corallio vero Dioscoridis, hujus superficiem glabram & politam observavi, corpus ipsum ponderosius nec ullis quæ alicujus momenti essent poris pertusum; illius verò [Pseudo-corallii] poris absque microscopii ope conspicuis creberrimis perforatam, quorum respectu corpus ipsum apparuit velut frustulum ossis carioli rotundati. Ramulos autem seu furculos extremos & tenues crusta persæpe flavicans, delicata, tomentosa & velut holosericea investit, quæ punctis seu maculis rubris respersa est, ex opposito uniuscujusque articulationis sitis [quæ verba non satis capio.]

Locum hujus natalem ignoravit descriptionis autor P. Boccone.

## CAP. II.

## De Poris dictis.

**P**linius lib. 36. cap. 17. Pori lapidis servandis corporibus idonei meminit: *Pario similis candore & duritie, minus tamen ponderosus, qui Porus vocatur.* Cum Plinius ita brevis sit, an de his locutus ignoramus. Pori autem hi à crebris poris seu foraminibus quibus pertusi seu intercepti sunt dicuntur. Sunt autem substantiâ Corallii proximâ, & porositate tantum ab iis differunt. Horum alii propiùs ad Corallia accedunt, alii longiùs distant. Qui candidiores densioresque sunt, ii Corallii similiore, & eundem ramorum divaricationis modum servant. Omnes autem communiter albi sunt. Qui rugosi sunt, lineas habent striatas secundum longitudinem tum truncorum, tum ramorum ad extrema usque. Sed & meatus internâ suâ substantiâ porosâ habent per ramorum longitudinem procurrentes, medio quodam atque communi filo interposito. Quorum superficies punctata est, meatus habent quos radii à centro à medio filo constituto ad ambitum ducti intercipiunt. Hæc è J. Bauhini Historia: nec enim nobis multa ex hoc corporum genere videre contigit.

Quamvis distinctionem quam assignant inter Corallia & Poros maximè probamus, ut quæ certa & clara sit; suspicamur tamen corpora nonnulla quæ Coralliis accensentur, ea nimirum quæ superficie sunt punctatâ aut stellatâ, non omnino pororum intus expertia esse.

\* 1. *Corallo affinis Porus magnus* J. B. C. B. Imp.

J. B.

Ab una radice in ramos diffunditur. Truncus circa radicem crassitudine ferè est brachii humani. At cum Corallis collata altitudine sua non respondet. Nam brevi intervallo, quâ truncorum divisura est, à crassitie sua deficit atque minuitur: neque enim altè assurgit. Terminatur in germina crassitudine digitali. Circa truncos solidus est instar Corallii, at ultimi rami admodum porosi sunt & fragiles. Color ei albus, superficies rugosa, ceterasque obtinet conditiones Poris in genere tribui solitas.

\* 2. *Corallo affinis Porus ramosus* C. B. *Porus ramosus* Imp. J. B.

J. B.

Effigiem habet Coralli albi; dictus est autem ramosus ob frequentem ramorum divisuram & dilatationem. Circa radicem crassitudine est digiti humani. Rami exquisitè teretes, superficie tenus punctati, in amplitudinem spithamiæ panduntur. Durities ejus præ ceteris Poris ad Corallii naturam accedit.

\* 3. *Coralliis affinis Madrepora* J. B. *Cor. aff. Madrepora stellata* C. B. *Madrepora* Imp.

J. B.

Multis cannis ex uno trunco prodeuntibus, & circa ortum sibi mutuò coherentibus constat. Ergo favi formam quodammodo repræsentant. Substantia tubulorum ossi spongioso similis est, in quorum extremis cavitas apparet, radiis à centro ad ambitum protensis: in quorum medio ceu flosculus quidam conspicitur, segmento plano. Crassities eorum digito parvo æqualis, ab ortu ad extrema usque eadem; superficie tenus transversim rugosi, quod in nullo alio à nobis descripto Poro observare licuit. Recenter exempti forde quadam purpurea obrecti sunt, quæ temporis progressu nigricat.



\* 4. *Coralliis affinis Madrepora ramosa* J. B. C. B.

J. B.

Extrema huic sunt plana, quemadmodum præcedenti; sed in trunco & ramis magna est differentia: Quippe primarius truncus densus est & candidus sicut Corallium, sequentes, qui velut annui adjuncti sunt, rari admodum ac debili substantiâ, colore obscuro & purpureo. Eadem substantia aliquid habet membranei, unde (inquit Autor) colligi potest Spongiarum in modum participare aliquid de vita sensitiva.

\* 5. *Corallium adulterinum porosum* J. B. *Millepora* Imper. C. B.

J. B.

Numerosâ densoque agmine ex lapideo ferè principio exeunt fistulae, albicantes, striatae, palmares, longiores plus minus, intus porosae, quæ à centro ad ambitum ita radiatae sunt, ut stellam multiplicem repræsentent. Substantia earum planè lapidea est, dura, nec ita fractu facilis. Primum pondere superat. A *Millepora* Imperati differt, quod strias per longitudinem non præ se ferat.

\* 6. *Porus similis Salinae* J. B. *facie Sabinae* C. B. Imper.

J. B.

Ramos habet subtiles, altera parte compressos: Superficies eminentiis quibusdam acutis donata est.

\* 7. *Coralliis affine Alcyonium rubrum* C. B. *Coral. af. Alcyonium fistulosum rubrum* J. B. *Tabularia purpurea* Imp.

J. B. ex Imp.

*Tabularia purpurea* Imp. quam quidam inter *Alcyonia* recensent, & quidam *Alcyonium Milesium* vocant, ex parvis tubulis concavis & ut plurimum connexis coagmentata est, colore puniceis, intus politioribus, foris medianibus quibusdam crustis transversis æquali intervallo ordinatis, unitis. Matriculae putantur animalculorum marinorum, in quibus nascantur sicut apes in favis.

Hujus autem valde similis specimen habuit J. B. quod specie & figurâ partium *Corallio rubro* accedens *halcyonium* quibusdam æstimabatur. Ex meris tubulis rubris, *Corallio albo* fere concoloribus, aut certè saturatiùs tinctis, crassitudine culmorum *Avenæ*, ex semunciali aut breviori intervallo crustulis lapideis connexis ceterâ parte æqualiter dissidentibus coagmentatum est. Pleraque tamen superficie tenus albicante quadam aspergine obiter vestitæ sunt. Tota substantia lapidea est sed *Corallio rubro* fragilior.

\* 8. *Porus tubularis* J. B. C. B. Imp.

J. B.

*Tubularis* dictus est quod parvorum tubulorum formam referat, ex quibus alii tubuli etiamnum pronascuntur, superficie interna rugosi, externâ punctati & porosi. In his sæpe materia *Alcyonii* aut alterius cujusdam substantiæ reperitur.

\* 9. *Porus anguinus* Imp. J. B. C. B.

J. B. ex Imp.

*Anguinus* Imperato dictus est, quod exuviis serpentum similis sit substantiâ suâ. Adhæret radici *Algæ* alterive alicui materiæ, estque velut incrustatio quædam ex multis atque subtilissimis spoliis sibi mutuò incumbentibus coaggesta, five colorem, five subtilitatem, five impressiones atque delineationes spectes. Substantia porosa est & fragilis admodum, propter extremam subtilitatem tunicarum, colore candido, & ea parte qua altera tunica ab altera separata conspicitur argenteo splendore lucida.

In aquis salis & maris quieti stagnantibus concrevit. Reperitur in tractu Neapolitano, in mari mortuo sub Baiis.

\* 10. *Abrotonoides planta saxea* J. B. Clus. *Abrotono similis saxea* C. B.

Clus.

Planta hæc ex Orientalibus regionibus delata tota erat lapidea, pedalis ferè altitudinis, in multos ramos divisa, qui deinde in frequentes alios minores sese spargebant, elegantissimo spectaculo, & illos quidem *Abrotoni* foeminae foliorum formam pene referentes. E saxi autem in imo mari nascentibus abruptam fuisse arbitrabar.

An Planta hæc intus porosa & foraminulenta fuerat, an planè solida, non dicit Clusius: proinde an rectè eam hic disposuerim ignoro, an ad *Corallia* pertineat.

## CAP. III.

## De Lithophytis frondes imitantibus, reticulatis.

1. *Porus reticulatus* & *Eschara marina* Imper. C. B. *Eschara* J. B. *Retepora* Imper. *Rosa marina* Cæf.

*J. B.*  
**Q**Uæ *Eschara* *Rondeletio* dicitur pro radice principium habet latiusculum, ex quo foliacea quædam, & *Lactucæ* crispæ in modum substantiâ exit lapidea, crassiuscula, albicans, fragilis, cribri instar, foraminum seu rimarum longiuscularum plena. Dentibus facili atteritur, nullo manifesto nec odore, nec sapore.

*Elegantissimam hanc plantam saxeam è mari Tyrrheno sæpius inter piscandum retibus extrahunt. Nos fragmenta ejus Romæ in foro piscatorio multoties vidimus.*

- \* 2. *Eschara marina frondipora* J. B. *Frondipora* Imp. C. B.

*Retiporæ* descriptæ quodammodo similis est. Frondes quippe substantiâ similes, itidemque ramosæ & incisæ, quibus extrinsecus eminentiæ quædam costis aut nervis foliorum similes adnatæ; quarum extrema mutuo connexu unita poros constituunt, & retis formam quodammodo efficiunt.

- \* 3. *Reticulatum tophaceum marinum* J. B. *An Porus in figura di mutassa* Imper. ?

*J. B.*  
 Filamentorum, convolutorum in morem totum ex filis tophaceis candicantibus, ac etiam (quod in tanta exilitate mirum) fistulosis ac cavis coagmentatum est, ut rete quodammodo in unum glomerem confusum repræsentet. Ipsa crassities frusti coagmentati uncialis est, multis cavernis *Spongiæ* aut pumicis ferè instar cavata, substantiâ levi & dentibus facili friabili, durâ, digitis non cedente, odore falso, sapore nullo. Adhærescit aliis substantiis & rebus marinis.

His annumeranda videntur Corpora illa ex lamellis plurimis sibi mutuo incumbentibus & velut articulatis junctis composita, substantiâ durâ & lapideâ, quorum nonnulla ob figuram pentagonam stellæ in modum radiatam *Astroites* appellantur, alia ob figuram rotundam, rotæ aut orbiculi æmulam *Trochites* & *Entrochi* dicuntur. Hæc enim eruditissimus Vir & sagacissimus Naturæ operum indagator D. *Martinus Lister* M. D. vetus amicus noster reverà lithophyta esse & petris accrescere & ramulos laterales emittere primus quod sciam detexit: Verùm quoniam in rupibus à mari longius remotis inveniuntur, an mari originem suam debeant meritò dubitatur: ideoque plura de iis dicere hoc in loco supersedemus.

## CAP. IV.

## De Musco marino lapideo, seu Corallina.

1. *A. Corallina* J. B. *Muscus maritimus* sive *Corallina* *Officinarum* C. B. *Musc. mar. sive Corallina alba* *Officinarum* Park. *Corallina Anglica* Ger.

*J. B.*  
**U**nciam unam aut alteram [ imo duas tréve interdum ] alta est, colore incano cinereoque, [ aliàs rubicundo, luteolo, herbaceo aut candido, ] ramulis numerosissimis, pyxidatim geniculatis, gracilibus, pinulis interdum è latere excrecentibus, odore nauseoso, pisculento, sapore falso, ingrato: Sub dentibus lapillorum instar crepitat, & facili vel attritu digitorum in pulverem fatiscit.

Rupibus marinis, petris, & interdum etiam conchis aut testis accrescit ubique ferè apud nos: non tamen mollis est quandiu sub aquis, ( ut scribit *Cæsalpinus* ) sed dura & lapidea.

In pulverem crassiusculum contrita ad interaneorum vermes necandos atque etiam expellendos non immeritò celebratur. Datur pulvis in vino, lacte aut *Cassia*, pueris qui nondum animum ætatis 14 attigerunt ʒβ. pondere, adultioribus ʒj.

- \* 2. *Corallina fistulosa fragilis* J. B.

*J. B.*  
 Duùm triúmve unciarum numerosos progignit coliculos, cinereo filo crassiori pares, superficie crispâ feminum Saccharo conditorum, aliàs lævi & veluti torno elaboratâ, circularibus zonis densis præcinctâ, intus fistulosa, decussatisque cruciformium interstitorum cancellis distinctâ, fragilis admodum, & levi digitorum attritu in arenam solubilis, sapore fatuo. Propagines mediante tenui brevissimoque filo adnectuntur.

G 3

Est



Est & alia subtilior multò, ceu pili aut filamenta quædam crustulis obtecta essent. Intus enim velut pilus tenuissimus : crustâ intacta porosâ est albâ, in plures ramulos vermiculatos divisa, Corallinæ in modum, sed minimos, delicatulos.

3. A. *Corallinæ affinis sive Muscus marinus tenui capillo* J.B. *Muscus marinus albidus* Ger. *capillaceus multifido folio albidus* C.B. *marinus sive Corallina rubens* Park.

J.B.

Saxis aut concharum fragmentis innascitur, verum latius multò se spargit, propaginibus etiam 4. unciarum abundè circumfusus, ad teretem, durum, nigricantem nervum adnatis cirris crebris capillaceis, mollicellis, ramosis, colore albicante, cinereo, viridanti, rubente, vel denique nigro, sapore Corallinæ saluginoso. Verum licet ad tactum mollis sit, sub dentibus tamen Corallinæ instar crepitat, & nescio quid lapidei refert.

Est & ut vix uncialem altitudinem superet, villis itidem ramosis densissimis.

Saxis, testis, Algæ, aliisque plantis marinis innascitur.

- \* 4. *Muscus candidus Coralloides squammulis loricatis* Lob. *Muscus marinus squamosus, sive Corallina squammata* Park.

Præter titulum hujus & figuram nihil habent.

- \* 5. *Corallinæ affinis Nodularia* J.B. C.B.

Ramulis est brevibus, multifidis, coloris cinericei, concretionem lapideam, fragili, sub dentibus crepitat. Cum Corallina nescio quid commune habet, nullo tamen thorulo facta, ut sunt Coralloides frutices.

Variat colore albo, pullo, puniceo.

#### C A P. IV.

##### De Fungis lapideis:

1. *Androsaces* Matth. sive *Fungus petraeus marinus, sive Umbilicus marinus* J.B. Andr. Matth. sive *Cotyledon marina & Umbilicus marinus* Park. *Androsaces Chamaeconche innascens, vel minor* C.B. item *Androsaces petrae innascens, vel major* ejusdem.

J.B.

Vitam agit sub aquis, concharum striatarum gibbis scopulisve innascens; staminibus fili instar tenuibus, uncialibus & fescuncialibus; quorum singulorum extremum excipit umbilicus clypeoli, circinata rotunditatis, lineolis à centro creberrimis productis striati: color cinereus: fapor saluginosus.

*Androsaces Dioscoridis* non est, nec enim semen fert; sed Fungi petraei species. Duplex habetur major & minor.

Circa montem Cetium in stagno Volcarum petris & conchis innascens abundè invenitur; ut & nos observavimus.

Quæ de hujus viribus traduntur, conjecturis nituntur & incerta sunt. Lobelius tamen ventrem sistere novit, ut hic scrupulus (inquit) Anguillaræ eximatur, nec expeti ut alvum solvat.

2. *Fungus lapideus major in Nilo natus* C.B. J.B. *F. Saxeus Nili major* Clus.

Clus.

Quem Clusius descripsit 10. unciarum habebat circumferentiam: ejus diameter  $3\frac{1}{2}$  uncia, totus autem saxeus erat & candicans, supernâ parte ab umbilico ad circumferentiam multis profundis striis, obliquè quodammodo excurrentibus ornatus; infernâ autem minùs elatis striis, iisque asperis & quodammodo echinatis erat præditus, quæ à circumferentia ad pediculum productæ desinebant, quâ videlicet parte magis fuscus erat. Pediculus ejus brevis & crassiusculus, qui à scopulo aut petra abruptus videbatur.

3. *Fungus lapideus minor* C.B. J.B. *saxeus minor* Clus.

Clus.

Hic compressus floris formam quodammodo exprimebat: circumferentia & ambitus [qui valdè sinuosus] sex unciarum erat, diameter in longitudine duarum cum semisse, in latitudine autem unius aut paulò plus, & quia floris quodammodo in formam assurgebat, altitudo parè duarum unciarum erat, ab extremo orbe descendendo sensim gracilescens. Pediculum habebat brevem & crassiusculum. Striæ quæ externa parte à pediculo ad circumferentiam excurrerant valde erant conspicuæ; quæ autem in parte interna profundiores, & magis conspicuæ, simul etiam in medio coeuntes.

Præter hos, Clusius aliorum è mari majorum meminit, quales in museis curiosorum in Italia aservatos aliquoties vidimus.

## SECTIO SECUNDA.

De Plantis Submarinis consistentiæ lignæ &amp; tenacis.

## CAP. I.

De Corallina reticulata, seu Flabello marino nostratibus dicto.

2. *Corallina cortice reticulato maculoso purpurascens* C. B. *Cor. reticulata plana purpurascens* Park.  
*Frutex marinus elegantissimus albus, Corallium nautis* J. B.

Clus.

**A**D binum interdum pedum aut etiam majorem altitudinem assurgit, planus & in latum expansus flabelli instar, à caudice simplici, brevi, statim in ternos, quaternosve aut plures crassiusculos ramos divisus, à quibus innumeri alii tenuiores ramusculi oriuntur, in longum & latum se spargentes, adeò miro ordine, ut simul coalescant, vacuæque tantum quadam spatia relinquant, cribri aut reticuli maculas imitantia. Integer frutex purpurascens materiâ obductus est velut crustâ quadam aut gypso, quæ faciliè deradi potest; eo autem derafo apparet interior substantia nigricans, lenta, frangi contumax, adeoque dura ut vix cultello scindi possit.

Scopulis aquâ marinâ tectis adnascitur, latâ plerunque sede. Ex India tum Orientali tum Occidentali ad nos delata fuit, teste Parkinsono.

Fruticem quem descripsit Clusius saluginosa candida materia obduxerat: illam verò saluginem creberrimis iisque valde exiguis foraminulis, tanquam acu impressis tam affabrè tantoque artificio elaboratam conspiciere licebat (præsertim in minutoribus ramulis) ut nullum opificem imitari posse sibi persuaderet Clusius.

*Fruticem hunc sæpius vidimus, & ipsi etiam elegantissimam ejus plantam habemus.*

- \* 3. *Corallina reticulato cortice altera* C. B. *Planta marina retiformis* J. B. Clus.

Clus.

Quam descripsit Clusius, instar virgulti lignosa erat, prorsus tamen plana, in frequentes ramos, eosque etiam planos sparsa; ex quibus in longitudinem & oblique exibant multi nervi, retis instar ferè contexti, adeò firmi, ut ex æneo filo conflati viderentur, lumini tamen oppositi glutinis substantiam verius referrent. Tota planta cubito longior erat, prorsus (ut dixi) plana, & multis maculis retis instar pertusa, subrubescens, multis tamen locis salugine quadam infecta, extima parte ferè pedem lata, infima verò palmum, sed ea non integra, nam ex utroque latere plurimum abruptum fuisse apparebat: Salsus ejus sapor.

Scopulis adnascitur in Oceano Americano.

*A præcedente in paucis mihi videtur differre.*

## CAP. II.

- \* *Arbuscula marina Coralloides* Clus. J. B. *Corallinae facie grumoso cortice* C. B.

Clus.

**Q**UAM Clusius vidit, tres cubitos alta erat, unde meritò arbusculam dixit, in multos ramos laterales, eosque in anteriorem partem nutantes divisa. Caudex infima parte 7 uncias in ambitu crassus erat, firmusque & solidus cum videretur, materiâ tamen quodammodo fungosâ constabat, illaque candicante & zingiber resiccatum referente. Totus caudex cum ramis innumeris tuberculis respersus erat, ipsique rami in majuscula tubera desinebant, intus fungosa, & seminum, inanium tamen, speciem in cavernulis continentia, externè autem orbicularibus notulis, lapidis Stellaris instar, distincta. Tota planta, five verius arbuscula, tenui quidem sed grumoso cortice tecta erat, eoque rubri coloris, ut minio inducta videretur, qui an ascititius fuerit ignorabat Clusius, adeò autem falsi saporis erat tota cum suo cortice arbusculæ substantia ut merum Sal referret.

De loco natali nihil inaudivit Clusius. Longè autem majorem postea è Norwagia misit Hen. Hoierus Bergenensis medicus, quamvis infimâ parte mutilam, 6. tamen pedes altam, totam planam & semipedem duntaxat latam, binas verò uncias spissam; reliqua apud \* Clusium vide.

\* Exotic. lib.  
6. c. 1.

CAP,



## CAP. III.

\* *Corallina fruticosa purpurea* C. B. *Quercus marina Theophrasti* Clus.

*Clus.*  
**Q**Uam descripsit Clusius pedalis erat longitudinis, in multos eoque planos ramos expansa; & illos deinde in plures alios minores divisos, multisque tuberculis quaquaversum obsitos, ut Myrica five Cupressi verius foliorum formam & exactius referrent, quam alterius alicujus plantæ: coloris purpurei saturi qualis ferè conspicitur in vini rubri fœcibus, falsi prorsus saporis. Ipsa fruticis materia dura & lignosa erat, imò quasi cornea aut saxeæ. Confracta porro infima parte erat hæc planta, ut saxone an Ostraceæ testæ innata fuerit nihil affirmare potuit Clusius.

C. Baubinus huc refert Corallinam rubentem Antipathis facie Lob. Lithophyton marinum rubri seu purpurei coloris Gesn. An rectè ambigitur. J. Baubinus has plantas Coralloidis sui fruticosi marini rectiori. synonymas facit, quod sic describit,

Densè fruticat cornu cervini figurâ: radicem verò scopulis apprimat lapidescentem, trunco brevi, statim in infinitos ramos diviso, modò patulos, modò surrectos, & quæ fors tulit huc illuc divaricatos, dodrantes & palmares, singulos thorulo corneæ duritie & flexibilitatis, necnon coloris, fæctos, crustâ obductos, jam penitus niveâ, jam cinereâ, modò luteâ, modò conchyliatâ vividâ, aliàs cinereâ & rubrâ, aliàs luteâ rubrâ, non rarò omnis coloris stigmatibus punctata.

## CAP. IV.

\* *Corallina lignosa Ericæ facie* Park. *Cor. rufescens exasperata* C. B. *Ericæ facie frutex marinus* J. B. Clus.

*Clus.*  
**E**Rat is frutex quem descripsit Clusius cubitalis aut amplioris altitudinis, statim ab infimo in frequentes ramos assurgens: atque illi denuo in minores alios divisi erant, interdum simul coalescebant, ut in plerisque plantis in mari nascentibus evenire solet: tenui cortice tegebatur, terrestribusque coloris erat. Totus porrò frutex planâ formâ excreverat, & in sesquicubitalem latitudinem expansus erat. Omnes autem rami tanquam quibusdam tuberculis erant obsiti, sed minores longè frequentioribus & majoribus, ut tanquam flosculorum gemmis ornati viderentur, quæ trita in tenuissimum pollinem resolvebantur. Tota alioqui planta lignosa & dura erat, atque lapidi aut scopulo innata fuisse videbatur; falsi saporis, ut quæ in Oceano natæ plantæ.

C. B. Plantam hanc duobus in locis, sub duobus generibus collocat: sub Corallina, & sub Fuco folliculaceo cujus speciem XVII. eam facit, titulo Ericæ similis maritimæ.

## CAP. V.

\* *Resedæ similis maritima* C. B. *Resedæ facie Planta marina* Clus. J. B.

*Clus.*  
**T**OTUS lignosus & durus erat quem descripsit Clusius hujus generis frutex, non secus ac Erica fruticans, falsâ & albâ materiâ obductus; sequepedalis altitudinis, non tamen integer, sed infima parte fractus, in 10. vel plures ramos inæqualiter & nullo ordine nascentes divisus, quorum aliqui abrupti. Qui supererant toti tecti erant exiguis quibusdam vasculis, rugosis, deorsum propendentibus, coloris ex albo cineracei, Resedæ vasculis, quæ semina jam matura continent, non valdè dissimilibus, longè tamen minoribus, & infima parte ut plurimum connexis ipsis ramulis, quæ vacua & valdè fragilia, ut quæ digitis attrita facillimè in pulverem resolvebantur, falsi admodum saporis.

De loco natali nihil potuit intelligere.

## CAP. VI.

\* *Hippuris saxeæ* Clus. J. B. *Equiseto similis saxeæ* C. B.

*Clus.*  
**T**OTA quam vidit Clusius Planta in unam partem inclinabat, ut pleræque Pelagicæ Plantæ solent, & prorsus saxeæ apparebat, in imo mari scopulo aliquo, ut videbatur, adnata, cujus fragmentum infima parte adhuc retinebat. Ex Orientali Oceano allata terebatur, eratque 20. uncias longa, & in multos graciles ramos divisâ, ac frequentibus nodis & articulis distincta.

sta. Candicabat porro tota, singulique articuli striati & veluti canaliculati erant, ad singula vero genicula sive nodos graciliores, & fusci, splendentis tamen coloris, ut etiam singuli articuli (qui interdum uncialis longitudinis, magna vero ex parte semunciales aut breviores erant) fusco aliquo glutine connexi viderentur. Interior autem plantae pars lignosa erat, quemadmodum ex abruptis quibusdam particulis conspiciere licebat.

## CAP. VII.

\* *Coralloides granulosa alba* J. B.

<sup>J. B.</sup>  
**H**ujus portio ex magno ramo decerpta, cervini cornu instar plures ramos de se mittebat, modicè recurvos, sursumque spectantes. Tota planta albo granulosaque cortice obducta erat ac si saccharo incrustata esset. Interior ejus substantia, cui crusta hæc granulosa adhaerebat, nigra erat duraque.

## CAP. VIII.

\* *Salix marina* J. B. Park. *maritima* C. B.

<sup>Lugd.</sup>  
**R**ami multi, ex glauco nonnihil rubentes, in aqua natant, foliis comantes longis, Salici similibus, maxima ex parte per oras non incisis, quibusdam velut incisuras nonnullas ostendentibus, gustu salis. Inter ramulos virgulæ surriguntur, florem Salicis sustinenti surculo haud absimiles, apicibus plurimis veluti squamati compactis, non aliâ formâ quàm quæ spectatur in Salice, dum herbaceo iulo florem parturit.

Testis ostreorum & saxis quæ sub aqua marina sunt innascitur & sic adhæret, ut iis agglutinata, non radice defixa videatur.

## CAP. IX.

\* *Corallina plumata* sive *Myriophyllum pelagium* Cortusi Clusii Park. *Myriophyllum pelagium* J. B. *Muscus maritimus filicis folio* C. B.

<sup>Clus.</sup>  
**Q**uamvis ex ejus pictura (inquit Clusius) quam misit Cortusus conjicere licebat, fuerat hæc planta cubitalis altitudinis, caule recto, satis tamen gracili, prædita, in plures ramos, seu potius, ut Pliniano utar verbo, ramulosa folia divisa, foliorum Filicis pænè forma & effigie, sed longè tenuiora, nutantia instar ramorum Palmæ, colore pallescente. Summus caulis minoribus foliis obsitus, definebat in nuculas quasdam velut in caput congestas, quæ nullum aliud semen continere deprehensæ sunt, quàm tenellas plantulas jam formatas, matri facie similes, quæ cadentes infimum mare petunt, deinde crescunt & in eandem magnitudinem evadunt quàm matres obtinent. Ipse caulis quamplurimis tenuissimis & plus quam capillaceis fibris tanquam radice nititur, non super saxis aut Ostreorum testis, ut pleræque aliæ pelagicæ plantæ, sed super arena aut luto in imo mari sito. Fragilis est caulis non minus quàm vitrum aut Corallina dum ficcus est; at viridis & terræ adhuc inhaerens lentus est & flexibilis instar Sparti.

Nascitur in altissimis gurgitibus maris Illyrici. Tota planta etiam exsiccata salædinem suam retinet.

## CAP. X.

**A** *Fruticulus marinus cauliculis crassiusculis teretibus rigidis, pennatus.*

**C**aulis hujus seu scapus palmaris, crassiusculus rigidus: ab imo ad summum ramulos hinc inde pennarum pinnulas è scapo exeuntes situ suo imitantes emittit.  
Communicavit D. Newton.

## SECTIO



## SECTIO TERTIA.

De Plantis Submarinis consistentiæ mollioris &amp; herbaceæ.

## CAP. I.

De Fuco marino seu Alga marina minore, foliis divisione sua dichotomiam plerunque observantibus.

**F**ucus propria & primaria sua significatione herbam marinam denotat, cujus ad tingendum usus est. Quod & Servius testatur cum ait, *Fucus herbæ genus quâ vestes tinguntur*: & Acro quoque in 2. Sat. lib. 2. cum scribit, Fucum esse genus herbæ marinæ unde lana inficitur, & adfert illud Horatii ex Od. 5. lib. 3. *Neque amissos colores Lana refert medicata fuco*. Hinc & pro colore ipso accipitur, & generatim pro quavis tinctura. A Botanicis autem extenditur ad omne genus Algæ marinæ significandum, quamvis ad tingendum utilis non sit, ob similitudinem nimirum & convenientiam in notis genericis. Quamvis autem Plinius neget Linguam Latinam habere nomen, quo Græcum *φύκος* exprimat; [itaque etsi ipse Algam maris vocat, tamen existimavit non satis esse id nomen accommodum] nihil tamen causæ est, cur putemus non posse transferri *fucum*. Nam & ipse Plinius lib. 25. cap. 10. ait, *Phycos thalassion*, id est, *Fucus marinus*: inque indice lib. 1. ait, *Phycos tria genera, quod Fucus marinus*: Et ratio favet, *φύκος* enim usæ mulieres ad conciliandum ori ruborem, ut Lucianus in Amoribus, aliique plurimi auctores tradunt. At Latinorum fucus ad eundem usum adhibebatur, ut unicuique notum. Et Plinius capite ante citato scribit, *φύκος* circa Cretam nato in petris purpuras quoque inficiunt. Unde cognoscitur quis color fuerit fuci, nempe rutilans & quodammodo puniceus. *Hæc omnia Vossius in Etymolog.* Cum autem mulieres genis fuco tinctis pulchriores viderentur quàm essent, & falso colore viros fallerent, hinc *fucum* facere est falsâ & simulata specie alicui *imponere, decipere*: & *fucus* in genere pro quovis pigmento accipitur.

Hoc autem capite comprehendimus herbas marinas foliaceas minores, quarum folia divisione sua dichotomiam plerunque observant. Quibus etiâ subjungimus alias Musco, Licheni, Confervæ affines, necnon Spongas & Alcyonia.

Cæterum Fucus omnis sive Alga marina ipsa per se, ut est à mari advecta, pro pinguisimo lætamine habetur, non secus ac Marga, estque in frequenti usu apud Scotos maris accolæ ad agros emaciatis reficiendos; ut ipsi observavimus cum per Scotiam iter faceremus: Nec apud Scotos tantum sed & apud Narbonenses Gallos: ut [circa *Vicum* oppidulum in valle Frontiniana] observavit & nos monuit D. Martinus Lister, cum Monspelii commorabatur.

- A. 1. *Fucus maritimus vel Quercus maritima vesiculas habens* C. B. *Quercus marina* Clus. Ger. Park. *Fucus sive Alga marina latifolia vulgarissima. The most common broad-leaved Sea-wrack.*

Clus.

Nascitur hæc planta in scopulis qui mari alluuntur, aut marinâ aquâ operiuntur, sine ramis, sed oblongis latisque foliis, adeo mollibus ut cum æstus recessit nullo modo sustinere se queant, sed strata in faxis atque diffusa conspiciantur: multifida verò sunt hæc folia, & secundum alarum exortus atque cavitates bullas quasdam seu vesiculas aquâ plenas eminentes habent; eorum verò extrema in folliculos pariter intumescunt, Clusio in quoddam veluti rudimentum exigui Cucumeris desinunt, subflavescens, aquâ plenum: Atra viriditate prædita sunt quamdiu sub aquâ latent, aut récenter à marinis undis ejecta, ficcata autem nigrescunt & glutinis instar splendent. Nullis radicibus firmantur, sed Lepadum modo saxi aut Ostreorum testis inhærent.

Hæc planta adeo lubrica est, ut saxi quibus innascitur sine lapsus periculo inambulare aut insistere nequeas. Vesiculæ autem non semper aquâ repletæ sunt, sed aere interdum aut flatu, adeo ut pedibus pressæ non sine crepitu rumpantur.

*Hujus speciem minorem, aliâs per omnia similem, nisi quod minus profundè, & aqueæ superficiei proximè nascatur, observavimus.*

In faxis, rupibus, & clivis maritimis singulis æstuum accessibus aquâ inundatis & coopertis passim & abundè oritur.

- A 2. *Fucus sive Alga marina angustifolia vesiculas habens. Fucus maritimus nodosus* C. B. *Quercus marina tertia* Ger. emac. i. e. *Fucus maritimus* 3. Dod. Belg. *Long narrow-leaved Sea-wrack.*

Hujus flagella longiora sunt multò & angustiora quàm præcedentis, frequentibus folliculis bullata, in acutos mucrones desinentia. Cum priore interdum promiscuè oritur, sapius tamen profundius aquis inundatur, & submergitur.

A 3. Fu-

- A. 3. *Fucus sive Alga latifolia major dentata. Broad-leaved Sea-wrack with indented leaves.*

Hæc vulgari latifoliæ similis est, sed aliquanto major, foliis circa margines dentatis; nervo eminentiori media percurrente. In profundioribus, æstuum tamen recessibus detectis & nudis oritur. Vesculas autem in hac specie non observavimus.

- A. 4. *Fucus tenuifolius foliis dentatis. Parrot-leaved Sea-wrack with indented leaves.*

Pedalem nonnunquam longitudinem assequitur, & in multiplices ramulos seu folia iteratâ divisione finditur. Sunt autem folia seu flagella plana, perangusta & vix culmum lata, per margines utrinque denticellis quibusdam longiusculis, ceu spinulis, sursum spectantibus incisa. In litore Cornubiensi inter alia maris rejectamenta invenimus.

- A. 5. *Fucus sive Alga membranacea purpurea parva. An Alga membranacea ceramoides C. B?*

Altitudine est palmari: Foliis planis, tenuibus & membranaceis, ramosis, divisione sua plerumque dichotomiam observantibus. Per ficitatem purpureo colore tingitur, estque pellucida Pergameni ferè instar.

Frequenter à mari in litus rejicitur.

Hanc speciem in Hibernia *Deluk* vocant, & contra vermes esitant pro remedio.

Hujus varietatem à se in litore maris inventam communicavit *D. Newton*, in qua foliorum segmenta initio angusta paulatim dilatantur, deinde iterum contractiora reddita summa parte in duo cornua acuta dividebantur.

Aliam adhuc varietatem communicavit in quæ extrema foliorum segmenta dilatata, in multas lacinias secta & veluti crispa sunt.

- A. 6. *Fucus sive Alga exigua dichotomos, foliorum segmentis longiusculis crassis & subrotundis. An Fucus ferulaceus Lob. Ger. Park? Fucus folliculaceus Feniculi folio longiore C. B? An Gramen aquæ immatans cum utriculis sive Feniculacea marina J. B?*

Longitudinem semipedalem vix assequitur: eodem modo quo præcedentes divisione sua dichotomiam observat. Segmenta autem longa sunt, subrotunda, in acutum desinentia, malignè viridia, per ficitatem nigra, Cichmi foliorum segmenta quadantenus referentia. Supremi ramuli ad divaricationes nonnihil sunt compressi, quod in figura Lobeliana *Fuci ferulacei*, folliculorum specie repræsentari videtur, unde & folliculaceus C. B. denominatur.

In litus crebrò rejicitur.

- A. 7. *Alga exigua dichotomos, arenacei coloris.*

Altitudine est palmari, flagellis tenuibus teretibus, in ramulos plurimos divaricatis, divisione sua dichotomiam observantibus, colore ex cinereo flavicante qualis est arenæ marinæ. Nullas in hac specie vesculas observavimus. Circa Hollandiam pagum non longe ab Harvico in litus maris rejectum invenimus.

- A. 8. *Alga marina platyceros porosa J. B. Fucus Corallio affinis, seu Porus cervinus Imperati C. B. Fucus telam lineam aut sericeam texturâ suâ æmulans. Silken Wack.*

J. B.

Ab uno principio plures exeunt rami trium quatuorve unciarum, lati atque patuli, compressi, flexiles, crustosi, pallidi, colore exalbido, cum striis obliquis quasi texturam demonstrantibus Damæ cornua lata non infeliciter æmulatur; unde *manuæ* dici potest ex re nata.

*Siccâ sæpius in litora rejectam collegi, virentem seu recentem nondum videre contigit. Est autem tela lineæ texturâ suâ persimilis.*

- A. 9. *Fucus teretifolius spongiosus parvus. Small round-leaved Spongy Wack.*

Ad palmarem altitudinem aut etiam altius excrefcit, ramulis seu foliis teretibus, crassis, sordide viridibus, spongiosis, ut facile inde aquam exprimere possis, mollibus & veluti holosericeis. Eodem modo dividitur quo præcedentes.

In litus Cornubiæ æstu maris ejectum vidimus.

- A. 10. *Fucus parvus segmentis prælongis, teretibus, acutis.*

Hic vix palmaris est, ad imum quædam velut foliola habere videtur, dissecta in modum Umbelliferæ cujusdam plantæ. Scapi ad aliorum hujus capitis Fucorum modum divisione sua dichotomiam observant, & in segmenta desinunt prælonga, teretia, in acutos mucrones terminata, per ficitatem nigra. Habti à *D. Newton* in litore maris collectum.



\* II. *Alga crispa Scabiosa rubra & pallida* J. B.

J. B.

Ex foliis folia fractu contumacia nullo ordine itémque ex ramulis oriuntur. *Folia* quidem sunt tenuia, lucem transmittentia, uncialia & fescuncialia, culmum quædam lata, alia latiora, crispa, rubra, vel ex fusco pallida, in ramos divisa, aspera; quandoque hinc inde verrucis albis crustisque cinereis & Halcyonii, sapore prædita falso: in quibusdam adhærent radices crassæ, capite villosa, Algæ radici similes, quæ an propria asserere non ausim, potius tamen contrarium censuerim.

Cherlerus attulit Monspelio ex tractu Narbonensi maris Mediterranei. *D. Magnol* albam & rubram copiosè invenit versùs montem Cetium cum aliis maris purgamentis.

A. 12. *Fucus longo, angusto, crassoque folio* C. B. *marinus secundus Dodonæi* Park. *Quercus marina* 2 Ger.

Figura Dodonæi, quæ habetur apud Gerardum & Parkinsonum hunc optimè repræsentat. Flagella angusta sunt, crassa, coriacea, plana, dichotoma sæpius iteratâ divisione. Paulo supra radicem (in omnibus quas observavimus plantis) rotula latiuscula caulem velut axem ambit, quæ & in icone Dodonæi pingitur: quâ notâ à reliquis hujus generis faciliè distinguitur.

In litoribus nostris, æstu marino ejectus, frequens invenitur.

\* 13. *Rosa marina* J. B.

Patulis in orbem est ramis, palmo longioribus, *Quercus* marinæ divisurâ tenuiore, ligulis angustioribus, coloris cinericei, per extremum digitatis, crispis, asperis.

Ex plantis Valerandi habuit J. Bauhinus.

## CAP. II.

A. *Fucus Kali geniculato nonnihil similis, non tamen geniculatus.*

**L**ongitudinis palmaris est & interdum dodrantalis; ramulis seu flagellis foliisve teretibus, colore fordido ex viridi subluteo aut citrino. Ubi ramuli è trunco exeunt non efficiunt acutos cum eo angulos, verùm cum ramuli tum truncus ipse nonnihil reflectuntur & angulos efficiunt rotundiusculos: Ramuli aut, seu malis, folia, ubi cauli adnectuntur, minora seu graciliora sunt, unde & pediculum quendam habere videntur. Segmenta ultima seu suprema femuncialia sunt aut uncialia.

Rupibus propè oppidum *S. Ives* in Cornubia innascentem observavimus; proculdubio etiam & alibi satis frequens est.

## CAP. III.

\* 1. *Fucus folliculaceus Linariæ folio* C. B. *Lenticula marina Serapionis & Uva marina* quorundam Lob.

Lob.

**T**Yrrheni maris & Adriatici (inquit Lobelius) indigena hæc, foliis angustis Scopariæ dictæ Osyridis, in flexilibus loricatis petiolis, sesquipalmaribus, refertis & onustis copiosis bacis, vacuis, membranaceis, teretibus, Lenticulæ similibus & paribus; unde ei nomen.

\* 2. *Fucus folliculaceus serrato folio* C. B. *Lenticula marina serratis foliis* Lob.

Lob.

Perfimilis (inquit) & eadem præcedenti, nisi latiora & breviora, nonnihil ambitu serrata essent folia.

## CAP. IV.

\* *Fucus foliis Ericæ, Erica marina quibusdam J. B. Tamarisco similis maritima C. B.*

<sup>J. B.</sup>  
**U**T minor est quam Creminæ Alga infra describenda, ita tamen tenerior, ramis tenuibus, non lignosis rigidisve, non minus tamen frequentibus, imo latius divulsis & ad fœniculaceam Algam accedentibus, fibris tamen utcumque tenuioribus, inque turgidas vesiculas desinentibus. Sicca nigricat.

*D. Magnol* in scopulis montis Ceti propè Monspelium sæpissimè collegit.

*A.* Huic similem si non eundem nobis communicavit *D. Newton* in ramulos creberrimos variè divisum & subdivisum, eosque foliolis vestitos crebris, brevibus, angustis, acutis, Myricæ æmulis sed minoribus multo. Sub aquis plantam pulcherrimè virere nobis retulit inventor.

## CAP. V.

*A. Fucus angustifolius vesiculis longis siliquarum æmulis.*

**Q**uem in litus ejectum invenimus circa Hollandiam vicum non procul ab Harvico portu, 5. trans *S. Osibæ* oppidulum milliarius in Essexia, sesquicubitalis minimum longitudinis erat: caule & ramulis compressis, angustis, ab imo ad summum crebros furculos alternatim hinc inde emittentibus, quorum plerique abrupti erant. Surculi & flagella extrema, seu folia mavis dicere, in vesiculas oblongas, siliquarum æmulas, Araci minoris propemodum magnitudine, exterius velut nodosas, interius crebris diaphragmatis interceptas, procurrenre interdum ultra siliquam folio. Per ficitatem atro colore tingitur.

Præter hinc descriptos alias Fuci parvi species nobis ostendit *D. Jac. Newton* in litoribus nostris à se collectos. 1. Unum cauliculis teretibus tenuibus longis, obiter interdum capillamenta emittentibus. 2. Alterum fruticosum per ficitatem nigricantem. 3. Tertium flagellis longis folliculaceis. 4. Quartum parvum, dichotomum, segmentis planis, compressis & latis.

## CAP. VI.

*De Fucis sive Algis tinctoriis.*

**H**Os uno capite comprehendimus, quamvis fortasse genere inter se differant, eorumque nonnulli ad primum caput seu genus pertineant, quoniam facultate tinctoria conveniunt, & plerique nobis incogniti sunt.

\* 1. *Fucus sive Alga tinctoria* Lugd. lentus fœniculaceus, seu *Coralloides lenta fœniculacea J. B.* Botan. Monsp.

<sup>J. B.</sup>

A pede lato, quo scopulis oppressa harere solet, rami prodeunt complures, dodrantes, multipliciter divisi, lenti, flexiles, tenaces; quorum minores in minima, fœniculacea & propemodum muscosa atque capillaria crispæque segmenta secantur. Colore porro variant. Sunt enim quæ livido aut pallido ac albo; aliæ quæ fusco, subnigro aut rufo, saturatè rubro, vel purpureo, aliæ denique quæ viridi sunt colore, & hoc in eis visu jucundum, quod bicolores plerunque sunt singulæ plantæ; crassiores rami uni, tenuiores alteri, colore donati plerique transparenti. Sapor & gustus falluginosus, pisculentus, sub dentibus nihil fabulosi exhibent, sed glutinis modo atteruntur, cui quidam rami pæne concolores visu. Qui Hepatis venas à parenchymate separatas videntur, rem huic Coralloidi apprimè similem conspexerunt. Quædam asperantur hinc inde crustaceis tuberculis albis.

Copiosè observavit atque collegit *Cherlerus* in tractu illo Narbonensi maritimo quo Magalonâ Agdam tenditur. Eundem etiam sæpius vidit *D. Magnol* cum maris purgamentis ejectum.

\* 2. *Alga tinctoria J. B.*

Hanc à Valerando Dourez habuit *J. B.* cui inscriptum Alga 2. ex Candia, quæ ei non absimilis quâ involvuntur vitra, latior, pari tenuitate & lentore, fractu contumaci, colore purpureo obscuro seu spadiceo, sapore nullo evidente, propter vetustatem fortè: chartam cui involvebatur purpureo floridiore tinxit.

H

\* 3. *Fucus*



\* 3. *Fucus marinus dictus, Roccella tinctorum* J. B. C. B.

Materies ejus colorem præbet nobilissimi purpurei: quapropter præcis fœminis tingendis genis expeditum in fucum. Fucus hic antequam in tincturam redigatur, parte interna ex rubello candicat, externa nigricat. Evocatur vividus ejus color maceratione facta in urina: sic paulatim tincturam acquirit, donec ultimo species quadam [ *Soda* ] Salis Alkali complementi loco & ut densetur addatur. Fuci in compositione ad urinam portio est quintupla plus minus pro bonitate Fuci. Maceratio uno mense completur. Salis pars duodecima additur, quod maceranti Fuco adjectam colorem pariter odoremque violæ excitat atque producit. *J. B.* ex Imperato lib. 27. c. 9. *Roccella* autem à colore rubro dicitur.

\* 4. *Fucus capillaris tinctorius* J. B.

Imperatus lib. 27. cap. 9. ex Oriente delatum scribit nomine *Roccellæ*, & excellentissimum ait ad tincturam.

\* 5. *Fucus verrucosus tinctorius* J. B. C. B.

Hic apud tinctores etiam *Roccella* dicitur, eodem Imperato autore, loco superius citato. Uterque *J. Baubino* & nobis incognitus.

## CAP. VI.

De *Fucis* foliis longissimis integris & non dichotomis.A. 1. *Fucus folio singulari longissimo, lato, in medio rugoso.*

**R**adix ei qualis Fuco phasganoidi, sed minor & tenuior, pediculus brevis, duos vel tres digitos vix excedens, tenuis etiam, & multis vicibus minor quam illius. Folium singulare indivisum, 4. & 5. nonnunquam digitos latum, ad utramque oram membranâ tenui & veluti crispâ, ceu fimbriâ ornatur, mediâ parte crassius, & crebris rugis flexuosis adeo inæquale ac si acupictum esset. Longitudo ejus ulnam & dimidiam mensurâ nostratis interdum excedit. Versus apicem sensim angustatur.

Huic vel idem est, vel per similes

*Fucus longissimo, latissimo, crassoque folio* C. B. prod.

Quem describit *radice* brevi, ex crassis fibris compositâ; ex qua pediculus crassus, rotundus semipalmaris prodit, qui in folium expanditur unum, ingentis longitudinis, pedes aliquot & ulnas excedens [rarius ex una radice duo folia ejusdem omnino formæ & longitudinis] latitudine unciarum 4. superans, ejusdem ferè per totum folium principio excepto latitudinis, in medio æqualiter planum, ad utrumque verò latus parum convolutum, tortuosum & sinuosum, obscure virens, crassum, & dum terræ adhuc affixum tactu formâ gelatinæ viscosum & madidum: quare propter nimium madorem vix asservari potest, licet sæpius Soli exponatur; nam quoties chartæ reponitur mador iste cum fœtore recrudescit, ita ut à corruptione, nonnisi post aliquot septimanas, donec planè ficcetur, servari possit.

Hic à nostro differt, quod ex una radice duo interdum folia emittat, quod in nostro nunquam observari; quodque medium folium æqualiter planum est, cum in nostro rugis inæquale sit. *Johnsonus Gerardus* emaculator *Fucum* hunc C. B. cum phasganoidæ (quem interdum folio simplici, interdum gemino provenire observavit) eundem specie putat, nec nos magnopere repugnamus. Noster autem, quem in litoribus Eboracensibus & Cornubiensibus copiosum observavimus, à phasganoidæ dicto specie diversissimus est. Quod verò C. B. de difficili hujus plantæ exsiccatione dicit *Fucis* omnibus commune esse experientiâ didicimus.

\* 2. *Fucus longissimo latissimo tenuique folio* C. B.

C. B. prod.

Hic priori non multum absimilis, qui ex radícula nigra, fibrosa pediculum tenuem, triuncialem emittit, qui in folium sesquicubitalis longitudinis, unciarum 5. vel 6. latitudinis, planum, per margines hinc inde convolutum absumitur, substantiæ tenuissimæ membranaceæ, coloris pallide virentis.

Hunc cum aliis Maris Mediterranei purgamentis rejectum non longè à montis Ceti radice collegit *C. Baubinus*. Si hic à superiore diversus sit nobis certè ignotus est, nec apud *D. Magnol*, in Indice plantarum circa Monspelium, ullam ejus mentionem invenio.

A. \* 3. *Fucus*

- A. \* 3. *Fucus alatus* sive *phasganoides* C. B. *An Fucus Scoticus latissimus edulis dulcis* Sibbald. in Prodr. Hist. Nat. Scot? **Broad-leaved** **esculent** **Wrack**.

C. B. prod.

Hujus (inquit Cargillus qui ex Abredonia Scotiae transmisit) admiranda est forma. Saxi quæ Oceanus lambit & in æstu quoque mergit adhæret, lepadum instar, mytilis coronata: *caule* tereti, pennæ anserinæ magnitudine; colore quem exhibent pruna Damascena, inter rubrum & nigrum laturatum medio: *At folia*, quæ nonnisi caulem adultum ornant, saxo hærentia [in sicco virescunt] ad luteum magis vergunt, quæ palmæ latitudine supra radicem nascuntur plurima, ligularum instar, cartilaginea, 3, 4, 6, aut 8. uncias longa; inter quæ caulis, eousque teres, latescit, porrigiturque interdum ad ulnæ longitudinem, infirmus, ut nisi aquis innatans sustentetur, humi semper procumbat: Huic, si adultior, utrinque ala adnascitur tantæ quanta & ipse caulis est longitudinis. Ea verò tota membranæ est, fibris hinc inde venosis à caule conspersa. Notandum autem membranæ hanc, prout in sagittarum alis est videre, imâ partē angustiore, sensim latiore reddi, ita ut tres ab ortu pollices transversos æqualis deinceps tota existat, 1, 2, aut 3 unciarum latitudine.

Hic præsertim Septembri viget, alio anni tempore inutilis: membranæ abjiciuntur, reliquo vescuntur gravidæ, aliisque etiam in cibos cedit. Sapore est falso cum modica dulcedine; sitim manducantibus excitat. D. Sibbaldus instar Acetarii comedi asserit.

- A. 4. *Fucus arboreus polyschides* C. B. *maximus polyschides* Park. *phasganoides* & *polyschides* Ger. emac. **Sea-girdle and hangers**.

A radice fibrosa saxo alicui aut petreæ adnascente caulem emittit pedalem, cubitalem aut longiorem, teretem, caulem Angelicæ maximæ (ut rectè C. B.) crassitudine æquantem, cujus fastigium in latus cartilaginosa membranas variè dividitur, eo propè modo quo balthei pars de qua ensis suspenditur apud Helvetios. [*Suprema caulis pars in 8, 9, 10, 12 aut plura pauciorave folia longa dividitur.*]

In litoribus nostris ubique ferè invenitur. Vidimus etiam rupibus singulis æstus marini accessibus aquâ operitis innascentem circa Monam insulam & alibi, copiosissimè. Hæc planta est quam Lobelius in Obs. **Wrack** Normannorum appellat, ut mihi quidem videtur. Quin & Alga Maderensis grandi folio *J. B.* i. e. Alga latifolia chartæ similis, costa carens C. B. huic eadem videtur, aut penultimo in loco descriptæ.

- A. 5. *Fucus chordam referens teres, prælongus*. *An Fucus cavus* J. B. i. e. *Herba cava* Imper.? **Sea-Taces**.

Ad duas nonnunquam ulnas seu quatuor cubitos longitudine accedit, ad radicem exilis, in medio crassior, tandem iterum in acutum tenuatus, teres, magnitudine & specie chordæ musicæ maximæ, simplex & indivisus, intus concavus, verum crebris diaphragmatis interceptus.

In litore marino ad latus Angliæ Occidentale faxi adnascentem sæpius observavimus.

- A. 6. *Alga angustifolia vitrariorum* J. B. C. B. *Alga* Ger. *Fucus marinus* sive *Alga marina* graminea Park. **Grass-Wrack**.

*J. B.*

*Folia* longissima, cubitalia & longiora, plana, lævia, mollia, fragilia, modò alba, modò rubra vel atro-virentia, ligulas adstrictorias æmulantia; ex iis quædam sunt latiora, alia angustiora: hærent substantiæ cuidam lignosæ, nigræ, umbelliferarum plantarum instar comosæ, capillamentis cinereis, quæ in fibras fatiscunt folia vetera & decidua reliquerunt.

Cæsalpinus folia initio virere, deinde cum exsiccantur albescere scribit.

Toto tractu mediterraneo ad Aquas Marianas Adriatici & Occidui maris universi pœnè litoribus nihil vilius & frequentius algâ. *Lob.*

Veneti hujus foliis vitrea vasa involvere & præmunire solent, alioqui hodie nullius est usus. *Lob. Matth.*

Graminis potiùs marini quàm Algæ species videtur, ubique fere in litoribus marinis obvia.

## C A P. VII.

- A. *Fucus maritimus Gallo-pavonis pennas referens* C. B.

C. B. prod.

**H**IC membranaceus est, sese sensim latè expandens, qui in plures lacinias, semicirculares, sibi quandoque incumbentes dividitur, per quas variæ striæ semicirculares variegatæ, diversæque latitudinis, ut in pennis Gallo-pavonis eleganti spectaculo cernuntur.

Scopulis maritimis adnascitur in Scotico, seu Britannico Oceano.

Ostendit nobis hanc plantam D. Stevens à se inventam propè Exoniam Devonæ urbem. Fungo auriculari Cæsalpini similem Musco cuidam aut Licheni propius accedentem quàm Fuco. Cum ergo consistentiâ & texturâ Auriculæ marinæ & Opuniæ sit, hinc illuc transferri debere putamus.

H 2

CAP,



## CAP. VIII.

\* *Fucus folliculaceus foliis Abrotani* C. B. *Cremenei Istri Abrotoni vel Thymi foliis* J. B. *Fucus marinus foliis Abrotani maris* Lob. *Muscus marinus Abrotonoides* Park.

ſ. B.

**F**igura ejus & facies ceu si quis arborem quandam aspiciat. Nam primum trunco est pedali, crassiusculo, tuberoso, nigro. Ab hoc supernè rami exeunt complures, pedales, breviores, in alios minores divisi, foliis vestiti Abrotani & multipliciter dissectis, quorum segmenta in oblongum intumescunt turgescuntque, colore pullo aut nigricante: plerisque caterum locis cinerea quadam falgine incrustatur, alicubi etiam fungoso & spongiolo tegumento. Sapor falginosus sicut & odor.

Valerandus, à quo ſ. B. habuit, ex Istria detulit. Fortè hæc planta rectius Submarinis lignosis secundâ Sectione contentis annumeraretur; uti & subsequens.

## CAP. IX.

\* *Fucus fruticosus caudice verrucoso* Botan. Monsp. *Fruticosa marina planta, quibusdam Conserua lignosa* J. B.

ſ. B.

**L**atâ basi vel radice scopulis adhæret, pedalis & cubitalis ferè ejus caudex lignosus, tortuosus, totus niger vel pullus, quasi adustus foret, rugosus, fragilis, in ramos palmares divaricatus, quos obsident undique verrucosa tubercula, modò longiora, modò breviora, ad radicis Polypodii tubercula accedentia, quæ versùs superiora Ciceris panè magnitudine, olivari formâ, rugosa, crassa, racemorum modo coherentia, in quorum turbinato fine exeunt coliculi ramulive nigri vel rufi, inque segmenta incondita cæsi, subinde à medio ad summum usque denticulati; in quibusdam foliola segmentis ad Abrotanum accedunt, paulò tamen latioribus.

Planta hæc non parùm variat, ità ut quis diversas plantas suspicari posset. Quædam enim statim à radice plures stolones producit, aliàs unum plerumque videtur proferre. Observantur etiam ad radicem pili quales in Algæ vitrariorum radice. Quædam tophaceis cinereis crustis obducuntur: aliis adhæret Linum capillare vel muscus tenuissimus, &c. Sapor ligno nullus insignis, nisi aliquantulum astringens cum levi falgine, quæ in foliis evidentior.

In litore Narbonensis maris propè Monspelim plures hujus generis plantas collegit P. Magnol.

## CAP. X.

A. *Fucus spongiosus nodosus* Ger. emac. *Sea ragged Staff.*

**S**ucculenta admodum & fungosa est planta, crassitie pollicari, colore obscuro fordide flavicante, tuberculis verrucosis inæqualibus undique obsita. Propè *Margate* in insula *Thanet* Cantii invenit Th. *Johnsonus*.

## CAP. XI.

*Plantæ submarinæ Musco & Licheni affines, aliaque parvæ incertæ positionis.*

\* 1. *Abies marina Belgica* Clus. J. B. Ger. emac. *Abies marina* Park.

Clus.

**H**anc Clusius, ut & sequentem, se observasse scribit in Flandriæ ora maritima ostreorum testis & Mytilorum conchylis adnatam, quæ Abietis figuram ità referebat, ut pumila Abies videretur, ramulis ordine utrinque dispositis, fragilis, admodum pusilla, rarò palmi altitudinem excedens, ex tenuibus velut squamis contexta, nonnunquam omnino plana, aliàs interdum prominentibus in orbem ramulis. An huc referendum *Musci marini genus foliis pinnatis*? quæ trium unciarum est altitudine, in pulchros ramulos unciales & fescunciales fissa, vivido virore tincta, foliis pinnatim annexis ut in *Viola aquatica*, apophysis nonnullis inæqualibus.

2. *Cupressus marina Belgica Clusii* J. B. Ger. emac. *Cupressus marina* Park. An *Fucus cupressinus* Imperati? *Fucus Cupressi similis* C. B.

Clus.

Hæc cupressum adeo æmulabatur, ut Clusius satis mirari nequiret providentiæ divinæ opus & artificium, ramulis frequentibus in orbem sed nullo ordine nascentibus, & sursum spectantibus, Cupressinorum foliorum modo efformatis. Harum autem, tamen aliquot annos inter chartas asservatarum & compressarum rami, si in vitrum aut aliud vas aquâ plenum injiciantur, statim sese explicare & in orbem diffundi seque surrigere incipiunt.

- A. 3. *Lichen marinus* Ger. *Lactuca marina sive Intybacea* J. B. *Fucus marinus Lactuca marina dictus* Park. *Muscus marinus Lactucæ folio* C. B.

J. B.

Maris sinibus innatantia quædam sunt folia, ab uno veluti pede prodeuntia, membranacea, lævia, & cum exsiccantur quasi papyracea, pellucida, invicem incumbentia complicataque & corrugata, colore herbido dilutoque, Lactucam aut Intybum crispam quodammodo representantia, vel Rosam expansam.

Petris & Scopulis aut etiam testis in fundo maris adnascitur eodemque modo quo Lichen seu Hepatica terrestris se diffundit & expandit.

Refrigerat & astringit: commodius autem applicatur Arthritidi quam Muscus capillaceus sive Corallina J. B.

- A. 4. *Lactuca marina tubulosa*.

Hanc in fossis palustribus majoribus & fluviis quos mare singulis accessibus æstuum influit observavimus: est autem prælonga concava seu tubulosa, velut in cellulas divisa coli intestini evacuati æmula, eodem ferè cum præcedente colore & consistentia.

5. *Scutellaria sive Opuntia marina* J. B. *Opuntia marina* Park. *Fucus folio rotundo* C. B. *Lichen marinus rotundifolius* Ger.

J. B.

J. Bauhino descripta pede erat crassiusculo, fungoso, unciali. A quo surculi (si ita vocare fas sit) prodeunt plures ex meris foliis mutuo incubitu constantes, ita ut alterum ex alterius margine enasci videatur instar corollæ ejusdem qua præces connumerari solent: aut uti propius accedamus in re non usque adeo diffimili, sicut in Ficu Indica quam Opuntiam vocant. Surculi isti rursus in alios laterales dividuntur. Singularia porro istius concatenationis folia orbiculata sunt, utcunque latiora quam longiora, nummi instar compressa, crassiuscula tamen, nonnihil rugosa, quæ diligentius inspecta velut ex binis membranulis compacta videntur, ac prima quidem unguis ferè latitudine, pauca quædam Lupino paullo majora, alia medio modo se habentia. Cæterum superius plerunque folium qua gibbum inferioris excipit modicè sinuatum est. In extremis quæ sunt foliola plerunque vix Lentem superant. Tota planta salsuginosa est, tum sapore, tum odore.

In litore Siculo propè promontoriolum Cercio dictum collegimus.

6. *Auricula marina. Fungus auricularis* Cæf. J. B.

Cæf.

Folis constat auriculæ figurâ, pluribus lineis circumductis, colore cinereo, mollibus specie Fungi, gustu mordaci. Et paulò post, eorum Fungorum figuram præ se fert qui vetustis caudicibus innascuntur lignosi: sed hoc tenue est, membranosum, molle, infernè asperum, superius læve.

In litoribus Maris Mediterranei sæpius ejectum collegimus.

7. *Palma sive Manus marina quibusdam* J. B. *Fucus aliquibus Palma marina* C. B.

J. B.

Amputatam à radio cubitoque manum affabrè exprimit; ac ex carpo crassiore [compressa tamen] albicante, angustiore in metacarpium sensim dilatatur; hinc in digitos quaternos, quinos, plurésve, ferrugineos, fungosos, rugosos, multifidos dividitur, qui rursus in minores particulas subdividuntur. Tota substantia coriacea quodammodo est & membranosa. Sapor & odor salus.

Hanc etiam in Maris Mediterranei litora ejectum collegimus aliquoties.

- \* 8. *Alga cornu cervi divisura* J. B.

J. B.

Folis erat membranaceis, rubentibus, duarum aut trium unciarum, cervini cornu denticulis incisa, sapore salso.



\* 9. *Palma marina quibusdam J. B.*

J. B.

Ejus ramuli erant plani, dimidiati culmi latitudine, multifidi, nigri aut cinerei, foliis amicti gracilibus, brevibus, divisurâ accedentibus ad Chondrillam, multo tamen minoribus.

\* 10. *Musci marini genus foliis pinnatis J. B.*

J. B.

Trium unciarum est altitudine, in pulchros ramulos unciales & fescunciales fissa, vivido virore tineta, foliis pinnatim annexis ut in viola aquatica, apophyfibz nonnullis inæqualibus.

Alias adhuc Fuci species observavit & descripsit Ferrantes Imperatus, quas quia nobis incognitæ sunt, nec ab alio præter eum Botanico, quod sciam, descriptæ aut pictæ, lubens prætereo. Earum autem descriptiones si desideras, videri possunt apud J. B. *Hist. Plant.* lib. 39. cap. 20. Latine factæ.

\* 11. *Reticulum marinum J. B. An Rete marinum Imp.? lib. 28. cap. 1.*

J. B.

Nomen ex rei ratione ascivit sic namque veluti stamine atque subtegmine intertexto est, ut rete aliquo modo representare videatur. Compressu duriuscula est, neque renitens: colore subcinereo obsoleto: odore atque sapore falsuginoso. Dentibus attritum cedit ob lentam & tenacem substantiam, nec facile comminuitur.

Maritimum accola est.

\* 12. *Fuci fungiformes J. B. Fucus fungis affinis C. B.*

J. B.

Sunt de numero foliorum marinarum, folio quasi circino orbiculato, non sine impressis lineamentis, itidem in orbem contortis. Adhærent rebus quibus innascuntur eâ parte quæ in vicem est centri. Accedunt colore & figura ad fungos quosdam, qui supra arbores crescunt. Majores redditi finduntur secundum lineas quæ ab ambitu vergunt ad centrum. In hoc genere altera species quæ major est, acquirit spithamæ longitudinem sive altitudinem, atque in aqua provenit minutulis nixa pedicellis. Hæc in ambitu foliorum crispatur. Minor verò duas uncias vix excedit & plana est, & sæpe alterum folium stat supra alterum. Color ut plurimum spadiceus est.

\* 13. *Muscus marinus Clus. Muscus maritimus viridis multifido folio C. B.*

Clus.

Quatuor unciarum aut paullo amplioris est longitudinis, in frequentes & latè sparsos ramos divisus, qui deinde in alios plures minores & multifidos definunt instar foliorum Chamæmeli, vel si quæ sunt illis minora aut tenuius incisa, molles initio & flexiles, transparentes si lumini opponantur, virides infima parte, supremâ verò purpurascens. Sed nec reficcata planta, licet asperior ficitate reddita, valde fragilis est, ut Corallina vulgò dicta, tametsi ad ejus aliquod genus quodammodo referri possit, saporem tamen valde salsum retinens, & si aquæ immergatur, & aliquantulum maceretur denuò mollescens.

A. 14. *Muscus marinus rubens pennatus nostras.*

Palmaris est longitudine, in innumeros ramulos divisus & subdivisus, foliolis brevissimis pennatim dispositis, creberrimis vestitos. Color totius intensè ruber aut sanguineus.

In maris litus rejectum non longè à Bervico oppido collegimus.

15. *Muscus maritimus Adianto similis alter C. B. Polypodium marinum J. B.*

Nomen obtinuit à similitudine caulis quam habet cum terrestri, qui repens hinc inde locis hæret unde prognascitur: folia quoque simili ratione modoque Polypodii quercini surriguntur, sed figurâ dissimili & ad Adianti folia accedentia. Scapus substantiâ constat lanuginosâ: Sæpius zoophytis hæret, quæ, referente Imperato, Italis Neapolitanis *Carnume* dicuntur.

A. 16. *Muscus marinus major, argutè denticulatus.*

Altitudo huic vix palmaris; color ad arenam marinam accedens. In ramulos innumeros subdividitur, qui singuli caulem ipsum magnitudine æquant, seta equinâ vix crassiores. Per totam longitudinem argutis denticellis crebris ex adverfo binis ferratus est. Folia commanfa mollia sunt & non scruposa in modum Corallinæ. In ramulis vesiculas habet pellucidas.

Fuco phasganoidi adnatum observavi in mari Britannico.

A. 17. *Muscus marinus denticulatus minor denticulis alternis.*

Scapos plurimos è radice emittit, palmares, non ramosos nec admodum firmos, furculis creberrimis ab imo ad summum usque, nunc longioribus, nunc brevioribus prout fors tulerit, non binis ex adverfo sed impari ortu, pennæ capillamenta imitantibus divisos, colore arenaceo, utrinque dentatis

tatis. Denticuli autem valdè acuti sunt, veluti squammulæ seu foliola acuta tum scapis tum ramulis utrinque adnascens, non tamen bina ex adverso, sed alterno situ.

A. 18. *Muscus marinus denticulatus procumbens caule tenuissimo, denticulis bijugis.*

Caule est tenuissimo, infirmo, sesquipalmari, ab imo statim ramoso, ramis aut filamentis capillaceis, crebris singulatim hinc inde emissis. Denticuli bini ex adverso siti sunt. Singulare est in hoc genere, quod caulis imus nihil major sit summis capillamentis, quanvis tot intercedant divisiones & subdivisiones. Color aliquâ ruboris tincturâ diluitur, veluti sabulum.

A. 19. *Muscus pennatus ramulis & capillamentis falcatis.*

Cauliculo affurgit palmari, huc illuc undatim reflexo, ramulos crebros hinc inde emittente: Ramuli digitales capillamenta creberrima hinc inde promunt, non tamen adverso sed alterno situ pinularum plumulæ in modum; omnia tamen uti & ipsi ramuli sursum reflexa & velut falcata. Capillamenta autem si curiosè spectentur compressa sunt & aliquam latitudinem habent, ab uno latere crenata.

A. 20. *Muscus marinus equisetiformis non ramosus.*

Plurimi ab eadem radice exeunt scapi, intus concavi, creberrimis geniculis per totam longitudinem, brevissimis setarum velut rudimentis, in ambitu quinis, obstitis. Sunt autem scapi [quos vidimus] palmares, setæ equinæ crassiores.

A. 21. *Muscus marinus denticulatus denticulis bijugis unum latus spectantibus.*

Quam vidimus plantula vix palmaris erat longitudinis, cauliculo setæ equinæ crassitudine, hinc inde ramulos crebros alterno aut nullo ordine emittente, qui in segmenta capillaria iteratè divisa & subdivisa creberrimè utrinque denticulata finduntur. Color velut arenæ marinæ. Denticuli ex adverso bini versùs unam partem spectant velut duæ antennæ junctæ.

A. 22. *Muscus Corallinæ in modum articulatus ex albo rubescens.*

Palmari longitudine excrevit variè in ramulos & furculos ad tactum molles nullo ordine divisa & subdivisa.

A. 23. *Muscus capillaris ramosus, per siccitatem obscure purpurascens.*

A. 24. *Muscus marinus erectior, ramulis in innumera & tenuissima capillamenta divisis.*

A. 25. *Muscus marinus purpureus parvus, foliis oblongis Millefolii ferè divisurâ.*

Hæc tres ultimas species in maris litoribus à se collectas nobis ostendit D. Jacobus Newton. Sufficiunt eis tituli pro descriptionibus.

26. *Alga nigra capillaceo folio seu Filum marinum Germanicum C. B. prod.*

C. B. prod.

Hoc exiguo lapillo innascitur, & in plurima bicubitalia, angustissima, nigricantia, lævia, crassiuscula & firma, aliquando inter se complicata fila absumitur.

Ex mari Baltico accepit C. Bauhinus.

A. 27. *Conserua palustris marina, seu Filum marinum Anglicum.*

Color huic ex albo subluteus: magnitudo fili quo vestes confui solent. Longitudo filorum singulorum si extrahantur (nam variè invicem implicata & contorta sunt) cubitalis aut amplior.

In fossis palustribus propè Camalodunum in Essexia observavimus. Alibi etiam haud dubiè consimilibus in locis reperitur.

\* 28. *Muscus marinus capillaceus Dioscoridis Donati Park.*

Corallinæ similis non est, utpote minimè dura aut lapidea, sed musci terrestris aut arborei consistentiæ, petris aut conchyliorum testis adnascens, mollis & herbaceus, totus ex filamentis veluti laneis albis compositus, absque ullo ramo aut pediculo, colore rubente & cinereo interdum variat, viridis non reperitur. Datur & hujus minor species petris aut lapidibus juxta mare adnascens; interdum etiam lignis, nonnunquam in litore maris inter algas & alia purgamenta ejectus reperitur, priori similis, albus sapore nonnihil falso & adstringente.

Antonius Donatus observavit in Lio Venetorum insula.

\* 29. *Muscus marinus argenteus plumiformis Donati Park.*

Rupibus maritimis, vel etiam piscium testis innascitur pulcherrimum hoc musci genus, interdum etiam inter Algas in litus ejectum reperitur. In ramulos plurimos capillares aliorum Musci generum



rum instar dividitur, plumarum particulas proxima similitudine referentes, colore argenteo adeo puro & claro, ut miraculi instar sit ullum musci marini genus vel naturâ vel arte adeo candidum reddi posse.

Cum aceto adhibitum lienem absumit, tumoresque & scrophulas illico dissolvit: urinam copiosè deducendo Hydropi confert. Renes expurgat, calculos & arenulas eluens, si pulvis ejus drachmæ pondere in aqua Erysimi cum pari quantitate succi limonum mixta fumatur.

30. *Muscus marinus Venetus Costi Indici radice effigie* Ponæ Park.

Rupibus maritimis accrescit, atque undarum agitatione non raro abrumpitur & in litus expellitur. Radicem nullam habet, sed totus velut ex fasciculo seu cespite virgularum festucarumve componitur. Siccus Costi Indici radicem refert, nisi quod candidior sit, humectatus denuo intumescit iterum, & in formam prædictam se explicat.

Salsus admodum est, & sale velut arena refertus.

31. *Penna marina aurea* Donati Park.

Colore aureo resplendent tum caulis tum folia; Ad Spartum Austriacum Clusii figurâ suâ proximè accedit.

Antonius Donati hunc & antepenultimam in Lio Venetorum insula observavit, descripsit & depinxit.

C A P. XII.

De Spongia in genere.

**Q**UÆ Latinis Spongia Græcis *Σπύγη* dicitur: Etymologus autem sic appellari scribit *σπύγη τὸ ἀσπῆν τὴν ὑγρότητα*, quod humorem attrahat & combibat. Quæ Veteres, Aristoteles & Plinius, de vita, sensu, motu & contractione spontanea, esca & alimento Spongiarum tradunt partim pro incertis & suspectis, partim pro falsis habeo. Quis enim credere potest eas conchis ac pisce ali? eo scilicet argumento, quod conchæ minutæ in eis reperiantur: quasi verò hæc animalcula non ultro irrepant in earum poros & foramina, seu ob tutelam, sive ob escam; facile enim credimus conchas marinas Spongas depasci, tantum abest ut Spongiæ conchas. Quis intellectum iis inesse putet, quia nimirum ubi avulso rem sensere contractæ multò difficilius abstrahuntur? Ego nullam ejusmodi vim eis inesse concesserim, confictam suspicor, quoniam Spongiæ compressæ & in angustum coactæ ultro resiliunt & se dilatant vi quadam elasticâ, quâ multa præterea inanimata pollent.

Est ergo (ut rectè Imperatus) Spongiarum naturâ Fungis proxima, de vegetabilium marinarum genere, quarum substantia velut ex lana compacta, fistulosa seu foraminata, & undique mucagine quadam membranæ vestita. Vivunt Spongiæ, scopulis, testaceis & arenæ radice sua affixæ. Avulsæ à sua radice repullulant & ut aliæ plantæ recrescunt. Earum proprium est, facile constringi, & in pristinam amplitudinem dilatari: adhæc humoris esse sitibundas, quem facile imbibant, & compressæ remittant.

1. *Spongia globosa* Imper. C. B. J. B.

*Imp.*

Neapolitanorum litorum propria est, figurâ Pomi, aliquantum turbinatâ; substantiâ teretierâ, flexili [*arrendevole*] & Spongiarum simili, sed maximè foraminatâ hiantibus apertisque cavernis. Reperitur sanè magnitudine capitis humani aut etiam majori.

2. *Spongia compressa* Imper. C. B. *Spongiæ compressæ schiacciatæ* J. B.

*Imper.*

Figurâ sunt orbiculari, latâ, parùm crassâ, substantiâ flexuosâ & quæ faciliè comprimi possit, tenaci, foraminatâ, sed exiguis poris, præ cæteris omnibus ad Spongiarum usum, ob plures condiciones requisitas quas habet, expetita. Has Spongas (si Imperato credimus) Antiqui Achilleas nominarunt propter earum subtilitatem firmitatēque: quapropter ad arma sustinenda corporibus equitum interponuntur, & uti motum eorum atque impulsū prohibeant. Fulciuntur pediculo instar Fungorum, quibus similitudine quadam respondent.

3. *Spongia compressa magna* C. B. *compressa schiacciatata Oceani latissima* Imper. J. B.

*Imper.*

Et hæc Oceani Spongia propter substantiam densam atque tractabilem ad usus à Spongiis expetitos valet, teste Imperato. A figuræ amplitudine commendatur, quippe cujus diameter duos æquet cubitos: crassitudo duorum digitorum; figura plana, expansâ atque compressa. Habet præterea foramina quædam quatuor radiis stellata. Centro hærens vivit sicut cæteræ spongiæ.

4. *Spongia*

4. *Spongia hircina* Imper. C. B. J. B.*Imper.*

Duræ sunt hæc, ideoque à Spongiarum bonitate degenerant, figurâ inæquali, cum eminentiis diversis cavitatibusque per quas aqua marina transmeat.

5. *Spongia velares* Imper. C. B. J. B.*Imper.*

Velares dicimus quarum textura rara est. Nam ablata mucagine, quæ fibrarum vacua replet spatia, restat tantum quiddam lanuginosum filamenti instar, aut capillorum simul ligatorum. Harum ergo usus non est qualis Spongiarum.

Est & hujus species quædam, cujus processus avium pedes quodammodo representat, quarum superficies asperitatibus eminentibus obrita.

Etiamnum alia hujus caudæ avis similis, cujus fibræ ab ortu ad extrema usque extenduntur.

Alia quæ Cornu cervi figuram æmulatur: nam à radice assurgens in ramos unâ tantum parte, sine altero tantum latere dividitur. Hujus substantia similis est laxo alicui nec condensato filtro.

6. *Spongia infundibulum imitata* J. B. *Spongia formâ Infundibuli* C. B. *Spongia elegans* Clus.*Clus.*

Quam descripsit hujus generis Clusius, inhærebat adhuc suo saxo, eisque darissimo & nigro, quod duodecim libras pendebat. Ipsa autem Spongiæ forma quasi infundibulum imitabatur, aut floris imaginem representabat, nam tota cava erat & infima parte, quâ saxo adhærebat, valde angusta; deinde sensim se attollens expandebatur, inæqualiter tamen, cum uno latere ad novem unciarum altitudinem duntaxat assurgeret, adverso autem ad undecim uncias pertingeret: oræ inæquales erant & sinuosæ, in interiorem partem interdum adeo reflexæ, ut foliorum formam quodammodo exprimerent: amplitudinis diameter superna parte  $1\frac{3}{4}$  erat unciarum; exteriori parte lobum quasi foliolum adnatum habebat, interiore verò bina foliola instar calycum formata: totâ autem materiâ vulgares Spongas referebat.

7. *Spongia ramosa* C. B. *ramosa Britannica* Park. *Conservee marinæ* genus Lob.*Lob.*

In Angliæ litore Meridiano insulæ Portlandiæ vocatæ, ex adverso Normanniæ, inter fluitantes Algas reperimus (inquit Lobelius) plantæ quoddam rudimentum, cujus si spectes & attrectes furculos palmares & sesquipalmares, pustulosos, molles, flexiles, Spongiam prorsus dicas, cui etiam concolor est, & vixisse putes: sin habitum & ortum ramis brachiatis, Corallinis affiniorem dicas: unde quidam apud Plinium Plocamon Isidos Corallio similem, sine foliis præcisum, mutato colore in nigrum durecente, cum cadat frangi solitum, conjectarunt. Ea tamen videtur Antipathes Dioscoridis. Quam nobis communicavit D. Newton sicca vix palmaris erat, colore ex viridi cinereo, in ramulos non ita crebros, culmo crassiores, in extremo dichotomos & veluti cornutos Alga fere in modum diviso.

8. *Spongia ramosa fluvialis* Newtoni.

Colore est per siccitatem magis cinereo quam præcedens, ramulis digitum minimum crassis, nullis divisione sua digitos imitantibus, aliis in extremo dichotomis & velut cornutis, aliis variè & nullo ordine divisis.

In fluvio Yare observata est à D. Newton:

Spongiarum multiplex usus est: nimirum 1. ad fomenta; multò enim diutius decoctorum quibus membra fovenda sunt calorem retinent, quam panni aut linteamina: 2. Ad sanguinem aliumve liquorem imbibendum & exsiccandum, quo Anatomicis, Chirurgis, Mechanicis utiles sunt. 3. Ad ulcera cava, nondum perfectè sanata, dilatanda & quandiu opus est aperta tenenda, & ad putrida exsiccanda. Ustarum cinere Veteres usi sunt ad ocularia medicamenta, & ubi quid extergere opus est. Plerique recentiores Medici iisdem Spongiæ cineribus ex vino albo propinatis utuntur in cura bronchocele, toto unius Lunæ curriculo, certissimâ experientiâ. *Quercetan.* Multa præterea de Spongiarum viribus & usibus habent Veteres, quos consule.

## CAP. XIII.

## De Alcyonio.

**A**lcyonium Plinio lib. 32. cap. 8. fit in mari, ex nidis (ut aliqui existimant) Halcyonum & Ceycum. Quatuor ejus genera recenset: Dioscorides quinque. Veterum Alcyonium quodnam sit non certò constat. Recentiores pro Alcyonii speciebus habent corpora quædam fungiformia in mari nascentia.

\* 1. *Alcyonium*



- \* 1. *Alcyonium spongiosum* Officinarum J. B. *Alcyon. durum* sive 1. Diosc. Imper. C. B.

J. B.

Hujus frustum à se adservatum ita describit J. B. Duos pugnos crassitudine amplitudinēque facile æquat: Substantia, quā superficie tenus veluti cortice obtectum est, albicat, aliās cinerea est, nonnunquam pulla, pro temporis (ut arbitror) ratione, crustosa, tota punctis cavis notata, cavernis pluribus inæqualis. Interior facies Spongiæ similis est, sed firmior, colore pullo, tota porosa; nam acicula vel modicè pressa facile penetrat. Ponderis pumicis lapidis non adæquat; odor & sapor sal-fuginosus.

- \* 2. *Alcyonium stupposum* Imperati J. B. *stupposum* vel 4. Diosc. Imper. C. B.

Imper.

Stuppis in glomerem convolutis substantiā interiore quodammodo simile est, ad tactum molle. Involucro tenus Alcyonio duro aliquantulum simile, concavo, calycis formam imitante; ex cujus concavo odor expirat piscosus. Et germina interdum protrudit, sicut de molli dictum.

- \* 3. *Alcyonium tuberosum* J. B. Imp. *Alc. formā fructūs alicujus Ficus* C. B.

Imper.

Tuberosum est hoc Alcyonium, pediculo latiusculo, firmo, superficie tenus punctato: Substantia interior fibrosa, fibris directè è corticis cavitate porrectis, & circa media junctis, & quasi in unum convolutis. Totum candidum est, & plurimum Algæ radicibus adhærens, figurā tuberosā inæquali, magnitudine interdum quantum vix ambobus brachiis amplecti liceat.

- \* 4. *Alcyonium molle* Imperati J. B. *molle* vel 4. Diosc. Imper. C. B.

Imper.

Hujus materia spongiæ similis est, ad tactum cedens, corticè obtectum è quo alia germina exeunt Juncorum specie, crassitudine calami Anserini, concava: inter quæ textura quædam tessellata, prætervui filo raròque velamento obducta, conspicitur.

- \* 5. *Alcyonium monstrosum* Clus. Exot. *Alc. Cervi cornua cum cranii parte referens* C. B.

Clus.

Monstrosum erat (inquit Clusius) & valdè admirabilis formæ, quia cervina cornua cum cranii cui adhæsisserent parte quodammodo referebat, in varios ramos sparsa, infernâ parte densò corpore & crasso, spongioso tamen, & retinente scopuli, cui innatum fuerat & adhæserat fragmenta. Cornua ipsa sesquicubitalis erant longitudinis, & palmaris aut amplioris crassitudinis, in varios ramos satis crassos sparsa, cavos tamen, & spongiosâ, rudi, crassâque materiâ constantes, ac veluti reticuli instar compositas, ut lumini oppositi transparentes essent & pervii: color ad spadiceum tendens: ramulorum nonnulli singulares erant, quidam etiam gemelli, & ex parte interdum coalescentes. Sapor valdè salus erat.

Ex America delatum erat.

- \* 6. *Alcyonium Chirothecæ facie* Clus. C. B.

Clus.

Quod descripsit hujus generis Clusius mirandæ etiam erat formæ, Nam chirothecam in 4. laciniis, digitalis longitudinis, easque cavas & inanes, ac veluti tuberibus cineracei coloris exteriori parte obsitas, sectam valdè referebat: interiore vero parte laviores & multis exiguis foraminibus prædita. Tota planta (si hac appellatione eam donare convenit) spongiosa quodammodo naturæ erat, & levis admodum. Ejus sapor non valdè salus, ut diu adservatum esse, & temporis diuturnitate falsedinem exuisse credendum esset. Scopulo aut saxo inhæsisse videbatur, nam sedes plana erat. Cum secundo autem Alcyonii genere à Dioscoride descripto nonnullam affinitatem habere videbatur.

- \* 7. *Alcyonium ingens* & 3. quod ad 5. Diosc. referri potest Clus. exot. C. B.

Clus.

Illo majus (inquit Clusius) videre non memini: Crassitudine porro longitudinem valdè superabat: Nam cum 8½ duntaxat uncias longum esset, crassitudo in medio corpore 16 uncias ambitu continebat, in extremis autem partibus pæne 12. Ipsa enim forma prorsus inæqualis erat, modò in dorsum assurgens, modò in multas lacunas depressa: totum autem Alcyonii corpus cineracei coloris crustâ tectum erat: interna pars fungosâ sive spongiosâ quadam materiâ constabat, & frequentibus lacunis erat prædita, falsique admodum saporis, & acrimoniæ etiam particeps: nam illius supra candens ferrum resiccata pulverem, si cuti adfricaretur, non modò magnum pruritum excitare, sed etiam valdè mordicare & urere experiebar, non secus quàm aliorum Alcyonii generum.

8. *Alcyo-*

8. *Alcyonium* XII. sive *Bursa marina* C. B. *Algæ pomum* *Monspeliensium* J. B.

J. B.

Pila palmariæ simile est, modò majus modò minus: turgēt & plenum est aquæ, colore Spongiæ, vel fungorum Juglandium, qui in sicco in album mutatur. Comprimitur etiam instar orbis, habetque umbilicum, & juxta illum nonnunquam pilos similes Algæ pilis. Quod nos in Sicilia insulæ litoribus invenimus, colore erat viridi, & propius accedebat ad *Bursæ marinæ* Cæsalp. descriptionem; erat enim intus concavum, ex muscosa seu spongiosa scilicet capillari substantiâ constans, & ostiolum habebat rotundum quâ lapidibus adhærebat.

Arantium marinum Imper. nobis huic idem videtur: qua in sententia D. Magnol nos confirmavit, cum *Bursam* marinam *Monspeliensium* vulgo *Îranges de mar*, appellatam scribat. *Ind. Plant. Monspel.*

\* 9. *Alcyonium stuposum*, *rubrum perforatum* Pauli Boccone Epist.

Boccon.

Radicem habet Fungorum campestrium [*Champignons*] similem. Caulem nunc unicum edit; [interdum tres quatuorve] non ramosum, rectum, crassitie pollicari, semipedali longitudine: Tota ejus superficies erosa est & foraminulenta, unoquoque foramine oblongo, absque ullo vel radiorum vel fissurarum signo aut vestigio. Leve admodum est: materia ex qua componitur albicans, porosa, in fibras parvas ordinatas divisa, paleis illis similes quæ à Cannabe decidunt, aut à Lino, dum ab operariis contunditur, ut à quisquilis repurgetur. Verum si microscopio observes has ipsas partes in medio fitas, videbis fibras dictas similes frustulis glaciei oblongis quæ componuntur ex membranulis albis & lucentibus. *Alcyonium* isthoc transversim perpendiculariter sectum in medio maculam ostendit coloris rosei quæ à radice ad summum caulem extenditur, estque valde diversa, à fibris & à materia albicante, quæ totum reliquum corpus *Alcyonii* componit. Hæc autem materia albicans & stuposa transversim secta parvis arenæ granis repleta cernitur. Ut foraminum in superficie apparentium causam investigarem ea quàm potui diligenter dissectui & aperui, & in unoquoque foramine inveni folliculum insecti cujusdam exuviis similem inter duas fibras firmatum, vesiculæ parvæ æmulum. Folliculus isthic flavus est, è pluribus membranulis valde tennellis compositus & interdum membrana intermedia divisus in duas cellulas: unde minimè dubium puto foramina illa superficialia ab insectis erosa esse. Verum cur Insecta hæc in exteriore tantum & superficiali *Alcyonii* parte nidulentur, in interiorem autem & medullarem non penetrent, difficilis quæstio est. Reliqua vide apud Autorem.

Pilam marinam cum Imperato de numero Vegetabilium esse negamus, quòd sit è minutulis paleis atque pilis congestus globus, seu à volutione ab aqua marina factus, ut ille vult, seu in piscium ventriculis conglomeratus. Innumeræ autem in litus Maris Mediterranei rejiciuntur.

Ex quo hæc scripsi invenio in Ephemerid. Germanicar. An. undecimo, Observ. XIV: Novam sententiam D. Lucæ Schroekii de his corporibus, nimirum Arundinis esse progeniem, & quidem foliorum ejusdem. Cujus rei fidem ei fecerunt pilæ ejusmodi quamplurimæ, ad eum allatæ, quæ intus plantam ipsam tanquam circumvolutionis principium & fundamentum continuerunt. Reliqua vide loco citato.

Vesicaria marina J. B. Pila marina ex ampullis constans ad Spumæ similitudinem C. B. Item Vesicaria marina nigra, Favago Aristotelis quorundam J. B. Ostrearum aliorumve testaceorum & fortè etiam Mollium fœtura nobis videntur, ideòque hujus loci non sunt:



# LIBRI SECUNDI

## PARS SECUNDA.

### De Fungis.

#### De Fungis in genere.

**C**UM in universo Corporum naturalium, vitâ saltem præditorum, cœtu, & singulis eorum classibus, quò perfectiora quæque sunt, eò pauciora eorum genera reperiantur, quò imperfectiora eò numerosiora, horum multitudine illorum pretium pensante; ut Vegetabilia & Animalia inter se, & in genere Animalium *Quadrupeda, Aves, Pisces, Insecta*, in genere Vegetabilium *Arbores & Herbas* conferenti patebit; Fungorum genus, ut maxime imperfectum, ita numerosissimas omnium species sub se complecti deprehendetur. Quibus omnibus exquirendis & describendis cum ego nec vacem, nec sufficiam, ab Historia plantarum aggre-dienda nonnihil deterreor nè scilicet infausto omine in ipso statim operis limine impingere videar. Verùm cum mecum reputem accuratam harum recensionem & enarrationem, vel omnino supervacuam, vel curiosiorem quàm sit utilis plerisque Lectoribus visum iri, me ob paucas ex propria observatione jam descriptis additas multorum potius reprehensionem incursum vereor, quàm ut omissarum veniam ab iisdem facile impetraturum dubitem. Iis tamen qui ingenio pol- lent, & otio abundant, latissimus aperitur campus, in quo se cum fructu exercent, & bonas ho- ras bene collocent, in tot nimirum specierum nondum traditarum historia concinnanda, atque adeò Divini opificis in iis magno miraculo absque seminio producendis infinita potentia celebran- da. Absque seminio, inquam, quamvis unica tam in his, quàm in Submarinis species contrario exemplo semen manifestum ostentans huic sententiæ refragetur; nòsque suspensos reddat & dubios, annon & reliquæ quoque seminiferæ sint, quanvis semen in iis necdum compertum fuerit: Nec enim verisimile est has solas species à reliquarum omnium norma & analogia abluere. Ve- rùm de Fungorum ortu pluribus superius egimus.

Fungus nonnullis à *Funere*, vel à *Funus & ago*, vel à *Fungor* dictus videtur, quia veneno suo ad Funus vespentes deducit. Quicquid sit de Etymo, Fungus certè hoc nomine non immerito ma- le audit, ut qui avidè deglutientibus non rarè funestus & exitialis fuerit. Nam ut eos præteream fungos qui se noxios fatentur, & habitu ipso malitiam produnt: Alii non pauci maligni cum sint salubres simulant, adeoque incautos per sepe fallunt, & ad se colligendum invitant. Unde de oblato- rum salubritate securos nos esse non sinunt colligentium vel imperitia, vel incuria, vel fortè etiam malitia. Quin & salubres & esculenti habiti vitium facile contrahunt, vel ex genio lo- ci ubi nascuntur, vel ex natura succi quem combibunt, vel ex putridorum aut venenatorum vicinia & afflatu. Quòd si nihil horum sit, consentientibus Dioscoride & Galeno vel optimi largius sumpti lædunt, ut qui pravum succum generent, agrè concoquantur, strangulent, & bilis sursum ac deorsum eruptionem inducant. Recentiores etiam nonnulli Fungos in universum omnes in cibis damnant, & mensis abdicant. Præ aliis \* Aθανάσιος Kircherus his verbis, *Fungus qualif- cunque sit semper malignus est, semper exitialis qualitatum apparatu instructus: etsi non statim sentiat, frequenter tamen comesus nescio quid successu temporis occultæ machinationis interiore viscerum administra- tione moliatur.*

\* Lib. de  
Peste.

Apagete ergo perniciosâ isthæc gulæ blandimenta. *Quæ tanta* (ut cum Plinio loquar) *voluptas ancipitis cibi?* An usque adeò vitæ tædet, ut eam tam vili offâ permutemus, mortemque semper in procinctu stantem ultro folicitemus.

Nobis præcipuè Septentrionalis regionis incolis cavendus est Fungorum esus: nec enim ob de- fectum caloris & humoris abundantiam in his oris probè concoqui & (ut ita dicam) maturescere possunt. Ex *Ath. Medic. Thomæ Bartholini An. 1673. Obs. 116.* historiolum in hanc rem sequen- tem ad me transmisit Eruditissimus simul & ingeniosissimus Vir D. *Tancredus Robinsonus*, Amicus no- ster imprimis charus, qui & aliis multis Observationibus, partim propriis, partim è probatissimis Autoribus collectis Historiam nostram locupletavit. Ex *Observ. D. Cassp. Collichen*, Fungi non ubi- que innoxie eduntur. In patria mea Silesia (inquit) in tanta copia crescunt, ut non tantum re- centes, sed etiam furno exsiccati, rusticis per hyemem gratum præbeant edulium: Hic verò in Dania, ubi rariores sunt, magis sunt exitiosi: id quod accidit Hafniæ civi, qui in Gallia illos sæ- pe innoxie comederat; hic verò coctos & more solito præparatos cum devorasset in cœna, hora noctis duodecima Apoplexiâ corripitur: Sanguis enim torpidior reddebatur, & spirituum motus im- pediti erant à narcotica vi Fungorum. At verò potuit fortasse civis ille per errorem Fungos noxios pro esculentis colligere & vorare.

Verùm quamvis eos in cibis improbamus, aliis tamen usibus inservire possunt, vel in medicina, vel in operibus mechanicis.

Fungi nihil ferè habent commune cum plantis perfectioribus. Nec enim color iis herbaceus, nec textura analoga, neque flos ullus semineve, quod hætenus nobis certò constat, aut folium propriè



propriè dictum. Brevissimo temporis spatio plerique oriuntur, & brevis pariter avi sunt. A ligno plerunque aut ejus frustulis elewantur. \* Sennertus probabile esse existimat, Fungos omnes in plantis & è plantis provenire & nasci; cujus sententia & nobis etiam probatur. Clarissimi Viri D.D. *Malpighius* & *Sbarrocius* Fungos ex fungis frustulatim discerptis & disseminatis pullulare (ut vulgò etiam creditum est) opinantur. Etenim contentus in utriculis transversalibus adhuc succus (verba sunt *Malpighii*) superveniente exteriori humiditate fermentatur, & extra turgendo quasi netur. Effluvia namque pilorum instar concreta contextum probabiliter efficiunt; unde ulteriori subsequente fermentatione & quasi vegetatione, (urgente exterioris aeris elasticà vi) congesta sursum in caulem eriguntur, & deficiente vi effluviarum prementèque aeris gravitate quasi reflexa in capitulum desinunt.

Ex quo hæc scripsi monuit me mox laudatus D. *Tancr. Robinson* in *Ephem. German.* An. 6. & 7. Obs. 174. proditum, observasse nescio quos, Fungorum plurimos è terra erumpentes semen habere, si curiosè examinentur, formà quamvis minori *Alceæ* *Ægyptiacæ* semen ferè exprimente. At cur non addunt quibus Fungis, cui parti accrescant; an nuda, an vasculis inclusa, aliàsque circumstantias? Cur rem tanti momenti, quæ hæcenus Botanicorum omnium industriam elusit tam negligenter & perfunctoriè tradunt?

Nos in hoc libro Fungos in duo genera dividemus, Primum erit Terrestrium. Secundum Arborum caudicibus aut ramis innascentium. Arborum intellige non dejectarum & in terra jacentium, sed adhuc stantium. Aliàs enim Fungi plerique (ut diximus) Arborum ligno putrescenti originem suam debent, qui tamen humoris nutriti maximam partem è terra combibunt.

Fungos terrestres dividimus in lamellatos & lamellis carentes. Lamellati omnes pileati sunt. Lamellati carentes sunt vel pileati, vel absque pileis. Utrique autem tam lamellati quàm non lamellati, vel esculenti sunt, vel noxii. Arborei variarum formarum & generum sunt. Hunc ergo tractatum, qui est de Fungis, in quatuor Sectiones dividemus.

Prima erit de Fungis terrestribus lamellatis, qui simul & pileati sunt, cujus duo membra, Primum de Esculentis, Secundum de noxiis.

Secunda erit de Fungis terrestribus, lamellis carentibus, five pileati sunt, five minús.

Tertia de Fungis arboreis cujuscunque sunt generis.

Quarta & ultima, quæ unico capite absolvitur, de Fungis subterraneis *Tuberibus* dictis, qui tamen terrestribus non lamellatis potuissent adungi.

## SECTIO PRIMA.

*De Fungis terrestribus pileatis simul & lamellatis.*

### MEMBRUM PRIMUM.

*De Fungis terrestribus lamellatis esculentis.*

#### CAP. I.

\* *Fungus candidus regius odoratissimus J. B. candidus odoratissimus orbe magno C. B.*

**P**orta villæ lib. 10. cap. 70. autor est hunc fungum, Antiquis indictum, esse candidum, odoratissimum, orbem vix utrâque manu diductis pollice & indice cingi posse, tam esui suavem ut crudus edatur, præberi ægris innoxie: incolas *Richione* vocare, quasi magnum Fungorum regem dicas: Autumnalem esse.

#### CAP. II.

\* *Fung. esculentorum 21. genus Clus. An Gallinaccia Neapolitanis dicta Portæ? max. Ungaricus, multis laciniis squammatim incumbentibus C. B.*

**T**Antà nonnunquam amplitudine excrecere audivit Clusius ut bigam facillè impleret, & monstrum veriùs Fungi quàm Fungus censerì posset. Verùm quos in Ungaria observavit multò minores erant: pediculo sesquipalmari aut ampliore, semipedalis altitudinis; corpore in longitudinem & latitudinem diffuso bipedalem aut majorem, multis valde amplis & laciniatis



laciniatis foliis squamatim vel imbricatim sibi invicem incumbentibus constans; quorum etiam nonnulli Quercus sinuosa folia imitentur, coloris ex rufo nigricantis, vel ex albo nigri, aut multis maculis nigris in albo conspersis notati.

Suspiciatur Clusius quinti generis à se descripti fungos esse hujus generis nondum adultas species. Fungus autem quintus Clus. Fungus angulosus pediculo exiguo nobis cum C. B. dicitur.

## CAP. III.

\* Fungus bulbosus fuscus duplici pileolo C. B. Fun. Quercinus Diplocoides Col.

Col.  
**O**ctobris initio Campoclari in Quercetis humentibus post pluvias hunc observavit F. Columna.  
Totus albus est præter pilei superficiem, quæ fusco colore Castaneæ operitur, verum crescente intus carne disrumpitur, ut in coriis depictis evenit, deinde vi extensis; & maculosa videtur: interna pilei pars pectinatim à centro ad circumferentiam deductas lamellas obtinet, ut in aliis. In medio verò petiolo, aut circa summum, labrum inest, circa extremas oras fusco colore, coriaceum, asperum limbum habens, ut diploci folia circa genicula hærentia, cava, unde nomen imposuimus Diplocoidis. Petiolus intus cavus est, in imo crassescens, & extirpatus veluti capiratus bulbus apparet, in quo fibræ hærent alimentum è terra attrahentes, & pars terræ hærens nigrescens parum & inæqualis invenitur. Siccatus servatur, nec putrescit: quod innoxii signum esse censetur fungi.

## CAP. IV.

Fungi verni, Mouceron dicti, odori & esculenti J. B. An Fungus minimus odoratus, capitulo donatus cinereus C. B. ? Prunuli Cæf.

J. B.  
**F**ungi genus illud, quod quia sub Musco communiter proveniat, ac sub eo latet Galli *Mousseron* dicunt, magno in pretio est, mensisque lautioribus expetitur. Hi primulum erumpentes *pediculis* brevibus fibras deorsum agentibus *capitula* sustinent Pisto magno æqualia; duodecuplo majorem molem [ nisi avellerentur ] affecuturi. Sed pediculus ipse teres, & in imo crispus vel rugosus, ex terra non multum emergit. Caterum clusiles sunt, rotundique in summo, subtus verò, quæ instar tentorii reflexi, rimosis à centro ad circumferentiam striis donati: ubi penitus excreverunt *campestrium Fungorum* instar expanduntur. Totâ verò substantiâ intus forisque candidi, gustûs gratissimi, odorisque grati.

Primo Vere sub Martii finem & Aprilis initium prorumpunt locis apricis, nemoribusque inter spinas: Montbelgardi potissimum & per Comitatum Burgundicum, finitimisque oras nullo non ferè observavimus Vere, inquit J. B. Sunt autem & in Gallia frequentissimi; ubi diligenter repurgatos, lotos, & in jure ex Vino, Agresta, Aceto, Cepis, Sale, Aromatis, Aurantiis, Citriis, cum herbarum odoratarum aut Lauri tantillo parato decoquant, coctos eximunt, & cremori lactis dulci, addito juris in quo cocti sunt tantillo, immittunt.

Nos in Anglia nomen hoc *Mousseron*, nonnihil tamen detortum & in *Mousserone* mutatum, omnibus in genere Fungis accommodamus: quod huic, ut videtur, principem olim inter Fungos locum dedimus.

Funguli incarnati coloris miniati, musco innati *Memzel*, hujus generis esse videntur.

## CAP. V.

\* Fungi D. Georgii coloris exalbidi cum pauca flavitie, esculenti, pratenses J. B. orbiculatus exalbidi pratensis C. B. Fungi esculenti 3. genus Clus.

Clus.  
**P**Arva Fungi species est, duarum unciarum amplitudinem vix æquans, orbiculari ferè formâ, supernè quidem aliquantulum extuberante, & quodammodo pulvinatâ, infernè verò concameratâ, & quibusdam veluti venis distincta, pediculo crasso, brevique coloris exalbidi, cui flavi quidpiam admixtum est.

In ficcoribus atque pascuis pratis circa diem S. Georgii, i. e. 23. Aprilis invenitur.

Aliorum Fungorum modo præparandus est (inquit Clusius) qui repurgati ut plurimum elixari solent, & in frustra concidi, quæ inter binas lances reposita, insperso oleo olivarum vel butyro, & pipere addito, super prunas coquantur: aut cum larido injicitur jusculum ex lactis cremore paratum.

CAP.

## CAP. VI.

- A. *Fungus campestris*, albus supernè, infernè rubens J. B. *esculentus* 13. sive *pileolo lato & rotundo livido* C. B. *esculentus* 12. Park. The most common esculent Mushrome or Champignon.

J. B.

**F**ungi hi, quos à natalitio solo campestri *Champignons* appellant Galli, primo pullulatu globosi sunt, postmodum paullatim explicati membranulas infra ostentant rubentes, confertas: superius inoffenso lavore æquabiles & albi, materiâ intus candidissimâ, pediculis brevibus, crassis. Saporis & odoris sunt boni primulum è terra erumpentes; ideòque antequam explicantur colligendos monent; nam vetustate vitium contrahunt & noxi fiunt, gravem odorem contrahentes & fuscum colorem, ut rectè Lobelius. Sunt autem è Fungorum majorum numero.

In pascuis sterilibus media æstate passim proveniunt apud nos, in calidioribus fortè maturius. Post pluvias potissimum exeunt.

Boletis (inquit J. B.) membranulas lividi coloris, antequam in cibos veniant, detrahare oportet, ac tum demum ipsos aquâ bullire, butyròque & aromatibus condire convenit.

Hunc ad Fungi esculenti nonum genus Clusii referri posse putat C. Baubinus: cujus idcirco descriptionem hic proximè subjiciemus, ut Lector commodius ea invicem conferat.

## CAP. VII.

\* *Fungi pileolo lato & rotundo* C. B. *Fungi esculenti nonum genus* Clus. Germanis *Stremling*.

**I**n hoc genere quatuor differentias observavit & descripsit Clusius. 1. Prior species Secundo generi valdè absimilis non est; nam circinata ferè in plano est rotunditatis, unciam aut binas magna, supina parte pulvinata & candicans, infernè autem magis est fusca, & evidentioribus striis donata quàm secundum genus.

2. Ad quinti generis primam speciem plurimum accedit altera species: etenim angulosa est, sed amplior, ut quàm uncias quatuor, aut plures æquare existimem, supernè etiam albicans, non ut illa fusca: infernè verò non lavis & glabra instar illius, aut alba, sed crassis striis ab umbilico sive pediculo in oras ductis insignita.

3. Tertia magnam affinitatem habet cum octavi generis altera specie: quia ferè orbiculata est, & æqualis pene magnitudinis: supernè tamen in albedine magis fusca est; infernè illi non dissimilis, nisi quòd ejus striæ crassiores sunt, & pediculus illum sustinens crassior, brevior atque magis nigricans.

4. Sola magnitudine ab octavi generis tertia specie differt hujus quarta species: Illa enim amplior est, hæc minor, utraque autem circinata ferè in plano rotunditatis; illa supernè rubescens, hæc multò magis rufescens, eamque ob causam Germanis *Stotte Stremling* dicta; graciliore illa pediculo subnixa, hæc crassiore & magis albo, ut etiam inferna hujus pars candidior est quàm illa, & minùs evidentibus striis exarata.

Nascuntur autem omnes eodem quo octavi generis species tempore, atque in caduis plurimum sylvis, quemadmodum & illæ. Nec locus, nec descriptiones horum, me iudice, bene conveniunt campestribus Fungis: Fortè nomen Germanicum illis convenit. Clusius Fungorum esculentorum octavum genus Gallis *Champignons* dici asserit: & reverà in primæ & secundæ hujus generis speciei descriptionibus nihil est quod contradicat, atque idcirco mihi planè persuadeo rem ità se habere. Eorum tamen descriptiones subjiciendas duxi, nè Lectori imposuisse videar.

*Fungus pileolo lato orbiculari candicante* C. B. *Fung. esculent. octavum genus* Clus. Germanis *Stufferling*, Gallis *Champignon & Potiron*.

Hujus tres species facit Clusius: prima & secunda sola magnitudine differunt.

1. *Prima* duas ferè uncias lata est, planæ sed orbiculatæ figuræ, supernè tamen quodammodo pulvinata & candicans, infernè veluti camerata & convexa, striis quibusdam à crasso pediculo in oras ductis distincta.

2. *Alter*a huic prorsus similis, sed amplioris magnitudinis, ut quæ 4 aut plures uncias æquet, ejusdem cum prima figuræ, sed crassiore pediculo subnixa, supernè albâ cute, cui inspersæ aliquot maculæ fuscae & flavescentes, infernè flavescentes aliquantulum, & magis conspicuis striis à pediculo in extremas oras productis exarata.

3. *Tertia* adhuc amplior est Secundâ specie, & magis circinatæ rotunditatis, longiore gracilioreque subnixa pediculo, & colore superna & inferna parte ex fusco subrubente, non minùs evidentibus & conspicuis striis à pediculo in orbem diffusis inferius distincta quàm Secunda species.

Omnes autem species ut plurimum in caduis sylvis nascuntur circiter Pentecosten, h. e. sub extremum Maium aut Junii initium.

Priores duæ species palato gratæ esse feruntur: Tertiam edunt etiam nonnulli sed perpauci.



C. Bauhinus Fungorum tertium genus Tragi [qui J. B. Fungus piperatus lacteo succo turgens] huic synonymum facit : Fortè quia Clusius hunc Germanis *Pfifferling* dictum scribit. C. Bauhinum reprehendit Chabræus, quia Clusius Fungum hunc amarum esse innuit, Tragus autem suum Piperei saporis facit. Jam verò (inquit) quantum inter saporem amarum & acrem seu ferventem intercedat, vel Fungus judicet. Quicquid autem sit de nomine (quo in universum omnia pæne Fungorum genera donant) nullius acrimoniæ seu fervidi saporis in descriptione meminit Clusius; sed priores duas species palato gratas esse scribit.

## CAP. VIII.

\* *Fungi punicei, lacte dulci manantes, pratensis similes edules J. B. Fungus pileolo lato puniceo lacteo & dulcem succum fundens C. B.*

**I**N nonnullis altissimis sylvis, ut est *Odenwaldt* appellata, nascuntur, puniceo colore præditi, pratensium fungorum, quos boletos vocant, magnitudinem haudquaquam excedentes, lacteum & dulcem manantes succum. Hi à quibusdam crudi devorantur, sed qua utilitate ignoro, inquit Tragus.

## CAP. IX.

A. *Fungus piperatus albus, lacteo succo turgens J. B. Fungus 10. sive pileolo lato, orbiculari candidante C. B. item Fungus 27. sive albus acris ejusdem. Fungus tertius Trag. quem piperei saporis facit. The milky pepper Mushzome.*

**F**ungi hi è majoribus sunt, Campestris tamen [*Champignons*] magnitudine non multum excedunt, quibus etiam figurâ perfimiles sunt, pileolis circinatæ rotunditatis, crassis, carne multa [J. Bauhino Campestribus pro magnitudine minus densi] striis seu lamellis subtus prætenuibus, laxis & profundis: pediculo tereti, solido & minimè concavo, pollicem circiter crasso, sex interdum digitos transversos alto. Non pediculus tantum & pileolus, sed & lamellæ huic fungo candidissimæ sunt, cum Campestribus rubeant. Ubilibet vulneratus lacteum succum fervidum copiosè effundit. [Inveteralcentes, sursum flexis oris & pileolo tabescente, superius cavi redditi metam inverfam aut infundibulum referunt.]

In altissimis & tenebrosis sylvis Septembri & Augusto mensibus nascitur. J. B. Ingeniosissimus Vir, & totius Historiæ Naturalis callentissimus, D. M. Lister, in sylvis Martonensibus propè stagnum *Pimmo* dictum, in ea Comitatus Eboracensis parte quæ *Craven* dicitur, invenit, deque succo lacteo observationes sequentes à se factas nobis communicavit.

1. Teneriores & juniores fungos promptius & copiosius lactescere quàm adultos & plenam maturitatem adeptos: aridis & marcescentibus nihil intus lactis apparere.

2. Succum hunc lacteum piper sapere & olere, imò omni pipere acrius linguam vellicare & adurere. J. B. scribit, se cum succum hunc digitis aliquando attigisset, & ex improvîso palpebras digitis absterxisset, quamprimùm magnas punctiones & pruritus expertum esse, talem quidem qualis è Tithymali succo evenire solet.

3. Eundem tamen succum ad tactum minimè viscidum aut lentum esse.

4. Quamvis eodem cultello centum (inquit) minimùm hujus generis fungos dissecurerim, lac tamen ferro illitum & diu adhærescens colorem non mutavit, contra quàm aliis plerisque vegetabilium succis evenire solet.

5. In vase vitreo quo eum excepi subitò concrevit, intrâque paucos admodum dies in massam solidam condensabatur, nullo intermixto sero aut humore.

6. Quod exiccatus etiam acrem illum & mordacem saporem retinet, minus tamen vehementem. Exsiccati autem color ex luteo pallidè admodum viridis est.

7. Quod succus iste modò promptius & copiosius emanet ex parte exteriori, & ut ità dicam, superficiali, quæ cortici in plantis perfectioribus responder, quàm ex interioribus quæ ligno & medullæ.

8. Fungos hos cum lacte maximè turgent, ut eorum acrimoniæ & fervorem lingua ferre non posset, eulis quibusdam seu vermiculis refertos observavi, eorumque recentissimos & tenerrimos à Limacibus cinereis exesos.

## CAP. X.

\* *Fungus albus, dictus Montbelgardensibus & vicinis Biffette J. B.*

**A**ugusti fine (inquit) observavi hos fungos, Campestribus similes, sed infra supràque totos albos. Hos olim eosdem putabam cum *Columbettes*, verùm distinguebam à Campestribus, quòd tardiùs provenirent, & pede longiores essent.

In sylvis Quercuum, sed rariùs, occurrunt. Præcedunt *Columbettes* & minores sunt.

CAP.



## CAP. XI.

\* *Fungus magnus, totus albus, sine succo lacteo, edulis, Columbettes Montbelg. J. B.*

**E**<sup>7. B.</sup> X edulium quoque fungorum (inquit) censu sunt hi, magnitudine excellentes, toti albi tam subtus quam supra, omnisque succi lactei expertes, quo turgent Piperati illis similes. Per ambitum aliàs cristati, aliquando reflexi & inæquales sunt, interdum non. Distinguuntur autem *Columbettes à Bisette* pede elatiore, & quòd latiores sint tardiùsque proveniant. In sylvis è regione urbis Montbelgardenfis dictis *le Chesnois* invenit J. B. & alibi.

## CAP. XII.

A. \* *Fungi longissimo pediculo candicantes, sed maculati esculenti J. B. Fungus pileolo lato, longissimo pediculo variegato C. B. Fungus esculenti 18. genus Clus.*

Clus.

**I**nter fungos innoxios longissimo pediculo hunc præditum putat Clusius: est enim ille in 8 aut 9 unciarum longitudinem, porrectus, digiti minimi crassitudine, rectus, versicolor & *pileolo*, striis quibusdam & maculis parvis & magnis, ex albo, rufo & fusco coloribus commixtis distinctus, marmoris varii instar. Ipsum verò fungi corpus pilei seu galeri formam quodammodo refert, valde laxis oris, deinde sensim in turbinatam metam desinens, altitudine trium unciarum aut ampliore, orarum diametro uncias ferè 8 occupante, candicantis supernè coloris, multis tamen maculis magnis & exiguis ex fusco rufescentibus infecti, supremo fastigio prorsus fusco. Inferna pars cava admodum & camerata, candicans quidem, sed plurimis striis fuscis, obliquis, & veluti in cincinnos compositis, distincta: duabus autem ferè uncis infra supremum pediculi fastigium corolla digitalis circiter latitudinis ipsum amplectitur, unde corporis ipsius Fungi oræ abruptæ videntur, dum in laxitatem se diffudit.

In arvis plerunque provenit tum in Hungaria, tum in Germania, tum etiam in Anglia; mihi tamen nondum observatus.

## CAP. XIII.

\* *Fungus umbilicum referens variegatus C. B. Fungi esculenti 13. genus Clus.*

**Q**uinq̃ hujus assignat species Clusius: 1. Quincunciali est diametro, plurimùm orbicularis, pediculo digitali, unciam crasso, supernè protuberans, ex albo virefcens; infernè candicans & striata.

2. Diametro 4 uncias non excedente, coloris ex coerulèo viridi & fusco commixti, infernè ex albo subfusci; pediculo pollicem crasso, breviorè quam prima.

3. Præcedenti ferè æqualis est, paululum angulosa; supernè ex purpureo & saturatè rubro commixti coloris, raris albis maculis aliquando emicantibus; infernè candicantis, fuscis striis asperfis, oris dilutè purpurescentibus.

4. Tertiâ minor, diametro 2 uncias vix excedente, pediculo unciali, graciliore, supernè flavescentis veluti fuligine infecta, infernè alba, fuscis striis distincta.

5. Quartæ æqualis est, reliquis asperior, supernè coloris ex albo fusci, inferiùs candicans, striis fuscis in oras excurrentibus.

Hujus pleræque species figuræ sunt orbicularis, supernâ parte intumescens & pulvinatæ in medio nonnihil compressæ ut umbilicum mentiatur.

Nascuntur promiscuè in sylvis, & Junio Julioque mensibus inveniuntur.

## CAP. XIV.

\* *Fungus in metam fastigiatus, albus, fusco tinctus C. B. Fungi in metam fastigiati esculenti, coloris albicantis fusco tincti J. B. Fungi esculenti IV. genus Clus.*

**T**res species describit Clusius. 1. Uncialis aut paulo amplioris magnitudinis, crasso pediculo, coloris albicantis fusco tincti.

2. Paulo planior est & quasi in orbem circinata, duarum unciarum aut majoris amplitudinis, cætera similis.

3. Trium plerunque unciarum magnitudine est, crassiore pediculo, magis fuscus, interdum notis distinctus. Superna pars ut plurimùm lacera & discissa apparet.

Sub Pruni arboribus nascitur.



## CAP. XV.

- \* *Fungus orbicularis sulcatus albus fusco permixto* C. B. *Fungi tuberosi esculenti albi fusco permixti, vel maculis distincti* J. B. *Fungi esculenti VII. genus* Clus.

**D**Uplex est, 1. Alter nonnihil tumens, interdum etiam in ambitu lacerus: 2. Alter orbicularis pæne, tota superficie candicans, ut ovum exalptum exprimere videretur, præsertim adempto pediculo.

In ficcioribus pratis & pascuis juxta pagos fitis proveniunt.

## CAP. XVI.

- \* *Fungus orbicularis oris intro reflexis* C. B. *Fungi esculenti 15 genus* Clus. *Fungi Suilli Ungaris.*

**D**Uplex est, 1. Orbicularis ferè, quatuor circiter uncias latus, brevi crassioréque pediculo, supernè nonnihil extuberans, utrinque subalbidus & veluti fuligine infectus, at supernè aliquot maculæ albæ asperguntur, striæ infernè nigricant.

2. Major, cujus pars superior coloris est purpurei rubro saturo commixti, in medietate tamen flavescens & secundum oras maculis albis distincta: inferior ex albo fusca, striis tenuioribus.

In sylvis nascuntur, & Junio Julioque mensibus reperiuntur.

## CAP. XVII.

- \* *Fungus pileolo magno, plano, orbiculato, venis exasperato* C. B. *Fungi Abietini esculenti* J. B. *Fungi esculenti 20. genus* Clus.

Clus.

**T**Riplex est. 1. Binas aut ternas uncias latus; supernè dilutè rubens aut latericei coloris, venis quibusdam sic exasperata ut hirta videatur, in medio compressus & velut umbilicatus; infernè pallescens, striis fuscis, pediculo unciâ longiore, medium digitum crasso.

2. Crassiore paullo est pediculo, supernè extuberat, coloris ex albo pallido & fusco mixti, infernè candicat, striis fuliginosis.

3. Longè amplior est, supernè coloris ex albo, pallido, ruffo & fuliginoso mixti, extuberans; infernè plana, rubescens, striis ex atro purpurascens.

Sub extremum Autumnum in sylvis, plerunque autem sub Abietibus, nascitur.

## CAP. XVIII.

- \* *Fungus pileolo in plano orbiculari, villosa* C. B. *Fungi sylvestres esculenti cervini* J. B. *Fungi esculenti X. genus* Clus.

Clus.

**D**Uplex est, 1. Duas uncias latus aut amplior, supernè nonnihil extumescens, & veluti sericeis villis oblitus, colore puniceo dilutiore, oris in infernam partem valdè reflexis, quæ ex albo rubescit.

2. Longiore est pediculo, supernè coloris ex rufo fuscis, oris non adè in infernam partem inflexis, quæ colore est ex pallido nigrescente. In hac specie bini plerunque fungi conjunctim ex eodem pede oriuntur.

Nascuntur in cædis sylvis sub extremum Maium aut Junii initium. Cervinum vocat J. B. à nomine Germanico *Hirschling*.

## CAP. XIX.

- \* *Fungus pileolo plano subfusco oris laceris* C. B. *Fungi laceri, sylvestres, esculenti, subfusci coloris, infernè candicantes* J. B. *Fung. esc. XI. genus* Clus.

Clus.

**I**Nitio quidem inæquali est figurâ, magis tamen ad orbicularem tendente, per oras lacer, duas uncias latus, supernè fuscus, infernè candicans. Adultior magis orbiculatus est & per oras lacer, longè amplior [quatuor uncias] colore magis fusco supernè & albicante infernè, cui fuscedo quædam admixta est.

Circa festum Pentecostes in cædis sylvis nasci scribit Clusius.

CAP.

## CAP. XX.

\* *Fungus angulosus pediculo exiguo C. B. Fungi ferè sine pediculo coloris ex rufo fusci, esculenti in arborum caudicibus nasci soliti J. B. Fungi esculenti 5 genus Clus.*

Clus.

**S**ola horum differentia in magnitudine consistit, quandoquidem formâ, materiâ & colore pæne conveniunt. Tres eorum differentias facit Clusius.

1. Angulosâ est figurâ, quatuor uncias lata, brevi & quasi nullo pediculo sed eo valdè crasso: inferna ejus pars candicante & satis densâ materiâ constar; superna spongiosa est & quasi villis quibusdam obrita, coloris ex rufo fusci.

2. Magis orbicularis, crassiore & longiore paulò pediculo, 5 aut plures uncias latus & longus.

3. Longè major, in tres lacinias divisus, pileoli diametro semipedali, pediculo unciam crasso; superne spongiosis quibusdam crassisque villis sive potiùs frondium rudimentis ex fusco pallescentibus præditus.

In Ulmorum Populique albæ caudicibus dejectis nasci solet, & bis plerunque, etiam ter interdum in anno provenire.

## CAP. XXI.

\* *Fungus planus orbiculatus aureus C. B. Fungi lutei magni, dicti Laferas, speciosi J. B. Fungi esculenti 17 genus Clus. Boletus Antiquorum.*

Clus.

**P**rimum è terra erumpentis hujus Fungi forma ovum quodammodo candore & figurâ refert: alterâ aut tertiâ die laceratur hæc alba cutis seu (ut Plinii vocabulo utar) volva supernâ parte, & veluti ovi luteum ostendit; deinde magis extuberat illud luteum, & fungi formam induit, paulatim & sensim evanescente pereuntēque volva. Magnitudo autem Fungi suâ volvâ inclusi tres uncias in longitudinem patet, duas in latitudinem. Consumptâ volvâ Fungus in planam orbicularem sese explicat formam, cujus diameter quatuor pæne unciam est; superna facies aliquantulum intumescens aureum sive croceum colorem elegantissimum habet, inferna [membranulis contexta] flava est. Pediculus digitalis longitudinis & crassitudinis est, flavique coloris. At cum jam adolevit paulò amplior est ejus magnitudo, & in ternas aut quaternas partes scinditur, colorisque illum florem & elegantiam deperdit; nam supernè languidioris est aurei coloris, infernè omnino pallidi.

Provenit in sylvis rarâ Quercu confitis, iisque cædis præsertim & editionibus ficcioribusque locis, bis singulis annis, circa messē videlicet & ante vindemiam. Principem inter Fungos esculentos locum tenet: Et sane adeò elegans est, ut non mirandum sit si illos qui fungis libenter vescuntur ad se edendum invitet.

Non dubium autem est, pergit Clusius, quin hic Fungus sit ille veteribus adeò celebratus Boletus, ac à principibus viris sic in deliciis habitus: nam si conferantur quæ de Boletis scripsit Plinius cum hujus historia, similis esse deprehendetur. Infamis autem & immenso exemplo in crimen adductus fuit, quod olim Tib. Claudium Cæsarem (qui Boletorum esu impensè delectabatur) conjunx Agrippina Boletis veneno illito sustulerit, ut Neronem filium ipsi successorem Imperio daret. Hinc illi Juvenalis in Satyris sales de Boletis. Nam Sat. 5.

*Vilibus ancipites (inquit) fungi ponentur amicis,  
Boletus Domino, sed qualem Claudius edit  
Ante illum uxoris, post quem nil amplius edit.*

Et Satyra VI.

*Minus ergo nocens erit Agrippinæ  
Boletus; siquidem unius præcordia pressit  
Ille senis, tremulumque caput descendere jussit  
In cælum.*

Hinc etiam illud Martialis.

*Quid dignum tanto ventrique gulæque precabor?  
Boletum ut qualem Claudius edit edas.*

Sed & ipse Nero Boletum Deorum esse cibum cavillari solebat, quia illo periisset Claudius Cæsar, & defuncti Cæsares in Deorum numerum referri solerent.

Recentes boleti [apud Ungaros] in aquâ elixantur, deinde in tenuia frustra conciduntur: frustula concisa in jusculum è cremore lactis confectum injiciuntur, adjectis Selini foliis minutim sectis & pipere. Vel repurgati præciso pediculo invertuntur, & super prunas positi addito ovi luteo torrentur. Vel recentes etiam recisus pediculis friguntur cum butyro atque ovo simul in sartagine coctis, dissolutis & simul mixtis. Sed & exsiccati servantur, deinde ovorum instar in aqua elixantur, tum demum



demum cum condimento ex ipsorum juscule & pane tosto parato, additis aceto, piperis, zingiberis & caryophyllorum aromaticorum polline eduntur.  
Juscule in quo coquantur croceo colore tingunt.

## CAP. XXII.

*Fungus pileolo lato, orbiculari flavescente* C. B. *Fungus pallidus* J. B. *Fungi esculenti* 12. genus Clus.

*J. B.*  
**A**utumni munus, Campestri similis Fungus, pari ferè magnitudine, sed variante, coloris tam externè quàm internè luteo-pallidi: Clusio internè ex flavo rufescit.  
Provenit in sylvis, & reperitur circa Pentecosten.

## CAP. XXIII.

*Fungus angulosus & velut in laciniis sectus* C. B. *Fungus luteus sive pallidus*, Chanterelle dictus, se contorquens esculentus J. B. *An Fungi esculenti* 14. genus Clus.?

*J. B.*  
**M**onbelgardenfibus dictus Chanterelle Fungus rarò dimetientem habet palmarem, sæpiùs eam magnitudinem non assequitur, plano pileo, aliàs cavo, pallidus, oris subinde contortis, ut crispì nonnihil habere videri possit, membranìs infra nec densis contextus. Hujus pediculus rarò in umbilicum inferitur, sæpiùs à medio deerrat. Odor gratus & innocens eum commendat, & ob id mensis lautioribus curiosioribùsque expetitur.

Clusius quarti generis duas species, seu fortè ætatis ratione differentias, describit. Prior supernè pallida est, flavis maculis variegata; internè flavescens cum striis fuscis. Secunda duplo major, supernè flava, internè croceo colore infecta.

Oritur in sylvis & nemorosis locis sub fagis utplurimùm, mensè Junio ac etiàm Septembri.

## CAP. XXIV.

*Fungi plures simul, albi, ad arborum radices, esculenti* J. B. *Fungi umbilicum exprimentes plures simul, albi* C. B. *Fungi esculenti* 6. genus Clus.

*Clus.*  
**F**ormæ ferè orbicularis sunt, planæ tamen, inferna parte albi & striati, supernè aliquantulum protuberantes, mediâ autem nonnihil depressi, ut umbilicum exprimere quodammodo videantur, colore magis fusco quàm internè. Minores circiter unciam lati sunt, aut paulò ampliores: medii binarum unciarum latitudinem explent: Maximi quaternarum amplitudinem superant.

Ad Ulmi, Quercûs, Populi, Juglandis & aliarum arborum dejectarum radices nascuntur, à novo Vere in Autumnum usque.

Populus alba humo tenus secta ad radicem usque, & aquâ calidâ in qua fermentum fuerit dissolutum perfusa infra quatrìdium fungos copiosos edet, esui quoque gratissimos. *Matth.*

## SECTIONIS PRIMÆ MEMBRUM SECUNDUM.

*De Fungis lamellatis terrestribus noxiis.*

### CAP. I.

\* *Fungus Coryleus orbicularis* C. B. *Fungorum noxiorum* 6. genus Clus.

*Clus.*  
**O**rbicularis est figuræ, duas uncias latus aut major : supernè nonnihil tumescens, extremis oris in supinam partem flexis ; coloris ex rubescente fuliginosi, cui albedo quædam permixta videtur, interdum etiam omnino fuliginosi & fusci : infernè nonnihil rubescit, striis crassiusculis fuscis : pediculo est gracili duas uncias longo.  
Sub Corylis crescit Maio aut sub Junii initium.

### CAP. II.

\* *Fungus bufonius orbiculatus* C. B. *Fung. nox. 7. genus* Clus. *Fungi bufonii perniciosi* J. B.

*Clus.*  
**H**ujus tres observavit species Clusius.  
1. Pediculo erat valdè gracili, duas plus uncias longo, pileolo in metam sublato, unciam ferè lato, albo fuligine quodammodo infecto, summo fastigio flavescente, interiore & cava parte fusco prorsus cum striis nigris.  
2. Magis orbiculata, crassiore pediculo ; supernâ & tumescente parte, duas interdum, aliàs tres uncias amplâ, modò fuscâ omnino ex albo-pallescente, modò flavâ, fuligine infectâ ; Singuli autem fungi maculis albis & nigris summa parte notati, ut Rubetæ colorem, præsertim fuscus, valdè referre videatur. Pars inferna alba est, cum levibus striis subfuscis.  
3. Reliquis major, orbiculatæ in plano figuræ, tres uncias lata, supernè alba admixto ruboris tantillo, raris pallescentibus maculis inspersis : infernè pallescit, frequentibus striis fuliginosis.  
Circa idem cum præcedente tempus emergit.

### CAP. III.

\* *Fungus Betulaceus orbiculatus albus* C. B. *Fungorum noxiorum* 8. genus Clus. *Fungi Betularum albi maculati perniciosi* J. B.

*Clus.*  
**O**rbiculatæ pæne est figuræ, supernè paulò elatioris, albus fuligine levi adumbratus, in quo maculæ quædam rufescentes ; duas uncias latus ; infernè totus albus exceptis striis fuligine infectis : pediculo gracili, binas uncias longo.  
Circa Pentecosten provenit in sylvis ad Betularum truncos & radices.

### CAP. IV.

\* *Fungus minimus pallescens infundibuli formâ* C. B. *Fungorum noxiorum* X. genus Clus.

*Clus.*  
**V**alde exilis est : nam primùm emergens vix uncialis est magnitudinis : interdum singularis, nonnunquam bini simul nascuntur, ipso Fungi corpore minimi digiti unguem vix æquant, rufescentis coloris, cum adolevit corpus in uncialem magnitudinem excrescit, inferna parte valdè à pediculo striata se invertente, adeò ut superna pars velut camerata & cava reddatur, & cum suo pediculo parvum infundibulum mentiri videatur. Color flavescit tam externè quam internè, & superna pars jam in umbilici speciem contracta rufis maculis est distincta.  
Bis in anno reperitur circa messem & vindemiam in sylvis proveniens.

CAP.



## CAP. V.

- \* *Fungus fatuus candidus, pileolo in metam assurgente* C. B. *Fungorum noxiorum* XI. genus Clus.  
*Fungi stultorum boleto similes perniciosi* J. B.

Clus.

**E**odem tempore similibusque locis reperitur. E terra autem erumpens valde boletum imitatur, imo quodammodo mentitur. Corpore dum è sua volva erumpit boleto est dissimili, longiore pediculo subnixo, minimo digito graciliore, fescuncialis latitudinis, in metam assurgente, superna parte candida, inferna camerata.

## CAP. VI.

- \* *Fungus muscas interficiens* C. B. *Fungi venenati 5 muscarii dicti* J. B. *Fungorum noxiorum* 12. genus Clus.

**H**ujus quinque species,

1. Orbicularis, unam interdum, sæpius duas uncias lata, vel supernè pallescens tantillo rubedinis & fuliginis admixto, vel lurida & fuligine infecta, inspersis albicantibus maculis atro permixtis: pars inferior alba stris fuscis: pediculo gracili, fescunciam longo.

2. Paulo major, pediculo longiore & crassiore, viz. digitum minimum longo & crasso: orbiculata panè, diametro triente paulo minore. Color supernè ex purpura dilutior & saturatus, rufus, pallido & albo variè mixtus est: infernè pallet cum nigris crassioribus stris.

3. Primum emergens contracto est corpore, crasso & unciali, quasque Ari radicem mentiente, pediculo fulta, duas uncias lata & totidem longa, in metam formam sublata, coloris lateritii, frequentibus maculis albicantibus aspersis, summo tamen fastigio pallida. Adultior verò palmari pediculo digitalis crassitudinis assurgit, inferna parte tuberosa, orbicularem autem figuram acquirit, quatuor uncias lata, per oras interdum fissis & lacear, coloris pronè parte rubri, albis maculis infecti, oris rufis supinè albi prorsus, stris levi fuligine infectis.

4. Omnium elegantissima, recens nata orbis minor, duas scilicet solummodo uncias lata, rubro colore valde saturato veluti concreti sanguinis tincta, frequentibus maculis albis conspersa: Adultior latior fit, v. g. quincuncialis aut amplior, tumida supernè, rubro etiam colore sed paulo remissiore, obscurioribus veluti undis intercurrentibus, & crebris etiam ex albidis maculis infecta. Pediculo constat protuberante infima parte, unciam crasso, trientem longo. Striæ crassæ nigrae. Bini interdum ex eodem pede conjunctim nascuntur.

Hanc muscæ valde appetunt, & plerumque ei insident non sine ipsarum pernicië; siquidem quotquot degustant intereunt: idèoque circa Francofurtum ad Moenum in conclavibus ad fenestras in hunc usum ejus frustra spargere solent.

5. Junior duas uncias lata est, in totidem unciam metam assurgens, coloris ex rufo fusci & velut fuligine infecti: adultior trientalem aut ampliorem latitudinem habet, in metam formam assurgens, oris valde laceris, coloris supernè mixti ex albo, rufo, pallido, fusco, mixturâ vel radiatim, vel maculis duntaxat inspersis constante. Color inferna parte prorsus fuliginosus cum stris nigris.

## CAP. VII.

- \* *Fungus latus orbicularis candidus* C. B. *Fungorum noxiorum* 13. genus Clus. *Fungi ranarum albi perniciosi* J. B.

Clus.

**A**lbus quatuor uncias latus est, in orbem ferè circinatus, immaculati supernè candoris, nisi orbis centrum palleret; inferna etiam pars candida est cum multis purpurascens stris: pediculus gracilis est & longus. Junior minor est & fuligine quadam utrinque infectus, stris raris & vix adhuc apparentibus.

Secundam vias & semitas in cædis sylvis provenit extremo Augusto.

## CAP. VIII.

A. *Fungi albi venenati viscosi* J. B.

J. B.

**E**dulibus albis aliquo modo similes sunt, pediculo digitum crasso, 3, 4ve plus minùs alto, qui clypeum sustinet orbicularem, palmarem, pressum, subtus candidissimo membranarum squarro stipatum: Superna facies subcinerea, ad albidum nonnihil vergens, viscido tactu, fungosis verrucis eminentibus conspersa, quæ tamen sine membranæ noxa avulsu faciles, quas merè acciden

accidentarias esse putamus, ut quæ non in omnibus appareant. Sapore sunt minimè ingrato, sed subdulci, sapore aqueo.

Interest sanè horum formam & naturam vel apprimè novisse, ob periculum quod ex errore contingere potest. Nam civis (inquit) quidam Montbelgardensis qui deceptus hos coctos imprudens voravit, primò vomitu infestabatur, deinde vertiginosus fit, prostratis tandem viribus membrisque refrigeratis soporosus jacuit non sine mortis periculo. Nam & loquelà privatus, pulsu deprehensus fuit perexiguo, cum suffocationis metu. Qui tamen paulò post vomitu provocato prius, Alexipharmacis, Theriacà potissimùm, enematis item restitutus fuit, postquam non paucas horas dubius & velut oppressus inter vitam & mortem quasi succubuerat.

A Fungis campestribus differunt pediculis tenuioribus & longioribus: capitellis minùs crassis, lamellis subtus albis, odore ingrato.

## CAP. IX.

A. *Fungus major, pediculo brevi crasso, lamellis crebris albescentibus.*

**P**ediculus vix palmari, pollicem crassus, imà parte in latum extumescens, capite est crasso, diametro palmari, pulvinato, media tamen parte circa umbilicum depresso, colore nunc rubente, nunc fulvo sordidiorè, creberrimis subtus lamellis albescentibus striato: superior spongiosa substantia candidissima.

Sub Quercubus Augusto mensè enatum observavimus.

## CAP. X.

\* *Fungus latus orbicularis oris intus conversis* C. B. *Fungorum noxiorum* 14. genus Clus. *Fungi à sue appellati, albi sed maculati, sylvestres perniciosi* J. B.

Clus.

**E**isdem in locis eodémque quo prior [us] tempore invenitur.

Duas ejus species observavit Clusius.

Primæ recens natæ corpus uncia majus non est, coloris albi fuligine velut infecti, pediculo unciali, minimum digitum crasso, interdum geminum ex eodem pede nascens. Adultæ triunciali est diametro, orbiculatum ferè, supernè album sed fusco colore infectum, flavo fastigio, infernè verò pallidum, striis rufis, pediculo digitalis longitudinis & crassitudinis.

Secunda circinata ferè rotunditatis est, diametro trientem lato pediculo brevi pollicémque crasso, supernè candida cui maculæ parvæ fuscae & flavescentes nonnihil color inspersus est, oris aliquantulum in infernam partem conversà: infernè pallida striis fuliginosis.

## CAP. XI.

A. *Fungus pediculo in bulbi formam excrescente* C. B. *Fungorum noxiorum* 15. genus Clus. *Fungus bulbofo pediculo pallidus maculatus* J. B.

Clus.

**D**uplex est, Prior pediculo duarum unciarum, [corpore unciali] suprema parte pollicaris crassitudinis, infernà fescuncialis, in bulbi formam excrescente, coloris ex albo pallefcentis. Corpus ipsum fungi supernè etiam pallidum est, sed maculis dilutè nigricantibus distinctum, atque oris in supinam partem inflexis; infernè striæ ex pallido fuscae sunt.

Secundus valdè tetri coloris est, ut verius ligni five radicis cujusdam nodosum & nigrum fragmentum videatur quàm fungus, quod utrâque manu vix comprehendi queat: crasso brevique pediculo innititur.

In cædis sylvis crescit extremo Sextili.

## CAP. XII.

*Fungus oris laceris & in lacinias divisis* C. B. *Fungorum noxiorum* 16. genus Clus. *Fungi sub corylis serpentini dicti perniciosi* J. B.

Clus.

**T**res hujus species observavit Clusius, Prior oblongo gracilique pediculo est, cui infidet initio velut ovum exscalptum, uncialis magnitudinis, externè album velut fuligine perfusum, internè nigrum: quod deinde oras explicans 1<sup>4</sup> uncia amplitudinem acquirit, in pilei parvique galeri similitudinem formatum, albi supernè coloris frequentibus fuscis maculis distinctum, atque ipso fastigio veluti fuligine infecto.

Secunda pediculo longo gracili, corpore parvi galeri figurâ, initio vix ungue majore, dilutiore fuligine infecto, cum adoleverit supernè atrâ fuligine tincto, infernè instar fornacis camerato & nigris striis exarato.

Tertia



Tertia præcedenti æqualis est, valdè laceris oris & quodammodo laciniatis, rufi interdum, aliàs albi coloris fuligine infecti supernè, infernè fuliginosis, aliàs nigris striis exarata : aliquando etiam inferna parte adeò inversâ & reflexâ, ut florem aliquem mentiri videatur.

## CAP. XIII.

\* *Fungus latus oris laceris C. B. Fungorum noxiorum 17. genus Clus.*

*Clus.*  
**D**Uplex est, 1. dodrantali magnitudine, pediculi digitum minimum crassò, duas aut tres uncias longo, ex cujus imo subnascitur exigua proles : orbiculatæ ferè est figuræ oris in inferiorem partem nonnihil inflexis, colore supernè rufo ad nigredinem tendente, cui flavescens circa medium admixtus est : inferna pars pallida est, striisque fuliginosis exarata.  
2. Illi æqualis est, sed graciliore pediculo, circumatæ etiam rotunditatis, nisi laceras haberet oras in ambitu, supernè planè luridus venis quibusdam exalbidis maculosus, ipsâ substantiâ sub externa cute omnine atrâ, uti etiam est pars infima, sic tamen ut crassæ nigræ striæ obscurè appareant.  
Planis & apertis locis circa Festum S. Bartholomæi apparet.

## CAP. XIV.

\* *Fungus parvus parvi galeri formam exprimens rufus C. B. Fungorum noxiorum 18. genus Clus.*

*Clus.*  
**I**N sylvis eodem quo præcedens tempore oritur; est autem eo longè minor, nec uncialem aut fescuncialem magnitudinem superat, pilei aut parvi galeri figurâ in metam sublatum, supernè rufus, infernè exalbidus cum striis fuscis : pediculo gracili duas trèsvè uncias longo.

## CAP. XV.

\* *Fungus orbicularis secundum vias & in Quercetis Autumno nascens C. B. Fungorum noxiorum 19. genus Clus.*

**H**UJUS sex species describit Clusius : Prima tantum hujus loci est.  
Prima pediculo est valdè gracili, duas uncias aut amplius longo, capitello orbiculato fescunciam lato, aliquantulum in infernam partem inflexo, coloris ex flavo, rufo, fuliginoso commixti supernè, ex pallido fusci infernè.

## CAP. XVI.

\* *Fungus Abietinus oris reflexis, substantiâ rubrâ C. B. Fungorum noxiorum 21. genus Clus. Fungi hirsuti internâ parte perniciosi J. B.*

**S**UB extremum Septembrem provenit subter Abietibus.  
Recens natus uncia non multò major est, oris valdè in infernam partem inflexis; crassiusculo corpore & veluti crassis quibusdam venis subrubentibus, in orbem supernè ductis notato in albicante planicie. Adultus vicesimi esculenti amplitudinem acquirit, oris est magis inæqualibus : infernè dilutè rubet cum striis rufis; pediculo digitalis ferè crassitiei, duas uncias longo, qui contractus rubrâ substantiâ constare deprehenditur.

## CAP. XVII.

\* *Fungi dumetorum ex uno pede prodeuntes C. B. Fungorum noxiorum 22. genus Clus.*

**Q**UATUOR hujus species recenset & describit Clusius.  
Primæ sex aut septem nascuntur ex uno pede fungi, longis & gracilibus pediculis, orbiculato ferè corpore, (fornicato tamen seu camerato infernè) vel semunciali, vel unciali, colore flavo, uti sunt & ipsi pediculi, qui maculis tamen nigris distincti.  
Secundæ etiam octo aut novem ex uno exortu nascuntur, breviorè & perinde gracili pediculo; corpore in orbem veluti expanso, unciam aut fescunciam lato, supernè presso & tanquam umbilicato, coloris flavi rufo suffusi, infernè flavi, striis fuliginosis.  
Tertiæ viginti aut plures nascuntur ex eodem pede, gracilibus pediculis, orbiculati, latitudine inæquali, pro ætatis ratione; nam & inveniuntur ungue non minores, unciales, & fescunciales; omnes rufo colore tincti supernè, infernè fuscis striis exarati.

Quartæ

Quartæ triginta aut plures ex eodem pede proveniunt, pediculo pro singulorum ætate brevi aut longo, orbiculati, magnitudine tertie speciei fungus pares; colore variant, nam vel flavi sunt, multo tamen rufo perfusi, aut omnino rufi sed nonnihil tumescens & fuscis, infernè striis nigricantibus notati.

Ad Spinarum quæ vetustate corrumpi incipiunt atque inter dumeta nascuntur, & in ipsis truncis humi jacentibus nascuntur circa Calendas Octobris.

## CAP. XVIII.

*Fungus smetarius in plano orbicularis, candidus C. B. Fungi sterquilini albi perniciosi J. B. Fung. nox. 3. genus Clus.*

<sup>Clus.</sup>  
**V**ulgaris admodum (inquit Clusius) est hic fungus, ideòque nemini non notus, formæ orbicularis in plano, velut circino ductæ, exili & tenui fultus pediculo, tenui non crasso corpore, candidus omnino, & veluti farinâ conspersus, cum infernè tum supernè; pars tamen averfa fuscis striis distincta est.

## CAP. XIX.

*Fungus orbicularis, ex atro rufescens C. B. Fungi quodammodo orbiculati, atro-rufescentes, perniciosi J. B. Fung. nox. 9. genus Clus.*

<sup>Clus.</sup>  
**C**irca Solstitium æstivum invenitur in sylvis nascens. Crasso & protuberante constat corpore, sphericæ quodammodo & orbicularis figuræ, duas uncias lato in minoribus, in adultioribus tres aut etiam quatuor; supernè ex atro rufescens, infernè exalbidus, striis rufescentibus.

## CAP. XX.

\* *Fungus orbicularis in palustribus C. B. Fung. nox. 23. genus Clus. Fungi rubri perelegantis coloris & rufi J. B.*

<sup>Clus.</sup>  
**H**orum primus Uncialis magnitudinis habet orbem, supernè rotundum, & rubri perelegantis coloris; infernè albicantem, fuscis tamen striis exaratum, unciali pediculo, non tamen valdè gracili fultum.

Secundus orbiculatæ etiam est formæ, paulò tamen amplior superiore, longioréque pediculo subnixus, prolem fungi ab exortu plerumque proferente: supernè rufi & ad lateritium tendentis coloris; infernè dilutior & frequentibus striis distinctus.

Tertius in nodum velut collecto est corpore, infernè fornicato atque camerato, suis oris pediculum uncialis crassitudinis, duarum autem unciarum longitudinis stringente & amplectente, coloris ex albo rufo & fusco variè commixti.

Quartus duas uncias latus est, sed inæquali orbe, superna parte candicans ex cineraceo, infernè similiter, sed striis fuscis. Pediculus brevis & crassus.

## CAP. XXI.

A. *Fungus minor ex albido subluteus, pileolo hemisphærico.*

**A**D trium aut quatuor digitorum altitudinem interdum assurgit, sæpius humilior, pediculo culmum crasso; pileolo hemisphærico, diametro unciali, ex albido subluteo, lubrico & mucilagine quadam oblito, subtus lamellis crebris sublividis, veluti tot radiis à pediculo ad circumferentiam extensis, adeò ut infernè ferè planus sit hic fungus & minimè concavus. Lamellæ autem admodum latæ sunt, seu mavis profundæ, ut exterior cutis seu caro sit valdè tenuis.

Per totum Autumnum in pascuis frequens oritur, plerumque è fimo vaccino aut equino.

Figura Fungi parvi albi cum luteola parte in summitate capituli, visco nitente resplendentis  
\* J. B. huic exactè respondet.

Tom. 3. lib. 40.  
c. 69.



## CAP. XXII.

A. *Fungus parvus galericulatus striis lividis aut nigris. An Fung. nox. tertium genus Clus?*

**S**uperiorem petioli longitudine & crassitie, necnon pileoli magnitudine refert. Ab eo differt utriusque colore sublivido, superficie sicca nec muco oblita: pileolo magis nonnihil turbinato, intus magis concavo; lamellis denique obscurioribus & per vetustatem nigricantibus. Septembri mense & per totum Autumnum in iisdem cum præcedente locis, nec minus frequens invenitur.

Icon pag. 848. tom. 3. Hist. Plant. J. B. hunc fungum optimè repræsentat.

Lobelius & J. Bauhinus non satis distinctè scribunt de his Fungis.

Observavimus in pascuis Fungum hujus generis paulò minorem pulverei coloris seti ex albo sordide flavescentis, striis subtus obicure fulvis, quem ab hic descripto specie differre suspicamur.

## CAP. XXIII.

A. *Fungus pusillus pileolo tenui utrinque striato; seu plicatilis plicaturis utrinque demonstrantibus.*

**D**ubus proximè antecedentibus minor est multò, pediculo tenuiore & teneriore, fragili admodum secus quàm præcedentium, lubrico & velut muco oblito: pileolo turbinato, diametro semunciali, tenui admodum & utrinque striato & sulcato, ac si membranâ in plicas compositâ constaret, coloris ex albo cinerei. Summus pileolus ubi pediculus inferitur non rarò planus est, & macula rubente insignis.

In pascuis Autumno reperitur.

Huic affinis est non tamen idem.

## CAP. XXIV.

\* *Fungus albus pileolo inverso J. B. tom. 3. p. 847. lib. 40. cap. 73.*

**P**arvus admodum est, vix ad unciam se attollens ac etiam multò minor: instar calycis crescit, plicaturis & foliis se externè demonstrantibus, non sub pileolo [tantum] ut in reliquis. Pileolus etiam inversus facit veluti scutellam.

Sunt etiam majores, altitudine trium digitorum, & latitudine duos excedentes.

In prato loco clivoso mense Septembri observavit J. B.

## CAP. XXV.

A. *Fungus parvus, pediculo tenui, longo, firmo, lento; pileolo in medio fastigiato, striis externis apparentibus.*

**P**ediculo quadrantali aut altiore affurgit, tenui at firmo, non fragili: pileolus è fusco albicat, in medio turbinatus, striis externis apparentibus, intus concavus, lamellis crebris al-bentibus stipatus.

In pascuis mense Septembri.

## CAP. XXVI.

A. *Fungus minor tenerrimus, farinâ respersus, pileolo supernè cinereo, lamellis tenuissimis nigris.*

**P**ediculo affurgit tres quatuorve interdum uncias longo, tenello, albo, farinâ albâ resperso, intus concavo, qui levi compressu in longum finditur, pileolum sustinens unciali aut fescunciali diametro, supernè tenui membranâ cinereâ farinâ respersâ constans, infernè lamellis tenuit-is creberrimis, nigris propè centrum, nam circum oras interdum cinereæ sunt, infundibuli figurâ, concavum. Oræ per vetustatem non rarò laceræ sursum reflectuntur.

In pascuis mense Septembri aut etiam Octobri observavimus.

C A P.

## CAP. XXVII.

*Fungus minimus, pediculo longo tenuissimo lactescens.*

**I**nter gramina in pascuis oritur solitarius.

## CAP. XXVIII.

A *Fungi pratenses parvi, externè viscidè, albi, lutei vel rubentes. (An F. orbicularis in palustribus C. B.)*

**C**apitelli diameter uncialis circiter; interdum major; figura in plano orbiculata, raris subtus lamellis reliquo corpori concoloribus: Pediculus gracilis triticeum culmum magnitudine vix æquat, binas circiter uncias altus. Tum pediculus tum capitellum mucò quodam viscido oblita sunt. Striæ in hoc genere ad pediculum inferiores multò sunt quàm ad oras capitelli, ut infundibuli aut coni inversi specie à pediculo aliquousque assurgere videantur: hoc tamen non est perpetuum, nec in junioribus fungis sed in adultis & declinantibus.

Augusto & Septembri mensibus in pascuis frequentes oriuntur.

## CAP. XXIX.

\* *Fungi luteoli dicti, colorem mutantes, maligni J. B.*

<sup>Imper.</sup>  
**H**ujus capitelli figura vulgari similis est; substantia ejusmodi quæ mox vigorem perdat & in mucum abeat. Internâ parte filamenta quædam, in retis formam oblique intricata, facile à suo capitello separantur. Color aliquoties flavescens, mox tamen in virentem & inde in azureum abit.

## CAP. XXX.

*Fungi albi lucentes, ex uno principio plures, ex radicibus arborum J. B.*

<sup>J. B.</sup>  
**I**n cariosis arborum truncis occurrunt Fungi ex uno principio plures; longis pediculis insidentes, emaculati undique candoris, etiam per membranas, animalculorum moriunculis & arrosionibus obnoxias, majusculi, tenues, lentore viscido superius obducto nitidi. Inveniuntur his similes lividi aliorumque colorum.

## CAP. XXXI.

\* *Fungi multi ex uno pede, clypeiformes lutei & rubri J. B. Fungus clypeiformis major C. B.*

**H**orum forma plana quidem est, sed rugosa & per oras reflexa, flavi coloris, pediculis fulcis. Inveniuntur etiam alii ejusdem formæ planæ & orbiculatæ, sed qui non sunt reflexi, & eorum etiam aliqui per oras crenati.

Innascuntur plerunque putridis lignis, aut asseribus vetustarum ædium rusticarum & stabulorum. Inveniuntur adhuc alii his non valde dissimiles in arborum aggeribus sub sepibus, rubri coloris, quorum nonnulli nullo peculiari odore sunt præditi, alii verò molchi odorem quodammodo referunt.

## CAP. XXXII.

A. *Fungi plures ex uno pede, è Prunorum radicibus enati.*

**P**uriani simul confertim nascuntur: pediculis binas circiter uncias longis, mediocriter crassius, coloris lutei sulphurei. Capitelli rotundi diameter uncialis aut fescuncialis; supernè rufescit, lamellis subtus tenuissimis & creberrimis, initio flavis, postea in cinereum mutantibus.



## CAP. XXXIII.

\* *Fungus latus sanguinei coloris C. B. Linguae in caudicibus Castanearum Cæf.*

<sup>Cæf.</sup>  
**L**inguae appellantur in caudicibus præcipuè Castanearum, figurâ crassâ, sanguinei coloris tum extra, tum intra. Optimi atque innocentissimi existimantur.

## CAP. XXXIV.

A. *Fungus sordide fulvus in acutum conum fastigiatus.*

**M**embranulae subtus creberrimæ, colore cinereo. Cortex exterior tenuis est & membranofus, nec quicquam carnis aut pulpæ corticem & lamellas interjacet. Hujus icon habetur apud Parkinsonum pag. 1321.

## CAP. XXXV.

A. *Fungi minimi plurimi simul nascentes turbinati, exterius cinerei aut subfulvi, striis nigricantibus.*

**P**ediculo albo, fili instar tenni, longitudine digitali capitulum insidet turbinatum metæ aut galeri figura, diametro vix quartam digiti partem excedente, colore exterius sordide fulvescente striis subtus in adulto fungo fulcis aut nigris: inter lamellas & cutem externam nihil omnino carnis intercedit; cuticula autem ipsa lineolis seu fulcis ab apicè ad circumferentiam ductis minimè tamen profundis striatus est.

Augusto mense Anni 1685. observavimus, propè palos ligneos in terram depactos, denso agmine exortos, qui vix quatrimum durabant antequam marcescerent: postea hujus generis decuplo etiam majores confertim nascentes vidimus.

## SECTIO SECUNDA.

*De Fungis terrestribus lamellis carentibus.*

*Horum alii pileati sunt; alii pileolis carent, suntque vel cauliferi ramosi & non ramosi, vel ἀγκυλοι, formæ vel globosæ, vel planæ.*

## CAP. I.

1. *Fungus porosus magnus crassus J. B. An fungi esculenti 16. Clusii tertia species? Fungus Augusti mensis C. B.*

<sup>J. B.</sup>  
**I**nsistit pedi crasso, longo, pileus palmari latitudine, omnium (inquit J. Bauhinus) quos vidi densissimus, turbinatus, ex fusco albicans, infernè candidus, nullo subtus membranarum plexu textilis, sed infinitis poris tenuissimis pervius, substantiâ interiore albâ.

Observavi in pascuis mense Septembri.

Fungi esc. 16. Clus. tertia species colore supernè ex fusco rufescente à descripto differt.

A. 2. *Fungus porosus magnus nostras. An Fungi esculenti 16. genus 3. Clus?*

Pediculus huic palmaris, crassus, secundum longitudinem ligni modo fissilis. Capitulum grande, diametro sesquipalmari aut majore, colore supernè rubiginoso aut fulvo sordidiore, infernè citrino

citrino seu ex luteo virente. Duplici constat substantiâ. Superior albicat: inferior, quæ in alijs Fungis in lamellas seu membranulas à pediculo ad circumferentiam extensas dividitur, in hoc infinitis foraminulis pertusus est favi in modum, sed multis numeris minoribus, è flavo (ut dixi) virescit. In pascuis frequens occurrit.

Augusto mense exit. Ab omnibus alijs Fungis facile distinguitur substantiâ inferiore foraminulenta seu poris creberrimis pertusâ, ejusque colore ex luteo virente, & interdum planè luteo.

## CAP. II.

\* *Fungi esculenti* 16. *Clusii prima & secunda species. Fungus Augusti mensis C.B.*

*Clus.*

**P**rior pediculo est trientali, supernâ parte minimi digiti crassitie, infernâ unciali aut ampliore, coloris variè mixti ex cœruleo viridi & fusco. Capitello orbicularis in pluri figurâ, tumescente & quasi pulvinato, cujus diameter trium unciarum aut paulò major, color ex candicante subfuscus, infernè albus.

Secunda pediculo est brevior, sed longè crassiore, ut qui supernè digitali sit crassitudine, infernè 2½ unciarum: capite orbiculato sed inæquali & quasi sinuoso, cujus diameter pediculi infimam partem amplitudine non valdè superet, colorisque est ex flavo rufescentis: versa pars nonnihil camerata est, colorisque est ex flavo pariter rufescentis.

Habet verò (inquit Clusius) hoc Fungi genus aliquot notas ob quas Pauli *Ἀμύνιν* esse liceat conjicere. Etenim colore fuliginoso sunt ejus species, orbe etiam quarundam tam amplo ut sæpe caput humanum æquent, pediculo omnium crasso, infra colore nigro virente.

Ceterum hic Fungus apud Ungaros in hunc modum apparari solet. Repurgatus conciditur; frusta paululum in clibano exsiccantur, deinde in aqua elixantur: iis deinde exemptis panis vulgaris, quo viz. familia uti solet, taleæ super craticulam tostæ in prædicto juscule coquantur, id demum jusculeum cribro farinario succernunt: postremò huic condimento (quod nec tempe nimium, nec crassum nimis esse debet) elixa fungi frusta imponuntur, additoque aceto, piperis, zingiberis atque Caryophyllorum aromaticorum polline eduntur.

## CAP. III.

A. *Fungus pænè candidus, prona parte erinaceus J.B.*

*J.B.*

**R**aro naturæ miraculo (inquit J. B.) parte prona pro membranulis innumeris veluti aculeis muricatus erinaceum in memoriam revocat, unde ex argumento nomen imposuimus: majusculus est Fungus, etiam palmo major, albus, minùs tamen quam piperatus & ferè exsuccus.

In sylvis propè Monbelgardum J. Baubino observatus est; nobis in sylvis Warwicensibus ad *Middleton* vicum:

## CAP. IV.

*Fungus orbicularis secundum vias & in Quercetis Autumno nascens C.B. Fung. nox. 19. genus Clus.*

**H**ujus sex species proponit Clusius. Priorem quoniam subtus striata seu lamellata est superius sub genere Fungorum striatorum posuimus. Reliquæ huc pertinent. Quartam & quintam species C. Baubinus sub proprijs & distinctis titulis exhibet: nimirum quintæ speciei titulum imponit Fungi tuberis figurâ, sextæ Fungi Cyclamini radicem colore & formâ referentis.

Secunda amplior est, crassiore pediculo, orbiculata, supernè paululum intumescens, colore vel rufis quibusdam maculis consperso, vel fusco omnino & fuliginoso; infernè pallido, frequentibus fuscis maculis notato, vel ex fusco pallido omnino, nec ullis striis distincto.

Tertia crasso est pediculo, unciali; pileolo in metam assurgente, dum recens nata est, unciali, ex cineraceo fusco; adulta duarum unciarum, magis exalbido, & notis quibusdam distincto, lacero & hiante.

Quarta duplex videtur, vel infra duarum unciarum magnitudinem, crasso corpore, gracilioreque pediculo, supernè ex atro rufescens, infernè flava frequentissimis parvis maculis inspersis: vel trientali magnitudine, crasso & protuberante corpore, fusco supernè & scissuris quibusdam albis lacero; infernè ex flavo pallecente, striarumque experte.

Quinta satis informis est tuberis (dum junior) figurâ, supernè valdè fusca, infernè rubra satura & nigricans, circa oras flava, binas uncias lata: Adulta quatuor est unciarum, orbiculata, per intervalla protuberans supernè, & fusca, elucente quibusdam in locis dilutiore rufescente colore, infernè ex rubro atra aut obscura, striis carens, pediculo valdè crasso, inæquali & fusco: ipsum autem fungi corpus confractum cœrulei, virente intercepti, est coloris.



Sexta magnum Cyclamini tuber valdè refert, tum amplitudine, tum colore, & inæquali rotunditate: infernâ autem parte ochræ colore est, venis quibusdam rufescentibus aut subfulcis distincto; nullis tamen striis.

Septima omnium amplissima est, v. g. sesquipalmaris, inæquali tamen ambitu, supernè purpurascens coloris, cui permixti sunt rufus & fuliginosus: ipsum internè corpus subcœrulei est coloris, ut etiam pars supina cui pediculus inhæret; reliqua pars inferior flava est, binis aut ternis magnis maculis rufis infecta. Junior & primùm emergens minor est.

## CAP. V.

*Fungi prunorum commixti coloris, perniciosi J. B. F. ex eodem pede, sed non conspicuo, numerosi C. B. Fung. nox. genus 2. Clus.*

*Clus.*  
**S**ub Pruni arboribus novo Vere nascuntur confertim ex eodem pede numerosi, nullo tamen pediculo conspicuo, varia magnitudine & forma; nonnulli duas aut tres uncias lati atque etiam ampliores, alii vix unciam lati; vel orbiculatæ figuræ, vel angulosæ; omnes ex albo, pallido & fusco coloris commixti.

## CAP. VI.

\* *Fungus crassus in metam surrectus C. B. Fungi in metam surrecti perniciosi J. B. Fung. nox. 20. genus Clus.*

**Q**uatuor hujus species describit *Clusius*.

Prima crasso est corpore, in metam formam surrecto, supernè cineraceo, infernè ex flavo pallente, pediculo fescunciam longo, unciam crasso.

Secunda longiore est pediculo, non minis tamen crasso parte terræ proximâ, summâ tamen graciliore: capite crasso, duas uncias lato, ex pallido fusco vel fuliginoso prorsus, infernè ochræ colore.

Tertia crasso etiam est pediculo parte terræ proxima; capite in juniore fescunciali, rufo, in adultiori duarum unciarum aut amplioris latitudinis, circinata; uterque ferè rotunditatis & nonnihil extumescens. Infernè ochræ est colore fuligine perfuso.

Quarta species, cum infernè strias habeat, non est hujus loci.

## CAP. VII.

**A.** *Fungus favaginosis Park. Lob. rugosus vel cavernosus sive Merulius J. B. esculentus 1. sive porosus C. B. Fung. esc. 1. genus Clus. Honey-comb Mushrome. Mourilles.*

*J. B.*  
**L**autioribus mensis expetitus, reponitur etiam exsiccatus, ut alienis mensibus gulæ serviat, formâ turbinatâ, totus circumquaque scrobiculis pervius, ut favos apum imitetur, ex albo nonnihil rubescens, fulvus aut niger; interiori ceterum parte totus cavus, albus & velut farinaceo quodam lavore aspersus: pediculus vero, qui fungi corpus sustinet, infima parte crispus, totus albus, cavus quoque.

*Clusius* quatuor hujus species observavit; quæ magnitudine & figurâ differunt. Prima pollicis extremum articulum rarò superat; cute valdè rugosâ & favi æmulâ, albicante quasi fuligine infecta.

Secunda radicem *Aristolochiæ* rotundæ exsiccata refert, coloris ex rufo fusci, priori magnitudine par.

Tertia duplo amplior, plerunque orbicularis, colore & rugarum cellulis primæ æmula.

Quarta in longitudinem metam instar excrescit. Plenas descriptiones si desideras, *Clusium* adeas.

In Germania, Gallia, Anglia reperitur in pratis & pascuis, inque dumetis verno tempore.

*Mentzelius* in Pugillo suo plantarum rariorum Fungi hujus, pyramidalis & in metam fastigiati quatuor differentias exhibet: item porosum communem intestinorum gyros referentem.

Fungus Autumnalis bifidus velut apex *Flaminis* *Plinii Mentzel.* ex horum genere est, frequens Autumni tempore in sylvis *Pinastricis Marchiæ Brandenburg.* Quidam ungulam bifidam; quidam tiaram seu *Episcopalem mitram* referunt.

## CAP. VIII.

- A. *Fungus phalloides* J.B. *Phallus Hollandicus* Park. *F. virilis penis effigie* Ger. *F. fatidus penis imaginem referens* C. B.

**L**ongissimis filis seu funiculis albis variè implexis sub terra reptantibus seu radicibus, hic illic accrescunt volvæ dictæ, phallos claudentes, bulbi cujusdam aut pilæ palmaris specie & magnitudine, aut paulo interdum majores, albæ, ponderosæ, tunica satis crassâ exterius testæ; cui proximè subest gelatina quædam viscosa & pellucida, gelatinæ autem secunda tunica parvis cum extima crassitie, superficie interna candoris nivei; quæ sinu suo amplectitur substantiam quandam coloris obscurè & sordidè virentis consistentiâ ferè massæ farinaceæ. Huic subjacet tertia tunica, cellulis quibusdam exterius reticulata, favi ad instar, aut ventriculi bovini reticuli dicti: erumpente phallo tunica hæc protruditur, fitque capitellum seu glans penis, substantiâ mucosâ proximè dictâ ei incumbente, ejusque cellulas replente, quæ putrescens colliquatur, & virosium foetidissimum halitum expirat; Hanc muscæ avidissimè appetunt & exugunt. Medullium volvæ occupat substantia candida, levis admodum & spongiosa, utraq; extremitate acuminata, quæ corpus veretris efficit.

Disruptâ volvâ phallus exilit, & in justam magnitudinem excrescit brevi temporis spatio, unius nempe aut alterius diei; idque etiam volvâ è terra revulsâ, & in conclave aliquod repositâ adhuc integrâ, priusquam colem effuderit: genitalis humani ferè figurâ. Materiâ scapus fungosâ constat, rarâ, plumâ levior, foramine pervio rimosus, eoque lavi ac velut dedolato, teres, ad duorum palmorum longitudinem accedens. Huic insitit, non uti Fungo petasus, sed galea aut capitellum, in figuram metæ propemodum fastigiatum, exémitile, cætera glandis virilis specie, nisi quòd cancellatâ sit cute.

Invenimus Middletoni, in D. Franc. Willughbei viridario, è Fraxinorum quarundum dejectarum radicibus in terra putrescentibus enatum, ut conjectabamur.

Fungus Clusio pro quinta specie 23. generis Fungorum noxiorum descriptus, ad hunc non tantum accedere videtur sed prorsus eundem esse, idèoque Chabræus C. *Baubinum* hoc nomine immerito reprehendit quod illum hujus synonymum fecerit.

## CAP. IX.

- \* *Fungus Coralloides cancellatus* Clus. J.B. *rotundus cancellatus* C. B. *Fungus lupi crepitus vulgi efflorescens* Col. *Fungo phalloidi congener*.

**N**ascitur hic gallinacei ovi formâ dum è terra primùm erumpit, colore prorsus niveo, radicemque habet tenuem, candidam, in multas fibras valdè tenues divisam. Ovum autem illud five volva dum maturefcit sensim disrumpitur & dehiscit, & inde exilit tanquam marsupium aliquod, distinctione cancellatim reticulatâ constans, & in obliquos veluti ramos invicem se secantes, atque summa parte in unum coeuntes formatum, rubri coloris; ut totidem Coralli rami sibi invicem implexi videantur. Odorem foetidissimum exhalat, à crasso cineraceoque quodam liquore, rubentes illos ramos supina parte obsidente ortum; quem simul atque è volva sua exclusus est fungus, varii generis parva insecta mirificè appetunt, & tandem etiam absumunt.

Hos Fungos in sylvis Belgenterienfi agro interdum, frequentiores autem inter harundines secundum fluviolum magna ex parte agrum illum rigantem consitas se reperisse scribebat qui eos ad Clusium misit N. de Callas Peirets toparcha.

Hunc C. *Baubinus* à fungis pulverulentis non oportere distingui scribit in Pin. Verùm nos diversum sentimus, & ad Fungos phalloides potius referendum censemus; siquidem è volva pariter erumpit, estque liquore quodam foetidissimo oblitus, quem muscæ avidissimè appetunt & exugunt; quamvis C. *Baubinum* Lynceum perspicacissimum F. Columnam in hoc secutum scimus.

## CAP. X.

- A. *Fungus ramosus flavus & albidus* J.B. *ramosus, & Imperati* C.B. *Fung. escul. 19. genus* Clus. *An F. digitatus major atque etiam minor* C. B?

**S**ubstantiâ est cum cæteris Fungis parili, sed figurâ longè aliâ. Nam ex uno geminove crasso trunco in alios minores, hi in alios adhuc minores ad minimos usque creberrimis & anfractuosis segmentis Coralli fruticis in modum, sed longè densiore stipatu, finditur. Est & varietas quædam. Nam alii in tenuissimas ad extremum venarum instar hepatis divisuras abeunt; alii in Coralli aut palææ crassitudine subsistunt. Colore sunt aliàs flavo, aliàs albido.

Clusius in tres species colore inter se differentes, nonnihil etiam formâ, hunc dividi posse arbitrat: quem si placet consule.

Septem-



Septembri mense sub Corylis nasci gaudet, inquit Clusius; *J. Baubinus* Autumno in umbrosis sylvis. Nos in ericetis observavimus.

Huc pertinere existimat *J. Baubinus* *Fungos digitellos* à digitis dictos, quorum meminere Hermolaus & Ruellius, itémque Lonicerus, licet non demonstrent quid velint. Huc item refert Fungorum 5. genus, *Digitellos*, luteos prorsus, partim ex albo pallidos & roseos *Tragi*, *Digitellos* sive *Maninas* vulgò *Cæsalpini*: *C. Baubinus* hos distinguit; & quidem rectius, sunt enim diversissimi, ut patebit ex descriptione addita. Hujus generis quoddam reperitur in Castaneis (inquit *Cæsalpinus*) spectabili magnitudine, ut unus sufficiat.

Hoc Anno 1685. observavimus Fungi genus in pascuis Augusto mense, pluribus simul ab eodem principio seu radice exeuntibus, duas uncias longis, culmi triticeæ crassitie, non tamen exactè rotundis sed paululum compressis, digitum figurâ quadantenus imitantibus, nivei candoris, valdè fragilibus, nullâ partium distinctione. Figura Fungi digitati apud Parkinsonum pag. 1318. non est huic speciei dissimilis. Hic longissimè differt à Fungo ramofo *J. B.* & *C. B.* & ab eo omnino separandus est: accedit proximè ad *F. Ophioglossoidem*.

## CAP. XI.

\* *Fungi ramofo argentei J. B. Fungus ramofo candidus C. B. Fung. nox. 25. genus Clus.*

*Clus.*

**I**N putridis dejectarum arborum caudicibus crescit circa Calendas Novembris.

Semipedalis est magnitudinis aut amplior, elegantissimæ formæ: Nam fruticosus est, & in innumeros quodammodo ramulos divisus, candoris immaculati, quorum nonnulli abiegnorum ramulorum figuram expriment, adeò ut si splenderet, ex puro puto argento conflatum quis æstimare posset: aliquando nullum habet pediculum, sed ipsi dejectæ arboris caudici inhaeret: interdum fuscunciali fulcitur pediculo.

## CAP. XII.

A. *Fungus ramofo niger compressus parvus, apicibus albidis.*

**L**igno putrido, præsertim radicibus adnascitur, estque compressus, durus & tenax, digiti longitudine, summâ parte veluti in cornua divisus, apicibus albicantibus aliàs totus niger. Figura sua ad *Algam marinam* quodammodo accedit.

## CAP. XIII.

A. *Fungus Ophioglossoides niger.*

**I**N montosis pratis agri Westmorlandici copiosè provenit. Color ei niger, magnitudo & figura spicæ *Ophioglossi*: quibus notis à reliquis abundè distinguitur ut ulteriori descriptione non indigeat. A sequenti fortè non aliter differt quàm vetustate.

## CAP. XIV.

A. 1. *Fungi parvi lutei ad Ophioglossoidem accedentes.*

**A**B *Ophioglossoides* nigro colore differunt luteo, & nonnihil etiam figurâ, quæ in his ab imo ad summum æqualior videtur. In vivario Middletoniano in agro Warwicensi, & alibi in pascuis copiosum observavimus.

2. *Fungus digitatus Parkinsoni.* Hujus descriptionem vide *Cap. X.*

## CAP. XV.

A. *Fungus pulverulentus dictus Crepitus Lupi J. B. Crepitus Lupi sive Fungus ovatus Park. F. 3. sive orbicularis Ger. F. noxius 42, sive rotundus orbicularis C. B. F. nox. XXVI. prima species Clus. Puff-balls or dusty Mushrooms, Bul-fists.*

*Clus.*

**N**ullo ferè conspicuo pediculo nititur, glomeratæ rotunditatis, Juglandis magnitudine, & minoris, & majoris, primò albâ cute & medullâ itidem albâ conspicuus, postea ex albidâ vel lividâ; medullâ cum corrumpitur in tenuissimum siccissimūque pulverem abeunte. Calcatus crepitum edit & fumum pulverulentum emittit. Nobis observati dum juniores adhuc essent

essent cute quidem albâ, ad cinereum tamen tendente, eâque non levi & æquali, sed velut granulata te-  
cti erant, eorum autem pulpa interior mollis interdum, initio candidus, inde virescens.

In pascuis & pratis ficcioribus ubique ferè Autumno invenitur. Hujus pulvis gravem & foeti-  
dum spirat odorem Imper.

Siccatur admodum & astringit, unde vulneribus inspersus sanguinem fistit, ulcera inveterata defic-  
cat, hæmorrhoidum fluxum cohibet: oculis tamen inimicus, imò perniciosus, censetur.

- A. 2. *Fungus maximus rotundus pulverulentus dictus Germanis Pfossli. Fung. nox. XXVI. secunda  
species Clus.*

J. B.

Tantam assequitur magnitudinem, ut caput humanum faciliè æquet aut etiam excedat, cute  
membranâ satis firmâ [ quæ in principio ex albo cinerea, mox cum tempore livida redditur ] un-  
diquè cinctus, substantiâ partim coherente sed rarâ, eorum instar quos excipiendis filice cha-  
lybèque excussis scintillis præparatos vendunt, colore etiam perfimili: ficci levissimi sunt, ut caput  
humanum singuli æquantès unciale pondus non excedant.

Sunt qui pro certo asserant vetustiores & jam justam maturitatem adeptos præstare ad compe-  
scendas sanguinis eruptiones, etiam periculosissimas; quibus & ipsi multorum cum præsentī salute  
usi sumus in eo ipso casu, J. B. In quem ulum tonsores eos exsiccatos & omni pulvere vacuos in  
officinis suis adservare solere multis Germaniæ in locis scribit Clusius.

- \* 3. *Fungus rotundus albus J. B.*

Grandis est pilæ instar, rotundus, foris pallenti cortice, intus candidâ, succosâ, dulcique carne,  
non in pulverem transiens, sed hyemis injuriâ, Peponum exemplo, putrescens.

Nascitur vere ex meris arenis. Cord. in sylva Obs.

- \* 4. *Fungus ollularis vel botryoides fimarius J. B.*

Uvarum albarum, amplarum, crassarum & longarum, veteribus Græcis *συμφορέα* dictarum simili-  
tudinem quodammodo refert.

## C A P. XVI.

- A. *Fungus minimus ἀνάρτυς Clus. minimus ligneis tabellis areolarum hortorum adnascens C. B.  
An Fungi calyciformes seminiferi Mentzel.*

Clus.

**V**ix semunciam altus est, Autumno plerunque nullo petiolo fultus, ligneis tabellis pulvinos  
& areolas in hortis ab invicem segregantibus adnascitur, cineracei vel exalbidi coloris, for-  
mâ partē grossum immaturam referens, minimi digiti extremum articulum magnitudine  
vix æquans, singularis plerunque, vel (quando plurimi) bini, terni aut quaterni simul coherentes,  
qui maturi supernâ parte dehiscences, pleni apparent lento quodam succo, & seminibus, magni-  
tudine quidem seminis Cyclamini, sed exiles fungulos formâ figuræ exprimentes, cineracei, ut pa-  
rens, coloris.

Ab aliis omnibus nobis cognitis fungis abundè distinguitur quod semine prægnans sit.

## C A P. XVII.

*Fungi calyciformes seminiferi. Mentzel. ita describit;*

**E**Rumpunt primò instar globulorum pyriformium & aperti jam formam calycis præstant; in qui-  
bus (quod mirum) semen durum Lentis magnitudine continetur.

Hos observavit Mentzelius sponte provenientes ad parietes arcularum lignearum semipu-  
tridarum, itēque in terra umbrosa putredinem ex lignis continente juxta ædificia lignea, tempo-  
re Veris & Autumni, tempestatibus pluviosis & serenis alternatim mixtis.

Hujus generis fungos à se observatos ad nos misit eruditissimus Vir, & rei herbariæ peritissimus  
D. Hansius Sloane M. D. & Amicus noster singularis. Erant autem ii semunciali longitudine, cam-  
paniformes aut calyciformes, scyphulorum musci pyxidati similes, figurâ coni inversi, ab imo pun-  
cto ad margines summos paulatim dilatati. In fundo semina continent satis grandia, rotunda, com-  
pressa, tenui filo alimentum deferente annexa, per maturitatem aquâ pluvîâ scyphulos replente  
& eorum labra præterfluente semina elevantur & unâ quâ fors tulit devehuntur. Per ficcitatem  
nigricant.

Locus



Locus idem qui Fungi minimi anonymi Clusii, nimirum tabulæ lignæ areolarum hortorum. Radix parva. E tumore parvo rotundo erumpunt primulum. D. Merret in Pinace rerum nat. Angliæ, hoc genus *Fungus campaniformis niger multa semina plana in se continens* dicitur.

## CAP. XVIII.

A. *Fungi Pezicæ Plinii. Col. Fungus acetabulorum modo cavus, radice carens C. B.*

**Q**uia sine radice aut pediculo nascuntur, à terra minimè se attollentes *μυκώ* Græcis dicti sunt, autore Plinio. Solidior his caro, & callosior est, qui non à ligni putredine, vel alterius rei, sed à terræ pituitâ oriuntur. Horum ortus est, quando imbris pragnans humus est, locis non putridis & uliginosis, sed in solidiore terrâ cui ita hærent, ut non nisi cum ipsa in imo hærente evellantur, aut disrumpantur. Pyxidum aut acetabulorum modo cavi sunt, profundo & lato fundo, ut quatuor uncias aquæ majores capiant; alii rotundo ore, alii inæquali circumferentiâ, angulosâ, trigonâ, aut pluribus sinubus, vel lucernarum modo rostrati, oblongi. Carne constant crassâ, solidâ, humanæ auriculæ modo, albi exterius, interius verò purpurascens, atque ita densâ & solidâ, ut aquam pluvialem multis diebus continere observaverimus; nec marcescunt duorum mensium intervallo. Fibrulas aliquot pro radice vix conspicuas diligenter excussâ terrâ habere comperimus.

Hanc observavit D. Lister è terræ rimis emergentem circa *Burwell* in provincia Lincolnensi.

A. *Fungi Pezicæ altera species Col. Fungus Hepaticæ saxatilis formâ C. B.*

Est (inquit Col.) & altera species congener, iisdem locis, carne solida, Hepaticæ aut Bryo similis quasi, foliosâ, crispa & convoluta, humo adhærens eodem modo, nec putrescit sed durat.

Huic similem si non eundem observavimus è terra enatam in vivario ferarum D. Fr. Willughby, in *Whiddleton* pago agri Warwicensis. Similis erat membranæ crassæ aut corio crudo, fragilis tamen, supina facie rubro aut saturo Mali Aurantii colore. Ex uno puncto enati in latum se diffundebant hujus generis fungi, infundibulorum aut calicum ferè in modum circumvoluti, oris tamen non commissis seu continuis, adeò ut aquam continere non possent; ut de prima specie refert Columna.

## SECTIO TERTIA.

*Fungi Arborei.*

## CAP. I.

A. *Fungus membranaceus auriculam referens sive Sambucinus C. B. F. Auriculæ Judæ, coloris ex cineraceo nigricantis, perniciosus, in Sambuci caudice nascens J. B. F. Sambucinus sive Auricula Judæ Ger. Park. Jew's-ear.*

Clus.

**B**revissimo vel potius nullo pediculo nititur, sed caudici arboris inhæret, aut singularis, aut geminus, membranacea cute constans, implicatâ & sinuosâ, coloris ex cineraceo nigricantis. Vulgus *Auriculam Judæ* nominat, cartilagineâ enim & membranaceâ est substantiâ, quemadmodum auris.

Vires.

Fungus hie exsiccat etiam per annum servari potest. In lacte decoctus aut aceto maceratus, in Angina aliisque oris aut gutturis tumoribus aut inflammationibus exhiberi solet ad gargarisandum aut guttur eluendum. Omnis generis inflammationes & tumores ex aqua rosacea aut vino impositum sedare & reprimere tradidere quidam. *Trag.*

Oculorum affectibus medetur in aqua appropriata maceratus & impositus. *Schrod.*

## CAP. II.

A. *Fungus Intybaceus* J.B.

*J.B.*  
**M**emorabilis est magnitudinis & formæ: planus & compressus, dimetiente sesquipedali, ex foliis totus, alius incumbens, aliis subeuntibus confarcinatus: Intybo crispo haud ineptè comparaveris: singulares foliosæ portiones cristatis crispisque oris, in quas radii ab insertione producuntur, pectunculosis imitati. Color parte supina veluti cinericeus, pronâ albus; inversus porosus apparet, Stellamque marinam arborecentem egregiè exprimit. Odor haud ingratus: substantia lignosior quàm ut in cibos venire possit, mense Septembri repertus; mense autem Augusto non ita durus observatur, quàm quidam edulem dicunt.

Nascitur in sylvis. Nos ad radices Quercuum invenimus in Parco dicto Middletoniano agri Warwicensis.

## CAP. III.

\* 1. *Fungi Laricum maximi lutei esculenti* J.B. *Fungus Lariceus aurei coloris* C. B.

**H**I, autore Matthiolo, Laricibus innascuntur in Ananienfibus montibus, triginti librarum pondere, aureo colore, per ambitum dissecti, in cibis gratissimi, nullo amarore præditi, licet Agaricus ab eadem arbore productus sit amarissimus.

2. *Agaricum* J. B. *Agaricus sive Fungus Laricis* C. B. *Agaricus ex Larice* Park. *Agarick.*

*J.B.*  
 Concretum fungoso Larici adnascitur, nunc majoribus, nunc minoribus massis conglobatum, [Parkinsono à manûs ad capitis humani magnitudinem] leve, candoris nivei, in farinam digitorum attritu friabile, sapore primum dulci, mox subamaro, tandem acri cum aliqua adstrictione. Reprobum & candore cedit magisque nigricat, & minus facile friatur, pondere etiam vincit, utrumque verò obvestit callosus cortex & nigricans. Notæ optimi Agarici hoc disticho continentur,

*Res frangi præsto pretiosus Agaricus esto,  
 Candidus & splendens, bonus in libra leve pendens.*

Hinc improbat qui stirpi proximus est, quia trahit aliquid de nigredine corticis, quin ferè lignosior est, ideoque minus friabilis. Agaricus Dioscoridi & Plinio duplex habetur, Mas & fœmina. Mas rotundus est & undique sibi similis, Plinio crispior amariorque; Fœmina rectas intus habet pectinum modo venas & quasi divisuras, Plinio Fœmina solutior est, initio dulcis, mox in amaritudinem transit. Hæc præfertur, illa reprobatur. Officinæ nostræ hoc modo non distinguunt, quod sciam.

Agaricum in Agariâ Sarmatiæ regione nascitur, autore Dioscoride, unde & nomen ei inditum. *Etymon.*  
 At non in Agariâ tantum, quamvis ibi fortè præstantissimum, oritur, sed & in Delphiniatu Gallicæ & in montibus Tridentinis, necnon Rhætorum, Vindelicorum & Noricorum tractu. *Locus.*  
 Ad nos olim ex Hungaria, (ubi copiosæ Larices crescunt) delatus fuit: hodie tamen optimus habetur qui in sylvis Tridentinis & Noricis oritur: candidissimus enim, levis & mollis plerumque est: improbat autem niger, & qui multis nervis in medio dum frangitur constare conspicitur, ut & compactus, gravis, &c. *D. Palmer* communicavit ex dictatis *D. Hermans.*

Brassavolus aliique se Agaricum Quercui adnascentem vidisse scribunt; alii Ilici, Abieti, Piceæ. Matthiolus se nunquam vidisse Agaricum alii arbori præter Laricem innascentem refert, neque in montibus Tridentinis & Ananienfibus, neque in Carniola aut Dalmatia alibive in Germania & Italia, ubi copiosissimæ Quercus, Ilices, Abietes, Piceæ crescunt.

Quin & miratur Bellonius audere quenquam affirmare Agaricum nasci in aliis arboribus quàm in Larice. Verùm negativam propositionem perdifficile est probare; neque vel Matthiolus vel Bellonius certi esse potuerunt Agaricum aliis præter Laricem arboribus non innasci, quia ipsi innascentem non viderant, nisi (quod impossibile est) omnes per totum terrarum orbem nascentes Quercus, Ilices, Abietes, Piceas, aliasque arbores, quibus adnasci dicitur lustrassent: & vel uni testis fide digno asserenti se innascentem vidisse potius credendum est, quàm vel mille cuiuscunque autoritatis sunt id negantibus. Utcunque tamen ego in Matthioli & Bellonii sententiam inclino; & Fungos illos, quos prædicti autores Quercui aliisque arboribus innascentes viderant, Agarico affines & similes potius quàm veros Agaricos fuisse opinor.

Agaricum purgat pituitam, præcipuè crassam & lentam [tenuem, aquosam, serosam & viscosam totius corporis, *Schrod.*] & bilem utramque. Datur Hepaticis & anhelosis, & ictericis, & nephriticis & dysentericis, & in urinæ difficultate, & in uteri strangulatu, & in vitiato colore, drachmæ pondere. Facit quoque ad dolorem ischiadicum & comitalem morbum. Ducit & menses, unde & prægnantibus usus ejus interdicitur, aliæque multa præstat quæ vide apud Botánicos & Præcticos. *Vires.*

Datur



Datur in substantia à ʒj ad ij, in infusione à ij. ad v.

Duo vitia corrigenda sunt in Agarico, 1. *Tarditas* ipsius. 2. *Levitas*, ob quam ad fundum ventriculi ægrè descendens nauseam & vomitum facit. Optima ratio corrigendi est, si trochiscetur Agaricus cum f. q. vini albi vel Malvatici in quo zingiber fuerit infusum. *Le Brun*. Quia ventriculo nauseabundus est corrigitur stomachicis Zingib. Caryophyll. Spica Celtica, &c. Quia tardè operari solet additur stimulus ex Sale gemmæ, CrySTALLIS Tartari & similibus. *Schrod*.

Hos corrigendi modos impugnat, nec optatum effectum consequi ostendit Aug. Ferrerius: siquidem zingiber ad flatulentiam quidem castigandam prodesse poterit, ad oris Ventriculi adstrictionem planè nihil. Reliqua apud ipsum vide.

## CAP. IV.

\* *Fungus auritus Juglandium albicans* J. B.

*Imper.*  
**O** Recchivole species Fungi coriacei, figurâ foliacei, quæ ab uno pedicello in curvaturam abit, in ambitu Rosæ dimidiatæ instar dissecta. Pars inferna reliquorum fungorum in morem striis foliaceis secta.  
Nascitur in arboribus, specialiter in nucibus, colore albicante.

## CAP. V.

\* *Fungus lignosus arboreus ad furfures* J. B. *Fungus noxius* A. *sive ad cutim extergendam aptus* C. B.

*Imper.*  
**F**ungus quo, autore Imperato, ad abstergendos capitis furfures utimur, de lignosorum Fungorum genere est, magnus & maximi capitis medietatem adæquans. Nullo pediculo nititur, sed arboribus immediatè affixus hæret, divisuras, infernè manifestas habens, quarum opè furfures decutiuntur.

## CAP. VI.

\* *Fungus villosus arboreus coloris ochræ tinctorius* J. B.

**M**ediocris magnitudinis est, duobus pugnis simul junctis ferè æqualis, undique tunicâ mucosâ obtectus, quæ in villos disjungitur breves, quorum longitudo ipsam tunicæ crassitudinem æquat. Interior quoque substantia villosa est, quæ arbori adhærens in filamenta quæ ex corio emergunt, quaquaversum terminantur. Colliguntur ex arboribus pomorum, colore intus ochræ, qui exsiccati nigrescunt. Utuntur mulierculæ horum decocto ad tingenda vestimenta lugubria.

## CAP. VII.

A. *Fungi arbores ad ellychnia* J. B. *F. darus arborum, sive igniarius* Park. *F. nox. 3. sive in candelicibus nascens unguis equini figurâ* C. B. *Touch-wood*.

*J. B.*  
**E**X Juglandibus [imò & aliis arboribus] colliguntur Fungi, truncis annosis adnati, substantiâ callosâ lignosâque in ambitu & fibris rectis contextâ, in meditullio molliore; in qua [si rectè memini] vix ulla apparent fibrarum vestigia. Color foris cinereus, intus obscurior, ad fuscum inclinans: præparatione autem assequuntur mollitiem illam, & vim ignium rapacem, quos depopulantes ipsorum substantiam ad extremum foveant.

Fungos hosce ad id negotii parare solent hoc modo. Decoquant illos in lixivio, & siccatos tundunt, rursusque nitro coquant: hoc enim pacto ad concipiendum ignem aptiores redduntur.

## CAP. VIII.

\* *Fungus putridus arborum ramis inhaerens, plurimis simul cohaerentibus* C. B. *Fungi dicti Spongii, lignorum perniciosi* J. B. *Fungorum noxiorum* 24. genus Clus.

Clus.

Res hujus species observantur.

1. Reliquis major, in majusculis ramorum fragmentis nascitur, unciae aut duo unciarum magnitudine, formâ Auriculæ Judæ, colore rubro, interdum plures cohaerentes & in unum corpus veluti coalescentes, valde tamen se remittente colore.

2. Longè exilior, unguis latitudine & interdum majore, singularis aliquando, interdum bini simul conjuncti, formâ velut supernè exscalptâ, coloris egregiè rubentis & adeò floridi ut coccineum provocare videatur. Inhaeret plerunque tenuibus ramorum aut corticis illorum fragmentis; in umbrosis.

3. In iisdem ramulis nascitur, rugoso corpore, unciali aut fescunciali magnitudine: interdum bini simul cohaerent, uncia minores, plerunque etiam terni, & illi quidem elegantiore aureo colore præditi, reliqui flavo.

Octobri mense in putridis dejectarum arborum ramis crescit.

## CAP. IX.

\* *Fungi Salicum colore varii perniciosi* J. B. *Fungus Salignus Lichenis formâ variegatus* C. B. *Fungorum noxiorum* 4. genus Clus.

Clus.

Novo vere post præmaturas pluvias in Salicum caudicibus confertim plerunque nasci solet, firmiter inhaerens Lichenis instar, in corpus tuberosum excrefcens, variâ figurâ & magnitudine: nam pleraque tubera uncialem magnitudinem non superant, alia duas & tres uncias interdum ampla sunt, coloris elegantis & variè commixti: nam in eis & albedo conspicua est, & pallor, & suave-rubens color, & satur, atque etiam flavus; adde his fuscum sive fuliginosum colorem hinc inde ipsis inspersum.

## CAP. X.

A. *Fungus arborum & lignorum putrescentium coloris varii. An Fungus Cerasorum* Clus. ? F. *Cerasorum imbricatum alter alteri innatus, variegatus* C. B.

Est hic, ut puto, quem Clusius aliique eum sequuti Botanici *Fungum Cerasorum* appellant, quamvis non rarius aliis arboribus adnascatur quam Cerasis: Est autem pulchrè variegatus ductibus ceu fasciis, diversi coloris ad marginem parallelis, aliis supra alios. Hujus generis plures ex eodem pede nati, imbricatum sive tegularum instar alter supra alterum conferti nascuntur, ut rectè Clusius. Infernè foraminulis innumeris punctatus est, minimè striatus, colore albicante.

Hic est ut puto *Fungus holosericeus* Iridiformis quasi colorum alternatione variegatus *Cat. Altd.* Supina enim ejus pars ad tactum interdum mollis est holoserici instar.

Clusius colores diversos ordine transversim eum secantes recenset, primo ex albo pallentem unciali latitudine à pede. Secundo ex rubro flavoque permixtum; deinde flavum maculis fuliginosis infectum; extimis tandem oris saturâ rubedine nitentibus, quam nonnihil fœdat linea quædam veluti farinâ conspersa. Verùm colores hi non iidem in omnibus hujus generis Fungis sunt, sed in diversis arboribus nascentibus diversi.

## CAP. XI.

A. *Fungus Fraxineus niger, durus, orbiculatus.*

Fraxinis marcescentibus & tabidis accrescit, variæ magnitudinis & figuræ, plerunque tamen subrotundus, nullo pediculo pugnum interdum æquat, plerunque minor est: ex variis fibrarum nigricantium velut areis seu stratis aliis supra alias, compositus, ut in fluoribus quibusdam lapidibus aut petris accrescentibus sæpius observavimus. Durus est & ligneus, cum vetustior lævi est superficie, colore nigro.



## CAP. XII.

A. *Fungus Quercinus niger.*

**C**Audicibus & ramis Quercuum dejectarum innascitur, circulari ambitu, diametro fescunciali aut duarum unciarum, nullo pediculo propriè dicto, sed à marginibus circumquaque sensim se contrahens, donec ad punctum seu locum illum ubi ex arbore enascitur valdè gracilis evadat. Interior ejus substantia dum adhuc junior est & tener, gelatinæ cuidam lentæ aut visco similis est; inferna parte color minùs niger sed potius fuscus est & rugosus. Octobri mense hunc observavi, puto tamen omni anni tempore inveniri.

## CAP. XIII.

\* *Fungus pannis laceris similis igneus C. B.*

**Q**<sup>Cæs.</sup>uidam (inquit Cæsalpinus) pannis laceris similes sunt aut Spongiis, colore igneo; idè ignem sylvestrem vocant, inutile cibis. Oriuntur præcipuè ad radices Oleæ. Pulvis inspersus valet ad ulcera putrida & erodentia.

## CAP. XIV.

\* *Fungus coriaceus Quercinus hæmatodes Breynii in Ephemer. German. An. 4. & 5. Obser. 150.**Breyn.*

**I**N medio Quercûs, medullæ velut subucula circumvolutus, inventus est; tener erat, mollis, flexilis, planus, nonnihil rugosus, eâ longitudine & latitudine ut colobium ex eodem commodè conficere licuisset: colore pallido ad flavum nonnihil tendente; itemque substantiâ, tractatione & figurâ alutæ ex pelle caprina confectæ similior quàm ovum ovo, nisi quòd crassior, materia minùs compacta, intus præterea passim duriuscula & rotunda tubercula, in manus magis quàm in oculos incurrentia occultante. Initio gustatûs vis statim quadam attractiva apparebat. Reperitur & in aliis arboribus.

Nobilissimum præstantissimûmque remedium hæmorrhagiæ narium inhibendæ, si cordi particula ejus imponatur, dicitur.

## CAP. XV.

\* *Fungus Cornu Dorcadis facie Breynii, ibid. Obser. 152.**Breyn.*

**A**Mstelodami hic ex arboris Pyri aut Pruni trunco originem habuit. Duobus constabat ramis formâ, magnitudine, crassitie, ramulisque adhærentibus cum cornibus Capræ mediocris comparandus. Substantia erat lignea, levis ac fungosa, color candens.

## SECTIO QUARTA.

*De Fungis Subterraneis, seu Tuberibus terræ.*

**T**Uber Latinis à tumeo dictum est, quomodo à facio faber, ab humeo luber & per aphæresin uber, à glubo glaber, & alia multa. Voss. Etymolog. Græcis ὄδρον dicitur ὄδρῳ ὄδρῳ, id est, nutriendo, plurimum enim alimenti præbet. In Aldino & Basileensi [Theophrasti Hist.] codd. observante Jo. Bodæo, ὄδρον legitur, & fortasse rectius, ὄδρῳ ὄδρῳ vel ὄδρῳ, quia sunt ὄδρῳ ὄδρῳ ὄδρῳ, terræ tumores.

*Tubera J. B. C. B. Tubera terræ Ger. Tubera terræ edulia Park.**7. B.*

Nihil aliud sunt Tubera quam sine caule, sine foliis radices, magnitudine varia, pugillari interdum, aliàs Juglandis castanæ aut Avellanæ, tuberculis extantibus inæquales, externâ superficie rugosa

gosâ & nigrâ, substantiâ albâ, consistentiâ carnis castanearum, gustu fatuo, odore nonnihil gravi, & hircino.

Imperato Tubera è genere vegetabilium sunt, sub terræ cortice latentia, figurâ inæqualiter globosâ. Substantia eorum callosa est, tenerâ, nutritioni apta. Crescunt locis arëosis & inter stirpes. Nostratia ut plurimum ad Melonum magnitudinem accedunt, cortice tecta nigro, scabro atque rimoso; substantiâ internâ colore lacteo, sapore communiter grato. Dignoscuntur Tuberum loca natalia ex rimis quæ in terræ superficie spectantur.

Modus quo Rustici in Italia (ut nobis relatum est) Tubera indagant, perridiculus est. Procellum scilicet Autumni tempore funiculo alterutri posteriorum pedum alligato præ se agunt in pascua ubi horum proventum solere esse nôrunt; qui ubi ad locum venit in quo tuber latitat, odore mox id percipit rostrôque eruit, erutum qui insequitur præripit, & ad alia indaganda porcellum abigit. Christianus Mentzelius Porci actorem ipsum sue, quamprimum rostro indicium dederit resti retracto, tubera effodere, inque usum humanum gulæque delicias colligere scribit.

Tubera quæ Bononiæ & Florentiæ vidit Mentzelius exterius fulci coloris erant, interius quoque ejusdem, sed multo candore instar marmoris interfusi. Frixâ cum oleo recenti & pipere gustui grata sunt, Venerémque stimulant.

Idem Mentzel. in Marchia Brandeb. propè *Furstenwaldiam* tubera quædam à porcis eruta observavit, quæ testiculos humanos scroto denudatos formâ, magnitudine & colore exactè referebant. Cùm ergo testiculos humanos proxima similitudine referant, & hircinum odorem spirent, indicium est non leve ea Veneri stimulando idonea esse.

Tubera cocta & pro emplastro imposita Anginosi adeò prosunt, ut quidam jam morituros hoc auxilio liberârunt. *Cardan.* de variet. rerum, cap. 28.

\* *Tuberum genus, quibusdam cervi boletus J. B. Tubera cervina & Lob. C. B.*

J. B.

Magnitudine est Juglandis, interdum Avellanæ, & minore, tuberosum & inæquale, substantiâ inter duritiem & molliem mediâ, cortice intectum ex cineraceo ad fulvum nonnihil inclinante, superficie granulata, cui callus subest atro-purpureus, eâ quam diximus consistentiâ, qui recentior subastringit, exiccatus adstriktione amissâ dulcedinem leviusculam linguæ offert. Meditullium fungola quædam substantia ex albido purpurascens occupat; texturæ perquam raræ, ut similiter Aranearum telis convolvatur, & in nihilum stylo vel mucrone cultelli terendo abeat, relicto quâ abscedunt calli latera spatio inani. Siccum & jamdudum repositum nihil aliud continere comperitur quàm pulvisculum, ut in Crepitu Lupi, sed farctiorem, sapore adstringente nonnihil, colore fuliginoso, nullâ relicta in medio cavitare, cortice circumjecto satis crasso, duriusculo.

Quæ de locis ubi nascuntur hæc tubera, & eorum ortu è genitura cervorum à Matthiolo & aliis referuntur, quoniam fabulosa & conficta mihi videntur, lubens omitto. Consulat Lector, si placet, J. Bauhinum tom. 3. lib. 40. cap. 80. pag. 851. Cordus eum invenit in præruptissimis montium sylvis, quò nè damæ & rupicapræ quidem pervenire possunt, nedum cervi. Sanè repertus est, subdit Jordanus, in locis ubi ab hominum memoria nullus unquam visus est cervus. Ad Tænziniûm nobile Hungariæ oppidum circa Carpathi juga frequentissimus montuosus locis, sylvis opacis, ubi licet cervos reperias, non tamen tantâ copiâ quæ plaustris Fungorum sufficeret. Hæc J. Bauhinus.

Ceterum fungi hi cum crepitu Lupi dicto plurimum convenire nobis videntur, v. g. cutè exterius granulata, & substantiæ interioris consistentiâ.



## LIBRI SECUNDI PARS TERTIA.

### *De Muscis sterilibus seu aspermis aliisque affinibus.*

**M**uscus à Græco *Μῦς* dicitur, quo notantur tenera & novella, uti tenera boum soboles, & tenelli arborum rami. Muscus autem quamvis res notissima sit, ejusque species ab unoquoque primo statim aspectu agnoscantur, non tamen ita facile est eam definire, aut generalem aliquam descriptionem cudere, quæ omnibus Muscis & solis conveniat.

Solent autem Musci censerī Aridiores illa & exucca, plerunque decolores, substantiæ, quæ oriuntur vel in opacis, vel in muris, tectis, arboribus, petris, aliisque locis sterilioribus, immodico frigore aut calore perustis, aut etiam ficcis & squalidis, in quibus plantæ perfectæ nec provenire, nec durare possunt; aut saltem plantis perfectioribus minus commoda & propitia sunt.

Musci sunt vel steriles & *ἀσπερμῆς*, vel fertiles & *σπερματοβέης*.

De sterilibus, iis saltem qui steriles censentur quoniam nullum in iis semen hæcenus detectum & observatum fuit, hoc in loco agemus.

#### C A P. I.

##### *De Muscis terrestribus nobis observatis.*

**M**uscos terrestres hoc capite comprehensos voco quamvis & horum plerique arboribus interdum aut ædium tectis innascantur, quoniam in terra maximam partem oriuntur.

##### A. 1. *Muscus filicinus* J. B. Ger. Park. *filicinus major* C. B. *fern-moss*.

Ad trium unciarum altitudinem assurgit, ejusque caules, seu folia mavis dicere, filicina bene imitantur, sunt enim ramosa, ramulis utrinque è scapo seu nervo medio crebris exeuntibus, brevioribus sensim, donec nervus tandem in acumen desinat: inferiores autem ramuli, ut in filicibus ramosis, utrinque furculos emittunt; furculi denique foliis capillaribus creberrimis vestiti sunt: ita ut totum folium (si parva magnis componere licet) filicinum proximam similitudine referat. Color ex viridi flavicat. Umbræ gaudet, ideoque in sylvis plerunque oritur, & quidem copiosissime. Capitula seu vascula seminalia in hoc genere non observavimus. Folia quæ diximus in hac plantula verius rami sunt seu cauliculi ramosi.

##### 2. *Muscus denticulatus major* C. B. Park. Ger. *terrestris denticulatus* Lob. *Muscus pulcher parvus repens* J. B. *The greater dented Moss*.

J. B.

Serpit Chamæcissi modo pulchellus hic Muscus, cui ad costam tenuem fili instar denticulata foliola, tenera, pulchrè viridia, alterna plerunque, non adversa ut vult J. Bauhinus, absque pediculis lata basi adnascuntur. Cæterum in varios divaricatur ramulos, qui hinc inde tenues radículas emittunt. Lobelius eum rectè denticellis & sarmentosis viticellis compressis argutâ naturæ solertiâ elaboratum scribit.

Vascula seminalia in hoc non observavimus, suspicamur tamen ei non deesse.

##### 3. *Muscus denticulatus minor* C. B. Park. Ger. *terrestris Lusitanicus* J. B. *The lesser dented Moss*.

Tenerrima herbula est hic Muscus, dodrantalibus aut pedalibus interdum repens viticulis, filo tenuioribus, numerosis utrinque adnatis ramulis in obliquum expansis & subinde capillaribus quibusdam quas producant fibris terræ adhærentibus. Omnes autem viticulæ testæ sunt frequentissimis foliolis, five squamulis potius tenuissimis & tenerrimis, pulcherrimâ serie digestis, dilutioræque & quodammodo pallescente viriditate præditis, tactu quidem mollibus, sed veluti ficcis, adstringente gustu cui tamen grata quædam dulcedo admista sit.

Nusquam hoc Musci genus Clusio conspectum quàm in umbrosis aggeribus olivetorum ad Colibiam Lusitanæ urbem, trans flumen *Mondego* Latinis Munda nuncupatum, non procul à deserto quodam sacello, in colle sito. Somersæti Angliæ sterilibus montibus [*Mendip* vernaculè] ubi plumbum effoditur, nonnusquam magnâ gliscit copiâ, referente Lobelio. Nos Clusio descriptum nondum

nondum vidimus in Anglia sponte proveniente; verum speciem aliam longè minorem in ericetis, muscis aliis adnascentem.

- \* 4. *Muscus parvus stellaris* C. B. Park. *Muscus in ericetis proveniens* J. B. Lob.

¶. B.

Apud Lobelium frustra delineationem aliquam hujus plantæ inquisiveris præter ejus picturam in Icon. Plant. & in Hist. Belg.

- \* 5. *Muscus stellaris roseus* J. B. C. B. Park.

C. B. Prod.

Ex fibellis nigris radicem constituentibus pedicelli unciales prodeunt, quibus singulis folia plura instar rosæ compacta pallidè virentia, acuminata, in modum stellæ disposita insident. In saxosis Telamontii provenit.

- A. 6. *Muscus corniculatus* J. B. Park. An *Muscus terrestris ceranoides* C. B? An potius *M. ter. coralloides incanus* ejusdem?

Cornu cervino multis ramis similis est, quem nos observavimus tubulosus erat, ejusque summi surculi in acutas spinulas plerunque definebant. Lithobryon coralloides Col. huic perfimile est, nisi quòd plerunque colore sit virenti, quòdque in humentibus saxi & muscosi oriatur.

- A. 7. *Muscus coralloides apicibus coccineis*. An *Muscus terrestris coralloides erectus cornibus rufescentibus* C. B. Park?

Hic (inquit C. Bauhinus) in ramulos rigidiusculos dividitur, qui licet candidus sit, illius tamen summitates cornutæ & rigide rufescunt.

Ad Wiefam fluvium latè expansus in arenosis reperitur.

Ab hoc Musco à C. B. descripto alium adhuc apicibus coccineis diversum habemus: nec enim cornutæ sunt aut rigide ejus summitates, sed potius molles, apices etiam coccinei obtusi; & ramuli tubulosi sunt. Ad radices arborum dejectarum & in uliginosis sterilioribus nascitur.

- A. 8. *Muscus tubulosus ramosissimus Fruticuli speciei*. *M. Coralloides sive Corallina montana* Ger. emac. *corallinus montanus* Park. *Coralloides sive cornutus montanus* C. B.

Ad duarum triumve unciarum altitudinem assurgit, in plurimos tenuissimos ramulos teretes fistulosos divisos & subdivisos, eosque leves, aridos, albicantes, adeò ut corallinam quodammodo referat, quamvis non omnino lapideus sit.

In ericetis squalido & spongioso solo oritur.

- A. 9. *Muscus pyxidatus* J. B. Park. Ger. *terrestris ramosus* 13. sive *pyxioides terrestris* C. B. **Cup-moss.**

¶. B.

Lichenis modo foliis terræ instratis se diffundit granulatus hic fungosæ substantiæ muscus, surgentibus hinc inde uncialibus aut semuncialibus pyxidulis, crassis, cinerei coloris, superius in acetabuli formam patulis, pede angusto nixis.

In aridioribus è corio terreo saxi instrato oritur, inquit J. B.

- \* 10. *Muscus pyxioides saxatilis* J. B. C. B.

C. B.

Tubulis est longè minoribus, copiosioribus, nec ità candidis qui petris saxi sive latissimis innascitur, eaque obteggit, quemadmodum in via Telamontium versùs videre est, inquit C. B.

Musci pyxioidis vulgaris pulvis in zythogalo, Cerevisia tenui, aliòve convenienti vehiculo per aliquot dies exhibitus tussim convulsivam puerorum, nonnullis catarrhus ferus seu ferinus dictam, specificâ proprietate lenire & sanare dicitur. Vires.

## C A P. II.

*Musci quidam terrestres C. Bauhino in Prodromo descripti.*

- \* 1. *Muscus Abietis facie* C. B.

C. B.

**P**ædicto [Musco filicino minori] non multum abfimilis est, viticulis in ramos divisis, foliis capillaceis, utrinque (ut in Abiete) costæ longiusculæ adnatis, multò quam in priore brevioribus & viridioribus.



\* 2. *Muscus pennatus* C. B.

C. B.

Colore est ex luteo virescente, latèque serpit multis viticulis, sed brevibus, ramosis, minutis foliis pennam æmulantibus vestitis, qui fibras tenues pro radicibus habent.

In petrosis & sylvis reperitur.

Hujus altera species, radice rufescente, è copiosissimis fibris composita, viticulis ramosioribus, foliis minoribus in sylva Vilenfi locis uliginosis provenit.

\* 3. *Muscus ramosus repens* C. B. *velut spicatus.*

C. B.

Hic ad arborum radices nigris radiculis terræ affigitur, viticulis crassis & longis serpit, & de se copiosas veluti spicas oblongas, ex tenuissimis & levissimis foliis compactas, ramulorum instar emittit.

Huic similis & alter foliorum tantum apicibus candicantibus discrepans. Uterque in monte Crentzacho reperitur.

\* 4. *Muscus ceranoides major & minor* C. B.

C. B.

Major trium quatuorve unciarum est, foliis carens, cauliculis latiusculis, in ramos divisis, hique in alios breves, & hi similiter in tenuissima segmenta, trifida, quadrifida acutè scinduntur.

Minor totus incanus, unciam non excedens, ex plurimis ramulis proximè junctis compositus; quorum summitas communiter in duo minutissima & acutissima cornua abit.

Uterque in Hercynia collectus fuit.

## CAP. III.

\* *Muscus Islandicus* Bartholini, Sibbald. Prodr. Hist. Nat. Scot.

**D**E hoc musco Tho. Bartholinus Aët. Med. An. 1671, 1672. obs. 66. ex Observatione Borrichii hæc habet.

Fert Islandia muscum, nulli hætenus Botanicorum, sed jam & pharmacopolis nostris cognitum: Terrestris est & firmus, colore subalbidus, ramosus, lato ungue vix latior, sed qui in longum variè proserpit, costis hinc indè spinosis horridulus.

Eo insulæ coloni primo vere utuntur ad expurgandos humores corporis noxios; reliquo ætatis siccatum in farinam comminuunt, & pulmentarius admiscunt, expirante demum vi purgatrice, & succedente alimentaria. Ex adversar. D. *Tancredi Robinson.*

## CAP. IV.

*De Muscis arboreis.*

A. 1. *Muscus arboreus*: *Usnea Officinarum* C. B. *Muscus arboreus vulgaris & Quercinus* Park. *Muscus Quernus* Ger. *Muscus arboreus villosus* J. B.

J. B.

**E**X arboribus adultis, inprimis verò senio confectis, nisi frequentem senferint putatoris falcem, villi dependent incani, lignosi, tenuibus contexti filis, gustu adstringente.

Varius est, unus tenuior, crassior alter, quidam brevior, alius prolixior: omnes candescentes, pauci rutilantes, quandoque nigri.

Locus.

Reperitur potissimum in Quercu, Populo, Ulmo, Betula, Pomo, Pyro, Pinu, Picea, Abiete, Cedro, Larice & aliis quamplurimis verum primæ nobilitatis, & odorati sunt Cedrinus, Lariceus, Pineus & Abietinus, secundum locum tenet Populneus: Candidus præstat, nigricans improbat, rutilans medium locum tenet: vilissimus Quernus. C. B. è *Dodoneo*.

In annosis Quercubus & Illicibus Valenæ sylvæ reperitur non longè Monspelio, unde Pharmacopœis deferitur. Est enim pulvis ejus basis pulveris Cyprii Monspeliensibus dicti, & vulgò ibi dicitur *Corps de Cypre gris. Botan. Monsp.*

Apud nos in Anglia rarissimum est hoc Musci genus, nec mihi, quod sciam, unquam conspectum; fortè in exteris regionibus frequentius, quamvis & ibi rarissimè nobis in conspectum se dedit. Semel in Bavaria in Abietum vetustarum sylva copiosissimum observavimus muscum è ramis dependentem, Musci arborei villosi *Dod.* descriptioni egregiè respondentem, qui à nobis collectus & inter chartas repositus eas colore ex flavo rubente, ac si igne torreretur inciperent, tinxit; imò caput translatus novas adhuc chartas eodem colore infecit, etiam post multos annos. Quocirca non abundet magis circa Monspeliū quàm alibi, minimè sufficeret pro base tantæ pulveris Cyprii quantitati, quanta quotannis ibide in præparatur & divenditur. Quin si Quercubus & Illicibus innascens infer-



inserviat pro corpore famoso illi pulveri odorato Monspeliensi, non adeo vilis sit oportet ut vult C. Bauhinus, nisi forte ob melioris penuriam eo uti coacti sint: quod non videtur verisimile, quoniam pulvis Cyprius Monspeliensis in hoc genere nobilissimus censetur. Ego, ut verum fatear, suspicor Monspelienses pro corpore pulveris sui Cyprii adhibere seu assumere Muscum arboreum ramosum nobis cum J. Bauhino dictum, necnon promiscue muscum arboreum pellatum & scutellatum *eiusdem*, (cum intellige qui Quercubus & Illicibus innascitur) partim quia hi ubique inveniuntur maximam quantitate, partim quia Fer. Imperatus utrumque hunc muscum odoramentis admisceri scribit, effectu pari. Imperatus autem, Pharmacopœus ipse cum fuerit, huiusmodi pulverum odoratorum compositionem ingredientia optime novit. Hæc ex conjectura scribimus, non tamen negamus Muscum arboreum in hunc etiam usum assumi, si quando offeratur.

Musculus capillaceus longissimus C. B. non videtur à descripto specie distinctus; vel si differat, ex solo titulo satis innotescit.

Musco arbore pulverisato extrinsecus sanguinem è vulneribus effluentem compescere solere Chi-Vires. rurgos in Germaniâ scribit D. Sachf. Ephemer. Germ. An. 2. pag. 92.

- A. 2. *Muscus. amarus Absinthii folio* J. B. forte: *An potius Muscus arboreus ramosus* J. B? *Foglio diramato Imper.*? *An M. alter Quernus latifolius, coralloides æquum* Col.

Similis est pergameni dissecto (inquit J. B. ex Imperato) [aut Algæ vulgari] Principium latius, in ramos divilum latos pariter & planos, colore candicante supernâ seu adversâ parte, nam infernâ nonnihil admixtum habere videtur flavedinis, veluti flos lactis. Non raro etiam orbiculos habet. Differt magnitudine & latitudine segmentorum.

In omnibus ferè arboribus reperitur, & quidem copiosissime: nec in arboribus tantum, sed & in lignis aridis; unde miror Botanicos illius non meminisse, vel obiter tantum & obscure attigisse. Musci ceranoidis majoris C. B. descriptio ei non inepte quadrat. Verum ille rariorem eam facit, & longè ex Hercynia petit. Nostro ad descriptionem sufficit, quod sit caulibus, seu foliis mavis dicere, compressis, planis, algæ ferè in modum divisis, & in omnibus arboribus ubique vulgarissimus, colore albicante seu incano. Vide descriptionem Columnæ, quæ in plerisque Musco nostro convenit, nisi quod lævem ac splendidum eum dicat: icon non bene respondet: nam caulis & rami nimis angusti, divaricationes non satis crebræ pinguntur. Vide apud J. B. Musci amari, &c. descriptionem.

Suspicio hunc (ut dixi) pulveris Cyprii odorati compositionem ingredi. Sententiam nostram de materia seu corpore (ut vocant) pulveris Cyprii confirmat D. Sachsus, Scholio in Observ. 51. An. 2. Ephemer. Germ. ut nobis suggestit D. Tancredus Robinson. Muscus (inquit ille) arboreus ramosus coralloides C. B. qui in cariolis & corruptis lignis, item truncis abscissis arborum, seu humi super terram in eorum radicibus, maxime in Quercu, Larice, Abiete, Cupresso, invenitur, & Coralii plantulam æmulari solet (etiam aliquando delicatissimum musci odorem spirat) odoramentis sæpissime admiscetur. Galli pulveres suos odoratos, quos Cyprios vocant, ex hoc musco parare solent, quos virgines & mulierculæ non vestibus tantum sed & capillorum cincinnis aspergunt. Modum singularem parandi hunc pulverem habet Jo. Zwelferus in Pharmac. Regia, p. 100. Ego apud C. B. non invenio muscum hoc titulo *Musc. arbor. ramosus coralloides*, sed *Musc. arb. coralloid.* absque epitheto ramosi; est tamen muscus ille quem intelligit C. B. quemque depingit & describit F. Columna revera ramosus; isque è quo præcipue, ut opinamur, fit pulvis ille odoratus, Gallis Cyprius dictus.

- A. 3. *Muscus arboreus peltatus & scutellaris* J. B. *arboreus cum orbiculis* C. B. *Quercinus paniculatus* Park. *ramosus floridus* Ger. *arboreus tenuissimus* Col.

Col. J. B.

Musculus ille ab aliis non differt, nisi quod veluti fructifer videatur. Umbellas singulis cacuminibus habet latas, cavas, umbilicatas, læves, semunciali ad summum latitudine, non raro minores, per ambitum radiis stamineis circumcirca coronatas, intus læves, albescentes: radii verò longi admodum ut diametrum umbellæ superent aliquando, inter quos hirsuties altera est densior, brevis admodum atque tenuior, per ambitum hærens. Color huic ut præcedenti ex viridi cinereus seu albicans. Teretibus, crassiusculis, rigidis veluti coliculis, ramosis, quos cirri tenués vestiunt in arboribus crescere solet.

Hoc aut præcedens genus cerevisia aut zythogalo incoctum & potum gravedinem & destillationes compescit & sanat.

- \* 4. *Muscus arboreus capitulis cavis* C. B. *Muscus alter matutinus* Col.

Col.

Ortum cum præcedente eundem habet, latis & planis foliis sive ramulis, cavis etiam, sed utrinque hirsutis umbellas sive capitula potius huic cavo umbone, nigrescente intus, limbo circumdata aliquando dentato, ex cujus latere eodem modo falcata sive brachiata, sed huic ramis dividuntur. Totâ brevior est, colore cinereo candicante incanior, non ut superior aliquando pallente.

- A. 5. *Muscus arboreus nodosus* C. B. *nodosus sive geniculatus* Park. *Dendrobryon geniculatum sive nodosum* Col.

Col.

Ex arboribus prolixè dependet non tantum in Italia sed & in Anglia. Oblongos quidem, ac etiam breves, habet inanes, quam-plurimos tuberculos, nervulo trajectos inter se coherentes. Candicans



cans est, prolixum, ramosum, ex crasso caudice in ramos sese diffundens, ut latam prolixamque barbam seu comam pedalem aut sesquipedalem, in extremo verò tenuitate capillarem efficiat, illamque ex ramis dependentem.

In Lancastria pagò *Burnell* è Corylo dependentem invenit & ad nos attulit *Tho. Willifellus*.

A. 6. *Muscus arboreus pulmonarius* C. B. *Muscus pulmonarius sive Lichen arborum* Park. *Lichen arborum* Gér. *Lichen arboreus sive Pulmonaria arborea* J. B.

*Licheni* sive *Hepatica* foetanae similis, sed major per omnia, squamato foliorum incubitu, inefabili laciniarum variatione, profundiorum quam in *Hepatica*, quæ quæ matri suæ hærent albicant, alterâ verò parte virent, rugosa, lacunis eminentiisque inæqualia sapore amaricante non sine adstrictione.

Locus:

Annosis rimosisque caudicum *Quercus*, *Fagi* aliarumque arborum corticibus innascitur, in opacis ac densis sylvis. *Dod.* Observavimus etiam in faxis coacervatis in umbrosis jacentibus. Apud nos *Quercui* plerumque, raro aliis arboribus adnatum invenies.

Vires.

Siccât & astringit, unde sanguinem profluentem compescit, vulnera recentia glutinat, alvum ac menses sistit. Utuntur eâ vulgò ad pulmonem affectiones, asthma, tussim, suspiria, nostrates etiam ad phthisin & tabem, confecto ex eo pulvere, syrupo aut aquâ destillatâ non sine successu.

Eum qui *Quercui* innascitur in ictero omnium medicorum solertiam eludente efficax remedium expertus est *Andreas Golius* mercator. De hoc autem musco accepit manipulum additâ librâ *Cerevisiæ* secundariæ, quam in olla fideliter occlusâ ad dimidium decoxit, postea tredecim cochlearia tepida manè atque vesperi imbibit. *Ephemer. Germ. ann. 3. obs. 290.*

## C A P. V.

A. De musco arboreo aut petraeo crustaceo, seu *Lichenis* facie.

1. *Muscus crustæ aut Lichenis modo arboribus adnascens cinereus.* *Lichen* *Dioscor. & Plin. secundus* Col.

**C**RUSTA vel *Lichenis* modo super arborum cortices, ligna arida, petras, tegulas se diffundit, supernè cinereus, infernè niger, variè laciniatus, circum oras veluti crispus aut fimbriatus, nec caulē ullum edit, aut orbiculos habet, quantum hætenus observavimus. *F. Columna* *Februario* mense acetabula quædam emittere observavit, parva, *Mili* magnitudine, colore lutescentia, veluti botrulos musculos, sericeos, duos, parum eminentes, coacervatos, albescentibus oris, in quibus nullum seminis vestigium noscitur. Est autem hic muscus ut & species congeneres, velut folium quoddam variè laciniatum supra arborum cortices aliæque quibus adnascitur reptans & se expandens.

A. 2. *Muscus crustæ modo arboribus adnascens cinereus mollior, & in angustiores lacinas divisus.*

Hujus laciniæ angustiores sunt & argutiores. Sufficit titulus pro descriptione. In hoc orbiculos non observavimus.

A. 3. *Muscus crustæ modo arboribus adnascens flavus.*

Hic colore suo statim se prodit, est autem tenerior & minor quam prima species, subtus cinereus aut canus. In hoc, verno tempore, efflorescentias quasdam croceas observavimus.

A. 4. *Muscus crustæ modo arboribus adnascens pullus.*

Hic tenuior est quam muscus cinereus, caudici cui innascitur appressus, supernè pullus, infernè quasi ex nigro & candicante varius.

A. 5. *Muscus arboreus supinus marginibus pilosis.*

Nota hujus characteristica quâ à reliquis sui generis facillè possit dignosci est, quòd segmentorum seu laciniarum, in quæ variè & eleganter dividitur, margines & extremitates pilis quibusdam seu setulis brevibus raris sint fimbriata. Habet quoque orbiculos seu scyphulos circa margines crispas. In *Malo*, *Fraxino*, *Juglande* aliisque arboribus observavimus.

A. 6. *Lichen petraeus purpureus* *Derbiensis* Park. *Muscus tinctorius crustæ modo petris adnascens.* *Cock oz Arcei.*

Muscus hic crustaceus *lichenis* modo se in petris diffundit, colore obscurè purpureo aut cinereo. Hunc rustici cultello aliòve instrumento ferreo à petris deradunt, & in pulverem comminutum in massam humidam cogunt, & in doliis recondunt, quæ pannis purpurascēte colore tingentis inservit, qui quamvis facillè eluitur nec diu durat, sufficit tamen pauperioribus pro vestimentis inficendis.

Joan.

Joan. Franciscus Abela in descriptione Melitæ Insulæ hujus Musci meminit, quem à Melitenfibus rusticis *Vercella* dictum scribit, & suo modo præparatum ad lanas colore incarnato tingendas adhibitum scribit. Hoc genus Musci nec Wallis ignotum est, sed usu frequentatum, & *Kenkerig* dictum. Est autem hic crustæ cuidam aut licheni similior quàm plantæ, nec folia imitatur, ut musci prædicti, estque pinguior visu & tactu quàm illi.

## CAP. VI.

## De Lichene terrestri Sterili.

A. 1. *Lichen terrestris cinereus*. Ash-coloured ground Liverwort.

**N**ULlos hic flores aut capitella (quod ego unquam viderim) profert. Folia aversâ parte albidiora, & crebris fimbriatis radiculis inter reptandum emissis terram aut subjacentes plantas muscûmve apprehendunt, eodem enim modo super eas se diffundit interdum quo Lichen terrestris super terram. Supinâ parte colore est cinereo.

In pascuis ficcioribus, interdum & in uliginosis frequentissimus est, unde Botanicis nostratibus non descriptum miror.

A. 2. *Lichen terrestris foliis angustioribus virescens*.

In humidis & uliginosis nascitur foliis quàm præcedens angustioribus, virescentibus cum nigricantibus lineis.

\* 3. *Muscus fugax membranaceus pinguis* Botan. Monsp.

*Magn.*

Statim post pluvias oritur in herbidis satorum marginibus; in iis præcipuè quæ orientem solem spectant, sed citò exsiccat, idèò fugacem dixi. Membranaceus est & pinguis, & ferè semper convolutus reperitur, dum autem expanditur Muscum Lactucæ folio refert, sed multo pinguior est, pallidè vires, qui facillimè disrumpitur. Mira de isto narrant Chymici, quem modò Solis florem, modò Lunæ sputum vocant, aliisque cœlestibus nominibus decorant, & vegetabilis naturæ principium ac radicem continere arbitrantur.

Aliam adhuc Lichenis speciem nobis ostendit *D. Newton*, variè dissectam secundum longitudinem in lacinias longas, membranaceam densam seu coriaceam, cineream.

*Muscus cranio humano innatus.*

Non videtur nobis species musci ab omnibus aliis distincta, sed musco arboreo crustaceo congener. Celebratur ille à plurimis Autoribus in hæmorrhagia, præsertim à Chymicis *Ulnæ* titulo. Ingreditur autem compositionem famosi illius Unguenti *Armarii* dicti. Vide *Ephemer. German. An. 2. p. 100.* & sequentibus.

## CAP. VII.

## De Lenticula palustri.

A. 1. *Lens palustris* Ger. J. B. *palustris sive aquatica vulgaris* Park. *Lenticula palustris vulgaris* C. B. *Ducks meat*.

*J. B.*

**S**Tagnantium aquarum incola Lenticula eisdem innatat, totam superficiem densissimo foliorum, infernè nigricantium, supernè virentium, nitidorum, orbiculorum, Lentisque modo compressorum stipatu obtegens, quæ inter se capillamentis tenuissimis & albis artè revinciuntur, iisdemque ceu radicibus è limo adhærescente alimentum hauriunt.

In lacubus & stagnis aliisque non fluentibus aquis, ut urbium fossis, innatans, & latè sæpe earum superficiem occupans reperitur.

Quæ de mirabili hujus plantulæ metamorphosi in plantam *Sisymbrio* aquatico haud absimilem habent *Matthiolus*, & post eum *Lugdunensis*, apud me sanè fidem non inveniunt, quantumvis *Lugdunensis* operum naturæ indagatorem *Dalechampium* illud non sine admiratione observasse scribat.

Vis ei refrigerans, unde inflammationibus, podagræ, & ignibus sacris convenit. Agglutinat etiam in pueris hernias intestinorum. Vide sis *Matthiolum* & *Lugdunensem*.

Nuper mihi communicavit pro secreto infallibili ad icterum infusionem *Lentis palustris* in vino albo per novem dies, 3vi. manè præbendo. *D. Bates* in M. S.

Vescuntur eâ *Anates* magnâ voluptate, quod & nomen Anglicum *Ducks meat*. i. e. *Anatum esca*, indicat; ut etiam gallinæ cùm aquis exempta fursuribus permiscetur. *J. B.*

\* 2. *Lens*



cans est, prolixum, ramosum, ex crasso caudice in ramos sese diffundens, ut latam prolixamque barbam seu comam pedalem aut sesquipedalem, in extremo verò tenuitate capillarem efficiat, illamque ex ramis dependentem.

In Lancastria pagus *Burnell* è Corylo dependentem invenit & ad nos attulit *Tbo. Willifellus*.

A. 6. *Muscus arboreus pulmonarius* C. B. *Muscus pulmonarius sive Lichen arborum* Park. *Lichen arborum* Gér. *Lichen arboreus sive Pulmonaria arborea* J. B.

Licheni sive Hepaticæ fontanæ similis, sed major per omnia, squamato foliorum incubitu, inefabili laciniarum variatione, profundiorum quàm in Hepatica, quæ quâ matri suæ hærent albicant, alterâ verò parte virent, rugosa, lacunis eminentiisque inæqualia sapore amaricante non sine adstrictione.

*Locus.* Annosis rimosisque caudicum Quercus, Fagi aliarumque arborum corticibus innascitur, in opacis ac densis sylvis. *Dod.* Observavimus etiam in faxis coacervatis in umbrosis jacentibus. Apud nos Quercui plerumque, rarò aliis arboribus adnatum invenies.

*Vires.* Siccat & astringit, unde sanguinem profluentem compescit, vulnera recentia glutinat, alvum ac menses sistit. Utuntur eâ vulgò ad pulmonem affectiones, asthma, tussim, suspiria, nostrates etiam ad phthisin & tabem, confecto ex eo pulvere, syrupo aut aquâ destillatâ non sine successu.

Eum qui Quercui innascitur in ictero omnium medicorum solertiam eludente efficax remedium expertus est Andreas Golius mercator. De hoc autem musco accepit manipulum additâ librâ Cerevisiæ secundariæ, quam in olla fideliter occlusa ad dimidium decoxit, postea tredecim cochlearia tepida manè atque vespèri imbibit. *Ephemer. Germ. ann. 3. obs. 290.*

## CAP. V.

A. De musco arboreo aut petreo crustaceo, seu Lichenis facie.

1. *Muscus crustæ aut Lichenis modo arboribus adnascens cinereus.* *Lichen* Dioscor. & *Plin. secundus* Col.

**C**RUSTÆ vel Lichenis modo super arborum cortices, ligna arida, petras, tegulas se diffundit, supernè cinereus, infernè niger, varè laciniatus, circum oras veluti crispus aut fimbriatus, nec caulem ullum edit, aut orbiculos habet, quantum hætenus observavimus. F. Columna Februario mense acetabula quadam emittere observavit, parva, Milii magnitudine, colore lutescentia, veluti botrulos muscosos, sericeos, duos, parùm eminentes, coacervatos, albetibus oris, in quibus nullum seminis vestigium nescitur. Est autem hic muscus ut & species congeneres, velut folium quoddam varè laciniatum supra arborum cortices aliâque quibus adnascitur reptans & se expandens.

A. 2. *Muscus crustæ modo arboribus adnascens cinereus mollior, & in angustiores lacinias divisus.*

Hujus lacinie angustiores sunt & argutiores. Sufficit titulus pro descriptione. In hoc orbiculos non observavimus.

A. 3. *Muscus crustæ modo arboribus adnascens flavus.*

Hic colore suo statim se prodit, est autem tenerior & minor quàm prima species, subtus cinereus aut canus. In hoc, verno tempore, efflorescentias quasdam croceas observavimus.

A. 4. *Muscus crustæ modo arboribus adnascens pullus.*

Hic tenuior est quàm muscus cinereus, caudici cui innascitur appressus, supernè pullus, infernè quasi ex nigro & candicante varius.

A. 5. *Muscus arboreus supinus marginibus pilosis.*

Nota hujus characteristica quâ à reliquis sui generis facillè possit dignosci est, quòd segmentorum seu laciniarum, in quæ varè & eleganter dividitur, margines & extremitates pilis quibusdam seu setulis brevibus raris sint fimbriata. Habet quoque orbiculos seu scyphulos circa margines crispas. In Malo, Fraxino, Juglande aliisque arboribus observavimus.

A. 6. *Lichen petreus purpureus Derbensis* Park. *Muscus tinctorius crustæ modo petris adnascens.* *Cock o' Arcei.*

Muscus hic crustaceus lichenis modo se in petris diffundit, colore obscurè purpureo aut cinereo. Hunc rustici cultello aliòve instrumento ferreo à petris deradunt, & in pulverem comminutum in massam humidam cogunt, & in doliis recondunt, quæ pannis purpurascens colore tingen tis inservit, qui quamvis facillè eluitur nec diu durat, sufficit tamen pauperioribus pro vestimentis inficendis.

Joan.

Joan. Franciscus Abela in descriptione Melitæ Insulæ hujus Musci meminit, quem à Melitenfibus rusticis *Vercella* dictum scribit, & suo modo præparatum ad lanas colore incarnato tingendas adhibitum scribit. Hoc genus Musci nec Wallis ignotum est, sed usu frequentatum, & *Kenkerig* dictum. Est autem hic crustæ cuidam aut licheni similior quàm plantæ, nec folia imitatur, ut musci prædicti, estque pinguior visu & tactu quàm illi.

## CAP. VI.

## De Lichene terrestri Sterili.

A. 1. *Lichen terrestris cinereus*. Ash-coloured ground Liverwort.

**N**ULlos hic flores aut capitella (quod ego unquam viderim) profert. Folia aversâ parte albidiora, & crebris fimbriatis radiculis inter reptandum emissis terram aut subjacentes plantas muscûmve apprehendunt, eodem enim modo super eas se diffundit interdum quo Lichen terrestris super terram. Supinâ parte colore est cinereo.

In pascuis ficcioribus, interdum & in uliginosis frequentissimus est, unde Botanicis nostratibus non descriptum miror.

A. 2. *Lichen terrestris foliis angustioribus virescens*.

In humidis & uliginosis nascitur foliis quàm præcedens angustioribus, virescentibus cum nigricantibus lineis.

\* 3. *Muscus fugax membranaceus pinguis* Botan. Monsp.

*Magn.*

Statim post pluvias oritur in herbidis satorum marginibus; in iis præcipuè quæ orientem solem spectant, sed citò exsiccatur, idèò fugacem dixi. Membranaceus est & pinguis, & ferè semper convolutus reperitur, dum autem expanditur Muscum Lactucæ folio refert, sed multo pinguior est, pallidè vires, qui facillimè disrumpitur. Mira de isto narrant Chymici, quem modò Solis florem, modò Lunæ sputum vocant, aliisque cœlestibus nominibus decorant, & vegetabilis naturæ principium ac radicem continere arbitrantur.

Aliam adhuc Lichenis speciem nobis ostendit *D. Newton*, variè dissectam secundum longitudinem in lacinias longas, membranaceam densam seu coriaceam, cineream.

*Muscus cranio humano imatus.*

Non videtur nobis species musci ab omnibus aliis distincta, sed musco arboreo crustaceo congener. Celebratur ille à plurimis Autoribus in hæmorrhagia, præsertim à Chymicis *Ulinæ* titulo. Ingreditur autem compositionem famosi illius Unguenti Armarii dicti. Vide Ephemer. German. An. 2. p. 100. & sequentibus.

## CAP. VII.

## De Lenticula palustri.

A. 1. *Lens palustris* Ger. J. B. *palustris sive aquatica vulgaris* Park. *Lenticula palustris vulgaris* C. B. *Ducks meat*.

*J. B.*

**S**Tagnantium aquarum incola Lenticula eisdem innatat, totam superficiem densissimo foliorum, infernè nigricantium, supernè virentium, nitidorum, orbiculorum, Lentisque modo compressorum stipatu obtegens, quæ inter se capillamentis tenuissimis & albis artè revinciuntur, iisdemque ceu radicibus è limo adhærescente alimentum hauriunt.

In lacubus & stagnis aliisque non fluentibus aquis, ut urbium fossis, innatans, & latè sæpe earum superficiem occupans reperitur.

Quæ de mirabili hujus plantulæ metamorphosi in plantam Sifymbrio aquatice haud absimilem habent Matthiolus, & post eum Lugdunensis, apud me sanè fidem non inveniunt, quantumvis Lugdunensis operum naturæ indagatorem Dalechampium illud non sine admiratione observasse scribât.

Vis ei refrigerans, unde inflammationibus, podagræ, & ignibus sacris convenit. Agglutinat etiam in pueris hernias intestinorum. Vide sis Matthiolum & Lugdunensem.

Nuper mihi communicavit pro secreto infallibili ad icterum infusionem Lentis palustris in vino albo per novem dies, 3vi. manè præbendo. *D. Bates* in M. S.

Vescuntur eâ Anates magnâ voluptate, quod & nomen Anglicum *Ducks meat*. i. e. Anatum esca, indicat; ut etiam gallinæ cùm aquis exempta fursuribus permiscetur. *J. B.*

\* 2. *Lens*



\* 2. *Lens palustris quadrifolia* J. B. Park. *Lenticula palustris quadrifolia* C. B.

Fibrosis radiculis nititur è crassiore aliâ (licet eâ tamen tenui) transversa demissis, unde propagantur rami multi, multifariam divisi, atque tum ex iis, tum ex radicibus pediculi ad aquæ superficiem pertingentes, quorum singulorum extremis adhærent aquæ innatantia quaterna folia, triquetra, per extremum lata, angulis acutioribus ad pediculum coeuntibus; circa verò ramulorum divaricationes pediculorumque exortus numerosa semuncialibus pediculis nixa coherent grana, nigra, dura, Lentibus majoribus paria.

A. 3. *Lenticula aquatica trifolca* J. B. C. B. *Hederula aquatica* Ger. *Ranunculus hederaceus aquaticus* Park. **Jup-leaved Duckmeat.**

*Lenticula palustris* vulgò notæ ritu aquæ stagnanti innatans visum pænè fugientibus fibrillis limum arripit alimentum suæturis: quibus etiam inter se committuntur folia, non vulgarem sortita connexum & formam. Foliolo enim *Lenti* leguminosæ pari pinnæ utrinque foliaceæ transversim squamosâ commissurâ itâ incumbunt, ut trahentem leviter sequantur, & iis attractis tenuius redditum folium visum transmittat: tota autem omnium trium connexio trifolcam hederacei folii formam quodammodo exhibeat: At hujus connexus capillari petiolo transversim incumbit folium veluti temere projectum, nequaquam tamen solutum licet adhæsis ratio oculos fallat.

In aquis cœnosis pigrioribus: in fossis paludosis insulæ Eliensis copiosissimè oritur.

## C A P. VIII.

### De *Conserva*.

A. 1. *Conserva Plinii* Ger. emac. *Linum aquaticum* Imper. *Alga viridis capillaceo folio* C. B. *Alga aquatilis capillacea sive Conserva Plinii*, aliis *Linum aquaticum* Park. **Fairy Hairweed, Crotin-silk.**

**T**Ota ex filamentis viridibus sericeorum æmulis in aqua fluitantibus constat. Reperitur autem in aquis pigrioribus & stagnantibus copiosissima.

*Alga bombycina* C. B. nobis *Conservæ* species videtur.

*Conserva* à conferruminando dicta est. Curatum esse scio omnibus ferè ossibus confractis prolapsum ex arbore alta putatorem circumdatâ universo corpori, aquam suam inspergentibus quoties inaresceret, raròque nec nisi deficientem herbam mutationis causâ resolventibus: convaluissè incredibili celeritate. *Plin.*

A. 2. *Alga fontalis trichodes* C. B. *Alga sive conserva fontalis trichodes* Park. *Trichomanes aquaticum: Dalechampii* J. B.

Hujus figuræ apud Lugdunensem prorsus similem vidimus in cisterna seu conservatorio aquæ fontanæ Ledensis Abbatiz seu ædium *D. Guil. Meredith*, in Cantio, inque tubulis aquam fontanam deducentibus: unde putamus Algam capillaceo folio iv. seu in tubulis aquam fontanam deducentibus *C. B.* minimè distinguendam esse ab ejusdem *Alga* cap. fol. iii. seu fontali trichode.

# HISTORIÆ PLANTARUM

## LIBER TERTIUS.

QUI EST

De Herbis semine minutissimo, flore vel nullo, vel imperfecto.



UNC Librum in duas partes dividemus, Prima erit de Herbis hujus generis cauliferis. Secunda, de caule carentibus hypophyllospermis.  
Hæ autem præcedentibus imperfectis & semine destitutis meritò proximè subjiciuntur, quia & ipsæ non ità pridem steriles & aspermae habitæ sunt antequam microscopii interventu eorum semina in lucem & conspectum venerunt.

## PARS PRIMA.

*De Herbis semine minutissimo & nudis oculis inconspicuo Cauliferis.*

**I**N horum nonnullis pediculi potius quàm caules dicendi sunt styli illi qui semina seu capitula gestant, ut in Lichene terrestri, cum ex ipsis foliis exeant. Quin & nonnullæ Lichenis species cauliculos non producant, sed eorum semina foliis ipsis absque pediculo innascuntur, nunc in prona, nunc in supina parte, quas tamen ob id à reliquis non disjungendas putavimus, cum in aliis omnibus notis characteristicis conveniant.

### C A P. I.

*De Frutice Musciformi.*

#### 1. *Planta muscosa & plumosa Guyanensis major Breynii.*

**R**Amulum hujus palmarem ac penitus planum ex Guyana accepit Breynius, quem sic describit.

*Cauliculo* squamulis densis Musci terrestris Lusitanici in modum contexto constat subtili, aliquot utrinque adnatis ramulis expanso, atque multis *foliis* tenerrimis pectinatim dispositis denso agmine ità stipato, ut Abietis ramulum haud malè representare videatur. Adeò autem lentus, & ad proportionem ità est gravis, ut sublatus instar plumæ Struthionis deorsum flectatur, viriditate insuper venustissima, aureo cuidam intermixta fulgore, averfa imprimis foliorum parte, in singulare hujus plantæ ornamentum, decoratur, velut sempiternam famæ illius memoriam, quæ ob auri ubertatem celebrata olim fuit ejus patria, conservare Natura artificiosissima constituisse.

An Musci denticulati majoris *C. B.* species?

#### 2. *Planta muscosa & plumosa Guyanensis minor Breynii.*

Aliam adhuc lepidissimæ & concinnæ hujus plantæ speciem eadem ex regione obtinuit, priori multò delicatior, minùs arète squamatis viticulis, atque foliolis longè minoribus.

Has plantas ob similitudinem quam habent cum Muscis clavatis hoc in loco disposuimus: quamvis propriè ad Fruticum genus pertineant, quod & in aliis herbis frutescentibus, ut *Malvis*, *Alibæis*, *Coluteis*, *Kali*, &c. facturi sumus. Quæ enim notis genericis & essentialibus conveniunt, me judice, separari non debent, quantumvis aliæ lignescant, aliæ herbaceæ sint. Nescimus tamen an hæ plantæ notis characteristicis cum Muscis clavatis conveniant, cum nec flores nec fructus viderit Breynius, saltè non meminerit se vidisse.

C A P.



## CAP. II.

## De Musco clavato.

**M**uscum clavatum appellamus qui præter cauliculos foliosos humi stratos & repentes pediculos emittit nudos in cacumine clavatos, geminis seu pluribus clavis, lulos imitantibus, oblongis, teretibus, pulvisculo tenuissimo flavicante refertis.

1. *Muscus clavatus* sive *Lycopodium*, Ger. Park. *terrestris repens* sive *clavatus* C. B. *terrestris repens* à Trago pictus J. B. *Plicaria* & *cingularia* Polonis. Club-moss, or Wolfs-clam.

f. B.

Longè latèque per terram serpit, subindèque à transversis ramis demissis fibris longis, lignosis, crassiusculis radicator. Ipsi verò rami variè in multos *sirculos* diducuntur, funiculi instar habens crassiusculi, foliis amicti occultatèque confertissimis, Camphorata fere nisi latiora essent. Adultis plantis succrescunt pediculi aliquot, ex ramis postremis producti, sesquipalmares, tenues foliis fere nudi, singuli in geminam, teretem sextantalem, mollicellam, imbricatam *clavam* desinentes, coloris sulphurei, quæ Autumnali tempore digiti percussu pulverem subtilem copiosum de se spargere solent.

Locus.

In Hampstediensis ericeto non procul Londino invenitur: Estque in montibus *Wallicis*, *Eboracensibus*, *Derbiensibus* aliisque in Septentrionalibus Angliæ frequentissima, hæc planta: nec minùs in transmarinis, ut patebit Herbarios consulenti.

Vires.

Vino decoctus & potus calculos comminuit & educit experimento certissimo, ut plerique testantur, *Trag.* Contusus aut in vino decoctus dolorem aut inflammationem sedandi vim obtinet, ideòque podagræ calidæ impositus prodest. Pulvis ejus drachmæ pondere sumptus cum vino rubro cohibet fluxum alvi & dysenteriam, & si decocto abluatur os, tremulos dentes confirmat.

Vino pendulo impositus intra paucos dies illud restituit; unde Germanis nonnullis *Weingrein* & *Weinkraut* appellatur.

Mense Augusto & Septembri collectus pulverem dat subtilissimum flavum, qui vi fulminante gaudet. Perlis non ignotà, uti notat *Olearius Isner. Moscovit. Persic. lib. 4. cap. 24.* Persæ enim, ut & Moscovitæ pulverem Augusto colligunt, in fornacibus ficcant, & ignibus artificialibus sub nomine *Plauen* instar pulv. pyrii adhibent. Pulvis recens dum est & probè exsiccatus majus concipit incendium præ illo qui dudum collectus est. Prunis injectus non tonat, sed flammæ, putà candelæ accensæ immixtus aut inflatus. [Pulvis resinæ idem præstat, teste *Oleario*.] Huic pulveri si aliquid addatur de *Thur. Mastich. Succin. & Benzoe* pulv. & per flammam suffletur, non solum fulgur edit, sed & odorem suavissimum excitat instar pulveris pro suffumigio. Si folia *Betula* pulverisata simul misceantur strepitum majorem edet. Commerdatur hic pulvis in Epilepsia præcipuè infantum, inque cardialgia eorundem & torminibus ventris flatulentis. Egregiè urinæ faciliat exitum, si quantum cuspide cultelli contineri potest propinetur. *Ephem. German. Acad. natur. curios. Anno primo Observat. 97.*

*Poloni* & maximè *Rutheni* ac *Lituani*, ob consuetum & jam quotidianum hujus plantæ usum in extirpanda & curanda plica, morbo sibi familiari, *Plicariam* & *Cingulariam* eam nominare solent. Accipiunt autem plantam hanc seu muscum, quem priùs cultello aliquo sursum versùs dissecare solent; postea infundunt decocto *Branche ursinæ*, priùs optimè calefacto, & post unam aut alteram lenissimam adhuc ebullitionem adjiciunt aliquid fermenti [panis filiginei] illudque reponunt postea ad fermentandum propè fornacem. Decoctum hoc vel per se, vel cum ovis recentibus, in forma jusculi quotidie bibunt & comedunt. Exteriùs cum illo decocto priùs excalefacto, & aliquando ad majorem potentiam seu virtutem secunda vice cum recenti musco incocto instar lixivii obscurè rubri coloris, lavant caput bis in septimana, nullo ampliùs adhibito pectine, &c.

Unguentum ad *Plicam. R. Plicariæ* & radicem *Bryoniæ* partes æquales, Adipis *erinacei* q. f. Ex his tribus optimè commixtis in vase vitreo bene obturato, & coctis in B. M. per horam fiat unguentum s. artem, cum quo radices capillitii in capite complicati bis in die inungantur. Oleum ex *Erinaceo* quod ad confectionem hujus Unguenti requiritur parare solent in olla nova foraminata igne circulari per descensum more consueto.

Muliercula rusticæ in *Ukrania* in nimio fluxu menstruorum & doloribus ac strangulationibus uterinis cingulum ex illo faciunt circa nudum corpus applicandum; pariter ad hæmorrhagiam narium caput eo cingunt ceu coronà. *Ephem. Germ. Ann. secund. Observ. 52.*

Semen hujus plantæ à gr. xii. ad ℥i. præsentaneo cum successu exhibitum erat in Epilepsia cum ischuria complicata ex observatione *Wedelii. Ephem. German. An. 3. p. 21.*

*Lycopodii alia species.*

In montibus *Stiriæ* *Lycopodii* speciem à vulgari superius descripto diversam invenimus, nimirum cum foliis in caulibus & flagellis multò rariùs fitis, & paulò, ut nobis videtur, longioribus; clavis non dissimilibus, non tamen ut in illo longo & nudo pediculo insidentibus, sed usque ad ipsam clavam folioso foliis similibus iis quæ in reliquo caule.

2. *Muscus clavatus foliis Cupressi* C. B. Ger. *emac. clavatus cupressiformis* Park. *terrestris ramosus pulcher* J. B. *Sabina Sylvestris* *Trag. Cypress-moss, or Heath-cypress.*

Hæc planta eodem modo procumbit, & fibris subinde demissis serpit, quo præcedens, foliis multò brevioribus & angustioribus, acutis, obscuriùs viridibus, nec adeò confertis in caulibus, quaternò ordine



ordine squammatim furculos conveſtientibus, Cupreſſi aut Sabinæ foliorum æmulis. Ob parvitatem foliorum caules & furculi multo minores ſeu graciliores videntur quàm in Lycopodio. E ſummis caulibus & ramulis pediculi longi exeunt raris foliolis veſtiti, bifariam diviſi & ſubdiviſi, Iulos ſeti clavas geſtantes multas, Lycopodii æmulas ſed ſtrigofiores, luteolas, conſimili pulviſculo ſætas. Secundum caules per intervalla furculi plures ſimul conferti in agminulis oriuntur, ramulis plurifariam diviſis & ſubdiviſis.

In montibus *Snowdon* & *Caderidris* in Wallia, *Ingleborough* in Eboracenſi provincia, *Anderkin* in Scotia copioſè provenientem obſervavimus; in tranſmarinis in ericeto *Mofæ Trajecto* non procul, viâ qua inde ad *Sylvam Ducis* itur. Ramuli non adeò compreſſi nobis viſi ſunt, uti eos deſcribit *Jo. Bauhinus*.

Hæc ſpecies odorem interdum exhibet moſcho æmulum, quem ſiccata etiam conſervat. Huiusmodi muſcum odoratum obſervavit *Elſholz.* Germanus circa Berlinum enatum verſus domum venatoriam *Grunwald.* Vide *Ephemer. Germ. An. 1. Obſerv. 97.* Nos talem odorem in hac planta non ſenſimus.

Ex moſchato hoc muſco (inquit *D. Sachſ.* obſer. citat.) egregiam & odoratiſſimam mihi medicinam pronuper chymicus eximius communicavit ſub nomine *Auri horizontalis Vegetabilis.* Colliguntur nempe antheræ ex hoc muſco, quæ tenuiſſimæ & leviſſimæ ſunt ſubſtantię, coloris aureoſulphurei, inflammabiles ad ignem candelæ, & per ſe quoque, ut & flores Lycopodii *Dod.* In calculo, Epilepſia & pulmonum affectibus cum butyro Maiali utiliter manè ſumuntur: hæ Antheræ ſi cum ſpiritu vini tartariſato aliquandiu macerentur, & poſtea deſtillentur, oleum præbent rubicundiſſimum & odoratiſſimum quæ omnium ſulphurum vegetabilium apex dici meretur.

## CAP. III.

*Muſcus terreſtris repens clavis ſingularibus folioſis erectis. Creeping Club-moſs with upright heads.*

**L**ycopodio ſimilis eſt ſed minor: terræ per quam repit appreſſus arctè adhæreſcit, ad eundem ferè modum quo *Hedera* muris & arboribus. Præter cauliculos repentes alios etiam ſurrigit ſemipalmæres, ſumma parte in clavas turgelcentes, nec figurâ, nec colore à repentibus diverſos. Clavæ autem in hac ſpecie nec pediculis longis tenuibus infident, nec iulos ſeu nucamenta referunt, ut in Lycopodio, ſed reliquo cauli ſimiles & foliis ſimilibus cinctæ ſunt, in maiorem duntaxat craſſitudinem intumeſcentes ob ſemina in aliis foliorum contenta.

In ericeto Hampſtedienſi primò invenimus, dein in Bagſhotano, poſtea & in montibus Angliæ Septentrionalibus cum aliis Speciebus, locis uliginofis invenimus & in Alpibus aliſque montibus excelliſis. Locus.

Hæc ſpecies nondum (quod ſciam) à quoquam deſcripta eſt.

Huius etiam Muſci aliam obſervavimus ſpeciem in montibus (quantum meminimus) Galliæ Narbonenſis, non repentem, ramulis ab eodem pede plurimis confertis enaſcentibus, quorum ſummitates conſimiliter in clavas folioſas extumeſcebant.

## CAP. IV.

*Muſcus erectus abietiformis. An Muſcus terreſtris rectus J. B. Upright Firr-moſs.*

**F**oliis oblongis acutis caules & ramulos undique cingentibus & operientibus Lycopodio ſimilis eſt, verùm erectus, palmum aut ſemipedem altus, ramis (ut vult *J. Bauhinus*) craſſioribus, in duas ac etiam quatuor partes diviſis, urſi digitos exprimentibus. In planta quam exſiccataſſe aſſervo caules & ramuli diviſione dichotomiam obſervant: verùm hoc (quantum memini) non eſt perpetuum, interdum enim in ſumma parte in plures, dividuntur furculos: ſunt autem folia longiora paulò & latiora quàm Lycopodii, (ut rectè *J. Bauhinus*) ſurſum tendentia. A Lycopodio abundè diſtinguitur, quod nec clavas producat, nec repat. Inter ſummarum penè foliorum alias granula lutea quædam exigua menſe Maio protruduntur, quæ flores ac fructus, clavarum loco quibus caret: ut refert *D. Jac. Breynius* in *Ephemer. Germ. An. 4. & 5. Obſervat. 149.*

*Chamaepeuces Turneri* icon huic reſpondet, at non deſcriptio: *Thalio Selago tertia* diſcitur.

In montibus excelliſis Walliæ, *Snowdon* v. g. & *Caderidris*: inque Eboracenſibus, Derbienſibus Locus. aliſque Septentrionalibus copioſè provenit.

Huius deſcriptionem vide in *Ephemer. Germ. Anno & Obſervat. citatis*, ubi de ejuſ viribus hæc habes:

Vis ei ad foetus depellendos efficaciffimâ, meretricibus infanticidium ſæpius eâdem committentibus plus ſatis nota, ineſt. Hinc in officiis noſtris, quæ *Maschlaber* ei nomen tribuunt, ut alia noxia, non promiſcuè omnibus venditur. Rhizotomæ mulierculæ febri & corrupto ſtomacho eandem opponunt, decoctamque cum Cereviſia ac hauſtam, multis fuiſſe ſalutiferam perhibent, & purgantem volunt. Vomitus ciet vehementiſſimum, corpus humoribus variis peccantibus exonerantem, ſed maxime etiam alterantem: Tutius robuſtioribus quàm tenerioris texture hominibus præbe-



præbatur. Vilioris conditionis homines in aqua coquunt, quâ ad abigendos pediculos caput lavant, quod tamen turbare maximè dicitur.

Apud J. Bauhinum in Histor. Plantar. tom. 3. p. 767. malè cum Sabina Sylv. Trag. seu Selagine prima Thal. errore typographico, confunditur, ut rectè observavit idem Jac. Breynius. Nam lineæ posteriores 13, quæ hujus Musci terrestris descriptionem sequuntur, post Musci terrestris ramosi pulchri; & lineæ 6 sequentes post hujus descriptionem sunt ponenda.

Muscus terrestris ramosus saturatè viridis C. B. minùs rectè dicitur: nam nostra observatione Sabina sylvestris Tragi hoc longe viridior est.

## CAP. V.

*Muscus terrestris erectus polyspermus. Seeding Mountain-moss.*

**H**IC minor est multo *abietiformi musco* supra descripto, alioquin ei non usque adeò diffimilis, infirmus & vix se sustentans, caule & ramulis eodem modo foliolis creberrimis undique oblitis; quæ tamen à ramulis magis extare & quasi reflecti videntur. Semine majusculo cinereo in alis foliorum nascente, aut potius vasculis seminalibus, abundat.

Loca montium humida & scaturigines aquarum sectatur. In montibus *Snowdon & Ingleborough*, aliisque supradictis Wallicis & Eboracensibus nascitur, minus tamen copiosè.

## CAP. VI.

*De Musco terrestri vulgari.*

1. *Muscus terrestris latioribus foliis major seu vulgaris. Muscus terrestris & hortensis J. B. The most common Earth-moss.*

**J. B.**  
**O**Mnium vulgarissimus est hic Muscus, aspergine madentibus faxis, terræque humidiori appressus, repens, mollicellus, ramis longis, tenuibus, foliolis acuminatis, plumatim costæ hærentibus, colore viridi, aut ex viridi flavescentibus. Hæc descriptio etiam minori speciei accommodari potest. Hunc etiam capitula producere suspicantur, nondum tamen observavimus.

2. *Muscus terrestris vulgaris minor Adiantis aurei capitulis.*

Hic passim provenit tum in pascuis sterilibus tam in sylvis, præcipuè ad arborum & fruticum radices, tum etiam non rarò in truncis & ramis arborum, iis in partibus ubi humor pluvius non adeò promptè & citò delabatur. Foliola hujus minora sunt & cauli magis appressa quàm in præcedente. Capitula ex alis foliorum ad caulium latera exeunt non ex summo caule ut in Adianto.

Empirici hoc musco ad sistendum sanguinem utuntur ab urfis admoniti: hi enim, quamprimum vulnerati sunt, eo sanguinem sistunt. **J. B.**

Muscus qui hortos & prata humecta obsidet, ita ut gramen supprimat, Martio mensè cñere aboletur, sed eo quo lixivium fuerit confectum. **J. B.**

3. *Muscus palustris terrestri similis. Muscus terrestris vulgaris Dod. terrestris vulgarissimus Park. C. B.*

Omnino villosa est hæc species (describente Dodonæo) admodum densa, candicans, quæ late subinde expatiat. Rarum est hunc muscum alibi invenire quàm ubi aquæ subsunt.

Hæc omnia Musco nostro palustri egregiè conveniunt, terrestri autem vulgari minimè: quin & icon Dodonæi optimè respondet huic speciei, non autem Musco terrestri, & capitula illa brevibus pedicellis nixa versùs ramulorum apices, quæ in hac specie cernuntur, pulchrè representat. Videtur tamen Dodonæus hunc cum terrestri musco vulgari confundere, quod & titulus indicat; eumque sequuti Botanographi nostrates Gerardus & Parkinsonus cum C. etiam Bauhino idem faciunt.

4. *Muscus aquaticus terrestri vulgari similis, sed major. An Fontalis minor lucens J. B.*

Hic aquis innatat, est foliolis multo majoribus quàm M. terrestris vulgaris, triangulis, lucidis: minùs etiam quàm ille ramosus est.

Fontalem minorem lucentem J. Bauhinus sic describit. Aquis innatat itidem ut præcedentes [Fontalis species] ramulis exilibus infirmis, interdum lapidibus adhærescens, foliis alternatim positis, minutulis, nigricantibus ferè. Tota quamproximè ad Muscum accedit planta.

In fontibus & fluminibus sæpius observavimus. Capitula in hac specie nondum vidimus ut sterilem esse suspicemur & ad præcedens genus pertinere; ob similitudinem cum Musco terrestri vulgari hic eam disposuimus.

5. *Muscus saxatilis repens comâ sparsa* C. B.

C. B.

Hic ex radice transversim repente & nigricante ramos frequentes, latè sparsos & semipalmes emittit; quorum summitates, ob foliola compactiora, velut in spicam abeunt. Foliis est brevibus, latiusculis primùm, dein acutis.

Hic apud nos aquæ in rivulis innatat, & nonnihil splendet.

## CAP. VII.

*Musci quidam terrestres è C. Bauhini Prodromo desumpti.*

1. *Muscus filicinus minor floridus* C. B.

C. B. Prod.

**P**er terram serpit cauliculis tenuibus, in summo ramosis, foliolis Filici similibus, sed tenuissimè dissectis: ex ramulis pedicelli aliquot capillares, rufescentes, biunciales efferuntur; quibus singulis capitulum exiguum subrotundum, incurvum in apicem exiguum definens infidet.

\* 2. *Muscus terrestris ramosus erectus major* C. B.

C. B. prod.

Hic cespitis instar eleganter & artissimè quasi compactus, ex radicibus oblongis capillaceis cauliculis trium quatuorve unciarum emittit, qui in binos, ternos, quaternosve biunciales etiam triunciales ramulos, & hi quoque in alios, erigitur, qui minimis capillaceis foliis vestiuntur. Inter ipsa foliola pedicelli unciales, nudi, capillacei, capitulum ut in Adianto aureo sustinentes efferuntur.

In *Crenitacho* monte ad arborum radices aliis Muscis commixtus conspicitur.

\* 3. *Muscus ramosus erectus minor* C. B.

Ex capillacea radícula cauliculus ad summum biuncialis, variè divisus, foliolis vix conspicuis cinctus emergit. Eodem cum priore in loco.

\* 4. *Muscus saxatilis ericoides* C. B.

C. B. prod.

Hic circa radicem folia multa Musco vulgari similia; inter quæ viticuli sunt palmes, asperi foliolis *Ericæ Coridis* foliis similibus inordinate vestiti, aliquando hinc inde nudi, quorum summo capitulum exiguum infidet.

\* 5. *Muscus cupressiformis* C. B.

C. B. prod.

Parvus est, ramosus, foliolis Cupressi formâ atrovirentibus; inter quæ pedicellus exurgit, qui minimas spicas molles & pallidas sustinet. Ex *Harcynia*.

## CAP. VIII.

*De Adianto seu Polytricho aureo.*

A. 1. *Adiantum aureum majus* Ger. *Polytrichum aureum majus* Park. C. B. *Polytrichum Apuleii & majus quibusdam* J. B. *Great golden Maiden-hair.*

F. B.

**R**adicibus constat tenuibus, longis. Cauliculi duas aut tres uncias longi abundant foliolis longiusculis, postea nudi sunt & ad totidem uncias læves, quorum summitati innascitur capitulum sublongum, hians & nutabundum.

Hujus (inquit idem) aliud est genus, radicibus multò longioribus; cauliculis etiam multò majoribus, tum parte foliosâ, tum nudâ, quæ palmaris: capitula quoque majora, hiulca, è quibus concussu levi pulvisculus excidit luteus.

In paludosis, spongioso & putrido solo, præsertim in montosis Derbientibus, Eboracensibus, Westmorlandicis copiosissimè provenit, quod secundo in loco describitur: in sylvis etiam udis non rarò.



2. *Polytrichum scoparium* J. B. *Muscus scoparius*, *muscidorum* & *udorum* Belgii & *Frisiæ Orientalis* sectator Lob.

J. B.

*Prolixæ radices*, cubitum plerumque longæ, rigida, rubentes, angulosæ, tenues in scopas excutendo pulveri vestibisque purgandis plesti solitæ, terræ superficiem versus foliosis squamis, vel pilis nitentibus rutilisque comosæ. Lobelius multis dodrantalibus, pedalis etiamque amplioribus ramulis donatum scribit, purpurâ aureâ nitentibus, innumerâ cirrhorum tenuium sobole comosis, quibus singulis exseruntur capitula Lini, Erica aut Selaginis minora.

Hæc planta C. Bauhino sub titulo *Polytrichi aurei majoris* primò proponitur [ex sententia Chabrai,] deinde iterum sub titulo *Musci erecti ramosi pallidi*. Gerardo & Parkinsono nostratibus Lobelium sequutis *Muscus scoparius* inscribitur.

An & quomodo à *Polytricho* secundo in loco descripto differat inquirendum?

3. *Polytrichum aureum medium*.

Hoc præcedente omnibus suis partibus minus est, aliàs non ità dissimile. In hoc genere peculiare esse observavimus, quòd ramuli interdum altius assurgant, & foliis vestiantur oblongis cum latitudine aliqua, membranaceis & ferè pellucidis, ad margines undulatis & veluti crispis.

In locis humidis & uliginosis invenitur.

4. *Polytrichum aureum minus* C. B. Park. *Apuleii minus* quorundam J. B. *Muscus capillaris* sive *Adiantum aureum minus* Ger.

J. B.

Contemnendæ exiguitatis est: Ex muscoso cæspite tanquam stamina capillaria, recta & rigidiuscula se attollunt, semuncialia aut uncialia, tenuissima, colore purpureo aut aureo [interdum etiam, saltem cum primò erumpunt, flavo aut viridi] quorum unicuique insidet apiculus falcatus, quem avicularum unguiculis minimis haud ineptè comparaveris, quem convestit consimili figurâ inducta vaginula, quæ ubi cedere incipit extrema cauda surrecta galeritæ caput miro naturæ artificio exprimere arbitreris; ubi deciderit capitellum relinquit oblongum, atro-purpureum. Lingux vinosi saporis aliquid imprimit.

In muris, aggeribus antiquis, ædium tectis & tegulis, similibusque complutis locis & asperginosis limbis ubique ferè oritur.

5. *Adiantum aureum humilius foliis latis subrotundis*. An *Muscus Trichomanis facie Jungermanni*, foliis utrinque rotundis splendens Cat. Aldorf?

*Surculi* huic unciales aut fescunciales, densè stipati, exiles admodum, rubentes, aut ex rubro nigricantes, foliis ornati statim à radice alternatim positis, latis, subrotundis, tenuibus & ferè membranaceis. An flores aut capitula proferat nobis hætenus incompertum.

In ipsis fontium scaturiginibus, in montosis Eboracensibus aliisque Septentrionalibus Angliæ, v. g. in aggere *Shoat* dicto, ea montis parte quæ *Shipton* oppido imminet.

6. *Muscus palustris Adianto aureo affinis, scapis tenuibus, foliolis brevibus*.

Hujus scapi seu ramuli prætenues sunt, foliolis creberrimis brevissimis cincti, colore ex viridi flavicante aut subcinereo. Pediculis tenuissimis fescuncialibus capitula satis grandia. *Adiantum æmula*, sed breviora & turgidiora insident.

In locis palustribus, præsertim ubi aquæ scaturiunt, oritur.

## CAP. IX.

### De Lichene.

**L**ichen Græcis & Latinis ità dicitur quod lichenas, id est impetigines sanat. Plin. lib. 26. cap. 4. *Lichen herba in lichenis remediis omnibus præfertur, inde nomine invento.*

Est autem Lichen herba ex meris foliis, in terræ superficie aut in arborum corticibus se diffundentibus constans.

Hic autem duplex est, vel 1. *sterilis*, saltem quantum hætenus observatum est, de quo superius egimus; & *fertilis* seu semine prægnans.

- A. 1. *Lichen sive Hepatica vulgaris* Park. *Lichen sive Hepatica fontana* J. B. *Hepatica terrestris* Ger. *Lichen petræus latifolius sive Hepatica fontana* C. B. *Libertwort*.

Cùm Lichenem primum Plinii, pileatum Col. pro *Hepatica terrestri* vulgari seu *Lichene officinarum* habeam, ejus descriptionem subjungam Columnianam, quæ cum nostris observationibus exactè congruit.

In saxis aquosis oritur, umbrosis, Septentrionem maximè respicientibus. Radicibus haret sericeis similibus pilis, tenuibus admodum, copiosis sub foliis, quæ digiti sunt latitudine, & duplâ longitudine vel



vel majore, supernè virentia vel parùm flavicantia, squamosa velut Serpentum cutis vel Limacis, singulisque squamis punctum in medio inscriptum elevatur. Florem non producit, quod observare potuimus. *Caulem* ex parte folii extrema parum scissa & sinuosa, lunata, album, lævem, firmum, succosum, Junci crassitie, diaphanum, quatuor uncias longum habet, supra quem pileolus veluti fungus infidet parvus, in quatuor aut quinque partes internè divisus, [quibus subtus impacta sunt totidem semina seu potius vascula seminalia, pulvisculo viridi repleta.] Columnæ pileolus primò viridis est, parum ad flavum inclinans, postea flavescit, atque demum rufus efficitur, & partes illæ inferiores divisæ fructum nigrum disruptæ ostendunt, atque apertis fructus decidunt nigro-purpurei, succosi cum virides adhuc, siccatos verò pulverem pro semine nigrescentem fuliginosum habere comperimus.

Martio mensè caulem edit, Aprili verò perficitur.

- A. 2. *Lichen petræus umbellatus* C. B. *Lichen sive Hepatica minor umbellata* Park. *Hepatica umbellata* Ger.

Hanc cum vulgari Hepatica miscet J. Bauhinus, post cujus descriptionem addit, Ex foliis eminent interdum parvi velut umbilici, quales exprimuntur apud Lobelium. Nobis equidem specie diversus videtur.

- A. 3. *Lichen petræus stellatus* C. B. *Lichen sive Hepatica minor stellata* Park. *Hepatica stellata* Ger.

J. Bauhinus hanc speciem à vulgari Lichene non distinguit, quem vetustate tandem pediculos erigere scribit, unciales & fescunciales, tenues, glabros, quorum unusquisque florem stellatum herbacei coloris sustinet, qui exprimit parvum galerum suis radiis deorsum nutantibus. Parkinsonus quoque Hepaticæ vulgari flores parvos stellatos attribuit; aliam autem adhuc minorem facit Hepaticæ stellatæ speciem, ex duabus Lobelii iconibus, ut puto, ad id inductus. Quicquid autem sit de Lichene terrestri vulgari, sive is habendus sit qui fructu est stellato, sive qui pileato: hos tamen duos inter se revera & specie differre minimè ambigo.

In uliginosis & umbrosis areis hortorum & ambulacris glareosis aut saxosis sæpius observavimus.

- A. 4. *Lichen petræus cauliculo calceato* C. B. *Lichen alter minor caule calceato* Col.

Col.

Isdem locis gaudet hic [cum prima specie] similique modo oritur, minor omni sua parte; delictiore folio atque minore, tenui admodum, translucido, ut in opaco obscurum videatur, atque cum vetustius est ex purpureo nigrescat, læve nec squamosum, sed veluti è dorso ferè vagina vel calceus fimbriatis oris parum eminens, ex quo Martii Idibus pilula exit, Orobi magnitudine, atro-virens, lævis, lucida, quæ postea supra caulem quatuor digitorum subeuntem emicat, parum lutescens, atque in florem dehiscens luteum quatuor foliolorum, intus quamplurima continentem tenuissima atq; impalpabilia stamina. *Caulis* arefactus terram versus demittitur, qui rotundus erat, lævis, nudus, succosus, diaphanus, albus, facile tactu corruptibilis. *Radix* villosa fericea est, ut non subtilior invenitur.

In udis paludosis ad aquarum scaturigines in agro Warwicensi observavimus.

5. *Lichen petræus minimus fructu Orobi* C. B. *Lichen alter acaulis* *ἄκαυλος* Col.

Col.

Simili cum superioribus natali gaudet, eodemque tempore invenitur. Parvi digiti unguis magnitudinem rarè æquat foliis. Viride est, punctis albidioribus extuberantibus aspersum, ut alperum videatur. Floris vice ante fructum, interna folii parte dum parvum est, utrinque nigras ex purpureo cartilagineas habet, costarum modo vel valvarum inter se oppositas, quas acie cultelli elevare potes: à folio differunt quòd illud viride sit. Cum autem grandius est totum folium nigrescit ex purpura, atque in extremo intumescit, fructumque emittit Orobi magnitudine, eodem colore, mollem, succosum aqueo albicante succo, postea quid croceum emittentem, maturiorem effectum. Disrupto cortice illo nigro, veluti pericarpium continet fructum, intus lutea pelle contextum, luteum pulverem continentem, & si teratur succosum, atque digiti calore statim humido illo exiccato, infectus digitus cernitur luteo pulvere illo. Folium tenuissimis & quàm brevissimis, albicantibus, atque delicatissimis fibrillis hæret.

6. *Lichen petræus muscosus racemosus* C. B.

C. B.

Foliis est longè minoribus Hepaticæ vulgaris foliis, squamarum instar junctis, pallidè virentibus & nonnihil hirsutis; inter quæ quamplurimi pediculi capillacei, biunciales nudi efferuntur; quorum singuli capitulum parvum instar racemi compactum sustinent, quantum ex sicco colligere licuit.

- A. 7. *Lichen sive Hepatica lunulata*, *ἐπυλλογία* Col.

*Folia* minora & breviora sunt quam Hepaticæ vulgar. *Officin.* neque tam manifestè punctata; per margines sinuata & veluti crispa. In mediis foliis & interdum versùs eorum margines lunulæ quædam foliaceæ supra folii superficiem eminentes exoriuntur, quæ sinu suo semina conferta supino folio incumbentia excipiunt. Vere postquam semen maturuit lunulæ evanescunt.



2. *Polytrichum scoparium* J. B. *Muscus scoparius, muscidorum & udorum Belgii & Frisiae Orientalis sectator* Lob.

J. B.

Prolixæ radices, cubitum plerumque longæ, rigidae, rubentes, angulosæ, tenues in scopas excutendo pulveri vestibisque purgandis lecti solitæ, terræ superficiem versus foliosis squamis, vel pilis nitentibus rutilisque comosæ. Lobelius multis dodrantalibus, pedalibus etiâque amplioribus ramulis donatum scribit, purpurâ aureâ nitentibus, innumerâ cirrorum tenuium sobole comosis, quibus singulis exseruntur capitula Lini, Ericæ aut Selaginis minora.

Hæc planta C. Bauhino sub titulo *Polytrichi aurei* majoris primò proponitur [ex sententia Chabrai,] deinde iterum sub titulo *Musci erecti* ramosi pallidi. Gerardo & Parkinsono nostratibus Lobelium sequentis *Muscus scoparius* inscribitur.

An & quomodo à *Polytricho* secundo in loco descripto differat inquirendum?

3. *Polytrichum aureum medium.*

Hoc præcedente omnibus suis partibus minus est, aliàs non ità diffimile. In hoc genere peculiare esse observavimus, quòd ramuli interdum altius assurgant, & foliis vestiantur oblongis cum latitudine aliqua, membranaceis & ferè pellucidis, ad margines undulatis & veluti crispis.

In locis humidis & uliginosis invenitur.

4. *Polytrichum aureum minus* C. B. Park. *Apuleii minus* quorundam J. B. *Muscus capillaris sive Adiantum aureum minus* Ger.

J. B.

Contemnendæ exiguitatis est: Ex muscoso cæspite tanquam stamina capillaria, recta & rigidiuscula se attollunt, semuncialia aut uncialia, tenuissima, colore purpureo aut aureo [interdum etiam, saltem cum primò erumpunt, flavo aut viridi] quorum unicuique insidet apiculus falcatus, quem avicularum unguiculis minimis haud ineptè comparaveris, quem convestit confimili figurâ inducta vaginula, quæ ubi cedere incipit extrema cauda surrecta galeritæ caput miro naturæ artificio exprimere arbitreris; ubi deciderit capitellum relinquit oblongum, atro-purpureum. Linguz vinosi saporis aliquid imprimit.

In muris, aggeribus antiquis, ædium tectis & tegulis, similibusque compluris locis & asperginosis limbis ubique ferè oritur.

5. *Adiantum aureum humilius foliis latis subrotundis.* An *Muscus Trichomanis facie Jungermanni, foliis utrinque rotundis splendidibus* Cat. Aldorf?

*Surculi* huic unciales aut fescunciales, dense stipati, exiles admodum, rubentes, aut ex rubro nigricantes, foliis ornati statim à radice alternatim positos, latis, subrotundis, tenuibus & ferè membranaceis. An flores aut capitula proferat nobis hæcenus incompertum.

In ipsis fontium scaturiginibus, in montosis Eboracensibus aliisque Septentrionalibus Angliæ, v. g. in aggere *Shoat* dicto, ea montis parte quæ *Shipton* oppido imminet.

6. *Muscus palustris Adianto aureo affinis, scapis tenuibus, foliolis brevibus.*

Hujus scapi seu ramuli prætenues sunt, foliolis creberrimis brevissimis cincti, colore ex viridi flavicante aut subcinereo. Pediculis tenuissimis fescuncialibus capitula satis grandia. *Adianthi æmula*, sed breviora & turgidiora insident.

In locis palustribus, præsertim ubi aquæ scaturiunt, oritur.

## C A P. IX.

### De Lichene.

**L**ichen Græcis & Latinis ità dicitur quod lichenas, id est impetigines sanat. Plin. lib. 26. cap. 4. *Lichen herba in lichenis remediis omnibus præfertur, inde nomine invento.*

Est autem Lichen herba ex meris foliis, in terræ superficie aut in arborum corticibus se diffundentibus constans.

Hic autem duplex est, vel 1. *sterilis*, saltem quantum hæcenus observatum est, de quo superius egimus; & *fertilis* seu semine prægnans.

- A. 1. *Lichen sive Hepatica vulgaris* Park. *Lichen sive Hepatica fontana* J. B. *Hepatica terrestris* Ger. *Lichen petraeus latifolius sive Hepatica fontana* C. B. *Athertwort.*

Cùm Lichenem primum Plinii, pileatum Col. pro *Hepatica terrestris* vulgari seu *Lichene officinarum* habeam, ejus descriptionem subjungam Columnianam, quæ cum nostris observationibus exactè congruit.

In saxis aquosis oritur, umbrosis, Septentrionem maximè respicientibus. Radicibus hæret sericeis similibus pilis, tenuibus admodum, copiosis sub foliis, quæ digiti sunt latitudine, & duplâ longitudine vel



vel majore, supernè virentia vel parùm flavicantia, squamosa velut Serpentum cutis vel Limacis, singulisque squamis punctum in medio inscriptum elevatur. Florem non producit, quod observare potuimus. *Caulem* ex parte folii extrema parum scissa & sinuosâ, lunatâ, album, lævem, firmum, succosum, Junci crassitie, diaphanum, quatuor uncias longum habet, supra quem pileolus veluti fungus infidet parvus, in quatuor aut quinque partes infernè divisus, [quibus subus impacta sunt totidem semina seu potiùs vascula seminalia, pulvisculo viridi repleta.] Columnæ pileolus primò viridis est, parum ad flavum inclinans, postea flavescit, atque demum rufus efficitur, & partes illæ inferiores divisæ fructum nigrum disruptæ ostendunt, atque apertis fructus decidunt nigro-purpurei, succosi cum virides adhuc, siccatos verò pulverem pro semine nigrescentem fuliginosum habere comperimus.

Martio mensè caulem edit, Aprili verò perficitur.

- A. 2. *Lichen petræus umbellatus* C. B. *Lichen sive Hepatica minor umbellata* Park. *Hepatica umbellata* Ger.

Hanc cum vulgari Hepatica miscet J. Bauhinus, post cujus descriptionem addit, Ex foliis eminent interdum parvi velut umbilici, quales exprimuntur apud Lobelium. Nobis equidem specie diversus videtur.

- A. 3. *Lichen petræus stellatus* C. B. *Lichen sive Hepatica minor stellata* Park. *Hepatica stellata* Ger.

J. Bauhinus hanc speciem à vulgari Lichene non distinguit, quem vetustate tandem pediculos erigere scribit, unciales & fescunciales, tenues, glabros, quorum unusquisque florem stellatum herbacei coloris sustinet, qui exprimit parvum galereum suis radius deorsum nutantibus. Parkinsonus quoque Hepaticæ vulgari flores parvos stellatos attribuit; aliam autem adhuc minorem facit Hepaticæ stellatæ speciem, ex duabus Lobelii iconibus, ut puto, ad id inductus. Quicquid autem sit de Lichene terrestri vulgari, sive is habendus sit qui fructu est stellato, sive qui pileato: hos tamen duos inter se revera & specie differre minimè ambigo.


In uliginosis & umbrosis areis hortorum & ambulacris glareosis aut saxosis sæpiùs observavimus.

- A. 4. *Lichen petræus cauliculo calceato* C. B. *Lichen alter minor caule calceato* Col.

Col.

Isdem locis gaudet hic [cum prima specie] similique modo oritur, minor omni sua parte; delicate folio atque minore, tenui admodum, translucido, ut in opaco obscurum videatur, atque cum vetustius est ex purpureo nigrescat, lævè nec squamosum, sed veluti è dorso ferè vagina vel calceus fibratis oris parum emittens, ex quo Martii Idibus pilula exit, Orobi magnitudine, atro-virens, lævis, lucida, quæ postea supra caulem quatuor digitorum subeuntem emicat, parum lutescens, atque in florem dehiscens luteum quatuor foliolorum, intus quamplurima continentem tenuissima atq; impalpabilia stamina. *Caulis* arefactus terram versùs demittitur, qui rotundus erat, lævis, nudus, succolus, diaphanus, albus, facile tactu corruptibilis. *Radix* villosa sericea est, ut non subtilior inveniatur.

In udis paludosis ad aquarum scaturigines in agro Warwicensi observavimus.

5. *Lichen petræus minimus fructu Orobi* C. B. *Lichen alter acaulis*  Col.


Col.

Simili cum superioribus natali gaudet, eodemque tempore invenitur. Parvi digiti unguis magnitudinem rarè æquat foliis. Viride est, punctis albidioribus extuberantibus aspersum, ut asperum videatur. Floris vice ante fructum, inferna folii parte dum parvum est, utrinque nigras ex purpureo cartilagineas habet, costarum modo vel valvarum inter se oppositas, quas acie cultelli elevare potes: à folio differunt quòd illud viride sit. Cum autem grandius est totum folium nigrescit ex purpura, atque in extremo intumescit, fructumque emittit Orobi magnitudine, eodem colore, mollem, succosum aqueo albicante succo, postea quid croceum emittentem, maturiorem effectum. Disrupto cortice illo nigro, veluti pericarpium continet fructum, intus lutea pelle contextum, luteum pulverem continentem, & si teratur succosum, atque digiti calore statim humido illo exiccato, infectus digitus cernitur luteo pulvere illo. Folium tenuissimis & quàm brevissimis, albicantibus, atque delicatissimis fibrillis hæret.

6. *Lichen petræus muscosus racemosus* C. B.

C. B.

Foliis est longè minoribus Hepaticæ vulgaris foliis, squamarum instar junctis, pallidè virentibus & nonnihil hirsutis; inter quæ quamplurimi pediculi capillacei, biunciales nudi efferuntur; quorum singuli capitulum parvum instar racemi compactum sustinent, quantum ex sicco colligere licuit.

- A. 7. *Lichen sive Hepatica lunulata*,  C.

Folia minora & breviora sunt quam Hepaticæ vulgar. *Officin.* neque tam manifestè punctata; per margines sinuata & veluti crispa. In mediis foliis & interdum versis eorum margines lunulæ quædam foliaceæ supra folii superficiem eminentes exoriuntur, quæ sinu suo semina conferta supino folio incumbentia excipiunt. Vere postquam semen maturuit lunulæ evanescent.



In umbrosis uliginosis oritur sed rarius: *D. Dale* pharmacopœus & medicus Brantiae, vicinus noster, Botanicis studiosus primus detexit nobisque ostendit, non longè à domicilio nostro nascentem; & alibi etiam copiosius.

7. *Lichen minimus foliolis laciniatis.*

Hic vulgari Lichene decuplo minor est, eodem modo se diffundens tenuissimis capillamentis è mediis foliis emissis. Foliola autem tenuia sunt, non punctata, circa margines laciniata crebris laciniis, unde velut crispa videntur. Nullum hæcenus fructum in hac specie observare potuimus.

Iisdem cum Lichene vulgarissimo in locis invenitur. Sub finem Augusti descripsimus. Vere cum primum observavimus alia (quantum memini) facie apparuit.

Vires.

Lichen sapore est aqueo cum amarore nonnullo & adstrictione. Hepatica est insignis [in calidis cum siccitate hepatis malis, *C. Hofman.*] Usus præcipue in obstructionibus hepatis & vesicæ, quorum signaturas in foliis gerit: hinc in hætica, in ictero, in scabie & lichenibus, in gonorrhœa, in febris. Extrinsecus sistit sanguinem vulneribus. *Sebrad.*

Notavit Cæsalpinus quod purget leniter humores adustos, & crassos, si in magna copia, ut pond. ℥ ii. ejus decoctum sumatur. Quo remedio iterato per multos dies sanatos multos vidit ex maligna scabie & ulceribus exedentibus. Oportet autem singulis diebus novam decoctionem parare, præcipue cum sero lactis, quia facile exolefcit.

*C. Hofmannus* Hepaticam peculiari vi purgante præditam esse non magis credit quàm serum. Imò serum ipsum copiosè haustum non rarè purgat.

C A P. X.

De Ophiogloss.

Ophioglossum J. B. Ger. Ophiog. sive Lingua serpentina Park. Ophiogloss. I. sive vulgatum C. B. Adders-tongue.

J. B.

Etym.

Ophioglossum floris arguta cuspis (inquit J. Bauhinus) linguam serpentis exertam imitata, nomen impertivit, fictum quidem ex Germanico: Veteribus indictum esse nonnulli existimant, certè quo nomine illis innotuit inter Botanicos non convenit.

Multis & satis crassis fibris in fasciculum velut collectis cincta, Ellebori modo, si præsertim pinguius nanciscatur solum, radice donatur, post dulcedinem quam primum linguæ ingerit, calor & acrimoniæ nonnihil in palato relinquens & paululum amarescens *Cam.* Huic surgit pedicellus palmaris folium singulare sustinens, Betæ parvæ quodammodo, pinguius tamen & carnosum, minimèque nervosum, modò angustum & longiusculum, modo latum & subrotundum, læve, erectum, sapore dulciusculo cum viscositate & virositate aliqua; è cuius sinu quæ pediculo committitur ligula exit bifurcata, non tamen secta, in acumen sensim desinens, citra extremitatem utrinque denticulata, scobinæ aut Limæ aurifabrorum effigiaturâ. Seminis loco (inquit Camerarius) ei tenuis quasi pollen in linguæ infectionibus adest, usque per maturitatem dehiscens excidit.

Locus.

In pratis & pascuis humidioribus frequens invenitur. Aprili vel demum Maio mense prodit, & adusque Junium viget, paulò post tota superficies marcescit, radice in terra superstite; quæ profundè demergitur, ut extirpatu difficilis sit.

Vires.

Vulnerarium est insigne, tum intus sumptum in potionibus, tum extrinsecus applicatum. Recentia folia vulnera conglutinant & enterocelas sanant. Datur potanda ex aqua Equiseti ad intrinseca vulnera. Herbarum pulverem aliquot diebus exhibitum ramices omnes curare posse affirmat Baptista Sardus.

Verum non modò ad vulnera recentia sed & vetera ulcera & ramices præcipue astimationis est oleum quod ex foliis ejus in oleo Olivarum vel omphacino ad Solem diutius maceratis, vel brevius ad ignem decoctis donec inarescant & exucca evadant, deinde expressis, conficitur, præsertim, inquit Parkinsonus, si resina Terebinthinæ tantillum in eo dissolvatur.

Ophioglossa ratione magnitudinis inter se differre deprehendit Mentzelius circa oppidum Furstenwaldiam. Minimum ultra unciam cum sua lingua & foliolo non assurgit. Medium verò bis unciale folium habet longius & linguam ultra tres uncias excrecentem: Majus autem folium obtinet quatuor uncias longum & unum cum dimidio latum, linguâ in altum satis se erigente.

Ibidem quoque trilingua Ophioglossa, necnon bilingua reperit idem.

C A P. XI.

De Lunaria.

Lunaria Recentioribus dicta à foliis Lunæ crescentis modo falcatis, an Veteribus cognita ambigitur. Vide C. B. Pin.

Folio singulari pinnato, & in nonnullis speciebus ramoso aut multifido, cauliculo racemulis strobilorum & seminum orusto ab aliis omnibus plantis, nedum hujus generis, distinguitur.

\* Annot. in Res Medicas novæ Hispaniæ.

Observavit Columna in hac specie omnes plantas in imo petiolo supra radicem folliculum habere quendam veluti Ari florem exiguum, in quo plantulam exiguum veluti foetum complicatum



plicatum extare vidit, intra folliculum uteri vicem gerentem, integram, foliosam tantum quæ racemo vidua erat, post annum proferendam, & quæ racemosa cum ipso exiguo sed integro racemo convolutam: Et hoc mirum (inquit) Naturæ institutum. Alias plantas simili modo infra terram uterum gerere agnovimus, & suo tempore proferre, sed non anno integro, & forsan nec medio, verum à nova radice ipsius extumescencia, ut in bulbosis quibusdam, in quibus intra bulbum ipsum spicatum cauliculum observavimus, suo tempore proferendum.

## CAP. XII.

1. *Lunaria minor* Ger. Park. *L. botrytis* J.B. *racemosa minor* vel *vulgaris* C. B. *Wort.*

*J. B.*

**E** Radice tenui, subnigra, intus flavescente folium exit singulare, unà cum pediculo interdum palmare, 4, 5, 6, 7, aut pluribus pinnarum crassarum, ubi nervo medio connectuntur angustarum; in latum & falcatum mucronem desinentium, conjugationibus compositum; pinnarum superiorum concavo inferiorum gibbum excipiente. Ex eodem pediculo ex infima conjugationis sinu furculus prodit palmaris, succulentus, crassus, è cujus lateribus alternatim oriuntur pediculi racemulis onusti, jubam imitantes. Racemuli acinos habent, congestos, paucos, virides, qui nec florem unquam edunt, nec semen intus habere conspiciuntur, sed pro eo pallido colore pulvis tenuissimus atque impalpabilis invenitur, quo sato an ex eo planta exeat incertum est, sæpe quidem cum expertus sum nunquam exire aliquid cognovi, inquit Columna.

*Ego pulverem hunc ipsum plantæ semen esse minime dubito, quantumvis à Columna satum, loco fortasse alieno, non provenit.*

In montibus Eboracensibus propè *Settle* oppidum copiosissime provenit: & alibi in montosis & frigidioribus variis in locis, tum in Anglia, tum in transmarinis regionibus.

*Lunaria botrytis minor multifolia* *J. B.* *Lun. racemosa ramosa major* C. B. an sit *Lusus* naturæ tantum; an species *Lunariæ* distincta ambigimus, præsertim cum *Camerarius* eam in Anglia inveniri tradat: Nos autem nihil tale unquam invenimus, nec ab aliis inventum audivimus in Anglia, nisi forte accidentarium & monstrosum.

2. *Lunaria Botryites ramosa Silesiaca* J. B. *racemosa multifido folio* C. B.

*Clus.*

*Dodrantis* est planta, statim à radice unam aut aliam foliorum alam protrudens, sive folium ramosum & multifidum, frequentibus foliis, *Lunariæ* minoris vulgaris foliis ferè similibus constans, sed longioribus & crassiusculis, crebrâque incisurâ divisis, colore ut in vulgari viridi dilutiore, & quodammodo pallescente. Secunda ala, ut tenerior est & postremò nata, tenui quadam sed rara admodum lanugine pubescere videtur, succulentiorque est quàm prima: ex ejus quasi uterò secundum radicem emergit cauliculus pinguis & succulentus, sustinens multifidam & majorem uvam [ florifera an fructus dicere debeam hæreo ] quàm vulgaris, alioquin admodum similem. Radix vulgaris instar multis fibris latè in ambitum sparsis, crassioribus tamen, constat.

In altis *Silesiæ* montibus oritur; culturam autem respuit ut pleræque montana.

3. *Lunaria racemosa minor Adianti folio* Breynii.

*Breyn.*

Vulgari foliis laciniatis (cujus effigies apud *Camerarium* in *Matthiolo* Germanicè edito sub numero II. exstat) per omnia similis præter folia, quæ *Capilli Veneris* sive *Adianti* foliis *Coriandri* C. B. in modum eleganter sunt dissecta.

Nascitur in montibus *Cassubæ*, sed admodum rara.

4. *Lunaria racemosa minor Matricariæ folio* Breynii.

*Breyn.*

Montium *Cassubæ* est incola, unde satis copiosè allata. Cauliculi in omnibus allatis magis curti erant quàm vulgaris, racemis brevioribus magisque ramosis, ac foliis brevioribus, plures in laciniis angustiores dissectis, *Matricariæ* haud imparibus onusti.

## CAP. XIII.

## De Equiseto.

**E**quisetum Latinis à feta equina nomen traxit. Græcis ἵππου ἵε. Cauda equina, à similitudine dicitur, quia folia habet fetis similia medio scapo adnascencia.

Planta est singularis & sui generis, tum scapo medio tum foliis (si modo folia dicenda sunt) pyxidatim articulatis. Propriè loquendo folia non habet, quæ enim folia dicuntur nullam habent



bent pronæ & supinæ partis distinctionem; excepto tamen Polygono fœmina dicto, quod ab aliis Equisetorum speciebus in tantum differt, ut diversum genus à nonnullis merito constituatur.

- A. 1. *Equisetum majus* Ger. *majus palustre* Park. *majus aquaticum* J. B. *palustre longioribus setis* C. B. *Great Marsh or Water Horse-tail*.

J. B.

Pro radicibus sunt creberrimæ tenuissimæque nigricantes fibræ longè caulium geniculis demissæ. Asparagos primum protrudit palmares, & cubito altiores Polygoni fœminæ crassitie, internodiis longioribus, pyxidata insertione distinctos (cotylâ fimbriatâ nigricante alterius tubulum excipiente, quâ notâ etiam à Polygono fœmina differt) striatos, inanes, quorum summo fastigio clavatum insidet capitulum, veluti nucamentum, cujus divulsis dehiscensibusque commissuris flosculi apparent ex fusco albidî. Procedente tempore caules bicubitales & interdum altiores, minimi propemodum digiti crassitie, teretes, concavi, albicantes plerunque, læves aut striis vix conspicuis exarati, crebris geniculis pyxidatim coherentibus intercepti. Singulos geniculos ambiunt folia seu setæ plurimæ [ultra triginta numeravimus] prælongæ, tenues, asperæ, striatæ, virides, non ramosæ, octo aut novem, pluribusve aut paucioribus internodiis pyxidatim articulatis compositæ. Cum veterascere incipit caulis in colorem spadiceum aut atro-rubentem è latere Soli obverso non raro mutatur.

In palustribus & aquosis passim provenit.

- A. 2. *Equisetum arvense longioribus setis* C. B. Park. *minus terrestre* J. B. *segetale* Ger. *Common Horse-tail*.

Radice est gracili, nigra, articulata & serpente, fibris nigricantibus è geniculis exortis capillatâ: quæ Aprili mense haud secus ac *Equisetum majus* Asparagos emittit, sed graciliores, longioribus & laxioribus fimbriatis, nigricantibus cotylis tubulos excipientibus, nucamenti æmulum capitulum, apicibus albis confertum, sustinentes. Maio mense caules frequentes sequuntur, pedales, geniculis distincti, pyxidatim inserti; cavi, scabri C. B. [Ego nullam fere scabritiem in caule aut foliis sentio] Ex geniculis folia radiatim enata dodrantem æquant, & ipsa quoque ex articulis sobolem pariunt.

A præcedente differt caule multis numeris minore & brevior, viridi, manifestius striato, longioribus internodiis, cavitatem intus minore: foliis seu setis pro plantæ magnitudine majoribus, profundius striatis [quatuor sulcis] tortuosis, è geniculis interdum folia seu setas secundarias emittentibus, paucioribus ad singulos caulis nodos.

Inter segetes solo humidior non raro invenitur.

Setæ in hoc minus asperæ quàm in præcedenti, imò nobis tractantibus vix omnino asperæ videntur.

Vires.

*Equisetum* astringit validè, hinc ad sanguinis rejectionem, ad profluvium muliebre, potissimum rubrum, & ad dysenterias reliquosque ventris fluxus strenuum & generosum est remedium vel herba ipsa aut ex aqua, aut ex vino epota [pulvis ʒj. pondere, aut decocti in vino ʒiij. manè & vesperi propinatæ] vel aqua ejus stillatitia si cochlearia tria duobus tribusve diebus bibantur. Sanat hæmorrhagias sive per *æmaturam*, sive per *diaporesin*, ut loquitur Casp. Hofmannus: item exulcerationes renum & vesicæ.

Hujus Asparagos, autore Matthiolo, in Hetruria, modo in defectu melioris cibi, modo in dysenteria aliisque alvinis fluxibus comedunt Hetrusci, & sentiunt aliquando ita sibi stringi ventrem, ut colici fiant.

Exteriùs emplastri modo imposita conglutinat maxima vulnera, etiam ubi nervi sunt incisi.

Dioscorides urinam movere refert.

In diuturnis febribus, etiam malignis, miracula fecisse cum aliis se comperisse scribit Casp. Hofmannus.

Ad sanguinis sputum exhibe radicis exsiccat. & pulveris ʒj. cum succo Granatorum acidorum.

Ad pectoris pulmonumque ulcera Decoctum Equis. in aquâ mane & vesperi calidè potum ad ʒiij. vel ejus succi ʒij.

In phthisi pulvis Equiseti ʒj. pondere cum Aquæ Plantag. ʒiij. manè & vesperi aliquot diebus sumptus commendatur.

Alios ejus exhibendi modos contra vomitum sanguinis & dolores ventriculi, contra rupturas, contra calculum, urinæ stillicidium, &c. vide apud \* C. Baubinum.

\* Theatr. Bo-

tan. l. 1.

Sec. 2. cap. 19.

- A. 3. *Equisetum sylvaticum* Tab. Ger. *sylvaticum tenuissimis setis* C. B. *omnium minimum tenuissimum* Park. Lob. illustr. *Equisetum sive Hippuris tenuissima non aspera* J. B. *Wood Horse-tail*.

C. B.

Caule est pedali, geniculis fæcto, è cujus articulis singulis utrinque frequentissima folia, tenuissimorum capillorum instar prodeunt, quæ variè & minutim dividuntur.

Setas habet omnium tenuissimas & maximè ramosas, quibus notis, ut & lævore suo à reliquis suis sortis facile distinguitur.

Hanc speciem esse putamus quam describit Lobelius in Illustrationibus stirpium & ex eo Parkinsoni fons sub titulo superius posito. Et locus enim & descriptio conveniunt.



In locis humidis sylvarum & umbrosis oritur, solo palustri, non tamen ita frequens.

- A. 4. *Equisetum palustre* Lob. Ger. *palustre minus* Park. *palustre brevioribus setis* C. B. *The lesser marsh Horse-tail.*

Ab Equiseto segetali, cui aliàs persimile est, differt, 1. Caule paucioribus & profundioribus striis seu sulcis exarato. 2. Pro numero striarum paucioribus ad singula genicula foliis cincto, nimirum septem, octo vel novem; cum in illo duodecim aut plura habeantur. 3. Pyxidulis quibus inferuntur internodia longioribus. 4. Foliis seu setis majoribus dicere, plerumque brevioribus, minus sparsis & tortuosis, minus profunde sulcatis, non ramosis, apicibus seu denticulis pyxidularum in quas inferuntur internodia non ut in illo extrorsum reflexis, sed cauli appressis; quâ notâ, primâ statim fronte ab illo (cujus articuli velut fimbriati sunt) discernitur. 5. Tandem Capitulis floriferis summos caules foliosos terminantibus cum in illo spicæ seu capitula seorsim, velut Alparagi quidam, exeant antequam caules oriantur.

His addi posset prima setarum à scapo medio internodia multò breviora esse in hoc genere quam in illo.

In palustribus solo putrido & spongioso oritur, quo etiam ab Equiseto segetali differt quod solidiorem & minus aquosam terram non aspernatur; quamvis & illud humore delectetur.

Not. quot sunt in caule striæ tum in hoc tum in aliis Equisetis, tot poris secundum longitudinem, seu rubis minoribus medium majorem circumstantibus, perforatur.

- A. 5. *Equisetum palustre brevioribus foliis polyspermon* C. B. *palustre alterum brevioribus setis* Park. *Cauda equina famina* Ger. *Equiseti facie Polygonum famina* J. B. *Female Horse-tail.*

C. B.

*Radice* nititur rufescente nigricanteve, tenera, articulata, per transversum sparsa, plurimis capillamentis fibrata & limo hærente, quibus se propagat; à qua primo vere, antequam caules exeant, asparagi aliquot prodeunt, formâ spicatâ, colore candicante, tenelli, esui apti, qui ejus flores sunt. *Caulem* habet aliquando unum, aliquando ternos & quaternos, Arundini teneræ similes, & Juncò multò crassiores, in tenuitatem desinentes, rectos, rotundos, leves neque striis asperos, cubitum superantes, dense geniculatos, internodiis frequentibus commissis: ex articulorum pyxidatis insertionibus brevi admodum intervallo folia radiatim exeunt, quæ breviter & angusta, mollia ac virentia, prima quidem Linariæ parvæ, superiora Piceæ similia; quibus singula, seu grana oblonga (Milio minora Cordo) rufescentia, ad articulorum commissuras disposita, sæpe dena & plura, eleganti ordine adnascuntur. Verùm cum non semper reperiantur, idcirco Herbariorum figuræ his carent, &c.

In lacubus & stagnis & ad rivulorum ripas, sed plerumque in ipsis aquis oritur, aut aquis exsiccatis in limo, non tamen admodum frequens apud nos in Anglia.

- \* 6. *Equisetum palustre minus polyspermon* C. B.

C. B.

*Radice* est repente, geniculis distincta: caule tenui, cubito minore, geniculis crassioribus articulo: foliis aut potius geniculatis cirtis ad articulum utrinque ternis vel quaternis, junceis, palmatis: quibus parè singulis minuta spica Iuli instar insidet: caulis verò iulurn oblongum minus compactum, flosculis pallidissimè rubentibus donatum, sustinet.

Basilæ in aquosis Michelfeldensibus observavit C. Baubinus.

- A. 7. *Equisetum nudum* Ger. *juncum sive nudum* Park. *foliis nudum non ramosum sive juncum* C. B. *Bare Horse-tail.*

C. B.

*Radice* nititur nigricante, per transversum repente, fibrosa & insipida: ex quâ caules singulares, ad radicem atro-rubentes & splendentes exurgunt, iique cubitales, juncei, striis asperi, cavi & nudi, geniculis multis articulati, & tuborum modo sibi immixti, qui in acuminatum fastigium, aliquando & in asparagum terminantur, & quandoque circa summum caulis, ex articellis folia admodum parva emittit: rariùs ramus unus & alter è geniculo prodit.

In rivulis & fossis aquosis, sæpe ex fundo culmi tricubitales exoriuntur.

Hæc species à præcedentibus omnibus revera distincta est, siquidem asperior est multo, solidiorque & perpetuò etiam viret; quamvis nos J. Baubinus secuti asparagum potius esse Equiseti palustris quàm plantam ab eo diversam aliquando sensimus & scripsimus. Et revera Equisetum palustre non raro etiam scapos nudos seu junceos emittit.

Hæc præcipue species est cujus junceis virgis materiarii fabri multorum minorum operum veluti pectinum & manubriorum scabritiem in lavorem expoliunt; unde & Anglis non minus quàm Germanis *Shabergafs* dicitur.

- \* 8. *Equisetum*



bent pronæ & supinæ partis distinctionem; excepto tamen Polygono fœmina dicto, quod ab aliis Equisetorum speciebus in tantum differt, ut diversum genus à normallis merito constituitur.

- A. 1. *Equisetum majus* Ger. *majus palustre* Park. *majus aquaticum* J. B. *palustre longioribus setis* C. B. **Great Marsh or Water-Horse-tail.**

J. B.

Pro radicibus sunt creberrimæ tenuissimæque nigricantes fibræ longè è caulium geniculis demissæ. Asparagos primum protrudit palmares, & cubito altiores Polygoni fœminæ crassitie, internodiis longioribus, pyxidatim infertione distinctos (cotylâ fimbriatâ nigricante alterius tubulum excipiente, quâ notâ etiam à Polygono fœmina differt) striatos, inanes, quorum summo fastigio clavatum infidet capitulum, veluti nucamentum, cujus divulsis dehiscentibusque commissuris flosculi apparent ex fulco albidii. Procedente tempore caules bicubitales & interdum altiores, minimi propemodum digiti crassitie, teretes, concavi, albicantes plerumque, laves aut striis vix conspicuis exarati, crebris geniculis pyxidatim coherentibus intercepti. Singulos geniculos ambiunt folia seu setæ plurimæ [ultra triginta numeravimus] prælongæ, tenues, asperæ, striatæ, virides, non ramosæ, octo aut novem, pluribusve aut paucioribus internodiis pyxidatim articulatis compositæ. Cum veterascere incipit caulis in colorem spadiceum aut atro-rubentem è latere Soli obverso non rarò mutatur.

In palustribus & aquosis passim provenit.

- A. 2. *Equisetum arvense longioribus setis* C. B. Park. *minus terrestre* J. B. *segetale* Ger. **Corn-Horse-tail.**

Radice est gracili, nigra, articulata & serpente, fibris nigricantibus è geniculis exortis capillatâ: quæ Aprili mense haud secus ac Equisetum majus Asparagos emittit, sed graciliores, longioribus & laxioribus fimbriatis, nigricantibus cotylis tubulos excipientibus, nucamenti æmulum capitulum, apicibus albis confertum, sustinentes. Maio mense caules frequentes sequuntur, pedales, geniculis distincti, pyxidatim inferti; cavi, scabri C. B. [Ego nullam fere scabritiem in caule aut foliis sentio] Ex geniculis folia radiatim enata dodrantem æquant, & ipsa quoque ex articulis sobolem pariunt.

A præcedente differt caule multis numeris minore & brevior, viridi, manifestius striato, longioribus internodiis, cavitatem intus minore: foliis seu setis pro plantæ magnitudine majoribus, profundius striatis [quatuor sulcis] tortuosis, è geniculis interdum folia seu setas secundarias emittentibus, paucioribus ad singulos caulis nodos.

Inter segetes solo humidior non rarò invenitur.

Setæ in hoc minus asperæ quàm in præcedenti, imò nobis tractantibus vix omnino asperæ videntur.

Vires.

Equisetum astringit validè, hinc ad sanguinis rejectionem, ad profluvium muliebre, potissimum rubrum, & ad dysenterias reliquosque ventris fluxus strenuum & generosum est remedium vel herba ipsa aut ex aqua, aut ex vino epota [pulvis ʒj. pondere, aut decocti in vino ʒiij. manè & vesperi propinatæ] vel aqua ejus stillatitia si cochlearia tria duobus tribusve diebus bibantur. Sanat hæmorrhagias five per *ἀρσενιον*, five per *διάρρην*, ut loquitur Casp. Hofmannus: item exulcerationes renum & vesicæ.

Hujus Asparagos, autore Matthiolo, in Hetruria, modo in defectu melioris cibi, modo in dysenteria aliisque alvinis fluxibus comedunt Hetrusci, & sentiunt aliquando ita sibi stringi ventrem, ut colici fiant.

Exterius emplastri modo imposita conglutinat maxima vulnera, etiam ubi nervi sunt incisi.

Dioscorides urinam movere refert.

In diuturnis febribus, etiam malignis, miracula fecisse cum aliis se comperisse scribit Casp. Hofmannus.

Ad sanguinis sputum exhibe radicis exsiccat. & pulveris ʒj. cum succo Granatorum acidorum.

Ad pectoris pulmonumque ulcera Decoctum Equis. in aquâ mane & vesperi calidè potum ad ʒiij. vel ejus succi ʒij.

In phthisi pulvis Equiseti ʒj. pondere cum Aquæ Plantag. ʒiij. manè & vesperi aliquot diebus sumptus commendatur.

Alios ejus exhibendi modos contra vomitum sanguinis & dolores ventriculi, contra rupturas, contra calculum, urinæ stillicidium, &c. vide apud \* C. Bauhinum.

\* Theatr. Bot.  
tan. l. 1.  
Sect. 2. cap. 19.

- A. 3. *Equisetum sylvaticum* Tab. Ger. *sylvaticum tenuissimis setis* C. B. *omnium minimum tenuissimum* Park. Lob. illustr. *Equisetum sive Hippuris tenuissima non aspera* J. B. **Wood-Horse-tail.**

C. B.

Caule est pedali, geniculis fæcto, è cujus articulis singulis utrinque frequentissima folia, tenuissimorum capillorum instar prodeunt, quæ variè & minutim dividuntur.

Setas habet omnium tenuissimas & maximè ramosas, quibus notis, ut & levore suo à reliquis suis sortis facile distinguitur.

Hanc speciem esse putamus quam describit Lobelius in Illustrationibus stirpium & ex eo Parkinsoni sonus sub titulo superius posito. Et locus enim & descriptio conveniunt.



In locis humidis sylvarum & umbrosis oritur, solo palustri, non tamen ita frequens.

- A. 4. *Equisetum palustre* Lob. Ger. *palustre minus* Park. *palustre brevioribus setis* C. B. The lesser marsh Horse-tail.

Ab Equiseto segetali, cui aliàs per simile est, differt, 1. Caule paucioribus & profundioribus striis seu sulcis exarato. 2. Pro numero striarum paucioribus ad singula genicula foliis cincto, nimirum septem, octo vel novem; cum in illo duodecim aut plura habeantur. 3. Pyxidulis quibus inferuntur internodia longioribus. 4. Foliis seu setis majoribus dicere, plerumque brevioribus, minus sparsis & tortuosis, minus profundè sulcatis, non ramosis, apicibus seu denticulis pyxidularum in quas inferuntur internodia non ut in illo extrorsum reflexis, sed cauli appressis; quâ notâ, primâ statim fronte ab illo (cujus articuli velut fimbriati sunt) discernitur. 5. Tandem Capitulis floriferis summos caules foliosos terminantibus cum in illo spicæ seu capitula seorsim, velut Asparagi quidam, exeant antequam caules oriantur.

His addi posset prima setarum à scapo medio internodia multò breviora esse in hoc genere quam in illo.

In palustribus solo putrido & spongioso oritur, quo etiam ab Equiseto segetali differt quod solidiorem & minùs aquosam terram non aspernatur; quamvis & illud humore delectetur.

Not. quot sunt in caule striæ tum in hoc tum in aliis Equisetis, tot poris secundum longitudinem, seu tubis minoribus medium majorem circumstantibus, perforatur.

- A. 5. *Equisetum palustre brevioribus foliis polyspermon* C. B. *palustre alterum brevioribus setis* Park. *Cauda equina femina* Ger. *Equiseti facie Polygonum femina* J. B. Female Horse-tail.

C. B.

*Radice* nititur rufescente nigricantè, tenera, articulata, per transversum sparsa, plurimis capillamentis fibrata & limo hærente, quibus se propagat; à qua primo vere, antequam caules exeant, asparagi aliquot prodeunt, formâ spicatâ, colore candicante, tenelli, esui apti, qui ejus flores sunt. *Caulem* habet aliquando unum, aliquando ternos & quaternos, Arundini teneræ similes, & Juncis multò crassiores, in tenuitatem desinentes, rectos, rotundos, læves neque striis asperos, cubitum superantes, densè geniculatos, internodiis frequentibus commissis: ex articulorum pyxidatis insertionibus brevi admodum intervallo folia radiatim exeunt, quæ brevia & angusta, mollia ac virentia, prima quidem Linariæ parvæ, superiora Piceæ similia; quibus singula, seu grana oblonga (Milio minora Cordo) rufescentia, ad articulorum commissuras disposita, sæpe dena & plura, eleganti ordine adnascuntur. Verùm cum non semper reperiantur, idcirco Herbariorum figuræ his carent, &c.

In lacubus & stagnis & ad rivulorum ripas, sed plerumque in ipsis aquis oritur, aut aquis exsiccatis in limo, non tamen admodum frequens apud nos in Anglia.

- \* 6. *Equisetum palustre minus polystachion* C. B.

C. B.

*Radice* est repente, geniculis distincta: caule tenui, cubito minore, geniculis crassioribus articulo: foliis aut potius geniculatis cirris ad articulum utrinque ternis vel quaternis, junceis, palmatis: quibus pænè singulis minuta spica Iuli instar infidet: caulis verò iulum oblongum minùs compactum, flosculis pallidissimè rubentibus donatum, sustinet.

Basilæ in aquosis Michelfeldensibus observavit C. Baubinus.

- A. 7. *Equisetum nudum* Ger. *juncum sive nudum* Park. *foliis nudum non ramosum sive junceum* C. B. Naked Horse-tail.

C. B.

*Radice* nititur nigricante, per transversum repente, fibrosa & insipida: ex quâ caules singulares, ad radicem atro-rubentes & splendentes exurgunt, ique cubitales, juncei, striis asperi, cavi & nudi, geniculis multis articulati, & tuborum modo sibi immixti, qui in acuminatum fastigium, aliquando & in asparagum terminantur, & quandoque circa summum caulis, ex articellis folia admodum parva emittit: rariùs ramus unus & alter è geniculo prodit.

In rivulis & fossis aquosis, sæpe ex fundo culmi tricubitales exoriuntur.

Hæc species à præcedentibus omnibus revera distincta est, siquidem asperior est multo, solidiorque & perpetuò etiam viret; quamvis nos J. Baubinum secuti asparagum potius esse Equiseti palustris quam plantam ab eo diversam aliquando sensimus & scripsimus. Et revera Equisetum palustre non rarò etiam scapos nudos seu junceos emittit.

Hæc præcipuè species est cujus junceis virgis materiarii fabri multorum minorum operum veluti pectinum & manubriorum scabritiem in lavorem expoliunt; unde & Anglis non minùs quam Germanis *Shavegrafs* dicitur.

- \* 8. *Equisetum*



- \* 8. *Equisetum foliis nudum ramosum* C. B. *juncum ramosum* Park. **Naked branched Horse-tail.**

C. B.

*Caule* est longissimo, parte inferiore nigro, striato, aspero, foliis nudo, concavo & geniculato, at geniculis paucioribus, & à se invicem longius distantibus quàm in aliis speciebus. Ex articulis modò utrinque unus, modò ab altero latere duo, & ab altero unus ramus, Junci crassitie, sesquipalmaris, colore, striis & articulis cauli correspondens, & in tenuissimum apicem finiens prodit. At ipse caulis in pyxidulam ferè semuncialem, striatam, albam & crenatam finit: ad cujus pyxidulæ latera similiter & communiter utrinque unus ramus cubitalis effertur.

In sylvis uliginosis, sed rariùs, reperimus.

- \* 9. *Equisetum nudum minus variegatum* Basiliense C. B. *nudum minus variegatum* Park. **Small parti-coloured naked Horse-tail.**

C. B.

Ex *radice* parva, nigra, transversa, nonnihil capillata *cauliculi* plures, inæquales, rarissimè pedales, communiter palmares, semipalmares & multò breviores, striati, pallidè virentes, geniculis parte inferna nigris, supernà albidis, articulatis, foliis carentes & cavi; in quorum summitatibus *capitulum* brevissimum iuli instar insidet, quod à corona alba, ex octo, novem, etiam duodecim foliolis acutis composita sustentatur; & quando pedibus calcatur crepitat.

Ad Rheni ripam, juxta locum *die Baar* dictum, ad minorem urbem provenit.

- A. 10. *Equisetum fetidum sub aqua repens* C. B. J. B. Ger. Park. **Stinking water Horse-tail.**

C. B.

*Radice* est fibrosa; *caulibus* plurimis, tenuibus, rotundis, per obliquum ut *Saccharum penidium* striatis, geniculatis, fragilibus, sub aqua per terram sparlis (in aquis enim plerunque demersum, rariùs emergens) quandoque cubitalibus, in plures cauliculos brachiatis: *foliis* aliquot brevibus, in breves apices distinctis, & simul ad genicula junctis. Tota planta fragilis est, quæ dum in aqua est viridis est [non semper, nam interdum & in ipsa aqua cinerea cernitur] at extracta & exsiccata incana & friabilis, ita ut non solum digitis minimo negotio in pulverem comminatur, sed etiam sponte in pulverem abeat. Odoris est lutosi & sulphurei.

In aquis cœnosis abundè oritur plurimis in locis.

- A. 11. *Hippuris Coralloides* Ger. emac. An *Hippuris lacustris quædam foliis mansu arenosis* Gefn?

Multis exit furculis, duas trèsvè uncias altis, ad singulos articulos foliola multa emittentibus, cauliculum seu scapum denso agmine proximè circumstantibus, aliorum hujus generis more sitis. Versus summos scapos articuli admodum crebri sunt. Color totius plantulæ cinereus ad viridem nonnihil inclinans. Valde fragilis est & sub dentibus scruposa Corallinæ instar; pedibus etiam pressa crepitat ac si congelata esset.

LOCUS.

In palustribus putridis & spongiæ instar aquam imbibere & retinere aptis oritur: ut v. g. non procul à *Chiffelhurst* vico in Cantio, necnon tribus trans Oxonium milliaribus, propè *Trajectum Ervenhami*. Vide Ger. emaculat.

Superfunt adhuc duæ aliæ Equiseti species à C. *Baubino* propositæ & descriptæ, quarum altera *Equisetum palustre tenuissimis & longissimis setis*, altera *Equisetum pratense longissimis setis* inscribitur: quæ adeò parum differunt à nonnullis ex descriptis, ut specie distinctas non existimemus. Vide, si placet, C. *Baubini Theatr. Botan.*

LIBRI

# LIBRITERTII

## PARS SECUNDA.

### Herbarum caule carentium hypophyllosperrnon seu Capillarium Tabula.

**H**erbæ caule carentes, epiphyllispermæ, seu mavis, hypophyllosperrmæ, quia semina averſæ foliorum parti, in punctis lineolifve ibidem efflorescentibus, adnascuntur; nonnullis *Capillares*, aliis *Dorsiparæ* & *Tergifaræ* dictæ, sunt vel foliis.

*Simplicibus*, seu integris & indivisis, oblongis,  
 { *Sinu in basi ad pediculum falcato excavatis*, cum appendice utrinque producta; **HEMIONITIS**.  
 { *Nullo ad basin folii sinu aut appendice*; **PHYLITIS**, *Lingua cervina*.  
*Dissectis aut incisis*

*Simplici divisione* in lacinias tantum aut pinnas: Sûntque vel

*Majores*, folio  
 { *Breviore & latiore*, radice purgatrice; **POLYPODIUM**.  
 { *Longiore & angustiore*; **LONCHITIS**.  
*Minores*, folio

*Laciniato*,  
 { *Majore*, oblongo & utrinque velut dentato; **SCOLOPENDRIA**.  
 { *Minimo*, brevi, summâ parte in duas trêve lacinias, vel uti in totidem cornua fisso; **ADIANTHUM ACROSTICHON Thal.**  
*Pinnato*, seu ex foliolis ad mediam costam utrinque adnexis composito,  
 { *Latiore & crassiore* Polypodii æmulo; **CHAMÆFILIX MARINA**.  
 { *Angustiore & tenuiore*, Viciæ cujusdam simili; **TRICHOMANES**.

*Duplici divisione*, seu semel subdivisis; primariâ divisione in tarſos seu furculos, secundariâ in pinnulas seu cristas, easque vel

*Prælongas*, *Osmundæ regalis* æmulas; **HEMIONITIS MULTIFIDA**.  
*Breviores*,

*Densius dispositas*, pediculis brevibus aut nullis hærentes,

*Dentatas aut aculeatas*,  
 { *Majores*; **FILIX MAS**.  
 { *Minors*; seu repens, **FILIX PALUSTRIS**, *Dryopteris Adm.* seu non repens;  
**FILIX SAXATILIS**.  
*Æquales ad margines*, & non dentatas. **FILIX FONTIS Adm.** **NON DENTATA** *J. B.*

*Rarius dispositas*, pediculis longis appensas, latas, breves, obtusas, vel  
*Crassiusculas*, pediculis viridioribus & crassioribus hærentes, *Rutæ* quodammodo æmulas; **ADIANTHUM ALBUM**.

*Tenuis & mollicellas*, propemodum triangulares, fronte altius incisâ, pediculis nigris, tenuibus, tremulis appensas; **ADIANTHUM NIGRUM**.

*Triplici divisione*, seu bis subdivisis, nimirum primò in ramulos seu alas, secundò in tarſos seu furculos, tertio tandem in pinnulas five cristas, atque hoc genus ramosæ dicuntur.

Hæ sunt vel

*Scandens*, exotica; **FILIX SCANDENS** *Brasiliana*.

*Rectæ*, & suis se viribus sustentantes,

*Majores*,  
 { *Florifera* dicta, in furculis peculiaribus semina congesta proferens, palustriumi alumna;  
**FILIX FLORIDA**, *Osmunda regalis*.

*Non florifera*, seminibus averſæ foliorum parti, ut in reliquis, adnascantibus, pinnulis

*Dentatis*, **FILIX MAS RAMOSA**.

*Non dentatis*, radice reptatrice; **FILIX FOEMINA vulgaris**.

*Minores*,

*Florifera*, ad *Adiantum album* accedens foliis pulchrè incisis; **ADIANTHUM ALBUM FLORIDUM**.

*Non florentes* in furculis peculiaribus, pinnulis crassis, angustioribus & longioribus, in acutum desinentibus; **DRYOPTERIS NIGRA**.



*De Herbis caule carentibus epiphyllispermis, Capillaribus & Dorsiferis vulgò dictis : & primò in genere.*

\* In *Isagoge Phytoscopica*.

**C**UM Caulis (rectè eum definiente \* Jungio) sit *pars plantæ superna, in altitudinem ita ex- porrecta, ut anteriora à posterioribus, vel dextera à sinistris non differant*; herbas de quibus hoc in loco agimus, *Capillares & Dorsiferas* dictas, in universum omnes, tam ramosas quàm non ramosas, caule omnino carere, earumque superficiem ex meris foliis constare manifestum est. Nam qui in Filicibus ramosis caules censentur, reverà foliorum compositorum seu ramosorum pediculi sunt, cum partem anticam à postica diversam, illam scilicet planam aut concavam, hanc teretiusculam & convexam obtineant; cumque in folium terminentur, quod vero cauli nunquam contingit.

Cæterum *Capillares* dictæ sunt hæ plantæ, quia capillis sanitatem & nitorem conciliare, omnibusque illorum vitiis mederi creduntur: *Dorsiferae* seu *Dorsiparae*, quoniam eorum semina aversa foliorum parti adnascuntur, in punctis illis seu lineolis ferrugineis ibidem efflorescentibus.

Filicem reliquasque *capillares* herbas semine carere Veteres plerique Historiæ Plantarum & Rei Medicæ scriptores, *Theophrastus, Dioscorides, Plinius & Galenus*, prodidère; quos etiam secuti sunt è Recentioribus nonnulli, *Dodonæus* v. g. *Spigelius* in *Isag.* ad rem Herbar. & *Dalechampius*. Nec probabili sanè ratione destituti sunt hujus sententiæ patrioni. Cum enim (ut modò ostendimus) hoc genus herbæ caulibus careant, quibus fructus & semina plurimum innasci solent, & semine unà carere verisimillimum est: cumque nemo unquam in hujusmodi plantis, quantumvis oculatus aut Lynceus fuerit, semen ullum discernere aut detegere valuerit, rationi magis consentaneum videtur, negare ulla eis omnino semina adesse, quàm fingere præ parvitate invisibilia, in tam eximia præsertim plantarum magnitudine. Alii è contra, ut v. g. *Baibinus* uterque, *Johnsonus* apud *Gerardum, Tragus, Parkinsonus* in *Theat. Botan.* & nobilissi. *F. Columna*, Botanicus egregius & verè Lynceus, *Annotat. ad res medicas N. Hispan. Ant. Recchi, Filices & congeneres spermatophoras* esse contendunt: partim quia *Historia Creationis Genes. 11. 12.* herbis in genere omnibus vim sementandi semen tribuere videtur: partim quòd verisimile non sit; Plantas adeò perfectas, tam eximie magnitudinis & stature quàm sunt nonnullæ Filices, ab aliarum omnium norma & analogia abluere: partim denique quòd sub adultis & vetustioribus Filicum stirpibus tenellæ & recens natæ plantulæ non rarò observatæ fuere, quæ semini deciduo ortum suum & originem debere videntur. Volunt autem semina aversa foliorum parti accrescere in punctis illis aut lineolis pulverulentis ferrugineisve ibidem extantibus. Hanc sententiam verissimam esse non modò argumenta allata suadent, sed & autopsia convincit. Siquidem *Federicus Cæsius, Lynceorum olim Princeps*, referente *F. Columna Annotat. modò laudatis*, microscopii adjumento observavit & apertè demonstravit ejusmodi plantarum semina; quod quidem [*Engyscopium*] *Polypodii & congenerum semina Piso vel Ciceri paria oculis obtulit*. Qui enim (inquit *Columna*) suo tempore pilosam illam extuberantiam in limilibus microscopio examinaverit, & flores virentes magnos, & semina conspiciet, & insuper in semine umbilicatam partem; quæ hærebat atque alimentum & incrementum capiebat, clarissimè perspiciet; in hac scilicet pilosa flavescente in folii dorso extuberantia bino ordine dispositos corymbos deprehendet, & in singulis quinquagenos circiter flores sive fructus cum suis seminibus. Nec Cæsius tantum aut *Columnæ Capillarium fructus perspicillorum ope in lucem prolatos videre contigit*, sed & nuperrimè ingeniosissimus Vir *D. W. C. microscopiis longè perfectioribus & summa arte elaboratis usus*, earundem tum semina tum vascula seminalia accuratius & distinctius multò observavit ipse, & amicis spectanda exhibuit: *Observationes autem suas de iis curiosissimas literis Bristolio datis Septemb. 30. 1669. Clariss. D. Hookio communicavit*; qui eadem paulò post cum aliis non minùs curiosis naturæ arcanis in publicam lucem emisit. Harum bonam partem Latinam facere & huc transcribere in gratiam transmarinorum Anglicè nescientium non ab re fore putavi.

*Pyxidulæ* seu capsulæ semina continentes in plerisque hoc genus plantis perquam exili granulo arenæ vulgaris cinereæ plus duplo minores sunt; imò in nonnullis speciebus vix tertiam quartamve arenulæ partem magnitudine æquant, vesicularum quarundam annulis aut fasciis vermiformibus obvolutarum speciem exhibentes.

Nonnullæ ex his vesiculis centum circiter semina continere deprehendebantur, quatenus scilicet *Observationum Autor* supputando, [aut potius conjectando] assequi potuerit; adeò eximiâ parvitate ut nudo oculo prorsus essent invisibilia, nec nisi microscopii interventu detegi possent. Vide infra, in capite de *Lingua cervina, vasculorum descriptionem*.

*Folia Filicis* utriusque, præcipuè *feminae* (quæ præ reliquis omnibus feminibus scatet) si cautè colligantur & asserventur ne comprimantur aut ullatenus violentur, brevi deinde Soli aut aeri fereno exponantur, vesiculæ seminales quotquot maturuere, fasciis modò dictis se contrahentibus dirumpentur, & semina quaquaversum spargent, ad eundem ferè modum quo aliarum aliquot stirpium siliquæ, *Cardamines* puta aut *Persicariæ* siliquosæ, per maturitatem diffiliunt, & semina cum impetu ejaculantur.

Quin si quantitas modica seminum à foliis in subjectam chartæ mundæ aut Pergameni schedam decutiat detergatque, & deinde in acervum converratur, vesicularum seminalium plurimis unà diffilientibus, & sibi invicem allisis, acervulus variè moveri per partes videbitur, non secus ac si Syronibus aut istiusmodi bestiis repletus esset; motu nudo etiam oculo perceptibili: quin si locus tranquillius sit, aure proximè admotà, crepitantium inter rumpendum vasculorum sonitus haud difficulter percipietur; & si microscopio circumducto chartam oculis oberres, semina per eam unlique sparsa, & ad notabilem ab acervo distantiam projecta comperies.

Vascula



Vascula seminalia ut & semina ipsa *Filicum* omnium reliquarumque *Capillarium* ejusdem proximè figuræ sunt & magnitudinis, quantumvis plantæ eorum productrices utroque respectu plurimum distent, ut v. g. *Filicis femine* vulgaris, *Rutæ murariæ*, *Phyllitidis* & *Osmundæ regalis*, quarum priores tres inter se dissimillimæ sunt, posteriores duæ staturâ & magnitudine admodum inæquales.

*Osmunda regalis*, quæ aliis omnibus *Filicis* speciebus mole, pulchritudine, viribus antecellit, & à Botanicis nonnullis sterili censeri solet, vascula seminalia obtinet æquæ cum reliquis congeneribus magnitudinis, ejusdemque proximè figuræ, quorum immensâ & visum fugiens parvitas cum magnitudine plantæ collata (quam integram cum radice & superficie tota appensam decem interdum libras pondere superare animadvertit Autor) adeò nullam gerere proportionem invenietur, ut tantam plantam è tantillo semine produci attentum observatorem merito in admirationem rapiat.

Quod verò, (pergit) mihi aliisque qui unâ mecum adfuerunt testibus oculatis præcipuè admirabile visum est, fuere animalcula diversarum specierum plurima, inermi oculo prorsus inconspicua, imò nec lentibus vitreis simplicibus, magnitudinem valdè augmentibus interpositis visibilia, quæ microscopio tamen in planta recens collecta inter vesiculas seminales velociter discurrentia jucundo spectaculo haud difficulter potuere discerni: è quibus nonnulla adeò infimæ parvitas fuere, ut bina è seminibus vesiculis inclusis corpusculorum moleculis vix adæquarent.

*Filicum* semina microscopio primæ notæ quæ objectorum quantitatem immensum augment spectata & examinata Vicæ exiguæ aut Lentis magnitudine apparere, eorumque nonnulla per ficitatem contracta & corrugata, vâlleculis depressioribus & tuberculis seu eminentiis inæqualia ad modum Pisorum alborum visa sunt. *Polypodii* autem semina tum figurâ tum colore à reliquis discrepant; cæteris enim leucophais aut rubentibus, hæc lutea sunt, & ad modum Medicæ seminum reniformia.

*Capillarium* semina non ante Autumnum maturescunt: unde patet quàm frivola & falsa sint quæ circumferuntur de collectione seminum *Filicis*, quam quidam ipso Solstitiali die, alii vigilis *S. Joannis Baptiste* instituendam asserunt, linteis substratis. Mirari autem subit Botanicum diligentem & minimè vanum *Hieronymum Tragus* publico scripto non dubitasse testari, se neque superstitione ductum, nec præstigiis aut incantationibus, aut ullis characteribus usum rem aggressum esse, & quater in vigilia *D. Joannis* nocte tentasse substratis linteis & Verbasci foliis, an semen id deprehendere & excipere posset, & sanè sibi contigisse fateri, ut manè ante illucens diem semen parvum, nigrum, Papaverini specie repperit, & hoc amplius ac copiosius sub alia atque alia Filice, alio item atque alio anno. Verum quantumvis superstitionis suspensionem à se amoliri studeat *Tragus*, vix tamen apud sobrios judices superstitiolæ credulitatis notam effugiet, quod à se impetrare potuit, ut ejusmodi vanis fidem adhiberet, aut eorundem experimenta tentaret, quòdque tandem seu imaginatione falsa, seu præstigiis Dæmonum sibi imponi passus fuerit, ut existimaret se videre *Filicum* semina quæ tunc temporis nulla fuere, (cùm non ante mensem Septembrem producantur) nec si fuissent inermi (ut diximus) oculo potuere discerni.

Quæ de antipathia inter *Arundinem* & *Filicem* tradunt Veteres pro fabulosis habemus, nec iis refutandis immorari operæ pretium fore putamus. Consule si placet *Dodonæum*.

Cæterum *Herbæ acaules Epiphyllispermæ foliorum respectu dividi possunt in eas quæ foliis sunt vel*

1. *Simplicibus* seu integris & indivisis, cujusmodi sunt *Phyllitis* & *Hemionitis* dicta.
2. *Laciniatis* tantum aut pinnatis simplici divisurâ, uti sunt *Polypodium*, *Trichomanes*, &c.
3. *Bifariam* divisis seu semel subdivisis, viz. primariâ divisione in tarsos seu furculos, secundariâ in pinnulas, quales sunt *Filix mas* vulgaris, *Dryopteris* Lob. &c.
4. *Trifariam* divisis seu bis subdivisis seu ramosis, primo scilicet in ramulos seu alas, deinde in tarsos seu furculos, & tandem in pinnulas, cujus generis sunt *Filix femina* vulg. *Adiantum album* & nigrum, &c.

Hanc divisionem reliquis, quæ vel à magnitudine varia, vel à punctis lineisve seminalibus perferri possent, commodiorem arbitramur, quoniam à notis tum magis perspicuis & distinctis, tum magis obviis & visui expositis differentias generum subalternorum constitutivas sumit: Eam ergo sequenti Librum hunc in quatuor *Sectiones* partiemur.

*Prima* erit de *Herbis Capillaribus* quarum folia integra sunt & indivisa:

*Secunda* de iis quarum folia simplici divisurâ secta sunt, seu laciniata sint five pinnata.

*Tertia* de iis quæ semel subdivisa folia obtinent, primariâ scilicet divisione in tarsos seu furculos, secundariâ in pinnulas seu cristas factâ.

*Quarta* de iis quibus folia bis subdivisa seu ramosa sunt, primò in ramulos seu alas, deinde in tarsos seu furculos, tandem in pinnulas.



## SECTIO PRIMA.

De Herbis Capillaribus foliis integris &amp; indivisis.

## CAP. I.

## De Phyllitide.

**Q**UÆ Græcè *φύλλις*, quasi foliosum dicas, cùm nihil nisi foliosus cespes appareat, Latinis pariter Græcum nomen retinentibus Phyllitis dicitur. Officinis *Lingua cervina* à similitudine foliorum appellatur. C. B.

A. *Phyllitis* Ger. *Phyl.* sive *Lingua cervina vulgi* J. B. *Phyl.* sive *Lingua cervina vulgaris* Park. *Phyllitis*, *Lingua cervina* Officinarum C. B. *Harts-tongue*.

*J. B.*

E capillaribus radicibus, nigricantibus, numerosis *Trago*, *Cordo* masculæ Filici [ id est, vulgari ] similibus, implicitis, cum foliorum vestigiis connexis, foris nigricantibus, intus in pallido viridibus *folia* fundit longa, sèna, octona, vel dena ( inquit *Lobelius* ) interdum etiam plura incerto numero, dodrantalia aut pedalia, duarum unciarum plerunque latitudine, *Cordo* acuto Rumici finilina, *Trago* & *Cæspino* spleni, vel linguæ cervinæ, imâ parte falcata: Lunæ modo corniculata, læto virore splendentia superne, inferne verò obliquis, pulverulentis areolis, ceu lumbricis ruffis [ *Cordo* flavis aut rubentibus, *Trago* subluteis ] virgata; sapore acerbo, odore *Dod.* graveolente. Color linearum in foliis averfis variat pro ætate; nam cùm primò erumpunt albida sunt, deinde cœrulescunt, postea paulatim ad ferrugineum tendunt.

Vascula hujus feminalia prout à *D. Grevio*, microscopio præstanti examinata describebantur, hujusmodi fuere. Unaquæque capsula seu vasculum seminale pediculo à semuncia ad unciam & amplius longo infidebat, crassitudine ad basin ( ut apparuit ) setæ equinæ duplâ, ad cacumen paulo crassiore. Capsula ipsa coloris erat argentei, magnitudine circiter officuli Cerasini, figuræ sphaericæ, valido tendine coloris aurei circumcincta. Tendinis hujusce superficies cochleam delicatam, seu vasa ligni aerea referebat. Quamprimum autem seu Aeris inclusi vi, seu aliter, tendo hic satis rigidus evadit diffiliens capsulam illico bifariam in duos scyphulos distrahit, & semina difficit. Capsula hæ in obliquis sulcis averso folio exaratis nascuntur, à semuncia ad unciam longis & circiter uncia partem latis. Singulis sulcis unciam longis plures 300 capsularum prædictarum innascuntur, ideoque si decem tantum semina singulis capsulis attribuimus, plus 3000 semina; quo numero in summam sulcorum ducto, & producto iterum in numerum foliorum quæ una radix plerunque emittit, exurget summa 1000000 seminum, pro annuo proventu unius plantæ.

*Locus.*

In umbrosis, uliginosis & saxosis, præsertim montanis, in omnibus ferè Angliæ provinciis oritur; in ipsis etiam puteis & specubus inter lapidum aut laterum commissuras non rarò exit.

Hæc herba in petrarum cavernis antrosisque cautibus enascens pusilla, tenera & mollicella evadit ob ventilationis defectum, unde nonnulli magni etiam nominis Botanici eam pro distincta specie, nimirum *Hemionitide vera* Dioscoridis habuerunt, & *Londinum*, *Mecbliniam*, &c. eo nomine in hortis plantandam miserunt. Hæc autem non ità multo post, libero aeri exposita, non mirabili aliqua metamorphosi, ut illi imaginati sunt, in Phyllitidem abiit, sed quod antea erat veram Phyllitidem se esse prodidit. Vide *Lobel.* Observ. pag. 469.

PHYLLITIS  
POLYSCHIDES.  
PHYLLITIS  
CRISPA.

*Phyllitidem polyschidem* sive *multisidam*, aliis folio laciniato aut digitato dictam, à vulgari Phyllitide specie diversam esse non libenter concesserim; quin potius lusus quidam naturæ aut accidentalis varietas esse videtur.

Ejusdem commatis esse puto & *Phyllitidem crispam*: Utamque pingit & describit *J. Banhinus*, utramque & nos vidimus Lutetiæ Parisiorum in horto Regio, elegantia & raritate spectabilem. Sive tamen specie, sive accidentibus tantum differant, tituli soli ad eas tum à vulgari Phyllitide, tum à se mutuo distinguendas sufficiunt, nec descriptione alia eis opus est.

*Vires & usus.*

Usus hujus plantæ præcipuus est in liene tumido, fluxu alvi, exputione sanguinis. Extrinsecus mundificat vulnera & ulcera. *Schrod.*

Pulvis herbæ exsiccatæ in palpitatione cordis, in suffocatione uterina, in motibus convulsivis mira præstat, si in cerevisia tenui, aut Zythogalo seu liquore Possèti nostratibus dicto, modica ejus quantitas propinetur, ut plurimis experimentis nobis constat: potest & è foliis virentibus conservari ad hos usus parari. Folia in vino pota serpentum moribus adversantur, autore Dioscoride.

In Catalogo Horti Regii Parisiensis præter superscriptas multas adhuc alias Phyllitidis varietates invenio quas à reliquis specie differre non puto.

\* 2. *Phyllitis Virginiana foliis quernis non descripta* Hort. Lugd. Bat.

Cum nec ab aliis descripta sit, nec mihi hactenus visa, de ea nihil dicendum habeo.

## CAP. II.

## De Hemionitide.

**H**emionitis seu Σπένιον Græcis, Latinis similiter Hemionitis, quasi Mulariam dicas & Splenium nominatur; quod ejus folia sicut & Phyllitidis Medicorum splenia, nimirum oblongas plagulas formâ imitentur. Quid si potius ab eorum usu quod spleni medeantur, siquidem ex aceto pota lienem absumunt, autore Dioscoride. C. B. Hemionitis autem dicta est hæc herba ob sterilitatem: Mulum enim parere pro prodigio olim haberi solet. Verum herba quæ à Botanicis pro Hemionitide traditur non magis sterilis est quàm Phyllitis aliæve Capillares, siquidem lineæ vermiculatæ similes in averfa foliorum parte eminent; imò nobis nondum planè constat an specie à Phyllitide differat, an accidentaliter tantum. Quinimo si verum sit quod scribit Dalechampius de Hemionitide multifida dicta, nullum unquam omnino pulvisculum averfæ ejus foliorum parti adnasci, potiori jure Hemionitidis titulum sibi vendicabit quàm planta hoc capite à nobis propofita.

\* 1. *Hemionitis vulgaris* C. B. major Ger. Park. *Hemionitis* J. B. Mules fern.

J. B.

Hemionitidis folium à Zuingero sibi datum his verbis describit J. Baubinus. Longitudo ejus quatuor erat unciarum, latitudo diametri ab una ad alteram appendicem ferè æqualis, figurâ quodammodo ad sagittam accedente: ipsum quoque folium in pyramidem fastigiatum circa ima utrinque appendicem insignem habet. Sinus circa pediculum qualis ferè Aristolochiæ rotundæ, quem folii prætensio quædam in angustum porrecta comitatur. Ipse pediculus videtur duarum unciarum esse, costam insignem per folii medii longitudinem emittens, à qua ab imo statim ad ambitum quaquaversum ipsæ etiam apophyses diriguntur. Parte adversâ in ambitum eminentiæ vermiculatæ apparent, quales in Phyllitide cernuntur, sed magis sursum spectantes; facies opposita glabra.

Aliorum descriptiones conveniunt, nec alias notas addunt, nisi quod radices è pluribus fibris tenuibus consistunt.

In Italia provenire dicitur, in rupibus nonnullis & saxorum interveniis. Nos eam Romæ circa Locum Amphitheatra antiqua frustra quaesivimus, loco à Matthiolo memorato, ubi eam minimè inveniri Lobelius etiam testatur.

An specie distincta sit à Phyllitide judicent quibus spontaneam videre contigit: nobis certè nec spontanea, nec culta hactenus visa est.

\* 2. *Hemionitis peregrina* Clusii & aliorum. Strange Mules fern.

Clus.

Hujus folia quaternorum digitorum transversorum, vel circiter trium unciarum longitudinem non excedebant, ferrei venabuli mucronis formam explicantia, inferiore basi, quâ suo petiolo sustinebantur, duplicem apophysin habentia, & extrema parte mucronata; parte internâ lavia & dilutâ viriditate prædita, externâ verò lineis seu versibus obliquis ex utraque nervi parte insignita, quemadmodum Phyllitidis folia. Radices illi nigrae, fibrosæ, quales in legitima Hemionitide.

Eruta fuit è veteris cujusdam Theatri ruinis Romæ. Naturæ lusus esse videtur hæc, non species Locus, Hemionitidis distincta.

Cæterum Hemionitis ex aceto pota lienem absumere dicitur, ut superius ex Dioscoride monuimus.

## CAP. III.

De Plantis quibusdam exoticis, Phyllitidi affinibus, quas sub Polypodii & Scolopendriæ titulis exhibet & describit Jacobus Breynius.

\* 1. *Polypodium Indicum Scolopendriæ facie primum* Breynii.

Breyn.

**R**adicem agit subdulcem, verrucosam, longè latèque sub terra repentem, instar Polypodii vulgaris, in qua folia multa, pediculis brevissimis insidentia exsurgunt, viridia, acuminata, pedalia & duplo longiora, pollices tres lata, Phyllitidis consistentiâ & figurâ, inferius autem



autem fastigiata, quorum longitudinem nervus crassus, averſa parte conſpicuus ac elatus percurrit, à quo ab imo ſtatim ad ambitum quaquaverſum ipſæ etiam apophyſes diriguntur. Flores Polypodii de more punctulis lanuginofis ſed nigris conſtantes, in prona foliorum parte proveniunt.

Cum huius plantæ folia conſiſtentia ſua & figurâ Phyllitidis folia referant, ſintque indiviſa; ex his notis obviis & maniſeſtis ego potius ad Phyllitidem eam retulerim quàm ad Polypodium, ob radicem repentem aut punctula lanuginofa, cum hæ notæ pluribus Capillarium ſpeciebus communes ſint. Atque hoc mutatis mutandis de ſequentibus etiam ſpeciebus dictum eſto.

\* 2. *Polypodium Indicum Scolopendriæ facie ſecundum Breynii.*

Breyn.

Radice nititur longiore, tenuiore ac magis albicante, minutoribus etiam tuberculis ac acetabulis præditâ: ex quâ folia pedalia longiorave, pediculis longis ſplendentibus ſuffulta, pronasuntur, Phyllitidis facie, in mucronem autem longiſſimum ſubinde convexum deſinentia, & juxta baſin faſtigiata. Horum nonnulla ad Hemionitidis propius accedunt, atque in lacinias tres diviſa ſunt.

\* 3. *Polypodii Indici ſecundi ſpecies altera Breynii.*

Breyn.

Aliam, inquit, adhuc ſecundi ſpeciem aſſervo, Folii in tres quoque lacinias diviſis, cujus lacinia media ſeu maxima in ambitu flammæ in modum laxè ferrata, vel potius undulata eſt: an autem ſpecies diverſa, aut idem Polypodium Indicum ſit ſecundum affirmare non audeo.

\* 4. *Polypodium Indicum Scolopendriæ facie tertium Breynii.*

Breyn.

Tertii radix nihil à ſecundi differt niſi quòd longior paulò, validior & ſaturatiore viriditate colorata. Folia pediculis brevioribus ſuffulciuntur, & non multò longiora quàm ſeſquipalmaria ſunt, duas circiter aut tres uncias lata, ſubſtantia & formâ Phyllitidis, ſed duriora, ſolidiora & reſuſa, Limonii Matthioli formam panè æmulantia. In huius ut & ſecundi foliis reſiccatis, quæ in Herbario aſſervamus noſtro, ſi Sole adverſo perſpiciantur, punctula innumera juxta extimam fibrarum criſpitudinem apparent, quæ flores imperfectos, in utero ante partum ſuffocatos arguere videntur.

\* 5. *Scolopendria Indiæ Orientalis Muſæ facie Breynii.*

Breyn.

Ex radice fibroſa, obſcurè cinereâ ſeu fuſcâ, & ex foliorum jam conſumptorum venis & nervis, qui materiam ferrugineam, levem, ſpongioſam, fibrarum putrefactorum tanta copiâ eâque figurâ offerunt, ut eos ante accuratiorem contemplationem radices muſcoſas & lanuginofas exiſtimarem: Ex venarum & nervorum horum reliquorum medio multa in orbem ordinata, Muſæ junioris non diſſimilia, pediculis fermè carentia prodierunt folia, tantâ longitudine quantam ferè cubitus, & latitudine quantam palma imò & ſeſquipalma implere ſolet; ſubſtantia Scolopendriæ, tenuia & membranacea, colore ex ſubalbido viridantia, & ad Olivarum conditarum vergentia. Horum quodlibet medium nervus, præter morem crasſus & validus, ex purpureſcente cinerei coloris, diſſecat, à quo rurfus utrinque innumerabiles, denſæ & ſubtiles venæ, linearum inſtar, in lateribus folii non nihil ſuſſum tendentes, in teneram uſque quâ cinctâ, ſimbriam ſparguntur. In centro verò foliorum juxta radicem hirsuties quædam rigida, atra & ſplendida, velut lana aduſta, in globum Juglandis magnitudine conglomerata, occultatur. An verò foliorum pars ſupina, Scolopendriæ in modum vulgaris, pulverulentis areolis ruſſis virgata ſit, hætenus nec quidquam, ut neque de natura & viribus percipere potui.

## SECTIO SECUNDA.

De Herbis Capillaribus, foliis ſimplici diviſura incifis, ſeu laciniatis tantum, ſive pinnatis.

### CAP. I.

#### De Polypodio.

Πολυπόδιον Græcis dicitur hæc planta, quia in radice ejus ſunt tubercula, acetabulis iis ſimilia quæ in Polyporum cirris apparent. Πίζα δὲ ὕψις δυοῖς, πλατὺς ὡς ἀντὶ πολὺν πῦρ ἔχει. Dioſcor. & Plinius Radix, inquit, acetabulis cavernoſa ceu Polyporum cirri. Hæc tubercula ſive acetabula ſunt veſtigia foliorum annuatim abſcedentium, ut Caſſalpinus loquitur.

A. 1. Polypo-

A. 1. *Polypodium* J. B. Ger. *vulgare* C. B. Park. *Polypody*.

J. B.

*Polypodii* radix obliquè sub terræ superficie reptat, altius fibras suas ex tuberculis, quibus plurimis scatet, demittens, ad crassitudinem ferè minimi digiti accedens, nunc tenuior, colore foris buxæo, intus ferè herbaceo, sapore dulci, tandem acerbo & adstringente. *Folia* ex transversa radice filicea, è foliis seu potiùs segmentis multis, gustu adstringentibus, non denticulatis, supernè virentibus, infernè ad nervi latera utrinque ordine quodam acervulis quasi pulvisculi rufi punctatis, etsi interim hoc non semper observetur, ad costam unam, media parte foliis viduam annexis, composita.

Hujus semina Microscopio inspecta tum figurâ suâ, tum colore à reliquorum *Capillarium* seminibus discrepare deprehenduntur; ceteris enim leucophais aut rubentibus, hæc lutea sunt, & ad modum Medicæ seminum reniformia.

Nascitur in muris antiquis & ædium tectis, in aggeribus terrenis, ad radices aut truncos arborum vetustarum, inque capitibus cæduarum *Quercuum* Salicùmve putrescentibus & carie exesis. Quod *Quercui* innascitur reliquis in medicina præfertur, & à nonnullis pro specie distincta perperam habetur. *Locus.*

Hujus radix medicamentis purgantibus accensetur: Educt autem bilem adustam ac pituitam lentam. Hinc utilissimum in obstructionibus Mesenterii, Epatis ac Lienis, & inde natis passionibus, hypochondriorum, Scorbüticis. Rarò autem solum datur, sed aliis purgantibus ferè admiscetur, & quia segniter purgat, plerunque in decoctis vel infusionibus, rarò in aliis formulis adhibetur. *Schrod.*

Dodonæus *Polypodium* per se haudquaquam purgare scribit, sed ex jure veteris galli, cum Beta aut Malva aliisve lubricantibus alvum decoctum ad alvi lenitionem nonnihil tantummodo conferre. Nonnulli Cumini sativi seu Romani, Fœniculi & Anisi semina, cum radice *Polypodii* & Zingibere, in minutas partes conficissis, æquali pondere, cum vetulo gallo gallinaceo decoquunt, posteaque jusculum hoc colicâ passione laborantibus exhibent. Estque decoctio hæc medicamentum certè perquam utilissimum torminibus ventris. Radicis pulvis drachmæ pondere ad minus ex aqua mulla potus, ita tamen ut post tribus aut quatuor horis jejunes, isdem pollet viribus quibus & decoctio jam dicta: idem per aliquot dies exhibitus, addito, si placet, cremoris Tartari & Cassiæ lignæ tantillo, ad lienem tumidum, icterum & hydropem remedium est præstantissimum. *D. Bowle.*

Aqua destillata ad febrem quartanam, tussim, asthma, & pulmonis affectiones, adversus melancholiam & gravia ac molesta insomnia aliquot dies continuos bibita facit. *Trag. Turnerus* ad quartanam & melancholiam magis probat decoctum radicum ex vino, saccharo ac melle dulcoratum, quàm aquam stillatitiam, nec sine ratione: imò tam hujus quàm aliarum plantarum efficacior *Turnero* videtur succus aut decoctum quàm aqua stillatitia: cui & nos libenter suffragamur.

Decoctum *Polypodii* in cura Arthritidis universalis apud Menapios aliòsque Rheni & Mosæ accolæ in usu esse scribit Dodonæus, quem consule.

*Polypodium* Quernum Dioscorides luxatis efficaciter imponi, & adversus rimas digitorum, [cubitorum & digitorum in pedibus *Plinius*] scribit, [radicem nimirum tritam.] Aridæ radicis farinam naribus inditam *Polypum* consumere scribit *Plinius*.

A. 2. *Polypodium* Cambro-britannicum pinnulis ad margines laciniatis.

Hujus folium bene asservatum nobis communicavit ingeniosissimus Vir, & rei Herbariæ peritissimus D. *Hans. Sloane*, M. D. Erat illud dodrantali minimum longitudine, latitudine quincunciali ferè, pinnulis seu laciniis ad utrumlibet costæ seu nervi mediæ lateris adnexis circiter septendecim, non ex adverso binis, sed alternatim sitis, ex angustiore principio seu cervice adèd circa mediam longitudinem dilatatis, ut sibi mutuo incumbere, & admodum crebræ & confertæ apparerent, deinde in acutos apices contractis. Singulæ autem pinnulæ utrinque ad margines in crebras laciniolas acutas satis profundè incisæ erant, quo à *Polypodio* vulgari differt.

Rupi cuidam adnascitur in sylvâ propè Arcem *Denis Powis* dictam tres mille passus à *Cardiffâ* oppido in Glamorganensi comitatu Walliæ; ut nobis retulit D. *Newton*. *Locus.*

\* 3. *Polypodium* Ilvense Lugd. J. B. An *Lonchitis aspera Maranthæ*?

Lugd.

Ilva Tyrrheni maris insula *Polypodium* hoc gignit, quod Hist. Lugdunensis autor ab aliis diversum facit, sicuti etiam à *Lonchitide aspera Ilvensi*, seu *Maranthæ* separat. Nascitur autem in faxis, radice ut in aliis generibus velut *Polyporum* cirris nodosâ, fibratâ; caulibus pedalibus è ruffo nigrescentibus, infernè hirsutis; foliis oblongis pinnatis, æquali situ in caule dispositis, alterâ parte virentibus, alterâ pulvisculo obfritis, gustu subdulcibus & nonnihil austeris: nullo flore, nullo semine [nudo oculo conspicuo.]

Hanc plantam C. *Baobinus* *Lonchitidis asperæ Maranthæ* eandem facit, & *Lonchitidem folio Ceterach* appellat. J. *Baobinus* dubitat an sit eadem necne; Parkinsonus nostras diversam putat, si modò radix rectè depicta sit crassa & oblonga, quæ *Lonchitidi* fibrosa est. Nobis non constat, in C. *Baobini* tamen sententiam magis propendimus. Quibus insulam Ilvam adire & lustrare contigerit, plantam hanc inquirent, & cum *Lonchitide Maranthæ* diligenter conferant.



- \* 4. *Polypodium exoticum foliis Quercus* C. B. Pol. Indicum Clus. J. B. Park. Indian Polypody.

Clus.

Unde Clusius hanc plantam nactus sit apud ipsum vide: eam autem sic describit.

*Radice* nitebatur sex uncias longâ, unam panè crassâ hirtâ, quemadmodum Europæi Polypodii radices ferruginei coloris, & eodem modo summâ tellure oblique repente, è qua terna prodibant *folia*, quorum tertium reliquis duobus minus, bina autem majora undecim uncias longa erant; à medio verò nervo satis crasso folii longitudinem secante utroque latere in quinque panè unciarum latitudinem expansa, per oras laciniata, ad instar foliorum *Quercus* in novellis furculis natorum, quæ plerunque ampliora iis quæ in vetustis ramis nascuntur esse solent. E medio illo nervo alii minores in lateribus oriebantur usque ad laciniarum extrema protensi; inter quos multiplices venulæ, reticuli instar contextæ, & sese invicem secantes excurrerant, quæ magnam venustatem folio conciliabant. Firma autem erant ea folia, coloris ex spadiceo fusci, qualis in *Quercus* ficcis foliis conspicitur; infima parte brevi pediculo è radice emergentia, etiam aliqua ex parte eam tegentia, quia statim ab ortu in latera se spargebant. *Radix* manducata Polypodii saporem quodammodo retinebat, minùs tamen dulcem sed levi quadam acrimonia præditum, quem ex calidioris regionis in qua planta nata intemperie, aut ex vetustate forsân contraxerat.

Filicis cujusdam Indicæ Polypodii facie iconem exhibet Christ. Mentzelius in pugillo rariorum plant.

## C A P. II.

### De Lonchitide.

**L**onchitis Dioscoridi duplex est, altera foliis Porri, quam solam Plinius novit, cujus semen triangulum & lanceæ cuspidi simile, unde etiam planta ipsa sibi cognomentum arrogavit; altera quam alii asperam dicunt, folia proferens Scolopendrii, sed asperiora, majoraque, ac multò magis divisa, quæ hujus loci est. Hæc fortè (inquit C. Bauhinus) à λόγχη [lancea] dicitur, eò quòd folia instar lanceæ in acutum desinant.

- A. 1. *Lonchitis aspera* C. B. asp. major Ger. asp. major Matthiolo Park. altera *Am folio denticulato*, sive Lonch. altera Matthioli J. B. *Rough Spleenwort with indented leaves.*

J. B.

Unius & ejusdem plantæ nulla est foliorum diversitas & lusus, ut in Lonchitide aspera vulgaris: pinnae ad costam ligatæ non penitus adnascuntur, sed brevi hærent pediculo, in ima summâque ala breviores quàm in media [longissimæ unciam excedunt] formâ falcatâ, gibbo deorsum spectante, longitudine circiter unciali, latitudine minimum duplâ ad Lonchitidis vulgaris segmenta, & denticellis spinulis similibus circumquaque exasperatæ, subtus ferrugineo pulvere obductæ. In hac planta præcipue notabilis est processus quidam seu auricula, ad basin uniuscujusque pinnae à latere superiore seu à radice remotiore secundum costam seu nervum folii medium productus; quo Filicem nostram non ramosam pinnulis latis auriculatis spinosis imitatur. Folii pediculus musco quodam ferrugineo obfusus est.

Locus.

Plantam hanc in summis jugis montis Juræ circa *Thuri*, & alibi in Alpibus invenimus: quin & Baldi montis incola est: Reperitur etiam Monspelii in montibus circa Gangem, J. Bauhino teste.

2. *Lonchitis aspera* Ger. aspera minor C. B. Park. altera folio Polypodii J. B. *Rough Spleenwort.*

J. B.

E radice nigra villosa, compacta, ac cespitis instar contexta supra sexaginta aliquando folia prodeunt, primo exortu Linguae cervinae modo recurva, postea cum se explicaverint non tam lata quàm illius, sed adstrictiore apparent, & ubi excreverunt in ambitu in terram reclinantur, pedalia aut cubitalia, nigris propter terram pediculis, quorum primæ cæsuræ Asplenii folium satis exprimunt, superiores ad summum usque fastigium ad Polypodium accedunt, sic tamen ut maxima segmentorum (quantum hætenus animadvertem) longitudo vix sit uncialis, ambitu æquali, nec denticulato, nec alia ratione ulla incisio. Horum in medio aliud surgit foliorum genus, quæ recta, longiora, raris cæsuris, satisque longo intervallo distantibus scalarum gradus imitantur, averfa parte pulvere Filicum ferrugineo aspersa.

Locus.

Struthiopteris Cordi.

In humidioribus, nemorosis, asperis & ericetis provenit copiosè per totam Angliam.

Dubitat J. Bauhinus An Struthiopteris Cord. Hist. huc referenda sit: C. Bauhinus distinctam Filicis speciem facit sub titulo *Filicis palustris alterius, subfusco pulvere hirsutæ*: & tamen quoad iconem Struthiopteris Cord. hujus synonymam facit. Nos quoniam non libenter Entia sine necessitate multiplicamus, Struthiopteris illam pro una & eadem cum Lonchitide hac plantæ specie habemus.

Herbain

Herbam esse vulneribus glutinandis lienibusque absumendis idoneam docet Matthiolus, illis enim imposita cum aceto trita ne inflammentur vulnera impedit.

- \* 3. *Lonchitis aspersa Maranthæ* J. B. Clus. Park. Ger. *Lonchitis folio Ceterach* C. B. *An Polypodium Ilvense* Lugd. ? *Marantha's rough Spicentwort*.

J. B.

A superioribus duabus haud obscure differt ista, toto habitu alia: rami dodrantes (ut in nostra planta sicca observavimus) in spadiceo nigricant splendentque, ex ruffa lanugine prodeuntes, cui longæ nigræque capillares fibræ subjectæ. Nudi supra medium sunt rami, inde verò summo tenus breves exeunt pediculi, foliis cincti, quæ avulsa planè dicas Asplenio, Ceterach vulgò dicto, detracta, tam arcta est similitudo divisionum, lanuginis parte inferiore, foliorumque in Scolopendræ formam convolutionis. Camerario radix nigra cirrosaque.

In Stiriacarum Alpium jugis, locis editis & saxosis, vel in nemoribus aspero loco nascitur. *Locus.*

Clus.

Cum C. Baubinus Polypodium Ilvense Lugd. Lonchitidi asperæ Maranthæ eandem faciat, nec abnuat Joannes frater, his potius accedimus quàm Parkinsono, qui diversam plantam statuit. Vide supra Polypodium Ilvense.

- \* 4. *Filix Zeilanica Lonchitidis facie* Breynii.

Sesquipedales interdum surrigit caules, in quibus folia falcata Lonchitidis asperæ majoris Matthioli, sed majora multò atque latiora.

### C A P. III.

#### De Asplenio five Ceterach.

**A** Splenium Ἀσπλίνιον Græcis ab ἀ privat. & σπλῶ dicitur, quia lienem absumere creditur. Eadem Scolopendrium dicitur à foliorum incisuris Scolopendræ animalculo similibus; vel, ut alii volunt, quòd contra morsus Scolopendræ & aliorum reptilium venenatorum conducit. Asplenium Ἀσπύνη dici Dioscorides scripsit. Nomen illud impositum quòd cum Filice aliquam habeat similitudinem: vulgo Ceterach vocant, quam vocem à Pteryga manasse volunt, P. in C. mutato, ut aliàs sæpe: sic ex Pteryga Ceterga & corruptè Ceterach. *Bodæ. à Stapel. in Theophr. Hist.*

- A. *Asplenium five Ceterach* J. B. Ger. Park. *Asplenium five Scolopendria, Ceterach Officinarum* C. B. *Spicentwort* oz *Spiltwaß.*

J. B.

Capillaribus filamentis, nigricantibus, perennibus contexta est radix; ex qua Folia plurima, haud temere supra digitum longa, brevibus pediculis appensa exurgunt, falcatis utrinque incisuris Polypodii, sed longè brevioribus, licet aliquanto latioribus interdum divisa, pinguiuscula, supernè viridantia, infernè lanuginosa, ruffa farinâ aspersa. Ea (inquit Dodonæus) cum inarescunt complicantur, & in teretem figuram contracta, forisque hirsuta Scolopendræ familia apparent. [ Nobis potius ob foliorum segmenta utrinque Scolopendræ incisuris quibus pedes annexi sunt aliquatenus familia Scolopendrium dictum videtur. ] Saporem folia adstringentem, & aliquantulum tenuem habent.

Folia in hac plantula vix unciam lata sunt, laciniata potius quàm pinnata, siquidem incisuræ ad mediam costam vix pertingunt: laciniæ autem seu divisuræ non conjugatim sed alternatim digestæ sunt, suntque breves & obtusæ.

Seminales efflorescentiæ in aversa foliorum parte non in punctula seu lineolas divise sunt, sed continuæ, tum colore tum asperitate corii densati & præparati superficiem interiorem quodammodo referentes. Hæ microscopio spectatæ ab aliis omnibus diversæ apparent, jucundissimo spectaculo oculos animùmque exhilarantes: in harum enim fabrica & constructione curiosissimum & fidem panè omnem, nè dicam imaginationem superans, in tam contemptæ præsertim parvitatibus plantulâ, naturæ artificium & ingenium elucet: siquidem hæ velut membranulæ quædam tenuissimæ, quales sunt muscarum alæ, apparent; variis figuris, ut ita dicam, reticulatæ, favorum cum cellulis melle repletis & cerâ obturatis speciem exhibentes, inter quas velut in totidem cellulis vascula seminalia, qualia superius descripsimus, disponuntur. *W.C.*

In saxorum crepidinibus, inque vetustis muris, in Occidentali Angliæ parte abundè provenit, *Locus.* v. g. circa *Bristolium* urbem & in rupe *S. Vincentii* dictâ inter saxa.

Hujus foliorum decocto in aceto per quadraginta dies potio lienem absumi aiunt. *Plin. Diosc. Virg.* Stranguriæ quoque, singultui & morbo Regio auxiliatur folia, calculosque vesicæ comminuunt: non danda sceminis quoniam sterilitatem faciunt. *Iidem.* Usus præcipuus est in Liene tumido, exputatione sanguinis, fluxu alvi. Extrinsecus mundificat vulnera & ulcera. *Schrod.*

Tradit Matthiolus aureum illum pulverem, qui invenitur in aversa foliorum parte ʒj. cum albi Succini farinæ ʒʒ. ex succo Portulacæ aut Plantaginis potum gonorrhœâ laborantes mirificè juvare.



## CAP. IV.

De *Chamaeflice marina*.

**H**Æc tùm à Polypodio tùm à Lonchitide in multis differt, ut descriptiones conferenti patebit; proinde caput peculiare ei assignavimus.

A. *Filix marina Anglica* Park. *Chamaeflix marina Anglicana* J. B. *Filicula petraea femina*, sive *Chamaeflix marina Anglica* Ger. emac. *Filicula maritima ex insulis Stæchadibus* C. B. *Dwarf Sea-fern*.

E pusilla, autore Lobelio, multis implexa cirris, & compacta radice Trichomanis foliola exeunt binum ternumve (imò quaternum aut quinum) unciarum, rigida, carnosa, numerosa, atro-virentia, lucida, [supina parte intellige, nam pronâ pallidiora sunt] octo aut novem pinnarum, (quæ tamen non ex adverso respondent sed alternatim adnascuntur) paribus composita. Pinnæ autem singulæ non immediatè annexæ sunt, ut in Polypodio, sed brevibus pediculis intercedentibus, semunciam longæ, latiusculæ, mucronibus obtusis, circum oras crenatæ, lituris averfa parte extantibus ferrugineis. Supremum folium in acutum mucronem procurrit. Pediculi & medius nervus sericeo nitore ex fusco lucent.

Locus.

E saxorum rupiumve interveniis, ut rectè Lobelius, enascitur ad maris litus, in Occidentali & Meridionali Angliæ latere, ut v. g. in insula *Prestholma* propè *Bellum mariscum* Angleseia oppidum, ad *Llandwyn* vicum in eadem *Angleseia* seu *Mona* insula Taciti: in muris templi *Aberdaensis* in *Carnarvia* comitatu: in rupibus propè *Hastingæ* arcem jam dirutam in *Sussexia*.

## CAP. V.

De *Trichomane*.

**T**ΡΙΧΩΜΑΝΙΣ Græcis à vi sua dicitur, quòd rara cute fluentem capillum expleat & subnasci faciat: *μαρὸν* enim illi rarum vocant, & *τρίχον* capillum, C. B.

A. *Trichomanes* Park. *mas* Ger. *Trich.* sive *Polytrichum* J. B. *Trich.* sive *Polytrichum Officinarium* C. B. *English black Maiden-hair*.

J. B.

Capillatâ nigricantèque radice & conferta nititur. Foliola habet ad costam, pedalem interdum, sæpius breviorē & semipedalem aut digitalem, teretem, rigidiusculam, fragilem, nervulo albo farctam, atro-rubentem splendentemque adnexa, plurima, impari folio extremam alam claudente, parva, semuncialia, in ambitu nunc crenata, nunc nullis crenis conspicua, interdum crispa, superne virentia, inferne ruffo pulvisculo aspersa, sapore mixto, adstringente, subdulci, amaro. Folia integra Viciæ aut Securidacæ aut terrestri Tribuli folia referunt.

Locus.

In umbrosis aggeribus & antiquis muris, inque petris umbrosis & roscidis magnus ejus per totam Angliam est proventus; nec minor in regionibus transmarinis.

Vires.

Officinis nostris Adianti veri seu Capilli Veneris, (qui in Anglia non invenitur spontaneus) succedaneum est & eisdem viribus pollere creditur; quin & Tragus easdem facultates ei attribuit. Vino aut hydromelite decocta herba, & per aliquot ex ordine dies pota obstructions jecinoris solvit, morbum Regium expellit, pulmonis vitia expurgat, spirandi difficultati prodest, melancholiam per urinam ducit, tumores Lienis duos emollit, calculos trahit, & venenum haustum, mulierumque menses expellit. Rursus prædicta decoctio, herba pulvis, necnon ex ipsa confecta eclegmata, syrupi, aqua denique destillata quasvis alvi fluxiones inflammationesque jecinoris refrigerant. In lixivio decocta folia, si caput eo abluatur, defluentes capillos continent, ictibus serpentum medentur aliorumque animalium morfib. Pastores quidam in medendis porcorum affectionibus Trichomane utuntur, singulari experimento.

Sed periti judicent (inquit *J. Baubinus*) an herba adstringentes, frigida & sicca possint ea præstare quæ hic prædicantur de Trichomane. Vires præcipuæ hujus plantæ, de quibus inter medicos ferè convenit sunt vitis pulmonis & thoracis auxiliari, calculo renum & urinæ stillicidio subvenire.

TRICHO-  
MANES RA-  
MOSUM.  
TRICHO-  
MANES MI-  
NUS ALBUM.

*Trichomanes ramosum* *J. Baubino* aliisque depictum pro luxuriantis naturæ lusu habeo non pro specie Trichomanis distincta.

*Trichomanes minus album* ejusdem *Baubini* accidentaliter potius quàm specie à vulgari Trichomane differre arbitror. Est autem eo mollius, tenerius & albidius, foliolis nonnihil sinuatis, pediculis inferna parte nigricantibus, radicibus capillaribus.

Duas præterea hujus plantæ varietates in Scotia observavit *D. Sibbaldus*; alteram foliis mucronatis profundè incisis; alteram foliis crenatis.

## CAP. VI.

A. *Adiantum petraeum perpusillum Anglicum foliis bifidis vel trifidis Newtoni.*

**P**lantula est uncialis aut fescuncialis, à D. Jacobo Newton observata in rupibus quibusdam udis, propè summas partes montium altiorum, *Hardknott & Wrenose* verticibus dictis proximorum, inter muscos breves Iulio mense Anni 1682.

E radice tenui, capillacea & (ut mihi videtur) repente folia edit uncialia aut paulò longiora, quorum pediculi & nervi medii tenuissimi pariter & planè capillacei, tribus quatuorve hinc inde adnascentibus foliolis bifidis trifidisve, seu potiùs foliolorum pinnularumve angustarum, oblongarum, obscurius virentium paribus aut ternionibus, non ex adverso binis, sed alternatim positis alati. Extrema costa, ut in hujus generis reliquis in folium terminatur.

Hanc ipsam plantulam ante aliquot annos à D. Daire Pharmacopœo Londinenfi propè *Tunbri-giam* oppidum in Cantio, inventam fuisse audio.

D. Plucknet M. D. in averfa foliolorum parte vesiculas quasdam adnascentes microscopio detexit, quæ proculdubio vascula seminalia sunt.

## CAP. VII.

A. *Filix saxatilis Tragi J. B. Park. Adiantum aeneisæ seu furcatum Thal. Filix saxatilis V. five corniculata C. B. Horned or forked Maiden-hair.*

**I**nnumeris capillaribus, nigricantibus cirris radicator; nec minorem numerum coliculorum profert, palmum altorum, capillaceæ quoque tenuitatis, qui circa summum in duas trêve portiunculas, paulò latiores & ferrugineo pulvisculo, Filicum aut Asplenii ritu, resperlas finduntur. Summitates hujus plantulæ & segmenta recurva sunt & deorsum nutant.

In rupium fissuris propè Rhenum fluvium in Germania primò hanc observavimus, postea in Italia locis petrosis; tandem *Tho. Willisellus* in Vivario ferarum Edinburgenfi in rupibus nascentem observavit & ad nos detulit.

Adiantho albo dicto seu Rutæ murariæ colore & consistentiâ, texturâque foliorum simile esse videtur.

## CAP. VIII.

*Filices quædam exoticæ à Jacobo Breynio descriptæ.*

\* 1. *Filix non ramosa foliis integris serratis Brasiliæ Breynii. Filix an Polypodium Marggrav.*

*Marg.*

**H**erba est unico canle assurgens in trium circiter pedum altitudinem, recto, continente folia sibi invicem opposita [seu potiùs alternatim posita] circiter quatuor digitos longa, angusta, acuminata, & in ambitu subtilissimè serrata, atque postica parte secundum nervum in longitudinem ubique brunna aspergine variegata.

\* 2. *Filix non ramosa foliis integris non serratis maxima Indiæ Orientalis Breynii.*

*Breyn.*

Omniùm est maxima, ut quæ viri altitudinem superet. Hæc à Bontio sub nomine Phyllitidis figuratur.

\* 3. *Filix non ramosa foliis integris serratis, Capitis bonæ spei Breynii.*

*Breyn.*

Medium inter Filicis non ramosæ foliis integris serratis Brasiliæ jam descriptæ & Zeilanicæ proximò in loco describendæ faciem obtinet.

\* 4. *Filix non ramosa foliis integris serratis Zeilanica Breynii. An Phyllitis ramosa Alpin. exot ?*

Cum Hemionitide altera Dalechampii adeò convenit, ut ab eadem nonnisi in foliis, quæ majora & argutiùs crenata, sit discernenda.

Hæc planta eadem videtur Phyllitidi ramosæ *Prosp. Alpini*, quam in libro de Exoticis describit. Phyllitidem illam ramosam Hemionitidi alteri Dalech. eandem esse puto. Quâ in sententia Catalogus hort. Pat. me confirmat, qui hanc illi synonymiam facit. Patavini enim Phyllitidem ramosam Alpini proculdubio optimè nôrunt.

\* 5. *Filix*



\* 5. *Filix non ramosa foliis integris non serratis Zeilanica minor* Breynii.

*Breyn.*

De hac, inquit, caulem accepimus præcedenti similem, pedalem, foliis verò multò crassioribus atque solidioribus, magis venosis, & in mucronem obtusum exeuntibus, in quibus crenæ nullæ conspiciuntur.

## CAP. IX.

\* *Polypodium Brasilianum* Marggravii.

*Marggr.*

**E** Radice octo aut novem dig. longâ, nodosâ, digitum crassâ subruffo musco obductâ, interius ex albo flavescente, saporis subdulcis cum quadam austeritate, succulentâ, ascendit *caulis* tres aut quatuor pedes altus, striatus, contortus, niger aut ruber, qui in summitate multa habet *folia*, bina sibi directè vel alternatim opposita, quatuor circiter digit. longa, plus digit. lata, latè viridia, mollia, nervo obscurè ruffo secundum longitudinem: juxta quem in utroque latere inferiori quadruplex series punctorum pulveris lutescentis è ruffo conspicitur; & inter punctula à nervo per latera transversim multæ tenues venulæ virides.

\* *Lens palustris latifolia punctata* C. B. Park. *palustris Patavina* J. B.

Ob *folia* ad unam costam longiusculam utrinque alæ in modum adnata, superius punctata, inferius musco obducta vasculis etiam feminalibus adnascantibus, huic generi accensenda videtur.

## SECTIO TERTIA.

*De Herbis Capillaribus foliis semel subdivisis.*

### CAP. I.

*De HEMIONITIDE multifida dicta.*

**P**LANTA hæc, si figuras & descriptiones ejus quæ apud Botánicos extant attendas, ad hoc genus non pertinet, sed ad præcedens. Verùm adultioribus plantis folia subdivisa esse, non simpliciter pinnata *Auricula* certior magistra nos edocuit: proinde in hac sectione primum ei locum dedimus, ut si quis velit præcedenti adjungat. Fortè enim duæ ejus habentur species, altera folio pinnato tantum, altera folio furculoso seu semel subdiviso.

*Hemionitis multifida* C. B. *Hem. altera Dalechampii, Filici floridæ similis* J. B. *Hem. Ilvensis Dalechampii, multifido folio* Park. *Branched Adules Fern.*

In Ilva provenit *radicibus* multis capillacea tenuitate, brevibus, subnigris: *cauliculis* pedalem altitudinem vix attingentibus, in folia septem ferè aut novem divis, quorum quaterna, senave utrinque caulem pari ordine vestiunt, terna verò in summo caule extantia inferiorum foliorum versum claudunt. Sunt autem ea omnia longa, angusta, in ambitu nonnihil crenata, obliquis incisuris utraq; parte distincta, quas per medium folium procedens & eminens costa separat. *Flos* ei nullus, nullum semen, atque adeò ne averfam quidem foliorum partem subflavus pulvisculus contegit qui in aliis id genus plantis cernitur.

Descriptio est Dalechampii: verùm non in Ilva tantum provenit hæc planta, sed & in variis locis Regni Neapolitani. Nos eam observavimus propè Salernum, itémque propè Neapolin in viâ umbrosâ, quâ ab urbe ascenditur ad Camaldulensium cœnobium, copiosè. Quinetiam folia ei cum adultior est subdivisa esse observavimus, & non simpliciter tantum pinnata.

Si nullus unquam omnino pulvisculus foliis averfis adnascatur, summo jure Hemionitidis titulum sibi vendicat hæc species; verùm hoc perpetuum esse in foliis omnibus ut credam ægrè à me impetrabit Dalechampius, quamvis in iis etiam quos ipse collegi ramulis nullus cernatur: fortè ferius & post solstitium æstivum erumpit; fortè rarior est, & paucis duntaxat plantis accrescit: fortè etiam semina seorsum in peculiaribus furculis nascuntur, quemadmodum in *Osmunda regali*, cui hæc planta similior est quàm cuivis alii Filicis speciei.

Parkinsonus

Parkinsonus iconem *Lugd. Hist.* sub titulo Phyllitidis ramosæ Alpini exhibet, & pro Hemion. Ilvensi Dalechampii novam proponit, quæ quidem plantam à nobis observatam in agro Neapolitano melius refert.

Phyllitis autem ramosa Alpini ab hac planta non videtur differre, & ut video, Catalogus *Hort. Pat.* hanc illi synonymiam facit.

## CAP. II.

## De FILICE MARE dictâ seu non ramosa.

**F**elix Græcis Πρίεϊς à πρίεϊν ala dicta est, quia Folia ejus in ramulis seu potius pediculis disposita alarum speciem referunt. *Folia habet lateribus pennata, unde nomen Græci imposuere. Plin. lib. 27. cap. 9.* Etymon.

Felix Latinis à findo nonnullis dicta putatur, quòd folia habet minutim fissâ & divisa. Haud dubito (inquit *Vossius* in Etymolog.) quin à Πρίεϊς derivata sit vox hæc [quæ in libris antiquis *Felix* etiam scribitur] eliso scilicet τ, ut in *pinso* à πίνω, τ in f mutato, ut in *fido* à Πίδω, *Trophæum* à τροφῆαιον, &c. & ε in λ, ut in *paulum* à πάλω, *Lilium* à λείων, &c.

Duplex est Græcis & Plinio, mas & fœmina. Nos Filicem non ramosam marem facimus ad aliorum imitationem, ramosam fœminam.

- A. 1. *Felix mas vulgaris* Park. *Felix non ramosa dentata* C. B. *F. vulgò mas dicta, sive non ramosa* J. B. *F. mas non ramosa, pinnulis latis, densis, minutim dentatis* Ger. emac. **Common male fern.**

*J. B.*

Mense Aprili, autore Trago, aliquantò seriùs apud nos, multos promit asparagos, primò exortu inflexos (ut in aliis Filicibus ferè fit) cano capillitio obductos; atque ii progressu temporis abeunt in folia ampla, bicubitalia, crebra, recta, frangi facilia, diluto colore virentia, ferruginea lanugine averfa parte hirsuta, aliis seu tarsis ex quibus componuntur mediæ costæ alternatim adnascensibus, non conjugatim, longiùs distantibus quàm in proximè sequenti, in pinnulas seu cristas latas, & latâ basi nervo tarfi medio adnascens, obtusas, circa margines dentatas divisas. Linea nigra nervum uniuscujusque alæ medium supernè producta notat. Singulæ pinnulæ supina parte venulis insignes sunt, pronâ duplici ordine punctòrum ferrugineorum.

In hac specie costa folii media musco ferrugineo, minùs tamen copioso quàm in sequenti, obducitur; alæ ex quibus folium componitur longiores sunt, adeoque folium totale multò latius. Locus. Vires.

In aggeribus sepium præsertim umbrosis ubique invenitur.

Radix hujus generis mulieribus inimica censetur, sterilitatem enim facit, conceptionem impedit, abortum caulat, quemadmodum & Filicis fœminæ. *Theoph. Diosc. Plin.*

Quòd si equus conciderit, nesciatùrque qua aegritudine laboret, particula hujus radices linguae subjiçiat, quo facto equus confestim utrinque depiciet excrementa, rursusque consurget; id quod ipse ita habere comperi, inquit Tragus. Credat qui volet, quique credit experiatur.

Cæterum planta hæc cum Filice fœmina vulgari viribus convenit: peculiariter tamen Rachitidi morbo dicto confert.

\* *Felix Brasiliæ Marggravii.*

*Marggr.*

In duorum, trium aut etiam quatuor pedum altitudinem assurgit: *caulis* quadratus ex ruffo nigricans splendens, lanugine ruffa obductus. *Folia* ejus alata sibi invicem alternatim opponuntur, quinque aut sex dig. longa. *Foliola* autem alæ sunt tenera viridia, itidem alternatim opposita, in ambitu subtiliter ferrata: in uno autem latere cujusque folioli pulvis secundum oram folioli in longum adpendet ruffus.

Nascitur ubique in Mediterraneis.

- \* 2. *Felix mas non ramosa Zeilanica, foliis integris Filici vulgari similis* Breynii.

A filice vulgari eo tantum differt quod alarum cristæ aliæ aliis annatæ sunt.

- A. 3. *Felix mas non ramosa pinnulis latis auriculatis spinosis* Ger. emac. *An Felix mas aculeata major* C. B. prod?

Radix huic non admodum crassa, foris nigricans, intus lutea, fibris tenuibus, nigricantibus terræ firmiter adhærescens, *folia* tria, quatuor, vel quinque quotannis produçens, cubitalia & longiora, adeò ut in adulta planta. Filicis maris vulgaris foliis longitudine ferè paria sint, quamvis iis latitudine multum cedant. Pediculus, idemque costa folii mediæ, per totam longitudinem musco ferrugineo obducitur: tarfi seu alæ utrinque eidem adnascens breviores sunt quàm in Filice mari, vix palmum longæ, non ex adverso respondentes, sed alternatim sitæ. Pinnulæ è quibus tarfi componuntur alternatim pariter angustis pediculis mediæ tarfi costæ adnectuntur, à se mutuo non multum distantes, breves, latæ, circa margines dentatæ, summitate uniuscujusque in spinulam terminatæ.



minatâ, & interdum etiam denticulis reliquis. Verum (quod præcipue notabile est) pinnulæ, præsertim costæ folii contiguæ, imâ parte, è latere à costâ dictâ remotiore processum ceu auriculam quandam obtinent, in spinulam terminatam. Folia hujus plantæ glabriora sunt, spissiora & lucidiora quàm Filicis maris vulgaris. Lonchitidi asperæ majori Matthioli perfimilis est foliorum seu pinnularum consistentiâ, glabritie, processibus auricularibus, denticulis spinosis, toto denique habitu; differt eorundem compositione.

Locus.

In umbrosis sepium aggeribus, locis præsertim humidis & petrosis frequens oritur per totam ferè Angliam. Miror eam exteris scriptoribus minimè descriptam aut depictam fuisse; nisi fortè sit Filix mas aculeata major C. B. prod. qui tamen auricularum in pinnis non meminit.

A. 4. *Filix mas non ramosa pinnulis angustis, rarior profundi dentatis* Ger. emac. *Male fern with thin-set deeply indented leaves.*

Radicibus cum reliquis sui generis convenit. Caules seu potius folia sesquicubitalia sunt & longiora, erectiora. Tarsorum seu alarum triginta interdum in uno folio paria sunt: qui in medio folio longissimi sunt sesquipalmares, pinnulis utrinque circiter triginta componuntur. Neque tarsus, neque pinnulæ ex adverso oppositæ sunt, sed alternatim sitæ. Tum tarsus, tum pinnulæ in acutos mucrones exeunt. Hæ autem oblongæ sunt, angustæ, raræ nec sibi invicem contiguæ, denticulis mollibus non pungentibus profundè incisæ. Nullæ in pinnulis venæ aut fibræ ut in præcedente apparent. Ima pars scapi ad tertiam fere totius longitudinis partem nuda est, muscosis squamis obducta. Pinnulæ ut in aliis speciebus averfa parte duplici punctorum ferrugineorum ordine donatæ sunt. Plurima ex eadem radice (vetustiore intellige) exeunt folia.

In palustribus, humidis & umbrosis non rarò invenitur.

\* 5. *Filix mollis sive glabra vulgari mari non ramosæ accedens* J. B.

J. B.

Rectis surgit & simplicibus pediculis Filicis vulgaris in modum, sed glabris penitus, omnique hirsutie destitutis. Tarsi particulares in segmenta dividuntur duplo ferè longiora, longius multò ab invicem distantia, mucrone acutiore, modò æqualibus marginibus, modò obiter profundius incisus, nullo tamen ordine ferratis aut dentatis. Hanc speciem mollities & segmentorum varietas à vulgari Filice mare distinguit.

Locus.

Circa Tigurum collegit J. Baubinus.

\* 6. *Filix Lonchitidi affinis* J. B.

J. B.

Lonchitidi filicifoliæ similis est: pediculi tamen glabri sunt, plures, unde ex adverso positæ oriuntur alæ palmares & sesquipalmares, quarum unaquæque in cristas unciales & fescunciales dividitur, singulas denuo in alia segmenta, non admodum profunda, nitibus spinis donata subdividas.

Locus.

Hanc observavit J. B. in proximis sylvis Fontis admirabilis Ducatus Wirtemberg, & in valle Griesbachiana.

\* 7. *Filix tenuissimè & profunda denticulata Montbelgardica* J. B.

J. B.

Magnitudine non cedit vulgari Filici mari non ramosæ. Foliorum haud dispar positus; verum cristati folii portiunculæ valdè sunt concinnæ, angustæ, profundis & argutis denticulis incisæ; cristæ verò totæ costæ annexæ alternatim oriuntur. Similis est Filici Rhæticiæ, quæ tenuior: aliquid similitudinis habet cum nostro Adiantho albo Officinarum folio Filicis.

Provenit in sylvis propè Montbelgardum; item in monte Masmunster & in monte Rosberg, necnon in valle fontium acidorum Griesbachiana.

\* 8. *Filix palustris maxima dentata* C. B. prod. *The greatest Marsh-fern.*

C. B. prod.

Radice est omnium Filicum crassissima, duos pugnos superante, nigrâ, velut crassissimis squamis compactâ, & multis fibris nigris capillatâ, unde emergunt folia plura, atro-virentia, tres cubitos superantia, in latus amplissimè expansa, quorum pediculus rufescens, angulosus, cavus instar oblongi auriscalpii ex radice prodit, qui ubi pedalem altitudinem adeptus est, foliosus redditur ad modum Filicis maris vulgaris: nam veluti ex plurimis pinnis secundum margines crenatis, & ad unum pediculum coherentibus componuntur. Verum ad radicem inter media folia plura foliorum rudimenta cubitalia, velut futurorum principia, conspiciuntur, eo modo quo in Filice florida sive Osmunda dicta circa summos caules apparent, à qua tamen differt, quòd Osmunda caules edat, & caulium summis veluti flores sive feminum rudimenta adhareant, & folia habeat latiora, & haudquaquam ad margines ferrata.

Hanc locis palustribus circa thermas Marchicas copiosè observavit C. Baubinus: aliquando in editis & saxosis sed humidis montibus etiam reperitur, ut circa Ramstein arcem Basileensium idem observavit.

\* 9. *Filix*

- \* 9. *Filix Indica Osmundæ facie* Bod. à Stapel. Hort. Par.

*Bod.*

E Virginia, inquit, delata est, foliis *aquaticæ Filicis*, latioribus tamen, totâ alioqui facie Filicibus similis. Huic quâ parte ab homine tacta est altero aut tertio, nonnunquam quarto die, rubiginosa quædam apparet macula, quæ totum folium percurrit & exsiccat. Exsiccatum alio subnascente decidit.

- \* 10. *Filix baccifera* Cornuti. *F. Saxatilis baccifera Americana* Park. *Berry-beating fern of America.*

*Cornut.*

Dryopteridis instar enascitur, ac sensim in cubitum erigitur, pennatis foliis, in ambitu crenatis, luteo-virentibus; quæ crescunt utrinque ad *caulem* non facile flexilem citra rupturam, ponè rotundum, ante excavatum sinu exiguo, per totam longitudinem exporrecto. *Seminum* etiam rudimenta posticis foliis adherent; inter quæ sparsim eminent rotundi globuli, nunc bifidi, virides initio, deinde nigri, gustu suavi, Polypodii ferè radicis saporem referente, qui tandem maturi vix tactum patiuntur, sed sponte decedentes terræ infiguntur, unde nova succrescit soboles. *Radice* nititur multis contextâ fibris capillofis, colore fuscis & gustu subacerbis.

In America Septentrionali passim inter saxa provenit: pullulat Aprili ineunte, baccæ media æstate maturefcunt, folia Novembri marcescunt, sola per hyemem superstite radice. Hanc in Angliam è Virginis primur intulisse dicitur Joannes Tradescantius. Cùm plantam hanc nondum nobis videre contigit, cujus generis sint baccæ foliis innatæ, an scilicet fructus, an excrementæ insectorum matrices, determinare nequimus. *Locus.*

- \* 11. *Adiantum Brasilianum*, Avenqua Lusitanis Marggr.

*Marggr.*

Duplex est, majus & minus.

*Majus* in duorum pedum altitudinem assurgit, ex *radice* intus flava, extus nigricante, sub terra serpente, & multa habente filamenta. *Caulis* hujus tenuis, striatus, ex brunno nigricantis & splendentis coloris, & lanugine quadam hepatici coloris vestitus. Superius ramulos aliquot habet inordinatè positos, qui, ut & caulis summus, *folia* habent alternatim posita, quædam tres, quædam duos, quædam unum digitum longa, dilutè viridia, in ambitu dentata, atque singularis figuræ.

*Minus* in eandem altitudinem assurgit, caulibus ejusdem cum priore figuræ & coloris, non vestitis lanugine, verùm pulvere albo velut farinâ quadam aspersis. *Folia* alata, alternatim posita habet, variæ longitudinis, à semidigito scilicet ad tres digitos; in extremitate enim caulium brevissima sunt. In quolibet folio alæ hæ alternatim posita, interiores longiores, exteriores breviores, supernè saturatè viridis coloris, inferius farinâ pulvere nigerrimo mixtâ aspersæ. Inferiores *cauliculi* progerminantes parum convoluti (quod omnibus Filicibus commune est) & pulvere farinaceo planè albi sunt.

### C A P. III.

- \* *Filix fontis admirabilis ad marem vulgarem non ramosam accedens non dentata* J. B.

*J. B.*

**M**Asculæ vulgò dictæ non ramosæ Filicis in morem simplices erigit *caules*, quos rami non dividunt, non sine hirsutie aliqua: Cristæ singulares paulò videntur longiores, divisione ferè foliorum *Ceterach*, segmentis minimè crenatis, sed acutioribus, quorum averfa parte pulverulenta ferruginea puncta agminatim proximè margines circumcirca conspiciuntur, medio libero.

In montibus prope Fontem admirabilem in Ducatu Wirtemberg. Augusto mense collegit *J. B.* Huic persimilis est, major tamen, tarsisque arctius pennata *Filix non ramosa Brasiliana*, foliis *Asplenii acutioribus* Breynii.

- \* *Filix non ramosa Guyanensis, foliis Asplenii obtusioribus* Breynii.

Observatur magis hirsuta quàm antecedens, atque obscuriùs virens, pinnulis obtusioribus, puncta rariora habentibus.



## CAP. IV.

- A. 1. *Filix minor non ramosa* J. B. *Dryopteris* Ad. Lob. Ger. emac. *Filix minor palustris* nobis.

**R**adices locis paludosis sub terræ superficie reptant, sibi mutuo implexæ, radicem Polypodii instar, culmi crassitudine, 5, 6, 7, digitos longæ, foras atræ, intus albæ, sapore subdulci & astringente, fibrillis innumeris tenuibus capillatæ. *Caules* sparsim oriuntur variis in locis, plures paucioresve simul pro ætate, magnitudine aut vigore radicis, [vidimus pusillas & renellas radices quæ duos tresve solummodo producerent, grandes & vegetas quæ 14 aut 15.] Duplíciter tantum dividuntur, nimirum in scapum medium & ramulos foliis vestitos. Scapus quem diximus 5, 6, 7, uncias longus est, tenuis, anticâ parte planus, posticâ rotundus, lævis & viridis. Primum ramulorum par tribus circiter digitis à radice exit; succedunt 8, 9, aut 10, paria, conjugatim sibi mutuo opposita, longissimo ramulo unciam vix excedente. Folia seu pinnulæ alis seu ramulis conjugatim quoque adnascuntur, ad 8 aut 9 in singulis paria, nullis crenis aut denticulis incisa, colore pallido seu ex viridi luteo. Filicula hæc radicibus Polypodium æmulatur, caulibus Filicem marem vulgarem, nervis & pinnulis Filicem feminam.

Descriptio est D. Goodyeri apud Gerardum emaculatum, à nobis Latina facta.

Locis palustribus putridis pluries observavimus in insula Eliensi & alibi, præcipue in Septentrionalibus Angliæ.

In tantam nonnunquam staturam & magnitudinem excrevit, ut Filicem marem mentiat; verum facile discernitur, quod pinnulæ æquabili ambitu circumscriptæ sint & minimè crenatæ.

- A. 2. *Filix pumila saxatilis altera* Clusii Park. *Filix non ramosa, nigris maculis punctata* C. B. *Dwarf Stone-fern not branched.*

Clus.

Quinos aut senos habet *cauliculos*, teretes, rectos, initio virides, deinde temporis successu omnino nigricantes, palmares, à medio uncam foliorum infectorum alam, unico ad fastigium usque artu porrectam sustinentes, eadem quâ in mare vulgari formâ & facie, multò verò minorum tenuiorumque, sapore nonnihil adstringente, pronâ etiam parte multis nigris maculis (quæ vetustate efflorescere videntur) asperforum. *Radix* velut in caput coacta, sicut in mare vulgari, & multis nigris durisque fibris capillata est.

Locus.

In montibus saxosis Derbientibus, Eboracensibus & Westmorlandicis copiosè provenit. Invenimus & in transmarinis non procul à Spada in territorio Leodienfi. Præcedenti similis est, magnitudine & natalibus differt.

3. *Filix saxatilis non ramosa minima.*

*Folia* exserit palmaria & longiora, angusta, tarsis seu alis semuncialibus, angustis, 14 aut pluribus hinc inde ad utrumlibet costæ seu nervi medii latus adnexis, alterno potius quam contrario fitu, composita. Alæ longiores è 4 aut 5 pinnularum, exiguarum, obtusarum, & in extremo nonnihil crenatarum conjugationibus constant, extremâ alâ in folium angustum procurrente. Pediculus & costa folii media in sicca alba & glabra videntur.

Locus.

E petrarum rimis versùs summitatem montis Salevæ propè Genevam exit.

## CAP. V.

De *Adianto albo seu Ruta muraria.*

**A**diantum unde dictum sit vide Sect. 4. cap. 5. *Adiantum* autem *album* dicitur hæc planta, quòd cauliculi ejus seu rectius foliorum pediculi minùs nigricant quam *Adiantum* nigri dicti. *Ruta muraria* ob aliqualem cum foliis Rutæ similitudinem appellatur.

- A. 1. *Adiantum album* Tab. *Ruta muraria* C. B. J. B. Ger. *muraria, sive Salvia vite* Park. *Wall-Rue, Centwort.*

J. B.

*Radix* tenuissimis fibris nigricantibus capillata, subastringente parietinas rimosas occupat; *pediculos* promens multos, semipalmares, tenues, juxta radicem nigricantes aut atro-rubentes, reliqua parte virentes, nonnihil in summo divaricatos; ex quorum tum extremitatibus, tum lateribus folia oriuntur Rutæ vel Adianti veri, sed multò minora, striata, rigidula, per ambitum crenata, superna parte virentia, inferius pulvisculo ruffo aut fusco aspersa, gustu nonnihil acerbo & subastringente, cum tantillo dulcedinis leviusculæ vestigio.

Locus.

In muris & pontibus lapideis, inque petrarum fissuris multis Angliæ in locis invenitur. Amat saxa viva, coctis lateribus immoritur, inquit Camerarius; quod tamen nobis observantibus non est perpetuum; vidimus enim in muro lateribus extructo *Adiantum album* innatum.

Facul-



Facultatibus cum Adianto vero convenit, unde in Tussi, Asthmate, Pleurisi, Ictero, obstructio-  
nibus Lienis prodesse creditur: quin & ad renum & vesicæ dolores valere, urinam clementer eiere,  
calculosque & arenulas expellere.

Peculiariter præstare eam perhibet Matthiolus ad Enterocelas puerorum; continuis 40. diebus  
pulvere exhibito.

Per totam hyemem viret, non prius emarcescens quam incipiant emergere folia, quæ quotannis  
Aprili mense inter vetera prodire conspiciuntur.

Valde efficax esse dicitur in Scorbuticis affectibus: hæc enim omnes milites, arce quadam obsessi  
liberati erant à Scorbuto. \* Hofman. \* *Merhod. medendi. l. ii. p. 347.*

\* 2. *Adiantum album crispum Alpinum* Schwenckfeld.

*Schwenck.*

Huic è radice pluribus tenuibus capillamentis implicita coliculi plures, graciles, juncei, læves, in  
summo brachii nascuntur, foliis Rutæ murariæ similibus, magnis, virentibus, crassioribus, crispis  
ac veluti punctis Ledi insignitis, absque flore & semine: aspectu jucunda plantula.

Rarissimum inventu nonnisi altissimorum montium petrosis oritur: In montibus Piælandicis *Locut.*  
Scotiæ invenit D. Sutherlandus. *Sibbald.*

\* 3. *Adiantum album tenuifolium Rutæ murariæ accedens*, J. B.

*J. B.*

Pedales ex radice emittit sed tenues caules, qui superius in ramulos alternos ferè dividuntur, at-  
que hi denudè sæpius in alios minores, nullo ferè ordine; foliis Rutæ murariæ dimidio minoribus,  
incisis, pulchrè viridantibus, tenerioribus, mollicellis.

E monte Gothardo ad J. Bauhinum attulit Hen. Cherlerus.

\* 4. *Adiantum novum Germanicum Rutæ murariæ facie* Breynii.

*Breyn.*

Speciosum hoc & prorsus novum Adianti genus in Franconia non procul à pago illo, ob acidu-  
las celeberrimo, *Langen Schwalbach* dicto, in umbroso inter saxa loco enatum quamvis rarissimè ob-  
servavimus.

Hoc è radice ex plurimis cirris nigris capillata coliculos 30 vel plures spargit, juxta radicem ni-  
gricantes, reliqua verò parte virentes, & in tertia superius parte foliis angustioribus, hilariore vi-  
rore præditis, inque lacinias longiores angustioresque quam Rutæ murariæ dissectis ornatos.

Convenit in multis cum Adianto albo tenuifolio Rutæ murariæ accedente *J. B.* à quo tamen  
manifestè differt.

Adianti cujusdam majoris Coriandri folio, Adianto vero affinis, pediculo pallidè rubente, in  
Scotia nascentis, meminit D. Sibbaldus in *Prod. Nat. Hist. Scot.*

## C A P. VI.

### De Adianto vèro seu nigro.

**H**ÆC planta Adiantum nigrum meritò censenda est, quia cauliculi ejus seu potius folio-  
rum pediculi politiore nitore nigricant, ut cum C. Bauhino loquar. Capillus autem Ve-  
neris dicta est, quia capillis nitorem & venustatem cõciliat.

I. *Adiantum sive Capillus Veneris* J. B. *Ad. verum sive Capillus Veneris verus* Park. *Cap. Veneris*  
*verus* Park. *Ad. foliis Coriandri* C.B. *True Maiden-hair.*

Musco ruffoque cespiti implexæ sunt capillares radicum fibræ nigræ. Caules exeunt multi, te-  
nues, nigri, læves & splendentes, dodrantes aut etiam pedales, in ramos stamineæ tenuitatis di-  
visi, per quos tremulo filo appensa alterno ordine visuntur folia, viridia, crebra, mollicella tennella-  
que, lævia, Coriandrinis primitus erumpentibus similia, nec magnitudine multum cedentia, ferè  
triangularia, sectionibus per extremum rarioribus, altioribus cæsa. Cum planta ad ætatem & statum  
suum pervenerit in foliis extremis cernuntur parvæ veluti plicæ, albicantes, sub quibus pulvis occul-  
tatur vix perceptibilis, illi similis qui aliis plantis Capillaribus aversâ parte accrescit.

In parietibus, locis petrosis, umbrosis, humidis, secus fontes & aquarum stillicidia exire testatur  
Dodonæus, in regionibus calidioribus, Gallia Narbonensi & Italia: in frigidioribus, ut reliqua Gal-  
lia, Germania, Belgio & Anglia rarè aut nunquam provenit. Nos Patavii in puteo nascentem &  
media hyeme adhuc virentem observavimus; circa Genuam ad marginem cujusdam fontis.

Vulgus Narbonense pro signo infallibili bonitatis & levitatis aquarum habet Adianti circa puteos  
& fontes proventum.

Quavis anni parte, etiam hyeme viret, Solem & aerem calidum & siccum refugit, umbrosis &  
humidis delectatur.

Folia & summitates hujus plantulæ in usum medicum veniunt; quæ, quod ad vires & usus atti-  
net, Sanguinem purificat, humorésque in massa ejus commixtos ad justam temperiem reditit:  
præparat & purgat pituitam, necnon bilem utramque, atram & flavam: humiditates superfluas  
dissipat,



## CAP. IV.

- A. 1. *Filix minor non ramosa* J. B. *Dryopteris* Ad. Lob. Ger. emac. *Filix minor palustris* nobis.

**R**adices locis paludosis sub terræ superficie reptant, sibi mutuò implexæ, radicum Polypodii instar, culmi crassitudine, 5, 6, 7, digitos longæ, foras atræ, intus albæ, sapore subdulci & astringente, fibrillis innumeris tenuibus capillatæ. *Caules* sparsim oriuntur variis in locis, plures paucioresve simul pro ætate, magnitudine aut vigore radices, [vidimus pusillas & tenellas radices quæ duos trêse solummodo producerent, grandes & vegetas quæ 14 aut 15.] Duplíciter tantùm dividuntur, nimirum in scapum medium & ramulos foliis vestitos. Scapus quem diximus 5, 6, 7, uncias longus est, tenuis, anticâ parte planus, posticâ rotundus, lavis & viridis. Primum ramulorum par tribus circiter digitis à radice exit; succedunt 8, 9, aut 10, paria, conjugatim sibi mutuo opposita, longissimo ramulo unciam vix excedente. Folia seu pinnulæ alis seu ramulis conjugatim quoque adnascuntur, ad 8 aut 9 in singulis paria, nullis crenis aut denticulis incisa, colore pallido seu ex viridi luteo. Filicula hæc radicibus Polypodium æmulatur, caulibus Filicem marem vulgarem, nervis & pinnulis Filicem foeminam.

Descriptio est D. Goodyeri apud Gerardum emaculatum, à nobis Latina facta.

Locis palustribus putridis pluries observavimus in insula Eliensi & alibi, præcipuè in Septentrionalibus Angliæ.

In tantam nonnunquam staturam & magnitudinem excrescit, ut Filicem marem mentiatur; verum faciliè discernitur, quod pinnulæ æquabili ambitu circumscriptæ sint & minimè crenatæ.

- A. 2. *Filix pumila saxatilis altera* Clusii Park. *Filix non ramosa, nigris maculis punctata* C. B. *Dwarf Stone-fern not branched.*

Clus.

Quinos aut senos habet *cauliculos*, teretes, rectos, initio virides, deinde temporis successu omnino nigricantes, palmares, à medio unicam foliorum infectorum alam, unico ad fastigium usque artu porrectam sustinentes, eadem quâ in mare vulgari formâ & facie, multò verò minorum tenuiorumque, sapore nonnihil adstringente, pronâ etiam parte multis nigris maculis (quæ vetustate efflorescere videntur) asperforum. *Radix* velut in caput coacta, sicut in mare vulgari, & multis nigris durisque fibris capillata est.

Locus.

In montibus saxosis Derbienesibus, Eboracensibus & Westmorlandicis copiosè provenit. Invenimus & in transmarinis non procul à *Spada* in territorio Leodienfi. Præcedenti similis est, magnitudine & natalibus differt.

3. *Filix saxatilis non ramosa minima.*

*Folia* exserit palmaria & longiora, angusta, tarsis seu alis semuncialibus, angustis, 14 aut pluribus hinc inde ad utrumlibet costæ seu nervi medii latus adnexis, alterno potius quam contrario fitu, composita. Alæ longiores è 4 aut 5 pinnularum, exiguarum, obtusarum, & in extremo nonnihil crenatarum conjugationibus constant, extremâ alâ in folium angustum procurrente. Pediculus & costa folii media in ficca alba & glabra videntur.

Locus.

E petrarum rimis versùs summitatem montis Salevæ propè Genevam exit.

## CAP. V.

*De Adianto albo seu Ruta muraria.*

**A**diantum unde dictum sit vide Sect. 4. cap. 5. *Adiantum* autem album dicitur hæc planta, quod cauliculi ejus seu rectius foliorum pediculi minùs nigricant quam *Adianthi nigri* dicti. *Ruta muraria* ob aliqualem cum foliis *Rutæ* similitudinem appellatur.

- A. 1. *Adiantum album* Tab. *Ruta muraria* C. B. J. B. Ger. *muraria*, sive *Salvia vite* Park. *Wall-Rue, Centwort.*

J. B.

*Radice* tenuissimis fibris nigricantibus capillata, subastringente parietinas rimosas occupat; *pediculos* promens multos, semipalmares, tenues, juxta radicem nigricantes aut atro-rubentes, reliqua parte virentes, nonnihil in summo divaricatos; ex quorum tum extremitatibus, tum lateribus *folia* oriuntur *Rutæ* vel *Adianti* veri, sed multò minora, striata, rigidula, per ambitum crenata, superna parte virentia, inferiùs pulvisculo ruffo aut fusco aspersa, gustu nonnihil acerbo & subastringente, cum tantillo dulcedinis leviuscule vestigio.

Locus.

In muris & pontibus lapideis, inque petrarum fissuris multis Angliæ in locis invenitur. Amat saxa viva, coctis lateribus immoritur, inquit Camerarius; quod tamen nobis observantibus non est perpetuum; vidimus enim in muro lateribus extructo *Adiantum* album innatum.

Facul-



Facultatibus cum Adianto vero convenit, unde in Tussi, Asthmate, Pleurisi, Ictero, obstructio. Vires. nibus Lienis prodesse creditur : quin & ad renum & vesicæ dolores valere, urinam clementer cedere, calculosque & arenulas expellere.

Peculiariter præstare eam perhibet Matthiolus ad Enterocelas puerorum ; continuis 40. diebus pulvere exhibito.

Per totam hyemem viret, non prius emarcescens quam incipiant emergere folia, quæ quotannis Aprili mense inter vetera prodire conspiciuntur.

Valde efficax esse dicitur in Scorbuticis affectibus : hanc enim omnes milites, arce quadam obsessi liberati erant à Scorbuto. \* Hofman.

\* Method. medendi. l. ii. p. 347.

\* 2. *Adiantum album crispum Alpinum* Schwenckfeld.

Schwenck.

Huic è radice pluribus tenuibus capillamentis implicata coliculi plures, graciles, juncei, læves, in summo brachii nascuntur, foliis Rutæ murariæ similibus, magnis, virentibus, crassioribus, crispis ac veluti punctis Ledi insignitis, absque flore & semine : aspectu jucunda plantula.

Rarissimum inventu nonnisi altissimorum montium petrosis oritur. In montibus Piclandicis Locuti. Scotiæ invenit D. Sutherlandus. Sibbald.

\* 3. *Adiantum album tenuifolium Rutæ murariæ accedens*, J. B.

J. B.

Pedales ex radice emittit sed tenuēs caules, qui superius in ramulos alternos ferè dividuntur, atque hi denudò sæpius in alios minores, nullo ferè ordine ; foliis Rutæ murariæ dimidio minoribus, incis, pulchrè viridantibus, tenerioribus, mollicellis.

E monte Gothardo ad J. Bauhinum attulit Hen. Cherlerus.

\* 4. *Adiantum novum Germanicum Rutæ murariæ facie* Breynii.

Breyn.

Speciosum hoc & prorsus novum Adianti genus in Franconia non procul à pago illo, ob acidulas celeberrimo, Langen Schwalbach dicto, in umbroso inter saxa loco enatum quamvis rarissimè observavimus.

Hoc è radice ex plurimis cirris nigris capillata coliculos 30 vel plures spargit, juxta radicem nigricantes, reliqua verò parte virentes, & in tertia superius parte foliis angustioribus, hilariorè virore præditis, inque lacinias longiores angustioresque quam Rutæ murariæ dissectis ornatos.

Convenit in multis cum Adianto albo tenuifolio Rutæ murariæ accedente J. B. à quo tamen manifestè differt.

Adianti cujusdam majoris Coriandri folio, Adiantæ vero affinis, pediculo pallidè rubente, in Scotia nascentis, meminit D. Sibbaldus in Prod. Nat. Hist. Scot.

## C A P. VI.

### De Adianto vèro seu nigro.

**H**ÆC planta Adiantum nigrum meritò censenda est, quia cauliculi ejus seu potius foliorum pediculi politiore nitore nigricant, ut cum C. Bauhino loquar. Capillus autem Veneris dicta est, quia capillis nitorem & venustatem cōciliat.

1. *Adiantum sive Capillus Veneris* J. B. Ad. verum sive Capillus Veneris verus Park. Cap. Veneris verus Park. Ad. foliis Coriandri C.B. True Maiden-hair.

Mulco ruffoque cespiti implexæ sunt capillares radicum fibræ nigræ. Caules exeunt multi, fœnues, nigri, læves & splendentes, dodrantes aut etiam pedales, in ramos stamineæ tenuitatis divisi, per quos tremulo filo appensa alterno ordine visuntur folia, viridia, crebra, mollicella tennellæque, lævia, Coriandrinis primitus erumpentibus similia, nec magnitudine multum cedentia, ferè triangularia, sectionibus per extremum rarioribus, altioribus cæsa. Cum planta ad æqualem & statum suum pervenerit in foliis extremis cernuntur parvæ veluti plicæ, albicantes, sub quibus pulvis occultatur vix perceptibilis, illi similis qui aliis plantis Capillaribus aversâ parte accrescit.

In parietibus, locis petrosis, umbrosis, humidis, secus fontes & aquarum stillicidia exire testatur Dodonæus, in regionibus calidioribus, Gallia Narbonensi & Italia : in frigidioribus, ut reliqua Gallia, Germania, Belgio & Anglia rarè aut nunquam provenit. Nos Patavii in puteo nascentem & media hyeme adhuc virentem observavimus ; circa Genuam ad marginem cujusdam fontis.

Vulgus Narbonense pro signo infallibili bonitatis & levitatis aquarum habet Adiantum circa puteos & fontes proventum.

Quavis anni parte, etiam hyeme viret, Solem & aerem calidum & siccum refugit, umbrosis & humidis delectatur.

Folia & summitates hujus plantulæ in usum medicum veniunt ; quæ, quod ad vires & usus attinet, Sanguinem purificat, humoresque in massa ejus commixtos ad justam temperiem reducit : præparat & purgat pituitam, necnon bilem utramque, atram & flavam : humiditates superfluas dissipat,



dissipat, serosisque humores resolvit & per transpirationem insensibilem amandat: Sudores & urinam provocat, putredini potenter resistit, unde in omne genus febribus, simplicibus, putridis, malignis, pestilentibus, continuis, intermittentibus felici cum successu exhibetur. Singularem & specificam proprietatem capillis conducit, omnibusque illorum vitiis medetur, Alopecias sanat, furfures aliasque eorum sordes detergit, marcidis & decoloribus vigorem & nitorem conciliat, defluentes continet, raros densat & honorem capiti restituit, canitiem denique arceat [Adiantum capillis dicere, tanquam eorum remedium proprium & specificum signatura (ut vocant) eidem impressa, nimirum caulium & ramulorum ejus cum Capillis in tenuitate, colore & nitore convenientia Botanicos, ut puto, induxit.] Omnes cerebri facultates exsuscitat, humorum in illud decumbentium excessus temperat & vitia corrigit: Spiritus animales depurat, vapores calidos & biliosos compescit, acres, acidus & narcoticos lenit. Proinde adversus vigilias immoderatas, affectus comatosos, catarrhos, Epilepsiam, phrenesin, maniam, melancholiam, cephalalgiam, contraque omnigenas intemperies & tumores qui capiti accidunt conducit: visum acuit, humores ad dentes, aures, colli aut faucium glandulas defluere solitos cohibet & dissipat. Odore seu halitu suo suavi cor exhilarat, & facultates vitales recreat & corroborat: Pectoris vitia emendat, Pulmones expurgat, humores crassos, viscidos & tenaces asperæ arteriæ canalibus & bronchiis impactos incidit & evacuat, ejusdem asperitates lenit, adeoque adversus Tussim, respirationem difficilem, Asthma, Peripneumoniam, Pleuriticidem, Hæmoptysin, Syncopen, Lipothymiam, Cardialgiæ remedium est præsentaneum. Oesophagi & ventriculi fibras nimis laxas restringit, iisque debitum tonum restituit: Excrementorum nauseam causantium colluviem expurgat & aufert: sitim extinguit; penetrat, humectat & purgat leniter admodum & benignè ventriculum & intestina: Hepatis & Lienis calores temperat, eorundem obstructions quantumvis inveteratas referat: Calculum renum & vesicæ comminuit, & urinæ meatus omnes aperit: Adversus Ictericum & colores pallidos tum Antidotum est, tum remedium: Partibus generationi inservientibus imprimis utilis est & amica: Sterilitati opitulatur, uteri immundities expurgat, Secundas educit, menstrua ciet, & tamen (quod mirum est) immoderata cohibet, fluorem album sistit & emendat: Juncturis & nervoso generi commoda est, vapores halituosos, qui ad musculorum capita coacervantur dissipat, unde ad stupores, spasmos, pandiculationes facit. Duritias & excrementa articulorum ligamentis impacta emollit & resolvit, hinc ischiadico dolori & omnigenæ Arthritidi medetur: Utilis etiam est ad tumores quoscunque seu calidos, sive frigidos, cedematosos & scirrhosos, phlegmonas, erysipelata, contra plagas, ulcera, ossium fracturas & luxationes, omnia denique cutis vitia.

Has omnes virtutes Adianto vero attribuit Petrus Formius M. D. Monspelienfis in libello quem de hac planta Gallicè conscriptum publicavit Anno 1644. quæ si universæ eidem convenirent, panacea quædam esset & medicamentum universale, ad omnium ferè corporis partium sanitatem tuendam & morbos debellandos vel sola sufficiens. Verùm cum in qualitatibus omnibus temperata sit, vires ejus admodum remissas & debiles esse oportet. Schroderus facultates ejus approbatas paucis complectitur, Pulmonum, inquiens, renumque vitiis medetur: Epatis & Lienis obstructions referat: Urinam & menses ciet.

Varios modos plantam hanc ad usum medicum præparandi, seu varias formulas medicamentorum ex ea parandorum describit supra laudatus autor. Nec aliis omisissis Pisanam tantum Adianti, quam miris laudibus extollit, proponemus.

R. summitatum aut foliorum Adianti adhuc virentium & recens collectorum tres circiter manipulos. Infundantur supra cineres calidos per spatium unius noctis in duobus tribusve sextariis [potis] aquæ fontanæ optimæ, tandemque si placet, leviter bulliant.

Colatura vasi vitreo immissa pro potu ordinario inserviet, vel sola, vel cum tantillo vini. Si tincturam saturatiorem desideras, herbam ex aqua nè eximas, sed tandiu relinquantur donec contabuerit, deinde recentem infundas eoque continuando donec tincturam non amplius deponat.

Pisana hæc superfluas humiditates absorbit, & per insensibilem transpirationem eliminat: sudorem & urinam provocat, & eadem ferè omnia præstat quæ de Adianto prædiximus. Sufficit (inquit) affirmare, me complures parvulos & infantes exsiccatos & ferè consumptos febre lenta, ab obstructionibus mesenterii ortâ hujus usu sanitati pristinæ restituisse. Considerandum annon Rachitis nostratibus medicis dictus morbus fuerit quo laborarunt hi infantes.

*Adianti nigri  
varietas.*

Cæterum Adiantum magnitudine & foliorum crassitie variat. Quod majus est & crassioribus foliis *Adiantum Syriacum* Tabernæmontano, *Capillus Veneris Syriacus* Gerardo dicitur.

## 2. *Adiantum Americanum* Cornuti. *Ad. fruticosum Americanum* Park. *Black Maiden-hair* of America.

### *Cornuti.*

Huic radix pusilla, capillamentis nigris fibrata; *Cauliculi* exeunt atro-purpurei, in cubitum se attollentes, septemque aut octo ramulis divisi, in orbem expansi, latissime se spargunt; adnascantibus interim processibus quamplurimis, qui cum ramulis leviter crispantur extremo. *Folia* Adianto vulgari similia sunt, sed ampliora, Galli cristam referentia; sunt enim infima parte lineâ curvâ clausa, superiori nonnullis sinibus laciniola, omnia contrarius pediculis densa inter se & ex adverso. Singulorum foliorum pars altera gratâ viriditate lucet, altera punctulis fuscis exasperatur. Sapor idem cum nostrate, parum acerbior.

Hoc Adiantum Canadensi regioni frequentissimum est: nusquam adeo altum provenit. Tradunt duorum cubitorum altitudine amplius reperiri, expansisque brachiis tantum umbræ parere, ut eò succedere possint homines in æstu, facileque se ab eo hujus umbraculi præsidio tueri. Apud nos autem hujus plantæ proceritas intra pedem unum aut alterum subsistit.

Hanc e Virginia in Angliam invexit Joan. Tradescantius filius. Rectius fortasse ad quartum genus seu Capillares ramolas refertur.

*Filix*



*Filix non ramosa Brasiliiana Breynii.*

Quæ ad sesquicubitalem excrefcit altitudinem, Filicis maris nostratis facie, atris verò caulibus, quadratis & infigne splendentibus, pinnulis obtusis, superiore tantum margine incisis. Adianti Americani Cornuti colore, formâ & toto habitu æqualibus; an à prædicto differat Lector judicet, mihi certè non videtur.

*Adiantum fruticosum Brasilianum C. B. prod.*

C. B.

Filicis instar excrefcit, caule tenui, lævi, subnigro, puniceo colore nitente, qui in alios subdividitur; circa quos folia viridia, Adianto vero aliquantum similia, parva, oblonga, sed obtusa, superne tantum incisuris divisa, inferiore costâ quâ capillaceo insident petiolo integra; alternatim pediculo seu cauliculo, & quidem utrinque, à duodecim usque ad 20 per pedicellum junguntur.

Apud Toupinambaultios in Brasilia natum à Bursero accepit C. Bauhinus.

Ab Adianto Americano Cornuti eo tantum differt, quòd folia seu pinnulæ cauliculis & ramulis alternatim adnascantur, non contrariis inter se pediculis bina. Verum quoniam reliqua descriptio cum præcedente Cornuti egregie convenit, hanc plantam ab illa non separamus: nam in iis Filicum speciebus quarum folia plerumque inter se contraria oriuntur, reperiuntur interdum costæ nonnullæ alternatim positæ vestitæ; quin & in eadem costâ eodémve ramulo pinnulæ seu cristæ inferiores adverso situ adnatæ, superiores autem alterno non rarò observantur.

Adianto vero affinis minoris Scotici, folio obtuso, saturatè viridi, altius inciso cum pediculo viridi meminit D. Sibbaldus in Prod. Nat. Hist. Scotiæ.

## SECTIO QUARTA.

*De Herbis Capillaribus foliis bis subdivisis seu ramosis.*

### CAP. I.

A. *Filix femina Ger. fem. vulgaris Park. major & prior Trago, seu ramosa repens J. B. ramosa major, pinnulis obtusis non dentatis C. B. Female fern or common Brakes..*

J. B.

**C**aulis [seu veriùs pediculo] assurgit tres quatuorve cubitos alto, rigido, ramoso, solido, lævi & aliquatenus anguloso. Folia (quod \* nomen indicat) pinnata, alatave, in tarsos primo, deinde in pinnulas seu lacinias angustas, oblongas, acutiusculas, obiter interdum dentatas, alias æquales, dissecta, superne viridia, inferne canescentia; & punctis ferrugineis notata. Nos in Filicis fœminæ foliis hujusmodi puncta non observavimus: verum quælibet folia in exteriori margine versùs interiora reflexo semina copiosa custodiunt & alunt. Nam elongatis utrisque membranis cutaneis folii fit quasi nidus seminum, ut docet D. Malpighius, quocum consentit D. Collins, qui expressius semina hujus speciei marginibus dentium in quos folia dividuntur averâ parte accrescere tradit. Revera enim experientiâ teste margines pinnularum seu denticulorum in quos folia dividuntur circumcirca reflectuntur. Radix digitum subinde crassa, foris nigricans, intus albida, longè latèque importuno reptatu terram occupans, sapore amaricante succoque glutinoso prædita, quæ summa parte obliquè aut etiam transversim incisa bicipitis Aquilæ speciem quandam exhibet.

In pascuis sterilibus ubique ferè luxuriat hæc planta, agricolis maximè exosa: prolixa autem Locus, non indiget descriptione; sufficit ad eam ab aliis omnibus distinguendum dixisse, quòd sit è maximis, omnium in Anglia vulgatissima; ramosa radice repente.

Hujus etiam speciei non minùs quàm aliarum Filicum superficies ex meris foliis constat: qui enim caules esse videntur ramosorum foliorum revera pediculi sunt, ut patet tum quia partem anticam seu supinam posticæ seu pronæ dissimilem obtinent, tum quia in folium terminantur.

Ex hujus & Filicis etiam maris exustæ cineribus cum aqua in massam coactis pilas seu globulos Vires & Usus, efficiunt nostrates, præsertim Warwicenses & Staffordienfes, & in Sole exsiccant: quorum usus est lotricibus ad lintheamina mundanda, saponis aut lixivii loco. Antequam iis utuntur in ignem luculentum immittunt donec candescant, tunc enim facillè in pulverem fatiscunt. Hæc exsiccata, ligni aut straminis inopiâ, ad furios excalefaciendos rustici utuntur: in Sufflexia etiam ad calcem coquendam: est enim ejus flamma vehemens admodum & huic usui valdè idonea, ut ab \* Annico ingenioso, qui & ipse sæpius expertus est, & alios ejus usum edocuit, certior factus sum.

Hujus radix in pulverem redacta, & pondere dimidiæ uncie [3i. S. Paulo] ex aqua multa sumpta lumbricos latos [atque etiam longos] enecat, imò præsentissima earum pestis est, teste S. Paulo, eamque inter secretissima secreta adversus lumbricos habent & venditant Agyrtæ.

O 3

Eadem

\* D. Gualtero  
Burrel Armi-  
gero:



Eadem in vino decocta, & per aliquot dies pota laborantes Lienis excremento recreat; Gravidis autem infensa censetur, ut quæ abortum faciat. *E Veteribus.*

Ad ambusta omnia vel igne, vel fervida aqua, aut oleo, mirifice conducit radices succus, vel recentis tula, vel exsiccata, affusa aqua rosacea, vel aqua è fimo vaccino, vel florum Tilia, vel harum defectu fontana communi: tunc enim succus lentus seu mucilaginosus exprimitur qui iis medebitur, ubi reliqua medicamenta auxilium negaverint. *Trag. S. Paulus.*

Aremoricos & Neuftriorum ultimos, qui vastas sylvas colunt in frugum inopia è radice Filicis panem conficere notum est ex Dalechampii relatione, ejusdemque cineribus nitri loco injectis saxa liquare, & vitrea vasa fingere colore viridi & subobsuro.

*Filicis femina varietas.*

Hujus speciei varietatis cujusdam meminit *J. Bauhinus*, titulo *Filicis majoris mollis ramosæ*, cujus segmenta singularia paulò videntur latiora brevioraque quam illius [superius proximè descriptæ] nec ut illi dura sed mollia nec subtus incana.

Circa Tigurum Helvetiorum se collegisse putat Autor, meminîtque (inquit) ejus Gesnerus in *App. Hort.* nomine *Filicis maris mollioris*.

Plinius Filicem biennio mori scribit si frondem agere non patiaris: Id efficacissime contingere germinantis ramis baculo decussis, quod & experientia hodierna confirmat, quamvis rationem quam addit Plinius ingeniosè sane excogitatam si experientia confirmaret, non probem, nimirum quod succus ex ipsa defluens radices necet.

Præterea famam esse ait & circa Solstitium avulsas non renasci, quod aliis experiendum proponimus.

## C A P. II.

### A. *Filix mas ramosa pinnulis dentatis* Ger. emac. Great branched fern with indented leaves.

**F**ibris plurimis, capillaribus, nigricantibus, ex infimis caulibus (seu veriùs foliorum pediculis) qui in unum veluti corpus radices coalescunt, enascentibus *radicatur*. Primo vere foliorum asparagos convolutos paulatim sese explicare incipientes cernas, squamis ferrugineis propè terram obiectos, arcè invicem junctos. Planta junior pauciora habet folia, adultior & annosior plura ad decem aut duodecim. *Folium* autem unumquodque ab ima parte propè locum sui cum fociis coalitis, quamprimum se prodit, antequam longitudinem digitalem assecutum fuerit, fibris ejusmodi nigris demissis alimentum attrahit. Folia jam extensa trifariam dividuntur, Filicis fœminæ vulgò dictæ in modum, nimirum in scapum seu pediculum costamve mediam, ramos laterales primarios, & furculos seu ramulos secundarios, quibus utrinque pinnulæ seu folia adnascuntur. Scapus folii dictus in planta nobis descripta (quæ è maximis erat) quatuor minimum pedes longitudine æquabat. [Sunt autem aliàs folia unius, duorum, triumve pedum] squamis illis seu Musco ferrugineo obductus, præcipuè radicem versùs, firmus, anticâ seu adverſa parte planus, posticâ subrotundus, ab imo ad viginti circiter unciarum spatium nudus, deinde ramosus ramis in universum circiter viginti ex utrolibet latere egressis. Rami tertii à radice paris, qui omnium longissimi erant, novem uncias extendebantur, reliquis ordine brevioribus ad summos usque. Radici propiores bini plurimum oppositi cauli adnascabantur, quo ab ea remotiores eò magis ab oppositione aberrabant. Surculi seu nervi pinnulas sustinentes in ramis lateralibus duorum erant digitorum cum quadrante longissimi, deinceps sensim breviores ad extremos usque ramulos, (qui in folia tandem facessabant) in ramis longissimis numero circiter viginti ad alterutrum scapi latus. Pinnulæ seu folia maximam partem bina: adverſa in surculis oriuntur, ad octo aut novem paria in singulis, suntque per oras altius incisa, segmentis in acutos mucrones desinentibus, supina parte obscurius viridia, pronâ pallidiora, punctis squamosis ferrugineis duplici ordine adnascantibus. Folia totalia (si ita loqui liceat) cum plenè extensa & perfecta sunt, in eorum medio ad radicem rudimenta foliorum vere sequenti explicandorum jam tum formata, conglobata seu convoluta & squamis obducta apparent.

Folia in hac planta nonnulla per totam hyemem virorem suum retinent, locis præsertim calidioribus, quæ tandem novis subnascentibus sequenti æstate marcescunt.

*Locus.*

In umbrosis, sabulosis præsertim aut petris, ubi aquæ scaturiunt, quin & in paludosis ad stipites Quercuum putridorum cum *D. Goodyero* eam sæpiùs invenimus, non in Sufflexia tantum (quamvis ibi plurimam) sed & in multis aliis Angliæ locis.

Prolixam descriptionem *D. Goodyeri* non piguit Latinam facere, & è Gerardo emaculato huc transcribere, quoniam nescimus an à quoquam præterea descripta fuerit hæc species; planta autem ipsa ad manum non sit.

## C A P. III.

\* *Filix tenuissime secta ex monte Balon.* J.B.

*J. B.*

**F**olia cubitorum aliquot, ferrugineo musco obsessis pediculis; in ramos particulares divisa, non planè ex adverſo respondentes, palmares & sesquipalmares, quorum unusquisque *cristas* habet, alternatim politas, semunciales & duarum unciarum, in segmenta exigua per extremam oram crenata subdivisas.

Hanc



Hanc invenimus in Vogesi montis parte *Balon*, quam ex fodinis argenti dictis *Gerardmegni* conscendimus mense Augusto.

## CAP. IV.

\* *Filix Rhetica tenuissimè dentata* J. B.

<sup>J. B.</sup>  
**A**D Filicem tenuifoliam profundè dissectam accedit; verùm cristæ, quarum alternatus ortus in singulares denuo cristulas dividuntur, unciales, paulòve altiores aut longiores, tenues admodum, crebròque & profundè dissectas, longè inter se distantes, averla parte punctatas, ut aliæ Filices.

Similis est Adiantho folio Filicis, sed differt non solùm in eò quòd major est Adiantho, sed præterea quòd pediculi Adiantho ad radicem rubeant, quòdque segmenta sunt quoque diversa.

Reperi in Rhætia primò, deinde in monte *Rosberg* propè *Masemunster*.

## CAP. V.

A. *Filix florida sive Osmunda regalis* Ger. *Osmunda regalis sive Filix florida* Park. *Filix floribus insignis* J. B. *Filix ramosa non dentata florida* C. B. *Flowering fern* or *Osmond royal*.

<sup>J. B.</sup>  
**E**X uno perplexarum radicum, longarum, nigricantium cespite caules attollit bicubitales & altiores, virides, glabros, striatos, ramis patulos. Hinc inde alæ exoriuntur; pinnatis octo novémve conjugationibus foliorum, impari una alam claudente, constantes. Singularia autem folia omnia sursum spectant, trium quatuòve unciarum longitudine, semunciam lata, ex principio latiore sensim extenuata, in obtusum mucronem desinentia, à nervo per longitudinem decurrente expositis in margines, (qui integri sunt nec crenis secti) infinitis oblique venulis. Caulis scapus in furculos aliquot divisus, racemulos unciales in singulis furculis multos sustinet, seminibus multis confertissimos.

Nascitur locis riguis ac palustribus putridis, in humidis quoque sylvis, in multis Angliæ provinciis. *Locus.* In insula Mona in clivis maritimis & rupium interveniis udis copiosam observavimus.

Flores Herbariis dicti nobis nihil aliud esse videntur quàm folia ob semina adnascencia non explicata, sed ad margines reflexa.

Hujus radicem ad Hernias & ulcera exploratissimi commodi esse scribit Lobelius, quinetiam *Vires* colicis & spleneticis plurimum conferre; nonnihil calidam esse & acrem, odoris non ingrati.

Pars illa radice media subcandida efficacissimam putatur non modò vulneratis, sed & cæcis, ruptis, ex alto deturbatis decocta vel etiam tusa & cum aliquo liquore sumpta. *Dod.*

Rachitidi morbo dicto remedium præstantissimum & quasi proprium & specificum censetur hujus radix, cui percurandæ vel sola sufficiat. In Rachitide uti soleo conservâ Asparagorum seu germinum teneriorum hujus & Filicis maris, vel etiam Asplenii & Phyllitidis, prospero successu. *D. Bowles.*

## CAP. VI.

A. *Filix saxatilis ramosa maritima nostras.*

**H**unc ad litus Angliæ Occidentale rupibus maritimis adnascentem invenimus: *D. Newton* in puteo quodam Camaloduni in Effexia observavit.

Plantula palmaris aut sesquipalmaris est, ramosa; ramuli & pinnulæ non ex adverso sed alternatim oriuntur; pinnulæ obtusæ, latiusculæ, per extremum crenatæ. Intensius vires hæc species quàm pleræque aliæ Filices. Pediculi & costæ foliorum mediæ in sicca rubere videntur.

## CAP. VII.

A. *Filix ramosa minor* J. B. *saxatilis ramosa nigris maculis punctata* C. B. *pumila saxatilis prima* Clusii Park. *Dryopteris Tragi* Ger. emac. *The lesser branched fern.*

<sup>J. B.</sup>  
**P**Arietinas & rudera sequitur, radicem habens Labyrinthico contextu multipliciter implexam, Polypodii radicibus tenuiorem, repentem, & in obliquum se spargentem, nigram, raris fibris tenuibus & duris capillatam (inquit Clusius) sapore cum levi dulcedine insigniter acerbò. Cauliculi multi, tenues, ex viridi fusci, palmares & dodrantes, longiorésque ramosi Filicis femina



Eadem in vino decocta, & per aliquot dies pota laborantes Lienis excremento recreat; Gravidis autem infensa censetur, ut quæ abortum faciat. *E Veteribus.*

Ad ambusta omnia vel igne, vel fervidâ aquâ, aut oleo, mirificè conducit radicis succus, vel recentis tulsæ, vel exsiccatae, affusâ aquâ rosacea, vel aquâ è fimo vaccino, vel florum Tiliæ, vel harum defectu fontanâ communi: tunc enim succus lentus seu mucilaginosus exprimitur qui iis medebitur, ubi reliqua medicamenta auxilium negaverint. *Trag. S. Paulus.*

Aremoricos & Neustriorum ultimos, qui vastas sylvas colunt in frugum inopia è radice Filicis panem conficere notum est ex Dalechampii relatione, ejusdemque cineribus nitri loco injectis saxa liquare, & vitrea vasa fingere colore viridi & subobscurò.

*Filicis femina varietas.*

Hujus speciei varietatis cujusdam meminit *J. Baubinus*, titulo *Filicis majoris mollis ramosæ*, cujus segmenta singularia paulò videntur latiora brevioraque quàm illius [superius proximè descriptæ] nec ut illi dura sed mollia nec subtus incana.

Circa Tigurum Helvetiorum se collegisse putat Autor, meminîtque (inquit) ejus Gesnerus in *App. Hort.* nomine *Filicis maris mollioris.*

Plinius Filicem biennio mori scribit si frondem agere non patiaris: Id efficacissimè contingere germinantis ramis baculo decussis, quod & experientia hodierna confirmat, quamvis rationem quam addit Plinius ingeniosè sane excogitatam si experientia confirmaret, non probem, nimirum quòd succus ex ipsa defluens radices necet.

Præterea famam esse ait & circa Solstitium avulsas non renasci, quod aliis experiendum proponimus.

## C A P. II.

### A. *Filix mas ramosa pinnulis dentatis* Ger. emac. *Great branched fern with indented leaves.*

**F**ubris plurimis, capillaribus, nigricantibus, ex infimis caulibus (seu veriùs foliorum pediculis) qui in unum veluti corpus radicis coalescunt, enascentibus *radicatur*. Primo vere foliorum asparagos convolutos paulatim sese explicare incipientes cernas, squamis ferrugineis propè terram obtectos, arctè invicem junctos. Planta junior pauciora habet folia, adultior & annosior plura ad decem aut duodecim. *Folium* autem unumquodque ab ima parte propè locum sui cum sociis coalitùs, quamprimum se prodit, antequam longitudinem digitalem assecutum fuerit, fibris ejusmodi nigris demissis alimentum attrahit. Folia jam extensa tritariam dividuntur, Filicis *femina* vulgò dictæ in modum, nimirum in scapum seu pediculum costamve mediam, ramos laterales primarios, & surculos seu ramulos secundarios, quibus utrinque pinnulæ seu folia adnascuntur. Scapus folii dictus in planta nobis descripta (quæ è maximis erat) quatuor minimùm pedes longitudine æquabat. [Sunt autem aliàs folia unius, duorum, triumve pedum] squamis illis seu Musco ferrugineo obductus, præcipuè radicem versùs, firmus, anticâ seu adversâ parte planus, posticâ subrotundus, ab imo ad viginti circiter unciarum spatium nudus, deinde ramosus ramis in universum circiter viginti ex utrolibet latere egressis. Rami tertii à radice parvis, qui omnium longissimi erant, novem uncias extendebantur, reliquis ordine brevioribus ad summos usque. Radici propiores bini plurimùm oppositi cauli adnascabantur, quo ab ea remotiores eò magis ab oppositione aberrabant. Surculi seu nervi pinnulas sustinentes in ramis lateralibus duorum erant digitorum cum quadrante longissimi, deinceps sensim breviores ad extremos usque ramulos, (qui in folia tandem facebantur) in ramis longissimis numero circiter viginti ad alterutrum scapi latus. Pinnulæ seu folia maximam partem bina adversâ in furculis oriuntur, ad octo aut novem paria in singulis, sùntque per oras altius incisa, segmentis in acutos mucrones desinentibus, supina parte obscurius viridia, pronâ pallidiora, punctis squamosis ferrugineis duplici ordine adnascantibus. Folia totalia (si ita loqui liceat) cum plenè extensa & perfecta sùnt, in eorum medio ad radicem rudimenta foliorum vere sequenti explicandorum jam tum formata, conglobata seu convoluta & squamis obducta apparent.

Folia in hac planta nonnulla per totam hyemem virorem suum retinent, locis præsertim calidioribus, quæ tandem novis subnascentibus sequenti æstate marcescunt.

*Locus.*

In umbrosis, sabulosis præsertim aut petraeis, ubi aquæ scaturiunt, quin & in paludosis ad stipites Quercuum putridorum cum *D. Goodyero* eam sæpiùs invenimus, non in Sufflexia tantùm (quamvis ibi plurimam) sed & in multis aliis Angliæ locis.

Prolixam descriptionem *D. Goodyeri* non piguit Latinam facere, & è Gerardo emaculato huc transcribere, quoniam nescimus an à quoquam præterea descripta fuerit hæc species; planta autem ipsa ad manum non sit.

## C A P. III.

\* *Filix tenuissimè secta ex monte Balon.* J.B.

**F**. B. *F*olia cubitorum aliquot, ferrugineo musco obsessis pediculis; in ramos particulares divisa, non planè ex adverso respondentes, palmares & sesquipalmares, quorum unusquisque *cristas* habet, alternatim politas, semunciales & duarum unciarum, in segmenta exigua per extremam oram crenata subdivisâs.

Hanc



Hanc invenimus in Vogesi montis parte *Balon*, quam ex fodinis argenti dictis *Gerardmegni* conscendimus mense Augusto.

## CAP. IV.

\* *Filix Rhetica tenuissime dentata* J. B.

J. B.

**A**D Filicem tenuifoliam profundè dissectam accedit; verùm cristæ, quarum alternatus oratus in singulares deauo cristulas dividuntur, unciales, paulòve altiores aut longiores, tenues admodum, crebròque & profundè dissectas, longè inter se distantes, averrà parte punctatas, ut aliz Filices.

Similis est *Adiantho* folio Filicis, sed differt non solùm in eò quòd major est *Adiantho*, sed præterea quòd pediculi *Adiantho* ad radicem rubeant, quòdque segmenta sunt quoque diversa.

Reperi in *Rhatia* primò, deinde in monte *Rosberg* propè *Masemunster*.

## CAP. V.

A. *Filix florida* sive *Osmunda regalis* Ger. *Osmunda regalis* sive *Filix florida* Park. *Filix floribus insignis* J. B. *Filix ramosa non dentata florida* C. B. *Flowering fern* or *Osmund royal*.

J. B.

**E**X uno perplexarum radicum, longarum, nigricantium cespite caules attollit bicubitales & altiores, virides, glabros, striatos, ramis patulos. Hinc inde alæ exoriuntur; pinnatis octo novèque conjugationibus foliorum, impari una alam claudente, constantes. Singularia autem folia omnia sursum spectant, trium quatuorve unciarum longitudine, semunciam lata, ex principio latiore sensim extenuata, in obtusum mucronem definientia, à nervo per longitudinem decurrente expositis in margines, (qui integri sunt nec crenis secti) infinitis oblique venulis. Caulis scapus in furculos aliquot divisus, racemulos unciales in singulis furculis multos sustinet, feminibus multis confertissimos.

Nascitur locis riguis ac palustribus putridis, in humidis quoque sylvis, in multis Angliæ provinciis. *Locus.* In insula *Mona* in clivis maritimis & rupium interveniis udis copiosam observavimus.

Flores Herbariis dicti nobis nihil aliud esse videntur quàm folia ob semina adnascencia non explicata, sed ad margines reflexa.

Hujus radicem ad Hernias & ulcera exploratissimi commodi esse scribit *Lobelius*, quinetiam *Vires* colicis & splenicis plurimum conferre; nonnihil calidam esse & acrem, odoris non ingrati.

Pars illa radices media subcandida efficacissimam putatur non modò vulneratis, sed & cæcis, ruptis, ex alto deturbatis decocta vel etiam tusa & cum aliquo liquore sumpta. *Dod.*

Rachitidi morbo dicto remedium præstantissimum & quasi proprium & specificum censetur hujus radix, cui percurandæ vel sola sufficiat. In Rachitide uti soleo conservâ *Asparagorum* seu germinum teneriorum hujus & Filicis maris, vel etiam *Asplenii* & *Phyllitidis*, prospero successu. *D. Bowles.*

## CAP. VI.

A. *Filix saxatilis ramosa maritima nostras.*

**H**unc ad litus Angliæ Occidentale rupibus maritimis adnascentem invenimus: *D. Newton* in puteo quodam *Camaloduni* in *Essexia* observavit.

Plantula palmaris aut sesquipalmaris est, ramosa; ramuli & pinnulæ non ex adverso sed alternatim oriuntur; pinnulæ obtusæ, latiusculæ, per extremum crenatæ. Intensiùs viret hæc species quàm pleræque aliz Filices. Pediculi & costæ foliorum mediæ in sicca rubere videntur.

## CAP. VII.

A. *Filix ramosa minor* J. B. *saxatilis ramosa nigris maculis punctata* C. B. *pumila saxatilis prima Clusii* Park. *Dryopteris Tragi* Ger. emac. *The lesser branched fern.*

J. B.

**P**arietinas & rudera sequitur, radicem habens Labyrinthico contextu multipliciter implexam, *Polypodii* radicibus tenuiorem, repentem, & in obliquum se spargentem, nigram, raris fibris tenuibus & duris capillatam (inquit *Clusius*) sapore cum levi dulcedine insigniter acerbò. Cauliculi multi, tenues, ex viridi fusci, palmares & dodrantes, longiorèque ramosi Filicis feminae



fœminæ vulgò dictæ instar ( cui tamen magnitudine plurimum cedit ) quibus pinnatim annexa folia Filicea, crenulis denticulata, subinde averſa parte pulverulentis tuberculis asperſa.

In opacis ad latera montium observavimus sæpius tum in Anglia, tum in regionibus transmarinis; in Anglia propè Abbatiam Tinternensem in agro Monmuthensi, inque Westmorlandia plurimam variis in locis: in transmarinis circa *Franchimont* castellum in agro Leodienſi non procul à Spada urbecula Acidulis celebri; in sylvosis ad latera montis Salevæ propè Genevam, & alibi.

## CAP. VIII.

## De Adiantho.

**A**diantum *Adiantum* Græcis dicitur *ἐν ἡδύρῳ*, i. e. in aquis non madescat, ob siccitatem scilicet superficiæ, quæ aquæ contraria est, & eam solet repellere, quemadmodum in pulvere & pennis, & aliis siccis & lævibus contingit, in quibus non consistit aqua, sed aut elabitur, aut in guttulas rotundatur. *Plin. lib. 22. c. 21. Aliud Adianto miraculum, aquas respuit, persusum mergiturve sicco simile est, tanta Dissociatio deprehenditur, unde & nomen à Græcis.* Non quod nunquam omnino madescat, quasi longiore mora in aqua submersum non æquè ac aliæ plantæ irrigetur, sed quòd imbris è cœlo decidentis stillicidia foliis ejus non infideant, ut Nicander, ob siccitatem scilicet & lævorem superficiæ. Alii *ἐν ἡδύρῳ* marcescere & à privativa dictum censent, quia non ut reliquæ herbæ illico decerptum marcescit. Polytrichum dicitur quòd capillos multos & densos faciat, eorûmque defluvia expleat.

- A. 1. *Adiantum album folio Filicis J. B. Filix saxatilis caule tenui, fragili nobis dici solita. Stone-fern with a slender brittle stalk.*

*J. B.*

*Radix* transversâ, satis crassa in parietum rimas & saxorum interstitia se insinuat, fibris nigricantibus demissis, sapore cum majore adstrictione subdulci, herbaceo Polypodii colore. *Cauliculi*, vel potius foliorum pediculi, dodrantes aut pedales, tenues, fragiles, viridantes nigricantésve inferna parte. *Ramuli* aliàs bini oppositi, aliàs alternatim adnati, ad duodecim aut quatuordecim paria, extremo scapo in folium abeunte, ut in aliis omnibus Filicis speciebus, longissimi duas trêve uncias æquantes, pinnulis alternatim adnatis, oblongis, altius incis, ut è pluribus compositæ videantur, unde hæc planta ambigere videtur inter ramosas & furculosas seu bis & semel subdivisas. *Folia* mollia sunt & tenera, facillè marcescentia, minutis denticulis incis, averſa parte atomis virentibus, tandem ferrugineis extantibus asperſa; sapore citra evidentem adstrictionem dulci, tam evanido ut pæne fatuum dicas cum viscido lentore, inquit *J. Baubinus*.

Filicem nostram saxatilem caule tenui fragili eandem speciem plantam esse cum Adianto albo Filicis folio *J. B.* minimè dubito, ideòque ejus descriptionem Filici illi nostræ accommodavi, cui ab aliis Filicum minorum speciebus distinguendæ sequentes notæ sufficiunt. Quèd sit è minoribus in hoc genere, altitudine tamen interdum dodranted, *caule tenui, fragili; foliis mollibus, teneris & facillè marcescentibus: pinnulis oblongis, altius incis, raris.*

*Locus.*

In muris antiquis è lapidibus exstructis, inque rupibus & saxorum interstitiis in regionibus montosis, ut v. g. in *Pecco* Derbieniſi, Westmorlandia & Occidentali Provinciæ Eboracensis parte frequens occurrit.

- A. 2. *Adiantum nigrum Officinarum J. B. nigrum vulgare Park. foliis longioribus pulverulentis, pediculo nigro C. B. Onopteris mas Ger. Common black Maiden-hair, or Oak-fern.*

*Radix* pro plantæ modo satis crassa, obliquè acta, plurimis fibris nigris terram firmiter apprehendit. *Cauliculi*, seu verius foliorum pediculi dodrantem interdum longi, firmiores quam præcedentis, nec adeò fragiles, læves, in nigrore splendentes, quibus in æquali ortu adnectuntur *ramuli*, utrinque pinnati, pinnulis altius incis, & in alias interdum subdivisis, unciali ferè circa principium latitudine, sensim in tenuem mucronem desinentibus, circum oras crenatis, altius quàm in *Ruta muraria*, lineolis pulverulentis averſa parte de Filicum more distinctis.

Folia huic plantæ firmiora & densiora sunt quàm præcedenti, adeòque *Rutæ murariæ* similiora, glabra & splendentia.

*Locus.*

In opacis ad radices arborum & fruticum, inque aggeribus umbrosis & muris antiquis passim provenit tum in Anglia, tum in exteris regionibus.

*Dryopteris alba Park. alba Dodonæi Ger. emac.* cum à præcedente solo foliorum & pediculorum colore dilutius differat, distincta species censenda non est, cum hæc accidentia ætati aut loco natali deberi verisimile sit.

*Adiantum nigrum* pulcherrimum Lugdunensi simile *Thal.* nos cum *C. Baubino* huic specie idem esse censemus.

Viribus cum reliquis hujus generis convenit.

A. 3. *Adiantum*

- A. 3. *Adiantum album floridum seu Filicula petraea crispa. Small flowering Rock-fern.*  
*An Adiantum album petraeum Rutæ murariæ accedens J. B? cujus descriptio superius posita est. An Ad. album crispum Schwenckf? cujus etiam superius meminimus. An forte Ad. foliis minutim in oblongum scissis, pediculo viridi C. B?*

Radix ei firmiter in terram depacta plurimis fibris rufescentibus constat, gustui amara. Folia ex eadem radice multa, longis pediculis insident, palmaribus scilicet aut semipedalibus, satis firmis, glabris, virentibus, ipsa quoque obscurius virentia quam reliquarum hujus generis, ramosa & varie divisa, Adianti albi folia magnitudine & divisurâ suâ nonnihil referentia, majora utcumque atque profundius & argutius secta. Sunt autem duum generum, alia segmentis seu pinnulis latioribus constant, suntque tenuiter incisa & Coriandri seu Petroselinii crispae folia quadantenus referunt; alia segmentis longis, angustis, ad margines undique reflexis & flores dictos Osmundæ regalis referentibus. Sapor foliorum acris & calidus.

Rara hæc & perelegans planta in agro Westmorlandico propè Orton vicum & alibi, ad macerias Locus. & muros antiquos è lapidibus nulla calce commissis extructos, quibus eò loci agros determinant, copiose provenit. Invenimus etiam in arduis & excelsis montis *Snowdon* rupibus, in Cambria Septentrionali.

## CAP. IX.

- \* *Filix scandens exotica anomala. Filix scandens perpulchra Brasiliæ Breynii. Filicis an species Marggravio.*

*Breyn.*

**P**almam sanè inter Filices jure meritoque obtinet Brasiliæ hæc elegantissima, quæ vicinis fruticibus aliisque rebus advolvitur, & ab imis ad summa repit, sarmentorum ope rigidiorum, splendentium, è viridi spadiceorum, ex quibus per intervalla palmaria longiorave noduli contrariis semper inter se brevissimis nascentes pediculis generantur, hirsuti, quorum singuli utrinque costam, ejusdem quo sarmenta coloris, proferunt, hirsutam, palmarem & sequipalmarem, foliolis viridantibus, elegantissimis, alterno positis alatis, tandemque in longum definentem. Quodlibet verò foliolorum aliquo modo *Convolvuli folio Albææ* foliis conveniens, parvo hirsutoque pediculo innititur, in tres plerunque divisum lacinas: utpote in duas breviores obtusas, denticulis quatuor, quinque, vel sex, longis radiatas, unamque longam, nonnunquam fescuncialem, (è medio brevium exorientem) denticulis utrinque instar Pristis rostri ab imo ultra medium, atque inde usque ad extremum cacumen crenis subtilissimis præditam. Denticuli dicti omnes angusti sunt, Coryli nucamentorum figurâ, in superiore latere squamulis crispis, acutissimè atque curiosè vestiti subtilissimis ferruginei coloris, inter quas gratula orbicularia \* *Selaginis primæ* Thalii magnitudine & figurâ occultantur.

\* *Musci clavati cupressiformis.*

HISTO-



# HISTORIÆ PLANTARUM LIBER QUARTUS.

QUI EST

De Herbis flore imperfecto, seu apetalò stamineove.



**H**OREM imperfectum voco quicumque foliis illis tenellis, fugacibus, coloratis caret quæ nos petala dicimus, adeoque solo calyce & staminibus componitur. Sub staminibus etiam stylum comprehendimus, quo paucissimi flores carent.

Notandum tamen calyces seu perianthia in nonnullis plantis, ut v. g. *Fegopyro*, *Potamogetone angustifolio*, & *Bistorta*, tum colore tum consistentiâ tenella florum petala proximâ similitudine referre. Distinguuntur quòd non defluant aut marcescant antequam semina maturitatem consequantur; verùm ipsis pro vasculis inserviant.

Librum hunc in tres Sectiones partiemur.

Prima erit de iis quorum fructus floribus contigui non sunt, sed vel totis plantis dirempti, in Sexu distinctis: vel in eadem planta paululum remoti seu sejuncti, ut in *Ricino*, &c.

Secunda de herbis semine triquetro donatis.

Tertia de reliquis quæ semine sunt rotundo, aut paululum compresso, aliùve cujuscunque figuræ præter triquetrum.

## *Herbæ flore imperfecto, seu stamineo, petalis carente sunt vel fructu*

*A flore totâ plantâ dirempto*; quæ sexu distinctæ habentur, quia ab eodem semine ortæ aliæ florem absque fructu, aliæ fructum absque flore producunt. Hæ aut sunt vel

{ *Scandentes*, fructibus squamosis, in racemos congestis, quorum usus est ad condiendam cerevisiam nè citò ace scat: **LUPULUS**.

{ *Erectæ*, quæ vel sunt folio

{ *Composito digitato*, è cujus corticibus linteamina fiunt; **CANNABIS**.

{ *Simplici*; seminibus

{ *Solitariis*; plantâ totâ

{ *Spinulis urentibus obsitâ*; foliis in caule binis ex adverso sitis: **URTICA**.

{ *Glabrâ & immoxia*, foliis singulatim alterno ordine positis, seminibus in nonnullis plantis muricatis: **SPINACHIA**.

{ *Binis coherentibus*, testiculorum ferè in modum, vasculis inclusis, foliis in caulibus adversis; radice

{ *Perenni reptante*: **CYNOCRAME**.

{ *Annua*, foliis

{ *Glabris*: **MERCURIALIS**.

{ *Hirsutis*: **PHYLLON**.

*In eadem planta à flore aliquantulum remoto*, fructu echinato aut aspero.

{ *Mono spermo*, foliis laciniatis Absynthii: **AMBROSIA**.

{ *Bina intus semina claudente*, foliis subrotundis Bardanæ: *Xanthium Arctium*, *Bardana minor*.

{ *Tricocco, verrucoso*,

{ *Elatior & arborecens*, foliis laciniatis, fructu Ricino animalculo simili: *Ricinus*, *Palma Christi*.

{ *Pumila*, foliis & facie Heliotropii: **HELIOTROPIUM TRICOCCON**.

*Flori contiguo seu cohærente*, Hæ vel sunt semine

*Triquetro,*

*Triquetro, eoque vel*

*Lucido seu splendente ac si politum esset; lateribus atque etiam angulis*

*Equalibus, floribus seu florum calycibus*

*Hexaphyllis, quorum tria conniventia semen, ceu vasculum quoddam, amplectuntur & occultant, interdum etiam arctè adhaerentia; foliis mollibus aut lavibus, radice lutea aut rubente: LAPATHUM. Hujus species illa quæ acido est sapore OXALIS seu Acetosa dicitur; quæ radice purgatrice, RHABBARBARUM.*

*Pentaphyllis, floribus in summis caulibus & ramulis, in spicas congestis, radice intorta astringente: BISTORTA.*

*Inaequalibus, angulo duobus minoribus lateribus comprehenso valdè obtuso, reliquis duobus majori lateri adjacentibus non minùs acutis, foliis Persicæ, flosculis quadrifoliis, in spicas congestis; PERSICARIA, quæ vel Acris folio emaculato; Hydropiper; vel Mitis folio maculoso;*

*Sordidiore & non splendente*

*Major & elatior, floribus hexaphyllis, foliis amplis, liratim striatis facultate sternutatoria & emetica vehementi: HELLEBORUS ALBUS.*

*Minores, floribus pentaphyllis*

*In spicis è foliorum alis egressis, foliis triangularibus*

*Erecta, floribus speciosis, semine esculento: FEGOPYRUM, Erysimum Circæ.*

*Scandens, floribus minoribus, fructu non esculento, CONVULVULUS NIGER.*

*In foliorum sinibus, cauliculis crebris geniculis interceptis, foliis parvis angustis: POLYGONUM.*

*Rotundo aut paululum compresso, aliùsve cujuscunque figuræ præter triquetrum. Hæ vel sunt flore florifve calyce*

*Sedi seu basi seminis fructifve coherente, semine vel*

*Nudo, nullo scilicet præter calycem vasculo seu tegmine clauso vel excepto;*

*Tetrasperma, aquatica, flosculis in spicas dispositis: POTAMOGETON.*

*Monosperma, calyce interdum arctè connivente & semen amplectente, interdum aperto, semen visui exponente: BLITUM SYLVESTRE; cujus species illa quæ folio est quernum æmulante odorata BOTRYS dicitur, quæ in maritimis oritur foliis Vermiculata KALIMINUS ALBUM; reliquæ pleræque Atriplicum nomine censentur.*

*Flosculo à perianthio distincto incluso, herba in parietinis & rudibus nascente: PARIETARIA.*

*Vasculo à flore distincto protecto, eoque vel*

*Bivalvi, è duabus laminis ceu valvulis conniventibus tantum, non coherentibus composito; ATRIPLEX.*

*Subrotundo, membranaceo, undique clauso, quod per maturitatem horizontaliter rumpitur, foliis ad margines æqualibus, oblongis; seminibus in singulis vasculis*

*Singulis, spicis minùs pulchris: BLITUM SATIVUM.*

*Pluribus, spicis sericeis, colorisque gratiam diu retinentibus siccatis: AMARANTUS HOLOSERICUS.*

*Cordato, flore flavo, foliis crenatis subrotundis, in aquosis nascentis: SAXIFRAGA AUREA.*

*Summo semini aut fructui innascente, eique vel*

*Vasculo incluso*

*Verrucoso, osseo, in spicis prælongis angustis, folio lato, glabro, radice esculenta: BETA.*

*Molliore & membranaceo, nullis verruculis scabro,*

*In terna loculamenta diviso, foliis rotundis crassis, duris Hederæ, facultate cathartica valida: ASARUM.*

*Simplici, nec diviso in cellulas, striato, flosculis & seminibus*

*In summis caulibus & ramulis, foliis subrotundis, eleganter crenatis: ALCHIMILLA.*

*Ad latera caulium è foliorum alis exeuntibus: PERCEPIERRE,*

*Nudo, foliis angustis Caryophylli aut Graminis: KNAWELL.*

Præter herbas hæc Tabulâ comprehensas alias adhuc aliquammultas flore imperfecto seu apetalæ huic Sectioni addidimus, quarum quoniam flores & semina, eorumque situs, figura aliæque accidentia nobis nondum probè observata & perspecta sunt locum iis suum & proprium in Tabula assignare non potuimus.

Ex sunt Kali geniculatum cujus ramulorum compages constat ex frequentibus squamulis pulposis, sub quibus instar Lentis semina concipiuntur, quæ decidunt arefcentibus squamulis in hyeme, ut observavit Cæsalpinus.

Kali semine cochleato spinosum & non spinosum, quod genere differt à Kali geniculato.

Sedum fruticosum seu Vermicularis frutex, qui quibusdam species Kali habetur.

Scoparia seu Belvedere Italicorum.

Camphor-



Camphorata & Camphorata congener.

Herbæ nonnullæ minimæ Polygoni & Anthyllidis nominibus Botanicis insignitæ, quarum flores & semina adeò exigua sunt, ut eorum partes & figuræ, reliquæque proprietates & accidentia nudo oculo vix discernenda sunt.

N. Præter herbas hac Tabulâ comprehensas dantur etiam aliæ in aliis generibus sexu differentes, ut Sesamoides parvum *Clus.* aliæ quoque quarum fructus à floribus remoti sunt, ut v. g. Frumentum Indicum *Maiz* dictum, Lachryma Jobi, Sparganium, &c.

N. Plantæ femine triquetra aliter & fortasse commodius distingui possunt florum respectu in eas quæ sunt floribus

{ Hexaphyllis ut Helleborus albus & Lapathium.  
 { Pentaphyllis,  
 { Speciosis, spicatum dispositis  
 { In summis caulibus : BISTORTA.  
 { In spicis è foliorum alis egressis : FEGOPYRUM.  
 { Minus pulchris, ut in Convolvulo nigro & Polygono.  
 { Tetraphyllis, in Perficaria.

## SECTIO PRIMA.

*De Herbis quarum fructus floribus contigui non sunt.*

## PARS PRIMA.

*De Herbis quarum fructus à floribus totis plantis distant, seu de Sexu distinctis.*

**P**LANTÆ hac Sectione comprehensæ, si sexu reverà non differant, prout nos opinamur, umbram saltem aut similitudinem quandam sexûs obtinent, cum in eadem specie nonnullæ naturâ steriles sint, & feminis infecundæ; aliæ fertiles & femine prægnantes. Has nonnulli mares vocant, illas foeminas : alii rectius illas mares faciunt, has foeminas. Semina enim plantarum Animalium ovis respondent, quæ foeminae pariunt, non mares. C. *Baubinus* quas nos sexu tantum diversas statuimus, specie distinctas facit : minus rectè ; cum ex ejusdem plantæ semine utraq; oriantur : æquo enim jure Virum & Foeminam species hominis distinctas facere potuisset.

### CAPUT PRIMUM.

A. *De Lupulo Salictario.*

**L**upulum à Plinio l. 21. c. 15. Lupum salictarium nominatum volunt. Lupulus cur dictus sit me latet, Salictarius autem dicitur quia subit scanditque Salices & arbuta omnia circumvolvendo : A salicibus autem potius quàm ab aliis arboribus denominationem sumpsisse nobis videtur, quia locis humentibus & ad fluviorum ripas, ubi & Salices, nasci amat. Lobelius Salictarium dictum existimat, quia fulcra quæ scandit ut plurimum Saligna sunt. Mesue *Volubilis folio aspero* dicitur. Caterum notæ Lupuli characteristicae quibus à reliquis hujus generis distinguitur sunt, Caules volubiles : Fructus squamosi in racemis laxis ; quibus incoctis efficitur ut Cerevisia ætatem ferat incorrupta, nec citò in vappam aut acetum degeneret.

*Lupulus mas & femina J. B. I, seu mas & II, seu femina C.B. 1. sive sativus & 2. sive sylvestris Park. nec enim aliter differunt quàm magnitudine & exilitate aliisque accidentibus à cultura ortis. Lupus salictarius Ger. Hops, the Male and Female.*

J. B.

Anadendras Lupulus, per se infirmus, facilè redicis & proxima adminicula, quæ apprehendit, conscendit ; non ille quidem capreolorum, quos nullos habet, ope, sed tortilibus asperis, angulosis, purpurascentibus & concavis *sarmentis*, tenaci pedamentorum complexu, in altum subnitens, cateroqui humo se tollere vix potis. *Folia* è geniculis bina adversa, pediculis palmaribus, asperis, & interdum rubentibus adnexa, modò Mori folia imitata, integra in mucronem abeunt, plerumque trifariam



trifariam aut quinquefariam divisa, totidem mucrones ostentantia, tum hic, tum illic per ambitum serrata. Flores in mare dicto è foliorum alis racemosi, cannabacei, colore herbido pallefcentes, sex foliolis & totidem staminibus componuntur, nullo sequente fructu evanescentes. Fructus in femina strobilorum instar, squamis compactiles, verum membranaceis & laxis, colore pallido seu ex viridi luteo, semen continent rufum, amarum.

In sepibus passim abundat, & ad dumeta & margines pratorum humentium luxuriat. Lupuli tam in Anglia, quam in Germania Vitium instar, in lupuletis seruntur & coluntur, magnâ curâ, nec minore impensâ, depactis prælongis perticis, quas sarmenta conscendunt atque etiam superant. Solo gaudent humidior, lætior & pinguior, benè stercolato. Tota planta culta lætior multò evadit, florum thyrsis foliaceis & squamosis grandioribus, semine etiam paulò majore. Vindemiæ tempore uvæ decerpuntur, in furno ad id præparato exsiccantur, in saccos deinde congeruntur & venum exponuntur. *Hæc partim ex Adversar. Lobelii, partim ex nostra observatione.*

Harum usus notissimus est toti orbi, ad condiendam nimirum Cerevisiam nè citò acefcat aut corrumpatur, sed in longum tempus asservetur: quod præstant mediante insigni amarore quem ei communicant, quid tamen ætate paulatim evanescit, Cerevisia interim vinosum saporem vetustate contrahente. Quinimo Lupulus incoctus Cerevisiam salubriorem reddere existimatur & sapidiorem; diureticam quoque & emmenagogam vim eidem communicare, sanguinem purgare, ictero & hypochondriacis affectibus utilis esse. An verò calculo renium & vesicæ atterendo & expellendo conducatur, an è contra ad ejus generationem & coagulationem faciat, à nonnullis ambigitur. Qui adversus calculum eum commendant eo argumento nituntur, quòd calidus sit & diureticus.

Qui usum ejus in calculo damnant, sententiam suam valido sanè tibicine experientiâ suffulciunt, quâ teste Cerevisiæ lupulata (quam nos *Bieram* vocamus) usu calculosorum paroxysmi exacerbantur; qui è contra Alæ (sic dicimus Cerevisiam cui Lupulus non fuerit incoctus) potu leniuntur & mitigantur: præterea ex quo Lupuli in Cerevisia usus in Angliam introductus sit, calculum apud nos epidemicum factum esse, multòque plures quàm olim infestasse clamitant. Nos iis potius assentimur, qui usum ejus in Cerevisia probant & commendant. Salubrior enim inde nobis videtur, & ventriculo gravior, & cibo concoquendo utilior. Nec obstat quòd Cerevisiæ lupulata potus calculosis à medicis interdicitur, Alæ præscribatur: illud enim fit ad leniendos paroxysmos; cui usui Alæ ob lenitatem & lubricitatem seu lavorem suum conducit, non ad morbum eradicaandum, ejusve causam tollendam; cum Alæ ob lentorem & visciditatem suam, utque Tartari aut facum copiam quam deponit, calculo generando potius & coagulando quàm dissolvendo & comminuendo apta nata videatur. Falluntur autem qui calculum epidemicum factum, ex quo Lupuli in cerevisiâ usus introductus sit, existimant. Nam quamvis Lupulus frequentioris hodie usus sit in urbe Londino quàm unquam antehac fuerit, pauciores tamen inibi nunc dierum quàm superiore seculo calculo laborant, ut ex accuratis *D. Graunt* Observationibus patet. Quod ad calculum attinet, putamus liquores illos qui Tartarum copiosum continent & præcipitant, generationem ejus in corpore humano promovere; unde & aquæ potiores à morbo illo immunes futuros arbitramur; qui autem vino indulgent, & merum assidue bibunt, persæpe calculo aut podagrâ vexantur: quorum morborum eadem causa, eadem materia esse videtur, idèque non rarò in se mutuo transmutantur. Observatum quoque est, longè plures in Gallia, ubi vinum quotidianus potus est, calculosos fieri, quàm in Anglia ubi Cerevisiâ pro potu ordinario utimur. Vinum autem Gallicum copiosum Tartarum præcipitare notissimum est. Verum enimvero cum ingeniosissimus Vir *D. Fredericus Slare* receptam illam opinione, quòd scilicet Tartarum calculi materia sit, experientiâ planè refutavit, quamvis verum sit meri bibulos calculo obnoxios esse, & vinum etiam Tartaro abundare, non tamen idcirco calculum generat, quòd Tartarum copiosum deponat, sed ob aliam aliquam nondum exploratam rationem. Deinde ad calculum præcavendum conducere opinamur, ut renes & ureteres copioso sero seu urinâ subinde inundentur & proluantur, ita enim & meatus omnes urinarii dilatantur, & arenulæ unâ eluuntur. Hinc qui se plusculum invitant, & strenuè bibunt rarissimè calculo infestantur: Diuretica quoque si effectum suum sortiantur, & urinam copiosam cieant, calculi materiam in renibus residem auferunt, ejusque concretioni anteverunt.

Turiones Lupuli velut & Asparagi vulgaris verno tempore coquantur, cumque butyro aut oleo communi, aceti tantillo & sale mensis adhibentur. Eorum esu sanguis purgatur, scabies præcavetur, alvus solvitur, epar & lien obstructionibus liberantur.

R. Salis nigri, Lupulorum recentium ana manipulos duos, Uvarum Corinthiacarum cœrul. lb. ½. Probè contusa, mixta, & in massam fragilem redacta carpis applicentur pro epithemate ad Febrem quotidianam fugandam. *D. Boyle de Utilit. Philosoph. nat.*

Lupulus scandendo perticas motum Solis observat, h. e. à dextra ad sinistram, seu ab Oriente per Meridiem versùs Occidentem flectitur, nunquam in contrariam partem, licet ipse manu volvendo & dirigendo ut eò tendat afficere coneris. Idem & aliis omnibus Convolvulis ab hac parte Æquatoris nascentibus commune esse aliquando existimavimus. Nunc tamen experientiâ contrarium edocti sumus, alii enim à dextra sinistram versùs flectuntur cum Lupulo, ut v. g. *Brionia nigra*, *Convolvulus niger*, & *Periclymenum*; alii à sinistra versùs dextram, ut *Phaseolus*, *Cuscuta*, *Convolvulus major & minor*; alii nunc in hanc, nunc in illam partem, ut *Dulcamara*. Sunt ergo qui Solem sequuntur; sunt etiam qui refugiant; sunt denique qui ambigunt.

Idem & Cochleis terrestribus accidere, ut id obiter notemus, observavit ingeniosissimus Vir & singularis Amicus noster *D. Martinus Lister*; quarum quamvis maxima pars à sinistra dextram versùs circumactis orbibus intorqueatur, nonnullæ tamen (minores hæ sunt & acutiori vertice) spiras in levam tendentibus fastigiantur.

Cæterum non omittenda sunt quæ Clusius habet de Lupuli radicem apud Salmanticenses usu.

Vulgus (inquit) & Veturæ Salmanticenses medicinam empiricam facitare solitæ ad curandam alopeciam à Venerea lue natam hac ratione lupulo utebantur. Ejus radices pondere libræ unius probè lotas & à fordibus repurgatas per noctem in aquæ libris octo macerabant: postridie in illa



ipsa aqua lento igne & fumi experte ad tertiæ partis consumptionem coquebant, vel etiam ad mediam partem, si vehemens esset Alopecia. Decoctionem servabant in usum. Ejus 3viii. manè ægris jejunis propinabant, deinde stragulis injectis sudorem provocabant. Addebant interdum Apii five Selini hort. duas aut tres uncias, & graminis aliquot radices, & nonnunquam etiam passas uvas à gigartis mundatas.

## CAP. II.

## De Cannabæ.

**C**annabis nonnullis à *Canna* nomen habere putatur [est autem *Canna*, ut *Calamo* major, ita *Arundine* minor] Cannabis enim propter Cannam seu Culmum præcipuè expetitur. Sunt autem Græcis *Kdrabus* fonticuli spurcæque scaturigines, quibus locis cum Cannabis sponte & fata luxuriat, videtur Lobelio id nominis indepta. Cannabis notæ characteristice sunt Folia digitata; corticum filamenta valida & tenacia, ad funes & linteamina texenda idonea.

A. 1. Cannabis sativa C. B. mas & femina J. B. sativa mas & femina Park. 1. seu mas & 2. seu femina Ger. emac. Hemp the male and female, or Winter and Summer Hemp.

*Radix* ei simplex, alba, lignosa, fibris aliquot donata: *caulis* quadratus, hirsutus & ad tactum asper, intus concavus, singularis, homine altior, licet (inquit J. Bauhinus) femina mari altitudine cedat, cortice in fila ductili.

*Folia* contrariis inter se pediculis bina, in quatuor, quinque, aut plura segmenta ad pediculum usque dividuntur, venosa, atro-virentia, aspera, serrata, odore caput tentante. *Flores* in mare five sterili ex alis foliorum exeunt in quatuor surculis seu racemulis se decussantibus, Crucis S. Andreæ dictæ in modum, ut in *Urtica*; quinque foliolis compositi, exterius purpurantibus, albescentibus interioribus, cum totidem in medio apicibus subluteis. Femina seu fertilis nullo præeunte flore semen copiosum fert, secundum caules confertum, majusculum, subrotundum, nonnihil compressum, glabrum.

Locus.

Locum natalem ubi sponte suâ oritur nondum novimus; verum in omnibus ferè regionibus in agris seritur. Amat solum pingue, stercoreatumque & riguum, ut rectè Columella. Commodum solum nata adeo luxuriat, ut herbas omnes, tam noxias quam utiles, suffocet, nec enasci, nedum adolescere permittat, adeo terram totam occupat & inumbrat.

Vires & Usus.

Semen Cannabis lacte decoctum tussi opitulari dicitur. Sunt qui eo fixo cum aliis tragematis utuntur. Tragemata autem voco ea quibus post cœnam voluptatis inter bibendum excitandæ gratiæ utuntur. Galen. apud J. B. In Francia Orientali, referente Trago, aliisque nonnullis regionibus semen Cannabis quotidie inter cæteros cibos decoquitur, non aliter quam Hordeum: at caput vaporibus replet & immodicè si estur delirium facit, ut Coriandrum. Serbi. Quin & F. de le Boe Sylvius à solo Cannabis semine in lacte bubulo pingui ad crepaturam circiter cocto & colato, atque bis terve in die ad 3v. aut vi. sumpto plures curavit ictericos. Sylvius de le Boe prax. lib. 1.

Emulsio seminis Ictero prodesse dicitur, siquando ex sola obstructione & citra febrem exoritur. Lugd.

Herbæ succus necnon seminis, è viridi expressus instillatus aurium dolores ab obstructione natos sanare traditur: est insuper hic succus certa pernicies insectis interaneis & vulnerum putridorum alumnis. Hinc (ut tradit Matthiolus) Cannabis recentis decoctum, expressâ validè herbâ, terrestrium lumbricorum cavernulis inspersum statim eos evocat, eodem modo quo foliorum Persicæ aut Juglandium putaminum succamentum decoctumve.

Semen insuper Gallinas ovorum feraciores reddere experienciâ sese comperisse scribit idem Matthiolus, adeo ut Cannabis semine pastæ, etiam hyeme saviente, quo tempore alias rarius parere solent, ova frequentius multo ponant: Verum easdem (ut scribit Lobelius) ob alimenti copiam quam suggerit, postea steriles & quasi pinguedinis mole obrutas reddit. Aviculis etiam cibus est ac tantum saginæ adfert (eodem referente) ut aut enecet, aut cantillandi adimat alacritatem aut facultatem, ut *Carduelibus*, *Rubicillis*, *Linotis*, &c. Nos quidem comperimus Aviculas canoras non alio semine libentius vesci quam Cannabis, nec si modicè præbeatur, & aliis seminibus, Rapæ v. g. aut Napi permistum, ullum eis damnum aut nocumentum inferre observavimus.

Quod semen hujus plantæ genituram extinguat, inter Botanicos convenit. Verum experientia melior magistra concordibus eorum suffragiis refragatur. Persæ enim nunc dierum ad Venerem stimulam semen Cannabis fixum & cum Sale commixtum in secundis mensis esitant: quin & herbæ nondum plenè maturæ folia, in umbra ficcata, & in pulverem redacta, deinde in pilulas ovi Columbini magnitudinis formata, ad eundem usum vorare solent, ut refert Olearius in *Itinerrario*. Chirurgus Ducis Lotharingiæ laudabat unicè D. Heubergero secretum suum ad ambusta, plurimorum salute expertum, oleum expressum ex semine Cannabis in quo Cera aliquid dissolutum sit, applicetur: Sedat dolorem & calorem extrahit. Succus ex eo recente expressus aurium doloribus adhibetur apud Dioscoridem. D. Turquetus [i. e. D. Theodorus Mayerne] apud Petrum Asselineum referebat, Elizabetham Angliæ Reginam doctam illam & mirâ regendi prudentiâ Sexus impotentiam supergressam, contractas Variolarum suppuratione maculas in seipsâ delevisse emulsione lactea ex semine Cannabino, separatim corticibus, cum aquâ Rosarum paratâ, & cum Gossipio admotâ. Ex observationibus Henr. Reusneri ab Hieron. Velschio editis. Obs. 88. & 183. excerptis & ad nos transmisit D. Barn. Soame.

Cunctis



Cunctis populis (Lobelio teste) penuriam Lanæ, Lini, Xylique refarcit Cannabis, ad vestium Stragula, Vela, Papyrus, quamlibet denique suppellectilem. Mas robustior [hæc nobis foemina dicitur quia prolifica] rudentibus & capistris torquendis nata habetur, mulierculis adagio jocantibus dicentibusque esse *Fœminam potiore mari*.

Lacunis & scrobibus aqua plenis immerguntur utriusque sexus fasces & manipuli, ubi macerantur eluunturque multum & diu: deinde ficcantur in Sole ut tundantur, ac demum cortices staminei tundendo idonei fiunt ut pectine separentur à crassioribus quisquiliis & fungosâ caulium substantiâ, ut Lino fit, ad filum & telas. Sed lacustris aqua cui intabuerit tantopere viru nocet, ut epota præsentissimo sit sitientibus exitio, cuique antidotis præstantissimis & tempestivè etiâ datis occurri vix possit. Hinc legibus Angliæ sub gravi multa cautum est, nè Cannabis aut Linum in flumine aliquo aut aqua corrente, nè in fonte, stagno, aliòve conceptaculo aquarum publico aut communi, ubi pecudum greges & armenta solent adaquari, maceretur.

Galenus Cannabem Urticæ similem facit non solum figurâ sed & faculcatibus; Et revera Urticæ cum Cannabe in multis convenit, nimirum flosculis stamineis, sexus differentiâ, flosculorum & seminum racemulis ad nodos cruciatim dispositis, caulium denique corticibus & nervis ad linteamina efficienda idoneis.

\* 2. *Bangue Park. Bangue Cannabi simile J. B. Cannabi similis exotica C. B.*

Simile ferè est (describente Acoſta) Cannabi: *caulem* habet quinque palmorum altitudine, quadrangulum, colore dilutius virenti, fractu contumacem, nec adeò concavum ut Cannabinus caulis, cujus cortex non minùs quàm illius in fila diduci potest [at Garcias stolones lignolos, nullo ferè cortice vestitos ei attribuit] *Folia* Cannabina, supernè virentia, infernè lanugine pubescentia, gustu terrestri & insipido.

Indi (inquit Acoſta) semine & foliis vescuntur, cum ut validiores in re Venerea sint, tum ad excitandam cibi appetentiam. Magnates & militia præfecti ut laborum obliti securius & liberius dormiant, seminis & foliorum in pulverem redactorum quantum videtur sumunt, illique addunt Arecam sive Avellanum Indicam viridem, & Opii nonnihil pro arbitrio, omniâque saccharo excepta devorant. Si verò in somno varias rerum species sibi obversari cupiunt, addunt selectissimam Camphoram, Caryophyllos, Nucem Moschatam & Maim: si verò hilares esse volunt & faceti, & præsertim in Venerem procliviores, Ambaro & Moscho additis, saccharo excipiunt, & electuarium faciunt. Multi autem affirmant, hujus semen & folia ad libidinem ciendam multæ esse efficaciz. Unde (inquit J. Bauhinus) colligere licet, nihil affinitatis habere cum Cannabi, licet illi admodum similis sit: quandoquidem, autore Dioscoride, Cannabis calida & sicca sit, & genituram extinguat.

Quæ de Bangue feruntur nos dubios reddunt annon Olearius, cum Cannabin apud Orientales in usu esse scribit ad Venerem excitandam, per errorem *Bangue* dictam plantam pro Cannabe habuerit, & è contra annon *Bangue* Orientalium sit ipsissima Cannabis Europæa: sin verò plantæ distinctæ sint, annon utraque pariter Venerea sit.

Ex quo hæc scripsi, Bangue à Cannabe plantam specie distinctam esse ab eruditissimo Viro & rei Herbariæ peritissimo D. *Hanf. Sloane* certior factus sum.

### C A P. III.

#### De Urtica.

**U**Rticam ab urendo dictam esse consentiunt Grammatici, quòd ignea sit naturæ, unde admota cuti vel levi tantum tactu, pruritus ac pustulas excitat, quomodo hoc præstat paulo post ostendemus. *ἄρτιον* vel *ἄρτιον* Græcis dicitur, *ἄρτιον* quòd lanugine noxia vellicet, pungat, & suo morsu sensum laceſſat, à verbo *ἄρτιον*, quod pungere & vellicare significat.

Urticæ quatuor tantum species novimus, duas racemiferas, duas piluliferas, Racemiferas voco quæ flores suos & semina in quibusdam velut racemulis è foliorum alis egressis gestant; Piluliferas quæ eadem in pilulas seu globulos congesta, eodem tamen situ, proferunt: illarum semina minora sunt; harum majora, splendentia, & Lini seminum amula. Racemiferae sunt

1. Urtica vulgaris major *J. B.*

2. Urtica minor annua *ejusdem*.

Piluliferae,

3. Urtica Romana *Ger.*

4. Urtica Romana altera Parietariæ foliis *Hort. Paris.*

Præter has, alias exoticas, & nobis nondum cognitâs, ex Histor. Marggravii & Horto Malabarico proponemus.

\* 1. Urtica *Braſiliensis*, Pinò indigenis dicta Marggr. An Batti Schorigeriam Hort. Malab.?

*Marggr.*

Ex radice parva, filamentosa, in octo aut novem pedum altitudinem assurgit, caule striato, aliquantulum piloso & crasso. Folia habet hinc inde posita, solitaria, vel juxta se invicem, quorum quodlibet innititur pediculo sesquipedem longo, aut etiam longiori, ex albo paulum rufescenti. Folia autem Urticæ nostrati similia, magna, in ambitu dentata, triangularibus dentibus, & raris pilis



pilis prædita. Fert superius racematim plures *flosculos* planè parvulos, candidi coloris, longo pediculo insidentes, tenui è foliorum sinubus egresso.

Hæc species eadem videtur *Batti Schorigenam* seu *Urticæ Malabaricæ* speciei secundæ *Horti Malab.* illâ tamen procerior, utpote quæ altitudine est trium tantum pedum.

Adde Floribus delapsis in capitulis succedere gemmulas virides seminales, è quibus semina ferme in totum cum matura sunt emicant, albicantia, parva, ac magis minuta quam aliarum specierum semina, rotundiola & plana, coloris albicantis & subflavi.

Plenam descriptionem videbis in Horto Malabarico.

• 2. *Urtica frutescens Malabarica* Schorigenam dicta. Hort. Malab.

*Hort. Mal.*

E radice parva, tenui, dura & albicante, plures longas capillares fibras tam subtus, quam à latere diffundente *caulis* exit tripedalis, tenuis, teres, tenui viridique claro cortice amictus, pilis seu spinulis urentibus obitus (uti sunt & folia ex utraque parte & fructus) *foliis* vestitus alternatim positus, cæterarum specierum minoribus, basi subrotunda, anteriora versus in cuspidem contractis, ad margines serratis exceptâ parte pediculo proximâ, subtus ex viridi albicantibus, tribus nervis insignioribus donatis, quorum medius nervulos minores arcuatos hinc inde emittit; laterales nervulos spargunt in apices dentium desinentes. *Flores* in spicis è foliorum tam superiorum quam inferiorum sinubus egressis, pediculis parvis, tenellis valde pilosis, nihil aliud sunt quam congeries gemmularum parvarum, quæ coloris ex viridi diluto flavescentis sunt.

Floribus deciduis succedunt *capitula* trilatera ac valde pilosa, ex tribus globulis junctis constantia, ac sex surrectis, oblongo-angustis, viridibus foliis, quæ densis transversis cuspidibus minutis obsita sunt, comprehensa; suntque coloris primum viridis, deinde subflavi & nonnihil rubescentis. In quolibet capituli globulo continetur *semen* unum, rotundum ac nonnihil oblongum, quam reliquarum specierum majus, cum umbilico bifido seu in duo labra sulcato, colore per maturitatem nigricante & in umbilico rubro-fulci.

• 3. *Urtica Malabarica tertia*, *Ana-Schorigenam* dicta. Hort. Malab.

*Hort. Mal.*

*Radix* quam præcedentibus tenerior & albicans. *Caulis* crassior, minus durus, humanâ altitudine, superiora versus profundè striatus, imâ parte obscurè rubens, maculis albicantibus rarioribus aspersus, superius maculis albicantibus viridi, dilutis, tanquam cutis serpentis *Cobra capella* dicti, varius. *Folia* in pediculis longis, crassis, succulentis grandiora cæteris, basi lata ac rectiore minùsve rotunda, cuspidibus crassioribus circumcirca incisa; è costis seu nervis crassioribus, ex viridi albicantibus, ternis, pluribus obliquis seu transversis nervulis in cuspides excurrentibus. *Flores* in petiolis longioribus racematim compacti, è gemmis ex viridi albicantibus parvis, rotundis, expliciti, in quatuor petala è viridi albicantia, angusta, antè in nodulos crispata ac convoluta, dividuntur. Floribus delapsis proveniunt *semina* nullis inclusa capsulis, spicatum ad unam partem petiolo ejusque ramulis viridibus adhaerentia, suntque petioli cum ramulis in altera parte rigidis albicantibusque spinulis adeò densè obiti ac tam arcuè convoluti, ut semina occultent, nec visui offerant nisi ex convolutione in rectum explicentur. *Semina* plana, rotunda, subflava aut subruffa, in medio crassiora.

A. 4. *Urtica major vulgaris* J. B. *major vulgaris* & *media sylvestris* Park. *Urens prima* & *secunda* sive *urens maxima* & *altera urens* C. B. **Common stinging Nettle.**

*Radices* luteis sub terra reptat & latè se propagat. *Caules* surrigit bicubitales, interdum etiam altiores, quadratos, rigidos, striatos, uridâ lanugine hirsutos, concavos, ramosos, *foliis* vestitos per intervalla ex adverso binis, pediculis oblongis insidentibus, à lata basi in acutum mucronem sensim angustatis, majusculis & profundioribus denticulis per margines serratis, spinulis minacibus horridis. Versus summitates caulium & ramorum ad singula foliorum paria quatuor exeunt *racemuli* in formam crucis dispositi, flosculis vel seminibus onusti; nimirum ad latera ramuli è sinu uniuscujusque folii exeuntis hinc inde unus, appositâ ligulâ ad racemuli pediculum utrinque. *Flores* herbacei, quadrifolii, perexigui, stamina quatuor apicibus donata continent. *Vascula seminalia* velut triquetra, duabus lamellis conniventibus composita, singula semina occultant, exigua, sublonga, ruffa. Ex *Urticis* autem aliæ mares sunt, aliæ fœminæ, aliæ nempe flosculos duntaxat inutiles proferunt, aliæ semen. Mordacibus Spinulis, quibus tum caulistum folia obsita sunt, *Urtica* ab aliis plantarum generibus abundè distinguitur. Spinulæ autem omnes (ut observavit clariss. *Hookius*) concavæ sunt & fistulosæ, mucronibus acutis, tactu levi cutem perforantes, & folliculis quibusdam liquore venenoso repletis innascuntur, singulæ singulis, qui spinularum tactu compressi per earundem cava syringarum modo liquorem suum in carnem transfundunt, qui pruriginem illam molestam & pustulas excitat.

Æstate floret. Superficies quotannis hyeme marcescit, radice restibili.

Ad sepes in locis ruderatis nimis frequens.

*Vir. s.*

*Urtica* omnis diuretica est & lithontriptica, peculiaritérque *Cicutæ* adversari dicitur, ut & *Hyoscyamo*. In olere sumpta solvit alvum, abstergit renes, calculos expellit, expectorationem morbillorumque eruptionem promovet. Matronæ nostrates novella urticarum germina, & folia primulum erumpentia verno tempore jusculis incoquere solent ad sanguinem depurandum. Succus herbæ aut syrupus ex eâ confectus in hamoptysi efficacissimus est. R. succ. *Urticæ* ʒiv. ʒ aut 6 diebus continuis manè bibatur jejuno ventriculo, & ipsa *urtica* jusculis incoquatur. Ægri depositi à medicis hoc reme-



remedio convaluerunt. *Amatus*. Communicaverunt *D. Needham* & *D. Hulse*, Aq. still. sp. vini q. f. ad largam aciditatem mirifice restringit hæmoptysin.

Hæmorrhagiam narium sibi frequentissimam, certo experimento sistere solebant *Hier. Rehlinger* Duumvir & *Udalricus Jungius* radice *Urticæ* rubræ albâ, lignosâ & tereti naribus inditâ, & attractâ aquâ. *D. Soame* è *Cumani* Observ. à *Velfchio* editis.

Extrinsecus putridis, gangrænosus ac malignis ulceribus auxiliatur, duritias ac tumores discutit; reprimunt uvulam inflammata (gargarizat.) sedat hæmorrhagiam narium (*Urtica* minor scilicet contusa, aut succus ejus naribus inditus) *Schrod.*

Semen *Urticæ* [*Romanæ* præcipue] Usus crebri est in pulmonum affectibus, asthmate, tussi contumace, pleuritide, peripneumonia. Conserva quæ fit ex racemulis florum & seminum in calculo rerum inque thoracis affectibus & spuito sanguineo medicamentum est præstantissimum. Semen *Urticæ* urinam & menses ciere, & Venerem extimulare inter Medicos convenit; unde à metreticibus amassus suis propinari solet. Radix *Urticæ* majoris commendatur maximopere ad icterum: Eadem vino & melle decocta non vulgare medicamentum est adversus frigidas tussis & orthopnoeas.

Æstum, pustulas ac pruriginem ab *Urticis* excitatas sedat & extinguit oleum olivarum, oleum rosarum, *Nicotianæ* succus illitus, aut etiam folium viride applicatum: ipsius denique *Urticæ* succus expressus, referente *Parkinsono*.

Quin & eruditissimus Vir, Amicus noster summus, *D. Tancredus Robinsonus* è *Röeris* Centur. observ. p. 640. Centur. IV. Obs. 81. aliisque Medicinæ practicæ scriptoribus suggessit nobis exempla immodici hæmorrhoidum fluxus cum omnia frustra exhibita fuissent ægro admodum debilitato, tandem curati à solo usu succi *Urticæ*, levi ebullitione depurati, & dati ad ʒij. cum pauco Saccharo.

Populares mei certo experimento *Cerevisiæ* recentis intempestivam fermentationem inhibent, & à tonitru defendunt collocando in dolii *Urticam* urentem maximam & frustra *Chalybis*. *S. Pauli* Quadr. Bot. cl. 4. pag. 536, 537.

A. 5. *Urtica minor* Ger. minor annua J. B. urens minor C. B. The lesser stinging Nettle.

Radix ei alba, satis crassa, simplex, furculosa tamen, furculis fibrillis aliquot tenuibus capillatis. Caulis crassi pro plantæ modo, semipedales & interdum pedales, quadrati, solidi, striati, spinulis rarioribus horridi, ramosi, minus recti quam præcedentis. Folia per intervalla ex adverso bina, pediculis longis appensa, atro-virentia, quam præcedentis breviora & obtusiora, per margines profunde dentata, spinulis venenatis utrinque minacia. Ad singulos caulium nodos, ut in præcedente; flosculorum aut seminum racemuli quatuor in crucis formam dispositi. Flosculi singuli tetrapetali, caduci. Vascula seminalia exigua, bivalvia, è duabus lamellis conniventibus composita, ut in *Atriplice*, singula semina continent, exigua, longiuscula, splendentia, figurâ ferè seminum *Lini*.

In hortis oleraceis & locis ruderatis, frequens oritur; nec ultra annum durat.

Locus.

A. 6. *Urtica Romana* Ger. Park. Romana seu mas cum globulis J. B. urens, pilulas ferens, prima *Dioscoridis*, semine *Lini* C. B. Common Roman-Nettle.

J. B.

Radix sublutea plurimas fibras spargit longiusculas, quibus terram firmiter apprehendit, [non alia (inquit *J. Baubinus*) quam *Urticæ* vulgari] non tamen perinde vivax. Caulis quatuor aut quinque interdum pedes altus [hominis aletudinem interdum multum superans *J. B.*] rotundus, ramosus, infirmior, rigidioribus pungentibus spinulis pro urida vulgatæ lanugine donatur, perinde ut & folia, quæ ad nodos bina opposita quam in illa altius incisa. E foliorum superiorum alis exeunt pilulæ virides asperæ & mordaces, pediculis appensa longiusculis, in quibus inclusum continetur semen, quod & compressa laterum formâ, & lubricâ superficie semen *Lini* æmulatur, flosculis præcedentibus fibrosis luteolo pulvisculo plenis.

Spontaneam observavimus in ipsis pluteis oppidi *Tarmouth*, & in arenosis circa *Aldeburgum* oppidum in *Suffolcia*: inveniri aiunt & in plateis *Romania* oppidi in *Cantio*, & *Liddæ* propè *Romaniam*. *J. Baubinus* *Montspeli* passim in sepibus observavit florentem & semina ferentem mensib. Aprili, Maio & Junio; *Basileæ* in pratis.

Locus.

7. *Urtica Romana* seu pilulifera altera *Parietariæ* foliis. Hort. Paris. The other Roman-Nettle, with Pellitory leaves.

Caulis assurgit sesquicubitali, tereti, striato, inani, in apricis purpurante, spinulis mordacibus obfeto, ramoso, foliis vestito ex adverso binis, pediculis oblongis insidentibus, minoribus, pro magnitudinis tamen ratione latioribus, quam *Urticæ* vulgaris, in acumen productis, lanugine urida hirsutis, per margines ferratis, minus tamen profundè quam *Urticæ* vulgaris, nec ad mucronem usque. Quæ primulum erumpunt folia marginibus sunt integris & æqualibus, *Parietariæ* æmula. E superioribus geniculis, ut in reliquis *urticis*, quatuor exeunt pediculi, in crucis formam dispositi, singuli singulas pilulas sustinentes hirsutas, quæ postea in quosdam velut flosculorum racemulos explicantur. Singuli flosculi quadrifolii, quatuor obtinent staminula, apicibus albescentibus insignia. Semina majuscula, splendentia, per maturitatem nigricantia, figurâ & nitore suo *Lini* semina referunt. Radix subest alba, crassiuscula, fibris aliquot donata, quæ tamen hyemem non fert.

Flosculis in pilulas coactis, semine *Lini* æmulo, cum *Urtica Romana* vulgari convenit: foliis *Parietariæ*, &c. ab ea differt.



Nostratibus ludicro nomine *Majorana Hispanica* dicitur: cum enim adhuc junior est, adeo Parietaria aut Majorana cuidam similis est, urtica autem dissimilis, ut facile incautis persuadeant eam naribus admovere; unde mordacibus ejus spinulis ex improvviso compuncti, risum spectatoribus excutiant.

## CAP. IV.

## De Spinachia.

**S**pinachia, tam celebre & usitatum nunc dierum olus, Veteribus indicta & incognita videtur. Spinachia autem Recentioribus à semine spinoso dicta est, quamvis reperiatur etiam semine lævi & spinis destituto. C. Baubinus *Σπινάχια* à raritate in usu medico Græcis recentioribus dictam scribit. Hujus an dentur species diversæ nobis non certò constat. Duas tamen seu species, seu varietates novimus, nimirum

1. *Spinachiam semine spinoso* C. B.
2. *Spinachiam semine non spinoso* ejusdem.

Spinachia semine non pungente, folio majore & rotundiore J. B. si à præcedente differat nobis incognita est: C. B. præcedentis synonymam facit. Spinachia femina seu sterilis perperam pro specie diversâ à C. B. ponitur, cum ex eodem cum fertili semine proveniat.

1. *Spinachia* Ger. Park. *Spin. mas & femina* J. B. *Lapathum hortense* seu *Spinachia semine spinoso* C. B. *Spinache*.

E radice tenui, albâ, simplici, paucissimis fibris donatâ, caules surrigit pedales, fistulosos, teretes, striatos, in alas divisos. Folia Atriplicis ferè, longis pediculis nixa, inferiora ad basin suam interdum utrinque laciniata, mucronibus acutis; quæ autem in summo caule existunt, duos tantum processus velut auriculas ad basin obtinent, tenui quadam polline, Atriplicis in modum, aspersa. Flores in caulibus à medio ferè usque ad fastigium, in *Mare* herbaceis aut purpurantibus apiculis è calice quadrifolio exeuntibus constant, in oblongis furculis seu racemis è foliorum alis ortis, ut in Mercuriali. In *Femina* flores nulli cernuntur, sed tantum apiculi quatuor albi in summo semine. *Semina* autem ipsa foliorum alis arctè adnascuntur, conferta, aliâs (ut nomen docet) spinosa; aliâs lævia, in globulos seu racemulos congesta, majuscula, nonnihil compressa, orbiculata.

Locus.

Spinachia ubi sponte oritur nobis non constat. Hispaniæ autem originem suam debere argumento est nomen quo à quibusdam vocatur, nimirum *Olus Hispanicum*. Passim in hortis feritur, nullum solum aut coelum respuens, tum Martio & reliquo Vere, tum Septembri, non horrens hyemis frigora, quæ si iniqua nimis, Juglandis foliis conservatur ut vere cibum suppeditet, quo tempore semen profert. Martio verò lata intra duos menses perficitur. Autumno lata foliis magis luxuriat, nam quæ vere feritur caulescit illico; unde ad pulres Autumno potius ferenda.

Usus.

In culinis per totam ferè Europam, (teste Trago & experienciâ) vix quicquam frequentioris est usus pultribus ex Spinachia confectis, quas oleo aut butyro condiunt & inungunt, herbâ minutim concisâ; nonnulli uvas Corinthiâs eis admiscunt. Citra aquam coquitur hoc olus, quod magnam vim humoris inter coquendum remittat, & velut proprio contentum jure alienum aspernetur.

Inter omnia olera culinaria meo judicio Spinachia laudatissima est & gratissima. Trag. Unde & in omni penè ægritudine cibo deligi potest.

Febriticantibus & senibus adstrictioris alvi maximo commendanda est opere; illis imò vel hecticis, ut febrilem æstum temperet, his ut alvum lubricet, quod longè melius est quàm ut suppositariis & catharticiis semper extimuletur. S. Paulus.

Refrigerat & humectat, nitrosa sua qualitate, alvum emollit, gutturi asperitati medetur & aridæ tussi confert: nauseam faciliè parit nisi zingibere aut alio consimile condiatur.

Succus & aqua destillata Stomachi ardorem & rosiones mitigare, & lac elicere dicitur.

Extrinfecus ventriculo & epati imposita cataplasmatibus instar, eorum inflammationes dolorumque tollere creditur.

2. *Spinachia semine non pungente, folio majore & rotundiore* J. B. *The greater unprickly Spinache*.

J. B.

Longè major majoribusque est foliis quàm Spinachia vulgaris, necnon rotundioribus, cæteroqui similibus, quemadmodum & floribus proximè circa caulem ad pediculorum exortum muscosis. Semina sequuntur conglomerata velut in racemulum, Lenticulis ferè paria, rotunda, nullis spinis horrida, cinericei coloris.

Nos Spinachiam semine non spinoso, ut & semine spinoso majorem Park. à vulgari spinoso semine specie non differre putamus, sed accidentibus quibusdam à loco natali & culturâ ortis. Verum examinandum proponimus, an Spinachia semine spinoso, necnon Sp. semine lævi satæ semper producant sui generis sobolem, hæc nimirum semine lævi, illa semine spinoso factam, an interdum diverfi?

CAP.



## CAP. V.

## De Mercuriali.

**M**ercurialis à Mercurio denominationem sumpsit. Plin. lib. 25. cap. 5. *Lincozostis* sive *Parthenium* Mercurii inventum est, ideo apud Græcos *Hermupoa* multi vocant eam, apud nos omnes *Mercurialem*.

Pro Mercurialis speciebus habeo *Cynocrambe* dictam & *Phyllon*: adeoque tres Mercurialis species agnosco, unam perennem, duas annuas; ex sunt,

1. *Mercurialis perennis repens*, *Cynocrambe* dicta.
2. *Mercurialis annua glabra vulgaris*.
3. *Mercurialis annua hirsuta*, *Phyllon* dicta.

- A. 1. *Cynocrambe mas & femina* Ger. emac. *mas & femina*, sive *Mercurialis repens* J. B. Merc. sylvestris *Cynocrambe* dicta vulgaris *mas & femina* Park. Merc. montana testiculata, & Merc. montana spicata C. B. **Dogs Mercury.**

*J. B.*

Plurimis fibrosis radiculis perennibus & lentis, sapore nonnihil dulci, sed fastidioso per terram repit *Cynocrambe* tam mas quam femina, nervo duro, fibrarum *Hellebori* instar factis. *Caules* surriguntur multi, teretes, concavi, longis internodiis geniculati, pedales, propter terram purpurascens non ramosi. *Folia* ad articulos bina opposita, lanuginosa, foliis Mercurialis paulò longiora, duarum scilicet triumve unciarum, tenera, [inferiora multò minora sunt] acuminata, in ambitu serrata, pediculis brevibus, gustu nauseoso. Ex alis foliorum pediculi exeunt, in mari quidem breviores, quatuor vel quinque, semunciales, unciales ac majores, breviores alios interdum à latere proferentes, quibus infident *flosculi* herbaceo colore præditi, ternis foliolis constantes, quorum medium occupat loculamenti seminum rudimentum, ex cujus cacumine emicant apiculi bini, corniculati, extrorsum reflexi: loculi hirsuti, compressi, in geminos testiculos Lentis magnitudine divisi, *semina* bina continent, dissepimento membranulæ distincta, in uno pediculo tergemina. At in *Cynocrambe* femina ex foliorum alis pediculi surriguntur, tres, quatuor aut quinque uncias longi, tenues, striati, in quibus *flosculi* in spicam digesti muscosi, ternis foliolis herbaceis compositi, in quibus staminula aliquot herbacea, qui nullo succedente semine intereunt. Dodonæo tota herba virosi odoris ingratum redolet.

*Cynocrambe* in sylvis, sepibus, aliisque perinde umbrosis gignitur. Primo vere exit, autumnus *Locus*. exeunte, folia & caules marcescunt, radice superstitite.

Facultatibus cum Mercuriali convenit Prævotius. Mercurialem sylvestrem olerum more coctam, *Tempus*. & oleo ac sale conditam inter medicamenta serofitates benignè evacuantia enumerat in libro De *Vires*. *Medicina Paup.* quod è Dioscoride hausit.

- A. 2. *Mercurialis mas & femina* Park. Merc. mas & Merc. femina Ger. M. testiculata sive mas Dioscoridis & Plinii, & M. spicata sive femina eorundem C. B. **French Mercury.**

*J. B.*

*Folia* hujus ad *Parietaria* folia accedunt, sed glabra sunt, atro virore splendentia & in ambitu ferrata, sapore nitroso, calidiusculo & nauseoso. *Caules* ei angulosi, spithamæ ac etiam majores, geniculati, læves. Ex foliorum alis, femina quidem ligulæ rectæ emicant, tenues, quas verticillatum seu in spica ambiunt *flosculi* glomerati muscosi, qui in quatuor foliola herbida sese explicantes, cirros apiculorum luteolorum aut herbidorum ostentant, nullo succedente semine pereuntes. Mari autem ex iisdem alis breves pediculi oriuntur, quorum singulis testiculata *bursula*, nonnihil compressa, hirsutæque infidet, gemina *semina* recludens. *Radix* utrique tenera & fibrosa, annua.

In hac descriptione *J. Baubinus* vulgarem opinionem sequitur, Mercurialem sterilem pro femina, & fertilem pro mari accipiens: cum è contra rationi consonum sit & aliarum rerum naturalium analogiæ, ut sterilis dicatur mas, fertilis femina. Femina enim est in omni genere quæ fecundat & fructum edit.

Mercurialis reperitur in hortis olitoriis, vinetis, aliisque locis humentibus ac umbrosis. In *Locus*. maris littore propè *Ryde* Vectis insulæ oppidulum sponte & copiosè provenit.

Est è numero quinque illarum famosarum emollientium herbarum; abstergit, alvum movet, aquas *Vires*. ac bilem purgat, unde & hodie in enematis frequentissimus ejus usus.

Sunt è nostratibus mulierculi, qui Mercurialem infantibus cum pappâ exhibent, ut alvum solutam retineant, torminâque præcaveant. *Schrod.*

Observatum est omnis generis verrucas hujus foliis vel eorum succo tolli; item semen cum *Abfinthio* decoctum ictericos mirificè juvare. *Matth. & Ruel.*

Quæ Veteres habent de vi maris ad efficiendum ut mares gignantur, femina ut femina, nobis fabulosa videntur & falsa.



3. *Phyllon marificum & feminificum* Park. *arrhenogonon & rhelygonon folio incano* Monspessulanum  
J. B. *arrhenogonon sive marificum, & rhelygonon sive feminificum* Ger. *testiculatum & spica-*  
*tum* C. B.

J. B.

Pedales & cubitales habet *caules*, totos candido tomento pubescentes, & per ætatem lignescens, qui in ramos ex adverso positos ordine certo abducuntur. *Folia* oblonga, subrotunda, crassiuscula, nervosa, mollia, lanuginosa, incana ad articulos oriuntur. *Flosculi* minimi, in mari quidem ad juncturas, brevibus pediculis nixi, vix apparentes ante fructus, sunt duo apices ochræ colore pallido. *Fructus* autem sunt gemelli, testiculati, villosis loculis comprehensi. *Semina* (inquit Lobelius) uti minoris Heliotropii exiliunt, immatura albida, matura verò cyaneo nitent colore, rotunda & quàm Papaveris majora, gustu fervida, & nonnihil pingua. *Radix* lignosa, exilis. In foemina flores spicati racemosique, ut in Mercuriali foemina.

Theophrastus Phyllo Ocymi folia tribuit, & rectè nostrâ sententiâ. Illud inter alia ei cum Mercuriali, Cynocrambe & Heliotropio minore commune est, ut erutæ radices temporis successu cœruleum colorem contrahant. *Clus.* quod & nobis observatum, etiam de caule & fructu.

Locus.

Circa Monspelium in fossarum aggeribus & ad vias publicas, præsertim propè aquas oritur; ut nobis observatum. *Clusius* multis Hispaniæ & Galliæ Narbonensis in locis nasci refert, ubi Aprili floret & interdum maturius, at in regiones frigidiores translatum nonnisi æstate.

Vires.

Salmanticenses utriusque decoctum omnibus animalibus à cane rabido demorsis propinant, magno successu, ut inquit. Granatensibus verò, Mauritanis præsertim, ad muliebres morbos magno in usu est. *Clus.*

## SECTIONIS PRIMÆ

### PARS SECUNDA.

*De Herbis quarum fructus à floribus aliquantulum remoti seu sejuncti sunt, in eadem planta.*

**C**ONVENIUNT hæ plantæ cum superiore sectionis hujus parte traditis, quòd in his flores pariter fructibus contigui non sint. Differunt quòd singulæ plantæ tam flores quàm fructus proferunt, quamvis à se invicem separatos seu remotos.

Sunt & aliæ nonnullæ plantæ flore etiam imperfecto quæ flores à fructibus sejunctos gerunt: ut v. g. *Lachryma Jobi* seu *Milium arundinaceum*, *Maiz* seu frumentum *Indicum*, *Sparanium*. Verùm hæ ad aliud genus pertinent.

#### CAP. I.

##### *De Ambrosia.*

**A**mbrosia Veteribus *τὸ ἄμβρυσ βρώμα*, Deorum cibus dicitur, quòd eum mortales non edant, vel quòd qui eum edunt immortales evadant, ita eximie fragrantie gratiæ etiam Diis expetita.

Cùm autem unica duntaxat Ambrosiæ species hætenus cognita & descripta sit, non est cur notas generis characteristicas adscribamus, cùm ea ex descriptione peti possint.

*Ambrosia* Dod. Ger. *quibusdam* J. B. *hortensis* Park. *maritima* C. B.

J. B. Dod.

Compluribus fruticat statim à radice ortis virgultis [ Dod. unico caule fruticis exigui modo asurgere scribit ] striatis, rubentibus, subhirsutis, in ramos multos diductis: *folia* suaveolentia, *Abfinchii* communis magnitudine & divisurâ, albicantia, lanuginosa, sapore aromatico, amaricante non ingrato. *Flores* secundum ramulos alternatim diffusi, sublutei, rotundi, muscoli, absque fructu pereunt, ut rectè Dodonæus; subsunt inferius angulosa, terrestris Tribuli instar echinata *capitula* exigua, nunquam florentia, in quibus *semen* nigricans, singulis unicum inest, nigrum, gigarto vitigineo simile & ferè par. *Radix* lignosa, simplex, fibris aliquot capillata. Inalbicat è vires tota herba, & gratum odorem spirat.

Locus.

In maritimis Hetruriæ arenosis spontaneam observavimus.

## CAP. II.

## De Xanthio.

**X** Anthium Græcis dicitur *ἄνθ' τῆ ξανθοῦ ποιεῖν τὰς τρίχας*, quod flavos reddat capillos: Lappa minor Botanicis ob aliqualem florum & fructuum vestibus adhærentium similitudinem. Vocatur etiam hæc planta in Officinis *Bardana*, voce vel Gallicâ vel Hispanicâ, inquit C. Hofmannus.

Xanthii notæ characteristicae sunt flores staminei, inutiles, nec fructui contigui: fructus durus, echinatus binis intus cellulis bina semina, hoc est, in singulis singula continens.

1. *Xanthium sive Lappa minor* J. B. *Lappa minor*, *Xanthium Dioscoridis* C. B. *Bardana minor* Ger. *The lesser Burr-Dock*.

J. B.

*Canle* est cubitali circiter, hirsuto, punctis rubris guttato, ramoso. *Folia* alternata pediculis nuntur tres uncias longis, cauli concoloribus, Tussilaginis foliis quodammodo similia, sinuata & crenata, colore (id quod nomen ipsum loquitur) Xantho, utrinque hirsuta, sapore acriusculo, & quodammodo aromatico. Quâ foliorum pediculis est ortus plura simul *capitula* se promunt bullata, *flosculos* stamineos emittentia: quibus tamen non succedunt, sed in ramulis ex alis foliorum erumpentibus seorsim sine pediculis enascuntur *echini* lappacei, vestibus adhærentes, oblongi, in duos acutos rigidosque mucrones desinentes, qui duobus distinctis loculis totidem grana condunt hordeacea. *Radix* parva, nec vivax, alba, multas undique fibras crassiusculas profert, quibus terræ firmiter adhærescit.

Gaudet solo lato ac pingui: rariùs in Anglia spontaneum vidimus: in transmarinis ad rivulos & in aquosis scrobibus sæpiùs & copiosum. Locus.

Gustu est subamaro & acri, unde calfacere & ficcare colligitur. Usus præcip. (secundum Matthiolum) in minera lepræ educenda [cum Rhabbarbaro exhibetur radix] in lipothymia: extrinsecus in struma & tumoribus discutiendis [epithema] in capillis luteo colore tingendis; in quem usum Veteres fructum colligendum præscribunt antequam perfectè siccescat, deinde tustum fictili vasè recondi; cùmque usus exigit ejus sextarii semissim aquâ tepidâ dilui, moxque eo caput nitro ante perfrictum illini. Vires.

2. *Lappa Canadensis* minori congener sed procerior. Hort. Reg. Paris.

Procera & speciosa est hæc planta, quæ nobis hoc anno [1685] ex semine ab ingeniosissimo Viro & rei Herbariæ peritissimo D. Hansf. Sloane M. D. misso succrevit. Non tantum procerior est vulgari Bardana, sed etiam magis patula & ramosa, ramis latè diffusis, & ipsum etiam caulem longitudine superantibus. *Folia* quàm illius majora sunt, longioribus pediculis nixa, altius incisa, in acutiores apices producta, nervis rubentibus insignia, usque (quod notatu dignum est) supra folii supinam superficiem nonnihil eminentibus seu elevatis, magis quàm in vulgaris foliis. *Flores* & semina eodem modo quo in vulgari ex alis foliorum conferta exeunt: *Lappæ* quam in illa multò majores sunt, spinulis hamatis rarioribus, iis tamen longioribus & crassioribus obsitæ.

Planta hæc maturiùs è terra exit quàm vulgaris Bardana, serius tamen floret & semen perficit, totaque viridior videtur quàm illa. *Folia* seminalia longiora sunt & angustiora.

## CAP. III.

## De Heliotropio.

**H** *ἡλιότροπον* Dioscoridi lib. 4. cap. 193. dicitur, quod *τὰ φύλλα τῆ τῆ ἡλίου συμπεριτρέπτει* i. e. quod folia cum Sole circumagat: & *Σκορπίου*, quod ramuli cum floribus Scorpionum caudæ modo circumagat. Plinius lib. 22. cap. 21. Heliotropii miraculum inquit sæpiùs diximus, cum Sole se circumagentis, etiam nubilo die, tantus syderis amor. Noctu veluti desiderio contrahit cæruleum florem. In Heliotropio Recentioribus dicto nulla hujusmodi ad Solem conversio observatur; ut neque in alia quavis specie plantæ nobis cognita. Plurimæ sunt quarum folia, nec pauciores quarum flores interdum expanduntur, noctu contrahuntur, quarum tamen è numero Heliotropium non est; quod tamen aliàs satis accedit ad veterum Heliotropii descriptionem.

Cæterum Heliotropium tricoccum quamvis magnitudine, ut & caulis & foliorum figurâ cum vulgari Heliotropio conveniat: flores tamen & semina toto genere diversum arguunt.

*Heliotropium tricoccum* C. B. J. B. Ger. Park:

J. B.

*Radix* ei subest lignosa, simplex, paucis apophysibus fibrata, annua. *Caulis* cubitalis, [pedalis Clus.] rectus, ramosus incano tomento obsitus, sicuti & *folia*, Heliotropii majoris similia, majora, sinuata, nervosa, mollia. *Flores* racematim in privatis pedicellis cohærent, exigui, luteoli, nullum



nullum post se semen relinquentes. *Siliquæ* enim nullo præcedente flore ex alarum cavis exeunt, ex longis petiolis dependentes, sub foliis quasi occultatæ, tricoccx, cinerei coloris, asperâ superficie & verrucosâ, quibus dehiscenibus *semen* exilit cinereum.

Hæc capita live filiquæ pannis affricatæ florido viridi colore eos inficiunt, qui temporis momento in cœruleum eumque elegantem mutatur. *Clus.* Panni hi aquæ intincti & expressi eam purpureo eleganti colore imbuunt, vini rubri æmulo, eorûmque usus est ad gelatinas, scribilitas aliæque ejusmodi scitamenta coloranda.

*Locum.*

Circa Monspelim & alibi in Gallia Narbonensi æstate & autumnino in satis passim provenit, ubi ad usus prædictos à rusticis colligitur, & vulgo *Turnesol* appellatur.

#### CAP. IV.

##### De Ricino.

**R**icinus, Dioscoridi *Κίκυς ἢ Κεβρω* à similitudine Crotonis vel Ricini animalis, quod semen ejus refert, dicitur. *Κίκυς* autem vox est Hebræa vel Orientalis, quæ legitur in Prophetia Jonæ, cujus significatio incerta.

Ricini notæ genericæ sunt caudex lignosus, fructus tricocci muricati, in surculo peculiari racematim ferè dispositi: semen Ricino animalculo simile.

1. *Ricinus vulgaris* J.B. C. B. *Ric. sive Cataputia major vulgaris* Park. *Ricinus sive Palma Christi, vel Kiki* Ger. Palma Christi.

*J. B.*

Insigni auctu celeriter adolescit, *caule* crasso, striato, glauco, geniculato, inani, trium, quatuor & plurium cubitorum, superius ramoso, ex obscura purpura nitente & glabro; candido videlicet deterso tenui instar farinæ pulvere, quo veluti conspersus subinde apparet. *Folia* ampla, Cordo Platano & Aceri similia, digitata, in septem, octo aut novem acuminata, serratæque segmenta, in quorum singula nervus è folii centro exporrigitur, dividuntur, atro-virentia, splendida, & interdum acetabuli instar concava, potissimum loco quo segmentorum nervi coeunt, unde & pediculus averso folio oritur dodrantalis, purpurascens, concavus: quanto autem superiora fuerint folia tanto ampliora existunt, sic ut ex his petasum æquantia sit reperire, nullum è vulnere lac manantia. *Flores* longâ serie thyrsoides surculo peculiari racemati insident, è sanguineis crispisque staminibus, quæ terna è fructûs rudimento emicant, conflati: quibus muricata triquetra vascula succedunt, quæ *semina* claudunt oblonga, Ricini animalculi æmula *Dod.* foris livida & maculosa, interiore medullâ candida, quæ capitulis per maturitatem fissis ac rimas agentibus, cum impetu exiliunt. Ac præter flores dictos videre est in eodem thyrso muscosa glomerata nucamenta coloris herbacei, quæ nullo relicto fructu tandem marcescunt. *Radix* subest simplex, longa, crassa, dura, candida, crebras circumcirca fibras emittens.

*a. u. 118.*

Seritur apud Germanos & Gallos (inquit *J. B.*) non modò ad spectaculum sed etiam ad tutelam adversus talparum injuriam, quas ferunt Ricinum fugere. Annua verò in Germania stirps est, atque etiam in Anglia. Verum in Creta multos perdurat annos, & in tantam excrescit altitudinem ut non nisi scalis admotis possit conscendi, quod Bellonius tradit *Observat.* lib. 1. cap. 18.

\* *Schol. in Monard. Hist. c. 4.*

\* *Clusius* quoque Ricinos crassitudine humana, altitudine trium hominum, multis prægrandibus ramis brachiatos, & multos annos durantes in maritimis Bæticæ observavit, easque exactissime congruentes descriptioni Dioscoridis. Nos quoque in Sicilia Ricinum arbulculam Sambuci æmulam, lignosam & satis longavam, in sepibus frequentem observavimus.

2. *Ricinus Americanus* Ger. Park. *Americus, Curcas Incolis* *Clus.* not. in Monard. *Ric. Americanus major semine nigro* C. B. *Ric. major Americanus Curcas dictus & Faba purgatrix Indiarum Occidentium* J. B. *Munduy Guacu Brasiliensibus* Marggrav. & Pilonis. *Pmbones Lusitanis. Ricinus Americanus folio Staphisagriae* C. B. app.

*Marggr.*

Arbor est in Ficûs magnitudinem & figuram excrescens, ligno molli & fragili. *Folia* habet circa ramos inordinatè posita, quodlibet suo pediculo semipedem longo insistentia: suntque viridia, ad tactum mollia, foliis Ficûs aliquo modo similia, sed non ità profundè secta, verum subrotunda, & antèrius in tres angulos desinentia [ *C. Baubino* folia pallidè virentia, pediculis oblongis & hirsutis asperis donata, inferiora ad foliorum Ficûs formam nonnihil accedentia, & in lacinias quinque divisa, superiora verò quæ Staphidis agrarum foliis similia, in ternas lacinias secta sunt, omnia verò per circumferentiam crenis acutis exasperantur, & nonnihil pubescunt, ità ut attractu mollia sint: ] Lignum & folia fundunt è lacteo aquosum succum. *Flosculos* fert copiosos racematim, parvos, pentapetalos, petalis antèrius viridibus, deorsum incurvatis, in medio flavis staminibus, quæ decangularem stellam referunt, subdulcis odoris. Sequitur hos fructus turbinatæ figuræ, seu instar Juglandis mediocris, & ejusdem magnitudinis, primò viridis, mox flavus, ubi plene maturuit fuscus sive niger, qui sponte finditur in tres partes, quamvis sex constare videatur. In quolibet fructu sunt tres nuclei, magnitudine & figurâ pineis similes, in tribus concamerationibus distincti, cortice nigro corticis Castaneæ crassitie tecti, & in extremitate sunt maculæ albæ [ Harum alii non meminerunt ] Nucleus albus, instar cuticulæ ovi, exterius etiam pelliculâ albâ obductus.

Validè



Validè purgant tres aut quatuor nuclei comesti, & quidem nimis si pellicula interior non separatur, idè semper adimenda.

Arbor facilè transplantatur, nam ramus decisus & terræ infixus aliam arborem progenerat, idè ad sepes vivas faciendas circum hortos usurpatur.

Arborem hanc pro Ricino Americo Clusii *Curcas* dicto habet Piso, & rectè, quamvis in descriptione fructus non meminit operimentum illius tuberculis asperis non esse obsitum, ut in vulgari Ricino, sed læve & cinerei coloris. Huic etiam eandem omnino plantam esse minime dubito quam C. *Baubinus* in appendice ad pinacem sub titulo Ricini Americani folio Staphisagriae describit, cuius ramum duntaxat ficcum vidit. Idèque eandem plantam bis ponit, pro duabus distinctis.

Hæc arbor videtur esse quam *Quaubayohuatli* 3. nomine describit Franc. Hernandez, quamvis icon non conveniat.

Ex iis quæ de nucleis hisce tradunt Auctores liquidò constat (inquit *Joannes de Laet*) cum summa cautione exhibendum esse hoc purgans medicamentum, & summam esse habendam rationem ætatis & virium illorum quibus datur.

\* 3. *Ricinus major Africanus, Syriacus vel Ægyptiacus* Park.

Hujus generis meminit Camerarius in Horto, semine duplo majore quàm præcedentis, minùs pallido aut maculoso, è Syria allati.

\* 4. *Ricinus minor* Park. *Americanus minor* C. B. *Eraway*: Clus. exot.

Vulgari Ricino omnibus partibus minor est, præcipuè verò semine.

\* 5. *Ricinus Americanus tenuiter diviso folio* Breynii.

*Breyn.*

E purgatrice *Avellana* Monardis Planta rarissima enata est *Papaia* pænè arbusculæ minoris formâ, quæ toto ætatis autumnique tempore vix sesquipedalem altitudinem obtrinebat. Ea à radice *Caulem* rectum, lævem, rotundum, geniculis omnino destitutum edebat, pollicaris crassitie, ac subviridis cum purpurascens quodam intermixti coloris, Serpentinaque instar maculis obsoletis aspersum. Hujus fastigium foliis ornabatur, inferius glaucis, superius atro-virentibus & splendens, magnitudine & divisurâ Aconiti seu Geranii batrachipidis, substantiâ autem Ricini, & quodammodo etiam figurâ, quæ in septem, octo, novem, imò & decem acuminata, aut Coronopi foliorum instar laciniata, segmenta (in quorum singulis nervus rufescens è folii centro exporrigitur) ad gyrum, in quo segmentorum nervi coeunt, unde & pediculus longus averso folio oriebatur, dividebantur. Inferiora horum foliorum latissimum ad tempus virorem cum luteo tristi commutabant colore, atque tandem decidebant, relictis tamen quibusdam subviridium macularum in caule vestigiis. Flores nullos proferebat, multò minùs fructus. Hi tamen [aliundè accepti] Juglandis minoris sunt magnitudine ac ferè facie, rotundi nempe, & à medio corpore paulatim in mucronem desinentes, cordisque humani formam quodammodo repræsentantes, tenui è cinereo candicante, nonnunquam ad fuscum inclinante cortice, lento & molli constantes, qui exterius octo nervis à summo ad imum ductis, fibris frequentibus intercurfantibus distinguitur; & interius in concamerationes duas separatur; In quarum quavis semen magnitudine, colore ut & figurâ ferè Avellanam exoletam, vel potiùs (cum pænè triangulare & altera parte semper planum) Castanellam peregrinam J. B. referens, continetur, putamine tenui, Nucleo candido, solido, subdulci, substantiâ Avellanae haud absimili: qui in Medicina apud Hispanos in India Occidentali degentes percelebris, & alvo evacuandæ servit.

\* 6. *Ricinus minor Indicus Solani foliis* Breynii.

*Breyn.*

Rami, qui duo Autori fuere hujus plantæ, sesquipedalis erant longitudinis, teretes, glabri, inanes, diluto virore tincti, ac enodes: quos è contrario correspondentia folia, laxis dentibus circumferrata, pediculis pænè uncialibus insidentia ambiunt, Solani non admodum dissimilia, longiora verò magisque venosa, ac teneriora, & substantiâ Ricini, eo ferè etiam colore, utpote superius saturatè, inferius dilutè virentia, ac ibidem nervum, venas, fibrâsque magis conspicuas habentia. E singulis horum alis singuli furculi, *Flores* longâ serie muscosos racematim sustinentes, unciales prominent; in quorum nonnullis fructus jam unus, in aliis jam duo, pedunculis teneris dependentes visuntur triquetri, magnitudine, formâ & colore à Lathyridis nihil discrepantes, nisi brevi quadam incanâque lanugine, instar Tuliparum caulium, aspersi essent. Hi maturitatem adepti dissiliunt in tres capsulas, quarum quælibet in partes duas cum impetu se aperit, & semine coloris lividi, Lathyridis non majore, aut magis splendens, maculisque nigris, Ricini in modum majoris è Guineâ eleganter variegato se exonerat.

Similitudinem aliquam cum *Pineis nucleis* Acostræ habere videtur.

*Cadel-Avancu* Hort. Malab. florum & fructuum situ à planta descripta differt: liquidem *Cadel-Avancu* flores ad extremitates ramorum proveniunt, cum tamen hujus flores inter folia compareant, ut adnotavit doctiss. Joan. Commelinus, ad *Cadel-Avancu* plantam dictam.

\* 7. *Ricinus*



- \* 7. *Ricinus parvus Orientalis Dende dictus; quibusdam & Faba purgatrix J. B. Ricinus Americanus falsò creditus, Dende Serapionis & Abelmoluch Mauritanorum Imperato C. B.*

Hunc fructum ità describit *J. Baubinus*,

Dimidio minor est Ricino Americo, cortice tectus cinericeo, maculis hinc inde pullis asperso, gibbo, altera parte elatiore paulòque planiore, tribus interdum elevatis costis conspicuo. Cortici vulgari simili tenui pellicula involutus subest nucleus, bipartitus, consistentiâ Ricini majoris Americi, sed colore pallido: saporis non ingrati, acris, & fauces diu multumque vellicantis.

Fabas purgatrices Monardis quæ Carthagine & *Nombre de Dios* nascuntur huic Ricino Orientali seu *Dende* subjungit *J. Baubinus*. Hæ autem, describente Monarde, nostris similes sunt sed minores, ejusdem cum nostris formæ & coloris, pelliculâ quadam tenui ut ceparum tunica exterior illas per medium interfecante quæ cum cortice abjicienda est. Clusius diversum sentit.

Interim quarendum est, An & quid differat *Dende* à Ricino Americano minore C. B.

\* *Heliotropio similis aliquo modo J. B.*

*J. B.*

Frequentes per humum supinos spargit *cauliculos* palmares & sesquipalmares, ramis multis brachiatis, tenues: *foliis* vestitos ex viridi cinereis, asperis, semunciâ angustioribus, oblongis, & per extremum rotundis. *Flores* luteolos excipiunt *siliquæ* oblongæ, in stylum definentes, cinereæ, hirsutæ, duobus loculis totidem *semina* ruffa continentes. *Radix* parva, lignosâ, alba.

Ab Agerio in Austria collectum habuit *Jo. Baubinus*.

An hæc planta hujus loci sit nescimus: si florem tetrapetalon habeat, ad *Thlaspi* potius referenda videtur.

## SECTIO SECUNDA.

De Herbis flore imperfecto, semine triquetro.

### CAPUT PRIMUM.

De *Helleboro albo*.

**H**ellebòrus, autore Etymologo, Græcis dicitur *ἑλεβόρος*, quòd esu perimat. Veratrum Latinis dictum volunt quòd mentem vertat.

Scribitur & *ἑλεβορος*, sine aspiratione.

Duorum generum est, albus & niger. Hi quamvis nomine, & aliquatenus etiam viribus conveniant, facie tamen externâ minimè; unde & toto genere nobis differunt.

Flore sex foliolis constructo, semine triquetro cum Lapatho convenit; ab eodem differt foliis nervosis, tenuioribus, liratim striatis & velut plicatilibus; radice fibrosâ, purgatrice, emeticâ & sternutatoriâ vi prædita.

1. *Helleborus albus* Ger. J. B. *albus vulgaris* Park. *albus flore subviridi* C. B. *White Hellebore*.

*J. B.*

*Helleboro albo* radices subsunt fibrosæ, albæ in caput collectæ: *Caulis* bicubitalis interdum, teres, *foliis* stipatus quorum pediculi caulem involvunt. Sunt verò ipsa folia formâ quidem quodammodo Plantaginea, vel potius Gentianæ similia, longitudine verò pedali, haud multò angustiora, mollia, liris densissimis striata, & veluti plicata, subhirsuta. *Caulis* à medio ferè ad cacumen usque ex foliorum quorundam parvorum alis thyrsos emittit palmares & sesquipalmares *florum* creberrimorum, senis ex herbaceo albicantibus foliolis radiatis constantium; quibus succedunt *semina* parva, longiuscula, triquetra, albicantia, nuda, nec ullo præter florem folliculo aut vasculo tecta, ut rectè Parkinsonus.

2. *Helleborus albus præcox atro-rubente flore* Park. *albus flore atro-rubente* C. B. *albus præcox* Ger.

*Foliis* longioribus, tenuioribus magisque caducis: *caule* proceriore, paucioribus foliis cincto, *floribus* atro-rubentibus; quòdque priorem ortu suo seu germinatione prima menstruo minimùm spatio antevertat; à superius descripto differt.

Gaude

Gaudet Veratrum album montanis & asperis; non modò in Græcia, Italia aut aliis calidioribus regionibus; verùm & in Germaniæ ac Helvetiorum montibus viret. Nos in montosis pascuis palustribus propè summam montis Juræ offendimus copiosissimum. Locum.

Hellebori albi radix (quæ sola hujus plantæ pars in usum medicum venit) ob violentiam purgationis quam per superiora ac inferiora movet, usum purgandi internum soli ferè Helleboro nigro reliquit *Schrod.* potest tamen (inquit *Tragus*) per viginti quatuor horas vino aut oxymelite macerata, posteaque reficcata, 3℔. pondere cum vino exhiberi furiosis & melancholicis. Helleborum utrumque, dicit *Gesnerus*, [si cum aceto & melle temperetur & decoquatur ut syrupus fiat] medicamentum innoxium, & ad plerosque phlegmaticos morbos (thoracis & capitis inprimis, ut asthma, dyspnœam, epilepsiam) *παιδῶν* saepe utilissimè se expertum esse: alvum enim, urinam & meatus omnes, etiam cutis, mirificè nullâ molestiâ expurgare. Vires & usus.

In usu Hellebori albi (inquit *C. Hofmannus*) duo præcipuè videnda, alterum ut morbi sint pertinacissimi, alterum ut vires constent, hinc non debet radix hæc seni, puero, foemina ullivè delicato dari. Accedit tertium, nè quidquam fiat nisi prægressa & corporis & Hellebori diligenti præparatione.

Vetustissimus mos est dandi cum Raphano, idque tripliciter, vel enim Raphanum radicibus transfixum ibique per viginti quatuor horas relictum [radicibus abjectis] dabant: vel Raphanum b. m. transfixum in oxymelite infundebant, & oxymel solum offerebant: vel Raphanum ita habitum per noctem relinquebant, manè abjectis Helleboris in oxymelite infundebant, oxymelque propinabant. Optima ejus præparandi ratio (inquit *Parkinsonus*) est ut succo Mali Cydonii infundatur, aut Cydonio indita in furno aut sub cineribus coquatur. Quin si ab Helleboro sumpto strangulationis periculum immineat, Cydonia comesta eorumve succus aut syrupus præsentaneo remedio sunt. Radix in aceto decocta, ac in ore aliquandiu retenta dolorem dentium tollit. In lixivio decocta, si eo caput abluatur, pediculos & furfures enecat & abstergit; idem unguento aliquo permixta efficit: scabies, impetigines, serpigines sanat: animalia pleraque interimit, talpas, mures, lacertas, aves, &c. in pasta exhibita. *Trag.*

Pulvis naribus inditus sternutamenta movet unde & Anglicè *Peefwort*, i. e. sternutamentaria herba seu Ptarmica dicitur.

De Hispanorum toxico ex succo radicum in vase fictili fermentato confecto, quo sagittas intingunt ut vulnera insanabilia infligant, consule *Parkinsonum*, & *Jo. Langium Epist. Medicinalium lib. 1. Epist. 68.* Maximè mirum alicui videri possit quòd venenum hoc epotum nullam saltem lethalem noxam infert sed tantum vulnere infusum, adeoque sanguini permixtum; verùm idem est de veneno viperino, quod intrò assumptum nulla perniciofa symptomata inducit, verùm sanguini immixtum per vulneris aut puncturæ orificium maximas illico tragœdias excitat, & in opportunis remediis occurratur, brevi animal interimit.

Cæterum Helleborus uterque in furiosis & insanis sanandis olim fuit celeberrimus; neque nunc nisi in morbis magnis, ut Epilepsia, vertigine, mania, hydrope, ischiade, convulsione & similibus adhibendus est.

## CAP. II.

## De Lapatho.

**L**apathum, Græcis *Λάπαθον*, *ἢ τὸ Λάπθον* seu *λαπίζον* i. e. *κινῶν*, movere, evacuare dicitur, quia foliorum ejus decoctum alvum emollit; Latinis Rumex, à rumo, i. e. fugo, quia solerent succum ejus exsugere. *Voss.* Notæ Lapathi genericæ sunt semen triquetrum splendens, flos hexaphyllos, i. e. sex foliolis constans, quorum tria semen obtegunt, arcè interdum adhaerentia.

Lapathum in tria genera subalterna dividi potest: Aliud radice est purgatrice, *Rhabarbarum* dictum: Aliud foliis acidis *Acetosa* & *Oxalis* denominatum. Aliud denique foliis magis insipidis, sapore oleraceo, *Lapathum* simpliciter generico nomine dictum.

Primi generis tres species novimus, nimirum

1. *Rhabarbarum verum* Ger.
2. *Hippelapathum rotundifolium* vel *Pseudo-rhabarbarum Monachorum.*
3. *Lapathum majus* sive *Rhabarbarum Monachorum J.B.* Patientiam vulgò dictam.

Tertii septem, si modò Lapathum pulchrum Bononiensè sinuatum reverà specie distinctum sit ab Oxylapatho vulgari. Eæ sunt

1. *Hydrolapathum majus.*
2. *Lapathum vulgare folio obtuso J. B.*
3. *Lapathum folio acuto crispo C. B.*
4. *Lapathum acutum* sive *Oxylapathum J. B.*
5. *Lapathum folio acuto, flore aureo C. B.*
6. \* *Lapathum pulchrum Bononiensè sinuatum J. B.*
7. *Lapathum folio acuto rubente C. B.* aliis *Sanguineum*, & *Sanguis Draconis.*

Q

1. *Rhabarbarum*



1. *Rhabarbarum Alpin.* exot. *Rba verum Dioscoridis* Ger. *Hippolapathum maximum rotundifolium exoticum*, sive *Rba Ponticum Thracicum*, sed verius *Rhabarbarum verum* Park. **True Rubarb.**

Veris initiis cum germinare incipit, caput grande, rotundum, fuscum protrudit è radice crassa, fungosa, lutea, quod in folia aliquot successive se aperientia paulatim explicatur. Sunt autem folia initio cum primum apparent valde corrugata & complicata, postea sensim dilatata & extensa, rugis & plicis coarctatis lævia fiunt, perampla & subrotunda, pediculis atro-rubentibus pollicem crassis, & in lætiore solo binos pedes longis infidentia, longitudine bipedali, nec minori latitudine, obscure viridia & cum juniora sunt subglauca, consistentia crassiore quam Hippolapathi rotundifolii vulg. sapore acido, Lujulæ aut Acetosæ hortensis gratiore. In medio foliorum (non tamen singulis annis) exurgit *caulis* crassus, robustus, humilior tamen quam Rhabbarari monachorum, foliis ejusmodi rotundis sed minoribus ad nodos amictus, ad summum usque etiam inter flores, qui in hac planta, secus quam in alia quacunque Lapathi specie, albi, hexapetali, cum multis intus staminibus albis. Flosculis, ut in aliis Lapathis, succedunt *semina* triquetra, maxima coloris Bætiæ seu castaneæ, aut rufi pulchrè splendentia. *Radix* processu temporis in magnam crassitudinem excrescit & multos ramos seu brachia emittit, colore foris obscuro seu atro-rubente. Cortici exteriori subest membrana tenuis, sublutea, pulpam seu substantiam radicis internam proximè investiens: quâ detractâ apparet radix nuda, colore adeo vivido cum venis carneis eam permeantibus & distinguentibus, ut præstantissimum etiam Rhabbarum quod ad nos ex Indiis & China advehitur eam vix possit superare. Hæc si curiosè & diligenter exiccetur blando hypocaufti calore, cavendo nè inter siccandum frustra se mutuò contingant, colorem suum retinet non secus ac si recens esset, & Salivam Masticata colore flavo tingit.

Locus.

Rhabarbarum, nullibi nisi in China provenire Garcias, Acoſta, Linſchotanus consentiunt, unde per Tartariam *Ormuz* & Alepum defertur, inde in Alexandriam, & tandem Venetias; vel per *Usbeken* in Turciam, & hinc Venetias. Scribit Acoſta Rhabbarum in interiore Chinaram regione duntaxat provenire, unde in urbem *Canton* (illius Provinciæ portum & emporium ubi Lusitani habitant) exportatur, & inde navibus in Indiam advehitur, quod citius corrumpitur; vel aliâ viâ per Tartariam camelis, quod non adeo cariosum.

Nunc dierum navibus ad nos defertur ex India Orientali, non ut olim ex Alexandria Ægypti, aut Venetiis: in Indiam è Sinis (ubi sponte oritur ut diximus) advehitur.

An Rha ponticum Antiquorum & Rhabbarum modernorum sit una & eadem specie planta, à Botanicis controversatur, aliis eandem esse affirmantibus, aliis negantibus: nonnulli etiam sibi non constant, & nunc eandem, nunc diversam affirmant, quorum sententias & rationes vide apud *J. B.* in Appendice Tomi II. *Hist. Plant.* Nec enim opus est ut iis immoremur; nunc enim Rhabbarum verum Sinenſe (quod à Rha Pontico Thracico toto genere diversum est) in hortis Lugd. Bat. & Groning. colitur, & ab Abrahamo Muntingio accuratè describitur. *J. le Brun* in libello de *materia medica* hæc habet. Radix hæc Dioscoridi & Galeno ignota fuit, unde malè quidam Rhaponticum eorum cum nostro Rhabbaro confundunt: nam Rheum Diosc. non habet vim purgatricem, & notis veri Rhabbarari caret. Rhabbarb. enim substantiâ compactum est, ponderosum & aridum, sapore amarum, odore acre, colore exterius subnigro ac rufescente, intus ex rufo flavescente, & ad nucis moschatæ colorem internum accedente, ac maceratum vel manducatum tingens croceo colore. Rhaponticum non est compactum sed rarum, non ponderosum sed leve; non aridum sed lentum; non amarum sed subacre, non odoratum nec colore simile Rhabbaro.

Vires.

Rhabbarb. purgat benignè bilem flavam, pituitamque viscosam ac tartaream in ventriculo primæque regione stabantem. Epatis specificè confert, adeo ut cor Epatis dicatur: curat icterum, & quia vim quoque astrictoriam obtinet in omnibus morbis dissolutis, Dysenteria v. g. & Diarrhœa, præ aliis commendatur. Exhibetur pulverisata in Vino albo aut sero lactis.

Sunt qui Rhabbarari usum pueris & prægnantibus interdiciunt ob vehementiam: verum sine causâ sufficiente: nam *J. Bauhinus* aliique se prægnantes multas eo feliciter sine ullo damno purgasse referunt. Infusionem præferunt substantiæ, quò enim citius sine violentia medicamentum purgans evacuat, eò gratius. *J. B.*

Partem cum purgantem, tum adstringentem obtinere creditur, quarum prior facilius elicitur, posterior difficilius. Hinc pro diversa intentione diversimodè quoque tractatur. Nonnulli levi coctione vim purgantem minui, & adstringentem augeri sibi imaginantur; quod alii improbant, nec immeritò: Etenim cum vis purgans fixior sit, quam ut levi coctione in auram evanescat, coctio illa vix satisfaciens. Præstat itaque si astrictoriam vim auctam velimus, rejectâ primâ coctione denuò id coquere, & fortissima expressione exprimere. *Schrod.* Alii quoque in Dysenteria improbant torrefactum Rhabbarum; tum quia nimia torrefactione vim purgatoriam penitus amittit; tum quia moderatâ vix evitari potest, quin acrimoniam contrahat, unde intestina rodit, & novam materiam ad locum affectum attrahit. Nos tamen in Dysenteria Rhabbarum tostum bono cum successu usi sumus, etiam in nostro corpore.

Non approbo (inquit *J. Bauhinus*) eorum morem, qui in dysenteria à principio adstringentia exhibent: ii augent morbum dum per ea retinent educenda: nempe acres, malignos & putridos humores quò natura vergit eò ducere oportet, si per convenientia fiat loca: si igitur statim à principio educantur convenientibus purgantibus, sublevantur citò, & postea tunc adstringentibus uti licet.

Cum substantia frigida & terrea totum permeat, ignea autem in superficie sit; ideò per infusionem separantur partes calidæ & purgantes; manent frigidæ, terrestres & adstringentes. Hinc in infuso plus purgat quam in substantia. Verum quia hoc modo fit penetrantissimum, timeatur in iis præcipuè qui aliàs ardore & difficultate urinæ laborant, ut Fallopius observat. Diureticum enim



enim cum sit, agitati & pellit eò humores, ut ardor urinæ sit molestus, quamdiu actio ipsius durat in corpore. *Hofman.*

Ad febres ex obstructione diuturnas, R. ʒij. Rhabbarbari, vel ʒj. pro infantibus: in taleolas concisæ linteo raro includantur, & in aq. Cichorii ʒbj. infundantur. Dos. ʒiv. nodulo quolibet manè expresso. Has omnes Febres se curasse hoc remedio testatur Montanus. Hoc etiam ego usus sum in quibusdam affectibus longis cum febre, parte affecta non bene cognita, & semper mihi bene cessit. *Chesneau.* Communicavit *D. Hulse.*

2. *Lapathum folio rotundo Alpinum* J. B. *Hippolapathum rotundifolium vulgare* Park. *Hippol. rotundifolium montanum* C. B. *Hippol. rotundifolium* Ger. *Bastard Monks Rubarb, or Great round-leaved Dock.*

*J. B.*

Radice furculosa & longa nititur, cujus singuli furculi plusquam pollicarem crassitudinem facile assequuntur, rugosi & fibrosi, flavescentes intensè, sapore amaro. *Caulis* bicubitalis & tricubitalis, cavus, profundis sulcis exaratus, rubescens, alis multis donatur. *Folia* Bardanæ, notabilis latitudinis, rotunda, glabra, pallide & quasi ex luteo virentia, pediculo rubente & striato appenduntur. *Flores* muscoli, copiosissimi alas ferè totas obident, ex herbis sex foliolis apicibusque multis luteis compositi: quibus semina succedunt triangularia, nonnihil rubentia.

Nascitur (autore Clusio) in omnibus jugis Alpium Stiriacarum & Austriacarum, præsertim *Locus.* circa humidiora illa loca ad quæ armenta, stationem istic habentia, æstivis mensibus aquationis gratiâ frequentissimè convenire solent. *J. Baubinus* in Rhætiæ Alpibus invenit.

Purgare aiunt si ad duplum Rhabbarbari exhibeatur.

*Vires.*

3. *Hippolapathum sativum* Ger. *Hippol. latifolium* C. B. *Lapathum majus sive Rhabbarbarum monachorum* J. B. *Lapathum sativum sive Patientia* Park. *Monks Rubarb or Garden Patience.*

*J. B.*

Hominis proceritatem interdum assequitur, caule surgens striato, rubente, superiora versùs in numerosos furculos diviso: floribus serie longa per totos ferè ramos muscolis; semine subsequente anguloso, folliculis membraneis circumdato. *Folia* pedalia & sesquipedalia, lata, acuminata, non tamen dura & rigida, ut vult *J. Baubinus*, & rubentia, sed potiùs mollia, lævia & obscurius viridia, oris aliquando sursum nonnihil reflexis, ut canalem quendam imitentur, æqualibus tamen & minimè crenatis, pediculis rubentibus longis nixa. *Radix* prolixa, crassa, multis adnatis fibris donata, intensè crocea.

Folia mensè Martio emergunt, appetente Junio floret & sponte semine se propagat. *J. Baubi-* *Tempus &*  
*Tempus &* *Locus.* *Vires.*

Radix bilem flavam & serofos humores educit. Rad. aridæ drachmam, zingiberis scrupulum in pulverem redige, fume jejuni in jure calido. Pro Rhabbarbaro qui substituunt duplici dose utuntur. *Trag.* Radicis succum cum sulphure illitum scabiem sanare, cum Lupinorum verò farina lentiginis; alphas & alias cutis infectiones exterere refert Matthiolus. Radicis dilutum ex vino paratum, aut sicca pulvis ex meraco potius ad pellendos renum calculos præstat. *Idem.* Quinetiam ex Marrubii decocto haustus auriginem curat. *Idem.*

Huic idem nobis videtur

*Lapathum sativum Lappas* J. B. *Lap. hortenise folio oblongo, sive secundum Dioscoridum* C. B.

Hanc speciem *Lausannæ Sabaudiz oppido Tragus & Gesnerus* provenire scribunt. Est autem iniquiunt, Rhabbarbaro monachorum quadantenus similis, at folia tenuiora sunt, pinguiora & molliora, ac etiam magis exigua, quare inter olera reliqua, ob dulcedinem suam in culinas recepta est.

*J. Baubini* judicium seu sententiam de hac planta adscribam, cui & ipse libenter suffragor.

Ut libere dicam quod sentio, suspicor *Tragum & Gesnerum* pro Lapatho hortenise *Lausannensi* observasse Rhabbarbarum monachorum primo anno satum, quod tunc delicatius est quàm sequentibus. Siquis nos aliter doceat, rem gratam faciet.

Cæterum *Bardanam* majorem *Monspeliensibus Lappas* dictam scribit *D. Magnol* in Indice plantarum circa *Monspelim* nascentium.

- A. 4. *Lapathum maximum aquaticum sive Hydrolapathum* J. B. *Hydrolapathum magnum* Ger. *majus* Park. *Lapathum aquaticum folio cubitali* C. B. *Great Water-Dock.*

*J. B.*

Magis huic in fibras diducta est radix quàm vel *Oxylapathum* vel *Hippolapathum*, foris nigra, intus buxea, cum notabili adstrictione amaricans. *Caulis* assurgunt ad duos trèlve cubitos, flore & semine *Lapathi* acuti sed majore. *Folia* lata, prælonga Rhabbarbari monachorum non dissimilia, sed multo longiora, duriora & rigidiora, [longitudine ferè sesquicubitali, *Lapathi* acuti foliis similia, sed læviora minùsque rugosa *J. B.*] leviter crispatis oris, subacida & strenuè adstringentia.

*Folia* hujus plantæ non longiora tantum sunt quàm cujusvis alterius nobis cognita *Lapathi* speciei, sed & surrectiora.

Nascitur, inquit *J. Baubinus*, aquis, palustribus ac stagnantibus locis, & fossis humidioribus; *Locus.* imò in ipsis plerunque aquis oritur, raro extra eas.



Quicquid existimet *J. Baubinus*, hanc plantam à vulgari Oxylapatho tota specie differre & non variare tantum ob situm, minimè dubito.

*Vires.*

Radix crassa, crocea lenit alvum; Ictericam discutit. *Folia* podagricis calidis & ulceribus utiliter imponuntur fluentibus. *Schwenckf.*

Hæc planta est quam sub titulo *Britannicæ Antiquorum veræ* describit & depingit Abrahamus Muntingius, quamvis descriptio quoad radicem non convenit cum Bauhiniano. Verùm Muntingii veriore & accuratiore esse existimo, quam idcirco nonnihil contractam proponam.

*Lapathum longifolium nigrum palustre, sive Britannica Antiquorum veræ, vel Hydrolapathum nigrum Muntingii.*

E radice crassa, rotunda, lata ac spongiosa (annosa dum fit) & succulenta, manûs circiter longitudine, in varias partes crassiusculas, non adeò longas, inferius divisâ, & radiculis fibrosis cinctâ colore recens effossa in loco natali, exterius nigro, intus candido; qui mox in luteo-rufescentem qualis est Rhabarbari veri mutatur, per siccitatem planè fusca, *folia* protrudit haud multa, Lapathorum omnium longissima, juxta se posita non tamen arctè juncta, sed separatim, sursum semper vergentia, sesquipedem aut duos pedes longa, tres aut quatuor digitos lata, in medio latissima, & in mucronem acutum tandem desinentia, colore superius saturo-viridi vel è cœruleo atro-virente, subtus pallidiore, venulis pallidè viridibus, substantiâ crassiusculâ, tactu duriuscula, densa, constipata & firma, marginulis interdum, præsertim in cauli adnascentibus, parum crispis, pediculo modicè longo & crasso, propè terram interdum rubente, adstringentia & ex parte acida, sub Augusti finem evanescentia. *Caulis* unicus aut etiam plures pro ætate & magnitudine plantæ, duas, tres, & quatuor interdum pedes longus, rectus, teres, viridis, cavus, foliis minoribus hinc inde adnexis ornatus, tam sursum quàm deorsum parumper vergentibus; è quorum sinubus ramuli rariùs dispositi exeunt, flosculis pallidis, sub Julii initium se aperientibus, rarò non tamen verticillatim ad articulos dispositis, è brevibus & teneris petiolis pendulis onusti. Foliola tria floris exteriora duabus, ab utraque parte è pallido colore albidis hirsutis gemmulis, in nulla Lapathi specie præterquam Virginia-na Britannica visendis exornantur. Semen parvum, spadiceum.

Hanc plantam veram & genuinam Antiquorum Britannicam esse contendit Abrahamus Muntingius: Siquidem descriptionibus ejus quæ apud Veteres extant tum facie tum viribus per omnia respondeat. Quin & nomen Britannicæ Frisicæ originis esse probare nititur; neque enim à Britannia insula cui ut propinquæ eam dicavere Frisii denominationem sumpsisse (ut conjectatur Plinius) verisimile est. *Bris* Frisii consolidare, firmare, compingere, significat: *Tan* verò Dens est: porro *Ica* vel *Hica* idem quod ejectio valet: unde Britannica dicitur herba quæ firmat & consolidat dentes vacillantes; vel medetur morbo dentes excutienti.

*Vires.*

Omnes hujus herbæ partes, caules, folia, flores, semina, sed præcipuè radices validè astringunt, indurant & conglutinant. Hinc omnia putrescentia, ut Erysipelata tam ulcerata, quàm integra, Herpetes, Phagadenica, Gangrenas, &c. inhibet & sanat. Undecunque manantem sanguinem, Hæmorrhoides simul & menses sistit: uno verbo ad omnia valet ad quæ reliqua adstringentia frigida.

Nervis, eorumque incommodis, ruptis, vulsis, contractis, tremulis, spasmus, paralyti, febrilibus æstibus, necnon rigoribus medetur: Venena ac serpentes abigit, & ictus eorum sanat: quare jure inter Alexipharmaca numeratur. Omnes Anginæ species uvulæ relaxationem, paristhmia, similiaque oris, faucium ac ventriculi mala, astrictione egentia, ac apostemata, tumores & ulcera probè depellit, variæque rheumata aufert.

Tandem latentium causarum morbos Stomacacen scilicet, Scelotyrben, cruræque ulcerata antipathia suâ curat.

Folia imponuntur ulceratis partibus per horas duodecim viridia, renovanturque alia: Succus quoque caniculari sole induratus, aut igne inspissatus inungitur.

Varios hujus herbæ ejusque radicum ad usum præparandi modos, itémque varias compositiones & mixtiones cum aliis quæ operationem ejus promovent medicamentis videtis apud Autorem nostrum prædictum cap. 16.

Quoniam autem (inquit) Scorbutus altas adeò in quibusdam egit radices, ut ex solius Britannicæ decocto parum commodi sentiant, hanc ob causam confectum Medicamentum, à nemine mortalium hæcenus (quod scio) scriptis publicatum apponere volui, ut omnes notitiam illius haurire, sibi que facili negotio parare possint. Est enim auro pretiosius, ac domi adversus omnem morbi Scorbuti suspicionem, inestimabilis instar thesauri habendum.

R. *Croc* ʒij.

*Macis*

*Glycyrrhizæ*

*Cinnamomi opt.*

*Piperis nigri*

*Radicum Gentianæ ana ʒiij.*

*Britannicæ ʒvj.*

Omnia grosso modo pulverisata, immisceantur vini Hispanici spurii libris sedecim, aut pintis Hollandicis 4½ vel 4.

*Aceti Sambucini vel alterius fortissimi lbiv.*

*Ovorum recentium vitella tria.*

Macerentur simul in vase lapideo vitreato, probè obturato per horas 72. in cinere calido, fimo equino vel arena calida, eo tamen modo, ut ultra caliditatem repidam non procedatur. Reponatur deinde & usui servetur.

Hujus



Hujus decocti tres, quatuor, quinque, vel sex etiam uncias pro natura subjecti sumat æger manè jejuno stomacho per dies quatuordecim vel viginti, vel plures. Bibat etiam quotidie ad sitim extinguendam Vinum Rhenanum optimum: vel si Cerevisiæ sit assuetus, sumat non recentem, sed defæcatam benèque coctam: Ac quoties illam æger bibit, toties ipsi cochlearia tria hujus vini exhiberi necesse est.

Notandum tamen, quòd si in hujusmodi ægro siccitas quædam tussis vehemens, vel Tabis suspicio adsit, Piperis loco sumat Glycyrrhiza ʒvj. Vino usu ferè consumpto reliquiis adhuc semel vel bis tantum vini addi permittitur.

Hoc vino non solum brevi temporis spatio inveteratus Scorbutus, præsertim si absque febre vel inflammatione sit, verum etiam reliqua Scorbuti genera omnia, inveteratæ Herniæ, Paralytici atque Gallico morbo infecti felicissimo successu curantur. Hæc omnia Muntingius.

- A. 5. *Lapathum vulgare folio obtuso* J.B. *sylv. folio subrotundo* C.B. *sylv. vulgatus* Park. *sylv. folio minus acuto* Ger. **Round-leaved wild Dock**, rather, **The most common great broad-leaved wild Dock**.

*Radix* huic simplex, interdum surculosa, crassa, altè in terram descendens, exterius fusca, interiùs lutea. *Folia* quæ à radice exeunt longis insident pediculis, quæ in caulibus sunt brevioribus, palmum & sesquipalmum lata, longitudine ad latitudinem dupla, aliàs rotundiora & obtusa, aliàs longiora & acuta, marginibus extimis sinuatis ut crenata videantur, utrinque glabra, [media tamen costa & nervi insigniores hirsuti aversa parte] pallidiùs virentia. *Caules* plures, cubitales & sesquicubitales, teretes, striati, brevi lanugine hirsuti, medullâ farcti, ramosi foliis ad nodos longis intervallis distantes alternatim positos cincti. In summitatibus caulis & ramorum *flores* in spicas longas, laxas tamen, & è pluribus florum verticillatim dispositorum agminibus constantes digesti. *Flosculi* singuli brevibus & tenuibus pediculis penduli, hexaphylli, *staminibus* intus pluribus cum *apicibus* subluteis. Tria interiora flosculorum folia in magnum aucta vasculorum usum seminibus præstant. *Semen* in unico vasculo unicum, triquetrum, splendens, colore castaneo, pallidiùs quàm *Oxylapathi cuspi*. Foliola illa terna quæ vasculum seminale conficiunt ad margines dentata sunt, secus quàm *Oxylapatho crispo*.

Hæc planta *Lapathum sylv. magnum vulgare* J. Baubini nobis videtur: nam & hujus etiam foliis rustici butyrum obtegere & involvere solent; quin & locis humidioribus in areis pagorum plerunque, ad stabula reperiri solet. Eadem etiam *Lapathum vulgare folio obtuso* Lobelii nobis esse videtur: icon enim convenit; quantumvis Lobelius *Lapathum suum vulgare folio obtuso* Lapatho acuto simile esse scribit semine, caule, flore & radice; foliis duntaxat supernè retusis, brevioribus & rotundioribus differre. Unde nos olim decepti, pro *Oxylapatho* seu *Lapatho acuto* habuimus hanc *Lapathi* speciem cum folia acuta produceret, quod non rarò evenit. Verum jam videmus *Lapathum acutum* Herbariis dictum, eandem plantam esse quàm nos pro *Lapatho acuto minimo* habuimus; & reverà *Lapathum acutum minimum* Lobelii & reliquorum non videtur specie differre à *Lapatho acuto* seu *Oxylapatho* eorundem; ut in ejus historia ostendemus. At planta hæc de qua agimus, tota specie differt ab *Oxylapatho*, non foliorum duntaxat figurâ, ut descriptiones conferenti patebit.

D. Morisonus aliam hujus seu speciem, seu potiùs varietatem adfert, quam *Lapathum sylv. fol. Varietas. subrotundo seminis involucri lævi seu plano* denominat, quod non aliter à descripto differt quàm seminum involucri planis & lævibus, non asperis, seu ad latera dentatis.

- A. 6. *Lapathum folio acuto crispo* C.B. *acutum crispum* J.B. *acutum minus* Park. *acuti varietas folio crispo* Ger. emac. **Sharp-pointed Dock with curled leaves**.

*Radice* cum præcedente convenit nisi quòd minor huic sit, uti sunt & reliquæ ejus partes. *Folia* differt angustioribus, longioribus, obscuriùs virentibus, per margines crispis & sinuatis, præsertim propè pediculos. *Flosculi* minores, longioribus tamen pedicellis penduli, verticillis crebrioribus, ut semina caulem plerunque penitus contegant & occultent. Tria illa foliola, quæ conniventia semen amplectuntur & includunt, per margines æqualia sunt, non ut præcedentis denticulata. *Semen* quàm illius rubicundiùs seu castaneo colore intensiore præditum, magnitudine æquale.

In locis incultis, hortorum areis, humidis præsertim & uliginosis passim & copiosè provenit.

Hanc speciem *Johnsonus* & *Morrisonus* pro Lapatho aquatico minore *Tab. & Ger.* habent. Figura tamen Hydrolapathi minoris quam adhibent *Ger. Park. & J. B.* ad Lapathum anthoxanthon propiùs accedere nobis videtur: utcumque cum illis sentio Lapathum illud aquaticum minus non differre specie vel à Lapatho acuto crispo, vel à Lap. anthoxantho.

- A. 7. *Lapathum acutum* Ger. *acutum sive Oxylapathum* J. B. *acutum majus* Park. *folio acuto plano* C. B. **Sharp-pointed Dock**.

*Folia* huic quàm præcedenti breviora, inferiora à lato principio in acutum mucronem sensim angustantur, minora quàm penultimi, aliàs colore subluteo similia. *Caules* in parem altitudinem attolluntur, sunt tamen graciliores & minores, rigidi, & interdum tortuosi; rami à caule magis extant, seu obtusiores cum eo angulos efficiunt. *Florum* verticilli rariores, seu longiùs distantes, appposito interdum ad singulos foliolo lignæ instar. *Flosculi* minores quàm præcedentibus; *semina* plus duplo minora. Extimo foliolorum quæ semini pro vasculo inserviunt tuberculum seu verruca rubens grandis innascitur, cui & similis in præcedente Lapatho cernitur sed multo minor.

In humidioribus, ad aquarum margines, interdum etiam in ipsiis aquis, nec minùs frequens ad fossas & sepes.



Cum hac specie convenire nobis videtur *Lapathum acutum* minimum *J. B. C. B. Ger. Park.* Si quidem *J. Baubini* omnibus partibus minus *Oxylapatho* vulgato, cetera ei simillimum scribit: interim, (pergit) hoc peculiare habere videtur, quod statim à radice ferè caulis in alas incipit dividi, in quibus flores ex certis intervallis verticillatim nascuntur, muscosi, luteoli, singulis ferè verticillis apposito foliolo ligulae instar, quo verticilla tamen extrema carent. Notæ hæ non sufficiunt ad differentiam specificam arguendam, nam & *Lapatho* acuto vulgari ubicunque provenit flores verticillati ferè sunt, appositis foliolis ad singulos verticillos: quod autem caulis statim à radice in alas incipiat dividi, natalibus imputandum censeo.

Vires.

Simon Paulus in scabie & prurigne plurimum laudat decoctum radicum *Oxylapathi* cum vel sine decocto stercore galli gallinacei, si pars affecta eo abluatur.

Ad huiusmodi affectus duo sequentia remedia proponit, ut insignia, 1. R. succi *Oxylapathi*, *Rhabbarbari Monachorum*, Rad. *Chelidonie* maj. an. ʒj. pingued. lactis ʒiv. Mistra coque ad succi fere consumptionem. Adde *Diapompholygos* ʒj. *Cerussæ* ʒij. *Aluminis* ʒj. *Thuris* ʒʒ. *Sulphuris* ʒj. Mistra deinde diu multumque agitentur in mortario pistillo ligneo vel plumbeo. Quod si inter agitandum siccus fiat, addatur semper pinguedo lactis, ut fiat linimentum mollius.

2. Rad. *Oxylap.* *Althææ* an. ʒʒ. *Helenii* ʒij. *Herb. Aristolochiæ*, *Scabiosæ*, *Nummulariæ*, *Plantag.* an. Man. ʒ. Coque ad putrilaginem in f. q. aquæ fluiat. Trajiciantur per setaceum rarius: Addatur deinde flor. *Sulph.* ʒij. *Balsami Peruviani* parum. F. l. a. linimentum ad Scabiem.

*Backmeisterus* mihi & aliis ceu certissimum ad serpignes tollendas remedium communicavit pulverem radicum *Oxylapathi* plani cum aceto mistum. *Sim. Paulus.*

Sola fricatio radices *Lappathi* [i. e. *Lapathi*, fortè de hac specie intelligit] delet impetiginem. Expertum à me sæpius. Ex Observationibus *Marcelli Cumani* ab *Hieron. Velschio* editis excerptis & ad me transmissis *D. Barn. Soame.*

*Lapathi* acuti radix *Cerevisiæ* infusa laudatissimum Antiscorbuticum habetur. *Willis de Scorbuto.*

*Oxylapathi* radices decoctæ vel seorsim, vel cum aliis specificis mixtæ, in Ictero sanando eximii usus sunt. *N. B.* Caro quæcunque quantumvis vetus & dura, si cum *lapatho* cuiuscunque generis coquatur, mollis & tenera evadit. *Langham.* Hort. sanat.

Pulvis seminum *lapathi* hepar roborat & fluxus alvi quoscunque sistit. Est quidem Medicamentum obvium & ubique parabile, verum usus non contemnendi: Ego ei interdum admisceo pulv. rad. *Tormentillæ*, *sacch. ros.* & pulv. putaminum ovorum. *D. Bowle.*

A. 8. *Lapathum folio acuto flore aureo* C. B. *Lapathum antboxanthum* J. B. Golden Dock.

Radice est brevi, furculosâ, fibratâ, durâ, lignosâ: canle nunc simplici nunc multiplici anguloso, altitudine palmari aut dodrantali; foliis oblongis, angustis, flavicantibus: floribus in summis ramis confertis, inferioribus in verticillis habitioribus compactis, colore flavicante. Semina perexigua sunt & pallidiora quàm reliquorum congenerum.

Locus.

In palustribus & uliginosis locis sponte exit: Juxta *Swarfson* pontem ad *Trentam* fluvium copiosè, necnon propè *Crowland* oppidum in insula Eliensi aut *Lincolniensi* comitatu. Observavimus etiam semel *Middletoni* in *Warwicensi* agro in fossis juxta ædes *D. F. Willughby.*

9. *Lapathum pulchrum Bononiense sinuatum* J. B. The Fiddle-Dock.

Ex crassa radice multa folia, duarum pleraque unciarum pediculis ejusdem penè longitudinis profert, unciam plus minùs lata; in medio profundo utrinque sinu ex adverso respondente, extremitate subrotunda, ut musicum illud instrumentum nostratibus a *Viol* dictum figurâ suâ imitentur. E medio foliorum caulis pedalis, nonnunquam sesquipedalis exit, in plurimos ramos incurvos brachiatus. Ad singula genicula flores herbaceos muscosos cæterorum *Lapathorum* more profert: quibus singulis succedunt terna foliola angulosa dentata, continentia semina triangularia subruffa.

Locus.

In areis & pascuis circa *Londinum*; & in agris *S. Georgii* dictis propè *Southwark* copiosè provenit. In *Helvetia* itinerantibus passim se nobis obtulit: unde non est cur è *Bononia* natales ejus arcessamus.

Descriptio quam adhibuimus partim è *J. Baubini*, partim è *Morisoni* Historia desumpta est, cum planta ipsa ad manum non sit. Est cur dubitemus an hoc à *Lapatho* acuto seu *Oxylapatho* specie differat necne. *D. Magnol* *Oxylapathum* vulgare foliis mirè ludere scribit, modò acutis, modò subrotundis, sæpissimè etiam sinuatis.

10. *Lapathum folio acuto rubente* C. B. *Lapathum sanguineum* Park. *Lap. sanguineum, sive Sanguis Draconis herba* J. B. Bloodwort.

J. B.

Facilis est hujus à reliquis *Lapathis* discretio, sanguineo succo quo scatet, nervis per folia *Lapathi* minoris acuminata crebris discurrentibus, varioque implexu ruborem sanguineum virentibus foliis conciliantibus, quorum succus & manus & alutam primùm purpureo, mox in cœruleum degenerante colore tingit; quo simul & pediculi foliorum turgent. Reliqua effigiatura non absimilis *Lapatho* acuto, nisi quod magnitudine superetur.

In



In hortis seritur pro olerè: Junio floret & semine deciduo facilè se propagat.

Folia alvum cient in iusculo, aut expressus succus sanguineus totius plantæ. *Lob.* Nitrosior Oxy-lapatho esse deprehenditur: reliqua sunt cum eodem communia. Semen pulverisatum & in aliquo decocto astringente potum singularem habet efficaciam in sistendis nimis mensibus & similibus fluxibus. *Camer.*

11. \* *Lapathum Chalepense folio acuto, seminum involucris profundè dentatis* Morison. *Sharp-pointed Aleppo-Dock.*

Hujus caulis valdè ramosus ascendit ad altitudinem sesquipedalem, ad cujus singula genicula nascitur unicum folium acutum. Flores ibidem producantur confertim nascentes, herbacei; atque singulos deciduos sequuntur involucria valdè dentata, quasi spinosa, in quorum singulis singula continentur semina triangularia, ut in cæteris hujus classis.

Plantam hanc ipse nondum vidi; descriptionem ejus è D. Morisoni Historia mutuatus sum.

12. \* *Lapathum marinum sinuatum* J. B. *Lapathum maritimum fetidum* C. B. Park. *Strong-scented Sea-Dock.*

C. B.

Radice est & caule atro-rubente, pedali, incurvo: quem folia atro-rubentia, subrotunda, longis pediculis donata, & uncialia, interdum sinuata, communiter alata ambiunt, ex quorum sinu ramuli exurgunt, similibus foliis cincti, quorum superiora leviter per ambitum dentata sunt. In caulibus summo flosculi quadrifolii, muscosi, quasi in spica dispositi, quibus utriculi foliacei, subrotundi, satis exigui semen continentes succedunt. Hæc dum viret gravis odoris est & in maritimis non longè Monspelio provenit.

Hæc planta, si modò rectè à C. Baubino describatur, Lapathi species esse non potest, cum flos ejus quadrifolius sit, omnis autem Lapathi hexaphyllos, ut de vasculis seminalibus nihil dicam. D. Magnol in Botanico suo Monspelienfi *Lapathum marinum sinuatum* J. B. hujus synonymam facit; nec sanè præter rationem, cum & descriptio & locus conveniant. Lapathum autem marinum sinuatum J. Baubini sic describit.

Cauliculos emittit humi procumbentes, aliàs obliquè erectos, dodrantes, in ramulos divisos angulosos atque striatos, quibus folia uncialibus ferè pediculis hærent, alternatim posita, laciniata, duabus insignibus laciniis imam partem in totidem appendices dividitibus, figurâ oblongâ, è quorum sinibus ramulorum exortus est, qui velut in spicas longas ex semunciali intervallo flosculos minimos aggestos habent, obsoleti coloris & ex luteolo virente quodammodo albicantes. Radix rufescens, simplex ferè, paucisque fibris donata.

D. Magnol ob aciditatem quam habet ad Acetosam refert hanc plantam. Nos ad aliud genus pertinere putamus; verùm quoniam à tribus magni nominis Botanicis hinc fuerit collocata, nec nos quò pertineat certò sciamus, nolimus eam temere loco movere, donec de numero petalorum in flore, & figurâ seminis & vasculorum seminalium certius edocti fuerimus.

In sabulosis monticulis parùm ultra Cetium montem, quos reptatu suo occupat, Collegit D. Magnol. Cherlerus apud J. B. Junio cum flore circa *Aigues mortes*.

Præter has à nobis aliisque visas & descriptas Lapathi species, alias adhuc aliquammultas à se observatas producit Abrahamus Muntingius M. D. & in patria Academia Groningensi Botanices Professor. Eæ sunt,

1. Lapathum Chinense longifolium, sive Rhabarbarum longifolium vel verum Matthioli, quæ cum sit Planta pentapetala, flore cæruleo, non est hujus loci.
2. Lapathum longifolium nigrum palustre, sive Britannica Antiquorum vera, vel Hydrolapathum nigrum. Quod idem esse putamus Lapatho aquatico fol. cubitali C. B.
3. Lapathum Virginianum sive Britannica Americana.
4. Oxylapathum planum paludosum.
5. Oxylapathum vulgare minus.
6. Oxylapathum minus dentatum.
7. Oxylapathum fibrosum seu Bulapathum Plinii.
8. Oxylapathum tuberosum Americanum.

Has plantas prolixè describit Muntingius in libro de vera Antiquorum Herba Britannica.

Verùm quoniam longæ verborum ambages Lectori plerunque tedium excutere, resque ipsas obscurare potius quàm illustrare solent, omisissis minùs necessariis, iisque quæ vel omnibus in genere Lapathis, communia sunt, vel iis quæ à Muntingio noviter inventa & descripta suspicamur, descriptiones contrahere conati sumus, nè eadem multoties repetere cogeremur.

Lapathis omnibus in genere convenit florem habere non deciduum aut fugacem, sex foliis, cum totidem staminibus, suos apices gestantibus, compositum, quorum tria interiora magnitudine aucta & conniventia semen triquetrum splendens, & plerunque spadiceum aut nigricans amplectuntur.

Iis quæ à Muntingio descriptæ sunt commune est, Nervum seu costam habere infernè prominulam in medio folio, secundum ejus longitudinem excurrentem, è qua hinc inde nervuli ad folii latera producti, & ibidem semicirculariter coeuntes cernuntur.

Item tum folia ipsa, tum eorum petiolos & nervos medios maculis & punctis rubentibus contaminata habere: petiolos subrotundos inferiùs sed striatos, superiùs planos.

Cæterum Muntingius duobus nominibus nobis reprehendendus videtur. 1. Quòd non indicet locos particulares, in quibus singulas species viderit aut invenerit. 2. Quòd non dicat, quas species



cies novas & à se primùm observatas, quas ab aliis ante se, quibûsque nominibus traditas aut descriptas putet. Quæ certè nobis paulò hebetioribus plus lucis affudissent ad eas ritè intelligendas & discernendas, quam descriptiones partium etiam verbosissimæ.

\* 13. *Britannica Americana seu Lapatium Virginianum* Munting.

E *radice* crassâ, variè divisa, & fibrosis appendicibus onusta, exterius fusca, internè è rubro lutea, medullâ in vetustioribus è fusco rubrâ, circulo quodam albo intrinsecus exornatâ, substantiâ firmâ & solidâ, per siccitatem tamen spongiosiore, succulentâ, inodorâ, gustu amara & adstringente, ac ore masticata succum quasi luteum exhibente, *Folia* edit non adeò copiosa, arctè quasi conjuncta, sursum magis quàm deorsum vergentia, magnitudine varia, in planta nondum florente minora, breviora & rotundiora, in florente majora & acutiora; infima cum petiolis sesquipedem circiter longa, 6, 7ve digitos lata ubi latissima, in acutum mucronem parùm se contorquentem sensim desinentia, modicè crassa & pingua, supernè herbacea, infernè è viridi subcærulea, marginibus plurimùm rubris; necnon mediâ costâ, & venulis indè ad latera excurrentibus, quæ tamen infernè parum aut nihil ruboris ostendunt, gustu validè adstringente & acida, petiolis crassis, nec plus quinque uncias longis nixa. E quorum medio mense Junio erumpit *caulis* tripedalis, pollicem crassus, teres, striatus, cavus, viridis, ad genicula tamen seu foliorum sedem annulo planè rubido, digitum lato cinctus, foliis hinc indè adnascens, & deorsum plerunque vergentibus, infimis multum minoribus, & sensim angustioribus ad fastigium usque vestitus: è cujus apice primò non inter folia ei annexa, ut in aliis Lapatibus, Julio mense flores producuntur. Qui tamen caulis postea in paucas quasdam partes transversas, admodum angustas, ac à se invicem separatas dissipatur, quibus inferius pauca quædam foliola adherent. Flores & semina ut in aliis Lapatibus, à quibus tamen omnibus præter præcedentem differunt, quòd albidæ gemmule planè lanuginosæ ipsis eorum foliis ab utraque parte adnæctantur.

Frigoris minùs patiens, in regionibus septentrionalibus per hyemem reponi desiderat.

\* 14. *Lapatium planum paludosum* Munting.

E *radice* modicè longa, digitum crassa, & in quasdam partes rectè transversas divisa, colore ut in Britannica vera, saporis experte, necnon admodum adstringente, *Folia* profert non multa Acetosæ vulgaris effigie, plana & explicata, vix manum longa, duos digitos ferè lata, è basi latiore in mucronem desinentia, viridi colore, consistentia duriuscula, pediculis longis nitentia, marginibus planis, interdum nonnihil velut plicatis, costâ mediâ supernè interdum rubrâ, parum amara, necnon valdè adstringentia, inter quæ & alia quædam minora, longioribus pediculis, plana in obtusum mucronem finientia, substantiâ atque effigie Acetosæ vulgaris persimilia. E quorum medio mense Maio unus, vel pro magnitudine plantæ duo *Cauliculi*, recti, bipedales circiter, tenues, duriusculi, teretes, striati, rubei plerunque, interdum pro naturâ loci ex parte virides assurgunt; foliis hinc inde rarò à se invicem distantibus, iis quæ ad radicem latioribus, planioribus, brevioribus, atque in obtusum mucronem desinentibus, Acetosæ vulgaris similibus vestitus: inter quæ à superiori parte ramuli tenues, cæteris Lapatibus speciebus ferè omnibus numero frequentiores, permultis foliolis minoribus, & in acutum planè desinentibus necnon suo in virore ad seminis perfectionem perseverantibus onusti, oriuntur. Flosculi verticillatim ad articulos dispositi sub finem Julii aperiuntur. *Semen* pusillum, triangulum.

Flosculorum foliolis tribus internis tres gemmule ex albedo rubentes oculos protuberantes non iniquè efformantes externè adnascuntur: quod nos in Oxylapathi etiam flosculis observavimus.

\* 15. *Lapatium vulgare minus* Munting.

E *radice* ferè lutea, digitum vix crassa, sex circiter digitos longa, in acutum desinente *folia* profert digitum plus minus longa, ac pollicem [ transversum ] lata, in obtusum mucronem desinentia, supernè hilariùs viridia, infernè pallidiora, pediculis tenuibus hærentia, plerunque plana, rariùs nonnihil quasi crispata, gustui ingrata, atque nonnihil interdum amaritie quadam acescentia. E quorum medio *Cauliculus* producit tenuis, sesquipedalis aut altior, teres, parùm rubescens & striatus, varios in ramulos, transversos, graciles divisus, quibus nonnulla exigua foliola, inferioribus acutiora, ab utraque parte, rariùs disposita adhærescunt. Ad quorum exitum è caule flosculi articulatim dispositi proveniunt. *Semen* pusillum, fuscum.

In ficcis potius quam paludosis oritur.

\* 16. *Lapatium minus dentatum* Munting.

E *radice* tenui, tuberosa, manum transversam longâ, tam internè quàm externè pallidè lutescente, *Folia* edit pauca, inferiori parte juxta se posita & quasi ex uno loco emergentia, pusilla, digiti longitudinem vix continentia, brevibus admodum petiolis, ad basin circiter pollicem lata, indeque se contrahentia in acutum mucronem tandem desinentia, supernè gratè virescentia, inferioribus pallidiora, solo plerunque incumbentia, rariùs supra illud elata, undique ferè plana, marginibus ex parte rubidis, parumper incis, aut gratè dentatis, gustum valdè tenuiter ferientia. *Caulis* plerunque unicus, valdè gracilis, sesquipedem plus minus longus, teres ferè, parùm striatus, cavus, colore spadiceo; non admodum altè supra solum in quinque, sex, vel septem ramulos transversos, ab utraque parte provenientes dissipatus, quibus foliola quædam exigua, vix tamen aut nihil

hil crenata, verum inferioribus planiora adnectuntur hinc inde procul à se invicem distantia, ad quorum exortum caulibus verticillatim adnascuntur flores perpusilli, pallide virides. Semen pusillum, nitidum, spadiceum.

\* 17. *Bulapatium Plinii, sive Lapatium fibrosum*, Munting.

Humilis & exigua est planta, è radice tenui, brevi, pallide pupurascente, necnon planè fibrosa, & nullo modo ( ut cætera Lapathi species universæ ) tuberosa; aut amariuscula, sed sapore potius ingrata, Folia protrudit haud pauca rotunda quasi serie quadam disposita, tam deorsum quam sursum vergentia, brevibus petiolis inhaerentia, effigie ac magnitudine *Sanguinei Lapathi* foliis, quæ parvam bubulam linguam representare videntur, non dissimilia, juxta petiolos latiora, & tandem angustiora, in mucronem desinentia, parvam manum longa, duos digitos lata, supernè atro-viridia, infernè pallidiora, plerunque plana, interdum tamen in hac vel illa marginum parte parùm inversa vel quasi plicata, substantiâ modicè crassa, ore commansa parumper acida, adstringentia, atque amaritudinem quandam propinquantia. E quorum meditullio Caulis sæpius surgit unicus, sesquipedem circiter longus, teres ferè, striatus, concavus, foliis pallidior, quatuor, quinque, vel sex foliolis pusillis, hinc inde emergentibus onustus, necnon circa fastigium in duas, tresve partes divisus, in quibus flosculi non verticillatim, verum undique æquali semper ordine cauliculus ad summum apicem cingentes dispositi cernuntur. Semen pusillum, spadiceo vel fusco colore nitidum.

Floret Vere; Semen circa Maii exitum maturat. Semine prolato sæpius, non tamen semper emoritur.

\* 18. *Oxylapatium tuberosum Americanum*, Munting.

E radice pollice nonnunquam longiore, crassâ, ovali, tuberosa, angulosa, fibris paucis hinc inde enatis donatâ, exterius fulvâ, internè candida, sub finem Aprilis aut Maii initium folia protrudit rufescentia, ex angusta origine in latius finientia, sex digitos longa, in medio duos tresve lata atque ibidem rotundiucula, in mucronem acutum desinentia, modicè longo & angusto quasi pede nitentia, mollia & leviter flaccescentia, supernè atro-viridia, infernè pallidiora, marginibus planis, palato pergrata, quamvis & acidiucula & parùm adstringentia. Caulis circa finem Junii nunc unus, nunc plures, pro radice ætate aut magnitudine, pedem longi vel paulò altiores, teretes, tenues, duobus parvis, aliquando oppositis interdum separatis foliolis, vel unico tantum, aut sæpius planè nullo onusti exurgunt. In quorum fastigio tres, quinque, vel septem nonnunquam, à se invicem separati, bini tamen semper ab utràque caulis parte juxta se positi, flosculi, in cacumine nihilominus in unum desinentes, petiolis pusillis nixi, à precedentibus omnibus Lapathi speciebus formâ, magnitudine, foliis ac colore planè diversi, ex albido scilicet rufescentes, explicati & omnino rotundi, conjunctim interdum & quasi coacervatim dispositi, è foliolis sex teneris, intrinsecus five meditullium versus admodum angustis, extrinsecus verò latioribus, atque in tres particulas ibidem acuminatas Cyani modo incisis constantes, cum perpusillis in meditullio apicibus luteis: qui post triduum in se marcescebant nullo relicto semine.

An hæc planta vera & genuina Lapathi species sit nobis non constat, cum Autor noster nec semen, nec ejus conceptaculum describat.

Superficies hujus plantæ quotannis hyeme interit: radix perennat.

### C A P. III.

#### De Acetosa.

**A** Cetosa ab aceto recentioribus dicta est, quia acido sapore acetum æmulatur: Græcis Oxalis pariter ab acido succo.

In nonnullis Acetosæ speciebus puto me observasse alias plantas steriles & floriferas tantum, alias fertiles & semine prægnantes: ut in his quoque sexus distinctio eluceat.

Hujus generis octo species nobis innotuere. Eæ sunt

1. *Acetosa vulgaris.*
2. *Montana maxima* C. B.
3. *Sterilis Moscovitica* Mor.
4. *Vesicaria Americana* Park.
5. *Rotundifolia hortensis* C. B.
6. *Scutata repens* C. B.
7. *Arvensis lanceolata.*
8. *Cretica semine aculeato* C. B. Quæ eadem Acetosæ Ocimi folio Neapolitanæ *Bucephalephora* Col.



- A. 1. *Acetosa vulgaris* Park. *pratensis* C.B. *Oxalis vulgaris folio longo* J. B. *Oxalis seu Acetosa* Ger. *Wild Sorrel*.

J. B.

Cubito altiores promit *caules* striatos, concavos & in apricis rubentes, in alas divisos, & *foliis* alternatim positis cinctos, Bistortæ minoribus, acuminatis, quæ pediculo adharrent falcatis pinnatifide succulentis, glabris, atro-virentibus, sapore acido. *Flores* & *semen* Lapathi acuti (inquit J. Baubinus.) In hac specie plantæ nonnullæ flores duntaxat proferunt, hexapetalos cum duodecim staminibus & apicibus luteis, quibus nullum succedit semen: Aliæ semen proferunt triquetrum, splendens in vaseculo tribus foliolis conniventibus composito, ut in Lapathis fit. *Radix* fibrosa, lutea, strenuè siccante & astringente sapore.

Locus &  
Tempus.

In pratis & pascuis passim & copiosè provenit, in hortos etiam admittitur in usum culinæ. Æstate floret & semen brevi perficit, quod (ut rectè Gesnerus) difficulter colligitur, cum subito decidat antequam probè maturescat.

Hujus varietas habetur, quam J. Baubinus sub titulo *Oxalidis crispæ* depingit & describit. Hæc, inquit, natali loco, tempore & crescendi modo à priori nihil planè differt quàm quòd natura foliis crispis in hac mirè ludat.

Vires.

Acetosa omnis, ut alia ferè acida, refrigerat & ficit; appetitum excitat, choleram reprimat, sitim sedat, putredini resistit, unde in febribus biliosis, simplicibus ac pestilentibus usitatissima est, atque etiam utilissima, seu succum expressum jusculis & sorbitionibus immiscere, seu folia eisdem incoquere malueris. Aqua destillata eisdem usibus inserviet hyemis tempore, cum folia evanuerint; est autem, ut pleræque hujusmodi aquæ stillatitiæ, languidior multò & minorum virium.

Semen medicamentis additur cordialibus, estque proculdubio facultatis adstringentis particeps, ut aliorum Lapathorum semina.

Herba æstivis mensibus acetariis infertur, estque idoneum multorum ciborum condimentum.

Singulare est (inquit Simon Paulus) quod aliqui practici pro horribili secreto habent, quòd Acetosæ radix ficcata & decocta rubello eleganti colore aquas tingat, cujus tamen Rulandus jampridem meminit.

Grœnlandi miserè vexantur Scorbuto, sed quasi renati convalescunt, miscendo Cochleariam & Acetosam simul in Brodis suis Avenaceis vel Hordeaceis. Hæ duæ plantæ semper crescunt simul in hac regione, quasi seorsim sumi non debeant, nè separatæ noceant, quippe una sale volatili, altera acido turgescit, ex quarum mistura media qualitas exultet. *Bonhelim. Aff. Med. 1671. Obs. 9.* Ex adversar. D. Tancredi Robinson.

2. *Oxalis montana maxima* C. B. *Sylvatica maxima* J. B. *Acetosa maxima Germanica* Park.

J. B.

Duorum cubitorum circiter altitudine est *caulis* striatus, foliis ex intervallis certis amictus singularibus, sesquipalmaribus, uncias tres latis, acuminatis, glabris, inferioribus verò duplo majoribus, acido sapore præditis.

Acetosæ maximæ speciem cum Cantabrigiæ degerem, diu in hortulo nutriti sub titulo *Acetosæ maximæ Hispanicæ*, cujus folia non tantum majora fuere quàm Acetosæ vulgaris, sed & colore dilutiora, succulentiora, & teneriora. An fortè Acetosa Hispanica grandissimis foliis Cam.? quæ tam differentiz natalibus imputandæ videntur.

Hanc plantam C. Baubinus in montibus Helveticis & Sabaudicis provenire scribit: J. Baubinus in monte Thuiri propè Genevam.

- \* 3. *Acetosa montana geniculis nodosis* C. B. *montana maxima* Park. qui hanc cum præcedente eandem facit. *Oxalis folio amplissimo, geniculis tuberosis* J. B. *Great knotty-jointed Sorrel*.

Clas.

Oxalidis genus in jugo Wechsell Clusius observavit, sativo multò majus, foliis valde amplis, cui hoc peculiare erat, ut in caulis nodis & geniculis subinde velut tubera quædam adnascarentur, è quibus folia tandem sese explicarent; quæ tubera tellure obruta [periculum enim fecit] sui generis plantas protulerunt.

- \* 4. *Acetosa tuberosa radice* J. B. *Oxalis tuberosa radice* J. B. Park. *Sorrel with tuberous or knobby roots*.

Terram suprà Oxalidem pratensem refert, foliis paris magnitudinis & formæ, aliis caulem aliis suis complexis, aliis longiore pediculo nixis. *Flos* stamineus, luteolus, racemosus, (Lobelio teste, cui primam ejus noticiam debemus), radicibus tuberosis Filipendulæ vel Oenanthes perquam spectabilis.

Jacobo Zanoloni hæc species *Acetosa Ragusiana* dicitur, unde verisimile est eam in confinio Ragusæ urbis, unde transmissa est, sponte oriri. Caterum Zanoloni Acetosam suam tuberosam, repentem Ragusinam à Lobelianâ tuberosâ specie diversam esse contendit: Siquidem Ragusina sub terra reptans se multiplicat, & novas in circuitu plantulas seu stolones emittit: folia habet sanguineis maculis (cum primo erumpunt) notata; florem rubicundum; & in singulis radicibus singula duntaxat



taxat tubera, longa, crassa, Pæoniæ fœminæ aut Asphodeli majoris tuberibus similia: Lobeliana autem his omnibus notis caret, cum Acetosæ hortenfi vulg. tuberibus exceptis, per omnia similis sit; tubera autem multò sint minora, duo aut tria in eadem interdum radice aut radice fibrâ simul juncta, Filipendulæ vulgaris crassitie. Verùm his non obstantibus Lobelio descriptam & depictam, cum Ragulina Zanoni eandem esse suspicor. Potuit enim & Lobeliana reptando se propagare, quamvis proprietatem istam Lobelius vel non animadvertit, vel non meminit: maculas autem sanguineas vel insecti cujusdam puncturæ, vel morbidæ aut vitiosæ alicujus efflorescentiæ notas esse verisimile est; tubera insuper in icone Lobeliana non multum figurâ suâ abludunt à Ragulinæ tuberibus, nec plura sunt in singulis fibris, nisi quando fibræ majores in ramos dividuntur, quod fortè etiam in Ragulina interdum potest contingere, aut si nunquam contingat, pictori vel sculptori incauto aut cerebroso seu temere, seu de industria iconem corrumpenti, & fibris tubera appingenti deberi.

5. *Acetosa sterilis Moscovitica* Morisoni. *Warren Saxrel of Russia.*

Hæc parùm admodum differt ab Acetosa vulgari, nisi quòd sit foliosior, rotundior & omnino minor. Rarò caules edit, rariùs flores; semina apud nos ad maturitatem nunquam perducit, unde non ineptè sterilis appellatur.

Folia ejus ineunte Vere teneriora cum sint, acetariis sunt aptiora.

Locum titulus indicat: vidi in horto *D. Willughby* Middletoni cultam. Qui nobis communicarunt à *Novo castro* Northumbriæ oppido ad se transmissam retulerunt.

\* 6. *Acetosa montana, radice rectâ, pedali aut sesquipedali Lapatii instar absque fibris* Moris.  
*Long-rooted Mountain Saxrel.*

*Moris.*

Radice longâ, rectâ, absque fibris adherentibus à reliquis Acetosis differt; quoad cæteras partes convenit cum congeneribus.

\* 7. *Acetosa quarta* Col. *montana bulbosa* C. B. *bulbosa montana major* Park.

De hac Columna; Quarta montium frigidiorum incola, rotundior, bulbosa. Folia promit lata in imo, basi bifurcata ac veluti alata, quodammodo hederacea, trifida.

Ex brevi hac descriptione an hæc sit species à superscriptis omnibus distincta certò definire nequimus.

8. *Acetosa vesicaria Americana* Park. *Americana longissimis pediculis donata* C. B. *Oxalis Africana* J. B. *American Saxrel.* *Acetosa Indica* Park. *quid differt?*

C. B.

E radice simplici, alba, paucis fibris donata caules plures, rotundi, striati, læves, in terram reclinati prodeunt, qui mox in plures ramos oblongos brachiantur. Folia gemina opposita, aliquando etiam singularia, pallida & velut nitroso pulvere obrita, angulosa, non tamen ut in vulgari bifurcata aut alata, sed potius Atriplicis formâ, biuncialia, & pediculis triuncialibus donata, mollia, carnosa [vel *Portulaca* ipsa crassiora, *J. B.*] sapore acido; ex quorum sinibus alæ surgunt foliis minoribus, sed eadem formâ; in quorum, ut & in caulis summo *sosculis* ex luteolo virentes & rubello quodam, figurâ *Oxalidis* vulgaris, solâ magnitudine differentes, quippe majores, ex recurvo pediculo penduli, vel ut in spicas dispositi: quibus *fructus* foliacei (ex tenuibus rufescentibus membranis, elegantissimis venulis, veluti in *Fritillariâ* per eas discurrentibus compositi) ut in aliis, sed quadruplo quàm in vulgari majores, ex parvis pedicellis dependentes succedunt, quibus semina triangularia oblonga, rufescentia & splendentia inclusa continentur.

Cæterum tota planta gustu & aciditate delicatior reliquis congeneribus præferenda.

*J. Baubinus* dubitat an hæc planta sit *Zacyni* *Oxalis* Alpino in lib. de Plant. Egypt. quam exilem herbam fuisse scribit, foliis parvis, crassis, oblongis, *Calthæ* foliorum æmulis, gustum ut nostram acido sapore ferientem. Nos *Zacyn.* *Oxalidem* huc referre malumus, quàm pro nova specie proponere cujus notæ omnes huic non ineptè conveniunt.

\* 9. *Acetosa vesicaria Tingitana perennis repens, foliis longis sinuatis* Morisoni; *perennis Tingitana major dentata* Zanoni. *Bladder-Saxrel of Tangier with waked leaves.*

*Moris.*

Folia protrudit è terra plurima, longa, mucronata, profundè laciniata seu sinuata, imò undulata. E medullis horum exit caulis, per terram stratus, ad cujus genicula nascuntur folia singularia, item sinuata. In summis caulibus nascuntur flores muscoli: quibus singulis succedunt vesicæ triangulares, in gremio continentes semina triangularia. Radicem profert crassam, repentem, multis fibris donatam.

Copiosè provenit in Mauritania Tingitana, unde *D. Alexander Balam* in Angliam transmisit.

*D. Zanoni* omnes hujus plantæ partes prolixè & accuratè describit. Folia quoad formam *Ari* familia ei attribuit, nisi quòd dentata & undulata per margines sint, & ad basin suam in duas lacinas profundè incisa, caulem cubitalem, dum adhuc tener est humi stratum, postea se erigentem, pennæ anserinæ crassitie, infernè ad medium usque dilutè rubentem, reliquâ superiore parte virentem, fragilem



fragilem adeò ut non sine strepitu rumpatur: flores & capitula tenuibus pediculis pendula, interdum folitaria, aliàs duo aut tria simul, ex eodem puncto prodeuntia. Cetera apud ipsum vide.

Cum Acetosa vesicaria præcedente mihi non multum convenire videtur, siquidem radice est perenni & durabili; foliis oblongis sinuatis & ad basin profundè laciniatis: floribus eòsque sequentibus feminibus in singulis pedicellis singulis, non pluribus simul in unum capitulum conglobatis, ut in illa.

10. *Acetosa rotundifolia boracensis* C. B. *Oxalis Franca seu Romana* Ger. *Sativa Franca seu Romana rotundifolia* Park. folio rotundiore repens J. B. **Roman or French Sorrel.**

J. B.

Ludit subinde hæc foliis, modò rotundis ferè, Cochleariæ vel Chelidonii minoris proximis, modò alarum appendicibus donatis, aliàs sagittæ instar mucronatis pinnatisque velut Spinachiae foliorum extremum, colore glauco aut pallido, pinguiusculis, delicatòque acore præditis. Caules inanes, cubito longiores: Flosculi è fibris componuntur ex luteo rubentibus, ut in aliis, quibus & semen respondet. Radix tenuis reptat, sapore minùs acido, sed magis sicco quàm folia.

In hortis passim feritur.

Huic affinis est,

- A. 11. *Acetosa scutata repens* C. B. prod. Park.

C. B.

Cauliculis nodosis tenellis, per terram repentibus, uncias quatuor longis: foliis unguem latis, sed longis pediculis cauliculos æquantibus donatis, formam scuti, vel potiùs Avonis folium referentibus, in medio tamen utrinque sinum obtinentibus, & in apicem desinentibus.

Huic eandem specie esse existimo *Acetosam rotundifoliam repentem Eboracensem folio in medio deliquium patiente* Moris. ut & *Cambro-britannicam montanam* Park. quam & nos olim in agro Westmorlandico sponte ortam invenimus. Morisonus eam vix alia in re quàm foliis rotundis, spissis, virentibus, in medio deliquium patientibus à vulgari Romana rotundifolia differre scribit.

Nec multum abludivit

- \* 12. *Acetosa rotundifolia Alpina* C. B. Park.

C. B.

Planta palmo minor, cui folia quina vel sena Violæ luteæ Alpinae modo rotunda, unguem lata, pediculis tres etiam quatuor uncias longis & tenuibus donata prodeunt, & inter hæc cauliculus lævis & nudus, sexuncialis exurgit; in cujus summo flosculi muscosi parvi velut in spicâ unciali, cui foliolum simili formâ subijcitur.

- \* 13. *Acetosa Calthæ folio peregrino* C. B. *Oxalis Zacynthi* Alpin.

A nostris (inquit Alpinus) Oxalidibus omnibus admodum diversa erat: Quippe exilis herba, foliis parvis, crassis, oblongis, Calthæ foliorum æmulis, gustum non minùs quam nostra acido sapore feriens.

- A. 14. *Acetosa arvensis lanceolata* C. B. *minor lanceolata* Park. *parva auriculata repens* J. B. *Oxalis tenuifolia* Ger. **Sheeps Sorrel.**

Prolixas habet radices, tenues, fibrosas, rubentes, sub terra reptantes & nova obiter germina ad intervalla protrudentes, quibus longè latèque brevi temporis spatio se diffundit, solo præsertim arenoso. Caules in latiori solo semipedales sunt aut altiores, striati, solidi, foliis cincti crebris, fitu alterno, summa parte in plures ramulos divisi, in quibus flosculi & semina eodem modo oriuntur quo in vulgari Acetosa, longos racemos efficientes. Sunt enim flosculi hexapetali inutiles quibus nullum succedit semen: sunt & semina quibus nullus flos prævius. Semina non conteguntur tribus foliis conniventibus tantum, ut in aliis plerisque hujus generis, sed herbaceo involucri arcu adhaerente. Folia semunciam aut unciam longa sunt, ad imum auriculata, gustu reliquorum instar acido: Superiora in caule plerunque angusta sunt, & auriculis carent.

In arenosis, lapidosis & incultis agris passim provenit, reptatu suo odiosa.

Huc refero Acetosam XIV, seu lanceolatam angustifoliam repentem C. B. item XV. seu arvensem minimam non lanceolatam repentem ejusdem, quæ accidentibus quibusdam à loco natali ortis potiùs quàm specie differre videntur.

*Acetosa angustifolia elatior* Park.

An ab hac specie differat me nescire fateor: notæ ejus distinctivæ sunt tantum *Caulis gracilis elatior, Folia angusta, oblonga*. Nihil adfert autor de loco ejus natali, nec unde habuit aut plantam ipsam, aut ejus iconem, dicit: quocirca nisi aliunde ejus notitiam habuerimus, oportet ut adhuc incerti maneamus.

15. *Acetosa Cretica semine aculeato* C. B. Park. *Oxalis minor aculeata* Candia J. B. *Prickly-headed Sorrel of Candy.*

*Ramulos* complures dodrantales & cubitales, humi fusos, undatim flexuosos, graciles, striatos producit, colore propter terram rubente, aliòqui viridi: *folia* pauca *Oxalis* vervecinæ, pinnis mutila, oblongis pediculis donata: *flores* ex intervallis per totam ferè ramorum longitudinem, muscosi, luteoli, velut in spicas dispositi; quibus *semen* succedit triquetrum, purpurascens, triplici membranulâ aculeata circumclusum, contorto, latiusculo succulento pediculo appensum. *Radix* gracilis, fibrosa, rufescens, summa tellure hærens.

Ex semine sub hoc titulo à D. de Casa bona nisso, Montbelgardi in horto Ducis succrevit, Junio floruit, & Julio semen maturuit.

Huic speciei omnino eandem esse mihi persuadeo, quæ frequens circa Neapolin oritur à D. Fabio Columna descripta & depicta sub titulo

*Acetosa Ocymi folio Neapolitanæ bucephalephoræ.*

Cujus descriptionem, nè Lectori temerè imposuissè videar hîc subjungam.

*Folia* huic Ocymi modo sunt fescunciam lata, carnosa, ovali figurâ, petiolo longo hærentia, veluti nitroso pulvere obsita, acido sapore ut in congeneribus, alternatim cauli hærentia; ex quorum finibus *alæ* surgunt, minoribus eodem modo foliis: in quorum & in caulis summo in spicam, ut in aliis, *flores* emicant dispositi, parvi, herbidi, lutescentes, muscosi, ac etiam circa summa folia hærentes, foliolis quibusdam parvis pro calice: quibus *fructus* succedunt foliacei, ut in aliis, sed huic miro naturæ artificio Bubulinum caput exprimentes, nam veluti collo cauli hærent, & indè ad capitis extrema velut cornua parùm inter se curva; paulò inferiùs verò, & veluti è regione oculorum, aures veluti apparent utrinque & supercilia; & ab his reliquum dependens capitis totius iconem exprimens. *Caules* plures à radice exeunt, aliquando pedales aut majores, parùm angulo si ac veluti striati. *Radix* tenuis respectu plantæ, in summa tellure hærens.

Autumni fine exit; caulem edit vere; æstate perficitur.

Hanc plantam circa Neapolin, locis à Columna indicatis abundè provenientem vidi & collegi. Prima facie *Oxalida minimam vervecinam* putavi, verùm curiosiùs eam inspiciens diversam agnovi; & revera Descriptio *Acetosæ Creticæ semine aculeato*, quam ex J. B. Hist. desumptam proposuimus ei egregiè convenit, ut non dubitem eandem esse quam Bauhinus descripsit.

\* 16. *Acetosa annua Ocymifolia Lusitanica* Munting.

Planta est annua, è radice parva, tenui, fusca, fibrosa *folia* portrudens non magna, pediculis articulum longis nitentia, digitum minimum fermè lata, ovali figurâ, ad pediculos, nimirum angusta, in medio latissima, indèque in obtusum mucronem desinentia, crassiuscula, marginibus planis, supernè obscurè virentia, infernè paulò pallidiora, gustu acido, unica in medio, tenerâ venulâ, è qua aliæ quædam pusillæ ac vix visibiles exoriuntur. *Cauliculi* inde exurgunt unus, duo vel tres; foliolis prædictis minoribus angustioribus, magisque acuminatis, hinc inde ad digiti à se invicem distantiam cincti, vix manum longi: quorum summo fastigio spicæ in modum sed verticillatim ad articulos dispositi *stosculi*, brevissimè ac arcuè admodum suis pediculis adnati Augusto ac Septembri mensibus explicantur. Seminis involucrium Lunæ in cornua falcata modo dispositum, inferiori parte rotundiore parumper purpurascens, pluribusque spinulis quasi molliusculis plenum necnon longiformi cuidam, crassiusculâ & lanugino sæparti, ut in Calendulæ semine, annexum.

Herba est tenera, frigoris minùs patiens, nec semen nisi calido in loco Soli exposita, in oris nostris ad maturitatem perducit.

Hæc plantula ab *Acetosa Ocymi folio Neapolitana bucephalephora* Col. solâ seminis, seu veriùs conceptaculi seminalis figurâ, Muntingio ipso fatente, differt: ut eandem specie esse suspicer, & naturâ tantùm ludente in vasculi seminalis figura variare.

\* 17. *Acetosa annua Africana* Munting.

A præcedente, cui aliàs fatis similis est, differt Statura paulo altiore, Foliis rotundioribus & obtusioribus, ramulis floriferis è caulium lateribus inter foliorum ortus erumpentibus.

C A P. IV.

De Fegopyro.

**H**Æc planta Fegopyron seu Fago-triticum recentioribus dicitur à figura seminis, quòd Faginam glandem formâ triquetrà & colore fordido quodammodo refert, licet quantitate multò minus: apud Veteres nullum nomen obtinuit, quibus vel non cognitum, vel non usitatum, vel neglectum. *Dod. C. Baubino* Erysimum Theophrasti folio hederaceo dicitur. Frumentum Saracenicum nonnullis, quia ex Africa primùm delatum creditur.

Convolvulus niger dictus Fegopyro adeò similis est, ut pro ejus specie scandente meritò censeri possit.

R

Hujus



Hujus notæ characteristicæ sunt Flosculi pentaphylli speciosi, in spicis è foliorum alis egressis. Semine triquetro cum congèneribus convenit, ejus tamen colore fordidiore & farinâ esculentâ ab iisdem differt.

- A. 1. *Fegopyrum* Dod? *Tragopyron* Ger. emac. Park. *Fagotriticum* J.B. **Buck-wheat** or **Blank.** *Erysimum* Theophr. folio hederaceo C.B.

*Radice* nititur furculosa, plurimis fibrillis capillata. *Caule* surgit cubitali & altiore, simplici, tereti, glabro, solido, viridi sed in apricis purpureo, ramoso, ramulis alternatim è foliorum sinubus exeuntibus. *Folia* ima pediculis duas uncias longis insident, superiorum in caule pediculi sensim breviores sunt, donec tandem in summo immediatè adnascantur, hederacea, glabra, atrovirentia, per margines aequalia, sapore fatuo. In summis caulibus & ramulis ex alis foliorum egrediuntur furculi seu pediculi unciales [*f. B.* trientales aut quadrantales,] tenues, *flores* sustinentes in spicas habitiores seu racemos congestos, satis amplos, pulchellos, pentapetalos, ex albo purpurascèntes, apicibus rubentibus. In umbilicis florum singulorum singula nascuntur *semina*, oblonga, triquetra, nigris glumis obducta, farinam intus continentia candidissimam, inspidam.

De loco ubi sponte provenit mihi non constat: Aiunt Africanæ originis esse: Apud nos in arvis feritur, nec ullum ferè solum refugit. Gaudet imbribus, citò provenit, celeriter maturefcit, ut rectè *f. Baubinus*.

Veteribus incognitam & indictam fuisse hanc plantam Botanici peritiores opinantur.

Ufus.

Rura (inquit Matthiolus) non solum ex ea panes pinsunt, sed & pulcem quoque conficiunt, quæ non ingratus est cibus, ubi rectè fit. Dodonæus pulmentaria ac placentas, quæ ex ejus farina conficiuntur, facillè concoqui, citò descendere, alimentumque corpori adferre, exiguum quidem non tamen aut malum vitiosum scribit; Panem qui ex eo aliquando, cogente annonæ penuriâ coquitur, aut farinam ejus admixtam habet, humidum esse citiusque descendere, ac flatulenti plus obtinere quàm ex Secali coctum. Herbam viridem, priusquam semen maturuerit, boves jumentaque pascuntur. Semine gallinaceum genus pastum citissimè pinguescit. *f. B.*

- A. 2. *Convolvulus minor Atriplicis folio* Park. *Volubilis nigra* Ger. *Convolvulus minor semine triangulo* C.B. *Helxine semine triangulo* J.B. **Black Bindweed.**

*Radice* firmatur furculosa, lutea, lenta, sapore nullo insigni. *Caulis* plurimum simplex, verum à radice statim ramosus, plurimis prælongis, tenuibus flagellis, quibus plantis vicinis se circumvolvendo in altum emicat, spiras à dextra sinistram versus tendentibus. *Folia* in caulibus & ramulis ad intervalla rara, alternatim aut singulatim posita, pediculis semuncialibus aut longioribus appensa, triquetra hederæ aut potius Fegopyri, glabra, per margines aequalia. In summis caulibus & ramulis & ad exortum foliorum flosculi racematim coherent hexapetali, alii inutiles & semine cassi, albi, qui interdum aperiuntur, alii semine prægnantes, qui perpetuò connivent, & singuli singula semina triquetra, satis grandia, ex obscura purpura nigricantia complectuntur.

Locus.

Nascitur in locis cultis, arvis, vineis, segetibus, quin & sepes interdum longissimis suis flagellis superat. Sub finem Æstatis & Autumno semen perficit & brevi radicitus exarefcit.

Ufus ejus, quod sciam, in medicina nullus.

## C A P. V.

### De Persicaria.

**P**ersicaria Latinis à foliorum formâ laud dubiè dicta est, quod folia Persicæ mali foliorum æmula obtinet: Hydropiper Græcis à loco & sapore: in aquis enim aut circa aquas oritur, estque valdè calidum & acre instar Piperis: quamvis non omnis Persicaria acris sit, imò pleræque mites.

Persicaria flosculis tetraphyllis in spicis summos caules terminantibus à reliquis hujus familiæ distinguitur, speciatim à Bistorta radicibus non intortis. Forma quoque feminis à reliquis non parum differt, quod non adeo concinnè & exactè triquetrum est; uno latere reliquis duobus ferè pari, adeò ut angulus iis contentus valdè obtusus sit, reliqui duo acuti.

Hujus quinque species nobis cognitæ sunt, nimirum:

1. *Persicaria vulgaris acris sive Hydropiper* J.B.
2. *Vulgaris mitis seu maculosa.*
3. *Puilla repens* Ger. emac.
4. *Frutescens maculosa Virginiana* Park.
5. *Salicis folio, Potamogeton angustifolium dicta.*

- A. 1. *Persicaria vulgaris acris sive Hydropiper* J.B. *vulgaris acris sive minor* Park. *P. urens, sive Hydropiper* C.B. *Hydropiper* Ger. **Lakeweed** or **Arsmart.**

*Radice* parvâ, lignosâ, albâ, simplici, pluribus fibris capillatâ alimentum attrahit. *Caules* plures pedales aut cubitales, solidi, teretes, glabri, pluribus geniculis nodosis intercepti, in apricis ruben-

tes,

tes, aliàs luteo-virides, ramoli. *Folia* ad genicula singularia, membraneis appendicibus caulem amplexa, pediculis brevibus insident, pallidè viridia, non maculosa, glabra, per margines æqualia, *Perficæ* foliis similia, unde & nomen impositum. In summis caulibus & ramulis *flores* in spicas digesti longas, laxas & strigosas, perexigui, è quibus alii inutiles sunt, nullo succedente semine, & in quatuor petala panduntur, alii perpetuo connivent, & semina singula majuscula triquetra, splendens, & per maturitatem nigricantia, continent, ipsi exterius rubent. Sapor plantæ acris & mordax: annua est.

Ad rivulos, fossasque, & in aquosis nascitur.

Aiunt folia huic interdum maculosa esse; quod tamen nobis nondum observatum.

Facultatem habet evidenter calidam & siccam. Usus præcip. extrinsecus, in vulneribus, tumori-  
bus induratis, ulceribus inveteratis, &c. *Schrod.* Aqua hujus stillatitia efficax est ad comminuen-  
dum calculum etiam vesicæ, experimento cujusdam nobilis nostratis, qui quotannis in usum pau-  
perum magnam ejus quantitatem destillare solebat. *D. Boyl. De Utilitate Philosoph. Nat. part. 2.*  
pag. 65.

R. Piper aquaticum, indatur de eo in dentis cavum. Hoc remedio sanavit mulierem J. Heur-  
nius.

Expellendis muscis vix quicquam efficacius reperias: nam quæcunque in pecoribus vulnera vel  
ulcera succo *Perficariæ* oblita fuerint, ea ab injuriis muscarum tuta manent, etiam ferventissima  
æstate. *Trag.*

Parkinsonus nostras aliam præterea *Perficariæ* speciem describit, quam acrem Virginianam ap-  
pellat, quæ non alia (inquit) in re à præcedenti differt quàm spicis gracilioribus seu tenuioribus &  
longioribus, quod tamen vix fieri potest, cum vulgaris spicæ prælongæ sint, necnon tenues admo-  
dum & strigosæ. Quocirca eam pro *Perficaria* acris vulgari tantisper habebimus, donec quis certi-  
ores notas & characteristicas adferat.

Hydropiper Brasilianum *Marggr.* à nostrate non videtur diversum, proinde dantur plantæ non-  
nullæ Novo Orbi cum nostro communes.

Nescio tamen an nostras sub aquas natans ad nodos capillatas fibras copiosas edat necne.

\* *Perficaria angustifolia* C. B. Prod.

C. B. Prod.

Ex radice nigricante, fibris oblongis capillatâ caules plures, cubito altiores, rubentes, leves, ge-  
niculis distincti exurgunt: quos *folia* *Perficariæ* vulgaris foliis triplo quadruplòve minora, duas,  
rariùs tres uncias longa ambiunt, & in summo in ramulos brachiantur; quibus spicæ oblongæ,  
floribus pallidè purpurascensibus ornata, ut in vulgari insident. In humidis circa Michelsfeldam æstate  
flore.

A. 2. *Perficaria maculosa* Ger. mitis J. B. vulgaris mitis seu maculosa Park. mitis maculosa &  
non maculosa C. B. Dead or spotted Arsmart.

Hæc ab urente *Perficaria* differt, caulibus brevioribus & ramosioribus, intus concavis, ramulis  
caulem ipsum longitudine excedentibus: *Foliis* latioribus & pro latitudine brevioribus, maculâ ni-  
grâ majusculâ circa mediam partem notatis, obscurius etiam quàm illius virentibus: *florum* spicis  
brevioribus densioribus & habitioribus multo; *flosculis* confertis, colore plerunque purpureo nitenti-  
bus, interdum albidis.

Hujus spicis nullum apponitur folium, verum paulò infra eas flosculi aliquot pediculis earundem  
adnascuntur. Sapor huic non acris, sed adstringens & acerbus.

Ad rivulos, inque aquosis & humidioribus arvis & hortis abundè provenit.

A. 3. *Perficaria pusilla repens* Ger. emac. Park. 4. five minor C. B. Small Arsmart.

Hæc non erigitur quemadmodum præcedens, sed caules edit supinos & in terram reclinatos: est  
que duplo minor *Perficaria maculosa* vulgari, aliàs non ei ita dissimilis.

In pratis humidis & aquosis invenitur frequens.

4. *Perficaria frutescens maculosa Virginiana, flore albo* Park. Perennial spotted Arsmart  
of Virginia with white flowers.

Park.

Caules emittit plures, rigidos, teretes, virentes; in nodos ad genicula protuberantes, aliorum in-  
star; *foliis* vestitis amplis & speciosis, sex digitos longis, latitudine ad longitudinem subdupla, in  
mucrones tenues & oblongos exeuntibus, ex cæruleo viridibus, maculosis plerunque ut *Perfica-  
riæ* mitis vulgaris, aliàs sine maculis, nervis aliquot à media costa productis eadem ambientibus,  
cum aliis minoribus transversis. In summis caulibus & furculis è foliorum finibus exeuntibus *flos-  
culi* in spicas digesti, clausi ferè, quàm præcedentium majores, *semina* confimilia, lata, splendida,  
nigricantia continentes. *Radix* plurimis fibris congestis nigricantibus constat quæ non emoritur  
quotannis præcedentium more, sed in plures annos durat. Caules tamen per sæpe intereunt Autu-  
mno, novique sequenti Vere succrescunt.

Locum titulus indicat. Plantam hanc Cantabrigiæ in hortulo nostro aluimus, ab Edvardo Morga-  
no Londino missam.



Parkinsoni descriptionem satis accuratam in Latinum versam adhibuimus, cum planta ipsa ad manum non esset.

- \* 5. *Persicaria altera frutescens, longifolia, maculata Virginiana flore carneo* Park. **Narrow-leaved Virginian Arsmart with a flesh-coloured flower.**

Park.

*Caulibus* teretibus, erectis, quam præcedentis multò altioribus succrescit, *foliis* vestitis longioribus & angustioribus, pariter persæpe maculatis, nec rariùs maculis carentibus. Hæc species surculos floriferos plures producit, *flosculis* in spicas breviores & densiores congestis, dilutè rubentibus, quam superiorum amplioribus. *Semen* ad maturitatem non pervenit in horto D. Joannis Mauriti de Thistleworth, cui è semine Virginia transmissò enata est. *Radix* major fuit & lignosior quam præcedentis, verùm hyemis inclementiâ congelata corrupta est.

Hujus etiam descriptionem Parkinsono debemus.

- A. 6. *Persicaria Salicis folio, Potamogiton angustifolium dicta. Potamogiton angustifolium* Ger. 2. *sive Salicis folio* C. B. *Potamogiton sive Fontalis Persicariae foliis* J. B. *Fontalis minor longifolia* Park. **Narrow-leaved Pondweed or Arsmart.**

*Folia* huic *Persicariae* maculosæ foliis familia sed majora, venis obliquis & transversis in marginem à nervo, qui unicus secundum longitudinem decurrit, exporrectis; alioquin etiam non ita sunt obtusa, sed in acumen definentia, & pro loci situ [extra aquas] nonnunquam hirsuta, aquis plurimum innatantia, *pediculo* fuscunciali aut sextantali ex caulium geniculis orto: inter quæ palmo sæpe brevior pediculus exit, in spicam congestos *flosculos* *Persicariae* gerens ex albo rubentes. Gustu est subacido.

Locus.

In paludibus, lacubus, stagnis, necnon in rivulis & aquis fluentibus ubique frequens reperitur. Cum extra aquas crescit, (quod non raro fit, vel aquis exiccatis eam deferentibus, vel ipsius radicibus in fossarum aggeres ejectis) folia obtinet hirsuta, aspera, & *Persicariae* in modum maculosa, unde tunc à nonnullis pro nova *Persicariae* specie à *Potamogitone* angustifolio diversa habita est. Quin in eadem individua (ut loqui amant) planta folia nonnulla, nimirum extra aquas nascentia, observavimus aspera & hirsuta, alia, aquis scilicet innatantia, lævia & lucida.

Hæc ergo planta *Persicaria* acida peculiaris *Cat. Altdorf.* nobis videtur, *Persicaria* hirsuta radice perenni *Cat. Lugd. Bat.* *Persicaria* longissimis & angustis foliis seu fol. *Salicinis* D. Merret, quam pro specie à *Potamogitone* angustifolio distincta per errorem habuerunt, quamvis rectè eam *Persicaria* annumerarunt. Nos etiam, (nec pudet fateri) in eodem errore aliquandiu hæsimus, nimirum hanc *Persicariae* speciem fuisse à *Potamogitone* angustifolio dicto diversam.

## C A P. VI.

### De Polygono.

**P**olygonum à frequentibus geniculis quibus caules interceptantur dictum fuisse patet. Nos hoc in loco Polygoni nomen ad eas duntaxat plantas restringimus quæ flore sunt imperfecto, semine triquetro in foliorum alis, caule provoluto & crebris geniculis nodoso. Scindum enim est, Polygoni nomen extendi ad plantulas nonnullas comprehendendas, quæ præter florem imperfectum seu stamineum toti huic tribui communem, vix aliâ notâ genericâ quam parvitate sua conveniunt, de quibus in fine hujus Sectionis agemus.

- A. 1. *Polygonum mas vulgare* Ger. *mas vulgare majus* Park. *latifolium* C. B. *Polygonum sive Centinodia* J. B. **Common Knotgrass.**

*Radix* dura, lignosa, simplex, contorta, multis fibris capillata, satis crassa pro plantæ modo, terram firmiter apprehendit, ut extirpatu difficilis sit, sapore adstringente. *Caules* inde emergunt plures, interdum erecti, sæpius in terram reclinati seu resupini, cubito longiores, lenti & tenaces, tenues, teretes, solidi, glabri, glauci, foliis vestiti non admodum crebris, alternatim positos, oblongis, angustis, glaucis, glabris, in acutum exeuntibus, pediculis admodum brevibus nixis. Ex alis foliorum inferiorum ad caulium nodos exeunt ramuli, ex superiorum alis *flosculi* pediculis brevibus duo trësve simul, pentapetali, ex albo purpurascens, *calice* nullo, *apicibus* intus subluteis. *Flosculis* singulis ceu vasculis singula continentur *semina*, majuscula, triquetra, colore castaneo obscuriore. Sub finem æstatis floret, & brevi semen maturat.

Locus.

Provenit in locis cultis juxta ac incultis præsertim glareosis: vias & semitas latè subinde occupat, ut rectè Dodonæus.

*Polygonum* 2. & *Polyg.* 3. *Tab. h. e.* *Polygonum* oblongo angustoque folio, & *Polyg.* brevi angustoque folio C. B. pro varietatibus hujus plantæ, accidentibus quibuscumque à loco natali ortis, distinctis habemus, non pro plantis specie diversis.

Vires.

*Polygonum* omne siccatur & astringit, vulnerarium est. Usus præcip. in sistendis fluxibus quibuscunque, diarrhoeâ, dysenteria, fluxu uterino, vomitu, hæmorrhagia narium. Extrinsecus prodest in vulneribus, ulceribus, inflammationibus oculorum, &c. *Schrod.*

Came-

Camerarius in Nobiliss. quodam viro hujus succum pauco Vino styptico propinatum contra vomitum sanguineum, aliis remediis frustra adhibitis, maxime profuisse expertus est.

An urinam cieat, aut calculum renum pellat, dubitatur: Dioscoride id affirmante, Galeno non consentiente.

*Polygonum Saxatile* C. B. Prod. Park.

Cujus radix tenuis, lignosa tamen, fibris capillata & alba est: ipsum ramulis multis oblongis & crebro geniculatis serpens, circa quos folia subrotunda, unciam longa, semunciam lata, supernè virentia, at inferius albicantia, quasi polline aspersa, quæ sensim minora reddantur: cujus à geniculis *flosculi* exigui, ut in vulgari, pallidè rubentes exeunt, quos *semina* triangularia sequuntur: Hoc inquam Polygonum pro diversa specie à C. B. exhibitum, nobis non alia in re quàm accidentibus quibusdam à loco natali ortis à Polygono vulgari differre videtur.

- A. 2. *Polygonum marinum* J. B. *marinum majus* Park. *marinum maximum* Ger. *maritimum latifolium* C. B. **Sea-knotgrass.**

*J. B.*

Prolixas habet radices lignosas, crassiusculas, contortas, nigras: *Viticulae* supinæ, crassiores quàm Polygoni vulgaris, frequentioribus brevioribusque internodiis interceptæ; non tantum foliis vestitæ majoribus, candidioribus, verum etiam squamis tenuibus, pellucidis, albicantibus. Flores pulchri numero & magnitudine vulgaris flores vincunt: Semen nigrum, triquetrum, Oxalidis semini simile.

In litoribus maris Mediterranei copiosè provenit: invenimus etiam in arenosis Oceani Britannici litoribus, v. g. circa *Pensantiam* Cornubiæ oppidum, & alibi.

*Polygonum maritimum angustifolium* C. B. ab hoc non specie, sed accidentaliter differre nobis videtur.

- \* 3. *Polygonum maximum longissimis cauliculis & foliis* Moris. *Polyg. maximis foliis* Park. icô. **The greatest long-leaved Knotgrass.**

*Moris.*

Caulis protrudit sesquipedales & nonnunquam bipedales, cortice rubente tectos, in multò plures ramos & cæteris teneriores divisos. Genicula in caulibus longiore intercapedine distant quàm in prædictis. Folia duplo triplòve longiora & tenuiora sunt Polygoni vulgaris foliis, angustiora itidem magisque mucronata. Flores rariùs multo in geniculis disponuntur, è purpura albescentes, pentapetali; quibus pariter triangularia semina, parva, fusca succedunt.

Semina hujus plantæ Chalepo Asiæ transmissa sunt ad D. Morisonum Descriptionis auctorem à D. Roberto Huntington.

- \* 4. *Polygonum majus erectum angustifolium flore candido* Mentzel.

*Mentz.*

Ex radice lignosa, digitum crassa caulem emittit spithamam unam, quandoque duas excedentem. Foliola unciam longa, teretia, tenuia per terram sparguntur, caulémque tanquam per genicula vestiunt, subinde bina sibi adversa. Summo cauli insistent *flosculi* pentaphylli, albi, ex pericarpis viridibus tot foliolis constantibus enati, Polygonorum formam obtinentes.

Circa Furstenwaldiam, Berolinum, Francofurtum, Crofnam & alibi in March. Brandenburg observavit Christianus Mentzelius descriptionis autor.

5. *Polygonum minus candicans* C. B. *montanum* Ger. *montanum niveum* Park. *Paronychia Hispanica* Clusii, sive *Anthyllis nivea* J. B. **Silver-scalp-headed Mountain Knotgrass.**

*J. B.*

Aspectu pulcherrima est planta, sparsis per terram palmaribus, & in adultiore herba dodrantalibus, caulibus junceis, nodosis, quibus adnascuntur folia Polygoni vulgaris breviora. Ad nodos è foliorum sinubus prodeunt glomeruli sessiles, unciales, squamulis argenteis confertissimis compositi, præ glomerulorum densitate vix conspicuis; emicantibus è scandularum commissuris hinc inde raris foliis viridantibus, Herniariæ paribus. Flos illi candidus, Polygoni vulgaris floris instar, sed adeo exilis & inter membranulas istas latens, ut vix appareat. Semen Polygoni. Radix subest lignosa, alba, crassiuscula, longa, multifida.

Clusius hanc observare meminit in collibus petrosis & ficcis propè Salmanticam in Hispaniâ, itémque circa Valentiam & Murciam. Nos copiosè provenientem in pascuis & collibus saxosis circa Messanam & alibi in Sicilia; & in Calabria Italiæ vidimus.

Aspectu cum primum emergit, gustuque Polygono vulgari simile, unde & iisdem viribus pollere verisimile est.

Hujus aliam speciem \* proponit D. Magnol, quam *Polygonum minus candicans* capitulis surrectis vocat. Q. an diversa sit à descripta;

\* In Botanico Moris. pel.



- \* 6. *Polygonum Polonicum cocciferum* J. B. *cocciferum* & Cam. ep. C. B. *cocciferum Polonicum* Park. *The Polonian Scarlet Knotgrass*.

Cam.

Tenuissimis prodit foliis & mucronatis; cauliculis nodosis, exalbidis; & flosculis in summitate candidis, inter squamas virentes. Ad radices ipsius coccum adnascitur elegantissimo rubore ad Chermesina tingenda commendatum, inquit Camer. in ep. Matth. qui stirpem hanc in ejusdem Hist. Germanica Polygono Trago *Knawel* dicto valde similem ait, & à Polonis, apud quos in arenosis locis reperitur *Kosmaczek* vocari scribit.

Planta hac, si rectè depingitur, à *Knawel* Germanorum specie omnino diversa est. Semina quippe triangula sunt, flosculi candidi. Verùm five sit *Knawel*, five diversa Polygoni species, coccus ejus radicibus adnata specificæ distinctionis nota non est. Coccus enim nihil aliud est quàm ex-crescentia præternaturalis à punctura cujusdam insecti excitata, ut sit matrix seu uterus ovi ibidem depositi, fovendi & excludendi. Quin & \* S. Paul. observavit non ad hujus solum radices sed quoque ad *Pilosella* maj. hirsut. repentis circa solstitium æstivum aut ad festum S. Joan. Bapt. bacculas seu coccos *Baphicas* seu *grana Kermes* æmulantes reperiri, quas ova alicujus insecti sibi ignoti esse ideo hariolabatur, quòd ex iis scapis pennæ Anserinæ, aut Cygneæ inditis, mox epistomio chartaceo obturato, ac dehinc apricationi commissis sponte sua intra sex vel septem dies prodiit insectum non diu superstes, quod unus ex amicis meis alatum avolasse observavit.

Usus & utilitatis Cocci Polonici, radicibus hujus Polygoni adnascantis, in tingendis Sericis purpurei coloris, pro colorandis Lanis, Setis, Corio, Jubis & Caudis equorum, pro componendis confectionibus, tincturis, laccis pictoriis & cosmeticis, extat in Ephemer. German. An. 3. Observ. 104.

De modo colligendi & præparandi hunc Coccum in Ukrainâ ad usus prædictos consule easdem Ephemeridas. Hæc omnia D. Tancred. Robinson.

## C A P. VII.

### De Bistorta.

**B**istorta à convolutis & intortis radicibus nomen obtinuit. Notæ ejus characteristice quibus à reliquis distinguitur semine triquetro donatis sunt Flores speciosi in spicis habitioribus summos caules & ramulos terminantibus, Radices intortæ & convolutæ. Speciatim à Persicaria distinguitur numero foliorum in flore quæ huic quinque, illi quatuor duntaxat sunt. Differt præterea & figurâ feminis quod huic exactè triquetrum est angulis omnibus acutis, illi minus concinnum, angulis inæqualibus uno valdè obtuso, reliquis duobus acutis.

- A. 1. *Bistorta major* Ger. *ma. vulgaris* Park. *ma. rugosioribus foliis* J. B. *radice minus intorta* C. B. *The greater Bistort or Snake-weed*.

J. B.

Cubitus nonnunquam altitudine superant Bistortæ caules, tenues, glabri, geniculati: in quorum fastigio spica florum coloris carnei, Persicariæ, quorum singuli explicati quinque foliolis constant, oblongis, apicibus in medio flori concoloribus: quibus succedit semen rufum & ferè nigricans, triquetrum Lapathorum modo. Folia Rumicis seu Lapathi acuti, minora, supernè in atrovirentia, infernè glauca, pediculo utrinque foliaceas appendices, angustas largientia, rugosa. Radix articulum digiti refert in se contortum, rubra, sapore strenuè adstringente.

Reperitur Bistorta locis humentibus, ut rectè J. Bauhinus, in opacis sylvis, pingui ac lutofo solo: apud nos in Anglia circa *Tamwortham* in pratis, necnon circa *Sheffeldiam* & alibi in Provincia Eboracenfi. In calidioribus regionibus montium juga occupat. In hortos translata faciliè comprehendit, & feliciter adolescit, radice perenni.

- \* 2. *Bistorta media folio minus rugoso* J. B. *major radice magis intorta* C. B. *Bist. magis intorta radice* Park. *Bistorta latifolia* Ger. *Smooth-leaved great Bistort with a more twisten root*.

A priori differt foliis minoribus & lævibus, radicèque magis intorta. Rependo multum se multiplicat.

In monte Jura reperitur. Hæc J. Bauhinus, nec plura ceteri Botanici.

- \* 3. *Bistorta Alpina maxima* C. B. Prod. *Alpina major* Park. *Alpina maxima* C. Bauhini, J. B. *The greatest Mountain Bistort*.

C. B.

Ex radice quadruplo quàm in vulgari majore, contorta, geniculata, fibris capillata, foris nigricante, intus alba, Caules bicubitales, nodosi, striati, majori ex parte nudi exurgunt, quorum quilibet spicam florum subpurpureorum unciarum quatuor sustinet. Folia habet oblonga, in acumen desinentia,

\* Quadri-  
Part. Bot.  
Class. 2. p.  
113, 114

Locus.

definentia, venosa, supernè yrentia, infernè cæssa, vel etiam incana, quorum quædam ad cubiti longitudinem accedunt, sed angusta, uncias tres lata.

In altissimis Silesiorum montibus reperitur, ut in Sudetorum jugis & ad Albis fontes.

Hæc planta nobis nondum visa est; ex descriptione tamen conjicio eam à vulgari majore Bistorta specie diversam esse.

A. 4. *Bistorta minor* Ger. *minor nostras* Park. *minima* J. B. *Alpina media* C. B. *Small Bistort* or *Snakeweed*.

*J. B. Clus.*

*Radicem* pollicari habet minorem, contortam tamen & geniculatam, brevem, foris nigricantem, intus albam, multis tenuibus fibris capillatam. *Cauliculum* autem promit dodrantalem interdum vel palmari paulò majorem, aut etiam minorem, tanta est varietas, tenuem, geniculatum, *foliis* vestitum paucis, angustis oblongis, acutis, duris, venosis, per oras reflexis, venulis quibusdam ita distinctis, ut serrata videantur, supernè viridantibus, infernè glaucis aut incanis, non secus ac majoris folia: alia verò ex radice orta folia habet uncialia aut sextantalia, unciam plus lata. *Caulis* summo fastigio *spicam* gerit exiguam candicantium *flosculorum*, uncia longiorem, quibus excussis grandior fit *spica*, sequente dein *semine*, non triangulo ut in prioribus, sed rotundo, ruffo, ut rectè *J. Baubinus*: *Clusius* malè (ni fortè aliam Bistortæ speciem describat) semen majoris semini simile ei attribuit: non rarò tamen, inquit, seminis loco multa foliola brevia & vivida in capitula congesta profert, quibus sponte decidentibus plantulas ejusdem generis in eadem in qua alebatur areola, & vicinioribus sæpe vidi.

Bistortam minimam *J. B.* (cujus descriptionem mutuati sumus) specie omnino eandem esse cum nostrate Westmorlandicâ figura seminis convincit. Bistorta Alpina minor *Clus.* si semen revera obtineat majoris Bistortæ semini simile, prout eam describit Botanicus ille eximius, à nostrate diversa est; cum tamen aliæ omnes notæ egregiè conveniant nostrati.

5. *Bistorta Alpina media* C. B. *minor Alpina* Park. *minor seu Alpina* Cam. in Matth. *minima* J. B.

Camerarius hanc Bistortæ vulgari majori similem facit, sed multò minorem, cui folia in marginibus pulchrè punctulis quibusdam distincta & velut serrata apparent.

Hanc olim habui pro *Bistorta minore nostrate*, at neque *C. Baubinus* rectè distinxisse Bistortam Alpinam mediam & minorem putavi; verùm nunc sententiam muto, & concedo eas specie distinguì, cum & Camerarius distinguat, & utraque habeatur in Catalogo *Horti Regii Parisiensis*: & aliunde ab amicis certior factus sum se utramque vidisse.

\* 6. *Bistorta Alpina pumila varia* Park. *pumila foliis variis, rotundis & longis* Morisoni.

Cùm non alia in re differat secundùm Parkinsonum, à vulgari minore Bistorta, quàm foliis duùm generum, aliis scilicet latis, brevibus & subrotundis; aliis longis, angustis, ab eadem radice exeuntibus, pro diversa specie non habuissèm, cùm & Bistorta minor vulg. hujusmodi foliis ludat, ut ex descriptione ejus Bauhiniana apparet: pro diversa inquam specie non habuissèm, ni D. Morisonus tanquam sibi notæ peculiare nomen ei imposuisset, & præterea semen triangulare attribuisset.

Quicquid de aliis sit, Bistorta minima *J. B.* eadèmq; minor nostras, in monte *Thuri*, quæ Jura pars est non procul Geneva Junio & Julio floret. In Westmorlandia variis in locis reperitur; nobis à *Thoma Willisello* ostensa est in montano quodam pascuo sesquimillari circiter remoto à viculo *Wharf* dicto, propè semitam quæ inde *Settlem* Eboracensis comitatûs oppidum ducit.

Bistorta Alpina minor *Clus.* in summis Austriacarum & Stiriacarum Alpium jugis tenui gramine vestitis nascitur.

Cùm plantæ hujus (radix cujus præcipuè in medicina usus est) facultate adstrictoria valida polleat, *Vires*, ad omnes affectus valet in quibus adstrictione opus est, ut v. g. urinæ incontinentiam, menses nimios, sanguinem è vulneribus manantem, biliosas vomitiones, sanguinis sputum, dysenteriam, aliâsq; ventris fluxiones, destillationes in dentes, gingivas, tonsillas & fauces. Ad hos usus adhibetur aqua destillata, & radicis in vino decoctio: præcipuè autem commendatur pulvis radicum cum conserva rosarum assumptus.

Abortum prohibet pulveris drachma semis cum pari Succini portione ex ovo forbili diebus aliquot continuis usurpata.

Quin & Alexipharmaca censetur hæc radix & sudorifera: unde in pulverem redactam ac drachmæ pondere in potu sumptam veneno pestilentie resistere, ac illud per sudores expellere scribit Tragus. Ad eadem valet aqua destillata & radicis in vino decoctum.

Summâ, eisdem pollet viribus quibus Tormentilla, ut rectè Matthiæolus.



## SECTIO TERTIA.

*De Herbis flore imperfecto, seminibus rotundis, paululum compressis aliisque cu-  
juscunque figurae præter triquetrum.*

## CAP. I.

## De Potamogitone.

**P**OTAMOGITON quasi fluminibus vicina, quod in aquosis & palustribus nascatur: floribus est spicatis, quadrifolius, seminibus etiam quaternis nudis simul junctis, foliis simplicibus, integris in ramulis singulatim positis, nisi ubi spicae exeunt ubi bina adversa. Omnes ejus species aquis innatant, nec extra aquas durant.

- A. 1. *Potamogiton rotundifolium* C. B. *rotundiore folio* J. B. *latifolium* Ger. *Fontalis major latifolia vulgaris* Park. **Broad-leaved Pond-weed.**

*Radicibus* obliquis, crassis, teretibus, albis, geniculatis, longis internodiis, è geniculis fibras tenues, crebras, altè in terram seu limum descendentes emittentibus, sub aquis reptat. E geniculis radicum *cauliculos* seu flagella prælonga, culmi crassitie, teretia, geniculata, longis internodiis, ramosa in summas aquas emittit. Ad singula genicula singula exeunt folia, sub aquis graminea, angusta, superne nonnihil concava, inferne rotunda, dodrantem longa, in acumen desinentia, at postquam in summas aquas planta emerit longè diversa, nimirum plantaginea, figuræ ferè ovalis, basi obtusiore, mucrone acuto, pallido virore splendentia, per margines æqualia, nervis secundum longitudinem decurrentibus striata, hæud aliter ac *Nymphææ* aquis innatantia, longis pediculis, interdum palmaribus aut sesquipalmaribus, nixa. Ad exortum spicarum bina folia opposita in caule sunt. Ad exortum pediculi folii cujusque membrana pellucida, duos digitos longa, acuminata, (intra folii pediculum) apponitur, caulem & gemmam involvens, & etiam spicae pediculum ubi adest. *Flores* in spicas, duas trève uncias longas, dispositi, petiolo insident crassitudine caulibus pari, palmari aut longiore, è flosculis stamineis racematim digestis compositæ. Singuli flosculi quatuor foliolis herbaceis cochlearis formam habentibus, introrsum conniventibus constant: *Semina* unicuique insunt quatuor, satis grandia, nonnihil ad latera compressa, dorso gibbo mucronate pallide viridia, & per maturitatem interdum purpurascencia: Apices octo.

Locus.

In aquis stagnantibus frequentissimum habetur. Junio & Julio mensibus floret, & semen perficit.

- A. 2. *Potamogiton aquis immersum, folio pellucido, lato, oblongo, acuto.* An *Potamogiton foliis angustis splendentibus* C. B? *Potamogiton longis acutis foliis* Ger? i.e. *Potamogiton alterum* Dod. Belg. *Fontinalis lucens major* J. B?

Eodem ferè modo quo præcedens sub aquis reptat, fibris subinde demissis: differt ab illo *caulibus* crebris geniculis interceptis; *foliis* longioribus multò, angustioribus paulò, [interdum æquè latis] totis lucidis [iis scilicet quæ aquis immerguntur, nam quæ aquas superant (ut interdum fit) colore, consistentiâ, brevitate & nervis præcedentis folia imitantur] pediculis brevibus, superne planis insidentibus; iis quæ aquis immerguntur non ut in illo graminis instar angustis, sed latis. *Spicae* florum non multum dissimiles, pediculis crassis, palmum longis insident, è flosculis pariter herbaceis, tetrapetalis, petalis quàm in illo minoribus, compositæ; quibus, ut in reliquis hujus generis, innascentur quatuor *semina* nuda, præcedentis paria, compressa, acuminata & quodammodo triquetra; non ità gibba seu convexa in externa parte ac in illo. Folia aquis immersa brevi corrumpuntur & marcescunt, ut inferna & maxima pars caulis foliis nuda sit. In foliis tenues fibræ creberrimæ in latus disseminatæ nervos connectentes cernuntur. Folia eundem cum reliquorum foliis situm obtinent, nimirum alternum, nisi ubi spicae exeunt ubi bina opposita; & ad singulorum exortum intus membranula apposita longiuscula, aliquousque caulem amplectens, ut in præcedente.

Locus &amp; Tempus.

Julio mense floret & brevi semen perficit. In fluviis majoribus & leniter fluentibus frequens nascitur.

- A. 3. *Potamogiton perfoliatum.* *Potamogiton foliis latis splendentibus* C. B. *Potamogiton* 3. *Dodonæi* Ger. emac. at male, est enim *Potamogiton altera* Dod. *Potam. altera* *Dodonæi* J. B. **Perfoliate Pond-weed.**

Compluribus tenuibus ac teretibus *cauliculis* luxuriat, in alas subinde distributis. *Folia* lata sunt oblonga, acuminata, absque pediculis adnata, latâ basi caulem undique amplectentia, nervis secundum longitudinem decurrentibus striata, alterno non bijugo ordine sita, præterquam ubi florum spica exit, ibi etenim bina ex adverso. *Spica* brevis pediculo crassiusculo fuscunciali insidet, flosculis & seminibus reliquorum æmulis.

Aquis

Aquis plerunque immergitur hæc planta, eminente tantummodo cacumine. Folia tenuia & pel- Locus.  
lucida: Nullæ in hac specie membranulæ in caulibus & ramulis, eos obvolventes, ut in Potamog:  
latifolio.

- A. 4. *Fontalis media lucens* J. B. *Tribulus aquaticus minor Muscatellæ floribus* Ger. emac. *Trib. aquat. minor* alter Park. *Potamogiton foliis crispis sive Lactuca ranarum* C. B. qui speciem hanc non separat à *Tribulo aquatico minore Quercus floribus*. **The lesser Water Caltrops or Frogs Lettuce.**

*f. B.*

E tenuibus radiculis rami multi exeunt, imbecilles, pedales, densè geniculati, non plani seu compressi ut in præcedentibus duabus plantis, sed rotundi. Folia per genicula bina sibi correspondentia, oblonga, in acumen desinentia, viridia & pellucida per margines nonnihil sinuata seu flexuosa & crispa. Flores ex pediculo uno aliquot [ terni vel quaterni *Clus.* ] parvi, simul juncti, formâ & colore quodammodo Muscatellæ Cordi; quibus semina succedunt similiter conferta, parva, contorta ut Meliloti vulgaris.

D. Goodyer apud Gerardum singulis pediculis duos tantum flores attribuit sibi mutuo oppositos, quatuor foliolis constantes, quibus succedunt octo folliculi, sex quadrata seminum efficientes: hoc est singulis seminibus quaterna in figuram cubicam sex quadratis comprehensam disposita. Nos *Clusio* & *Bauhino* potius assentimur ternos quaternosve flores in eodem pediculo nasci, aut forte etiam plures, quadrifolios, quibus singulis quaterna succedunt semina. Verum cum planta ad manum non sit, nihil certò affirmare audemus.

Hæc species à reliquis sui generis insigni notâ differt, nimirum foliorum in caule conjugatim dispositorum situ.

In rivulis, aquæ præsertim puræ & limpide non infrequens Aquis innatat, & Junio Julioque mensibus floret. Locus.

*Potamogiton racemosum angustifolium* C. B. vel huic eadem videtur, vel hujus minor species.

- A. 5. *Fontinalis crispa* J. B. *Potamogiton foliis crispis sive Lactuca ranarum* C. B. *Tribulus aquaticus minor Quercus floribus* Ger. emac. *Clus.* *Tribulus aquaticus minor* prior Park. **Water Caltrops or Frogs Lettuce.**

*Clus.*

Bicubitales, tricubitalésque aut longiores, pro aquæ altitudine ex radice profert scapos, tenues, punicantis coloris, planos, nodosos, (qui resiccati lenti fiunt & flexibiles) circa summum divisos in plures ramos, alternatim ferentes in singulis nodis singularia folia, duarum interdum unciarum longitudine, & semunciali latitudine, tenuia, & quasi transparentia, in ambitu adeò crispa & sinuosa ut laciniata videantur, colore ex viridi subpuneo: pediculi sextante longiores, exigui, candidantes flosculos, utæque in modum congestos sustinentes, crassiusculi sunt, & inter folia exoriuntur, quæ ibi bina semper ex adverso sita nascuntur, contrario quàm reliqua inferiora modo. Singulis flosculis plerunque succedunt quaterna aculeata grana simul coherentia, paucam candidam medullam continentia. Scapi infima parte ad singulos nodos oblongas, tenues, candidantes fibras agunt, quibus firmantur & alimentum attrahunt. Tota planta aquis immergitur. Junio & Julii initio floret.

Singuli flosculi è quatuor perexiguis, subrotundis foliis componuntur.

In rivulis, præsertim tardius fluentibus, frequentissimum est hoc genus.

Cauliculis planis & compressis cum sequente specie convenit, à reliquis omnibus differt. Locus.

- A. 6. *Potamogiton caule compresso, folio Graminis canini.*

Cauliculi cubitum & nonnunquam sesquicubitum excedunt, ramosi & valde compressi. Folia longa, angusta, Graminis canini foliorum æmula, nisi quòd breviora & ubique ferè ejusdem latitudinis sint, & in obtusum mucronem desinant, alternatim posita, nisi ubi spicarum pediculi oriuntur, ubi bina ex adverso; in singulis nervi tres insigniores per folii longitudinem decurrunt. Sub unoquoque folio membrana tenuis & pellucida caulem investit. Spica brevis flores dilutè virides sustinens, quatuor foliolis compositos, ad stylum incarnatos. Stylus duobus ut plurimum apicibus terminatur. Semina ex altera parte rectâ, ex altera circulari lineâ clauduntur.

In fluvio Camo propè Cantabrigiam copiosè oritur, inque aliis multis fluminibus.

Cauliculis compressis cum præcedente convenit, à reliquis speciebus differt. Locus.

- A. 7. *Potamogiton millefolium seu foliis gramineis ramosum. An Potamogiton gramineum ramosum* C. B. J. B. Park? *Millefolium tenuifolium* Ger. emac. ico. **Fennel-leaved Pondweed.**

Ad pedalem & majorem longitudinem excrescit; caule tenui, tereti, albicante, crebris geniculis intercepto. Ad singula genicula è sinu folii, ima parte dilatati & veluti vagina amplectentis exeunt ramuli singuli, aut bini, & non rarò terni unâ; in ramulos & furculos creberrimos pariter divisi & subdivisi. Summi cauliculi & ramuli in spicas laxas exeunt; è tribus quatuorve floribus velut verticillis compositas. Folia supra vaginam postquam à caule abscesserint perangusta sunt, inferius subrotunda, superius aut plana, aut nonnihil concava, duas trève uncias longa. Ramuli & folia in hac specie adeò crebra & numerosa ut non ineptè Millefolium Potamogiton denominari possit.

Aquis



Locus.

Aquis plerumque immergitur; & eodem cum reliquis tempore floret; in fluvio Camo propè Cantabrigiam & alibi variis in fluviis frequens.

A. 8. *Potamogeton pusillum gramineo folio, caule rotundo.* *Small Grass-leaved Pond-weed.*

Aquis innatat flagellis pedalis, tenuibus, ramosis, internodiis longioribus quàm in *Potamoget. ramoso millefolio*. *Folia* graminea angusta, duas uncias longa, tenuia, quò à *Potamoget. millefolio* & maritimo differt, quorum *folia* crassiora sunt & angustiora, nervo medium percurrente, eodem situ quo in aliis congeneribus. E singulorum finibus exeunt tum ramuli tum membranulæ eos involventes, ut in *Potamoget. latif.* Ubi florum spica exit bina ex adverso *folia* sita sunt, ut in reliquis, & bini ramuli in quorum divaricationis angulo spica consistit: duplex ibi membranula exoritur, una spicam & unum ramulum obvestit, altera ramulum oppositum. Spica brevis, tribus quatuorve floribus composita, quorum unusquisque quatuor foliolis concavis velut calyce octo apices albentes, & toridem in medio semina continent.

Locus.

In fluviis variis in locis observavimus.

A. 9. *Potamogeton maritimum pusillum folio gramineo.*

*Caules* huic minùs ramosi, longioribus internodiis: *Folia* longiora nonnihil latioraque; verùm florum spicæ multo minores quàm in præcedente, & toto genere diversæ: nam in illo spicæ sex, septem, octo, aut pluribus floribus componuntur, quorum singuli quadrifolio calice octo apices albicantes, inque eorum medio quatuor semina per maturitatem gibba seu incurva continent, ut in reliquis præcedentibus: at in hoc [*Potamoget. marit.*] spicæ multò breviores & minores sunt, è quatuor apicum albescentium paribus eadem dispositione & figurâ quâ lamellæ in spica *Ophioglossi*, quibus interposita sunt aliquot semina, vel (quantum discernere potui) duo trèse seminum quaterniones. Spicæ è membrana exeunte apices decidunt manentibus seminibus. Spicæ autem pediculus in longitudinem interdum ferè palmarem excurrit, èstque tenuis & infirmus. In fossis palustribus maritimis exit.

Locus.

Circa Camalodunum in Essexia observavimus.

A. 10. *Potamogeton maritimum pusillum alterum.*

A præcedente differt foliis brevioribus, spicis similibus sed minoribus, quorum apicibus decidentibus interpositorum seminum pediculi in longitudinem interdum uncialem excrescunt, unicum in apice singuli semen incurvum sustinentes; ut ex eadem spica quinque vel sex pediculos velut tot radios in umbella exeuntes, & singulos singula semina sustinentes observaverim.

Locus.

In fossis palustribus viâ à Camaloduno ad Goldbanger.

\* 11. *Potamogeton minimum capillaceo folio* C. B. J. B. Park. *Small fine-leaved Pond-weed.*

C. B.

Hoc parvum est, capillaceo & caule & foliolis oblongis, inordinate dispositis, pallidè virentibus: in summo pedicello parvo, modò uno, modò duobus, capitulum minimum & acuminatum, prioris tamen formâ insidet, quod minutissimo flosculo, pallidulo succedit; quorum aliud expansum, aliud quasi vesiculæ foliaceæ in acumen desinenti inclusum est.

Locus.

Montpelio allatum est. In Ludi amnis aquis circa molendina observavit D. Magnol.

\* 12. *Potamogeton capillaceum capitulis ad alas trifidis* C. B. J. B. Park.

C. B.

Cauliculo est palmari, pilo non crassiore, ramoso, articulo. Ad quemlibet articulum *folia* bina, oblonga, quovis pilo tenuiora, ex adverso respondentia: quorum alis minutissimi flosculi palliduli insident; qui juncti nodulum quasi referunt, quo maturato nodulus sive capitulum ex tribus portiunculis semicircularibus in apicem abeuntibus & rufescentibus compositum conspicitur; nihilominus tamen ex priorum foliorum alis pedicellus exurgit, qui in tria, etiam plura foliola absumitur, similisque in medio nodulus adponitur; in summitate namque capitulum nullum est.

Locus.

Hoc etiam Montpelienſe est.

A. 13. *Potamoget. affinis graminifolia aquatica.*

*Folia* habet longa, angusta; cauliculos tenues, imbelles. Ad pedalem & ampliorem altitudinem affurgit, semper aquis immerſum. Flores nondum observavimus. Siliquæ seu cornicula parva, recurva, duo aut tria, aut etiam quatuor simul juncta, geniculis arctè adherent.

Locus.

In aquis stagnantibus non rarò occurrit.

## CAP. II.

## De Millefolio aquatico floribus stamineis.

**M**illefolium aquaticum dicitur hæc herba à foliis in plurima & tenuissima segmenta divisis: quòdque aquis perpetuo innatat.

1. *Millefolium aquaticum pennatum, spicatum* Park. C. B. *pennatum aquaticum* J. B. **Feather'd Water-Milfoil.**

C. B.

E. *Radices* fibrosis tenuibus *rami* prodeunt plures, cubitales, cavi, striati, internodiis satis crebris intercepti, in alas brachiat, aquis innatantes: ad quorum geniculorum quemlibet *folia* terna aut quaterna [imò quina aut plura interdum] quasi stellatim circumjecta, tenuiter incisa, pennam & formâ & tenuitate referentia colore fusco, prodeunt. Cauliculorum summitates palmares & longiores ex aqua recti attolluntur, spicam purpurascens, è pluribus flosculorum verticillis ad intervalla scapum ambientibus compositam sustinentes. Flores habet stamineos quorum singulis singula succedunt semina nuda.

In fluviis & stagnis majoribus in agro Cantabrigienfi & alibi in Anglia invenitur.

Locus.

2. *Millefolium aquaticum cornutum* C. B. J. B. **Horned Water-Milfoil.**

*Radice* est fibrosa, *caulibus* prælongis, tenuibus, infirmis, teretibus, fragilibus, densè geniculatis, in plures ramos diductis. *Folia* ut in Equiseto genicula ambiunt, viridia, fragilia, singula primò in duo velut cornua divisa, & utrumque ferè cornu denuò in alia duo [cornuum cervinorum ramosam divisionem imitata J. B.] extuberantiis quibusdam ad latus prorum velut denticulata. *Flores* ad genicula caulibus & ramulis utrinque arctè adhaerent, glomerati, muscosi, [herbæ ferè concolores, quibus succedunt semina parva, quaterna simul juncta J. B.]

In aquis pigrioribus & stagnantibus circa Cantabrigiam & alibi abundè provenit.

Locus.

Nec figurâ, nec descriptio Millefolii aquatici cornuti apud C. *Baubinum* in Prodro-mo huic plantæ convenit: ut dubitem an eadem cum nostra fuerit necne.

Minoris hujus speciei, quam non descriptam dicit, meminit idem C. *Baubinus* in Pinace.

## CAP. III.

## De Atriplice.

**A**triplex à Græco *Ἀτρίπλις* nomen factum seu corruptum videtur: aliis ab atro colore quòd comestum faciat homines lividos. *Ἀτρίπλις* autem *μεγ. τὸ ἀτρίπλις αὐτὸν* dictum volunt Grammatici: nam octavo ex quo lata est die erumpit è terra. Theophr. lib. 7. cap. 1.

Nos pro Atriplicis speciebus hoc in loco non habemus plantas omnes quibus id nominis à Botanicis inditum est, sed eas duntaxat quæ in folliculis è duabus valvulis conniventibus compositis semina inclusa habent, & quidem singula in singulis: reliquas Atriplicis nomine insignitas Blitis accensemus, aut Amarantis.

1. *Atriplex alba borten-sis* J. B. Park. *borten-sis alba, sive pallide virens* C. B. *sativa alba* Ger. emac. **White Garden Orache or Arrach.**

Non rarò hominis staturam adæquat, *caule* imò terete, supremo anguloso, recto, ramofo.

*Folia* Betæ [aliis Bliti] minora, triangula ad pediculum quasi alata, nonnihil in ambitu sinuata, copiosâ farinâ resperfa, colore ex viridi in luteum languente seu xerampelino, gustu fatuo. *Flosculi* in summo caule & ramulis copiosi apiculis constant luteis vel herbidis, quibus succedunt *siliquæ* foliaceæ, rotundæ, bivalves, valvulis non coherentibus ad margines sed contiguas tantum, in quibus *semen* rotundum compressum Amaranthi. *Radix* recta, palmum longa aut circiter, fibrosa, annua.

*Folia* primulum emergentia & caules novelli candicant, farinâ albicante resperfa. In singulis folliculis singula nascuntur semina.

Atriplex alba & rubra hortensis non nisi sata provenit (inquit J. *Baubinus*) Ast proculdubio ali- Locus. cubi terrarum spontis suæ est, quamvis locus ille nos hætenus lateat.

2. *Atriplex rubra borten-sis* J. B. Park. *borten-sis rubra* C. B. *sativa purpurea* Ger. **Purple or red Garden Orache.**

Hæc species cum præcedente omnibus suis partibus totâque facie externa convenit, præterquam sanguineo seu purpureo obsoleto colore quo penitus tingitur, & imbuitur.

In



In hujus feminibus etiam in eodem caule nascentibus notabilem differentiam observavimus: alia enim minora sunt & nigricantia; alia majora multò, ad latera compressiora & rubentia.

Atriplex hortensis alba & rubra specie differre videntur, quoniam semine satæ in se invicem non transmutantur, sed alba semper producit albam, rubra rubram, ex observatione J. Baubini & nostra.

Atriplex hortensis utraque semel in hortis sata ex semine deciduo se quotannis renovat.

Vires.

Atriplex refrigerat & humectat; cocta estur ut olus; in alvo solvenda celebris est, unde etiam nonnulli quinque herbis emollientibus eam annumerant. Usus Officinalis præcipuè externus est in clysteribus & epithematibus paregoricis.

Quæ præterea Veteres tradunt de Atriplicis facultatibus apud ipsos vide.

Semen exhibitum tum alvum abundè subducit non sine molestia, tum crebros vomitus provocat, experimento Pharmacopœi cujusdam, qui ad rusticos purgandos eo uti solebat. Matth. De vi purgatrice & emetica vehementi hujus feminis aliud exemplum ex Serapione adfert J. Baubinus.

A. 3. *Atriplex sylvestris folio hastato seu deltoide.* An *Atriplex sylv. altera* Ger. emac? C. B. **Broad-leaved wild Orache.**

*Radice* alba simplici, fibris aliquot majusculis ceu ramis, & fibrillis plurimis capillaribus donatâ, terram adeò firmiter apprehendit, ut extirpatu admodum difficilis sit. *Caulis* inde exurgit sesquicubitalis aut bicubitalis, minimo digito minor, striatus, glaber, medullâ farctus, ab imo ad summum usque ramulosus. Ramuli imi propè radicem bini adversi, ut in aliis hujus generis, & caulem ipsum interdum longitudine æquantes, summi alterni. *Folia* triangula, hastæ cuspidi aut Chenopodii aut Spinachiae similia; pallidiùs ferè virentia, ad margines quodammodo dentata ut in Spinachia aut Chenopodio, glabra, pediculis uncialibus appensa. *Flores* in summis caulibus & ramulis staminei, in spicas angustas, rubentes digesti, adeò exigui ut eorum partes obtutum ferè fugiant. Succedunt *vascula* seminalia duabus valvulis triquetris conniventibus composita, singula *semina* compressa nigra continentia.

Locus.

In hortis oleraceis, inque fimetis & locis ruderalis necnon fossis suburbanis copiosè provenit; æstate & initio Autumni viget; & ubi semen perfecit radicitus exarescit.

A. 4. *Atriplex sylvestris angustifolia* Ger. emac. Park. *Atr. sylv. angusto oblongo folio* C. B. *vulgaris angustifolia cum folliculis* J. B. **Narrow-leaved wild Orache.**

*Folia* huic quàm præcedenti longiora & angustiora sunt, minùs dentata ad margines; ima enim sæpè latiuscula sunt & leviter dentata seu laciniata. Quæ in summis caulibus sunt oblonga angusta, ad margines æqualia sunt, nec omnino laciniata, colore glauco & figurâ suâ Polygoni foliorum æmula. *Caulis*, sesquicubitalis & altior, rectus, infirmus tamen & tenuis striatus, solidus, ab imo statim ramulosus ramis imis prælongis, binis ex adverso nascentibus, summis alternis. *Radix* illius similis, simplex, alba, fibris numerosissimis cincta, quibus terræ pertinaciter adhærescit, & difficulter evellitur. Summitates hujus plantæ canescunt magis quàm superioris, & spicæ laxiores sunt, flosculorum & seminum globulis rarioribus seu longius à se invicem distantibus. *Pericarpia* folliculacea præcedentis similia, quæ dehiscencia *semen* ostendant singula singulum, compressum rotundum.

Locus.

In hortis oleraceis & locis ruderalis frequens oritur.

\* 5. *Atriplex sylvestris fructu compresso roseo vel stellato* C. B. Park. **Wild Orache with compressed fruit.**

C. B.

A radice *caulis* exurgit pedalis, rotundus, incurvus, lævis & albus, qui statim in aliquot ramos inæquales, & hi in alios minores, dividitur. *Folia* habet alba quasi polline aspersa, unguem lata, sinuata vel angulosa, ut in Atriplice sylvestri quæ *Pes asserimus* dicitur, pediculis carentia. His ferè singulis *fructus* foliaceus, pallidus, compressus apponitur, cujus formam elegantem vix exprimere licet, is enim in medio leniter extuberat, quatuor aliis extuberantiis in circumferentia appositis, quas tamen sinus leves intercedunt, eâ planè formâ, quâ rosæ depressæ in quorundam nobilium insignibus pingi consuevère: in singulis quatuor extuberantiis semen compressum mediocris magnitudinis continetur.

Hanc Monspeßuli circa mœnia collegimus.

Hæc planta nobis incognita est, nec scimus an vera sit & genuina Atriplicis species, ob fructum tetracoccum: tantisper tamen hic locum habere permisimus, donec vel nobis eam videre contigerit, vel ab aliis quibus innotescit ad quod genus propriè pertineat certiùs edocti fuerimus.

D. Magnol Atriplicem maritimam laciniatam C. B. ad hanc multum accedere existimat, quæ passim etiam circa Monspelium nascitur.

6. *Atriplex angustifolia dentata.* *Atriplex angustifolia laciniata minor* J. B. **Wild Orache with narrow indented leaves.**

*Caules* huic cubitales, erecti, striati, satis crassi, valdè ramosi. *Folia* angusta, semunciam lata, tres digitos longa, ad margines dentata, glauca, superiora angustiora, marginibus æqualibus abique denticulis. *Flores* & semina in summitatibus caulibus & ramorum in spicas longas & laxiores digesta. *Vascula seminalia* bivalvia valvulis conniventibus tantum, non coherentibus, monosperma. *Caules* firmiores crassioresque quàm ullius Atriplicis in Anglia sponte provenientis mihi cognitæ,



nitæ, striati, foliis imis contrariis, summis alternatim adnascantibus; ut in plerisque congeneribus.

In hortulo nostro nata est ex semine Londino misso.

*Atriplex maritima angustifolia* C. *Baubino* in Prodr. descripta huic eadem esse videtur.

Ex quo hæc scripsimus *Atriplicis* speciem in maritimis nostris copiosè nascentem observavimus, quæ huic vel eadem videtur, vel non multum diversa.

A. *Atriplex angustifolia maritima dentata.*

Eradicæ alba, lignosa, simplici, interdum rectâ, aliàs tortuosâ, fibras crebras è lateribus emittente caulem emittit simplicem, crassum, digito tamen minimo minorem, glabrum, solidum, ab imo statim ramosum ramulis crebris, imis oppositis, superioribus alternatim sitis, ut in reliquis ferè congeneribus, altitudine fœscuicubitali interdum sed plerumque minore. *Folia* angusta, inferiora tamen digitum unum lata, duos longa, superiora paulatim angustiora, per margines dentata, denticulis rarioribus & satis profundis, spissâ, glabra, glauca. *Flores* in summis caulibus & ramulis in spicas longas & laxas digesti, staminei, externè purpurascens, quinque intus staminula cum apicibus luteolis continentes.

Floribus succedunt *vascula seminalia* triquetra è binis valvulis conniventibus composita, singula singulis seminibus fœta.

In palustribus falsis propè Camalodunum in Essexia copiosè provenit.

Locus.

A præcedente differt foliis latoribus, & pro latitudine brevioribus multò, supremis etiam in caulibus & ramulis dentatis.

\* 7. *Atriplex sylvestris* *Montepellana* cum pulchris involucris J. B. Wild Orache of Montpellier with fair Seed-vessels.

J. B.

*Folio* est brevior, albicante, sinuato *Atriplicis* vulgaris, brevi pediculo constante: *involucris* seminum angulosis, quodammodo *Cynoglossæ* nostræ topiariæ similibus [i. e. *Aparine* majori *Plinii* Ger.] intra ramulos & foliorum pediculos prodeuntibus, *semen* includentibus parvum, compressum, nigrum; lappis etiam multò majoribus, nec velut in spicas desinentibus.

Hæc planta, inquit, ad *Atriplicem* 2. Matth. in post. figuris accedit, ut facile eandem existimârim.

An ab alio quoquam præterea Botanico descripta sit hæc planta incertum: nobis nondum inspecta est, si descriptionem rectè intelligimus.

D. *Magnol* *Atriplicem* sylvestrem lappulas habentem C. B. hujus synonymam facit; & revera descriptiones in plerisque conveniunt. D. *Morisonus* *Atriplicem* sylv. lappulas habentem *Atriplicis* fragiferæ speciem facit; quò & nos eam retulimus, incerti adhuc quò debeat referri.

A. 8. *Atriplex maritima* J. B. *maritima laciniata* C. B. *marina* Ger. *marina repens* Park. Jagged Sea-Orache.

J. B.

*Caulis* humi spargit cubitales, numerosos ex crassa satis radice exortos, totos albicantes, per quos & *folia* candicantia, sinuata, Pedis anserini similia. *Flosculi* per extrema potissimum ramulorum, racematim congesti, flores *Portulacæ* marinæ imitantur. In folliculo bivalvi rugoso, aspero, in dorso aculeato, semen continetur unicum.

*Lobelius* & nos quoque in maritimis Mediterraneis & Adriaticis nusquam non obviam habuimus hanc *Atriplicis* speciem, humi stratam. *Lobelius* eam perperam repentem vocat: sparsa est supra terram, non tamen repit. Hanc plantam nuperrimè in Anglia invenimus in litore marisarenoso propè Holland, vicum 5. m. p. à S. Osithæ oppido remotum in Essexia: D. Dale in Mersea etiam insula invenit copiosissimam.

9. *Atriplex Halimi folio* C. B. *sylvestris Halimi folio* Park. *Halimoides Lobelii* J. B. itémque *sylvestris foliis integris racemosa* ejusdem ex sententia D. *Morisoni* & nostra. Sea-Orache with the leaves of Sea-Purslane.

Lob.

Æstiva est, caules edens ternum & quaternum cubitorum, & *folia* *Halimi* integra, aut parum sinuata: flores & semina racemosa, folliculis membranaceis bivalvibus inclusa, cæterarum more. Nobis incognita & suspecta est.

A. 10. *Atriplex maritima perennis folio deltoide triangulare, minus incano* Morif. An *Atriplicis maritimæ* species Valerando J. B? *Atriplex maritima nostras* Cat. Ang.

Morif.

Hæc caulibus provenit multis, bipedalibus, lignosis, humi stratis, atque medio surrecto longiore [fortè longioribus] ad quorum singulos nodos proveniunt *folia* triangularia, sinuata tamen & acuminata, colore magis incano *Atriplice* sylvestri folio deltoide, sed minus *Halimo* frutescente. *Flores* profert musculos, herbaceos cæterarum *Atriplicum* maritimarum more, quibus singulis succedunt singula semina binis foliolis in dorso verrucosis inclusa. *Radix* longa est, brachiata, diu durans, sicut *Halimi* cæteri marini.



Locus.

In maritimis Angliæ & Belgii provenit. Floret eodem tempore cum cæteris Halimi seu Atriplicis marinæ speciebus.

Hæc est (ni multum fallor) quam in *Cat. Ang.* sub titulo Atriplicis marinæ nostratis descripsi-  
mus, & cum Atrip. 4. seu sylv. folio deltoide eandem esse suspicati sumus. Verum si radix pe-  
rennis sit, (quod nobis tunc non innotuit) omnino specie diversa est.

Hujus duas varietates observavimus, colore differentes, nimirum *Atrip. mar. albam*, & *Atrip. ma-  
rit. rubram*.

- \* 11. *Atriplex minima angustifolia maritima* Bocconi. *The least narrow-leaved Sea-Or-  
rache.*

*Folia* huic angusta sunt Antirrhini minimi facie, incana, pulveris marisque aspergine semper for-  
descencia. *Semina* in exiguis nodis capituli modo in unum congestis, singulis tamen binis foliolis  
inclusis, spicam quasi racemosam componunt, Kali minimi formâ.

A Bigarone pharmacopola ex Stœchadibus allatam habui. Hæc *Paulus Boccone*.

Atriplex maritima angustifolia C. B. cujus ramum duntaxat siccum Rupellæ collectum vidit, de-  
scriptâ major fuisse videtur, *caule* nimirum cubitali, *foliis* etiam diversa, angustis, crenatis, duas un-  
cias longis absque pediculo. Verum mutila descriptio ad ramum siccum facta, an plantam no-  
vam demonstret, an aliquam ex descriptis nescimus, nec est cur ejus rationem habeamus; eandem  
tamen esse putamus Atriplici nostræ angustifoliæ dentatæ superius descriptæ, ut ibidem monuimus,  
aut fortè Atriplici nostræ angustifoliæ maritimæ dentatæ.

## CAP. IV.

*Atriplex maritima fruticosa, Halimus dicta.*

1. *Atriplex Halimus dicta latifolia. Halimus Clusii* J. B. *Hal. latifolius* Ger. *latifolius sive frutico-  
sus* C. B. *latifolius sive Portulaca marina incana major* Park. *Great broad-leaved Tree-  
Sea-Purslane.*

*Clus. J. B.*

**F**rutex est omnino candidus, Rhamno similis, ipso etiam candidior, eadèmq; altitudine [tri-  
um quatuorve aut plurium cubitorum] assurgens, multis ramis ex una radice prodeuntibus,  
crassis, lignosis & fragilibus, & dum juniores sunt ut Atriplicibus fungosis. *Folia* Oleæ seu  
potius Rhamni [J. B. Atriplicis marinæ, non tamen sinuata serratæve;] breviora tamen & latiora,  
interdum rhomboide figura, ordine nullo per ramos disposita, pediculis satis longis hærentia, etiam  
hyeme virentia, crassa, succulenta, candicantia & quodammodo splendentia, sapore subacido præ-  
dita. *Flos* Oleæ parvè, parvus, mucosus, purpurascens, racematim in summis ramis coheret.  
*Semen* parvum, compressum, fuscum, in lappulis non abfimilibus nostræ Atriplicis lappacæ Monf-  
pellianæ, minoribus tamen & candidis. Radix dura est, lignosa & in multos ramos sparsa.

Floret æstate, semen Autumno maturefcit.

Tempus.

Hyemes asperiores in regionibus Septentrionalibus, Anglia scilicet aut Belgio, non fert nisi dili-  
genter custodiatur, & à frigore defendatur.

Locus.

Sponte provenit Ulyssippone vicinisque locis ad Tagum aut ejus ostia & æstuaria mari proxima  
in sepibus. Hispali etiam in sepibus. Nos in sepibus mari vicinis propè Messanam copiosam inve-  
nimus sponte ortam.

- \* 2. *Halimus angustifolius procumbens* C. B. Ger. *Hal. tenuifolius sive Portulaca marina incana mi-  
nor* Park. *Portulaca marina fruticosa, quæ Halimus 2. Clusii* J. B. *Narrow-leaved Sea-  
Purslane.*

*Clus.*

Supra cubitalem aut sesquicubitalem non assurgit altitudinem, *flagellis* potius quàm ramis adeò  
infirmis, ut plerunq; procumbant & humi fundantur, candidis quidem illis sed minus superioris  
ramis. Hujus *folia* oblonga, angusta, pingua & carnosa, cinerei & albicantis coloris. *Flos* sum-  
mis *flagellis* racematim coherens innascitur: herbacei potius quàm purpurascens coloris: quibus  
succedunt folliculi rugosi, binis valvis triquetris compositi, singuli singula *semina* continentes, prio-  
ris seminibus minora.

Locus.

In maritimis regni Valentini nascitur, itèmq; in aggeribus insulæ illius quam duo Rhodani cor-  
nua faciunt.

Hanc plantam cum sequente J. Bauhinus eandem facere videtur: verum Clusio potius fides ad-  
hibenda, qui distinguit.

- A. 3. *Halimus seu Portulaca marina* C. B. *Hal. vulgaris sive Portulaca marina* Ger. *Portulaca marina nostras* Park. *marina fruticosa*, quæ *Halimus* 2. *Clusii* J. B. **Common Sea Purslane.**

7. B.

Pedales promit *ramos* aut etiam longiores, humi plurimum procumbentes, ex cæruleo colore purpurascens albicantesve, tenues, lentos; in quibus *folia* quodammodo ad *Oleæ* aut *Rhamni Matth.* *folia* accedunt, nisi breviora essent, pinguiora ferè & *Portulacæ* *sativæ æmula*, exalbida & ferè cinerea, lævia [priori similia, pinguiora & magis carnosa, minus tamen incana & ex viridi potius canescentia *Clusio*] saporis salii, quem in hortos translato frutice exuunt. In ramulorum extremis *semen* copiosum, racematim congestum ferè, minutum, præcedentibus floribus, qui ex viridante in purpurillum quoddam vergunt, *Bliti* aut *Atriplicis* ferè similes. Illi radix lignosa, vivax, velut & ipsa stirps, quæ decidentibus paucis foliis hyemem sustinet.

In maritimis non Mediterranei duntaxat maris sed & *Zelandiæ*, *Flandriæ*, *Hollandiæ* atque etiam *Angliæ* aggeribus & tumulis arenosis nascitur, copiosissime verò in aggeribus fossarum in palustribus salis, quas singulis accessibus æstus marinus influit. Locus.

- \* 4. *Halimus minor* C. B. *minor Germanicus* Park. **The least German Halimus.**

C. B.

Ex radice tenui, capillata, caulis cipericeus palmum superans, variè incurvatus exurgit, qui paulò supra radicem in ramulos plures, tenues, uncias tres longos abit: *foliis* paucis cinericeis & oblongo-rotundis, sed in ramulis angustioribus, nonnullis instar *Atriplicis* utrinque unâ laciniâ divisis. *Flosculi* plures, parvi, herbacei, muscosi, intus luteoli, longis pediculis per ramulorum summitates sparguntur: quibus vascula quadruplicia, semen parvum, griseum, reniforme continentia succedunt.

Infra Northusam provenit.

Planta hæc non est vera & genuina *Halimi* species, tum quia *flosculi* ejus præter normam aliarum *Atriplicum* pediculis longis appenduntur, tum quia vascula seminalia quadruplicia obtinet. Verum quia nescimus quo eam commodius referamus (necdum enim nobis cognita aut conspecta est) quem assignavit autor locum occupare permisimus. Locus.

## C A P. V.

### De Blito Sylvestri.

**B**litum, Græcis *Βλίτον*, seu *Βλίττον* ut aliis scribitur, quasi *Βλῆτον* abjiciendum, vel propter inertiam & vilitatem, vel ob insulsum, fatuivum sorem C. B. Hinc Comici occasionem sumpserunt jocandi in homines nullius rei, quos Bliteos vocant & Blitomammas. Festus à *Βλῆξ* pisce nullius usûs deducit.

Nos Bliti notas characteristicas facimus semina rotunda seu compressa, singularia seu solitaria quibus *flosculi* ipsi seu maris perianthia pro vasculis sunt, interdum arctè, interdum laxiùs conniventes. Ob notas characteristicas communes huc reducimus, species non paucas *Atriplices* vulgò dictas, *Botryn* vulgarem & *Mexicanam*, *Kali* species aliquot; necnon *Sedum* minus fruticosum C. B. seu *Vermicularem* fruticosam aliis, quoniam *Kali* minori albo cognata & affinis videtur, quamvis (ut verum fateamur) illius semina & vascula seminalia nondum curiosè observavimus.

Quod Blitum vulgò dicitur notis characteristicis, h. e. seminibus vasculis quæ per maturitatem, transversim in medio rumpuntur aut diffiliunt inclusis, cum *Amaranto* convenire suspicamur; ideòque duo Bliti genera constituenda putamus; Primum de quo hoc capite agimus Blitum sylvestre dicitur: Alterum de quo sequenti Blitum hortense.

- A. 1. *Blitum Bonus Henricus dictum.* *Bonus Henricus* J. B. Ger. *Tota Bona Spinachia facie* Lob. *Lapathum unctuosum* C. B. Park. **English Mercurp or All-good.**

E radice crassa, sublutea, fibris aliquot donata, acri & amara plures emittit caules striatos, concavos, partim erectos partim supinos, brevi lanugine hirsutos, pedales aut cubitales. *Folia* triangula, *Atriplicis* aut *Ari* similia, & interdum paria, supernè glabra, infernè farina tenui resperfa, longis pediculis nixa, caulibus alternatim adnata, sapore nonnihil nitroso. *Flosculi* in summis caulibus conferti in thyrsis, *Bliti* aut *Amaranthi* modo, staminei lutei, è calice quinquefolio, adeò exigui ut earum partes vix liceat discernere. Singulis autem *flosculis* singula succedunt semina, parva, per maturitatem nigra, compressa & ad renis figuram accedentia, in vesiculis membranaceis aut ipsis *flosculis* inclusa.

In areis & compitis, inque locis ruderatis ad semitas, aut etiam olivaceis frequens occurrit. Aprili Locus & Tempus.

*Mercurialis* nostratum vulgò per errorem dicta est hæc herba, ejusque turiones, germina novella & florum thyrsos, dum adhuc teneri sunt, in aqua aut carniurn jure decocta, & cum butyro & sale condita esitant, *Spinachia*, *Lupulorum* & *Asparagi* modo, quibus saporis suavitate non multum cedunt, facultate detergoria præferuntur. Vires & Usus.



Mirificè confert ad ulcera fordida purganda & glutinanda, autore Fuchſio. Vermes in ulceribus putridis animantium quadrupedum natos excutit certiffimo experimento, ſi herba tuſa ulceribus imponatur, id quod non ſemel ipſe vidi. *Trag. J. Baubinus* hæc de Atriplice olida dicta accipit.

\* *Quadrip.*  
*Botan. cl. 3.*  
*p. 217.*

Ego (inquit \* *Sim. Pauli*) non ſine felici ſucceſſu Bonum Henricum [totam plantam] cataplaſmatis formâ ad mitigandos Podagricos dolores adhiberi ſemel atque iterum apud plebeios obſervavi: nec quidquam periculi timendum eſt, cum non repellat ſed diſcutiat & digerat; imò inſuper anodyna eſt, quæ qualitates rarò in uno ſimplici conveniunt. *D. Tancered. Robinſon.*

Cataplaſma ad Podagram,

R. Herbx Boni Henrici recentis ſine floribus *M. iv.* Florum Sambuci, Chamomillæ ficcorum ana *M. ij.* Contundantur, groſſè: coque in *f. q.* aq. Sambuci ad putrilaginem.

Remiſce gummi Carannæ  $\frac{3}{4}$ . Camphoræ  $\frac{3}{4}$ . *M. F.* lege artis Cataplaſma. *Sim. Pauli.*

A. 2. *Blitum erectius ſive tertium Tragi J. B. minus* *Dod. polyspermon C. B. Park. itémque Blitum album minus eorundem & Ger. Upright Blite or All-ſeed.*

*Radice* eſt ſimplici, rubente, fibris aliquot tenuibus capillata, altè in terram deſcendente ſi locum commodum naſta fuerit, aliàs (ut ait *J. Baubinus*) fibroſa. *Caulis* dodrantem alti, ſtriat, glabri, ſolidi, plurimos propè terram ramos fundentis ipſis etiam caulibus longiores; in quibus naſcuntur *folia* modò adverſa, ſæpiùs alternatim poſita, pediculis uncialibus hærentia, glabra, minus crebra quàm in aliis Blitis, foliis *Prunellæ* aut *Majoranæ ſylv.* ſimilia, ſed tantillo majora: *J. Baubinus* *Ocymi* foliis ea comparat: Ex quorum alis & in ramorum extremis racemati *floſculi* cohærent purpureſcentes; ſubſequenti ſemine parvo nigro *Portulacæ*, ſanguineo florido colore, inquit *J. B.* ex affricu tingente.

*Semina* in ſingulis *floſculis* ſingula non occultantur ſed viſui patent; proinde *Lobelius* *florum muſcoſorum* foeturam *Botryi* non diſſimilem eidem non ineptè attribuit.

Locus,

In fimetis, Lupuletis & arvis pinguioribus abundè provenit.

3. *Botrys Ger. vulgaris Park. Ambroſioides vulgaris C. B. Botrys plerique Botanicis J. B. Oak of Jeruſalem.*

*Radice* nititur parva, alba, rectà deſcendente, paucis fibrillis donata. *Caulis* ei dodrantalis, aut pedalis pro ratione ſoli, teres, rigidus erectus, hirtutus, crebris foliis alternatim poſitis veſtitus, ab imo ſtatim ramoſus. *Floſculi* in ſummis caulibus & ramulis numeroſiſſimi, longa ſerie velut in ſpicas laxas digeſti. Ex uniufcujuſque autem folioli finu duo exeunt ſurculi & velut racemuli *floſculis* & ſeminibus onuſti. Hi ſurculi diſiſionibus ſuis dichotomian obſervant, & in unoquoque diſiſionum angulo *floſculus* ſedet nullo pediculo, itémque in ipſis foliorum alis inter pediculos ſurculorum modò dictorum. *Floſculi* ſeſſiles, ſtaminei & herbacei vitium botros æmulantur: ſingulis ſingula ſuccedunt (*ſemina* *Sinapeos* ſimilia ſed minora multo. *Folia* quernorum æmulâ diſiſurâ, venis majoribus rubris inſignia, pediculis longis inſident; cum primò emergunt rubra ſunt, poſtea pallescunt. *Florum* racemuli ex viridi pallescunt, ſuntque ad tactum glutinoſi. *Odor* totius plantæ ſuavis eſt & aromaticus. *Botrys* annua eſt planta, æſtate florens & ſemen perficiens; *Bliti ſpeciebus* accenſenda.

In arenofis circa *Rhegium* in *Calabria*, *Florentiam* in *Etruria*, *Monſpelium* & *Nemaufum* in *Narbonenſi Gallia* copioſè provenientem obſervavimus.

4. *Botrys Ambroſioides Mexiocana C. B. frutiſoſa Americana Park. American Oak of Jeruſalem.*

C. B.

*Radice* eſt oblongâ, fuſcâ, capillaribus fibris cinctâ, intus candidâ: caule pedali, etiam altiore, ſed cubitum non ſuperante, eoque ſubrubente, quandoque, rotundo, ſtriato, pilis leviffimis & rariſſimis aſperſis: foliis pallidè virentibus, Atriplicis ſylveſtris vulgaris formâ ſimilibus, oblongis, ſinuatis, pediculis oblongis donatis, & abſque ordine caulem ambientibus: ad ſingulorum exortum ramuli unciales ut in Atriplice emergunt, pluribus velut capitulis alternatim diſpoſitis onuſti, quibus ſingulis foliorum exiguum ſubjicitur, quibuſque apertis *floſculi* exigui, luteoli, ut in *Botry* conſpiciuntur, hiſque ſemen minutum copioſumque ſuccedit. Planta annua eſt, ex ſemine deciduo ſe propagans. Et licet tota planta primo intuitu Atriplicem referat, ità ut Atriplex *Mexiocana* dici poſſet, attamen propter odorem, gravem quidem, ſed non ingratum, & ſaporem aromaticum ad *Cuminum* accedentem, & propter *florum* & *ſeminum* copiam ad *Botryn* referre maluimus.

Vires & uſus.

Hæc eſt (ut nobis videtur) *Epazotl* ſeu Atriplex odorata Mexicana *Fran. Hernandez.*

*Botrys* herba in pulverem redacta, mellèque in *Electuarii* formam excepta præſtat contra pulmonum vomicas, quo remedio multos ego curavi qui pus ſcreabant *Matth.* Valere dicitur ad dolores uteri, ad menſes ciendos & emortuos foetus ejiciendos.

Nonnulli inter veſtes *Botryn* reponunt ad tineas abigendas & odoris ſuavitatem communicandam.

Caterum *Botrys* dicta eſt hæc herba à ſemine racematim caulibus adnaſcente.

*Fr. Hernandez Epazotl* ſeu Atriplicem ſuam odoratam Mexicanam (quam pro *Ambroſia Mexiocana C. B.* habemus) crudam coctâve adjectam condimentis corroborare ſcribit, pectori aſthmaticis & obſtructis conferre, & gratam alimoniam præbere. Jus decocti radicum dyſenterias coercere, diſſipare inflammationes & noxia venenis pellere animalia.

*Blitum*



*Blitum Atriplex dictum.*

5. *Atriplex baccifera* Ger. emac. *baccifera rubra* Park. *Sylvestris mori fructu* C. B. **Berry-bearing Orach, by some called Bloody Spinache.**

E *radice* alba, dulci, tenera, longâ & satis crassâ pro plantæ modo, plures emittit *caules* crassiusculos, teretes, striatos, rubentes, dodrantes aut pedales, ramosos, ad terram subinde reclinatos, quamvis medius caulis non rarò erigatur. *Folia* longis pediculis nixa, triangula, Spinachiz aut Atriplicis hastato folio, nullo ordine posita, inferiora obiter dentata, ut in congeneribus. Ad exortum foliorum inque caulis & ramorum summitatibus, florum & seminum dense stipatorum globuli gemini, baccas seu mora imitati, cauli & foliorum alis arctè adherent, per maturitatem rubri, & succo quodam vini rubri æmulo prægnantes. *Flosculi* autem singuli (seu calices aut vascula seminalia mavis dicere) quatuor foliolis compositi videntur, & singuli singula *semina* parva, nigricantia, subrotunda continent.

Annua est planta, semine deciduo quotannis se renovans.

6. *Atriplex Mori fructu minor seu fragifera minor* Morisoni; *Atr. sylv. baccifera* Clus. Hist.

*Clus.*

Assurgunt à singulari *radice* paucis foliis prædita terni aut quaterni *caules*, interdum unicus, statim à radice capite divisus in aliquot ramulos pedem aut circiter longos, inæquales & angulosos in terram procumbentes, minoribus aliis ramulis donatos: in quibus, ut & majoribus singularia adnascuntur *folia*, modò in unum latus, modò in alterum disposita, angulosa, qualia in Atriplicis cæteris quibusdam speciebus, incana, ad quorum exortum multi in unum caput congesti orbiculi, fructus Mori rudimenta quodammodo referentes, qui per maturitatem rubellum colorem contrahentes exigua fraga mentiuntur, atque magnam toti plantæ addunt venustatem & gratiam: singuli autem illi orbiculi semina multa continent exigua, rotunda, cineracei coloris, qualia ferè in Papavere ceratite, violaceum florem ferente.

Eandem aut similem plantam in Tirolensi comitatu reperisse se affirmabat Gulielmus de Mera Medicus, dum ex Italia rediens per eam regionem iter faceret, sub extremum Augustum magis fruticantem, & suis fructibus onustam adeò elegantibus, ut ipsum etiam ad vescendum invitarent. Hæc omnia Clusius.

- \* 7. *Atriplex sylvestris lappulas habens* C. B. Park. *Atr. sylv. Monspessulana cum pulchris involucri* J. B. exsententia D. Magnol.

*J. B.*

Ex *radice* parva fibrosa *cauliculi* palmares, striati emittuntur, quos *folia* atrovirentia parva, angulosa, alternatim disposita, brevibus pediculis donata cingunt, ad quorum exortum *lappule* duæ Coriandri seminum magnitudine adherent, *semen* nigrum, parvum compressum continent.

D. Magnol hanc plantam ad Atriplicem sylvestrem Monspessulanam cum pulchris involucri *J. B.* refert, & fortasse rectius, nam descriptiones in plerisque conveniant. Expungas ergo Lector, si videtur, hanc speciem, nobis non invitis.

- A. 8. *Atriplex sylvestris* J. B. *sylv. vulgarior* Ger. emac. *sylv. vulgarior sinuata major* Park. *I. sive folio sinuato candicante* C. B. **Common wild Orache.**

*Radice* simplici, albâ, lignosâ, obliquâ non rarò & huc illuc reflexâ, pluribus fibris capillaribus donatâ nittitur. *Caulem* surrigit nunc unum, interdum plures, cubitales & altiores, satis crassos & firmos, solidos, angulosos seu striatos ab imo ad summum usque ramosos ramulis crebris, è foliorum alis exeuntibus; quæ ad modica intervalla alternatim adnata, pediculis fescuncialibus, duas trêve uncias longa, fescunciam aut duas uncias lata, figurâ ferè rhomboide, circum oras sinuata aut dentata, dentibus inæqualibus, lævia, supernè obscurius viridia, non raro tamen farinaceo candicante pulvisculo resperâ inferna parte magis. *Flosculi* in summis caulibus & ramulis racematim congesti exterius candicantes, singuli quinque foliolis herbaceis acutis, totidemque staminibus albis compositi, adeò exigui ut eorum partes obtutum ferè fugiant. Hi tandem arctè connivent, & singuli singula *semina*, rotunda, compressa, nigra, splendentia amplectuntur & occultant: occlusi autem stellam quinque radiorum intuentibus representant.

In fimetis & locis ruderatis & hortis oleraceis pinguioribus exit, Julio mense florens & per reli- Locus. quam deinde æstatem. *Folia* plantæ marcescenti xerampelina & rubra evadunt. Annua est.

- A. 9. *Atriplex sylvestris latifolia altera* Ger. emac. *latifolia acutiore folio* C. B. *Atrip. dicta* *Pes asperinus alter, sive ramosior* J. B. **Sharp-pointed Goosefoot.**

*Radix* huic alba, simplex, fibris capillata, dura & lignescens, interdum ramosa. *Caulis* cubitalis & sesquicubitalis, erectus, glaber, viridis, satis firmus & crassus, medullâ farctus, & ab imo statim ramosus. *Folia* caulibus adnascuntur crebra, nullo ordine, pediculis fescuncialibus, triangulata, è lata scilicet basi in acutum mucronem sensim delinquentia, obscure viridia, glabra. *Flosculi* conferti velut in racemulis in summo caule & ramulis è foliorum alis egressis, perexigui & vix conspicui, staminei. Singulis *flosculis* singula insunt *semina* rotunda, nigra.

In fimetis, & locis ruderatis, secus vias & semitas alibique in incultis, præsertim humentibus, in- Locus. venit frequens.



- A. 10. *Atriplex sylvestris latifolia* Lob. C. B. *syly. latifolia sive Pes anserinus* Ger. emac. Park. *Atriplex dicta Pes anserinus* J. B. Goosefoot or Solubane.

¶ B.

Perfimilis est Atriplici sylvestri folio sinuato candic. sed hujus folia ampliora, laxius & rarius sinuata, atro-virentia, caput gravante odore prædita. Flos racemosus, Atriplicis jam dictæ, antequam explicatur plerunque rubens. Semen exiguum, rotundum, nigrum. Radix lignescit. Caulis crassiusculus rectus cubitalis.

Humilior est præcedente, magisque in latitudinem diffusa, foliis magis sinuatis, obtusioribus & rotundioribus.

Eisdem cum priore locis invenitur.

His addit aliam Atriplicis sylvestris latifoliz speciem eruditissimus Vir D. Rob. Plot, quam Atriplicem vulgarem sinuatam spicatam appellat, quæ à Pede anserino altero sive ramosiore ¶ B. in eo saltem differt, quod Fragiferæ instar semina in globulos congesta caulibus arctè adhærentia gestet.

- A. 11. *Atriplex olida* Ger. *olida sive sylvestris fetida* Park. *syly. VIII. sive fetida* C. B. *fatida* J. B. *pusilla, olida, hircina, Vulvaria vocata, garum olens* Lob. Drinking Orache.

¶ B.

Vix humo tollit caules, ut plurimum ramosos, dodrantes aut etiam majores; quos vestiunt folia ex rotunditate modicè in acumen definentia, potissimum superiora, in inferioribus quædam sinuata, farinaceo pulvisculo asperso candicantia: odoris virosi intolerabilis, ut qui vel tactu levi manus ita inficit, ut longo tempore vix possit elui. Flosculi racemosi Atriplicum aliarum sylvestrium modo. Radix gracilis, fibrata.

Juxta parietes & in locis ruderatis provenit, sed rarius.

Atriplicis hujus folia contusa cum Saccharo conservam efficiunt hysterici utilissimum. D. Needham. Herba hæc arefacta & in aquâ cocta instar Theæ mirè passioni hystericæ prodest. D. Palmer.

- \* 12. *Atriplex sylvestris altera, folio sinuato saturè virente, spicâ subrubrâ* Morif.

Morif.

Hæc tam luxuriosa proceritate prodit, ut quaternos sæpe cubitos excedat, caule ut hortensis anguloso, purpurascente & ramoso: folio hortensi non admodum dissimili, potissimum quod ad colorem attinet, sed paulò minore, crenato: flore luteo & exiguo: semine racematim digesto in summitatibus caulium & ramorum: radice fibrata.

In suburbiorum fimetis & fossis passim provenit.

An Atriplex propriè dicta hæc sit, an Blitum Atriplicis facie descriptio hæc nos incertos relinquit: ob semen racematim digestum Blitis potius subjunximus: quod & de sequente planta, nobis pariter incognitâ, dictum esto.

- \* 13. *Atriplex procumbens folio sinuato, lucido, crasso* Morif.

Morif.

Planta est pedalis, procumbens: folia habet crassa, pronâ parte lucida, in margine sinuata: caules & folia ut plurimum sunt rubra: Semine onerantur caules summi racematim compacto, cæterarum sylvestrium modo, nigro.

Reperitur in humidis pinguibisque terrenis locis circa Blasas in Gallia.

Flores & semina sua, nigra, minuta perficit eodem tempore cum cæteris sylvestribus.

Hujus notitiam D. Morifono debemus, cujus etiam descriptionem adhibuimus.

- A. 14. *Blitum marinum teretifolium Kali minus album dictum. Kali minus* Ger. *minus album* Park. *minus album semine splendente* C. B. *minus, sive Sedum minus arborescens vermiculatum* J. B. White Glaswort.

¶ B.

Duris lignosisque ramis cubitalibus, interdum rubescentibus, aliàs albidis fruticat, è quorum lateribus densissime enascuntur propagines unciales & sextantales, foliolis perpupillis, teretibus, glaucis stipate per ramorum scapos longa serie, fescuncialibus plerunque aut longioribus; uniuscujusque finum implente globulo exiguo, Milii granum æquante aut majori, qui ubi explicatur apiculos ostendit numerosos luteos. Semen exiguum, nigrum, lucidum, compressum: in singulis calicibus quinquefoliis singulum occultatum, ad eundem ferè modum quo in Atriplice folio sinuato candicante.

In salis maritimis frequentissima est hæc planta. Magnitudine insigniter variat; Alicubi enim in fruticem lignosum adolefcit, alibi pusilla est & humi projecta, adeo ut, an duæ sint illius species necne mihi nondum planè satisfit. Ercetam & frutescentem observavi copiosissimam in Lingula illa seu crepidine petrosâ, quæ à Portlandia Insula versùs littus Anglicum porrigitur.

- \* 15. *Kali*

\* 15. *Kali minus villosum* C. B. *Cali parvum hirsutum* J. B. The lesser hairy Glaswort.

Plantula est Kali minori nonnihil similis, radice oblonga, fibrosa, nigricante, caule pedali, inæquali, ramoſo, ramulis multò brevioribus quàm illius, nec ità rectis ſed incurvis; foliis nonnihil brevioribus, anguſtioribus, craſſis, ſucculentis, falſis. Tota planta albicante lanugine caneſcens, Kali minore mollior eſt. Hactenus J. Baubinus. Addit Caſparus frater, in cauliculorum ſummis capitula parva ferre, florem minutum continentia; ſemina ſe non obſervâſſe.

Fortè hæc planta à Kali minore non differt ſpecie.

Monſpelio non longè ad mare oritur.

*Kali ſive Vermiculari marina non diſſimilis planta* J. B. &  
*Kali hirsuto affinis, fortè Anthyllidis aliqua ſpecies* ejusdem,

Cùm ex ficcis plantis deſcriptæ eſſent, eiſdemque tum flore tum ſemine carentibus, neſcimus plane an ad hoc genus pertineant, necdum ab aliis deſcriptæ & depictæ ſint ſub hoc aut alio aliquo genere. Videſiſearum deſcriptiones & figuras apud Bauhinum Tom. 3. p. 705.

*Kali minus foliis lucidis* Botan. Monſp.

Foliis copioſis lucidis & in acutum deſinentibus à minori villoſo & minori albo diſtinguitur. Præcedentium varietas videtur.

A. 16. *Sedum minus fruticosum* C. B. *Vermicularis fruticosa altera* Park. *Cali ſpecies ſive Vermicularis marina arboreſcens* J. B. Shrubby Glaswort.

J. B.

Cubitalibus & bicubitalibus, teretibus, glabris lignoſis ſolonibus cinerei coloris fruticat, in ramos longiuſculos diductis, per quos confertim naſcuntur folia, ſemunciâ breviora, quædam etiam uncialia, ſucculenta, Cali hirsuti excepta hirsutæ ſimilia, alternatim diſpoſita, ſapore falſo: ad quorum alas luteoli flores, minores, herbacei apparent. Radix in multas radículas fibratas finditur deorſum verſus, ſuperius ſatis craſſa & lignoſa.

Plantam hanc in ſqualidis campis Arelaten inter & D. Ægidii oppidum non procul à Rhodani fluentis uberrimam perennantem nos quoque poſt Lobelium obſervavimus.

Hæc planta ( ut rectè J. Baubinus ) habet multa quæ cum Kali minore conveniunt:

\* 17. *Sedum minus fruticosum alterum* C. B. *Vermicularis arboreſcens* Park. *Cali ſpecies, ſive Vermiculari fruticis varietas major* J. B. Tree-Glaswort, or Sea-Blite with Stonecrop-leaves.

Hæc, autore Lobelio, foliis eſt albis, denſiſſimè confertis, denticulatis, Vermicularis acris majoribus. [ Addit Morifonius; ] flores producit ex herbaceo luteos, quàm præcedentis majores: ſemina ſunt, uti Kali, nigra. Parkinsonus noſter eam ità deſcribit,

Hoc genus Sedi ( ut vocat ) in hortis cultum ad quinque aut ſex pedum altitudinem aſſurgit, ab imo ad ſummum uſque ramulis crebris, foliisque creberrimis exiguis, longis, teretibus, inſipidis, Sedi minimi vermiculati perſimilibus, verùm minoribus & viridioribus obſitum. Flores in ſummis ramulis quàm præcedentis minores ( fortè error eſt ſcribæ aut Typographi pro majores ) pallidè lutei. Radices longæ, lignoſæ in terra ſe diffundunt.

An hæc & præcedens planta ſint veræ & genuinæ Bliti-Atriplicis dicti ſpecies mihi non conſtare fateor, cùm flores & ſemina præcedentis non ſatis curioſè obſervaverim, ob ſimilitudinem tamen cum Kali minore albo congeneres ei plantas eſſe ſuſpicor: & propterea hunc eis locum aſſignavi.

18. *Blitum Americanum ſpiroſum*. Thomp American Blite.

Hujus ſpecimen pulcherrimum, à ſe curioſè exſiccatum ad me tranſmiſit ingenioſſ. Vir & eximius Botanicus D. Hanſ. Sloane M. D. Erat id dodrantali longitudine; caule ( ut videbatur ) recto, ſatis firmo, ramoſo, ramulis alternatim è foliorum ſinubus exeuntibus. Folia Bliti polyſpermi ferè figurâ & magnitudine, [ aut Parietariæ ] pediculis ſeſcunciam aut duas uncias longis hærentia, [ inferiora intellige ] per margines æqualia, nervis in ſicco admodum conſpicuis. In aliis foliorum floſculi ſtaminei, ſetiles, in globulos conferti, & ad exortum floſculorum hinc inde ſpina rigida, acuta, ſemuncialis. Summus caulis & ramuli in ſpicas longas, crebras, è plurimis floſculis confertas, Amaranti in modum, ex herbaceo flavicantes. Spicis autem nullæ intermixtæ ſunt ſpinæ: Floſculorum ſingulorum partes ob parvitatem clarè diſcernere non licuit; neque quomodo ſemen geſtet. Folliculi tamen bivalves videbantur.

In horto Regio Monſpelienſi inque Pariſienſi cultam obſervavit D. Sloane.

Locus.



## CAP. VI.

## De Blito hortensi.

**B**litum vulgo dictum (ut superius etiam monuimus) semina vasculis quæ per maturitatem transversim in medio levi tactu diffiliunt, ut in Portulaca, inclusa obtinere suspicamur, Amaranti in modum; adeoque ab Amarantis, spicarum præcipue colore & elegantia differre. Alii diligentius rem examinent. Si seminum respectu cum Blitis superiori capite comprehensis conveniant, non est cur Caput peculiare iis assignetur, sed illis subungi possunt.

1. *Blitum rubrum majus* Ger. C. B. Park. *Blitum pulchrum rectum magnum rubrum* J. B. **Great red Blite.**

*f. B.*

Facilis est adolescentiæ, radice pollicari fatua, ut & tota planta; caule fistuloso, intus extraque sanguineo rubore perfuso, concolorémque succum pressu remittente. Folia Betaceis minora, magis rugosa, quæ coelum spectant ex rubro nigrescunt, prona parte hilarius rubent. Flosculi muscosi secundum caulem apiculis pallidis constant. Semen Atriplicis sylvestris vel Amaranti, nigrum, nitens.

*Locus.*

Planta est hortensis, necdum novimus ubi sponte proveniat. Vidimus Monspelii in hortis oleraceis. Ex semine deciduo se quotannis renovat.

2. *Blitum rubrum minus* J. B. C. B. Ger. *rubrum sylv. minus* Park. **Small red Blite.**

*f. B.*

Satis magnam radicem pro plantæ ratione habet, rubentem fibrosam, ex cujus capite plures caules oriuntur, lupini, rubentes, & in his folia multa, Solani hortensis minora, nervosiora, colore atrovirente, sapore fatuo: ex quorum alis secundum caulem numerosi nascuntur flosculi, ex herbidis & muscosis fibris compositi, obtutum ferè eludentes.

*Locus.*

Seritur in hortis, ac etiam in iis sponte provenit [in transmarinis regionibus] ut & præsertim in iis locis in quibus fimus pecorum aliquandiu asservatus fuerit. Nos speciem hanc in hortis, vineis & fimetis circa Monspelium & alibi tum in Gallia, tum in Germania, copiosè provenientem observavimus.

3. *Blitum pulchrum magnum album* J. B. *Blitum album majus* C. B. Ger. Park. **Great white Blite.**

*f. B.*

Est hoc simile rubro, nec ab eo nisi colore differens, caule ut illud assurgens unico, magno, firmo, ad duos tréve cubitos erecto, albo: sed foliis majoribus, nisi locus interdum aridior diversitatem faciat.

In Burgundionum *Vauchuse* vidi, inquit *f. B.*

4. *Blitum album minus* J. B. C. B. Ger. *album sylvestre minus* Park. **The lesser white Blite.**

Radice nititur simplici, superiori parte rubente, tenuioribus fibris donatâ, profundissimè in terram ad perpendiculum descendente ac proinde evulsu difficili, sapore non ingrato. Caules emittit plures, semipedales aut dodrantes, interdum longiores, teretes, striatos, solidos, in terram reclinatos & vix se sustentantes, fungulos, succi plenos, superius nonnihil rubentes, alias albos; foliis per intervalla alternatim dispositis vestitos, inferioribus ad radicem minoribus, breviori pediculo hærentibus, superioribus majoribus, longiore nixis, nervosis, glabris, atrovirentibus, ad Majoranæ aut Nummulariæ folia quodammodo accedentibus sed majoribus, subrotundis, per margines æqualibus, in extremitate obtulis ac si absclissa essent, & fissis seu crenatis. Cum primo exeunt liturâ in medio albâ inter duas nigras sitâ insignita sunt; cum adolescit planta, maculâ albâ evanescente in singulis foliis nigra remanet. Flosculi & semina foliorum alis racematim adnascuntur, ut & summis caulibus, qui velut in spicas desinunt. Flosculi vix conspicui, staminei, herbacei. Semen nigrum, splendens Amaranthi, vasculis seu folliculis herbaceis (qui singula continent singuli) inclusum. Odor ex viriditate quodammodo gravis, sapor viscidus.

*Locus.*

Montbelgardi (inquit *f. Baubinus*) abundat passim Blitum minus album vel potius viride; Genevæ quoque frequens, Tubingæ aut Tiguri in agris non cultis, secus itinera, in hortis & areis.

- \* 5. *Blitum Virginianum majus* Park. **The greater Virginian Blite.**

Caule assurgit simplici, crasso, tereti, striato, quinque aut sex pedes alto, ramulis multis, crebris ab imo ad summum usque undique cincto; foliis vestito quàm Bliti hortensis cujuscunque majoribus, colore viridi saturo, alias iis similibus: Semen in spicis exiguis è summo caule & ramulis exantibus, parvum, per maturitatem nigrum, compressum, splendens.

- \* 6. *Blitum*

- \* 6. *Blitum Virginianum minus*, *Amaranthi species* Park. parad. The smaller Virginian Blite.

Hæc species præcedenti simillima est, verum minor & humilior multo, caulibus & foliis subrubentibus, minus ramosa: spicis longis, tenuibus è squamis mollibus rubentibus compositis, semen parvum, nigricans minus tamen quam præcedentis, minusque splendens continens. Radix parva, fibrosa, annua. Planta ex semine deciduo se renovat, nisi hyems asperior sit.

Suspicio ego has plantas *Amaranti species* esse & easdem quas nos *Amaranthi Novæ Angliæ viridis*, & *Amar. N. A. obsoletè purpurei* titulis insignimus.

- \* 7. *Blitum Brasiliæ Cararu Brasiliensibus*, *Lusitanis Bredos*. Marggr.

Marggr.

Ex radice alba, satis crassa multi prodeunt caules, ab uno ad quatuor pedes alti, cum foliis similibus Blito, quæ interdum quasi farinâ videntur asperfa. In summitate fert flosculos virides spicatum congestos, ut in Blito, dehinc semen provenit minutum, instar seminis *Papaveris minoris*, rotundum, paulum compressum, nigerrimum, splendens, pelliculæ griseo-fuscæ inclusum.

Hoc etiam *Amaranti species* esse videtur: & fortè non alia quam *Amarantus viridis Novæ Angliæ*.

## C A P. VII.

### De Amaranto.

**A**marantus, malè cum *sb* vulgò scribitur *Amaranthus*. Nam Græcè est *Ἀμαράντος*, quod & florem notat, & adjectivè significat immarcescibilis, ab *a* privativa & *μαρσίνω* marceo.

Nec immeritò ità dictus est hujus plantæ flos, quoniam decerptus non statim marcescit sed coloris gratiam quam diutissimè retinet siccatus. Pro flore hoc in loco cum vulgò spicam totam seu comam habeo.

*Amarantus* autem à *Blito* differt comâ speciosâ & immarcescibili, semine in vasculis membranaceis incluso, quæ per maturitatem transversim seu horizontaliter rumpuntur ad modum *Portulacæ* seu *Anagallidis terrestres*. [Fortè *Blitum* vulgare hoc respectu convenit cum *Amaranto*, nec aliter differt quam spicarum colore, ut superius diximus.]

*Amaranti* duo genera sunt, alterum majus & elatius, spicis asperioribus & longioribus, minus lucidis & splendidibus; alterum minus & humilius, spicis mollioribus, brevioribus, & *Serici* instar splendidibus, undè non ineptè *Amarantus sericens* hortulani vulgò dicitur. Ille in singulis vasculis singula habet semina; hic in singulis plura ad quatuor aut quinque.

1. *Amaranthus maximus* C. B. paniculâ sparsâ Ger. purpureus major paniculis sparsis Park. *Blitum maximum* sive *Amaranthus major*, semine albo. J. B.

J. B.

In hominis altitudinem lætiore solo excrecit, caule crasso, canaliculato, subrubente, ramis crebris stipato: folia *Amaranthi purpurei*, acuminata sed majora, ex viridi purpurascencia, rugosa, infipida: flores tum è summo caule extremisque ramis, tum è foliorum alis emicant, in spicas palmares & sesquipalmares digesti [imò pedales non rarè] easque frequentes, & jubæ instar nonnunquam in latum luxuriantes, colore fuliginoso, aut purpuræ obsoletioris, staminulis luteis, quibus semina succrescunt minuta, alba, Milii excorticati æmula.

Cum *Quinua* seu *Bliti* majoris *Peruani Clus.* spicæ seu paniculæ sparsæ & dependentes pingantur & describantur, dubius hæreo, an *Quinua* illa eadem specie fuerit *Amarantho* vulgari spicis surrectis obsoletè purpureis, semine albo, cum hujus spicæ plerunque surrectæ sint, nec unquam, quod observaverim, nisi leviter admodum nutent: verisimilius tamen videtur eandem esse, cum reliqua descriptio conveniat. Verum quicquid sit de *Quinua* illa *Clusii*, certum est, plantam *J. Baubino* depictam & descriptam sub titulo allato ipsissimum nostrum *Amaranthum vulgare* esse spicis surrectis obsoletè purpureis, semine albo.

Catalogus Horti Regii Parisiensis duas alias varietates seu species hujus *Amaranthi* recenset, nimirum:

*Amar. max. paniculâ sparsâ & longiore*, semine albo. Et

Eundem rubello semine: qui granis rubris *Petri Cieckæ C. B.* variat: & idem videtur *Amaranto* nostro max. paniculâ longâ pendulâ, semine rubello.

2. *Amaranthus sylvestris maximus Novæ Angliæ*, spicis purpureis carneis aut viridibus.

Spicis est longis, minus confertis quam in *Amarantho* vulgari semine albo: seminibus minoribus, nigris cum obscuro rubore, lucidis: foliis pro spicarum colore vel purpureis, vel viridibus.

*Amarantus* hic *Novæ Angliæ* spicarum colore ludit, alias viridi, alias dilutè, alias obsoletè, purpureo. Imò obsoletè purpureus, seu ex purpura nigricans frequentior est multò quam viridis.

Ex



Ex semine deciduo se quotannis renovat: Semen autem nè asperissima quidem hyemis corrumpit, ut hoc anno 1684. experti sumus.

Hoc genus (ut puto) colore feminis etiam variat. Habemus enim in horto nostro ex semine ortum, quod semen album producit, nec caule, nec foliis, nec spicis ab eo quod semine est nigro discernendum.

3. *Amaranthus maximus*, paniculâ longâ pendulâ, semine rubello. *Amar. coccineus elegans maximus* Park.

*Caule* assurgit simplici, terete, crasso, procero, quàm præcedentis etiam altiore & majore: *foliis* vestito illius aequalibus aut majoribus, pallidè seu ex luteo virentibus, paucò rubore aspersis, interdum tamen in medio maculatis, (quâ notâ etiam antequam floreat à præcedente facillè dignoscitur) *Flores* in *summis* caulibus & ramulis dispositi, è principio crasso in plurimas specis sparsi, mediâ longissimâ dependente, reliquis brevioribus eam ad basin cingentibus, ut spica totalis ad basin seu exortum suum admodum crassa sit, & pulcherrimum aspectum præbeat; colore elegantissimo purpureo [aliis perperam coccineo] lucens; quæ per maturitatem collecta coloris gratiam diu retinet siccata, præsertim si Solis radiis, aut aeri procelloso non exponatur. *Semen* paniculis inclusum non ut in præcedente album, sed pulchrè rubellum.

Locum hujus natalem nescimus: Parkinsonus è Brasilia aliâve aliqua Americæ regione delatum scribit.

## C A P. VIII.

### De *Amarantis Sericeis, Polyspermis.*

**H**orum spicæ molliores sunt quàm præcedentium & Serici instar lucent; colore autem variant, purpureo, coccineo, flavo, aureo, albo, incarnato. Semina in valculis per maturitatem transversim diffilientibus continent plura, quinque numeravimus.

- \* 1. *Amaranthus purpureus* Ger. J. B. *purpureus minor* Park. paniculâ conglomeratâ, atque etiam simplici paniculâ C. B. *Purple flower-gentle.*

J. B. Dod.

*Radix* huic crassa, Blii, succulenta, è rubore candicans: *caulis* singularis, purpurascens, potissimum propter terram, striatus, alternis alis concavus, cubitum aut sesquicubitum altus: *folia* Blii, acutiora, minus rugosa, [mollia, glabra] colore virentia, per margines nonnihil rubentia, sapore fatuo. Pro floribus exeunt *spicæ* in *summis* caulibus & ramulis, æque foliorum alis, aspectui gratissimæ, cæterum inodoræ, in purpura splendentes, tactu laves, modò singulares, modò conjunctæ plures, quæ in attritu similem ferè colore succum reddunt, quarum si singulares sumas flosculos, quinis foliolis totidèmq; apicibus constant. *Semen* per maturitatem nigrum, parvum, nitidum, lubricum, rotundum compressum.

Spicæ decerpæ diutinè pulchritudinem suam retinent, aliquot etiam annis non marcescentes. Dod. Alhiosa planta, hyemis impatiens, quotannis è semine suo repullulascit. J. B.

An specie differant *Amaranthus* paniculâ conglomeratâ C. B. & Am. Paniculâ simplici *ejusdem* aliis inquirendum & determinandum relinquo: mihi certè non videntur differre.

2. *Amaranthus paniculâ speciosâ cristatâ* J. B. *paniculâ incurvâ* C. B. *paniculâ incurvâ holosericeâ* Ger. *Crested velvet flower gentle.* Am. *coccineus* Park. Parad.

J. B.

Ex omnibus *Amaranthis* palmam obtinet (inquit J. Bauhinus descriptionis autor) floris elegantiz præcipuæ species, mediæ inter obsoleti coloris *Amaranthum*, & eum qui spicâ est purpureâ sericeâ, magnitudinis; *caulibus* nempe multis ab eadem radice surgentibus, iisque ramolis striatisque, cubitum alterum altis, quos cortex obtegit succo sanguineo propter terram turgens. *Folia* ex intervallis quàm *Amaranthi* simplici spicâ majora paulò, multò verò angustiora quàm illius obsoleti, ex quorum alis adeoque in ramorum fastigiis fulgentes *flores* non tam spicati, quàm reticulatim decussatimque reflexis implexisque paniculis, cristatis latioribus conspicui, staminulis dilutiore purpurâ tinctis. Paniculas interdum fert palmares, ac uncias tres latas.

Hujus ut & præcedentis spicæ colore variant coccineo, nimirum, carneo, flavo, aureo, &c. Nobis tamen nondum constare fateamur, an Varietates hæ accidentibus duntaxat differant, an etiam specie. Si semine satæ speciem suam perpetuò servant, nec in se invicem transmutantur, argumento est etiam specie differre.

In Catalogo Horti Regii *Parisiensis*, Anno 1665. edito, hæ varietates, seu species mavis dicere, occurrunt.

*Amaranthus cristatus* rubicundissimo flore.

Idem reticulatus seu corniculatus serotinus minor.

Amar. cramelino colore *Svertii*.

Amar. paniculâ conglomeratâ majore, puniceo colore splendidâ.

Amar. spicatus sericeus flore luteo-virescente.

Amar. spicis carneis, interfusa flavedine micantibus.

Amar. spicatus aneo colore simul & carneo varius.

Amar.

Amar. singularibus paniculis flammeo colore lucentibus.  
Idem aurea, spica & ignis fulgore vericolor.  
Amar. paniculâ multiplici obsoletè violacea.  
Amar. paniculâ multiplici ex fusco purpurascente.

\* 3. *Amaranthus carnea spica* Park. parad. **Carnation flower-gentle.**

Hæc Planta tum ex figura, tum ex descriptione species à reliquis distincta esse videtur. *Folia* ei aliquanto longiora sunt & angustiora quàm aliis plerisque hujus generis. *Paniculae* ramosa, è spicis brevibus velut frumenti, multis, ramulis adnascentibus, villis quibusdam extantibus velut aristis circumvallatis, composita: colore incarnato.

4. *Amaranthus spicis longis, simplicibus, albis.* **Great white flower-gentle.**

Hæc Planta Florentiæ in Horto *M. Ducis Etruriæ* nobis visa & collecta est. *Spicas* habet longas nec adeò confertas in summis caulibus, ut in *Amarantho vulgari floribus obsoletè purpureis, semine albo*; molles tamen, & serici instar splendentes, strigiosiores etiam (quantum meminimus) & graciliores quàm illius. *Semina* nigra, compressa, lucida.

*Amaranthi spicis albis* nullam apud Botanographos mentionem factam invenimus.

5. *Amaranthus tricolor* Ger. Park. *Symphonia Dalechampia, sive Amaranthus tricolor* J. B. *Amar. folio variegato* C. B. **Floramour, or spotted flower-gentle.**

*Lugd.*

*Radice* est brevi, candida, in furculosas propaggines divisa: *caule* unico, pedali, rubente: *foliis* Bliti, alternatim viridi, roseo & luteo colore pictis, sic ut in singulis foliis adultis & perfectis ea coloris varietas, (Pittaci plumas referens) jucundissimum intuentibus præbeat spectaculum. *Semen* profert in exiguis spicis villosis, cauli adherentibus sine pediculis, flavescentibus punctis notatis.

Variat (inquit *C. Bauhinus*) colore, in altero *bilariore*, extremo flavo, medio puniceo, reliquo viridi, aliquando viridi, luteo, rubro, in altero *obscuriore*, illum fœminam, hunc marem faciunt. Habetur & alia varietas in *Cat. Paris.* *Amaranthi folio variegato* serotini titulo.

*Folia, Flores & Radices* *Amaranthi* ad ficciorem accedunt temperaturam. Hodie in corollis puellarum texendis duntaxat usurpantur. Caterum tribuntur huic passim vires quædam, quibus fides sine ratione nequaquam est adhibenda; ut quod cœliacos & dysentericos juvet, mensium abundantiam cohibeat & albas uteri fluxiones, &c. *J. B.*

6. *Amarantho affinis India Orientalis, floribus glomeratis, Ocymoidis folio* Breynii *flore albo.*

*Breyn.*

*Caulem* rotundum, pilosum, geniculatum, medullâ niveâ spongiosâ refertum, & complurimis ramis diffusum ad bipedalem altitudinem erigit; *Folia* ex intervallo in contrariis lateribus, alterno ordine & cruciformi positu proferentem, *Lychnidis Ocymoidis* flore purpureo similia, temperatè virentia, & molli lanugine tam superna quàm inferna parte aspersa. Ex horum sinu, aliquando simul cum ordinariis ramis ramuli etiam alii minores exoriuntur, quorum aequè ac ramorum ordinariorum summo pervenustum, globosum insidet capitulum, effigie ac magnitudine pœnè Lupuli follicularium fructuum, foliolis duobus plerumque, vel quatuor etiam aliquando, in modum Globulariæ luteæ *Col. juxta basin circumvallatum.* Hoc inquam *Capitulum* ex innumeris semilunaribus compressis, Gnaphalii Americani florum squamulis aequalibus, membranaceis argenteo candore nitentibus compactum est *glumis*; quarum binæ semper conjugatæ *utriculum* chelarum figurâ afficiunt; ex cujus cavitatis centro *Flosculus* admodum parvus & quinquepartitus, *Amaranthi* quodammodo respondens, sed omnino niveus & lanuginosus, teneram intus tabulam comprehendens emicat: Qui successu temporis indurefcens, ac ampullulâ in formam crassescens densa lanugine candidissimâ ita obducitur, quasi humanâ industriâ gossipio involutus esset ac *vasculum* admodum pusillum coniforme, ex tenui pellicula confectum, *Amaranthi* simile occulit, in quo *semen* orbiculare, unicum, cum *Amaranthi* pariter conveniens, sed altero tanto pœnè majus, ac subrubicundo colore continetur.

*Alterâ species sive flore purpureo*, minor nonnunquam & strigosior, magisque ramosa se ostendens, *Capitula* profert minora, ex lepidissimis, vegetæ Rosarum purpuræ nitentibus, oculisquæ hilari luce perstringentibus *glumis*, Gnaphalii montani purpurei florum squamulas mentientibus composita: quæ ob venustatem formæ ac pulchritudinem, ab Indis filorum, quibus flores *Mogorri* trajectant, extremitatibus, globuli loco ornatuque gratia annectuntur.

Præter has *tertiâ etiam species in Brasilia* reperitur. Hæc nonnihil altior quam Asiatica flore albo excrescit; caterum cum illa convenit, excepto quod capitula ejus minora & minoribus *glumis* composita, ac circa basin (quantum observare potui) foliis nullis circumvallata sunt. An *Planta ex quâ fit Anil* alia species Marggravii?

7. *Amaranthus Siculus spicatus radice perenni* P. Boccone. Boccone's **perennial spiked flower-gentle of Sicily.**

*Boc.*

*Folia* hic gerit figurâ & formâ *Amaranthi* vulgaris, minora atque paulò acutiora, molli candidaque lanugine subrus argenteo nitore lucentia; quæ conferta nascuntur circa ramos multiplices,  
è radice



è radice lignosa atque perenni exsurgentes. *Caulis* pollicari crassitudine persæpe fruticat, estque juxta singulas alas quasi nodosus. *Spica* simplicior est & exilior quàm in cæteris suæ fortis, neque ut *Amaranthi* spica vulgariter è pluribus compacta, sed *flosculis* dilutè rubentibus longo ordine simpliciter usque ad cacumen distributis constans, subeuntibus *conis* perquam exiguis, iisque deorsum nutantibus, in quibus *semen* oblongum includitur.

Locus.

Oritur locis Cataniæ vicinis. Hæc Paulus Boccone.

Plantam hanc in Horto medico Messanenfi vidimus & collegimus, Anno 1664. unde & in vicinia etiam Messanæ urbis ortam suspicamur.

## CAP. IX.

## De Beta.

**B**eta à figura literæ Βητα, quam habet cum turget semine, dicta putatur: Nam summitatem reflexam obtinet.

Columella.

Nomine tum Graio, ceu litera proxima primæ

Pangitur in cera docti mucrone magistri:

Sic & humo pingui ferratae cuspidis ictu

Deprimitur folio viridi, pede candida Beta.

Græcis βήτων & σούτων ab impulsu, quod facile excreseat.

Beta fructu verrucoso osseo cui flos insidet, à reliquis hujus classis generibus distinguitur.

Sicla officinis dicta est omnis Beta, contra à Sicula, quo cognomento Betam duntaxat candidam olim donatam fuisse Plinius & Theophrastus memorie prodiderunt.

1. Beta alba Ger. communis alba Park. par. alba vel pallescens, quæ Cicla Offic. C. B. candida J. B. White Beet.

J. B.

*Radice* habet lignosam, minimi digiti crassitudine, mediocriter longam, candidam. *Folia* dilutius virent, Lapathi, crassa & succulenta, sapore nitroso. *Caulis* duos cubitos altus, aut etiam major, gracilis, striatus, multis alis concavus; in quibus longa serie *flosculi* exigui ex foliorum alis, apicibus luteis constantes, quinque calicum foliolis obvallati: *Semen* rotundum, & crispa superficie asperum, fuscum.

2. Beta rubra Ger. communis rubra Park. rubra vulgaris J. B. C. B. Red Beet.

*Folius* est brevioribus quàm præcedens, plurimum rubentibus plus minúsve, interdum atro-rubentibus. *Radice* est alba; foliis duntaxat distinguitur à præcedente.

Quæ folio est obscuriore Beta nigra dicitur: alias enim Beta nigra Rara avis in terris est, nigroque simillima cygno.

- A. 3. Beta sylvestris maritima C. B. Park. communis seu viridis C. B. Sea-Beet.

Betæ albæ similis est, verum foliis minoribus & viridioribus, planis & æqualibus, venis rubris interdum variis, aliàs sine illis: caule etiam graciliore & minore.

Locus.

In palustribus salis & ad maris litora frequens est.

Johnsonus apud Gerardum asserit hanc non differre specie à Beta sativa alba: Parkinsonus, quem sequimur, Sylvestrem spontaneam maris. communi viridi Betæ eandem facit, & rectè nostrâ sententiâ: C. Bauhinus viridem communem albæ eandem dici permittit, verum maritimam sylvestrem specie diversam facit: Nos sylvestrem maritimam Betam cum viridi communi specie convenire existimamus; ab alba vulgari differre. Radice perenni à reliquis Betæ speciebus differt.

- \* 4. Beta rubra radice rapæ C. B. radice rubra crassa J. B. Romana rubra, Raposa dicta Park. Roman Beet, with a Turnep-like root.

Hæc caule est altiore quàm Beta vulgaris rubra: radice crassâ, ventricosâ interdum Napi instar, interdum productiore, & Carotæ æmulâ, intus forisque sanguineo saturo colore infectâ.

- \* 5. Beta lutea major C. B. lutea J. B. lutea Syriaca Park. Yellow-rooted Beet.

J. Bauhinus hanc à præcedente, radice buxæ tantum differre scribit; Parkinsonus etiam foliis palidioribus quàm Betæ albæ vulgaris, seu luteo-viridibus. C. Bauhinus à præcedente etiam genere distinctam facit, cum hanc inter Betæ majoris foliis latissimis species recenser, illam minoris speciebus annumerat.

6. Beta

6. *Beta Italica* Park. *Sicula, costâ latâ, albâ luteâ, aureâ, rubrâ, ruberrimâ* Moris. *The Sicilian broad-ribbed Beet.*

Hujus *caulis* elatior est [ octo interdum cubitorum ] *folia* amplissima cum *costâ* mediâ latissimâ, [ ad palmum interdum ] diversorum colorum : nec enim quæ *costæ* colore, etiam specie differunt, cum ex eodem semine proveniant, quod & Gerardus olim observavit : Nam ex semine illius quæ *costâ* fuit rubrâ in horto D. Norden lato plantæ variorum colorum enatæ sunt. Frustra ergo eas distinguunt nonnulli Botanici.

*Beta platycaulos* non est species *Betæ* à reliquis distincta, sed monstrum potius, seu naturæ vel ludentis vel deerrantis extraordinarius effectus; cujusmodi & in aliis plantarum generibus interdum cernitur.

7. *Beta Cretica* semine aculeato Ger. C. B. *Cret. spinosa* Park. *Cret. semine spinoso* J. B. *Prickseeded Beet or Candy.*

Ex radice tereti, brevi, parùm fibrosa, annua *Caules* plures cubitales & minores, per terram sparsi, rotundi, striati, ad radicem levi hirsutie canescentes, in ramulos effusi, exurgunt. *Folia* habet pauca, *Betæ* nostrati similia sed minora, longis pediculis donata, per extremum rotunda aut saltem obtusa, juxta pediculum angustum nonnihil alata. *Flores* parvi, ex flavo virescentes, spicati in ramorum extremitatibus. *Fructus* statim ad radicem multi conspiciuntur, & hinc inde per caulem ad quodlibet ferè folium, asperi, in tres spinas radiatas, in latera reflexas definentes, costis pulcris donati, transversisque cancellis: reticulati; quorum unicuique *semen* inest unum, formâ seminis Adonidis subrotundum, in apicem abiens, duplici membranulâ tectum, interiore proximè medullam albam farinaceam cingente.

Non in Creta tantùm insula provenit, sed & in Sicilia, ubi nos eam invenimus, in insula parva ad Promontorium Pachynum. Locus.

Si hæc non usurpasset nomen *Betæ* ad *Lapathum* vel *Spinachiam* potius referrem, inquit J. Banbinus. Ego de hac planta, quò scilicet referenda sit, pronunciare non aſim, cum florentem nondum observaverim.

*Beta* estur ut olus; eaque nihil in culinis usitatus. Martialis famitatem ei exprobrat hoc Disticho, Vires & Usus.

*Ut sapiant fatuæ fabrorum prandia Betæ,  
O quàm sæpè petet vina pipérque coquunt.*

*Calfact* & fíccat, laxat alvum ob nitrositatem : errhinum est, præcipuè radix; nam succus ejus naribus exceptus sternutamenta proritat, humores pituitosos è cerebro magnâ copiâ elicit, adeoque Cephalalgiam quantumvis inveteratam compescit & profligat. Hoc medicamentum à nonnullis pro secreto habetur. At Olaus Borrichius apud Tb. Bartholinum Act. Med. An. 1673. Obs. 63. ab experientia edoctus scribit succum *Betæ* esse errhinum periculosum & valdè noxium. Habui à D. Tancred. Robinson.

Plantulæ recentes cum radicibus leviter bullitæ, & ex aceto postea devorata, cibi appetentiam afferunt, sitim compescunt, cholera in ventriculo reprimunt.

*Betæ Italica* *costâ* latâ in aqua bullitæ *costæ* cum oleo, aceto & pipere conditæ delicatissimæ habentur in acetariis, summoque in pretio sunt.

*Betæ rubræ Romanæ* radices in assulas seu circulos transversim sectæ, & deinde in figuras & imagines monogrammas à coquis ad margines patinarum & fercula exornanda adhiberi solent.

Ejusdem *Betæ* radices coctæ, tum calidæ, tum frigidæ, cum olei & aceti tantillo, hyberno tempore in acetariis præcipuè sunt astimationis. Radices hæc ex plurimis circulis seu tunicarum involucris Ceparum in modum componi non sine admiratione primùm cum in Italia & Gallia in acetariis nobis inferrentur, observavimus.

Radix *Betæ* raso nonnihil cortice, ano glandis modo indita, infantium alvum ad excrementorum expulsionem invitat, præsertim exiguo sale conspersa.

## CAP. X.

## De Parietaria.

**P**arietaria dicitur hæc herba quod in parietinis exeat, item Muralis: Helxine quòd asporâ foliorum hirsutie, asperoque semine, tenaci nexu vestibus adhæreat: Perdicium à Perdicibus, quæ eam esitare solent: Vitriaria & Urceolaris quòd ob nitrositatem suam tergendis urceolis vitreisque vasis efficax sit.

Calycum & totius comæ hirsutie aspera & vestium tenaci; feminibus splendentibus quibus flosculi sunt provasculis, à reliquis dignoscitur hujus familiæ plantis.



A. 1. *Parietaria* Ger. J. B. *vulgaris* Park. *Officinarum* & *Dioscoridis* C. B. *Pellitory* of the Wall.

*Radice* nititur fibrosa, rubente. *Caules* ramosi, hirsuti, rubentes, solidi. *Folia* Mercurialis aut Majorana hirsuta, atrovirentia & splendentia, pediculis longis donata, alternatim posita. *Flosculi* conferti circa caulem è foliorum alis floccos coccinei serici imitantur primum è nodulo emicantes: post se stamina ostendunt obscure, ex albo purpurascentibus apiculis involuta, quæ si stylo evolvere coneris, subtilim excusso pulvere cum impetu, spectaculo jucundo, se expandunt repanda. Singulis flosculis calices sunt trifolii; stamina quatuor ad crucis formam se decussantes. Flos ipse rubet & vasculi feminalis vicem supplet, unicum in se semen minutum splendens, vinacei fere figurâ, continens. Flores hi semine fecundi ab aliis sterilibus quibus nullum inest semen, figurâ diversi sunt. *Vascula seminalia* aspera sunt & vestibis adhærescunt, unde & planta ipsa Helxine dicitur. Est hæc major & minor, quæ *Parietaria* Ocymi folio C. B. In horto Leydensi pro distincta specie colitur, ut ex annotatis D. Josue Palmer didici.

Locus.

In muris & locis ruderatis exit copiosè.

Descriptio est J. Bauhini, à nobis interpolata & aucta.

\* 2. *Parietaria Sicula* *Alfines* folio Boccon. *Sicilian Pellitory* with Chickweed-leaves.

A *Parietaria* minore Tragi & à vulgari Matthioli differt hæc foliis tantum, quæ minima sunt, figura atque magnitudine *Alfines* paria.

Locus.

Passim (inquit Autor) per Siciliam viret: in montibus Hyblæis, oppido Melilli vicinis, Catania, Messana & Agrigenti sæpius vidimus & legimus.

Vires.

*Parietaria* abstergit & leviter adstringit refrigeratque. Usus internus rarior est; sunt tamen qui ad tussim commendant; calculosisque & iis qui difficultate urinæ laborant succum ejus utiliter propinari dicunt. Multi hodie usûs in enematis ad ventris, uteri & renum dolores. Extrinsecus ad tumores, erysipelata, ambusta, &c. conducit. Schrod. Eiusdem leviter tussæ & impostæ vis magna ad recentia vulnera sananda esse dicitur.

Herbæ exiccata pulvis vel melle exceptus, vel in cerevisia aut zythogalo potus ad tussim inveteratam & tabem pulmonum mirificè conducit, experienciâ teste. Quin & à Veteribus adversus tussim & Asthma exhiberi solita est. Idem efficit vel decoctum ejus in vino aut aqua mullâ, vel aqua destillata: verum pulvis efficacior est.

Salem nitro-sulphureum præbet hæc planta non secus quàm *Borago* & *Buglossum*. D. Boyl. De Utilitate Philosoph. Nat. Quod sale nitroso abundet, vis ejus deterforia ostendit. Urceolaria siquidem dicta est, quod urceolis vitreisque vasis detergendis & mundandis efficax sit, ut superius monimus.

*Parietaria affinis.*

\* 3. *Alfina fetida*, Fabio Columnæ *Dioscorideæ* J. B. *Alfina Parietaria* foliis C. B. Phyt. *Cynocrambe legitima* Pon. *Cynocrambe Dioscoridis* C. B. *legitima* Dioscor. Park.

J. B.

Ex radiculis fibrosis & frequentibus caules complures enascuntur, cubito longiores, humi reptantes, teretes, crebris nodis intercepti, laves, inanes, fragiles ut *Portulaca*. Ex geniculis prodeunt folia, non illa quidem ut plurimum utrinque, sed altero duntaxat latere, (licet sit etiam ubi conjugatim adversa, ubi etiam trigemina emicent) plura simul juncta, quorum unum productioni pediculo appensum, conjugii experts, multis numeris reliqua, quæ & adversa & contrario situ posita, indidem oriuntur, magnitudine superat, Hippia maximæ paria, pinguiora, atro-virentia, attritu putidum quid redolentia. Ex opposito foliorum conjugii expertum, cateroqui ex alis, semper tamen ad genicula flosculi muscosi plures, ex albedo in herbaceum colorem languent ex duobus aut tribus foliolis, subacta bracteolarum tenuitate nitentibus, & oris plerunque extrorsum reflexis: quibus delapsis succedunt semina Cannabinis minora.

Hæc Planta *Parietaria* affinis videtur, quocirca proximum ei locum dedimus.

C. Baubinus flosculos binos, ternos aut quaternos ad singula genicula è foliorum alis exire scribit muscosos, ex herbaceo albos, plurimis filamentis donatos; quibus succedunt fructus totidem, geniculis inter folia hærentes, Mercurialis formâ, sed minores, rotundi, duriusculi, primum virides, postea nigricantes, medullâ albâ referti.

Locus.

Ex insula Capreis, ubi frequens sponte oritur, advectam habuit Columna. Circa rupes antri Frontignani, viâ Miravallis collegit V. Cl. D. Jolly M. D. Monspelienfis non procul Monspelio. Botan. Monsp. Vere floret, atque æstare perfcitur.

## CAP. XI.

## De Saxifraga aurea.

**H**erbæ nonnullæ Saxifragæ ab effectu dictæ sunt, cum aqua earum stillatitia ut & decoctum lapides renales & frangere & pellere dicatur, ut & farina granorum ad radicem [ in Saxifraga alba vulgari ] ex decocto sumpta. C. B.

Saxifraga aurea ob similitudinem quandam in foliis cum Saxifraga alba hoc nomen obtinuit. Flores autem & semina genere diversam esse arguunt, nè quid de viribus dicam. Flore flavicante tetrapetalo : vasculo seminali bicorni plurimis minutissimis seminibus repleto à reliquis hujus familiæ generibus differt.

- A. 1. *Saxifraga aurea* Ger. Park. *rotundifolia aurea* C. B. *aurea Dodonæi* J. B. *Golden Saxifrage*.

In aquosis reptat è ramulis procumbentibus fibris plurimis capillaribus longissimis albis in limum demissis. *Caules* tenues, quadrati, raris pilis hirsuti, teneri, infirmi & vix se sustinentes, solidi tamen, palmares aut longiores, *foliis* vestiti per intervalla ex adverso binis, subrotundis, Hederæ terrestribus minoribus, circum oras leviter crenatis, raris itidem pilis hirsutis. *Caules* qui flores producant reliquis erectiores, paucis foliis vestiti, primum in duos ramos divaricantur, nullo neque flore in divaricationis angulo, neque ad latus apposito folio : singuli deinde ramuli in binos alios subdividuntur, & sic deinceps, inque ipsis divaricationum angulis plerunque sedet *flos* pediculo nullo aut perbrevis, quatuor petalis exiguis acutis flavicantibus in crucis formam positis constans, cum *staminibus* & *apicibus* in medio flavis. Ad latus uniuscujusque floris apponitur foliolum. In medio flore ( qui neque defluit neque marcescit ) exoritur vasculum seminale bicorni, qui per maturitatem dehiscit, & semina aliquot parva minutissima ruffa ostendit. Sapor plantæ nobis gustantibus nullus insignis; *J. Bauhinus* subacidum & amaricantem stipticumque ei attribuit.

Ad rivulos frequens, inque humidis, umbrosis palustribus & mucosis locis. Aprili mense floret Locus & Tempus.

- A. 2. *Saxifraga aurea foliis pediculis oblongis insidentibus*. *Golden Saxifrage with leaves standing upon long foot-stalks*.

Hæc à præcedente differt, quòd non eodem modo se diffundit super terram, quòd omnibus suis partibus, caule, folio, semine major sit, quòdque folia pediculis sescunciam aut duas uncias longis insistant, sintque concinnius crenata, segmentis latis cordatis. Sub terra reptando se propagare videtur, viticulis è radice exeuntibus.

Floret cum priore & eisdem in locis oritur : Hæc species esse videtur quam describit & depingit *J. Bauhinus* qui & duas species agnoscit, diversa inquam observavi gerentem folia, ita ut diversas ejus species quis existimaret.

## CAP. XII.

## De Asaro.

**D**ictum est Asarum (si *Plinio* credamus) lib. 21. cap. 6. ab *ασηννῆ* & *ασην*, quod inter alia significat orno : non enim adhibebatur coronis. *Hofm.* Dicitur & *Νάρδος ἀγρῆς* i. e. *Nardus sylvestris*, eò quòd odore *Nardum* æmuletur, vel, ut *Plinius* quòd *Nardi* vim habeat.

An *Bacchar* idem sit cum *Asaro* vel diversum ambigitur. Vid. *J. B.* tom. 3. lib. 32. cap. 5. ubi Autor totum caput de *Bacchare* spurium & *Dioscoridis* textui insertum fuisse multis probat : Nomen autem *Baccharis* Latinæ originis esse, & Græcis antiquioribus ignotum existimat.

Officinæ ut in *Agno casto* utrunque nomen conjunxerunt, hanc plantam *Asara baccara* appellant.

*Asari* notæ sunt cytini in tres lacinias divisi : lacinia hæ sunt calyx floris, cui subest fructus in terena pariter loculamenta distinctus, & per maturitatem in tres carinas dehiscens : Folia crassa, colore *Hederæ* & ferè consistentia.

1. *Asarum* Ger. J. B. C. B. *vulgare* Park. *Asarabacca*.

*J. B.*

Non immeritò *Nardis* *Asarum* accensuit Antiquitas, tanta est in radice tenui reptatrice odoris affinitas : folia verò *Cyclamini*, circinata rotunditatis lato virore supernâ parte splendent, rigida, infernâ autem magis albescent, tenerâ lanugine pubescentia utrinque, magis tamen infra quàm supra : inter folia proximè terram in brevibus pediculis hirsuti, sexanguli cytini, purpurascens, *Hyoicyami*, in tres lacinias divisi oriuntur, internè atro-purpureas, externè ex virore rubescentes, medium



dium occupantibus *staminibus* purpureis. Cytini per maturitatem in tres carinas finduntur, seménque ostendunt, acinis uvarum quoad formam externam simile, tuniculâ fuscâ, quæ medullam intus albam continet, gustu acriusculam.

Radices Asari crudi quamvis magna cum anxietate vomitum cieant, in aqua autem non in vino incoctæ mutantur in deoppilans, diureticum & tardarum febrium remedium, quod occulta tum in eo atoma prodit: ad hoc tanquam ad sacram anchoram confugiebat D. Oheimius in febribus diuturnis ab hypochondriorum inveteratis obstructionibus dependentibus. Frid. Hofmannus M.M. lib. 1. cap. 12. Asarum in infuso conveniunt unde mitius evadit, in decocto vis volatilis magis abigitur, unde vomitorium ferè esse definit, nisi levis sit decoctio. Radicem quam folia mitiorem deprehendimus: moriebatur hypercatharsi vir quidam robustus qui cochlear unum foliorum pulveris sumpsérat, frustra datis Antidotis. *Wedelius* de S. Med. fac. p. 158. Adnotavit & ad me transmisit D. *Edv. Hulse*.

Crassam pituitam & utramque bilem per vomitum ac nonnunquam per secessum violenter expurgat Dof. radice à 3ß. ad 3j. in substantia, à 3j. ad 3iij. in infuso. Folia exhibentur num. 6, 7, 8, 9, infusa, cocta & expressa.

Diureticum est & emmenagogum insigne: unde Meretriculæ plus satis frequentant decoctum ejus, cum sentiunt se gravidas. Quo tenuius est tritum eo magis urinas movere, minus autem alvum ducere creditur.

In Arthritide & dolore ischiadico, inque Hydrope & febribus, præcipuè tertiana & quartana, tandemque in ictero utile esse censetur. Folia in vino aut aquâ decoquunt, & decoctum molle edulcorant: ad arthritidem in fero lactis.

Melues monet cum pro purgatione coquimus debere coctionem esse mediocrem, aliàs perituram, primum quidem vim vomitoriam, deinde purgatoriam quoque. Unde præceptum nos capere par est, si volumus ut per inferiora tantum purget decoquamus plusculum. C. *Hofman*. Vomitorium ex præscriptione Nicolai *Chefneau*. R. pulver. radic. Asari à 3ß. ad 3iij. capiat ager cum hydromel. aut Oxymel.

Aliud. R. Decoct. radic. Asari aut sem. 3iv. Propinetur post cibos pingues & liquidos, eosque diversos. *Rondelet*. Communicavit eruditissimus vir & vetus amicus noster D. *Edv. Hulse*.

\* 2. *Asaron Canadense* Cornuti.

*Cornut*.

Hujus facies à nostrate partium amplitudine potius quam viribus distat. Mox ubi bruma confecta est apud nos supra terram emergit, sine caule, foliis hederaceis mollioribus, non circinata rotunditatis, non convolutis in se, nec splendidis; sed expansis, & in mucronem desinentibus, adjectaque minuta cæsarie hirsutis. Foliorum pediculi vitiles, florumque cytini pari lanugine pubescunt. Pro flore ab radice prodeunt *caliculi* plures, quorum viridis color languescit: dum hiant singuli in tres cultratos velut mucrones dissecantur; qui non intro flectuntur, sed in exteriora invertuntur: Cujusque floris cavitate delitescit *semen*, acinosum, mordens gustu, fervensque in ore. *Radicis* carnosa, vivaxque terram obliquè perrepat, ab ea longiores fibræ profluunt suavissimi odoris, Acoro similis intensiorisque. Hæ singularem vino gratiam adjiciunt, si pinsitæ linteique nodulo inclusæ in cadum musti colentur, cum pondusculo ut fidant, trimestrique spatio macerentur ante usum.

*Asarinam foliis Asari* C. B. *Asarinam* Matth.

Clusius in Histor. Tussilaginem Alpinam secundam esse suspicatur, quod & nobis verisimile videtur.

C A P. XIII.

De *Alchimilla*.

**A**lchimilla dicitur hæc herba quod Alchimistarum præconiis celebrata sit; Pes leonis à foliorum forma.

*Percipierre* dicta plantula Alchimillæ propriè dictæ species non est: Differt enim & situ florum, & foliorum ex quibus componuntur numero, & seminibus in singulis vasculis singulis, non binis ut in Alchimilla. Confer si placet descriptiones.

Notæ Alchimillæ genericæ sunt flosculi in summis caulibus, octonis foliis herbaceis compositi, vasculis feminalibus, singulis bina semina continentibus infidentes, umbellatim congesti.

A. 1. *Alchimilla* Ger. *vulgaris* Park. *major vulgaris* C. B. *Pes leonis* sive *Alchimilla* J. B. *Ladies mantle*.

*J. B.*

Ex radice minimi digiti aut pollicari crassitudine, plurimis fibris donatâ, strenuè adstringente & desiccante caules surgunt aliquot tenues, teretes, hirsuti, ramosi, dodrantes, quibus infident flosculi herbidî, umbellatim congesti, quorum singuli octonis constant foliolis, majoribus quatuor, totidemque minoribus, alternatim positîs, in quorum medio apiculi lutei. Flosculi summis vasculis feminali-

feminalibus insident, suntque eorum velut umbilici. In singulis vasculis bina continentur semina parva, non exactè rotunda, sed ex una parte productiora, splendens. Folia alia statim à radice exoriuntur longis, sesquipalmaribus, pediculis hirsutis, alia cauli pediculo aut brevi aut nullo adherent. Cæterum folium ad Malvam accedit, ex luteo virefcens, infra hirsutum, in octo aut novem angulos obtusos seu plicas divisum, in singulos angulos singulis nervis à pediculo prodeuntibus, concinnè in ambitu crenatos.

In pratis & pascuis, præsertim montosis, sæpius spontaneam invenimus. In Septentrionalibus *Locus & Angliæ montosis pascuis Eboracensibus & Derbienfibus abundat, ubi à vulgo Pes urfi Bears- Tempus.* foot dicitur. Æstate floret.

Dicitur autem *Alchimilla* quòd Alchymistarum præconiis celebrata sit: Germ. chirurgis Sani- cula major, quòd sit illi tum facie, tum viribus admodum affinis.

Vulneraria est è nobilissimis. Calfacit, siccat, astringit, sanguinem sistit, mensesque & alba mu- *Vires.* lierum profluvia. Folia & summitates atque etiam radix vulnerariis potionibus, pulveribus, empla- stris atque unguentis adjiunguntur.

Mulierum mammas impensè laxas linteam ejus decocto intinctum & impositum duras solidas- que efficit. Decoctum hoc interanea vulnera rupturasque glutinat: idem decoctum, aut arida herba pulvis in eodem aut aqua stillatitia sumptus rami- ces intestinorum, potissimum in pueris sa- nat. J. B. è Fuchio, quem consulat qui plura velit. Præcipua est in hac planta vis adstrictoria qua mediante agit quicquid agit.

\* 2. *Alchimilla minor* Morif. Præ- lud.

Præcedenti in omnibus accedit excepta partium parvitate. Est enim triplo vulgari in omnibus minor, ejusque folia dilutius virent.

\* 3. *Alchimilla minor quinquefolia* Park. *Alpina quinquefolia* C. B.

C. B. prod.

Radice[m] habet oblongam, nigricantem, fibras plures de se emittentem, ex quo folia aliquot parva, longis pediculis donata & glabra prodeunt, quæ in quinque lacinias ad pediculum, hæque in profundas crenas dividuntur: inter quæ pediculi bini ternive, tenues, glabri trium quatuorve uncia- rum longi, reclinati: quorum summitatibus flosculi, vulgari *Alchimilla* formâ & colore similes, trifolii, pallidi ac herbacei, singuli singulis minimis pedicellis donati quasi umbellæ insident.

In monte S. Bernhadi majoris & Gotthardo locis humidioribus, Augusto florens reperitur. *Locus.* Planta hæc si à C. Bauhino rectè describatur flore trifolio, *Alchimilla* species non est: quò ta- men referri debeat nescimus, ideòque loco movendam non duximus donec certius constiterit.

A. 4. *Alchimilla Alpina pentaphyllos. Pentaphyllum* sive potius *Heptaphyllum argenteum. Flore musco*

J. B. *Tormensilla Alpina folio sericeo* C. B. *Torm. argentea* Park. *Cinquefoil Ladies* mantie.

J. B.

Radice[m] habet crassam, longiusculam fibratamque ex rubro nigricantem, nunc singularem, nunc in multa capita divisam: pediculi palmares circiter, argentea lanugine obducti folia sustinent in quin- que aut septem segmenta ad pediculum usque, ut plurimum divisa, per extremum serrata, subtus argenteo nitore splendens, molli- que villo tecta, superius atrovirentia, glabra: caules dodranta- les & majores, tenues, paucis foliis vestiti, ramosi muscosos confertos gerunt flosculos *Alchimilla* modo, singulos quaternis foliolis virentes foris incanis hirsutisque. Adstrictionem aliquam perci- pinus in foliis.

In celsioribus montium jugis gelidisque cautibus occurrit, autore Lobelio: nos in monte Jura *Locus.* propè oppidum *Fay* invenimus: item in rupibus juxta stagnum *Huls-water* dictum, non longè à *Pereth* oppido, in Westmorlandia Angliæ provincia.

## C A P. XIV.

### De Percepier.

**P**ercepier seu *Percepierre* vox est Gallica Saxifragam denotans: Hæc enim plantula calculis comminuendis efficax censetur. Non est autem cur *Percepier* Anglorum dicatur, quasi An- gliæ propria sit, cum in exteris etiam regionibus satis frequens occurrat; nisi fortè hoc titulo intelligant non Angliæ peculiarem esse hanc herbulam, sed tantum hoc nomine Anglis notam: sic cum *Geranium batrachoides Germanorum Gratiam Dei* appellant, non intelligant hanc plantam Ger- manicæ peculiarem esse, sed tantum *Gratiam Dei* Germanis dici.

A. *Percepier Anglorum*, Lob. Ger. emac. Anglorum quibusdam J. B. *Polygonum Selinoides* Park. *Chærophylo nonnihil similis* C. B. *Alchimilla montana minima* Col. *Parlepier.*

Radix in plantis quas erui tenuis, simplex, paucis & tenuissimis fibris donata, lignosa; unde emer- gunt cauliculi complures, tenues, palmares, teretes, hirsuti, quos è geniculis crebris ad summum usque foliola stipant subrotunda, tripartita ferè, profundè laciniata, ad Geranii columbini folia quadante- nus



nus accedentia, licet minora hirsutaque, alternatim posita, inferiora quidem pediculis donata, superiora brevi aut nullo, viridi dilutiore colore, inferne albidiora.

Ad singula genicula folii pediculus in sinum foliaceum dentatum dilatatur, qui & caulem ipsum & geminum flosculorum ordinem amplectitur. Flosculi namque ad singula genicula exceptis tribus aut quatuor imis, pediculis brevibus in duos ordines dispositi sedent, herbacei, è quatuor foliis compositi, quibus subsunt utriculi semina intus singula continentes Milii aut Panici effigie sed minora.

Inter segetes & in solo restibili steriliore passim.

Vehementer & repente urinas ciere & calculum comminuere dicitur. Crudum estur ut olus, tum muria conditum asservatur, & ex eo aqua stillatitia magno usu elicitur.

Locus.  
Vires.

## CAP. XV.

## De Scoparia sive Belvedere Italarum.

**S**ingularis & sui generis est planta quam Itali ob pulchrum aspectum & venustatem suam *Belvedere* appellant; Herbarii nonnulli ob convenientiam in foliis Linariæ speciem constituunt.

An ad hoc genus propriè pertineat nec nobis nondum constat, cum flores & semina nec ipsi hætenus observavimus, nec Botanici in eorum descriptione consentiunt.

*Scoparia, sive Belvedere Italarum* Park. parad. *Scoparia sive Oxyris Græcorum* Ger. *Linaria Scoparia* C. B. *Linaria Belvedere dicta* J. B.

J. B.

*Radix* habet multis nigricantibus fibris compositam; estque planta perquam surculosa, rigidula, fragilis, cubitali altitudine. *Folia* quam vel Lino vel Linariæ vulgari longiora, frequentiora, incondita, sapore subamaro. *Flosculi* secundum caulem & alas herbacei, vel etiam purpurei, obtutum præ parvitate propemodum fugientes, quibus succedunt exigui loculi in quibus *semen*. Parkinsonus flores in *semina* parva, rotunda, ex cinereo nigricantia abire scribit. Casalpini *semina* ei exigua, neque multa inter folia sine flore attribuit. Verum *flore* non carere J. Bauhini, Dodonæi, Parkinsoni consensus & autoritas, & ipsa experientia convincit; an verò semina nuda ad singulos flores proferat, an conceptaculis inclusa, mihi non constare fateor.

*Flores* minimi sunt, herbacei, quinquepartiti cum stylo in medio, in alis foliorum absque pediculis sessiles, conferti in summis caulibus & ramulis velut in spicas breves ex alis foliorum majorum egressas: Spicæ autem ex flosculis & foliolis inflexis eos occultantibus componuntur. *Semen* in horto nostro ad maturitatem non perduxit, ideoque de eo nihil dicendum habemus.

Æstate viret ac viget, sub Autumnum semen maturat, seque ex semine deciduo quotannis renovat, est enim teste J. B. annua herba; etiam in calidioribus regionibus. Apud nos primis statim pruinis corrumpitur.

Italici ob ramulorum densitatem & foliorum frequentium gratum virorem in pretio est, unde non in hortis duntaxat serunt, sed etiam in fætilibus alunt ad fenestras exornandas.

## CAP. XVI.

1. *Camphorata hirsuta* C. B. *Camph. Monspelienfium* J. B. *major Monspelienfium* Park. *Monspelienfium an Chamæpeuce Plinii* Lob.

J. B.

**R**adix habet pollicaris ferè crassitudinis, multorum capitum; caules emittentem lignosos, crassiusculos, cubitales aut breviores, ramosos, subhirsutos, albicantes; per quos videntur nodi, alternatim positi; è quorum singulis confertissima prodeunt foliola, trientem uncie non excedentia, tenuia, pilosa, mediocriter rigida, odore aromatico, sapore aliquantulum acri. Augusto & Septembri florens (inquit D. Magnol) herbaceum producit vasculum, ex quo quatuor, parva stamina prodeunt, quorum quodlibet apicem rubrum, vel potius roseum, in medio sulcatum sustinet. Succedit flori *semen* nigrum, oblongum.

Circa Monspelium, Nemausum, Avenionem & alibi in Gallia Narbonensi spontaneum observavimus.

Camphorata dicitur quòd herba digitis confricata odorem Camphoræ nonnihil referat. C. B.

2. *Camphoratae congener* C. B. *Anthyllis altera Italarum* Ger. *Camphoratae congener sive Anthyllis altera Italarum* Park.

Lob.

Surculis, foliis, ortu & facie Chamæpeucen sive Monspelienfium Camphoratam adumbrat, sed exilior tota & summis virgulis tomentosis [hoc nos non observavimus] muscosis flosculis luteo-pallentibus gustanti præficis.

Nos quanvis plantam hanc in Germania, Italia & Gallia, in arvis & vervaëtis frequentem observavimus, nunquam tamen floribus aut seminibus onustam videre contigit. *Folia* autem in cauliculis

liculis resupinis creberrima sunt, alterno situ, angustissima & mucronata, in ramulis minoribus, (qui in caule numerosissimi ex alis foliorum egrediuntur) adeò conferti ut rotos fere contegant.

*Camphorata minor* Lugd. *glabra* C. B.

Nec nobis cognita, nec hujus loci est.

## CAP. XVII.

*Juncaria Salmanticensis* Clus. Park. *Rubia linifolia aspera* C. B.

Clus.

**T**ota juncea est, sed Equiseti modo aspera & geniculata. Habet autem in singulis geniculis bina folia ex adverso sita, Asperula odorata foliis quodammodo similia, breviora tamen, & Lini sativi non absimilia.

Frequentes ramuli ex alarum sinu prodeunt, similibus foliis præditi, copiosos, paleaceos, candicantesque proferentes flores: semen deinde exile, nigricans. Radix tenuis est, candicans, non vix, sed singulis annis semine deciduo novellæ plantæ nascuntur, illo ipso anno etiam, sub finem mensis Augusti.

Provenit locis arenosis, inter vineta, secundo à Salmantica milliari. Floret Julio; semen Augusto matuum est.

## CAP. XVIII.

De Kali.

**K**ali nomen Arabicum pluribus & quidem genere diversis plantis significandis imponitur. Siquidem Kali geniculatum à Kali semine cochleato genere differt. Kali minus album, de quo superius inter Bliti sylvestris species egimus, ab utroque.

Kali geniculatum, foliorum carentiâ & furculis viridibus succulentis è quibusdam velut squamis pyxidatim geniculatis compositis, ab aliis omnibus plantis primo statim aspectu discernitur.

1. *Kali geniculatum majus* C. B. *Cali geniculatum sive Salicornia* J. B. *Salicornia sive Kali geniculatum* Ger. Park. *Glaswort* or *Saltwort*.

Hujus (ut rectè monet C. Baubinus) duæ habentur species; una simplicior & brevior, dodrantali altitudine, recta & annua, quæ sola apud nos habetur in Anglia: altera multis ramis fruticans lignosa & grandior, perpetua, quæ ad Mare Mediterraneum plurimis in locis occurrit, & culturam etiam admittit: nam J. Bauhinus scribit se habuisse Montbelgardi in horto, Monspelio delatam quæ reposita per hyemem duravit. Hanc autem ita describit:

Frutex est sæpe cubito altior, rectus, sapore salso: Folia non habet, sed ramos duntaxat teretes, densos, ut sunt folia Aizoi, Cepææ & similia, dense geniculatos, pyxidatim geniculo alio aliud excipiente, successu temporis circa radicem lignescentes, quibus succedunt novi, crassi, virides, interdum intensè rubentes: in quorum extremitate flores parvi lutei ex apicibus parvis constantes. Semina non observavi nec radicem. At Cl. Vir Andreas Cæsalpinus semina observavit. Sub squamulis pulposis (inquit) ex quibus ramusculorum compago constar, instar Lentis semina concipiuntur parva, quæ decidunt arefcentibus squamulis in hyeme.

Hæc descriptio, mutatis mutandis minori etiam speciei accommodari potest.

In salis maritimis passim & copiosissimè provenit.

Hanc (minorem sc. speciem herbaceam & annuam) in agro Lincolnienfi & alibi aceto & sale *Locum.* *Crithmi marini* instar condiunt, & asservant ad Acetaria, & *Wart* *Sampire*, i. e. Crithmum *Ufus.* palustre appellant.

- A. 2. *Kali geniculatum alterum vel minus* C. B. *Cali Arabum aliud* J. B. *The lesser jointed Glaswort*.

Hoc ex radice crassa satis multos furculos succulentos, geniculatos, pedales & bipedales protrudit: in quorum summis fastigiis proveniunt spicatim multi flosculi muscosi & herbidi, quibus subveniunt semina nigra, oblonga. Surculi ad genicula crassescunt, & superius internodium videtur inferi in inferius semper, unde observantur inferiora internodia crassiora superioribus. Hæc è D. Morisoni Hist. Plant.

Circa Tripolin obvium habuit Rauwolfius.



- \* 3. *Kali Arabicum* J. B. *Kali Arabum primum genus Rauwolf* Lugd. ap. C. B. *Arabian Glaswort.*

J. B.

*Kali* minori nostrati haud absimilis est planta : Denso prodit colicorum agmine in varios furtulos graciliores divisorum, quibus summo tenus capitula hærent penitus repleta : sub quibus angustissima acuminatæque sunt foliola, formâ & viribus *Kali* minoris jam dicti, cum levi quadam acrimonia, infernâ parte penitus alba, supernâ cinerea, inquit Rauwolfius.

Juxta Tripolim copiosissimum observavit Rauwolf. cujus cineribus ingentes naves onustas Venetiæ astransvehi ad saponem & vitra alba conficienda idem testatur.

### C A P. XIX.

1. *Kali majus semine cochleato* C. B. Ger. *majus cochleatum* Park. vulgare J. B. *Snail-seeded Glaswort.*

J. B.

**P**lanta est bicubitalis, [quando culta est intellige, aliàs vix cubitalem altitudinem assequitur,] latè se pandens, nullis spinis horrens, intensè rubens, divisa in ramos rectos, crassiusculos, cubitales; in quibus folia infima quidem palmaria, superiora minora, quoque magis ad summum scapum nascuntur breviora, incurva, ex lato principio in mucronem ferè definentia; juxta quæ veluti capitula Tragi *Matthioli* capitulis similia, sed non aculeata; in quibus semina limacibus sive cochleis similia. Sapor totius plantæ salus, ingratus. Annua est planta.

Locus.

Usus.

Ad mare Mediterraneum sponte oritur plurimis in locis. Seritur Monspelii in lacubus salis ad Sal Alkali conficiendum, cujus modum J. Bauhino referebant confiatores ipsi.

Scrobiculo effosso propè mare transversim assulas ligneas imponunt, quibus superaggerant cumulatim herbam prædictam; ex qua accenso igne stillat in subjectam scrobem liquor, qui tandem concresecens fit sal Alkali, coloris partim nigri, partim cinericei, valdè acre & catharticum, salsum. Et saxum hoc, *Kali* vocatum vel *Sode* ad vitrum conflandum aptum in Italiam inque Septentrionem ex Gallia Narbonensi & Aquitania deferunt.

Galli in tractu Montispessulano cum sale *Kali* & Oleo nativo Gabiano in fonte adversus *Bexiers* saponem parant, quem arte colorare pro libitu norunt. Ex Epistol. Med. Th. Bartholini. Habui à D. Tancr. Robinson.

- A. 2. *Kali spinosum cochleatum* C. B. *Tragus sive Tragum Matthioli* Park. *Tragon Matthioli* sive potius *Tragus improbus Matthioli* Ger. *Tragus spinosus Matthioli, sive Kali spinosum* J. B. *Prickly Glaswort.*

Sesquipalmares, interdum etiam pedales aut cubitales per terram fundit caules, crassos, succulentos, atrovirentes, multis alis brachiatos, per quos folia crebra, longitudinis uncialis, angusta, crassa, saluginoso succo prægnantia, in aculeum rigidum, pungentem definentia; è quorum finu flosculi emicant parvi, herbacei; succedente semine in cochleæ formam convoluta in vasculo acutissimis rigidis spinis per oras munito. Radix fibrosa inutilis.

Locus.

In arenosis maris litoribus frequens invenitur.

Plantam hanc (quæ nullibi apud nos præterquam in arenosis maris litoribus invenitur) in arenoso quodam agro propè Viennam Austriæ, 300. minimum milliaribus à mari remoto, observavimus spontaneam; postea etiam Florentiæ ad Arnum fluvium.

Spinæ quæ vasculum seminale in circuitu muniunt sex numero sunt, secundum Parkinsonum, in quorum medio flos albus membranaceus qui non diu durat; eoque delapso succrescit in centro mediæ partis (quæ extuberat) spina exigua.

- \* 3. *Kali Siculum lignosum floribus membranaceis* Bocconi. *Sicilian Glaswort with woody stalks.*

Radices hujus robustæ sunt, atque altius in terram descendunt, subinde humano crure, vel etiam coxa crassiores: ab his virgæ plures lignosæ exoriuntur, in tenues ramulos distributæ, circa quos folia *Kali* minoris, non temere sparsa, sed bina semper ex adverso scitè posita respondent. Flores æstate albi, quadrifolii, patuli, membranacei, instar alarum papilionis, qui longo ordine, spectabili elegantia, densè congesti, ramulos omnino geniculatim onerant. Semen cochleatum, exigua rubente tunica coopertum. Juxta Saccam, Catanam & Agrigentum reperit Autor, ubi vocatur ab indigenis *Liuta*, atque ejus cinere in linteis mundandis & dealbandis maximè utuntur.

Planta hæc cum *Kali* majore semine cochleato & *Kali* spinoso sive *Trago Matthioli* flore & semine convenit, ideoque cum iisdem meritò copulatur.

Sequentem plantam rectius ad *Aizoon* aut *Telephium* retuleris.

- \* 4. *Kali floridum repens aizoides Neapolitanum* Col. *Kali Crassulæ minoris folio* C. B. *Kali floridum repens Neapolitanum Columnæ* Park.

Col.

Radiculam promit staminis crassitie [ adulta etiam planta tenuem, parum flavicantem, tenuibus & longis fibris ] parum supernè rubescentem, & ex illa bina, crassa, carnosâ veluti vermiculata, sed latiuscula folia, supra humum expansa aut parum elata; ex quorum sinu bina alia digitali longitudine, parum canaliculata, & rotundiora, Aizoo secundo Dioscoridis æmula emittit, in summo parum crassiora, deinde ex adverso alia bina, & sic deinde in viticulos producta geniculatim alia: in ramos dividitur, & humi procumbit: Adulta autem resupinis assurgit parum viticulis, in quibus alternatim folia erumpunt, & ex illis singulæ alæ, in quibus flores in crassis petiolis, meridiano præsertim sole illustrati dehiscunt, candidis barbulis tenuibus radiantes, viginti numero ut plurimum, medium exiguum umbilicum luteum habentes, exiguis luteis staminibus compositum. His fructus succedit, quinque angulis definitus, totidemque apicibus carnosus vallatus, in quo semen copiosum, ex nigro fulvescens continetur, exiguum; & fructus stellatâ quinquepartitâ lineâ dehiscit, ut semen decidere possit, atque in hoc non parum Aizoo similis est.

Augusto mense florer, & Septembri proficiscitur; in terrenis editis locis maritimis, non arenosis, *Locus.* ut nonnisi maris æstus aspergat, & fata in hortis latè provenit, sed gracilior. Tota falso admodum est sapore, ut sal gustare censeas, succosâ, carnosâ & aspergine quadam splendida depicta. *Tempus.*

## CAP. XX.

De Herbis quibusdam minimis Polygoni nomine vulgò insignitis.

**P**olygoni nomen cum Botanicorum vulgo hoc in loco extendimus ad plantulas nonnullas comprehendendas, quæ nec genere proximo, nec alia fortasse in re quàm parvitate sua & flosculis stamineis herbaceisve conveniant. Cum enim earum partes generum indices adeò exiguæ sunt ut nudo & inermi oculo non faciliè possint discerni, satius duximus, iis omisissis, obviam & expositam parvitatæ notam pro caractere generico assumere, quàm importunâ subtilitate Lectorem fatigare eumque perplexum potius reddere quàm erudire.

- A 1. *Polygonum Germanicum vel Anabel Germanorum* Park. *Selinoides sive Anabel Ger. tertium Dodonæi, sive tenuifolium* J. B. *angustissimo & acuto vel gramineo folio minus repens* C. B. *an potius gramineo folio majus erectum ejusdem? German Knotgras* & *Anabel*.

Tota planta cineraceo colore prædita, ex radice lignosâ, fractûque contumaci, albicante cauliculos complures emittens, palmares, fili instar tenues, hirsutos, propter terram aliquando paulum rubentes, crebris nodis geniculatos; ad quorum singulos folia bina apposita, angustissima, acuta, medium digitum & amplius longa. Flosculi numerosissimi, in caulis & ramulorum divaricationibus singulis singuli sedent, inque extremis ramulis plures simul stellati, è quinque foliolis acutis herbaceis compositi. Flosculus unusquisque semini suo insidet umbilici instar, nec per seminis maturitatem decidit, sed eidem perpetuò inhæret, nec enim flos est sed potius calix floris. Caulis hujus plantulæ creberrimis subdivisionibus in numerosissimos tandem ramulos finditur, innumeris ferè seminibus onustos.

In agris sterilibus & arenosis ubique ferè invenitur.

Hujus speciem aliam in arenoso solo inter segetes observavi in Suffolciæ comitatu propè Elden vicum inter Thetfordiam & Novum mercatum oppida copiosè provenientem, quæ procumbit magis quàm vulgare *Knawel*, tenuioribus est cauliculis, brevioribus foliis, floribus majoribus, albidioribus, magisque diffusis, atque etiam hyemem fert. Huic titulum ascripti *Anabel incanum flore majore perenne*. *Locus.*

Easdem vires & usus intus & extra usurpata possidet quas Polygonum vulgare. Quoslibet ardores extinguit, fluxus ventris sistit, dysenterias scilicet, uteri profluvia, ac etiam hæmorrhagiam narium: Lapides pellit, calculum & urinam ciet. *J. B.* ex Tabernæ-montano. *Vires.*

- \* 2. *Polygonum littoreum minus flosculis spadiceo albicantibus* C. B. *Polygonum alterum Germanicum* Park.

C. B. prod.

Ex radícula candicante, tenui, longiuscula prodeunt viticuli plurimi, tenerrimi, per terram sparsi, ramosi & dodrantes, foliis oblongis, angustis & albicantibus alternatim cincti, ad radicem verò longioribus & biuncialibus. Viticulorum summitatibus flosculi plures, minutissimi, intus albi, foris spadicei insident: quibus semina minutissima & copiosissima, ut singuli coliculi eo turgeant, succedit.

In arenosis ad Wiesam fluvium propè Bafilæam Autumnno florens reperitur: alibi etiam in sabulosis ad fluminum ripas. *Locus.*

A. 3. *Polygonum*



- A. 3. *Polygonum parvum flore albo verticillato* J.B. An *Polygala repens nuperorum* Lob. Ob?  
*Polygala repens* Park. *repens nivea* C. B? cur *niveam* dicit?

E *radicula* alba, fibris pro plantulae modulo majusculis capillata plures fundit *cauliculos*, infirmos, humi procumbentes, teretes, geniculatos, rubentes, alios interdum de se ramulos spargentes: Ex quorum geniculis unciam fere à se invicem distantibus bina emergunt *foliola* Herniariae fere sed *chamaeyces* instar rotunda, pallidiuscula, concava, [nobis *Serpylli* folia exprimere videbantur] *Flores* ad caulium nodos verticillati, albi, è quinque velut theculis coagmentati, speciem vasculorum Delphinii aut Aquilegiae exhibent. Succedunt *vascula* feminalia parva, *semina* longiuscula continentia.

Locus &  
 Tempus.

Amat scrobes humidus, & loca uliginosa cum *Nummularia rubra* & *Portulaca aquatica*. Floret Julio & Augusto mensibus. Non alibi apud nos, quod sciam, provenit quam in Cornubiae parte Occidentali circa Pensantiam & alibi. Eandem in transmarinis observavimus, in Belgio & Germania.

Lobelius in Observationibus hoc describere videtur sub titulo *Polygalae repentis nuperorum*.

- \* 4. *Polygonum capitulis ad genicula echinatis* Bocconi.

Bocc.

Tenuis huic est *radix*, proluxa & dura: *Cauliculos* habet tres aut quatuor, humi jacentes, palmares, circa quos *folia* Herniariae aut Polygoni montani in crebris geniculis plura simul juncta, atrovirentia, inter quae nescio quid *flosculorum* muscosorum apparet, subsequenter verticillis, brevibus aliquot apicibus veluti echinatis, in quibus minutum *semen* includitur.

Locus.

In Ilva insula juxta Portolongoni munimenta & nova moenia visitur.

- \* 5. *Polygonum Creticum Thymi folio* C.B.

C. B. prod.

Herba est supina, humique procumbens, *cauliculis* five viticulis palmaribus, ramosis, hinc inde sparsis; *flosculis* parvis, albicantibus, pluribus simul quasi in nodis junctis; quibus foliolum Thymi formâ, modò unum, modò bina ternave, magnitudine imparia adponuntur. *Semen* pusillum ac copiosum succedit.

Non multum abluat à Polygono nostrate parvo, flore albo verticillato.

- A. 6. *Herniaria* Ger. J. B. *Millegrana major* sive *Herniaria vulgaris* Park. *Polygonum minus* sive *Millegrana major* C. B. **Rupture-wort.**

J. B.

Latè subjectum solum opacat luxurie lata complurium ramulorum, quos ex pusilla radicle fundit, hinc inde sparsos, teretes, creberrimis geniculis interceptos, ad quorum singula adversa foliola, *Serpylli* minora, ex viridi lutea, gustu acri, eisdemque locis erumpunt mirum in modum numerosis flosculi ex apiculis luteolis compositi.

Locus.

Hac duplex est, alia glabra, alia hirsuta. Glabram invenimus spontaneam in promontorio Cornubiensi *The Lizard point* dicto: Hirsutam in arenosis propè Sylvam Ducis in Brabantia, perque Germaniam, Italiam & Galliam Narbonensem copiosè.

Vires.

Epipacti seu Millegranae insignes tribuit facultates tres Anguillara. Succus ait potus aut herba esitata, vel etiam emplastri modo plagae imposita, morsus à vipera auxiliatur. Secundò emplastrum ex ea herniam mirè restituit. Postremò jecori prodest & ictero: Aqua enim destillata & pota curat intra dies octo. Camerarius aquam destillatam, Clusius decoctum Herniariae feliciter calculosis propinari referunt.

D. Coberus collutionem ex decocto Empetri Tragi. i.e. Herniariae vulgo dictae, ad dolorem Dentium certâ experientia in pluribus probatum commendat. *Hieron. Reusnerus in Observ. à Velschio editis.* Obs. 44.

Parkinsonus Herniariae alterius, quam majorem Africanam vocat, meminit; quae praecedente major erectior & ramosior est multò, in aliis parum differt. Hanc Guilielmus Boelius ex Africa secum attulit. Hac fortè est Herniaria fruticosa, viticulis lignosis, foliolis oblongiusculis, brevis, densissima C. B. Herniariae facie & folio, perampla radice Astragali Lob. In plurimis factorum marginibus circa Boutontum repit, & in sterilibus locis versus pontem Villanovae.

- A. 7. *Polygonum pusillo vermiculato Serpylli foliolo* J. B. *maritimum minus foliolis Serpylli* C. B. *Serpylli folio Lobelii* Park. alterum *pusillo vermiculato Serpylli foliolo* Penae Ger. emac. **Lobel's Knotgrass with Mother of Thyme leaves.**

Lob.

Ramulis & cauliculis furculosis, prolixis, gracilibus humi sparsis luxuriat (inquit Lobelius) E geniculis *folia* pusilla, teretia, succulenta Aizoi vel Illecebrae, Thymo parvo nostrati aequalia & similia. *Radix* praelonga, lignosa, sapore amaricante, calidiusculo.

Cum Lobelius tantum hanc plantam viderit & descripsit, (siquidem reliqui Botanici quae de ea habent è Penae & Lob. Adversariis transcribunt) sitque ipsius descriptio brevis admodum & imperfecta,

perfecti, nullâ præcipuarum partium, floris & seminis, mentione factâ, orandi sunt ii quibus videntem & florentem videre contigerit ut accuratius describere vellent; ut sciamus ad quod propriè, genus pertineat & an huius loci sit necne. Ostendit nobis D. Jacobus Newton plantulam à se in Anglia collectam radice satis crassâ, prælonga, lignosa; cauliculis & ramulis multis, confertis, humi sparsis, foliis Serpylli aut Alfinis minimæ, flosculis parvis ad cauliculorum nodos; quales autem fuerint in planta sicca observare non potuimus.

Erat hæc ut putamus ipsissimum Polygonum Serpyllifolium Lob.

D. Goodyer apud Gerardum emaculatum Ericam maritimam supinam Anglican Park. Lob. sub hoc titulo describere videtur: cujus sententiæ & ipse facillè subscriberem, si locus conveniret. Vix autem puto in collibus maritimis Gallo-provinciæ Ericam maritimam nostratam luxuriare. D. Magnol se sæpius collegisse scribit circa pratulum luci Gramuntii, & juxta viam in locis depressis à la garrigue de Perauls. Utinam accuratius descriptum nobis dedisset.

- \* 8. Anthyllidis species quibusdam J. B. maritima, Chamæsyce similis C. B. Anthyllis Valentina Clusii Ger. Polygonum Valentinum sive Anthyllis Valentina Clusii Park. Valentia Knotgrass.

Clus.

Ex unica radice multos profert cauliculos, five viticulas dodrantes, humi stratas, ramosas, subrubentes: foliola Lentis, exigua, seu potius Chamæsyces (cui tota planta adeò similis est, ut primo aspectu Chamæsyce putarem, illam tamen diligentius considerans lacteo succo carere deprehendi) & plerunque cum suis ramulis veluti quadam salugine aspersa, etiam ipsa salsi gustus. Flores inter ipsa folia enascuntur pusilli, quatuor foliolis constantes, ex albo purpurascens: radicem singularem habet nigricantem.

Hanc plantam nusquam alibi conspexit Clusius quàm ad fossas urbis Valentis in Hispania, juxta Locum. eam portam quæ Regiam arcem spectat.

J. Bauhinus folia minima ei attribuit, acervatim congesta circa nodos, multò Serpylli foliis minora, per extremum latiora & subrotunda: surculos lignosos firmos, teretes, repandos, varièque quaquaversum brachiatos. Cherlerus in montis Ceti litoralibus observavit.

9. Polygonifolia per terram sparsa flore Scorpioidis J. B. An Polygonum minus 9. sive tenuifolium, & 11. sive lentifolium C. B. minus Monspeliense Park?

J. B.

Ex radice, quæ tenuis, singularis, interdum multifida, folia emergunt Lini vel Linariæ, caules antevergentia: at illi ubi prodierint per terram sparguntur, palmares aut etiam dodrantes ramosi, foliis nullo ordine positis vestiti, Polygoni, minores, cæsi coloris, sapore nullo evidenti. In extremis ramulorum acervatim congesti flosculi, numerosissimi, Polygoni floribus similes, minores extrinsecus purpurascens, intus albi, caudam Heliotropii aut Scorpioidis aquatici circumflexu imitantes: semina parva, alba, virentibusque striis variegata.

In Etruria non longè à Viterbo, viâ quæ Romam itur, copiosam observavimus: D. Magnol as. Locum. cendendo ad montem Esperon, non procul Monspelio.

Querit idem D. Magnol, an de ista intelligendus sit C. Bauhinus in Prodr. dum Polygonum lentifolium describit, cujus flosculi in cauliculorum summis tantum siti sunt. In pinace C. B. sub diverso nomine bis ponitur. Nobis alia & diversa videtur planta Polygonum lentifolium C. B.

Planta hæc tum ob florum colorem, tum ob spicam caudæ Scorpii in modum reflexam ad Asperifoliarum genus potius pertinere nobis videtur; & Heliotropii aut Echii Scorpioidis species esse. Verum quia non constat an ceteræ notæ respondeant, non temere sollicitandam, aut locum quem occupavit movendum duximus. Alios interim quibus eam videre contigerit hortamur, ut tum flosculos, tum semina curiosius observent, quo nos omni scrupulo de ejus loco & genere liberemur.

- \* 10. Anthyllis Alpin. Exot.

Alpin.

Exigua est herbula, palmum alta, fruticosa valdè. Namque ab radice plures caules fert, numero ad minus quinque, longos, graciles, rotundos, albicantes; à quibus hinc inde brevibus intervallis exeunt surculi multi, tenues, atque breves, foliis multis minimis, Lentis magnitudine & figurâ undique circumsepti, qui & ipsorum & foliorum ipsos circundantium multitudine frutex densus admodum apparent & in orbem etiam actus. In surculorum verò cacumine flosculi parvi exeunt; quibus pro seminibus succedunt fructus parvi, oblongi, teretes, Tritici ferè magnitudine & figurâ. Tota planta albicat & salsum sapit. Radix verò longa, tenuis, geniculata, alba cernitur, eodem falso sapore gustum inficiens.

In locis maritimis [insulæ Cretæ] copiosè nascitur.

Accedit ad Anthyllidem à Clusio & J. Bauhino descriptam. Differt autem à Clusiana florum situ, qui inter ipsa folia nascuntur.

Polygonum minus Lentifolium C. B. ipso monente, cum Anthyllide Valentina Clus. quæ tota subrubens est, longè minoribus foliis, & copiosioribus flosculis ex albo purpurascens; illque non solum in cauliculorum summitatibus, confundi non debet.

Locus.



11. *Polygonum muscosum minimum* Bocconi.*Bocc.*

*Cauliculis* est pluribus, uncialibus, densè geniculatis: *Foliis* crebris, capillaribus, brevissimis, radiatim ad cauliculorum nodos dispositis: *Floribus* herbaceis, minutissimo *semine* eis succedente. Humi spargitur, Camphoratz congenerem plantam æmulans. Cum primùm exit Iulum quendam minimum primo aspectu refert.

*Locus.*

Propè Catanam in Sicilia, & in ambulacris horti Pisani crebrò reperitur, & deciduo semine se propagat. *D. Magnol* Maio mense copiosum observavit in satis luci Gramuntii propè Monspelim. Modò viride est, inquit, aliquando purpurascens. Ob parvitatem plantulæ, ut verisimile est, nondum fuit observatum.

HISTO-

# HISTORIÆ PLANTARUM

## LIBER QUINTUS.

QUI EST

De Herbis flore Composito planifolio, natura plerun-  
que pleno, lactescentibus.



**F**LOS *compositus* seu *aggregatus* nobis dicitur qui ex pluribus flosculis in unum totalem ( ita enim cum Philosophis loqui liceat ) florem coeuntibus constat; quorum unusquisque non tantum folio seu bractea colorata, verum insuper vel staminibus, vel stylo saltem constat, & singuli singulis seminibus coherant. Huiusmodi flos ab *umbella*, *corymbo*, *spica* differt quod flosculi omnes communi Perianthio includuntur & continentur, quod plerique petalorum majorum circulum medium orbem radiatim cingentium obtinent, quodque flosculi singuli singulis seminibus nudis arcte stipatis insident.

Herbæ flore composito sunt vel succo lacteo prægnantes, flore planifolio, naturâ plerunque pleno : plerunque dico quia in paucis quibusdam huius generis, h. e. lactescentibus, ut v. g. *Chondrilla cærulea* *Cyani capitulis* *C. B.* flos discoides est : vel succo limpidiore. Hæ autem vel sunt flore *discoides*, hoc est, ex pluribus brevibus compressis & confertis flosculis ( quos nonnulli perperam stamina vocant ) in unam quasi apparentem superficiem digestis composito; vel flore *fistulari*, qui ex plurimis concavis oblongis flosculis ad margines in longas lacinias dissectis componitur, ut *Cyani*, *Faceæ*, &c. Hoc genus herbæ *capitæ* dicuntur, quoniam calyx earum squamosus in ventrem plerumque extumescit. Quæ flore discoides sunt distinguuntur in *Papposas*, quorum scilicet seminibus pappus seu lanugo innascitur; & *Corymbiferas*, quarum semina solida sunt seu pappo destituta.

Alii vulgò hoc genus herbas flore composito donatas primariâ divisione in *Papposas* & *Corymbiferas* distinguunt; *Papposas* deinde in *Capitatas* & flore discoides præditas. Verum quoniam ex *papposis* dictis, & iis qui seminibus solidis sunt, ( ita enim cum aliis vocamus commodioris vocabuli inopiâ ) seu *Corymbiferis* nonnullæ insignibus notis conveniunt, nimirum succo lacteo & flore planifolio naturâ pleno, quæ huiusmodi sunt omnino conjungendas censui, ideoque novum genus constitui Herbarum flore composito planifolio naturâ pleno, lactescentium.

Not. Jo. Bauhinum *Corymbi* nomen floribus compolitis non *papposis* attribuere, initio lib. 26. *Historiæ Plantarum*. Cum enim (inquit) apud Plinium legimus *comantes auri fulgore corymbos* dictos flores, seu ut ille ait, fructus *Chrysocomes*, estque *Corymbus* quodvis summum, unde & Columella de *Cinara* dixit,

*Hæc modò purpureo surgit glomerata Corymbo.*

Et pleræque huius generis florem gerant densum & in capitulum aggestum quendam flosculorum stipatum, eum *Corymbi* nomine tantisper complecti libuit, dum tu [ Lector ] certius ac melius invenias nomen; & plantas huiusmodi floribus insignes *Corymbiferas* dicimus. Hunc & nos sequimur, nec sine ratione cum flosculos in capitulum aggestos, & in gibbam seu globosam figuram non rarò extuberantes merito *Corymbos* dixeris.

U

*Herbæ*



Herbæ flore composito seu aggregato, sunt vel eodem

[Planifolio naturâ plerumque pleno, lactescentes, quæ vel seminibus sunt

[Papposis seu alatis,

[Latiusculis & compressis, brevibus, utrinque acutis; Caulibus

{ Gracilioribus, firmioribus, solidioribus & minùs concavis, capitulis angustioribus & minoribus: LACTUCA, cujus duo sunt genera, alterum esculentum, succo lacteo dulci prægnans; *Lactuca sativa*; alterum non esculentum, odore opii, costâ folii spinosâ, *Lactuca sylvestris*.

{ Majoribus seu crassioribus, tenerioribus, fistulosis, capitulis latioribus, floribus grandioribus, foliis carduorum spinosis, spinulis mitioribus: SONCHUS.

[Teretiusculis aut angulosis, crassitie latitudini ferè æquali, oblongis,

[Majoribus, flore circa meridiem se claudente, calyce

{ E simplici foliorum acutorum florum petala longitudine excedentium ordine composita, foliis granineis, radice annua: TRAGOPOGON.

{ Squamoso, squamis majoribus, non ultra florum petala excurrentibus, radice in plerisque crassa, vivaci: SCORSONERA.

[Minoribus,

[Erectiores & non repentes, foliis plerumque laciniatis, caule

{ Ἀκλῆν, seu non ramoso, foliis nudo, flore in fastigio unico magno: DENS LEONIS.

{ Ramoso, foliis cincto, floribus in singulis caulibus pluribus, semine

{ Citrino, aut ruffo, majore: HIERACIUM.

{ Nigro minore; seu elatior, caule multis foliis cincto; *Hieracium fruticosum*; sive humilior, paucis in caule foliis; *Pulmonaria Gallorum*.

{ Reptatrices flagellis emissis, foliis longioribus pilis obsitis: PILOSELLA, *Anricula muris*.

[Solidis & pappo destitutis, foliis & caulibus

{ Spinosis, Carduorum in modum, lacteis lineis notatis: ERYNGIUM LUTEUM, *Cardus chrysanthemus*.

{ Lævibus, floribus

{ E lateribus caulium & ramorum exeuntibus, cæruleis: CICHOREUM, *Intybus*.

{ Summos caules & ramulos terminantibus; *Hieracioides* seminibus solidis: His accensemus *Cichoreum verrucarium* dictum, *Lampsanam*, *Hieracium stellatum* & *falcatum*, quarum flores flavi sunt & Hieraciformes.

{ Quæ Chondrillæ nomine feruntur plantæ, vel ad Lactucas sylvestres, vel ad Hieracia referri possunt.

[Discoide, hoc est ex pluribus, brevibus, compressis & confertis flosculis, (quæ nonnulli perperam stamina vocant) in unam quasi apparentem superficiem digestis composito. Hæ vel sunt seminibus

[Papposis, quæ vel sunt floribus [cum cauliculis]

[Erumpentibus ante folia, & brevi marcescentibus,

{ In singulis caulibus singulis, radiatis, foliis subrotundis unguæ equinæ figurâ, subtus præcipuè incanis: TUSSILAGO, *Bechium*.

{ In uno caule pluribus, in thyrsum dispositis, nudis, foliis subrotundis *Bechii*, sed majoribus: PETASITES.

[Post folia exeuntibus, disco

[Radiato, foliis

{ Spinosis Carduorum æmulæ, foliis florum marginalibus siccioribus & exuccis, cuspidatis: CARLINA, *Chamæleon*, *Acarna*.

{ Lævibus seu mitibus absque spinis,

Maximis

{ *Maximis*, oblongis, acutis, subtus incanis, floribus itidem maximis, flavis,  
radice crassa, aromatica: *HELENIUM*, *Enula campana*.

{ *Minoribus*, floribus

{ *Aureis*, amplis, sparsis, in summo caule & ramulis in pediculos prælongos excur-  
rentibus singularibus, petalis discum ambientibus longis; foliis in genui-  
nis speciebus subrotundis, radicibusque tuberosis & vi deleteria præditis:  
*DORONICUM*.

{ *Pluribus in caule*, in brevioribus pediculis, barbulis discum ambientibus itidem  
brevioribus; foliis productioribus & angustioribus; radicibus innocuis;  
florum petalis

{ *Succulentioribus* & brevi marcescentibus; foliis & coma

{ *Odoratis* & plerunque tactu glutinosi aut pinguib: *CONYZA*.

{ *Inodoris* aut minus odoris;

{ *Integris*, floribus

{ *Majoribus*, stellam radiantem æmulantibus: *ASTER*, è qui-  
bus, maritima quæ est florum petalis marginalibus purpuraf-  
centibus *Tripolium* dicitur; quæ barbulis & disco flavis *Crib-  
num Chrysanthemum*.

{ *Minoribus*, in summis caulibus confertis in thyrsum aut um-  
bellam, aureis: *VIRGA AUREA*.

{ *Laciniatis*; floribus in summis caulibus velut in umbellam dispo-  
sitis: *JACOBÆA*.

{ *Exuccis* & *aridioribus*, unde durabiliores sunt, nec citò marcescunt, co-  
lorisque gratiam diu retinent siccata,

{ *Frontatis* aut *velut bullatis*, aliàs flavicantibus; *STOECHAS CITRINA*;  
aliàs albescentibus, ut in *Gnaphalio Americano*.

{ *Cuspidatis*: foliis

{ *Integris*; *JACEA Oleæ folio*.

{ *Laciniatis* & spinosis Carduorum æmulis; *CARLINA*.

{ *Laciniatis*, floribus flavis aut purpurascens; *SENECIO*.

{ *Digitatis*, floribus purpurascens velut in umbellam dispositis;  
*EUPATORIUM Avicennæ*

{ *Integris*, floribus

{ *Purpurascens*, vel foliis subrotundis maximis; *CACALIA vulgaris*;  
vel foliis longis; *Eupatorium Canadense Cornuti*.

{ *Flavis*,

{ *Maritima* & incana odore aromatico; *GNAPHALIUM maritimum*,  
*Mediterranæ*,

{ *Major*, floribus flavis velut in umbellam dispositis, *Conyza* fa-  
cie; *BACCHARIS Monspelienfium*, &c.

{ *Minor*, tota tomentosa & incana, flosculis minimis; *GNAPHA-  
LIUM*.

{ *Solidis* seu Pappo destitutis: Vide Tabulam Libri Octavi.



## SECTIO PRIMA.

De Lactescentibus Flore composito papposis.

## CAP. I.

De Lactuca.

**L**ACTUCA [*ἑπίδαξ*] quod copiâ lactis exuperet dicta est, quodque feminas nutrientes lacte impleat.

Hujus notæ peculiare, quibus à congeneribus distingui possit, sunt Semina brevia, latiuscula & compressa, utrinque acuminata; caules graciliores, firmiores & minus concavi, capitula minora.

Hujus duo sunt genera, sativum & sylvestre.

Ad posterius genus reducimus Plantas nonnullas Chondrillæ dici solitas; unam etiam cujus semen Lactucæ semini non responderet, ob capitula parva quibus Lactucam refert; nimirum *Chondrillam vimineam* dictam.

## LACTUCÆ SATIVÆ.

1. Lactuca Sativa C. B. Ger. *sativa non capitata* J. B. Garden Lettuce.

J. B.

**F**olio est Endiviæ, longo, lato, rugoso, pallidè virente, lacte prægnante per primam adolescentiam grato, tandem amaro & cibis abdicato, quod fit ubi caulescit planta. *Caulis* firmus, teres, gracilis, sesquicubitalis & altior, in ramos dividitur, crebrò deinceps dividendos: Quorum extremis *flosculi* hærent lutei, parvi, ex squammato capitulo profilientes; quibus in pappos facessentibus *semen* succedit parvum utrinque acuminatum oblongum compressum, coloris cinerei.

Seritur in hortis.

*Locum.  
Vires.*

Lactucæ sativæ refrigerant, stomacho gratæ habentur; bilis effervescentiam & æstum compescunt; somnum conciliant. Declinante ætate (inquit *Galenus*) ex se insomni, graviter hoc incommodo afficiebar: Adversus quod unicum mihi præsentissimum remedium Lactuca vespere commanducata fuit. Plerique antequam excaulescat in aqua elixâ utuntur, ut ego jam facio (inquit *Galenus*) ex quo dentes mihi deteriores esse cœperunt. Lac augent, alvum leniter movent; [neque alvum cohibent, uti neque impellunt] ventriculo conveniunt, multique ac laudabilis nutrimenti sunt, verum decoctæ magis alunt, coitum tamen avertere dicuntur, & si assidue edantur visus hebetudinem inducere.

In phrenitide, delirio, febre ardente, &c. applica temporibus & futuræ coronali, imò carpis, nempe linteam duplicatum aut triplicatum permadefactum aquâ Lactucæ, in qua v. g. in lb i. pond. medicin. Salis nitri pp. & crySTALLIZATI, aut Salis Prunellæ ʒi dissolutæ fuerint: Quod medicamentum longè præfero his in casibus oleo rosaceo cum Lactucæ succo permisto. *Simon Paullus.*

2. Lactuca capitata Ger. C. B. Park. *sativa vulgaris capitata* J. B. Cabbage Lettuce.

*Folia* huic breviora, latiora, extrema circumscriptione rotundiora quàm sativæ vulgaris, plana & lævia, quæ brevi in caput rotundum conglobantur, Brassicæ capitatæ in modum. *Semen* priori simile, sed nigrum.

Dodonæus Lactucam sativam culturæ mangonio folia ita mutare scribit, ut vel crispentur, vel ita in se contrahantur, ut capitatam Brassicam æmulari videantur. Eiusdem sententiæ J. Bauhinus etiam esse videtur. Verum tum figura foliorum, tum seminis color, si perpetuò niger sit nec unquam mutat, differentiam specificam (ut vocant) arguit.

*Lact. Capitata  
major.*

Parkinsonus Lactucæ Venetæ capitatæ meminit, cujus capita in eam magnitudinem interdum excrescunt ut caput humanum æquent. Hujus, inquit, semen album est; *caulis* humanam altitudinem assequitur. Post solstitium æstivum seritur pro acetariis hybernis. Hæc proculdubio est, quam J. Bauhinus Monspelii abundare scribit, tantæ magnitudinis, ut una patinam satis amplam repleat, tota hyeme in usu. Alterius etiam speciei meminit Jo. Bauhinus cum pluribus capitibus, quæ vix (inquit) differre videtur à cæteris capitatis, capita tamen minora; alteram tamen speciem existimârim, quandoquidem ex particulari semine nobis provenit. Hæc ille.

3. Lactuca rubra J. B. *maculosa* C. B. Red Lettuce.

Cæs.

Rubra est hæc species, ac si vinum foliis esset aspersum, latissimis foliis constat ac patulis; dulci-  
or cæteris sed durior, idcirco recentia tantum folia secant, regerminat enim diutius antequam cau-  
lescat: Semina ei nigra. Hæc J. Bauhinus ex Cæsalpino.

Hujus-

Hujusmodi Lactucam in hortulo nostro habuimus sapius, quæ foliis erat brevioribus & rotundioribus quàm Lactuca vulgaris.

4. *Lactuca Romana longa dulcis* J. B. *Lactuca Intybacea* Ger. foliis *Endivie* C. B. & *Lac. folio obscurius virente, semine nigro* ejusdem. *L. Romana rubra*, & *L. Romana alba* Park. parad. **Roman Lettuce red and white, or Endive-leaved Lettuce.**

J. B. Cæs.

Folium huic angustius est & productius, planum & minimè rugosum aut bullatum, modicè sinuatum, & inferna parte secundum costam spinulis armatum. *Flore* est & caule Lactucæ vulgaris, sed *semine* succedente nigro.

Duplex est, *alba*, & *nigra* seu *fusca*: Est autem omnium Lactucarum maxima. In caput non surrigitur (inquit Cæsalpinus) nisi vinculo alligentur folia, sic enim candidissimam reddi & fragili ténéritudine ceteras vincere.

J. Bauhinus se ignorare scribit an Lactuca sylvest. lato folio culturâ mutari possit in Romanam, quæ cum sylvestri communes habet spinas in dorso & alia quædam. Hoc nobis minimè verisimile videtur, siquidem odor virosus & vehemens opii, folia in caule superiora valdè laciniata, totus denique habitus plantæ reclamationat.

- \* 5. *Lactuca longo & valdè angusto folio* J. B. *folio oblongo acuto* C. B. Park. **Sharp-pointed Lettuce.**

J. B.

Huic *folia* à radice statim oriuntur multa, palmum aut sesquipalmum longa, unciam unam aut alteram lata, superiora verò ut breviora, ità angustiora, spinulis quibusdam per margines donata, utraque verò acuminata. *Caulis* cubitalis & sesquicubitalis, ramosus. *Flores* & semen cum Lactucis vulgaribus eadem, sed semini color fuscus.

6. *Lactuca crispa* C. B. Ger. Park. *crispa, laciniata* J. B. **The broad-leaved curled Lettuce.**

Hæc *folio* est latiore & brevior, calore viridior quàm proximè sequens, ad margines quidem laciniato & dissecto, minùs tamen tenuiter & profundè quàm illa: *Semine* nigro.

7. *Lactuca crispa altera* C. B. *crispa minor* Ger. *crispa & tenuiter dissecta* J. B. **Curiously cut and wabed curled Lettuce.**

Hujus *folia* pallidiùs virent quàm præcedentis, laciniis tenuioribus & profundioribus incisa, iisque undulatis intro forisque flexis reflexisque crispa, pulcherrimo aspectu. *Flores* conveniunt. *Semen* album est. In parèem cum præcedente altitudinem assurgit.

## LACTUCÆ SYLVESTRES.

1. *Lactuca foliis quernis, an Lactuca Italica laciniata* C. B? **Oak-leaved Lettuce.**

**H**ujus folia figurâ suâ & laciniis Quercus folia quadantenus referunt, sùntque viridiora paulò quàm Lactucæ vulgaris, minora, & ad radicem pauca antequam excaulescat. In summa hæc planta toto habitu propiùs accedere videtur ad sylvestres Lactucas quàm ad sativas.

*Lactuca Italica laciniata* C. B. folio est tenuissimo, pallidè virenti, in plures partes semi-palmares & laciniatas diviso, per reliqua vulgari Lactucæ similis, quæ esu tenerrima. Hinc à nostra specie diversa videtur.

Nobis ex semine Londino accepto succrevit.

Tragus Lactucam suam secundam ait esse foliis Quercinis incis.

- A. 2. *Lactuca sylvestris major odore Opii* Ger. *emac. sylv. odore viroso* C. B. *Endivie foliis odore viroso* Park. *sylv. lato folio, succo viroso* J. B. **The greater strong-scented wild Lettuce.**

J. B.

Ex radice minimi digiti crassitudine, candida, paucis fibris capillata, caule tricubitali & altiore adolefcit, satis crasso & rigido, tereti, lævi, inani, ramoso, lac perquam amarum, tetro & viroso odore opii, ex radice & caulis vulnere fundens. *Folia* infima lata, Intybo sativo proxima, nigricantia, non laciniata, sed spinulis duntaxat levibus per ambitum quasi serrata, ad medium ferè caulem: superiora verò profundè laciniata, Lactucæ sylvestris Fuchsi & aliorum in modum, quæ terram spectant spinulis per costâ longitudinem hispida. *Flores* conferti Lactucæ, colore luteo, calice squamato, subrubente. *Semen* ex copioso tomento pendulum, nigrum.

In aggeribus fossarum nascitur, inque lapidosis saxosisque locis, minùs tamen frequens.

Quæ de viribus Lactucæ sylv. veteres prodiderunt, quòd scilicet semen ejus non minùs quàm sativæ libidinum imaginationes in somno amolitur, & Venerem arcet; quòdque succus ad eadem valet, an huic plantæ conveniant dubito. Narcoticam eam esse & soporiferam, adeoque viribus Papaveri similem,

Locus:  
Vires.



similem, ut Dioscorides & Plinius tradunt, Opii vehemens & virosus odor abundè convincit. Verùm omnia in genere opiata irritare potius quàm extinguere appetitum ad Venerem me jampridem monuit *D. Mart. Lister*, saltem modicè sumpta, non secus ac vinum ac alii generosi liquores, quibus & viribus quodammodo respondere videntur. De *Lactuca fativa* aliter se res habet: Hæc enim dum adhuc recens & tenera est, antequam excaulescat, commanducata certo certius Veneri adversatur, & libidinem extinguit.

Hujus herbæ incensæ fumò animi causâ naribus excepto se veluti consternatum & vertigine subita correptum, & eodem planè modo affectum sensit idem *D. Lister*, quo solent illi qui Nicotianæ fumum haurire primò aggrediuntur.

- A. 3. *Lactuca sylvestris costâ spinosâ* C. B. *sylv. laciniata* Park. *sylv. foliis dissectis* Ger. emac. *sylv. sive Endivia multis dicta, folio laciniato, dorso spinoso* J. B. **Cut-leaved wild Lettuce.**

J. B.

Incondita habet per caulem *folia*, Sonchi divisurâ, laciniata & serrata, spinis secundum costam aversâ parte donata, amaro lacte prægnantia: *Caulis* verò bicubitalis & major, in principio spinosus, qui in summo in multos abit ramulos, quos *flores* ornant parvi, lutei, lactucei, in pappos degenerantes. Hæc odore est minùs gravi & vehementi quàm præcedens.

Locus.

Ad sepes & agrorum margines reperitur, locis præsertim petrosis, inque vineis & hortis.

- A. 4. *Lactuca sylvestris folio non laciniato* J. B. *sylv. 2.* Ger. emac. **Endive-leaved wild Lettuce.**

Hanc speciem Johnsonus Gerardi emaculator primæ speciei varietatem facit; J. Bauhinus secundæ, cui & nos suffragamur; siquidem illâ humilior est, & foliis minoribus, odore etiam minùs gravi, nostris saltem naribus: Non alia autem in re à secunda differt quàm foliorum figurâ, quæ huic ne in caule quidem laciniata sunt. Iisdem cum priore locis provenit.

- A. 5. *Chondrilla [rectius Lactuca] viscosa humilis* C. B. Park. Ger. emac. *Lactuca sylvestris laciniata minima* Cat. Cant. **Small jagged wild Lettuce.**

C. B.

Ex radice tenui, longa, alba, *cauliculi* plures, tenues, reflexi, pedales & cubitales prodeunt, quos utrinque ad palmi [imò duorum triumve palmorum] longitudinem flores lutei, oblongi, in pappos abeuntes alternatim cingunt. *Folia* habet ad radicem oblonga, angusta, quædam sinuata, quædam integra, & in caule paucissima.

Locus.

Hanc in fossarum aggeribus nascentem nos propè Cantabrigiam, Th. Willifellus Londini propè Templum S. Pancratii, invenimus. Postea in transmarinis circa Neapolin & Monspelium eandem observavimus. In agris Basileensibus Autumno florens invenitur. C. B.

6. *Chondrilla [rectius Lactuca] sylv. viscosa caule foliis obducto* C. B. *saxatilis viscoso caule* Park. *saxatilis viscosa, caule admodum Galeni* Col. **Wild Lettuce with booted stalks.**

Col.

*Radix* longa inter saxorum rimas se insinuat, ut difficilè nisi disrupto saxo excipi possit: atque si vel minimo disrumpantur radix, folia, caulis, vel etiam flores, copiosus indè exit lacteus succus viscosus, paucò tempore in grumos concrescens. *Folia* sunt Cichorii vel potius Dentis leonis dicti modo incila, profundioribus etiam incisuris, tenuioribus lobis divisâ, radicem versus aduncis, pedem longa, & circa radicem obliquè dependentia, in orbem expansa. *Caulis* raro plures, sed unicum sæpius, nec etiam multis alis divisum emittit, rotundum, lævem, tenuem, albicantem, cubitalem, *foliis* multis vestitum in imo, è medio verò ad summum usque tenuiora angustioraque sunt folia, per ambitum non incisa, nec erosa, sed per medium ipsorum nervum divisâ, hinc atque hinc caulis & alarum latera cingunt, ut parum caulis aduersarum partium conspiciatur, vel nudus remaneat; adeoque tota hærent per longum caulem amplexantia, utrinque frequenter alternata, ut vix ab inferioribus superiora distent, totusque caulis itâ foliis obductus sit, ut velut ocreatus videatur. Horum quidem foliorum reliquum ad summum quod illorum pars quarta est vel minor, integro dorso hærens à caule recedat, ex quo veluti alâ & caule cui hæret *flores* brevibus petiolis infidentes emicant, oblongis calathis, bini ternive aut plures etiam, intus lutei, foris albicantes per medium foliolorum florum: Alii *semen* parturientes, alii enascentes vel dehiscentes, itâ ut diutius floreant, simulque perfecta semina ab aliis pappo evolent, alia verò ab ipsius plantæ & florum viscosâ intercepta succo maneat ex pappo dependentia. Nigra sunt atque oblonga, in cacumine, ut in congeneribus pappo albo pilosa. Sapore est amaro admodum.

Locus.

Æstate & Autumno floret. Manus tacta simpliciter lacte inficit, difficilèque abluitur ut viscum.

In vetustioribus mœniis Campoclarensum sicuti & Æquicolorum Materii castri & montanis locis provenit. Nobis in collibus saxosis circa Messanam in Sicilia, & Monspelium in Gallia Narbonensi observata fuit. Chondrillam vimineam viscosam vinearum Ad. huc refert *D. Magnol*, & rectè quidem nostrâ sententiâ.

- A. 7. *Lactuca*

- A. 7. *Lactuca sylv. stris murorum flore luteo* J. B. *Sonchus laevis muralis* Ger. *laevis alter parvis floribus* Park. *laevis laciniatus muralis parvis floribus* C. B. **Worm-leaved Lettuce.**

J. B.

Affatim lac fundit tota planta, quæ ex radice digitali amara caules perquam tenues erigit, cubitales & sesquicubitales, læves, subrubentes, subinde inanes aut medullâ fungosâ plenos: ad quorum genicula oriuntur folia profundè laciniata, extremâ laciniâ triangulâ, hederaceum folium referente, colore quâ terram spectant purpurascens interdum; Flosculi in ramulis exigui, Lactucæ, plures congesti colore luteo, quinque foliis constant, totidemque concoloria stamina in medio erigunt, postmodum aliorum more in pappos abeunt.

In saxorum rimis, inque muris & aggeribus umbrosis, interdum etiam & in opacis sylvis oritur. *Locus.*

*Lactucæ murorum affinis Sonchus dendroides Dalechampii* J. B. *dendroides Dalech.* Park. *laevis laciniat. lut. mont. major* C. B.

Lugd.

Radicem habet crassam, nigricantem, ex qua radiculæ multæ prodeunt: Caules bicubitales atque interdum altiores, teretes, foliis stipatos sinuosis, seu per oras ex intervallo infectis, latis, Quercui haud dissimilibus, lacte diffluentibus. Rami in caulibus nulli sunt, sed ab imo scapo ad summum usque, non procul à foliorum singulorum exortu, singuli nascuntur petioli, tenues, qui multos flores sustinent luteos, quales sunt aliorum Sonchorum aut Lactucæ, qui tandem in pappos abeunt.

Sonchus hic Dalech. habet multa communia cum Lactuca murorum; veruntamen si descriptio & icon Dalech. vera est, necessariò differunt. J. B. quem consule.

8. *Lactuca sylvatica purpurea* J. B. *montana purpureo-cærulea major* C. B. *sylvestris purpureo flore* Park. *Sonchus sylvaticus* Ger. emac. **Blew-flowered mountain Lettuce of the Woods.**

Col.

Radix huic obliqua, nodosa, dentata germinum oculis tam recentibus quàm vetustis, [pollicaris] è qua multæ undique crassæ, longissimæ dependent fibræ, [sapore grato, dulci, cum levissimo amaro præditæ.] Caule est tenui, bipedali [J. Bauhino bicubitali & altiore, variat utique ratione loci:] glabro, tereti, albicante, medullâ albâ pleno: quem folia ex intervallis alternatim vestiunt, ima pusilla, deinde majora semper multumque latiora, parum in ambitu sinuata, glabra, tenella, superius pallidè viridia, subius glauca, mollia, tenuia, [nullo aut brevissimo pediculo donata angusto principio mucronèque] maxima semipedem longa, duas uncias lata caulem amplexantia. Folia in summo caule latiore appendice eidem hærent, iterumque minora efficiuntur vix unciam sæpe lata, [J. B. sapore nullo eccellente,] mansu grata, ut nonnisi modicè aut vix amara sentiantur. Caulis ad foliorum exortum non rectus, sed obliquè, nunc dextrâ, nunc sinistrâ inflexus & sinuosus videtur.

E foliorum superiorum alis obliqui & admodum tenues, rotundi, juncei petioli exeunt, quaquaversum in caulis cacumine expansi; florum onusti deorsum spectantium squamosis calicibus, oblongis, ex viridi purpurascens, in binos ramulos se dividentes, in quibus hiantes flores quatuor exferunt media stamina, longa, quorum pars media purpureo colore tandem emittit luteam veluti pulverosam & summo trifido apice divisam atque intortam partem, quæ totidem petala lata, nigro-purpurea, oblonga, incurva, inque sese inflexa circundant, ora in summo habentia longis fimbriis divisa. Semina postmodum succedunt parva, lævia, cinerea, candidum mollèmq; pappum exferentia, latiuscula, brevia atque compressa.

In sylvis montosis calidiorum regionum frequens est. Nos invenimus in Jura & Salevia montibus *Locus.* propè Genevæ; inque sylvis montosis quas pertransivimus eundo à Scaphusia ad Constantiam; & alibi consimilibus in locis.

9. *Chondrilla* [rectius *Lactuca*] *viminea* J. B. *juncea* Ger. *juncea viscosa arvensis, quæ prima Dioscoridis* C. B. *viminalibus virgis* Park. **Cum-Succory with rushy twigs.**

J. B.

Pullulant primùm per terram in orbem sparsa folia magna, Hedypnoidis laciniis, glabra, quæ in caulem surgente planta marcescunt: ipse verò caulis propter terram densis spinulis totus horret, atque ad cubitos duos aut tres assurgit, frequentibus ramis vimineis variè divaricatis fruticosus, foliis aut nullis, aut raris, iisque vimineæ tenuitatis. Flores [ad ramulorum latera &] extremis ramulis hærent; lutei, lactucaceis pares, nec formâ dissimili, semine succedente iterum Lactucæ pari, verum non compresso, sed rotundo ferè, striato, oblongo, cinereo, cum tomento villosò appenso. Radix subest simplex, pollicaris & crassior, glutinosissimo lacteo succo abundè prægnans, cubiti aut sesquicubiti longitudine, non ingrata dulcedine prædita. Totam plantam amarò esse gustu tradit Columna, eam fusè describens.

In Germania, Italia & Gallia Narbonensi in arenosis copiosè provenientem observavimus. *Locus.*

C. Bauhinus Chondrillam vimineam viscosam Monspelicam ab hac distinguit, ob folia superiora ramos cingentia, in tenuissimas & acutissimas laciniâs divisâ: Nobis superiori eadem specie visa est. D. Magnol se nondum invenisse ait ejusmodi plantam. *Botan. Monsp.*



- \* 10. *Sonchus*, (rectius *Lactuca*) fruticosus petraeus Africanus spinosus Park. Thorny Shrub Solwihistle, or wild Lettuce of Africa.

In altum exilit *caulibus* lignosis, versus summitates in multos *ramulos* variè divisis & subdivisis undequaque diffusis, singulis viminibus seu virgulis in acutissimas spinas definitibus. *Folia* inferiora valdè laciniata sunt & spinosa; superiora ferè integra aut parum admodum laciniata. *Flores* parvi, simplices, pallidè lutei, quibus succedunt *semina* pappo adherente alata.

Locus.

Guilielmus Boelius circa *Tunisium* & *Sapphi* Africae urbes locis petraeis invenit & eruit.

*Hæ duæ ultimæ plantæ non sunt fortasse veræ & genuinæ Lactucæ species; certè præcedens seu Chondrilla viminea semina compressa non habet ad modum Lactucæ, sed rotunda ferè, striata & oblonga; verum quia aliis respectibus Lactucæ similior est quam cuiusvis alii hujus generis plantæ, Lactucæ subnectendam duximus. Ultima Lactucam cæteris partibus refert, & fortè etiam semine: verum hujus figuram non exprimit aut describit Parkinsonus.*

## C A P. II.

### De Soncho.

**S**onchus *Σίγχις* aliis corruptum videtur à *συμπε* rarus, quia scil. rarum & cavum caulem habet, aliis *Σίχων* dictum, quia salubrem succum de se fundit ad astuosas stomachi lacerationes, & bilioas hepatis obstructions utilissimum.

Sonchus à Lactuca (quæcum in multis convenit) distinguitur capitulis grandioribus; caulibusque tenerioribus & fistulosioribus, quibus etiam ab Hieracio differt, à quo & semine compresso distinguitur.

Sonchus duplex est lavis & asper; utriusque plures sunt varietates, quas ego specie differre non libenter concesserim.

- A. 1. *Sonchus lavis* Ger. *lavis laciniatus latifolius* C. B. *laciniatus non spinosus* J. B. *lavis vulgaris* Park. *quamvis icon non respondeat. Common smooth Solwihistle.*

J. B.

Parvâ, fibrosâ, albâque radice nititur: caule cubitali & ampliore, intus concavo, purpurascens: folia longa, lavis, ferè glauca, Dentis leonis divisurâ, latiora, teneriora, lacte prægnantia alternatim prodeunt, aliâs pediculo longo, aliâs nullo, sed latiore basi caulem amplectentia, in circuitu quasi dentata, in quibus vel nullæ spinæ, vel molles. Flores foliosi, lutei, Dentis leonis minores, [plures simul in summitatibus caulis & ramulorum, dilutiores quàm Dentis leonis aut Hieracii] quorum extima folia averfa parte purpurascunt, & in pappos abeunt. Semen parvum, oblongum & in fusco rubens. In hoc genere extremum folium latius est & triangulare, hastæ cuspidem quodammodo referens.

Locus.

In cultis, hortis, vineis, &c. nascitur, præsertim lætiore solo.

Variat interdum floris colore niveo vel albo: foliis etiam in plures & tenues lacinias divisis.

- A. 2. *Sonchus minus lacinosus mitior sive minus spinosus* J. B. *lavis minor paucioribus lacinias* C. B. *lavis latifolius*, Ger. *Smooth Solwihistle with fewer jaggs.*

J. B.

Lacte tota planta turget amaro: Caulis inanis, cubitum altus & major, hominem interdum altitudine excedens, ramosus. Folia parùm laciniata, tenera, Endiviæ ferè, spinulis in ambitu donata, sed parùm aut nihil pungentibus cauli immediatè adnascuntur. Flores lutei Hieracii, sed calice glabro, qui celeriter in pappos abeunt. Radix longiuscula, multis fibris donata. Hæc varietas in hortis oleraceis inter reliquas species frequens est.

3. *Chondrilla lutea* J. B. rectius *Sonchus lavis in plurimas & tenuiss. lacinias divisus* C. B. *fortè.*

J. B.

In lævi & glabro caule folia habet ad Sonchum lævem vulgarem proximè accedentia, nisi quòd multò minora sint, divisurâ ferè Chondrillæ cæruleæ: extremæ lacinia passis alis librantem se in aere Ciconiam expriment, per segmentorum ambitum denticulata, quod notatu dignum, hæcque notâ non florens faciliè à Chondrilla cærulea discernitur. Ex horum sinu ramuli exeunt, quorum singulis flos unicus, summo autem cauli plures insident Sonchi, lutei, in pappos evanescentes.

Locus.

In vineis & aggeribus circa *Motispelium*, inque muris ipsius urbis observavimus.

Hæc planta Sonchi species est, non Chondrillæ. Toto ferè anno floret.

*Sonchis affinis Terracrepola. Sonchus lævis angustifolius* C. B. Park. **Parrotw-leaved Sowthistle. Hieracii species est.**

J. B.

Radice habet Intybo similem, longam, tenuem, paucis fibris donatam candidam, *Caules* multos, cubitales, foliatis, in duos tréve ramos divisos. *Folia* Intybo similia sunt, candidiora, minùs infecta ac laciniata, gustatu suavia licèt nonnihil amara sunt. *Flos* luteus in pappos evanescens.

Nascitur sponte in aggeribus terrenis agri Monspelienfis, ut aiunt.

Locus.

In cibis cruda ex oleo & aceto expetitur.

Herba quæ nobis Monspelii pro Terracrepola ostensa fuit valde similis erat, si non eadem plantæ illi quam J. Bauhinus describit & depingit sub titulo Chondrillii affinis laciniatæ cujusdam an Trinciatella; cui & iconas Terracrepolæ apud Lobelium, Ger. & Park. aliquatenus respondent. Fortè Trinciatella J. Bauhini est Terracrepola aliorum autorum. Trinciatellam Italorum Camerarii C. Bauhinus Dentis leonis speciem facit. Qualisnam planta sit quam J. Bauhinus sub hoc titulo describit me nescire fateor. Ex quo hæc scripsi, Indicem plantarum circa Monspelium nascentium à D. Magnol editum nactus sum, ubi invenio ipsum crepidem Dalech. Lugd. à Trinciatella J. B. non distinguendam putare. Est autem crepis illa quam intelligit J. Bauhinus titulo & descriptione hic allatis. Vitiosa Lugdunensis figura (ut verisimile est) J. Bauhinum decepit. v. Trinciatella.

4. *Sonchus cæruleus latifolius* J. B. *lævis laciniatus cæruleus*, sive *Alpinus cæruleus* C. B. *Alpinus cæruleus* Park. **Blue-flowered mountain Sowthistle.**

Clus.

Cubitali aut ampliore existit caule, rotundo, striato, lanugine obsito, intus cavo, quem ambiunt multa folia, ampla, aliquot profundis laciniis utrinque divisa, extremo mucronata, latiore pediculo caulem amplectentia, in ambitu nonnihil dentata, subtus aliquantulum incana, lacteo succo plena: Plurimos in summo caule flores profert, purpurascens & villosis petiolis inhærentes, vicinis foliis, ut plurimum constantes, elegantissimi coloris cærulei, qui per maturitatem in pappum cum semine cinereo exiguo evanescunt. Radix pollicaris est crassitudinis, oblonga, non in profundum acta sed obliqua, candicans, clara, velut internodiis distincta, multas circumquaque fibras crassas agens & vivax, singulis annis novos ex latere caules profert.

In sylvis ad latera montis Juræ, montiumque maximo Carthusianorum cœnobio imminentium Locus: connascentem vidimus: Clusius variis locis umbrosis, in Durrenstein, Sneberg, Snealben, jugis Etcherianis, &c.

\* 5. *Sonchus montanus lævis laciniatus minor* C. B.

C. B. prod.

Ex radice crassiuscula caulis in principio crassus & lignosus, rotundus, lævis, statim in alas brachiatus, ad cubitalem altitudinem accedens exurgit. Foliis est sesquiuncialibus, in paucas lacinias latè distantes & acuminatas divisis.

Flores in caulis summo veluti in spica alternatim dispositi, parvi & palliduli.

In montibus Euganeis frequens est.

Locus.

Lactucæ potiùs quam Sonchi species est.

A. 6. *Sonchus asper laciniatus* Park. C. B. *laciniatus spinosus* J. B. *asperior* Ger. **Prickly Sowthistle with jagged leaves.**

A Soncho lævi laciniato differt Foliis crassioribus, obscuriùs viridibus & splendentibus, in crebras minus tamen profundas lacinias divisis, spinulis longioribus & rigidioribus asperis. Quinetiam folia extrema & laciniæ in angustiores & acutiores mucrones desinunt.

A. 7. *Sonchus asper non laciniatus* C. B. *asper* Ger. *asper major non laciniatus* Park. *minùs laciniatus asperior sive spinosior.*

Foliis est quàm Sonchus minùs lacinosus mitior crassioribus, obscuriùs viridibus & splendentibus, spinulis longioribus & rigidioribus asperis, aliàs similibus, nimirum ad Endiviæ folia accedentibus, basi sua caulem amplexantibus.

Hæ Sonchi species in hortis & vineis, inque fimetis & locis ruderatis præsertim solo pinguiore Locus: frequentissimæ sunt.

\* 8. *Sonchus asper subrotundo folio* C. B. Park. **Round-leaved prickly Sowthistle.**

C. B. prod.

Ex radice exili, longiuscula, cauliculus rotundus palmaris, aliquando sesquipalmaris, parte inferiore brevissimis aculeis exasperatus exurgit, circa quem folia pauca, subrotunda, sesquiuncialia, quorum quædam sinuata, omnia tamen per marginem, ut & nervus per folii medium excurrans, levissimis aculeis exasperantur. In cauliculi summo duo tréve pediculi, quorum singuli unum florem Hieracio similem, parvum, luteum, qui in pappum abit, sustinent.

Monspelii sponte nascitur, & Sonchus asper vulgi flore Hieracii nominatur.

Est Locus.



*Species minor.* Est inquit & hujus minor species, capillari radícula, à qua pedicelli bini, quatuor vel sex uncias longi, aliquot verò vix unciales, unicum florem parvum luteolum sustinentes exurgunt. Flori semen nigrum, pappo adhærens succedit. Circa radicem folia sena, septena, obtusa, per latera dentata. Ibidem reperitur.

Hieracii potius quàm Sonchi species esse videtur.

D. Magnol neutram speciem circa Monspelium vidit.

\* 9. *Sonchus angustifolius maritimus* C. B. Park. *Narrow-leaved Sea-Sowthistle.*

C. B.

Radice est palmari, tenui, fibris carente: foliis ad radicem pluribus, atrovirentibus, uncias quatuor, quandoque sex longis, rariùs unciam latis, per margines spinulis exasperatis, & reliquorum Sonchorum instar lac fundentibus; inter quæ caulis unicus, palmaris & sesquipalmaris, tenuis, lævis, duobus tribùve foliis eum basi sua cingentibus, cujus summo flos unicus (rariùs duo) satis magnus & luteus insidet, & tandem in pappum abit.

*Locus.*

In litore Veneto ad Lio primum, dein circa Monspelium ætatis initio collegimus, inquit C. B. In maritimis propè Monspelium inter Juncos copiosè repit, & Augusto mense floret. *Botan. Monsp.*

A. 10. *Sonchus repens, multis Hieracium majus* J. B. *arborescens* Ger. emac. *Hieracium majus folio Sonchi* C. B. *Tree-Sowthistle.*

J. B.

Radices longè latèque repentes nonnisi difficulter evelli possunt, perennes, lactifluæ. Caulis cubitalis vel longior [vidimus qui hominis altitudinem longe superaret in palustribus nascentem] nisi hic distincta species sit; concavus, minùs tamen quàm Sonchi vulgaris, inferiore parte glaber, quodammodo angulosus, ibi demum pilosus ubi in ramulos dividi occipit. Folia & per terram sparsa, & quæ cauli adnascuntur, Sonchi asperi aut Dentis leonis foliis similia, palmaria & plusquam bipalmaria, non admodum lata, profundis laciniis incisa, in acutos mucrones desinentia, spinis mollicellis circa margines donata, colore ferè glauco. Flores in summitatibus caulis & ramorum plures, quàm Sonchi majores, saturatiùs lutei, hirsuta foliolorum atrovirentium compage coerciti, qui tandem in pappos abeunt. Villi quibus caulium summitates & capitula obsidentur, obscurè flavicant. Florum petala angusta sunt.

*Locus.*

Inter segetes, & in aggeribus terrenis recens egestis, solo laxiore frequens occurrit.

C. Bauhinus ex una hac planta duas, ni fallor, facit. Nimirum Hieracium Dentis leonis folio acuto I, seu Hier. majus folio Sonchi; & III, five Hieracium majus erectum latifolium.

*Vires.*

Sonchus viridis & tener (inquit Galenus) estur ut olus, præsertim ejus radices. *Matth.* Apud nostrates in usu non est, sed pro cuniculorum tantùm & leporum esca usurpatur, unde & *Lactuca leporina* dicta est. Succus stomachi rosiones sorditione mitigat. Caulis decoctus facit lactis abundantiam nutritibus, colorémque meliorem infantium. *Plin.* Ex Vino potus suspiciosos & asthmaticos juvat, & stranguriam sanat. Succus auribus instillatus eorum dolores mulcere dicitur. Quæ præterea habent Veteres, apud J. Bauhinum vide. Nos iisdem cum *Lactuca* viribus pollere existimamus: juniorem scilicet & tenerum refrigerare, adultum & caulescentem potius exalfacere, ut sapor amarus arguit.

11. *Sonchus arborescens alter* Ger. emac. *Sonchus lævis palustris altissimus.* *The greatest Marsh-Tree-Sowthistle.*

Ad quinque vel sex cubitorum interdum altitudinem assurgit, & tamen flores minores obtinet quàm præcedens, ut à D. Sam. Dale moniti sumus, ipsique etiam in planta sicca observavimus.

Ad ripas Thamefis fluvii non longè à Greenico observavit *Thomas Willisellus*: Nos quoque in Suffexia & in transmarinis non procul Francofurto ad Mœnum, ubi & olim Clusius, invenimus.

Sonchi arborescentis Tabernæ-montani icon huic equidem plantæ non convenit, & tamen tum Jo. Bauhinus, tum etiam Casparus frater Sonchum arborescentem *Taber.* Sonchi lævis altissimi *Clus.* synonymum faciunt.

Nos ergo horum autoritate inducî plantas illas specie convenire, & quicquid intercedit discriminis loco natali imputandum esse aliquando sensimus & scripsimus: verum insignis differentia in statura & magnitudine, & hujus quoque florum parvitas præ illius floribus, quamvis planta ipsa multò major sit, contrarium suadent. Eiusdem sententia est & *Tho. Johnsonus* in suo Gerardo emaculato; quem consule.

## CAP. III.

## De Hieracio Chondrilla dicto.

**C**hondrilla dicta est ἀνὰ τὸν γένος quod est grumus, mica, & ἰδιον, quod continere significat, quasi continens grumos, quos Mastichæ similes esse ait Dioscorides. In multis enim huius generis plantis in regionibus calidioribus concresecunt grumi fulvescentes in foliorum alis, inque ipsis caulibus.

Quæ autem hoc nomine ferantur plantæ, vel Lactucæ, vel Hieracii species esse videntur. Nec enim quæ succum exudant in grumos concresecntem ejusdem omnes generis sunt. Chondrilla cærulea ad Lactucam accedit, reliquæ ad Hieracium pertinent. Trinciarella & Hyoseris mascula Ger. insigni nota à reliquis Hieraciis differunt, quod extimus in flore petalorum circulus calycis quibus incumbunt folia longitudine vix excedit.

Cùm Hieraciorum familia admodum numerosa sit, ut ordinem aliquem clarioris doctrinæ causâ in iis describendis servaremus, quæcunque à Botanicis quæcunque tandem ratione Chondrillæ dictæ sunt, præter eas quæ notis genericis cum Lactucis conveniunt, seorsim tradendas duximus. De prima tamen specie seu Chondrilla cærulea ob semen latum dubitamus annon Lactucæ potius species sit.

1. Chondrilla vel Chondrilla cærulea J. B. Chon. cærulea sive purpurea Park. cærulea Ger. cærulea altera Cichorei sylv. folio C. B.

J. B.

Caules erigit cubitales, teretes, læves, fungosâ medullâ refertos, ramis satis frequentibus brachiosos. Folia priora palmaria aut dodrantalia, laciniis ad Cichoreum accedentia, glabra & pænè glauca; superiora autem profundioribus laciniis incisa, levius etiam aliàs dissecta, glabra. In summis ramorum flores crebri, radiati, cærulei, ex calice longo, squamato, in quo semen nigrum longum, latum. Radix perennis, simplex, longa, digitali crassitudine, paucis fibris donata, foris tenui & nigro cortice vestita: intus candida, carnosa, tenera & admodum fragilis. Tota planta lacteo turgit liquore, & gustu dulcis est.

Nascitur in editis apricisque vineis & montibus, solum amans albicans, pingue & calcario lapidi mixtum, ut annotat Cordus. J. B. Nos eam inter Confluentes & Moguntiam, secus Rhenum flumen invenimus, & alibi in Germania. Locus.

Chondrilla cærulea latifolia laciniata C. B. Park.

Non alia in re à præcedente differt quàm foliis brevioribus, latioribus & in profundiores laciniis divisis; unde nec specie diversam existimamus.

2. Chondrillæ affinis laciniata quædam an Trinciarella J. B? Crepis Dalechampii Lugd. Terra-crepola Monspelienfibus.

E radice alba aut nonnihil lutescente, simplici, paucis fibris donata, succo lacteo turgida caules exeunt plurimi (ad octodecim in una planta numeravimus) in latiori solo cubitales & longiores, teretes, læves & velut juncei, infirmi & vix se sustinentes, striati, glauca quadam farina obducti, folio unico insigniore ad primi ramuli egressum præditi, reliquis quæ ad reliquorum ramulorum exortum & propè summos caules sunt angustis, exiguis nullius notæ. Ramuli pauci sunt, & ad longa intervalla, ipsi tamen interdum subdivisi. Flores summos caules & ramulos terminant ut in congeneribus, parvi, lutei, ex numerosissimis flosculis angustis, frontatis, densè stipatis compositi. Quin petala extima seu flosculi extimi circuli calycum foliola longitudine vix excedunt, quod vel singulare est in hoc genere, vel paucis commune. Flosculis delapsis semina cùm maturuere, pappo satis densò & longo innascente, in sphericam superficiem explicantur, longa, angusta, rubentia. Folia è radice exeunt plurima, in orbem diffusa, angusta, longa, longiusculis utrinque laciniis, non tamen crebris velut dentata, raris pilis hirsuta ut glabra videantur. Annua est planta.

Plantam hanc J. Bauhinus & nos etiam circa Monspelium invenimus. D. Magnol in Indice plantarum circa Monspelium nascentium eam non distinguendam putat à Crepide Dalechampii Lugd. quam J. Bauhinus alio in loco proponit sub titulo Sonchis affinis Terracrepolæ: figuram autem quam adhibet vitiosam ex Lugdunensis non bona icone expressam existimat, cui & nos libenter assentimur. Locus.

- \* 3. Chondrilla Sicula Tragopogonoides maritima Bocconi.

Radix hujus plantæ candida, fragilis, digitalis pænè crassitudinis, altè in terram depacta, superne in tres aut quatuor partes divisa, ex qua Caulis oritur pedalis & altior, pluribus alis ramosis donatus, concavus. Folia Resedæ divisurâ. Flos & semen ut in Chondrillis & cæteris Tragopogis.

In arenoso maris litore nascitur, in Catanæ, Agrigenti, Saccæ pastoralibus agris passim obvia. Locus.

Cùm plantam ipsi nondum vidimus, nec figuram seminis descripsit Autor, an hîc eam rectè collocavimus nescimus.

4. Chondrilla



4. *Chondrilla folio non dissecto, caule nudo & foliato* J. B. Gum-Succory with an undivided leaf.

J. B.

*Radice* firmatur longâ, crassâ, lacteo succo turgente, in capita aliquot divisâ, *folia* emittente multa, palmaria & longiora, semunciam plus minus lata, Plantaginis tenuifoliae foliis similia, acuminata, glabra, crassa, Chondrilla cœruleae instar, ejusdem pæne coloris. *Caules* frequentes, juncei, dodrantales five pedales, glabri, fungosi, foliis plerumque nudi, nonnunquam foliati, in binos ramos ut plurimum diducuntur; quorum singulis flos insidet unus, magnus, luteus, in pappos evanescens, quibus semina adherent tenuia, longa, striata & ruffa.

Locus.

Ad radices montis *Salevæ*, & in arenosis ad fluvium *Arve* propè Genevam observavimus.

Invenimus etiam in Alpibus Carinthiacis quam hoc titulo donavimus: Verum ut in planta sicca à D. Philippo Skippon asservata observamus, radices ei fibrosae erant, & caules prætenuis, ut jam specie diversam suspicer.

5. *Hieracium Chondrilla dictum incanum. An Chondrilla prior Dioscoridis legitima Clusii Park?*  
*Chondr. lutea* Ger? *Chondr. foliis Cichoraceis tomentosis* C. B.

Hujus semen Chondrilla legitima Clus. titulo ad me missum est ab ingeniosissimo Viro & peritissimo Botanico D. Hansl. Sloane M. D.

E radice dum adhuc junior est alba, simplici, altè & rectà in terram descendente, lacte turgida, raris fibris prædita, nunc simplex, nunc plures *cauliculi* exeunt cubitales aut etiam longiores, teretes, tenues, & vix se sustinentes, tomento brevi, denso, candicante Gnaphalii in modum obfiti, uti est & tota planta, *foliis* ab imo ad summum usque per intervalla vestiti, non admodum crebris, alterno ordine positis, tres uncias longis, vix unam latis, ab angusto principio sensim dilatatis, circa margines utrinque raris & majusculis dentibus extantibus, ut in Hieracio flore magno Dentis Leonis, tomento molli candicante utrinque obfitis. [ Suprema in caulibus folia interdum ad margines aequalia sunt & in acutos mucrones exeunt. ] Sunt insuper Caules ramosi; inque summis caulibus & ramulis *flores* singulares antequam aperiuntur pro calyce simplici foliolorum angustorum, oblongorum vallo obfiti, ut florum gemmae striatae videantur, aperti Hieracii minoris floribus similes sunt, coloris lutei. Semina ob aestatis frigus non maturare in hortulo nostro.

Seriùs & sub Autumnum floruit apud nos.

Hac planta longè diversâ est ab Hedypnoide Monspeffulana five Dente leonis Monspeffulano J. B. At neque Chondrilla prioris Diosc. legitima Clusii icon aut descriptio ei per omnia respondent; ut conferenti patebit: eandem tamen esse puto ob caules, folia, summitates incana & densâ lanugine tomentoque obducta, qualia in nulla præterea Hieracii aut Chondrilla specie mihi hactenus videri contigit.

Foliorum alis, ut etiam ipsis ramulis (inquit Clusius) plerumque inhaerent grumi fulvescentes gummi isthic concreti.

Locus.

Invenitur Salmanticensi agro locis incultis & multis aliis Hispaniæ, Augusto florens vel etiam seriùs.

6. *Hedypnois Monspeffulana, five Dens leonis Monspeffulanus* J. B. *An Hieracium foliis & floribus Dentis leonis bulbosi* Lob.

J. B.

Ex radice crassiuscula, longa, nigricante, raris fibris prædita, & summa parte in aliquot capita, interdum divisa *caulis* surgit palmaris, culturâ etiam cubitalis & bicubitalis, crassiusculus, concavus, paulò supra radicem in ramos tres, quatuor, aut quinque divisus, quorum unusquisque *florem* gerit unicum, magnum odoratum, Hedypnoidis nostratis flori similem, calice multò crassiore, pulchriore, piloso, è foliis multis latis uno ordine circumvallatum; floris folia extrinsecus rubescunt, cæteroque lutea; tandem is in pappos evanescit. *Folia* Cichorei foliorum instar divisa sunt, incana & densâ lanugine tomentoque obducta. J. Bauhinus hanc habet pro Chondrilla priore Diosc. legitima Clus. sed erroneè nostro quidem iudicio.

Locus.

Nos circa Messanam Siciliæ, & Monspeffulum copiosè provenientem observavimus.

7. *Chondrilla lactucacea Foro-Julienfis.*

*Radice* est simplici. *Folia* ad terram plura triuncialia, valdè angusta, uno vel altero dente hinc inde extante, ex angusto principio, ut in hoc genus solenne est, sensim dilatata, in acumen definentia. *Caules* ab eadem radice plures, (quinque vel sex in planta nobis collecta observavimus) sesquipalmares aut semipedales, foliis nudi, summâ parte in ramulos & furculos multos divisi & subdivisi, quorum singulos terminant *flosculi* lutei, pro calyce simplici foliolorum vallo cincti, ut capitula oblonga, angusta Lactucaceorum instar appareant. *Semina* quod ad formam attinet Lactucaceis similia sunt, verum non ità compressa, fulva, &, quantum in ficcis discernere licuit, nonnihil aspera. Ad divaricationes caulium apponuntur foliola minima & angustissima; extremi etiam furculi five petioli quibus flosculi insident tenuissimi sunt. *Folia* in sicca glabra videntur.

Locus.

In Foro-Julii invenimus viâ quæ ducit à Vinsona ad Venetias.

8. *Chondrilla Cretica nomine missa, semine crispo* J. B. *Hieracium majus Creticum Park. majus folio Sonchi, semine curvo* C. B. **Candy Hawkweed with crooked seed.**

J. B.

*Radix* Dentis leonis: *caules* spinulis horridi, variè nullòque ordine in alas divisi: *Folia* Lactuce sylvestris, prima & infima integra ferè; succedentia & superiora incisa, minùs tamen quàm Sonchi: aliàs non dissimilibus incisuris. *Flores* Sonchi: *Semen* pulchrum incurvum, ex cervice denticulata in rostellum pulchrum desinens, per maturitatem rufum.

Brevis avi planta, ante hyemem, imò ante Autumnum etiam perit. Floret Junio & Julio, & semen iisdem mensibus maturat.

Huc referendus videtur Sonchus asper laciniatus Creticus C. B. nam & figura & descriptio conveniunt; adeoque C. Bauhinus perperam, ut aliàs saepe, ex una planta duas facit.

- \* 9. *Chondrilla altera Dioscoridis Rauwolfii* Clus.

Hanc Bauhinus uterque pro Conyza marina Lugdunensis historiarum habent, cujus historiam infra proponemus inter Conyzas. Mihi (ut verum fatear) descriptio Rauwolfiana non videtur convenire Conyzae illi marinae Lugd. ea autem, interprete Clusio, sic se habet:

*Radice* est laevi, ex fusco flavescente, superna parte circiter minimum digitum crassa, quinque vel etiam octo transversos digitos longa, infima parte tenuiore, cui inhaeret rotunda alia radix, castaneae magnitudine, lacteo succo adeo plena ut turgeat. Superna radice pars, qua se in tres cauliculos dividit, multa habet oblonga, & graminis instar angusta folia, simul nascentia, ad terram valde inclinata, inter quae prodeunt *cauliculi* aliquot foliis onusti, e quorum alis longiusculi exeunt pediculi, singuli *florem* sustinentes, Pilosellae majoris flori aequalem, flavum.

In arvis Halepo vicinis satis abundanter invenitur.

An haec descriptio sit Conyza marinae Lugd. an alterius cujusdam plantae, Lectoris judicio submitto. Parkinsonus nobiscum sentit diversae esse.

Locus.

#### C A P. IV.

##### De Hieracio Hyoseride aut Hypochaeris.

**C**UR Hyoseridis nomen huic generi tribuatur rationem non video. Notam tamen insignem qua ab aliis Hieraciis differt obtinet Hyoseris mascula Gerardi, nimirum quod petala floris extrema seu marginalia calycis folia longitudine non excedant, quae an reliquis speciebus communis sit nescimus. Convenit tamen Trinciatellae Cordi superius inter Chondrillas positae, quae idcirco rectius hic collocaretur.

1. *Hieracium minus Dentis leonis folio subaspero* C. B. *Hier. asperum Hypochaeris sive Porcellia dictum* Park. *Hypochaeris sive Porcellia* Ger. **Swines Hawkweed.**

*Folia* huic multa è radice exeunt per terram sparsa, Dentis leonis foliis similia sed minora: e quorum medio *caules* exurgunt plures semipedales, tenues, subasperi, aphylli, superius in ramulos aliquot divisi, *flores* sustinentes singulos, satis amplos, Hieracii. *Radix* parva, longa.

In quibusdam Bavariae sylvis plantam hanc observavimus, ejus iconi apud Tabernamont. & Ger. Locus. simillimam.

- \* 2. *Hieracium minus Dentis leonis folio oblongo glabro* C. B. *Hieracii parva species, Hyoseris angustifolia aspera* J. B. **The lesser Swines Succory or Hawkweed.**

Exigua sed crassiuscula donatur *radice*, succisâ nonnihil ac si praeorsâ esset, pluribus fibris ornata: *foliis* longis & angustis, hirsutis, in terra sparsis: *caulibus* duobus aut tribus, glabris è radice prodeuntibus, non multò plus palmum longis, versùs superiora ut plurimum in binas alas divisis, quarum extremitatibus insidet flos unicus, luteus, plenus, satis magnus. Tota planta amaricantis est saporis. *Tabern.*

Lucos multum amat (inquit) frequens etiam in solo arenoso, gramineo & secus vias.

Magnitudine, foliorum angustia & caulibus minùs ramosis à precedente differt.

Locus.

3. *Hieracium minimum* Clusii, *Hyoseris Tabernamontani & Gerardi* Park. *Hier. minus folio subrotundo* C. B. *Hyoseris mascula* Ger. **Small Swines Succory or Hawkweed.**

*Radix* quam eruimus alba erat, simplex, altè in terram descendens, paucis fibris donata. *Folia* è radice exeunt multa, bellidis ferè sed paulò longiora & serrata aut dentata; sive ex angusto principio paulatim dilatata, apicibus subrotundis; subglauca, lanugine adeo brevi obducta ut negligentius intuenti glabra videantur. *Caules* ex eadem radice emergunt in foliorum medio plures [interdum unicus] nudi, propè terram rubentes, versùs summum *ramosi*, ramis juxta exortum rubentibus, ad quos exigua quadam foliorum rudimenta cauli adnascuntur. *Caules* omnes, contra ferè quàm in aliis plantis, extuberant versùs capitula, crassioresque fiunt & tandem fistulosi, cum inferius



rius solidi fuerint; singuli singula capitula globosa sustinentes, ex quibus flores parvi, lutei, flosculis brevibus, calicibus vix productioribus compositi.

Locus.

Provenit inter segetes locis parum arenosis & terra friabili, ut rectè Clusius.

4. *Hieracium parvum* Creticum Park. Clus. minus flore ex albo carneo C. B. *Small Hawkweed of Candy.*

Chf.

Elegans est plantula cujus sena aut plura folia summa tellure diffunduntur, quâ parte radici adherent angustiora, extrema parte latiora, per ambitum incisa, medio nervo purpurascens: inter quæ nascuntur bini aut terni cauliculi, circiter pedem alti, enodes, præterquam suprema ferè parte ubi in binos ramos dividuntur, subnascens parvis foliolis valde incis. Flores in extremis fastigiis nascuntur, satis grandes pro plantæ proportionem, ex multis foliolis sibi invicem incumbentibus constantes, supernâ parte prorsus albis, subtus carnei (si ita appellare licet) coloris. Radix est singularis, oblongiuscula, supernè crassior, deinde paulatim ad infimum usque gracilescens, aliquot lateralibus fibris donata, instar radicis Cichorei sylvestris.

## C A P. V.

### De Hieracio simpliciter dicto.

**H**ieracium *ἱεράκων* i. e. Accipitrina eò dicitur quoniam Accipitres scalpendo eam, succoque oculos tingendo obscuritatem cum sensere discutiant. Plin. lib. 20. cap. 7. vel propterea fortè quod pappi ejus Accipitrariis utiles sunt ad vomitum Accipitribus ciendum.

Hieracium à Soncho differt caulibus gracilioribus, nec adeò teneris & fistulosis; seminibus longioribus, non compressis sed teretiusculis aut angulosis. Quæ Chondrilla nomine feruntur plantæ, vel ad Lactucæ, vel ad Hieracii genera pertinent.

Pulmonaria Gallorum, cui congener est Hieracium arborescens, à reliquis Hieraciis seminibus parvis nigris differt.

Pilosella seu Auricula muris seminibus parvis nigris cum Pulmonaria Gallica convenit; flagellis reptatricibus, & caulium foliorumque pilis rarioribus rigidiusculis, ab eadem & à reliquis Hieraciis differt.

- A. 1. *Hieracium minus præmorsa radice, sive Fuchsis* J. B. Hier. *Chondrilla folio glabro, radice succisa majus* C. B. *minus præmorsa radice* Park. *Hawkweed with bitter roots; Yellow Devils bit.*

Radix ima parte plurimum præmorsa, fibris plurimis albis, alimentum haurit. Folia ad radicem plurima, longa, angusta, utrinque laciniata laciniis longis angustis acutis, in mucrones prælongos acutos desinentia, aliàs hirsuta & pilosa, præcipuè circa costam mediam, aliàs propemodum glabra, hilari interdum virore splendentia, nervo medio albo. Inter hæc caules emergunt plures, ad terram primò reclinati, deinde flexu arcuato paulatim se erigentes, cubitum aut sesquicubitum longi, striati, inanes, ramosi. Caulium & ramorum summitatibus flores innascuntur benè multi, pediculis longis, lutei, foliosi, è calice oblongo, modicè squamato, hirsuto. Ad primam divaricationem apponitur folium iis quæ ad radicem simile, ad superiores caulis & ramulorum divaricationes minora, angusta & oblonga: quin & summi caules & ramuli seu mavis florum pediculi quibusdam foliolis seu foliorum rudimentis vestiuntur. Semen pappo adhærente alatum.

Locus.

In pascuis frequens Julio & Augusto mensibus floret.

Hieracium foliis & facie Chondrillæ Lob. Chondrillæ folio hirsutum C. B. item Hierac. Chondril.

- A. 2. *Hieracium longius radiculatum* Ger. emac. Park. Hier. *Dentis leonis folio obtuso majus* C. B. *macrocaulon junceum, sive minus primum* Dodonæi J. B. *Long-rooted Hawkweed.*

Ex radice crassa, alba, simplici, succo lacteo amaro turgidâ, altè in terram descendente, caules ex eunt cubitales & altiores, complures, angulosi, atrovirentes, concavi, in ramos aliquot divisi, ima parte raris pilis hirsuti, supernè glabri, rudimentis potiùs foliorum quàm foliis vestiti. Flores summo cauli & singulis furculis insident singuli, Hedypnoidis, lutei, è squarroso & glabro capitulo emicantes, pluribus flosculis arcè stipatis compositi, quorum singuli singulis insident seminibus longis, tenuibus, ruffis, quibus in longos & tenues mucrones productis adnascuntur umbellulæ pappoïæ, quâ notâ à reliquis sui generis faciliùs & certius distinguitur, quàm aliâ quâcunque. Folia pleraque omnia ex radice statim orta per terram sparguntur, utrinque laciniata, hirsuta, in obtusum mucronem desinentia, tenera, lanugine breviorè quàm Hieracii Dentis leonis flore singulari.

Junio, Julio & per totam æstatem floret, in pascuis ubique.

3. *Hieracium villosum* *Sonchus lanatus* Dalechampio dictum. *Sonchus lanatus* Dalechampii J. B. Son. villosus luteus major C. B. Park. **Woolly Hawkweed.**

J. B.

In cubitalem altitudinem & ampliorem excrefcit, foliis per caulem craffiusculum, pilosumque fortuito dispositis, duarum triumve unciarum longitudine, culmi latitudine, nonnihil sinuatis & subinde veluti corrofis, ad Cyani folia nonnihil accedentibus, nervo unico fecundum longitudinem excurrente, tomentosis, nullo pediculo nixis, ad quorum radices ramuli enascuntur. Superior pars caulis ramofior in plurimos furculos molli lanugine obfitos divaricatur; flores gerens aureos Erigerontis, tandem in pappum fatifcentes, calicibus circumdatos tomento delicato & molli pubefcentibus. Radice nititur fatis craffa & longa, non multum fibrofa. Planta ficca nonnihil amara.

Circa Melfanam Siciliæ, & Montpelium Galliæ Narbonenfis plurimum sponte ortum observavimus. Locum.

Tota planta (inquit J. Bauhinus) lacteo succo turget Cichorei modo, gustuque amaro prædita est, sed minus quam reliqua Cichorea, quorum & facultates obtinet, licet imbecilliores.

4. *Sonchus villosus luteus minor* C. B. Park. rectius, *Hieracium tomentosum minus*. **The lesser woolly Hawkweed.**

Ex radice rufa, longiuscula, fibris carente cauliculi bini, terni, rotundi, nonnihil villosi palmum superantes, & in summo in ramulos binos ternosve divisi prodeunt; folia pauca ad radicem, uncias quatuor longa, sed angustissima, laciniis latè à se distantibus & lævibus divisa, quæ circa caulem strictissima & uncialia: Flores in summis ramulis intensè aurei, ex parvis capitulis suavi tomento villosis prodeunt, in pappum abeunt. Tota planta leviter tomentosa est.

Montpelii in luco Gramuntio provenit.

Descriptio est C. Bauhini in Prodomo. Hujus etiam J. Bauhinus verbo meminit in prioris descriptione; interdum, inquiens, hæc planta palmaris est, foliis minoribus, laciniatis. Locus.

Circa Melfanam Siciliæ metropolin alteram Sonchi lanati speciem à lanato Dalechampii diversam invenimus, foliis tamen (quantum memini) minimè laciniatis.

5. *Hieracium Apulum suave-rubente flore* Col. *Dentis leonis folio, flore suave-rubente* C. B. **Hawkweed of Apulia with a fleshy-coloured or red flower.**

Radice nititur simplici, alba, rectè descendente, paucis fibris donata, succo lacteo turgida. Folia in orbem spargit, ut congeneres, brevi lanugine utrinque hirsuta, ima seu primò erumpentia ferè integra, paucis denticulis donata, ab angusto principio in obtusum mucronem sensim dilatata, posteriora & quæ in caulibus existunt profundioribus laciniis Cichorei aut Dentis leonis specie incisa.

Caulis ab eadem radice emergunt plures, dodrantes aut pedales, tenues, striati, solidi, rigidiusculi, raris pilis obfiti, foliis ad intervalla majora vestiti alternatim positis, è quorum sinubus ramuli exeunt. Flores in summis caulibus & ramulis, antequam aperiuntur deorsum nutant, Aquilegiæ florum in modum, è calice squamoso, suave-rubentes, fatis grandes: quibus marcescentibus, capitula lanugine albâ, longâ, supra calicem eminente pubescunt. Semen longum, angustum & tenue, rufum. Odor totius plantæ ad castoreum quodammodo accedit aut opium.

Loco natali Aprili mense floret, seriùs apud nos; natalem autem locum titulus indicat.

Huic affine est & ut puto, idem, *Hieracium intybaceum floribus ex purpura rubentibus* C. B. *intybaceum* X. Clus. hist. *intybaceum flore carneo* Park.

Quod ex singulari radice statim multa promit folia, Cichoreo sylvestri similia, Erucæ modo in lateribus divisa & velut erosa: deinde inter illa multos breves cauliculos, minoribus foliis, minusque incisis cinctos, & in frequentes ramulos divisos, dodrantes aut longiores, nudos, summo fastigio sustinentes calicem seu capitulum septem aut octo squamis hirsutis constans, è quo flos exit dens aut duodenis foliis exterioribus, totidem internis minoribus præditus, coloris elegantis ex purpura rubentis, cui succedit pappus, in quo oblongum & gracile semen fuscum.

Annua videtur planta, subinde tamen novos flores proferens, ut tota æstate, imò etiam in medium usque Autumnum florida conspecta sit.

Hæc descriptio Clusiana in omnibus ferè convenit nostro Hieracio flore carneo; ut minimè dubium sit eandem plantam fuisse Hieracium isthoc Clusii cum nobis descripto, ut rectè judicat Parkinsonus noster. Quin & locus convenit, nam planta Clusiana nata est semine ex Italia misso; quocirca C. Bauhinus perperam eas distinguit & diversas facit.

Huic insuper, descriptiones ejus apud Bauhinum utrumque attentè legenti & consideranti, omnino eadem esse videtur.

*Chondrilla purpurascens fetida* C. B. Park. *hirsuta rubente flore* J. B. *cujus descriptionem subscribemus.*

J. B.

Plures ex eadem radice simplice, albâ, durâ, fibris donata, lac fundente caules attolluntur, pedales & cubitales, solidi, lactiflui, tenues, striati, singularibus foliis donati, quorum singulis singuli insident flores, monocloni, colore ex albo purpurascente, densè foliis per extremam oram crenatis stipati, ex calice thorulis hirsutis canaliculato, cui ad basin haud secus atque in Hedypnoide prominu-



la apposita folia eaque glabra: Ea porro florum subinde est præmatura fecunditas, ut vix semunciam longitudinem assecuti caulium rudimentis jam tum capitula florum præludia innascentur. *Folia* vel à radice statim, vel ab imo caule per terram sparguntur [nam in caule reliquo rariora sunt] Hedypnoidis laciniis, quibus magnitudine tamen cedunt, utrinque hirsuta, odore gravi, succedunt semina longa tenuia cum pappo.

Vide sis descriptionem hujus & figuram apud C. Bauhinum in Prodro. mo.

Unde apparet C. Bauhinum ex una planta tres facere.

A. 6. *Hieracium Castorei* odore Monspelienſum. *Hier. minus Cicborei* vel potiùs *Stæbes folio hirsutum* Cat. Cant. *Rough Hawkweed with the ſcent of Caſtor.*

Ex radice ſimplici, lignoſa, alba, caules exurgunt plures, ramoſi, hirsuti, ſemipedaſes aut altioreſ. *Folia* ei anguſta, hirsuta, laciniata, *Stæbes & Salamantica primæ* Cluſii, ſed longè minora, in acutum mucronem deſinentia: *Flores* luſei parvi, citò marceſcentes, quibus delapſis, calicibus coniventibus, capitula in ventrem canaliculatum turgeſcunt, pappoſam lanuginem nitidam è ſummitate prominentem oſtendentes, quâ in re *Hieracium* flore carneo æmulantur. Tota etiam planta non obſcurum *Caſtorei* odorem ſpirat, quemadmodum & illa.

An *Hieracium Amygdalas amaras* olens, ſive odore Apuli ſuaſe-rubentis Cat. *Parif.*

Locus.

In paſcuſ non procul Cantabrigia primùm invenimus, poſtea aliis in locis. Monſpelii, ubi etiam ſponte provenit, nobis oſtenſa fuit hæc ſpecies ſub titulo *Hieracii Caſtorei* odore; ſub quo etiam in Indice plantarum circa Monſpelium naſcentium à D. *Magnol* depingitur & deſcribitur.

\* 7. *Hieracium medio-nigrum Bæticum* Park.

Park.

Quatuor aut quinque parva, oblonga, anguſta, glabra è viridi albicantia, in terram reſupina emittit *folia*, minùs profundò laciniata, mediâ coſtâ albicante: inter quæ *cauliculus* exſurgit, plerunque unicus, ex viridi albicans, ſtriatus, ramoſus, ſeſquipedaſi altitudine, *foliis* paucis, minoribus ad nodos ſeu divaricationes veſtitus, denticulis paucis aut nullis inciſis. Summis caulibus & ramulis inſident *flores*, ſinguli ſingulis, *Hieracii*, parvi, denſo multiplicum ſoſculorum ſtipatu conſtantes, colore pallido cum macula in medio atro-purpureâ; quibus ſuccedunt *ſemina* parva, leucophæa, lanugine brevi barbata. *Radix* lignoſa, annua.

Locus.

Hujus ſemina ex Hiſpania attulit Boelius.

Datur & alia hujus ſpecies omnibus partibus triplo minor, aliàs ſimilis.

Hæc planta inſigni notâ, maculâ, nigro-purpureâ in medio flore ab aliis omnibus *Hieraciis* facilè diſtinguitur.

8. *Hieracium calice barbato* Col. *falcatum barbatum* Park. *proliſerum falcatum* C. B.

Col.

Huic floris *calix* oblongus, ſquamulis ſive foliolis oblongis, tenuibus & incurvis, ut hirsutus ſive barbatus undique videatur. *Flos* verò pallidus Maio menſe oblongus, nec ſatis hians & latus. *Folia* parva, triunciali longitudine, anguſta admodum, raris denticulis ferrata, mollia, nec lævia, nec hirsuta. *Caulis* tenuis eſt, pedalis, duobus tribùſve foliolis hærentibus alternatim ornatus, & in ſummo florem, & ex illius latere ſoboles emittit, in quibus alii flores altiùs emergunt Impiæ vulgaris modo.

Locus.

Locus Auſtralibus in maritimis ferè provenit juxta oppidum dictum *Torre del Annunciata* non longè à Stabii ruinis in Veſuvii radice. Circa *Mellanam & Monſpelium* frequentem obſervavimus. Hujus deſcriptionem pleniorẽ videſis in C. Bauhini Prodro. mo.

Varietas.

Hujus ſpeciem minorem ibidem deſcribit C. Bauhinus, quam *Hieracium minimum falcatum* appellat, quæ in paucis à præcedente præterquam parvitate differt. In arenoſo maris litore non longè Monſpelio.

\* 9. *Hieracium alterum lævis minimum* Col.

Col.

Nudus ferè huic *caulis* eſt, pedalis ad ſummum, tenuis admodum: *Radix* exigua, parùm fibroſa. *Foliola* emittit vere, in terram ſtrata, circa radiceſ caput exigua, oblonga, nec unciam longitudine ſuperantia, ſinuoſa atque lanugine quadam hirsuta, locis verò pinguioribus triunciali longitudine, & ſemiunciam lata: cui plantæ (ob humoris abundantiam putamus) caulem in medio ſtipite extuberantem monſtroſum in multis obſervavimus. Exiguus ac vix conſpicuis alis alternatim veſtitur, ut nudus ferè appareat, ſingularis plerunque; ſed aliquando binos etiam caules deinde obſervavimus. *Florem* in ſummo profert luteum Senecionis, calice ſquamolo, lævi, oblongo, quo ſeneſcente in globum pappoſum *ſemen* oblongum, fulveſcens efformatur, atque perfectum, ut in congeneribus avolat.

Maio menſe floret. Cum ſuperiore invenimus unâ.

- A. 10. *Hieracium echioides capitulis Cardui benedicti* C. B. *Hier. capitulis Cardui benedicti maximum*, *Buglossum echioides quibusdam* J. B. *Buglossum luteum* Ger. *Buglossum luteum sive Lingua bovis* Par. parad. Lang de bœuf.

*J. B.*

Multifida radice nititur, crassitudine digitali, albâ, lac amarum fundente, annua. Caulis bicubitalis radicis crassitiem æquat, striatus, rubens, densissimis spinis, acutis, rigidis, sed faciliè caulem relinquentibus horrens, succum itidem lacteum è vulnere fundens, ramis compluribus brachiatus. Folia Buglossæ, sinuosa, longa, multò magis spinis minacibus horrida. Flores Hieracii crocantes, in pappos facessentes, è calice thorulis hispidis canaliculato. Semen oblongum fulvum aut subrufum. Annua est planta, seipsam resemians; floret Junio & Julio.

Ad agrorum margines inque sepium aggeribus, non rarò & in cædis sylvis sponte oritur. *Locus.*  
Usurpatur pro olere in cibo: Ventrem mollire creditur.

- \* 11. *Hieracium Echioides capitulis Cardui benedicti majus Arabicum folio sinuato* Hort. Edinburg.

*Hanc speciem nobis nondum videre contigit.*

- A. 12. *Hieracium asperum majori flore in agrorum limitibus* J. B. *Cichoreum pratense luteum asperum* Park. *Cich. prat. lute. hirsutæ asperum*, vel *Hieracium hirsutum foliis caulem ambientibus* C. B. & *Cich. montanum angustifolium hirsutæ asperum ejusdem ex sententia* J. B. *fratris. Hier. asperum* Ger. *Tough Hawkweed with a large flower, pellow Succop.*

*J. B.*

Satis crassæ radices, multifidæ, compluribus fibris donatæ, colore ad buxum inclinante, lac fundentes amaro sapore, verum non insigni præditum. Caules ex eadem radice multi surgunt, teretes, striati, rigidis pilis asperi, ramosi, lacteum succum manantes, cubitales & altiores. Folia inferiora quidem duos interdum palmos longa, sesquiunciam lata, acuminata, primum atrovirentia, post de coloris intentione nonnihil remittentia, hispida, acuminata, sinuata per margines, & aliquantulum crispa; superiora verò alternatim caulibus adherent, minora, acutiora cæteròqui familia: Sapor utrisque subamarus. Flores suis singuli pediculis, modò longis, modò brevibus, posteriores prioribus, ut in Impia Plinii, altioribus insident, Tuffilagini floribus pares, lutei. Foliola exteriora majora, crenata, ex capitulo è longis foliolis multis squammato, subaspero, quod delapsis floribus in ventrem canaliculatum turgescit, semen claudens lanugine obsitum.

Cum Hieracio capitulis Card. benedicti multa communia habet.

In agrorum marginibus, inque asperis collibus secus agros & vineas provenit. *J. B. Julio, Augusto, Septembri & Octobri mensibus florens. Locus & Tempus.*

- \* 13. *Hieracium montanum majus latifolium* J. B. *latifolium montanum* Ger. *emac. montanum latifolium glabrum majus* C. B. Park. *Great broad-leaved mountain Hawkweed.*

*J. B.*

Radice nititur brevi, nigro-incana, succifâ, digitum minorem crassitudine æquante, fibris multis albis, in extremitate bifurcatis donatâ, lacte prægnante saporis multum amari: Foliis longis, latis, crispis, ex albo incanis, rigida lanugine obductis, Hieracii echioidis folii in modum effigiatis, sed duplo latioribus, brevi petiolo hærentibus, caulem amplectentibus, præsertim superioribus, acuminatis. Inter folia ad finem Augusti procedit caulis rotundus, asper, pilosus, spithamam unam & mediam longus, quandoque in duas aut tres alas divisus, in quibus capitula crassâ exoriuntur, multis foliolis constantia; florem producentia luteum, plenum, qui, ceu alii hujus generis, in florem abit, ac una cum semine nigro ventis dispergitur. Tota planta lacte turget.

Harcyniæ summis montibus incola.

*Locus.*

- \* 14. *Hieracium montanum latifolium minus* Ger. *montan. latif. glabrum minus* Park. C. B. *latifolium glabrum ex valle Griesbachiana* J. B. *The lesser broad-leaved mountain Hawkweed.*

*J. B.*

Priorem hæc æmulatur, licet radix minor sit, & folia angustiora & paulò breviora, inferiora etiam longiore prædita sunt pediculo, cætera verò pediculo carent, caulem amplectentia, ad exortum angustiora quàm prioris, tenera, mollia. Caulis abit in quinque, sex aut septem staminula, quibus singulis flos insidet unicus, luteus, præcedentis floribus par sed paulò minor. Tota planta amara est.

Hanc observavit J. Bauhinus in valle Griesbachiana Maio florentem ut & Tabern. *Descriptio. Locus.*

In Catalogo Horti medici Leydenfis invenio *Hieracium montanum latifolium glabrum non descriptum.*



15. *Hieracium montanum alterum λεπτομακρόφυλλον* Col. *montanum hirsutum minus* C. B. Mountain Hawkweed with long slender stalks, and small flowers.

Col.

E tenui, brevi, fibrosa, parum flavicante radice pauca promit folia secus terram magna & longa Hieracio aut Seridi similia, hirsuta, mollia & quæ facile citòque marcescunt. Caulem quidem Junio & Julio mense, tenuem [propè terram tamen satis crassum] admodum longum, hominis ferè staturam aequantem, ex viridi lutescentem, hirsutie albentem, asperiusculum, lactescentemque, alternatis in semipedalibus distantibus harentibus foliis, absque petiolo ut in congeneribus, latiore origine eum amplexantibus, summâ parte in longas alas pluresque fissum, in multos se tenues longosque petiolos dividentes, in quibus oblongi calices foliolis densè constructi superstant, & in illis flores emicant lutei, admodum parvi, sed Hieracii æmuli & similia, congenerisque plantæ Dodonæo Lampfana dicti. Semen parvum, nigrum papposum. Tota planta lacte turget, nonnihil tunc amaro sapore visa.

Locus.

Hujus ortus in sepibus Æquicolorum villæ Mercato dictæ, nec ibi multa.

Postquam semen dederit radicitus exarescit: ex semine autem deciduo novæ plantulæ Autumno exoriuntur, quæ per totam hyemem durant.

C. Bauhinus Hieracium mont. hirsutum minus appellat, cum tamen planta sit satis grandis & procera.

Varietas Semine citrino.

Ejus plantæ quam nos è semine hoc titulo misso ortam in horto nostro colimus caules summi vel glabri sunt, vel adèd brevi lanugine hirsuti ut glabri videantur, striati, concavi: Flores exigui, pallide flavi, antequam aperiantur oblongo & veluti columnari calice è simplici palorum ordine composito, Senecionis floribus similes apparent: ad calicis basin unus squamarum acutarum ordo. Delapso flore calices in ventrem turgescunt. Semen non nigrum ut in planta F. Columnæ descripta, sed citrinum est.

A. 16. *Hieracium luteum glabrum seu minus hirsutum* J. B. *Cichoreum pratense luteum* Levius C. B. Park.

Radice nititur crassâ, simplici, pluribus fibris donata. Folia ad radicem plurima, profundè laciniosa, glabra, adèd Cichoraceis similia ut distinguere sit difficile: Caulis nunc unus nunc plures majores & firmiores quàm in alia quavis Hieracii specie nobis cognita, canaliculati, inanes, cubitales aut bicubitales, rubentes, propè summitates in ramos aliquot divisi. Ad singulorum autem ramulorum exortum apponitur folium iis quæ ad radicem simile. Flores pediculis singuli donati, Lampfanae florum forma, nonnihil majores, similiter lutei ex capitulo caniculato hirsuto, qui in pappos abeunt: Semen relinquitur minutum, striatum, fuscum.

Hujus flores, capitula, & semina omnium quæ in Anglia sponte proveniunt Hieraciorum minima sunt, si Hyoserim excipias, caulis autem major & firmior reliquis.

Locus.

In pascuis frequens occurrit, & æstate floret.

\* 17. *Hieracium pulchrum* J. B. Cat. Monsp.

J. B.

Ad Dentem leonis laciniis, & Cichorium Sylvestre accedunt hujus folia formâ & hirsutie, prima verò minus laciniata, alia alternatim per caulem, at saporem nullum manifestum gustanti offerunt, quòque altiora eò minora redduntur. Caulis unicus, rectus, striatus, hirsutus cubitalis, foliis alternatim orientibus amictus, quæ sine pediculo latam habent basin cum alis. Flores in cacumine numerosi, ex pediculis propriis Hieracii similes, lutei, in pappos facessentes. Radix non magna cum fibris aliquot crassiusculis.

Locus.

Monspeli vidimus florens Maio, inquit J. Bauhinus. D. Magnol copiosum invenit in humidis factorum & vinearum fossis tota æstate cum flore. Nobis nec ibi, nec alibi apparuit: nec mirum, siquidem Autumno duntaxat & hyeme Monspeli commorabamur.

\* 18. *Hieracium pulchrum ramosum Sprengerianum* J. B.

J. B.

Caulis est sesquicubitali & altiore, piloso, ramulis alterno situ ex longa distantia brachiato, ad quorum alas harent infernè quidem ex principio angusto longa ac dodrantalia ferè folia, fescunciam lata, profundis & amplis incisuris ordine quodam serrata ac parè laciniata, nervo insigni per medium excurrente: supernè verò folia breviora, lato principio & velut alis caulem amplexantur Perfoliatae instar. Flores in summitatibus lutei, quales in Hieracii, in singulis ramis quini, leni plus minus, qui temporis progressu in pappos facessunt. Tota planta pilosa, potissimum in ramis, in quibus pili longiores.

Ex sicca planta descripsit Autor, eaque non perfectâ.

\* 19. *Cichorium dulce Neapolitanum* Park. *Sonchus latifolius leviter hirsutus* C. B. rectius *Hieracium dulce Cichorii foliis*. Sweet Hawkweed with Succory leaves.

Col.

A radice longa, nigro cortice obductâ, intus albâ, & lacte disruptâ manante dulci, frequens toto anno regerminat. Folia illi Cichoracea, minus profundè incisa, pulposa, carnosiora cæteris congeneribus, nec aspera, sed leni obducta hirsutie, colore obscurè virentia. Caulis veris fine producit, bipedali

bipedali & aliquando majori altitudine, rotundum, solidum, hirsutum, colore candicantem, ramulis in summo brachiatum; in quibus *folia* lata, magis profundè incisa sine petiolo hærent, similia illis Sonchi & Cichorii vesicarii dicti. In summo in oblongis hirsutis calicibus Hieracio aut Soncho similes sed hilari aureo luteo colore flores edit; quibus marcescentibus copioso *semine* turgidi remanent calices oblongi, colore obscurè rufescente, atque pappum candidum, tenuem mollem habente quo maturitatem adepto avolat, ut congeneribus evenit. Æstate perficitur.

In umbrosis vallium saxosis & Septentrionalibus locis Valvensium frequens est.

Sylvestris Cichorii figuram foliis repræsentat & habitu plantæ: gustu verò est adeò amaroris expers, ut omnino dulcis palato sentiat.

Locus.

20. *Hieracium latifolium montanum Genevense folio Conyzæ majoris Monspeffulanæ. J. B.*

*Caules* edit plures, cubitales ac etiam majores, cavi, crassos, hirsutos, qui superiùs in aliquot breves ramulos divisi, *flores* gerunt luteos, magnos, Hieracii capitulis asperis pares; tandem in pappos evanescentes: *folia* infima Conyzæ Monspeffulanæ majoris foliis paria, palmari circiter longitudine, unciam lata, sinuata nonnihil, & quasi ferrata, per caulem alternatim sunt disposita, caulem modicè amplectentia, hirsuta potissimum parte inferiore, minùs tamen aspera quàm Hieracium alperum. *Radices* fibrosæ, crassiusculæ, nigricantes & crassis capitibus.

In ascensu montis Juræ propè Thuri hanc plantam invenimus spontaneam. Suspiciatur J. Baubinus Locus. hanc traditam à Clusio pro Hier. Britannico: Nobis aliter videtur.

A. 21. *Hieracium montanum Cichorei foliis nostras. An Hieracium Britannicum Clusii? Hier. Alpin. asperum Conyzæ facie C. B? Succory-leaved Mountain Hawkweed.*

*Radices* habet fibrosas vivaces; *caulem* sesquicubitalem & altiore, angulosum seu striatum, glabrum, inanem, non admodum firmum, *foliis* vestitum per intervalla quinque vel sex, glabris, circa margines dentatis, basi sua caulem amplexantibus, ad Pulmonariæ Gallorum folia accedentibus. *Folia* inferiora & ad radicem longiora sunt, & circa margines profundius incisa, Dentis leonis aut Cichorei foliorum æmula.

In summitate caulis, Pulmonariæ dictæ modo, *flores* complures gerit Pulmonariæ, quorum calices pilis longiusculis fuscis hirsuti sunt. *Semina* subruffa.

In montosis Septentrionalibus Angliæ, locis udis & humectis, præsertim sylvestris oritur.

Locus.

Descriptio *Hieracii Britannici* apud Clusium in plerisque cum nostra convenit, nisi quòd semen longiusculum, striatum candicans faciat, quod nobis subruffum: verùm hæc differentia non est tanti ut diversas plantas credam: præsertim cum quas ille vidit stirpes Londini in hortis Richæi & H. Morgani Pharmacopœorum (qui Cichoreum montanum nuncupabant) ex Borealibus Britannię regionibus, ubi sponte creverunt, delatæ fuerint.

*Hieracium Cichoroides vesicarium nobis.*

22. *Cichorium sylvestre vesicarium pratense Col. pratense vesicarium Park. pratense, hirsutum vesicarium C. B. Bladder-Succory.*

Col.

*Folia* habet virentia, splendida parùm lævia, tenera, mollia, Cichorii magnitudine, divisurâ & colore; [variat quidem iisdem locis, *foliis* aliquando latoribus & hirsutis asperioribus & minùs profundè divisis per ambitum] petiolis circa radicem & caulem rubentibus: *Radicem* parvam, longam, crassiusculam, nigrescentem, intus lactescentem. Martio mense *foliis* invenitur in orbem expansis, in medio umbilico vesicâ, regię nucis magnitudine, molli, tenui membranâ obducta, intus membranofos folliculos habente: Hi caule se perficiente dehiscetes in alas & flores membranosis conceptaculis expanduntur. *Caulis* est striatus, crassus, asper, nigricante hirsutie, cavi, rotundus, alternatim foliis hærentibus cinctus; circa summum latoribus, brevioribusque minùs profundè incisis, atque folliculi modo alas cum vesicis etiam amplectentibus in caulis summo: in quibus è foliacea, membranulæ modo tenui basi, sex foliolis cavis constructa, quæ antequam flores pandantur illos botrorum modo inclusos habet, *flores* emicant, longis *calycibus* Hieracii modo lutescentibus foliolis, infernè purpurantibus Eranthemii modo, intus multis coacervatis staminibus extuberantem umbonem conficientibus, quæ tandem perficientibus se papposis seminibus evanescent, ipsæque semina perfecta evolvant. Tota lacte turget amaro, atque in Apuliæ Cirinola in caule crescit: usu pro Cichorio usurpatur, sapore simili.

Nos hanc plantam in sepibus & agrorum marginibus non longè à Liburno portu in Etruria copiosam Locus. sponte provenientem observavimus, Junio mense.

Si flosculi coacervati umbonem medium conficientes planifolii non sunt, sed breves margine in aliquot segmenta diviso ut in Corymbiferis dictis, anomala & sui generis planta est, papposa quidem & lactescens, non tamen flore planifolio, naturâ pleno. Ego (quod dolet) florem non observavi; & fortè nondum floruerat cum eam primum inveni, nec enim bene recordor.

CAP.



## CAP. VI.

*Hieracia quædam complectens C. Baubino in Prodromo descripta, nec nobis visa, nec aliis ante eum (quod scimus) Botanicis tradita.*

**H**orum nonnulla à P. Magnol M.D. Monspeliensi circa Monspelium inventa descripta & delineata sunt, in Botanico suo Monspeliensi.

- \* 1. *Hieracium minus glabrum* C. B. prod. Park. **Small Hawkweed with smooth shining leaves.**

Ex *radice* albicante, oblonga, tenui, *cauliculi* palmares, rariùs pedales, tenues, læves, virentes, in alas divisi exurgunt. *Folia* habet pauca, ex virore splendentia, oblonga, angusta, raris lacinis prædita, quorum quædam basi latiore, & alata, *cauliculum* amplexantur. *Floribus* est minoribus quàm in ulla specie, aureis, quorum singuli singulis *pedicellis* unciam superantibus insident, & aliorum nrore in pappos abeunt. Apud nos circa autumnum floret. In agris reperitur.

- \* 2. *Hieracium Dentis leonis folio, floribus parvis* C. B. prod. Park.

Ex *radice* parva, lignosa, fibrosa, capillacea & albicante, *caulis* pedalis, rotundus, aliquantum hirsutus exurgit, quem ad radicem *folia* pauca, subaspera, corrofa, acuminata, uncias tres longa, semunciam lata cingunt: In caule ad ejus medietatem pauca, solum dentata, eumque basi sua completentia: cujus summo flosculi plures lutei *pedicellis* brevissimis insident.

Locus.

Hoc in Gallia Narbonensi circa Massiliam reperitur.

- \* 3. *Hieracium Dentis leonis folio bulbosum* C. B. prod. Park.

*Radix* ex aliquot oblongis quasi Asphodeli bulbis composita, de se mittit *caulem* cubito altiore, nudum, lævem, striatum, circa medium in ramos pedales, (unum vel alterum) divisum, quorum quilibet *florem* parvum, subflavum sustinet. *Folia* ad radicem per terram sparsa Dentis leonis similiter sinuata & corrofa, infernè molli lanugine pubescentia, supernè subaspera, unciam lata, tres longa.

Monspelio delatum fuit.

Locus.

In herbis pratorum & satorum marginibus circa Laterum invenit D. Magnol. cui pro hoc maxime placet figura Hieracii intybacei Tab.

- \* 4. *Hieracium tomentosum Hispanicum* C. B. prod. Park.

Tota planta mollis est, incana, tomentosa, *radicem* habens cortice rufescente tectum: *caulem* palmarem, rotundum, incanum: *folia* ad radicem oblongis pediculis donata, uncias tres quatuorve longa, semunciam lata, mollia, crassiuscula, ad formam foliorum Dentis leonis vulgaris sinuata; quæ in caule angustiora, minùsque profundè sinuata. *Cauliculi* summo *flores* bini ternive lutei brevissimis *pedicellis* insident, quorum singuli ex eleganti calice hirsuto, in plures apices diviso emicant.

Locus.

In aridis & saxosis Aragoniæ provenit.

- \* 5. *Hieracium maximum asperum Chondrillæ folio* C. B. prod. Park.

*Caule* est sesquicubitali, crasso, rotundo, inæquali, striato & aspero, in summo in ramos semipalmares brachiato, quorum singuli singulos *flores* luteos sustinent. *Folia* habet pauca, alternatim *caulem* ambientia, Chondrillæ modo in lacinias divisa, uncias tres longa, & hirsutæ aspera.

Locus.

Monspeli in asperis, quæ loca Garigues vocant provenit.

- \* 6. *Hieracium Alpinum angustissimo oblongoque folio* C. B. prod.

Ad *radicem* duriusculam rufescentem *folia* plura graminea, palmo longiora, glabra, atrovirentia observantur; inter quæ *caulis* cubitalis, lævis, rotundus, striatus, paucis *foliis* cinctus, & circa medium in plures ramulos divisus exurgit. Ramulis singulis *flos* unicus, parvus, luteus insidet, cui *semen* parvum succedit, quod cum suo pappo à vento excutitur.

Locus.

In monte Baldo reperitur.

- \* 7. *Hieracium Alpinum pumilum Chondrillæ folio* C. B. prod. Park. **Dwarf mountain Hawkweed with Gum-Succory leaves.**

Tota planta palmaris est, ex cujus *radice* alba, cortice nigricante tecta *folia* aliquot prodeunt, lævia, pallidè virentia, uncias quatuor longa, pediculis longis donata, vix laciniata: inter quæ *cauliculus* exurgit rotundus, foliis Chondrillæ modo divisus cinctus, qui in summo in duos tréve ramulos unciales dividitur, quorum singuli *florem* unum, luteum satis magnum sustinent.

Locus.

Crescit in Sneeberg Austria.

\* 8. Hier-

\* 8. *Hieracium intubaceum flore luteo* C. B. prod. Park.

Hoc foliis est Intubi, caulem proximè ambientibus, aliquibus integris, aliis in sinus profundos laciniatis, longitudine uncias quatuor, latitudine sesquiunciam superantibus, atrovirentibus & lavibus. *Caulem* habet tenuem, pedalem, ramosum, reclinatum & lævem. Cauliculo pœnè palmari & nudo *flos* unicus, luteus, mediæ magnitudinis infidet, cui *semen* parvum, pappo inclusum succedit.

\* 9. *Hieracium intubaceum flore magno albido* C. B. prod. Park.

Hoc foliis est priore longioribus, latioribus magisque laciniatis: flore etiam majore, albido medio luteo, foris subrubente.

\* 10. *Dens leonis latifolius caulescens* C. B. prod.

*Caule* est cubitali, hirsuto, rotundo, striato & cavo, quem *folia* basi alata, in lacinias aliquot divisa, subrotunda, uncias sex longa, sesquiunciam lata, marginibus nonnihil pilosis cingunt, quæ in caulis summo leviter tantum sinuata proximè eundem vestiunt. *Flos* magnitudine ferè & colore, sed pallidior, ut in Dente leonis vulgari.

\* 11. *Hieracium montanum rapifolium* C. B. prod. Park. Turnep-leaved Hawkweed.

Ex radice rufescente, oblonga, parum capillata *folia* pauca, ad Rapæ vulgaris modum, in lacinias subrotundas, per margines sinuatas & ad tactum asperas divisa, pediculis oblongis, rubentibus & asperis donata, prodeunt: inter quæ *caulis* cubito altior, cavus, striatus, rufescens, uno alterove brevi folio cinctus exurgit, qui supernè in ramulos plures dividitur, quorum singulis *flos* communiter unicus, rarius duo, pediculis tamen distinctis infidet, luteus, mediæ magnitudinis, qui tandem in pappum abit.

In monte *Wasserfall* provenit.

Locu.

\* 12. *Hieracium montanum foliis dentatis, flore magno* C. B. prod. Park. Dented Hawkweed with a great flower.

Hoc foliis est atrovirentibus, lanugine carentibus, ad radicem maximè dispositis, uncias quinque longis, unam latis, per circumferentiam & dentatis & levissima lanugine pubescentibus: inter quæ *caulis* pœnè nudus, pedalis, cavus, hirsutus, asper, exurgit qui *florem* nudum eumque magnum sustinet, saturatè luteum, elegantè quasi calici inclusum.

Hoc in Helvetiorum montibus Gothardo, & circa Thermas Fabarias crescit.

Locu.

Hæc planta flore ejusque calice *Hedypnoidem Monspessulanam* J. Bauhini refert. Ad Dentem leonis retulisset si caulis prorsus nudus, non pœnè nudus fuisset.

\* 13. *Hieracium ramosum magno flore* C. B. prod. Park. Branched Hawkweed with a great flower.

Hoc *caule* est bicubitali, rotundo, subaspero in ramos diviso, quibus singulis *flos* magnus, aureus, Dentis leonis formâ infidet. *Folia* habet pallidè virentia, nonnihil aspera, sinuata, & per margines exiguis pilis donata, longitudine palmum superantia, tres uncias lata, per quorum longitudinem costa insignis excurrit, à qua per transversum venæ feruntur.

In montibus Bellunenſibus reperitur.

Locu.

\* 14. *Hieracium montanum lanuginosum, laciniatum parvo flore* C. B. prod. Park.

Ex radice oblonga atrorubente *folia* plura, pediculis tres uncias longis donata, crassa, profundè laciniata, acuminata, molli lanugine pubescentia, supernè atrovirentia & quasi maculata, alia sesquiunciam lata, alia angustiora; inter quæ *cauliculus* palmaris, tenuis, mollis exurgit; cujus summo flores aliquot lutei, parvi, & quidem singuli singulis pedicellis infident.

Apud Monspelienses in horto Dei crescit.

Locu.

\* 15. *Hieracium profundè sinuatum pubescens* C. B. prod. Park.

*Radice* est nigricante, lignosâ, fibrosâ; *caule* bicubitali, rotundo, fistuloso, levi lanugine, ut & tota planta, pubescente, in ramos brachiato: *foliis* ad radicem oblongis, acutis, profundè sinuatis, etiam laciniatis, oblongis pediculis donatis, per caulem paucis, similiter acutè laciniatis. *Flores* singuli singulis pediculis, aurei in pappum abeuntes infident.

Locu.

In pratis Michelfeldensibus ficcioribus ad dumeta, etiam in dumetis provenit.



## CAP. VII.

*Hieracium Pulmonaria dictum.*

**H**oc nomine Hieracia etiam fruticosa dicta complectimur: Eorum autem nota characteristica quâ à reliquis Hieraciis distinguuntur est semen parvum, nigrum, breve. A Pilosella five Auricula muris, quacum femine conveniunt, in eo differunt quod non reptent flagellis quemadmodum illa.

- A. 1. *Hieracium fruticosum latifolium glabrum* Park. *fruticos. latifolium foliis dentatis glabrum* C. B. *majus latifolium Pannonicum* 2. *Clusii* J. B. *The smoother broad-leaved bushy Patkweed.*

*Clus.*

Cubitalis atque etiam bicubitalis interdum sunt huic *caules*, firmi, rotundi, quadam lanugine obfusi [levissimis pilis hinc inde aspersis C. B.] quos inordinata, five confuso ordine nascentia multa ambiunt *folia*, tres uncias aut amplius longa, unam lata, mollia, in ambitu dentata, lacteo succo plena, [atrovirentia, acuminata C. B.] Summus caulis in aliquot ramulos finditur, sustinentes imbricata capitula, è quibus prominent *flores* lutei, denis, duodenis aut pluribus foliolis extrema parte incisae constantes, medium occupantibus multis luteis fibris. *Radix* minimi digiti crassitudinem æquat, multisque tenuibus fibris capillata singulis annis augetur & ad latera novos frequentioresque caules profert.

Ejus generis reperitur graciliore caule, angustioribus & vix semunciam latis foliis, in reliquis conveniunt.

*Locus.*

In extremitatibus sicciorum pratorum inter vepres nascitur, atque etiam ad carduarum sylvarum margines.

Plantam hanc aut ei valde similem inveni non longè à stagno *Puls-water* dicto in Westmorlandia. Folia ejus & caules nulla omnino vel brevi admodum lanugine obducta fuere; maturius etiam floruit quàm Hieracium fruticosum latifolium hirsutum, quod & eodem in loco crevit.

- A. 2. *Hieracium fruticosum latifolium hirsutum* Park. C. B. *Hieracii Sabaudi varietas altera* J. B. *Bushy Patkweed with rough broad leaves.*

*Caules* huic bicubitalis sunt, hirsuti, teretes, rigidi, multis foliis inordinatè nascentibus vestiti, [alternatim quasi sitis] aversa potissimum parte hirsutis, tres, pollices longis, duos latis, in acumen definientibus. *Flores* in summis caulibus quales Hieracio Sabauda aut Pulmonaria Gallica. *Semina* nigra.

Hæc planta Pulmonaria Gallica perfamilis est, iisdemque in locis, nimirum sylvis & frutectis, provenit; Differt caule altiore, robustiore & rigidior, pluribus foliis vestito.

Variat (inquit C. Bauhinus) 1. Foliis uncias quinque longis, sesquiunciam latis, subrotundis, dentatis & asperis, quemadmodum Patavii provenit, & à Guilandino Militaris Galeni & Lactaris Plinii dicebatur. Secunda Foliis est multò longioribus angustioribus, parum dentatis, molli lanugine pubescentibus, quod apud nos reperitur, licet rariùs.

Ab hoc nescio an specie differat.

- \* 3. *Hieracium fruticosum folio subrotundo* C. B.

*C. B.*

Quod caule est cubitali, rotundo striato; foliis cincto subviridibus, subrotundis, uncias duas longis sesquiunciam latis, acuminatis & dentatis, leviter hirsutis: cætera præcedenti simile.

An Hieracii Sabaudi varietas prior J. Bauhino? cujus plantam siccam sibi à fratre Casparo missam scribit, cui in caule cubitum excedente folia priora alternatim disposita, uncias duas longa & pollice angustiora, ovalia ferè, non crenata, superiora quosdam dentes habent, hirsuta sunt.

- \* 4. *Hieracium fruticosum minus* C. B.

*C. B.*

Hujus (inquit) triplex varietas occurrit; nam licet ex radice fibrosa & quasi præmorsa caulis pedalis simplex exurgat, attamen foliis brevibus & levissimis circa Patavium; at circa Norimbergam paucis, brevibus, subrotundis, in circumferentia crenatis & asperiusculis provenit.

Hæc varietas loco natali fortè debetur.

- A. 5. *Hieracium fruticosum angustifolium majus* C. B. Park. *Intybaceum* Ger. *rectum, rigidum* quibusdam Sabaudum J. B. *Narrow-leaved bushy Patkweed.*

*J. B.*

Ad cubitos duos assurgit, interdum procerius, *caulibus* rotundis, rigidis, hirsutis, rubentibus, lacte prægnantibus, qui in summitate in aliquot surculos faceffunt, quorum linguli singulos *flores* sustinent, luteos

luteos Hieracii vulgaris. *Folia* præ omnibus Hieracii rigida, oblonga, rigidis denticulis sinuata, hirsuta, atrovirentia, alternatim posita. *Radix* dura, longis fibris donata.

Inter frutices & ad sepes locis sabulosis & petraeis, non tamen admodum frequens oritur.

Miror Botanicos odoris non meminisse, qui huic satis vehemens est opii. *D. Dale* vicinus noster in hac planta à se inventa hoc anno 1685. Opii odorem non percepit. Variat fortè hoc respectu, & alicubi opium olet, alibi minime.

6. *Hieracium frutescens foliis angustissimis non descriptum* Hort. Lugd. Bat.

- \* 7. *Hieracium* 1. *latifolium* Clusii, Ger. *latif. Pannonicum* sive 1. *Clusii* Park. *Alpinum latif. hirsutis incanum flo. magno* C. B. *Pannonicum latif. 1. Clusio, Pilosellæ majori vel Pulmonariæ luteæ accedens maculatum & non maculatum* J. B. *Broad-leaved Hungarian Hawkweed.*

*Clus.*

Huic quina aut sena sunt *folia*, humi strata, lata, Intybo sativo latifolio non multum dissimilia, in ambitu nonnihil sinuosa, interdum etiam laciniata, mollia, hirsuta, nigricantibus maculis sæpissime infecta, aliquando nullis, lacteo succo turgentia: inter quæ *Caulis* exit, cubitalis, cavus, raris foliis septus, in quo plerunque unicus (nonnunquam alter & tertius) *flos* ex crassiusculo nigraque lanugine hirsuto calice emicat, Hedypnoidis flori similis sed pallidior, plenus, nonnihil odoratus. *Semen* deinde oblongiusculum, comâ incanâ pappi instar præditum, ut Tragopogi semen, quod maturum levissimo flatu dispergitur. *Radix* illi minimi digiti crassitudine, nigro atque crasso cortice obducta, lactei succi plena.

Floret Maio. Invenitur plerisque Ungariæ, Austriæ superioris & inferioris atque Moraviæ montibus, gramineis & simul apricis locis, ficcioribusque pratis.

In multis accedit ad Pulmonariam Gallorum.

- \* 8. *Hieracium Alpinum villosum latifolium magno flore* C. B. Park. *Hier. 5. Clusii* Ger. *Alpinum hirsuto folio 5. Clus. quodammodo incanum* J. B. *Broad-leaved Mountain Hawkweed with a large flower.*

*Clus.*

Aliquot sunt huic *folia* à radice prodeuntia, uncialis ferè latitudinis, oblonga, molli crispâque lanugine admodum hirsuta, & quodammodo incana, lacteo succo prædita, è quorum medio *caulis* pedalis plerunque emergit, hirsutus, quem per intervalla ambiunt *folia*, superioribus breviora, at triplo latiora, & in mucronem desinentia, non minùs quàm illa hirsuta, aut lacteo succo prægnantia. Unicum in summo fert *capitulum*, è multis hirsutis & incanis foliolis compactum (nonnunquam in lateribus alterum & tertium) quod in florem sese explicat Hieracii floribus similem, multis foliis luteo colore præditis constantem; qui deinde in pappos cum suo brevi & nigro *semine* evanescit. *Radix* nigricat, multis tamen candicantibus fibris prædita, singulis annis novos caules producit. Tota planta valde amara est.

Invenitur in herbosis Alpium jugis, ubi Julio, interdum etiam Augusto floret; in hortis autem Maio: semen Junio perficit.

Dubitat Clusius an sit ea planta quam Dalechampi Sonchum lanatum appellat: Nobis non videtur, cum Sonchus ille sit regionum calidiorum incola, non montium frigidorum.

A semine species esse videtur *Pulmonariæ Gallicæ* dictæ.

- A. 9. *Hieracium murorum folio pilosissimo* C. B. *Hier. murorum Baubini quod est Pulmonaria Gallorum Lobelii* Park. *Pulmonaria Gallica sive aurea latifolia* Ger. emac. *Pilosella major quibusdam, aliis Pulmonaria flore luteo* J. B. *French or golden Lungwort: rather, Hawkweed so called.*

*J. B.*

Huic *radix* geniculata, rubra, fibratâque, lac manans sapore amarum: à qua *caulis* surgit unicus [inter duo trêve] lacte similiter prægnans, unico plurimum folio circa mediam altitudinem donatus, cubitalis, tenuis, hirsutus, summa parte in aliquot furculos divisus, quorum extremis *flores* insident lutei Hieracii, qui in pappos marçidi facessunt. *Folia* à radice statim exoriuntur, sinuosa inæqualiter, præcipuè versùs pediculum, superne virentia & hirsuta, inferne densiore lanugine canescentia, maculis pulchris interdum notata, sapore amaro & nitroso, pediculis subrubentibus, villosis, longis quibusdam, aliis brevioribus. *Semina* parva, nigra.

Nascitur plerunque in sylvis, muris antiquis & aggeribus umbrosis. Floret Junio & Julio.

In Suffexiæ sylvis propè Cuckfield vicum folio pulchris maculis notato observavi: inque transmarinis sæpius.

10. *Pilosellæ majoris sive Pulmonariæ luteæ species magis laciniata* J. B. *Hieracium murorum laciniatum, minus pilosum* C. B. *Golden Lungwort with more jagged leaves.*

*J. B.*

Proximè dictæ est hæc à radice similis: *folia* autem majora, latiora, longiora & profundius laciniata, in angulos profundos, acuminatos, ad pediculi finem dissecta, stellam mediam representantia, quorum quædam rotunda, quædam acuminata, pilosa, lanuginosa. *Caulis* cubitalis, unicus, unico folio in media sui parte, magis laciniato præditus, in alas aliquot divisus, ad quarum exortum



tum foliolum admodum exiguum, acuminatum angustumque exoritur. *Flos* in fine Junii apparet, in Julio explicatur ac perficitur, luteus, plenus, in pappum abiens. Tota planta lacte madet.

In sylvis densis & opacis fagorum non adeò frequenter occurrit. Nescio an Varietas seu naturalis potius quam species distincta censenda sit.

A. 11. *Pulmonaria Gallica sive aurea angustifolia* Ger. emac. **Narrow-leaved French or golden Lungwort.**

Ger.

*Radix* huic parva, fibrosa: *folia* exigua, magnitudine & aliquatenus etiam figurâ (aliter tamen dentata) Bellidis foliorum, albicantia & incana. *Caulis* palmaris aut sesquipalmaris, striatus, incanus, foliis pluribus longiusculis angustis obsitus, in summitate quatuor aut quinque flores brevibus pediculis donatos gerit, colore flavo splendentes, & pro plantæ parvitate satis grandes, qui tandem in pappum abeunt.

Hæc planta à Lobelio in *Adv.* pag. 253. sub titulo *Pulmonariæ Gallorum* flore Hieracii descripta est: cujus etiam figuram in *Obs.* pag. 317. exhibet, quamvis perperam eam cum *Pulmonaria Gallorum* vulgari confundat, ut ex titulo figuræ præfixo apparet. V. Ger. emac.

Locus.

Hanc invenit (& ad Johnsonum Gerardi emaculatorem transmissit (D. Gulielmus Coot, in colle quodam in prædiis D. Brigittæ Kingsmill, Sidmontoni, non procul Novo-burgo oppido, in antiquo Romano castro, propè portam decumanam.

12. *Pilosellæ majoris seu Pulmonariæ luteæ laciniatæ species minor* J. B. **A lesser sort of golden Lungwort.**

J. B.

*Radix* huic crassa, adeò multis crassiusculis fibris donata, ut nonnisi lacerata evelli posset. *Folia* ex pluribus seu capitibus uncias septem longa, quædam breviora: quædam parùm aut vix laciniata, eaque minora, majora autem profundè laciniata, parte superna vix hirsuta, in aversa pili manifesti in costis vel nervis: foliis inferioribus pediculi longi: superioribus per caulem multò breviores: *caules* ipsi dodrantes, inferna parte rubentes, rotundi, cavi, hirsuti, in paucos ramos divisi: quorum extremis *flores* insident singulares, satis magni, lutei & papposi. Nec in radice, nec in foliis saporem ullum insignem animadvertimus.

Locus.

In muro pontis Clarævallæ urbis, nec alibi se observasse meminit J. Bauhinus: nos in monte Saleve.

Flores & semina decidunt Augusti principio.

\* 13. *Pilosellæ majoris seu Pulmonariæ luteæ species angustifolia* J. B. **Narrow-leaved golden Lungwort.**

J. B.

Præcedentibus nititur *radice* magis curta & longioribus fibris donata. Folio donatur longo ut prior, sed angustiore, piloso, lanuginoso, latè dissecto, nec profundè laciniato, non duntaxat à radice orto, sed & caulem, usque ad summum amplexo; in summitate ad alarum exortum integro, non laciniato. *Caulis* & *flos* prioribus respondent.

14. *Pilosella sive Pulmonaria lutea, angustiori folio, valdè pilosa* J. B. **Narrow-leaved hairy golden Lungwort.**

J. B.

*Pilosellæ* majori sive *Pulmonariæ luteæ* similis, cujus tamen *folia* acuminata sunt, longis pilis valde hirsuta, non tantùm à radice statim orta, sed etiam per caules pedales, hirsutos: *flores* lutei, singuli vel bini, ac etiam terni, majores quàm in vulgari, qui nondum \* pallescentes foliis obvestiuntur, quæ \* cavi longique pili ornant, & tandem in pappos evanescent. *Radices* torosæ, nigræ, in fibras crassiusculas desinentes.

\* Fortè explicati.

\* Fortè cani.

Locus.

Florebat mense Junio in monte Saleve propè Genevam; ubi & nos eam invenimus. Nostra planta brevior erat; *folia* quæ in caulibus latè basi absque pediculo adnata & densim in acumen tenuata, pilis longis flavicantibus obsita, 3. aut 4. in caule.

\* 15. *Hieracium murorum angustifolium, non laciniatum* C. B. *murorum angustifolium* Park. **Golden Lungwort with narrow unlobed leaves.**

C. B.

Ex *radice* crassa rufescente *caulis* sesquicubitalis, penè nudus, rotundus & asper exurgit; in cujus summo, quasi in umbella, *flores* plures, parvi, lutei resident. *Folia* ad radicem subnigra, mollia, uncias sex longa, vix semunciam lata, in caulis parte inferiore pauciora, breviora, angustiora, longè à se invicem distantia, & inordinate posita.

Locus.

In muris nostris reperitur, quod circa Patavium longè minus observavimus. Folio modò est latiore (inquit) modò angustiore, & hæc *Pulmonaria Gallica tenuifolia* Tab.

16. *Pilosella major erecta* C. B. *major* Gen. *Pilosella altera erecta* Park. *Pilosella minori flore, hirsutior & elatior, non repens* J. B. **Narrow-leaved Golden Lungwort not waded or indented; or upright Housecar.**

7. B.

Fibrosa est huic radix, lacteo succo acri & amaricante, reptatu fibrarum non se propagans, nec humi procumbens, sed Hieraciorum more nonnunquam ad bicubitalem altitudinem excrevit in plures caules modicè hirsutos, interdum hirsutissimos, maximè verò parte inferiore, cui folia quædam adnata, admodum angusta, uncialia, quadrantalia & palmaria: latiora verò & longiora sunt nonnunquam quæ à radice statim exoriuntur, sapore subdulci, nulla eccellente adstrictione, quæ lac manant, sicut & caules, qui propè summum cacumen in aliquot furculos quadrantales & sextantales dividuntur, hique rursus plures breves, hirsutos pedicellos promunt; quorum singulis singuli insident flosculi, Hieracii alicujus, lutei, pleni, calice ambitu striato, lanugine nigra obfuso.

Provenit in muris circa Montbelgardum: Nos circa Genevam invenimus.

Locus.

Quarendum an hæc, an ejus varietas fuerit quam proponit D. Wheeler in Itinerario suo sub titulo *Pilosellæ majoris pilosissimæ*, in Lesina insula Ptolomæo Phariæ dictæ inventæ, cujus folia pilis crebris unciam ferè longis obfita fuere; non tamen dicit an repat, an erecta sit. Forte est *Pilosellæ vulgaris repentis major species*.

17. *Pilosella montana hispida parvo flore* C. B. *major, umbellifera, maxè irregularis montana & pratensis* Col. *montana parvo flore* Park. **Mountain House-car with a small flower. An Pilos. major pilosissima D. Wheeler in Itiner?**

Col.

Huic radix non longa, nec recta, sed obliqua & velut decurtata (putrescit quidem facilè) minimi digiti ferè crassitie, innumeris fibris, albis, longis, se circumreptantibus, quibus hæret, obfita. Folia superne virentia sunt, ac hirsutie admodum longâ, rigente, densâ, albente, ferè aspera: infernè albicantia, minusque hirsuta, & pauca quæ proximiora radici brevia sunt vulgaræ paria, & deinde semper longiora, ut dodrantem ferè adæquent, nec ita tunc deinde hirsutie obfita & minimum digitum lata: caule tripedali in medio assurgente, in imo lavi, in superiore parte hirsuto ad flores usque, rotundo, virescente, aspero, cavo, lactescente sicuti folia, nudo, recto, tribus tantum foliolis semper decrefcentibus per caulem rarè dispositis. Flores in caulis summitate veluti congesti densique corymbi umbellarum ferè modo, longis petiolis triuncialibus insidentes, parvi admodum, Agerati vel Millefolii magnitudine; quibus semina parva, nigra, pappo denique evolantia succrescunt.

Æstate in Æquicolorum montium jugis pratensibus herbosis altioribus invenitur perfectæ.

Locus.

- \* 18. *Pilosella incana Saxatilis lutea* C. B. *Auricula muris altera, incana saxatilis frigidarum regionum* Col.

Col.

Radix huic nigra, rugosa, crassiuscula, ex qua flaventes longæ Helleboraceæ fibræ, ubi terreni quid adest inter rimas saxorum, (in quibus hærentem observavimus, viâ quâ à Flaminiano villa ad montium cacumina S. Angelo dicta itur, in solidis illis propter viam altis excavatis faxis supra medium iter) ut alioqui breviores & crispæ cernuntur: Folia in orbem quatuor aut quinque circa radices caput expanfa, oblique dependent, parva & recentia rotundiora toto Autumno atque hyeme, sed Vere deinde adultiora oblonga, ovalia, parùmque sinuata fiunt, incana, hirsutie densâ, longâ, Verbasci maris modo, & magis hispida auricularum Quadrupedum modo. Caule unico vel gemino ex radice vetustæ cespitis bifido prodeunte hirsuto satis, rotundo, pedali altitudine, paucis rarisque foliorum alis intercepto [duabus vel tribus;] in summo caput habente crassum, hirsutum, congeneri vulgaræ non dissimile, sed incanum, in quo Flos luteus eodem modo: semina pariter copiosa, nigra & papposa sunt. Tota lacte manat, sapore foliorum non amaro sed sicco. Nullis hæc maculis ut in Vulgari infecta observatur, sed tota incana lanosa admodum hirsutie albicante, Julio perficitur.

- \* 19. *Hieracium alterum pumilum* H. Col. seu *Alpinum alterum minimum lanuginosum*. Hier. *Alpin. pumilum folio lanuginoso* C. B.

Col.

Radix illius carnosa, ex qua longæ fibræ nigricantes, major quàm superioris latifolii [ *Pilosellæ aureæ*: ] folia pilosiora, & longiore hirsutie obducta tota planta: foliola longitudine pollicari, latitudine dimidii digiti: caulis unicus, quatuor digitos longus: flos luteus.

Parùm superat iconem ipsa planta.

Tum ex figura, tum ex descriptione, *Pilosellæ species esse videtur, non repens*.



- \* 20. *Pilosella phlomisoides* exotica J. B. *Syriaca* C. B. *maxima* *Syriaca* Lob. Park. *Great Syrian House-ear*. An potius ad *Gnaphalia* referenda?

Lob.

*Folia* est majoribus carnosiss, dense ab imo stipatis; candore & lanugine sericeove vellere, holoserici attrectatu, hilari & specioso aspectu incanis. *Caules* ternos quaternosve, quadrangulos, geniculatos, pedales emittit. *Flores* videre non contigit. *Radix* durior, lignosa, fibris donata.

J. Bauhinus hanc vidit apud D. Fel. Platerum. *Folia* (inquit) ab imo statim longis & crassis pediculis annexa, denso stipatu oriuntur, quædam ovata, quædam rotundiora, crassa, carnosissima: ipso exortu holoserico vellere donata, reliqua parte tota incana lanugine pubescentia, velut *Dictamnus falsus* aut *Stachys*, lætissimo aspectu. *Caulem* etiam, qui unicus est, *folia* stipant alternatim hærentia prædictis minora, longis interim crassisque pediculis donata. Nondum flores ferebat, sed prima tantum florum rudimenta.

- \* 21. *Chondrilla altera* *Dioscoridis* *Rauwolfia* Clus. *Chond. bulbosa* *Syriaca angustifolia* Park. *bulbosa*, *Conyzae facie*, *foliis angustioribus* C. B.

Clus.

*Radice* est lævi, ex fusco flavescente, superna parte circiter minimum digitum crassa, quinque vel etiam octo transversos digitos longa; infima parte tenuiore, cui inhæret rotunda alia radix castaneæ magnitudine, lacteo succo adeo plena ut turgeat. Superna radices pars quæ se in tres cauliculos dividit, multa habet oblonga & graminis instar angusta *folia*, simul nascentia, ad terram valde inclinata; inter quæ prodeunt *cauliculi* aliquot, foliis onusti, è quorum alis longiusculi exeunt pediculi, singuli *florem* sustinentes *Pilosellæ* majoris (quæ *Auricula muris* à vulgo nuncupatur) flori æqualem, flavum.

Locus.

In arvis Halepo vicinis satis abundanter invenitur.

Non procul inde, asperioribus tamen, magisque petrosis locis nascebatur (inquit) aliud insuper *Chondrillæ* alterius genus, radice & floribus cum superiore conveniens, cujus tamen folia latiora, magis tamen villosa & cineracea, *Holostei* *Montspeliensis* foliis ferè similia.

Hæc posterior species, *Conyzae marinæ* affinis *Chondrilla alia* *Rauwolfii* J. Bauhino dicitur *Chondrilla bulbosa* *Conyzae facie* major foliis latioribus C. B.

Priori speciei uterque Bauhinus synonymam faciunt *Conyzam marinam* *Dalechampii* Lugd. quibus refragatur Parkinsonus, nec præter rationem meam sententiâ, cum descriptiones non conveniant per omnia; præsertim quod hoc loco descriptæ radix lætescere dicatur; cujus qualitatis in alterius descriptione nulla mentio; deinde flos huic *Auriculæ muris* esse feratur, h. e. planifolius naturâ plenus; illi autem *Conyzae* majoris, qui ex brevibus quinquepartitis flosculis constat.

## CAP. VIII.

### De *Pilosella* sive *Auricula muris*.

**P**ilosella à pilis rigidiusculis quibus folia ejus obsita sunt nomen sortita est, *Auricula muris* à foliorum similitudine dicta.

Flagellis reptatricibus à *Pulmonaria*, (quæcum semine parvo nigro convenit) reliquisque *Hieraciis* distinguitur: unde definiri potest, *Hieracii* genus semine parvo, nigro, flagellis reptatricibus.

- A. 1. *Pilosella repens* Ger. *minor vulgaris repens* Park. *major repens hirsuta* C. B. *majori flore*, sive *vulgaris repens* J. B. *Common creeping House-ear*.

J. B.

Passim secus vias & in pascuis sterilioribus obvia humi decumbit, & repentibus *furculis* hirsutis amarum lac fundentibus novam sobolem per demissas fibras subinde propagat. *Folia* pilis oblongis supina parte obsita, murinis auribus similia, supra virentia, infra incana, sapore exsiccante. *Flores* in singulis caulibus tenuibus, nudis, hirsutis, sesquipalmaribus singuli, *Dentis leonis* minores, pallide lutei, extimis flosculis, seu majoribus foliolis, foris purpurascens, calice hirsuto, fusco: quibus succedunt semina papposa, parva, nigra, tenuia, oblonga. *Radix* tenuis, fibris aliquot demissis terram firmiter apprehendit.

Junio & Julio mensibus interdum etiam Maio floret.

Notavit Sim. Paulus non solum ad *Polygoni* minoris seu *Polygoni angustissimo* & acuto vel gramineo folio repentis C. B. radices circa *Solstitium æstivum* aut ad festum S. Joannis Baptistæ bacculas aut coccos, coccos baphicas seu grana *Kermes* æmulantes, sed quoque ad *Pilosellæ* majoris hirsutæ repentis C. B. radices reperiri, quæ ova alicujus mihi ignoti insecti esse ideo hæriolor, quod ex iis scapo pennæ anserinæ aut cygneæ inditis mox epistomio chartaceo obturando, ac dehinc applicationi commissis cernamus sponte sua, intra sex vel septem dies prodire insectum non diu superstes, quod unus ex amicis meis alatum avolasse observavit. Hanc verò observationem olim in

Academia



Academia Leydenſi communicavi An. Dom. 1623. Bodæo à Stapel, aliſque meorum commilito-  
num in ſtudiis Botanicis. *Sim. Paulus* Quadrip. Botan. Claſſ. 2. pag. 113, 114.

2. *Auricula muris* *Hiſpanica*, aliis *Hieracium Pannonicum* flore ſaturatè croceo J. B. *Piloſella major*  
Park. *Hieracium bortenſe latifolium* ſive *Piloſella major* Ger. emac. *Hier. bortenſe* floribus  
atropurpureſcentibus C. B. **Golden Mouſe-eat** or **Grim the Collier.**

f. B.

*Radix* huic fibroſa, ſumma parte purpureſcens, inferius albicans, amara, ſucco lacteo manans,  
ex ſe emittit clemata inſtar *Piloſellæ* majoris *Fuchſii* & *Conſolidæ* mediæ, quæ radículas albas in  
terram defigunt, ac ea ratione plurimùm ſe multiplicat & expandit. *Folia* ad radicem plura, Ja-  
ceæ aut morſus *Diaboli* ferè figurâ & magnitudine, ſex ſeptemve digitos longa, duos lata, atrovi-  
rentia, pilis rigidioribus utrinque hirtuta, ad margines æqualia, quædam tamen in margine quof-  
dam habent velut denticulos longis ſpatiis diſpoſitos. *Caules* cubitales & ſeſquicubitales, teretes,  
inanes, pilis rigidioribus, oblongis, crebris, fufcis, quorum baſes nigricant, obſiti, unde & caules  
punctulis nigris aſperſi videntur. Per caulem tria folia, inferiora majora, ſuperiora minora: caulis  
ſumma parte in aliquot furculos dividitur & furculi iterum in pediculos breves quibus inſident flores  
conferti, è calicibus ſtriatis, pilis nigris hirtutis. Menſe Maio aut Junio ſolus flos qualis *Pulmona-  
riæ* Gall. ſe expandit, colore inſigni croceo aureo: in medio apices plurimi lutei, bifidi: folia  
floris in circuitu qualia *Calthæ* denticulata aut crenata. Ubi flos unicus evanuit, multi ſimul flo-  
rent & velut umbellam exhibent. Odor parvus, ferè *Hedypnoidis* ſive *Dentis leonis*. Floribus  
ſuccedunt ſemina pappo alata, parva, breviuscula, nigra. Tota planta lacte amaro & opium redol-  
ente turget. Hæc ſpecies ab *Hieracio* Alpino non laciniato flore fuſco C. B. i. e. *Hier. Germa-  
nico* 1. Col. vel ipſo fatente, culturâ ſolùm diſferre videtur. In montibus Germaniæ collegit  
F. Gregorius.

*Hieracium hirtutum* ferè *umbellatum* C. B. *Hier. IX.* Cluſ. Hiſt.

Hujus descriptio quæ habetur apud Cluſium in plerique convenit plantæ præcedenti; ut vix dubi-  
tem eandem eſſe; præcipua differentia eſt in foliis, quæ *Hieracio* vulgari formâ non diſſimilia eſſe  
ſcribit & infernè pænè glabra. Conſule ſi placet Autorem ipſum in Hiſt. plant. lib. 5. cap. 37.

3. *Piloſella minor*, folio anguſtiore, minùs piloſo, repens J. B. *major repens*, minùs hirtuta C. B. *media*  
*vulgaris erecta* Park. **Creeping Mouſe-ear with an upright ſtalk.**

f. B.

Inſigniter repit & hæc, foliis per terram ſparſis, anguſtioribus, minoribus, tam infra, quàm ſu-  
pra glabris, ſi raros quosdam pilos in adverſo folio ſitos excipias, quorum inferiora ſubrotunda, ſu-  
periora longiora. *Caules* prociores, interdum cubito altiorem, non ſine foliis, in aliquot pediculos  
circa ſaſtigium divaricati, ubi flores duo, tres, quatuor, lutei ut alterius [*Piloſellæ* vulgaris repentis]  
ſed minores.

In paſcuis & collibus circa Genevam obſervavimus.

Locus.

- \* 4. *Piloſella Indica* Cornuti, *Indica odorata* Park. *Hieracium peregrinum* Eyſt. **Sweet Indi-  
an Mouſe-ear.**

Cornut.

*Folium* oblongum, pilis longioribus hirtum habet: *radicem* quoque carnoſam, obliquè re-  
ptantem, & fibris munitam longioribus. *Caulis* ei exit palmaris & ſingularis, floribus apicem or-  
nantibus nunc ſeptem, nunc oſto *Piloſellæ* ſimilibus, præter colorem qui in eis eſt *Croci*, aut malo-  
rum aureorum. Odorem moſcho fragrantiorẽ afflat flos, alioquin ut *Solſtitialis*, ita ſolaris lucis  
& avidus & ſequax.

*Auricula muris* aſtringit vehementer & ſiccatur, unde & ovium gregibus noxia cenſetur. Ster-  
nutatoria eſt & vulneraria, unde additur utiliter tum in potionibus vulnerariis, tum in empla-  
ſtris & unguentis: vi etiam præſentiſſima eſſe dicitur ad calculum. Ob adſtrictoriam facultatem,  
dysenteriam, reliquosque alvi & uteri fluxus ſiſtit, bilioſas vomitiones compeſcit, hernias (infan-  
tum præcipuè) curat. Sunt & qui ad icterum, incipientem hydropem & lienis tumores eam com-  
mendant.

Extrinſecus medetur ulceribus oris (in collutionibus:) hæmorrhagiam narium ſedat (pulvis in-  
ditus.)

Succus herbæ inditus *Herpetem* miliarem efficaciter compeſcit & ſanat. D. *Hulſe.*

Succus decoctumve aciem ferri vel chalybis ſæpe merſam indurare creditur.



## CAP. IX.

## De Dente Leonis.

**D**ens leonis Recentioribus dicta est hæc herba ob foliorum laciniis suis dentes quodammodo imitantium similitudinem. Sub hoc titulo comprehendimus quotquot hujus generis sunt caule non ramoso, unicum in summo florem majusculum gestante.

1. *Dens leonis montanus glaber, caule cubitali folioso, flore magno. An Dens leonis latifolius caulescens C.B? Hieracium magnum Hispanicum Park? Mountain smooth Dandelion with a leafy stalk.*

*Radix* huic minimi ferè digiti crassitudine, lacteo succo turget. *Caulis* singularis, cubitum altus, striatus, medullâ farctus, satis crassus, non ramosus, foliis multis vestitus, hirsutus, præcipuè versùs summam, unicum in summo gestans *florem*, magnum, luteum, è calice amplo, ex multis squamis composito, ut in aliis Hieracis, subnigro, villosò, villis obscurè ex luteo virentibus. *Folia* Pulmonariæ Gallorum dictæ formâ familia, non profundè laciniata, sed potiùs dentata, non prorsus glabra, sed rarioribus & vix conspicuis pilis donata, ad margines tamen crebrioribus & longioribus: quæ ad radicem sunt pediculis longiusculis donantur, quæ in caulibus existunt illis omnino carent. *Semen* non observavi.

*Locus.*

In altissimo montis Juræ cacumine *La Dolaz* dicto copiosam inveni circa finem Juniimensis florentem.

Planta est singularis & ab omnibus quas hætenus viderim Hieracii speciebus diversa, caulibus scilicet non ramosis, crebris foliis vestitis, & flores in summo singulares gerentibus. Ambigere videtur inter Pulmonariam Gallorum & Dentem leonis.

- A. 2. *Dens leonis foliis integris, caule raris foliis vestito, monantes ferè.*

*Radix* satis crassa, simplex, *folia* emittit in orbem plura, in terram reclinata, duas uncias longa, unciam lata, acuminata, interdum tamen extremo obtusa, per margines obiter dentata, brevibus utrinque villis obsita, tractanti aspera, pediculis brevibus: media folii costa supinâ parte leviter interdum purpurascit. E foliorum centro exit *caulis* singularis, teres, nonnihil striatus, inanis, villis obsitus, unde & tractanti asper sentitur, sæpius simplex & indivisus, interdum tamen ramum emittit unicum in summo florem gestans amplum, Hieracii, pallidiorem, è calice squamoso, hirsuto emicantem.

*Locus.*

Invenit & ad nos attulit *D. Dale* in colliculis seu tumulis olim aggestis juxta *Bardoviam* vicum, in extremis *Essexiæ* limitibus *Cantabrigiam* versùs. Nos olim eandem herbam observavimus in aggere fossæ illius celeberrimæ *the Devils Ditch* Anglice dictæ non procul ab oppido *Norwo mercato*, dicto, inter viam quæ inde *Cantabrigiam* ducit & *Reche* vicum istius fossæ ab hac parte terminum, ubi & *D. Dale* hoc anno, 1685, copiosam invenit.

Herbam hanc in Catalogo plantarum Angliæ Hieracium montanum, non ramosum, caule aphyllò flore pallidiore denominavimus, sed malè, nam & unum interdum amittit ramum, è sinu folioli exeuntem. Accedit ad Hieracium Pannonicum latifolium primum *Clusii*.

- A. 3. *Dens leonis Ger. vulgaris Park. latiore folio C. B. Hedypnois sive Dens leonis Fuchsii J. B. Aphaca ex olerum genere Theoph. 7. Hist. 10. C. B. Bodæi à Stapel. Dandelion.*

E radice digiti ferè minimi crassitudine, lactescente, surgunt nudi & inanes pediculi, palmares & plusquam dodrantes, aliquando hirsuti lanugine facillè cedente, quibus insident singulis singuli flores, pulchri, patuli, lutei, majores quàm Hieracii cujus floribus similes sunt: exterioribus foliis prona parte ex fusco rufescentibus, calice glabro, multifido, extra quem quatuor aut quinque folia, viridantia, reflexa: Flores in pappos abeunt, calyce dehiscente & circa pediculum reflexo, nudam florum sedem porosâ pelliculâ calvitium senile imitante obductum ostendente: unde nonnullis *Caput monachi* dicitur.

*Locus.*

In hortis & arvis, inque pascuis ubique oritur, & per totam æstatem floret.

Variat foliis angustioribus & profundius laciniatis, itémque seminibus ruffis & citrinis.

*Vi es.*

Eatica est, cum *Endivia* conveniens quo tamen potentiùs operatur. Usus præcip. in febribus putridis inveteratis *Schrod.* Aquam destillatam magnopere commendat *Tragus* in *Apostematibus* & febribus ardentibus, trium aut quatuor cochlearium mensura singulis vicibus sumptam; ex quâ & optima collyria adversùs oculorum maculas fiunt: quin & inflammationi membrorum medetur aqua destillata, linteolis in ea madefactis & impositis.

Herba cocta stomachum dissolutum astringit: cruda etiam alvum fistit. Eadem dysentericis auxiliatur sed magis cum lente decocta. *Matth.* Succus potus iis prodesse dicitur quibus genitura effluit. Universæ plantæ decoctum potum *Ictericum* tollit.

Alvum supprimendo, obstructionesque reserando *Mesaraicarum*, plus lotii derivat in vesicam quàm pueruli retinendo sunt, præsertim inter dormiendum, eoque tunc imprudentes & inviti stragula permingunt, unde Gallis pueris *Pissenliet* [ nostratibus etiam eodem nomine ] quasi *Lectimin-ga*, & *Urinaria* herba dicitur. Radices enim plebecula Gallica in acetariis edit, aut jusculis addit.

Parkinensis



Parkinsonus radices & folia decocta in Vino aut jufculo commendat in phthifi, tabe, cachexia & februm acceffionibus.

4. *Dens leonis bulbosus* Ger. D. l. *Asphodeli bulbulis* C. B. D. l. *Monspeliensium* fivè *Asphodeli bulbulis* Park.

*Lob.*

*Radices* hujus plantæ tenues sunt, carnosæ, succo refertæ, rotundæ in mucronem ad verticem, oblongæ fabæ quadantenus fimiles. Junio & Julio flores luteos papposque gestat, multò majores, pallidiores quàm *Dentis leonis*: nec tubi caulium abfiniles multum: *folia* etiam humi strata, sed minus altè incisa, aliquantum glauca & hirsuta, propius *Cichoreum sylvestre* referentia, sed multò latiora: gustu amaro, acri & *Dentis leonis*.

Hujus (inquit Lobelius) facilis proventus in Hetruria, Gallo-provincia & Norbonæ pratis & satis. *Locus.* Nos propè *Sellam novam* viculum Monspelio vicinum invenimus & eruimus. Cum *Hedypnoide* *Monspessulana* confundit J. Bauhinus.

- A. 5. *Hieracium caule aphylo hirsutum* J. B. *asperum flore magno Dentis leonis* C. B. *Hier. D. l. folio hirsutum* Ger. *asperum foliis & floribus* D. l. *bulbosi* Park. **Dandelion Hawkweed.**

*Radice* nititur fibras multas demittente, foris fusca, intus alba, quæ aliquando singularis, aliquando juxta terram in plura capita dirimitur, tandem in unam radicem coeuntia. *Folia* per terram sparguntur angusta, oblonga, valdè hirsuta, ad margines sinuata seu dentata, velut *Taraxaci*, mucrone obtulo. *Caulis* pedales & cubitales, tenues, striati, hirsuti, non ramosi, foliis nudi, inanes. *Flores* *Dentis leonis*, in singulis caulibus singuli, ex hirsuto calice, plurimis flosculis arctè stipatis compositi, quorum singuli singulis innascuntur *seminibus* oblongis, sordidè ruffis aut fuscis.

Floret hæc species omnium quæ apud nos sponte oriuntur *Hieraciorum* prima, mensè Maio, in *Locus.* pratis & pascuis ubique ferè.

Figura *Hieracii* foliis & floribus *Dentis leonis* *bulbosi* *Lob. ico.* quam adhibent Gerardus & Parkinsonus sub titulis superius allatis non convenit huic plantæ à nobis hoc in loco descriptæ sed potius *Hedypnoidi* *Monspessulanæ* J. B.

- \* 6. *Hieracium montanum laciniato folio lanuginoso* Clusio J. B. *montanum Dentis leonis folio incano, vel laciniatum lanuginoso folio* C. B. *montanum Dentis leonis folio incano* Park. **Mountain hairy Dandelion.** *Hier. 7. Clusii* Ger.

*Clus.*

Ex *radice* obliqua & rugosa, minimique digiti crassitudine, multis etiam fibris donata aliquot extuberant capita, unde sèna aut plura enascuntur *folia*, unius, duarum & trium unciarum longitudine, semunciam lata, crassiore nervo per mediam longitudinem excurrente, mollia, brevi incanæque lanugine prædita, infima parte valdè laciniata & angustiora, superna vero latiora & dentata duntaxat, candido succo turgentia, è quorum medio bini aut terni emergunt *cauliculi*, palmares, enodes, foris laves, intus concavi, sustinentes *flores* luteos floribus *Hieracii Alpini* hirsuto folio fimiles, quibus tamen color paulò saturatior. *Semen* maturum tenue, longiusculum, nigrum pappo involutum, vento abripitur.

Crescit in *Leytenberg*, florètque Junio.

*Locus.*

- \* 7. *Hieracium alterum saxatile montanum* Col. *Dentis leonis folio asperum* Park. D. l. *folio, hirsutie asperum, minus laciniatum* C. B. **Rough rocky Hawkweed.**

*Col.*

*Radice* nigra, pedali, corticosa, parvis fibrillis, non tantum rimis saxorum, sed ipsis integris ferè saxis, in quibus nulla apparet fissura, se insinuat, ut nonnisi disruptis saxis ejus aliquid evelli possit. *Folia* per orbem dispositis & oblique dependentibus atque hærentibus viridem stellam exprimere videtur. *Folia* verò semipedem aut magis longa sunt, per ambitum laciniata minoris *Hieracii* modo, hirsuta, aspera, dura, amara & lactescentia: è quorum centro exeunt duo vel tres juncei duri *cauliculi* thyrsi specie, hirsuti, tenues, pedales, asperi, lactescentes, secunda *Chondrilla* *Dioscoridis* à nobis depictæ pares & similes: in quorum cacumine singuli sunt *flores* oblongis calathis inclusi, qui aperti lutei pallentes apparent: illisque papposa, oblonga *semina* & fusca succedunt, hiantèque calice evolvantia.

Junio floret & Julio mensè perficitur.

Immanibus & altissimis saxosis solidisque vallis *Campoclarensum* lateribus oritur. Invenimus *Locus.* etiam eandem postea in *Æquicolorum* montibus saxosis, inquit Autor.

- \* 8. *Hieracium montanum angustifolium nonnihil incanum* C. B. *montanum angustifolium* Park. *Hier. montanum sextum* Clusio, *angustifolium* J. B. **Narrow-leaved mountain Hawkweed.**

*Clus.*

*Radix* digiti crassitudinem interdum æquat, longa, nigricans, tenuibus fibris prædita, summa parte in plura nonnunquam capita extuberans, quæ summa tellure sèna aut plura oblonga *folia*, semunciam ferè lata & nonnihil incana proferunt. E singulis radicis capitibus prodeunt inter folia singulares



singulares *cauliculi*, duri, nudi, dodrantes aut palmares tantum, unicum *florem* sustinentes è multis oblongis, extremo infectis foliis, luteoque colore præditis constantem, quo defluente *semen* oblongiusculum cum pappo levi auræ flatu excutitur.

Aliud ejus genus invenitur, cujus folia nonnihil in lateribus laciniata sunt fermè instar foliorum *Leucon marini* minus incani: *Flos* aureo colore magis rutilat, aliòqui per omnia simile.

Utriusque planta lacteo succo plena, & amariuscule gustu est.

In omnibus illis montibus à *Calenberg* Danubio imminenti ad Alpes excurrentibus nascitur.

Locus.

- \* 9. *Hieracium Dentis leonis folio, hirsutæ asperum minus* C. B. Prod. *Small rough Dandelion* *Pawlward.* Hier. D. l. folio, hirsutæ asperum, magis laciniatum C. B.

C. B.

*Radice* est parva, oblonga, ad cauliculorum & foliorum exortum rufescente. *Folia* ad radicem pilosa, aspera, angusta, uncias duas longa, in lacinias divisa: inter quæ *cauliculi* nudi, asperi, modò unus, modò bini ternive, palmum non excedentes exurgunt; *florem* unicum, aureum, in pappum abeuntem sustinentes.

Locus.

Montepessuli provenit.

Hæc non parvitate tantum, sed & floris colore aureo, & figurâ seminis prout in icone exhibetur, differt à præcedente.

Huic persimile est, si non idem.

*Hieracium parvum hirtum, caule aphylo, crispum ubi siccatum* J. B.

J. B.

Quod simplicem pedali altitudine *caulem* tollit, tactu asperum & singularem, cujus cacumini *flos* impositus unicus *Hieracii* quod *Cichoreum sylvestre luteum* appellant, in pappos evanescens. *Folia* ex *radice* gracili complura per terram sparsa densâ rigidâque lanugine spinulas quodammodo imitata, hirta & incana, fescunciam aut duas uncias longa, latis lata, divisione *Eruce* purpureæ nobis dictæ, siccata crispâ videntur.

Locus.

Montepessuli etiam collegit J. Bauhinus: nos quoque in agro Montepessulano, non longè à *Sella nova*, in arvis.

Ab eodem etiam non multum abludivit.

- \* 10. *Hieracium alterum minus seu pumilum* IV. Col.

Alterum *Alpinum* minus *F. Gregorio* dictum, aureo flore, glabrum; triunciali cauliculo, foliis fescupollicem longis, laciniatis. *Denti leonis*, dicto *Piscialetto* flore aurato simile est, differt exiguitate totius plantæ, radice carnosa, nigrâ siccatâ, ex quâ fibræ longæ humum petunt.

Differt foliis glabris.

Huic planè simile (inquit C. Baubinus) nostrum *Hieracium pumilum*, saxatile, asperum, radice præmorsa C. B. prod.

C. B. prod.

Cui ad *radicem* crassiusculam, nigricantem, in fibras oblongas præmorsas abeuntem *folia* plura, villosa, acuta, longis pediculis donata, uncias tres, quatuorve longa, semunciam lata, in circuitu rarioribus dentibus donata; inter quæ *caulis* palmo minor, hispida, tenuis & rotundus, uno alterove folio vestitus exurgit, *florem* subluteum sustinens, cui *semen* parvum, nigricans, pappo immersum succedit. In Alpibus provenit.

- \* 11. *Dens leonis minor aspero folio* C. B. Park. *Small rough Dandelion.*

C. B. prod.

Ad *radicem* parvam albicantem *folia* plura, subrotunda, duas trèsvè uncias longa, unam lata, laciniata, & per ambitum levissimis spinulis, ut in *Soncho*, exasperata: *Cauliculus* duarum unciarum *florem* satis magnum, pallidè luteum sustinet.

Locus.

Montepessuli provenit. At circa Montepessulum non invenit P. Magnol. *Botan. Monsp.*

- \* 12. *Dens leonis minor foliis radiatis* C. B. Park. cui & *Trinciarella* *Italorum Camerarii.* *Sweet Dandelion.*

C. B. prod.

Ad *radicem* parvam, nigricantem *folia* plura per terram sparsa, uncias tres longa, semunciam lata, in plures lacinias profundas divisa, quibus hoc peculiare, quod quodlibet folium in summo in tres profundas lacinias dividatur, & harum quælibet apices plures quasi radios obtinet: foliorum pediculi levissimis pilis pubescunt. *Cauliculi* plures, læves & nudi, quorum unus palmo minor erigitur; reliqui breviores reclinati, singuli *florem* unicum in pappum abeuntem sustinent.

- \* 13. *Dens leonis Gadensis* Park. *D. l. minimus* C. B. *Cichorium sylvestre pumilum* sive *Hedypois* Clus. cur. post. **Dandelion of Cadis in Spain.**

*Park.*

Ex radice longa, alba, tenella folia emittit plurima, spithamam aut eo amplius longa, costâ media à radice ad dimidiam longitudinem nudâ, deinde in laciniâs utrinque *Dentis leonis* vulgaris similes incisa, ut folia *Dentis leonis* exactè referant, nisi quòd minora & angustiora sint. Flores pariter *Dentis leonis* modo longis pediculis, aut si mavis cauliculis, insident, parvi, lutei, in pappum abeuntes: *Semina* longa, tenuia, subrufa, ut in *Hieracis* nonnullis.

Locum titulus indicat; siquidem è Gadibus insula à Gulielmo Boelio in Angliam delatus est.

Radice est vivaci, gelu tamen corrumpitur, si hyems asperior fuerit.

Frequens ejus usus apud incolas in acetariis; ciet enim urinas, & hepar ab obstructionibus liberat *Vires & Usus.* haud minùs quàm vulgaris. Clus. ex propria experientia.

14. *Hieracium Dentis leonis folio obtuso minus* C. B. Park. **The lesser Dandelion-Paw-weed with a blunt leaf.**

*C. B.*

Ad radicem parvam folia sena septenâve terræ incumbunt, quæ crassa & aspera, uncias duas longa, unciam semis lata, obtusa, nec profundè laciniata: inter quæ caulis lævis, nudus & cavus exurgit, qui florem unum, pallidè luteum & magnum sustinet.

Provenit in pratis extra minorem Basileam.

Descriptio hujus in omnibus ferè convenit *Hieracio nostro montano non ramoso caule apbyllo, flore pallidiorè*, præterquam loco: Nostrium enim solo sicco & cretaceo, nimirum in aggere seu vallo famosæ illius fossæ **The Devils ditch** dictæ provenit; & in collibus Bartloviensibus, vide & confer.

- \* 15. *Hieracium Narbonense rotundifolium caule apbyllo* J. B.

*J. B.*

Hoc statim à radice alatis pediculis longiusculis folia fundit octona aut dena plus minus, rotundis, in ambitu exacutis, sed innoxii apiculis, veluti aculeis donata, lævia, sapore manifesto destituta. E quorum sinu cauliculi juncei bini exeunt, palmo vix longiores, nudi, quales in *Dente leonis* vulgi dicto; quorum summa florem sustinent luteum, minorem quàm dictæ plantæ, sed in elegantem pappum pallidulum fatiscentem, qui multiplex singulos flocculos sed *Lactucæ* pedicello sustinet. Semen exiguum, longum sed *Lactucæ* minus, subruffum, striatum. Saporem nullum manifestum animadvertimus.

Montepelio ex rupibus illi vicinis evulsùm habuimus. *J. B.* In satorum marginibus circa Bouto-*Locus.* natum frequens est. *Botan. Monsp.*

- \* 16. *Hieracium III. fatidum* Col. *Dens leonis tenuissimo folio* C. B. prod.

*Col.*

Lævi est folio & profundè inciso *Dentis leonis* modo, magnis lobis *Sonchi æmulis*, semipedali longitudine; radice carnosa, quam tuberosam ferè & fetidam retulit [Fr. Gregorius] qui recentem observavit: caule nudo, tenui, dodrantali, unicum in summo florem pallentem proferente, ut congenerum, sed paucis barbulis coronatum.

Hujus Descriptio plenior habetur apud C. Bauhinaum in Prodomo; qui in Austria propè montem *Drawenstein* repertum scribit. In herbis viis circa Montepelium frequentissimè occurrit, & mira foliorum varietate ludit. *Botan. Monsp.*

Descriptionem Bauhini in gratiam studiosorum non pigebit huc transcribere.

Ex radice crassa, rufa & fibrosa folia aliquot tenuissima, virore splendentia, palmaria, uncias duas lata, primùm profundè laciniata, deinde qualibet laciniâ ut plurimum utrinque duplici vel triplici levi laciniâ (vel potius apice) subdivisa prodeunt, ut & pediculi tenuissimi, nudi, duabus uncis foliis longiores, florem parvum sustinentes.

- \* 17. *Cichorium bulbosum* J. B. *Chondrilla bulbosa* Park. *marina* Ger. *bulbosa*, sive *Chondrilla* 2. Diosc. an Πικρῶνον Theopb. 1. Hist. 11. C. B. **Bulbous Burcopp.**

*J. B.*

Ut rarum ita pulchrum est *Cichorii* genus, innumeris fibris tenuibus longè latèque perreptans, quibus appensi bulbi *Avellanæ* circiter magnitudine, *Alabastritis* marmoris candore, solidi. Folia sescunciam aut uncias duas longa, semunciam latiora, leviter sinuata, glabra, in obtusum mucronem desinentia, crassiuscula, rubescentia. Inter hæc surgunt cauliculi palmares, hirsuti, quorum fastigiis flores insident *Hieracii*, lutei, in pappos evanescentes. Hæc planta amara est & lacteum succum habet.

Per arenam serpit: floret mense Aprili propè montem Ceti ad mare.

Radicem istam globosam ad strumas curandas multum conferre se experimento didicisse *Myconius* asserit, unde & *Cichorium strumosum* plantam nuncupavit. Sumuntur autem quinque aut sex



sex integræ cum melle multis diebus continuis: vel earum decoctum, vel aqua destillata, quæ tamen inefficaciora sunt; vel conditum ex iis cum melle paratum.

## CAP. X.

## De Scorzonera.

**S**corzonera nomen est Hispanicum, huic herbæ inditum, quod animalis *Escoreu* Catalaunico sermone appellati morfus curet. Formam hujus animalis vide apud Monardum, qui integrum libellum de hac herba & lapide *Bezaar* scripsit. Ad serpentinum autem genus pertinet hoc animal, unde Scorzonera idem ferè est ac Serpentaria, quod contra Serpentum venena efficax sit.

Sunt qui ad Chondrillam Dioscoridis referunt, sed magis ad Tragopogonis genus reducenda est. C. B.

Clusius Scorzoneras à Tragopogis in eo solum differre putat, quod illarum radix vivax sit, Tragopogi autem minimè.

Nos potius ex floris ejusque calycis formâ Scorzoneram à Tragopogone distinguimus, ut Scorzonera sit cujus flos à calycis radius non superatur, verum floris orbis calycis oras excedit potius: Tragopogon autem cujus florem ambiunt & continent calycis radii floris ipsius petalis multo longiores. Flos quoque in Scorzonera plerumque major est & plenior quàm in Tragopogis: calix quoque in illis squamosus; in his simplici radiorum, longitudine ferè æqualium, stellatim flore aperto expansarum, serie constat.

1. *Scorzonera Hispanica major* Park. *latifolia sinuata* C. B. *Viperaria sive Scorzonera Hispanica* Ger. *Tragopogon Hispanicus sive Escorzonera aut Scorzonera* J. B. **Common Vipers grass or Scorzonera.**

J. B.

Pedali longitudine est *radix*, crassitudine pollicari & majore, raris & majusculis fibris albis è lateribus demissis, nigricante exterius cortice obducta, lacte dulcissimo non sine aliqua adstrictione prægnans, in multos annos vivax. *Caulis* sesquicubitalis, teres, striatus, inanis, multis alis concavus, & ab imo statim ramosus, ramis longissimis, lanugine quadam rasili obsitus; quæ etiam inferius pubescunt *folia*, latiore basi caulem amplectentia, longa, Tragopogonis, fescunciam lata, per margines æqualia, interdum tamen sinuata seu crispata, in perquam longum & angustissimum mucronem desinentia, nervis aliquot per longitudinem excurrentibus, glabra, obscure virentia. *Flores* insident extremis ramulis prælongis singuli, Tragopogonis lutei, è *calicibus* squammatim compactilibus [squamis magnis lævibus,] qui manè se pandunt, post meridiem clauduntur. Flore marcescente calix in ventrem turgescit. *Semen* oblongum, angulosum, album, non tamen ut in Tragopogone in longum mucronem producit, verum pappus summo semini insidet.

*Radix* esculenta est, & apud nos in frequenti usu in cibus, imo Pastinacæ & ipsius etiam Sisari radicibus antefertur.

In hortis nostris Junio mense floret & in Autumnum usque.

2. *Scorzonera major Pannonica latifolia* Park. *latifolia altera* C. B. *Bohemica* Lob. *præcedentis varietas est.*

Huic *folia* à radice capite plura exire dicuntur quàm præcedenti, angustiora, ad margines æqualia, læviora, colore viridi obscuriore & sordidiore: caules etiam per se ab eadem radice plures: in reliquis cum ea convenit, & proinde quicquid intercedit discriminis, loco natali imputandum censemus; nec Matthiolus ipse, neque Clusius distinguit: Parkinsonus quoque fatetur hanc cum aliquot annos in hortis duraverit faciem mutare, nec posse ab Hispanica discerni.

*Scorzonera* radix sapore est non ingrato sed subdulci, unde & cruda & cocta & condita, non secus ac Pastinaca nostra, editur: imò mensis etiam magnatum infertur, & cuius Pastinacæ aut Sisari præfertur. Contra morsum non solum Serpentis *Escurzo*, sed & quorumlibet aliorum valet: contra febres pestilentes, contra quoscunque cordis affectus, melancholiam, palpitationem, syncopen, epilepsiam, vertiginem, contra viscerum obstructions, uteri mala, quid dico autem; omnia. Ità enim nova remedia celebrari solent. De vi ejus adversus serpentes *Escuerzos* mira & prorsus incredibilia narrat Monardus, qui singularem de hac planta edidit libellum, quem cum aliis vertit Clusius.

Amagriæ insulæ Scorzonera amarulentior est Hispanica & nobis hortensi, & in hydrope incipiente & ictero contumaci plurimum valet. Ratum sit illud Hofmanni apud medicos. Si medicamentum vis hepaticum in bile crassa & adusta idem amarissimum fuerit opportunum. *Sim. Paulus.*

*Scorzonera* montana vis Alexipharmaca deprædicatur in *Ephemer. Germ. An. II. Obs. 81.*



- \* 3. *Scorzonera humilis latifolia* Pannonica Park. *latifolia humilis nervosa* C. B. *Tragopogonis species*, sive *Scorzonera humilis latifolia* J. B. *Viperaria Pannonica* Ger. **Dwarf broad-leaved Hungarian Vipers grass.**

Clus.

Latoria brevioraque habet folia quam *Scorzonera* major Pannonica 1. Clusio, Bupleuro latifolio sive Elaphobosco Mompelliano non valde dissimilia, crassiora tamen & duriora, quinque nervis seu venis per longitudinem excurrentibus distincta, coerulei quodammodo viridi permixti coloris, gustu vero aliquantulum amaro & fervido. *Caulis* inter hæc assurgit gracilis, pedalis altitudinis, striatus, raris foliis septus, cui insidet *flos* superiori similis, luteus, magnus: quo marcido nascitur in calicibus *semen* oblongum, asperum, *Tragopogo* simile sed minus, in villosa materia alba latens. *Radix* pollicaris est crassitudinis, interdum major, longa, nigro rugosoque cortice tecta, intus alba, quæ contracta lacteo succo manat, successu temporis flavescente; superiore parte hirsuta veluti cæsarie donata est, & in plura capita plerumque extuberat, ex quibus folia prodeunt.

Hanc Clusius in monte Badensibus thermis in Austria imminente vicinisque aliis observavit. Locus.

- \* 4. *Scorzonera Pannonica angustifolia* Ger. *angustifolia prima* C. B. *Tragopogonis species*, sive *Scorzonera humilis angustifolia* J. B. **Low narrow-leaved Vipers grass or Scorzonera.**

Clus.

Firmatur hæc crassa radice, longa, nigro, denso rugoso cortice prædita, lacteo succo plena, quæ nonnunquam superiore parte in plura capita, quemadmodum præcedens, extuberat, crassitudine minimi digiti, (novellarum plantarum instar) villosa, ex quibus multa nascuntur folia *Tragopogo* similia, firmiora tamen, breviora, & ejusdem cum præcedentis foliis coloris; inter ea excrefcit humilis, palmum vix excedens *caulis*, aliquot brevibus foliolis septus, cavus, *florem* in summo fastigio ferens flavum, alteri ferè similem. *Semen* deinde in longioribus caliculis, *Scorzonera* Hispanica semini par, minus tamen, quod maturitate levissimo auræ flatu excutitur, & ejus arbitrio fertur.

Hæc & sequens non modò in Hamburgensi monte quâ parte glaber est & tenui gramine duntaxat reclusus, & quâ Austriam spectat, sed etiam in vicino *Puelenberg*, *Leytenberg*, catenâ illâ montium à *Calenberg* ad Alpes excurrentium & plerisque Ungariæ locis nascuntur. Locus.

Florent Aprili & Maio, semen interdum Maio, aut sub Junii initium maturefcit. Tempus.

- \* 5. *Scorzonera angustifolia subcærulea* C. B. *elator angustifolia Pannonica* Park. *angustifolia elator* Ger. *Tragopogonis species*, sive *Scorzonera major angustifolia subcæruleo flore* J. B. **Taller narrow-leaved Vipers grass.**

Clus.

Frequentia huic sunt folia, longa, *Tragopogi* foliis minora & angustiora, inter quæ cubitalis assurgit *caulis*, cavus quidem ille, sed firmus, durus, viridis, aliquot oblongis foliis septus, & suprema parte in binos aut plures ramulos divisus, ferentes in longioribus calicibus *florem* *Scorzonera* angustifolia floribus non dissimilem, nisi quòd paulò minor sit, & coloris ex coeruleo purpurascens, jucundi odoris, pastillorum è Benzoino confectorum nidorem quodammodo referentis, sed fugacis admodum. Sena deinde octona aut plura in singulis calicibus *semina*, *Scorzonera* seminum æmula, quæ matura cum suo pappo à vento excutuntur. *Radix* singularis, minimi digiti crassitudinem æquat, densoque, foris nigricante & rugoso cortice obducta, suprema parte hirsuta & villosa, quæ vulnerata succum extillat initio lacteum, deinde flavescentem, gustu primum gummoso, postea aliquantulum acri: vivax est ut reliquarum radices vetustate crassior evadens, & superiore parte in plura capita subinde extuberans.

- \* 6. *Scorzonera angustifolia altera* C. B. *item Hieracium Tragopogonis folio* ejusdem. *Hieracium 7. humile* Clus. Hist. *item Scorzonera 4. ejusdem* Pan. **The other narrow-leaved Vipers grass.**

Clus.

Angustis constat foliis, *Tragopogo* aut *Scorzonera* angustifolia proximis, carinatis, colore cinereo, digitalis longitudinis, lacteo succo plenis, amariusculis; ex quorum medio exilit tener *cauliculus*, dodrantalis, per quem sparsa sunt rara folia, aliis minora: is in aliquot ramos divisus sustinentes capitula aliorum more squamata, quæ in luteos *flosculos* *Tragopogo* similes, sed minores explicantur, maturitate in pappos evanescences. *Radix* nigra est, multis fibris albis capillata, lateribus propagines quotannis agens.

Hanc quam in Pannonicis ad *Scorzoneras* retulerat Clusius, propter radice cum illis dissimilitudinem commodius inter *Hieracii* genera reponendam censet in Historia.

Copiosè nascentem observavit duntaxat in saxis ad Gamingam Carthusianorum cœnobium, Julio Locus. flores proferentem.

- \* 7. *Scorzonera bulbosa* Africa, Galacorta dicta Wheeleri.

E radice rotunda, bulbosa, Juglandis magnitudine, paucis fibris appensis, exeunt folia aliquot longa, angusta, argentea lanugine pubescentia, inter quæ *flos* *Scorzonera* similis, pediculo palmari oritur. Græcis



Locus.

Græcis *Galacorta*, id est, *Herba lactea* dicitur, quoniam tota planta lacte scateret.  
In Hymetto Atticæ monte invenit D.Wheeler.

\* 8. *Scorzonera Cretica* Wheeleri, *Galacorta pariter dicta*.

Quod ad *folia* attinet *Asphodelo fistuloso* perfimilis est hæc planta; sunt enim ea intus concava seu tubulosa *Cepaceorum* instar. *Radix* crassa, altè in terram descendens, lacte albo dulci turgens.

Hanc etiam *Galacorta* Græci vocitant, eaque mulieres utuntur ad colorem candidum cuti conciliandum: Commendatur etiam in cibo ad lac augendum.

Cum priore in Hymetto monte oritur.

*Est hæc planta singularis & Anomala. Nos nondum vidimus, certè non meminimus vidisse, herbam ullam, præter bulbosas iisque affines, quæ folia habet fistulosa. Si caulem & flores vidisset & descripsisset Autor, certius iudicium de ea ferre possemus.*

Nos in insula parva promontorio Siciliæ *Pachyno* olim continuâ, nunc angusto freto diremptâ, ubi *Arx Hispanorum* præsidio tenetur inter alias multas rariores plantas *Scorzonera* etiam speciem invenimus, cui titulum fecimus

*Scorzonera foliis angustis incanis, floribus dilutè purpureis.*

Caules eo loci vix semipedalem altitudinem superabant.

9. *Tragopogon Coronopi folio* C. B. *Chondrilla τραγοπωγωνίδειον* Thal. *Stabe Plantaginis folio* Alpin. exot.

Alpin.

*Foliis* multis *Plantagini angustifoliæ* figura & magnitudine similibus, humi fratis, crassis, colore viridi in luteum languente, sapore insipido, in orbem in terra actis, mollibus fragilibusque donatur: Ex quibus *cauliculi* semidodrantes, teneri, graciles assurgunt, in quorum summitatibus capitula parva, oblongaque cernuntur, è quibus *flosculi* toti lutei exeunt quibus succedunt semina parva, oblonga *Scabiola*. *Radix* digiti minoris crassitie, alba, mollis, tenera, gustu insipido.

\* 10. *Scorzonera foliis nervosis* C. B. *minor angustifolia Pannonica* Park. *Germanica angustifolia* Tab.

Park.

*Folia* ei longa, perangusta, viridia, *Tragopogi* foliis valdè similia, sed breviora & pauciora. *Caules* graciliores & humiliores multò quàm majori *Pannonicæ latifoliæ*: *flores* minores, paucioribus *petalorum gyris* compositi: *Semina* etiam minora, aliàs similia: *Radices* duplo minores, graciliores, nec succo lacteo adeò prægnantes.

Locus.

Reperitur propè *Monspelim*, in depressis herbidis & incultis locis ad dexteram viæ quâ à ponte *Villæ novæ* itur ad *Miram vallem* Julio mense cum flore. *Botan. Monsp.*

\* 11. *Hieracium capillaceo folio* C. B. prod. An *Scorzonera minima tuberosa radice Hispanica* Park?

C. B.

*Radice* est *Scorzonera* simili, crassâ, oblongâ, tunicâ fuscâ & rugosâ vestitâ; ex qua *cauliculi* bini, palmares, laves, singuli *florem* unicum, pallidè luteum, mediæ magnitudinis sustinentes exurgunt. *Folia* ad radicem plurima, pili instar tenuia, duas, rariùs tres uncias longa, rigidiuscula, atrovirentia, rariùs *cauliculorum* partem cingentia.

*Monspelio* allatum fuit. An fortè (inquit) *Scorzonera* species?

*Scorzonera minima tuberosa radice* Park. in multis cum hac planta convenit, differt foliis aliquantulum latioribus: radice brevi, lacte pauco; Flore parvo, simplici: semine minore, nigro: eandem tamen esse Autor ipse suspicatur, cui & nos subscribimus, nec enim libenter citra necessitatem *Entia* multiplicamus.

\* 12. *Scorzonera sylvestris, fol. angustis, fl. cæruleo major & minor* Mentzel.

In sylvis temperatis, maximè ex *Fagis* & *Quercubus* confitis *Marchiæ Brandenburg.* circa vallem *Joachimicam*, pagum *Schornbeck*, *Furstenwaldiam*, mensibus Junio ac Julio floret. Flos egregiè cæruleus est instar *Cichorei cærulei*. *Radix* nigrescit.

\* 13. *Scorzonera Illyrica* Park. Alpin. *Dipers-grafs of Slavonia*:

*Foliorum* longorum, angustorum, trinerviorum ad numerum quinquagenarium aut etiam centenarium; *Caulium* exilium ad vicenarium accedens multitudo: *Flosculi* exigui, flavi: *Semina* quàm præcedentibus minora: *Radix* crassa, nigricans, hanc speciem à reliquis congeneribus abundè distinguunt.

*His subjungemus duas trèsvæ plantas* *Tragopogis* accenseri solitas, ob radices puto cum *caulis* unâ marcescentes, nec ut *Scorzonera vivaces & diuturnas. Verùm quoniam florum calicibus & seminibus* (à quibus



quibus præcipue notæ genericæ desumendæ sunt) ad Scorzoneras propius accedunt, iis potius subnectendas putavimus.

14. *Tragopogon laciniatum luteum* C. B. *laciniatum majus* Park. folio laciniato, flore pallido J. B.  
**The greater jagged Scorzonera.**

*Tragopogoni radix* similis, tenera, lactiflua. *Folia* priora longa, angusta, ad margines aequalia, ad exortum angusta, versus apices latiora: posteriora & quæ caules occupant inferiora, alia utrinque, alia ex altero tantum latere laciniata, superiora paulatim minora sunt minusque incisa & tandem integra, subtus pallidius virentia. *Caulis* cubitalis & altior, foliis vestitus, summa parte in tres quatuorve ramulos divisus, quorum singuli capitulum sustinent *Tragopogi vulgaris*: [calix tamen non componitur è foliis mucronatis ultra florum petala excurrentibus & in longitudinem productis quemadmodum in genuinis *Tragopogis*] florem claudens minorem quam *Tragopogi lutei vulgaris*, manè expansum, circa meridiem se contrahentem: succedit semen minus quam illius, minime asperum.

Plantæ J. Bauhino descriptæ folia priora tenuia, quæ tamen per ramos satis frequentia, triplo quadruplove vulgati *Tragopogonis* foliis latiora, in crebras profundas lacinias dissecta, quæ aliquid commune habent cum *Dente leonis*: Semen ad *Scorzonera* semina propius accedit.

Hanc J. Bauhinus *Tragopogoni* à *Columna* descripto fidenter eandem facit: Descriptiones tamen non satis convenire videntur. Nos in hortulo nostro aliquando aluimus *Tragopogonis* speciem, *Coronopi* folio dictam quæ ab utroque (quantum memini) differebat; & certè C. Bauhinus in pinace *Tragopogona* quem *Coronopi* folio inscribit ab utroque distinguit: verum exactius eam describere negleximus.

\* 15. *Tragopogon tenuissimè laciniatum* C. B. *laciniatum minus* Park.

C. B.

*Radice* est oblonga, crassiuscula, fibris carente, rufescente & lacte turgente: ad quam folia plura, oblonga, angustissima, acuminata, & in plures angustissimas lacinias divisa. *Caule* est cubito non multum brevior, rotundo, lævi, striato, nonnihil folioso, in alas brachiato: singulis flos unus magnus & pallidus infidet, cui semen oblongum, scabrum, cristâ pilosâ in summo præditum & calici oblongo inclusum, succedit.

Montepessuli observavit C. Bauhinus descriptionis autor. Si semen rectè describatur, à præcedenti omnino specie distinctum est.

\* 16. *Tragopogon hirsutum* C. B. *hirsutum humile* Park. *Apulum humile hirsutum luteum* Col.  
**Small rough pellow Goats-beard.**

Col.

Huic *radix* longa satis, nigro cortice obducta, intus alba, lacte pallente turgida, dulci sapore, viscofo dum concrevit, minimi digiti crassitudine. *Folia* Croceis paulò latiora, ad graminea accedentia, per longum venosa, è medio circa radicem plurima, longa sericea hirsutæ obfita, pedalia, partim recta, partim verò convexa. *Caulem* edit breviorē aliis, parum supra folia excedentem [quandoque duos tréve habere conspicitur] hirsutum, cavum, lineis striatum & lactescentem, brevioribus foliolis interceptum; in cuius summo calix est magnus sed aliis minor, basin foliosam habens, quod in aliis non observatur; florem emittens luteum, plenum, radiatum, quindecim circa se foliolis radiantibus, calicis orbem superantibus, intus habentem coacervata alia foliola, Hieracii modo staminibus intortis, bicornibus, luteis, etiam Aprili emicantem; deinde contractum post non multum temporis pappum emittentem longum, admodum fulvum, colore præ aliis nigrescente, duriorē rigidiorēque, Hircinæ barbæ pilorum modo, semine longo, sed duplo minore aliis, dentatis etiam striis aspero, contra aliorum normam circa imum tenuiore itémque fulvior.

Variat hæc planta, semine tantum, quod in *Cirinolæ* inventa brevius, latius, incanum, lanuginosum, acanaceis proximum, pappo superiore admodum breviorē, eodémque colore, minusque rigente. Tota planta gustu est dulci & grato. Martio caulem edit, Aprili floret, & Maio perficitur.

Miror quid Parkinsono in mentem venerit ut hanc plantam in duas species dirimeret.

C A P. XII.

De *Tragopogone*.

**T**ragopogon nomen accepit à pappo cano grandiori, qui è summo ejus vertice nascitur, & hirci barbam imitatur. *Theophr. Diosc.* Posset autem non ineptè dici *Tragopogon* hæc herba à figurâ floris nondum aperti, quæ barbam hircinam proximè refert.

Caterum *Tragopogon* à *Scorzonera*, ad quam aliàs accedit, in eo distinguitur, quod calycis radii florum petala longitudine excedunt, & floris circumferentia calycis radius excedentibus stellata efficitur, majorēque ambitu protenditur. Calyx quoque *Tragopogi* (quantum quidem memini) minime squamosus est, sed omnes ejus radii seu folia aequali fere longitudine extenduntur, contra quam in *Scorzonera*.  
A. -1. Tra-



A. 1. *Tragopogon luteum* Ger. Park. parad. flore luteo J. B. *pratense luteum majus* C. B. **Goats-beard.**

*Radice* est lacte turgente dulci, minimi digiti crassitudine, longa, pastinacæ quadantenus simili foras nigricante, intus alba; *Caule* cubitali, tereti, glabro, solido, *foliis* ab imo ad summum vestito, ferè Porraceis, carinatis, caulem amplectentibus: ex quorum sinu rami pronascuntur, quorum summis insident *flores* magni denso foliorum radiatorum agmine stipati, lutei, qui in pappos abeunt *semine* appenso longo, magno, aspero, cinereo.

Locus.

In pratis & pascuis passim provenit.

Ratione loci magnitudine variat, hinc duæ species apud Parkinsonum.

\* 2. *Tragopogon minus luteum* Park. *Tragop. folio oblongo, sinuato* C. B. **Goats-beard, with a long waved leaf.**

C. B.

*Radice* est oblonga, lacteo succo manante: *caule* gracili, pedalis altitudinis, raris *foliis* alternatim septo, quæ oblonga, non multum palmo breviora, at angusta, sinubus brevioribus & quasi serratis exasperata, pallidè que virentia. *Caulis* summo *flos* insidet pallidè luteus, magnus, *Tragopogo* vulgari similis, ex calice magno, apicibus acutis donato prodeunte: quo marcido *semen* oblongum in materia villosa alba latitans succedit. *Fortè præcedentis varietas est.*

Locus.

Montepelluli legimus, inquit C. Bauhinus, descriptionis autor.

*Tragopogon spicatus* Hist. Lugd. si non sit figmentum, certè *Tragopogi* genuini species, non esse, sed alterius cujusdam generis videtur.

3. *Tragopogon purpureum* Ger. Park. flore purpureo J. B. *purpureo-cæruleum* Porri folio, quod Artifi vulgo C. B. **Purple Goats-beard.**

Qualibet plantæ pars vulnerata lac fundit, album emanans, mox in luteum faceffens, viscidum, quod *radici* rectæ, digitali vel minori crassitudine, teneræ copiosum & dulce cum sit, culinis expetitur. *Caules* inanes, ramosi, majores & firmiores quam *Scorzoneræ*, *foliis* multis stipantur Porraceis, quæ interdum valdè lata, interdum angusta, longa, acuta. *Flores* in summis caulibus & ramulis, foliis octo, novem aut decem, virentibus, longis & acuminatis obvallati, tribus uncis, superantes; qui colore sunt vel atro-purpureo, vel purpureo-cæruleo, vel cæruleo; qui postea in pappos abeunt, quibus adhæret *semen* duas uncias longum, teres, striatum asperum, per maturitatem extremam nigricans.

Hæc planta totâ specie differt à *Tragopogone* luteo, & non floris tantum colore variat, ut vult Lobelius. Nam nec luteus ita longa & porracea habet ima folia, sed breviora, triplo angustiora, rigidiora; nec in montosis oritur, sed in pratis & pascuis depressioribus tam calidarum quam frigidiorum regionum. Præterea florum effigie inter se distant & magnitudine: purpureo namque minor est flos, atque calicis apices radiantes circumcirca altero tanto floris diametrum excedunt, ita ut floris ambitus parvus videatur respectu calicis atque radiorum ipsius expanso flore. Luteæ verò speciei vulgari plenior admodum est atque grandior, calicis apices magis occupans.

Locus.

Circa Flaminianum villam, & Cirinolæ, inque Æquicolorum valle *Collorescio* dicta purpuream, nigro-purpuream & obsoleti coloris plantas invenit & eruit F. Columna.

Vires.

Radices in deliciis habentur tum coctæ, tum etiam crudæ in acetariis, lancinationibus æstuantibus ventriculo ac thoraci auxilio sunt.

Valdè nutriunt, unde tabidis & macilentis conducunt. Vitiis pectoris, tussi & respirationi difficili, necnon pleurisi mederi dicuntur; quod quomodo efficere possint, siquidem dulcia sint, non videt Casp. Hofmannus. Urinæ quoque stillicidio subvenire & calculum expellere creduntur; unde *Sassifraga* seu *Sassifraga* quasi *Saxifragæ* Italici dictæ sunt. Sed & vulneribus utiliter imponuntur.

Eadem præstat tum succus radicis expressus, tum aqua ejus destillata.

4. *Tragopogon æstivum* Park. **Summer Goats-beard.**

*Tragopogo* vulgari luteo aut purpureo minus est *caule* unico pedali assurgens, tribus vel quatuor *foliis* septo, angustis, oblongis, brevioribus tamen quàm supradictorum, & ad basin seu exortum latioribus, paulatim deinde ad mucronem usque angustatis, pallidè viridibus cum costa media albente. *Caulis* in duos trêve ramulos brachiatur, quorum unusquisque caput amplum sustinet, quod cum aperitur *florem* ostendit parvum pallidè ex cinereo purpureum vel carneum, matutino tempore expansum, circa meridiem se claudentem: calicis folia ultra *florem* in acutos mucrones producantur. Flore dilapso capitulum augetur, *semina* continens, quorum exteriora in ambitu majora sunt, & pappo destituta, interiora minora. *Radix* longa est & lignosa, ante hyemem marcescens. *Radix* etiam juvenis & tenera, *Folia*que seu rupta, seu incisa, vix aut nè vix quidem lactescunt.

Hæc planta Parkinsono succrevit ex semine Italiâ missò: seipsam autem non reseminat ut pleræque aliæ hujus generis, sed oportet ut vere de novo quotannis seratur, unde & æstiva denominatur. Verisimile est semen in terram delapsum in regionibus Septentrionalibus hyberno frigore corrumpi.

Plantam hanc Cantabrigiæ in hortulo nostro aliquot annis sevimus.

\* 5. Tra-

- \* 5. *Tragopogon gramineis foliis hirsutus* C. B. *Apulum suave-rubens* Park. alter *gramineo folio, suave rubente flore* Col. **Rose-coloured Goats-beard.**

Col.

*Radice* est parva, omnium minima, trientem longa, in summo rubescens, reliquum albâ, durâ, lactescente, gustu dulci, multis lateraliter obliquis fibris humum amplexante: *Folius* angustis, dorantibus, gramineis, hirsutis, tactu lævibus extrinsecus, intus verò albidioribus, tactuque deorsum versus asperis, ut in *Hordeaceis*: *Caule* longo, bipedali, tenui, albicante, tereti, nervoso, duro, foliis multis dense alternatim illum cingentibus, circa nodos latioribus, raris alis diviso. In summo, ex magno respectu plantæ calice, octo foliolis radiantibus diviso, *flos* intus ex albo rubens seu carneo colore suave-rubens, undecim foliolis intus alia foliola continentibus compositus, ex quibus *stamina* nigrocerulea lutea acie pulverosa, in medio elewantur, umbonis vice. Flos huic cum semina perfici incipiunt occultatur, calice inclusus, papposa seminum cacumina exserente. Hujus *calix* angustus est, inani longoque insidens collo, oblongis *seminibus* refertus, quorum exteriora ab aliis omnibus differentia, oblongiora internis, non in pappum desinunt, sed in quinque [duas breves tenuiores, & tres longas admodum] aristas: reliqua verò interna semina pappum ut congenera insidentem habent, ipsaque breviora sunt: omnia lævia, omnium minora, angustiora, etiâque flaventia. *Sapore* ab aliis differt nihil.

Maio floret & perficitur. Cirinolæ Apuliæ in Pyrastrorum sylvula illa exoritur propè D. Rocchi adem. Floris colore, & seminibus in capitulo exterioribus ad præcedentem accedit.

Locus.  
& Tempus.

- \* 6. *Tragopogon gramineo folio, radice villosa* C. B. *Trag. folio gramineo, flore albo & luteo cum tantilla purpura* J. B. *luteum angustifolium* Park. **Grass-leaved yellow Goats-beard.**

J. B.

*Folius* est minoribus, Garyophyllorum florum sylv. alborum foliis similibus, angustis & acutis: *Radix* aliis *Tragopogis* similis, capite capillato: *Caules* tenues, rotundi, in quorum supremis capitulis Cyano similia, ex quibus ubi aperiuntur prodeunt *flosculi* albi, aliis similes, nisi longiores & acutiores essent, similes *Bellidi* majori. Provenit incultis locis humidis. Floret Junio & Julio.

Huic idem nobis videtur *Tragopogon* parvum ex luteo purpurascens C. B. i. e. *Trag. parvum flore Chondrillæ purpureo-ceruleæ* Lob. ob. quam *Spithameam* pusillam plantam vocat, nulla sui parte à *Tragopogis* dissidentem: *Flore* *Chondrillæ* ex luteo tantillum purpurascens: *Folius* gramineis, palmum longis; in *Hetruria* & agro Romano obviam.

Caput capillatum radicem perennem esse arguit. Descriptio hujus adeò brevis est & obscura, ut non satis sciam, quæ planta sit, an fortè *Scorzoneræ* species?

In Horto Regio Parisiensi colitur.

- \* 7. *Tragopogon purpureo-ceruleum crocifolium* C. B. *crocifolium purpureum* Park. *crocifolium mont. flore nigro-purp. sive Theophrasti & Dioscoridis* Col. **Saffron-leaved, purple Goats-beard.**

Col.

Hujus *folia* *Croci* folia ità æmulantur, ut angustiora potius quàm latiora censeantur, pedem & magis longa, trigona ferè, parùm rigentia, canaliculata, albâ lineâ in cavo percurrente crispa, & extuberante oblique rugosa, ut etiam in *Ornithogalo* veriore observatur. Circa radicis caput, quod crassum, tuberosum & nigrum est, alba & longa lanugine obsita sunt folia, atque latam, candicantem originem ducunt, reliquò angusta, virentia & in acutum desinentia, & copiosa. *Radix* longa, recta, minimi digiti crassitudine, obliquas undique fibras tenues atque densas emittens, crasso cortice, medullâ lignosâ. *Caulem* edit in imo crassum, rotundum, solidum, lævem, atque tribus alis divisum subrubentibus, magnis, cauli ferè paribus, tenuioribus, lævibus: quibus, ut & cauli, ad nodos quatuor alternatim rarius disposita hærent foliola, in summo admodum tenuia. Omnibus in summo *calix* insidet magnus, crassus, quinquefoliatus; qui dehiscens parvum proportionem quinque radiorum calicis ostendit *florem* nigro-purpureum, raris & angustis barbulis compositum, ex quibus singula *stamina* bifida, intorta prodeunt. Foliola verò illa nigro-purpurea & striata sunt, in extremo ferrata, ibique lutea, sicut & circa eorum initium, quod convolutum est tubuli instar, ex quo staminula illa nigro-purpurea in summo bicornia, lutescentia atque hirsuta, veluti luteo pulvere inspersa. Brevi quidem tempore, non secus ac congenerum modo flos clauditur, atque *semen* concipiens intrâ calicem, longam, canam, hirsutam, angustam, rigidamque hirco similem emittit barbam.

In *Æquicolorum* montibus & è regione *Capuccinorum* cœnobii inter *Flaminianum* villam, ac *Locus* etiam supra viam quâ inde ad *Castrum Podium Poponiscum* itur.



## SECTIO SECUNDA.

*Herbæ flore composito naturâ pleno & planifolio lactescentes seminibus solidis.*

## CAPUT PRIMUM.

*De Intybo sive Endivia Cichoreoque.*

**I**ntubus sive Intubum quoddam *intus sit totus* dici nugatur Isidorus *lib. 17. cap. 10.* Saltem (inquit Vossius) cogitare debuit, quod ibidem ait, esse Græcum nomen. Gloss. *ἰντζον, intyba.* Intubum Latini vocârunt à cavo tubæ specie caule *Bod. à Stapel.* quod Etymon ejusdem comatis est cum Isidorano.

Cichorium Ægyptium nomen esse, & inde in Græciam, postea in cæteras nationes commigrasse, verba Plinii, *lib. 20. cap. 8.* docere videntur. *In Ægypto,* inquit, *Cichorium vocant, quod sylvestre sit, sativum autem Serim.* Variè scribitur, *Κίχρεον* cum *ei* diphthongo, quod secutus est Horatius in versu illo Alcmanico,

*Me Cichoreæ levésque malvæ.*

vel *Κίχρεον* cum simplici *ι.* *Κίχρεον* verò (quod Atticum est) nomen hoc habere creditur *μαγὸν τὸ δὲ ἄλ' ἡμεῖς οὐκ ἐστὶν ἐν τῷ πεδυνῷ* quod p. r. agros prædiâque vadat seu serpat. Voss. Etymolog. J. Bodæo dictum videtur à *κίχρη* invenio, reperio, quod frequens in campis inveniatur. Cæterum Cichoreum à reliquis planifoliis lactescentibus dignoscitur floribus è lateribus caulium & ramorum exeuntibus velut spicatum.

Intybus autem à Cichoreo differt foliis brevioribus non laciniatis, & quod annua planta sit, cùm Cichoreum perennet.

1. *Intybus sativa* Ger. *sativa latifolia* sive *Endivia vulgaris* C. B. *Endivia sativa* Park. *Intybum sativum latifolium* J. B. **Garden or Broad-leaved Endive.**

Æstiva est planta, hyemis apud nos haud facile patiens, *radicibus* fibrosis, lacte prægnantibus. *Folia* per terram sparsa antequam caulescat, longa, lata, Lactucæ foliis similia, in ambitu subinde crenata, subamara. *Caulis* cubitalis & sesquicubitalis, lævis, striatus, inanis, multis ramis brachiatus, tortuosus, vulnere lac fundit. Flores ex foliorum (quæ in caule hederacea sunt, minora) alis emicant cærulei, Cichorii sylvestris; semen quoque consimile.

Seritur in hortis.

Ab hac non videtur aliter differre quàm ut spontanea à cultâ.

2. *Intybus sativa angustifolia* C. B. *Intybum sat. angustif.* J. B. *Intybum sylvestre* Ger. *Intybus sive Endivia minor angustifolia* Park. **Wild or narrow-leaved Endive.**

Quæ foliis est angustioribus, sapore amariore, *Caule* ramosiore; in reliquis cum priore convenit.

3. *Intybus crispa* C. B. Ger. *Intybum sativ. crispum* J. B. *Endivia crispa* Park. **Curled Endive.**

Hæc *foliis* est quàm *Endivia vulgaris* majoribus, ubique in ambitu crispis ac finuatis; *caule* cæteris majore, crassiore, teneriore, ut rectè Matthiolus: *semine* nigro, Lactuceo: cætera similis.

J. Bauhinus Hortulanorum mangonio Intybum crispam effici opinatur. Nos Intybum crispam à vulgari sativa specie differre existimamus, nec accidentia tam diversa & discrepantia arte induci posse.

Seritur Intybum in hortis, & quod vere satum celeriter adolescit, ac ipsa æstate florens semina profert, ac deinde intercidit: Julio verò satum in hyemem restat: Septembri aut Octobri terrâ obrotum, colligatis prius foliis, nivis instar candidum redditur, ac deinde mensibus hybernis mensis aliorum acetariorum loco infertur. Et revera nostro palato Lactucâ ipsâ sapidius est & gratius.

Sim. Paullus in arena sicca tumulatam integram hyemem ad ver usque servari scribit: quo mangonio mirum dictu quàm fragilis & ori grata reddatur, ita ut magno delictamine anorexiâ alioqui laborantes eâ crudâ vescantur.

A. 4 *Cichorium sylvestre & sativum* J.B. *Cichorium Sativum & Cich. sylvestre sive officinarum*  
C. B. Ger. Park. **Garden and wild Succory.**

*Radice* est pollicari, lacte prœgnanti. *Caules* ab eadem radice plures profert, teretes, hirsutos, in sylvestri tortuosos, bicubitales interdum, varièque in ramos summa parte divaricatos. *Folia* Dentis leonis profundè incisa aliàs integrâ aut quàm levissimè dissecta, pilosa, quæ in caulibus sunt alternatim adnascuntur absque pediculis, longa, in acutum desinentia, utrinque hirsuta: *Flores* successivè emicant, plures simul, è foliorum supremorum alis, sessiles & pediculis omnino destituti, pulchri cœrulei, è pluribus foliorum planorum extremitatibus latis & dentatis, ordinibus compositi. Fota planta amara insigniter deprehenditur. *Semina* pappo destituuntur. Flores interdum albi sunt. Caulis monstrosam acquirit latitudinem. Per culturam majus & mitius evadit.

Tanta est (inquit J. Bauhinus) Cichorii similitudo cum Dente leonis veris principio, ut difficile sit discernere has plantas.

Non solum in hortis feritur, sed & sponte exit passim in Anglia secus vias & semitas locis incultis, & in agrorum limitibus, ac potissimum (ut rectè Dodonaus) folia habens profundioribus incisuris laciniata, quod & reliquis amarius est. Locus.

Cichorium sativum (inquit J. Bauhinus) ego cum fratre non separo ab erratico, quod culturâ tantum mutatur nonnihil: si non colatur quod fuit sativum iterum fit erraticum.

Æstate demum & post solstitium florer.

Variat interdum floris colore rubello & albo. Tempus.

Cichoreum plerisque Botanicis frigidum censetur; verum sapor amarus caliditatem arguit. Vires.

Intybus & Cichoreum (autore Matthiolo) selectissimum præbent medicamen immodicè calenti [aut etiam obstructo] hepatis quocunque tandem modo usurpata, sive foliis recentibus crudis aut coctis comestis, sive succo, sive aquâ stillatitiâ aut decocto hausto, sive foliorum siccorum pulvere assumpto: modicè enim refrigerant & astringunt, inquit, quod nobis non probatur, quin potius attenuant & absterunt, ut rectè Schroderus. Commendantur & in febribus. Usus radicis Cichorei in febre hectica insigniter laudat Crato ab experientia.

Aqua è floribus cœruleis destillata, inflammationibus & caligini oculorum imposita potenter remedium adfert. *Trag.*

Folia cocta ex aceto comesta gonorrhœam reprimunt. *Matth.*

Flos hujus plantæ ad Solis ortum & occasum se recludit, sive sudum, sive nubilum fuerit cœlum. *Trag.*

Notat Spigelius podagricis Cichorii sylv. herbam valdè conferre. In causa calida (inquit) nihil puto magis convenire, experientiâ edoctus quàm pulverem foliorum Cichorei sylv. mense Maio collectorum & in umbra exsiccorum. Ejus datur ʒi. vel ʒij. in jure carnis pulli non saliti, manè quatuor horis ante prandium, & vesperi cum vadit dormitum, vel absque coena, vel cum coena pauca. *S. Paul.* Vidi in biliosa podagra incipientes jam fluxiones ita cessasse ut mitior paroxysmus redierit, & breviori tempore duraret duobus vel tribus diebus continuè assumpto. *Spigel. de Arthritis.*

Joan. Rhodius Centur. 1. Observ. med. 44. testatur quod Professor quidam Patavinus diu plurimis medicamentis quolibet anno sine efficacia tantum non confectus mutato demum consilio jusculis Cichoraceis in prima mensa haustis melancholiam hypochondriacam profligaverit.

5. *Cichorium verrucarium sive Zacincta* Ger. Park. *verrucosum sive Zacincta, Hieracii adnuncianum* J. B. *Chondrilla verrucaria foliis Intybaeis viridibus* C. B. **Wart-Succory.**

J. B.

Paullum admodum humo tollit *caules* graciles dodrantes, aut etiam cubitales, intus fungosos, ramosos: ad quorum latera sessiles adnascuntur rari *flosculi*, alii etiam ramulorum extremis lutei: quibus in pappum evanescentibus succedunt pericarpia pulcherrima, verticillatim radiata, Lupini feminis magnitudine, in quibus *semen* copiosum Lactuæ par, non ita compressum. *Folia* oblonga, Dentis leonis, laciniata, multa per terram sparguntur, in ramis pauca. *Radix* longa, multis fibris donata.

Ad ostia Tibridis copiosè oritur: invenimus etiam spontaneam circa Liburnum portum & Florentiam.

Mira hujus plantæ facultas esse dicitur ad tollendas verrucas, vel foliis in acetariis devoratis, vel succo eorum illito.

6. *Cichorium spinosum* Ger. J. B. C. B. *spinosum Creticum* Park. **Thorny Succory.** *Chondrilla genus elegans cœruleo flore* Clus.

*Folia* huic indidem plura ceu ex eodem puncto, alternatim oriuntur Cichorii, angustiora, sinuata, virentia, [crassiora & minora magisque amara quàm Cichorei vulgaris Bello] *Caulis* glaber in ramulos dividitur rigidiusculos, inconditos, multifariam divaricatos, in duras abeuntes spinas, Tragacanthæ aut potius Aspalathi Monspeliensis imitatione. *Flores* ad ramorum divaricationes, ipsorumque adeo furculorum cacuminibus impositi, cœrulei, denticulatis foliis constantes, duplo triplòve quàm Cichorei vulgaris minores, cui *semen* simile. *Radice* firmatur singulari, magnâ, ut Cichoreum.

In maritimis & siccis collibus & arenosis locis oritur, non in Creta tantum sed & in Sicilia, ubi nos illud observavimus in insula parva à Promontorio Pachyno vi maris divulsa, ubi Arx Hispanorum præsidio tenetur. Floret Julio & Aug. Locus.

Recens semine nata antequam in caulem abeat in acetariis manditur, inquit Bellus, sed durior & amarior est Cichorio.



Vocatur vulgò, eodem referente, *συμωζάν*, i. e. *Hydrie spina*, quia vulgariter in tota Creta fictilibus hydriis utuntur ad hauriendam aquam è fontibus, quas hæc herbâ obturant, nè mures aliudve animal intus penetrare possit. Videtur enim ad hoc munus ista planta à naturâ formata: nam semper rotundâ figurâ cernitur.

## CAP. II.

De *Lampšana*.

*Lampšana Dodonæi* J. B. *Lampšana* Ger. emac. *L. vulgaris* Park. *Soncho affinis Lampšana domestica* C. B. *Рипплетворт*. i. e. *Papillaris herba*.

**R**adice nititur alba, simplici, furculosâ tamen & variè fibrosâ. *Caulis* indè exurgit, bicubitalis & altior, teres, striatus, pilis rarioribus hirsutus, rubescens, concavus, ramosus. *Folia* ad radicem & in ima parte caulis uno vel altero pinnularum pari donata, extremitate latiore, magnitudine & figurâ ferè foliorum Sonchi laevis muralis, aut Barbareæ dictæ, mollicella, hirsuta, alternatim posita: quæ in caulibus & ramis superiora, oblonga, angusta, acuta, nullis pediculis fulciuntur, nullis pinnulis lobisve donata. *Supremæ* caulis & ramorum partes glabræ, in *flores* terminantur exiguos, luteos, è plurimis compositos flosculis, quorum singulis singula coherent *semina* oblonga, nigricantia, nonnihil incurva, minimè papposa, utcunque J. Bauhinus flores in pappos abire scribat. Tota planta vulnerata lac fundit amarum. Floret Junio & Julio mensibus. In hortis & cultis frequentissima est.

Vires.

Efficax esse censetur in sanandis papillis exulceratis, unde & nomen Papillaris sortita esse videtur.

## CAP. III.

*Hieracium falcatum alterum* Ger. emac. *Hieraciis affinis Ragadiolus edulis* J. B. *Hier. florem inclinans* J. B. *capitulum inclinans semine adunco* C. B.

**R**adice nititur simplici, alba, è lateribus fibras emittente. *Folia* ad radicem plura, in terram relupina, *Lampšana* ferè figurâ, palmaria & semipedalia, principio angusto sinuato aut laciniato, lobis quibusdam subrotundis utrinque velut pinnata, extremitatibus latis, obtusis. *Caulis* ex eadem radice plures exeunt, dodrantes aut pedales, teretes, hirsuti, medullâ albâ farcti [interdum etiam concavi] latisduri & rigidi, ima parte foliis nudi, ubi in ramos dividi incipiunt vestiti. *Folia* hæc in lacinias acutiores dividuntur quàm quæ à radice exeunt, extremitatibus quidem latis nec minoribus, verùm in acutos mucrones productis. *Flores* in summitatibus caulibus & ramorum perexigui, lutei, vix pluribus uno flosculorum circulo compositi, pro calice unico foliolorum ceu palorum vallo cincti, columnæ striatæ ferè similes cùm nondum aperiuntur. Flore delapso singula calicis foliola singula *semina* sinu suo amplectuntur (quod singulare est in hoc genere) & in stellam se expandunt, supersunt adhuc in medio duo vel tria semina nuda introrsum flexa. *Semina* autem in hac specie solida sunt & pappo destituta. Flores alii sessiles sunt pediculis brevibus aut nullis, alii, id est, in ramulis extremi, pediculis, satis longis insident. Tota planta lacte amaro scatet, ut congeneres.

## CAP. IV.

*Hieracium stellatum* J. B. *falcatum Lobelii* Ger. *falcatum sive stellatum* Park. *falcata siliqua* C. B. *Star-seeded Hawkweed* Burcopp.

**A**. J. B. **A**D cubitalem altitudinem assurgit tenuibus *coliculis* & ramosis, tantilla lanugine nisi propter terram vix hirtis, non sine foliis multis. *Folia* primum erumpentia Hedypnoidis, & pingui solo palmari & plusquam sesquipalmari longitudine, sextantali & quadrantali latitudine, nonnihil sinuosa, hirsuta. *Flores* simplices, parvi, *Lampšana*, lutei: quibus succedunt *seminum* stellæ radiatæ hirsutæ, quæ postmodum falcis in modum incurvantur.

Locus.

Propè Monspelium non longè à Castro novo dicto hanc plantam invenimus. Habetur & alibi circa Monspelium, & Bononiam in Italia.

## CAP. V.

\* *Camara Vuba Brasiliensis* Marggr.

Marggr.

**I**N eximiam altitudinem assurgit, caule hirsuto, nodoso. Folia quoque hirsuta & ad tactum aspera, in ambitu serrata, Urticæ foliis similia, inæqualis magnitudinis, bina semper directe sibi opposita. In extremitatibus ramorum enascuntur flores, magnitudine florum Buphthalmi, egregie lutei, novem foliis constantes, & in medio umbilico magno luteo, cui admixta staminula nigra, odoris quasi medii inter Urticam & Mentham. Post flores sequitur semen oblongum, nigricans, ut in Cichoreo. Planta ad tactum planè glutinosa sentitur.

Cum planta hæc mihi incognita sit, neque Marggravius præcipuas ejus partes, flores putà & semina satis accurate descripserit, an eam rectè hoc in loco posuerim non satis scio: suspicor tamen eam ad aliud potius genus pertinere ob folia in caule bina conjugatim posita.

## CAP. VI.

*Sesamoides parvum* Matthioli Ger. *Chondrilla Sesamoides dicta* Park. *Chondrilla cærulea Cyani capitulis* C. B. *Catanance Dalechampiæ flore Cyani, folio Coronopi* J. B.

J. B.

**F**olia habet Coronopi, hirsuta, candidiora, sæpe integra, aliquando uno aut altero denticello inæqualia, sapore nullo eccellente. Caules cubitales in varios fissi ramos, non sine foliis, teretes, brevibus, sed aliquantum asperis, pilis obfiti, lac manant. Ramorum satis longorum extremis insident singulis singula squarrosa capitula, squamis pulcherrimis, membraneis, pellucidis, albicantibus, striâ rufescente per medium decurrente, laxo connexu incumbantibus, & tanquam æstu nimio squallidis, compacta: quæ in flores expanduntur cæruleos, Cyani æquales, sed foliorum formâ longè diversâ, quippe latiusculâ, non corniculatâ, extremâ orâ Cichoreorum ritu crenatâ, quorum singulis adnatæ fibræ ex purpureo flavescentes, apicibus luteis. Medium occupat cincinnus foliolorum corniculorum, violaceorum. Radix subest crassa, longa, exterius rubens.

In aridis & saxosis collibus agri Narbonensis passim obvia: invenimus etiam propè Gratianopolin Locus. in collibus quos transivimus eundo ad maximum Carthusianorum cœnobium.

Hæc planta à reliquis hujus generis lactescentibus diversâ est floribus non plenis ut in illis, sed discoidibus.

2. *Catanance affinis Sesamoides parvum flore magis completo* Camer. J. B. *Chondrilla cærulea Cyani capitulis altera* C. B.

Ad Intybacea potius referrem hanc plantam (inquit Camer.) cum radix lacte non pauco turgeat. Flores Cichorii figurâ respondent, & alii simplici foliorum texturâ constant, alii densius stipantur, colore elegante cæruleo, stamina in medio lutea habentes, è quibus relinquitur semen subnigrum, angulosum pusillum, squamatis capitulis inclusum. Sapore est omnino dulci, nihil vel minimum amaritudinis obtinente.

Hanc à præcedente non puto specie differre, non magis quàm Matricariam aut Chamæmelum flore pleno ab eisdem cum flore simplici: nihil tamen affirmo. Hæc etiam frequens est circa Monspelium.

## CAP. VII.

De *Carduo Chrysanthemo dicto.*

**O**B succum lacteum quibus turgent, & florem planifolium naturâ plenum plantas hæc huc retulimus, quamvis laciniatis & spinosis, caulibus etiam membranulis spinosis auctis Carduos simulent.

1. *Carduus chrysanthemus* Dod. *Scolymus Theophrasti Hispanicus* Clus. *Scolymus Chrysanthemus annuus* horti Regii Paris. *Carduus Chrysanthemus Hispanicus* Ger. emac.

Caule assurgit simplici, sesquicubitali, bicubitali, aut altiore, pollicis crassitudine, ab imo statim ramoso, ramis prælongis, alternatim è foliorum sinubus exeuntibus, spinis crebris acutis horridis, lateis venis Cardui Mariæ in modum variegatis, quatuor aut pluribus fimbriis foliaceis laciniatis spinosis secundum longitudinem productis. Summos caules & ramulos occupant capitula squamosa squamis lanuginosis, innoxii sessilia, quatuor aut quinque foliis laciniatis, laciniis in spinas rigidas acutas terminatis binas ex adverbo, extremo folio in prælongam cuspidem procurrente, cincta. Flores ipsi flavi, è pluribus flosculis aggregati, quorum singuli singulis insident seminibus, nullo pappo seu lanugine vel innascente vel adjacente. Tota planta lacteo succo turget. Folia primò erumpentia & quæ ad radicem sunt, sinuata seu laciniata sunt, ad margines spinosa, spinulis mitioribus, lineis lateis Cardui Mariæ dicti in modum notata, iis tamen angustiora & minora multo. Semina in capitulo arctè stipata, compressa, alba, brevissima.



Locus.

Vires &amp; Usus.

Propè oppidulum S. Lupiani eundo ad Pedenatium & alibi circa Monspelium hanc speciem invenimus.

Salmanticenses (inquit Clusius) tenellam adhuc plantam & primùm germinantem, cum ipsa radice elotam crudam aut etiam coctam cum carnibus edunt: ipsius lacteo succo omne lactis genus coagulant; etiàque ejus flore Crocum adulterant, ut quædam nationes Cnici flore. Hujus autem radice sues non minùs libenter vescuntur quàm Eryngii.

Omnino specie diversa est hæc planta à Carduo Chrysanthemo seu Eryngio luteo Monspelienfi: est enim elatior, nec adeò longis crebris ramis luxuriat, flores tamen frequentiores profert; & ni multùm fallor, hæc planta radice est annua, illa perenni. Quin & in ipso foliorum colore differentia est notabilis, cum hujus albicent magis, illius flavicent; & in foliis illis spinis utrinque acutis horridis capitula obvallantibus. D. Magnol in Botan. Monsp. conjecturam nostram confirmat, hanc plantam annuam esse, sequentem perennem affirmans: de qua etiam, utpote vivaci, intelligendum esse Clusium ait, dum tenellam adhuc plantam & primùm germinantem cum ipsa radice lotam, crudam aut cum carnibus coctam edi refert, &c. Nos tamen aliter sentimus, nimirum de hac ipsa planta verba Clusii accipienda esse. Vidimus enim in oppidulo quodam Siciliæ ad radices montis Ætnæ, octo supra Cataniam mill. Cardui hujus similis caules spinulis derafis crudos cum aceto & pipere acetarii loco à vulgo comestos: hujus inquam, simillimæ proceriores plantæ magnitudine præcipuè differentis: quin & icon Clusii hujus plantæ est, non sequentis, quam Clusius Scolymi Theophrasti Narbonensis titulo exhibet. Varietas illa hujus plantæ quam proceriorem caule eduli denominavimus, Scol. Chrysanth. Africanus procerior Hort. Reg. Paris. dicitur.

2. *Carduus Siculus Chrysanthemus procerior caule eduli. An Scolymus Chrysanthemus Africanus procerior, Hort. Reg. Paris.?*

Hic præcedente major est & procerior multo: caulibus & capitulis totâque adeò plantâ tomento seu lanugine obductâ; floribus & capitulis majoribus, foliis spinosis paucioribus, iis tamen angustioribus, longioribus, robustioribus utrinque spinis armatis, obsitis quàm in illo: membranulæ quoque spinosæ secundum caulium longitudinem decurrentes angustiores sunt seu humiliores multò in hoc quàm in illo.

Locus.

Ad radices montis Ætnæ observavimus rusticos caules hujus teneros membranulis & lanugine derafis, etiam crudos, in acetariis comedentes.

3. *Carduus Chrysanthemus Narbonensis Ger. Scolymus Chrysanthemus C. B. Scolymus Theophrasti sive Eryngium luteum Monspelienfium Park. Spina alba J. B.*

J. B.

Radice nititur pollicari, fulvescente, lacteum succum fundente, vesca: ex qua caulis surgit bicubitalis & altior, multis alis concavus, hirsutus. Folia primùm erumpentia, palmo longiora, per terram sparguntur, dodrantem mox æquantia, viridantia lacteis maculis confusis, leviter sinuata, spinis horrida, lactiflua, at quæ in caule & ramis sunt, ut breviora, ita rigidiora sunt magisque senticosa, à quibus productæ alæ spinosæ, cauli ramisque adnatæ, tum hos, tum illum intractabilem reddunt. Flores inter folia resident aureo fulgore comantes, ex capitulo Ponticam nucem æquiparante, squamis innoxii compacto, lac non fecus ac folia fundente. Semen compressum.

Locus.

In Italia, Sicilia & Gallia Narbonensi ad mare præsertim frequentissima est hæc Spina.

# HISTORIÆ PLANTARUM LIBER SEXTUS.

QUI EST

De Herbis flore Composito discoide papposis, non la-  
tescentibus: & primò

De iis quæ florem habent radiatum.

## C A P. I.

De Herbis rotundifoliis, floribus folia antevertentibus, in singulis caulibus singulis, seu  
De Tussilagine.



**T**USSILAGO Latinis, Græcis *Βίχρον* dicitur eodem sensu, à commodo com-  
pertissimo quod præstat anhelosis & tussi afflictis. Nonnullis Chamæleuce di-  
cta putatur quòd folium subtus albescat instar Populi albæ. Ungula caballina  
à similitudine foliorum.

Notæ ejus characteristicae sunt Flores folia antevertentes & brevi marcescen-  
tes, in singulis cauliculis singuli, radiati: folia subrotunda subtus incana.

A. 1. *Tussilago* Ger. J. B. Park. *vulgaris* C. B. **Common Colts-foot.**

Folia huic circumscriptione subrotunda, multis angulis prædita, Petasitis similia sed minora multò,  
inferne subalbida, supernè virentia cum tantillo tomenti quod digitis facile potest detergi. Plures ex  
eadem radice, seu potius radice capite, emittit *Caules*, palmum & non raro dodrantem altos, con-  
cavos, tomentosos, rubentes, foliolis vestitos iis quæ à radice exeunt multum dissimilibus, nimirum  
longis, acutis, tenuibus, nullis pediculis, cauli appressis, alternatim positis, *Flores* sustinentes singu-  
li singulos, luteos, foliolis numerosissimis in ambitu radiatos, flosculis plurimis quinquepartitis [cum  
stylo in medio] dense stipatis, luteis, medium discum componentibus. *Radicibus* tenuibus albis sub  
terra reptat & latè se propagat.

Flores cum caulibus brevi quidem marcescunt (verum non intra diei unius duorumve spatium,  
ut nonnulli scripsere) ex quo factum ut aliqui herbam hanc sine flore ac sine calice esse existima-  
verunt.

Natales circa Scaturigines aquarum & loca rigua.

Folia hujus recentia temperatis proxima sunt; unde extrinsecus imposita [cum melle trita Diosc.] *Locum.*  
ulceribus calidis & inflammationibus [ut & Erysipelati] profunt: ficcata verò modicè acria & ca-  
lida evadunt. Eorum fumus [per infundibulum ore exceptus ac deglutitus secundum veteres, rectius  
tubo inditorum & incensorum haustus, ad modum Nicotianæ] tussi, orthopnoeæ, vomitibusque pectoris  
conducit. Ad hos usus paratur Syrupus ex succo foliorum recentium: item conserva, tabellæ &  
eclegmata. Ad eadem valent & radices ficcatae. Summâ thoracica est insignis. *Vires.*

Ubi sylvestris nascitur Tussilago subesse aquas credunt, & hoc habent signum Aquileges, teste *Pli-  
nio* lib. 26. cap. 6.

Hujus radici adnasci dicitur subalbida quædam lanugo, quæ à radicum segmentis prius expurgata,  
& deinde linteolis involuta, & in lixivio parum decocta, addito salis nitri aliquanto, ac demum so-  
le ficcata, omnium optimus est fomes ad ignem ex filice excussum excipiendum: quippe adeo ig-  
nis capax est, ut primo statim chalybis concussu accendatur. *Jo. Bod. in Theophr. hist. lib. 7. cap. 12.  
pag. 877.*

Tussilaginis foliorum cum flore Sulphuris & Succino in pulverem comminuto mixtorum & incen-  
sorum fumus ore haustus instar Nicotianæ phthifin aliquando sanavit. *D. Boyl. de utilitate Philosoph.  
nat. ad medicinam.*

D. Hillerus Med. Marchionis Brandenburgici pueros Atrophiam laborantes plurimos restituit solis fo-  
liis ungula caballina, quæ & concisa oleris ritu, & pulve farinacea imbuta, atque in butyro Salvia in  
modum frixa comedenda diutius exhibebat *D. Soame ex \* Observat. Hieron. Reusneri à Velschio editis. \* Obs. 147.*

2. *Tussilago*



2. *Tussilago Alpina* Ger. emac. *Alpina minor folio rotundo* J. B. *Alpina folio canescente* Park. *Alpina rotundifolia canescens* C. B. **Smooth mountain Colts-foot.**

J. B.

Quinque aut sex, interdum duodecim, *folia*, humi fusa, Chamæcisso vulgari non valdè dissimilia, circinata ferè rotunditatis, nisi levi sinuum vestigio inæqualia essent, supernè cum saturo virore splendentia, infernè tomento albo obducta, magnitudine semunciali, aut plusquam unciali, longiusculis hirsutis pediculis nixa, exiccante initio gustu, deinde amaro. *Caulis* purpurascens, unicus, palmaris aut cubitalis, concavus, lanuginosus, *florem* in summo gestat singularem, magnum, purpurascentem, alioqui Tussilaginis similem, in pappos fatiscentem, *semine* affixo, longo, gracili. [Brevis postea arefcit & perit cauliculus, ut reliquo anni tempore sine caule planta conspiciatur.] *Radix* villo obvoluta, satis crassa, longis fibris capillata. Clusius radicem fibrosam serpere affirmat, & in latum se diffundentem multas propagines agere, tenuibus fibris sese firmantes.

Locus.

Oritur (inquit Clusius) in summis Austriæ & Stiriaë jugis, & totos interdum cespites occupat. Nos in Alpibus Stiriæ primò, postea in monte Jura, (ubi & J. Bauhinus) observavimus.

Tempus.

Sub finem Junii, ut plurimum floret, interdum verò tantum Augusto mensè, pro aeris constitutione.

3. *Tussilago Alpina glabro folio* Clus. Park. *Alpina rotundifolia glabra* C. B. **Smooth-leaved mountain Colts-foot.**

Clus.

A priore non multum diffidet, figura enim foliorum eadem est, sapor idem, flos similiter purpurascens, radix etiam summa tellure serpens, novæque plantas subinde producat: *folia* duntaxat paulò ampliora nonnunquam conspiciuntur, neque adeò splendent supernâ parte, neque aversâ candicant, sed tantummodo nonnullis villis obsita sunt.

Locus.

Invenitur in superiore collis parte post monasterium *Neuberg*, ad radices celsissimi jugi ejusdem nominis. Postea etiam observabam inferioribus jugis aliarum Alpium, gramineis locis. Clus.

## C A P. II.

*De Herbis rotundifoliis floribus folia antevertentibus, in thyrsum congestis, seu*

*De Petasite.*

**P**etasites à foliorum amplitudine & forma Petasum seu galerum referente dicitur. Notæ ejus diagnosticæ sunt flores folia antevertentes, in eodem caule plures in thyrsam dispositi, nudi, brevè unâ cum caulibus exarescentes: folia subrotunda Béchii, sed majora.

- A. 1. *Petasites* Ger. *vulgaris* Park. *major & vulgaris* C. B. *vulgaris rubens rotundiori folio* C. B. **Butter-burr; Pestilent-wozt.**

J. B.

*Caulis* primò omnium erumpunt dodrantes plus minùs, concavi, lanuginosi; *foliis* angustis acuminatis vestiti, qui in thyrsum fastigiantur *florum* purpurascentium, nudorum, in pappos tandem evanescentium, quorum delapsui succedunt marcescente caule, *folia* amplissima, Tussilaginis figurâ, sed duplo triplòve majora, ad pediculum falcata, rotunda ferè & in ambitu duntaxat serrata, non angulosa, ut Petasitidis albæ, infernè lanugine incanâ pubescentia, supernè obscurè virentia, nec penitus tomenti expertia. *Radix* crassa amarescit, & reptando se propagat.

Locus.

In humidis propè fluviorum ripas, juxta lacuum ac stagnorum margines ac vicinos aggeres libenter nec raro provenit, ut rectè Dodonæus.

Tempus.

Circa Calendas Aprilis Spica cum floribus viget, sequuntur deinde folia in hyemem usque permanens, novis subinde subnascentibus. J. B. In calidioribus regionibus, atque etiam frigidioribus, vere blando, & temperato Martio mensè aut Februario exit.

Vires.

Insigniter amara est, sed non perinde acris. Germanico vulgo Pestilentialis radix dicitur, quia experientiâ comprobatum est mirificè eam conducere pestilentialibus febribus. Radices cortice exutas aceto indunt quoad viribus imbutum fuerit, exque illo cum Rutæ succo & Theriacâ propinant. Commendatur etiam in lipothymia uterina, spiritus difficultate, tussi, asthmate. Facit & ad latos ventris lumbricos: urinam etiam & menses ciet. Extrinsecus ad bubones & ulcera maligna prodesse dicitur.

Est locus (inquit C. Hofmannus) non procul oppido ex adverso Monasterii Gnadenbergici ultra Nigrum flumen, ubi folia excreverunt in humanam altitudinem, ut quasi inter arbores ambules.

2. *Petafites albus anguloso folio* J. B. *Pet. minor* C. B. Park. *White-flower'd Butterbur.*

*f. B.*

*Radicem* habet validam, crassitudine pollicari aut majore, longam, proserpentem, geniculatam, nonnihil ad Calami *Offic.* radices accedentem, cortice rubro tectam, cui alius subest lignosus, & in medio cartilaginea matrix alba, gustu calido, aromatico, acri, subamaroque, cui adnata fibræ multæ, mediocriter crassæ & longæ, colore albo. *Caules* profert multos, sesquipalmes, striatos, molli lanugine incanos, crassos, concavos, in quibus *folia* eadem lanugine pubescentia, striata, oblonga, mucronata, sena septenave aut plura, alternato situ, sine pediculo, vaginæ instar caulem foventia: in summo caule *flores* ante folia multi simul congesti, albi, quorum singuli componuntur ex *flosculis* plurimis quinquepartitis, in medio fibrillâ pallidâ donatis, multis foliolis viridantibus circumdantibus. *Folia* angulosa, infernè densiore lanugine quàm supernè tecta, albioraque, ex pediculis longis, lætuginosis, albis, statim à radice exortis appensa.

*Petafiten* leucanthemon observavimus in declivibus montium quos transivimus eundo à *Gavia* opido ad Genuam, Aprili florentem. *Locus.*

3. *Petafites minor folio Tussilaginis alter* Moris. prælud. Hort. Reg. Paris.

*Petafitis* folia scabra & aspera sunt; hujus autem \* pronâ parte viridia, supinâ incana Tussilaginis instar: & nisi flos *Petafiten* proderet, vera videretur Tussilaginis species.

Hujus folium in horto Regio Parisiensi collectum & curiosè asservatum nobis ostendit *D: Sloane*.

\* Pronam partem vocat quæ cælum respicit, supinam quæ terram.

### C A P. III.

#### De Conyza.

**C**onyza à *κόνυζα* dicta putatur, quòd culices lentore suo capiat, & pulices necet. Verùm Etymon hoc non probat Jo. Bodæus, est enim (inquit) inter *κόνυζα* & *κόνυζα* magna nimis differentia, Ego, salvo meliori judicio, dictum puto *κόνυζα* quòd pulvere fœdetur, pulvisque glutine quasi ac pinguedine obfœtis caulibus ac foliis inhæreat, quæ idcirco obfoleti non rarò videntur coloris. Vel *κόνυζα* nomen accepit *κόνυζα* quòd caninum præ se ferat odorem. *Bod. à Stapel:* apud quem plura vide.

Cæterùm Conyza nobis dicuntur Herbae flore composito in pappos abeunte, foliis integris, odorata, hirsutæ, & glutinosæ.

Frutex cum foliis substratu suffuturque venenatas bestias fugat, culices abigit, ac pulices quoque Vires. necat, autore Dioscoride: quæ præterea de ejus viribus Veteres habent apud ipsos vide: Conyza enim recentioribus dicta an eadem Veterum Conyza sit incertum est.

Officinis nostris rarioris usûs est. Ad profligandam scabiem unguentum ex radice ejus & foliis parant nonnulli.

1. *Conyza major* Ger. *major Monspelienfis odorata* J. B. *major verior Dioscoridis* Park. *mas Theoph.* *major Dioscoridis* C. B. *Great Sweet Fleabane.*

*f. B.*

*Caule* fruticat sesquicubitali & bicubitali, multiplici, lignoso, rigido, hirsuto & tactu glutinoso, [Clusio obfoleti coloris] in multos ramos brachiato. *Folia* germinatione prima inordinata, alternatim caulem amplectentia, tres uncias longitudine æquant, non totam unciam lata, [Clusio duplo quàm Oleæ majora] obiter serrata, molli, pilosa, & glutine quodam lento viscida, ex viridi pallentia. *Flores* secundum extremos ramos spicatum frequentes exiliunt lutei, Clusio rotundi, Senecioni ferè similes, in pappos evanescentes, semine parvo, cineraceo. *Radix* subest crassa, fibrosa, vivax, quotannis novos pluresque caules proferens. Tota planta pinguis, glutinosa & odorata est cum quadam gravitate.

In Italia, Sicilia & Gallia Narbonensi passim provenit juxta vias & vinearum margines.

*Locus.*

2. *Conyza minor vera* Ger. J. B. *minor vera Penæ* Park. *femina Theophrasti, minor Dioscoridis* C. B. *Small true Fleabane.*

*f. B.*

Tam hæc majorem refert, ut qui illam nòrit & hanc quoque oblatam nòverit, odore simili sed vegetiore. Ea minor est præcedenti, cubitum ferè alta, ut plurimum recta, quod in altera non temere videas, ramosa. *Folia* multò tenuiora, angustiora, breviora, subhirsuta, viscida, uti est & caulis. Extremi ramuli secundum longitudinem, velut in majore, *flores* sustinent minores, & longè minùs splendidos, numerosiores, in pappum similiter evanescentes. *Radix*, inquit Clusius, omnium quidem quas observavi ejus generis stirpium singularis & annua.

Provenit circa Monspelium & in Italia ad mare inferum. Floret cum Majore sub Autumnum, & *Locus.* subinde semen profert. Crescit (inquit Clusius) frequentissimè in agris non procul Madritio, viâ quâ Toletum itur.

Conyzam



Conyzam minorem illam quæ in Bætica nascitur longè odoratiorem esse intelligo suprà descriptâ, licet formâ non sit diffimilis, ut ex planta ficca, quæ mihi conspecta (monstrante Guil. Boelio) conjecturam facere queo. *Clus. in Cur. post.*

- \* 3. *Conyza Syriae* quibusdam J. B. *minor Rauwolfii* Park. *major altera* C. B. *Small Syrian fleabane.*

*Rauw.*

Plures ex eadem radice profert *Cauliculos*, circiter pedem aut paulò amplius altos, quorum nonnulli sunt surrecti, potissima verò pars humi procumbit, novâsque fibras agens, subinde alios cauliculos producit. Longiuscula habet *Oleæ* folia, pingua, subhirsuta, satis gravis odoris, cui tamen suavitas quædam admixta est: alioqui floribus & cæteris notis Majori non valdè diffimilis.

*Locus.*

Circa Tripolim Syriae observavit Rauwolfius, cujus descriptionem Clusius Latine vertit.

- \* 4. *Conyza Pannonica lanuginosa* C. B. *Austriaca* 3. *Clusii* Ger. *Asteri montano hirsuto magno flore*, sive *Oculo Christi similis si non idem*, sive *Conyza* 3. *Clusii* J. B. *Boary Austrian fleabane.*

*Clus.*

Pedales habet interdum *caules*, rectos, firmos, duros, incana lanugine tectos; quibus longa inhaerent *folia* Conyzae majoris foliorum amplitudine, mollia, incana, hirsuta, dorso prominente, longiore quæ circa radicem sunt pediculo, quæ autem superiorem caulis partem amplectuntur brevi aut prorsus nullo: ea trita non injucundum spirant odorem, gustata amariuscule & acriuscula deprehenduntur. *Flores* extremo cauli & ramulis illi inhaerentibus insident magni, Helenii florum formâ, multis foliolis luteis medium discum seu orbem pallescentem ambientibus, nullo odore præditi. *Radix* longa, tenuis, nigricans, serpens, subinde ad ipsa capita unde caules prodeunt, multas candicantes fibras undique spargens, resinaceum quippiam olet, gustatâque amara & acris deprehenditur, vivax & perennis.

*Locus.*

Exit sponte ficcis & aridis locis, herbiferis tamen, declivibus collium ad Zimmerin, quâ ad Phasianorum iter est, primo ab Urbe Vienna milliari, ad Badenses thermas, Radaun, Petronellam, atque secundum vias publicas. Floret Junio.

Johnsonus Gerardus emaculator hanc plantam *Conyzae belemitidi mellisæ incanae* eandem putat; sed errat nostro iudicio. *Conyza* enim illa planta est aquatica. J. Bauhinus *Asteri montano hirsuto* luteo magno flore, sive *Oculo Christi* eandem suspicatur: quocirca *Asteris* illius descriptionem ex ejusdem Bauhini Historia mutuata hic subiciemus.

Geniculatim veluti incedit obliquè acta *radix*, nigricans, crassiuscula & capitata, fibras satis longas & numerosas demittens, ex pluribus disparatis capitibus, subinde in unum coeuntibus conflata. *Caules* complures ex supina radice pedales & majores surgunt, nonnunquam palmares tantum, pilis obsiti, *foliis* vestiti superius raris, frequentibus verò terram proximè, tomentosis, albidis, uncias tres vel quatuor longis, semunciam latis, ex principio angusto valdè viroso. *Flores* in ramulorum extremis eminent singulares, magni, aureis in ambitu comantes foliis, disco concolori, foliis flori circumjectis, albidis, evanescentes in pappos.

Hæc C. Bauhino *Aster Atticus luteus montanus villosus* magno flore dicitur. *Lob. ico.* *Aster montanus hirsutus*, *Lugd.* *Aster luteus* sive *Oculus Christi minor*.

Hanc invenit J. Bauhinus propè Pontem du Gard inter Nemausum & Avenionem.

- A. 5. *Conyza media* Ger. *media Asteris flore luteo, vel tertia Dioscoridis* C. B. *media Matthioli, flore magno luteo, humidis locis proveniens* J. B. *Herba dysenterica* Cat. Altdorf. *Medicæ fleabane.*

Ad cubitum unum & alterum excrecit, interdum altius *caule* tereti, firmo & satis crasso, lanugine incana obducto, lento, solido, rubente: *foliis* crebris nullo ordine accrescentibus, alis utrinque caulem amplectentibus, angustis & oblongis, acuminatis, rugosis, albicantibus villosis, ad margines interdum velut sinuatis. Ex alis foliorum ab imo ad summum usque ramuli exeunt, quorum extremis ut & summo cauli insident *flores* Bupthalmi, circinatâ foliolorum luteorum angustorum serie disci medii orbitam concolorem sed saturatiorem radiatim ambiente, odore nullo eccellente, femine succedente.

*Radix* subest caulem crassitie æquans, obliquè ferè acta, paucis sed majusculis fibris donata, nova subinde germina protrudens. *Folia* & summitates hujus plantæ digitis compressa saponem olent aut lintea sapone repurgata.

*Locus.*

Locis humidis & aquosis ubique ferè tum in Anglia tum in exteris regionibus oritur.

Descriptio est J. Bauhini à nobis aucta.

*Flores* post nati in hac non minùs quàm in minore specie supra primigenios eminent, ramulis quorum fastigiis insident medio caule altius exsurgentibus, ut in *Gnaphalio* vulgari.

*Tempus.*

Julio & Augusto mensibus floret.

- A. 6. *Conyza minor* Matth. *minima* Ger. *emac. media minor species, flore vix radiato* J. B. *minor flore globofo* C. B. *Small fleabane.*

*Radix* plurimis fibris majusculis albis constat: J. Bauhinus radicem ei attribuit unicam, ferè palmarem aut sesquipalmarem, aliàs paucissimis fibris donatam, aliàs plurimis, nunc rectam, nunc capreo-



capreolorum ritu tortilem, lignosam, albam, inspidam. *Caulis* sesquipalmaris aut dodrantalis, teres, purpurascens, brevi & vix conspicua lanugine hirsutus, firmus, solidus, ab imo statim ramosus, ramulis crebris è foliorum alis exeuntibus. *Folia* alternatim posita, unciam aut fescunciam lata, tres uncias longa, per marginès undulata & veluti crispa, absque pediculis immediatè adnata, vel glabra, vel brevi admodum lanugine hirsuta. *Flores* in summis caulibus & ramulis ex plurimis flosculis densè stipatis aggregati, calycibus squamosis, lanuginosis, limbo, seu circulo foliorum admodum brevium, luteorum discum pariter luteum ambiente. *Semina* minima non papposa. *Flores* post nati supra primos eminent, ramulis quorum summitatibus innascuntur medio caule altius exurgentibus, ut in *Gnaphalio* vulgari.

Julio & Augusto floret in locis ubi per hyemem aqua stagnat.

Locus &  
Tempus.

- \* 7. *Conyza Alpina* J. B. *Jacobaea latifolia Pannonica altera* Park. *Jacobaea Alpina foliis rotundis serratis* C. B. Mountain Fleabane.

J. B.

Ramis frequentibus fruticat, sesquicubitali, rigido caule. *Folia* alternata ferè, pediculis uncialibus & fescuncialibus harentia, ex rotundo nonnihil oblonga, uncias circiter ternas lata, paulò longiora, modicè in acumen desinentia, profundè in ambitu serrata, subtus incana lanugine pubescentia, suprà virentia. *Flores* ramulorum extremis crebri inhaerent, lutei, *Chrysanthemi* similes, in pappos evanescentes.

In monte propè *Wesen*, non longè à lacu *Tigurino* mensè Julio florentem observavit J. Bauhinus.

Gesnerus & J. Bauhinus hanc plantam *Conyzis* annumerant, reliqui qui de ea scripserunt *Jacobaeis*; & revera foliis integris cum *Conyzis* convenit, nescio an odoratis, nec enim odoris ullius meminit *Clusius* aut J. Bauhinus.

- \* 8. *Conyza Sicula annua lutea foliis atroviridibus, caule rubente* Bocconi.

Boc.

*Caulis* hujus plantæ subrubens est, rotundus, pedalis, quandoque bipedalis altitudinis, in varias ac multiplices ramos diffusus, ad instar *Linariae Belvedere* dispositos, circa quos *Folia* inferna longa, atroviridia, angusta, Oleæ similia cum primùm exeunt, deinde angustiora, & obtusa deveniunt *Kali* formâ. *Flos* aureus & minoris *Conyzae* flore minùs compactus, qui senescente planta abit in pappos.

Excepto colore & exilitate partium multùm affinitatis habet cum *Conyza* minore vulgari. *Annua* est: palustribus locis circa *Catanam* urbem plurima nascitur.

- \* 9. *Conyza caulibus rubentibus tenuioribus, flore luteo nudo* Botan. Monsp.

Magnol.

*Caulem* habet cubitalem, rubentem, in varios ramulos subdivisum. *Folia*, cum adhuc planta semipedalis est, *Conyzae* majoris latitudinem habent, & *Cisti ladaniferae* folia repræsentant, dum verò debitam acquisivit magnitudinem & floret, angustissima sunt & contracta. Ramuli omnes flores proferunt rariores multò quàm sint in superioribus, luteos, in calice rotundo & oblongo, nullis foliolis radiatim cinctos, & in pappos, evanescentes. *Annua* est planta, gravem habens odorem *Conyzae* majoris.

Septembri mensè invenit descriptionis Autor copiosè florentem in fossis humidis secus viam quâ à pago *Perauls* itur ad stagnum *Volcarum*, ad dextram: ubi & nos cum *Monspeli* essemus, eandem observavimus & collegimus.

- A. 10. *Conyza belenitis, mellita, incana* Lobelii J. B. *montana* 4. seu *incana* C. B. *belenitis mellita incana* Park. *incana* Ger. Hoary Sweet Fleabane-Mullet.

*Caulem* emittit sesquipedalem, tomentosum, incanum ex radice fibrosa, *Baccharis vulgaris* non absimili. *Folia* oblonga, *Digitalis* foliis affinia, inferiùs exalbida seu cinericea, superiùs purpureovirentia, foliorum *Rhapontici* instar. *Flores* lutei, *Conyzae* alterius similes, multo majores quàm *Senecionis*, mellis virginei odore, sapore amariuscule *Lobel.*

Nascitur in sylvis quibusdam *Artesiae*. *Lob.*

Locus.

Hanc plantam *Johnsonus* *Gerardi* emaculator pro *Conyza Austriaca* III. *Clusii* habet; *C. Bauhinus* quoque *Conyzis montanis* eam annumerat: *Lobellius* sylvarum incolam facit. Ego potiùs cum *Parkinsono* *Conyzae palustris* foliis laciniatis varietatem facio: nam in aquaticis in agro *Norfolcien*si me ejusmodi *Conyzam* foliis integris vidisse memini.

- \* 11. *Conyza belenitis pilosa* Lobelii J. B. *Alpina pilosissima* C. B. Ger. *belenitis pilosa* Park. Hoary Fleabane-Mullet.

Proximè ad *Conyzam helenitem*, mellitam incanam accedit foliis, radice & floribus. In eo verò potissimum differunt, quòd & caules & folia admodum aspera & pilosa sunt.

Hæc nobis incognita est. Adeò pilosa est ut à quibusdam *Alpina pilosa* dicatur.

- A. 12. *Conyza*



A. 12. *Conyza foliis laciniatis* Ger. emac. *aquatica laciniata* C. B. *belenitis foliis laciniatis* Park.  
**Jagged Marsh Fleabane.**

*Radicibus* est tenuibus fibrosis: *caulibus* crassis striatis, concavis, versus summitates in plures ramulos divisis. *Folia* tam quæ à radice exeunt, quam quæ caules cingunt profundius laciniata, aut saltem ad margines sinuata. *Flores* stellati, flavi, reliquis hujus generis similes, in pappos abeunt. Tota planta *mollis* & tenera lanugine obducitur, & mel nonnihil redolet.

Locus.

In palustribus & aquosis nascitur. Nos eam in Insulæ Eliensis fossis palustribus circa *Marsh* & *Chatteresse* vicos observavimus, copiosissime autem in fossis aquosis circa paludem *Pillinmossie* dictam in Lancastria: & palustribus arenosis prope Aberavon in Comitatu Merionethensi Walliæ.

Planta hæc Jacobæis potius quam Conyzis annumeranda videtur ob folia laciniata, quamvis foliorum figurâ longâ & acuminatâ ab eisdem fatis differat.

13. *Asteris* [potius *Conyzae*] altera species *Apula* an *Baccharis* Col. *Aster luteus radice odora* C. B.  
**Yellow Starwort with an odorate root.**

Col.

*Radicem* habet diuturnam, ex cespite Ellebori modo fibrosam; atque fibræ semipedales, duræ, nigra, crasso cortice, carnosâ, pullo colore, sapore & odore aromatico, nervum albicantem intus lignosum, tenuem admodum ostendunt dissectâ, aliquibus etiam tenuibus fibris intermediis alben-  
 \* Cernui. tibus immixtis. *Folia* \* *Asteris* supradicti modo, crassis nervis multis prædita, in terram strata, lanosa, mollia, per ambitum obscurè dentata, colore ex viridi pallentia, odorata. *Caulem* è foliorum umbilico emittit, semipedalem, hirsutum, angulosum, foliis vestitum absque petiolo hærentibus, Drabæ vel Glaſti modo, acutiore serraturâ dentatis; in summo duabus vel tribus alis divisum, in quibus *capitula* *Asteris* modo, tenuissimis barbulis ac densis radiantia, luteo umbone intus parvis flosculis constructo. Maio mensè floret, & Junio vel Julio perficitur, *semine* in pappos abeunte exiguo & odorato. Hujus radices odor & sapor adeò sensibilis naribus & gustui, ut nulla alia à Recentioribus descripta planta æquiparari ei possit.

Locus.

Rarior Cirinola in sylva prope D. Rocchi ædem; frequentior in monte Majella dicta.

Ob radicem odoratam hanc plantam Conyzis annumeravimus, quamvis folia & reliqua plantæ superficies an odorata sit necne non dicit Columna.

Circa Messanam in Sicilia invenimus.

\* 14. *Bantania* planta foliis Helenii J. B. An *Conyza odorata*, seu *Helenium odoratum* Salvie  
 odorem spirans Doct. Colii \* Clus.

\* Exot. lib.  
 4. cap. 25.

Clus.

Hujus folia Helenii formam referunt [ palmum longa aut majora, tres ferè uncias lata, per oras crenata, aliquot venis à medio nervo folium per longitudinem medium secante, inæqualiter nascentibus & ad latera excurrentibus prædita, pronâque parte incana: foliorum pediculi parvas appendices adnatas habebant veluti aures: tenelli rami & recenter nata folia albâ lanugine pubescebant, etiam in resiccata; & degustata aliquid amaritudinis habere deprehendebantur. Clus. ] *Flores* parvi, flavescentes, & in pappos abeuntes; *Conyza* minores. Bantaniæ comedunt.

Hanc ex India Orientali deportatam exccatam tantum vidit Clusius in chartis asservatam.

15. *Aster conyzoides* Gesneri Ger. emac. *conyzoides* Park. *luteus angustifolius* C. B. *Conyza marina* J. B. **Fleabane-like Starwort.**

J. B.

Prolixas sub terra agit radices, non sine fibris, in tuberosum velut bulbum tandem desinentes. *Caules* statim complusculi, dodrantes circiter emergunt hirsuti, foliis amicti frequentibus, duarum triumve unciarum longitudine, vix culmum latis, rigidis, nervo unico per longum donatis. *Caulis* superius divisus *flores* gestat *Conyzae* majoris, luteos, in pappum evanescentes.

Locus.

Cherlerus & Nos etiam in Gallia Narbonensi plantam hinc descriptam observavimus & collegimus, in campestribus illis juxta montem Lupi.

Huic plantæ nec figura, nec descriptio, (nimis-quam illa brevis & ambigua) Lobelii fatis exactè convenire videntur. Hinc C. Bauhinus *Asterem conyzoidem* Gesneri & *Conyzam marinam* Lugd. pro diversis plantis habet, hanc *Chondrilla*, *Conyzae facie*, *foliis angustioribus* titulo proponens, illam *Asteris lutei angustifolii*. Ego tamen J. Bauhini sententiæ potius accedo, nec libenter citra necessitatem Entia multiplico. Nescio annon rectius hac planta inter *Asteris* species collocaretur, cum nullius in ea odoris meminerint autores; & à Gesnero *Aster* dicatur.

At neque Conyzis annumeranda est, si eadem sit *Chondrilla* alteri Dioscoridis Rauwolfio, ut volunt Bauhini fratres, siquidem ejus radix lactescit. Verum nos Parkinsoni potius sententiam amplectimur, qui has distinguit, unde & superius de *Chondrilla* illa egimus inter *Hieracia*.

\* 16. *Conyza Melitensis retusifolii* Bocconi.

Bocc.

Surculis pullulat pluribus, pedalis, rectis, ramosis, duriore pilo subasperis: *Foliis* pariter hirsutis, inordinatè caulem ambientibus, oblongis, indivisis, *Hyslopi* aut *Oleæ* foliis non dissimilibus, atque

atque per extremum retusis. Flores huic radiati, in cacumine caulium auri luteo colore splendentes; quibus flaccescentibus succedunt semina, quæ Conyzarum more in Pappos solvuntur.

Gignitur inter difficultates & acclives ascensus saxorum & cautium Melitæ insulæ sub Capucino-<sup>Locus.</sup> rum cœnobio.

An odorata sit hæc herba non dicit descriptionis autor Paulus Boccone; proinde an rectè eam hic collocavimus nescimus.

- \* 17. *Conyza montana Myconi, foliis Hyssopi vulgaris villosis* J. B. *Conyza montana pilosa* Park. *montana, foliis glutinosis pilosis* C. B. **Hairy mountain Fleabane of Myconius.**

Radice est lignosâ solidâ, intus candicante, foris nigrescente, minimi digiti crassitudine, gustu aliquantùm adstringente, exsucca non minùs quàm Suberis cortex. Ex hac *Stolones* multi prodeunt, teretes, villosi, solidi, dodrantes, in quibus folia tenuia, Hyssopi vulgaris, sed glutinosâ Ledi modo, odore gravi & viroso, & hircinum quid olente. In summo cauliculorum sunt flosculi Soncho similes, luteoli, in pappos abeuntes. Gustu subamara est cum levi acrimonia, caput tentans.

Nascitur in saxosis, præruptis & montosis locis, præsertim inter saxorum rimas, florens Augusto<sup>Locus</sup> maximè. & Tempus.

Si hæc Planta rectè descripta sit, flore Sonchi, ad hoc genus minimè pertinet: mihi incognita est, nec cuiquam, ut puto, Botanico præter Myconium descripta.

- \* 18. *Conyza species foliis Virgæ aureæ* J. B.

J. B.

Folia per caules alternatim disposita, ferè similia Virgæ aureæ vulgaris foliis, quatuor vel quinque uncias longa, ex angusto pediculo longo dilatantur ad unciam unam, dein paulatim tendunt in acumem, eo modo quo Virga aurea, in us pilos non animadvertit J. Bauhinus. Folia in superioribus partibus breviora & angustiora sunt, ex principio lato. Caules rotundi, cubitales & sesquicubitales, in aliquot ramos divisi, in quorum longis partibus supremis capitula magnitudinis circiter Chamæmeli lutei vulgò dicti, quæ cinguntur coronâ parvorum foliorum luteorum, ut cæteræ Conyza & Asters; qualis discus sit non recordatur. Calyx constat ex foliolis sive squamis cinereis & albicantibus.

Collegit J. Bauhinus Spiræ in horto D. Tegnagel; vidit etiam apud Gesnerum; & reperit inter<sup>Locus.</sup> plantas siccas Val. Dourez.

An odorata sit planta necne, (quâ solâ notâ Conyza ab Astore & Virgæ aurea differt) non dicit, unde nec nobis constat, ad quod genus propriè pertineat: verùm quoniam Conyzam eam appellat, nobis quoque Conyza esto.

- \* 19. *Conyza montana lutea foliis oblongis* C. B. *major montana Germanica* Park. **Great mountain Fleabane of Germany.**

Thal.

Caules furrigit plures cubitales & altiores, rotundos, virides, minùs glutinosos quàm Conyza majoris Diosc. dictæ, foliis cinctos crebris, nullo ordine positos, oblongis, acuminatis, colore viridi obscuro, quatuor aut quinque uncias longis, fescunciam latis. Flores lutei, quàm prædictæ Dioscorideæ nonnihil majores, in summis caulibus & ramulis singuli longis pediculis insidentes ut in illa, petalorum luteo-pallidorum circulo discum medium ambiente compositi, qui tandem fatiscences in pappum abeunt.

Hujus & aliam seu speciem seu varietatem meminit Thalius, foliis longioribus, floribus minoribus.

Hanc plantam Parkinsonus in Anglia, multis locis sponte oriri tradit: verùm falsus est. Nobis certè incognita est, nec ullibi vel in Anglia, vel in regionibus transmarinis observata.

## C A P. VI.

### De Astore.

**A**ster dictus est à floribus stellarum instar radiatis.

Nobis Aster censetur Herba flore composito in pappos abeunte, inodora, foliis integris & indivisis, innoxia.

Difficile admodum est notam aliquam assignare quâ differat ab Astore Virgæ aurea dicta: Sive enim floris colorem accipias, non patiti Asters sunt flore flavo aureove; sive florum parvitatem, nonnulli ex Asteribus dictis flosculis sunt perexiguus, ut v. g. Asteriscus latifolius Virginianus Cornuti; sive flores in umbellas aut capitula congestos, crebros; in Asterum numerum relatas invenies nonnullas flosculis in summis caulibus creberrimis in capitula aut umbellas conglomeratis. Est ergo Virgæ aurea Herba species Asteri subordinata, floribus parvis, aureis, plurimis in summis caulibus in corymbos seu umbellas congestis.



1. *Aster montanus luteus Salicis glabro folio* C. B. *montanus foliis Salicis* Park. Ger. *Conyza media* Monspelienfis, quibusdam *Asteris Attici* genus folio glabro rigido J. B. *Pellow Starwort* with Willow-leaves.

J. B.

*Caulis* est pedali & plusquam cubitali, striato, glabro, duro, foliis alternatim positis, pallidè virentibus, amictis, iisque duris, rigidis, nervosis, pediculis destitutis, semunciam latis aut paulò latioribus, tres uncias plus minus longis, acuminatis, leniter in ambitu crenatis. *Flores* Chrysanthemi, conspicuè magnitudinis, lutei, è capitulo squarroso, succedente cum seminibus papposa lanugine: Atque hi quidem non secundum caules & ramos nascuntur, sed *Asterum* modo singuli singulorum furculorum extremis insident. *Radix* subest longa, fibrata.

Locus.

In collibus juxta *Castelneuf* & alibi in vicinia Monspelii oritur. Eundem observavimus in Germania juxta Rhenum flumen ex adverso Manhemii, & in sylvis supra Neapolin Italiae versùs Camaldulensium cœnobium. Florere incipit Junio.

Ab hac non separat *D. Magnol* *Conyza media* Monspelienfi affinem multifloram J. B. Nam in nostro inquit *Astere* flores aliquando singulares, & sæpius plures, umbellæ modo oriuntur: folia similiter admodum crebra sunt.

- \* 2. *Aster angustifolius* sive 6, *Austriacus* 4. *Clus. Ast. 6. Clusii* Ger. *Aster luteus Linariae rigido* glabro folio C. B. *luteus angustifolius* Park. J. B. *Parrot-leaved pellow Starwort*.

Clus.

Pedalem altitudinem rarò superat, numerosas à radice (non minùs fibrosa quàm quarto *Clus.* nec pauciores illà propagines agente) proferens *virgas*, graciles, duras, virides, quas frequentia, sed confuso ordine nascentia ambiunt *folia*, superiore angustiora, nigriora, duriora, Ptarmicæ vulgari non dissimilia, minimè tamen per oras serrata, amariuscule sapore, cui nonnihil acrimoniæ adjunctum sit. Summis virgis insident *flores*, quinto *Clusii* formâ similes, attamen minores, capite etiam foliato, sive crebris foliolis imbricato: ramosa etiam circa summum sunt *virgæ*, sed rami matrem rariùs superant: *Semen* superiori simile.

Locus.

In umbrosis montium urbi Viennæ vicinorum pratis, in ipsis etiam collibus herbosis, &c. copiosè crescit. Floret paulo seriùs superiore.

*Conyza media* Monspelienfi aut Britannicæ *Lugdunensium* congener videtur. Planta J. Bauhino depicta ab hac diversa videtur, siquidem caulibus & foliis est villosis, & floribus in singulis virgis singulis.

Planta *D. Wheeler* in monte Olympo observata, & *Itinerarii* lib. 3. pag. 219. descripta descriptioni J. Bauhini caulibus villosis & floribus in singulis virgis singulis respondet.

- \* 3. *Aster auricomus glaber latifolius folio non rigido* J. B.

J. B.

Non penitus omni pilo caret, verùm tam brevem, tamque rarum, tam per folia, quàm per caulem habet, ut visus vix capiat: adnascuntur autem alternatim *folia*, caulem pinnis complexa, unciam circiter lata, tres longa, nonnihil in ambitu sinuata: ex quorum uniuscujusque sinu palmaris circiter emicat pediculus, *florem* plerunque unicum, interdum binos sustinens, aureo intenso colore micantem, magnum, *Tragopogonis* lutei æmulum, disco luteo, densò extrinsecus agmine obvallatum foliorum viridantium, lævium, acuminatorum, tantæ longitudinis ut ipsum *florem* interdum superent.

Locus.

In campestribus & squallidis propè montem Lupi collegit Cherlerus: At *D. Magnol* eum ibi diu frustra quæsit.

4. *Aster lanuginoso folio* sive 5. *Clus. luteus lanuginosus* Park. *Austriacus* 5. *Clusii* Ger. *luteus hirsuto Salicis folio* C. B. 3. *Pannonicus Clusii, luteus folio hirsuto Salicis* J. B. *Sallow-leaved Starwort*.

Clus.

*Caulibus* est villosis, teretibus [gracilibus, firmis, cubitalibus virentibus aut purpurascensibus, ab una radice multis] dodrante altioribus, per quos alternatim nascuntur *folia*, nullis subnixa pediculis, *Saligna* circumscriptione, venosa, pilis obsita, semunciam latiora, nonnunquam angustiora, unciam unam aut duas trèsvè longa, leviter in acumen desinentia [latà sede caules amplectentia, sapore subamaro & acri] *Flos* summo insidet cauli *Calthæ* par, luteis per ambitum foliis [longiusculis, Helenii *florem* ambientibus foliolis similia, angustiora tamen, flavi coloris dilutioris] medio orbe satis magno è plurimis luteis muscosis *sterculis* compacto. Circa summum caulem à foliorum exortu terni, interdum quaterni aut plures exeunt ramuli, summum ipsum caulem superantes, singuli *florem* primario similem sustinentes. Resiccatis floribus *semen* exiguum in capitulis remanet, quod maturum cum pappo à vento discutitur. *Radix* admodum fibrosa est, nigricans, deinde novas propagines è lateribus emittens & recentibus fibris sese firmans.

Locus.

Provenit plerisque locis ad montium & collium radices, secundum vias agro Viennensi & caduis Pannoniæ sylvis. Floret Junio, semen Julio maturat. Plantam huic similem, si non eandem, observavimus in Germania ad Rhenum, inque Italia ad margines fossarum inter Liburnum & Pisas: semper in aquosis.

- \* 5. *Aster*



- \* 5. *Aster tomentosus luteus, Verbasci folio* Bocconi. *Ragufinus Verbasci foliis* Zanoni.

Bocc.

*Folia* promit à radice multa, oblonga, indivisa, tomentosa, Stachydis aut Verbasci cujusdam sylvestris æmula, candidiora: Inter hæc *caulis* dodrantalis rectus emergit, minoribus foliis cinctus, & ipse molli albetéque lanugine incanescens; cujus in cacumine *flores*, Asteris formâ, radiato foliorum ambitu lutei, qui in pappos solvuntur. *Radix* subest vivax, totâque planta si sub tectum hyeme revocetur, pluribus annis perennat.

D. Alexander Balam Autori nostro communicavit, verisimile tamen est D. Balam à D. Zanoni hanc plantam habuisse: plenior omnium partium descriptionem videbis apud prædictum Zanoni in Historia sua Botanica.

- \* 6. *Aster montanus luteo magno flore* C. B. *Ast. mont. prægrandi Helenii flore* Ad.

Lob.

*Florem* unicum luculentæ magnitudinis ostentat: magnitudine ferè colore & effigie Helenii, in *caule* singulari, cubitali, recto, gracili, *folia* ferenti fusca, magnitudine Asteris Italici, & adeo similia ut planè eadem putes: *Radice* fibrosa Succisæ aut Britannicæ Lugdunensis.

In montibus Allobrogum & Gallo-provinciæ celsis, nonnisi rarò invenitur.

Locus.

- \* 7. *Aster montanus alter folio & caule hirsutis* Ad. *Ast. Atticus luteus montanus villosus magno flore* C. B.

Proceritate & flore præcedenti non abfimilis, sed *caule* & *foliis* hirsutis, longioribus, Cynoglossi nostri parvi paribus & similibus; *radice* verò minus fibrosâ.

In monte Capouladon Junio mensè cum flore reperitur, tum etiam in campestribus & squallidis montis Lupi. D. Magnol. Locus & Tempus.

Si Lobelius hanc & præcedentem plantam rectè descripsit cum unico flore in caule, à sequente seu Pannonico majore Clusii diversus sit oportet: quocirca an idem, an diversus sit in mediò relinquo, suspicor tamen eundem esse.

8. *Aster Pannonicus major sive 3. Austriacus* 1. Clus. *luteus major foliis Succisæ* C. B. *lut. maj. Austriacus* Park. *lut. foliis Succisæ* Ger. *Great yellow Austrian Starwort.*

Clus.

Ex *radice* nigra, obliqua, multis albicantibus fibris capillata, & lateribus propagines fundente multa initio promit *folia*, Scabiosæ, aut ut verius dicam Succisæ foliis similia, dilutiore tamen viriditate & tenui etiam interdum lanugine prædita, gustu aliquantulum acri & amariuscule: inter quæ prodit *caulis* cubitalis & amplior, teres, plerumque rubescens, per quem sparsa sunt *folia*, jam dictis angustiora, mucronata, & nonnihil dentata: is extrema parte in aliquot ramulos divisus est, magnos sustinentes *flores*, ex multis quinque foliorum luteis flosculis, atque in orbiculare caput congestis constantes, quos per circumferentiam ambiunt oblonga, latiuscula, plana folia, elegantissimo colore flavo, nullo autem (aut certè perexiguo) odore prædita. Floribus succedens *semen* inter villosam quandam in capitulis materiam latet, angulosum & quasi triangulare.

Passim ad Alpium Austriacarum & Stiriacarum radices, aprico loco, nonnunquam etiam umbroso nascitur, ubi Julio floret, Augusto ejus semen maturum est. Locus & Tempus.

Considerandum proponit J. Bauhinus, an Britannica Gesneri & Lugdunensis tradatur à Clusio nomine Asteris tertii, Austriaci primi? quam ille Britannicæ Conyzoidis titulo describit. Verùm descriptiones non in omnibus conveniunt: Siquidem Britannicæ *caulis* incanus & villosus describitur, *folia* densâ, canâque lanugine subtus pubescentia. Unde Britannicam Gesneri & Asterem Pannonicum majorem sive 3. Clusii diversas plantas esse opinamur.

Ad hanc Gesneri & Lugdunensis Britannicam, h. e. Britannicam suam conyzoidem refert J. Bauhinus Asterem montanum luteum marem Tab. & dubitanter etiam Asterem montanum prægrandi flore Helenii Ad. Lob. cui & Clusius ipse Pannonicum suum tertium majorem eundem suspicatur: unde sequeretur C. Bauhinum in Pinace ex una specie plantæ tres fecisse; nimirum ex Astore Pannonico majore Clusii, Conyzæ affinem; Asterem montanum luteo magno flore; & Asterem luteum majorem foliis Succisæ: Verùm (ut diximus) Britannicam Gesn. & Asterem Pann. 3. Clus. rectè separat.

Hoc genus Asteris nos quoque in montosis non semel observavimus in Germania & Gallia.

Locus.

9. *Britannicam conyzoidem, quibusdam Asterem Pannonicum Clusio dictum* J. Bauhinus sic describit:

*Radice* nititur obliquâ, repente, fibrosâ, acri cum aliqua aromaticitate: *caule* cubitali, incano, villosa, in alas aliquot circa summum diducto: *foliis* maximis quidem sesquipalmum longis, duas uncias latis aut amplioribus, reliquis palmum circiter longis aut brevioribus, semunciam latis, utriusque longâ, densâ, canâque lanugine subtus pubescentibus, sapore amaro præditis, citra ullam adstrictionem flore Helenii, sed minore multo, luteo disco in pappos avolante.



\* 10. *Santolina flore amplo* Alpin. exot.

Alpin.

Planta conspectu tenera, mollis, ac delicata, tota candida in montanis insulae Cretae nascitur, arboris figurâ, foliis parvis, oblongis, multis simul stipatis, circum ambientibus ramulos, & spissitudine occultantibus, candidis, Abrotani foeminae adprimè similibus, non tamen per oras serratis. Hæc planta ab una radice longa, crassa, tenera caulem rectum, rotundum, digiti crassitie, album emittit; ex quo virgæ exeunt rectæ, graciles, complures, in cacumine in furculos duos vel tres divise, habentes flores Santolinæ, sed quadruplo majores, ad Calendulæ vulgaris magnitudinem atque aureum colorem maximè accedentes: quibus succedunt semina minuta, oblonga, Soncho proxima.

Planta est inodora, levi amarore linguam inficiens.

De genere hujus plantæ, & an rectè huc referatur nobis non constat. Nihil habet Alpinus de odore, nihil de pappo.

A. 11. *Aster maritimus flavus Crithmum chrysanthem. dictus. Crithmum chrysanthemum* Park. Ger. *maritimum flore Asteris Attici* C. B. *marinum tertium Matthiolo, flore luteo Buphtalmi* J. B. **Golden-flowered Sampire.**

J. B.

Suffrutex est maritimus, statim ab ipsa radice multos emittens stolones, cubito altiores, rectos, robustos, teretes, rubentes, per quos folia densissima, unciâ longiora, angusta, crassa, teretia, glabra, extremo incisa, acri, saluginoso, aromaticoque sapore prædita. Stolonum scapi in folios ramusculos finduntur, quorum singulis insidet flos majusculus, luteus, in pappos evanescens.

Locus.

Variis in locis maritimis circa Angliam observavi, v. in rupibus ad Llandwyn in insula Anglesea; in palude quadam propè Hurst-Castle ex adverso insulae Vectis copiosissimam.

Asteris species est non Crithmi: unde *Aster maritimus luteus Crithmum chrysanthemum vulgè dictus*, non ineptè inscribi possit.

\* 12. *Jacobæa Crithmi litorei foliis* Morif. prælud.

Morif.

Planta est bipedalis, foliis angustis, crassis, oblongis, viridibus Crithmi chrysanthemi instar. Florem fert luteum Jacobææ, stellatum, cujus petala lata, lutea discum luteum ex plurimis flosculis artè stipatis conflatum cingunt. Flos abit in pappos.

13. *Aster Atticus Italicorum flore purpureo* Park. *Italicorum* Ger. *Atticus cæruleus vulgaris* C. B. *Att. purpureo & albo flore* J. B. **Purple Italian Starwort.**

J. B.

Caules habet cubitales & sesquicubitales, tenues, teretes, duos, hirsutos, subrubentes, foliis amictos oblongis, acuminatis, asperis & pilosis, interdum crenis paucis incis, sapore subaromatico & subamaro ac ficcante. Caules circa fastigium in furculos dividuntur, quibus flores insident amoeni, radiato Bellidis majoris positu, sed colore violaceo [Dod. cæruleo-purpureo] aut albo, disco medio fulvo, in pappos faceffente. Radix tenuis, transversa jacet, a qua multæ demittuntur fibræ, sapore amaro, nonnihil aromatico & calfaciente, quidam aiunt nonnihil Caryophylli resipiente. Semen parvum, sublongum, Intybo non multum dissimile.

Locus.

Nascitur incultis & asperis collibus & convallibus, in Italia, Sicilia, & Gallia Narbonensi passim obviis.

Duplex habetur latifolius & angustifolius. Sic qui maturius floret minùs altè assurgit, quàm qui serius.

14. *Aster Alpinus flore purpurascente. An Asteri montano purpureo similis* J. B?

Radix ei satis crassa, obliqua, intus nonnihil lutea, sapore acriusculo, fibris aliquot donata. Folia ad radicem plura, longa, angusta, figurâ ferè Polemonii petræi *Gesneri*, saturo virore splendentia, ad latera nonnihil pilosa, at neque dentata, neque serrata. Caules semipedales aut dodrantales, surrecti, foliis vestiti alternatim positis iis quæ ad radicem similibus, ramosi, singulis ramulis florem sustinentibus Bellidis minoris, nisi quòd limbus seu corona foliorum radiatorum in margine, minoribus brevioribusque barbulis constet, colore purpurascente præditis: interiores autem flosculi, qui fundum floris componunt, inter viridem quasi & luteum colorem ambigunt.

Locus.

In ascensu montium maximo Carthusianorum cenobio adjacentium Julii decimo septimo florentem inveni.

15. *Aster purpureus montanus* J. B. *Alpinus cæruleo magno flore* Park. *montanus, cæruleus magno flore, foliis oblongis* C. B. *Aster 7. Clusii* Ger. **Great blue mountain Starwort.**

J. B.

Radix huic satis crassa, longa, nigricans, fibrata, in plura dividitur capita, ac se propagat: Ex quorum singulis emergit cauliculus unus, palmaris, rarius dodrantalis, interdum etiam cubitalis, hirsutus, paucis foliis vestitus, in summo florem gestans majorem quàm vulgaris purpurei Asteris, cætera



tera similem, foliolis cœruleis, purpureisve luteum veluti oculum stellatim ambientibus: quem in pappis appensum semen sequitur. *Folia* circa radicem multa, pilosa, unciam unam, duas aut tres longa, semunciam lata, per extremum rotunda. Autore Camerario, interdum globuli tumentes, villosi, propè radicem adnascuntur foliolis, estque omnino minor vulgari Astore.

In summis jugis montis Juræ, item in montibus maximis Carthusianorum cœnobio imminentibus Locus.  
invenimus. Oritur herbosis Austriacarum Alpium jugis, inquit Clusius. Floret Julio.

C. Bauhinus Asterum Atticum minorem *Cam.* ab Astore purpureo montano diversum facit, quam rectè ipse viderit: ego J. Bauhini sententiam amplector, qui huc eum refert. Tempus.

- \* 16. *Aster hirsutus Austriacus cœruleus magno flore* C. B. Prod. Park. **Blue Austrian Starwort with a great flower.**

C. B.

*Caule* est rotundo, hirsutie aspero, pedali in unum alterumve ramulum brachiato; *foliis* latis, subrotundis, per marginem nonnihil exasperatis, & in apicem rigidiorē desinentibus, rigidis, crassis, hirsutie levi exasperatis & scabris cineto: cujus summo *flos* magnus infidet, ejusque orbem pallidum folia multa, tenuia, oblonga, pallide cœrulea ambiunt, qui maturus similiter in pappum abit.

Hic licet in Austria circa Cremsam reperiatur cum Astore mont. cœrul. magno flore, confundi non debet C. B.

Huic affinem Cantabrigiæ in hortulo nostro aluimus sub titulo *Asteris Hispanici* Londino missam, qui radice erat vivaci, foliis lanuginosis; floribus amplis, pallide cœruleis: fortè Aster Pyrenæus præcox flore majore cœruleo *Hort. Parisiensis.*

17. *Aster Tripolii flore* C. B. *minor angustifolius* Park. *Atticus Monspelienfis purpureus, angustioribus foliis* J. B. **Parrot-leaved purple Starwort.**

J. B.

Cognatus est Asteri Attico Fuchsi, *caulibus* rectis, cubitalibus, teretibus, hirsutis; per quos *folia* crebra, glabra, nervosa, Linariæ foliis magnitudine & formâ respondentia: *Flores* in frequentibus pediculis, aliis palmaribus, aliis uncialibus, umbellam mentiuntur, Asteris Fuchsiani similes, paulò tamen minores, violaceis in ambitu foliis, disco luteo, qui in pappos resolvuntur.

In prato juxta molendinum *Castri novi*, inque sylva Valena & alibi propè Monspelium invenimus, Locus.  
Augusto etiam & Septembri mensē florentem. Aster minor Narbonensium Tripolii flore, Linariæ folio medio-purpureus Lobelio in Adv. dicitur. Flos Septembri mensē suavem Croci odorem spirat. *Botan. Monsp.*

18. *Aster cœruleus serotinus fruticescens*, Tradescanti. **Late-flowering blue Starwort.**

*Radix* ei alba, furculosa, fibris multis donata, ad latera propagines emittens, huc illuc sub terra vagantes, & virgas subinde emittentes, ut planta brevi spatio longè latèque se diffundat. *Caules* exerit bicubitales, teretes, rectos, rigidos, glabros, medullâ fæctos, crassitie propemodum minimi digiti, foliis crebris, nullo ordine positos cinctos, superiora versis valdè ramosos, ut ex uniuscujusque folii sinu ramulus exeat, & planta arbusculæ speciem reddat. Supremos caules & ramulos occupant *flores* multi, Bellidis minoris magnitudine & ferè formâ, sed colore diverso; medium quippe umbonem ex viridi flavum ambiunt numerosa petala angusta, oblonga, pallide cœrulea, unâ interdum vel alterâ crenâ in extremo incisa. *Folia* Salignorum æmula, inferiora digitorum lata, tres quatuorve digitos longa, acuminata, per margines interdum obiter dentata, aliâ æqualia, lata basi absque pediculis cauli adnata: superiora sensim breviora & angustiora. Floribus marcescentibus succedunt *semina* pappo innascente alata, parva & brevia.

Septembri aut Octobri mensē floret. E Virginia in Angliam primus intulit Jo. Tradescantus, Locus & Tempus.  
nunc nihil frequentius est in hortis, est enim admodum vivax nec ullum ferè solum respuit.

Duas præterea hujus species exhibet Morisonus in *Praelud. Bot.* Ex sunt

1. Aster serotinus angustifolius Canadensis flore cœruleo. Foliorum angustia à descripto differt, & flore minore.
2. Aster præcox flore cœruleo majore. Hujus caulis humilior, flos major, media autem æstate floret.

19. *Asteriscus latifolius Autumnalis* Cornuti. *Virginicus latifolius præcocior purpurante flore parvo*, Park. **The earlier broad-leaved purplish Virginian Starwort.**

Cornut.

*Radix* huic crebris compacta filamentis: *caules* lignosi, teretes, graciles, subrubri, bicubitales; *folia* in ambitu serrata, longis pediculis innixa (velut Pyri) ad basin lata & subrotunda, in micronem sensim gracilescunt: coloris quidem supra luteo-virentis, inferna autem parte velut Cyclamini. Caulium cacumini luxurians adeò *florum* infidet copia, ut complurimis contextum flosculis fertum potius quàm genuinum plantæ florem dixeris. Singuli flores duplò minore stellâ fulgent quàm vulgaris Aster Atticus (eâque ob causam Asteriscum potius quàm Asterem appellavimus) medium cineracei coloris umbonem habent [pallide lutei potius] circa quem foliola velut radii dilutissimè purpurascunt, succedente *semine* papposo. Caulibus marcescentibus radices perennant.

Sub finem Augusti & interdum seriùs pro anni temperamento floret. Planta est Canadensis.



- A. 20. *Aster maritimus purpureus Tripolium dictus*: *Tripolium majus & minus* J. B. *vulgare majus & vulgare minus* Ger. *majus sive vulgare & minus* Park. *majus caeruleum & minus* C. B. *Sea Starwort*.

J. B.

Cubitalem & sesquicubitalem altitudinem assequitur, radice fibrosa. Folia ad Limonii majoris folia accedunt, strictiora, longitudine ferè paria, nervis rectis Plantagineis donata, glabra, crassa, pingua, colore caerulefcente interdum, per caulem & ramulos nullo ordine crescentia. Caulis fastigium ramosum flores gerit, furculorum extremis haerentes, purpureos caeruleosve, [umbonem medium luteum cingente foliolorum purpureorum limbo seu corona] qui in pappos evanescunt.

*Tripolium majus & minus*, cum non aliter quàm magnitudine differant, non separo: *Tripolium* flore nudo circa Bristolum observavi copiosè.

Locus.

Scatent hac plantà (ut verè Lobelius) Narbonica & Anglica litora & fluminum crepidines, quas refluxus & maris æstus inundant. Minorem speciem in palustribus maritimis non longè Monspe-lio observavimus.

Hæc etiam planta *Asteris* species est, nobis *Aster maritimus caeruleus*, *Tripolium vulgè dictus*.

21. *Aster Virgineus angustifolius serotinus parvo albente flore* Park. *The narrow-leaved late flowering Virginian Starwort*.

Multis fruticat stolonibus, quàm præcedentis elatioribus, gracilibus, rigidis, foliis ad nodos vestitis singularibus, absque pediculis adnatis. E foliorum alis, à medio caule sursum, exeunt ramuli prælongi, & ipsi non rarè in secundarios ramulos divisi, ad singulos nodos foliis pariter singulis obfiti, verum minoribus & crebrioribus quàm in imo caule. Flosculi in summis ramulis & furculis perexigui, stellati, circulo petalorum albentium medium discum purpurascensem cingente radiati, in pappos evanescentes. Radix fibris plurimis, longis, alben- tibus constat, in multos annos vivax, & plurimum se propagans, caulibus quotannis marcescentibus.

Multò serius floret quàm superior, interdum, non ante finem Octobris aut Novembris initium; tempestate calidiore maturius. Locus natalis idem qui præcedenti.

22. *Aster ramosus annuus Canadensis* Morif. *Bellis ramosa umbellifera* Cornuti: *ramosa major umbellifera Americana* Park. *Annual white flowered Starwort of Canada*.

Corn.

Sesquipedalis herba est, radice minutissimis contexta fibris: foliis longiusculis, pinguibus, asperis, obscure virentibus, crenaturis ambitus altissimè laciniatis. Caulem habet pariter scabrum, pullulan- tibus omni ex parte ramulis, quibus in apice numerosa florum copia crescit, Bellidis minoris effigie, densioribus tamen barbulis medium luteo-virens orbiculum concinnè stipantibus. Barbulae nunquam rubescunt, ut nostratis, sed emaculato semper candore sunt insignes. Singuli flores singulis sustententur pediculis, qui licet ab eadem cauliculi parte prodeant, diversæ sunt & inæqualis semper longitudinis. Flos Junio, Julio & Augusto viget, ambitus postea marcescit, medius orbis in semen formatur, [quod pappo adnascente alatum est] Caulis tandem & plantæ pars omnis arescit; nec nisi semine vegetat, quod à satù duodecimo fere die germinat.

Vires.

Gustata linguam acriter pungit, eamque amaritudine inficit non ingrata, nescio quid enim aromaticum præ se fert, cujus odoris halitus cerebrum ferit, è quo pituitam crebra spuitione subinde per os exigit.

## C A P. V.

### De *Astere Conyza dicto*.

**P**antas hæc Conyzis accenseri solitas ob odoris defectum *Asteribus* potiùs subjungimus, quamvis saporem obtineant acrem & aromaticum. Siquis ob hanc rationem non sollicitandas aut loco movendas putet, fruatur ille suo judicio, nec enim ego hac de re cum ququam valdè contenderim, præsertim cum flores in hoc genere vix sint radiati, ac proinde *Asteris* seu *Stellæ* nomen eis minùs aptè conveniat.

- A. 1. *Conyza caerulea acris* C. B. Ger. *emac. odorata caerulea* Park. *Senecio sive Erigeron caeruleus*, aliis *Conyza caerulea* J. B. *Blue flower'd Sweet Fleabane*.

J. B.

*Conyza* hæc subinde magnitudine, foelicius aut infœlicius solum nactus, variat, aliàs sesquipalmaris, aliàs plusquam dodrantalis: radicibus fibrosis, albicantibus, gustu nonnihil aromaticis: ex quibus caules surgunt, multi, tenues, striati, rubentes, hirsuti, ramosi, medulla alba pleni: Folia integra, nec usquam dissecta, crenatave, lanuginosa, intorta, inferiora quidem uncias ferè duas longa, semunciam lata; superiora ut breviora, ita angustiora, utraque sapore acri & aromatico. Capitula quàm in *Senecione* vulgari longe crassiora, canaliculata, tomentosa, nonnihil rubentia. Florum

Florum foliola dilutiore purpura tineta sunt, medium obtinente papposo tomento exalbido in luteum vergente.

In sterilibus & ficioribus pascuis, præsertim arenosis, frequens oritur.

Locus.

\* 2. *Conyza cœrulea Alpina major* Park. C. B. Great, Blue Mountain Fleabane.

C. B.

Ex radice lignosa rufescente caulem crassum, pilis asperum, palmarem, mox in ternos ramulos, (& horum aliquos in pediculos) divisum protrudit: circa quem folia pauca, hirsuta & aspera, crassa, uncias tres quatuorve longa, uncia angustiora, nervis aliquot distincta. Singulis pediculis flos unicus, cœruleus, Conyza cœrulea vulgari similis, & similiter in pappum evanescens infidet.

In monte S. Bernhardi provenit.

Locus.

Si planta hæc à Conyza cœrulea acri vulgari specie differat, cur non certiores distinctionis notas attulit C. Bauhinus?

\* 3. *Conyza cœrulea Alpina minor* C. B. Park. Small blue Mountain Fleabane.

C. B.

Plantula est semipalmaris, aliquando minor, lavis, rarius nonnihil pilosa; radice nigricante, fibrosa; cauliculo rotundo, tenui, unicum florem cœruleum, illius quidem flori formam similem, sed triplò minorem, multis apicibus donatum, & in pappum abeuntem sustinente. Foliola habet ad radicem plura, angusta, triuncialia, pediculis donata, pallidè virentia, at quæ caulem basi sua cingunt breviora sunt.

In monte Gothardo reperitur.

Locus.

4. *Conyza Canadensis annua, acris, alba, Linariæ foliis* Bocconi. *Con. alba, acris, annua*, Morif. An *Eupatorium cannabinum Americanum angustifolium* Park?

Boc.

Conyza hæc priusquam in caulem assurgat foliorum humi jacentium orbem & quasi stellæ radiantis speciem exhibet: Folia huic primò nascenti sinuata & hirta, atque versùs extremum retusa; quæ tandem in caulibus adultis Linariæ sunt æmula. Caulis pedalis & bipedalis interdum. Flores parvi, albo-virides, ferè innumeri, atque in pyramidis modum dispositi, qui senescente planta versùs autumnum in unum versum flectuntur, tandè in pappos (Conyzarum & Senecionum more) solvuntur. Sapore acris est. Arida planta si digitis teratur non insuavi Mali Aurantii odore placet.

Ex Creta vel Canada vel aliunde allatam negant nonnulli, repugnante seniorum Parisiensium fide, quibus in prima ætate ignota fuit. Quòd nuspiam non oriatur, & quasi de industria lata, hoc copiarum seminis pappescentis debetur, quod facili vento huc illuc impellitur.

Hanc plantam esse existimo quam Parkinsonus sub Eupatorii cannabini angustifolii Americani titulo proponit & describit: qui folia ad margines interdum dentata esse ait, alias aequalia.

C A P. VI.

De *Astere Jacobæa dicto*.

CUM plantæ sequentes, Jacobæa aut Seneciones dici solitæ, folio sint integro, neque nos certam aliquam notam novimus quâ Jacobæa ab Astere differat, præter foliorum divisionem, ad Asterem potius quàm ad Jacobæam eas referendas duximus.

1. *Jacobæa Senecioni affinis. Senecio folio non laciniato* J. B. C. B. folio non laciniato Myconi Park. Groundsell with an undivided leaf.

J. B.

Herba est cubitali altitudine, radicibus tenuibus, candidis, lignosis, dulcibus: caule aliquantisper piloso, rotundo, cavo, Medullâ lanuginosâ farto; in quo folia sunt exigua, pilosa, in ambitu serrata, crassa, aliquantulum vivida, infernè rubescentia, quæ quandoque colore vinoso manus inficiunt. In caulis summitate flores sunt lutei, in pappos protinus abeuntes. Sapor totius plantæ aqueus est, ut vulgaris Senecionis.

Nascitur in quercetis, locisq; non admodum siccis, sed humidis, interdum & in pratis. Nos in sabulosis inter oppidum Rot & Norimbergam celebrem Germaniæ urbem observavimus: eundem etiam Messanæ Siciliæ, in ascensu montium prope urbem. Calix floris Senecionis calicem exactè refert, verum circulum seu coronam foliorum in margine ad modum Chrysanthemi obtinet. Plantula tenera est, radice fibrosa, foliis Bellidis majoris.

Locus.

\* 2. *Jacobæa*



- \* 2. *Jacobaea Pannonica folio non laciniato* J. B. *angustifolia* Pann. non laciniata Park. mont. lanuginosa angustif. non laciniata C. B. *angustifolia* Ger. Mountain Ragwort with an undivided leaf.

Clus.

Terna quaterna aut plura habet folia, latiuscula, in ambitu leviter dentata: Caulem cubitalem plerunque angulosum, gracilem, per quem inordinata sparsa sunt folia, infimis paulò minora, at in supremo angustiora, lata basi ipsum amplectentia. In summo caule quaterni aut quini tanquam in umbella nascuntur flores, Jacobae vulgaris floribus non multum absimiles, antequam explicentur ex atro-rubescences, sed ubi aperti sunt auri fulgore splendentes, quos in ambitu stipant quindena aut plura foliola, per extremum incisa, supernè phœnicea, subtus verò quodammodo rubentia. Ii flores maturi in pappum abeunt, cui involutum est semen nigricans, oblongiusculum, vulgaris Jacobae semini non dispar. Radix non valdè magna, nigricans, tenuibus fibris candicantibus donata, sub Autumnum nova denuò folia latiora ad veteris caulis sedem singulis annis producit. Totà planta mollicula, & quadam lanugine obsita conspicitur: amari autem est saporis.

Locus &  
Tempus.

Nascitur apud Nemethywar, aliisque Pannoniae & Austriae montosis & caduis sylvis. Floret Junii initio, & sub ejusdem extremum finem semen maturum est.

- \* 3. *Jacobaea rotundifolia incana* C. B. prod. Park. Round-leaved hoary Ragwort.

C. B.

Radice est crassiuscula, transversa, rufescente, in fibras oblongas abeunte: caule pedali, incano: foliis subrotundis, crassis, supernè virentibus, infernè incanis, uncias duas absque pediculis longis, sesquiunciam latis, in ambitu dentatis, at in caule paucis & angustissimis. Flores, qui Scorzonerae flori similis summo cauli insidet, satis magnus & luteus. Toti plantae lanugo quadam aspera est.

Si hac planta rectè describatur flore Scorzonerae simili, hoc est, naturâ pleno, vel ad aliud genus pertinet, vel est in hoc genere singularis & anomala.

- A. 4. *Jacobaea montana non laciniata nostras.* Mountain-Ragwort with an undivided leaf.

Radice est crassiuscula, transversa, fibras albas plurimas, & ipsas satis crassas emittente. Folia ad radicem humi sparsa in orbem plura, sesquunciam longa, unciam plus minus lata, per ambitum leviter dentata, supernè cum juniora sunt viridia, brevi tamen in luteum languescunt, & tandem exsiccantur. In horum medio seu centro exurgit caulis semipedalis aut humilior, purpureus, striatus, foliis parvis, angustis, oblongis, acutis, absque pediculis, basi sua adherentibus, vestitus; in fastigio tres quatuorve flores velut in umbella gestans, Jacobae æmulos, è calyce striato, tum medio disco, tum barbulis ambientibus flavis; quibus in pappum abeuntibus semina parva Jacobae maturefcentia vento distillantur. Tum caulis, tum foliola cum ambientia araneosâ quadam lanugine obducuntur. Folia masticata initio nullo insigni sapore linguam afficiunt, paulo post nonnihil acria sentiuntur.

Locus.

In montosis sterilibus cretaceis praesertim, ut collibus Gogmagog dictis, & planitie Novi Mercati oppidi, & colliculis contumulatis Bartlovix in Agro Cantabrigienfi aut Essexienfi, oritur.

- \* 5. *Jacobaea affinis planta tuberosa Capitis bonae Spei* Breynii.

Breyn.

Radice est tuberosâ, fusca, in orbicularem latitudinem effusâ, Cyclaminis facie; foliis multis Cyclaminis etiam haud valdè absimilibus, ex saturâ & dilutiore amcenâ viriditate eleganter variegatis; inter quæ cauliculi teretes, concavi, paucis foliolis septi, bini, terni pluresve dodrantalis longitudinis exurgunt. Florem unicum, aureum, Jacobae latifoliae Pannonicae 3. Clus. similem, in pappum abeuntem, sustinentes.

Hac (inquit Breynius) in ramulo sicco & figurâ summo studio coloribus expressa, quæ in Beverningiano horto floruit, notare potui.

- \* 6. *Jacobaea Aethiopica Lavendulae folio* Breynii.

Breyn.

Virgae ex radice quas fundit, rotundae sunt, striatae & incanae, magnitudine Millefolii sylvestris: per quas folia viridi-incana, uncias duas longa, culmum lata, nervo per medium decurrente crasso, similia foliis Lavendulae. Virgarum fastigia in furculos quosdam, & hi in pediculos, duos, tres, quatuor, pluresve minutissimis donatos foliolis abeunt, quorum singuli florem è calyculo torulis viridibus canaliculato Jacobae gestant minorem, radiatis, aureis, per extremum incisis foliis umbonem concolorem ex multis apicellis sive tubulis constantem coronantibus: qui in papposum tandem semen, oblongiusculum, Jacobae vulgaris non dispar, abit.

Locus.

Gaudet locis herbosis Promontorii bonae Spei.

- \* 7. *Jacobaea*

\* 7. *Jacobaea Aethiopica Laricis folio Breynii.**Breyn.*

Hæc lignosus & parvus est frutex, Ericæ similis; ramos ferens multos, dilutè virides, rotundos ac striatos, inferius, ubi nudi, tuberculis densis, five foliorum vestigiis delapsorum, punctulis veluti, inæqualiter utrinque & in medio positis, instar Euonymi alterius *Clusii* insignes; cæteroquin ab imo ad summum numerofo ac denso agmine *Foliis* uncialibus & dimidio minoribus, angustissimis, latè viridibus Pinastræ tertiæ Hispanicæ pumili *Clus.* vel Laricis accedentibus, at mollioribus, ita circumdati stipatique, ut ipsos ramos penitus occultent.

*Florem* in ramulorum & furculorum cymis plerunque solitarium producit aurei coloris, stellatum, Jacobææ haud multum abfimilem, minus autem foliosum, *calyce* longiore, maturitate in pappum evanescentem, & *semen* nigrum Jacobææ longius relinquentem.

In ericetis ad Promontorium Bonæ Spei.

*Locus.*\* 8. *Jacobaea spicata Monomotapensis Breynii.**Breyn.*

Hæc caule longiore quàm prædictæ adolescit, rotundo, striato, in ramos diducto fatis longos; quos hinc indè *folia* sepiunt subrotunda, crassa & serrata, Euphrasæ foliis quodammodo accedentia, in mucronem verò acutiorem desinentia. *Flores* scanfiles per ramulorum longitudinem serie quadam succedentes gerit, velut in spicam congestos, flavos, radiatos, disco melino, Jacobææ vulgaris minore, *calyculo* quoque longiore & angustiore, ex numerosioribus squamulis viridibus, fimbriam albam lanuginosam habentibus imbricatum compacto. Horum florum apicelli in pappos resoluti, unà cum *semine*, Jacobææ paulò exiliore avolant. Tota planta hirsutæ quasi subaspera, & albâ lanugine oblita conspicitur.

Datur & altera hujus species, cujus caules itidem striati sunt, ast minus lanuginosi, *Foliisque* paucioribus septi, ac *floribus* rarioribus, furculo longiusculo sæpè solitariis insidentibus onusti.

Iisdem in locis cum prioribus reperiuntur.

*Locus.*

## CAP. VII.

## De Helenio sive Enula campana.

**H**elenium *Ἑλένιον* quod è lachrymis Helenæ natum dicatur, & ideo in Helena insula laudatissimum esse perhibetur.

Cæterum Helenium partium omnium, radices, foliorum, florum magnitudine à reliquis integri-foliis flore discoide papposis distinguitur.

*Helenium* Ger. vulgare C. B. *Helenium sive Enula campana* Park. J. B. *Elecampane.*

*Folia* multa à radice exserit longa, lata, in terram reclinata, utraq; extremitate acuta, ad tantum mollia, supernè pallidè viridia, subtus incana, per ambitum crenata, brevibus pediculis hærentia: è quorum centro caules exurgunt nunc unus, nunc plures, recti, canaliculati, villosi, subrubentes, ad trium & quatuor usque cubitorum proceritatem, aliquot alis concavi, quibus *folia* aliquot nullis intervenientibus pediculis adnascuntur, Verbasci latioris. *Flores* odorati sed obscurè *Bupthalmi* effigie, sed multis numeris majores, aureo fulgore comantes, quibus squarrosum subest latius capitulum, semen continens gracile & oblongum, pappo coronatum. *Radix* notandæ crassitie, foris fusca, intus alba, sapore aromatico, acrimoniâ cum nonnullo amaro mixta, odore etiam, præsertim cum exiccata fuerit, suavi & grato, cum nulla præterea plantæ pars odorata sit.

In pratis &amp; pascuis, præsertim humidioribus, occurrit, sed rariùs. Flores Junio ac Julio vigent.

*Locus.*

Radix, cujus præcipuè in medicina usus est, insigniter amara est, hinc calida &amp; exsiccans.

*Vires.*

Recens Saccharo condita ad modum Zingiberis, vel exsiccata & in pulverem redacta Saccharo vel melle mixta, ut fiat eclegma, vel cum Saccharo in tabellas redacta, si in ore continetur, & continuè salivâ soluta unà cum ipsâ in asperam defertur arteriam, plurimum prodest adversus respirandi difficultatem, orthopnoeam, asthma, veteremque tussim.

In Tussi inveterata Decoctum radices Enulæ cum Uvis Corinthiacis abundè commendat Dolaus L. 1. C. 9. S. 16. D. Soame. Ventriculo insuper commoda est à cæna sumpta ad coctionem promovendam. Hinc Platerus, referente C. Hofmano, eam vocare solebat *aroma Germanicum*, & valdè laudabat præ Zingibere & aliis Indicis. Hoc etiam tempore, quod mirum alicui videatur, alvum faciliorem reddere dicitur.

Commendatur præterea, ut peculiare præservativum pestis tempore manè sumpta.

Utile etiam est ad remorantes urinas & menses ciendos seu decoctum ejus secundum Dioscoridem, seu exsiccata farina cum Saccharo mixta.

Vinum Gallicum album in quo radices in frustra concisæ per triduum maceratæ fuerint manè jejuno ventriculo sumptum ad dimidii sextarii mensuram Chlorosin Virginum mirificè expugnat & sanat.

Decoctum



Decoctum radice à Parkinsono & aliis intro sumptum ad spasimum, contusiones & dolorem ischiadicum commendatur; vel etiam exterius applicatum.

Radices vino decoctæ, aut recentium succus vino infusus & potus lumbricos & tineas ventris enecat & expellit.

Vinum quod ex Helenii radicibus passim in Germania paratur, frequenter in potu sumptum mirificè visum acuit. *J. B.*

Enula campana in aqua communi destillata salem volatilem exhibet salis C. C. æmulum tum odore, tum virtute. *Vide le Febvre.*

Ad pestem præservativum: *R.* Rad. Enulæ campanæ bene à fibris mundat. q. v. Decoque in aqua quousque mollescat, ut per setaceum transmitti possit, de qua accipe part. i. mellis despumati p. ij. & coque lento igne ad humiditatis consumptionem. Dosis ʒi.

## CAP. VIII.

### De Doronico.

**D**oronicum vocabulum factum est ex Arabico *Doronigi* vel *Durungi*, quorum illud Serapionis est *Simpl.* c. 325. hoc Avicennæ 212. c. 210. Horum verba si afferam nihil agam: tam enim non conveniunt cum Doronico quam non conveniet album cum nigro. C. *Hofman.*

Doronici notæ characteristicæ sunt flores aurei speciosi, sparsi, in summis caulibus & ramulis, in longos pediculos excurrentibus singulares: Semina in plerisque parva nigricantia; folia itidem lata & subrotunda; radices tuberosæ aut crassæ, qualitate venenata & deleteria prædictæ.

Huc etiam ob florum similitudinem in figura & situ refero nonnullas quæ foliis sunt oblongis, radicibus fibrosis, nec quod sciam deleteriis.

Possent fortasse certiores hujus generis notæ à seminum figura aliisque accidentibus sumi. Verum quoniam nobis paucas admodum Doronici species videre contigit, nec multa quod sciam in hortis à nostratibus coluntur, ea observare & inter se conferre nondum licuit, necdum licet.

1. *Doronicum vulgare* Park. *latifolium* Clus. *majus* Officinarum Ger. emac. *Dor. radice Scorpis* C. B. *latifolium* Clus. **Common or broad-leaved Leopards bane.**

*Dod.*

*Folius* exit pluribus, subrotundis, latis, dilutè virentibus, mollibus, tenuisque lanugine pubescentibus; Hederae cujusdam & unius Cyclamini foliorum formâ, sed amplioribus, ad Cucumeris magis accedentibus, hujus tamen & minoribus & mollioribus. *Caulis* dodrante altior, & ipse lanugine haud carens, striatus, quasi multangulus, alioqui rotundus, qui in pauculos divisus ramulos, ipsis fastigiis flores promit, Chrysanthemi æmulos, & medio videlicet disco & orbiculato ambitu luteos, qui in tenues & candidos pappos resolvuntur, quibus subsunt exigua, nigricantia semina. *Radicula* haud magnæ, candidæ dum recentes sunt, geniculis veluti articulata, non rectè descendunt, sed per obliquum Graminis modo serpunt; & subinde extuberantes novella protrudunt germina (itâ sese multiplicante stirpe) demissis etiam ab ipsis tuberosis partibus aliquot deorsum concoloribus fibris. Referunt radicula exanimatos Scorpiones: nam anterior & tuberosior cauliculis proxima corpusculum cum pedibus, posterior articulatam videtur exprimere caudam.

In montibus propè Genevam copiosè provenit.

*Locus.*

2. *Doronicum Cyclamini folio, nigra radice Campoclarense* Col. **Black-rooted Leopards bane, with Solwybad leaves.**

*Col.*

Differt hæc ab aliis vulgaris radice, quæ nigrescente & fusco cortice exterius testâ est, intus verò alba, odorata, cupressi ligni derafi modo, sapore dulci & aromatico, cerebrum petente: in saxorum rimas excelliorum montium in valle Campoclarensum longioribus fibris crassioribus & albicantibus minimè nodosis se insinuat: ipsa verò radix obliquam, geniculatâ & in globulos intumescens, obliquè reptat in summa tellure, ut etiam nuda reperitur. *Folius* differt etiam, quæ non cucumeris modo ut vulgare mollior, & hirsutæ incanâ obsita, sed Cyclamino proximiora, carnosiora vulgaribus & duriora, majoribus dentibus circumferrata, leviora minúsque pilosa, viridiore colore ac nitidiore, venulis quibusdam densis ac reticulatis, ut cutis, depicta, magisque circa petiolum lunato sinu conjuncta. *Caulis* pedali & semipedali invenimus, striato, cavo, tribus aut quatuor alis foliorum absque petiolo alternatim hærentium intercepto. *Folia* ab radice plura quatuor è singulis germinibus, quæ plura edit. *Florem* in summo habet unicum ex calice folioso virente, quatuor unciarum diametro, quamplurimis barbulis radiantem luteis, Asteri æmulum, medium continentibus umbonem flosculis exiguis compactum, qui Maio mense emicat. Tota planta major est vulgata Cucumerino rotundifolio Doronico, & pulchriore aspectu reliquis aliis oritur in monte Matelio locis Borealis.

Dubitât C. Bauhinus, an hæc planta sit Doronicum radice [Scorpis] Brachiata Lob. cum tamen neque figura neque descriptio Lobeliana ei aptè conveniant. Fieri tamen potest ut eadem fuerit: nam Lobelius persæpe in plantis describendis labitur, memoriæ nimium fidens; & figuræ etiam ipsæ non rarò minús exactæ sunt nec plantis per omnia respondent.

No



Nos certè plantam hanc *F. Columnæ* descriptam Cantabrigiæ in hortulo nostro aliquot annos aluimus.

Doronici humilis Stiriaci Clusii descriptio ab hoc non multum abludit, ut eandem plantam suspicer.

De Doronici radice hoc cum primis controversum est, sitne venenata. Quantum comperi (inquit Casp. Hofmannus in *De Medicam. Officin.* lib. 2. cap. 4.) qui primus illum accusavit Maranta fuit, 1. *Metb.* 11. Ejus opinionis fuisse Aldrovandum quoque Gesnerus scribit 1. *de Aconit.* Matthiolus ab initio quidem acriter se opposuit, sed demum consensit, partim Cortusi motus auctoritate, partim experimento caniculæ quam quatuor drachmis radice strangulavit. Huic iterum se opposuerunt Gesnerus 1. c. & Lobelius in Adv. qui etiam more suo in Matthiolum acriter invehitur: nec refert, inquit, quod caniculis perniciosum sit, cum non pauca reperiantur aliis animantibus noxia & lethifera quæ homini non modò innocua sed & salutaria sunt: Nam & experimento certum habemus Aloe saluberrima interfici vulpes, & ex Plutarcho easdem enectas Amygdalis amaris discimus, &c. Fruatur ille suo judicio; ego certè mallem suffragari Matthiolo quàm in humano corpore experiri quod canibus aliisve Quadrupedibus perniciosum comperi. Nec refert quod sine periculo utimur Electuario de gemmis, &c. Nam & venenis ut Opio, &c. exigua dosi innoxie, imò cum commodo uti possumus, & in El. dicto Doronicum aliis salutaribus mixtum corrigitur. Gesnerius autem deplorando experimento vim lethiferam radice Doronici in semetipso comprobavit, siquidem verum sit, quod Costæus scribit in *Elect. de Aromat. Mesue*, illum esu hujus radice obisse. Quod ut credam (inquit Hofmannus) ipse facit. Ut enim manifestò redargueret Matthiolum (sic loquitur 2 *Epist.* 20 & 22.) se 3ii rad. hujus sumpsisse, & per octo quidem horas bene habuisse; verum iis elapsis ventrem ac stomachum inflari sensisse, & circa os ventriculi imbecillitatem quandam, & corpus totum infirmius, ita ferè ut alias semel ac iterum ex nimio frigida potu perceperat. Quæ Symptomata cum biduo durarent, & non viderentur sponte cessuræ ingressum fuisse aquæ calidæ solum & curatum fuisse.

In Itinerario D. Georgii Wheeler invenio speciem Doronici, quam Græci circa Athenas *Scorpidio cotta* vocant, ob radicem scilicet Scorpio similem, squamoso corpore, in medio intumescen-tem, caudâ acutâ, fibris pedes imitantibus utrinque productis, in terra reptantem, & subinde in tubera Scorpionum æmula intumescen-tem, ut velut catena Scorpionum se mutuò insequentium videatur. Folia Chelidonii minoris aut Tussilaginis foliorum minorum æmula. Florem non vidit.

In Hymetti montis fastigio Athenis non longè hanc plantam invenit Autor, quam eandem *Locus.* putò præcedenti à Columna descriptæ; certè à nobis Cantabrigiæ cultæ ipsissima est.

3. *Doronicum radice dulci* C. B. Dor. folio subrotundo, serrato J. B. Dor. brachiata radice Park. D. radice repente Ger. **Creeping Leopards bane.**

Clus.

Caulem habet aliquando cubitalem, rotundum, striatum, viridem, intus concavum; capitulum in summo caule magnum, ex multis flosculis luteis concavis & quinque crenis divisis congestum, quod ab aliis longiusculis & in extremo crenatis foliis fulgore auri splendentibus ambitur, non inodorum. Semen exiguum, nigricans, cum suo pappo faciliè evanescens. Folia circa radicem longo pediculo inæherentia, orbiculata ferè sunt, sensim tamen à pediculo in latitudinem se explicant, in ambitu dentata & serrata; quæ verò caulem ambiunt longiora, & ab ipsa statim pediculi sede in latum expansa, omnia saporis acris & amari. Radix ex viriditate candicans, minimum digitum crassa, geniculata & quasi squammata, internodiisque distincta, sed nodis sursum tendentibus, non infernè, ex inferiore geniculorum parte longas agens fibras, albas, satis crassas, & propagines in lateribus, gustu ferè succi à Glycyrrhizæ radice expressi & densati.

Invenitur in *Etscher, Durrenstein* & quibusdam aliis Austriacarum Stiriacarumque Alpium jugis inter saxa. Floret Julii initio, aut etiam seriùs, in hortos verò translatus, ubi non diu permanet *Locus & Tempus.* Maio plerunque.

Hoc unà cum Doronico maximo venatores pastoresque montani, qui Rupicaprarum radicem appellunt, adversus vertigines non minus commendant quàm Auriculæ urfi flavo flore radicem, viribusque firmandis apprimè utilem esse ferunt. Huic simile est si non idem *Vires.*

- \* 4. *Doronicum brachiata radice* Ger. radice Scorpii brachiata C. B.

Lob.

Hæc species Dodonæo paulo major est Doronico primo seu vulgari, saturatiùs virens, procerior, radice pluribus corticeis squammulis, nitentibus, candidis, marmoreis transversim cinctâ, cui ala utrinque apta una est, Squillæ marinæ, Cancellivæ aut Scorpii forcipulis non absimilis, dulcicula gustanti. Folia majora paulò & rotundiora.

Umbrosis hæc montibus oblectatur.

Hanc Parkinsonus præcedenti eandem facit, nec immeritò meo judicio; ac proinde folia in Lobelii iconè minùs rectè picta sunt æqualia absque crenis. *Locus.*

- \* 5. *Doronicum Stiriacum flore amplo* Ger. emac. humile Stiriacum Clusii Park. latifol. flore magno C. B. folio lato, flore magno J. B. **Stirian Leopards bane with a large flower.**

Clus.

Humilius plerunque est jam dicto, & capite floris majore, foliis à pediculo statim parè orbiculatis, ut Cyclamino, alioqui superiori non dissimilibus. Radicum item nodi & propagines, neque in hoc, *ut*



ut neque in præcedente, deorsum tendunt (nodi autem in hoc minùs apparentes) aut anfarum instar longè à matre sese spargunt, sed quasi matri contiguè sursum tendunt, & extra terram folia promentes, fibris in tellure sese firmant, nequis sine fibris aut utrinque anatas existimet.

Locus.

Nascitur in Veytzalben supra Neuberg in Stiria, & eodem quo præcedens genus tempore floret. Idem videtur Doronico Cyclamini folio, nigra radice Campoclarenfi *Col.* superius descripto.

- \* 6. *Doronicum Germanicum* Park. *Plantaginis folio alterum* C. B. *Germanicum*, foliis semper ex adverso nascentibus, villosis J. B. *Calendula Alpina* Ger. **German Leopardsbane.**

Clus.

Terna aut quaterna summa tellure fundit folia, Plantaginis latifoliae ferè æqualia, longiora tamen, & ad Digitalis luteum seu pallidum florem ferentis similitudinem magis accedentia, nervis distincta, mollia, viridia, supernè nonnihil villosa, infernè candidiora & laviora, bina semper ex adverso nascentia, gustu nonnihil amaro & acri. *Caulem* habet ferè cubitalem, nudum, rotundum, hirsutum, ex quo magnus emergit orbis, multis *flosculis* luteis in quatuor foliola divisus constans; eum orbem ambiunt quindecim aut plura folia, Doronico latifolio similia, latiuscula, & per extremum crenata, coloris flavi elegantis. *Semen* floribus succedens, ut in Doronici generibus, in pappum evanescit. *Radix* minimi digiti crassitudinem penè æquat, nodis quibusdam informibus distincta, multisque fibris donata, lateribus propagines fundens & singulis annis nova germina proferens.

Locus.

In omnibus ferè pratis sublimioribus ad Alpium radices, tum in ipsis Alpibus Austriae fitis provenit: item in cædis sylvis ad Moenum amnem.

- \* 7. *Doronicum* VI. *Pannonicum* Clusii: *Alisma Matthioli*, sive *Plantago montana* J. B. **Wastard Leopardsbane with Plantain leaves.**

Clus.

Superiori (inquit Clusius) non valdè dissimilis, plura tamen secundum radicem habebat expansa folia, minus nervata & angustiora, angustiora etiam quæ caulem ambiabant, perinde tamen ut illa ex adverso nascentia, quæ cum suo caule nonnihil hirsuta erant: ejus suprema pars in plures ramulos dividebatur, sustinentes hirsutos calices; unde emergebant similes ferè flores, coloris tamen aurei elegantissimi, duplici interdum foliorum medium orbem ambientium, & quodammodo per extremum fimbriatarum serie constantes. *Radix* gracilior est superiore, non paucioribus tamen adnascentibus fibris donata quàm illa. Maio etiam florebat.

Locus.

Copiosè nascentem inveniebat Clusius vicinis Nemethwywar Ill. Balthazaris de Bathyan arci cæduarum sylvarum declivibus.

Hanc plantam C. Bauhinus eumque secuti Gerardi emaculator & Parkinsonus præcedenti eandem faciunt. Clusius tamen, qui utramque novit, distinguit, & post eum J. Bauhinus, apud quem plenam & accuratam omnium ejus partium descriptionem vide. Notæ autem præcipuæ quibus ab ea differt, præter memoratas à Clusio, sunt, radices sapor acris, aromaticus & ingratus, cujus tamen in superioris descriptione nulla mentio: *semen* longum, striatum, hirsutum, compressum, acre, odoratum, à Doronici seminibus multum differens. Nos, ut qui non necessariam specierum multiplicationem quantum possumus cavemus, in C. Bauhini sententiam proniores sumus.

Vires.

Planta Arnica reperta est à frequenti experientia unica & optima panacea lapforum. *Ephem. Germ. Ann. 9. & 10.*

- \* 8. *Doronicum maximum* Ger. *maximum Austriacum* Park. *max. foliis caulem amplexantibus* C. B. *max. foliis Hyoscyami Peruviani modo caulem amplexantibus* J. B. **The greatest Austrian Wolfsbane.**

Clus.

Genus hoc Doronici omnium maximum bicubitalem interdum aut ampliorem habet caulem, minimi digiti plerunque crassitudine, striatum, hirsutum, summo cacumine in aliquot alas divisum: *Folia* circa radicem orbiculata, longo pediculo inhaerentia, rugosa & nonnihil hirsuta, quæ verò nullo ordine digesta caulem ambiunt, ampliora sunt, mucronata, leviter dentata, pediculo nullo, sed instar foliorum Tabaci majoris latifolia, caulem latiore basi amplexantia, viridia, hirsuta. *Flores* extremis alarum ramulis insident, magni, vixenis aut tricenis oblongis foliis & orbem satis latum ambientibus constantes, lutei coloris, odoris expertes. *Semen* ut aliorum Doronici generum striatum, virescentis tamen coloris, quod cum suo pappo auræ leni flatu defluit, initium ab exteriore ambitu faciens, ut in reliquis Doronici generibus. *Radix* ex viridi candicans nodosa, squilulæ similis est, sed ubi propaginibus aucta est, crassior fit, & ex multis velut corporibus in unicum conflatur & caulescit.

Locus &amp; Tempus.

Secundum rivos è montibus labentes, locis umbrosis in descensu jugi *Wechsell* primùm observabam (inquit Clusius) postea longè majori copia declivibus, sylvestris tamen locis *Estcheri* & *Herrenalben* Augusto flores proferens: tandem in montanis sylvis ultra *Dravum* *Pannonia* interamni Maio florens. Hortis libenter affuescit: in quibus Maio flores dat, semen Junio maturum.

- \* 9. *Doronicum minus* Park. minus Officinarum Ger. *Plantaginis folio* C. B. folio ferè *Plantaginis oblongo* J. B. **Plantain-leaved Leopards bane.**

*Lob.*

Hujus caules erant teneri, pusilli: folia mollicella, oblonga, uti *Plantaginis*, nonnihil ex viridi flaventia, conspicuè hirsuta Pilosellæ modo, vel Cucumeris agrestis, sed attrectanti lævia, ambitu rotundo, sed nonnihil laciniolo & supernè angusto, Cucumeri agresti quàm *Cyclaminis* humiliore, terna vel quaterna; pediculis innatis radici exiguae, tereti, orbiculatæ, sed infernè in angustum sensim adductæ, subtus & transversis quasi squamularum torulis articulatæ, apprimè *Scorpionis* cadaver & caudicellam exprimenti, plusculis donatæ fibris: color candidus, sapor dulcis, amaricat, & lentorem multum pauxillæ conjunctum astrictioni præfert. Sesquipalmum altus caulis, floribus in summo donatur luteolis aut pallidis, radiatis Buphthalmi aut mediæ *Consolidæ*.

Hanc speciem Burdegalæ vicinis locis delatam habuit Clusius.

10. *Doronicum Austriacum angustifolium* Ger. Park. *longifolium*, hirsutæ asperum C. B. *Doronici species ex horto Ferrariensi*, folio longo hirsuto J. B. **Long-leaved hairy Leopards bane.**

*Clus.*

Caule est brevi, pedali duntaxat, molli, hirsuto, striato. Folia illi rara, parva, crassa, longiuscula, supinâ parte admodum viridia, & quodammodo splendentia, omninò tamen villosa, pronâ autem lævia, dilutiùs virentia; at quæ caulem ambiunt angustiora sunt, omnia porro peracris saporis. Summo caule unicum plerunque fert florem, Tertio Lobeliano [vulgari nostro] similem, sed magis aureum, quo evanescente succedit exiguum semen nigricans, lanugine & pappo coronatum, quod levi aurâ excutitur, & venti arbitrio fertur. Radix parva, geniculata, & internodiis distincta, nigricans, crassioribus candicantibus aliquot fibris donata, gustu aromatico.

Hoc genus *Doronici* Clusius observavit in Sneberg, deinde in Snealben & Neuberg, nusquam verò majori copia quàm in summo Etscheri jugo, inter saxa, tenui, nigrâque terrâ leviter tecta. *Locus* Floret Julio, nonnunquam etiam Augusto, quo mense semen subinde maturitatem consequitur. *Tempus.*

11. *Doronicum Helveticum incanum* C. B. Park. **Hoary Helvetic Leopards bane.**

*C. B. prod.*

Ex radice geniculata & quasi squamata, caulis emergit pedalis, rotundus, incanus; cui flos magnus luteus, foliis aureis, longiusculis, non crenatis, discum cingentibus, qui tandem in pappum abit cum semine aliorum simili. Foliis est crassis, ad radicem aliquibus subrotundis, aliis ex rotunditate oblongis, dentatis & serratis, parte inferiore unâ cum pediculis ob incanam lanuginem mollibus, supernè verò pallidè virentibus & nervo albicante: quæ verò caulem ambiunt longa sunt, angusta & acuminata, acris & amari saporis.

In Alpibus Helveticis reperitur.

An *Doronicum* folio longo serrato J. B? cujus folia longa, parum lata (unciam circiter) & in ambitu serrata, aliàs *Doronico* vulgari simile. *Locus.*

- \* 12. *Doronicum Helveticum humile*, crassis foliis C. B. Park. **Low thick-leaved Helvetic Leopards bane.**

*C. B. prod.*

Planta palmaris est, foliis crassis & densis, supernè atrovirentibus, infernè pallidis, nonnihil hirsutis, primis quidem ex rotunditate oblongis, per ambitum crenatis, pediculi basi caulem ambientibus, subsequentibus verò uncias sex longis, sesquiunciam latis, quorum superiora pediculis carent. Caule est brevi, hirsuto, in ramulos biunciales diviso, quorum singuli florem luteum mediæ magnitudinis sustinent.

Julio mense in Valesianorum jugis floret.

*Locus* & *Tempus.*

13. *Tussilago Alpina folio longo* J. B. *Alpina folio oblongo* C. B. Park. rectius *Doronici affinis longifolia*. **Long-leaved, Bastard Leopards bane.**

*J. B.*

Hellebori fibras imitatur quodammodo hujus plantæ radix nigricans, transversa, fibrosa, sapore (ut mihi videtur) nonnihil aromatico, Folia crassa, quadam palmo longiora, parte inferiore hirsuta, per margines serrata, multò breviora latiorâque adolescenti quàm adultæ plantæ. Caules interdum cubitales, summum cacumen ornat flos magnus, *Doronici* vel *Calthæ* aut *Plantaginis Alpinae* (à qua tamen differt) aliquando duo, tandem in pappum abeuntes.

In montis Juræ verticibus altissimis Thuirii & Dole dictis invenimus: J. Bauhinus in præalto monte Braulio & Albulâ in Rhætia florentem Julio. *Locus.*



- \* 14. *Virga aurea magno flore* C. B. *Consolida aurea nemorum* Park. *Consolida aurea nemorum* Limonii folio, non *Alisma montanum* J. B.

Lob.

Folius est nigrae Betæ aut potius Limonii, atriùs virentibus, carnosus, aliquantulum hirsutus, crassus, nervosus, Doriæ similis, amplexis pedales Doronici cauliculos binos aut ternos: floribus caducis Doronici aut Calendulæ, & concoloribus ferè, scitè pectinatim confertis & commissis foliolis antequam pandantur eleganti spectaculo, radice multis filamentis albidis sparsa in cespitem summum, Bellidis modo; sapore mediæ Consolidæ tantillum acrimoniæ prodentis, aut Herbae Doriæ, cujus etiam vires & quandam aromaticitatem æmulatur.

In Aureliæ Gallicæ sylvis densissimis oritur. Hæc descriptio habet multa, [non omnia] quæ conveniunt Tussilagini Alpinae longifoliae, superius proximè descriptæ.

## C A P. IX.

### De Virga aurea.

**V**irga aurea à forma & floris colore dicta, Asteris genus videtur, floribus parvis aureis, plurimis in summis caulis in thyrsos aut corymbos, umbellæve congestis.

1. *Virga aurea* Ger. *aurea vulgaris* Park. *aurea vulgaris latifolia* J. B. *aurea angustifolia minus serrata* C. B. **Common Golden-rod.**

J. B.

Geniculatim hujus incedit radix, obliquè per terram acta, fusca, frequentes demittens fibras, albicantes, sapore aromatico. Caules recti & rigidi, duos aut tres circiter cubitos alti, striati, subhirsuti, medullâ fungosâ farcti. Folia tum à radice, tum in caule, & hæc quidem alternatim, longis pediculis appensa, interdum nullis aut perquam brevibus donata, quorum quæ ima sunt, palmum ferè lata existunt, duos circiter longa [in nostris regionibus eam longitudinem & latitudinem non assequuntur] superiora minora, atrovirentia, utraque hirsuta & per ambitum serrata. Flores tum in summo caule, tum in pediculis peculiaribus ex foliorum alis exortis frequentes insident Doriæ vocatæ floribus similes, lutei, in pappo evanescentes.

In ericetis ac montosis sylvis & saltibus frequens oritur. Augusto mense floret.

Variat foliis (ut rectè C. B.) quæ sæpe sine crenis, aliquando saltem minus conspicuis serrata sunt.

Vulneraria est è celeberrimis intrinsecus & extrinsecus adhibita, ipsi etiam Solidagini Saracenicae præferenda. In vulneribus internis (inquit C. Hofmannus) prodest subductione ichorum per urinas. Quod enim notârunt summi viri pleræque omnes potiones vulnerariae sunt diuretica: Et pugiles solent in potu ordinario Valerianam sumere, quæ inter diuretica familiam ducit: in externis juvat exsiccatione & absterfione, quibus qualitatibus valdè excellit.

Lithontripica diureticaque est non è postremis omnium consensu: in calculo primam experientiam habuit Villanovanus, qui in pulvere usurpavit: & celebrat in hoc affectu Barclaius Argem. & Euphorm. Dos. ʒij. in vino albo calido quoque mane sumptæ.

Insigni vi absterfioria dotatam esse ait Hofmannus. Hinc tantæ ipsius laudes in viscerum obstructionibus, ad hydropem jam inclinantibus, ut diu in secretis fuerit habita in decocto. Ad fluxus tamen omnes alvi & uteri sistendos, necnon hæmorrhagias internas commendatur, quæ adstrictoriam potius quàm absterfioriam esse arguunt; nisi fortè exsiccatoriâ vi hæc præstet, quam omnes ei attribuant.

2. *Virga aurea Mexicana* C. B. *aurea Limonii folio, paniculâ uno versu dispositâ, Mexicana* Hort. Paris. Mexican. **Golden rod, with Sea-labender leaves.**

C. B. app.

Ex una radice caules plures, nonnihil tamen reclinati assurgunt; circa quos folia palmaria, sesquunciam lata crassiuscula splendentia, in summitate tamen multo breviora. Ex foliorum alis ramuli prodeunt, quibus flores saturate lutei, sursum spectantes, & unam tantum caulis partem occupantes, insident.

Hanc Londino acceptam Cantabrigiæ in horto aluimus sub titulo *Virgæ aureæ Limonii folio*.

Huic eadem nobis videtur Virga aurea Americana Park. cujus tamen descriptionem subjungemus, ut Lector de ea ipse judicium ferat. Caulem nonnihil pilosum, folia leviter dentata ei adscribit, quæ notæ an huic conveniunt necne dubito. Quod si diversa sit mihi incognitam fateor.

3. *Virga aurea Americana* Park. **Golden rod of America.**

Park.

Hujus folia antequam excaulescat, folia præcedentis [Virgæ aureæ ferratis foliis] magnitudine æquant, angusta, oblonga, in medio latiora, utraque extremitate acuta, circum oras obiter dentata, colore viridi obscuro. Caulis nonnihil pilosus, pedali & interdum sesquipedali ferè altitudine, floribus

Locus &  
Tempus.  
Vires.

bus ab uno tantum latere, seu uno versu dispositis, aliarum hujus generis similibus onusti. Semen succedit papposum. Radix in terra restat caulibus hyeme marcescentibus.

4. *Virga aurea Canadensis, hirsuta, panicula minus speciosa* Hort. Paris. **Golden rod of Canada, with hairy leaves.** *V. aurea serratis foliis hirsutis* Hort. Blæs. auct.

Hanc Virgæ aureæ Canadensis nomine Londino missam in hortulo nostro Cantabrigiæ aliquot annos aluimus.

5. *Virga aurea foliis angustis, levibus non serratis* Hort. Joncq. **Parrot-leaved Golden rod with smooth and not indented leaves.**

Hanc quoque Londino accepimus sub titulo Virgæ aureæ Arnoldi Villanovani; est tamen puto planta Canadensis.

- \* 6. *Virga aurea latifolia serrata* C. B. *aurea serratis foliis* Park. *aurea Arnoldi Villanovani* Ger. *aurea, sive Solidago Saracenica latifolia serrata* J. B. **Broad-leaved, indented Golden rod, or Confound.**

J. B.

Triplò latiora huic sunt quam \* jam dictæ folia, longiora, ceterò qui similia, perinde ut caules \* *Virga aurea* ramique : at verò flores lutei papposi, non secundum ramulos spicati, sed summis extremisque um- *vulg.* bellam quodammodo effigiantes harent.

J. Bauhinus hanc reperit in monte Rosberg propè Masmunster, florentem Octobri : C. Bauhinus Locus. in Basileensi monte Munchenstein.

7. *Solidago Saracenica* Dod. Lob. *Saracenica vera, Salicis folio* Park. *Virga aurea angustifolia serrata* C. B. *aurea angustif. serrata, sive Solidago Saracenica* J. B. **Saracens Confound.**

J. B.

Bicubitalis est hæc & tricubitalis, caulibus striatis, glabris : ex quibus alternatim folia nascuntur palmum & sesquipalmum longa, unciam unam aut duas lata, similia ferè foliis Salicis auriculatæ, Doriæ instar per ambitum crenata, sed tenuiora, glabra, non hirsuta ut in vulgari, sapore quodam aromatico prædita, calidiusculo. Flores non secundum caulem ut in Virga aurea vulgari, sed in extremis furculis, ut in Doriæ, ut umbellam quodammodo mentiantur, lutei, foliis longiusculis ternis vel quaternis constantes, flosculis confertis in pappos resolvendis medium obtinentibus.

In fossis propè Argentoratum in Germania, inque summis jugis montis Juræ collegimus; J. Bauhinus in monte Rosberg propè Masmunster. *Locus.*

Floret Septembri atque etiam Octobri. Consolida sive Solidago à conjungendis vulnerum labris Vires. Turcis & Saracenis dicta est. *Lugd.* Ad eadem valet ad quæ Virga aurea, cujus etiam species censetur.

- \* 8. *Solidago maxima Americana* Cornuti.

Corn.

Caule multiplici, rotundo, glabro, leviterque purpurascens in tantam proceritatem attollitur quantum cubita tria aut quatuor implere solent. Circa quemque folia subpinguia, & sine ordine hinc inde disponuntur : formam habent singula Saponariæ aut Plantaginis aquaticæ, minus tamen densa sunt, nam adverso sole intuenti mille velut foraminulis pertusa apparent, quod fibrarum crispitudo facit, nec magis inde scabra sunt ad tactum ; attensæ siquidem membranæ planities asperitates illas velut lavore quodam perpolit & exæquat, quò fit ut splendide admodum vireant. Flos adeò serotinus apud nos est, ut sæpius hyeme præoccupatus velut foetus in ipso utero ante partum elidatur : si verò aut æstas plurimum deflagravit, aut intempestivi calores autumnino incesserint, paniculam promit veriùs quam florem, luteam, nec nisi tubulis & filamentis per floccos prodeuntem, ac non longè post maturitate in pappos abeuntem. Radix numerosâ fibrarum copiâ contextitur. Inest plantæ sapor jucundus, odoratiusque citra acrimoniam calefaciens, nec parum habens astringentis.

Peculiaris in hujus plantæ partibus vivacitas observatur, &c. vide.

9. *Herba Doria Lobelii* Ger. *H. D. vulgaris* Park. *Alisma Matthioli sive Doria* J. B. *Virga aurea major vel Doria* C. B. **Doria's Woundwort.**

J. B.

Oblique fertur radix, crassitudine digitali, alba, multas longas ab inferiore parte fibras demittens, concava ubi in caulem excrevit, sapore aromatico & amaro. Caulis trium aut quatuor cubitorum est altitudine, cui alternatim sine pediculo folia adnascuntur, Lepidii foliis accedentia, non nervosa, ut sunt Plantaginis aquaticæ, quibus etiam sunt longiora, acuta, crenata, pingua. Folia ima & priora habent aliquid simile cum Plantagine aquatica, non tamen sunt ita lata, nec nervos secundum longitudinem obtinent, cum pediculis sunt cubitalia ; sapore Angelicæ aromatico sed remissiore, amaro. Caulis fastigium in aliquot dividitur furculos, qui flores sustinent Jacobææ luteos, sed minus foliosos, in pappos abeuntes. Radice est vivaci & perpetua.

Montipeli ad Ladi amnis ripas sponte & copiose oritur. Floret Julio & Augusto ; Semen maturum Septembri. *Locus.*



10. *Herba Doria minor Americana* Park. *Doria's Woundwort of America.* *Herba Doria altera* Ger. emac.

Park.

*Doria* vulgari perfoliata est sed minor, foliis per hyemem etiam virentibus, crassis, oblongis, angustis, duplo quam illius minoribus, & brevioribus pallidiùs virentibus, alias figurâ similibus. *Caules* complures ad dimidiam illius altitudinem non assurgunt, teretes & plerunque deorsum nutantes, foliorum & florum multitudine prægravati ut recti stare nequeant. *Florum* capitula squammosa quam præcedentis majora, uti sunt & flores ipsi, magisque expansi, multis angustis foliolis oblongis & medio flosculorum agmine compositi, in pappum abeuntes. *Radix* plurimis fibris nigricantibus constat in terra latè se diffundentibus, unde planta immensum se propagat, & plantas vicinas enecat. Accuratam hujus descriptionem videtis apud Gerardum emaculatum.

A. 11. *Virga aurea sive Solidagini angustifolia affinis, Lingua avis Dalechampi* J. B. *Conyza palustris* Park. *palustris serratifolia* C. B. *Marsh Flea-bane, or Birds tongue.*

J. B.

Duorum aut trium est cubitorum, caule striato, cavo, per quem ex longis intervallis alternata folia, *Solidaginis* Saracenica non multum ab similia, sine pediculis adnata, palmum aut sesquipalmum longa, semunciam aut unciam lata, in ambitu serrata, in acutum mucronem desinentia, & subtus veluti tomento obsita [supernè obscurius virentia] Supremus caulis in surculos crebros inducitur, atque hi rursus in pediculos, in quibus flores lutei *Solidaginis* Saracenica.

Folia (quantum memini) in plantis nobis visis unciâ latiora erant, unde in Descriptione Bauhiniana mendum fuisse Typographicum suspicor, & pro semunciam fescunciam legendum.

Locus.

In fossis palustribus & earum aggeribus, in insula Eliensi observavimus, sed rarius: In transmarinis propè *Nantuum* oppidum ad stagni latus, eundo à Geneva ad Lugdunum.

## C A P. X.

### De *Stæchade citrina* seu *Helichryso*.

**S**tæchas (Arabicam intellige) ab insulis ejusdem nominis, ubi copiosè nascitur, cognomen accepit, teste Dioscoride l. 3. cap. 32. & Plin. l. 28. c. 18. non tamen in iis duntaxat insulis nascitur, ut scribit Plinius, sed alibi etiam multis in locis.

Herbam quæ *Stæchas citrina* hodie vulgò dicitur, veterum *Helichryson* esse Botanici peritiores existimant. Variè autem scribitur hæc vox, nimirum vel *Helichrysus* vel *Heliochrysus*, vel *Ἑλεγχρυσος* vel *Heleiochrysus*. *Heliochrysus* Plinio probari videtur, cum scribat, florem ad Solis reperlum aureæ lucis in modum dependere. Quid autem paludi cum auro, inquit C. Hofmannus.

Alii *Chrysocome* Veterum putatur, quæ à comantibus auri fulgore corymbis (ut Plinius loqui amat) nomen accepit.

Notæ ejus characteristicae sunt flores foliis marginalibus aridioribus & exuccis, quæque coloris gratiam diu retinent ficcata, cinæti; folia oblonga, angusta, canescentia, aut etiam tomentosa & incana.

Huc autem ob notas communes plantas nonnullas *Gnaphalia* dici solitas refero, quamvis colore floris discrepent, ut *Gnaphalium Americanum*, *Gnaphalium montanum*, &c.

#### 1. *Chrysocome Æthiopica Plantaginis folio* Breynii.

Hæc ex radice nigra & fibrosa caulem fert lignosum, firmum, plus fermè quam pedalem, sæpius alios cauliculos producentem, vel minimè, vel parumper & quidem superiore tantum medio lanuginosum, ubi panè nudus aut pauca saltem foliola habet: inferior verò ejus medietas foliis compluribus condecoratur, virescentibus & glabris, Plantaginis lanceolatae perbellè æmulantibus; sed brevioribus, latioribus longèque multo rigidioribus, per oras modicè reflexis & crispulis, supina parte eleganter splendentibus; in quibus nervi quinque insigniter conspicui secundum longitudinem, cum venulis satis validis per latitudinem vario flexu discurrentibus, cernuntur. Horum infima longiusculis & latis pediculis fulciuntur, reliqua verò sine pediculo cauli adnata, marginibus utrinque in caule adeò devergunt, ut planè alatus videatur. Flosculi caulium & ramulorum fastigia occupant, in comam coherentes, *Stæchadis citrinæ* Italicae J. B. simillimi, at breviores, è squamulis extramineo & ferrugineo mixtim colore compactiles, quorum apices medii cum maturitate in pappum Semen exiguum *Stæchadis citrinæ* Germanicae abeunt & aurâ levissimâ dissipantur.

Locus.

In locis Capitis bonæ spei sterilibus luxuriat, ubi vere floret.

#### 2. *Stæchas citrina floris & magnitudine & colore speciosa* J. B. *Helichryson Orientale* C. B. *Heliochrysum Orientale, sive Amarantus luteus* Park. parad. *Oriental Goldp-locks or Golden-tufts.*

C. B.

Caule est rotundo, lanuginoso, pedali; foliis oblongis, angustis, lanuginosis, & ob tomentum crassis & incanis, iisque ad radicem oblongam, nigricante cortice tectam pluribus. Caulis in summo in



in plures pediculos unciales, incanos dividitur: quibus singulis flos rotundus, rarius oblongus, quasi ex plurimis squamulis compositus, quintuplo quam in vulgari, quæ Stæchas citrina dicitur, major, flavus & splendens.

Simile, sed caule cubitali, foliisque latioribus, minúsque lanuginosis, umbellâ multo latiore, floribusque minoribus & pallidioribus, ex horto Nobiliss. Contareni habemus, inquit C. Bauhinus.

Ex Creta insula ad C. Bauhinum transmissa fuit ab Honorio Belli.

Parkinsonus nostras *Heliochrysum Creticum* & *Helioch. Orientale* diversas species facit. Orientale *Heliochryson* fci. Cretico elatius est & ramosius magisque incanum & tomentosum, foliis tantillo latioribus & in Cretic. caule & ramulis crebrioribus; Florum umbellæ seu corymbi in Orientali capitulis longioribus & majoribus, è squamulis pluribus compositis, densius stipatis constant, colore aureo hilariore micantibus. Radice est perenni, sed hyemes nostras ægrè tolerat.

Ego Chrysocomen veram Dioscoridis *Jacobi Zanoni* pro hac planta habeo, quamvis neque figura neque descriptio per omnia exactè respondeant. Cum Parkinsono tamen censeo *Heliochryson Orientale* & *Creticum* diversas species esse.

*Elichryson Orientale* C. B. caule sesquipalmari, foliis angustis, valdè incanis in Olympo Asiæ spontaneum observavit D. Wheeler.

3. *Stæchas citrina Germanica latiore folio* J. B. *Elichryson sive Stæchas citrina latifolia* C. B. *Amaranthus luteus latifolius* Ger.

J. B.

Virgas habet dodrantes aut etiam cubitales, cana lanugine vestitas, nunc singulares, nunc plures: per quos folia numerosa, incana, latiora multo quam *Stæchadis citrinæ* Narbonensis, adeo ut quæ terræ proxima è radice statim pullulant, ad uncialem ferè latitudinem accedant. Extremis ramulorum immortalis auri fulgore resplendent conglomerati squamulis compactiles corymbi. Semen pappo involutum. Radix longa, lignosa, fibrata. In foliis ficcis decem post annos degustatis sapor nonnihil aromaticus. In sterilibus propè Rhenum supra Coloniam Agrippinam abundè nascentem observavimus: In regionibus quæ Rheno adjacent, potissimum verò quæ inter Spiram & Wormatiam sunt, provenit, in locis asperis, sabulosis, ficcis & convallibus, florens Junio & Julio mensibus. J. B.

Hujus flores vino decocti & poti lumbricos ventris expellunt, quod Tragus experienciâ certum Vires. esse didicit. Eodem modo sumpti sudores eliciunt.

Hujus varietatem florum squamulis eleganter in modum prunæ ex aureo rutilantibus, in Cassubia sterilibus arenosis & apricis locis præsertim sublimioribus Julio & Augusto florentem, Septembri & Octobri semina perficientem, cætera præcedenti similem Chrysocomes Germanicæ flore ignefcente, sive ex aureo rutilante proponit Jac. Breynius.

Aliam insuper varietatem, flosculis longioribus & squamulis sanguinei coloris imbricatis, valdè raram ex iisdem montibus allatam addit.

Amaranti (sic enim appellat hanc herbam) flores, autore Trago, calidæ sunt naturæ, id quod & sapor & odor arguunt. Vino quidem decocti & poti lumbricos ventris expellunt, quod Tragus experientia certum esse didicit: Eodem modo sumpti sudores eliciunt, quare hanc herbam obstru- tionibus hepatis, lienis, renum & vesicæ conferre existimat. In lixivio decocti si cum illò caput nuatur, furescos capitis & porriginem expellit, pediculósque enecat. Vestibus appositi à tineis tolluntur. Aquâ decocti vaporantibus & fomentis induratum ac tumentem matricem emolliunt. Flores nonnulli felici successu adversus morbum Regium usurpantur. Breyn.

\* Hujus flos nomini *Heliochryson* respondet, ad solis repercussum aureæ lucis in modum dependens.

4. *Stæchas citrina tenuifolia Narbonensis* J. B. *Elichryson sive Stæchas citrina angustifolia* C. B. *St. citrina sive Amaranthus luteus* Ger. *Chryscome sive Coma aurea* & *Stæchas citrina vulgaris* Park. *Narrow-leaved Goldlocks* or *Cassidony.*

J. B.

Fruticosa est planta, radice crassa, lignosa, simplice, perenni [Lobelio radix gracilis est gummi Elemium, vel Cyperum rotundum Syriacum redolens, uti flores & tota planta, gustu etiam aromatico, medicato & fervente, non tamen nimio fervore, subastringente] ex qua lignosi folones pronascuntur, qui in virgulas creberrimas pedales & cubitales, albida lanugine obfusas desinunt, quarum summum cacumen flores corymbaceos, luteos pallentésve, densè glomeratos sustinet, singulos squamulis imbricatos, ficcissimos, colore aureo fulgentes, non marcescentes per multos annos (si bene exsiccati & loco sicco reservati fuerint) odore vehementes cum jucunditate. Folia per ramos ordine frequentia conscendunt, incana, villosa, magis tamen subtus quam supra, admodum angusta, nec planè culmum dimidium lata, versùs superiora minùs frequenter disposita. Lobelio autem in mollicello vellere pusillum semen Majoranæ, sed exilius, rufum, acre, odoratum.

Copiosè provenit circa Monspelium, Aprili & Maio florens. Parkinsonus Lobelium secutus hanc cum *Stæchade citrina latifolia* Germanica confundit, à qua specie omnino differt.

*Stæchadis* hujus flores, ut & Italicæ iisdem viribus pollent quibus *Stæchadis Germanicæ*. Attendamus Schroderum. Calf. & sic. diuretici sunt & vulnerarii. Usus præcip. in obstructione urinæ, hepatis, lienis, mensium; coagulatum sanguinem resolvunt, catarrhos exiccant, menses nimios sistunt, lumbricos fugant [vino decocti aut macerati & poti] Commendantur & in primis ad exiccandas defluxiones acres pulmonum, &c. Extrinsecus faciunt ad emolliendam uteri duritiem [in balneo] Capitis defluxiones siccant & discutiunt [suffitu.] Matthiolus herbam totam omnibus cerebri morbis à frigido provenientius, nempe pituitosis fluxionibus, diuturnis doloribus, comitialibus, resolutis, & id genus aliis mederi asserit; sive ejus decoctum in potu sumatur, sive in pulverem trita ex rhodomelle bibatur aut oxymelite. Penes autorem fides esto. Morbi illi nimis contumaces nobis videntur, quam ut tam imbelli medicamento expugnentur.

Locus & Tempus. Vires.



5. *Stachas citrina tenuifolia altera sive Italica* J. B. *Elichrysum foliis oblongis, Stachadi citrina similis* Dod. C. B.

J. B.

*Virgæ* ramosæ, quarum superiores partes albicant, lignosæ, in quibus *folia* familia foliis *Stæchadis citrinæ* Narbonensis, quæ tenuiora sunt, inferiora, breviora ut in illa, alia quædam longiora unciâ. In singularum virgarum summitate umbella parva corymbifera: Corymbi parvi minores quàm in Narbonensi, longiusculis veluti parvis squamis constantes, qui se explicantes discum faciunt, in quo flosculi multis apicibus constantes. Color qualis sit me later, in ficca ad straminis colorem accedere videtur.

Locus.

Bauhinus ex Apennino habuit: Nos eam in montibus Liguriæ, non procul Gavia oppido & alibi passim invenimus. Folia quàm *Rorismarini* angustiora, multò minùs quàm *Stæchadis citrinæ* Narbonensis albicant.

6. *Stachas Citrina tenuifolia tertia sive Neapolitana* J. B. *Elichryson foliis oblongis, paucis, Stachadi citrinæ angustioribus* C. B.

Matth.

Planta est exilis, foliis longis, angustis, hirsutis, striatisque: caulibus angulosis, umbellâ in summitate aureâ divulsâque, radice tenui ac supervacua.

Ne quis autem hanc cum præcedente eandem censeat (ut rectè monet Bauhinus) illa enim numerosis angustissimis foliis, hæc paucioribus, plus duplo longioribus, & illâ latioribus est prædita. Inter Neapolin & Puteolos invenitur.

Locus.

- \* 7. *Heliobrysum Abrotani feminae foliis* P. Bocconi. *Abrotanum femina verum Dioscoridis Zanoni*.

Boccon.

Tenues sunt huic *virgulæ*, fragiles, pedales; foliis circundatæ oblongis, angustis; denticulis quàm *Abrotani feminae* longioribus, nonnihil candicantibus. Flores in fastigio cauliculorum umbellati, luteo auri colore fulgentes, *Heliobrysi* aut *Stæchadis citrinæ* floribus colore & odore perfimiles.

Locus.

Semen à Perfide allatum plantam hanc in horto M. Etruriæ Ducis produxit.

8. *Elichrysum Creticum* C. B. *Chrysocoma V, quæ Cretica* Clus.

Clus.

Singulares, nonnunquam plures, emittit è radice virgulas, teretes, sesquipedales, incana lanugine & velut tomento obductas; quibus sine ordine multa adnata folia, unciam & amplius longa, unciz quadrantem lata, supernè virentia, infernè alba: circa summas virgas è foliorum alis nati sunt tenues ramuli minoribus foliis præditi: summæ autem virgæ desinunt in nudum ramulum, vel singularem, vel geminum, tomento carentem, cui insident singularia capitula, squamulis imbricatis dispositis constantia, instar capitulorum *Cyani*, è quibus prodeunt flores; multis staminibus flammæ compositi.

*Stæchadem citrinam Creticam* flore amplo *Park. i. e. Santolinam Creticam Alpini*, & *Chrysocomen V. seu Creticam Clus.* pro una & eadem planta habeo. Nam descriptiones conveniunt, & locus idem est. Nec diversa nobis videtur.

*Stæchadi citrinæ alteri inodoræ Lobelii affinis, capitulis brevioribus* J. B. *Heliobryso sylvestri flore oblongo similis* C. B. *Stachas citrina sylvestrior* Park. quam C. Bauhinus sic describit:

Caule est sesquipalmari, rotundo, incana lanugine obfuso, in ramulos aliquot inæquales, palmo breviores brachiato: foliis *Stæchadis citrinæ* alterius inodoræ similibus, latioribus tamen, aliquibus leviter sinuatis, sesquiuncialibus, infernè incanis & tomentosis supernè virentibus. Ramuli in pediculis tenues, nudos, uncias quatuor longos, abeunt, quorum summitatibus, capitulum unicum squamosum cum flore insidet, qui in pappos breves ut in *Elichryso sylv. angustifolio* abit.

Locus.

In montibus Italiæ (inquit) propè Terracinum provenit. Icon J. Bauhini meliùs respondet plantæ à nobis observatæ quàm Caspari.

Hanc in muris & rupibus circa Messanam Siciliæ urbem copiosè provenientem observavimus.

Hujus aliam speciem invenimus propè Tolonam Gallo-provinciæ portum, foliis longioribus, angustioribus, *Rorismarini* similibus in caule crebrioribus, supernè pallidiùs virentibus, subtus minùs incanis, uti sunt & caules. Flores eodem modo nascuntur in longis pediculis singulares.

Huic plantæ affinis & similis est, si non eadem,

9. *Chrysocome altera, peregrina* I. Clus. Cujus descriptionem è Clusio subjiciemus.

Cubitales plerunque habet virgas quando adolevit graciles, incanas, & velut tomento quodam obfusas, quas incondita serie disposita ambiunt folia, longa, gracilia, *Libanotidis coronariæ* foliis similia, vel iis etiam angustiora, supernè nonnihil virentia, infernè incana, ex quorum sinu nascuntur tomentosi ramuli, minoribus foliis præditi, per summas verò virgas rariora sparsa sunt folia, quarum fastigiis multi insident squammatis flores, vulgaris *Chrysocomes* floribus minores, aurei vel flavi coloris, qui marcescentes fuscum colorem contrahunt, & semen exile continent pappo involutum. Radix lignosa, dura, in aliquot ramos divisa. Cum quadam non insuavi graveolentia odorata est, gustùque calidiusculo.

Salmanti-

Salmanticensi agro frequens est, (memini & Monpelliano videre) ubi tota æstate subinde no- Locus.  
vos flores producit, totaque hyeme comam retinet.

Hæc planta in eo à nostra differt quòd multos flores in ramulorum fastigiis gestat, cùm nostra singulos tantum, eosque majores quam vulgaris Chrysocomes.

10. *Stachas citrina altera inodora* Lob. *Helichrysum sylvestre flore oblongo* C. B.

Lob.

Rarius hæc multò occurrit Ilicetis cocciferis *Sommieres* inter & Monspelium, tota pulchella, facie *Stæchadem citrinam* præferens; folia tamen sunt latiora, incana, uti tota planta. *Cauliculis* palmaribus, in quibus flores itidem *Stæchadis citrinæ* alterius, grandiores, longiores, *Lactucæ agrestis* quadantenus. *Radix* non magna, lignosa, inodora; tota minùs nota, pervia, aut inventu facilis.

Jo. Bauhinus hanc plantam *Stæchadi* suæ citrinæ affini capitulis longioribus synonymam facit. Verùm planta, quam sub titulo illo describit J. Bauhinus, eadem omnino videtur *Stæchadi* odoratæ purpureæ *Pilleterii* Lob. *illust.* Quocirca vel *Lobelius* errat, qui *Stæchadem* illam purpuream *Piller.* diversam ab hac facit; vel J. Bauhinus qui eandem huic. D. Magnol nihil hic lucis affert, sed nos in dubio relinquit.

Præterea J. Bauhinus *Chrysocomen* secundam, five peregrinam tertiam *Clus.* huic synonymam facit. Eam autem *Clusius* sic describit:

*Petalibus*, interdum etiam cubitalibus assurgit ramis, candicantibus & lanuginosis, quos *Oleæ* familia folia, longa, mollia, cana lanugine tecta per intervalla ambiunt. Flores autem extremis ramulis pallentes, squamosi & Agerati ferè insident. Radices sunt nigricantes.

Hanc alteram *Chrysocomen* Murciani *Moneanilla*, nomine *Chamæmelo* communi, appellabant. Hispalenses *Romero marino*, i. e. *Libanotidem coronariam marinam*; Mauritani *Granatensis* urbis incolæ *Miscajin*.

At neque hic nobis satisfacit J. Bauhinus siquidem descriptiones *Clusii* & *Lobeli* non conveniunt ut conferenti patebit, ideòque unius & ejusdem plantæ esse non possunt.

C. Bauhinus *Chrysocomen* quartam, peregrinam tertiam *Clus.* hujus Synonymam facit, minùs rectè nostrâ sententiâ, siquidem descriptio *Clusii* melius convenit *Stæchadi citrinæ* alteri Lob.

Mira est apud Botanicos confusio in speciebus & Synonymis hujus generis.

11. *Stæchadi citrinæ affinis capitulis parvis, raris, squamosis, in pappos evanescentibus* J. B. *An Elichryson sylv. angustif. capitulis conglobatis* C. B? *Chrysocome* 4, peregrina 3. *Clus.* *An Stæchas citrina altera* Ad. Lob?

J. B.

*Citrinæ Stæchadis* *Narbonensis* instar densè fruticat, virgæ tamen breviores, tomento candidæ, quas folia vestiunt citrinæ *Stæchadis*, sed longiora subinde, non minùs angusta, inoffensa marginum æqualitate, tomento villosò subtus obsita. Capitula singulorum ramulorum (qui longi ac ténues sunt) extremis imposita, aut singularia, aut bina ac etiam terna, semunciâ breviora, squamata: flores coloris sordidi & obsoleti, non aurei, quorum apices medii in pappos degenerant. Hujus plantæ idem ferè odor qui dictæ *Stæchadi*.

In faxis ac rupium fissuris circa Monspelium variis in locis oritur. Caules huic ramosiores ramis Locus.  
longioribus, tenuioribus, sparsis, & foliis ferè nudis.

*Chrysocomes* 4. peregrinæ 3. *Clusii* descriptio huic bene convenit: Quocirca C. Bauhinus eam malè *Elichryso* suo sylv. flore oblongo synonymam facit.

*Stæchadi citrinæ* alteri *Lobelius* flores singulos in singulis caulibus attribuit, quod plantæ huic nostræ non convenit; unde aut malè *Stæchadem* suam citrinam describit, aut ab hac nostra diversa est.

12. *Gnaphalium montanum album* Ger. *montanum* sive *Pes cati* Park. *montanum flore rotundiore* C. B. *Pilosella major* & minor quibusdam, aliis *Gnaphalii* genus J. B. *Mountain Cudweed*, or *Cats-foot*.

Humi fundit circumcirca appressa ferè terræ folia oblonga, per extremum rotunda, incanâ lanugine obsita inferna parte, inter quæ surgunt caules palmares aut dodrantes etiam cubitales, tomentosi, candicantes, foliis vestiti longis, angustis, è quorum cacumine glomerati pendent flores multi, jam majores, foliolis exuccis, squammulis latioribus & brevioribus contextis, speciosiores, jam minores, è minùs pulchris Squamulis angustioribus & longiusculis constantes, nunc candidi, nunc magis minùsve purpurantes in medio apicibus multis, quibus succrescunt longi pappi. Radices fibrosæ repant *Pilosellæ* vulgaris in modum.

In montosis variis in locis v. g. in planitie *Novi mercati* dicti oppiduli: in ericeto *Bernacensi* in Locus.  
comitatu *Lincolniæ*; in montibus *Ingleborough* in *Eboracensi* provincia & *Plimlimon* in *Wallia*.

Hujus duæ habentur species, altera flore majore, squamulis latioribus, altera flore minore, squamulis angustioribus: utraque floris colore albo & purpureo variat. In Angliâ species duntaxat minor invenitur.

13. *Gnaphalio montano affinis* *Egyptiaca* C. B. *Baccharis Dioscoridis Rauwolfio* J. B.

J. B.

Planta est cubitalis, foliis lanuginosis donata, *Verbasci* similibus, & caulem ut in *Tabaco* amplexantibus. Summa occupant flosculi albidii purpurascens, densè stipati ut in *Stæchade citrina* aut *Pede cati*. Radicula odorata, *Ellebori nigri* similis. In



Locus.

In descensu montis Libani observavit Rauwolfius.  
Hujus meminit Jac. Breynius, titulo Chysocomes Syriacæ flore atro-rubente.

14. *Chrysocome Syriaca candidissimis floribus* Breynii.

Breyn.

Non ita obvia alibi quàm in saxosis Libani montis, ubi à Rauwolfio reperta, in cujus Herbario plantam exsiccatam vidit Autor noster dodrantalem. *Folia* ejus incana, latiora Chysocomes Germanicæ atque breviora. *Flores* summis caulibus insident pauci, ex argenteis retorridis squamulis compactiles, Gnaphalii montani floribus rotundioribus candidis haud impares, sed grandiores.

15. *Gnaphalium Americanum* J. B. Ger. *Americanum latifolium* C. B. *Argyrocome* sive *Gnaphalium Americanum* Park. parad. American *Cudweed* or *Life everlasting*.

J. B.

Ad cubiti altitudinem assurgit, procerius etiam subinde adolescit, *caulibus* crassiusculis, multo candido tomento obsitis, medullâ fungosâ farctis, teretibus: quibus certa serie *folia* adnascuntur, palmum circiter longa, semunciam lata, in acutum mucronem desinentia, supina parte virentia, triplicique nervo secundum longitudinem decurrente donata, inferius verò villosa & incana. *Corymbi* summis ramis insident multi conferti, tomento obsiti, quorum singulares *flores* ex argenteis retorridis foliis compactiles, papposa in medio filamenta coloris rufi aut melini, Clusio subflavi, qualia ferè in Gnaphalio vulgari, comprehendunt, quæ tandem in pappum aut *semen* mutata abeunt. *Radix* subest lignosa exsucca, serpentes de se propagines & fibras promittens, minimi digiti crassitudinem ferè æquat, nigra, ex lateribus novos singulis annis caules proferens, qui primum emergentes nihil nisi tomentum esse videntur; tota æstate flores producentes.

Ex America delatum, indidémque denominatum.

16. *Gnaphalium Brasiliense*. Marggr.

Marggr.

Ex *radice* minimum digitum crassa, multis filamentis prædita, odore aliquantulum cum Helenii radice conveniente, sapore tamen haud manifesto, perenni & quæ novos subinde caules protrudit, sex interdum & plures prodeunt *caules*, mediocriter rotundi, inferius crassi ad trium pedum altitudinem, geniculati quasi ob *folia* quæ illos ambiunt, subfufci & alba lanugine obsiti. *Folia* autem ambiunt multa, tres vel quatuor dig. longa, angusta, viridia, ac copiosa lanugine alba seu tomento obsita; superius minora fiunt ad caulem, & caulis dispescitur in multos ramos, mediocriter hirsutos. Ramos ornant hinc inde foliola angustissima, lanugine incana, unum aut duos digitos longa. In extremitatibus autem ramorum proveniunt *capitula*, ex squamis oblongis argentei coloris, splendentibus composita, quibus *flosculi* innascuntur copiosi, cuilibet nimirum squamulæ quinque, constantes quinque foliolis albis, dissectis in medio eminente staminulo albo-purpurascens: cæterum sunt penitus inodori. Post *flosculos* nascitur *semen* in ipsis squamis, oblongum, fugax, coloris fusco-argentei.

17. *Gnaphalium ad Stæchadem citrinam accedens* J. B. An *Elichrysium sylv. latif. capitulis conglobatis* C. B? *Heliocrysium sylvestre* Ger. emac?

*Radix* hujus spectatur parum fibrosa & nonnihil lignosa: *folia* Gnaphalii, quædam tres uncias longa, alia breviora, calvum unum vel duos lata, tomentosa incana, mollia: *Caules* villosi, albi, recti, interdum ramosi, dodrantales & cubitales; quorum fastigiis duntaxat *flores* hærent & capitula ad Stæchadem citrinam accedentia, vel ad Gnaphalium montanum, ex squamis lucentibus constantia.

Locus.

In pratis non longè à *Castro novo* vico Monspelio vicino nascentem observavimus.

## CAP. XI.

De *Jacobæa*.

**J**acobæa à S. Jacobo, cui dicata est hæc herba, nomen accepit.

Jacobæa à cæteris papposis non lactescentibus, foliis laciniatis, floribus flavis radiatis differt.

A. 1. *Jacobæa vulgaris* J. B. vulg. *major* Park. vulg. *laciniata* C. B. Common Ragwort, *Leggum*.

*Radix* plurimis fibris majusculis albescentibus terræ firmiter adhærescit, ut non sine difficultate possit extirpari. *Caules* inde exurgunt non rarò plures, interdum unus, teres, striatus, aliàs glaber, aliàs nonnihil lanuginosus, in apricis plerunque purpurascens, solidus, *foliis* crebris, nullo aut alterno ordine positus vestitus, sesquicubitalis aut altior, in latiore solo etiam tricubitalis, summa parte in ramos aliquot divisus, medium caulem altitudine æquantem aut etiam superantem; unde fit ut *flores* in summis caulibus & ramulis existentes in umbellas quodammodo dispositi sint, magnitudi-

ne

ne singuli mediocri, radiati, flavi, foliis marginalibus cuspidatis, medio disco concoloribus, angustis, oblongis. *Calix* floris squamosus, striatus. *Semen* perexiguum, pappo alatum, per maturitatem rubescens. *Folia* oblonga sunt profunde dissecta, primò in laciniarum quasdam conjugationes ad mediam propè costam, deinde in alias lacinias secundarias subdivisa, glabra & obscurius virentia, præsertim supina parte.

In pascuis inque incultis & ad vias passim provenit.

Non solum eandem formam, sed easdem cum Senecione vires & facultates obtinet, autore Locus. Vires.  
Trago, inprimis autem vulneribus, inflammationibus & fistulis medetur.

Observat Hofmannus Jacobæam calidam nonnullis cataplasmatibus formâ adversus ventris tormina, (quæ misere dysenteriam affectos excruciant & tantum non interimunt) felici successu fuisse abdomini applicatam.

A. 2. *Jacobæa Senecionis folio incano perennis*. Hoary perennial Ragwort with Ground-sel-leaves. Fortè *Jacob. vulgaris minor* Park.

Hæc à præcedente differt 1. *Radice*, quæ quamvis fibris paucioribus constet, perennis tamen est, & sub Autumnum nova germina quasi capita emittit. 2. *Caulibus*, qui huic elatiores sunt & lanuginosiores. 3. *Foliis*, quæ pariter lanuginosiora sunt, obscurius viridia, in angustiora & acutiora, minùs tamen crebra segmenta divisa. 4. *Floribus*, qui huic pallidiores, petalis ambientibus minoribus & brevioribus.

In pascuis præsertim inter vepres, & in sepium aggeribus non rarò se offert.

Locus.

*Jacobæa pumila Gallica* Bocconi.

Boc.

Hæc *folia* habet cæteris omnibus suæ classis multò tenuius dissecta; atque est planta pumila & cæteris humilior. *Flore* & *semine* cæteris par.

A. 3. *Jacobæa latifolia* J. B. Broad-leaved Ragwort.

J. B.

*Caulem* habet tricubitalem, teretem, rubentem, medullâ albâ farctum, in ramos alterius instar divisum, quorum extremis *flores* insident magni, lutei, stellati ceu vulgares; & tandem in papposum tomentum evanescentes: at *folia* plurimum differunt, dodrantem ferè longa, duabus uncis latiora, serrata, glabra, mollia, profundè circa principium secta, reliquâ & ultimâ laciniâ ad Bugulæ folium accedente: verum enimverò quæ per ramos conspiciuntur paullo magis sunt laciniata, Artemisiæ ferè divisurâ. *Radix* obliqua, multis fibris capillata; suspicor annuam herbam.

In Sundcovia florentem Augusto observavit ad ripam fluvii.

Locus.

A. 4. *Jacobæa latifolia palustris sive aquatica*.

Præcedentis descriptio huic per omnia ferè convenit, ut eandem plantam esse mihi pæne persuadeam. Differt à *Jacobæa* vulgari *foliis* imis pænè integris, ad principium duntaxat altè incisis & velut pinnatis, in caule minus crebris: *floribus* in caule & ramulis summis paucioribus, magis sparsis, nec ita in umbellæ formam congestis quemadmodum in illa; ipsorum petalis saturatiùs flaventibus, medio disco latiore & majore, è flosculis pluribus sed minoribus composito; stylis etiam minoribus & brevioribus in singulis; hinc capitula sequentia majora latioraque sunt in hac quàm in illâ. Differt etiam loco, cum hæc in aquis & palustribus semper proveniat, illa in ficcioribus. Perennis planta esse videtur. *Folia* etiam suprema in caule multo minùs tenuiter dissecta sunt in hac specie quàm in vulgari *Jacobæa*. Quinetiam rami in hac longiores sunt, & à caule magis recedunt, & inferius in caule oriri incipiunt quàm in illa.

Ubique ferè ad fossas & in aquis oritur.

Locus.

A. 5. *Jacobæa Pannonica latifolia* J. B. latif. Pannonica prima Park. latifolia Ger. Alpina laciniata, flore Buphrthalmi C. B. Broad-leaved Hungarian Ragwort.

Clus.

Cubitali interdum excrescit *caule*, firmo, striato; quem ambiunt *folia* lata, rugosa, mucronata, per oras serrata, viridia, latiore basi, & velut appendicibus quibusdam prædita, infimâ parte quâ caulem amplectuntur, ingrati & nonnihil acris saporis: quæ verò à radice germinant rotundiora sunt & majora, sed nullas appendices habent, perinde tamen serrata atque superiora. Summus caulis dividitur in aliquot ramulos, qui *flores* omnino luteos sustinent, *Jacobææ* vulgaris similes, multò tamen majores, & ad Buphrthalmum amplitudine accedentes, maturitate in pappum evanescentes. *Semen* observare non licuit. *Radix* satis crassa & candicans, subinde fibras, vulgaris *Jacobææ* instar in latera expandit.

Provenit in Austriacis Stiriacisque Alpibus: nusquam tamen abundantius quàm supra Herrenalben, quâ longus ascensus est in Durrenstein. Floret Junio & Julio, in hortos translata etiam Locus & Tempus.  
Maio.



6. *Jacobaea marina* Ger. *maritima* C. B. *marina* sive *Cineraria* J. B. *marina* sive *Cineraria vulgaris* Park. *Sea-flagwort*.

Ad bipedalem interdum altitudinem assurgit caule duro, striato, tomento candido obducto. Prima folia quernis similia sunt, rarioribus fissuris, minusque altis incisa, quæ postmodum ad costam usque profundius dividuntur, digitali ferè intercapedine segmenta laciniata intercedente, crassiuscula, inferius cinereo molli tomento una cum pediculo obsita, superius atrovirentia, nitida, & nonnulla quoque lanugine fortuita obiter respersa, sapore prædita parùm grato. Flores multi, coacervati, Jacobææ, melini, in pappos tandem abeunt.

Locus.

Ad littora maris inferi ubique ferè occurrit: in Anglia & Septentrionalibus frustra eam quæres. Hujus duæ præterea habentur species seu potius varietates, nimirum, 1. *Jacobæa incana* altera C. B. altera seu minor Park. quæ priore minor & humilior esse dicitur, foliis tamen longioribus, valde laciniatis, laciniarum seu segmentorum extremis rotundioribus, superne etiam subcinereis; floribus minoribus colore obscuriore, qui duos minimum menses durant antequam marcescant & defluunt. 2. *Jacobæa maritima* sive *Cineraria latifolia* C. B. Park. cujus folia inferiora subrotunda, cum pediculis pedem longa, uncias quatuor lata, ad modum Brassicæ vulgaris laciniata, & per marginem sinuosa; at superiora minora & acutiora: flores majores oblongis pediculis incanis & nudis insident, quorum discum aureum folia latiuscula pallidiora orbiculatim cingunt.

Argentea Cretica Alpin. exot. huic eadem videtur, solâ foliorum incisurâ Pastinacæ æmulâ ludens.

Vires.

*Jacobæa* ad vulnera & ulcera inveterata ac sordida à recentioribus commendatur, quæ succo ejus cum melle permixto expurgantur. Ad dolorem ischiadicum aliisque inveteratos in unguentis usurpatur. Vide Gerard. Laudatur verò & hujus decoctum gargarizatum ad gutturis tumores & abscessus, quos & discutit & per sanat. Dod.

Ægyptii, autore Alpino, *Jacobæa* marinâ ad multa utuntur: quippe decoctum ex foliis paratum ad renum vesicæque calculos pollere aiunt, necnon ad sanandas viscerum antiquas obstructions, frigiditatem, strangulationem, sterilitatem, inflationem, atque ad menses interceptos revocandos, in infestationibus.

7. *Ageratum ferulaceum* Dalechampi J. B. *Chrysanthemum Alpinum foliis Abrotani multifidis* C. B. *Achillea montana* Lob.

Clus.

Herba est cubitalis, caulibus satis robustis, striatis, quos folia ornant tenuiter Chamæmeli modo dissecta, quæ quo magis superiora versùs tendunt, eò sunt minora, minutiusque incisa: inferiora namque palmo longiora, Ferulaceis sunt proxima. Caulis fastigium in pediculos frequentes abit, quibus incompositi flores umbellam mentiuntur, *Jacobææ* floribus similes, minores, luteis foliolis radiati, staminulis concoloribus medium occupantibus, tandem in pappos facessentibus. Radix longiuscula, mediocris crassitudinis, fibrata. Sapor huic nonnihil aromaticus.

Locus.

In cacumine montis *Epheron* mense Octobri florentem reperit J. Bauhinus: Lobelius in celsioribus Calcaris & Horti Dei montium Narbonensium jugis. Nobis etiam cum Monspeffuli commoraremur à D. Zuecker Dantisano è vicinis montibus delata communicata est.

C. Bauhinus à Parkinsono & Johnsono Gerardi emaculatore non immeritò reprehenditur, quòd *Ageratum ferulaceum* Lugd. *Chrysanthemo* Alpino 2. Clusii idem facit; cum *Chrysanth.* 2. Clus. nec flores in cacumine in umbellæ formam dispositos gerat, sed singulos aut geminos tantum in eodem ramulo; neque eos parvos, quàm *Jacobææ* minores, sed *Chamæmeli* vulgaris floribus majores. Verùm *Chrysanthemi* Alpini 3. Clusii descriptio *Agerato* nostro ferulaceo egregiè convenit. Quocirca per errorem, puto, apud C. Bauhinum hæc nomina transposita sunt, & *Chrysanthemum* Alp. fol. longis tenuiter incis in locum *Chrysanth.* Alp. foliis Abrotani multifidis transferendum, itémque *Chrysanthemum* Alp. 3. Clus. in locum *Chrysl.* Alp. 2. ejusdem.

Morisonus noster plantam hanc *Chrysanthemis* annumerat, ob semina, ut puto, solida seu pappo destituta. Verùm cum J. Bauhinus disertis verbis affirmet flores in pappos facessere, nec planta ipsa ad manum sit, ubi eam collocem incertus sum: si minus rectè hic disposuerim, J. Bauhino imputandum est.

\* 8. *Chrysanthemum Hispanicum tenuifolium* Moris. prælud.

Folia habet minùs tenuiter dissecta quàm præcedens florémque duplo majorem.

Quamvis hoc fortè aliò pertineat, ob affinitatem præcedenti subjunxi; Quòd si minus rectè hic collocentur, utraque simul removeantur.

\* 9. *Jacobæa Sicula Chrysanthemifaciæ* Bocconi.

Bocc.

Caules ei cubito sunt altiorem, non ita crassi, inanes, seu intus fungosi, in plures ramos divisi. Folia longa, angusta, adnatis exiguis alis, *Chrysanthemi* Cretici veluti divisurâ & formâ, paululum setentia. Flores in ramulorum fastigiis multiplices floribus *Jacobææ* multò minores, medio umbone seu orbiculato ambitu luteo auri colore fulgentes.

Locus.

Perpetua est planta, hyememque facilè sustinens, ad Catanam & Tauromenium frequens.

\* 10. *Jaco-*



\* 10. *Jacobaea multifida umbellata annua* Bocconi.

Bocc.

E radice tenui parvâ folia plurima per terram strata, uncialia & triuncialia nonnunquam, Jacobae more lobata, supra virentia, subtus incana, in extremo circinata rotunditatis, in margine sinuata emittit: quorum è medio caulis assurgit pedalis, alatus, rotundus, leviter hirsutus, foliis cinctus primum Jacobae divisurâ, demum Abfinthii modo tenuiter incisus. Hic caulis in summitate pluribus ramis palmaribus quasi laxè umbellae in modum dividitur, quorum cacuminibus insident flores petalis latis & planis, aureo colore fulgentibus, & cingentibus umbonem pariter aureum, ex multis staminulis concoloribus conflatum, qui tandem recedit in semen pappolum aliarum Jacobaeorum more.

Annua est planta. Nasclitur ad Agrigentum & oppidum Montapertum dictum.

## CAP. XII.

De papposis non lactescentibus petalis marginalibus cuspidatis, foliis integris levibus seu

De Jacea Oleae folio. C. B.

1. *Parmica Austriaca* Ger. *Austriaca* Clusii Park. *Jacea oleae folio, capitulis simplicibus* C. B. *Xeranthemum aliud sive Parmica quorundam* J. B. *Austrian Sneezwort.*

Clus.

Cubitali assurgit caule, candicante, Cyani æmulo: Folia illi infima caulis parte secundum radicem numerosa, longiuscula, angusta, superne molli lanugine incana, acidiusculi saporis; in ipso autem caule rariora. Caulis in aliquot ramos se spargit, sustinentes capitula è squamis velut argenteis imbricatis sibi invicem incumbentibus contexta: è quibus emergit flos venustus & elegans, duodecim aut quatuordecim foliis constans, duris, ficcis, mucronatis, coloris initio albi, deinde ex caeruleo quodammodo purpurascens aut illius æmuli qui in Sesamoidis minoris Matth. flore elucet, nullo odore commendatus, sed sola venustate gratus, & immarcescibilis: coloris enim gratiam retinet per multos annos è trabe suspensus, aut inter chartas repositus: in ipsa verò planta [ si non evellatur ] senescens subfuscum contrahit colorem. Semen non multum abimile Sesamoidi minori, tenuius tamen & copiosum inter albam lanuginem latet. Radix singularis est, nigricans, dura, capillaribus quibusdam fibris septa, sed annua.

In Austria circa Viennam urbem & alibi invenit Clusius.

*Parmicae* nomen huic plantae imposuit Clusius, non quòd sternutamenta moveat, sed quòd reliquis notis satis aptè cum Dioscoridis *Parmica* conveniat.

Puillam incanam *Jaceam* alteram folio oleae Lob. haud libenter pro diversa specie admiserim, quam per omnia similem incanae alteri [ i.e. *Xeranthemo* ] scribit capitulis & floribus, sed cauliculo minus diviso esse, palmari & sesquipalmari, foliis majoribus Oleae, magisque incanis, minime ferratis, capitulis habitioribus, nitidis argenteis squamis, gustu insipido, minime amaro.

2. *Xeranthemum* J. B. *Jacea Oleae folio, flore minore* C. B. *Parmica Imperati, sive minor* Park. *Parmica Imperati, an Parmica Austriaca species* Clus. cur. post. ? Ger. emac. *Smaller Sneezwort.*

J. B.

Anguloso est caule, duro, lento, incano, lanuginoso, tenui, pedali & altiore pro ratione soli, plurimum singulari, in multos ramos divaricato; per quem folia alternatim disposita, denso tomento candicante undiq. obsita, inferne candidiora Abfinthii vulg. foliorum colore, uncias duas aut tres longa, culmum lata, unico nervo medium folium percurrente, deorsum plerumq. reflexa. Singulorum ramulorum extremis singula haerent capitula oblonga, ex squamis candicantibus & lucidis, nitidis contexta, in acumen desinentibus cum stria rubente. Flos stellatus, squalidus & exsuccus foliis constat, sex, septem, octo aut etiam pluribus, acuminatis, aridiusculis, rubentibus, parvis, capitulorum squamas imitantibus sed longioribus, quorum medium occupant stamina numerosa confertaque, rigida, candida hirsuta, inter quae latent semina lata veluti spinæ albæ, mollia cum barbula in summitate villosa. Radix singularis, lignea, annua: E semine deciduo novæ. Autumno statim exurgunt plantulae quae per hyemem virorem suum retinent, & vere sequenti excaulescunt. Trita herba odorem aromaticum exspirat.

Primo hanc observavimus in Arni fluminis alveo propè Florentiam in Italia, postea etiam in agris quibusdam non procul Monspelio.

*Xeranthemum* vocabat Gesnerus ob ficitatem & squaliditatem florum etiam recentium. J. B.

Hanc proculdubio intelligit Lobelius nomine *Incanae* alterius *Cyani* aut *Jaceae capitulis & flore*, quamvis folia (minus recte) leniter ferrata faciat, & caules ab eadem radice multos: ideoque C. Bauhinus frustra pro diversa specie eam ponit.



## CAP. XIII.

*De papposis non lactescentibus florum petalis marginalibus cuspidatis, foliis dissectis & spinosis seu,*

*De Carlina.*

**P**lanta hæc à Carolo magno, primo ejus nominis Imperatore sic dicta est, quia exercitus ejus Angeli monitu usu radicis hujus à peste liberari fertur. Masticatorum ejus in peste prodesse dicitur.

1. *Carlina humilis* Park. *Carlina sive Chamæleon albus* Dioscoridis Ger. *Carlina acaulos magno flore* C. B. *caulifera & acaulis* J. B. *The low Carlina-Chistle.*

*J. B.*

*Carlinae radix*, cujus præcipua est commendatio, longè latèque vagatur, profundèque intra terram agitur, crassitudine pollicari plus minùs, superficie veluti corrola & foraminulenta, colore foris ruffo, intus candido, sapore aromatico, nonnihil gravi: antequam verò è terra emergat, in capita aliquot ut plurimum facessit, ex quorum singulis separatim *folia* in orbem supina oriuntur, palmum unum aut duos longa, unciam unam aut alteram lata, profundis ad costam usque incisuris divisa & veluti crispa, aculeis minacibus horrida, nonnihil tomentosa, viridantia excepta pediculi infima parte atrorubente: in horum medio sessilis haret *echinus*, orbiculatus, spinosissimis foliis undique oblitus, è cujus umbilico *flores* emicant staminei, purpurascens, vallo foliorum argenteorum cincti. *Semen* papposo tomento involvitur, oblongum, hirsutum.

Aliàs è singulis capitibus caulis surgit, pedem altus, atrorubens, lanugine quadam donatus, non sine foliis alternatim positus, in cujus summo echinus nascitur floridus, ut jam dictum, foliis qualia in caule & circa radicem conspiciuntur circumcirca stipatus. *Carlina*, inquit Camerarius hort. plerunque si eo anno floruerit quo in hortum transfertur sine caule permanet, sin minùs, multò latior altero anno surgit & cauligera fit. Alii quoque plerique Botanici *Carlina* acaulon & cauligeram eandem specie plantam censent, & rectè meo judicio. Verùm F. Columna *cauligeram* non eandem acauli sed congenerem existimat. Nam quæ caulem habet (inquit) nunquam humilis est florida, ut vulgaris; & genere diversa *folia* profert, angustiora, virentia, magisque spinosa, *florè*que è minoribus barbuis iisque candicantibus, umbone intus flosculis purpureo-rubentibus composito, quamvis antequam expandantur, lutei conspiciantur. Plura capita profert, nimirum in singulis caulibus singula. Alii diligentius rem examinent.

*Locus.*

In Germaniæ pascuis sterilibus & dumetis frequens oritur, nec minùs in Italia, Gallia Narbonensi & circa Genevam in montosis.

Refert Gesnerus hujus floris calycem tum recentem tum etiam ficcum noctu claudi, ad Solem verò aperiri. Germanis *Eberwurtz* dicitur, i. e. Apri herba, quia nimirum Apri ejus radices appetunt, non (ut vult Fuchsius) quòd sues si in polenta exhibeatur perimat; hoc enim experientiæ repugnat.

Hujus capitula carnosæ, calyce, floribus ac semine resectis, ex aqua cocta cum butyro, sale & pipere Cinararum more suave edulium præbent. *Gesn.*

*Dol. l. 4. c. 1. S. 19.*

Helmontius magni facit radices *Carlinae*, quas sympatheticè, perinde ac earum succus & extractum solet, arcere somnum statuit, multò magis somnos præternaturales. *D. Soame.*

*Carlina* alexipharmaca est & sudorifera, Pestis contagia arcet curatque si tempestivè propinetur. Diuretica quoque est & emmenagoga; hydropicis confert, tineas ventris necat. *Schrod.*

Philippus Melancthon cum cum hypochondriacis doloribus conficetaretur, usu herbæ *Chamæleontis* eos mitigavit: & hujus remedii efficaciam eum deprædicasse testatur Camerarius.

2. *Carlina sylvestris* J. B. *sylv. major* Ger. Park. *Cnicus sylvestris spinosior* C. B. *The common wild Carlina-Chistle.*

*Radice* nititur simplici, altè in terram descendente [Petroselini radici æquali] paucis fibris donatâ, durâ & lignosâ, sapore nonnihil acri & aromatico. *Caulis* plerunque simplex, interdum geminus, in sterilibus vix palmum altus, in latiori solo pedem superans, teres, striatus, purpurascens, *foliis* crebris nullo ordine positus vestitus, propè summitatem ramos aliquot rectos spargens; quibus ut & summo cauli insident *flores* capitati, majusculi, latiores, ex pluribus flosculis, densè stipatis, obscure purpureis, vix è lanugine conspicuis, limbo foliolorum acutorum tum colore tum consistentiâ stramineorum cinctis compositi. *Calix* floris è pluribus foliolis, squamatim dispositis, & ad margines spinosis componitur. Flosculi autem singuli, singulis insident seminibus, eorumque styli è floris disco extantes lutei sunt. *Folia* angustiora sunt, pallidè viridia, laciniata, crebris ad margines spinulis non admodum rigidis munita, crispa, averfa præcipuè parte lanuginosa.

*Tempus. Locw.*

Seriùs floret & sub finem æstatis.

In pascuis ficcioribus & ericetis per totam Angliam frequens oritur, nec minùs in transmarinis quotquot lustravimus regionibus.

3. *Carlina*

3. *Carlina sylvestris minor* Ger. *Acarna flore luteo patulo* C. B. Park. *Carduus Carlina minor* sylv. Clusii flore luteo J. B.

Clus.

Palmi altitudinem non superat *cauliculo* tenui, unico, canâ lanugine obfuso. *Folia* *Carlinae* sylvestris vulgaris foliorum æmula, minora, incana, spinis horrida. Summo cauliculi fastigio bina ut plurimum fert *capitula* spinosa (nonnunquam etiam in alis) in quibus *flos* luteus, orbem oculi imitans, mediâ lanugine pallidâ, quam ambiunt rigidiuscula & exsucca foliola, coloris flavi. *Radix* tenuis, rufescens, vivax non est, sed singulis annis perit.

Nusquam hanc inveniebat Clusius quàm in aridis quibusdam, petrosisque ac desertis circa Sal- Locus &  
Tempus. manticensẽm urbem locis; Augusto mensẽ florentem.

4. *Acarna capitulis parvis luteis in umbella* C. B. *Acarna sive Acorna, altera Apula* Col. Park.

Col.

*Radice* est pollice ampliore, bipedali ferè, ex albo flavente, odorata, Chamæleonis albi modo aromatica, lacte dulci turgida. Invenitur etiam in illa mensẽ Febuario lac velut gummi densum ceræ modo sub foliis, non secus ac in Chamæleone albo nobis descripto. *Folia* ei sunt Cnici vel *Atractylidis*, in terram expansa, sed non hærentia, duriora, lævia, acutis admodum spinis, quæ hyeme regerminant: è quorum umbilico *caules* rufescentes aut rubentes parùm lacte turgidi prodeunt, cubitales, *foliis* alternatim hærentibus cincti: in summo verò non tria aut quatuor tantum *capitula* ad modum *Carlinae* sylv. vulgaris gestat, sed veluti densos corymbos in umbella ferè. *Capitella* sunt parva, echinata, acanacea, *Anthemidis* florem æquantia, flosculis intus lutescentibus, atque circum radiantibus barbulis luteo saturo admodum colore, quibus perfectis *capitula* etiam lutea visuntur, & *semina* (ni fallimur, nec enim ad maturitatem perducta vidimus, sed incipientia) pap-  
pum habent candidum sericeum, tenuissimum. Augusto floret, Septembri semina perficit.

Ab hujus radice fungi exeunt laudatissimi, Cirinolanis gratissimi & maximè expetiti.

Circa Cirinolam Apuliæ oppidum in agrorum marginibus sponte fruticat.

Hanc ipsam plantam, aut certè ei simillimam, in Gallia Narbonensi, Italia & Sicilia non procul à mari copiosè provenientem observavimus. *Radice* est perenni, plures ei ab eadem radice *caules* exeunt, rubentes, glabri; *floris* discum luteum ambientes barbula aurea: *Florum* tamen *capitula* (quantum meminimus) paulò majora erant Chamæmeli floribus, quibus ea magnitudine paria facit Columna. Locus.

5. *Acarna flore purpuro-rubente patulo* C. B. Park. *Acanthoides parva Apula* Col.

Col.

*Radicem* habet tenuem admodum respectu plantæ, paucis fibrillis divisam, parùm flavicantem, lignosam, odoratam, sapore amariuscule, ad sylvestris Valerianæ gustum ferè accedente. *Folia* ei parva multum respectu Chamæleonis albi, per ambitum aculeata & spinis horrida, *Atractylidis* vel *Acornæ* modo, supernè atque magis infernè araneosâ lanugine obfusa, ut multa excipi possit, quæ ita ductilis ac tenuissima est, ut Bombycinæ telæ vicem supplere possit simul composita, atque ita facillimè neri potest, & filo tenui ac tenaci, ut tela indè effici possit. *Caulis* rotundus, dodrantalis, albus, eadèmq; lanugine obfusus, foliis alternatim *Acornæ* modo vestitus; quibus perficiente se flore ab imo decidentibus, ima pars caulis ad medium usque *Atractylidis* ritu denudatur: in summo verò & juxta capitulum (quod unicum gerere solet) folia densiora sunt in rotæ modum, caulescentis *Carlinae* æmulatione, cui etiam floris effigies similis admodum, verum minor multò, *Acornæ* primo loco à nobis descriptæ par & similis: barbulis enim lævibus nitidisque floris umbo imus capillaribus flosculis constructus, circumdatur, ut in *Carlina* sylv. &c. iisque purpuro-rubentibus, quem colorem in aliis non observavimus. *Semen* cinereum, læve, amarum, parvum, papposum.

Julio floret & Augusto perficitur; Locis incultis, siccis, editionibus sterilibusque Cirinolæ frequentissima viâ quæ ducit ad Vineam Aquamena dictam. Emittere aliquando unam aut alteram propaginem circa caput, sed Impiæ dictæ herbæ Plinii modo supra patrem elevatam, in qua capitellum & flos, omnia verò minora.

Nos Carduum hunc in Sicilia circa Messanam, Italia circa Florentiam, & Gallia Narbonensi Locus. propè Monspelium invenimus spontaneum, in arenosis.

6. *Acarna Theophrasti sive Acorna Plinii* Col. Theophrastus his *Acarna*.

Col.

*Radice* nititur longa, pedem superante, crassitie digiti majore, pallente, odorata, *Carlinae* vulgaris modo, etiamque lactescente, dulci. *Caulis* ei bipedalis, *foliis* alternatim hærentibus, *Atractylidis* & Cnici modo, & similibus, durioribus verò, magisque pungentibus, lævibusque, in summo tria aut quatuor *capitula* gestans ut *Atractylis*, quæ *florem* æstatis fine emittunt luteum, foliolis sive barbulis circumambientibus, Asteris, *Anthemidis*, vel potiùs vulgaris *Carlinae* modo, sed colore magis saturo. *Semen* Autumno papposum, ut in congeneribus, sed parvum, cinereum, Chamæleoni albo simile, sed proportionè minus.

*Atractylidi* antequam floret perfimilis est (inquit Columna) verum in *Acorna* lævorem foliorumque vigentium asperitatem majorem observavimus, caulisque rufum & ad rubedinem inclinantem colorem, atque totius plantæ succum candidum, pinguem, viscosum, facili ætate concre-  
scentem, dulci sapore.

Ce

In



Locus.

In Campoclarensum collibus & Æquicolorum secus vias in incultis sæpius observavit autor. Hujus radix estur elixa, deinde oleo fixa; nervo exempto, Quadragenæ diebus à pauperibus Valuentibus.

## CAP. XIV.

## De Senecione.

**S**enecio, Ἡριόγαν Græcis, quasi vernus senex, quia vere canescit, inquit Plinius, floribus in lanuginem abeuntibus; nec Vere tantum, sed per totum panem annum germinat floribus productione, semper enim alterum alteri succedit, & tempora omnia occupat. Theophr.

Nobis Senecio censetur herba flore composito, papposo, nudo, foliis laciniatis. Foliis laciniatis cum Jacobæa convenit, à reliquis congeneribus differt: floribus nudis seu non radiatis à Jacobæa discernitur.

A. 1. *Senecio vulgaris* Park. *minor vulgaris* C. B. *vulgaris sive Erigeron* J. B. *Erigeron* Ger. **Common Groundsel or Simson.**

*Radix* oblique interdum producta plurimis fibris albis in terram demissis alimentum attrahit; ex qua *caulis* persæpe simplex, interdum bini ternive attolluntur, teretes, striati, concavi, in apicis hirsuti, pedem aut dodrantem alti, ab imo statim ramosi, *foliis* vestiti duas trêve uncias longis, alterno situ absque pediculis cauli adnatis, utrinque in lacinias divisas & dentatis, mucrone obtuso, obscure virentibus. *Caulis* & ramulorum fastigiis *flores* plures simul juncti insident, pediculis tenuibus, brevibus, lanuginosis appensi. *Flores* autem quos vocant è plurimis flosculis luteis arête stipatis compositi absque ullo in margine barbularum circulo, calice longo, cylindræo ferè, ex simplici foliolorum oblongorum ordine constante ceu vallo quodam, coercentur. Floribus delapsis *semina* cum pappo innascenti explicata, globulum seu Sphæricam figuram efformant. Calicis foliola, ut in Dentis leonis flore, deorsum reflectuntur. *Semina* parva sunt, tenuia, oblonga, diluta purpura tineta videntur. Odor huic nullus insignis.

Locus.

Non est cur locus huic assignetur, adeò ubique in arvis, hortis, areis nimis-quam frequens omni anni tempore occurrit.

Vires.

Herbæ succus in Cerevisia sumptus, ejusdemve decoctum cum uvis Corinthiacis aut melle, leniter purgat per vomitum, ut quotidiana docet experientia. Tragus rarò intus sumi scribit: alii intus sumptum ad multa utilem faciunt, Choleram, v. g. icterum, intemperiem hepatis calidam, lumbricos, vomitum & exspuitionem sanguinis, ischiadicum dolorem, fluo em muliebrem. Extrinsecus utilis esse dicitur in mammis inflammatis, scabie (capitis,) strumâ, dolore ventriculi, urina remorata, arthricide & vulneribus. *Schrod.*

Ad lumbricos utilem esse verisimillimum existimamus; siquidem Veterinarii nostri & Hippiatri succum ejus expressum equis præbent adversus ventriculi & intestinorum vermes, ~~Bottes~~ nostratibus dictos, quorum præsentissima pestis est.

2. *Senecio hirsutus viscidus major odoratus* J. B. *incanus pinguis* C. B. *fætidus* Park. *Erigeron tomentosum* Ger. **Cotton Groundsel, or Strong-sented Groundsel.**

Perinde ut Senecio vulgaris radice nititur fibrosâ, foliis donatus similibus, similiterque incisis, sed lanugine undique oblitis, ideoque nonnihil incanis, insuper tactu viscidis, mollioribus & fætidis. *Caulis* erectior, procerior, hirsutus, quemadmodum & *florum* luteorum, in pappos abiturosum caliculi striati. Planta nonnihil aromatico est sapore.

Locus.

In arenosis frequens occurrit. In aggeribus fossarum palustrium in insula Eliensi plurimum observavimus valde luxuriantem, & cum gravitate odoratum.

Lobelius, Dodonæus, C. Bauhinus eosque secuti Gerardus & Parkinsonus nostrates duas faciunt Erigeri majoris species, alteram vocant Erigeron tomentosum sive Senecionem incanam, C. Bauhinus Senecionem hirsutum; alteram Senecionem fætidum & Erigeron tomentosum alterum, C. Bauhinus Senecionem incanum pinguem: Verum non assignant sufficientes distinctionis notas, ut putem ipsos sub duobus titulis unam duntaxat plantam proposuisse, duobus fortè in locis, & diverso tempore visam, nec satis curiosè spectatam & descriptam; cujus sententiæ & ipsum J. Bauhinum fuisse video qui non distinxit. Veruntamen fatendum est iconem Erigeri tomentosi alterius apud Lobelium & Gerardum plantam omnino specie, imò etiam genere distinctam ab Erigero tomentoso Ger. seu hirsuto, viscido, odorato nobis descripto exhibere, cum flores radiatos repræsentet, quales in nulla Erigeri specie cernuntur ab Autoribus istis descripta; quod & Parkinsonus vidit, iconem supposititiam & falsam agnoscens. Quid quod C. Bauhinus ipse Synonyma confundit, cum Erigeron tertium Dod. ab Erigero tomentoso altero Lob. diversum facit, præter mentem Autorum, ut mihi videtur, in descriptionibus traditam.

Senecio odoratus Park. flore odorato Cam. an & quantum differat à descripto considerandum.

\* 3. *Senecio viscosus Æthiopicus flore purpureo* Breynii.

Breyn.

Sesquipedalis est planta, caule solidiore quàm Senecionis vulgo noti, & Jacobææ in modum duro ac striato, ramis aliquot prædito, præsertim superius, ubi *Impia Plinii* de more caulem excedunt; foliis haud multis, alternatim latâ basi caulem amplexantibus, Senecionis vulgaris, minùs lacinia-tis, quasi circumrosis ac crispis, quorum extrema pars fastigiata. Flores in ramis & caule densè coacervati & aphylli cernuntur, tubulis & staminibus multis purpurascensibus conflati, ex calyculo striato provenientes, ac vulgaris ritu celerrimè fatiscens in pappum, sub quo semen longiusculum, cinereum & striatum, nihil à Senecionis nostri, nisi quòd nonnihil majus, differens.

Senecio hic per univèrsam hirsutus ac tactu viscidus juxta Promontorium bonæ Spei viget.

Locus.

\* 4. *Eupatorium Ericoides C. bonæ Spei* Breynii.

Breyn.

Suffrutex est lignosus, frequentissimis ramis, tortuosis & duris divaricatus, ad figuram Ericæ Myricæ folio incanæ (floribus & semine exceptis) tam propè accedens, ut non ovum ovo similis: quoniam non rami tantùm, sed etiam foliola eorum, quibus densissimè Ericæ penitus vulgaris modo contacti, tomento adhærente albicantia sunt & incana. Flosculi verò in ramorum apicibus in mucarios parvos conglomerati, Eupatorii conspiciuntur per similes, sed minores multo, & subtiliori-bus squamulis purpurantibus imbricati; è quorum medio purpureus prominet tubulus, semini papposo infidens, quod maturum nigrescit, nec quicquam ab Eupatorii vulgaris seminibus diversum.

## CAP. XV.

De *Cacalia*: Hujus character genericus folia subrotunda.

1. *Cacalia incana folio* Ger. folio rotundo incano Park. foliis crassis hirsutis C. B. *Cacalia quibusdam* J. B. Hoary strange Coltsfoot.

Clus.

**H**OC genus multis præditum est foliis, Tussilaginis vulgaris foliis pænè similibus, majoribus tamen, medièque inter illius & alterius majoris, Petasitis vulgò creditæ, folia quodammodo magnitudinis, circinata ferè rotunditatis, in ambitu serratis, supernè dilutiùs virentibus, infernè incanis, [angulosis] in quibus multæ apparent venæ sive nervi, gustùs ingrati, amariusculi & calidi; innituntur autem purpurascensibus & striatis pediculis. Caulis illi bicubitalis interdum, striatus, purpurascens, non secus ac foliorum pediculi, [hirsutus, medullosus;] cui per intervalla innascuntur alia folia, oblongis pediculis prædita, supradictis minora, magis angulosa, etiam in ambitu serrata. Supremus caulis extremique ramuli purpurascensium capitulorum congeriem instar umbellarum ferunt, in quibus terni plerunque flosculi, quaternis foliolis bifidoque stylo constantes, purpurascens coloris, odorisque valdè tenuis, non tamen ingrati, qui in pappum seu lanuginem abeunt (perinde ferè ut Eupatorii aquatici flores) in qua oblongum semen latet. Radix in multa capita extuberat, frequentibus, candidis, longis, fibris donata est, singulis annis novos caules ad latera proferens.

Planta hæc in omnibus Austriacis Stiriacisque jugis obvia est, ad sylvarum margines inter fruti-ces & umbrosis locis. Clus. Locus.

2. *Cacalia quibusdam* J. B. foliis cutaneis, acutioribus & glabris C. B. folio glabro Ger. glabro folio acuminato Park. Smooth-leaved strange Coltsfoot.

Clus.

Hujus folia magis cutacea sunt (si sic loqui licet) & duriora, supernè saturatiùs viridia, nec subtus incana, nec anteriore parte, qua pediculo inhaerent, simul coeuntia, ut in priore, pediculisve striatis innixa, sed rotundis & lævibus, perinde tamen ut illa frequentibus venis ornata, & in ambitu serrata, ingrato similiter gustu, amariusculo & calido. Caules etiam læviores & flosculi dilutiores: in cæteris conveniunt. Cum priore. Nos in sylvosis montium Juræ & Salevæ propè Genevæ hanc speciem invenimus, non priorem.

Cacaliæ tomentosæ C. B. cum imperfectè ab eo descripta sit, ut qui folia tantùm viderat, cumque paucis iisque non magnimomenti notis à præcedentibus differat, non est cur speciem ab iis distinctam existimemus.

*Cacaliæ congener Clusii.*

Hujus cum florem nunquam viderit autor, nihil de ea dicendum habemus. Foliis cum præcedentibus convenit.



3. *Cacalia Americana* Park. *Valeriana Urtica folia, flore albo* Cornuti.

## Cornut.

Huic plantæ *radix* ut *Asaro* fibrosa, non altè descendit, sed in summo terræ leviter hæret, adeoque est apricationis avida, ut sæpius nudat supra terram fibras, quæ saporis & odoris gratiam Nardo non inferiorem obtinent, *Valeriana* vulgari longè nobiliorem, si enim diutius in ore dentibus prematur mira suavitate halitum commendat, linguamque postremò ut *Cinnamomum* acriter pungit. [Quicquid dicat *Cornutus*, *Parkinsonus* noster nullum unquam neque in radice hujus, neque in foliis aut flore odorem percipere potuit.] Pluribus furculis affurgit, rotundis, cavis, geniculatis, glabris, longitudinis ultra cubitum; hi in plures alas dividuntur. *Folia* ex adverso bina semper ab radice ad summum usque caulis fastigium nascuntur, referuntque *Scrophularia*, aut *Urtica* minoris folia, minime tamen pungunt & dilutissime virent. Cujusque caulis apex in muscarium spargitur, *Floribus* ornatum parvis inodoris, *Valeriana* familibus, sed ex uno calyce pluribus. Post *ædificationem* semina longiuscula tenui pappo hærentia in auras abeunt.

Tempus.

Floret Septembri. Hyeme sola radix superstes vivit, reliqua intereunt.

4. *Yztacltex Caltlacotl, seu virga nigra saxorum* Hernandez.

## Hernand.

Præcedenti similis & congener esse videtur, *folia* ferens *Urtica*, ferrata: *caules* purpureos, teretes, quatuor cubitos longos: flores in cacumine comantes, pilosos, non senescentes, & purpurascetes ex albo.

Locus.

Nascitur in locis saxosis *Xalatlahuensis*. Sapor citra ullam distinctionem *Anisum* refert. *Radix* pugilli mensurâ tusa, devorataque ex aqua seu vino sudorem elicit dolorem passis, atque ita eum lenit, ut mirabilem præstet ea in re operam.

## CAP. XVI.

*Linaria aurea* Tragi Ger. *Linaria folioso capitulo luteo major* C. B. *Heliobrysos* Tragi, sive *Linaria tertia* J. B. *Chrysocome verior sive Coma aurea Germanica & Neapolitana* Park. *Virga aurea Linariae foliis* Morif. Golden-rod with Toad-flax leaves.

## Clus.

**C**ubitalibus aut amplioribus interdum affurgit ex unâ radice *virgis*, teretibus, gracilibus, duris, nigricantibus, lentis & fractu contumacibus, quas non quina aut sena, (ut *Dioscorides* suæ attribuit) sed numerosa ambiunt *foliola*, longiuscula, angusta, Lino familia, dura, mucronata, satuta viriditate nitentia, amari gustûs & nonnihil aromatici. *Extrema* virgæ in multos tenues ramulos definunt, quibus insident singularia foliosa capitula, *florem* luteum, ex multis flosculis quinque radiolis decussatis styloque in medio prominente constantibus compactum amplectentia, nullo odore commendabilem: deinde *semen* nigricans, longiusculum, quale ferè in *Hieraciorum* generibus supernè villosum pappi instar, quod levissimo vento excussum, ejus arbitrio fertur. *Radix* dura est, lignosa, nigra, aliquot fibris donata, singulis annis germinans, novasque virgas proferens.

Locus.

In montosis pascuis ad sepes propè *Ratisponam* & alibi in Germania: necnon circa *Monspelium* in Gallia *Narbonensi* oritur, nobis observantibus. *Clusius*, cui *Osyris Austriaca* inscribitur, multis *Pannoniæ* locis inveniebat, inque *Austriæ* prato quodam editiore & ficiore circiter miliare infra *Viennam*.

Tempus.

Augusto mense floret. Semen Septembri maturefcit.

## CAP. XVII.

De *Conyza* flore nudo.

1. *Conyza major vulgaris* C. B. *Con. major Matthioli*, *Baccharis quibusdam* J. B. *Baccharis Monspelienisum* Ger. Park. Great Fleabane, Plowmans Spikeword.

## J. B.

**E**x radicibus multis, sparsis, non altè depactis, lignosis, fragilibus, odoratis, amaris & acribus surgunt ad cubitos tres aut quatuor alti *caules* striati, atropurpurei, incana lanugine hirsuti, solidi, rigidi, foliis singularibus non admodum crebris vestiti, supra medium in multos ramos & rectos divisi. *Folia* verbasci nigri aut *Digitalis* purpureæ, minora, molli lanugine pubescentia, leviter crenata, odorata, sapore acri & amaro. *Flores* in summis caulibus & ramulis conferti, graviter olentes, lutei, papposi, è plurimis flosculis perexiguis, densè stipatis cum stylo in unoquoque extante bicorni compoliti, nudi, è calyculis squarrosis mollibus, viridi luteoque versicoloribus, squamis exterius purpurantibus. *Semina* exigua, oblonga, fusca, pappo adnascente alata.

Tempus.

Seriùs &amp; sub Autumnum floret seménque maturat.

2. *Conyza*

2. *Conyza caulibus rubentibus tenuioribus, flore luteo nudo* Botan. Monsp.

Magnol.

*Caulis* habet cubitalem, rubentem, in varios ramulos subdivisum. *Folia* cum adhuc planta semipedalis est *Conyza* majoris latitudinem habent, & *Cisti* ladaniferae folia repraesentant; dum verò debitam acquisivit magnitudinem & floret, angustissima sunt & contracta. Ramuli omnes flores proferunt rariores multò quàm in reliquis ferè *Conyzis*, luteos, in calyce rotundo & oblongo, nullis foliolis radiatim cinctos, & in pappos evanescentes.

Annua est planta, gravem halans odorem *Conyzae* majoris.

Septembri mense invenit descriptionis Autor P. Magnol copiosè florentem in fossis humidis se- Locus &  
cus viam qua à pago Perauls itur ad stagnum Volcarum ad dextram; ubi & nos cum Monspelii Tempus.  
essemus eandem observavimus & collegimus.

3. *Conyza major capitata seu globosa* Bocconi.

*Radice* constat satis crassâ; quin & *caule*, foliis, ut & odore *Conyzam* majorem apprimè refert hæc planta; sed in flore id præcipuè notandum quod concreseat illius discus seu umbo in globum seu caput globosum Lachrymæ Jobi figurâ non abfimile; & insuper quòd absolutis & ad maturitatem perductis seminibus sese aperiat caput globosum, atque semina affundat in pappos abeuntia; quòdque in medio capitis globosi infecta exigua ut plurimum gignantur.

Locum ubi invenit non addit Descriptionis autor Paulus Boccone.

## CAP. XVIII.

## De Eupatorio Cannabino seu Avicennæ credito.

**E**upatorium Avicennæ dictum floribus nudis purpureis à congeneribus differt. Sub hoc enim titulo comprehendi possint omnes hujus generis plantæ quibus hæ notæ adfunt, sive foliis digitatis sint, ut Eupatorium cannabinum mas seu Avicennæ propriè & strictè dictum, sive foliis integris, & Eupatorium Canadense folio Enulæ Cornuti.

Possit etiam aliter, & fortasse commodius, pro nota Senecionis characteristica sumi, folia habere laciniata; ità ut quæcunque hujus generis herba flore nudo, folio laciniato donata sit, Senecionis species habeatur, sive floris color luteus sit, sive purpureus; adeoque Senecio viscosus Æthiopicus flore purpureo Breynei & Eupatorium ericoides Capitis bonæ spei ejusdem veræ & genuinæ Senecionis species erunt. Harum prior alias etiam notas Senecionis habet, nimirum calycem striatum, florem celerrimè in pappum fatiscentem, semen Senecionis nostri simile, nec nisi magnitudine differens, tactum viscidum: Posterior semina Eupatorii obtinet, & flosculos etiam per similes, ob quas rationes rectius fortasse ab Autore Eupatorii accensetur. Verum nos characteres obvios & expositos quique primo aspectu visui se ingerunt sectamur, cum quæ à seminum qualitatibus sumuntur oculos nostros persæpe vel latent vel fallunt.

1. *Eupatorium cannabinum* Park. C. B. *cannabinum mas* Ger. *adulterinum* J. B. *Avicennæ creditum* Geln. *Herba S. Kunigundis* Trag. *Common Hemp-Agrimony* or *Dutch Agrimony*.

*Radix* obliquè acta plurimis fibris majusculis albicantibus terram apprehendit. *Caulis* duos trèse cubitos altus, rectus, teres, tomentosus, & in viridi purpurascens, medullâ albâ plenus, gratum & aromaticum odorem cum inciditur spirans, multis alis concavus. *Folia* in caule crebra, adversa, in eodem pediculo terna, Cannabis folia nonnihil referunt, oblonga, acuminata, per ambitum serrata, sapore amaro. *Flores* velut in umbellas digesti, singuli flosculis quinque vel sex purpurantibus compositi, quorum unusquisque stylum habet oblongum; bifurcum, & suo insidet semine. Semina autem per maturitatem cum pappo innascente avolant.

Ad fluminum, necnon rivulorum ripas, scrobium, & stagnantium aquarum margines subinde Locus.  
nascitur; Julioque mense apud nos in Anglia floret.

Epaticum est & vulnerarium, Usus præcip. in cachexia, catarrhis & tussi, inque urina & men- Vires.  
sibus retentis. Extrinsecus è nobilissimis est vulnerariis. Schrod.

Radicibus vim purgativam inesse experimento proprio didicit Gesnerus: cui earum pugillus in vino decoctus, colatus & potus per horam post alvum semel movit; postea verò vomitum duodecies ferè cum magno labore, ità ut Hellebori albi instar purget, sed multò facilius & tutius. Profuit sanè plurimum (inquit) magnâ pituitæ copiâ evacuatâ. Hinc verisimile est succum herbae in catapotis devoratum intestinorum vermes necare. Tragus Argentinæ in pecoribus tantum curandis usurparum tradit; & prudenter nobis facere videntur Argentinenses, siquidem experimento Gesneri constat nimis vehementem esse ejus operationem, quàm ut in humano corpore inter-  
nus ejus usus possit probari, nisi parva quantitate & aliis corrigentibus mixti.



In Belgio rustici feliciter icterum curant hujus plantæ decocto. *D. Regemorter* in *M. S.*  
 In Nosocomio cuidam intestina corrofa, ita ut per foramina stercora exirent, jam propè desperato coaluerunt decocto Eupatorii Cannabini, quod Ebnisina adscribitur, cum vino parato, & potò & ulceribus infuso. Ex Hieron. Velschii Obs. 44. *D. Soame.*

2. *Eupatorium Canadense folio Enulæ Cornuti. Cannabinum Americanum latifolium Park.*

Corn.

*Caules* huic glabri, rubescentes, (cinereo tamen colore suffusi) rotundi, inanes intus, per intervalla geniculis intercepti. *Folia* palmari longitudine sunt, latitudine triunciali, *Salviæ* modo scabra, in ambitu serrata, non incisa quinquepartitò ut Cannabina, fusce virentia, è geniculorum tuberculis quaterna semper adversa inter se Cruciatæ modo nascuntur. E cujusque folii sinu ramulus exoritur, brevioribus tamen foliis cinctus, neque unquam in florem profiliens. *Radix* coherentibus vastioribus implexa est fibris. Nulli Eupatorii Caulis procerior, qui ætate media in quinque cubita elevatur, comantibus in cacumine mille flosculis, non foliaceis sed lanugineis, uno verbo, si odorem excipias, Eupatorii Cannabina nostræ similibus, licet paulò saturatius purpurascens. Hos excipiunt semina papposa, quæ cum villosa sua casarie à vento decutiuntur. Saporis est aliquantulum amari, subeunte momento postea levi acrimonia.

3. *Eupatorio affinis planta Zeilanica foliis Ulmi Breynii.*

Breyn.

Altius Africano, pæne ut vulgare Herba S. Kunigundis à Trago dictum, *caulibus* rotundis, striatis, in viridi aliquantulum purpurascens, sapore in resiccatis falso, fruticat; quos *folia* Ulmi vulgaris æmula, sed minora, versùs pediculum fastigiata, ac sensim latiora rotundioraque evadentia, parvis intervenientibus pediculis alternatim ambiunt. Caulium fastigia in furculos aliquot dividuntur, atque hi rursus plures in petiolos, quibus incompositi flores umbellam mentiuntur, Eupatorii ericoidis floribus similes, sed pallidi seu straminei coloris, atque ex compluribus staminulis conflati. Sequuntur semina minuscule, Stoechadis citrinae Herbariorum paria, inter quæ in medullio calyculi crebris squamulis compactiles, præterea velut spadiceus, exiguus & durus fructus seu vasculum seminale coniforme excrescit, superius saepe reflexum, intus inane & splendidum, quantum observare licuit.

Fructum hunc excrescentiam aliquam non naturalem, vel insecti matricem esse suspicamur.

\* 4. *Erigeron Zeilanicum Lampsanæ foliis Breynii.*

Breyn.

Magnitudine, foliis, caule & ramis illi Cichorii generi, *Lampsa* à Dodonæo appellato per simile, magis tamen hirsutum, floribus uberrimis pallidi coloris, Conyzae cœruleæ acris C. B. minoribus, quos nulla ambiunt petala onustum. Semen exile, pappescens, Conyzae acris annuæ albæ Moris. par, quod vento etiam lenissimo è residuis florum caliculis dispellitur.

Ex Zeylan insula, vel propter foliorum vel virium fortè quandam convenientiam nomine Betonice accepit Breynius.

## C A P. XIX.

### De Gnaphalio.

**G**napthium Γναφάλιον Dioscoridi, quod foliis ejus ἀντὶ τρυφᾶν, id est, tomento, utantur, C. B. potius quia folia ejus tomento obducta sunt. τρυφᾶν (inquit Lob. in Adv.) dicunt Græci vellere carperéve lanas aut pannum, unde Gnaphalium, quod Centunculum Romani nuncuparunt & Tomentariam. Herba Impia Plinio dicitur. Ob id autem impiam appellavere, quoniam liberi [posteriora capitella] supra parentem, id est, primum & medium, summo cauli innascens, excellant. Alii potius ita appellatam quod nullum animal eam attingat, existimavere. Anglicè **Cudweed** dicitur, quod ruminantibus opitulatur, & rumen amissum revocat: & in Northumbria **Chatchweed**, quoniam ad intertrigines valet, autore Turnero. Notæ generis indices sunt folia tomento obducta, ut nomen indicat, flores nudi, flosculis eos componentibus præ parvitate vix conspicuis.

A. 1. *Gnaphalium maritimum* C. B. *maritimum multis* J. B. *marinum* Ger. *marinum*, sive *Cotonaria* Park. **Sea-Cudweed** or **Cottenweed**.

J. B.

*Radice* firmatur crassa, longâ, lignosa, paucis admodum fibris donatâ, nigrâ; quæ caules emit tit complures, dodrantes, crassiusculos, pilosos, candidos, in quibus denso ordine stipata folia oblonga, semuncialia, per extremum nonnihil rotunda, candida, quæ concepta in floccos xylinae lanæ penitus abeunt, olei in lucernis bibula. Ramorum fastigiis capitula in umbellæ ferè formam digesta, crassiuscula, candida, villosa, in medio lutea, in quibus semen longiusculum, album, in arcu formam incurvum. Nullum ego in hac planta saporem animadverto. Astringit magnopere & deficcatur



deficcat tota planta, nonnihil salsa, nec tamen ingrata aut amara; aliquantum aromatica, odore quadantenus citrinæ Stoechadis aut gummi Elemi.

In arenoso maris litore propè trajectum *Abermeney* dictum freti Carnarviam & Angleseiam interjacentis, ex Angleseia seu *Monæ* latere; item in litore Cornubiensi inter *Pensantiam* oppidum & rupem *S. Michael's Mount* dictam invenimus. In transmarinis in Mediterranei maris litore non infrequens est. Univerſo litore & sabuletis à Marianis aquis ad Ceti montis radices & lacum plurima (inquit J. B.) alibi haud temere occurrit *Narbonæ*. Locus.

2. *Polium Gnaphaloides Alpin. exot.*

Huic Planta vel congener est, vel planè idem *Gnaphalium maritimum* superius proximè descriptum. Differt foliorum magnitudine & figurâ, quæ in hac acutiora sunt, & Myrti foliis paria, neque pilis infecta, sed tota tomentosa apparent, secus quàm in *Clusiana* figura *Gnaphalium maritimum* pingitur.

His tamen non obstantibus nobis eadem planta videntur *Gnaphalium maritimum* vulgare & *Polium Gnaphaloides Alpini*. Si cui aliter videatur, suo per me licet fruatur iudicio: reverà enim si rectè descriptum & depictum est *Polium Gnaphaloides Alpini*, saltè varietas erit præcedentis.

*Gnaphalium maritimum* ob odoris fragrantiam *Calamus aromaticus* *Cambro-britannis* *Carnarviam* incolis dicitur.

- A. 3. *Gnaphalium Anglicum* Ger. *Anglicum vulgare majus* Park. ejusdèmq; *majus Germanicum*. *Gnaphalium majus angusto, oblongo folio, & majus angusto, oblongo folio aliterum* C. B. Nam & ipse hoc (inquit) cum à priore parum differat, qui voluerit idem dicat. *Gnaph. rectum* J. B. *Long-leaved upright Cudweed.*

Huic rectus & rigidus, dodrantem altus, teres, canâque lanugine pubescens caulis, nihilôque se-  
cius folia, magis tamen averſa quàm adverſa parte, quæ in caule crebra, ordine nullo nascuntur, uncias duas aut tres longa, vix culmum lata ut plurimum, carinata, sapore præter siccitatem nullo evidente; ex quorum alis secundùm caulem, ab ejus medio ad summum usque capitula oblonga, squamata, plura simul juncta, ex viridi nigricantia & nitida, in pusilla stamina ex herbaceo flavescencia dehiscunt. Radix subest parva, nigra.

In pascuis solo arenoso, & inter Genistas haud infrequens est.

*Gnaphalii* *Anglici* decoctum semper ferè *Anginam* sanat. D. Palmer.

- A. 4. *Gnaphalium vulgare majus* C. B. *Gn. minus sive Herba impia* Park. *Gn. Germanicum* J. B. *Filago sive Herba impia* Ger. *Common Cudweed.*

Plures ex eadem radice caules surgit tenues, semipedales aut dodrantes, plurimum erectos, teretes, incanos & lanugine obfitos, summa parte ramosos, foliis vestitos creberrimis, nullo ordine positos, pariter lanuginosis, angustis, oblongis, quàm *Lavendula* multò minoribus, caulibus plerumque appressis, quibus absque pediculis adnascuntur. Florum globuli (ut rectè eos vocat J. Bauhinus) tum in extremis ramulis, tum in ipsis angulis, quos ramorum divaricationes deformant, sessiles, è pluribus floribus stipatis coagmentati. Sunt autem flores qui globulos hosce componunt & ipsi compositi è *flosculis* ob exiguitatem suam ægrè visibilibus. Pappi è floribus eminentes ex luteo pallescunt. Propè medium globulum ramulos aliquot emittit caulis, qui supra medium caulem assurgentes suos singuli globulos flosculorum altius attollunt, velut filios supra parentem unde & *Herba impia* dicitur. Præter radicem mediam majusculam altius descendente innumera plerumque capillamenta spargit è fundo quibus terram apprehendit.

In ficcioribus, sterilibus, glareosis & ad vias passim provenit.

Aqua ab hac destillata ad cancrum, præcipuè mammillarum, magni est usus: continet enim occultos cancos nè exulcerentur cum linteolis semel in die imposita. Sunt verò & qui *Asari* foliis hujus aquâ madefactis non infelicitè ad cancos reprimendos utantur. Dod.

Ego parùm præsidii aut juvaminis adversus Cancrum in hac aqua esse suspicor. Facultatem autem reficcantem & nonnihil adstringentem obtinere hanc plantam *Dodonæo* concedo: Hinc fortasse hæmorrhagia, dysenteria, nimio mensium fluxui, atque etiam Anginæ, conducit. Ad hæmorrhagiam reprimendam nostrates sequentem plantam præcipuè adhibent.

Herbâ contusâ, oleo maceratâ & coctâ *Occidua Angliæ* plebs ad livores, concussiones, cæsa & verbera utuntur feliciter: menses etiam supprimit. Lob. obs.

- A. 5. *Gnaphalium longifolium, humile, ramosum, capitulis nigris*, nobis. An *Gnaphalio vulgari* similis J. B? *vulgare sive 2.* Ger? *medium* C. B? *Filago minor* Park? *Black-headed, long-leaved, branched, low Cudweed.*

E radice parva, alba, simplici, intorta, fibris aliquot donata, & ad caput longis, cauliculum erigit palmarem, rariùs semipedalem, tenuem, teretem, tomento denſo sed brevi, candido oblitum; ab inſo ad summum usque ramosum ramulis crebris è foliorum alis exeuntibus. Folia cauliculo & ramulis alternatim brevibus intervallis adnascuntur, angusta, oblonga, ab exortu sensim dilatata, *Hyssopiminora*, utrinque mollia & lanuginosa, infernè tamen candidiora. In summis caulibus & ramulis capitula seu flores multi simul congesti, non tamen in globulos coacti ut in *Impia* vulgari, exterius nigricantes, è flosculis luteis adeò exiguis compositi ut visum ferè effugiant [flosculos intellige parciales è quibus totales componuntur] Ramuli floriferi è basi florum seu capitulorum congestorum orti longè altius assurgunt & nova florum agmina summitatibus suis gestant.

In scrobibus & locis depressioribus ubi per hyemem aquæ stagnarant sub autumnum frequentissimè reperitur. Locus.

- A. 6. *Gnapha-*



- A. 6. *Gnaphalium minimum* J. B. minus repens C. B? *perperam, non enim repit, rarius procumbit, sed erigitur. Filago minor* Ger. *Gnaphalium vulgare tenuifolium* J. B. *Hæc enim duo pro eadem plantæ specie habeo. The least Cudweed.*

Lignescit radix multis fibris capillata, haud secus ac Gnaphalio vulgari five Impiæ: *Caules* multi, dodrantales, ramosi: *folia* unciam longa, fili panè tenuitate, incondita, mollia, tomentosa, incana: *flosculi* & capitula per caules disposita, ut in prædicto Gnaphalio, sed pauciora minoraque.

Hæc est Gnaphalii vulgaris tenuifoliæ descriptio apud J. B. quæ plantæ quam nos hic intellectam volumus exactè convenit, ut & locus inter segetes, solo præsertim arenoso aut glareoso.

*Gnaphalium parvum ramosissimum, foliis angustissimis polyspermon.*

Hujus plantam ficcā habemus ubi collectam non recordamur. *Radice* est parvâ, simplici: *caulibus* sesquipalmaribus aut majoribus, firmis, in plurimos ramos & furculos divisis & subdivisis, *foliis* obfisos angustissimis, brevibus, acuminatis hirsutis. *Flosculorum* globuli in ramulorum divaricationibus, inque summis furculis sedent pediculis brevibus aut nullis. Color *flosculorum*, quatenus in sicco discernere licuit, albus.

7. *Gnaphalium oblongo folio* Ger. emac. *supinum oblongo folio* Park. *majus, lato, oblongo folio* C. B. **Long-leaved Cudweed.**

*Clus.*

Palmares vel etiam majores habet *cauliculos*, quorum alii surrecti, alii secundum terram inflexi, teretes, villosi, quos indigesto ordine mollia, incana, latiore infima parte amplectuntur *folia*, extremo mucronata: multa summo *cauliculorum* fastigio insident capitella candicantia, flavescēte lanugine plena. *Radix* crassiuscula est, subfusca, fibris aliquot prædita, quæ an vivax sit, asserere nequeo. Aliquid autem affinitatis habere videtur cum Filagine minore Dodonæi.

*Locus.*

Desertis quibusdam & ficcioribus colliculis nascentem aliquando observabam.

- \* 8. *Gnaphalium minus latioribus foliis* C. B. Park. Ger. emac. *Gnaphalium unico cauliculo* J. B. **Small broad-leaved Cudweed.**

*Clus.*

Unico assurgit *cauliculo*, aliquot ramulis in diversa se contorquentibus prædito, quos hinc inde sepiunt latiuscula, mollia & incana *folia*. Ad ramulorum internodia nascuntur, inter foliorum congeriem, quina, sena aut plura capitella, simul congesta, ex flavo canescentia, multa lanugine plena. *Radix* inutilis, sed deciduo semine novæ plantæ singulis annis renascuntur.

*Locus.*

In ficcioribus (quantum memoria Clusio succurrit) agris, præsertim demessa segete occurrit.

9. *Gnaphalium Alpinum pulchrum* J. B. *Alpinum magnò flore, folio oblongo* C. B. **Fair Lions foot, or Mountain Cudweed.**

*Caulibus* est palmaribus, dodrantalibus, altioribus etiam, tomentosis, quos *folia* vestiunt longa, angusta, villosa, trium quatuorve unciarum longitudine, culmo latiora. Summum fastigium flores gerit satis magnos, corymbatos, papposos, ex staminibus luteis atque splendentibus constantes, sessiles, molli lanugine intertextos, in medio foliorum xili carptam lanam imitantium, radiatorum. *Folia* propter terram multa, superioribus non multum absimilia, statim è radicem satis crassarum, nigrarum, multis fibris pullis capillatarum capitibus oriuntur.

*Locus.*

In montis Juræ præalto vertice la Dolaz dicto invenimus.

Huic affinis si non eadem planta est

10. *Gnaphalium Alpinum, magnò flore, folio brevi* C. B. dicta: *Gnaphalii Alp. pulchri aliud genus* J. B. *Leontopodium majus* Park. *Leontopod. five Pes leoninus* Ger. em.

Hoc à priori differt, 1. Quòd radicem tenuem foliæque brevia obtineat, cùm illud radicem habeat magnam, folia oblonga. 2. Quòd flores nigricantes ex fusco violaceo gestet, cùm hujus capitella pallescentibus flosculis constent, in reliquis conveniunt.

*Locus.*

Suspicio Lobelium minus curiosè plantam inspexisse, nec pictorem fideliter suas partes egisse, & proinde unam & eandem specie plantam esse hanc & illam. In arduis Italiæ & Germ. Alpini inque Baldo Veronenfi provenire refert Lob.

- \* 11. *Gnaphalio Alpino affine Leontopodium parvum Lobelii* J. B. *Gnaphalium Alpinum minus* C. B. *Leontopodium parvum* Ger. *Leontop. minus* Park. **Small Lions foot.**

*Lob.*

Dioscoridi & neotericis præterita hæc huic [iconi sci.] effigie habitūque toto convenit, singulari, dodrantali *cauliculo* & folio Gnaphalii montani, densa lanugine incanis: flosculis summo caule luteo-pallentibus Gnaphalii montani, exili lignæque radice.

Hanc plantam J. Bauhinus apud fratrem Casparum inter plantas ejus ficas se vidisse refert. At locum ejus natalem non indicant.

12. *Gnaphalium*

12. *Gnaphalium umbellatum minimum* J. B. *roseum* Park. *roseum sylvestre* & *roseum hortense* C.B.  
Rose Cudweed.

¶. B.

Plantula hæc vix uncialem magnitudinem superat. Ea aliàs unica & simplex, aliàs in plures velut ocellos divisa, ex foliis constantes candicantibus, hirsutis, inter quæ oculus conspicitur, minimi digiti unguem ferè latus, asperiusculus, ex flavo virescens. Coliculos etiam foliola vestiunt, prædictis minora. Radix ex meris fibris constat, lignæ duritiæ, nigris, contortis, ipsâ plantulâ longioribus.

In montis Ceti arenosis & maritimis sabuletis Maio mense floret: nos in insula parva ad promontorium Siciliæ Pachynum, nunc *Capo Passaro* dictum, collegimus.

Ab hoc non aliter quàm culturâ, & accidentibus inde ortis differre putamus *Gnaphalium roseum hortense* C. B. cujus ramuli triunciales, reclinati, foliis subrotundis cineti, quorum summitatibus flos rosæ modo expansus, disco luteo, etiam aureo foliolis ut in ramulis undique sustentatus [Parkinsonio duplici foliolorum circulo cinctus] insidet, eleganti spectaculo.

---

HISTO-

---



# HISTORIÆ PLANTARUM LIBER SEPTIMUS.

QUI EST

De Herbis cum flore ex flosculis fistularibus com-  
posito CAPITATIS dictis.



APITATÆ dictæ sunt hæ plantæ quia eorum semina cum pappo calice squamoso inclusa in formam subrotundam conglobata sunt capitis æmulam.

*Herbæ flore ex flosculis fistularibus composito, Capitata dictæ, sunt vel Capitibus*

*Maximis, squamosis, Pineæ Conorum æmulis, squamarum unguibus & floris fundo pulposis, esculentis, foliis aliàs lævibus aliàs spinosis: CINARA, Scolymus.*

*Minoribus, foliis*

*Spinosis, aculeis*

*Crebris & rigidioribus: CARDIUS.*

*Mitioribus & mollioribus, floribus*

*Flavis, seu cujus capitula foliorum circulo obvallantur, semina striata flavicant: CARDIUS BENEDICTUS; seu cujus semina lævia sunt, alba, purgatrix: CNICUS SATIVUS, Carthamus.*

*Purpureis; CIRSIIUM.*

*Spinis destitutis,*

*Per margines serratis, capitulis levibus,*

*Major; CENTAURIUM MAIUS.*

*Minor; folio*

*Laciniato paucioribus & majoribus lacinii: SERRATULA.*

*In tenuia segmenta, diviso: CRUPINA Belgarum.*

*Per margines æqualibus, Capitulis*

*Lappaceis, squamis in mucrones hamatos desinentibus, foliis maximis: LAPPA MAIOR, Bardana.*

*Spinosis, spinulis*

*Rectis: CALGITRAPA, Jacea echinata.*

*Reflexis: JACEA MURICATA.*

*Lævibus, flosculis marginalibus*

*Minus profunde dissectis, ore in lutum expanso: CYANUS.*

*Profundiù in longas & angustas lacinias divisas: JACEA.*

DE

## DE CARDUO IN GENERE.

**C**ARDUUS sic vocatur à *carere*, quia aptus carendæ lanæ; quod de Carduo fullonum dicto seu Dipfaco verum est. Alii autem Cardui ob convenientiam quandam cum Dipfaco in spinis ita dicti sunt.

Nullum nomen Græcum invenimus quod Latinorum Carduo respondeat. *Argemone* enim latius est & spinam significat; *Argemone* angustius, quod tamen Casp. Hoffmannus latè & in genere sumptum ad omnem plantam aculeatam, quæ in caput assurgat asperum, significandam extendi affirmat.

Nos hoc nomine comprehendimus plantas omnes *capitis* dictas, flore ex flosculis fistularibus composito, foliis spinosis seu aculeatis.

Cum Carduorum plurimæ species sint, multitudo autem confusionem pariat, clarioris doctrinæ & memoriæ juvandæ causâ eos in genera aliquot distinguemus.

*Primum* erit eorum qui capite sunt maximo, squamarum unguibus & florum fundo esculentis, foliis persæpe mollibus, qui *Cinara* & *Scolymi* dicuntur.

*Secundum* eorum qui floribus luteis, quales sunt *Cnicus* seu *Cartbamus*, & *Atractylis*.

*Tertium* eorum qui spinulis mollibus & innoxiiis. Hi sunt *Carduus mollis* & *Cirsium*.

*Quartum* erit de spinosissimis quibusdam nostratibus nullo caractere aut communi convenientiæ nota insignibus.

*Quintum* de iis quorum folia in spicula prælonga exeunt, *lanceatis* idcirco dictis.

*Sextum* de iis quorum folia lacteis maculis & lineis pinguntur, seu leucographis.

*Septimum* de Carduis foliis tomentosis & incanis, *Acanthis* dictis.

*Octavum* de Carduis quibusdam exoticis singularibus & sui generis, quorum plerique *Acanthis* Botanici dicti sunt.

## CAP. I.

## De Cinara seu Scolymo sativo.

**C**inaram nonnulli à puella ejus nominis, quæ in eam versa est, dictam fabulantur; alii à cinere quo lætatur: cui conjecturæ Columella occasionem dedisse videtur, cum scribat lib. II. cap. 3. *Multocinere stercoreandam, id enim stercoreis huic oleri videri aptissimum.*

Sed Græcam vocem esse Cinaram non Latinam ostendunt *Vossius* in Etymologico, & *Jo. Bodæus* à *Stapel* notis in Theophrast. Hist. lib. 6. cap. 3. ad quos Lectorem remitto. Quin si à cinere vel colore cinereo dicta esset, *Cinera* scribenda esset, non *Cinara*.

Cinara nobis dicitur Cardui genus capite maximo, conum Pineum æmulante, squamis crassioribus & majoribus, unguibus carnosius esculentis, ut & floris fundo, seu ima calycis parte cui innascuntur flosculi & semina.

Cinara vel lævis est, nullis neque in foliis neque in capite spinis seu aculeis, quo à reliquorum Carduorum norma abscedit: vel aculeatus seu spinosus.

1. *Carduus sive Scolymus sativus spinosus & non spinosus* J. B. *Cinara hortensis foliis non aculeatis* C. B. ejusdemque *Cinara hortensis aculeata*. *Artichoke*.

*f. B.*

Ad culinarum cupedias satius Scolymus folia è radice promit pedem & sesquipedem longa, semipedem ferè lata, in lacinias latas subsectas divisa, incano & cinereo tomento obsita, potissimum parte pronâ, nullo aculeo minacia, interdum nulla est lacinia angulifve qui non spinis rigidis lutesque minetur. *Caulis* pedem unum aut alterum altus, striatus, tomentosus, ramis aliquot donatus, in singulorum cacumine caput gerit turbinatum, squamis magnis, glaucis, carnosius, acuminè obtuso, alias spinâ robustâ præpilato, ungue infimo crassiusculo, tenero, vesco, albicante compactum, quod sensim divulsis squamis superius latefcit, tandemque floris stamina purpurascencia explicat.

Scolymi (pergit J. Bauhinus) duo habentur genera, sativum & sponte nascens. Sativi quidem nulla verè genera sunt, licet genera dicat esse Matthiolus. Ex ejusdem siquidem stirpis semine uterque tam spinosus quàm non spinosus enascitur. Quæ certissima est nota identitatis seu convenientiæ (ut cum Peripateticis loquar) specificæ.

Spinosus folia gerit non spinosi magis divisa, magisque laciniata, tenuibus circumdata spinis: caulem quoque non spinoso similem, striatum, subalbicansque, in cujus summitate echinatum aculeatumque extuberat caput, flore hyacinthino; semine Cnici minore. Radice nititur crassâ, firmâ, non infuavi. Addit insuper J. Bauhinus descriptionem non spinosi quæ ferè eadem est descriptioni generali superius positæ. Caput figurâ Nucis pineæ esse scribit, ex latis squamis coagmentatum, cujus squamæ figurâ folii Laurini aut Myrtini in aculeum definunt brevem, nunc robustum, nunc infirmum, nunc propè nullum. Semina inter candidam lanuginem contenta, oblonga, lævi cortice oblecta candido vel nigro.

Siquis



Siquis Cinaram hortensem aculeatam & non aculeatam inquit C. B. eandem fecerit, non repugnabimus: quia foliis est aliquando aculeatis, aliquando mitibus. Sic caput nonnunquam in gracilem metam erigitur: nonnunquam in compressiorem & rotundiorem globum extuberrat; laminis interdum sponte sese recludentibus, interdum arctius compactis: capitum squamæ nunc viides, nunc pallentes, nunc subrubentes, in aculeum desinentes, nunc brevem, nunc robustum, nunc infirmum eumque in aliis sursum erectum, in aliis deorsum inclinatum, nunc prope nullum. Est quædam capite maximo, quæ dicitur & pingitur sub Cinara maxima Anglica Lob. Hactenus C. Bauhinus. Has omnes varietates, si ex eodem semine proveniant, vel aliquando provenerint, specie convenire libenter concesserim, quemadmodum Malos & Piros omnes ejusdem speciei esse contendo ob dictam rationem; quamvis in earum ramis, foliis, & præcipue fructibus, magna observetur accidentium diversitas & dissimilitudo. Observavi tamen tum in Anglia, tum in exteris regionibus duas Cinararum differentias, quas specificas esse suspicor, alteram capitibus longioribus, squamis sese sponte recludentibus & à capite extantibus; alteram capitibus rotundis, laminis arctè compactis & sibi invicem incumbentibus, quæ etiam ramosior est præcedente, & plures producit fructus, simillimos iconi Cinaræ maximæ Anglicæ apud Lobelium aliisque Botanicos. Cæterum si ex eodem semine, ut J. Bauhinus & Lugdunensis Hist. Auctor affirmant, Cinara hortensis aculeata & non aculeata proveniant, poterant quoque & hæc etiam varietates ab eodem semine aliquando oriri, cultique fortasse & mangonio aliquantulum immutari.

Usus.

Apponuntur capita in aqua cum tantillo sale decocta donec teneantur, eorumque pulpa & squamarum ungues eduntur cum butyro cui modicum aceti & piperis admiscetur: nec tantum capita nondum florescentia sed & caules teneriores elixatos & cum butyro & aceto conditos comedunt Germani & Galli. Itali capita raro decoquunt, sed cruda cum sale, oleo & pipere vorant.

Vires.

Venerem in utroque sexu irritare dicuntur, ut quod maximè. Nil mirum igitur (inquit Bauhinus) si in tanto pretio sint, ut sine cibo hoc, nisi tempus anni neget, vix ulla opipara sit aut adjicialis coena: imò mulieres Carduum hunc adeo ambire; ut diligentiori earum culturâ effectum sit, ut non tantum echinata eorum pinæ, sed radices, caules & folia, per totam hyemem, quæ cætera contabescunt, nobis in cibum suppetant.

Scolymus urinam ciere præcipue traditur, quem tamen affectum in nobis non sumus experti.

Truncus Cinaræ, autore Jouberto, ex melle potius condiendus adversus pulmonum infarctum. Sumi verò debent Cinaræ caules terrâ obruti, & candidiores facti saporisque mitioris.

Cinaræ sativæ folia in Zythogalo, seu liquore posseti nostratibus dicto è lacte & vino albo parato, decocta ad icterum imprimis commendantur ut medicamentum nulli secundum.

Cinara stercorata & solutam terram diligit. Columella, multo cinere stercorandam dicit: id enim genus stercoris huic oleri videtur aptissimum.

Hyemes asperiores ægrè tolerat, ideoque hortulani nostri stramine aut fimo eam contegere solent.

2. *Cinara sylvestris* Ger. *sylv. latifolia* C. B. *Scolymus Dioscoridis* Park. *Cardus Scolymus sylvestris* J. B. **Wild Artichoke.**

J. B.

Sativæ perfoliata est, caule procero, hominis altitudinem assequente: Folia amplissima, cæsurâ sativæ, sed tomento copiosiore obducta, quorum nulla est lacinia quantumvis exigua, quam non arment spinarum mordacium flavescens spicula, quibus & singula capituli squamarum extrema, sed majoribus multo rigidioribusque horrent; ipsa verò capita sativi capitibus magnitudine cedunt. Flos stamineus consimilis, purpureus. Semen Cnici. [Verius Flos ex flosculis laciniatis arctè stipatis componitur.]

Locus.

Vires.

In Sicilia & Italia, necnon in Gallia Narbonensi subinde occurrit.

Floribus ejus coaguli loco ad lac in caseum densandum rustici utuntur: ejusdem florem vulgò credunt contra foeminarum sterilitatem valere, & gravidarum partus ad justum usque tempus continere.

\* 3. *Cinara spinosa* cujus pediculi estantur C. B.

De hac C. Bauhinus in Pinace sequentia habet: Foliorum pediculi terrâ obruti, candidi, à cute emundati, hyeme crudi cum sale & pipere in cibos veniunt: & licet capitula sint spinosissima, longissimis aculeis armata, & vix vesca, colitur tamen ut stiones teneri gulæ arideant.

Quam plantam intelligit hoc titulo C. Bauhinus mihi non constat. Synonyma quæ adfert, J. Bauhinus Scolymi sativi aculeati superius descripti synonyma facit. Parkinsonus in Parad. hujus meminit sub nomine *Chardon*, proceramque & crebris acutis spinis horridam, colore glauco esse scribit.

\* 4. *Cinara sylvestris Cretica* C. B. Park. *Cardus Agriocinara Cretensium* ex quo *Costus niger* Officinarum J. B.

Bellon.

Supra Chifami arcem in insula Creta (Autore Bellonio in Obs.) ea montis parte quæ Calohierorum monasterium, cui nomen D. Joannis de *Prædermos*, situm est, Artichocæ sylv. genus crescit, pastoribus *Agriocinara* appellatum, cujus radicem cubitalis longitudinis, & humani cruris crassitudinis, foris & intus nigram, pyri in modum turbinatam *Costis Indici* loco in Aromatariorum officinis venalem esse asserimus. Capita fert instar Cinaræ sive Artichocæ, quæ pastores cruda mandunt.



mandunt. Ejus flos maxima ex parte candidus est ( licet & purpureus inveniatur ) & suavis odoris. Ipsi radices Chamæleonis albi radicibus similes sunt, & folia Chamæleonis nigri foliis. Differt ab aliis Artichocis sylvestribus multis Italiae locis nascentibus.

- \* 5. *Cinara sylvestris Pyrenæa. Centaurium foliis Cinaræ Cornut. Centaurium majus Pyrenæum Park.*

*Cornut.*

Brachiali radice atræ crassitudine in altum descendit; foliis ampla magnitudine laciniosis, divi-  
surâ Cinaræ folia referentibus, colore supra viridibus, infra candidis: tenuis quippe lanugo hac  
parte nascitur, adeo lævis & polita, ut coloratam potius quam tomento obductam putes. Naturæ  
lufus detegitur cum rupti folii portio utraque à se divellitur. Bicubitalis caulis, angulosus, lanugino-  
sus, foliis undique luxurians, in plures alas dividitur. Fert in cacumine capitula calathi effigie, squam-  
mulis aculeatis imbricatim aggestis hispida, quæ exiguæ Cinaræ magnitudinem implent, color ful-  
vus: dum dehiscunt singula florem aphyllanthem, purpureo quodam glomeratum corymbo expan-  
dunt ( quod vix ante Augustum apud nos evenire solêt ) Excussio flore capitula clauduntur: inest  
iis semen copiosum, Cnico simile; paucis inde diebus maturitate paulatim dehiscencia inclusa lanu-  
gine semina ostendunt. Sapor austerus & subamarus. Bilem subducit intestinis morantem, sum-  
môque habetur contra rheumatismos præsidio.

Montium Pyrenæorum incola est.

Planta hæc foliorum divisiura & colore, capitulorumque magnitudine Cinaram se prodit esse genuinam.  
Et fortè ab hac specie semine satâ, & in hortis cultâ ortæ sunt omnes Cinararum bortensum varietates.

*Locus*

- \* 6. *Chamæleo albus Apulus purpureo flore gummi fer Col. albus verus acaulis Park. Carlina  
acaulis gummi fera C. B. rectius me iudice Cinara acaulis gummi fera dicenda.*

*Col.*

Huic radix crassa est admodum & longa, foris rufescens, intus alba, lactescens, aromatico gravi  
parum odore, non injucundo, cerebrum petente; dulci sapore, edulis: quæ cum extirpatur, si  
vel minima fibrilla violetur, statim ea parte lac emittit, in grumos ob viscositatem concretescens;  
etiâque grumis hærentibus invenitur effossa circa summas radicularum soboles, ex quibus frutice-  
re observavimus & in plantas plures dividi vetustate: in quibus singula capita orbiculata, mali par-  
vi magnitudine, singulis foliorum umbilicis hærentia inveniuntur, echinata, ut in vulgata Carlina,  
humi jacentia. Huic verò spinosum caput sive Acanus, in quo flos concipitur, minimè ut in vul-  
gari à radiantibus foliolis illis veluti coronâ dispositis inter caput & folia magna circumdatur, ( qui-  
bus caret ) nec floris umbo planus atque depressus conspicitur inter pallentes ejusmodi barbulas  
magnas undique radiantes, illumque Chrysanthemi ritu coronantes; sed elatior, tumescens, ruf-  
fas minutâque barbulas seu potius squamas occultans, atque papposus. Flosculi quidem in quinque  
partes singuli dividuntur, tenues admodum ut capillares ferè videantur, non secus ac in floribus  
Scolymi sive Cinaræ, quibus simillimi effigie, colore verò non ita cæruleum imitantes, sed potius  
purpurascens. His marcescentibus candidum pappum emittunt interna semina singulis flosculis  
subjacentia, ut in Cinara & Acanaceis, oblonga, cinerea, splendida, non ut Cnici crassa, sed Cni-  
ci modo contenta & effigie.

Junio mense acanum profert, Julio dehiscere incipiens suaverubentem canam lanuginem osten-  
dit, quæ deinde Augusto extuberans, purpureo colore florens perficitur; Septembri perfectio ca-  
nescens pappo cum semine evolantè. Folia huic pedalia vel majora, magis profundè incisa & spi-  
nosiora vulgari, Scolymi sive Cinaræ similiore divisiurâ, colore albicantia velut canescentia, infer-  
nè hirsuta; [ quandoque virentia in eruptis Maio mense observavimus, ut diversa videretur planta: ]  
in vetustioribus & arefcentibus rubentia, ut in aliis plantis observatur.

*Tempus*

In Apuliæ Cirinolæ sterilibus devexis locis Occidentalibus editis frequentissimam observavimus  
hanc plantam.

*Locus*

Rustici armentorum duces gummi quod in Acano & inter spinosa folia calicis emanat colligunt  
ex hac in Apulia, illudque appellant Cera di Cardo, quia concretum velut cera durefcit, atque ubi  
attrahendi opus sit eo utuntur. Vix enim est planta cui sponte gummi hoc non hæreat. Non secus  
ac viscum dum recens est adhæret, & in fila protenditur, colore candido, nam ex lacteo succo con-  
crefcit, & deinde collectum ceræ modo densatur, contrectatûmque inficitur nigresciturque. Hæc  
omnia Columna.

*Ufus*

Hæc planta ob flosculos fistulares ex quibus flores componuntur ad Cinaras reducenda est, qui-  
buscum & seminibus & foliorum divisiurâ convenit.

- \* 7. *Carduus Pineæ Theophrasti Alpin. exot. Chamæleon albus gummi ut mastix ferens. Hon.  
Bell. Ep. 1. ad Clusium.*

*Alpin.*

Ab unica radice exit, foliâque numerosa producit, longa, multa, simul à radice prodeuntia,  
digitum lata, in nervum acta, Papyri seu Cyperi foliis proxima, sed albidiora, duriora, latiora & le-  
nia; in quorum medio quasi obrutum caput acanaceum occultitur, spinis exterius longis, densis, in  
crucis modum actis custoditum: intus verò lanuginem albam, densam, induratum; in qua, & ex-  
terius in eodem capite circa spinas gummi parvum, colore fulvescens, Mastichi simile, odoratum  
& calidi gustûs inhærescens cernitur. Radix verò crassa ut pollex, longa, sensim ac sensim graci-  
lescens,

D d

lescens,



lescens, in extremumque tenuissimum desinens, exterius fulvescens in nigrum inclinans, intus alba, suaviter olens, fervidi gustus, Carlinæ similis, ab eaque differens remisso jucundioréque odore.

Ex insula Creta accepit Pr. Alpinus pro Chamæleone albo, quam tamen sententiam improbat & refutat, ut apud ipsum videre est in *Exot.* lib. 1. cap. 56.

Affinis est Plantæ præcedenti, non tamen eadem, ut descriptiones conferenti patebit: quamvis C. B. præcedentem plantam pro Chamæleone albo Hon. Belli, (quæ proculdubio huic idem fuit) habuerit; quod tamen mirum non est, cum Bellus Chamæleonem suam non descripsit; sed de eo duntaxat retulit, quod radicem habeat maximam, odoratam; quodque Junio & Julio circa echinum gummi destillat, quod pueri legunt & aliquantulum masticant, postea digitis lavigant & complanant, complicatúmque in vesiculæ formam super alteram manum fortiter impellunt, ita ut exitu vesicula rumpatur & strepitum edat, quo ludi genere summo opere pueri delectantur.

## CAP. II.

## De Carduis flore luteo insignibus.

**H**is ob similitudinem in aliis partibus unam addemus speciem quæ flore est cœruleo.

## De Cnicofativo seu Carthamo.

Cnicus quæ & Cnecus scribitur dicitur ἀνὸς ἢ κνίζων, quod mordere & pungere significat, vel ἀνὸς ἢ κνίζον, quod pungendo pruriginem excitet; quod de sylvestri rectius quam de sativo dici potest: an potius à floris colore, cum ἀνὸς exponatur croceus, rutilus? C. B.

Carthamus aut Curtamus à voce Mauritanica *Kartam* dicitur, non à *κνίζων*, ut nonnulli volunt.

*Vires & Usus.* Flosculis tuis condimenti vice utuntur, nec malè, cibos enim croceo colore commendant, & alvum emolliunt. Dicuntur & ictero mederi; quod, cum tenuium partium sint & tingendo apti, verisimile videtur, nam pleraque hujusmodi ictero conducunt.

Præcipuus florum usus est ad sericum alióque pannos tingendos [colore incarnato] Quin & eorum admixtione Crocum adulterant nonnulli.

Semen tustum ac in jure carnium aut Ciceris arietini bullitum ac potum pituitam viscosam ac aquas vomitu ac dejectione purgat; hinc medicamentis phlegmagogis accensetur. Pectori maxime confert, mirè flatus discutit, proinde colicis & anasarcae conducit. Ventriculo adversatur, idèque corrigitur stomachicis, Aniso, Galanga, Cinnamomo; quatenus tardæ est operationis, additis acribus, quæ urgeant ad exitum, Cardamomo, Zingibere, Sale gemmæ, &c. Dosis in infuso à ʒiij. ad vj. N. B. Medullæ tantum ad purgationes usus est. Decorticandum autem est (monente C. Hofmanno) cum scalpello, licet magna cum molestia. Si enim quis pistillo ausit, perdidit oleosam substantiam, in qua vis omnis.

Ex semine facta compositio Diacarthami insigniter confert hydropicis.

Seminis succus lac cogere dicitur, & magis ipsum resolvendæ alvi facultate donare.

1. *Carthamus sive Cnicus* J. B. Ger. emac. *Cnicus sive Carthamus sativus* Park. *Cnicus sativus sive Carthamus Officinarum* C. B. *Bastard Saffron or Hat-flower.*

## J. B.

Tereti surgit caule singularique, qui superius in ramos dividitur. Folia per caulem ramóque indigesta, nervosa, glabra, brevibus spinulis per ambitum donata, sescunciam aut uncias duas longa, unciam ferè lata, in acumen desinentia, angustâ cervice ramis adhærent. Ramulorum extremis insident capita inter folia squamata, è quibus flores explicantur staminei, saturo Croci rubore tincti. Semen pappo adhæret oblongum, album, medullâ dulci, albâ.

*Locus.* Seritur in hortis, & agris etiam, circa Argentinam Germaniæ urbem. Locus ejus natalis videtur esse Ægyptus: Scribit enim *Plinius* lib. 25. cap. 15. Italiam Vespasiani principatu hanc ignorasse, & in sola Ægypto celebrem.

*Tempus.* Floret Julio & Augusto; semen interea perficitur, & eodem quo seritur anno exinde inarescit.

Carthami semen, quod homini catharticum est, Psittaci, referente Matthiolo, non solum innoxie esitant sed & commodè nutriuntur eo & pinguescunt. Caterum accuratam omnium hujus plantæ partium descriptionem si desideras, eam tibi exhibebit *Jo. Bodæus à Ssapel* Commentar. in Theophrast. Hist. lib. 6. cap. 3. pag. 605.

2. *Cnicus sive Carthamus flore cœruleo* J. B. *Cnicus alter perennis Clusii* Park. *cœruleus asperior* C. B. *alter cœruleus* Ger. *Blue flowered bastard Saffron.*

## Clus.

Unicus plerunque huic caulis est, interdum statim à radice dividitur in binos, ternos aut quaternos ramos, cubitales, firmos & lignosos, perinde ac ipse caulis, nullis tamen aut quàm paucissimis aliis ramis præditos. Folia panè Cnici vulgaris, candidiora, paulò longiora, & pluribus venis distincta. Capitula Cnici è squamis imbricum instar sibi invicem impositis conflata, è quibus flos colore



colore diversus, nam luteus non est, sed ex multis staminibus [ rectius flosculis ] cœrulei coloris constat. Semen Cnici semine minus & subruffum. Radix pollicaris crassitudinis est, carnosa, succulenta, foris fusca, non annua, ut vulgaris radix, sed aliquot annos interdum permanens.

Circa Cordubam in segetibus inventus est à Clusio & in agro Hispalensi, florens Maio & Junio. Locus & Tempus.

\* *Carthamus sativus flore croceo Tingitanus* Hort. Lugd. Bat.

Hæc species nomine tantum nobis cognita est, ideoque nihil dum habemus quod de ea dicamus.

3. *Carduus benedictus* J. B. Ger. Park. *Cnicus sylvestris hirsutior sive Carduus benedictus* C. B. **Holy Chistle.**

*J. B.*

Radice nititur albâ, multifidâ, succosâ. Folia ei laciniata, Sonchi aut Dentis leonis ferè divisa, spinulis brevibus armata, sine pediculis caulibus adnascencia, alternatim posita, hirsuta, colore quem in Boraginis foliis cernere est. Caulis ab eadem radice singularis, multis alis concavus, & ab imo statim plures emittens ramos, supinus partim, partim erectus, subpurpureus, striatus, villosus. Flores parvi, lutei, multis flosculis quinquepartitis compositi, stylo trifido in uniuscujusque medio extante, quem quinque staminula apicibus longis, fulcis, sibi invicem adnatis, & velut tubulum quandam efformantibus donata amplectuntur. Floribus subsunt capitula squamata, squamis majoribus splendidibus, quarum singulæ in spinas longas, erectas, utrinque itidem spinulis dentatas, florem obvallantes exeunt. Singula autem capitula sex septemve folia erecta, è lara basi in acutum mucronem paulatim desinentia calicis in modum circumambiunt. Tum folia hæc, tum spinulas modo dictas lanugo multa intercedit & connectit. Capitulis multo pappo stipatis semen inest oblongum, striatum, subluteum, floccis rigidiusculis radiatis appensum.

Tota planta amarore insigni prædita est, radice excepta quæ nobis gustantibus vix leviter amaricare videbatur.

Experientiâ didici ( quod ante nos observavit F. Columna ) capitula hujus Cardui antequam flores pandantur, & florida mensè Maio ( apud nos Junio Julioque ) recisa succum sanguineum paucum fundere: *J. Bod. à Stapel.*

Carduus hic, ab immensis viribus quas habere creditur *benedictus* & *sanctus* denominatus, ad Fredericum III. Imperatorem ex India missus fertur. Quod ut non nego ( inquit C. Hofmannus ) ita compertum fuit postea in Europa etiam spontaneum esse. Nam & in Lemno insula nascitur, Autore \* Bellonio; *Qui à nostris vulgo Carduus benedictus appellatur, sponte in agris nascitur, nec aliâ quâ culturâ indiget.* Græci nomine corrupto *Gaidaracantha*, hoc est asininam spinam nuncupant: atque etiam in Gallia, nimirum in arduis Alpibus Galloprovinciae propè Monstérias, *Marignols* vocatis, ubi effodiuntur crystallinæ, irides, & varii coloris alii lapides: Crescit in summo montis rigidior & aliquanto minor hortensi. \* Lib. 1. Obs. serv. cap. 25. Locus.

Hujus vires ab aliis fusè traditas sic paucis complectitur C. Hofmannus: Plurimum potest in decocto, præsertim in Vino cum febris abest; minus in pulvere; iterum minus in aqua destillata. Laudatur in pituitosis capitis affectibus, hemicrania, surditate, vertigine, epilepsia; destillationibus ad pectus; quin in hydrope, quartana, omnibus febribus longis, quippe ab obstructionibus pendebus.

Laudatur in colicis, nephriticis, ischiadicis, partim discutiendo, partim ad vias urinarias deducendo.

Præcipua ejus laus est in peste foras & intus: intus pro præservatione & curatione, sudoribus ciendis; foris pro ruptorio bubonum. Ideo in aliis etiam apostematis usurpatur.

N. Si sub initium Junii collectus fuerit vulnera recentia mirabiliter sanat, sin alio tempore nunquam id præstabit.

Nostrates in zythogalo seu liquore Posseti dicto herbam exsiccatam decoquunt, eoque utuntur minore dosi ad sudorem provocandum, in larga quantitate ad vomitum ciendum, & ventriculorum expurgandum.

Vinum tempore Autumnali cum eo factum paulò minus quàm panacea est apud vulgus Germanicum. *Hofman.*

Pervelim Medicinæ candidatos observasse ( inquit Simon Paulus ) vix huic secundam aliquam repertum iri herbam in consolidandis putridis & contumacibus ulceribus & in Cancro ipso. Testantur nonnulli mulierem quandam, cujus mammae cancro ad costas usque consumptæ fuerant aquâ destillatâ, pulvere foliorum insperso mundatam ac sanatam fuisse. Putrida & cava ulcera cujusdam viri, cui erosa fuerat ad ossa usque caro omnis tibiarum, quique bona omnia in curatione frustra expenderat Arnoldus Villanovanus vidisse se refert hac tandem ratione sanata. Recentia Cardui benedicti folia contusa cum vino generoso decoquebat, additâque postea liquefacta porci axungia ebullire sinebat, tandem injectâ farinâ Triticeâ continuè spathulâ agitabat, quoad omnia in Emplastri consistentiam coalescerent, quod calidum bis quotidie ulceribus imponebat. *J. B.*

Memorant alii Paviæ olim quandam puellam incautè toxicatum pomum esitentem, cum mox urgeretur enormibus symptomatis, quæ neque Theriacâ, neque Alexipharmacis mitigari potuerunt, solius aquæ Cardui benedicti haustu esse servatam. *J. B.* Hæc equidem apud me fidem non inveniunt.

In Scorbuto Carduum Benedictum mirè laudabat nostro tempore Jo. Jacobus Hortigius Med. Venetus. Hieron. Velschius Obs. 51. Habui à D. Soame.



4. *Atractylis* Lob. Ger. *lutea* C. B. *flore luteo* Park. *vera flore luteo* J. B. *The Distract-Thistle.*

## Col.

In planta juvene & tenella *radix* parva est, duro cortice, foris pullo, dulci sapore, gravi odore: *Folia* prima carnosa, humi hærentia, expansa in orbem, lata, oblonga, (triuncialia aut longiora) per ambitum aculeata, quæ postea laciniis paulatim dissecantur, *Calcitræ* vulgaris & aliorum *Carduorum* modo, virentia, sed alba lanugine obsita, aspera sed non pungentia dum in terra jacent, atque pluviam marcescunt antequam caulis erumpat. In vetustiore verò planta lignosa est *radix*, atque *folia* dodrantem longa & minora, cum caulis erumpit (menfe Aprili) lævia, profundè lacinata, aculeata magis, duriora atque pungentia, bipedalem *caulem* alternatim ambientia, qui solidus, rotundus, hirsutus, crassus, atque in summo alis divisus paucis, in quibus minora habentur folia, *Cnici* formâ & modo hærentia, inter quæ lanosior araneosa veluti ac longa lanugine dependente obsitus est (sicuti & alæ) tactu gummosus, odoratus, gravi & aromatico odore, thus quodammodo imitante, sed graviore nec tamen ingrato. Ab ima florum parte ut & summis virgis oblonga dependet lanugo, ut ex colu solet ad nendum aptatâ, ob cujus similitudinem *Atractylis* hæc dicta fuit. *Capitula* tria aut quatuor sylvestris planta profert Julio menfe, *flores* luteos obsoletos minutis foliolis ut *Cnici* constructos, paucos & inconcinnos edentia; foliaque tunc magis rigent atque pungunt atque etiam capitula, nec succum ampliùs fundunt affrictis venulis, ob humoris diminutionem & siccitatem. Singulis floribus *Cnici* modo & *Acanaceorum* singula subsunt *semina*, minora verò, nec pappum hirsutum & plumosum ut in aliis, sed radiatum velut stellæ, radiis latis in acutum definentibus, fulvescentibus, splendidis, inæqualibus. *Semen* verò quadratum, rhomboides, *Cnici* æmulum, ex albo purpurascens primùm, deinde flavescent atque perfectum nigrum, splendidum, punctis velut inscriptum. Caulis cum florere incipit jam denudari incipiens, pauca tandem circa capitula folia relinquit, eaque maximè pungentia, durus, atque cacumine hirsutus, ut *Colus* vicem de se præbeat atque æmuletur, dependente veluti stamine candicante illa oblonga lanugine.

Hujus plantæ *radix*, *folia* atque *capitula* virentia, avulsa aut recisa quovis anni tempore ab exortu initio seu germinatione prima ad florum usque productionem (postea enim arefcit) sanguineum succum semper emittunt, in venulis servatum, nam in carne aqueum vel virentem habent. In radice disrumpita aut caule reciso venulæ circa corticem dispositæ cruentâ stillâ emicante se produunt.

## Locum.

In Italia & Gallia Narbonensi, necnon circa Genevam, ad vias & agrorum margines ubique ferè provenit.

Nunquam observavimus *Atractylidis* florem colore purpureo variare, ut volunt Lobelius & Dodonæus.

Quin si reperiatur hujusmodi *Atractylis* solo floris & foliorum glabritie à descripta diversa, non libenter pro specie distincta, ut vult C. Bauhinus, eam admiserim.

\* 5. *Calochiarni Carduus Cretensibus* J. B. *Atractylidi* & *Cnico sylvestri similis* C. B.

Cum Hon. Bellus hanc plantam *Atractylidi* similem, majorem tantum fuisse ad Clusium scribat: Ex Clusio eandem semine à Bello missa natam, (quæ antequam florem proferret gelu corrupta est) *Atractylidi* pariter valde similem dicat; neuter autem plantam in statu viderit, nescimus an alia in re quam magnitudine sola à vulgari *Atractylide* differat. D. Covell semen ejus titulo majoris *Atractylidis* ad D. Dent Cantabrig. misit. Veteres *Atractylidi* magnam vim contra venenata animalia tribuunt: item contra fungos. Fabulosum est à Scorpione percussos quamdiu teneant eam herbam non sentire cruciatum.

*Atractylis* dicebatur, quod eâ antiquæ mulieres pro fuso uterentur. *Aspid* enim fuso significat. Imò nunc dierum in Thracia circa Constantinopolin caulibus ejus pro fuis utuntur mulieres Græcæ, id attestante D. Covell. Ibi enim humanam altitudinem assequitur, cumque adoleverit folia decidunt & caulis rigidus evadit. Est autem hæc ab *Atractylide* vulgari hirsutior, quæ ibi etiam passim oritur, specie diversa, eodem asserente in literis ad D. Dent Medicum & Pharmacopolam Cantabrigiensem datis.

\* 6. *Cnicus singularis* Alpin. exot. alter *Creticus* Park.

## Alpin.

In Creta nascitur, unicum *caulem* ab radice producentem, rectum, rotundum, semicubitalem, hinc inde *foliis* longis, in acutum definentibus, undique crenatis & spinosis vestitum: in cujus summitate caput extat inter folia spinosa conscriptum, *Atractylis* magnitudine: è quo exeunt capillamenta densa, crocei coloris, simul stipata *florem* constituentia, in quibus *semina* alba *Centaurii* majoris similia continentur. *Radix* verò est crassa, longa, ad *Rapunculi* radicem accedens, nigricans.

Seminibus utuntur montani purgationis causâ.



## CAP. III.

## De Carduis Spinulis mollioribus, sive

## De Cirſio.

**C**irſium *Kiſm* dicitur quòd varicum dolores, quos Græcorum medici omnes *Kiſm* vocant ſe-  
det leniãre.

Cirſium Recentioribus dictum à cæteris Carduis spinularum molliet & imbecillitate dif-  
fert, à Cnico, Carduo benediſto & Atractylide tum capitulorum parvitate, tum florum colore pur-  
pureo.

Carduum pratense Tragi & Carduum bulbosum Monſpelienſium ob spinularum molliet ſub  
hoc titulo comprehendo.

1. *Carduus pratensis latifolius* C. B. Park. *pratensis Tragi* J. B. Tragus *his Meadow-Chistle*.

ſ. B.

Novicellus eſt Tragi pratensis carduus & mitibus spinis donatus. *Caulis* ſtriatuſ, glaber, trium,  
quatuorve cubitorum altitudine; cui *folia* ex longis intervallis adnaſcuntur pallidè virentia, alia cu-  
bitum longa, alia palmum, alia ſatis profundè laciniata, alia duntaxat ſerrata, mollia & tenera.  
Ramis in quos cauſ ſinditur inſident capita ſatis magna, ſimul multa congeſta, mollia, è quibus  
*flores* exeunt ex flavo pallescentes: *Semen* Cnici minus: *Radix* craſſa.

In pratis Rheno vicinis propè Argentoratum, Baſileam, &c. abundè provenientem & Julio men- *Locus*  
ſe florentem obſervavimus: J. Bauhinus in pratis montis *Thuri* non longè à Geneva; & in monte *ſ* *Tempus*  
propè oppidum S. Hippolyti.

Quòd *folia* in cibis quoque ut reliqua olera expetantur ideò à mulierculis *Brassica graminea* ap-  
pellatur. Eſt autem inter omnes Carduos hic tenerrimus, ſi ſpinas conſideres molliuſculas ſ. B.

Aprili menſe quotannis nova candida *folia* è capillata exeunt radice. ſ. B.

Loca natali [in pratis] & floris colore pallido ab aliis omnibus Carduis facilè dignoſcitur.

2. *Carduus pratensis Asphodeli radice latifolius* C. B. *bulbosus Monſpelienſium* Park. *bulbosus Monſp.*  
*sive Acanthus Sylvestris quibusdam, foliis laciniatis* J. B. *Tuberous-rooted Chistle of*  
*Montpellier.*

ſ. B.

Fecit *foliorum* non inepta ſimilitudo ut *Acanthi sylvestris* nomen meruerit: ſunt ea namque *A-*  
*canthi* ſeu *Branca* urſinae foliis aliquatenus ſimilia, admodum nigricantia, paulum hirsuta, vel po-  
tiuſ tomentola, craſſiuſcula, cum spinulis in extremitatibus laciniarum, quorum pediculi ad radi-  
cem rubescunt. *Caulis* bicubitalis, rubentes, imprimis parte ima, quorum ramis longis capita in-  
ſident aliquot, *Cirſii* capitibus ſimilia, miti, ſquarroſo echino, *floribus* ſtamineis purpureſcentibus  
comato, qui tandem in pappos reſolvuntur: *Semen* album oblongum. *Radices* ex uno capite plu-  
res dependent, turgidulae, bulbos imitatae, ſapore nonnihil ſaluſuginoſo, in quo & *Plantagineus* gu-  
ſtus elucet. *Locus.*

In pratis Monſpelio vicinis abundè oritur, ut tituli initio allati indicant.

3. *Carduus Cirſium dictus folio laciniato nigrius, & idem cum Asphodeli radicibus bulbosis* J. B. *An*  
*Card. pratensis Asphodeli radicibus* Park?

ſ. B.

Cirſio affinis eſt hic Carduus, laciniatis spinoliſque membranis *caulem* ſtriatum ornantibus: at  
verò *folia* palmum & ſeſquipalmum longa, glabra, nigricantia, profundis *Carlinæ* vulgaris laciniis  
inſiſa, rigidioribus spinis horrentia: ſcapi folioſam & spinolaſam ſimbriam habent, & in longos ra-  
mos dividuntur: in quorum extremitatibus *flores* purpurei, verum capita ſquamata ſingularia unde  
emicant. *Radix* ſatis craſſa, à quà pendent prælongæ fibræ nigrae, *Hellebori nigri* vulgaris æmulæ.  
Hæc deſcriptio eſt ex planta ficca, quæ fortè bulbola fuit.

In montibus propè Genevam ſponte oritur: J. Bauhinus eundem obſervavit in montibus circa *Locus*  
*Wasserfall*, florens Auguſto. *Tempus.*

Dubitat J. Bauhinus an ſit *Acanthus sylv.* alter *Dalechampii Lugd.* quem C. Bauhinus titulo *Cardui*  
*pratensis Asphodeli radice, foliis profundè & tenuiter laciniatis* proponit: eſtque *Jacea tuberosa Ger. & Tab.*

4. *Cirſium montanum maximum* Park. *Cirſium tomentosum radice bulbosa, quibusdam Leucacantha*  
*Anguillaræ* J. B. *maximum Asphodeli radice* Ger. emac. *An Cluſio Cirſium 4. sive montanum?*

ſ. B.

Ex eodem capite multæ pendent radices *Pæoniæ* vulgaris [aut *Asphodeli*] more, candidæ, gu-  
ſtu ferè inſipido; unde *folia* primùm promuntur dodrantalia & cubito longiora, mollia, incanà  
lanugine ſupra, infraque obducta, per ambitum dentata & paulum velut laciniata, spinoliſque bre-  
vibus & mitioribus obſiſta, in acutum deſinentia: poſt *caulis* & iſ quoque folioſus attollitur, bicu-  
bitalis & major, craſſus, incanus, [cristatus ſeu ſimbriatus] inque ramos ſumma parte diviſus.  
*Flores* ſingulis, nudis & prælongis pediculis inſident ſinguli, è capitulis ſquarroſis, albicantibus, spi-  
nulis



nulis mitioribus obsitis, minoribus quàm pro plantæ magnitudine exeuntes, flosculis purpurascen-  
tibus compositi, qui in pappos abeuntes *semen* relinquunt parvum, album.

Plantam hanc grandem sanè & speciosam in hortulo nostro Cantabrigiæ aliquando aluimus.  
Parkinsonus eam sub titulo superius posito exactè describit, & pro Cirsio maximo Asphodeli radi-  
ce C. B. i.e. V. Clusii seu *max. montano, incano fol. bulbosa radice*, habet. J. Bauhinus ad quartum  
Clusii refert, i.e. Cirsium foliis non hirsutis, floribus compactis C. B. minùs rectè.

5. *Cirsium maximum foliis carnosis, bulbosa radice, fortè Lutetianum* J. B. *Cirsium max. Asphodeli  
radice* C. B. *maximum montanum incano folio, bulbosa radice* sive V. Clus. *an idem præce-  
denti?*

Clus.

Ad Cirsii genera refert Clusius etiam id Cardui sive spinæ mollis genus, quod in bicubitalem &  
majorem interdum altitudinem excrevit, pollicaris crassitudinis caule, striato, incanâ tomentosâque  
lanugine obsito: *Folia* illi majora quàm in superioribus generibus, magis carnosâ, succi plena, vi-  
ridia, in ambitu dentata, mollibusque spinis hirta. *Capita* in summo caule summisque ramis ma-  
jora jam descriptis, quæ in stamineos, purpureo colore nitentes flores expansa, maturitate in pap-  
pum resolvuntur, *Radix* multis crassis fibris, Asphodelinos bulbos satis referentibus & oblongis  
firmatur.

Locus.

Nascitur in montanis pratis, etiam ad piscinarum udos margines, inter salices Amerinas quoque  
& harundines. Floret Julio.

Cirsium hoc à superius proximè descripto differt, foliis carnosis, viridibus, Floribus majoribus.  
J. Bauhinus diversam ab eo speciem facit. Ego cum Johnsono & Parkinsono nostratibus potius  
idem crediderim, quamvis (ut verum fatear) notæ illæ, nimirum *folia habere viridia, flores majores  
aliis Cirsis, præcedenti non convenient.*

6. *Cirsium foliis non hirsutis, floribus compactis* C. B. *montanum capitulis compactis* Park. *Carduus  
Cirsium Monspelianum folio longo glabro* Matthioli J. B. *Cirsium foliis non hirsutis* Ger.  
emac.

*Radix* & *ima folia* (inquit Lobelius) Dipfaci modo & ortu, Buglossi angustifolii acutiora, & le-  
vibus hirsutisque spinis asperiora, longiora, viridia. *Caulis* ut plurimum singularis, binos ternosve  
cubitos æquat, angulosus, rectus, incanus, tener Sonchi modo: in cujus summa parte flores rotundis  
oblongis capitulis Cardui, purpureis, densis conflati staminibus, in pappos desinentibus, relicto exi-  
guo, oblongo, Cardui semine fulvo.

Locus.

Ad Ladum amnem & alibi propè Monspelium copiosè provenit.

A. 7. *Cirsium Anglicum* Ger. emac. Lob. *Anglicum primum* Park. *Anglicum radice Hellebori  
nigri modo fibrosa, folio longo* J. B. *majus, singulari capitulo magno, vel incanum variè dis-  
sectum* C. B. *The English soft or gentle Thistle.*

*Radix* plurimis fibris majusculis albescentibus constat, sapore amariuscule & nauseoso. *Folia* ad ra-  
dicem tres aut quatuor digitos longa, & interdum longiora, pro ratione foli in quo crescit, sesqui-  
digitum lata, superne brevibus pilis hirsuta, inferne nonnunquam incana lanugine obducta, circa  
margines spinulis crebris, brevioribus tamen & mollioribus quàm reliqui ferè Cardui, armata, si-  
nuata & crispa, interdum etiam incisa, non tamen profundè. *Caulis* pedales aut cubitales, teretes,  
striati, lanuginosi, uno vel altero folio, absque pediculo adnascante donati, plerunque singulares  
& non ramosi, unicum in summitate florem gestantes purpureum, calice multis squamulis imbrica-  
tim compactis nonnihil purpurascens & acutis composito obvallatum. *Flos* autem Jacæ æmulus,  
è plurimis flosculis dense stipatis, singulis in quinque segmenta divisus, & singulis seminibus papposis  
coherentibus, componitur. *Caulis* ex ala folii superioris interdum alterum emittit florem, seriùs  
se explicantem, & postquam flos primarius in pappum obierit.

Locus &  
Tempus.

Junio mense floret, estque in palustribus frequentissimus.

C. Bauhinus cum capitulum magnum huic plantæ attribuat, & folia variè dissecta, non leviter  
errat.

*Cirsii primi Pannonici pratensis* Clusii descriptio in omnibus ferè huic nostro convenit, ut vix dubi-  
tem eandem esse plantam: fibras duntaxat radicis nigricantes facit, & foliorum colorem cassum.

Ceterum Cirsium hoc radicibus sub terra reptantibus & nova germina subinde protrudentibus,  
latè se diffundit.

A. 8. *Cirsium Britannicum Clusii repens* J. B. *Cirsium aliud Anglicum* Park. *Cirsium singulari  
capitulo squammato, vel incanum alterum* C. B. *The great English soft or gentle Thi-  
stle, or melancholy Thistle.*

Clus.

Planta est caule singulari, cubitali aut ampliore. *Folia* per caulem alterna, longa, in ambitu  
spinulas mites, minimeque pungentes habentia, quorum supina partes virent, pronæ albicant, &  
canâ lanugine obducuntur. In summo caule capitulum unum Carduorum modo, quasi ex squa-  
mis mucronatis compactum, florem sustinens satis magnum, ex multis apicibus, colore ex rubro pur-  
purascens, ac tandem in pappum abeuntem: *Radix* est nigricans, fibrata, quandoque per magnas  
fibras se propagans. Floret Julio & Augusto.

Pro-



Provenit in pratis ad radices montis *Ingleborough*, circa *Sessle* oppidum, & alibi in montosis agris *Locus*.  
*Eboracensis* & *Westmorlandici*.

Hæc planta Londino ad nos olim transmissa est sub nomine *Cardui mollis Helenii folio*, & sanè re ferèd perpensâ suspicamur *Cirsium* hoc nostrum majus repens, & *Carduum* mollem *Helenii* foliis non spinosum *Camerarii* unam & eandem specie plantam esse. *Camerarius* in eo describendo nimis brevis est.

9. *Cirsium montanum capitulis parvis* Ger. emac. aliud *montanum* Park. singularibus capitulis parvis C. B. foliis non laciniatis, virore *Brassicæ*, & macrocaulem J. B.

*Clus.*

Multa profert folia oblonga, *Centaurei* majoris non laciniati foliorum propemodum æmula, *Brassicæ* foliorum colore & viriditate, satis carnosa, in ambitu crebris aculeis prædita: inter quæ medius exit caulis, cubitalis aut amplior, striatus, quem alternè ambiunt folia superioribus minora, latiore pediculo eum amplectentia, & veluti membranaceas quasdam alas ad proxima folia, secundum caulis cui adnatæ sunt longitudinem producentia; eâ de causâ caules quodammodo alati apparent: summus caulis in hispidum multisque squamis imbricatum caput desinit, quod tandem in florem stamineum purpureo colore rubentem explicatur & propender: in superioribus alis nascuntur interdum ramuli quidam, lanugine obsiti, similes sustinentes flores, qui deinde ut alii in pappum & lanuginem resolvuntur, semineque in eâ reliquis simile occultant. Radix minimi interdum digiti crassitudine, aliquot fibris donata & vivax, singulis annis propagines è lateribus fundit.

In montanis quibusdam sylvis *Pannoniæ*, ut supra *Polonium* & *Nemeschwywar*, aliis etiam ad *Tempus*. *Alpes* tendentibus, supra *Badenses*, viz. *Thermas*, & vicinis. Florebat Junio. *Clus.* Nos in Italia & *Locus* circa *Plombinum* portum vel hoc idem *Cirsium*, vel ei simillimum observavimus.

*Cirsium majus alterum* Ger. i. e. majus Lob. quanam planta sit, & an à præcedentibus omnibus diversa, ignoravimus.

*Dod.*

Nos in ampla planitie propè *Augustam Vindelicorum*, viâ quæ ad *Monachium Bavaricæ* ducit, duas *Cirsii* species observavimus, nescio an à supra scriptis omnibus diversas, eas enim (quod dolet) non satis accuratè descripsimus.

9. Priori flos *Cirsii Anglici* minoris seu primi Park. flori simillimus, & in uno caule plerumque unicus, quemadmodum in illo: Folia verò profundè ad mediam usque costam laciniata & spinulis horrida ad modum ferè *Cardui* viarum vulgatissimi, pallidè viridia. *Augusti* 24. nondum defloruerat.

10. Alteri, quod tum planè defloruerat, folia viridia erant, breviora & latiora quàm præcedenti, in ambitu spinosa & *Hyoseridis* masculæ foliis figurâ suâ nonnihil similia.

11. *Cirsium Alpinum*, foliis minùs profundè laciniatis, creberrimis spinis oblongis.

Hanc speciem in *Alpibus Carinthiacis*, & circa *Augustam Vindelicorum* observavimus. Foliis erat ad radicem pluribus, palmum aut sesquipalmum longis, unciam aut fescunciam latis, acuminatis, obscurè virentibus, glabris, ad margines leviter nec profundè incisis, creberrimis & oblongis acutis, sursum modicè inflexis spinis horridis. Caulis ejusmodi foliis sed angustioribus & minoribus donatur; & spinosis fimbriis armatur, inque ramos dividitur, in prælongos, tennes, hirsutos pediculos desinentes, quorum singuli singula capitula parva, purpureis floribus conspicua, calyce squamis brevibus non aculeatis compacto, sustinent.

12. *Carduus tricephalus horti Carthusiani*.

*Carduum* hunc in horto maximi *Carthusianorum* cœnobii vidimus. Erat autem (quantum mœmini) satis procerus, foliis ad radicem integris *Cirsii*, pari modo circa margines spinulis brevioribus & mitioribus cinctis. Caules & ramuli fimbriis spinosis ad capitula usque excurrentibus aucti, tria insigniora capitula, parva, brevia, latiuscula, sessilia, squamulis innoxiiis obsita, singuli sustinent. Insigniora dixi, nam & alia præterea pusilla, rudimenta potiùs capitulorum quàm capitula majoribus agglomerata observavi. Flores purpurei.

- \* 13. *Carduus mollis Lapatii folio* J. B. C. B. Ger.

*Clus.*

Pedali affurgit caule, utcumque crasso, striato, nonnihil lanuginoso. Folia illi circa radicem majora, *Lapatii* foliis ferè similia, aut potiùs illius plantæ, quam vulgò *Totam bonam*, five *Bonem Henricum* cognominant, quæ pediculo adhærent latiora & quodammodo angulosa, extrema verò parte mucronata, in ambitu aliquantulum sinuosa, & mollibus veluti aculeis obsita, supinâ parte virentia, pronâ verò omnino incana, foliorum albæ *Populi* instar, & densâ lanugine obsita, gustu initio exsiccante, deinde amariuscule; quæ verò caulem amplectuntur minora sunt & angustiora, ex quorum sinu circa summum caulem ramuli exeunt terna, quaterna aut plura sustinentes capitula squammata, Cyani aut Jaceæ capitulis respondentia, quæ dum expanduntur florem promunt ex cœruleo purpurascentem, & semen deinde continent lanugine involutum, Cyani semini non valdè dissimile,



diffimile, sed paulò majus, candicans. *Radix* nigra, aliquot tenuibus fibris prædita, dura, vivax è lateribus propagines spargit.

Locus &  
Tempus.

Clusius hunc eruebat circa secundum Sneberg excelsi admodum montis jugum, inter saxa nascentem cum Auricula urfi flavo flore, incano folio, deinde etiam in Erfchero. Florebat utroque loco mense Julio.

- \* 14. *Carduus mollis angustifolius* Park. *mollis, humilis, angustifolius* J. B. *mollis folio oblongo, Cirfis capitulo* C. B. *Barrow-leaved gentle Thistle.*

Clus.

Humilior hic est, neque palmarem altitudinem excedit: *caule* non minùs crasso quàm superioris, multis longis *foliis* exornato, supernè etiam virentibus, infernè canâ [non tamen adeò densâ ut superioris folia] lanugine vestitis, & molles quasdam spinas in ambitu obtinentibus, gustu etiam amaro, initio autem adstringente. Summo cauli infidet singulare *capitulum* squamatum, majus quàm præcedentis capita, ex quo *flos* multâ lanugine ex cœruleo purpurascens pubescens oritur. *Semen* observare non potui. *Radix* nigra, & frequentibus subnigris fibris prædita, subinde nova germina è lateribus producit.

Locus &  
Tempus.

Crescit in summis Snealbe jugis, cum Auricula urfi, quæ glabro & splendens est folio, carnei coloris flore. Floret verò Julio & Augusto.

- \* 15. *Carduus mollis laciniato folio* J. B. C. B. Park. *foliis dissectis* Ger. *Gentle Thistle, with jagged leaves.*

Clus.

Multa secundum radicem habet *folia*, cum humi sparsa & jacentia, tum surrecta, infernè canâ mollique lanugine obfita, supernè virentia, valdè laciniata, & ad medium usque nervum dissecta, Cardui stellati mollioribus & tenerioribus foliis panè similia; nullis tamen spinis horrentia, gustu primùm exficcante, deinde amariuscule: è quorum medio unus aut alter *caulis* assurgit, cubitalis aut amplior, teres, striatus, purpurascens, & molli quadam lanugine obfusus: inferiora folia, per infimum caulem sparsa etiam laciniata sunt, licet jam dictis minora; quæ verò supremum caulem ambiunt, oblonga, angusta, nullis laciniis divisa, mucrone ut plurimum purpurascens: extremi caules in aliquot ramos interdum dividuntur (magna tamen ex parte singulares sunt, unicùmque sustinent caput) qui *capitula* sustinent ex multis tenuibus squamis imbricatim dispositis composita, molli-ter echinata, quorum medium occupat stamineus & villosus *flos*, coloris purpurei elegantissimi. Flori flaccido & evanido succedit *semen* angulosum. *Radix* digiti magnitudinem nonnunquam æquat, subfusca, longa, aliquot fibris donata.

Locus &  
Tempus.

Invenitur hic tota illa montium catena quæ à Calenberg & Danubio cui imminet ad Alpes usque extenditur, & deinde per Leytenberg, rursusque per Prellenberg & Hamburgerberg ad Danubium duobus supra Pofonium miliaribus reflectitur. Floret Maio, semen perficit Junio & Julio.

- \* 16. *Carduus mollis latifolius Lappæ capitulis* C. B. Park.

C. B. prod.

*Caule* est cubitali, striato, brevibus & mollioribus spinis armato: *foliis* Rumicis formâ, tenuibus, levibus, venosis, palmum longis, uncias quatuor latis, marginibus exiguis spinulis dentatis. Caulis summitas in pediculos breves unciales abit, quorum singuli *capitulum* Lappæ vulgaris formâ, ejusque ferè magnitudinis sustinent, quod in stamineum purpureum *florem* expanditur.

Locus.

In Austriæ monte Taurerio Raftadiensium.

Carduum mollem Helenii folio Cam. Cirfio Britannico repenti Clus. eandem esse plantam suspicamus: siquidem Cirfium illud Britannicum sub titulo Cardui mollis Helenii folio ante triginta annos ad nos Londino missum est. Cæterum pro Carduo molli Helenii folio Cam. iconem Cardui mollis Lapathi folio exhibet Parkinsonus.

#### CAP. IV.

De Carduis quibusdam spinosissimis nostratibus.

- A. 1. *Carduus nutans* J. B. *Cirfion tertium tota sua stirpe magis spinosum* Dod. *Carduus moschatus* Ger. *Thistle with a bending head, Musk-thistle.*

**R**adix huic speciei alba, lignosa, simplex, crassitudine digitali, plures è capite fibras emittens. *Caulis* indè exurgit cubitalis, ramosus, ramulis crebris caulem ipsum longitudine superantibus; striatus, hirsutus, membranulis angustis, spinosis, crispis, secundum longitudinem à folio ad folium ductis alatus. *Folia* non admodum lata, altius incisa laciniis omnibus in spinulas acutas purpurascens exeuntibus, atrovirentia, interdum lanuginosa, præcipuè averfa parte. In summis caulibus & ramulis *capitula* majuscula, lata & depressa, nutantia. Capitula intelligimus flores & eorum calices: sunt autem flores ampli, lati seu patuli, plurimis flosculis purpureis compositi: calices florum squamosi sunt, squamis in spicula lata, longa, purpurascens, rigida, pectinum denticulos imitata, deorsum interdum reflexa productis. *Semen* parvum, splendens, citrinum pappo alatum & obvolutum. Capitula antequam flores explicantur moschum redolent.

In



In agris incultis & restibilibus non raro provenit.  
 Gesnerus de collectione hujus meminit his verbis, *Carduus arvensis* major purpureo flore (qui flore nondum nato moschum olebat) floret Julio. Locus.

- A. 2. *Carduus polyacanthos* Park. *primus* Ger. emac. *Aculeosa Gazæ* Ad. & *Polyacantha* Tab. ex sententia *Johnsoni*. *Carduus caule crispo* J. B. *Thistle upon thistle*.

*Radice* nittitur simplici, alba, pluribus fibris capillata. *Caule* surgit tricubitali, concavo, striato minùs crasso quàm præcedentis, plurimis alis (quinque) membranaceis, laciniatis & spinosis secundum longitudinem productis horrido, crebris foliis vestito, ramoso ramis prælongis. In summis caulibus & ramulis existunt flores è flosculis plurimis in capitula congestis compositi, pediculis nullis aut brevibus donati Jaceæ vulg. florum ferè magnitudine. Florum calices squamosi sunt squamis extantibus, & in prælongas spinulas, molliores tamen & innocuas, exeuntibus. Color florum purpureus. *Folia* Cardui viarum divisurâ, atrovirentia, laciniata spinulis circa margines minacia, viridiora quàm Cardui palustris; spinulæ minores & breviores, nec ut in illo purpureæ. Folia in caule non ita crebra, rami majores & longiores multò, capitula tantillo majora; Flores odoratiores: Semina fusca.

In aggeribus fossarum ad sepes & inter vepres plerunque provenit.

Locus.

- A. 3. *Carduus polyacanthos secundus* Ger. emac. *Polyacanthos Theophrasti* Ludg. *Carduus spinosissimus capitulis minoribus* P. B. *Matted Thistle with small flowers*. *Carduus Acanthoides* J. B.

Hujus caules pari cum priore altitudine assurgunt, graciliores tamen sunt, paucioribus & rectioribus ramis brachiati, alis membranaceis, plurimum quatuor, latioribus quàm in illo, rarioribus spinis, (longioribus tamen illis) armatis, pinnati. *Capitula* longiuscula sunt, multò tamen quàm illius minora, extremis ramorum plura simul congesta, nec pediculis distincta, quæ vix unquam aperiuntur, aut flosculos suos stamineos explicant, sed duntaxat eorundem apices ostendunt, dilute rubentes. *Folia* huic ad radicem primò erumpentia latiuscula sunt, cardui lactei ferè formâ, nisi quod paulò angustiora, & per ambitum magis spinosa. Color totius plantæ, tum caulis tum foliorum, cinereus aut albicans seu canus.

In aggeribus fossarum & locis ruderatis, priore tamen minùs frequens.

Locus.

Addit J. Bauhinus, (qui plantam hanc accuratè describit) folia cano tomento obsita esse, potissimum inferius: superne enim (inquit) prævalet viror, inter candorem tomenti interlucens.

- A. 4. *Carduus palustris* C. B. Park. *polyacanthos* 3. Ger. emac. *Marsh Thistle*. *An Onopoxos aliter* Lugd.

Humanam altitudinem æquat & non raro superat, *radice* simplici, pluribus fibris albis cincta & velut comosa. *Caulis* teres striatus, rectus rigidus, foliis creberrimus nullo aut alterno ordine positus ab imo ad summum usque convestitus, & membranis pluribus spinosis secundum longitudinem excurrentibus crispus, pilis longiusculis hirsutus, solidus, ramosus, ramulis ex alis foliorum præcipuè propè summum caulem exeuntibus. *Folia* pro plantæ modo exigua, angusta, profundè laciniata, laciniis in spinas acutas exeuntibus, purpurascencia, ut & caulis, averfa potissimum parte, secundum costam hirsuta. *Capitula* in summis caulibus & ramulis plurima, parva, squamosa squamis non extantibus sed arctè junctis & appressis, in spinulas breves vix conspicuas definitibus, purpurascencia, ad tactum glutinosa. Flores purpurei è plurimis flosculis arctè stipatis aggregati, stylo in singulis, [flosculus] è theca obscurius purpurea extante pallidiore *Capitula* pediculis admodum brevibus aut nullis innutuntur. Odor florum valde remissus & languidus. Semen pappo involutum, album, exiguum. Nullibi apud nos quam in palustribus & pratis aut pascuis humidis oritur adeoque altitudine sua & loco natali ab aliis omnibus Carduis dignosci & distingui potest. Descriptiones quæ occurrunt Carduorum apud plerosque Botanicos breves sunt & obscuræ nimium, ut suspicer ipsos Carduorum species non rectè distinxisse aut probè intellexisse. Floris color in hac specie non raro variat, & ratione soli, ut puto, in album degenerat.

- \* 5. *Carduus pratensis polycephalos angustifolius* C. B.

C. B. prod.

*Radicem* habet lignosam, fibrosam: *caulem* cubito altiore, rotundum, striatum, spinis carentem, cujus summitas in plures semipalmares ramulos, & hi quandoque in breviores dividitur. *Folia* sunt pauca angusta & brevia, spinis oblongis armata: capitula plura, parva, quibus minima subjiciuntur, exiguis spinulis prædita, & flos Jaceæ similis, ex staminibus purpurascens compositus infidet, qui similiter in lanuginem abit.

\* In pratis Michelfeldensibus frequens occurrit.

Locus.

- \* *Carlina polycephalos alba* C. B.

C. B.

Ad bicubitalem altitudinem excrescit, cujus folia superiora candida sunt. Apud Helvetios in pascuis provenit. Hæc C. Bauhinus in Pinace. Nobis incognitus est.

A. 6.



- A. 6. *Carlina acaulos minore purpureo flore* C. B. *Carl. acaulis minor purp. flore* Ger. emac. *Carl. ac. Septentrionalium* Park. *Chamaeleon exiguus* Tragi J. B. **Dwarf Carlina Thistle.**

J. B.

*Folia* in orbem per terram spargit *Carlina*, profundè laciniata, hirsuta, atrovirentia, aculeis horrida: inter quæ aut nullo aut brevi caule unciali vel fescunciali, hirsuto infidentia enascuntur capitula oblonga in glandis formam, minora quàm *Carlina*, squarrosa, nec ullis spinis armata; è quibus flores emicant purpurei. *Radix* minimi digiti crassitudine, longa, fibris aliquot crassiusculis donata obliquè agitur, colore subrubente, præsertim intrinsecus, sapore aliquantum aromatico.

Locus.

In montosis & siccioribus petrosisque locis non infrequens est.

Suspicitur J. Bauhinus hoc genus *Cardui* esse quod Monachi in Mesuem *Coronam fratrum* appellant, quia caput magnum stat tanquam Pater seu Abbas, Capitula verò, tanquam filii ejus & fratres, in modum coronæ Patrem circumstant.

- \* 7. *Hacub sive Silybum quibusdam* J. B.

Rauwolf.

Primo vere asparagos protrudit, quos incolæ secant, nostratiumque in modum coquunt ac comedunt. Tota planta *Carlina* nostrati apprimè similis est, major tamen eâ, altiorémque erigit scapum, cui in summo capitula infident spinosa, ex quibus flosculi emicant rubelli.

Locus.

Circa Halepum locis præsertim aridis asperis provenit.

Vires.

*Radix* insulâ potaque nauseam parit ac vomitum, ventriculôque inappetentiam imprimit.

Cùm plantam hanc Rauwolfius *Carlina* simillimam dicat, florésque rubellos ei attribuat, nescio ubi eam commodius disponerem, quàm hoc in loco post *Carlina* acaulon dictam. Si *Carlina* sylvestri aut humili similis sit, & florem habet barbulis planis cuspidatis circumdatum alterius loci erit.

- A. 8. *Carduus vulgarissimus viarum* Ger. *ceanothos, sive viarum & vinearum repens* Park. *vinearum repens folio Sonchi* C. B. *serpens lævicaulis* J. B. **Common way Thistle; or rather creeping Thistle.**

*Radice* albente, fibras obiter emittente sub terra reptat, & immensum se propagat; caules subinde emittens cubitales & fescuibitales, teretes, striatos, prope terram hirsutos, & spinulis nonnullis præditos, non tamen, ut in præcedentibus, membranis spinosis per totam longitudinem alatos, medullâ farctos, crebris foliis vestitos. *Folia* autem laciniata sunt, & per margines sinuata seu undulata, & spinosa, supernè obscurius viridia & splendentia, infernè pallidiora. Summos caules, & ramulos terminant capitula squamosa, squamis appressis & arctè incumbenibus, in spinulas brevissimas desinentibus, purpurascentia, parva, *Cardui* palustris familia, sed tantillo majora. Flores à flosculis dense stipatis, pallidè purpurascentibus compositi. Semina parva, fusca aut obscurè olivacea. Floris color in hac specie non rarò variat. Caulis pars superior in corpus quoddam crassum ovalis ferè figuræ excrescit nonnunquam, insecti cuiusdam matricem.

Locus.

*Carduus* hic in arvis nimis frequens, nec rarus in incultis & secus vias; profundè sub terra repit, unde & difficulter admodum extirpatur.

Hanc speciem C. B. bis tervè ponit sub diversis titulis; 1. sub titulo superius posito; 2. sub titulo *Cardui* in avena provenientis, ut ex synonymis patet; 3. sub tit. *Cardui* spinosissimi capit. parùm aculeatis.

Usus.

Cineres omnium optimi & firmissimi pro vitris conflandis sunt quæ è *Carduo* viarum vulgarissimo fiunt [ in Anglia intellige ] quamvis & alii *Cardui* quicunque huic usui satis commodè inserviunt: *Carduis* bonitate proximi sunt *Lupulorum* cauliculi tortiles floribus decerptis. Horum duorum utilitas noviter inventa & observata est. Videntur autem plantæ spinosæ & aculeatæ optimum & copiosissimum in suo genere omnium salelem præbere. D. Merret observat. in Anton. Neri de Arte Vitaria. Hæc habui à D. Tancred. Robinson.

## CAP. V.

*De Carduis foliorum laciniis extremis in longos mucrones productis, seu lanceatis.*

- A. 1. *Carduus lanceatus* Ger. *lanceatus latifolius* C. B. *lanceatus latifolius sive major* Park. *lanceolatus sive sylvestris Dodonæi* J. B. **Spear Thistle.**

**C**aulis surgit bicubitali & altiore, tereti, pollicem crasso, intus concavo, hirsuto, membranibus aliquot secundum longitudinem productis, spinosis, sagittæ ferè in modum alato, foliis crebris alternatim positis vestito. *Folia* autem quàm præcedentium majora sunt, in profundas lacinias divisa, extremis in spicula prælonga hastæ cuspidi familia desinentibus, singulis insuper laciniis mucronatis & in spinas acutas exeuntibus. Ex alis foliorum egrediuntur ramuli, in quibus ut & in summo caule existunt capitula plura grandia, Juglandis ferè magnitudine, & oblonga, è lata basi in angustum sensim coacta, squamosa squamis extantibus & interdum reflexis, in spinu-

las

las acutas, mitiores tamen, desinentibus. Flores magni, purpurei, è flosculis dense stipatis compositi, odore nullo aut valde languido. Semen oblongum nitidum, pappo involutum. J. Bauhinus folia palmum unum aut duos longa, infra supràque hirsuta, sed densiore candidiorèque lanugine inferius donata ei ascribit.

In incultis & ad sepes ubique ferè provenit.

Locus.

2. *Carduus lanceolatus ferocior* J. B. **White flowered Herber Spear-thistle.**

Calidarum hic regionum est, Gallie Narbonensis & similium. Folia eà ipsa ferè divisurà quæ lanceolatus nobis dictus, sed multò rigidiora ac penitus adversâ parte atque per ambitum spinulis dense obfita: aversâ verò quæ nervus rigidus seu costa in supremam spinam fatiscens, lanugine quadam obfita sunt, sed modicâ. Caulis etiam crassior est, firmiorque sicut Cardui capite tomentoso. At quæ in summo sunt capita, terna plus minùs, quæ & ipsa lanceolati capitibus majora sunt, minora quàm in prædicto tomentoso capite, ita spinarum oblectu horrent, ut tutò eas ac temere contrectare non sit.

Primò hunc invenimus propè Fontem quem vocant *ardentem*, à Gratianopoli duabus circiter leucis; deinde itinere ab Auranthia ad Nemausum; tandem propè montem S. Lupi, tribus circiter leucis Monspelio distantem. Est autem ei flos colore albus, & major quàm lanceolato vulgari.

*Carduus lanceolatus parvus* J. B. à superiore non aliter differt, quàm quòd omnibus partibus minor sit, non tamen ita ferox.

A. 3. *Carduus tomentosus, Corona fratrum dictus* Park. ejusdemque *Carduus tomentosus Anglicus. Card. capite tomentoso* J. B. *Car. eriocephalus* Ger. emac. ejusdemque *Card. globosus capitulo latiore. Card. capite rotundo tomentoso* C. B. ejusdemque *Carduus tomentosus capitulo majore. Woolly headed Thistle.*

Tomentoso, striato caule, crebrisque ramis stipato ad duos aut tres quatuorve cubitos assurgit, qui licet non sit spinosus, vix manu potest attingi propter foliorum aculeos. Folia cubitum longa, tomento villosa inferius incana, superius atrovirentia & Echii modo aspera, ex pluribus foliis minoribus, quæ ex certis intervallis quaterna, utrinque sc. bina altero antrorsum, altero retrorsum posito conflata, spinis longis, rigidis, acutis minacia. Caput pugillari lapidi æquale, latum, squamis parvis, longis & spinis parum mordacibus densissima lanugine intertextis. Flos ex ejus summo emicat, constans multis staminibus, & diversis coloribus, qualibus Hyacinthus Fuchsii maximus, violaceus & cæruleus: apices involvuntur vaginulâ albâ, quæ sua albedine pulchrè hunc florem ornat; hanc vaginulam alia circumdat purpurea in quinque apices [rectius lacinias] divisa. Sub floribus caro alba grati & aromatici saporis. Semen lubricum, cineraceum striatum, oblongum, modicè compressum, dulce, tomento implicitum. Radix crassa, gustu non ingrato, sed aromatico, quali etiam caulis & foliorum, si excipias medullam albam siccam & inspidam. Ubi capita excinduntur appareat lacteus succus.

In montosis & interdum etiam campestribus sed rariùs occurrit: ut v. g. propè *Madingley vicum* Cantabrigiâ non longè, itémque circa *Childerley, Kingston, &c.* in eodem Cantabrigiæ comitatu.

Lobelius duplici icone & titulo hujus plantæ in *Icon. Plant. propositis*, alterâ malâ *Adv.* titulo *Cardui tomentosi Adversariorum*, alterâ meliore, titulo, *Cardui tomentosi, Corona fratrum herbariorum*, Botánicos nostros decipit, ita ut ex una planta duas facerent. Mala icon *Adversariorum* poterat omitti (inquit J. Bauhinus) imò debebat.

Hujus capitula antequam flores erumpunt aquâ decoquunt nonnulli, cùmque butyro & pipere *usur.* condita Cinararum in modum mensis secundis adjiciunt & in deliciis habent.

## C A P. VI.

### De Carduis nonnullis ambignis & incertæ positionis.

1. **O** Nopyxos alter *Lugd.* Hunc C. Bauhinus Cardui spinosissimi IV. speciem facit, titulo *Cardui spinosissimi capitulis parum aculeatis*: J. Bauhinus dubitat annon sit Carduus vulgarissimus. Ego mallem J. Bauhino assentiri quàm studiosis crucem figere, & Entia sine necessitate multiplicare.
2. *Carduus Chondrilloides Dalechampii Lugd. &c.*
3. *Carduus arzophyllos Dalechampii ejusdem*, cùm nec nobis cogniti sint, nec alii cuiquam post eum Botanico (quod scimus) descripti aut etiam visi, eorum descriptiones omisimus, quas qui desiderat, Historiam Lugdunensem adeat.



## CAP. VII.

De *Carduis leucographis* seu *lacteis lineis* notatis.

- A. 1. *Carduus Mariæ* Ger. *Mariæ vulgaris* Park. *Marianus*, sive *lacteis maculis* notatus J. B. *Card. albis maculis* notatus *vulgaris* Park. **Common Milk-Thistle or Ladies Thistle.**

J. B. **U**ndulato macularum lactearum virescentiumque discursu variata *folia*, lata longaque conspicuntur, finuata & sævis aculeis horrentia, nitida, glabra. *Caulis* digitalis, striatus, lanugine villosa incanus, duos aut tres cubitos altus, in ramos dividitur plures. *Echini* intractabiles, rigidissimis acutissimisque spinis armati, Scolymi mediocris magnitudine, callosâ squamarum cartilagine, dulci, vesicâ, *florum* purpurascensium stamina explicant, quibus *semen* succedit Carthami. *Radix* longa & crassa, esculenta.

Locus.  
Vires.

Ad agrorum margines, & in aggeribus fossarum non rarò occurrit.

Eisdem viribus dotatus esse creditur quibus *Carduus benedictus*. Nobis culinaris potius quam medicinalis videtur. Decoctum ejus datur utiliter ad jecinoris & viscerum infarctus & remorantes urinas: quare confert Hydropicis, ictericis & nephriticis. *Matth.*

Aqua è foliis destillata laterum morbo medetur. *Trag.* extrinsecus præcipui usûs est in phagedænis, nomis & ulceribus erodentibus, si linteamina probe humectentur aquâ illâ, & ulceribus impo-  
nantur.

Semen in emulsionibus crebri est usus. *Schrod.*

Semen moderatè calidum esse & tenuium partium citra omne dubium pronunciamus; cujus insignis est usus in pleuritide & laterum punctiõibus: remiscetur autem plerunque aliis feminibus ex quibus emulsiones fiunt.

Folia tenera dempris aculeis non incommodè oleribus adduntur. Apud nos in Anglia frequenter in hortis feritur ad acetaria & usûs culinæ.

2. *Carduus leucographus hirsutus capitulo minore* Moris. *Mariæ hirsutus non maculatus* n. d. P. B.

*Folia* edit longiora & angustiora, obscurè maculata; secundo ab exortu anno *caulem* emittit bipedalem aut tripedalem, in cujus cymis nascuntur capita minora, purpureos ferentia tubulos seu flores; quibus fatiscensibus succedunt *semina* rotunda, crassa & solida. Semine perfecto planta radicitus interit.

- A. 3. *Carduus Mariæ non maculatus.*

Non alia in re à vulgari *Carduo Mariæ* differt quàm quòd folia edat maculis destituta. Hanc plantam mihi ostendit D. George Horsnell circa *Clarkemwell* propè Londinum.

4. *Silybum majus annuum* Park. *Carduus lacteus peregrinus major, semine fusco.* **The greater outlandish Milk-thistle with brown seed.**

Park.

Unico assurgit *caule*, bicubitali aut altiore, tereti, *foliis* vestito quàm *Cardui Mariæ vulgaris* minoribus, lineis lacteis paucioribus notatis, ad margines laciniatis, spinis rarioribus cinctis. *Caulis* inferiùs paucos vel nullos emittit è lateribus ramulos, verùm summa parte, in fastigio & furculis è supremis articulis exeuntibus, tria quatuorve *capitula* sustinet spinosa, quæ in *flores* se aperiunt purpureos, stamineos, quibus succedunt *semina* majuscula, fusca, in medio pappo latitantia. *Radix* longa, maturo tamen semine exarescit & interit.

Locus.

In Sicilia & Melita insulis sponte & copiosè provenit. Ex semine Londino misso nobis olim Cantabrigiæ succrevit & floruit.

5. *Carduus lacteus peregrinus Camerarii* J. B. *albis maculis* notatus exoticus C. B. *Silybum minus Baticum* Park. **The small Spanish Milk-thistle.**

Park.

*Folia* inferiora, quæ à radice primò exeunt, latiuscula sunt, nec altè ad margines incisa, pallidè viridia, lituris & lineis albis tenuioribus minoribusque notata, pediculis oblongis prædita: quæ verò *caulem* vestiunt inferiora, nonnihil longiora sunt, versùs extremum latiora, ad basin angustiora, *caulem* amplectentia, ad margines paulò altius incisa, & spinulis acutis munita; superioribus foliis paulatim adhuc profundius sectis, & minoribus summis caulibus insident *capitula* parva, è quorum meditullio erumpunt *stosculi* arètè stipati, purpurascens; quibus delapsis succedunt *semina* parva, alba, pappo involuta, qui ob gummi quoddam albicans, pellucidum, è capitulo exudans, adeò tenaciter eis adhærescit, ut difficulter admodum divelli & separari possint, præsertim postquam *semina* maturuerint, & gummi Solis calore concreverit. *Radix* parva, lignosa, annua.

Hoc genus ut & superiùs Parkinsono succrevit ex semine Hispaniâ delato per Gulielmum Boelium.

Dubitat C. Bauhinus apud Matthiolum, an hæc planta sit *Agavanus Creticus* Horta. Belli, de quo infra.

6. *Carduus*

6. *Carduus galactites* J. B. *Spina alba altera* Matthioli, & alibi, *Leucacantha* Monspeliensium Dalechampsii Lugd. J. Bauhinus *his Milk-thistle*.

J. B.

*Radice* nititur satis tenui & simplici; *caulem* tollens interdum simplicem, interdum ramosum, cubitalem, striatum, cano villo pubescentem, membranis spinosis pinnatum, cujus summum in furculos aliquot faceffit, *capita* sustinentes Avellanæ magnitudinis, squarrofa, quorum singulæ squamæ in longam acutam, invalidam spinam desinunt: hinc flores emicant purpurei, gratiæ suæ post multos annos tenacissimi. \* *Semen* pappo appenditur, oblongum, lubricum, candidum, amarum. Cæterum folia palmo longiora, mitius aculeata, profundis crebrisque laciniis divisa, imâ parte albidâ lanugine donata, supernâ virefcunt, fortuitis maculis lacteis resperfa.

Hoc genus Cardui J. Bauhino descriptum, in Sicilia & Melita insulis, inque Italia propè pharum Genuensem, necnon circa Monspelim in locis ruderatis & incultis observavimus. Locus.

Cæterum *Leucacantham* Monspeliensium Lugd. C. Bauhinus Cardui tomentosi capitulo latiore IV. speciem facit, titulo Cardui tomentosi capitulis echinatis, minus apte.

### C A P. VIII.

#### De Carduis foliis tomentosis seu incanis.

- A. 1. *Acanthium vulgare* Park. *album* Ger. *Spina alba sylvestris* Fuchsi J. B. *Spina alba latifolia tomentosa sylvestris* C. B. *Common Cotton-thistle*.

J. B.

**T**Res quatuorve cubitos altum profert *caulem*, striatum, concavum, tomentosum, cui membranæ per longum adnatæ, valdè spinosæ, sinuata, albicante villo obductæ, altius extantes; quibus continuantur *folia* sesquipalmaria & dodrantalia, lata, non admodum profundè incisa, sinuata, circa margines spinulis horrentia, similiter utrinque villosa & candida. *Capita* summos caules & ramulos terminant ferè singularia, grandia, plana & in latum expansa, squamosa, squamis in spicula longa acuta & rigida, à capite extantia productis. Spinæ autem in capitulis & foliis fulvæ. *Flores* purpurei, è plurimis flosculis aggestis compositi; *semine* cum pappis sequente Cnici, minore, vericolore, amaricante & acri. *Radix* tenera, alba, subdulcis in adolescente planta, quæ qualitates per ætatem mutantur.

Perit postquam semen maturuit altero à satione anno.

In aggeribus fossarum, ad sepēs & in incultis non raro occurrit.

Locus.

2. *Acanthium Illyricum* Park. *Illyricum purpureum* Ger. *Spina tomentosa altera spinosior* C. B. *Carduus quibusdam dictus Acanthium Illyricum, aliis verò Onopordon* J. B. *The more prickly Cotton-thistle*.

J. B.

Magnam habet cum præcedente similitudinem: *folia* tomento candicante similiter obducta, profundius secta, tota spinis armata. *Caulis* membranis aculeatis alatus, sex septemve cubitorum altitudine [ego neque spontaneum, neque cultum tantæ altitudinis vidi] in ramorum, quos crebros habet, extremo *flores* gerit purpurantes jam dicti Cardui, ex echino etiam simili.

Miror Botanicos ex Illyrico hanc plantam arcessere, cum non in Italia tantum & Sicilia, sed etiam in Gallia Narbonensi satis frequens sit; speciatim circa Auriacum five Orangiam urbem copiosam observasse memini. Locus.

3. *Acanthio Illyrico accedens capitulis minoribus flexuosis* Moris.

Illyrico adeò accedit ut nisi propius intuenti non animadvertatur differentia. *Caulis* emittit paucioribus spinis armatos. *Capita* habet minora, quasique cernua & flexuosa.

4. *Acanthium Lusitanicum* Hort. Blæf. *Lusitanicum altissimum* Hort. Reg. Paris. *The tallest Cotton thistle of Portugal*.

*Acanthio* vulgari non admodum diffimile est, verum procerius multo, ut quod ad hastæ ferè altitudinem interdum attollatur: *Folia* ei magis incana, albidiora, densioréque lanugine obducta: *Capita* minora quam tanta plantæ magnitudo & statura promittere videatur.

*Carduum* hunc Cantabrigiæ olim in hortulo nostro aluimus, è semine Londino accepto ortum.



## CAP. IX.

De Carduis quibusdam exoticis singularibus &amp; sui generis.

- \* 1. *Acanus Theophrasti* Park. *Agavannus Cretensium* fortè *Acanus Theophrasti* Honor. Belli Epist. 5. ad Clusium.

Bellus.

**P**lanta est spinosa, folia habens aliquantulum lata & spinosa; Caules bicubitales aut tricubitales, in quibus capitula Echini æmula è foliorum quæ caulem ambiunt cavis, ut & extremo caule exeunt: in quibus flores obsoletæ purpuræ, deinde semen rotundum, aliquantulum compressum, Cannabis semen colore æmulans.

Vulgaris est notitiæ in Creta, & antequam in caulem abeat comeditur.

Hanc stirpem Acanon Veteribus dictam fuisse judicat Bellus, (à qua reliqua spinarum genera *Acanacea* nuncupata) conjecturis non despiciendis fretus, quas apud ipsum vide.

- \* 2. *Carduus spinosissimus sphaerocephalus rigidis aculeis armatus* C. B. *spinosissimus sphaeroceph.* *Cardui Arabici* nomine missus Park.

C. B.

Hujus semen C. Bauhino excrevit caule crispo cubitum superante, foliis latis, longitudine palmum excedentibus, per caulem rarioribus: Capite est rotundo, supernè æquali, spinis longis atrociter pungentibus armato; flore albo, odorato: in cujus lanuginoso capitulo semen continetur striatum & transversim canaliculatum Caulalidis Hispanicæ ferè modo, sed rudius & crassius. Hortis facile assuescit.

Radix Chamæleontis nigri cum æquali pondere Piperis & ceræ dentes vacillantes confirmat & dolores aufert. Ex Observationibus Marcelli Cumani à G. Hier. Velschio editis excerptis & transmissit D. Soame.

- \* 3. *Chamæleon niger Dioscoridis Maranthæ J. B. niger verus* Park. *niger umbellatus flore caruleo hyacinthino* C. B. *Chamæleon niger* Ger. *The true black Chamæleon* Thistle.

Maranta.

Huic umbella est spinosa, tam grata aspectu cum floret, ut nihil pulchrius videri possit. Est enim umbella oculis sive siliquis oblongis, densissimis acutarum spinarum circumseptis plena, in quibus flores purpurei, oblongi, intus candidi, tenues, Hyacinthi æmuli supereminet: sed illa filiqua spinosa semen occludit Crisco simile adhuc virentibus in ea floribus, quod tandem illis deciditibus maturefcit. Folia vario colore maculis inspersa. Caulem habet purpureum dodrantali altitudine, radicem fuscam foris, intus radicis Aristolochiæ longæ colore, atque inter mille vix unam atque alteram vidimus, quæ non sit carnosæ, quanquam Diosc. interdum exesam esse tradit. Acerrimi gustus est, sed commanducari oportet.

Hujus umbellata coma in aliis canidicans, aliis ad cæruleum inclinans, aliis virescens reperitur, antequam flores dehiscere incipiant, folia quoque rubescentia, sicut & caules in nonnullis plantis.

Locus.

In Apuliz finitimis ac multis aliis locis, in campestribus & ficcis Chamæleonem suum nigrum maxima ubertate provenientem sæpius collegit Marantha. Columna quoque ibidem provenire eum attestatur. Bellonius in Græcia invenit, deque eo hanc Historiam narrat. Cum Chamæleonis nigri radices apud pagum quendam in insula Lemno, *Livado chorio* nuncupatum, erui curaremus, plurimi Græci & Turcæ spectatum venerant quid ageremus: eas verò frustulatim sectas filo trajiciebamus, ut facilius exsiccare possent. Turcæ in eo negotio occupatos nos videntes, similiter radices tractare & secare voluerunt. At cum summus esset æstus, & omnes sudore maderent, quicunque eam radicem manibus tractaverant, sudorèmq; absterferant, aut faciem digitis scalpserrant, tantam pruriginem in locis quos attigerant postea senserunt, ut aduri viderentur, in tantum ut nec squillæ nec Urticæ ullæ centesima parte ita adurerent; prurigo tamen non adeo celeriter se prodit. Post unam vel alteram horam singuli variis faciei locis cutim inflammatam habere cœpimus, ut tota sanguinea videretur: atque quò magis eam confricabamus, tantò major excitabatur prurigo. Fonti affidentes sub Platano pro ludo habuimus initio, & risimus: at illi plurimum indignati sunt, & nisi asseverassemus nos nunquam expertos tali virtute eam plantam pollere, haud dubiè malè nos mulcassent. Attamen nostra excusatio fuit ab illis facilius accepta, cum eodem incommodo nos affectos conspicerent.

Ex his (inquit J. B.) apparet, quòd ex instituto mulierculæ apud Marantham faciant, quæ radicis succo pectines inficiunt ad puerorum pediculos enecandos.



4. *Polyacanthus Casabona Acarnæ similis* J. B. *An Acarna Theophrasti* Ger? *Theoph. Anguillara Lob?* *Ac. major caule non folioso* C. B. Park? *The supposed true fish-thistle of Theophrastus.*

J. B.

Pulcher est Carduus, bicubitalis circiter, per cujus *caulem* rotundum, album, lavem, ramósque *folia* dodrantalia ac etiam longiora, unciali latitudine, acuminata, supernè ex atro virore splendentia, infernè tomento candicante obsita, denso, presso, nec nisi scalpello, aut alia ejusmodi re tentes radere conspicuo, æquabili marginum circumscriptione, nisi prohibeant spinulæ flavescentes, mordaces, quæ ex intervallis binæ, ternæ aut quaternæ, rariùs singulares, in quas nervi desinunt, qui oblique à magno secundum longitudinem decurrente nervo in oras exporriguntur. *Semen* parvum, oblongum, lucidum, nigricans. *Folia* superiora interdum lata unciam etiam & semis & capita abundant rigidis spinis. Frigoris est impatiens.

D. Casabona Herbarius Ducis Florentiæ semen misit ad J. Bauhinum, cui provenit.

Ferrantes Imperatus florem azureum ei attribuit. Lobelius Acarnam Theoph. Anguillara, quam Valerandus Doureus Justinopoli Illyriæ detulit sic describit. Flaventibus aculeis horridus est, virentibus sinuatis foliis, averfa parte tomento incanis uti tota planta. Plures fundit sesquicubitales *caules*, floribus luteolis, semine Cnici sed minore in squamoso & spinis horrido capitulo.

Si Lobelius Acarnam suam rectè describit, *foliis sinuatis, floribus luteolis*, oportet omnino ut ab Acarna Theoph. Imper. quæ eadem est descripta, specie differat. Ego verò Lobelio non multum fido, qui solet interdum vel ex memoria, vel ex conjectura plantas describere.

- \* 5. *Acarna flore luteo* J. B. *Acarna Valerandi altera* Lob. ejusdemque *Pycnocomos Cretæ Salonenfis*, ut suspicatur uterque Baubinus. *Acarna humilis caule folioso* C. B. Park. *Acarna Valerandi Dourez* Ger. emac. ejusdemque *Pycnocomos*: qui tamen cum Baubino sentit eandem esse plantam. *The low fish-thistle with winged stalks.*

J. B.

*Radicem* demittit sesquipalmarem, crassiusculam, albam, fibras raras è lateribus producentem; quæ circa caput grandescit, *coliculos* emittens plures, patulos, per terram sparfos, duarum triumve aut etiam quatuor ferè divaricatos, lanugine alba tectos, membranaceis appendicibus numerosis, spinosisque secundum longitudinem alatos. *Folia* creberrima extremis potissimum ramulis, unius aut duarum unciarum, non totam semunciam lata, incana lanugine utrinque pubescentia, nonnihil sinuata, non tantum infesto mucrone luteo, rigido, longo minacia, sed & pari feritate spinas è marginibus jaculantia. *Capita* oblonga occultant densa foliorum phalanges, lanuginosis squamis imbricata, ex pappo candicante pendente semine oblongo, Cnico simili, multo minori, minus candido & striis nigricantibus variegato.

Lobelius flores ei Cardui benedicti æmulos, minores, Senecionis majores, attribuit. J. Bauhinus è planta à Valerando Dourez missa, & (ut puto) sicca descripsit nec florum coloris meminit. Lobelius caulem dodrantalem & interdum cubitalem esse scribit.

Reperitur in Illyria, & copiosè in insula di *Lefeno, Anguil.* Lobelius Picnocomon suam invenit *Locus*, in *Creta Salonenfis* propè diverforium S. Martini. Ego facilè inducor ut credam Picnocomon Cretæ Salonenfis Lob. Acarnam Valerandi alteram *ejusdem*, & Chamæleonem Salmanticensem *Clusii*, unam & eandem specie esse plantam: Obstat quòd Lobelius flores luteos Picnocomo suo attribuat, cum Chamæleonis illius Clusii flores purpurascant. Verum potuit Lobelius fortè memoriæ nimium filius, aut plantam cum jam defloruerat colligens, in florum colore errare. Fortè etiam floris color pro diversitate loci variat; quod tamen non credo, cum istiusmodi varietatis in floribus vix detur exemplum, in eadem specie sci. lutei & purpurei.

6. *Acarna major caule folioso* C. B. Park. *Acarnæ similis flore purpureo, Chamæleon Salmanticensis Clusii* J. B. *Cham. nig. Salmanticensis* Ger.

Clus.

Ex Acanaceorum genere est hæc planta. *Caulem* pedalem habet, interdum etiam cubitalem, multis alis five ramis concavum, striatum & quasi *quadrato*, durum tamen & firmum: *folia* numerosa, longa, angusta, candicante, spinis horrida. Summis ramis umbellæ quædam, ex quinis aut senis calyculis five capitellis spinosis constantes innascuntur, in quibus *flos* purpureus, dilutior, maturo semine subinde in pappum evanescit, reliquorum Acanaceorum more. *Semen* est Cnici feminis forma sed minus, foris subnigrum aut cinerei coloris, intus candidum dulce. *Radix* nigra, dura, si gustetur dulcis. Tota planta *ægrædus* est, & firmarum spinarum vallo munita.

Agro Salmanticensi frequens est. Nos eam propè montem S. Lupi, non longè ab oppidulo *Locus* S. Lupian dicto, itémque juxta vias non procul oppidulo *Vic* in valle Frontiniana invenimus.

Planta hæc ortu, folio, totaque facie Acarnæ præcedenti admodum affinis est, & fortè eadem, inquit Lobelius, cujus sententiæ & nos libenter subscribimus.

- \* 7. *Leoferox* Ger. *Acarnæ affinis Leoferox* J. B. *Acarna minor caule non folioso* C. B. *Ac. min. caule non folioso, sive Leo & Carduus ferox* Park.

Hunc totius Acanacei generis facilè phœnicem, *Leonem ferocem* dixere nuperi à spiculis & infestissimis spinis: nihil enim aliud è *foliis* altius divitis & capitulorum exordis quàm spicula & vepres,



pres, unciam & fescunciam longas videas. *Cauliculus* vix palmum æquat: *flos* Cnici sylvestris, pallidus, spinis & aculeis favientibus, horridisque cinctus.

Planta rara & vix nota, nullius propterea usûs. Audit tamen Lobelius quibûsdam aridis collibus Italiae, ab Apennino non ita diffitis magno proventu gliscere. Hæc omnia Lobelius, è cujus *Observat.* reliqui Botanici transcripserunt quicquid de eo habent. At Lobelius quam vix notam scribit, descriptione sua non multò notiozem facit.

8. *Carduncellus montis Lupi* J. B. *Eryngium montanum minimum, capitulo magno* C. B. *Carduus Eryngoides* sive *Carduncellus montis Lupi* Park.

J. B.

Statim è *radice* simplici complura nascuntur *folia*, duas uncias aut palmum longa, rigidula, in lacinias spinolas, semunciales, longiusculè distantes divisa, Cardui stellati foliis similia. *Caulis* plurimum nullus, aliquando sesquipalmaris, *foliis* paucis minoribus vestitus, brevi lanugine subhirsutus, *caput grande* in cacumine gerit, unicum, oblongum, rigidis, nervosis, spinosisque foliis obstitum, quibus squamæ oblongæ & innocentes subsunt, *pappum* coercentes, quam *flos* purpureus marcescens relinquit.

Locus.

In planitie propè montem Lupi, versùs Meridiem copiosum observavit & collegit Cherlerus.

Hujus alia seu species, seu varietas in horto Regio Paris. colitur *Eryngii montani minimi mitioris capitulo magno* nomine.

9. *Carduus parvus* J. B. *Creticus minimus* Park. *Carlina sylvestris alia species* Clus. cur. post. *Acarna capitulis globosis* C. B.

J. B.

Pulchellus hic *Carduus* longiusculâ sed gracili, non fibrosâ *radice* nititur, à qua *caulis* exurgit plerunque singularis, tenuis, palmaris & altior, in ramos divisus, per quos *foliola* uncialia, culmum lata, spinulis per margines donata, hirsuta. *Capitula* extremis ramulorum hærentia, inter reticulatos pinnatorum foliorum cancellos conclusa, Cyani capitulis minora. *Folia* ad radicem [multa,] angusta, oblonga, [per oras incisa & spinosa] *Flores* [cœrulei] non multum se aperiant aut expandunt, quibus succedunt *semina* parva, alba, pappo inclusa.

Locus.

Circa *Puzzallu* arcem Siciliae in pascuis sterilibus eum invenimus; Boelius in Hispania, in arvis. *Capitula* ramulis infidentia supra medium quod cauli summo infidet, altius attolluntur, ut in *Impia* Plinii; omnia è multis angustissimis foliolis utrinque longiusculis spinis armatis composita, è cujus umbilico (ut inquit Clusius) exilit *flos* flavus: Et revera nobis etiam *flos* (qui tamen jam præterierat) flavus videbatur, quem Parkinsonus, è quo J. Bauhini descriptionem supplevimus (quæ de floris colore nihil habet) cœruleum esse affirmat; cui potius fidendum quam Clusio qui siccam duntaxat plantam in sportulis Gulielmi Boelii, inter plantas quas in Hispania legit, conspiciebat. Parkinsonus hunc bis ponit, 1. Sub titulo superius allato, 2. Sub titulo *Acarnæ globosis capitulis*.

10. *Carduus minimus* Alpin. exot. mihi non videtur à præcedenti differre, quamvis nec icon, nec descriptio (quam idcirco subiciemus,) conveniant.

Alpin.

Elegantissima est planta, quæ ab una *radice* longa, tenui, ad palmarem altitudinem assurgit, *foliis* longis, Olivaceis, Atractylidis similibus, sed minoribus & mollioribus, spinulis tamen armatis, *caulibus* verò multis, obliquè exeuntibus, quorum qui libet utrinque duos furculos, sed inæquali intervallo è caule exeuntes habet, in quorum medio *calyx* echinûsve brevi pediculo, cæteris major, Atractylis echino non minor, exterius spinulis multis numero, plerunque tredecim, tenuissimis, per longum ipsum calycem vestientibus armatus; tantoque artificio iis spinulis tenuissimis reticuli modo à natura elaboratis, ut vix aurifex peritissimus id opus efficere potuisset. Hic echinatus *calyx* suo brevi pediculo inhæret, cum tribus foliolis oblongis [quinque appinxit in iconne] olivaceis, spinulis armatis, ferè stellæ modo actis: singuli verò alii cauliculi in apice ferunt eosdem calyces spinosos, sed illo qui in medio ipsorum sit minores, qui omnes inhærent furculis, ceu suis pediculis è caule exeuntibus, sed *calyx* in medio eorum qui sit, breviori longè pediculo inhæret quàm utrinque positi. Calyces verò dehiscetes *florem* parvum, qui nunquam latè dehiscit Atractylis modo, proferunt, cœruleum, qui *semina* producit in pappo, parva, alba, suis staminibus inhærentia, uti in Atractylide, quæ calycibus latè dehiscetibus in aere evolat.

Ufus.

Calyces echinatos, nondum dehiscetes, teneros & dulces Cretenses, apud quos nascitur, avidissime comedunt, inquituntque non segniter Venerem excitare.



## CAP. X.

## De Carduo stellato.

**C**arduos stellatos voco plantas capitatas, capitulorum squamis in aculeos rectos, oblongos & plerunque rigidos exeuntibus: foliis non spinosis.

- A. 1. *Carduus stellatus* Ger. Dod. *stellatus* sive *Calcitrapa* J. B. *stellatus foliis Papaveris erratici* C. B. *stellatus* sive *Calcitrapa vulgaris* Park. **Common Star-thistle.**

J. B.

Cubitum & sesquicubitum altus est *caulis* angulosus, subhirsutus, alis multis concavus. *Folia* satis mollia, pedem aliquando longa, aliquantum incana, profundè in lacinias inconditas dissecta. *Capitula* extremis hærent ramulis, glabra, Cyani capitulis æqualia, singulis squamis in unciales & fescunciales, rigidas mordaces, rectà foràs minantes spinas desinentibus, ut radiatam stellam imitari videantur. *Florum* stamina purpurea, rariùs alba. *Semen* lubricum, parvum, oblongum. *Radix* digitum vel magis crassa, mollis, succosa, nervum habens, ut aliæ radices, duriusculum, colore albescens, longa pedem, Raphano similis Columnæ.

Juxta vias publicas, circa oppida & pagos, inque incultis & sterilibus non in Anglia tantum sed & exteris regionibus frequens est.

Apud nos non assurgit in altitudinem, sed frequentibus ramis in latitudinem diffunditur.

In aqua hujus stillatitia albas rosas vel fungum Sambucinum, vel contra flores Calcitrapæ in aqua Rosarum albarum macerare, & applicare palpebris cataplasmatibus instar sum solitus, & quidem optimo cum successu. *Sim. Pauli.*

- \* 2. *Carduus stellatus latifolius caulescens* C. B. *stellatus latifolius* Park.

*Folia* huic latiora & breviora quàm præcedenti, minùs profundè ad margines secta, paucis aculeis hic illic ad angulos sitis. *Caulis* ferè simplex nec multum divisus, paucioribus ramulis, foliis confimilibus oblitis, quos terminant *capitula* parva, rotunda, crassa, alba, aculeis crebris munita, pluribus simul [septem plerunque unà] in stellæ formam dispositis, quorum medius longissimus, reliqui utrinque breviores. E medio capite exeunt purpurea filamenta, ut in reliquis Carduis. *Radix* parva annua.

Planta hæc ad Jaceas capitulo spinoso potiùs referenda videtur quàm ad Carduos stellatos: verum quoniam mihi incognita est loco movendam non duxi.

3. *Carduus solstitialis mitior* Apulus Col. An *Card. stellatus luteus foliis Cyani* C. B? *solstitialis* Ger? *solstitialis Dodonæi* Park? **S. Barnaby's Thistle.**

Col.

Ex radice parva, pulla, dulci, ac gravi sapore & odore Calcitrapæ dictæ, lignosaque *folia* emit in orbem disposita, parum è terra elata, semipedali longitudine aut majore, divisuris æqualibus, raris, sinuosis, Hieracii Apuli magno capite modo, in rotundos & pares ferè lobos quinos divisa, albà, atque brevi hirsutia obfita, albicantia, molliaque. Ex quorum centro *caulis* rotundus, angulosus, bipedalis & major producitur, foliis vestitus, ut ocreatus videatur, ut in congenere lavifolio, albus, hirsutus, multis alis in summo, è foliis angustis degeneribus prodeuntibus divisus, in quibus *capitula* parva copiosa insunt, echinata ut niger Chamæleo *Maranthæ* brevibus aculeis, iisque utrinque aculeatis, pungentibus, sed non ut vulgaris stellatus dictus & Solstitialis. *Flores* lutei sunt atque tenues non illis dissimiles, Maii fine prodeutes & Junio semina perficientes: atque capita etiam tunc lutescunt.

In incultis Cirinola, clivosis aridis copiosa est.

C. Bauhinus plantam hanc Spinæ Solstitiali vulgò dictæ eandem facit, mihi tamen vix persuaserit, cum J. Bauhinus spinas longas, rigidas luteas Cardui stellati è singularum squamarum mucrone exeuntes *Spinæ* suæ *Solstitiali* attribuat: Columna autem aculeos breves, utrinque aculeatos, non ita rigidos aut pungentes ac sunt Calcitrapæ spinæ, *Carduo stellato mitiori* Apulo ascribat. Verum integram *Spinæ Solstitialis* descriptionem Bauhinianam subjiciemus: cum nobis diversæ specie plantæ esse videantur.

Locus.

4. *Spina Solstitialis* J. B. *Carduus Solstitialis* Ger. *Solstitialis Dodonæi* Park. *Stellatus luteus foliis Cyani* C. B.

J. B.

In frequentes ramos divaricata est, *caule* gracili, bicubitali, albido tomento undique obfito, membranis passim secundum longitudinem aptatis alato; foliis stipato unà cum ramis ad Cyani folia accedentibus, duarum triumve unciarum longitudine & longioribus, per superiores ramos vix unciam longis, albicantibus, hirsutis, quæ in florem eunte caule ferè decidunt. *Capitula* Cyani capitulis æqualia, longis, rigidis luteis Cardui stellati spinis, è singularum squamarum mucrone natis, infesta. *Florum* stamina lutea, quæ tandem in pappos evanescent. *Radix* latis longa, lignosa.

Montepeli in satis nihil abundantius, nec minùs frequens in Italia, unde incremento segetum aliquando officit, & messorum manus pedesque vulnerat.

Locus.

E e 3

Augusto



Tempus.

Augusto mense &amp; Autumno floret.

Lobelius *Auriales* vocat, & expertum pro morbo Regio Remedium esse asserit. Florem atque radicem mirifice prædicant valere in Cachexia, Hydrope, Febribus diuturnis, virginum decoloræ facie & aliis obstructionibus. Ejus decocto vel destillatâ aquâ rustici utuntur ad coxendicis dolores, punctiones laterum, lienis tumores & sudorem ciendum. *Cam.*

5. *Carduus stellatus Leucoii folio.*

Ad dodrantalem altitudinem assurgit, *caule* tenui, striato, rigido, tomento brevi candicante obfuso, ab imo statim ramoso, ramulis crebris è foliorum sinibus exeuntibus, quæ alternatim posita, quatuor aut quinque uncias longa, angusta, supernè obscurè viridia, subtus incana ad margines æqualia, Leucoii lutei vel Salicis folio longissimo similia: Ad singulorum exortum hinc inde spina oblonga, quæ ad latus plerunque aliam brevem habet. Summos caules & ramulos finiunt capitula muricata, prælongis acutis rigidis spinis rectè extantibus minacia. *Flos* compositus è parvo purpureorum flosculorum fasciculo. Semina pappo involuta latitant, quàm pro plantæ modo majora, per maturitatem leucophæa nullo supremæ parti innascente pappo aut pilis.

Hujus plantæ semen cum Parisiis essem, Anno 1665. mihi communicavit Botanicus insignis D. *Marchand*, locum natalem non dixit, nescio an ipsi cognitum.

## CAP. XI.

De *Jacea capitulis spinosis.*\* 1. *Carduus Eryngoides capite spinoso* Alpin. exot.

Alpin.

**F**olia habet Eryngii, sed tamen mollia; *caulemque* fert ab una radice rectum, cubitalis ac amplioris etiam altitudinis; in quo folia prædicta raris intervallis posita cernuntur. In summitate verò duo vel tria *capita* profert, magna, rotunda, cactis longè minora, squamis pulcherrimis circum extrema crenatis obsita: inter quas spinæ multæ exeunt stellarum modo, acutæ, albicantes & duræ: *Flores* verò quadantenus Cyani similes purpurascens exeunt, è quibus semina cactis similia sed minora, flavescentia. Tota planta, sed maximè capita colore flavescent. *Radix* crassa, carnosa, quâ indigenæ [Cretæ] libentissimè & crudâ & coctâ vescuntur, libidinisque esse excitamentum affirmant.

\* 2. *Jacea lutea, spinosa, Centauroides* C. B. *lutea spinosa* Apula Park. *lævis lutea maxima Centauroides* Apula Col.

Col.

*Radix* humum profundè nixa petit, lignosa, dura, longa, corticosa veluti Quercûs caudex, caput habens pilosum nervulis vetustorum foliorum, foris nigrescens & albicans intus. *Folia* quæ primò erumpunt Rumicis æmula, carnosa, dura, lævia, retusiora, magna, longa, lata; quæ deinde in lobos paulatim divisa erumpunt Raphani modo, majora, latiora, Centaurio magno æmula, & Limonii soliditate. *Caulem* habet tripedalem, angulosum, foliis divisurâ Quercûs vel Cerri modo hærentibus alternatim, in summo parùm hirsutum, sicuti & folia parte averfa. *Capita* profert duo aut tria, crassa, magno Centaurio paria, Jaceæ aut vulgaris Cyani squamis compacta, aculeata, & per ambitum insecta lutescentibus spinulis, sed majora sunt omnia: internum verò quod à luteis spinulis five laciniis sepitur, virescens conspicitur, gratum oculis spectaculum exhibens, ex quibus flosculi lutei capillares Carduorum modo emicant. Spontaneum in his capitibus gummi hærens flavum, splendidum. Floruit adhuc Junio: *Semina* deinde perficiuntur, candida, depressa, purpurante pappo. Radicis sapor & odor, Calcitrapæ ingratus fuit.

Locus.

Parùm obvia est hæc, nec unquam uno nisi in loco Cirinolæ ortam vidimus, in fossa quadam arginis vineæ depressioris cujusdam propè *Acquamena*, dextrorsum cum itur.

Hæc & antecedens planta multa habent communia, & in præcipuis notis conveniunt, ut descriptiones conferenti patebit: diversitas est in florum colore, qui huic luteus est, illi albus; & foliorum superficie quæ illi hirsuta est, huic lævior.

3. *Jacea lutea capite spinoso* C. B. *lut. capitulis spinosis* Park. *major lutea* Ger. *Centaureum collinum* sive *Jacea spinosa flore luteo* J. B.

J. B.

Rigido & recto surgit *caule*, duorum triumve cubitorum altitudine, multis alis concavo, striato, anguloso, glabro. *Folia* ramulorum exortui subiecta, alibique per caules & à radice ad Centaurii Collini (cujus species videtur) folia accedunt, duarum triumve unciarum longitudine, unciam plus minus lata, in profundas lacinias ad costam usque dissecta, rigida, dura, tactu aspera. *Capitula* extremis hærent ramorum, Juglandis ferè magnitudine, squamis loricata ex viridi flavescentibus, per oras nigricantibus, aliquando lævibus & sui undique finilibus, aliquando denticulatis marginibus, interdum in spinam longiusculam, mordacem & nigricantem definientibus, non-

nonnunquam inermibus. *Florum* stamina in orbem explicantur, coloris lutei. *Radix* minimum digitorum magnitudine æquat, superiore parte subinde comosa.

Circa Monspelium & Messanam satis frequentem observavimus.

Locus.

4. *Facea lutea spinosa minor foliis in tenues lacinias dissectis.*

Hujus ramulum duntaxat vidimus inter plantas siccas D. Philippi Skippon, ubi collectum nescimus. *Caulis*, ut in hoc genere plantæ satis crassus & firmus erat, *foliis* vestitus crebris in plurimas longas & tenuissimas lacinias divisus, ramosus. Summos caules & ramulos occupant *capitula* modica è squamis composita in breves & imbelles, utrinque hirtas, ex spadiceo nigricantes spinulas desinentibus. *Flosculi* lutei sunt. Hæc ex sicca.

\* 5. *Facea montana purpurea echinato capite* Park. *cyanoides echinato capite* C. B. *montana echinato capite* Clus.

Clus.

Molliora sunt huic *folia* quàm vulgarissimæ; quæ secundum radicem sunt laciniata, ad *Calcitrapæ* folia accedentia: *caules* cubitales, angulosi, striati, in multas alas divisi: *capitula* hinc inde per ramulos confuso ordine sparsa, longiuscula, quamplurimis squamis constantia, quæ in mitiores tenuioresque quàm *Calcitrapa* aculeos eosque valde barbatos desinunt. *Flos* *Jaceæ* aut *Cardui* muricati purpureus: *Semen* non observavi: *Radix* *Calcitrapæ* radicem æmulatur.

Ad montium radices, nonnunquam secundum vias nascitur in Austria inferiore & Stiria.

Locus.

Dubitat J. Bauhinus, annon hæc eadem sit *Facea suæ latifolia*, *capitulis pulchris*, *flore purpureo*: nos diversam censemus.

C. Bauhinus *Jaceam* majorem folio multum laciniato *Ad* huic eandem facit. Verum Lobelius hoc titulo *Jaceam* majorem *Ger. Centaurium collinum Gesneri* intelligit: cum in Anglia frequentem eam esse scribit inter segetes, ubi non alia habetur *Jaceæ* species.

\* 6. *Facea capite longis aculeis spinoso* C. B. *flore albo, capite longis aculeis spinoso* Park.

C. B. prod.

Tota planta subincana, brevibus & rigidulis pilis hirsuta: *radicem* habet fibris crassioribus implexam, fragilem, candidam, sed membranâ subfusca testam: *caulem* cubito altiore, rotundum, incanum, asperum, in ramulos inæquales divisum: *folia* prima & tenella pilis densioribus, albidioribus, mollioribusque stipantur, reliqua verò oblonga, uncias duas lata, crassa, rigida, per ambitum profundius crenata, nonnunquam ad pediculum laciniata, per quæ fibræ crassiores albæ transcurrunt. *Caulis* summitati *capitulum* squamosum, ex pluribus squamis, etiam triginta numero compositum, & in conum pini æmulum compactum insidet, quarum apices in spinas oblongas, rectas, subflavas & rigidas desinunt, & squamarum oræ firmis pilis albescentibus tanquam setis undique circumdatae sunt: inter quos *flos* multis foliis oblongis, laciniatis & candicantibus emergit, cui *semen* *Cnico* simile, sed vulgari majus succedit.

Hæc, inquit C. Bauhinus, à *Jaceæ montana echinato capite* Clusii diversa est.

Ob folia circa margines dentata seu serrata ad *Centaurium* majus rectius refertur quàm ad *Jaceam*.

7. *Facea cum spinosis capitulis purpurea tenuifolia* J. B. *Stabe squamis asperis* C. B. *An Dodonæo Aphyllantes altera?* *Capitulis spinosis Facea* Lob.

J. B.

*Caulis* huic cubitales, striati, asperi: *folia* aspera, angusta, uncias duas longa, quædam rariùs laciniata, aut cum quibusdam eminentiis: *capitula* parva, quæ squamis constant flavescentibus, glabris, nisi desinerent in tres [interdum etiam quinque] spinulas. *Flosculi* purpurei.

Circa Monspelium & alibi in Gallia Narbonensi copiose provenit. Observavimus etiam in He- Locus.

*truria*. *Caules* (quantum memini) valde ramosi sunt, nec eriguntur, sed in terram resupini solum latè occupant.

\* 8. *Facea tomentosa capitulo spinoso* C. B. prod. Park.

C. B.

Tota planta quasi farinâ aspersa foret albescit, & à *radice* *caulis* pede minor, statim in alas plures divisus exurgit. *Folia* habet brevia, angusta, in petiola tria, quina, septena, subrotunda divisa. *Cauliculis* *capitula* parva ex squamis multis in aculeos acutos & rufescentes abeuntibus composita insident.

In Murena Hispaniæ inventa fuit.

Locus.

\* 9. *Facea capitulis hirsutis Boelii* Ger. emac.

Ger. emac.

Plures è radice fundit *cauliculos*, angulosos, striatos, pilosos, imbelles & humi stratos, in multos ramulos subdivisos, tres quatuorve pedes longos, undequaque diffusos, & solum latè occupantes: quibus ad intervalla adnascuntur *folia* hirsuta, laciniata, *Jaceæ* majoris *Ger.* aut *Erucæ* ferè in modum, sapore



sapore amaro admodum. Ramulorum singulorum extremis singula innascuntur capitula, squammosa, unaquaque squamam in quinque, sex, septemve spinulas imbelles, tenues, in semicirculum dispositas desinentes. Flores pallide purpurei, e pluribus flosculis, ut in reliquis hujus generis compositi, flosculis marginalibus majoribus & longioribus iis qui medium florem occupant, singulis in quinque lacinias angustas sectis, cyani non multum dissimilibus. Semen parvum, pappo inclusum; quo ad maturitatem perducto radix exarescit.

Hæc planta ex semine à Guil. Boelio accepto D. Goodyero Descriptionis autori succrevit: ubi illud Boelius collegit non meminit: verisimile autem est in Hispania aut Africa.

\* 10. *Jacea montana incana laciniata, capitulis hispidis* C.B.

C. B. prod.

Ex radice caulis palmo major, rotundus, molli lanugine canescens exurgit, circa quem folia pediculis oblongis incanis donata, laciniata & subrotunda, tactuque mollia: capitulum parvum, Jaceæ montanæ incanæ asperæ capitulis hispidis.

Montepessuli in monte Calcaris provenit.

Locus.

\* 11. *Jacea latifolia, spinosis capitulis pulchris, flore purpureo* J. B. An *Jacea purpurea* Hispanica muricata ejusdem? purp. Valentina muricato capite Clus?

J. B.

Multis ramis brachiata, cubitalibus & longioribus, striatis, angulosis, subhirsutis, tactu asperis, interdum concavis. Folia infima pedalia circiter, palmari latitudine, in profundas, latas, sinuatas lacinias divisa, & Cichorii sylv. similia, hirsuta, aspera, superiora verò per ramos passim multò sunt minora, Cyani aut Hieracii foliorum divisurà & magnitudine, usque ad ipsum capitulum crebra. Cæterum capitula extremis ramis hærentia turbinata sunt Cyani aut Jaceæ vulgaris capitulis paria, quorum singulæ squamæ flavescentes aut rubentes, alioqui læves & politæ, in quinque, sex aut septem radiatas spinas, deorsum vergentes desinunt. Flores purpurei tandem in pappos facessunt. Semina oblonga, Cnicò aliquatenus similia, multò minora, variegata: Radix crassiuscula.

Huic fortè eadem est *Jacea purp. Valentina muricato cap.* Clus. i. e. *Jac. foliis Seridis candicantibus, purpurea* C. B. *supina purpurea capitulis spinosis* Park. cui Clusius attribuit *Folia Seridis candicantia*: ramos cubitales & flexiles, & in eorum summo capita squammata, florem depromentia purpureum: radicem valdè crassam longamque & glutinosam.

Plantam huic similem ex semine Londino accepto ortam Cantabrigiæ in hortulo meo aliquando aiebam, quam puto Parisienses in *Catalogo Horti Regii* intelligere titulo *Jacea cyanoidis alterius alato caule* seu *Cyani Cretici spinosi Belgarum*. Hujus capitula (quantum memini) grandia erant, quàm Cyani aut etiam Jaceæ nigræ vulgaris majora: semina ut in planta Bauhino descripta variegata.

\* 12. *Jacea spinosa Cretica* Zanoni.

Præcedenti fortè eadem est, Radice nititur longa, brachii humani crassitudine, tereti, nodosa, à medio deorsum versùs in multos ramos divisà, eosque in ramulos minores & rariores subdivisos, cortice crasso, succulento, viscoso, colore pullo terræ Umbræ dictæ tectos, medullà intus albà, tenerà. Differt à superius proximè descripta foliis dimidio angustioribus, per oras spinosis, quo altius in caule sitis eò minùs incisis, adeò ut quæ floribus vicina sunt integra absque ullis incisuris observentur.

Integram descriptionem videbis apud Jacobum Zanoni *Hist. Botan. cap. 55.*

\* 13. *Jacea laciniato Sonchi folio, sive latifolia purpurea capitulo spinoso* C. B. Park. An *Jacea marina Bætica* Park?

C. B.

Radice est recta, fragili, fibrosa, membranâ subfusca tecta, & si plures caules protrudat brachiata [glutinosâ, diu durante] sapore subaustriusculo, ex insipido ad amariuscum tendente. Caulis ut plurimum rectus, hirsutus, brevibus densisque villis seu lanugine, potissimum parte inferiore refertus, qui ob capitulorum gravitatem humum versùs reflectitur, & in summo in aliquot ramulos dividitur. Folia primùm prodeuntia variant, sunt enim rotunda, oblongo pediculo donata, dein magis magisque sinuata, tandem verò in lacinias, (quæ ad exortum inferiorum minora sunt) inæquales dividuntur: sunt etiam rigida & dura, adeò ut complicata cum quodam penè crepitu frangantur, brevissima & duriuscula lanugine, potissimum superiora & ad exortum, tecta. Cauliculorum summis capitula spinosa, ex squamis compacta, initio viridia, mox ad apicem purpurascencia insident: ex squamis spinæ septem, pulchro ordine, stellam dimidiatam referentes exeunt, quarum media cæteris latior & longior, in minuto capitulo rubens, paulò post verò pallens. Flos ex capitulo tardè prorumpit, qui elegantis purpuræ & inodorus, cujus foliola fistulæ sunt oblongæ, superius amplo & laciniato rictu præditæ, inferius angustæ, quæ ad exortum coloris albi, sed paulatim versùs fastigium in rubrum sese mutante: omnes autem stamina clavata sustinent, clavâ ex purpureo seu violaceo prorsus nigricante, in summo alba puncta habente, & staminum pediculis, ubi ex fistula prorumpunt albis existentibus. Semen Cyani semen refert, oblongum, angustum & cinereum est.

Parkinsonus semina nigricantia *Jacea sua marina Bætica* attribuit: spinas capitis acutas quidem, at innoxias esse scribit.

Huic



Huic similis est, non tamen eadem quam in maris litore arenoso propè Neapolin in Italia, trans urbem versùs *Torre di Greco* & *Calabriam* copiosissimam invenimus, cui titulum fecimus *Facea purpurea maritima capitulo spinoso Neapolisana*.

- \* 14. *Facea Sicula Cichorii folio, flore luteo, capite spinoso* Bocconi.

Bocc.

*Caulis* huic angulosus & cubitum altus est, quândoque reclinatus, multis alis divisus & concavus. *Folia* longa, aspera, duas aut tres uncias lata, utrinque profundius dissecta, candicantia, *foliis* *Jaceæ Sonchi* folio latiora. *Floribus* constat luteis *Spinæ Solstitiali* similibus. *Capitulis* longis aculeis armatis donatur. *Radix* alba fibrosa.

Circa *Saccam* nascitur, nec videtur ea quæ sub *Jacea* capite spinoso longis aculeis à C. B. in *Prodromo* descripta est.

- \* 15. *Facea arborea, argentea, Ragusina* Zanoni.

Zan.

*Caulem* surrigit supra terram, simplicem, ad quatuor interdum digitorum altitudinem antequam in ramos dividi incipiat, inæqualem, subrotundum tamen, cortice flavo rubiginoso testam; deinde in multos ramos crassiusculos divisum, lanuginosos, candidos, arcuatos, à nodo ad nodum huc illic reflexos, medullâ viridante succosâ, ligno tenui filamentoso circumdata plena. Ubi *caulis* in ramos dividi incipit crebri tuberculi apparent, è quibus *folia* exeunt nullo ordine, prima & infima integra omnino, *Scabiosæ arboreæ Creticæ* similia, proxima ad basin duobus dentibus incisa; his succedentia quatuor reliqua deinde ordine pluribus, donec tandem, tota in dentes sue lacinias secta sint, circa medium caulem. Summi caules *folia* iterum primis similia, integra & indivisa gestant, acutiora tamen, & alia pariter secundis similia, acuta & variè incisa. Summos caules & ramulos terminant *capitula* grandiuscula & oblonga, lanugine candidâ seu argenteâ obducta, uti sunt & reliquæ omnes plantæ partes, quæ si deradatur, *folia* ex viridi obscura restant. *Capitula* hæc squamis imbricatis obteguntur, intus flavis & splendentibus auri instar, ima parte latis, à medio sursum versùs argutis denticellis serratis, spinâ acutâ mucronatis; mense Junio aperta *florem* edunt speciosum, odore non ingrato, multis flosculis fistulosis corniculatis compositum, marginalibus longioribus, oris in quinque lacinias totidem foliola mentientes sectis; è medio uniuscujusque exit filamentum seu stamen [rectius stylus] oblongum, corniculatum, & ex ipsius medio aliud, valdè gracile, summa parte incurvum & bifurcatum. *Florem* excipit *semen* versùs finem Julii, aliarum *Jacearum* seminibus simile, colore flavicante & lucido. *Radix* brevis, subtilis, flexuosa, in multos furculos spargitur; inflexa cum stridore rumpitur, ac si ex vitro aut glacie composita esset; colore ex flavo rufescente, medullâ intus albâ; odore *Brassicæ hortensis*; sapore aromatico tuberum in montibus *Mutinenfis* erutorum, verum pungente aliquantulum & exsiccante. *Foliorum* sapor valdè amarus, velut *Cardui benedicti*. Planta est perennis, semine etiam se propagans.

16. *Facea sphaerocephalos spinosa Tingitana* Hort. *Edinburg*. *Facea Tingitana capitulis spinosissimis* Hort. *Lugd. Bat.*

Cùm hæc planta nobis nondum conspecta fuerit, plura non habemus quæ de ea dicamus.

## C A P. XII.

### De Cyano.

**C**YANUS à floris colore cyaneo seu cœruleo nomen accepit. *Battifecula* sive *Baptifecula* Officinis olim dicebatur, quæ vox *Hermolao* à Latino derivata videtur, nimirum à *batuo* sive *bato* verbo antiquo, quod percutere & tundere significat, unde Anglicum *Beat*, & *secula*, i. e. falx, à secando dicta, unde Anglicum *Sickle*: à percutiendo scilicet & remorando mellorum falces.

Cyanus flosculis in flore marginalibus speciosioribus minúsque laciniatis infundibuli formam habentibus à *Jacea* differt: rectius genere cum *Jacea* convenire statuitur: namque si hanc distinctionis genericæ notam ponamus, duæ trêse duntaxat erunt Cyani species, nimirum vulgaris *Cyanus*, & *Turcicus odoratus*.

- A. 1. *Cyanus* J. B. *minor vulgaris* Lob. Ger. Park. *Cyanus Segetum* C. B. *Wet-bottles*.

J. B.

Lignosam habet multisque fibris capillatam radicem ubi excrevit: undè caules plures surgunt, cubitum & sesquicubitum alti, angulosi, cavi, lanugine incani, in ramos divisi. *Folia* infima Lob. \* Non tamen acutis laciniis sinuata, *Scabiosæ* aut *Dentis leonis* more; alia longa, culmum lata, per longitudinem adeo profundè, nervosa, casta, albicantiave. *Flores* ex capitulis squammatim compactis se explicant, corniculis nec in tam longas & angustas lacinas. \* laciniatis constantes, colore communiter cœruleo, & ut nomen loquitur cyaneo, aliàs albo, aliàs puniceo aut purpureo, crebris in medio flosculis cœruleis aut purpureis, simplices. *Semen* capitulis



lis florem sustinentibus seu alabastris oblongum, nitidum, pappo cristatum. Sapore est tota planta ficco & aliquatenus nauseoso, odore nullo eccellente.

*Locus.*

Inter segetes passim provenit. Flore est communiter cœruleo, rariùs albo aut purpureo. Verùm si in hortis latiori solo seratur & colatur, non tantùm flores edit cœruleos aut albos, sed & purpureos, & carneos, & variòs seu albos medio purpureo aut cœruleo aut carneo. Cultu etiam & mangonio obtinentur Cyani *flore pleno*, diversorum colorum; unde C. Bauhinus temere sine necessitate Entia multiplicat, Cyanum hortensem à Cyano segetum separans: Ostendat quæso (inquit Frater) discrimen.

*Vires.*

Flos hujus ut & aqua stillatitia utilis esse dicitur in oculorum inflammationibus, rubedine, lippitudine. Erysipelati inspergitur pulvis ex floribus unà cum capitibus factus. Ad putrida ulcera valet succus instillatus: Pulvis eorum assumptus Camerario efficax est contra morbum regium: Dof. 3j. Alias multas & ferè contrarias inter se facultates eidem attribuunt: v. g. æstus febriles restringere, adversus venenatarum bestiarum morsus & puncturas prodesse, quæ frigidum eum esse arguunt: in palpitatione cordis, in suffocatione uterina prodesse, iis qui ex alto delapsi sunt aut contusi, & quacunque de causa sanguinem concretum intus habentibus utiliter exhiberi, quæ calidum esse suadent. Et revera sapor totius plantæ amarus & nonnihil acris, vis deobstruendi, & purgandi aquas, quam C. Hofmannus sibi compertissimam longo usu esse tradit, calidum potius quàm frigidum eum esse probant.

Flores in spiritu vini, aut etiam aquâ communi macerati suò eam colore imbuunt, itémque Saccharo elegantem colorem communicant, cujus usus omni periculo vacat. Idem præstant flores Cichorei, Delphinii, &c.

2. *Cyanus major* Lob. Ger. *major vulgaris* Park. *Alpinus radice perpetua* J. B. *montanus latifolius*, vel *Verbasculum cyanoides* C. B.

*J. B.*

Numerosis fibris & mediocriter crassis in unam *radicem* coeuntibus vivacem & perennem, in grato sapore, figitur: cubitales & altiores *caules* surrigens, lanugine multâ villosos, angulosos quibus adnascuntur *folia* Lychnidis coronariæ, longiora, latiora, lanuginosa, mollia, alis latiusculis ad proximum usque folium semper cum caule continuatis. *Capitula* squammata *flores* sustinent Cyani vulgaris, sed longè majores, fimbriatos & è cœruleo purpurantes, nonnunquam & albos corniculis circiter uncialibus, purpurascensibus, quo etiam colore prædita sunt *stamina* [flosculi, medii] apicibus tamen cinereis.

*Locus.*

In montosis propè *Spadam* vicum acidulis celebrem primò invenimus, postea etiam in monte Jura non longè a Geneva. J. Bauhinus in monte *Wasserfall*, Basileæ cum esset, observavit. Alibi etiam in montibus non rarò occurrit.

Hæc planta si characteristicam Cyani notam à florum petalis marginalibus speciosioribus, minus profundè laciniatis, & infundibuli formam habentibus sumas, Cyanus dicenda non est, sed potius Jacea.

3. *Cyanus repens latifolius* C. B. Ger. *repens latifolius Lobelii* Park. *peramarus repens folio Lavendulæ* J. B.

*Ad. Lob.*

Minus observata hæc, non aliò quàm ad Cyanum aut Jaceam referenda [imò rectiùs me iudice ad Jaceam quàm Cyanum] foliolis oblongis, angustis, Lavendulæ, rigidis, illius plantæ quam proximè descripsimus [Cyani majoris] similibus, in *cauliculis* gracilibus, viticosis, palmaribus, pedalis & sesquipedalibus, quorum singulis summis singuli *flores*, staminei Jaceæ, obsoletâ purpurâ, è poculis squamosâ insertionem conflatis prodeunt. *Radix* digitum parvum æquat. Tota planta gustu perquàm amaro & ingrato.

*Locus.*

Subter Seseii pratenfis ramulos ad *Sellam novam* & alibi agri Monspeliaci reptando latitat. Hæc omnia Lobelius. Nos plantam hanc circa Monspelium multis in locis observavimus, nec latitantem, sed conspicuam.

Neque hæc planta ad Cyani genus propriè pertinet, sed ad Jaceæ.

- \* 4. *Cyanus repens angustifolius* C. B. *repens linifolius* J. B. *repens angustifolius sive minimus* Park.

*J. B.*

*Cauliculus* huic dodrantalis; *folia* ferè Lini, valdè crebra, unciâ paulò longiora, angusta; *capitula* longa, squamosa, similia Stoechadi citrinæ alteri inodora, verùm squamæ breviores videntur, è quibus erumpit tomentum candicans. Saporem insignem non animadverto.

J. Bauhinus ex ficca descripsit.

5. *Cyanus floridus odoratus Turcicus sive Orientalis major & minor* Park. *The Sultan flower.*

*Park.*

*Folia* huic latiora sunt, & ad margines magis laciniata quàm vulgari Cyano, non usque adeò incana. *Caules* in majori specie minimùm bicubitales, in minori humiliores, foliis consimilibus sed minoribus obfiti, in plures ramos divisi, quorum singuli singula sustinent *capitula*, squamosa, Cyani vulgaris majora, *flores* exserentia majores, è multis flosculis compositos, marginalibus octo aut novem fistulosis, oblongis, versùs oras paulatim dilatatis & expansis, infundibuli specie mediis brevioribus

oribus & angustis. Flosculorum ambientium color dilutè purpureus, amœnus; mediorum pallidior & albescens: odor fragrantissimus, ut præstantissimum etiam Zibethum superet. Semen pappo inclusum nigricat. Radix quotannis una cum superficie emoritur.

Constantinopoli ad nos transmissa est, apud Turcas in honore esse cœpit quoniam ab Imperatore primum in agris observata, ob odoris gratiam collecta & gestata est.

Minor species quantum magnitudine omnium partium tantum odoris suavitate majori speciei cedit.

\* 6. *Cyanus tomentosus* Alpini exot.

*Alpin.*

Planta est furculosa, ferens ab radice furculos plures, longos, graciles, rotundos, obliquè actos sursum, lanugine candidà obritos, cubitales & ampliores, molles, foliis hinc indè vestitos longis, tenuibus, per oras ferratis, in acutum desinentibus, candidis, tomentosis, Cyani foliis figurâ similibus, sed multò minoribus. Surculi in cacumine habent flores purpurascens, Cyanis similes, suis parvis calycibus, & exterius squamis obritos, contentos. Radix tenuis, in multas divisa, lignosa.

Accedere videtur Jaceæ foliis angustissimis subtus incanis, seu Stœchadi purpureæ odoratæ Parkinsoni.

\* 7. *Jacea Hispanica* Alpin. exot. potius *Cyanus Hispanicus*.

*Alpin.*

Et foliis, & floribus & caulibus ex toto Jaceæ vulgari similis est. Flores verò ad flores Cyani maximè accedunt, & magnitudine, & figura, & colore. Etenim colore albescunt in cœruleum, & veluti radios elegantissimos habent. Planta annua est & sapore amarescit.

Hujus semina ex Anglia habuit Pr. Alpinus à Joanne Moro M. D. missa.

### C A P. III.

#### De Jacea.

\* 1. *Jacea maxima* Alpin. exot.

*Alpin. exot.*

**C**aulis à radice sustollit quinque vel sex cubitos altos, rectos, scabros, ad imum densè foliatis; è quorum medietate superiori hinc indè surculi plures, recti, graciles, rotundi exeunt, in quorum summitatibus producuntur calyces parvi, Cyani magnitudine atque figurâ, è quibus exeunt flores lutei, Cnici floribus similes: quibus in calycibus succedunt semina Centaurii majoris seminibus proxima, saporis leniter amari. Planta propè radicem & in caulium infernis partibus admodum est perfoliata; folia verò Helenii foliis similia videntur, sed minora, quædam revoluta in seipsis, quasi luxuriantia, lanuginosa & quadantenus mollia, omnis coloris expertia, non sine levi amaritudine. Radix longa est, crassa, in tenuitatem desinens, quibusdam pauculis radiculis fibrosis referta, colore alba, Cinaræ radici omnino similis.

Ex feminibus Hierosolyma delatis enata est.

2. *Stabe capitata* Rosmarini folio Pona, sive *Chamaepitys fruticosa* Cretica Belli J. B. *Jacea fruticans* Pini folio C. B. *Stabe fruticosa angustifolia* Cretica Park. An *Chamaepeuce* Alpin. exot.

*Pona.*

Ex albicante radice lignosa & aliquantulum fibrosa varii efferuntur caules teretes, modo Coronariæ Libanotidis, trium circiter cubitorum, quadam canitie aspersi: profert folia uti ipsa Libanotis, sed longiora multò & acuminata magis, quæ paulatim flaccida facta, ita se coarctant, ut omnino appareant Pinastrî folia, quæque supernè virescunt, infernè albicant, cum quadam lanugine, uti & cauliculi: in ramulorum fastigiis edit capitula quemadmodum Stœbe Salmantica prima Clusii, quasi magnitudinis Centaurii majoris, cui etiam flos simillimus est, nisi quòd magis purpurascit. Semen retinet Cnici sed nigricans. Perennis est planta.

Vide infra Jaceam foliis angustissimis, subtus incanis, cui plantam hîc descriptam eandem esse suspicamur: ut & Chamaepeuce Alpini in Exoticis descriptæ.

\* 3. *Stabe*



- \* 3. *Stæbe fruticosa latifolia* Cretica Park. Frutex rotundo argenteo folio, Cyani flore C. B. *Cyanus fruticosus Creticus Candiae* Ponz Ital. Pulcherrimus frutex Bello ep. 2. ad Clus.

Bell.

Ad duorum cubitorum altitudinem assurgit, in orbem diffunditur, perpetuòque viret. Folia habet longa, rotundiuscula tamen instar foliorum mali, firmiora, latissime virentia supernè, inferius verò albâ quadam lanugine obducta, ut argentea videantur: cauliculos albos, lanuginosos, quos folia utrinque ambiunt, in quorumque extremitate flores cernuntur specie thyrsi, ut in Saponaria vulgari dispositi, squamato positi, sed figurâ Cyani, colore phœniceo, calyce tamen longiore quàm Cyani, squamato, albo & rubro diluto colore prædito. Flores in pappos resolvuntur: semen longius quàm Cynimi, calycisquæ sunt perennes.

Locus.

In altissimis præcipitiis inter saxa provenit.

4. *Stæbe major calyculis non splendentibus* C. B. *Austriaca elatior* Park. *Centaurei majoris species tenuifolia* J. B.

J. B.

Radice habet minimi digiti crassitudine, dodrantalem, sapore Cyani nauseoso: Folia Scabiosæ squamata argentea [proximo in loco describenda] tenuiter dissecta, albidiora, sapore amaro prædita: Caules unius, duorum aut trium interdum cubitorum altitudine, pro locorum ubi provenit ratione; in multos ramos fissi, foliis etiam tenuioribus. Absinthii ferè Pontici vestiti. Flores Cyani formâ, flaminei, minores, purpurantes è capitulis emicant turgidulis turbinatisque, Scabiosæ squamata argentea, paulò minoribus, squamulis asperis, pilosis, imbricatis, non lucidis, ut in argentea illa. Semina parva, oblonga, ruffa, quaternis costulis striata, quibus pili adherent.

Tanta è hujus plantæ similitudo cum Scabiosâ argenteis squamis, ut eandem existimaremus, inquit J. Bauhinus; quod idem & nobis videtur. Capitulum argumento Centaurii majoris speciem facio. Idem.

Locus.

In Germania, Italia & Gallia Narbonensi frequens est, ut non opus sit loca memorare.

J. Bauhinus Jaceam albam Tab. huc refert: C. Bauhinus speciem ex ea distinctam ab hac ut & sequente facit, titulo *Stæbes caliculis argenteis minoris*.

5. *Stæbe calyculis argenteis* C. B. *argentea minor* Ger. *Salmantica argentea, sive tertia Clusii* Park. *Scabiosa squamata argentea* J. B.

J. B.

Lignosâ radice firmata est. Caules cubitales & bicubitales, striati, subhirsuti, multis alis concavi. Folia multiplici casurâ dissecta ad Centaurii majoris speciem minorem accedunt, nigriora, teneriora. Extremis ramulorum capitula nascuntur turbinata, concinnis lucentium squamarum & candicantium squamulis imbricata.

Hæc à præcedente vix alia in re quam squamulis capitulum tenuibus & lucentibus differt, ut vix crediderim specie ab ea differre.

Locus.

In Calabria propè Tropiam urbem observavimus; necnon circa Monspelium.

- \* 6. *Stæbe Austriaca humilis* C. B. *incana Cyano similis tenuifolia* C. B. *Austriaca humilior* Park.

In collibus & montibus Viennensi urbi vicinis provenit hoc genus superiore multo humilius, magis incanum, tenuioribusque virgis; quod non multum differre videtur à minore Cyano.

- \* 7. *Jacea montana incana odora* C. B. *Jacea moschata* J. B.

Radix lignosa, lenta: caulis rotundus, pedalis; folia longa, lata, mollia, tomentosa, laciniis longis divisa, alba vel cinerea. Capitula formâ & colore Jaceæ secundæ, [quæ Centaurium murale dicitur] Tota planta satis suavi odore prædita est, saporis amaricantis cum adstrictione quadam.

Locus.

Ita describit Tabernamontanus (inquit J. Bauhinus) cujus & descriptionem & iconem probamus. Heidelbergæ provenit arenosis & siccis locis. Nos ibi frustra eam quærivimus; verum Centaurii majoris speciem tenuifoliam J. B. copiosam ibidem invenimus. Gaudet locis alsis & apricis. Jaceam moschatam in monte Hymetto propè Athenas observavit D. Georg. Wheeler.

8. *Stæbe Salmantica prima Clusii* Park. *Salmanticensis prior Clusii, sive Jacea Intybacea* J. B. *argentea major* Ger. *major, foliis Cichoraceis, mollibus, lanuginosis* C. B.

Clus.

Jaceæ similis folia habet humi strata, Scabiosæ Jaceæque foliis latiora, ad Cichorii folia accedentia, mollia, lanuginosa, & interdum candicantia. Aliquot ex eadem radice caules exeunt, cubitales aut ampliores, striati, subhirsuti, fungosâ medullâ fæcti, multis alis brachiati; quibus inhaerent minora, minusque dissecta, & mucrone quodammodo spinoso folia. Flores nascuntur in summis ramulis, capitulis [Cyani paribus, turbinatioribus, glabris nitidisque & politis, albicantibus per extremum rubentibus squamis, imbricatis] comprehensi, purpurei: quos subsequitur semen subruustum, Centaurii majoris æmulum, sed minus. Radix est longa, candida, digiti interdum crassitudine, quæ nonnunquam vivax est & plures annos durat.

Locus.

Circa Monspelium passim provenit, nec minus frequens habetur in Italia & Sicilia.

- \* 9. *Stæbe*



- \* 9. *Stæbe Salmantica secunda Clusii Park. major foliis Erucae mollibus lanuginosis C. B. Facea*  
genus *Stæbe Salmantica*, foliis mollibus lanuginosis, caule infirmo J. B.

Clus.

*Folia* omnia habet mollia & lanuginosa, *Erucae* instar laciniata; *Caulem* infirmum, ramosum, in terram procumbentem, cujus *flores* summis ramis innascentes superiore majores, barbulis exterioribus Cyani æmulis, purpureis, (quibus intermixti villi quidam lutei) medium florem occupantibus. *Semen* superiori simile, vel Cyani semini: *Radix* digitalis, albicans, non vivax, sed quam subsequens hyems corrumpit.

Nascitur Salmanticensi agro in arborum & vinetorum marginibus. Floret Junio, Julio, & Augusto. Locus & Tempus.

- \* 10. *Stæbe spinosa Cretica Park. spinosa J. B. spinosa maritima C. B. Cyanus spinosus Creticus*  
Ponæ & Alpini.

Clus.

Quam descripsit Clusius *Hist. app. alt. auct.* in Ducis Areschotani horto enutritam, trium circiter pedum altitudinem æquabat, & si angustius non conclusa liberè excrecere posset, ad majorem altitudinem pertingere posse arbitrabatur. Fruticosa autem erat, ramulosque satis duros & quodammodo lignosos habebat, foliis valdè laciniatis obfitos: summi verò ramuli flores sustinentes minoribus, usque singularibus foliolis instar foliorum Lavendulæ septi erant & plerumque in spinas definebant. Tota planta candicabat ferè instar Cinerariæ dictæ: Squamosi etiam erant florum alabastri & calices; ipsi autem flores candidi, Cyani florum formam quodammodo referentes. *Radix* lignosa, multifida atque perennis.

Floret Julio, Augusto, & toto Septembri.

P. Alpinus altitudinem palmarem huic plantæ attribuit, & flores colore carneos: reliqua descriptio satis convenit.

Hæc, puto, planta est quam observavit D. Georgius Wheeler propè Athenas in Attica, inque Teno insula Cycladum. Itiner. p. 52.

- A. 11. *Facea major Ger. itémque Scabiosa flore purpureo ejusdem, ut J. Bauhino & nobis etiam videtur. Scabiosa major squamatis capitulis C. B. itémque Scabiosa major altera squamatis capitulis, sive Facea rubra latifolia laciniata ejusdem. Centaurium collinum Gesneri flore purpureo J. B. Great Knapweed or Matfession.*

Matth.

Primo statim exortu *folia* profert longa, nullis in ambitu laciniis, at quæ his succedunt plus, minoris modo, dissecta cernuntur, quæ verò in caule & ramis habentur, minora sunt & magis laciniata. *Caules* gerit æstate sesquicubitales, teretes, striatos, incanósque, qui circa cacumen suos fundunt ramos, in quorum fastigio *capitula* oriuntur in acutum definentia, compactili squamarum ordine contacta, Cyani modo, è quibus *flores* prodeunt ferè etiam similes, sed rufescentes. Hos denique sequitur *semen* parvum, oblongum, rufum, & superiori parte pilosum. *Radice* nititur pollicari crassitudine, & sæpe majore brachiataque, sapore subdulci Pastinacæ proximo.

Nascitur inter fruges & in campis non cultis, argilloso præsertim solo: éstque (ut rectè Lobelius) segetum potiùs quàm pratorum. Locus.

12. *Facea nigra Ger. nigra vulgaris Park. nigra vulgaris capitata & squamosa J. B. nigra pratensis latifolia C. B. Knapweed or Matfession.*

*Radix* satis crassa, lignosa, vivaci, fibras multas emittente, sapore cum nausea adstringente nititur. *Folia* priora, quæ à radice exeunt, aliquid (inquit J. Bauhinus) commune habent cum Cichorii foliis, sunt enim longa, nonnihil laciniata, præ virore nigricantia, brevi lanugine hirsuta. *Caulis* ex eadem radice interdum unicus, sæpius plures exeunt cubitales aut sesquicubitales hirsuti, teretes, striati, firmi & rigidi, fractu contumaces, medullâ farcti, foliis crebris, nullo ordine positus, iis quæ ad radicem similibus verùm angustioribus, obiter præcipuè ad exortum dentatis, cincti: è quorum alis seu sinubus à medio caule sursum versùs ramuli egrediuntur consimilibus foliis sed minoribus donati, in fastigiis unum, duos, trèsvè *flores* sustinentes, seu potiùs florum *capitula*, satis grandia, squamis nigricantibus, circa margines ciliis instar pilosis, imbricatum positus exterius contacta, è quorum medio *flosculi* emicant tubulosi, laciniati, purpurascens, arctè stipati; quibus marcescentibus & delapsis restant, denso sed brevi pappo intermixta, *semina*, parva, per maturitatem ex cinereo nigricantia. Ramuli interdum in hac planta rectos ferè angulos cum caule efficiunt.

Post mediam plerunque ætatem apud nos floret, éstque in pascuis nimis frequens.

Habetur in Occidentali Angliæ parte hujus varietas flore Jacæ majoris, hoc est cum limbo seu circulo flosculorum majorum seu longiorum in margine, Cyani in modum; hæcque non minùs frequens quàm vulgaris ibi oritur. Tempus & Locus.

Hujus varietatis aliam adhuc varietatem observavit nobisque ostendit Tho. Willifellus cum flore pleno, cujus flos totus componitur ex ejusmodi flosculis, qui in margine illius sunt, nimirum oblongis & speciosis.



13. *Jacea nigra angustifolia* Park. *nigra angustifolia*, vel *Lithospermi arvensis foliis* C. B. prod.

C. B. prod.

*Radice* est nigricante, in fibras aliquot divisa: caule pedali, rarius cubitali, rotundo, aspero, in alas inæquales diviso: quem *folia* incana, angusta, brevia, rigidiuscula & aspera, *Lithospermi* arvensis familia alternatim sua basi cingunt. Cauliculi summis *capitulum* squamatum & nonnihil asperum, aliarum *Jacearum* formâ, sed minus, insidet: ex quo *flos* multis exiguis oblongis foliolis pallidè rubentibus vel ex purpurâ candicantibus prodit, cui *semen* exiguum nigrum succedit.

Locus.

Hanc passim *Montepessuli* & *Patavii* observavimus.Adeò exigua est & ferè nulla inter hanc & præcedentem differentia, ut non immeritò *J. Bauhinii* ad idem caput utramque reducit.

Huic &amp; altera similis, sed caule molli tomento vestito, &amp; foliis incanis mollibus &amp; longioribus.

14. *Jacea semper virens Lusitanica* Bocconi & Morisani.

Bocconi.

Hujus plantæ *folia* lanceolata, longiora latioraque quàm vulgaris [*Jacea nigra*,] margine tamen, ut illius, laciniata, aspera, è virore pallentia: *Caules* multi, cubitales & longiores, pluribus sparsim & confusè foliis cincti, in ramos multiplices per totam summam divisi, duri, asperi, proferentes *capitula* è quibus exeunt *stamina* [verius *flosculi*] plura, conferta, coloris ex purpura rubentis. *Radix* lignosa, dura, non absque fibris. Tota planta hyemem (nisi acris admodum fuerit) sine noxa facillè tolerat.

Locus.

In hortis *Florentinis*, *Pisanis*, *Bononiensibus* & demum *Parisiensibus* vidimus. E *Lusitania* primum allatam credunt, unde nomen habuit. Hactenus *Bocconus*, cujus descriptionem probamus, ut plura addere non sit opus. Nos è semine *Londino* accepto natam in hortulo nostro *Canabrigiæ* aliquandiu aluimus.

15. *Jacea foliis angustissimis, subius incanis. Stæchas purpurea odorata* Park. *Stæchadi citrinæ affinis capitulis longioribus* J. B.

Pilliter.

Ad cubiti ferè altitudinem assurgit, ramulis infirmis & terram versùs reclinatis, unde in latitudinem magis quàm in altitudinem diffunditur; è *radice* longa, durâ, nigricante virgas crebras lignosas incanas emittens, *foliis* plurimis, oblongis angustis, superne ex viridi nigricantibus, inferne lanuginosis, tomento candicante obsitis, circa margines subinde dentatis vestitas. Summis ramulis interdum singula, plerunque bina innascuntur *capitula*, oblonga squamis confertis imbricata, *flosculos* exferentes pulchellos, purpureos, odoratos; quibus succedit *semen* pappo involutum, *Cardui* *Pineæ* dicti seminibus nonnihil simile.

Locus.

Plantam hanc variis in locis tum in *Gallia Narbonensi* tum in *Gallo-provinciæ* rupibus prope *Maffiliam* observavimus. D. *Magnol* in monte *Cetio*, in sterilibus circa *la Colombiere*, versùs *Salenoram* prope *Foncaude*, & alibi eandem invenit. *Botan. Monsp.*

An & quantum differat hæc planta à *Stæbe capitata* *Rosmarini folio* *Ponæ* considerandum.\* 16. *Jacea integrifolia humilis* C. B. *nigra humilis* Park.

C. B.

Hæc *cauliculis* est pedilibus, rotundis, alba lanugine hispidis, & terram versùs reflexis: *foliis* unciâ latis, duas longis, nec laciniatis, nec crenatis sed integris, lanugine, præsertim per marginem, pubescentibus & subasperis, basi sua *cauliculum* ambientibus: in cujus summo *capitulum* ex multis squamis imbricatum dispositus constans, ex quo *flos* *Jaceæ* vulgari similis, subpurpurascens, ex foliolis [verius *flosculis*] oblongis in filamenta aliquot divisus compositus, prodit.

Locus.

In *Austria* ad *S. Hippolytum* provenit.Hæc etiam à *Jacea nigra* vulgari adeò in paucis differt, ut vix possim animum inducere ut credam specie distingui.\* 17. *Jacea montana Austriaca major* Park. *Jacea nigra squammoso capite major* C. B. *montana squamosa major, semine nigro* J. B.

Clus.

Numerosa ab eadem radice promit *folia*, oblonga, vulgatissimæ *Jaceæ* haud absimilia, nec tactu minùs aspera, sapore nonnihil calido, subadstringente tamen: *caules* plerunque cubitales, striatos, ramosos, foliis angustioribus, & interdum paucis laciniis secundum pediculum præditis obsitos, ut in vulgatissima: *Capitula* in extremis ramis crassiora, non hirsuta, sed multis squamis tenuibus, & si vel digitis leviter attingas crepitantibus prædita, inferne candicantia, superne verò, quâ se *flos* explicat, fusca. *Flos* multis exiguis foliolis [rectius *flosculis*] in quinque lacinias divisus ex purpura candicantibus constat. E quorum medio purpurascens tubulus exilit, in summo velut farinâ aspersus; quem ambiunt purpurea majora longioraque foliola [flosculi] quinque inæqualibus laciniis etiam constantia, uti vulgatissima. *Semen* *Cnico* formâ simile, sed exiguum, nigrum, paulò majus, quàm vulgaris, subadstringentis gustûs. *Radix* etiam vulgatissimæ similis est, fibrosa, nigricans.

Floret Julio & Augusto & subinde semen profert, quod maturum statim è vasculis reptans ficcum Tempus. florem excutit.

- \* 18. *Facea nigra squamoso capite minor* C. B. *montana Austriaca minor* Park. *montana squamosa minor, semine albicante* J. B.

Clus.

Hæc priori ferè per omnia similis, paulò tamen humilior, ut quæ rarò pedalem superet altitudinem: foliis minùs asperis & aliquantulum incanis; paulò dilutiore flore, semine minore, nec nigro, sed candicante & cinereo, linguam etiam magis calefaciente. Maturius plerunque floret & semen Julio perficit.

Provenit utraque copiosè in montanis Pannoniæ & Austriæ pratis.

Locus.]

19. *Facea latifolia capite hirsuto* C. B. *Austriaca villosa* Ger. *Austriaca latifolia villosa capite* Park. *Facea cum squamis pennatis sive capite villosa elatior & humilior* J. B.

Clus. J. B.

Lata longaque habet folia, superioribus majora, magis albescentia, molliora [ breviora latioraque quàm *Facea nigra* vulgaris, fescunciam aut unciam longa, latitudine unciali, acuminata, crenata, infima verò palmum & fescupalmum æquant. J. B. ] leviter dentata per ambitum, gummoso gustu, sed amaritudinis non exiguæ. Causles plures ex eadem radice promit, cubitales vel etiam ampliores & interdum minores, angulosos & striatos [ subhirsutos, ramis multis brachiatos ] Capitula terna aut plura, contigua ferè, ex multis squamis imbricatis dispositis constantia, quarum cuspides exterius reflexæ, in adeò crebra tenuiaque filamenta, nigricantia, sive potiùs multifidam barbulam desinunt, ut ipsa capita tenuissimo & elegantissimo reticulo inclusa videantur, miro naturæ artificio. Flos è medio erumpit *Facea* vulgaris, purpureus. Semen maturum cinerei coloris, Cyani semini ferè respondens. Radix vivax, & multis nigricantibus fibris donata.

Calidiori circa Monspelium cælo longè est strigosior foliaque possidet interdum sinuata potiùs quàm crenata.

In montanis Pannoniæ & Austriæ pratis oritur Clusio: Floret Julio & Augusto.

Locus & Tempus.

- \* 20. *Facea Melitenensis capitulis conglobatis* Bocconi.

Bocc.

Causles hujus pedales & longiores sunt, alati, ramosi, geniculati. Folia angusta, *Facea* vulgaris foliis molliora, leviter sinuata & incana. Flores ad genicula ab imo ad summum caulium plures, sublatei, è capitulis nonnihil spinosis, atque rotundi globuli formâ simul commissis exeuntes.

Melitæ invenit P. Boccione, in via quæ *Casalnovum* ducit. Lutetiæ etiam nata est, sed capitulis minùs compactis.

- \* 21. *Facea Monspellana cui in squamis fibræ nigrae, interdum acaulis* J. B. *Facea humilis Hieracii folio* C. B. Park. *pumila, humilis serpens, acaulis ferè, flore cyaneo & albo* Ad. Lob.

J. B.

Spontanea palmum vix superat, interdum acaulis, culturâ in cubitalem altitudinem proficit; multis ex radice crassiuscula productis caulibus, striatis, hirsutis, intus fungosis, multum ramosis. Folia pumila per terram sparguntur, Cyani foliorum æmula, incanâ lanugine obsita, laciniata, alia integra, reliqua per ramos fortuito posita nascuntur. Capita foliis oblongis, minimè dissectis, acuminatis obvallata sunt, mediocris magnitudinis, mollicella, squamis longiusculis compacta, quarum oras fimbria nigra ambit, acumen verò in pinnatas spinulas innoxias fatiscit. Flos albus stamineus in pappos abit. Habetur etiam flore purpureo.

Prope Monspelium in marginibus satorum ad pontem viâ quâ Frontignanum iur invenit Lobe- Locus & lius: ibidem etiam D. Magnol floribus purpureis & floribus albis frequentem vidit Maio mensis flo- Tempus. rentem.

22. *Facea angustifolia capite hirsuto* C. B. *angustifolia Austriaca villosa capite* Park.

Clus.

Longè humilior est, cubitalem altitudinem vix attingens, alioqui foliis villosis, & retis instar formatis capitibus, atque adeò floribus magnam similitudinem cum præcedente habet. Semen variat, quod nigricans est & paulò crassius.

In iisdem locis oritur, eodémque tempore floret.

Monspelii hæc nobis ostensa est ficca, ipsi tamen eam in loco natali crescentem nondum vidi- Locus & mus. Tempus.

*Facea alba hirsuto capite* C. B. cum non aliter quàm floris colore à penultima differat, species distincta censenda non est.



- \* 23. *Facea montana incana aspera, capitulis hispidis* C. B. Park.

C. B. prod.

*Radice* est lignosa, in longas fibras divisa & rufescente: *cauliculo* palmari, rotundo, lanuginoso: *foliis* asperis, ad radicem pluribus, incanis, hispidis, parum laciniatis, angustis, [interdum laciniatis, subrotundis & tactu mollibus] uncias quatuor longis, reliquis verò in profundas & rigidas crenas divisis, basique sua caulem amplexantibus, qui aliquando in ramulos dividitur, quorum singuli *capitulum* parvum ex squamis hispidis compositum sustinent, earum enim cuspides exterius reflexæ in tenuissima filamenta desinunt. *Flores* vulgari similes sed multò minores.

Locum.

Montepessuli in monte Calcaris provenit.

- \* 24. *Facea nigra laciniata* C. B. *nigra vulgaris laciniata* Park. *Facea cum squamis ciliis instar pilosis* J. B. *Facea Austriaca* VI. Clus.

Clus. J. B.

*Folia* vulgari sunt similia, secundum radicem leviter laciniata. *Caulis* cubitalis aut amplior, gracilis, firmus, striatus, [aliquantum hirsutus] nonnihil interdum purpurascens, in multas alas inæquales divisus, per quem folia sunt jam dictis minora angustioraque [uncialia & fescuncialia, semunciali latitudine & angustiora, dura, subhirsuta] *Flores* tingit purpura saturatior, *Jacea* vulgaris omnino similes è *capitulo* pari, toto nigricante, cujus squamæ singulæ pilos breves agminatim circumcirca ciliis instar possident. *Semen* priori æquale; *Radix* aliis similis.

Crescit permixta cum superioribus, atque eodem etiam tempore flores ejus explicantur.

- \* 25. *Facea Cretica* Park. *laciniata, squammata* C. B. *squammata Cretica, quibusdam Scabiosa Cretica dicta* J. B.

Clus.

Habet multa longa *folia*, supra tellurem expansa, instar majoris *Scabiosæ Matth.* crasso nervo prædita, & secundum illius longitudinem, non modò multipliciter laciniata, sed ipsæ etiam laciniæ in minores alias sectæ. *Caulis* deinde emergit cubitalis & amplior, striatus, durus, non dissimilis *Faceæ montanæ squamato capite majori*, per quem sparsa sunt *folia* jam dictis minora & minus laciniata: finditur deinde in varios ramos, minoribus adhuc foliis & rariùs sectis præditos. Extremi rami sustinent *squammata capita*, quæ producunt deinde *florem*, multis longioribus flosculis purpurascens, interdum omnino albis & valde sectis constantem, ex quorum medio exilit stylus pallescens: evanido flore succedit *semen* multa lanugine involutum, Cnico formâ simile, sed exiguum, cineraceum. *Radix* satis crassa, & quibusdam fibris prædita, instar radicis *Stœbes Hispanicæ*, quæ an vivax sit me latet.

Peregrino semine (Cretâ allato) nata est hæc planta Clusio.

26. *Facea montana lutea minima* Park. *montana minima tenuifolia lutea* Col. *laciniata lutea* C. B.

Col.

Locum &  
Tempus.

Æquicolorum montes herbidi hanc non descriptam Se ptembri mense floribus luteis onustam fundunt propè D. Angeli dirutum ibi templum, supra villam Flaminianum dictam; cujus *caulis* & *folia* pusilla respectu *capituli* & florum: magnum quidem illud profert, congenerum etiam modo *squamulis* compactum, atque *flores* majoris *Jaceæ* pares, aureo colore, quorum interni [flosculi] elati atque recti, & exteriores circa caput procumbentes. *Caulis* verò tenuis, angulosus, semipedalis ad summum, duabus alis foliorum interceptus. *Folia* verò triuncialia, propè humum expansa, in tenues admodum lobos divisa, ipsique etiam lobi insuper laciniati, carnosii, aculeati, Vermiculariæ Dioscoridis dimidiatum folium æmulantes, læves, sed tenuiores. *Semen* deinde profert papposum ut congenerum. *Radix* circa caput pilosa, fibris divisa crassiusculis, sapore & odore congenerum.

- \* 27. *Facea incana capite squamato* Francisci de Honuphriis.

Honuphr.

A radice lignosa, parum inter petras (Circæi Promontorii) earumque fissuras asservata, foliorum candicantium (inter quæ nullus nascendi ordo) multitudo germinat atque huic illucque diffusa, prætereuntium oculis sese patefacit, moxque assurgens lignoso caudice, non solum ex saxi verum ex Castrorum mœnibus propendet: quæ quidem primo intuitu Ragusioidem Jaceam adeò referre videbatur, ut non nos tantum sed & alii antequam flores & caulem ederet eandemmet esse putaverint: attentius verò à nobis animadversa dum in horto culta, ab illo differre toto cœlo cognovimus: *folia* equidem colore cinereo albicante, plurimâ lanugine aspera ipsam quodammodo æmulantur; hujus tamen grandiora, magisque incisa, flexibilia, rimosa atque minus crassa; illius verò crassiora, albidiora, breviora & rotundiora, absque rimis: *flores* hujus, ut in vulgari *Jacea*, purpurantes & carnei, illius verò aurei. *Caulem* edit hæc cubitalem, modò brevior, modò longior, alatum, striatum, foliis circumvestitum, & ubi folia insident brachiatum, circa initium aliquantulum fistulosum, ubi *capitula* adnascuntur squamata, non tamen spinosa, *floribusque* carnei elegantis coloris, Centaurioidem Jaceam quodammodo referentes. *Semen* Cyanis affine.

Tota candicans, hortisque inclusa aspectu pulchrior est planta Maio mense floribus onusta spe- Tempus &  
ctatur. Ex præruptis ingentibus Circæ veteris promontorii saxis Occasui expositis ubique pen- Locus.  
det.

Hanc nonnulli montanam candidissimam Jaceam C. B. *prod.* putârunt, cui & ipse addit Stœbes foliis: Hujus tamen folia nullam Stœbes formam retinent: in cæteris tum floribus, tum caule satis convenit. Folia illius magis laciniola, & ad Stœben accedentia, magisque quam hujus candicantia & lanuginosa.

28. *Jacea montana candidissima Stœbes foliis* C. B. Park. *incana, laciniata, capitulis Cirsii, flore uno aut altero* J. B.

C. B. *prod.*

Hæc ex radice crassa, lignosa caulem profert palmarem, nonnunquam cubitalem, angulosum, striatum, molli & incanâ lanugine vestitum. Folia habet ad radicem multa, per terram sparsa, palmaria, lata, Stœbes instar laciniata, molli lanugine incana, & superiora molli tomento quasi farinâ aspersa, mollia & alba sunt. Cauliculis summis flores singuli Jacæ vulgaris insident, quæ ex capitulis squarrosis prodeunt.

In montibus propè Capuam provenit. Nos in rupibus seu clivis maritimis Calabriae propè Sca- Locus.  
leam collegimus. Nostra etiam capitula ipsa eorûmque squamæ Jacæ nigræ simillima erant.

29. *Jacea montana capite magno Strobili* J. B. *incana Pini capite* C. B. *pumila Narbonensis* Park.

J. B.

Pumila est planta, duarum triumve unciarum altitudine, interdum dodrantalis aut major. Folia cauli longitudine vix cædunt: primum nascentia accedunt formâ ad priora Centaurii folia, sunt lata & sublonga: sequuntur alia in profundas lacinias æquali situ divisa, subtus densâ mollique lanugine candicante obfita, quâ etiam superius non omnino destituuntur, plerunque tamen viridantia; quædam interdum non laciniata, aut parum. Coliculus quoque tomentosus est, inque ramos subinde dividitur, sæpe simplex, cujus cacumini insidet caput magnum, Scolymi, squamis argenteis, aut ex argenteo rutilantibus purpurascenribusve, perquam tenuibus mollibusque, per oras latefcentibus cristatilisque compactile. Medium obtinent pappi, quos flos reliquit staminibus purpurantibus constans. Radix satis crassa, simplex aliquando, interdum plurium capitum, nigricans.

In collibus saxosis circa Monspelium frequens oritur.

Locus.

- \* 30. *Jacea montana* Ger. *montana Narbonensis* Park. J. B. Lob. *montana, incana, odora* C. B.

Lob.

Cauliculo riget dodrantali & pedem alto, rotundo: folia Jacæ luteæ & Chamæleonis lævis Theophr. media edente, alterâ parte incana, glauca, tantillum hirtâ: flores Jacæ aut Cirsii sed minores. Radix sesquipalmaris, gracilis, minusque fibrata, gustu cyaneo amaricat.

In cautibus & collibus *Castrî novi* conterminis Monspelienfis agrî nonnusquam à Lobelio reperta Locus.  
est. Quid sit se ignorare fatetur D. Magnol.

31. *Jacea latifolia capitata non descripta* Hort. Lugd. Bat.

## C A P. XIV.

### De Centaurio majore.

**C**entaurium nomen accepit à Chirone Centauro, qui eo curatus esse dicitur, cum Herculis excepti hospitio tractanti arma sagitta excidisset in pedem: quare aliqui Chironium vocant, Plin. lib. 25. cap. 6.

Centaurium duplex est, majus & minus, quæ quamvis nomine conveniat, & facie tamen & viribus distant, suntque toto genere diversa. Majus tantum hujus loci est.

Notæ hujus characteristice sunt Capitula squamata lævia seu aculeis destituta, folia per ambitum ferrata, magnitudo insignis.

- I. *Centaurium majus* Ger. *majus vulgare* Park. *majus Juglandis folio* J. B. *majus folio in lacinias plures diviso*, C. B. *Great Centory*.

J. B.

Centaurii majoris Caulis rectus hominis proceritatem assequitur, in ramos circa summitatem divisus. Folia amplissima in alæ formam disposita, quarum singularia spithamam ferè longa, trium aut quatuor unciarum latitudine, per ambitum ferrata, nervosa, glabra, saturatè virentia: at primum prodeuntia folia integra sunt, nec dissectionem agnoscunt: Capitula furculorum extremis insident squarrosa, è quibus emicant flores, staminibus purpureis contexti, in pappos evanescentes. Semen nitidum oblongum: radix rubens, crassiuscula, longa, recta.



Locus.

Radix Centaurii magni, quæ hodie ad nos convehitur ( inquit Matthiolus ) Gargano præclarissimo Apuliæ monte numerosa nascitur : quin & in aliis Italiæ locis, nempe in Veronenfi agro, Baldo monte quem Benaci alluit unda, sed infirma si ad Apulam compares. In Officinis pro Rhapontico vendi solet.

Vires.

Cum quadam adstrictione ac dulcedine acris est. Ob acrimoniam & adstrictoriam vim contrariarum qualitarum particeps est. Ob acrimoniam menses ciet & fetum mortuum expellit : ob astringendi facultatem profluvia sistit ; prodest in hernia, expuitione sanguinis, sanguine coagulato. Ad vulnera recentia & plagas conglutinandas tam efficax esse dicitur, ut carnes dum coquuntur inter se committant. Epar aperit ac roborat, unde hydropicis & iëtericis auxiliatur tum vino macerata, tum in pulvere pota. Summopere laudatur à nonnullis ( inquit Schroderus ) in obstructione venarum melaraicarum, & in morbis inde ortis, in febribus stomachicis, &c.

Præcipuus usus est in fluxibus sistendis & vulneribus consolidandis. Veteres commendant in ruptis, convulsis, dyspnœa & in veterata tussi.

- \* 2. *Centaurium folio glabro, flore flavescente* J. B. *An Centaurium Alpinum luteum* C. B? *majus luteum* Park.

J. B.

Cubitalis & sesquicubitalis est planta, caule glabro carnosio, tereti. Folia dodrantalia & longiora, glabra, glauca, in multa segmenta ad costam usque divisa, quæ quidem segmenta aliàs opposito situ respondent, aliàs verò minimè, crassiuscula, nervo bifido per longum exprorecto, in ambitu raris denticulis crenata, aliàs integra, sapore oleraceo. Singulis porro ramulis singula insident capitula Olivæ magnitudine, sed formâ conicâ, splendentia, imbricata, tam accuratâ squamarum commissurâ contexta, ut lævia esse videantur, nec ullâ asperitate molesta, è quibus emicant flores staminei, diluta flavedine imbuti.

Capitulum squamæ in hoc viridantibus striis pictæ sunt, obtusæ, nullis vel spinarum rudimentis donatæ; quibus notis præcipuè differt à Jacea lutea capitulis spinosis C. B. cui aliàs perfimile est.

Locus.

*Centaurium Alpinum luteum* C. B. in monte Baldo provenit, inter quod & nostrum exigua intercedit differentia. Ex ejus capitulo ante Meridiem liquor pellucidus & Mannæ instar dulcis in guttis seu stillis sponte exudat ; & capitulum compressum & suetum altero tamen die hunc humorem emittit. Addit insuper descriptionem radice, hujusmodi. Radicem habet rectam, profundè descendentem, crassam, parùmque fibrosam, subadstringentem & Centaurii majoris sapore ferè præditam [ nunc simplicem, nunc bifidam in extremo, carne intus albâ, foris cute nigra & dura obtectam. ]

Pleniorem hujus plantæ descriptionem videbis apud Jac. Cornutum in sua Canadensium plantarum historia, qui & vires adscribit, ex conjectura ( ut puto ) potiùs quàm experientia.

3. *Centaurium majus Africanum flore aureo odorato* Breynii.

Prima aliquando, quâ seritur æstate, nisi cœli nostri inclementiâ impediatur, vel altero post anno, Caulem emittit dilutè viridem, sesquicubitalem & proceriorem, crassitudine auricularis, solidum, durum, striatum, aliquot ramis concavum : circa quem glabra, venosa & viridantia sunt folia Erucæ, vel si mavis Jaceæ pumilæ Lob. in horto cultæ in modum laciniata, dodrantalia & palmaria, ac quo summitati propiora exeunt, eò minora profundiusque dissecta, quæ autem à terra circa caulis pedem proveniunt multo ampliora sunt, pedali nempe longitudine, latitudine verò quatuor aut quinque digitorum, Hippolapathi vel potiùs Armoraciæ formâ, rigida, rugosa, per ambitum serrata & versùs pediculum laciniata. Capitula caulis & ramorum summitatibus singula insident, rotunda, in latum turbinem fastigiata, præcedentis majora, atque pari imbricata squamularum commissurâ, tam accuratè loricata ut lævia ac quasi polita videantur : Ex quibus flores staminei, aureo colore perbellè fulgentes, atque suaviter olentes exeunt. His flaccidis semen album Cnici in summo, ciliis instar hirsutum, alba involutum lanugine, succedit. Radice nititur longâ, crassâ, aliquot ramis præditâ, fuscâ foris & corticosâ, intus albescente & resinosa, saporem dulcem ac gummosum habente, quæ perennis, frigoris autem impatiens & Solis calor avida.

Expetit enim solum calidum, Barbariæ nempe colles & incultos campos, præsertim non procul Gigeri sive Gigel urbem Mauritanie.

Hujus plantæ semina hoc anno [ 1685. ] nobis donata sunt ab eruditissimo Viro & insigni Botanico D. Hans. Sloane, quæ loco incommodo sata flores nondum explicarunt.

4. *Centaurium majus alterum* Ger. *majus alterum sive Lusitanicum* Park. *majus alterum folio integro* J. B. *majus folio non dissecto* C. B.

Clus.

Longa habet folia, non in lacinias divisa ut vulgare, sed Armoraciæ foliis non dissimilia, & ad Glasti foliorum humi expanforum similitudinem plurimum accedentia, per ambitum tamen serrata, saturæ viriditatis, & amariusculi saporis. Caules inter folia prodeunt cubitales, aut ampliores, rotundi, circa summum bifidi aut trifidi, squamata capita sustinentes, Centaurii majoris primi æmula : florem villosum, coloris albescentis, instar vulgaris : Semen Cnico ferè simile, seu, ut veriùs dicam, vulgaris, summo hirsutum, & molli lanugine involutum : radicem valdè crassam, duram, longam, densò cortice tectam, foris quidem nigro, internâ verò parte flavescente, succumque croceum refudante, qui cum amaritudine quadam aromaticus est.

Locus.

Supra Olyssipponem lapidosus juxta Tagum collibus duntaxat inveniebam ( inquit Clusius ) in Belgica peregrinum omnino.

5. *Centaurium*

- \* 5. *Centaurium majus*, *Rha capitatum folio Enulæ subtus incano & hirsuto* J. B. *Rha-ponticum folio Helenis incano* C. B. *Rha-pont. Enulæ folio latiore* Park. *Rha capitatum Lobelii* Ger.

J. B.

*Folio* est amplo, *Enulæ* five *Verbasci nigri* magnitudine & formâ oblongâ, prona parte lanugine cinericeâ obducta, supinâ verò viridante, per ambitum serrato, crasso nervo per longum decurrente, à quo in margines obliquæ porriguntur venæ, antequam ad oras pertingant in venulas alias divisæ, pediculo longiusculo, satis crasso, villoso. *Caulis* (ut scribunt *Adversariorum* auctores) rectus, *capite* fastigiatus foris squamulis loricato, ac per maturitatem stamine purpureo pleno: *semine* dum circa Junium & Julium maturuit, *Centaurii majoris* vel *Carthami* longiore: *radix* etiam fungosior, major, & *Rhabbarbo* fimilior quàm *Centaurio*.

Ex *semine* Turcico nonnulli habuere, inquit *Lobelius* in *Adv.*

- \* 6. *Centaurium sive Rhaponticum alterum angustiore folio* J. B. *Rhaponticum angustifolium incanum* C. B. *Rhaponticum angustifolium* Park. *Rha capitatum angustifolium* Ger.

Lob.

Valdè affine est *Capitato Rheo* ex *Italico* *semine* natum, sed *folia* angustiora multò, acuti *Lapathi* paria, aversâ item parte incana; & *caulis* rectus, *capite* fastigiatus squamulis loricato, ac staminibus purpureis, *Cinaræ* aut *Cardui* concoloribus pleno. *Semen* *Cnici sylvestris* compressum agrè maturat in Belgio. *Radix* *Centaurii majoris* fungosior.

## CAP. XV.

*Cyanus pulchro semine Centaurii majoris* J. B. *Chondrilla rara purpurea*, *Crupina Belgarum dicta* Park. *Chondr. Hispanica* Ger. *foliis laciniatis serratis, purpurascente flore* C. B. *The bearded Creeper*.

J. B.

**C**ultura proficit hæc herba siqua alia plurimùm: Spontanæ *caulis* vix palmaris, sæpe singularis; in hortis bicubitalis & multis ramis brachiatus, firmus, striatus, medullâ albâ donatus. *Folia* priora duo orbiculata, alia quæ sequuntur longa uncias duas vel tres, laciniata, quæ veluti crispantur, nonnihil hirsuta; circa margines serrata, superiora in lacinias insigniter tenues dividuntur. Extremis ramulis insident *capitula* parva, oblonga, squamis raris sed longis, purpurascentibus, lævibus imbricata; *florem* ferentia stamineum, purpurascentem. *Semina* *Centaurii majoris*, minora, nitido lavore lubrica infernè nigricantia, *Zonâ* albâ circa partem superiorem cineta, umbilicum coronante ruffo longoque barbitio, ut pulchrè aspergillum aquæ lustrali intingi solitum imitentur: inest semini medulla alba. *Radix* solet esse longiuscula.

Hetruriâ & agri *Narbonensis* collibus non procul à Lupo monte exit *Lob.* Nobis inventa est *Locus* propè *Scaleam* in Regno *Neapol.* & in colle *Castri novi* non procul *Montepelio*.

*Crupina* Belgica dicitur à vocabulo *Cruppen* i. e. repere, quia semen manu contrectatum se subducit ac prorepat.

Serratulam dictam apprimè refert hæc planta, foliis serratis & capitulorum formâ.

Columna hanc accuratè describit & depingit sub titulo *Senecionis-cardui Apuli*. Ineptè à nonnullis *Chondrillis* annumeratur, cum quibus nihil habet commune.

Prima eruptione è terra vel ex folis feminalibus foliis facillè cognoscitur, quæ magna, subrotunda, in medio lineam rubentem obtinent.

## CAP. XVI.

A. *Serratula* J. B. C. B. *purpurea* Ger. *vulgaris flore purpureo* Park. *Salw-wort*.

J. B.

**C**aulis recto, rigido, striato, glabro, rubente ad cubitos duos attollitur, qui cis summitatem in ramos multos finditur. *Folia* aliàs integra, *Betonica* paria, aliàs *Scabiosæ* instar laciniata, utraque atrovirentia, glabra, arguto spinularum mitium agmine serrata. *Capitula* crebra extremis furculis insident, oblonga, squarrofa, atro-rubentia, è quibus flores emicant Jaceæ nigra, purpurei aut carnei coloris. Caterùm flores è plurimis flosculis aggregatis componuntur; quorum unusquisque suo insidet semini: suntque omnes, tam marginales quàm medi, ejusdem magnitudinis & figuræ. *Radicum* fibræ majusculæ, sapore subamaro, tandem & eo quem *Cyanus* mansu exhibet.

Julio mense floret, estque in sylvis & pratis frequens.

Datur utiliter potanda ex albo meraco ruptis & ab alto devolutis. Idem præstat radix pulverisata, & 3j. pondere in vino calidè pota: in vino decocta, ac deinde illita ulcera mirificè mundat, carne replet, & cicatrice obducit: hæmorrhoidum quoque dolores mulcet fori adhibita. Folia & radix simul contusa & imposita vulnera & enterocelas sanare creduntur. *Matth.*

Tempus &  
Locus.  
Vires.

Serratula



Serratula à foliis minutim circumquaque incis & serratis nomen obtinuit. Parvitate sua præcipue à Centauryo majore differt, cum quo foliorum ambitu serrato convenit. Serratula affinis capitulo Baccharidis, flore Trachelii Hort. Lugd. Bat.

## CAP. XVII.

## De Lappa seu Personata.

**L**appa dici potest vel *ἡ ἀπὸ τοῦ λαβέν* prehendere, vel *ἡ ἀπὸ τοῦ λαβέν* i. e. lambere, quod prætereuntium vestibus adhæreat. Personata autem dicitur, quod folia ejus prægrandia veluti larvæ aut personæ vice obtendi solita essent. Veteribus Arction aut Arcion dicta creditur, verum ratio nominis ignoratur.

Notæ ejus genericæ sunt capitula lappacea ob squamarum mucrones hamatos vestibus adherentia, folia amplissima.

A. 1. *Bardana major* Ger. *vulgaris major* Park. *Personata* sive *Lappa major* aut *Bardana* J. B. *Lappa major*, *Arcium* Dioscoridis C. B. *Great Burdock*, *Clot-burr*.

Radice nititur simplici, crassa, profundè in terram descendente, foris nigra, intus albâ. Folia pediculis longis insident, maxima, hirsuta, supernè viridia, infernè brevi & densa lanugine incana, non exactè rotunda, sed in longitudinem productiora, & in acutum mucronem desinentia, brevibus & vix conspicuis circa margines spinulis. Caulis sesquicubitalis & altior, crassus, teres, hirsutus, purpurascens, medullâ fæctus, foliis per intervalla breviora alternatim positis vestitus, ab imo statim ramosus. In summis caulibus & ramulis flores in capitula squamosa congesti, squamis extantibus cum mucronibus reflexis seu aduncis, unde vestibus tenaciter adhærescunt. Flosculi singulares ex quibus totales componuntur singuli singulis insident seminibus alatis, ipsi purpurei, quinquepartiti, è medio exeunte clavâ quâdam tubulosâ, nigropurpureâ, quam penetrat stylus pallidus bicornis. Semina majuscula, oblonga, fusca.

*Bardana major rosea* Park. descriptæ varietas est accidentalis, non species distincta.

Arctium quorundam Lugd. C. Bauhinus huc refert. Parkinsonus distinctam speciem facit. Lugdunensis historiæ fides apud nos vacillat ideoque C. Bauhino assentimur, quantumvis neque descriptio, neque figura Lugdunensis huic conveniant.

Vires.

Radix præcipue in usu est. Siccatur, est pulmonica, diuretica, diaphoretica, extergens, subastringens. Hinc convenit in Asthmate, calculo, expuitione sanguinis, in vulneribus inveteratis, tumore lienis aliarumque partium; in arthriticis morbis, quibus peculiari proprietate conferre statuitur. Schrod.

Extrinsicè imponuntur folia vulneribus inveteratis, articulis luxatis, ambustis, &c.

Semen insigne lithontripticum censetur. Propinant autem in pulverem comminutum in Cerevisia tenui, aut zythogalo nostratibus Posset-drink dicto, lunâ plenâ. Hofmannus præfert radicem saccharo conditam. Apuleius pulverem seminis per quadraginta dies dat, & ischiadicos mirabiliter sanat. Rationem addunt, quod multum salis nitrosi possideat hæc herba.

Caulis antequam lappæ gignantur derafo cortice crudi coctique ex oleo & aceto mandi primis mensis cœpere. Petrus Laurembergius validam vim frangendi calculum, augendi semen, excitandi venerem eis attribuit.

Febrem quartanam in Henrico tertio Galliarum Rege decocto Bardanæ seu Lappæ majoris à Petro Pena deletam fuisse testantur S. Formius Obs. 41. & G. Hieronymus Velschius Obs. 4. Empiricum Parisiensem plurimos quartanarios decoct. radices hujus herbæ ex vino albo magno successu curare solitum accepimus inter Observationes celeberrimi Viri Pauli Marquarii Slegelii Poliatrici Hamburgensis. Hæc D. Tancred Robinson, qui & sequentia communicavit.

De vi & efficacia hujus plantæ in Arthritide & lue Venerea consule S. Paulli Quadripart. Botan. Cl. 3. p. 362, 363. Eandem vim obtinet quam Sarsaparilla.

Lappa major incensa deflagrat in modum Salis petræ, & pari ratione spuit ignem. Ephem. Germ. An. 3. Obs. 222.

In nephritide sem. vel rad. in aqu. Chærephylli aut Petroselinii plurimum commendatur. S. Paulli.

In Lethargo in clystere prodest radix Lappæ majoris. Dolæus l. 4. c. 1. S. 19.

A. 2. *Bardana major altera* Ger. *major lanuginosis capitulis* Park. *altera cum capitulis villosis* J. B. *Lappa major montana capitulis tomentosis* sive *Arctium* C. B. *Woolly-headed Burdock*.

A præcedente differt capitulis minoribus, squamis brevioribus, lanugine incana ceu araneorum telis intertextis.

Primum observavimus circa Skipton oppidum & in montosa comitatûs Eboracensis parte ea quæ Craven dicitur copiose; nuperrimè etiam alibi passim in Anglia, cum priore, ostendente D. Sam. Dale pharmacopœo & Medicinæ practico in Brantia Essexiæ oppido.

# HISTORIÆ PLANTARUM LIBER OCTAVUS:

QUI EST

De Herbis flore composito non papposis seu  
CORYMBIFERIS.



UID Corymbi nomine hoc in loco intelligimus superius diximus cum de Herbis flore composito donatis in genere ageremus.

Hujusmodi autem herbæ sunt vel flore radiato, vel flore nudo: proinde librum hunc in duas Sectiones partiemur, quarum prima erit de Corymbiferis flore radiato: Secunda de Corymbiferis flore nudo.

*Herbæ flore composito Discoide, seminibus pappo destitutis, CORYMBIFERÆ dictæ, sunt vel disco*

(Radiato, flosculis marginalibus seu barbulis eidem

(Concoloribus, floribus [ totales intellige ]

(Sparsis aut solitariis, foliis

(Integris; barbulis seu flosculis medium discum cingentibus

{ *Cuspidatis*; seu radice tuberosa perenni, foliis conjugatim positis, flore minore: *Flos solis PYRAMIDALIS*: five radice fibrosâ annua, foliis figillatim positis, flore & semine maximis: *FLOS SOLIS*.

{ *Frontatis*; Seminibus

{ *Incurvis*; fronte barbularum crenata; *CALENDULA, Caltha*.

{ *Rectioribus*; *Chrysanthemum Aster dictum*.

*Laciniatis*, Flosculis marginalibus seu petalis

{ *Latissimis* & subrotundis, calice è simplici foliorum ordine composito seu integro: *FLOS AFRICANUS*.

{ *Angustioribus*; barbularum fronte crenata: *CHRYSANTHEMUM segetum*.

(*Tenuiter dissectis*: *BUPHTHALMUM*.

(*In umbellæ formam in summis caulibus dispositis*: foliis

{ *Integris*, angustis serratis, barbulis & disco medio albis; *PTARMICA*.

{ *Laciniatis* Absinthii vulgaris in modum & pariter incanis: *ABSINTHIUM UMBELLIFERUM*.

(*Tenuissime dissectis*; *MILLEFOLIUM, Achillea*.

(*Diversi ab eodem coloris*, Albi scilicet cum umbo seu discus medius flavus sit: suntque itidem floribus vel

*Sparsis*



*Sparfis aut solitariis, foliis*

*Integris, aut ad margines duntaxat crenatis incisive; caule*

*Nudo, non ramoso, flore in fastigio singulari minore; BELLIS MINOR.*

*Foliofo & ramoso, elatior, floribus majoribus: BELLIS MAJOR, Bupthalmum vulgare.*

*Multifariam in segmenta tenuissima divisis: flore suavi, CHAMÆMELUM: fortido; COTULA.*

*In umbellæ formam dispositis, foliis laciniatis pallidis, cum gravitate odoratis: PARTHENIUM, Matricaria.*

*(Nudo, vide Tab. sequentem.*

## SECTIO PRIMA.

*De Herbis Corymbiferis floribus radiatis.*

**H**Æ vel sunt barbulis medio disco concoloribus, vel barbulis coloris à medio disco diverfi. Utrumque genus est vel floribus sparfis aut solitariis, vel floribus in Umbellæ formam in summis caulibus dispositis. Erunt ergo quatuor hujus Sectionis membra seu genera subalterna.

Primum, de Corymbiferis cum barbulis medio disco concoloribus, floribus sparfis aut solitariis.

Secundum, de iisdem cum floribus in umbellæ formam dispositis.

Tertium, de Corymbiferis cum barbulis diverfi à medio disco coloris, floribus sparfis aut solitariis.

Quartum, de iisdem cum floribus itidem in umbellæ formam digestis.

### MEMBRUM PRIMUM.

*De Herbis Corymbiferis cum barbulis medio disco concoloribus floribus solitariis aut sparfis.*

#### CAP. I.

*De Flore Solis.*

**F**LOS Solis dicta planta à novo Orbe advecta, Veteribus incognita fuit, Recentioribus à similitudine cum Sole denominata est, barbulis ambientibus Solares radios, disco medio ipsum syderis clypeum referentibus.

A reliquis cujuscunque generis plantis distinguitur flore omnium maximo barbulis umbonem medium coronantibus flavis & cuspidatis.

1. *Flos solis* Ger. *Chrysanthemum Peruvianum*, sive *Flos solis* Park. parad. *Helenium Indicum maximum* C. B. *Herba maxima* J. B. *The Sun-flower.*

*J. B.*

*Caule* surgit singulari, brachii crassitudine, decem aut duodecim pedum altitudine in nostris hortis, vicerum etiam & quatuor referunt alii in solo Hispano: incondita per hunc *folia*, *Cacaliæ* formâ, non item magnitudine, quippe *spithamam* longa, aut etiam *sesquipediam*, haud multo angustiora, acuminata, aspera, hirsuta, in ambitu serrata, pediculis longis hærentia. Summum caulis fastigium *florem* sustinet unicum, rotundum, orbiculatum, *Helenii* simile, sed tam amplum ut facile pedem in diametro colligat, foliis auri nitore luteo micantibus ambitum obsidentibus; disco plano, lato, è plurimis flosculis, obscurius flavis, arcuè stipatis, quorum singuli singulis insident seminibus, composito. *Semina* oblonga, tumidiuscula & nonnihil compressa nigra [interdum alba] singula singulis alveolis pulchro ordine dispositis contenta, qui seminibus exemptis favum referunt. *Radix* fibris innumeris composita, nec altè in terram descendens, nec tantum ausa promittere germen.

*Flos* aliquando tantæ magnitudinis ut 2362 semina exempta fuerint.

*Flos solis* meritò appellatur, quia non solum effigiem Solarem præ se fert, sed versùs eum semper caput inclinat.

Floras

Flores interdum (& ut Parkinsonus, caulis etiam ad foliorum pediculos) refinam tenuem, pellucidam exsudant pauca quantitate, Terebinthinam Venetam colore, odore & sapore plane referentem.

Hujus plantæ tres aut quatuor seu species, seu varietates observantur: nimirum,

1. *Flos solis major flore singulari, maximo*, Helenium Indicum maximum C. Bauhino dictus, atque hic vel semine nigro, vel albicante seu cinereo.

2. *Flos solis prolifer seu ramosus*, C. Bauhino Helenium Indicum ramosum. Scribit Parkinsonus se in una planta sexaginta interdum ramos observasse. Flores in hac specie multò minores sunt quàm in priore, multitudo tamen parvitatem compensat. Has duas plantas pro distinctis speciebus admittimus.

3. *Flos solis minor* Ger. C. Bauhino Helenium Indicum medium laciniato folio. Hic non alia in re quàm partium omnium parvitate à prima specie differre dicitur, quamvis folia in icone quam exhibent nonnihil laciniata pingantur.

4. *Flos solis minor famina* Ger. Helenium Indicum minus C. B. His addi potest &

5. *Flos solis minor mas* Ger. quem omittit C. Bauhinus: & pari sane ratione omittere potuit tertiam & quartam species: nam si omnino differant, non aliter quàm accidentibus quibusdam ratione cœli aut soli, aut seminis aut temporis stationis differunt. Nam Tabernamontanus, cujus in hoc Simia Gerardus est, quatuor quas exhibet figuras pro corona Solis, non aliter ab invicem distinguit quàm primam & secundam flore majore à tertia & quarta flore minore.

Flos hujus plantæ benè repurgatus à foliolis, coctus cum oleo, sale & aromatibus, melioris est saporis quàm Fagi, Asparagi, Cardui & Scolymi, ac ad Venerem insigniter stimulat, ut in seipso expertum se esse scribit Cortusius: nec minùs esu suaves & grati sunt pediculi foliorum teneri adhuc in craticula decocti, sale oleoque priùs preparati.

Usus in cibo  
& medicina.

Semina licet liberalius devorata capitis dolorem excitent, pectus tamen leniunt, ardorem extinguunt & apud aliquas gentes rûsa, coacta in panem, asaque frumenti usum præbent. Hernandez.

2. *Flos solis pyramidalis, parvo flore, tuberosa radice, Heliotropium Indicum quorundam* Ger. emac. *Helianthemum Indicum tuberosum* C. B. *Battata Canadensis* Park. *Jerusalem Artichoke*.

Ger. emac.

Ab una radice caules unus, duo, tres, pluresve exsurgunt, teretes, virentes, striati, asperi, pilosi, duodecim aut interdum sedecim aut amplius pedes alti, crassitudine minore multò quàm *Floris solis*, medullâ alba fungosâ farcti, foliis crebris, nullo ordine positis ab imo ad summum usque cincti, pallidè virentibus, asperis, acuminatis, octo circiter digitos longis, decem aut undecim latis, circa margines profundè dentatis, *Floris solis* vulgaris persimilibus, non tamen rugosis nec æquè latis. Caules ab imo statim ramosi sunt, ramis longis, foliis paulatim magnitudine decrepcentibus ab imo ad summum usque: unde planta arbusculæ similitudinem exhibet in cono seu pyramidis figuram effigiata. Flores apud nos in summis tantum caulibus & ramulis nascuntur. *Floris Solis* similes, non tamen majores quàm *Calendulæ* vulgaris, duodecim aut tredecim striatis, cuspidatis, aureo fulgore micantibus barbulis radiati, medium seu umbonem occupantibus flosculis luteis densè stipatis: *Calix* floris è squamis villosis componitur. *Semina* apud nos non perficit, quoniam seriùs post æquinoctium Autumnale floret. Caulis plures emittit radices, tenues, repentes, (quibus alimentum attrahit) fibrillis tenuibus capillatas, longè latèque se diffundentes, inter quas à radice primaria multæ aliæ soboles tuberosæ excrescunt, glomeratæ, nunc radici primariæ seu matri adherentes, nunc fibris longis ad pedis ab ea distantiam adnascentes, terram elevantes, & nonnunquam supra ejus superficiem apparentes. Unica Radix triginta, quadraginta, quinquaginta, aut etiam plura non rarò producit hujusmodi tubera. Radices hæ tuberosæ foràs colore rufescunt, substantiâ seu carne internâ fungosâ candicante, variis prominentiis gibbosæ, pugni humani interdum magnitudine, ea parte qua germinaturæ sunt velut in rostellum elatæ. Caulibus marcescentibus radices tuberosæ per hyemem in terra restant & sequenti vere regerminant, rarò tamen ante initium Maii. Hæc omnia è Gerardo emaculato transtulimus. Quibus adhuc, quamvis nimis fortè multa nonnullis videantur, caulibus floribus onusti descriptionem è F. Columnæ Hist. adjiciemus. Caulis ab imo è foliorum sinibus alternatim hærentium adeò ramis dividitur frequentibus undequaque, ut pyramidem efficiat, decrepcentibus ramulis summis paulatim, adeoque floribus oneratur quatuor vel quinque in singulis ramulis, ut obeliscum five metam rotundam stellatam dicas.

Radicum tubera sapore dulci gustui se commendant, & edulia sunt, & gratiora (inquit Columna) cruda quàm cocta. Nostrates variis modis ea præparant, alii in aqua decoquunt & cum butyro & Zingiberis tantillo condita esitant: alii in furno aut clibano cum aromatis, medullâ, uvis passis, butyro, vino Hispanico, &c. malsâ farinaceâ in volventes coquunt. Quocunque autem modo præparantur (inquit D. Goodyerus) flatulentæ sunt, & ventriculo inimicæ; alii autem aliter sentiunt, nec ullam ejusmodi flatu excitandi vim in illis percipiunt aut agnoscunt.

Usus & Vires.

Datur hujus varietas radice oblonga.

In notis MSS. quas amicè nobis communicavit Eruditiss. Vir, D. Josua Palmer M. D. Londinensis invenio D. Hermannum Botanices Professorem & Horti Medici præfectum in Acad. Lugduno-Bat. asserere Helianthemum Virginianum tuberosum flores in pappum abire. Quod si ita sit aliò transferendum est, nam non est hujus loci: & F. Columnæ rectius *Aster Peruvianus tuberosus* dicitur.



3. *Chrysanthemum Canadense* After *Virginianus latifolius luteus repens* Park. dictum. *Yellow creeping Starwort* of Virginia.

Park.

*Caulibus* surgit firmis, teretibus, duos aut tres pedes altis, non ramosis, (aut saltem rariùs & paucis ramis) *foliis* per intervalla ad genicula binis oppositis, latis & amplis, *Floris* foliis similibus, sed minoribus, in acutiores mucrones productis, ad tactum durioribus & asperioribus & obscuriùs virentibus, venosis. In summo caule *flos* unicus, amplus, è calice novem aut decem foliolis viridibus composito exiens, plurimis longis angustis flavis discum medium fuscum ambientibus petalis constans: cui succedit (inquit autor) semen (ut aiunt) *Floris Solis* semini simile, sed minus. *Radix* fibrosa, sub terra reptans & latè se diffundens. *Caules* quotannis intereunt.

Hæc planta foliis & floribus ad *Florem Solis* accedit: Semen nondum observavimus. Si nobis liceret nomen imponere *Florem Solis* minorem perennem radice repente eum appellaremus.

Duplex habetur species, altera *Chrysanthemum Canadense latifolium elatius* P. Boccone, *Chryf. Canad. latif. altissimum* Morifono dicitur, cui *caulem* altitudine sex, septem, aut interdum octo pedum assurgentem, crassitudine pollicari: *Folia* latiora, longiora, dilutiùs virentia, dentata attribuunt. Altera *Chrysanthemum Canadense latifolium humilium* prædictis Autoribus, cui omnia minora.

4. *After Virginicus luteus alter minor* Park. *Another yellow Starwort* of Virginia.

Park.

*Caule* unico, tereti, gracili, recto, rigido assurgit, quatuor aut quinque pedes alto, binis ad singulos articulos *foliis* longis, pulchro virore splendentibus, circum oras dentatis cincto, pediculis tenuibus insidentibus, ad tactum rigidiùsculis. E foliorum alis ad singula genicula *ramuli* utrinque exeunt, ab imo statim caule, minimum cubitales, confimilibus foliis vestiti. *Caulis* & *ramulorum* singulorum fastigiis singuli insident *flores*, virentibus calicum foliolis obvallati, petalis seu barbulis circiter decem, angustis, oblongis, flavis discum medium ejusdem sed saturatioris coloris, cingentibus, compositi. *Radix* fibris aliquot crassioribus longis, albis, duriusculis, fibrillis tenuibus capillatis constat, & in multos annos durat, *caulibus* quotannis exarescentibus, è lateribus emissis propaginibus se multiplicans.

C A P. II.

*De Chrysanthemo caule alato.*

**C**hrysanthemum à floribus auri fulgore rutilantibus, dictum esse nemo nescit. Chrysanthema autem dicimus herbas flore discoide radiato aureo, seminibus pappo destitutis; quâ notâ Chrysanthemum ab Astore differt. Atque ita latè accipiendo nomen Chrysanthemi tum *Flos Solis*, tum *Calendula Chrysanthemi* species erunt.

Verùm quoniam hoc genus plantæ insignibus notis inter se differunt: Sunt enim aliæ barbulis *floris* discum ambientibus cuspidatis, ut *Flores Solis* dictæ, de quibus jam egimus; aliæ *caulibus* alatis, seu membranulis foliaceis secundum longitudinem exstantibus auctis, de quibus proximo in loco agemus: aliæ seminibus curvis, quas *Calthas* & *Calendulas* vocant; aliæ barbulis frontatis fronte crenata, seminibus quadrangulis, nos eas in plura capita seu genera dividemus, quorum primum erit earum quæ caule sunt alato.

Non sum nescius secundam hujus Capitis speciem seminis cornuti seu bidentis respectu cum *Eupatorio cannabino* aquatico convenire, verùm quoniam aliis notis evidentibus & characteristicis, ut v.g. flore radiato, foliis in caule singulatim positis ab eadem differt; huic potiùs, quâcum insigni caulis alati nota convenit, adjungendam duximus.

1. *After luteus alatus* Cornuti, Cornutus *his yellow-wetted Starwort*.

Cornut.

Quamvis procera sit & valdè ramosa hujus *Asteris* species, vix tamen duo cubita excedunt *caules* ejus rotundi, quos *folia* vestiunt obscurè virentia, longiuscula, sine pediculis: pediculi namque loco appendiculæ quædam, alarum instar è marginibus foliorum deorsum flexæ, utrinque cauli proximè adhærent, ibique desinunt, undè folii alterius exordia sumuntur. *Flores* lutei, *Bellidi* majori similes, in summo cauliculorum nascuntur, medio sci. orbiculo luteo prominente, & foliis è circumferentia exeuntibus, velut *Astri* radiis aureo colore fulgentibus. *Flos* vetustate in pappos abit, qui, si digitis infries *Chamæmelinum* quiddam redolent. *Radice* nititur fibrosa hic *Aster*, quem sapor astrictionis potiùs quàm alterius qualitatis participem esse testatur.

Minus verè *Cornutus* *Florem* hujus plantæ in pappum abire scripsit; cùm semina solida sint & pappo destituta, observante Morifono.

Ab America Septentrionali allata est.

2. *Chry-*

2. *Chrysanthemum Canadense bidens* Moris. prælud. *Aster Virginicus luteus membranaceo caule* Park. *Pellow Starwort* of Virginia, with a twisted stalk.

Park.

Sex septemve pedum altitudinem assequitur, *caulibus* multis firmis, duris, robustis, ima parte ad mediam ferè altitudinem teretibus, aequalibus, superius quatuor membranulis extantibus secundum longitudinem productis à folio ad folium, velut alatis, minimè ramosis; quorum summitates occupant *flores* aliquot, lutei, stellati, quinque vel sex oblongis, angustis foliolis velut radiis umbonem medium è flosculis luteis dense stipatis compositum ambientibus; quos *semina* excipiunt compressa, capite lato & veluti cornuto, à se invicem ita abscedentia, ut capitula Ranunculi echinos aliquatenus referant, nisi quod majora sint. *Folia* singulatim cauli adnascuntur, superioris [Asteris Virginici latifolii lutei repentis] foliis perfimilia, ejusdem obscuri & maligni viroris, non tamen usque adeo ampla & lata, & in mucronem aliquanto productiora, & ad tactum asperiora, brevibus pediculis fulta. *Radix* lignosa, dura, tuberosa, fibris plurimis longis terram penetrans, eique valide inhærens, è lateribus propagines emittens, non tamen repens.

Apud nos seriùs floret, nec nisi calida tempestate præcedente: semen rarò perficit; Virginia Tempu indigena cum sit.

Hæc planta *Chrysanthemum Canadense bidens* Morisone in Prælud. dicitur.

## CAP. III.

De *Chrysanthemo semine curvo seu Caltha aut Calendula*,

**C**altha dicitur non (ut aiunt) à forma, qua calathum seu calicem refert, sed à Græco καλαχὴ quod apud Nicandrum & Hesychium. Siculi commutant θ in χ ut θενιδος θενιχης. Sic καλαχὴ καλᾶ. Voss. Etymolog.

Vulgò *Calendulam* appellant, quod corruptum ex *Calibula*, unde *Caldula*, & e inserto *Ca-* *ledula*, posteaque « addito *Calendula*. Idem.

A reliquis *Chrysanthemis* seminibus curvis differt.

1. *Calendula sativa*. *Caltha* J.B. *Caltha vulgaris* C.B. Garden Marigold.

J. B.

Aureus *florum* splendor, antequam utilitas comperta esset, hanc plantam nobilitavit, qui omni auro saturatiùs rufescunt, *Chrysanthemi* segetum formâ, non ut illud è squamato capitulo, sed calice multifido hirsuto prodeuntes, odorati, disco medio fusco vel luteo, barbulis eum ambientibus frontatis, fronte crenata; *semine* succedente incurvo, granulis quodammodo asperato, exteriore majore, interiore paulatim minore. *Caules* tenues, teretes aut nonnihil angulosi, hirsuti, & tactu nonnihil viscidi, in crebros ramos divisi. *Folia* linguæ formâ, sine pediculis caulem amplexa, ad basin angustiora, summitate latiora & subrotunda, oblonga, pinguia, hirsuta, incana, gustu herbaceo, mox calidiusculo. *Radix* furculosa, in fibras multas crassiores, oblongas dividitur. *Caules* interdum cum radicibus perennant hyeme mitiore, sæpius brumali frigore utraque corrumpuntur.

Tres hujus plantæ varietates insignes notavimus, alteram flore simplici, alteram flore pleno seu multiplici, tertiam flore prolifero. Flos enim interdum alios parit in ambitu, matre minores in pediculis triente longioribus hirsutis.

Tabernamontanus, ejusque Simia Gerardus nostras, novem *Calthæ* species pingunt & describunt, nimirum ejus quæ flore pleno est quinque varietates: 1. *Calendulam* multifloram maximam. 2. *Cal. majorem polyanthon flo. aureo.* 3. *Cal. polyanthon flo. aureo.* 4. *Calendulam sativam polyanth. melinam.* 5. *Cal. multifloram orbiculatam.* [6. *Cal. proliferam primam.* 7. *Cal. proliferam secundam.* 8. *Cal. sativam seu flore simplici.* 9. *Sylvestrem seu arvensem.*] Verùm hæc omnes varietates (quamvis C. Bauhinus quoque ita ferè distinguat) ad tres antedictas facile reducuntur: quin & ex tribus illis duæ quoque (ut suspicor) cultura & mangonio originem suam debent: nec tamen pertinax sum in hac sententia; nam (ut verum fatear) *Calendulæ* maximæ multifloræ semen satum speciem suam plerunque propagat; neque tamen, quantum hæcenus expertus sum, *Calendulæ* minoris semen, majorem unquam producit.

Quòd semina in disco marginalia majora sunt, sata tamen plantas cum flore simplici plerunque dant; media minora, & tamen plantas matri congeneres edunt, Gerardus tradit; penes quem fides esto.

Planta hæc Solsequia & Solis sponsa dicitur, quòd flos ejus ortu Solis aperiatur, & occasu claudatur.



2. *Caliba arvensis* C. B. *minima* J. B. *sylvestris* Ger. Wild Marigold.

*Cauliculos* emittit tenues, palmum & sesquipalmum altos, aliàs simplices, aliàs ramosos, singulis ramulis & summo cauli *flos* insidet exiguus, luteus, è calice folioso viridi. *Folia* angusta, semunciam longa: *radix* simplex, tenuis. Vix alia in re quàm partium omnium parvitate à *Calendula* flo. simplici sativa differt.

Circa Liburnum, Monspelium, &c. inter segetes & alibi oritur.

*Vires & Usus.* *Calendula* flores cardiaci censentur, hinc & hepatici & alexipharmaci, sudores movent, varias expellunt, ictero medentur, menses cient, partum promovent (fumus subditus parturienti) Aqua destillata, oculis instillata, aut linteis in ea madefactis impositis eorum rubori & inflammationi medetur.

Decoctum florum *Calendulae* in Zythogalo seu liquore posseti nostratibus dicto, vulgò propinatur ad variolas expellendas; ejusque usus à longo tempore ferè inter omnes increbuit.

Ad pestem præservativum, Accipe flor. *Calendulae* vulg. manduca, vel cum oleo aceto fac acetarium, Curio de Briquerville. Curativum, Succ. florum *Calendulae* potus jejunè fortiter sudando.

*Idem.* In metu Carbunculi pestiferi detur succus *Calendulae* manè ab 3j. ad 3ij. mirabiliter etiam purgat venenum pestiferum, per sudorem illud mira virtute evocans. Ex Observ. Marc. Cumani. D. Soame.

## CAP. IV.

De *Chrysanthemo* seminibus angulosis aut striatis.

*Chrysanthemum* Conyzae aut Asteris facie.

1. *Aster cernuus* Col. *Aster Atticus* foliis circa florem mollibus C. B. *Aster cernuus* Columnæ Park.

Col.

**H**ujus plantæ folia oblonga, vulgaris Asteris effigie, latiora, majora multò, tres uncias lata, per ambitum parùm crenata, brevi hirsutie pilosa, terræ proxima nervosa. *Caulem* singularem emittit, alis divisum multis, quibus breviora hærent alternatim folia ut in caule, duriora, minùsque crenata vel nihil. *Caulis* verò alarumque summum non ut in aliis plantis tenuius fit, sed paulatim crassescit, ut quod floribus hæret sit admodum crassum, & curvum, non imbecillitate, ut in *Chrysanthemo* Peruviano, sed naturâ. Singulos flores in singulis alarum cacuminibus producit, luteis staminibus confertis in umbones, ut in congeneribus, sed pluribus admodum foliolis virentibus imparibus cinctos: Radii autem cingentes florem molles, nec ut in vulgari *Astere* aculeati vel pungentes. Semen oblongum, fulvescens, amarum, viscosum, odoratum, angustum, striatum, quod singulis floribus subest. *Radix* fibrosa, pallescens, fibris crassiusculis divisa, *Valerianæ* sylv. modo, sapore ferè aromatico. *Folia* acerba, adstringentia cum amarore quodam.

Locus & Tempus.

Hæc in monte S. Mariæ Virginis dicto oritur. Julio & Augusto floret & Septembri perficitur.

2. *Aster Atticus* Ger. Cxf. *Atticus luteus* verus Park. *luteus foliolis ad florem rigidis* C. B.

Clus.

Unico plerunque assurgit cauliculo, pedali, duriore & quodammodo lignoso, lanugine pubescente, qui superiore parte in ramulos dividitur, caulem superantes, quorum extremis squamata insident capitula, foliis quinque ut plurimum longis, hirsutis, rigidiusculis & radiatim expansis subtus exornata, in medio verò flos *Chrysanthemi* aut *Anthemidis* aureus. *Folia* per caulem sparsa lanuginosa, mollia, candicantia ut *Lychnidis* ferè, sed angustiora. *Radix* durabilis non est, ut quæ singulis annis pereat.

Locus & Tempus.

Frequentissimus est (inquit Clusius) hic *Aster* Granatensi regno, & agro Salmanticensi in arvis, ubi Maio & Junio floret. Nobis observantibus in Italia. Sicilia & Gallia Narbonensi ubique ferè obviis.

C. Bauhinus è Lobelio & Dodonæo aliam proponit *Asteris* Attici lutei speciem, quem *luteum folio glabro & crenato* appellat, Lobelius *Italarum luteum fruticosum*, *Oleæ folio*, *Conyzae facie*, quam in Italiæ saxosis & aridis, inque Gallia Narbonensi valdè frequentem esse scribit. Verùm descriptio adeò brevis est & generalis, ut nesciam planè quam plantam intelligat. D. Magnol *Asterem* Italarum luteum, &c. Lob. *Asteris* montani lutei *Salicis glabro folio* C. B. synonymum facit: verùm C. Bauhinus diversum statuit, novo ei titulo imposito, *Asteris lutei folio glabro & crenato*: D. Morison *Asteri* luteo folio glabro & crenato C. B. h. e. Attico Dod. semina solida seu pappo destituta attribuit, idque ex propria observatione; unde apparet eum non specie tantum sed & toto genere distingui ab *Astere* montano luteo *Salicis glabro folio* C. B. cujus flos in pappo abit.

3. *Aster*

3. *Aster supinus* Park. *luteus supinus* Clusii Ger. *luteus* 12. *sive supinus* C. B. *luteus supinus spinosus* J. B. **Now creeping Starwort.**

Clus.

After hic supinus est, *cauliculis* multis ab una *radice* prodeuntibus donatus, humi magna ex parte diffusis, striatis & hirsutis; *foliis* numerosis, Asteri Attico luteo penè similibus, sed paulò viridioribus: singuli rami durum & foliosum sustinent caliculum, in quo *flos* luteus circinatæ rotunditatis, Buphthalmi aut Chrysanthemum æmulus: quo evanescente caliculi in adeo dura & lignosa *capitula* evadunt, ut ungue vix frangi possunt, atque semen, quod in iis continetur, & firmiter inhæret, eximi.

Circa Massiliam ad maris litus observavimus; Clusius quibusdam Castellæ novæ locis.

Locus.

4. *Chrysanthemum Conyzoides* Monspeliensium; *Conyzoides* Monspeliensium Moris. *Conyzoides Lusitanicum* Breyn. After annuus Attico luteo similis, *foliis* ad *florem* mollibus Botan. Monsp. After Atticus odoratus Creticus Zanoni.

Breyn.

Albam, aliquando ramosam, habet *radicem*, fibris dependentibus: ex qua *Caulis* rotundus enascitur, cubitalis, lenissimis & minutissimis pilis pubescens, præsertim in summitate, qui terræ partim incumbit, partim se surgit & in ramos multos pandit. *Folia* ejus alternatim absque pediculo sunt posita, lanuginosa, extremitatibus nonnihil reflexis, *Conyza* minimæ Lob. foliis respondentia, paulò tamen majora, lætioreque viriditate prædita, haud crispa vel undulata: Ex horum sede & ramulorum angulis, non minùs quàm in caulium fastigiis *capitula* proveniunt solitaria ac dura, foliis quinque, septem, vel etiam quandoque novem circiter majoribus, & quinque vel pluribus minoribus, molliusculis, viridibus & radiatim expansis subtus donata: in medio verò *Flos* lutei coloris, cujus foliola per extremum denticulata tribus denticulis orbem ex compluribus staminulis conflatum coronant, quo evanescente parva *semina*, angulosa & solida, impensè incana, argenteique nitoris & sericeo tactu succedunt. Tota Planta, præsertim trita, odorem aromaticum & resinofum, à *Conyza* non multum abludentem spirat. Sapor itidem est aromaticus & ferè fervidus.

Locus.

Circa Monspelium sponte oritur & copiosè, ut nos etiam observavimus cum ibi essemus. D. Magnol secus fluvium la Maussou, versùs Grabels & Salenovam Junio mense sæpiùs cum flore legit. Asterem secundum Clus. refert, (ut rectè Breynius) staturâ, odore, foliorum hirsutie differt.

#### Chrysanthema reliqua.

1. \* *Chrysanthemum arborescens* Æthiopicum foliis Populi albæ. Breynii.

Breyn.

Frutex est crebris & densis ramis, quorum juniores densum ob tomentum albidum; in quibus *Folia* subrotunda, crasso modo in ambitu serrata, ac lanugine densa rasili in utraque superficie obducta, Populi albæ minoribus simillima. *Flores* in ramulorum extremitatibus aureo colore fulgentes Chrysanthemum Canadensis bidentis alato caule Moris. haud malè æmulantes se præbent, umbone croceo, multis petalis nervosis, anteriore parte denticulatis, radiato, constantes. His demum *semina* oblongiuscula, angulosa & solida, aliorum Chrysanthemorum ritu succedunt.

Locus.

Frequens est circa Promont. Bonæ Spei, & in regionibus adjacentibus.

2. *Chrysanthemum Americanum* laciniato folio. *Aconitum Helianthemum Canadense* Cornuti. *Doronicum Americanum* Park.

Corn.

Fruticosum hoc Aconiti genus *folia* habet quæ ab radice germinant, latissima, atro-virentia, ac ferè trifurca. Quæ verò cauli adnascuntur, septem aut novem, atque etiam quò superiora eò pluribus profundioribusque divisa laciniis. Multis *caulibus* ultra proceritatem hominis adolescit; hi in plures diducti ramulos extremitates habent luteis *floribus* amplissimis onustas. *Flos* ut plurimum decem aut duodecim petalis oblongis constat, interposita singulis non levi spatio: inest medio umbo quidam, qui totus *seminibus* obducitur, ità figuratus ut ab imo latior in angustum verticem exacuatur. Hujus basin cingunt coronæ instar intermedia majoribus foliola viridia. *Radix* crassa & carnosâ Aconiti more in plures quoque fibras exit, latiùsque spatium solet, nisi diligenter præcidatur ejus incrementum quotannis.

Malignam ac deleteriam vim huic plantæ attribuit Cornutus.

Hujus aliam speciem describit Morisonus noster in *Prælod. Bot.* p. 251. sub titulo Chrysanthemum *Chrysanthem. American. laciniatum minus.*

Americani laciniato folio obscuriùs virenti minoris.

Quod priore humilius est; foliis minoribus, magis laciniatis & obscuriùs virentibus: floribus minoribus.

- A. 3. *Chrysanthemum segetum* Ger. emac. *segetum nostræ* Park. folio minùs secto glauco J. B. Bellis lutea foliis profundè incis. major C. B. **Com-Marigold.**

*Radix* simplex, alba, lignosa altè in terram descendit, plurimis filamentis tenuibus capillata. *Caulis* simplex, pedalis aut altior, teres, medullâ farctus, lævis, ramosus, *foliis* vestitus alternatim positus,



positis, absque pediculis caulibus adnatis, colore glauco Cerinthes aut Ifatidis, duas aut tres uncias longis, vix digitum latis, circa margines altius incis. Flores in summitatibus caulibus & ramorum Bellidis majoris, petalis in ambitu latis, flavis, discum aureum ambientibus. Discus autem ille componitur ex flosculis in quinque segmenta expansis cum stylo in medio, quorum singuli singulis feminibus insident, ut in reliquis corymbosis.

Locus.

Segetes frigidiorum tractuum Galliae, Germaniae utriusque, Angliae, &c. hoc scatent, flavam per menses Cereem ornante; regionibus aestuosis rarius. J. B.

4. *Chrysanthemum Creticum primum Clusii* Ger. emac. J. B. *majus folio profundè laciniato, magno flore* C. B. **Candy Corn-Marigold.**

Cubitales habet aut ampliores caules, satis crassos, teretes, striatos, duros, paucâ intus medullâ, ramosos, colore glauco aut pallidè viridi, frequentibus foliis brevi petiolo inaequaliter nascentibus ornatos, quæ in varias & profundas lacinias easque iterum circumcirca incisas & valdè dissectas divisa sunt. Extremis caulibus & ramis innascuntur ampliores flores, è squammoso capite prodeuntes, duodecim aut pluribus foliis constantes, satis latis, extremo crenato, aurei initio coloris, postea paulatim in pallidè flavum degenerantis, latiusculum discum ambientibus flavum. Flori utcunque odorato succedunt capita è multis inaequalibus, longiusculis, striatis, utraque extremitate obtusis, & subfuscis feminibus compacta.

Radix subest alba, digitali crassitudine, brevis, multis fibris adhaerentibus, quæ semine perfecto interit, è quo in terram delapso vere sequenti novæ plantæ exoriuntur.

Locus.

Hæc Clusio è semine Cretæ misso nata est. Verum non Cretæ peculiaris est, nobis enim in vineis & hortis oleraceis circa Messanam Siciliæ & alibi observata est copiosè proveniens.

Hæc planta variat interdum floris colore mixto, seu partim candido, partim luteo.

5. *Chrysanthemum Creticum 2. Clusii* J. B. *majus folio in minores lacinias diviso* C. B. **Clusius his second Corn-Marigold.**

Clus.

Non minùs fruticosum, minùsve altum est, minùs tamen crassos habet caules, fungosos & striatos etiam illos, quos ambiunt folia non adeò dissecta, sed in minores lacinias & rarius incisas divisa, propius ad Chrysanthemum segetum accedentia. Sustinet extimus caulis & rami squammata & quasi imbricata capita, è quibus nascuntur flavi flores, totidem quot in primo foliis constantes, angustioribus tamen & medium orbem aureum cingentibus; quibus etiam succedit semen simile sed aliquantum minus.

Huic vel potiùs præcedenti plantæ eandem putamus

*Chrysanthemum foliis Matricariæ* C. B. *Chryf. majus folio valdè laciniato flore croceo* J. B.

J. B.

Cui caules cubitum aut sesquicubitus alti, teretes, læves. Radix superiori similis: Folia sine pediculis caulibusque alis adnata, Matricariæ ferè divisura, pingua, tenera, sapore oleraceo quanquam non ita accepto. Flores quales superioribus.

Quantum differant Chrysanthema Cretica Clusii ab hîc tradito considerandum, inquit J. Bauhinus. Parum certè aut nihil. Nam & descriptiones in plerisque conveniunt, & utraque annua sunt, & Chrysanthemum Matthioli in Germania & Septentrionalibus regionibus peregrinum.

Chrysanthemum minus Camerarii in Epitome Matthioli J. Bauhinus huc refert.

6. *Chrysanthemum latifolium* J. B. *Hispanicum rotundioribus foliis* Park. item *Chryf. segetum Batium Boelii* ejusdem & Ger. emac. **Daisy-leaved Corn-Marigold.**

J. B. Ger. em.

Fibrosis albis nititur radicibus annuis. Caulis teres, striatus, glaber, rubescens, cubitum altus, medullâ fungosâ farctus, ramis alternis divisis; foliis cinctus nullo ordine positus, duas trève uncias longis, semunciam aut unciam latis, ad Bellidis majoris folia proximè accedentibus, per extremum latioribus, circumcirca ferratis, glabris, obscurè virentibus, sine pediculis adnatis. Flores extremis caulibus & ramulorum hærent singulares, minores quàm Bellidis majoris, disco foliisque discum coronantibus (viginti numero in extremo crenatis) aureis. Florem suffulciunt squamæ viridantes. Semen parvum, oblongum, teres, incurvum, albidum.

Locus.

Inter segetes non in Hispania tantum, sed etiam in Italia circa Liburnum portum nobis observantibus copiosè provenit.

Huic perlimilis est & fortassè eadem

*Chrysanthemum parvum, sive Bellis lutea parva latifolia* J. B.

Perlimilis est (inquit) Bellidi majori, cujus folia habet, vix unciam longa, ferrata, eodem ordine per caulem disposita, qui singularis, pedalis, subhirsutus, summo vertice florem gerit unicum, paulò jam dictæ Bellidis minorem, radiatis in orbem foliis saturatè croceis umbonem ejusdem coloris coronantibus, quæ aversa parte suffulciunt folia pallidè virentia, subhirsuta. Radix brevis, gracilis, multifida.

Præcipua

Præcipua differentia est in *parvitate*, quæ evenire potuit ratione loci *caulis hirsutie*, quæ tamen notæ tanta erat, ut hirsutum dicere ausus sit; & *flore* in summo caule *singulari*, quod tamen perpetuum non erat, & sterilitati soli fortasse debeat.

- \* 7. *Chrysanthemum Alpinum* 1. Clusii Ger. Park. *Chrys. Alp. incanum*, foliis laciniatis C. B. *Chr. Alp. Judenbergense*, *Jacobææ* affine J. B. Clusius *his first Mountain Marigold*.

Clus.

Multa habet secundum radicem longiuscula *folia*, Absinthio umbellifero similia, crassa, pollicari longitudine, in lacinias aliquot divisa, viridia, (in novellis tamen quædam canities conspicitur) amari saporis: *Caules* aliquot palmares, rarioribus & tenuius dissectis *foliis* ornatos, striatos; in quibus veluti umbellæ denum aut duodenum luteorum *florum*, *Jacobææ* vulgaris floribus non multum absimilium & ejusdem odoris. *Radix* crassiuscula est, multisque candicantibus fibris capillata.

Provenit in *Judenberg*, *Spital* & aliis quibusdam Stiria jugis, ubi Julio & Augusto floret.

Locus &

J. Bauhinus hanc plantam *Jacobææ* affinem facit; verum quoniam ex ejus descriptione non constat an Flos in pappos abeat necne, & titulum & locum quem ei assignavit autor tantisper retinere permisimus, dum certiores de ejus notis genericis facti fuerimus.

Tempus.

- \* 8. *Chrysanthemum Alpinum* 2. Clusii Park. *Alpinum foliis Abrotani multifidis* C. B. Clusius *his second Mountain Marigold*. *Chrys. Alp. Etzcherianum*, *Jacobææ* affine J. B.

Clus.

Huic numerosa proximè radicem nascuntur *folia*, Abrotani maris foliis respondentia, dilutiore viriditate nitentia, & odore si terantur non ingrato, sapore verò amaricante & minimè grato: ex his *caules* exeunt pedales, minoribus foliis onusti, in aliquot interdum ramulos divisi, qui singulos aut geminos sustinent *flores*, *Chamæmelo* vulgari majores, inodoros, omnino flavos, hoc est, medium orbem luteum cingentibus etiam luteis foliis, satis latis. *Radix* fibrosa & nigricans est, pluresque à latere spargit ramos.

Invenitur in *Etzcher*, *Snealben*, *Veytzalben* & celsis aliis Alpium Stiria jugis. Floret Augusto.

Locus.

De genere hujus plantæ nihilo certiores sumus quàm de superioris: hic maneat donec de eo certius constiterit.

- A. 9. *Bupthalmum vulgare* Ger. *Dioscoridis* C. B. *Matthioli*, sive *vulgare Millefolii foliis* Park. *Chamæmelum Chrysanthemum* quorundam J. B. *Common Ox-eye*.

*Caulibus* cubitalibus & majoribus, tenuibus, & incana lanugine obductis, pluribus, propter terram rubentibus, ex lignosa *radice* oblique exortis, ramosis *folia* adnascuntur itidem lanuginosa, *Millefolii*, denticulata, pinnatæque, multò minora, quippe quæ non temere unciam longitudine superent, odore *Chamæmeli*. In singulorum ramorum fastigio *flos* unicus, *Chrysanthemi*, totus luteus, sive quæ in ambitu sunt *folia* spectes, sive discum, qui rigidulis apicibus asper est: *Calyx* porro cui infidet incanus, *Chrysanthemi* instar squamosus est.

Variis Germaniæ in locis hanc plantam observavimus spontaneam; circa Florentiam quoque Italiæ in alveis torrentum & alibi.

Locus.

- \* 10. *Bupthalmum Cotula folio* C. B. ejusdemque *Bupb. caule & flore purpurascente*, ex sententia fratris. *Bupb. alterum Cotula folio* Park. ejusdemque & Ger. *emac. Chrysanthemum tenuifolium Baticum* Boelii. *Camomile-like Ox-eye*. *Bupb. tenuifolium folio Millefolii* ferè J. B.

J. B. Ger.

*Radice* est brevi, tenui, candida, paucis fibris capillatâ. *Caules* habet tomentolos, tenues, striatos, subrubros, cubitales & longiores, frequentibus satis ramis multifidos; per quos *folia* nascuntur ad *Millefolii* tomentosi *folia* accedentia [tenuissimè dissecta & foliis *cotulae fetidæ* per similia Ger. *emac.*] pari dispositione & divisurâ ferè, verum nonnihil latiora. *Flos* singulis ramis in cacumine hæret unicus, magnus, radiatis in ambitu foliolis longiusculis, extremo crenatis, tredecim aut quatuordecim aureis coronatus, disco concolore; *calice* folioso, lanuginoso, canescente. *Foliorum* siccorum sapor nullus memoratu dignus.

Foliola floris discum cingentia (inquit Clusius) subtus plerunque nonnihil purpurascunt aut rubescunt; hinc, ut puto, *Bupthalmum* caule & flore purpurascente C. B. ramuli plerunque humi fusi sunt, & *folia* quàm *Chrysanthemi* Valentini crassiora.

Circa oppidum Aquæ mortuæ nuncupatum observavit & eruit Clusius.

Locus.

In Horto Medico Leydensi habetur *Bupthalmum folio Chamæmeli* non descriptum: q. quomodo differat à præcedente.



\* 11. *Buphthalmum Creticum* *Cotulae* facie flore luteo & albo Breynii.

Breyn.

Hæc Chamæmelo perfimilis albam possidet radicem, densis fibris se in terram figentibus, tenuibus, & aliquantulum tortuosis: initio nullius manifesti saporis, sed diutius in ore dentibus pressa satis acrem; fèrmè ut Pyrethri, linguæ relinquens. Ex illa densa in orbem circa terram folia erumpunt, leniter hirsuta, magnitudine, divisurâ & formâ Pyrethri Bellidis flore C. B. planè respondentia: inter quæ *Caulis* panè cubitalis, nonnunquam tamen duntaxat pedalis, rotundus, mollis, cum tempore durior, coloris viridis, vel ex viridi albicantis propter hirsutiem, surgit; *foliis* minoribus, chamæmeli magis convenientibus, sed crassioribus, in lobulos latiores divis: ex quorum sinu alæ, ut plurimum longitudine caulem superantes, in tali abundantia, præsertim circa radicem, prodeunt; ut densa & orbiculata plantæ effigies subinde videatur ob alarum multitudinem obliquè & resupinè se propagantium. *Flores*, quibus subest squamosum capitulum, squamulis viridibus lanuginosis triplici serie contextum, Buphthalmi Alpini floribus non parùm assimulantur, nisi quod illorum petala, tredecim plerunque numero, majorem, in medio paulisper quasi exculptum sive concavum, ex plurimis flavis tubulis condensatum orbem circumambientia, breviora, latiora, lineis seu plicis striata, & dilutiore flavedine sunt imbuta, imprimis cum ad senium vergunt, & parte inferiore ubi panè tantum sulphurea, conspiciuntur. Primus horum florum in medio plantæ supra caulem mense Junio exit, deinde alii in alarum majorum cacuminibus, & tandem reliqui in ramulis lateralibus veluti succedanei ita se excipiunt, ut planta hæc totam non modò calidam æstatem atque autumnum fertilem floribus condecoret, sed triste senium etiam subinde anni genialiter coronet; messèmq; semper uberrimam latè compressorum seminum, saturè purpureorum, inter squamulas tenues membranaceas & latas, ejusdem planè coloris, nitentes, firmiter & solidè jacentium proferens; quæ tandem sicuti etiam squamulæ ipsæ, Regiæ suæ splendorem purpuræ cum illepido colore spadiceo tristis commutant, & in generis sui conservationem quotannis apud nos sunt ferenda. Planta hæc nullius excellentis est odoris, præter flores, subdulcem & medicatum quadantenus, saporis calidiusculo & aromatico panè similem, spirantes.

Datur alia hujus seu species, seu potius varietas, petalis discum illum luteum circumradiantibus albis, seu splendide argenteis, unde flores Pyrethro perquam sunt similes, planta ipsa Chamæmelo, ut non facillè queat discerni.

Hujus semen habuit ex horto Academico Lugduno-Batavo.

\* 12. *Chrysanthemum Ericoides* C. bonæ spei Breyn.

Breyn.

Ante florum proventum adeò Ericæ Coris folio simile, ut eruditissimus etiam botanophilus congenerem ei existimaturus sit. Parvus enim est *Frutex*, complurimos, graciles, lignosos subrubentes, & veluti quibusdam tuberculis obsitos proferens ramulos: qui in superiore, ubi leniter lanuginosi, parte foliis Ericæ Coris folio secundæ *Clus.* perfimilibus, adeò confertis sunt onusti, ut nullum ferè lignum conspiciatur. Summis ramulis singuli, vel bini aliquando, sæpius tamen numero plures, quasi in umbellam dispositi, insident *Flosculi*, Millefolii non multo majores, petalis multis pallidis discum parvum radiantibus, è Capitulo foliolis crebris sibi invicem incumbentibus compacto prodeuntes.

His marcidis *semen* ex fusco spadiceum, turbinatum, uvæ acinis simile, sed multo minus, superius verò, ubi angustius, denticulis quaternis duriusculis veluti coronula, in modum Chrysanthemi Canadensis bidentis ferè, donatum succedit, in materia quadam villosa latens.

In Catalogo Horti Medici Edinburgensis duas adhuc alias Chrysanthemi species invenio, Altera dicitur *Chrysanthemum latifolium Tingitanum*; Altera *Chrysanthem. Africanum pumilum procumbens*, flore cernuo, nudo, luteo; de quibus quoniam mihi nondum inspecta fuerint, quod dicam non habeo.

Nec quicquam nobis dicendum suppetit de Buphthalmo tenuifolio peregrino N. D. Hort. Ludg. Bat.

## CAP. V.

De *Chrysanthemo* seminibus longis, compressis seu Flore Africano.

Hujus notæ sunt floris calyx integer oblongus, petala lata, semina longa compressa: folia lacinata, Tanaceti æmula.

1. *Flos Africanus major polyanthus* Ger. major sive maximus multiplex Park. *Tanacetum sive Flos Africanus major flore pleno* C. B. *Tagetes maximus rectus flore pleno multiplicato* J. B. *The African Marigold.*

**C**aulis producit teretem, striatum, bicubitalem aut altiore, crassitudine pollicari, copiosâ intus medullâ albâ farctum, geniculatum, ramosum. Folia in caule ex adverso bina, in summis tamen caulibus & ramulis singularia, Tanaceto nonnihil similia. [F. Columna Valeriana suæ vulgari similia esse scribit quam Tanaceto] pinnata, lobis utrinque senis septenisve cum impari

impari in extremo commissa, odore non ita gravi ac minoris generis, latè virentia, marginibus serratis, in acumen desinentia. Flores in summis caulibus & ramulis singulares pediculis brevioribus quàm in minori genere, propè imum calicem turgidis & concavis è calicibus oblongis, pluribus velut palis in angulos acutos desinentibus compositis, pleni, pulcherrimi, flavi aureive. *Semina* tenuia, oblonga, nigra. *Radix* tenuibus fibris, mollibus, copiosis summa telluri hæret, ut rectè *Columna*.

Hujus plantæ sex varietates recenset F. Columna: *Prima*, Caryophyllus Mexicanus maximus polyanthos, latis petalis & croceo saturo colore, dicitur: *Secunda*, minor & luteo colore: *Tertia*, simplici flore umbonem habente flosculis exiguis Chrysanthemi modo, & barbulis five petalis magnis, octonis ut plurimum vel novenis aliquando, & croceis: *Quarta* similis sed pallentè colore: *Quinta* flore fistuloso simplex: *Sexta* flore fistuloso polyanthos.

2. *Tagetes Indicus minor simplici flore, five Caryophyllus Indicus, five Flos Africanus* J. B. *Tanacetum Africanum, five Flos Africanus minor* C. B. *Flos Africanus minor simplex & multiplex* Park. *minor simplici flore* Ger.

f. B.

Striatos producit caules dodrantes, aut paulò majores, intus fungosos, alis aliquot conicavos. *Folia* Tanaceto similia, pinnata, ex quinque, aut pluribus conjugationibus ad octo, imparique extremo commissa, odore viroso, gravi: singularia saturatè virent, tres aut quatuor uncias longa, semunciam circiter lata, circumquaque denticulis serrata, in acumen desinentia. Flores extremis ramulis hærent singulares, ex calyce turgidulo oblongo, simplici foliorum ordine radiati, colore infra ex flavo, supra ex flavo ferrugineo holosericeam telam imitante: Medium obtinent stamina numerosa, flaventia, quibus appenduntur *semina* tenuia, longa, nigra. *Radix* brevis, fibrosa, ac ubi è terra prodit, bina habens longiuscula folia.

A præcedente differt, 1. Partium omnium parvitate. 2. Caulibus infirmioribus, humilioribus, ramulis magis diffusis in latitudinem & terram versùs reclinatis. 3. Pediculis florum longioribus & colore ferrugineo florum. 4. Odore graviore & magis viroso, tum foliorum, tum florum.

Hujus etiam duplex habetur varietas, altera flore simplici, altera flore pleno seu multiplici. Sic in universum octo habentur hujus species seu varietates.

Notandum autem secundam majoris varietatem, quam Columna *minorem* & luteo colore vocat, & in pallidum dilutiorem deficere scribit, à J. Bauhino Tagetem Indicum medium flore luteo pallido dici, qui eam citius florere affirmat quàm majorem.

Historia plantarum Mexicanarum Fr. Hernandez alterius adhuc Floris Africani speciei meminit quam septimo in loco pingit, & sic breviter describit. Majusculum est septimum *Tepacen-pool Xochitl* nuncupatum, sed exilioribus luteisque floribus, qualia sunt quoque ipsius plantæ folia, quæ sunt omnium minima.

De viribus hujus plantæ Hernandez in Historia prædicta hæc habet.

Vi pollet discussoria & aperienti. Foliorum succus ebibitus, aut folia ipsa contusa & ex aqua e-  
pota, vinové, ventriculum gelidum contemperant, menses, urinam, & sudores eliciunt, frigora inter-  
mittentium arcent illita paulò ante accessionem; flatum discutiant, Venerem excitant, cache-  
xiam à causa frigida ortam vitio hepatis curant, aperiunt obstructa, convulsa laxant, hydropem le-  
vant: vomitum ex aqua tepida procurant, & tandem febrium rigoribus, imò & febribus ipsis ex-  
purgatâ per urinam & per sudorem causâ medentur.

Verùm Dodonæus vim ei veneficam inesse prodidit, experimento in Fele factò qui ejus esu ex-  
tinctus est: quin & mures arrosis seminibus mortuos repertos addit, & puero ex esu floris os ac  
labia intumuisse & porcis quibusdam fuisse exitio. Quæ tamen (inquit Joan. Terentius\*) non con-  
cludunt hanc herbam venenum esse & inter species Tanaceti referre non posse; & deinde Dodo-  
næi argumenta refutat.

\* Notis in  
Recchum.

Fruatur ille suo judicio: ego in Dodonæi & J. Bauhini sententiam concedere, quàm anceps medicamentum experiri mallet; nec in humano corpore periclitari quod porcis, felibus aliisque animalibus perniciosum esse constiterit, consultum duco.

Plantam hanc Africæ indigenam esse vel nomen evincit; at nec solius Africæ, sed Americæ ut *Locus*. ex Fr. Hernandez plantarum Mexicanarum historia patet.



## SECTIONIS PRIMÆ MEMBRUM SECUNDUM.

*De Herbis Corymbiferis barbulis medio disco concoloribus, floribus in Umbellæ formam dispositis.*

### CAP. I.

#### De Ptarmica.

**P**tarmica ex re nomen habet, quoniam Πταρμική, id est, Sternutamenta provocat. Notæ ejus sunt Flores in umbellæ, barbulis disco medio concoloribus; folia integra, ad margines duntaxat serrata.

- A. 1. *Ptarmica* Ger. *vulgaris* Park. *vulgaris*, folio longo serrato, flore albo J. B. *Dracunculus serrato folio pratensis* C. B. *Sneczwort*, *Bastard Pellitory*: nonnullis *Goose-tongue*, id est *Lingua anserina*.

f. B.

Est ubi tres superet cubitos, sæpius minor, cubitalis, radice obliquè acta & velut geniculata, fibris majusculis & longissimis donata, sapore acri & fervido: caule singulari, tereti, glabro fistuloso, gracili, latis tamen rigido; cui alterno aut potius nullo ordine posita adnascuntur folia, ab imo ad summum, Draconis esculenti, argutis asperiusculisque denticulis circumquaq; serrata, atro virore splendentia, sapore fervido, Pyrethri mitiore. Summus scapus nonnihil angulosus & subhirsutus in furculos aliquot dividitur, qui umbellatim flores gestant candidos [ tam discum medium, quam petala eum undique radiatim cingentia ] Millefolii terrestres, duplo aut triplo majores, odore non dissimili sed remissiore. Discus floris medius è plurimis flosculis arcè stipatis & in quatuor segmenta acuta divisus componitur.

In pratis udis & palustribus Julio mense floret.

Florum calices in hac planta quàm Millefolii breviores è pluribus squamis coagmentantur. Flores ut multò majores quàm Millefolii, ita minùs crebri & conferti in summis caulibus longioribus pediculis insident, nec adeo exactè simul umbellam efformant. Variat interdum flore pleno seu multiplici, hinc *Dracunculus pratensis* flore pleno C. B. & aliorum.

Gustu est acri & fervido. Siccæ pulvis naribus inditus, sternutamenta movet, unde ei nomen. Radix commanfa caput purgat & dentium dolores mulcet pituitam eliciendo. Herba cruda additur acetariis ad frigiditatem eorum temperandam & corrigendam.

2. *Dracunculus Alpinus Agerati foliis incanis* Hort. Reg. Paris. & Lugd. Bat.

Nos olim Cantabrigiæ coluimus plantam Londino missam nomine Agerati flore albo, quæ revera potius Ptarmicæ species erat. Folia ei longiora erant quàm Agerati vulg. acutiora, ad margines profundius serrata: Caules elatiores: Flores radiati, pallidi; odor (quantum meminimus) satis validus Agerati. An hæc sit quæ Parisiis & Leydæ colitur sub titulo allato nescimus. An Ageratum foliis serratis Monspeliensium majus pallidè luteo flore nonnullis.

3. *Dracunculus Alpinus folio Scabiosæ* C. B. *Ptarmica Alpina sive Dracunculus Alpinus Scabiosæ folio* Park.

C. B. prod.

Radix est fibrosis; cauliculis rotundis, pedibus, in summo in alas brachiatis: foliis instar Scabiosæ laciniatis, altè incisfis & crenatis: flosculis in summis virgulis quoad discum medium sublevis, quem foliola albida ut in Chamæmelo vulgari ambiunt.

In Helvetiorum pratis Alpina propè Fabarias & in Gothardo provenit, Julioque floret.

4. *Ptarmica Virginiana folio Helenii* Moris. prælud.

Planta est bipedalis, cujus caulibus adnascuntur folia lata & oblonga, Helenii foliis haud abfimilia. Flores fert albidos, seminæque Ptarmicæ seminibus omnino similia.

Hæc planta à nonnullis ad Costum hortorum refertur, rectius tamen hic ponitur.

## CAP. II.

## De Absinthio Umbellifero dicto.

**A** Foliorum divisura & colore Absinthium æmulante nomen huic plantæ à Clusio impo-  
situm est. Verùm ad Millefolium propius accedit quàm ad Absinthium, ob flores radi-  
atos & barbula disco medio concolores.

1. *Absinthium album* Ger. *album* sive *umbelliferum* Park. *albis floribus*, *capitulis squarrosis* J. B.  
*Alpinum umbelliferum latifolium* C. B. **Cufted Wormwood.**

Clus.

Dodrantalibus affurgit *cauliculis* [lescuncialibus & dodrantalibus & mediæ magnitudinis] graci-  
libus, incanis, in quibus rara & exigua sunt *folia*, tota incanâ lanugine & velut tomento obfita,  
circa radicem majora, *Bellidis* majoris foliis non valdè dissimilia, minora tamen & magis incisa  
[ J. Bauhino Absinthii vulgaris in morem profundè laciniata ] satisque crassa, eximie amaritudinis.  
Summis cauliculis octoni aut plures infident *flosculi*, in umbellam distributi, floribus *Achilleæ* non  
disparēs, sed majores, septenis aut octonis candidis foliolis medium orbem ( ex aliis exiguis floscu-  
lis luteo stylo præditis efformatum ) cingentibus constantes. *Semen* deinde quale Absinthii vulga-  
ris, odoratum. *Radix* nigra est, aliquot fibris donata, & à lateribus propagines spargens.

In Austriæ Stiriaque celsissimis jugis à Clusio observatum, nec alibi usquam. Junio & Julio flo-  
ret. Variat insigniter magnitudine ratione loci in quo crescit. Locus & Tempus.

- \* 2. *Absinthium umbelliferum*, *Mutellina* quibusdam J. B. An *Absinthium umbelliferum alterum* Ita-  
licum Lob? *Absinth. umbellif. bortenſe* C. B?

J. B.

*Radice* nititur crassa, perenni ut videtur, *caules* emittente plures, palmares & paulò majores, per  
quos ut & in ipsorum fastigiis corymbi conspiciuntur rariores, satis magni & ni fallimur lutei.  
*Folia* tenuia, Absinthii Seriphii divisa, candidissima, hirsuta, sapore amaro, ingrato. Ex sicca.

Absinthii alterius Italici Lob. notæ hæ sunt. Ortu, colore incano, & habitu ipso non ita diver-  
sum est ab Absinthio albo, sed omnia exiliora multo, Cauliculos plures spithameos emittit, summis  
flosculos in glomeratis capitulis incanis gerens.

Pona Italicè Absinthii Alpini umbellif. 3. genus meminit; quod C. Bauhinus *Absinth. Alp. Um-  
bellif. tenuifolium* & minus appellat.

3. *Corymbif. Millefolii umbellæ*, folio alato & laciniato.

*Radix* ei alba, obliqua, repens, fibris longis, crebris firmata. *Caules* erigit cubitales, teretes,  
inanes, brevi & vix perceptibili lanugine obfitos. *Folia* alata, quatuor aut quinque pennarum con-  
jugationibus constant singulæ pinnæ & extremum etiam folium circa margines dentatæ, & subinde  
altius incisæ aut laciniatæ sunt: pinnulæ & lacinia in acutos cuspides exeunt. *Flores* in summis cau-  
libus ( qui in plures ramulos dividuntur ) velut in umbellas digesti, albi & Absinthii albi umbellife-  
ri floribus omnino similes. Nullus in hac planta, vel odor, vel sapor insignis; initio gustanti sub-  
amara videtur.

In sylvis montosis propè maximum Carthusianorum cœnobium in Delphinatu Gallia nascitur. Locus.  
Junio floret. Hanc plantam indictam puto, ni fortè Morisonus titulo *Millefolii Tanacetii foliis* eam  
intelligat. Folia tamen hujus à Tanaceto plurimum abluunt.

## CAP. III.

## De Millefolio.

**M**illefolium, Græcis *Μυριόφυλλον* & *Χιλιόφυλλον* à multitudine foliorum, Achillea, *Ἀχιλλεύς*, ab  
Achille primo ejus inventore dicta est. Plin. lib. 25. cap. 5. Invenit & Achilles discipulus  
Chironis quâ vulneribus mederetur, quæ ob id Achillea vocatur; hæc sanasse Telephum  
dicitur.

Hujus characteristicam facimus flores in umbellæ formam dispositos, barbula medio disco con-  
coloribus, folia tenuissimè dissecta.

- A. 1. *Millefolium vulgare* Park. *vulgare album* C. B. *terrestre vulgare* Ger. *M. Stratiotes pen-  
natum* J. B. **Common Parrot or Milfoil.**

J. B.

Ubique viarum obvium est Millefolium, *caulibus* dodrantalibus, cubitalibus & altioribus surgens,  
rigidis licet tenuibus, teretibus, striatis, hirsutis, medullâ farctis, qui circa summitatem in aliquot  
furculos dividuntur, atque hi rursus in plures petiolo, qui *flores* in umbella ferunt odoratos, parvos,  
colore



colore albos aut subpurpureos, quinque, septem, paucioribus aut pluribus foliis constantes ex caliculo squamato. *Ceterum discus floris medius è plurimis flosculis albis in quinque acuta segmenta partitis componitur: folia marginalia, quæ discum in circulum ambiunt frontata sunt, fronte duplici creta in duos denticulos diviso. Folia pinnata ad costam alligantur, tenuibus Chamameli divisuris, sed compositionibus rigidiusculis, suave olentibus, sapore acriusculo. Radix lignosa & fibrosa nigricat, & in terra se diffundit.*

Folia in toto hoc genere [Corymbosarum] quantum memini, singulatim caulibus adnascuntur. Millefolium vulgare purpureum minus C. B. & aliorum, cum solo floris colore à precedente differat, diversa species censenda non est. Variat enim hoc modo Millefolium vulg. floris colore in pascuis ubique.

\* 2. *Millefolium odoratum minus Monspelienisum* Hort. Blaf.

Locus.  
Vires.

Multò minus est quàm vulgare, foliis canescentibus, odorémque habet suavem & aromaticum. Plurimis in locis herbidis circa Monspelium repit, ut propè pontem *Ville novæ* & alibi.

Hujus vires Schroderus sic breviter recenset. Vis ejus ad sanguinem sistendum. Usu itaque interno convenit in hæmorrhagiis & fluxionibus omnis generis, narium, uteri, alvi, vulnerum, screatu sanguinolento, vomitu, urinâ retentâ, calculo, mictione sanguinolenta, gonorrhœa, hæmorrhoidibus, fluore uterino, mariscis, &c. Extrinsicè adhibetur utiliter Cephalalgia, hæmorrhagia narium & vulnerum, vulneribus consolidandis, tumoribus hæmorrhoidum, herniæ, ictibus venenatis, tumori penis, &c.

\* De Medicam. Officin.

Recentior observatio (inquit \* C. Hofmannus) docuit Millefolium nostrum tantum abesse à facultate hæmorrhagias sistendi, ut etiam cieat. [At J. Bauhinus quòd Millefolio sanguis è naribus irritetur ex affricu contingere arbitratur.] Tam etiam vehemens esse diureticum, ut diuturniore usu cruentas urinas pariat. Hofmannus ergo distinguit & Millefolium quod acerbum est vim illam glutinandi obtinere putat; quod amarum deobstruendi & dissolvendi, urinas educendi, lumbricos necandi, &c. Acrimonia & amaror manifesta sunt in Millefolio minore Cordi, itémque nobili Tragi.

Verùm quâcunque tandem qualitate id efficiat, multa exempla hæmorrhoidum curata decoctionibus Millefolii adducit Riverius in Observ. Centuriis & multi alii Scriptores, ut nos monuit D. Tancredus Robinsonus.

3. *Achillea sive Millefolium nobile* Ger. *Achillea Sideritis sive nobilis, odorata* Park. *Achillea millefolia odorata* J. B. *Tanacetum minus album odore Camphoræ* C. B. *Achilles his Ironwort.*

J. B.

Millefolio terrestri cognata est Achillea, sic ut non omnibus obvium sit discrimen. *Virgis* fruticat aliquando tricubitalibus, nonnunquam palmaribus, striatis. *Folia* Millefolii vulgaris seu terrestris, sed latiora, breviora, multifida, colore non ita viridi prædita, sapore amaro, odore valido aromatico. *Umbellæ* fert corymborum Millefolii jam dicti, foliolis candidis medium orbem aureum cingentibus.

Locus.

In Germania ad Rhenum flumen, Gallia Narbonensi circa Monspelium, & in Italia passim provenit.

Parkinsonus Tanacetum minus flore albo ab hoc diversum facit, quàm rectè ipse viderit.

Novi quasdam mulieres qui se ab abortu præservârunt solo usu decenti Millefolii vulgaris. S. Pauli Quadripart. Botan. Class. 2. p. 91. Idem.

Vires.

Ad sanguinis sputum, & pulv. Millefolii ʒij. propinetur cum succo Plantaginis. Multum juvat, & multò magis succus, inquit Matthiolus.

Ad sanguinem è naribus eliciendum Millefolium quàm optimè conducit; asperitate namque sua & duritie acuminata venas in naribus capillares aperit: Naribus etenim indatur, mox interne nares premantur & fricentur, unde multis solet elici & facillè sanguis & satis copiosus. D. Soame. Hinc nostratibus *Pole-bleed* dicitur.

Tuber quod in hujus radice nonnunquam excrescit, oritur ex venenato quodam aut fermentativo liquore in vulnus seu puncturam ab insecto aliquo infictam unâ cum ovo immisso [ab eodem intellige insecto] qui cum succo radices mixtus, tumorem excitat qui fit receptaculum & velut uterus seu matrix ovi & vermiculi excludendi, eique alimentum & tutelam ministret: unde *Millefolia tuberosa* à Jac. Cornuto pro diversa specie minus rectè ponitur.

Sennertus in fluxu mensium nimio sequens exhibet. R. Succi Millefolii ʒiij. Sacchari ʒj. Detur. D. Soame è Dola. Lib. 5. C. 4. S. 10.

\* 4. *Millefolium maximum umbellâ albâ* C. B. prod.

C. B.

A præcedente [Millefolio vulg.] excepta magnitudine in paucis differt. *Caulibus* est sesquicubitalibus, crassis: *foliis* circa radicem palmum longis, uncias quatuor latis, tenuissimè incisis, & velut è multis minutissimis alatis foliolis constantibus, sed minoribus & tenuissimè incisis quæ circa caules sunt, qui in ramos plures brachiantur, quibus singulis umbella, uti in Millef. vulgari sed major, *flosculis* albis referta infidet.

Locus.

In horto Patavino crevit; & sanè nisi aluissent in horto botanico, pro vulgari Millefolio habuissent inquit Descriptionis autor C. Bauhinus.

\* 5. *Mille-*

- \* 5. *Millefolium purpureum majus* C. B. flore rubro Clus. Ger. rubro flore maximum Park. *Red-flowered Parrot* or *Milfoil*.

C. B.

Ex radice crassa satis caules plures ad cubitum & sesquicubitum excrescunt: foliis ut in vulgatissimo Millefolio dispositis; umbella magna flores elegantissimos rubri coloris & quinquefolios continens, in quorum medio apices pallide flavescentes, qui gratiam addunt, emicant. Flores contriti medicatum odorem spirant. Millefolium rubro flore Clusii foliis erat vulgari tenuioribus.

De loco hujus natali non constat.

- \* 6. *Millefolium Alpinum incanum carneo flore* C. B. Alp. Clusii, parvum, nonnihil incanum, carneum J. B. Alp. incanum Park.

Clus.

Elegans hac plantula dodrantalem five palmarem altitudinem non excedit, multis foliis circa radicem stratis, tenuissimè incisis & veluti è multis minutissimis alaris foliolis constantibus, nonnihil incanis: Candicantes cauliculi satis crassi, hujusmodi foliis iisque minoribus & tenuissimè incisis obfiti: Umbella flosculorum densissima, qualis in vulgari Millefolio, sed dilutior rubro colore five carneo nitentium. Radix vix à vulgari differt, fibrosa admodum & summa tellure serpens.

Sponte provenit in Judenberg & Spital, Stiriae Alpibus, atque flores profert Augusto.

Locus.

- \* 7. *Millefolium Alpinum incanum flore specioso* J. B.

J. B.

Palmaris est plantula, radiculâ simplici, ruffa ac pænè nigra: è qua folia prodeunt duas aut tres uncias longa, rariùs pinnata, tomentosa, longiusculis ac ferè uncialibus pediculis hærentia. Coliculis tomentosis item prædictis similia quoque hærent folia, sed aliquanto minora, brevioribusque pediculis donata. Eorum verò summitatibus flores insident quinque aut sex, squamati, corymbati, ut ex ficca colligimus.

Legit hanc Platerus in Vallefiæ montibus.

Locus.

8. *Millefolium luteum* Ger. Park. tomentosum luteum J. B. C. B. *Hellebor Milfoil*.

J. B.

Dodrantalis est herba, multos ex radice crassa, dura, repente, fibris Hellebori æqualibus, quibusdam minoribus, colore nigricante aut cinericeo foris, intus flavo, sapore dulcibus (in ficca planta) donata, caules emittens, rectos, satis robustos, in quorum cacumine densè micant florum umbellæ Millefolii vulgaris terrestris, aureo tum foliorum, tum umbilici colore fulgentes. Folia per coliculos tomentosos Millefolii Stratiotis, sed multa minora, minutiùsque incisa, incano villo pubescentia.

Variat magnitudine foliorum hirsutie aliisque accidentibus pro ratione loci in quo oritur. V. Clusium & J. Bauhinum.

Circa Avenionem & ad viam quæ Auriaco Avenionem ducit copiosam invenimus: Clusius etiam Murciano regno.

9. *Millefolium Creticum* J. B. incanum Creticum C. B. Park. *Candy Milfoil*. Stratiotes Millefol. Belli Ep. 2. ad Clus. Alpin. exot.

C. B. prod.

Caulibus est lignosis, rotundis, incanis, sesquipalmaribus: foliis Chamæcyparissi (cui adeò similis est ut exercitiores etiam Botánicos decipere possit) formâ oblongis, denticulatis, incanis, vel, ut Dioscorides, avicularum pennas imitantibus. Caules in summitate in ramulos abeunt, qui umbellam satis compactam ex floribus ex albo flavescentibus compositam sustinent. Sapore est amaricante aromatico, ad Santonici seu seminis contra vermes Officinis dicti saporem accedente.

Parkinsonus ex hac planta duas facit, priorem Millefolium incanum Creticum vocat; posteriorem Stratioten millefolium Creticum.

- \* 10. *Millefolio Alpino affinis planta, quibusdam Iva moschata* J. B. Tanacetum Alpinum C. B. Park. Iva moschata Rheitis, Tanaceto cognata herbula Gesn. Hort.

J. B.

Duos aut tres pollices alta est, paulò etiam amplior, coliculo junceo, simplice: foliis vestito Millefolii Alpini, licet non hirsutis, nec ità ad Millefolium vulgare accedentibus. Flores plures quàm Millefolio Alpino, umbellati, sed minores, rotatim agmine foliorum alborum magnorum circumposito, apicibus in medio numerosis ex capitulo squamis nigris, Alpini Millefolii in modum compacto.

- \* 11. *Millefolium*



\* 11. *Millefolium Tanacetifolius* Morif. prælud.

Hujus *folia* sub exortum antequam excaulescat planta, adeò sunt Tanacetifoliorum æmula, ut nonnisi ab oculato Botanico distingui possint.

## CAP. IV.

De *Matricaria tenuifolia*, flore unicolore.

Cum *Matricariæ* odore convenit, aliàs florum barbulis medio disco concoloribus reliquis hujus generis similis est.

- \* 1. *Matricaria foliis Abrotani* C. B. *Parthenium quinesquon* J. B. *Matricaria sive Parthenium tenuifolium* Park. **Fine-leaved Feverfew.**

J. B.

Sesquipalmari est altitudine, *radice* parvâ, lignosâ, candidâ, parùm fibratâ, ex qua *cauliculi* aliquot exurgunt rotundi, aliquantùm rufescentes, in quibus, imâ præsertim & terræ vicina parte, *folia* sunt tenuia, foliis Abrotani similia, ut ovum ovo magis simile non sit. In summis cauliculis *umbellæ*, & in us *flosculi* multi, albi compacti, quales in vulgari Millefolio cernuntur, ut inspicientes prima fronte facillè deludant, Millefolium esse judicaturos. Plantæ sapor amarus est, odor gravis, similis vulgari Parthenio. Quare congeneres esse plantas Myconus putat.

Ex Hispania delata est hæc planta.

- \* 2. *Matricaria Alpina Chamæmeli foliis* C. B. *Matricaria sive Parthenium Alpinum Clusii* Park. *Matricaria Alpina Clusii* Ger. **Mountain Feverfew with Camomile-like leaves.** *Millefolium Alpinum* J. B.

Clus.

Multis ex fibrosa *radice*, Chamæmeli modo, fruticat ramulis, pedibus, viridibus, quos ambiunt *folia* Anthemidi prorsus similia, multiplici incisione divisa, *Cotulæ* aut *Matricariæ* ferè odore, gustu calido, attamen non ingrato: Extremis cauliculis multi *flores* insident, umbellatim congesti, *Abinthii* Alpini umbellif. floribus proximè accedentes, hoc est, exigua capitella ex albo & pallido commixta, ambientibus ea senis aut octonis latiusculis albis foliis, ejusdem cum ipsa herba odoris. Rami sive cauliculi humi procumbunt, & ex una (uti dixi) radice prodeuntes, subinde fibras agunt & nova germina procreant.

Locus.

Invenitur in Sneberg, Snealben & Durrenstein jugis magnâ copiâ; florétque duntaxat Augusto: nam cum in acclivitatibus & circa scrobes nascatur, quas diutius insidere solet nix, seriùs illud florere necesse est.

Culturam non admittit, nec hortis assuescit, quamcunque diligentiam adhibueris.

Videfis descriptionem J. Bauhini, quæ fortè est diversæ plantæ, nam flores quadruplo quintuplòve majores facit Millefolii vulgaris floribus.

## S E C T I O P R I M Æ

### M E M B R U M T E R T I U M.

*De Herbis Corymbiferis cum barbulis, diversi à medio disco coloris, floribus solitariis aut sparsis.*

#### C A P. I.

##### *De Bellide minore.*

**B**ELLIS Latinis à bello seu pulchro colore florum dicta creditur; Græcis veteribus indicta: quod mirum, si modo in Græcia adeò frequens sit ac apud nos in Anglia.

Duæ plantæ genere diversæ eo nomine censentur. Nos hoc in loco de minore agimus, cujus notæ sunt, Flos radiatus barbulis seu foliis marginalibus diversi à medio disco coloris: Caulis tam foliis nudus, quàm non ramosus.

De temperamento hujus plantæ quoad qualitates primas non consentiunt Botanici. Alii calidam & siccam, alii frigidam & humidam eam faciunt. Verùm acetosus sapor frigiditatem arguit, & effecta siccare Bellium ostendunt. Vulneraria est insignis: exterius in emplastris & fomentis adhibetur, interius succus ejus vulnerariis potionibus admiscetur: unde & Consolida minor Officinis dicitur.

Mulierculis nostratibus usitatum est herbam cum floribus ad alvum laxandam exhibere. *Schrod.* Hujus radices exterius usurpantur ad Scrophulas & Strumas optimo cum successu. *D. Needham.*

Radices in lacte decoctæ & catellis exhibitæ impediunt ne crescant; si vulgo fides.

Extractum vel essentia hujus herbæ intro assumptum innatâ quadam proprietate (est enim tenuium partium) omnem sanguinem coagulatum, sive in vasis, sive extra resolvere & transpirare facere affirmat *Simon Pauli* Quadripartit. Botan. Class. 2. p. 27.

1. *Bellis sylvatica* J. B. *media sylvestris* Ger. *sylv. media caule carens* C. B. *rectius nudicaulis, non ramosa.* *Middle Daisie.*

*f. B.*

*Radice* haud secus fibrosa est quàm minor Bellis, sed crassior, etiam aliquando lignosior: folia verò majora, oblonga, per extremum rotunda, & in ambitu nonnihil serrata, hirsuta, subinde etiam rubentia, longo pediculo donata. *Cauliculi* ex radice nudi aliquot exeunt, dodrantes aut pedales ac majores *florem* singuli unicum sustinentes, Bellidis majoris similem sed paulò minorem, foliis radiatis albis, disco luteo.

In montibus propè Genevam invenimus, in Alpinis pratis frequentissima est, autore Clusio. *Locus.*

2. *Bellis caule bipedali nudo, foliis magnis latis, floribus rubris & albis* Mentzel.

*Folia* instar Erysimi leviter sunt sinuata, nec plura addit, nisi quòd circa *Innsbruck* collecta à se fuit hæc species, ut &

*Bellis* foliis valdè exiguis, caule procero nudo, flore albo.

- A. 3. *Bellis sylv. minor* C. B. *minor sylv. simplex* Park. *minor 4. sive sylvestris & 5. sive sylvestris altera* Ger. *minor sylv. spontanea* J. B. *Common wild Daisie.*

Totum cespitem operit sparsis humi foliis numerosis, pinguiusculis, hirsutis, ex longa cervice sensim latefcentibus rotundatisque levissimè serratis. *Caulem* nullum promit, sed pediculos frequentes, palmares & altiores, tenues, teretes, hirsutos, quorum singulis flos infidet unus, Bellidis hortensis minor, singulari foliorum in orbem ambitu, lacteorum aut ex albo sanguineorum, luteo umbilico. *Radicatur* porro multis fibris tenuibus. Cùm flos marcescit & semina maturefcere incipiunt medius umbo in metam assurgit, & semina in ambitu exteriora primò defluere incipiunt.

In pratis & pascuis passim provenit; Vere primo & deinceps per totam æstatem florer.

*Locus.*



4. *Bellis hortensis*, sive flore multiplicato J. B. *hortensis flore pleno*, eoque magno vel parvo C. B. ejusdemque *Bellis hortensis prolifera*. *Bellis minor hortensis flore pleno variorum colorum* Park. ejusdemque *Bellis minor hortensis prolifera*. *Bellis media* & *Bellis minor multiplex flore albo* & rubro, item minor prolifera Ger. Double Daisies, of divers colours.

f. B.

Crebris est in orbem fufis foliis, Pilosellæ, pinguiusculis, nonnihil crenatis, aliàs integris, hirsutis sapore astringente : inter quæ pediculi oriuntur palmares, tenues, subrubentes, hirsuti, qui flores sustinent albos purpurascens, medioluteos, Anthemidis modo : aliàs verò numerosa foliorum luxuries umbilicum luteum obumbrat, repetita transplantatione, colore vel albo, vel rubro, vel mixto, seu alternatim positis foliis, albis & rubris, seu in ambitu rubro in medio albo, vel viridi, vel quâ denique fors tulit temerè versicolore varietate foliorum commendabilis : nec radicis fibrosæ reptatu contenta se propagasse, quin & è flore ad margines novam sobolem, haud aliter atque in prolifera Caltha, sufficit, sed matre ut par est minorem.

Præter varietates in Descriptione traditas, habetur & alia florum foliolis fistulosis. Novimus ergo in universum quinque varietates, quæ sunt

1. *Bellis minor hort. flore pleno rubro.*
2. *Bellis min. hort. flo. pleno albo.*
3. *Bellis min. hort. flo. pleno mixto [ ex petalis albis & rubris. ]*
4. *Bellis min. hort. flo. pleno rubro, petalis fistulosis.*
5. *Bellis min. hort. flo. pleno prolifero [ albo, rubro, mixto. ]*

\* 5. *Bellis hortensis pediculo folioso* C. B.

C. B. prod.

Hæc à communi hortensi in eo tantum differt, quod pediculus, qui leviter hirsutus, foliolis oblongis, subrotundis, duobus aut tribus longè distantibus cingatur, & flori folia quina subjiciantur.

Locus.

In hortis reperitur.

Vel naturæ lusus est, vel à Bellide minore genere diversa.

\* 6. *Bellis Brasiliæ Caa-apia dicta* Marggr.

Marggr.

Ex radice unum aut sesquidigitum longa, vel etiam duos digitos, pennæ olorinæ vel etiam minimi digiti crassitie, nodosa seu verrucosa, & filamentis ad latera & inferiore parte tenuibus donata, tres aut quatuor dig. longis, exterius ex gryseo rufescente, interius tota alba & lenta tres vel quatuor pullulant pediculi, teretes, tenues, tres, quatuorve dig. longi, qui singuli sustinent unum folium subrotundum vel oblongum, nimirum duas, tres, vel etiam quatuor dig. longum, sesquidigitum latum ubi latissimum, tenerrimum, superna parte viride & splendens, infernâ paululum albicans, nervo & venis transversis infernè conspicuis. Caterum caret caule : fert autem florem in proprio pediculo, rotundum, umbilici figurâ, ut Bellidis flos, multis staminibus constantem pallidis inter quæ semen provenit rotundum, & seminis Sinapis magnitudine. Radix initio haud manifesto sapore est prædita, sed mansa quodammodo acris est, & relinquit in lingua vellicantem saporem.

Vires.

Venenis resistit, & fluxum dysentericum sistit herba ʒiʒ. pondere quatuordecim horarum spatio vino infusa & manè pota, ita ut æger per quatuor horas jejuset : purgat enim ita ut simul profluvium sistat.

Reperitur & alia species foliis in ambitu dentatis & leviter hirsutis, eorumque pediculis raris pilis vestitis, flore cum umbilico in medio instar floris Chamæmeli.

## C A P. II.

De Bellide majore caule ramoso & folioso.

- A. 1. *Bellis major* J. B. Ger. *major vulgaris sive sylvestris* Park. *major sylv. caule folioso* C. B. *Buphthalmum majus* Lon. *Consolida media vulnerariorum* Lob. The great Daisie or Ox-eye.

f. B.

**R**adix ei fibrosa, reptans, sapore acri; caules emittens plures dodrantes & altiores, pentagonos, solidos, ramosos, foliis multis vestitis, oblongis, pinguibus, serratis, mucronibus obtusis. Flores Buphthalmi aut Pyrethri, radiati, petalis in ambitu albis, disco medio luteo, amplo, ex plurimis flosculis luteis in quinque segmenta divisus composito, cum stylo in medio uniuscujusque. Folia calicum habent fimbriam nigricantem. Cum flore pleno in hortis invenitur.

Tempus &  
Vires.  
Locus.

Floret Maio & Junio apud nos in Anglia, estque in pascuis ubique frequens.

Hanc Patavii comedunt mense Februario in acetariis f. B. Lobelio si credimus, eadem potest quæ Bellides, eodem modo usurpata.

Herba

Herba integra, [caules, folia & flores] in Zythogalo decocta & pota adversus asthma, phthysim, orthopnoeam singulare remedium censetur.

Utilis admodum est in vulneribus & rupturis in potu bibita, vel emplastri modo applicata.

Decoctum herbæ sanat omnes morbos ortos ab intempestivo haustu potus frigidi cum corpus sit calidum, Cardilucius p. 1091. Idem affirmat Mindererus de Medicam. Militaribus. Hæc D. Tancr. Robinson.

2. *Bellis Alpina major rigido folio* C. B. Park. *Great Mountain Daisie with a stiff leaf.*  
*Alpina major foliis angustis rigidis* J. B.

C. B.

Ex radice nigra, repente, ab una parte fibras spargente & lignosa caulis rotundus, striatus, cubito altior exurgit, circa quem folia pediculis carentia, quinque vel sex uncias longa, vix unciam lata, rigida, partim obtusa, partim ex rotunditate acuminata, per circumferentiam profundè crenata, nullòque ordine disposita. Caulis summo flos unicus, Bellidis vulgaris majoris flore major, medio luteus, foliis albis discum cingentibus infidet; cui semen oblongum, ut in vulgari, succedit.

In summis jugis montis Juræ propè Genevam copiosè provenit: C. Bauhino in Baldo monte. *Locus.*

Huic forte eadem est

- \* 3. *Bellis Virginiana densiore folio* Morif. prælud.

Cui folia latiora, ferrata, densiora quàm ulli Bellidum sylvestrium majorum, majorèsque flores.

- \* 4. *Bellis radice repente, foliis latioribus ferratis* Morif. prælud.

Huic folia latiora magisque ferrata quàm cuius alii majoris Bellidis speciei. Flores itidem maximi, Radices longè latèque subter terram repentes.

- \* 5. *Bellis Alpina minor* C. B. *Alpina minor rigido folio* Park. *The lesser stiff-leaved Mountain Daisie.*

Ex radice cauliculus unus vel alter, lævis, semipalmaris, incurvus prodit, quem cingunt folia rigidiuscula, angusta, brevia, per ambitum profundis & asperiusculis crenis donata. Cauliculo summo flos unicus, magnus, disco luteo, aliquando purpurascens, foliis albis multis cincto, infidet.

In Alpibus Helvetiorum provenit.

*Locus.*

- \* 6. *Bellis montana major folio acuto* C. B. Park. *Bellidis Alp. alia species minor folio non rigido* J. B.

Cauliculo est Bellide secunda brevior; foliis brevioribus, duplo triplòve angustioribus, levius crenatis, nec rigidis, in acumen exquisitum desinentibus: flore secundæ simili, sed minore.

In montibus Euganeis collecta est.

*Locus.*

- \* 7. *Bellis montana folio obtuso crenato* C. B. *An Bellis montana minor* J. B?

C. B. J. B.

Radicem habet lignosam, fibrosam: caulem unum, tenuem, lævem & pedalem, [J. B. sesquicubitalem] folia angusta, longissimis pediculis donata, per marginem crenata, obtusa, in tres apices definitia, [terram proximè multa] In caulis summo flos unicus, parvus, disco luteo & foliolis albis eum cingentibus; capitulo squamis nigricantibus compacto.

Montepelluli versus Vigan & ad pedes montis Lupi & circumjacentibus campestribus squalidis & incultis. C. B. In descensu montis Capouladon à las cambrettes inter rupes umbrosas invenit D. Magnol.

*Locus.*

*Bellidem autem montanam minorem* J. B.

Optimè convenire ait cum Bellide quam invenit in herbis incultis ultra pontem Salenovæ ad dextram, & in campestribus viæ montis Lupi, quæ pedalis est, foliis inferioribus ferratis, multò minoribus quàm in Bellide majore, superioribus vero angustissimis: flore mediocris magnitudinis.

Bellidis ramulum exsiccatum in horto D. Magnol Montepelluli collectum nobis exhibuit eximius Botanicus D. Hansf. Sloane, sub titulo *Bellidis Chrysanthemi folio*. Erat ei flos mediocris, folia angusta utrinque laciniata, raris utrinque laciniis, ceu denticulis extantibus, ut in Chrysanthemo segetum vulgari.

- \* 8. *Bellis minor alba ramosa* Park.

Foliis brevioribus magisque dentatis; cauliculis foliosis & in ramulos floriferos divisos à vulgari minore Bellide distinguitur.

E Lusitania habuit Parkinsonus.

*Locus.*



\* 9. *Bellis frutescens Indica ramosa* Hort. Lugd. Bat.

Succus ejus acris est, mordicans & amarus.

\* 10. *Bellis maritima foliis Agerati* C. B. Park.

Plantula est palmo minor, ad cujus radicem parvaim albam cauliculus pilis levibus hirsutus, in binos ternosve tenuissimos ramulos dividitur, quorum unus sex, alii tres uncias non excedunt, ad quorum partem inferiorem pauca & parva foliola, Agerati foliorum instar per margines crenata, singulis unicum florem, qui parvus disco viridi, foliolis albis ultra viginti cincto, sustinentibus.

Hæc copiosè in insulis Stœchadibus in arenosis provenit.

Locus.

\* 11. *Bellis Tanaceti folio* quorundam. *Tanacetum inodorum* Park. non odorum Ger. montanum inodorum, minore flore C. B. album J. B.

J. B.

*Radix* huic crassa, nigra, fibrosa, cui complures fibræ adnatæ. *Caulis* cubitum & sesquicubitum alti, hirsuti, striati, alis concavi. *Folia* Tanaceti, pinnata, infernè hirsuta, supernè glabra, atrovirentia, odore nullo, sapore adstringente. *Flores* Bellidis majoris, stellati, candidi, umbone flavo.

Hæc planta J. Bauhino descripta eadem nobis esse videtur Tanaceto inodoro 1. Clus. non ut vult C. Bauhinus ejus Tanaceto inod. 2. Descriptio Clusii hæc est.

Gracilibus, firmis, duris, cubitalibus interdum verò sesquicubitalibus assurgit *caulibus*, per quos rara sparsa sunt *folia* pennata, Tanaceto vulgari non admodum dissimilia, odoris tamen expertia, gustu linguam vellicante & fervido, circa radicem majora atque hirsuta. *Caulis* summo fastigio in aliquot breves ramulos dividitur, nudos, quibus insident magni *flores*, Bellidis majoris flori fermè æquales, octodecim aut viginti foliis albis, nunc longioribus, modò brevioribus, medium orbem flavum ut in Bellide majore cingentibus constantes; quibus marcidis succedit in mediis capitibus longiusculum *semen* nigrum; quod terræ commissum plantas sui generis producit, & aliàs etiam non dissimiles, quarum flos est minor, secundo generi par. *Radix* est minimi digiti crassitudine, obliqua, non in altum demissa, nigra & aliquot fibris hirsuta & vivax, quæ etiam pangi possit.

12. *Tanacetum inodorum* 2. Clus. inodorum minore flore C. B.

Cùm floris præcipuè magnitudine, qui *Cotula* foetida aut *Matricaria* florem non excedit; *foliisque* minùs elegantibus, pediculo brevioris cauli inhzrentibus, à præcedenti differat: Cùmque iisdem in locis exeat, & à prioris semine lato, vix videtur specie ab eo diversum. Quocirca J. Bauhinus non immeritò fratrem reprehendit quòd diversas species faciat. Hæc duo Tanacetum (inquit) C. B. non duæ sed una planta, aut saltem ejusdem speciei, ut non separandæ videantur.

Locus &  
Tempus.

Hanc plantam in colle *la Bassie* propè Genevam & ad Rhodani ripas observavimus: Clusius in omnibus utriusque Pannoniæ montibus humilioribus & sylvis cædis, ubi floret Maio & Junio.

\* 13. *Mentha Sarracenica species flore Anthemidis* J. B.

Herba est cubitalis, interdum minor: *ramulos* è radicibus multos edit, aliqua ex parte per caulis longitudinem velut striis ornatos, nonnihil lanuginosos, in quibus *folia* parva, brevia, non admodum lata, viridia, in ambitu serrata, odorata, medio inter Ageratum vulgare & Mentastrum odore, & tam simili Mentha Romanæ vulgò dictæ, ut hæc illi commodè possit succedere. *Flores* in cacumine multi, Anthemidi similes, in medio luteoli, in ambitu candidi, odorati. *Radices* subsunt candicantes.

A Pyrenæorum montium incolis, ubi frequens nascitur, appellatur *Herba del Moro*. i. e. Herba Maurorum seu Sarracenorum.

Dalechamptius apud Historiam Lugdunensem, & C. B. Annotationibus in eandem Histor. hanc plantam cum *Parmica Fuch.* unam & eandem faciunt. At J. Bauhinus in *Parmica Fuch.* lanuginis nihil observat. At nec folia illi odorata sunt, nec parva, nec brevia, nec admodum lata, sed longa & angusta: nulla etiam similitudine foliorum comparantur *Parmica* & *Mentha corymbifera*. Verum loco cum *Parmica* convenit, nimirum in pratibus juxta fluentia.

\* 14. *Herba Molucana* C. B. Park. *Molucana Acoftæ* J. B. & Lugd.

Acofta.

Duorum aut trium cubitorum altitudinem acquirit hæc planta, nonnunquam etiam locis uberioribus & humidis quinque cubitos superans, eleganti virore prædita; *caule* tenui, tenero, nonnihil concavo, imbecillo, & nisi uti *Jasminum* pergulis sustineatur, humi sese diffundente quemadmodum *Hedera*, & multos ramos spargente, qui subinde radices agunt ut *Mentha* & *Melissophyllon*, adeoque serpunt ut planta sola vel ramus transpositus brevi temporis spatio magnum locum occupet. *Folia* habet tenella & mollia, in ambitu serrata magnitudine & formâ *Sambuci* foliis respondentia: florem croceum, *Chamæmeli* flori admodum similem, paulò tamen majorem.

Toto anno viret & luxuriat.

Vulgò nuncupatur (teste Acofta) Remedium pauperum & destructio Chirurgorum.

Frequenter

Frequenter utuntur cum in Maluca (unde primum originem traxisse creditur, quod istic abunde crescat & plurima admisceatur Chirurgicis remediis) tum in omnibus Indiae provinciis, in quibus diligenter colitur & in pretio habetur, nec injuria.

Coquantur hujus plantae folia in oleo & cum cera inspissantur unguenti modo: mirifice curat id unguentum omnis generis ulcera, recentia & antiqua, etiam si sanguinolenta, fordida, cuniculosa, maligna & putrida sint: mirae efficaciae esse deprehendi in tibiis vulneribus inveteratis, inque recentibus vulneribus.

Alia est praeterea hujus stirpis utendae ratio.

Ejus enim caulem & ramos superiore cortice denudant, & sumunt membranam illam tenuem, quae media est inter exteriorem corticem & caulem, quaeque facile ut in Cannabe revellitur; eum oleo nucis Indicae madentem ipsius plantae foliis involvunt, & sub cineribus calidis recondunt: ubi incaluerit & emollita fuerit, conterunt, & recentibus cruentisque vulneribus imponunt, seu grandia sint, seu levia, & paucis diebus non sine admiratione conglutinant absque ulla inflammatione aut apostemate: lenit enim dolorem, sanguinisque fluxum cohibet: breviter, nullo alio medicamento adhibito omnino ad cicatricem perducit: singulare etiam perhibent esse remedium adversus nervorum punctiones & vulnera.

Eodem praeterea modo adhibetur in apostemate aperto ad emundandum, carnem generandam, & ad cicatricem perducendam, item in inveteratis ulceribus & cuniculosis, in quibus ea solummodo trita interdum apponitur.

## CAP. III.

## De Pyrethro.

**P**yrethrum ab igne nomen habet ob radicis ejus fervorem igneum C. B.  
Ab Anthemide seu Chamæmelo flore majore & radicis acri fervidoque sapore differt.

*Pyrethrum flore Bellidis C. B. vulgare Officinarum Park. Officinarum Ger.*

*Dod.*

*Pyrethrum folia* sunt multipliciter dissecta divisaeque similitudine ferè foliorum Foeniculi, sed tamen minora, Dauci sylvestris & Carotæ æmula: *Cauliculi* dodrantes aut paulò altiores; in quorum fastigiis *flos* amplus, latus, Anthemidis similis, sed tamen major, medio orbe subluteus, angustis oblongisque circumambientibus foliolis, supina parte albicantibus, pronâ verò nonnihil purpurascens. *Semen* inter disci sive orbis stamina gignitur, tenue & oblongum. *Radix* digitalis ferè est crassitudinis, longa, subrufo colore nigricans, gustu acri & admodum fervido.

Ex Orientis partibus infertur. Nasci in quibusdam Italiae montibus, sed minus acre, scribit Mat. *Locus.*

Optimum remedium habetur in paralyfi linguæ cum vocis amissione. Ad dentium dolorem *Vires.* radix masticata in usu est.

## CAP. IV.

## De Chamæmelo.

**C**hamæmelum dicitur hæc planta quasi Malum terrestre aut pumilum, quod Mali [intellige Cydonii *Hofm.*] odorem habeat. Dicitur & Anthemis à florum abundantia.  
Notæ ejus characteristicae sunt, Folia tenuissimè dissecta; flores sparsi, satis grandes, foliis marginalibus albis discum flavum cingentibus.

A. 1. *Chamæmelum odoratissimum repens flore simplici* J. B. nobile seu odoratis C. B. *Romanum* Ger. **Common Camomile.**

Item,

*Chamæmelum nobile flore multiplici* C. B. *repens odoratissimum perenne fl. multip.* J. B.

*Radices* huic fibrosæ sunt: *caules* tenues, hirsuti, striati, in terram procumbentes, & subinde radices agentes, unde immensum se propagat. *Folia* in caulibus crebra, tenuissimè in segmenta tenuia acuta dissecta. [Folium totale alatum est, ex pluribus pinnularum conjugationibus compositum, singulis pinnulis in plura segmenta angustissima in acutum desinentia divis] *Flores* in summis caulibus & ramulis singulares, pediculis prælongis insident, pro plantæ modo ampli, radiati, petalorum alborum & oblongorum continua serie discum medium flavum cingente, qui marcescentibus foliis marginalibus in capitulum grandiusculum, Tragi ferè figurâ, extumescit. Planta hæc in opacis viridior est & ferè glabra, in apricis incana & lanuginosa. Odorem spirat suavem unguenti.

Julio demum mense floret. In pascuis uliginosis, inque sterilibus & à jumentis demorlis non raro. *Locus.*

H h 3

In



In Cornubia adeo copiosè provenit, ut nobis illac iter facientibus odore suo nares nostras feriente inter equitandum sapius se proderet.

Planta hæc quo magis pedibus conculcatur eò latius excrefcere & latius se diffundere vulgo affirmatur.

Chamæmelum odoratissimum flore pleno, quod in hortis ob raritatem & elegantiam studiosè colitur, cum vel sationi, vel transplantationi aliive mangonio, aut interdum casui seu accidenti cuiusdam ignoto originem suam debeat; non nova Chamæmeli species, sed accidentalis potiùs varietas censenda est.

*Chamæmelum nudum* Park. *nudum odoratum* Ger. *luteum capitulo aphylo* C. B. *aureum peregrinum capitulo sine foliis* J. B. **Naked Camomile.**

*Vires.*

Nobis non aliud esse videtur quàm lusus quidam naturæ, cujusmodi in aliis plantarum speciebus observatur, ut v. g. in *Matricaria*, & *Tripolio*.

Digerit, laxat, mollit, mitigat dolorem, menses & urinam ciet. Eapropter usûs insignis est in dolore colico [decoctum [in vino] ex jusculo] & flatulento: in cruciatibus spâsmi flatulenti & convulsionibus. Vide Matthiolum.

In pleuritide mirum dictu quantopere aqua illius destillata partium suarum tenuitate valeat discutienda. *Sim. Pauli.*

Extrinfecus ejus usûs est in paregoricis, emollientibus, maturantibus cataplasmatibus, clysteribus, &c. *Schrod.*

In clysteribus ad dolores intestinorum placandos, quâcunque tandem de causâ procedant, magnopere conducit.

Inter omnes plantas quotquot in balnea contra calculum recipiuntur nihil floribus Chamæmeli efficacius. *Matth.*

Oleum Chamæmelinum tumores duros emollit & dissipat, dolores sedat: lassitudinem spontaneam tollit.

Hæc de Chamæmelo vulgari præcipuè intelligenda sunt. Nobile potentiùs calefacit ac attenuat; digerit etiam & rarefacit: remissiùs verò emollit ac dolores mitigat; ut rectè Dodonæus & J. Bauhinus.

Nonnulli adversus calculum hujus decoctum propinant: Quidam nephriticus, qui post multa remedia incassum adhibita morbum indies exacerbari sensit, ex sequenti remedio insigne levamen percepit. Recipiebam florum Chamæmeli vulg. m. ii. quibus affundebam Vini Rhenani lib. ii. pond. civilis; Sinebam illa digeri in cineribus calidis per duas horas. Postea fortiter exprimebam infusum colandum, & aliis novis manipulis Chamæmeli affundendum, & unâ iterum per duas horas digerendum, itémque tertia vice eandem encheiresin esse iterandam. At infusum non diutius tandem esse coquendum percipiebam, antequam ultimò colaretur, quàm Asparagos aut Pisces coquimus. Observandum hoc ipsum decoctum adeò reddi salsum à sale suo volatili, ut jurare quis ausit pugillos aliquot salis culinarii in eo esse liquefactos. Hujus ergo decocti duo vel tria cochlearia remiscebam haustulo vini calidi, & illi propinabam. A cujus medicamenti simplicissimi usu, Deo benedicente, non solum gravissima recensita symptomata mitigabantur, sed quoque laxatis sensim eo urteribus, citra insignem molestiam aliquot calculi ex renibus in vesicam detrusi excernebantur. Post in aliquammultis probavi, qui insigne levamen senserunt, præcipuè si in balneo sederent. *Simon Paulus.* Notatu dignum est quod scribit de insigni falsedine quam aqua ex iterata hujus herbæ infusione contraxit.

Succi Chamæmeli expressi cochlearia duo vel tria cum guttulis aliquot spiritûs Vitrioli in jusculo exhibita in febre quacunque intermittente paulò ante accessum, instantem paroxysmum plerumque avertunt, & febrem ipsam curant. Veteres etiam Chamæmelum adversus febres, præsertim biliofas & hypochondriacas commendant. Inter Ægyptios olim magni usûs erat contra omnes febres, notante Borrichio è Galeno.

In cardialgia specificum est Chamomilla tam vulgaris, quàm præstantiori cum affectu Romana. Hinc decoct. ejus egregium experimentum ad Cardialgiam, aut etiam essentia ejus ex floribus vel cum proprio spiritu, vel sp. carminativo vegetabili parata à 3β ad 3j [*D. Hulse* ex Eltmulleri praxi.] ejus etiam oleum destillatum sappyrinum commendatissimum est.

Cotula foetida decoctio, auctore Trago, non aliter quàm Castoreum contra præfocationem uteri infessu, fomentationibus ac odoratu saluberrima est Herba tusa, & emplastri instar vulneribus imposita illa conglutinat ac persanat. At verò quomodo hoc præstare potest? cum, ut rectè Matthiolus, sapore sit acutissimo & exulceranti vi prædita.

Apibus ingratam & odiosam, imò funestam & exitiosam esse prodidit Ruellius: ideòque Apiarii hæc suas fricant manus cum alvearia castranda sunt, atque sævientium impetus cohibendi; illico enim furore hujus sensu edomito mitescunt.

D. Strachey M. D. amicus noster, rei Herbariæ & totius Medicinæ peritissimus hujus herbæ decoctum felici successu ad Scrophulas propinare solet.

Foretus decocto florum Chamæmeli cum lacte bubulo se senem dysuria laborantem curasse testatur.

Ad duritiem mammarum propter lactis coagulationem, lavetur locus bis de die, & superponantur Folia etiam Enulæ, ut & Marrubii, & etiam seminum Lini axungia emplastrata; tollunt dolorem, ut sum expertus. Communicavit D. Soame cum aliis multis ex observationibus Marcelli Cumanii ab Hieron. Velschio editis collectis.

Filiæ meæ tertianâ nothâ conflictatâ post quartum paroxysmum sequentem potiunculam exhibui. R. pulver. flor. & Herb. Chamæmeli absque stipitibus Aq. Chamæm. Plantag. ana 3j. misce, detur initio

initio horroris. Quater exhibita optimè cessit. Idem ex Observ. Achillis Gasseri ab Hier. Velschio editis. Obs. 13.

Sacerdos quidam spasmo Cynico laborans, præmissis Universalibus, sudatione in Vaporario ex decocto Chamæmeli, & applicatis postea emplastris & unguentis convenientibus convaluit. Chamæmelum nervosis partibus singulari proprietate amicissimum, discutiendi simul atque roborandi facultate commendatur ab *Ebnisina*. D. *Soame* ex Observ. Hier. Reufneri.

- A. 2. *Chamæmelum vulgare amarum* J. B. *vulgare* Park. *qui tamen vulgare cum nobili confundit. Vulgare, Leucanthemon* Diosc. C. B. *Chamæmelum* Ger. *Wild, or Dogs Camomile*.

A Cotula foetida in his præcipuè differt, Quòd radices fibræ crassiores sunt; *caulis* major, elatior, ramolior, magis glaber, & in apricis purpurascens, imò præcipuè parte: *Folia* saturatius viridia, longiora, in segmenta multò angustiora & tenuiora, sceniculaceis ferè similia divisa: In *floribus* folia discum medium in circulum ambientia pro magnitudine longiora sunt, angustiora & acutiora, discus medius cum primùm flos aperitur planior est, postea eo marcescente in capitulum grandius extumescit, è pluribus seminibus coagmentatum: Flosculi singulares è quibus discus medius componitur minores sunt. Odor plantæ non ingratus.

In locis cultis & inter segetes passim & copiosè provenit.

A Chamæmelo odoratissimo differt quòd recto caule assurgat, cum illud procumbat & repat; præterea quòd annuum sit, cum illud perennet, ut de odore nihil dicam.

Hanc speciem olim pro Cotula non foetida habuimus: vereor ne Morisonus in *Praelud.* eundem errorem erraverit. Hæc est quæ in hortis nostris colitur & pangendo propagatur *Cotula inodora flore pleno* titulo.

In nausea sive vomitu gravidarum decoctum majoris Chamomillæ Johannes le Bon in *Thera-* Vires.  
peia puerperarum p. 6. commendat. D. *Soame* è *Dolæo* L. 5. C. 4. S. 20.

- A. 3. *Cotula foetida* Ger. Park. *Chamæmelum foetidum* C. B. *Chamæmelum foetidum sive Cotula foetida* C. B. *Stinking Mayweed, or Matthes*.

*Radix* ei alba, simplex, pluribus fibris capillata. *Caulis* nunc unus, nunc plures, pedales, teretes, glabri, aliàs brevi lanugine hirsuti, non admodum crassi, solidi, valdè ramosi, ramis è foliorum alis exeuntibus, & caulem ipsum altitudine superantibus. *Folia* alternatim posita, in angustas & acutas lacinias tenuiter dissecta. [Prima divisio est in alas aliquot mediæ costæ adnexas, deinde alæ singulæ in plura subdividuntur segmenta] pallidè viridia, pingua, glabra ferè, foetida. In summis caulibus & ramulis *flores* longis pediculis nixi, majusculi, è serie seu circulo foliorum alborum discum luteum ambientium compositi. Marcescentibus floribus discus medius in tuberculum rotundum paulatim affurgit.

Inter segetes & in cultis passim.

Chamæmelum inodorum sive Cotula non foetida J. B. & aliorum, cum solo narium judicio à Cot. foetida discernenda sit, ut affirmat Bauhinus, non est cur diversam speciem statuamus.

Vires hujus superius sub Chamæmelo traditæ sunt.

- \* 4. *Chamæmelum foetidum marinum* J. B. *Stinking Sea-Mayweed*.

J. B.

Haud multùm dissimilis habitus à Chamæmelo hortensi. Verùm non modò *caules* ramique striati, subrubentes, lanugine alba sunt vestiti, sed etiam *folia*, eaque minutiùs, ut videtur, dissecta & prope modum candicantia: *flores* equales, stellatis candidisque in ambitu radiatis foliolis umbilicum huteum ambientibus.

In maritimis Narbonensium collegit Cherlerus.

- \* 5. *Chamæmelum marinum* J. B. *Matricaria maritima* C. B. *Parthenium maritimum* Park. *Sea Camomile*.

J. B.

Complures humi spargit *cauliculos*, palmares aut dodrantes, simplices, per quos ordine ascendunt *folia*, quàm Chamæmeli vulgaris latiora, breviora, crassiora, nec adeò tenuiter incisa, amara & subacria, odore ferè Chamæmeli: *Flores* singulis geniculis insident singuli, Chamæmeli similes, candidi, radiati, sed majores, eundem ferè odorem halantes. *Radices* satis profundæ, nigricantes, multis fibris donatæ.

Floret Aprili, Augusto & Septembri.

An & quomodo hoc differat à Chamæmelo seu Cotula vulgari mihi non constat.

- \* 6. *Chamæmelum leucanthemum incanum Hispanicum minus* C. B. *Hispanicum incanum parvum* Park. *Spanish hoary Camomile*.

C. B. prod.

Plantula est palmo minor, *radice* parva, fibrosa, rufescente, ex qua *cauliculus* tenuis, uncias quatuor altus, nudus exsurgit, *florem* unicum, satis magnum, disco pallidè luteo, foliis pluribus albis cincto sustinens. *Foliola* ad radicem parva, incana, tenuissimè instar Absinthii Galatici, vel Abrotani divisa, quæ insipida & inodora sunt.

In regno Granadæ ad agrorum margines.

Locus.  
Cha-



*Chamæmelum Hispanicum luteum odoratum* C. B. prod.

Ad Chrysanthema potius referendum videtur.

- \* 7. *Chamæmelum Alpinum inodorum* C. B. Park. *Leucanthemum Alpinum Clusii* Ger. Mountain Camomile without scent.

*Clus.*

Hujus *folia* Chrysanthemi Alpini r. Clusii foliis non multum dissimilia sunt, nisi paulò magis incisa essent, crassa & succulenta (uti sunt multarum Alpinarum stirpium folia, quemadmodum & marinarum) amariuscule saporis, & nullius grati odoris. *Cauliculi* dodrantes, infirmi, in quibus singulares *flores*, Chamæmelo majores, luteum orbem ambientibus vicinis aut pluribus albis foliis. Latè se spargit hæc planta Anthemidis modo & fibrosas radices habet.

*Locus.*

Crescit in *Judenberg*, *Spital* & aliis quibusdam provinciæ Stiriaë jugis, ubi Julio & Augusto floret.

8. *Chamæmelo affine Buphthalmum Italicum segetum altissimum* J. B. *Cham. leucanthemum Hispanicum magno flore* C. B. prod. *Ch. Hispan. amplo flore* Park.

*J. B.*

Tam altè assurgit, ut segetes in Italia etiam superet, *caulibus* simplicibus per quos *folia* Buphthalmi vulgaris, asperiuscula, alterno posita, ex unciali distantia, minutissimè ac profundè dissecta, quorum segmentorum summitates velut pilos tenuitate sua repræsentant.

*Flos* in fastigio unicus, jam dicti Buphthalmi flori æqualis, radiato in orbem simplici foliorum candidorum agmine constans, umbilico luteo. Differt (inquit) à *Cotula foetida* ne quis fallatur.

Vulgare est circa Monspelium in satis, quod foliorum divisurâ, altitudine & majori flore à *Cotulis* facillè distinguitur. *Botan. Monsp.*

- \* 9. *Chamæmelum Æthiopicum lanuginosum* Breynii.

*Breyn.*

Chamæmelum hoc prorsus novum pulchrum sanè ac perrarum est, eâ fermè quâ Romanum facie in Promontorio Bonæ Spei crescens, quanquam minus, & ramos teneriores, densâ lanugine pubescentes spargens: *Foliis* minoribus, lanuginosis, Millefolii lutei junioribus & magnitudine quadrantenus & figurâ similibus. Ex ramulorum cymis inter folia pediculus *palmaris* ferè, gracilis & lavis exit, qui in summo in capitulum læve, striatum, crenis magnis & obtusis per circumferentiam coronatum, ex viridi albicans & veluti rorulentum, paulatim crassescens abit: cujus medio *flos* Chamæmeli vulgaris, disco ex tabulis mille minutissimis luteis conflato, foliolis candidis sed perquam pusillis, ut *Asteris cernui* *Col.* cincto, eleganti spectaculo insidet. Excusso flore *semen* copiosum, nigrum, Chamæmeli inodori minus sequitur.

Hæc planta, propter capitula parumper à Chamæmelo recedere, & medium quoddam genus inter hoc & *Asterem cernuum* *Col.* prætereundum videtur.

- \* 10. *Chamæmelum Lusitanicum latifolium sive Coronopi folio* Breynii.

*Breyn.*

*Cauliculis* multis ab una radice prodeuntibus, & summa tellure magna ex parte sparsis, sesquipedalibus, teneris ac leniter hirsutis, superius maximè, luxuriat: quos *folia* sine petiolis alterno posita vestiunt, utrinque in lacinias novem aut decem laterales divisa, mediam quandam inter *Coronopi* minimi maritimi hirsuti, & *Tanaceti Alpini* C. B. adhærentia cauliculis folia figuram obinentia. Singuli caules & rami singulos *flores* producant, tam capitulo, quam alias Chamæmeli Romani flore simplici æquales, quorum candidissima, ad unguem citrina, antèrè dissecta petala, discum totum tabulis amplioribus luteis obductum, & ità figuratum ut ab imo latior in angustum verticem exacuetur, rotatim ambiunt.

Ex semine Lusitanico in Horto publico Amstelodamensi enatum mense Julio florens observavit Jac. Breynius.

## SECTIONIS PRIMÆ

## MEMBRUM QUARTUM

De Herbis Corymbiferis cum barbulis diversi à medio disco coloris, floribus in Umbellæ formam digestis, seu

De Parthenio aut Matricaria.

**M**ATRICARIA à matrice seu utero recentioribus dicta, quod morbis uterinis confert, Parthenium Dioscoridis censetur, quod diminutivum est à Παρθένος virgo. Notæ ejus characteristice sunt Flores velut in umbella, barbulis albis, discum medium luteum ambientibus.

A. 1. *Matricaria* Ger. *vulgaris* Park. *Matricaria vulgò*, minus *Parthenium* J. B. *Parthenium* I. sive *Matricaria vulgaris* C. B. *feberfew*.

E Radice alba plurimis fibris emissis terram apprehendente caules exurgunt plures, sesquicubitales, rigidi, striati, glabri, satis crassi, medulla fungosa referti, foliis crebris, nullo ordine positos vestiti. Versus summitates caulium ex alis foliorum exeunt ramuli, in quibus ut & in summis caulibus existunt flores pediculis oblongis, plures, velut in umbella radiati, non admodum ampli, foliis marginalibus brevibus, albis, discum medium flavum cingentibus. Foliis marginalibus marcescentibus discus medius extumescit. Folia velut alata ex duabus tribusve pinnularum mediæ costæ adnatarum conjugationibus componuntur: pinnulæ hæc natæ sunt, inque alias minores circa margines dentatas subdividuntur, Filicis cujusdam ferè in modum. Color foliorum ex viridi luteolus. Tota planta odorem gravem & vehementem spirat.

Junio & Julio mensibus floret ad sepes & in locis ruderatis.

Locus &  
Tempus.

Matricariæ varietates sunt,

1. *Matricaria flore pleno* C. B. & aliorum, sola floris multiplicitate à vulgari, non specie differt.
2. Habetur & *flore nudo*, seu foliolis radiatis medium orbem cingentibus viduo. Flore aphylo, bullatis floribus aureis Park.
3. *Matricaria odorata* f. B. & aliorum, cum nulla alia in re præterquam odore gratiore à vulgari differat, nec ulteriore descriptione indiget, nec species distincta censenda est.
4. *Matricaria* florum petalis fistulosis majoribus.
5. Minoribus.

Utraque varietas colitur in hort. Reg. Paris. & hort. Leydeni, & semini proculdubio originem suam debuit, uti Bellis minor florum petalis fistulosis.

6. *Matricaria* cauliculis rubentibus N. D. Hort. Lugd. B.

Ad uterinos affectus non parum confert (ut vel nomen ipsum arguit) decoctum & potum, Viras, menses & secundas remorantes, uteri suffocationem, &c. Quæcunque amara possunt utiliter præstat: ventris tineas expellit vel herba ipsa, vel succus ejus expressus non secus ac Centaurium aut Absinthium. Convenit in Arthritide.

Nostratibus, & Germanis etiam (*feberfew*) Febrifuga dicitur ab effectu. Nonnulli, ut apud Tragus, 1. Hist. 50. sapientes mulieres, & Brassavola in exam. Simpl. vim purgatricem illi attribuant, quam Parthenio suo Dioscorides inesse prodidit.

Palam est Apes ferre non posse odorem Matricariæ: quare plethorici, quos præ aliis pungunt apes & culices, in hortis ambulaturi optime sibi consulunt, si Serviam ex Matricaria sibi parent & circumferant: sic enim apes hujus graveolentiæ offensæ, quasi manu abactæ, illis non nocent. Eundem effectum expectare possumus à Cotula foetida, S. Paulli Quadrip. Botan. Class. 3. p. 390. Habui à D. Tancr. Robinson.

Ad Hemicraniam, & folior. Matricariæ m. i. Calefiat in sartagine, & bis aut ter calidi vertici applicetur. Chesneau ex libro Arcanorum.

Matricaria cruda imposita capitis vertici mitigare ejus dolores sapiculè solet. S. Paullus.

Parare ex ea & floribus Chamomillæ cum tantillo Artemisiæ decoctum suavi, à cujus usu hysterica symptomata illico cessare, & lochia abunde fluere sæpe comperi. Idem.

\* 2. *Matricaria inodora* C. B. Park. *Parthenium inodorum* sive *Achaovan Egyptiorum* J. B. *feberfew without scent*.

Herba est Chamæmelo proxima, quæ tamen non adeò altè extollitur, sed parùm supra latius expanditur, foliis Parthenii minoribus ac densioribus, floribusque Chamæmeli æmulis. Herba saporis odorisque expers percipitur, sed flores odorem gravem obscurumque spirant.

Ægyptii porro quibus & hæc planta patria est, descriptore Alpino autore, florum foliorumque decoctum in usu habent ad tollendas viscerum obstructions, præsertimque ad ictericos. Locus & Vires.

Hæc planta ex descriptione rectius ad Chamæmelum refertur.

Herba



*Herbæ flore composito discoide nudo, seu Corymbiferae flore nudo, sunt vel caule*

*f Determinato, flosculis sci. cum finientibus, iisque vel*

*f Sparsis aut solitariis,*

*{ Fruticescens, superficie perenni, foliis in ramulis figillatim positis, odoratis: ABROTANUM FÆMINA, Chamæcyparissus.*

*Herbaceæ, semine*

*{ Cornuto seu bidente, foliis in caule bijugis, radice annua: EUPATORIUM CANNABINUM femina.*

*{ Indiviso & integro, foliis vel*

*{ Integris Majoranæ: CHRYSANTHEMUM C. b. sp. repens flore aphylo Breyn.*

*{ Dissectis, seu segmentis Coronopi æmulis: CHRYSANTHEMI Conyzoides Æthiopicum, &c. Breyn. seu tenuissimis, Millefolii æmulis: CHRYSANTHEMUM VALENTINUM Clus.*

*Velut in umbellam dispositis in summis caulibus & ramulis, foliis*

*{ Integris,*

*{ Latis, elatior & major: COSTUS HORTORUM, Balsamita mas.*

*{ Angustis, per margines incis, humilior & minor: AGERATUM; Balsamita femina.*

*Dissectis & velut alatis: Tanacetum.*

*f Indeterminato, floribus cum non finientibus, verum secundum ejus longitudinem velut in spicas dispositis; foliis*

*{ Integris, longis, angustis, Hyssopi: DRACO.*

*{ Dissectis,*

*{ Fruticosior & lignosior, foliorum segmentis tenuissimis: ABROTANUM MAS.*

*{ Humilior & minor,*

*{ Amaro insignis, odore vehementiore, folio incano: ABSINTHIUM.*

*{ Minus amara, odore remissione, folio subtus incano, supernè virente: ARTEMISIA.*

## LIBRI SEPTIMI SECTIO SECUNDA.

### *De Herbis Corymbiferis flore nudo.*

**H**ÆC Sectio in tria membra dividi posset.

Primam earum quarum flores caules terminant, floribus sparsis aut solitariis.

Secundam earum q. f. c. t. floribus in Umbellæ formam digestis.

Tertiam earum quarum flores caules non finiunt, sed secundum eorum longitudinem velut in spicas disponuntur.

#### CAP. I.

##### *De Abrotano fæmina sive Chamæcyparisso.*

**A**Brotonum unde dictum sit vide infra in Capite de Abrotono mare. Chamæcyparissus dicitur ab aliquali cum Cupressò foliorum similitudine. Notæ ejus sunt superficies fruticosa, perennis, folia odorata; Flores solitarii ramulos terminantes.

I. Abrotanum

1. *Abrotanum femina vulgare* Park. *femina foliis teretibus* C. B. *Chamæcyparissus* J. B. Ger.  
**Common Lavender-cotton.**

Ex radice crassa, dura, lignosa & subinde in brachia fissâ virgulta cubito altiora emittit, lignosa, tenera lanugine incana & in plures ramos divisa, quos ambiunt tenuia folia, longitudine circiter unciali, minutim denticulata, ita ut quatuor ferè denticuli in eadem phalange agminatim dispositi conspiciantur, incana omnino, odore medicamentofo & cum quadam suavitate gravi, sapore partim acri, partim amaro. Singulis ramulis singuli insident flores Tanacetî, lutei, calicibus squamosis.

Circa oppidum *S. Cyriaci* in Hetruria copiosè provenit atque indè incipiendo ad Statum Eccle- *Locus.*  
siasticum seu territorium Papæ, secus vias.

Convenit qualitatibus cum Abrotano mare, usûsque præcipui est in obstructionibus Epatis, Re- *Vires.*  
num & Ureterum: Icterus curat.

Ventris lumbricos interimit, quotidiano experimento muliercularum, tum semen, tum herba ipsa in lacte decocta & pota.

Folia sicca ad sistenda alba sceminarum profluvia conferre scribit Matthiolus, si continuis decem diebus aut pluribus, fumantur à jejunis, & deinde interpolatis diebus.

2. *Abrotanum femina foliis Ericæ* C. B. Park. *Chamæcyparissus unguentaria* J. B. *Green-leaved Lavender-cotton with a scent like Ointment.*

*J. B.*

Caulibus est tenuioribus, candidioribus, foliis vestitis minoribus, sed quæ majoribus denticulis incisa sunt, odore minùs gravi & jucundiore.

Hanc speciem eandem puto Abrotano scemina 2. Clusii, cujus etiam descriptio Abrotano nostro unguentario in hortis frequenter cultò, & in collibus saxosis circa molendina Nemaufi nobis observato melius convenit, quàm Bauhiniana, quæ hujusmodi est:

Alterius (2.) rami etiam candicant, minùs tamen frequentes sunt, longiora habent folia, quatuor similiter dentium ordinibus prædita, initio quidem incana, minùs tamen quàm in superiore, & quæ tandem omnino virecant; odor mitior est: sapore, radice cum jam descripto convenit. Hoc genus plerisque etiam hortis commune esse scribit.

Hæ descriptiones (ut verum fatear) in eo contrariæ videntur, quòd J. Bauhinus & etiam Dodonæus folia minora huic attribuiunt quàm vulgari Chamæcyparisso, Clusius autem longiora; quæ quomodo conciliari possint non satis perspicio, utcumque eandem utrique plantam descriptam minimè dubito: proinde Abrotanum sceminam 3. & 8. C. B. ad idem caput reduco: ut & Parkinsoni Abrotanum sceminam secundam seu magnum & Abrot. scem. quartam seu Ericæ foliis.

- \* 3. *Abrotanum femina flore majore* C. B. *femina Narbonensis magno flore* Park. *femina 3. Clus. Lavender-cotton with a large flower. Absinthium maritimum Abrotani feminae facie* Ger.

Ad primum genus multum accedit, sed longè strigosius est, & ramos duriores, brevioribus minùsque frequentibus foliis obfessos habet, colorem etiam inter utrumque medium. Flores in extremis ramulis majores & pallidiores in squamatis capitellis. Radix in duros & lignosos ramos divaricatur.

In acclivitate quorundam colliculorum inter Narbonem & oppidulum D. Nazarii à Clusio observabatur. *Locus.*

Hoc genus an ab unguentario dicto differat subdubito: fortè tota diversitas loco debetur.

- \* 4. *Abrotanum femina foliis Rorismarini majus* C. B. Park. *femina 4. Clus. hist.*

*Clus.*

Multis ab uno cespite prodeuntibus ramis constat, tenuibus pedalibus, candicantibus, quas numerosa ambiunt folia Rorismarini coronarii, sed minora & angustiora, quæ novella incana sunt, & nulla ferè incisurarum vestigia apparentia habent: adulta autem viridiora, longiora, & quasi minutis incisuris distincta sunt, multum tamen à Santolinæ creditæ foliis diversa, amari gustûs & jucundi odoris: multas è singulis ramis producit virgulas palmares, raris foliis septas, atque in summo earum fastigio capitella, floremque luteum, Santolinâ multò ampliorem: maturo autem semine marcescunt hæ virgulæ. Radix est lignosa.

- \* 5. *Abrotanum femina foliis Rorismarini minus* C. B. Park. *fem. 5. Clus. hist.*

*Clus.*

Flore, foliis, totâ denique facie præcedenti simile est, sed per omnia minus & gracilius: quod natalibus tribuendum non est, quandoquidem uno eodémque in loco (inquit autor) simul nascentes plantas invenerim, neque etiam ætati, quia utraque species ex seminibus natali loco sejunctim collectis & repositis & mecum in Belgicam delatis mihi nata est, magnitudine & exilitate non minùs discreta quàm natali loco fuerat.



6. *Abrotanum femina viridis* C. B. Park. *femina viridis minor* Park. *fem.* 6. Clus.

Clus.

Præcedenti magnitudine par est, interdum etiam paullo majus: Ramuli non ut in altero candicantes sed virides: folia etiam viridia, sed longiora tenuioraque, non minus quidem amara quam illa, sed minus jucundi odoris: *flos* pallescens, *virgæ* quæ florem sustinent tenues, maturo semine etiam arescebant, ut in superiore, cujus radici hujus *radix* etiam respondet, sed magis fibrosa est.

Locus.

Nascuntur [ tres proximè descriptæ species ] Salmanticensi agro, montibus Segobiz vicinis, quos *el puerto de Guadarama* vocant, & veterem Castellam à nova separant; aliisque asperis & salebrosis Hispaniæ locis. Florent Maio & Junio; semen maturum Julio. Hæc omnia Clusius.

\* 7. *Abrotanum femina repens* C. B. *Santolina* 5. Dod.

Nobis incognita & suspecta est.

8. *Abrotanum femina villosis & incanis foliis* C. B. *Seriphium Dioscoridis* *Abrotani feminae* facie Ad. Lob.

Ad. Lob.

Exilibus, lenibus *furculis*, pedem altis fruticat. *Radix* albicat, prolixa, *furculis*que statim ab humo numerosos promit, crebris *foliis*, minutim crenatis, teneriuscula lanugine incanis, uti *Gnaphalium* summo tenuis obfusus, ubi extrema capitula aureis *floribus* bullata fulgent, *semine* parvo copioso referta, similitudine *Tanacetum* sed minore.

Adeò simillima est *Abrotono* *feminae* vulgari horticorum, ut haud facile utramvis ab altera discernere sit; nisi quia hæc tota minor, odorator, candidior, tomentosa, quod alteri deest, cui folia breviora; sapor non adeò ingratus aut vehemens.

Locus.

Hoc & nobis non minus quam *Lobelio* in Galloprovincia, montis celsi S. Magdalene cryptæ celebris acclivibus, quæ S. Maximinum oppidum spectat, observatum. Et reverà *Abrotono* *fem.* vulg. adeò simile erat, ut pro eodem habuissemus, nisi odor gravior, statura humilior, & locus contrarium suavissem. *Lobelius* quoque se vix credidisse ea differre scribit, nisi utrumque contulisset. Necdum tamen nobis planè satisfactum est, quibus loca hæc adire contigerit diligentius & exactius hanc speciem cum vulgari conferant.

\* 9. *Abrotonum peregrinum Cupressi foliis* Lob. Park. *femina foliis Cupressi* C. B.

Exigua est *radice*: ex una stirpe pluresculos viticeos, *caules* rigidiores nigricantes producens: *Folia* cupressina aut *Sabinae*, texturâ reticulatâ effigiata, longa, angusta, & per virgulta crenatis extremis denticulata.

Ex brevi hac & imperfecta descriptione qualisnam planta sit quam intelligit *Lobelius* nescimus: in capite de *Sabina* caulem ei attribuit pedalem & sesquipedalem, in summitates caudatas comolas exeuntem.

## C A P. II.

### De Eupatorio cannabinò femina.

1. *Eupatorium cannabinum femina* Ger. *aquat. duorum generum* Park. *Cannabina aquatica folio tripartito diviso* Park. C. B. *Verbescina sive Cannabina aquatica, flore minus pulchro, elatior ac magis frequens* J. B. *Water Hemp, Agrimony with a yellow flower.*

**R**adix plurimis fibris majusculis, fibrillis minoribus capillatis constat: *Caules* attollit cubitales & sesquicubitales, teretes, ramosos, solidos, [ rubentes, hirsutos ] *Folia* ad genicula ex adverso bina tripartita aut etiam quinquepartita, [ subinde per ramos quoque nullo modo laciniata ] circa margines profundè serrata, glabra [ J. Bauhino pilosa ] latis pediculis caulem amplexa. *Flores* summis caulibus & ramulis insident, è flosculis exiguis luteis quinquepartitis compositi, nudi, multis squamis purpurantibus calicis loco obvallati. *Semen* longum, latum & planum in summo bicornè [ J. Bauhino in duos stylos asperos definens qui vestibis adherent. ] Uniuscujusque floris basin cingunt folia radiatim disposita, acuminata, brevibus circa margines pilis, qui serraturæ speciem exhibent, hirta.

Locus.

In locis humidis & palustribus, fossis, riguis, & intra fluviorum latè patentes alveos non rarò prædit, ut rectè *Dodonæus*.

A. 2. Eu.

- A. 2. *Eupatorium aquaticum folio integro* Park. Eupat. Cannab. *feminae varietas altera* Ger. e' mac. *Cannabina aquatica folio non diviso* C. B. *Verbesina pulchriore flore luteo* J. B. *Water-Hemp-Agrimony with an undivided leaf.*

J. B.

Fibris *radicatus* multis albis, tum ab imo caule, tum ab ejus geniculis demissis, sapore aromatico. *Caules* cubitales & majores, alias minores, teretes, subhirsuti & nonnihil subinde rubentes. *Folia* ad nodos bina adversa, quatuor aut quinque uncias longa, acuta, serrata tantummodo, non in lacinias divisa; superficie utrinque laevi, sapore acriusculo. Ex foliorum alis duo ramuli diverfi exeunt, quorum alter altero minor esse solet. *Flores* multo pulchriores quam in *Verbesina* elatiore; quorum extrema folia ex luteo viridantia, striis nigricantibus picta, his proxima aureo fulgore nitent, magna, in orbem acta; medium occupant alternatim remissi flosculi, luteoli, quinquepartiti, apiculos nigros exferentes, squamulaeque striatae, extremis quidem similes, sed suppare. *Semen* oblongum, compressum, fuscum, brevissimis ceu aristis asperiusculis capiti adnatis, ad vestes adheret.

In locis aquosis ubi aqua stat aut refidet J. Bauhino. Apud nos ubique udorum una cum praecedente provenit *Cannabina aquatica*, non tamen quae hic describitur, flore radiato, sed flore nudo. Locus.

- \* 3. *Conyza capite nutante* J. B. *Cannabina aquatica folio non diviso*, C. B. qui hanc cum praecedente confundit. *Water-Agrimony with a bending head.*

J. B.

*Caules* habet plures, cubitales, hirsutos, qui in varios ramulos finduntur, quorum singulis appositum *folium* unum, longum, satis latum, rarius serratum, pilosum, *Conyzis* nonnihil simile, ramuli ad florem usque robusti, rectique, per extrema in cervicem rigidulam contorquentur, florem nutabundum, terramque versus inclinatum sustinentes, ex multis ceu squamis compositum, quarum medium obsident multi apices lutei, eo fere modo dispositi quo in *Verbesina*. *Florem* ambiunt quaedam longiuscula folia viridantia stellae in modum radiata. *Radices* fibrosae, *Hellebori nigri* similes.

C. Bauhinus in Prodro-mo hanc describit sub nomine *Cannabinae aquaticae similis capitulis nutantibus*, & tamen in Pinace *Eupatorio cannabino Chrysanthemo* eandem facit. Haec tamen plantae nobis diversae videntur, ut descriptiones conferenti patebit: utcumque hujus descriptio melius convenit *Cannabinae aquaticae folio integro* nobis in Anglia familiari.

### C A P. III.

- \* *Chrysanthemum Conyzoides Aethiopicum, capitulo aphylo, foliis Majoranae* Breynii.

Breyn.

**L** Ignosus hic frutex, pedalis, *Conyzae* minimae Lob. facie quodammodo nascentis, in plurimos se expandit ramos, rotundos, striatos; quos numerosa & conferta ambiunt folia *Majoranae hortensis* foliorum formam & *Sanamundae* primae Clus. non male aemulancia, villotiora tamen ac parumper minora, odoris & saporis aromatici, *Menthae corymbiferae* seu *Costi hortensis* instar. Summis ramulis singularia, eorum autem angulis saepius plura infident *Capitula*, dura, villosa, discum luteum staminulis plurimis constantem sine radiatis in ambitu nascentibus foliolis continentia: donec tandem eadem staminulorum loco *feminibus* solidis & angulosis, ex cinereo colore albicantibus, *Foeniculi* feminis magnitudine, onerentur.

In bonae Spei Promontorii locis herbosis oritur, ubi mense Octobri & Novembri vernat.

Locus & Tempus.

*Chrysanthemum Cannabinum Americanum* Morif. praelud.

A nostrate cognitu facile est, quippe caules edit quadrupedales, subrubentes, firmiores & rectiores: flosculos ex multis staminulis luteis conflatos habet, & semina bidentia multo vulgaris *Chrysanthemi Cannabini* seminibus majora, vestibus pariter adherentia.



## CAP. IV.

De Bellide luteo flore aphylo.

1. *Bellis spinosa* Alpin. exot. *spinosa foliis Agerati* C. B. *major spinosa flore luteo nudo* Park. *spinosa elatior & fruticosior* Herbariorum *bullatis aureis floribus* Lob. Ad. part. ult. *Prickly leaved naked yellow Daisy*.

Alpin.

**T**OTA planta est fruticosa, habetque à radicibus multis gracilibus lignosos caules plures, rectos, graciles, ramosos, glabros, subinde rubentes, foliis multis oblongis, spinulis crenarum loco in ambitu armatis parvis ad Myrti folia accedentibus cinctus. In cauliculorum summitatibus fiunt flores; toti aurei, lati rotundi, ad modum Anthemidis nudo flore; quibus succedunt semina minima, oblonga, mollia & nigra.

Parkinsonus semina alba ei attribuit.

Hæc planta nobis hac æstate [1685] succrevit ex semine ab amicissimo Viro & insigni Botanico *Hans Sloane*: verum non perfecit florem. Descriptio Alpini ut & Parkinsoni ei satis aptè congruit. In dodrantalem altitudinem assurrexit, foliis crebris in caule nullo ordine positis, ab angusto principio paulatim dilatatis & in rotundum desinentibus, glabris, obscurè virentibus, circa margines denticulis spinosis incisis.

- \* 2. *Bellis lutea* sive *Chrysanthemum Capitis bonæ spei repens*, flore aphylo Breynii.

Breyn.

*Radicibus* nititur teneris, albicantibus, nec ita profundis: ex quibus *cauliculi* emergunt rotundi, glabri, coloris pallido virescentis, & aliquibus in locis quandoque ex fusco subrubicundi: dividuntur hi rursus in alios minores, ut plurimum versùs terram procumbentes, quam ubi attingere valent mox novas radículas emittunt. *Foliis* donatur ex glauco virescentibus, longiusculis & inordinatè incisis, ac Coronopi folia quodammodo referentibus, caulèmq; semper ambientibus: in singulis autem canlibus unicus conspicitur *flosculus*, lutei coloris, ex innumeris staminulis sive exiguis tubulis constans, instar orbis sive disci floris Chrysanthemi vulgaris, quem nulla ambiunt folia, quare & aphylli nomen inditum. *Semen* maturum exiguum est & subrufi coloris, proximèque ad Chrysanthemi vulgaris semen accedit: quod cum iplo flore odorem spirat haud ita gratum. Univerſa autem planta apud nos annua est, & satis copiosè ex deciduo semine repullulat.

Descriptio est *D. Syen*.

Locus.

In horto Leidenſi colitur sub nomine Bellidis luteæ seu Chrysanthemi exotici minoris flore aphylo, Chamæmeli facie.

## CAP. V.

- \* *Chrysanthemum Valentinum Clusii* Park. Ger. *Buphtbalmum lanuginosum foliis Millefolii* C. B. *Buphtbalmo tenuifolio simile Chrysanthemum Valentinum Clusii* J. B.

Clus.

**U**Nico plerunque assurgit caule, pedali, raro ampliore, ramoſo: foliis secundùm radicem numerosis, deinde temere & sine ordine per caulem sparsis, multifidis, Millefolii Stratiotis foliis penè similibus, lanuginosis & incanis, quæ degustata salivam cient, & acidula sunt. *Flos* in singulis ramulis unicus, luteus, vel potiùs auri splendore fulgens, quique reficcatus multis annis nativum colorem etiam retinet, medio Anthemidis disco sive umbilico major, & sine radiatis in ambitu naſcentibus foliolis, odoris non injucundi. *Radix* unica, candicans, firma, crassiuscula.

Locus &amp; Tempus.

Valentino regno ad arborum margines eruebat Clusius, juxta semitas repertum, nusquam alibi ipsi observatum. Florebat isthic Martio.

Hæc planta, nequis fallatur, plurimum à Buphtbalmo Narbonensis provincie differt.

## CAP. VI.

## De Costo hortorum dicto sive Balsamita mare.

**H**Ujus notæ genericæ sunt flores lutei nudi in umbellam aggesti, folia integra, lata, in ambitu crenata, odor validus.

1. *Mentha Corymbifera sive Costus hortensis* J. B. *Ment. hortensis* Corymbif. C. B. *Costus hortorum* major Park. *Balsamita mas* Ger.

f. B.

Obliquas agit radices, Menthæ radicibus pares, teretes, à quibus fibræ demittuntur multæ, *Caulis* cubitales & sesquicubitales, striati, ramosi & herbaceo colore pallescentes. *Folia* Lepidii, eodem cum caulibus colore, per ambitum serrata, rarius laciniata, odore intenso Agerati, sapore vehementer amaro. Summis ramis insident Corymbi aurei Tanaceti. *Semina* parva, oblonga, compressa.

In hortis colitur.

Sanat cruditates stomachi, ructus, vomitus, foetores oris, tormina, cardialgias ex stomacho, dolores capitis ex eodem. Quin ex propria capitis affectione, siquidem frigida sit, *Conserua* non infeliciter usurpatur. Idem dico de morbis uterinis à mensium mora. Idem de calculo. C. Hofman.

In viscerum obstructionibus non esse instrenuum remedium persuadeo mihi ob partium tenuitatem: ob amarorem vermes necat & succus & semen foris. Parkinsonus semen & florum in vino alb. infusionem ad ʒij. una vice pueris verminantibus propinat. Peculiari vi Opii aliorumve venenorum malignitatem retundere creditur. In vulneribus citissimam operam præstat, unde *Balsamitæ* nomen inditum.

Mulieres Germanicæ pastâ farinaceâ obducta folia frigunt in oleo butyræ, & mensis secundis apponunt.

Balsamum ex eo cum Ophioglossò in Oleo olivarum decocto, additis inde ad dandam consistentiam cera & resina, paratur, ad ulcera inveterata utilissimum.

Mulierculæ Danicæ Balsamitam siccam sibi magnâ copia quotannis servare solent, ut mensibus parçè vel omnino non fluentibus balneum vaporosum ex ea sibi conficiant, quâ omnibus pediluviiis menagogis longè ocyùs moveri sibi menses persentiscunt, si vapor in locos per infundibulum exhalet, quam si solum hiantè sinu, supparo undique vanno circumdato super ea confideant. *Sim. Pauli.* Ex adversar. D. Hulse.

Si succo & herba Balsamitæ succosa inguen & alarum hircus probè perfricentur, certo experimento neci dabuntur illud pediculorum genus qui inguinales appellantur. *Idem.*

- \* 2. *Mentha Corymbifera Brasiliensis, Camara Japo dicta* Marggr.

A præcedente seu vulgari differt hæc *foliis* acuminatis, urticæ æmulis, cum illius obtusiora sint; necnon florum colore è lactescente & dilutè cæruleo mixto, qui in illius aureus est.

3. *Pseudocostus Virginiana, seu Anonymus Corymbifera Virginiana flo. albo.*

*Folia* habet integra, lata, circa margines serrata, *Caulem* dodrantalem, in summo gestans flores multos, velut in Umbellam aut Corymbum congestos, albos, disco medio (quantum memini) foliolis parvis albis cincto.

Hanc plantam aliquot annos Cantabrigiæ in hortulo meo alui: habui autem à quodam Walker, hortulano Londinensi, cujus filius eam cum aliis rarioribus è Virginia attulit.

Nullibi (quod sciam) descripta occurrit hæc planta, pulchra & rara: nisi fortè sit Ptarmica Virginiana folio Helenii *Moris. prælud.* superius in capite de Ptarmica proposita. Quò sanè commodius refertur quàm ad Costum, ob flores radiatos.



## CAP. VII.

## De Agerato.

**A** γέρων Dioscoridi l. 4. c. 59. cui nomen inditum διὰ τὸ ἐμπλῆναι τὸ ἀνθρώπου ἡμικρανίας, quoniam flos in sua coloris specie dilutissime conservetur; quasi dicas senectutis expers, quod Ἀγέρων dicitur: vel ut Plinius lib. 27. c. 4. quoniam diutissime non marcescat. Notae ejus characteristicae sunt flores lutei nudi in umbellae formam dispositi, folia integra profunde ferrata.

1. *Ageratum vulgare* sive *Costus hortorum minor* Park. *Ager. foliis serratis* C. B. *Ageratum plerisque*, *Herba Julia* quibusdam J. B. *Balsamita femina* sive *Ageratum* Ger. *Waudlin*, *Waudlin* *Canfp.*

*Radice* constat lignosa, minimi digiti crassitudine, variè implexa, ex qua complura surgunt *virgulae*, cubitalia & altiora, tenuia, colore aliàs subrubente, aliàs ex viridi pallescente, in ramos divisa; *foliis* numerosissimis ab imo ad summum stipata, *Costi hortensis* ut odore, ità & formâ similibus, sed duplò aut triplò minoribus, profunde serratis. In summis ramulis *Corymbi* emicant *Millefolii*, sed colore luteo. *Semen* succedit exiguum, oblongum & paleaceum.

*Locus.* Nascitur in Heturia circa Florentiam, Liburnum, &c. itémque in Gallia Narbonensi circa Monspelium & alibi copiosè.

*Vires.* Hæc planta Officinis pro Eupatorio Mesues habetur.

Temperamento & viribus cum *Costo hortorum* seu *Balsamita* mare convenit. Ex hujus & *Ophioglossi* foliis unà contusis, & in oleo olivarum bullitis, addito ceræ, resinæ siccae & *Terebinthinae* tantillo, unguentum sive emplastrum efficitur præstantissimum, Gerardo nostro sæpius probatum.

Mesue Eupatorio suo purgandi facultatem ascribit; quam alii huic plantæ adimunt & proinde non esse Eupat. Mesue contendunt. Schroderus & Hofmannus alvum laxare quàm mollissime statuunt.

Felici successu oleo ipsius Agerati Septentrionalium utor in verminantibus puerulis, tam ut iis id propinetur, quàm ut Gossipio exceptum umbilico eorum applicetur. *Sim. Paulus.*

2. *Ageratum floribus albis* Ger. Park. *Ager. foliis serratis, flore albo* C. B. *White flowered* *Waudlin.*

*Caulibus* est lignosis, *foliis* crebris vestitis, quàm præcedentis minoribus minúsque circum oras ferratis. *Flores* in summis caulibus velut in umbellas dispositi, albi [ media tantum parte lutei nonnihil ostendentes. ] Odor plantæ priore aliquanto mitior: *Radix* pariter tenuis, fibrosa.

Hæc planta ( ut nonnulli volunt ) differt à præcedente, floris colore tantum: Huic similem sed minorem J. Bauhinus exhibet & describit titulo *Herbæ de la rosta*. Fundit ( inquit ) ex radice *caules* dodrante minores, glabros, per quos *folia* alternatim posita cernuntur. Agerati foliis similia, unciam longa, angusta, in ambitu serrata, glabra, gustu aromatico & subamaro, Tanacetii ferè. *Fastigia* colicorum in umbellas quodammodo abeunt *flosculorum*, *Millefolii* Alpini minorum, foliis albis apices circumstantibus, ex capitulis, quæ squamæ nigris lineis pictæ componunt.

Hæc planta, quicquid sit de præcedente huc propriè non pertinet, sed ob flores radiatos, & folia non dissimilia, ad *Parnicam* potius referenda est, non obstante Agerati odore.

*Ageratum purpureum* Dalechampii *Lugd.* alterius est generis.

- \* 3. *Ageratum minus* Park. *foliis non serratis* C. B. Ger. *emac.*

*Park.*

Pluribus surgit *caulibus*, pedem non multum superantibus, *foliis* crebris undique obsitis, minoribus, longioribus, angustioribus, albidioribus quàm in vulgari Agerato, circa margines non ferratis, *Stæchadis citrinae* foliorum æmulis. Summis caulibus innascuntur *flores* multi flavi coacervati, & in umbellæ aut *Corymbi* formam densè stipati, Agerati vulgaris flores bene referentes, odore satis grato & vehementi.

Quòd si flores in pappum abeant, cujus ope semina venti arbitrio huc illuc feruntur, non erit planta hujus loci.

4. *Ageratum Africanum foliis laciniatis inodorum.*

*Folia* ima ex angusto sensim dilatata, spissa, glabra, obscure viridia, in latum & trifidum mucronem desinunt; his proxima in tres lacinias, singulas itidem trifidas, profundius secta sunt: Superiora in caulibus tribus quatuorve hinc inde laciniis, angustis, longis, in acutum terminatis incisa videntur. *Caules* ab eadem radice exeunt plures pedales, & altiores, ab imo statim ramosi, ramulis è sinibus foliorum alternatim positorum, & inferius satis frequentium ortis. *Caules* & ramuli in pediculos prælongos exeunt, sustinentes florum umbellas densas: Singuli autem flores è plurimis flosculis aureis quinque-partitis, satis in hoc genere conspicuis componuntur. *Semina* in hortulo nostro ad maturitatem non perduxit. Vere satum Julii initio florere cœpit. Flores autem quàm diutissime

diutissime durant antequam marcescunt: nondum enim hoc vicesimo die Octobris, qui primi explicabantur contabuerunt, sed etiamnum in vigore persistunt, ut admirationi sit, unde nulla quam ego unquam viderim aut noverim planta æquo jure Agerati five immarcescibilis nomen sibi vindicet.

Nullum neque in floribus, neque in herba ipsa odorem percipimus. Sapor nonnihil acris & aromaticus sentitur. Semen hujus inter alia multa rariora ad me misit ingeniosissimus Vir D. Hansius Sloane, M. D.

## CAP. VIII.

## De Tanaceto.

**T**anacetum fortè à Tannaco quo nomine Parthenium appellatum fuisse Plinius testatur, Recentioribus dictum est, inquit C. Bauhinus.

Ejus Characteristicae sunt Flores nudi in umbellæ formam digesti, folia laciniata.

- A. 1. *Tanacetum* Ger. *vulgare* Park. *vulgare luteum* C. B. *vulgare flore luteo* J. B. **Common Tansey.**

f. B.

In satis magnam adolescit proceritatem duorum cubitorum & amplius, *caulibus* teretibus, nonnihil striatis & hirsutis, medullâ albâ fungosâ plenâ. *Folia* ex viridi in flavum vergunt, pennata, in segmenta per ambitum crenata divisa, costæ media adnexa, odore vehemente, sapore amaro. *Flores* in summis caulibus velut in umbellam digesti: singuli autem Corymbi seu flores totales è flosculis exiguis adeò ut eorum partes visum penè fugiant, creberrimis, densè stipatis componuntur, iisque nudis h. e. nullo in ambitu barbularum circulo donatis, è calicibus squamosis. *Caules* quotannis marcescunt & emoriuntur, *radice* in terra superstita.

Hæc planta ludit interdum foliorum colore, vario ex albo & viridi; hinc *Tanacetum versicolor* Parkinsono.

In montosis Angliæ Borealiibus plurimum oritur, & alibi etiam secus vias & in agrorum marginibus non infrequens.

Temperamento & viribus cum Matricaria convenit. Vulnerarium, uterinum ac nephriticum *Vires*. est. *Uusus* præcip. in lumbricis, torminibus ventris, cauliculo renum & vesicæ, mensibus obstructis, flatibus, hydrope.

Succus illius manuum pedumque rimas sanat, ulcera etiam crustosa & impetigines.

Ex tenellis herbæ erumpentis foliis aut eorum succo cum ovis & farina placentas faciunt tempore Paschatis, gustui non injucundas & ventriculo utiles ad dissipandos flatus ex piscium & leguminum esu Quadragesimæ tempore contractos.

Corymbos & semen Agyrtæ ad expellendos lumbricos sæpe ingenti miraculo verminantibus pueris propinant. *Sim. Paullus*. D. Bowle conservam ex foliis & summitatibus paratam adhibet; quæ etiam resistit putredini, aperit obstructions, recreat lienem, illustrat sensus.

Succum cum quovis oleo inunctum nervorum contractionibus ac doloribus auxiliarem esse aiunt. Miles Monspelienfis hydrope pertinaci laborans ad sanitatem restitutus erat solo decocto Tanaceti. *Ephem. Germ. An. 12. Obs. 112.*

2. *Tanacetum crispum* Park. *crispum Anglicum* Ger. *foliis crispis* C. B. *crispum flore luteo* J. B. **Curled or double Tansey.**

f. B.

Est hoc rarius, reliqua vulgari descripto simile, sed *foliis* elegantissimis, crebriore incisurâ divisis, segmentis frequenti argutiùs crenatorum marginum flexu reflexuque crispis, cristas castrenses imitatis; odore gratiore, sapore amaro.

In hortis colitur; an & ubi sponte proveniat nescimus.

*Locus.*

*Tanacetum Alpinum* C. B. Park. *Iva moschata Rhetis*, *Tanaceto cognata herbula* Gesn. hort.

Superiùs à nobis pro Millefolii specie descripta est.

*Tanacetum inodorum primum & secundum* C. B.

Nobis Bellidis majoris species censentur.



## CAP. IX.

## De Absinthio.

**A**bsinthium Græcis Ἀψίνθιον. Latini π mutant in b, quomodo iisdem pro Ὀψώνιον dicitur obsonium, pro Ἀψύρτος Absyrus pro Ἀψίς Absis. Dicitur Ἀψίνθιον q. Indelecibile ab ἀσύντηκτο & ἄντη quod Helychius interpretatur τῆς ψῆς delectatio. Id malo (inquit Vossius) quàm ut sic dicatur q. Ἀσύνθιον, etsi ita, Etymologo teste, quidam veterum Comicorum id. ad Etymon, credo, alludentes, appellarunt. Ἀσύνθιον verò sonat impotabile, quasi ὁ οὐκ ἀντὶ τῆς διατρώγῃς πείνης. Alii nomen hoc inditum esse huic plantæ existimant ab ἀπείδου quod est tangere & manibus tractare, per Antiphrasin quòd nullum animal ob amarorem eximium eam attingat. Vossius Antiphrasin in Rhetorica explodit.

Absinthii notæ sunt flores nudi, caulis indeterminatus, folia incana, amaror insignis.

1. *Absinthium arborescens* Lobelii J. B. *Abrotanum femina arborescens* Ger. *Abrot. latifolium arborescens* C. B. Park. *Italis & Siculis* Herba bianca. *Tree-Dozmwood.*

Lob.

Vulgari non ita dissimilis folio & flore, sed fruticis arborei habitu, Abrotani modo hominis proceritatem adipiscitur: candidiore & minore paulò folio, semper virente: gustu amaro, aromatico, odore non ingrato. *Florum* Corymbi lutei, majores & speciosiores quàm in Abrotano vulgari, in summis ramulis creberrimi.

Locus.

In Sicilia, Regni Neapolitani & insularum adjacentium clivis maritimis frequens oritur: invenitur etiam in montibus mediterraneis.

Planta est pulcherrima, & in fruticem satis grandem adolescit, quovis Abrotano majus & elatius.

- A. 2. *Absinthium vulgare* Park. Lob. *vulgare majus* J. B. *latifolium sive Ponticum* Ger. *Ponticum seu Romanum Officinarum seu Dioscoridis* C. B. *Common Dozmwood.*

Caules huic plures, cubitales & bicubitales, teretes, striati, rigidi & lignosi, incani, medullâ farcti, foliis alternatim positis, crebris vestiti, [multis ramis erectioribus fruticosi] *Folia* pediculis oblongis canaliculatis innituntur, variè dissecta, primò in duo aut tria laciniarum paria, singula autem laciniæ in plures alias subdividuntur, utrinque incana, magis tamen pronâ parte. *Folia* eorumque laciniæ latiora sunt in hac quàm in quavis alia Absinthii specie nobis cognita. *Flores* longâ serie in surculis è foliorum alis versùs summitates caulis & ramorum exeuntibus plures simul velut in racemulis, singuli pediculis perquam brevibus & tenuibus è foliorum quorundam alis egressis hærent nutantes & quasi penduli, è pluribus flosculis ex viridi flavicantibus compositi, nudi.

Odor totius plantæ aromaticus vehementior, gustus amarus [cum adstrictione aliqua. *Radix* crassiuscula, lignosa, abundè calfacit, aromaticâ gratiâ sine omni amarore os perfundens. J. B.]

Locus.  
Vires.

In incultis & ruderatis locis secundum vias publicas, &c. passim obvium est.

Calx. & ficcat. Ventriculum ac hepar roborat, appetentium ad cibum excitat, obstructions referat & indè natos affectus tollit, ut Icterus, Hydropem, &c. Febribus putridis etiam diuturnis confert: vitiosos humores per urinam expurgat: pellit præterea interaneorum vermes, [ut nomen Anglicum *Dozmwood* indicat,] tandemque vestes à tineis conservat. *Schrod.*

In usu sunt succus ejus expressus, aqua destillata, Syrupus, Sal fixus & Oleum. Verùm his omnibus præstare videtur cerevisia seu vinum Absinthites, quod & ventriculum roborat, & appetitum excitat, & obstructions referat, & urinam ciet.

Aqua destillata languidior est & minorum virium; ut sunt pleræque aquæ destillatæ plantis ipsis.

Succus differt ab herba: hæc enim astringit, ille verò magis aquosus detergit. Estque vinum Absinthites quod ex herba sicca infusa paratur longè delicatius & gratius palato, quàm quod ex recenti: Hoc enim herbaceum & terreum quid resipit.

Sal fixus, si à reliquis partibus vi ignis omnino separetur, mihi nec gustu, nec facultatibus differre videtur ab alterius cujuscunque plantæ sale fixo. Siquidem omnes hujusmodi sales naturâ & qualitatibus convenire existimo, ut id semel moneam: quamvis alii diversum sentiant.

Salis Absinthii scrupulus unus, dimidium drachmæ, aut eo amplius pro ægri viribus aut ætate, in succi limonum cochleari uno exhibitum ad vomitum compescendum, in febribus biliosis inque ipsa iliaca passione aliisque affectibus, vix unquam frustratur medicum. Est autem in frequenti usu celeberrimis hujus urbis [Londini] medicis. Nec dubito quin centurias aliquot hominum, nè dicam myriadas, ex ipsis Orci faucibus eripuerit, cum alia medicamenta nequicquam profecissent. *D. Hulse. Vid. River. Obser. & Sydenham. de Febribus.*

Pro vino Absinthite aquam Absinthiten exhibere solebat *D. Bowle*. Manipulum scilicet Absinthii in aquæ frigidæ sextariis tribus per octo horas infundere præcipit, ejusque infusi quantitatem exiguam, quantum scilicet patera vinaria capiat, manè & vespere, sed præcipuè à prandio aut cena propinare: in hysterics enim affectibus, obstructionibus lienis, & ventriculi debilitate plurimum prodesse expertus est. Vino autem & cerevisiæ præferendam aquam, quia nulli ei insunt vapores caput tentantes, quemadmodum in illis. *Ego cerevisiam tenuem aquæ prætulerim: Aqua enim in Septentrionalibus regionibus nimis cruda est, & ventriculo eorum qui non assueverunt inimica.*

Oleum

Oleum Absinthii intus sumptum necat vermes, venenis resistit, oppilationibus hepatis & icteritiæ confert.

Absinthii usus creditur inhibere concitationem ad Venerem, quo nomine apud honestas fœminas damnatur, & maximè Vini aut zythi ex eo parati: nec facillè hos potus maritis permittunt. *Cornar. apud J. B.*

Radicis Absinthii degustatæ sapor primò in apice linguæ percipitur, indè ad ejus radicem transit, deinde in fauces & paulatim in gulam descendit, ut ipsùm tandem ventriculum calefacere videatur, caloris sensu ad horæ quadrantem durabili, idque quamvis nihil omnino succi deglutatur, neque tamen ingratus est, aut caput tentat, quemadmodum folia. Unde colligit *D. Grevius* radicem hanc, quæ ab omnibus vulgò ut inutilis rejicitur, præstantissimis stomachicis annumerari debere, prout eam revera esse etiam experienciâ didicit.

In tertianis ac quotidianis (vix in quartanis) fugandis, sola essentia vel extractum Absinthii mixtum cum præcipitantibus seu absorbentibus insipidis, vel cum salibus fixis aut volatilibus sæpissimè valet, nec hic Chinâ Chinæ opus erit. *Dan. Ludovicus de pharmac. Moderno seculo applicanda* p. 278. *Habui à D. Tancredo Robinson.*

Ad hemicraniam, & Cucumeris sylv. radicem viridem minutim incisam & Absinth. ana q. f. Decoque in aq. part. ij. & tribus olei. Hydrelæo mediocriter calente partem fove: radicem verò & Absinthium contusa in modum linimenti suppone. Hoc solo medicamento mulier quædam mirum in modum inclauit sanando hemicranias sive cum febre, sive sine febre, cujus exemplo curavit etiam Paulus Ægineta. Vid. lib. 3. c. 5. *Chefneau.* E collectaneis *D. Edv. Hulse.*

Ad quotidianam & quartanam præscribit Ernestus oleum sem. Absinthii à ʒβ. ad ʒβ. sumendum in liquore convenienti. Si oleum non sit in promptu cape succ. Absinth. cochl. i. cum vino: hoc autem instante paroxysmo ad sudandum ægroto probè cooperto.

Sedavi statim serpentem gangrænâ aquâ marinâ cui Absinthium incoxeram; quod experimentum in aliis quoque gangrænâ opposui felici cum successu. *Tho. Bartholinus, Ephem. Germ. An. 2. Observat. 2. D. Tancred. Robinson.*

Absinthium viride intra calceos calcatum frigidam ventriculi intemperiem emendare experienciâ didici, non sine fructu in nobili viro, qui hujus calcatione non exiguum levamen se percepisse coram exposuit, sanctèque affirmavit. *Greg. Horstius Obs. 22. lib. 7. D. Hulse* communicavit.

Jo. Vesslingius narrabat plures hydropicos à se extracto Absinthii percuratos, atque inprimis civem quendam Patavinum, cui æstivo tempore abdomen adeò intumuerat, ut cartilagine costarum spuriarum in dextro latere extensionis vehementia ab ossibus avulsæ fuerint. *D. Soame* ex observationibus G. Hieron. Velschii excerpit & ad me transmisit.

Accedit cuidam oculorum lachrymatio adeò fervida, ut lachrymæ per faciem decurrentes eandem ferè totam adirent: hic succo Absinthii cum albumine ovorum mixto & applicato sanatus est. *Idem ex Obs. Hier. \* Reusneri.*

In diarrhœa post purgantia, post fructuum horariorum abusum vinum Absinthites egregiè confert.

Multi ab experienciâ edocti tradunt usum Absinthii oculis noxium esse.

3. *Absinthium inodorum* Park. Ger. *insipidum* J. B. *insipidum*, *Absinthio vulgari simile* C. B. **Wormwood without scent.**

*Dod.*

Foliis, caulibus, florèque vulgare latifolium refert, ut non ovum ovo similis sit, sed odore & sapore destituitur.

Quibus locis aut quâ regione hujusmodi nascatur (inquit Dodonæus) nondum cognovi, in studiosorum tantum hortis à me repertum.

Varietas accidentalis videtur potiùs quam species distincta:

- \* 4. *Absinthium Ponticum montanum* C. B. *vulgare montanum* J. B. *Ponticum verum* Park. **Common Mountain Wormwood.**

*Cam.*

Vulgari Absinthio tam radice, quàm caulibus, necnon foliis floribûsque prorsus est simile, sed exilius, ad summum duorum dodrantum altitudinem attingens: amaritudo illi quæ priori sed gravior, & minùs tetro abominabilique odore commendatur.

Nascitur in montibus pluribus in locis.

*Locus.*

5. *Absinthium Ponticum sive Romanum vulgare* Park. *tenuifolium Ponticum Galeni* Ger. *Ponticum vulgare, folio inferius albo* J. B. *Ponticum tenuifolium incanum* C. B. *Roman* & *Cypres* **Wormwood.**

*J. B.*

Numerosas spargit radices, parvas & crebris fibris intertextas, lignosas & sapore aromatico præditas: caules verò ex eadem radice plures erigit, cubitales & sesquicubitales, teretes, glabros, virentes, aut ex virore rubescentes purpurascèntes, frequentibus adnatis ab imo ad summum usque ramosos. Folia non minùs tenuiter incisa quàm Abrotani, sed brevioribus concinnioribûsque segmentis, brevi lanugine pubescunt, potissimum inferna parte, quæ & magis canescit quàm superior, odore suavi, sapore subamaro. *Corymbi* quàm in vulgari Absinthio minores, vehementiorem spirant odorem quàm folia.

Hoc



Hoc (ut rectè C. Bauhinus) medium est inter Absinthium & Abrotanum; mihi sane Abrotanum redolere videtur: & est duorum generum: 1. Planè incanum, quo potissimum Viennenses Officinæ utuntur tanquam nobiliore, ut refert Clusius; 2. Cauliculis purpurascentibus, foliis supina parte viridioribus: existimo tamen natales istam varietatem duntaxat parere. Ego potius specie diversa fuisse hac duo Absinthia crediderim: siquidem Absinthium Romanum Officinis nostris dici solitum, erat quidem foliis utrinque incanis & à descripto specie diversum, & (ut mihi videbatur) Absinthio maritimo nostrati planè idem.

Locus.

Multis Germaniæ superioris in locis provenire dicitur: Clusio non solum multis Pannoniæ sed & Austriæ locis, atque Viennensi agro, cum in saxosis tum in salebrosis gramineisque desertis agris oritur.

Tempus.

Autumno flores seménque profert, paulò post adventante hyeme herba marcescit, vegeta interim radice, à qua verè folia caulésque rursus exeunt: in terra latè se diffundit.

• 6. *Absinthium tenuifolium odoratissimum Monomotapense* Breynii.

Breyn.

Absinthium hoc omnium pulcherrimum est, præcedenti persimile, nisi quòd caules altiores proferat, quos Folia nonnihil majora, candidiora vestiunt, concinnioribus segmentis divisa, atque etiam ad earum rachin lobulis elegantissimis prædita: dividuntur hi præterea superiore parte in plures ramulos, flosculis minoribus densioribusque, instar Absinthii tenuifolii Austriaci Clus. onustos. Sapor insuper, ac præprimis odor, jucundior & fragrantior est, quo omnia sui generis præcellit.

• 7. *Absinthium Ponticum repens seu supinum* C. B. *Absinthii species quibusdam Chamæmelum chrysanthemum* Fuchsii J. B.

J. B.

Simplice & singulari est caule, ferè cubitali, tereti, glabro, per quem ex intervallis folia nascuntur Chamæmeli nobilis familia, tenuiter incisa. Paulò supra medium caulem summo tenus alternatim pullulant flores, corymbis, Abrotoni similes, inferiores quidem semuncialibus & longioribus pediculis nixi, superiores verò brevissimis hærent, & velut cauli apprimuntur. Radix lignosa, tortuosa, multifida, fibrata.

Locus.  
Vires.

In quibusdam frigidis Helvetiorum montibus reperitur, autore Dodonæo.

Ex longo esu comarum Absinthii Pontici, quæ Saccharo adservatæ fuerant hydropicos quosdam quasi deploratos sanitati restitutos se novisse scribit Matthiolus.

8. *Absinthium Austriacum tenuifolium* Clus. J. B. Ger. Park. *Pont. tenuifolium Austriacum* C. B. Austrian Wormwood.

Clus.

Hujus caulis pedalem altitudinem plerunque æquat, nonnunquam etiam cubitalem attingit, firmus, canescens, multis foliis, marini Belgarum Absinthii foliorum quodammodo æmulis, tenuioribus, prorsus incanis, quæ confuso ordine eum ambiunt, præditus, qui superiore parte in multos ramulos, ex tenuiorum adhuc foliorum alis nascentes dividitur, plenos flosculorum propendentium corymbis. Radix fibrosa est, & singulis annis novos frequentioresque caules producit. Tota planta impensè amara est, sed elegans & rara.

Locus.

Crescit in collibus & apertis quibusdam locis, Viennensi urbi vicinis, atque à Rhizotomis promiscuè cum eo quod vulgò Ponticum appellatur ad Viennensium pharmacopolarum officinas deferitur.

Londini pro Absinthio Austriaco tenuifolio Clusii Absinthii quoddam genus colunt foliis lanugine incana molli serici instar nitente obfatis ab aliis omnibus nobis cognitis distinctum, eam tamen speciem circa Viennam Austriæ non invenimus.

9. *Absinthium Santonicum Alexandrinum* C. B. *Santonium Alexandrinum, sive sementina & Semen Sanctum* Park. *Sementina* Ger. *Lumbricorum semen vulgare & Matthioli* J. B. Wormseed.

J. B.

Quod in Officinis prostat *lumbricorum semen* vulgò dictum, ex variis minutissimisque surculis, foliis & semine ipso coacervatum est. Semen parvum est, oblongum, (majora tamen inter ea Milio supparia, ex squarrosis tuniculis compacta) pullum vel flavescens. At quæ minutula inter ea sunt foliola striata sunt. Quædam etiam observantur trifida, angustiora, acuminata. Videntur etiam adesse portiones tenuissimorum cauliculorum. Omnia facile digitis atteruntur; amara sunt cum acrimonia & odore graviusculo.

Matthiolo planta est admodum fruticosa, caulibus & ramis numerosis referta, semine minuto oblongoque, racematim prodeunte, amariuscule gustu, odoréque non insuavi.

Varias Autorum sententias de hoc semine vide apud J. Bauhinum: qui cum Pena concludit Semen contra vermes trium Absinthiorum nullum videri. Nam tametsi nonnulla amaritudinis & figuræ similitudo illis interfit cunctis, tamen non adeò plenè sunt adulta horum semina aut horridè amara, inquit Lobelius.

Quænam planta sit quæ lumbricorum semen producat nobis non certò constat. Autor Scholii ad Observationem primam Ann. 3. Decadis 2. Ephem. German. præ aliis nobis verisimilia scribere videtur. Figura, inquit, Matthioli vitiosè delineata est, non tantum quod seminulorum figura potius foliola quædam repræsentet, sed & feminula ipsa bina ferè semper è diametro sibi opposita cauliculis

cauliculis adhæreant, cum tamen alternatim ubique è lateribus prodire cauliculi feminibus, prout ad nos deferuntur, permixti edoceant. Ceterum hanc à Cortuso transmissam plantam fuisse genuinam seminis nostri helminthici matrem arbitror: cum illius à Matthiolo datam descriptionem satis huic quadrare *avro-la* commonstret. Lobelius etiam in Hist. Plant. fruticulum furculosum esse, undique feminibus gliscentem pluribus ferme quàm foliis testatur.

Unde si non sui generis planta fuerit, ad Abrotana referre mallet; præsertim cum & hoc vegetabile vim antelminthicam possideat, & aliqua ejus species etiam apud nos non planè ab illo peregrino diversa, quoad foliola, feminum copiam, colorem, odorem, &c. compareant.

Semen, quod microscopio subjectum teres flavumque est candelas cereas conjunctas elegantissime repræsentat, observante Elholzio. Id quod in Tanaceti semine non compareret, quod itaque pro semina vix habendum est.

De olei possibili è Sementina destillatione quæ habet, videbis loco citato.

\* Ephem.  
Germ. An. 6.  
Obs. 127.

10. *Absinthium Santonicum Judaicum* C. B. *Lumbricorum semen Rauwolfio* J. B.

*Absinthium Santonicum* (inquit Rauwolfius) provenit circa *Bethlehem* & abundat in Terra sancta, foliis parvis, cinereis, nostri *Absinthii* mediocriter accedentibus, ramulis multis tenuibus cum copioso semine, parvo, flavescente, gravis odoris, saporis amarissimi, acri cum salugine.

11. *Absinthium Santonicum Egyptianum* Park. C. B. *Absinth. Egyptianum* quibusdam J. B. *Abrotani femina species secunda Zanoni*.

J. B.

*Folia* fert palmaria, quæ sicca (ex sicca describimus) aliquid simile habent cum *Trichomane* vel *Scolopendrio* & *Chamæcyparisso*; in quibusdam juxta longum pediculum sunt veluti foliola mutuo se contingentia cum fimbriis nonnihil serratis, reflexis. Alia autem folia ex longiore pediculo in foliola longiora, & à se invicem magis distita dividuntur. Tota herba villosa & incana *Chamæcyparissi* modo, sapore amaro & seminis contra vermes *Officinarum* ferè simili; odore aliquantulum aromatico.

12. *Absinthium Ponticum Creticum* grati odoris C. B. *Ponticum & Romanum* quibusdam, aliis *Seriphium* J. B.

C. B. prod.

*Caule* est cubitum superante, rotundo, incano, in ramos plurimos quincunciales diviso: *foliis* tenuibus, multum divisis, mollibus & incanis: *floribus* vulgari formâ & colore similibus, paulo tamen majoribus. Hoc, quemadmodum *Honorius Belli* ex Creta, Anno 1596 (additâ plantâ) perscripsit, in Creta frequentissime provenit, perpetuo viret, odorem gratum spirat, nihilque amarum est, aut siquam amaritudinem habeat, ea valde obscura est, in viridi enim nulla percipitur; ab afinis & pecoribus omnibusque brutis valde expetitur. Vocatur *Asson* & *Assonida*, quemadmodum *Anguillarus* in Græcia vocari perperam scribit. Ego legitimum *Ponticum* esse judico.

Ait *Cæsalpinus* in collibus argillosis agro *Senensi* frequens esse hoc genus, quod & nos verum esse comperimus cum *Florentiâ* *Romam* iter faceremus.

Locus.

13. *Absinthium album Vallesianum* Park. *Vallesianum tenuifolium candidum*, sive *Heralba* J. B. *Seriphium montanum candidum* C. B.

J. B.

Huic lignosi *rami* tomento denso & albedo pubescentes, mollitie delicata, id quod in *foliis* quoque non minus observatur, ad *Seriphii Absinthii* folia minutis cæsuris accedentibus, utcumque tamen angustioribus: *flores* nisi quod magnitudine cedant, similes quoque: odor aromaticus.

Hæc species *Dodonæo Seriphio* seu *marino Absinthio* assimilis est, sed candidior, odore & sapore quoque illud satis refert, sed tamen aliquanto suavior est ad *Caphuræ* odorem accedens: *Camerarius* quoque planè eandem esse existimat *Seriphio* nostro vulgari, nisi quod gratiorem aliquanto odorem spiret, & sapore sit minus ingrato. Hinc *Gesnerus Absinthium Seriphium* fœminam vel *mediterraneum* hoc appellavit.

Ego sanè *Absinthium marinum* seu *Seriphium* unam & eandem huic specie plantam crediderim, & quicquid intercedit discriminis natalibus imputandum: nam & alias herbas maritimas in mediterraneis nascentes observavi, v. g. *Kali spinosum* seu *Tragon* *Matthioli* in arenosis non procul *Vienâ* *Austriæ*, *Caryophyllum maritimum* in collibus non procul *Moguntia*, &c.

In *Seduno* *Vallesianorum* vicinis collibus frequens oritur: ex semine facilè & pulchrè provenit, *Locus*. inquit *Gesnerus* de hortis.

*Absinthium Alpinum incanum* C. B. prod. Park.

Præterquam parvitate sua in paucis differt à *Vallesiano albo* jam descripto; proinde, cum locus etiam convenit, ab eo separandum non esse judico.



14. *Abfintbium maritimum* Lavendula folio C. B. Park. *maritimum latifolium*, fve Matthioli J. B. *Artemisia marina* Ger. **Labender-leaved Sea-Doymwood.**

Densis ramis cubitalibus & altioribus fruticat, iisque lignosis, albicantibus, & magno foliorum agmine stipatis. Folia verò tota incana lanugine pubescunt, modò integra, & Oleæ foliorum æmula, delicata, modò in duas, tres aut quatuor lacinias divisa, odore Artemisia, nec ingrato sapore. Cotymbi lutei minores quàm Abfintbii vulgaris, semine minuto. Radix lignescit.

Locus.

Si Matthiolo credimus, in quamplurimis tam Tyrrheni quàm Adriatici pelagi litoribus provenit, præsertimque Aquileiensibus & Tergestinis.

C. Bauhinus hujus varietatem tantum esse suspicatur.

*Abfintbium latifolium* varius *Artemisiae* folio Col.

Col.

Quod caulibus pluribus ab radice fruticat, lignosum & fibrosum, in orbem se diffundens, illisq. cubitalibus & majoribus, tenuibus, aliquando supinis, qui faciliè radices agunt sati; folia angusta incana primum proferunt, deinde lacinias utrinque dissecta magnis, & latiora, per furculos alternatim hærentia, & Artemisiae simillima: à medio ad summum ramulorum iterum minus laciniata & angustiora, ut circa flores sint tenuia, Santonici dicti tenuifolii similes, &c. Planta est aromatica.

15. *Abfintbium Seriphium Narbonense* Park. *Seriphium tenuifolium maritimum Narbonense* J. B. *Seriphium Gallicum* C. B. **French Sea-Doymwood.**

J. B.

Multis fruticat virgultis, cubitalibus, lignescentibus, incanis: per quos folia sunt crebra, tenuissime dissecta, latiora tamen quàm Alpini Abfintbii Gesneriani, cujus foliis alioqui sunt satis similia, minus tamen candida, sapore saluginoso cum amaritudine, at primum pullulancia succulenta sunt & viridia. Semine gravidum evadit minuto.

Locus.

Ad litora maris Mediterranei passim obvium est hoc genus Abfintbii: Nos propè portum Liburnum & ad mare non longè Monspelio observavimus. Existimamus hoc specie differre à Seriphio nostrate & Belgico: folia ei aliquanto latiora sunt minúsque incana quàm nostrati, in reliquis ferè cum eo convenit, ut dubitaverim aliquando, an distinctum esset necne.

Abfintbium Santonicum vulgare Lob. Abfintbio Seriphio maritimo Narbonensi eandem esse plantam putamus: quamvis in Catalogo plantarum horti Regii Paris. pro diversa specie ponatur, utinam indicassent qua in re differat.

- A. 16. *Abfintbium marinum album* Ger. *Abf. Seriphium fve marinum Anglicum* Park. *Abf. Seriphium Belgicum* J. B. C. B. **English Sea-Doymwood.**

Dod.

Admodum lanuginosum est & incanum: multa folia habet alba, similia Abfintbio communi, sed multò minora, tenuiora, candidiora, tenuius incisa; multos flores parvis globulis similes, & semina similia vulgari Abfintbio. Crescit ad altitudinem pedis & semis, ac etiam altius. Odore est gravi, falsi verò saporis, grati & amari, suo natali loco collectum, translatum verò in hortos, & terram ubi aqua dulcis, multum variat saporem & naturam.

Locus.

In maritimis Angliæ copiosè provenit, atque etiam, Dodonæo teste, per totam Zelandiam & in Flandria circa mare, & quibusdam Brabantia locis.

Abfintbii speciem Londini & alibi in Anglia coli solitam nomine Abfintbii Romani, non aliter ab hoc differre putamus quàm culturâ & loco natali, uti neque Abfintbium album Vallesianum ut alibi monuimus. Huc quoque refero

*Abfintbium Seriphium Germanicum succulento folio fve Misnicum* J. B. *Abf. Seriphium Germanicum* C. B. Park.

Cui Clusius multifida attribuit folia, succulenta, non minùs quàm Abfintbium marinum Patavinum incana, proximè ad Seriphii in Belgicæ & Angliæ maritimis nascentis folia accedentia, gravius tamen paulò & validioris, ut ei videbatur, odoris, Seriphii Narbonensis & Hispanici graveolentiam quodammodo referentia, atque etiam saporem. Ob tantillam odoris differentiam, eamque non satis perfectam & cognitam, non est cur diversam speciem statuamus.

## CAP. X.

## De Abrotono mare.

**A** Brotonum aliquibus quasi *Ἀβρότον inhumanum*, quia ipso est Absinthio amarius, vel quasi *Ἀβρότον*, quia *cibo inutile*; vel *διὰ τὸ πρὸς ὅσον ἀλγὸν ἐκπαλιν παύεται*, ἄλλως τὲ δὲ τὸ *ἄπαινον ἔχει*. quod conspectu molle ac delicatum appareat, vel quod halitum difficilem seu gravem vel acrem spiret, ut scribit Nicandri interpres. C. Hofmannus Abrotonum scribit per *o*, ex autoritate Plinii, Theophrasti & aliorum, ut sit ab *ἀλγός* & *πῶς*, quia *ἀλγός* *τὸ πῶς* molliter extenditur. Abrotani Characteristicae sunt Caulis fruticosus & lignosus, flores nudi eum non terminantes, sed è lateribus egressi velut in spicis longis: Folia tenuissima, minus quam Absinthii incana.

1. *Abrotonum mas* Ger. *vulgare* J. B. *mas vulgare* Park. *mas angustifolium majus* C. B. **Common Sothernwood.**

J. B.

Crebris ex radice lignosa fibris aliquot donata frutescit sarmentis, tres quatuorve cubitos altis duris, fragilibus, medullâ albâ plenis, subrubentibus, striatis, ramosis: Folia per alas multa, tenuiter dissecta, foeniculaceis paulò majora, canescentia, odore vehementi, sapore amaro & acri, atque inferiora quidem multifida Chamæmeli modo, superiora uno atque altero segmento dividuntur, non rarò nihil quàm unicum tenuem mentum sunt. Flores secundum ramulos conferti corymbos Absinthii æmulantur, colore luteolo præditi. Semen Absinthii minus.

Videtur mihi (inquit J. Bauhinus) culturâ & pro anni tempore multum variare: cujus sententiae & nos subscribimus. Varietas quoque ratione loci evenire potest. F. Columna hanc speciem in Æquicolorum montibus, ubi copiosè sponte fructicat, humilem tenuisque sarmenti, bipedalem ad summum observavit: Eandem cultam in hortis Campoclaresium hominis fere proceritatem adæquantem vidit, crasso rectoque caule, fruticosiore. Proinde C. Bauhinus non rectè separare videtur Abrotonum Tragi majus à vulgari & angustifolio, ex sententia fratris, qui & Camerarium notat, quod Abrotonum suum magnum Camphoratum, quibusdam Incensaria dictum, à suo mare Abrotano separat: Nos J. Bauhinum sequuti Abrotonum mas III. & IV. C.B. ad idem caput reducimus; nimirum ad Abrotonum mas vulgare.

Substringit & validè discutit, resistit putredini ac veneno; moribus venenatorum animalium Vires, [scorpionum & araneorum] medetur; vermes necat, urinam mover, impetus hystericos discutit, regium morbum solvit. Summitates vino vel aquâ decoctæ, adjecto melle aut saccharo orthopnoicis & asthmaticis apprimè conducunt, si Trago credimus, nam vitia pectoris expurgant, cardiacæ medentur & tussi, lentosque humores pulmonum incidunt.

Extrinsicus usus ejus famosus est in ossibus exsiccandis, roborandisque, & quia pilorum signaturam summitates ejus æmulantur, ad Alopeciam tollendam maximopere commendatur. *Schrod.*

Ut temperamento ita & viribus cum Absinthio convenire videtur, ventriculo tamen minus gratum est.

- \* 2. *Abrotonum mas angustifolium incanum* C. B. *mas incanum* Col.

Col.

Abrotani speciem aliam viribus parem [Absinthio Seriphio Col.] fruticosiorem, minorem, magis incanam, tenuioribus admodum foliis odore acribus & sapore, eadem foliorum divisurâ cultam vidimus in horto Collegii Romani Jesuitarum, cujus natalem locum ignorantes, non possumus mari vel foeminæ Abrotono reddere. Maritimam propter incanum colorem majorem esse putamus, ac propter brevitatem mari accedere censemus. Hæc Fabius Columna.

- \* 3. *Abrotonum mas angustifolium minus* C. B. *humile odoratum* Park. *humile* Ger. *cum pulchris Corymbis* J. B. **Small Sweet Sothernwood.**

Dod.

Prædictis humilius est; folia habet majoris Abrotani similitudine dissecta, sed minus candida, & odoratiora, quo Santolinam referunt. Corymbi è ramulis copiosi ad summum usque luteo splendent colore: Semen admodum fecundum est: radix ut aliorum.

A Fuchsio (inquit J. Bauhinus) quum Tubingæ apud illum, essem mihi in horto ejus demonstratum, à vulgari diversum. In hoc enim pulcherrimi Corymbi multò majores quàm in vulgari Absinthio Pontico & rariores, aurei: Foliola circa flores latiora nonnihil, longiora, non ita dissecta.

- A. 4. *Abrotonum campestre* C. B. Park. Ger. *Artemisia tenuifolia seu leptophyllos*, alijs *Abrotonum sylvestre* J. B. **Fine-leaved May-wort; by some, Sothernwood.**

Longâ, pollicaris crassitudinis radice firmatur, eâque multifidâ, lignosâ, perenni. Caules cubitorum aliquot altitudine emittit, qui vetustate in lignum solidum durumque degenerant, crassitudinis digitali, alioqui tenues, Artemisiæ latifoliæ similes, rigidi, rubentes, striati, medullâ albâ farcti, multis alis concavi: folia pilosa albicantia, Seriphii Absinthii tenui divisurâ, ad Abrotani folia accedentia, colore viridi ubi adoleverint non multum dissentanea, odore autem multum ad Abrotonum



num accedentia. Corymbi rubentes spicati in ramulis crebri, Abrotani formâ & colore. Solet non rarò ad ramulorum divaricationes muscosum, squamatum excrementum ferre.

Duplex est, alteri cauliculi sunt albicantes, alteri rubentes: primo vere folia cinericea, hirsuta producit quibus mense Junio depositis induit longiora & tenuiora, viridia, ut quis diceret aliam esse plantam. J.B. quod & nobis observatum.

Locus

In Germania, Italia & Gallia Narbonensi ad vias & in sterilibus ubique ferè occurrit. Invenimus etiam in Anglia copiosè provenientem, itinere à Novo-mercato oppido ad Lemmam Norfolciæ propè vicum Elden dictum, &c. vide Cat. Ang.

*Abrotanum inodorum* Ger. Park. *latifolium inodorum* C. B. *Artemisiæ tenuifoliæ simile si non idem*, *Abrotonum inodorum* Lobelii J. B. *Unfabourp Sothernwood.*

Huic virgæ seu ramuli plures, humi plerunque fusi: folia magis incana & candicantia. In reliquis non multum differunt hæc & præcedens, & tamen Clusius specie diversas facit. Nos potiùs J. Bauhini sententiæ accedimus, nec distinguimus.

Quin & Abrotanum campestre incanum Carlinæ odore C. B. prod. non alia in re à campestri vulgari differt quàm foliis eo modo quo Abrotani maris inferiora divisis, incanis, Carlinæ odore ut & sapore.

## C A P. XI.

### De Artemisia.

**A**rtemisia dicta est ab Artemisia Cariæ regina, quæ eam sibi adoptavit, cum antea Parthenis, quod virgo Deæ nomen illi dederat, vocaretur. Alii ab Artemis, id est, Diana, deducunt, quia foeminarum malis medetur.

Notæ ejus Characteristicæ sunt *Caules* indeterminati, folia dissecta subtus incana, odor & sapor remissior quàm Absinthio cui aliàs perfimilis est; flosculi purpurascens, nec ut in Absinthio deorsum nutantes.

A. 1. *Artemisia vulgaris* J. B. Park. *vulg. major* C. B. *Art. mater barbarum* Ger. *Mugwort.*

*Radice* digitali obliquâ reptat, demissis subinde fibris majusculis albis [sapore subdulci & aromatico] *Caules* surrigit bicubitales aut tricubitales, digitali crassitudine, teretes, striatos, brevi lanugine hirsutos, satis firmos & rigidos, plurimum purpurascens, medullâ farctos, foliis crebris alternatim positos vestitos, summa parte ramosos. *Folia* Absinthii ferè divisura, verum segmenta in imis latiora, in summis longiora & acutiora obtinent, supernè obscurius viridia, glabra, infernè incana, quâ notâ ab Absinthio facillè discernitur. *Florum* Corymbi circa summitates caulis & ramorum in racemulos quosdam è foliorum alis egressos dispositi, Absinthinis crebriores, singuli tamen minores, è flosculis purpurascens compositi, non ut in Absinthio deorsum nutantes, odore aromatico & satis grato, minus quàm Absinthii vehementi, ad Lavendulæ odorem quadantenus accedente.

Locus.

In hac planta caulis & flores interdum albescunt, unde Artemisia alba Tab. & Park. Quascunque regiones peragraverim (inquit Clusius) nulla fuit in qua Artemisiam hanc vulgarem, tum candidiorem, tum subpurpurascens, universæ (ut puto) Europæ familiarem, crescentem non viderim.

*Artemisia vulgaris minor* C. B. Park.

Non videtur specie à vulgari majore diversa. Non placet (inquit J. Bauhinus) Fratrem separare plantas solâ quantitate differentes.

*Artemisia montana* C. B. *tenuifolia montana* Park.

De hac attende J. Bauhinum. Eam etiam quam [Frater] Artemisiam 3. seu montanam facit, nempe leptophyllon montanam *Lugdunensis Hist.* (cujus tamen neque figura placet nec descriptio) nondum sejungimus [à vulgari.]

\* 2. *Artemisia polyspermos* C. B. Park.

Cum non alia in re à vulgari differre dicatur quàm quòd unicum tantum producat caulem, & femina copiosiora, minus rectè pro diversa specie ponitur. Verum si hoc constans sit argumento est diversum esse. De rebus ergo nobis non satis cognitis & exploratis nihil temere pronunciare audemus.

\* 3. *Artemisia Virginiana* Park.

Aliquanto major est vulgari Artemisia & fruticosior, foliis pariter incisis, sed majoribus.

Artemisia

Artemisia uterina est: menses, foetum & secundinas pellit, sordes abstergit, adeoque usus creber-  
rimi est mulierculis, quæ eam adhibent internè & externè, adeo ut vix balnea & lotiones parent in  
quibus Artemisia non contineatur. *Schrod.*

Decocto Artemisiæ, si id cum Saccharo & melle temperetur, tussis mitigatur, calculus commi-  
nuitur.

Herbæ ficcata pulvis 3. drachm. pondere in vino potus optimum est doloris ischiadici remedium,  
autore Parkinsono: qui & herbam recentem aut ejus succum haustum in convenienti aliquo liquo-  
re præstantissimum esse remedium asserit iis qui nimium Opii sumpserunt.

De præstantia hujus plantæ contra lassitudinem multa dicuntur. *Plin. lib. 26. cap. 15. Artemi-  
siam alligatam qui habeat viator, negatur lassitudinem sentire.* Jo. Bodæus in Theophr. Hist. hujus deco-  
ctum hominum ex itinere lassorum pedes, si eo abluantur adeo recreare disertè affirmat, ut nihil  
in rerum natura reperiatur, quod ei sit antefendum.

Sim. Paulus se sanctè testari posse scribit, se iis ægris in quibus nervosum genus malè habere sibi  
visum esset, flatulento spasmo obnoxiiis, aut qui de doloribus aut lassitudinibus membrorum, præ-  
sertim post chronicos, & quandoque etiam post acutos malignos morbos, conquesti sunt, felicissi-  
mo sæpe eventu præscripsisse vannum maximam partem ex Artemisiæ, post dein Salviæ, Agri-  
monia, Chamomillæ & Polentæ trita decocto repletam, ut in eam sese immergerent, vel in ea con-  
siderent.

Sunt qui carbonem sacro Jo. Baptistæ die sub hujus radice effossam ad epilepsiam commendant.  
Eum autem tum in pulvere exhibent, tum de collo suspendunt pro amuleto. *Schroder. Pharmac. l. 4.  
c. 6.* De carbone isthoc vide *Fernelium* in consilio de puero Epileptico; *Jo. Bodæum* in Theophr.  
Hist. lib. 9. cap. 18. & *Jo. Baubinum* in hac herba, qui hujusmodi superstitiones & magicas vanita-  
tes meritò reprehendit & damnat.

Novi, inquit Sim. Paulus, vetulam quandam, cujus utraque genua cum obsedisset tumor insignis  
œdematosus, quæ linteis duplicatis, super Artemisia suffumigatis, eum ex voto abegit.

## CAP. XII.

*Draco herba Ger. Dracunculus hortensis C. B. Dracunculus hortensis sive Tarchon J. B. Draco her-  
ba sive Tarchon & Dracunculus hortensis Park. Carragon.*

*J. B.*

**F**ruticosa promit duorum cubitorum & ampliora virgula, dura, gracilia, nonnihil angulosa,  
inconditis ramis divisa: foliis primò orientibus divisis, ubi verò odolevit foliis onusta Lini  
folia æquantibus, aut Hyslopi Arabum, atrovirentibus, splendidis, omnis divisionis ignaris,  
sapore acri, aromatico, cum quadam dulcedine grata, Anisum conditum æmulante. Corymbico  
ordine per summos ramos quo in Abrotano, apiculis florum vix conspicuis, quos semen excipit ace-  
rosum. *Radix* perennis novam singulis annis stolonum sobolem emittit.

In hortis colitur, ac sæpius ramulis quam semine feritur. De loco ejus natali altum apud Botani-  
cos silentium est. *Locus.*

Usus ejus apud nostrates in acetariis frequentissimus est, ad temperandam & corrigendam alia-  
rum herbarum quibus admiscetur frigiditatem & cruditatem, adeoque Eruæ vicem supplet. *Vires & Usus.*

Cum insigni acrimoniâ planta tota sit prædita, haud verendum est, nè valenter excalfaciat at-  
que ficcet, incidat, aperiatur, digeratur. Proderit igitur Tarchon iis, scribente Matthiolo, quibus ven-  
triculus frigidior: appetentiam excitat, flatu dissipat, membris robur addit, urinam & menses ciet,  
obstructiones expedit; mansum pituitam ducit, & salivam instar Pyrethri, & hinc dentium dolores  
mulcet & humidum cerebrum purgat. Ad pestis contagia maxime & primæ laudis ejus stillatitia  
apud Anglos, Autore Lobelio, nobis nihil tale auditum, sudores ciet, & crassam pituitam conco-  
quit. Perpensâ hujus herbæ acrimoniâ, quâ maxime linguam vellicat, eorum esse medicamento-  
rum quæ valentissimè excalfaciunt facile conjici potest. *J. B.*



*Auctarium LIBRI OCTAVI continens Herbas quasdam  
Corymbiferis affines.*

## CAP. I.

## De Scabiosa.

**SCABIOSA** recens vocabulum est: quidam à scabro herbæ habitu nomen deducunt, est enim herba pilosa; alii, & rectius, à Scabie cui medetur, unde Aetii *Phleg* esse creditur.

1. *Scabiosa montana maxima* Park. Ger. *Alpina maxima* Ad. *Alpina foliis Centaurii majoris* C.B. **Great Mountain Scabious.**

Multa è radice crassa, vivaci promit folia, pedem aut amplius longa, obscurè viridia, alata seu in multas utrinque lacinias, per margines eleganter dentatas, ad mediam ferè costam incisa: inter quæ caules aliquot exsurgunt bicubitales & altiores pro ratione foli, angulosi, duri & lignosi, superiori parte in ramulos divisi, quorum extremis singulis singula insident capitula magna, rotunda, è viridi nigricantia, flores exserentia Scabiosæ vulgaris majores, è flosculis compositos pallidis seu è luteo albicantibus, [ non cæsius, ut vult Lobelius ] quibus dilapsis succedunt semina oblonga, hirsuta, colore pullo.

Locus.

Lobelius aliique Botanici hujus plantæ folia Centaurii majoris foliis similia & pænè paria faciunt. In ascensu montis Juræ propè altissimam verticem *Thuri* hanc copiosam invenimus: alibi etiam haud dubiè in Alpium jugis provenit.

- A. 2. *Scabiosa major communior hirsuta folio laciniato* J. B. *major vulgaris* Ger. *vulgaris pratensis* Park. *patensis hirsuta, quæ Officinarum* C. B. **Common field Scabious.**

J. B.

*Radicem* habet rectam, longam: *caules* sesquicubitum & duos cubitos altos, teretes, hirsutos, inanes, *foliis* cinctos per intervalla longiora ex adverso binis, canâ lanugine pubescentibus, formâ *Valerianæ* majoris, profundius subinde laciniatis, sapore subacri. *Caules* & ramuli in florum capitula terminantur. *Flores* autem aggregati sunt è plurimis flosculis quadripartis purpureo-ceruleis, quorum singuli singulis insident feminibus, suisque habent calices, staminula & stylos. Flosculi marginales mediis productiores sunt, laciniis longioribus. Floris totalis calix è plurimis foliolis acutis basin ejus in circulum ambientibus componitur. Flores explicati planam ferè aut non admodum gibbosam superficiem efficiunt. Flosculis dilapsis semina in globum aut capitulum oblongius attolluntur. Quæ primò è radice exeunt folia integra ferè sunt, & non omninò laciniata.

Locus &amp; Tempus.

In pascuis frequens est, nec minùs inter segetes Junio & Julio mensibus florer. Hæc Scabiosa (inquit J. Bauhinus) aut mirabiliter ludit, aut differentias aliquas habet; quædam valdè laciniata ut descripta, quædam non laciniata, vel minùs profundè & rariùs, versùs superiora tantùm.

Vires.

Herba vino decocta ejusve succus aut aqua in M. B. destillata Apoptematibus, Pleuritidi, Tussi, aliisque pectoris vitiis medetur: nec minùs Asthmæ, Anginæ, Pestis. Pollere autem hanc (inquit J. Bauhinus) imprimis adversùs Scabiem nomen illi inditum per se manifestat. Scabiosæ vires S. Urbanus his versibus complexus esse dicitur.

*Urbanus pro se nescit pretium Scabiosæ:  
Nam purgat pectus quod comprimit ægra Senectus:  
Lenit pulmonem, purgat laterum regionem:  
Abscessus frangit si locum bibita tangit:  
Tribus uncta foris anthracem liberat boris.*

In plurimis expertus est D. Willebrochius Archiducis Ferdinandi medicus celebr. ad rhagades seu scissuras & serpigines ex Lue oriundas, etiam in illis in quibus dec. Ligni parùm profuit certiss. remedium pulv. Rad. hujus per hebdom. 3. quotidie assumptum.

- A. 3. *Scabiosa minor vulgaris* J. B. *minor sive Columbaria* Ger. *minor campestris* Park. *capitulo globoso minor* C. B. **The lesser field Scabious.**

*Radice* alba multiplici firmatur. [ J. Bauhinus radicem repentem ei attribuit, crassiusculam, foris nigram, intus ex albo virescentem ] *Folia* ad radicem hirsuta, est ubi multifariam divisa, est ubi integra, *verbenæ* incisuris ferè, ut rectè Lobelius, minora & ad tactum aridiora quàm vulgaris Scabiosæ. *Caulis* cubitalis, teres, glaber, inanis. Foliorum in caule aduersorum tria aut quatuor paria, in  
tenues

tenues & angustas lacinias dissecta, inferioribus læviora. Caulis in aliquot ramulos dividitur, in quibus flores Scabiosæ majoris longis insidentes pediculis. Succedit capitulum aristis nigris horridum, J. B. Sapor foliorum, eodem autore, lentus & nonnihil acris, radice subamarus.

In pascuis ficcioribus & montosis præsertim cretaceis copiosè provenit.

Locus.

Thalius in Hærcinia Scabiosæ minoris vulgaris plures recenset differentias.

1. Scabiosæ ejus 5. five foliis Bellidis Sylvestris minoris major. Hanc C. Bauhinus Scabiosæ capitulo globoso majoris, five superius descriptæ Synonymam facit.

2. Scabiosæ 6. five foliis Bellidis species minor. Hæc ex una radice, quæ nigra est, plures profert tenuiores, teretes ac dodrantes coliculos, non ita foliosos ut prior, sed ferè prorsus nudos nisi inferiore parte. Folia priora huic sunt in brevioribus & canaliculatis pediculis, Bellidis Sylvestris majoris foliis itidem similia, propè pediculum laciniata ut plurimum, reliqua parte serrata: post quæ reliqua quæ deinceps sequuntur folia diversæ ab aliis existunt formæ, frequenter in tenues & strictiores lacinias divulsæ; flores cœrulei conglobati.

Hanc C. Bauhinus Scabiosam capitulo globoso minorem vocat. Videtur esse prioris varietas.

3. Scabiosæ 7. five tenuifolia candida, seu major. Hanc C. B. Scabiosæ multifido folio, flore flavescente seu *χλωροειδὲς* Synonymam & eandem facit; & per me licet faciat.

4. Scabiosæ 8. five tenuifolia media, Radicem obtinet nigram, multifidam, coliculos teneriores, teretes, minùs foliosos. Folia priora multo minora quàm præcedenti, divisa in lacinias tenues, latiores tamen paulò quàm sunt reliquorum foliorum subsequenti lacinia, quæ nimirum existunt admodum tenues & angustæ ac fœniculaceæ quodammodo. Flores sunt ut prioris speciei. Hæc Parkinsono Scabiosæ tenuifolia capitulo globoso dicitur, C. B. Scab. capitulo globoso foliis in tenuissimas lacinias divisis.

5. Scabiosæ 9. seu tenuifolia minimæ priori coliculus est dodrantis, teres, tenuis, prorsus nudus, propè radicem solummodo plantâ hac folia protrudente in canaliculatis pediculis laciniata, breviora superioribus duabus speciebus ac tenuiora. In summo caulis florem continet cœruleum in orbiculato capitulo Succisæ simili, ex cujus ambitu exterius breviora quadam ac tenuiora progrediuntur sursum porrecta adnata in brachiolorum exiguum modum, semel geniculata, ac bina ex adverso locata folia continentia, in quorum cujuscunque summo aliud ac brevius emergit florum capitulum conglobatum ac cœruleum. Locis autem prodit aridioribus, in collibus apricis ac meridionalem Solem excipientibus.

Quòd flores producat proliferos accidentarium proculdubio est & individuale.

6. Scabiosæ 10. seu tenuifolia species foliosa: ita denominata, quòd coliculus, qui ipsi dodrantis est, ac geniculatus, à radice usque in summum cacumen foliis infrequentes, tenues ac fœniculaceas lacinias divisis eleganter exornatur; quorum ad quodlibet geniculum bina ex opposito sibi correspondent. Fløs huic est in globum collectus cœruleus.

Præter has omnes Scabiosæ minoris varietates aliam adhuc diversam observavimus in montibus, quæ vulgari minore humilior erat, & in uno caule unicum duntaxat plerumque florem gerebat, eum tamen grandiore: quam *Scabiosæ montana glabræ foliis Scabiosæ vulgaris* C. B. eandem putamus. V. 7. Speciem.

#### 4. *Scabiosæ tenuifolia globosa elatior* Park. *Dryight fine leaved Globe-Scabious*.

Recta assurgit singulari tenui cauliculo, foliis ad nodos inferiores binis ternisve simul parvis, angustis per margines eleganter dentatis vestito: superiora in caulibus folia bina ex adverso sibi invicem respondent. Flores parvi in globum coacti, reliquis colore similes.

Semen hujus ex Italia habuit Parkinsonus.

Quod terna interdum ad geniculum folia edat accidentarium esse puto, & luxuriei plantæ adscribendum.

#### 5. *Scabiosæ rubra Indica* Ger. Park. *rubra peregrina*, quibusdam *Indica* J. B. *peregrina rubra*, capitulo oblongo C. B. *Purple Indian Scabious*.

J. B. Clus.

Planta hæc, licet una sit & singularis, & Scabiosæ minori vulgari similis, plures tamen foliorum figurâ differentes species ut illa induit. Quippe ima, quæ propter radicem sunt, reliquis latiora, quadam crenata, quadam laciniis sed minùs profundis divisa, longo pediculo hærent, veluti repanda. Quæ sequuntur superiora versùs altius secta, profundioribusque laciniis divisa, veluti in plura alia subdividuntur, quorum singulæ partes infimis crenatis non magnitudine quidem, sed figurâ & specie quodammodo respondent. Sunt inter hæc quadam adhuc profundius & minutius secta. Suprema, quæ ad ramorum divaricationes exoriuntur, vel paucis aliquot incisuris, minùs tamen profundis, vel nullis planè constant, & per ambitum tota æqualia, angusta, brevioribus pediculis donata. Ima folia cum caule modicè hirsuta sunt. Caule autem cubitali [imo bicubitali] aut ampliore assurgit, satis gracili, qui in multos, tenues ramos dividitur, extima parte veluti umbellam flosculorum in caput congestam gestantes, exterioribus flosculis, qui reliquos ambiunt, majusculis, in quinque lacinias divisis, quemadmodum & interiores flosculi, qui minores, omnes autem coloris elegantis rubri saturi & ad purpureum quodammodo tendentis, oblongis filamentis, apicibus albis insignibus donati, pulchram speciem exhibent. His succedunt stellata ut in aliis Scabiosarum generibus *semina*, in caput oblongum *metæ* formâ, oblongis filamentis ruffis exasperatum, congesta. Radix Rapæ formâ C. Bauhino quam Clusius vivacem non esse affirmat; verum nos experientiâ contrarium edocti sumus. Si enim hyems clementior fuerit, non solum plantæ quæ ætate ad florem non pervenerant, sed ex etiam quæ jam floruerant, in alterum annum durabunt, & flores edent, seminâque matura & perfectâ dabunt.



- Tempus.* Floret æstate & autumnò : Semen sub Septembris finem aut Octobris initium maturefcit. Floris colore pallido feu incarnato ut vocant non rarò variat.
- Vires.* Hujus femina amara effe & lumbricos enecare obfervavit D. Hermannus; ut habeo ex Annotationis D. Palmer.

\* 6. *Scabiosa Javanica* Bontii.

*Bont.*

Macilentior eft ratione foliorum quàm Scabiofa noftras; flores minufculos cœruleos habet, qui foliis ut calyce conteguntur.

*Vires.*

Viribus cum Scabiofa Europæa convenit. Unum (inquit) reticere nequeo, effe hanc Scabiofam remedium præftantiffimum in extabefcentia feu marafmi quadam fpecie in his locis admodum familiari, quo affecti ægri ad extremam maciem perduci tandem tenuem animam exhalant, ita ut pellis & offa deveniant, & fceleta potiùs videantur quàm homines. In hoc affectu dico Scabiofa hæc cum Gramine cruciato Alpini & cum radicibus Chinæ fimul cocta excellens eft medicamentum. Malaii porro hæc Scabiofa inter olera fua utuntur.

*Descriptio adeò brevis, succineta & generalis eft, ut nihil certi inde expifcari poffim: puto tamen plantam à Scabiofis Europæis diverfam effe.*

7. *Scabiosa montana glabro folio* Park. *montana glabra foliis Scabiofæ vulgaris* C. B. *glabra carnosif foliis virentibus, flore ex cœruleo purpureo* J. B. *Mountain Scabious with smooth leaves.*

*Cluf.*

Quina aut fena habet folia humi fparfa, Scabiofæ vulgatorii & inter fegetes nascenti ferè fimilia, minimè quidem villis obfita, fed carnofa admodum & venofa, præ viriditate quodammodo fplendentia, aliquot crenis incifa, fapore fi manducentur lento & gummofo, deinde aliquantulum acri. Ex horum medio crefcit palmaris *caulis*, aliquando paulò amplior, gracilis, rotundus, cujus inferioriorem partem ambiunt quaterna aut fena folia, profundis & tenuibus laciniis divifa, bina femper ex adverfo fita. Extremo cauli infidet *capitulum* ut in vulgari Scabiofa ferè, è multis flosculis quinque foliis conflantibus congeftum, quorum exteriores majores funt, eleganti colore ex cœruleo purpurafcente præditi, villis quibufdam nigris fingulorum flosculorum fedem ambientibus. *Radix* longa, nigra, craffiusculis albis fibris capillata.

*Locus & Tempus.*

Invenitur in fummis *Sneberg* & *Snealben* Auftriæ & Stiria Alpium jugis, in tenui gramine nascentis, ubi floret Augufto, fimiliter in depreffioribus, nudifque circa Viennam collium fuperciliis, Junio & Julio florens.

Quærit J. Bauhinus, cur Clufius in poft. Hift. pro Scabiofa fua V. iconem pofuit Scabiofæ minoris vulgaris feu columbaria *Lob.* Difficile eft rationem affignare; fortè una & eadem fpecie planta funt hæc & illa.

*Scabiosa prolifera* Lob. *Cluf.* J. B. & *aliorum prolifera folio latiore* C. B.

Vel hujus plantæ, vel Scabiofæ minoris varietas eft, vel certè alterius cujufdam Scabiofæ fpeciei; minimè autem fpecies ab aliis omnibus diftineta. Certè experientia noftra *Scabiosa minor* hoc modo interdum ludit, & proculdubio alia etiam Scabiofæ in hortis fatæ & cultæ.

Idem efto judicium de *Scabiosa prolifera foliis Gingidii* C. B. & de *Scabiosa tenuifolia prolifera minore ejufdem.*

\* 8. *Scabiosa parva odorata, floris foliis maculis infectis* J. B. *Scabiosa minor capitulo globofo odore* C. B.

J. B. Col.

Pulcherrima atque grata oculis atque naribus eft Scabiofa hæc, quæ lignofam longamque radicem habet, ex qua folia exeunt diverfa, nam in imo vel funt fylveftri Eruca paria, vel Coronopo fimilia, minora verò atque hirsuta; in caule verò fimilia laciniis Scabiofæ vulgari minori, ficuti & flores, qui purpurei ex albo colore funt, nec ut in aliis cœruleo-purpurei, in capitulis rotundioribus; atque finguli flosculi Ocymi flores imitantur, nam galericulati funt & per oras lacinati, admodum fimiles exotico Ocymo, foliis purpureis maculis infectis fimbriatifque, atque etiam, quod in aliis Scabiofis non obfervatur, bene odorati funt.

*Locus & Tempus.*

In montibus oritur Amalfæ ora: æftate floret.

9. *Scabiosa multifido folio, albo flore vel potiùs oxycodone* J. B. *multifido folio, flore flavescente* C. B. *flore pallido* Ger. emac.

*Cluf.*

Cubitales *caules*, rotundi, graciles, firmi, virentes, nodofi, eos ad fingula genicula amplectentibus binis foliis, ex adverfo femper respondentibus, quæ tenuibus & profundis laciniis adeò divifa funt, ut alata videantur; color ex cinereo virefcens, fapor amariufculus: quæ verò fecundùm radicem nascuntur, antequam planta in caulem affurgat, latiora funt, minoribusque laciniis divifa. Ex fummis alis ramulos fert tenues & nudos, qui fuffinent plana capitula, è candidis feu potiùs *oxycodoneis* [præfertim antequam explicentur] inodorifque floribus, fimul nascentibus congefta; qui quinque foliolis [quorum tria inferiora majuscula funt] constant, paucis intus ftaminulis. Floribus fuccedunt



succedunt hirsuta *semina* vulgaris Scabiosæ seminibus minora, in orbiculare caput congesta. *Radix* minimi digiti crassitudinem interdum æquans, multisque exiguis fibris in lateribus prædita, vivax est, & singulis annis novos caules profert.

Circa Viennam Austriæ ad sæpes & in pascuis observavimus. Nullum est (inquit Clusius) Austriæ inferioris pratum siccius editiorve loco situm, nullus autem ager gramineus, nulli fere arborum margines in quibus non nascatur hoc Scabiosæ genus. Junio florere incipit. Locus.

Hæc perfoliata est

10. *Scabiosa montana calidarum regionum major Lobelii* J. B. *montana alba* Ger. *fruticans angustifolia alba* C. B. *An Scabiosa major Pannonica albo flore* Clus. hist? Park.

Lob.

Colles amat hæc plagæ temperatioris, ut Pedemontis propè Rivoliæ & Norbonæ, ubi montanæ vocant Herbarii, folio angustiore, albidior, parum hirsuto, leviusque laciniato ad imum caulem, Verbenacæ aut vulgaris Scabiosæ: superiora verò in ramulis plusculis, gracioribus, altius divisis, & flores per Junium & Julium prominentibus albos, Scabiosæ parvæ aut Jaceæ, capitulis squamatis compactis, ubi semen Trifolii Asphaltidis, pullum, copiosum, involucris membranis arguta concinnitate effictis, angustias plicarum fornicum pusillorum cohibentibus.

In collibus saxosis agri Narbonensis perquam familiaris est.

Perfoliata est hæc planta præcedenti, adeo ut cum primum eam viderem pro eadem habuerim: verum Botanici Montpelienfes, qui utramque (puto) contulerant, diversam affirmabant, utcumque Lobelius ei perperam attribuit capitula squamatis compacta Jaceæ, &c. Siquidem aliam Scabiosarum capitulis similia sunt. Locus.

Lobelii iconem Clusius posuit sub titulo *Scabiosæ alba Belgicorum hortorum*; quam Scabiosæ flore ochroleuco penè similem esse ait, floribus tamen candidioribus. Cum Clusius igitur eandem faciat, non est cur nos separemus.

Ab hac etiam non multum differt, [ eadem plane est D. Magnol ]

*Scabiosa glabra foliis rigidis viridibus* J. B.

Quæ Montbelgardi fata in insignem magnitudinem adolevit, rigidis striatisque caulibus, per quos foliorum est situs adversus veluti ex geniculis: multa tamen ea sunt, sesquipalmaria, quædam dodrantalia, longis hærentia pediculis, duarum triumve unciarum latitudine, segmentis paucis longæque diffitis inferiore parte divisa, ultimo segmento, quod mucronem constituit, trium unciarum longitudine aut majore: rigida sunt ea, viridantia & utrinque glabra. Surculis autem peculiaribus, palmum aut dodrantem longis hærent flores ex majusculis capitalis squarrosis, albicantibus, hirsutis. Semen longum hirsutum.

Dubitat J. Bauhinus an hæc sit Scabiosa major Pannonica albo flore five 8. Clus. hist. C. Bauhinus Scabiosam illam 8. Clus. Scabiosæ montanæ calidarum regionum Synonymam facit; à quo tamen frater Joannes descriptæ semen accepit nomine Stœbes Theophr. & Scabiosæ alba Bononiæ collectæ, quam in Phytop. Scabiosam Pannonicam 8. Clus. hist. fecit: quamvis in Pinace, ut videtur, sententiam mutavit. Sunt igitur nobis,

Scabiosa glabra foliis rigidis viridibus J. B.

Scab. montana calidarum regionum major Lob.

Scab. major Pannonica albo flore five 8. Clus. hist.

Scab. alba Belgicorum hortorum Clus. hist.

Una eademque planta tantisper donec certò confiterit eas specie distingui.

*Scabiosam albam gemino capite* C. B.

Quam Clusius in Belgicis hortis meminit, foliis latioribus priore [ Scab. alba Belgicorum hortorum ] firmioribus caulibus, & florum niveorum capitulis interdum singularibus, plerumque tamen binis coherentibus & simul nascentibus, cum nullus præter eum (quod sciam) Botanicus descripserit, ex brevi hac & jejuna descriptione à reliquis omnibus Scabiosis distinctam esse non ausim asserere.

11. *Scabiosa major Hispanica* Ger. Park. *major cum pulchro semine* J. B. *stellata folio laciniato major* C. B.

Clus.

Folia vulgaris Scabiosæ majoris foliis similia habet, laciniata, viz. altè incisa, mollia, lanugine pubescentia: Caules nodosos, rotundos, interdum cubitales, è quorum geniculis folia inter se opposita. Summis ramis capitula insident è multis caliculis membranaceis & paleaceis composita, qui singulares flores continent candicantes; quibus deciduis in medio quasi singulorum caliculorum umbilico, exigua quædam stella subnigra conspicitur, quinque aut sex interdum radiolis constans, paulatim verò hi caliculi excrecentes expanduntur, donec semen hirsutum & crassum [ quo caliculi sustententur ] maturefcere incipiat. Radix candida, crassa, vulgari similis.

Clusius in hac sua descriptione non meminit foliorum longorum floribus subjectorum, stellatim dispositorum, ut in *Astere Attico* luteo mont. Icon quoque ejus, quæ eadem apud Lobelium, ea non demonstrat: an cultura id faciat considerandum. J. B. Ego ea, à Clusio per inadvertentiam omissa suspicor.

Crescit juxta vinearum margines & semitas, locisque incultis agro Salmanticensi, per reliquam Locus. etiam Hispaniam.



12. *Scabiosa cum pulchro semine minor* J. B. *Hispanica minor* Park. *stellata folio laciniato minor sive maritima* C. B.

J. B.

Simplice & lignosa radice albicante figitur, paucis & iis quidem exiguis fibris capillatâ. *Caulis* dodrantalis, aliquot divisuris concavus, teres, hirsutus. *Folia* tenuiter dissecta, superiorum foliorum Columbaria: Scabiosæ modo, pilis obita: capitulis radiata folia subiecta, oblonga. *Semen* per omnia simile prioris semini, tomentosum, calathio membraneo coronatum unguis fere magnitudine, pellucido, striato, in cuius medio stella parva quinque-partita; ex seminis autem sinu capillamenta quadam parva atque rigidiuscula prominent.

Locus.

Hæc Clusio cum Hispanica maiore iisdem in locis nascitur. J. Bauhinus semen ejus ex Galloprovincia habuit. Nobis in Sicilia observata est.

- \* 13. *Scabiosa maritima parva* J. B. *an Scabiosa stellata minima* C. B? Park? *an Scabiosa maritima Rutæ caninae foliis* Bocconi?

J. B.

Longiusculam agit radice, satis crassam, multorum capitum, pro quorum numero caules emergunt dodrantales, & si accedat cultus, etiam cubitales, ramosi *Folia* inferiora tenuia, præcedentis Scab. sectionibus divisa, trium unciarum longitudine, at superiora angusta & veluti graminea nullam agnoscunt divisionem. *Capitula* pro plantulæ modo magna, flosculis magnis referta, præsertim circa margines, colore in sicca planta purpurante. Caput obvallant folia oblonga, viridia, ut in Scabiosa Hispanica maiore; at enim huic semen non ita pulchrum, quamvis interim membranei quid habeat, magnis pilis oblitum.

Plantam hanc C. Bauhinus præcedenti eandem facit: J. Bauhinus (qui à fratre semen ejus accepit) diversam. P. Boccone Scabiosam suam marit. sic describit: *Caule* assurgit, ut vulgaris, tereti, striato, cubitali, atque pluribus alis concavo, imbecillo tamen & humi subinde procumbente. *Folia* quæ primò nascuntur in multas & profundas lacinias incisa, ad Rutæ caninæ sive Fistulariæ accedentia, in caule sensim attenuata, at minora. *Flores* subpallidi, quandoque etiam rubentes profertur. *Semina* aliarum modo producit.

Locus.

Nascitur in Caietæ maritimis & arenosis litoribus.

- \* 14. *Scabiosa stellata minima* C. B. Park.

C. B. prod.

A præcedente diversa videtur, radiculâ simplici, cauliculo ut & foliis biuncialibus; floribus subcœruleis, parvis: in caliculorum medio stella parva conspicitur, à quâ filamenta capillacea, oblonga, rufa, quinque numero, extra caliculum producantur.

Locus.

In Provincia, locis incultis.

15. *Scabiosa fruticosa folio non dissecto peregrina* J. B. *Scabiosa stellata folio non dissecto* C. B. *arborea Cretica* Ponæ Park. *peregrina* Ger. *arborea* Alpin. exot.

J. B.

Adversis pediculis longiusculis, caulem amplexis folia ordine per caulem nascuntur, oblonga, acuminata, medio latiora, hirsuta, incana, Plantaginea, nisi alius esset nervorum decursus. *Caulis* teres, arborefcens, albicans, pilosus, florem sustinens glomeratum, pallidè purpureum. *Semen* ejus pulchrum, sublongum crassiusculum, album, definens in latam pelliculam, ut Scabiosa Hispanica major.

Locus.

In calidioribus regionibus, Cretâ v. g. oritur, & in multos annos durat, per hyemem folia retinens, hyemes tamen nostras in regionibus Septentrionalibus ægrè tolerat.

Hanc plantam Pr. Alpinus in exoticis plenius describit, quem adeat cui hæc non sufficiunt.

16. *Scabiosa latifolia rubro flore* J. B. *latifolia rubra non laciniata secunda* C. B. *rubra Austriaca* Ger. emac.

Clus.

Cubitales huic sunt caules, rotundi, nodosi sive geniculati, nonnihil hirsuti, concavi: in singulis geniculis bina folia ex adverso nascentia, non multifida instar aliarum Scabiosarum, sed lata, in ambitu tamen crenata, Urticæ foliis interdum majora, ex brevi petiolo pendentia, colore ex viridi dilutiore prædita, amaro & acri sapore. Ex alarum sinu rami etiam prodeunt foliati, qui ex lateribus pediculos protrudunt, floribus Scabiosæ vulgaris modo congestis, ornatos, coloris rubescens, nullius odoris: deinde semina simul congesta, angulosa, hirsuta, Cnici fere interdum magnitudine, stellatâ coronâ insignita. *Radix* minimi digiti crassitudinem nonnunquam æquat, longa, nigricans, statim à capite quasdam fibras satis magnas spargens, & subinde ex lateribus novos caules producens.

Locus.

In montibus Genevæ vicinis, inque Germanicis montosis sylvis passim luxuriat.

J. Bauhinus Scabiosam virgæ pastoris folio C. B. i. e. latifoliam peregrinam Tab. huc refert.

Scabiosa

*Scabiosa* 4. Clus. hist. *montana latifolia non laciniata rubra & prima C. B. latifolia purpurante ex nigro flore J. B.*

Clus.

Magnitudine jam dictam superat, majoraque & nigriora habet folia, purpurascentem ex nigro florem; in reliquis satis conveniens.

Cum priore, floret Maio & Junio, quo tempore semen plerumque etiam maturescit. *Præcedentis* varietas quædam esse videtur. *Tempus.*

*Scabiosa maxima dumetorum folio non laciniato J. B.*

J. B.

*Radices* habet perennes, fibrosas, longas etiam ad cubitum, satis crassas, ac multas capillares, intus albas, extra nigricantes: sapor ingratus cum dulcedine & amaritudine aliqua, odor indicibilis: *Folia* priora palmum longa, vel breviora, ac etiam longiora, lata duos aut tres digitos, similia foliis *Succisæ*, majora, molliora: quæ per caules folia per geniculos modò bina, interdum terna, quæ versus superiora redduntur glabra & minùs mollia, serrata, non dissecta ut in vulgari, pulchrè virent. *Caules* bicubitales vel tricubitales, crassi, plures ab una radice oriuntur, cavi, circa inferiora purpurascentes & hirsuti, in superioribus partibus & ramis glabri; & juxta flores iterum hirsuti. *Flores* in extremitatibus ramorum, similes *Scabiosæ* vulgari, necnon etiam *Scabiosæ* minori. Differunt hi flores à floribus *Succisæ*, cui tota similis herba, quòd majores [uti & folia herbæ majora] flores in circumferentia magni, hiantes, qui non sunt in *Succisæ*; color etiam dilutior quàm in ea, & *Scabiosarum* æmulus, jucundi odoris: Flore decedente inter semina non sunt foliola, ut in *Succisæ*. *Semina* sunt longa, hirsuta, compressa, cum quatuor angulis.

Inter dumeta, & in pratis humidis montium juxta *S. Hippolytum* abundat, uti & in montosis locis circa Tigurum, & in monte *Monters* propè *Basileam*, &c. Florebat adhuc copiosè Augusto & Septembri. *Locus & Tempus.*

Susplicamur hanc plantam præcedenti [penultimæ] eandem esse, siquidem præcedens in dumetis montosis Germanicis & Helveticis frequens est, quantumvis *J. Bauhinus* diversam faciat. Figura sub hoc titulo proposita in *Historia J. Bauhini* est alterius plantæ; nimirum *Scabiosæ æstivalis* Clusii.

\* 17. *Scabiosa æstivalis* Clusii Ger. Park. *fruticans latifolia alba C. B. Clusius his Summer Scabious.*

Clus.

*Folia* habet *Scab.* 8. Clus. foliis primùm nascentibus & inferioribus non dissimilia, circa pediculum aliquantulum laciniata, deinde serrata: *Caulem* tricubitalem aut ampliorem, rotundum, hirsutum, in multos ramos circa summum divisum, quem alternatim bina semper ex adverso amplectuntur folia, viridia, infimis similia, præter ea quæ in ramis, minora enim sunt illa, non laciniata, non incisâ. Summis ramis innascuntur squammata capitula, subcæruleis flosculis plena: quibus succedunt longiuscula albicantia semina. Ad capitulorum latera nascuntur utrinque alii ramuli, similibus capitulis & flosculis præditi, deinde etiam ex illis tertii. *Radix* candicat & fibrosa est, sed non rediviva, nam excusso semine perire solet, veluti superior [octava Clus.] & illo deciduo (perinde ut illa) singulis annis sponte nascitur.

Ex quibus notis facillè sibi persuadet Clusius hanc ex eo semine in Belgio natam, quod ad amicos ante miserat [*Scabiosæ* suæ 8.] quod mihi non videtur verisimile.

\* 18. *Scabiosa montana Dentis leonis folio C. B. Park. Mountain Scabious with Dandelion leaves.*

C. B. prod.

*Caule* est sesquipedali, viridi, rotundo, striato, lævi & cavo, superiore parte nudo: foliis latiore basi caulem amplexantibus, paucis, lævibus, crassis, inferioribus obtusis & parum crenatis, superioribus ad modum foliorum *Dentis leonis* in binas ternasve lacinias divisis & acuminatis, per oras crenatis, uncias sex longis, & duas circa medium folii latis, per quod nervus excurrit. Caulis summum, quem duo folia ferè ut in *Dipsaco* complectuntur, flores aliquot subcærulei, pedicellis hirsutis inæqualibus insidentes, exornant.

Hæc *Montpeffuli* in monte *Calcaris* reperitur.

Locus.

\* 19. *Scabiosa folio Sinapi Sylvestris C. B. Park.*

C. B. prod.

*Caule* est cubitali, striato, in ramos palmo longiores brachiato, qui ex foliorum alis, ubi pili paucissimi, prodeunt: foliis glabris *Sinapi sylvestris* modo, ad nervum usque laciniatis, & sparsim crenatis, inferioribus subrotundis. Flores rubentes, mediæ magnitudinis, & singuli, cauliculorum summis insident. Neapoli ex horto Imperati habuit.

Ex brevi hac imperfecta & jejuna descriptione non facile est definire an hæc sit species *Scabiosæ* à reliquis omnibus descriptis diversa necne.

\* 20. *Scabiosa*



- \* 20. *Scabiosa omnium minima* Ger. *montana omnium minima* Lob. J. B. *montana minor*, capitulis squamosis C. B. The least mountain Scabious.

Lob.

Scabiosarum omnium minimam hanc animus fuisset Lobelio Verbenam parvam facere, nisi in montibus cretaceis & incultis obvia foret: nam sesquipalmares pedalesve paucos edit *cauliculos*, foliis in imo sæpius donatos angustioribus, inter Sclamoidem & Scabiosam minimam; floribus dilute purpureæ è squamosis capitulis non diversis.

De hac plura non habeo quæ dicam. Icon Lobeliana Jaceam potius quam Scabiosam exprimit.

- A. 21. *Succisa sive Morsus Diaboli* J. B. *Morsus Diaboli* Ger. *Diaboli vulgaris flore purpureo* Park. *Succisa glabra* C. B. Devils-bit.

J. B.

Quæ *radici*, minimi ferè digiti crassitudine, fibræ longæ albæque circumnascuntur, eà præcisâ seu præmorâ apparet, sapore misto acri & amaro. *Folia* oblonga, acuminata Scabiosæ, quanquam non dissecta sed integra, vel paulum quid, præsertim quæ superiorem obtinent locum, serrata, magis quidem supra quàm infra virentia, brevibus utrinque & vix conspicuis pilis hirsuta, ut omnino glabra videantur, bina ex adverso pediculis ad basin coeuntibus caulem amplexa; magis crebra in caule quàm vulgaris Scabiosæ. *Caulis* cubito altior, teres, solidus, rubescens, ramosus. *Flores* in summis caulibus & ramulis cœrulei, non adeò plani ac Scabiosæ vulgaris, verum globosi: omnes quoque flosculi florem totalem componentes ejusdem figuræ sunt & magnitudinis, cum in Scabiosa marginales interioribus majores sint. Flosculi autem ut in Scabiosa quadripartiti sunt cum stylo & staminibus intus.

Tempus.

Seriùs quàm Scabiosa & sub Autumnum floret.

Locus.

In pratis & pascuis, locis præcipuè dumetosis.

Vires.

Variat florum colore carneo & albo: interdum etiam foliis hirsutis invenitur.

Alexipharmaca est & vulneraria, ut facie sic viribus cum Scabiosa convenit. Inprimis celebratur in Epilepsia, peste, uteri dolore, sanguine coagulato, abscessibus occultis, lue Venerea ejusque ulceribus; in vulneribus recentibus, &c. Extrinsecus in Angina, tumoribus tonsillarum quæ ægrè ad suppurationem perveniunt (gargarif.) in suffusionibus, bubonibus, &c. Schrod.

Dodonæus adversus diuturniores faucium tonsillarumque tumores, qui ad suppurationem ægrè perveniunt, valde commendat, & nulli secundam affirmat Succisam; cujus auctoritatem ego secutus, plerunque gargarismis, ubi Venereis & aliis ulceribus fauces gingivæque scatent, felici successe miscere soleo. Succum ipsum Camerarius utiliter admodum addi gargarismis in angina ait. Sim. Paulus.

22. *Scabiosa argentea angustifolia* Park. C. B. *graminea argentea* J. B.

Ex radice lignosa caules bini ternive sesquipalmares & altiores, rotundi, incani, parum reflexi, densè geniculati exurgunt. Circa radicem folia quatuor aut quinque uncias longa, angusta, graminea, albicantia & argenti colorem referentia, unico nervo secundum longitudinem donata, in caulibus bina ex adverso posita; in superna caulis parte nulla. Caulis unicum *discum*, orbiculatum, planum, molli lanugine incanum sustinet, qui plures flores, cœruleos vel pallidos, aliarum formâ continet: quibus caliculi membranacei cum staminibus breviusculis, semen continentes succedunt. Capitulum ambiunt numerosa foliola acuminata.

Locus.

Provenit in monte Vicentino Sumano dicto. Nos in planis Fori Julii depressis, quæ aquæ ex Alpibus hyberno tempore ubertim delabentes aliquoties latè inundant, eam observavimus.

Reperitur interdum hoc genus foliis glabris.

23. *Origanum fistulosum Canadense* Cornuti, sed potius *Mentastrium fistulosum Americanum* Park.

Cornut.

*Caulibus* exit cubitalibus quadratis, nunc angulosis, subhirsutis & ramosis: *Foliis* longis, Lyfimachizæ siliquosæ æmulis dilute virentibus, quæ ab imo ad Caulis fastigium usque pullulant, ibique minora decem aut duodecim in orbem congesta floribus obambiant globum, qui Scabiosæ capitulum refert (quamvis sit latior, multoque depressior) mille caliculis conflatur, à quibus funduntur ordinatè dispositi tubuli plures, semuncialis longitudinis, coloris ex purpura colossini, bifidi extremo quo patentem rictum fingunt, unde profluunt duo aut tria cum purpureis apicibus filamenta. Prolifera est, florem enim sæpe transilit caulis, qui tribus digitis à primo flore elevatus, subiectis totidem foliolis novo floribus alterius globo repullulat. Tota planta caulibus atque adeò foliis subincana lanugine pubescit. Efflat odorem non trita Satureiæ hortensis. Sapor huic acerrimus, ac Hydropiperis more linguam perurens, exceptâ radice, quæ solis contextitur fibris; hæc namque nescio quo naturæ lusu, prorsus insipida gustanti percipitur.

Floret Julio & Augusto. Planta est in multis annos vivax. Origanum fistulosum eam nominavit Cornutus, quod tubuli floribus ita inter se sint compositi ut quandam veluti Cicutis compactam fistulam, repræsentent.

- \* 24. *Bellis*

\* 24. *Bellis spinosa flore globoſo* C. B. *cærulea spinosa* Park.

C. B. prod.

Hæc tota ferè facie Bellidem cæruleam Globulariam dictam refert, cujus ad radicem *folia* plura ſunt, parva, rigida, crenata, & cuilibet crenæ aculeus infidet. Cauliculo eſt palmari, atrovirente, quem *folia* oblonga, anguſta, non crenata, ſed in aculeum abeuntia, inordinate baſi ſua veſtiunt, cujus ſummitas capitulum rotundum cæruleum, Globulariæ capitulo majus, multis floſculis ut in *Succisa* hirsutum.

In Granadæ montibus copioſè oritur.

Locus.

25. *Bellis cærulea Monſpeliaca* Ger. *cærulea caule folioſo* C. B. *Aphyllantes Anguillaræ*, *Globularia Bellidi ſimilis* J. B. *Globularia Monſpeliensium*, *Bellis cærulea* Park.

J. B.

A *floris* pulcherrimi glomeratâ figurâ Globulariam dixerunt quidam: conſtat autem iſt ſtaminulis cæruleis denſè factis, infidens cacumini *caulis* palmariſ & ſeſquipalmariſ, rariùs cubitaliſ, rotundi, ſtriati, ruſcentiſ, *foliis* veſtiti multis, interdum unico, interdum ab eadem radice multipliciſ: alia per terram ſparguntur folia, Bellidiſ proxima, ſolidiora, glabra, nervoſa, guſtu amara. *Radix* lignoſa, dura, fibris donata, rubra exteriùs, interiùs alba.

Circa Monſpelium plurimiſ in lociſ occurrit: quin & ad radiceſ montium Juræ & Salevæ, & alibi *Locus*, tum in Italia, tum etiam in Germania.

26. *Bellis cærulea caule nudo* C. B. *Blue Daiſie with a naked ſtalk*.

Hæc priore elatior eſt, caule proſuſ nudo & aphylo, flore majore, *foliis* anguſtioribùs & duplo triplove longioribùs, atque omnino ſpecie ab ea diſtincta, quicquid repugnat J. Bauhinuſ.

In ſylviſ &amp; montibùs max. Carthuſianorum cœnobio proximis invenimùs.

Locus.

Floret utraque ſpecies per totam æſtatem.

Tempus.

27. *Scabioſa minima Bellidiſ folio* Ger. *Scab. Globulariæ Bellidiſ foliis* Park. *Bellis montana fruteſcens* C. B. *Aphyllantiſ affiniſ*, *Scabioſa quinta Cluſii*, *Bellidiſ affiniſ* J. B.

J. B.

*Ramos* per terram reptanteſ ſpargit, ſubinde demiffiſ fibris radicem agenteſ; alioqui *radicem* primariam lignoſam craſſiuſculam habet. *Folia* Globulariæ ſimilia, ſaturatè virent, glabra, craſſa ſatis, ſed non ut Globulariæ *folia* per extremum integrâ, verùm fiſſa & cordata ex pediculo longiuſculo, ſapore amaro. Pedicelli breves, aliquando ſatiſ longi, inter folia ſurgenteſ *florem* geſtante cæruleum, glomeratum Globulariæ, cui nec diſſimile *ſemen*.

Nſcitur in omnibùs Pannoniæ & Auſtriæ montibùs glabriſ & aſperis, inter ſaxa & ſalebras ſparſa *Cluſ.* Nos ad radiceſ montiſ Salevæ propè Genevâ eam invenimùs. Floret Aprili & Maio: *Tempus*. ſemen Julio & Auguſto matureſcit.

\* 28. *Scabioſa annua integrifolia ſive foliis Bellidiſ* Botan. Monſp.

Magn.

Ex *radice* annua *cauliſ* rectuſ exurgit, ſeſquipedaliſ, hirsutuſ, quem *folia* in ſinguliſ geniculiſ bina oppoſita ambiunt: inferiora Bellidiſ ſunt, ferrata, hirsuta; ſuperiora longiora, ſimiliter ferrata. Cauliſ in quodaſ ramuloſ dividitur, *flores* ut in *Scabioſa* vulgari ſuſtinenteſ pallidè cæruleoſ; quibùs ſuccedit *ſemen* aliarum more.

In ſegetibùs ultra eundo à *la Colombiere* Maio menſe florentem invenit D. Magnol, & verſuſ Ledum *Locus* annem.

## CAP. II.

De *Dipſaco*.

**D**ipſacuſ *Διψακος*, id eſt, ſitibundùſ nomen à contrario inveniriſe dicitur, quoniam cohærentium foliorum ſinu concavo rorem vel imbrem recipiat, quo velut ad ſitiſ injuriâ abigendâ utatur. At \* Voffiuſ Etymologiâſ hæce per antiphrâſin rejicit & explodit. Labrum verò Veneriſ à foliorum etiam poſitu, pelviſ vel lavacri ſpeciem conſtituente, humorem faciei nito. *In Rhetoriciſ.*

Notæ genericæ ſunt cauleſ ſpinoſi, floſculi ſquamis diſjuncti, ſinguli ſinguliſ ſeminibùſ infidenteſ in capitula congeſti floreſ compoſitoſ imitantia.

1. *Dipſacuſ*



A. 1. *Dipsacus sativus* J. B. C. B. Ger. Park. *Carduus fullonum* Lob. **Mannered Teasel.**

f. B.

Duorum aut trium cubitorum, aut etiam majorem altitudinem assequitur, *caule* pollicari, recto, rigido, multis alis concavo, striato, spinulis quibusdam horrente: *folia* bina opposita, ita continua invicem sunt, ut ea caulis transfidat, & concavum labrum excipiendæ aquæ efficiant, ampla, longa, non minus caule horrida: *capitula* quæ pugnum impleant oblonga, uncinatis hamulis rigidissimis, deorsum spectantibus minacia: inter quos *flosculi* emicant tubuli instar, colore ex albo tantillum purpurascens: radice verò nititur lævi candida.

Locus &amp; Tempus.

Seritur apud nos multis in locis, nec vulgari adhibita diligentia colitur ad lanificia. Junio ac Julio floret: echinata capitula Augusto colligenda sunt.

Hujus caulis interdum in latum & concavum utris instar tumidum corpus cochleæ in modum contortum degenerat. Filo autem seu aciei cochleæ creberrimi innascuntur ramuli capitula sustinentes, ut hujusmodi degener planta pulcherrimam speciem exhibeat.

Vires.

Radici hujus usus est in rhagadibus ani consolidandis [ decoctæ in vino ] commendatur & in verrucis abigendis.

Aqua quæ in foliorum concavo reperitur caliginosis & rubentibus oculis prodesse creditur: eadem maculas faciei emendat & exterit. Mulierculæ formæ studiosæ usum ejus optimè tenent. *Trag.* A nostratibus ad verrucas abigendas commendatur.

Hujus, sed præcipuè sequentis, singulis capitulis singuli vermiculi, quos idcirco non immeritò solitarios dixeris non rarò innascuntur, Mouffeto *Insect. theat.* lib. 1. cap. 20. descripti.

Hos impari numero pennâ anserinâ inclusos febre quartanâ laborantium collis amuleti aut remediî loco appendere vulgus nostratum solet. Sunt autem amphibæna hæc animalcula, & caput tangentis digitum retrorsum incedendo properè devitant. Descriptionem vide in *Cat. Cant.*

Usus.

Præcipuus usus capitulorum dipsaci est ad pannos depectendos.

Scrofulas sanat *Carduus fullonum*: in genere specifica qualitate omni putredini resistit, & est medicina cibalis & sapida. Coctus in vino purgat per urinam non secus ac *Asparagus*. *D. Soame ex Observ. Marc. Cumani à Velschie editis.*

Phthificis etiam quodammodo desperatis experimento Guidonis Helidei & Henrici Stromajeri Chirurgi mirè proficuum comperi radicem cardui fullonum tusam & melle exceptam. *Idem ex Observat. Achillis Gasseri.*

A. 2. *Dipsacus Sylvestris* sive *Labrum Veneris* J. B. *sylvestris* aut *Virga pastoris major* C. B. *Dipsacus sylvestris* Ger. Park. **Wild Teasel.**

Radice nititur simplici, fibris majusculis donata. *Caulis* ab eadem radice unicus, ad tres quatuorve nonnunquam cubitos assurgit, teres, striatus, inanis; inferius spinis rariis dispositis, propè capitula creberrimis horridus. *Folia* ima, quæ à radice exeunt, molliora sunt & teneriora, mucronibus obtusis, circa margines crenata, rugosa, pilosa, spinulis rariis aspera, oblonga, angusta. Quæ in caule sunt bina ex adverso eum amplectuntur basibus junctis, adeo ut sinum quandam seu cavitatem circa caulem efficiant, aquæ pluvie continendæ. Sunt autem folia hæc superficie læviora quàm quæ à radice exeunt, mucronibus acutis, circa margines dentata, [ superiora tamen in caule & ramulis ad margines sunt æqualia. ] In omnibus averfa parte spinularum recurvarum series per totam costæ mediæ longitudinem extenditur. In summis caulibus & ramulis, (qui bini oppositi ex alis foliorum exeunt) Spicæ florum densæ, oblongæ, innumeris velut squamulis, in longam, rectam & acutam spinulam desinentibus compositæ; quarum singulæ sinu suo *semina* singula, longiuscula, quadrangula, striata complectuntur, cum flore eis insidente tubuloso, oblongo, pallidè purpureo, margine in quatuor segmenta obtusa diviso. *Capitula* florum plurimis radiis spinosis velut calice quodam ad basin cinguntur.

3. *Dipsacus sylvestris folio laciniato* J. B. Park. *Dipsacus folio laciniato* C. B. **Wild Teasel with jagged leaves.**

f. B.

Procera planta est, duorum triumve cubitorum & interdum altior, radice crassâ, simplici, albâ; caule recto, adversis ramis brachiato, striato, aculeis horrido. *Folia* valde ampla, longa, latæque, spinis duntaxat secundum costam & averso folio armata, non bullata, profundè laciniata, in labri formam coeuntia. Atque hoc quidem genus laciniatum flores habet albicantes, & vulgaris instar quadripartitos, ex aculeorum carina, quibus *echinus* oblongus horret, minoribus tamen & longioribus spinis quàm in *Dipsaco sativo*, nec ut in illo aduncis. *Semen* oblongum, striatum.

Locus.

Copiosè provenit inter Horburgum & Colmariam [ in Alsatia ] observavi etiam inter Roufach & Colmariam. f. B.

A. 4. *Dipsacus minor* sive *Virga pastoris* Ger. *emac. sylvestris capitulo minore, vel Virga pastoris minor* C. B. *Virga pastoris* Park. *pastoris vulgaris* J. B. **Small Wild Teasel or Shepherd's rod.**

f. B.

Tota facie *Dipsacum* refert, quatuor & quinque cubitos alta, caule digitali, glabro, costulis, ex quibus duræ mordacæque spinulæ oriuntur, secundum longitudinem striato, concavo, & in multos ramos brachiato. *Folia* gemina ad genicula enascuntur, opposita, minimè caulem amplectentia, sed pediculo

Pediculo unciali, nonnunquam brevior appensa, infimâque parte auriculis binis donata, post aurículas ab angusto principio sensim dilatantur, & in mucronem desinunt, ac ferrata sunt, spinis quâ terram spectant per nervos dispositis armata. At capitula Diplaco multum cedunt, Scabiosæ capitulis paria, sphericæ figuræ, flosculis albis, quadripartitis, labello reliquis laciniis paulò productiore, quatuor intus staminibus cum apicibus purpureo-ceruleis, confertim stipata. Semina oblonga, angulosa, nigricantia, singula singulis flosculis coherent, quæ squamæ singulæ in longitudinem, & mucronem directæ, mollicellæ, sinu suo amplectuntur. Capituli uniuscujusque basin sex angusta acuta foliola circumvallant. Radix alba, simplex, lignosa, non altè in terram descendens, paucis fibris donata, quæ perfectò semine marcescit.

Si mulieres laborent appetitu depravato laudat Ægineta aquam Virgæ pastoris potatam, & præ-Viter fertim post cibum. D. Soame è Dolæo.

## CAP. III.

## De Carduo Sphærocephalo.

**I**n signi capitis in sphericam figuram conglobati notâ ab aliis quibuscunque plantis primo statim aspectu faciliè dignoscitur.

1. *Carduus sphærocephalus latifolius vulgaris* C. B. *sphærocephalus sive globosus major* Park. *globosus* Ger. *Echinopus major* J. B. **The Globe-Thistle.**

J. B.

Altitudine cubiti unius aut alterius excrescit, *caulibus* crassitudine digitali, purpurascente lanugine obductis, striatis, tactu pinguibus, mansu dulciusculis: quos *folia* ambiunt latiore basi, oblonga, tota tactu glutinosa, profundè laciniata, supernè atro-virentia, infernè incana, utrinque pilosa, multis tamen numeris magis infernè quàm supernè. In caulibus extremis eorûmque alis capitula exactè globosa nascuntur, *flosculis* ex albo cœruleis. Radix mediocris crassitudinis exterius nigricat.

In excelsioribus Ananiæ vallis montibus, lariceis, abiegnis & piceis sylvis refertis, referente Matthiolo visitur: nos in montosis sylvis propè Viterbum quâ inde Romam itur eum observavimus. Locus.

- \* 2. *Carduus sphærocephalus capitulo longis spinis armato* C. B. *sphærocephalus acutus minor* Park. *globosus acutus* Ger. *Spina alba quibusdam capite echinato* J. B. **The great prickly Globe-Thistle.**

J. B.

Perennis est planta *caule* ad cubitorum aliquot altitudinem surgente, striato, in ramos varios diviso: *Folia* plus minus dodrantalia, quædam palmaria, tum alibi, tum ramorum divaricationi subiecta, pronâ parte tomento incano vestita, alterâ viridantia, laciniis divisa ad costam usque profundis, quarum singulæ in uncialem & longiorem rigidam infestamque spinam desinunt; spatia quoque interjecta tota spinis horrent. Singulis ramis *caput* insidet sphericum Cardui echinopi glomeri simile sed spinosum.

Hujus major & minor species sunt (inquit C. Bauhinus) i.e. 1 & 2 Dod. & Lugd.

Quis hujus locus natalis sit apud Botanicos non legimus, nec aliunde nobis constat.

- \* 3. *Carduus sphærocephalus* 4. Dod. *sphæroceph. minimus acutissimis foliis* C. B. Park.

Dod.

Minimus est, foliisque acutissimis ac spinosissimis, capitulo exiguo, cujus flosculi ut primi albidus sunt. Ex brevi hac & generali obscurâque descriptione an hæc sit species distincta necne certò colligi vix potest: pro distincta positam invenio in Hort. Reg. Parisiensis Catal.

- \* 4. *Carduus sphærocephalus* 5. Dod. *Carduus tomentosus capitulo minore* C. B.

Hunc C. Bauhinus Spinam albam 1. & Sp. albam alteram Matthioli facit. J. Bauhinus Spinam albam alteram Matth. Carduo sphæroceph. capitulo longis spinis armato synonymam ponit. Certè apud Matthiolum magna est confusio; unde J. Bauhinus existimat hanc plantam illi fuisse ex sola figura notam, cujus sententiæ nos quoque subscribimus, & Carduum tomentosum capitulo minore C. B. expungendum censemus, saltem tantisper donec certiùs edocti fuerimus.

5. *Carduus sphærocephalus cæruleus minor* C. B. *Echinopus minor* J. B. *Crocodilium Monspeliensium* Lugd.

J. B.

Digito minor est radix, rugosa, in plura capita fissa, ex quorum unoquoque unus *caulis* pullulat, dodrantalis & longior, propter lanuginem densam totus albicans, ex quo prodeunt crebra alternata *folia*, quorum quædam parum cauli longitudine cedunt, alia uncia paulò majora, tenuissimè & ad costam usque incisa, spinosa, infra lanugine molli candidâque, veluti & costa, pubescentia, supernè viridantia. Summo caulis cacumini sphericum insidet *capitulum*, minus quàm Echinopi majoris, *flosculis* cyanei coloris glomeratum. Annua



*Tempus.* Annua est planta, Julio & Augusto florens & Septembri semina maturans, quibus deciduis perit & sequente anno ex iis renovatur.

*Locus.* Spontaneum invenimus non in agro tantum Monspelienfi, sed & alibi in Gallia Narbonensi.

- 6. *Carduus (sphaerocephalus annuus Beticus minor* Moris. prælud. *An Carduus sphaerocephalus annuus* Cam. hort?

*Moris.*

Hic ceteris sphaerocephalis Carduis minor est, vix bipedalem excedens altitudinem. Flores caeruleos minores globulati fert; capita etiam minora, sed semina multo ceteris suae familiae seminibus majora fundit.

## C A P. IV.

### De Eryngio.

**G**raeci Philosophi Eryngium quasi *ἰσχυλόν* i. e. ructum dictum putant, quod caprae quae morfu surculum Eryngii praeciderint, vel deglutiverint cunctum gregem pone sequentem quasi stupore attonitum sistant, donec Eryngium ructu rejecerint. C. B. Gerrae germanae. Ceterum notae Eryngii characteristicae sunt Folia spinosa saltem summa; flores in summis caulibus & ramulis in capitula congesti quibus radiata subsunt folia.

- A. 1. *Eryngium vulgare* J. B. vulg. & *Camerarii* C. B. *Mediterraneum* Ger. *Mediterraneum* si-  
ve *Campestre* Park. **Common Eringo.**

*Radice* nititur longa, minimi interdum digiti crassitudine, molli & tenera cum medulla seu nervo in medio solidiore, exterius nigricante, interius alba, sapore dulci. *Caulis* exinde assurgit teres, striatus, pedalis aut cubitalis & interdum longior, [medulla fungosa alba plenus] summa parte in quam plurimos ramulos divisus, foliis vestitus alternatim positus, glaucis, rigidis & aridiusculis, profundè utrinque ad mediam fere costam laciniatis, [quorum singulae laciniae consimiliter subdividuntur] ad margines undique acutis & rigidis spinis horridis. In summo caule & ramulis spicae [J. Bauhino echini] breves conglobati, dispauci quodammodo similes ni minores essent, flores proferunt albican-tes, apicibus concoloribus donatos, quibus subjecta in orbem folia (verius spinae longae) striata, longiuscula, & mucrone & marginibus spinosis.

*Locus.* In Anglia rarius est, nec nisi duobus in locis à nobis inventum, nimirum, ad trajectum è Devo-  
nia in Cornubiam non procul Plimstio; & in via antiqua Romana *Watling-street* dicta propè *Brook-  
hall* vicum non longè à Daventria Northamptoniae oppido: in exteris omnibus quas lustravi regioni-  
bus ubique frequentissimum est.

2. *Eryngium caeruleum* J. B. *montanum* *Amethestinum* C. B.

Solo summitatum & capitulorum colore pulchrè caeruleo seu Amethystino à vulgari differre vide-  
tur.

*Locus.* In montibus Stiriae invenimus.

*Vires.* Eryngium epatic. nephritic. & alexipharmac. est, ducit urinas & menses, torminaeque ac inflationes  
dissolvit: icterum sanat. *Schrod.*

Radices hujus, sed praecipue Eryngii marini, saccharo conditae principem inter dulciora locum  
obtinent, suntque vel invito Matthiolo, Veneris (ut vocant) incentivae, utiles etiam adversus pe-  
stem & aeris contagionem, manè jejuno ventriculo sumptae, tabidis & macilentis valde proficuae.  
Valent insuper & ad luem Veneream.

Eryngii radix melle aut Saccharo condita maximè confert gonorrhoeae. Flos autem ejus caeruleus  
si bibatur cum aqua confert Squinantiae. *D. Soban* ex Observationibus Marcelli Cumani ab Hieron.  
Velschio cum aliis editis excerptam communicavit.

Adfirmabat Simon Simonius Med. Prof. Lipsiae multis in Italia cum successu familiarissimum reme-  
dium esse ad prohibendum abortum radicem Eryngii veri Cataplasmati modo ventri sub umbilico  
impositum.

*L. 4. C. 5. S. 15.* In nimio menstruorum fluxu, & Rad. Eryngii M. ij. in vino coque. Lavetur probè manè & ve-  
speri linteis calidis post ablutionem impositis. Initium verò ablutionis fiat ponè aures, tunc in cer-  
vice, hinc per totam spinam usque ad os sacrum, postea inungantur illa. Hoc remedio nonnullas in-  
tra triduum sanatas vidit quae nullis aliis curari poterant. *Medicam. Louyse Burgoise. D. Soame è Do-  
lao.*

- A. 3. *Eryngium marinum* Matth. Dod. Ad. Lob. cui & *Acanos* Plinii Ger. Park. J. B. *maritimum*  
& *Gefn. Hort.* C. B. **Sea-holly or Eringo.**

*J. B.*

Radices huic subsunt longissimae, circumquaque profundè vagantes, sapore aromatico. Folia plu-  
rimùm pullulantia ex longis pediculis, nihil aut perparùm laciniata, ferè rotunda, latiora tamen ut-  
cunque quàm longiora, interdum latitudine palmum excedentia, crassa sive spissa, albicantia vel  
glaucæ.



glauca, uti tota planta, quæ in lacinias abeunt non tamen admodum profundas in adolescente planta, sed rigidorum spiculorum mordacitate multò infestiores, nec crassitudinem illam etiam ficcata amittunt, licet nervosiora appareant, multò etiam quàm Mediterranei latiora. *Caulis* cubitalis, valdè ramosus. *Capita* extremis ramulorum inter pungentia folia sedent, *flores* proferentia albidòs. *Semina* duo juncta, lata, quæ cum spinis undique sint oblecta, vix impunè eximi possunt.

Non modò in calidiorum regionum, quales sunt Hispania, Italia, Gallia Narbonensis & similes, *Locus.* sed etiam frigidiorum & ad Septentrionem vergentium, ut sunt Anglia, Belgium, Hollandia, atque aliæ adhuc iis frigidiores maritimis arenosis frequens sponte nascitur, & radice sub terrâ vagatur, ut rectè J. Bauhinus.

• 4. *Eryngium Indicum* Bontii.

*Bont.*

Quod ad folia attinet, *Eryngio* maritimo vulgari simile est: *flore* tamen omnino differt, qui spicatum prodit, non secus ac flos *Lavendulæ*, nisi quod longè major sit; coloris est ex cœruleo pallidi; florens per totum annum conspicitur, & libenter circa paludes crescit; & longa spatia occupat, læto sanè ob pulcherrimos flores aspectu. *Radix* habet aromaticam & blandè calidi saporis.

Ego radices hic saccharo condiri jubeo, & illis cum summo successu exhibeo, qui paralyti Indici, *Vires.* *Beryberii* incolis dicta, laborant, quod in meipso expertus sum, dum molestissimo & pigro hoc malo per quatuor continuos menses miserrimè decumberem. Copiosas quippe urinas hæc radix elicit, & sudare facit, tum Asthmari, quod plerunque hoc malum comitatur utilissima est; neque ego inter vegetativa medicamenta ullum præstantius reperiri posse confido ad expectorationem pituitæ falsæ & crassæ; ut taceam notissimas ejus vires adversus calculum & renis affectus. Colicum quoque dolorem temperato suo & blando colore confestim sedat, & flatus intestinorum discutit.

• 5. *Eryngium pumilum* J. B. *montanum pumilum* C. B. *pumilum Hispanicum* Clus. Park. *pumilum Clusii* Ger. Dwarf Sea-Holly or rather Eringo.

*Clus.*

Palmi est, nonnunquam pedis, altitudine, *caule* gracili, multis ramis ex adverfo ut plurimum nascentibus prædito. *Folia* circa radicem in rotæ speciem humi sparguntur, majuscula, latiuscula & molliora: at quæ in ipso caule sub alis nascuntur, multifida sunt, tenuia, in ambitu serrata & aculeata. Ramulorum summitatibus globosa insident capitula, octo plerunque spinosorum foliorum ambitu stellæ instar circumvallata, ipsa etiam spinosa. *Flos* & tota capitula cum suis foliolis ea ambientibus cœrulei sunt coloris. Succrescente planta folia secundum radicem in orbem nascentia marcescunt, deinde alia caulem ambientia exiccantur & decidunt, ut rarò plantam [cùm defloruit] cum foliis, præsertim inferioribus reperire liceat. *Radix* dura quidem & lignosa, sed quæ non vix sit, & singulis annis semine maturo pereat, semineque deciduo renascatur.

Post menses plerunque invenitur passim agro Salmanticensi, & nusquam alibi.

*Locus.*

• 6. *Eryngium pusillum planum* J. B. Ger. *planum minus* C. B. Park. Small, smooth Eringo.

Humile erat (inquit Clusius) statim à radice in plures ramos divaricatum, teretes, rotundos procumbentes: ad quorum singula velut genicula nascebantur inordinata folia, extremo latiuscula, circa pediculum angustiora & crenata: quæ verò circa radicem, formâ quidem illis similia, sed ampliora, unciam lata, binas aut amplius longa, ex viridi pallescentis coloris: frequentes ex alis ramuli nascebantur, ad quorum singulos nodos foliola, & echinata virentiæque capitula exoriebantur. Florem observare non licuit. *Radix* satis crassa & aliquot fibris donata: quin & procumbentes cauliculi plures secundum radicis caput crassiusculas fibras agunt, quibus subinde se firmant.

In hortis Jo. Mutoni à Lobelio, nec alibi visum, neque à Clusio in loco natali observatum: unde Mutonus habuit ignorabant, certè non dicunt.

7. *Eryngium Pannonicum sive montanum* Park. *latifolium planum* C. B. *planum latifolium*, capitulo rotundo parvo J. B.

*Clus.*

Bicubitalem vel ampliorem habet altitudinem: *caulem* firmum, striatum, medullâ albâ plenum, ac veluti nodis distinctum, præsertim qua parte eum amplectuntur latâ & membranacea sede folia, tres aut plures uncias longa, duas lata, viridia, venosa, in ambitu serrata & aspera nonnihil, subamaro acrisculoque gustu: quæ verò circa radicem nascuntur longiora latioraque sunt & oblongis pediculis innituntur: summus caulis in aliquot ramos divisus breviora folia habet, eaque in profundas lacinias divisa, & mollibus spinis prædita. Summæ deinde alæ in aliquot ramulos desinunt, echinata capitula ferentes, sphericæ ferè rotunditatis, in quibus multi cœrulei flosculi albicantibus staminibus præditi: sub ipsis autem capitibus novem aut plura, oblonga, angusta, aculeata foliola, stellæ instar expansa: ipsa porro capitula cum summis ramulis, supremæque caulis parte, interdum vetustate cœruleum prorsus colorem adquireunt. *Radix* in novellis plantis digiti crassitudinem & longitudinem æquat, aliquot fibris donata, foris subhirsuta, intus alba, carnosâ, gustu dulcicula, perinde ac *Eryngii* marini radix: vetustate subinde grandescit, & in plures alias radices extuberat, singulis annis ex lateribus frequentiores caules proferens: aliquando tamen hoc in ista planta observabam, ut producto semine subsequens hyems illam prorsus corrumpere, præsertim cultioribus locis.

Frequens nascitur in pratis ad Danubium supra infræque Viennam sitis, & in hortos illatum feli- *Locus &* *Tempus.* *Tempus.*

L I

• 8. *Eryngium*.



\* 8. *Eryngium capitulis Psyllii ex Sicilia* Bocconi.

Bocc.

Ad Eryngii plani genus pertinet: quòd capitulis Psyllii proveniat sic appellavimus. Constat enim radice tuberosa, ad Raphani formam accedente. Cum primum folia oriuntur sunt glabra, rotunda, indivisa, sed per oras laciniola, longissimis & capillorum instar tenuissimis pediculis pendencia. Caulis pedalis, capitulis in summitate & caulium alis spinosis, Psyllii quodammodo æmulis, è quibus flosculi prodeunt purpurei. Subsunt etiam singulis horum capitum foliola angusta, longa, dura & pungentia, multo longiora iis quæ in vulgari conspiciuntur.

Locus.

In neglectis agris & aridis utplurimum locis magnâ copiâ nascitur circa Saccam, Panormum & Agrigentum, &c.

9. *Eryngium Alpinum latis foliis, magno capite, oblongo, cæruleo* J. B. *Alpinum cæruleum, capitulis* Dipsaci C. B.

J. B.

Plurimum capitum est radix pollicaris terram versùs comosa. Folia prima plusquam cubitalibus nixa capitulis, Calthæ palustris, eodem modo propter pediculum falcata, sed mucrone acutiore, per ambitum serrata; alia per caules ad ramorum divaricationem laciniata & profundè incisa, cærulea potissimum suprema, quemadmodum & caulis ipse cum ramis. Echini magni, oblongi, densissimo creberrimorum cristatorumque foliorum, cæruleorum, echinum superantium vallo latent medii.

Locus.

J. Bauhinus hoc genus reperit in monte Thuri florere incipientem Julii principio: Nos quoque vidimus Genevæ delatum ex montibus vicinis, non tamen in loco natali ortum, quamvis sedulò perquireremus.

\* 10. *Eryngium trifolium* Park. *Crefoil Eringo.*

Park.

Multa initio à radice Rapunculo simili, aromatica emittit folia longa, angusta, dura, interdum tripartitè divisa: quæ verò caulem ad intervalla obsident pleraque omnia tribus foliis seu laciniis ad pediculum junctis componuntur, ut in trifoliis. Summos caules occupant duo aut tria capitula Eryngii montani plani familia, quorum basès foliola angusta circundant. Semen quoque illius simile parvum, latum & oblongum.

Vires.

Radices Urinam cient & Venerem irritant.

Hæc Parkinsonus, qui nec unde, nec à quo hanc plantam habuerat meminit. Fortè Guil. Boelius ex Africa aut Hispania detulit.

Præter species suprascriptas aliam adhuc vidimus in horto D. Berardi pharmacopolæ Gratianopolitani, foliis imis subrotundis, profundè tamen incisis, in tres præcipuè partes seu lacinias insigniores, circa margines spinosis, colore (quantum meminimus) glauco Eryngii marini: caule brevi foliis paucis in angustas lacinias ad pediculos usque divisis, segmentis in acutas & rigidas spinas excurrentibus, donato. Capitula oblonga fuere ex aculeatis squamis composita, & ad basin foliolis angustis, oblongis acuminatis, utrinque spinosis obvallata.

# HISTORIÆ PLANTARUM LIBER NONUS.

QUI EST

De Plantis flore perfecto feminibus nudis solitariis:  
Deque UMBELLIFERIS.



PRIMI generis Plantas quoniam ob paucitatem suam uni libro complendo non sufficerent, Umbelliferis præmittendas duximus.

Præmittendas, inquam (nam & alii ante nos, isque probatissimi Botanici, partim ob nonnullarum cum Umbelliferis convenientiam in foliis, partim ob similem in aliis florum dispositionem, in muscariis Umbellas mentientibus, eas Umbelliferis subjunxerunt) ob ordinem seminum singulis floribus succedentium, quæ in hoc genere singularia sunt seu solitaria, in Umbelliferis bina.

## PARS PRIMA.

De Herbis flore imperfecto, seminibus nudis, solitariis, hoc est, ad singulos flores singulis.

HUJUS generis plantæ characteres genericos adeò insignes & velut fronti impressos ac spectantibus obvios gestant, ut nullo negotio tum à se invicem, tum ab aliis omnibus queant distingui. Hi sunt in

*Valeriana* semina papposa, ut alios omittam.

*Valerianella* Caulis & ramuli dichotomi.

*Plumbagine* locus maritimus, caules foliosi, flores speciosi, colorem mutantes.

*Limonio* pariter locus maritimus, at caules nudi, flosculi parvi.

*Mirabili Peruviana* Ramuli alternatim è foliorum adversorum sinubus egressi; flores monopetali speciosi, in eadem planta diversicolores, caduci.

*Linaria adulterina* flores in summis ramulis pentapetali, fructui insidentes.

*Passerina Tragi* Fructus in aliis foliorum sessiles, folia Linariae.

*Agrimonia* flores hexaphylli, fructus lappacei cum duobus in singulis nucleis; folia pinnata.

*Circea* flores dipetali, fructus pariter lappacei, folia integra.

*Pimpinella sanguisorba* folia pinnata, flores & semina in spicis densis, semina quadrata, quibus flores insident tetrapetali staminosi.

*Thalicthro* folia Umbellatarum modo divisa, flores staminosi, semina ut in Umbelliferis striata.

*Fumaria* Folia composita, flores spicati, ad papilionaceas accedentes, in calcar retrorsum producti, pediculo è media parte egresso hærentes.



## CAP. I.

## De Valeriana.

**V**aleriana à Valerio nescio quo dicta existimatur: aliis à valore seu valentia, quia multis & insignibus facultatibus valet.

Characterum abunde habet quibus ab aliis herbarum generibus facile possit distingui. **I** sunt Caulis teres concavus, foliis ad intervalla binis aduersis cinctus: Flores monopetali velut in umbella: Semina ad singulos flores singula, nuda, pappo innascente alata.

1. *Valeriana major odorata radice* J. B. *bortensis* Ger. *bortensis*, *Phu Olusatri folio* Dioscoridis C. B. *Phu majus* sive *Valeriana major* Park. **Great Garden Valerian** or **Setwall**.

*Caules* huic bicubitales, teretes, glabri, inanes, foliis vestiti per intervalla longiora ex aduerso binis, latis pediculis caulem amplexis, aliis [primo scil. erumpentibus] integris, aliis Centaurii majoris modo profundè dissectis & velut alatis. Ex alis foliorum versùs caulium summitates erumpunt *ramuli*, in quibus ut & in summis caulibus *flores* velut in umbellis, parvi, albi, ex oblongo tubo in quinque segmenta rotunda expansi, totidem stamina apicibus albis donata cum stylo tricuspidate continentibus. Singuli autem flores singulis insident *feminibus*, oblongis, compressis, in acutum definentibus, colore citrino, in divaricatione ramulorum umbellas componentium absque pediculis sessilibus. Dilapso flore in apicibus feminum se explicat lanugo papposa, in orbem radiata, velut in Hieraciorum feminibus, cujus ope vento huc illuc deferuntur. Ad singulas Umbellarum divisiones & subdivisiones apponitur hinc inde foliolum angustum, oblongum, acutum. *Radix* subest transversim posita, digiti crassitudine, rugosa, multis fibris donata albicans, sapore & odore aromatico radicum ferè Asari.

Locus.  
Vires.

In hortis plurimum colitur: Reperitur etiam in quibusdam altis montibus in sylvis. **J. B.**

*Radix* ut & herba ipsa Alexipharmaca, sudorifera, ac diuretica sunt. *U*sus præcip. in imbecillitate visus, peste, [hinc miscentur Antidotis, Theriaca & Mithridatio] asthmate, vetere tussi [cum dulci radice uvis passis & Aniso decocta] pleuritide, obstructione Hepatis [ictero] Lienis, Ureterum, Hernia, &c. Extrinsecus confortant visum, maculas oculorum abstergunt [in aqua aut vino decocta & guttatim instillata] cephalalgiam sedant, menses cient, sudorem promovent [in balneis] exsiccant, catarrhos [suffitu] bubonum ac Anthracum malignitatem corrigunt, globulos sagittales extrahunt; ulcera inveterata mundificant. Hæc omnia Schroderus, & nimis sanè multa. Audiamus C. Hofmannum; non opus habes (inquit) honoratis illis titulis, quibus Dodonæus illam onerat. Hoc imprimis certum est valde diureticam esse.

*P*ulvis radice hujus plantæ sponte orta, antequam caulem edat cochlearis dimidii mensurâ cum vino, aquâ, lacte, aut alio quovis decenti succo semel aut bis sumptus Epilepsiâ correptos liberat, siquidem *dr* & *ss* purgat. Hujus vim & in aliis multis, & in semetipso expertus est doctissimus & veracissimus F. Columna, & confirmat Panarola. Sylvius quoque plus ei tribuendum putat quàm Præoniz, ut quod sale volatili abundet.

Nostrates vulneribus levioribus folia trita imponunt, unde à nonnullis **Cut-finger** appellatur.

- A. 2. *Valeriana sylvestris major* Ger. C. B. Park. *Sylvestris magna aquatica* J. B. **Great wild Valerian**. *Q. An Valeriana sylvest. major montana* C. B. ab hac specie differat?

**J. B.**

*Radix* ex pluribus composita est fibris, albis, gustu aromaticis, reptatu subinde sese-propagantibus. *Caules* ad humanam altitudinem exurgunt, recti, fistulosi, longis internodiis intercepti, striati, modicè hirsuti, quorum genicula amplexantur basi sua folia Valerianæ sativæ, magis pinnata, pinnulis ad margines dentatis, saturatiùs virentia, nonnihil averfa parte hirsuta. *Flores* in umbella, sativæ similes, ex albo purpurascens, singuli è longo tubo in quinque segmenta totidem folia imitantia aperiuntur, pediculis autem carent, & in ipsa ramorum divaricatione sedent: singuli quoque feminibus insident singulis, nudis, lata basi, acuto mucrone, umbellâ lanuginosâ radiata, cujus beneficio vento asportantur.

Locus.  
Vires.

In humectis locis & propè aquas, inque sylvis & dumetis non rarò invenitur.

Hæc, autore Dodonæo, ruptis, convulsis, ex alto præcipitatis utilis est. Sed & folia ad oris & gingivarum cum inflammatione exulcerationes & aphthas prodesse dicuntur. Aiunt & radices aridas tusasque drachmæ pondo cum vino sumptas infra supràque purgationes moliri: superius diximus Epilepticis conducere.

- A. 3. *Valeriana minor* Ger. *sylvestris minor* Park. *palustris minor* C. B. *minor pratensis vel aquatica* J. B. **Small wild or Water-Valerian**.

**J. B.**

*Radice* tenui serpit, quaque terram attingit è geniculis demissis fibris majusculis albis, fibrillis suis capillatis radicator, sapore amaricante. *Caulis* dodrantalis, angulosus, striatus, cavus, geniculis aliquot interceptus umbellam sustinet florum ex candido rubescentium, ut in Valeriana sylvestri majore,



maiore, minorem tamen; quorum singulorum ora in quinque lacinias minutas reflexas divise, apice altiusculo, tricipite: Sed & umbella interdum ex foliorum cauliculi alis prodit. *Folia* alia integra, subrotunda parva, pediculo longo; alia, ut ea plerumque quæ in caule conspiciuntur, bina opposita, pediculi expertia, ima parte laciniata & quasi pinnata, superiore integra & oblonga, sapore nonnihil amaro & viscido. Singulis flosculis, ut in reliquis hujus generis, singula succedunt *semina* pappo innascente alata.

In palustribus & ad rivulos ubique frequentissima est.

Locus.

A. 4. *Valeriana aquatica minor flore minore.* The lesser wild or Water-Valerian, with a small flower.

Hæc præcedente nonnihil major est & elatior. *Caulem* habet majorem & firmiorem: *Folia* quoque majora & magis conferta. Tres plurimum in caule foliorum pinnatorum conjugationes obtinet, cum superior duas tantum. *Flores* in hac specie densius in corymbum stipati, in illa laxius diffusi in umbellam, & quo maxime ab ea differt quintuplo quam illius [præcedentis] minores. Ex superiore foliorum conjugatione in hac specie surculos florum umbellas parvas sustinentes nondum exeuntes vidi, quod in illa frequentissimum est: quin etiam flores pallidiores sunt.

Isdem cum præcedente locis oritur, eodemque tempore floret.

C. Bauhinus duarum aliarum *Valerianæ* palustris specierum meminit. Primam vocat *Val. palustrem majorem profundè laciniatam*: alteram *Val. palustrem inodoram parvum laciniatam*, quæ à palustri minore vulgari non alia in re differt quam quod folia ad radicem minime laciniata sunt, verum integra omnia; quarum descriptiones apud ipsum in Prodomo vide.

Locus.

5. *Valeriana rubra Dodonæi* Ger. Park. *rubra* C. B. *latifolia rubra* J. B. Red Valerian.

J. B.

Digitali circiter *radice* nititur, lignosâ ferè, sapore *Valerianæ*: è qua *caules* surgunt cubitum & sesquicubitum alti, teretes, leves, colore cæsi, fistulosi: ad quorum singula genicula *folia* bina adversa, ex lata basi caulem amplexantia, in acumen desinentia, laciniis quibusdam subinde donata, pinguis, glauca, quorum quæ minora sunt plurimum referunt *Papaveris* spumei vulgò dicti folia; sunt autem sapore subacri. *Flores* in muscariis dependent, perquam conferti, amœni, colore purpurascente, quorum singuli quinquepartiti, oblongo sed admodum tenui tubulo, virenti pedicello agglutinantur, corniculum insuper calcaris instar protendentes: *Semen* papposâ cristâ *Valerianæ* modo succedit.

*Meslanæ* in muris antiquis oritur: in Italia quoque locis plurimis è muris & saxorum rimis erumpit. Æstate floret. Variat interdum in hortis satis floris colore albo.

Locus.

6. *Valeriana rubra angustifolia* C. B. J. B. Park. Narrow-leaved red Valerian.

J. B.

*Valerianæ* rubræ *latifoliæ* similis est quod ad *flores* suave-rubentes, calcari donatos, in pappum abeuntes: *caulis* quoque bicubitalis, perfoliatus: At quæ per eum conspiciuntur *folia* plurimum differunt, sunt quippe palmi fere longitudine, latitudine culmi, in acumen desinentia. Valdè ramosa est & fruticosa.

Ubi J. Bauhinus eam reperit, ibi & nos quoque, nimirum Nantur Sabaudorum, in colle extra portam quæ itur Genevam ad dextram. Provenit quoque copiosè in rupibus montis Lupi propè Monspelum.

Locus.

7. *Valeriana Alpina foliis integris, radice repente inodora.* Mountain-Valerian, with undivided leaves.

*Radices* huic longæ, fibris donatæ, repentes, germina subinde protrudentes: *Folia* *Valerianæ* aquaticæ aut *Violæ*, ex rotundo oblonga, pediculis longis infidentia, non laciniata, nè illa quidem quæ in caule existunt, obiter nonnunquam dentata: *Caulis* pedalis, teres, striatus, concavus, duplici ut plurimum foliorum pari vestitus. *Folia* hæc pediculis vel nullis, vel brevibus donantur; longiora quidem sunt & acutiora iis quæ ad radicem, non tamen laciniata nè ad pediculos, verum *Valerianæ* rubræ *Dodonæi* foliis similia, in omnibus quas mihi observare contigit plantis. *Flores* in summo caule velut in umbellam exiguum compacti, albentes, *Valerianæ* sylvestris simillimi, uti sunt & *semina*. *Radix* nec saporem, nec odorem, quem quidem ego percipere potui, aromaticum habuit.

Hæc planta in monte Saleva propè Genevam satis copiosè provenit: æstate floret. A Nardo Celtica odoris carentiâ distinguitur, ut & à *Valeriana* minima *Nardifolia*.

Locus.

\* 8. *Valeriana Alpina minor* Park. *Alpina angustifolia* Ger. *Alpina Nardo Celticæ similis* C. B. *Valeriana minima Nardifolia* J. B?

Clus.

Huic bina aut terna è radice exeunt *folia*, *Bellidis* montanæ foliorum penè æmula; è quorum medio *caulis* affurgit pedalis, rara habens folia, inter se opposita, angustiora & minora. Supremus *caulis* in ramulos finditur, qui *flosculos* sustinent albos, reliquis *Valerianis* sylvestribus fimiles: *Semen* quod subsequitur non etiam diversum: Ejus *radix* aliarum *Valerianarum* Alpinarum modo, in saxorum ferè commissuris serpit nec minus odorata est proximè sequentis radice.

Provenit inter saxa ad fluvium Myrtz, quod monasterium Neuberg alluit.

Locus.



9. *Valeriana Alpina* J. B. *Alpina prima* C. B. *Alpina latifolia* Ger. emac. *Alpina major sive latifolia* Park. *Mountain Valerian with Throatwort-leaves*. *Valeriana Trachelii folio* Hort. Pat.

*Radice* longa, odorata, subdulci, scopulorum rimis se infigit, altè impacta. *Folia* ad radicem *Trachelii* majoris foliis perfimilia, oblonga, è basi latiore in acutum mucronem desinentia, circa margines quodammodo serrata aut dentata, obscurius virentia [C. B. pallidè virentia] glabra, nervis majoribus, pediculis longis appensa. *Caulis* cubitalis, teres, concavus, rubescens, [sapore resinoso, acriusculo J. B.] tria quatuorve obtinet foliorum paria, pediculis brevibus aut nullis, angustorum, geminis pinnulis seu auriculis donatorum. [Flosculi in umbellam digesti, plurimi, minuti, purpurascens ut *Valeriana* sylv. minoris J. B.] *Radix* & aliæ etiam plantæ partes odorem expirant *Violar*, satis vehementem, qui à longinquo sentitur, saporem etiam habent aromaticum.

Locus &  
Tempus.

In sylvosis ad latera montis Salevæ propè Genevam invenimus. Hujus plantæ descriptiones apud Clusium, J. Bauhinum & Casparum fratrem in nonnullis discrepant. Fortè ratione loci variat nonnihil & faciem mutat.

Planta J. Bauhino descripta in monte Saleva reperta est, Aprilis principio florens: Nostra quoque cum eam invenimus mense Junio jam defloruerat. At quam C. Bauhinus in monte *Wasserfall* collegit Julio floruit.

- \* 10. *Valeriana Alpina Scrophulariæ folio* C. B. J. B. *An eadem cum præcedente? atque etiam cum Valeriana altera* C. B?

C. B.

*Radice* est nigricante, aliquantùm torosâ, nodosâve: *caule* cubitali & sesquicubitali, unico [interdum pluribus] cavo, striato, viridi: *foliis* senis, septenis, longis pediculis donatis, quorum quædam subrotunda, quædam oblonga, quædam leviter sinuata: at quæ caulem cingunt paucæ sunt, *Scrophulariæ* foliis æmula, uncias tres longa, sesquiunciam aut unciam lata, acuminata, leviter crenata, bina semper juncta. *Caulis* in summo in longas, tenues alas brachiat, quibus *flores* pallidè rubentes, *Valerianæ* sylvestris fimiles infident.

Locus.

In monte *Wasserfall* collegimus.

Videtur (inquit Clusius) utramque [hanc & præcedentem] una descriptione & figurâ expressisse, *Valerianæ* sylv. *Alpinæ* primæ latifoliæ nomine. Et tamen in Pinace hanc Clusii *Valerianam* ab utraque specie distinctam facit.

- \* 11. *Valeriana bulbosa* J. B. Imper. *An Nardus Cretica Belli? Nardus Cretica Filipendulæ radice* C. B? *Valeriana Cretica tuberosa* Park? *Nardus montana Cretica* Alpin. exot.

Prima emittit folia *Hyoscyami* albi æmula, sed paulò minora, at sequentia profundè dissecta. *Flores* quales *Valerianæ* majoris. *Radix* subest singularis, bulbosa, *Nardum* spirans. Quapropter *Nardo* montano simillima cum forma, tum odore.

Locus.

Incola est montium Liguriæ.

*Nardum* suam *Creticam* H. Bellus ep. 4. ad Clusium sic describit:

Herba est *Valerianæ* simillima, odore, caule, flore, & forsàn etiam semine, quod longiusculum & depressum est, figura ad Lini semen accedens, & in pappum desinens. *Folia* prima herbacei sunt coloris, rotunda at Asari esse videantur, interdum majora, crassa, succi plena; quæ deinde subsequuntur paulò longiora sunt & nonnihil incisa, quibus alia magis secta succedunt, & similiter alia, ut tandem ultima, antequam *caulis* emergat, *Valerianæ* majoris foliarectissimè æmulentur. *Caulis* *Valerianæ* perfimilem habet, concavum, ad sesquicubitalem altitudinem assurgentem, quem bina folia *Valerianæ* divisurâ utrinque per intervalla ambiunt: *flores* albos in Umbellis, *Valerianæ* fimiles, majores aliquantulum, odoratos: *radicem* tuberosam; ex primaria enim cui *Caulis* nititur, minimique digiti est crassitudine & longitudine, tenues quædam radices per terram sparguntur, quibus aliæ tuberosæ adnexæ, ut in *Filipendula*, *Nardi* odorem referentes. Tota hyeme viret, & novo vere caulem emittit, qui Aprili aut Maio marcescit & exiccatur; tota autem hyeme radices sub terra latent, & Autumno primis imbribus germinare incipiunt.

Locus.

Oritur humentibus collium locis, inveniturque etiam inter saxa.

- \* 12. *Valeriana tuberosa* J. B. Imper.

*Folia* producit effigie simillima *Valerianæ* minoris, sed crassiora: *flores* albos instar majoris, aliquantum odoratos. *Radices* tuberosæ odorem referunt *Nardi*.

Locus.

Nascitur in montibus Liguriæ.

Has tres *Valerianas* tuberosas specie inter se distingui vix possum à meipso impetrare ut credam: mihi pariter ignoræ sunt, proinde plura non habeo quæ de iis dicam.

- \* 13. *Valeriana annua Clusii* Ger. *annua sive æstiva Clusii* Park. *foliis Calcitrapæ* C. B.

Clus.

Hæc statim à radice multa *folia* promit, humi diffusa, viridia, instar foliorum *Calcitrapæ* vulgò appellatæ, sive *Cardui* muricato capite, laciniata, inter quæ prodeunt aliquot *caules*, rotundi, cavi, ramosi, binos cubitos ferè alti, virentes, quem ad singulos nodos utrinque ex adverso amplectuntur *folia* inferioribus minora, laciniata etiam, *Valerianæ* sylvestris vulgatoris foliorum æmula.

Summis



Summis ramis extremoque caule sustinentur tanquam umbellæ *florum* quinque foliis constantium, non dissimilium floribus *Valerianæ Indicæ*, coloris rubri dilutionis, ad carneum tendentis: in ramulos excrescunt tandem illæ veluti umbellæ, & *semen* ferunt quale pæne *Valerianæ rubræ* sed minus. *Radix* alba & satis lignosa, quam tamen subsequens hyems corrumpit.

Floret æstate, & subinde in autumnum usque floribus & semine onusta conspicitur.

Tempus;

14. *Valeriana annua Sicula* quæ à præcedente diversa videtur. An *Valeriana minor annua* Park?  
*Alpina minor* C. B.

*Radix* ei simplex, mollis: *Caulis* singularis, erectus, quadratus, ab imo statim ramosus: *Folia* bina ex adverso ad singula internodia *Valerianæ sylvestris* majoris, laciniata. *Flores* parvi, purpurei in extremis ramulis, alii supra alios alternatim scandentes. Color totius plantæ ruber; Sapor amarus.

In promontoriolo *Punto Cerciolo* dicto in Sicilia.

Locus

## CAP. II.

De *Valeriana Nardo Celtica* dicta.

- \* 1. *Nardus Celtica* J. B. Ger. *Celtica* Dioscoridis C. B. *Alpina* Clus. *Nardus sive Spica Celtica* Park.

Clus.

Integros interdum cæspites occupat serpendo *radix*, & latè summa tellure sese inter muscum diffundendo: oblongi procumbentisque humi *ramuli*, tenues, plurimis veluti foliolis aut siccis squamis circumsepti, subinde fuscas & nonnihil capillatas fibras agunt, summa parte in unicum aut bina ternæ extuberant *capitula*, aliquot longis, secundum caput angustis, deinde in latitudinem paulatim se laxantibus foliis, satisque crassis & succulentis plena, colore dum primum emergunt viridi, deinde sub autumnii initium aut æstatis finem flavescente, gustu amariuscule: palmaris aut dorantal, nonnunquam etiam major, inter ista emergit *cauliculus*, satis firmus, ut in minoribus *Valerianis* sylvestribus geniculatus, bina ad singulos nodos habens inter se opposita exigua foliola; cui circa summum ex singulis alis enascuntur pedicelli, binos aut ternos *flosculos* coloris pallidi sustinentes, quibus succedunt semina *Valerianæ sylvestris* *Alpinæ*, saxatili præsertim [*Valerianæ minimæ Nardifoliæ*] proxima, paulo tamen minora. Tota planta aromatica est, & radicem *Valerianæ sylvestris* odorem æmulatur.

Copiosè provenit (inquit J. Bauhinus) in Alpibus Germaniam ab Italia dispendentibus. Monto-  
fis gaudet Genuensibus, Liguriæque Alpibus sterilibus. Locus.

Autore Clusio, copiosè nascitur in summo *Judenberg* Stiriacarum Alpium jugo inter muscum, saxosis locis. Ibi mensè Augusto floret sub ipsis ferè nivibus, folia deinde promit cum illa dissolvere & diffuere incipiunt. Legitur autem ab incolis sub Augusti finem & Septembris initium cum folia flavescere incipiunt, tum enim summam habet odoris gratiam, quæ caret cum folia primum promit, & adhuc viridis est.

- \* 2. *Nardo Celticæ similis inodora* C. B. An *Nardus Celtica altera* ejusdem? Park. *repens* Ger?

C. B. Prod.

*Radicula* est oblonga, rufescente, capillata; ex qua *folia* aliquot oblonga, in latitudinem paulatim sese laxantia, longis pedicellis donata, viridia primum, dein flavescentia exurgunt; inter quæ *cauliculus* tenuissimus, palmaris, rariùs altior effertur, circa cujus medium *foliola* duo oblonga angustissima: *cauliculus* in pedicello abit, qui *flosculos* oblongos pallidos, ut in *Celtica*, sustinent, qui in *semina* exigua abeunt. Inodora est.

Hanc in Baldo & Alpibus Sumano conterminis legit C. Bauhinus.

Locus.

- \* 3. *Nardus ex Apulia* C. B. *Saliunca Neapolitana*, sive *Nardus ex Apulia* Park. *Nardus sive Saliunca Neapolitana* J. B.

J. B. Lugd.

In tam exigua planta conspicua est *radicis* crassities rugosæ, utrunque flavescentis, fibris capillatæ, in nodos extuberantis, è quorum lateribus hinc inde folia prodeunt, ut ex ea figura serpere radicem & editis illis nodis se propagare non abs re existimem. *Folia* illa oblonga sunt, angusta, Plantagini utrunque similia, infernè arcata, supernè latiora. Sapore & odore Planta ista *Valerianam* refert, ut non dubitem ob odoris suavitatem egregiis adversus morbos varios facultatibus præditam esse, ac Folii loco substitui posse.

Ex brevi hac & imperfecta descriptione non certò scimus quò referenda sit hæc planta, suspicamur tamen eandem esse *Nardo montanæ* Clusii.

- \* 4. *Nardo*



\* 4. *Nardo Celticae similis Hirculus* J. B. C. B. *Hirculus* Ger. *Hirculus Clusii* Park.

Clus.

Plantula est *Nardo Celticae* similis, candidior tamen, & veluti ex viridi cinerea, sine cauliculo, minoribus brevioribusque foliis, villosa admodum secundum radicem & nigricans, nulla odoris jucunditate. Folia præmanla nullum aromaticum saporem reddunt, sed lenta & viscida sunt, cum *Nardi Celticae* folia calida sint, cum aliqua tamen adstrictione, odore saporéque jucunda.

Ex brevi hac & imperfecta descriptione non constat ad quodnam genus referenda sit hæc planta: utcumque hic locum habere permisimus, nè quid in Historia nostra desiderari Lector quereatur.

\* 5. *Nardus montana radice olivari* C. B. *Nardus montana* Ger. Clus. *montana tuberosa* Park.

Clus.

Tuberosam habet radicem quæ quotannis adnatis aliis valde se propagat, multisque & quasi capillaribus fibris, infima parte & summo capite prædita est, ex qua stolones oriuntur foliis ex atro-virentibus supernè & splendentibus, nec in ambitu serratis infima parte onusti, deinde aliis in lacinias dissectis, uti pænè *Valeriana* majoris folia, sed minora, quòque stolones magis adoleſcunt, eos magis dissecta vestiunt folia, ex adverso semper sita. Summo caulis fastigio confertim nascuntur flores, *Valeriana* sylv. floribus non dissimiles, odorati, minùs tamen quàm radix, quæ sylvestris *Valeriana* radicum odorem valde æmulator.

Locus.

Neapoli è monte Virgineo erutam ad Clusium misit Fer. Imperatus.

*Nardum montanum* radice oblonga C. B. cum Parkinsono nostro huc omnino referendam cenſeo, cum radix vel ratione loci vel ex aliquo accidente facillè variare possit.

Vires.

*Nardus Celtica* calfacit & siccatur, viriùmque earundem est cum spica Indica: majore tamen cum utilitate adhibetur in urina cienda, ventriculo roborando, flatibus discutiendis. Extrinsecus additur malagmatis unguentisque calefacientibus. Schrod. Pannonibus frequens ejus usus est in capitis lotionibus.

Nobis ut genere & facie externa cum *Valeriana*, ità & viribus convenire videtur.

### C A P. III.

#### De *Valerianellis*.

**O**B aliqualem formæ similitudinem *Valerianis* accensentur hæ plantæ. A *Valerianis* tamen genere differunt, cum semina papposa non habeant, prout illæ. Præterea caule dichotomo seu in binos ramos semper divaricato non à *Valerianis* solum sed & ab aliis omnibus quas novimus herbarum generibus differunt, & primo statim aspectu dignoscuntur.

A. 1. *Valeriana campestris inodora major* C. B. *Lactuca agnina* Ger. Park. *Locusta herba prior* J. B. *Lambs Lettuce* o? *Corn-Sallet*.

J. B.

Parùm interdum palmum superat, aliàs dodrantalis, radice donata tenui, ad imum fibrosa, gustu subdulci & ferè insipido: folia tenera & delicata, longitudine semunciali, unciali aut sextantali, latitudine trientem uncia parùm excedentia, colore herbaceo, subrotunda, nullo pediculo appenda, sapore ferè eodem cum radice; à qua unica caules plures, angulosi, tenues brachiati, binæque ramulorum conjugatione semper divisi. Inter foliola summorum ramulorum stosculi simul aliquot pulchelli, albi aut dilutè purpurâ languentes, oblongi, in quinque lacinias dissecti apices amplectuntur tenuissimos, obtutum ferè fugientes. Semina rotunda, compressa parumper, in summo acuta, & per obliquum rugis quibusdam exarata, albicantia, satis magna pro plantulæ modo, atque antequam perfectè siccescant defluentia.

Locus.

Vires.

Frequens est in agris, vineis & hortis, teste Tabernam. & experienciâ.

Refrigerans est hæc herba & nonnihil humectans, facultate ac temperamento *Lactucæ* haud dissimilis; cujus loco hybernis & primis Veris mensibus inferitur, ac cum aceto, sale & oleo jucundè editur, velut alia acetaria, inter quæ haud postremum locum obtinet. J. B.

Agni hujus pastu multum delectantur & juvantur impinguanturque, ut aiunt, unde nomen *Lactucæ agnina* obtinuit.

A. 2. *Lactuca agnina* seu *Valerianella foliis serratis*. *Locusta altera foliis serratis* J. B. *An Valeriana sylvestris foliis tenuissimè divisis* C. B? *Small Corn-Sallet* o? *Valerian with jagged leaves*. *An Valer. min. annua* Par?

Radix ei simplex, alba, paucis fibris donata, tenuis. Folia quàm *Lactucæ agnina* vulgaris minora & angustiora; quæ in superiore caulis parte existunt [ad divaricationes scilicet] ex adverso bina, altius incisa seu serrata. Caulis dodrantalis & interdum pedalis, erectus, rigidus sed tamen tenuis, striatus, subhirsutus, in binos ramos divaricatur, & hi rursus in binos ramulos, & deinceps ramuli



ramuli in binos furculos, &c. nam Planta hæc divisione sua semper dichotomiam observavit. *Flores* in summis ramulis plures simul, parvi, purpurascens, in quinque folia seu potius lacinias divisi. *Semina* pro plantæ ratione satis grandia, per maturitatem ex ruffo fusca, nonnihil striata, figurâ ferè gigarti seu vinacei, sed multò minorâ.

Inter segetes non admodum infrequens est. A *Lactuca agnina* differt, quòd elatior sit, quòd *Locus.* folia angustiora obtineat & ad basin serrata; denique quòd seriùs floreat, circa finem scilicet Junii.

Folia hujus non sunt tenuissimè dissecta, ut vult C. Bauhinus.

An *Valerianella* vulgaris species major serotina *Morif. prælud.*

*Locus* inter segetes, & tempus florendi serotinum, & altitudo pedalis, & figura erecta conveniunt.

\* 3. *Valeriana echinata* C. B. *Valerianella cornucopioides echinata* Col.

*Col.*

Ex radice tenui, admodum Vulgari simili, flavicante, parùm odora, atque gustu *Valerianæ*, folia emittit breviora, vulgatè non dissimilia, minora parùm, atque lævia, *Valerianam* sylv. minorem æmulantia, binos aut ternos per ambitum sinus habentia *Hieracii* lanosi modo, semidigitum lata, longa verò duas uncias quæ imò cauli hærent, magisque profundè serrata.

In alis quidem, quæ hærent latiora, & in lobos utrinque magis scissâ & majora, ut alata videantur: eodémque modo superiora, sed minora semperque decrefcentia. *Caulis* duas uncias longus, geniculo in medio interceptus, in quo folia bina ex adverso opposita ut in reliquis, (è quorum alis ramuli exeunt quod notandum) compressus, lævis, canaliculatus, in summo bifurcatur lævibus, cavis & expansis ramis, divisione sua dichotomiam semper observantibus, atque circa divaricationum geniculos semper crassescens; in quorum summo velut tubuli parùm compressi, etiàmque canaliculati, crassiores, latiores breviorisque cæteris internodiis, inversam pyramidem effigiantes, latiores scilicet in summo & crassiores, angustis foliolis exiguis alati insunt; in quibus [veluti fructus in *Cornucopia*] capitula sunt, basin foliaceam quodammodo habentia, floribus confertis exiguis *Valerianæ* aut *Nardi* flosculos æmulantibus, ex purpureo-cæruleo albicantibus, supra fructus corniculatos, brachiatos & aduncos infidentibus composita. Quibus Junio mense decidentibus, atque fructibus crassescens majora fiunt cornicula, duriora & flavicantia vel pallentia, remanentque cornicula densa, copiosa atque adunca per orbem, atque tam floribus quam fructibus onusta planta *Cornucopiam* æmulatur cacuminibus.

Est & inter binos tubulos summos in qualibet ala interceptus fructus etiam, qui veluti compressus ob loci angustiam inter illorum sinus conspicitur oblongior cæteris. Æstate perficitur. Planta tota pedalis est altitudinis, nec minus latitudinis occupat coma summa expansis alis.

In montanis umbrosis udis oritur, ut propè *Podium Poponisicum* *Æquicolum* castellum *Comi-Locus.* tatus *Marerii* dicti, & in *Valuensium* montibus.

4. *Valeriana semine stellato* C. B. *Valerianella altera tenuifolia, semine Scabiosæ stellato* Col. *Valeriana petræa* Park. Ger.

*Col.*

*Radicis* formâ aliisque qualitatibus supra scriptas æmulatur. Folia ei angustiora, minúsque incisa sunt in imò; at è medio caule erumpentia quatuor lacinis longis dividuntur, *Nardi* vel majoris *Valerianæ* ritu *Vulpis* umbram sine capite describentia: quæ verò juxta alas hærent quinquepartita aut trifida sunt, angusta & longa, *Ajugæ* divisurâ & magnitudine, atque in summo tenuiora. *Caulis* semipedalis est, rectus, solidus, purpurascens, superne brachiatus, bifidum ordinem in alarum divisione servans, juxta folia (ex adverso posita) canaliculatus sicuti & alæ. In summo totius plantæ sexdecim insunt umbellulæ, eaque binæ cohærentes, è floribus confertis, exiguis admodum, ex albo purpurascens, tenuissimis staminulis è medio erumpentibus compositæ, fructibus infidentibus utriculorum effigie, qui floribus decidentibus stellati evadunt, sex radiis divisi, in medio parùm cavi, atque *Scabiosæ* modo cartilaginei, quorum corpus hirsutum est, atque umbilicatum vel fissum tritici modo sed profundius.

Æstatis fine perficiuntur atque rufescunt siccata. Marcescitque planta. Junio florida invenitur. *Tempus*

Natalis *locus* idem qui præcedenti: in *Apulia* quoque *Cirinolanis* agris *Aprili* mense observavi- *Locus.* mus.

Datur hujus varietas seminibus duplo majoribus, quæ *Valerianella* nostras major *Scabiosæ* semine. *Morif. prælud.*

\* 5. *Valerianella altera nudo umbilicato & lævi semine* Col. *Phy. minimum* Ad. forè minima Park. *sylv. foliis tenuissimè divisis* C. B.?

*Col.*

Variat hæc à superiore florum basi magis virente, atque angustioribus longioribusque foliolis constructa. Floribus etiam paulò majoribus, sed umbellis minoribus, atque flore & fructu singulis inter summas alas interceptis vulgaris modo & *Cornucopioidis*: Fructu nudo, trigono, lævi, acutiore in summo & quodammodo trifido, sed umbilicato, eodem quo superior modo, etiàmque rufescente cum siccatur. In reliquis cum superiore convenit.

Duplicem varietatem proponit D. *Magnol* in *Indice* plantarum *Monspeliensium*, alteram semine rotundo, alteram semine oblongo, utramque inter segetes nascentem; hanc folia albidiora non dissecta, semen oblongum, umbilicatum, quàm illius albidius obtinere scribit.

\* 6. *Valerianella*



\* 6. *Valerianella semine hirsuto extremo umbilicato* Moris. prælud.

Hæc semina gerit uvarum acinis figurâ similia, sed hirta & ad extremum umbilicata, seu magis cava.

\* 7. *Valerianella semine hirsuto, minore rotundo* Moris. prælud.

Hujus semen est hirsutius prioris feminibus, valdè caucalis minoris semini quoad figuram accedens.

Locus.

Sponte provenit in Picardie novalibus.

8. *Valeriana Mexicana* Ger. *Indica sive Mexicana* Park. *peregrina seu Indica* J. B. *peregrina purpurea albâve* C. B. æquo jure Italica possit dici.

J. B.

Dodrantis & cubitalis est planta, radice nixa tenui, brevi, candidâ, multis fibris capillatâ, sapore amaricante, non sine acrimonia aliqua aromatica. Caulis ferè repandus supinûve magna ex parte, partim erectus, longitudine dodrantali, lævis, concavus, teres, subrubens, striatus, alternis adversisque conjugationibus serie quadam sæpius bipartitus. Alarum divaricationibus, (incipienti præsertim) apposita, folia bina, priora ex adverfo sita, duas trêve uncias longa, unam, rariùs duas, lata, Nardi montanæ similia [Plantaginis latifoliæ, ferè minora,] uberiore nervorum divisurâ, tenera, pinguis, sapore aromatico, quorum quæ superiora minora sunt, & ad exortum denticulis obiter crenata. Flores quasi in umbella, inodori, suave-rubentes, interdum albi, ex longo tenuisque corniculo in quina folia dissecti, [quorum duo superiora breviora & latiora, inferiora tanquam labra pendula, & medium reliquis longius] Ocymastri Valerianthi, sed sine calcari: quibus delapsis succedunt vascula oblonga, fungosa, articulis distincta, foliolis quibusdam obsepta, crassa, concava, in plures calices divisa, in quibus vasculum latitat, velut in foliaceum corniculum bipartitum, in quo semen longiusculum.

Locus.

Circa Messanam Siciliæ sponte & quidem copiosè oritur; unde non est cur eam ex Indiis accersamus. C. Bauhinus quoque in Latio & in Sabinis provenire audivit; & alibi proculdubio in Europa sponte exit.

Planta hæc revera anomala est, verùm ob caules dichotomos, & quoniam alii eam Valerianellis annumerant, hic relinquendam censui.

## CAP. IV.

## De Plumbagine seu Dentellaria.

**M**olybdæna Plinii nobis dicta videtur à plumbeo foliorum colore; aliis quia manûs volam inficit plumbeâ maculâ radix parum detenta Molybdæna Plinii censetur. F. Columna pro Tripolio Dioscoridis habet, cujus rationes apud ipsum vide.

Sui generis planta esse videtur, ideòque non opus est ut assignemus notas generis Characteristicas cum ex ex descriptione peti possint.

*Plumbago* Plinii Ger. *Dentillaria Rondeletii* J. B. *Lepidium Dentellaria dictum* C. B. *Lep. Monspeliacum Dentellaria dictum* Park. *Tripolium Dioscoridis* Col. *Headwort.*

Col.

Radix fibris longis, crassis carnosiss dividitur, odorata, gustu fervida. Folia Glaſti, atro-virentia, latiora, pinnis caulem complexa, Glaſti vel Drabæ modo, majora atque obtusiora, semper in caule decreſcentia, per ambitum denticulis exiguis aspera. Caules à medio ad summum in alternos ramos crebrò diductos habet, purpurascens [J. B. nigricantes] striatos, plures ab eadem radice, cubitales & sesquicubitales. Flores cacuminibus hærent, acervatim primò congesti, calycibus viridibus, hirsutis crassâ, viscosâ obſitis inclusi, cum aperiuntur quinquepartiti, colore ex purpuro-cæruleo candicantes, deinde magis colore saturantur purpureo, ut variare videantur, ac postremò clausi & marcescentes puniceo. Puniceus quoque color est in floris tubulo oblongo è calyce tantundem exerti: in quo deinde semen oblongum, tritici ferè magnitudine, cortice virescenti, tenui, atque intus libro purpuro-cæruleo chartam inficiente affricu, quod deinde siccatum in nigrum vertitur, medullâ intus albâ & amarâ. Folia acri sapore sunt, at radix fervida; unde Rondeletius pro Pyrethri radice ad dentium cruciatum mulcendum eâ uti solitus, Dentellariam appellavit plantam.

Tempus &  
Locus

Æſtatis fine & Autumnno floret. Circa Neapolin toto maritimo tractu à Neapoli ad Romam, item circa Syracusas in Sicilia, & Monſpelium in Gallia Narbonensi copiosè provenit, locis semper meridiei expositis, atque maris afflatui subiectis, quanvis à mari interdum remotioribus, observante Columna; nunquam Septentrionalem plagam respicientibus, quanvis mari propinquis.

Tripolium dictum est quia ter variat seu vertit floris colorem. Col.

Molybdæna Plinii nonnullis censetur, quia manûs volam inficit plumbeâ maculâ radix parum detenta.

Equorum

Equorum dorſis ſellæ compreſſione ulceratis contuſam & appoſitam efficaciffimè mederi plurimos teſtatos eſſe ſcribit F. Columna, qui in propriis equis experti ſunt, nec vermes oriri, & quæ primùm exſiccari ulcus atque cicatrizari aſſeruerunt.

## CAP. V.

## De Limonio.

**L**imonium à *λεμον* pratum nomen ſuum obtinuit, quia irriguis pratis & conſimilibus locis gaudet. At Limonium nunc dierum vulgò dictum herba eſt maritima, in ſaliſ paluſtribus & clivis maritimis proveniens.

Abundè innotefcit & ab aliis plantarum hujus claffis generibus diſtinguitur loco natali & caulibus nudis ramofiſ.

- A. 1. *Limonium* Ger. *majus vulgatiuſ* Park. *maritimum majus* C. B. *majus multis*, aliis *Ben rubrum* J. B. tom. 3. app. *Sea Lavender*.

J. B.

*Radice* craſſa, rubente, guſtu adſtringente, & in capita quædam diviſa nititur. *Folia* inde oriuntur Lapathi minora, leviora, politioraque, minùs atra, ſed hilari virore tincta: inter hæc *caules* ſurgunt pedales, tenues, nudi, multis ramis latè diductis patuli, per quos ordine conſcendunt *flores* denſi, in unam ferè partem vergentes, ex albo cœrulei, parvi, monopetali in quinque lacinias totidem petala imitantes diviſi, *calyculis* rubentibus.

Singulis ſoſculis ſingula ſuccedunt ſemina nuda, quibus calyx pro vaſculo eſt, oblonga, ruſcentia.

In ſaliſ paluſtribus inque clivis maritimis frequentiffimum eſt.

Locus.

Alteram ſpeciem à Lobelio inventam in agris Colceſtrenſibus prope mare memorant Cluſius & Parkinsonus. Gerardus quoque Limonium minùs à ſe obſervatum ſcribit in clivis maritimis inſulæ *Thanet* propè *Margate*. Nos unam duntaxat Limonii ſpeciem in Anglia ſponte provenienteſ hactenus obſervavimus, quæ tamen magnitudine inſigniter variat ratione loci in quo oritur: major ſcilicet quæ in paluſtribus ſaliſ, minor eſt quæ in clivis & rupium fiſſuris.

Semen Limonii, ut & herba ipſa, aſtringit, proinde diarrhœæ, dyſenterix, hæmorrhagiæ & ni- *Vires* mio menſium fluxui medetur, ut Veteres prodiderunt, & Neoterici etiam conſentiunt.

2. *Limonium parvum* Narbonenſe *Olea folium* Lob. *minus maritimum Olea folio* C. B. *parvum* Ger. *Narbonenſe parvum* Park.

J. B.

Facie convenit cum Limonio majore, verùm *caules* humilioreſ; *ſoſculi* non ità cœrulei in album magis inclinant, copioſi. *Radix* eadem, dura, rubra, adſtringens: *folia* per terram ſparſa, ſatiſ craſſa, interdum tamen exigua, per extremum rotunda.

Inter ſalebroſa litora & rupes montis Ceti, & alibi Norbonæ & Gallo-provinciæ ſaxoſis oriri frequentem ſcribit Lobelius. *Locus.*

Nos in litoribus propè Monſpelium duas invenimus Limonii minoris ſpecies: alteram minorem & humiliorem cauliculis palmaribus, in plures ramulos diviſiſ, floribus minoribus, copioſioribus, al-  
bentibus, è calyculis minoribus caneſcentibus: alteram majorem, *floribus* majoribus, magis cœruleis, nec ità confertiſ & copioſiſ in ſummiſ caulibus, è calyculis majoribus, rubentibus. Hujus flores magnitudine, colore, creſcendi modo, & calycum colore propiùs accedunt ad Limonium vulgare quàm illius. Hanc ſpeciem eſſe putamus quàm C. Bauhinus in Prodomo deſcribit ſub titulo *Limonii maritimi minoris foliolis cordatiſ* illam, cujuſ ſynonyma & deſcriptionem hoc in loco è J. Bauhini Hiſtoria dedimus.

3. *Limonium maritimum minus foliolis cordatiſ* C. B. J. B. *minus foliis cordatiſ* Park.

C. B. prod.

Ad *radicem* craſſam, lignoſam, ruſcentem, parumque fibroſam *folia* plurima, denſa, carnoſa, lævia, ſubrotunda, per terram inſtar ceſpitiſ ſparguntur, in quibuſdam plantiſ obtuſa nulloque mucrone prædita; in aliis in ſummo ſinum habentia, & cordiſ formam referentia: inter quæ *cauliculi* plures, inæquales, trium, quatuor etiam ſex unciarum, teretes, nudi prodeunt, in plurimoſ breves & recurvoſ ramuloſ diviſi, *ſoſculiſ* frequentibuſ, parviſ, pallidè rubentibuſ onuſti.

In litore maritimo circa Maſſiliam & Livornum reperitur.

Locus.

- \* 4. *Limonium parvum Bellidiſ minoris folio* Bauh. pin. *pumilum* Cluſ.

Cluſ.

Multis exiguiſ *foliolis*, Bellidiſ minoris penè foliorum inſtar à ſumma radice prodeuntibuſ præditum eſt, inter quæ *cauliculi* prodeunt frequentes, elegantibuſque ſoſculiſ onuſti. Ejus *radix* Betæ radicis ſimiliſ erat, minor tamen & ſubruba.

Circa



Locus.

Circa Valentiam Hispaniæ observavit Clusius: *D. Magnol* in maritimis versùs *Perauls* & *Magoniam*.

- \* 5. *Limonium minus annuum bullatis foliis, vel ecbioides* Botan. Monsp.

Magnol.

*Folia* multò quàm in *Bellide* minora producit, plurimis extuberantiis exasperata, subtus rubra. *Cauliculum* habet palmarem, in quo *flores* quinque foliis retusis constantes insunt, pallidè purpurei, cum linea in medio intensius purpurea. *Radix* parva, quæ singulis annis perit.

Locus.

Oritur in maritimis montis Ceti, & in locis siccis ultra pontem *Salenovæ* ad dexteram.

- \* 6. *Limonium lignosum gallas ferens* Bocconi.

Bocc.

Pulcherrimum (inquit) profectò est *Limonii* hoc genus, etiam bacciferæ *Salviæ*, in calidis *Cretæ* locis proveniente, raritate & elegantia par. *Radix* ei lignosa, coloris rubri *Brasilii*, humano crure subindè crassior atque prolixior: ab hac *cauliculi* plures, in multiplices alas distributio, humi sternuntur, *Polygoni maris* modo, circa quos folia *Oleæ* vel *Halimi* vulgaris æmula conspiciuntur, tactu aspera: quandoque unà cum *cauliculis* (supra quàm cuiquam credibile est) numerosâ gallarum seu potius nodulorum seu tuberum provenientium copiâ onusta *Ramorum* pars superior. Ex iisdem gallis nodulifve, atque ex ipsius plantæ foliis sæpenumero procreantur & protruduntur oblonga foliola furcata, versùs extremum unguis avium referentia, ac sursum erecta: quorum è sinu alternatim exeunt *flores* *Plumbaginis* aut *Syringæ* cœruleæ florum formâ: *Gallæ* autem interdum quæræ glandis magnitudinem æquant.

Locus.

Agrigenti locis incultis magna fecunditate luxuriat.

Ad promont. *Pachynum* in loco *Brazzetto* dicto absque gallis invenitur: nec mirum, cum *Gallæ* hæc nihil aliud sint quàm excrecentiæ è puncturis insectorum oriæ, ut sint ovorum & sætuum matrices & nutriculæ: Proinde specificæ differentiæ notæ non sunt, sed potius signa quædam accidentalia & externa, cum unum aliquod insecti genus naturæ instinctu, unam aliquam herbæ speciem compungit, quæ ex viroso contactu aut humore immisso apta est in huiusmodi excrecentiam intumescere & ovo sætisque commodum hospitium & nutrimentum præbere.

- \* 7. *Limonium Siculum folio cordato* Bocconi.

Bocc.

*Radice* constat pollicaris crassitie non sine fibris: *Foliis* humi jacentibus longis ab angustis in latitudinem paulatim sese laxantibus, quæ per extremum cordis figuram efficiunt, modo quo pingitur. *Caulis* brevior est: *flores* cœrulei & semen quale in cæteris.

Idem esset cum eo quod à *Bauhino* describitur in *Prodromo*, nisi obstaret foliorum longitudo, quæ in nostro notatu digna est.

Locus.

Propè *Panormum* & *Augustam* inveni copiosum.

- \* 8. *Limonium marinum fruticosum hirsutum* Bocconi.

Bocc.

Densa *ramorum* digitalis crassitie congerie fruticat, oblongis, cordatis hirsutisque foliis, crassis etiam, ac instar *Sedi* cujusdam in orbem compositis, *ramorum* cacumen occupantibus: è quorum centro *Cauliculus* interdum exit cum flore & semine, uncialis vel biuncialis, aliquando longior.

Locus.

In *Insula* *D. Margaritæ* & scopulis saxifve ad oram maritimam *Gallo-provinciæ* fitis plurimum oritur.

An hoc à *Limonio* maritimo minimo *C. B.* specie omnino differat, merito quis dubitat. *Bocconus* diversum facit.

*Limonium maritimum minimum* *C. B. minimum* Park.

*C. Bauhinus* sic describit.

Tota planta uncias quatuor vix excedit; nam ad *Radiculam* oblongam, rufescentem, in summo divisam foliola minima subrotunda, crassa, *Sedi* instar compacta, inter quæ *Cauliculi* unciales pauculos flosculos pallidè rubentes vel subcœruleos sustinentes exsurgunt.

Locus.

Hoc in insula quadam non longè *Maffilia* provenit.

- \* 9. *Limonium reticulatum supinum* Bocconi.

Bocc.

*Folius* oblongis parvis *Monspeliensi* non multum absimile est; sed effusa cauliculorum veluti jubâ longè elegantius. *Pedales* illi sunt & longiores *Cauliculi*, in ramulos plurimos divisi, qui geniculatim angulosi deveniunt, atque hinc & inde flectuntur, & sese invicem secant, ut incrementi progressu, multiplici atque numerosa in semetipsos implicatione, visendâ novitate reticuli speciem ritè figurent.

Hujus *Limonii* satis ferax *Melita* est. Idem etiam invenit *D. Magnol* propè pagum *Perauls* non longè *Monspelio*, in paludibus quæ sunt propè locum dictum *lou Boulidou* permixtum cum *Narbonensi*

nenfi Olea folio, Septembri mense florentem. Observavit etiam D. Wheeler alicubi in Græcia verum locus excidit. Vide ipsius Itinerarium.

10. *Limonium foliis sinuatis* Ger. peregrinum Rauwolfii Park. peregrinum, folio Asplenii C. B. *Limonium quibusdam rarum* J. B.

Clus. J. B.

Multa ad eadem radice producit hæc planta folia, palmium aut amplius longa, binas uncias lata, crebrisque profundioribus incisuris divisa, ut quodammodo Asplenii folia imitarentur, subhirsuta, crassiusculo nervo prædita, substringentis saporis, humi in orbem fusa; inter quæ excrescebant aliquot cubitalis longitudinis aut ampliores caules, firmiores, satisque asperi, tribus membranis crispis secundum longum sagittarum pennatas alas imitantibus donati, adeo ut angulosi videantur, per intervalla alternatim, tribus, angustis triangulisque foliis, tres uncias plus minus longis acuminatis, Graminis cyperoidis aquatici foliis similibus, & iis quidem rudibus etiam & asperis cineti: desinebant autem illi in multos ramulos similiter alatos, sustinentes frequentia capitella, è quorum singulis simul conjuncti emergebant terni, quaterni, interdum etiam quini aut seni flosculi, concavi, unico folio membranaceo constantes, tanquam parvi calyces, per oras striati & fimbriati, coloris cærulei dilutioris, sed immarcescibilis, è quorum umbilico in nonnullis exilientem conspicebam alium flosculum altius assurgentem quinque foliolis prorsus niveis constantem, & aliquot candida stamina continentem. J. Bauhinus paulò aliter describit flores hoc modo;

Extremis ramulorum hærent numerosi, congesti flores, Echii florum modo nonnihil recurvi, coloris cyanei, quorum singuli unico folio constant crispo, parvo, patulo ore cælum spectantes plurimum, Scabiosæ Hispanicæ florum singularibus flosculis pares, nec ita dissimili figurâ. Calyculi uniuscujusque floris, pluribus contexti segmentis, lanugine asperiuscula horrent.

Radix in planta Clusio descripta oblonga erat & crassiuscula, à capite ad imum sensim gracilescens, & raris, brevibus, tenuibusque fibris prædita, fusco cortice tecta, intus rubra. Perennem esse conjectabatur Clusius; nobis autem certò constitit, cum in Sicilia essemus.

In Sicilia ad mare variis in locis oritur. Nos in insula ad promontorium Pachynum, & ad promontoriolum Cerciole dictum non longè à Castello Puzallu observavimus, utrobique copiosè. In Malacensi Baticæ portu observavit Augerius Clutius; circa Gades Boelius. Locus.

Non est hæc planta vera & genuina Limonii species, sed quia ab omnibus qui de ea scripserunt Botanicis huc refertur, iis subjungendam duximus. Descriptio imperfecta, omisissimum seminum numero, figura, conceptaculis nos incertos relinquit ad quam Classem propriè pertineat.

In planta in Sicilia collecta quam siccam asservat D. Phil. Skippon, flores densè stipati erant, ad modum ferè florum compositorum, singuli autem monopetali, campanulas imitati, margine integro & minimè dissecto, crispo tamen nullis calycibus tecti: verum eorum tubi substantiæ erant solidioris: & durioris coloris batici aut leucophæi obscurioris in sicco, & in se continebant vel seminis vel vasculi feminalis oblongi rudimentum.

Duo præterea Limonii genera quæ Africana vocat, à Guilielmo Boelio accepta describit & depingit Parkinsonus: Primum humilius erat, vix palmum altum, caule adinstar Rauwolfiani alato; foliis, non ut in illo oblongis, aut dentatis, sed subrotundis & ad margines nonnihil sinuatis seu undulatis floribus pallidè cæruleis.

Secundum elatius, cubitali propemodum altitudine caulibus pariter alatis, ramosis, ramulis lentis & lignosis; foliis prioris similibus, ut & flosculis: ut præcipua differentia sit in magnitudine. Hæc ex ficcis.

- \* 11. *Limonium flosculis elegantissimis* Francisci de Honuphriis.

Honuphr.

Multa à radice pollicaris crassitudinis folia producit, oblonga, viridia, lævia, crispa, in acutum apicem desinentia, humi procumbentia alia, alia verò surrecta, ex adverso nascentia; è quorum finu caules exeunt pedales, ramosi, rotundi, firmiores quàm in cæteris Limoniis, aliquando alati, terni aut quaterni circa imum expansi, ubi florum elegantissimorum copia insidet, qui seorsim animadversis vulgaris Limonii flores æmulantur, majores tamen & candidiores, quinque foliolis acuminatis constantes, è calycibus brevibus foliolis, viridibus, acutissimis & veluti spinosis compositis prodeuntes, comam argenteam & veluti gemmis onustam constituentes; & ex hinc pulchritudinis speciosa. Totius plantæ sapor amariuscule & salus. Semen nobis ignotum (quia minimè hætenus protulit) ut & locus natalis.

## CAP. VI.

### De Mirabili Peruviana.

**P**lanta est exotica, ex America in Europam illata, à mira colorum in ejusdem plantæ floribus varietate dicta. Ejus notæ sunt ramuli non bini ex adverso è foliorum sinubus egressi, sed singuli alternatim ex hac & illa parte, flores speciosi, caduci, variorum non raro in eadem planta colorum.



1. *Mirabilia Peruviana* Ger. Park. *Hachal Indi* sive *Admirabilis Peruana* Clus. *Solanum Mexicanum flore magno* C. B. *Jasminum Mexicanum* sive *Flos Mexicanus multis* C. B. *The Marvel of the World*.

Clus. 7. B.

*Radice* nititur crassa, *Mandragoræ* simile, cubitalem longitudinem sæpe excedente, paucis fibris donatâ, circulos Mechoacæ instar, si transversa secetur, ostentante, foris nigrâ, intus albâ, sapore primum fatuo, deinde nonnihil acri, & fauces vexante, quæ terram versùs in cervicem paulò minorem, rugosam definit. *Caulem* promit cubitalem aut bicubitalem, vel etiam interdum amplio-rem, pollicari crassitudine, succulentum, firmum, ex viridi flavescentem, frequenter, uti *Ballaminæ* feminae caules, geniculatum, & in multos ramos, eisdemque similiter nodosos divi- sum, qui ex ipsis prodeunt non bini utrinque ex adverso oppositi, (ut in aliis caulibus foliis biju- gis cinctis fieri solet) sed singulares, duntaxat, idque alternatim, ita ut qui ordine sunt impares [primus seu infimus, tertius, quintus, septimus &c.] in eandem stipitis partem spectent; & rur- sus qui ordine pares [secundus, quartus, sextus, &c.] in contrariam. *Folia* in singulorum ra- morum nodis bina, adversis pediculis semper nascentia, *Siliquastri* foliis pænè similia, viridia, satis carnosa, succulenta, circa pediculum ampla, extremo mucronata, quæ trita *Siliqua- stri* gravem odorem, gustata verò ingratum saporem, & tandem illius vel foliorum *Tabaci* etiam acrimoniam propemodum referunt. *Flores* in extremorum ramulorum alis singuli, longi, concavi, in quinque sinus antequam aperiuntur complicati, explicati verò *Tabaci* floribus non valdè dissimiles, non tamen in mucronatos angulos ut illi desidentes, sed in obtusos, *Convolvuli* florum instar, *Tabaci* floribus etiam ampliores, elegantissimâ interdum purpurâ sive *Kermesino* colore nitentes, nonnunquam lateritiâ, aliquando flavi aut pallentes, interdum prorsus albi, vel exalbidi duntaxat, nonnunquam obsoletè rubentes aut flavescentes, sapissimè binis coloribus si- mul elucescentibus multifariam virgati, aut maculati, aut variegati; odoris satis suavis & *Nar- cissinum* quidpiam referentis, sex oblongis staminulis, stilôque paulò longiore è medio flore emergentibus. Valdè autem caduci sunt hi flores; nam cum noctu explicari incipiant, postridie sub horam octavam antemeridianam (per æstus præsertim) sese contrahere incipiunt florum *Convolvuli* modo, at temperatiore aurâ integro nonnunquam die expansi permanent, & sub noctem duntaxat contrahuntur, singulis tamen diebus alii recentes aperiuntur, qui si integri quo- tidie decerpantur & inter chartas reponantur (diu enim colorem retinent) atque deinde inter se conferantur, iisdem quidem coloribus constare deprehenduntur, at eorundem situ & mixtione inter se variare. Diutissimè virescit, & à Julio mense ad Octobrem usque (nisi pruinae interve- niant) numerosâ florum sobole luxuriare solet. Calyculi flores amplectentes in quinque mucro- natas lacinias sunt divisi, virides & quasi membranacei, in quibus unicum semen nullâ mem- branâ sive pericarpio conclusum mucrone, cui flos infedit, obruso, infima verò, qua cauli ad- hæret, parte tanquam exiguâ coronâ ornatum, pentagonum ferè, bacca myrti propè magni- tudine, initio viride, maturitate fulcum, & quibuldam veluti tuberculis obsitum, vel levissima com- motione decidens, nucleumque continens album, qui tritus in candidissimam, & amyli instar nive- am friabilemque pulverem resolvitur.

*Radix* vivax est, verum in nostris regionibus, si in terra relinquatur, brumali frigore & humore corrumpitur. Asservari potest vel arenâ obruta, vel chartâ emporeticâ involuta, & in loco sicco non nimis calido reposita. Sed exigui momenti (inquit Clusius) est compendium illud conser- vandarum hyeme radicum, nam novo vere terræ commissa forsitan flores proferent quindecim die- bus antequam illæ plantæ quæ semine terræ eodem tempore credito sunt natae.

Plantæ ex semine cui rubri flores insident ortæ, nullos alios flores dant quàm rubros: idem eve- nit in semine aliorum colorum floribus succedente fato. Plantæ enim inde enatæ nullos producant flores diverforum colorum. Quocirca si flores variegatos desideras, oportet ut semina, quibus flores variegati insident serenda eligas.

Nullus dum hujus plantæ in medicina usus est. Ejus quæ vario est flore radices duas drachmas intus sumptas egregiè aquas educere ad Clusium scripsit Cortusius.

Ex farina panis conficitur. *Radix* tuberosa comeditur. D. Palmer.

2. *Admirabilis Peruviana rubra aliud genus* Clus.

Clus.

Quæ hujus generis plantæ Clusio enatæ sunt superiore genere longè ampliores erant & latissimè ramos spargentes. *Folia* in hoc genere magis atra, magisque splendentia, alterâ parte magis pro- minula, & inferiùs suum exortum in nervo habentia. *Flores* oblongiores, tenuiores, externâ etiam parte minùs ampli: *Semen* brevius & crassius; *Radix* etiam brevior & crassior altera.

Magis serotina est reliquis, & nisi Solem valdè apricum habeat vix ad frugem pervenit in frigi- dioribus regionibus.

Illud mirum in omnibus his plantis & observatione dignum, quòd cum tabescere incipiunt, pri- mum folia, deinde integri ramorum articuli simul decidunt, & circa nudos jam remanentes nodos candida quadam efflorescentia interdum adnascatur, quæ temporis successu concreta lalis gustum re- terat. Clus.

3. *Solanum Mexiocanum Jasminum Indicum dictum flore minore.* C. B. Prod. *Solanum Mexicanum parvo flore sive Mirabilis Peruviana minor.* Park.

C. B. Prod.

Hæc à vulgari in hortis culta potissimum magnitudine differt, omnibus plantæ partibus minoribus, & foliis rotundioribus existentibus. Totus flos unam quintam partem majoris non assequitur, ita ut hujus quini flores majoris unum in circumferentia non æquent. Stamina & stylus longius extra florem producuntur. Semen quadruplo minus est.

- \* 4. *Atzoyatl seu Mirabilis Mexicana* Hernandez.

Hernand.

Folia fert hirsuta & mollia, & figuram cordis, quanquam longiora sunt, æmulantia: caules numerosos, geniculis rubris interstinctos: flores extra rubros, intra verò candentes, palmum longos, calicum prolixiorum formâ, ac radices fibris-similes. Saporem & odorem Anisi præfert, non sine quadam acrimonia.

Frigidorum montosorumque locorum alumna est, & flores Septembri mense emittere solet.

Hæc planta omnibus suis partibus in tantum differt ab Admirabili Peruviana, ut non tantum specie, sed etiam genere ab eadem differre videatur. Locus & Tempus.

### C A P. VII.

*Linaria adulterina* Ger. emac. *montana flosculis albicantibus* C. B. *Linariæ similis* J. B. *Pseudo-linaria montana alba* Park. *Anonymos Lini folio* Clus. *Bastard Toad-flax.*

Clus.

**P**edales habet ramulos, duros, ex viridi pallescentes, & in his multa folia, temere sparsa, nulloque ordine disposita, dura, angusta, longiuscula, Lini foliorum æmula, ejusdem cum ramulis coloris, qualis in Ruta montana elucet, h. e. ex viridi pallescentis, gustu nonnihil acido primum, deinde amaricante. Extremitates cauliculi in multos ramulos sive pediculos dividuntur, qui flosculos albicantes sustinent, quinque foliolis stellatim decussatis constantes, cum aliquot interioribus staminibus, qui tandem in singularem seminem efformantur, pentagona, duro corio sive putamine medullam albam continentia. Radix candicans, multifida, perennis & vivax, annuatim novos ramulos, sive virgulas producit, nonnunquam etiam serpens Linariæ repentis instar.

In montosis cretaceis apud nos invenitur. In editioribus herbosisque locis agri Viennensis copiose nascitur. Locus.

### C A P. VIII.

*Passerina Tragi* J. B. *Passerina altera* Ger. *Lithospermum Linariæ folio* C. B. *Lithospermum Germanicum*, *Passerina Tragi* Park. *Linaria altera botryodes montana* Col.

J. B. Col.

**L**ingua Passerinæ huic plantæ nomen fecere foliola acuminata, aviculæ jam dictæ linguam imitantia [Col. angusta & parva, Lini æmula, sed minora] alternatim posita, rarius adversa, cauli dodrantali, interdum etiam pedali & altiori, recto, tereti, solido, lævi, virenti, sæpe simplici, interdum ramoso & alis undique diviso sine pediculis adnata, sapore viscido prædita. Caulis à radice ad alas usque plerumque nudus est, foliis facile defluentibus, atque exortus sui signa relinquentibus, ut in Tithymalo. Summas alas ab imo ad summum usque fructibus singulis, binis, aut plurimum ternis, pyriformibus, parvis, Lithospermi seminibus multo minoribus refertas habet: in quibus florum rudimenta insunt lutea; nam flores non semper observari possunt aperti, qui pusilli sunt, calathifci formâ, ex herbaceo flavescentes, oris in quatuor lacinias divisos. Radix bifurcata, fibris raris divisâ, alba & lignosa. Fructus cortice virente exuto libro intus nigro tegitur; medulla verò interior alba est.

In arvis demessa segete circa Basileam, Genevam, Monspelium, &c. frequentem observavimus. Locus.

### C A P. IX.

*De Agrimonia seu Eupatorio Gracorum.*

**A**grimoniam cum Lexicographis dictam putamus hanc plantam quia in agris abundat, potius quàm, ut nonnullis placere video, ab Ἀγρίων, quia medetur τῷ ἀγρίῳ, sive Ἀγρίων, i. e. vitio oculorum.

M m 2

Eupato-



Eupatorium Græcis dicitur ab Eupatore. Plin. l. 25. c. 6. Eupatoria regiam auctoritatem habet. Sunt qui velint nomen ab inventore Mithridate cognomento Eupatore habere. Hepatorium etiam dicitur ab Hepate, cui medetur.

Floribus hexaphyllis summis seminibus innascentibus, seminibus ipsis lappaceis deorsum nutantibus, foliis pinnatis à reliquis hujus sectionis facile distinguitur: ad quam (ut verum fateamur) propriè non pertinet, quoniam ejus lappæ seu echini vascula feminalia sint, duobus plurimum intus nucleis seu seminibus latentibus, non semina nuda. Verùm quoniam integri plerunque decidunt seminum more, nec unquam sponte aperiuntur, & à Botanicorum vulgo pro seminibus habentur huc eam in præsentiarum retulimus.

A. 1. *Agrimonia* Ger. *vulgaris* Park. *Agrim.* seu *Eupatorium* J. B. *Eupatorium Veterum* sive *Agrimonia* C. B. *Agrimony*.

J. B.

*Caulem* ut plurimum erigit singularem, cubitum & sesquicubitum [interdum duos tréve cubitos] altum, teretem, hirsutum, medullâ farctum, *foliis* per intervalla cinctum alternatim positis, palmo longioribus, ex quatuor ferè foliolis utrinque pinnatim sitis, circumquaque dentibus majusculis serratis, venosis, brevi & vix conspicua lanugine hirsutis, extremo impari, multis minoribus interjectis, composita, sapore subacri cum quadam adstrictione. *Flores* suaveolentes, longa serie alternatim scapo medio adnascuntur, atque etiam summis ramulis, velut in spicas digesti, crocei, pentapetali, summis lappulis infidentes. Marcescentibus floribus lappulæ deorsum reflectuntur, & singulæ geminum nucleum continent. Ad basin uniuscujusque folii binæ appendices velut auriculæ caulem amplectuntur. *Radix* in nigrum vergit, crassa, sapore astringente donata.

Locus.  
Vires.

In latorum & viarum marginibus, & circa sepes inque pascuis passim provenit. Æstate floret. Hepatica nobilissima imprimis est (unde & Hepatorium dicitur) vulnerariæque: ideòque usu creberrimo venit in morbis ab Hepatis imbecillitate ortis, uti sunt hydrops, cachexia, icterus. In usu etiam est in catarrhis, tussi, mensesque retentis. Extrinsecus adhibetur sæpius in balneis & lotionibus.

Autore Rondeletio Agrimonia cum aceto forti emplastri modo imposita verrucas tollit, *fortè acetum solum hoc præstat.*

Pulvis Agrimonie flocatus, & in vehiculo idoneo quocunque exhibitus à Riverio *Prax. & Observ.* plurimum commendatur in mictu involuntario nec sine ratione; adstringit enim satis validè. *D. Hulse.*

Casalpinus Agrimoniam vulgarem Eupatorium Græcorum non esse contendit. Eupatorium enim est ex herbis aromaticis; at Agrimonie plantam totam neque saporem ullum, neque odorem ostendere præterquam ficitatem in ore. At Maio mense (referente Trago) radix dum adhuc tenera est odoratissima deprehenditur. C. Hofmannus odoratissimam invenit æstate media. Variat ergo (ut verisimile est) pro ratione loci.

Singulare est & certum experimentum Joannis Frengii inflammationes testium abigi, si Agrimonia in aceto vel vino cocta calidè cataplasmatibus formâ scroto applicetur; recipi quoque eam in potiones vulnerarias felici successu lippis & tonsoribus notum est. *Sim. Paulus.*

Quin & decoctis quæ lue Venerea laborantibus imperantur utiliter remiscetur: nonnulli etiam fortis formâ tophis applicant ad mitigandos nocturnos dolores artuum. *Idem.*

Aquam ex ea destillatam commendant ad oris ulcera; eandem Pet. Bembus efficacissimam contra calculum expertus est. *Idem.*

Inter specifica adversus maniam habetur Agrimonia in aqua fontana decocta. *Dolæus Lib. 1. C. 5. S. 18.*

2. *Agrimonia odorata* Park. *Cam. Eupatorium odoratum* C. B. *Eupat. alterum odoratum & aromaticum* Col.

Col.

Agrimonia vulgari adeò similis est, ut vix una ab altera nisi naribus admota dignoscatur. Cùm autem vulgaris inodora & ingrata est, hæc adeò odorata est & aromatica, ut ab illa diversum quisque, nisi flore & fructu eadem esset, judicaret. Verùm si rectè expendatur effigies plantæ, minor parum est & rotundiore lobo, sed vix differente, colore verò pallidiore, tactu viscoso & odoris fragrantia nobilior, & sapore aromatico jucundissimo adstringente. *Radice* ex nigro rubente fibrosa: reliquis verò eandem dicas. Æstate & Autumno etiam invenitur perfecta.

Planta sequens Agrimonie propriè dictæ species non est, cùm fructum lappaceum non producat: nec satis scio an ad hanc Sectionem pertineat necne.

3. *Agrimonia similis* C. B. *Agrimonoïdes* Park. *Col. Pimpinella folio Agrimonie nonnullis.*

Col.

Hujus *radix* parva est, fibrosa, lignosa & rubescens. *Folia* habet terræ proxima longis, hirsutis drantalibus, rubescentibus petiolis hærentia, Fragariæ, sed nigriora & plura, Agrimonie modo disposita septem, inter quæ alia magis parva intersunt, ut in Agrimonia etiam observatur, hirsuta, mollia, per ambitum serrata, dentibus Agrimonie minutioribus & acutioribus, verùm folia rotundiora sunt. *Caules* producit plures, veluti supinos, hirsutos, rubentes, alis tribus vel quatuor divisos; in quibus folia minora hærent, pauciora atque rotundiora, auriculas habentia circa caulem, ut in congeneribus: in quorum summo tres aut quatuor simul insunt utriculi hirsuti, cytinorum formâ, parvis, multis incisuris per oras fimbriati, luteum habentes *florem* parvum Agrimonie, quem in aliquibus locis vix exerit, sed intus post illum fructum concipit: quo deciso fructus producit, oblongus, rotun-



rotundus, Tritici grano æqualis, Lagenariæ cucurbitæ modo binis ferè tuberibus formatus; & perfectus ex se decidit, hiantem utriculum relinquens. Sapore est abstergente, ficcante, & amaro. Odorata etiam est, media inter suaveolentem & vulgarem Agrimoniam.

Aprili mense floret & Maio perficitur, locis incultis inter vepres & frutices ad Matesii radices Septentrionem respicientibus, & etiam Æquicolorum montibus.

Tempus &  
Locus.

## CAP. X.

A. *Circea Lutetiana* Ger. Lob. *Lutetiana major* Park. *Solanifolia Circea dicta major* C. B. *Ocy-mastrum verrucarium* J. B. *Enchanters Night-Made*.

**R**adix alba, crebris intercepta geniculis obliquè sub terra reptat, fibris subinde demissis. *Caul*es pedales aut cubitales, erecti, tenues, medullâ farcti, vix culmum crassi, teretes, brevi lanugine hirsuti, non ramosi. *Folia* ex adverso bina, pediculis semuncialibus aut digitalibus insident, latâ basi, mucrone acuto, raris circa margines denticulis. Summi caules in spicas *florum* longas exeunt, floribus rariùs dispositis, albis, parvis, binis petalis bifidis constantibus, cum duobus staminibus & stylo. *Calix* pariter bifolius. Singulis floribus singula succedunt *semina* lappulata, deorsum reflexa. *Florum* pediculi tenues, breves, nulla ad exortum suum apposita habentes foliola seu ligulas.

In umbrosis humidis, inque sylvis & ad sepes non rarò provenit.

Plantæ huic natura florem bifolium dedit, & quidem soli ex omnibus quæ in Anglia sponte proveniunt, nobis saltem observatis. *Fab. Columna* duas præterea meminit dipetalas, nimirum *Hypecon legitimum Clusii*, seu *Cuminum filiquosum Matth.* cui tamen *Clusius* florem hexaphyllum tribuit, petalis duobus reliquis multò majoribus. Ego quamvis plantam ipsam in transmarinis viderim, non tamen florem adeo curiosè inspexi & observavi; & *Alsines facie novam plantam* à se in *Phytobasano* descriptam. Quicquid sit, *flore bifolio* unà cum *fructu echinato* planta hæc ab aliis omnibus hæcenus descriptis abundè distinguitur, ut prolixâ descriptione ei non sit opus.

Locus.

*Circea Lutetiana minor* Park. *Solanifolia Circea Alpina* C. B.

## CAP. XI.

De *Pimpinella sanguisorba*.

**P**impinella recens vocabulum est (ut & Bipinella) à foliorum binis ordinibus pennatim seu plumatim, digestis sumptum, vel à forma ancipitis securis sive Bipennis. Sanguisorba dicitur quòd sanguineos fluxus sistat & sorbeat.

Hujus notæ genericæ sunt folia pinnata, spicæ crassiores è seminibus densè stipatis; semina tetragona, quibus flosculi insident.

A. 1. *Pimpinella vulgaris sive minor* Park. *bortensis* Ger. 7, *sive sanguisorba minor hirsuta*, & 8, *sive minor lævis* C. B. *Sanguisorba minor* J. B. *Burnet*.

J. B.

*Radice* longâ fuscâ, cum amarore aliquo adstringente, tenui, ex pluribus in unum coeuntibus composita nititur: ex qua *caules* attolluntur pedales & cubitales, spadicei, angulosi [ & ramosi; ] in quibus *capitula* glomerata pluribus *flosculis* confertim congestis, quorum singuli ubi quaterna foliola, extra purpurascentia, intus virescentia explicaverint, stamina numerosa ostendant nunc lutea, nunc purpurantia, breviora aliàs, aliàs muscoso barbitio unciali circiter dependentia. Singuli autem flosculi singulis *seminibus* nudis, brevibus, quadrangulis, per maturitatem cinereis insident. *Folia* ab una radice numerosa, Melonis odore saporeque cum adstrictione, è pluribus foliolis pinnatim ad pediculum seu costam tenuem, rubescentem, hirsutam adnexas, exiguis, subrotundis, circumquaque profundè serratis, supinâ parte atro-virentibus, prona glaucis composita.

In montosis pratis & pascuis præsertim solo cretaceo frequens invenitur.

Hujus radici adnascitur quibusdam in locis granum rubrum, quo utuntur tinctorum ad colorem Carmesinum, unde sunt qui pro cocco habent, & Coccum radicum appellant, monentibus Lacuna & Anguillara.

Locus.

Quæ de hujus viribus traduntur ad duo capita reduci possunt. 1. Quòd sit cardiaca & alexipharmaca. Hinc virens vino injicitur ad cor exhilarandum, eique gratiam conciliat communicato sapore & odore aromatico, Melonis æmulo: præservat etiam à peste & morbis contagiosis. 2. Quòd sit astringens. Hinc usus ejus in profluvio mensium eximius, in fluxu alvi, hæmorrhagia quacunque, in vulneribus & ulceribus ficcandis, glutinandis & sanandis.

*D. Bowle* pulverem herbæ aut radices exiccate cum saccharo rosato exhibere solitus erat in hæmorrhagia narium, sputo sanguinis aut tabe pulmonum. Idem inspersus [sine saccharo] ulcera canerosa compefcit nè latius serpant.



In mictu sanguinis laudat conservam superbibatâ aquâ Solenander 3. Confil. 27. Idem non repudiât radicem conditam, Saccharôve obductam.

An herba astringens utilis esse possit in arena & calculo, ut nonnulli volunt, Lectori considerandum proponimus; item an lieni indurato, an Asciti incipienti conducatur.

Henrici II. Galliarum Regis venator bona fide asseveravit Pimpinellam ad præcavendam hydrophobiam tantam vim obtinere, ut quicumque eam aliquot diluculis, vel in acetariis, vel alio quovis modo præparatam comederit, nihil inde incommodi sentire possit. *Palmar. de morfu canis rabidi.*

Panchovius refert Regem Chabam, finito quodam pralio 15000 vulneratos usu Pimpinellæ restituisse.

2. *Pimpinella sylvestris* Ger. *major vulgaris* Park. *sanguisorba major* C.B. *Sanguisorba major flore spadiceo* J. B. *Great Burnet.*

*Radix* huic crassa, obliquè acta, cum amarore aliquo astringens. *Folia* plus quam duplo majora sunt quàm Pimpinellæ minoris, novena aut undena ad unam costam adnexa, Betonicae foliorum æmula, profundè serrata, glabra, odore & sapore eodem cum minore, alternatim caulibus adnata. *Caules* teretes, tenues, laves, bicubitales & altiores, intus concavi, striati. *Flores* in spicas breves, habitiores seu capitula oblonga glomerati, spadicei, tetrapetali, singuli singulis infidentes *feminibus* oblongis, quadratis. *Florum* spicæ caules terminant, nec ullum eis supponitur folium.

Locus.

In palustribus & pratis humidis & lutosi nascitur.

- \* 3. *Pimpinella sanguisorba inodora* C. B. prod. *minor inodora* Park.

C. B. prod.

A sanguisorba minore vulgata differt foliis & odore. Nam in hac folia longiora sunt quæ in illa magis rotunda: in hac inodora quæ in illa odora.

Locus.

Hispaniæ indigena est.

4. *Pimpinella maxima Canadensis* . . . . *Cornuti max. Americana* Park. *Great American Burnet.* *P. Sanguisorba bortenfis maxima* Ger. emac.

Corn.

*Radix* vasta & carnosioribus fibris diducta *caulem* facit vere definente procerum, rotundum & articulatum geniculis, à quibus egerminant ramuli plures, ex intervallis *foliis* donati, Pimpinellæ nostræ majoris effigie & colore similes. *Cauliculorum* apices non in globum aut in glandem abeunt, sed mille flosculis in longiorem *spicam* compositis fastigiantur. *Flores* alternis vicibus hiant, aperiuntur inferiores primi, superiores postremi: singuli quatuor foliolis crucis modo adversis inter se constant, & vasculo adnectuntur subrotundo, quatuor sinibus sulcato, veluti plicati aut contracti marisupoli rotundi sinus referentes. Ab hujus cavitate tres aut quatuor apices funduntur. *Flos* ex viridi subalbescit. Sapor, odor, color, nullatenus à vulgari nostrate differunt.

Hujus est & alia species, ad eam omnino accedens nisi quod spicæ sit brevi, glomerata, pariter tamen rubrâ. Utraque *folia* gerit longiora & magis serrata quàm nostras major.

5. \* *Pimpinella Agrimonoides.* Moris. Præl.

Moris.

Hujus folia primâ facie Agrimonie foliis quàm proximè accedere videntur, suntque pariter hirsuta & villosa, rachi seu nervo medio aliarum Pimpinellarum modo adnexa, uno extremum claudente: gratissimum contrectata spirant odorem. *Caules* pedales in quorum cymis proveniunt spicæ glomeratæ, feminibus striatis gratissimi odoris onustæ.

- \* 6. *Cuminum sylvestre* Park. Ger. *syly. capitulis globosis* C. B. *syly. primum, valdè odoratum, globulosum* J. B.

J. B.

Variè divaricatos ramos dodrantes, teretes habet, medullâ candidâ plenos: *folia* palmum longa, pinnata, Pimpinellæ Sanguisorbæ foliis similia, foliola singularia profundè serrata. Extremis ramulis hærent glomerata *capitula*, è villosis candidis penicillis, quibus semina adherent, congesta; quibus subjecta sunt radiata foliola, profundius incisa & veluti spinosa. Morisonus noster semina plenius describit hoc modo. Semina singularia producit, non binatim juncta, ut in Umbelliferis, oblonga, in superiore & tenuiore parte hirsuta, seu villis pappisve plurimis donata, reticulo quodam è quatuor pinnatis seu plumosis carinis & lobis plurimis angulosis veluti laneis composito mirabili naturæ artificio circumvallata.

Locus.

Odore ad Pastinacam tenuifoliam accedit: Cuminum nec odore, nec sapore refert.

Locus glareosis circa Aquas Sextias Gallo-provinciæ ubertim crescere scribit Lobelius in *Adv.*

Foliis & capitulis ad Pimpinellam Sanguisorbam accedit, Seminibus papposis ad Valerianam.

## CAP. XII.

## De Thaliastro.

**T**haliastrum seu Thalietrum, *Θάλιαστρον ἢ Θαλίαντρον*. Similitudo figurarum *α* & *η* scripturæ varietatem peperit. Fortè à *θάλλω* vireo, dictum est, eò quòd dum germina protrudit eleganter vireat.

Ejus characteristicæ sunt folia umbellatarum in modum divisa, flores staminosi, semina ut in umbelliferis striata. Nonnullæ tamen species Thaliætri dicti semina folliculis inclusa gestant.

1. *Thaliastrum majus, folliculis angulosis, caule lævi* J. B. *majus florum staminibus purpurascens* C. B. *montanum flore purpureo* Park. *montanum* 3. Clus.

*J. B.*

In cubitalem vel sesquicubitalem altitudinem excrescit, ramosis, rigidis, politis lævibusque & concavis caulibus donatum: folia Aquilegiæ lævia, ejusdem pænè coloris, & fermè inodora, amaricantia cum acrimonia: flores ceu muscaria conferta, ex radiatis staminibus, in orbem actis, dilutam Violæ nigræ purpuram referentibus, apicibus tamen obsoleto colore luteo præditis, compacti. Radices fibrosæ, multiplices, tenues, externè nigricantes, internè albæ, sapore non ingrata, quatuor veluti costis constant. Semen in folliculis angulosis, tenue, longum, fuscum.

In sylvestris Juræ montis propè Thuiri observavimus: J. Bauhinus in monte Salevæ propè Genevam florentem Junio, & Julio semine maturo. Loc. & Tempus.

*Thaliastrum montanum album* C. B. *montanum album* 1. & 2. Clus. *montanum majus* Park.

Solo floris colore à præcedente differt. Duplex est (inquit C. Bauhinus) unum altius excrescit, flore candido admodum gravis odoris. Hoc est *Thaliastrum montanum* 1. Clus. *montanum majus* Park. alterum flore albo etiam, paulò humilius, minùs ingrati odoris: quod *Thaliastrum montanum minus album* Park.

2. *Thaliastrum speciosissimum glaucum semine & caule striato* J. B. *Thal. majus flavum staminibus luteis vel glauco folio* C. B. *Thal. majus album Hispanicum* Park. *Thal. majus Hispanicum* Ger.

Hominis interdum proceri staturam adæquat vel etiam superat, radice flava, multas fibras à latere obliquas circumquaque spargente, sapore amaro. Caulis autem rectus, singularis, nullis alis ramisve brachiatus [Parkinsono in duos tréve ramos divisus] purpurascens, inanis, crassitudine digitali, perquam longis internodiis interceptus. Folia ex articulis nascuntur, quos vaginâ amplectuntur, Thaliætri majoris nigrioris latiora, si singularia spectes, colore utrinque subcæruleo vel glauco, sapore amaro & acri, odore gravi. Summum caulis fastigium in surculos aliquot abit, quibus flores infident muscosi ex meris fibrillis luteis compositi. Semen tegitur tunica tenui, non anguloso folliculo.

3. *Thalietrum Canadense* Cornuti. *Thaliastrum Americanum* Park.

*Corn.*

In Canadensi solo nascitur Thaliastro similis bicubitalis planta, foliosior tamen florisque elegantioris, quæ caulibus ab radice multis frutescit, atro-purpureis, genicularis per intervalla, quibus & hinc inde plures adnascuntur cauliculi, foliaceâ quadam valvula candicante à primario caule separati. Folia habet Aquilegiæ & ordine & figurâ similia, colore tamen glauco diversa. Flos in cacumine muscarii specie, globulis multis dilutè purpurascens confatur, qui dum dehiscunt singuli in quinque folia divisi mille alba filamenta ostendunt, quibus luteus apex præficitur. Julio mense singula filamenta dum deficiunt in totidem semina degenerant, longiuscula, triangularis formæ, exstante quadam per singulos angulos epiphyfi membranacea. Sapor totius plantæ dulcis est, radixque dentibus præmanfa, & linguæ apposita substantiæ pinguioris & viscidioris esse sentitur, cum pauca admodum acrimonia.

Glutinandis vulneribus præfens est remedium si contusa apponatur: ex aqua cocta suppurationem molitur.

Habetur, autore Parkinsono & minor hujus species floribus purpureis, apicibus flavis.

*Varietas.*

- A. 4. *Thaliastrum sive Thalietrum majus* Ger. *majus vulgare* Park. *majus siliqua angulosa aut striata* C. B. *nigrius, caule & semine striato* J. B. *Meadow Rue*.

*J. B.*

Pulchrè virentibus foliis, licet saturatiùs tinctis, splendentibus tamen, longis, angulosis donatur. Caules rigidi, striati, inanes virescunt, & ad viri altitudinem, & majorem aliquando, excrescunt. Flosculi perquam exigui, herbidi, pentapetali, calicum expertes, cum numerosis intus staminibus, prælongis, ex herbaceo flavescentibus. Singulis autem flosculis singula succedunt semina, striata, nuda. Radix fibrosa, buxei coloris, ingrati, amaricantis saporis.

In



Locus.

In pratis, locis humidis &amp; ad rivos non infrequens est.

Dodonæus ulterius speciei meminit folio saturatiùs virente &amp; minore, cauliculo rotundiore, nullasque strias habente. Verùm Dodonæus non videtur Thaliætri species probè distinguere.

Vires.

Folia in oleribus admixta alvum nonnihil commovent, autore Dodonæo. Radicis decoctum idem potius præstat. Optimum Rhabarbari substitutum est. D. Palmer.

Thaliætris quibusdam in locis in Italia, teste Camerario utuntur contra pestem; in Saxonia contra Ictericam.

- A. 5. *Thaliætrum nimus* Ger. Park. C.B. *Thal. minus* sive *Rutæ pratensis* genus minus, semine striato J. B. *The lesser Meadow Rue*.

Thaliætro majori cum folliculis similis, non ea tamen ut plurimum huic proceritas: caules tenuiores, non minùs tamen rigidi: folia confimilia, crassiuscula sed minora, sive sit spontanea, sive culta, situ & dispositione eadem. Radix tenuis, fibrosa, lutea, repens. Flores ex staminibus componentur, capitulis minoribus, colore ex fusco ad luteum vergente. Semina striata.

Locus.

In cretaceo solo circa Novum mercatum, Lintoniam, &amp; alibi ad collium radices in agro Cantabrigiensi copiosè, necnon in montibus circa Malbam &amp; Settle Comitatus Eboracensis pagos.

- \* 6. *Thaliætrum minimum fatidissimum* C. B. Park. J. B.

C. B. prod.

Caulis est rotundo, pedali, in ramulos divisus: foliolis pluribus, in tres lacinias divisus, antèrè duabus incisuris, denticulatis, superne atro-virentibus, inferne pallescentibus. In ramulorum fastigiis flosculi parvi, muscosi, ex plurimis staminibus compositi, quibus succedunt exigua valvula, oblonga, senæ, septenæ, striata, apice incurvo donata, sibi invicem junctæ, capillaceo oblongo pediculo infidentes, semen exiguum includentes. Tota planta odorem fetidissimum spirat & in Vallesia reperitur.

7. *Thaliætrum pratense maximum Monspelienisium asperioribus seu rugosis foliis*. Hort. Blæf. Botan. Monsp. Morif. præclud.

Morif.

Ad ternos aut quaternos pedes altitudine ascendit. Folia supina facie rugosiora sunt & dilutiùs viridia quàm pratensis vulgari. Et tamen à D. Magnol quærit, annon sit Thaliætrum pratense elatius longioribus & magis atris foliis Clus? Flores edit muscosos, luteos; semina striata reliquorum more.

Locus &amp; Tempus.

In pratis ad lavam parùm ultra Latera sitis abundat, Junio &amp; Julio florens.

An Thaliætrum pratense elatius, longioribus &amp; magis atris foliis, &amp; quodammodo splendidibus Clus?

- \* 8. *Thaliætrum pratense angustifolium* C. B. *Thaliætrum minimum* Park.

A Thaliætro minore montano albo parum differt, foliis scil. minoribus magisque incis, colore magis glauco seu canescente: caulibus pede non multò altioribus, floribus magis flavis, & radicibus reptantibus.

Qu. an à præcedentibus specie differat.

9. *Thaliætrum angustissimo folio* Park. *pratense angustissimo folio* C. B.

C. B. prod.

Radice est flavescens, ex aliquot fibris oblongis crassiusculis composita: caule bicubitali, lævi, rotundo, profundè canaliculato & geniculato. Ex quolibet geniculo folia plura prodeunt, in plures oblongas, pleraque angustissimas, tandem & ternas lacinias secta: at caulis in fastigio in ramulos dividitur, in quibus flores plures, muscosi, pallidi, ad luteum vergentes, veluti in oblonga spica dispositi, quos valvulae tenues, parvæ, minutissimum semen continentes, sequuntur.

Locus.

Ad fluvium Lycum propè Augustam Vindelicorum in Germania collegimus. C.B. In pratis Michelfeldensibus æstivis mensibus floret.

## CAP. XIII.

## De Fumaria.

**F**umarie herbe notissima res fumus nomen quondam fecit, quoniam vis illi contra hominis oculos lachrymosa sit, qualis in fumo est. Claritatem facit munitis oculis delachrymationemque ceu fumus, unde nomen accepit Plin. lib. xxv. cap. 13.

Fumarie notæ characteristicæ sunt folia Umbellatarum in modum divisa. Flores spicati ad papilionaceos accedentes, in calcar quoddam retrorsum producti, pediculo è media parte egresso hærentes.

A. 1. Fumaria

- A. 1. *Fumaria vulgaris* J. B. Park. non bulbosa I, seu *Officinarum* & *Dioscoridis* C. B. purpurea Ger. *Capnos* Lob. *Herba melancholifuga* Cat. Altd. *fumitorij*.

J. B.

Gustu tota est amaro, radice mediocriter crassa, alba, fibrosa modice. Caulis nunc unus, nunc plures, brachiati, angulosi, inanes, glabri, colore partim purpurante, partim in albo virente. Folia ima ex longis pediculis, latiusculis & angulosis, tenuiter dissecta ad Umbellatarum ferè modum, glauca, alternatim caulibus adnata. Flores congesti in spicam, quæ non è folii ala oritur, sed ex adversa caulis parte, tenues, oblongi; quos si curiosè contempleris quatuor petalis singulos constare deprehendes. Superius & majus in tres partes dividitur, scil. in supremam, quæ in apicem rotundum terminatur, & inferiori floris petalo opponitur veluti labium alterum, pariterque in medio eminente viridi lineâ insignis est, & laterales duas, quæ stamina aliquot apicibus luteis donata continent. Petalum inferius, cui pars summa superioris (ut dixi) responderet, angustum est, & longum, summa parte in rotundum dilatatur, cochleare figurâ suâ referens. Petala duo lateralia exigua sunt & brevia, in acutum desinentia. Singulis flosculis singula succedunt semina, subrotunda, cranio similia.

In saxis & aggeribus terrenis frequens est.

Locus.

- A. 2. *Fumaria major scandens flore pallidior.* *Fumaria altera* Cæf.

Hæc omnibus suis partibus major est quàm præcedens. Flos ei speciosior, coloris incarnati quem vocant, media parte seu labello saturatiùs rubente: Sapor etiam plantæ quàm illius acrior.

Foliorum pediculis vicinas stirpes apprehendit, eodem ferè modo quo Nasturtium Indicum, aliàs humi provolvitur. Hoc autem ei cum præcedente commune est, ut ab aliis observatum. Ego equidem in hac primùm specie qualitatem illam animadverti, Jacobo Boberto monente; cui etiam præcipuè & præ aliis convenit.

In saxis, vineis & hortis unà cum præcedente reperitur.

Locus.

Hanc esse puto Fumariam alteram Cæf. longioribus cauliculis; rarioribus foliis, flore candicante, cui purpureum quid inest; oriturque magis in parietibus & circa maceries, cum altera in arvis magis proveniat; quàm C. Bauhinus Fumariz nescio cujus viticulis & capreolis plantis vicinis adherentis synonymam facit.

Aliam adhuc Fumariz vulgaris varietatem foliis tenuissimis, flore albo circa Monspelium reperriri autor est C. B. & confirmat D. Botan. Magnol, quem consule.

Eadem præcedenti videtur.

*Fumaria minor folio oblongo capillaceo* C. B. *Capnos Cretica* Clus. *Fumaria major Cretica* Park. *Fum. altera tenuior Syriaca* Cam?

Clus.

Ex semine Creta allato Clusio natum est hoc genus, Fumariâ vulgari majus, nec minus succulentos habens cauliculos, angulosos, teneros, procumbentes: folia minutim incisa, & capillacea ut Hispanica, sed duriora. Flores confertim in oblongiuscula spica nascuntur, extremis ramis, vulgaris floribus candidiores, deorsum spectantes extremam virescentem partem occupante fusca maculâ. Illis succedit semen ut in vulgari, quod maturum facillè decedit. Radix tenuis, flavescent. Annua est ut vulgaris, & Junio Julioque floret.

Fumariam nostram majorem scandentem describere videtur: omnes enim notæ conveniunt; proinde hanc ab illa non separandam arbitramur.

Fumaria purgat bilem & humores adustos, verùm magnâ dosi exhibita. Sto cum illis (inquit Vires. C. Hofmannus) qui aiunt mentem Mesue & Avicennæ esse, succum quidem dari debere ab xv. ad xi, decoctum autem ad xv, pulverem à iij ad v. Hinc clarum & purum efficit sanguinem. Nostrates verno tempore herbam ipsam in sero lactis decoquunt & decoctum propinant ad sanguinem depurandum. Hinc etiam mirè prodest morbis omnibus humores prædictos [biliosos & serosos] sequentibus, ut Lepre, Scabiei, Pruritu, impetigini, serpigini & similibus cutis vitiis; aiunt & Lue Venereæ.

Diuretica est ut & sudorifica. Ideò datur aqua Fum. in Lue Venerea, & in peste cum Theriaca.

Obstructiones hepatis referat, perque urinam icterum ducit. Conserva, inquit C. Hofmannus, apud me in magna æstimatione est ad expediendas viscerum obstructions, post universi purgationem.

Succus ejus vel aqua destillata oculis indita caliginem eorum discutere creduntur; hinc plantæ nomen, quod claritatem faciat inunctis oculis delachrymationemque ceu fumus. Plin.

Essentia Fumariz, iridem succus ejusdem, cum sero lactis in Melancholia per aliquot dies assumi potest. Ob Sal etenim volatile quod continet diurnam non sustinet coctionem. D. Sæmpe è Dol. Lib. 1. C. 9. S. 15.



3. *Fumaria minor sive tenuifolia surrecta* J. B. *minor tenuifolia* C. B. *Capnos tenuifolia* Clus. Lob.  
*F. minor sive tenuifolia* Park. *Fum. tenuifolia* Park.

*Radice* est tenui, simplici, alba, rectâ descendente, paucis & brevibus ad latera fibrillis donatâ, sapore amaro & linguam excalefaciente. *Cauliculi* inde exeunt plures, medio reliquis firmiore & majore, dodrantali, striato, concavo, ad intervalla *foliis* alternatim nascentibus vestito, è quorum alis ramuli exeunt. In summis caulibus & ramulis *flores* in spicas breves densâsque compacti, visu pulcherrimi colorum varietate. *Flosculi* singulares (qui non omnes pariter aperiuntur, seriùs enim summi, citiùs imi) breves, hiantes, supremo foliolo coloris purpureascentis carnei, mucrone cucullato, ex luteo viridantes; foliolo gemello subiecto, ceteroquin albo, mucrone atro-purpureo; inum locum obtinet subtensum foliolum, fili instar tenue, coloris carnei. Singulis flosculis singula innascentur *semina*, majuscula, compressa, ad Lini semina quadantenus accedentia, lavia & splendida. *Folia* minora & tenuiùs dissecta quàm in reliquis Fumariis, velut Rutæ sylvestris minimæ, aut Chamæmeli: quæ è radice exeunt longis infident pediculis, segmentis autem sunt brevioribus; quæ caules occupant breviores habent pediculos, segmenta longiora. Tum caules tum folia glauca sunt & incana, glauco quodam velut polline aspersa. In foliis nullus aut admodum levis mihi gustanti sentitur amaror.

Locum.

In arvis inter segetes propè Olbiam Gallo-provinciæ oppidum spontaneam observavimus. Invenitur autem plerisque Hispaniæ regionibus, in arborum marginibus & juxta vias ac semitas, referente Clusio, qui nonnullis etiam Galliæ Narbonensis locis observare se meminit. Æstate floret.

Planta quam descripsimus, quàmque Clusius & Lobelius intelligunt titulis superiùs allatis D. Magnol atque etiam nobis eadem videtur cum *Fumaria tenuifolia* compresso semine, Lini instar *Hort. Blas.* quicquid repugnet D. Morifonus: Nam & Lobelius semen compressum ei tribuit, & Clusius in icone sua hujusmodi semen appinxit, & D. Magnol se cum semine Lini legisse asserit. Certè planta quam nos in Gallo-provincia invenimus huic tam similis erat quàm ovum ovo; quamvis in viretis nostris sata (ut rectè Lobelius) caducis & procumbentibus cauliculis oriatur.

## LIBRINONI PARS SECUNDA.

### De Plantis Umbelliferis.

**U**MBELLIFERÆ dicuntur hoc genus plantæ, quia earum pleræque flores gestant in Umbellæ seu Corymbi speciem dispositos. Quid autem Umbella in Phytologia significet Libro primo, qui est de Plantis in Genere explicuimus.

Hujus quidem generis species omnes flores in caulibus & ramorum fastigiis coacervatos gestant, non tamen semper in Umbellæ formam dispositos. Notæ ergo Umbellatarum certiores & characteristicæ, quæ omnibus in universum & solis conveniunt, sunt Flores pentapetali & ad singulos bina semina nuda simul junctâ.

Cùm autem in unaquaque Plantarum tribu genera intermedia seu subalterna rectè constituere, & notis suis characteristicis definire perdifficile sit, tum in Umbelliferarum longè difficillimum, ob tres præcipuè rationes; nimirum, 1. Ob specierum multitudinem: 2. Ob plurimarum etiam similitudinem: 3. Ob nominum confusionem & significationem incertam. Cùm enim veteres hoc genus plantas tanquam satis notas & familiares breviter descripserint, paucis & generalibus notis additis, Recentiores pro cuiusque captu alii aliis, & non rarò diversissimis plantis eadem nomina accommodârunt. Hinc in Selsios v. g. Libanotidis, Panacis, Dauci, Ligustici tot ferè sententiæ sunt quot capita.

Præterea in hoc genere manifestè ostenditur, notas à seminis formâ sumptas non semper optimos esse generum indices, neque quæ seminis formâ conveniunt vel differunt genere pariter convenire vel differre: siquidem in genere Cumini datur aliqua species hirsuto & hispido semine, quæ in aliis omnibus partibus & accidentibus, figurâ, colore, odore, sapore, &c. cum vulgari Cumino semine striato lævi convenit. Quis Sisarum à Pastinaca latifolia quacum in omnibus partibus tam exactè convenit, ut vix Ovum ovo similis sit; Quis itidem Sium seu Pastinacam aquaticam eidem foliis odore & sapore simillimum, non potiùs cum Pastinaca dicta conjungendas statueret, quam ob solam seminum in formâ externâ dissimilitudinem distrahendâ & procul à se invicem removendas.

N. Plantas umbelliferas ut plurimum calidas esse. Annotavit D. Palmer.

Plantæ

*Plantæ Umbelliferae sunt vel folio*

*Composito, pinnato aut triangulato; hæ autem Seminibus vel*

*Latis, planis & compressis seu foliaceis; foliis*

*Latissimis; flore*

*{ Albo, petalis cordatis, radice lignosiore: SPHONDYLIIUM.*

*{ Pallide luteo, foliis*

*{ Minus ramosis & propemodum pinnatis, semine minore, radice carnosâ, esculen-*

*ta; PASTINACA LATIFOLIA.*

*{ Ramosioribus, radice minus carnosâ, succifera; PANAX HERACLEUM.*

*Paulò angustioribus,*

*{ Pinnatis, seminis margine*

*{ Plano & æquali; TORDYLIUM spurium,*

*{ Granulato seu crispo: TORDYLIUM genuinum.*

*{ Ramosis, Petroselinii aut Apii; OREOSELINUM.*

*In laciniis angustas, Carotæ, Cicutæ aut Saxifragæ pratensis divisas*

*{ Succo lacteo turgidæ; THYSSELINUM.*

*{ Succo limpido foliis*

*{ Cicutæ; APIUM Cicutæ foliis.*

*{ Saxifragæ pratensis; DAUCUS Alsaticus.*

*{ Cari; CARVIFOLIA.*

*In tenues laciniis Fœniculi æmulas dissectis, semine*

*Minore, foliis Fœniculaceis*

*{ In segmenta longiora & capillacea divisis, radice annua; ANETHUM.*

*{ In segmenta paulò latiora tripartito divisis & subdivisis, radice perenni; PEUCEDA-*

*NUM.*

*Magno, oblongo;*

*{ In medio tumidiore, alâ foliaceâ sinuosa in summo bifidâ cincto, colore albente;*

*sapore acri: THAPSIA.*

*{ Compressiore, per maturitatem nigro, caulis medullâ fungosâ, igni concipiendo*

*idoneâ: FERULA.*

*Tumidioribus; vide Tabulam sequentem.*

*Integro aut laciniato duntaxat.*

## SECTIO



## SECTIO PRIMA.

*De Umbelliferis semine lato & compresso seu foliaceo, aut etiam ala foliacea cincto.*

## CAP. I.

*De Sphondyllo.*

**S**PHONDYLIIUM, Σφονδύλιον, dictum fortasse ob odoris gravitatem à Sphondyle insecti genere odoris gravis. *Pena.* Marcellus Sphondylium à spondylorum in spina dorsi, & phalangii ejusdem nominis forma dictum existimat: siquidem rotunditate duo hæc inter se similia sunt, & ambo perviam cavitatem habent, qua muliebrium fuforum verticillis similia sunt. Ego nullam hinc similitudinem video.

Notæ hujus characteristice sunt folia in hoc genere latissima, flores albi, cordati.

A. 1. *Sphondylium* Ger. *vulgare* Park. *vulgare hirsutum* C. B. *Sphondylium quibusdam sive Branca ursina Germanica* J. B. **Cow-Parfney.**

*Radice* nititur alba, simplici, altè in terram descendente, sapore dulci & nonnihil acri, medullâ seu nervo intus grandi, lento & tenaci. J. Bauhinus saporem fervidum & subamarum linguam vellicantem ei attribuit. *Folia* à radice orta longis pediculis hirsutis insident, duabus pinnarum conjugationibus composita, cum impari in extremo in tres lacinias profundè diviso: singulæ etiam alæ latæ sunt, laciniatæ, & per margines crenatæ: Folia autem brevi utrinque lanugine pubescunt; quæque in caule sunt, iis quæ à radice non multum dissimilia, origine latâ membranosa turgida caulem & ramulum è sinu suo egressum amplectuntur. *Caulis* simplex bicubitalis, teres, striatus, striis minis eminentibus quàm in Pastinaca, intus concavus, villis rigidiusculis hirsutus, ab imo statim ramosus, foliis per intervalla longiora quàm in Pastinaca cinctus, è quorum pariter sinubus ramuli exeunt. Caulis ad internodia nonnihil reflectitur, secus quàm in Pastinaca latifolia. *Flores* in umbellas summos caules & ramulos terminantes digesti, albi, quàm Pastinacæ majores, pentapetali petalis bifidis & velut cornuti. Nulla in hac exortum umbellæ totalis aut partialium circumstant foliola: Semen foliaceum, pallidiùs quàm Pastinacæ.

*Locus.*  
*Vires.*

In humidioribus pratis, pascuis & agrorum marginibus, & propè rivulos abundè oritur. Quas Dioscorides & Plinius Sphondyllo vires ascribunt, non videntur huic plantæ convenire, unde meritò ambigitur, an hæc sit verum & genuinum Antiquorum Sphondylium, quamvis, descriptio Sphondylii apud Dioscoridem ei non ineptè quadret.

*Radix*, autore Trago, valet ad emolliendos & deprimendos tumores, præsertim verò matricis, epatis & lienis. Succum herbæ expressum unguentis emollientibus Chirurgi admiscunt.

Fuchsius hujus radicem eandem habere cum Acanthi veri radice facultatem vult, nimirum excicatoriam & leviter incisoriam. Ab Acanthi veri viribus longissimè distare placet Gesnero: suffragatur C. Hofmannus.

Schroderus quinque herbis emollientibus Sphondylium accenset, & usum præcipuum externum esse scribit in clysteribus aliisque paregoricis quarumcunque formularum, & ut plurimum in cataplasmatibus.

Poloni & Litvani ex Sphondylii foliis & semine cum aqua, addito fermento, potionem coquere feruntur, *Parst* dictam, quæ pauperibus sit loco cerevisiæ, si Dodonæus vera recenset.

Semen hujus plantæ, ni fallor, quam Pastinacæ sylvestris appellatione insigniunt egregium est in Hysterico paroxysmo. D. Willis è Jo. Anglico.

Gratus cibus sunt Sphondylii folia cuniculis.

A. 2. *Sphondylium majus aliud laciniatis foliis* Park. *Sphond. hirsutum foliis angustioribus* C. B. **Jagged Cow-Parfney.** An *Sphondylium crispum* J. B. Tab?

A vulgari foliis solùm differt: nam cum vulgare foliis sit amplis, plerunque ex quinque partibus, latis, subrotundis compositis, hoc folium habet in lacinias oblongas, angustas, acuminatas, hæcque in alias, inordinatè tamen, divisas, & per marginem crenatas.

*Locus.*

Hoc in pratis Alpiniis Rhæticis observavit C. Bauhinus: in Salopia Angliæ invenit D. Bowles, referente Parkinsono. Londino missum in horto nostro Cantabrigiæ aluimus; unde acceperunt Londinenses nescimus.

Præcedentis varietas potius esse videtur quàm species distincta; natura in multis hoc modo ludente.

3. *Sphondylium*

\* 3. *Spondylium Alpinum parvum* C. B. Park. J. B.

C. B. prod.

*Caulis* huic pedalis, qui in summo in alterum ramulum triunciale dividitur; quem *folia* cingunt pallidè virentia, longis pediculis donata, quæ in partes tres, vel etiam quinque, alias subrotundas, alias acutas, per marginem crenatas & hirsutas dividuntur. *Umbella flosculis* candidis, latis tamen, summo cauli infidet, quibus *semen* planum, latum ac tenne succedit. Tota planta levissimis pilis pubescit.

Ex Austria Alpibus C. Bauhino missum fuit.

Locus.

\* 4. *Spondylium Alpinum glabrum* C. B. Park. J. B.

C. B. prod.

*Radice* est crassa, eaque albâ: *Caule* bicubitali geniculato: *foliis* ficulneis, glabris, (quæ absque pediculo palmum longa, duas [uncias] lata sunt) communiter tripartitis, sed non usque ad pediculum divisas, per margines crenatis, quorum inferiora pediculis palmaribus, hispidis & subasperis donantur. *Caulis* summo umbella *flosculorum* candidorum, sed quàm in reliquis speciebus minorum, infidet. *Semen* succedit subrotundum, planum, cujus summitati apex infigitur.

In monte Wasserfall observavit C. Bauhinus.

Locus.

\* 5. *Spondylium majus* sive *Panax Heracleum* quibusdam J. B. *Pan. Heracleum verum*, ficulneo folio Park. *Pan. Spondylii folio*, sive *Heracleum* C. B. *Panax Heracleum* Ger. *Periculis* his *All-heal*.

J. B.

Procera est herba, *caule* bicubitali & altiore, canaliculato, quem latus utriculi instar complectitur *foliorum* pediculus: sunt ea verò duorum circiter palmorum longitudine, parique latitudine, circumscriptione ferè rotunda, nisi quinque aut sex laciniis rotunditas interrumpatur, serrata, minus aspera, minusque hirsuta quàm *Spondylii* nostratis. *Flores*, veluti in *Angelica*, utriculo comprehenduntur, quo disrupto in umbellam explicantur latam *florum* alborum, cordatorum; quos excipiunt *semina* nostratis *Spondylii*, nisi essent paulò majora, plana itidem ut illa, duplicia, alba, foris quatuor striis nigricantibus, interna facie duabus donata, gustu acri & aromatico, non tamen jucundo.

Videtur à *Spondylia* vulgari in eo potissimum differre, quòd speciosior & major, quodque folia integra obtineat.

Magna est apud Botánicos confusio de hac herba. *Lobelius* alibi eam floribus luteis esse scribit: alibi, in Belgii hortis flores albos promere.

## C A P. II.

De *Pastinaca latifolia*.

**P**astinaca, *Σταρυλίνη*, à pascendo dicta videtur, nam radices ejus cibus sunt vulgaris, quæ corpus abundè alunt saginantque. *Turnebus* autem in *Adversar.* lib. 8. cap. 23. ex eo dici putat quòd referat & quasi habeat *pastinum*, quomodo vocatur instrumentum quo vineæ fodiuntur. *Voss. Etymolog.*

*Staphylinus* (inquit C. Bauhinus) fortè à colore uvæ nigricantis dicitur, cujus coloris unius radix est. Sunt qui à similitudine radices *Bryoniae*.

*Pastinacæ latifoliæ* notæ genericæ sunt *Radices* carnosæ esculentæ, flores lutei, folia pinnata potius quàm triangulata.

*Elaphoboscum* dicitur hæc herba, quoniam fama est hoc pabulo cervos resistere serpentibus.

Ex *Dioscoridis*, *Plinii*, *Galenii* & *Columellæ* de *Sisere* verbis colligere conatur *Columna* hanc plantam Antiquorum *Siser* esse absque dubio ullo. Radicem namque *Pastinacæ sativæ* similem formam & saporem, verum amariorem atque odoratiorem, omnésque *Pastinacæ* generi adscripsisse, atque *Pastinacam* vulgarem sive domesticam appellasse. In hac radice nervum inesse longitudine, qui eximatur postquam elixata fuerit radix, non solum dulcedinis causâ, sed quia tenerior sit pars reliqua exterior, ciboque aptior atque gratior. Hoc & in *Pastinaca sativa* vulgari, & in *Rhaphano* prospici, præsertim cum radices sint benè adultæ, duriorem enim tunc continere nervum, cibo ineptum. Reliqua apud Autorem vide.

A. I. *Pastinaca sylvestris latifolia* C. B. *latifolia sylvestris* Park. Ger. *Germanica sylvestris*, quibusdam *Elaphoboscum* J. B. *Wild Parsnep*.

*Radice* nigræ alba, simplici, fibras aliquot majusculas è lateribus emittente, odore & sapore *Pastinacæ sativæ*, à qua non aliter quàm cultu nobis differre videtur, inquit J. Bauhinus. *Caule* assurgit simplici bicubitali aut tricubitali, erecto, rigido, striato, crassitie pollicari aut majore, brevi lanugine hirsuto, intus concavo, ramoso, *Foliis* per intervalla alternatim positos vestito, *Pastinacæ sativæ* similibus, verum minoribus obscurius virentibus, & in apricis interdum lanuginosis præsertim

N n

quæ



quæ è radice exeunt. Ab imo caule ad summum usque ex alis foliorum egrediuntur ramuli *umbellati* florum sustinentes, minores quàm quæ medio cauli infidet. *Flores* exigui sunt, flavi, pentapetali, reflexi, quibus succedunt *semina* Pastinacæ sativæ similia. Exortum radiorum umbellam totalem componentium nulla circumstant foliola, ut neque umbellas partiales. *Folia* componuntur ex pluribus alarum conjugationibus, & alæ inferiores ex aliquot pinnulis seu lobis circum oras dentatis, & in acutos apices exeuntibus.

A. 2. *Pastinaca latifolia sativa* Ger. Park. C. B. *sativa latifolia Germanica*, luteo flore J. B. Common Garden or manured Parsnep.

J. B.

Culinis notissimæ Pastinacæ hujus *radices* singulares sunt, longæ, turbinatæ, crassæ & carnosæ, minùs tamen quàm Carotæ, albæ, in medio nervo duro donatæ, magis grato quàm Sifarum sapore. Ab his *caulis* surgit bicubitalis & procerior, firmus, striatus, inanis, multis alis concavus. *Folia* Pimpinellæ majori non ineptè compares, sed multis numeris majora, atro-virentia, hirsuta, sapore grato & aromatico quoque. *Flores* in ampla umbella lutei, quorum singuli quinque foliolis reflexis umbilicum medium viridantem circumstantibus constant. *Semen* latum, compressum & foliaceum.

Locus.

In hortis colitur. Aiunt ex semine sylvestris iterata satione in solo pingui & opulento sativam fieri, quemadmodum ex Staphylino seu Carota sylvestri Carotam sativam. Quod si ita sit, non differt Staphylinus sylvestris specie à sativo.

Usus.

Radices hujus dulces sunt & palato gratissimæ, multum nutriunt, & corpus pinguefaciunt præ Rapis aut Carotis, unde & Venerem excitant: flatulenti quoque aliquid obtinent. Eduntur coctæ cum butyro conditæ, Quadragesimali tempore, tunc enim succo per hyemen concocto maximè dulcescunt & tum saporis tum salubritatis gratia præcipuè expetuntur; nec enim adeo commendabiles sunt antequam frigoris insultum senserint.

Refert Cæsalpinus ex his radicibus cum Saccharo Electuarium confici ad vires recreandas convalescentibus & puerperis, communissimum rusticorum remedium: appetentiam quoque præstare.

Incidendi, attenuandi, detergendi, obstructions aperiendi facultatem inesse sapor odorque demonstrant. J. B.

Dodonæus semen calidius & siccus esse, urinam movere & flatus discutere asserit.

Qui hyeme colligunt radices (inquit J. Bauhinus) caveant à Cicutâ vel Cicutaria. Dum sum Montbelgardi vidi duas familias in quibus qui decepti edebant pro Pastinacâ penè extincti erant, sed sublevati vomitu, Theriaca & Saxonico pulvere, itémque purgantibus salvi evaserunt.

At nostrates asserunt Pastinacas ipsas vetustiores & annosas delirium & insaniam inducere, unde & eas *Madneps*, id est, Pastinacas insanas vocant.

*Agriopastinaca Cretensium* V. *Petroselinum Creticum* C. B. in capite de Apio.

### C A P. III.

#### De Panace Herculeo.

**P**anax quasi *παν ἀν*, omnibus remedium afferens. Plin. lib. 25. c. 4. Panaces ipso nomine omnium morborum remedia promittit. Theophrast. Hist. lib. 9. cap. 12. quatuor genera proponit, Syriacum, Chironeum, Æsculapeium & Herculanum. Caterum Panacis Heraclæi dicti, de quo agimus, notæ sunt folia lata Pastinacæ, verum magis composita seu ramosa, flores lutei, radix gummifera seu succifera. Hæc planta Dodonæo aliisque ipsissimum Panaces Syriacum Veterum habetur.

*Panax Herculeum majus* Ger. *Panax Pastinacæ folio*, an *Syriacum Theophrasti*? C. B. item *Panax costinum* ejusdem ex sententia fratris & nostræ. *Pan. Heracleum alterum*, sive peregrinum *Dodonæi* Park. itémque *Panax costinum* seu *Pseudocostus Matthioli* ejusdem. *Sphondylii vel potius Pastinacæ Germanicæ affinis Panax vel Pseudocostus flore luteo* J. B.

J. B.

*Folius* viget interdum sesquicubitalis longitudinis, latitudinis cubitalis, asperis, hirsutis, atro-virentibus cum nitore quodam, in alas divisas ex adverso sitas, easque rursus pinnatim subdivisas in *folia* Pastinacæ Germanicæ foliis similia, serrata, tres, quatuorve uncias longa, binas lata, in obtusum mucronem desinentia, pediculo admodum hirsuto & aspero. *Caules* aliquot cubitorum, brachiati: *Umbellæ* inæqualis longitudinis muscariis Peucedani in morem constant *florum* luteorum. *Semina* majora quàm Pastinacæ Germanicæ, *Sphondylii* seminibus paria, compressa, lata, fimbriam albam habentia, cum in medio nigricent, acra & linguam mordicantia.

Locus.

In Sicilia non longè à Castello *Puzallu* sponte natam observavimus hanc plantam.

Ex hujus vulnerato, præsertim circa radicem, caule succus æstivis mensibus manat, Opopanaci similis, sponte concreescens, odoris quidem exigui, sed gustu exalfaciens: idque ætate fervidâ etiam in Belgio. Ex semine in Opopanacis grumis reperto hæc primùm in Belgio enata stirps est.

*Ded.* Hinc, & rectè quidem, colligit Dodonæus plantam hanc ipsissimum esse Panaces Syriacum Veterum.



Veterum. Idem confirmat \* Paulus Boccone his verbis, E caule hujus plantæ inciso extillat gummi quoddam flavicans, quod Balsami species est, ad omne genus vulnera & plagas sanandas, experientia teste, longè utilissimum, si formâ emplastri parti affectæ applicetur. Gummi autem quod ex hac planta emanat genuinum Antiquorum Opopanax censendum est, quandoquidem ex omnibus Paniacis speciebus in Europa hucusque cognitis nulla observatur quæ similem reddit succum. Quin affirmat idem Paulus Boccone, Panax isthoc semine hirsuto Siculum [ quamvis non in Sicilia tantum sed etiam circa Monspelium in Gallia Narbonensi oritur ] Panaci Syriaco è quo Opopanax elicitur, idem prorsus esse, cum utrumque primò tria edat folia, postea in quinque divisa. Ex Adversariis D. Tancredi Robinson. \* Journal des Sçavans, An. 1675. M. Jan.

Oritur etiam cum Libanotide Cachryophora in elato colle prope molendinum dictum juxta fluvium la Maussion. Botan. Monsp.

Præstant ( ut referunt qui important ) Pseudocosti radices ad omnes cerebri & nervorum frigidos affectus, ad pectoris vitia, & ad ventriculi cruciatus, & viscerum omnium obstructions, & ad renum, vesicæ & uteri morbos. Ideoque auxiliantur diutino capitis dolore affectis, vertiginosis, comitialibus, stupidis, veteriosis, convulsis, resolutis, asthmaticis, tussientibus, ictericis & hydropicis. Eadem status pellunt, vermes necant, urinam ducunt, calculos ejiciunt, menses & partus cient. Infunduntur earundem decocta ad coli cruciatus, & coxendicum dolores. Vires: J. B. è Matth.

Cæterum Opopanax ( quem hujus plantæ succum concretum esse non est cur Dodonæo fidem denegemus ) emollit, digerit, status discutit, purgat pituitam crassam & lentam à partibus remotis, cerebro, nervis, sensoris, juncturis, thorace: Uvulæ delapsæ opitulatur ( suffitu intus immisso ) Locus.

Signa bonitatis sunt color extus flavus, intus albus aut subflavus; sapor valdè amarus, odor gravis, consistentia pinguis, facilè in aqua solubilis, levis, tenera, friabilis, &c.

## CAP. IV.

De Umbelliferis foliis latis quidem Pastinacæ, verum quàm illius minoribus, pinnatis, seminis margine non granulato, seu Tordyliis spuris.

**T**ordylium ( inquit \* Jo. Bodæus à Stapel ) nomen impositum, quod semen ferat copiosum, circinatum quasi toreumatis elaboratum, orbiculatum, compressum, geminisque valvulis conflatum, clypeoli speciem referens. Notæ ejus sunt folia Pastinacæ æmula sed minora, radix tenuis non carnosa; Semina plana non granulata ad margines. \* Comment. in Theophr. Hist. l. 9. c. 15.

1. *Caucalis major*, semine minus pulchro, hirsuto J. B. *Seseli creticum majus* C. B. Ger. *Ses. Cret. seu Tordylium majus* Park. An *Caucalis Lusitanica* Alpin. exot?

J. B.

Duorum cubitorum altitudinem ferè caulis assequitur, hirsutus, striatus, inanis, in ramos divisus. Folia prima subrotunda, similia quodammodo Elaphobosci, sed minora, serrata, hirsuta, alia longiora, breviora alia: Umbellæ parvæ, flores parvi quoque, albi, quorum flosculi externi quædam habent foliola majora, bipartita. Semina peltata *Caucalidis Syriacæ*, sed multò minora, hirsuta, umbone rubente, fimbriâ albâ, sapore aromatico.

In hortulo nostro Cantabrigiæ aliquot annos aluimus. Semine maturo perit, eoque deciduo se renovat. J. Bauhinus invenit sponte nascens & florens mensè Maio in Sabaudia propè Common, non Locus. longè à S. Mauritio, itinere Genève Lugdunum.

Hæc planta in multis à præcedente differt, ut v.g. seminis fimbriâ planâ seu æquali, non crispâ seu granulatâ ut in illa.

Quam Cantabrigiæ aluimus planta ad nos missa est Londino *Caucalidis Hispanicæ* nomine. Semen autem non erat, ( quantum meminimus ) hirsutum, prout illud describit J. Bauhinus, proinde fortè hæc diversa est species, & quam depingit Alpinus *Caucalidis Lusitanicæ* titulo.

2. *Tordylium majus alterum luteum* Col. \* Seseli Creticum fructu majore C. B. Seseli Creticum majus luteum Park.

Col.

Hujus radix parva est respectu plantæ, fibrosa, candicans, dura, sapore inter Pastinacam & Eryngium dulci, aromatico. Folia congeneribus affinia, verum plantæ congeneri purpureo flore similia, majora & laviora, gustu parum acia. Caulem habet parem, ab imo alis divisum, tenuem, teretem, striatum, parum hirsutum, circa imum purpurantem, sicut foliorum petioli. Folia binis tantum lobis dividuntur aut ternis circa summum. Flores lutei Anethi in magna umbella, nullas habentes barbulae magnitudine dependentes, ut in aliis. Fructus edit cartilagineos, latos, magnos, compressos, alii majores, virentes: at cum proficiuntur limbo externo & umbilico candicante, nec hirsutos sed læves, parum vel nihil extuberante limbo, ruffaque lineâ umbilicum dividente; in summo Thlaspeos fructus modo infractos, ad cordis figuram accedentes, apices inde exerentes, habentes in umbilico singula semina, compressa, ovali effigie.

Maio floret & perficitur.

Hoc genus in horto cultum duntaxat vidit F. Columna. Fructus virentis sapor acrior, dulcis, parum naribus & cerebro in mandendo ingratus, gravi aromatico gustu.

N n 2

2. *Caucalis*



3. *Caucalis major Clusio* J. B. Ger. emac. *maxima* Park. *maxima*, *Sphondylii aculeato semine* C. B.

Clus.

*Caucalis* hæc omnium maxima Clusii multos à radice producit *stolones*, rectos, bicubitales & tricubitales, interdum etiam 4 cubitorum altitudinem attingentes, striatos, intus cavos, geniculis interceptos, & in plures ramos divisos, sub quibus latâ sede adnascuntur magna alataque *folia*, in ambitu incisa & serrata instar foliorum Angelicæ, ex atro virentia. Summis ramis adnascuntur umbellæ candicantium *florum*, subtus nonnihil purpurascentium & ad carneum colorem accedentium: quibus succedunt lata *semina*, ferè ut in *Sphondylia* vulgari, subhirsuta, & summo mucrone bifida aculeatâque instar spinarum. *Radicem* habet albam, duram, lignosam, raris fibris præditam.

Locus.

Mense Septembri fata illico emergit, viridisque permanet tota hyeme, quam commodè ferre potest: Subsequentis anni Junio flores, maturum semen sub exitum Julii & Augusto producit, quo ad maturitatem perducto perit.

## C A P. V.

*De Umbelliferis latis Pastinacæ foliis, semine fimbriâ granulata aut crispâ cincto, seu de Tordyliis.*

1. *Caucalis Syriaca cum maximo semine* J. B. *Gingidium latifolium* Ger. *latifolium Syriacum* Park. *foliis Pastinacæ latifoliæ* C. B.

J. B.

**P**lantula est bipalmaris & major, *radice* simplice, tenui, alba: *Coliculus* hirsutus, striatus, atrovi-rens, tortuosus: *Folia* Baucis sive Pastinacæ Germanicæ, alata, rotundiora, & foliis singularibus conflata, plerunque ternis vel quinis, crassiuscula, crenata, hirsuta, subaspera: *Flosculi* albicantes, apiculis saturatâ purpurâ tinctis, umbellatim quidem, sed sparsim dispositi, longis foliorum segmentis protensis obvallantur, odore nullo eccellente: quibus etiam nondum delapsis præcoci ortu succrescunt *semina* simul juncta, multa, incana, villosa, compressa, per maturitatem pulchrè peltata, duplicia, multò majora, etiam triplo vel quadruplo, quàm sequentium duorum, quibus similia, crispâ albâque fimbriâ umbonem cinericeum circumdante: (In iis lineæ duæ, nonnihil nigricantes, quales ferè *Sphondylia* vulgari:) Saporis aromatici.

Locus.

Rauwolfius hujus semen ex Syria allatum J. Bauhino communicavit.

Hujus umbella flore delapso in se convoluta & clausa cernitur Pastinacæ tenuifoliæ aut *Gingidii* in modum.

2. *Tordylium sive Sefeli Creticum minus* Park. *Sefeli Creticum minus* C. B. Ger. *Caucalis minor pulchro semine, sive Bellonii* J. B.

J. B.

Tenuem, lignescentem, albam *radicem* demittit & simplicem: *caulem* habet pedalem aut majorem, striatum, hirsutum: *folia* per conjugationes longo pediculo adnexa, subrotunda, serrata, aspera & pilosa, minora quàm *Caucalidis majoris*, *semine minus pulchro hirsuto*; quibus penitus similia etiam sunt ea quæ ramorum divaricationi adnascuntur, utcunque minora, nihilque cum superioribus *Caucalidis majoris* foliis habent simile. *Flores* in umbellam digesti, similes, candidi, quorum etiam flosculi exteriores majora habent bipartita folia: peltata *semina*, pulchriora, non ita hirsuta, fimbriâ candidâ crispâ vel granulata ambiente. Sapor plantæ ferè qui Staphylini. C. Bauhino flores & semina odorata, ac nonnihil acria Myrrhidis gustu.

Locus.

J. Bauhinus Monspelii sponte proveniente vidit, ubi eam copiosè oriri in vinearum marginibus, præcipuè circa pontem Castri novi, testatur etiam D. Magnol in Botan. Monsp. Nos eam in Sicilia circa Messanam observavimus.

Floret Junio, & Julio semina perficit: in calidioribus regionibus maturius.

D. Magnol *Sefeli Creticum majus* Lob. Obs. non aliter quàm magnitudine à minore hic descripto differre putat. J. Bauhinus *Caucalidis* suæ majoris semine minus pulchro synonymum facit, quæ certè planta est omnino specie distincta.

- \* 3. *Tordylium minimum Apulum* Col. *Sefeli Creticum minimum* C. B. *Sefeli Apulum Creticum minimum* Park.

Col.

Hujus *radix* tenuis admodum, albicans, dura, dulcis, aromatica & calfaciens est. *Folia* Coriandrina, majora quæ radici proxima, hirsuta, mollia; quorum primum oblongum, rotundis crenis per ambitum incisum, sesquiunciam longum, latitudine verò unciam parum superans; alterum verò duas æquat, nam veluti lacinias & incipientes lobos habet: Tertium caulis imo hærens longiore petiolo, binos lobos habet distinctos, parvos, rotundos, semunciali diametro, & in cacumine folium majus & oblongum, primis angustis. Quartum circa tertiam caulis partem hærens, tertio simile est, sed minus. Quintum verò tantundem ab inferiore distans, minus omnibus est, & acutius folium quod imminet. Ex illius & caulis sinu & geniculo ramulus exit. *Caulis* nudus est

supra



supra folium tertia parte, hirsutus, striatus, durus, tenuis, umbellam habens sylvestris Pastinacæ modo cum basi foliacea, longis foliolis hirsutis constructa, ipsamque planam & expansam, brevibus intus petiolis, in quibus flores albi, densi, minuti, luteis intus staminibus: in singulis verò florum corymbis tres flores exteriores barbulae habent magnas, binas ut in congeneribus, quorum medio insunt minora, & umbella exteriori pendulis barbulis armata videtur candidis, minutis intus flosculis remanentibus. Hujus semina adeo similia sunt vulgari, ut non nisi magnitudine differant. Duplo enim sunt minora, & umbilico nigriore. Maio adhuc virentia purpurascunt, deinde albicant, & folia decidunt à caule, ut planta cognosci nequeat, nisi à semine minutiore scutulis simili, per ambitum exiguis extumescens granulis vallato, ut in congeneribus, sed minora omnia: Sapore aromatico, odorato, amariuscule.

In incultis & sylva illa propè D. Rocchi ædem Cirinola observavit Columna.

Locus.

## CAP. IV.

De Umbelliferis semine foliaceo, Petroselinì vulg. aut Apii foliis.

1. *Apium montanum nigrum* J. B. VI. sive *montanum folio ampliore* C. B. item VIII. seu *montanum nigrum* ejusdem. item *Daucus* VI. seu *montanus Apii folio minor* ejusdem [ & Park. ] ex sententia fratris, adeoque ex una planta tres facit. *Apium montanum vulgatius*, & *Apium montanum Parisiense* Park. *Oreocelinum* Ger.

f. B.

**F**olium est per terram expansis, Apii hortensis, nigrioribus, durioribus, modicè acris & amaris, odoris nonnihil aromatici, & quasi vinosi, pediculo membraneo purpurascens caulem amplexis procerum, multiplicem, non multum crassum, solidum, striatum, nonnihil rubentem, ramosum; in quo umbellæ florum albescent, seminæque post se relinquunt longè foliis acriora, compressa, lata & ferè orbiculata, colore ante maturitatem plenam, modò rubente, idque intensius remissiusve, modò viridi. Radix insigniter crassa, mollis, supremâ parte capillatâ, intus forisque albida, sapore acri, amariicante, ingrato nonnihil, succum è vulnere remittens lactescentem, viscidum, resinofum.

Plenam & accuratam omnium hujus plantæ partium descriptionem è Cordi historia transcriptam vide apud J. Bauhinum.

In Germaniæ montosis & ad latera montis Juræ non procul Geneva copiosè provenit.

In summâ amat montosos arenososque tractus, ut rectè J. Bauhinus. Cordo Polychreston dicitur à Germanico nomine *Deelgut*.

Locus.

2. *Libanotis altera quorundam*, aliis dicta *Cervaria nigra* J. B. *Libanotis Theopb. nigra* Ger. *Daucus selinoides major* Park. *montanus Apii folio major* C. B. *Saxifragia Venetorum* Ad. Lob.

f. B.

Radices plures digitales, capite Mei instar capillato, in unam coeunt, quæ sensim attenuata pedes duos aut tres horum illorumque vagatur, altius humo depacta, foris nigricans, intus alba, lentam mucilaginem vulnerata manans, sapore resinaceo, aromatico, grato ad Pastinacæ Germanicæ accedens saporem: substantiâ teneriusculâ: Folia cubitalia quæ tum à radice, tum caule oriuntur, longis appensa pediculis, aliquatenus Petroselinì Macedonici divisura & effigie, rigidiora, glabra, glauci ferè coloris, crenata, sapore remissiore quàm radix: Caules autem ferulacei, striati, duos, tres quatuorve cubitos alti & in alas divisi, umbellas sustinent amplissimas flosculorum albicantium, priusquam dehiscant purpurascens. Semen latum ad Pastinacæ latifoliæ semen nonnihil accedens.

In pascuis montosis, inque vineis ad Rhenum in Germania, & in collibus Genevæ vicinis copiosè sponte natam observavimus.

Locus.

## CAP. VII.

De Umbelliferis foliis tenuius incis, Carotæ, succo lacteo turgidis.

1. *Apium sylvestre lacteo succo turgens* C. B. *Apium sylv.* sive *Thysselinum* Ger. *Thysselinum* sive *Apium sylvestre* Park. *Apium sylv. Dodonæi*, *Thysselinum quorundam*, planta lacteo succo turgens, locis humidis proveniens J. B.

f. B.

**D**uùm triumve cubitorum caules, striati, angulosi, glabri, ramosi, inanes, imâ parte ex fusco rubentes, ex quorum geniculis rubentibus oriuntur pediculi dodrantes & cubitales, caulium ritu striati, angulosi concavique, folia sustinentes Carotæ, glabra, valdè incisa, atrovirentia;



tia, lacteum liquorem, si rumpantur, reddentia, sapore ingrato, mixtâ cum amarore acrimoniâ. *Umbellam* gerit *flosculorum* Petroselini, albidorum. *Semen* rotundum, planum Anethi simile. *Dod. Radices* spargit complures, digiti minimi ferè crassitudine, longitudine alias palmari, aliàs dodrantali, candidas, eodem cum foliis sapore.

Locus.

Juxta lacus (inquit Dod.) uliginosis ac humidis locis, in scrobibus aquas residues habentibus, quandoque etiam Alnorum juxta veteres truncos reperitur, Junio ac Julio flores ac semen proferens. Hanc plantam nobis nondum videre contingit. Morisonus in Alnetis humidis passim circa Blâsas provenire asserit.

- 2. *Seseli palustre lactescens acre, foliis Ferulaceis, flore albo, semine lato* J. B. *palustre lactescens* C. B. Park.

Cam.

Folius est Ferulaceis, radice longâ, subfuscâ, ingrato admodum gustu, ceu fervore non exiguo fauces tentante, quem culta deposuit: caule ramoso, tricubitali; floribus candidis in umbellis; semine lato, foliaceo, lactescens.

Hujus unicam plantam reperit Camerarius in quadam palude sylvæ Norimbergæ vicinæ, neque alius quisquam, quod sciam, botanicus præter eum sibi observatam meminit. Certè ex descriptione ad sequentem plantam quàm proximè accedere videtur.

Locus.

Morisonus in omnibus pratis humidis circumjacentibus provenire scribit, seménque ferre sub finem æstatis. Folia habet multò tenuius incisa & longiora quàm sunt Thysselini.

## CAP. VIII.

*De Umbelliferis quibusdam semine foliaceo, foliis tenuiter, Cicutæ aut Seselios pratensis modo, divisis, succo limpido seu aqueo.*

- 1. *Apium cicutæ foliis, Selinum alterum Clusii, semine lato* J. B. *Apium peregrinum Cicutæ folio* C. B. *Ap. montanum verius* Park.

Clus.

Multa habet ab una radice prodeuntia folia, Cicutæ foliis non dissimilia: sed quæ caulem ambiunt minora sunt: Caulem cubito majorem, sæpe unicum, nonnunquam plures, & in his umbellas candidorum florum, quibus succedit semen latum, minus tamen quàm Ferulæ: radicem digitalis etiam crassitudinis, albam, odoratam & utrunque acrem.

Locus.

Provenit apricis & à Sole illustratis locis: Julio floret, Augusto semen profert in Salmanticensi agro.

- 2. *Seseli Massiliense* Ger. *Mass. Ferulæ folio* C. B. *Massiliense alterum* Park. *Massiliense Nuperorum, folio aliquatenus simili Vifnagæ* J. B.

Hujus folium dodrantali circiter longitudine & latitudine, tenuiter dissectum, cæsuris Vifnagæ, utrunque latoribus, vidit J. Bauhinus: florentem aut semen ferentem non observavit. Semen Camerario longius & latius est quàm Fœniculum, odoris vehementis. Lobelius Seseli suum Massiliense Ferulæ folio describit, majoribus, crassioribus, latoribus, latiùsque sparsis Fœniculi foliis: caule cubitali & proceriore: semine in umbellis Mei, compresso, carnosiore; gustu Seseli Æthiopici aut Peloponnesis, valde aromatico. J. Bauhinus dubitat an Lobelius eandem secum intelligat plantam.

- 3. *Umbellifera Alsatica magna, umbellâ parvâ sublata* J. B. *Daucus Alsaticus* Park. C. B. *item Daucus Hispanicus* ejusdem Parkinsoni.

J. B.

Indicta, quod sciam, Herbariis est hæc planta, proceritate hominem æquans aut major; caule rubente, striato, geniculato, inani, firmo satis, & in ramos diviso: ad cujus singulos nodos pediculi, caulem ceu vaginâ amplectentes oriuntur, longi cubitum unum, ex cujus lateribus alii breviores prodeunt, folia sustinentes Sileris aut Apii petræi modo divisa, sapore amaricante & aromatico prædita. Umbellæ pro plantæ ratione parvæ, Apii umbellis pares, ex floribus constantur luteolis, quorum singulos componunt foliola quinque cum apice longiusculo in medio. Semen, Anethino simile, foliaceum, latum, striatum, sapore aromatico, subacri & amaro. Radix lignosa, rugis arata, vegetiore sapore prædita est quàm semen.

Locus.

Inter Colmariam & Sultz, item inter Colmariam & Ruffack reperit J. Bauhinus, Octobris quinto cum flore & semine maturo.

Dauci Alsatici descriptio apud C. Bauhinum exceptâ solum umbellarum magnitudine huic convenit. Hanc etiam plantam in Palatinatu copiosam observavimus.

4. *Carvifolia* J. B. C. B. *Carum pratense* Park.

f. B.

*Carvifolia* voco herbam *radicibus* singularibus, pluribus, valdè longis, satis tenuibus, intus forisque albis, sapore viroso *Coriandri* virentis, nixam: *caules* emittentibus bicubitales & altiores, *Petroselinum* similes, tenues, striatos nonnihil, glaucos & angulosos, medullâ albâ fungosâ plenos, ramulos: *folia* partim à radice statim, partim ex caulium geniculis, quæ membraneo, striato pediculo obvolvunt, oriuntur, *Cari* foliis proxima, latiora, majora, glabra, palmo longiora etiam prima, divisurâ *Pastinacæ* sylvestris vel *Petroselinum* vulgaris, longioribus tamen segmentis (per quæ nervus discurrens sulcum exarat) quæ ex intervallis cruces ramosas canaliculatæ rachi annexas æmulantur, sapore acrisculo & nonnihil aromatico. Flores pediculis inæquali longitudine, canaliculatis, umbellatim digesti sunt, parvi illi quidem, & supernâ parte ex luteolo pallescentes & ferè albi, aversâ rubentes: quibus decidentibus *seminum* rudimenta purpurascunt, matura verò lata, striata, similia ferè *Pastinacæ* Germanicæ seminibus, glabra, aromatica cum amaritudine & acrimonia, minora quàm *Peucedani*, pallida.

In Montbelgardenfi Comitatu florentem invenit J. Bauhinus inter *Blussans* & S. Mauritium in *Locus* dumetis, iidem inter *Dampierre* & pontem *Vanjaucourt*.

## CAP. IX.

*De Umbelliferis semine foliaco, foliis in tenuissima segmenta Fœniculi æmula divisis; seu*

*De Anetho.*

**D**E *Anethi* Etymo nugantur Grammatici. Alii *ἄνδον* quasi *ἀνάνθη* dictum volunt, i. e. invictum, quod cibi excitat appetentiam. Verius *ἀνδον* dicitur *ἀνὰ τὸ ἀνδρὶ δῶν*, quod sine cursu sponte sua feratur, id est quod cito crescat; vel ut apud Theocriti Scholiasten habetur *ἀνὰ τὸ ἀνδρὶ ἡγῶν ἰσθῶν*, quod sursum ascendat sive eat, id est, quod rectum sit, sive in rectum assurgat. *Bod. à Stapel. in Theophr. hist.*

1. *Anethum* J. B. Ger. *bortense* C. B. *bortense* sive *vulgare* Park. *Dill* v? *Anet*.

*Fœniculo* persimile est, à quo tamen in multis differt; 1. *Radice* annua, inutili. 2. *Caule* minore & humiliore, ut qui sesquicubitum rariùs excedat. 3. *Foliis* magis glaucis, & odore minùs grato quàm illius. 4. *Semine* latiore, foliaceo, sapore acri, minùs grato etiam quàm *Fœniculi*. 5. *Umbellis* florum luteis pariter, sed minoribus.

In hortis seritur, sèquæ è semine deciduo, si permittatur, quotannis renovat; nullibi tamen *Locus* (quod sciam) apud nos in Anglia sponte oritur, ut quidam scripserunt.

Herba, sed præcipuè semen, digerit & discutit, maturat tumores, auget lac, conciliat somnum: *Vires*. Venereos appetitus minuit, singultui vomituique medetur. *Schrod.*

Oculis nocere & visum habetare dicitur: quod nobis mirum videtur, cum *Fœniculo*, (quod omnium consensu visum acuit) simillimum sit, tam qualitatibus quàm facie externa, nec minùs potenter flatus discutiat.

Teneræ comæ & radix recens vim habent diureticam, eaque calculosis non parum prodesse certum est.

Solent nostrates hujus semina aut etiam folia muræ, quæ cucumerulos pro acetariis condiunt, in coquere, ad saporem & odorem gratum communicandum, & frigiditatem corrigendum.

Decoct. *Anethi* in oleo & aq. qu. s. bibatur. Deinde frusta panis in aqua fervente madefac. præbeantur. Mirum in modum juvantur ægroti in ileo à fœcibus induratis etiam si sterco vomuerint. *Chefneau ex Oribasio.*

Ad singultum contumacem à frigida causâ, R. Ol. ex semine *Anethi* gutt. iiii. Ol. *Amygd. dulc.* ʒβ. m. f. haustus. Ad singultum nullis remediis cedentem hoc unum habuit *Otho Heurnius*.

2. *Anethum* Sylv. *grandius sativo*, foliis *Fœniculi* Cæsalp. *Anethum* Sylv. *majus* C. B. Park. *Anethum sylvestre* semine exiguo *Ammeos* J. B.

*Ammeos* potiùs quàm *Anethi* species, ideòque ad *Ammi* referendum, ubi ejus descriptionem vide. Eodem etiam pertinet, siquidem à præcedente differat,

3. *Anetho*



3. *Anetho similis planta semine lato, laciniato* J. B. *Gingidium folio Feniculi* C. B. *verum sive Syriacum* Park.

Rauw.

Plantula est Gingidio nostrati perquam similis, radice parva albicante, foliis feniculaceis, tenuioribus quàm in Pastinaca erratica, gustuque amarioribus: Umbellæ in medio capitulum cæruleum habenti subsunt folia tenuia ut Melanthio: Semina rotunda, confertim coacta in unum quasi capitulum.

J. Bauhinus semina describit quâ parte coherent mutuò aspera, rugosa, oblonga, extrinsecus striata, in ambitu foliacea, fimbriata, ut in Feniculaceis quibusdam, ab iis in eo differentia, quòd pulchrè in decem partes dividantur: totum semen paulò minus parvi digiti ungue vel denariolo.

In monte Libano Syriæ locis præruptis, provenire scribit Rauwolfius. Hac omnia è J. Bauhini historia descripsimus.

Locus.

## C A P. X.

*De Plantis semine foliaceo Umbelliferis, foliis in segmenta tenuia angusta tripartito divisis & subdivisis: seu*

*De Peucedano.*

**Π**ιδυδαυον ἀπὸ τῆς ῥίζης, id est, Pino nomen accepit, quòd Pino folium simile habeat: quâ de causâ ab Apuleio *Pinastellum*, id est, *parva Pinus* vocatur. Alii nomen invenisse putant à fœtore: Amarorem enim & fœtorem *πιδυδαυόν*, vox apud poetas significat. Homerus Il. x. πιδυδαυόν πύλα σόφρα πιδυδαυόν. Scholiastes exponit *μαρῶν, ἐλαδίου*. Hesych. *πιδυδαυόν, ἐξοδαυόν, μαρῶν*. Jo. Bod. in Theophr. hist. p. 1086.

Peucedani notæ sunt folia tenuiter dissecta laciniis tamen latoribus quàm Anethi, tripartito divisa & subdivisa.

A coma quæ supra radicem cernitur *Haarstrang* dicta est [Germanis] hæc herba, qua appellatione pilorum rectis significatur: A foliis & facultatibus *Sott-fennel*, i. e. Feniculum porcinum vel suarium. A croceo illo succo, seu à sulphureo radicis odore *Sulphur-wort* vocant. J. B.

- A. 1. *Peucedanum* Ger. *Germanicum* C. B. *minus Germanicum* J. B. *vulgare* Park. *Hogs-fennel*, *Sulphur-wort*, *Haarstrong*.

J. B.

Peucedano *radix* ex deciduis foliis comosa, crassa, altè depacta, cortice nigro obducta, substantiâ virescente, succum si vulneretur emittens fulvum, odore piceo, viroso. *Caulis* cubitum unum aut alterum etiam altus, in aliquot ramos brachiatus, striatus: *Umbellæ* insigniter latæ, tanta luxurie, ut interdum minores earum partes sobolem pariant Anethi umbellæ parem, in quibus *flosculi* reflexis foliolis flavescentibus constant, *staminibus* longiusculis apices flori concolores sustinentibus. *Folia* ampla trifariam dividuntur, singulæque eorum segmenta trifariam deinceps dissecantur, divisionum partibus Linariæ folio latitudine & longitudine ferè paribus. *Semen* foliaceum, longius quàm latius, striis exterioribus quaternis ferè, interioribus binis donatum, sapore acri & subamaro.

Locus.

In fossis palustribus propè *Shoreham* in Suffexia observavimus: ad Thamesin etiam flumen copiose provenire aiunt: inque fossis palustribus maritimis propè Walton non procul Harvico in Essexia. Prope Monspelium in luci Grammontii aditu.

2. *Peucedanum majus Italicum* C. B. J. B. Park. *majus* Ger. *Great Hogs Fennel*.

A præcedente non aliter differt quàm partium omnium magnitudine, si Botanicis fides.

Vires.

Peucedani radicem herbamve vi purgandi donatam fuisse Veteres prodidere, sed propter fœtorem utriusque minùs in usum deducta.

Expectorat mucilaginem Tartaream, bilémque educit. Usus præcip. in affectibus pectoris, tussi, inflationibus, in obstructione hepatis, lienis, renum. Ciet urinam & calculosis prodesse creditur. Extrinsecus in hemisrania aliisque generibus cephalalgia, à catarrhis ortum ducentibus, in tumoribus renitentibus, ulceribus inveteratis mundificandis, &c. *Schrod.* Veteres affectibus omnibus circa nervos consistentibus, ut Lethargo, phrenesi, epilepsia, vertigini, paralyfi convenire aiunt.

Gelatina sive Conserva radicum pectorale insigne est & hystericum.

2. *Peucedanum Siciliae foliis hirsutis, floribus luteis* J. B.

Cæs.

Aspectu simile est Panaci Asclepio seu Ferulagini [ *Foliis Fœniculi, floribus luteis* ] longioribus tamen *foliis*, erectis, hirsutis, pediculis densis ac brevibus eorum capillamentis. *Caulem* lævem ac tenuem fert, cubitalem: *flores* luteos: *semina* oblonga, striata, in foliaceam latitudinem desinentia, sapore resinaceo. *Radix* Pastinacæ figurâ, sed cortice atro: madet succo, qui concrevit in lachrymam thuri similem, non solum colore, sed & odore: at sapor acris & amarus est. *Caulem* gignit cum folia dimiserit propè finem ætatis, perficit adventante hyeme.

*Peucedanum minus foliis lobatis angustis* Moris. prælud.

Moris.

Hoc genus folia producit quina aut sena, nunc plura, nunc pauciora, Rachi seu nervo medio è regione adnascens, uno extremum claudens: è quorum medio sese erigit caulis bipedalis, sustinens *flores* luteos umbellæ in modum: *semina* fert membranacea, rotunda, Peucedani vulgaris instar.

## CAP. XI.

## De Herbis quibusdam semine foliaceo Panacis nomine insignitis.

1. *Panaces Asclepium Guilandino, flore albo, folio aliquatenus Carotæ sed tenuiori* J. B.

J. B.

**F**olia habet divisurâ ferè Carotæ vulgaris, quorum tamen segmenta tenuiora delicatioraque sunt & rariora, nequaquam ut illa hirsuta. *Caules* canaliculati, tenues: *umbellæ* Ammeos vulgaris pares, in quibus *flosculi* minuti, albi. *Semen* foliaceum, geminum, oblongum, Thapsiæ quorundam semini simile, minus, candidius, aromaticum, amarum, tres quatuorve costas exterius, interius quoque lineas, sed pauciores nigricantesque habens.

2. *Panaces Asclepium alterum Dalechampi J. B. Asclepium umbellâ luteâ C. B. Asclepium Dalechampi Park.*

*Radice* est Apii, candidâ, tenui, acri, odoratâ, *folio* tamen Apii aut Coriandri potius quàm Fœniculi, hirsuto: *flore* luteo in umbellis circinatæ rotunditatis.

In asperis locis & tumulis propè Monspelium provenire dicitur.

Locis,

3. *Panaces moschatum Americanum* Park. *Herbatum Canadensium* sive *Panaces moschatum* Cornut.

Cornut.

Planta est bicubitalis, *radice* albâ, longâ, carnosâ: *foliis* quæ prima prodeunt longis & latis, Costo hortenfi aut Lepidio similibus, (hoc est leviter solum in ambitu dentatis) sequentibus verò in profundas adeò lacinias dissectis, ut illæ folii costam ferè pertingant. Pedalis folia longitudinis esse solent, & orbiculariter caulem juxta terram cingunt. Nec enim ulla per caulem distribuuntur, nisi fortè ubi caulis in ramulos diducitur; hac enim parte breve foliolum nascitur, sed mutilum nihilque debitæ formæ retinens, ibique est potius vinculi loco quàm folii, sacra ita disponente naturâ, nè viz. ea pars, quæ est fragilis & impar capitis oneri, ventorum flatibus disrumperetur. Hac ergo parte caulem nodo velut geniculo roboravit, muniitque tuberculo adnatis ramuli extremum, & utrumque foliolo velut membranâ latius extensâ obduxit, quò validius obfirmaret. Cymæ singulorum caulium in *umbellam* se spargunt, adeò gravem ut antequam *flosculi* hient deorsum usque nuter. *Flos* albus est ut Panacis vulgaris, odore præcipuus, qui è longinquo quemque invitat halitu moscho gratiore. *Semina* succedunt minùs lata vulgaribus. Tota planta subalbida est, & asperiori tomento obducta. Sapor foliorum acer est & odoratus, sub finem aliquantulum amarus: *Radix* verò non tantum amaritudinis habet.

Floret Septembri & Octobri.

An plantam hanc rectè hoc in loco posuerim dubito.

## CAP. XII.

## De Thapsia.

**T**hapsia ex eo nomen accepit, quòd in Thapso ejusdem nominis insula primum inventa fuerit, autore Dioscoride.

Thapsiæ notæ genericæ sunt Folia tenuiter dissecta: Semen alâ foliaceâ summâ parte bifida cinctum, sapore acri.

1. *Panax*



\* 1. *Panax Asclepium Apulum Columnæ Park. Pan. Asclep. semine folioso C. B.*

Col.

*Radicem* habet tenuem, longam, pollicis crassitie, cortice crasso, subflavo, ex albo foris, intus candido, fungoso; medullâ intus parvâ, lignosâ, albâ, totam oblique rugosam, copioso lacte viscoso candido turgidam, ut gummi statim concrecente, amaro, ingrato sed aromatico vel medicato acri gustu [gummi etiam invenitur sapore & odore Thuris, verum amaro] cujus caput pilosum est villis foliorum maridorum. *Folia* non alia habet quàm propè humum in orbem sparsa, atque convexa circa caulis imum, quæ capillaria sunt minutis lobulis densis divisa, Millefolii vulg. modo atque hirsutis, in petiolorum alis five costis hærentibus: *Folia* autem tota Fœniculi similitudine sunt sed majora; singula in costas septem [hinc inde tres & imparem mediam] quinque majores, & duas verò parvas in imo obliquiores circa crassum petiolum rotundum atque cavum, hirsutum divisa, sesquipedalis longitudinis; lobuli verò minuti sunt, quàm Fœniculi breviores & hirsuti. *Caulem* è foliorum centro profert singularem Fœniculaceum, bipedalem aut tripedalem ad summum, tenuem, geniculis five nodis absque foliis distinctum, paucis, rectum, foliis nudum, in cujus cacumine unicam aut duas *umbellas*, rarò tres invenimus, Julio mense *floribus* luteis onustas, amplas, dodrantali diametro, planas, verum semina perficientes extuberantes rotundantur. *Semina* foliacea sunt, alata utrinque binis cartilaginibus, ut in *Thapsia* dicta, in quibus & in *umbellæ* centro, atque etiam in caule aliquibus concretum gummi flavescebat, odoratum invenimus adhærens. *Semen* verò cartilagine denudatum oblongum, amarum, acre, & eodem cum radice odore.

Locu.

Hanc propè vineam Reguli *Acquamena* dictam eruimus & copiosam invenimus, edito devexoque loco Septentrioni adverso: alibi etiam in Apulia frequens est.

*Thapsia latifolia Hispanica Park. latifolia Clusii Ger. Thapsia* 1. *Clusii, latifolia, flore luteo, semine lato, similis Sefeli Peloponnesi Lobelii J. B. latifolia villosa C. B.*

Clus.

Ferulacea habet *folia*, viridia, villo seu lanugine quadam obducta, humi velut in orbem diffusa, ingrati faporis, inter quæ cubitalis, interdum etiam bicubitalis exilit *caulis*, digitalis crassitudinis, nodulosus, intus cavus & fungosus, raris foliis præditus, summo fastigio magnam & latam sustinens *umbellam* luteorum seu flavorum florum, quæ dum maturuit *semen*, quod latum & acerosum est, germinemque habet longum & angustum, sphericam & orbicularem figuram quodammodo refert. *Radix* crassa, longa, summa parte capillata, crassiore libro vestita, foris subnigro vel fusco, interiore parte candicante, lacteo succo plena, gustu amarissimo & acri, nauseam tamen movente, adeo ingrata est, medius ejus nervus fungosus.

Locus & Tempus.

Gaudet collibus petrosis, quales sunt non procul ab ostio Tagi supra Ulyssipponem & multis aliis Lusitanæ Hispaniæque locis editioribus & incultis. Floret Augusto, nonnunquam maturius.

Hæc planta in quamplurimis ad præcedentem accedit, ut descriptiones conferenti patebit. Hinc C. Bauhino & nobis eadem videtur.

*Thapsia quorundam hirsuta & aspera, Cicutæ folio, flore luteo, semine lato, aliis Sefeli Peloponnesiacum J. B. Sefeli Peloponnesi Cicutæ folio Ad.*

J. B.

Herba cubitali & altiore, ferulaceo, tereti, intusque fungoso *caule*, ramis multis brachiato: *Folia* Cicutæ foliis quodammodo similia, crassiuscula, hirsuta multum & aspera, in alas oppositas subiecta, quarum segmenta singularia semunciâ longiora, serrata: *Umbella* lata, lutea: *semen* magnum, per extrema bifidum, ex rotundo oblongum, labiis foliaceis, simile *Thapsiæ* Gargani montis, sed minus: *radix* sesquipalmaris, crassa, solida, exterius nigricans, intus alba, gustu amaro, acri & aromatico, terram versùs capillata.

Hanc plantam Lobelius & C. Bauhinus *Thapsiæ latifoliæ* Clusii proximè descriptæ eandem faciunt: J. Bauhinus ex autoritate Clusii distinguit, Lobeliûmque & fratrem notat. Ego C. Bauhini sententiam amplectar, donec melius edoctus fuero.

Locu.

Invenitur in montibus circa Monspelium & Nemausum, & alibi in Gallia Narbonensi. Vide *Botan. Monspel.*

2. *Thapsia sive Turbith Garganicum semine latissimo J. B. Thapsia Carotæ folio C. B. minus rectè ex sententia fratris.*

J. B.

Ampla & pulchra sunt hujus *folia*, glabra, pedem longa, in alas per certa intervalla ex adverso fitas divisa, atque ex rursus in segmenta alternata vel fortuita subsecantur, Peucedani ferè segmentis singularibus similia, nisi & latiora & breviora essent: *Caulis* crassiusculus, desinens in *umbellâ* magnas, quæ iterum dividuntur in parvas, luteas, quibus *semen* succedit longè maximum, unciam longum, paulò minus latum, lobis præditum magnis foliaceis, per extremum bifidum, simile *Thapsiæ latifoliæ* Clusii, sed duplo ferè majus.

Locus.

Plantam hanc in Regni Neapolitani monte Virgineo Campaniæ, & in monte Gargano Apuliæ reperiri refert Imperatus.

Vires.

*Thapsiæ* radix ejusve succus aut decoctum supernè infernèque cum violentia purgat, ideòque intra corpus exhiberi non debet. Quidam pro *Turbith* per errorem substituant. Messanenses ex numero sunt, qui pro *Turbith* hac planta utuntur, ut rectè Imperatus.

3. *Thapsia*



3. *Thapsia Fœniculi folio* C. B. Park. *tenuifolia* Ger. *Thapsia* 2. *Clusii*, flore luteo, foliis tenuioribus *Fœniculi pœne instar* J. B.

*Clus.*

Hoc genus *Thapsiæ* cubitali donatur *caule*, graciliore tamen quàm prima species, *umbellâ* etiam simili florum & seminis, sed minore: *folia* illi multò tenuiora quàm illius, *Fœniculi* pœne foliorum instar, nullam insignem qualitatem habentia: *radix* longa, digitalis crassitudinis, foris nigra, intus candida & fungosa, acris, summo capite villosa.

Iisdem quibus primum genus locis invenitur.

4. *Thapsia Thalictri folio* Botan. Monsp.

*Magnol.*

Rara est admodum hæc *Thapsia*, ex Africa litoribus allata circa propugnaculum dictum *la Tour de France*. *Radicem* habet crassam, quæ *folia* plurima producit plurifariam divisa, sicut in *Thalicthro* pratensi *Monspeliensium*, latiora, crassiora, rugosiora & splendentiora, inter quæ *caulis* oritur cubitalis, *umbellas* habens flosculorum luteorum, quibus succedunt *semina* oblonga alâ foliaceâ cincta.

In horto Regio *Monspeliensi* colitur.

*Locus.*

5. *Thapsia maxima latissimo folio* C. B. *maxima Hispanica* Park. *Th. Salmanticensis* sive 3. *Clusii*, magna flore luteo, semine lato J. B.

*Clus.*

Est hæc longè major superioribus, utpote *Caulem* habens tres aut quatuor digitorum crassitudinem æquantem, instar *caulis Ferulæ*, & sæpissimè humanam altitudinem superantem: *florem* & *semen* primo generi non dissimilia: *folia* antequam planta in *caulem* assurgat multò ampliora, in orbem tamen non secus ac illa humi diffusa, *radicem* etiam crassiorē.

Nascitur hæc non solum agro *Salmanticensi*, sed circa *Pinciam* vulgò *Valladolid* dictam, & tota *Locus.* *Vetere Castellâ* ad *Pyrenæos* usque montes.

Sed nec parum hallucinantur qui hanc plantam *Cicutariam* maximam foetidissimam *Lob.* esse censent. Cum *Lobelius* ipse dubius sit an *Cicutaria* sua maxima *Brancionis* sit *Thapsia Salmanticensis Clusii*, an potiùs *Cicutaria* maxima foetida, eamque non describit, non est cur nos de ea admodum solliciti simus.

*Vetulæ Salmanticenses*, medicinam isthuc exercentes, huius radice utuntur ad provocandos menses, *Vires:* aliâque dejectiones moliendas. Tantâ autem vi tum supernè tum infernè purgat, ut fumentes in maximum periculum sæpenumero conjiciat.

6. *Thapsia foetidissima* Park. foliis *Libanoridis foetidissima* C. B. 4. *Clusii*, Tuero vocata, foliis glutinosi, radice nigra foris J. B.

*Clus.*

Eodem *Salmanticensi* agro & vicinis locis nascitur hæc *Ferulacei* generis planta, foliis *Libanotidis*, per terram similiter expansis, lento quodam & glutinoso rore semper aspersis, saturâ viriditate splendentibus, radice crassâ, longâ, tenerâ & fragili, foris nigra, intus albâ, succo lacteo plenâ. *Caulem* nullum observabam, sed eum ferre dicebant rectum, tenuem, & in eo *umbellam* florum pœne in globum coactam.

Tota planta teterrimi odoris est: unde verisimile esse conjicio non minùs esse noxiam quàm sit *Thapsia*, ad cujus genus referenda videtur.

7. *Thapsia vulgaris* Ger. *Carotæ folio* C. B. Park. *Carotæ facie* J. B. An *Thapsia Gesneri* seu *Turbith Garganicum*?

*J. B.*

Et lata & longa sunt *Thapsiæ* huius *folia*, pediculo tam primario, quàm aliis minoribus segmentorum hirsuto, aspero, rubente: segmenta in alis foliorum singularia, non ex adverso nascuntur, alioqui tota facie *Carotæ vulgaris* folia satis referunt, hirsuta, venosa. Addit *Parkinsonus* *umbellam* florum luteam esse, quàm *Ferulæ* minorem, uti sunt & *radix* & *semen*.

*C. Bauhinus* *Thapsiam Gesneri* sive *Turbith Garganicum* huc refert, minùs rectè, quia *Gesnero* dicitur semine latissimo, quod huic non convenit. Idem *Thapsiam Cæsalpini* huc quoque refert, quam *Joannes* frater specie distinctam putat, quia *Cæsalpinus* *Ferulæ*, non *Carotæ* similem facit.

8. *Thapsia Cæsalpino semine candido crasso* J. B. an eadem præcedenti?

*Caulem* fert non excedentem bina cubita, candicantem veluti cinere asperso: *Folia* proportionè minora, sed latioribus segmentis & subcandida: *florem* luteum in *umbellis*: *Semen* autem candidum, striatum, crassum & longius, in foliacea quædam labra desinens. *Radix* subest candida, crasso capite, in ramos diviso, succo lacteo valdè acris, ut tractantium & manus & facies tumescant.

Hæc



Hæc planta Cæſalpino deſcripta eadem eſt noſtrâ ſententiâ illi quam circa Meſſanam obſervavimus, fortè etiam Thapſiæ Geſneri ſeu Turbiſh Garganico ( ut vult C. Bauhinus ) & Thapſiæ Carotæ folio. Thapſiæ ſpecies citra neceſſitatem multiplicare videtur J. Bauhinus.

## CAP. XIII.

## De Ferula.

**F**erula, Græcis Νάρθηξ, à ferendo dicitur ( ut nonnulli volunt ) quòd ſcapi illius pedamenta fruticibus ac ſenibus baculi & ſcipiones eſſent. Plin. l. 13. c. 22. *Nulli fruticum levitas major, ob id geſtatio facilior, baculorum uſum ſenectuti præbet.* Alii Ferulæ nomen à feriendo impoſitum contendunt : Antiquitus enim diſcipulorum manus ferulâ cadebantur, unde Martialis Ferulam ſceptrum pedagorum appellat.

Ferula ab aliis hujus generis diſtinguitur foliis fœniculaceis, feminibus oblongis per maturitatem nigricantibus, quibus addi poteſt medulla fungoſa, igni concipiendo idonea.

1. *Ferula folio Fœniculi, ſemine latiore & rotundiore* J. B. *fœmina* Plinii C. B. *tenuiore folio* Park. *Ferula* Lob. Ger. **Fennel-giant.**

*J. B.*

Ad quinque aut ſex cubitos excreſcit, caule craſſo, fungoſâ medullâ pleno, ramoſo. *Folia* ampliffima, diviſurâ Fœniculaceâ, ſed ſegmentis latoribus, Ferulæ glaucæ mox deſcribendæ ſimilia, ſed magis virentia : Umbellæ latæ *florum* luteorum, quibus delapſis ſemen ſupervenit magnum, foliaceum, ſemunciam latum, paulò longius per extremum lateſcens, exteriore parte triplici lineâ elatiore ſtriatum ; quâ gemina ſemina conjunguntur fibrâ unicâ longâ donata ſunt. *Radix* craſſa, ramoſa, lacteo ſucco manans.

Odor plantæ nonnihil gravior videtur quàm Ferulæ glaucæ, ſapor acris.

*Locus.*

In montibus Meſſanæ imminentibus copioſè provenit, & alibi etiam in Sicilia & Italia : plurima quietiam & procerâ in Narbonenſi Gallia, præſertim rupibus illis præruptiſque ſaxis propè ſubterraneas cryptas via quâ Monſpelio Frontignanâ itur, ad dextram ; ut rectè Lobelius.

*Vires & Uſus.*

Hujus caulis cùm exaruerit leviffimus eſt, quia fungoſus, adeò tamen robuſtus, ut ſufficiat pro baculo ad ſuſtentandam ſenectutem. *Cæſ.*

Medullâ caulium fungoſâ nonnullos in Sicilia pro fomite ad ignem è ſilice excuſſum concipiendum uſos obſervavimus, cùm in inſula illa peregrinaremur ; unde intelligitur cur poetæ finxerint, Prometheus ignem cœleſtem furatum, cavâ ferulâ exceptum deportâſſe in terram,

Ἐν κοιλῇ νάρθηκος λαδὼν διὰ περιέκλειον.

Hujus viridis medulla pota ſanguinem ſpuentibus & cœliacis prodeſt, ſanguinis eruptiones fiſtit : Semen potum torminibus auxiliatur. *Dioſc.*

E Ferulis primâ tantum germinatione corculum quoddam paſtores eximunt, ovi luteum induratum referens, quod ſub cineribus aſſatum, priùs tamen chartâ aut linteo madefactis involutum, mox pipere & ſole conſperſum, non modo guſtui gratiffimus eſt cibus, ſed etiam ad excitandam Venerem valentiſſimus.

2. *Ferula folio glauco, ſemine lato oblongo, quibuſdam Thapſia ferulacea* J. B. *An Ferulago latiore folio* C. B. ? *Libanotis Fœniculi folio, ſemine foliaceo* ejuſdem. *Ferula latiore folio* Park. ? *Panax Aſclepium* Ang. & Cam. eidem. *Ferulago* Ger. **Broad-leaved Fennel-giant.**

Mirum quàm grandefcat hujus radix : *Gaulis* humanam proceritatem multum excedit : *Folia* magna, ferulacea, minùs ad Fœniculum accedentia quàm præcedens Ferula, coloris glauci, potiſſimum ſubtus, quorum ſingula ſegmenta latoria breviorâque ſunt quàm Fœniculacea aut Ferulacea, ſuccum lacteum manantia, odore gravi, ſapore acri : *Florum* umbellæ colore ſubluteo. *Semen* magnum, compreſſum, ſtriatum, nigrum, anguſtius quàm Ferulæ.

Deſcriptio Roſmarini *Ferulacei fertilis Dioſcoridis* apud Lobelium in Adv. huic apprimè quadrat. C. Bauhinus Ferulam galbaniferam Lob. hujus Synonymam facit. Joannes frater dubius hæret an Lobelius per Ferulam galbaniferam hanc intellexerit. Deſcriptio *Ferulæ galbaniferae* apud Lobelium nimis ſuccincta eſt & ſterilis, quàm ut ex ea certi aliquid exſculpere poſſimus. Nos tantisper C. Bauhini ſententiam amplectemur, dum quis nos certius aliquid edocuerit : nec me multum movet, quòd Lobelius hanc tradat ſub titulo *Roſmarini Ferulacei fertilis Dioſcoridis* : Fortè eandem plantam bis tradit ſub diverſis titulis. Ego certè Lobelii memoriæ non multum fido.

Nec minùs incertum eſt quòd referri debeat

3. *Ferulæ facie Thapſia ſive Turbit Gallorum* J. B. *Thapſia Turbit Gallicum & Turbit cinerium officinarum* Ad.

*Lob.*

Hanc à Rondeletio in Aquitaniæ macilentioribus montofiſque ſqualidis inventam propè vadum quâ trajicitur in Hiſpaniam, tum ad radices Pyrenæorum non procul Perpignano ſic deſcribit Lobelius.

lius. Crassior radice cortex, fusco foris colore, intus pallens, succoque multo gliscit lacteo, gummeo : *caulis* Peucedani, gracilior quàm Fœniculi, foliisque Fœniculo latiora, breviora : In umbellis *semen* Ferulæ minoris, oblongum, angustius, montani Sileris.

Nos (inquit J. Bauhinus) quò debeamus referre Thapsiam hanc Lobelii incerti sumus. Multa habet communia cum Ferula glauco folio jam dicta : Verum Rosmarinum ferulaceum Lob. melius cum ea convenit. Fortè una & eadem planta sunt Rosmarinum ferulaceum, Ferula glauco folio, & hæc, tribus diversis nominibus per errorem pro diversis plantis propositæ. C. Bauhinus pro Thapsia duas Clusii habet, & Thapsiam Fœniculi folio denominat. Thapsiam autem illam superius tradidimus.

- \* 4. Libanotis quibusdam flore luteo, semine Ferulæ J. B. Libanotis Ferulæ folio & semine, C. B. Lib. Ferulæ folio & semine, sive Panax Asclepium Ferulæ facie Lobelii Park. Panax Asclepias Ferulæ facie Ger. emac.

7. B.

Folio est Ferulæ ferè pari, minutius diviso, rigidior, odoris non ingrati, pediculis solidis minimèque fungosis nixo : *Caule* procero, ramofo, striato. *Flore* umbellato, luteo, parvo : *semine* raro per sparsam umbellam, foliaceo Ferulæ, longo, duplici, albicante, potissimum quod foliaceum in illis est, striato, insigniter amaro & veluti resinoso : [ *Caule & radice* magnitudine atque similitudine Anethi odorato Lob. ]

Ex Istria asportavit Valerandus Dourez, Insulanus, Lugduni Pharmacopœus.

Locus.

Hanc à supra-scriptis diversam esse vel solus feminis color albicans evincit.

Ferula galbanifera Lob. quam ortam scribit è semine reperto Antverpiæ in Galbani lachryma, quò referenda sit, an ad Ferulam folio glauco, &c. dubius hæret J. Bauhinus. Nos ( ut diximus ) cum C. Bauhino sentimus, nimirum Ferulaginem latiore folio esse ipsissimam Ferulam galbaniferam Lobelii.

Galbanum succus est pinguis, non tamen Oleo solubilis, sed aquâ ; mediâ quodammodo naturâ De Galbano. constans inter gummi & resinam, accendi enim igne ut Resinam, humore aqueo solvi ut Gummi : colore flavescens [ intensè flavo vel albido Schrod. ex ruffo sublivido Cæs. ] substantiâ molli & ceræ instar ductilis, sapore amaricante cum acrimonia, odore vehemente, & cum gravitate quadam viroso [ Opopanacem referente Schrod. ]

Galbani opera præcipua sunt emollire & digerere. Usus intrinsecus est in mensibus ciendis, fœ-Vires. tibus vivis & mortuis necnon secundinis pellendis. Extrinsecus etiam prodest in partu ac mensibus, in suffocatione uteri, vertigine. Locus est fumi etiam in Epilepticis, hysteris, syncopis, &c.

Qui diluto manus unxerit, impunè tractabit serpentes ; si Veteribus fides.

- \* 5. Ferula Tingitana folio latissimo lucido Hort. Edinburg.

Hunc titulum invenimus in Catalogo Horti Medici Edinburgensis : plantam ipsam nondum videre contigit. Nuperrimè folium ejus ficcum ad me Londino misit ingeniosiss. Vir, & Botanicus peritissimus D. Hansl. Sloane, titulo Ferulæ foliis lucidis & crispis, quod mihi potius Apium quoddam referre videbatur quàm Ferulam.

Ferulago tenuiore folio C. B. Ferulago, sive Ferula minor Park.

Hæc multò humilior est Ferulagine latiore folio superius descripta n. 2. foliis minoribus & angustioribus, Fœniculaceis tamen majoribus, uti sunt & umbellæ ; Semina præcedentium utriusvis [ primæ & secundæ spec. ] minora, iis tamen similia & nigricantia : Radix minor & candidior, paucis fibris donata.



## SECTIO SECUNDA.

De Plantis Umbelliferis semine tumidiore & minùs compresso donatis,  
eòque majore.

**H**AS seminum respectu dividemus in eas quæ semine sunt, 1. Subrotundo, magno, fungoso; *Cachry* dicto: 2. Striarum loco multis alis foliaceis cincto: 3. Longo, nonnullis rostrato: 4. Breviore striato; eòque vel majore vel minore.

*Plantæ Umbelliferae semine tumidiore & teretiusculo seu rotundo sunt vel*

*Piluliferae*, seu fructu maximo, fungoso, subrotundo *Cachry* dicto: *LIBANOTIS cachryophorum*.

Semine multis alis foliaceis cincto, striarum loco: *LASERPITIUM*.

Longo, quibusdam rostrato dicto,

Magis propriè rostrato, utpote *Geranii moschati* fructus æmulo: *SCANDIX*, *Pecten Veneris*.

Lævi,

Major, perennis: *CICUTARIA vulgaris*, *Myrrhis sylvestris*.  
Minor annua, odorata: *CEREFOLIUM* seu *chærephyllon*.

Striato, foliis

Latioribus;

Major, semina itidem maximo, odorata, radice perenni, foliis Filicis æmulis: *MYRRHIS sativa*.  
Minor, annua semine minore, caule solido, nodoso: *CEREFOLIUM sylvestre*.

In tenues lacinias dissectis, seminibus in hoc genere brevioribus; foliorum segmentis

Crebrioribus, capillaceis, radice perenni: *MEUM*.

Paucioribus majoribus, radice annua, semine odorato, incurvo: *CUMINUM*.

Breviore,

Striato

Lævi, hoc est neque hirsuto, neque villoso, neque aculeato.

Majore,

Per maturitatem nigro, tumido, & ferè rotundo, foliis latis: *SMYRNIUM*.  
Per maturitatem albente, aut minùs colorato; foliis

Latissimis,

Ramosioribus, odoratis: *ANGELICA*.  
Tripartitè divisis & subdivisis, radice perpetua, acri: *IMPERATORIA*.

Minùs latis

*Apii*, magna & elata, radice perpetua, odore valido nec ingrato: *LEVISTICUM*.

*Aquilegiæ*; *LIBANOTIS Aquilegiæ folio*.

*Seselios*; summis segmentis tripartis: *SILER montanum*.

*Feniculi*; *SESELI montanum Feniculi folio*

Minore

Minore, radicibus

Tuberosis, tubere

Simplici, semine lavi aut obscure striato, foliis minutis, radice esculenta:  
BULBOCASTANUM.

Multiplici,

Foliis, odore & sapore Pastinacæ latifoliæ: SIBARUM.

Foliis tenuius dissectis, in aquosis nascentes: OENANTHE, Filipendula  
aquatica.

Cauliformibus strigosioribus & lignosioribus, foliis

Pinnatis aut minus saltem ramosis,

Forma, odore & sapore Pastinacæ latifoliæ: Sium.

Foliis Pimpinellæ sanguisorbæ, radice fervidâ: PIMPINELLA Saxi-  
fraga.

Foliis profunde laciniatis, radice dulci, semine aromatico: CARUM.

Ramosioribus seu triangulatis

Latioribus,

In pauciora & obtusiora segmenta seu folia simplicia divisis: APIUM.

In plura & acutiora;

Cicutæ amula, CICTA & Cicutaria.

Carotæ similis, umbellâ pariter clausâ: VISNAGA, Gingi-  
dium.

Angustioribus, in segmenta seu folia simplicia divisis

Breviora, acutâ umbellâ sublateâ: SAXIFRAGA pratensis, Feni-  
culi amula maritima: CRITHMUM.

Longa, angusta, per margines serrata; seu breviora minus aspera,  
semine aromatico: AMMI; seu longiora, latiora, asperiora,  
radice reptatrice: CRITHMUM 4. Matth.

In segmenta tenuissima capillacea divisis

Oblonga; FOENICULUM.

Breviora: DAUCUS, sub quo nomine multas complectimur spe-  
cies, variis appellationibus à Botanicis insignitas. Quæ radice  
fervida est, PYRETHRUM dicitur.

Imis latis, summis tenuibus, semine dulci, aromatico: ANISUM.

Hirsuto; cujus generis plures species sunt, nullo communi nomine donata, ut v. g.  
Daucus Creticus, Apium Macedonicum.

Aculeato seu echinato aut hispido: CAUCALIS.

Sphæricæ rotunditatis; Cimicum tetro odore: CORIANDRUM.

Anomala maritima: PASTINACA MARINA.



## CAP. I.

## De Libanotide Cachryophora.

**L**ibanotis, quod radix *ῥιζὴν λιβανωτὸν*, thus redoleat, dicta est; ejus semen Cachrys dicitur. Cachrys autem plurima significat, de quibus consule Grammaticos.

Notæ hujus generis characteristicae sunt folia tenuiter dissecta, semina tumida, nucis Myristicæ parvæ figurâ, fungosâ substantiâ nucleum ambiente.

Vires.

Cæterum Cachrys, autore Dioscoride, vim habet calefacientem & valdè resiccantem: unde in smegmate commodè miscetur, & ad fluxione laborantes oculos capiti inspergitur, & post triduum desiccatur.

Secundùm Æginetam vim habet repurgandi, discutiendi & calefaciendi, ideoque comitialibus subvenit, & suffusis felle cum Pipere & vino potum. Illinitur idem ruptis, convulsis & podagris utiliter. Usus ille etiam est ex oleo contra febrium perfrictiones & cum tremore algore.

- \* 1. *Tataria Hungarica edulis, Panacis Heraclei folio, semine Libanotidis Cachryophoræ* J. B. *Panaci Heracleo similis Ungarica* C. B. *Pan. Heracleo similis Tataria Ungarica dicta* Park.

Clus.

Non vulgaris est planta, quæ radicem habet crassissimam & longissimam: nam brachialis crassitudinis, & cubitalis longitudinis, aut etiam ampliores accipere meminit Clusius ab Ill. Dn. Balthasare de Bathyan, qui in ejus gratiam ex Ungaria Transdanubiana adferri jusserat, ut in hortum suum Viennæ transferret. Illis autem folia emerferunt Rapi foliis non valdè dissimilia incisuris & laciniis, breviora tamen, & veriùs ad Panacis foliorum formam accedentia, rudi atque aspera lanugine prædita, ex viridi pallescentia, alia deinde paulò minoribus incisuris divisa, nec minùs aspera, inter quæ asurgebat Caulis cubitalis aut amplioris longitudinis, pollicaris verò crassitudinis, striatus, concavus & nodosus, perinde asper ac folia; quem latò pediculo amplectebantur minora folia & multifida, asperâ etiam lanugine obsita. Summus caulis in umbellam definebat Panacis Heraclei umbellis similem, in quibus flores & formâ pares & colore: quibus evanidis succedebant rara (nam singuli flores non sunt fœcundi) semina, valdè crassa, nec valdè abfimilia semini illi magno & striato Libanotidis Cachryophoræ. Biennio quidem eas radices aluit Clusius antequàm una illarum & caulem & semen proferret: deinde corruptæ sunt, tandèmq; fœtidum odorem exhalârunt, ut horto fuerint ejiciendæ.

Usus.

Hujus porro radice Ungari Agriæ vicinî atque etiam ulterioris Daciæ contermini in annonæ caritate & inopia vescuntur alterius panis penuriâ, ut Clusio asseriebant non modò Heros ille illustris, sed etiam alii nobiles viri qui in eâ provincia vixerant.

2. *Libanotis Cachryophoros quibusdam, floribus luteis* J. B. *Ferulæ folio, sive Cachryfera, sive Cachrys vera* Park. *Ferulæ folio, semine anguloso* C. B. *Libanotis Galeni, Cachrys verior* Ger. quoad iconem.

J. B.

Cubitorum aliquot est altitudine caulis [Parkinsono binos cubitos non multum superat, quàm Ferulæ humilior & tenuior] lævis, ramosus: *Folia* Peucedani foliis similia, strigosiora, teneriora, in longa, tenuia segmenta divisa, terna simul ut in Peucedano. *Umbellæ* magnæ florum luteorum: quibus *semina* succedunt magna, ventricosiora unâ parte, oblonga, canaliculata, & per extremum coronata, stylo ex utriusque commissura prominente, alba, aromatica, acris, amaricantia. [Cæsalpino semen crassum est & rotundum ac striatum, ossæo cortice candido, quo fracto nucleus intus apparet albicans, &c.] *Radix* unica, profunda & candida, acris; Parkinsono Radix tam exterius quàm intus alba, altè in terram descendens, & in multos ramos divisa, summâ parte Pastinaca major, fragilis admodum & succo lacteo turgida. Morisonus semina fungosâ lævia & æqualia huic attribuit, quo à sequentibus duabus distinguitur, eamque Cachryn five Libanotin Cachryophoron semine fungoso lævi appellat.

Locus.

Elegantissimam hanc plantam copiosè invenit D. Magnol secundùm fluvium *la Maussou* eundo à ponte dicto *de Saint Jean de Vedas* ad pontem Villæ novæ ad dextram, in elato colle propè molen-dinum dictum *la Tour*, Maio mense florentem.

- \* 3. *Libanotis cachryophoros semine sulcato aspero* Moris. *Hippomarathrum Creticum* Park. C. B. *ex sententia P. Boccone & nostra. Hippomarathrum Siculum* P. Boc. *Feniculum magnum sive Hippomarathrum* J. B.

Hanc sic breviter describit Morisonus,

Præcedente altior proceriorve est: *folia* gerit Peucedani similia, aut tenuiora: *Semina* itidem oblonga habet, striata ut superioris, in gremio fungosâ substantiæ, torulis canaliculatæ seu sulcatæ, sulcis asperis.

Hujus semina à Jacobo Barillier S. T. D. Româ ad D. Morisonum transmissa sunt. Plantam ipsam postea seminè prægnantem vidit Parisius apud D. Marinum, Anglum dictum.

Bellus Ep. 1. ad Clusium sic eam tradit:

*Folia* tenuia, Fœniculi quodammodo similia profert; caulem lævem, duos aut tres cubitos longum, minimi digiti crassitudine, geniculatum: *flore* & luteum in umbellis ut Anethum: *semina* magna, Cachryi similia. *Radice* nititur firmâ, magnâ, odoratâ. Vocatur *μαρυλίμνον*.

Hujus



Hujus semen vulgariter à mulieribus coquitur in lixivio ad capillos aureo colore tingendos.

Ufus.

Paulus Boccone adhuc plenius & accuratius hanc plantam describit, cujus idcirco verba adferemus. *Radix* ei longa, crassa, summa parte (ut pleraque Ferulacei generis plantæ) villosa. *Caulis* cubitalis aut bicubitalis, interius fungosus, exterius striatus seu sulcatus, multis alis hinc inde à caule præcipuo emergentibus. *Folia* Peucedani, quandoque Sefelios aut Fœniculi modo divisa, duriora & firmiora tamen: Sic enim planta hæc in Sicilia sponte nata foliis ludit, comantibus semper in umbellis magnis pluribus flosculis luteis: quibus discussis atque evanidis exterius succedit pericarpium fungosum, sulcatum, asperum, Pisi maximi magnitudine, quod adhuc viride tam arcte conjungitur ut unum videatur, cum exiccatur tamen binatim finditur. In singulis pericarpis latent singula semina oblonga, Tritici grano paria.

Passim Panormi, Agrigenti, Messanæ, alibi que per Siciliam conspicitur satis frequens.

Locus.

\* 4. *Libanotis cachryophoros semine sulcato lævi Morisoni.*

Hæc non alia in re differt à præcedente quam feminum sulcatorum æqualitate: certè non alias differentiæ notas assignat Morisonus.

Hujus semen è Mauritania Tingitana à D. Alexandro Balam missum, Westmonasterii in horto Edwardi Morgani satum succrevit, floruit & semen perfecit.

C A P. II.

*De Herbis semine multis alis foliaceis striarum more secundum longitudinem decurrentibus donato, seu*

*De Laserpitio.*

**L**aserpitium (Σίλαριον) Antiquis tantopere celebratum, quæ planta fuerit, hodie ignoratur. Quæ de eo Theophrastus, Dioscorides, Plinius habent, apud ipsos vide. Consule etiam si placet J. Bauhinum & Jo. Bodæum Comment. in Theophr. Hist. Lib. 6. p. 589. & sequent. qui de Laserpitio fusè disputat. Sciendum tamen Cyrenaicam regionem laudatissimum Silphium protulisse.

Quæcunque tamen planta fuerit Veterum Silphium seu Laserpitium, id enim nescimus, nos pro Laserpitio habebimus plantam semine multis alis foliaceis [8 in binis seminibus conjunctis] secundum longitudinem, striarum more, decurrentibus donato. Ex hoc etiam numero sunt Libanotides Theophrasti seu latifolix nonnullis dictæ. Laserpitium Alpini & Bodæi ad aliud genus pertinere videtur: si Bodæi mentem rectè assequor, nam semen foliaceum ei attribuit, i.e. compressum & planum, ut ego interpretor, quamvis tumidum appingat, unde per foliaceum fortè intelligit alis foliaceis extantibus circumdatum.

Quidam Silphium Veterum Assam foetidam esse volunt, quos refutant Marcellus Virgilius & Jo. Bodæus à Stapel; quos adi.

\* Comment.  
in Theophr. hist.  
lib. 6. c. 1.

\* 1. *Laserpitium Daucoides Pratenicum viscoso semine Breynii.*

*Breynius.*

Hujus *radix* Dauci vulgaris Clus. similis, sapore amaro cum quadam dulcedine, in fibras autem crassiores magis brachiata, hocque aliquando ab ipso statim capite: unde *folia* humi sparguntur in orbem dodrantalia, hirsuta, Dauci hortensis aliquatenus paria, in lacinas verò pauciores, majores, latiores & obscurius virentes dissecta. Inter quæ altero, subinde & tertio à satione anno *caulis* cubitalis vel altior erigitur, pennæ anserinæ crassitie, rotundus, striatus, hirsutus, medullâ albâ plenus, viridi, vel ex albicante subviridi colore, dodrantalibus interstitiis distinctus geniculis, è quibus se *folia* proferunt, inferioribus similia, aut lobulis latioribus divisa: ex illorum alis, præsertim superiorum, singulis singuli exoriuntur *rami*, quorum apices, æquè ac *caulis*, uncialibus, angustis, acuminatis, limbo albo cinctis, dependentibus circumradianur foliolis: horum è gremio *umbella* ampla, radiis subalbidis, vel aliquando amethystinis, bi- & triuncialibus constans exsilit, in alias divisa *umbellulas flosculorum* niveorum ex foliolis quinis & totidem staminulis constructorum, compositas; sub quorum pedunculis foliola parva, quaquaversum instar jam dicti *caulis* & *ramorum* apicum radiata cernuntur. Flosculis pereuntibus succedunt unicuique *Semina* bina simul juncta, tenuia, oblonga, Panacis Asclepii Apuli Col. minora: in quorum singulis alæ membranaceæ ac pellucidæ, ad spadiceum cum maturitate vergentes, semper quatuor, utpote convexâ parte seu dorso duæ, & totidem in marginibus, observantur. Hæc relicto stylo nutritivo facilè diffiliunt, & ad conservationem sui generis tandem decidunt. Cæterum semen nostri Laserpitii viscosâ quadam materiâ, odoratâ, manus quasi inficiente dum viret oblitum, contritumque gratissimum ex Citro, Benzoino & semine Dauci mixtum, aromaticum, cerebrum admodum recreantem odorem spirat; à quo sapor oris halitum commendans multum recedere non videtur, quanquam magis volatilis, languidior, & linguæ amarore suo paulò ingrator.

Ericetis & fruticosis nonnullis Borussæ & Cassubix collibus gaudet. Augusto & Septembri florit. Locus.

Varia foliis latioribus & minus hirsutis.



2. *Lasertium Gallicum* C. B. Park. *Lasertium* è regione *Massiliae* allatum J. B. *Lasertium* Ger. *Lasertwojt.*

J. B.

*Caulis* huic præaltus, *Ferula* par, striatus, geniculatus, fungosus. *Folia* in alas dividuntur, è regione oppositas, quæ in minores rursus subdividuntur. *Folia* singularia nullis hærent pediculis, ex adverso sita, triplice ferè per extremum divisurâ, *Spina* albæ foliorum æmula, crassiuscula & firma: averſa parte rari pili, rigidiusculi. *Umbellas* tradunt Adversaria [Lob. & Penæ] prægrandes esse *Ferula*, aut latiores quàm *Anethi*: *semen* *Angelicæ* foliaceum, rotundum, compressum, odoratum & colore buxo, [rectius alis membranaceis striarum loco decurrentibus, quatuor numero in singulis seminibus, octo in binis junctis donatum.] *Radice*m prægrandem, intus albam, foris cinericeam, succo prægnantem, mollem, pinguem, odoratam, majorem quàm *Thapsiæ* aut *Ferula*.

*Lasertium foliis angustioribus saturatè virentibus* Morisoni. An *Lasertio Lobelii similis angustifolia* J. B?

Morif.

*Foliis* est lucidis & saturatè virentibus plurifariam divisis. *Semen* alis crispis undulatis leviter quatuor numero ornatur. *Radice*m habet prægrandem, intus albam, foris cinericeam, succo prægnantem, mollem, pinguem odoratam.

4. *Lasertium foliis angustioribus, dilutè virentibus, conjugatim dispositis* Morisoni.

Morif.

*Foliis* multò priorum angustioribus præditum est, per lobos longiusculos, angustos, ex adverso dispositos, & *Rachi* seu costæ mediæ adherentes. *Radice*, caule, semine cum præcedenti convenit.

Omnium pariter horum trium *Lasertiorum* seminum alæ foliaceæ numero octo sunt, videlicet binæ erectæ in singulis seminibus, hinc inde, & binæ aliæ ad basin, quæ semina coherent seu coaptantur; adeò ut in singulis seminibus appareant duæ semper in dorso seu convexa parte seminis, totidem versùs basin seu planam partem dum seorsim considerantur; dùmque adhuc sunt viridia & conjuncta numerantur sex, binis alis ad basin arctè sibi junctis, & unius hinc inde speciem exhibentibus, cùm in seminibus singulis exsiccatis & deciduis apparent quatuor.

*Lasertium* *Cyrenaicum*, Veteribus, [Theophrasto, Dioscoridi, Plinio, aliis] tantopere celebratum, tam eximii usus in cibo, medicina & jumentorum pecudùmque pabulo, quæ planta fuerit hodie ignoratur. Cùm ergo nihil habemus quod adjiciamus iis quæ à jam laudatis Autoribus de eo prodita sunt, Lectorem qui plenam ejus historiam desiderat ad ipsos remittimus, vel ad J. Bauhini Hist. Plant. lib. 27. cap. 53. qui quicquid de eo uspiam scriptum extat corrasit, tandèmq; concludit, se cum Marcello credere *Silphii* ferulam hanc non fuisse *Balsami* arbuscula vilioris, nec liquorem liquore etiam inutiliorem. Siquidem peregrina Græciæ & Italiæ, ideòque in majore dignitate cui illa semper fuit, ac certos privatimque sibi traditos natales locos, quod omnibus eam fecit optabiliorem accepit; ad *Cyrenem* sc. latiores campos, etsi postea extinctum omne illud *Silphium* fuerit. Et ne longiores (inquit) simus, ob raritatem, & quas habet ad utramque valetudinem egregias utilitates, gentibus ad spectaculum, & in Deorum templis ad religionem & anathemata proposita diu fuit. *Cyrenenses* *Delphis* *Apollini* quotannis *Silphii* caulem ex agri sui opibus offerebant: *Ferulam*que hanc suam tantopere amaverunt, ut conditori *Batto* perpetuum cum eo honorem habuerint: in gemma quâ publice in signandis epistolis civitas utebatur *Battum* generis sui auctorem ostendentes, cui mulier quo decebat corporis ornatu & habitu *Silphii* caulem porrigebat, fortunæ simul naturæque pro suis opibus gratias agens, gloriam felicitatèmq; suam, gratâ utriusque beneficii memoria sic ostentans. Id certè maximum pretii & honoris in *Ferula* hac argumentum fuerit, quòd egregium, rarum, amabile, preciosùmque aliquid Græci significantes, non aliter quàm ut in dicto proverbio fit, *Batti* *Silphium* jactitabant, neque immerito, cùm tanta fuerit quondam, utroque tempore morborum & sanitatis ex eo humano generi voluptas simul & necessitas, tamque quotidianus & amabilis cunctis usus. Subsequens planta quum pro vero Veterum *Lasertio* venditant *Pr. Alpinus* & *Jo. Bod.* à *Stapel*, *Comment. in Theophr. Hist. lib. 6. cap. 3.* non est propriè hujus loci, sed ex semine *Ferula* potius species censenda. Et revera *Lasertium* Veterum seminis formâ (quod *Theophrastus* foliaceum & *Atriplicis* hortensis semini simile facit) cum *Ferula* convenit, non autem cum plantis hoc capite propositis, quæ idcirco minùs rectè *Lasertii* nomine insignantur. Verùm quoniam insigni nota ab aliis omnibus *Umbelliferis* differunt, convenit ut distinctum nomen iis imponatur, cumque alii dudum *Lasertii* titulum illis accommodârunt eoque jam usu recepto apud Botánicos innotescere cœperunt, nos nihil innovabimus, sed quod usurparunt nomen illis relinquemus.

\* 4. *Lasertium Alpini* exot. Park. *Jo. Bodæo* à *Stapel* comment. in *Theophr. hist. lib. 6. pag. 588.*

Alpin.

Menſe Julio, cùm hanc plantam in horto Bembo Patavii conspexit *Alpinus*, *Caule* erat procero, longitudine trium cubitorum, recto, cavo, brachii crassitie, longitudine magnitudinèque *Ferula* cauli simili, quinetiam & eodem colore infecto, ità ut videretur in omnibus ei quàm similis, & foliosus ab radice, foliaque *Selini* foliis similia fert, etiam folia sylvestris *Angelicæ* æmulantia, licet



licet majora essent, atque ipsius radicem brachiali crassitie & longitudine præditam observaverimus. Illiusce plantæ caulis, antequam in ipso umbella eruperat, brachialis crassitie erat, atque in cacumine veluti conum habere vidimus, & tunc temporis magnitudine & figura caulem Laserpitii, qui in antiquis Jovis Ammonis numismatis impressus cernitur, prorsus æmulari videbatur. Ferrèq; hunc caulem in umbella semen latum, foliaceum, & particulatim (ut de Laserpitio expressit Theophrastus) quale est Atriplicis hortensis, postea vidimus: atque etiam quod Laserpitii proprium esse videbatur, per ætatem, quo tempore casu eam plantam offendi, & caulis & radix copiosius lacteum succum odoratum effudit, qui primum colore veri lactis cernebatur, postea collectus & aliquandiu asservatus colore fulvescebat, & erat odoratus, alicujus calefactionis non expers.

Ex seminibus è Thracia delatis orta est hæc planta. Postquam semen perfecit marcescit. Addit J. Bodaus, folia admodum viridia esse (splendentia ac si vernice vulgò dicta fricata essent, flosculos in umbella luteolos; semen aureo dilutiore colore præditum.

5. *Libanotis Theophrasti minor* Ger. Park. *latifolia altera sive vulgarior* C. B. *Lib. Theophrasti quorundam sive Sefeli Ethiopicum Matthioli, Cervaria alba* J. B. *Herb Frankincense of Theophrastus, the lesser.*

J. B.

*Radicem* nigra Cervariæ habet crassam, valde longam, comatam, verum albam: *Caulem* nodosum duorum aut trium cubitorum: *Folia* singularia quam Cervariæ prædictæ multò majora, subrotunda, ferrata, quam illius tamen minus, inferius panè glauca, superius viridantia: totum autem folium longo pediculo hærens, in alas subdividitur oppositas, quæ rursus in folia ex adverso sita subdividuntur. *Umbellæ* late: *Flores* albi: *Semen* gemellum, octo angulis seu alis membranaceis extantibus donatum, cum quadam acrimonia & amaritudine.

In montibus propè Genevam copiosè provenit. Uberrimè etiam nascitur per omnes Ungariæ, Locum. Austriæ & Stiria sylvas, teste Clusio. Nos quoque in Alpibus Stiriæ eam observavimus.

- \* 6. *Libanotis latifolia minor semine crispo* C. B. *Libanotidi Theophrasti quorundam valde similis, Costus amara dicta, semine crispo* J. B.

C. B.

Hæc à præcedente foliorum magnitudine & numero, seminisque formâ præcipuè differt: cum in vulgata singula foliorum ala magna ex parte quina folia habeant, uno extremam alam occupante: hæc in primis duabus alis tria tantum, & in media ala quinque obtinent, [minus & rarius ferrata, & quadam vix ferrata, nobis etiam videntur tactu crassiora] *Caulis* cubitali, glabro, umbella parva [ampli J. B.] flosculorum alborum infidet, quibus succedit *semen* oblongum [breve C. B.] eleganter crispatum, nonnihil amaricans cum acrimonia.

Hanc Parkinsonus præcedentis duntaxat varietatem facit.

7. *Libanotis Theophrasti major* Ger. Park. *latifolia major* C. B. *Theophrasti quorundam folio minus rotundo* J. B. ejusdemque *Sefeli Ethiopici Matthioli aliud genus* Clusio.

Clus.

Majores habet foliorum alas, hoc est, in plura folia nempe bina & vicena plerunque divisas, superioribus magnitudine longè cedentia, quæ supernè splendentia minus virent, & prona parte cineracei prorsus sunt coloris, omnia in ambitu non modo ut superioris [loco penultimo descriptæ] ferrata, sed etiam laciniis dissecta: æqualem cum superiore habet *caulem*, nodis similiter interceptum, *florum* umbellas similes; *semen* par: *radicem* non diffimilem.

Floret Junio, interdum etiam serius: Semen Augusto maturum est. Per Austriæ & Stiria sylvas nascitur, nusquam tamen copiosius quam in Calenberg. Tempus & Locus.

J. Bauhini planta folio erat amplissimo, cubitali, tripartito, & tripartitis denuo brachiis, in terna quoque plurimum foliola desinentibus, sublonga, minus rotunda quam in præcedente, ferrata, postremum etiam interdum trifidum, inferna parte magis candicante.

- \* 8. *Libanotis Apii folio, semine aspero* C. B. *Lib. Theophrasti Apii folio Cretica* Park. *Rosmarinus foliis Selino similibus* Bel.

Bellus.

*Folia* hujus Selino similia sunt, ferrata: *florè*que in umbellis albi: quibus succedunt *semina* oblonga, aspera: *Radice* nititur crassâ, foris nigro cortice eoque tenui vestitâ, intus albâ, thus maximè olente: ideo (inquit Bellus) Libanotis legitima mihi videtur, quam Theophr. lib. 9. cap. 12. descripsit: licet radix sit nigra, quia detractò levi cortice spectatur maximè alba.

Appellatur vulgò *orloueg*, quod vertiginem inducere credatur, & ni fallor, Siler Creticum à quibusdam perperam vocatur.

Planta hæc ob semina oblonga aspera non videtur huc pertinere: verum quoniam de loco non constat, & radicis odore cum præcedentibus convenit, non movendam duximus.

C. Bauhinus hanc plantam in pinace suo bis ponit, primum nomine superius allato, iterum sub titulo Ligustici 2. seu foliis Cicuta.



## CAP. III.

*De Umbelliferis semine rostrato, seu Scandice aut Peccine Veneris dicto.*

**S**candicem Veterum Peccinem Veneris non fuisse probat J. Bodæus à Stapel. Peccen autem Veneris à seminum nostris confertis, Peccinis dentium æmulis, dicta est hæc herba. Seminibus in rostrum productis Geranii moschati rostra proxima similitudine referentibus ab omnibus aliis Umbelliferis distinguitur, ut plures notas conquirere non sit opus.

- A. 1. *Peccen Veneris* J. B. *Veneris sive Scandix* Ger. *Scandix vulgaris sive Peccen Veneris* Park. *Scandix semine rostrato vulgaris* C. B. *Shepherds needle, or Venus comb.*

Ex radice alba, simplici, paucis fibris donata, sapore dulci [ut mihi videtur subacri] prædita caules producit tenues, dodrantes, hirsutos, juxta terram rubentes, superius virentes, striisque ut plurimum rubris distinctos, in ramos divisos: folia longis ferè pediculis appensa, Coriandri divisurâ tenui, sapore subdulci, subacri & nonnihil nauseoso [Dodonæo folia tenuiora quàm luteæ radicis Pastinacæ, latiora verò, crebriusque dissecta, minusque odorata quàm Charophylli] Flores umbellatim positi colore albo, ad Myrrhidis flores quàm proximè accedentes, nisi quòd incisi minimè sunt ut illi, pediculisque longioribus ceu corniculis, quod siliquæ est rudimentum, insident. Ad parvæ umbellæ basin quina folia caulem latis brevibusque pediculis amplectuntur, quæ postea minutim reliquorum instar dividuntur. Semen longum, in mucronem extenuatum, aut citius (ut inquit Dodonæus) crassis magnisque acubus simile. Umbellæ autem seminum Geranii moschati seminum umbellas proxima similitudine referunt. Rostra maturo semine diffiliunt in duas partes, manente in medio membrana tenui, alba, simili quodammodo acui Tritici aut Hordei.

Locus.  
Ufus.

Inter segetes tam in Anglia quàm in transmarinis regionibus passim provenit. Hujus plantæ vix ullus hodie in medicina usus est: nonnulli tamen radicem cum Malva tusam omnia corpori infixâ extrahere aiunt. Eadem cum herba & floribus in patella calefacta, ex vino albo meraco & butyro unâ cum hortensis Petroselinii foliis, pubique adhibita remorantem urinam, pueris præsertim provocat, autore Matthiolo.

Quidam teneram adhuc crudam vel coctam cum butyro & oleo esitant.

2. *Scandix Cretica minor* C. B. *Cretica minor, sive Anthriscus* Park. *Peccen Veneris tenuissimè dissectis foliis, Anthriscus Casabonæ* J. B. *Anisomarathrum Apulum* Col. *Scandix minor sive Anthriscus* Ger. emac.

J. B.

Ex radice tenui, parùm fibrosa caulis unus vel plures tenuis exit. Folia ad radicem ex longiusculo pediculo, tenuissima, Mei ferè divisura, [odoratiora multo, quàm Scandicis vulgaris Bello, saporis qualis ferè Charophylli vulg. Clus.] quæ per caules pediculi sui vaginâ eos complectuntur, indidemque alii seorsim pediculi prodeunt duum triumve unciarum, quorum extremis harent in minima umbella flosculi, qui post se relinquunt radiata cornicula Peccinis Veneris, unciam circiter longa, at breviora & tenuiora quàm in illa, quina plerunque ubi parvæ plantæ, ubi majores plura.

Locus &  
Ufus.

Provenit lætis collibus, locis ficcis & inter saxa: Manditur in acetariis vere, & maximè appetitur. Venerem mirum in modum excitat & adjuvat. Bellus.

Semen pro Scandicis Creticæ missum à me fatum plantam produxit Scandici vulgari simillimam, imò planè eandem. Idem ferè accidit J. Bauhino: unde quicquid intercedit discriminis cœlo aut solo deberi suspicor: nisi detur in plantis transmutatio specierum.

Invenitur circa Monspelium, in sterilibus à la Colombiere & in colle Ferran odore suavi Anisi, imò & sapore. Botan. Monsp.

3. *Scandix Cretica major* C. B. Park. *Peccen Veneris Creticum* J. B. *The greater Shepherds needle of Candy.*

C. B.

A præcedenti differt foliis inferioribus subrotundis, per oras obliquè dissectis, Saxifragæ minoris Lobelii similibus, sed nigrioribus, leviter hirsutis: caule altiore, cubitali, anguloso, striato, subhirsuto: petalis florum latioribus: seminibus rostratis pluribus simul junctis. Cuilibet rostro apices duo quasi aculei rigidi præfiguntur, quod & in Chærefolio observare est.

4. *Scandix altera capite glomerato* Park. *Scandix umbellâ ex plurimis apicibus coagmentata quibusdam* J. B. C. B.

An sit Scandicis species degener & monstrosa, an aliud plantæ genus, cùm Auctor semina non describat, cerò definire nequimus. Folia ei quàm Scandicis latiora, ad Apii magis accedentia attribuit & appingit. Videfis integram descriptionem apud Lugdunensem.



## CAP. IV.

De Umbelliferis semine longo, angusto, lævi, & primò de Cicutaria.

**C**icutaria dicitur à foliis Cicutæ æmulis. A Cerefolio differt magnitudine quâ illud superat; foliis latioribus, radice perenni.

- A. 1. *Cicutaria vulgaris* J.B. *Myrrhis sylvestris* Park. *ylv. seminibus lævibus* C.B. **Wild Ciclep, Coto-weed.** *Cicutaria alba* *Lugdunensis* Ger.

¶. B.

*Radix* huic crassa, longa, multis interdum adnatis donata, alba, potissimum internè, sapore acri & aromatico. *Caulis* profert cubitales & non rarò bicubitales & altiores, pollicari crassitudine, inanes, hirsutos, nonnihil rubentes, cannulatos. Folia Cicutæ foliis proxima, latiora, pallidius virentia extremis productionibus, sapore aromatico, splendens, brevi & vix conspicua lanugine hirsuta, maximè averfa parte. *Flores* in umbella candidi, quorum singuli quinis foliis constant supremo reliquis majore. Singulis pro more bina succedunt *semina*, longa, glabra, per maturitatem nigra. Umbellarum partialium ex quibus totales componuntur bases seu radiorum exortus in orbem circumstant foliola angusta, acuta.

Ad sepes passim, inque pomariis & sub arboribus, Vere primo exit, & Maio mense floret.

Verno tempore dum folia adhuc tenera sunt, antequam excalescat, gratum bobus pabulum est, unde & **Coto-weed** nostratibus dicitur.

Locus & Tempus.

Duas familias novimus Montbelgardi (inquit J. Bauhinus) quæ existimantes se colligere Pastinacas Germanicas, hyemali tempore has fortè fortuna offenderunt foliis destitutas, [hæ enim Pastinacis similiores sunt quam Cicutæ radices] ex quarum esu licet pauco, inciderunt in grandia symptomata suffocationis, torporem ac vesaniam, ita ut ebrios verius exprimerent. Curavit hos vomitu pulvere Saxonico, &c. Vid. Tom. 3. lib. 27. pag. 181. At nostrates asserunt Pastinacas ipsas ventuosiores torporem hunc & delirium inducere, unde eas **Mad-neps**. i. e. Pastinacas insanas vocant.

2. *Cicutaria latifolia hirsuta* J. B. *palustris alba & rubra* Park. *palustris latifolia alba* C. B. fortè etiam *palustris latifolia rubra* ejusdem.

¶. B.

Duùm cubitorum & altior est *caulis*, striatus, concavus, pilis obsitus, ad genicula singula folio donatus quoquoqueversus sesquipalmari, trifariam primò diviso, cujus divisiones deinceps singulares ad Myrrhidem accedunt, sed latiores, rariores, hirsutæ supra subtrusque, potissimum per nervos venulasque asperæ, veluti & per pediculos. *Umbellæ* magnæ in plures alias minores divisæ, *flosculorum* candidiorum, aliquando suavè purpureorum, aut potius Amethyfinorum: sub quorum pedicellis foliola acuta, quaquaversum radiata. Flosculos singulos sequuntur *semina* bina juncta, bicornia, longa, quæ relicto stylo medio facile diffiliunt deciduntque. Odor & sapor aromaticus, subacris, sed ille quàm hic gravior & suavior. *Radices* crassæ, obliquæ, perpetuæ, aromaticæ.

In pascuis montosis Juræ & Salevæ montium propè Genevam, præsertim ad rivulos oritur: unde & Gesnerus Selseli aquaticum eam vocabat, referente Jo. Bauhino.

Locus.

3. *Cicutaria odorata bulbosa* J. B. *bulbosa* C. B. Park. An *Cicutaria Pannonica* Clusii?

¶. B.

Singulari affurgit *caule*, hominis altitudinem excedente, crassiusculo, purpurascens, vario, cavo, propter terram hirsuto, palmariibus internodiis distincto. *Folia* ex articulis prodeunt crassius magna, in alas divisa, easque in minora folia subdividendas, Cicutæ foliis similia, delicatiora, glabra, sapore non ingrato, nam & totius alioqui plantæ sapor est aromaticus, non foetidus. *Umbellæ* fert parvas, *flosculis* albis compactas: *semina* longa Cicutariæ vulgaris, quibus maturis & decidibus Autumno, perit & caulis & radix, plantæque novellæ ex semine natæ totâ hyeme durant usque ad Ver, quo tempore folia terna aut quaterna supra terram se expandunt, ad Chærefolium accedentia, ex virore lucida, in tres lacinias præcipuè divisa, tres circiter uncias longa, odore & sapore aromatico, quorum pediculi ad tres uncias longi procedunt à radice singulari, brevi, turbinata, crassiuscula, Antithoræ radici simili, vel Napis minimis, testâ cortice tenui, pullo, internè albâ, fungosâ, grati saporis, ad Staphylinum accedentis, desinente in parvas fibras longiusculas, parvas alias laterales habente.

Propè Entzheimium Alsatiæ in sepibus & alibi provenit itinere Basiliensi versùs Mulhusium, mense Junio florens, & semen proferre incipiens, quo deciduo planta perit. Cicutaria Pannonica Clusii novo vere in hortis & herbis agri Viennensis locis prodit: nascitur & quibusdam similibus Ungariæ locis, florens Aprili & Maio, Junio semen planè maturans.

Locus & Tempus.

Novo vere radices firmiores & magis succulentæ cum novellis suis foliis in foro Viennensi venales reperiuntur: coquantur enim & cum oleo, aceto & sale primis mensis isthic vulgares, quàm salubri cibo se nescire fatetur Clusius: frequentem tamen ejus usum non sine noxa esse, & capitis gravedinem dolorumque inducere se expertum esse memoriæ mandavit.

Hæc omnia J. Bauhinus & Clusius.

C A P.



## CAP. V.

## De Cerefolio seu Chærophylo Sativo.

**C**Hærophyllon dicitur quòd foliis gaudeat seu luxuriet.  
Foliis ad Petroselinum accedentibus radice annua omniumque partium parvitate à Cicutaria differt.  
Hæc de Chærophylo vulgari accipienda sunt; nam Chærophyllon Canadense radice est perenni, & magnitudine Cicutariam æquat vel superat.

1. *Chærophyllum sativum* C. B. *Chærophyllon* J. B. *Cerefolium vulgare sativum* Ger. *Cerefolium vulgare* Park. *Chervil*.

Radice nititur alba, surculosa; fibrillis tenuissimis capillata, minimi digiti crassitudine, sapore subacri. *Caulis* nunc unus exurgit, nunc plures pro ratione soli, sesquicubitales & altiores, teretes, striati, glabri, inanes, geniculis longius distantibus nodosi, infra genicula in ventrem turgidulum intumescens, ramosi, ramulis alternatim ad singula genicula ex alis foliorum exeuntibus. Summos caules & ramulos occupant umbellæ raræ, alias pediculis per brevibus & ferè nullis, alias longioribus insidentes. *Flosculi* parvi, albi, quinque petalis cordatis, totidemque staminibus albis compositi. Singulis flosculis bina succedunt *semina*, oblonga, glabra, per maturitatem nigricantia, sapore dulci & aromatico. *Folia* teneriora & argutius secta quàm Petroselini, sapore & odore aromatico, alias iis non multum dissimilia, pallide viridia, & nonnihil subinde rubentia, pediculis sæpe rubentibus, nonnihil hirsutis. N. B. Quamvis folia caulibus alternatim adnasci diximus in summitate tamen ad umbellæ exortum bini hinc inde oriuntur, & ex eorum alis bini egrediuntur ramuli, quod & aliis pluribus umbelliferis commune est.

Tempus.

Maior mense floret & cum semen perfecit brevi radicitus exarescit, semine deciduo se quotannis renovans. Autumno autem oritur & per totam hyemem viret.

2. *Cerefolium latifolium Canadense* Cornuti.

Corn.

Omnes nostratis Cerefolii particulas ad unguem refert, sed plenioris incrementi *cauliculum* facit & cymam. *Flos* itaque albidus muscarii effigie summum caulem occupat; hunc sequuntur *semina* longiuscula, ex uno pediculo plura. *Caulis* fragilis & tener, glaucèque virens ultra cubitum adolefcit. *Folia* sena semper in singulis pediculis prodeuntia, in ambitu incisâ Petroselini modo, latitudine & longitudine quadruplo superant nostratis. Tertio à satù anno moritur: *semine* perennat tamen, quod statim atque decidit etiam non obrutum sponte terræ infigitur & germinat: nec enim nostri instar agrum lætum & stercoreatum desiderat, sed in qualicunque terra, ac vel crudo, vel effæcto solo, si leritur, provenit.

Sapor huic dulcis est, odorque non inluavis, ac proinde esculentum testatur, sed & aliis oleribus permixtum gratiam auget saporis.

Vires & Usus.

*Cerefolium vulgare* partium est tenuium, diureticum, emmenagogum, & lithontripticum, sanguinem coagulatum resolvit, somnum suaviter inducit. Extrinsecus usus insignis est in dolore colico, in urina retenta (imposit. in cataplasm.) Credite mihi cum aliquando ex retenta pro verecundia urina vesicæ insigni distentioni Vir quidam primarius laboraret, usû Chærophylli, Parietariæ & Petroselini herbarum in butyro insulso fixarum pectinique ipsius calidè applicatarum me subduxisse una vice circiter 4 libras urinæ. S. Pauli.

Succus Chærophylli cum iusculo assumptus, aut Aq. ejus ter cohobata sæpius adhibita Dolæi experientiâ contra vertiginem specifica sunt. D. Soame & Dolæo. Sanguinem concretum ex contusione dissolvit tustum ac emplastri modo impositum.

Tota planta dulcis est & odorata, acrisculo quodam accedente sapore, quò fit ut aliis oleribus admixta ea gustui gratiora reddat. Estur autem cruda in acetariis cum aliis herbis, aut etiam cocta: flatulentum tamen aliquid obtinet, unde & Venerem promover.

Si butyro frigatur herba, & abdomini imponatur, certum est contra tormina remedium. Cam. ad quod mulierculæ ceu ad sacram anchoram confugiunt.

## CAP. VI.

## De Umbelliferis seminibus longis striatis seu

## De Myrrhide.

**V**erisimile est à Myrrhæ odore dictum esse Myrrhida & Myrrham, inquit Marcellus Virgilius. Nullus tamen, quod invenerit, apertè id testatus est è Græcis aut Latinis. J. Bodæus plantam quam Dioscorides *Myrrhiv* vocat nomen accepisse ait *ἡ δὲ τὸ μυρρὶν καὶ ἐν ὀνόματι τῆς*, quòd odorata sit, quasi unguentum redolens. Quòd si verum esset, *Myrris* scribi deberet cum simplici. V. Jo. Bod. in Theophr. hist. lib. 7. p. 827.

1. *Myrrhis*

1. *Myrrhis magno semine, longo, sulcato, J. B. major vel Cicutaria odorata C. B. major vulgaris, sive Cerefolium majus Park. Cerefolium magnum sive Myrrhis Ger. Sweet Cicely or great Sweet Chervil, by some Sweet fern.*

*J. B.*

*Myrrhis radicem* habet insigniter crassam, adnatis plurimis & crassis donatam, albam, sapore dulci, subacri, grato, aromatico, qualis est seminis Anisi sapor. *Caules* surrigit aliquot proceros, bicubitales & tricubitales, hirsutos, fistulosos: *folia* magna, pinnata, Cicutæ foliorum facie, magis albicantia, & albis maculis subinde respersa, tactu mollia, nervis averfa parte pilosis, sapore Anisi pediculis fistulosis. *Flores* in umbella gerit candidos, leviter odoratos, quorum singuli foliis quinis constant, bifidis seu cordatis, extimo intimis duobus oppositis simul utrisque majore, lateralibus binis medio modo se habentibus, bifurcato stylo albo cum staminulis albis medium occupante. Particularium umbellarum basin sustinet senum radiorum stella. Succedit *semen* notatu dignum, magnum, longum, angulosum, sulcatum, sapore Anisi dulci & jucundo.

Aiunt apud Germanos in pratis alicubi nasci, ut in Hassia circa Casellas referente Gillenio. *J. B. Locut.*

Hujus folia Filicina quodammodo referunt unde nostratibus *Sweet fern*, i. e. Filix dulcis appellatur.

2. *Myrrhis altera minor Park. minor C. B. altera Ad. altera parva Ger.*

Præcedenti similis est, sed per omnia minor. *Semen* per maturitatem non nigricat ut in ea. Lobelius Pennium è Saleva monte propè Genevam semen hujus attulisse refert. Nobis in Saleva non comparuit, utcunque non negamus ibi inveniri.

*Myrrhis* cum Cerefolio temperamento & viribus convenit. Radix cum vino pota medetur *Vires.* mor sui Aranearum. A partu purgat mulieres, & menstrua provocat. Cum melle cocta & sumpta tabidis conducit, & thoracem à viscosis humoribus expurgat. Cum vino cocta & bis aut ter in *Menses ciet.* die pota à peste præservat. Herbam & radicem decoquant ad urinam promovendam. Fit quoque *Tabes.* extractum ex herba & radice contra pestem & puerorum epilepsiam. *Urina.* *Epilepsia.*

*Myrrhidis* majoris, seu Cicutariæ odoratæ C. B. radix in decocto aut aliâ formâ usurpata malignis morbis medetur; hinc ubi Carlina destituor illius loco Myrrhidis radices eligo. S. Pauli *Quadrup. Botan. class. 2. p. 98.*

3. *Myrrhis Broccenbergensis, foliis Myrrhidis Italicæ, flore albo, radice crassa nigra Thalii.*

Quæ planta sit Bauhinus uterque ignorat, nosque unâ: descriptionem vide apud Thaliu.

4. *Myrrhis perennis lutea daucoides Morif. prælud.*

*Morif.*

Hujus *folia* quam proximè Dauco seu Pastinacæ tenuifoliæ accedunt; quin & *flores* habet luteos; *semina* rostrata, striata Myrrhidis montanæ seminibus longiora, at minus tumida.

5. *Myrrhis perennis montana alba Morif. prælud.*

*Morif.*

Ad binos ternosve pedes assurgit: *caules* producit striatos; *flores* aliarum suæ classis more albos: quibus succedunt *semina* rostrata, striata, semuncialia, exterius lutea, cavâ parte quâ junguntur subcærulea.

- A. 6. *Cerefolium sylvestre Ger. Park. Chærophyllum sylvestre C. B. Anthriscus Plinii quibusdam, semine longo Cicutariæ, aut Chærophylli, J. B. Wild Chervil.*

*J. B.*

Lignosa, simplex & alba est *radix*, sapore Pastinacæ aromatico. *Caulis* cubitum unum aut alterum altus, multis alis concavus, striatus ex virore atrorubens, abundè hirsutus, copiosâ medullâ factus. *Folia* ad Cerefolii accedentia segmentis majoribus, nervo hirsuto annexa, ipsa quoque non minùs pilosa, sapore nullo manifesto. *Flores* in umbellis candidi, petalis cordatis & quodammodo crispis, concoloribus apicibus compositi. *Semen* oblongum, tenue, sulcatum, duas fibras è summo proferens, gustu aromatico, simile Cerefolii semini sed, minus, per maturitatem.

Cum floret planta caules infra genicula in nodos insignes intumescunt.

Passim juxta sepes provenit, tam apud nos quam in Germania.

*Locut.*



## CAP. VII.

De Umbelliferis seminibus longis asperis seu

De Myrrhide Sylvestri.

*Myrrhis sylvestris Cretica, nodosa, seminibus asperis. M. annua, semine striato aspero oblongo, nodosa Moril.*

**C**aulis ei rotundus, inanis, glaucus, satis seu spinulis rarioribus asper, cubitali altitudine, in ramos aliquot divisus, infra genicula in nodos praegrandes postquam florere incipit extumescens. Folia lata, brevibus pilis hirta, Cerefolii sylvestris nonnihil similia. Umbellae parvae, flosculis exiguis albis compositae. Succedunt semina longa, utrinque acuminata, grandia, striata, aspera. Postquam semen perfecit radicitus exarescit.

Hujus semen ante triginta annos Londino accepimus, & plantam ipsam ex semine redivivam aliquot annos aluimus: putamus etiam in Sicilia spontaneam observasse.

Hæc planta Parkinsono in Theat. Botan. p. 907. describitur sub titulo *Seselios Cretensis nodosi*. Theatrum autem illud Parkinsoni ante quadraginta annos Londini impressum est.

## CAP. VIII.

De Meo.

**M**EURUM, Græcis Μῆρον vel Μῆρον, à Μεῖον, quia foliis constat omnium herbarum tenuissimis; quibus ut & semine magno, oblongo, striato ab aliis congeneribus distinguitur.

A. 1. *Meum* Ger. *vulgatus* Park. foliis *Anethi* C. B. *Meum vulgare* seu *Radix ursina* J. B. **Common Spighele** or **Meu**. *Westmorlandicis* **Wald-monep**, or **Wald-monep**. Cujus appellationis rationem non assequor.

J. B.

Herba hæc, cujus folia cubito ferè longiora, longos habentia pediculos striatos, eorumque supremæ partes foliis fœniculi similes sunt, capillaceæ, crebriores tamen & molliores, nec capilli usque adeo longi; caulem edit similem Fœniculo, minorem tamen multo, striatum, inanem, ramosum, umbellam florum alborum Anethinis similiam, pentapetalorum; semina magna, longa, striata. Radix interdum una, interdum plures, dodrante longiores, modò tenuiores, modò crassiores, è quarum lateribus ut plurimum oriuntur obliquæ radices, satis longæ, quæ sursum interdum tendere deprehenduntur, nec passim in aliis radicibus sic adnatæ provenire solent. Cortice vestitur primo nigricante vel potiùs cinericeo, tenui, deinde altero crasso, albo, gummoso; in ejus medio est matrix. Odore est satis jucundo, Pastinacæ ferè, magis tamen aromatico, sapore non ingrato, nisi quò dacris & nonnihil amara. Quum verò radix hæc ex iis sit quæ hyemem perferunt, & Alpina, magnas habet comas capillatas, ex foliis arefcentibus.

Locus.

In Westmorlandia Angliæ provincia copiosè provenit in pratis & pascuis duobus à Sedberg pago m. p. viâ quâ ad Orton pagum itur.

Vires.

In exteris etiam regionibus Germania, Italia, Hispania in montibus invenitur.

Flatus discutit. Ufus præcip. in inflatione ac ructu ventriculi, in mensibus ac urina ciendis, in uteri suffocatione, in torminibus ventris, in catarrhis tartaroque pulmonum expectorando. Schrod.

Multas ingreditur compositiones & ipsam theriacam. Idem.

Habet autem radix, non secus ac Mentha, humiditatem quandam excrementitiam, quâ ad caput latâ est καλαχυδς. Unde intelligitur non adeo frequentem debere usum ejus esse, in iis præcipuè qui aut voverunt castitatem, aut aliàs Venere uti non debent. Quâ enim vi agit illud, eâ agit hoc quoque. C. Hofman. Hinc fortè innotescit ratio nominis Anglicani **Waldmonep**, id est lenonum stipes seu nummus.

Gefnero Mei pabulo in Apulia vaccæ plurimum & optimum lac reddunt, & inde caseum cabalinum dictum confici se audivisse ait. At nobis caseum illum ex lacte bubalino seu buffelino fieri narratum est.

Lobelium monuit Turnerus in Alpibus Chevioticis Scotiæ finitimis hanc stirpem magna ubertate scatere. Nobis in montibus illis plantas indagantibus non comparuit.

2. *Meum alexiterium* Alpin. exot. Park.*Alpin.*

Caule affurgit cubitali & ampliore, rotundo, geniculato, viridi ut Anethum, non minus crasso. Fert umbellas parvas floribus parvis, candidis, quibus succedunt semina minutissima, oblonga, odorata, & linguam excalfacientia: ex nodis verò singulis exeunt cauliculi parvi cum Umbellis. Radice nititur longa, gracili, digiti minoris crassitie, alba, in extremo divisa, odorata, atque acri.

Ragusâ hanc plantam acceperit Alpinus, ubi à vulgo *Herba serpentum* vocatur.

Locus.

3. *Meum alterum Italicum* quibusdam J. B. *alterum Italicum* Ger. emac. *spurium Italicum* Park. *latifolium adulterinum* C. B.*Mor.*

Folia vulgaris Mei habet, duriora, crassiora & habitiora, subvirofi odoris, Rutæ Narbonensis tenuifoliæ quodammodo æmula; ex quorum sinu exeunt caules obliqui, pedales, nonnunquam sesquipediales, sustinentes semina striata, minora. Radix major, Peucedani facie & concretionem, pulchra foris, terti & injucundi tum saporis, tum odoris.

In collibus aridis passim in Gallia provenit, referente Morisone. Nobis in collibus & clivis maritimis Regni Neapolitani observatum fuit. Floret sub finem ætatis, Autumno ineunte semen suum perficit.

Locus.

## CAP. IX.

## De Cymino seu Cumino.

CYminum *ἡ τοῦ κῦνου* *prægnans esse* dicitur, est enim, teste Theophrasto, fecundissimum. Ab Ammi differt radice annua, foliis in lacinias minus crebras, nec adeo tenues dissectis, omnium partium quantitate minore, semine etiam angustiore.

1. *Cyminum sive Cuminum sativum* J. B. *vulgare* Park. *sativum* Dioscoridis Ger. *semine longiore* C. B. **Cummin-seed.***J. B.*

Parva & umbellifera herba est, altitudine raro pedem excedens [Cæsalp. annua planta, brevior cubito] tenuibus & in plures angustas partes sectis foliis [Cæsalp. foliis paucis, raris, capillaribus, & flore candido] semine in umbellis [parvis & rotundis Cæf.] oblongo, utrinque acuminato, anguloso, cartilagineo, in cineraceo colore subflavo, longitudine quartam uncie partem æquante, gustu subamaro, tenui, mediocriter acri & cum gravitate suaviter odorato. Radice nititur longa tenui, & cum maturuit semen, pereunte.

In Melita insula copiose feritur ad mercimonia; ubi *Cumino agro* i. e. *Cyminum acre* incolis dicitur: Anisum autem, quod non minori copia ferunt & divendunt, *Cumino dulce*, i. e. *Cyminum dulce* appellatur; unde C. Bauhinus alique Botanici decepti duas Cimyni species constituerunt, nimirum, acrem & dulcem. V. C. B. pin. in Cumino.

Semen resolvit & flatu discutit, ideoque utile est in colica, tympanite & vertigine. Ex vino dulci sumptum difficultati & ardori urinae auxiliatur: cum ficibus in vino coctum tussim sedat, & thoracem expurgat. Utiliter pani incoquitur, & caseis inditur; ita enim concoctionem juvat & flatu dissipat.

Vires.

Frequens & copiosus Cymini seminis usus faciem decolorat, & pallorem cuti inducit. Dioscor. Galen.

Suavem halitum spirant Cuminum, foetidum emendat, eaque de causâ qui scedam habent respirationem Cumino magno adjumento crebrius utuntur. Stapel. Oleum arte chymica extractum præsentissimarum est virtutum in affectibus omnibus flatulentis, præsertim uterinis. Novi Empiricum qui miracula creditur facere affusis aliquot guttis pani tosto, & umbilico impolito. Casp. Hofman.

2. *Cyminum sive Cuminum seminibus villosis.*

Hoc genus in insula Melita collectum habemus ubi cum superiore sparsim nascens, neque foliis, neque figura, odore aut sapore seminum, sed duntaxat eorundem hirsutiae seu villosæ casarie discernendum, observavimus.

Hoc fortasse genus est quod Jo. Bodæus à Stapel habet pro *Cumino dulci* Melitenfium, quod hirsutum esse scribit, quo qui conditus est panis, sapore gratiori commendatur.

Nè quis tamen putet, hoc esse quod Melitenfes ipsi *Cumino dulce*, seu ut C. Bauhinus, *Cuminagero dulce* vocant, illud enim nihil aliud esse quàm Anisum, & nobis cum ibi essemus ab incolis dictum est, & ab eruditissimo Viro Joan. Francisco Abela Melitenfi in descriptione illius insulae confirmatum.



## CAP. X.

*De Umbelliferis semine striato majore foliis latissimis, in plerisque speciebus valde ramosis seu De Angelica.*

**A**ngelica barbaris & Agyrtis ab Angelis dicta est hæc herba ob insignes qualitates: iidem & radix S. Spiritus dicitur ob eandem rationem. Ejus notæ sunt folia latissima, semina striata magna & crassa per maturitatem alba, succus lacteus per siccitatem flavicans. Nos herbas qualdam semine striato minore, à foliis & odore similibus Angelicas dici solitas nec immerito, in hoc capite tradimus.

1. *Angelica sativa* J. B. C. B. Ger. Park. **Garden Angelica.**

*Radicem* altè demittit, crassitudine plusquam brachiali, cum multis adnatis pollicari crassitudine, rugosam, cuticula in cinereo rubescente nonnihil obrectam, pulpâ albâ, molli, succosâque: quæ præcisâ flavum liquorem seu lachrymam ab interiori corticis parte remittit, cui similis liquor etiam in foliorum venis continetur sed aquosior, & cum primò effluit lacteus, gustu admodum calido & aromatico, acri & amaro. *Caulis* inde exurgit crassus, ad terram purpureus, geniculatus, concavus, teres, striatus, bicubitalis, multis alis donatus, in candido livente polline velut aspersus. *Folia* triangulata amplissima, è segmentis seu foliis partialibus ut in hoc genere maximis, in ambitu crenatis, mollibus, supernè virentibus, infernè dilutioribus, oblongis & multo gibbo inæqualibus composita, sapore & odore minùs aromatico quàm radix: quæ in caulibus sunt minora iis quæ ad radicem, è bulgis se proferunt, in pilam quasi convoluta: siquidem folii cujusque pediculus è membrana latissimâ concavâ, tum folia tum umbellam florum ceu bulga obvolvante, oritur. Summus caulis & rami in florum umbellas in sphericam figuram circumactas, quas idcirco meritò corymbos dixeris, terminantur. Florum petala perexigua, subrotunda & minimè cordata aut bifida, colore pallido seu herbaceo. Singulis flosculis ut in reliquis hujus generis bina succedunt semina invicem conjuncta, longiuscula, tumida, striata, in candido cinerea.

Secundo tertiove anno, si permittas, plerunque caulescit. Cum verò caulis maturo semine parit, ipsa quoque radix putrescit & interit.

*Fires.*

*Radicem* Angelicæ Alexipharmacum, Bezoardicum, & cordiale nobilissimum esse unanimi consensu docent medici & botanici.

Herba ipsa, sed præcipuè radix & semen, calfacit & siccit, aperit, attenuat, sudorifica & vulneraria est: menses movet, foetum expellit, suffocationi uteri maximè conducit: malignis morbis, venenis, ipsique pesti medetur. *Schrod.*

Pro præservatione pestis radices aceto maceratas aut naribus admovent tantùm, aut sub lingua habent, aut mastlicant, aut acetum bibunt jejuni. Pro curatione vel 3j. folius pulveris, vel 3ss. cum Theriacæ 3j. in vino tenui, in aq. card. benedict. tormentillæ, &c. propinant & sudorem inducunt, idque repetunt singulis sex horis.

In vulneribus *W. inslan.* præcipuè canis rabidi, emplastrum fit cum thure, ruta, pice, aliis.

Radix condita cum saccharo, ut & foliorum pediculi delibrati manè sumpti putantur valere plurimum contra pestem & aeris contagionem, quin & sanare quosvis thoracis & pulmonum affectus frigidus. Iidem commanducati foetentem oris halitum emendant. Plura vide apud Tragum, Fuchsum, aliisque Botanicos.

Angelica non faciliè provenit vere; recenti siquidem semine disseminari cupit.

*Angelica sylvestris* Ger. Park. *sylv. major* C. B. *sylv. magna vulgarior* J. B. **Wild Angelica.**  
*rectius Angelica aquatica, i. e. Water-Angelica.*

*Radix* huic crassa, rugosa, alba, simplex, furculosa, sapore acri, minùs aromatico quàm sativæ. *Caulis* bicubitalis & altior [vidimus qui hominis proceritatem superârît] crassus, teres, striatus, inanis, multis alis concavus, foliis per intervalla alternatim positis cinctus: *Folia* autem lato, membranoso, concavo, striato principio caulem & umbellas antequam erumpant ceu involucri amplectuntur. *Folia* triangulata costis supina parte canaliculatis, tribus quatuorve alarum conjugationibus constant: segmenta singularia lata, angustiora tamen & acutiora quàm Angelicæ sativæ, per margines argutè dentata, glabra, obscure viridia. In summis caulibus & ramulis *umbellæ* amplæ flosculis exiguis, albis, pentapetalis constant, petalis bifidis & velut cordatis, *staminulis* intus albis. *Umbellæ* totalis exortum radiorum nulla in caule folia circumstant, umbellarum autem partialium ex quibus totalis quæque componitur plurima, angusta, acuta. Singulis flosculis ut in reliquis congeneribus bina succedunt semina, striata, minùs turgida quàm sativæ, margine foliaceo.

*Locus & Tempus.*

In aquosis & ad fluviorum per margines ubique ferè in Anglia provenit. Augusto mense floret.

3. *Archangelica*, Lob. *Archangelica seu Angelica Tabernamontani seu Scandiaca* Hort. Leyd.

Huic Lobelius flores luteolos, folia sativæ multò majora attribuit: si per folia intelligit lobos particulares in quos folium dividitur; & detur hujusmodi Angelica, erit proculdubio distincta species: verùm suspicor Lobelium ex conjectura flores luteolos dixisse, & per folium intellexisse folium totale seu totam alam foliaceam, quæ Angelicæ sylvestri in montosis nascenti reverà major est Angelicæ folio.

Dodonæus eidem flores albos attribuit; Semen longius & crassius quàm Angelicæ sativæ. Dodonæus separat Angelicam ab Angelica Norvegica, Lobelius eandem facit. Dodonæi descriptio in omnibus præterquam semine Angelicæ sylvestri in montosis nascenti convenit.

Archangelica



Archangelica Clusii in omnibus præterquam magnitudine cum Angelica sylvestri convenit: Ea autem, ut puto, loco natali debetur.

C. Bauhinus ex Archangelica duas species facit, nec præter rationem, si uni flores luteoli sint, ut Lobelianæ, alteri albæ, ut Dodonæi Archangelicæ. Verùm Autores omnes eandem habent iconem: & C. Bauhinus Archangelicam Clus. ad duas refert.

Cùm ergo adeò inter se variant & dissentiant Autores de Archangelica, nos existimamus eam non distingui specie ab Angelica sylvestri vulgari seu aquatica, sed accidentibus quibusdam à cœli aut soli diversitate ortis.

Postquam hæc scripseram, & opus nostrum jam prelo aptatum esset, eruditissimus Vir D. Jos. Palmer M. D. communicavit mihi Catalogum manuscriptum Horti Medici Leydenfis cum Observationibus in plantas ibidem crescentes, è D. Hermanni ore exceptis; in quo invenio

Archangelicam seu Angelicam Tabernamont. Seu Scandiacam, quam dicit flores proferre in umbella flavescens, & in omnibus convenire cum Angelica, nisi quod semina sint rotunda, illius autem oblonga, & hujus folia sint majora.

Angelica sylvestris iisdem pollere viribus creditur cum sativa, verùm languidior & infirmior est multò. Hospes quidam in Ducatu Wirtembergico celebrabat in morbis equorum, pecorum & suum, exhibitum viridem in potu vel siccam. f. B. Vires.

- A. 4. *Angelica sylvestris minor sive erratica* C. B. *sylv. repens* J. B. *Herba Gerardi* - Ger. *Podagraria vulgaris* Park. *Herb Gerard*, *Gout-wort* or *Ashweed*.

Cubitali & interdum etiam bicubitali caule assurgit, tenui, striato, rubente, fistuloso, alis concavo, ex radice tenui, fibrosa, longè latèque reptante, odore & sapore quadantenus Angelicæ, sed multò infirmiore: *Folia* Angelicæ sativæ minora, eodem ferè colore, Sileri sapore: *Umbella* Angelicæ, itidem minor, floribus candidis, odorata. *Semina* oblonga, angusta, acuta, quàm Angelicæ sativæ multò minora, striata, per maturitatem nigricantia.

Ad sæpes inque umbrosis ad latera montium frequens. Camerarius Pestem hortorum appellat, quoniam semel plantata reptatu suo odiosa est, nec faciliè iterum extirpari & aboleri possit. Locus.

5. *Angelica sylvestris hirsuta inodora* C. B. J. B. *Podagraria hirsuta* Park. *Hairy Herb Gerard*.

*Radice* habet crassam & fibrosam, foris pullo cortice tectam, intus albam, redivivam & odore medicato: *Caule* parte inferna paucissimis pilis cinctum: *Folia* atrovirentia, hirsuta, pediculis itidem hirsutis asperis insidentia. In reliquis cum præcedenti convenit.

Lusatia ad C. Bauhinum missa est.

6. *Ligusticum quorundam foliis Angelicæ* J. B. *Ligusticum alterum* Matth.

f. B.

Camerarius apud Matthiolum in epitome exprimit figurâ suâ plantam quam habemus siccam Citræ nomine, odorem spirantem Mei, foliis nonnihil accedentem ad Angelicam, comâ valdè capillata ad radicem, ex foliorum antiquorum reliquiis, quæ bene exprimitur effigie ex ipsâ planta à Camerario proposita, notatâque litera A.

Hanc J. Bauhinus eandem esse putat quam Cæsalpinus describit lib. 7. cap. 46. Ligustici nomine, quod in Alpibus Liguriæ vulgò Imperatoria vocatur. Folia à radice rotundo pediculo ac ferè lignoso & tripartito gerit, figura herbæ S. Mariæ, sed magis in acutum desinentia, magisque ferrata, terna in singulis pediculi ramulis, odorata, prædura: caulem cubitalem altiorémque paucis foliis: semine in umbellis figura & magnitudine Fœntuli, nigra, odorata & acria: radix candida, pollicaris crassitudinis, in duas aut tres prælongas desinens, odore jucundo, sapore acri.

Oritur in Alpibus propè rivulos.

Utuntur semine in obsoniis & radice ad Stomachi dolores & imbecillitatem, ac omnes ferme internorum noxas. Locus. Usus.

7. *Angelica lucida Canadensis* Cornuti. *Panax Heracleum alterum Americanum splendens folio*, *Laserpitium creditum quibusdam* Park. *Shining Angelica*.

Cornut.

Hujus caulis vix cubitum implet, nullâ intus medullâ repletus, nisi in iis spatii quibus ille nodis intercipitur ad foliorum exortum. Foliorum pediculi teretes, juxta caulem in latitudinem membranaceam expansi nodos tegunt caulemque amplexantur; mox producti longius in quamplurima folia saturè virentia, ambitu ferrato desinunt: Foliis splendida viriditas inest (qualem inducto gelu per hyemem reliquarum plantarum folia contrahunt) Flores albi non Angelicæ aut Imperatoriæ nostræ modo in orbem conglobantur, sed velut Anisi umbellam formant; quos statim excipiunt semina minus foliacea vulgaribus. Radice nititur crassa, quæ in fibras etiam pinguioribus exit. Statim atque decidunt semina caulis exarescit, unâque planta commoritur ut nostras.

Angelicæ saporem redolet, acriter linguam exurit, sudores movet, salivam ciet, uno verbo ad eandem est ad quæ vulgaris nostra efficax. Vires.

In sylvarum apricis invenitur. Locus.



7. *Angelica atropurpurea Canadensis* Cornuti.

Hæc ut & præcedens nonnisi trima caulem facit, instar nostratis. Radix ei crassior est, torosa, nigra cute obducta, carne intus alba & nervo; carnosioribus etiam fibris adjectis. Folia longè majora & plura quam præcedentis, longiore etiam pediculo emergunt: hujus inferior pars, quæ radice aut caule attineat, in profundam cavitatem sulcata, resupinis caulem labris amplexatur. Caulis ultra hominis proceritatem adolescit, per semipedalia spatia nodosus, ut Calamus, & foliis interceptus. A medio ad summum multis luxuriatur ramulis, qui & foliis minoribus semper ornantur. Flos antequam appareat in cymis sulcata folii cavitare obtegatur, quam productior caulis proscindit, flôsque apparet in rotunditatem circumactus, quem sequuntur semina. Caulis hujusce plantæ foliorum pediculi atropurpureascent: folia quoque & semina obscura viriditate infuscantur. Ut odore & sapore est ignavior superiore, ita & viribus videtur esse inferior.

## CAP. XI.

De *Imperatoria*, quæ non ineptè *Angelica* speciebus annumeratur.

**N**onnullis Magistrantia, aliis Astrantia, Ostrutium seu Osteritium dicitur: Veteribus indicta videtur. Notæ ejus sunt folia lata, colore & odore ad Angelicam accedentia, tripartitè divisa & subdivisa: radices crassa oblique: semen striatum majus.

*Imperatoria* J.B. Ger. major C.B. *Imperat.* sive *Astrantia vulgaris* Park. Common Master-wort: by some erroneously *Pellitory* of Spain.

J. B.

Pollicari crassitudine nonnunquam est radix, sensim gracilescens, rugosa, & lateralibus fibris, quibus se propagat, donata, summa tellure oblique acta, carne albâ, aromaticâ, acrimoniâ vehementer linguam vellicante, totumque os calefaciente. Folia terna plurimum juncta [potius tripartitè divisa] Macerones, acutiora, rigida, quorum singula rursus in tria segmenta serrata, aliàs levius, aliàs profundius dividuntur. Caules cubiti & sesquicubiti altitudinem assequuntur, striati, inanes, in alas divisi: Umbellæ florum alborum Myrrhidis, latæ; semen Anethi ferè, sed paulò majus, candidum, plenum & latiusculum. [Florum petala bifida sunt.]

In montibus max. Carthusianorum cœnobio imminentibus invenimus. Gignitur etiam in Ananienfibus montibus supra Tridentinum: inque pratis ad radices montium Alpius Austriacis & Sti-riacis vicinorum magnâ copîâ.

*Imperatoria minor* C.B. Alpina Park. Vires.

Hujus speciem minorem proponit Camerarius Ep. non alia in re quam partium omnium parvitate à superiore diversam, quam *Imperatoriam* seu *Astrantiam* Alpinam appellat.

Saporis est acerrimi, radix præsertim, unde per errorem nostratum vulgò *Pyrethrum Hispanicum* denominatur. Alexipharmaca est ac sudorifera. Discutit mirificè intestinorum & uteri status, unde in colico cruciatu utilis est. In colicis & flatuosis (inquit C. Hofmannus) est divinum remedium, ultra certè & Angelicam & Zedoariam. Usus præcipuus est in venenatis morbis ac ictibus; in pulmonum tartaro resolvendo & expectorando, in fœtore anhelitus corrigendo; in capitis affectibus phlegmaticis, Paralyfi, Apoplexia, &c. Aiunt nonnulli quartanâ eos sanari, qui pulveris cochlearis dimidium horâ unâ ante accessionem ex mero bibunt. Commendatur & ad hydropem [In hydropem, in quartana, in febribus diuturnis omnibus, non habet sibi parem medicinam. C. Hofman.] Extrinsecus in odontalgia (gargarif. aut radices frustulum denti dolenti impositum & in ore detentum, copiosè etenim pituitam & phlegma elicit) in catarrhis exiccandis (suffitu) in tumoribus, ac Arthritide frigida. In scabie capitis exiccanda (lotione) in serpigine inveterata sananda (cum adipe suillo illita) in globulis sagittifve corpori extrahendis, imposita. Schrod. & Matth.

Hinc non immeritò (inquit J. Bauhinus) *Imperatoria* nomen sibi ascivit, cum tot tantisque viribus præstet.

Caterum ut facie externa & odore Angelicam refert, ita iisdem cum illa facultatibus dotata est.

## CAP. XII.

De *Umbelliferis* semine striato majore, per maturitatem nigro, foliis latissimis, seuDe *Smyrnio* aut *Hippofelino*.

**S**myrnum indè dictum est, quòd radix lachrymam emittat Myrrhæ similem, ut Theophrastus Hist. lib. 7. cap. 6. & lib. 9. cap. 1. docet, qualem Hippofelinum fundere docet experientia, inquit Bodaüs à Stapel.

Semine majore tumido, per maturitatem nigro à congeneribus distinguitur. Smyrnum autem Creticum foliis duum generum, inferioribus Apii in modum incis, superioribus quæ caulem vestiunt integris & indivisis caulem amplexantibus, ab omnibus cujusunque generis *Umbelliferis* differt.

1. *Hippo-*



- A. 1. *Hippofelinum* Ger. emac. *Hippofelinum* sive *Smyrnum* vulgare Park. *Macerone*, quibusdam *Smyrnum*, semine magno nigro J. B. *Alexanders*. *Hippofelinum* Theophrasti vel *Smyrnum* Dioscoridis C. B.

J. B.

*Radice* nititur crassa, foris & intus alba, odorata, acri cum quadam amaritudine. *Caules* edit plusquam bicubitales, farctos, ramosos, striatos, nonnihil rubentes: *folia* Apii palustris, ampliora, segmentis rotundioribus, atrovirentia, sapore ad Apium hortense accedente, subdulcia. *Flores* in umbella è foliolis ex albo virescentibus & apicibus concoloribus compositi. *Semen* crassum, nigrum striatum, seu angulosum.

In rupibus maritimis oritur, v. g. in insula *Prestholm* dicta propè Bellum-mariscum oppidum An- *Locus* *Plymouth, Portsmouth,*  
gleseie primarium in Wallia, inque Scotiae litoreis rupibus propè Bervicum.

*Macerone* Italis dicitur vocabulo (ut creditur) corrupto à Macedonia, quoniam *Petrofelinum* Macedonicum per errorem Officinis dictum fuit: Nostribus *Alexanders* & vulgò etiam in Italia & Germania Herba Alexandrina, vel quia ab Alexandria Ægypti urbe advehi solitum est, vel quia id vulgò creditum.

Alit bene, & præstat eadem quæ Apium, sed efficacius. Venit in cibum cruda & cocta tum ra- *Usus*  
dix concisa, tum folia tenella & caulis, frequentius apud nos in iusculis verno tempore ad sangui-  
nem depurandum, rarius in intinctibus ex aceto & oleo.

In Officinis nostris *olus atrum* dicitur, in transmarinis vulgò sed falsò *Petrofelinum* Macedonicum.

2. *Smyrnum Creticum* Ger. Park. *Creticum perfoliatum* J. B. peregrinum rotundo folio C. B. *Candy*  
*Alexanders*.

J. B.

Hilari virore perfusa *folia* producit, nitidæque, pedem longa, longo nixa pediculo, quæ in op-  
positas ex certis intervallis alas dividuntur, atque hæc rursus in alias, ut subsecciones particulares haud  
malè Apii palustris foliis possint comparari, altiusculè incisæ, crassæ satis, atque hæc quidem statim  
è radice pronascuntur: nam quæ ramorum divaricationibus subsunt immane quantum ab hac forma  
discedunt, circinatæ ferè rotunditatis, Perfoliatæ foliorum modo à caule ramisque transfossæ, scilicet  
ciam aut duas uncias lata, & interdum gemina, alterum alteri impositum. Umbellis est Anethi, aut  
Perfoliatæ floribus albicantibus aut pallentibus: *Semen* subrotundum, nigrum, striatum.

*Folia* in caule non exactè rotunda sunt, sed in longitudinem productiora, nec à caule pertusa  
Perfoliatæ in modum, sed eum tantum arcuè amplectentia & undique lobis suis cingentia, quatenus  
nos observavimus.

Altero (inquit Camerarius) à satù anno prodit foliis geminis, ut Locustarum ferè alas repræsen-  
tet, quæ paulò post marcescunt. Interea sub terra latitat radix rotunda Ervi magnitudine aut pau-  
lò grandior. Sequenti postea anno folia protrudit instar Ammi vulgaris; *Radix* verò tenuis fit & ob-  
longa, quæ rursus per hyemem ita perdurat. Primo denique vere tandem emergunt folia Petro-  
selini, & caulis qualem descripsimus.

Quam C. Bauhinus speciem diversam facit foliis longioribus in caule & profundius incis, ex de-  
scriptæ semine sibi in horto enatam scribit Parkinsonus: proinde non est cur ejus ratio habeatur.

Invenit hanc F. Columna in montibus Æquicolum Valuensium & Asprentium in Sabinis, hu- *Locus*  
mentibus locis circa aquarum decursus, &c. Nos in Sicilia propè *Punto Cerciolo* non longè à *Puzzallo*.

Hujus caulis limbos habet seu lineas carthilagineas elatas, cujusmodi in aliis Umbelliferis adhuc  
observare non contigit. *Col.*

### C A P. XIII.

*De Umbelliferis semine striato majore foliis Apii, maximis, seu*

*De Levistico.*

**L** Evisticum vox à Ligustico corrupta videtur, vel potiùs à Libystico Galeni, quod est Ligusti-  
cum Dioscoridis. Ligusticum autem à Liguria, ubi plurimum nascitur, dictum est. Ejus  
notæ sunt folia Apii majora, odor validus, magnitudo & statura insignis.

*Levisticum vulgare* Ger. Park. *Ligusticum vulgare foliis Apii* J. B. *Lig. vulgare*, an *Libanotis*  
*fertilis* Theophrasti C. B. *Lobage*.

J. B.

*Caulem* habet hominis altitudinem excedentem, crassum, geniculatum, cavum, striatum: *Folia*  
pedalia & ampliora, in alas divisa, quarum extremæ divisiones ad folia Apii palustris aliquatenus ac-  
cedunt, sed longè majores, obscuro virore splendentes, odore valido [non tamen ingrato] Rami ut  
& summus caulis umbellas gerunt amplas, florum luteorum: *Semen* majusculum compressum. *Ra-*  
*dix* crassa est & lignola. *D. Nid* amicus noster singularis & Botanicus egregius solebat dicere, Le-  
visticum Pharmacopolii odorem spirare.



- Locus.** Levisticum vulg. in hortis colitur: natalis ejus locus nobis haecenus incompertus: Pona tamen in monte Baldo reperiri ait, Alii in Alpibus Liguriæ aut Apennino. Æstate floret: Augusto magna ex parte semen ad maturitatem perducit. *J. B.* gaudet solo umbroso.
- Vires.** Levisticum vulgare Germanicum *Park.* Quare an differat à vulgari Levistico.
- Alexipharmacum est ac diureticum, vulnerariumque; Ventriculum roborat, Asthmata subvenit; menses & lochia ciet; fœtum mortuum ejicit (semen) tartarum lentum resolvit, dolorisque inde natos sedat; Epatis lienisque obstructions referat, adeoque præcipue ictero convenit. Extrinsecus ejus usus est in Balneis, cataplasmatibus (utero & ureteribus dicatis) in Emplastris vulnerariis & sim. *Schrod.*
- Vulgus per caulem cavum petum haurire suevit, quo tussim sedatum iri sibi persuadet. *Idem.*
- In facultatibus porro tam vicinum est Angelicæ & Imperatoriæ supra dictis, ut non putet necessarium esse commemorationem C. Hofmannus. Adjuvat digestionem, ventositatem dissolvit & inflationem.
- Veteres Ligures, ut & hodie Hetrusci, semine pro pipere utebantur. Promovendis mensibus & sudoribus sufficit 3 ℥. feminis.
- Cum odor hujus plantæ adeo validus & pertinax sit præ Angelica & Imperatoria, verisimile est eam viribus etiam eisdem antecellere.
- Nomen proculdubio factum est à Libystico Galeni, quod est Ligusticum Dioscoridis, ita dictum quod in Apennino, quâ parte Liguriam attingit, frequens est.
- \* *Forestus* pro secreto habuit succum foliorum Levistici in secundinis retentis. Erat magnum Arcanum famolæ cujusdam obstetricis, quæ id obtinuerat à Judæo medico. Communicavit D. *Tancredus Robinson.*

\* Lib. 28.  
Obf. 32.

## CAP. XIV.

*De Umbellifera semine striato majore, foliis Aquilegiæ, seu*

*Libanotide aut Ligustico Aquilegiæ foliis.*

*Libanotis latifolio Aquilegiæ folio C. B. Park. Ligusticum Ranwolfsii foliis Aquilegiæ J. B.*

C. B. prod.

**R**adice est crassa, fibrosa, cortice inæquali, quasi rugis transversis asperata, fuscique coloris tectâ; medulla candida, amara, modicum quid Aroma & Aristolochiam sapore redolens: ad cujus caput pili tanquam veterum foliorum defluxorum fibræ solidiores & nigrae: etenim folia, quæ numerosa ex radice capite longis pediculis emergunt, una parte quasi vaginato exortu (nimirum ea quæ crassiora & latiora sunt, ut & ea quæ ex caule prodeunt) eundem tanquam membranaceâ filiquâ circumdant articulo crassiore lineâque transversâ: quæ crassa sunt, rigida, glabra, viridia & splendentia, subtus candicantia, fibris majoribus subpurpureis transcurrentibus, quæ licet instar foliorum Aquilegiæ dividantur, non tamen omnia in pares lacinias (Aquilegiæ lacinias latiores) fissa sunt: inferiora namque in vegetiore planta plerumque quinque folia habent ex triplici rami divisura, alias tria, tribus pediculis infidentia. *Caulis* unicus est, cubitos tres, quatuorve superans, rotundus, striatus, nodis distinctus, subalbicans, puniceo colore aliquando admixto, in tres, quatuor, vel quinque brachia distributus, quæ umbellam magnam ex longissimis festucis & floribus albis parvis compositam sustinet. *Semen* succedit longum, latum, striatum, puniceum, gustu subamarum, Cumini saporem imitans, aromaticum, modice exalefaciens & salivam ciens.

E Camerarii horto habuit C. Bauhinus. Nos eandem vidimus in horto D. *Caroli Howard* Ducis Norfolciæ fratris.

Libanotidem minorem Apii folio C. B. i.e. Libanotidem Theophrasti minorem *Lob.* Nos cum Parkinsono eandem putamus Libanotidi latifoliæ alteri five vulgatori *ejusdem* C. B.

J. Bauhinus considerandum proponit an Libanotis Theophrasti minor Lobelio sit eadem cum Cervaria nigra seu Saxifragia Venetorum *Ad.*

## CAP. XV.

*De Umbelliferis foliis Apii minoribus, semine striato majore, Daucus montanis dictis.*

1. *Seseli* 2. *montanum Pannonicum* Clus. *Valdebonæ nomine missa, Libanotidis secundæ quorundam* five *Cervaria nigra* species J. B. *Daucus montanus Apii folio albicans* C. B. *Daucus Selioides maximus* Park.

Clus.

**B**rachiali interdum nititur radice, præsertim si planta vetustior sit (recentiores & juniores pollicarem habent) in aliquot ramos inferiore parte divisâ, crasso, rugoso, nigroque cortice septâ, gummoso primum lentoque sapore præditâ, deinde acri & salivam ciens: quæ summo capite in multa extuberat capita villôsâ, (quemadmodum ferè omnes ferulacei generis stirpes)



pes) unde exeunt magnæ & satis amplæ foliorum alæ, aliquot foliis per ambitum ferratis & nonnihil incis, uni costæ inhaerentibus, sed ex adverso nascentibus constantes, colore supina parte dilutiùs virente & aliquantulum splendente, pronâ cineraceo præditis : Inter quæ sesquicubitalis nonnunquam emergit *caulis*, striatus, pollicaris interdum crassitudinis, geniculatus, in aliquot ramos divisus, quem ambiunt ad singulos nodos sive genicula minores foliorum alæ. Summum caulem atque extremos ramos exornant umbellæ pallefcentium *flosculorum* : quibus succedunt *semina* Sileris montani seminibus similia.

Invenitur ferè in omnibus Pannoniæ & Austriæ inferioris montibus, aspero solo ventisque perflato. Julio & Augusto florèt, & subinde semen profert. Locus & Tempus.

Differt à Cervaria nigra foliis virentibus magis, paucioribus conjugationibus compositis, verum multo majoribus, amaris & acribus nonnihil: floribus luteis ex umbellis minoribus, qui masticati odorem reddunt aliquantulum vinosum & aromaticum. *J. B.*

## CAP. XVI.

## De Silere montano.

**S**iler nomen à Sile deductum est, quia pro Sefeli semine utuntur. At Veteres ipsam Sefeli etiam *Sili* ac *Seli* vocabant.

Haud scio (inquit Bodæus à Stapel) an vox *Sili* rejicienda. Nam apud Festum legere est, Silatum Antiqui dicebant quod nunc jentaculum dicimus, eo quod tum jejuni vinum *Sili* herba conditum absorbeant.

Bodæus semen Sileris majoris acedinis esse scribit quàm ullum Sefeli, eoque menstruis ciendis perquam commendatum.

1. *Siler montanum* Officinarum Lob. Ger. *Sefeli* sive *Siler montanum* vulgare *J. B.* *Siler montanum*, vulgo *Sifelos* Park. *Ligusticum* quod *Sefeli* Officinarum C. B. *Bermountain*.

*J. B.*

Humanum superat altitudinem Sileris montani *caulis*. Caulem ramisque seu vaginâ laxiore amplectuntur foliorum pediculi palmares aut sesquipalmares : ipsa verò *folia* in alas oppositas dividuntur. Segmenta extrema terna ferè sunt, Cytisi Tragi foliis similia, oblonga, latiuscula, mucrone leviter obtuso. Umbellæ latæ, amplæ : Semen magnum cum fimbria foliacea, striatum, oblongum sapore acri & subamaro, veluti corticis auranti, tandem ad Cymini saporem accedente. *Radix* magnâ comâ infimum caulem ornat, rugosa, digitali crassitudine, albida, odorata, in altum descendens.

In Jura & Saleva montibus propè Genevam, inque Alpibus propè Pontiebam observavimus : Alii Locus. bi etiam in Alpibus frequens reperitur.

C. Bauhinus *Ligusticum* Matthioli idem esse statuit cum Silere montano. Joannes frater hoc non audet asserere, tum quia Matthiolus *Sefeli* hoc Officinarum cimicum fetorem representare ait ; *Ligustici* verò semen incolas Liguriæ passim in ciborum condimentis adhibere, tum quia Lobelius separar, tum denique quod semen quod apponitur iconi *Camer.* differt.

2. *Siler montanum angustifolium* Park. *Ligusticum* sive *Siler montanum angustifolium* C. B.

C. B. prod.

Caule est tenui, cubitali, in alas brachiato, quæ umbellam albam, parvam sustinent ; foliis paucis in segmenta angusta, oblonga (Peucedani instar) sed longè breviora divis, quæ in alis ferè capillacea.

Propè oppidum Stain Austriæ.

Locus.

## CAP. XVII.

*Sefeli montanum Fœniculi folio* C. B. *montanum tertium* Clus. mont. *angustifolium* 3. *Clusii, folio Sefeli Massiliensis Matthioli, semine Angelicæ, J. B.*

Clus.

Huic multæ sunt foliorum alæ, Fœniculi foliorum instar in multa folia tenuia, illis tamen crassiora & breviora divisæ, virides admodum, mucrone omnium foliorum candicante & duro, calidi gustus : inter quas enascuntur cubitales caules aut ampliores, digitali crassitudinis, striati, geniculati, in aliquot ramos secti, quos secundum nodos aliarum minores amplectuntur foliorum alæ. Flores in extremo caule & summis ramis in umbellas distributi nascuntur albi : dein *semina* striata, Angelicæ femini non disparia, gustu fervido. *Radix* multis crassis & oblongis fibris, latè & oblique sparsis constat, quæ singulis annis summo capite novas propagines ad latera facit.

Nascitur in plerisque Austriæ inferioris & Stiræ montanis pratis, atque Julio florèt.

Locus.

## SECTIO



## SECTIO TERTIA.

## De Plantis Umbelliferis semine minore.

**P**RO Seminibus minoribus habemus quæcunque Cicuta seminum magnitudinem non excedunt.

## CAP. I.

## De Umbelliferis semine minore, radicibus tuberosis.

**H**Æ vel sunt terrestres semine laevi, vel aquaticæ semine striato. Priores Bulbocastana seu Nucula terrestres dicuntur, posteriores Oenanthe.

## De Bulbocastano seu Nucula terrestri.

**B**ulbocastanum sic dictum Tralliano rentur, quod figurâ radicis bulbos, sapore gustuque Castaneas scitè exprimat.

Radice autem tuberosa, foliis tenuius incis, semine longiusculo glabro, Umbellâ minimè clausâ ab aliis Umbellarum generibus facillè distinguitur.

A. 1. *Bulbocastanum* J. B. *majus & minus* Ger. *majus folio Apii* C. B. *Nucula terrestris major* Park. *Earth-Nut or Hepper-Nut.*

Locus &  
Tempus.

*Radix* tuberosa, alba, solida, fibras tum ab imo, tum à lateribus promens tenues, gustu subdulci grato, profundè in terra delitescit. *Folia* tenuius incisâ sunt quàm Petroselinum, segmentis acutioribus. *Caulis* simplex, teres, striatus, solidus, uno plerumque folio adnato antequam in ramos dividatur. Ad singulas autem caulis divaricationes apponitur folium multo tenuius incisum quàm sunt quæ è radice oriuntur. Ad umbellarum bases nulla apponuntur folia. *Flores* quales Umbelliferis aliis, verùm exigui admodum, albi. *Semina* parva, longiuscula, & cum adhuc viridia sunt minimè striata, [cum jam exaruerunt striæ subobscuræ videntur,] colore castaneo. Vere primo è terra erumpit; Maio exeunte & Junii initio floret, & in pascuis solo sabuloso aut glareoso frequentissima est. Cum semen perfecit tota superficies exarefcit illico, radice in terra residuâ, tuberosâ, inæquali, nigra membranâ obductâ, carne albâ esculentâ.

Ego hætenus unam duntaxat novi Bulbocastani speciem, nec plures agnoscit J. Bauhinus. C. Bauhinus Nuculam terrestrem Septentrionalium *Leb.* (quam Lobelius in Anglia vel mulierculis notam scribit) Bulbocastani majoris Synonymam facit: Botanici nostrates pro Bulbocastano minore habent quod sponte apud nos provenit; quod indicium non dari diversas species, seu majoris & minoris distinctionem.

D. Magnol duas species distinguit, majorem & minorem; & utramque se in horto plantâsse asserit, ut certior fieret an hæc varietas à loco ficciori vel humidiori dependeret.

Vires & Usus.

*Radix* nostratibus effoditur, & cruda estur: Verùm excorticata, & cum modico pipere in jure carniū cocta, suavis admodum cibus est, multum nutriens & Venerem stimulan. Medicamentis addita cruenta mingentibus & etiam spuētibus auxiliatur, Tralliano id attestante.

Hac etiam fues (cujus avidæ sunt) impinguntur, unde & Castaneæ suillæ, nostratibus *Pignuts*, nuncupantur.

In pascuis, non tamen pinguibus sed glareosis copiosissimè proveniunt.

## CAP. II.

## De Oenanthæ aquatica.

**O** *ἰσάνθη τὸ ἀνθὸν ὡς ἀμπύλη*, quod colore & quadantenus odore non sit Viti dissimilis, vel potius quod cum vite floreat, & in flore ejus odor qualis in pubescente vite sentitur.

• Radicibus tuberosis, è multis glandulis compositis, & loco natali, palustri scilicet & aquoso, ab aliis quibuscunque Umbelliferis plantis facillè distinguitur.

A. 1. *Oenanthe*

- A. 1. *Oenanthe aquatica* C. B. *palustris* seu *aquatica* Park. item *aquatica major* ejusdem p. 123. *Filipendula aquatica* Ger. *Oenanthe* sive *Filipendula aquatica* J. B. **Common Water Dropwort.**

J. B.

Bulbilli olivares ex tenuibus pendent filis plures; quos nonnisi attenta cautione evellas; abrum-  
puntur quippe facile sequentibus caulem duntaxat fibris. *Caulis* cubiti & sesquicubiti altitudine,  
striatus, concavus, ramosus, geniculatus. Folia inferiora parcius secta, reliqua longioribus & tenui-  
oribus segmentis caesa. *Umbellae* parvae, albæ. *Semen* oblongum, in duas veluti cuspidēs desi-  
nens.

In pratis humidis & ad rivulos ubique ferè oritur.

Sapore est amariuscule cum levi adstrictione, calidæ & siccae naturæ, aperientis & adstringentis  
facultatis. Movet urinam & arenulas extrinsecus & intrinsecus usurpata: aperit obstructions, &  
expurgat meatus urinarios.

Locus.

- A. 2. *Oenanthe aquatica minor* Park. item *Oenanthe juncoides minima* ejusdem p. 895.

Park.

*Folia* quæ producit antequam caulis emergit tenuissimè incisa sunt, & in terram supina: Quæ cau-  
lem vestiunt costæ potiùs foliorum quàm folia videntur, supernè obscuro virore splendentia; ut &  
*Caulis*, qui Juncum proximè refert, infra cusps summum apicem seu acumen ut in Juncis, è latere  
erumpit umbella flosculorum albertium, odoratorum, quibus subsunt *semina* Apii non majora, ve-  
rùm nigriora. *Radix* inter fibellas capillares aliquot habet glandulas albentes.

Hujus flos præterit plerunque antequam major florere incipit. Parkinsonus utramque in horto  
coluit.

3. *Oenanthe altera minor Africana* Park. item *tenuifolia altera Africana* ejusdem p. 895.

Park.

Præcedentem minorem *Oenanthem* proximè refert, summitate seu *Umbella* differt, quæ major  
est & semina etiam majora.

Guilielmus Boelius è Barbaria Africæ regione au. ulit.

- A. 4. *Oenanthe Cicutæ facie Lobelii* Park. *Chærophylli foliis* C. B. *succo viroso*, *Cicutæ facie*  
*Lobelii* J. B. *Filipendula Cicutæ facie Lobelii* Ger. **Hemlock Dropwort.**

Lob.

Paludapio foliis non absimilis est, Rutæ pratensis similior [ nostrâ sententiâ Apio aut Petroselino  
similior quàm Thaliætro ] multo pullulatu, virore tetro, colore & facie *Cicutæ*. *Caules* bicubitales  
spargit, è *radice* in pares Asphodeli albi bulbos multipartita, & quasi brachiata, nullius fibræ vincu-  
lo aut interventu continuos, teneros, gustu acres & ingratos, succo lacteo primùm, deinde flave-  
scente, viroso, & exulcerante prægnantès. *Umbellæ* *Cicutæ*, cui affinem autumant qui maleficio  
parem expertos se asserunt: Usos namque in acetariis nihil factum fuisse propius quàm ut interi-  
rent, aiunt: alios qui esitassent, vertigine tenebricosa palantes, nutantes, attonitos inque gyrum  
versantes se vidisse.

In rivulis, lutulentisve & riguis non in Septentrionalibus duntaxat Angliæ, Westmorlandia sci-  
licet & Eboracensi provincia, sed & in Meridionalibus, Surreia, Suffexia, &c. copiosè prove-  
nit.

Locus.

Inexcusabilis est (inquit Johnsonus apud Gerardum) quorundam nostris temporibus ignorantia  
qui radices hujus herbæ Præoniæ radicum loco vendunt. Quin sibi compertum affirmat, mulierculas  
rhizotomas & botanopolas Londinenses radices hæc sub nomine *Levisfici aquatici* vendere. Ve-  
rùm an adeò venenatæ sint & malignæ hujus plantæ radices nonnullos dubitare video. Matthio-  
lus *Oenanthem* suam tertiam & Tabernamontanus *Oenanthen* *selinophyllon*; quas C. Bauhinus  
hujus plantæ synonymas facit, salubrem esse plantam statuunt. Ego rem in medio relinquo, ulterio-  
ri examini subjiendam.

5. *Oenanthe Apii folio* C. B. *Filipendula angustifol.* Ger. *Oenanthe* sive *Filipendula Monspessu-  
lana Apii folio* J. B. *Oenanthe Apii folio major* Park. **Water Dropwort with Small  
large leaves.**

J. B.

Perinde ut *Oenanthe* vulgatori seu *Filipendulæ* ita & huic glandulosæ *radices*, longis filis pendu-  
læ latiùs quàm altiùs propagantur, tunica nigricante contextæ, intus albæ, *Pastinacæ* Germanicæ  
quodammodo sapore, gratiore tamen, dulci. Hujus *folia* plurimùm ludunt, prima germinatione  
lata, mox *Petroselini* vulgaris seu Apii hortensis ( à cujus etiam sapore parum abludunt nisi quòd  
plusculem adstrictionis habeant ) ex virore penè lucida, supra terram expansa, demum *Peucedani*  
effigiem induunt. *Caules* plures surriguntur, cæsi, angulosi, striati, cubitum & sesquicubitum al-  
ti, multis alis concavi. *Flores* in *Umbella* muscosi, admodum minuti, ex albo purpurascens. *Se-  
mina* differunt à prædicto *Petroselino*, quo multò longiora, veluti capitulum habentia.

Florentem Junio Monspelii inter *Peroul* & lacum reperit J. Bauhinus.

Locus.

Parkin-



Parkinsonus aliam hujus seu speciem, seu varietatem habet, quam Oenanthem Apii folio minorem vocat, eamque duarum specierum facit. Ab hac etiam specie diversam facit Oenanthem angustifoliam Lobelii, entia prater necessitatem multiplicans.

6. *Oenanthæ Staphylini folio aliquatenus accedens* J. B. *Oen. Pastinacæ sylv. folio, semine Atriplicis*, J. B. *Monspeliaca major & minor* Park.

J. B.

*Folia* hujus inferiora ad infima folia Oenanthæ Monspessulanæ accedunt nisi tenuius essent dissecta: pediculus est plusquam spithameus, cui æquales ex adverso sitæ alligantur alæ, in *folia* Petroselinii subdivisa, delicatiora utrunque & incisurâ concinniore, ad Staphylinum quodammodo accedente: reliqua folia ad caulium alas enata Peucedani foliis proxima, id quod etiam in Monspessulana Oenanthæ observavimus, cujus etiam cauli similis est & hujus *caulis* pulchrè striatus; alludit quoque *umbella* densissimis muscariis albicantibus composita.

C. Bauhinus hanc plantam ad Joannem fratrem ex horo Patavino attulit.

7. *Oenanthæ stellata Cretica* Alpini exot. *Cretica stellata* Park.

Alpin.

Oenanthæ alteri Matthioli quàm simillima, *caulem* unicum promit, rectum, teretem, dodrantalem, non admodum crassum, qui in summitate in quinque ramulos dividitur, graciles, itidem rectos, rectèque actos, qui Umbellam albam Oenanthæ modo producant, quæ Umbellæ post flores mutantur veluti in quinque stellas, habentes octo & quandoque plures radios, longos, latos, in acutum desinentes; in quorum medio *flores* sunt parvuli, in orbem comprehensi, qui postea indurescunt & mutantur in *semina* parva, oblonga, tenuia, Scabiosæ Indicæ similia, simul compacta & durissima; stellæ autem per maturitatem nigra redduntur. *Folia* Oenanthæ secundæ, sed pauciora & majora. Radicibus nititur sex, septémve, longis, crassis, carnosiss, in acutum desinentibus, ab eodem principio proficiscentibus, vulgaris Filipendulæ aut Asphodeli radicibus quàm proximis, sed minoribus. Tota plantæ superficies quotannis hyeme emoritur, radice sub terra latente.

- \* 8. *Oenanthæ Cretica prolifera* Park. *Apula prolifera* C. B.

Park.

Oenanthæ Creticæ stellatæ Alpini persimilis est: Differt 1. *Foliis* amplioribus, nec in tot lacinias dissectis: 2. *Florum* Corymbis, qui licet albi sunt & pariter in capitula glomerati, attamen foliorum acuminatorum stellatim capitula cingentium vice hoc genus florum capitella aliquot obtinet primum caput in orbem cingentia, ad eundem ferè modum quo in Calthæ aut Bellidis proliferæ dictæ floribus fit: 3. *Semine* Oenanthæ aquaticæ simili: 4. Denique & præcipuè *radicibus*, quæ in hoc genere glandulosæ non sunt ut in aliis, sed ex fibrarum tantum seu filamentorum albescentium magno numero compositæ.

### C A P. III.

*De Umbelliferis semine striato minore, foliis & odore Pastinacæ latifoliæ.*

**H**Æ vel sunt terrestres, vel aquaticæ. Terrestres, vel radicibus carnosiss esculentis, *Sisarum*; vel durioribus & lignosioribus *Selinum Segetale*, & *Amomum Germanicum*. Aquaticæ Siis nomine innotescunt. Verum *Selinum segetale* & *Amomum Germanicum* rectius Siis annumerantur.

*De Sisaro.*

*Sisarum* à *Pastinaca latifolia sativa* (cui foliis & sapore radicis satis similis est) differt semine, quod non ut in illa latum & foliaceum sed oblongum, angustum & striatum est, item radice, quæ non ut in ea unica, sed ex uno capite plures.

1. *Sisarum* Ger. *Sifer vulgare* Park. *Sisarum multis* J. B. *Sisarum Germanorum* C. B. *Skirret*.

J. B.

*Radix* propter majorem suavitatem cupediis magis expetita quàm *Pastinacæ latifoliæ Germanicæ*, quæ non ut in ea unica, sed ex uno capite plures pendulæ, glandulosæ, teneræ & fragiles, rugosæ, cortice tenui pallidoque obductæ, pulpâ candidâ, digitali crassitudine, pedales quædam, aliæ multò breviores, dulci & grato sapore, nonnihil aromatico. *Caulis* surgit sesquicubitus altus, singularis, geniculatus, striatus. *Folia* pinnatim disposita, *Bauciæ* minora, teneriora, acuminata, nigriora, argutis per ambitum denticellis crenata. *Umbella* candida suaveolentium *flosculorum*, quorum singuli quinis foliolis totidemque apiculis constant. *Semina* in umbella producit Petroselinii, nonnihil majora, colore obscuriore, longiora.

*Sisarum* in hortis seritur semine, sed radice potissimum, majoribus ac crassioribus sublatiss, minoribus

res



res, iterum in terram defiguntur, quod Februario & Martio opportunè fit, priusquam caules assurgant, atque hoc tempore exemptæ nervo medio duriore detractæ coctæ cum butyro, pipere & sale elisantur. Veteres autem & majores radices si hoc tempore non adimantur, corrumpuntur novæque juxta oculos radicula mense Martio quandoque folia protrudere observavit J. B.

Cordus omnium radicum quæ vescendo sunt saluberrimas hæc affirmit: Dodonæus moderatè *Vires*. calidas esse ac humidas, facile concoqui, nec tardè descendere, nutrire mediocriter, nec parvi esse succi, flatulentum tamen quiddam etiam obtinere, unde Venerem promovent.

2. *Sisarum Syriacum* C. B. *alterum Syriacum* Park. *Secacul Arabum & Mauritanorum sive Pastinaca Syriaca* Rauwolf.

*Radice* obtinet teneram, lævem, exterius canescentem, intus album, fractu facilem, digitali crassitie, at longitudine digiti dupla, tuberculis seu nodis aliquot inæqualis verrucis similibus, grato sapore Carotæ; unde emergunt *folia* multa in plurimas partes dissecta, Carotæ æmula. *Caules* ad nodos confimilibus foliis vestiuntur, & in summitate umbellas *florum* gestant illius similibus, sed colore luteorum.

In Ægypto propè Cayrum urbem sponte oritur.

*Locus.*

- A. 3. *Sison sive Officinarum Anomum* J. B. *Sison, quod Anomum Officinis nostris* C. B. *Sis. vulgare, sive Anomum Germanicum* Park. *Petroselinum Macedonicum Fuchsi* Ger. **Ballard Stone Parsley.**

*E radice* alba, lignosa, simplici, aliàs bifida, furculosa, in terram non altè descendente, sapore Pastinacæ aromatico, *caulem* producit crassitie mediocris, teretem, medullâ farctum, satis firmum & rigidum, glabrum, sesquicubitalem & altiore, crebris geniculis interceptum, & ab imo ferè ramolum ad genicula huc illuc reflexum. *Folia* in caule alternatim sita, pinnata Pastinacæ Germanicæ in modum, singularia tamen folia Sifari foliis similia, tenera, oblonga, circumcirca crenata, aliquando & laciniata. *Flores* in umbellis parvis candidi, exigui, è quinque petalis cordatis compositi, *semine* subsequente perpusillo, fusco, striato, gustu acriusculo aromatico.

Planta hæc valdè ramosa est, medius tamen scapus alitus assurgit quàm ramuli, qui multipliciter in furculos dividuntur umbellis suis onustos.

Locus humectis & lutosis nascitur, unde & in sepium & fossarum aggeribus recentioribus.

*Locus.*

- A. 4. *Selinum Sii foliis* Ger. emac. *Selinum segetale* Park. **Honetwort, Corn Parsley.**

*Folius.*

*E semine* Petroselini æmulo foliolis seminalibus binis, longis angustis exit: proximè erumpentia folia bina, exigua sunt rotunda, glabra, circum oras crenata: sequentia ad duo vel tria paria ejusmodi foliolis rotundis mediæ costæ adnexis cum impari in extremo componuntur: postea pluribus erumpentibus formam nonnihil mutant; unumquodque enim folium foliolis octo vel novem parvis, glabris, viridibus binis ex adverso mediæ costæ adnexis, impari costam finiente, circa margines eleganter dentatis, quoad formam Sii odorati Tragi folia referentibus, verum minoribus, brevioribus nec omnino fuscis constant: Inter quæ plurimi oriuntur *cauliculi* ultra viginti interdum ab eadem radice, bipedales, graciles, teretes, striati, interdum erecti, aliàs ad terram reclinati, geniculati, in multiplices ramos divisi. Ad singula genicula apponitur folium minus iis quæ ad radicem. Folia autem omnia tam quæ è terra exeunt quàm quæ caulem vestiunt brevi marcescunt, ut cum semen maturuit nè unum quidem folium viride in planta cernatur. *Flores* albi summos plerunque caules & ramulos occupant, interdum e plerisque geniculis ad terram usque exeunt, in umbellis parvis & inæqualibus, singuli petalis quinq; minutissimis planis, obtusis, & purpureis in medio apiculis constant. Totus flos aciculæ parvæ capitellum magnitudine non multum superat. Singulis flosculis bina succedunt *semina* parva, cinerea, incurva, striata, Petroselini feminibus similia sed majora, sapore acri & aromatico. *Radix* parva, alba, multis fibrillis donata, quàm Petroselini minor.

Circa initium Julii florere incipit, & diutissimè florens perseverat unde & partem aliquam seminis Augusto maturat, aliquam Octobris initio vix ad maturitatem perducit. E semine decido renascitur statim, & foliis virentibus per totam hyemem viget. Inter segetes solo præsertim *Tempus.* lutofo oritur. *Locus.*

Herbam ad tumores genarum valere, si tusa & expressæ succus cerevisiæ mistus quotidie manè *Vires.* jejuno bibatur, à mulierculaquadam quæ in seipsa experimentum fecerat, edoctus est D. Goodyerus. Intra duas septimanas tumorem absomit. Detur succus manipuli unius herbæ expressus in dimidio sextario seu pinta Cerevisiæ.

5. *Sium majus latifolium* Ger. emac. *maximum latifolium* J. B. *Sium Dioscoridis sive Pastinaca aquatica major* Park. **Great Water Parsnep.**

*Caulibus* crassis striatis & velut angulosis concavis, ramosis, ad duorum triumve cubitorum altitudinem assurgit. *Folia* ad radicem & in caulibus Pastinacæ sativæ latifoliæ similia, nec minora, alata seu pinnata, pinnis plurimis longis, latiusculis, acuminatis, circa margines dentatis, glabris, crassis & succulentis, binatim ad mediam costam annexis composita. Summos caules & ramulos umbellæ occupant magnæ, *flosculis* albis compositæ, quibus succedunt *semina* parva, striata.

Hujus folia quæ initio veris primò erumpunt, sequentibus similia non sunt, sed minutim concisa, & Oenantes aquaticæ, aut Smyrni Cretici (cui hoc respectu similis est) foliorum æmula. Odor huic gravis Petrolei aut bituminis.

In



Locus.

In fluviis majoribus plerunque oritur.

Hæc planta C. Bauhino Sion five Apium palustre foliis oblongis dicitur, minùs commodè nostro quidem iudicio. J. Bauhinus Tabernamontanum secutus ex una specie duas facit.

- A. 4. *Sion erectum umbellatum* five *Pastinaca aquatica* Lob. *majus angustifolium* Ger. *minus alterum* Park. *umbelliferum* J. B. **Common upright Water Parsnep.**

*Radix* multarum aquaticarum instar geniculatim incedit, demissis subinde fibrarum comis longiusculis, odore & sapore Sisari. *Folia* [quæ è radice exeunt] cubitum longa, longo pediculò, striato, glabro, intus cavo appensa, octo aut novem pinnularum conjugationibus composita, Pastinacæ Germanicæ similibus, minùs rugosis, quæ verò in caulibus sunt minora existunt, profundiusque & argutius secta. *Caules* sesquicubitales, teretes, striati, inanes, recti, ramosi. *Florum* umbellæ caules & ramulos terminant: *flores* minuti, candidi. *Umbellæ* basin seu exortum foliola angusta, acuminata ambiunt. *Semen* parvum odoratum, acre.

Locus.

In rivulis &amp; ad fluviorum ripas.

- A. 5. *Sium umbellatum, repens* Ger. emac. **Creeping Water Parsnep.**

*Caules* huic plantæ crassiusculi, concavi, striati, infirmi & procumbentes, è geniculis fibras albas in terram demittentes, quibus se propagat, ramosi, ramulis è foliorum alis exeuntibus. *Folia* origine membranosa caulem amplexa, longis pediculis concavis, Pastinacæ æmula, tribus vel quatuor pinnarum conjugationibus ad mediam costam annexis per margines dentatis composita. *Florum* umbellæ non ut in præcedentibus summos caules terminant, sed secundum caules ex adverso foliorum oriuntur brevibus admodum & vix semuncialibus pediculis, octo aut novem radiis constantes: singuli radii in cacumine umbellam secundariam seu partialem sustinent, cujus basin ambiunt folia angusta, oblonga: ad basin umbellæ totalis nulla sunt ejusmodi folia, quo à secunda specie differt. *Flosculi* perexigui, albi, quinque petalis angustis acutis compositi sunt, quibus succedit *semen* parvum, breve, striatum.

Locus.

In rivulis & aquarum scaturiginibus plurima ubique ferè in Anglia provenit, unde miramur eam à nemine ante Johnsonum Gerardi emaculatorem descriptam. Figura ejus extat in Hist. Lugd. p. 1092. sub titulo *Sii veri Matthioli*, at Descriptio addita est alterius plantæ.

- A. 6. *Sium minimum.* **The least Water Parsnep.**

*Radix*, ut in aliis hujus generis, geniculatim incedit, demissâ comâ fibrarum albertium è geniculis. *Caules* concavi, teretes, geniculati, rubentes, infirmi & humi procumbentes, duos nonnunquam palmos longi, ramosi. *Folia* ad singula genicula singula, alternatim posita, è quatuor vel quinque pinnularum mediæ costæ adnexarum conjugationibus composita, inferiora quæ aquis immerguntur tenuius incisa superiora, quæ extra aquas sunt, minùs secta & reliquorum hujus generis similia. Ex alis foliorum emergunt ramuli, ex adverso eorundem oriuntur *umbellæ*, ut in præcedenti, pediculis uncialibus aut brevioribus, parvæ, duobus tribusve radiis constantes. *Flores* & *semina* reliquis hujus generis similia.

Locus &  
Tempus.

In palustribus &amp; aquosis frequens Maio mense floret.

7. *Daucus Siculus Pastinacæ foliis* Zanoni.

Zan.

E radice digiti minimi crassitie, dimidium pedem longâ, raris fibris donatâ, ima parte in duas trêve radículas seu ramulos divisâ, albâ, sapore nonnihil acri & aromatico, non ingrato, *folia* emittit multa, in terram undique diffusa, pediculis teretibus supernè sulcatis & cavis nixa, ramosa seu triangulata, ut in aliis plantis Umbelliferis: siquidem folium integrum in ramos plures, binos oppositos, dividitur & in folium definit; ramuli iterum in pinnulas subdividuntur latiusculas: folia tamen nonnulla ramosa non sunt sed tantum pinnata: Pinnæ five folia ultima supernè viridia sunt, infernè albicantia, glabra, crassiuscula, nonnihil lucida, per ambitum dentata, nervis Labyrinthi in modum perplexis, reliquo folio viridioribus, ea undique percurrentibus: Pimpinellæ Saxifragæ minoris formâ similia, verum majora & acutiora. Inter folia exilit *caulis*, cubitum altus, glaber, & fere lucidus, teres, solidus, à nodo ad nodum huc illuc undatim flexuosus, non fragilis, medullâ argenteâ repletus, raris nodis exceptâ imâ parte interceptus. E singulis nodis folia exeunt singula, alias bina, imò pediculò in membraneam vaginam caulem amplexam dilatato, ut in aliis multis umbelliferis fit; inferiora in caule ramosiora sunt. Ex iisdem nodis & foliorum sinubus, etiam infimis & terræ proximis, exeunt ramuli, foliis similibus, verum minoribus magisque dentatis seu in segmenta tenuiora divis vestiti. Summos caules & ramulos terminant umbellæ *florum* minorum pentapetalorum, cum duabus in medio lingulis: Color aureus vividus, *florum* & *staminum*. Flores delapsi *semina* relinquunt oblonga, octangula, lævia, colore stramineo obscuro.

Planta est perennis sed cœli frigidioris impatiens.

Hujus semen à Panormo Siciliæ metropoli ad Auctorem transmisit insignis Botanicus D. Paulus Boccone.



## CAP. IV.

*De Umbelliferis semine striato minore, foliis Pimpinellæ pinnatis, radice fervida. Seu*

*De Pimpinella Saxifraga.*

- A. 1. *Pimpinella Saxifraga* Ger. P. *Sax. hircina major* Park. *Saxif. major umbellâ candidâ* C.B. *Saxifraga hircina major* J.B. *Great Burnet Saxifrage.*

**R**adix alba, simplex, minimi digiti crassitudine, rectâ in terram descendens, paucis fibris donata, sapore fervido. *Folia* longis insident pediculis, pinnata, tribus aut quatuor pinnarum conjugationibus ad mediam costam annexis, Sii odorati umbelliferi familia, atrovirentia, splendentia, sapore ignaviore multo quàm radix, pinnis circa margines dentatis, & nonnunquam altius incis, averla parte hirsutis, lupinâ lavibus. *Caules* sesquicubitales & altiores teretes, striati, glabri, inanes, ramosi & geniculati. Summis caulibus & ramulis insident *umbellæ flosculorum* albertium minorum: quibus succedunt *semina* pro plantæ magnitudine parva, brevia, striata. Nulla ad exortum radiorum umbellæ totalis aut partialium apponuntur foliola.

In sylvis, agro Cantabrigienfi & Bedfordienfi, Cantiano quoque & alibi etiam in Anglia observavimus. *Locus.*

In hoc genere folia interdum in lacinias divisa nos quoque post Clusium observavimus.

*Pimpinella Saxifraga major umbellâ rubente* C.B. *Saxifr. maj. flo. rubente* Park.

Quomodo à præcedente differat inquirendum. Clusius tantum ejus varietatem facit.

- A. 2. *Saxifraga hircina media* J. B.

Hujus descriptionem paucis absolvit J. Bauhinus, Duûm, inquit, generum habet folia, inferiora quidem ad minorem Saxifragiam accedentia, superiora verò majoris folis similia, oblonga, in acumen desinentia, profundè crenata. Radix proluxa, mediocriter crassa: *caulis* striatus, cubitalis, alis aliquot brachiatus, umbellas gerit albas majusculas.

J. Bauhinus dubitat an sit *Daucus Selinoides* Cordi, quem frater ad Pimpinellam Saxifragiam minorem refert: item an sit Lugdunensis *Dauci* secundum genus Dalechampii, quod G. Bauhinus in pin. *Daucum* decimum seu campestem Apii folio vocat, de quo alibi.

Tubingæ observavit J. Bauhinus, & in monte *Watwiller*.

Fuchsius Pimpinellam mediam denominabat.

- A. 3. *Pimpinella Saxifraga minor, foliis Sanguisorbæ. Saxifraga hircina minor, foliis Sanguisorbæ* J.B. *Pimp. Saxifraga major altera* C. B. P. *Saxifraga major nostras* Park. præter rationem major dicitur. *The lesser round-leaved Burnet Saxifrage.*

Radice nititur simplici, altè in terram descendente, rugosa, alba, paucis fibris donata, sapore fervido. *Caulis* ab eadem radice nunc unus, nunc plures assurgunt, cubitales & altiores, brevi admodum, sed satis densa lanugine hirsuti, striati, inanes, ab imo statim ramosi, ramulis è foliorum sinibus (quæ ad genicula sunt) egressis, internodiis longis. Summos caules & ramulos terminant umbellæ satis amplæ, radiis multis compositæ [viginti numeravimus] quorum singuli umbellas partiales sustinent florum minorum, alborum, pentapetalorum, petalis in extremo subrotundis non bifidis. Singulis flosculis bina succedunt *semina* brevia, parva, tumidiuscula, striata, per maturitatem nulla neque ad umbellæ totalis, neque ad partialium radiorum exortum apponuntur foliola. *Folia* ad radicem multa, Pimpinellæ vulgaris foliorum æmula, & in ambitu serrata, tribus vel quatuor pinnularum medio nervo annexarum conjugationibus composita cum impari in extremo, superne obscure viridia, inferne pallidiora & veluti glauca, nervis saturatiore colore tinctis manifestè apparentibus. [In caule pauca, eaque brevia & tenuia sunt folia, pinnulis longis, angustis, altius utrinque incis.]

Augusto mense floret. In pascuis ficioribus, solo præsertim glareoso, nasci amat.

*Locus & Tempus.*

- A. 4. *Pimpinella Saxifraga minor* C. B. *Saxifraga hircina minor* Park. an *Saxifraga minor nostras* ejusdem? *Pimpinella sive Saxifraga minor* Ger. emac. *Saxifraga hircina minima, Pimpinella crispa* Tragi J. B. *Small Burnet Saxifrage.*

Hæc species radice, caule, floribus & seminibus cum præcedente adeò convenit, ut vix inter noscas. Præcipua differentia est in foliis, quæ ad radicem etiam tenuiter incisa sunt: nam ad mediam costam annexæ pinnulæ non ut in illa integræ sunt & subrotundæ, sed longæ, angustæ, in tria quatuorve pinnularum nervo medio annexarum paria subdivisæ; quin etiam singulæ hæ pinnulæ secundariæ ad margines altius incisæ sunt in lacinias dentatas. Folia pluribus pinnarum conjugationibus constant. Odore & sapore cum præcedente convenit.

Eodem cum præcedente tempore floret iisdemque in locis invenitur.

Calculo comminuendo & expellendo, autore Trago, accommodatissima est, temperamento calidior omnibus Apii generibus. Radix ficcata loco Piperis in cibo usurpari posset: nam gustu & vi-



ribus ita Piperi respondet; ut *Piper Germanicum* non ineptè dici possit. Et meo certè judicio utilior est & salubrior omni Pipere, quod ego experientiâ longâ didici. Herba Pimpinellæ, radix & semen Petroselinii facultatibus pollent, sed in expellendo ac sedando dolores efficacioribus multo. E radicibus pastilli confici possunt, stomacho frigida intemperie, crassisque ac viscosis humoribus laboranti, passioni etiam colicæ ac matrici quam utilissimi. Radix quacunque ratione fumatur, sive in pulverem redacta, sive in potionibus aut eclegmatis, adversus omne venenum facit unicè, dolorem intestinorum lenit, calculis renum prodest, menses ciet, & si quæ alia per urinam evacuanda sunt; quæ omnia de semine quoque accipienda sunt & de aqua destillata: quæ & maculas faciei detergit, & eam duram facit. *Quòd vulnerariam herbam esse dicit, nobis minùs probatur, cum adeo acris & calida sit: forte ad sordida ulcera desergenda valet.*

Ufus radices præcipuus est (perhibente Fuchio) in peste aliisque morbis contagiosis præcavendis & curandis. Pota ex aceto magnæ commendationis est ad pestiferos morbos.

Contra phthisin nonnulli commendant Electuarium è radice Pimpinellæ minutissimè trita & saccharo rosato factam. *Vix mihi persuaserint adeò acrem & fervidam radicem phthisicis convenire: ut neque tussi, asthmati, peripneumonia* J. B. Alii ad colicos dolores leniendos propinant, nescio quo successu. Externus usus est in Odontalgia pro masticatorio ad pituitam eliciendam; ad bubones cancrósque tumores maturandos, lac augendum, &c.

#### 5. *Pimpinella Saxifraga Africana major.*

Hoc titulo cujusdam Pimpinellæ Saxifragæ à D. *Magnol* Montpelii in horto suo cultæ folium siccum nobis exhibuit eruditiss. Vir D. *Sloane*, ex Africa seu Barbariæ ora allatam ad Promontorium Cetium non longè à Montpelio retulit D. *Magnol*, unde ipse habuit.

Erat autem folium pinnatum Pimpinellæ instar, & ad exortum pinnarum singularum hinc inde singuli lobi seu foliola è rachi seu costa folii media enascebantur. Plura non habemus quæ de ea dicamus.

### C A P. V.

#### De Caro.

**P**linius lib. 19. cap. 8. Carum à Caria appellatum dicit. *Peregrinum & Careum gentis suæ nomine appellatum, culinis principale.* Folis pinnatis, pinnis in multas lacinias dissectis, seminibus oblongis, striatis; radice dulci esculenta, ab aliis Umbelliferis distinguitur.

A. 1. *Carum sive Careum* Ger. *Carum vulgare* Park. *Caros* J. B. *Cuminum pratense*, *Carui Officinarum* C. B. *Carum* Maies.

J. B.

Ex radice singulari, longa, crassitudine pollicari & majore, rugosa, adnatis quibusdam & fibris auctâ, albâ, sapore aromatico & acriusculo ut Pastinacæ, *caules* proferunt multos, cubitum & sesquicubitum altos, striatos, solidos, glabros, geniculatos, in ramos subinde divisos: *folia* longo carinato pediculo, sed angusto, partim à radice, partim ex ramulorum alis enata, Staphylini foliis similia, sed per longiora intervalla alas proferentia, & tenuius incisa, glabra: in ramulorum extremis umbellæ non ingrato odore; *flores* singulares parvi, rotundi, albi aut rubescentes petalis cordatis nonnihilque ad fissuram crispis, omnibus in ambitu aequalibus compositi, è quorum umbilico virenti stamina tenuissima exeunt albicantia, apicibus virentibus. *Semen* succedit oblongum, striatum, sapore acri & aromatico.

Locus.

In pinguibus & latis campis herbosis & pratis, quæ subinde rigantur apud Germanos Bohemósque frequens nascitur J. B. In palustribus Lincolnienfibus, inque pascuis depressis & pinguibus prope Hullam oppidum in Eboracensi provincia copiosè oritur, & alibi etiam apud nos in pratis.

Vires.

*Semen* stomachicum est ac diureticum, siquidem flatu discutit, concoctionem promover, urinam ciet, cerebrum corroborat, lactis abundantiam præbet. Hinc usus ejus insignis est in colica, vertigine, epilepsia præcavenda, &c.

*Semen* hoc passim in Germania [ & Anglia ] usitatissimum est: nam & panibus, quos biscoctos vocant, compingitur, & caseis adjicitur [ in Germania ] jusculis & placentis, artomelis, aliisque ferulis incoquitur, & in Officinis saccharo obducitur.

*Radix* dum adhuc tenera est non minùs efficax habetur quàm semen: éstque caro ejus in cibis ipsa etiam Pastinaca jucundior & delicatior, teste Parkinsono.

Multum olei reddit destillatum semen; quod multò acrius est quàm oleum Anisi, experimento J. Bauhini.

Thonerus in Obs. p. 126. dolorem totius abdominis clamorū per quinq; guttas olei destillati Carui curavit: & solo hoc oleo à sævo ventriculi dolore curavit etiam aliam. D. *Hulse*.

C. B. prod.



\* 2. Carvi Alpinum C. B. Carum Alpinum Park.

C. B. prod.

Planta palmaris est & glabra, ex radice oblongiuscula nigricante aromatica folia emittens longis pediculis donata, foliorum Carvi modo, in paulò tamen majora segmenta divisa, pallidè virentia. Caulis modò unus, modò duo tenuis, ad uncias sex exurgens, supra mediam nudus, in quinas senasve festucas instar umbella abiens, quarum singulæ flosculos aliquot, quasi in capitulum junctos, ex flavo rubescences sustinent.

In Pyrenæis montibus legit Burserus.

Locus.

## C A P. VI.

De Umbelliferis semine striato minore foliis latioribus Apii seu Petroselinii.

**A** Pium, Græcis Σάλιον, ab apibus nomen habere putatur, quia Apes ejus flore delectantur. Petroselinum vulgare Apium Veterum censetur. Apium Officinarum eorundem Eleoselinum est. Petroselinum vulgare ab Apio palustri foliis minoribus, floribus luteo pallidis differt.

A. 1. Imperatoria affinis umbellifera maritima Scotica Sibbald. Prod. Apium Scoticum & Apium marinum quibusdam Newtoni.

Foliis est quàm Imperatoria minoribus & obtusioribus; semine striato majore; floribus pentapetalis albis in umbellam dispositis; radice non repente. Hanc esse plantam suspicor quam dudum in rupibus maritimis non procul Bervico è petrarum fissuris exeuntem observavi, & pro Hipposelino habui. Eandem esse puto quæ Phytologiæ Britannicæ pro Angelica sativa inferitur.

Pleniorem hujus plantæ descriptionem à D. Jacobo Newton transmissam liber hîc subungere. Radix ei alba, crassiuscula, fibrillis aliquot donata. Folia infima longis innituntur pediculis, tripartito divisis ipsa pariter in tres partes secta subrotundas, circa margines dentatas, dilutius viridia. Caulis pedalis aut altior, paucis foliis amictus. Flosculi exigui, albi. Semen figurâ & magnitudine Fœniculaceo par & simile, striatum, fuscum. Tota planta saporem & odorem acrem, vegetum, aromaticum obtinet; quàm Imperatoria tamen multò remissiore, & ad Apium propius accedentem.

Septembri mense semen maturat. In tumulo quodam arenoso & saxoso ad mare, sex ab Edin-  
burgo milliariis versùs Queens ferry, i.e. Reginae trajectum, invenit Auctor.

Mihi (inquit) ibi narratum est, Scotos montanos, apud quos copiosè oritur, quotidie manè eam esitare; quo se tutos esse persuadent toto die à quavis contagione.

A. 2. Apium palustre seu Officinarum C. B. vulgare ingratus J. B. palustre seu Eleoselinum Veteribus ejusdem. Apium Officinarum seu Paludapium Park. Eleoselinum Paludapium Ger. Smallage.

Radice nititur crassa, albâ, rectâ, profundè in terram descendente, in plura interdum capita divisa. Folia indè exeunt multa, pediculis dodrantalibus, rubentibus, striatis, concavis, duobus tribusve pinnarum paribus & impari in extremo composita: Sunt autem pinnulæ istæ latæ, circa margines dentatæ, & in tres insigniores lacinias divisæ. Caules ab eadem radice pariter multi exurgunt, crassi, profundè striati, concavi, bicubitales & altiores, nodosi longis internodiis, foliis cincti iis quæ ad radicem similibus, pediculis paulatim brevioribus donec in summis caulibus immediatè adnascantur, alternatim positæ, è quorum sinibus ab imo statim ramuli exeunt prælongi medium etiam caulem altitudine ferè æquantes. In ipso angulo ubi caulis in ramos dividitur [fortè caulem medium terminans] brevi admodum & interdum nullo pediculo sedet umbella, non continua sed discreta, è pluribus radiis composita, quorum unusquisque in summo gestat umbellulam flosculorum minimorum quinque petalis albescentibus constantium, densè stipatorum, quibus succedunt semina striata, perexigua, quàm Petroselini minora. Caulis & ramuli in puncto ubi umbellæ sedent in tres ramulos non rarò, interdum in binos abeunt; attamen extremi tandem ramuli in umbellas terminantur.

Odor totius plantæ validus, nobis tamen non ingratus.

In paludosis rivulis & fossis majoribus, præsertim maritimis, non rarò invenitur.

Locus.

Apium palustre in hortos translatum diligenti culturâ mirius minùsque ingratum evadit: unde in Italia & Gallia folia ejus teneriora una cum superna radice parte abscissa cum oleo & pipere esitant & in deliciis habent. Itali hoc genus herbæ Sceleri five Celeri vocant. Galli usum ejus Italici debent, à quibus & nomen acceperunt: Parkinsonus pro nova specie proponit Selini five Apii dulcis titulo: cujus tamen sententiæ non accedo, quoniam Apium dulce seu Celeri in hortis nostris satum & cultum post aliquot annos in vulgare Paludapium degenerat, ob aeris sci. frigiditatem. Quòd idem Fœniculo dulci apud nos satò post tres vel quatuor annos plerumque accidit; adeò ut si illud habere velimus novum semen ex Italia petendum sit.

Apii radix inter quinque radices aperientes recensetur: Semen annumeratur feminibus calidis Vires. minoribus. Radix urinam & menses movet, calculum pellit, regium morbum solvit. Semen efficacius est quàm radix, & ad eadem ad quæ sativi Apii semen commendatur. Minùs tamen tu-



tus ejus usus est, nam comitiali morbo obnoxii ab hoc offenduntur, ut evidentibus experimentis comprobatur legitur & observatur. J. B.

3. *Apium hortense* Ger. *hortense* seu *Petroselinum* vulgò C. B. *hortense multis*, quod vulgò *Petroselinum*, *Palato gratum* J. B. *Petroselinum vulgare* Park. **Common Parsley.**

*Radix* albam, simplicem, crassitudine interdum pollicari, paucis fibris donatam, altè in terram demittit. *Caules* plerunque singulares in solo latiore plures surrigit, pollicem itidem crassos, teretes, glabros, striatos, bicubitales & altiores geniculatos, inanes, ab imo statim ramosos, ramulis inferioribus singulatim è foliorum alis exeuntibus, superioribus binis oppositis aut etiam pluribus simul ex eodem geniculo. *Folia* ima quæ è radice exeunt longis pediculis, binis plerunque alarum paribus & impari in extremo folio composita. Folium autem quod costam terminat in tria dividitur, eaque singula in tres lacinias & ipsas dentatas acutioribus denticulis. In summis caulibus & ramulis florum umbellæ plurimis radiis composita, pediculis longis insidentes: *flosculi* ipsi pallidi, quinque petalis ob parvitatem vix conspicuis constantes, quibus succedit *semen* striatum, breve, crassiusculum.

*Folia* in hac planta interdum in lacinias angustas & longas dividuntur, ut quis merito diversam speciem putet; certè insignis est varietas. Sapor plantæ acriusculus & non ingratus: Odor pariter.

Nulla in hac specie neque umbellæ totalis basin seu radiorum exortum foliola in circulum ambiunt, neque partialium ex quibus totalis componitur, ad eam tamen apponitur unum vel alterum foliolum.

*Petroselinum  
crispum.*

*Locus*

*Vires.*

*Folia* hujus plantæ interdum rotundiora, frequentiora, pulchrè crenata & crispa videntur pulcherrimo aspectu. Quæstio est an *Petroselinum crispum* sit species à vulgari diversa, an accidentalis duntaxat varietas. *Columna crispum* in Sardinia spontè nasci ait, unde semen ejus in alias regiones dispersum.

*Radix* & herba potissimum ad culinas spectant, utilisque sunt in omni cibo: nam inflationes stomachi deprimunt, urinam & menses cient; jecur & lienem ab obstructione liberant, hydropicis & ictericis conducunt. Solent nostrates herbam cum omni genus carne in sartagine unà friggere pro condimento; & in cavum corporis inditum cum avibus assare, quin & crudum cum butyro comedere, & Acetariis immiscere, & certè quod ad saporem attinet, nullum olus novi palato gratius & delicatius: Aiunt tamen oculis inimicum esse & visui nocere; quod nos inviti credimus.

Semina medico usui utiliora, extenuant, aperiunt, urinas cient, calculos dissolvunt, flatus discutiant, conveniunt hydropicis, menses promovent, secundas & foetus mortuos expellant. Commendantur & contra veterem tussim eclegmatis permixta aut incocta: venenis etiam adversantur, atque idcirco Theriacis admiscuntur. *Dod.*

Extrinsecus herbæ omnes partes resolvunt tumores calidos, imminuunt lac mammis imposita, adeoque mulierculis nostratibus in usu sunt in ablactatione infantium. *Sæbrod.*

4. *Petroselinum majus* sive *Virginianum* Park. An *Apium hortense latifolium* seu *maximum* C. B? *Apium* sive *Petroselinum Virginianum* Ger. emac. **Virginian Parsley.**

Parkinsonus *Apium Virginianum* non alia fere in re quàm partium omnium magnitudine à vulgari *Apio* hortensi differre scribit. *Folia* scilicet Paludapii aequalia, & pallidiùs virentia quàm vulgaris *Petroselini*; *semina* duplo nè dicam triplo majora: *radicem* majorem & breviorē. C. Bauhinus *Apium hortense maximum* sic describit. Ex *radice* oblonga, albida, & pro plantæ magnitudine tenui *folia* prodeunt pediculis palmaribus & sesquipalmaribus, striatis, pallide virentibus, tripartitò primum divisa, quorum quodlibet tripartitò rursùm dividitur, ipsæque particule triplo quadruplòve quàm in *Petroselino* vulgò dicto majores, per ambitum incise, pallide virentes: inter hæc caulis cubitalis & sesquicubitalis, tenuis, striatus exurgit; in cujus summitate *folia* oblonga angusta minime incisa. Umbellam habet parvam, albam, exiguis *flosculis* refertam, quibus semina *Petroselini* formâ, sed duplo triplòve minora majora, gustu nonnihil aromatico donata succedunt.

Nomine *Apii* Anglicani primum C. Bauhino satum est.

- \* 5. *Petroselinum Creticum* C. B. Park. *Agriopastinaca* vulgo in Creta Bello ep. 5. ad Clusium: cui *Buselinon* Plinii videtur.

*Bell.*

*Petroselino* vulgari simillima est, nisi quòd minor, *foliaque* eisdem etiam incisuris prædita licet habeat, minora tamen & aliquantulum crassiora profert: *Caulis* *Petroselini* est, *flores* in umbella albos sustinens, quibus succedunt *semina* *Petroselini* sed minora, colore ad atrum accedentia. *Radice* firmatur unica, pollicis magnitudine, semper figurâ longa, cortice tenui tecta, qui digiti attritu facillimè à radice separatur, quæ candida edulisque est, Bulbocastani gustu. Tota hyeme viret, seménque Maio profert, postea tota arefcit præter radicem, quæ terra latet, & primis Autumnii imbribus gemina protrudere incipit.

Hujus stirpis duo reperiuntur genera colore corticis radicem tantùm differentia, nam unius niger, alterius rufus conspicitur. Nigrum genus in montibus totius Cretæ, & etiam in Dalmatia provenit: at rufum abundantissimè tantùm in scopulis Cretæ propinquis inter saxa, &c.

Sequentes duas plantas à C. Bauhino traditas ob folia *Apio* similia huic capiti subjungimus.



\* 6. *Daucus montanus Apii folio, flore luteo* C. B. prod.

C. B. prod.

*Caulis* est cubitali, anguloso, glabro, in breves alas brachiato; *foliis* Apii formâ, sed brevioribus, per ambitum minimè ferratis, quorum pediculus striatus est: Umbellas parvas habet; *flores* Elaphobosco similes, luteos.

In Calenberg & propè oppidum Baden Austriae Burserus collegit.

Huic similem, sed per omnia maiorem, *caule* crasso, canaliculato, ramoso, *foliis* latioribus minimèque crenatis, umbellis majoribus, ex floribus pallidis, collegit ipse in horto Patavino, Pseudo-pyrethri nomine.

Locus.

\* 7. *Daucus pratensis Apii folio* C. B. prod.

C. B. prod.

*Radice* est oblonga, pallidè rufescente cortice tecta, sapore & odore Pastinacæ sive Dauci Officinarum, supernè hirsuta & villosa; ex qua alæ prodeunt *foliis* pluribus uni costæ inhærentibus, per ambitum incisîs & ferratis, formâ montani majoris, sed longè minoribus, pallidè virentibus: inter quæ *caulis* pedalis rariùs cubitalis, tenuis striatus, paucis geniculis distinctus, in ramulos aliquot divisus exurgit. Ramorum extremis umbellæ candidæ *flosculorum* exiguorum insident, quibus *semen* oblongiusculum, nigricans, aromaticum succedit.

In pratis humidis Michelfeldiæ [propè Basilicam] provenit.

Locus.

8. *Daucus Petroselinî vel Coriandri folio, seu Bunium Dalechampi* Park. C. B.

Locis asperis & petrosis nascitur. E *radice* parva, alba, furculosa, odorata, ad caput comosa, plurima emergunt *folia* ramosa, Petroselinî adeo similia, ut primo aspectu minus attentos & cautos fallant. *Caulis* quadratus, procerus, digitali crassitudine, foliis Coriandri tenuioribus proximis vestitus, umbellas Anethi sustinens. *Semen* Hyoscyami minus, odoratum.

\* 9. *Apium montanum Dalechampi* J. B.

Lugd.

*Radice* est crassa, longa, extrinsecus nigra, intus candida, acri, odorata, aromatica; *foliorum* densa comâ circa radicem humi jacentium, Apio hortensi similia, sed latiorum, jucundè olentium; in pediculis infernè rubentibus: *caule* cubito altiore è medio foliorum ambitu profiliente, ferulaceo: *flore* in umbellis candido: *semine* Apii, acri, odorato & amaro.

Provenit in asperis, saxosis, lapidosis, apricis; nonnunquam etiam ex saxorum rimis emicat. *Locus & Tempus.*

Floret Junio mense.

Hanc plantam C. Bauhinus Apio montano nigro eandem facit; cui Joannes frater non assentitur. Si Descriptio exacta, nonnulla in ea sunt quæ Oreoselinio dicto non conveniunt, v.g. Semen Apii. Parkinsonus C. Bauhinum secutus Apium montanum vulgatiùs i.e. Oreoselinum hoc facit.

\* 10. *Libanotis minor Apii folio* C. B. *Libanotis Theophrasti minor Lobelio* J. B. *Panacis species nonnullis.*

Lob. ob.

*Folius* est [quàm Libanotis Theophr. vulgaris] exilioribus multò, Saxifragæ Venetæ proximis, gemino situ, Panacis alterius ritu, sed oris tantillum crenatis & laciniatis. *Caulis* bicubitalis & procerior. *Semen* Anethi candidum: flores in umbellis albi. Radix aromatica, grati & jucundi odoris.

Considerandum (inquit J. Bauhinus) an hæc planta eadem sit cum Cervaria nigra, i.e. Saxifraga Venetorum Lob. At Lobelius disertis verbis distinguit. Ea fuit opinio Ponæ in Baldo, sed nobis minimè probatur.

Parkinsonus hanc ad Libanotidem alteram seu vulgatiorem C. B. refert. At Lobelius ut distictam proponit. Nobis nondum satisfactum est.

## CAP. VII.

## De Aniso.

**A**nisum Harmaro ab α priv. & ἰσος dicitur, quod folia proferat minimè æqualia. Anisum quidam, auctore Plinio l. 20. c. 17. quasi ἀνίστην vocavere, quia appetentiam cibi præstaret: Et forsitan sic dictum est, ὅτι ἀνίστη τὰς ἐμπυρετικὰς, quod tensiones flatulentas internas & externas remittat & laxet.

C. B. Quoniam foliis ad Petroselinum accedit ideo ei proximè subjunxi. Folia ima à summis plurimùm differunt; ima enim integra sunt, superiora tenuiter dissecta. Semen odore & sapore est gratissimum, præ cuiusvis alius mihi notæ umbelliferæ semine, quibus notis ab aliis congeneribus faciliè distinguitur; præsertim si addas, parvam esse herbam, annuam aut potiùs æstivam.

Q 3

Anisum



*Anisum* Ger. Park. J. B. *Anisum* herbariis C. B. Annisc.

*Folia* imà quæ primò exeunt longis hærent pediculis, sùntque integra, subrotunda, circa margines tamen dentata, glabra, pallidè viridia, uncià majora, odorata : superiora Petroselinii foliis similia & tenuiter incisa ; [quò altiora in caule eò tenuius] *Caulis* teres, concavus, ramosus, infirmus & vix se sustinens, hirsutus & nonnihil striatus. *Umbellæ* in summis caulibus & ramulis amplæ pro plantæ modo, nullis ad exortum radiorum appositis foliolis. *Flosculi* parvi albi, quinque foliolis bifidis compositi, æqualis ferè magnitudinis omnibus, cum totidem staminibus & apicibus albis. *Semen* parvum, minus quàm Cicutæ, striatum, colore ferè cinericeo, odore ac sapore gratissimo, dulci, cum jucunda quadam acrimonia. *Radix* gracilis, inutilis, modo simplex, modò multifida.

Locus.

Ubi sponte proveniat nescimus : aiunt tamen in Creta, Syria, Ægypto aliisque orientis regionibus feliciter gigni. In Malta copiosè feritur, (ubi Cuminum dulce appellatur) quæstus causa qui ex ejus mercimonio ad incolas redundat.

Vires.

Semen Anisi præcipuè in usu est, herba rarò in usum venit, radix tanquam inutilis nunquam. Calf. & siccatur. Cephalicum, hepaticum & pneumonicum ac stomachicum imprimis audit [Plinius stomacho inutile esse ait, præterquam inflato] Usus præcip. in inflatione ventriculi, tussi, &c. *Schrod.*

Ceteris flatum discutientibus medicamentis gratius est ventriculo, minus habet acrimoniæ, & plus suavitatis.

Veteres in ventriculo frigido & humido mirificè commendârunt. Hinc in siti quæ à ventriculo, in dolore capitis, in vigiliis ab eodem, in diarrhoeis à cruditatibus, &c. laudatur, urinam ciet & Venerem stimulat. Dioscorides, sed præcipuè Plinius, prolixi admodum sunt in ejus viribus describendis, quos adeat qui plura velit.

Pinunt hoc in panem ex quo Biscoctum parant, quin & saccharo obducunt ad paranda Confecta quæ vocant, quæ & flatum discutunt, & oris halitum fetentem emendant.

Spiritibus illis tenuibus, ex quibus generosiores seu aquas ardentes eliciunt, omnibus leviter contusum ante destillationem infunditur, ad gratum saporem iis iteratâ destillatione exaltandis conciliandum. *Trochisc. de Aniso* usus est in febribus diuturnis; *Olei de Aniso destill.* in flatibus: *Dianiso* Mesue in iisdem & tussi à frigida causa: *Spiritus Anisi* in angustis pectoris. Sp. vini Anisatus in Cardialgia experimentum est Lindani.

Observat Heurnius, quòd pulvis seu decoctum Anisi in colicis doloribus, urinæ difficultate, &c. longè præferendum est ejus oleo: quod observandum est contra illos, qui omnia præter chymica spernunt. *Sim. Paulli.* Idem sæpe observavit Primrosius error. popular. lib. 4. c. 3. ut nos monuit D. Hulse.

Ad infantum tormina dare solebam scrupulum Anisi crassè pulverisat. cum primo pultis cochleari. Hoc purgat infantes non aliter ac si senior Rhabarbarum sumpsisset. *J. Heurnius in lib. trium Aphorism. Hippocr. Aphor. 4.*

In singultu flatulento æger continuè mastice Anisi semen. Dol. L. 2. C. 3. S. 19.

Helmontius illud magni facit in Colica. Idem. L. 3. C. 2. S. 19. D. Soame.

## C A P. VIII.

*De Umbelliferis semine striato minore, foliis triangulatis Cicutæ modo divisis.*

*De Cicutæ.*

**C**icutæ, teste Servio in *Eclog.* 2. est internodium in triticeis five culmiferis, qualia cum habeat hæc quoque planta inde dicta videtur. Quin potius cicuta est canna quævis, intus cava & vacua, unde fistulas faciebant pastores.

Græcis *κίκυνος* dicitur ἀπὸ τοῦ κικάνω fortè, quod περιδιδόν i. e. circumagere exponit Etymologus, *μυσαίνου* Galenus. Stultitiam enim addit refrigerato cerebro. C. Hofman.

A. 1. *Sium alterum Olusatrum facie* Lob. Ger. emac. *majus alterum angustifolium* Park. *Eruca folio* C. B. *Cicuta aquatica* Gesneri J. B. **Long-leaved Water-Hemlock.**

J. B.

*Radix* pollicari crassitudine sensim tenuatur, fibris compluribus capillata; vulnerata succum remittens rufescentem, gustu acri. *Caulis* cubitalis & bicubitalis, crassus, imà parte rubescens, superius ex viridi pallescens, striatus, glaber, geniculatus, inanis. *Folia* longis pediculis appensa, Sileris montani divisurâ quodammodo, segmentis multò longioribus, acutioribus, per ambitum ferratis. *Flores* candidi Petroselinii, in umbellam latiore digesti.

Circa paludes & in stagnorum majorum marginibus oritur sed rariùs. Nos in palude *Brereton* near dictâ in Cestriensi comitatu; itémque in palude *Lovinglandiæ* in Suffolcia; in Trenta fluvio circa Bramleiam Abbatis dictam; in stagno quodam vadoso in ericeto *Hounslow*, propè oppidum; inque stagno ad *Thistleworth* vicum, propè Thamesin fluvium, supra Londinum, & alibi hanc plantam observavimus.

Nonnulli plantam hanc ad Sium seu Pastinacam aquaticam referunt cum quo nostro judicio non convenit; ut neque cum Cicutæ, quòd nos Gesnerum sequuti, retulimus: unde de ejus loco nobis satisfactum non est.

Descriptio



Descriptio Bauhini non est satis plena & accurata; eam tamen adhibuimus, cum nec melior, quod scimus extet, nec nos plantam ipsam nancisci potuimus, ut denuò describeremus.

A. 2. *Cicuta* Lob. Ger. *major* C.B. *vulgaris major* Park. *Cicuta* *Veneribus & neotericis* J.B. *Hemlock*.

f. B.

Myrrhidi, atque etiam magis *Cicutaria* odorata tam similis est, ut legentibus plerumque damnosa sit paritas, non satis accurate eas distinguuntibus: non alia enim radix est; non alius *caulus*, tricubitalis & inanis, laevis tamen, exuvii serpentini, indeque nomen indeptæ *Serpentariae* caulis in modum maculosus: simili quoque est *folio*, multifariam partito, glabro, odore ingrato, sapore non ita, sed nonnihil acri: *Umbella* florum illis similiter albicat: *semen* Aniso par, striatum, obscure viret: tota denique planta viroso odore, quo ab illis maxime differt, perniciem testatur. *Radix* in horto priusquam caulem ferat, longa pedalis, juniori *Pastinacæ* latifoliae Germanicæ similis, cortice tenui flavescente, carne albâ fungosâ, odoris gravis, saporis subdulcis.

Circa pagos & oppida *Cicuta* passim abundat, locis umbrosis & pinguibus, propè fossas aggeres. *Locus*. que agrorum. Cum floribus Julio, semine prægnantem Augusto ac serius videre est.

Summe frigida & venenata censetur, & Socratis supplicio odiosa: Nihilominus frequens ejus usus *Viret*. Modernis est in tumore ac inflammatione lienis: Succus emplastro splenico incoctus extrinsecus adhibetur *Schrod.* Periores medici nunc dierum *Cicutam* calidam esse affirmant & minime frigidam. Extrinsecus usurpata anodyna est: tumores duos & ganglia potenter discutit in cataplasmatibus vel in emplastro de *Cicuta* cum *Ammoniaco*. *D. Needham.* Pulvis radicum ad grana viginti in febribus malignis vel *Quartana* ante paroxysmum exhibitus omnibus quæ ego unquam expertus sum dia-phoreticis antecellit. *D. Bowle.*

Ferculum ex radicibus *cicutæ* carnibus incoctis duobus religiosis patribus [i. e. Monachis] quàm gravia & admiranda symptomata excitavit, vide apud Kircherum *de Peste*, sect. 2.

Ceterum *Cicuta* non est omnibus animantibus exitiosa: Sturni enim, autore Galeno, innoxie *Cicutâ* vescuntur. Nos quoque ventriculum Otidis seu *Turdæ* avis dissectum *Cicutæ* semine refertum invenimus, quatuor tantum aut quinque frumenti granis intermixtis; quod etiam messis tempore avis illa pro *Cicuta* neglexerat; adeò delectatur *Cicutâ*. Lucretius quoque scribit

— Pinguescere sæpe *Cicutâ*  
*Barbigeros pecudes, homini quæ est acre venenum.*

Ad lienis schirrhum, R succi *Cicutæ* aut *Mandragoræ* q. f. cum *Ammoniaco* distemperetur, & F. emplastrum; quod vocatur Mirabile ab Hartmanno.

A. 3. *Cicutaria tenuifolia* Ger. *Cicuta minor*, sive *fatua* Park. *minor*, *Petroselinum* similis C.B. *Cicutaria Apii folio* J.B. *The lesser Hemlock or Fools Parsley*.

*Radice* nititur albâ, longâ, simplici, paucis & tenuibus fibris donatâ, minimi digiti crassitudine. *Caulis* bicubitalis, inanis, striatus, glauco quodam polline qui digitis facile detergi potest, obductus, non tamen ut *Cicutæ* maculosus, eadem cum radice crassitie. *Folia* *Cicutæ*, ad *Petroselinum* accedunt, nisi quodd segmenta acutiora sint, supernè atrovirentia, infernè pallidiora & splendentia, odore nullo, ut nec sapore ullo eccellente. *Flores* albi, pentapetali, petalis bifidis. *Florum umbellæ* foliola longa angusta viridia obvallant, nam ad bases radiorum *Umbellarum* partialium ex quibus totales componuntur foliola tria aut quatuor oblonga oriuntur, quo à *Cicuta* differt, præterquam quod minor sit, caule non maculoso, radice annua, odore non ingrato. *Semina* parva, striata, breviuscula.

In hortis oleraceis & arvis pinguioribus aliisque locis cultis frequens reperitur.

*Locus.*

\* 4. *Cicutaria latifolia tertia* C. B. *Cicutaria maxima* Brancionis, an *Thapsia tertia* *Salmanticensium* Clusio? Lob. ob. *latifolia altera* Ger. emac. *Cicuta maxima* Park.

Lob.

Caule humanæ proceritatis, crassitie quatuor digitorum, foliis, semine & radice *Seseli* *Peloponnesiensis* longè majoribus, quæ clinicis celebratur ad menses, vomitus & alias dejectiones ciendas: an non potius *Cicutaria* nostra maxima fœtida?

Videmus *Lobelium* ipsum de hac, planta incertum & dubium, an jam edita fuerit necne: & suspicari potius eam vel *Thapsiam* dictam *Clusii* esse, vel *Cicutariam* suam latifoliam fœtidissimam; unde ergo rescivit C. Bauhinus ab utraque distinctam esse.

Parkinsonus nomen hoc accommodat plantæ etiam sequenti, & sane, me judice, rectè.

5. *Cicutaria latifolia fœtidissima* C. B. *Cicuta latif. fœtidissima* Lob. Ger. emac. *Seseli Peloponnesiacum* Recentiorum Park. *Seseli Peloponnesense* Matthioli, sive *Cicutaria quorundam* J. B. *Great broad-leaved Bastard Hemlock*.

*Caulis* est geniculatus & cavus *Cicutæ*, alis brachiatus, sesquicubitus & duos cubitos æquans. *Folia* ad *Myrrhidis* odorata accedunt, latiora, longiora, nigriora, in alas divisa, quæ rursum in segmenta pinnatim veluti *Filix digesta*, profundè ferrata, latiuscula subsecantur, odore gravi & viroso *Cicutæ*. *Semen* brevius *Angelicæ* vel *Cicutariæ* maximæ ferè par, in umbellis latis, excusso candido flore.

Hæc è Lobelio & J. Bauh.

In



In Rhaetia montibus invenitur.

Parkinsonus noster in planta quam hoc titulo in horto suo coluit per multos annos, nullum ejusmodi cuius meminit Lobelius foetidum & virosum odorem sentire potuit, ut neque in ejus seminibus: fortè alia & specie diversa, ei tamen simillima, planta fuit. Utcunque Matthiolus hoc nomine à Botanicis immeritò reprehenditur, quòd foetidam plantam pro odorata exhibuerit, cum habetur qualem ille depingit minimè foetida; ut Parkinsonus testatur, apud quem descriptionem pleniorè vide.

- A. 6. *Cicutaria palustris* Lob. Ger. *palustris tenuifolia* Park. C. B. *Phellandrium vel Cicutaria aquatica* quorundam J. B. **Water Hemlock.**

f. B.

Aquas amat, extra quas caule extat bicubitali & altiore, pollicari, saepe etiam brachii crassitiem adaequante, striato, inani, geniculis distincto, in ramos varios diviso. *Folia* dodrantalia plus minus, divisione charesfolii, propemodum glabra, sapore satis grato ad Sium accedente, cum levi quadam acrimonia. Umbellas in ramis gerit pro plantæ proportionè parvas, *flosculorum* alborum, cum exiguis in medio apicibus obscurè rubentibus: quibus delapsis succrescunt *semina* parva, oblonga, striata, nulla hirsutiae vel asperitate donata. Ex geniculis infimis demittit subinde capillares, longas & numerosas fibras quibus in imo radicatur.

Locus.

In aquis, praesertim cœnosis, & rivis pigrioribus Æstate floret.

Wepterus conscripsit integrum librum de hac plantâ; quem consulat Lector.

- \* 7. *Seseli montanum Cicutæ folio, subhirsutum* C. B. Park. **Hairp mountain Hartwort with Hemlock leaves.**

C. B. prod.

Ex radice crassa *folia* lata Cicutariæ vel Myrrhidis Fuchsi instar, in multas alas divisa, nigricantia, levissimis pilis, praesertim ipsis pediculis aspersis, subaspera: caule sesquicubitali & altiore, crasso, striato, cavo, nodoso, pilis paucissimis donato, in alas brachiato, *foliis* paucis, prioribus similibus, sed minoribus cincto: in summitate *umbella* magna, alba: floribus succedunt *semina* oblonga-gemella, tenuissimo apice donata, Carui sapore.

Locus.

Hoc in altissimo monte *Wasserfall* æstate florens inter saxa reperitur.

- \* 8. *Seseli montanum Cicutæ folio glabrum* C. B. Park. *Seseli Alpinum sive montanum primum Clusio, folio splendente, flosculis albis* J. B. ejusdémque *Ligusticum alterum Belgicum, foliis ferè Absinthii, semine rotundo. Seseli montanum majus* Ger.

Clus.

Ampla habet *folia*, humi sparsa, & in multas alas divisa, *Seseli* Peloponnesi [an Matthioli] ferè similia, supernè viridia & splendentia, inferna parte minimè, Ferulæ odore acri, nec admodum grato sapore: caulem deinde sesquicubitalem aut altiore, crassum, striatum, intus fungosum, nodosum, & multos ramos in ambitu ex singulis geniculis seu nodis ferentem, per quem sparsa sunt *folia* superioribus respondentia, sed minora. Extremi rami in magnas Umbellas *flosculorum* candidorum definunt, odoris ferè Sambucini; quibus succedit *semen* gemellum, striatum, flavescens, aromatico & fervido gustu. *Radix* crassa est & foris nigra, quæ (ut in plerisque ferulaceis contingere solet) semine prolato perit, nec nisi altero aut tertio à satione anno *flores* producere solet.

Locus.

Crescit in celsis *Sneberg* & aliarum Austriæ Alpium jugis, ubi latiora sunt pascua: floret sub finem Junii aut Julio: Semen verò Augusto vel etiam seriùs maturescit.

Vires.

Semen hujus calf. & sicc. Urinas & menses potu ducit: prodest ad intestinorum ex cruditate dolores: concoctionem promovet, flatu discutit. *Radix* eisdem præstat effectus, sed minùs efficaciter.

*Siler Creticum* quibusdam semine longo, crispo, incurvo J. B. *Siler 2. foliis Cicutæ & Siler Creticum Camerarii* C. B. Vide Umbelliferas semine hirsuto.

## CAP. IX.

## De Sefeli pratensis.

**S**efeli unde dictum sit me quidem latet. Nec enim satisfacit Harmari etymon *μαρτὴν ἡ δανὴν*, quod salutare sit hinnulo, siquidem Veteres Cervas post partum purgari herba quadam quæ Sefelis vocatur prodiderunt. Ego potius vocem origine exoticam seu barbaram fuisse existimaverim, quemadmodum & alia in *terminata*; *χῆμα, πῆμα*, &c.

Sefelios pratensis notæ sunt foliorum segmenta angusta, acuta; flores ex luteo pallidi, femina rufescentia.

A. 1. *Saxifraga Anglica facie Sefeli pratensis* Ger. *Sefeli pratense nostras* Park. *Saxifraga Anglorum*, foliis Feniculi latioribus, radice nigra, flore candido, similis Silao J. B. *Heabom Saxifrage*.

*E radice vivaci, longâ, rugosâ, foris nigra, intus albâ, gustu dulci aromatico & nonnihil acri caules quotannis furrigit plures, sesquicubitales & bicubitales, digiti minimi fere crassitudine, teretes, striatos, medullâ farctos, propè terram rubentes, ab imo statim ramosos, ramulis per longa intervalla è foliorum alis exeuntibus. Folia tam quæ è radice exeunt, quàm quæ caules vestiunt, glabra, obscure viridia, in segmenta longiuscula, angusta, acuta, rigida dividuntur. Summi caules & ramuli in florum Umbellas terminantur, non admodum grandes nec coactas, sed laxas & raras. Floresculi singuli exigui quinque petalis è luteo albidis componuntur; quibus succedunt semina striata, brevialia, apicibus rubentibus, per maturitatem castanea. Odor plantæ satis validus & gratus, ad Pastinacam quodammodo accedens.*

In pratis & pascuis humidioribus vix alia frequentior occurrit planta.

Hujus plantæ succus, decoctum, aqua destillata vel semen in pulvere efficax est, vulgi experimento, in urina cienda, calculo atterendo & expellendo, flatibus discutiendis, colico dolore leniendo. Exhibetur autem tam infantibus quàm adultis.

Ab eximia dore in frangendo calculo Saxifragam scite dixerunt nostrates.

2. *Sefeli pratense Montpelienfium* Park. Ger. *Sefeli pratense*, C. B. *Sef. pr. Silaus forte Plinii* l. 26. c. 8. *Silauum* quibusdam flore luteo J. B. *Heabom Saxifrage of Montpellier*.

J. B.

*Caule est cubitali & sesquicubitali, glabro, striato, alis concavo: flores umbellati, albicantes: quos semina excipiunt gibba, striata, sapore aromatico, vinoso. Folia ampla sunt, minutim dissecta, incisurâ fere Sileris montani, sed segmentis longioribus paulò acutioribusque, quæ nervulus secundum longitudinem percurrit, sapore acri. Radix longa, digitali crassitudine, foris fusca, intus alba, in capita dividitur plerunque, penes terram comosa, sapore aromatico prædita.*

In pratis non tantum circa Montpelium, sed & alibi in Gallia & Germania provenit.

Sefeli pratense Montpelienfium, à Saxifraga nostra pratensi Anglica, mihi non visa est specie differre: Alii diligentius observent & inter se conferant has plantas.

Ex quo hæc scripsi eruditissimus Vir D. *Tamerasus Robinsonus*, literis à nobis requisitus, Sefeli Montpelienfium, cum ibi commoraretur, diligenter & curiosè contemplatus, nullum potuit observare discrimen inter illud & Saxifragam pratensem nostratensem, unde unam & eandem specie plantam esse hanc & illam absque ulla omnino hæsitazione concludimus.

3. *Sefeli pratense tenuifolium* Park. *prat. ten. sive Daucus pratensis tenuifolius* C. B. prod.

*Caule est cubitos duos superante, rotundo, striato, nodoso, supernè in ramos brachiato: foliis instar Pastinacæ tenuifoliæ sylv. divisis: Umbellam habet ex parvis albis floribus compositam, quibus succedit semen parvum, aromaticum, & tota planta Pastinacæ odorem refert.*

In pratis vdis Michelsfeldiæ provenit.

Hæc planta non est vera Sefelios pratensis species ob flores albos.

## CAP. X.

## De Dauco montano &amp; Muttellina, &amp;c.

**S**equentes duas plantas, si modò distinctæ sint, ob foliorum similitudinem huc retulimus: quanquam prior, si semen à C. Bauhino rectè describatur oblongum & crassum, rectius ad Meum refertur.

\* 1. *Muttellina* J. B. *Meum Alpinum Umbella purpurascens* C. B. *An Daucus montanus* Clus? *Meum Alpinum Germanicum*, illis *Muttellina* dictum Park.

J. B.

*Scaphyllini sylvestris folia habet, minora tamen minutiusque incisa, trium circiter digitorum longitudine, tota glabra. Caulis brevis, uncias aliquot altus, Umbellam gerit parvam. Radix propter*



pter terram capillata, satis longa & crassa, exterius nigricans, odoris & saporis Mei vulgaris. Huic C. Bauhinus *semina* oblonga, satisque magna attribuit.

*Locus.* In monte Rhatio prope Burmum à J. Bauhino collecta est.

- \* 2. *Daucus montanus* Clusii, flore carneo, semine *Selino hortensi* æquali J. B. An *Meum Alpinum* Umbellâ purpurascente C. B?

*Clus.*

Huic ex radice prodeunt quinz aut senz tenuiorum foliorum alæ, Sefeli pratenfis alatis foliis pæne similes, sed longè minores, neque palni amplitudinem excedentes, sed proximè ad Acus pastoris vulgaris folia accedentes, admodum virides: inter quas prodit *caulis* pedalis, nudus, striatus, satis gracilis, qui summo fastigio binas aut ternas sustinet parvas & bene confertas Umbellas flosculorum, è rubro dilutè purpurantium, sive carnei (ut vulgò loquuntur) coloris; quos excipiunt Selini hortensis æqualia semina. *Radix* digitalis est longitudinis, cortice foris nigricante, rugosò & multis tenuibus fibris prædita. Tota planta *Daucum* vulgarem quodammodo redolet, & illius gustum etiam refert.

*Locus.*

In Alpium Austriæ & Stiriz sublimibus pratis nascitur, ubi Junio floret, in hortis etiam Maio. Hæc in reliquis cum præcedente convenit, seminis parvitate differt; si modò illius semen à C. Bauhino rectè describatur, de quo est cur dubitemus, cum Joannes ejus frater suspicetur ipsum descriptionem suam ex Aretii & Gesneri verbis concinnasse, quamvis eos silentio prætereat, nec fortè unquam suâ manu plantam ipsam collegisse.

- \* 3. *Libanotis minor* Umbella candida C. B. Park. *Herbariorum Septentrionalium* notior *Libanotis* Ad. Lob.

*Ad.*

Caule est gracili, recto, Mei aut Anethi, striato, atrovirente, bicubitali, paucis alis & geniculis donato: in quibus, imis præsertim, Peucedani prolixiora folia, Fœniculi tortuosi, angustiora Saxifragiæ Anglicæ, medio & superiore caule pauciora. Umbellis & floribus pusillis, candidis Mei: sed exiguum semen sub hyemem maturans, minus Carvi rotundi, ferè Ammi Officinarum par. Hanc inquit sovent multi herbarii horti in Gallia, Germania & Anglia.

Quàm Lobelii tempore nota fuit, tam hodie ignota est, saltè in Angliâ nec multò notior est ut puto, in Gallia; nam in Catalogis Horti Regii Parisiensis & Horti Blæsenfis eam non invenio: mirum est evanuisse plantam adeo notam, & in tot hortis cultam.

- \* 4. *Libanotis tenuifolia* Germanica major & minor C. B. ferulacea Germanica Park. *Lib. vandermondii* major & minor Thal.

Harum descriptiones videtis apud Thaliū.

## C A P. XI.

### De *Crithmo* quarto Matth.

*Crithmum* 4. *Matthioli Umbelliferum* J. B. *Eryngium montanum* Ger. *Eryngium arvense* foliis serræ similibus C. B.

*J. B.*

**O** Diosum reptatu *radicum* est: sunt enim ex longissimæ, & vel minimâ fibrâ relictâ redi-vivæ, satis crassæ, albæ, Eryngii & gustu & similitudine: *folia* in tria, quatuor, plura, pauciorave segmenta oblonga dividuntur, semunciali latitudine & ampliore, longa, circumquaque serrata, sapore cum radicibus communi. *Caulis* fœniculaceus, striatus, farctus, nodosus valdè ramosus. *Umbellæ* satis magnæ minimis contextæ sunt *flosculis*, colore albido. *Semen* gracile, sublongum, quod aiunt acre, & odoratum.

*Locus.*

In Germaniæ regionibus Rheno adjacentibus inter segetes frequens admodum est. Hanc plantam Parkinsonus cum Sphondylis ineptè confundit.

## C A P. XII.

### De *Ammi*.

**A**mmi vox ejusdem originis esse videtur cum Sefeli: Ruellius tamen ab *Amis* matula deducit, quia adeo provocat urinam, ut subinde opus sit matulâ.  
Ammi vulgare foliis in longas & angustas lacinias dissectis, circum oras crenatis, ab aliis Umbelliferis differt.

1. *Ammi*

1. *Ammi vulgare* Ger. *vulgatius* Lob. Park. *majus* C. B. *vulgare majus latioribus foliis, semine minus odorato.* Common broad-leaved Bishops weed.

*Ammi* Cretico & *Ammi* semine tenuissimo majus est, caule crassiore, striato, foliis latiusculis, oblongis, crenatis, multifidis, ad Podagrariae folia quadantenus accedentibus, quibus tamen multo minora sunt; superiora in plures lacinias divisa. Umbellae inaequalibus contextae sunt muscariis flosculorum alborum, amplissimae, longis pediculis, ad quorum coitum folia circumjecta sunt longa, in tenues lori instar lacinias dissecta. Semen majus, ignavius quam in Cretico & tenuifolio. Radix gracilis, inutilis.

In Italia & Sicilia in vineis, hortis & arvis pinguioribus sponte & copiose provenit.

Hujus differentiam observavi foliis tenuius incis. Hanc Fuchsius *Ammi medium tenuioribus foliis* vocabat, & speciem alteram faciebat (inquit J. Bauhinus) Sed haec fortassis à cultura varietas. Hujus etiam varietatis meminit Camerarius in horto. *Ammi vulgare*, inquit, interdum longè alia folia proferre conspicitur, pluribus nimirum incisuris praedita & nonnihil crispa, ut penitus diversa planta videri queat. Pari modo Petroselinum etiam vulgare variare animadvertimus, ut & Pimpinellam Saxifragam majorem.

Locus.

Varietas.

2. *Ammi odore Origani* J. B. *alterum semine Apii* C. B. *Creticum* Park. Ger.

J. B.

Ad cubiti altitudinem mihi [J. Bauhino] excrevit, caulibus pluribus, ramosis, nitidis, striatis, & geniculis nodosis: Folia infima quidem latiuscula, multifida, ad Cari nonnihil accedentia, superiora verò multo tenuius dissecta, non minus ferè quam Chamæmeli; odore si terantur admodum aromatico Origani, sapore non dissimili: Umbellae frequentes flosculorum minutissimorum albicantium. Nec verò folis Umbellis sunt subjecta tenuia folia, ut in Vifnaga, sed & Umbellarum particulis singularibus. Semen succedit Anisi facie sed minus, insigniter aromaticum. Radix crassiuscula subest.

Semen ex Alexandria Aegypti adfertur. Annua est planta.

Ammeos semen unum est è quatuor seminibus calidis minoribus: incidit & aperit, exsiccat. Vales ad tormina, urinae difficultatem & venenatorum morbus: Menstrua quoque ciet. Miscetur & cutim erodentibus medicamentis è cantharide paratis, quo resistat urinae difficultatibus, quae alioqui id genus medicamentis supervenire solent. Sed & potu ac illitu colorem pallidiorem efficit velut Cuminum. Nonnulli etiam Cuminum Aethiopicum appellant. Diosc.

Locus.

Vires.

Mirifice praestat ad mulierum sterilitatem (Autore Matthiolo) manè 3j. pondere ex vino meraco aut carniū jure in tenuem pulverem contritum, alternis diebus, tribus horis ante cibum. Quod tamen diutius dari non debet quam quatuor aut quinque diebus. Est enim ad sterilitatem praestantissimum remedium, & pluries expertum. Sed abstinere vir à conjuge ejus iis diebus quibus semen ebiberit. In quem finem, itémque adversus fluorem album mulierum, praemisso uterino clystere (inquit Sim. Paulli) sequentem pulverem aliquamultis sterilibus novis nuptis commendavi, quibus ingravidatae, atque à fluore albo liberatae fuere. Clysteris uterini haec est descriptio, R. rad. Aristoloch. utriusque ana 3ij. Gentianae, Zedoariae ana 3j. herb. hederæ terrestr. centaur. minoris, Aristol. Rorismarini ana M. j. Melissae, Artemis. rubrae ana Mß. Cardamom. minor 3ß. Conscinde & contunde pro decocto ad Clysterem uterinum.

Pulveris haec est descriptio, R. Herbae Veron. exactissime pulveris. seminis Ammeos ana 3ß. Cardamom. minor. Cinnamomi acerrimi ana 3ij. Sacchari candi quartam partem ad pondus omnium. F. pulvis f. a. S. Paul. Ex annotatis amicissimi & eruditissimi Viri D. Edwardi Hulfe.

3. *Ammi semine tenuissimo & odoratissimo* J. B. *Ammi parvum foliis Feniculi* C. B. Park. *Ammi perpusillum* Ger. emac.

J. B.

Herba est pedalis, interdum bipedalis, caule tenui fragili, Foeniculaceo, medullâ albâ pleno. Folia prima longa, profundè undique incisa: superiora Foeniculaceis aut Anethinis similia, paulò tamen tenuiora. Extremis ramulorum haerent Umbellae parvae, inaequales, flosculis albis contextae. Semen minutum, odoratissimum, calido & acri gustu. Radix parva, gracilis, lignosa, per ætatem in fibras diducta, sapore ferè Pastinacæ.

Augusto & Septembri mensibus floret, & ex semine deciduo se renovat. In Apulia abundare aiunt.

Locus &amp;

Tempus.

Solum requirit bene stercoreatum, Soli expositum.

4. *Ammiodes* C. B. *Ammi pusillum* Cæf.

Hujus descriptionem videbis apud Cæsalpinum, p. 286.



## CAP. XIII.

De *Visnaga* seu *Gingidio*.

**V**isnaga Hispanicæ originis vox est; Cur autem Hispanis ita dicta sit hæc planta nescimus. Umbella à flore dilapso clausa, ejusque radiis prælongis, rigidis, duris ab aliis omnibus Umbelliferis distinguitur.

1. *Visnaga* J. B. Matth. Lob. *Visnaga Gingidium appellatum* Park. *Gingidium Hispanicum* Ger. *Gingidium Umbellâ longâ* C. B. *Spanish Picktooth*.

J. B.

Sesquicubitalis circiter est planta, radice raris adnatis fissâ hærens: canle Anethi, striato, glabro, geniculato: folio Pastinacæ erraticæ, lævi, portionibus divisionis majoribus. Umbellæ florum candent, tandemque in se contrahuntur veluti caverna mediam sepimento effingente: pediculi autem Umbellæ, potissimum externi, palmo longiores, rigidi durique sunt; singulique tam hi quàm interni novam pedicellorum frequentium Umbellam in summo gerunt. Porro tam Umbellæ singulares, quàm coma tota subiecta habent ad basin foliola. Semen parvum Apii Officinarum, acre.

Locus.

In pratis quibusdam non longè à *Miravalle* ad viam quæ Monspelio Frontignanam ducit: copiosè etiam in Etruriæ agris & circa Cataniam Siciliæ provenit.

Altera species.

Meminit J. Bauhinus *Gingidii* Ægyptii cujus Umbella & pediculi firmiores erant & majores quàm in hortis nostris provenientes; quale & nos quoque vidisse meminimus.

Dauci campestris descriptio apud Cæsalpinum per omnia *Visnagæ* convenit, ut omnino eadem videatur planta, quantumvis *Visnagam* antea in eodem libro tradiderat, quod tamen mirum videri possit.

Pediculi seu radii Umbellarum pro dentiscalpiis multis in usum veniunt, præcipuè Hispanis, ob rigiditatem suam & suaveolentiam; unde Herba ipsa nostratibus *Spanish Picktooth*, i. e. Dentiscalpium Hispanicum appellatur.

- \* 2. *Gingidium Matthioli foliis Chærephylli* C. B. Park.

Quale sit (inquit J. Bauhinus) judicent qui viderunt. Figura habet multa communia cum *Lappula canaria* flore majore. Interea quoque considerandum, an utraque descriptio non sit partim ex Dioscoride, partim ex dicta *Lappula canaria* & *Visnaga* composita. Reliqua quæ habet apud ipsum vide: certè non levem nobis suspicionem injicit *Gingidium* hoc Matthioli & sequacium esse merum figmentum.

- \* 3. *Daucus montanus*, semine Cretico simili, non lanuginoso, valdè odorato, specie *Staphylini*, Umbellâ clausâ J. B.

Cæs.

In Alpibus nascitur; semine alioqui Cretico simili, sed nequaquam lanuginoso, acri & valdè odorato. Ejus planta foliis constat non capillaribus ut *Fœniculi*, sed specie *Staphylini*, longo pediculo in adnexu folioso, prædura hæc & odorata. Caulis striatus, cubitalis, (reperitur brevior non ultra dodrantem: ) Umbellæ clauduntur ut *Staphylini*. Radix singularis, in altum descendens ut *Pastinacæ*.

Hæc nobis incognita est, verum insigni nota quæ non adeò multis hujus familiæ convenit, nimirum Umbellâ clausâ, ab aliis faciliè distinguitur, ideòque ad *Visnagam* retulimus.

## CAP. XIV.

De *Crithmo*.

**C**rithmum dicitur herba maritima, foliis quodammodo *Fœniculaceis*, verum segmentis brevioribus & latioribus multo.

1. *Crithmum* sive *Feniculum marinum grandius*, cui succus luteus J. B. *Cr. mar. majus* Park. *Cr. sive Feniculum maritimum majus*, odore Apii J. B. *Crithmum Siculum*, *Baticula* alterum genus Cæsalp. Bocconi.

Cæs.

Foliis est tenuiùs incis, odore Apii, sed sapore *Baticulæ*: Caules fert cubitales in Autumno, ex ignotis amis in terra procumbentibus, crassis; Umbellis candidis: seminibus vulgaris *Crithmum* candidioribus,

didioribus, modicè oblongis, striatis, odoratis & gustu ferventibus: è caulibus recentibus incisis lacteo succo manans, in lachrymam subrusam concrecente; radicibus ramosis & candicantibus.

Ex Sicilia habetur hoc genus.

Efficacius est minore in movendo urinam: nam renes & vesicam miro modo purgat.

Vires.

*D. Boccone caulem* ei rectum & ramosum attribuit; *folia* laciniata, dura, & quàm Crithmi marini vulg. latiora: *Semina* bina, quæ simul conjuncta Coriandri instar, divisa: striata sunt, seminis Fœniculi modo. *Radix* longam crassam, ad ligni naturam propius accedentem, perennem & singulis annis regerminantem.

Asperis & saxosis gaudet locis propè Panormum in monte Peregrino, & alibi in Sicilia.

Locus.

- A. 2. *Crithmum marinum* Ger. Dod. *marinum vulgare* Park. *Crithmum multis, sive Fœniculum marinum* J. B. *Crith. sive Fœniculum maritimum minus* C. B. *Sampire à Gallico Saint Pierre.*

*J. B.*

Succulenta admodum est herba, in latum diffusa, pedem circiter alta. *Folia* latiora & breviora quàm Fœniculi, crassa, nec tam crebrò incisa, atrovirentia, sapore subsalfo. *Caulis* Fœniculi, striatus, porracei viridis. *Umbellæ* luteæ: *Semina* Fœniculi, sed majora. *Radix* crassa, longa, perennis, odore & sapore suavi, acri, aromatico.

In clivis & rupibus maritimis per totum hujus insulæ ambitum, nec minùs in transmarinis regionibus, in ipsis lapidum commissuris oritur.

Locus.

Itali & Galli herbam *S. Petri* nominant, unde deductum Anglicum *Sampire*.

*Crithmum* muria conditum Ventriculo benefacit, èstque palato admodum gratum: urinam moderatè provocat, viscera ab obstructionibus expedit, appetentiàmque ciborum excitat.

Vires.

Utuntur vulgo pro condimento carnis ovillæ asæ; & aliàs in intinctibus & acetariis.

Usus.

## CAP. XV.

## De Fœniculo.

**F**œniculum (Græcis *Μαγνησιον*) diminutivum esse videtur à Fœnum, quòd quasi Fœnum in hyemes arefactum & marcidum reponatur. C. B. Alii dictum putant quòd satum magno cum fenore semen reddat. *Μαγνησιον* à *μαγνησιον* à marcescendo, quòd ejus cum inaruerit ad condienda plurima multus usus sit.

Fœniculum autem foliis in capillacea filamenta divisis, seminibus striatis parvis oblongis ab aliis Umbelliferarum generibus distinguitur.

- A. 1. *Fœniculum vulgare* Ger. Park. *vulgare minus acriore & nigriore semine* J. B. *vulg. Germanicum* C. B. *item, vulg. Italicum, semine oblongo, gustu acuto ejusdem. Item Fœnic. sylvestre* ejusdem. *Hæc enim tria non aliter differunt, quàm accidentibus à loco & cultura ortis. Common fennel or finckle.*

*J. B.*

Ex radice digitali, aut majore, si ramosior fuerit, rectâ, albâ, sapore cum quadam dulcedine aromatico *caulis* surgit tres aut quatuor cubitos altus, rectus, teres, striatus, geniculatus, atrovirens, fungosâ, albâ medullâ factus, crebris alis concavus. *Pediculi* ceu vaginâ caulem & ramos completuntur, quibus *folia* insident in longa, acutissima filamenta dissecta, atrovirentia, sapore dulci, odore suavi. *Umbellæ* florum latæ, luteæ, odoratæ. *Semen* oblongum angustum, striatum Anisi, nigricans, sapore acriori, minus dulci.

Monspeli & Lugduni sponte passim provenit.

Locus.

Nascitur enim locis calidis & saxosis. *J. B.* In Anglia etiam in aggeribus maritimis & clivis cretaceis in extrema parte Cornubiæ, & in Suffexia ad occidentalem terminum paludis Pevenseyæ. Reperitur hoc genus in calidioribus regionibus semine dulci: quod J. Bauhinus inscribit *Fœniculum vulgari simile, dulce.*

Si febribus putridis adjunctam malignitatem advertamus, & quæ aperiendo, & quæ discutiendo per sudores prævalet, planta vix Fœniculo secunda reperietur. Hinc in Variolis & morbillis laborantibus decocto Fœniculi vel seminis, vel radicem nihil erit salubrius. *Sim. Paulin.*

*Seminum* pulvis cum Saccharo manè quotidie jejuno ventriculo sumptis mirificè visum acuit. Si semen Fœniculi aceto infundas, exsicces & Cinnamomi tantundem addas addito saccharo, .... fumendo de hoc fit mirabile in præservando visum, & debilitatem reformando, & in oculis octuagenariis jam obtenebrato visu, ut incredibile visum sit. *Arnoldus de villa nova.* Pro Saccharo commodius fortasse esset melle uti. Ad caliginosos oculos nihil hoc semine efficacius, inquit Tragus. Idem præstat succus foliorum aut radicis, & aqua destillata oculis indita.

Præterea semen hoc ventriculum roborat, nausæam sedat. [At C. Hofmannus tantum abesse inquit ut juvet concoctionem aliorum semen aut herba viridis, ut ipsum potiùs adjutorio opus habeat.] Hæc ergo de semine sicco accipienda sunt, quod & flatus discutit secundum tritum illum versiculum *Semen fœniculi reserat spiracula culi*: & Medicamentis thoracicis admixtum asthmaticos juvat, & venenis adversatur.

R r

Folia



*Folia* in aqua hordei decocta lac nutricibus augment. Quin & foliorum aut seminis decoctum dolores nephriticos lenit, urinam movet, calculum pellit.

*Radices* menses provocant, obstructions hepatis & lienis referare, atque ictero mederi traduntur.

*Herba tota* jussulis & sorbitionibus incocta ad corpus obesum extenuandum utilis esse perhibetur.

Ufus.

Germina Foeniculi teneriora antequam excaulescant, cum superna radice particula, unde scilicet emergunt, decisa, cum oleo & pipere mensis secundis adjiciunt Itali & Narbonenses Galli, eodem modo quo Apium dulce. Nostrates folia recentia minutim concisa aceto immittunt pro condimento piscium elixorum in muria asservatorum, ut v. g. Salmonum, Luciorum, Sturionum, &c.

Ad quartanam & alias febres, R. succ. rad. Foeniculi ꝑiiiij. cum saccharo dulcoretur, & jejuno propinetur in Aurora decem diebus continuis. *Zacutus* qui plurimis in lecto bene coopertis ait sudores plurimum moveri, aliis lentæ pituitæ sreatum, aliis ructus foetidos & crepitus. Facile sed utile vocat auxilium.

\* Obs. 34.

Vidit Jo. Crato Med. Casareus monachum quendam novem dierum spatio à Præceptore suo ex suffusione facillimo remedio curatum, Radicibus nempe Foeniculi in vino coctis, & decocto oculis applicato. *D. Soame* ex Observ. \* *Hieron. Reusneri*.

Mulier quædam sentiens ante justum tempus foetum descendere ad pectinem cum aliis signis abortus, apposuit anteriori ventris parti sub umbilico, & posteriori usque ad os sacrum cataplasma ex pane tosto cum aceto & pulv. feminum Foeniculi: unde statim omnia symptomata cessarunt. Foeniculum enim plurimum facit ad prohibendum abortum.

*Idem* ex ejusdem Observ. 106.

*Feniculum 2. seu vulg. Italicum, semine oblongo, gustu acuto C. B.*

Item,

*Feniculum 5. seu sylvestre ejusdem & Park.*

Lobelio & nobis à vulgari diversum non est, inquiunt Ebrodunensis historiae auctores: quibus & nos libenter suffragamur.

2. *Feniculum dulce* Park. Ger. C. B. *dulce majori & albo semine J. B. Sweet fennel.*

J. B.

Eodem quo satum est anno semen profert maturum: à vulgato radicibus, foliis, caulibus & flore vix differre videtur, nisi fortè caule minis procero & graciliore ac foliis minoribus. *Semina* quidem multò sunt majora, striata, albida, dulcia, minis acria: Cæterum siquando hyemem apud nos perfert, & aliquot annis durat, videtur amittere dulcedinem & de albedine ac magnitudine minui.

Hoc genus Foeniculi post unum vel alterum annum, iterata satione seminis hic producti, in hortis nostris paulatim degenerat & in vulgare transit; nec in nostris tantum, sed & in Germanicis atque etiam Italicis, ut testatur Casalpini. Unde verisimile est, semen ejus ex ulterioribus adhuc Meridiem versus regionibus adferri: ex Syria fortè, ut Lobelius scribit, aut ex insulis Azoricis, ut alii.

Nonnulli Foeniculum dulce à vulgari specie non distingui contendunt, eo argumento quòd satione degenerat, & tandem in vulgare abit. Verum in speciebus Plantarum infimis dari interdum transmutationem non contemnendis rationibus suadet, & experimentis confirmatur.

Variat multis modis hæc planta. Vidit Lobelius apud *Gulielm. Dresch* procerum prægrandèque Foeniculum, communi simile: caule ternum quaternumve cubitorum; foliis brevioribus, aliquanto rigidioribus, albicantibus Corruæ. Semen par aut paulo minus altero [dulci] rotundius & Aniso propius erat. Isti Hippomarathri nomen fecerunt.

*Feniculum dulce Azoricum* à communi dulci differt radiorum Umbellæ magnitudine & longitudine, Umbellâ concavâ, seminibus majoribus.

Quia (inquit J. Bauhinus) Foeniculum hoc [dulce] à Veteribus descriptum esse credimus, ideò ei quoque vires ab ipsis Foeniculo attributas convenire dicimus. Illas etiam huic ascribimus quæ Recentiores vulgari proprias faciunt.

\* 3. *Feniculum rotundum flore albo J. B. semine rotundo minore C. B. Park.*

Tab.

*Radice* nititur fibrosa exili: caule minori & breviori: foliis latioribus ac etiam brevioribus quàm vulgaris Foeniculi: Umbella alba, rotunda, primo anno flores & semen ferens minus quàm vulgare Foeniculum, sublongum & rotundum. Plantæ gustus & odor vulgari similis. Si semen hujus stirpis Autumno terræ mandes, evadet tota planta procerior & efficacior, quandoquidem hyemem facile perfert.

Mirari Tabernam. subit (inquit J. Bauhinus) cur locum ubi hoc viderit, aut unde habuerit, non indicet: Nobis certè incognitum est, nec minis aliis qui ante nos scripserunt Botanicis: Dari ejusmodi plantam non ausim negare, an verò Foeniculi species sit necne dubito.

\* 4. *Hippomara-*

\* 4. *Hippomarethrum Sphaeracephalum* Alpin. exot. Park.

Alpin.

*Caulē* fert tricubitalem & ampliorem, rotundum, geniculatum, crassitie pollicari & etiam majore, herbaceo seu Fœniculi colore, obliquè ex geniculis sursum actum, in singulis geniculis singulos alios cauliculos obliquè exeuntes producentem, in quorum cacumine Corymbacear Umbellar cernuntur, in orbem actæ, à quibus flosculi elegantes emicant, violacei coloris, qui mutantur in semina parva, longa, tenuia, angulosa, Fœniculi seminibus proxima, non parum ex valido odore foetentia. Tota planta foliis constat Fœniculaceis, compluribus ab una radice proficiscentibus, eo ordine positis ut singuli ternis ramulis digerantur. Quo sanè ordine posita observantur, è singulis caulium geniculis exeuntia, licet longè minora existant. Radix verò longa est, alba, carnosà, non dissimilis fœniculi radici. E tota planta emanat odor & validus & ingratus, maximèque ex seminibus, ex quo capiti dolor, si multum olfecerimus, inducitur.

Ex seminibus ab Ægypto acceptis Alpino orta est. Differt ab Hippomarathro cachryophoro, quòd *Locus* eo longè amplior sit, caulèque & longiores & crassiores ferat, & Umbellas coloris violacei, in perfectum veluti orbem circumactus, quòdque semina Fœniculacea producat.

\* 5. *Millefolium aquaticum* Ger. *aquaticum vulgatus* Park. *aquaticum Umbellatum capillaceo brevique folio* C. B. *aquaticum Fœniculo simile, Umbelliferum* J. B.

J. B.

*Folia* sparsa, latè virentia, Fœniculaceis perquam similia, caesurà non ità dissimili: prima & inferiora differunt nonnihil, segmenta sunt paulò latiora, odore grato, sapore nullo insigni. Flores gerit in scapo umbellatos.

*Radices* ad Hellebori albi radices quodammodo accedunt, fibrosæ, albæ, crebræ ex uno capite dependentes, palmo longiores, cavæ; in quorum tamen medio reperitur interdum radix quædam primaria minimi digiti crassitudine, fungosa, & veluti concava.

Apud paludes circa fossas Paduæ reperit J. Bauhinus.

*Millefolium* aquat. foliis Coriandri *Matth.* aquat. *Umbellatum* foliis Coriandri C. B. *Locus*

Suspicitur J. Bauhinus iconem Matthioli ex diversis plantis componi, nimirum ex Umbella Millefolii aquat. folio Fœniculi, & Millefolio pennato, ac alià aliquà plantà; ejusdem opinionis est & Casparus frater: ideoque faceſſat. V. J. Bauhinum.

\* 6. *Daucus pratensis Dalechampi* Park. *prat. Dalech. folio Millefolii* J. B. *prat. Millefolii palustris folio* C. B.

Lugd.

Nascitur *radicibus* multis, candidis, rotundis, ab ima caulis parte in diversa sparsis, brevibus, dulcibus, odoratis; *foliis* proximè radicem sex aut septem, totidem digitos longis, foliolis per ordinem multis, orbiculatim cauliculos totos ambientibus, Myriophyllo similibus, mollibus, latè virentibus; *caule* medio Fœniculi, cubitali, in ramos duos vel tres divaricato, foliis paucis vestito, interdum nudo; *Umbellâ* per initium nonnihil rubescente, postea albâ, amarâ, subacri, odoratâ.

\* 7. *Anethum sylvestre semine exiguo Ammeos* J. B. *sylv. majus* C. B. Park. *rectius Fœniculum Anethi* odore.

Cæs.

Grandius est sativo, *caule* crasso; *foliis* amplis ut Fœniculi, sed odore Anethi, quanquam infirmo: Umbellis amplioribus: *flore* luteo: *semine* exiguo, ferè ut Ammeos, subacri. *Radix* parva est & lignosa, annua.

Hæc herbâ equos purgant; nam miro modo ejus usu vegetiores redduntur.

C. Bauhinus in Prodomo alteram describit hujus generis herbam minorem, *radice* albicante, uncias tres longâ, tenui, quemadmodum & *caulis*, qui pedalis, albus, rotundus. *Foliis* est uncias quatuor longis, tenuissimè ut in vulgari divisis, *Umbellâ* parvâ, ex festucis octo vel novem uncialibus compositâ: *flosculis* luteis; *semine* parvo, oblongo. *Vires*

Utrumque hoc genus ( si modò diversa sunt ) Siciliæ insulæ originem suam debent.

Cum semine sint exiguo, oblongo, rectius ad Fœniculum quàm ad Anethum referuntur. *Locus*



*Folia* in aqua hordei decocta lac nutricibus augent. Quin & foliorum aut seminis decoctum dolores nephriticos lenit, urinam movet, calculum pellit.

*Radices* menses provocant, obstructions hepatis & lienis referare, atque ictero mederi traduntur.

*Herba tota* iusculis & sorbitionibus incocta ad corpus obesum extenuandum utilis esse perhibetur.

Usus.

*Germina* Foeniculi teneriora antequam excaulescant, cum superna radice particula, unde scilicet emergunt, decisa, cum oleo & pipere mensis secundis adjiunt Itali & Narbonenses Galli, eodem modo quo Apium dulce. Nostrates folia recentia minutim concisa aceto immittunt pro condimento piscium elixorum in muria asservatorum, ut v. g. Salmonum, Luciorum, Sturionum, &c.

Ad quartanam & alias febres, R. succ. rad. Foeniculi ꝑij. cum saccharo dulcoretur, & jejuno propinetur in Aurora decem diebus continuis. *Zacutus* qui plurimis in lecto bene coopertis ait sudores plurimum moveri, aliis lentæ pituitæ secreta, aliis ructus foetidos & crepitus. Facile sed utile vocat auxilium.

Vidit Jo. Crato Med. Casareus monachum quendam novem dierum spatio à Præceptore suo ex suffusione facillimo remedio curatum, Radicibus nempe Foeniculi in vino coctis, & decocto oculis applicato. *D. Soame* ex Observ. \* *Hieron. Reusneri*.

\* Obs. 34.

Mulier quædam sentiens ante justum tempus foetum descendere ad pectinem cum aliis signis abortus, apposuit anteriori ventris parti sub umbilico, & posteriori usque ad os sacrum cataplasma ex pane tosto cum aceto & pulv. seminum Foeniculi: unde statim omnia symptomata celsarunt. Foeniculum enim plurimum facit ad prohibendum abortum.

*Idem* ex ejusdem Observ. 106.

*Feniculum 2. seu vulg. Italicum, semine oblongo, gustu acuto C. B.*

Item,

*Feniculum 3. seu sylvestre ejusdem & Park.*

Lobelio & nobis à vulgari diversum non est, inquiunt Ebrodunensis historiae auctores: quibus & nos libenter suffragamur.

2. *Feniculum dulce* Park. Ger. C. B. *dulce majori & albo semine* J. B. *Sweet fennel*.

*f. B.*

Eodem quo satum est anno *semen* profert maturum: à vulgato radicibus, foliis, caulibus & flore vix differre videtur, nisi forte caule minus procero & graciliore ac foliis minoribus. *Semina* quidem multò sunt majora, striata, albida, dulcia, minus acria: Cæterum si quando hyemem apud nos perfert, & aliquot annis durat, videtur amittere dulcedinem & de albedine ac magnitudine minui.

Hoc genus Foeniculi post unum vel alterum annum, iterata satione seminis hic producti, in hortis nostris paulatim degenerat & in vulgare transit; nec in nostris tantum, sed & in Germanicis atque etiam Italicis, ut testatur Cæsalpinus. Unde verisimile est, semen ejus ex ulterioribus adhuc Meridiem versus regionibus adferri: ex Syria fortè, ut Lobelius scribit, aut ex insulis Azoricis, ut alii.

Nonnulli Foeniculum dulce à vulgari specie non distingui contendunt, eo argumento quòd satione degenerat, & tandem in vulgare abit. Verum in speciebus Plantarum intimis dari interdum transmutationem non contemnendis rationibus suadet, & experimentis confirmatur.

Variat multis modis hæc planta. Vidit Lobelius apud *Gulielm. Dresch* procerum prægrandèque Foeniculum, communi simile: *caule* ternum quaternumve cubitorum; *foliis* brevioribus, aliquanto rigidioribus, albicantibus Corruæ. *Semen* par aut paulo minus altero [*dulci*] rotundius & Aniso propius erat. Isti Hippomarathi nomen fecerunt.

*Feniculum dulce Azoricum* à communi dulci differt radiorum Umbellæ magnitudine & longitudine, Umbellâ concavâ, seminibus majoribus.

Quia (inquit J. Bauhinus) Foeniculum hoc [*dulce*] à Veteribus descriptum esse credimus, ideò ei quoque vires ab ipsis Fœniculo attributas convenire dicimus. Illas etiam huic ascribimus quæ Recentiores vulgari proprias faciunt.

\* 3. *Feniculum rotundum flore albo* J. B. *semine rotundo minore* C. B. Park.

*Tab.*

*Radice* nititur fibrosa exili: *caule* minori & breviori: *foliis* latioribus ac etiam brevioribus quàm vulgaris Foeniculi: *Umbella* alba, rotunda, primo anno flores & *semen* ferens minus quàm vulgare Foeniculum, sublongum & rotundum. Plantæ gustus & odor vulgari similis. Si semen hujus stirpis Autumno terræ mandes, evadet tota planta procerior & efficacior, quandoquidem hyemem facile perfert.

Mirari Tabernam. subit (inquit J. Bauhinus) cur locum ubi hoc viderit, aut unde habuerit, non indicet: Nobis certè incognitum est, nec minùs aliis qui ante nos scripserunt Botanicis: Dari ejusmodi plantam non ausim negare, an verò Fœniculi species sit necne dubito.

\* 4. *Hippomara-*

\* 4. *Hippomarathrum Sphaeracephalum* Alpin. exot. Park.

Alpin.

*Caulis* fert tricubitalem & ampliorem, rotundum, geniculatum, crassitie pollicari & etiam majore, herbaceo seu Fœniculi colore, obliquè ex geniculis sursum actum, in singulis geniculis singulos alios cauliculos obliquè exeuntes producentem, in quorum cacumine Corymbaceæ Umbellæ cernuntur, in orbem actæ, à quibus flosculi elegantes emicant, violacei coloris, qui mutantur in semina parva, longa, tenuia, angulosa, Fœniculi feminibus proxima, non parùm ex valido odore foetentia. Tota planta foliis constat Fœniculaceis, compluribus ab una radice proficiscentibus, eo ordine positis ut singuli ternis ramulis digerantur. Quo sanè ordine posita observantur, è singulis caulium geniculis exeuntia, licet longè minora existant. *Radix* verò longa est, alba, carnosa, non dissimilis fœniculi radici. E tota planta emanat odor & validus & ingratus, maximèque ex feminibus, ex quo capiti dolor, si multùm olfecerimus, inducitur.

Ex feminibus ab Ægypto acceptis Alpino orta est. Differt ab Hippomarathro cachryophoro, quòd *Locus* eo longè amplior sit, caulisque & longiores & crassiores ferat, & Umbellas coloris violacei, in perfectum veluti orbem circumactus, quòdque semina Fœniculacea producat.

\* 5. *Millefolium aquaticum* Ger. *aquaticum vulgatus* Park. *aquaticum Umbellatum capillaceo brevique folio* C. B. *aquaticum Fœniculo simile, Umbelliferum* J. B.

J. B.

*Folia* sparsa, latè virentia, Fœniculaceis perquam similia, cæsura non ità dissimili: prima & inferiora differunt nonnihil, segmenta sunt paulò latiora, odore grato, sapore nullo insigni. *Flores* gerit in scapo umbellatos.

*Radices* ad Hellebori albi radices quodammodo accedunt, fibrosæ, albæ, crebræ ex uno capite dependentes, palmo longiores, cavæ; in quorum tamen medio reperitur interdum radix quædam primaria minimi digiti crassitudine, fungosa, & veluti concava.

Apud paludes circa fossas Paduæ reperit J. Bauhinus.

*Millefolium* aquat. foliis Coriandri *Matth.* aquat. *Umbellatum foliis Coriandri* C. B. *Locus*

Suspicitur J. Bauhinus iconem Matthioli ex diversis plantis componi, nimirum ex Umbella Millefolii aquat. folio Fœniculi, & Millefolio pennato, ac aliâ aliquâ plantâ; ejusdem opinionis est & Casparus frater: ideoque faceffat. V. J. Bauhinum.

\* 6. *Daucus pratensis* Dalechampi Park. *prat. Dalech. folio Millefolii* J. B. *prat. Millefolii palustris folio* C. B.

Lugd.

Nascitur *radicibus* multis, candidis, rotundis, ab ima caulis parte in diversa sparsis, brevibus, dulcibus, odoratis; *foliis* proximè radicem sex aut septem, totidem digitos longis, foliolis per ordinem multis, orbiculatis cauliculos totos ambientibus, Myriophyllo similibus, mollibus, latè virentibus; *caule* medio Fœniculi, cubitali, in ramos duos vel tres divaricato, foliis paucis vestito, interdum nudo; *Umbellæ* per initium nonnihil rubescēte, postea albâ, amarâ, subacri, odoratâ.

\* 7. *Anethum sylvestre semine exiguo Ammeos* J. B. *sylv. majus* C. B. Park. *rectius Faniculum Anethi* odore.

Cæs.

Grandius est sativo, *caule* crasso; *foliis* amplis ut Fœniculi, sed odore Anethi, quanquam infirmo: Umbellis amplioribus: *flore* luteo: *semine* exiguo, ferè ut Ammeos, subacri. *Radix* parva est & lignosa, annua.

Hæc herbâ equos purgant; nam miro modo ejus usu vegetiores redduntur.

C. Bauhinus in Prodro mo alteram describit hujus generis herbam minorem, *radice* albicante, uncias tres longâ, tenui, quemadmodum & *caulis*, qui pedalis, albus, rotundus. *Foliis* est uncias quatuor longis, tenuissimè ut in vulgari divis, *Umbellâ* parvâ, ex festucis octo vel novem uncialibus compositâ: *flosculis* luteis; *semine* parvo, oblongo. *Vires*

Utrumque hoc genus (si modò diversa sunt) Siciliæ insulæ originem suam debent.

Cùm semine sint exiguo, oblongo, rectius ad Fœniculum quàm ad Anethum referuntur. *Locus*



## CAP. XVI.

De Herbis quibusdam Umbelliferis foliis Fœniculaceis, semine striato minore, variis nominibus Dauci, Sefelios, Mei, Fœniculi, Caucalidis, &c. Botanicis insignitis.

- 1. *Meum Dauci Cretici facie* J. B. C. B. *Meum aliud minus* Park.

*Lugd.*

**I**N Allobrogum & Sequanorum montibus frigidissimis & altissimis nascitur, radice dimidio pede longiore, foris nigra, Dauci Cretici modo, intus candida, brachiata, odorata; cauliculis multis, nervosis instar Fœniculi, tres aut summum quatuor digitos altis: foliis brevibus, capillaceis, Fœniculo similibus, flore candido, umbellis densis: semine minutissimo, amaro, & suaviter olente.

2. *Feniculum tortuosum* J. B. *Sefeli Massiliense Fœniculi folio, quod Dioscoridis censetur* C. B. Park.

Cubitali assurgit caule, interdum majore, striato, medullâ albâ pleno [Clusio unico, interdum cubitali, sed sæpius minore] mox à radice in varios, contortos ramos, firmos diviso, crassiusculo, brevibus internodiis intercepto. Folia fœniculacea, non ita tenuia, breviora, videlicet palmaria, rariora, duriora, colore ferè Anethi [Clusio Anethi ferè, exilia & minutim incisa Rutæ propemodum colore] Umbellæ parvæ exiguis floribus albis, aut etiam Clusio purpurascens, constant. Semina alba striata, Dauci glaucifolii seminibus omnino similia, uti & tota planta. Radix longa, alba, crassiuscula [digitalis etiam crassitudinis Clusio] comata, aromatica. Tota planta odorata est.

*Locus.*

In Sicilia circa Messanam primò se nobis in conspectum dedit: postea in Gallia Narbonensi copiosissima ubique ferè obvia fuit.

3. *Daucus glauco folio, similis Fœniculo tortuoso* J. B. *An Peucedanum Pannonicum Clusii?*

Radix huic lignosa, alba, tuberculis quibusdam scabra, fibris paucis, verum iis crassioribus altiusque descendens, firmata [J. Bauhino minimi ferè digiti crassitudine, rugosa] sapore Pastinacæ subacri [J. Bauhino acriuscula, cum lævi amarore aromatica] in plura capita divisa; è quibus emergunt caules complures cubitales & interdum bicubitales aut altiores (in sterilibus & fœcioribus vix pedales) graciles & vix se sustinentes, læves, teretes, nec (ut vult J. Bauhinus) striati, in apicis subrubentes, geniculis frequentioribus intercepti, duri, fragiles, medullâ albâ fæcti, versùs superiora ramosi. Summus caulis & ramuli umbellas gestant exiguas flosculorum minutissimorum, purpurantium primò, cum explicantur magis albescentium, apiculis purpurantibus inter petala interjectis: quibus succedunt semina parva, striata, breviuscula, apicibus purpureis donata, [ubi maturuerunt alba, Fœniculi tortuosi seminibus similia J. B.] sapore amaro, nonnihil etiam acri & aromatico. Folia ad radicem pauca, longis pediculis nixa, quinq; vel sex pinnarum seu ramulorum conjugationibus ad mediam costam annexis composita, quæ tandem in laciniis prætenues gramineas dividuntur. [J. Bauhino Foliorum particula latiores, crassiores, rigidiores quàm in Fœniculo & velut pungentes, colore glauco] colore viridi ad glaucum tendente, sapore acri, odore aromatico. Præcipue verò notabile est in hoc genere quod folia in latitudinem non diffunduntur ut in plerisque umbelliferis & triangularia fiunt, sed angustiora sunt & in longitudinem magis extensa.

*Locus & Tempus.*

In collibus juxta Castellum Mospelio non longè, inter vepres: Floret Julio & Augusto. J. B. imò Septembri & in Octobrem usque.

Herbariorum Septentrionalium Libanotis notior Lobel. Ad. habet multa quæ cum hac planta conveniunt, ut descriptiones conferenti patebit.

- 4. *Daucus petræus glaucifolius* J. B. *An Daucus tenuifolius* Cordi?

*J. B.*

Radix capillata ex defluxis recentibus foliis, sapore accedit ad Staphylinum five Carotam, cum aliqua acrimonia: Folia profert tenuiter divisa, sed rariùs glabra, colore glauco, è mediocriter brevibus pediculis pendentia. Caulis unicus, ut plurimum, pedalis ac etiam cubitalis, tenuis, per quem plerunque tria parva folia, pediculo caulem amplectentia, ramosus interdum, (præsertim si planta sit minus novella) in tres ramulos divisus, in quorum extremitatibus umbellæ parvæ flosculorum alborum; quos subsequitur semen parvum, per maturitatem rubrum, ad Ammi vulgare accedens, aromaticum cum aliqua acrimonia.

*Locus & Tempus.*

Provenit locis ficcis & petrosis, abundans semine maturo Septembri & Octobri.

- A. 5. *Peucedanum minus* Park. C. B. Phyt. *pumilum* Ger. *Peucedani facie pusilla planta* Lob. *Selinum montanum pumilum* Clusii, foliis Fœniculi aut Peucedani, flore albo, semine Selini J. B. *Stock-parstey*.

*Clus.*

Aliquot à radice spargit folia, Fœniculi aut Peucedani foliis formâ quidem similia, sed longè minora, & quidem rarò pluribus quam quindecim foliolis constantia, è quorum medio dodrantalem crassumque fert caulem, in multos tamen ramulos divisum, sub quibus aliæ foliorum alæ minores nascuntur, novenisque duntaxat foliis constantes, lata basi caulem amplectuntur, Pastinacæ five Staphyli-



ni gustu & odore: singuli tamen rami exiguum florum candidorum & odoris expertum umbellulis onusti sunt: quibus succedit *semen Selini* semini non dispar: *Radix* suprema parte in crassum caput extuberat, multisque villis (qui foliorum superioris anni fibræ sunt) hirsuta, brevis, quasique in orbem convoluta est, intus fungosa & alba, exterius fusca & rugosa, inferna parte bifida plerunque, & in raras fibras definens.

Biennalis est planta, & prolato semine interit.

Apud nos in rupe S. Vincentii propè Bristolium oritur, invenimus & in montibus Germanicis: *Locus.* Clusius in quibusdam ficcorum desertorumque virentium tamen agrorum marginibus, & in nudis gramineisque montibus inferioris Austriæ & Pannoniæ. Floret Maio.

Icon Clusii egregiè exprimit Peucedani facie pusillam plantam *Lob.* unde non est cur dubitaret J. Bauhinus eandem esse plantam; neque cur Casparus frater sententiam mutaret, & pro Selino montano pumilo *Clus.* quod in *Phytop.* Peucedani facie pusillæ plantæ synonymum fecerat, in Pinace Peucedanum Pannonicum Clusii substitueret.

Hæc planta C. Bauhino in Pinace etiam Daucus montanus multifido folio, Selini semine denominatur. Bis ergo in Pinace ponitur. Hunc sequitur Parkinsonus, unam plantam in duas species distrahens; nimirum in Peucedanum minus & Daucum montanum pumilum.

- \* 6. *Sison* Alpin. exot. An *Saxifragia Matthioli tenuifolia & umbellifera* J. B? *Sison odoratum* Park.

*Alp.*

Unicum caulem Alpino protulit, bicubitalem, rectum, gracilem, rotundum, geniculatum: folia capillacea; Fœniculo similia, odorata, quippe odore ad Fœniculum & ad Anethum inclinantia. In caulium summitate umbellæ parvæ, raræ, flosculis albis præditæ, & ferè ex singulis geniculis exeunt ramuli, in summitate etiam minimas umbellas ferentes; in quibus deflorescentibus sunt *semina* nigra, minima, oblonga, odorata, & subamarescentia. *Radice* nititur longa, alba, gracili, odorata, Anetho proxima.

Matthiolus de Saxifragia sua tenuifoliâ parùm sibi constat, ut videre est apud J. Bauhinum.

In post comm. cum magnis figuris eam sic describit,

Nascitur in magnis & durissimis lapidibus, aut sioco & admodum extenuato solo, *Foliis* capillaceis Fœniculi modo, sed longioribus, tenuioribus & rarioribus. *Caule* pariter prodit Fœniculaceo, sed tenui ac pumilo, umbellâ in summitate emergente: *Semine* vulgaris Petroselini æmulo, sed longiusculo & odorato: *Radice* albicante, pastinacæ sapore. Tota planta subacris est, & subdulcis.

Descriptio Alpini apprimè convenit plantæ illi umbelliferæ quam propè Gratianopolin invenimus, in planitie ad flumen, solo arenoso:

- \* 7. *Saxifragia multifido folio Pannonica*, J. B. *Daucus montanus multifido brevique folio* C. B. *Daucus montanus Pannonicus* Park. *Saxifraga Pannonica* Clus.

*Clus.*

Multò minor est Peucedano Pannonico *Clus.* & brevioribus foliis, Capni foliorum ferè æmulis, quorum sapor & odor Peucedani Pannonici (quod nobis videtur Daucus glauco folio) foliorum odorem & saporem quodammodo referunt, paulò tamen acriora sunt: inter quæ *cauliculi* exeunt pedales, graciles, geniculati, aliquot exiguis foliis exornati, summo fastigio candidorum *flosculorum* umbellam sustinentes. *Radix* Peucedani radici non multum absimilis, sed brevior, acrior, salivamque ciens, multa hirsuta capita supernâ parte producens, è quibus folia & caules emergunt.

Inventa à Clusio multis Hungariæ & Austriæ inferioris locis, montium acclivitatibus petroso & *Locus.* sabuloso solo.

- \* 8. *Saxifragiæ tenuifoliæ affinis, quibusdam Caulalis* J. B. *Caulalis Peucedani folio* Ger. C. B. *Fœniculi folio* Park.

*J. B.*

Hanc Anguillara Epist. 7. Caucalin vocat, & nasci in Peloponneso & multis aliis locis in faxis prodit, *foliis* Fœniculi, *caule* cubitali, *umbellâ* albâ, semine Ammi; comedi; odorem habere Petroselini; vocari ab eis *ἀγρον σίλινον*. *Radix* Lobelio unica, recta, humi pacta, candida, sapore Pastinacæ. In Apulia provenire plantam intellexit [Anguillara] quæ dicatur *Pietra findula*, quæ multum respondet descriptioni hujus Caucalidis.

Malè inscribitur Caucalis. Plantam hujus iconi similem observavi in planitie quadam propè Augstam Vindelicorum, viâ quâ Monachium Baviaræ itur. *Locus.*

- \* 9. *Apium montanum folio tenuiore* C. B. *Apium*, quod *Petroselinum Dalechampi*, folio tenui, *Apii hortensis semine*, subrubro, amaro, *radice nigra* J. B. *Petroselinum Macedonicum forte Dalechampi* Park.

*Lugd.*

*Radix* longiuscula & crassa foris nigricat, intus albet, capite comato, earundem more quæ plures annos perdurant, sapore amaro. *Caules* inde pronascuntur plures, fungosi, striati, pedales, inter dum palmares duntaxat, *foliis* amicti Dauci glauco folio similibus. Caulium scapus tripartitus primùm; laterales furculi umbellas gerunt *flosculorum* albicantium, parvas per florendi tempus, magis patulas euntibus in semen floribus: medius furculus rursus trifariam subdividitur, umbellis similibus onustus. *Semen* Petroselini vulgaris.

Rr 3

In



Locus.

In saxosis tumulis propè Gratianopolin nascitur. *Lugd.* Nos cum ibi essemus, hanc plantam non observavimus, sed aliam Saxifragiæ Matthioli tenuifoliæ & umbelliferæ iconi similem, foliis tenuissimis, umbellis parvis.

\* 10. *Caucalis tenuifolia montana* C. B. Park.

C. B. prod.

*Radice* est crassa, ex qua *caulis* exurgit pedalis; qui statim ad radicem in cauliculos palmares, rotundos, læves dividitur, hique in minores subdividuntur quorum etiam minutissimis alis ad radicem exiguae umbellæ flosculorum alborum minutissimorum insident. *Folia* ad radicem in tenuissima segmenta, & quæ in caule in capillacea dividuntur. *Semen* parvum est, oblongum, striatum.

Locus &amp; Tempus.

Julio mense florens in Sabaudia inter Tarentesium & Monasterium collecta.

## CAP. XVII.

## De Pyrethro.

**P**yrethrum Diosc. l. 3. c. 86. ab igne nomen habet, ob radicis ejus fervorem igneum: Salivaris Romanis quod manu salivam eliciat apud Plinium l. 28. cap. 9. Pyrethri nomen solum habetur. C. B.

\* 1. *Pyrethrum umbelliferum* C. B. *umbelliferum primum* Park. *umbelliferum Matthioli* J. B. *Pelitory of Spain*.

Lob.

*Radices* huic & *folia* Côtulæ foetidæ. Umbellæ ab uno quasi centro multis pedicellis innixæ, Veneri pectinis ritu aut Anethi, candidis *flosculis*, fervido & amaricante gustu: [quibus succedunt *semina* nigricantia, rotunda, Anisi majora: radix pollicis, interdum duorum pollicum, crassitudine, pedali longitudine & altius in terram descendens, colore exterius è fusco flavescente, interius nigro, sapore acri admodum & fervido. *Park.*]

Hanc plantam Guilandinus in horto Patavino alebat, & *Pyrethri veri* nomine Lobelio donabat. Pyrethrum Casalpini, cum sit semine compresso, rotundo, figurâ lentis, ad aliud genus pertinet.

Vires.

*Radix* Pyrethri, quæ satis frequenter ac feliciter in ore continetur ad Dentium dolores tollendos cum sua causa, humores plures in os allicit unâ cum saliva: Ergo salivationem movet, quam fortassis moveret diutius & copiosius, si intra corpus lumeretur quantitate parva sed iteratò. *D. Soame* è *Sylvii* Lib. 1. c. 13. Sect. 59.

*Pyrethrum umbelliferum alterum* Park. *foliis Anethi* C. B. *Pyr. Gesneri* J. B.

J. B. *Lugd.*

*Radice* nititur longâ, simplici, modicè fibratâ, repente, digiti crassitudine, fervidi & urentis gustus: *Folia* Anetho similia prodeunt; *caulis* Fœniculaceus; *flos* in umbella circinatæ rotunditatis. Quare nullam prorsus notam deesse ad veram Pyrethri delineationem putat Gesnerus, qui plantam appictam Pyrethri veri nomine ad Dalechampium ex horto suo Tigurenfi tranfmisit.

## CAP. XVIII.

## De Umbelliferis semine hirsuto seu lanuginoso Apii aut Dauci nominibus notis.

1. *Daucus* 3. *Dioscoridis* Col. *Apium peregrinum foliis subrotundis* C. B. *Vishaga minor quorundam*, *Selinum peregrinum Clusio*, *semine hirsuto* J. B. *Selinum sive Apium peregrinum Clusii* Park.

Col.

**R**adice est alba, lævi, tenui, oblonga Pastinacæ vel Raphani cum nervo in medio, caulescente planta lignosa, aromatica, gustu acri sed parùm hircino & linguam vellicante, qui sapor cum arefcit & lignosa efficitur evanescit. *Folia* emittit lævia, Coriandri æmula, sed rotundiora & longiore pediculo hærentia, primum singula, deinde unica loborum conjugatione, tertio bina, tandem ternis aut quaternis hinc inde lobis minus rotundis & angustioribus divisa. *Caulis* edit bipedalem & ampliorem, striatum, tenuem, lævem, Fœniculi effigie solidum, fungosâ medullâ albâ, in imo ex viridi obscure purpurascentem, ramosum, foliis interceptum alternis minoribus, angustioribus, magisque incis, in summo umbellas albas habentem, plures sine basi ut Anethi rotundas, longis petiolis hærentes, atque dum corymbosæ, nec adhuc floridæ, & teneriores, in terram flexæ procumbunt [nutant] cum autem florere incipiunt eriguntur & dilatantur, *flores* ostendentes Julio mense densos, minutos, non dissimiles Anetho [petalis bipartitis & apicibus albis. *Se-*

mina

mina deinde perficiuntur parva, albicantia, hirsuta, Anisi familia [Petroselinum vulgaris Clus.] gustu acri admodum & odorato, Cuminum & hircinum quid respiciente.

Variat hæc iisdem locis orta foliis in caule majoribus, ita profundè incisis ac tenuiter, ut foliorum nervi à carne distincti sint omnes, Pastinacæ [tenuif.] divisuras quodammodo imitantia.

In sepibus circa Messanam Siciliæ urbem nobis observatum: in Salmanticensi agro in vinetorum marginibus sponte nasci autor est Clusius. Campoclari in sylvestribus & limitibus, & per colles nigro terreno refertos & herbidos invenit Columna. Locus.

*Dauci tertii Dalechampi*

Icon apud Parkinsonum ab hoc non multum abludit, *Radicem* habet ex luteo albidam, brevem, in capite comosam. Folia ima latiuscula sunt & Coriandrinis similia; superiora in caulibus ordine minora & tenuiora, suprema ferè Fœniculacea: Flores albi, semina oblonga, sapore acri Anethi aut Cumini.

Verùm si descriptio exacta sit planta est diversa.

2. *Daucus Creticus semine hirsuto* J. B. *Alpinus Cretico similis* Park. item *Creticus verus Dioscoridis* ejusdem. *Daucus Alpinus multifido longoque folio, sive montanus umbellâ candidâ* C. B. item *Dauc. foliis Fœniculi tenuissimis* ejusdem. *Daucus Creticus* Ger.

Dodrantali aut altiore est caule, tereti, striato, hirsuto. Umbella mediocris magnitudinis summo cauli extremisque ramis infidet *florum* exiguorum, candidorum, pedicellis canescentibus hirsutisque hærentium. *Semen* longum, incanum, villosum, acre, aromaticum: *folia* lanuginosa, cinerea, minutissimè dissecta, mihi sæpe etiam penitus glabra visa, atrovirentia. *Radix* longa, digitali crassitudine, terram versùs comata, sapore Pastinacæ Germanicæ.

J. Bauhinus Casparum fratrem meritò reprehendit, quod Daucum Creticum Lob. separet à Gefneri & Clusii Dauco Cretico; siquidem discrimen non ostendit, atque contra mentem Lobelii id facit: qui in hunc modum de eo scribit. Nec tamen id sola Creta fert; quippe Germanicæ Alpes non modò, sed etiam Genuensium colles & Genevensium circa Juram rupes hoc Cretico abundant. Et paulò post. Huic quo minùs sit Creticum siquid deest cælum solùmve erit. Sanè effigie nihil, viribus autem perparum abest. Variant quidem aliquantulum: nam qui in Baldo foliis est brevioribus compactionibus; qui verò in Helvetiorum Alpibus & monte *Wasserfall* longioribus & rarioribus.

Nos in summis montis Juræ partibus hunc observavimus.

*Daucus Tiburtinus* quibusdam J. B. adeò parum differt à Cretico ut specie diversum non arbitremur. Locus.

- \* 3. *Daucus tertius Dioscoridis Bello* Park. *tertius, folio Coriandri, flore luteo* J. B. *Creticus nodosus, umbellâ luteâ* C. B.

*Folia* Coriandri, sed minora & crassa aliquantulum profert: *caulem* sesquicubitalis longitudinis: *flores* luteos in umbellis, ut Anethum; *seménque* Cumini. Vere manduntur radices & folia, quæ aromatici gustus sunt.

Scribit Parkinsonus hunc apud se flores protulisse albos. Suspico eum intelligere Myrrhidis quandam speciem caulibus nodosis, seminibus longis asperis, umbellis albis, quam in Sicilia spontaneam observavi: nam hujus semen Londino aliquando ad nos missum fuit sub hoc titulo.

4. *Apium Macedonicum* C. B. *Apium sive Petroselinum Macedonicum multis* J. B. *Petroselinum Macedonicum verum* Ger. *Macedonicum* quibusdam Park. *Macedonian Parsley*.

*Col.*

*Folia* Apio hortensi familia habet, ampliora, copiosioribus lobis, rotundioribus, magisque ferratis, nitidis, Coriandrinis æmulis, vel Hircinæ saxifragiæ antequam caulem edat, albicantibus [atrovirentibus J. B.] quorum sapor ignavior quàm hortensis nostri videtur. *Radicem* longam, crassam, albam, rugosam, lignosam, pedalem, sapore acri. *Caulem* verò post multos à satione annos promit [nobis] cubitalem, crassum, hirsutum, alis divisum frequentibus, rotundam effigiantem comam, umbellis candicantibus refertam, *semine* verò parvo, hirsutie alba obsito, oblongo, Saxifragiæ hircinæ simili, odorato, aromatico, sapore acri, fervido, & Cuminum ferè respiciente.

Hæc planta F. Columnæ *Daucus secundus* Dioscoridis videtur.

5. *Apium petræum sive montanum album* J. B. *An Daucus montanus Apii folio minor à C. Bauhino in Prod. depictus?*

*J. B.*

*Folia* habet dodrantalia, pulchrè in alas oppositas divisa, atque hæc rursus in opposita segmenta [singulæ alæ Pimpinellæ Saxifragæ minoris folia imitantur divisurâ suâ] Apii nigri montani segmentis familia quodammodo, quæ mirè variant pro locorum diversitate, quædam enim valde tenuia sunt & quasi crispa. *Caulis* fœniculaceus cubitalis [imò bicubitalis & altior] medullâ plenus. Umbellæ parvæ, *floribus* albis contextæ. *Semina* Apii hortensis, longiuscula, striata, hirsuta, versùs summitatem rubentia, cum amaro-re aromatica. *Radix* perennis, crassiuscula, alba, comata, sapore ferè ad Apium vulgare accedente prædita.

In



In rupibus non longè à Danubio uno circiter milliari *Anglico* cis Danubium primò hanc observavimus: post in monte Jura non procul Geneva. J. Bauhinus in petrarum rimis Basileæ in Marchionatus monte provenire observavit propè pagum Krenzach, & Badæ in Helvetiorum monte, ceu & Basileensium propè *Wasserfall*.

\* 6. *Panax Siculum*, semine hirsuto, foliis *Pastinacæ sativæ* J.B. Bocconi.

*Boccon.*

*Radix* pro plantæ ratione parva: *Caulis* maximus, humanam altitudinem non rarò superans, uncialis crassitiei, in plures ramos distributus, ruber, lævis, rectus, intus fungosus: *Folia* quàm *Pastinacæ sativæ* latifolia ampliora, tenuibus nervis obfessa, lobis quasi rotundis, figurâ panè cruciformi latè expansa, atque lucida. *Umbellæ* amplæ: *Flos* albus: *Semen* longum, crassiusculum, striatum seu sulcatum, exterius candida lanugine hirsutum, qua exutâ semen grano Triticî figurâ & colore par est. *Caule* vulnerato interdum sponte lachryma exit, concrefcitque colore flavescente.

*Locus.*

Non solum Panormi, ubi pro *Dabiso* notum, sed & in tota Mararæ valle, locis incultis & asperis copiosè nascitur & appellatur ibidem à colonis *Ferla* seu *Ferra Saracinisca*. Variat foliis quandoque glabris, quandoque hirsutis.

*Dancus secundus Siculus Sophiæ foliis Zanoni.*

*Zan.*

Multa è radice capite *folia* promit, quorum pediculi latâ nervosâ cartilagine radici adnexi, rotundi sunt, supernè sulcati & cavi, tenues, succosi, & sublucci, in ramulos eodem modo divisi & subdivisi quo in aliis *Umbelliferis*; *folia* ipsa minuta, crispa, lanugine obsita, inferius magis quàm supernè albicantia, tenera, succulenta, in ambitu dentata, humi expansa, quam latè occupant, *Sophiæ* latifolia aut *Pastinacæ sativæ* tenuifolia foliis similia, nonnihil odorata. E medio foliorum cespite enascitur *caulis*, sesquicubitalis circiter, teres, canaliculatus, à nodo ad nodum undatim flexuosus, lanuginosus, rufescens, digitum minimum crassus, medullâ viridi repletus, crebris nodis, imâ maximè parte, interceptus, foliis supradictis similibus obsitus, verum albidioribus & minoribus, ad nodos cauli adnexis, pediculis membranæ origine eum amplectentibus: è quorum cavis exeunt rami, supra medium caulem assurgentes, quorum unusquisque fastigio suo umbellam sustinet, flosculis minimis cum staminibus & apicibus albis compositam, Rosæ moschatae odore sed remissiore. Flore delapsò restat *semen* oblongum, striatum, lanuginosum.

*Radix* spongiosa, flavicans, canaliculata, caule crassior, haud longè à capite in quatuor aut quinque ramos divisa, in multos annos vivax, Fœniculi sapore, acutiore multò. *Folia* Apii dulcis saporem æmulantur. *Semen* reliquis plantæ partibus acius est & mordacius. Versus Maii finem floret.

Hujus semen à Panormo Siciliæ metropoli ad auctorem transmisit insignis Botanicus D. Paulus Boccone.

\* 7. *Siler Creticum quibusdam foliis Cicutæ, semine longo crispo incurvo* C.B. *Siler 2. foliis Cicutæ* C.B.

*Semen*, describente J.B. pulchrum & magnum pediculo unciali circiter pendet, semunciam longum, recurvum, crassum, fuscum, gemellum: unum è quinque aut sex costis asperis coagmentatum, alterum simplex; odor satis validus nec injucundus. Cum Cymino sativo habet aliquid simile, sapore etiam aliquo modo affini: Satum provenit foliis Cicutæ sed latioribus & paucioribus, *semine* incurvo, grandi, hirsuto & fusco.

De hoc Bellus Epist. ad Clus. Rosmarini folia Selino similia sunt, serrata, florèque in umbellis albi: quibus succedunt *semina* oblonga aspera. *Radice* nititur crassâ, foris nigro cortice eoque tenui vestita, intus alba, thus maximè olente.

## C A P. XIX.

### *De Pastinaca tenuifolia.*

**P**astinaca à pascendo dicta existimatur. Nam radices ejus cibus sunt vulgaris. Isidorus lib. xvii. cap. 10. *Pastinaca vocata quòd radix ejus præcipuus sit pastus homini. Est enim odorata, jucunda, cibo delectabilis.* Turnebus tamen in Adversarius lib. viii. cap. 23. ex eo dici putat, quòd referat & quasi habeat *pastinum*, quomodo vocatur instrumentum quo vineæ foduntur.

*Pastinaca sativa* semine villosò, umbella flore delapsò in niduli formam contractâ, foliis tenuiter incisis, ab omnibus aliis *Umbellatarum* generibus faciliè distinguitur.

A. 1. *Past-*

- A. 1. *Pastinaca sativa tenuifolia* Ger. *tenuifolia sativa lutea* Park. *tenuifolia sativa radice lutea vel alba* C. B. *sativa sive Carota rubra, lutea & alba* J. B. Carrots.

Radice est pedem longâ, crassâ, conoide, friabili, luteâ aut rubrâ, interdum atro-rubente aut etiam albâ, paucis ad latera fibris donatâ, succulentâ, sapore dulci aromatico. *Caulē* erigit duorum aut trium cubitorum, hirsutum, striatum, concavum, ab imo statim ramosum, ad cujus divaricationes folia dodrantalia, hirsuta in alas plures divisa, alis singulis in alias subdivisis, & his tandem alis secundariis in multa segmenta angusta oblonga acuta profundè dissectis, odore & sapore facis suavi, saturè viridia, alternatim posita. Flores in umbellis latis conferti, pusilli, pentapetali, petalis subrotundis & minimè bifidis, colore albo, interdum rubente. Umbellæ basin in circulum ambiunt folia angusta, in plura longa & acuta segmenta divisa. Umbellarum etiam partialium è quibus totalis componitur basēs, ejusmodi foliolorum circuli ambiunt. Floribus succedunt semina longiuscula villosa. Cum jam defloruit umbellæ contractæ concavæ fiunt & vasculum velut Daucus Officinarum deformant.

Seminis & herbæ eadem vires sunt quæ Dauci Officinarum. Specificum habetur ad uteri suffocationem. *Vires.* Schrod.

Radices culinariæ sunt, in aqua communi decoctæ tessellatim inciduntur, cūque butyro, pipere & sale esitantur: sapius tamen apud nostrates in jure carniū, maximè bovinæ, decoquuntur, & unâ cum carnibus eduntur condimenti loco Rapi aut Napi modo. Nonnihil flatulentæ sunt, ventrem tamen emollire creduntur, & tussi conferre.

Radix Pastinacæ atro-rubentis tenuissimè concisa, & in aceto acerrimo cum modico Aluminis rupei decocta ad consumptionem coletur finatūq; inspissari & exsiccare, fiet massa coloris purpurei, *paronazzo* Italis dicti, quæ molendo cum aqua gummata soluta dabit atramentum purpureum optimum. *Canepar. de Atramentis.*

Quercetanus solum semen Pastinacæ domesticæ exsiccatum & pulverisatum ad 3β. cum pauco Vini vel Aquæ Melissæ datum pro peculiari & specifico medicamine ad uteri suffocationem vendit. *D. Soame è Dolæo.*

- A. 2. *Pastinaca sylvestris sive Staphylinus Græcorum* J. B. *sylv. tenuifolia* Ger. Park. *sylv. tenuifolia Dioscoridis vel Daucus Officinarum* C. B. *Wild Carrot, or Birds-nest.*

J. B.

In promptu est sylvestris Pastinacæ ex sativâ faciem novisse: radix minor & acrior: caules altitudine pares sesquicubitales scil. striati, hirsuti, medullâ farcti, in alas divisi. Folia minutim dissecta, atrovirentia, averſa parte hirsuta. Flores in umbellis magnis confimiles, candidi. Flosculus umbellæ medius interdum purpurâ rubet. Umbellas autem obvallant folia in angusta, longa, acuta segmenta divisa. Delapsis floribus succedunt semina brevina, striata, villosa; tum verò convoluta umbella cavitatem, ceu aviculæ nidulum, in medio deformat. In pascuis, gracili solo, ubiq; occurrit. *Locus.*

Uterina inprimis est & diuretica. *Uſus* præcipuus est in tussi, pleuritide, stranguria, calculo. Ciet menses & molas, sedat uteri suffocationes, stimulat Venerem. *Vires.*

Semen Dauci in Cerevisia leptomera infusum, & bibitum ad stranguriam & calculum renū ac vesicæ miris laudibus efferunt nonnulli. Vid. Charletonum in lib. de Lithiasi. Helmontius vidit Confiliarium, qui per quindenā singulas solebat decumbere, usum prædicto decocto liberum à lithiasi vixisse per annos aliquot.

Seminis 3ij. vino albo infusæ & potæ hysterici paroxysmi medentur.

Tragus aliq; flosculum purpureum in media umbella valde prædicant pro certiss. Epilepsie antidoto. *V. J. B.*

- A. 3. *Pastinaca tenuifolia sylvestris lucida* Morisoni. *Tenuif. marina, foliis obscure virentibus & quasi lucidis* Botan. Monſp.

Hujus folia non sunt hirta, sed paulò latiora quàm præcedentis, spissiora, magis dissecta & lucida: Semen aliarum congenerum seminibus multò majus. Radix odorem habet aromaticum.

In humectis & pinguibus pratis ad oram maritimam Aremoricam exit: Monſpelii etiam in maritimis. Est cur dubitemus an hæc specie differat à vulgari sylv. an accidentibus tantum à loco natali ortis. *Locus.*

- \* 4. *Pastinaca tenuifolia sylvestris radice & umbellâ luteâ* Morisoni.

Umbellæ colore à prædictis distinguitur, quæ dilutè lutea, cū illarum perpetuò sint albæ.

Ex agro Patavino ad Autorem missum est hujus semen à D. Alex. Balam.

*Locus.*

- \* 5. *Pastinaca Tenuifolia Cretica radius umbellæ Gingidii longioribus* Morisoni.

Morif.

Hæc præcipuè notâ cognoscitur, quòd radios umbellarum producit quinas uncias longos, crassiores & rigidiores quàm sunt Vinsagæ radii: atque hi concavam constituunt superficiem nudi avis instar, dum sunt adhuc semine prægnantes; atque semina villosa hispida, Carotæ vulgaris more, sed multò majora & crassiora ferunt.

Hujus



Hujus semina è Mauritania Tingitana in Angliam delata communicavit D. Alexander Balam.

- \* 6. *Pastinaca tenuifolia* Sicula, *hirsuta crispa* Bocconi. An *Pastinaca* sylv. *hirsuta echinato fructu* C. B?

Bocc.

Pedalis est hæc planta, subinde majoris altitudinis. *Caulis* illi rotundus, hirsutus: *Folia* crassa, crispa, & illa quoque non leviter pilosa: *Umbella* latior, Crithmi spinosi formâ, at *Semina* asperiora quam sylvestris angustifoliae vulgaris.

Locus.

Inter Leocatam & Agrigentum nascitur in scopulo dicto S. Nicolo.

An *Pastinaca* sylvestris hirsuto caule Park?

- \* 7. *Pastinaca Syriaca* sive *Secacul Arabum* quibusdam J. B. *Sisarum Syriacum* C. B.

J. B.

Edulis est planta, & proin hortensis jure dicenda, licet in sylvestribus proveniat. *Radix* nititur exterius cinerea, intus candida, lævi, tenerâ, digitum crassâ, sesquidigitum longâ; ex qua fibrarum loco noduli seu verrucæ prominent: sapore dulci, Carotarum simili, quibus caule, foliis ac umbellâ (flosculis exceptis, qui penitus flavi sunt) haud absimiles sunt, autore Rauwolfio,

Locus.

Qui eam juxta sepes & hortos urbis Halepi, locis præsertim apricis, ut & sub arboribus observavit; item inter segetes.

Floris colore convenit cum *Pastinaca tenuifolia* sylvestri umbellâ luteâ Moris.

- \* 8. *Pastinaca sylvestris* *Daucoides* *Apula* Col. *tenuifolia sylvestris*, umbellâ majore C. B. *Sylv. Apula Columnæ* Park.

Col.

A *Pastinaca* sylv. vulgari, cui aliâs simillima est, differt *Folia* minoribus parum, paucioribus lobis divisis, longioribusque & aduncis: *Umbellis* majoribus respectu plantæ, floribus ex albo obscurè purpurascens: *Semine* oblongo, angusto, non echinato, sed hirsutæ quadam asperâ, minutâ, albicante obsito, gustu amaro, odoroque parum in mandendo. *Umbella* non in totum conglobatur arefescens & clauditur ut in vulgari, sed minus, ut *Avis nidum* cavum repræsentet. *Radix* lignosa, alba, dulcis, aromatica.

Locus.

Julio mense floret *Cirinola* cum congeneribus, Augusto semen perficit, nec frequens admodum, sed rarior.

## CAP. XX.

De Umbelliferis semine echinato seu aculeato, seu

De *Caucalide*.

**C**AUCALIS Lobelio à seminum effigie, quæ vascula oblonga & semisphærica imitantur, aut à Strepitu quem edunt hæc semina, cum præarida vindemiis exactis ventis concutuntur. *Καυκάλιον* autem vasis genus est ita dictum à sono quem edit dum aqua confertim ingreditur aere exeunte, & è contra.

1. *Caucalis albis floribus* Ger. *vulgaris albis floribus* Park. *arvensis echinata magno flore* C. B. *Lappula canaria flore pulchro magno, albo* J. B. *White-flower'd bastard Parslep*. *Echinophora πικνύγερος* an *Gingidium* *Dioscoridis* Col?

*Radix* tenuis, alba, subdulcis [esui apta, acris parum, amariuscule, aromatico odore vel Resinæ] *cauliculus* pedalem aut majorem interdum emittit, lævem striatum, solidum, virentem, in ramos ab imo divisum, partim rectos, partim procumbentes, striatos, hispido purpurascens, geniculatos, multisque alis concavos. *Folia* *Pastinacæ tenuifoliae*, hirsuta, [Col. lævia, quæ circa caulem latiora & majora primo erumpentibus] Ex singulis alarum geniculis longo & pedali nudo pediculo crassiore ac rectiore insunt umbellæ caulem & ramulos terminantes, florum alborum, quorum folia externa aliis duplo majora; quibus succedunt lappulæ oblongæ, fulcatæ, hispidae. [Umbellæ uniuscujusque basin, unde radii eum constituentes exeunt, circumstant quinque foliola stellata, quorum oræ limbo albo circundantur, eorumque unicum in longius duplo degenerat. Hæc, antequam flores in umbellam expanduntur, illos veluti folliculo inclusos servant. Umbellæ secundariæ & partiales ex quibus totales componuntur ad radiorum suorum basin seu exortum habent pariter quinque foliola minora albo limbo terminata stellatim disposita.] Cetera vide apud Fabium Columnam, qui omnes hujus plantæ partes curiosè & exactè describit.

Tempus & Vires.

Æstivis mensibus, Junio, Julio, Augusto foret & semen perficit. Inter segetes in Germania passim provenit.

2. *Cau-*



2. *Caucalis magno fructu echinato* Park. *Monspeliaca echinato magno fructu* C. B. *Echinophora altera asperior maninaga* Col.

Col.

Asperiora loca hæc amat, macilenta, inculta, saxosa, ficiōrāque, & à superiore differt radice, quæ minor est, alba, lignosa cum caulescit, sapore & odore aromatico, at dulciore: *Folius* etiam, quæ breviori petiolo hærent, & è medio illius circa summum densa magis, ut in sylv. *Pastinaca*, parum latiora, & in averfa parte parum in dorfo hirsuta. *Caulē* habet parem superiori, lævem, angulosum, solidum, medullā fungosā, eodem modo alis divisum; umbellas habentem cauliculis pedibus incumbentes quarum basis non quinque, sed tres foliola limbo etiam candicante circumscripta habet, quæ folliculi vicem gerunt antequam umbella prodeat, & longiora sunt illis alterius plantæ & angustiora, quorum tertium degenerat semper in longius, & in extremo incisuris aliquot dividitur. Ex basi umbella non rotunda & plena, sed tribus tantum corymbis trifida, in tribus petiolis, in quorum cacumine alia tria sunt foliola minora: florum basin conficientia. *Flores* densi, albi, stellati, & qui circumferentiam umbellæ terminant barbulas habent omnes minores multo antedictis; & non rotundam umbellam magnam, ut in antedicta, sed tres umbellulas ex singulis tribus illis petiolis efficere videntur. Differt hoc etiam, quod etsi *flores* densi & plurimi singulis petiolis insint, bini tantum fructus ad frugem perveniunt, ita ut sex tantum in tota umbella insint: majores verò antedictis duplo, ovales, compressi, unguis indicis digiti magnitudine, admodum asperi aculeis rigentibus, crassis, pyramidalibus, pungentibus, purpurascentibus, quorum aliqui majores ordine dispositi per latera, lævem canaliculum relinquunt, per quem ficcati fructus lateribus se dividentes dehiscunt, & bina semina ostendunt ovalia, compressa, magnitudine Melonis, parum ab una parte cava, & altera convexa, acri, amaro & aromatico sapore. In cacumine verò fructuum bina insunt cornicula sive apices recti, minimi.

Junio floret & Julio men se perficitur. Campoclarensum incultis.

J. Bauhinus Lappam boariam Plinii *Lugd.* *Caucalidis* flore rubente seu Lappulæ canariæ suæ la- Locus &  
Tempus.  
tifoliæ synonymam facit, non hujus cum Casparo fratre, quem Parkinsonus noster sequitur.

- A. 3. *Caucalis tenuifolia flosculus subrubentibus* *Caucalis arvensis echinata parvo flore* C. B. *Lappula Canaria flore minore seu tenuifolia* J. B. *Echinophora tertia* ~~antiqua~~ *purpurea* Col. *Cauc. tenuifolia purpurea* Park.

Col.

*Radice* habet albam, longam, simplicem, tenuem admodum: *Caulē* lignosum, solidum, angulosum & veluti striatum, medullā albā, fungosā farctum, aliquando vix pedalem, aliquando etiam cubito altiore, raris pilis hirtum, alis pluribus ab imo & supernè divisum, unde in latitudinem potius diffunditur quàm in altitudinem assurgit; *foliis* per genicula densis, incisuris tenuibus Dauci *Offic.* minoribus, internè tantum & per costas raris pilis hirsutis: è quorum alis petioli semipedales umbellas trifidas habentes, abique foliis illis basin constituentibus exeunt; sed nudi, tres petioli totidem umbellas gestant purpureas; inter se distantes, *flores* parvos admodum habentes purpuro-rubentes [ex albo purpurascentes:] quibus succedunt in singulis petiolis (tres autem umbellam constituent) tres fructus; ut novem quælibet umbella habeat, ique terna folia parva basin conficientia. *Fructus* hujus majores sunt superioribus, rotundiores, aculeis durioribus, crassioribus, lutescentibus, octo ordinibus per longum dispositis, intra quos breviores & viridiores alii sunt; in cacumine velut stellam habent viridantem. Hi non per latera dividuntur, sed per medium, ut *Fœniculi* semina [hæc verba non satis intelligo] & intus semina singula, alba, oblonga, rotunda, ex una parte canaliculata, velut *Triticum* aut *Far*, vel nudum *Hordeum*, cui paria sunt, vel oblongiora, sapore aromatico, amaro & acri.

Junio floret, Julio semina perficiuntur. Campoclari iisdem in locis cum superiore invenitur.

*Radix* & folia odore & sapore *Pastinacæ* aromatico.

Hæc planta à Columna descripta à *Caucalide nostra tenuifolia flosculus subrubentibus* in nonnullis differre videtur, ut v. g. florum colore purpuro-rubente; stellato fructus cacumine: loco etiam, [in asperis & incultis saxosis,] cum nostra inter segetes semper invenitur: denique odore & sapore *Pastinacæ* aromatico, cum nostra sapore sit leviter adstringente, odore nullo manifesto. Ut cunque tamen eandem specie plantam esse existimo, & differentias hæc natalibus imputandas. Observatur in nostra an nulla habet ad exortum trium pediculorum seu radiorum tres umbellas sustententium foliola necne: [nulla habet, ut modò observavimus.]

Nostram *Caucalidem* copiosè crescentem observavimus inter segetes in agro Cantabrigiensi circa Locus.  
*Kingston* & alibi: In transmarinis circa Genevam & hanc, & ejus varietatem cum spinulis purpureis, quam describit J. Bauhinus.

4. *Lappula canaria sive Caulalis maritima* J. B. *Caucalis pumila Hispanica* Boelii Park. *Cauc. pumila* Clus. cur. post. *pumila maritima* C. B.

*Radix* huic simplex, alba, longa, paucioribus fibris donata. *Caulis* initio simplex, in plures statim ramos majores spargitur, teretes, striatos, hirsutos. *Folia* Dauci vulgaris, tenuia, utrinque pilosa. *Florum* umbellæ longis pediculis insident. *Flores* autem singuli minutissimi, pallide purpurei, *Semina* grandia, echinata, aculeis feminibus concoloribus.

In arenosis litoris Siciliani passim & copiosè provenit. *Caucalidi* nostræ tenuifoliæ flosculus sub- Locus.  
rubentibus simillima, verum minor, & foliis utrinque hirsutis. Cherlerus *Folia* mollia, villosa, luteola, *Pectinis* *Veneris* dissectionibus ei ascribit.

A. 5. *Cau-*



- A. 5. *Caucalis arvensis echinata latifolia* C. B. item *Caucalis lato Apii folio* ejusdem, ut videtur. *Lappula Canaria latifolia* sive *Caucalis* J. B. *Caucalis Apii foliis flore rubro* Ger. *Echinophora quarta major* *καλὴνικα* G., purpurea Col. *Caucalis arvensis latifolia purpurea* Park. item *Caucalis Anglica flore rubente* ejusdem. Item *Caucalis major saturè rubente flore* ejusdem & Clus.

Col.

Hujus radix eodem colore, sapore aromatico & effigie est, in adultis lignosa, paucis fibris divisa: *Folia* majora aspera, dura, latiora, quinque vel senis lobis oblongis, Sorbi modo divisa: singuli lobi trium digitorum sunt longitudine, unius latitudine, per ambitum profundis incisuris divisi Quinquefolii majoris modo. *Caulis* bipedalis est, alis divisus, rotundus, striatus ut angulosus videatur, asper albâ hirsutie, umbellas edens, ut in penultima trifidas, sed breviori petiolo & crassiori impositas, basin habentes trifoliam, sed juxta flores pentaphyllam. *Flores* quidem purpurei, quàm superioris majores barbulae illas etiam habentes, quibus succedunt *fructus* quini in singulis petiolis, alperi, striati, ut quindecim singulis umbellis insint, superioribus minores, molliores, viridioribus aculeis. *Semen* verò ut in superiore minus & aromaticum. Eodem modo fructus dividuntur atque perficiuntur, eodémque tempore floret. Campocleri depressioribus locis atque humentibus parum: In agro Cantabrigiensi & alibi inter segetes, sed minus frequens invenitur.

Locus.

Lobelius hanc describere videtur sub titulo *Caucalidis* alterius purpurascens, foliis latioribus & crassioribus, semine etiam majore. Clusius nomine *Caucalidis saturè rubente flore*.

De *Caucalide* Matthioli quamvis planta sit non consentiunt Botanici. Fortè figmentum est ex diversarum plantarum partibus compositum. C. Bauhinus Synonyma *Caucalidis* confundere videtur.

- A. 6. *Caucalis minor flosculis rubentibus* Ger. emac. *minor flore rubente* Park. *semine aspero, flosculis rubentibus* C. B. *Anthriscus quorundam semine aspero hispido*, J. B. *Hedge Parslep*.

*Caule* surgit sesquicubitali, hirsuto, aspero, geniculato. *Folia* multis pinnarum conjugationibus composita, circa margines dentata, impari in extremo productiore, obscure rubentia, hirsuta. In summis caulibus & ramulis umbellæ parvæ *florum* ex albo rubescentium quibus succedunt semina parva, oblonga, hispida prætereuntium vestibus adhaerentia lapparum modo. Planta est annua.

Locus.

Ad sepes passim observatur, æstate floret.

- A. 7. *Caucalis segetum minor Anthriscus hispido similis. Caulis pumila segetum* Goodyero.

Hæc & antecedens planta, quamvis inter se admodum similes sunt, in nonnullis tamen manifestè differunt. Primò illa procerior est, quippe quæ ad bicubitalem altitudinem non raro accedit, hæc humilior quæ pedem aut certè cubitum unum vix unquam superat. 2. Illa erectior est & internodiis longioribus, hæc tortuosa & sparsa geniculis frequentioribus. 3. Illius caulis propè terram hirsutior est quàm hujus. 4. Illius flosculi albi vel etiam dilutè rubentes petalis constant æqualis ferè magnitudinis & stamina continent purpureis apicibus capitata, cum hujus flosculi ad luteum vergentes petala duo exteriora interioribus manifestò ampliora obtineant, apicibus autem albis staminula donantur. 5. Hujus semina multò ampliora sunt, apiculis in summitate viridibus; illius longè fragrantiora magisque aromatica, coloris obscurioris, apiculis purpureis. Denique illam extra sepes & vepreta haud temere apud nos reperies, hanc in sepius nunquam, plerumque inter segetes.

Locus.

*Caucalis nodosa echinato semine* C. B. Ger. emac. Park. *nodoso echinato semine Anthriscus hispido affinis, si non ejus varietas perperam* J. B. *Knotted Parslep*.

Ex radice oblonga, tenui, alba bini ternive aut plures caules, qui dein in alios dividuntur, rotundi, striati, asperi, in terram plerumque striati, alii bipalmes aut minores, alii cubitales; quos folia vestiunt *Pastinacæ* similia, breviora tamen & pauciora, multoque tenuius divisa, aspera, alata, ex virore nigricantia. Ad singula penè internodia foliis ex adverso *Flosculi* exigui, albi conferti, brevissimo pediculo insidentes, velut cauli arctè adhaerent, quibus succedunt semina plurima, parva, echinata, conglobata.

Locus.

Ad agrorum margines & in aggeribus terrenis, maritimis præsertim plurima.

- \* 8. *Caucalis Daucoides Tingitana* Morisoni.

Morif.

Sub primum exitum è terra & antequam excaulescat, ejus folia adeò Dauci seu Carotæ foliorum sunt æmula, ut pro Dauco accipi possit. *Caules* pedales & bipedales producit; in quorum summis proveniunt flores albi, qui antequam expandantur purpurascunt. Horum singulis delapsis succedunt bina semina, oblonga, compacta, longissimis & tenuissimis aculeis donata.



- A. 9. *Myrrhis sylvestris seminibus asperis* C. B. *sylv. Neapolitana atque etiam Anglicana* Park. *Cerefolium sive Myrrhis nova Aquicolorum Columnæ* Ger. emac. *Cicutaria quodammodo similis, vel Chærephylo accedens* J. B. *Small Hemlock Chervil with rough seeds.*

Col.

*Radix* habet albam, oblongam, teneram, in summo crassam, paucis & tenuibus fibris divisam, in summo per obliquum rugosam, vulsu facilem, sapore dulci, aromatico, parum gravi, ad Carotam quodammodo accedente. *Folia* prima admodum brevia, & divisura rotundiore veluti Fumariæ; at succedentia post quatuor aut quinque, in bipedalibus petiolis cavis, canaliculatis, in imo latis, succosis admodum, majora, Cicutæ æmula sed minora, lævia, splendida, præsertim infernè, sed nervis & petiolis rarâ mollique lanugine albâ hirsutis, superne antequam caulem edat maculis albis atque etiam purpurascensibus aspersa; atque tunc tenella Cerefolii vice legunt eduntque in acetariis, *Cerefolium sylvestre* appellantes, gustu simili, parum amariuscule. *Caulem* edit bicubitalem, Cicutæ æmulum, atque ferè parem in locis terrenis, pollicis magnitudine, (in saxi verò brevem admodum & bipedalem atque tenuem) tenerum, lævem, rotundum, inanem, succosum, esculentum, ad dodrantalia interstitia geniculis distinctum, in quibus folia majora vel maximis ante caulem editis, petiolis hirsutis, amplis, bipedalibus atque etiam longioribus, Cicutæ foliis, nisi minora parum essent, admodum similia. In summo alæ multæ è foliorum sinubus prodeunt; atque hoc à Cicutâ differt, quòd umbellæ secus alas palustris Apii ritu hærent, non summis caulibus & ramulis insident, ut in aliis Umbelliferis. *Flores* albi, tenues. *Semina* oblonga, hirsuta, teretia Anisi modo, asperiora, vestibus hærentia, cacumine longo, sapore aromatico acri parum & dulci, amarore quodam mixto non ingrato.

In aggeribus & muris terrenis, interdum & lapideis, locisque ruderatis non rarò occurrit. Floret *Locus & Tempus.* & semen fert Maio & Junio, interdum serius apud nos in Anglia.

## C A P. XXI.

### De Pastinaca maritima seu

#### Crithmo spinoso.

1. *Crithmum spinosum* Ger. *maritimum spinosum* C. B. *marit. spinosum sive Pastinaca marina* Park. *Pastinaca marina, quibusdam Secacul, & Crithmum spinosum* J. B. *Prickly Sampire or Sea-Parsnep.*

J. B.

**P**astinacæ marinæ *radix* crassa, tenera, alba, gustu gratissima, dulcis & rugosa, ut Pastinacæ sativæ latifoliæ. *Folia* crassa, duos ferè palmos longa, spinosa, crebris divisuris incisa, sapore aromatico cum quadam salugine. *Caulis* cubitalis, in multos divisus ramos, quibus insident umbellæ spinosæ, floribus parvis, albis donata. *Semen*, describente Morisone, striatum, majus, binatim junctum, oblongâ thecâ, cartilagineâ, sursum spinosâ obductum habet. Cum nondum capsulam hanc aperuissem (inquit) unico semine constare putavi, sed eadem scissâ, bina semina ibidem latentia, magna, striata inveni. Nos dissectis aliquot hujusmodi thecis unicum duntaxat intus semen invenimus, non tamen negamus naturaliter bina inesse debere.

In arenosis Maris Mediterranei litoribus nusquam non obvium est hoc genus.

*Locus*

2. *Daucus stellatus* Alpin. exot. *stellatus Creticus* Park.

Planta est fruticosa, cubitalis longitudinis, magnæque latitudinis, odorata & aromatica, unicaulis, sed propè radicem foliosa. *Folia* verò cum suis caulibus Petroselinò quàm proxima apparent (ramuli etiam pariter divisi) Daucum Creticum ferè redolentia, linguamque excalefacientia. Inter quæ exit *Caulis* rectus, rotundus, hinc indè ramificatus, eadem folia ferens: in ramulorum verò cacumine *flosculi* lutei umbellatim ferè producuntur, à quibus fiunt *fructus* parvi, oblongi, inferius lati, & habentes quinque spinas, parvas, stellarum modo flavescentes bases fructuum circundantes, à quibus sursum quædam parvæ fibræ, quippe quinque vel sex, velut in conum desinentes procedunt. Fructus hi mirabili profectò artificio à natura elaborati videntur, suntque odorati atque aromatici. *Radix* longa, crassa, carnosa, Petroselini aut Pastinacæ similis, odorata atque aromatica, quâ indigenæ vescuntur & crudâ & coctâ in acetariis: cruda autem elixata maximè facit ad Venerem excitandam augendamque.

Accedere videtur ad Pastinacam marinam, & fortasse non differt à planta præcedente.

- \* 3. *Pastinaca echinophora* Apula Col. Park. *sylv. angustifolia fructu echinato* C. B.

Col.

*Radix* habet cubitalem, digiti crassitie, longam, æqualem, Eryngio similem, foris flavicantem, intus albescentem, nervo intus tenui, cortice carnoso, sapore ferè aromatico non ingrato, cum acrimonia quadam & amarore dulci mixto, succosam in minutis vetustis. In novellis radicibus adeò

Ss

gratus



gratus est sapor, ut quilibet eis quàm libentissimè vescatur. *Folia* promit vere, in terra strata Pastinacæ sativæ tenuifoliæ æmula, non ita ampla, minúsque lata, divisurâ tenuiore admodum, carnosiora tamen, media inter marinam & terrestrem [plantam] parùm acuta, leniter hirsuta, & ex viridi albicantia propter hirsutiem: *Caulem* crassum, cubitalem, undique foliosum, alarumque copia & densitate singulis geniculis reflexum. Alæ in orbem obliquæ & resupinæ plantam conglobant, ut rotunda sit plantæ tota effigies atq; coma, ut Libanotidis cachryferæ, atque rotundior. In alis verò foliola minora, minúsque, divisa atque carnosiora, rotundiora, acutiora, asperiora & duriora, Pastinacæ litoralis similia, ex quorum sinu alia alæ breviores prodeunt, ut densa & orbiculatæ plantæ effigies videatur ob alarum multitudinem obliquè se propagantium. In illarum cacumine *flores* in umbellis Pastinacæ prædictæ ritu Julio & Augusto mense exeunt, ex basi sex foliolis crassis, acutis [composita] sicut & ipsa umbella pungentibus; in medio plantæ supra caulem primum, deinde in reliquis alarum cacuminibus à summo [se explicare] incipientes, quare diutius floret. Septembri mense pericarpia remanent aculeata, dura, sex radius divisa, supra quæ totidem apices elewantur densi, qui flores erant prius, *seménque* occultant ovali figurâ, rotundum, oblongum, cortice flavescente, medullam intus pullam ex flavo habens, sapore aromatico. Octobri perficitur, caulisque ab radice primis imbribus ficcatus marcescit, atque divellitur, ut locum in quo erat non reperias. Vento quidem ita divulsus vagatur per campos, globosâ suâ facie hoc adjuvante.

Locus.

Campestribus, ficcis, sterilibus tophaceis gaudet semitis, viarum marginibus, marginumque fossis Cirinolæ in Apulia.

Differt à Pastinaca marina vulg. foliorum magnitudine, densitate atque multiplici & tenui admodum divisura, Pastinacam magis æmulante; radice majore, suaviore, &c. quantumvis semine similibus videatur.

## CAP. XXII.

## De Coriandro.

**Q**uin foliorum viridium contritorum fœtor cimum æmulus huic plantæ *coriandri* nomen fecerit, minimè dubium est.

Seminum striatorum figurâ perfectè sphericâ ab aliis omnibus Umbelliferarum generibus distinguitur; sive singuli globuli unicuique flori succedunt, ut in Coriandro sativo; sive gemini ut in sylvestri minore. Folis primis seu infimis latis, superioribus tenuiter incisus cum Aniso convenit, & ab aliis Umbelliferis differt.

*Coriandrum* J. B. Ger. *Coriandrum majus* C. B. *vulgare* Park. *Coziander*.

Recta & simplex tenuisque est *radicula*, omnino paucis fibris donata, candida. *Caulis* simplex, cubitalis aut sesquicubitalis, teres, glaber, medullâ fœctus, nulla intus cavitate, gracilis, ramosus. *Folia* imâ lata, pinnata, & circa margines duntaxat incisa, Anisi aut potius Petroselinii similia; superiora in caule tenuissimè dissecta, ut ad Chamamelina accedant. Summo cauli & ramulis insident florum *umbellæ* albæ, tantillo rubore tinctæ. *Flosculi* singulares, ut in reliquis Umbelliferis, quinque foliis constant, quorum extimum amplissimum, & ad unguem ferè bifidum, proximum utrinque bisectum quoque, segmento altero amplo, altero minimo; intima duo minima. Singulis flosculis in unica & rotunda striata crusta arctè junctâ bina succedunt *semina*. Odor plantæ fœtidus & ingratus cimum; seminis verò tum odor tum sapor gratissimus & aromaticus.

Descriptio est J. Bauhini, à nobis interpolata.

*Coriandrum minus odorum* J. B. Park. *minus testiculatum* C. B. *Coriandrum alterum minus odorum* Ger. emac.

Ima folia habet minutiùs incisa, & *semen* habitius, copiosius, in pluribus spithamæis procumbentibus cauliculis. Præterea insigni notâ à præcedenti specie differt, nimirum seminibus binis, testiculorum in modum simul junctis unicuique flosculo succedentibus. Virentis etiam herbæ odor multò magis fœtidus & ingratus, autore Morisfono, qui hanc speciem à sequenti nimirum Coriandro altero fœtidissimo C. B. non separat.

E contra Bauhinus uterque hanc ab illam diversam faciunt, utri rectiùs nos latet, quibus plantas ipsas nondum videre contigit. Suspiciamus tamen unam & eandem speciem esse hanc & illam, cum nihil sit in descriptionibus quod repugnet.

*Coriandrum alterum fetidissimum* Park. C. B. *Coriandrum sylvestre* J. B.

*Radix* huic est singularis, tenuis, non altiùs demissa, cui radicula aliquot tenues adnascuntur. Hæc caules multos edit, quinque angulis constantes, solidos, geniculatos. Ramuli incerto ordine similiter solidi è singulis geniculis prodeunt, folia ferentes summis Coriandri sativi foliis similia, sed minora, in quorum cacuminibus umbellæ velut in illo, floribus ex purpureo candicantibus refertæ; quibus discussis *semen* oritur rotundum, id peculiare habens, quòd in singulis pediculis duplex sit, & unum alteri junctum. Odor totius plantæ gravior quàm Coriandri sativi & caput magis tentans.

Vires:

*Coriandrum* frigidum esse scribit Dioscorides, argumento quòd Erysipelas curat; quem prolixè refutat Galenus. Galeno refragatur Avicenna, & pro Dioscoridis sententia pugnat. Jam vulgò calidum censetur.

De



De Coriandri facultate venenata non convenit inter Botanicos & Medicos. Dioscorides epotum raucitatem facere, atque insaniam qualis ex vinolentia proficiscitur scribit. Simeonis Sethi. Hujus succus potus venenum est & occidit; toto verò corpore Coriandri odor se prodit. Plerique etiam Arabes Coriandro frigidam facultatem, narcoticam, stuporem inducentem atque sensusturbationem excitantem, ac exitum tribuunt. His astipulatur Matthiolus, qui proinde asserit semen in ciborum aut medicamentorum usum nunquam admitti debere, nisi prius triduo aceto fuerit maceratum. Tragus etiam, qui monet seplasiarios, ne semen cuiquam nisi prius dicto modo præparatum, vel cum saccharo vendunt, nisi venenum loco remedii exhibere velint.

His adversantur Lobelius, & Alpinus, qui asserit herbæ etiam virentis usum in cibo esse apud omnes Ægyptios familiarissimum. Utcunque hoc medicamento propter malignam vim, quæ ei à multis dubio procul non absque experientia tribuitur, præsertim non præparato, non temere utendum censet J. Bauhinus. Malignitatem arguit fœtor plantæ digitis comminutæ teterrimus. Et licet Hispani, autore Amato, frequentissime illâ utuntur & pro Cordiali habent; tamen experientia docuit Monachos in Mesuem propter hunc usum Hispanorum plurimos esse fatuos, ob quorum curam tam frequentia sint Hospitalia: ita (inquit C. Hofm.) in Ægypto esse potest, licet Alpinus non observarit.

Semen Stomachicum imprimis est, claudit sci. ventriculum, exhalationemque suppressit, quò minus caput gravent, ructusque producant: insuper & strumas discutere creditur.

Porro seminum saccharo incrustatorum magnus apud nos [Germanos] usus est in adjuvanda concoctione ventriculi. Habent enim aliquid adstrictionis, ob quam etiam usurpantur in hæmoptysi & ventris fluxibus. Tum autem torrefactum ferè damus, quemadmodum cum lumbricorum interficiendorum causâ. Monendi verò sunt nimis audaces, nè frequentius utantur & sine præparatione. Utut enim semina minimum habent humidi illius excrementitii, habent tamen aliquid. C. Hofman.

Semen tritum, & recentibus carnibus aspersum prohibet nè putrescant tam citò quam solent æstivo tempore, si Matthiolo fides.

## SECTIO QUARTA

### De Plantis Umbelliferis foliis simplicibus.

#### CAP. I.

##### De Perfoliata.

**P**ERFOLIATA J. Bauhini judicio tam Dioscoridi, quam aliis Veteribus indicta est. Perfoliatam recentiores ex eo appellant, quòd caulis ejus singula folia pertranseat, penetret atque difsecet. *Διάφυλλον* Græcè dicitur Schwenckfeldio, quod nomen an aliquis ante ipsum legerit nos latet. J. B.

- A. I. *Perfoliata vulgaris* Ger. Park. *vulgarissima sive arvensis* C. B. *Perf. simpliciter dicta, vulgaris annua* J. B. *Chozot-war*.

*Radix* simplex, alba, lignosa, adnatis aliquot donata, sapore Rapunculi suavi. *Caulis* singularis tenuis, rigidus, glaber, teres, striatus, concavus, geniculatus, pedalis aut cubitalis, odore nonnihil aromatico cum discinditur rumpiturve nares feriens (inquit J. Bauhinus.) *Folia* ex rotundo oblonga & ferè ovalia, glabra, glauca, nervosa nervulis à centro in circumferentiam folii oblique excurrentibus, margine æquali: quæ caulis perforat, propè summitatem in ramulos aliquot divisus, in quorum summitatibus umbellæ radiis pluribus compositæ, quorum singulis insident umbellæ secundariæ parvæ, foliis majusculis obvallatæ. *Flosculi* singulares parvi, flavicantes, brevibus pediculis fulci. *Semina* singulis succedunt bina, striata, breviuscula, altera parte acutiora, fusca seu pulla per maturitatem.

Nullibi in Anglia quàm inter segetes invenimus.

Perfoliata flore multiplici C. B. Park. i. e. crispa seu muscosa Cam. nihil aliud est quàm prioris varietas degener, ex ejusdem semine orta. Locus. Varietas.

Inter eas numeratur quibus solidandi ac ferruminandi vis est. Datur decoctum herbæ ex vino *Vires.* paratum, aut folia in pulverem trita internis affectionibus, ruptis & ex alto delapsis. Ad ramices intestinorum, præsertim puerorum [imprimis autem umbilici. Schrod.] commendatur, sive intrinsecus sumpta, sive extrinsecus cum farina & vino recens tusa & imposita. Strumas etiam hoc modo adhibita resolvit. Ad fracturas etiam, hernias, & erysipelata magni usus esse perhibet Schwenckfeldius.

Exomphalon seu Umbilici prominentiam usu seq. remedii solidè consolidavi (inquit Simon Paulus.) & Herbæ Perfoliatæ cum toto M. i. Auriculæ muris, Herniariæ, Plantaginis, Musci, Acaciæ nostratis ana Mss. quæ in sufficienti quantitate Vini rubri l. a. cocta loco affecto applicabatur. Ex excerptis D. Hulfe. J. Bauhinas



J. Bauhinus *Perfoliata* species recensens secundo in loco meminit cujusdam quam crispam seu muscosam vocat: Verum in Historia edita non describitur.

- \* 2. *Perfoliata annua longioribus foliis* J. B. *minor ramis inflexis* C. B. Park.

J. B.

Annua huic vita, ut vulgari. *Caules* non surrigit, sed per humum sparsos edit, ramosos, cubitales, crebris ceu geniculis interceptos: *Folia* transadigentes, quæ vulgari longiora, modicè acuminata, quinque septenisve per longum excurrentibus venis donata, quæ tamen à montana foliorum longitudine vincuntur. *Flores* in summorum foliorum acetabulis sessiles, lutei, Auriculæ leporis similes. *Radix* tenuis, gracilis, multis adnatis divisa.

Locus.

Hanc J. Bauhinus in horto Stutgardiano E. C. visam descripsit.

- \* 3. *Perfoliata Alpina magna longifolia* J. B. *montana latifolia* Park. C. B. *An Perfoliata Alpina angustifolia media* C. B?

J. B.

Major, majoribusque foliis donata est Alpina *Perfoliata*, iis verò oblongis, palmaribus & amplioribus, ad *Perfoliatæ* filiquosæ folia accedentibus, quæ nec aliter caules trajicit, pinnarum duntaxat alis caulem complexa, verum superiora folia propius ad *Perfoliatæ* vulgaris accedunt, ex oblongo nonnihil rotunda. *Flos* parvus, luteus, foliis rotundis obvallatus. *Semen* oblongum, striatum, majus quam *Perfoliatæ* vulgaris. *Radices* crassæ, perennes.

Dubitat C. Bauhinus an hæc eadem sit *Perfoliatæ angustifoliæ Alpine mediæ* titulo sibimet in Prodomo descriptæ: quod nos libenter credimus, cum tot inveniri *Perfoliatæ* species quot ille proponit minimè verisimile videatur.

4. *Perfoliatum angustifolium montanum* Col. *Perfoliata minor angustifolia Bupleuri folio* C. B. *Perfoliatæ angustifoliæ Alpine minimæ* Park. *Auriculæ leporis affinis Odontitis lutea Valerandi & Dalechampi* J. B.

Col.

Inter vepres in collibus Campoclarensum plantula hæc invenitur, *radice* tenui, pusilla, singulari, lignosa; ex qua *folia* angusta, oblonga, triuncialia, lævia, duriuscula, per longum nervosa, Bupleuri angustifolii modo, colore atrovirentia in pinguioribus, & pallentia in ficcioribus & sterilioribus locis, & molliora, bina ex opposito, uno versu ferè disposita in imo *caule*, qui singularis, ferè dorsalis, tenuis ut festuca, angulosus, paucis deinde foliolis alternatim hærentibus, in summo habens velut *umbellam* foliaceam, *Perfoliatæ* vulgaris modo. Hujus *umbellæ* basis quinque foliolis stellatæ modo radiantibus constituitur oblongis in acutum desinentibus, Myrti effigie, parvis, pallidis, cartilagineis, inter quæ veluti Corymbi ex parvis petiolis brevibusque prodeunt quinque aut pauciores, *flores* habentes luteos, pusillos, coacervatos, basin etiam stellatam, quinquepartitam; angustifoliam, minorem prima, *Perfoliatæ* vulgaris ritu habentes, quæ seminibus se perficientibus pericarpium modo illa concludit, ut etiam in *Perfoliatæ* observatur. *Semina* bina Ammeos Apuli magnitudine, ex nigro rubentia, parva, dura, translucida, sapore parum aromatico, sicuti etiam & *radix* magis, quamvis admodum tenuis sit. *Folia* verò & *caulis* amaro sapore sunt atque etiam semen. Junio floret & perficitur.

Locus.

In agris quibusdam Sicilia sterilioribus propè Puncto Cercio, non longè à Castello Puzza co-piosam invenimus. Vere copiosè reperitur in colle Ferran ultra pontem Castri novi, & in ficcis ac squallidis locis la Colombiere propè Monspelium. Botan. Monsp.

5. *Perfoliata minor foliis gramineis* J. B. *Alpina angustifolia minima, vel Bupleurum angustifolium Pyrenaicum* C. B. Park.

J. B.

Crassiusculam habet *radicem*, & terram versùs comosam, ex qua *caules* pullulant plures, palmares, pedales & cubitales, teretes, striati; per quos *folia* acuta, basi latiore caulem complexa, unciam unam & alteram longa, semunciam circiter lata, alia verò graminea palmo etiam longiora, culmum lata. *Umbellæ* inæqualibus constant muscariis *flosculorum* luteorum, foliorum rotundorum vallo munitorum.

Locus.

In summis montibus max. Carthusianorum cœnobio imminentibus hanc collegimus.

Huic plantæ C. Bauhinus *radicem* tenuem, rufescentem & serpentem attribuit: Ad Bupleurum potius referenda videtur quàm ad *Perfoliatam*.

Præter superius descriptas *Perfoliatæ* species, alias multas proponit & describit C. Bauhinus in Prodomo, quas omnes specie distinctas esse à descriptis, & inter se, ut credamus ægrè à nobis impetramus: utcunque tamen nè incredulitas nostra Lectori Philobotano fraudi sit, eas huc transcribere non gravabimur.

- \* 6. *Perfoliata Alpina latifolia minor* C. B. Prod. Park.

C. B.

*Radice* est unicâ, rufescente, paucissimis fibris capillatâ: *Caulis* ejus gracilis, teres, glaber, cavus, cubito altior, in ramulos quali in umbella dispositos distribuitur, quem *folia* glabra, venosa, sesquunciam lata, Vaccariæ foliis similia, basi latâ medium amplexantur: In cauliculis fastigiis *umbellæ*,

*bellæ*, unâ cum foliolis exiguis, *flosculis* tenuibus, subluteis, quibus *semen* oblongiusculum, nigricans, angulosum succedit.

In Helvetiorum Alpibus reperitur.

Locus.

- \* 7. *Perfoliata Alpina angustifolia major* C. B. Prod. Park. *sive folio anguloso.*

C. B.

*Radicem* habet unicam, oblongam, rotundam, crassam, nigricante cortice tectam, minimè capillatam; ex qua prodeunt *folia* plura, pallidè virentia, glabra, pedem longa, unciam vel fescunciam lata, longis pediculis donata. At *folia* caulem amplectentia angulosa sunt & acuminata, rarius bina, hederæ modo angulosa, ex opposito sita. *Caulis* rotundus est, glaber, cavus, sesquicubitalis, quasi foliorum basin penetrans, cujus summo quina *folia* lata, in orbem disposita insident, eo modo quo in *Tithymalo*, unde pediculi seni, septeni longitudine impares prodeunt, quibus unâ cum foliis parvis, rotundis *flores* parvi, ex luteo rufescentes insident.

In Pyrenæis non longè Narbona oritur.

Locus.

- \* 8. *Perfoliata Alpina angustifolia media* C. B.

C. B.

A præcedente sola magnitudine & foliorum angustia differt. E monte Gothardo habuit.

Pro *Perfoliata longifolia* Dalechampii in Hist. Lugd. picta videtur. At *Perfoliata longif.* Dal. est *Perfoliata Alpina major longifolia* J. B. eademque *Perfoliata montana latifolia* ipsius C. B. ex opinione Parkinsoni, ipsius C. Bauhini atque etiam nostra. Vereor nè C. Bauhinus ex una planta duas, tresve fecerit.

- \* 9. *Perfoliata Alpina angustifolia minor* C. B. Park.

*Radice* est rufescente, ad quam *folia* multa, atrovirentia, graminea, semipalmaria. *Caulem* habet unum, aliquando geminum, pedalem, rotundum, glabrum, quem *folia* pauca, acuminata, basi sua latiore ambiunt, in cujus summitate veluti *umbella*, ut in vulgari *Perfoliata* ex qua ramuli emergunt *flores* rufescentes cum feminibus sustinentes.

Ex Sumano monte & Vallelianorum Alpibus habuit.

Locus.

- \* 10. *Perfoliata Alpina gramineo folio, sive Bupleuron angustifolium Alpinum* C. B. *Bupleuron angustifolium Alpinum* Park. *Sedum petreum Bupleuron Bupleuri folio*, [flore verius] Ponæ in Baldo. Ger. emac.

Ponæ.

Est illi unica *radix* crassa, teres, sine fibris, sed quibusdam quasi tuberculis hinc indè erumpentibus, crasso cortice obvoluta, intus pallida, extra in rubore nigricans, ad summum cubitalis, superne partita (ut in Geranio nostro Alpino) *Folia* angustifolia Bupleuri omnino similia, ex protuberantibus illis partitionibus copiosè emanantia, & in circuitum sese expandentia: *flores* autem ex septem foliolis aliquantulum mucronatis, in luteo palleſcentibus profert, in summitate *caulis* tereſis nudi, & dodrantalis, in quorum medio *semina* Umbellæ modo graviter spirantia existunt, atque hæc ut in eodem Bupleuro: gustu refert Cinaræ saporem.

Floret Idibus Julii; & Idibus Augusti colligitur semen.

*Florum foliola quæ vocat sunt potius folia Umbellarum partialium bases cingentia.*

Tempus.

## C A P. II.

### De Bupleuro sive Auricula leporis:

**A**uricula leporis à foliorum similitudine dicta herba à Botanicis nonnullis Antiquorum Bupleuron existimatur, an rectè non disputabimus: quin sive rectè sive fecius, quod usurpavit nomen per me licet retineat.

1. *Bupleuron folio subrotundo sive vulgatissimum* C. B. *Auricula leporis Umbellæ luteæ* J. B. An *Bupleuron angustifolium* Park? The most common broad or round-leaved Hærescar.

J. B.

*Radix* ei parva, rugosa, subviridis, fibrata, sapore acri: *caulis* tenuis, teres, lævis, striatus, crebris geniculis donatus, intus inanis, altitudine cubiti unius aut duorum, ramis multis concavus, colore subrubente interdum, aliàs viridi: *folia* præsertim quæ in caulibus existunt, longiuscula, stricta, nervis secundum longitudinem pluribus donata; inferiora autem latiora sunt. *Flores* Fœniculi lutei, in Umbellæ minus patulâ: quibus *semen* succedit Petroſelinî, acre.

In Germaniæ & Italiæ montosis, ad sêpes & in dumetis copiosè provenit.

Parkinsonus & Gerardus vel hanc speciem omittunt, vel Bupleuron angustifolium perperam appellant. Figura tamen Dodonæi quæ habetur apud Gerardum est alterius plantæ, nempe *Bupleuri angustifolii* nobis dicti; cui etiam descriptio Dodonæi non ineptè convenit. Errat ergo C. Bauhinus.

Locus.



nus qui *Bupleuron angustifolium* Dod. & *Auriculam leporis* Monspelienſium Geſn. *Hiſt. Anim.* Bupleuri vulgatiſſimi folio ſubrotundo, ſynonyma facit. Hunc ſequitur Parkinsonus, adeoque duas plantas confundit, ut ex deſcriptione patet.

2. *Bupleuron folio rigido* C. B. *latifolium* Monspelienſe Ger. *latifolium* Park. *Auricula leporis altera, ſive rigidior* J. B. **Stiff-leaved Hares-ear.**

J. B.

in Differentia in folio eſt, quod non tantum majus, ſed etiam craſſius, rigidius, nervoſius, modice acumen deſinens, introque flexis oris concavam carinam, ſeu potius Leporinam ſurrectam auriculam referens.

Locus.

In ſylvis & dumetis propè Monſpelium frequens cernitur. Julio & Auguſto menſibus floret.

3. *Bupleuron minus angustifolium* Monspelienſe. An *angustifolium* Monspelienſe Ger? B. *annuum angustifolium* Botan. Monſp. *angustifolium* Dod. **Narrow-leaved Hares-ear.**

Hoc an à quoquam deſcriptum ſit nescio. *Auriculâ leporis minimâ* J. B. majus eſt & elatius, cubitali altitudine: *caulibus* teretibus, majoribus & firmioribus quàm illius, non ſtatim ab imo ramosus, ſed aliquouſque foliis duntaxat veſtitus, alternatim poſitis, duas aut tres uncias longis, anguſtis, acutis. Superiore caulium parte ramuli è foliorum alis exeunt, ipſi in ſurculos pratenues ſubdiviſi, qui ſhoſculos & ſemina eis ſuccedentia in ſummo geſtant. Sunt autem *Umbellæ* (ſi ita appellare licet) minimæ, duobus tribuſve ſhoſculis compoſitæ, ad quarum baſin quatuor [forte quinque] foliola tenuiſſima & breviſſima. *Semina* ſingulis ſhoſculis ſubſunt pro more bina juncta, Apii ſerè magnitudine & colore. Ad exortus ramulorum ſingulos unum duntaxat folium appoſitum obſervavi, non bina ut in *Auricula leporis* minima à qua hæc ſpecie omnino diſtincta eſt planta; nam & illa etiam non minus quàm hæc, imò copioſius circa Monſpelium provenit.

Hæc ex ſicca, nam virentem deſcribere negleximus, quia tum ab aliis ante nos deſcriptam putavimus. *Bupleuri angustifolii* icon apud Dodonæum plantam nobis deſcriptam optime repræſentat; deſcriptio etiam bene convenit, unde minus rectè C. B. *Bupleurum anguſtif.* Dod. *Bupl.* folio ſubrotundo vulgatiſſ. ſynonymum facit.

- A. 4. *Auricula Leporis minima* J. B. **The least Hares-ear.** An *Bupleuron minimum* Col. Park? *angustifolium* folio C. B?

*Radice* habet ſimplicem, candidam, duram, lignoſam, fibris aliquot exiguis præditam. *Cauliculum* ſurrit ſæpius unicum, interdum plures, gracilem, teretem, rigidum, ramosum ab imo ſtatim ad ſummum uſque. Rami longi, rigidi, in alios iterum ramulos diviſi, alternatim poſiti, propè fundum imâ caulis parte crebri, ſeu ad breviora intervalla, ſuperius rariſſi ſeu ad intervalla longiora ſiti ſunt. *Folia* anguſta, oblonga, craſſiuſcula, colore glauco, duriuſcula, & *Caryophylli* foliorum quodammodo æmula, ſed minora pro plantæ modo & breviora, ad ſingulos ramorum exortus ſeu genicula bina, alterum longius & majus, alterum brevius & minus.

*Floſculi* & ſemina in ſummitatibus caulis & ramorum conſiſtunt, quatuor aut quinque ſimul, quandam quaſi *Umbellam* efficientes, quæ ad radiorum ſuorum exortum quinque ſemper longis anguſtis & acutis foliolis cingitur, quæ calicem quendam repræſentant: Inferiorum *Umbellarum* radii nonnulli altiùs aſſurgentes, alias ſubinde ſecundarias in ſummo gerunt *Umbellas*, ad modum ferè *Herbæ Impiæ* dictæ, aut florum proliferorum. Flores lutei *Umbellatarum* ſimiles ſeminibus inſident binis pariter junctis, ſtriatis, brevibus, Apii.

Locus.

Variis in locis hanc obſervavi, v. g. propè *Huntington* oppidum, viâ quæ *Stilton* ducit, in ſemine Septembris initio: *Camaloduni* Eſſexiæ in paluſtribus ſecus fluvium copioſe, florentem Auguſti Calendis, propè oppidum *S. Neotis* non longè ab *Elleſley* pago, juxta viam publicam: circa *Hastings* oppidum in *Suſſexia* ad litus maris: in tranſmarinis etiam propè *Baſileam*, & circa *Monſpelium* copioſe. Circa medium Auguſti plerumque floret & ſemen brevi perficit. Annua eſt planta & quotannis ex deciduo ſemine ſe renovat. Deſcriptio *Bupleuri* tertii minimi F. *Columnæ* plantæ huic in plerisque reſpondet. Verùm tum longitudo foliorum triuncialis, tum eorundem mollities diverſam ſpeciem arguunt.

Quin folia intus cava facit veluti *Cyper*: quæ nota an huic aut præcedenti plantæ conveniat non recordamur.

### C A P. III.

#### De *Aſtrantia nigra*.

**A**ſtrantia & Aſterantia corrupta vox eſſe videtur ab Aſteritio vel Aſtritio, Aſteritium autem ab Oſteritio ſeu Oſtrutio, quod à Struthio.

I. *Aſtrantia*

1. *Astrantia nigra* Lob. *Helleborus niger Saniculæ folio major* C. B. Park. *Sanicula femina quibusdam, aliis Elleborus niger* J. B. *Astrantia nigra, sive Veratrum nigrum* Ger. **Black Hasterwort.**

J. B.

Cubitus altos majoresque promit caules, teretes, striatos, qui mansu saporem exhibent Imperatoriae: folia Pentaphylli modo quinquepartita, singulis segmentis serratis, Imperatoriae foliis superaria, rugosa, supernè atrovirentia, infernè ex virore in luteum tendentia. Flores simul aliquot Saniculæ longè majores, ex multis glomeratis flosculis virescentibus pentapetalis, quos folia obvallant multa, striata, ex albo virescentia, paucà admixtâ purpurâ. Succedunt flosculis singulis pro more umbellatorum femina bina juncta, oblonga, altera facie plana, alterâ gibba & canaliculata, colore cinereo. Radix multum fibrosa, Hellebori modo, atra.

In sylvis quibusdam non longè à Monachio Bavariae Metropoli, necnon in Salevæ pratis montosis, urbi Genevæ vicinis, itémque in Jura monte & alibi observavimus.

2. *Helleborus niger Saniculæ folio minor* C. B. prod. Park. *Astrantia nigra minor.*

Radices nigrae subsunt, & ab uno exiguo capitulo fibræ quamplures tenues descendunt. Folia quæ oblongis pediculis donata, subrotunda sunt, unguem pollicis lata, in septem lacinias breves & angustas ad umbilicum usque divisa, per margines crenata, in caule verò brevissimis pedicellis tenuissimè fissa; inter quæ cauliculi bini, ternive tenuissimi palmares & glabri exurgunt, uno alterove folio vestiti: aliquando in summo pedicelli ad latera prodeunt, qui flosculos complures simul farctos, candidos, quasi in muscario junctos sustinent. In summâ Astrantiam nigram Lob. per omnia refert, foliaque magnitudine differt.

Hic in Alpibus solum reperitur.

Plantam hanc, culturâ tamen multo majorem factam, in horto Nob. Viri D. Caroli Hutton Londini, vidi; quæ quidem magnitudine sola à vulgari Astrantia differre videbatur. Verum quam ego in summis Alpium Max. Carthusianorum Cœnobio imminentium jugis observavi aliis præter magnitudinem accidentibus ab ea differebat. Folia enim longis pediculis infidentia, non in quinque aut septem tantum lacinias sed in novem non rarò, easque non breves, sed longas, angustas, acutas, ad margines profundè dentatas, ad pediculum usque divisa sunt; nec propè pediculum sibi invicem approximantes aut arctè junctas, sed aliquantulum remotas, ut in Pentaphyllis. Caules tenues, glabri, bipalmares unico folio tenuissimè secto absque pediculo adhærente, ubi in duos trèsvè pediculos flosculorum Umbellulas glomeratas sustinentes dividuntur. Ad basin Umbellularum folia striata eam obvallantia, qualia in superiore cernuntur, minora tamen & angustiora. Hanc Paulus Boccone titulo *Hellebori minimi Alpini, Astrantiæ flore* describit & depingit, aut saltem huic congenerem: nam folia suæ plantæ (in exortum etiam) in quinque tantum partes divisa ascribit: & icon folia Umbellarum bases cingentia nihilò breviora aut angustiora pro plantæ magnitudine repræsentat, quàm sunt in Astrantia nigra vulgari majore: utcumque tamen foliorum lacinia longitudine sua, angustia, serraturis, situ, adeò exactè referunt nostræ lacinias, ut non dubitem eandem esse. Esto ergo hæc nostra.

Locus.

3. *Astrantia nigra Alpina minima. Helleborus minimus Alpinus Astrantiæ flore* P. Boccone.

Fuchsius Saniculam suam foeminam tam viribus quàm formâ ad veram Saniculam proximè accedere scribit: Dodonæus Veratro nigro Dioscoridis forma & viribus respondere. De viribus cum illo sentimus. Nam humores melancholicos purgare testes habet medicos quosdam Germanos eâ feliciter usos. Gesnerus etiam hanc herbam vim per alvum purgandi, Helleboro albo ferè similem, sed tamen mitiorem obtinere primum se expertum refert. Quo confirmatur sententia Dodonæi.

Vires.

Fabricius Hildanus ad curationem scirrhi lienis in Apozemate præscribit Saniculam foeminam Fuchsi.

#### C A P. IV.

- A. *Sanicula sive Diapensia* Ger. *vulgaris, sive Diapensia* Park. *San. Officinarum* C. B. *San. mas Fuchsi sive Diapensia* J. B. **Sanicle.**

J. B.

**C**oncinna sunt Saniculæ folia, quæ à radice adstringente, amarâ & fervidâ, foris nigra, intus albâ, fibrosâ exeunt, cum splendore virentia, rigidula, ferè rotunda, quinquepartita, singulis segmentis subdivisis, quorum omnium pulchræ crenæ. Caulis cubitalis, enodis, lævis, uno tamen interdum, vel altero folio cinctus, in fastigio flores velut in Umbellam dispositos sustinet: è summo namque caule quatuor vel quinque vel etiam plures radii exeunt, quorum qui medius est non ampliùs dividitur, reliqui qui eum circumstant tripartiti sunt, gestantque plures flosculos in globulum congestos. Flosculi autem singuli quinquefolii sunt, albi aut dilutè admodum rubentes. Singulos flores bina excipiunt femina, lappulata, simul juncta ut in Umbellatis.

In sylvis & sepibus passim, floret sub finem Maii.

Locus.

Sanicula



Vires.

Sanicula à mira sanandi vi nomen traxit: Vulneraria enim est è præcipuis; unde Gallis in adagium venit vulgò jactatum, eos non indigere Chirurgo qui Saniculam & Bugulum habuerint.

*Qui ba du Bugle & du Sanicle  
Fait aux Chirugiens la nicle.*

Guſtu id indicante aſtringit ſimul & amara eſt. Vulnerariis potionibus incoquitur. Internis & externis vulneribus, ſanguinis eruptionibus, ulceribus, dyſenteriiſ, ruptis & vulſis auxiliatur decocta, pota & impoſita, ut breviter Lobelius, ſummatim vires ejus & uſus recensens.

Umbilici eminentia & craſſities in pueris innumeris ferè curata eſt Cataplaſm. ex Sanicula in vino cocta, Umbilico appoſita cum ligatura ſtrictiore: Rad. Conſolidæ majoris contuſâ dorſo è regione Umbilici admotâ.

## CAP. V.

## De Sefeli Æthiopico.

*Sefeli Æthiopicum frutex* Ger. Park. *Æthiopicum Salicis folio* C. B. *Æthiopicum fruticosum, folio Periclymeni* J. B. *Shub-Hartwozt of Æthiopia.*

J. B.

**R**amis aliquot cubitalibus & altioribus fruticat, rigidis, lignoſis, nigricante cortice inteſtis, in multos ramulos diductis. *Folia* per ramos ſublonga Periclymeni, anguſtiora, leviter acuminata, breviora quàm Laureolæ, glabra, ſapore & odore Juglandis, ſed multò mitiore gratioſioræque. *Umbellæ* pulchræ, fœniculacæ; *ſemen*, delapſis flaveſcentibus floribus gerunt oblongum, canaliculatum, magnitudine ſeminum Fœniculi.

Locus.

In rupibus oppido *S. Chamas* in Gallo-provincia vicinis obſervavimus. Lobelius ad Ceti montis radices, quâ in lacum vergit uberi proventu fruticare ſcribit, quod & D. Magnol confirmat. Auguſto menſe floret.

Semen Maſſilienſi Sefeli multò acrius eſt & odoratius, unde Lobelius eximiarum virium eſſe credit, ideòque ad Theriacam efficacius.

HISTO-

# HISTORIÆ PLANTARUM LIBER DECIMUS.

QUI EST

De Herbis Stellatis & Asperifoliis dictis.



Æ C duo genera uno & eodem libro complectimur, non ob cognationem aliquam aut similitudinem quàm habent inter se; sed quòd earum neutra ob paucitatem specierum quas sub se continet integro Libro molem & corporaturam idoneam contribuere possit.

## PARS PRIMA.

*De Herbis stellatis.*

**S**TELLATÆ dicuntur hoc genus herbæ, quia folia caules stellæ radiantis in modum ambiunt. Floribus sunt monopetalis, verùm in quatuor segmenta, totidem folia imitantia partitis; singulis autem flosculis in plerisque speciebus bina naturaliter succedunt semina.

### *Herbarum stellatarum* TABULA.

**H**erbæ Stellatæ dictæ, quia folia caules per intervalla ad nodos stellæ radiantis in modum ambiunt, floribus sunt monopetalis quidem sed quadripartitis, eorùmque singulis bina in plerisque speciebus succedunt semina. Hæ vel sunt floribus

*Per caules magis sparsis, foliis ad singula genicula*

*Quaternis, floribus & seminibus*

*In summis caulibus & ramulis: RUBIA erecta quadrifolia.*

*Caules ad genicula verticillatim ambientibus, flore*

*Albo, folio lato glabro; RUBIA levis Taurinensium.*

*Luteo, foliis hirsutis in aliis speciebus, in aliis etiam glabris: CRUCIATA.*

*Pluribus quatuor, radice*

*Rubra, cujus in vulgari & majori specie usus est ad tingendum, flores ex luteo herbidi:*

*RUBIA tinctorum.*

*Alba, vel fusca, foliis*

*Mollibus, & glabris, floribus*

*Albis; MOLLUGO.*

*Luteis; succo acido, ad lac coagulandum utilis; GALLIUM luteum.*

*Asperis & vestibus adhaerentibus, floribus pallidis: APARINE.*



In summis caulibus Umbellatim dispositis ;

{ Major, foliis latioribus; ASPERULA, cujus duæ species habentur altera flore candido, altera flore cæruleo.

{ Minor, flosculis rubentibus; RUBIA cynanchica.

Spicata,

{ Quadrifolia, maritima; RUBIA maritima.

{ Pluribus ad singula genicula foliis, longioribus, angustioribus, mediterranea; RUBIA Cretica spicata.

## CAP. I.

## De Rubiis quadrifoliis floribus in summis caulibus.

## A. I. Rubia erecta quadrifolia J. B.

**C**aulis hujus non planè cubitales sunt, firmi, quadranguli, in ramos divaricati: Folia quaterna Rubiæ minoris, solida & dura, geniculis circumposita. In ramorum cacumine flores copiosi, albi, jucundi odoris.

Locus.

Circa Orton pagum in Westmorlandia, lacum Winander-mere dictum, & alibi in Septentrionalibus montosis Angliæ nascitur.

In transmarinis etiam circa Genevam, in Rhætia, & alibi observavimus.

## 2. Rubia quadrifolia rotunda lævis Park. J. B. C. B. prod. quadrifolia vel rotundifolia lævis C. B.

C. B. prod.

Ex radice capillacea rufescente cauliculi tenues, quadrati, geniculati, palmo altiores, quorum aliqui in ramos brachiati, exurgunt. Ad singula genicula folia quatuor rotunda, nervosa, tantillum aspera in orbem disponuntur. Extremis cauliculorum flosculi albi, quadrifolii pedicellis capillaceis insident, quibus capitulum parvum geminum, asperiusculum succedit.

In montibus Helvetiorum, ut Gothardo & ad Eremitanos provenit.

## \* 3. Rubia pratensis lævis acuto folio Park. J. B. C. B.

C. B.

Locus.

Caulis cubitalis, lævis, quadratus, rufescens, geniculatus, cavus & communiter unus exurgit, ex cujus nodis ramuli semipalmares prodeunt, quorum summis flosculi plures quadrifolii, pallidi insident. Folia lævia, quaterna, uncialia, in acumen abeuntia ad quemlibet nodum disposita sunt.

Hæc apud Vallesianos in pratis ad thermas Lucenses nata.

## \* 4. Rubia quadrifolia semine duplici hispida J. B.

J. B.

Coliculos habet dodrante minores, multos ex tenuibus, reptantibus, inutilibus radiculis surgentes, quadratos, foliis quaternis circum nodos decussatim positos, ad Alfinem vulgarem accedentibus, quàm præcedentis minoribus, subrotundis, unciâ minoribus, venosis, nonnihil pilosis, cum dulcedine quadam amaricantibus ornatos. Cauliculi scapus in ramos binos, hi rursus in ternos foliis viduos subdividuntur: in quorum summitatibus semina bina, hispida, multò minorâ quàm Asperulæ, nigricantia.

Locus.

Nusquam quàm in monte Rosberg propè Masconium (Maszmunster Germani vocant) observavit J. Bauhinus mensè Octobri inter saxa, locis umbrosis & frigidis.

## \* 5. Rubia semine duplici hispida, latis &amp; hirsutis foliis, Bocconi.

Sola foliorum hirsutie & magnitudine à præcedente Rubia differt.

In illa sylva vidit & collegit Paulus Boccone.

Locus.

## CAP. II.

## De Rubia quadrifolia floribus verticillatis albis.

*Rubia quadrifolia Italica hirsuta* J. B. *quadrifolia vel latifolia levis* C. B. *levis Taurinensium* Park. *Cruciata levis* Ger. emac.

7. B.

**P**ulchra est hæc Rubiæ species, *caulibus* cubitalibus & majoribus, quorum geniculis quaterna decussatim *folia* circumposita, formâ Plantagineâ, nervosa, acuminata, mollia, subhirsuta, duas ferè uncias longa, unciam circiter lata. *Flores* nodis verticillatim circumnascuntur, circa basin decussatis foliis suffulti, candidi.

In collibus Pedemontanis circa Taurinum & alibi in Italia.

Locus.

## CAP. III.

## De Rubiis quadrifoliis floribus verticillatis luteis; seu de Cruciata.

- A. 1. *Cruciata* Ger. *vulgaris* Park. *hirsuta* C. B. *Gallium latifolium*, *Cruciata* quibusdam flore luteo J. B. *Crosswort* or *Mugweed*.

**R**adice compluribus fibris subluteis, è geniculis emissis capillatâ reptat. *Caulis* profert plures pedales interdum & longiores, quadratos, hirsutos, tenues, infirmos, crebris geniculis interceptos; ad quorum singulos *folia* quaterna, stellatim disposita, hirsuta, ut in hoc genere lata, mucrone obtuso, absque pediculis cauli adnata. *Flores* ex alis foliorum egrediuntur verticillatim, non tamen, si curiosè observes, è foliorum omnium sinubus, egredi advertes, sed ex oppositorum duorum tantum: tres ferè ex uniuscujusque folii sinu furculos pluribus flosculis minutis, tetrapetalis, flavis onustos. Singulis flosculis *semina* succedunt bina.

Ad sepes & in Dumetis.

Siccatur & astringit. Vulneraria est è præcipuis, tum internè sumpta, tum externè adhibita. Valeset & ad ramices in vino pota. Expectorat quoque viscidos humores, autore Camerario.

Locus.

Vires.

2. *Cruciata nova Romana, minima muralis* Col. *Rubia quadrifolia verticillato semine* J. B. *R. echinata saxatilis* Park. *Rubeola echinata saxatilis* C. B. *Cruciata minima muralis* Park.

Col.

*Viticulos* plures habet ab radice tenui, cannabini fili crassitie, pallente [nigricante 7. B.] multis capillamentis tenuissimis divisa, quadratos, circa radicem tenuiores, postea crassiores, aliquando rubentes, rigidulos, repandos humique sparfos, in extremo hirsutos, crebris geniculis distinctos, ad quæ *foliola* quaterna, exigua, rotunda in crucis formam disposita nullis pediculis adhærescunt: ex quorum sinu *flosculi* apiculorum modo ex viridi pallentes, etiam quaterni, tribus botribus singuli constructi emicant, quorum imus in *florem* se pandit, quaternis pusillis foliolis ut vix distingui possit, etiam cum staminibus internis. Quibus fructus succrescunt, primùm hirsuti, curvi, *florem* in imo demittentes, & perfecti deinde velut flores galericulati videntur, & duriores cum siccare incipiunt velut echinati conspiciuntur, sed non pungunt, quanquam asperi tactu videantur. Caput quatuor aculeis divisum, barbulas five brachia utrinque etiam in aculeos desinentia, in medio pectus etiam aculeatum, subtus ventrem habentes extuberantem, in quo *semen* luteum rotundum parvum, Panici modo. Ab imo florere incipit, & fructus habere in singulis geniculis & foliorum interstitiis.

Maii initio floret & fructus Junio perficiuntur. Sapor amarus atque acerbus ingratus.

In arenosis juxta mare propè Liburnum portum & alibi in Italia provenit. In asperis & saxosis propè Nemausum collegit Cherlerus.

Tempus

Locus.

- \* 3. *Rubia quadrifolia glabra angustifolia* J. B.

7. B.

Hæc quàm vulgaris *Cruciata* gracilior & delicatior esse videtur, foliorum cæteroqui ordine & positu haud absimilis; verùm angustiora sunt acutioraque, glabra omnino dicerentur, nisi per ambitum tantùm exigua quadam hirsutie fimbriata essent. Cauliculi toti glabri sunt.

Propè Patavium in Italia collectum ad J. Bauhinum delatum est.

Locus.

- \* 4. *Gallium latifolium glabrum* C. B. J. B. rectius *Cruciata glabra*. *Cruciata minor lutea* Park.

C. B. prod.

*Radice* est tenui, repente, geniculata: *cauliculis* tenellis, quadrangulis, geniculatis, palmo minoribus: *foliis* è singulis internodiis quaternis, decussatis, glabris, instar Plantaginis nervosis, pallidè virentibus & fescuncialibus. *Flores* habet parvos, cauliculos verticillatim coronæ modo ambientes, luteos, brevibus pediculis donatos.

Circa Bononiam inter sentes tota æstate reperitur.

\* 5. Ru- Locus.



\* 5. *Rubia argentea* Cretica Alpin. exot. Park. *Cruciata argentea*.

Alpin.

E *radice* parva, longa, tenui, exili multos furculos rectos, graciles, semidodrantalis altitudinis producit, foliis *Rubiae sylvestris*, mollibus, parvis, oblongis, argenteis, lenibus, simul ab eodem exortu quatuor ex opposito, aequalibus intervallis dense stellarum modo furculos convestientibus. Inter quæ *Clinopodii* Cretici modo pauci, exilesque *flosculi* flavescentes cernuntur. Tota planta est inodora, gustu adstringens.

#### C A P. IV.

##### De *Rubia tinctorum* seu *Erythrodano*.

**R**ubia Latinis, Græcis *Ῥυβία* à rubro radicis colore dicta est. Quæcunque ergo in hoc genere rubro radicis colore sunt Rubias appellandas duximus.

1. *Rubia tinctorum* Ger. *fativa* J. B. *major fativa sive bortenfis* Park. *tinctorum fativa* C. B. *Wadder*.

J. B.

*Sarmenta* longa producit, quadrata, uncinulis crebris hamata, geniculata; ad quorum singulos nodos *folia* rotatim radiata circumponuntur, Aparines modo, sed multis numeris majora, confimiliter aspera, hispidis crenulis per ambitum incisa, vestibus tenaciter hærentia: ex quorum alis pediculi exeunt *flores* sustinentes ex luteo herbidos, stellatos, tetrapetalos [pentapetalos J. B. q.] apiculis luteis: quibus *semina* succedunt rotunda, per maturitatem nigra. *Radices* subsunt numerosæ, reptantes, succulentæ, ruffæ miniatæve, duræ lignosæ matrice farctæ, sapore mixto dulci, acerbato & subamaro.

In hortis colitur magnâ copiâ ad lanas tingendas.

Vires & Usus.

*Rubia tinctorum* vulnerariis potionibus admiscetur. An verò abstergat & aperiat, an potius adstringat controvertitur. Qui adstrictionem ei attribuunt adversus fluxum mensium, hæmorrhoidas & dysenterias propinant: qui aperiendi facultatem, in Ictero, Hydrope, Urina obstructa & sanguine coagulato exhibent. Et fortasse utriusque qualitatis particeps est, primò aperiens, postea adstringens, quemadmodum *Rhabarbarum*. Quæcunque enim tingendo idonea sunt, tenuium partium meritò censentur, adeoque faciliè penetrant & obstructions referant: & pleraque ejusmodi menses & urinam cient, & ictero conducunt. Ex altera verò parte sapor acerbatus facultatem adstrictoriam indicat.

A tinctoribus adhibetur hujus radix ad coloris rubri præparationem.

Expetuntur folia Senensibus mulieribus ad stannæ vasa detergenda: siquidem mirum dictu quàm pulcherrimè nitescant quæ Rubiam fuerint experta.

A. 2. *Rubia sylvestris aspera*, quæ *sylvestris* Dioscoridis C. B. *sylvestris Monspessulana major* J. B. *sylvestris* Park. *Wild Wadder*.

Huic folia quàm *Rubiae fativæ* minora sunt; & atrovirentia, cùm *fativæ* pallidiora sint. Vere *flores* profert parvos, luteos: Fructum fert æstate & autumnò, qui per hyemem durat: sed nec ipsa herba inarescit. Inter sepes minor est & asperior *fativa*. Folia circa nodos quatuor, modò sex notavit D. Magnol.

Nos olim Rubiam *sylvestrem* à *fativa* culturâ tantùm & accidentibus inde ortis differre existimavimus; nunc tamen à D. Newton meliùs edocti, mutatâ sententiâ, specie diversam agnoscimus. *Rubiae* enim *fativæ* tota superficies ad radicem usque quotannis emoritur, cùm hujus (ut diximus) per hyemem durat; nè alias distinctionis notas superiùs adductas repetam.

Locus.

*Rubia sylvestris* non tantùm in rupe S. Vincentii prope Bristolium oritur, sed etiam in rupibus propè Beddifordiam & per totam ferè Devoniam in sepius copiosè.

\* 3. *Rubia montana angustifolia* C. B. *Rubia sylvestris longioribus foliis* Park.

C. B.

*Radicem* habet rufescentem, fibrosam: *caules* cubito altiores, læves, rotundos, striatos, geniculatos: *folia* ad quodlibet internodium longa, angusta, Galli formâ, læna, septena, in orbem disposita & rigidiuscula, caulem ambiunt: ad internodia brevissimi ramuli exurgunt; ipse verò caulis in ramulos plures brachiatur, quorum summis *flosculi* frequentes, albi, quadrifolii insident, quibus *semina* minuta rotunda, quodlibet suo pediculo donatum, succedunt. [Suspicio *semina* bina singulis *flosculis* succedere, & pediculis insidere.]

Locus.

Hanc apud nos in asperis collibus legimus.

\* 4. Ru

- \* 4. *Rubeola saxatilis* C. B. C. Baubini J. B. *Rubia minima saxatilis* Park.

C. B.

Plantula est tota incana, semipalmaris; cauliculo tenui, quadrato, geniculato, in unciales ramulos brachiato. Folia parva, aspera, angusta; acuminata, communiter octo rotæ modo disposita habet. Ramulorum summis flosculi plures, exigui quadrifolii, apicibus & minimis pedicellis donati, luteoli insident, si rectè recordor.

In saxosis Gallo-provinciæ provenit.

Locus.

- \* 5. *Rubeola maritima aspera* C. B. C. Baubini J. B.

C. B. prod.

Radice est oblonga, tenui, reptante & rufescente: Cauliculis pluribus, geniculatis, biuncialibus, per terram sparsis, & capillaceis fibellis terræ affixis: foliolis pluribus, brevibus, acuminatis, virentibus & asperis, cauliculos inordinate cingentibus: flosculis minutis, pallidulis.

Copiosè in litore maris Mediterranei, non longè Monspelio & etiam Massiliæ occurrit. Nobis Locus.

Ex generali hac & obscura descriptione ad quod genus plantarum herba descripta pertineat, certò colligi non potest: ad hoc autem non pertinere constat quòd folia cauliculos inordinate cingere scribat.

## C A P. V.

### De Mollugine.

**M**ollugo Plinio proculdubio à foliorum mollietate dicta est. Quæcunque igitur hujus generis plantæ foliis & caulibus mollioribus & minùs asperis sunt hoc nomine donamus.

- A. 1. *Mollugo vulgatio* Park. *Rubia angulosa aspera* J. B. *sylvestris lævis* C. B. *An Rubia sylvestris* Ger? *Mollugo montana angustifolia* vel *Gallium album latifolium* C. B. *Wild* *Wadder*, or *great Ballard-Wadder*.

Radicibus lignosis, exterius fulvo cortice tectis, intus albis, plurimas fibrillas fulvas subinde demittentibus firmatur. Plures indè exeunt caules, tricubitales interdum, aut longiores, infirmi & humi procumbentes nisi vicinis sepibus aut fruticibus, (inter quos plurimùm oriuntur) se sustentent, ad radicem tenuiores, paulatim deinde crassescentes, ut in hujus generis reliquis, quadrati, inanes, læves, virides & in apricis interdum purpurascèntes, fragiles, nodosi longis internodiis, ramosi, quatuor ramulis è singulis nodis exeuntibus, duobus insignioribus, duobus parvis inferiùs ad eorundem latera. Caules ad nodos stellatim ambiunt octo plus minùs folia, vix digitum longa, latiuscula, acuminata, intensius viridia, glabra. Flosculi numerosissimi, albi, in quatuor segmenta acuta, totidem folia imitantia, divisi, à medio ad summum, è singulis caulium & ramorum geniculis, velut racematim exeunt: quorum singulis bina ut in congeneribus succedunt semina.

Ad sepes & in dumetis frequens oritur.

Locus.

2. *Rubia sylvatica lævis* J. B. *Mollugo montana latifolia ramosa* C. B. *Gallium flore albo majus* sive *Mollugo montana* Park. *Gallium* sive *Mollugo montana* Ger. quoad descr.

J. B.

Ramosa præ reliquis est hæc, caulibus rectis, lævibus, cæteribus, tuberosis geniculis nodosis, per longa intervalla interceptis. Folia circum articulos radiatim posita, Asperulæ odoratæ, mollia, ac quàm in *Rubia angulosa* molliora. Flores summis ramulis & per furculos tam copiosi ut muscarum imitentur, candidi.

In sylvis montosis, agro Lucemburgiensi & Aquisgranensi collegimus. Montium incola hæc est (inquit J. Bauhinus) & in dumetis non rarò abscondita: mensis Aprilis principio prodit.

Locus & Tempus.

Hæc planta magnitudine sua, glabritie caulium & foliorum, rectitudine caulium, eorundem rotunditate, & loco natali ab aliis sui generis omnibus facillè distinguitur.

Quærendum annon *Rubia arborescens* Cretica *Alpin. exot.* huic eadem sit, quæ caudice constat brevi, digitum crasso, à quo multi exeunt rami, &c. E quorum cacumine exeunt duo vel tres furculi, graciles, in alios quoque divisi, in quibus utrinque flosculi parvi, albicantes cernuntur, &c. Radix rubei coloris. In reliquis, quas omisimus, notis cum superius descripta convenit.

- A. 3. *Gallium album* Ger. J. B. *palustre album* C. B. *Molluginis vulgatio* varietas minor Park. *White Ladies Bed-straw*.

Radice tenui, reptante, geniculata, innumeris ferè capillamentis, tenuissimis, prælongis è geniculis in limum demissis, se propagat. Coliculi similiter tenues pedales & cubitales, farmentosi, ramosi, quadrati, asperiusculi geniculati internodiis longioribus. Folia stellata, quaterna, quina aut sena, breviora, pallidè virentia, (ut & caulis totus) coliculorum genicula ambiunt. In summis caulibus & ramulis flosculi plures simul conferti quasdam quasi umbellulas efficiunt, ut in *Rubia cynanchica*, lactei;



Locus &  
Tempus.

lacteï, quadrifolii, quàm Aparines majores. *Semina* gemina, rotunda, pusilla.  
Junio mense floret, èstque in rivulis & fluviorum stagnorúmque marginibus frequentissima.

- A. 4. *Mollugo montana minor*, Gallio albo similis. An Gallium album minus C. B? *Rubia quædam minor* J. B?

Locus.

Parvitate sua, glabritie caulium & foliorum, & loco natali à Gallio albo distinguitur.  
Provenit autem non in palustribus tantum, sed & in montosis magnâ copiâ.

- A. 5. *Gallium rubrum* C. B. Ger. flore rubro Park. flore rubro Sprengerianum J. B. *Gallium nigropurpureum montanum tenuifolium* Col.

Clus. J. B.

Magna segete ramulorum terram operit, magis patulum quàm procerum [pedalis aut majoris altitudinis, Gallio vulgari tenerius Clus.] caulibus angulosis, tenuibus, ex saturato virore rubentibus, admodum ramosis, ramulis alternatim utrinque nascentibus, & rigidiusculis. Geniculis folia accrescunt radiata quaterna, quina aut sena, in stellæ morem, tenuia, satis rigida, & velut pungentia. Flores inter folia [Clusio in summis ramulis quini, seni aut plures, tenelli admodum & pusilli.] Gallii albi floribus pares, sed colore coccineo saturatiore tincti, quadripartiti, [micante in medietullo aureo vel flavo puncto. Radix vulgaris Gallii radices instar rubescit, quæ etiam confusa rubrum succum reddit, multis autem tenuibus villis prædita est & vivax.] Semina singulis flosculis, ut in congeneribus, bina succedunt, per maturitatem nigra. Caules etiam ex nigro purpurascunt Julio florida & semine turgida invenitur, in Æquicolorum via ad Flaminianum vel Capuceinorum ædem.

Cur C. Bauhinus Gallium nigropurpureum montanum tenuifolium Col. à Gallio rubro Sprengeriano separaret nullam video rationem.

## CAP. VI.

## De Gallio.

Gallium γάλλον ἀπὸ τοῦ γάλα πηγνύον ἀπὸ πνεύματος, quod coaguli vice lacti injectum illud cogat & inspisset, dicitur, testibus Dioscor. Galeno & ipsâ experientiâ.

- A. 1. *Gallium luteum* C. B. Ger. Park. Gallion verum J. B. Pelloto Ladies Bedstraw, Cheese rening.

J. B.

Tractu contumaci radicula donatum est, longo tractu repente, tenui, lignosâ, fuscâ; ex qua virgule surgunt dodrantes & cubitales, tenues, subhirsutæ [in apricis rubentes, & ut nobis videbatur quadratæ.] Folia ad genicula ex intervallis radiatim caulem ambiunt longiora & angustiora quàm Rubiæ sylv. lævis, obscuro virore nitentia, novena plerunque. Ad singula etiam genicula bini plurimum ramuli, in quibus ut & in summis caulibus flosculi copiosi, in racemulos digesti, lutei, quorum singuli quatuor foliolis stellarum radios imitatis constant, succedentibus unicuique binis seminibus.

Locus.  
Vires.

In pascuis ficcioribus, apricis locis, inque collibus juxta margines agrorum passim provenit.

Gallium lac coagulandi vi pollere Veteribus traditum, & experientiâ comprobatum est.

Gerardus nostras Cestrienses suos circa Nantvicum oppidum, ubi laudatissimus conficitur caseus, coagulo suo Gallii lutei summitates immittere solere tradit, & multò pluris facere caseos eo coactos quam alios quoscunque. Sequentia D. Matt. Lister suggestit.

Acetum ex hac planta destillando elicit D. Olaus Borrichius: modum ipse describit his verbis.

Recentissimas Gallii lutei comas, defluente matutino rore ficciores, ad manipulos aliquot legi, lectasque cucurbitæ vitreæ recenti commisi, & nè quam ab aere aut mora subirent mutationem, subito evulsas subito igne subiecto invitavi ad destillandum. Nec mora, surrexit stillatius liquor primus, & is pænè insipidus, odore tamen fragrantis Gallii flores non parum referens. Post unam circiter liquoris hujus unciam successit acetum non ingrati saporis ad uncias propemodum tres; tandem validiori igne admotò subsecutum est cum liquore acido oleum flavum ad drachmas pænè duas, nec illud admodum ingrati odoris. Cum verò operatio tota ab evulso flore ad acetum usque prolectatum paucis duntaxat horis duraverit, & miti destillatione peracta sit in arena, constiterit hinc abundè, opinor, spiritum hunc acidum tam promptè volatilem, lactisque coagulatore florì Gallii adhuc crescenti verè inesse, nec aliorum more acetorum fermentationem præviam expectare, sed in flore statim ipso (quod rarè avis instar est) vim suam separatricem profiteri. Hoc acetum ferventi infusum lacti statim secretionem illam partium, quam ab infuso vulgari aceto experimur, procuravit.

Libuit experiri an ex floribus Acetosæ summissque ejusdem foliis, ut Gallio ad linguæ fidem longe acidioribus, tale subito acetum destillando evocari posset: sed factò eodem modo experimento nihil nisi insipidus liquor prolectum est, argumento evidenti longè subtilius & πρῶτον ἀπὸ τοῦ γάλατος acidum in Gallio quàm in Acetosâ habitare. Tho. Bartholin. Acta Medic. Obs. 69.

Herba

Herba aut pulvis ipsius hæmorrhagiam & sanguinis profluvia sistit; quod facit sanguinem incrassando & coagulando; commendaturque contra cancrum & cancroſa ulcera. Decoctum herbæ acopon cenſetur, laſſitudinibus utile.

\* 2. *Gallium montanum Creticum* Alpin. exot. Park.

Alpin.

A radice crassa tres vel quatuor ramos producit, digiti minoris craſſitie, & tenuiores etiam, teretes, duſos, lignoſos, albicantes; ex quibus ſingulis complures ſurculi tenuiſſimi, in terram proſoluti, foliis veluti Thymi veſtiti exeunt, in ſoſculos parvos deſinentes, racematim coherentes, à quibus fiunt minutiſſima ſemina nigra. Nititur verò hæc planta radice longâ, craſſâ, lignoſâ, in tres alias diviſâ: vulgari Gallio longè minus eſt & gracilius, & quaſi circulis ſupra terram ſerpentibus; ramis verò ac radicibus majoribus durioribùſque quàm illud.

In montanis Cretæ abundat.

Lac coagulare dicitur efficaciùs quàm vulgare Gallium. Adſtriſtoriz facultatis particeps eſt, unde & ſanguinem undecunque profluentem ſiſtit.

Locus.

## C A P. VIII.

### De Asperula.

A. 1. *Asperula* Ger. *Asp. II. ſive Rubeola montana odora* C. B. *Asperula aut Aspergula odorata* Park. *Rubius accedens Asperula quibuſdam, ſive Hepatica ſtellaris* J. B. *Woodroof.*

J. B.

Compluribus geniculis intercepta radícula tenella ſummâ tellure ſerpit, capillaribus fibris deſiſſis: unde cauliculi ſurgunt tenues, quadrati, palmares & dodrantaſes: ad quorum ſingula genicula folia radiata Rubiæ poſitu naſcuntur, quàm Aparines latiora, pallidiùs virentia non ſine ſplendore, ſubhiſuta. Circa ſaſtigium dividitur caulis in binos ternòſve ramulos, ex quibus pediculi ſoſculos ſuſtinent ſuaviter olentes, Valerianæ ferè formâ, candidos, è quatuor foliis compoſitos. ſemina parvâ ſunt valdè hiſuta, non exactè rotunda, ſed ad renis potiùs figuram accedentia, veſtibus adhaeſcentia Aparines in modum.

In ſylvis & dumetis, præſertim montoiſis, Maio menſe floret.

Uſus hujus eſt in obſtruſto hepate ac meatu biliario; & hinc in ictero, ac in hepate calidiore refrigerando. Extrinſecùs in intemperie hepatis calida, &c.

Fertur in vinum conjeſta hilaritatem efficere & ſaporem ei gratiſſimum conciliare, unde Germanis in frequenti uſu eſt.

Locus & Tempus.

Vires.

2. *Asperula flore cæruleo* Ger. Park. *cærulea arvenſis* C. B. *Rubia cærulea erectior elatiòrve* J. B. *Blue Woodruſſ.*

Caules ſurſigit cubito majores, anguloſos, foliis veſtitis ad genicula radiatis, multis, Molluginis paribus. Ramulorum extremis hærent ex longo pediculo flores multi, ſimul junſti, oblongi, cærulei, circa imum hiſuti; quibus circumpoſita radiata folia aliquammulta, piloſa, flores ſuperantia, eòſque velut occultantia. Singulis floribus bina ſuccedunt ſemina magna.

In monte Saleva itémque propè Neapolin Auftriæ & Monſpelium in arvis & inter ſegetes.

Locus.

*Asperula hexaphyllos purpurea* C. B. J. B. *purpurea* Park. *An Rubeola arvenſis repens cærulea* ejuſdem C. B?

Radiculis multis, candidis, tenuibus eſſe perhibetur, foliis Erythrodani, minoribus, pallentibus; cauliculis multis, pede altioribus; flore in ſummo cauliculorum vertice copioſo, purpuraſcente; ſemine minutulo, pingui & oleoſo.

A. 3. *Rubeola arvenſis repens cærulea* C. B. *Rubia minor pratensis cærulea* Park. *Rubia parvo flore, cærulea ſe ſpargens* J. B. *Little Field-Madder.*

J. B.

Radice eſt oblonga, tenui, capillacea, [ dura & lignoſa ] rubra; cauliculos per terram ſpargens plures, quadratos, geniculatos, rubentes, hiſutos & interdum ramoſos, palmares, rariſſimè pedales. Ad quodlibet geniculum folia habet parva, ſubrotunda, [ pro plantulæ portione ſatis lata ] radiata, hiſuta & aſperiuſcula, in acutiſſimum apicem deſinentia. In cauliculorum & ramulorum ſummis flores in medio aliquot foliorum, tetrapetali, non quinquefolii ( ut vult C. Bauhinus ) parvi cærulei, vel ex cæruleo purpuraſcentes. Vaſcula exigua ſingulis floribus ſuccedunt gemina coherentia, non-nihil oblonga, & in ſummo digitata, in quibus ſemen fulvum, altera parte gibbum, alterâ planum.



Dum in satis pinguioribus oritur, major fit & erectior, & descriptioni Myagri alterius Dalechampii Lugd. quod Asperulam hexaphyllon purpuream vocat C. B. in Pin. satis convenit. Stellariam quam Lugd. in falsis fabuletis provenire notat ad hanc Rubiam refert J. B. Botan. Monf.

## CAP. VIII.

## De Aparine.

A. 1. *Aparine* Ger. J. B. *vulgaris* Park. C. B. *Philanthropon* Dioscoridis & Plinii. *Lappago* Plinii lib. 26. cap. 10. J. B. *Cleavers*, or *Goose-grass*.

J. B.

**A** infima radícula oriuntur viticula quadrata, asperæ, geniculatæ, infirmæ, proxima quæque scandentes, adhærescentesque, tres aut quatuor cubitos interdum longæ, ramosæ. Folia septena, Rubiæ modo, stellæ instar radiata, singulis geniculis circumnascuntur, aspera, in spinulam desinentia. Flosculi propè summos ramulos è geniculis exeunt in pediculis oblongis tenuibus, pusilli, albi, tetrapetaloides, quorum singulis didymæ succedunt lappulæ, bina semina continentes, cortice nigro, (quem tamen sponte ne per maturitatem exuunt) testæ, cui subest substantia quædam dura & cartilaginea.

Locus.

Vires & Usus.

Ad sepes, interdum etiam inter segetes. Binis foliis amplis è terris exit.

Aparine (inquit Dioscorides) pastores coli vice utuntur, ad eximendos è lacte pilos [nimirum circumactis per lac foliis, quorum asperitas adeò tenax est, ut facile quicquid tetigerit apprehendat. J. B.] Seminis, caulium ac foliorum succus potus contra viperarum phalangiorumque morsus auxiliatur, infusus aurium dolori medetur. Herba cum axungia trita strumas discutit. Sanguinis etiam abundantiam ex vulneribus reprimere folia imposita Plinius tradit.

Aquam destillatam bis in die sumptam mensurâ trium ligularum, aiunt alvum cohibere, efficacissimumque esse adversus morbum regium. Trag.

Aqua destillata, vel herba ipsa minutim concisa, inque vini albi q. s. decocta & pota, in calculo & arenulis insigne est, remedium. D. Needham. Pulvis qui ex hac herba & vitulino liene in furno exsiccatis fit arcanum est ad tumores lienis & flatus hypochondriacos.

Herba concisa pullorum Anserinorum esca est, unde etiam Anglice *Goose-grass* dicta est.

Plebei cives in mea patria aquam illius destillatam quotidie ex officinis poscunt contra tum pe-toris, tum hypochondriorum molestos dolores. Agerius in Tragum adversus similia mala commendat. Sim. Paulus.

Aparine in liquore Posseti cocta & hausta mirè gonorrhœæ prodest simplici. D. Palmer.

A. 2. *Aparine semine leviori. An Aparine, semine Levi* Park. ? *Goose-grass with smoother seed.*

Hæc præcedente humilior est, sarmentis brevioribus: foliis minoribus, minùs hirsutis, pallidioribus: Seminibus quidem non penitus glabris, sed multo minùs hirsutis.

Locus.

In agro Cantabrigienfi inter segetes solo cretaceo invenitur.

A. 3. *Aparine fructu verrucoso* hort. Joncq. *semine Coriandri saccharati* Park.

Hæc foliis est laxibus, vulgari Aparine minor, seminibus verrucosis, non tamen lappaceis seu tenacibus.

4. *Aparine floribus purpureis* C. B. Park.

Hujus verbo meminit C. Bauhinus in Pinace, sed non describit, nec ab alio quoquam descriptum dicit.

\* 5. *Asperula muralis minima* Park. *verticillata muralis minima* Col. *verticillata luteola* C. B.

Col.

Radice nititur exigua, capillari, plures viticulos proferens, ab imo fruticans, angulosos, quadratos & asperos, foliis per genicula senis, aliquando verò quaternis & quinis harentibus, Gallii ritu, supra quæ ex caulibus geniculis, in rotæ speciem ut in Verticillatis plantis, fructus prodeunt duplices Anisi effigie, parvi, hirsuti, quibus flores insident, admodum exigui, lutescentes, quatuor foliis constructi. Caulis asper est, denticulis perquam exiguis, & nisi lumini appositis haud propter tenuitatem & diaphanitatem conspicuis. Folia etiam hirsutie tenuissima asperiuscula sentiuntur. Sapore amaro est parum. Ab imo ficcari incipiunt folia, sicuti florere & fructus perficere animadvertimus.

Locus.

Vetustis muris innascitur frequens in castro Villa dicto in Valvensium montibus dodrantalis her-bula: oritur in saxosis etiam locis ibi, ac etiam aliis ubi Parietaria & Sempervivum vermiculatum. Maio mensè floribus & fructu onusta reperitur. Æstate finitur & siccatur tota.

## CAP. IX.

- A. *Rubia cynanchica* J. B. C. B. *Synanchica* Lugd. p. 1125. Ger. *Asperula repens* Gesneri, sive *Saxifraga altera* Cæsalpini Park. *Squinancywort*.

**R**adix ei crassa, lignosa, nigra, altè in terram descendens, fibrillis numerosissimis & prætenuibus capillata, in plurima capita divisa, caules fundens multos, tenues, sesquipalmares, spithamæos & longiores angulosos [quadratos Col.] laves, [qui cum excreverint bipedales sunt & supini] foliis vestitos per genicula crebra admodum quaternis circa radices caput, quàm brevissimis, latioribus, ut longitudo ad latitudinem vix tripla sit: circa medium caulem genicula rariora sunt, folia angustiora, longiora, acutiora, quaterna; in summo verò bina tantum, & longioribus intervalis distantia. Flores in summitatibus, caulium & ramulorum in quos caules dividuntur quasdam quasi umbellas efficiunt ut in Valeriana, è tubo oblongo in quaterna segmenta expansi, suave rubentes & suave olentes, interdum albi, Jasmini modo, quibus etiam effigie & colore similes videntur verum magnitudine Phu Dioscoridis, semina deinde relinquentes coacervata, bina simul, rugosa vel aspera, oblonga, curva Phaseoli modo, Gallii vulgaris duplo majora, atque cum siccantur flavicantia.

In sterilibus, soli expositis cretaceis collibus abundat: v. g. *Wogmagog-hills, Newmarket-Heath, Sussex Downs, &c.*

Parkinsonus hanc plantam bis exhibet; nimirum, 1. sub titulo superius allato. 2. Cruciatæ minoris montanæ nomine, p. 566. & fortè etiam tertium sub titulo Rubiæ minimæ Saxatilis, p. 276.

2. *Rubia cynanchica Saxatilis* C. B. Park.

C. B. prod.

Ex Radice alba, oblonga, tenui & fibrosa, cauliculi plurimi tres, quatuorve uncias longi, foliis plurimis oblongis, angustissimis & viridibus vestiti, exsurgunt; & inter hos pediculi bini, terni, palmares, graciles, in ramulos divisi, & paucissimis foliolis vestiti, quibus flores ut in *Cynanchica* vulgari, pallide rubescentes, singuli singulis pediculis donati insident.

In laxosis udis circa Valentiam Delphinatus collecta fuit.

Locus.

## CAP. X.

De *Rubia Spicata*.

1. *Rubia maritima* C. B. *marina* Clus. Park. Ger. *marina* Narbonensium J. B. *Sea-Woadder*.

Clus.

**Q**uadrangulares sunt huic plantæ caules, palmares magna ex parte, interdum pedales, geniculati, duri & lignosi, candicantes, è radice crassa, lignosa, foris intensius rubente, intus rufescente, singulari, longiuscula, prodeuntes, jam simplices, jam ramosi, internodus modò brevioribus, modò longioribus distincti: ad quorum singula genicula quaterna folia, infernè quò cauli adherent latiuscula, extrema parte mucronata, rigidiuscula, candicantia, stellæ instar in orbem adnascuntur, & subinde in alis ramuli, numerosis foliis brevioribus & confertim nascentibus ornati: in quibus, ut & in summis caulibus velut in spicas terminatis oblongi flosculi, in quatuor segmenta expansi & velut radiati, pallidi. Semen in utriculis tenue, oblongum, fuscum.

Ad mare Mediterraneum in litoribus arenosis propè Syracusas, Cataniam, Terracinam, Monspelium collegimus. Locus.

2. *Rubia latifolia spicata* C. B. *Spicata Cretica* Ger. emac. *Spicata Cretica latiore folio* Park. *spicata* J. B. *Spiked Woadder*.

Clus.

A radice crassiuscula, subruffa, & frequentibus tenuibusque fibris capillata multi exeunt cauliculi, nodosi, quadranguli, asperiusculi, statim ab infima parte frequentibus ramulis ad singulos nodos ex adverso nascentibus præditi: quos etiam in orbem & ipsis geniculis ambiunt quaterna, quina, interdum sena folia brevina & nonnihil aspera, coloris cinerei. Summi caules & ramuli desinunt in spicam longam [semipalmarem atque etiam palmo longiorem] virentem, specie quadrangulam, quia flosculi exiles & vix conspicui, colorèque subvirescentes, alternatim contrario inter se situ nascentur è sinibus glumarum longâ serie caulibus appressarum. Semen tenue, oblongiusculum, pullum.

3. *Rubia angustifolia spicata* C. B. Park.

A præcedente differt foliorum & spicarum angustia, humilitate & parvitate sua.

Circa Monspelium plurimis in locis sponte oritur, v. g. in collibus juxta *Castelneuf*, Agris Grammontiæ.



montis sylva vicinis, &c. Quin & præcedentem non longè à Montspelio in descensu montis Capouladou, in locis quæ vulgò vocant *las rompudes* Maio & Junio mensibus cum spica copiosam collegit D. Magnol.

Varietas.

Aliam præterea seu speciem, seu varietatem hujus plantæ proponit idem P. Magnol, quam Rubiam spicatam repentem vocat, à præcedentibus in eo diversam quod reperet, cum illa rectæ sint, quòdque spicæ in ista multò majores, longiores & frequentiores essent. Si revera repat & non procumbat tantum, argumentum est satis validum ad probandum illam à prioribus specie diversam esse.

- \* 4. *Gallium alterum montanum* Alpin. exot. Park.

Alpin.

Surculos plures longos tenues, quadrangulos, ex intervallis geniculatos ab una radice, tenui, longa, dura, lignosa profert. Surculi verò ex multis intervallis in geniculis habent duo aut tria foliola parva, oblonga, tenuia, in extremis latiuscula, colore viridi nigrescente. In summitatibus surculorum flosculi cernuntur albicantes, cymam circuli spicæ modo convestientes, non odorati, sapore subadstringente & siccante.

## C A P. XI.

### De Stellatis quibusdam anomalis.

- \* 1. *Rubeola repens lutea foliis spinosis* C. B. *Rubia minima* Lob. Ger. emac.

Lob.

**F**oliis est Herniariæ paribus, mucronatis, positu Rubiæ; radicibus reptantibus, sesquiunciam altis, in quibus flosculi luteoli. Radix exilis Rubiæ, Corallio concolor.

Locus.

In rupibus Vincentii propè Bristolium Angliæ enatam se legisse scribit Lobelius. Nobis sedulo indagantibus nihil simile ibi visum aut auditum. Certè Lobelius, ut aliàs sæpe, memoriâ nimium fusus & hic labitur. Dari hujusmodi plantam non negaverim, cum eam invenerim in Catalogo Horti Regii Parisiensis.

- \* 2. *Rubia sylvestris aspera Ravennensis* Zanoni.

Zan.

E radice tereti, huc illuc undatim reflexa, non admodum crassa, duos circiter palmos longa, cortice crasso & solido, qui difficulter à parte interna tenui & lenta separatur, caules exserit plures, rectos, firmos, propè terram rotundos & coloris obscuri, paulò superius, ubi folia protrudere incipiunt, sulcatos & cavos, quadratos, virides, raris nodis articulatos, parte infernâ maximè, superius multò crebrioribus, circa quos folia in orbem stellatim disposita incerto numero 4, 5, & interdum sex simul, unicam plus longa, octavam circiter uncie partem lata, solida, ficca, lævia, quæ tamen postea ob spinulas quasdam breves nervulis aureascentes aspera redduntur. Sunt autem nervi utrinque supra folii superficiem elevati, quod paucis admodum plantis accidit: pediculi foliorum crassi, albi, infernè paulum rubentes, fragiles. Circa principium Julii, caules à medio sursum pedunculos emittunt, qui in longitudinem excrecentes foliis nonnunquam ornantur minutissimis & aliter quam supradicta dispositis, gemmas sustinentes virides, quæ in quinque folia sese aperientes florem exponunt quinque petalis majusculis, acutis, colore viridi claro compositum, cujus medium occupant stamina quinque, cum apicibus flavis. Flori succedit bacca, quam quoniam non maturuerat non potuit observare Autor; quam siccam accepit à loco nativo, nigra erat materiam crassam continens, inque ejus medio semen rotundum, ex altera parte cavum, coloris obscuri.

Radix in multas minores radículas dividitur fibris tenuibus capillatas, colore rubro obscuro; è quibus enascuntur germina nodosa, translucida, colore flavo claro, infra terram serpentina, alias plantulas novellas in lucem emittunt. Sapor radicis amariuscule, floris mordax & calidus, foliorum fœcus. Planta est perennis tum radice, tum foliis. In sylva pinuum propè Ravennam invenitur.

Locus.

Hæc planta si rectè describatur cum quinque petalis in flore, calice quinquefolio inclusis, non est hujus loci, quin potius inter Bacciferas disponenda.

## De Herbis quibus terna singulis floribus succedunt semina.

*Pisum cordatum vesicarium* Park. *Pisum vesicarium* fructu nigro, albâ maculâ notato C. B. *Halicacabum peregrinum* Dod. Ger.

Dod.

Tenuibus, striatis, ac viticulosis *cauliculis* latè sese diffundens, vicina quæque apprehendit *admicula*. *Folia* oblonga, divisa [ in tres vel etiam quinque partes ] laciniata, & per ambitum profundius incisa. *Flosculi* pediculis longis [ è foliorum alis versùs summos caules egressis, inque ipsis caulium summitatibus ] plures simul insident, candidi, è quinque foliolis exiguis compositi. *Folliculi* distenti, magnitudine *Halicacabi*, intersepientibus membranulis in tres distincti loculos, fructu in singulis unico, duro, rotundo, Ochri figurâ & magnitudine, colore nigro, candido tamen umbilico, qui mediocris magnitudinis, & cordis conoidis latiore speciem imitari videtur. *Radix* satis crassa, multis fibris capillatur.

Seriùs floret, & rarò apud nos in Anglia semen perficit.

*Nasturtium Indicum* Park. Ger. *Indicum majus* C. B. *Indicum folio peltato scandens* J. B. *Indian Cress*, *Pelloto Narkis-pur*.

J. B.

Peregrinæ elegantie est ex Indiis delatum *Nasturtium*, cui cum nostri orbis *Nasturtio* præter odorem & saporem nihil est commune: *folia* peltata, circinata ferè rotunditatis, sæpe latiora quàm longiora, nonnunquam & *Hederæ* modo angulosa, supernè glabra, infernè brevi lanugine hirsuta; medio fere ut in *Coryledone*, unde radij in ambitum porriguntur, pediculum excipiunt *palma*rem & *selquipalmarem*, subrubentem, tortilem, & capreolorum ritu, bacillo depaëto sese circumvolventem: quo etiam complexu nituntur cum ramis *caules*. - Caterùm ex foliorum alis undatim tortiles pediculi rubentisque exorti florem sustinent, delicias artificii arguti plenas, postica parte productum corniculum, sextantem circiter longum, ex flavo puniceum, in quinque lacinias digitatas concolores, striatas quâ reliquo folio committuntur *faceffens*, quarum terna duo suprema florum foliola sursum explicata à tergo suffulciunt, colore luteo prædita, miniatis lineolis ad basin striata, per supremam oram subrotundam mucrone breviusculo donata; id quod in reliquis tribus est videre, minoribus licet & rotundioribus ac veluti cordatis radiatim digestis, quorum tamen basis non virgatâ, sed rhomboide maculâ miniatâ insignis, utrinque barbitio comans. Semen tricoccum, accedens ad *Heliotropion* tricoccum, rugosum, mediocris magnitudinis.

Peruviæ indigena est hæc herba, unde non modò in Europam sed & in alias Indiæ Occidentalis *Locus* & regiones translata est. Per totam ferè Æstatem & in multum Autumnum floret, donec tandem frigore, cuius minùs patiens est, corrumpitur. In calidioribus regionibus toto anno viret, florèsque producit, nisi hyems asperior ejus luxuriam coerceat. Ex furculis depaëtis & semine deceduo in hortis facile provenit. Semina quamprimum maturuere statim decidunt.

Adhibentur flores acetariis quæ ex oleribus parantur, gratiamque ita & saporis & aspectus ad *Vires* & *Usu* dunt. *Ventriculo* ex frigida causâ imbecilli aut ex flatu dolenti subvenit.

Aliam hujus speciem habet C. Bauhinus *Nasturtii Indici minoris* titulo, foliis rotundis, Lenticulæ *Alia species* paulò majoribus. Videtur etiam floris colore variare, vel aureo, vel \* luteo dilutior, vel sulphureo. \* *Hort. Reg. Paris.*

Singularis & sui generis planta est, nec quicquam cum *Nasturtio* præter saporem habet commune. Recordor à quopiam fide digno ex America reduce, instar horribilis secreti mihi fuisse communicatum adversùs contumacem & malignam scabiem, itémque vulnera recentia præstans oleum è *Nasturtio Indico* per simplicem infusionem paratum. *S. Pauli Quadr. Bot. Claf. 3. p. 411.*

## LIBRI DECIMI

## PARS SECUNDA.

De Herbis *γυμνοστέφλοις*, in quibus quatuor singulis floribus succedunt semina, *Asperifoliis* dictis.

**H**UIC generi folia in caulibus alterno aut nullo ordine posita; flores monopetali marginibus quinquepartitis, incisuris aliàs profundioribus, aliàs levioribus; summæ spicæ caudæ *Scorpii* in modum reflexæ. Asperifolias dicimus hujus generis plantas, non quòd omnes earum species folia aspera obtineant, sed quòd pleræque; nec quòd nullæ præterea herbæ asperifoliæ sunt, sed quòd in nullo



lo alio genere tot species. Malumus autem receptis & usitatis Generum nominibus adharere, quàm præter necessitatem nova imponere; præsertim si usitatorum probabilis ratio reddi possit.

## Herbarum Asperifoliarum T A B U L A.

*Herbæ asperifoliæ, quibus folia in caulibus alterna, flores monopetali marginibus quinquepartitis, incisuris alias profundioribus alias levioribus, singulis autem floribus quatuor plerumque succedunt semina, sunt vel seminibus ad singulos flores*

Quaternis, perianthio

{ Oblongo integro, foliis maculis albis variis; PULMONARIA MACULOSA.  
{ Breviore & ad modum floris expanso; seminibus

{ Asperis & lappaceis, foliis in plerisque speciebus mollibus & graviter odoratis; CYN-  
GLOSSA.

Rugosis,

{ Caput viperinum aut galeam referentibus, flore

{ In quinque laciniis totidem folia imitantes diviso, radicibus

{ Albis, florum laciniis

{ Obtusis & subrotundis, foliis longis acutis; BUGLOSSA.

{ Acutis, foliis brevibus & latoribus; BORAGO.

{ Rubris; ANCHUSA.

{ Corniculato; parte superiore longius excurrente, inferiore brevior; ECHIUM.

{ Scyphum referentibus, foliis laxis Lini, flore lacteo; LINUM UMBILICATUM.

Lævibus,

{ Non splendentibus, floribus

{ In spicis longis recurvis, foliis lanuginosis; HELIOTROPIMUM majus.

{ Ad foliorum alas, caulibus asperis & vestibus adherentibus, seminibus compressis;  
APARINE major.

{ Splendentibus & velut politis floribus

{ Cyclindraceis tubulosis, foliis amplis longis; CONSOLIDA major.

{ In quinque laciniis expansis;

{ Major, seminibus duris splendentibus; LITHOSPERMUM.

{ Minor, echioides, spicis florum prælongis recurvis, Echium SCORPIOIDES.

{ Binis, flore cylindraceo tubuloso, folio glauco; CERINTHE.

### C A P. I.

#### De Pulmonaria maculosa.

1. *Pulmonaria maculosa* Ger. *latifolia maculosa* Park. *Pulm. Italorum ad Buglossum accedens* J. B. *Symphytum maculosum sive Pulmonaria latifolia* C. B. *Sage of Jerusalem* or *Bethlehem*, *Jerusalem Cowslips*.

**R**adice nititur albâ, fibrosa, Hellebori, sed fibris rarioribus & quibusdam crassioribus, gustu admodum lento & viscido. Caulis angulosus, purpurascens, hirsutus, unus interdum surrectus, reliquis primùm germinantibus, aliàs plures ut in Buglosso. Folia alia statim à radice exorta, conferta, per terram sparsa, alia caulem inæquali situ sine pediculo amplectentia, oblonga, unciam lata, nervo medio per longum donata, in acuminatum mucronem desinentia, lanugine

gine supra, infraque & in ambitu molli pubescentia; at adulto vere folia insignem acquirunt magnitudinem, præsertim infima, quippe quæ latitudine palmum superent, longitudine sesquipalmum, teneraque illâ lanugine rigescere hispida redduntur. Summitati caulis (qui brevis est, dodrantali altitudine) insident flosculi ex pediculis semuncialibus & brevioribus multi simul juncti, interdum reflexi caudam Scorpionis æmulantes, ut Echii, è *calicibus* oblongis, striatis, hirsutis, colore modò purpurante, modò violaceo, aliàs mixto purpuro-violaceo, idque in uno eodémque ramo, in quinque lacinias divisi. In calicis fundo succedunt semina quaternaria Buglossi seminibus similia.

Foliis variat (inquit C. Bauhinus) quæ aliquando albis punctis & lituris notantur, aliquando iis *Varietas.* carent, & hæc Pulmonaria folio non maculoso *Clus.* Hanc Clusius pro diversa specie describit, à præcedente tamen præcipuè differt foliis minùs amplis, nullis albicantibus maculis supernè infectis: reliquæ enim notæ conveniunt. *Symphytum non maculosum.*

Floribus est communiter cœruleo-rubentibus, rariùs albis. Pulmonariæ speciem flore albo aliquot annos in horto alui, quæ omnibus sui partibus, sed præcipuè foliis, majoribus erat quàm descripta, & maculis pluribus majoribusque notatis. *Pulmonaria macul. flo. albo.*

In sylvis propè Coloniæ Agrippinam hanc primò observavimus, postea in omnibus ferè montosis dumetis propè Rhenum & circa Genevam. *Locus.*

Nostratibus pro odore in frequenti usu est, Salviam Hierosolymitanam ac Bethlehemiticam appellant. Pneumonica & cardiaca censetur. Consolidat & glutinat, Symphyti instar. *Vires & Usus.*

Ufus ejus præcipuus est in ulceribus pulmonum, aliisque eorundem affectibus, Phthisi, expuitione sanguinis, &c. Extrinsecus in vulneribus.

2. *Pulmonaria angustifolia* 2. *Clusii* Ger. [potius 3.] *angustifolia cœruleo flore* J. B. *Symphytum maculosum* sive *Pulmonaria angustifolia cœrulea* C. B.

*Clus.*

Huic folia sunt angusta & villis obsita, Buglossi sylvestris, Echii, aut Anchusæ foliis non abimilia, molliora tamen, neque tam aspero villo hirsuta, nullo pediculo prædita, sed medium caulem amplectentia, qui paulatim succrescens angulosus & hispidus, interdum nonnihil purpurascens, in pedalem tandem altitudinem excrescit, in cujus fastigio multi pentagoni *caliculi*, in quinque purpurascens lacinias divisi & subhirsuti nascuntur, continentes oblongos, concavos flores, Buglossi hortensis aut Pulmonariæ vulgaris floribus formâ similes, qui per oras in quinque orbiculares ferè lacinias divisi, colore antequam aperiuntur ex purpura rubente, deinde quando explicati sunt, cœruleo adeò eleganti nitent, ut Gentianellæ vernæ floris venustatem si non superare, attamen proximè æmulari videantur, odore autem nullo grati: ii maturi decidunt integri, quemadmodum Buglossi hortensis & similium flores, atq; caliculum inanem cum stylo & quatuor *seminum* rudimento relinquunt, quod maturitate nigrum evadit, Echii aut Buglossi vulgaris semini respondens. Adnascuntur deinde secundum caulis pedem alia hirsuta folia, angusta, palmaris aut amplioris longitudinis Echii aut Anchusæ foliis latiora molliorâque: inter quæ (licet sicca sint) subsequente vere prodit caulis, suis venustis floribus onustus. Radix crassis carnosisque fibris prædita est, ut Pulmonaria maculoso folio, initio candicantibus, deinde vetustate foris nigricantibus, dulci sapore.

Nascitur passim per Pannoniam & Austriam inferiorem in montanis & cœdis sylvis, & diutissimè flore. Exilit primo vere, florumque congestorum thyrsus ferè ante folia promit. *Locus.*

- A. 3. *Pulmonaria foliis Echii* Ger. emac. *rubro flore*, foliis Echii J. B. *angustifolia rubente cœruleo flore* C. B. *angustifolia* Park. parad.

*Clus.*

Hoc genus jam descripto ferè simile est, nisi crassiorē majorēque caulem, ac latiora folia haberet, & flores similiter, non ut illa cœruleos, sed pulcherrimè rubentes: alioqui & radice & temperamento conveniunt.

Huic omnino respondens, tum forma, tum amplitudine alia invenitur, cujus flores initio rubent, deinde cœruleum colorem saturatiorem contrahunt.

Crescunt hæc duo genera ad cæduarum sylvarum margines, umbrosis locis in Pannonia, & eodem cum superiore tempore florent. *Locus.*

Pulmonariam foliis Echii invenit D. Goodyerus in sylva quadam propè ædes Holburienfes, in saltu *Nova Foresta* dicto in agro Southamptoniæ.

## C A P. II.

### De Cynoglosso.

**C**ynoglossum *Κυνόγλωσσον*, à foliorum forma caninas imitante linguas dictum est. Notæ ejus sunt semina aspera & lappacea, compressa.

- A. 1. *Cynoglossum vulgare* J. B. *majus vulgare* C. B. Ger. Park. *Great Hounds Tongue.*

*J. B.*

Nigra foris radix, intus alba, tota crassa, Rapam exiguum repræsentans [Columnæ non magna] odore magis gravi quàm sapore, qui dulcedinem nonnullam fatuam linguæ offert. *Caules* circiter



citer bicubiales, in ramos multos divisi, vetustate concavi, multa lanugine obfiti: *Folia* longa & latiuscula primo anno, secundo, ubi caulem fert, stricta, acuminata, incana, mollia, lanuginosa, odore gravi. *Flores* Buglossi officinarum, colore sordide rubente, monopetali quidem, in quinque tamen segmenta aliquousque divisi. [Columnæ *Flores* plani ferè non cavi, venis purpureo-ceruleis depicti stellulas effigiantes rotundis radiis, brevi admodum tubulo infidentes] è calice hirsuto quinquepartito. Succedunt lappulæ quatuor, conis suis ad stylum in medio prominulum concurrentes, nonnihil compressæ, spinulis hispida, quæ pertinaciter vestibus adhærescunt, cavitate unica donatæ, in qua itidem *semen* unicum. [ *Flores* & semina plerumque versus unam partem nutant, & singuli pediculis uncialibus infident, quibus nullum apponitur folium. *Folia* alternatim cauli adnascuntur nullis intervenientibus pediculis.]

Locus.

Ad vias locis incultis & ruderatis præsertim pinguioribus passim cernitur. Junio mense floret.

2. *Cynoglossæ vulgaris minor species & candidior* J. B. minus sive pusillum Park.

Parvitate omnium partium & tomento candicante foliorum à vulgari distinguitur.

\* 3. *Cynoglossum maximum* Lob. Park. *maximum Belgicum* C. B.

Occurrit in hortis Belgicis, foliis, floribus, semine, omnique sua parte duplo majus vulgari. Nobis videtur superiori specie eadem, ob ubertatem soli luxurians; nihil tamen temere affirmamus.

Vires.

*Cynoglossum* refrigerat & ficit. Usus ejus in sistendo fluxu alvi, gonorrhœa & catarrhis exicandis. Sanguini etiam sistendo, & ad omnis generis vulnera & ulcera conducit. Martb.

Ulcus mammarum in lotrice Tubingensi sanatum vidi facili hoc remedio: *Cynoglossa* in Vin. & Aq. ana partibus æqualibus coctâ lavetur ulcus, & imponantur folia. D. Soame ex observ. Jeremix Martis Obs. 33. Unguentum ex illius succo cum melle & Terebinthina paratum ad ulcera antiqua maligna & fistulosa valde extollit Hieron. Tragus: Idem & mariscis sanandis efficacissimum esse perhibet.

Verum quia soporiferum est & narcosis virulentæ suspectum, rarissimè à practicis adhibetur, inquit Schroderus.

Immeritò suspectum esse convincunt experimenta medicorum quorundam summæ fidei & peritiæ, qui nobis retulerunt se ad ulcera & tumores eo sæpius usos esse in cataplasmatibus & emplastris magno cum successu, atque etiamnum uti: intus etiam tutò sumi posse arguunt Pilulæ de *Cynoglosso*.

In strumis & scrophulis *Cynoglossæ* radicem tum intus in decocto, tum extra in cataplasmatibus formâ, summo cum successu adhiberi solitam à quodam celeberrimo hujus Urbis [Londini] medico, jam fatis functo accepi. D. Ed. Hulse.

Ad Scrophulas, Radices in taleolas dissecentur, & suspendantur circa collum, novas adhibendo tertiâ quavis septimana. Retulit mihi amicus quidam, se novisse radices hæc suspensas circa collum pueruli cujusdam pauperculæ, cujus caput & lintheamina pediculis scatebant. Observatum pediculos quidem radicum fetorem exosos procul aufugisse & sedes mutasse, scrophulas obstinatè restitisse, nec quod ille audiverit iis sanandis medicamentum successisse. Idem.

\* 4. *Cynoglossa montana maxima frigidarum regionum* Col. *Cynoglossum mont. maximum* Park. *An Sylvaticum rubente caule* C. B.

Col.

Radice nititur pedali & ampliore, sesquipollicem crassâ, foris nigricante, intus verò parum candicante: *Folia* emittit longa, pedem superantia, palmum lata, Plantaginis latifolia formâ, verum angustiora, & venis obliquis distincta, petiolo crasso atque rubente hærentia, hirsuta, ex albo virentia, atque in terram convexa quæ vetustiora, media verò erecta, tactu mollia. Maio mense caulem è medio profert bipedalem, crassum, striatum, cavum, lanuginosum, rubentem, foliis undique densis, rectis, angustioribus, semper decrefcentibus ad flores usque circumdatum, ita ut nihil caulis appareat: nervus verò medius à petiolo per folium rectus discurrens rubescit in omnibus. In summo verò & inter foliorum cacumina flores apparent, oblongum & crassum veluti colum aut capitulum conformantes rotundum, undique circumdispositi, densi, deorsum tendentes, radiis foliorum intermediis, quæ alarum cum expansi sunt flores initia erunt. Flores verò singuli calycem habent quinquepartitum, hirsutum, ipsi verò oblongi, cavi, in purpura rubentes, parum odori, in quinque rotundas oras, rectasque divisi sunt, nec amplius dehiscetes, quorum pars interior calyce occultata, angustior est, oblonga fatis atque albicans, intra quam *seminum* rudimenta insunt, quadripartita, longum apicem in medio habentia, quinque staminibus luteis concomitantibus, & ex flore se exerentibus: quare plantæ hujus globosum caput vericolor & venustum efficiunt: viridi namque colore florum calyces, flores ipsi purpureo-rubente, stamina verò luteo, atque foliola intermedia nervo rubente depicta sunt. Æstate paulatim dehiscit, caule se producente, florum globosum caput, alarumque divisiones recipiens diversam acquirit figuram, denique perficiente se planta in brachia alasque dividitur quatuor aut quinque, parum à se invicem distante ortu, ut ab eodem ferè principio productæ censeantur, in diversa tendentes, pedales, hirsutas, in quibus juxta imum fructum foliolum unicum conspiciatur (quo à ceteris *Cynoglossis* differt.) Fructus verò etsi alternatim oriantur, per alas dispositi uno versu sæpius inveniuntur, floribus ab imo marcescentibus succedentes, petiolis tenuibus, digitali longitudine, infidentes, quadripartiti, depressi, ovali figura, echinati, simul cohærentes cruciatim, quorum pars interior cruciatim hærens in acutum definit. Pars fructuum superior plana, aculeis crassioribus, minúsque densis & limbo circumsepta parum excrecente, ut aquam continere possit; inferior rotunda, tota hispida, densioribus aculeis lappaceis, vestibis hærentibus ficcatis, præter eam quæ petiolo hæret quæ levius est. Fructus per maturitatem rufescunt, medullâ intus libro ex viridi nigricante obductâ, sapore amarescente, sicut & folia. Omnium maxima sunt hujus semina, latiorèque umbilico ac planiore.

In



In frigidis tantum regionibus, Apenninis montibus excelsis atque summitatibus, Campoclarenfi-  
um Matefio & Æquicolorum Rascino sponte ortam observavimus. *Locu.*

5. *Cynoglossum minus* J. B. C. B. *minus flore cæruleo* Park. *Cynoglossum minor montana serotina altera*  
*Plinii* Col. *Cynog. pumilum Austriacum alterum* Clus.

*Col.*

*Radix* huic parva, lignosa, dura, cortice crasso, fibris obliquis, longis, tenuibus, lignosis donata, pullo colore, dulci sapore. *Caulis* tenuis, angulosus, hirsutus, summum bipedalis, *foliis* vestitis crebris, oblongis, Oleæ aut Lithospermi ferè, virentib. mollib. hirsutis aspera, alba & longa obsitis, alternatim densè semidigitali spatio hærentibus; sapore amaro, è foliorum sinibus alia germina exeunt, parva. In summo caulis in tres, quatuor vel quinque dividitur ramulos, semper obliquos, interdum pedales, bifidos aut trifidos, Scorpoidis modo incurvos, *foliis* tenuibus & hirsutis vestitis, alternatim utrinque positis quemadmodum etiam florum & fructuum petioli in summis virgulis utrinque disponuntur. *Flores* pusilli sunt admodum, quam Echii Scorpoidis minores, cæruleo colore amæno, brevi tubulo, ore quinquepartito, stellulam intus luteam continentes: quibus decidentibus *fructus* succedunt ex basi minima, quinquefoliata, lappacei, longis atque tenuibus aculeis armati, oblongi, pyramidales, apice illo medio carentes: *semina* oblonga, ovalia, angusta, figurâ trigonâ, in dorso cava, umbilicata parumper per longum eadem formâ, per maturitatem rufescentia. A summo caulis florere incipit, deinde è foliorum superiorum sinibus alæ producuntur, paulatim ex-crescentes.

Circa Moguntiam & Genevam spontaneam invenimus. In Æquicolorum montibus frequens. *Locu.*

*Col.*

C. Bauhinus hanc plantam bis ponit, primò sub titulo Cynoglossi medii: secundò sub titulo Cynoglossi minoris. Parkinsonus quoque bis. 1. Sub titulo Cynoglossi minoris sive pusilli. 2. Sub tit. Cynoglossi minoris flore cæruleo.

- \* 6. *Cynoglossum Creticum secundum Clusii* J. B. Cret. alterum Ger. Cret. latifolium Park. Creticum latifolium fatidum C. B.

*Clus.*

Primo anno, ex radice longa, infra digiti minimi crassitudinem consistente, rarisque fibris per longitudinem sparsis præditâ, crassiusculoque cortice foris fusco amictâ multa promit *folia*, palmum aut amplius longa, unciam lata, humi fusa, mollia & tenui brevique lanugine tecta, nervo satis crasso illa per longitudinem æqualiter secante, inter quæ altero anno prodit *caulis* cubitalis aut amplior, striatus, firmus, rectus, molli lanugine obsitus, quem confuso ordine vestiunt folia jam dictis similia, sed quæ breviora fiunt quò propius ad summum caulem accedunt, ex viridi pallescunt. Summus caulis in multos graciles ramos dividitur, summo fastigio Scorpium aut Heliotropii majoris instar inflexos, in quibus plurimi caliculi, quinque laciniis constantes, unde *flores* emergunt primi [*Clus.*] floribus breviores, illis tamen ampliores, in quinque lacinias orbiculares divisi, candicantis initio coloris sed multis tenuibus purpurascens venis, [quæ vetustate in cæruleum colorem trans-eunt] ornati. Defluentibus floribus conspiciuntur in calyculis *semina* rugosa, aspera, è quorum medio prodit stylus.

Tota stirps ingrati odoris est, Junio floret: vivacem non esse arbitror.

Hanc plantam omnino specie eandem esse puto Cynoglossæ alteri mediæ fructu cotylode seu Lychnioide *Col.* Lector Botanicus descriptiones invicem conferat, & ipse judicet.

- \* 7. *Cynoglossum fructu umbilicato* C. B. subrubente versicolore flore Park. *Cynoglossa altera media fructu umbilicato sive lachryosa* Col. An Cynog. Creticum 2. Clus?

*Col.*

*Radice* habet tenuem, fibris divisam, lignosam, pullo colore, in plura capita interdum divisam. *Folia* vulgaris Cynoglossæ multò minora, hirsutis molli, incanâ obducta, & magis in superna parte. *Caulis* pedalem & sesquipedalem ad summum, teretem, solidum, lignosum, hirsutum, *foliis* vestitis alternatim positis, lata basi absque petiolo hærentibus, in cacumine in tres ramulos divisum contrario nutu cernuos ob florum & fructuum positum & naturam: alios etiam interdum è foliorum superiorum alis ramos profert. *Flores* edit parvos, supradictis minores admodum, colore suaverubente, sanguineis lineis variegatos, centrum sive umbilicum hilari rubente colore infectum habentes. *Fructus* majoris Cynogl. similes, umbilicati, cavi latiore umbilico, elatiore limbo circumsepiente, nec obtuso ut in aliis, sed tenuiore, lucernarum effigiem imitante; *Semen* non depressum aut planum, sed pyriforme & parum compressum continet, sapore amaricante.

In Valuentium Anversæ oppidi montibus eorumque radicibus nec alibi à Columna reperta est. *Locu.* Maio florida cacumine & fructu prægnans invenitur, æstate perficitur & deperditur.

- A. 8. *Cynoglossa folio virenti* J. B. *Cynoglossum minus folio virente* Ger. *Cynogl. semper virens* C. B. Park. An Cynoglossa media altera virente folio, rubro flore montana frigidarum regionum Col?

*Caules* aliquot ex radice pollicari, nigra foris, intus alba, lignosa [crasso cortice Buglossi Col.] sapore viscido & ingrato [parum amaro Col.] erigit bicubitales, rectos, hirsutos, in alas divisos, adultos inanes. *Folia* formâ quidem sunt Cynogl. vulgaris, supernè lato virore splendentia, glabra & tactu mollia, alicubi etiam molli lanugine obsita, infernè albidiora, hirsuta & aspera, odore nullo,



lo, sapore fatuo. Flores ut in Vulgari ferruginei, rubentésve, parvi in quinque lacinias divisi, apicibus totidem parvis & rubentibus è calice hirsuto quinquefolio, in atrovirente purpurantéve. Lappulae quales vulgari.

Locus.

In viis publicis in Essexia circa Braxted vicum, interque Withamiam & Kelvedon copiosè oritur.

Varietas.

Cynoglossa media virente folio Col. ab hac magnitudine florum differt, qui duplo ferè majores latiorésque sunt quàm Cynoglossi vulgaris.

Tempus.

Floret Aprili & Maio, semen Julio maturat, deinde perit planta.

- 9. *Cynoglossa media, argentea, Apula, campestris calidarum regionum* Col. *Cynoglossum Creticum angustifolium* Park? *Creticum argenteo angusto folio* C. B? *Creticum* 1. Ger?

Col.

Ex radice Buglossi modo fusca, minore [longâ, singulari, candicante, crasso & succulento cortice obductâ, summa tamen cute subfusca, minimi digiti crassitudine, fractu contumaci, raris tenuibus fibris per totam longitudinem præditâ Clus.] caules edit plures, pedales rotundos, subrubentes, hirsutos, alis in summo divisos, in quarum sinubus flores singulares oblongis petiolis donati insunt, primum emicantes, sed in summo per ramulos coacervati è foliorum sinubus exeuntes deorsum spectantes calycibus adhuc conclusi, quorum imi particulatim florere incipiunt, atque ex basi quinquefoliata prodeunt Martio, oblongi, cavi, Cerinthes modo, longum habentes tubulum candicantem, in quinque partes divisum os habentes, ex albo purpurascens, carnei ferè coloris suaverubentis, intus nigra stamina occludentes [Clusio flores Cynogl. vulgaris floribus formâ similes, sed minores & dilutioris coloris] Semina singulis floribus succedunt quaternâ lappacea, crassioribus aculeis armata, sed parum in superiore parte cava, non autem limbo distincto umbilicata ut in præcedente, quæ sicca pertinet vestibus adhærent [Clusio semina vulgaris feminibus minora, cum Columna expressè affirmet majora esse] Foliis est multis semipedalibus, digitali latitudine, lanugine densâ, minuta, molli argenteo colore splendente obsitis, carnosiss, mollibus, gravi odore, gustu sicco amarum os relinquent in fine.

Locus.

Aprili mense semina perficit. In sabulosis oritur locis, Cirinola Apulæ, calidæ regionis.

Differt videtur specie à Cynoglossi Cretico 1. Clus. liquidem flores hujus longum habent tubulum candicantem cum illius Cynog. Vulgaris floribus formâ similes sunt, deinde illius semina vulgaris feminibus minora sunt, hujus autem crassiora crassioribus aculeis. Tandem hanc hyeme germinare, semperque virere scribit Columna, Clusiana autem planta semine sponte deciduo conservata est.

D. Magnol non separat Cynoglossi vulgaris speciem minorem & candidiorem J. B. à Cynoglossi Cretico argenteo angusto folio C. B. i. e. Cretico 1. Clus. cujus sententiæ & nos libenter subscribimus.

- 10. *Cynoglossa media montana incana, angustifol. altera, flore globofo, frigidarum regionum* Col. *Cynoglossum globofo flore* C. B. *medium montanum angustifolium* Park.

Col.

Ex radice perenni, pedali, pollicari crassitie, nuda, solida, crasso cortice nigrescente, nervo intus lignoso, sapore ingrato, Folia exeunt, cum primò germinat exigua, Olea angustiora & acutiora, postea Veris fine & Æstate semipedalia & majora, digitali latitudine in medio, nam utrinque acuminata sunt, recta, carnosâ, molli lanugine incana admodum, petiolo & nervo rubente per longum discurrente. Caulis Maio producit, foliis undequaque vestitus densis, hirsutioribus, in imo latis, in acutum desinentibus lanceæ modo, ut nihil stupitis conspici possit, semipedalis, in summo globulum seu sphaeram habens, mali magnitudine, incanam, foliolis pusillis lanosis admodum & floribus rubentibus cavis, densis, favorum cellulas exprimentibus, rubente Cinnabaris colore, undique elaboratam, oculis admodum gratam. Flores singuli calicem habent lanosiorum, ipsi verò latiores sunt aliis atque majores, magis aperti, nec admodum cavi, longo tubulo etiam, sed Maximæ minori, infidentes, ac intus stellulam nigriore colore, ut Vulgaris, habentes: qui caule se producente Junio in diversa juxta ramulorum productiones tendunt. Ramuli verò tres non rarò quinque inveniuntur in pedalis caulis summo ex eodem principio initium ducentes, in quibus, ut in Maxima, è finu folioli exit petiolus oblongus fructum sustinens. Fructus autem alternatim non unico versu dispositi sunt, in calicibus angustifoliis, minores quàm Maximæ rotundiorésque, umbilicum admodum parvum habentes, minúsque hirsutam planiciem internam, quàm in reliquis læviorem: atque limbus non in laterum extremo, sed supra convexam partem positus est, Junio perficitur. Folia parum amara & adstringentia. Medulla fructus amarescit. Radix in summo pilosa è foliorum depeditorum villis.

Locus.

Æquicolorum montibus Cornimo dictis & similibus excelsis & frigidis, locis nudis, saxosis sine arboribus provenit.

### C A P. III.

#### De Boragine.

**B**Orago dicta videtur à Corago, unâ literâ variatâ. Corago autem Lucanis apud Apuleium hæc herba dicitur, quòd cordis affectibus quàm maxime opituletur. Hinc tritus ille versiculus:

Dicit Borrage, gaudia semper ago.

Etymon



Etymon hoc improbat C. Hofmannus, nec tamen melius ejus loco substituit.  
Hujus notæ sunt semina rugosa, flores stellati laciniis acutis, apicibus in umbonem acutum coeuntibus.

*Borago floribus cæruleis & albis* J. B. *Buglossum latifolium*, *Borrage* C. B. *Borago bortenſis* Ger.  
*Borago* Park. *Borrage*.

J. B.

Infrima est planta, & quæ ægrè se humo tollat: *Radix* alba, digitali crassitudine, mansu viscida. *Folia* lata, subrotunda, aspera, rugosa ac plicata, per terram sparsa, eminentibus pullis tenuissimisque aculeis. *Caulis* hispidus, teres, inanis, cubitalis, ramis brachiatis. *Flores* amoeni, stellati, radiata quinque foliorum acuminatorum serie explicati, umbone medio è quinque apicibus nigricantibus coagmentato, [segmento oblongo purpurante cuique apici ceu cincinnulo extrorsum apposito] facile à quinque foliorum hirsutorum calice cui insident, cadentes, colore cæruleo, purpurascente, vel albo. N. B. Flores quamvis pentapetali videantur, revera monopetali sunt, segmentis foliorum æmulis ad ungues coalescentibus, ut flores integri decident: pediculis uncialibus, & fescuncialibus insident, purpurantibus & deorsum incurvatis. Florum surculi, antequam aperiantur flores, reflectuntur seu contorquentur caudæ Scorpii in modum, bino ordine siti, ut in reliquis hujus generis. Singulis floribus quaterna succedunt semina, magna, striata, basi lata, mucrone acuto, per maturitatem nigricantia.

Boraginem sylvestrem tenuifoliam Tabernæ-montani C. Bauhinus à vulgari Boragine non separat, nec nos separandam putamus.

Cordialis est è præcipuis. Flores inter quatuor cordiales famosos recensentur. Aquæ destillatæ *Vires* necnon conservæ ex floribus tribuunt vim roborandi cor, lipopsychiam removendi, lætitiâ melancholicis excitandi, ac sanguinem depurandi. Hinc non desunt qui Boraginem Homericam Nepenthen esse statuant, cujus scilicet succo Homerus vino immisso tristitiam discuti, & malorum omnium oblivionem induci scriptum reliquerit. J. B.

Tragus laudat aquam in inflammationibus oculorum, repellentis scilicet loco.

Mihi aqua destillata probatur in omnibus febribus, ut & flores Saccharo conditi. J. B.

C. Hofmannus receptæ sententiæ adversatur, & flores Boraginis, syrupos, conservas, radices conditas in affectibus cordis biliosis, ad cor muniendum in febribus pestilentibus, inque ictu serpentum aliisque venenis frustra adhiberi se novisse affirmat.

In suppressione mensium nonnullis Arcanum est Conserva Boraginis in vino albo tenui soluta. D. Soame ex Observ. Jerem. Martii. Obs. 50.

#### C A P. IV.

##### De Buglosso.

**B**uglossum à similitudine foliorum dictum est, quæ tum figurâ suâ, tum scabritie linguam bubulam repræsentant.  
Ejus notæ sunt semina rugosa, flores in quinque segmenta obtusa seu orbiculata expansi.

1. *Buglossum vulgare* J. B. Park. *angustifolium majus* C. B. *Buglossa vulgaris* Ger. *Bugloss*.

*Caules* ex eadem radice plures exserit sesquicubitales & bicubitales, teretes, pilis rigidulis asperos, summa parte ramosos, quibus absque pediculis adnascuntur *Folia* crebra, angusta, oblonga, ex viridi glauca, non ut Boraginis rugosa, in acutum mucronem desinentia, consimilibus pilis utrinque hirsuta, ad margines æqualia. Ex alis foliorum & interdum ad eorum latus, aut inferius superiusve paulò oriuntur ramuli. *Flores* in fastigiis caulis & ramorum, è calice quinque oblongis, angustis acutis, pilosis, segmentis composito exeunt, Boraginis minores, monopetali, è tubulo oblongo in quinque segmenta obtusa seu orbiculata, è cæruleo purpurascencia, & totidem folia imitantia, divisi; umbone medio obtuso, villosa, quinque staminibus composito. *Stylus* oblongus ex imo calicis fundo enascitur, quem circumstant quatuor semina, per maturitatem pulla, rugosa, in acutum mucronem ad latus spectantem fastigiata. Summitates caulium & calices florum purpurascunt. Surculi floriferi antequam flores expanduntur reflectuntur seu contorquentur caudæ Scorpii in modum. *Radix* in multos annos vivax, foris nigra, intus alba, gustu lento.

In hortis nostris Junio & Julio mensibus floret, & deinceps per totam æstatem. *Folia* hyeme pereunt, vere primo nova erumpunt. Multis Germaniæ in locis sponte exit, ut tradit J. Bauhinus, v. g. in Alfatia inter Brissacum & Etsesheimiam. Nos circa Messanam Siciliæ observavimus spontaneum, J. Bauhinus propè Monspelium & Frontignanum. *Locus*.

Eandem obtinet vires quas Borrage. Flores scilicet insignem habent usum in Melancholicis & hypochondriacis affectibus. S. Pauli Quadripartit. Botan. Clas. 2. p. 27, 28. Sunt è numero quatuor florum cordialium. *Vires*.

Epilepsiam desperatam curabat quidam (lingua & ore illito) potu continuo Vini & florum Buglossæ per semestre integrum mandato. D. Soame ex observationibus Jerem. Martii à Velschio editis, Obs. 42.



2. *Buglossum angustifolium* Lob. *angustifolium minus* C. B. *vulgare angustifolium minus* J. B. *minus sativum* Park.

f. B.

Magnitudine à præcedenti differt, *foliis* similiter longis, hispida, sed contractioribus, *floribus* minoribus albis vel purpurascens, interim *caulus* altitudine parum aut nihil cedit interdum: Trago brevior, angustior, acuminatior, ac quoad omnia magis exigua est, *semine* præsertim, quod & magis nigricat: *Flores* similes, iique nonnulli purpurei, perpetuo, alii cœrulei. Hanc speciem J. Bauhinus *Buglossum angustiore folio*, flore minore appellat, cuius duplex genus à Fuchio habuit, unum purpureum colore *Violæ* aut *Anchusæ*; alterum flore albo.

Locu.

Ad vias & in agrorum marginibus in Italia, Gallia, Germania subinde occurrit; foliis angustioribus, floribus minoribus,, nigro-purpureis.

*Buglossum sylvestre majus nigrum* C. B. *sylv. majus flore nigro* Park.

Cum sola partium omnium magnitudine, & floris colore nigro-purpureo à præcedente differre dicatur, non est cur specie distinctum faciamus.

- A. 3. *Buglossa sylvestris minor* Ger. emac. *Buglossum sylvestre minus* C. B. Park. *Echium Fuchii* sive *Borago sylvestris* J. B. **Small wild Bugloss.**

*Radice* donata est albâ, simplici, longâ, raris filamentis fibratâ: ex cuius capite plures prodeunt *caules* dodrantes & cubitales aut etiam altiores, hirsuti, asperi, ramosi, fragiles. *Folia* Echii, magis hispida, sinuosa, alternatim posita, sapore fatuo; illa verò è quorum alis egrediuntur flores breviuscula, triangula, latâ basi cauli adnata in acutum mucronem definunt. *Flores* in summitatibus caulis & ramorum ex alis foliorum egrediuntur singulis singuli, pediculis brevissimis insidentes, è calice hirsuto quinquepartito. Flores autem ipsi exigui, monopetali è longo tubo incurvo in quinque subrotunda segmenta partiti pallidè cœrulei. *Stylus* in flore penitus occultatur: *Stamina* brevia & velut lanuginosa umbilicum floris constituunt. Summitates caulium & ramorum floriferæ floribus nondum explicatis contorquent sese caudæ Scorpîi in modum, ut in hujus generis reliquis. Singulis flosculis quatuor in calice succedunt *semina* nuda, Echii, rugosa & per maturitatem nigra, latâ basi, acuto apice.

Locu.

Inter segetes & in arvis requietis passim oritur.

4. *Buglossum folio Boraginis Hispanicum* J. B. *Borago semper virens* Park. Ger. *Buglossum latifolium semper virens* C. B. **Ever-green Borrage.**

f. B.

Bicubitales & altiores attollit *caules*, fistulosos, angulosos, hispida, asperosque, nec in ramos divilos. *Folia* Boraginis rugosa & aspera, spinis mollioribus quàm in Boragine & Buglosso, ad radicem longo, in caulibus nullo pediculo donata, acuta, præsertim in caulibus, quæ verò propter terram infima sunt magis rotunda existunt, albique punctis maculosa, multò latiora, & non ita brevia ut in Buglosso vulgari majori; ex quorum alis pediculi hirsuti sextantes aut quadrantales surriguntur, duobus foliis circa fastigium donati; inter quæ flores emicant cœrulei, Buglossi æmuli, sed calice brevior & velut sessili, non unâ se explicantes, quinquepartiti. Flosculis singulis succedunt *semina* quaterna ut in hujus generis reliquis, Boraginis seminibus paria & similia. *Radix* crassa, adnata donata, cortice nigro densiusculo obrecta, intus alba, sapore lento & viscido.

Est hæc (ut puto) *Borago Echiioides Alpin. exot.* quamvis icon non bene respondet.

- \* 5. *Buglossum sylvestre minus alterum* & *asperius* C. B. *sylv. minus alterum* Park.

C. B.

*Folia* huic quàm Buglosso sylv. minori asperiora, acutiora; flores in summis ramulis Galeopsos similiores, quàm præcedentium cujuslibet; colore in plerisque plantis purpureo, in nonnullis albo.

Buglossum

*Sylv. 3. C. B.* Aliam adhuc Buglossi sylvestris speciem constituit C. Bauhinus, quam Buglossum sylv. tertium vocat, & prædicto similem esse ait, sed non eandem.

6. *Borago minor barbariorum* Park. *Symphytum minus Boraginis facie* C. B. *parvum Boraginis facie* Ger. emac. *pumilum repens, sive Borago minima barbariorum* J. B.

Park. f. B.

Multa à radice emittit *folia*, Pulmonariæ maculosæ perfamilia, verum non maculosa, minora, acuminata, intensius viridia, longis pediculis fulta. *Caules* tenues, dimidium pedem altitudine vix excedentes, paucis foliis vestiti, flosculos sustinentes cœruleos, quinquepartitos, segmentis subrotundis, Buglossi quàm Boraginis similiores, nullis in umbilico filamentis, suo quisque pediculo oblongo nixi, quorum qui nondum explicati sunt Heliotropii in modum deorsum inflectuntur. *Radix* pulula, Ulmarie aut Pulmonariæ fibris implexa. Sapor plantæ cum acrimonia quadam mucilaginosus. Locus natalis nobis nondum innotuit.

7. *Buglossum*

7. *Buglossum procumbens annuum pullo minimo flore* Morif. Prælud. *Borago sylvestris annua Cretica* Zanoni. *Buglossum annuum pullo flore minimo vesicarium.*

E radice simplici, alba, nunc unum nunc plures emittit *caules*, angulosos, hirsutos, solidos, infirmos, & vix se sustinentes, dodrantes aut altiores in solo lato, *folius* vestitos crebris, alternatim positis, fescunciam aut duas uncias longis, semunciam latis, sine pediculis caulibus adnatis, à lata basi in acutum mucronem sensim angustatis, lanugine molli incana brevi pubescentibus; subasperos & ramosos. In summis caulibus & ramulis ex alis foliorum exeunt *flosculi* in *calicibus* turgidulis, hirsutis, striatis, margine in quinque acuta segmenta profundè scisso, pediculis brevibus insidentes, monopetali, perexigui, è calicibus vix apparentes, colore pullo, è simplici tubo in quinque subrotunda segmenta expansi. Flore dilapso aut marcescente calices in *vesiculas* turgidulas extumescunt, Solani halicacabi ferè modo, inque earum fundis quatuor *semina* stylum circumstant, lata basi calici adnata, ut in hujus generis reliquis, rugosa, per maturitatem ruffa, galeam figurâ suâ imitata. Summitates plantæ in apricis rubescunt, & flosculis nondum explicatis reflectuntur ut in reliquis congeneribus.

Apud nos hyeme corrumpitur & semine deciduo se quotannis renovat. Echii pullo flore Clusiani radix oblonga minimi digiti crassitudinem interdum æquat foris, fusca, paucisque tenuibus fibris prædita, capite unde caulis prodit extuberante, & præcedentis anni caulis vestigia servante. Certè nec figura, nec descriptio Clusii plantæ nostræ convenit, ut constet Clusianam à nostra diversam esse: cujus ergo Historiam è Clusio dabimus.

- \* 8. *Echium pullo flore* Ger. Clus. Park. *sylvestre lanuginosum* C. B.

Clus.

Pedalem habet *caulem*, striatum, villosum, foliis Echii aut Buglossi sylvestris, molli lanugine præditis, & inæquali situ ipsum ambientibus ornatum, superiore parte in multas alas divisum, quæ deinde in breves ramulos sese findentes, multis *flosculis* concavis, extremâ parte in quinque crenulas divisas, colorèque ex atro-purpurascente præditis, onustæ sunt, qui è vasculis molli lanugine hirsutis, & inter folia latentibus prodeunt. *Semen* ut in hujusmodi generis plantis Viperino capiti simile. *Radix* oblonga, minimi digiti crassitudinem interdum æquat, foris fusca, paucisque tenuibus fibris prædita, capite unde caulis prodit extuberante, & præcedentis anni caulis vestigia servante. Præmansa folia nullum initio manifestum saporem peculiarem præbent, sed postea nonnihil acrimonia habere deprehenduntur.

Crescit multis locis Viennæ vicinis, totâ etiam inferiore Austriâ, & Pannoniæ parte, siccioribus pratis & gramineis locis ad collium radices atque in ipsis collibus nudis, & tenui duntaxat gramine obfritis. Floret Maio. Locus.

9. *Buglossum Lusitanicum bullatis foliis* Morif. prælud. *Borago muralis variegata flore odorato Cretica* Zanoni.

Morif.

*Folia*, si feratur Autumno, exeunte hyeme profert viridia, bullis albis eleganter conspersa: è quorum medio exit *caulis* dodrantal, aliquando pedalis, per terram stratus, in summitate sustinens flores eleganter cœruleos, parvos, quadripartitos, quibus deciduis succedunt *semina* viperini capitis æmula, aliorum Buglossorum more.

Hujus est & alia varietas, priori in omnibus similis, nisi quòd flores edat rubros, striis albis eleganter pictos. In muris urbis Candix in ipsis petrarum fissuris oriri dicitur.

Plenorem omnium hujus plantæ partium descriptionem vide apud Jac. Zanoni in Historia Botanica Italicè conscripta.

Hujus varietatem in monte Hymetto propè Athenas invenit D. Georg. Wheeler. Vide Itinerar. lib. 6. pag. 415.

- \* 10. *Borago sylvestris Cretica perennis flore rubro cremesino* Zanoni. *An Buglossa tertia* Matth? *Echium Creticum* Alpin. exot.

Zanoni.

Perennis est planta, à radice satis longa, coloris Castaneæ, fibris tenuibus albicantibus cincta *foliorum* cespitem emittit partim humi stratorum, partim erectorum: sunt autem ea palmum circiter longa, duos digitos transversos lata, supernè in viridi albicantia, subtus pallida, pilis tenuibus obsita, uti est & caulis, tenera, succulenta, tactu aspera, nervo inferius elevato, supernè in sulcum depresso, medium percurrente. Horum in medio exurgit *caulis*, sesquicubitalis, teres, asper, tenax ut non rumpatur inflexus, medullâ viridi, succosâ farctus, foliis nullo ordine positis, sine pediculis adnatis vestitus, ramosus: in summis caulibus & ramulis flores in longis spicis caudæ Scorpii in modum reflexis, ut in reliquis congeneribus, vulgaris Buglossæ figurâ sed multò minores, colore rubro sanguineo, hilari aspectu, in quinque foliola [potius segmenta] divisi, medium uniuscujusque occupante umbilico quinquepartito, coloris cœrulei. *Semen* flori succedit quale penultimo in loco descriptæ, sed paullo minus, & nigricans.

Hæc planta Matthiolo in Comm. cum magnis figuris depicta videtur sub titulo Buglossæ tertiæ; Alpino etiam descripta & depicta in Exoticis sub nomine Echii Cretici. Consule si placet Autores dictos, & Jacobum Zanoni, & vide an rationes à Zanono allatæ demonstrent hanc esse diversam ab illis speciem.



II. *Buglossæ affinis semine corylode seu umbilicato. Linum umbilicatum* Park. App. *Denus* *Latun.*

*Park.*

Annua est planta *cauliculos* exserens graciles, canescentes superius ramosos, *foliis* aliquot oblongis, glaucis seu albescentibus, mollibus, alternatim positis vestitis, quàm Lini sylvestris latioribus & crassioribus vestitis. Ex alis foliorum singulorum singuli plerunque exeunt *flores* candidi, monopetali quidem, sed in quinque segmenta subrotunda eousque divisi ut pentapetali videantur, quibus succedunt in fundo calycis *semina* quaterna, eodem situ quo in Cynoglossa, verum non aspera sed rugosa tantum, & corylode seu umbilicata.

*Locus.*

Lusitanicæ originis esse dicitur.

## CAP. V.

### De Anchusa.

**A** *Γχου* & *τὸ ἄγγον*, quod vim suffocatoriam habeat dicta videtur: Aliis verò à florido radicis colore, siquidem *ἄγγον* est fuco illinere, quod nobis non probatur, cum *ἄγγον* sit potius ab *ἄγγον*.

Anchusa ab Echio, Lycopside, Buglossa, aliisque congeneribus radicis sanguineo succo quo manus inficiuntur, Dioscoride monente, differt.

1. *Anchusa angustifolia* C. B. *lignosior angustifolia* Lob. Park. *minor lignosior* J. B. Item, *Libanotis species* Rondeletio ejusdem. *Anchusa* 4. Ger.

*J. B.*

Lignosus est frutex, pedalis aut cubitalis, *radice* subruffa, robusta; *stolonibus* rigidis, Roris-marini texturâ, alioqui glabris, sed minoribus ramis hirsutis, per quos *folia* Hyssopi Arabum foliis paria: alia Thymi Cretici capituli foliorum modo latiora, hirsuta, aspera, dura, ex eodem puncto sæpenumero plura, quorum unum reliquis longius multò, nervo unico per singula secundum longitudinem decurrente, nullo seu odore, seu sapore. *Flores* extremis hærent ramulis, ex oblongo tubulo in calathiscum quinquepartitum, ad Primulæ veris imitationem explicati, colore purpureo, (Clusio intensè cæruleo.) *Semina* Echii aut Buglossi, satis magna, colore cinereo. Summæ virgæ Scorpiuri instar incurvantur.

*Locus.*

In collibus sterilibus agri Mospeliensis. v. g. *aux Garigues*, propè *Castelnus*, &c.

C. Bauhino Anchusam minorem lignosiorum Lobelii eandem cum Tragorigano notho Dalechampii plantam statuenti assentior, quicquid reclamet J. Bauhinus. Magnitudine plurimum variat: A Lobelio enim describitur, cauliculis sesquipalmaribus, &c.

Radix, detractâ summa cute nigricante, rubescit Clusio.

Hæc proculdubio planta est quam Pr. Alpinus lib. de Exor. titulo Anchusæ arboreæ describit & depingit.

2. *Anchusa Mospeliensis* J. B. *minor seu Alcibiadion vel onochiles* ejusdem. *Puniceis floribus* C. B. *Anchusa Alcibiadion* Ger. *minor purpurea* Park.

*J. B.*

Crassam longamque habet *radicem* lignosam, rubram, roseo colore tingentem. *Caulis* dodrantales, hirti, per quos [ ut & à radicis capite ] *folia* Echii, rigidis pilis obsita, unciam unam aut alteram longa. *Flores* extremis hærent ramulis conferti, purpurascens, longiusculi: *Semen* sequitur sublongum, cinereum. Sapor Buglossi non ingratus, acrior tamen & ficior.

*Locus.*

In colle arenoso inter Gramontiam sylvam & Castrum novum non procul Mospelio spontaneam observavimus.

C. Bauhinus Anchusam 3. *Cam. epit* ab hac specie diversam facit, quàm rectè ipse viderit.

*Vires.*

De Anchusæ viribus quæ Veteres habent apud ipsos videri possunt. Radix oleo soluta rubro colore tingit. Antiquæ mulieres pro fuco seu pigmento eâ uti solebant. Petroleo infusam & illitam ad vulnera recentia & puncturas commendant.

3. *Anchusa Echii foliis & floribus* C. B. *max. Gallie & Angliæ, floribus Echii non dissimilibus, cæruleis, ad puniceum vergentibus* J. B.

*Lob.*

Quæ Calys & onocleia vocatur, maxima, frequentissima Gallie & Angliæ arvis latis, sed glareosis vel argillosis. *Radix* intus ligneo corculo, libro, corticèque crassiore amicta, sanguineo succo, fantalinove digito, inficiente, digitum æquat, sesquipalmarum longa, gustu Buglossæ. *Folia* copiosa Echii aut Buglossæ angustifolia, lanugine spinosa, incana, cespiti incumbencia. *Caulis* plurimum singularis, rotundus, squaber, cubitalis, thyrsulis *florum* cæruleis ad puniceum vergentibus, Echii non dissimilibus. *Semen* exiguum, oblongum, pullum.

Nihil

Nihil video in hac descriptione quod non conveniat Anchusæ Monspelicæ: cùmque Lobelius hanc Angliæ arvis lætis frequentissimam scribat: nobis autem nihil unquam simile inventum in Anglia aut ab aliis ostensum est, iudicet Lector quæ fides Lobelio habenda sit, & annon potius statuentum, hanc quoque Anchusæ speciem Monspelicæ eandem esse, seu Anchusam Monspelicam sub hoc etiam titulo descriptam esse Lobelio.

- \* 3. *Anchusa flore albo aut pallido Clusii*, J. B. *Anchusa lutea majoris varietas* C. B.

*Clus.*

Numerosa huic sunt *folia*, palmaris longitudinis valdè angusta, & pungente lanugine hirsuta; & quorum medio *caulis* assurgit secundo anno (primo enim *æqualis* est) pedalis, interdum etiam cubitalis, crassiusculus, firmus, hirtus, in multos ramos divisus, in quibus breviora multò hispidaque *folia*. Extremis ramis prodeunt è vaginulis hirsutis & asperis *flores*, Symphyti majoris floribus quodammodo similes, albi aut ex albo nonnihil pallecentes sive *æxeadui*, in angulos quinque divisi: quibus discussis *semen* vaginulis conspicitur viperino capiti aut Echii semini simile. *Radix* minimi digiti crassitudinem æquat, nigræque cute tecta est, quâ sublatâ omnino rubet, & elegantissimo colore inficit: aded autem carnosâ est ut radicem vulgaris Buglossi instar condiri possit, dulcis tamen & insipida.

In plerisque Pannoniæ Austriæque siccis ac aridis locis nascitur.

*Locus.*

4. *Anchusa lutea* J. B. Ger. *lutea major* Park. C. B. *major floribus luteis* J. B. *Yellow M-hanet*.

Sanguineo succo plenam habet *radicem*, perinde ut Onochiles: *caulem* hispidum, pedalem vel etiam majorem, tenuiorem, *folia* per ramos breviora, pari tamen latitudine: *flores* in cacumine congestos, & spicam ferè imitatos, concavos, Symphyti majoris, exiliores, luteos: *semen* Echii simile, nitidum, cinereum, punctulis nigris notatum, sed triangulum & mucronatum, rostellis aviculæ formâ.

In agris sterilibus Lugduno non longè, qua Genevam itur observavimus; J. Bauhinus inter *Locus*. Viennam & Lugdunum invenit, & in montibus Euganeis Junio florentem.

- \* 5. *Anchusa lutea minor* C. B. J. B. Park. *Anchusa echiioides lutea Cerinthes flore montana* Col. *Symphytum angustifolium Apulum* Park.

*Col.*

*Radicem* Maio mense rubentem observavimus in tenellis: in vetustioribus verò lignosa est, longa, magna respectu plantæ, foris nigra, corticosa & pilosa; ex qua multi veluti supini, elati fruticant in orbem, rubentes, sesquipedales ad summum ramuli, hirsutie obfusi alba, aspera, quemadmodum & *folia*, quæ angusta, Anchusæ Alcibiadis, minora, Linariæ, ferè tres uncias longa, multa circa radicis caput, in terram convexa, (multa enim germina è vetusta radice oriuntur,) quæ in caulibus sunt majora & circa summum latiora, semperque breviora. *Flores* verò in caulium summo (qui bifurcati sunt & incurvi Scorpiuri modo) emicant, ab imo incipientes: Primò verò in ipso ramulorum divaricationis angulo, oblongi, melleo succo intus Cerinthes modo, cavi, lutei, parum circum ora ventricosi atque angulosi, in quinque lacinias parvas ora divisa habentes, ex quorum centro longus apex prodit, qui medius est inter *semina* quatuor in imo concepta, angulosa, rostrata, sed nitida, lævia, colore corticis Castanæ, quæ demum intra oblongos, hirsutos, quinquepartitos *calices* alternatim dispositos per caulium summitates tunc erectas perficiuntur Æstate. Planta est perennis.

Maio floret. Saxosis Æquicolorum montibus Meridiei expositis oritur.

*Locus & Tempus.*

- \* 6. *Anchusa humilis* Alpin. exot. *humilis Cretica* Park.

*Alpin.*

Ab una *radice* longa, pollicari crassitie, in extremum sensim ac sensim gracilescente, rubescente colore, magnitudine & figurâ radici Cardui pinæ maximè simili, in terram obliquè acta, plures furculos, \* semidigito longos producit, utrinque *foliis* longis, albis, Anchusæ proximis, sed minoribus densissimè undique vestitis; atque in summitate ipsorum *flores* rubri, ad purpureum incli-  
nantes, in suis parvis calycibus spectantur, Anchusæ majores figurâ coluteæ vesicariæ, à quibus *semina* producantur *thecis* parvis, oblongis, asperis, albicantibus. *Radix* tempore æstatis succo rubro turgēt, quæ manus rubro colore inficit.

In locis montosis & sylvis Cretæ insulæ nascitur.

*Locus.*

*Anchusæ arborea* Alpin. Park.

Descriptionem vide apud Alpinum. Eadem videtur Anchusæ angustifoliæ C. B.



II. *Buglossæ affinis semine cotylode seu umbilicato. Linum umbilicatum* Park. App. *Genus Latum.*

Park.

Annua est planta *cauliculos* exferens graciles, canescentes superius ramosos, *foliis* aliquot oblongis, glaucis seu albescentibus, mollibus, alternatim positis vestitis, quàm Lini sylvestris latioribus & crassioribus vestitis. Ex alis foliorum singulorum singuli plerunque exeunt *flores* candidi, monopetali quidem, sed in quinque segmenta subrotunda eousque divisi ut pentapetali videantur, quibus succedunt in fundo calycis *semina* quaternaria, eodem situ quo in Cynoglossa, verum non aspera sed rugosa tantum, & cotylode seu umbilicata.

Locus.

Lusitanicæ originis esse dicitur.

## C A P. V.

### De Anchusa.

**A**γχουσα ἢ τὸ ἀγγον, quod vim suffocatoriam habeat dicta videtur: Aliis verò à florido radicis colore, siquidem Ἀγγέζον est fuco illinere, quod nobis non probatur, cùm Ἀγγονισάδου sit potius ab Ἀγγον.

Anchusa ab Echio, Lycopside, Buglossa, aliisque congeneribus radicis sanguineo succo quo manus inficiuntur, Dioscoride monente, differt.

1. *Anchusa angustifolia* C. B. *lignosior angustifolia* Lob. Park. *minor lignosior* J. B. Item, *Libanotis species* Rondeletio ejusdem. *Anchusa* 4. Ger.

J. B.

Lignosus est frutex, pedalis aut cubitalis, *radice* subruffa, robusta; *stolonibus* rigidis, Roris-mari ni texturâ, alioqui glabris, sed minoribus ramis hirsutis, per quos *folia* Hyssopi Arabum foliis paria: alia Thymi Cretici capituli foliorum modo latiora, hirsuta, aspera, dura, ex eodem puncto saepenumero plura, quorum unum reliquis longius multò, nervo unico per singula secundum longitudinem decurrente, nullo seu odore, seu sapore. *Flores* extremis hærent ramulis, ex oblongo tubulo in calathiscum quinquepartitum, ad Primulæ veris imitationem explicati, colore purpureo, (Clusio intensè cœruleo.) *Semina* Echii aut Buglossi, satis magna, colore cinereo. Summæ virgæ Scorpiuri instar incurvantur.

Locus.

In collibus sterilibus agri Monspelienf. v. g. *aux Garigues*, propè *Castelneuf*, &c.

C. Bauhino Anchusam minorem lignosiorē Lobelii eandem cum Tragorigano notho Dalechampii plantam statuenti assentior, quicquid reclamet J. Bauhinus. Magnitudine plurimum variat: A Lobelio enim describitur, cauliculis sesquipalmaribus, &c.

Radix, detractâ summa cute nigricante, rubescit Clusio.

Hæc proculdubio planta est quam Pr. Alpinus lib. de *Exot.* titulo Anchusæ arboreæ describit & depingit.

2. *Anchusa Monspeliana* J. B. *minor seu Alcibiadion vel onochiles* ejusdem. *Puniceis floribus* C. B. *Anchusa Alcibiadion* Ger. *minor purpurea* Park.

J. B.

Crassam longamque habet *radicem* lignosam, rubram, roseo colore tingentem. *Caules* dodrantales, hirti, per quos [ ut & à radicis capite ] *folia* Echii, rigidis pilis obsita, unciam unam aut alteram longa. *Flores* extremis hærent ramulis conferti, purpurascens, longiusculi: *Semen* sequitur sublongum, cinereum. Sapor Buglossi non ingratus, acrior tamen & ficior.

Locus.

In colle arenoso inter Gramontiam sylvam & Castrum novum non procul Monspelio spontaneam observavimus.

C. Bauhinus Anchusam 3. *Cam. epit* ab hac specie diversam facit, quàm rectè ipse viderit.

Vires.

De Anchusæ viribus quæ Veteres habent apud ipsos videri possunt. Radix oleo soluta rubro colore tingit. Antiquæ mulieres pro fuco seu pigmento eâ uti solebant. Petroleo infusam & illitam ad vulnera recentia & puncturas commendant.

3. *Anchusa Echii foliis & floribus* C. B. *max. Gallie & Angliæ, floribus Echii non dissimilibus, cœruleis, ad puniceum vergentibus* J. B.

Lob.

Quæ Calys & onocleia vocatur, maxima, frequentissima Gallie & Angliæ arvis latis, sed glareosis vel argillofis. *Radix* intus ligneo corculo, libro, corticèque crassiore amicta, sanguineo succo, fantalinove digito, inficiente, digitum aequat, sesquipalmarum longa, gustu Buglossæ. *Folia* copiosa Echii aut Buglossæ angustifolia, lanugine spinosa, incana, cespiti incumbencia. *Caulis* plurimum singularis, rotundus, squaber, cubitalis, thyrfulis *florum* cœruleis ad puniceum vergentibus, Echii non dissimilibus. *Semen* exiguum, oblongum, pullum.

Nihil



Nihil video in hac descriptione quod non conveniat Anchusæ Monspeliacæ: cùmque Lobelius hanc Angliæ arvis lætis frequentissimam scribat: nobis autem nihil unquam simile inventum in Anglia aut ab aliis ostensum est, judicet Lector quæ fides Lobelio habenda sit, & annon potius statuendum, hanc quoque Anchusæ speciem Monspeliacæ eandem esse, seu Anchusam Monspeliacam sub hoc etiam titulo descriptam esse Lobelio.

- \* 3. *Anchusa flore albo aut pallido Clusii*, J. B. *Anchusæ luteæ majoris varietas* C. B.

Clus.

Numerosa huic sunt *folia*, palmaris longitudinis valdè angusta, & pungente lanugine hirsuta; quorum medio *caulis* assurgit secundo anno (primo enim *æqualis* est) pedalis, interdum etiam cubitalis, crassiusculus, firmus, hirtus, in multos ramos divisus, in quibus breviora multò hispidaque folia. Extremis ramis prodeunt è vaginulis hirsutis & asperis *flores*, Symphyti majoris floribus quodammodo similes, albi aut ex albo nonnihil pallecentes five *ἀρχιδαντοι*, in angulos quinque divisi: quibus discussis *semen* vaginulis conspicitur viperino capiti aut Echii semini simile. *Radix* minimi digiti crassitudinem æquat, nigræque cute tecta est, quæ sublata omnino rubet, & elegantissimo colore inficit: adeò autem carnosa est ut radicem vulgaris Buglossi instar condiri possit, dulcis tamen & insipida.

In plerisque Pannoniæ Austriæque ficcis ac aridis locis nascitur.

Locus.

4. *Anchusa lutea* J. B. Ger. *lutea major* Park. C. B. *major floribus luteis* J. B. Bellon. *Alkanet*.

Sanguineo succo plenam habet *radicem*, perinde ut Onochiles: *caulem* hispidum, pedalem vel etiam majorem, tenuiorem, *folia* per ramos breviora, pari tamen latitudine: *flores* in cacumine congestos, & spicam ferè imitatos, concavos, Symphyti majoris, exiliores, luteos: *semen* Echii simile, nitidum, cinereum, punctulis nigris notatum, sed triangulum & mucronatum, rostellum aviculæ formâ.

In agris sterilibus Lugduno non longè, qua Genevam itur observavimus; J. Bauhinus inter *Locus*. Viennam & Lugdunum invenit, & in montibus Euganeis Junio florentem.

- \* 5. *Anchusa lutea minor* C. B. J. B. Park. *Anchusa echinoides lutea Cerinthæ flore montana* Col. *Symphytum angustifolium Apulum* Park.

Col.

*Radicem* Maio mense rubentem observavimus in tenellis: in vetustioribus verò lignosa est, longâ, magna respectu plantæ, foris nigra, corticosa & pilosa; ex qua multi veluti supini, elati fruticant in orbem, rubentes, sesquipedales ad summum ramuli, hirsutie obsiti alba, aspera, quemadmodum & folia, quæ angusta, Anchusæ Alcibiadis, minora, Linariæ, ferè tres uncias longa, multa circa radicis caput, in terram convexa, (multa enim germina è vetusta radice oriuntur,) quæ in caulibus sunt majora & circa summum latiora, semperque breviora. *Flores* verò in caulium summo (qui bifurcati sunt & incurvi Scorpiuri modo) emicant, ab imo incipientes: Primò verò in ipso ramulorum divaricationis angulo, oblongi, melleo succo intus Cerinthæ modo, cavi, lutei, parum circum ora ventricosi atque angulosi, in quinque lacinias parvas ora divisa habentes, ex quorum centro longus apex prodit, qui medius est inter *semina* quatuor in imo concepta, angulosa, rostrata, sed nitida, lævia, colore corticis Castanæ, quæ demum intra oblongos, hirsutos, quinquepartitos *calices* alternatim dispositos per caulium summitates tunc erectas perficiuntur Æstate. Planta est perennis.

Maio floret. Saxosis Æquicolorum montibus Meridiei expostis oritur.

Locus & Tempus.

- \* 6. *Anchusa humilis* Alpin. exot. *humilis Cretica* Park.

Alpin.

Ab una *radice* longa, pollicari crassitie, in extremum sensim ac sensim gracilescente, rubescante colore, magnitudine & figurâ radici Cardui pinæ maximè simili, in terram obliquè acta, plures furculos, \* semidigito longos producit, utrinque *foliis* longis, albis, Anchusæ proximis, sed minoribus densissimè undique vestitis; atque in summitate ipsorum *flores* rubri, ad purpureum incli-  
nantes, in suis parvis calycibus spectantur, Anchusæ majores figurâ coluteæ vesicariæ, à quibus *semina* producuntur *thecis* parvis, oblongis, asperis, albicantibus. *Radix* tempore æstatis succo rubro turgens, quæ manus rubro colore inficit.

In locis montosis & sylvis Cretæ insulæ nascitur.

Locus.

*Anchusæ arboreæ* Alpin. Park.

Descriptionem vide apud Alpinum. Eadem videtur Anchusæ angustifoliæ C. B.



## CAP. VI.

## De Echio.

**E**chium, *Ἐχίον*, à figura feminis capiti viperino similis proculdubio dictum est; Hinc conjecturam capiunt ad viperarum aliorumque serpentum ictus valere.  
 Flore corniculato, seu incurvo, & ex angusto principio in latum expanso, superiore parte longius excurrente; inferiore brevior à reliquis Asperifoliis distinguitur.

*Buglossum Echioides Indicum, Convolvuli cœrulei minoris folio Breynii.*

*Breyn.*

E radice caules prodeunt pedales & majores, rotundi, angulosi, virides, leniter hirsuti; quos folia bina, petiolis ferè carentia, semper sibi mutuo opposita cingunt, Convolvuli cœrulei peregrini C. B. foliis formâ, magnitudine & hirsutie respondentia; ex quorum alis utrinque ramulus fescuncialis, pertenuis emergit, floribus ternis, senis, vel pluribus, Buglossi & Echii faciem mediam obtinentibus, cœrulo-purpureis, ex calycibus hirsutis, quinquepartitis emicantibus, secundum longitudinem serie quadam digestis onustus.

*Locus.*

Ex insula Zeilan habuit descriptionis Autor Jac. Breynius. *Ephemer. German. Ann. 4 & 5. Observ. 139.*

A. 1. *Echium vulgare* J. B. C. B. Park. Ger. emac. *Dipers Bugloss.*

*J. B.*

*Caulibus* est sesquicubito altioribus, hispidis, punctis nigris notatis, solidis, teretibus, foliis crebris, nullo ordine positis vestitis, ab imo ad summum ferè fastigium floribus onustis, atque iis vel cœruleis, vel ex cœrileo purpurascens, monopetalis, margine in quinque subrotundas lacinias diviso, amplis & speciosis, cornu venatorum figuram imitantibus, quatuor intus staminulis purpurascens cum stylo albo. *Calix* floris quinque segmentis longis, angustis, acutis, striatis constat, inque ejus fundo quatuor semina juncta rugosa caput viperinum figurâ suâ imitata, unde herbæ nomen. Florum nondum explicatorum spicæ caudæ Scorpii ferè in modum reflectuntur. *Folia* aspera, hirsutâque, oblonga, angusta, non crenata, maculis interdum albicantibus notata, sapore fatuo, crebra à radice, quæ longa, pollicari crassitudine, lignosa, gustu nullo eximio.

*Locus.*

Secus vias & semitas inque muris non rarò & arvis sterilibus, Æstate tota floret.

Variat interdum floris colore albo.

*Vires.*

De hujus viribus nihil certi traditum invenio. Wirtemb. ad Epilepsiam & fervorem Echii radicem sumendam præcipit, siccandam & in pulverem redigendam, pulveremque drachmæ semis pondere cum vino aut cerevisia propinandum. *J. B.*

2. *Echium majus & asperius flore albo* C. B. *albo flore majus* J. B.

*J. B.*

Præcedenti simile est, sed multo majus & asperius; robustum, rectum, in alas valdè divaricatum. In agro Salernitano & Romano, inque Etruria & Gallia Narbonensi hoc genus observavimus, quod revera tota specie ab Echio vulgari differt, non floris colore tantum, qui & in vulgari non rarò albus invenitur: proinde non rectè à Parkinsono Echium vulgare flore albo denominatur.

*Locus.*

\* 3. *Echium majus & asperius flore dilutè purpureo* Botan. Monsp. *Lycopsis altera Monspeliaca floribus dilutè purpureis* C. B.

*Locus.*

Circa Lateram in herbidis pratorum marginibus & circa la Valette sæpius collegit D. Magnol.

4. *Echium Creticum latifolium rubrum* C. B. Park. *An Echium Candia flore pulchrè rubente* J. B?

*Clus.*

Ampla initio habet folia, mediæ inter Plantaginem & Buglossum substantiæ, humi strata, inter quæ nascebantur caules rotundi, scabri & asperi, frequentibus alis donati, quos ambiebant inordinata folia minora, hirta: extremi rami circumvolvebantur & inflectebantur, Echii & aliarum Anchusarum instar, gestabantque caliculos quinque foliolis angustis & hirtis constantes, ex quibus cavi flores Echii floribus non dissimiles prodibant, coloris rubri, diluti, elegantis, in quinque lacinias summis oris divisi, (quos successu temporis purpurascens colore contrahere observabat) è quorum umbilico exibant staminula ex rubro purpurascens, apicibus pallidis, & medius gracilis stylus exalbidus & bifurcus. Flori successit semen Echii semini non dissimile. Flores dedit Julio & sequentibus mensibus. Echii Candia *J. B.* tota planta candidior erat Echio vulgari magis ramosa: Flores formâ similes, nempe hiantes, sed colore diverso, pulchro sci. rubente.

*Locus.*

In Galliæ Narbonensis locis plurimis copiosè; circa Monspelium tamen rariùs occurrit. Flore erat dilutè rubente, uti planta Clusio descripta.

5. *Echium*



5. *Echium Creticum angustifolium rubrum* C. B. Park. Cret. 2. Clus.

Clus.

*Caules* huic magis scabri erant quàm priori, rotundi, parvis maculis rubris distincti, *Serpentariae* ferè ritu : *folia* promebat quatuor aut quinque panè uncias longa, unam lata, pallidioribus maculis aspersa : *Flores* extremis ramulis nascebantur egregiè rubentes, nativam rubedinem etiam adulti retinentes, è quorum umbilico majora duo staminula prodibant & tria minora, quorum tertium reliquis minus, omnia autem apicibus albis prædita. Florere incipiebat sub extremum Julium.

Hanc speciem caulibus maculatis, asperioribus, & ferè spinosis, magis procumbentibus observavi *Locus.* in Sicilia propè Messanam.

\* 6. *Echium rubro flore* Ger. emac. Clus. J. B. Park. *sylvestre hirsutum maculatum* C. B.

Clus.

Hæc planta adeò in paucis à præcedente differt, ut vix possim mihi persuadere specie distingui : Clusius tamen pro distincta eam ponit, & sic describit ; Oblonga & angusta habet *folia*, villosa, vulgaris Echii foliis ferè similia, paulò tamen latiora, humi strata : *Caulem* modò pedalem, modò cubitalem, firmum, striatum, lanuginosum, maculisque purpureis conspersum ; quem incondito ordine multa ambiunt *folia*, infernis breviora & angustiora, non minùs tamen hirsuta. Summum caulem exornant multi breves ramuli, in se veluti convoluti, atque Scorpiuri instar inflexi, pleni *florum* vulgaris Echii floribus similibus, sed colore rubro eleganti præditi, qui proximè caulem primùm aperiri incipiunt. Excusso flore *semen* ut in aliis Echii generibus apparet in caliculis nigrum, viperino capiti simile sed minus. *Radix* satis longa, dura & lignosa, nigro cortice tecta, summo capite multos interdum caules promens, sed maxima ex parte duntaxat unicum.

Abundè admodum ficcis pratis supra & infra Sopronium Ungariæ urbem, nusquam verò alibi *Locus.* hanc plantam observabat Clusius, Maio florentem, nunc saturatè rubentem, modò dilutiore colore præditam.

*Lycopsis Egyptiaca* C. B. Park.\* 7. *Echium pumilum album* C. B. *Echioides parva alba* Park. *parva alba amphibia* Col.

Col.

Dodrantis est planta aut summum pedalis, *radice* parva, pennæ Anserinæ calami crassitie, fusca foris, intus alba, at Maii fine Æquiculis & Valvensibus rubescere observavimus, dulci sapore ; ex qua *caulis* crassior duplo supradicta fructicat, ab imo duabus vel tribus alis divisus, subrubens, rotundus, asper, *foliis* alternatim vestitis per intervalla oblongis, parvis, Oleæ minoribus, semiunciam latis, longitudine quadrantali, virentibus, alba hirsutè asperâ parùm obsitis, in summo ut in superiore in tres ramulos divisus, in quibus alternatim eodem modo minora foliola disposita hærent : inter quæ *flores* ex calicibus hirsutis quinquepartitis superiori similes atque majores parùm, albicantes emicant ; *Semina* in imo habentes quaterna, majora parùm superiore atque rugosa, aspera & etiam intorto rostro.

Eodem tempore cum superiore floret atque perficitur. In agris incultis ubique Cirinolæ frequens *Locus.* atque etiam Æquicolorum montibus circa sepes.

\* 8. *Echium tenuifolium* J. B.

J. B.

Densus *ramis* præditum est, tenuissimis illis quidem & Satureiæ ramulos crassitudine vix superantibus, multò tamen hispidioribus Echii vulgaris, hoc est, & longioribus & rigidioribus & crebrioribus veluti spinulis horrentibus. *Folia* Satureiæ foliis parva, multa etiam tenuiora, asperitate majore quàm Echii nostratis. *Flores* recurvis ramulorum scapis hærentes satis magni, patuli, cærulei.

Hæc planta ad Anchusam sylvestrem lignosiores accedit, *florum* figurâ differt.

9. *Echium Hispanicum flore calcarî donato* C. B. Park.

C. B.

*Radice* habet lignosam, fibrosam, cortice ad ruffum vergente tectam ; à qua *cauliculi* plures, alii palmares, alii breviores, rotundi, nonnihil villosi, humum versùs reclinati prodeunt, qui *foliis* rarioribus, brevioribus, Veronicæ Alpinae similibus, crassiusculis & asperiusculis cinguntur. *Flores* in cauliculorum summis cærulei, oblongi, cavi, calcarî ut Linaria donati, ex hirsuto brevique calice prodeuntes, ex uno folio compositi, at in summitate in lacinas quaternas divisi ; quibus delapsis in conceptaculis *semen* oblongiusculum, durum, rugosum, ut in Echio vulgari succedit.

In Granadæ montibus inventum est.

Flos calcarî donatus, & semen in conceptaculis hanc plantam ad diversum genus pertinere arguunt : verùm ob descriptionis imperfectionem ad quodnam propriè pertineat definire nequimus ; hic ergo tantisper locum habeat, donec certius nobis constiterit quò referenda sit.

Ab Echio luteo minimo non multùm differre videtur, si non idem prorsus sit.



10. *Echium Creticum album* Park. [potius *luteum*.] *Echium Creticum* Alpin. exot. An *Echium flavo flore* Clus. cur. post?

Alpin.

Hæc planta fert ab radice complura *folia* oblonga, tenuia, in acutum desinentia, albicantia, quadratenus ad Anchusam accedentia, sed longè minora, crassa, pilis velut spinis tenuibus aspera atque horrentia. *Cauliculos* è medio foliorum producit, palmum vix altos, rotundos, asperos, pilis tenuibus durisque obfitos: in his parva *foliola*, longa, aspera paucissima sine petiolis cernuntur, itidem albicantia; non utrinque, sed ex uno latere inordinatim longo intervallo posita. In summis verò cauliculis *flores* multi sparsim in suis asperimis calycibus parvis, oblongis, quasi corymbos seu umbellam facientibus exeunt, lutei, Anchusæ similes. Quibus succedunt *semina* parva, albicantia, tritici magnitudine, figurâ capita viperina apprimè referentia. *Radix* parva, lignosa subest & nigra, in parvas radículas divisa.

Pro Echio è Creta hujus semina accepit Pr. Alpinus.

*Echium pumilum* flore luteo C. B. Park. hoc est Ech. flavo flore Clus. cur. post. huic eadem videtur.

11. *Echium nigrum flore eleganti* Alpin. exot. *Creticum nigrum* Park.

Alpin.

Planta est procera, ferens quinque *caules* & plures etiam, crassos, rotundos non in rectum sed obliquè actos, & quasi in terra stratos, *foliis* multis, densis, oblongis, in acutum desinentibus vestitos, asperos, spinulis acutis undique armatos. Et *folia* & fructus eodem modo spinulis prædita sunt. In ramulorum summitatibus *flores* visuntur, haud ita parvi ut in aliis Echii, longi, versicolores, ita ut quidam ex floribus purpurascant, alii cyaneo colore dilutiore cernantur. *Flores* figurâ ad parvas Campanulas accedunt, sed ora hiantia habent, ac ex iis singulis quatuor aut quinque filamenta tenuissima promunt: parum odoris respirant. A floribus in ramulis numerosis, ac simul densatis fiunt *semina*, in quibusdam vasculis oblonga, nigro colore, & figurâ viperini capitis familia. *Radice* nititur oblonga, pollicari crassitie, in tenuitatem desinente. Sapor foliorum dulcis, subacris.

Hanc (ut puto) speciem circa Messanam Siciliæ urbem observavimus.

Locus.

- \* 12. *Echium luteum minimum* C. B. *Echioides lutea minima* Park. *lutea minima* Apula campestris Col. An *Echium flavo flore* Clus. cur. post.

Col.

Hujus *radix* tenuis est admodum, lignosa, cortice fusco Echii, intus alba; ex qua *folia* in terram sparsa, duas uncias ad summum longa, satis angusta, ut latitudine paria sint cauliculi diametro, Lino similia, sed in summo latoria, carnosa, hirsuta, duriuscula, propè caulem molliora. *Cauliculis* tribus aut quatuor fruticat, parùm supinis, dodrantalibus aut pedalibus albescens, rotundis, hirsutis, foliosis admodum, atque circa summum maculosis guttis ex flavo purpurascens, in quinque ramulos aut tres vel plures aliquando, quadrantales divisam comam habentibus, foliolis densis atque utrinque alatis sive pinnatis amictos. E foliorum finibus *flores* exeunt lutei, oblongi, tenues, pusilli, tenui tubulo, minores & angustiores aliis, sed sui proportionem latiusculis oris, quinquepartitis ac stellæ modo hiantibus; in quorum calycibus succedunt *semina* quaterna, aliis minora, intorto rostro capitella exprimentia Aviculæ potius quàm Serpentis.

Tempus  
& Locus.

Aprili floret, Maio perficitur, Cirinolæ frequens. Florem unicum, ut in aliis, ante alios in alarum sinu sed absque petiolo hærentem profert.

C. Bauhinus eumque secutus Parkinsonus *Echium flavo flore* Clus. cur. post. ab hoc specie distinctum faciunt, quàm rectè ipsi viderint.

- A. 13. *Echium marinum* P.B. Cat. Ang. An *Buglossum dulce ex insulis Lancastriæ* Park?

*Folia* ei parva, glauca velut Cerinthes, figurâ ferè foliorum Betæ marinæ, sed minora multò. *Flores* exigui, cœrulei, tubulosi ceu Cerinthes, sed breviores. Singulis floribus quatuor succedunt *semina*, ut in hoc genere fieri solet. *Caules* infirmi, humi procumbentes.

Parkinsonus caules tenues cubitales aut minores ei attribuit: *folia* quæ ad radicem sunt Boraginis multo minora, magis glauca, asperiuscula; quæ in caulibus adhuc minora. *Flores* ad genicula è foliorum alis exeunt, antequam explicantur rubentes, aperti, purpureo-cœrulei, Echii nonnihil similes, seu inter Boraginis & Echii flores mediis, odore dulci mellis. *Radix* crassa, exterius nigra, surculos aliquot emittit.

Locus.

In Septentrionalibus Angliæ maritimis invenit, v. g. ad molendinum *Scrammerston* dictum non longè à Bervico: item in insula quadam ad oram Lancastriæ. D. Newton invenit in litore Cumberlandico non procul à *Whithaven* oppido, ni malè memini.

Nescio an rectè ad *Echium* retulimus: D. *Wates* Cynoglossæ speciem facit.



## CAP. VII.

## De Heliotropio.

**R**ationem nominis superius dedimus in capite de Heliotropio tricocco, inter herbas flore imperfecto donatas.

Quod Heliotropium folia cum Sole circumagat Veteribus traditum est; Nos nihil tale nunc dierum in ejus foliis experimur, at neque in alterius cujusvis plantæ. Ingenue fateor (inquit P. \* Laurembergius) quæ tot Botanici prodidere de foliis Malvæ cum Sole conversis, de Tithymalo helioscopio, de Lupinis, de Cichorio, de Calendula, de Flore Solis, pluribusque aliis quotidie cum Sole circumactis, cœloque nubilo horas ostendentibus, me nullâ uspiam in regione, nullo tempore, etiam studiosissime observare gestientem deprehendere potuisse. Flos Solis caput equidem versus Meridiem plerumque inclinât: at quorsum semel inclinavit capitis pondus ibidem semper retinet, ubi ubi Sol versetur.

\* Horticult.  
lib. 1. cap. 11.  
§. 7.

At Dodonæus Heliotropium dictam hanc herbam asserit, non quod ad Solis diurnum motum convertatur, sed quod æstivo Solstitio floreat, cum Sol longissime ab Æquinoctiali circulo digressus ad ipsum rursus *regredi* five conversionem faciat.

1. *Heliotropium majus* Lob. Ger. Park. *majus flore albo* J. B. *majus Dioscoridis* C. B. *The greater Heliotrope*, or *Turnsole*.

J. B.

Planta est dorantis & major, interdum minor ratione loci, radice simplici lignosa: Caulis fungosâ medullâ plenus, foris ex viridi incanus, tomentosus, multis alis concavus. Folia ad ramulorum exortum & per ipsos ramos disposita, Ocymi foliis paria, ex rotundo oblonga, nervosa, cauli concoloria, hirsuta. Flores ramosi, albi, parvi, foliolis lanuginosis obsiti: cæterum racemus ille spicatus cacumen in se Scorpionis caudæ instar contorquet. Semina succedunt triangula, brevia, cinerea, quaterna juncta, acuminibus coeuntibus globosum capitulum efficientia.

In Gallia Narbonensi, inque Italia & Sicilia in agris ubique ferè luxuriat. Vidimus etiam circa Locos. Moguntiam & alibi in Germania.

Quæ de viribus Heliotropii habent Veteres apud ipsos vide.

Verrucas & myrmecias & thymos affricata herba valenter adimere dicitur. Efficacissima est adversus carcinomata & ulcera gangrænosa & tumores strumosos [rota planta Matthiolo, semen Lobelio.] Folia ex rosaceo illita capitis dolorem mulcent. Eporum foliorum decoctum unâ cum Cumino renum calculos pellit & frangit, & intestinorum animalia necat.

- \* 2. *Heliotropium Siculum majus flore amplo, odorato* Bocconi.

Boc.

Cauliculo constat ramoso, versus terram reclinato: foliis in rotunditate oblongis, candicantibus, leviter hirsutis & quasi villosis seu lanugine obductis. Heliotropio vulgari non absumile est quoad caulium & foliorum compositionem: floribus autem variat, qui multo majores sunt & suaveolentes, Smilacis asperæ aut Meliloti ritu. Caulis fastigio flores sæpe velut in umbellam congesti versus extremum coherentes, alioqui secundum ramulorum flexum, ut in vulgari, ordine peramœno digeruntur.

Non longè Catana in asperis & segetibus copiosè crescit vulgari permixtum.

Locus.

3. *Heliotropium Indicum Hormini folio* Hort. Reg. Paris.

Hujus quod ad me transmisit specimen insignis Botanicus D. Sloane, non multum differre visum est à vulgari Heliotropio majore præterquam magnitudine, & quod non usque adeo incanum sit.

- \* 4. *Heliotropium supinum Clusii & Lobelii* Ger. *minus supinum* C. B. *minus quorundam sive supinum* J. B. *majus supinum* Park.

Clus.

Majori perquam simile est, minus tamen, graciliores enim fert ramulos, in multas alas divisos, aliquantulum lanuginosos, humi stratos. Folia majori sapore, colore, formâ similia, minora tamen & Ocymi foliis proxima: extremi ramuli Scorpionis caudæ instar etiam incurvantur, eisque ordine insident (ut in majore) candidi flosculi; quibus succedit semen non quadrifarium ut in illo divisum aut quaterna simul juncta, sed unicum ferè semper, interdum geminum, illo majus & oblongius, fuscum, quodam cortice five membranâ tanquam pericarpio inclusum: Sub foliis aliquando etiam latent pedicelli, terna aut quaterna duntaxat semina sustinentes. Radix parva, foris nigricans, hyeme perit, & deciduo semine singulis annis novæ plantæ renascuntur.

Non possum assentiri Clusio, semina singula singulis flosculis naturaliter succedere, licet ex accidenti id sæpius contingat, ut in Lithospermæ vulgari.

C. Bauhinus, Gerardus & Parkinsonus duas constituunt Heliotropii minoris species, verum præter rationem, & per errorem ut nobis videtur. Vide J. B. tom. 3. pag. 605.

*Heliotropium tricoccon* quare inter Herbas flore imperfecto.

5. *Facula*



10. *Echium Creticum album* Park. [potius luteum.] *Echium Creticum* Alpin. exot. An *Echium flavo flore* Clus. cur. post?

Alpin.

Hæc planta fert ab radice complura *folia* oblonga, tenuia, in acutum desinentia, albicantia, quodantenus ad *Anchusam* accedentia, sed longè minora, crassa, pilis velut spinis tenuibus aspera atque horrentia. *Cauliculos* è medio foliorum producit, palmum vix altos, rotundos, asperos, pilis tenuibus durisque obritos: in his parva *foliola*, longa, aspera paucissima sine petiolis cernuntur, itidem albicantia; non utrinque, sed ex uno latere inordinatum longo intervallo posita. In summis verò cauliculis *flores* multi sparsim in suis asperimis calycibus parvis, oblongis, quasi corymbos seu umbellam facientibus exeunt, lutei, *Anchusæ* similes. Quibus succedunt *semina* parva, albicantia, tritici magnitudine, figurâ capita viperina apprimè referentia. *Radix* parva, lignosa subest & nigra, in parvas radículas divisa.

Pro Echio è Creta hujus semina accepit Pr. Alpinus.

*Echium pumilum flore luteo* C. B. Park. hoc est Ech. flavo flore Clus. cur. post. huic eadem videtur.

11. *Echium nigrum flore eleganti* Alpin. exot. *Creticum nigrum* Park.

Alpin.

Planta est procera, ferens quinque *caules* & plures etiam, crassos, rotundos non in rectum sed obliquè actos, & quasi in terra stratos, *foliis* multis, densis, oblongis, in acutum desinentibus vestitos, asperos, spinulis acutis undique armatos. Et folia & fructus eodem modo spinulis prædita sunt. In ramulorum summitatibus *flores* visuntur, haud ita parvi ut in aliis Echii, longi, versicolores, ita ut quidam ex floribus purpurascant, alii cyaneo colore dilutiore cernantur. *Flores* figurâ ad parvas Campanulas accedunt, sed ora hiantia habent, ac ex iis singulis quatuor aut quinque filamenta tenuissima promunt: parum odoris respirant. A floribus in ramulis numerosis, ac simul densatis fiunt *semina*, in quibusdam vasculis oblonga, nigro colore, & figurâ viperini capitis similia. *Radice* nititur oblonga, pollicari crassitie, in tenuitatem desinente. Sapor foliorum dulcis, subacris.

Hanc (ut puto) speciem circa Messanam Siciliæ urbem observavimus.

Locus.

- \* 12. *Echium luteum minimum* C. B. *Echioides lutea minima* Park. *lutea minima* Apula campestris Col. An *Echium flavo flore* Clus. cur. post.

Col.

Hujus *radix* tenuis est admodum, lignosa, cortice fusco Echii, intus alba; ex qua *folia* in terram sparsa, duas uncias ad summum longa, satis angusta, ut latitudine paria sint cauliculi diametro, Lino similia, sed in summo latiora, carnosa, hirsuta, duriuscula, propè caulem molliora. *Cauliculis* tribus aut quatuor fruticat, parum supinis, dodrantalibus aut pedibus albescens, rotundis, hirsutis, foliosis admodum, atque circa summum maculosis guttis ex flavo purpurascens, in quinque ramulos aut tres vel plures aliquando, quadrantales divisam comam habentibus, foliolis densis atque utrinque alatis sive pinnatis amictos. E foliorum sinibus *flores* exeunt lutei, oblongi, tenues, pusilli, tenui tubulo, minores & angustiores aliis, sed sui proportionem latiusculis oris, quinquepartitis ac stellæ modo hiantibus; in quorum calycibus succedunt *semina* quaterna, aliis minora, intorto rostro capitella exprimentia Aviculæ potius quàm Serpentis.

Tempus  
& Locus.

Aprili floret, Maio perficitur, Cirinolæ frequens. Florem unicum, ut in aliis, ante alios in alarum sinu sed absque petiolo hærentem profert.

C. Bauhinus eumque secutus Parkinsonus *Echium flavo flore* Clus. cur. post. ab hoc specie distinctum faciunt, quàm rectè ipsi viderint.

- A. 13. *Echium marinum* P.B. Cat. Ang. An *Buglossum dulce ex insulis Lancastriæ* Park?

*Folia* ei parva, glauca velut *Cerinthæ*, figurâ ferè foliorum *Betæ marinæ*, sed minora multò. *Flores* exigui, cœrulei, tubulosi ceu *Cerinthæ*, sed breviores. Singulis floribus quatuor succedunt *semina*, ut in hoc genere fieri solet. *Caules* infirmi, humi procumbentes.

Parkinsonus caules tenues cubitales aut minores ei attribuit: folia quæ ad radicem sunt *Boraginis* multo minora, magis glauca, asperiùscula; quæ in caulibus adhuc minora. *Flores* ad genicula è foliorum alis exeunt, antequam explicantur rubentes, aperti, purpureo-cœrulei, Echii nonnihil similes, seu inter *Boraginis* & Echii flores mediis, odore dulci mellis. *Radix* crassa, exterius nigra, surculos aliquot emittit.

Locus.

In Septentrionalibus Angliæ maritimis invenit, v. g. ad molendinum *Scrammerston* dictum non longè à Bervico: item in insula quadam ad oram Lancastriæ. D. Newton invenit in litore Cumberlandico non procul à *Whitbaven* oppido, ni malè memini.

Nescio an rectè ad *Echium* retulimus: D. Watter Cynoglossæ speciem facit.



## CAP. VII.

## De Heliotropio.

**R**ationem nominis superius dedimus in capite de Heliotropio tricocco, inter herbas flore imperfecto donatas.

Quod Heliotropium folia cum Sole circumagat Veteribus traditum est; Nos nihil tale nunc dierum in ejus foliis experimur, at neque in alterius cujusvis plantæ. Ingenue fateor (inquit P. \*Laurembergius) quæ tot Botanici prodidere de foliis Malvæ cum Sole conversis, de Tithymalo helioscopio, de Lupinis, de Cichorio, de Calendula, de Flore Solis, pluribusque aliis quotidie cum Sole circumactis, cœloque nubilo horas ostendentibus, me nullâ uspiam in regione, nullo tempore, etiam studiosissimè observare gestientem deprehendere potuisse. Flos Solis caput equidem versus Meridiem plerunque inclinat: at quorsum semel inclinavit capitis pondus ibidem semper retinet, ubi ubi Sol versetur.

At Dodonæus Heliotropium dictam hanc herbam asserit, non quod ad Solis diurnum motum convertatur, sed quod æstivo Solstitio floreat, cum Sol longissimè ab Æquinoctiali circulo digressus ad ipsum rursus *revertatur* live conversionem faciat.

1. *Heliotropium majus* Lob. Ger. Park. *majus flore albo* J. B. *majus* Dioscoridis C. B. *The greater Heliotrope*, or *Turnsole*.

J. B.

Planta est dorantis & major, interdum minor ratione loci, radice simplici lignosa: Caulis fungosâ medullâ plenus, foris ex viridi incanus, tomentosus, multis alis concavus. Folia ad ramulorum exortum & per ipsos ramos disposita, Ocymi foliis paria, ex rotundo oblonga, nervosa, cauli concoloria, hirsuta. Flores ramosi, albi, parvi, foliolis lanuginosis obsiti: cæterum racemus ille spicatus cacumen in se Scorpionis caudæ instar contorquet. Semina succedunt triangula, brevia, cinerea, quaterna juncta, acuminibus coeuntibus globosum capitulum efficientia.

In Gallia Narbonensi, inque Italia & Sicilia in agris ubique ferè luxuriat. Vidimus etiam circa *Locus*. Moguntiam & alibi in Germania.

Quæ de viribus Heliotropii habent Veteres apud ipsos vide.

Verrucas & myrmecias & thymos affricata herba valenter adimere dicitur. Efficacissima est ad *Vires*: versus carcinomata & ulcera gangrenosa & tumores strumosos [tota planta Matthiolo, semen Lobelio.] Folia ex rosaceo illita capitis dolorem mulcent. Epotum foliorum decoctum unâ cum Cumino renum calculos pellit & frangit, & intestinorum animalia necat.

- \* 2. *Heliotropium Siculum majus flore amplo, odorato* Bocconi.

Boc.

*Cauliculo* constat ramoso, versus terram reclinato: foliis in rotunditate oblongis, candicantibus, leviter hirsutis & quasi villosis seu lanugine obductis. Heliotropio vulgari non abimile est quoad caulium & foliorum compositionem: floribus autem variat, qui multo majores sunt & suaveolentes, Smilacis asperæ aut Meliloti ritu. Caulis fastigio flores sæpe velut in umbellam congesti versus extremum coherentes, alioqui secundum ramulorum flexum, ut in vulgari, ordine peramœno digeruntur.

Non longè *Catana* in asperis & segetibus copiosè crevit vulgari permixtum.

*Locus*.

3. *Heliotropium Indicum Hormini folio* Hort. Reg. Paris.

Hujus quod ad me transmisit specimen insignis Botanicus *D. Sloane*, non multum differre visum est à vulgari Heliotropio majore præterquam magnitudine, & quod non usque adeò incanum sit.

- \* 4. *Heliotropium supinum Clusii & Lobelii* Ger. *minus supinum* C. B. *minus quorundam sive supinum* J. B. *majus supinum* Park.

Clus.

Majori perquam simile est, minus tamen, graciliores enim fert ramulos, in multas alas divisos, aliquantulum lanuginosos, humi stratos. Folia majori sapore, colore, formâ similia, minora tamen & Ocymi foliis proxima: extremi ramuli Scorpionis caudæ instar etiam incurvantur, eisque ordine insident (ut in majore) candidi flosculi; quibus succedit semen non quadrifarium ut in illo divisum aut quaterna simul juncta, sed unicum ferè semper, interdum geminum, illo majus & oblongius, fuscum, quodam cortice sive membranâ tanquam pericarpio inclusum: Sub foliis aliquando etiam latent pedicelli, terna aut quaterna duntaxat semina sustinentes. Radix parva, foris nigricans, hyeme perit, & deciduo semine singulis annis novæ plantæ renascuntur.

Non possum assentiri Clusio, semina singula singulis flosculis naturaliter succedere, licet ex accidenti id sæpius contingat, ut in Lithospermo vulgari.

C. Bauhinus, Gerardus & Parkinsonus duas constituunt Heliotropii minoris species, verum præter rationem, & per errorem ut nobis videtur. Vide J. B. tom. 3. pag. 605.

*Heliotropium tricoccon* quare inter Herbas flore imperfecto.

5. *Facula*



5. *Jacua acanga* Brasiliensis, *Scorpioidis* species Marggravio.

Marggr.

Assurgit in duorum aut trium pedum altitudinem; caule hirsuto, piloso, multis ramis prædito. Folia bina sibi opposita cum aliis parvulis habet, vel etiam quandoque solitariè posita, suntque corrugata, similia foliis Scarleix, raris pilis vestita, oblonga. In extremitatibus superiorum ramorum enascitur spica, decem aut duodecim digitos longa, in qua unicus ordo flosculorum, coloris è luteo & cæruleo mixti: Quilibet flosculus autem figuram habet parvi calicis; extremitas spicæ curvata esse solet instar floris vulgaris Scorpioidis. Post flores sequitur semen Milii nostratis similitudine, flavum, triangulare, & circa extremitatem acuminatum, figurâ penè Fegopyri, sed fusci coloris. Radix pedem aut sesquipedem longa est, ferè recta, pauca aut nulla filamenta habens, cortice fusco, intus alba, lignosa ac lenta, sapore subdulci, sed parùm manifesto.

Alia Species.

Reperitur & alia species planè priori similis, nisi quòd paullo major sit quoad caules. Radix eadem est; folia paullo molliora, spica quoque ut in priore incurvata: flosculi albi seu lactei, quinque foliis constantes: semen denique rotundum, non triangulare, ut in priore.

## CAP. VIII.

## De Buglossò Echioide, seu Echio lappulato.

A. Buglossum sylvestre caulibus procumbentibus C.B. Borago minor sylvestris Park. Cynoglossa fortè copiarum Plinio, Echium lappulatum quibusdam J. B. Aparine major Plinii Ger. Small wild Bugloss, Great Goose-grass, German Madwort.

J. B.

**E** Radice admodum tenui, alba, simplici exeunt cauliculi bicubitales & etiam longiores, angulosi, brachiati, concavi, uncinulis [secundùm angulos] rigidis, asperis ad vestes adherentes, per terram se spargentes, nisi in propinquo sit quod scandant. Folia in caulibus imis singularia, in summis nunc bina aut terna, interdum etiam quaterna simul, duas uncias longa, utrinque reducta & angusta, quorum infima superioribus obtusiora, brevi lanugine hirsuta. Flosculi perexigui, ex viola purpurascens, ex alis foliorum singulis singuli plerumque exeunt, [interdum in ipsa ramulorum divaricatione consistunt singulares] brevibus pediculis donati, quinquepartiti. Flore dilapso pediculi reflectuntur ad aversam aut pronam caulis partem ex adverso foliorum è quorum sinibus exeunt, quæ sursum tendunt. Calix autem floris in vasculum seminale amplum & velut bivalve, triquetrum quidem, marginibus tamen in plures angulos seu acutas lacinias divisus dilatatur, semina quatuor simul juncta claudens, compressa, fusca, selsamoideis paulò majora. Odor & sapor totius plantæ qui Boragini. Summitates caulium & ramorum floribus onusti, antequam aperiuntur caudæ Scorpii in modum reflectuntur, ut in hujus generis reliquis.

Planta hæc, ob formam fructus seu vasculi seminalis Atriplicis latifoliæ foliis aut Anseris avis pedibus similis, ~~asymmetricus~~ F. Columnæ denominatur.

Tempus.

Maior mense apud nos florere incipit, & cum semen perfecit radicitus exarescit.

Locus.

In Anglia rariùs occurrit. Propè oppidum Novum-Mercatum dictum, in sepe quadam non longe à templo domui Regiæ proximo, secus semitam quæ ad oppidum ducit, observavimus; item propè Boxley vicum in agro Suffensi; deñum in insula Sancta dicta, Anglicè Holy-Island, Northumbriæ adjacente. In Æquicolum montibus observavit Columna. Elixam, inquit, mandunt montani Valuensès pulmenti modo, apud quos etiam oritur.

Uis.

In Italia folia majora evadunt quàm apud nos, admodum (inquit F. Columna) majora & latiora quàm Rubiæ, quibus ea comparat [& verè] Lobelius, semipedali nimirum longitudine, duas uncias lata.

Varietas.

Hujus aliam seu speciem seu varietatem observavit Chr. Mentzelius, quam Buglossum caulibus procumbentibus tenerius, floribus albis vocat: Furstenwaldiæ aliisque in locis Marchiæ Brandenburg. ad sepimenta provenientem.

## CAP. IX.

## De Lithospermo.

**L**ithospermum à lapidea seminis duritie nomen accepit. Milium Solis Officinis dicitur, licet fortasse rectius Mauritanorum imitatione Milium Soler vocaretur: quandoquidem (ut scribit Serapio) frequens nascitur in montibus Soler: Milium autem dicitur à feminis similitudine, quòd & splendore & duritia cum semine Milii convenit. Nostratibus corruptè Bromill dicitur pro Graminill, id est, Milio griseo.

Notæ ejus sunt semen lapideum, splendens, flos in quinque segmenta expansus.

A. I. Li.

- A. 1. *Lithospermum sive Milium Solis* J. B. *Lith. majus erectum* C. B. *minus* Ger. *vulgare minus* Park. *Bromill*, or *Bromwell*.

Pollicari circiter crassitudine est radix, lignosa, perennis, fibras aliquot à latere fundens. Caules inde exurgunt complures, cubitales aut sesquicubitales, recti, rigidi, teretes, tactu asperi, solidi, ramosi, foliis crebris, nullo ordine positis hirsutis, longis, angustis, in acutum mucronem desinentibus, sine pediculis adnatis, vestiti. Quæ in summis caulibus & ramulis sunt folia latiora sunt & breviora pro magnitudinis ratione, & saturatiùs viridia. Flosculi in summitatibus caulibus & ramorum, ex singulis foliorum alis singuli, ex herbaceo albidis, monopetali, parvi, in quinque obtusa segmenta partiti, pediculis brevibus insident. Calix hirsutus quinque angustis acutis laciniis constat. Singulis flosculis naturaliter quaterna succedunt semina, quamvis rariùs ultra bina aut terna perficiantur, sunt autem colore cinereo, politi lævoris & invictæ duritie.

In agrorum marginibus siccioribus, in viis publicis & dumetis non ita infrequens est. Floret *Locum.* Maio & Junio mensibus, furculi autem floribus onusti, antequam flores explicantur, eodem modo reflectuntur seu contorquentur quo in aliis hujus generis herbis.

Semen Lithospermi renes absterget, urinam ciet, calculum insigniter comminuit & expellit, *Au- Vires:* tore Dioscoride. At qua id qualitate præstat? Diuretica, docente Galeno, eousque calida & sicca esse convenit, ut liquare & fundere sanguinem possint: Lithospermi semen nec acre est nec amarum, nec ullius alterius qualitatis particeps quæ calorem indicet. Oportet ergo ut specifica ut vocant proprietate calculum comminuat. Nullus autem hic à nimia dosi metus, cum nulla hic insignis qualitas sit.

An autem frangere possit lapidem jam concretum, quod quidam promittunt, equidem valde nescio, inquit C. Hofmannus: & J. Bauhinus, Ego quidem non existimo, neque hoc semen, nec ullum aliud remedium calculos frangere. Puitam & crassos humores, arenulas aut calculos glutinantes dissolvi & pelli posse medicamentis idoneis, fortè etiam hoc semine, concedo.

Matthiolus 3ij magno (ut ait) successu dat in lacte muliebri parturientibus.

- A. 2. *Lithospermum majus Dodonæi, flore purpureo, semine Anchusæ* J. B. *majus* Ger. *vulgare majus* Park. *minus repens latifolium* C. B.

J. B.

*Surculis* prociduis pluribus donatum est, pedalis & cubitalibus, tenuibus, nigricantibus, hispidis, subinde fibras agentibus; quos *folia* vestiunt uncias duas circiter longa, semunciam lata, in acumen desinentia, ex saturo virore nigricantia, hirsuta, aspera. *Flores* extremis hærent ramulis conferti, majores quàm *Anchusæ* alterius, violacei. *Semina* *Anchusarum* vel *Echiorum*, albicantia, rugosa. *Radix* longa crassa, lignescens, tortuosa, nigra.

Caulis ille qui flores sustinet erigitur, & foliis longioribus, pallidiùs virentibus amicitur. Icon hujus plantæ apud Clusium aliòsque eam meliùs repræsentat quàm descriptiones eorundem.

Miror cum J. Bauhino hanc referri ad *Lithospermum*, quum potius semina habeat *Anchusarum* vel *Echiorum* seminibus similia.

In colle quodam prope *Dembigh* oppidum in Wallia: invenimus & in agro *Somersetensi* non *Locum.* longè à *Taunton* oppido.

*Lithospermum Anchusæ* facie *Lob.* i. e. minus erectum C. B. ab hoc non diversum putamus, C. B. quidem in eo differre ait quòd non repat: at Lobelius illud non dicit, quamvis figura repentem non repræsentet.

- \* 3. *Lithospermum angustifolium umbellatum* C. B. Park. Bocc.

C. B.

*Cauliculo* est palmo minore, rotundo, quem *folia* strictissima, oblonga, nonnunquam utrinque bina ambiunt: In cujus summitate flores quasi in umbellam dispositi, cœrulei, parvi, oblongi, cavi, per oras in quinque crenas divisi.

A sequente non alia in re quàm foliorum angustia distinguitur.

*Locum.*

- \* 4. *Lithospermum umbellatum latifolium* Bocconi.

Bocc.

E radice lignosa caulis illi cubitalis exoritur, farmentosus, in multas alas seu ramusculos divisus. *Folia* oblonga, Oleæ æmula, angusta, aspera & saturatè viridia. *Flosculi* caulium fastigia occupant, in Umbellam veluti coherentes, coloris purpurei, quinque petalis constantes: quorum singulis succedunt semina duritie lapideâ donata.

Ad *Panormum* Siciliæ in cautibus montis *Peregrini* gignitur.

*Locum.*

- A. 5. *Anchusa degener facie Milii solis* Ger. emac. *Lithospermum nigrum flore albo, semine Echii* J. B. *Lith. arvense radice rubra* C. B. *arv. radice rubente* Park. *Wastard Alkanet* or *Bromill, Salsfern.*

J. B.

*Radice* nicitur simplici, lignosa, rubente, annua: ex qua nunc unus, nunc plures exurgunt *caules* pedales & longiores, hispidi, summa parte ramosi, solidi, striati, virentes, *foliis* vestiti ad *Milii* solis vulgaris folia accedentibus, in caule minùs crebris, nec adeò nervosis, mollioribus, minoribus, asperis,



asperis, nigricantibus, de quorum magnitudine quò superiorem locum occupant eò plus decedit. Flores in summis ramulis ex alis foliorum egrediuntur singulis singuli, pediculis brevibus infidentes, quinque oblongis, angustis, hirsutis calicis foliis obvallati, Milii folis flosculis similes, verum non herbacei sed albi: Singulis flosculis quaterna (ut in hujus generis reliquis) succedunt semina, Echii aut Buglossi seminibus similia, lævia tamen & splendentia.

Locus &  
Tempus.

Maio & Junio mensibus fleret; estque inter segetes apud nos ubique frequentissima. Florum furculi, floribus nondum explicatis pariter reflectuntur ut in Lithospermo vulgari & reliquis congeneribus.

## CAP. X.

## De Myosotide seu Echio Scorpioide.

**E**chium Scorpioides dicitur à spicis florum longis, recurvis, & antequam flores aperiantur caudæ Scorpii in modum contortis  
Spicis florum prælongis cum Heliotropio convenit, feminibus splendentibus, foliis oblongis ab eodem differt.

- A. 1. *Myosotis Scorpioides hirsuta* Park. *Scorpioides arvensis hirsuta* Ger. emac. *Echium Scorpioides arvense* C. B. *Scorpioides solissequum flore minore* J. B. *House-ear Scorpion-grass*.

Radix ei nigra, fibrosa. Cauliculi culmi crassitudine, angulosi, hirsuti, nunc erecti nunc versus terram reclinati, pedalis interdum longitudinis. Folia sescunciam aut duas uncias longa, dimidium pollicem lata, Auriculæ muris similia, hirsuta, mucrone non admodum acuto, alternatim caulibus sine pediculis adnata. Flores in caulibus & ramulorum summitatibus, in spicas digesti, quæ antequam flores aperiantur, caudæ Scorpii aut Serpentis in modum se contorquent, unde nomen. Flosculi autem semuncialibus pediculis infident, parvi, monopetali in quinque tamen subrotunda segmenta partiti, qui cum primò explicantur purpurascunt, mox in cœruleum colorem mutantur, umbilico luteo. Succedunt in vasculo (quod idem calix floris est) hirsuto connivente semina quatuor.

Locus.

In arvis & hortis passim, præsertim sterilibus & requietis. Per totam ferè æstatem fleret.

- A. 2. *Echium Scorpioides minus flosculis luteis* C. B. *Myosotis Scorpioides minor flosculis luteis* Park. *Small yellow-flower'd Scorpion-grass*.

Hoc genus superiore omnibus suis partibus plus duplo minus est, Flores quàm illius triplo minores, cum primò aperiantur lutei, postea in cœruleum colorem abeunt. Spicæ florum pro plantulæ magnitudine longiores sunt; vascula seminalia majora.

Locus.

In ficcioribus & arenosis pascuis, inque cuniculorum vivariis copiosissimum observavi.

- A. 3. *Myosotis Scorpioides palustris* Ger. emac. *Scorpioides repens* Park. *Echium Scorpioides palustre* C. B. *Scorpioides solissequum aliud flore majore cœruleo & albo* J. B. *Water-Scorpion-grass*.

Fibris multis tenuibus, primò albescentibus, deinde nigricantibus, è geniculis subinde in limum demissis radicatur. Caules teretes, striati, solidi, cubitales & longiores, tractantibus asperi, in apicibus rubentes, foliis vestiti satis crebris, alterno vel nullo ordine positos, longis, angustis, absque pediculis adherentibus, brevibus admodum pilis hirsutis, ut glabra videantur; è quorum alis versus summos caules ramuli crebri exeunt. Flores in summis caulibus & ramulis, cœrulei, monopetali, in quinque segmenta subrotunda partiti, pediculis semuncialibus aut uncialibus nixi, umbilico flavo, spicatim digesti, spicis antequam flores aperiantur caudæ Scorpii in modum reflexis aut intortis. Singulis flosculis quaterna plurimum succedunt semina.

Planta hæc natalibus, foliorum glabritie sed præcipuè suarum omnium partium magnitudine ab arvensi Scorpioide differt.

Locus &  
Tempus.

Ad rivulos & in fossis palustribus. Circa finem Maii mensis florere incipit.

## CAP. XI.

## De Symphyto five Consolida majore.

**S**ymphytum & ὅτι συνέπυον connasci dictum esse manifestum est; ὅτι τὰ κρῖα συνέπυον quòd carnes conglutinet dum coquantur additum. Floribus cylindræis, pendulis cum Cerinthe convenit, feminibus ad singulos flore; quaternis usque lucidis & politis Lithospermi instar, ab eadem differt.

- A. 1. *Consolida*

- A. 1. *Consolida major* Ger. *Symphytum magnum* J. B. *majus vulgare* Park. *Symphytum*, *Consolida major* C. B. **Comfrep.**

*J. B.*

Lato [& humido] solo satis obvium, *radices* surculosas & crassas demittit, foris nigras, intus albas, sapore fatuo, sed magnopere viscido & lento. *Caules* sesquicubitales & altiores, [crassitudine digitali] inanes, hirsuti, asperi, & membranis foliorum alatis appendicibus inæquales. *Folia* Helenii foliorum formam penè imitantur, acuta, rugosa, hispida [marginibus æqualibus] nullo ordine posita. *Flores* in summitatibus caulis & ramorum simul multi [antequam aperiuntur caudæ Scorpii in modum revoluti, veluti flores Echii Scorpoidis dicti aut Heliotropii,] penduli nolarum instar, non rarò ex pallido & luteo candicantes, interdum purpurascens, ex calice hirsuto in quinque segmenta acuta diviso, ipsi pariter summo margine in totidem acutas lacinias partiti, quibus totidem in penito flore adnatæ ligulæ herbidæ, totidémque *stamina* breviter cum suis apicibus albidis in interstitiis ligularum. *Stylus* longus flori concolor è centro calicis oritur, dilapso flore residuus, circa quem *semina* quatuor simul juncta calicis fundo adnascuntur. *Semina* Echii similia, colore pullo Anchusæ degeneris dictæ, splendentia velut Lithospermi, iidémque magnitudine paria.

In aquosis ad rivos & fossas : Maio mense floret.

Vulnerarium est è præcipuis celeberrimum, mucilaginosum, incrassans, humorum acrimoniam obtundens. Usus præcip. in fluxionibus quibuscunque, imprimis alvi, in erosione pulmonum ac phthisi. *Schrod.* Ego (inquit J. Bauhinus, cum quo etiam sentit C. Hofmannus) nolim uti radice Symphyti in omnibus vitis è thorace expurgandis, sed tantum in iis quæ eveniunt à tenui, subtili & calida materia.

*Locus & Tempus. Vires.*

Flores in vino rubro coctos, bisque in die sumptos in cruenta urina optimos scribit Camerarius.

Extrinsecus vulnerum sanguinem sistit, & fracturas ossium consolidat, quotidianâ experientiâ attestante; unde & Anglicè à nonnullis *Bone-set* dicitur. Hujus virtutis in vulneribus agglutinandis & fracturis ossium consolidandis evidens argumentum est, si modò verum experimentum illud à Veteribus proditum, Quod sci. radices Symphyti [majoris] carniū frusta quibuscum coquuntur coquantur ut coalescant.

Radices recentes minutim concisas, tulas & impositas ad dolores podagricos leniendas, & ulcera serpentia aut etiam gangrænas compescendas commendat Parkinsonus. Explicatius *D. Hulse.*

Recipe hujus radicum quantum vis; tunde in mortario donec in massam redigantur, quæ super alutam extendatur & applicetur parti dolenti.

Medicamentum hoc ad dolores podagricos & nonnunquam etiam ischiadicum leniendum valere iteratis experimentis attestantibus ab amico quodam certior factus sum. Quin & multos eo usos ad brachiorum dolores cum motûs privatione conjunctos: aliquem etiam ad Venereum quandam post multas embrochationes frustra tentatas, non sine successu.

Radix Symphyti ficcata & pulverisata in aqua tepida fontana dissolvatur, agitando usquedum à ferrumine aut visco Symphyti lentescere ex parte aqua advertitur: quod simplicissimum medicamentum tum adversus hæmorrhagias, tum fracturas & luxationes artuum solertiores Chirurgorum multis aliis compositis anteponunt.

Laborat quidam ulcere cacoethe, quod Chirurghi cancrum pronunciabant, sed curare non poterant: Accedens Agyrra accipiebat Rad. Symphyti majoris, & derafo superiore cortice nigricante, reliquam ut poterat contusam & linteo inductam quotidie bis imponebat. Ager convaluit; cancer tamen recens erat, nec octo aut decem circiter septimanas excefferat. *D. Soame ex \* Observat. \* Obs. 130.* Hieron. Reufneri à Velschio editis.

- \* 2. *Symphytum tuberosum* J. B. Ger. Park. *majus tuberosa radice* C. B. *item minus tuberosa radice* ejusdem. Nam *Clusius* non distinguit.

*Clus.*

Angulosum & quodammodo pentagonum habet *caulem*, rarissimè pedalem altitudinem superantem, succi plenum, per quem rariora quàm in Symphyto majore sparsa sunt *folia*, illisque minora, teneriora & minus aspera, insipido ferè gustu: *flores* in summis ramis pallidos, oblongos, Symphyti majoris floribus formâ similes, concavos, inodoros, extima parte in quinque crenas divisos, quinque *staminibus* in medio flore velut in umbonem tendentibus, protuberante in medio *stilo*: caliculos deinde majoris Symphyti instar, in quibus *semen* Echii semini non dispar: *radicem* longam, ramolam, teneram & fragilem, minimi digiti crassitudine, subinde in tubera excrecentem, exiguis fibris capillatam: pediculi, calices, caules angulosi, & folia hirsuta sunt.

Invenitur in omnibus Pannoniæ & Austriæ sylvis, umbroso loco, præsertim sub fruticibus.

*Locus.*



## CAP. XII.

## De Cerinthe.

**C**erinthe Plinio est herba folio candido, incurvo, cubitalis, capite concavo, mellis succum habente : floris avidissimæ sunt apes. Nomen est ei quod conferat ad conficiendam ceram, quæ Græcis *κηρός*.

Semina in hoc genere unicuique flori bina succedunt, lævia, per maturitatem nigra ; quò à reliquis omnibus hujus generis differt ; aliàs enim formâ suâ, & matricibus adnascendi modo cum reliquis conveniunt. Flores cylindracei sunt, penduli, Symphyti florum instar, folia plerunque maculosa.

1. *Cerinthe major* Ger. *Cerinthe* seu *Cynoglossum montanum majus* C. B. *Cer. major flore luteo & rubro* Park. *quorundam major versicolore flore* J. B. *Great Mountain Honeywort.*

## Clus.

Quatuor aut quinque ramos five *caules* habet à summo radice capite prodeuntes, rotundos, succulentos, interdum cubitales, quos amplectuntur numerosa *folia* oblonga, circa pediculum latiora, mucrone obtuso, colore ex viridi ad cœruleum quasi tendente, candidis maculis aspersa, nonnihil villosa : à foliorum sinu nascuntur alii ramuli, Heliotropii majoris ramulorum instar sese intorquentes, pleni *florum* longiusculorum, concavorum à medio ad extimam partem florum, alterâ quâ caliculis inhaerent, ex rubro purpureorum, quibus apes valdè delectantur : his decidentibus bina plerunque in eodem caliculo semina conspiciuntur, nigra, Ervi magnitudine, seminis Echii aut Ciceris arietini formâ : *Radix* alba, oblonga & latis crassa est, an verò perennis ubi sponte nascentem observabam ignoro.

## Locus.

Crescit nonnullis Lusitaniz locis, sed copiosè per totam Baticam. Floret loco natali novo Vere & Martio.

In montium Maximo Carthusianorum cœnobio imminetium rupibus & ruderatis locis *Cerint*hes majoris speciem observavi *foliis* glabris maculatis, *floribus* purpurascensibus pentagonis, *seminibus* reliquis sui generis minoribus & ( quantum memini ) angulosis, *radice* ( ut mihi videbatur ) perenni & vivaci. Nescio an descriptæ eadem sit.

2. *Cerinthe flavo flore asperior* C. B. Ger. *major flavo flore* Park. *quorundam major spinoso folio, flavo flore* J. B. *Yellow flowered Honeywort.*

## J. B.

Feliciter ( inquit J. Bauhinus ) nobis adolescit cubitum unum aut duos alta, *radice* recta simplice : *caulibus* digitali crassitudine, rotundis, lævibus, exalbidis, in ramos plures divisus : *folia* Glasti sativi, linguam emulantiâ, falcatis appendicibus ramos & caules amplectuntur, ex viridi glauca, plagellis candicantibus hic illic sparsis maculosa, spinulisque tam supina quàm prona parte asperata, in ambitu argutè crenata, sapore ferè herbaceo : *flores* ex ramulorum fastigiis dependent, plures juncti, lutei, oblongi, in calathi formam oris leviusculè diductis : quorum singulis insunt occultata quina *stamina* lutea, mucronibus atris præpilata ; extrinsecus verò obvallant quinque folia angusta, oblonga, concinnè per ambitum crenata. *Semina* unicuique flori succedunt bina, Orobi ferè magnitudine, nigra foris, pulpam intus albam continentia.

## Locus.

In Italia & Sicilia in agrorum limitibus, inque vineis frequentissima est & ubique ferè obvia.

3. *Cerinthe quorundam major flore ex rubro purpurascens* Clus. J. B. *Cer. flore ex rubro purpurascens* C. B. *Cer. major flore purpurante* Park. *Great purple flowered Honeywort.*

## Clus.

In bipedalem ut plurimum assurgunt altitudinem *caules* five rami, statim ab radice divisi, quos ambiunt etiam alternis *folia*, jam descriptis paulò minora, ex viridi & cœruleo quasi commixti coloris, supernè maculis etiam albis conspersa : supremi rami nutant, *floribusque* singulos inter folia proferunt in caliculis purpurascensibus saturis ex rubro purpureos, quibus aspersa videatur quædam albedo, longos, cavi instar præcedentium, quibus deciduis *semen* in caliculis nigrum, Boraginis semini formâ simile, *Radix* similiter alba, brevior tamen & minùs fibrosa quàm præcedentium. Annua est.

Hanc plantam Clusius non vidit, sed ex icone ad eum transmissa & notis additis descriptionem suam concinnavit, quocirca imperfectior sit oportet.

Hujus folia lævia sunt & glauca : semina omnium hujus generis maxima, lævia seu æqualia. Autumno apud nos floret & semina perficit.

4. *Cerinthe minor* C. B. Ger. *minor flavo flore* Park. *quorundam minor flavo flore* Clus. J. B.

## Clus.

Gracillorem modò descriptis habet *caulem*, cubitalem aut ampliorem, rotundum, in plures ramos divisum : *folia* etiam alternis per caulem sparsa, minora quàm præcedentis & angustiora, albis similiter maculis conspersa. Summi rami inflectuntur & nutant, frequentibus folis magis mucronatis

cronatis tecti, è quorum alis singulares propendent *flores*, suis caliculis inhærentes, superioribus longè minores, extremis oris denticulati, prorsus flavi: quibus deciduis *semen* in caliculis continetur nigrum, altero minus, formâ tamen non dispari: *radix* etiam alba, & aliquot fibris prædita, non tamen vivax.

In Austria & Stiria agris copiosè crescit, interdum etiam hyeme in sua viriditate permanens. *Locus.*

\* 5. *Cerintbe minor flore albo* Park.

*Park.*

Multos spargit ramos tenues, imbelles in terram resupinos, consimilibus, pallidè virentibus *foliis*, quàm tertii generis minoribus, vestitos: in quibus maculæ albæ obscuriores sunt minùsque conspicuæ quàm in plerisque hujus generis aliis. *Flores* oblongi, concavi reliquorum similes, sed minores, albi, circulo rubente circa medium cincti, è caliculis virentibus exeunt, quibus delapsis succedunt *semina* tertii generis seminibus plus duplo minora, formâ tamen persimilia, *Radix* longa, angusta, alba, semine ad maturitatem perducto quotannis marcescens.

Gulielmus Boelius ex Hispania attulit.

*Locus.*

\* 6. *Cerintbe folio non maculato* Clus. *folio non maculato viridi* C. B. *minor flore luteo & rubro* Park.

*Clus.*

Hujus *rami*, quos statim è radice plures profert, non valdè attolluntur, sed humi quodammodo procumbunt. *Folia* nullis albis maculis conspersa sunt, sed prorsus viridia & mollia, nulla tamen lanugine pubescentia, nè recens nata quidem, statidis foliis non valdè dissimilia. E foliorum quæ caules amplectuntur alis tenelli infirmique nascuntur *rami*, sustinentes, ut in aliis generibus, frequentium foliorum comam, inter quæ oriuntur tenues, saturè purpurascens peroli sustinentes caliculum in quinque angusta foliola divisum, amplectentia oblongiusculum *flosculum*, concavum, inferna parte flavum, mediâ purpureum, extimâ etiam flavum, in quinque lacinias divisum, continentem aliquot rigida staminula, & inter illa oblongum tenuem stylum. Floret Maio.

De loco natali nihil addit Clusius. Magna est inter hanc & præcedentem plantam convenientia & similitudo; ut suspicer unam & eandem speciem esse.



# HISTORIÆ PLANTARUM LIBER UNDECIMUS.

QUI EST

De Plantis Verticillatis.



VERTICILLATÆ dicuntur hæ plantæ quia flosculi caulem articulatum velut verticilli amplectuntur, foliis interspersis.

Notæ autem quibus Verticillatæ à reliquis Plantarum generibus distinguuntur, sunt folia in caule ex adverso bina, flores monopetali, labiati plurimum aut galeati, semina ad singulos flores quaterna, quibus floris calyx pro vasculo infervit.

Ad genera Verticillatarum subalterna rectè constituenda & singulas species ritè ordinandas fuffque sedibus disponendas idoneis adminiculis destituimur, cum nec ipsi plantas vidimus, nec Botanicorum descriptiones, omiffis notis generum indicibus nos expediant. Si licuiffet plantas ipsas inspicere, & inter se conferre, longè certiores generum characteres dediffemus. Alii supplere & emendare possunt quæ à nobis vel minus accuratè traduntur vel omituntur.

Pleræque omnes plantæ galeatæ & verticillatæ, annotante D. Hermans, ut ex relatione D. Palmer habeo, aromaticæ aut saltem odoratæ sunt. *Plures certè in hoc genere ejusmodi sunt quàm in alio quocunque.*

*Planta verticillata fruticosa, hoc est quarum superficies perennat, sunt vel flore*

{ Galeato & labiato, seu utrinque labiato,

{ *Grandi*, in spicis laxis è verticillis aliquantulum distantibus compositis, foliis latis obtusis; SAL-  
VIA.  
{ *Minore*, foliis

{ *Oblongis & angustis*, florum verticillis

{ *In spicas digestis*

{ *Breviores*, floribus densius stipatis

{ *Habitiores*, cum foliis in summa spica; STOECHAS.

{ *Minores & tenuiores* seu graciliores, longis infidentes pediculis, spicæ triticeæ æmulas; LAVENDULA.

{ *Longiores*, verticillis rarioribus compositas, foliis virentibus; HYSSOPUS.

{ *Ad caulium nodos* foliis intermistis,

{ *Major*, in magnum fruticem adolefcens; ROSMARINUS.

{ *Minor*, & humilior; SATUREIA durior.

{ *Brevibus & latiusculis*, florum & verticillis in spicas breves & habitiores digestis,

{ *Villosas* odore suavi seu vehementi; MARUM vulgare.

{ *Non villosas*, foliis

*Latioribus*

{Latoribus brevioribus & viridioribus; THYMUM vulg.  
 {Oblongis incanis & ad margines crenatis; POLIUM mont.

{Galea carente, radice

{Reptatrice humilior, foliis quernis; CHAMÆDRYS vulgaris.  
 {Non reptante, foliis supernè viridibus, subtus incanis

{Elatior & lignosior; TEUCRIUM.  
 {Humilior & odoratior; MARUM SYRIACUM.

## SECTIO PRIMA.

De Herbis Verticillatis fruticosis, quarum superficies perennant, & lignescunt.

OB affinitatem tamen & convenientiam in notis genericis nonnullas herbaceas & annuas his admiscuimus.

### CAP. I.

#### De Salvia.

**S**alvia à *salvere* i.e. saluum esse dicitur, quòd ad multa, præsertim ad fecunditatem salutaris sit: cum steriles hujus usu frequenti gravidæ reddantur, quare Agrippa *sacram herbam* vocavit, Aetio auctore. *Ἑλσισσην* Dioscoridi l. 3. c. 40. quasi in tabem redacta, cum herba ipsa semper retorrída & exsucca videatur, id enim *σάλη* & *σάλη* significat, folia enim attritis vestibus comparantur. C. B.

Notæ Salviæ genericæ sunt flores magni, hiantes, in spicis laxis, è verticillis aliquantulum distantibus compositis, folia lata, obtusa, rugosa, odor validus & vehementior.

1. *Salvia latifolia* J. B. *major* Ger. *major vulgaris* Park. *major an Sphacelus Theophrasti* C. B. *The greater or common Sage.*

*Eradice* vivaci, perenni, lignosa plures exurgunt surculi lignosi, variè reflexi & intorti, valdè ramosi. *Ramuli* juniores & surculi quadrati sunt, brevi lanugine hirsuti, foliis ad intervalla ex adverso binis vestiti. *Folia* oblongis innituntur pediculis, rugosa, brevi & vix conspicua lanugine hirsuta, tres aut quatuor uncias longa, fescunciam lata, circa margines crenata, acuminata, alias viridia, alias ex purpurâ rubentia odore & sapore aromatico vehementiore. *Flores* in summis caulibus & ramulis velut in spicas digesti, verticillati, singuli singulis pediculis è sinibus foliorum concavorum triangulorum ad genicula conjugatim adnatorum ortis insidentes. *Calices* florum ampli, striati, in quinque segmenta divisi, tribus & minoribus inferius, duobus majoribus superius sitis. *Flores* autem cœrulei aut cœrulo-purpurei, monopetali, galeati galeæ lateribus conniventibus, labello oblongo, lato, bifido, propendente, cum duabus velut auriculis superius. *Stylus* tenuis incurvatus, in summo bifidus. *Stamina* duo in summo bifurca cum apicibus oblongis albidis, è floris lateribus enata. Singulis flosculis pro Verticillatarum more quatuor succedunt semina.

Summitates plantæ glutinoso quodam humore aromatico madent.

2. *Salvia nigra* C. B. *nigra vel rubra* J. B. *Red Sage.*

Ex genere Salviæ majoris est (ut rectè J. Bauhinus) non species ab ea distincta: *foliis* ex atro rubentibus, potissimum antequam excaulescat, alioqui florida folio parum differt à majore vulgari, (inquit idem.)

At nos habemus speciem cujus folia & summitates rubent etiam postquam caulem produxit & floruit, quamvis minùs intensè. Nam varii reperiuntur in hac Salvia colorum gradus inter viridem & atro-rubentem.

3. *Salvia variegata elegans* Ger. *variegata prima* Park. *parad.*

Triplici colorum in eodem folio varietate viridi albo rubente pulcherrimum de se præbet spectaculum: Colores sci. ductibus non rectis solum, sed huc illuc reflexis aut variè sparsis & velut undatis folia distinguunt. Hoc genus plerunque minus est vulgari latifolia Salvia, alioquin ei perfimile. Hæc est proculdubio Salvia altera perelegans, tricolor, argentea Belgarum, *Hort. Paris.*



4. *Salvia variegata vulgaris* Ger. *variegata secunda* Park. parad. *Salvia albis foliis* C. B.

J. B.

Ex genere *Salviae* majoris & hæc est, quæ folia quædam tota, quædam media ex parte candore niveo prædita habet. Hæc est *Salvia* foliis, ex purpureo & albo variis *Hort. Paris.*

Utramque hanc speciem Cantabrigiæ in hortulo nostro aliquot annos aluimus.

Catalogus Horti Regii Paris. tertiam insuper his addit *Salviae* variegatæ speciem, quam inscribit *Salviam majorem foliis ex luteo & viridi variegatis.*

Vires.

*Salvia* nostratibus saluberrima herba existimatur, ideoque verno tempore, Maio præcipue mense, folia ejus & turiones cum butyro comedere solent ad sanguinem depurandum, & salutem tuendam. Quoniam bufones sub ea libenter stabulantur nonnisi diligenter lota & mundata in cibis usurpanda est. Ad arcendos bufones & alia animalia venenata Rutam *Salviae* proximam aut eidem intermixtam plantare solent Itali: secundum vulgatum illum versiculum,

*Salvia cum Ruta faciunt tibi pocula tuta.*

*Salvia* diuretica est; menses ob crassitiem remoratos ciet, & tamen nimios emendat. Parod. est in capitis affectibus, paralyti, vertigine, tremore, catarrhis. Extrinsecus aphthas oris abstergit (in gargarismis.)

Puncturæ vesparum & araneorum curantur repetita applicatione foliorum recentium *Salviae*. *Ephe-mer. Germ.* An. 8, 9, 10. Aciditas enim fermenti venenosi obtunditur ab Alkali vegetabili. Hæc planta nigrescit cum Vitriolo ut Gallæ. Communicavit D. Tancr. Robinson.

Ad menses albos, & *Salviae*, Sars. paril. & Balauft. ana. Cape 3j. manè in jusculo per aliquot dies. Est remedium Aulicarum. *Cbesneau.*

Tremulæ manus auspiciatissime lavantur in vino decoctionis vel macerationis *Salviae*. *S. Pauli.*

Quod si quis ex manipulo *Salviae* & Tabaci Virginiani concisi 3ij. & p. i. atque altero tritæ Polentæ decoctum ex aceto cerevisiæ sibi paret, ut os eo proluat, aut dentes foveat dum dolent, is ab hujus usu ingens levamen persentiscet, ut aliquoties in iis comperi quibus ex vulgo id commendavi. *Simon Paulus.* Ex excerptis D. Edv. Hulsii.

Vim adstringendi & sanguinem sistendi *Salviae* inesse cum aliis experimentis demonstrabat illustris Vellingius, in horto Patavino plantarum vires spectantibus exponens, tum maxime hoc suo, quo sputum sanguinis eadem herbâ cum melle exhibitâ sanatum, restabatur, remedio ex Aërio desumpto, apud quem Tetrabib. 1. ferm. 1. Orpheus, Dato inquit sanguinem expuentibus succi *Salviae* cyathos duos jejunis cum melle bibendos, & sanguis illico cohibetur. Communicavit D. Soame ex observ. Georgii Hieron. Velschii 4. collectam.

Paralysis partium deglutitioni inservientium curatur per decoctum *Salviae* in vino, & continendo in ore sp. Vini infusionis thymi. D. Hulse ex Ettmulleri praxi.

Vinum in quo decoquitur *Salvia* commendatur admodum à Deckero in praxi ad dolorem acrem ventriculi, [cardialgiam]

5. *Salvia serrata crispa* J. B. *latifolia serrata* C. B. *maxima sive latifolia* Park. *Curled Sage.*

Hujus folia breviora, latiora & rotundiora sunt *Salviae* vulgaris foliis [nonnulla quatuor uncias longa tres lata sunt] serrata & crispa ad margines: Flores in plerisque plantis purpurascunt vulgaris in modum, in nonnullis sed rarius albi.

Hæc omnino specie distincta est à vulgari *Salvia*. De loco ejus natali nobis non constat: in hortis cultam sæpius vidimus, imò ipsi coluimus.

\* 6. *Salvia folio subrotundo* C. B. Park.

C. B.

Caule est quadrato, villosa: foliis rotundis ad Violariæ vel Aristolochiæ rotundæ folia accedentibus, at in acumen finientibus, scabris, vulgari magis candicantibus & tenuibus.

7. *Salvia minor* Ger. *minor auriculata* J. B. *minor sive pinnata* Park. *minor aurita*, & non aurita C. B. *Sage of Vertue.*

J. B.

Minorem *Salviam* quæ minora capiat in foliis incrementa dixerunt: frutescit ea tamen, contractior interim majore, quadratis stolonibus & hirsuta canicie lanuginosis. Folia majori magnitudine cedunt, odore vehementiore, saporeque vegetiore vincunt, magis candicantia, quibus ad imum pinnulæ duæ oppositæ, aliquando una, est ubi nulla. Spicatos cœruleos flores ex majore promptum est discere.

\* 8. *Salvia folio tenuiore* C. B. *Indica* Ger. *minor aurita odoratissima Hispanica* Park.

Præcedenti adeò similis est, ut nisi diligenter observetur, facile pro eadem possit accipi. Differt magnitudine & staturâ plerunque minore; foliis minoribus & viridioribus seu minus incanis; quod tenerior sit & frigoris minus patiens: odore gratiore & suaviore, paulò tamen vegetiore; floribus denique aliàs purpurascens, aliàs albis.

Hanc plantam Parkinsonus à *Salvia* Absinthite speciem diversam esse contendit, & Johnsonum Gerardi emaculatorem reprehendit quod eam pro *Salvia* Absinthite habuerit: an rectè examinent alii.

9. *Salvia*



9. *Salvia absinthites* Ger. minor altera C. B. *Absinthium redolens* J. B. minor altera flore rubente Park. **Wormwood Sage.**

J. B.

Flore est satis magno, verticillato purpurascens [at quæ in hortis nostris colitur flore est albo:] Folio *Salviæ* minoris pari, nunc pinnato, nunc mutilo, *Absinthium* obolente, quem tamen odorem ficcata vix reservant folia.

Habetur flore purpurascens & albo. Observandum proponit J. Bauhinus, an quæ flore est purpurascens ab alba differat, vel solo floris colore ludat.

In omnibus præterquam odore & sapore cum *Salvia* minore convenit, unde nec specie diversam arbitramur.

10. *Salvia Cretica pomifera* Clus. Ger. emac. major *Cretica latifolia* & *angustifolia*, aurita & non aurita, pomifera & non pomifera Park. *Salvia baccifera* C. B. *gallifera Cretica* J. B.

Fruticat hæc alterius *Salviæ* modo, in multos ramos sparsa, quadrangulos initio, & densa lanugine obfita, qui deinde in lineam substantiam transeuntes istam quadraturam amittunt, tenuiores autem rami retinent, densiorque lanugine sunt obfiti. Folia infernâ parte valde lanuginosa, altera virente & veluti attrita, *Salviæ latifoliæ* foliorum instar, appendices utrinque secundum pediculum habentia & velut aurita, nonnunquam etiam appendicibus carentia, nec tam ampla ut in *latifolia* vulgari, nec etiam adeo angusta ut in vulgari minore, quæ aurita habet folia. Extremos ramos ambiunt verticillatim seni & plures caliculi, in quibus flores vulgaris floris formâ quidem similes, sed coloris ex albo purpurascens: quibus cadentibus semina nascuntur in caliculis, crassiora quàm in reliquis *Salviæ* generibus & illos ita replentia, ut quasi baccæ appareant. Totius plantæ odor paulò vehementior quàm alterius *Salviæ*.

In Creta baccas seu poma (quæ duntaxat quædam excrescentiæ sunt) fert, uncialis interdum magnitudinis, multa lanugine obfita, orbicularia: In frigidioribus regionibus nullas fert. Gallæ hæc ad juncturas pediculo fœcunciali insident.

- \* 11. *Salvia tenuifolia* J. B. *angustifolia serrata* C. B. *Cretica angustifolia non aurita* Park.

Clus.

Multos statim à radice profert ramulos, lignosos ex fusco subrubentes. Folia longè angustiora sunt quàm in ullo *Salviæ* genere, in ambitu nonnihil interdum crenata seu crispa, è quorum sinu alii pusilli ramuli prodeunt. Medius caulis in spicam purpureorum florum definit, nullis intermixtis foliis. Radix dura, lignosa, in ramos divaricata.

Nata est semine è Creta insula accepto. J. Bauhinus eam describit foliis minùs spissis, angustioribus, itémque parvis auriculis donatam.

- \* 12. *Salvia lanuginosa angustifolia* C. B. Park.

Caule est rotundo, crasso, lignoso, ob candidam lanuginem molli, cubitali, ramoso: foliis candidis angustis, brevibus, semunciam latis, duas longis, densis & scabris, odore *Tanacetî*: floribus in caulis summo quasi in spica *Lamii* floribus similibus, purpurascens, è quorum medio stamina oblonga efferuntur.

13. *Salvia fruticosa lutea; latifolia, sive Verbasum sylvestre quantum Matthioli* Park. *Verbasum Matthioli* Ger. Verb. latis *Salviæ* foliis C. B. **Yellow flowered Sage.**

Caulibus multis, quadratis, incanis, lignosis fruticat: quibus ad intervalla adnascuntur folia rugosa, incana, lata apicibus subrotundis, *Salviæ* vulgaris foliis simillima, sed majora. Flores verticillati, in summis præcipuè caulibus aggregati, *Salviæ* floribus figurâ suâ satis similes, verum coloris diversi, nempe flavi. Semina quàm *Salviæ* majora. Radix lignosa, fibras multas in terram demittit. Odor satis validus, Parkinsono gravis & caput tentans, nobis non injucundus.

Circa Tauromenium Siciliæ copiosè provenit. Planta hæc à Botanicis plerisque perperam *Verbasum* dictis annumeratur, à quibus toto genere differt: rectius à Parkinsono *Salviæ* speciebus accensetur.

14. *Verbasum angustis Salviæ foliis* C. B. Ger. *Monspeliense flore luteo biante* J. B. *Salvia fruticosa lutea angustifolia, sive Phlomos Lychnitis Dioscoridis Clusio* Park. *Verbasculum Salvisfolium* Alpin. exot.

Clus.

Folia supra tellurem fundit crassiuscula, *Salviæ tenuifoliæ* panè similia, longiora tamen & angustiora, candicantia, inferiore parte densa & ferè albâ lanugine prorsus obfita. Inter hæc exeunt cauliculi dodrantes plerunque, interdum paulò majores, quadranguli, villosi & candicantes, è quorum geniculis folia longiuscula, superioribus similia nascuntur: caliculorum fastigia breviora habent & sede latiuscula prædita. Flores *Lamii*, lutei coloris, circa extremos cauliculos verticillatim ex densa lanugine & quasi villis quibusdam pallidis prodeunt, comâ plerunque inflexa & nutante. Radix nigricans & lignosa.

In



Locus.

In collibus saxosis circa Monspelim nobis observatum est. Clusio autore, in collibus, ficcioribusque & petrosis locis per universam Hispaniam & Lusitaniam exit.

Tempus.

Floret Maio & Junio; Semen autem subruffum, præcedentis semini ferè simile in caliculis profert.

*Verbascum sylv. Salvifolium* Lob.

Ob descriptionis imperfectionem ad quod genus plantarum pertineat nobis non constat.

- 15. *Salvia minor Æthiopica foliis Chamælagni asperis* Breynii.

Breyn.

Frutex est parvus, caule quadrato, lignoso, aspero, quandoque spadiceo, seu purpurei obsoleti coloris: ex quorum geniculis alæ utrinque cruciatim alterno versu oppositæ, binæ panduntur, item quadratæ & ramis aliis decussatæ: *Foliis* Chamælagni *Dod.* minoribus, asperioribus & rugosioribus magisque venosis, per genicula binis cauli & ramis hærentibus. *Flores* in caulis & ramorum summitatibus, in spicam ramosam sunt dispositi, eadem figurâ ac colore quâ *Salvia* nostratis, ex paribus etiam calyculis, at hispidioribus, aliquando pulchrè violaceis, prodeunt. Odor totius hujus plantæ gravis, ad Hormini vergens: Sapor aromaticus.

- 16. *Salvia Syriaca Cisti feminae foliis, acetabulis Moluccæ* Breynii.

Breyn.

*Salvia* minoris auriculatæ instar densè fruticat, multis ramis brachiata: ex quorum geniculis adversa oriuntur *folia* bina, *Salvia* vulgaris multò minora, circinata. *Cisti* feminae foliis paria. *Flores* verticillatim circa summos ramulos nascuntur, è calyculis sive acetabulis Moluccæ prægrandibus, purpurascens prodeunt, galericulati, ac violacei coloris. *Semen* nigrum.

Hujus Rawolfius meminit in suo *Hodæporico*.

- 17. *Salvia Indica arborecens* Bontii.

Frutex est surgens ultra duorum hominum altitudinem, & tantâ copiâ crescit [in India Orientali] ut sylva integra conficiat: nam longè latèque luxurians radices agit, non secus ac *Glycyrrhiza* in Europa; ita ut qui eam in hortis plantant, post aliquod tempus cum summa molestia radicibus effodiant; cum subinde repullulascant. *Flores* fert ex albo cyaneos, ut reliquæ *Salviae*. *Foliis* admodum longis est, quæ præter gratum odorem, etiam umbram commodam præstant. Si autem bene colatur in hortis, plurimum de feritate sua remittit, quod fiet si radices & luxuriantes stolones statis temporibus commodè refecentur, & tum non minus utilis est in cibis quàm mansueta pumila apud nos. Nam vino maceratæ si sumas aliquot quotidie liquoris uncias, nullum præstantius invenies remedium in familiari hac tremoris seu paralyfis specie, quæ *Berberii* incolis dicitur, quod ut in pluribus aliis sic in meipso cum summo utilitate expertus sum.

Vires.

## C A P. II.

### De Lavendula seu Lavandula.

**L**avendula Recentioribus dicta creditur quod balneis seu lavacris expetatur. Semen & folia (inquit Lobelius in Adv.) ad affectus matricis commendantur in fomentis & lotionibus. Nonnulli Iphyium Plinii suspicantur, quod Hefychius *Λαβανίδα* vulgo dictum scribit, quæ vox ad lavandulam accedit.

Martinius à *leben* Germanico, i. e. vivere; deducit transitive sumpto, quia vivificat & valet ad lipothymiam seu animi deliquium, autore Matthiolo.

Ejus notæ sunt flores in spicas tenuiores triticearum æmulas, longis pediculis insidentes congesti.

1. *Lavendula major sive vulgaris* Park. *Lavendula flore cæruleo & flo. albo* Ger. *Lavandula latifolia* C. B. *Pseudo-nardus*, quæ vulgò *Spica* J. B. *The most common or broad-leaved Lavender*.

J. B.

In fruticem satis grandem & lignosum, plurimis ramulis densum adolescit, altitudine sesquicubitali aut bicubitali. *Folia* infima quidem crebra & incondita ferè, superiora, ut in toto hoc genere, ex adverso bina, alternatim sita, per intervalla longiuscula, incana, culmum aut etiam semunciam lata, duarum triumve unciarum longitudine, nervo medium percurrente, odore vehementi, grato, sapore amaricante. Summis ramulis spicam gestat longam, verticillatis calyculis cæruleis angustis, oblongis, constantem, è quibus *flosculi* emicant cærulei seu violacei.

*Folia* huic longiora latioraque multò quàm *Lavendula* minori, magis incana, non tamen adeò crebra in caulibus & ramulis: ramuli seu verius pediculi spicas sustinentes huic duplo majores longiorisque

gioresque quàm illi. Spicæ quoque multò longiores & inflexæ: flores tamen singulares (quod mirum) quàm illius minores: Odor quoque totius plantæ vehementior.

2. *Lavendula minor* sive *Spica* Ger. Park. *Lavandula angustifolia* C. B. *Pseudonardus* quæ *Lavendula* vulgo J. B. *Narrow leaved or small Lavender*, by some *Lavender-Spike*.

J. B.

Totâ quidem facie præcedenti proxima est, minor utcunque & humilior, pariter tamen densè fruticans: foliis minoribus seu angustioribus & brevioribus, nec adeò albidis, odore minùs vehementi. *Spicæ* florum, uti dictum, breviores sunt & erectiores, *flosculi* tamen singulares majores.

Variat interdum floris colore albo, uti præcedens.

In Hispania & Gallia Narbonensi sponte provenit. Gaudet apricis & petrosis locis, ubi perpetuâ comâ viret, seu potius canescit. Junio & Julio mensibus spicas floribus prægnantes emitit. Locus & Tempus.

3. *Lavendula folio multifido* J. B. Park. *folio dissecto* C. B. *Stachas multifida* Ger. *Jagged Lavender*.

Clus.

Cubitali interdum altitudine assurgit, quadrangulis & hirsutis ramulis, quos multifida, tenuiterque incisa ambiunt *folia*, lanuginosa cinereique coloris acris gustûs & jucundi odoris. *Flores* in summis virgulis quadrangulis, nudis & lanuginosis, spicæ instar, ut in *Lavendula* congesti, cœruleo colore præditi, odorati: spica autem aliquantulum contorta est, & in quatuor veluti versus aut ordines digesta, alia interdum ex alia nascens. *Radicem* habet duram, lignosam & multis ramulis donatam, quam vivacem esse facile sibi persuaserit descriptionis autor Clusius.

Nascitur circa Malacam Baticæ urbem, ubi illam primùm inveniebat Clusius, colle quodam illi urbi vicino, Februarii mensē florentem; dende circa Murciam mensē Martio, nec usquam alibi. Locus & Tempus.

4. *Lavendula latifolia*. An *Lav. latifolia Indica subcinerea*, spica brevior Hort. Reg. Paris? *Broad-leaved Lavender*.

Hæc species foliis brevioribus & latioribus, minùsque incanis à *Lavendula* vulgari differt; Odore cum ea convenit: Florum spicam nondum vidimus: quamvis enim hyemes nostras haud difficulter toleret, spicam tamen in hortulo nostro nunquam produxit: Si eadem planta sit Parisiensis & nostra, spicam facit breviorē.

*Lavendula* ut facie sic viribus cum *Stœchade* convenire videtur.

Partium est tenuium, cephalica ac nervina. Usus præcip. in catarrhis, paralyfi, spasmo, vertigine, lethargo, tremore artuum. In urina, mensibus ac fœtu pellendo (unde & parturientibus exhiberi solet) in torminibus ventris flatulentis. Extrinsecus in lixivis capitis ac artuum, in Masticatoriis (pro catarrho exsiccando ac revellendo ad palatum, nè ad pulmones defluat.) *Schrod.*

In usu est aqua destillata, conserva ex floribus & oleum spicæ.

Florum spicæ cum lintheaminibus & vestimentis in arculis recondi solent ad odoris suavitatem communicandam. Schroderus eos odore suo pediculos fugare scribit.

In difficili partu sem. *Lavendulæ* est oppidò conducibile. Duo sequentia remedia arcana præstantissima perhibentur.

Primum est Rondeletii, R sem. *Lavendulæ* 3ß. sem. *Plantaginis*, *Endiviæ* ana ʒij. *Piperis* ʒi. F. pulvis. Cape cum aquis sequentibus, R aquar. *Caprifolii*, *Endiviæ* ana ʒiij.

Secundum est Backmeisteri, R sem. *Lavendulæ* 3ß. *Succini albi* præparati, borac. ʒij. Ol. *Cinnamonomi* gut. ix. F. l. a. pulvis, dividendus in tres æquales partes, propinandus in vino Rhenano. Hæc sunt minimè fallacia. Sim. *Paulus* ex Annotatis D. Edv. Hulle.

In pueris pediculosis hoc expertus sum (inquit A. Hieron. \* Reufnerus) Jussi caput inungi oleo \* *Observ.* 28. spicæ, & statim moriebantur pediculi. D. Soame.

At oleum quodcumque illitum insecta exanimat, quoniam obstructis meatibus respiratoriis aerem intercipit & excludit, cujus defectu insecta moriuntur.

### C A P. III.

#### De Stœchade Arabica.

**S**tœchas ab insulis ejusdem nominis è regione Massiliæ ubi nascitur cognomentum accepit, teste Dioscoride l. 3. c. 32. Plin. l. 28. c. 12. Verùm Lobelius in Adv. nobiles illas & rarissimarum stirpium alumnas Stœchades insulas huic cognomines, non ex adverso Massiliæ, ut perperam ex Dioscoride persuasum est (bidui namque itinere & litore indidem absunt) sed è regione Olbiæ, vulgo *Hyeres*, urbeculâ olim tam lauta quàm nobili, à qua etiamnum hodie insulæ Stœchades nomen retinent, non Massiliæ; dicuntur namque *Hyeres* insulæ.

Spicis habitioribus pilosis squamulis imbricatis, cum foliolis in earundem cacumine à *Lavendula* differt.



1. *Stachas Arabica* vulgò dicta J. B. *Stachas vulgaris* Park. *St. purpurea* C. B. *Stachas* five *Spica hortulana* Ger. **Cassidony** or **French Lavender**, by some **Sticadoze**.

J. B.

Utilis juxta ac pulcher est frutex, radice lignosa crassiuscula, virgulas emittente lignosas, cubitales, & bicubitales in ramos aliquot divisas. Folia per geniculos Lavendula bina, & ex alis alia minora, plura, incana, odore & sapore aromatico. Singuli ramuli quadranguli, plerunque foliati, uti observavimus, in spicas fastigiantur crassiusculas, unciales aut longiores, pilosis squamulis imbricatas, in quibus flosculi purpurei: præterea ex cacumine emicant foliola aliquot purpuro-violacea, visui grata, qualia ferè in Hormino Matthioli.

Locus.

In Sylva Grammontia & alibi circa Monspelium, quin & medio circiter itinere inter Monspelium & Arelaten invenimus. Crescit, autore Clusio, plurimis Hispaniæ, Lusitaniæ & Galliæ Narbonensis locis, ubi floret Aprili & Maio.

Variat floris colore albo, quæ *Stachas vulgaris* flore albo Park. quam per errorem habet pro *Stechade latifolia* flore albo C. B.

- \* 2. *Stachas longioribus ligulis* Clus. Park. *cauliculis non foliatis* C. B. *summis cauliculis nudis* Ger. **French Lavender with longer top-leaves**.

Hæc in paucis à præcedente differt, (unde unicâ descriptione utraq; complectitur Clusius) nimirum virgulis spicas sustinentibus aliquotve nudis; spicis ipsis longioribus & angustioribus, ligulis denique è summis spicis eminentibus admodum longis.

- \* 3. *Stachas latifolia* flore albo C. B.

Foliis est Lavendulæ, flore magno albo. In Murena Castiliæ D. Albinus legit: nec plura de ea habet C. Bauhinus, qui solus, quod sciam, ejus meminit.

4. *Stachas folio serrato* C. B. Ger. Park. *serrato & crispo folio* J. B. **Cassidony** or **Sticadoze**, with indented leaves.

Clus.

*Stechadis* genus hoc valdè rarum, Clusio observatum, ejusdem cum superiore altitudinis, lignosis, fragilibus, tenuibus, quadrangulis ramis: foliis etiam oblongis, angustis, omnino serratis & crispis, parte superna virentibus, infernâ candidis, calidi & amari gustûs. Ejus extremi quoque ramuli desinunt in dodrantes virgulas, nudas, quadrangulas, incanas, quæ spicam sustinent *Stechade* longiorem & rariorem, ad Lavendulæ minoris spicam propè accedentem, è multis similiter veluti membranaceis squamis congestam, cum eminentibus in summo quibusdam latiusculis foliolis è purpura coeruleis, uti in reliquis hujus generis. Flores ex singularum squamarum sinu copiosi, purpurei ut in vulgari: Semen etiam simile, quemadmodum & radix.

Locus.

Nonnisi in summa Calpe sponte nascentem & suis floribus onustam Februario mense invenit Clusius.

- \* 5. *Stachas viridis* J. B. *viridis Dalechampi* Park. *viridis capitulo oblongo* C. B.

Lugd.

Tota jucunda viriditate nitet: foliis per intervalla in caulibus multis, duobus longis, aliquot aliis multò brevioribus, capitulo in caulis summitate longo, rotundo, cum duobus in summo foliolis, ex quo flores lutei exeunt.

Vires.

*Stechas* abstergit, attenuat & aperit. Usus præcip. in affectibus capitis & nervorum, scil. in Vertigine, Apoplexia, Paralyfi, Lethargo. In morbis pectoris idem præstat quod Hyssopus. Insuper urinam & menses ciet, venenis resistit, affectibus hypochondriacis succurrit. Extrinsecus in lotionibus capitis, suffitu, &c. *Schrod.*

In ejus virtutibus describendis prolixus est Mesue. Vide J. Bauhinum alióque Botánicos. Syrupus ejus triplex in usu est, Simplex, Compositus, & Ferneli: omnes cephalici habentur, & in nervosarum partium frigidis affectibus felici cum successu usurpantur.

Mesue puitam & atram bilem hanc herbam purgare scribit, sed quia tardiùs & imbecillius operatur, ipsi addere jubet partem sextam Salis communis aut Salis gemmæ, aut Myrobalanum nigrum aut Cepulam. Jube insuper biliosos ab ea abstinere: ob quam fortè causam, inquit Casp. Hofmannus, desit esse in usu.

- \* 6. *Stechadi serrata affinis* C. B. *Tragium alterum Dioscoridis quibusdam, folio Trichomanis* J. B.

Rauwolf.

Radice est albicante, longiuscula, gracili. Ex qua surculi emergunt lignosi, vix minimum digitum longi; quibus foliola adherent longiuscula, pulchra serie disposita, adversa, haud secus ac in *Trichomane* digesta, iis tamen longiora, ut in *Asplenio*, quibus & colore similia; nam supernè pulchrè virent, infernè verò cinereo tomento oblita sunt, minora præsertim & ab imo primùm pullulantia. Inter hos circulos alii prodeunt coliculi nudi, purpureos flores spicatos sustinentes.

Ex imperfecta hac descriptione quò referenda sit hæc planta nobis non constat.



## CAP. IV.

## De Rore marino.

**R**OS dici putatur quia roscida fit natura, vel quia roris instar aspergatur, vel quia ejus usus in aspergillis, quod nobis verisimilius videtur: *marinus* autem vel quia in marinis locis feliciter proveniat, vel quia saporis marini, hoc est, amari. *Voss. Etymolog.* Græcis Libanotus *σπα-ροφάνη*, i. e. coronaria, ab odore thuris, & quod ad corollas texendas adhiberi solebat.

Magnitudine sua & statura insigni, floribus ad caulium nodos foliis intermistis, foliis oblongis angustis prona parte candidis, supina obscurius virentibus à congeneribus differt.

1. *Rosmarinus coronarius fruticosus* J. B. *bortensis angustiore folio* C. B. *coronarius* Ger. *Libanotis coronaria* sive *Rosmarinum vulgare* Park. **Common Rosemary.**

J. B.

*Rosmarinus*, suffrutex jucundissimi odoris Thus redolentis (unde & nomen ipsi Libanotidis indatum) vel imprimis utilitatis commendatione notissimus, & quia corollis petitis coronarii nomen adeptus, bicubitalis est & altior, virgulis tenuibus, cinereo colore præditis, in quibus folia aliquot simul ex intervallis oriuntur [imo bina ex adverso & alia ex eorum sinubus conferta] rigidula, Lavendulæ angustiora, breviora, prona parte candida, supina saturatius viridia. Flores ex alis foliorum exeunt; è cœruleo albicantes Salviæ florum effigie, minores, labello cotylæ instar concavo guttato: fibræ incurvæ, longæ ex rectu sub supremo folio promicant.

Vere primo & per totam ferè æstatem floret. In hortis scriitur, verum non semine sed furculo. An *Locus* differat specie à spontaneo latiore folio dubito: quod si differat ubi spontè proveniat proditum non invenio. Qui scriitur & latiora & rugosiora habet folia, nec facile fert hyemem.

Hujus varietas in hortis alitur foliis aureo colore variis, quæ Parkinsono *Rosmarinum striatum* *Variegatum* sive *aureum* dicitur. Habetur etiam flore duplici Park.

In usu sunt folia, flores (Anthos Officinis dicti) & semen. Cephalica sunt è præcipuis, nervina, ac etiam uterina. Usus præcip. in affectibus capitis ac nervorum, in Apoplexia, Epilepsia, Paralyti, Vertigine, Caro, &c. visum acuant, sensus ac memoriam juvant, foetorem halitus emendant, Epatis, Lienis ac Uteri obstructions resolvunt, ictero ac fluori albo mulierum medentur, corque confortant.

Herba ipsa suffitu & vapore suo pestis tempore aerem emendat & salubrem reddit.

Dioscorides morbum Regium sanare tradit hanc herbam, si quis ipsam in aqua coctam ante exercitationem exhibeat bibendam, deinde exercitatum lavet, & vinum ipsi bibendum det. Semen cum vino haustum ad icterum commendat Mizaldus.

Ad paralyfin aliisque nervorum affectus conducit Vino aut Cerevisiâ in qua Rosmarini summitates infusa fuerint assidue in potu uti.

Ad visum acuendum conducit flores recentes quotidie jejuno ventriculo cum pane & sale comedere.

Exsiccati & incisi fumus ore haustus Peti in modum utilis censetur adversus Tussim, Phthisin & Tabem pulmonum.

Solo usu olei Rosmarini chymici propinati in decoctis idoneis ante paroxysmum multas febres tertianas exquisitè curatas esse in Nolocomio Parisiensi dicto *la charité* vidit & observavit M. Jacques. *Dof. iv vel vi gutt. Sim. Paulus Quadrip. Botan. Class. 2. p. 133.* Habui ex excerptis D. Hulse.

Ex Rosmarini fruticantis truncis caudicibusve crassioribus pectines in Galliis sibi parant, quibus quotidie caput pectunt qui à vertigine aliisque hujus generis morbis præservari gestiunt: sed fraus simul inventa apparet, dum è Salice, Pyro, Tilia, &c. affabrè pectines isthic loci exsculpunt, & perpolitos conspergunt leviter cum gut. olei Rosmarini vel Spicæ, & sic impostores arguti imponunt minùs sagacibus. Ex adversar. D. Tancr. Robinson.

Diarrhœam trimestrem desperatam vino Rosmarini curatam refert Velschius Hecatost. D. Hulse ex Etmull. prax.

Aqua Reginae Hungaricæ destillatur & præparatur è floribus Rosmarini in infusis sp. vini. In Cephalicis & Nervinis affectibus celebratur.

2. *Rosmarinus spontaneus latiore folio* C. B. *Rosmarinum latifolium* Park. *Rosmarinus coronarius fruticosus ignobilior* J. B. **Broad-leaved or wild Rosemary.**

Præcedente minor est & humilior, ramis minùs lignosis: foliis latioribus, rugosioribus, saturatius virentibus, prona parte parum vel nihil incanis seu candidis, magis sparsis seu rariùs sitis in furculis & ramulis: Tenerius est hoc genus, nec hyemes nostras facile tolerat.

In Hispania abunde oritur, unde in alto mari navigantes procul à littore ad multarum leucarum *Locus*, distantiam odorem ejus percipiunt, etiam antequam terram videant. In Gallia Narbonensi tantus ejus proventus est, ut haud temere aliud incolæ lignum urant.

An hæc planta à præcedente seu hortensi Rosmarino specie differat necne mihi non constat. Nam & hortense satum plantas producit latifolias, & in aliis etiam suffruticibus tenerioribus furculo satas hyemes faciliùs tolerare, & firmiores esse adversus cœli injurias quàm à semine ortas notum est.

In Catalogo Horti Regii Parisiensis aliam adhuc Rosmarini speciem invenio, hortensem angustifolia *Variegata*, ore folio argenteum dictum.



## CAP. V.

## De Hyssopo.

**Y**ssopus dictum volunt quasi *ὑψωπος* (pro *ὑψωψωπος*) ἐπὶ τῷ ὄρει, quia super vultus effundatur; quia ejus olim in aspergillis ad expiandum peccata usus erat: verum rectius ab Hebræo *חִסְסוֹן* derivatur, quam vocem septuaginta *Hyssopum* vertunt non semel.

Spicis florum longis, è verticillis rarioribus compositis, floribus versùs unam partem spectantibus, segmento supremo, quod pro galea est bifido & sursum reflexo, foliis virentibus à reliquis Suffruticibus verticillatis distinguitur.

1. *Hyssopus vulgaris spicatus angustifolius* J. B. Hyss. *vulgaris* Park. Hyss. *Officinatum caerulea* sive *spicata* C. B. Hyss. *Arabum* Ger. **Common garden Hyssop.**

E radice lignosa, dura, crassitudine digitali *caules* exeunt pedales aut cubitales, fruticosi, cum lignescere incipiunt rotundi, dum enim adhuc tenelli sunt, quadrati videntur. *Folia* angusta, oblonga, glabra, ad margines aequalia, foliis *Lavendulae* similia, sed multò breviora. *Flores* densis verticillis spicas longas mentientibus, in caulium summitatibus, in unam partem ferè spectantes, è calicibus longis striatis in quinque acuta segmenta partitis exeunt, ampli, caerulei, quorum supremum foliolum bifidum sursum reflectitur, bifidum labellum binis alis superiore parte donatum demittitur. Singulis flosculis *stamina* insunt quatuor, oblonga, caerulea cum suis *apicibus* parvis, obscurè purpureis.

Locin.

Collibus asperis Romaniae & Veronensi tractu, praesertim secus Athesum, ad angustias saxorum & arcem munitissimam, quae Imperatoriam à Venetorum ditione discriminat è regione montis Baldi sponte fruticare hanc refert Lobelius, cum nulpam alioquin nisi in hortis se invenisse dicat. Felicior sanè nobis fuit Lobelius, cum enim eadem loca peragraremus, Hyssopus nullibi in conspectum se dedit.

Varietate.

Hæc planta multipliciter variat, nimirum 1. *Foliis*, quæ *coloris* respectu, vel ex albo & viridi, vel ex aureo & viridi varia sunt: Hinc Hyssopus foliis niveis *Park.* candidus Anglorum *Lob.* & Hyss. foliis aureis *Park.* *circumscriptio* respectu, vel ad margines aequalia sunt, vel crispa, vel dissecta; Hinc Hyssopus crispa *Gesn.* foliis crispis *Park.* & Hyss. foliis crenatis *Park.* 2. *Odore* moschum redolente; Hinc Hyssopus moschata, vel de Cilissia *Park.* 3. *Floribus*, qui *situs* respectu vel uno ordine tantum, vel duobus dispositi sunt: *coloris* respectu vel caerulei sunt, ut plerunque evenit, vel rubri; hinc Hyssopus rubro flore C. B. Ger. & aliorum: vel albi; Hinc Hyssopus vulgaris alba *ejusdem* C. B. Ger. *Park.* &c. Adeoque ex una specie quatuor facit C. Bauhinus, plures Parkinsonus. Nam omnes hæc varietates vel ex semine in hortis fato oriuntur; vel cultui & mangonio debentur.

Hyssopus hirsuta.

Hyssopus hirsuta C. B. foliis cinereis *Park.* non aliter à vulgari differt quàm foliorum & caulium lanugine, aut colore cinereo.

Hinc novem habemus Hyssopi vulgaris varietates raritate sua & elegantia spectabiles, quæ hortos curiosorum ornant, nimirum

1. Hyssopum foliis niveis *Park.* candidam Anglorum *Lob.*
2. Hyssopum foliis aureis *Park.*
3. Hyssopum crispam *Gesn.* foliis crispis *Park.*
4. Hyssop. foliis crenatis *Park.*
5. Hyssop. moschatam vel de Cilissia *Park.*
6. Hyssop. utrinque floriferam *Dod.*
7. Hyssop. rubro flore C. B. Ger. & aliorum.
8. Hyssop. vulgarem albam C. B. Ger. *Park.*
9. Hyssop. hirsutam C. B. foliis cinereis *Park.*

Vires.

Hyssopus calida est & acris [sapore fervido, inquit C. Hofmannus, suæque acrimonia palatum totum pervadente] unde attenuat, aperit & abstergit. Usus præcip. in affectibus pulmonum tartareis, tussi, asthmate, &c. Syrupus in affectibus pectoris paululum progressis, ubi scil. de Glycyrrhiza, Capilli Veneris, alii non satis sunt operi quod moliantur, eximii usus est.

Extrinsecus adhibetur crebrò ad sugillationes oculorum, ad uterum mundificandum, auriumque tinnitus tollendos (per tritorium suffitus susceptus) ad oris absterfionem (in gargarismis) *Schrod.*

Sunt qui Absinthio in corroboratione ventriculi præferunt. *Idem.*

Cum carnibus bubulis decocta cum aliis oleribus minutim concisis, non insuaviter ex jure editur, ori ac ventriculo grata.

Urinas verò etiam movet & ad urinæ stillicidium utilis est.

Quantopere Hyssopus sugillationi oculorum confert, testis sit Riolanus senior. Expertus sum verum, inquit, quod affirmat Archigenes apud Galenum, quòd si Hyssopi coma nodulo inclusa bulliat in aqua, & tepidè nodulus oculo cruento applicetur, tam manifestè fugit sanguinem, ut linteam ipsum sanguinolentum videri possit. Hujus auctoritatem sequutus ubi occasio tulit, decoctum Hyssopi aliquamultis adversus sugillationes, imò etiam oculorum commendavi; sed loco aquæ succulum in vino bulliendum quandoque curavi, & ex voto eas evanuisse recordor, dum lectum petentibus sacculus subtepidus clausis palpebris fuit applicatus. *Simon Paullus.*

Vir quidam celebris mihi notus, cui femur ictu equi calcibus incusso graviter contusum fuit sola applicatione

applicatione cataplasmati cujusdam ex Hyssopi foliis minutim concisis & cum butyro recenti non salito commixtis parati intra paucas horas à dolore liberatus est, deleta etiam livida & decolori nota in cute. D. Boyl.

- \* 2. *Hyssopus parva angustifolia* J. B. *parva angustis foliis* Ger. *minor angustifolia* C. B. *minor, sive Hispanica* Park.

Clus. Dod.

Humilius est & tenerius hoc genus, alioqui formâ non multum differens à vulgari, foliis angustioribus, obscurius virentibus, densioribus, odoris grati: *flosculus* verò in cacumine in brevis spicæ modum digestis.

- \* 3. *Hyssopus umbellata* C. B. *coronata, sive comosa* Clusii Park. *An Hyssopus spica brevi, lata* J. B.

Clus.

Hoc genus vulgari non admodum diffimile est (inquit Clusius) sed ad præcedens Hispanico semine natum magis accedit, exceptis ramulis, qui in virgarum fastigio numerosi in latam comam sparguntur.

Præter hanc aliam *Hyssopi comosi* speciem constituit C. Bauhinus, quam *latifoliam comâ rotundâ confertâ* vocat, idque autoritate præcipue codicis Cæsarei; cujus picturis quanta fides habenda sit, norunt rei herbariæ periti.

*Hyssopus furculis densis* Park.

Park.

Humilior est Hyssopo vulgari, ramulis seu furculis crebrioribus, tenuioribus, minus lignosis, dorsum magis reclinatis; foliis obscure viridibus densius dispositis: in aliis cum eo convenit. Parum differt ab *Hyss. parva angustifolia* J. B.

- \* 4. *Hyssopus angustifolia spicata* C. B. Park. *tenuifolia* Ger.

Clus.

Valde fruticat hoc genus, nec minus quam vulgare suis virgis se propagat, quæ sesquipedales interdum sunt, duræ, lignosæ, in multos virides tenuisque ramos divisæ, quos obsident angustiora quam in vulgari *folia*, viridia, calidi gustûs. Summi rami desinunt in spicam *florum* illos verticillatim ambientium, vulgari formâ simillum, minorum tamen, coloris cœrulei. *Radix* dura, lignosa, multifida, plurimisque capillamentis firmata, ex qua plures etiam nascentes virgæ, humi interdum procumbentes, fibras agunt. Tota planta, si digitis atteratur, odorata est.

Hujus picturam & ramos tenellos Londino accepit Clusius.

- \* 5. *Hyssopus latifolia* C. B. Park.

C. B. prod.

*Caulibus* est lignosis, rufescentibus, striatis: *foliis* triplo quam in vulgari latioribus, obtusis, in reliquis cum vulgari conveniens: quam Londino accepit C. B.

- \* 6. *Hyssopum montanum Cilicium quibusdam* J. B. *Hyssopus angustifolia montana aspera* C. B. *Hyss. montana* Park.

Hæc à vulgari Hyssopo hortenfi in paucis differt, foliorum nimirum angustia, duritie, asperitate & hirsutie, sapore amariore, minus acri. Suspicio hoc genus non differre ab Hyssopo montana vel de Cilicia Park.

- \* 7. *Hyssopum Goritiense floribus verticillatim ambientibus* J. B.

Hujus ramum duntaxat pedalem ab Agerio sibi datum describit J. Bauhinus: erat is rectus, firmiusculus, foliis vestitus glabris, unciam circiter longis, culmum latis, Satureiæ duriori similibus, inter quæ alia multa, sed minora, odoris grati & suavis, sapore nonnihil acri cum levissima amaritudine. Spica unciis duabus longior erat, angusta sive tenuis, tenuior multo quam in vulgari, multis parvis constans verticillis, & secundum unumquodque verticillum foliola duo floribus longiora. *Flores* non vergunt in unam partem ut in vulgari sed ramulos ambiunt, parvi, multis apicibus donati.

- \* 8. *Hyssopus folio Origani Dalech.* J. B. *Hyssopus rotundifolia spicata, fortè Dioscoridis* C. B. *Hyss. foliis Origani* Park. *An Hyss. Nummulariæ folio* Ger?

Odore, sapore, floris spicâ cœruleâ nihil à vulgari diversum est hoc genus, sed eâ re tantum, quod folium Majoranæ, Pulegiõe simile ac rotundum in longum non porrigitur vulgaris modo.



## CAP. VI.

## De Satureia.

**S**atureia aliis à saturando dicta est, quòd cibus loco condimenti addatur: Alii à Satyris nomen traxisse putant, quia coitus marcescentes stimulat. Græcis Thymbra dicta est, fortè à *θύμβρα* sive ob fragrantiam C. B. Et tamen Columella distinguit Thymbra à Satureia,

*Et Satureia Thymi referens Thymbraque saporem.*

1. *Satureia durior* J. B. *montana* C. B. *bortensis* Ger. *vulgaris* Park. *Winter Savourp*, id est *Satureia hyberna*.

Folia huic angustiora quàm æstivæ hortensi, præcipuè quæ primò exeunt, multò duriora, inque acutos & pungentes apices desinentia, dilutiùs viridia. *Caules* teretes, hirsuti, geniculis multò crebrioribus quàm in sativa intercepti, unde & folia & ramuli frequentiores & numerosiores sunt. Atque hac notâ sola primo statim aspectu à priore possit distingui. Ramuli in hac specie non in partem longitudinem excurrunt ac in illa. Flores ex alis foliorum hinc inde exeunt, in pediculo communi longiusculo, duo trèsvè simul, interdum etiam singuli, galeati, galeâ interdum reflexâ, labello trifido, colore ex albo languidè purpurascens. *Calix* floris in quinque longa, angusta segmenta dividitur. Planta fruticosa est & in multos annos vivax. Sapore & odore cum æstiva convenit.

Locus.

In Gallia Narbonensi circa Monspelium, Nemaufum, &c. in collibus: invenimus etiam in Hetruria in alveo cujusdam torrentis non longè à Radicofano copiosè.

2. *Satureia bortensis* Park. *æstiva bortensis* Ger. *sativa* J. B. *bortensis*, sive *Camila sativa* Plinii C. B. *Summer Savourp*.

J. B.

Lignosa nititur radice & simplici, fibras majusculas emittente, ex qua *virgula* surgunt pedem aut cubitum alta, teretia, rubescentia, subhirsuta, geniculis certis distincta, ad quorum singula folia nascuntur Hyssopi vulgaris, nonnihil hirsuta, crebris foraminulis non tamen pervius erosa, odore suavi vehementi [J. B. Thymi vulgaris mitiore] sapore acri. *Caules* ramosi sunt ramulis ex adverso binis, è foliorum alis exeuntibus, & ipsos etiam caules longitudine excedentibus. E foliorum alis exeunt *stipuli* plures simul, pediculis brevibus, è calicibus in quinque acuta & angusta segmenta divisus, ipsi in quatuor lacinias partiti, ex albo purpurascens. *Semina* parva, fusca, quàm Thymi tamen majora.

Locus.  
Vires.

Planta est æstiva nec per hyemem durare potest; unde quotannis feri debet.

In agris circa *Castelneuf* non longè à Monspelio copiosè & sponte ortam observavimus.

Est inter herbas calidas & acres, quæ urinam & menses movent: facultatibus cum Thymo & Serpyllo convenire aiunt. Nobis potius ut facie sic viribus ad Hyssopum accedere videtur.

Ufus est, inquit Schroderus, in affectibus *ventriculi*, cruditate, anorexia, &c. [proindeque condimentum pauperum esse scribit Tragus: nam omnibus edulis tam carniùm quàm piscium concoqui, &c.] *Pectoris*, Asthmate; *uteri*, mensibus obstructis: visum acuit. Extrinsecus discutit tumores, dolorèque aurium sedat.

Ufus ejus frequens est in culina inter alia olera. Cum phaseolis & aliis flatuosis utiliter incoquitur & editur. Fabis cum Selino incisa & infrixa edulium gratum, Belgis frequens habetur. *Lob.*

Pauperes in Germania Brassicas capitatas hac herbâ condiunt, qui sit ut illæ jucundissimum odorem ac saporem gratissimum inde accipiant. J. B.

Plantam hanc quamvis annua sit & herbaceam ob convenientiam in foliis, odore reliquisque notis cum Satureia duriorè seu hyemali ab ea non separandam putavimus.

3. *Satureia S. Juliani* Ger. *spicata S. Juliani* Park. *Sat. spicata* C. B. *Sat. foliis tenuibus*, sive *tenuifolia S. Juliani* quorundam J. B.

Ad. Lob.

In Tyrreni maris asperis & salebrosis S. Juliani Hetrusci magno proventu oritur, *virgulis* exilibus, palmum altis, sarmentosis, lignosis: *foliis* ab imo crebris, Thymi Cretici, sed angustioribus, longiusculis, spicam brevem summo gerentibus, *stipulis* copiosis intextam: gustu acri & odore, universa ex obsoleta purpura albicat, Thymo majore minor, minori ferè par.

Locus.

In collibus Messanensis agri in Sicilia non minus frequentem observavimus quàm in monte S. Juliani. Crescit & in ipsis Florentiæ urbis muris.

Saxifragam primam *Matth.* C. Bauhinus pro hac planta habet: Parkinsonus noster pro diversa sub titulo *Saxifragæ veræ Dioscoridis Matthioli*. Tum à Serpyllo cui aliàs nascendi modo similis est, tum à Satureia differt, quòd tum odore suavi, tum sapore acri, qui illis insunt, careat. Consule si placet Parkinsonum.

4. *Satu-*

4. *Satureia Cretica* C. B. Ger. emac. *Thymbra sive Satureia Cretica legitima* Park. *Thymbra Græca* J. B.

*Clus.*

Multis ea ramis statim à radice fruticat, Thymi instar, quadrangulis, subaspera lanugine obdus, purpurascens, quibus innascuntur alternatim semper ex adverso ramuli, foliis eadem serie digestis onusti, Thymi genuini foliis pænè similibus, subhirsutis, odoratis, medii quodammodo inter Cunilam & Thymum odoris, acriusculique saporis. Summos ramos verticillatim ambiunt aliquot capitula multis foliolis constantia, inter quæ caliculi, è quibus emergunt suaviter purpurascens flosculi, Thymi flosculis similes, in quatuor lacinias divisi, quarum infima latior est & repanda, suprema etiam lata sed brevior, reliquæ duæ minores, prodeuntibus è medio quinque staminibus candidantibus, quorum apices fusci coloris, & medio stylo bifido. E semine hæc planta nata pusillo, nigro Thymi semini non absimili. Radix dura, lignosa.

Clusius legitimam Thymbra statuit, quam etiamnum hodie Cretenses Thymbri & Thrybi appellant. Ex semine ab Hon. Bello è Creta ad Clusium misso enata est.

Pr. Alpinus hanc plantam Tragoriganum esse contendit, non Thymbra, pro qua sequentem proponit.

5. *Thymbra* Alpin. exot.

*Alpin.*

Crescit in asperis locis Thymo similis, sed ramulis Thymi gracilioribus, minoribus, atque tenerioribus; qui utrinque habent alios surculos, graciles, non ex opposito positos, oblique actos, foliis Thymi sed tenuioribus & mollioribus, herbosi coloris virescentis, multis ex opposito invicem caules teneros ambientibus. Cauliculi verò in summitate ferunt flosculos purpurascens inter foliola spicæ modo. Exili radice, tenui, longâ, lignosâque nititur. Thymo hæc stirps similis est, sed altitudine minor, & eo longè ramulis ferè in orbem expansis latior, ac ad terram depresso. Tota est odorata, odore ad Thymum quadantenus inclinante, nec minùs & acri sapore thymum itidem simulat.

In ciborum condimentis usum habet, & in medicina, non minùs ad movendos menses in mulieribus, & urinam. Ejus decoctum plurimùm valet in tussientibus ex melle ad excrementa in pulmonibus infarcta extenuanda, detergenda, atque ad sputum facilitanda.

Pona in Baldo Italico Satureiæ cujusdam meminit sine descriptione quam vocat Satureiam Creticam spinosam.

C A P. VII.

De Thymo legitimo.

Θυμὸς vel ὁ τῆς θυμῆς dicitur, quòd adhibeatur iis qui animi deliquium patiuntur ob crassos humores; vel ὁ τῆς θυμῆς dicitur, quòd hoc Veteres in sacris quæ igne accenso fiebant primum usi sunt. Alias Grammaticorum conjecturas de ratione & origine nominis vide apud J. Bodæum à Stapel. Comment. in Theophr. hist. lib. 6. c. 2. pag. 566.

Differt à Satureia, cui aliàs similis est, odoris fragrantia, & floribus in oblonga capitella congestis.

*Thymus capitatus*, qui Dioscoridis C. B. *Thymum legitimum capitatum* Park. *Thymum Creticum*, sive *Antiquorum* J. B. *Thymum Creticum* Ger. *The true Thyme of the Ancients*.

*Clus.*

Suffrutex est Thymum, pedem interdum altus, multis ramis lignosis, tenuibus & candidis præditus, quos per intervalla ambiunt folia, sibi invicem opposita, angusta, tenuia, candidantia, acris gustus, quæ quibusdam locis hyeme decidunt: nam ubicunque sponte nascentem hanc plantam inveniebam, seu hyeme, seu veris initio, foliis viduam conspiciebam: sed utrinque ab exortu & vestigiis foliorum prominebant veluti oblonga capitella, instar eorum quæ in Origano onite sunt, ex tenellis foliolis viridibus congesta, adeò confertis & numerosis, ut unicum longiusculum folium appareret. Ipsa capitella cum floribus in planta virente observare non potui; Hispali autem, ubi maximus est ejus proventus (nam aliud Thymum non norunt) magni ejus jam reficcati fasciculi demonstrati sunt, cum suis foliis & longiusculis capitellis suos purpurascens flores adhuc retinentibus gratissimi odoris: illo enim in aqua decocto utuntur ad dolia, quibus vinum reservatur eluenda & repurganda: non minoris etiam usûs est ad conciliandam odoris gratiam iis vasis quibus conditæ uvæ asservari solent.

Non modò circa Hispalin copiosè nascitur, sed Gadibus etiam, qua parte insula ponte jungitur Continenti, totâ insuper Bætica in maritimis collibus, Meridiei obversis. Nos in saxosis propè Syracusas Siciliæ urbem invenimus. D. Wheeler in insula Corcyra.

Et in insula Cithæra nunc Cerigo aliam seu speciem, seu varietatem foliis minoribus agminatim nascentibus.



*Lib. Ob. cap. 2.* Bellonio autore ita frequens in tota Græcia reperitur, ut nulla herba in montibus facilius proveniat; ubi pro loci diversitate florem profert omnino album, vel cœruleum aut purpureum, vel mixtum.

*Vires.* Thymum cum aceto & sale pituitam per alvum detrahit: ejus decoctum prodest anhelosis & orthopnoicis, tineas ventris exigit, menses, partus & secundas pellit, atque urinas ciet: cum melle in eclegmate faciliores efficit excreationes: retentes tumores discutit; cum aceto illitum; concretum sanguinem dissolvit, verrucas peniles tollit: ischiadicis cum vino & polenta impositum subvenit, hebetibus oculis in cibo: est enim & sanitatis tempore ad usum idoneus loco condimenti.

*Dioscor.*

Pares illi facultates tribuit Plinius, & insuper addit, Dari Comitialibus, quos correptos olfactus excitat Thymi: & Viris contra inflationes, & si venter urgeat, testēve aut vesicæ dolor exigit: Articularibus morbis ac luxatis tritum ac lanæ inspersum ex oleo imponi: dari & portionem articularibus morbis trium obolorum pondere in tribus cyathis aceti & mellis.

Thymo, quia gratissimi odoris in aqua decocto utuntur Hispalenses (Clusio referente) ad dolia, quibus vinum asservatur, eluenda & repurganda: non minoris etiam usū est ad conciliandam odoris gratiam iis vasis quibus conditæ uvæ asservari solent.

## CAP. VIII.

*De Maro.*

**M**Arum nonnulli dictum volunt à rege quodam Thraciæ cui Maro nomen fuit: Sed verifimilius (inquit Jo. Bodæus) ab Amaraco per Apocopen nomen impositum. Marum (de vulgari Masticheno loquor) foliis Thymi majoribus, odoris fragrantia, sed præcipuè lanuginosis ab omni nobis cognita Verticillatæ speciei, faciliè distinguitur.

1. *Marum* Ger. *vulgare* Park. *Sampfuchus* sive *Marum mastichen redolens* C.B. *Clinopodium quibusdam, Mastichina Gallorum* J.B. *Herb. Mastick or Mastick-thyme, by some also called Marum.*

In fruticem lignosum, bicubitalis interdum altitudinis, multis ramis brachiatum adolescit, & in plures annos durat, nisi hyems asperior eum corrumpat. Folia viridia, Thymi durioris similia sed majora, sapore acri prædita. In extremis furculis capitula lanuginosa, & paulo etiam inferius ambientes similes verticillos obtinet è quibus emicant flosculi albi. Odor totius plantæ gratus, sed paulo vehementior.

Verum non est cur in hac planta describenda multum laboremus, cum (ut diximus) ab omnibus, nobis saltem cognitis verticillatis capitulis lanuginosis differat.

*Locus.*

Floret, autore Clusio, cum Thymo & Stœchade multis Hispaniæ in locis: Provenit autem solo arido & petroso. Ob odoris fragrantiam studiose in hortis colitur, in Gallia, Anglia, Germania, &c.

*Vires.*

Deodatus in desperato mensium fluxu ultimam & præsentissimum remedium ducit pulverem corticis Mari ad 3j. cum vino austero, singulis matutinis horis propinatum. *D. Soame* è Dolæi pr.

\* 2. *Marum supinum* Park. J.B. *supinum Lobelii* Ger. *emac. repens verticillatum* C.B.

Non ab simile est Maro mastichino sed cauliculis repentibus. Sampfuchum Dioscoridis sive Amaracum serpentem *Adv.* quam hujus synonymam facit C. Bauhinus, Lobelius sic describit. Non erigitur aut fraticat ramulis ut Majorana vulgata; sed in cespitem caducis Serpylli modo, cui alioqui persimilis folio, effigie & magnitudine est.

## CAP. IX.

*De Thymo vulgari & Serpyllo.*

**T**Hymi etymon superius tradidimus in capite de Thymo legitimo. Serpyllum autem à *serpen* à serpendo dictum est quia aliqua ejus particula terram tangente radices ab ea demittuntur. Ut autem serpo à Græco *serpo*, ita serpyllum ab *serpyllon* spiritu aspero in S mutato, ut in aliis multis, v. g. *ser* sex, *septem*, *sedes*, *sudor*, *sub*, *super*, *sylva*, *sus*, *semi*, *fulcus*, *se*, *sal*, *salio*, &c.

Thymi notæ sunt folia breviora & latiuscula, flores in capitula in summis ramulis habitiora & laxa congesti. Serpyllum à Thymo differt quod humilior sit & minus fruticosum, & ut nomen indicat ramulis procumbentibus serpat.

1. *Thymum*

1. *Thymum durius* Ger. *durius vulgare* Park. *vulgare rigidius, folio cinereo* J. B. *Thymus vulgaris folio tenuiore* C. B. *Musk Thyme, or fine-leaved Thyme.*

J. B.

Odoris jucundi commendatione culturam multis locis meritum est quod hodie plerique omnes *Thymum* vocamus, lignosâ radice, satis numerosis filamentis donata. Ramuli teretes, itidem lignosi, subhirsuti, foliis Serpylli, angustioribus, incanis, cinereisve, sapore acri præditis verticillatim per intervalla vestiuntur: *Florum* verticilli breviori intervallo est ubi spicæ figuram mentiuntur: sunt autem ii colore purpurascens vel albo, labellum veluti promittentes trifidum, unicâ laciniâ surrectâ, è medio stylum purpurascens exferentes, calyculis Serpylli striatis, hirsutisque.

In Gallia Narbonensi vix alia frequentior occurrit planta.

Locus.

2. *Thymus vulgaris folio latiore* C. B.

An specie à præcedente differat dubito, alii non distinguunt.

Alterius speciei meminit D. Magnol in sterilibus versus Clapies & Jacou à se inventæ, cui titulum *Thymum supinum candicans odoratum*, quod priore humilior, foliis candicantibus & odoratissimum esse ait. Hæc fortè species est quam Parkinsonus Thymi durioris candidioris titulo describit è semine Thymi durioris vulgaris seminibus permixto sibi in horto enatam, ramulis tenuioribus, foliis candidioribus seu magis incanis, rarius dispositis; odore etiam vehementiore.

- \* 3. *Thymum inodorum* C. B. Park.

C. B. prod.

Suffrutex est, ob lavem latuginem quâ pubescit incanus; caule lignoso, cortice incano, rugoso vestito, qui in plures ramos palmo minores, recurvos, hique in alios & velut in orbem dispositos dividitur: quos per intervalla folia brevissima, angustissima, plura simul juncta, inodora & pene insipida cingunt. Cauliculorum summis flores plures, purpurei, formâ & dispositione Thymi vulgaris floribus similes insident.

In regno Valentino locis arenosis ad litora copiosè provenit.

Saporis est subacris, unde attenuat & incidit. Usus præcip. in affectibus Tartareis; 1. Pulmonum, ut Asthmate, Tussi, &c. 2. Artuum, ut Podagra. Omnia viscera referat, appetitum excitat. Extrinsecus in tumoribus frigidis, sugillationibus, inflationibus ventris, doloribus arthriticis.

Schrod.

Nostratibus usurpatur pro olere, & jusculis incoqui solet: calore suo ventriculum refocillat, & concoctionem promovet.

Locus.

Vires.

- A. 4. *Serpyllum vulgare* Ger. J. B. *vulgare minus* Park. C. B. *Common Mother of Thyme.*

J. B.

Tam Græco, quàm Latino hujus nomini originem dederunt serpentes ramuli, duri, lignosi, quadrati, subrubentes, modicè hirsuti, qui ubi terram attingunt novas subinde radices agunt: primæ autem lignosæ sunt, satis crassæ & frequentes, fuscæ, plurimis fibris capillatæ. Ad ramulorum nodos folia Thymi vulgaris latiora, subrotunda, nervola, sapore acri & aromatico. Flores in capitulis Thymi, interdum candidi, plerumque tamen purpurascens.

Ejus duplex habetur genus: Primo flos est media parte minor, apice in medio interdum bifido, colore ut plurimum purpurascens: folia ut sequentis, odore nonnihil ad Melissam accedente. Secundo flos major duplo, in medio quinque apices, color remissior & minus purpurascens: in foliis non differt à præcedente, nisi odore, qui nobis suavior videtur. Utraque hæc varietas apud nos passim habetur.

Est nobis præterea genus aliquod foliis & caulibus præcedentibus simile, sed hirsutum valdè.

Serpylli summitates non raro degenerant in capitula tomentacea, candicantia, quæ (inquit J. Bauhinus) florum loco sunt; imò insectorum matrices sunt. Summitates enim hujus herbæ ab insectis quibusdam compunctæ hoc modo degenerant, & vermiculis domicilia & esca fiunt. De his plantarum excrescentiis seu fructibus ut vocant spuris & excrementitiis consule Excellentiss. Marcelli Malpighii Anatomies plantarum partem alteram.

In montosis & pascuis ficcioribus, inque formicarum tumulis ubique ferè terrarum abundat hæc planta.

Serpyllum aureum sive versicolor Parkinsoni non alia in re à vulgari Serpyllo differt quàm foliorum colore ex aureo & viridi mixto seu variegato; qui arte inducitur, ut in Hyssopo, Rosmarino, aliis.

Serpyllum ut facie sic viribus cum Thymo convenire videtur: estque inter calidas siccasque herbas quæ urinam & menses movent. Cephalica est (inquit Schroderus) uterina & stomachica. Usus præcip. in ritensibus ac urina ciendis, in expuitione sanguinis, spasmo, &c. Extrinsecus arcet vigilias, cephalalgias, vertigines. Ciet menses (balneo).

Vulnus decoctum Serpylli dum Erysipelate infestatur calidum bibit, unde sudor proritetur, quo epoto sæpe valetudo meliorescere solet. S. Paulus.

Balsamo Serpylli auspicio vertiginosos à vertigine præservamus. Idem.

Paracelsus in catarrhis palmarum remedium est Aqua Serpylli cum Sp. Vini hymice elicito. D. Soame è Dol. Lib. I. C. 10. S. 8.



Loquelam Apoplectico postliminio restitutam spiritu Serpylli vidimus. *Idem* ex eodem.

- A. 5. *Serpyllum citratum* Ger. Park. *Citrii* odore J. B. *foliis Citri odore* C. B. *Lemon Thyme*.

*Clus.*

Admodum simile est vulgari, in omnibus Europæ provinciis occurrenti, crassiora tamen & magis atra habet *folia*, quæ trita Citrii mali vel Melissophylli odorem referunt, & *capitella* paulò majora magisque purpurascunt, similibus tamen flosculis prædita; crassiores ramulos, quadrangulos, palmares, per terram fusos, ad singula internodia fibras agentes: *radicem* verò lignosam, multifidam, fibrosamque, numerosos proferentem cauliculos, summam tellure in orbem se spargentes.

*Locus.*

In montosis sed rariùs invenitur: in Pannonia mixtim cum vulgari prodit, cum eo etiam florens Junio. *Clus.*

*Serpyllum moschatum.*

*Serpyllum moschatum* Park. odore præcipuè à citrato differt, nec à quoquam præterea (quod sciam) Botanico memoratur.

- \* 6. *Thymum latifolium* Park. Ger. *Serpyllum majus latifolium* C. B. *item Serp. sativum* ejusdem. *fortè etiam Serpyllum vulgare majus* ejusdem, & Park.

Minus erectis quàm Thymum durius, tenuioribus nec adeò lignosis, humi diffusis & procumbentibus, multòque pluribus luxuriat ramulis: *Folia* molliora, latiora: *Flosculi* ex albo purpurascunt. Hyemes nostras minus reformidat, adeoque diutius in hortis satum durat, quàm Thymum vulgare durius; odore & sapore est remissiore.

- \* 7. *Serpyllum majus* Park. *vulgare majus* C. B. *Serp. majus flore purpureo* Ger. & aliud candido Cam.

Majus est & erectius Serpyllo vulgari, *foliis* majoribus, pallidiùs virentibus, Majoranæ æmulis: floribus etiam majoribus purpureis.

- \* 8. *Serpyllum latifolium hirsutum* C. B. Park.

*C. B. prod.*

Tota planta ob mollem lanuginem quâ pubescit, præsertim caulibus, incana est. *Cauliculis* donatur frequentibus, tenuibus, longis, recurvis, qui *foliis* subrotundis pediculis oblongis donatis cinguntur. *Cauliculorum* summis capitula flosculorum purpurascens infident.

- \* 9. *Serpyllum angustifolium glabrum* C. B. *Pannonicum Clusii* Park. *angusto folio*, odore nucis Juglandis, vel nullo J. B.

*Clus.*

Angustiora huic *folia* sunt, paulòque longiora [quàm vulgari Serpyllo] viridia, glabra, rariùs per cauliculos sparsa. *Cauliculi* frequentes, tenues, longi, humi fusi, & subinde ad internodia fibris sese firmantes, oblonga, mollia & veluti spicata in summo ferentes *capitella flosculis* vulgari æqualibus referta. *Radix* lignosa est, dura, & multifida. Tota planta aut nucis Juglandis foliorum odorem quodammodo refert, aut interdum nullo manifesto odore prædita deprehenditur; foliæ mutatione an auræ variantis afflatu id accidat me latet.

- \* 10. *Serpyllum angusto lanuginosum folio* J. B. *angustifolium hirsutum, vel montanum repens hirsutum* C. B. *Serpylli Pannonici Clusii varietas altera* Park. *Serpyllum hirsutum* Ger. emac.

*Clus.*

Latè serpit & magnos cespites nonnunquam occupat. Nam licet duram & lignosam habeat *radicem* (ut præcedentia genera,) tunc tamen quos in circuitu spargit *cauliculi* subinde fibras agunt, quæ temporis successu in radices non minùs duras & lignosas evadunt quàm sit primaria, atque alios deinde fundunt in ambitu cauliculos, *foliis* non minùs quàm proximè præcedentis oblongis, & iis quidem angustioribus, præditos, incana mollique lanugine pubescentibus: longa in summis cauliculis capitella à secundi generis longo glabròque folio non differunt, & similibus flosculis plena sunt. *Semina* in villosis rufescentibus utriculis parva, rotunda, fusci coloris. Tota stirps pineum quodammodo sive resinaceum odorem trita refert & calido gustu est. Hanc speciem pro Serpyllo hirsuto nostrate in Cat. Ang. habuimus, verùm nunc diversum arbitramur.

*Locus.*

Hæc duo genera proximè descripta in Ungaria, Austria & Moravia mixtim cum vulgari Serpyllo nascuntur; & eodem tempore, mense videlicet Junio, florent.

*Serpyllum longifolium hispidum* *Clus.* in ejus Observ. Pannonicis q. Hoc genus foliis hispidis seu pilosis se in squalidis & incultis viæ montis Lupi Junio mense copiose florens observasse scribit D. Magnol.

- \* 11. *Serpyllum*

- \* 11. *Serpyllum folio Thymi* C. B. *Narbonense* Park. *Creticum* Ger. *sy. vestre*, *Zygis Clusio*, *Thymo vulgatiore*, *rigidiori simile* J. B.

Clus.

*Serpyllum sylvestre*, *Zygis* appellatum, quale *Dioscorides* describit, observabam, ni fallor, in *Castella veteri*, iisdem locis cum *Thymo* duriore five nigro, cui perquam simile est figurâ, ramis, altitudine & radice: folia verò paulò latiora habet quàm *Thymum*, minùs odorata, sed gravius nonnihil olentia, utpote quorum odor sit ferè inter *Abrotanum* & *Stœchadem* medius: in virgis item ramulos, qui floribus verticillatim nascentibus vestiuntur, coloris ex albo purpurascens: quâ florum dispositione & odore à *Thymo* discerni penè duntaxat potest. Minor est præterea ejus acrimonia quàm *Thymi*, quippe quæ aliquid adstrictionis admixtum habeat.

Floret cum *Thymo* duriore, & perpetuò etiam viret.

## CAP. X.

De *Tragorigano dicto*.

**T**ragoriganum Latine hircinum *Origanum* sonat; sic dictum non quòd hircum oleat, sed quòd gratum sit hircis pabulum, ut *Onitis* asinis. *Nicandri Scholiastes* ad hunc versum, *τραγοειρανόν δέν ὄρεον, ὅπου ἀδισσῶτες οἱ τραγοὶ πίνοντα τραγοειρανόν* i. e. in *Venerem* proclives seu præcipites.

Non videtur differre genere à *Thymo* vulgari.

- \* 1. *Tragoriganum angustifolium* C. B. *Hispanicum* Park. *Tragoriganum Clusii* Ger. *Trag. tenuioribus foliis, flore candido* J. B.

Clus.

Minores sunt huic furculi & candidiores, tenuiora longiorâque folia, aliquantulum incana, acris gustûs: odor minùs jucundus quàm in *Tragorigano* primo Clus. five *Clinopodio* quorundam, *Matichina* cognominato: flores etiam verticillatim circa summos ramulos nascuntur ex utriculis prodeuntes, majores aliis & galeati, candidi. Semen observare non potui. Radix priori similis, lignosa, dura, multifida.

Solo *Valentino* agro sponte nascentem & *Martio* florentem observavit *Clusius*.

Locu.

- \* 2. *Tragoriganum Matthioli* J. B. Park. *Serpyllifolium* C. B. *Trag. Dodonæi* Ger. quoad iconem.

Matth.

Hoc genus frequens nasci in *Forojulienfi* agro affirmat *Matthiolus*, in collibus saxosis & veteribus muris: ei verò tenues tribuit ramulos, foliis parvis longiusculis, *Serpylli* æmulis, stellæ modo dispositis sapore ferè *Pulegii*; floribus parvis carnei coloris onustos à media parte caulis. Radicem parvam, multis fibris donatam, ejusdem odoris cum foliis.

Difficile est (inquit *J. Bauhinus*) certò affirmare de qua planta intelligat *Matthiolus*, nisi nos aliquis *Forojulienfis* doceat, quæ planta apud eos iconi *Matthioli* respondeat. *Matthioli* glossatores & patroni nihil certi de hoc *Tragorigano* scribunt. *Lobellii* sententia mihi [f. R.] arridet, hoc non *Tragoriganum* sed *Calaminthæ* speciem alteram esse *Serpylli* & *Clinopodu* figurâ.

3. *Tragoriganum Creticum* C. B. Park. *Trag. Cretense* Ger. *Trag. quibusdam nigris, folio duro, flore purpureo* J. B.

f. B.

*Virgultis* fruticat dodrantalibus & longioribus, adverso plerunque ramorum frequentium positu brachiatis, lignosis, rubicundis, quadrangulis, hirsutis: folia ex adverso nascuntur per modica intervalla, oblonga, *Satureiæ* foliis quodammodo similia, latiora, magisque rotunda, interdum in hortis nostris & *Majoranæ* foliis non minora, stigmatis punctata, nigricantia, tactu dura, gustu acris & aromatico, odore suavi; ex quorum sinu alia minora folia quoque emicant. Flores verticillati, *Satureiæ* flores æmulantur, ex purpura pallescentes, rictu hianti apiculos exferentes, calyculis hirsutis in quinque aculeos desinentibus. Radix lignosa exterius rubet, intus albet, ac in furculos aliquot abit, capillaribus fibris donatos.

In *Valentino* agro sponte nascitur & *Martio* mense floret, autore *Clusio*, cui *Tragorigani* se- Locu.

cundi altera species dicitur. *Tragoriganum* herba est calida & acris, & ad eadem utilis ad quæ *Thymus*, *Satureia*, *Hyssopus*, *Vires*, nimirum, ad pulmonis affectus, *Tussim*, &c. ad menses & urinas remorantes; ad cruditatem ventriculi & ructus acidus, &c.



## CAP. XI.

## De Polio.

**Π**ΟΛΙΟΝ sic dicitur propter caniciem, quæ in capitulis secundum Dioscoridem, at secundum Plinium in foliis apparet: *παλιδε* namque caniciem & canum significat.

Polii ergo nota Characteristica esto foliorum & comæ canicies, & tomentosa lanugo quâ obducuntur: quinetiam Polium ex humilioribus suffruticibus est, foliis oblongis, & in legitimis seu genuinis speciebus circa margines crenatis.

1. *Polium maritimum erectum Monspeliacum* C. B. Ger. *Monspessulanum* J. B. *montanum minus* Park. epitheta hujus & sequentis speciei apud Parkins. permutata videntur. **Πολύπουνταιν.**

J. B.

*Folia* angusta, oblonga, denticulata, candida, tomentosa, saporis acris & amari, per ramos dodrantes vel palmares, rotundos, incanos, ex radice lignosa paucis fibris donata: *capitula* glomerata, alba, tomentosa, calyculis constant oblongis, è quibus *flores* emicant hiantes, candidi. Odor totius plantæ gratus [Matthiolo acutus & subgravis].

Locus.

In Italia & Gallia Narbonensi in maritimis præcipue copiose provenit; florens æstate. Cultum (inquit J. Bauhinus) multum degenerat, minus candidum evadit, foliaque redduntur latiora.

Vires.

Polium cum acre sit & amarum, urinam & menses ciet; Hydropicos & ictericos juvat; venenatis moribus auxiliatur. Theriacam & Mithridatium ingreditur.

Omnis generis Polii ramuli in terram depacti, loco præcipue umbroso, sine difficultate radices agunt, ut in aliquot ejus generibus periculum fecit Clusius.

Nos hujus generis ramulum in horto Oxoniensi collectum & in libellum coniectum per triduum in loculis circumgestavimus, tandem Cantabrigiam reversi in hortulo nostro plantavimus, qui tamen brevi comprehendit & radices egit.

\* Lib. 2. C. 21.  
S. 127.

\* Sylvius inter medicamenta Antiepileptica secundum locum Polio montano tribuit, ut quod volatili sale abundet. D. Soame.

- \* 2. *Polium montanum album* C. B. Ger. *montanum* I. Clus. *montanum Monspeliacum* Park.

Hoc genus à præcedente differt præcipue cauliculis humi sparsis; foliis leviter denticulatis, ut vix nisi diligenter observantibus denticuli appareant; in reliquis cum eo convenit, ut suspicer eandem esse plantam; quamvis icon non conveniat.

3. *Polium 2. albo flore* Clus.

Hoc cauliculis erectis; foliis angustioribus, extrema parte duntaxat dentatis; capitulis majoribus longioribusque, laxioribus tamen neque adeo compactis à præcedente differt. Quibus non obstantibus C. Bauhinus priori idem specie facit: Nos autem æquo jure utrumque genus maritimo Monspeliaco idem statueremus. Verum autoritas Clusii tanti apud me est, ut nihil temere pronunciare aut definire ausim. Certè icon quam adhibet Clusius, aliique post eum, Polio Monspeliaco nequaquam convenit.

- \* 4. *Polium maritimum supinum* Park. *maritimum supinum Venetum* C. B. *montanum purpureum* Ger. *V. purpureo flore* Clus? *candidum tenellum tomentosum flore purpureo & albo* J. B.

Clus.

Hoc prorsus tenellum est exilibus & dodrantalibus ramulis, humi fufis, multâ lanugine candida textis, qui subinde ad nodos radices agunt: folia illi sunt mediæ inter tertium & quartum genus magnitudinis, breviora tamen, denticulata, valdeque tomentosa, quæ adeo causa est ut in tenellis foliis nulla dentium vestigia conspiciantur nisi à diligenter observantibus: capitella superioribus multò minora, totaque tomentosa in quibus flos purpureus.

Varietas.

Polium VI. albo flore Clus. hujus tantum varietas accidentalis esse videtur; siquidem sola tenoritas stirpis, & floris varietas inter hæc duo discrimen facit, autore Clusio. Utrumque enim genus nihil ferè nisi tomentum sunt & odoris suavitate reliqua genera superant.

Utrumque suis floribus onustum Martio reperiatur Clusius, nec differentiam animadvertisset, nisi floris color diligentius conferendi singulas plantas occasionem præbuisset.

Polium  
Venetum.

J. Bauhinus Polium Venetum à Casparo fratre è Lio Venetorum allatum ab hoc distinguit, nec immerito, cum tota planta minus candida esset Polio Monspeliaco, foliis paulò latioribus & plus crenatis; comæ etiam magis divulsæ. C. Bauhinus etiam ipse in Phytopinace distinguit hæc duo; at in Pinace, nescio ob quam rationem mutatâ sententiâ, conjungit.

- \* 5. *Polium*

\* 5. *Polium rubrum majus flore dilutiore* Morif. præl.

Hujus folia Polii lutei vulgaris foliis quàm proximè accedunt quoad magnitudinem, serraturam & canitiem. Florem fert majorem dilutiùs rubrum quàm præcedens.

6. *Polium montanum Lavendulae folio* C. B. Park. *Polium Lavendulae folio, flore albo* Ger. *Lavender-leaved Poley-mountain.*

Multas ex eadem radice promit virgulas primi generis virgis similes, sed breviores & magis fruticolas, supra terram sparsas; folia in his Libanotidis coronariae foliis ferè paria, minora tamen superne viridia, inferne canelcentia, nullis crenis per oras notata, amari gustus & jucundi quidem odoris, attamen minus grati quam qui in legitimi Polii montani foliis percipitur. Florem extremis ramulis gerit copiosum, album, alterius Polii floribus formâ non abfimilem, non tamen spicæ instar crescentem, sed velut in caput congestum: Semen deinde in vasculis exiguum, nigricans. Radix illi dura, lignosa, multifida, multis capillaribus fibris prædita.

In montosis circa Basileam, Genevam & alibi copiosè provenit, nobis observantibus.

Locus.

Planta hæc minus rectè me judice, ad Polium refertur, cum nec folia ei tomentosa sint, neque circa margines crenata: Idem esto judicium & de sequente.

\* 7. *Polium montanum repens* C. B. *montanum minimum* Ger. *mont. supinum minimum* Park.

Clus.

Duarum unciarum longitudinem vix superat, exilibus ramusculis, in quibus non minus quàm in superioribus ordine & ex adverbo opposita nascuntur foliola duriora, breviora & angustiora, non denticulata. Ramulis insident terni aut quaterni flores albi, superioris [ Polii Lavendulae foliis ] formâ similes sed minores. Hujus semen non observavi. Radix fibrosa est & vivax natali solo. Nullâ vero odoris gratia commendabilis est hæc planta. Floret autem seriùs, Junio videlicet.

Nascitur publicâ viâ agro Viennensi.

Locus.

Neutram harum postremarum stirpium [ hujus & Polii Lavendulae foliis ] licet sæpiùs cum suis conspiciamus in hortos translatam, unquam cicurare potui, sed consueto pabulo destituta semper corrupta sunt. Clus.

8. *Polium montanum luteum* C. B. Ger. *montan. vulgare* Park. *Yellow Poley Mountain.*

Clus.

Mediæ est inter tertium & quartum genus magnitudinis, minus fruticosum minusque firmis ramulis quarto, firmioribus autem secundo: nam partim procumbentes eos habet, partim etiam erectiores, omnino incanos, magis etiam quàm tertium: folia autem utroque ampliora, & tota candida: tenelli tamen ramuli capitella sua jam protrudere incipientes cum ipsis foliis flavescente lanugine obducuntur, perinde ac ipsa integra oblonga capitella, quæ tandem luteum florem proferunt. Semen aliis simile.

Florebat natali loco Martio mense, apud Belgas seriùs. Regno Granatenfi & Valentino oritur. In squalidis propè Valenam sylvam D. Magnol invenit.

Locus.

Ex hujus semine natum est flore modò candido, modò interiùs pallescente, foris exalbido, comâque non minus quàm folia canescente, quod Polium quartum Clusio.

\* 9. *Polium latifolium incanum Creticum* C. B. Park.

C. B.

Totum tomento albo molli tectum est, caules habens pedales, rotundos, in ramos palmares, hofque in breviores subdivisos, quos folia vestiunt subrotunda, crenata, instar Alfinis hederulae folio aut Chamædryos, crassa, rugosa, inferne candida, superne ex viridi flavescencia, quæ masticata panè insipida [ in sicca planta ] & non secus ac si tomentum dentibus conteretur sensum præbent. Flores non vidimus.

Ab Honorio Belli à Creta missum est.

Locus.

Hæc species ad præcedentem proximè accedere mihi videtur.

\* 10. *Polium angustifolium Creticum* C. B. Park. *erectum Creticum, & fortè frutescens* Dioscoridis Pona.

In bipedalem ferè altitudinem affurgit, caulibus rectis, duris, teretibus, lignosis, foliis obsitis parvis, angustis, oblongis apicibus subrotundis, Polii vulgaris similibus, sed minoribus multo, ad margines minime dentatis. Flores & semina vulgaris Polii [ lutei intelligo ] Tota planta valde odorata est.

In Creta ad maris litora frequens.

Locus.

\* 11. *Polium*



\* II. *Polium mont. pumilum tenuifolium Africum* Park.

Locus.

*Folia* huic angusta, incana, ad singulos geniculos multa : *flores* in summis ramulis parvi, sublutei.  
*Radix* nonnihil lignosa est, ut & tota planta, & aliquantulum odorata.  
 A Boelio circa Tunisium urbem collectum est.

## CAP. XII.

De *Teucro*.

**T**eucrium à Teucro inventore dictum planta est fruticescens, foliis Chamædryos, æmulis floribus galea carentibus.  
 Teucrium staturâ suâ & magnitudine, foliis latioribus à Chamædrye differt, quacum foliis galeâ carentibus convenit.

1. *Teucrium* C. B. *Teucrium multis* J. B. *majus vulgare* Park. *latifolium* Ger. *Tree Germander*.

J. B.

Cognatum Chamædryi Teucrium altius fruticat, rectis, lignosis, quadratis, hirsutis *virgultis*, in quibus ex brevibus intervallis *folia* utrinque hirsuta, superius atro virore splendentia, inferius nonnihil canescentia : & inferiora quidem formâ & magnitudine Chamædryos spectantur, serrata, ex oblongo rotunda, [ jucundi si terantur odoris. *Clus.* ] quæ verò virgularum fastigia ornant ad Hormini folia quodammodo accedunt, nequaquam per ambitum incisa, & circa basin latiora in acumen desinunt. *Flores* porro è foliorum superiorum alis emicant, plures juncti, pediculis satis longis hærentes, calice hirsuto canescente, Chamædryos florum formâ, labello quidem longiore demisso, sed cucullo vidui ; cujus loco *stamina* luteola exeunt, quo colore flos quoque ipse est præditus [ *Clusio* ex albo pallecente ] *Sapor* herbæ est acriusculus cum amarore non ingrato.

Locus.

In Sicilia & Italia perquam familiare est, & Teucrium, ut facie Chamædryn vulgarem refert, ita eisdem cum ea pollet viribus.

2. *Teucrium Creticum* Clus. Park. J. B. *Creticum incanum* C. B.

Clus.

Perinde ut præcedens in fruticem assurgit, ramis tamen tenuioribus & incanis : *foliis* formâ fimbriatis sed infernè magis incanis, supernè minùs virentibus & splendentibus, atque etiam minoribus. *Flores* ex singulis foliorum sinubus prodeunt, utriculis inclusi, quaterni aut seni, floribus Teucris vulgaris formâ non dispares, nisi paulò minores essent, & colore purpureo. *Semen* rotundum, nigrum. Tota planta odorata est.

Ex semine Cretâ misso *Clusio* enatum est.

3. *Teucrium Baticum* Ger. Park. *Baticum Clusii* J. B. *peregrinum folio sinuato* C. B.

Clus.

Humanâ interdum altitudine assurgit, plerunque tamen humilior est, unico stolone minimi digiti crassitudine, candicante cortice obducto, & in aliquot ramos diviso, binos perpetuò oppositos, incanos. *Folia* præcedentis fermè, majora paulò, in ambitu nonnihil sinuata, externâ parte omnino incana, internâ verò ex atro virentia, non tamen splendentia ut in primo genere ; gustu perquam amaro. *Flos* candidus est, labris infernè prominentibus, nullâ galeâ superius imminente, aliquot oblongis staminibus five villis è medio flore exeuntibus. Perpetuò viret non secus ac vulgare Teucrium.

Locus.

Multis Siciliae insulæ in locis invenimus, v.g. propè Syracusas, ubi in insignem altitudinem assurgit, plurimisque virgultis & ramulis densè fruticat ; in insula parva ad promontorium Pachynum, nunc *capo Passaro* dictum ; circa *Puzallu* arcem, & alibi. *D. Willughby* nobis ostendit à se inventam itinere à Neapoli ad Romam. *Clusius* montibus circa Calpen ad Herculeum fretum, & Baticæ maritimis in sepibus & inter alios frutices inveniebat.

- \* 4. *Teucrium Alpinum inodorum magno flore* C. B. *Alpin. inodorum* Park. item *Teucrium foliis Scorodonie* C. B. ex sententia ejusdem.

C. B. prod.

*Radice* alba, oblonga & capillacea per terræ superficiem repit. *Cauliculos* aliquot habet lignosos, rufescentes, hirsutos, nonnunquam in alas divisos, semipalmares & in terram reclinatos ; *foliis* subrotundis, parvis, quorum maximum nè minimi digiti unguem adæquat, hirsutis, rugosis & crenatis, *foliis* *Salviæ sylvestris* superioribus formâ respondentibus, cinctos. In cauliculorum summitatibus *flores* quasi in spicam congesti, qui magni purpureo cærulei galericulati.

In monte majore S. Bernhadi & Augstavalle Helvetiorum oritur.  
Parkinsonus Teucrium foliis Scorodoniae C. B. pro una & eadem cum descripta planta habet.

Locus.

5. *Marum Cortusi* J. B. *Tragoriganum latifolium* C. B. *Trag. latifolium* sive *Marum Cortusi* Matthiolo Park. *Tragoriganum Lobelii* Ger.

J. B.

Thymiduriorisve Mastichinae instar dense fruticat, lignosis virgulis & incanis, quas vestiunt folia crebris geniculis Serpylli foliis paria, thymi foliis majora, subtus incana, superius virentia, sapore amaro & acro, odore grato. Flos Chamædryos vera floribus par, nec figurâ quoque abluens, multifido demisso labello, galeæ locum supplentibus tortilibus staminibus, calyce quoque Chamædryos pari, villosa, incano.

H

itt

III

251

25

## CAP. XIII.

## De Chamædry.

**X** *Aqualpus*, quasi *humilis Quercus*, quia folia habet *quæ* *et* *spici* *humana* *divisurâ* *Quercui* *similia*, addè & figurâ: unde non alia querenda est hujus generis nota characteristica. Parvitate sua præcipue à Teucro differt; cujus & nomen etiam participat, nonnullis Teucron dicta.

1. *Chamædryos vulgaris* Park. *vulgò vera existimata* J. B. *minor* Ger. *minor repens* C. B. *Common Germander*.

Reptatricium classi accensenda, radículas lignosas oblique agit, fibrisque tenuissimis subinde rursum raditur, *virgulis* donata dodrantalibus, rubentibus, lanuginosis: quibus folia ex intervallis adnascuntur bina, Quernorum divisurâ, longitudine unciali & majore, latitudine semunciali, rigida, nervo, sahirsuta, sapore subamaro, subdulci & aromatico. Flores in spicatum quodammodo exeunt, purpurascens labello scutellato, alis duabus acutiusculis ad angustam cervicem appositis, supra quas surrecta ceu spicula; pro galea verò, quâ destituuntur, purpurantia stamina surriguntur.

In Germania, Gallia & Italia frequens reperitur.

In Anglia etiam invenimus non semel, an spontaneam ambigimus.

Locus.

2. *Chamædryos major* Park. *major latifolia* Ger. *emac. major repens* C. B.

Præcipua, nè dicam sola, inter hanc & præcedentem differentia est in statura & partium omnium magnitudine, ideoque J. Bauhinus hanc ab illa non separat: Nobis tamen videtur specie diversa, non accidentibus foliis quæ celi aut soli diversitati, aut etiam culturae debentur.

Tenuium est partium hæc herba: potenter urinam ac sudores movet. Hinc confert in febribus, scorbuto, sanguine coagulato, & imprimis in Arthritide, Ictero & Urina suppressa. *Schrod.* Ad-dit Matthiolus in Pestilentia, lumbricis, capitis morbis frigidis.

Extrinsecus adhibetur in ulceribus serpentibus, in dolore hæmorrhoidum, in auribus vermiculosis, in scabie & pruritu, in catarrhis exsiccandis.

Scribit Vesalius in *Epist. de China*, decoctum Chamædryos fuisse commendatum à Medicis Genuensibus Carolo V. Imp. pro perpetuo Podagræ auxilio, facto decocto five ex vino, five ex aqua stillatitia. Experietur qui volat, inquit Casp. Hofmannus, qui se Tragi sententiam amplecti ait, Chamædryon idem posse quod Betonicam; & rectè indi decoctis deobstruentibus.

Apud nostrates mulierculas in mensium suppressione decoctum ejus usus est creberrimi.

Planta ipsa in agro Cantabrigiensi à vulgo *English Treacle* i.e. Theriaca Anglica dicitur, proculdubio quia Alexipharmaca censetur.

Quidam celebris ob Scrophularum curationem exhibebat decoctionem Chamædryos in Vini albi Lib. 2. ad Lib. 1. consumptionem. Dos. coch. 6. manè & vesperi, per mensis spatium: quo non proficiente exhibebat infusionem Roris marini & Linguae cervinae ana M. l. in vini alb. lib. 4. per horas viginti quatuor, & sumebat æger Cochlearia octo bis indies; quo decocto fovebat etiam partes tumentes, quo successu non traditur. D. Hulse è MS. nondum edito.

Pulvis Chamædryos celebratur inter Ægyptios contra febres intermittentes. Alpin. de Medic. Ægyptiorum, p. 146, 147. Laudatur etiam hæc planta in febribus intermittens à Montano & Baricello. Multi Rustici curant febres Quartanas pulvere Chamædryos sumpto in juscalis per aliquot dies. River. Centur. Observ. IV. Observ. 84. D. T. R.

Com. Mediolanensis uxor dolore uteri ingenti excarnificata, decocto Chamædryos cum jusculo pulli parato, solutâ alvo, magnâque bilis ac pituitæ copiâ excretâ integrè convaluit. D. Soame ex Observat. Hieron. Reusneri.

\* Obs. 101.

## 3. Chamædryos



3. *Chamædrys spinosa* C. B. J. B. *spinosa* Cretica Park. An *Scordium spinosum* odoratum Cornuti?

C. B.

Planta est palmaris & sesquipalmaris, rarissimè cubitalis, molli lanugine incana & hirsuta, Cauliculis quadratis, geniculatis, virgultis hinc indè sparsis: foliis oblongis subrotundis, aliquibus laciniatis, at plerisque leviter serratis, summis tamen integris: flores ex caliculis lanuginosis Chamædryos formâ, ex flavo rufescentes, è foliorum alis prodeunt, unde & aculei bini, aliquando plures, modò breviores, modò longiores exurgunt: aliquando ex geniculis unum virgultum prodit, cujus summitati spina subtilissima insidet. Semen rotundum, subnigrum, caliculis inclusum floribus succedit.

Locus.

Patavio ex horto Bembiano accepit descriptionis Autor C. Bauhinus.

Huic idem nobis videtur *Scordium spinosum odoratum* Cornuti. Quod in ficcis & arenosis Hispaniæ montibus sponte nasci se accepisse scribit: verum ramulos lenta pinguedine obritos ei attribuit; folia suprema in summis cymis adeò parva, vix ut adæquent Serpylli nostratis folia: Flosculos albos, tribus tenuibus filamentis ab intimo calyce ortis donatos; Saporem vietum, odore insigni fragrantia commendabilem ut ferè Ocymo parem gratiam obtineat: radicem oblongam, tenuibus fibratam capillamentis.

\* 4. *Chamædrys arborea* Ægyptiaca C. B. *Chamædrys arborea* in insula Corcyra Alp.

Locus.

Ad cubitos duos exurgit, foliis duplo aut triplo quàm in Italica majoribus.

*Chamædrys Austriaca* foliis tenuissimè laciniatis C. B.

Item,

*Chamædrys Hispanica* foliis tenuissimè divisis ejusdem.

In Prodromo descriptæ non pertinent ad hoc genus, sed potius ad Chamædryas spurias.

5. *Chamædrys laciniatis* foliis Park. Lob. *Chamæpitys femina* Ger. Botrys *Chamædryoides* C. B. Bot. verticillata J. B. Jagged-leaved Germander.

Radix ei parva alba, fibras emittens majusculas tenuissimis filamentis capillatas. Caulis indè exurgit plerunque unicus, interdum plures, quadrati, hirsuti, rubentes, infirmi & vix se sustinentes, pedali interdum longitudine, foliis vestiti per intervalla ex adverso binis, pediculis longis hirsutis innitentibus. Folia ipsa supina parte obscurius viridia sunt, rugosa, obtusa, profundè divisa in aliquot segmentorum paria, hinc indè sibi mutuò respondentia. Flores ex alis foliorum orti, verticillatim caulem ambiunt, pediculis longiusculis hirsutis infidentes, è calice oblongo, purpurascentes, non galeati, galex autem locum obtinent stamina & stylus: labium integrum dependet, media sui parte album, saturatioribus punctis & lineis striatum, duo sæpius obtinens laciniarum paria.

Locus &amp; Tempus.

Junio floret. In Germaniæ agris sterilioribus & circa Genevam passim reperitur.

## S E C T I O   S E C U N D A.

*De Plantis verticillatis Herbaceis, quarum superficies non perennant aut saltem non lignescunt.*

*Plantæ verticillatæ Herbaceæ, hoc est, quarum caules non perennant, sunt vel floribus*

*Quadripartitis aut quinquepartitis, vix labiatis, tubo brevi; foliis*

*Integris, odore*

*{ Suavi, radice reptatrice; MENTHA.  
{ Nullo manifesto, aquatica; MARRUBIUM aquaticum.*

*Laciniatis, venosis; VERBENA.*

*Galeatis & labiatis, seu utrinque labiatis, tubo productiore*

*{ In capitula squamosa congestis, in summis caulibus & ramulis, squamis*

*{ Majoribus glabris, cum reliqua planta valde tomentosa sit & incana, DICTAMNUS Creticus;  
{ Minoribus,*

*{ Elatior, minus odorata, radice perenni; ORIGANUM.  
{ Humilior & minor odoratissima, MAJORANA, AMARACUS.*

*In spicas dispositis*

*{ Rariores, è verticillis paulò à se invicem remotioribus compositas, odore*

*{ Suavi Citri aut Caryophylli, foliis Amaraci; OCYMU.  
{ Minus grato, foliis*

*{ Rugosis, floribus hiantibus, HORMINUM.  
{ Urticæ æmulis, odore fœtido; GALEOPSIS.*

*{ Denfiores & habitiores, verticillis proxime adnotis, foliis*

*{ Incanis, Urticæ foliorum æmulis, odore Menthæ; NEPETA.  
{ Virentibus,*

*{ Elatior, folio crenato; BETONICA.  
{ Humilior, folio circum oras æquali; PRUNELLA.*

*{ Ad caulium nodos è foliorum alis exeuntibus,*

*{ Sessilibus, pediculis brevibus aut nullis, verticillis*

*{ Dense stipatis, multis floribus congestis*

*{ Elatior, odore gravi, foliis incanis acutis; STACHYS Fuch.  
{ Humiliores, foliis*

*{ Incanis serratis, odore vehementiore; MARRUBIUM.  
{ Viridioribus Origani aut Ocimi, odore remissione; CLINOPODIUM vulgare,*

*Minoribus & minus densis,*



- { *Foliis urticae*, odore foetido; LAMIUM.  
 { *Calice perampla*, patulo, calathoides; MOLIUA.  
 { *Flagellis reptatricibus*, foliis subrotundis crenatis, florum galeis reflexis; *Hedera*  
 TERRESTRIS.  
 { *Floribus in singulis foliorum alis singulis*, calice crepidæ aut calceamenti calcaneum  
 imitante, *Lysimachia GALERICULATA*, *Cassida*, &c.  
 { *Pediculis innitentibus*,  
 { *Oblongis*, flosculos plures sparsos sustinentibus, foliis & odore *Menthæ*; CALAMIN-  
 THA.  
 { *Brevibus* flores multos confertos gestantibus,  
 { *Foliis atrovirentibus*, *Calaminthæ majoribus*, odore *Citri*; MELISSA.  
 { *Foliis & odore Lamii*; MARRUBIUM *nigrum*.  
 { *Galeæ carentibus*, labiatis, foliis,  
 { *Facie & odore pinis*, foliis trifidis; CHAMÆPITYS.  
 { *Foliis Allii odorem spirantibus*,  
 { *Elatior*, *Salvifolia*, floribus spicatis, sylvatica; SCORODONIA.  
 { *Humilior*, *reptatrix*, palustris, foliis & facie *Chamædryos vulgaris*; SCOR-  
 DIUM.  
 { *Inodoris*, duorum generum caulibus, aliis erectis, qui flores sustinent, aliis su-  
 pinis & repentibus, floribus spicatis; BUGULA.

## CAP. I.

De *Mentha*.

**M**ENTHAM à Græca voce *Mῦνθῶν* dictam esse haud dubium est. *Mῦνθῶν* autem *μῦνθῶν* deducunt Grammatici, quod purgationes sceminarum inhibeat, vel quod fermen copiosiore ejus esci minuat & tabeat.

*Mentham* Plutonis pellicem à Proserpina (ut solent pellicees semper odisse uxores) in hortem *Mentham* transformatam fuisse narrant poetarum fabulae, æterno in æternâ planta hominis monumento. Quam vocem Romani magis amantes, quia in ea malè habitæ ob amorem puellæ memoria servaretur, undè tantum aut alterâ mutata literâ Græcorum *Mimben* *Mentham* suam fecerunt. Marcellus Virg.

Dalechampio *Mῦνθῶν* Græcis dicitur *μῦνθῶν* à stercoreis foetore per Antiphrasin, quod minimè foetida sit. Verùm Etymologias illas per Antiphrasin meritò rejicit & explodit Vossius. Nonnulli *μῦνθῶν* interpretantur lanuginem muscolamque pubem humentibus & putrescentibus pene cunctis subdio apertis obduci solitam, qualem cernere est in oletis & sterquiliniis: cui non absimilis tenera illa hirsuties quæ in *Mentha* agresti, sed præcipuè *Calamintha* visitur.

Notæ *Menthæ* Characteristicæ sunt, Flos quadripartitus, galea & labello à segmentis lateralibus vix discernendis; odor suavis, unde & Græcis *μῦνθῶν* dicitur; radicibus vel flagellis repere.

- A 1. *Calamintha aquatica* Ger. emac. *arvensis verticillata* C. B. *Mentha arven. verticillata* hirsuta J. B. *arv. vert. sive aquatica* Belgarum Lobelio Park. *Water-Calamint with whorled coronets*.

*Radicibus* reptantibus se longè latèque propagat; *caulibus* quadratis, alba lanugine villosis, pedilibus aut altioribus, ramosis. *Folia* adversa Clinopodii vulgaris aut *Calaminthæ* magnitudine & figura, & pari modo per ambitum leniter serrata sunt, odore gravi *Calaminthæ*, sapore acriusculo non infuavi, utrinque hirsuta, & ferè incana. *Flores* verticillati, *Menthæ* *Sisymbriæ* minores, dilutè rubentes, & in album propemodum pallentes, [purpureo-cærulei pallidi] monopetali, in quatuor segmenta ad margines divisi, superiore quæ pro galea est in summo bifido.

Varietates.

*Mentha* hujus duas species seu varietates observavimus, alteram floribus majoribus, præter stylum quatuor intus staminulis cum apicibus suis instructis, alteram floribus minoribus absque staminulis exantibus.

Locus.

In locis humidis & ubi per hyemem aquæ stagnarant. Post mediam æstatem floret.

- A 2. *Mentha verticillata minor, acuta, non crispa*, odore *Ocimi* J. B. *Mentha fusca sive vulgaris* Park. ut puto *M. cardiaca* Ger. *Red Mint*. *M. hortensis verticillata*, *Ocymi* odore C. B.

Minus hirsuta est quàm præcedens, imò adeò brevi lanugine obsita, ut minus curiosè eam contemplanti omnino glabra videatur. *Radix* multiplex reptans illi cum aliis communis est. *Caulis* cubitali altitudine surgunt, quadrati, rigidi, rubentes. *Folia* (inquit J. Bauhinus) primum *Ocimo* medio similia, quæ

quæ in caulibus superiora longiora sunt, acutiora & obscurius viridia quàm Calaminthæ aquaticæ dictæ, longioribus & acutioribus denticulis incisa, ut ad Menthæ Romanæ folia accedant. Verticilli florum dicti duobus flosculorum fasciculis unico hinc inde communi pediculo eoque oblongo ex aliis foliorum enato infidentibus constant, quo à Calaminthæ prædictæ, cui flosculi in ipsis foliorum alis sedent differt. Flosculorum color quàm in illa pallidior, tubi longiores, magnitudo quatenus aperiuntur media inter majores & minores illius. Staminula in singulis flosculis quatuor extant & stylus quàm in illius longior.

A reliquis Menthæ speciebus (J. Bauhini verba sunt) conspicuum suavissimi odoris Ocimi, saporisque Melissæ discrimen hanc facile dispescit.

Vidimus aliquoties extra hortos, nescio an sponte enatam, an ex hortorum rejectamentis.

Locus.

3. *Mentha crispa verticillata* C. B. *crispa verticillata*, folio rotundiore J. B. *crispa* Park. *Sativa rubra* Ger. quoad iconem.

J. B.

Reptatrix radix huic cum reliquis speciebus communis est; necnon caules quadrati, qui huic cubitos binos altitudine superant, rigidi, recti, propter terram purpurascens, hirsuti, multis alis concavi. Folia odorata ex ramorum & caulium geniculis enascuntur, atrovirentia, subrotunda, rugosa, crispa, per ambitum serrata, glabra aut minimum hirsuta. Flores è foliorum alis verticillati, Pulegii, in cœruleum languentes.

Quam speciem Menthæ hoc nomine intelligant nobis non certò constat.

4. *Mentha spicata rotundifolia crispa* J. B. *rotundifolia crispa spicata* C. B. *cruciata sive crispa* Ger. *cruciata* Park. *Spiked curled Mint* or *Cross-Mint*.

J. B.

Facies rotundifoliæ crispæ spicatæ qualis verticillatæ: radices reptantes se propagantes: Caules quadrati, hirsuti, infima parte subrubentes: folia è geniculis adversa, crispa, rugosa, vix hirsuta, serrata, ad Verticillatam odore & sapore accedentes: at florum positus multum diversus, licet singulorum flosculorum non alius sit vultus aut color: siquidem in spicas unciales & sextantales digesti sunt. Non minus ignota est nobis hæc quàm præcedens.

5. *Mentha crispa Danica aut Germanica speciosa* Park. *Great curled German Mint*.

Park.

Radices reptatricibus cum aliis sui generis convenit. Caules erigit proceros, ab imo statim ramosos, foliis cinctos amplis, latis & subrotundis, ad margines altius incisis, sinuatis, & veluti crispis, inferioribus præcipue, nam quæ superiorem caulis partem occupant minùs altè secta & laciniata sunt, paulo profundioribus tantùm denticulis quàm præcedens serrata. Flores in spicas aliquanto grandiore, habitiores & rotundiores quàm illius compacti, pallide purpurei. Odor plantæ non ingratus, minùs tamen acer & vehemens quàm supra scriptarum.

Hanc Londino acceptam in hortulo nostro Cantabrigiæ coluimus.

Ipse observavi simplex decoctum Menthæ crispæ (nescio an de hac specie an de præcedentium Viridi duarum utralibet intelligat) ita sanguinis motum circularem suffocasse, ut ne illius quidem gutta è pede stillaret, quamvis scapellum myrtiformem ter vel quater satis profundè in vasis pedis maximè conspicuis adegisset chirurgus solertissimus. S. Pauli Quadr. Botan. Class. 3. p. 390. Pararat pediluvium famula prius ex aqua in quam injecerat fasciculos aliquot Menthæ. Hoc pediluvio Domina usa est. Forè non causam pro causa habuit. S. Paullus: nobis enim non verisimile videtur Mentham talem effectum habere. Ex excerptis D. Edwardi Hulfe.

6. *Mentastrium spicatum cultum*, folio rotundiore rugoso J. B. *Mentha rotundifolia spicata altera* C. B. *Mentastrium hortense*, sive *Mentha sylv.* Park. *Mentha cardiaca* Ger. ex sententia Johnsoni, verùm icon non responder. *Manured Hoarsemint*.

J. B.

In hortis colitur, odiofo reptatu tandem hortulanis parùm gratum. Caulibus pluribus quàm Menthæ crispæ spicatæ, nigrioribus, hirsutis & mollioribus quàm Menthæ crispæ verticillatæ. Flores spicatum digesti, minimi. Odor gratus.

Hæc planta culturâ solùm differre videtur à Mentastro vulgari spontaneo, ut rectè opinatur Parkinsonus: quod & ipse J. Bauhinus titulo suo indicare & concedere videtur.

Hujus varietas est,

*Mentastrium spicatum folio crispo rotundiore, colore partim albo partim cinereo & virente* J. B. *Mentastrium niveum Anglicum* Ger. *Mentha spicata folio variegato* C. B.

Quæ foliis in eadem planta mirè ludit, modò totis candidis, modo ex albo in herbidum languentibus, aliàs dimidiâ parte albis, alterâ viridibus, aliàs utroque hoc colore variè maculosis. In hortis frequentissimum est. Nos Cantabrigiæ coluimus.

Locus



- A. 7. *Mentastrium folio rugoso rotundiore spontaneum, flore spicato, odore gravi* J. B. *Mentastrium*  
Ger. descr. *Mentha sylvestris rotundiore folio* C. B. *Hoſe-mint* or *round-leaved*  
*wild Mint.*

Cord.

Caules erigit cubitales, quadrangulares & hirsutos: *Folia* ex intervallis longitudine beſſis [ imò breviora ] latitudine autem unciam tertia aut quarta parte excedentia, rugoſa, atque lanuginofa pube obducta: Ramulos ſupra medium caulis è foliorum ſinu producit, vere & æſtate numerofiſ undiq; floribus, in candido rubentibus & hiantibus, denticulatis calicibus infidentibus, & poſitu quandam ſpicæ imaginem referentibus, circumdati: quibus exiguum nigrumque ſemen ſuccedit. Radice niti-  
tur multis capillamentis fibrata, laterales viticulas propagationis cauſa in terra ſpargente & perenni. Saporem habet amarum, acrem & adſtringentem; odorem verò gravem & acrem, ſativâ Men-  
thâ multo injucundiorẽ.

Locu.

Spontaneum obſervavi in prato quodam, aquoſo loco, propè *Faulkbourne-hall* in Eſſexia copioſe: item juxta fluvium propè *Lydbrook* vicum, non longè à *Roſſe* oppido in Herefordiæ Com. & alibi. Provenit etiam ſponte in Gallia & Germania, plurimis in locis. Aquas plerunque ſectatur.

8. *Mentha anguſtifolia ſpicata* C. B. *Ment. ſpicata folio longiore, acuto, glabro nigriori* J. B. *Men-  
tha Romana* Ger. *Romana anguſtifolia, ſive Cardiaca* Park. *Spearmint* or *Hart-mint.*

J. B.

Non ſecus ac aliæ *Menthæ* radicum longo reptatu ſubinde fibris dimiſſis ſe promovet; caulibus bicubitalibus ſubrubentibus, quadratis: ex quorum nodis per certa intervalla gemini adverſi rami ex-  
eunt, ita ut inferioris ſemper cum ſuperiore cruciformis ſit poſitus; qualis & foliorum eſt alternatio, tam in caulibus quàm in ramis [ Hic foliorum ſitus omnibus verticillatis plantis communis, quam-  
vis non ita conſpicuus & viſui ſtatim obviuſ in plerisque ] Sunt ea verò oblonga, acuta, atrovi-  
rentia, minimùm hirsuta, per ambitum ferrata. *Florum* autem puſillorum exalbidorum, punctulis  
rubentibus guttatorum verticilli longiuſcula ſerie ſpicam effigiant.

Viret.

*Menthæ* uſus præcipuus eſt in Ventriculi imbecillitate, cruditate, ſingultu, vomitu, flatibus, ar-  
dore, hepatis obſtructione, inteſtinorum dolore, capitis vertigine. Menſes & album mulierum pro-  
fluvium efficaciter compoſcit. Extrinſecus duritiem mammarum lactiſque coagulationem tollit, a-  
chores ſanat. *Schrod.* *Menthæ* folia lacti immerſa coagulari & illud in caſeum coire non permittunt.  
*Trag.* Quin & in ventriculo lac coagulari non patitur. Quare (inquit *Casp. Hofmannus*) ſectari  
illam debent qui vel coguntur crebriùs uti lacte, vel aliud alimentum non habent. Verùm lac in ven-  
triculum receptum, ſi is bene ſe habeat, ritè & ex ordine naturæ coagulari debet, ideòque iis quibus ven-  
triculus ſanus & rectè diſpoſitus eſt, non opus eſt ut quærantur quæ coagulationem impediunt; ſed iis dun-  
taxat quibus infirmus, aut nimio acido ſcætet, ad coagulationem moderandam. Quamvis enim lac in ven-  
triculum receptum inſtito coagulatur; coagulum tamen hoc antequam in inteſtina deſcendit, iterum in liqua-  
men diſſolvitur: quod ſi denſius & durius ſit, non ita facilè fiet.

Herbæ ſuccus ejuſve aqua diſtillata ad vomitum reprimendum uſus ſunt creberrimi. R. aq. ʒij.  
ſemel atque iterum; enormes ſiſtit vomitus. *Hartman.*

Eadem aqua deſtill. mulierculis uſitatiffima eſt ad tormina ventris in infantibus compoſcenda.

Turnero autore, odor *Menthæ* cerebrum roborat, memoriã conſervat & augeſ.

Contraria videntur tradere autores de vi Venerem ſtimulante, Venereaque inſomnia & exoni-  
rognoſ impediente.

Noſtrates *Mentham* Piſis & Fabis incoquere ſolent ad eorundem flatulentiam corrigendam.

Ex *Menthæ* herba ſicca, additis æqualibus Rutæ partibus & tantillo ſem. Carvi, omnibus conve-  
nienter in aceto Cereviſiæ coctis paratur Cataplaſma, quod mirificè lac coagulatum mammarum  
reſolvit primùm, dein omnino generationem lactis prohibet: quo promiſcùè puerperæ felici ſucceſ-  
ſu utuntur. *Simon Paulus.* Ex excerptis *D. Edv. Huſſe.*

Ad anorexiam, Elixir *Menthæ* cum ſpiritu proprio per infuſionem paratum, addito pauco Sac-  
charo eſt egregium. *D. Huſſe* ex *Ettmulleri* praxi.

- A. 9. *Mentastrium ſpicatum folio longiore candicante* J. B. *Mentha ſylv. folio longiore* C. B.

J. B.

Duos cubitos alta eſt, aliquando procerior: radicibus geniculatis, reptantibus, fibratis. Caules i-  
tem quadrati ſunt, toti hirsuti: quorum geniculis appoſita folia oblonga, acuminata, per ambitum  
ferrata, molli lanugine caneſcentia, magis tamen inferna quàm ſuperna parte, odore ſatis grato,  
minùs multò vehementi quam *Menthæ* ſativæ ſpicatæ aut verticillatæ, ſapore item ſimili ſed remiſ-  
ſiore. Flores ex rubore in album pallescunt.

Locu.

Invenimus hanc in prato quodam propè Florentiam Italiæ urbem. Ad *Burwelli* rivulum in Lin-  
colniæ Angliæ naſcentem obſervavit *D. Martinus Liſter* amicus noſter ſummus. Nullam provinci-  
am (inquit *Cluſius*) adire memini, in qua non conſpexerim *Mentham ſylv.* ſive *Mentastrium* ſpon-  
te ſecundum aquas & riguis locis naſcentem. *Parkinſon* aut hujus non meminit, aut cum *Menta-  
ſtro* vulgari folio rotundiore miſcet.

- \* 10. *Mentha ſylveſtris longioribus, nigrioribus & minùs incanis foliis* C. B. *Mentastrium folio  
longiore* Park.

Tab.

Perſimile eſt *Mentastro* vulgari rotundifolio, ſed folia nigriora, longiora, minùsque incana &  
hiſpida: flos item ſpicatus.

In

In agro Frisio secus Campen & Zwollam oritur.

Locus.

- \* 11. *Mentastri aquatici genus hirsutum spicâ latiore* J. B. *Mentha palustris folio oblongo* C. B. *Mentastrium minus* Ger. emac. *Mentastrium hirsutum* Park.

J. B.

Quadratos promit *caules*, duum vel trium cubitorum altitudine, hirsutos: *Folia* *Menthæ* spicata folio acuto, vel *Mentastri* albi, oblonga, serrata, lanugine multâ subtus canescentia, minus tamen quàm *Mentastri* vulgaris rotundiore folio, vel candido, sapore insigniter acri fervidâque odore ferè *Sisymbrii* sive *Menthæ* aquaticæ rubræ. *Caulium* scapus trifariam partitur, totidémque gerit veluti spicas latiusculas [non angustas ut in *Menthis* & *Mentastris* spicatis] non multò uncia longiores, in quibus *flores* subpurpurei, quinquepartiti, ex calicibus hirsutis, striatis, rubentibus, in apices quinque fissis. *Radice* est reptatrice.

- A. 12. *Mentha aquatica sive Sisymbrium* J. B. Ger. emac. *Men. aquatica rubra* Park. *rotundifolia palustris sive aquatica major* C. B. *Water-Mint*.

Humidioris soli amasia, ex radice reptatrice, crebris fibris donata *caules* aliquot emittit, quadratos, hirsutos, tenues, aut intus concavos, aut fungosâ medullâ farctos. *Folia* ex articulis (qui non admodum crebri sunt) *Menthæ* crispæ verticillatæ paria, minimè tamen crispa, quanquam perinde ut illa per ambitum serrata, pediculis brevibus harentia, odore vehementi *Pulegii*, colore ex nigro-rubente, non rarò tamen viridia. *Flores* in summis caulibus in capitula crassiora, subrotunda congesti, infra quæ unus plerunque *florum* verticillus, è duobus glomerulis flosculorum, singulis pediculo communi è foliorum alis egressis, compositus. *Flores* autem dilutâ purpurâ rubescunt, in quatuor lacinias secti, quarum superior qui galeæ locum occupat bifida, staminulis quatuor emicantibus flori concoloribus, apicibus saturatioribus capitatis, J. Bauhino rubellis.

Passim secundum rivos, & in humidioribus provenit.

Hujus aliam proponit speciem J. Bauhinus titulo

- \* 13. *Menthæ aquaticæ sive Sisymbrii hirsuti*.

Cui non solum *caules* quadrati & folia sed etiam ipsi *florum* calyces densâ lanugine pubescunt; adeò ut canescant: *folia* uncialia & fescuncialia, subrotunda, per ambitum obiter serrata: è quorum sinu prodeuntes pediculi *Flores* sustinent conglomeratos verius quàm spicatos.

Hanc nondum vidimus, nec scimus an specie differat à præcedente, an accidentibus tantum variat.

*Mentha rotundifolia palustris minor, sive flore globofo* C. B. *Mentastrium rotundifolium minus* Park. item, *Mentha aquatica sive palustris minor* ejusdem, p. 1243.

## C A P. II.

De *Pulegio* quod pro *Menthæ* specie habemus.

**P**ulegium ita dictum creditur, quod ejus flos recens incensus pulices necet odore: Βάλανος Græcis quasi balans herba, quia gustatum à pecore cum floret, acri sapore balatum iis extorquet.

Parvitate sua, *florum* densis verticillis, sapore & odore acriore à *Mentha* differt.

- A. 1. *Pulegium* J. B. *vulgare* Park. *regium* Ger. *latifolium* C. B. *Penny-royal* or *Pudding-grass*.

J. B.

Importuno reptatu quacunque terram attingit è *caulium* quadratorum, hirsutorum, dodrantalium geniculis demissis fibris radicum luxuriat, longè latèque subiectum solum opacans. *Foliorum* ex articulis est exortus ad *Origani* folia accedentium, odore cum suavitate gravi, sapore fervido. *Quadrupartitorum florum* verticilli purpurascens, brevibus intervallis, longâ spicataque serie *caules* & ramos coronant, subiecta utique foliorum conjugatione una.

Gaudet locis palustribus & aquosis ubi per hyemem aquæ stagnarant.

Majorem hujus speciem proponit Parkinsonus, quæ non alia in re quàm magnitudine sua & caulibus erectioribus à præcedente differt. Hanc in Essexiæ Angliæ viarum marginibus copiosius quàm alibi inveniri tradit. Nobis quamvis Essexiæ incolis nondum visa est, neque spontanea, neque culta.

Locus.  
Varietas  
Major.

2. *Pulegium densis surculis* Park.

Surculis crebrioribus, *foliis* minoribus & densius dispositis à præcedente differt, cætera ei similis. Alicubi in Angliâ spontaneam inventam fuisse & in hortos translata scribit Parkinsonus, penes quem fides esto.

Zz 3

\* 3. *Pule-*



- \* 3. *Pulegium mas* Ger. *mas* Plinii J. B. *mas flore albo* Park. *latifolium alterum* C. B. *Male*  
or *upright Penny-royal*.

J. B.

*Folius*, ut vulgare, *Sisymbrii* est, aut *Origani*, toto *caule* ex intervallis cum floribus verticillos alterius planè modo constantibus: vires, odor prorsus eadem. *Caulibus* est erectioribus, pedalem interdum altitudinem excedentibus: *floribus* albis.

Locus.

In via qua Rivolo Taurinum itur ad agrorum margines observavit Matthiolus.

In insula Corcyra observavit D. Georg. Wheeler *Pulegii* speciem erecto caule, folio lato incano vel hirsuto: quæ tamen diversa videtur à Matthiolina; utraque autem pariter nobis incognita est.

4. *Pulegium Virginianum* nonnullis, aliis *Serpentaria* aut *Colubrina Virginiana*. *Virginian*  
*Snake-weed*.

Hujus flores aut semina non vidimus. Caules autem & folia *Pulegium Cervinum* dictum imitantur.

5. *Pulegium angustifolium* Ger. C. B. *angustifolium sive cervinum* Lob. Park. *cervinum angustifolium* J. B. *Part Penny-royal*.

J. B.

Frequentes profert *virgas*, teretes, tenues, subrubentes, geniculatas, pedem longas & majores, modicè erectas: *Folia* *Satureia*, nonnunquam tantillum dentata, odore efficaci vulgaris *Pulegii*, sapore fervido & mordaci. *Florum* verticillati globuli cis virgultorum fastigia ad nodos oriuntur, colore dilutè cæruleo, quorum singuli quatuor foliis constant, è quibus *staminula* exeunt floribus concoloria. *Radix* adultior lignosa, multis tenerioribus albicantibus *Gratiolæ* radicem *asparagis* aucta, fibras summo cæspite vagantes promittit.

Locus.

Primò ad Rhodanum fluvium juxta antiquum pontem Romanum S. Spiritus dictum observavimus; postea circa Monspelium in humidioribus.

Vires.

Hoc etiam si magna vulgaris *Pulegii* copia suppeteret, Pharmacopœis Regii & Monspelienses Professores accipiendum imperabant, (inquit Lobelius) quòd viribus, sapore & odore multo quàm alterius gravioribus, vehementioribus & probatoribus esse dixerint.

- \* 6. *Pulegium foliis Nummulariæ* C. B. Park.

C. B. prod.

Hujus ramulum tenuem, palmarem, ex horto Patavino allatum, quasi geniculatum *folia* tenuia, instar *Nummulariæ* rotunda, sed sextuplo minora pedicellis donata, cingebant, & floribus ex albo cæruleis caulem verticillatim ambientibus subiciebantur.

Hoc odore vulgari multò est gratiore.

- \* 7. *Pulegium tomentosum minimum* Bocconi.

A vulgare *Pulegio* nihil discrepat nisi parvitate, & *foliis* longioribus atque lanuginosis. Plantula enim hæc ad dimidium palmum non accedit.

In pratis non longè à *Corleone* in Sicilia invenit P. Boccone.

Vires.

*Pulegium*, cum revera *Menthæ* species sit, iisdem etiam viribus quibus & *Mentha* pollere verisimile est. Acrius tamen *Menthâ* est, & proinde efficacius, partium tenuium. Usus præcip. in mensibus ciendis, fluore albo, fœtu ejiciendo. Confert hepaticis ac pulmoniacis nausæam & tormina ventris discutit, calculum & urinam pellit, ictero ac hydropi medetur. Extrinsecus prodest capiti, somnum arcet, vertiginem discutit, doloribus arthriticis convenit, dentes abstergit, pruritum cutis curat. Schrod.

Succus hujus herbæ cochlearis unius mensura pueris exhibitus efficacissimum est remedium ad tussim illam clamorâ seu convulsivam nostratibus *The Chin-cough* dictam, aliis catarrhum ferinum quæ teneram ætatem plurimum infestare solet.

Hujus noticiam D. Boyle acceptam refero, qui ad profligandum hoc Symptoma inter alia medicamenta primas ei tribuit, nec immeritò, ut experientiâ nobis compertum est. D. Hulse.

Nostrates botulis cruore distentis *Pulegium* concisum immiscere & incoquere solent; unde & *Pudding-grass* vocant.

Ad raucedinem, & Decoct. *Pulegii* dulcorat. ʒvi. iturus cubitum, & sanaberis. Chesneau ex libro *Arcanorum*. Ex annotatis D. Hulse.

Recens sacculis inclusum, & in lecto positum pulices efficaciter abigit: sed intra spatium septimanæ sacculi sunt renovandi. D. Palmer nobis communicavit.

## CAP. III.

## De Marrubio aquatico.

**M**arrubium J. Bodæo à Stæpel dictum putatur, quod marcescentibus & tabescentibus proficit, vel quod folia marcida & squalentia sint, quasi rubigine exesa forent. Utrumque Ety-  
mon ineptum. Cæterum Marrubium Latinam vocem esse, non Græcæ originis inde de-  
monstratur, quod r secundum sine aspiratione scriptum ubique legatur.

Foliis rugosis, ad basin laciniatis, & odoris carentibus à Menthâ distinguitur.

A 1. *Marrubium aquaticum* Ger. emac. aq. vulgare Park. *aquaticum* quorundam J. B. *palustre*  
*glabrum* C. B. *Water-Horehound*.

*Radice* est reptatrice *caules* unâ exurgunt numerosi, sesquicubitales, quadrati, hirsuti, concavi, ra-  
mosi. *Folia* in caulibus per intervalla ex adverso bina, glabra, valdè rugosa, pallidè virentia, longa &  
modicè lata, in acumen desinentia pediculis priva, inferiora laciniata, præcipuè versùs basin quàm  
cauli adhærent, superiora potiùs dentata. *Flores* ad genicula in verticillos dispositi, galeati quodam-  
modo, parvi, albi, breves, in quatuor segmenta obtusiora divisi, intus purpureis notulis picti è calice  
brevi in quatuor aut quinque segmenta partito exeunt. Singuli calices vel immediatè adnascuntur  
cauli, vel suis quique pediculis. *Semina* exigua, quatuor in unoquoque calice.

In aquis & ad rivulos passim & copiosè oritur.

Locus.

2. *Marrubium palustre hirsutum tenuius laciniatum* C. B. *aquaticum alterum* Park.

C. B. prod.

*Folius* hirsutis, incanis & asperis. Scabiosæ montanæ calidarum regionum modo, ad costam me-  
diam in plures oblongas, angustas, acuminatas & crenatas-laciniâs divisis à præcedente differt.

In pratis & humidis fossis juxta sylvulam antri Frontignanensis viâ Miravallis plurimum oritur. Locus.  
Botan. Monsp.

## CAP. IV.

## De Verbena.

**V**erbena, ἱερὸβόταν, Grammaticis quasi herbena, quia quamlibet herbam in sacris usitatam  
significat. Verbena, autore Plinio, quod ad Jovis mensam verrendam præparandamve ad  
sacrificium adhiberetur. Vide Plin. lib. 22. cap. 2. & lib. 25. cap. 9.

Hierobotarie five herba sacra dicitur, quia, autore Dioscoride, in lustrationibus suspensa alliga-  
tave felicem habeat usum. Adeò autem usitata erat hæc herba in sacris apud Ethnicos, ut ejus no-  
mine (ut diximus) uti solebant ad quamlibet herbam in sacris utilem significandam; ut unanimi-  
ter cum Servio testantur omnes Critici & Grammatici.

Plantam hanc ob notas genericas communes, nimirum folia in caulibus ex adverso bina & semi-  
na ad singulos flores quaterna, necnon flores monopetalos, Menthæ æmulos, ad verticillatas re-  
tulimus.

A congeneribus differt foliis rugosis, laciniatis & floribus in spicis longissimis angustis, nullis in-  
termistis foliis.

A 1. *Verbena vulgaris* J. B. *mas seu recta & vulgaris* Park. *communis cæruleo flore* C. B. *com-*  
*munis* Ger. *Dervain*.

f. B.

E *radice* minimo digito tenuiore, fibrosa & subamara plures emergunt *caules*, cubitales & altio-  
res, quadrati, solidi, brevi lanugine subhirsuti, & subinde purpurascens, ramosi. *Folia* in caulibus  
per intervalla ex adverso bina, brevi itidem & vix conspicua lanugine utrinque hirsuta, rugosa,  
profundè laciniata, divisurâ quodammodo foliorum Quercûs, infimis duabus incisuris profundiori-  
bus, colore saturatiore superius quàm inferius virescentia. Ex alis foliorum & in summitate caulis *flo-*  
*res* in longas spicas digesti, dilutè cærule [ex pallido purpurascens f. B.] exigui, quinquepar-  
titi ut in Verticillatis, è calice in ala folioli perexigui sessili exeunt. Singulis autem flosculis succe-  
dunt in calice quatuor *semina* longiuscula, simul juncta, ut in Verticillatis, quibus omnino accen-  
senda est hæc planta. Duo superiora flosculi cujusque segmenta galeæ vicem obtinent.

In areis & compitis. Æstate floret.

Locus.

Περσπετάν & ἱερὸβόταν Græcis dicitur.

\* 2. Ver-



\* 2. *Verbena supina* Clus. J. B. *supina sive femina* Park. *tenuifolia* C. B. *sacra* Ger.

*Clus.*

Quaterni aut quini sunt illi *cauliculi*, angulosi sive quadranguli, quales vulgaris *Verbena* habet, tenuiores tamen, *supini* & in terram procumbentes nodosi seu geniculati: ad singulos nodos nascuntur sub ramulis *folia*, colore quidem à vulgaris foliis non differentia, sed multò magis incisa & multifida: *Flores* in summis ramulis spicæ in modum congesti nascuntur, ut in vulgari, etiam ex cæruleo purpurascens, minores tamen: *Semen* illi æquale est, nec *Radix* dispar.

*Locus.*

Salmanticensi agro frequens est & quibusdam aliis Castellæ locis. Florebat isthic Julio & Augusto. Annua est planta, quæ semine producto perire solet, natalibus etiam locis.

*Vires.*

*Verbena* plurimas virtutes attribuunt Veteres; quas summam recenset Schroderus. Cephalica ac vulneraria est. *Ulus præcip.* in dolore aliisque affectibus capitis à frigidis humoribus, in affectibus oculorum & pectoris, tussi inveterata: in obstructionibus hepatis ac lienis, ictero, torminibus ventris, dysenteria; imprimis atterit & expellit calculum, libidinem coercet, febrem tertianam fugat, arthritidem mitigat, vulnera sanat, partum faciliat. Extrinsecus in cephalalgia, odontalgia, alopecia, melancholia; in oculorum lippitudine, imbecillitate, rubore; in angina, raucedine (collo circumplasmata; ) in tumore glandularum in faucibus [gargaris.] in dolore lienis (cum axungia porci) ac podagrico mitigando; in vulneribus adstringendis, ac putridis abstergendis; in procidentia ani, mariscis, &c.

Cum tot viribus polleat, quid mirum tanto eam olim in honore fuisse, ut *Herba sacra* dici meruerit. Ad lienis tumorem, & *Verbenæ* contusæ cum album. ovorum & farina hord. aut frumenti. F. Cataplasma, linteo raro involutum & applicatum supra tumorem attrahit quasi sanguinis tenuioris portionem: quidam addunt Betonicam. Est popolare remedium. *Cbesneau.*

*Verbena* capiti vel sub pulvinari imposita, vel fermento acerrimo & oleo Rosaceo in Emplastro subacta capitis dolorem à vino ortum levat. E Dol. L.I. C. 9. S. 16. D. *Soame.*

3. *Verbena nodiflora* J. B. C. B. *repens nodiflora* Park.

*C. B. prod.*

Ex radice tenui, fibris capillata *caulis* tenuis, quadratus, geniculatus, glaber, in terram reflexus & sesquipalmaris prodit; quem *folia* ad geniculum bina, adverso situ, ungue non multum longiora, per extremum crenata & acuminata, cingunt. Ex quolibet pænè geniculo & ramulus folis aliquot cinctus, & pedicellus nudus, duas trèsvè uncias longus, exurgit; hincque *capitulum* rotundum squamatum sustinet, unde *flosculi* *Verbenæ* vulgari similes exeunt, *semenque* parvum, ut in vulgari, succedit.

*Locus.*

Hanc Neapoli cum semine ab Imperato accepit C. Bauhinus.

\* 4. *Verbena Indica* Bontii.

*Bont.*

Similis est *Verbenæ* nostræ mari, spicæ tamen hic duriores & longiores sunt.

*Vires.*

Foliis hujus plantæ utuntur Indi, & nos quoque ab illis edocti ad ulcera tibiarum: nam egregie exsiccant, quod requiritur in omnibus ulceribus, quæ hic propter aeris calidam & humidam constitutionem difficulter admodum curantur. Succo expresso recenter, & cochlearis unius mensuram ægri ad colicos dolores, dysenteriam, choleram, & reliquos indiscriminatim intestinorum affectus, cum summo successu hauriunt: in Syncope quoque & animi deliquis cum aceto contusam pectori applicant.

\* 5. *Verbena Urticæ folio Canadensis*. Hort. Paris. & Hort. Lugd. Bat. Moris. prælud.

*Moris.*

Planta est bipedalis, aliquando altior: è regione ad caulium nodos quadratorum bina nascuntur *folia* mucronata, *Urticæ* majoris foliis haud absumilia, sed saturatiùs virentia: quoad *flores* & *semina* *Verbenæ* vulgari in omnibus accedit.

6. *Verbena Peruana* C. B. Park.

*Verbenæ* *supinæ* seu *femina* similis est, sed major, & per hyemem virens. Fortè eadem est *Verbenæ* *Indicæ* Bontii.

## CAP. V.

De Herbis verticillatis floribus in capitula squamosa congestis & primum de  
Dictamno Cretico.

**D**ictamnus nomen accepisse dicitur ἀπὸ τοῦ ἰκλῆναι à pariendo, eò quòd ut Dioscor. & Theophr. ἰκλῆναι ἐστὶ partus acceleret, cum non modo potum, sed appositum quoque partus defunctos ejiciat.

Foliis valdè tomentosis & incanis, atque capitulorum squamis majoribus à Majorana & Origano differt.

*Dictamnus Creticus* C.B. Park. *Dictam. Cretica seu vera* J. B. *Dictamnium Creticum* Ger.

J. B.

*Caulibus* est hirsutis, nonnihil purpurascens ex quorum geniculis adversi oriuntur rami, & ex his eodem ordine alii: *Foliorum* circumscriptione ferè circinata, interdum oblongior, uncialis, substantià canescente tomento undique obducta, odoris validi, saporis acris. *Capitula* ramulorum extremis incidentia, spicam mentiuntur longiusculam, è foliis Majoranæ majoribus, exterius purpurascens, squammatim incumbentibus compacta, quorum è sinu promuntur flores purpurascens, tubuli patuli formâ, prominentibus ex hiatu staminibus, calici insidentes striato.

Tenella est planta, frigoris impatiens & hyemes nostras agrè tolerans.

Observante J. Bauhino, nisi pangantur plantæ, rarè etiam diligenter asservatæ per hyemem durant. Satius igitur est ut furculis propagetur, qui in alterum annum florem producant.

Præstat omnia quæ sativum Pulegium, sed efficacius multò. Nam non potum modò sed & ap- *Vires.*  
positum ac suffitum partus mortuos ejicit. Aiunt & in Creta capras tela quibus ictæ sunt, hujus her-  
bæ pastu excutere. Porro purgandi vim habet illitus, aut cum polenta affricus. Imposita verò  
herba plantæ pedum reliquòque corpori impactos aculeos refigit extrahitque. Est & efficax ad lienis  
dolorem, siquidem ipsum imminuit. Radix gustu exalfacit, necnon & partum accelerat. Sed  
& succus cum vino potus contra venenatorum morsus auxilio est. \* Herba verò tanta vis est, ut  
ictu venenato savientes bestias & olfactu abigat, & contactu perimat. Caterùm expressus ex ea  
succus vulneribus ferro illatis, aut venenatis moribus instillatus præsentaneo est remedio, si præterea  
in potu assumatur. *Hæc Dioscorides.*

Hippocrates, referente Galeno, ad secundas remorantes inter præstantes quas novit medicinas ponit Dictamnium: & si propinetur ex vino ad molam expellendam. Autore Plinio menses ciet; partus mortuos vel tranversos ejicit. Nec potu tantum, sed & illitu, & suffitu valet. Aded ad hæc efficax est, ut ne in cubiculum quidem prægnantium inferatur. Quis hæc credat?

Thadæus Dunus, ut è J. Bauhino habeo, mulieri quam morituram omnes arbitrabantur ex foetu mortuo post alia medicamenta in balneo sedenti dedit pulveris foliorum Dictamni Cretici obolum ex aqua fontana: quibus peractis speravit ille, ut ait, rem ex voto successuram: Omnia enim ad imum ventrem vergere videbantur. Eâ nocte satis commodè habuit, sed non dormivit. Ante diluculum mortuum foetum feliciter expulit. Et facile quidem Dictamnium sumitur, cum alia quæ foetus mortuos expellunt vel nimis amara, vel foetentia, vel nimis acria, vel stomacho inimica sunt, & nocere possunt.

## CAP. VI.

De Amaraco seu Majorana & Origano.

**M**ajoranam nonnulli dictam volunt, quòd majori curâ, diligentiaque quàm ceteræ herbæ seratur colaturque.

Amaracum ab Amaraco puero Regio. Fabellam narrat Servius: Amaracus Cynaræ Cypri regis puer unguentarius fuit, qui casu lapsus dum ferret unguenta, fracto alabastro majorem ex confusione odorem creavit: unde optima unguenta Amaracina dicuntur. Hic postea cum nimio odore contabuisse, in herbam Sampsuchum mutatus est, quæ deinde ab ejus nomine cœpta est Amaracum appellari.

Non invenio notam ullam genericam & essentialem quâ Origanum dictum à Majorana differat, atque idcirco utrumque eodem capite complectar.

Origanum ἀπὸ τοῦ ἐν τοῖς ὄρεσι γέννησθαι, quòd montanis delectetur locis, autoribus Dioscoride & Theophrasto, dicitur. Herodianus dictum Origanum contendit ἐκ τοῦ ὀρεῖν videre & γαυοῦ clarificare, quòd visum clarificet & illustret, quod Jo. Bodæ non arridet, cum Origanum ex sententia

\* Hippocratis, oculis & dentibus potu exhibitum noceat. *\* Epidem. lib. 5.*  
Aliud Etymon excogitavit Theodosius Grammaticus, teste Phavorino, qui per ὀρεῖν seu simplex  
scribendum ait, atque à ὀρεῖ i. e. algeo, factum ὀρεῖον, additoque ὀ parvo ὀρεῖον, quasi frigus ali-  
quod, per Antiphrasin; calfacit enim. Verùm nec hoc probatur: primum magis placet.

Notæ



Notæ Majoranæ seu Origani sunt flores in capitula squamosa congesti in summis caulibus & ramulis, capitulis & squamis minoribus quàm in Dictamno; & folia minùs tomentosa & incana quàm in illo.

1. *Majorana vulgaris* C. B. *vulgaris æstiva* Park. *major* Ger. *majori folio*, ex semine nata J. B. Sweet *Harjoam*.

J. B.

Fruticulus est palmaris aut etiam dodrantem altus, alis creberrimis concavus, iisque lignosis, plerumque quadratis, subhirsutis & tantillum rubentibus. *Folia* ex adverso posita sunt, Origani vulgaris formâ, sed longè minora, incanâ lanugine obducta, odore fragranti, sapore acriusculo & subamaro, aromatico & grato. Circa caulis ramorumque fastigium ex foliorum alis, adeoque in ramulorum extremis imbricatæ *spicæ* oriuntur, quarum hirsuta, squammatim compacta folia è sinu promunt *flosculos* pusillos, albicantes, hiulcos, labello quadrifido demisso, cui folium surrectum imminet, bifidum è rictu stylum albidum proferentes. *Semen* quale Origani vulgaris, minutum, rotundum, rufum.

Locum.

Semine provenit à Gallia Narbonensi vel Provinciâ allato.

2. *Majorana tenuifolia* C. B. Park. Ger. *tenuior* & *lignosior* J. B.

Hæc Majorana Nobilis & Gentilis nonnullis dicitur, quæ à vulgari seu majore non videtur specie differre: siquidem C. Bauhinus hanc apud nos in Majoranam vulgarem degenerare affirmat: & Jo. Bauhinus inter hanc & præcedentem non aliam differentiam ponit, quam quòd illa semine provenit, hæc furculis plantatur, inde enim furculosior robustiorque fit, foliaque ejus (ni ille fallatur) minora & candidiora redduntur. Parkinsonus inter hanc & Majoranam odoratam perennem distinguit; quam nonnullos pro Majorana vulgari æstiva habere, transplantatione robustiore & hyemis tolerantiore facta affirmat. J. Bauhinus aliam habet *Majoranæ* speciem, quam *Creticam odoratissimam* vocat, quibusdam *Marum dictam*, similem Majoranæ vulgari, nisi quòd *folia* minora, candidiora, odoris & saporis vegetioris, pertinacis, nec nisi longo tempore exolescentis obtineat, per ramos tenuiores quadratos nullo digesta ordine; *capitula* hirsutiora, & candidiora quàm vulgaris. Hæc fortè Lobelii *Majorana* est seu *Amaracus alia tenuior, gentilis & minuta plebeculæ*: & in ico. Plant. *Majorana tenuifolia delicatior*. Quamvis, ut verum fatear, neque hæc à Majorana vulgari mihi specie differre videtur.

Vires.

Partium est tenuium, digerit & attenuat. Auxiliatur cerebri & capitis frigidis morbis quovis modo assumpta. Pulvis herbarum siccarum naribus inflatus sternutamenta ciet, & pituitam evocat, cerebrumque corroborat; sed & idem præstat foliorum succus naribus infusus. Valet & ad pectoris vitia, stomacho præterea utilis est, ac jecinorosos & lienosos juvat quovis modo assumpta: sed & ad uteri flatus, ac ceteros ejusdem frigidos morbos confert. Urinas & aquosos humores in potu sumpta ducit: dentium dolores lenit commansa aut apposita. Admiscetur Antidotis. J. B. *Dodonæo & aliis*.

Oleum ejus calfacit & corroborat nervos.

Nicolaus Chesneau Massiliensis M.D. sequens Errhinum à se sæpius expertum in Cephalalgia commendat.

Radic. Hellebori albi 3ß, fol. Samp. p. ii. decoq. in aq. 3vj. ad consumptionem tertiæ partis, ore aquâ pleno utere, naribus attrahendo, ex decocto parum calido, in vola manus posita in dolore atroci; levem enim exasperat.

Aqua Majoranæ catarrho confert, si loco errhini, ore prius simplici aqua vel vino repleto, volæ seu cavæ manui infusa, compressa alterutra nare alterâ exhaustiatur, radice naris aut osse ethmoide tenus. Secus si faxis non ad dictum locum sed fauces aut narium foramina hoc errhinon retrahitur. Hoc errhino pater meus summa sua laude usus est in Principe Walensteinio ad coryzam. Simon Paulus.

Balsamo Majoranæ si pinna narium & *ustulæ* inungantur, mirum dictu quantum in catarrho aut potius coryza is valeat; quo etiam nucha temporaque cum in modo dicto affectu, tum in aliis frigidis capitis affectibus inungi solent. Idem. Has tres observationes amicissimo Viro D. Eduardo Hulse Medico Londinensi debeo.

3. *Majorana Syriaca vel Cretica* C. B. *Marum Creticum* Alpini exot. *Marum Syriacum* Ad. Lob. Ger. *Syriacum vel Creticum* Park.

Alp.

Surculosa est, crescitque palmi altitudine, foliolis parvis, minutis, candicantibus, sapore acutis, maximè odoratis, fertque à radice lignosa, gracili, parva, *surculos* plures, rectos, rotundos, tenues, lignosos, qui ab radice usque in summitates ferunt de opposito ex intervallis binos ramulos, foliis binis utrinque ex opposita densè vestitos: in cacumine verò *flosculi* purpurei Origani Heracleotici modo, admodum odorati.

Adversariorum autores sic describunt:

Gratissimo & vegeto est odore; facie tota Majoranam præfert aut Origanum, sed gracilioribus, non brevioribus, pedalis & sesquipedalibus viticulis, corymbaceoque aspectu elegantioribus, delicatioribus capitulis, etiam decimum ferè annum, ex quo Venetiæ Alepo Syriæ habuimus odoris fragrantiam retinentibus.

Varietas.

Majoranæ speciem habemus, passim in hortis cultam cujus capitula squamata quadrangula oblonga hujus plantæ iconi bene respondent, verum flosculi ejus albi sunt non purpurei. Radix plures annos durat, superficies quotannis emoritur. Pluribus virgulis exoritur semipedalibus circiter.

Folia



Folia figurâ suâ & magnitudine ad Majoranæ æstivæ accedunt, verum minus lanuginosa & mollia sunt, nec odore perinde fragranti, grato tamen.

- A. 4. *Origanum vulgare spontaneum* J. B. *Anglicum* Ger. *sylvestre*, *Cunila bubula* Plinii C. B. *Majorana sylvestris* Park. *Wild Marjoram*.

¶ J. B.

*Origanum vulgare* radices, tenues illæ quidem & lignosæ, obliquè aguntur, frequentibus capillamentis fibratæ, sic ut ramulorum pars infima horum ope denuò radicetur. Surgunt autem complures caules cubitum unum aut duos alti, duri, quadrati, hirsuti, ad quorum nodos adversa oriuntur folia. Calaminthæ arvensis [aut Clinopodii vulg.] hirsuta, & ex horum alis minora alia, Majoranæ foliorum æmula: sapor autem tum his, tum illis acer, aromaticus; odor suavis. *Flosculi* tanquam in umbella, foliolis rubescentibus obvallati emicant, colore carneo aut candido, pusilli, unum foliolum bifidum sursum reflectentes, infimum majus trifidum, ceu labellum, demittentes, staminibus in medio flori concoloribus. Semen minutissimum, Majoranæ semini simile.

Hujus capitula singularia squamosa ex pluribus foliolorum conjugationibus squamatim ob proximitatem incumbentibus componuntur: è singulorum autem sinibus singuli flores exeunt. Foliola hæc figurâ suâ & lævitate à reliquis quæ in caulibus sunt differunt, situ, nisi quod proxime admota sunt, conveniunt.

In dumetis & ad sepes non infrequens est.

Pro hujus varietate accidentali habeo *Origanum album* Tab. & Ger.

Locus.

Aperit, adstergit, abstringit. At quomodo hæc conveniunt? Usus præcip. in obstructione pulmonum, hepatis ac uteri, & hinc in tussi, asthma, ictero. Auget lac, ichorosa excrementa per sudorem expellit (ante balneum assumptum) extrinsecus usu venit crebriore, eoque in balneis uterinis, cephalicis, totius corporis (contra scabiem.) Nos plantam hanc, ut & omnes *Origana* dictas pro *Majoranæ* speciebus habemus; proinde & eadem illis vires convenire verisimile est.

Vires.

- \* 5. *Origanum sylvestre humile* C. B.

C. B. prod.

Ex radice lignosa rufescente, fibrosa cauliculus communiter unus rotundus, rufus & asper, uncium sex vel septem, exurgit; qui in summo in ramulos plures dividitur, hique flores umbellæ formæ ex cæruleo purpureoque mixtos sustinent. Folia habet parva, oblonga, hirsuta, compacta & inordinatè disposita, potissimum cauliculi partem summam ambientia, vulgaris *Origanum* odore.

Hoc circa Aureliam Gallorum copiosè reperitur.

Locus.

6. *Majorana major Anglica* Ger. *latifolia*, sive *major Anglica* Park. *Origanum Heracleoticum* Ruellii, sive *Majorana major* J. B. *Origanum Onites* C. B. item *Majorana sylv. perennis* ejusdem, ex sententia fratris, cui & nos libenter suffragamur. *Pot. Marjoram*.

¶ J. B.

*Majorana* alii, alii *Origanum* accensent plantam quadratis, hirsutis, subrubentibus, cubitalibus, ramosis caulibus fruticantem, cujus folia *Majorana* foliis majora, *Origanum vulgare* ferè paria, cinerea, hirsuta, venosa. Extremi ramuli in spicas duorum versuum squamatas, femunciam aut unciam longas abeunt, è quarum imbricatis foliolis flosculi emicant.

Hujus varietas est

*Majorana latifolia aurea* Park.

Quæ verno præcipuè tempore cum adhuc nova est, foliis vel in totum flavis aureisve, vel partim flavis, partim viridibus idque magis minusve, prout naturæ ludere videtur, apparet, nec alia in re à præcedente differt.

Pro olere usurpatur, unde à nostratibus *Pot. Marjoram*, i. e. *Majorana oleracea* dicitur.

7. *Origanum Heracleoticum* Ger. *Heracleoticum verius* Park. *Heracleoticum*, *Cunila gallinacea* Plinii C. B. *Heracleoticum Matthioli*, aliis fortè *Creticum* J. B.

¶ J. B.

Hoc nomine mihi visum & collectum *Origanum*, cubitali caule, quadrato, hirsuto, vulgaris instar *Origanum*: Folia ex geniculis minora, modicè hirsuta, odore & sapore acriore: Flores albi aut subpurpurei in squammatis capitulis, minimè spicatis, & in umbellæ ferè modum sparsis.

His ultimis verbis penè contraria tradit Lobelius in hujus plantæ descriptione, inquiens, in summis hujus virgultis non in umbellam circinatam collecti sunt flores, sed in parvis thyrsis spicatis, ternis hinc inde dissipatis.

Planta quam describit J. Bauhinus ea esse videtur quam in hortis nostris alimus *Majorana hortensis* odoratæ perennis capitulis non spicatis, nomine, nisi quod major sit & hirsutior.

\* 8. Ori.



- \* 8. *Origanum Creticum* J. B. *Origanum Onites* C. B. & Matth. *Orig. Onites Matthioli* Park. *Orig. Sylvestre Syriacum* Lob. *An Origanum sylv. sive vulgare* Park? *Orig. Creticum* Ger?

J. B.

Pertinacissimè odoris gratiam habet: adferuntur autem potissimùm cymæ, Majoranæ similes spicis, aliæ breves, longæ aliæ, quadruplici serie squammarum striatarum densè compactarum imbricatæ, sapore acerrimo, odore aromatico, jucundo. *Folia* rariùs adferuntur, quæ mihi aliquando videre contigit, minora quàm vulgaris Majorana, minimèque rotunda.

Magna est apud Botanicos confusio de speciebus Origani. C. Bauhinus *Origanum Syriacum sylvestre* Lob. ab *Origano Onite* Matth. distinguit: J. Bauhinus hoc illi idem facit.

Huic fortè eadem est quam Hyssopum Græcorum *Pr. Alpinus* in *Exot. vocat* & describit.

Alp.

Cubitali magnitudine, Origano Oniti quàm similem & foliis & umbellis Corymborum modo junctis; quæ ab Origano odore suaviori & validiori distinguitur. Multis surculis ab una radice, vel ab unico caule exeuntibus fruticat, non ex toto rectis, sed obliquè actis, *foliis* Origani Heracleotici, sed candidioribus & odoratoribus; & in caulium cacuminibus umbellæ corymborum modo in rotæ speciem cernuntur, *stipulis* albis, quales in Origano onite apparent, à quibus *semen* minutum, nigrescens fit. Tota planta est eximie odorata, & gustui cum valida acrimonia acceptissima, totaque albicat cum levi lanugine. Ineunte hyeme ferè ex toto faciem mutare videtur. Nam ab una radice plures cauliculi assurgunt, sursum obliquè luxuriantes, foliis Pulegii, caulem ab imo ad summum usque densius convescentibus, caulibus rotundis, leviter lanuginosis albicantibus, invalidioris odoris.

- \* 9. *Origanum Monspeliense pulchrum* Camerarii J. B. *Origanum folio subrotundo* C. B. *Orig. onites Gallo-provinciæ minus* Ad.

J. B.

Simillimum est Oniti à Matthiolo depicto, sed non idem. Ab Origano vulgari non multùm differt, nisi quòd multas habeat pulchras & oblongas quasi *spicas* purpureas: *caulis* etiam totus purpurascit. *Semen* gignit rufum, pusillum ut reliqua Origani genera.

Locus.

Crescit in Gallia propè Monspelium. Circa pontem Castri novi, & alibi in satorum & vinearum marginibus oritur. *Botan. Monsp.*

- \* 10. *Origanum spicatum montis Sipyli, foliis glabris*, Wheeleri.

*Radices* nigrae, fibrosæ, & (ut Autori nostro videtur) reptantes, plures emittunt *cauliculos*, teretes, hirsutos, *foliis* binis conjugatim nascentibus, ut in omnibus hujus generis, obitos, initio nonnihil lanuginosis, nervosis nervis obscuris & tactu vix percipiendis, ad exortum subrotundis, extremo acuminatis, myrti minoris foliorum figura. *Caules* sesquipedalem aut bipedalem altitudinem assequuntur, superiore parte glabri, ut & folia. E foliorum superiorum sinubus exeunt ramuli adversi, prætenues in *capitulum* squamosum Lupuli fructui simile, interdum ad uncialem propè longitudinem accedens, dilutè purpurascens desinentes, è cujus squamis *flores* parvi, purpurei exeunt: compressi odorem Stæchados Arab. imbecillem spirantes.

- \* 11. *Origanum Smyrnum* Wheeleri.

Planta est perennis, plures virgas, lignosas, longas, ad intervalla ramulos emittentes surrigens. *Folia* quàm Majoranæ Creticæ minora, minùs incana, nec adeò rotunda, sed potiùs oblonga, acuminata, nervosa, & aliquantulum lanuginosa: Summos caules & ramulos terminant capitula squamosa. Odorem suavem & fragrantem expirat.

Locus.

Smyrnæ in monte cui Arx inædificatur copiosè provenit.

## C A P. VII.

*De Plantis Verticillatis Verticillis in spicas dispositis.*

*De Ocimo.*

**O**cimum à Græco *ὄσιον* seu *ὄσιον* nomen accepisse scribit Varro, quod citò proveniat. Theophrastus testatur tertio à satione die provenire, *lib. 7. cap. 1.* Doctiores tamen Botanici (inquit Jo. Bodæus à Stapel) hoc etymon Ocymo pabulo convenire scribunt: Hortensè verò *ὄσιον* redolere, odoratum esse derivant. Est enim herbula eximie odorata, quæ & cerebrum odore suo ferit, & sternutamenta excitat. Significantius quoque *ὄσιον* per *γ* scribendum existimant.

Differt (inquit idem) Ocimum ab Ocimo. Ocimum pabuli genus est. Plin. l. 17. c. 24. *Ocimum quod in vinea feri jubent, Antiqui appellabant pabulum, umbræ patiens, quòd celeriter proveniat.*

Oci-



Ocimum autem planta odorata. Ocimum pabulum Veteres per  $\omega$  scribunt  $\omega\chi\mu\omega\nu$ , herbam per  $\omega$   $\omega\chi\mu\omega\nu$ . Verum hoc non perpetuum & constans est apud ipsos.

Basilicum Recentioribus dicta est hæc herba ob dignitatem suam, quod ob insignem & fragrantem odorem Regia domo, & Regiis manibus gestari dignum sit.

Basilici notæ sunt Folia Amaraci, odor suavis Citri vel Caryophylli, flores in spicas laxas è verticillis rarioribus compositas digesti.

1. *Ocimum magnum* J. B. Ger. *caryophyllatum majus* C. B. *caryophyllatum maximum* Park.

*f. B.*

Duplo triplòve majus huic *folium* quàm vulgari, oblongum, raris crenis serratum, pallido virore præditum, aut rubrum (duplex enim habetur hujus generis *Ocimum album* & rubrum) odore suavi Citri vel Caryophylli. *Flores* spicati, albi vel rubri.

Plantam hanc speciosam caulibus cubitalibus, foliis Amaranti aut Mercurialis, majoribus frequentem observavimus in Italia in cœnaculis & ædium fenestris, inque Adonidis hortis, in vasis figulinis fatam & cultam; ut rectè scribit Matthiolus. Loci.

*Ocimum* in viridariis *Ægypti Alp.* quod excrescere scribit ad altitudinem trium & plus cubitorum, foliis nostratis longioribus, tenuioribus, colore rubro suffusis, odoremque eximium spirantibus C. Bauhinus à præcedente separat, & *Ocimum caryophyllatum maximum* appellat; an rectè considerandum.

2. *Ocimum vulgatius* C. B. *medium vulgatius & nigrum* J. B. *vulgare majus* Park. *medium citratum* Ger. *Common Basil.*

*f. B.*

Dodrantis est planta, pluribus ramis stipata, quadratis, nonnihil rubentibus, subhirsutis. *Folia* Parietariæ, minora, glabra, aliàs per ambitum incisa, aliàs minimè, odore fragranti, sapore nullo excellenti. *Flores* verticillati, in spicam longiusculam digesti, suaveolentes, colore albo purpurascènte, labello longiusculo, angusto, cui ex adverso respondet sursum vergens in quatuor lacinias divisum folium, prominentibus è rictu *staminulis* albidis cum *stilo* purpureo: *Semen* pusillum, nigricans. *Radix* lignosa, nigra, fibrata.

Ab hoc *Ocimo medio vulgatiore* specie distinctum facit C. Bauhinus *Ocimum Citri odore*, i. e. *Ocimum medium citratum* *Ad. Lob.* quod cum nullatenus distet (ut scribit Lobelius) præterquam odore gratiore & cordi amabiliore, corticem Citri mali redolente, præter rationem id facere videtur.

Nec major ratio est, cur *Ocimum Anisi odore* seu *Anisatum Eyst.* ab *Ocimo medio vulgari* separaret: quod & Parkinsonus eum secutus facit.

Vires hujus plantæ sic breviter perstringit Schroderus. Calf. & humect. digerit & resolvit; expurgat pulmones, menses movet, ideòque usurpari poterit usu interno & externo. Vires

Hollerius lib. 1. de morb. intern. cap. 1. observat scorpionem natum fuisse in cerebro cujusdam Itali ex frequenti odoratu Basilici seu Ocimi. Camerarius etiam sapissimè Venetiis observavit scorpiones sub fœtilibus in quibus Basilicum colitur libenter stabulari. Et D. Raymondus Anglus in *Mercurio suo Italico* asserit sibi experièntiâ compertum herbam hanc humido in loco sub lapide repositam intra biduum Scorpionem producere: quod interim dum Senis commorabatur rarum & memorabile imprimis accidens confirmabat. Generosus quidam Senensis odore Basilici vehementer captus & delectatus, herbæ exiccatae pulverem naribus frequenter attrahere solebat: verum brevi phreneticus moriebatur craniòque ejus à chirurgis aperto, scorpionum nidus in cerebro reperi- tus est.

Nos cum præstantissimis hujus ævi Philosophis generationem æquivocam aut spontaneam in animalibus dari nequiquam concedimus, adeòque neque Basilicum ex se scorpionem producere; interrim tamen non negamus bestiolas illas herbæ odore delectatas ad eum libenter arripere, aut sub illa stabulari, forte etiam eâ vesci, inque foliis aut gemmis ejus ova ponere, unde accidere potuit Generosum prædictum unà cum pulvere foliorum Scorpionum ova naribus attraxisse, quæ capitis calore fota ibidem scorpiones excluderent.

3. *Ocimum minimum* J. B. C. B. *vulgare minus* Park. *minus Caryophyllatum* Ger. *Bush Basil.*

*f. B.*

Palmaris aut paulò major est planta, ramulis creberrimis lignescens densè fruticans: per quos *folia* Serpylli aut Majoranæ foliis paria, ex oblongo rotunda, viridantia aut rubra, sapore vegetissimo & suavissimo Caryophyllorum: *flosculi* exigui verticillatim per ramorum scapos disponuntur. *Radix* fibrosa.

Hoc genus tenerius est multò quàm vulgare; nec semen apud nos facilè ad maturitatem perducit.



- \* 4. *Ocimum Indicum* Ger. Park. *latifolium maculatum vel crispum* C. B. *Sanctomauritanum, latum, crispum, maximum* J. B.

*J. B.*

Ad cubitalem altitudinem crescit, quadratis *caulibus*, raris pilis vestitis, quos aduersi rami diuidunt: *Folia* ex longis pediculis ad articulos circinata circumscriptione, ampla, crispa, fimbriata, atro-virentia aut rubro admisto maculosa, fragrantis odoris: *Flores* Ocimo vulgari similes, verticillati, in spicam digesti, qui ex candido rubescunt: *Semen* paulò majus, nigrum, ex rotunditate oblongum, foliaceis capitulis inclusum.

*Locus.*

*Varietates  
duae.*

Ex India in Hispaniam primò, inde in Italiam, Germaniam, &c. hujus semen transmissum est. *Ocimum crispum* Park. i. e. foliis fimbriatis viridibus C. B. *crispum viride* Eysf. Item *Ocimum viride* foliis bullatis C. B. *Indicum viride* majus foliis protuberantibus Eysf. nihil aliud esse videntur quam species quadam degeneres seu varietates accidentales Ocimi Indici jam descripti è semine ortæ, ut & Parkinsonus opinatur.

- \* 5. *Ocimum minus angustifolium foliis serratis* C. B. *minus angustifolium* Park.

Præcedentibus Ocimis minus ramosus est, quin potiùs cauliculis paucioribus & ramulis rarioribus Acinon seu Clinopodium imitatur. *Folia* habet parva, angusta, circa margines parùm dentata, bina semper ad nodos opposita, rariora & in ramulis magis sparsa, seu ab invicem remotiora. *Flores* summos ramulos occupant, ad Ocimi accedentes, verùm tantillo magis reflexi, colore albo. Odor remissior est & languidior quam in reliquis Ocimis.

## C A P. VIII.

### De Hormino.

**H**Orminum dictum videtur ἀπὸ τοῦ ὀρμῆν, quòd ὁρμῆν τὸν ὀρμῆν μαγνῆν, ad Venerem stimulet, ut Dioscorides loquitur.

Notæ ejus characteristicae sunt flores in spicis longis & laxis seu ex verticillis longiùs à se invicem remotis compositis; folia rugosa, odor satis vehemens, minùs tamen gratus quam Ocimi.

Spicatas in hoc genere vocamus plantas in quibus folia è quorum sinibus florum verticilli exeunt diversæ figuræ sunt ab inferioribus in caule & ad radicem quantumvis verticilli in iis aliquanto remotiores sint à se invicem & spicam laxam & velut interruptam efficiant, ut in hoc genere. Reliquas in quibus folia verticillis subjecta ejusdem formæ & constitutionis sunt cum reliquis in caule & ad radicem pro non spicatis habemus, quamvis in illis non raro verticilli in summis caulibus & ramulis proximè admoti & densè stipati spicas simulent. Has tamen non rarò cum vulgo Spicatas appellamus.

1. *Horminum sativum* C. B. *sativum genuinum* Dioscoridis Park. *sylv. foliis purpureis* Ger. *comæ purpureo-violaceæ* J. B. Dioscorides *hys* Clarp.

*J. B.*

Multam habet cum Salvia similitudinem. *Caulis* subrubentes, multis alis concavi, quadrati, multà lanugine hirsuti, pedales & majores: ad quorum genicula *folia* Salviæ, non ita retorrida & squalida, sed affatim hirsuta, odore nullo eccellente, sapore amaricante. At verò foliorum quæ in extremis sunt ramulis densior est phalanx, quorum summa purpureo-violacea faciem ad hujus plantæ cognitionem viam monstrant. *Flores* ex foliorum alis exeunt, sex unà, Salviæ minores, partim purpurei & albicantes, ex caliculis verticillatis Marrubio similibus, foliaceis, hirsutis & striatis, sursum vergentibus dum flores gestant, deorsum nutantibus semine onustis. *Radix* lignosa & fibrosa. *Herba* est annua.

*Locus.*

Copiosè crescere dicit Camerarius in agro Senensi, sed copiosius in Apulia, Illyrico & in Lesena insula atque universa Græcia. Nos in exteris regionibus in illud nunquam incidimus.

2. *Horminum comæ rubræ* J. B.

*J. B.*

Similis est præcedenti, *caulibus* suis quadrangulis, hirsutis: foliis prioribus ex longis pediculis Salviæ accedentibus, itémque per caules verticillis. *Ast floribus* differt minoribus, summitatibusque caulium rubris, ac odore nullo insigni.

*Locus.*

Planta hæc ex semine Londino accepto mihi succrevit Cantabrigiæ; eandémque multis post annis è semine ortam, comæ tamen minimè rubræ, pro diversâ specie descripti his verbis.

*Folia* ima quæ è radice exeunt figurâ & magnitudine sua ad Salviæ folia accedunt, nisi quòd obtusiora sint, pediculis itidem longis nituntur, per margines crenata, hirsuta, rugosa. *Caulis* ab eadem radice plures exeunt, pedales aut cubitales, quadrati, hirsuti, imâ parte ramosi, *foliis* cincti parvis, triangulis, absque pediculis caulibus adnatis, iis quæ in Hormino sativo florum verticillis subsunt



subfunt fimilibus. Hæc enim pariter florum verticillos ceu vascula quædam excipiunt & sustentant. Verticilli autem florum longis intervallis distant, singuli sex flosculis compositi parvis, galeatis, rubentibus, è calicibus oblongis, striatis, quinquepartitis, qui floribus delapsis deorsum reflectuntur, & in ventrem per maturitatem turgescunt, minimè hiantes. Ad latus uniuscujusque folii triangularis ligula angusta, longa flori subest, ut folia triangularia cum ligulis appositis tot sint quot flores. Semina colore & figurâ Sclaræ seminibus similia, verum multò minora.

Descriptio Hormini minoris supini Cretici *Clus.* in omnibus fere cum nostra convenit, ut eandem suspicer esse plantam: color duntaxat floris differt.

3. *Horminum Sclaræ dictum C. B. Sativum vulgare, sive Sclaræ Park. Gallitrichum sativum J. B. Gallitrichum sive Horminum. Ger. Common garden Clarp.*

Caule surgit cubitali & altiore, minimi ferè digiti crassitudine, quadrato, rigido, hirsuto, medullâ albâ facto, in oppositos conjugatim ramos ex intervallis fisso: quâ etiam serie & rami in alios minores deinceps abeunt. Folia ampla, hirsuta, canescentia, admodum rugosa aut scabra, pingua, è lata basi in mucronem obtusiorē sensim desinentia, ad margines quodammodo dentata aut crenata, longis pediculis nixa, præsertim inferiora & quæ è terra exeunt, in caulibus sita ex adverso bina. Flores in summis caulibus & ramulis in spicas longas & laxas, è multis verticillis compositas digesti, cucullati, hiantes, cucullâ prælongâ arcuatâ, quæ stylum tenuem incurvum nonnihil extantem in summo bifidum & bina stamina cum suis apicibus oblongis occultat, dilutè cærulei, è striatis calicibus, tactu glutinosi, hiantibus, in quinque spinulas divisi, quarum tres sursum spectant supra flosculum, duæ infra eum sitæ. Ad singulos verticillos cauli apponitur hinc inde folium, figuræ & texturæ multum diversæ, ab inferioribus in caule & à radice exeuntibus: sunt enim hæc parva, concava, lata basi absque pediculo cauli immediatè adnexa, in acutum apicem exeuntia, minus rugosa & tenuiora iis quæ in caule sunt, colore purpurascēte. Radix subest simplex, lignosa, plurimis fibris capillata, coloris obscurioris, non ingrati saporis, postmodum palatum & fauces calefacientis. Semen majusculum, lubrico lavore perpolitum, alterâ facie gibbosa, alterâ angulosa, coloris rufescentis. Odor totius plantæ vehemens & gravis, Sapor amarus.

Seritur in hortis & viridariis: translatur recens aut satum primo anno caulem non fert, & secundo à satione maturato semine interit, Juno & Julio florens. Locus & Tempus.

Vinum Gallitricho imposito si efferbuerit apprimè stomachi frigiditati convenit, nam phlegmata incidit & consumit: idem potum frigidis & infecundis & albis mensibus laborantibus mulieribus subvenit. Sunt qui Gallitrichon capiti, ob odorem quem habet gravissimum noxium esse dicunt. Vires & Usus.

*Trag.* qui hac occasione in vina sulphurata declamitat.

Semen (inquit Lobelius) *Kapnagiaz* capitique gravitatem inducit odore, quem etiam universa spirat planta, non tamen ingrato: eoque magni usus quibusdam Septentrionalium ad Zythi Bieræque confectioem. Lupuli namque vel penuriâ, vel vegetioris potionis faciendæ causâ cortinis ferventibus addunt, sitque temetum, quo non multis poculis depletis temulenti fiunt, hilaritate prope modum insana.

Scribit C. Hofmannus non cerevisiam tantum sed & vinum ab imposito hujus herbæ planè Muschatellinum mentiri & facillimè decipere incautos.

Herba in pulverem redacta & naribus indita sternutamenta provocat, catarrhum tollit, & cerebrum purgat. In aqua decocta in desessionibus mulierum utilis est ad trahendos menses & alia id genus, non aliter atque Dictamnium. Ad menses movendos & secundas ejiciendas quovis modo sumptam valere scribit Dodonæus.

Nostrates folia ovis conquassatis cum flore lactis & pauca farina perfusa, & in sartagine frixa pro placentis mensis secundis inferre solent, & ad lumborum imbecillitatem commendant. Sunt certè ferculum palato satis gratum, quod ad renes corroborandos & Venerem stimulantem valere creditur.

Folia aceto imposita panos per se, vel cum melle discutere dixit Matthiolus: item furunculos antequam acuminentur. Eadem præstat & mucilago seminis: quæ & in affectibus oculorum creditur appropriata esse.

Schwenckfeldius Sclaræam mederi Epilepsiæ & suffocationi matricis: & Crato inter alia sua commendat in suffocationibus uteri & similibus affectibus unguentum ex Sclaræa cum butyro coctum, cui adjicitur aliquid Tacamahacæ, umbilico imponendum.

Semen oculis indurum utile esse traditur, ad excutiendam eorum caliginem, & educenda corpuscula quæ in illos inciderunt. Quippe multa revolutione circa bulbum oculi circumductum, tandem humore prægnans & sordibus onustum elabitur.

4. *Ethiopsis Ger. multis J. B. Eth. foliis sinuosis C. B. item Eth. foliis in profundas laciniis divisis ejusdem. Sclaræa Ethiopica, sive Ethiopsis laciniatis & non laciniatis foliis Park. Ethiopian Clarp.*

*J. B.*

Folia per terram primò spargit palmo latiora, haud multò longiora, tenerâ lanugine, ceu carptâ, supra infraque ubertim obducta, alioqui Sclaræ sativæ non multum dissimilia, sinuosa, quædam etiam laciniata, [aliâ integra & ad margines æqualia.] Inter hæc caulem profert foliis confimilibus, sæpe minoribus stipatum, quadratum, pariter villosum, multis alis concavum: in quibus ad nodos flores verticillati, duorum foliorum acuminatorum complexu Hormini modo obvallati, candore niveo, uno folio cuculli instar surrecto, compresso, apices luteos, stylumque argenteum è sinu proferente, labro Corulæ instar concavo, è calice oblongo, quinquepartito, quem circumquaque tam densa obtegit lanugo ut vix conspici possit: odore est foetido Lamii vel Galeopsis: Radix fibrosa; Semina



mina in singulis vasculis [quatuor, non duo tantum, ut C. Bauhinus eumque secutus Parkinsonus prodiderunt] Hormini feminibus similia, fusca, triangula.

Locus.

Copiose provenit in Græcia & Illyria, unde ad nos primum delata.

Hujus duæ habentur seu species, seu varietates, altera foliis integris & ad margines æqualibus, altera foliis laciniatis.

Querendum an Marum Ægyptiacum Alpini sit diversum ab Æthiopide foliis non laciniatis: obstat odor Mari suavis, statura brevior, nimirum cubitalis, ne idem credatur.

5. *Horminum majus amplo flore violaceo, lobis florum punctis aureis notatis* Morison.

Morif.

Folia profert hirsutiora cæteris suæ fortis, excepto solo Æthiopico, ad basin angulosa, inter quæ exeunt caules bipedales, aliquando tripedales, quadrati, quos ad genicula amplectuntur bina folia dodrantalia, auriculata. In summis caulibus verticillatim proveniunt flores ampli, violacei, lobis lateralibus punctis aureis aut purpureis notatis: quibus succedunt in capsulis magnis semina crassa nigra, majora cæterorum omnium Horminorum feminibus. Punctis florum aureis purpureisve & femine majore à sequenti distinguitur cum quo majorem habet affinitatem.

6. *Horminum Lapatii unctuosi folio, seu majus hastato folio* Morisoni.

Morif.

Hoc folia habet hirsuta, angulosa aut auriculata ad basin ut superius: In mucronem autem desinunt hastæ instar cuspidis; quin & formâ Lapatii unctuosi folia repræsentant. Flores fert magnos, omnino violaceos: semina in omnibus prioris feminibus minora.

Locus.

In horto Edvardi Morgani Westmonasterii vidimus, item Chelseia apud D. Wates.

7. *Gallitricum exoticum flore magno albo* J.B. *Horminum Syriacum* C.B. Park. *Bisermas* Cam. Aman quibusdam.

Sclaream sativam tota facie egregiè refert, caulibus quadratis, pilosis, nonnihil tactu asperis, in frequentes alas adverso situ conjugatim positas divisas. Folia Sclareæ nostratis, infima priora parva, oblonga; sequuntur deinde ampla, rugosa, & hirsuta, odore suavi Ocymi, posita Sclareæ, qualis etiam est situs florum in spicis longiusculis per intervalla verticillatorum, quibus bina semper subiecta similiter folia acuminata & concava, coitu labrum efficientia. Cæterum flores ex longis, striatis, lanuginosis calicibus emicant suaveolentes Sclareæ, sed colore lacteo, labello punctulis paucis introrsum guttato, prominentibus sub galea staminibus incurvis, uno coccineo, reliquis duobus argenteis, ochreos apices sustinentibus. Semen simile Gallitrici sativo, sed paulò majus, una parte gibbosum, altera ferè triangulare, coloris vari ex nigricantibus & rubentibus maculis oblongis.

8. *Horminum pratense foliis serratis* C. B. *sylvestre vulgare* Park. *Gallitricum sylvestre vulgare* sive *sylvestris Sclareæ flore purpureo cæruleove magno* J. B. *Horminum sylv. Fuchsi* Ger.

J. B.

Hanc plantam videre est interdum duos cubitos adæquantem, caule quadrato & hirsuto, inani, in alas diviso: Folia quàm Hormino sativo veriori majora, squalida & veluti siderata, quædam nonnihil sinuata & serrata, potissimum prima, quæ breviora, ex longioribus pediculis: alia ad Salviæ magis accedentia, odore gravi, sapore aliquantulum aromatico. Flores in longa spica gestat cæruleos & purpureos magnos, Salviæ florum formâ. Semen nigrum: Radix lignosa, odorata vivax. Flores Sclaream redolere ait Lobelius.

Locus.

Secus itinera in agrorum limitibus, in collibus juxta cultos agros sitis & in campestribus provenit. Trag. in pratis passim Fuch.

Botanici nostrates per errorem hanc plantam habuerunt pro Hormino sylv. vulgò in Anglia proveniente, cum sint omnino plantæ diversæ: Horminum hoc sylv. Herbariorum ego hæcenus non inveni spontaneum in Anglia: Horminum autem quod apud nos frequens sponte oritur, Hormini sylv. IV. Clusii V. species est, i. e. Horminum sylv. Lavendulæ flore C. B.

Hormini sylv. quarti species i. Clus. ab hoc nonnihil differre videtur, nimirum foliis non laciniatis sed per oras duntaxat serratis, supernè viridibus & nullis villis oblitis, infernè villosis. Extremus caulis plerumque purpurascit.

*Horminum pratense niveum foliis incanis* C. B. *sylv. flore albo* Ger. *sylv. incanum flore albo* Park. *sylv. flore majore albo* J. B.

Hujus varietas est floris duntaxat colore albo & foliis incanis à descripto diversa, non species distincta.

Semen integrum hujus, non minùs quàm Sclareæ, oculis immissum eos purgat & mundificat, ruboremque & inflammationes mitigat & sanat, ut Gerardus noster aliique referunt, nec vulgus ignorat, qui non sine successu in hunc finem illud adhibet. Verùm non aliud, puto, efficit quam lapis Chelidonium aliaque gemmæ politæ & hemisphæricæ oculis impositæ.

9. *Horminum*



9. *Horminum spicatum Lavendulae flore & odore* Bocconi.

Bocc.

*Caulis, folia, semina* Hormino Sclarea dicto non sunt dissimilia. *Flosculi* purpureo-cerulei, *Lavendulae* florum formâ & magnitudine *caulem* quadratum verticillatim per intervalla ambiunt, in longissimâ spicâ modum digesti: quos subsequuntur *vascula* quinquiesariam denticulata in margine superiore, quæ sursum versus erecta, caulique appressa & subrubentia, quasi biflorâ plantâ peramœna specie prolixam & non marcescentis coloris cerulei spicam iterum efficiunt. Tota planta arida suavem Lavendulae odorem spirat. Ad bicubitalem altitudinem ascendit.

Propè Agrigentum & Catinatam exit plurimum.

Locus.

- \* 10. *Horminum sylvestre majus, foliis profundius incis* C. B. *Gallitricum sylv. comâ virescente* J. B. *Horminum sylvestre Italicum* Park. *sylv. flo. rubro* Ger.

Quam Gallitricum sylvestre flore magno majori altitudine excrescit, *caule* quadrangulo ut reliquæ species, sed ejus extima pars non purpurascit, verum virescens est. *Flores* tamen formâ similes, dilutioris sunt coloris. *Folia* inferiora majores habent incisuras, ut nonnihil laciniata videantur.

Passim in sylvis caduis, montanis pratis, viarumque marginibus sponte nascitur per totam Germaniam inque aliis Provinciis. Floret Maio, interdum etiam Junio.

Adeo parum differt à sylv. vulgari Hormino, ut pro illius varietate accidentali potius quam specie distincta habendum sit.

Hoc etiam flore est minore & rubro, inquit C. Bauhinus, quod Hormini sylv. quarti species IV. *Clus.* *Horminum sylvestre flore rubro* Ger. *Horminum sylvestre Italicum* Park.

- \* 11. *Horminum minus folio sinuato, flore minore, dilute ceruleo* Moris. prælud.

Moris.

*Caules* quadratos, pedales, hirsutos producit, procumbentes, rarius ramosos, *foliis* nonnihil hirsutis, pollicarem latitudinem vix excedentibus onustos, uncias tres longis, in margine sinuatis. *Cauliculi floribus* rarius dispositis ornantur, dilute violaceis, Lavendulae florum æmulis. *Semina* minora, nigra aut fusca.

Morisonus hanc speciem à sequente distinguit: nobis incognita est.

- A. 12. *Horminum sylvestre Lavendulae flore* C. B. Park. *Horm. sylvestre* Ger. *Gallitricis affinis* Maru, si non genus aliquod, *Sclarea Hispanica* Tab. J. B. *Hormini sylv. quarti, quinta species* *Clus.* **Common English wild Clary.**

Clus.

Gallitrico præcedenti, i. e. flore minore rubro, non valde dissimile est; etenim *caules* habet non minus altos, quadrangulos, nodis cinctos, villis quibusdam obsitos; & *folia* in singulis nodis ferè similia, paulò tamen duriora, laviora, angustiora, angulosa quodammodo, mucrone magis obtuso, & laxioribus dentibus prædita, præsertim quæ secundum radicem nascuntur: è cauliculis in extremo caule summisque ramis, verticillatim nascentibus, & velut in spicam desinentibus, emergunt *flores* reliquis speciebus longè minores, Lavendulae florum ferè æmuli, nec colore ab illis valde differentes: quibus decidentibus succedit *semen* nigrum. *Radicem* habet superioribus similem, & tota planta simili cum reliquis odore prædita est.

Hæc est species illa Hormini, quæ in omnibus ferè Angliæ nostræ provinciis sponte provenit; quantumvis Botanographi nostrates Horminum sylvestre vulgare seu pratense foliis serratis C. B. apud nos passim provenire scribant; hanc sci. speciem per errorem pro Hormino pratensi foliis serratis C. B. habuerunt. Hanc utique Clusius se Greenvici propè Londinum ad arcis Regiæ hippodromum invenisse scribit, ubi certum est non aliam nasci speciem quam Horminum sylv. vulgare Ger. & Park.

Locus &amp;

- \* 13. *Horminum sylvestre Salvifolium minus* C. B. *sylv. Salvifolium* Park. *Gallitricum glabrum, folio Salviae, flore purpureo* J. B.

J. B.

Sylvestri Gallitricho vulgari est persimile. *Folia* ex opposito ad caulium nodos nascuntur, minora multò & angustiora quàm illius, rugosa, aliquatenus ad Salviae accedentia, nisi quòd in ambitu serrata & veluti circumrofa, sine pilis, quamvis parte inferiore sint albidiora paulò, gustus exsiccantis & amari, odoris verò quam superius descripta jucundioris. *Florum* crebri verticilli spicam efformant, sunt autem ii purpureo-violacei, minores quam jam dicti sylv. Gallitrichi; subjectis unicuique verticillo binis brevibus latiusculis foliis, nonnihil etiam ceruleis. *Semen* in caliculis nigrum, reliquis generibus minus. *Radix* digiti minimi crassitudinem aliquando æquat, nigroq. cortice tecta est, interiore parte flavescente, multos singulis annis producit *caules*, inferiore & terræ viciniore parte humi procumbentes, atque è nodis radici proximis subinde radices agentes.

Ubique circa Viennam Austriae nascitur totaque Pannonia secundum vias, in agrorum vinetorumque marginibus. Integrâ æstate floret, & subinde semen profert.

Locus &amp; Tempus.



- \* 14. *Horminum sylvestre salvifolium majus vel maculatum* C. B. *Salvifolium alterum* Park. *Gallitricum alterum* Ger.

Clus.

Duorum cubitorum altitudinem plerumq. attingit, interdum etiam superat. Ipsius *caules* triplo crassiores, quadranguli tamen: *folia* multo majora & crassiora, albis maculis magna ex parte distincta. *Spica* florum longior & crassior: florum verò formâ coloréque atque etiam semine satis conveniunt.

Locus.

Rarior est hæc species priore, nec nisi in pratis herbosisque locis, ubi gleba uberior, invenitur, & paulò seriùs alterâ florere incipit.

- \* 15. *Horminum sylvestre maculatum tuberosum* Francisci de Honuphriis.

*Folia* ei ante caulis exortum ad radicem multa, humi strata, lata, nonnihil crispa, & per ambitum crenata, rugosa, lævia tamen & non hirsuta, sanguineis maculis donata. *Caulem* gerit tricubitalem, aliquando verò & quatuor cubitos altum, quadrangulum, striatum, levitèrque hirsutum, undequaque per intervalla foliis ex adverso nascentibus vestitum: in cujus fastigio *flores* veluti in spicam digesti, coloris elegantissimi, saturè cœrulei, quatuor & quinque ad singula genicula, ex quibus alii ramuli ortum ducentes comam constituunt sylvestris Hormini quartæ speciei *Dod.* prorsus æmulam, *flores* solummodo majores habentem. *Semen* nigrum, rotundum.

Sub finem Maii florentem vidimus. Semen eodem quo & alia tempore profert. Tuberosam plantam hanc appellare placuit, pro radice enim Pæoniæ similes bulbos gerit.

Locus.

Vidimus circa montem *Circeisbain*, in via quâ à S. Felicis castro ad mare itur.

16. *Horminum sylvestre latifolium* Ger. *sylv. latifolium verticillatum* C. B. *Germanicum humile* Park. *Gallitricum affinis* planta, *Horminum sylvestre latifolium* Clusio J. B.

J. B.

Ex radice pollicari, plurimis fibris longiusculis donata, ex qua plura capita, *caules* edit prociduos quadratos, copiosâ medullâ albâ farctos, insigniter hirsutos, cujusmodi etiam sunt *folia*, Marrubii, subrotunda, in mucronem exiguum mox desinentia, rugosa, & ad pediculi uncialis aut fescuncialis commissuram falcata: inferiorum ceterum foliorum pediculi multo etiam longiores. Ad foliorum verò exortum auriculæ quædam, velut sæturæ adnascuntur, modò unica, modo duæ. *Flores* in caulibus fastigio sæpe rubente, & in paucis brevibusque alis similiter rubentibus verticillatim sine ullo foliorum interjectu, brevibus intervallis dispositi spicam deformant, perquam numerosi, Lamiæ, parvi, cœruleo-purpurei, galericulo exiguo apicem album occultente, labello in binas lacinas diviso, è calyculis oblongis subrubentibus, hirsutis, striatis prominuli, pediculis atro-purpureis, hirtis. Decidentibus flosculis restant in calycibus semina oblonga, subrotunda. Sapor plantæ nullus notabilis.

Locus.

In agris & vervactis non longè ab Augusta Vindelicorum viâ quæ Monachium Baviaræ metropolin ducit invenimus. Passum Viennensi agro juxta vias. Clus.

- \* 17. *Horminum sylvestre latifolium Tingitanum* Hort. Edinburg.

Cùm nobis nondum visum fuerit, quid differat à præcedente nescimus.

18. *Gallitricum folio rotundiore, flore magno violaceo* J. B.

J. B.

*Folia* huic quædam brevissimo pediculo appensa, ungue inferiore minora, alia longioribus pediculis dependentia, majora, maxima verò uncias ferè duas lata, & tres pænè longa, ovalem formam non malè repræsentantia, quædam etiam rotundiora, in circuitu serrata, Betonicæ modo, glabra: *caules* quadranguli: *flores* magni, violacei, hiantes: *calyces* deorsum nutantes verticillati.

Locus.

In montium Tyrolensium pratis altis expandere folia indicabat D. Agerius.

Rarissimæ hujus plantæ ramulum siccum habuimus ex horto Patavino, quæ primo aspectu ob flores amplissimos, quodammodo campaniformes, deorsum dependentes, *Digitalis* species visa est.

- \* 19. *Gallitricum flore minore purpurascens & rubro* J. B.

J. B.

Vivaci radice multos perdurat annos *Gallitricum* affinis planta, odorata, facie non ità dissimili, caule, foliis, crescendique modo: at *flores* ita parvi, ut vix extra calicem promineant, purpurascens, nonnihil hiantes, cùm in vulgari *flores* magni sint, galeæque magnâ prominentes apices multos condant: *calyces* deorsum nonnihil reflectuntur, breviores quàm Hormini verioris. Idem foliis profundè satis laciniatis divisivæ & nonnihil hirsutis observatur.

Locus.

In Italia vix aliud observavit Agerius.

- \* 20. *Gallitricum flore minimo albo* J. B. An *Horminum minus supinum* Creticum Clusii? Park. C. B? An *Sideritis glabra* Betonicæ folio nostra?

J. B.

Plura humi spargit *folia*, longo pediculo donata, crassa satis & rigidiuscula, Betonicæ æmula, sed

sed ad pediculum nullo sinu prædita, obtusa, crenata, pilis albis per venas obfita, inodora. *Caulis* modò singulares, aliàs plures, quadrangulares, hirsuti, ex longo intervallo in ramulos oppositos divisi, ad quorum exortum *folia* quoque bina opposita longo pediculo enascuntur, infernis planè similia. *Flores* verticillatim digesti per intervalla summitates occupant odorati, exigui, & vix è calycibus prominentes, albi. Quorum verticilla singula sustinent foliola parva in acutissimum apicem terminantia. *Radix* oblonga, exiguis fibris donata, nullo gustu notabili prædita.

Semine ex Italia allato J. Bauhino enatum est.

*Descriptio* Hormini minoris supini Cretici *Clus.* in omnibus ferè præterquam florum magnitudine huic plantæ convenit: ejus autem flores Cattariæ vulgaris floribus magnitudine pares erant.

Vide descriptionem Sideritidis nostræ glabræ Betonicæ folio.

Locum.

\* 21. *Horminum angustifolium laciniatum* C. B. prod. Park.

C. B.

*Caule* est quadrato, pedali, hirsuto, rariùs ramoso; *foliis* paucis, nonnihil hirsutis, pollicem latis, uncias tres longis, aliquando sinuosis, aliquando, potissimum inferioribus, in profundas lacinias divisis; *floribus* albis, parvis, verticillatim caulem ambientibus, spicam oblongam & inflexam efformantibus, quibus decidentibus *semen* nigrum succedit.

Montepessuli foliis Scolopendrii modo divisis legit descriptionis Autor C. Bauhinus.

Locum.

\* 22. *Horminum minus album Betonicæ facie* C. B. prod.

Ex *radice* lignosa, fibrosa, nigricante *cauliculus* unus, aliquando geminus, palmo minor, rotundus, villosus oritur. *Folium* est paucis, ad radicem rotundis, crassis, lanuginosis, crenatis, & longis pediculis donatis: in caulis medio bina, Betonicæ foliis æmula, sed crassiora & breviora, basi caulem ambientia, & capitulo duo minima subjiciuntur. *Flores* sunt albi Betonicæ formâ in spicam congesti.

In montibus Pyrenæis oritur.

Locum.

23. *Horminum Alpinum luteum, Betonicæ spicâ: An Betonicæ species?*

*Radicem* habet obliquam, multis fibris donatam. *Folia* longis pediculis hirsutis insident, Urticæ ferè similia, aut Hormini sylv. latifolii *Clus.* sinu ad basin circa pediculum, hirsuta, rugosa, circa margines serrata denticulis majoribus. *Caulis* pedales, hirsuti, medullâ farcti, duobus plerunque interdum unico duntaxat foliorum pari cincti, iis quæ ad radicem similia, sed minorum & brevioribus pediculis insidentium, minime (quantum memini) ramosi, in summitate gestant *spicam* brevem, compactam Betonicæ æmulam, sed breviorem, *flosculorum* luteorum, galeatorum, è calycibus in quinque molliores spinulas terminatis exeuntium. Ad capituli basin duo folia minuscule.

Julii 17. die jam panè defloruerat. In montibus max. Carthusianorum cœnobio imminentibus raram hanc Hormini an Betonicæ speciem collegimus.

Locum.

Rectius forte ad Betonicam ob spicam compactam hanc plantam retulerim quàm ad Horminum.

24. *Horminum luteum glutinosum* C. B. luteum, sive Colus Jovis Park. Colus Jovis Ger. Galeopsis species, lutea, viscida, odorata, nemorensis J. B. Item Galeopsis lutea Dalechampii Park. Bellon Clary or Jupiters Distaff.

J. B.

Insigniter fibrosa *radice* nititur, multos indè *caules* surrigens bicubitales & altiores, quadratos, hirsutos, fungosâ medullâ farctos, in alas brachiatos: *Folia* è geniculis exeunt opposita, longis pediculis hirsutis appensa, Ari modo alata, sed Lamiorum instar rugosa & hirsuta, etiam multò majora, in ambitu serrata, nonnullâ interdum per margines aspersâ saturâ rubedine. *Flores* in longis spicis verticillatim ramos ambiunt, foris hirsuti, intus glabri, labello tripartito, mediâ lacinia fimbriatâ & crispâ, colore foris ex albo luteo, intus obsoletis notis maculoso: superius verò folium seu galea foris guttatum, intus luteum: è rictu medio prodeunt *stamina* alba. Insident autem flores *calycibus* oblongis striatis, viscidis, in quibus, pro more Verticillatarum, succrescit postea semen. Totâ planta tactu viscida est, odorata, sapore nullo insigni.

In montibus circa Genevam oritur. Invenimus etiam sæpiùs in Italia & Germania, locis lutosi ubi fontes & aquæ scaturiunt, ad latera & radices montium.

Locum.

25. *Horminum Scatellariæ facie* Hort. Lugd. Bat.

C A P. IX.

De Galeopsi.

**G**aleopsis, Γαλιόψις vel Γαλιόψις. Qui Galeopsin scribunt per, à florum effigie galeata deducunt, quòd ejus flores velut galeæ aspectum referant. At quoniam hoc nomen Græcis, præsertim Veteribus, nomina Latina cum Græcis componere, Γαλιόψις potius per scribendum est, à florum figura felis vel mustelæ faciem & rictum quodammodo representantes.

Folii



Foliis urticæ, odore fœtido, seminibus minoribus, nigris ab Hormino distinguitur.

- A. *Galeopsis legitima* Dioscoridis Park. vera Ger. emac. Gal. sive *Urtica iners magna fetidissima*  
J. B. *Lamium maximum sylvaticum fetidum* C. B. *Hedge-Pettle*.

*Radix* sub terra reptat, fibras tenues è geniculis subinde demittens. *Caules* indè exurgunt cubitales aut sesquicubitales, quadrati, hirsuti, inanes, ramosi. *Folia* ex adverso bina, Urticæ majoris, nonnihil latiora, acuminata, innocua lanugine obsita, in ambitu serrata, pediculis longis insident, ea etiam quæ in caule sunt. In summis caulibus & ramulis *flores* in *spicas* longas, angustas, verticillis non admodum crebris compositas digesti, oblongi, cucullati, colore purpureo, concoloribus staminibus, labello tamen albis lineis picturato, è calice quinquepartito, brevi, patulo. Singulis flo-  
sculis succedunt in imo calice quatuor *semina* mediocris magnitudinis, per maturitatem nigra. *Folia* ad verticillorum bases exigua sunt & angusta. Odor totius plantæ fœtidus & ingratus admodum.

Locus.  
Varietas.

Æstate floret: in sepibus frequens.

Huic simile aliud foliis non ita amplis, sed inferius incanis & lanuginosis, (*Lamium incanum* dici poterit.) *Thal.* Parkinsono *Galeopsis* altera incana dicitur.

Vires.

Hujus succus cum aceto exhibitus valere dicitur adversus hæmorrhoidas; itémque ad discutiendas verrucas, tumores duos, quoscunque panos, &c.

D. Bowle herbæ decoctum ejusve exsiccatæ pulverem commendat in affectibus lienis.

## C A P. X.

De *Nepeta seu Mentha cattaria*.

**N**epetam à Nepa Scorpius deducit Martinius, quia contra eas & alias venenatas bestias facit.

*Mentha cattaria* dicta est Recentioribus hæc planta, Antiquis fortè incognita, peramœni spectaculi argumento (inquit J. Bauhinus) Vixdum enim conspectam ubi olfactarit catus, amplexatus & disfluaviatus fuerit, lasciviendoque jam illi accedendo, jam recedendo sese utrisque pedibus diu & multum affricuerit, colludendo tandem miris gesticationibus, universam avidè ligurit.

Foliis Urticæ incanis, odore Menthæ graviore, floribus in spicas habitiores digestis à congeneribus differt.

- A. 1. *Mentha cattaria* J. B. *felina sive cattaria* Ger. *cattaria vulgaris & major* C. B. *Nepeta major vulgaris*, Park. *The greater or most common Pep or Catmint*.

J. B.

*Eradice* lignosâ *caulem* surrigit cubitalem aut bicubitalem & altiore, quadratum, hirsutum, propter terram subrubentem, alioqui incanum multis alis concavum insq. binis semper adversis: quo etiam ordine [ licet non pari semper numero ] *folia* ferè ad genicula emicant, hirsuta, incana, longis pediculis hærentia, figurâ & divisurâ foliorum Urticæ majoris aut Melissæ, sapore fervido, odore Menthæ graviore. *Flores* in summis caulibus & ramulis ex alis foliorum exeunt conferti, in eodem communi pediculo, singuli è calice longiusculo, in quinque acuta segmenta diviso, galeati galeâ bifidâ, labello concavo margine denticulato, lineâ intus punctorum purpurascens notato. *Flores* autem versùs unam præcipuè partem vergunt.

Locus.

Floret Junio & Julio, estque in agro Cantabrigiensis, & alibi ad sepes non rarò obvia.

2. *Nepeta media* Park. *The middle sort of Pep or Catmint*.

Park.

*Caules* huic rigidi quadrati, quàm præcedentis minores, plures tamen ab eadem radice, altitudine interdum pares: *Folia* duplo ferè minora, duriora, viridiora, odore minus gravi quàm illius: *Flores* pauciores, minores, per intervalla caulium geniculis adnati, ad summum usque; dilutè purpurei, ut prioris hiantes, quibus in calicibus succedunt *semina* similia. *Radices* crassiores, longiores, lignosiores, in multos annos durabiles; *folia* tamen per hyemem non retinent.

Hanc Parkinsonus aliquot annos in horto suo aluit, unde acceptam non recordatur.

3. *Nepeta minor* Park. *Mentha cattaria minor* C. B. *Cattaria tenuifolia Hispanica* Clus.

Clus.

Semine ex Hispaniis misso Clusio enatum est hoc pulcherrimum Cattariæ genus, cubitales habens *caules*, quadrangulos, geniculatos, multis ramis præditos: oblonga & angusta, per oras crenata & incana *folia*, odore quàm in Cattariæ vulgaris foliis vehementiore, fervido gustu: *flores* spicati in extremis ramis nascentes, candidos, vulgaris Cattariæ floribus respondentes: deinde *semen* in exilibus calicibus nigrum, Calaminthæ semini par: *radicem* duram, fibrosam, perennem, singulis annis novos caules proferentem. Floret Junio & Julio.

Hanc à præcedente specie differre non concesserim.

Nepeta



Nepeta calf. & sic. partium est tenuium. Usus præcip. in morbis uterinis (scil. obstruct.) sterilitate, foetu pellendo, tum quoque in tartaro pulmonum incidendo, &c. Extrinsecus in balneis pro utero. *Schrod.* Decoctum ejus in suffocatione uterina non minus utile est quam Melissa. Idem in scabie singulare experimentum est si manus ei imponantur. *C. Hofman.*

Nepeta odor felem murilegam repræsentat & plerisque omnibus ingratus est. \* *C. Hofman.* At nobis Nepeta majoris odor non ita ingratus videtur. Hanc herbam ex agris in hortos translata à felium ore & toto immisso ad volutandum corpore conteri & penitus confici sæpius vidimus, adeo ut etiam locum in quo comminutam plantam triverint ostendat humus eorum corporibus compressa & lævigata: nec in alia quacunque planta ex agris in hortos translata simile quidquam hætenus observare potuimus. Omnes enim quas transtulimus à felibus intactæ sunt, hæc unâ exceptâ, quæ semper nisi spinis contacta dicto modo corrumpebatur, ut multoties experti sumus, idque diversis in locis. Si verò aliquandiu in horto defendatur donec coalescat & floreat, in posterum intacta manebit, sicut & ex quæ ex semine deciduo ortæ sunt plantæ: Adeo ut videantur feles languidam & marcescentem appetere, vegetam non curare. Hinc Anglicus ille rhythmus. *If you set it, the Cats will eat it: If you sow it, the Cats can't know it.*

- \* 4. *Mentha cataria latifolia* C. B. *cataria altera* Ger. *Nepeta peregrina latifolia* Park. *Mentha Cattaria Hispanica*, olim mibi *Sideritis altissima*, flore subæruleo & albo J. B.

Multis rectis assurgit caulibus, quadratis, canaliculatis, fungosâ medullâ farctis, subinde inanibus, glabris, cubitos tres altis, & majoribus, multis alis concavis, in ramos sibi oppositos divisos. Folia Mentastri aut Nepetæ vulgaris, sed longiora, pollice latiora, glabra, supernè atrovirentia, infernè magis candicantia, rugosa, in ambitu serrata, odore gravi. Ex pediculis duobus flores verticillis crebris spicam quodammodo æmulantur, colore carneo, intusque punctis saturatè rubentibus guttati.

Semina bina aut terna, oblonga, ruffa. Summitates purpurascunt. Sapor foliorum ingratus.

- \* 5. *Mentha cataria angustifolia major* C. B. *M. Cattaria Hispanica angustioribus foliis* J. B. *Nepeta peregrina angustifolia* Park. *Mentha cataria angustifolia* Ger. emac.

*Dod.*

Huic (describente Dodonæo) flores quàm vulgari copiosiores ac colore è rubro diluto purpureo ad cæruleum inclinantes, exiguis notulis purpureis resperfi; folia colore minùs albicante, quibus à præcedentibus differt.

*Mentha cataria angustifolia minor* C. B. prod.

A tenuifolia Hispanica *Clus.* adeo in paucis differt, ut mihi planè persuadeam eandem esse. Sola differentia est in foliis, quæ huic acuminata sunt, in profundas crenas velut lacinias divisa, cum *Clusianæ* angusta sint, levitèrque crenata, totaque incana. Hanc Parkinsonus ad Tertiã seu Nepetam suam minorem refert.

- \* 6. *Mentha cataria minor Alpina* C. B. prod. Park.

Hæc inquit *caule* est pedali, anguloso, rufescente & ramoso: foliis priore quadruplo minoribus, Nepetæ vulgari formâ respondentibus, quasi triangulis, subcanis, serratis: floribus pallidis, galericulatis, velut in spica dispositis, & priori similibus.

In montosis circa Neapolim Italiæ provenit.

Miror cur C. Bauhinus tot Nepetæ species constituerit. Suspicio equidem ego ad duas tantum species reduci debere superscriptas omnes, exceptâ VII. seu Mentastro mont. 1. *Clus.*

Nepetæ mediæ Park. plantas in horto nostro è semine deciduo ortas, latitudine & angustia, canitie, serraturis foliorum plurimum variare animadverti, ut diversas non immeritò posses suspicari species, ni ex eodem semine ortas novisses.

- \* 7. *Mentastrium montanum* 1. *Clusii* Ger. emac. *montanum sive Pannonicum* Park. *montanum folio coloris viridis* J. B. *Mentha montana verticillata* C. B.

*Clus.*

Cubitali aut ampliori assurgit caule, quadrangulo, medullâ pleno, multis nodis constante, ex quibus bini semper ex adverso oriuntur ramuli similiter quadranguli, circa quorum extremas partes oblongæ spicæ verticillatim compositis calicibus constantes, in quibus flores Menthæ sylvestris, aut illius potius Calaminthæ, quam vulgò Catariam vocant, floribus similes, exalbidi, grati odoris. Folia Mentastro ferè similia, sed magis ad Cattariæ folia accedentia, colore tamen minùs albicante quàm illa aut Mentastri, sed potius viridi, Mentastri odorem referentia acri & calefaciente sapore. Radix dura & lignosa ex lateribus propagines spargit.

*Mentha radice geniculata* C. B. *Mentastrium radice geniculata* Park. *Nepeta angustifolia odorata*.

C. B. prod.

Ex radice modicè crassâ, geniculata, fibris distincta caulis exurgit cubitalis, quadratus, tactu aliquantum asper, quem folia oblonga, Menthæ spicatæ similia, parique modo disposita, mollia, nigricantia, nonnihil rugosa, in ambitu serrata, ambiunt. Flores habet in spica oblonga galericulatos,



tos, ut in *Mentha cataria*, dilute purpurascens: quibus vascula succedunt *semen* rotundum, quod tritum aromatici odoris est, (ut & tota planta odorata est) continentia.

8. *Menthastrum tuberosa radice* J. B. *tuberosa radice Clusii* Ger. *Menthastrum tuberosum Clusii* Park. *Mentha tuberosa radice* C. B.

Clus.

Cubitalis habet *caules*, quadrangulos, rectos, frequentibus ut superior nodis cinctos, subhirsutos: *folia* longiuscula, rugosa, in ambitu nonnihil serrata, superioris *Menthastrum* i. e. *Nepetæ nostræ* 7. foliis non dissimilia, magis tamen incana, non suavis odoris, amari & acris saporis. Summi rami cum extimo caule in molles canescentes exilium foliorum spicas definunt, & inter ea verticillorum ritu compositi nascuntur *caliculi*, è quibus prodeunt *flosculi* candidi, *Cattariæ* florum æmuli. His marcidis succedit *semen* illi par, exile, nigrum. *Radix* crassa, succulenta, Raphano ferè æqualis, foris aliquantulum fusca, in multos hinc inde ad latera quasi parvos adnascens napos extuberat, aliisque longiusculis fibris donata est, perennis, & plures singulis annis caules proferens; imò ipsi etiam napi à matre abrupti & terrâ obruti novas interdum plantas procreant.

Hæc semine accepto ex Hispaniis Clusio nata est.

## CAP. XI.

### De *Betonica*.

**B**etonica, aliis Vetonica. Vetonica ratione originis: Vettones enim five Vectones populos fuisse Hispaniæ constat. Vettones in Hispania invenerunt eam quæ Vettonica dicitur in Gallia. *Plin.* lib. 25. cap. 8.

Betonicæ notæ Characteristicæ sunt in spicas habitiores digesti; caules non ramosi, folia crenata.

A. 1. *Betonica* Ger. *purpurea* C. B. *vulgaris purpurea* J. B. *vulgarior flore purpureo* Park. *Wood-Betony*.

J. B.

*Caulibus* surgit numerosis, cubitalibus & altioribus, quadratis, ex longo intervallo nodosis: *Folia* alia ad caulium genicula gemina adversa, alia humi sparsa incondita, pediculis palmaribus circiter donata, per ambitum crenata, rugosa, aspera, hirsuta, sapore aromatico prædita. *Flores* in summis caulibus spicati, verticillatim dispositi: infra spicam ad aliquam distantiam unicus florum verticillus caulem ambit. Sunt autem flores purpurei, galeâ reflexâ subrotundâ, labello trifido demisso: è medio rectu stamina flori concoloria exferuntur. *Calix* quinquepartitus, brevis, hians. Verticilli densi sunt, nec plures in eodem pediculo flores, ut in *Calamintha* & *Nepeta* fit. *Radix* pollicem crassa, crebris longisque fibris capillata.

Duorum est generum, Autore Clusio, Una enim brevior florum spicam habet & maturius florer: Altera autem longiore, molliore & magis fusca est florum spica, illaque etiam serius flores suos explicat. Solet præterea hæc postrema in maiorem altitudinem excrescere quàm prior, licet eodem loco utraque sponte nascatur, vel eodem pulvino excolatur.

*Betonica* flore albo Clus. J. B. C. B. Ger. Park. cum vix alia in re à præcedente differat quàm florum colore, non est cur pro specie diversa proponatur.

2. *Betonica minima Alpina Helvetica*. Park.

Solâ partium omnium, [foliorum, caulium, florum,] parvitate à præcedente differt.

Ostensa est etiam nobis in Anglia sponte nascens *Betonicæ* species minor, quæ tamen an revera specie differat à vulgari dubito, an parvitatem suam loco natali debeat.

3. *Betonica major Danica* Park.

Differt à vulgari *foliis* duplo triplòve majoribus, odore graviore & propemodum fætido: caule firmiore altiorèque; florum etiam purpureorum spicis crassioribus & longioribus.

Hanc Londino acceptam Cantabrigiæ in hortulo nostro aliquot annos aluimus.

*Betonicæ folio Alopecuros quorundam* J. B. *Betonicæ-folia capitulo Alopecuri* C. B. i. e. *Alopecuros montana* Lugd. *Betonica Alopecuros montana dicta* Park.

Cùm descriptio hujus quæ habetur in historia Lugdunensi imperfecta sit, nullâ florum aut feminum mentione factâ, ad quod genus pertineat ignoramus. Facebat ergo in præsentiarum donec ab *avertis* aliquo de ejus notis Characteristicis certiores facti fuimus.

De hac planta singularem librum scripsit Antonius Musa Augusti Imperatoris medicus, unde in tanto pretio cœpit esse, ut Italico proverbio diceretur. *Vende la tonica & compra la Betonica*. Idem laudaturi aliquem plures dicunt habere virtutes quàm *Betonica*. *Tu hai piu virtù che non hà la Betonica*.

Quam-



Quamplurimæ autem huic herbæ virtutes attribuuntur quoquo modo sumptæ. Sic breviter Schro. *Vires.* derus; Acris est & amara: Discutit, atten. aperit & abstergit. Inprimis cephalica est, epatica, splenetica, thoracica, uterina necnon & vulneraria, & demum diuretica. Hinc usu externo & interno creberrimè venit, præcipuè in morbis capitis.

Foliorum exsiccatum & concisum vel seorsim, vel cum Tabaco mixtorum & tubis inferætorum fumum ore haurire & reddere solent nonnulli in capitis affectibus. Quæ de Betonica Veteres habent apud ipsos vide.

Ceterum in hac herba id observandum radicem facultates longè dispares à foliorum & florum viribus, utpote quæ multum stomacho, orique ingrata, nauseam, rugitus, vomitumque cieant; folia è contra odora, aromatica, & grato sapore, nonnihil roborante, cibo & medicamento naturæ amica.

Pseudo-thea è Betonica, Scorodoniz & Chamæpityos foliis exsiccatis parata, edulcorata & calida pota in podagra, cephalalgia & nervorum affectibus admirandæ efficaciz medicamentum est *D. Bowle.*

N. Plantarum omnium succi expressi, postquam aliquandiu steterint; & facibus subfidentibus clari evaserint, aliqua ruboris tinctura perfusi apparent, alii dilutiore, saturatiore alii.

Ex omnibus quos expertus sum Betonica vulgaris dilutissimus est, & minimè coloratus. Habui à *D. Sam. Fisher* Sheffieldensi Medico.

Observavi multos Arthriticos curatos fuisse quotidiano usu Betonica [florum foliorumque] in jusculis, acetariis, potu & balneis, sed exquisitam observabant victus rationem, corpus per intervalla expurgabant & fongiculos aliquot gestabant. *Fabric. Hildan. Cent. III. Obs. 32.*

\* 4. *Betonica frutescens Bontii.*

*Bont.*

Maculas fert in foliis suis quales in Pulmonaria videmus: Flores tamen seu spicæ ejus eam de Betonica genere esse arguunt: colore sunt *flosculi*, qui mille ferè in una spica existunt, ex pallido cyanei, quales sunt flores *Rorismarini*.

Pulmonibus hujus decoctum utile esse fertur, sputo sanguinis, phthisi, asthmatis, denique conducit *Vires.* ad id quod *Sakit batii* Indi vocant, seu morbos cordis; Cordis autem nomine non tantum Cor ipsum, sed Hepar, Pulmonem, Lienem denique insigniunt.

Indæ porro mulieres succum hujus plantæ expressum ac viridem excellens Antidotum dicunt esse adversus morsus Serpentum, Scorpionum, Scolopendrarum & cæteros venenatos ictus.

C A P. XII.

De *Prunella* potius *Brunella*.

**B**runellæ vox originis est Germanicæ. Ita autem dicta est hæc herba, quod usus maximus ipsius sit in Caulo Ungarico, [ardore faucium ac gutturi] quem Germani *Die Braune* vocant. Spicis brevibus habitioribus cum Betonica convenit, parvitate sua & foliis circum oras æqualibus & non crenatis ab eadem differt. Quinetiam Betonica infra spicam ad aliquam distantiam unicum obtinet florum verticillum, quod in *Prunella* non cernitur.

- A. 1. *Prunella Ger. vulgaris* Park. *flore minore vulgaris* J. B. *Brunella major folio non dissecto* C. B. **Common Self-heal.**

E radice parva, obliquè acta, fibris aliquot majusculis donata emergunt caules dodrantes aut etiam pedales & altiores, quadrati, hirsuti, è geniculis inferioribus fibris demissis reptantes, ramosi. Folia ad intervalla pediculis longiusculis hærentia Majoranæ sylv. aut Ocymi familia sed majora, hirsuta, denticulis in margine vix conspicuis incisa. Flores in summis caulibus & ramulis verticillis dense stipatis in formam spicæ habitioris congesti, galeati, purpurei. Singulos autem filorum verticillos sex floribus compositos bina opposita excipiunt folia, iis quæ in caule longè dissimilia, triangula, lata basi caulem amplexa, in acutum mucronem desinentia, concava, membranacea, & omnino qualia in *Sclarea* vulgari cernuntur. Singula autem folia tres florum calices sinu suo complectuntur, hirsutos, in duas præcipuè lacinias divisos superiorem & inferiorem quorum inferior in duo segmenta acuta denuo finditur.

In pascuis ubique luxuriat. Aliquanto seriùs floret apud nos in Anglia, rarò antè medium Junii. *Locus.* um. Floris colore variat albo & carneo.

2. *Prunella flore albo parvo, folio laciniato* J. B. *Brunella folio laciniato* C. B. *Prunella Lobelii* Ger? *Symphytum petraeum Lobelii?* **Laciniated Self-heal with a small white flower.**

*J. B.*

Folia huic multa è radice fibrosa ex longis pediculis, quædam palmaria, oblonga, unciâ digiti angustiora, pilosa; ultra medium caulis pedalis duo magnis lacinii dissecta, cornu cervinum representantia, itémque alia duo juxta florum caput, unciam & semis longum, latum unam, paucioribus lacinii prædita. Flores inter squamas continentur hiantes, albi, & nonnunquam rubelli, mediocriter eminentes.

Gaudere herbosis & gramineis locis, itémque aliis quæ à fluminibus nonnunquam inundantur aut est *Clusius*. Floret maturiùs *Prunella* flore magno nempe Maio, tametfi etiam Junio. *Locus.*

3. *Prunella*



3. *Prunella flore magno, folio non laciniato* J. B. *Brunella cæruleo magno flore* C. B. *Prunella magna flore purpureo & alia albo* Park. *Prunella flore albo* Ger. *Great flower'd Self-heal.*

Differt à prima seu vulgari capitulis crassioribus, floribus formâ quidem similibus sed longè majoribus, nec ingrati odoris, ventre laxiore, galeâque saturatiùs plerunque purpurâscente, quamvis color ejus interdum variet. *Radice*m habet nigram, multis crassiusculis & candicantibus fibris præditam, novisque propaginibus sese singulis annis augentem.

Locus.

In editioribus & gramineis locis circa Moguntiam, Genevam & alibi hanc observavimus.

- \* 4. *Prunella flore magno purpureo, folio laciniato* J. B.

J. B.

*Caulis* est palmari hirsuto. *Folia* inferiora quidem unciali pediculo nituntur, superiora pro portione minora, tandem etiam nulla, unciam & seunciam longa, subhirsuta, in adversas lacinias dissecta. *Flores* inter spicæ uncialis squamata folia subtribentia emicant magni, tres uncie quadrantes æquant, hiatu patulo, *stamina* emittentes, purpurâscentes.

Locus.

Montbelgardi & alibi observavit J. Bauhinus.

*Prunella flore magno albo, folio laciniato* J. B. *minor alba laciniata* C. B.

Tota planta vix quatuor digitos excedit, *foliis* superioribus admodum dissectis, hirsutis, *flore* magno albo, alioqui vulgari similis.

Pro superioris varietate accidentali hanc habeo.

5. *Prunella angustifolia* J. B. *hyssopifolia* C. B. *An Alpina glabro folio, angusto integro* Moris. prælod?

A vulgatissima *Prunella* differt *foliis* sextantalibus aut etiam quadrantalibus & longioribus, angustis, *Hyssopi* ferè similibus, satis asperis & rigidis; in aliis, quantum observavimus, cum eâ convenit.

Locus.

Circa Monspelium frequens habetur.

Parum admodum ab hac differre videtur *Prunella Alpina glabro folio angusto integro* Hort. Blas. nisi fortè foliorum glabritie.

- \* 6. *Brunella Bætica annua foliis laciniatis* Moris. prælod.

Moris.

*Folia* inferiora profert sinuata, per terram strata: *Caulis*cente planta folia edit laciniata, è regione disposita. Summis caulibus innascuntur verticillatim ampli *flores*, cærulei, qui exsiccati relinquunt spicatum seu densissimè dispositas capsulas, verticillatas, quinquiesariam in margine partitas.

Vires.

*Prunella* facultatibus cum *Bugula* convenit. Abstergit & consolidat. *Ulus* præcip. in vulneribus, imprimis pulmonum, in sanguine coagulato. Quòd grumos sanguinis dissolvat non credit C. Hofmannus. Qui enim hoc facere potest cum adstringat & siccet? at neque viscerum obstructions aperire, concedit, quòd Dodonæus asserit, ob eandem rationem.

Extrinsecus in vulneribus & cereberrimè in angina aliisque affectibus oris & faucium usurpatur; ardorem eorum extinguendo, quem Germani *die Breune* vocant, si ex illius decocto aut aqua destillata colluantur & gargarizentur; unde nomen *Brunellæ* adepta est. Valet & in recentibus vulneribus, & in putridis ulceribus sedis & pudendorum.

Observavi rusticum quendam *Prunellam* & *Veronicam* vino incoquere, eoque mictum sanguineum diuturnum persanare, qui antea curari non poterat. Solenander Consil. Med. 27.

Mirum dictu est quàm egregiè causis & hæticis febribus *Prunella* vel cruda, vel cocta proficit. S. Paul.

### C A P. XIII.

#### De Sideritide spicata.

**H**erbas sequentes cum Botanicis Sideritides vocamus, verum quia flores spicatos obtinent à reliquis ejusdem nominis segregamus.

1. *Sideritis Alpina Hyssopifolia* Ger. emac. C. B. *montana Hyssopifolia* Park. *Sid. Valerandi Douras brevi spica* J. B.

J. B.

Minimum digitum crassitudine ferè æquat *radix* lignosa, non sine adnatis fibris [palescentis fusco infecti coloris] *Clas.* aliquot annos durans, frigorisque patiens, pulla, amaricante gustu. *Lob.*

quæ

quæ ex se innumeras promit virgas, lignescentes, dodrantes, oppositis ramis paulò supra radicem brachiatis, per quas folia ad juncturas bina, oblonga, angusta, per extremum nonnihil serrata. Desinunt autem singuli ramuli in spicas Betonicæ vel Phalaridis spicarum æmulas, unciam aut fescunciam ferè longas, pulchris calicibus in quinos aculeos desinentibus majoribus quàm vel Fuchsiæ vel Monspeßulanæ Sideritidis, minùsque hirsutis, densè stipatis, adjacentibus foliis barbatis ac pæne spinosis. Flores Clusio nonnihil pallescentes.

In monte Jura circa verticem Thuri invenimus.

Locus.

2. Sideritis Monspeßullana J.B. Scordioidea Ger. Monspeßiensis Lobelii Park? foliis hirsutis, profundè crenatis C. B.

f. B.

Radix huic subest crassiuscula, lignosa, raris fibris donata: Caules à radice mox plures, subinde ramosi dodrantes, valdè hirsuti, albicantes: folia breviora, rotundiora, magis hirsuta quàm Sideritidis vulgaris, serrata, amara: flores verticillati, formà quidem ac magnitudine fimiles, sed coloris ex luteo albescentis; odore est gravi. Amaricante exsiccantèque gustu præditi sunt flosculi (inquit Lobelius) ac nonnihil aromatisi, suavisque halant quod Chamædryn aut Betonicam referat.

Monspeßii propè patibulum copiosè provenit, & alibi aux Guarigues.

Locus.

Flores in spicas longas & laxas, è verticillis non arctè stipatis compositas, digesti sunt. Singulis autem verticillis subsunt duo lata, circumferentiâ subrotundâ spinulis armata foliola, sinibus suis flores complexa.

#### C A P. XIV.

De Verticillatis non spicatis floribus ad caulium nodos foliis intermissis.

De Acino.

**A** Cinos, *ἄκινος*, quia *ἀκίνητος*, i. e. *ἰσότητος καὶ ἰσότητος*, alvum mensèsq; sistit, Dioscoridis sententiâ. Lobelius per *υ* scribendum esse *ἄκινον* contendit, ut sit ab *α* privativa & *κίνη* sum prægnans, quod sterilem infecundamque plantam signat: nam Theophrastus & Plinius nullum in eo florem aut semen agnoscunt, fortè quia obscurius & seriùs flores promit, qui frigore superveniente sæpiùs corrumpuntur.

Acinos autem foliis est Serpylli aut Ocimi minoris, floribus in verticillis ad caulium nodos foliis intermissis, calyculis oblongis, striatis, collo angusto, ventre turgidiore, quo cum Verticillatis fruticosis conveniunt.

- A. 1. Acinos multis J. B. Ocimum Sylvestre Ger. Clinopodium minus sive vulgare Park. arvense Ocymi facie C. B. Wild Basil.

Radice nititur simplice, tenui, paucis fibris donatâ. Caules palmares, hirsuti, rubentes, quadrati, ramosi quamvis propè terram rotundi videantur, cum reclinantur fibras in terram demittunt. Folia contrariis inter se pediculis ad singula genicula bina, serpylli similia sed majora, [ Alii Ocymi minoris foliis comparant ] leviusculis per ambitum crenis incisa, supernè viridia, infernè albida, nervis conspicuis prædita, pediculis brevibus insidentia. Flores in summitatibus caulis & ramulorum verticillatim dispositi, è calice oblongo striato, collo angustiore, ventre turgidiore, purpurascens, galeati, labello trifido, galeâ nonnihil reflexâ: in medio labello macula alba, intraque eam lunula purpurascens. Semina ut in hujus generis reliquis.

In montosis cretaceis, aridis & glareosis locis sponte oritur. Mensè Junio floret. Variat autem Locus. sæpiùs floribus colore albo.

Acinos Anglicum Clus. nobis nihil aliud esse videtur quàm hujus varietas foliis ludens non crenatis.

Hæc planta mulierculis botanopolis Londinensibus Polium montanum superiore sæculo dici solita est, quo nomine ad nos olim Londino missa fuit.

2. Acini pulchra species J. B. Clinopodium montanum C. B. Austriacum Clus. Park. Ger. emac.

Clus.

Dodrantalibus est cauliculis, tenuibus, quadratis, duris geniculatis: Foliis non admodum vulgaris Acini foliis abfimilibus, acuminatis, crenatis, viridibus, non injucundi odoris, saporis autem aliquantulum acris. Flores summis cauliculis ad singula genicula profert Clinopodio vulgari non dissimiles, duplo triplòve majores, binos ternòve simul è foliorum sinibus, purpureo saturo colore præditos (tameñ nonnunquam inveniuntur albi) antrorsum maxima ex parte propendentes & converfos: quibus succedunt vascula qualia in dicto Clinopodio, ventricosa: in quibus semina nigra, Calaminthæ aut vulgaris Clinopodii seminibus æqualia. Numerosas habet radices, duras, & multis fibris capillatas.

In ascensu montis Juræ copiosè spontaneum observavimus. Crescit etiam, Clusio teste, in montibus Badensibus thermis imminentibus, & cæteris vicinis ad Danubium procurrentibus, &c. Floret Maio; Semen Junio maturum.

B b b

Clino-



*Clinopodium Alpinum* *Pomæ* in paucis à præcedente differt, v. g. hirsutie foliorum, & florum colore intensiore: quocirca nobis non placuit in præsentiarum specie distinctum facere.

- \* 3. *Acinos latifolia* C. B. *latifolia Columnæ* Park. *Ocimum garyophyllum Monachorum* five *Acinos Columnæ* J. B. *Acinos odoratissimum* Ger. emac.

*Folia* huic *Melissæ*, longiora tamen, nonnihil serrata: *Caulis* sesquicubitails, aliquando altior, quadratus, pilosus, non hispidus tamen, ramosus, colore viridis, ut foliorum, quæ pilosa & plana ex petiolis longis; inter folia & alia folia spatium trium digitorum vel circiter. *Flos* ei & *spica* feminis ut aliis *Ocimis*: quælibet *Spica* habet quosdam alios veluti adnatos spicarum ramulos. *Semen* ejus aliis minutius est & rotundius, subruffum, nigricans. Tota planta præter radicem habet odorem & saporem acutissimum *Garyophyllorum*: *Folia* linguam vellicant ut *Caryophyllus*. Quò senior planta eò odoratiora & acutiora folia.

Descriptio est *Monachorum* qui in *Mesuem* commentati sunt, à J. Bauhino allata. Meliorem, puto, & plenior descriptionem habet *Columna* in *Phytobasano*; verum liber ille ad manum non est.

*Vires.* De viribus *Acini* nihil certi occurrit, nec insigni aliquâ facultate dotatum esse odor sapore arguunt. Autore *Schwenckfeldio* calf. & sic. aperit, provocat, discutit, roborat: Tenuium est parium, menses & partus pellit. Ex vino potum melancholicos restituit.

- \* 4. *Clinopodium Creticum* Alpin. exot.

*Alpin.*

Sex septemve, aut pluribus aut paucioribus *cauliculis* dodrantalibus exit, rectis, rotundis, gracilibus: *foliis* *Serpylli*, & magnitudine, & figura, & ordine similibus, minimisque spatiis binis ex opposito ipsos *cauliculos* dense vestientibus. Inter foliola verò & caulem exeunt bini aut terni *flosculi*, vinacei coloris, à quibus semina minutissima fiunt. Tota planta odorem spirat *Serpylli*, sed suavior, gustum exalefaciens. *Radix* est longa, gracilis, lignosa, sine odore & sapore.

Hæc planta, si odorem excipias, persimilis est *Acino* *Anglico* *Clus.* aut *Acini* pulchræ speciei *J. B.*

## C A P. XV.

### De *Stachy.*

*Στάχυς*, id est, *spica* *Græcis*: ita dicta videtur quod flores in spicas dispositos profert: quod tamen plantæ hoc nomine insignitæ non convenit.

Differt à *Marrubio*, cum quo verticillis densis & canitie sua convenit, magnitudine & statura: est enim elatior & erectior, foliis longioribus & acutioribus: primam speciem intellige, nam reliquæ ob analogiam & similitudinem quandam huc referuntur.

Plantam hanc *Verticillatis* non spicatis annumeramus, non obstante nominis significatione, quia nec verticilli proximè admoti sunt, nec folia iis supposita diversæ à reliquis figuræ.

- A. 1. *Stachys Fuchsi* J. B. Ger. *major Germanica* C. B. Park. *Wale* *Porehound*.

*J. B.*

Redivivam *Stachydis radicem* numerosæ fibræ ubertim circumquaque productæ coronant: *caules* autem promit plures, (sæpe unicum) cubitum altos aut paulo proceriores, quadratos, lanugine incana villosos, fungosâ medullâ farctos: è quorum geniculis *folia* ex adverso sita prodeunt, *Marrubii* foliis longiora, lanuginosa, mollicella, per ambitum serrata, sapore extra omnem morsum ficante. *Flores* è foliorum alis verticillatim ex longa veluti spica caules summos ambiunt, foris hirsuti, intus glabri, purpurascens, ad *Lamii* flores proximè accedentes, labello trifido subinde guttato, galeâ item saturatiore dilutioreque purpura versicolore, ex caliculis oblongis villosis. *Semen* rotundum & nigricans. *Odor* totius plantæ gravis.

*Locus.* Locis asperis, montibus & collibus provenit. In Anglia etiam invenitur circa *Wuney* vicum in comitatu *Oxonienfi*. Junio & Julio mensibus floret, & in montosis etiam seriùs.

- \* 2. *Stachys* Ger. *minor Italica* C. B. *Stachys Dioscoridis* Park.

*Park.*

E *radice* lignosa, perenni plura exeunt *folia* viridia, lanuginosa, humi strata, tres circiter uncias longa, duas lata, vel non omnino, vel leviter tantum serrato ambitu, per hyemem virorem retinentia, è quorum medio *caules* exurgunt plures [interdum unus] foliis consimilibus, minoribus tamen vestiti. *Flores* caules à medio sursum ad genicula verticillatim ambiunt, purpurascens, è caliculis quàm *Marrubio* mollioribus, quibus succedunt semina nigra. *Caules* ascensim verticillis propius admotis attenuati in spicam fastigiantur. Minus odora est, succoque aqueo turget.

*Locus.* In Italia frequentem sponde provenire aiunt: Nobis tamen in Italia peregrinantibus, & plantas sedulò indagantibus nunquam occurrit.

Floris

Floris color Dodonæo & Lobelio luteus est, folia cum caulibus quàm Marrubio candidiora: icon quoque longè distat ab iconè Parkinsoni, unde fortè diversæ plantæ sunt Stachys Dioscoridis Park. & Stachys minor Italica C. B. quamvis ille unam & eandem esse vult.

\* 3. *Stachys Lusitanica* Lob. Ger. Park. C. B.

Lob.

Reptitricem Gnaphalii foliis & cauliculis sesquipalmaribus herbulam, candida lanugine stipatis & tomentosis, verticillis concoloribus, perexiguis, sub foliolis cinctus, visum effugientibus, suave spirantibus, uti planta universa Stachyn dixere Herbariorum quidam non imperiti, nonnullâ de facie & viribus similitudine ducti.

\* 4. *Stachys Cretica* C. B. *Stachys sive Pseudo-stachys Cretica* Park.

C. B. prod.

E radice lignosa caules quadrati, cubitales, tomento albo vestiti exeunt. Folia cinericea, molliter hirsuta, quæ ad radicem unâ cum pediculo oblongo palmum superant, latitudine unciam non æquantia, inodora, vel saltem odore aliis suaviore, quæ floribus subjiuntur & caulem ambiunt brevia sunt & angusta, pediculis carentia, duriuscula. Flores purpurei ex verticillis aculeatis caulem cingentibus prodeunt. Semen rotundum est & nigricans.

5. *Pseudo-stachys Alpina* C. B. Park.

C. B. prod.

A Radice dura, rufescente, in fibras crassas & longas divisa folia plura hirsuta prodeunt, Hormino similia, sed tenuiora, uncias tres lata, quatuor longa, longis pediculis molli lanugine albican- tibus donata, per ambitum crenata nonnihil, odorem gravem spirantia, inter quæ caules sesquicu- bitales, quadranguli, cannulati, geniculis distincti & hirsuti efferuntur, qui foliis rugosis, asperis, prioribus longioribus circundantur: ad quorum exortum saepe utrinque ramulus unus semipalmaris, etiam palmaris egreditur. Flores circa summa genicula verticillati, galericulati, ex albo rubentes ex utriculis asperiusculis in quibus semen rotundum, nigrum continetur, prodeunt.

In monte *Wasserfall* Junio mense florentem observavit C. Bauhinus: qui *Salviam Alpinam* Tab. Locum Ger. huc refert. J. Bauhinus in capite de Hormino luteo seu Colu Jovis, An huc sit referenda *Salvia Alpina* Tab. me inquit latet: Descriptioni jejuna, in qua ei tribuit flores purpureos pauca fides tribuenda.

Nos in summis jugis montis Juræ vel ipsissimam hanc plantam vel ei simillimam invenimus. Nostra flores habuit fordidè purpureos, admodum villosos, in quorum labellis nonnihil albi apparuit: Odor plantæ non ingratus erat; aliter bene respondet descriptioni C. B.

6. *Stachys spinosa* Park. *spinosa Cretica* C. B. Ger. *Sideritis spinosa* J. B. *Gaidarothymo* i. e. *Afininum Thymum rusticis Cretensibus*.

Bell.

Planta est pedalis, in orbem per terram diffusa, multis spinis five aculeis horrida. Folia longa, digitali magnitudine, aliquantulum angusta absque aculeis proferens, quæ caules undique sed inor- dinata ambiunt. Caules quadranguli sunt, incani quemadmodum folia, ita ut tota colore cineris appareat, ramos utrinque proferens figurâ quasi crucis, qui in spinas desinunt, & in alios ramulos omnes dividuntur, spina quæ medium locum obtinet majore aliis semper existente. Flores *Salvia* colore, magnitudine & figura similes profert, in hispidis quibusdam calyculis, ternos aut quaternos simul junctos, quibus succedunt semina inæqualia, colore nigra. Perpetuò viret & Julio floret, totâque odore caret. Radicem habet magnam pro proportionem plantæ & lignosam.

Nascitur Occidentali Insulæ parte inter thymum & thymbram locis siccissimis.

Vires.

Clusius flores *Teucrii Bætic* floribus similes facit.

C A P. XVI.

De Marrubio.

**M**arrubium, Græcis *Πεδάριον*, Latina vox est non Græcæ originis: nam r secundum fine aspiratione scriptum ubique legitur: ita dictum putatur quod tabidis & marcescentibus conducatur, τὰ φύλλα ἐνεχὲ σὺν τοῖς σπέρματι ἐξήμερα σὺν ὕδατι ἢ χαλζόμην χαλκῶς διδόναι ἐν μέλιτι φάρμακον. Foliorum siccorum simul & seminis decoctum, aut etiam recentium foliorum succus unâ cum melle tabidis exhibetur. Dioscor.

Vel Marrubium dicitur, quod folia marcida & squalentia sint quasi rubigine exesa. Jo. Bod. à Stapel.

Marrubii notæ sunt flores in verticillis densis circa caulium nodos, totius plantæ canities; folia ferrata obtusa, rugosa; odor validus & gravis non tamen foetidus: quodque minor, humilior, magisq, ramosa planta sit quàm Stachys. Quinetiam Marrubium vulgare, nescio an & aliæ species insigni

B b b 2

nota



nota ab aliis Verticillatis differt, nimirum quòd calyculorum striatorum margines non ut in aliis in quinque segmenta acuta dividantur, sed in totidem spinulas quot sunt in singulis striæ, stellæ radiorum instar dispositas.

A. 1. *Marrubium album* J. B. Ger. *album vulgare* C. B. Park. **White Doghound.**

*Radice* nititur simplici, lignosa, plurimas fibras emittente. *Caules* indè exurgunt plures, pedales & altiores, lanuginosi, quadrati, ramosi, foliis vestiti ad singula genicula ex adverso binis, subrotundis incanis circum oras crenatis, rugosis, pediculis satis longis suffultis. *Flores* ad genicula in verticillos densos coacti caules ambiunt, brevibus aut nullis pediculis, è calicibus hirsutis striatis quorum singulæ striæ in spinulas terminantur, ipsi perexigui, albentes, parte illa quæ pro *galea* est in medio aliquousq; fissâ in duo veluti cornua: *Labellum* integrum est processu hinc indè emissio. Singulis floribus ut in reliquis omnibus verticillatis, succedunt *semina* quatuor simul juncta. Florum verticilli quamvis caules undiq; amplecti videantur, egrediuntur tamen è foliorum alis. *Caules* altitudinem pedalem aut cubitalem raro excedunt.

Odor totius plantæ vehemens & nonnihil gravis.

Ad vias publicas & in locis ruderatis.

Locus.  
Vires.

Succus expressus cum melle (ut præscribit Dioscorides) aut potius syrupus de Præssio Asthmaticis, tussientibus & tabidis opitulatur: est enim pneumonicum insigne. Pulvis foliorum interaneorum vermes necat. Valere dicitur & in partu difficili, lochiisq; retentis.

Syrupus de Præssio Mesues, annotante C. Hofm. valde calidus est, & qui senibus potius quam juvenibus, frigidis quàm calidis adhibendus sit.

R. Syrupi de Præssio ʒij, olei Tartari per deliquium ʒi, misce. Sumat æger per intervalla frequentia ad mensuram unius cochlearis. Medicamentum est ad icterum nulli secundum.

*Marrubium vesicæ* & renibus nocere scribit Dioscorides; quos frequenti usu exulcerat. C. Hofman.

Veteres in ictero Marrubio pro errhino usi sunt, ad bilem per nares expurgandum, quæ oculos sæpe contumacissimè occupat.

Innumeris comprobavi experimentis Marrubii albi summitates, vino albo infusas, & triduo epotas, mirè ad menstrua provocanda, [nec menses tantum accelerat, sed remorantes secundinas quoq; præcipitat. S. Paulus] stomachum roborandum, cachexiam & fædos virginum colores arcendos valere, & fortius cum Chamædrye & Centaurio minore mixtas. Borell. Observ. Med. p. 289.

Conserv. florum Marrubii cum melle parata & per 40 dies exhibita in dos. ʒj nobilem quandam scirrhus hepatis diu laborantem integræ sanitati restituit, aliis medicamentis ex ebeno & chalybeatis paratis frustra illi propinatis. S. Pauli Quadripartit. Botan. p. 389. Habuit Sim. Paulus è Zacuti lib. 2. Præx. admir. Observ. 48. Superbibebat autem nobilis iste singulis matutinis parum aquæ stillatitiæ ejusdem Marrubii cum radice: ut invenio in observationibus è Chesneau collectis & ad me transmissis ab ingeniosissimo & amicissimo Viro D. Edv. Hulsio Medico Londinensi.

2. *Marrubium album latifolium peregrinum* C. B. *candidum folio subrotundo* J. B. *candidum* Ger. *Hispanicum candidum* Park.

J. B.

*Caules*, quos ex radice vulgari Marrubio simili complures profert, cubitales & bicubitales sunt, quadrati, lanugine incana obtecti, multis alis concavi: ad quorum singulos articulos *folia* oriuntur mollicello holoserici tactu, villosa, intensiusque quàm in vulgari canescentia, latiusculo pediculo appensa, in ambitu serrata, longiora quàm latiora, obtusa, odore nullo eccellente, sapore calidiusculo, non tamen ingrato. *Flores* ad genicula verticillatim caulem amplexantur, Marrubii vulgaris, ex oblongis, incanis, mollicellis *calycibus*.

Locus.

Circa Messanam Siciliæ spontaneam observavimus & collegimus.

\* 3. *Marrubium alterum Pannonicum* Clusii.

A descripto diversum videtur, siquidem *caules* duntaxat cubitales ei attribuit: *folia* legitimo Marrubio angustiora, nec adeò orbiculata, sensim in mucronem desinentia, non injucundi odoris. Erat autem Marrubium illud, quod circa Viennam Austriæ frequens observavimus, ubi suum vulgare esse scribit Clusius, foliis angustioribus & acuminatis, Melissæ Moldaviciæ foliis non multum dissimilibus, quod ad figuram attinet, candidioribus tamen & magis incanis. Non video quid differat à sequente.

4. *Marrubium album angustifolium peregrinum* C. B. *Creticum* Ger. Park. *album angustiore folio* J. B. **Parrot-leaved Candy Doghound.**

J. B.

Candidius nostrate Marrubio; caulibus ramisque quadratis, tenuibus: *Folia* impensè candida, oblonga, serrata, nervosa, sed nervis plerisq; rectè secundum longitudinem decurrentibus. *Flores* in ramis subjectis binis parvis foliis, verticillatim positi, interdum & in spicæ formam digesti, parvi, candidi, bifido foliolo surrecto, labello demisso è candidis, striatis *calycalis*. Odore est quàm vulgare Marrubium gratiore.



\* 5. *Marrubium Brasilianum* Marggr.

Marggr.

Planta hæc in duorum aut trium pedum altitudinem assurgit, *caule* striato, nodoso, leniter hirsuto: ad singulos nodos ramuli tres aut quatuor proveniunt, ut & folia, quorum antiquiora similia sunt Marrubii Pannonici *Clus.* foliis; in ramulis autem junioribus Marrubii vulgaris. Fert flosculos verticillatim positos, cœruleos tribus foliis constantes. Tota planta suavissimum odorem Marrubii spirat, & ad tactum est glutinosa.

\* 6. *Marrubium album villosum* C. B. Park. *Hairp white Horehound.*

C. B. prod.

*Cauliculos* edit pedales, lignosos, rotundos, albos, villosos, in ramulos divisos. *Folia* sunt subrotunda parva, crassa, per ambitum crenata, ob tomentum album inferius adpositum Gnaphalii instar mollia, superius rugosa & nigricantia. *Flosculi* ut in vulgari caulem verticillatim ambiunt.

In agris Lutetianis collegit C. Bauhinus. *D. Magnol* in insula Magalonæ invenit.

Locum.

\* 7. *Marrubium album crispum* C. B. Park. *Curl'd white Horehound.*

C. B. prod.

Et hoc *cauliculis* est lignosis, rotundis, albis, sed *foliis* minoribus, crispis, crenatis, utraq; parte cinereis, nec ita tomentosis. *Flosculi* subcandidi in pungentibus conceptaculis caulem per intervalla verticillatim ambiunt.

Ad Alysson Galeni *Clusio* dictum accedit.

\* 8. *Marrubium ex Aleppo verticillis longis pediculis insidentibus* Hort. Edinburg.

Cum mihi nondum inspecta sit hæc planta non habeo quod de ea dicam, sed nudo titulo contentus sum oportet.

*Marrubium Alysson dictum.*

9. *Alysson verticillatum foliis profunde incis* C. B. *Alyssum Galeni* Ger. *Alyf. Galeni Clusio* Park. Galen's *Madwort.*

Clus.

Pedali est altitudine, quadrangulo *caule*, statim à radice in multos ramos diviso, canescentes omnino & velut tomento obductos, circa quos *folia* Marrubio similia, breviora tamen magisque crispa & incana, inodora, amara. *Calices* per intervalla verticillatim ramos ambiunt, quinque, plerumq; aculeis horridi, candidi, è quibus Marrubii flos exilit, sed colore diversus, nempe purpurascens. *Semen* in calicibus aculeatis subruffum, Marrubiano semini par. *Radix* dura, multifida, annua.

Uno duntaxat Hispaniæ loco hanc plantam nascentem observavit *Clusius*, ad *Eldaviz* pagum, in coemeterio quo plurima cenotaphia Arabicis literis sculpta videre licet, Valentino regno, septima sub Orihuela (Orceli Veteribus dicta) mill. five leucis Hispanicis, eamq; florentem & semine onustam mensè Martio medio.

Locum.

\* 10. *Alysson verticillatum foliis crenatis* C. B. Park. *Sideritis Alysson & Sideritis Heraclea Dioscoridis*, *Alysson Antonii* Coi ex Galeno Col.

E *radice* tenui, lignosa fibris aliquot donata *caules* exeunt plures, pedales aut altiores terram versus reclinati, *foliis* ad intervalla vestiti, quorum infima amplissima, Marrubii nonnihil similia, sed longiora, Chamædryos proxima, verum hirsuta hirsutie aspera, circa margines non profunde dentata, ad modum Betonicæ. Ad caulium nodos, quos ornant folia inferioribus sensim minora flores emergunt ex albo purpurascens in verticillos Marrubii æmulos digesti, è calyculis aculeatis semina fusca continentibus.

Tota herba gustu est adstringenti, non tamen injucundo, cum tantillo amarore, & odoris suavitate. In collibus petrosis agri Neapolitani ad semitas.

Locum.

*Marrubium Pseudo-dictamnus dictum.*

11. *Pseudo-dictamnus* Ger. Park. *Pseud. verticillatus, inodorus* C. B. *Dictamnus adulterinum quibusdam verticillatum, vel potius Gnaphalium veterum* J. B.

Cæs.

Quædam ex Creta ad nos allata est pro Pseudo-dictamno: cæspes amplius, virgis numerosioribus, altioribus & candidioribus Marrubio [sesquipedales in horto suo observavit Parkinsonus, vix tamen credo, Marrubianis altiores] *foliis* rotundioribus, minoribus, similibus Dictamno Cretensi, oblitis candidiori lanugine, gustu subamaro, odore exili non injucundo. Verticillos inter folia fert molles, in quibus *flosculi* sunt purpurascens. [*Radix* dura, lignosa, altè in terram descendit, & per



per plures annos vivit, etiam in hortis nostris nisi hyems asperior aut diuturnior fuerit. Folia huic minus crassa quam Dictamno verò, & per longiora intervalla in caulibus disposita.]

12. *Pseudo-dictamnus alter Theophrasti Ponæ Park. Pseud. acetabulis Moluccæ C. B.*

*Caulibus* multis incanis, quadratis ad pedalem aut majorem altitudinem assurgit, *foliis* præcedente aliquanto majoribus & longioribus, è quorum alis prope caulium fastigia exeunt calices hirsuti Moluccæ similes sed minores & breviores, è quibus emicant *flores* coloris ex albo & rubro mixti. *Radix* fibras plurimas spargit. Odor hujus non insuavis. Hyemem æquè ac præcedens tolerat.

Hanc ipsam plantam aut certè ei simillimam in hortulo nostro Cantabrigiæ aliquando aluimus, foliis Pseudo-dictamno formâ quidem similibus sed majoribus, mollioribus magisque villosis, minus tamen incanis. Florum calices ampli & patuli erant, verum Moluccæ acetabulis multo minores, hirsuti quoque & striati.

Hanc etiam invenit D. Wheeler in insula Cithæra olim, nunc Cerigo dicta, & satis exactè describit Itinerar. lib. 1. pag. 49.

\* 13. *Marrubium Hispanicum Alpin. exot.*

*Alpin.*

Herba est fruticosa, tota candida, cum leni lanugine alba. *Caulis* aliquot profert, quadratos, cubitales & ampliores, obliquè actos. *Folia* habet oblonga, alba, lata, in acutum desinentia, duplo majora Cretici Marrubii, & ex opposito in caulibus æqualibus interstitiis posita, candida, subhirsuta. *Flores* æqualibus spatiis itidem in caulibus & ramulis cernuntur, verticillato ambitu, candidi: à quibus *semina* parva producuntur, tenuia, oblonga, sapore subamaro, subacri. Tota planta nititur *radicibus* tenuibus, longis, lignosis, multis: facultate adstrictoria & non instrenuè siccante prædita est.

Differre videtur ab Hispanico candido Park. id est, albo latifolio peregrino C. B.

14. *Marrubium Creticum angustifolium inodorum Park. album peregrinum brevibus & obtusis foliis C. B.*

Huic plantæ similem alui olim Cantabrigiæ ex semine pro Pseudo-dictamno misso ortam; eam intelligo cujus mentionem feci sub duodecima specie, quæ fortè non differt à Mar. Hispanico candido Park.

\* 15. *Marrubium nigrum Creticum Alpin. exot.*

*Alpin.*

E *radicibus* multis Primulæ similibus *folia* complura profert, oblonga, in extremis acuta, parvis suis pediculis sursum in orbem acta, nigra & nigra lanugine obsita, Marrubii albi foliis majora, longiora & latiora, magnitudine & figurâ ad Apiastri ferè folia accedentia. E quibus sanè duos vel plures *caules* producit, longos, rectos, quadrangulos, nigros, per intervalla geniculatos; in quibus è singulis geniculis exeunt circum ipsos ex opposito *folia* complura, numero ferè septena, ac plura etiam, oblonga, prioribus similia sed longe minora, multum nigricantia, quæ circa ramum velut in orbem aguntur. In caulium summitatibus *flores* utrinque virgas ambiunt, non dissimiles Marrubii floribus, itidem nigricantes. Tota planta colore nigricat, ut de industria ab aliquo videatur eo colore infecta.

Hæc planta, si ab Alpino rectè describatur, non est genuina Marrubii species, sed anomala.

## C A P. XVII.

### De Clinopodio.

**K** *Λυμνισθῆν* dicitur quod *ἀνδρὶ ἔχει ὡς λυμνὸν μοῖον ὕμνα*, quod orbiculato florum ambitu speciem pedum lecti præbeat, *Floribus* ex intervallis Marrubii modo dispositis. Plin. Foliis est Majoranæ sylvestris, florum tubis quam in Marrubio longioribus, calycibus in quinque spinulas terminatis.

*Clinopodium majus* Park. quorundam, *Origani facie* J. B. *Origano simile* C. B. *Acinos* Ger. *Great wild Basil.*

*Radicem* obliquè sub terra agit, fibris obiter demissis. *Caulis* cubito altiores sunt, tenues, quadrati, hirsuti. *Folia* Majoranæ sylvestris, minus odora, ad nodos opposita, utrinque hirsuta. *Flores* in verticillis magnis densè stipati, oblongi, galeati, purpurei, è *calicibus* gracilibus, oblongis, striatis, in quinque spinulas desinentibus, tribus supernè, duabus infernè oppositis. Florum autem *calices* non insident singulis pediculis singuli, sed plures simul in eodem communi pediculo. *Semina* singulis quatuor succedunt parva, subruffa.

Ad sepes & in vepretis passum.

Locum.

## CAP. XVIII.

## De Lamio.

**L**amium dictum nonnullis putatur à florum cucullata effigie larvatam lamiam quodammodo repræsentante.

Floribus in verticillis ad caulium nodos, foliis Urticæ, odore fœtido, seminibus majusculis, è vasculis brevibus patulis maturitate illico decidentibus, à reliquis verticillatis distinguitur.

- A. 1. *Lamium album* Ger. *vulgare album sive Archangelica flore albo* Park. *album non satens folio oblongo* C. B. *Galeopsis sive Urtica iners floribus albis* J. B. **White Archangel or Dead Pettie.**

*Radices* plurimis fibrosis nititur; plurimis etiam furculis, oblique Menthæ ferè in modum sub terra reptantibus, & è nodis subinde radices agentibus, latè se propagat. *Caules* indè exurgunt pedales aut cubitales, quadrati, grandiusculi, propè terram tamen graciliores & infirmiores, unde etiam vix se sustentant, inanes, modicè hirsuti, ramosi, geniculis rarioribus intercepti, propè terram in apricis purpurascens. *Folia* ex adverso bina, urticæ simillima, quæ in imis caulibus sunt longis pediculis nituntur, quæ in summis brevioribus, brevi & innocua lanugine hirsuta. *Flores* ad genicula verticillatim caules ambiunt albi, satis ampli, galeati, externis pallidi potius quàm nivei, labello pallido, non punctato, bifido, galea amplâ exterius, præcipuè ad margines pilosâ, quatuor intus *staminula*, duo longiora breviora totidem occultante. *Staminum apices* marginibus circumcirca nigris formam characteris & quodammodo repræsentant. *Stylus* prætenuis bifidus staminibus adjacet, & ex ipso flore enascitur, non, ut in aliis hujus generis fieri solet, è staminum medio. *Calix* floris idemque vasculum feminale amplus, patulus, striatus, sessilis, in quinque oblonga angusta segmenta dividitur, quæ in tenues & acutas sed innoxias spinulas desinunt. In imo calice quatuor *semina* simul juncta singulis flosculis succedunt. *Calices* florum singulatim è foliorum alis exeunt. Odor huic plantæ minùs gravis.

Aprili mense & ineunte Maio apud nos floret. Ad sepes inque locis ruderatis & dumetis.

Recentiores flores Lamii candidos fluorem muliebrem albidum sistere posse existimant; unde nonnulli ad eum usum parant ex iis Conservam, singulis diebus sumendam.

Tempus &  
Locus.  
Vires.

2. *Galeopsis sive Urtica iners flore purpurascens majore, folio non maculato* J. B. *Lamium folio oblongo flore rubro* Park.

Apræcedente non alia ferè in re differt quàm floris colore purpureo: unde C. Bauhinus non distinguit. J. Bauhinus descriptione suâ notas nonnullas addit à nobis omittas, caules sci. purpureos esse, foliaque atro-virentia atròve purpurea, (quæ tamen huic speciei propriæ sunt) genicula caulium inferius crebriora, medio caule internodia longiora; ad radicem folia subrotunda ad Marrubium fœtidum accedentia: galeam bifidam, labellum punctis carneis & sanguineis notatum.

In transmarinis frequentem observavimus.

Locus.

*Galeopsis lutea Dalechampii* Lugd.

Hujus aut superioris varietas esse videtur, non species distincta.

- A. 3. *Lamium rubrum* Ger. *vulgare folio subrotundo, flore rubro* Park. *purpureum fœtidum folio subrotundo, sive Galeopsis Dioscoridis* C. B. *Galeopsis sive Urtica iners folio & flore minore* J. B. **Small dead Pettie or red Archangel.**

E radice tenui fibrosa non repente plures erigit caules quadratos, concavos, propemodum glabros, satis grandes, propè terram ramosos, deinde uno vel altero foliorum pari cinctos, tum ad summitatem ferè nudos, semipedales, infirmos. In summis caulibus flores in verticillis densius stipatis, galeati, parvi, purpurei, labello saturationibus maculis guttato, Calices florum breves, patuli, striati, sessiles in quinque longas angustas lacinias ceu spinulas divisi, quatuor in imo semina continent, oblonga, angulosa, per maturitatem fusca & splendentia. *Folia* urticarum æmula sed minora & breviora, mollia, circum oras crenata, pediculis semuncialibus insident. Odor totius plantæ fœtidus & ingratus.

Primo vere & deinceps per totam æstatem floret.

Ad sepes & macerias, inque locis ruderatis & hortorum areis minùs excultis nimis frequens.

Herba tula & imposita valere creditur ad tumores quoscunque discutiendos, necnon ad inflammationes, plagas, ulcera putrida & vulnera.

Locus.  
Vires.

Ad Scrophulas. R. Herbarum recentis [Lamii albi] M. i. Calefiat inter duos lateres calidos, & tumori applicetur. Eam noctis unius spatium plurimum aperit. Aperto adhibe mixturam sequentem. R. Omphacii cochlearia VI. Butyri Maialis instar Juglandis; melle & impone lane nigræ oleo è pedibus bubulis madefactæ: Intus interim propinetur aqua florum genistæ manè & hora quarta pomeridiana singulis diebus. D. Hulse è MS. nondum edito. Decoctum Lamii rubri ad dysenteriam commendatur.



4. *Lamium albâ lineâ notatum* C. B. *Lamium Plinii montanum Columnæ* Park. *Galeopsis maculata* J. B. *Milzadella vulgo*.

f. B.

*Caules* multos fundit, quadratos, procumbentes, rubescentes, in quibus *folia* *Urticæ* hirsuta, mollia, *Lamio* vulgari albo flore similia aut *Ballotæ*, sed minora duplo, serrata rotundis incisuris, lineam albam per medium, atque rectum nervum utrinque ambientem habentia, quæ linea in ficcatis plantis etiam post decennium durat conspicua: trita gravem odorem remittunt, minùs quàm in vulgari mortua *urtica* ingratum. *Flores* circa summa genicula ex albo rubentes. Vere floret & æstate perficitur.

In Italia & Gallia Narbonensi ad sepes & circa vepres frequens oritur.

An specie differat à *Lamio minore* purpureo necne dubius hæreo.

Varietas.

Hujus varietatem in *Æquicolum* montibus observavit F. Columna, foliis brevioribus, angustioribus & acutioribus, profundis incisuris per ambitum divisis, ut in *Chamædry*, lineâ albâ per medium decurrente angustiore.

5. *Lamium maculatum* C. B. *foliis maculatis* Park. *Urtica fatua* λυμίσκη Thal.

Foliis maculis & lineolis albis respersis & pulchrè variegatis à præcedentè distinguitur, nec ulteriore descriptione indiget. Vidimus in Horto Regio Parisiis & alibi.

- A. 6. *Lamium rubrum minus, foliis profundè incisis. Small cut-leaved red Archangel.*

Hæc species primò nobis ostensa à Tho. Willisell in campis S. Jacobi dictis propè Londinum, postea variis in locis solo arenoso aut glareoso observata. *Lamio* rubro minore vulgari plerumque minor est, quamvis in latiori solo in magnitudinem illius æmulam interdum proficiat. *Radix* ei simplex, tenuis, unde & plantam annuam esse suspicamur. Caulibus & foliorum & florum situ cum *Lamio* rubro vulgari convenit. Differt ab eo foliorum incisuris. Cùm enim in illo folia leviter tantum circa margines crenata sint, in hoc altius incisa & propemodum laciniata sunt, laciniolis, seu mavis dentibus in acutos apices terminatis. Differt etiam florum parvitate & eorundem tubis brevioribus, adeò ut flores antequam explicentur vix è vasculis appareant.

Locus.

In hortis oleraceis inque arvis requietis non rarò invenitur, ut v. g. propè Brantiam in Essexia in calceto Bockingam ducente.

\* Itiner.  
lib. 4. p. 309.

- \* 7. *Lamium moschatum foliorum marginibus argentatis* \* Wheeleri.

E radice tenui fibrosa caulem exerit quadrangulum, foliis vestitum longis pediculis innitentibus, *Lamii* flore albo similibus, verum rotundioribus intercrenatis, propè pediculum maculâ nigrâ amplâ notatis, marginibus circumcirca argenteo colore insignibus; odore moschum redolentibus. Ad *Pentagi*, fortè *Pantheam* olim dictum, finis Corinthiaci oppidum observavit D. Wheeler. Florem, puto, non vidit.

8. *Lamium Novæ Angliæ Parietariæ foliis.*

In reliquis ad *Lamium minus* accedit; foliis *Parietariæ* æmulis ab eodem differt. Cantabrigiæ olim in hortulo nostro coluimus.

Locus.

- \* 9. *Lamium rotundifolium floribus minimis n. d. Hort. Ludg. Bat.*

- A. 10. *Lamium folio caulem ambiente majus & minus* C. B. *Galeopsis sive urtica iners minor, folio caulem ambiente* J. B. *Alsine bederula altera* Ger. *bederula folio major* Park. Penbit.

f. B.

Planta est sesquipalmaris & major, caulibus quadratis, infirmis, nonnunquam surrectis, sæpius humi sparsis: *Folia* primùm prorumpentia pediculis donata, similia foliis *Galeopsis* minoris, rotunda ferè, serrata: alia in superioribus caulium partibus oriuntur, bina, immediatè caulibus adherentia, perfoliata ferè modo caulem ambientia, rotunda, hirsuta, profundè crenata, crispa, odore minùs foetido quàm præcedentes *Galeopseos* species, sapore nullo eccellente. *Flores* inter folia ad nodos verticillati caules & eorum ramos ambiunt, purpurei, hiantes, è calyculis oblongis, hirsutis, multifidis: radicem demittit simplicem, rigidulam, fibratam.

Locus.

In agris & hortis frequens oritur.

- A. 11. *Lamium luteum* Ger. Park. *folio oblongo luteum* C. B. *Galeopsis sive Urtica iners flore luteo* J. B. *Pelloto Archangel* or *dead Pettie*.

*Radix* inæqualis fibras plurimas majusculas in terram demittit. *Caules* indè exeunt longi, quadrati, infirmi, concavi, foliis vestiti binis, per intervalla oppositis, viridioribus, longioribus, & angustioribus quàm in reliquis *Lamiis*, pediculis longiusculis insidentibus. *Flores* ad genicula verticillatim caules ambiunt, lutei, speciosi, galeâ amplâ, ad margines pilosâ, quatuor stamina albertia cum apicibus suis luteis, & stylo purpureo bicorni è centro calycis, in medio quatuor unâ junctorum feminum



feminum egresso, continente. Floris labellum in tres partes dividitur, quarum duae laterales punctis & lineis purpurantibus pinguntur, media punctis & striis croceis.

In Sylvis & umbrosis Maio mense floret.

Locus.

12. *Lamium maximum sylvaticum alterum* C. B. *Galeopsis maxima flore magno rubro* J. B. *maxima Pannonica* Park. *Lamium Pannonicum* sive *Galeopsis* Ger. emac.

Clus.

Cubitali caule, interdum etiam majore, quadrangulo, crasso assurgit, secundum radicem frequentibus geniculis praedito, è quibus folia nascuntur Urticae foliis haud absimilia, per oras similiter crenata, sed longè majora, palmarumque amplitudinem saepissimè superantia, hirsuta quidem, sed non mordacia: A medio caule sursum versus ad singulos nodos, orbiculatim seni, octoni, nonnunquam deni nascuntur flores, non simul sed successivè se explicantes, Lamii floribus multò majores, saturè rubri & tanquam purpurei, galeae instar hiantes, labro inferiore (cujus laciniata ora) bifido, & frequentibus ad latera barbulis praedito, interiore parte purpureis & candidis lineis depicto, quatuor staminibus cum stylo sub galea latentibus; odore gravi & ingrato, uti tota planta, si teratur, gustu etiam insuavi & amaro. In laciniatis vasculis semina continentur Moluccae similia. Radix crassa, fibrosa, perennis, singulis annis augescens, novòsque stolones proferens.

In sylvis montibus arcu Greben vicinis in Pannonia supra Warasdinum maximà copià nascitur, ubi Maio florentem inveniebat Clusius. Locus.

*Lamium Cannabis spuria* dictum.

- A. 13. *Cannabis spuria* Park. Ger. *sylvestris quorundam Urticae inertis affinis* J. B. *Urtica aculeata foliis serratis* C. B. *Bastard Hemp*.

Radix simplex plurimis demissis fibris terram apprehendit. Caulis plerumque simplex, pedalis, quadratus, inanis, ramosus, pilis rigidioribus hirtus. Folia in caule bina per intervalla opposita, Urticae ferè figurà, circa margines serrata, pediculis semuncialibus appensa, venosa, nervis averfa parte extantibus, qua in re Cannabis folia imitantur. Flores in summis caulibus & ramulis in verticillos crassos compositi, galeati, purpurascens, è calicibus striatis, patulis, marginibus in quinque spinulas acutas divisus exeunt. Singulis floribus succedunt quatuor semina simul juncta, majuscula, pulla, quae dilapso flore brevissimo temporis spatio maturescunt, & continuo decidunt.

Aestate floret, inter segetes plus satis frequens.

Locus.

- A. 14. *Cannabis spuria flore specioso luteo, labro purpureo. An Cannabis spuria altera* Park? *An Urtica aculeata foliis serratis altera.* C. B?

Hujus folia pallidiora sunt quàm praecedentis: verum præcipua differentia est in floribus, qui multò ampliores sunt quàm illius, colore luteo. Labellum macula ampla purpurea ferè totum occupat.

Segetes frigidiorum & humidiorum tractuum hac scatent: ut v. g. montosa agri Eboracensis.

Planta Parkinsono descripta florum colore cum nobis observata, & hoc in loco proposita convenit, eorum parvitate differt. Locus.

- A. 15. *Lamium montanum Melissae folio* C. B. *Melissa Fuchsii* Ger. *Melissophyllum Fuchsii* Park. *Melissa adulterina quorundam, amplius foliis & floribus non grati odoris* J. B. *Baule-leaved Archangel*.

J. B. Clus.

Fibrosa radice, subacri & amara nititur. Caules pedales & majores quadrati, hirsuti, geniculati, multà medullà farcti. Folia Galeopsis, oblonga, rugosa, hirsuta, Melissophylli ferè similia, atra viriditate nitentia, gustu aliquantulum acri. Flores ex singulis nodis inter folia terni & quaterni prodeunt, in utriculis oblongis, laxis, hirsutis, omnes antrorsum spectantes & propendentes, longiusculi, inodori, Lamii florum quodammodo æmuli, majores tamen & nullà galeà insigniti, solo labro inferiore promisso, & reliquis foliis (quae in quibusdam floribus ex albo purpurascunt, aut dilutiore purpuri nitent) majore, purpurei coloris. [J. Bauhinus cassidem surrectam flori attribuit, prominentibus ex rictu staminibus] Semen magnum, nigricans, inaequale.

In sylvis frequens occurrit in Occidentalibus Angliae regionibus, verbi gr. in Devoniam circa Totnes oppidum, in Penbrochia circa Haverford-west. In sylvis etiam montosis propè Genevam & alibi in transmarinis observavimus. Locus.

Alteram hujus speciem in Austria invenit Clusius caulibus infirmioribus, frequentioribus ex radice singulis annis repullulantibus, foliis etiam paulò angustioribus. Alia species.

- \* 16. *Lamium fruticosum non maculatum Creticum* Zanoni.

Zan.

Multos è radice caules emittit, majores sesquicubitales, pennae scriptoriae crassitudine, teretes, quamvis ob costas exiles quae in cortice sunt quadrati videantur, eo enim sublato rotundi manent. Cortex interior viridis difficulter à ligno delibratur, quod fragile est, tenue, medullà intus viridi. Caules & rami majores lignea substantià constant, furculi juniores herbacei, ut vel ex colore magis viridi patet. Sunt autem caules, praesertim parte inferiore & lignosa, raris nodis intercepti, [in minoribus ramulis nodi satis crebri sunt.] Folia prima & in caule



caule inferiora superioribus multò majora sunt, omnia supernè secundum nervos leniter sulcata, nervis averſa parte extantibus, telà folii nervos interjacentè glabrâ, tenuia, tenera, succulenta, pediculis brevibus, tenuibus, teretiſculis, supernâ tamen parte prope folia pariter ſulcatis, nonnihil pilofis ſuſtentata, bina oppoſita, alternando caulis latera, minime decidua, ſed per hyemem virentia. Supremis geniculis è foliorum alis exeunt calyculi ſubrotundi margine in quinque lacinias ſeu radios extremitate incifos diſſecto, è quibus menſe Maio emergunt *flores* galeati, albi, labio ſuperiore ſeu galeâ biſido, inferiore trifido, lineis flavis intus variegato. E medio exeunt *ſtamina* aliquot, apicibus incurvatis, colore flavo. Delapſo flore reſtat in calice *ſemen* nigrum, Melanthii ſylveſtris ſimile. *Radix* longa eſt, rotunda, tortuoſa, variè ramoſa & filamentis plurimis fibroſis donata, colore inter album & fulvum medio, medullâ ſeu nervo medio albo, duro, ſolido, ſed tamen valdè fragili; ſapore fabarum recentium. Planta eſt vivax, & in multos annos durat, quamvis cœlum frigidius & Septentrionales auras non facilè tolerat.

17. *Galeopsis fruticeſcens Tingitana* Hort. Leydenſis.

## C A P. XIX.

### De Sideritide.

**S**ideritis ἀνὸ τῆ σιδῆρος, id eſt, ferro dicitur, ob vim vulnera glutinantem. Sideritis eam vim habet, ut quamvis recenti gladiatoris vulnere alligata ſanguinem claudat. *Plin. lib. 12. cap. 9.* Odore gravi & foetido cum Lamio convenit, foliorum figurâ differt. Nos ſub hoc nomine complectimur omnes verticillatarum ſpecies reliquis generibus floribus non ſpicatis non comprehenſas, ſed eas præcipue quæ odore cum Lamio conveniunt, ſed folia Urticæ non habent.

1. *Herba venti Monſpelienſium* J. B. *Marrubium nigrum longifolium* C. B. Ger. Park. *Sideritis Monſpelienſium* Lugd.

J. B.

*Caulis* habet cubitales, in multos diviſos ramos, robuſtos, quadratos, rubentes, hiriſutos. *Folia* ex adverſo ſita, Salviæ aut Parietariæ potiùs foliis ſimilia, dura, nervoſa, ſupernè virentia & nitida, infernè ſubhiriſuta & albicantia. [*Folia* nobis viſa ſunt longiora & acutiora foliis vel Salviæ vel Parietariæ,] ex quorum ſinu verticillatim ramos caulémque ambientes naſcuntur *calices*, ſtriati, hiriſuti, in acutas barbulaſ definentes, è quibus *flores* promicant galeati, Verbaſci ſylv. Matthioli, ſed coloris purpurei. Verticilla autem undique plumatiſ, rigidulis criſtis obvallantibus ſtipantur.

In aggeribus & ad vias circa Monſpelium frequens, nec alibi vidiffè memini.

Locus.

Tempus.

Floret Maio, Junio & Julio. Solibus æſtivis, imbribus & flatu jam marceſcentia folia crebrò pertuſa & multifora, quaſi vento pervia viſuntur, unde nomen inditum.

Sideritis Perſica odorata Zanoni

*Mibi non videtur ſpecie diverſa à præcedente.* Magnum è radice foliorum ceſpitem emittit, quorum maxima palmum plus longa, tres circiter digitos lata, ſolida, cartilaginea, circumcirca argutè denticulata, denticulis duris & veluti pungentibus, ſuperna parte viridia, infernè albicantia nervis duris, ac ſi ex ære aut ſtanno in fila ducto conſtarent, intertexta, tuſa odorem aromaticum & reſinoſum exhalantia, Menthæ Saracenicæ formâ ſimilia, verum anguſtiora & longiora, odore multo minùs gravi, ſubſtantiâ duriore magiſque cartilagineâ, pediculis latis, maxime quâ nodis annectuntur, adeò ut eos totos amplectantur, quadrangulis, lanuginofiſ imò pilofiſ, ſubinde rubentibus. Folia guſtatu ſaporem in ore relinquunt nonnihil mordacem & acutum cum multa tamen ſiccitate mixtum. E ceſpite folioſo dicto multi exoriuntur *caules*, quadrati, ſulcati, à medio ſurſum ſanguinei, parte inferiore dilutius virides, bicubitales, quartam unciaſ partem craſſi, undulati, ſubſtantiâ ſolidâ & durâ, non fragiles, rariſ geniculis intercepti rubentibus, ad quos bina *folia* oppoſita, è quorum ſinubus exeunt ramuli folioſi foliis minoribus & abſque pediculis adnatis. Nodos verticillatim ambiunt uncinuli, hiriſuti, arcuati, oblongi, acuti, quorum in medio naſcuntur *calices* quadrati, ſulcati, margine in quinque denticulos acutos hiriſutos ſecto, è quorum unoquoque circa finem Julii exit *ſlos* galeatus, ſatis grandis, Salviæ vulgaris ſimilis, colore interiùs rubro ad violaceum tendente, exteriùs albicante, nonnihil lanuginoſus, riçtu hiantè, duabus infernè alis ſubrotundis, galeâ in punctum terminatâ; cujuſ in medio multa exeunt *ſtamina* alba, *apicibus* nigris cum lineâ albâ per medium ductâ capitata. Floribus excuſſiſ reſtat *ſemen* in calicibus, ovalis figuræ, per longum ſulcatum, ſubruffum, Muris majoris ſtercori perſimile. *Radix* longa flexilis, ſurculôſa & fibroſa, foris ferruginea, intus alba, ſapore adſtringente & exſiccante.

Hoc modo operoſe & prolixè ſatis hanc plantam deſcribit Jacobus Zanoni, quem adeat Lector qui plura vellet.

E ſeminibus Perſiâ allatis D. Zanoni enata eſt hæc planta, quæ an diverſa ſit necne ab *Herba venti* Monſpelienſium Lectoris periti judicio ſubmitto. Zanoni diverſum contendit, at nobis non ſatisfacit.

2. *Leonurus*



2. *Leonurus Capitis bonæ spei Breynii.*

Breyn.

Pulcherrima hæc Lamii species cubitalem obtinet *caulem*, striatum, quadratum sed obtusis angulis, brevi ac incanâ lanugine obductum; binis angustis atque incanis foliis per ambitum serratis, alternatim per longa intervalla hærentibus, ut in *Sideritide* vulgari, sed longioribus: ex quorum finibus ramuli similiter quadranguli, minoribus foliis amicti pronascuntur, atque hoc ab imo Caulis ad summos ferme geniculos, quos verticillatim innumeri, teneri, striati, in aculeolos aliquot exeuntes utriculi, pedunculis parvis juxta basin appendiculas more *Marrubii* falcatas habentibus, infidentes; è quibus *flores* exeunt galericulati, fistulosi, Lamii floribus formâ non absimiles, sed multò longiores, incomparabilisque elegantia, ex aureo phœnicei ardentissimi coloris, ac molli lanugine hirsuti, labro demisso parvo & trifido, galeâ longissimâ, pilis holosericeis ex phœniceo pulchrè splendentibus fimbriatâ, quæ prius quàm è calyce erumpit Lamii instar reflexa, mox verò caudæ *Leoninæ* instar in sublime erigitur, sub qua *stamina* quædam longissima, apicibus parvis capitulata delitescunt. Elapso florum tempore succedunt pro more *semina* quatuor in quolibet utriculo. Sapor hujus plantæ amarus: odor aromaticus, attamen gravis, infimâ præprimis calyculorum parte, qui etiam duodecimo post collectionem anno contriti eandem pæne quem Marum *Matth.* odorem produnt.

Vere in omnibus ferè pascuis juxta Promontorium bonæ spei floret.

Locus.

A. 3. *Sideritis Anglica strumosa radice* Park. *Panax coloni* & *Marrubium aquaticum acutum* Ger. *Stachys palustris fatida* C. B. *Galeopsis angustifolia fatida* J. B. *Clown's All-heal*.

J. B.

*Radice* nititur geniculata, reptante tumoribus inæquali & velut strumosa. *Caules* duorum aut trium cubitorum altitudine, modicè rubentes, hirsuti, asperi, quadrati, inanes, *folia* ex nodis proferunt bina, ex opposito sita, *Lyfimachia* purpureæ spicata, angusta, acuminata, hirsuta, mollia, exceptâ aversâ folii costa rubescente, nonnihil aspera, per ambitum serrata, odore gravi *Galeopsæos*, sapore subamaro. *Flores* spicati, ex pluribus verticillis conflati, quorum singulares cucullati, purpurascetes, labello variegato. In floris *caliculo* (qui brevis est & in quinque segmenta acuta divisus) quaterna subnascuntur *semina* nigra, nitida, ferè triquetra.

Ad fluviis &amp; in aquosis passim.

Gerardus nostras herbæ hujus efficaciam in vulneribus sanandis, experienciâ cujusdam messoris Cantiani, qui crus sibi falce graviter vulneraverat edoctus, miris illam præconiis celebrat. Folia tula cum axungia porcina vulneribus recentibus imponit. Hinc nomen *Panacis coloni*. D. Hermannus Syrupum ex ea paratum optimum esse remedium ad raucedinem perhibet. D. Palmer.

Locus.

Vires.

A. 4. *Sideritis vulgaris* Ger. *vulgaris Clusii* Park. *vulgaris hirsuta* J. B. *vulgaris hirsuta erecta* C. B. Common Iron-wort.

J. B.

Ex lignosa *radice* caules emittit pedales & bipedales, quadratos, hirsutos, ex albido virore flavescetes, [jam surrectos jam depresso, ut rectè Lobelius] ad quorum genicula *folia* exeunt rugosa, hirsuta, unciali aut sextantali longitudine, semunciam circiter lata, in ambitu crenata, sapore exsiccante & adstringente cum calore aliquo. *Flores* verticillati genicula amplectuntur, galericulati, ex albido lutei, labro sanguineis punctis guttato, ex calyculis hirsutis in quinque mucronata segmenta abeuntibus. Semen nigrum.

Per Germaniam, Italiam &amp; Galliam in agrorum marginibus vulgarissima est. Æstate floret.

Locus.

Exsiccat vehementer & astringit, hæmorrhagiam sistit, catarrhos & destillationes à capite compescit. Vulneraria est, intus & extra adhiberi apta, præcipuè in herniis & enterocelis: alba mulierum profluvia compescit.

Vires.

A. 5. *Sideritis hirsuta vulgaris humilior* C. B. *Sid. secunda Clusio capitato flore* J. B.

Clus.

Humilior est priore, neque pedalem excedit altitudinem, in raros divisa ramulos; *foliis* priori similibus, mollioribus tamen: *flores* ampliores, albi, pallescente labro, & paucis rubris punctis asperso, verticillatim in utriculis caulem supremosque ramulos ambientes, breviorum quàm in jam dicta & quasi mutilatam spicam efficiunt, ut in *Prunella* vulgò dicta, autore Clusio.

Nusquam non occurrit in agris & inter segetes in multis Pannoniæ & Austriæ locis. Floret Julio.

Locus.

A. 6. *Sideritis glutinosa bitumen redolens* Moris. prælud. *viscosa Cretica bitumen redolens* Zanoni.

Dodrantis est altitudinis, cujus *folia* ex adverso sita sunt, hirta, glutinosa, caulibus conjugatim adherentia; contacta manibus aut naribus admota bitumen redolent. *Flores* albos & *semina* reliquorum congenerum modo fert.

Hanc plantam Jacobus Zanoni in Historia suâ Botanica Italico idiomate conscripta plenius describit, quem consulat cui satisfactum non est.

\* 7. Side-



- \* 7. *Sideritis hirsuta procumbens* C. B. *Sideritis Clusio Hispanica*, *hirsuta* J. B. • *Sideritis prima*, *Herba Judaica* Park. *Herba Judaica Lobelii* Ger. emac.

## Clus.

Longiore est folio quàm Marrubium, satis ad Salviae folium accedente, minore tamen, querni ferè folii divisurâ, scabro, villis quibusdam prædito, nec injucundi gustûs, nec odoris. *Caules* fundit quadrangulos, palmum ut plurimum excedentes, interdum procumbentes, duos, hirtos, candidantes, quorum summitates per intervalla verticillati orbes coronant ut in vulgari Sideritide: orbes vasculis constant, in quibus *flos* priori par, ex candido nonnunquam purpurascens, quo evanescente *semen* in vasculis nigricans reperitur: *radix* dura lignosa, vivax.

## Locus.

Frequens occurrit aridis & petrosis Castellæ veteris locis, æstate florens: quibusdam etiam locis in Autumnum usque floribus onusta conspicitur.

Lobelius in Obl. & Icon. atque etiam Dodonaus, assumpta hujus icone eandem eam faciunt cum vulgari primo in loco descripta Sideritide. C. Bauhinus differre hanc à vulgari scribit, quòd illa altior, hæc caules habeat procumbentes, magisque hirsutæ candicet. Verùm hæc non sufficiunt ad differentiam specificam (ut vocant) arguendam. Et revera Sideritidis vulgaris caules non rarò procumbunt, suntque infirmi satis. Quid quòd ipse Clusius in Hispanicis, hanc nusquam ferè non occurrere scribat arido & petroso solo per Hispaniam, Galliam, Germaniam; mirum ergo nobis per istas regiones herbas indagantibus nusquam in conspectum se dedisse, si à vulgari diversa sit.

Ego (inquit J. Bauhinus) ferè dicerem Sideritim Hispanicam Clusii eandem esse cum Monspe-  
liensi, nisi Lobelius & C. Bauhinus eam ab illa separarent.

- \* 8. *Sideritis quarta Clusii*, *ramulis procumbentibus* J. B. *hirsuta procumbens altera*, *minimum crenata* C. B. *parva procumbens* Park. *procumbens ramosa* Ger. emac.

## Clus.

Aliquot habet *ramos* procumbentes, quadrangulos, tenues, villis quibusdam obsitos, quos per intervalla contrario semper situ cingunt *folia*, vulgari ferè similia, paulò tamen minora, à medio ad extremum ferrata, nonnihil etiam villosa. Summos ramos verticillatim ambiunt vascula, in quibus *flores* prioribus formâ similes, quantum ex delineatione colligere potuit Clusius; nam plantam ipsam non vidit, sed ejus iconem tantum à Jac. Plateau missam: unde neque de colore floris, neque de semine quicquam pronunciare potuit.

9. *Sideritis folio rotundiore* J. B. *altera parva Clusii* Park. *procumbens non ramosa* Ger. emac. *Sideritis* V. Clus.

## Clus.

Medium *caulem* habet surrectum, quadrangulum: deinde statim à radice multos in latera spargit *ramos*, humi fufos, quadrangulares, quibusdam villis pubescentes, geniculatos, quos bina semper inter se opposita ad singulos nodos amplectuntur *folia*, præcedentis folii pænè similia, minùs tamen ferrata, inter quæ ab imo ad summum usque verticillorum ritu nascuntur in vasculis *flores*, superioribus etiam formâ similes.

Et hujus iconem ad Clusium mittebat Jac. Plateau ipsius manu eleganter expressam.

C. Bauhinus utramque hanc speciem ad idem caput reducit: & ut verum fateor, non possum mihi persuadere, dari tot distinctas Sideritidis species.

- \* 10. *Sideritis hirsuta pallido flore* C. B. *Sid. flosculis vix è vasculis prominentibus fuscis* J. B. *Sid. angustifolia* Ger. *Sideritis* vi. *Pannonica* Clus, *Germanica parva* Park.

## J. B.

Cubitalis est plus minùs planta, *caule* quadrato, hirsuto; *foliis* nequaquam per margines ferratis, uncialibus & sescuncialibus, hirsutis: Rami in quos dividitur caulis oppositum habent situm, per quos longâ serie *flores* verticillati, pusilli, intra ipsos calices propemodum occultati, fusco colore inamœni in ficca, calicibus admodum hirsutis, in quinque acutas in spinulam desinentes sectiones divis. Porro unicuique verticillo bina subjiciuntur adversa folia, multò inferioribus minora, magis tomentosa, nervis secundum longitudinem donata, æquabili marginum circumscriptione, ad Serpyllum accedentia.

Clusio *caulis* pedalem non superat altitudinem, ab radice statim ramosus: Extremos ramos caulèmq; foliolorum pallescentis coloris coma occupat. *Radix* albescens, lignosa, aliquot fibris hirta, non vivax.

## Locus.

Frequentissima est in Pannoniæ Austriæque inferioris arvis inter segetes, macro & sterili solo: floret Junio & Julio.

Huic, diligenter collatis descriptionibus, omnino eandem judico Sideritim montanam parvo flore nigro-purpureo Col. cujus tamen descriptionem ne quam speciem temere omisisse arguar, sub-  
jiciam.



*Sideritis montana* parvo variisque flore C. B. *montana Apula versicolor* Park. *Sid. montana parva* flore nigro-purpureo medio croceo Col.

Col.

*Flos* galericulatus est, atque in hoc genere minimus, caput habens hirsutum, nec ab utriculo extertum, ut vix nisi lectâ manu plantâ discerni queat, vario distinctus colore, capite nempe & bacularum oris nigro-purpureis, medio umbilico luteo, collo denique candicante. *Utriculi* verò quinque latis dividuntur nervosis oris, aculeis longis parum hispidis, hirsuto reliquo corpore, seni circa genicula caulis & ramorum. *Caulis* sesquipedalis, ad summum quadratus, rubescens, hirsutus, alis duabus in medio divisus. *Folia* oblonga, ex viridi languentia, albâ, longâ hirsutie obducta, ternis utrinque circa extremum obscuris denticulis serrata, circa imum caulem longis veluti petiolis infidentia, ut circa fastigium & utriculos illis carentia, latiora, ac nervos quinos per longum habentia, nec incisuris divisa, ac acuminata. *Semen* angulosum, ex nigro cinereum, quod angusto pilosâque utriculorum ore occluditur. *Radix* lignosa, parva, fibris divisa atque flavescent. Sapor plantæ dulcis calescens parum, atque palato non ingratus. Aliquando unicaulis, aliquando multicaulis invenitur.

Junio floret, atque ætate perficitur. In sterilibus & saxosis Æquicolorum supra Capuccinorum *Locus*: sylvulam.

# II. *Sideritis* genus spinosis verticillis J. B.

J. B.

*Caulis* huic quadratus, hirsutus, cui ad singulos nodos verticillatim circumnascuntur flores, *Sideritis* vulgaris floribus similes, candidi, hiantes, non ita exerti, calicibus laxis, duris, in quinque lacinias rigidas, spinosas, supremam omnium longè maximam divisas: unicuique autem verticillo ab imo ramo ad summum usque fastigium duo sunt subjecta ex adverso orta foliola, modicâ hirsutie obfusa, serrata ut *Teucrii*, sed nonnihil oblongiora, angustiora.

In Italia & Gallia Narbonensi prope Montspelium in agris hanc observavimus.

Icon *Sideritis* V. Clusii huic plantæ non ita dissimilis est; ut putem hanc illi eandem esse. Nam Clusius ex intuitu duntaxat picturæ descriptionem suam concinnavit, cum icon nuda nullis notis adjectis à Jac. Plateau ad eum mitteretur. Descriptionem vide & confer.

*Locus*.

## A. 12. *Sideritis humilis lato obtuso folio* Ger. emac. *Sid. bederula folio* Park. *Petty All-heal*. An *Sideritis Alfine Triflaginis foliis* C. B?

E *radice* alba, simplici, fibris tenuibus capillata *caules* promit palmares, quadratos, hirsutos, ramosos, *foliis* vestitos ex adverso binis, pediculis longis infidentibus, hirsutis, circa margines crenatis, ungui pollicis paribus aut majoribus, brevibus, obtusis. *Flores* ad geniculos verticillatim caules & ramulos ambiunt, galeati, parvi, dilute purpurei, tum galea tum labello saturationibus punctis purpureis notato, è calicibus vix emergentes hirsutis, margine in quinque segmenta acuta partito. *Semina* per maturitatem nigra, ejusdem cum reliquis hujus generis figuræ, quæ quamprimum maturuere statim excidunt è vasculis.

Plantula hæc annua est, Junio & Julio mensibus floret. Inter segetes sæpius occurrit, præsertim *Locus*. in Septentrionalibus.

*Sideritis Alfine Triflaginis folio* C. B. in Prodr. cætera huic similis est, figurâ floris differt, qui in nostra planta brevis est: ideoque *Parkinsonus* immeritò à nobis in *Catalogo Plantarum Angliæ* reprehenditur, quod has duas *Sideritides* specie diversas fecerit.

## 13. *Sideritis glabra Betonicæ ferè folio*. An *Gallitricum flore minimo albo* J. B? *Horminum minus supinum Creticum Clusii* C. B. Park.

*Folia* parva Betonicæ ferè figurâ, sed breviora, pariter crenata, glabra, obscurè viridia velut *Blattariæ* luteæ, pediculis satis longis hærentia: quæ in caulibus sunt paulatim minora, angustiora, acutiora, brevioribus pediculis, & suprema nullis. *Caules* satis firmi, quadrati, hirsuti, ab imo usque valde ramosi. *Flores* in verticillis ex alis foliorum exeunt; singuli singulis sed brevissimis pediculis donati, albi, labello è luteo pallido, in ipso rictu aliquot rubris punctulis guttato. Galea intus utrinque ad latus lineam habet albam. *Folia* quæ florum verticillis subsunt reliquis in caule similia sunt. Unum autem verticillum sex flores componunt.

*Sideritis* hæc nobis succrevit ex semine à D. Covell (ut puto) accepto; qui in Thracia plan- *Locus*. tam observavit.

## \* 14. *Sideritis foliis oblongis glabris* C. B. *glabra oblongo splendente folio* Park.

C. B. prod.

*Caules* habet quadrangulos cubitales, velut geniculatos, in quorum summitate rarissimi pili conspiciuntur. *Folia* tenuia, pallidè virentia, penitus glabra, quorum inferiora tres uncias longa, unam lata, minimèque serrata sunt: *Flores* formâ quidem *Sideritis* vulgarissimæ floribus respondent, sed longiores & majores, galeati & albi, è calicibus asperiusculis prodeuntes ad foliorum exortum, ab imo ferè ad summum caulem verticillatim ambiunt; quibus *semen* parvum, nigrum, inæquale succedit.



- A. 15. *Sideritis arvensis latifolia glabra* C. B. Park. Ger. *glabra arvensis* J. B. Smoother-leaved, yellow-flowered field Iron-wort.

*Radix* nititur albâ, lignosâ, fibris aliquot majusculis donatâ, annuâ, sapore subdulci. *Caulis* inde exurgit singularis plerunque pedalis, firmus, quadratus, hirsutus, ramulos fundens ex adverso geminos. *Folia* quàm *Ladani* segetum dicti latiora, pediculis suffulta, è lata basi in acutum mucronem sensim desinentia, denticulis majoribus ferrata, brevi & vix conspicua lanugine hirsuta, ad tactum mollia. *Flores* in summis caulibus & ramulis umbellatim digesti, galeati, tubo longo prominuli, exterius pilosi, albi, cum aliqua flavi aut viridis tinctura. *Floris* labellum in tria segmenta divisum maculâ intus saturatiore è flavo virenti pingitur. *Calices* florum in quinque spinulas desinunt, *Semina* grandiora fusca continentes.

Locus.

Julio mense & circa principium Augusti apud nos in Anglia floret. In occidentali Eboracensis comitatûs parte, viz. circa Wakefield, Darfield, Sheffield, &c. inter segetes frequens reperitur. Invenimus & in transmarinis sapius: miramur autem cur omnibus qui de ea scripserunt Botanicis glabra dicta sit.

- A. 16. *Ladanium segetum quorundam flore rubro* J. B. *Sideritis arvensis angustifolia rubra* C. B. *arvensis rubra* Park. Sid. 7. Ger. emac. Narrow-leaved All-heal, or Iron-wort.

J. B.

*Radix* huic alba lignosa, plurimas fibras undique spargens. *Caulis* pedalis, simplex, quadratus, nonnihil hirsutus, purpurascens, ramosus. *Folia* ex brevibus & inter se contrariis pediculis bina, angusta, oblonga, atrovirentia, subhirsuta, in acutum desinentia, circa margines dentata, sapore exsiccante. *Flores* propè summities caulibus & ramulorum verticillatim dispositi, galeati, oblongi, purpurei, labello punctis duobus albicantibus notato, interius paulò notulis in luteum vergentibus resperso, è calice brevi, patulo, quinque-partito, segmentis in spinulas desinentibus. *Flos* pro plantæ magnitudine amplius est & pulcher.

Locus.

Inter segetes passim & copiosè. Floret à mediâ Æstate in Autumnum.

- \* 17. *Sideritis Heraclea Dioscoridis, sive Sid. marina Salvifolia nostras* Donato Park. App.

Park.

*Radix* huic minimi digiti est, rugosa, sublutea. *Caulis* lignosus, quadratus, ima parte foliis *Salviæ* similibus, sed nonnihil viridioribus cinctus, superius adnascens Marrubii Cretici similioribus, Summos caules flores verticillatim ambiunt *Salviæ* ferè in modum dispositi, colore albicante aut ex luteo cinereo tincti. *Folia* commanla Mastichen resipiunt.

Locus.

In maritimis fabulosis inter *Perauls* & *Maugio* ætate florentem vidit P. Magnol. Botan. Monsp.

- \* 18. *Sideritis querno folio* C. B. Park.

*Caulis* huic rectus, paucis ramis, raris foliis, latiusculis & in extremo rotundis, incisuris in ambitu inæqualibus sectis, binis oppositis, pediculis brevibus insidentibus, quernis nonnihil similibus. *Flores* parvi in verticillis exiguis circa summos caules, colore pallidè purpureo.

19. *Galeata & verticillata Persicæ foliis* Moris. prælud.

Moris. prælud.

*Folia* producit *Persicæ* foliis quoad formam & ferraturam adeò similia ut nihil magis. *Flores* autem fert galeatos, subpurpureos, amplos, quorum singulis in calycibus in margine quinquepartitis, Verticillatarum more, succedunt semina angulosa quaterna.

Perperam ergo à nonnullis ad *Digitalem* refertur.

## C A P. XX.

### De Hedera terrestris.

**H**edera dicta est hæc herba ob foliorum aliqualem similitudinem, & quod hederæ instar in terra reptat.

Foliis subrotundis, flagellis reptatricibus, Florum labio superiore, galeam vocant, bifido & reflexo à reliquis Verticillatarum generibus distinguitur.

A. 1. Hedera

- A. 1. *Hedera terrestris* Ger. *terrestris vulgaris* C. B. Park. *Chamaecissus* sive *Hedera terrestris* J. B. *Ground-Ivy*, *Gill-go-by-ground*, *Alc-hoof*, or *Tun-hoof*.

*Flagellus* tenuibus, quadratis, humi fufis, è geniculis radices agentibus latè se diffundit. *Caulis* [qui flores sustinent] tenuis, hirsuti, quadrati, rubentes, inanes, infirmi & vix se sustinentes, palmares aut semipedales, *foliis* vestiti per intervalla ex adverso binis, pediculis longis infidentibus, subrotundis aut in acumen modicè productis, per oras crenatis, hirsutis, cum adhuc tenera sunt & primitus germinant purpurantibus. *Flosculi* ad caulium nodos in verticillis, è singulis foliorum alis tres quatuorve aut etiam plures exeunt, cœrulei, oblongi, utrinque labiati, labio superiore, seu galeam mavis dicere, bifido, & ad latera reflexo, inferiore in quatuor segmenta diviso, tubo intus saturationibus purpureis maculis & lineolis variegato, rictu pilis brevibus albis velut lanugine quadam obfeto. *Stylus* tenuis, bicornis. *Calix* floris oblongus, angustus, striatus, marginibus in quinque segmenta breviter partitis, flore marcescente in ventrem turgescit, & quatuor semina oblonga continet. Sapor plantæ amarus; odor gravis ad Mentham quodammodo accedit, aut inter Lamium & Mentham ambigit.

Aprili mense apud nos plerunque floret. Ad sepes & macerias.

Duplex est (inquit C. Bauhinus) major quæ vulgata: & minor elegantior, cauliculis erectioribus, brevioribus, ut & foliis; floribus magis cœruleis, quæ locis humidioribus circa arbores antiquas invenitur.

Tempus &  
Locus.

- \* 2. *Hedera terrestris montana* C. B. Park. Cam. ep.

C. B.

Priore hirsutior est, foliis majoribus & floribus qui purpurascunt. An hæc specie distincta sit à priore me latet.

- \* 3. *Hedera Saxatilis* Ger. emac. *terrestr. Saxat.* Lobelii Park. *magno flore* C. B. *Asarina* sive *Saxatilis Hederula* Ad. Lob.

Ex jejuna & obscura Lobelii descriptione ad quod genus plantarum referri debeat elicere nequeo.

*Hedera terrestris vulneraria* est, tum intrinsecus sumpta, tum extrinsecus adhibita, diuretica, em- Vires.  
menagoga: usus creberrimi in Tartaro pulmonum & renum resolvendo: quin & ictero conferre dicitur, & ad dolores colicos conducere in clysteribus.

R Summatum *Hederæ terrestris* nonnihil rubescentium s. q. contusæ formetur in placentam quæ sole fervido statim exsiccata, in pulverem subtilem redigatur, & in vitro servetur. Hæc planta virtutem cum odore & colore optimè ac diutissime supra omnes conservas aut syropos retinet: atque in tussè gravi & pertinace inque Phthisi summopere prodest. Sumatur Drachm. ℥. ad Drachm. i. bis in die cum aqua destillata aut decocto pectorali. *Willis Pharmacent. rational. part. 2. Sect. 1. cap. 6.*

Vidi ego utentes quosdam ad torsiones post partum ventri apposita; ac ipse sanè utiliter usus sum. Hujus porro felicem usum observavi in expellendis vermibus equorum si contusa detur cum Avena. *J. B.*

*Hederam* terrestrem Angli præsertim Septentrionales in dolia immittere solent ad depurandam seu clarificandam cerevisiam, quod brevi, nempe viginti quatuor horarum spatio præstare solet, unde & nomen *Alc-hoof* seu *Tun-hoof* adepta est. Verùm hic mos post receptum Lupulorum usum paullatim desuevit.

Succus hujus plantæ naribus attractus cephalalgiam etiam vehementissimam & inveteratam non lenit tantum sed & penitus aufert. Medicamentum hoc (inquit autor meus Joannes Oldacres ludimagister olim Tamworthensis) quamvis facile parabile & ubique obvium sit, non satis potest laudari, si res ex usu æstimarentur, auro æquiparandum. Novi quippe qui per decennium & amplius acerrimis doloribus conflictati statim ab ejus usu recreati sunt, nec unquam postea paroxysmum senserunt.

Ad colicum dolorem, R fol. heder. terrestr. q. v. infund. in oleo ad Solem æstivum, est singulare remedium injectum & epotum. *Chefneau ex Matthiolo.* Communicavit D. Hulse.

Ad calculum, erat qui vino in quo *Hedera terrestris* infusa esset, addito Saccharo Candi cum succu quidem uteretur, sed & cum dolore cum arenulas excerneret insigni. *D. Soame, ex \* Observat. Obs. 167: Hieron. Reufneri à Velschio editis.*

4. *Lamium ad Hederam terrestrem accedens* J. B. *Lamium Pannonicum* 3. *Clus. Pannon. tertium Clusii* Ger. emac.

Ex radice urticæ vulgari simili plures profert pedales cauliculos, teretes, quadrangulos, frequentibus nodis cinctos: ad quos folia oblongis pediculis donata, Lamio vulgari purpureo similia, vel proximè ad *Hederæ terrestris* accedentia: inter quæ calyculi terni, quaterni vel quini, continentes flores *Hederæ terrestris* floribus formâ proximis, hiantes, nullâ superne galea eminente, sed latiusculo folio reflexo duntaxat, mixtis coloribus, cœruleo, purpureo & albo insignitos.

Nascentem plantam *Clusio* nunquam videre contigit, sed ejus duntaxat iconem suis coloribus diligentissime expressam.



## CAP. XXI.

## De Moluca.

**P**eregrina est herba Asiatica originis, Constantinopoli primum delata. Calycibus florum amplissimis, patulis, acetabulorum æmulis ab aliis omnibus verticillatis primâ facie cum floret facillè discernitur.

1. *Molucca* J. B. *Melissa Molucca levis* Ger. *Mel. Molucca levis*, sive *Syriaca levis* Park. *Melissa Moluccana odorata* C. B. *Smooth Molucca* Baulm.

*f. B.*

*Caulem* habet rectum, sesquicubitalem vel majorem, glabrum, subrubentem, ferè quadratum, satis robustum, paucâ medullâ factum, in ramos multos satis diffusum, eòsque binos oppositos: *Folia* subrotunda, per ambitum serrata [idque profundè] longis pediculis appensa, foliis Marrubii nigri similia, verum non ita nigra, planè glabra, nervosa. In caule ramisque à medio ad summum usque ex intervallis calices magni, patuli, calathoides, cutanei, nervosi, sèni verticillatim digesti, *flosculos* comprehendunt Galeopseos, ex albo purpurascens, galeâ hirsutâ, apicibus in medio, tandem seminibus succedentibus triangulis. Cæterum unicuique verticillo folia bina adhærent, longo interveniente pediculo, inferioribus similia: ad pediculorum ipsius exortum spinulæ aliquot longiusculæ profiliunt. *Radix* lignosa est & fibrosa. Annua est herba cui folia amara, flos ferè insipidus.

Hujus plantæ odor mihi gratus.

2. *Molucca asperior fetida* J. B. *Molucca spinosa* Ger. emac. *Melissa Molucca asperior* sive *Syriaca asperior* Park. *Melissa Moluccana fetida* C. B.

*f. B.*

Longis nituntur pediculis *folia* circumscriptione ferè rotunda, laciniata, nervosa, foetida. *Flores* è calycibus verticillatim caulem amplectentibus ex intervallis erumpunt: Sunt autem calices minus patuli quàm in *Molucca* priore, nervosi, laciniati, quorum lacinia in longas, rigidas, infestas spinas desinunt.

Tenerior est quàm præcedens, nec ita facillè semen ad maturitatem perducit.

3. *Melissa fruticosa* Sicula, calice amplo, patulo.

In longitudinem insignem excrescit, *caulibus* infirmis, quadratis valdè ramosis. Cortex ramorum antiquiorum cinereus est, juniorum rubens. *Folia* *Melissæ* vulgaris formâ similia, sed multò minora, circum oras pariter dentata, pediculis satis longis nixa. *Flores* cucullati, albi cum levi tamen ruboris tinctura, labellis punctatis. *Calices* florum eidemque seminum conceptacula qualia ferè *Moluccæ*, ampla, patula, calathoides, minora tamen, & in quinque lacinias, tribus superius, duabus inferius sitis, ad margines secta. *Semina* qualia *Moluccæ*: odor plantæ gravis.

*Locu.*

In Sicilia circa Messanam, & in insula ad Promontorium Pachynum invenimus hanc plantam, cujus etiam caules nobis perennare videbantur. Pro non descripta hætenus habemus. Calycibus magnis patulis, infundibuli ferè forma cum *Molucca* convenit.

Ad hanc plantam accedit *Lamium fruticosum* non maculatum Creticum *Zanoni*.

## CAP. XXII.

## De Calamintha.

**C**alamintha quasi bona & utilis *Mentha* dicta putatur: nidore enim suo (ut habet Aristot.) serpentes vel accensa, vel substrata fugare solet. C. Hofmanno ~~et~~ dicitur medium esse vocabulum, quale *σινδρίς*, &c. ut *Calamintha* sit *mentha* horrida, incana, & ingrati odoris. *Calamintham* enim nihil aliud esse quàm *Mentastrum* Galeni autoritate inductus sibi persuadet. Dicitur ergo *Calamintha* ~~est~~ *ἰνσημικόν*. At nobis *Calamintha* alia res est, & genere à *Mentha* diversa, cujus notæ sunt flores galeati tubo oblongo, pediculis longiusculis è foliorum sinibus egressis insidentes. Folia & odor *Menthæ*.

A. 1. Cala-

- A. 1. *Calamintha vulgaris* Park. *vulgaris* Officinarum Ger. *vulgaris vel Officinarum Germaniae* C. B. *flore magno vulgaris* J. B. **Common Calamint.**

J. B.

Per caules ramósque quadratos *folia* nascuntur unciam aut fescunciam longa, serrata [leviter tamen] pilosa, odore satis grato, à medio ad summum usque ramorum ex alis foliorum *pediculi* duo in plures minores difsecantur, quibus *flores* insident è *caliculis* barbatis striatisque semunciales aut paulò longiores [maiores enim sunt quam in ea quæ *Pulegium* redolet] hiantes, colore purpurascente, odore jucundo præditi.

Viget æstate, à Junio in Autumnum flores seménque perficit.

In Anglia rariùs occurrit spontanea, invenitur tamen, in viis publicis, ad aggeres fossarum & Tempus.  
Locus.

sepium, &c. Hujus *folia* latiora sunt, majora, & pro magnitudine breviora quàm illius quæ *Pulegii* est odore. Flores autem in ea quæ sponte apud nos oritur (quantum memini) quàm illius majores non sunt. Flores enim magnitudine variant, annotante Parkinsono, in *Calamintha* vulgari: & C. Bauhinus in Prodro-mo *Calamintham* vulgarem exiguo flore pro diversa specie describit.

*Calamintha* calidior est & acrior quàm *Mentha*, partium tenuium. Stomachica & uterina est Vires. inprimis: menses ciet, urinam movet, hepar reserat, tussi medetur. *Schrod.*

*Folia* Dioscoridi potu aut illitu demoris à serpente opitulantur: ruptis, convulsis, orthopnceæ, torminibus, choleris, horribilibusque auxiliantur: regium morbum expurgant; præsumpta in vino venenis resistunt: tineas cateraque interaneorum animalia cum sale & melle pota enecant: nec secus cocta crudæ si terantur. Elephantiacos esitata adjuvant, si postea serum lactis ebibant: apud quem plura vide.

- A. 2. *Calamintha odore Pulegii* Ger. *Pulegii odore, sive Nepeta* C. B. *altera odore Pulegii, foliis maculosis* Park. *flore minore, odore Pulegii* J. B. **Field Calamint.**

*Caulibus* pluribus, cubitalibus, tenuibus, quadratis, rigidis, hirsutis, in apricis rubentibus, ramosis, in terram reclinatis emergit quotannis. *Folia* ex intervallis opposita, parva, hirsuta, raris crenis incisa, triangularia ferè, odore gravi *Pulegii* vel ferè *Sisymbrii*, sapore acri, vegeto. *Flores* ad genicula verticillati, pallide purpurei aut cærulei, tubo longo, labello trifido, *pediculis* longiusculis hærentes: Ex ala folii utrinque exit *pediculus* communis, oblongus, tenuis, plures *flosculos* peculiaribus *pedicellis* sustinens. *Calix* floris idémque vasculum seminale oblongus, angustus, striatus, quatuor in fundo *semina* juncta continet minutissima, ruffa.

Seriùs & sub Autumnum floret. In aggeribus sepium, ad agrorum margines & vias publicas solo Locus. præsertim steriliore & arenoso copiosè provenit.

3. *Calamintha montana præstantior* Lob. Ger. Park. *magno flore* C. B. *flore magno ex calice longo* J. B. **Mountain Calamint with a large flower.**

J. B.

Per caules ramósque quadratos *folia* nascuntur adversa, semuncialibus *pediculis* nixa, fescunciali longitudine, paulo minus lata, subhirsuta, profundè in ambitu serrata: è quorum uniuscujusque sinu *pediculus* exit unus, semuncialis, quinos, quaternosve peculiaribus *pedicellis* gestans *flores*, patulo hiatu purpurascens, unciali supra tumbriatum, striatum, longum *calicem* longitudine prominentes. *Radix* sanè multò longior quàm in vulgari.

In montosis Etruriæ sylvis, inque montibus propè Max. Carthusianorum cœnobium.

Locus.

- \* 4. *Calamintha folio & flore parvo, incana* J. B. *Cal. incana Ocimi foliis* C. B. *Cal. minor incana* Park. *montana vulgaris* Ger.

J. B.

*Caules* hirsuti, cubitum excedentes: *ramuli* oppositi: in summitate *flosculi* hiantes, albidii, gravis odoris, ex binis longiusculis *pediculis* bini: *Folia* Majoranæ quædam multò minora, potissimum superiora, vix crenata aut rariùs, valdè hirsuta, inferiori potissimum parte, penè incana.

Cautibus Linguagotticis, calidarumque regionum innascitur. *Lob.*

Locus.

5. *Calamintha montana Acini aut Serpylli foliis.*

*Caules* huic teretes, semipedales aut dodrantes, ramosi: *folia* parva, glabra, Acini Anglici *Clus.* & illorum in modum rariùs dentata: *Flores* in summis caulibus & ramulis verticillati verticillis adeò crebris ut spicas longas mentiantur. Verticilli quos diximus constant ex *flosculis* parvis non sessilibus in foliorum alis, sed multis simul congestis in *pediculo* oblongo hinc inde ex alis foliorum egresso. *Flosculos* non vidimus; eorum autem calyces parvi erant margine quinquepartito. Alicubi in Alpibus invenimus.



## CAP. XXIII.

## De Melissa seu Melissophyllo.

**M**elissa dicitur hæc herba quia odore ejus apes delectantur in tantum, ut si succo ejus alvearia linantur nunquam diffugiant. Foliis atrovirentibus Calaminthæ majoribus, odore citri, floribus in uno pediculo è cujusque folii sinu egresso pluribus confertis, non ut in Calamintha sparsis, à reliquis hujus familiæ distinguitur.

1. *Melissa* Ger. *bortensis* C. B. *vulgaris* Park. *vulgaris* odore citri J. B. unde *Citrage* Gesnero dicitur. **Common Baulm.**

J. B.

Apibus gratissima Melissa, ex argumento nomen adepta, *caulibus* adolescit cubitalibus & altioribus, quadratis, lævibus ferè & nitidis, in plures alas, ex adverso fitas, divisis, solidis, duris, rigidis & fragilibus. *Folia* è geniculis bina opposita pediculis circiter uncialibus appenduntur [inferiora in caule longioribus, superiora brevioribus, ut in congeneribus] Calaminthæ æmula [inferiora tamen triplo majora] cum splendore atrovirentia, brevi lanugine hirsuta, per ambitum serrata, odore Citri, sapore acrimoniâ aliquâ linguam feriente: ex quorum alis verticillati *flores* emicant [in duobus fasciculis, hinc inde uno, pluribus simul, perbrevis pediculis nixis, secus quàm in Calamintha] albidis, pallidè rubentes, [tubo brevi] supremâ laciniâ bifidâ, labello lateralibusque duabus laciniis saturatiore, ex calyce hirsuto, striato, [bipartito, superiore parte sursum reflexa & tridente, inferiore deorsum porrecta bifidâ, seu in bina segmenta longa acuta divisa.] *Radix* subest lignosa, multifida, teres, obliquo actu per terram lata, fibris multis albescentibus, crebris capillamentis curatis, profundè in terram demissis.

Locus & Tempus.

In Anglia non provenit sponte, quod sciam, sed in hortis duntaxat colitur. Circa Genevam vidit spontaneam in sepibus J. Bauhinus. Floret Junio, Julio & Augusto, Hyeme superficies marcescit radice restibili.

Vires.

Melissa inter herbas cordiales recensetur. Hinc Melancholicis tantum non appropriata est: tristitiam depellit, somnia procreat lata, sensusque acuit. Hinc in Syncope & palpitatione cordis magnas habet laudes apud Forestum & alios. Commendatur à Rondeletio in Paralyfi, Morbo caduco, Vertigine, aliisque cerebri frigidis affectibus cum vino cocta, aut macerata & bibita: à Gratarolo in confortanda memoria, & ingenio acuendo quocunque modo comedatur. In remoratis mensibus, & lochiis puerperarum, suffocationeque uteri & flatibus magni usus est. Emendat insuper fetorem anhelitus.

Mulierculæ in Gallia turiones teneros tusos ovis, saccharo & rosaceo excipiunt, placentalisque pinguunt parturientibus, puerperis & enixis quibus vires impendio dejectæ fuerint, & secundæ non probè eductæ.

Extrinfecus usus est in uterinis balneis, cataplasmatis, &c. ictibus venenatis apum, vesparum, &c.

Pro Officinis, monente C. Hofmanno, colligenda est tempore verno, & extra florem, ad quem ubi pervenit jam cimices olet.

Ad maniam, R. fol. Melissæ Mj. minutim incidantur & infundantur in sp. vini ʒiv. add. Margarit. p.p. ʒβ. Dosis Coch. ij. Erat arcanum familiæ cujusdam Monspeliensis. *Riverian.*

Si formulam medicamenti melancholiam refranantis expetatis (inquit Simon Paullus) hanc accipite, R. Conserv. Melissæ ʒj. Boraginis, Buglossæ ana ʒβ. confect. Alkermes ʒj. cum syr. quinque aperientium, cujus jugi usu præmissis Universalibus recorder à pertinaci Melancholia virginem sanitati pristina restitutam, quæ insuper chlorosi laborabat.

Nostrates Mulierculæ Melissæ decocto menses sibi concitant & proritant. Novi unam & alteram quæ satis feliciter sibi menses prolucunt Melissâ recenti tibialibus vel sandaliis solum indicâ. *Simon Paullus.*

Multi cordis tremore laborantes, jam derelicti à Medicis curati sunt sola Aq. Melissæ cum manu Christi M. ad consistentiam satis crassam, tempore paroxysmi largius adhibita.

Quam etiam in epithemate seu potius cataplasmate adhibitam, imitatione Helidei de Padoanis Medici Bononiensis & præceptoris sui mira efficasse notavit P. Forest. L. 17. Obs. 1. Ex Observat. Jeremæ Martii. *D. Soame.*

2. *Melissa Turcica* Ger. *Turcica multis dicta* J. B. *Turcica flore cæruleo & albo* Park. *peregrina folio oblongo* C. B. **Turkey Baulm.**

J. B.

Odor & sapor Melissam arguunt; at *folia* in *caulibus* ramosis, quadratis, subrubentibus, cubitum & sesquicubitum altis, quàm Melissæ vulgaris longiora & angustiora [J. Bauhino sesquunciam (imò duas uncias) longa, vix semunciam lata, (imò inferiora in planta vegeta uncia latiora.)] Lobelius Chamædryis vel Scordii foliis ea comparat, per ambitum serrata, in acutum desinentia. *Flores* verticillatim geniculis circumnascuntur, cærulei vel albi, labello bifido, bifidoque cucullo brevior, binisque alis exiguis constant, ex spinosis caliculis radiatis exeuntes. *Semen* nigrum, apicello albo, dum adhuc recens est conspicuo, insigne.

Hæc

Hæc planta ex Moldavia ad nos primum delata est, ubi sponte per se provenit. Observante *Locus.* Parkinsono, semine sata cœrulea albæ colore non mutat, sed quæ flore est cœruleo producit perpetuò plantas flore cœruleo; quæ flore albo, plantas flore albo; quod se per viginti minimùm annos in horto suo expertum affirmat: ideòque has duas varietates specie distinctas esse contendit; nec præter rationem.

3. *Melissa sylvestris hirsutior, minus odorata; Melissophylli sylvestris genus Matthiolo.*

Hanc in Hetruria prope Liburnum portum copiosè provenientem observavimus.

*Locus.*

#### C A P. XXIV.

##### De Marrubio nigro.

**F**oliis & odore Lamii est, à quo differt floribus in singulis pediculis è singulis foliorum alis egressis pluribus confertis.

A. 1. *Marrubium nigrum* Ger. emac. *nigrum* sive *Ballote* J. B. *nigrum fatidum, Ballote dictum* Park. *nigrum fatidum, Ballote Dioscoridis* C. B. *Stinking Horehound.*

*Caules* cubitales & interdum bicubitales, plures ex eadem radice lignosa perenni exeunt, brevi lanugine hirsuti, quadrati, inanes, ramosi, rubentes, *foliis* vestiti ad singula genicula ex adverso binis, *Melissæ* aut potiùs *Lamii* rubri, rotundioribus & nigrioribus, hirsutis & ad tactum mollibus, rugosis. *Flores* verticillatim caulibus adnascuntur, in eodem communi pediculo è folii sinu egresso plures, galeati, pallidè purpurei, saturationibus lineis intus striati. *Calices* striati, oblongi, in quinque acuta segmenta partiti, quatuor singuli *semina* continent parva, per maturitatem nigricantes. Ex iisdem foliorum sinibus una cum floribus & ramulis exeunt. Odore foetido *Lamium* refert.

Æstate floret in ruderatis & ad sepes.

Hujus folia (inquit Dioscorides) sale trita canis moribus medentur. Ferventi cinere flaccescunt, ut condylomata reprimant: sordida ulcera cum melle purgant. Plinius eadem iisdem ferè verbis retulit.

Decoctum *Ballotes* præstantissimum est remedium in hypochondriacis affectibus, itidémque in hysteriis *D. Bowle.*

\* 2. *Marrubium Hispanicum* Ger. *nigrum Hispanicum, vel Ocimastrum Valentinum Clusii* Park. *Mar. nigrum rotundifolium* C. B.

*Clus.*

Pedali est altitudine, ramis quadrangulis, villo obsitis: *folia* *Ocimi* medii formæ & magnitudinis, gustu adstringente; circa summos ramos *flores* proveniunt, in orbes dispositi *Marrubii* instar, *Ocimi* floribus similes, in vasculis pungentibus. *Semen* quale *Marrubio* nigro. *Radix* *Urticæ* aut *Lamii* radicem æmula.

Hujus folia (inquit Clusius) tametsi frequentibus venis prædita, *Marrubii* foliis sunt multò molliora, & minùs crassa, neque ullà odoris gratiâ.

Provenit copiosè circa rivos ex flumine *Guadaluvia* vulgò appellato, id est album flumen, ductos ad urbem Valentiam in Hispaniis, ubi eam initio Aprilis florentem & semine prænantem observavit Clusius, nusquam alibi sibi conspectam. *Locus.*

#### C A P. XXV.

##### De Cardiaca.

**C**ardiaca dicitur quoniam peculiari proprietate cardiæ infantium seu cardialgiæ dictæ morbo medetur.

Foliis circumscriptione subrotundis & profundè laciniatis ab omnibus aliis *Verticillatarum* generibus differt.

1. *Cardiaca* J. B. Park. *Marrubium Cardiaca dictum, fortè primum Theophrasti* C. B. Ger. *Äotherwozt.*

*Caule* exurgit bicubitali aut altiore, rigido, firmo, quadrato, inani, non admodum ramoso, foliis cincto ad intervalla longiora binis oppositis. *Folia* autem ima circumscriptione ferè subrotunda sunt, pallidiùs virentia, in tres insigniores lacinias profundè divisa, laciniis circa margines dentatis, venosa admodum & rugosa, brevi adeò lanugine utrinque obsita, ut nihilominus glabra videantur: quæ in caulibus sunt obscuriùs virent, sentim angustiora sunt, & integra ferè, in longam cuspidem desinunt, ad latera utrinque unico dente incisa. *Flores* in verticillis densis ad caulum nodos,



nodos, parvi, purpurascens, galeati galeâ integrâ, exterius lanugine alba densa hirsuti, labello parvo propendente, cum duabus ad latera velut auriculis. Flosculorum singulorum calices sessiles, nullis pediculis, ex alis foliorum orti, patuli, breves, marginibus in quinque spinulas longiusculas divisos. Plurimi autem caliculi densè stipati ex singulis foliorum alis oriuntur, seorsim unusquisque, non plures in eodem communi pediculo.

Folia tam quæ è radice exeunt, quàm quæ caules occupant longis insident pediculis, quod notatu dignum est. Radice est vivaci.

Locus.

Incultis, ruderatis & asperis locis gaudet.

## 2. *Cardiaca crispa.*

*Cardiaca* speciem elegantem è semine Londino accepto ortam foliis circa margines undatim creberrimè flexis reflexisque seu crispis habuimus.

Vires.

Ad cordis affectus à nonnullis commendatur, & tantum valere existimatur, ut ab effectu nomen invenisse putetur. Verum Schroderus peculiariter inquit medetur distensionis hypochondriorum & *cardiacæ* infantum (quem affectum *cardiacum* seu *cardialgiam* appellant.)

Urinam & menses ciet, pectus à pituita detergit, & lumbricos necat. In pulverem contrita, & cochlearis mensurâ ex vino hausta difficilè parientibus mirum in modum opitulatur. *Matth.* Quoniam uterinis affectibus conducit nostratibus *Motherwort.* i.e. *Matricis* herba nuncupatur.

Decoctum *Cardiacæ*, ejusve siccatæ pulvis cum Saccharo mixtus & exhibitus in palpitatione cordis, lienis morbis & affectibus hystericeis admirandæ virtutis & efficaciz medicamentum est. *D.Bowle.* A veterinariis & mulo-medicis ad boum & equorum morbos usurpatur cum successu.

## C A P. XXVI.

### De Herbis verticillatis calyce calceamenti calcaneum imitante.

**H**Arum notæ sunt flosculi oblongi in singulis foliorum alis singuli: calyx clausus seu operculatus crepidæ aut calceamenti calcaneum referens.

- A. 1. *Lyfimachia cærulea galericulata* sive *Gratiola cærulea* C. B. *Tertianaria*, aliis *Lyfimachia cærulea* J. B. *Lyfimachia galericulata* Ger. *cærulea* sive *latifolia major* Park. *Hooded Willow-herb*, or *Loole-strife*.

*Radix* tenuis, geniculata, alba, sub terra repit, fibris è geniculis demissis. *Caules* quadrati, concavi, rigiduli, glabri, cubitum aut sesquicubitum alti, ramosi, infirmi & in terram reclinati, adeoque fibris è geniculis demissis denuò radicari soliti. *Folia* angusta, longa, acuta, rarius per ambitum crenata, pediculis brevibus innituntur. Bini flores è foliorum contrario situ in cauliculis quadrangulis nascentium sinubus prodeuntes in anteriorem partem propendent adeò æqualiter & contigui, ut ex eodem sinu orti videantur. *Flores* autem galeati, longi, exterius hirsuti, è violaceo in cæruleum languentes, labello punctulis saturatioribus picto. *Calicis* forma peculiaris, calcaneum crepidæ aut calcei imitata, operculo tecta.

Locus.

In aquosis ad rivulos & fossas passim & copiosè oritur.

De hujus viribus nihil invenimus à Botanicis traditum.

- A. 2. *Lyfimachia galericulata minor.* *Gratiola latifolia* Ger. *latifolia*, sive *nostras minor* Park. *The lesser hooded Loole-strife*.

*Radices* albis, ad intervalla geniculatis, & è geniculis fibras emittentibus longè latèque se propagat sub terra reptans. *Caules* surrigit vix palmares, rectos, rigidos, quadratos, tenues ab imo statim ramosos, foliis crebris ex adverso binis cinctos. *Folia* autem semunciam aut unciam longa, triangula, è lata basi in acutum mucronem sensim desinentia pediculis brevissimis insident, in opacis glabra, in apricis hirsuta & subinde rubentia. E singulis foliorum alis singuli flores exeunt, pediculis brevibus tenuibus, versùs unam partem flexis, galeati, tubo longo, purpurascens, labello albo purpureis maculis & lineolis variegato, è calice calcem Sandalii representante, qui delapso flore fit *vasculum feminale* connivens & operculo tectum; quatuor semina occultans. Sapor plantæ amarus.

Locus.

In palustribus Julio & Augusto mensibus floret.

*Lyfimachia galericulata* Urticæ folio.

3. *Lamium peregrinum* sive *Scutellaria* C. B. *peregrinum*, *Scutellaria dictum* Park. *Cassida* Col. à pericarpii formâ *Galeam militarem* exprimente. *Lamium Astragaloides* Cornut. *Lam. Hispanicum* Park.

Col.

Hujus fructus rotundi sunt & compressi, hirsutie crassâ, asperginosâ viscosâ & odorâ, manus inficiente dum virent obfiti: quorum pars anterior in acutum producit, fissuram habens oris specie, & desuper velut in fronte limbum elevatum, sui proportionem magnum, elatum velut diadema, aut crista obliqua,

obliqua, quâ ornari videtur, ut in militum galeis. Cùm ficcari incipiunt, os dehiscens aperit, superiorem cristatam partem ut in galeis elevando, eo ac si miles modo suam nudare veller frontem, ut solent æstu, vel ut melius videant, & quatuor ostendunt *semina* intus coherentia, parva, rotunda, fusca, verrucosa; quibus perfectis ac desiccatis cum ipsis decedit superior pericarpium elata pars, imam tantum relinquens brevi petiolo hærentem *cauli*; qui ab *radice* parva, urticaceâ, obliquâ, lignosâ, flavicante, fibrosâ admodum Vere cubitalis producitur vel amplior, solidus, in imo rubescens, rectus, singularis, quadratus, hirsutus, *foliis* circumdatus per genicula binis, in imo parvis, superius majoribus, obscurè virentibus in umbrosis, sed in apertis locis ex viridi languentibus, hirsutis, molibus, petiolis à caule recedentibus, circumferratis, & dentibus retusis Melissophylli modo, cui figurâ & magnitudine similia sunt, non ita rugosâ, sed Lamii modo plana. E foliorum sinibus *rami* exeuntes ad singula genicula bini, *caulem* dividunt: in quorum & caulis summo foliola sunt angusta, parva, acuminata, lœvia florum bases existentia, ut in Hormino & similibus, binos *flores* purpureos galericulatos, Lamii modo oblongos proferentes, non obliquos sed erectos cervice, & uno versu dispositos, collum habentes longum, albescentem: particulatim ab imo floret per longam veluti spicam Maio & Junio mensè, atque Æstate perficitur.

In Italia circa Florentiam, Liburnum & alibi eam observavimus. Florum & calicum respectu *Locus.* magnam habet cum Lyfimachia galericulata dicta similitudinem, unde eam primo aspectu Lyfimachiam galericulatam Urticæ folio denominavimus.

Locis incultis intra sèpes collium & montium humentia & saxosa amans loca reperitur. Folia amara sunt admodum, ingrata, parum vel nihil odora. *Col.*

Variat flore ex albo pallente, foliis latifoliæ Calaminthæ similibus, candidis.

Huic simillimum est, & (ut puto) idem Lamium Astragaloides Cornuti.

\* 4. *Scutellaria Americana Malvæ folio*, Moris. prælud.

*Moris.*

Folia emittit Malvæ foliorum quoad figuram quodammodo æmula, sed majora, è quibus profilit *caulis* sesquipedalis, rectus, plurimos in fastigio fundens *flores* verticillatos, galeatos, quibus evanidis succedunt capsulæ tali instar qui supponitur mulierum calceis si posterius inspiciatur capsula, si autem superius consideratur capsula feminalis, scutellam omnino refert, cavitatem suam in superiore parte.

## C A P. XXVII.

*Verticillatæ herbacæ flore galeâ carente.*

*De Chamæpity.*

**C**hamæpitys, id est humilis Pinus, à foliorum similitudine dicitur, vel humilis Picea, quod folia Piceam oleant. Latinis Ajuga dicitur seu Abiga, quod foetum abigat & abortus faciat: nonnullis Iva arthritica, quod arthritidi medetur.

Chamæpitys foliis Pinus æmulis, & odore resinoso à reliquis sui generis differt. An ad Suffrutices, an ad herbas referenda sit dubito. Ob parvitatem suam & cauliculos teneriores herbis potius annumerandam duximus, quamvis caules in nonnullis speciebus interdum perennent.

A. 1. *Chamæpitys vulgaris* Park. *vulgaris odorata flore luteo* J. B. *lutea vulgaris, sive folio trifido* C. B. *Cham. mas* Ger. **Common Ground-pine.**

*J. B.*

Plantula est palmaris, nonnunquam vix unam aut duas uncias alta, *radiculâ* satis longâ, simplici & durâ. *Coliculus* teres, hirsutus, propter terram rubescens, cætera ex herbido in luteum vergens, quemadmodum & *folia*, quæ ex brevibus intervallis ad nodos gemina opposita nascuntur, hirsuta, aviculæ digitatos pedes sive tridentem imitata, sapore & odore picis aut resinæ: ex quorum alis *flores* emergunt luteoli, labello latiore, bifido, superiore parte punctulis rubris guttato; galeæ verò vice stamina promunt dilutè purpurascencia, *Semina* in calyculis quaterna, triquetra succedunt, ut in aliis verticillatis. [Floris tubus in ventrem turgescit, & vasculi feminalis vicem præstat.]

In agris restibilibus, sed rariùs in Anglia provenit.

Nervosum genus roborat. Pilulas contra paralyfin vide apud Matthiolum; incidit, aperit, diu *Vires.* retica est & emmenagoga: foetum mortuum & secundinas pellit, adeoque potenter operatur, ut usus ejus in utero gestantibus omnino interdicitur, quoniam abortum facit. Verum in ischiadicis & Arthriticis affectibus præcipuè astimationis est decocta in vino, vel in pulverem redacta & cum Hermodactylis & Terebinthina Veneta in pilulas composita. Eadem pilulæ ad Hydropem valde utiles esse perhibentur, usu eorum per aliquod tempus continuato. N. J. Bauhinus ab Hermodactylis cavendum monet. Exterius abstersione promovet vulnere & ulcerum solidationem, duritiarum discissionem, &c.

\* 2. *Chamæpitys*



- \* 2. *Chamaepitys folio non laciniato* J. B. *incana exiguo folio* C. B. *odoratior* Park. *Chamaepitys* 3. *Dodonæi* Ger.

*Adv.*

*Radice* fibrosa Sonchi aut Dentis leonis minore: *ramulos* profert, palmum altos, humi stratos & *foliis* septos Sempervivi minoris aut potius Vermicularis, minus carnosus, sed incanis & hirsutis, in quibus *flosculi* ex melino albidus. Suaviorem spirat odorem, interdum uliginosum uti ulnea muscivæ quernus aut cedrinus.

*Locus.*

Minus nota hæc & paucis locis obvia (inquit Lobel.) collibus aridis & arvis editioribus Nicæ Sabaudæ & Genæ Ligusticæ, circum urbem Penem in Italia fruticat, ut quidam affirmant.

Adeò confusè & obscurè de hac planta scribunt Botanici, ut ipsis minus cognita fuisset videatur: Consule J. Bauhinum.

3. *Chamaepitys moschata foliis serratis, an prima Dioscoridis?* C. B. *Cham. sive Iva moschata* Monspelienisium J. B. *Iva moschata* Monspelica Ger. *Anthyllis altera* Herbariorum Park.

Complures ab *radice* crassiuscula, longa fundit *caules* lignosos, palmares aut dodrantes, hirsutos: per quos *folia* crebra, villosa, albicantia, duas tréve uncias circiter longa, vix semunciam lata, quæ caulibus hærent angustiora, unâ aut alterâ circa medium apophysi Coronopi instar donata, aliquando circumcirca integra sibi que similia, unico nervo per longum decurrente. *Floræ* satis magni, purpurascens, hirsuti, patulo rictu hiant. *Semen* nigrum, crispum, sublongum, vermiculi instar aliquantulum incurvum in utriculis lanuginosis.

*Locus.*

In saxosis collibus circa Monspelium & alibi in Gallia Narbonensi provenit: invenimus & in insula ad promontorium Siciliæ Pachynum dictum.

- \* 4. *Chamaepitys Austriaca* Clus. Ger. *Austriaca Clusii* Park. *cærulea Austriaca* C. B.

*Clus.*

Elegantissimum est hoc genus, numerosos cum adolevit proferens *caules*, pedales, nonnunquam etiam duntaxat palmares, quadrangulos, firmos, lanugine onustos, frequentibus nodis cinctos, quibus utrinque sibi opposita innascuntur *folia*, *Chamaepityos* vulgaris foliis similia, latiora tamen, & in quatuor aut plures lacinias divisa, supernè viridia & splendentia, subtus nervosa & nonnihil incana, odoris non injucundi, gustus calidi, non ingrati tamen: Ex singulis alis nascuntur ramuli similiter quadranguli, frequentibus foliis *Ajugæ* similibus septi, durioribus tamen, qui deinde alia oblonga in alis foliola, angusta mucronata, Libanotidis coronariæ senescentis foliorum pæne æmula gerunt. Summos ramos verticillatim ambiunt rigidiusculi caliculi è quibus exeunt *floræ* *Ajugæ* tertiarum floribus formâ non dissimiles, sed longè majores & elegantissimi, colore saturæ purpuræ & violaceo, inferiore tamen & propendente labro nonnihil candicante, & sanguineis guttis resperso. *Semina* in singulis caliculis, pro more, quaterna, oblonga, angulosa, colore nigro & splendente prædita. *Radix* nigra, dura, multis fibris capillata, & singulis annis novos caules proferens.

*Locus.*

In jugo summo montis cujusdam 1½ mil. Viennâ Austriæ distante tenui, nigroque solo, invenit Clusius.

*Tempus.*

Flores profert sub finem Maii & Junii initio, quo etiam mense semen plerumque maturitatem acquirit.

- \* 5. *Chamaepitys adulterina sive Pseudo-Chamaepitys* Park. *Cham. spuria, multifido folio, Lamii* flore C. B. *Cham. spuria altera* Dodon. Ger. emac.

*Clus.*

Pusilla est planta, *Ajugæ* valdè similis, cum cauliculis, tum foliorum trifidorum formâ, hirsuta tota, subsalfo gustu & inodora, nisi ingratum quidpiam & herbaceum oleret. *Flores* extremis ramis ex alis prodeunt. *Ajugæ* floribus non dissimiles, majoris tamen paulò & albi. *Semina* subsequuntur quaterna in singulis caliculis seu utriculis, cineracei coloris, majuscula & fermè orbiculata. *Radix* crassiuscula est, subalbida & perennis, quantum conjicere licuit.

*Locus.*

In Hispaniis provenit, locis incultis, æstate flores producens.

## CAP. XXVIII.

## De Bugula sive Consolida media.

**B**ugula Gallica originis vox est; Gallis enim *Bugle* dicitur hæc herba. Notæ ejus sunt, præter communem huic generi, nimirum florem galeâ carere, sunt caules duum generum alii repentes & teretes, alii quadrati, erecti, flores sustinentes, in spicam laxam dispositos.

Bugula cærulea Alpina non repit clematibus, verum à Prunella differt foliis productionibus, extremo rotundioribus & circa margines dentatis; florum spicis longioribus & laxioribus.

A. 1. *Bugula* Dod. Ger. *vulgaris flore cæruleo* Park. *Consolida media pratensis cærulea* C. B. *Consolida media quibusdam Bugula* J. B. *Bugle*.

f. B.

Quadrato, inani, hirsuta & aliquantulum cyaneo assurgit caule, palmari aut semipedali: foliis Anagallidis aquaticæ majoris nonnihil ferratis, binis oppositis, per intervalla nascentibus, colore vel violaceo, vel purpurascente, vel virente; sapore primo occurfu subdulci, mox amarescente & adstringente, inferioribus ex satis longis pediculis ad Bellidem accedentibus; clematibus longè se spargentibus. Flores ex foliorum alis calici insident sessili, brevi, hirsuto, cyaneo, quinquepartito cærulei variati, labello Orchidis alicujus similes, in quatuor segmenta, duo lateralia productiora, inferiora totidem minis alta sed magis lata abeuntes, nullâ galeâ alifve ut Orchides & Lamia, apicibus & stylo cyaneis, sapore melleo si caudicellam qua calici hærent, suxeris. Radix tenuis fibrosa majore adstrictione quàm folia gustum movet. Hactenus J. Bauhinus.

His adde caulem hujus plantæ ab omni latere non esse hirsutum, sed duobus oppositis tantum, idq. alternatim ad singula internodia, ut in foliis fit. Singulis flosculis quatuor in imo calice succedunt femina simul juncta, ut in reliquis hujus generis fit. Florum verticilli proximè admoti spicam quandam mentiuntur. P. Renealmus plantam hanc *Stachys* inscribit, quia duum generum caules obtinet, alios tenues, teretiusculos, humi repentes, quibus se propagat, alios erectos, quadratos, flores sustinentes.

Variat floris colore cæruleo, carneo, albo.

In sylvis & pratis humidis frequentissima occurrit, & apud nos Maio mense floret.

Bugulam carneo flore *Clus. Park.* mediam pratensem purpuream C. B. à descripta specie diversam esse nequaquam concesserim. Locus & Tempus.

Consolida media flore luteo C. B. Bugula flore luteo Park. Hæc, inquit C. B. cæteris multò minor est, foliis rotundis crenatis, flore luteo, quam ex Anglia habemus. Bugula flore luteo.

Nobis incognita est, nec usquam quod scimus in Anglia sponte provenit. Varietas tantum vulgaris Bugulæ esse videtur.

Viribus cum Prunella convenit. Vulneraria est tam intrinsecus quàm extrinsecus adhibita. Con- Vires. fert & ictero, hepatis obstructioni, urinæ retentioni, &c.

Gallis vulgo dicitur illum Chirurgi operâ non indigere qui Bugulam & Saniculam habuerit.

Commendatur Bugula ad disrupa, fracta, convulsa cæsaque; idcirco & potionibus vulnerariis additur, in quibus tanta ejus vis esse dicitur ut sanguinem concretum resolvere ac discutere valeat. Præsens remedium esse dicitur aphthis & ulceribus in ore serpentibus.

Unguentum è foliis Bugulæ, Scabiosæ & Saniculæ tufis & in axungia bullitis ad ficcitatem usque, & deinde expressis ad omne genus ulcera, contusiones & vulnera sananda plurimum valere scribit Parkinsonus, qui ejus usum nobilibus matronis commendat.

2. *Bugula cærulea Alpina* Park. *Consolida media cærulea Alpina* C. B. *An Consolida media Genevensis* J. B?

Ex radice fibrosa caulis quadratus, striatus, leviter hirsutus inanisque confurgit, quem folia oblongis pediculis donata, angusta, trium unciarum longa, per ambitum incisa, leviter hirsuta cingunt. Flores galericulati, cærulei, è quorum medio filamenta quædam prodeunt, in cacumine quasi spicâ congesti sunt.

Ab hac non puto differre specie Consolidam mediam Genevensem, quam & nos circa Genevam atque etiam Basileam frequentem observavimus. A vulgari differt caulis ab una radice pluribus erectis; foliis minoribus, oblongioribus, & superioribus profundius crenatis quodq; clematis careat.

\* 3. *Bugula odorata Lusitanica* Cornuti, Park.

Corn.

Radice habet nigro capillitio fibrosam, nequaquam humi repentem: ab hac succrescunt quatuor aut quinque cauliculi, rotundi, hirsuti, geniculati quâ parte folia exeunt; quæ folia longa sunt hirsuta, atrovirentia, duabus aut tribus laciniis, recurvum dentem referentibus utrinque; divisa: quod autem inferiora sunt ac terræ propiora eò ampliora, quod remotiora eò breviora & angustiora, ut ferè tandem capillari tenuitate appareant iis in partibus in quibus flores interpositi sunt. Flores enim inter foliola caulem à medio ferè ad apicem usque verticillatim ambiunt, & intermediis foliolis illis obducto veluti sepimento muniuntur. Flores sunt violacei coloris, in tubulum efformati, cujus extremum alterum ab exiguis calicibus prodit, alterum, ut in Bugula nostrate, dum hiat, rictum quendam



dam mentitur. Decusso flore (quod circa Augustum mensem accidere solet) calyculus *feminibus* albis turget, quæ novam sequente anno progeniem subministrat. Seritur mense Martio.

Tota planta odoratissima est, jucundissimique aspectus, & apud nos proceritate vix pedem implet.

## CAP. XXIX.

## De Scorodonia seu Salvia agrestis.

**S**corodonia ab odore Allii quem exhalat, Salvia à foliorum similitudine dicitur, sylvestris potius quam agrestis dicenda quoniam raro extra sylvas & dumeta seu frutesca invenitur.

His autem duabus notis, nimirum odore Allii & Salviæ foliis à reliquis hujus generis cum flore galea carente differt, quibus adde flores ex singulis foliorum alis singulos, quæ notâ convenit cum Lyfimachii galericulatis.

*Scorodonia* sive *Salvia agrestis* Ger. *Scordium alterum* sive *Salvia agrestis* C. B. *Scorodonia* sive *Scordium alterum* quibusdam, & *Salvia agrestis* Park. *Scordis* sive *Scordium folio Salvia* J. B. ~~Wood Sage.~~

J. B.

*Radice* nititur flexuosa, dura, repente, fibras tenues interdum longas demittente; ex qua *Caules* eriguntur plures, cubitales & bicubitales quadrati, hirsuti, purpurascens vel nigricantes, medullâ albâ facti, ad quorum genicula *folia* exeunt ex intervallis gemina opposita Salviæ vel Betonicæ nisi acutiora essent, ad Urticam quodammodo accedentia, rugosa, atrovirentia, scabra squallidâque, pilosa, per ambitum serrata, sapore amaro. Summus caulis in *surgulos* aliquot dividitur, in quibus spicatum digeruntur *flores* in unam partem vergentes, ex singulis foliolorum adversorum alis singuli, adeoque bini simul, brevibus pediculis, colore herbaceo, vel candido pallido, ex quorum rictu loco *galeæ stamina* exeunt purpurascens; è calice cujus segmentum superius integrum est & sursum reflexum, inferius in quatuor denticellos seu spinulas dividitur. *Semina* fusca, Ocymi granis similia.

In sylvis & dumetis.

Locus.  
Vires.

Hujus decoctum urinam & menses ciet; in lue venerea utiliter exhibetur. Vulneraria est è præcipuis, sive interius sumpta in potionibus, sive exterius applicata.

Viribus cum Scordio convenit, & Gesneri judicio ad remedia Scordio præferenda fuerit. Hildanus hanc miris laudibus in ulceribus gangrenosis celebravit, & duplicata dosi Scordio substituit.

Sunt qui hujus decoctum lue Venerea infectis non infelicitè propinant. *Dod.*

## CAP. XXX.

## De Scordio.

**S**cordium dicitur hæc herba, quod ejus folia trita odore Allii acri nares feriant.

Odore Allii, foliis & facie Chamædryos, loco palustri & reptatu ab aliis hujus generis abunde distinguitur.

A. 1. *Scordium* J. B. C. B. Ger. *legitimum* Park. *Water-Germander.*

J. B.

Præsentis ad venena remedii commendatione Scordium inter reptantes plantas reponimus: *caules* palmares ac majores interdum, ramosi, geniculatim progredientes, demissis fibris Pulegii modo terram comprehendunt, partim surriguntur, plures ex *radiculis* capillaribus, hirsuti, quadrati, inanes: *Folia* Chamædryos oblonga, rugosa, serrata, tactu mollia, hirsuta, albicantia, odore Allii sed remissiore & gratiore, sapore amaro: ex eorum alis ramuli etiam pronascuntur. *Flores* indidem quoque undique per caulem quaterni, Chamædryos floribus persimiles, colore rubentes, scutellatum labelum demittentes, quatuor anlis superiore parte donatum galeæ loco, quæ huic ut Chamædryi nulla: *Staminula* profiliunt purpurascens: emicant autem flores ex folliculo in quinque mucrones partito [quod omnium fere verticillatarum floribus commune est] lanuginoso, pediculo brevi rubescens: *Semen* minutum.

Locus.

In palustribus Eliensis insulæ copiosè provenit.

2. *Scordium alterum lanuginosum verticillatum* C. B. *Scordis Plinii primum* Park. *Scordis tomentosa Cretica* J. B.

Bell.

*Folia* tomentosa Menthastro Marrubiisque albo similia profert: per terram in orbem diffunditur, multis ramis è *radice*, quæ magna & perennis est, prodeuntibus, quadrangulis, tomento albo obfictis ut Marrubium, in quorum summitatibus *flores* Marrubii albi in quadam magna spica hærent, quibus succedit *semen* nigrum. Tota planta major & crassior est Scordio vulgari.

Nascitur

Nascitur ubique inter saxa, secus vias & in marginibus agrorum. Allii odorem ut Scordium refert, & in tota ferè Creta Seplasiarii pro Scordio promiscuè hâc herba utuntur. Alpinus in exot. plantam hanc prolixius describit, quem consule.

3. *Scordotus altera Plinii Pomæ Ital. Park.*

*Caulibus* erectioribus, ramosioribus assurgit; foliis similibus sed majoribus, rotundioribus denticulis incis. Caules & ramuli in spicas flosculorum rubentium desinunt.

Scordium Alexipharmacum ac sudoriferum est; usus præcip. in peste pestilentialibusque morbis, *Vires.* febribus malignis, (tam præservando quàm curando) in obstructionibus epatis ac lienis, in pulmonibus purulentis ac mucilagine refertis, extrinsecus mundificat vulnera & ulcera, lenit dolores podagricos. *Schrod.*

Sunt qui in mensium profluvio cum successu exhiberi velint. *Idem.*

Succus ejus seu pulvis valet ad lumbricos intestinorum. Verùm præcipua vis est in veneno expellendo, & adversus pestem aliòsque morbos contagiosos.

Ex hac herba paratur Electuarium inde Diascordium denominatum; eximii usus ad omnes prædictos affectus. Cardiacum est insigne & usurpatur in iis individuis in quibus Theriaca & alia calida locum non habent. Nutrices nostræ parva dosi etiam infantibus exhibent ad tormina intestinorum.

Gasp. Guitmannus Med. Augustan. plurimos bubones pestilentes ruptos & ulcera maligna curavit feliciter solo pulv. Scordii, & nondum ruptos aperiebat. D. Soame ex "Observat. Hieron. Reufneri. • Obs. 17

**Ddd**

**HISTO-**



# HISTORIÆ PLANTARUM

## LIBER DUODECIMUS.

De Herbis femine nudo Polyspermis,

HOC EST,

In quibus singulis floribus plura quatuor succedunt femina,  
nullo certo aut definito numero.

**P**RO feminibus nudis habeo quæcunque folliculos aut tegmina privata, (siquæ habeant aut habere videantur) sponte non exuunt, verum iis induta à planta matre abscedunt. Hinc femina Malvæ pro nudis habeo, quia privatos folliculos sponte non exuunt. Seminum tunica Animalium secundis respondent, conceptacula utero; quod ergo cum femine excidit pro secundis hoc est, feminis tunicis habendum est. Si cui aliter videtur, suo per me licet fruatur iudicio.

*Herba femine nudo polysperma, hoc est, in quibus singulis floribus plura quatuor succedunt femina nullo certo aut definito numero, sunt vel flore.*

{ Perianthio testis

{ Triphylo, flore

{ Tripetalo aquaticæ, foliis

{ Plantagineis : PLANTAGO aquatica  
{ Sagittæ cuspidem referentibus : SAGITTARIA.

{ Polypetalo, calice

{ Cum flore deciduo, foliis integris, radicibus tuberosis : femine perfectæ, brevi marcescente superficie, radices perennant ; CHELIDONIUM MINUS.  
{ A flore superstitæ, foliis tripartitè divis, floribus cœruleis, albis aut carneis ; HEPATICA nobilis.

Utraque hæc planta primo vere floret ; prioris autem flos flavus est.

{ Pentaphyllo, unâ cum flore deciduo, feminibus in globulum echinatum congestis, flore

{ Pentapetalo ; RANUNCULUS

{ Polypetalo ; foliis tenuissimè dissectis, radice

{ Perenni, flore flavo ; HELLEBORUS niger ferulaceus.

{ Annua, flore rubro aut flavo ; FLOS ADONIS, Erantibemum.

{ Octaphyllo, feminibus in rotulæ aut caseoli formam circumactis, foliis [ in malvis roseis calyx geminatus est & uterque calyx in quinque lacinias divisus ]

{ Integris ; MALVA : quæ folio est productiore & anguloso Alibæa dicitur.

{ Dissectis, seu laciniatis ; ALCEA.

{ Decaphyllo seu in decem segmenta divis, à flore superstitæ, feminibus

Caudatis,

{ *Caudatis*, appendicibus uncinatis aut plumosis adhærentibus, foliis pinnatis, radice aromatica; CARYOPHYLLATA.  
 { *Nudis*, absque ullis appendicibus, foliis venosis

{ *Digitatis*, in eodem pediculo

{ *Ternis*, seminibus

{ *Pulpæ molli esculentæ innaſcentibus*, flagellis reptatricibus; FRAGARIA *fer-*  
*tilis*.

{ *Siccis non reptatrix*; FRAGARIA *sterilis*.

{ *Quinis aut septenis*, flore

{ *Pentapetalo* aut polypetalo; PENTAPHYLLUM.

{ *Tetrapetalo*; TORMENTILLA, *Heptaphyllum*.

{ *Pinnatis*,

{ *Incanis* aut *tomentosis*, reptatrix; ARGENTINA.

{ *Virentibus*, erectæ aut provolutæ; PENTAPHYLLOIDES.

*Nudo*, absque perianthio; v. Tab. seq.

His annumeranda est *Sagittaria aquatica* quæ flore est tripetalo: v. in capite de Anomalis.

## CAP. I.

## De Chelidonio minore.

**C**helidonium *Χελιδόνιον* à *Χελιδόν* Hirundo, *Chelidonium* visui saluberrimam Hirundines monstrare, vexatis pullorum oculis eâ medentes: quibusdam sic dictum quod in Hirundinum adventu floreant, & discessu marcescat. Plin. l. 8. c. 27.

Posterior ratio nobis magis arridet.

*Chelidonium* calyce triphylo cum *Hepatica trifolia* convenit, ut & flore polypetalo; ab eodem differt calyce cum flore deciduo, ut in *Ranunculis*, & foliis integris subrotundis.

Possent autem hæc duo genera, nec minus commodè cum *Flore Adonidis* & *Helleboro ferulaceo* conjungi, ob florem polypetalum: nec multum interest.

A. 1. *Chelidonium minus* Ger. Park. *Chelidonia rotundifolia minor* C. B. *Scrophularia minor* sive *Chelidonium minus vulgo dictum* J. B. *Pilewort* or the lesser *Celandine*.

*J. B.*

Plantula est palmaris, aliàs paulo major minorve: quæ quotannis nova radice foliis & flore, sicut *Satyrones* & *Aron*, reviviscit. Ea [radix] nobis insipida est, partim bulbulis aliquot, modò pyriformibus, modò longis, ferè teretibus aut ventricosis utrinque acutis, modò rotundis, foris pallidis, intus albis; partim fibris multis candicantibus constans: unde emergit *cauliculus*, secundum terram albicans, supernè dilutè purpurascens, imâ parte geniculo donatus, ex quo oriuntur folia bina opposita, longis pediculis ex lato principio coloris carnei, sensim in angustum virescens definientibus, aliquatenus hederacea, sed molliora, minora, rotundioraque, splendentia, nervosa, maculis albis interdum notata, (sicut & bina illa quæ statim è radice oriuntur) indidémque ex alis foliola minora, magisque angulosa, simili colore & nitore splendentia, glabra. Reliqui caulis folia profundius incisa *Hederæ* helicis repentis foliis proxima, alterno plerunque situ, brevioribus pedicellis virentibus appensa. Summo fastigio ramulorum insidet flos unus, *Ranunculi æmulus*, ex octo aut novem foliolis, aureo fulgore radiantibus, unguibus chloris, compositus, è calice tribus brevibus & carinatis foliis constante exiens, in medio habens *staminula* multa crocea, ex tenui lateſcentia, averſa parte sulcata. Succedit capitulum *Ranunculi* echinatum, è viridi luteum ex seminibus congestum. Floris & foliorum sapor herbaceus.

Vidi in hac planta, cum jam defloruerat, & marcescere incipiebat, bulbulos tritici granorum æmulos ex ipsis foliorum alis succrescentes.

Apud nos in Anglia sub finem Martii & Aprilis initio floret. Maio flores & folia evanescunt, ra- *Tempus.*  
 dicibus in terra ad ver usque proximum latitantibus.

Nascitur (ut rectè Dod.) in pratis, secus vias, in scrobium fossarumque marginibus, uliginoso *Locum.*  
 præsertim solo.

Veteres *Chelidonio* suo minori insignem acrimoniam attribuunt, cujus nostrum particeps non est; *Virex* proinde haudquaquam confert iis morbis quibus *Chelidonium Veterum*. Hanc differentiam loco attribuant C. Hofmannus & alii. De hoc inquit observandum fieri quod in *Aro*, *Asphodelo*, aliis, ut radix quibusdam locis valdè acris sit, quibusdam dulcis & edulis: ego specie differre suspicor *Chelidonium minus Veterum*, & *Recentiorum*. Schroderus radices hujus refrigerare & humectare scribit.



scribit. Utiles esse in ictero, scorbuto, hæmorrhoidum fluore. Extrinsecus specificè mariscos sive ficos ani curare, dentiūmque putredini maximopere subvenire.

Hofmannus hoc inquit scio ex fide dignis, radices tam esse aptas hæmorrhoidibus ut appropriatè dicantur. Ideò non tantum abluunt decocto ex vino, ex urina propria, sed vel per pulverem aspergunt, vel emplastri modo imponunt; imò amuleti loco gestant. Audivi, qui diceret, non exterius tantum extinguere dolorem, sed & interius, in reddendo consueto illarum fluxu.

Duplicem signaturam gerit hæc herba, alteram scorbuti, purpureas maculas in foliis: alteram ficorum ani tumentium, radicum tubera.

Radix recens imposita funditus extirpat strumas & scrophulas, unde & nonnullis Scrophularia dicitur, Planta calida est & acuta, quia sale acri pollet. Nam aqua destillata est acris. *D. Hermann.* Habui ex relatione *D. Palmer.*

\* 2. *Chelidonia rotundifolia major* C. B. Park. *The greater Pile-wort.*

C. B.

Hujus radix fibrosa est, quibus aliquot oblongi testiculi adherent. Folia est subrotundis, crassis, lævibus, ad foliorum Asari magnitudinem accedentibus, sed nonnihil quandoque sinuatis, pediculis semipalmaribus donatis, & humi procumbentibus. Cauliculo palmo minori flos infidet calyce triphylo, membranoso sustentatus, qui pallidè luteus, magnus, vulgari quadruplo major, ex quinque vel sex foliis, quorum singuli ad medium fissi sunt, componitur, & ad ejus umbilicum stamina plura rufescentia conspiciuntur.

Locus.

Montepessuli locis humidis provenit.

*D. Magnol* se similem circa pontem Castri novi vidisse scribit, quam à minori vix separandam arbitratur. Verum, unde delata, habetur in Horto Regio Parisiensi, inque Horto Academico Leydensi.

Chelidonium minus floribus plenis, & Chel. min. foliis maculatis pro varietatibus accidentalibus habeo, non pro speciebus distinctis.

C A P. II.

De Trifolio hepatico.

1. *Trifolium hepaticum flore simplici* C. B. *Trif. hepat. sive Trinitatis herba flore cæruleo* J. B. *Hepatica nobilis sive trifolia* Park. *Hepaticum trifolium* Ger. *Hepatica, or noble Liver-wort.*

**R**adices crassiusculæ in plurima capita divisæ, fibris innumeris ex rubro nigricantibus variè intertextis capillatæ, adeò ut totæ fibris huius occultentur, nec aliud esse videantur quàm massæ seu congeries fibrarum glomeratarum & miris modis implexarum. E singulis autem radicis capitulis seu nodulis quotannis progerminant primò flores; deinde folia, cum primulum emergunt complicata & hirsuta, postquam extenduntur glabra, supernè obscurius viridia, averfa parte pallidiora, & interdum Cyclamini modo purpurascencia, triquetra, in tria segmenta non tamen ad pediculum usque divisa, per margines æqualia, pediculis sesquipalmaribus & longioribus infidentia. Caules ex eadem radice plures, tenues, breviores quàm sint pediculi foliorum, nudi, singuli singulos flores sustinentes, speciosos, sex & interdum septem aut octo foliis compositos, plerumque cæruleos, rarius carneos aut albos, staminibus cum suis apicibus intus plurimis, è calice trifolio à flore delapso superstitè, semina aliquot nuda, acuta, Ranunculi modo in globulum congesta protegente.

Variat floris colore cæruleo, carneo, albo.

Tempus & Locus.

Februario mense floret si hyems clementior fuerit. In Anglia sponte, quod sciam, non provenit; in transmarinis invenimus in monte *Wasserfall* non longè à Scaphusia Helvetiæ urbe.

Decem hujus plantæ species seu varietates proponit Parkinsonus in Paradiso suo terrestri. Hæ sunt.

1. *Hepatica flore cæruleo simplici major*, nobis descripta.
2. *Hepat. minor flore pallidè cæruleo*. Hujus folio quàm præcedentis dimidio minora crebriora: flores (quos tamen apud nos rarius fert) pallidè cærulei & minores quàm illius.
3. *Hepatica flore purpureo*. Solo floris colore saturatiore violaceo à prima specie differt.
4. *Hepat. flore albo minore*. Flore est albo, præcedentis flori æquali: foliis tantillo minoribus & pallidioribus.
5. *Hepat. alba magno flore*. Flores magnitudine, (qui proximè describendæ æqualis est) à præced. differt.
6. *Hepat. albida sive argentea*. Foliis & floribus præcedentium, exceptâ ultimâ, majoribus est: & florum colore è dilutè rubente cinereo, paulatim in album languente.
7. *Hep. alba, apicibus rubris*: non alia in re quàm apicibus staminum rubris ab *Hep. alba* differt.
8. *Hep. flore rubro*. Hujus folia etiam aliquanto magis rufescunt quàm *Hep. vulgaris cærulea*.
9. *Hep. flore purpureo multiplici, sive pleno*.
10. *Hep. flore cæruleo pleno*.

Pleraq; hæ varietates vel loco natali, vel sationi, vel culturæ & mangonio debentur.

Vires.

Probatum maximè à recentioribus medicis (inquit *J. Bauhinus*) ad vulnera glutinanda tam foris illita, quàm intus sumpta: item ad enterocelas, in quem usum pulverem dimidii cochlearis mensurâ ex vino austero propinant. Tota planta decoquitur in vino eodem ad columellæ fauciumq; inflammationes:

mationes: Refrigerat enim, siccat & roborat. Quare adversus intemperies calidas, & inflammationes hepatis & febrium calores perutilis. Rarius præscribitur à Medicis nostratibus, & in illis qui eo usi sunt se nullum potuisse effectum observare scribit Parkinsonus.

\* 2. *Hepatica nobilis flore albo parvo Tradescanti, an Virginiana Park.*

Hæc species foliis obscure viridibus, flore albo parvo apicibus albis à congeneribus differt. Tradescantius spontaneam invenit in Virginia, (quantum meminit Parkinsonus) & in Angliam detulit.

## CAP. III.

## De Ranunculo.

**R**anunculus *Beredxiov* à ranis dicitur, vel quòd ranarum more humidis limitibus, opacisque marginibus lætetur: vel quòd ranæ inter ejus frutices frequenter inveniantur. Floribus plerunque pentapetalis unà cum calice caducis; seminibus succedentibus unicuique flori plurimis in globulum aut spicam & plerunque asperum seu echinatum congestis, ab aliis congeneribus plantis distinguitur.

Ranunculi plerique [non tamen omnes] vim habent exulcerandi & crustam cum dolore inducendi: unde & scabros ungues & scabiem remouent, & stigmata & puncta delent; fornicarias item ac peniles verrucas & alopecias ad breve tempus imposita tollunt. Radix arida trita naribus admota sternutamenta movet. Vires.

§. I. *Ranunculi pratenses & arvenses.*

A. 1. *Ranunculus pratensis repens Park. prat. repens hirsutus C. B. pratensis etiamque hortenſis Ger. repens flore luteo simplici J. B. Common creeping Crowfoot or Butter-cups.*

Radix plurimis fibris albescentibus constat. Folia prælongis insident pediculis tripartitò divisa, segmentis Apii ferè similibus, altius incisus & circa margines dentatis, utrinque hirsuta, atrovirentia, maculis albis subinde notata. Cauliculos emittit plurimos, tenues, teretes, hirsutos, concavos, supinos & humi sparsos, ad intervalla è geniculis radices agentes. Est enim planta plurimum fundorum, ut vocat *Fungius*. Flores in pediculis longis seu furculis ex adverso foliorum ortis pentapetali, flavi, splendentes ac si vernice oblinerentur, è calice pentapetalo, staminibus & apicibus intus plurimis flori reliquo concoloribus.

Cum flore calix unà decedit, quibus succedunt semina plurima, in capitulum echinatum conglomerata, singula enim apices habent acutos, per maturitatem autem nigricant.

In pratis & hortis præsertim humidioribus.

Reperitur interdum flore pleno seu multiplici, qui ob raritatem & elegantiam in hortis colitur; Ranunculus hortenſis inclinans C. Bauhino dictus. Hanc speciem minimè acrem esse perhibet Tragus & propterea citra noxam aut periculum ullum corpori adhiberi posse: quin & mulierculas Germanicas Aprili mense illum tenerum unà cum aliis oleribus decoquere solere. Locus. Vires.

A. 2. *Ranunculus bulbosus. Ger. Park. tuberosus major J. B. pratensis radice verticilli modo rotunda C. B. Round-rooted or bulbous Crowfoot.*

Foliis & floribus præcedenti similis est. Differt ab eo 1. Radicibus in bulbos intumescens. 2. Caulibus erectioribus, & minimè reptantibus. 3. Foliis in caulibus superioribus in tenuiores & longiores lacinias dissectis. 4. Quòd calicis folia cum flos aperitur ad pediculum reflexa sint, cum in illo petalis subjecta & contigua ea sustinere videantur. 5. Quòd paulò maturius floreat. 6. Quòd capitula seminum paulò productiora sint; semina autem singularia spinulam in apice non habeant, qualis in repentis seminibus cernitur. Possent & aliæ adhuc differentie observari, sed hæc ad distinctionem sufficiunt.

Solet hic quotannis veterem radicem in terram profundius detrudere, supra quam nova gignitur.

Trag.

In pascuis ubique & nimis frequens reperitur.

Hujus etiam varietas flore pleno in hortis colitur; qui Ranunculus bulbosus flore pleno C. B. Ranunculus minimus saxatilis hirsutus C. B. ab hoc non distinguendus videtur J. Bauhino & nobis.

Tragus hanc speciem Ranunculum sceleratissimum vocat: Et \* C. Hofmannus Mendicos hæc plantâ cutem exulcerare ait, ut miserabiles videantur.

Aquam radicum hujus destillatam, aut infusionem cum spiritu vini factam contra pestem extollunt herbilegæ Noricæ. *Car. Aldr.*

Radix hujus herbe omnium consensu adurit & exulcerat efficacissimè, pustulas excitat, unde non nisi externis corporis partibus adhiberi debet: quare, inquit Tragus, erodendis & exsiccandis duris tumoribus mirificè conducit, verrucas peniles seu fornicantes & id genus vitia tollit.

Monet Camerarius radicem, si recens sit causticam esse ac admodum urere, exsiccata autem post unum mensem dulcem effici.



Nicolaus Chefneau Maffiliensis M. D. in Cephalalgia succum Ranunculi [bulbosi ut puto] commendat; qui (inquit) cum dolor parvum locum occupat, ad miraculum eum tollit. Eligitur species quæ foliis *Anemone* assimilatur, & linguam mordet quam maximè masticata, cujus folia contunduntur in mortario ligneo aut marmoreo, factoque emplastro perforato, ut in applicatione pyrotici solet fieri, & loco dolenti imposito, applicantur supra foramen folia Ranunculi contusa, & multo succo madentia, non tamen ut diffuset, emplastroque non perforato superimposito, duarum horarum spatio cutem aperit in tenero loco & depilato, præcipuè si colligatur herba in loco soli exposito; in capite verò ubi pili nascuntur non facillè aperit, sed parte in tumorem elevatâ dolorem sedat. Hic unum advertendum, ut circa oculos ponatur in parva quantitate, propter palpebrarum & partium circumjacentium inflationes quas gignit stupendas, nullius tamen periculi. Multa adducit exempla Cephalalgia hoc medicamento curatâ. Eodem etiam cum successu utitur in Athritide. Sacerdos, inquit, quidam cum ex reliquiis podagræ per tres annos integros detineatur in lecto, incedere non valens, loco magis dolenti imposuit Ranunculum eo modo quo in doloribus capitis diximus, & sanatus est: quod est species quædam curæ quam ex Paracello apertam vocavimus, quâ crassus humor cutem penetrare non valens hoc modo educitur.

Quidam peste correptus & in magno periculo constitutus servatus est duobus foniculis factis in inguine bubonem habente. Applicavit sci. folia Ranunculi contusa in parte interna carnosa coxæ, vesicæque & ulcera excitavit, quæ tantam materiæ venenatæ quantitatem emisissent, ut servatus fuerit.

Alius in axilla bubonem habens, applicavit in medio muscoli bicipitis brachii ejusdem lateris fol. Ranunculi contusa ad nucis magnitudinem, circum inungendo nutrito, & more vesicatorii ulcera aperta servando. Qui hæc exempla retulit fuit testis ocularis. Eruditiss. Vir D. Edv. Hulse excerptis, & inter alia multa ad nos transmissit.

3. *Ranunculus maximo tubere, flore magno pleno* J. B. *radice tuberosa flore pleno & prolifero* C. B. *maximus Anglicus* Ger. *Anglicus maximus multiplex* Park. *The great double flowered Crowfoot, or double Spee or Ger.*

J. B.

Jucundi spectaculi oblectamento omnium Ranunculorum primas obtinet, amœno florum incremento; qui colore aureo, non tantum densò foliorum stipatu luxuriant, sed & è medio flore alius assurgit minor, hirsutis suis foliolis quinis non minus quam inferior obvallatus, numerosaque foliorum congestione multiplex, pediculo inferiorem transadigente: *Folia* rugosiora quam Ranunculi pratensis, majora, rotundiora, inque minus acutos angulos divisa. *Radix* subest tuberosa, verticillata, Cyclamini magnitudine, valde se multiplicans.

Locus.

In hortis nostris frequentissimus esse solet, nescio an aliter à Ranunculo bulboso seu tuberoso minore differat, quam quod major sit & flore pleno.

- A. 4. *Ranunculus rectus foliis pallidioribus hirsutus* J. B.

J. B.

*Radix* figitur multis, fibrosis, albis, nequaquam reptantibus [neque radicibus neque cauliculis reptat] unde *caules* pullulant complures, pedales vel cubitales, cavi, molles, hirsuti, in varios ramulos divisi, [non raro terram versus reclinati] quorum extrema *flores* sustinent parvos, luteos, apicibus medium occupantibus crebris luteis ut in aliis: quibus succedunt *capitula* aspera, ut in plerisque Ranunculis, sublonga. *Folia* multò minora sunt quam in reptante vel Recto, hirsuta, longis pediculis nixa quoque [at quæ in caulibus sunt brevioribus] in tria primaria segmenta divisa, quorum unumquodque deinceps in profundiores lacinias subsecatur, quorum color subpallidus minùsque virescens quam in reliquis Ranunculi speciebus. At verò priora nec profundè, nec in tot lacinias divisa sunt ut suprema, figurâ etiam sunt rotundiora, [maculæ albæ obscuræ & vix perceptibiles sunt] In gustu nullam percepimus acrimoniam manifestam.

Locus.

Locis humidioribus & lutosis etiam apud nos abundat, florètque Maio, Junio & Julio.

5. *Ran. magnus valde hirsutus, flore luteo* J. B.

J. B.

Ex *radice* oblonga, ex qua veluti capillamenta sursum feruntur ad modum Dauci alterius Fuchsi, *caules* prodeunt cubitales, striati, cavi, hirsutæ asperi, & ex ruffo flavescentes, qui in ramos brachiantur: *foliis* quinis senisve palmaribus & sesquipalmaribus pediculis [caulis formâ & colore] è radice prodeuntibus, quæ densa sunt, lata, in ternas profundas lacinias divisa, quæ denuò incisa sunt, per ambitum ferrata, colore ex viridi nigricante vel potiùs rufescente, quæ propter lanuginem & hirsutiem splendent: in caule folia parva & quidem brevioribus pediculis habentur. In summis caulibus *flores* parvi, aliorum Ranunculorum more, quinque foliis donati, pallidè lutei; *Semen* in capitula congestum succedit.

Locus.

Hunc aut ei valde similem in pascuis in summitate montis Salevæ propè Genevam copiosum observavimus, non tamen locis umbrosis sed apricis & soli expositis.

6. *Ranunculus tenuifolius montanus luteus* J. B.

J. B.

Peculiaris hæc Ranunculi species est. *Radix* ex capitulo densò tenuium fibrarum longarum nigricantium agmine constat. Ex qua ima statim *folia* singularia longis pediculis oriuntur, Geranii Grimalis



Gruinalis five quarti Fuchsi, tripartita, sed minutius dissecta parte singula in minores divisuras. *Cauliculi* plures sesquipalmares, graciles, quibus adherent *folia* sine pediculis, sed in angustiores quàm priora multò partes divisa & verè digitata: in quorum summo *flores* singulares, lutei, splendentes quinquefolii; quorum media numerosi apices concolores sed obsoletiores occupant: inter quæ crassus quidam globulus futurorum seminum ut in reliquis *Ranunculis* rudimentum.

In mentis Juræ præalta parte *Thuiri* J. Bauhinus. & nos post eum hanc speciem observavimus. Locus.

- A. 7. *Ranunculus pratensis erectus acris* C. B. *prat. erectus acris vulgaris* Park. *rectus, non repens flore simplici luteo* J. B. *surrectis cauliculis* Ger. *Upright Meadow-Crowfoot*.

Ad bicubitalem altitudinem surgit *caulibus* rectis, rotundis, concavis, brevi & rara lanugine obfatis, unde & omnino glabri videntur. *Folia* quæ è radice exeunt prælongis insident pediculis, & figurâ & divisurâ suâ Napelli aut Aconiti lutei foliis persimilia. *Caules* in ramos plurimos dividuntur, qui in summitatibus suis *flores* gestant luteos, pentapetalos, *Ranunculi* repentis fimiles, è calice hirsuto pentapetalo. Floribus singulis succedunt in capitulo subrotundo, minore quàm *Ranunculi* repentis, *semina* plura compressa, acutis in summo apicibus. *Folia* interdum purpureas habent maculas, suntque brevi lanugine hirsuta, acris, nec ad pediculum usque in tres partes divisa, quemadmodum *Ranunculi* repentis *folia*.

In pratis & pascuis ubique ferè obvis est.

Habetur in hortis flore pleno seu multiplici qui *Ranunculus hortensis erectus flore pleno* C. B. Locus;  
*rectus non repens flore* J. B. cujus & Gerardus & Parkinsonus meminere, verum non ut distinctæ speciei.

8. *Ranunculus pratensis erectus dulcis* C. B. Park. *Sweet upright Meadow-Crowfoot*.

A præcedente non aliter differt quàm quòd minimè acris sit aut causticus ut præcedens, sed mitis, sapore dulci & non ingrato, unde & à Germanis cùm *folia* ejus adhuc tenella sunt pro odore inter alias herbas usurpatur.

Et hic etiam flore pleno reperitur, qui Gerardo *Ranunculus dulcis multiplex*: C. B. *Ranunculus dulcis flore pleno* Park. *Ran. erectus dulcis flore multiplici*.

9. *Ranunculus magnus hirsutus repens flore pleno* J. B.

J. B.

Ex radice fibrosa *caules* tollit cubitales, crassos, satis hirsutos, juxta terram rubentes, superius virentes, fistulosos, in ramos aliquot brachiatos, & ubi terram attigerint fibris, matorum *Ranunculorum* more, se radicantes denuo. *Flores* in ramulorum extremis majores quàm in præcedenti, [*Ran. repente vulgari*] numerosa foliorum serie constant, quorum exteriora croco tincta splendent, modico intervallo diducta, interiora virentia aut chlora, scandulato incubitu confertim stipata, exterioribus altiore situ posita, imbricatam Coni Cedri Libani dicti conglutinationem quodammodo æmulantur, relicta duntaxat umbilicata in summo lacunâ: Toti flori subjecta foliola quinque, hirsuta, viridantia. *Folia* alia à radice oriuntur, alia à ramis, pediculo longo, fistuloso, palmari & dodrantali, hirsuto, valdè lata: primariâ divisurâ triplici, quarum unaquæque rursus tripartita, obtusa, crassa, hirsuta, superna parte atrovirentia, splendentia & rugosa, infernâ ex albido virentia dilutiùs: nonnulla interdum *folia*, ut circa floris pediculum antequam se expandat, caulem immediatè ambjunt, in tres oblongas divisuras acutas, amplius non dissectas abeuntia.

Floret mense Aprili.

Memini me cùm puer adhuc essem *Ranunculi* florem vidisse ei quem J. Bauhinus describit persimilem. Erat autem is frequens tunc temporis in hortis apud nostrates. Tempus.

- A. 10. *Ranunculus hirsutus annuus flore minimo*. *Field-Crowfoot with a small flower*.

*Radix* ei fibrosa fibris majusculis albis, gustanti nihil vel parùm acris. *Folia* longis pediculis insident, hirsuta & ad tactum mollia, circumscriptione rotunda, & Geranii columbini foliis nonnihil similia, pallidiuscula, in tria segmenta insigniora divisa, non tamen ad pediculum usque, per margines dentata majoribus denticulis. *Caules* ab eadem radice plures, interdum erecti, sæpius in terram reclinati, in ramulos divisi, foliis alternatim positis vestiti, quibus ex adverso oriuntur *flores* longis pediculis insidentes, lutei, pentapetali petalis acutiusculis, & omnium quos mihi hætenus videre contigit minimis. Succedit capitulum plurimis *seminibus* compressis mucronatis coagmentatum.

In fossarum aggeribus sæpius occurrit: invenimus & in arvis requietis. Locus.

11. *Ranunculus ceratophyllos seminibus falcatis in spicam adactis* Moris. prælud. *Melampyrum perpusillum luteum* Park. Lob. *luteum* Ger. *luteum minimum* C. B.

Moris.

*Foliis* est ter tripartitis, cornu cervi quodammodo referentibus: è quorum medio exeunt *cauliculi* plurimi, triunciales, singuli singulos sustinentes flosculos, aliorum *Ranunculorum* modo quinque petalis luteis constantes, ambientibus rudimentum viride, quod tandem in spicam degenerat uncialem, *seminibus* falcatis onustam.

Annua



Annua est plantula, præcox, mensè Martio florens in fegetibus Gallo-provinciæ & Narbonensis Galliæ frequenter.

Melampyri speciebus perperam accensetur.

§. 2. *Ranunculi nemorosi.*

- A. 1. *Ranunculus nemorosus dulcis secundus Tragi* Park. *auricomus* Ger. *nemorosus vel sylv. folio rotundo* C. B. *rotundifolius vernus sylvaticus* J. B. *Sweet Wood-Crowfoot* or *Goldilocks.*

7. B.

Fibrosa radice nititur, minimè acri; ex qua surriguntur aliquot caules, fistulosi, dodrantes aut pedales [Apud nos certè cubitalem & sesquicubitalem altitudinem, quam J. Bauhinus eis attribuit, nunquam quod ego viderim, assequuntur,] in ramos brachiat, quorum singulis insidet flos Ranunculi aureus, quinque foliis caducis constans, quæ extrorsum totidem triplo minoribus circumdantur, in medio staminulis donatus plurimis crocatis. Succedit echinus qualis in vulgaribus Ranunculis. Foliorum autem mira est varietas, nam ex inferioribus quædam circinatæ rotunditatis integra sunt, & in ambitu ferrata, alia manente rotunditate triplice quintuplicève divisura incisa; Atque ista quidem omnia longis pediculis appensa, è radice statim oriuntur, & in hortis culta insigniter crassescunt, ut alterius esse plantæ quodammodo videantur. At quæ ad alas & ramorum divaricationes in tenuissima & oblonga segmenta divisa, radiatæ stellæ more caulem sine pediculo amplectuntur.

Locus.

In sylvis & dumetis Aprili floret, & postquam semen dederit superficies marcescit, radice restibili.

2. *Ranunculus nemorosus Thalictri folio* C. B. *Ran. Thalictri folio* J. B. *Thalictri folio major* Park. *Parad. præcox Thalictri folio* Ger. *emac.*

Clus.

Caulem habet pedali altitudine assurgentem, gracilem, ex viridi rubescentem, in quo quaterna aut quina folia, majoris Thalictri flore albo foliis colore & formâ valdè similia, sed minora & teneriora, amaro sapore. Flosculi in singulis alarum sinubus singulares, candidi, pentapetali, suis petiolis innitentes: quibus decidentibus succedunt bina aut terna cornicula, semen rotundum, subruffum, Aconiti hyemalis semini ferè par. Ex eadem radice præter caulem prodeunt bina aut terna folia, supra descriptis similia, singularibus dodrantalibusque pediculis, ejusdem cum caule coloris innixa. Radix impensè amara, multis albis fibris donata est, ex quarum capite alia exit nodosa radícula, subinde ad singula internodia novas fibras agens, atque hac ratione se propagans, ideoque perennis.

Locus.

In saltu Leytenberg quinto ab urbe Viennâ Austriacâ milliari, & quibusdam aliis umbrosis sylvis Viennensis agri, &c. florebat Aprili; Semen Junio plerunque ad maturitatem perveniebat. Habetur in Catalogo Horti Regii Parisiensis.

- \* 3. *Oenanthe Hederæ foliis* C. B. *Oenanthe Myconi* J. B. *Ranunculus Thalictri folio minor Asphodeli radice* Park.

Lugd.

Hæc in montibus & petrosis nata folia propè radicem per terram spargit, minuta, incisa, lævia, quadantenus Hederæ modo, multò tamen minora, inter se conjuncta & congesta, atque ideo Coriandri foliis aut Pastinacæ similia, è longis pediculis pendentia, caule enatis cubitali, ab imo rubescente, paucis geniculis cincto, tereti, lævi, ferè striato, & aliquantulum cavo. Radices subsunt multæ ut in Asphodelo, septem aut octo, quandoque pauciores, conjunctæ, crassæ, foris luteæ, intus candicantes, ex quarum extremis radiculæ tenues & longæ producuntur. In summo caule flores velut in umbella pendent, candidi, ex quinque foliolis constantes, in medio muscosi, quibus pereuntibus in vasculis seu filiquis semen maturescit. Foliorum & caulis sapor subdulcis, ut & radicem, cum levi quadam adstrictione, corticis verò earum amarus.

Si hæc planta rectè à Mycono describatur cum seminibus vasculis seu filiquis inclusis, non erit Ranunculi species.

- \* 4. *Ranunculus montanus* V. Clus. *Pannonicus maximus* Park. *montanus latissimo folio hirsutus* C. B.

Clus.

Omnium, quos unquam conspexerit Clusius, maximus multa à radice producit folia valdè ampla & carnosa, sive densa & succulenta, ficulneis haud minora, quinque profundis incisuris divisa, in ambitu nonnihil ferrata, colore dilutiùs virente splendentia, nonnihil villosa, acria admodum & linguam vellicantia: cubitales caules, digitalis crassitudinis, firmos, hirsutos, suprema parte in aliquot ramulos divisos, qui multos flores sustinent, pentapetalos, luteo auri colore fulgentes. Semen vulgare Ranunculorum semini par, in capitula congestum. Pro radice multas candicantes fibras habet.

Locus.

In nemoribus & umbrosis declivibusque omnium Austriacarum atque Striacarum Alpium locis, juxta rivulos è liquecente nive profluentes, &c. In hortis & pratis Maio, in Alpibus Junio floret.

§. 3. *Ranunculi echinati.*A. 1. *Ranunculus arvorum* Park. Ger. *arvensis echinatus* J. B. C. B. *Corn-Crowfoot.*

*Radix* habet fibrosam albam: *caulem* cubitalem aut altiore, teretem, erectum, rigidum, subhirsutum, intus concavum, in plures ramos divisum. *Folia* in longa, angusta, acuta segmenta profundè admodum incisa sunt. *Flores* in summis caulibus & ramulis minores & pallidiores quàm *Ranunculo* repenti vulgari, pentapetali è calice pentaphyllo, longis insidentes pediculis, quibus succedunt *echinata capitula*, ex pluribus subrotundis compressis & aculeatis lappulis composita, quæ in suprema circumferentiæ parte longo mucrone donantur.

Maior mense floret, estque inter segetes nimis frequens.

Locus &  
Tempus.

\* 2. *Ranunculus echinatus* Creticus Park. *stellatus echinatus* Creticus C. B. *Creticus echinatus latifolius* Alpin. exot.

## Ponæ.

Plures edit cauliculos è *radice* fibrosa, teretes, glabros, ramosos, vix pedem altos, ad quorum singula genicula apponitur *folium* unicum latum, obscurè viride, rugosum, pediculo prælongo innitens. *Flores* in extremis ramulis parvi, pallidè lutei, quibus succedunt capitula è plurimis seminibus exiguis leucophæis coagmentata, aculeata nonnihil & pungentia.

\* 3. *Ranunculus rotundifolius repens echinatus* C. B. *pratensis rotundif.* Bononiensis Park.

## C. B. prod.

Ad *radicem* nigricantem capillaceam *folia* sunt rotunda, crenata, uncialia, pediculis longissimis donata; quæ verò in caule majora, pleraque rotunda, etiam in lacinias, sed non ad umbilicum usque divisa. *Caulem* habet pedalem, in terram reclinatum & quasi repentem, ac in alios divisum, circa quem *folia* pediculis palmaribus donata: *Flores* pallidè lutei, paucis ad umbilicum staminibus. Flore deciduo *capitulum* ex pluribus seminibus rufescentibus subsæperis echinatis simulque congestis compositum succedit. Tota planta ob pilos asperfos mollis est, atrovirens, & circa Bononiam in agris provenit.

4. *Ranunculus palustris echinatus* J. B. 4. *echinatus sive palustris* C. B. *Ran. Apuleii* quorundam Clus. Park. *parvus echinatus* Ger. emac.

*Radice* est fibrosa, alba: foliis imis parvis, subrotundis, per margines crenatis, pallidè viridibus, longis pediculis insidentibus, [J. Bauhinus *folia* ei aliquatenus *Aceris* majoris divisurâ sed minora, crebra tribuit.] *Caules* ex eadem radice exeunt plures, sesquipalmæres, glabri, in terram reclinati, ramosi, *foliis* vestiti minoribus, & in acutiora segmenta divisis. *Flores* nunc ex adverso foliorum, nunc ex ipsis foliorum alis exeunt, pediculis longis, exigui, flavi, pentapetali; quibus succedunt *capitula* *Ranunculi* arvensis capitulis proxima, è decem duodecimve spinosis, oblongis, compressis, congestis seminibus composita.

Gaudet locis humidis & aquosis Monspelii, ac etiam in fossis, inquit J. Bauhinus.

Locum.

§. 4. *Ranunculi palustres & aquatici seminibus non echinatis seu lappaceis.*A. 1. *Ranunculus palustris rotundifolius* Ger. *palustris Sardoniæ lævis* Park. *palustris Apii folio lævis* C. B. *pal. flore minimo* J. B. *Round-leaved Water-Crowfoot.*

## J. B.

Valdè crassescit huic *radix*, cava & fibris multis donata: à qua *Caules* exurgunt multi, insignis interdum crassitudinis, inanes, striati, ramosi: *Folia* Paludarii sublustri splendore virescunt, albis punctis aliquando guttata. *Flores* inter omnes *Ranunculos* minimi [excipiendus est *Ranunculus* hirsutus annuus flore minimo nobis dictus] quinque foliolis constant, exiguis, aureis: *Capitula* oblonga, tenuiora quàm in reliquis, nec aspero semine echinata, sed lævibus & minutis granulis compacta. Sapor huius *Ranunculi* valdè calidus & urens *Tabern.*

In aquosis passim provenit.

Locum.

Aliam *Ranunculi* palustris rotundifolii speciem exhibet C. Bauhinus, eumque secutus Parkinsonus quam *palustrem Apii folio lanuginosum* inscribit, quæque à priore differt, quod lanuginosus pluribus foliorum incisuris spectetur.

Hæc herba *Apium* risus & *Herba Sardoa* nonnullis dicitur.

Varietas.



- A. 2. *Ranunculus aquaticus hederaceus albus* [non luteus] C. B. *Ranunculus hederaceus rivulorum se extendens*, atrâ maculâ notatus J. B. *Ranunculi aquatilis varietas altera* Ger. emac. **Hyp-leaved Water-Crowfoot.** *R. hederaceus aquat.* Park. quoad descr. nam figura & *Synonyma sunt Lenticulæ aquat. trifol.*

*Caules* huic teretes, solidi, supini, geniculati; è quorum geniculis plurimis fibris albis demissis, planta latè se diffundit. *Folia* ad genicula pediculis longiusculis insident, triangularia, & ad Hederæ folia quodammodo accedentia, lævia, splendentia, maculâ nigrâ interdum notata, alias pallidiùs virentia. *Flores* in caulis parte foliis adversâ nascuntur, parvi, pentapetali petalis acuminatis, è calice quinquepartito, albi, non lutei ut vult Bauhinus. *Flori* succedit globulus *seminum* dense stipatorum, vicæ vulgaris magnitudine fere, feminibus minimè acuminatis.

Locus &  
Tempus.

In rivulis & fossis vadosis ubi aquæ scaturiunt sæpius occurrit, solo præsertim arenoso. Æstate floret.

Vires.

& Summitatum seu turionum Alni, Foliorum Ranunc. aquat. hederacei, Salviæ ana manipulum unum: infundantur per noctem in vino albo, & infusum propinetur. Ad Hydropem & Scorbutum mirificè conferre dicitur. Habui à D. Mapletost.

- A. 3. *Ranunculus aquatilis* Ger. *aquaticus Hepaticæ facie* Park. *aquat. folio rotundo & capillaceo* C. B. *aquatilis albus tenuifolius* J. B. **Water-Crowfoot with various leaves.**

Fibris numerosis in limum demissis *radicatur*. *Cauliculos* fundit longos, satis crassos, inanes, infirmos & in aquis fluitantes, in ramos subinde divisos, per quos duorum generum *folia* conspiciuntur, alia enim capillaris tenuitatis confertissimis cirris perplexa, alia verò supra aquam Ranunculi foliis similia, lucida, maculis quibusdam nigris notata, satis crassa, subrotunda, in aliquot partes divisa, sed non profundè, alternatim adnata. In caulis parte foliis adversâ oriuntur *flores* longis [ut & folia] pediculis insidentes, qui explicante se capitulo quinque foliis viridantibus obvoluto apparent candidi, ampli pentapetali, unguibus petalorum luteis, staminibus numerosis flavis *capitulum* obvallantibus subrotundum, Ranunculum, feminibus confertis compositum.

Locus &  
Tempus.

In fossis aquas habentibus & lentè decurrentibus rivulis, ut rectè J. B. gignitur. Aprili, Maio, & subinde Junio mensibus abundè & latè floret.

- A. 4. *Ranunculus aquaticus omnino tenuifolius* J. B. *Millefolium aquaticum Ranunculi flore & capitulo* C. B. *Millefolium sive Maratriphyllum flore & semine Ranunculi aquatici Hepaticæ facie* Ger. *Millef. aquat. foliis Abrotani, Ranunculi flore & capitulo* C. B. *item Ran. aquat. capillaceus ejusdem.*

In hoc nulla *foliorum* differentia ut in præcedente: siquidem omnia inter se similia, tenuibus illis duntaxat præcedentis, seu ut alii volunt Chamæmeli, foliis proxima. *Flores* candidi, illius similes, sed multò minores: *Capitula* echinata conveniunt, rotundiora paulum & minora.

Locus.

Aquis innatat tum fluentibus, tum stagnantibus, ubique frequens. Columnæ Ranunculus trichophyllon aquaticus medioluteus dicitur; siquidem florum petala circa unguis lutea sunt. Eodem cum præcedenti tempore floret.

- \* 5. *Ranunculus Hederulæ folio aquaticus* Park.

Park.

Reptando supra terram fibris è geniculis demissis se propagat. *Folia* habet subrotunda, crenata, Hederæ terrestris similia. *Flores* pallidos quinque petalis acuminatis compositos, quos sequuntur capitula subrotunda è feminibus confertis.

De loco & tempore nihil addit.

- A. 6. *Ranunculo sive Polyanthemo aquatili albo affine Millefolium Maratriphyllum fluitans* J. B. *Millefolium Maratriphyllon Ranunculi flore* Park. *Millef. aquat. foliis Feniculi, Ranunculi flore & capitulo* C. B. **Fennel-leaved Water-Crowfoot.**

J. B.

Longissimis, in aliquot partes divisis, teretibus, lævibus, inanibus *flagellis* prociduis, aquæ impetum, cujus est alumna planta, imitatur: foliis ad genicula Feniculi, vel potius Peucedani, multò longioribus, & quàm præcedentium duorum in pauciores partes divisis. Ex iisdem etiam articulis surgunt pediculi concavi, quibus insident flores Ranunculi lactei, quinque foliolis striatis constantes, apicibus in medio luteis: quibus succedunt capitula consimiliter Ranunculi, viridantia, echinata.

Locus &  
Tempus.

In fluvio Tame & rivulis eum influentibus circa Tamwortham, Middletonum, &c. in agro Warwicensi abundat. Observavimus & in fluvio Iside Oxonium præterfluente copiosum. Maio & Junio floret.

A. 7. Ra-

- A. 7. *Ranunculus flammeus minor* Ger. & *flammeus serratus* ejusdem & Park. *Palustris flammeus minor* sive *angustifolius* Park. *longifolius palustris minor* C. B. *longifolius*, aliis *Flammula* J. B. item *palust. serratus* C. B. *The lesser Spear-wort.*

¶. B.

*Caule* est dodrantali, glabro, fistuloso, geniculis nodoso, nunc solitario, nunc in ramos diviso, reptante: *Folia* priora ex longis pediculis, unciam semis lata, oblonga alia, alia subrotunda, superiora per caules ex articulis oriuntur, bina, interdum ferrata, quæ minùs angusta, longitudine circiter palmari, sapore acri: *Flores* Ranunculi vulgaris pratensis, contractiores, aureo fulgore nitent. *Radix* ex fibris albicantibus conflata est. *Caules* etiam serpunt, & quidem rursus ut in Ranunculis quibusdam radican- tur.

Foliis ludit nunc æqualibus, nunc ferratis, etiam in eadem planta. Magnitudine etiam insigniter variat.

In pratis locis uliginosis ubique abundat, Junio florens.

Ab acri & ardente seu caustica vi flammeus denominatur. Oves hac herbâ pastas inflammationibus jecinoris, internorumque viscerum erosionibus ac exulcerationibus corripit aiunt. Locus & Tempus.

- A. 8. *Ranunculus flammeus major* Ger. *palustris flammeus major* Park. *longifolius palustris major* C. B. *folio longo maximus*, *Lingua Plinii* J. B. *Great Spear-wort.*

¶. B.

In uliginoso solo & palustribus [apud nos & in ipsis aquis vadosis] exit Ranunculus *Lingua Plinii* Dalechambio putatus, *caule* bicubitali & altiore, crasso, lævi, in ramos subinde diducto, per quem veluti & per ramos alternatim *folia* producuntur, pedali circiter longitudine, vix unciam lata, crassiuscula, glabra, mucronata, saporis acris & amari Dalechambio. *Flores* extremis inhaerent ramulis, magni, Ranunculorum aliorum formâ, quinque foliis luteis constantes, quorum medium obsident numerosi *apices* concolores: eis superveniunt, autore Tabern. capita erinacea, parvæ nucis Juglandis magnitudine, cum acutis aculeis, saporis calidi & urentis. *Radix* compluribus fibris de- fixa nititur.

In fossis palustribus Eliensibus plurimus oritur; & alibi etiam propè Cantabrigiam, ut in fossis Locu. quibusdam circa mariscum de Feversham.

- \* 9. *Ranunculus flammeus Bayonensis* Park.

Park.

*Foliis* longis, angustis, acuminatis, *caulibus* ramosis *radicibus* fibrosis flammeum minorem vulga- rem imitatur. Differentia est in floribus qui huic multò majores.

In palustribus maritimis propè Bayonam oritur. Locu.

- \* 10. *Ranunculus flammeus flore albo minor* Park.

Park.

*Folia* huic Ran. flammei minoris similia, pediculis longis nixa, verum longiora & angustiora multo. *Cauliculus* inferius nudus, summa parte ubi flores erumpunt bina oblonga & angusta folia protrudit. *Flores* quàm in flammeo vulgari dicto minores, emaculati candoris. Capitula & radices cum illius conveniunt.

De loco natali nihil addit, neque unde aut à quo habuit dicit.

#### §. 5. *Ranunculi foliis gramineis.*

1. *Ranunculus montanus folio gramineo* C. B. *gramineus flore luteo simplici* Park. *pumilus gramineis foliis* J. B. *Ranunculus gramineus Lobelii* Ger. emac.

¶. B.

Fibræ quibus radicatur uncias duas plus minùs longæ sunt, satis crassæ, & fibrillis capillaribus donatæ, quæ in *radicem* minimi ferè digiti crassitudine coeunt, filamentis supra terram comosam, quod haud absurdè perennitatis fidem faciat. *Folia* è radice statim pullulant [in mea quidem sicca planta septena] duas uncias longa, aut paulum admodum excedentia, angustæ gramineæ, unumque unciâ brevius medio cauli adnatum, alioqui nudo & enodi, gracili, palmo altiori: cujus fastigio *flos* insidet unicus, justæ magnitudinis, qualis est *Linguae* Dalechampii aut vulgaribus Ranunculis, major multò quàm Ranunculi *Flammulae* dicti, è quinque foliolis compositus, quæ totidem mino- ribus [calicis] ut in Ranunculis fieri solet suffulciuntur. Succedit Lob. teste *semen* racemosum Ra- nunc. pratensis.

Parkinsonus folia Caryophylleis similia facit, longa, angusta, acuminata, carinata seu concava nonnihil, colore glauco.

Si plantetur humido & pingui loco valdè excrescit, & pulcher visu fit.

Habetur & in hortis flore pleno seu multiplici, qui Ranunculus montanus folio gramineo multi- Varietas flo. pleno. plex, C. B. *gramineus flore luteo multiplici* Park. Ran. *gramineus pleno flore* ¶. B.

Parum obvius, duntaxat Narbonensis Galliae pratensibus, ponè publicum diverforium montis Locus. Lupi, & in arduis Mindeni Ruthenorum pratis & pascuis.

\* 2. Ra-



- \* 2. *Ranunculus gramineo folio bulbosus* C. B. *angustifolius bulbosus* J. B. *leptomacrophyllos bulbosus* Col. *gramineus bulbosus* Park.

Col.

*Radice* est in longam velut cervicem producta, villosa cortice nigroq. tecta, [pluribus involucris croco similibus contexta Dalech.] ex qua duas uncias longitudine carnosae fibræ in imo crassiores, Fipendulæ palustris radicis modo, capillaribus fibrillis hirsutæ, terram undiq. oblique amplexantes producuntur [aliæ radicular, alba, crassæ aliquantulum, veluti capillamenta dependent Dal.] Intius verò intra villosum tegumentum bulbosa radix invenitur, Gladioli modò gemina, altera alteri nsidens, vetustiori atque corrosæ parùm præcedentis anni, ex quibus fibræ ortum ducunt. *Folia* nunc prima duas uncias longa, quæ majora efficiuntur, & palmum ad summum æquant, circa radicem pilosa, reliquo lævia, colore cinereo albicante, per longum venis distincta, octo numero, *caulem* cingunt dodrantalem [aut cubitalem Dal.] junceum, duobus geniculis & foliis absq. ramulis distinctum, in summo virens caput habentem, quod *florem* dehiscens luteum edit, [Dalechampsius viros flores summo cauli appingit, & flores in plurali attribuit] splendidum, staminibus densis intus plurimis, calyce tunc etiam quinquepartito. *Fructum* deinde capitatum oblongum admodum, squamosum, *semine* rotundo sed apice rostrato, perficiens.

*Folia* Dalech. à longo pedunculo dependentia, transversum digitum lata, Palmæ folium in modo substantiæ & contumacia fracturæ imitantia.

Locus.

In Æquicolorum montibus supra D. Philippæ antrum Columnæ observatus, Maio florere incipiens. In montibus D. Mariæ à Monteferrato, & circumvicinis partibus ad montium radices juxta arbusta & querceta. Dal. Aprili & Maio floret.

- \* 3. *Ranunculus gramineus perfoliatus* Park.

Park.

E *radice* parvâ fibrosâ *folia* aliquot emittit angusta, graminea, subglauca, duas uncias longa, quàm præcedentis nonnihil latiora: è quorum medio exilit *caulis* vix altior foliis, cui circa mediam partem adnascuntur bina folia oblonga, ad basès latiora & continua, eodem modo caulem cingentia quo Centaurii lutei folia. Summum caulem in ramulos aliquot divisum occupant duo trèsvè *flosculi* exigui, ex viridi luteoli, petalis conniventibus, rarius expansis. *Capitula* succedunt echinata Ran. graminei vulg. similia.

Habetur & alia hujus species seu varietas foliis latiusculis, *floribus* expansis, petalis acutioribus.

- \* 4. *Ranunculus pumilus alter angustifolius* Park.

Park.

Hic major est & elatior nonnihil præcedentibus, qui in summo caule unicum tantum gestat *florem*, eumque ampliorem quam sunt flores reliquorum Ran. gramineo folio.

De loco natali hujus aut præcedentis speciei nihil addit Descriptionis autor Parkinsonus.

§. 6. *Ranunculi montani vel floris colore, vel figura foliorum à reliquis generibus diversi.*

- \* 1. *Ranunculus montanus foliis Plantaginis* C. B. *Ran. folio Plantaginis* Ger. *Plantaginis folio* Park. *Pyrenæus foliis sublongis non laciniatis; albo flore* J. B.

Clas.

Pedali imò etiam ampliore assurgebant plantæ quas videbam altitudine; *Caule* rotundo, satis firmo, viridi, per quem alternis tria aut quatuor sparsa erant *folia*, satis lata basi caulem amplectentia, tres aut quatuor uncias longa, unciam verò lata, mucronata, multis venis ab infima sede ad extimum mucronem procurrentibus distincta, viridis coloris, qualis est ferè Brassicæ campestris, quorum oræ tenui mollique alba lanugine obsitæ. Summo caule ex foliorum, quæ minuscule erant, *stis* exibant tres, quatuor, vel etiam plures oblongiores pediculi caliculum quinque foliolis constantem sustinentes, è quo *flos* prodibat pentapetalos, petalis semuncialibus, tenellis, prorsus niveis, cujus medium occupabant frequentissima parva stamina flava cum orbiculari capitello, nullius aut perexigui odoris. Cum verò primum è terra emergebat hæc planta, & antequam in caulem excreceret, bina duntaxat aut ad summum terna proferebat folia, tres uncias longa, unciam lata, crassiuscula & firma, multis etiam venis secundum longitudinem distincta ut quodammodo ad Plantaginem latifoliam foliorum formâ accederent. Caput radicis hirsutum erat, quod deinde in multas crassiusculas albas fibras dividebatur.

Locus.

E montibus Pyrenæis eruta est hæc species. Invenitur hujus varietas cum duplici in flore petalorum serie; quæ *Ranunculus Pyrenæus albus duplex* Park.



2. *Ranunculus albus simplici flore* J. B. *Alpinus albus* Ger. *montanus albus minor simplex* Park. *montanus Aconiti folio, flore albo minore* C. B.

*J. B.*

*Radix* cauli quasi apposita, palmaribus aliquot fibris, crassis mediocriter, rigidis & albis disparatis constat, ex qua surgit *caulis* sesquicubitalis & bicubitalis, pallido & virente lævove nitens, supra communem sortem *Ranuncolorum* crassus, solidus, in ramos aliquot divisus, foliisque ad alas donatus. *Flores* gerit uncialibus & sesquiuncialibus hirsutis pediculis, *Ranuncolorum* vulgarium formâ & magnitudine, sed candore nivem provocantes, suaveolentes, pentapetalos, quorum medium occupant apices lutei. *Folia* *Aconiti* foliis similia, quinquepartita, profundissime serrata, infernè hilari virore splendentia: supernè viridia, squalida. *Tabern.* ait sapore calido & acri sed mitiore, & non ita urente ut in cæteris.

Hujus generis invenitur flore pleno niveo, in hortis cultus, qui *Ranunculus albus flore denso* *J. B.* *albus flore pleno* Ger. *albus multiflorus* Park. *Ran. folio Aconiti, flore albo multiplici* C. B. *Varietas flo. pleno.*  
In Jura & Saleva montibus propè Genevam copiosè provenit. Maio mense floret. *Locus.*

- \* 3. *Ranunculus flore albo Alpinus major* J. B. *Ran. montanus Aconiti folio albus, flore majore* C. B. *montanus maximus albus* Park. *Aconiti folio* Ger.

*J. B.*

Hic in paucis à præcedente differt, nimirum magnitudine & staturâ elatiore: *foliis* non adeò lævibus, minùs atro-virole præditis: *floribus* frequentioribus majoribusque pediculis rectoribus inhaerentibus; quòdque seriùs floreat.

*Folia* præmansa nullam manifestam acrimoniam, sed amaritudinem potiùs habere deprehenduntur. *Caulis* *Clusius* tenuem huic attribuit, sed firmum, & certè quantum memini *J. Bauhinus* minus rectè crassum præcedenti ascribit. *Capitulum* ex seminibus simul congestis, quemadmodum in reliquis *Ranunculis*, constat. *Radix* præmorsa videbatur, multasque longas & candicantes fibras habebat.

Abundanter provenire conspiciebat *Clusius* in acclivi montis Wechsell, Sneberg & aliorum montium sylvosis locis: Floret Maio & Junio: Semen Augusto maturitatem assequitur. *Locus & Tempus.*

Hujus etiam generis invenitur qui florem habet plenum & multiplici foliorum serie constantem.

4. *Ranunculus montanus albus hirsutus* J. B. *montanus Pennæi* Park. *montanus hirsutus purpureus* Ger. *emac. montanus hirsutus purpurascens flore* C. B.

*J. B.*

*Nigra radice* nititur, crassioribus fibris donata, quaque caulem emittit perennium plantarum more comolâ: ex hac *folia* nascuntur quatuor, quinque, vel sex, pediculis palmaribus hærentia, ampla, circumscriptione rotunda, sed in plurimas lacinias ad pediculum usque divisa, hirsuta. *Caulis* unicus, cubitalis vel sesquicubitalis, pilosus, cujus summum in quatuor vel quinque ramulos, palmares plus minus faceffit, quam divisionem *folium* ambit unicum veluti perforatum, sine pediculo, non minùs profundè quàm inferiora dissectum. *Flos* unicuique ramulo unus insidet, pulcher, quinque foliis orbicularibus constans, quæ inferiùs purpurascunt, superiùs in lateribus ex albo purpurea sunt, reliqua parte albissima. Hinc oriuntur capitula è latiusculis, ex oblongo rotundis, lævibus *seminibus* congesta, pluribus quam duodecim, ad semen *Pastinacæ Germanicæ* accedentia. [*Pennæo* semina ut in *Ranunculis* compacta, ex nigro purpurea & mucronata, parùm compressa, paulò quàm in aliis *Ranunculis* majora.]

In sylvosis montis Juræ propè verticem Thuri copiosè provenit. Junio & Julio mensibus floret. *Locus & Tempus.*

5. *Ranunculus montanus hirsutus albus elatior* C. B. *montanus 2. Clus. montanus albus major vel elatior* Park. *parad.*

*Clus.*

Quina aut sena promit ex radice *folia*, magna, viridia, dura, *Ranunculi* bulbosi foliis haud ab similia, nonnihil hirsuta, tribus scissuris ad pediculum usque pertingentibus, & aliis præterea minùs profundis divisa, sapore initio dulci, postea aliquantulum amaro, pediculis crassis, firmis & pedem longis innitentia: *caulem* inter illa exeuntem cubitalis longitudinis, nudum, singularem, firmum, aliquantulum hirsutum, intus cavum, qui in summo fastigio trina habet folia contigua, profundè laciniosa pænè instar *Anemonidum*, supra quæ deinceps *caulis* dividebatur in quatuor aut quinque oblongos & teretes pediculos, quorum singuli sustinent unicum *florem*, quinque foliis satis magnis & albis constantem, mediocriter odoratum multis flavis staminibus *capitulum* occupans umbilicum cingentibus, quod excusso flore apparet magno planoque *semine* onustum. *Radix* veluti præmorsa & multis nigricantibus fibris prædita.

Frequens nascitur in Sneberg, Snealben & aliarum vicinarum pratis sublimioribus; florétque Junio: *Locus & Tempus.*

Semen autem maturitatem adipiscitur Autumno.

Perfimilis est hæc species præcedenti, ut descriptiones conferenti patebit, eandem tamen esse non ausim affirmare.



- \* 6. *Ran. montanus hirsutus humilior Narcissi flore C. B. Ran. montani 2. species altera Clus. Ran. hirsutus Alpinus flo. albo Ger. emac. montanus maximus albus Park.*

Clus.

In celsioribus earundem Alpium jugis (inquit Clusius) multò humilior & magis hirsuta crescebat hæc planta, pedalem altitudinem non excedens, flore paulò majore, & qui Narcissi florem album, medium calicem flavum habentem æquare posset, eoque etiam magis odorato quàm prioris: ejus etiam folia majore amaritudine & acrimoniâ erant prædita, tamen primo gustu quandam dulcedinem habere viderentur. Serius florebat priore; nam eam duntaxat florentem reperiẽbam, quum in inferiore jugo alteram jam semen semimaturum habentem observassẽm.

- \* 7. *Ranunculus montanus albus humilior Park. Ran. Alpinus humilis rotundifolius flore minore C. B. Ran. montanus flore minore Ger. Montani 1. species 1. Clus.*

Clus.

Multa, parva, rotunda, & quasi circino circumducta habet folia, aliquot crenis divisa, & in ambitu serrata, atrâ viriditate splendentẽque supernè prædita, satis crassa sive carnosa, & fervidissimo sapore: inter quæ pediculus oritur, tenuis, singularis, brevis dodrantẽque minor, florem album, pentapetalon sustinens, inodorum, cujus umbilicum crocea stamina occupant: deciduo flore apparet capitulum immaturo frago simile, quod ex minuto semine simul congesto constat. Radix multis albicantibus fibris prædita est.

- \* 8. *Ranunculus Alpinus humilis rotundifolius flore majore C. B. montanus flore majore Ger. Ran. montani 1. species altera Clus.*

Clus.

Hujus folia in tres lacinias erant divisa, & illæ denuò aliquot incisuris donatæ: Cauliculus ab altero non differens, sed ampliorem florem gerens, eumque interdum duplici foliorum serie constantem: alioqui & colore superiori parem, eodemque tempore sese explicantem. Radix etiam, quemadmodum in illo superna parte nonnihil extuberat & fibris donata est.

Locus  
& Tempus

Nascitur uterque in summis Sneberg & vicinarum Alpium jugis confragoso solo & pæne in ipsis petrarum fissuris, Juniõque mense interdum isthic florebat, aliquando serius, ut videlicet nix serius aut maturius solvitur. In hortos translati maturè admodum & ante alios Ranunculos, Aprili scilicet flores profert.

- \* 9. *Ranunculus minimus Alpinus albus & luteus J. B.*

J. B.

Radice obliquè agit pro plantulæ ratione magnam, fibris donatam crebris, longis, perparum cauliculo cedentibus, qui duarum aut trium unciarum altitudine est, uno alterõve foliolo donatus; reliqua enim tria secta, vel profundè duntaxat circumquaque Geranii columbini modo serrata, rotunda ferè, crassa. Flos summo cauli infidet albus aut luteus à Ranuncolorum aliorum flore non differens.

Locus.

In Rhatiz monte Albula floret Junio.

J. Bauhinus Ranunculos montanos albos Clusii superius propositos ab hoc non distinguit.

Huic non valdè diffimilis est

- \* 10. *Ranunculus minimus Apulus Col. Park. arvensis parvus folio trifido C. B.*

Col.

Radice pusilla capillari; caule junceo, hirsuto parùm, sicut & foliorum petioli, oblongi respectu plantæ, in quibus foliola unguis magnitudine, trifida, hederaceâ ferè divisurâ, sed ima parùm incisa, laviâ, flore luteo in summo caulis: capite & semine congenerum.

Locus.

Cirinolæ in incultis agris observavit autor.

- \* 11. *Ranunculus Creticus albo flore, majore quàm Papaveris rhæadis J. B.*

J. B.

Folius est Ranunculi pratenfis repentis, divisus specie trifoliâ, rariùs quinquefolia, per margines crenatis, per terram sparsis: caule rotundo, pedali, qui duos vel tres flores sustinet magnos ex sex vel septem foliolis compositos, albos, Papaveris erratici florem magnitudine superantes, quibus succedit capitulum seminibus aliorum Ranuncolorum more confarctum.

12. *Ranunculus montanus purpureus calyce villosa Felicis Plateri J. B.*

J. B.

Dodrantalis est plantula: Folia velut in digitos dissecta, partim à coliculorum exortu longis pediculis hærentia, partim ex ipsis pediculis pendentia. In summo flos infidet singularis Ranunculi, sed, ut sicca ostendit, purpureus, villosissimo & velut byssino, eique concolori lanugine oblecto calyce præditus.

Loc. u.

In Alpibus Vallefiæ collegit Platerus.

§. 7. Ranunculi

§. 7. *Ranunculi grumosa aut tuberosa radice.*

- \* 1. *Ranunculus grumosa radice* 1. Clus. *Lusitanicus Autumnalis simplex* Park. *Lusitanicus Clusii* Ger. *Ran. latifolius bullatus Asphodeli radice* C. B.

Clus.

Hæc species quinque, sex, aut plura habebat *folia*, circinatae pænè rotunditatis, in ambitu serrata, per terram expansa, splendentia & veluti tumentia, bullatæque supernè, nervosa & lanuginosa infernè, ingrati initio saporis, sed postea ferventissimi. Inter *folia* exiliebant aliquot *pediculi* veriùs quàm cauliculi, dodrantes ferè, vel breviores etiam, villosi & lanugine quadam obfiti, singuli sustinentes *florem* luteum odoratum, quinque, sex, octo interdum, aut pluribus foliis constantem; quibus vento excussis vel sponte defluentibus *capitula* aliorum *Ranunculorum* capitellis aut Fragi rudimentò similia apparebant, pallida. *Radix* ex multis, crassis, longiusculisque grumis five tuberculis constabat, Chelidonii minoris longioribus radicibus non dissimilibus, quibus plurimæ tenues fibræ erant intermixtæ: temporis autem successu succrescente planta ex adnatis separari & in plures plantas pangi posse ipsa experientia demonstravit.

Frequens erat circa Olyssipponem inter oliveta & plerisque Bæticæ locis, ubi florentem Novem-  
bri & Januario collegit Clusius. Locus.

Reperitur interdum flore multiplici, qui Parkinsono *Ranunculus Autumnalis flore multiplici*: Cornuto *Ran. latifolius multiplex serotinus*. Clusius duas habet figuras magno & parvo flore. Secundæ titulum inscribit *Ranunculus grumosa radice* 1. species 11. nulla illius in descriptione mentione facta.

- \* 2. *Ranunculus Creticus latifolius* Clus. Park. Ger. *emac. Asphodeli radice Creticus* C. B.

Clus.

Quina aut sena promit à radice *folia*, impensè viridia, lata admodum, ut initio *Ranunculus* Pannonicum esse censerem, formâ enim illius foliis non sunt valdè dissimilia, & Platani foliorum formam plurimum imitantur, multis venis prædita: inter quæ *caulis* exilit pedalis, satis firmus, aliquot foliis minoribus & valdè incisus præditus, è quorum sinu prodibant ramuli minoribus adhuc foliis obfiti; inter quæ nascebantur *flores*, longo pediculo innixi, quinque foliis luteis, satis amplis constantes, quorum umbilicum occupant multa *stamina*, aurei coloris apicibus prædita, & capitulum medium cingentia. Numerosa firmatur *radice*, è multis oblongis crassiusculisque grumis composita instar radicis Tripolitani *Ranunculi*, quæ longioribus grumis constat, colore ex albo & fusco mixto extrinsecus præditis. *Folia* ante hyemem promit, & adnatis se propagat.

Nata est semine è Creta accepto.

3. *Thora Valdensis* Ger. *minor* C. B. Park. *corundemque major. Thora folio Cyclamina* J. B.

J. B.

*Caulem* habet singularem, palmarem, aut ferè etiam dodrantalem, junceum; *Folia* duo aut tria ex radice statim principio oriuntur; cauli quoque circiter medium adnascitur, nullo interveniente pediculo, folium unum aut alterum, unumquodque singulare, ordine caulem conscendens, circinatae ferè rotunditatis [imo latior plerunque] Cyclamini folio par aut etiam duplo majus, in medio per marginem aliquando sinuatum, interdum minus, rigidum, nervosum, glabrum, argutis denticulis concinnè in ambitu crenatum, reliqua superiore caulis parte parva, oblonga, acuminata, simplicia, aut in lacinias aliquot fissa Thaliætri *folia* æmulantur. *Flos* summo cauli infidet unicus, [interdum bifidus caulis in singulis ramis singulos gerit flores] *Ranunculi* & figurâ & colore luteo; nec dissimile *Ranunculorum* echino capitulum, è seminibus coacervatis conglobatum. *Radix* numerosis constat, habitusculis, oblongis, Asphodeli imitatione ad caput unum obliquum annexis radiculis, in tenuia longaque filamenta desinentibus.

In altissimis jugis Montis Juræ propè Thuiri copiosam invenimus. Provenit & in monte Baldo; Clusius in Etlicheri præcipitiis, & copiosius in Sneberg, observavit, cujus *folia* breviora; supernâ etiam parte latiora & magis incisa deprehendit quàm sint Thoræ Valdensium & montis Baldi. Locus.

4. *Ranunculus Illyricus minor* Park. *Illyricus* Ger. *Ran. lanug. angustif. grumosa rad. minor* C. B. *Illyricus, radicibus bulbosis, foliis longis* J. B.

J. B.

*Radice* donatus est ex plurimis bulbulis ceu Pini nucleis, albis, racematim quasi congestis, quibus se mirum in modum propagando multiplicat. *Folia* germinatione prima ex pediculis longis, rubentibus, parvula, glabra, viridia, tam Plantagineis primigeniis similia, ut internosci vix possint, nervis per folii longitudinem decurrentibus. Adolescenti secari incipiunt in longissimas portiones ternas quaternasve, variâ dein divisurâ adhuc amplius incisa, simulque molli & incana lanugine unâ cum pediculis pubescere. *Caulis* cubitalis & sesquicubitalis, in ramos aliquot brachiatas, totus candidus & pilosus, *flores* gerit majusculos, aureo fulgore micantes, pentapetalos, interdum gemellos, inodoros: quibus succedunt *capitula* aspera, Fragariæ instar, oblongiuscula, *semen* continentia.

Clusius in Hamburgensi monte duobus, supra Polonium Ungariæ milliariis observavit: Cherle-  
rus propè Romam, florentem Maio. Locus.



*Alia species.* Habetur alius multò majoribus foliis, caule & floribus, magisque incanus, tum etiam magis numerosis radicibus, ut commodè Illyricus major dici possit. *Clus.* quomodo & Parkinsonus noster eum denominat. C. Bauhinus Ran. lanug. angustif. grumosa radice majorem.

*Locus & Tempus.* Hunc in herbis ultra pontem Castrì novi juxta Ladum amnem Maio mense florentem & sese multum propagantem invenit D. Magnol, tum & in aliis herbis satorum marginibus, foliis latis, minus laciniatis.

- \* 5. *Ranunculus chærophyllus Asphodeli radice* C.B. *Asphodeli radice flore luteo* Park. *Ran. montanus leptophyllus Asphodeli radice* Col.

*Col.*

Autumno & hyeme exit è radice Asphodeli modo è pluribus bulbulis, Olivæ magnitudine, rotundioribus, in fibram tenuem desinentibus composita; Ex his folia ramosa, primis Bulbocastani æmula, in terram procliva, vel recta, petiolis hirsutis rubentibus, trientalibusque, & cum foliis semipedalibus ferè, innitentia: in quorum umbilico antequam caulis exurgat floris botrus extuberat, in medio viridis: Martio verò caule ad dodrantis longitudinem se protendente explicatur, & florem aureum splendens pulchrum edit, quinque foliolis rotundis constructum, luteis staminibus mediis densis. Quo defluxo caput remanet, quod perfectum oblongum est, Olivæ instar aut magis productum, seminibus aduncis densis coherentibus, ut in congeneribus, minoribus multò etiam caput æquale. Caulis verò hirsutus est, rotundus, repens, singularis, rarò pluribus quàm duobus vel tribus alis divisus; in quo circa summum foliorum lobi majores longioresque sunt, brevi petiolo hærentes alternatim.

*Tempus & Locus.*

Martio floret & Veris fine perficitur; in collibus Campoclarensium & Æquicolum admodum frequens. Loca amat pingua, herbida. Acris est admodum, nec congeneribus cedit. Habetur etiam circa Monspelium. Vide Botan. Monsp.

- \* 6. *Ranunculus lanuginosus Apii folio, Asphodeli radice* C. B. *alter saxatilis, Asphodeli radice* Col. Park.

*Col.*

È radice multis crassis fibris summo cæspite hærentibus Asphodeli modo, crassioribus juxta radicis caput, semperque decrescentibus, parvis, pollicis longitudine, multis capillaribus fibris intermixtis composita, petiolo edit cavos, & in imo latos circa radicem, Umbelliferarum ritu alter alterum amplectentes, quibus folia insident primùm lata, duabus tantum incisuris divisa, deinde magis profundè tribus lobis, lobis ipsis postea tribus dentibus incis, tandem ad nervum usque, ut tria folia videantur, illaque profundè incisa ac tandem dentata, utrinque hirsuta infernè albidiora. Caulem vere emittit teretem, hirsutum, semipedalem, alis divisum, in quo folia magis divisa & tenuiora, sine petiolo, ex quorum sinu ramuli, in quibus flores magni, pallidi, quinque foliolis unguis magnitudine constructi, staminibus intus luteis fructus rudimentum virens circumdantibus Aprili mense: Deinde longum caput squamosum, seminibus rotundis in apicem desinentibus.

*Locus.*

In Æquicolum montibus observavit Columna saxosis humentibus locis.

- \* 7. *Ranunculus grumosa radice folio Ranunculi bulbosi* C. B. *Ran. grumosa radice Bononiensis* Park.

*C. B.*

Ex radice alba, grumosa veluti ex parvis bulbis sed firmiter compactis composita, fibris oblongis intermixtis folia Ranunculi vulgaris bulbosi foliis similia, subrotunda, sed profundius dissecta, oblongis pediculis donata, levissimè pilosa prodeunt: inter quæ caulis pedalis, hirsutus, rariùs in ramos divisus effertur, quem folia in angustos lobos secta bis cingunt, cujus summo flos luteus aliorum formâ insidet, cui capitulum brevissimis aculeis armatum succedit.

*Locus.*

Agris Bononiensibus familiaris est.

8. *Ranunculus Asiaticus grumosa radice* 1. *Clus.* *Ran. Tripolitanus* Ger. *Tripolitanus flore phæniceo* J.B. *Asiaticus sive Tripolitanus flore rubro* Park. *grumosa radice flo. phæniceo minimo simplici* C.B.

*Clus.*

Folia aliquot à radice producit, unciam lata, duabus parvis laciniis divisa, per oras serrata, longis pediculis nitentia, crassiuscula & succulenta, glabra vel quàm levissimè hirsuta, venisque ex viridi pallecentibus prædita, subacidi & ingrati initio saporis, qui brevi in acrem & linguam mordicantem convertitur. Folium caulem imum amplectens majus est reliquis, & in tres lacinias divisum, quarum singula cætera folia æquant, & tripliciter incise, simulque in ambitu serratae sunt. Medius inter hæc assurgit caulis, teres, viridis, non lævis, sed quadam lanugine oblitus, quem per intervalla ambiunt bina aut terna folia, minora magisque laciniata illo quod imo cauli adhæret, summo fastigio amplum sustinens florem, Pannonici sive Illyrici florem magnitudine superantem, licet ejusdem quodammodo formæ, & prorsus inodorum, quinque [aut sex interdum] foliis constantem, quæ forinfecus phæniceæ sunt coloris, internè verò miniatæ elegantis & splendentis, medium florem occupantibus plurimis tenuibus & rubris staminibus, quorum apices crassiusculi, initio pulli, deinde cineracei coloris, extuberante inter media stamina capitello, purpureæ nigrae villis obfita, quod in uncialem aut longiorem amplitudinem tandem excrefcens, frequentis feminis rudimento quidem oblitum est, sed prorsus plani & inanis; mihi certè nunquam fertile fuit. Multas habet radículas, ex uno capite dependentes, breves & crassiusculas, perinde atque Illyricus sive Lusitanicus, à quo-

rum



rum grumosis radicibus non multum differunt, (sunt enim alia aliis longiores) extrema tamen parte non obtusa, sed singula in tenuem fibram paulatim desinentes, solida, fusci exterioris coloris, interioris albi, ingrati initio saporis, deinde acris. Cum Illyrico porro grumosa radice Ranunculo illud ferè commune habet, quod sub caule inter medios radicis grumos crassiusculus veluti ramulus enascatur, qui oblique per radicem interstitia se porrigens in unumcaput extuberat, è quo multae radices superioribus paulò minores dependent, è quorum medio caulis exilit, sub quo deinde alius ramulus similiter prodit, in latus uti superior per radicem spatia se spargens, & novam radicem congeriem generans: quin & matri sive primariae radici adnascuntur contigui & quasi ipsi insidentes terni aut quaterni similia & quasi matri aequalium grumorum globi, quae sane ratione satis feliciter se propagat. Habet praeterea albas quasdam fibras per crassiorum radicem spatia sese explicantes & spargentes.

Constantinopoli allatae sunt hujus radices aliquot, Tripolitani pleni floris nomine insignitae.

Locus.

9. *Ranunculus grumosa radice ramosus* Ger. C. B. *Ran. Asiaticus* *παυλαδης* sive *grumosa radice* II. Clus. J. B. *Creticus vel Asiaticus flore argenteo* Park. parad.

Clus.

A precedente solo caule differt; qui ut plurimum paulò crassior & firmior est, atque etiam *παυλαδης*, ex foliorum quae illi adnascuntur alis unum aut alterum proferens ramulum, qui florem primario paulò minorem sustinet.

10. *Ranunculus grumosa radice flore albo* C. B. *Asiaticus grumosa radice, flore albo* Ger. *Asiaticus vel Creticus flore albo* Park.

Clus.

Caule est pedali, in binos graciles ramulos diviso, summo fastigio singulares flores albos sustinentes, quibus (maximè circa oras) suave-rubens color permixtus est; staminibus multis flavis oblongiusculum capitulum cingentibus. Caulem antequam in alas dividitur amplectuntur alia folia in ternas aut plures profundas lacinias secta.

Reperitur & flore albo, oris rubris, atque etiam flore niveo. Alia denique species flore radiatum mixto ex rubro & flavo, venis flavis magna venustate rubrum colorem secantibus.

11. *Ranunculus grumosa radice flore albo leviter crenato* C. B. *peregrinus grumosa radice* 2. Clus.

Clus.

A superiore differt foliis planioribus, caule gracili, circa mediam partem foliis singularibus, nec laciniosis cincto: floris petalis extrema parte magis orbiculatis & leviter crenatis; capitulo brevi.

12. *Ranunculus grumosa radice, flore flavo vario* C. B. Ger. *Asiaticus flore luteo vario simplici* Park.

Clus.

A Tripolitano differt, foliis in caule in tenuiores & frequentiores lacinias divisas, superioribus praesertim, florum colore flavo ad viriditatem vergente, rubellis sive purpureis venis virgatim distincto; staminibus florum purpurascens.

13. *Ranunculus Asphodeli radice, flore subphoeniceo rubente* C. B. *Asiaticus flore rubro pleno* Park. *flore pleno miniato* Ger. emac. *Asiaticus grumosa radice, pleno flore* 2. Clus.

Terna vel quaterna habet à radice prodeuntia folia Asiatici sive Tripolitani folii, similia, & illorum instar incisa, minora tamen; inter quae emergit cauliculus dodrantem pedis altus gracilior quam Tripolitana, cui inhaerent bina folia, interdum & tertium pusillum, quorum infimum ternis profundis lacinias, per oras serratis divisum est; alterum, quod supernum & angustius, quinque lacinias usque ad medium nervum incisum, quarum singulae unicam crenam habent, nonnunquam binas aut plures, extrema verò binas tantum. Summo cauli infidet caliculus quinque foliis praeditus, gemmam floris amplectens, qui explicatus multiplici foliorum serie constare conspicitur (centum enim & triginta habuit) foris subphoeniceo initio coloris, deinde miniati, interioris elegantis rubri miniati ad coccineum tendentis, quorum alia latiuscula, alia angustiora, umbilicum floris occupante foliaceo quodam capitulo, minus miniato. Radix Asiatico simplici similis, aliquot grumis minoribus constans, & illius instar propagines ad latera, sed rarius, spargens.

Ranunculus Asiaticus grumosa radice pleno flore 1. Clus. cujus descriptionem non ex viva planta, sed ex icone vivis coloribus expressa nobis non videtur diversus à secundo, cujus descriptionem dedimus.

14. *Ranunculus Asiaticus grumosa radice, pleno flore* 3. Clus. *Ran. Asphodeli radice, prolifer miniatus* C. B. *Ran. Asiat. flore pleno prolifero* Ger. emac.

Clus.

Huic radiculæ quinque aut sex, supremè parte crassiusculæ ex uno capite dependebant, superioribus paulò longiores; è quarum capite prodierunt folia, non valde dissimilia superioris foliis, sed mi-



nora, & pluribus tenuioribusque laciniis divisa. *Cauli* tereti inhaerebant bina *folia*, quorum infimum in tres majores lacinias divisum, & illa denuo in ternas, media verò in quinas minores. Summo cauli inhaerebat *flos*, frequentibus, & multiplici serie dispositis foliis constans, quorum alia aliis paulò latiora, coloris, ut pictura ostendebat, (quem nescio an pictor fideliter imitatus sit) miniati. E medio flore profiliebat pedicellus unciam altus, sustinens alium florem minorem, plenum tamen & ejusdem coloris, non secus ac videre est in Ranunculo illo tuberosa & magna radice, cujus flos flavus, multiplici foliorum serie constans, qui sæpe non modò secundum florem ex primo, sed & tertium ex secundo nonnunquam producit. Ex superioris autem folii sinu natus erat ramulus duobus tenuibus foliolis præditus, cujus fastigio insidebat flosculus etiam plenus, secundo ferè æqualis.

Ego hunc & superiorem Ranunculum specie convenire puto, & utrumque cum Ranunculo Asiatico primo in loco descripto, siquidem flos non naturæ seu secundum speciem plenus sit, sed ex accidenti tantum, ob ubertatem foli, aut plantæ luxuriam.

15. *Ranunculus Creticus grumosa radice flore niveo* Clus. *Ran. grumosa radice flore niveo* C. B.

*Clus.*

Ex radice grumosa instar illius quæ ex Asia adfertur aliquot *folia* producit satis ampla, humi quasi in orbem sparsa, succulenta, viridia, supina tamen parte albicante colore in viridi velut conspersa, in tres lacinias, per oras aliquot crenis incisas, divisa: inter illa quaterni aut quini prodibant *cauliculi*, graciles, firmi tamen, brevi quadam lanugine obditi, quique ex foliorum magis incisurum, quibus ambiebantur, alis alterum plerunque, nonnunquam etiam tertium ramulum producebant, parvo uno aut altero folio ornatum, qui summo fastigio sustinebant subfuscum calyculum, in quinque foliola, fusco villo obditi, divisum: is deinde explicatus florem ostendebat quinque foliis unciam amplis prorsusque niveis constantem (licet interdum quædam conspicerentur raris venis suaverubentibus per oras sparsa) è quorum umbilico emergebat capitulum, subfuscis staminulis infima sede cinctum, quod magnam gratiam candido flori conciliabat.

*Tempus.*

Flores explicabat mense Maio cum Asiatico phœniceum florem gerente, quibus succedebat simile capitulum, non dissimili paleaceo & aceroso semine obditi, quod inutile esse arbitror.

Præter descriptas plurimæ alia hujusce generis seu species seu varietates, magno studio undique conquisitæ in hortis curiosorum enutrientur. In Catalogo horti Regii Parisiensis Anno 1665. editæ invenio sequentes.

Ranunculus Asiaticus grumosa radice, flore simplici luteo, pallecente, striis rubentibus.

Ranunc. Asiat. simplex aureus *Ferrarii*.

Ran. grumosa radice, aureo panno concolor, fundo & limbo rubentibus.

Ran. Asiat. flore simplici melino.

Ran. Asiat. grumosa radice, flore miniato per oras luteo.

Ran. Asiat. flore luteo, lineis albis picto.

Ran. Asiat. grumosa radice, foliis intus & per oras pallidè luteis, lituris purpureis, alas referentibus Papilionum.

Ran. grumosa radice flore phœniceo, simplici odore.

Ran. Asphodeli radice, flore flavo, venis rubris distincto, *Bosvel* dictus.

Ran. flore pleno flavescente, & rubris lineis elegantissimè variegato, *Le Seraphique*.

Ran. Asphodeli radice, flore sanguineo maximo, *Le monstre rouge*.

Idem flore luteo variegato, *Le monstre Panaché*.

Ran. Constantinopolitanus gigas flore coccineo, *Le Geant de Constantinople ou le grand Orange*.

Idem flore eleganter variegato.

Ran. Romanus gigas miniato flore, *Le Geant de Rome*.

Idem plenissimo flore miniato & luteo vario.

Ran. Alepus grumosa radice, flore purpureo-sanguineo maximo, *Spherique ou Peone*.

Idem flore lineis rubris & luteis striato, *Spherique Panache*.

Ran. Syriacus grumosa radice flore miniato patulo, *Salamine*.

Idem ex luteo pallecente & rubro mixtus, *Le grand Pontife, ou le Salamine Panache*.

§. 8. *Ranunculi quidam C. Baubino in Prodromo & Parkinsono descripti.*

- \* 1. *Ranunculus montanus subhirsutus latifolius* C. B. prod. *montanus hirsutus latifolius* Park. *mont. subhirsutus Geranii folio* C. B.

*C. B. prod.*

Ex radice longa fibrosa *folia* prima Geranio columbino similia, subnigricantia, mollia, in tres primum lacinias ad pediculum divisa, & hæ in alias tres, hæque in alias sextæ, pediculis palmaribus subhirsutis donata prodeunt, quorum tamen superiora latiora & acutiora: inter quæ *Caulis* sesquicubitalis, cavus, striatus, penè glaber; in ramos brachiatus effertur: quibus flores parvi, pallidè lutei quinquefolii insident: his *semina* in capitulum congesta succedunt.

*Locus.*

Hic in humidis montis Mutetæ provenit.

- \* 2. *Ranunculus montanus lanuginosus foliis Ranunculi pratensis repentis* C. B. Park.

*C. B. prod.*

Radicem habet fibrosam, rufescentem, à qua cum caule tenui, cubitali, lanuginoso, supernè in alas diviso prodeunt *folia* pallidè virentia, tactu mollia, pediculis palmaribus, lanuginosis donata, instar

star Ranunculi pratensis repentis, in tres primum lacinias, oblongis pedicellis donatas, & hæc in alias acutas per marginem crenatas, divisa. Flos aureus quinquefolius.

Priore rarior est, & in altissimis montibus, ut in *Belken* Marchionatus reperitur.

J. Bauhinus hunc synonymum facit *Ranunculi sui magni, valde hirsuti, flore luteo*: At descripti-ones non conveniunt. Locus.

\* 3. *Ranunculus montanus Betonicæ foliis* Park.

Park.

Multa è radice plurimis fibris albis composita emittit folia latiuscula & oblonga, venis seu nervulis crebris superficiem velut rugosam efficientibus, intertexta, pediculis brevibus donata, circa margines crenata, extremitate rotunda, Betonicæ foliorum instar, illis tamen minora, supernè atrovirentia, infernè argentea. In horum medio seu centro exurgit cauliculus nudus, palmi altitudinem vix excedens, in fastigio florem gestans singularem, parvum, quinque foliolis mucronatis albis compositum, apicibus in medio luteis; totidem calicis foliolis viridibus sustentatis. Semina ut in aliis Ranunculis in capitulum echinatum congesta. Tota planta, folia & radices, amara initio, deinde valde adstringentia.

In Alpibus, nimirum in monte *Senis*, quem superant qui è Gallia in Italiam iter faciunt, à Pillerio inventus, & ad Lobelium transmissus est. Locus.

Habetur in Catalogo horti Regii Parisiensis.

\* 4. *Ranunculus Geranii tuberosi folio* C. B. prod. Park.

C. B.

Radice est fibrosa; caulibus multis, cubitalibus, viridibus, lævibus, striatis & ramosis: foliis à radice pediculis palmaribus donatis, uncias sex longis latisque, supernè atrovirentibus, foliorum Geranii tuberosi instar in multas lacinias, sed longiores & latiores, ad pediculum divisas, & rursum in alias scissas: at in caulis summitate in segmenta graminea partitis. Flores in ramulorum summis plures, parvi, lutei, multis in medio staminibus; quibus capitulum parvum rotundum cum seminio succedit.

Non longè Patavio in Arqua, ubi Petrarchæ sepulchrum legit C. B.

Locus.

\* 5. *Ranunculus saxatilis magno flore* C. B. Park.

C. B. prod.

Radix ex oblongis fibris capillaribus composita est. Folia habet ad radicem plura, oblongis pediculis nonnihil lanuginosis donata, unguem vix lata, in tres parvas lacinias, & hæc in binas vel ternas acutas, divisa; inter quæ cauliculus palmo minor tenuis, lanuginosus, cujus summo flos magnus, aureus, splendens, quinquefolius, multis in medio staminibus rufescentibus, infidet.

Circa Montspelium in saxosis crevit.

Locus.

\* 6. *Ranunculus saxatilis foliis subrotundis* C. B. Park.

C. B. prod.

Radix in fibras oblongas, capillaceas abit: Folia per terram sparsa, subhirsuta, crassa, pedicellis uncialibus donata, vix unguem lata, in petiola parva, subrotunda, & hæc in alia dividuntur: cauliculus tenuis, lanuginosus, sex unciarum, ad exortum statim dividitur: flos luteus, quinquefolius, multis staminibus donatus.

Eodem quo prior loco reperitur. An hic à præcedente differat inquirendum.

\* 7. *Ranunculus minimus saxatilis hirsutus* C. B. Park.

C. B. prod.

Radix est pusilla, capillari, circa quam foliola plurima, in tres lacinias subrotundas & per marginem incisas divisa, longis pedicellis hirsutis donata: inter quæ cauliculus duarum triumve unciarum hirsutus exurgit, florem luteum aliorum Ranunculorum similem multis in medio croceis staminibus sustinet: cui capitulum parvum ut in aliis succedit.

Non longè Montpelio ad Lattes provenit.

Locus.

\* 8. *Ranunculus villosissimus Monspeliacus* C. B. prod. Park.

C. B. prod.

Radix est fibrosa, rufescente: foliis ex eâ prodeuntibus crassis, villosis, parvis, in lacinias primum ternas, alias subrotundas, alias acutas, & hæc in alias incisas, & per marginem crenatis, quæ verò in caule sunt in oblongas & acutas & quasi aculeo armatas lacinias, sed longitudine impares dividuntur: inter quæ caulis palmaris, in breves alas brachiatus, quibus singulis folium in plures lacinias divisum subjicitur. Flos aliorum Ranunculorum formâ, mediæ magnitudinis, lutei coloris est. Tota planta ob pilos rufescentes molles villosa & rufescens est, & Montpessuli in saxosis reperitur.

Dubitat D. *Magnol* an hæc sit Ranunculi distincta species an varietas tantum Ran. saxatilis magno flore.

9. *Ranunculus montanus folio Aconiti, magno flore* C. B. Ran. mont. major flore luteo Eyll.

CAP.



## CAP. IV.

De Herbis quibusdam Ranunculi capitulo & calyce, flore polypetalo, & primò  
De Ranunculo Rutæ folio.

*Ranunculus præcox Rutæ sive Coriandri folio* Park. parad. *Ran. Rutaceo folio, flore suaverubente*  
*C. B. præcox Rutaceo folio* Ger.

Clus.

**F**olia aliquot à radice producit multifida, Rutæ foliis non valdè dissimilia, molliora tamen & magis viridia: flores autem habet amplos, ante ipsa folia emergentes, forinsecus dum initio emergunt ad suaverubentem colorem tendentes, internè candidos, duodenis aut pluribus foliis constantes, umbilicum occupante capitulo viridi, ut in reliquis hujus generis, cincto multis albicantibus staminibus, quæ flavos apices habent, sine odore: Hos sustinet cauliculus teres & initio purpurescens, deinde ex viridi pallescens, quem ambit unicum plerunque folium, (rarò plura) exiguum, duabus aut tribus laciniiis divisum, latà basi cauliculum amplectens: Floribus deciduis succrescit illud capitulum, & in semina crassiuscula evadit. Thoræ Valdensem semini pænè similia.

Locus.

Nascitur in inferioribus Sneberg jugis & vicinis montibus, singulari radice crassiuscula præditus, è cujus capite aliquot crassiores fibræ dependent, in hortos autem translatus multis adnatis sese propagat, multoque frequentiores fibras spargit.

Tempus.

Floret in hortis plerunque Aprili, nativo loco serius.

In Catalogo horti Regii Parisiensis habetur,

*Ranunculus Rutæ folio serotinus, flore aureo pleno.*

## CAP. V.

De Flore Adonidis.

**A**donidis floris meminit Ovidius 10. Metamorph. qui Anemone esse à multis creditur; alii huic id nomen tribuunt. Quibusdam hæc herba eadè Theophrasti à floribus flammeo igneoque colore censetur; qui inter flores vernos & odore carentes eam recenset, 6. hist. 6.

A. 1. *Flos Adonis* Park. *F. Adonis flore rubro* Ger. *F. Adonis vulgò aliis Erantbernum* J. B. *Adonis bortenensis flore minore atrorubente* C. B. *Adonis flower, Red Whaites.*

*Radix* ei alba, simplex, minimo digito tenuior, sapore herbaceo & nonnihil nauseoso, *J. B. Caulis* cubitales aut sesquicubitales, inferius hirsuti, erecti, teretes, striati, tubulo angusto perforati, glabri, ramosi, ad intervalla foliis alternatim positos vestiti, ramulis crebris è foliorum alis exeuntibus, & caulem ipsum altitudine superantibus. *Folia* Chamæmelinorum magnitudine & divisurà, in angustas & acutas lacinias dissecta, hilarè viridia, glabra. *Flores* in summis caulibus & ramulis singuli, pediculis satis longis, è calice quinquefolio una cum flore deciduo, pentapetali, sæpius octapetali, intenso cruore saturati, cum multis intus staminibus apices obscurè cæruleos gestantibus. Florem medium occupat capitulum Ranunculi, in longitudinem productum, multis seminibus majusculis in acutos apices desinentibus, per maturitatem etiam virentibus compositum. Flos hortulanis nostris *Phæasantis ope*, i. e. Phasiani oculus, ob colorem dicitur.

Locus.

Inter segetes frequens in exteris regionibus; aiunt & in Anglia sponte provenire sed rariùs, mihi certè nondum occurrit.

*Adonis flore luteo* non alia in re quàm floris colore à præcedente differt.

2. *Flos Adonis* 2. Clus. *Adonis sylv. flore phæniceo, ejusque foliis longioribus* C. B.

Clus.

Similes habet priori caules & folia, sed dilutiùs virent: caules etiam rarioribus alis præditi. *Folia* paulò molliora, nec adeò multifida: flores longioribus foliis constant, & coloris sunt phænicei, dilutiores etiam quàm sunt Anagallidis flores, villis nigris similiter umbilicum occupantibus, in quo statim, vix etiam aperto flore, caput extuberat, in majorem deinde longitudinem excrescens quàm superioris, illòque gracilius, semine tamen constans adeò simili, ut neutrum ab altero discerni queat. *Radix* superiori ferè similis, quodammodo flavescens instar radicis Fumariz, sed fugacior alterà, quemadmodum & tota planta.

Locus.

Sponte frequentissima nascitur inter segetes, in Gallia Narbonensi, universa Hispania, Italia, inque Austria & Moravia.

Vires.

Flores ejus qui flore est phæniceo in vino infusus & potos ad dolores colicos & nephriticos leniendos utiles esse experièntià compertum scribit Parkinsonus in *Parad.*

## CAP. VI.

1. *Bupthalmum Dodonæi*, aliis *Consiligo tenuifolia* J. B. *Bupthalmum* sive *Helleborus niger ferulaceus* Ger. *Helleborus niger ferulaceus* Park. *Hellebor. niger tenuifolius Bupthalmi flore* C. B. *Hellotm Ox-eye*.

**N**ON abfimilis Hellebori radici hujus fibrosa radix, quæ sicca, qualis in Officinis prostat, sesquipalmaris, fibris nigricantibus constat, tenuioribus quàm Hellebori nigri radix, à capite magis etiam divulso pendulis, sapore amaro præditis, non parvam tandem acrimoniam relinquentibus: *caules* aliquot proferens spithameos, striatos, tenues, in quibus *folia*, tenuissima difsecta, Floris Adonidis modo, sapore subamaro, odore ubi atterantur digitis insuavi. *Flores* pulchri, flavi, nullo eccellente odore, ex foliis sedecim, oblongis, striatis, acuminatis, circa mucronem nonnihil crenatis compositi: in medio amœna plurimorum staminum partim herbidorum corona capitulum circumstat, oblongum, echinatum ut Ranunculus: seminibus acutis compressis: subsunt flori quina folia viridantia hirsuta.

Clusius vulgarem ait omnibus apricis collibus, & siccioribus utriusque Pannoniæ & Austriæ graminosis campis. Maio aut Junio floret. Locus.

Radix amara est & acris, & venditur loco radicis Hellebori nigri, sed deleterium est. Verrucas tollit ut Ranunculus. D. Palmer. Vires.

2. *Helleborus niger ferulaceus* sive *Pseudo-Helleborus*, caule geniculato, flore magno instar Tulipæ Mentzel.

Differt omnino à præcedente: hic enim longè per omnes partes tenacior est & humilior nostro in Marchia Brand. circa Francofurtum copiosissimè crescente. Huic idem videtur

*Bupthalmum peregrinum* Alpin. exot.

*Alpin.*

Fruticat hæc planta multis caulibus rectis, rotundis, gracilibus, sed ab una radice obliquè actis, densis, tricubitalibus, colore viridi nigrescente. *Folia* plura habet, quãdantenus Forniculo similia, jucundo virore oculos delectantia: in cauliculis verò *flores* cernuntur, aurei coloris fulgentis, duplo Anthemidis majores, à quibus fiunt *semina* parva, oblonga, tenuia, nigra. *Radices* subsunt longæ, graciles, subnigrescentes.

Perennis est, hyemisque frigora spernit. Vere & totâ æstate, & usque etiam in hyemem floret.

Plantam hanc præter rationem Hellebori nigri speciebus accensent, cum neque notis genericis, neque facultatibus cum Helleboro conveniat. Dodonæus enim hujus radices per inferna minime purgare experienciâ didicit.

## CAP. VII.

De Malva.

**M**Alva Latinis quasi Molva quòd alvum molliat, ut inquit Festus, secundum tritum illud Scholæ Salernitanæ vericulum,

*Dixerunt Malvam Veteres quia molliat alvum.*

Græcis etiam *Malakys* dicitur *ἀλμα ὡς μαλακόν* ob eandem rationem.

Utrumque Etymon improbat Casp. Hofmannus, nec tamen meliora substituit.

Notæ Malvæ characteristice sunt calyx octaphyllos, seu geminus, exterior in tres, interior in quinque lacinias divisus, folia integra, semina in rotulæ aut caseoli formam circumacta.

§ 1. *Malvæ sylvestres annuæ.*

1. *Malva crispa* J. B. Ger. Park. parad. *foliis crispis* C. B. *Curled or French Mallot.*

*J. B.*

Humanam altitudinem assequitur & in lætiore solo etiam excedit, caule crasso, tereti (quamvis J. Bauhinus, nonnihil angulosum faciat) viridanti & non rarè in apricis rubenti, glabro, rigido, aliquantulum concavo, aliàs medullâ copiosâ farcto, ramoso. *Folia* palmaribus aut dodrantalibus pediculis, altera parte hirtis, altera glabris, appensa, per intervalla caulem ab imo ad summum usque alternatim posita obvestiunt, Malvæ vulgaris majora, brevibus pilis hirsuta, non tantùm laciniata, verumetiam



verumetiam crebro flexu reflexuque per oras crispa & argutè denticulata. Flores conferti ad pediculorum quæ folia sustinent exortum brevibus plerunque petiolis [nunc singuli singulis, nunc communi pediculo plures] insident, haud majores quàm Malvæ, sylvestris pumilæ aut provolutæ, colore ex dilutissimo rubore albicante, quinque foliis cordatis, lineis intus purpurascens, saturatoribus striatis, ad ungues ut in reliquis Malvis junctis, compositi: calice hirsuto virescente in quinque segmenta acuta diviso: in quo etiam connivente succedunt in orbem congesta semina Malvæ jam dictæ. Calici subsunt tria angusta folia ut in aliis Malvis. Radix subest dodrantalis aut longior breviorve pro ratione foli, surculosa, alba, mediocriter crassa, sapore grato, & ut reliqua planta glutinosa. Annua est planta, semine deciduo se quotannis renovans. De loco natali nihil invenio.

2. *Malva trimestris* Clus. *trimestris flore cum unguibus purpureis* J. B. *æstiva Hispanica* Ger. *Malva folio vario* C. B. Pin. *æstiva sive trimestris* Park. *fortè etiam Malva Hispanica flore carneo amplo* ejusdem.

Pedali altitudine crescit hoc Malvæ genus, caule rotundiusculo, tereti, viridi, lanugine tamen aliquantulum obfito, quem rara, & nullâ certâ serie distributa ambiunt folia, tenella, viridia superne, inferne dilutiora; infimo cauli adnata, circinatae fermè rotunditatis, in ambitu serrata; supremum caulem & ramulos amplectentia angulosa sunt, ad foliorum Althææ formam parè accedentia. Flores summis ramulis inhaerent, satis magni, quinque foliis extima parte lunatis constantes, purpurascens coloris, unguibus saturatiore purpurâ infectis, prodeuntibus ex umbilico staminibus pallidis, villis purpureis: Semen in foliaceis capitulis planum. Radix parva est, candicans, tenuibus fibris prædita, annua tamen, aut potius trimestris, quam subsequens hyems corrumpit.

*Malva Hispanica flore carneo amplo* Park.

Formâ externâ & crescendi modo vulgari Malvæ persimilis est, caulibus rectis, duos trêve pedes altis, multis ramis brachiatis assurgens, ab imo ad summum usque foliis obfatis rotundis, Malvæ vulgaris similibus sed rotundioribus, tantillo minoribus, minúsque divisis, inferioribus majoribus. Flores e foliorum alis exeunt, copiosi, pentapetali, carnei, cum pistillo in medio concolore. A vulgari Malva floribus præcipuè formâ, qui huic longior est & ad margines magis expansus Campanulæ in modum, ejusdemque colore incarnato seu pulchrè rubello differt. Floribus succedunt orbiculi, seminibus nigricantibus, vulgari similibus sed minoribus, arcè stipatis compacti, Radix tenuis, longa, quotannis marcescens.

Ex Hispania ad nos delata est.

Miror cur Morisonus hanc Malvam perennem faceret, cum Parkinsonus annuam esse affirmet.

3. *Malva folio vario* C. B. prod. *Malva stellata* J. B.

J. B.

Caulis huic tenues cubitales vel bicubitales, ramosi. Folia priora in tenella planta sunt ex longis pediculis parva, rotunda, serrata; ubi autem adolevit, per ramos ex brevioribus foliis in satis magna, [evadunt] in tres partes divisa, quorum quadam sagittam expriment. Sapor ingratus, nonnihil viscosus. Flos magnus, purpureus, striatus, quinque foliis cordatis constans: in medio pistillus albus, ex multis apicibus compositus. Ejus calix prior membraneus, uti & secundus, in quo cuspides quinque stellam quodammodo exprimentes. Semen quale vulgaribus Malvis. Tota planta hirsuta. [Radix subest alba, fibrosa.]

Locus.

Argentinz in horto Friderici Meier vidit J. B.

Malva folio vario C. Bauhino in prodromo descripta & depicta diversa videtur à Malva trimestri Clus. quam in pinace Malvam folio vario appellat.

4. *Malva hirsuta folio cordato* Morisoni.

Morisoni.

Caulis edit multos, hirsutos, bicubitales & altiores; quibus adherent folia cordata, mucronata in ambitu leviter serrata, pediculis etiam hirtis, brevibus innitentia: ex alis prodeunt pediculi alii breves sustinentes flores pentapetalos, floribus primæ majores, secundæ verò minores [quid per vocabula primæ & secundæ intelligat non capio] dilutè rubentes: quibus succedunt, caseoli aut placentalæ instar, multa semina semilunaria rotatim cingentia stylum nutritivum. Annua est planta.

Tempus & Locus.

Floret Julio & Augusto: semina perficit Septembri & Octobri. Semina hujus ex Asia habuit Descriptionis autor.

5. *Malva annua rotundifolia, floribus omnium minimis albis pentapetalis, verticillatim genicula ambientibus* Morisoni.

Morisoni.

Hæc Malvæ species ascendit ad altitudinem quatuor aut quinque pedum, atque in singulis geniculis plurimos edit flosculos, albos, pentapetalos, omnium minimos; arcè & verticillatim caules ad singula genicula amplectentes, quasi absque pediculis: floribus fatiscens singulis singula succedunt capitula, ex plurimis seminibus semicircularibus, cortice rugoso tectis, rotatim seu circulariter ambientibus stylum nutritivum. Folia inferiora sunt rotunda, laciniata & crispa, superiora oblonga, sinuata. Flores sunt parvi, quinis parvis imò omnium minimis petalis albis constantes: quibus densè circa genicula dispositis succedunt circuli seu caseoli minimi, arcè geniculis adherentes. Planta est annua, quæ postquam multiplicata, imò infinita semina ediderit, totaliter perit.

6.



- \* 6. *Malva annua hirsuta, foliis bederæ instar angulosis* Morisoni.

Morison.

Caules hujus sunt admodum hirsuti, quin & folia eorumque pediculi quibus innituntur hirsutæ pater scitent: flores habet minores, pentapetalos, at singula petala deliquium patiuntur, adeo ut bifida in extremitate appareant: hisce singulis singuli orbiculi caseiformes succedunt, in quibus conspiciuntur plurima semina circulariter ambientia stylum nutritivum. Planta est annua, florens æstate, atque semina versùs ejusdem finem perficiens.

§ 2. *Malvæ sylvestres perennes.*

- A. 1. *Malva vulgaris* Park. *sylvestris* Ger. *sylvestris folio sinuato* C. B. *vulgaris flore majore, folio sinuato* J. B. **Common Mallow.**

Radice simplici, alba, paucis fibris capillata altè in terram descendente, sapore dulci & viscido prædita firmatur. Caules sesquicubitales & altiores, ex eodem radice plures, teretes, hirsuti, medullâ facti, ramosi, minimi interdum digiti crassitudine ferè. Folia singulatim per intervalla caules vestiunt, pediculis prælongis insidentia. Flores ex alis foliorum exeunt plures simul, pediculis longis, tenuibus, hirsutis, ampli, purpurei, saturatioribus lineis striati, quinque foliis cordatis ad ungues junctis compositi, [unde & flores integri decidunt] cirris purpurascensibus medium occupantibus. Calix, qui florem antequam aperitur obvolvitur, quinquepartitus, arcuè connivet, & quinque lineas eminentes ostendit, quemadmodum Pentaphylli calix. Quinque hæc calicis folia tria alia exterius circumstant. Semina simul juncta compressi orbiculi umbilicati seu caseoli formam imitantur. Folia Malvæ vulgaris ima rotunda, in caulibus laciniata, atrovirentia, circum oras crenata, brevi & vix conspicua lanugine hirsuta.

Ad sepes & semitas inque locis ruderatis.

Variat interdum floris colore albo, quæ Malva vulgaris flore albo Park.

Locus.

- A. 2. *Malva sylvestris minor* Park. *sylv. pumila* Ger. *sylv. folio rotundo* C. B. *vulgaris flore minore, folio rotundo* J. B. **Small wild Mallow, or Dwarf Mallow.**

Hæc omnibus suis partibus præcedente minor est. Radix non minùs altè in terram descendit, ut difficulter extirpetur. Caules tenuiores, infirmiores & in terram reclinati, hirsutiores etiam verum lanugine breviori, medius tamen non rarò erigitur. Folia minora, rotundiora, quæq; in summis caulibus sunt minùs laciniata, præterea nigricant magis, & canitiem quandam ostendunt. Verum præcipua differentia est in floribus, qui multo minores sunt, & ex pallida purpura albicantes, purpureis lineis striati.

Hæc non minùs frequens est præcedente, in eisdem locis proveniens.

Herba humectat, emollit, lenit dolores, urinæ acrimoniam mitigat: in tumoribus maturandis, Vires. doloribusque sedandis extrinsecus adhibetur in cataplasmatibus; ad alvum leniendam & dolorem nephriticum mitigandum in clysteribus. Præcipua ejus vis est in emolliendo, ut vel ipsum nomen arguit.

Ob lentorem succi syrupus & conserva medentur dolori calculosorum. Ob calorem illum modicum quem habet est remedium colicum in infantibus in butyro frixa. Hoc in propriis liberis expertus sum. C. Hofman. in De Medicam. Officin. Eadem habet S. Paulus. Decocti vel aquæ destillatæ foliorum Malvæ ʒiij cum syrupi violacei ʒiʒ. urinæ ardorem & acrimoniam mitigat & restinguit illico prima dosi. Grulingius in praxi, nec se aliud in hoc morbo præsentius remedium nôsse scribit, cui nostra quoque experientia suffragatur. D. Hulse.

Ad Dysuriam, & Decoct. Malvarum cum Syrupo Violarum. Hoc remedio semetipsum curasse se testatur Forestus. D. Hulse.

- \* 3. *Malva Betonica folio* Bocconi & Zanoni.

Boccon.

Humilis est hæc Malvæ species: Cauliculo palmari & bipalmari, infirmo & per terram strato, seu versùs terram reclinato. Foliis in longioribus pediculis Betonicæ formâ constat, minoribus in ambitu crenatis, circa cauliculos paucis; è quorum sinu pediculus exit longus, flosculum sustinens Malvæ vulgaris facie purpurascens, subeunte semine Malvaceo.

Hetruriæ alumna est hæc Malva, quam in pratis illustrissimæ Gaitanæ gentis Terriccio dictis, Locum. non sine tædio & molestia multarum circuituum quasi latentem invenit Paulus Boccone.

- \* 4. *Malva Americana* C. B. prod.

C. B. prod.

Radice habet oblongam, albam, fibrosam; caulem angulosum, striatum, lanugine levi oblitum: folia viridia, tenuia, pleraque semicircularia, uncias duas longa, tres lata, supernè angulosa seu sinuata, per ambitum leviter crenata, pediculis palmaribus hirsutis donata: flores albi unà cum semine Malvæ sylv. pumilæ similes sunt.

- \* 5. *Malva*



5. *Malva montana* Park. *hederaceo folio* C. B.

Ima hujus *folia* *Malvæ* vulgaris foliis aequalia sunt sed longiora in subrotundas lacinias non tamen profundè incisa, *hederaceis* foliis nonnihil similia. *Caulis* & minor est & humilior quam vulgaris *Malvæ*, foliis minoribus amictus, & superiora versùs minoribus & rotundioribus. *Flores* & *semina* vulgaris *Malvæ* similia, nec *radix* dispar.

6. *Malva Sicula foliis moschatis crispis* Bocconi.

Boccon.

*Caules* hujus plantæ non semper humi procumbunt: *Folia* undulata sunt & crassa, *Malvæ* vulgaris magnitudine, suavi quodam odore *Moschi* fragrantia ad basin: quin & eorundem *pediculi* singulis *appendicibus* five *unguibus* cinguntur. *Flos* pallidus, ad *Citri* colorem accedens. *Semen* *Bammia* par.

Locus.

Ad Agrigentum & Saccam viget plurima locis argillofis.

Suspicio hanc plantam ad aliud genus pertinere nimirum ad *Bammiam moschatam*.

§. 3. *Malvæ hortenses seu Rosæ.*

1. *Malva rosea five hortensis* J. B. *Malva hortensis rosea simplex & multiplex diversorum colorum* Park. parad. *Malva hortensis* Ger. *Mal. rosea folio subrotundo* C. B. & *Mal. rosea fol. subrotundo, flore pleno* ejusdem. *Hollyhocks single and double of divers colours.*

J. B.

Hæc si, ut *Rosæ*, nares conciliaret, nulli dubium quin de præstantia & pulchritudine cum ipsis *rosis* certare possit. Caterùm *Arbusculæ* magnitudinem assequitur, stipite crasso, solido, hirsuto, ramis aliquot brachiato. *Folia* alternatim longis mediocriter & lanuginosis *pediculis* ex caule oriuntur, singula, lata, infima & primò erumpentia rotunda, superiora in caule angulosa, quinque ferè aut septem interdum divisuris insecta, in ambitu crenata, suprà obscurius virentia, infrà albidiora, utrinque pilosa [supernè in nonnullis adeò brevi lanugine ut vix possit discerni:] ex quorum alis *flores* emicant [nunc singuli, nunc bini ternive *pediculis* brevibus] successivè plures, pentapetaloides, *Rosæ* magnitudine: colore vel rubro, vel puniceo, vel saturo sanguineo, vel carneo, vel albo, interdum luteo, iique modò simplices, medium occupante cono apiculis subluteis & purpurascensibus prædito, in multa foliola flori concoloria se explicante: modò multiplici foliorum fœtu luxuriantes: insident autem hi calyci gominato [utrique in quinque lacinias secto] cana lanugine pubescenti, *seménque* post se relinquunt in pastilli formam compressum. *Radix* longa, alba, lentum mucorem remittit, non alio quàm *Malvæ sylvestris* sapore.

Hæc planta in hortis solo latiore sata & diligenter culta insignem altitudinem assequitur præ omnibus quas apud nos observaverim plantis erectis & suis se viribus sustentantibus superficie annua, seu sylvestribus, seu hortensibus.

*Malva rosea folia ficus.*

Secundo à satione anno caulescit & floret. *Caules* quotannis intereunt, *radix* perennat.

Hujus etiam species invenitur folio amplo *Ficùs*, profundè laciniato, quæ *Malva rosea simplex* peregrina Ger. *Mal. rosea folio Ficùs* C. B. *Malvam roseam folio Ficus* alteram C. B. in *Prodromo* descriptam ab hac non differre existimo, nec enim plantam integram vidit, nec sufficientes distinctionis notas adjecit.

2. *Malva hortensis seu rosea folio subrotundo caulescens flore simplici minore luteo pallido* Morisoni.

A priore differt parvitate partium, & flore pallidè luteo, duplo minore. *Semen* hujus communicavit D. Robertus Huntington, qui etiam semina sequentis plantæ *Halepo* transmisit.

3. *Malva rosea folio subrotundo Chalepensis, acaulos, flore pallidè luteo* Morisoni.

*Radice* perenni, floribus eorùmq; magnitudine feminibùsq; neutiquam à majore *Malva hortensi*, lutea, procera distinguitur, sed quòd flores plurimos, pentapetalos, pallidè luteos juxta terram producat, absque ullis ferè *pediculis* quibus innitantur: juxta terram etiam semina *Malvæ hortensis* feminibus in omnibus, etiam pænè magnitudine paria profert, quæ aliquando exiguis & visu non perceptilibus adherent *pediculis*, humi procumbentibus, aliquando caulibus *pedalibus* & *sesquipedalibus* donantur.

Planta dicitur *ἀγυλῶς*, non quòd destituatur omnino caule, sed quod sit adeò brevis ut rarò aut nunquam appareat, ut in *Carlina ἀγυλῶς*, &c.

*Semen* *Halepo* transmissum est.

Vires.

*Malva rosea* eisdem viribus pollet quibus vulgaris.

Ejus flores coquant in vino veteri, quo porrigines absumunt & sanant. *Cam. hort.* Utuntur etiam ad *Erysipelatis* rubores compescendos; imprimis rubentibus *rosis*, secuti coloris similitudinem. Ego (inquit J. Bauhinus) in siccitate & ardore linguæ & faucium horum decocto feliciter utor.

R. *Malvæ herbæ* Rad. Sem. q. v. (an. p. æq.) cum farina *Hordeacea* in aqua coquo; cui admisceatur oleum *Olivar.* vel *Rosar.* Ex hisce omnibus conficiatur emplastrum, & imponatur locis affectis; id quod non sine magna utilitate fiet in tumoribus hepatis, lienis & matricis: nam resolvendi, discutiendi & emolliendi calidos abscessus vim obtinet hujusmodi medicamentum: idem emplastrum

Emplastrum sacris ignibus & aliis id genus inflammationibus auxiliatur, & impactos corpori aculeos refigit. Trag. lib. 1. cap. 119. p. 368.

Invenio in Adversariis meis idem emplastrum in frequenti usu esse in Nosocomiis Italicis ad inflammationes & tumores arduos mitigandos & compescendos. D. Tancred. Robinson.

Novi ego unguentum simplex è Malvæ hortensis foliis in Butyro Maiali non salito decoctis & colatis paratum ad Erysipelata & ignes sacros magno successu adhibitum, ut post alteram vel tertiam inunctionem ea compescere, extinguere & sanare soleat & rarissime fallat.

#### §. 4. Malvæ arboreæ.

1. *Malva arborea* Park. J. B. *arborea*, Veneta dicta, parvo flore C. B. *maritima arb. Ven. dicta* parvo flore Morisoni.

*Stipite* adolescit crasso, ligneo, quaternum aut quinum cubitorum, [aliquando denum aut plurimum, secundum solum cui committitur. Moris.] eâ interdum crassitudine, ut ambabus manibus vix illum complectaris Park. perenni, solido, brachiato, superna parte foliis vestito amplissimis, subrotundis, Malvæ vulgaris similibus, circum oras interdum sinuatis & quodammodo crispis, supernè viridibus, ad tactum mollibus Althææ modo veluti pannus holosericeus. His minora alia propè sinus alarum succedunt. Alæ laterales inter folia frequentes ostendunt, pediculos oblongos, firmos, qui obsidentur floribus Malvaceis, latè rubentibus & circa media staminula capillacea, ungue tenuis maculis saturatiore rubro infectis, ac radiatim dispersis notatis. *Radix* valida est, & multis crassis fibrarum processibus firmata. *Semina* tum formâ tum crescendi modo Malvæ vulgaris similia, sed duplò majora & crassiora.

Camerarius tum alibi in Italia, tum frequentem itinere quo itur Pisis ad Portum Liburnum à se *Locus.* inventam scribit: nobis in itinere illo non comparuit.

Alii in litore Veneto inque Tyrrheno & Africano nasci referunt, ubi per multos annos durat.

Secundo à satione anno apud nos floret, per hyemem recondi debet nè à frigore & pluvia corrumpatur.

Et hæc est (inquit J. Bauhinus) Malva illa arborea, quam Rauwolfius Halepi ab incolis veteri Arabico nomine *Haur* dici scribit, sub cujus gratiosa umbra deambulare liceat.

#### A. 2. *Malva arborea maritima nostras* Park. *English Sea-Mallow.*

Priori non valdè dissimilis est, *stipite* secundo anno lignoso, humani brachii crassitudinem æquante, colore griseo aut canescente; foliis quàm illius minoribus, supernè magis incanis, & [superioribus] minus rotundis, [seu magis angulosis] Flores non ità ampli, pallidi, seu dilutè rubentes.

Multis in locis observavi, v. g. in insula Portlandia propè *Weymouth* Dorcestriæ oppidum: *Locus.* circa tuguria propè *Hurston* arcem è regione Vectis insulæ. In Caldeæ insulæ Walliæ adjacentis rupibus copiosè; in Bassa insula in æstuario Edinburgensi: Addit D. Morisonus *Denny* insulam 3 mil. à portu Regio, quinque à Bristoliam distantem.

Vulgare quidem, sed tamen magnæ efficaciz medicamentum, quod tonsillis malè habentibus ex *Vires.* floribus Malvæ arboreæ & lacte paratur, quo gargarismatis loco utimur. *Sim. Paullus.*

Doctus quoque sum flores Malvæ arboreæ pulverifatos & cum melle despumato, & Aluminis tantillo, quantum lingua ferre possit mistos, ac gingivis illitos, efficacissimum esse remedium contra omnem putredinem gingivarum, contraque ipsum Scorbutum. *Idem.* Habui ex excerptis D. Edw. Hulse.

### C A P. VIII.

#### De Althæa, sive Ibisco.

**A**lthæa Ἀλθαία, vel ut constanter apud Galeñum legitur Ἀλθα, ab ἄλθε remedium vel ἄλθαίνον medendo nomen accepit. Dioscorides lib. 3. c. 163. Ὀνόμασται ἢ Ἀλθαία διὰ τὸ μάλυναι τὴν κατὰ γινγίβαν αἰτίαν. Althæa verò nomen inditum illi est à multiplici excellentique quam in medendo præstat utilitate. *Bod. à Stapel.*

Althæa folio productiore minúsque rotundo item molliore & magis incano, adde & loco natali in palustribus & maritimis à Malva differt.



A. 1. *Althæa vulgaris* Park. *Althæa Ibis* Ger. *Dioscoridis & Plinii* C. B. *Althæa sive Bismalva* J. B. *Bartholomæus*.

J. B.

Ex Malvarum familia prærogativam tulit Althæa, utilitatis multiplicis nomine commendatur; radicibus multis nixa, bene habitis, albis, mucagine lentâ, quam mansu maceratione deponunt, turgidis: caules bicubitales & proceriores, teretes, tenues, molli lanugine incani, angusto tubulo pervii: in quibus folia alternata Malvæ vulgaris, longiora, sinuosa, serrata, mollicello tomento incana, ex alis flores proferunt Malvæ vulgaris, minores, colore albo tantillum ad carneum declinante, quinque foliis constantes, in quorum medio stylus quatuor apicibus purpurantibus & obsoletis floribus erigitur. Semen pastilli compressi ritu, ut in vulgari, relinquitur.

Locus.

Apud nos in palustribus maritimis tantum (quod sciam) sponte oritur: in exteris regionibus in palustribus à mari procul remotis non semel observavimus.

Vires.

Emollit, laxat, discutit, dolores lenit, tumores maturat, acrimoniam mitigat & corrigit, tum herba, tum etiam radix & semen. Usus præcip. in affectibus vesicæ & calculo renum, in Asthma & Pleuritide. Extrinsecus ejus usus creberrimus est in clysteribus, cataplasmatis, &c.

Schrod.

In summa, ad quatuor præcipue utilis esse perhibetur

1. Ad calculum renum & vesicæ, tum Syrupus Althææ, tum decoctum foliorum sed præcipue radicum, seu ore tenuis assumptum, seu in clysteribus, tum denique semen quovis modo præparatum. Emolliendo & lubricando hoc efficit: Abundat enim succo lento & mucilaginoso.

2. Ad affectus pulmonum, Asthma, tussim, phthisin, pleuritin.

3. Ad intestinorum erosiones, dysenterias, &c. [Decoctum radicum & mucilago seminum præcipue.]

4. Ad tumores duros emolliendos & maturandos [cataplasma foliorum aut radicum.]

Ex radicis mucilagine cum Saccharo fit confectio Dialthæa, in catarrhis subtilibus, in raucedine, in aliis gutturis vitiis utilis.

Mucilago Althææ aq. ros. extracta eos dolores mitigat illita, qui arte à sinapismis & vesicatoriis excitantur, si hi nimis molesti sunt. Sim. Paulli.

Radix ad clysmata dysentericorum instar specifici medicamenti maxime commendabilis est.

Idem.

Muliercularum nonnullarum certum experimentum esse novi, consolidari radicibus Althææ papillarum scissuras, iis in linimenti formam reductis, addito tantillo sacchari. Idem. Hæc ex collectaneis D. Edv. Hulse.

Ad renum affectus, R. Rad. Althææ ʒβ. Cicer. rub. Mβ. fiat jusculum cum butyro aut melle.

Idem.

Radices Althææ acrimoniâ præditas esse arguit ab experientia D. Segerus. Ex applicatione enim hujus radicis contusæ & in aqua simplici decoctæ plurimæ pustulæ rubicundæ & dolorificæ membrum adeo exasperavere, ut undiq. planè exulceratum apparuit, quod tamen malum emplastro de spermate ranarum sanatum fuit. Ephem. German. An. 9. & 10. Observ. 100. D. T. Robinson.

Levamen manifestum notavi in septuagenario stranguria laborante assumpto decocto foliorum Bismalvæ: idem expertus sum in alio qui gonorrhœa contaminatus videbatur. Antonius de Heide in Centuria Observationum, Observ. 29. Transmisit D. Edv. Hulse M. D. Londini medicinam exercens.

\* 2. *Althæa flore majore* C. B. *Pannonica* Park. *flore grandi Alceæ, Thuringicæ* Camerario J. B.

Clus.

Floribus amplis, Alceæ floribus etiam majoribus, colore item illi vel respondentibus, vel omnino ferè candicantibus ab Althæa vulgari differt: in reliquis cum ea convenit.

\* 3. *Althæa Pannonica tertia* Clus.

Clus.

A præcedente solis floribus differt, qui huic minores sunt, vulgaris tamen floribus aliquantulum majores.

\* 4. *Althæa laciniato folio* C. B. *profundè serrato sive dentato folio* J. B.

Clus.

Hujus folia licet incana & mollia, in tres tamen majores lacinias divisa sunt. Flores etiam paulò minores superiore, Belgicæ seu vulgaris floribus magnitudine respondentes, sed colore dispares, nempe qui toti incarnati coloris sunt, multis intus staminibus nigricantibus: ceteræ notæ conveniunt cum vulgari.

Locus.

Per Pannoniam & in Moravia tres hæc seu species seu varietates Althææ, humidis locis & secundum tumulos sitis, observavit Clusius.

5. *Althæa rosea peregrina*, forè *Rosa Moscheutos* Plinii Cornut. *rosea peregrina* Park.

Cornut.

Ex radice vivaci, longâ, albâ, lentâ circa Maium mensem quotannis erumpunt caules rotundi, virides, medullâ pleni, uno verbo Malvacei. Folia sunt subrotunda, & aliquo modo Cyclamini, propius

pius tamen Mori nostratis folia referunt: prona parte molli & tenui lanugine canescentes, oleæ foliorum instar, supinâ aliquanto magis virentes. Cujusq; caulis fastigium globulos admittit virides, non paucos, qui singuli singulis pediculis teretibus innituntur, & quamplurimis foliolis oblongis & angustis omni ex parte circundantur. Oriuntur hæc foliola à basi globuli, distant inter se aliquo intervallo, egregiôque ordine disposita, velut cancellis eandem globum obsepiunt, qui dum maturitate dehiscit, in quinque partes finditur, alveôque suo condita quinque fundit latissima folia, quæ roseum *florem* exprimunt, similem atque etiam ampliorem Malvæ roseæ Lob. In hujus floris umbilico stat panicula albida, pistillo tenui fulta qualis in floribus Althææ fruticis conspicitur.

Floret circa finem Augusti, à sylvis Africanis ob floris gratiam in hortos nostros translata.

Locus.

## CAP. IX.

## De Malvis &amp; Althæis frutescentibus &amp; lignosis.

1. *Althæa frutex prima* Clus. *Althæa frutescens folio rotundiore incano* C.B. *Althæa arborea* Olbia in Galloprovincia Ad. Lob. *Althæa arborecens* J. B. *arborecens Provincialis* *Althæa frutex* Clusii Ger. Park.

Clus.

**A**rbusculæ instar assurgit, crassiusculo stipite, lignoso, in multos magnosque ramos diviso, qui in alios minores, duos etiam, lignosos & minimè obsequentes cortice cinereo, lentoque tectos, findebantur. Ejus folia Althææ foliis similia, minora tamen, magis rotunda, valde mollia, & prorsus incana. Flos extremis ramulis & inter foliorum exortus nascens, dilutè purpureus, quinque foliis constans, Malvæ vulgaris flori non dissimilis, & major quàm in Althæa vulgari. Folia non abjicit nisi aliis enatis, ut pleræque stirpes perpetua fronde virentes facere solent.

Hanc plantam describit J. Bauhinus Tom. 2. p. 956. cui folia, & rectè, Malvarum minorum magnitudine, attribuit, pediculo satis longo, lanuginoso nixa: *Flores* purpurascensibus unguibus & ad radicem hirsutis.

J. Bauhinus cum Lobelio Althæam fruticem 1. Clus. Hist. Althææ suæ arboreæ Olbiæ eandem purat: C. Bauhinus & ipse Clusius diversam: Ego cum Lobelio & J. Bauhino sentio; siquidem Althæa illa quæ Olbiæ in Gallo-provincia copiosè provenit ipsissima est Althæa frutex 1. Clusii: Species autem illa Althææ quæ à Londinensibus nobis ostensa est pro Althæâ Olbiæ Lobelii, Althæa arborea altera vel Bryoniæ folio J. B. censenda est. Errat ergo C. Bauhinus, & eum sequuti plerique Botanici, dum Althæam fruticem primam Clusii pro Althæa frutice flore specioso in hortis ob floris pulchritudinem cultâ habent. Confule J. Bauhinum loco laudato.

In rupibus non longè à specu Frontignana, Olbiæ etiam in Gallo-provincia & circa Tolonam ob- Locus. servavimus.

2. *Althæa frutescens Bryoniæ folio* C. B. *Althæa frutescens, folio acuto, parvo flore ejusdem.* *Althææ species, quibusdam arborea altera, vel Bryoniæ folio* J. B. *semper virens Bryoniæ folio* Park.

Hanc ita describit C. Bauhinus; *Caule* est cubito altiore, rotundo, lanuginoso, albo: *foliis* Bryoniæ similibus, in quinas lacinias utplurimum divisas, palmaribus, & aliis multo minoribus, crassis, nervosis, lanugine nonnihil asperis, parte infernâ canescentibus, & longis pediculis infidentibus. *Flores* habet purpureo-ceruleos, quinquefolios, superne semilunatos, staminibus rufescentibus donatos; quibus singulis capitulum foliaceum, planum, semen Althææ simile continens succedit.

Hæc est (ni fallor) Althæa frutex 3. Clusii, quam sic describit. Ex semine in Creta collecto provenit planta, quæ sequente anno valde adolevit: nam *ramos* protulit bicubitales, cortice viridi tectos, cui inspersa est plurima incana lanugo, seu potius tomentum: *folia* etiam habet incana, angulosa, & per oras dentata, quàm præcedentis majora: *flores* minores, Althææ vulgaris florum magnitudinem vix superantes, quinque foliis constantes instar reliquarum Malvarum, coloris rubri valde diluti, & ad carneum, (si ita vocare liceat) inclinantis, multis staminibus ex albo pallescentibus, in oblongiusculo & crassiusculo stylo nascentibus, & umbilicum occupantibus. Floribus defluentibus succedunt plana *capita*, ut in vulgari Malva, *semen* in orbem serie quadam distributum continentia. Idem sentit J. Bauhinus, quem sequor.

Hujus semen ad nos transmissum est Althææ Olbiæ Lob. nomine: & reverà icon Lobelii in Adversariis non ineptè respondet huic plantæ. Verùm ut superius diximus, Althæa Olbiæ Lobelii eadem est Althææ frutici 1. Clus. quantumvis mala figura Clusium & C. Bauhinum decepit.

Althæam fruticem 3. Clus. C. Bauhinus ad Ketmiæ refert, & Ketmiæ alteram speciem minore flore facit, verùm erroneè nostro quidem judicio: siquidem Ketmiæ semina fert loculamentis inclusa, non in orbiculis rotatis circa stylum disposita.

Parkinsonus Althæam fruticem 3. Clus. speciem ab hac diversam facit, eamque Althææ fruticosæ Creticæ titulo proponit; verùm erroneè etiam, ut nos opinamur.

Sequentes tres plantæ an rectè hic collocavimus nescimus.



\* 3. *Althææ species* Marggrav. *planta Brasiliæna.*

Marggr.

*Caulis* rectus, teres, uno latere rufescens ad duorum aut trium pedum assurgit altitudinem, ramis multis hinc inde explicatis. *Folia* singulatim posita in pediculo tres aut quatuor digitos longo, in tres, vel quinque lacinias secta, crassa, in ambitu serrata, nervis & venis rufescentibus, supernè saturatè viridia, infernè incana, hirsuta & ad tactum mollia. Ad caulem propè exortum foliorum, & in summitate caulis & extremitatibus ramorum provenit *flos*, egregiè incarnatus, constans quinque foliis, staminèque in medio incurvato. Florem sequitur semen, nimirum tot triangulares hispidæ capsulæ, grysei coloris, juxta se in orbem positæ, quot folia flos habuit, in quibus *semen* triangulare, subrotundum, figurâ Lunæ gibbæ, coloris grysei, magnitudine farris.

\* 4. *Rosa Batavico-Indica inodora seu Malva frutescens* Bontii.

Hortorum sepibus contexendis plantatur cum sarmentosis & oblongis ramis è quibus corbes conficiuntur. *Folia* habet pyramidalia in circumferentia dentata: *florem* fert rubicundum planè, qualis est *Rosa* simplici flore apud nos. Sunt & frutices ejusdem speciei, qui carnei coloris flores gerunt.

Totus porro frutex inodorus est, & suo virore solum & pulchro florum rubro colore aspectum delectat amoenissimum. Masticatus flos nigrum succum à se emittit, quapropter nobis aliquando denigrandis calceis inservit.

Portè hæc planta pertinet ad *Alceæ Indicæ seu Bamizæ species*.

\* 5. *Althæa arborescens Brasiliæna* Marg.

Marggr.

In novem & non rarò decem pedum altitudinem excrescit, elegantis arbusculæ formâ; caudice recto & pollicem crasso, inferiori parte sine ramis, superiore verò in ramos distributo: in quibus *folia* fert *Malvæ* modo disposita, longis pediculis, magna, in totum hirsuta, inferiore parte albicantia, per ambitum serrata & ad tactum glutinosa, quemadmodum & universa est planta. In extremitatibus porro ramorum & capitellis hirsutis ad modum *Alceæ* enascuntur *flores*, insigniter incarnati, quinque petalis constantes, itidem glutinosi, in cujus medio *stamen* eminet staminulis multis veluti ramulis repletum, coloris flavi. *Semen* profert splendide nigricans, oblongum, quasi triangulare, magnitudine grani Fegopyri.

Ob descriptionis imperfectionem nescimus an hæc sit genuina *Althææ species* necne: excepto semine in omnibus cum *Malva* convenit.

\* 6. *Althæa Americana pumila flore luteo spicato* Breynii.

Breyn.

Hæc planta lignosa, ramosa atque humilis est, molli lanugine hirsuta: *Folia* *Althææ vulgaris* minoribus, pediculo longo cauliculum alternatim ambientibus; cujus in summo *flosculi* quinis foliolis flavis constantes, densè in spicam congesti cernuntur; originem è calyculis geminatis ac villosissimis, quorum quisque in partes mucronatas quinque divisus petentes. *Flosculis* delapsis succedunt *semina* compressa, pericarpis lanuginosis inclusa, quæ stylum nutritivum circulatim & arctè ambiunt, & dimidio *Althææ nostratis* sunt minora.

Abundat in locis saxosis insulæ *Corocuo*.

Locus.

## CAP. X.

De *Alcea*.

**A**lcea à *Malva* foliis laciniatis differt. Fortè sic dicta est ab Ἀλκῇ auxilio vel remedio, cum ejus radices dysentericis & ruptis auxilio sint C. B.

A. 1. *Alcea vulgaris* J. B. *vulgaris major* C. B. *vulgaris, sive Malva verbenacea* Park. *Malva verbenacea*. Ger. *Verbain* Hallow.

J. B.

E *radice* lignosa perenni plures emittit *caules* cubitales aut sequicubitales, teretes, medullâ fungosâ farctos, raris sed tamen longiusculis pilis hirsutos, glauco quodam polline, qui faciliè detergi potest, obductos. *Folia* quæ à radice exeunt, & in caulibus inferiora subrotunda, per margines tamen incisa, pediculis longis insident. Quæ in caulibus sunt, alternatim sita, quò cacumini propiora eò brevioribus pediculis fulta, altiùs incisa, in quinque plurimum lacinias insigniores, ad modum ferè *Napelli foliorum*, atrovirentia, hirsuta, aversa præcipuè parte. *Flores* è foliorum alis singulis singuli, in caules & ramulorum summitatibus conferti, pediculis quadrantalibus hirsutis insident, rosei, speciosi, purpurascens carneove colore, quinque foliis striatis, ad ungues junctis, quodammodo cordatis *Malvæ vulgaris* compositi. *Calix* hirsutus, quinquepartitus, cui terna alia angusta subsunt folia, flore dilapso connivens, & in vasculum feminale degenerans. *Semina* hirsuta per

per maturitatem nigra, simul juncta compressi caseoli formam imitantur, ut in hujus generis reliquis, non adeo dense stipata ut in Malva vulgari, umbone majore.

Æstate floret; ad agrorum margines inque vepretis & sepibus frequens.

Variat interdum floris colore albo, quæ Alcea vulgaris flore albo Park.

Locus.

\* 2. *Alcea tenuifolia crispa* J. B. *Alcea vulgaris minor* C. B. *minor* Park.

J. B.

A vulgari Alcea in eo potissimum differt, quod folium habeat tenuissimè in creberrimas lacinias tenues crispas divisum, alioqui folio alterius Alceæ par. Flos purpureus magnus convenit cum orbiculata seminum subsequenterum placenta. An solus naturæ lusus, & an ex eodem semine proveniat præcedens & hæc considerandum.

3. *Alcea minor, Sicula, flore minore.*

Ex radice alba, simplici plures emittit cauliculos, humi procumbentes, hirsutos, superiore parte rubentes. Folia ima subrotunda, longis pediculis annexa; quæ in caulibus sunt in tres aut quinque lacinias secta, hirsuta & circa margines crenata. Flores parvi, carnei. Semina qualia Malva vulg. In Sicilia ad prom. Pachynum, in insula.

Locus.

4. *Alcea villosa* J. B. *hirsuta* C. B. *minor villosa* Park.

J. B.

Rami huic teretes, palmares & dodrantes [imo longè altiores] hirti, multi ex radice simplice, gracili, palmari statim exoriuntur. Folia parva, plerumque profundè in tres lacinias serratas dissecta, lanuginosa. Flores tam ex foliorum sinu, quàm in ramorum extremis, medii inter Malvæ sylvestris repentis & erectæ flores, purpurascens, è quinque foliis compositi, è calice magno, quem componit duplex foliorum acuminatorum, asperorum, pilosorumque agmen, in quo succedit orbiculata seminum nigricantium placenta.

In vinetis circa Monspelium, & in sepibus non procul Geneva collegimus.

Locus.

5. *Alcea major & procerior: An Alcea amplissimo folio laciniato* J. B.

A vulgari Alcea differt caulibus crassioribus & elatioribus, ut qui humanam altitudinem non raro superent, minùs glaucis, nec adeo teretibus sed magis striatis, non ut in illa pilosis, ab imo ramosis. Folia majoribus, pallidiùs virentibus, neque in tam crebras & tenues lacinias dissectis: nec enim quæ superiorem caulispertem occupant in plures quàm tres lacinias, ad pediculum usque pertinentes, dividuntur. Florum pediculis crassioribus & pro magnitudinis ratione brevioribus; calicibus in breviora segmenta divis, tribus autem foliolis quæ calici florem amplectenti subsunt majoribus & latioribus multo. Seminibus lævibus, non ut in illa hirsutis, pariter tamen nigris.

Semina hujus Londino habuimus ab Edwardo Morgano.

6. *Alcea pentaphylla* Park. *Pentaphylli folio vel cannabina* J. B. *cannabina* C. B. *fruticosa cannabina*. Ger. emac.

J. B.

Herba hæc hominis altitudinem excedens coliculis est asperis, lentis, in plures ramulos divis: Folia Cannabinis satis similia, ex pediculis brevioribus in tres partes secta, longas, mediam longissimam, reliquas utrinque breviores, quæ sæpe iterum in minores subdividuntur, sic non tantum tripartita, sed modò quinquepartita, diversimodè crenata, hirsuta, nigricantia, minùs aspera cannabinis, sapore viscido. Flores interdum singuli, interdum bini ex longis pediculis, vel ramulorum potiùs extremitatibus, Alceæ vulgari similes, minores tamen; quibus exidentibus succedunt capitula qualia in Malva vel Alcea, parva foliolis obvoluta, in quibus semina Malvæ crispæ, nigra. Radix perpetua, cujus pars una major, aliæ minores, extra & intus alba, gustu admodum viscido.

In aggeribus fossarum circa Monspelium & alibi in Italia & Sicilia hanc observavimus.

Locus.

\* 7. *Alcea folio rotundo laciniato* C. B. *peregrina* Clus. *Malva montana sive Alcea rotundifolia laciniata* Col.

Col.

Hujus folia prima, antequam caulem edat, rotunda, infernè parùm hirsuta, atque Malvæ vulgari modo quinquepartita, eam ita repræsentant; ut nihil ab illa differre videatur, & prætereuntes vel colligentes fallat: sed cum caulescit ita incipiunt lacinias dissecari, ut longè ab illa diversa videatur; ut qui caulem tantum foliis vestitum viderit Napellum potiùs se videre censeat, adeo cœruleo Napello simili divisurâ dissecta sunt folia; nec nisi florere incipientem Malvam judicaverit. Flores magni sunt, figurâ & colore Malvæ, sed roseo vivaci: quibus decidentibus fructus remanent foliacei ut vulgari, semina intus habentes compressa, hirsuta, lunata & nigrescentia, ut congenerum. Sapor & effigies radice Malvaceus. Hujus foliorum lobi, qui folium dividunt in quinque partes, si considerentur, & si tenuiores sint, Alceæ vulgari divisuram æmulantur.

Octobri mense perficitur. Supra Matefii montis supercalium Septentrioni oppositum, Civita vecchia appellatum, & etiam loco Stazzo della Serra, i. Mansio ovium; & in Æquicolum montium planis Rascino appellatis observavit Columna.

Locus.



Clavus radicem minimi digiti crassitudinem æquare, inque ramos divaricari, & summo capite quasi nodosam esse scribit: virgas inde exire cubitales & ampliores: folia quæ in extremis caulibus & ramis sunt ad Verbenæ folia ferme accedere; quibus etiam ea comparat F. Columna.

Vires.

Ex emplasticorum & emollientium medicamentorum numero est Alcea, utque facie externa sic etiam viribus cum Malva convenit. Celebratur ab Empiricis ad caliginem oculorum. Aquâ decocta torminibus intestinorum remedio est. Breviter Alcea, Malva & Ibisus omnibus totius corporis calidis doloribus apprimè conducunt: ut rectè J. Bauhinus.

8. *Albæ seu Alcea peregrina semine rostrato, flore luteo minima* Morif. prælod. *Carpini folio, flosculis luteis* Bocc. annua, fruticosa, *Fernambucensis flo. luteo* Zanoni.

Morif.

Hujus folia sunt quasi Carpini foliorum æmula, bina è regione, caulem ambientia, rotundum, rectum sesquipedalem; cujus summis fastigiis innascuntur flosculi lutei minores; quibus deciduis succedunt arctè in circulum disposita semina aculeis pungentia, unde rostrati ei nomen imposuimus.

Perit singulis annis, in Italia Melochiæ spurix nomine nota; ibidem & in Gallia colitur in hortis omnibus Botanicis. Boccon.

Hanc Morisonus in Historia Oxon. mutato nomine, Alceam Pharnambucanam Carpini folio, flosculis minimis luteis, semine simplici rostro donato appellat; & addit caulem ei rectum esse, imò rigidum & firmum, flosculos pentapetalos; semina aculeis singularibus pungentibus prædita, rostri instar, radicem fibrosam: totam plantam viscido esse sapore. Aprili satum semen perficere ante Septembrem exactum.

- \* 9. *Alcea Virginiana, Carpini folio, flosculis minimis luteis, semine duplici rostro seu aculeo prædita* Morif.

In omnibus convenit cum præcedente, nisi quod semina illius sint triangularia, minora, binis rostris seu apiculis in summo prædita.

Semen hujus plantæ habuit à D. Johanne Banister.

## CAP. XI.

*De Herbis cum floris calice decaphyllo seu in decem lacinias diviso, seu cum duplici calyce.*

*De Caryophyllata.*

**C**aryophyllata ab odore radicis dicta est, quod vernali tempore eruta Caryophyllum aromaticum odore referat: vulgò Herba Benedicta & Sanamunda ab insigni quâ pollet facultate & efficacia.

Seminibus caudatis, foliis pinnatis, radice aromatica à congeneribus differt.

- A. 1. *Caryophyllata* Ger. *vulgaris* Park. C. B. *vulgaris flore parvo luteo* J. B. *Avens, Herb Bennet.*

Radix obliqua, fibras subinde in terram demittens crassiores, sapore & odore aromatico Caryophyllorum. Caules ex eadem radice plures, cubitales & altiores, teretes, hirsuti, medullâ facti, tenues, foliis alternatim per intervalla positos vestiti, in summo ramosi. Folia quæ à radice exeunt hirsuta, alata, seu potius pinnata, pinnulis minoribus ad costam mediam hinc inde adnexis, extremo folio in tria segmenta majora, per ambitum altius incisa desinente: Quæ in caulibus folia existunt duabus pinnulis majusculis ad pediculi basin cauli adhaerentibus velut auriculis quibusdam, & triplici in extremo lacinia Rubi ferè simili constant. Flores è foliorum sinubus non exeunt, sed ex adverso foliorum, longissimis pediculis, pentapetali, lutei, Tormentillæ floribus similes, calice decem foliolis, quinque majoribus, minoribus totidem, composito. Plurima staminula lutea in medio flore capitulum circumstant, quod in echinum subrotundum excrescit, numerosis densè stipatis seminibus compositum, quorum singula setâ, seu caudâ quadam extremo reflexâ & uncinatâ, donantur, quâ vestibus adhaerescunt.

Locus &amp; Tempus.

Ad sepes & in dumetis: floret apud nos Maio & Junio mensibus.

- A. 2. *Caryophyllata vulgaris majore flore* C. B. *Avens with a large flower, vulgaris major* Park.

Flos huic major & speciosior quàm Caryophyllatæ vulgari: an aliis accidentibus differat non meminimus, quamvis in hortulo meo Cantabrigiæ è vicinis sylvis delatam aliquot annos colui.

Eandem invenit D. Martinus Lister in sylva Teddington, in le Wolds dictis Lincolnix comitatûs.

Vires.

Radix Caryophyllum aromaticum olet, sed neque in omnibus locis, neque omni tempore, inquit Casp. Hofman. Vino decocta ac calida pota dolorem ventriculi & intestinorum à frigidityte aut flatibus ortum sedat; purgat & mundat omnia vulnera. Schroderus cephalicam & cardiacam esse ait, & venenis adversari. Usus ejus præcip. esse in catarrhis exsiccandis, sanguine coagulato resolvendo.

resolvendo, &c. Vinum in quo infunditur radix optimo & jucundissimo odore & sapore commendatur; eoque cor exhilarari, & obstructions jecoris aperiri, necnon frigidity & crassis humoribus affectum stomachum juvari multi testantur. *Trag.*

Cum manifestæ adstrictionis particeps sit, verisimile est epotam prodesse cœliacis, dysentericis, fœminarum profluviis, & cruenta expuentibus.

Radix infusa Cerevisiæ summum tenet in roborandis articulis & visceribus. *D. Hulse.*

Radici ʒii. aut herbæ integræ manipulus j. in Aq. fontan. aut Zythogali lb. ij. decocta ad ½ consumptionem, ad febres intermittentes, præsertim tertianas, duabus horis ante paroxysmum, vel etiam in ipso paroxysmo optimo cum successu propinari solet. *D. Hulse.*

Menstruorum suppressio certis experimentis Simonis Lazii, Med. Vienn. præceptoris mei sublatæ est haud semel Dec. rad. Caryophyllatæ in vino. *Achilles Gasserus* in observ. à Velschio editis. Adnotavit *D. Soame* & ad me misit.

- A. 3. *Caryophyllata montana purpurea* Ger. emac. *Caryophyllata montana sive palustris purpurea* Park. *aquatica nutante flore* C. B. *aquatica flore rubro striato* J. B. **Purple water or mountain Aberg.**

*J. B.*

Radice non admodum crassâ, obliquè actâ, plurimis fibris crassiusculis comosâ sub terra reptat, sapore amaricante [J. B. adstringente & tandem subdulci] *Caules* profert nunc plures, nunc pauciores aliquando cubitales, [nobis vix pedales,] farctos, hirsutos, nonnihil rubentes. Ramulorum summis, subinde etiam privatis pediculis, brevibus, hirsutis, rubentibus, nutantibus flores insident, non patuli, prout eos describit J. Bauhinus, striati, non multum elati, & supra calicem parum admodum se proferentes, extrâ intensius purpurei, intus dilutius, odore grato, ex foliis quinis, à tenui principio sensim in latum se diffundentibus, intra quorum septa apices multi crocei, *echinatum capitulum* obvallant. Insidet autem flos quasi calathæ patulo, rubenti hirsuto, in quinque lacinias hirsutas, totidemq; lingulas in laciniarum spatia distributas, divisæ. *Capitulum echinatum* pediculum suum privatum habet semunciale; è fundo floris exortum.

*Folia* pinnata, venosâ, hirsuta, circum oras serrata, Caryophyllatæ vulgaris foliis satis similia, alia à radice statim orta, alia in caulibus.

In montosis Septentrionalibus Angliæ, circa *Settle, Ingletton*, &c. inque Occidentalibus Cambriæ *Locus.* circa *Snowdon* montem & alibi plurima. Observavi insuper sponte provenientem in loco palustri propè rivulum quendam Astoniæ viculi molendino vicinum in agro Warwicensi: & plurimis locis palustribus alibi in Angliâ ab aliis inventam novimus.

J. Bauhinus, quem hac in re libenter sequimur, huc refert Caryophyllatam montanam 3 *Clus.* i. e. aquaticam alteram C. B. quam tamen pro distincta specie positam invenio in Catalogo Horti Regii Parisiensis. \* Jac. Breynius Caryophyllatam illam perelegantem, à Clusio pro montana tertia \* *Exot. Cem. 1.* expressam ac descriptam, in Borussia nasci refert, tam simplicibus quam plenis, imò nonnunquam etiam proliferis floribus. Hujus autem (inquit) pulchritudinem & diversitatem à Caryophyllatâ aquaticâ *nutante flore* nutrimento tantum superfluo ac abundantibus pluviis adscribendam, & mutuatam ad breve temporis spatium raritatem minimè durabilem, altero post anno pereunte hoc adscito decore, in vulgarem suam faciem recedere existimo.

D. Hermannus Caryophyllatam aquaticâ vulg. & Caryoph. montanam foliis solum differre asserit, quæ uni rotunda, alteri oblonga. *E Notis D. Palmer.*

- \* 4. *Caryophyllata montana flore pleno prolifero* Breynii. *An præcedentis varietas?*

*Breyn.*

Radix ejus Caryophyllatæ aquaticæ nut. flore in omnibus prorsus respondebat: ex cujus propaginibus folia, Hederæ terrestres paria, orbiculata ferè, per ambitum modicè serrata, & leniter crispa, pediculis fœscuncialibus innixa virebant; quorum unicum duntaxat lobulo exiguo rotundo utrinq; circa basin auriculatum. Hæc inter folia *cauliculus* palmaris, erectus & firmus eminebat, ternis vel quaternis, in lacinias tres latas ferratâque, sed non usque ad pediculum divisæ foliolis inferius septis; proximè à summo fastigio elegantissimum sustinens *florem*, sanguineum, seu hilaris cinnabaris fulgore ardentissimum, & multiplici foliorum textura ac serie constantem, *Caryophyllatæ mont. 3. Clus.* propemodum formam referentem, *calyce* excepto, è foliolis multò minoribus constructo. Ex dicti floris centro cauliculus ad sesquidigiti altitudinem transiliebat, flore alio minore ac minus folioso magnificè ornatus. Tota planta lanugine Caryophyllatæ vulgaris modo pubescit.

Ex Cassubiæ montibus nonnisi unicam plantam mensè florentem excepit Autor: unde verisimile *Locus.* est, accidentalem potius varietatem seu naturæ quendam lusum esse quam speciem Caryophyllatæ distinctam.

- \* 5. *Caryophyllata montana minor flore nutante purpureo* Morif. prælud.

A Caryophyllatâ majore vulgari flore purpureo nutante differt quòd folia edat glabra, minutiusque dissecta, totâque planta minor sit.

- \* 6. *Caryophyllata Brasiliensis* Marggr.

*Marggr.*

Caulis ad trium pedum aut etiam majorem altitudinem assurgit, ad singula genicula quasi duos ramos oppositos habens, atque itidem duo folia, quæ cum pediculo suo quatuor digitos æquant (superiora



riora sunt angustiora) in quinque alia singula secta, nimirum bina priora opposita, & quintum in extremitate. Sunt autem folia in ambitu dentata ac latè viridia. In extremitatibus ramorum, in singulis provenit *flor flavus*, Tormentillæ æmulus, constans quinque foliis angustis, quibus multa foliola viridia substrata. Post flores sequitur capitulum rotundum hispidum, continens *semina* oblonga. *Radix* multa habet filamenta, & odore refert Garyophyllos, unde nomen meruit.

7. *Caryophyllata montana* Park. Ger. *montana flore magno luteo* J. B. *Alpina lutea* C. B.

Clus.

Simili propemodum [cum superiore] ratione serpit & hujus *radix*, superiore non minor, at raro in tam multa capita extuberans, è quibus similiter multæ *foliorum* alæ nascuntur, superioribus non breviores, sed frequentioribus minoribus foliis in ambitu serratis utrinque ornata, unico duntaxat & quodammodo circinato folio, in tres tamen plerunque lacinias diviso, & in ambitu serrato, extremam alam occupante, quæ splendet & dilutiùs viret quàm in primo genere. Nascuntur etiam inter eas foliorum alas pedales *caules*, graciliores quàm in præcedente, minoribus magisque laciniatis foliis ornati, qui singulares plerunque, nonnunquam etiam plures, *caliculos* sustinent, in quibus *flores* aurei, quinque foliis vulgari majoribus præditi, floris Cisti *femina* interdum amplitudinem æquantes; medium occupant multa lutea *stamina*, inter quæ latet villosa quædam congeries, quæ excusso flore sese explicans, mollior est superiore & *semen* planum adnatum ostendit, quod maturitate fuscum fit. Tota etiam planta lanugine oblita & astrictiois particeps est.

Hanc invenimus in altissimis montibus max. Carthusianorum cœnobio in Delphinatu vicinis.

Locus.

J. Bauhinus in monte Braulio Rhætorum eandem reperit: Clusius in summis duntaxat Alpium jugis, non tamen omnibus, sed inter gramen, vel sub fruticibus. Floret istic Junio, semen Augusto maturum. *Radix* J. Bauhino fatis crassa, nigra, fibrata valde odorata.

\* 8. *Caryophyllata Alpina minor* C. B. Park. *Alpina minima prima species* Ponz Ital. *Alpina minima* Ger. emac.

Vix alia in re à præcedente differt quàm partium omnium parvitate; an specie diversa sit viderint quibus utriusque copia facta fuerit: utramque invenio in Catalogo Horti Regii Parisiensis.

\* 9. *Caryophyllata Alpina minor altera* Park. *Alpina Apis folio* C. B.

Pon.

*Folia* huic quàm præcedenti multo longiora, humi in ambitu strata, in plures partes divisa, quarum singulæ Paludapii folia quadantenus referunt: in quorum medio exurgunt duo tréves cauliculi tenues, imbelles & procumbentes, quatuor foliis obfisi minoribus quàm quæ è radice exeunt & tenuius incisfis, quorum fastigia occupant *flores* singulares hexapetali & interdum octapetali, pallide lutei caliculo viridi sustentati, cujus extrema summum florem adæquant. Florem excipiunt *capitula* reliquorum similia verum molliora & lanuginosiora, cincinnis seminibus adhaerentibus. *Radix* oblonga, tenuis, ramosa, fibris aliquot donata.

In monte Baldo provenit, autore Jo. Pona.

Locus.

\* 10. *Caryophyllata Pentaphyllæa* Park. J. B. *Alpina quinquefolia* C. B. *Alpina Pentaphyllæa* Ger.

Lob. Ad.

In Rhætici Alpibus non procul Clavenna hanc primùm naçti, putavimus esse Tormentillæ aut Pentaphylli speciem: verum *radix* Geranii fibrosior, foris rubea, parum quid suave redolens, Caryophyllatam testatur. Quinetiam erigit *caules* pedales, cui hærent *folia* quinquepartita ambitu serrato Pentaphylli aut Tormentillæ flore luteolo pallentéve, staminulis lanuginosis, croceis, papposis, minoribus Caryophyllatæ.

An Caryophyllatæ, an potiùs Pentaphylli species fuerit hæc planta, nobis non certò constat. Tantisper hic locum quem occupavit retineat donec de ejus notis caracteristicis certius edocti fuerimus.

11. *Caryophyllata Alpina Chamædryos folio* Morif. *Chamædryos spuria montana Cisti flore* Park. *Alpina, flore Fragariæ albo* J. B. *Alpina, Cisti flore* C. B. *Teucrium Alpinum Cisti flore* Ger. Mountain-Albeng with Germander leaves.

J. B.

Dura, lignosa *virgulta*, palmaria aut dodrantalia per terram spargit, colore rubente [ex fusco rubente prædita Clus.] prædita, per quæ *folia* nullo nascuntur ordine, Chamædryos verioris foliis similia, minora, duriora, rugosiora, serrata, infernè incana, supernè atrovirentia, gustu adstringente. Pediculis, tenuibus, palmaribus hirsutis insident singulis singuli *flores* candidi, Fragariæ duplo majores, foliis senis aut pluribus constantes, quorum medium occupant cirri staminum numerosi; quibus delapsis succedit plumatum Pullatillæ capitulum, semine oblongo, ruffo. Totius autem floris basin fulciunt folia hirsuta, oblonga, angusta. *Radix* longè latèque serpit, crassa, lignosa, ex ruffo nigricans.

Locus.

In montis Juræ suprema parte Thuiri, inque Alpibus Corinthiacis observavimus. J. Bauhinus in Rhætici monte Braulio. Frequens autore Clusio in Austriacarum & Stiriacarum Alpium jugis. In Hibernia etiam invenitur inter Gort & Galloway, unde & nos delatam vidimus. Floret Junio & Julio.

12. *Cary.*

12. *Caryophyllata montana Virginienfis* Park.

*Caryophyllata montana* seu septima major est, & elatior, in aliis parum differt: Semina producit plana, tenuia, nigricantia in folliculis inclusa.

## CAP. XII.

De *Fragaria*.

**F***ragaria* à fragro Latinis dicta videtur, quia hic fructus optimi odoris est. Vossius ita dictum existimat potius à *fragilis*, unde *mollia fraga* dixit Ovidius Metamorph. 13. Nobis prius Etymon magis placet. Fructus hic Græcè est *μωαίνωρον*, quæ tamen vox latius patet, & ad Arbuti fructum significandum extenditur.

*Fragaria* notæ characteristicæ sunt Folia venosa, in singulis pediculis terna, fructus molli esculenta pulpa constans seminibus exterius adnascantibus, odore fragranti, cauliculi reptantes.

A. 1. *Fragaria* Ger. *vulgaris* Park. C. B. *Fragaria ferens fraga alba & rubra* J. B. **Common Strawberry.**

E *Pentaphyllo*rum genere est, quamvis trifolia sit, ut manifestè ostendunt folia venosa, *stas* pentaphyllos calice è decem partibus seu segmentis composito, semina denique eodem modo congesta. Folia ei in longis pediculis terna, venosa, hirsuta, per ambitum serrata, superius viridia, inferius albicantia. Cauliculi palmum alti, teretes, hirsuti, in summitate ramosi, flores sustinent complures Ranunculi minores, Pentaphylli vulgaris floribus similes, quinque foliis candidis compositos, staminibus numerosis brevibus apices luteos sustinentibus, capitulum rotundum circumstantibus. Fructus globosus inæqualis, per maturitatem ruber, odoratus, sanguineo dulci, vinoso, gratissimòq; succo pragnans, cui adnascuntur extrinsecus semina multa, exigua. Flagellis seu loris tenuibus, plurimis hinc inde emissis, ad intervalla nodosis & foliosis, ad nodos radices agentibus, latè se propagat. Radix oblonga, subruffa, multis fibris capillata, gustu adstringens.

In sylvis & dumetis Maio mense floret, & brevi semen maturat.

2. *Fragaria fructu hispido* Ger. *emac. Fraga aculeata* Park. parad.

Locus & Tempus.

Flos hujus petala alba non habet, sed ex duobus aut pluribus circulis foliorum viridum componitur. Fructus hispidus est, seminum loco aculeis virentibus oblongis pulpæ rubenti innascentibus scaber.

Pro lusu naturæ habeo: Cantabrigiæ in horto per aliquot annos colui.

3. *Fragaria major fertilis seu Bohemica maxima* Park. parad. **The greater or Bohemian Strawberry.**

Præcedenti similis, nec ulla ferè in re, magnitudine excepta, ab ea differt. Est autem omnibus partibus, radice, foliis, caule, floribus, fructu vulgari *Fragaria* propè duplo major. Fructus non perinde gratus est ac illius, dulciior tamen. An *Fragaria* fructu parvi Pruni magnitudine C. B.?

4. *Fragaria Virginiana, The Virginian Strawberry.* Park.

A vulgari *Fragaria* differt foliis majoribus, magis glaucis, minùs splendentibus, pilis paucioribus obsitis, nec nisi ad solem conspicuis, ut omnino glabra videantur: caulibus humilioribus, minùs erectis: Florum pediculis brevioribus, nec adeò hirsutis; floribus ipsis majoribus, foliolis eos componen-  
tibus acutioribus: Fructu majore, colore minùs saturo & ferè coccineo, sapore acido.

Si fructum ab hac planta desideras maturum & copiosum; radices rariùs disponendæ sunt, nè folia interstitia tota occupent & inumbrent; deinde propaginibus seu flagellis continuè avulsis importuna ejus luxuries sedulo coercentia.

Cultura.

*Fragaria* quoddam genus in Alpibus Bargeis visum est bis in anno fructificare, Vere sci, & Autumno, cujus fructus modicè compressus est & striatus, sapore Rubi Idæi. Cæs.

Tragus & Gesnerus singulare genus tradunt, quod *Harbeer* appellant. J. B. *Fragaria minor* hispi-

*Fragaria hñ*  
fructum  
ferens. C. B.  
Frag. fol.  
hispidis C. B.

do folio Parkinsono dictum, folus hispidis C. B.

\* 5. *Fragaria affinis sericea incana* C. B.

C. B. Prod.

Radice est lignosa, nigricante, ad quam folia plura, *Fragaria* sylvestris similia, sed longè minora, unguem non æquantia, crassa, utrinque incana, molli & sericea lanugine tecta, in tres lacinias ad pediculum usque divisa, & supernè crenata: ramulos habet breves, reclinatos; flores parvos, luteos, stellatos sustinentes; quibus capitulum calyce quinquefolio sustentatum, minutum semen continens succedit.

C. Bauhinus ab Albino in Granadæ saxosis collectam accepit: D. Morisonus copiosè in sylvis adjacentibus Pictavio reperit.

Non est hæc genuina *Fragaria* species, sed ob similitudinem aliquam hæc reducitur; ad sequens Locum caput potius pertinet.

\* 6. Fra-



- \* 6. *Fragaria Helvetica nana* Park. An *Frag.* flore luteo C. B? Fortè etiam *Fragariæ* affinis *sericea incana* ejusdem.

Park.

*Folia* huic quæ ad radicem perexigua, tripartitè divisa, pediculis brevioribus nixa quàm in quovis alio *Fragariæ* genere; quæ *caulem* vestiunt [humi stratum, quatuor uncias vix excedentem] minora sunt. & pediculis destituta. *Flos* in extremo cauliculo plerunque singularis, quinque petalis subrotundis, *Fragariæ* instar, compositus, major quàm pro plantulæ modo, colore subluteo. Fructum nondum vidimus, nec qualem ferat novimus.

Locus.

In Alpibus Helveticis à D. Fletfchero Silesiano collecta, & ad nos delata est.

An hæc *Fragaria* genuina sit necne dubitamus. Ad præcedentem accedere videtur.

Vires &  
Usus.

*Fraga* refrigerant & humectant, venenis resistunt, picrocholis conveniunt & siticulosis, sed copiosiore cibo caput tentant & inebriant (inquit Cæsalpinus) quod tamen nos qui copiosè satis ea multoties ingestimus, nunquam experti sumus. Habent quidem saporem vinosum etiam non affuso vino, verum debilem. Ideo tamen à copiosiore eorum esu abstinendum, quia in ventriculo putrescere apta sunt. Nec sola comedenda sunt sed cum saccharo & vino ad frigiditatem & humiditatem illorum corrigendam, ut nostrates facere solent.

In Gallia alicubi, teste Bruyer [& in Anglia etiam passim] comedunt cum lactis cremore; qui præstat, inquit, id quod vinum: Nobis aliter videtur.

Aqua Fragorum destillata cor confortare dicitur, vitia thoracis expurgare, morbum arquatum discutere, sanguinem purgare, ulceribus oris & Anginæ auxiliari gargarisato, calculum renum comminuerè; alia etiam juvamenta præstare, si Trago credimus.

Qui ex calida intemperie habent faciem pustulosam, quin scabiem vel in toto, vel in parte siccam & pruriginosam, singulis diebus manè hauriant ejus ꝑj. præterpropter. Idem calculosi jubentur facere. Nam & refrigerat renes & arenulas abstergit. *Casp. Hofm.* Ad calculum, *Fraga* matura in phialam aqua ardente optima plenam conjicito, post horas quadraginta circiter colata, & rursus nova in eandem aquam ardentem injicito, ac sic relinquito optimè testà ac munita nè aliquid expiret. Prima autem *Fraga* quæ post colaturam supersunt per linteum validè exprimere poteris, & expressum etiam liquorem seorsum servare. Cum uti voles, ter aut quater in mense cochlearium plenum sumes manè, & addes pulverem de saccharo cando. Gratum, probatum, efficacissimùmque hoc remedium est, quod ultra viginti annos calculo confecti, præ cæteris omnibus, quæ innumera eis diversi medici præscribere, Gesnero commendârunt. *J. B.*

Herba refrigerat & siccat moderatè. Sapore cum sua radice est amaro, cum evidenti adstrictione. Diuretica est, usûsque crebri in ictero; ut & in gargarismis & balneis, in cataplasmatibus, &c. ad sistendos sanguinis fluxus, ad dysenteriam, ulcera sordida purganda, ad catarrhos & destillationes cohibendas.

Hujus decoctum cum tota (ut loqui amant Medici) hoc est, plantæ integræ cum foliis, radicibus & flagellis, optimo cum successu Ictericis propinatur, vel seorsim, vel aliis huic malo medicamentis appropriatis admixtum. *M. Rulandus* post corpus extract. Esulæ purgatum illud præscribere solebat hac formula. R *Fragariæ* manip. iij. passularum exacinarum ꝑij. Bulliant in aq. fontan. ad sufficientiam & bibe. *D. Hulse.*

Vidi (inquit C. Hofmanus) in eo qui copiosius comederat fraga multas illarum particulas in matula ut renes putarentur colliquari. *Rarum hoc & incredibile.*

Idem asserit *Fragariam* præstare egregium diureticum in febribus colliquativis, cum volumus aquam abdomini infusum & hydropem mentientem ad renes derivare.

Incerto autore doctus sum *Fragariam* in vino rubro coctam, & aliquoties pubi & pectini impostam instar cataplasmatibus album mulierum fluxum sistere; quod etiam in pollutione nocturna, & gonorrhœa non virulenta efficacissimum comperi. *Sim. Paulus.*

G. Fabricius Hildanus Cent. V. Obs. 38. cujusdam feminæ mentionem facit, quæ post esum Fragorum, jejuno adhuc ventriculo, horrendis symptomatibus statim vexabatur, ut lipothymia, vertigine, hypochondriorum intumescione, dolore ventriculi, &c. Sed hic notandum est feminam comedissee hæc fraga cruda & illota, sine vino aut saccharo. Ego planè cenleo has fruges venenatas fuisse ab urina, saliva, aut halitu serpentis vel bufonis, quæ fragis summopere delectantur: vel fortè (ut rectè D. Tancredus Robinson qui Observ. transmisit) insectum aliquod succum quandam noxium & venenosum iis inspererat.

Sunt qui ex Fragorum solo odore in animi deliquium incidunt, ut Nosocomii præfectus Essling. Virgo quædam Austriaca ex esu Fragorum epileptica facta est, atque exinde quotannis tempore quo efflorescunt paroxysmo obnoxia est. Ex Observat. Achillis Gasseri apud Hieron. Velschium excerptis *D. Soame.*

### C A P. XIII.

#### De *Fragaria sterili seu spuria.*

1. *Trifolium Fragariæ foliis, luteo flore* Berardi Hort. Joncq. *Pentaphylloides majus erectum, flore luteo, ternis foliis Fragariæ instar hirsutis* Morisf.

Morisf.

**A** Numero, situ & textura foliorum antequam excaulescat, *Fragariam* quivis perfectam affirmaret: sed postquam caules suos pedales & sesquipedales ediderit, hirsutos & lignosos, flosculos luteos pentapetalos in fastigio gestantes, succedentibus seminibus plurimis subruftis ticcis absque ulla pulpâ humidâ, vefcâ, ad *Pentaphylli* potiùs genus pertinere sese manifestat: quamvis



vis revera *Fragaria* & *Pentaphyllum* notis genericis conveniant, nimirum calice decaphyllo, flore pentapetalo, seminibus plurimis nudis singulis floribus succedentibus, ut alia omitam.

- A. 2. *Fragaria sterilis* C. B. *minimè vesca* Park. *minimè vesca sive sterilis* Ger. *emac. non fragifera vel non vesca* J. B. *Barren Strawberry*.

f. B.

*Radice* nititur lignosa, satis crassa, cortice ruffo adstringente obducta, multis hinc inde enatis fibris capillata; sarmentis suis per terram serpentibus, tenuissimarum fibrarum productione denuo radices agens. *Folia* humi fusa, tripartita, in ambitu serrata, molli lanugine supra subtusque canescentia, quam *Fragariae* fertilis minora, & supina parte obscurius viridia, ex hirsutis pediculis duas uncias longis, ad exortum gemina utrinque mucronata membrana eleganter alatis. *Caliculus* teres, hirsutus, tenuis, uno aut altero folio tripartito stipatus, sextantalibus, flosculum unum vel alterum sustinet pulchellum, candidum, inodorum, quinque foliis in medio crenatis & velut cordatis compositum, ex caliculo decem mucronatis hirsutis foliis ut in *Pentaphyllis* donato; quorum quinque flore evanescente connivent & semina occultant in capitulis *Pentaphylli* similibus. *Staminula* in medio flore plurima.

Aprili mense apud nos florere incipit; estque in pascuis sterilibus frequentissima.

Tempus &  
Locus.

3. *Fragariae* affinis *sericea incana*, vide descript. in Capite precedente.

#### C A P. XIV.

##### De *Pentaphyllo*.

**F**oliis venosis, in singulis pediculis quinis, aut interdum septenis, flore pentapetalo, ab aliis omnibus hujus generis, primo statim aspectu facile distinguitur, ut plura addere non sit opus.

- A. 1. *Pentaphyllum rubrum palustre* Ger. *Pent. vel potius Heptaphyllum flore rubro* J. B. *Quinquefolium palustre rubrum* C. B. *Purple Marsh Cinquefoil*.

f. B.

Valde prolixas habet *radices*, & fecundo reptatu luxuriantes, lignosas, fibras aliquot emittentes, albas, alias rubentes, pluribus fibrillis capillatas [ *Radix* in aquosis exteriori nigricat, non rubet, ut vult Jo. Bauhinus. ] *Folia* quina vel septena *Pentaphylli* vulgaris, sed non eo ordine sita, verum ceu in alam disposita, subtus incana, supremâ parte viridantia, vel glabra, vel lanugine vix conspicua hirsuta, profundè per ambitum serrata, pediculis non admodum longis nixa, quorum ima in vaginas amplas caulem amplectentes degenerant. *Caules* glabri, rubentes, in terram reclinati, foliis per intervalla alternis vestiti. In summis caulibus *flores* in furculis è foliorum alis egressis consistunt duo trèse simul, pediculis brevibus, satis grandes, è quinque latis mucronatis rubris calicis segmentis & totidem perangustis petalis compositi, pluribus intus apicibus concoloribus, & turbinato capitulo *Fragi* æmulo, tam figurâ, quam magnitudine.

In palustribus putridis multis in locis occurrit.

Locus.

- A. 2. *Pentaphyllum vulgatissimum* Park. *Pentaphyllum sive Quinquefolium vulgare repens* J. B. *Quinquefolium vulgare* Ger. *majus repens* C. B. *Common Cinquefoil or five-leaved Grass*.

Flexilibus, longis, tenuibus, hirsutis, rubentibus *loris*, ad intervalla geniculatis, & è geniculis folia & radices agentibus, latè se propagat. *Folia* in pediculis quadrantalibus & majoribus quina ad eundem exortum, nervosa, in ambitu altis incisuris serrata, oblonga extremis subrotundis, hirsuta, obscurè viridia. Inter folia exeunt *flosculi* ex adverso foliorum, [ramuli è foliorum alis] pediculis prælongis, singulares, è quinq. foliis flavis, latiusculis, cordatis, & plurimis intus staminulis compositi. *Calix* floris decem segmentis componitur; è quibus quinq. conniventia tum florem antequam aperitur, tum semina flore dilapso pericarpium loco occultant & protegunt. [ *Radix* longa, crassitudine interdum digitali, colore rubro, sapore adstringente & exsiccante; & exsiccata quadrata evadit f. B. ]

Æstate apud nos floret & in Autumnum usque. Passim ad semitas.

Vulnerarium est & astringens. Sistit fluxus alvi & hæmorrhoidum, nariumque hæmorrhagiam. Utile est in expuitione sanguinis, & tussi. Commendatur etiam ad paralyfin, phthisin, arthritidem, icterum. Prodesse dicitur & in calculo & erosione renum, in hernia & febribus. Extrinsecus in oculis inflammatis succus instillatus, in oris putredine, laxitate dentium. Abstergit etiam ulcera maligna. *Schrod.* Præcipuè notanda est vis ejus adstrictoria, quâ mediante agit quicquid agit.

Pulvis radices drachmæ unius pondere sumptus paulò ante paroxysmum in febribus intermittentibus insigne febrifugum est. *D. Needham* ex relatione *D. Ballard.* Hujus facultatis mentionem invenio etiam apud *Tragum*. Quin & multis sæculis ante *Tragum* *Hippocrates* ad febres fugandas hac planta usus est; (ut nos monuit eruditiss. Vir *D. Edv. Hullius M. D.*) qui Lib. de Morbis 2. pag. 64. editionis *Vander-Linden*, hæc habet. Si tertiana febris tenuerit, siquidem non omissis tribus invasionibus quarta corripit pharmacum deorsum purgans bibendum dato: si verò pharmaco non opus habere tibi videatur, radicem *Quinquefolii tritarum acetabuli mensuram ex aqua bibendam dato.* In quæ verba *D. Spon.* lib. de Febribus & Febrifugis hæc habet. *Pentaphyllum* est planta nonnihil amara, & valde astringens, unde proprietatem obtinet roborandi fibras ventriculi à febre relaxatas, & acidum ipsius edulcorandi & figendi: nec dubium est quin in Græcia, ubi *Hippocrates* vixit, efficacior fu-

Tempus &  
Locus  
Vires.

erit



erit quàm hic loci, quandoquidem pleræque plantæ melius proficiunt viribus in locis calidis quam in frigidis, præcipuè illæ quæ aliquantulum aromaticæ sunt. Nihilominus novimus nonnullos è plebe Gallica literarum omnino rudes, traditione sola à majoribus accepta edoctos, Pentaphylli decoctum ad febres intermittentes sanandas propinare, adeoque minimè ejus conscii, Hippocratis discipuli fiunt. D. Hulse.

Ab experientia commendo decoct. rad. Pentaphylli in Aphthis, quo Thomas Thomafius mirabili cum successu & artificio oris ulcera sine ulla alia re sanavit. Jac. Cæs. Baricellus Hort. Genial. p. 148.

Pentaphyllum, Tormentilla, Argentina, Fragaria ut genere sic viribus convenire videntur.

- \* 3. *Pentaphyllum Alpinum splendens aureo flore* J. B. *Quinquefolium minus repens Alpinum aureum* C. B. *Pentaphyllum incanum repens Alpinum* Park. *Quinquefolium minus flore aureo* Ger. emac.

J. B.

Pulchra Pentaphylli species in multa capita divisa, in quibus multæ squamæ: *radices* multæ, ruffæ, è quibus ex uncialibus aut longioribus pedicellis *foliola* quaquaversum denso agmine panduntur, Tormentillæ ferè facie, mediâ parte serrata, polita & ferè lucentia, aliquot pilis vix ac nè vix quidem conspicuis in quibusdam partibus obsita. *Cauliculi* aliquot palmares, summo tenus divisi *flosculos*, sustinent pulchrè luteos (quantum quidem ex sicca judicare licet) foliis latiusculis constantes; in quorum medio *stamina* saturatiora, ac fere crocea.

Pentaphyllum tertium Clus. *ramos* promit humi se spargentes, & subinde oblongas alias fibras agentes: *Folia* quam Quinquefolii vulgaris molliora, aliquantulum incana & splendentia.

Locus.

Crescit (inquit Clusius) in summis Alpium jugis, quæ tamen herbosa sunt, & sub Junii initium floret, in hortis autem Maio.

- \* 4. *Pentaphyllum minus folio subtus albicante* J. B. *An Quinquefolium minus repens luteum* C. B? *Pentaphyllum minimum repens* Park?

J. B.

*Radix* lignosa minimi ferè digiti crassitudine, in fibras tenuiores abiens, longè latèque vagatur, cortice nigro obtecta, sapore adstringente, *ramulos* emittens complures, etiam palmares, humi fusos, in alios ramulos divisos, hirsutos & nonnihil rubentes: in quibus *folia* quæ pollice texeris, quinquepartita, singulis segmentis circa mucronem leviter incis, supernè virentia, infernè albicantia: *flosculi* parvi, lutei, quinque foliis constant, apicibus multis luteis medium occupantibus: subsunt autem flori quinque folia hirsuta, foris viridia, intus ad luteum vergentia, quibus interjecta totidem foliola dimidio minora, viridantia.

De loco natali hujus plantæ nihil scribit. At Quinquefolium minus repens luteum C. B. in colle patibuli viâ pontis Castrî novi & in ficcis locis Salenovæ copiose nascitur. Botan. Monsp.

- \* 5. *Pentaphylli minoris major species folio subtus albicante* J. B.

*Folius* est multò majoribus quàm in præcedente, ex longis pediculis dodrantalibus, & quinque foliolis, ac multis septenis, oblongis, extremis subrotundis, serratis, subtus albicantibus: *caulibus* palmaribus, in summitate *floribus* luteis multis, ex brevibus pediculis: *radice* nigra, longâ, cum fibris crassis.

Ubi collectum hoc Pentaphyllum nescivit Descriptionis autor J. Bauhinus. Utrumque hoc Pentaphylli genus nobis incognitum est.

Pentaphyllum minus repens aureum Ad. Tormentillam admodum repræsentat: folia ejus quæ terram spectant albicant. Non propagat se ramulis defixis Pentaphylli vulgaris in modum, unde miror cur repentem vocet C. Bauhinus, nisi fortè radicibus reptet, ut innuit Joannes frater de suo, si modò eandem plantam intelligat.

Admodum obscuri sunt Botanici in historia Pentaphyllorum.

- \* 6. *Pentaphyllum minus molli lanugine pubescens, flore luteo* J. B. *Quinquefolium repens minus lanuginosum luteum* C. B. *Pent. minus repens* Park. *Quinquefolium incanum* Ger.

Clus.

Multa exeunt ab una *radice* capita ramosa, humi fusa, aliquot foliis Pentaphylli vulgaris & elatioris formâ similibus prædita, h. e. quæ quinque foliolis in ambitu serratis, mollique lanugine pubescentibus, constant, sed non ut illa [præcedens] incanis, gustu initio exficcante deinde linguam nonnihil vellicante: Ex iis capitibus prodeunt dodrantes inter dum caliculi, similibus sed minoribus foliis ornati, gestantes in summo multos *flores* luteos, elegantissimos, pentapetalos, medium florem occupantibus multis *staminibus* luteis. *Semen* in caput & veluti Fragi rudimentum congestum, fuscum. *Radix* longa, dura, satis crassa, foris nigricans & tenuibus fibris donata est: sed & rami illi humi fusi plerunque fibras agunt, & vicina loca occupant.

Locus.

Nihil illo vulgatius locis ficcis & nudis Pannoniæ, Austriæ inferioris, Moraviæ & Bohemiæ.

Tempus.

Florere incipit ineunte propemodum vere.

7. *Pentaphyllum parvum hirsutum* J. B. *Pent. minus repens lanuginosum* Park. *Quinquefolium minus repens aureum* C. B. *Quinquefolii quarti secunda species* Clus. *Pentaphyllum incanum minus repens* Ger. emac.

Clus.

Cum præcedenti nascitur atque etiam floret, minus tamen frequens, humi similiter fuscum, cujus *cauliculis* non virent sed purpurascunt, & graciliores sunt: *folia* angustiora, magis villosa, & illorum oræ altius serratæ: *flores* etiam magis aurei; in cæteris conveniunt.

Radice

*Radice* donatur (inquit J. Bauhinus) crassâ, longâ, nigrâ: *foliis* parvis hirsutis, ex pediculis duas uncias longis: *cauliculis* multis, humi fufis, quatuor vel quinque unciarum.

Passim provenit (inquit J. Bauhinus) [at non in Anglia.] Martio & Aprili floret.

Tempus.

8. *Pentaphyllum rectum majus* J. B. *majus erectum* Park. *Quinquefolium majus rectum* Ger. *rectum luteum* C. B.

J. B.

Non minùs strenuè astringit hujus *radix* quàm vulgaris *supini*, multis adnatis aucta, rubescens: *Caules* cubitales & majores, plures, duri & rigidi, recti, teretes, subrubentes, villosi, circa summum in aliquot alas, modò longas, modò breves divisi. *Folia* hirsuta, Alceæ ferè æmula, variantè divisura, quintuplici, septuplici, singulis segmentis profundè ferratis. *Flores* odore Agrimoniz, Quinquefolii *supini* majoris instar, colore luteo, intensiore, dilutiorè & albo interdum, sed rariùs, unde Lobelio in Adv. *Pentaphyllum album* & *purpureum* inscribitur.

J. Bauhinus se in Alsatia spontaneum observasse scribit.

Locus.

Eft &

9. *Quinquefolium Canadense humiliss.*

Morif.

Cujus *folia* saturatiùs virent: *flosculos* magnos luteos, & consequenter *capulas* majores aliorum more gerit.

- \* 10. *Pentaphyllum rectum majus, tenuius, villosius, Pannonicum* J. B.

J. B.

Cubitalibus & majoribus tenuioribùsque est *caulibus*, longis pilis hirsutis, non ita firmis. *Folia* per *caules* longos habent pediculos, dodrantes, longis etiam pilis hirsutis, ad principium duæ pinnæ foliorum instar, tenues, simplices, unciam circiter longæ, dividuntur autem *folia* in sex vel septem portiones, profundè ferratas, quales in prædicto sed minores, villosiores, candidiores: *rami* dividuntur in tenuiores ramulos, qui desinunt in *capitula* minora quorum *calices* minores, cum longis pilis, candidiores. Cujus coloris sint *flores* nos latet.

- \* 11. *Quinquefolium montanum luteum erectum hirsutum* C. B. *Pentaphyllum montanum erectum* Park.

C. B.

Ex *radice* nigricante *cauliculi* exeunt tenuissimi & sesquipalmes, in summo multifidi, & molli lanugine pubescentes: *folia* inferiora longissimis pediculis donata, in septem (at quæ in caule in quinque) lacinias profundas, diversæ longitudinis, per oras serratas, pilisque donatas dividuntur: quæ parte inferna, ut in vulgari, rufescunt, tantillum incana sunt, non tamen splendent. *Flores* habet parvos, aureos, quinquefolios, multis brevibus & croceis staminulis donatos, quibus *capitulum* aliorum more, (*emen* minutum continens succedit.

In montis Crenzacensis ad patibulum ascensu provenit.

Locus.

12. *Quinquefolium rectum luteum Monspelienſe.*

*Folia* huic longis insident pediculis, & circumcirca dentata sunt denticulis majoribus, non admodum hirsuta. *Caules* ex eadem radice plures exeunt, dodrantes, minùs crassi & firmi minùsque erecti quàm *Pentaphylli* recti majoris vulgaris, in summitatibus suis in aliquot ramos divisi numerosos *flores* gestantes luteos.

In Sylva Valena propè montem Lupi non longè Monspelio invenimus. A præcedentibus duobus specie differre videtur.

Locus.

- \* 13. *Pentaphyllum seu Heptaphyllum albo-pallidum, seu flore ochroleuco, petalis singulis cordatis.* Morif. Hilt.

Morif.

Humilior est hæc species, foliis dilutiùs virentibus, hirsutioribus; floribus sulphureis seu albo-pallidis cordatis.

- A. 14. *Pentaphyllum erectum, foliis profundè sectis, subtus argenteis, flore luteo* J. B. *rectum minus* Park. *Quinquefolium erectum folio argenteo* C. B. *Quinq. Tormentillæ facie* Ger. *Tormentil-Cinquefoil.*

*Radix* ei simplex, satis crassa, lignosa, exteriùs obscurè rubens, interiùs alba, plurimis fibris capillata, in numerosa capita divisa. *Caules* indè emergunt plures, teretes, rubentes, hirsuti, in terram reclinati. *Folia* in caulibus alternatim sita, ad exortum suum geminâ appendice caulem amplectuntur, pediculis longis incanis, venosa, & profundis incisuris circa margines serrata, superne obscurè viridia, hirsuta tamen, infernè incanâ lanugine obducta. *Flores* in summis cauliculis parvi, flavi pentapetali, è calice quinque segmentis composito, quem alia quinque segmenta angusta

G g g



gusta obvallant, ut in Pentaphyllo vulgari repente. Semina eadem modo nascuntur, parva, colore per maturitatem Olivæ immaturæ conditæ ferè.

Locus &  
Tempus.

In sterilibus arenosis aut glareosis pascuis sed rariùs; interdum & in muris. Junio mensè floret.

15. *Pentaphyllum rectum* J. B. *rectum flore albo* nobis. An *Quinquefolium album majus caulescens* C. B? *Pentaphyllum majus luteo flore vel albo* Park?

*Radix* ei crassa, cortice nigricante oblecta, [ruffa & subnigra, lignosa, astringens J. B.] in plura capita nonnunquam divisa. *Folia* pediculis longis hirsutis insident, brevibus pilis circa margines & in averfa parte donata, supernè glabra, pallidè viridia, quinquepartita, partibus singulis brevibus, latis, extremo subrotundis, in ambitu minimè serratis sed extremis duntaxat oris duobus tribusve denticulis, interdum tamen ad medium usque, humorem glutinosum exsudentia, unde ad tactum viscosa sunt. *Caulis* palmaris & sesquipalmaris, erectus, hirsutus, subruher, foliis vestitus tribus quatuorve, (quæ ex bifido folio seu vaginâ quâdam caulem amplectente exeunt) in summitate in plures ramulos spargitur, unde & *flores* umbellam quodammodo mentiuntur, albi, è quinque foliis compositi longiusculis, cum flos expanditur, in tantum à se invicem distantibus, ut inter duo quælibet folia unum calicis segmentum appareat & florem componere videatur, ut in *Fragaria*. Medium floris occupant villi tomentosi innumeri, in fasciculum velut congesti, albi, nonnunquam etiam purpurascens, apicibus pullis insignes. Mensis Julii initio florere incipit.

Locus.

E rupium fissuris exit in ascensu montis Salevæ propè Genevam; itémque ad latus portæ Max. Carthusianorum cœnobii Gratianopolin ducentis. Invenimus & in Alpibus Carinthiacis.

Descriptio *Quinquefolii albi majoris caulescentis* C. B. plantæ nostræ in plerisque convenit: excepto quòd folia serrata in ambitu faciat, & floris petala in summo divisa.

- \* 16. *Quinquefolium album minus* C. B. *Pentaphyllum album minimum* Park.

In paucis, excepta partium omnium parvitate, à præcedente differt, nimirum foliorum pedicellis brevibus, & foliis ipsis extremis tantum oris serratis.

*Quinquefolium 2. minus flore albo* Clus. *Quinquesylvaticum minus flo. albo* Ger. emac. *Pentaph. album minus* Park. *album minus alterum* C. B. An *Pentaphyllum Alpinum argenteum flore albo nostrum*?

Clus.

Ex eadem radice quæ nigra est, multos plerunque cauliculos proferre solet, confertim nascentibus secundum radicem incanis foliolis, formâ superiori [sequenti] similibus onustos, graciles, non humi fusos, sed rectos, & summo fastigio multos flosculos priori [sequenti] similes. Sequentis genus videtur sed per omnia minus.

Locus.

Eruit hoc inter saxa & scopulos summis Austriacarum & Stiriacarum Alpium jugis Clusius. Floret sub finem Junii, interdum Julio & Augusto, prout juga illa maturius aut serius nivibus sunt libera. Accedit ad nostrum *Pentaph. argenteum Alpinum flore albo*, in nonnullis tamen ab eo differt.

17. *Quinquefolium album majus alterum* C. B. *sylvaticum majus flore albo* Ger. *Pentaphyllum album J. B. majus alterum album* Park.

Clus.

Ex radice multis fibris donatâ pediculi plures exoriuntur, palmares & sesquipalmares, tenues, angulosi, hirsuti, folium singuli sustinentes quinquesidum, supernè glabrum viridèque, infernè argentea lanugine villosum, cujus segmenta singula carinata ferè; quædam longiora quàm minimum, alia minimè serrata, in obtusum mucronem desinunt, quàm in *Tormentilla* argentea longiora, superna parte virore non ita obscuro, nec ita glabra. Ex calicibus hirsutis flores peculiaribus quoque pediculis longiusculis insident *Fragariæ*, colore perinde lacteo, staminulis in medio luteis. Sapor herbæ glutinosus.

Locus.

In Alpibus Stiriacis inter oppidum S. Michaelis & Knittelfeld invenimus. Clusius in montosis sylvis in Austria, Moravia & Pannonia interamni observavit: nam *Pentaphyllum album* i. Clusii ab hoc non separo. Clusius autem cauliculos exiles & tenues, dodrantes ei attribuit: radicem crassiusculam, nigricantem, in ambitu sese diffundentem: folia extremis duntaxat oris crenata.

18. *Pentaphyllum argenteum Alpinum flore albo*. An *Pentaphyllum foliis supernè & infernè incanis* J. B? An *Quinquefolium minus album alterum* C. B? *Quinquefolium sylvaticum minus flore albo* Ger. emac. *Pent. album minus* Park.

*Radix* crassa, lignea, nigricans, vel atro rubore perfusa, ex qua plura capita squamata. *Folia* confertissima, quinquepartita & interdum tripartita, exigua, lanugine molli, argentea tam supra, quàm subtus canentia, obtusa, & in extremo duntaxat duabus tribusve crenis incisa, pediculis brevibus nixa. *Cauliculi* ex eadem radice plures exeunt, duarum unciarum pariter villosi, tenues & infirmi, foliolis duobus tribusve tripartito divisis vestiti, quæ appendicibus duabus caulem amplectuntur; flores in summitate sustinentes duos vel tres, pentapetalos, albos, cum numerosis intus staminibus,

nulis, apicibus purpureis capitatis. Vice styli congeries & veluti fasciculus filamentorum. Calix ex decem foliolis hirsutis in acutum exeuntibus constat, quinque latioribus, quinque angustioribus, alternatim positis.

In summitatibus montium altissim. max. Carthusianorum cœnobio imminetium invenimus.

Planta J. Bauhino descripta ab hac nostra differt quod in singulis caulibus flores gerat singulos. Locus

19. *Trifolium argenteum* Alpium Ponæ. *Alpium argenteum* Persici flore C. B. aut certe ei simillimum.

Eodem in loco cum præcedente planta à nobis inventum, non videtur ab ea specie differre. Folia duntaxat angustiora longioraque videbantur. Verùm quicquid de eo sit, Pentaphyllum foliis infernè & supernè incanis f. B. idem proculdubio est Trifolio argenteo Alpino Ponæ, cum in eodem loco, monte Baldo nimirum, utrumque inventum sit, cumque in Pentaphyllo illo dicto folia observentur duntaxat terna, & in singulis caulibus flores singulares, quod idem de suo Trifolio argenteo observavit Pona.

Planta autem quam nos hoc titulo intellectam volumus, quamque præcedenti specie eandem suspicamur, à Trifolio argenteo Alpino Ponæ, h. e. Pentaphyllo foliis infernè & supernè incanis diversa videtur, cum in eodem caule duos interdum aut etiam tres flores gestet, alioqui simillima.

Trifolium faxatile hirsutissimum f. B. C. B. huic plantæ simillimum nobis esse videtur, & forte idem. Descriptionem videbis apud utrumlibet autorem.

- \* 20. *Pentaphyllum minus argenteum* Park.

Park.

Ramulis plurimis albenibus, ad radicem multis & brevibus filamentis seu capillamentis potius quam foliis vestitis, humi se diffundit; superius exeunt folia parva, extremis subrotundis & minimè dentatis, supernè obscure viridia, infernè argentea. Summos ramulos occupant capitula seu folliculi multi incerto numero & ordine, longos furculos circundantes, à reliquis generibus multum diversi, è quibus exeunt minimi & vix discernendi flosculi albentes, quos sequuntur semina minutissima flavescentia. Radix parva, longa, dura, fibrata multos annos durat, in multa capita divisa, ut magnum terræ spatium occupet.

Ex feminibus è regionibus transmarinis acceptis Parkinsono succrevit.

Alchimillæ potius quam Pentaphylli species nobis viderur.

- \* 21. *Quinquefolium Lupini folio* C. B. *Pentaphyllum quinquefolium* Thal.

Descriptionem hujus vide apud Thaliū.

- \* 22. *Quinquefolium tuberosum* Indicum C. B. *Pentaphyllum Indicum* Clus. exot. L. 4. c. 18.

Clus.

Bina duntaxat habebat folia eaque tenella, peracri tamen sapore prædita, ex tuberosa radice prodeuntia, gracili, septem aut octo nihilominus uncias longo pediculo subnixa, in quinque profundas & ad pediculum usque ferè pertingentes lacinias divisa, nervo singulas lacinias à pediculo ad summum mucronem secundum longitudinem secante, & venis quibusdam ab eo nervo in latera excurrentibus prædita. Caulémne & flores proferret mihi incompertum: sed radix quæ, ut dicebam, tuberosa instar radicis Tormentillæ, & solida, parte externa aliquantulum fusca, internâ verò alba, & cujusdam acrimoniæ particeps duorum aliorum foliorum, quæ abrupta, vestigia adhuc retinebat, plenæque & aliquot fibris donata erat.

In sportulis Nicolai Colii M. D. reperta erat, qui cum iis quos Mercatorum societas Amstelodam. in Indiam Orientalem aromatum comparandorum gratiâ ablegaverat, Anno 1601. profectus in reditu extinctus erat.

Non videtur pertinere ad hoc genus.



## CAP. XV.

## De Pentaphylloide.

**A** Pentaphyllo cum quo in aliis plerisque convenit, foliis lobatis, Agrimoniz ant Caryophyllatz ferè æmulis differt.

1. *Pentaphylloides erectum* J. B. *Pentaphyllum fragiferum* Ger. Park. Clus. *Quinquefolium fragiferum* C. B.

Radice præditum est plurium capitum, crassiusculâ, lignosâ, cortice saturatiùs rubente, strenuè adstringente, recta, è qua pediculi plures prodeunt, palmares, quorum extremo connectuntur terna folia hirsuta, serrata, Fragariæ æmula, longè minora, rursusque eidem costæ una aut altera confimilium foliorum conjugatio, quo longiùs à supremis illis absunt minorum. Inter hæc caulis nascitur cubito altior, hirsutus, semel atque iterum quinis junctis foliis insignis, superiùs in ramulos aliquot divaricatur, qui multos flores gerunt, albos, Pentaphylloidis supini duplo majores, subjectis radiatis foliolis viridantibus, hirsutis, floris umbilicum occupante capitulo Fragum ferente, ut in cæteris Pentaphyllis, quod constat seminibus oblongis, ferè ruffis.

Locus.

In monte Saleva propè arcem antiquam jam ferè collapsam oritur. Clusius in Leytenberg locis umbrosis, inque Pannonia multis locis, non modò in cædis sylvis, sed etiam gramineis campis, &c. observavit.

Tempus.

Floret Maio; fructus paulò seriùs maturefcit.

2. *Pentaphylloides supinum* J. B. *Pentaphyllum supinum* Potentillæ facie Ger. Park. *Quinquefolio fragifero affinis* C. B.

J. B.

Folia plurima pediculis longis, ex radice crassiuscula, longa, multorum capitum, annectuntur conjugatim, singula serrata, ad Geranii supini folia accedentia. Caules cubitales, inanes, numerosos gerunt flores, parvos, luteos, ex brevibus pediculis. Succedunt capitula parva Fragis immaturis similia.

Locus.

In Germania prope Rhenum, infra Moguntiam invenimus. Frequens in agro Viennensi, in extremis pratorum marginibus, secundùm sylvas. Clus.

- \* 3. *Pentaphyllum pusillum repens foliis argenteis fragiferum* N. D. Hort. Lugd. Bat.

4. *Quinquefolio similis enneaphyllos* C. B. *Enneaphyllum* Park.

Radice habet crassam, nigricantem, in longas fibras abeuntem, à qua cauliculi plures a dextortum usque conglobati, per terram sparsi, capillacei, multifidi, tres quatuorve uncias longi prodeunt. Foliis est oblongis pedicellis donatis, in novem lacinias angustissimas per margines incisas, & hirsute villosas, divisas. Flosculi parvi, aurei, & capitula parva Quinquefoliorum modo à pedicellis sustinentur.

Locus.

Ex Helvetiorum Alpibus.

A. 5. *Pentaphylloides fruticosum*. *Shrub-Cinquefoil*.

Tota planta castaneo est colore, exceptis foliis & floribus, gustu subdulci, ligno solido. Radix ei fibrosa, undique juxta caulem turiones, seu mavis stolones, emittens. Caulis bipedalis aut altior, in plurimos ramos & surculos divisus & subdivisus; per quos ad singulos pollices pediculi semunciales alterno ordine siti folia sustinent, subtus lanuginosa, supernè glabra, viridia, quodammodo pennata, è pinnulis oblongis septenis (rariùs quinis) composita, ita dispositis ut ex uno quasi centro quaternæ, ex altero (scilicet superiore) ternæ prodire videantur. Flores lutei, ampli, pentapetali, unguibus tenuibus adnascetes, adeò ut citò decidant, novis tamen indies succrescentibus per totam æstatem. Calix Pentaphyllum more è quinque (rariùs sex) foliis lanuginosis acuminatis constat, totidem tenuioribus interjectis. Semina aut prorsus nulla, aut saltem inconspicua; nec quicquam post exactos flores præter brevem quandam lanuginem multis staminibus interspersis reperias. Caulis singulis annis (nè dicam sæpiùs) cuticulam seu corticem exteriorem exuit, adeò ut eodem tempore eidem cauli vel senas, vel fortasse etiam denas, cuticularum lacinias adherentes conspicias.

Locus.

Reperitur ad ripam Meridionalem Tees fluvii qui Dunelmensem episcopatum ab Eboracensi provincia determinat, infra vicum Thorp dictum variis in locis, nec minùs infra cœnobium S. Athelstani, Eggleston-Abbey dictum, in agro Eboracensi. Hanc plantam primus observavit, nobisque ostendit, & descriptionem à se concinnatam communicavit D. Johnson Eboracensis.

## CAP. XVI.

## De Pentaphylloide Argentina dicto.

**A**rgentina ab argenteo foliorum splendore dicta est. Germani *Genferich*, id est Anserinam, appellant, quod hac Anseres in cibo delectantur. Quo nomine Græci & Latini hanc herbam appellant à nullo proditum est. Recentiores quidam Potentillam ab eximiis viribus quibus pollet vocant, nonnulli Agrimoniam sylvestrem ob formæ affinitatem. *Trag.*

A. *Argentina* Ger. *Potentilla* Park. C. B. *Potentilla seu Argentina* J. B. *Wild Canby, Silver-weed.*

A foliorum molli & argentea lanugine nomen accepit hæc planta. *Radicem* habet nunc simplicem, cortice nigricante tectam, nunc fibrosam, gustu adstringentem, undè plurima emergunt *folia*, in terram resupina, Agrimonie foliis similia, majoribus hinc inde pinnulis, obtusis, circa margines profundè dentatis, cum plurimis minusculis intermediis constantia. *Flagella* undique spargit, quibus insigniter se propagat, *Fragariæ* instar. Ex alis foliorum, quæ appendicibus suis flagella amplectuntur, exeunt *flores*, singulares, pediculis longis hirsutis fulci, flavi, quinque foliis subrotundis non crenatis compositi, cum plurimis in medio staminulis & apicibus concoloribus, è *calice* hirsuto, quinque segmentis acutis, (quæ conniventia florem antequam aperitur, & semina iterum flore dilapso occultant) composito. Hæc autem folia alia quinque circumstant, nonnunquam segmentata.

Frequens est circa semitas & loca aquosa: Amat enim loca uliginosa & ubi per hyemem aquæ *Locus.* stagnarant.

Ut genere sit viribus cum *Fragaria*, *Pentaphyllo*, *Tormentilla* convenit: quas summatim recenset Schroderus his verbis.

Refrigerat moderatè, astringit fortius, siccat, constipat.

Hinc sanguinis expuitioni medetur, diarrhoeam & reliquas tum alvi, tum uteri fluxus compescit: hæmoptoicis & hæmorrhoeosis subvenit: renum calculum insigniter atterit: vulneribus insuper & ulceribus admodum conducit. Externè famosa est in doloribus dentium mitigandis, putredine gingivarum arcenda, æstu febrili sopiendo, quem potenter compescit, cum sale & aceto contusa plantis pedum supponatur, vel carpis applicetur.

Aquam hujus stillatitiam ad lentigines, panos & maculas, fuscumque colorem sole contractum delendum Angliæ mulierculæ adhibent.

Hujus radices, quas *Asperos* vocant, in agro Eboracensi circa *Settle* oppidum hyberno tempore effossas pueri esitant. Sunt enim sapore suavi, nec minùs grato quàm *Pastinacæ*, ut à Pharmacopœo quodam fide digno, ibidem degente certior factus sum. Postea observavi etiam porcos radices hæc rostro effossas libenter vorare.

Experimento egregio didicit Jo. Agricola Potentillæ succum unà cum pulvere Colchici vulgaris mariscis ani mederi. *J. B.*

Castor Durantes jubet ut dysentericorum indatur calceis: Atque hac arte non solum dysenteriam, sed omne genus p.n. fluxiones infimi ventris, ut nimios menses, imò narium hæmorrhagiam dubio procul sistere valebit. *Sim. Paulus.* Hartmannus eandem hoc modo usurpatam valuisse ad dysenteriam affirmabat, postquam medicorum opera nihil profuisset.

Hanc etiam pro Arcano celebrat Petr. Borellius Cent. 1. Observ. 12.

Diuretica aliquando cum fructu in febribus exhibentur, inter quæ Anserina specificè prodest, sic etiam & Sal Anserinæ, quod mihi pro specifico est. *D. Soame è Dolæi L. 3. C. 7. S. 14.*

## CAP. XVII.

## De Tormentilla.

**T**ormentilla, *Ἐντέρων*, quod radice pulvis cum aluminis & Pyrethri momento cavis dentium indicum eorundem tormentum five cruciatum sedet. *Lob.* Alii à Dysentericis torminibus sanandis à Recentioribus ita nominatam censent.

A Pentaphyllo distinguitur, foliis septenis in eodem pediculo, quod & Pentaphyllis nonnullis commune est, sed præcipuè flore tetrapetalo, quod huic proprium.

A. 1. *Tormentilla* Ger. J. B. *vulgaris* Park. Offic. *sylvestris* C. B. *Tormentil or Septfoil.*

*J. B.*

Ex radice crassa, pollicem nonnunquam superante, aliàs recta, aliàs in obliquum actâ, rubente, fibrosa, sapore adstringente *uticulas* plures emittit humi fusas, nonnihil subinde erectas & cubitum interdum longas, hirsutas, rubescentes, tenues; in quibus ex intervallis *folia* caulem ambientia, Pentaphylli, hirsuta, sed divisura septemplex. *Flores* parvi, lutei, tetrapetali, aliàs Pentaphylli similes.

Ggg 3



les. In hujus coliculo observatur aliquando adnatum tuberculum quoddam, excrementitium, concrezione Pomorum Quercinorum, in cujus antro stabulantur vermiculi seu teredines. In pascuis ubique ferè, præsertim ficcioribus & montosis.

Locus.

2. *Tormentilla Alpina major* Park. *Alpina vulgaris major* C. B.

*Radix* huic odoratior, rubicundior ac major vulgari: *Folia* etiam majora: in reliquis conveniunt.

A. 3. *Pentaphyllum reptans alatum foliis profundius serratis* D. Plot. minus viride flore aureo tetrapetalo, radículas in terram è geniculis demittens Moris. An *Pentaph. Tormentilla facie repens* Hort. Leyd?

D. Plot.

Quinquefolium vulgare repens crescendi modo æmulatur, & in plerisque partibus refert: nisi quod folia nonnulla ad exortum plantæ è radice subrotunda & Alchimillæ modo integra & indivisa obtineat; alia quinquepartita superiore tantum medietate dentata. *Folia* non semper quina in eodem pediculo existunt, sed prout caules seu flagella in longitudinem excreverunt paulatim pauciora, quaterna v. g. terna, bina & in extremis cauliculis singula; Omnia ad pediculi exortum binas appendices ceu aurículas adnascentes obtinent, ut in vulgari *Tormentilla*.

*Flores* *Tormentillæ* instar tetrapetali; è mille vix unum reperies pentapetalon.

Locus.

Ad margines arborum inter *Hockley* & sylvas colli *Shotover* subjacentes, & alibi in agro Oxoniensi invenitur.

Vires.

*Tormentilla*, cum *Pentaphylli* revera species sit flore tetrapetalo, easdem cum eo vires obtinet.

Siccat & potenter astringit; hinc in fluxionibus quibuscunque alvi, uteri, &c. non aliud remedium usitatum quàm *Tormentillæ* radix, quomodocunque exhibita: præterea diaphoretica est & alexipharmaca; unde & omnibus medicamentis quæ adversus venena, pestem, variolas & morbillos aliòve morbos malignos componuntur adhibenda, præsertim si cum fluxu alvi conjuncti sint. Tandem vulnerariis potionibus, unguentis & emplastris adjungi solet, nam vetera & putrida ulcera & abscessus sanat.

In insulis Ferroensibus *Tormentilla* utuntur, defectu corticum in pellibus Animalium præparandis. Tho. Bartholin. A& Med. An. 1671. Obl. 49. D. *Tancr. Robinson*.

Ad Diarrhœam commendat Etmullerus Extractum *Tormentillæ*, præmissio si opus est *Rhabarbaro* una alterâve vice: hinc exhibitum ana ʒʒ. ad ʒj. quod remedium præcellit omnibus aliis medicamentis in dysenteria epidemica. D. *Hulse* ex Etmulleri prax. cap. de Diarrhœa.

## CAP. XVIII.

De *Plantagine aquatica*.

**P**lantago dicitur ob aliqualem foliorum similitudinem.

Loco natali, & flore tripetalo cum Sagitta convenit, foliis Plantagineis ab eadem differt.

A. 1. *Plantago aquatica* J. B. *aquatica latifolia* C. B. *aquatica major* Ger. Park. Great water-Plantain.

J. B.

Foliorum cum caulis imò quod involvunt ad tenues usque & numerosas radicum fibras turbatus coitus bulbi faciem aliquatenus mentitur: *caulis* autem striatus, angulosus, inanis, subruber, plerumque cubitalis, non raro etiam procerior, alis indidem ortis in orbem coronatur, atque hæc rursum in radiatos ex intervallis furculos facessunt: quorum extremis insident *flosculi*, dilutiori purpura pallescentes, fimbriatis foliis tribus constantes, totidem toti flori subjectis foliolis minoribus, viridantibus, herbacei coloris, staminulis senis è medio *flosculo* exeuntibus. *Semina* Milio vix majora, utrinque compressa, margine sulcato, in trigonum junctis lateribus disposita, copiosa. *Folia* *Plantaginis*, longiora, acuminata, nervosa, glabra, sapore subacido prædita.

Locus.

In & juxta aquas ubique ferè reperitur.

Johnsonus apud Gerardum hanc plantam Limonium Dioscoridis & Plinii esse contendit, quibus argumentis apud ipsum vide. Certè ineptè admodum *Plantago* appellatur, cum qua parum habet similitudinis.

Vires.

Refrigerare & ficare dicitur. Schwenckfeldius procidentiam ani curare, rubentem podagram, capitis dolorem à causa calida mulcere, cruento sputo urinæque mederi tradit.

Summum secretum & expertissimum quo subito lac in mammillis consumatur esse ait Timotheus Roslin succum hujus *Plantaginis* illis applicatum.

A. 2. *Plantago aquatica minor* Park. *aquatica humilis* Ger. *aquat. humilis angustifolia* J. B. *aquat. angustifolia* C. B. The lesser Water-Plantain.

J. B.

Gracili concavo, nudoque *caula* pedali & altiori prædita est; verticillatim circa medium pediculis quadrantalibus & trientalibus ex geniculo ortis radiato; consimiliterque aliis ejusmodi summum caulem

caulem coronantibus ; quorum unicuique flos infidet satis amplus, albus unguibus flavis, è tribus caudicis foliis compositus, glomerato in parvi echini modum capitulo relicto. *Folia* ex radice sena septenave, junceo pediculo palmari & sesquipalmari nixa, angusta, acuminata, glabra, tribus longis nervis distincta. Odor plantæ mihi non adeò gratus sed potius gravis, ad Castorei odorem accedens. *Radix* innumeris fibris albenibus constat. Adde, quòd capitulum in medio flore aliquot staminula breviter circumstant, cacuminulis luteis.

## CAP. XIX.

## De Sagitta, seu Sagittaria.

Sagitta dicitur hæc herba, quòd ejus folia alarum sagittæ cuspidem proximè referant.

*Sagitta minor* J. B. *aquatica minor latifolia* C. B. *minor latifolia* Park. Arrow-head.

J. B.

*Sagittæ radices* sunt multæ, albæ, crassiusculæ, fungosæ, non sine capillaribus fibris, à quibus propagines nascuntur longissimæ, interdum bicubitales, junceæ tenuitatis, subter aquam serpentes, similes radicibus *Lyfimachia* luteæ. *Folia* aquis innatant raræ formæ, alarum sagittæ mucronem æmulantia, fuscis hinc inde in superna parte maculis notata, quædam ex primis in acumen non desinunt sed rotundantur. In eorum porro singulas alas longi, terni aut quini nervi per longum porriguntur, obliquis à nervo in nervum venulis intercurrentibus, lævare *Plantaginis aquaticæ*, pediculo minimi digiti crassitudine, fungoso, striato, penè triangulo, duos aut tres cubitos longo pro aquæ profunditate in qua vivit. *Folia* sapore nonnihil subdulci & viscido, cum vestigio obscuro acrimoniæ: *Caules* rectos duos aut tres emittit, non multo foliis altiores, rotundos ferè, striatos, crassos, fungosos, in quorum parte superiore plures flores exoriuntur, plerumque terni, caulem amplectentes, ex pediculis sive ramulis, modò longiusculis modò brevioribus, pulcherrimi, mediocriter magni, tribus foliolis albis constantes, ungue purpurascens notatis, florum *Amygdalarum* foliolis paulo minoribus, in medio apices multi rubentes. Sub flore tria foliola viridia. Flores excipiunt echinata capitula, subpurpurea, magnitudine penè fructuum *Arbuti* vel *Fragorum*, ex aculeis velut constantia, qui nihil aliud sunt quàm semina lata compressa in acumen desinentia, unguibus *Avium* similia.

In aquis leniter decurrentibus frequens est.

*Sagittæ* tres species seu varietates constituunt Botanici.

1. *Sagittam* majorem J. B. *Ger.* quæ *aquatica* major C. B. major *latifolia* Park. minori angustifolia jam descriptæ, excepta magnitudine, per omnia similis, verum folia non usque adeò acuminata habentur.

2. *Sagittam* latifoliam minorem, superius descriptam.

3. *Sagittam* minorem angustifoliam J. B. quæ *aquatica* minor angustifolia C. B. *Sagittaria* minor angustifolia Park. Hæc minori descriptæ per omnia similis, sed omnia minora sunt ei, foliaque angustiora multo, magisque acuminata.

Hæ tres varietates non videntur nobis inter se specie differre; siquidem promiscuè in eisdem aquis per sæpe oriuntur, unde & eidem semine ortum suum debere videntur.

Locus.



# LIBRI DUODECIMI

## SECTIO SECUNDA.

*De Herbis semine nudo polyspermis flore nudo seu nullo Perianthio tecto.*

*Herbae semine nudo polyspermae, flore nudo, h. e. nullo perianthio tecto, sunt vel eodem*

{ *Quadrifolio seu cruciato, majores & sarmentosae, gustu fervido, cincinnis seu plumulis longis villosis seminibus adnatis; CLEMATIS.*  
 { *Polyphylo, caule*

*Indeterminatè foliato, speciosum florum thyrsus proferente, foliis pinnatis, radicibus*

{ *Tuberosis, bulbillis ab extremis fibrarum filamentis dependentibus, seminibus in circumlo dispositis; FILIPENDULA, Oenanthe.*  
 { *Fibrosis, feminibus incurvis, in globulum congestis; ULMARIA.*

*Determinatè foliato, ex unica tantum distinctione, ubi terna haerent folia, floribus in singulis caulibus singulis; seminibus*

{ *Ranunculi, in capitulum congestis, nullo pappo aut lanugine vel adhaerente vel involvente, folio variè dissecto; ANEMONE nemorum.*

{ *In pappis abeuntibus, multiplici colorum varietate & pulchritudine; ANEMONE. Hujus flos vento flante potissimum aperiri dicitur, unde nomen.*

{ *Caudatis, cincinnis seu plumulis longis adhaerentibus; PULSATILLA.*

### CAP. I.

#### *De Clematide.*

**C**lematis dicitur à *κλῆμα* sarmentum, quoniam flagellis vitigineorum amulis arbores ascendit.

Notae ejus sunt flos quadrifolius seu cruciatus, cincinnati seu plumulae longae villosae in plerisque speciebus seminibus adnatæ, sapor fervidus.

A. 1. *Clematis latifolia sive Atragene quibusdam J.B. Clematidis sylv. latifolia C. B. Clematis sylv. latifolia, sive Viorna Park. Viorna Ger. Great wild Climber or Crabapples jop.*

*J. B.*

*Sarmentis* aliquatenus vitigineis luxuriat, crassis, iisque angulosis, rugosis, junioribus subhirsutis, subinde rubentibus, obsequioso flexu lentis. *Folia* quina, Dulcamarae æmula, alias integra, alias dentata & fimbriata, gustu acria, viticulae mediae tortili, quæ capreolorum loco vicinis arbutis implicata scandit, adnectuntur. *Flores* racematim petiolis incanis insident, suaveolentes, candidi, quaternis radiatis foliis constantes; quorum meditullium obsidet muscosus staminum pallidulorum cincinnus. *Flores* excipiunt acini complures, cuneatim indidem orti, pinnatae lanuginis tomento barbati. *Radix* crassiuscula, fusca, fibris donata.

*Varietas.*

Illius sarmenta (inquit Clusius) in Pannonia conspicebam brachiali crassitudine, nodis carentia, recta, rimoso cortice vitis instar tecta, hastæ interdum longitudine sub vastis arboribus, & latè ramos spargentibus (quibus se implicaverat) crescentia. Tantam magnitudinem & staturam apud nos raro assequitur. Ramuli ejus cinerei sunt lenti & tenaces, unde viminum aut funiculorum loco inserviunt januis aut craticulis colligandis, fasciculis vincendis, &c.

Vulgaris

Vulgaris est omnibus quas Clusius adiit provinciis, vicinis arboribus & sepibus sese implicans. *Locus.* Julio mense florens; fructus plumis suis incanescens dependens.

Gustus fervidus & acris calidam vim arguit. *Ufus* ojus est ad circulos pro retinendo labente utero. Ad constringendos falces veluti Salices & alia vincula adhibetur. *J. B.*

Flore, semine, cortice & radice vim urendi habet.

Species illa quæ *Flammula* dicitur, digitis trita, acerrimo odore velut Fulgor momento nares ferit admota. E *Flammula* utraque tam recta, quam scandente elicitur aqua, quæ Spiritus vini instar fervida est. Hanc compertum est (inquit Matthiolus) efficacissimam esse in morbis frigidissimis. At certe intra corpus non debet assumi, nisi aliis aquis probe mista & temperata, ne viscera lædat.

Sunt qui hujus oleum commendant ischiadicis, articulorum illiūque doloribus, urinæ angustiiis & renum calculis, in quibus morbis aut calidum illud inungunt, aut clysteribus infundunt. Id autem præparant hoc modo. *Flammulæ* folia tenuissimè concisa in rosaceum imponunt, quod vitreum vas exceperit, ac inde per æstatem insolant obturato vase. Datur etiam in cibis huius morbis affectis trium drachmarum pondere. *J. B.*

2. *Clematis Bætica* Ger. *Bætica Clusio* J. B. *sylv. altera Bætica* Park. *peregrina, foliis Pyri incis* C. B.

*Clus.*

Longa habet *sarmenta*, lenta & ramosa, binos per intervalla capreolos, contrariis semper inter se pediculis nascentes proferentia, quibus vicinas arbores & frutices scandit: *folia* Pyri ferè, minora tamen, dura, viridia, in ambitu incisa sive serrata, acris & fervidi gustus, singularia in singulis pediculis, sed plurima simul ex claviculæ alis prodeuntia, inter quæ ex utroque sarmentorum latere pediculi exeunt calyculum Tithymali caveolis seu labellis similem sustinentes: ex cujus medio exilit *capitulum* ex multis seminibus Milio aequalibus conflatum, quibus insident oblongi cincinnati, & albæ quodammodo villosæ plumulæ.

Hanc stirpem primū invenit Clusius inter Asindum (vulgo *Medina Sidonia* appellatum) & Calpen, secundū fluentia, vicinas arbusculas operientem & suo pondere deprimentem, deinde aliis *Bæticæ* locis, Januario jam suos cincinnos explicantem. *Locus.*

3. *Clematis sive Flammula repens* C. B. *Clem. sive Flammula scandens, tenuifolia alba* J. B. *Clem. urens* Ger. *urens flore albo* Park.

*Clematis* hæc per se infirma, nonnisi proximis fulta in altum nititur: neque tamen id ullorum capreolorum ope facit, sed foliorum pediculis sepes amplectitur. *Sarmenta* habet striata, viridantia, geniculata: *folia* recticaulis *Flammulæ* foliis similia, à *Vitalba* sive *Athragene* differunt longitudine, angustia & soliditate; tota etiam planta minor. *Flores* albi, odorati, qui uridâ vi labia si imprudenter attigerint inflammant. *Semen* succrescit plumaceâ cristâ insigne. Habetur flore pleno.

Circa Monspelium in collibus saxosis, & alibi in transmarinis observavimus: in Anglia, quod sciam sponte non provenit. Julio & Augusto floret.

Hujus minor quædam species seu varietas esse videtur *Clematis maritima repens* C. B. *Park. De Species minor.* *scripciones* enim in plerisque conveniunt. Addit insuper, *Cauliculos* atrovirente cortice vestitos: *Folia* acuminata & nervosa, tria uni-pediculo communiter insidentia, qui velut in capreolum abic (quod non capio) quæ in summo caule floribus subjiciuntur angustissima esse. *Flores* longis pediculis sustentari, haberèque multa intus stamina villosa, alba. *Semina* plana, subrotunda, rufescentia, bina ternave simul. *Hæc accidentia, quamvis in descriptione omissa, præcedenti plantæ pleraque conveniunt: proinde eum non separamus.* In maris Adriatici litoribus invenitur. C. B.

4. *Clematis sive Flammula surrecta alba* J. B. *Flammula recta* C. B. *Flammula Jovis surrecta* Ger. Park.

*J. B.*

Fibrosam radicem demittit & albicantem: *sarmenta* nullius opis indiga, suâ vi in duorum & plurium cubitorum altitudinem nituntur, lævia, teretia, propter terram nonnihil rubescentia, fistulosa & geniculis intercepta. *Folia* cujusmodi ferè in vulgi *Flammula* aversâ parte subhirsuta & ferè incana, adversâ verò atrovirentia. *Flores* confimiles, copiosi, quadrifolii, candidi, apicibus viridantibus. Non minùs uridâ vi vesicas hæc excitat quam cognata repens.

Hæc ab iis qui diligentius observant (teste Clusio) duorum generum esse deprehenditur. Una enim *sarmenta* rubescentia habet, quemadmodum & foliorum nervos & pediculos, præcociorque est & odoratum fert florem. Alterius autem *sarmenta* cum foliorum pediculis virescunt, & florem seriùs proferunt. Humanam verò altitudinem utriusque *sarmenta* plurimùm superant, & singulis annis nova, eaque frequentiora ineunte vere (marcidis & corruptis prioribus) renascuntur. *Duplex species.*

In sepibus ad montes propè Ratisbonam in Germania observavimus. Clusius in Austriz & Pan- *Locus.* noniæ cædis sylvis frequentem scribit.



5. *Clematis Pannonica* Ger. *Pannonica flore caeruleo surrecta* J. B. *Clematidis caerulea erecta* C. B. *Clem. caerulea Pannonica* Park. parad.

J. B.

Complures *radix* satis crassa è lateribus spargit fibras, fulves, nervulo ligneo candido factas: *Sarmenta* inde complura [quaterna aut quina *Clus.*] ad cubitum & sesquicubitum exsurgunt, recta, dura, striata, angulosa, subhirsuta, nonnihil purpurascens, geniculata: ad quorum singula genicula *folia* sine pediculis bina opposita, Plantaginis majoris ferè paria, minora tamen, similiter per longitudinem nervosa, acuminata, in ambitu lanuginosa, supernè ex atro virentia, infernè dilutiora, lanugine quadam per nervos respersa, [Clusio *Aclepiadis* panè foliis respondentia] non valde dura, fervidi gustus, quemadmodum *Flammulae* *Matth.* folia. Ex superiorum foliorum alis pari incremento surgunt gemini adversi furculi, eodem modo se habentes quo sarmenta primaria, nisi quòd minora sunt multis numeris folia: neque tam in primariorum sarmentorum, quàm alarum furculorumve extremis *flor* nutabundus, unicus, magnus, quatuor foliis mucronatis, crucis in formam (inquit Clusius) decussatis constans, modicè sursum reflexis, foris saturatè caeruleis, canaliculatis, minutis caerulea lanugine per margines obfatis, intus verò glabris, neque tam intensè atque medium extimi folii caeruleis. Medium florem occupat villosus glomer fibrarum ex luteo albescentium, quarum complexu continentur stamina alia glabra, viridantia, apicibus ex albo luteis, atque intra hæc tertia fibrarum virefcentium intorta phalanx. *Semen* compressum, magnum, Clusio *Pulsatilla* semini ferè simile, plumatum, ut in *Viorna*: nullius acrimoniæ particeps Clusio.

Locus &  
Tempus.

Inventa est à Clusio sponte nascens in pratis circa *Stampfen* duobus ultra *Pofonium* *Ungariæ* miliaribus, & aliis ad *Danubii* ripas supra *Pofonium*. Floret Maio & Junio, semen maturat Augusto.

Alteram hujus speciem depingit & breviter describit Gerardus quam majorem *Pannonicam* vocat.

6. *Clematis peregrina caerulea sive rubra* Ger. *caerulea vel purpurea repens* C. B. *peregrina flore rubro vel purpureo simplex* Park. *Clematis sive Flammula flore caeruleo & purpureo scandens* J. B.

J. B.

Concinnior est quàm vulgaris *Flammula*, foliis ad *Athragenes* propius accedentibus, ut quæ quàm *Flammulae* breviora sunt & latiora, & varia specie *Athragenes* foliorum modo ludentia, modò integra, aliàs divisa semel aut iterum, minimè tamen serrata, lævia, atrovirentia, sapore acri, ex pediculis tenuibus, rigidis, subrubentibus, subhirsutis terna. Sarmentis autem suis innititur depactis pedamentis non secus ac *Flammula* vulgaris repens: sed præcipua est *florum* gratia, qui non tantum odore suavi placent, sed & colore purpurante oculos morantur; quatuor foliis, (quorum vel unum *Flammulae* vulgaris florem integrum faciliè superat) crucis modo dispositis constantes, in quorum medio cincinnus staminum ex viridi pallentium. Succedunt *Semina* tria, quatuor, aut plura in eodem pediculo, nullis plumulis lanuginosis adhærentibus, compressa, subrotunda, acuminata.

Locus &  
Tempus.

In *Hispaniæ* & quibusdam *Italiæ* locis juxta sepes & agrorum margines sponte exit: Augusto mense & quandoque Julio floret.

Varietas flore  
pleno.

Reperitur interdum flore pleno seu multiplici quæ *Clematis* purpurea flore pleno scandens J. B. *Clem. peregrina flore purpureo pleno* Park. *peregrina flore pleno* Ger. *Clematidis caerulea flore pleno* C. B.

Item flore duplo minore, seminibus pariter minoribus, quæ *Clematis* peregrina flore parvo *Morif. prælud.*

Vires.

Folia *Clematidis* contusa lac è mammis extinctum educere, dictante D. Hermannno, didicit D. Palmer. An hujus an præcedentis aliùsve plantæ folia intelligat mihi non constat.

- \* 7. *Clematis cruciata Alpina* Park. Ger. emac. *Alpina Geranifolia* C. B.

C. B.

Ex radice sarmentosa & perenni caules plures lenti, lignosi, quandoque rufescente cortice testè, duos trèsvè cubitos alti exurgunt, qui æqualiter bipartiti in latera dividuntur: quibus singulis folia crebris & profundis divisuris incisa, trigemina cohærentia, ut in *Anemone Geranifolia*, insident. Flores singuli singulis pediculis longissimis ac tenuissimis insident, qui coloris caerulei albicantis aut obscurè purpurascens, ex quatuor foliis oblongis, mucronatis, nervosis, crucis in modum dispositis & nonnihil lanuginosis, in cujus medio folia plura, breviora, quæ quasi acervulum capillaceorum filamentorum alborum ambiunt.

Locus.

In monte Baldo provenit, inque montibus *Austriæ* frequens est.

- \* 8. *Clematis Hederæ folio* Morif. prælud.

Morif.

Planta est scandens & circa perticam se involvens ad altitudinem quinquorum pedum plus minùs ascendit; cujus folia sunt *Hederæ* æmula, latiora. Flore fert minores, herbaceos. Fructum nunquam vidit.

## CAP. II.

## De Filipendula.

**F**ilipendula notæ characteristicae sunt Flores polypetali, Radices tuberosæ, glandulis oblongis ab extremis fibrarum filamentis pendentibus. Semina in circulum disposita.

A. 1. *Filipendula* Ger. J. B. *vulgaris* Park. *vulgaris*, an *Molon* Plinii C. B. *Common Dropwort*.

*Radice* multiplici firmatur, exterius nigricante, intus albâ. Fibræ in bulbos turgescunt. *Folia* plurima ad radicem, multifariam pinnata, Pimpinellæ Saxifragæ ferè modo, angustiora, profundius laciniata. Caulis plerunque unicus, erectus, dodrantalis aut etiam pedalis & altior, striatus, ramosus, paucis foliis vestitus, *flores* in fastigio sustinet, velut in umbellæ [paniculæ J. B.] formam dispositos, suaveolentes, albos, exterius rubentes, heptapetalos, [in quorum medio magnus apicum luteorum plexus sese explicat. J. B.] quibus singulis succedunt *semina* undecim, duodecim, aut plura pauciorave stellatim disposita veluti totidem radii, nuda, vestibis tenaciter adhærescentia.

Nomen huic fecit (inquit J. Bauhinus) radicis glandularum olivarium aut longiorum, minúsque *Ratio nominis*. ventricosarum, Asphodeli more, foris ex rubro nigricantium, intus albescentium, acrimoniam quandam cum adstrictione, dulcedine & levi amaritudine sapientium per fibrarum fila pensilis connexio.

In pratis & pascuis montosis plerunque oritur: interdum in humilioribus, sterilioribus & ficcioribus *Locus*. invenitur.

Hujus varietas esse videtur.

2. *Filipendula minor* C. B. Park.

C. B.

*Radice* habet rufescentem, in filamenta extenuatam, sed per extrema glandulosam: *folia* duas tréve uncias longa, semunciam lata, ex segmentis pluribus, tenuissimè divis, ambitu serratis composita, veluti Potentillæ, duriora tamen & saturatius virentia; inter quæ *Cauliculus* palmo minor, in medio foliolo cinctus exurgit, aliquando simplex, aliquando in summo bifidus, cui coma flosculorum albidorum, staminulis præditorum, aliquando quasi in capitulum compactorum insidet: Succedit *semen* instar racemi parvi coactum.

In asperis circa Monspelium se legisse dicit C. B. D. Magnol varietatem præcedentis hanc facit, *Locus*. quæ in asperis & aridis multò humilior nascitur.

*Radix* attenuat & substringit. Decoctum ejus urinam & calculos pellit, dysuriæ & urinæ stillicidio subvenit. Pulverem radicis, ejusve succum adversus morbum comitalem commendant nonnulli. Alii Filipendulam proximè accedere qualitatibus ad Præoniam scripsere: & hinc epilepticos, analepticos ac vertiginosos juvare Filipendulæ radices retulit, melius. Medetur & anhelosis & suspiriosis, & ventriculi inflationibus, cum semine fœniculi. *Vires.*

In albo mulierum profluvio, inque nimio lochiorum fluxu usûs est eximii. D. Needham.

Pulvis radicum Filipendulæ celebratur in fluore albo mulierum, omnibus aliis medicamentis incassum propinatis, ab experientia S. Pauli Quadrip. Bot. Class. 3. p. 300. Dos. ʒj. in decocto Dauci. Hartman Corbæus pro experimento habet quotidie ʒj. radicis Filipendulæ virentis cum vino nigro exhibere in fluore albo mulierum. D. Soame è Dolæo, L. 5. C. 4. S. 20.

Dysenteriam sæpius à se curatam notavit Jo. Prævotius in Adversariis suis exhibito ʒj. pondere ex vino aut ovi vitello pulvere radice. Filipendulæ, quem ante ipsum Secreti loco commendaverat Ludovic. Mercatus Lib. 1. de recto præfidiorum usu, C. 14. Est sanè huic plantæ insignis vis adstringendi, ut hernias quoque ejusdem esu curatas observavit Thom. Carthusius. D. Soame ex Observ. 33. Hieron. Velschii transcripsit & ad nos misit.

## CAP. III.

## De Ulmaria.

**U**lmaria à foliorum quadam cum Ulmi foliis similitudine dicta, à Filipendula differt radicibus fibrosis, magnitudine quâ illam excellit, seminibus intortis, in globulum congestis.

*Ulmaria* J. B. *vulgaris* Park. *Regina prati* Ger. *Barba capri floribus compactis* C. B. *Heathwort* Sweet.

*Radicum* fibræ rubentes, lignosæ. J. Bauhinus *radicem* digitalem infinitis fibris rubentibus capillatam ei attribuit. *Caulis* exurgit sesquicubitali & altiore, recto, anguloso, lævi, rubente, firmo, concavo,



cavo, ramofo. *Folia* per intervalla alternatim cauli adnascuntur, tribus aut quatuor pinnularum majorum conjugationibus compositi, cum impari in extrema ala folio trifariam diviso ad modum ferè foliorum Rubi Idæi: majoribus hinc pinnulis interpositæ sunt minuscule aliquot, ut in Filipendula & Agrimonia, omnes circum oras serratæ, infernè canescentes, supernè virides. *Folia* autem crispo plicarum contextu ad Ulmi folia accedunt, unde & plantæ nomen. *Flores* in summis caulibus & ramulis in umbellas quodammodo dispositi, nullis intermixtis foliis, suaveolentes, positi & forma Filipendulæ vulgaris, albidæ, pentapetali, apicibus crebris similiter albis. Singulis floribus plura succedunt *semina* nuda, oblonga, contorta & in globuli ferè formam coacta.

In pratis humidis & ad rivulorum ripas passim & copiosè provenit.

Sudorifera & alexipharmaca est, proin convenit in fluxibus omnis generis, diarrhœa, dysenteria, fluxu menstruo, expuitione sanguinis; resistit pesti. *Folia* vino aut cerevisiæ immixta atum ei saporem & odorem conciliant, non secus ac Pimpinella.

*Flores* odoris grati sunt, cor exhilarant, nec tamen caput gravant, unde & æstivo tempore conclavibus & tricliniis ornandis sternendisq; conveniunt. Rupellensis Renatus, referente J. Bauhino, dicit hydromelici ex ejus flore conciliari gratum odorem, & ita parari ut æmuletur vinum Creticum, quod Malvaticum vocant.

Ipsè vidi & sanctè testari possum, in lethali vulnere vesicæ cujusdam puellæ, itémque brachii fractura propemodum immedicabili Reginam prati præclaros edidisse effectus; unde merito ingreditur emplastrum Felicis Wurtz, toto orbe celebratissimum & usitatissimum. *Simon Paulli Quadrip. Botan. p. 452. E Collectaneis D. Tancredi Robinson.*

Felix Wurtz hujus radices miris laudibus effert, imò omnibus aliis vulnerariis herbis, aut adversus fracturas ossium commendabilibus præponere videtur. *Idem.*

## CAP. IV.

## De Anemone sylvestri, seu spuria.

**A** *Nemora* sive sive dicitur, quòd flos tantum vento flante aperiatur, vel potius quòd locis apertis & vento obnoxii florere gestiat.

Anemones in genere characteristicam facimus, caulem determinatè foliatum, ex unica tantum distinctione, ubi terna hærent folia, flores in singulis caulibus singulos.

Anemones sylvestris seu spuria semina Ranunculi in capitulum congesta, nullo pappo lanuginève vel adherente, vel involvente.

Anemones genuinæ seu hortensis semina pappo involuta. Pulsatilla semina cincinnata plumulis longis adherentibus.

- A. 1. *Anemone nemorum alba* Ger. *nemorosa flore majore* C. B. *Ranunculus nemorosus albus simplex* Park. *Ranunculus fragmitis albus & purpureus vernus* J. B. *Wood Anemone*.

J. B.

*Radicem* habet crassiusculam longam, obliquè proserpentem, foris purpuream aut fuscam [cùm junior est flavicantem] intus albam, sapore cum levi adstrictione acrem [ut commanducata fauces inflammet] à qua fibræ capillares demittuntur. Surrigitur *coliculus* tenuis mollisque purpurascens, sesquipalmaris & major; circa cujus fastigium uno & eodem loco enascuntur *folia* terna Ranunculi ex semuncialibus rubellis pediculis, hirsuta, nunc virentia, nunc purpurantia [in trè lacinijs ad pediculum usque divisa] Coliculo summo flos insidet unicus, nudus seu calice carens, aliàs albus, aliàs purpurascens, aut unguibus carnei coloris, foliis constans senis, oblongis, in medio *stamina* plurima crocea continens. [Succedunt *semina* plurima nuda, oblonga, hirsuta mucrone incurvo, in capitulum conglobata Ranuncolorum nodo.]

Tempus &  
Locus.

Floret apud nos circa finem Martii & Aprilis initio, aut aliquantò seriùs citiùsve prout hyems asperior aut mitior fuerit. In sylvis & dumetis præsertim udis, per totam Angliam frequentissima occurrit, nec minùs in exteris regionibus.

Alia quinetiam præter ea quæ in caule existunt è radice folia emittit, longis pediculis insidentia, majora, segmentis latioribus, aliàs similia.

Varietates.

Reperitur interdum flore pleno seu multiplici, eoque vel 1. albo, quæ *Anemone nemorosa flore pleno albo* C. B. *sylv. flore pleno albo* Park. *An nemorum flore pleno albo* Ger.

Vel 2. purpurascens, quæ *Anem. nemorosa flore pleno purpureo* C. B. *Anem. sylvestris flore pleno purpureo* Park. *Anem. nemorum flore pleno purpurascens* Ger.

Has varietates Clusius prolixè describit, verum non opus est operosa descriptione, non enim alia in re à vulgari *Anemone nemorum* differunt quàm multiplici foliorum in flore serie: quamvis secundo generi sub ipso flore velut calicis loco folia appingantur, qualia in medio caule esse solent.

- \* 2. *Ranunculus flore intense cæruleo instar Cicboræ duplex 2 foliis majoribus & minoribus.*

A Christ. Mentzelio observatus est in Apenninis montibus, itinere à Româ versus Siennam.

Ranunculum nemorosum flore carneo Park. *ejusdemque* Ran. nemor. flore purpureo-cæruleo pro Varietates. hujus plantæ varietatibus accidentalibus habeo, non pro speciebus distinctis: nec libenter concesserim Ranunculum nemorosum Anemones flore minorem C. B. Ran. nemor. minimum album Park. specie differre à superius descripta: quin nec ipse C. Bauhinus distingueret, nisi hic parvus copiosissimè in editissimo monte ad Curiam Rhætorum, & circa Monspelium fuisset observatus.

De viribus hujus plantæ nihil à Botanicis proditum invenio.

*Anemone nemorosa sterilis foliis punctatis C. B.*

Anemones sylvestris seu nemorosa species degener esse videtur.

- \* 3. *Anemone nemorum lutea Ger. Ranunculus nemorosus luteus C.B. flore luteo Park. Ran. phragmites luteus nemorosus J. B. Bellot Wood-Anemone.*

*J. B.*

Hujus radix præcedenti vulgari albo & purpureo formâ, colore, sapore, fibrisque perfimilis, *coliculo* item & foliorum numero convenit; sed *folia* virentiora, longiora, brevioribusque pediculis, ita ut iis quasi destituta, concursu suo quasi cotylam purpurantem efficiant, in cujus medio præter duo folia oblonga, minimèque dissecta, crenatave, coliculi scapus nonnihil pilosus florem sustinet, nonnunquam singularem, alias geminum, Ranunculi, aureum, quinque foliis latiusculis & obtusis constantem; in cujus medio *staminula* crocata plurima.

In sylvis sed rariùs provenit. In Anglia, quod sciam, non invenitur spontanea. J. Bauhinus Genevæ florentem reperit Martio. Locus & Tempus.

Flore est communiter unico, aliquando duobus aut tribus, naturâ vel errante, vel ludente.

- \* 4. *Anemone nemorosa affinis peregrina 1. candido aut purpurascens flore C. B. An. sylvest. tenuifolia peregrina alba Park.*

*Clus.*

Foliis & radice ab Anemone nemorum vulgari non distat: ab extrema radice parte *cauliculus* assurgebat dodrantalis, teres, ex viridi purpurascens, summo fastigio gestans terna *folia* pediculo purpurascens innitentia, quæ in tres lacinias dividebantur usque ad pediculum illas sustentem, inter quæ crescebat triuncialis pediculus, ex viridi etiam purpurascens, *florem* sustinens octo aut novem brevibus mucronatisque foliis constantem, prorsus albis, quibus tamen externa parte nonnihil suaverubentis purpuræ erat veluti inspersum, medium florem occupante, *capitulo* viridi fragi rudimentum referente, quod ambiebant; multa *staminula* alba & tenuia, *apicibus* flavis prædita: adnascebantur interdum sub flore bina aut terna folia media ex parte alba, alterâ viridia.

Florebat cum aliis Aprili. In hortis cultam vidit Clusius; nec locum ejus natalem indicat. Tempus.

- \* 5. *Anemone nemorosa affinis peregrina 2. flore herbacei coloris C. B. sylv. peregrina viridis Park.*

*Clus.*

Foliis & radice cum priore conveniebat, necnon *cauliculis*, in quorum fastigio non terna sed septena plerumque nascebantur *folia*, admodum virentia, in alia terna (eaque laciniata) divisa usque ad pediculum illa sustentem, qui purpurascens: inter quæ alius pediculus assurgebat, binas uncias longus, herbacei coloris, sustinens *florem* octo aut novem foliis constantem, quorum quatuor externa tribus laciniis extrema parte divisa, foris circa ungulam purpurascens, alia interna minimè, sed omnia herbacei erant coloris, & umbilicum habebant interiore parte ex viridi albescentem, quem occupabat *capitellum* immaturo frago simile, viride, illud cingentibus multis exalbidis *staminibus*, flavis *apicibus* præditis.

Florebat Aprili cum superiore. In horto Christiani Porreti cultam vidit Clusius, de loco natali nihil habet. Tempus.

6. *Anemone Geranifolia J. B. Ger. tenuifolia sive Geranifolia cærulea Park. Geranii Robertiani folio cærulea; an Dioscoridis C. B.*

*Clus.*

Multa habet *folia*, novo vere, quum prodire incipiunt purpurascens, deinde ex viridi pallentia, multifida, Coriandri, vel Limoniæ potius Anemonidis foliis similia, trigemina plerumque simul pediculis connexa, hirsuta, & in terram ut Dioscorides rectè ait, inclinantia: inter quæ *caulis* exilit nudus quidem, sed quem terna folia trifariam profundius incisâ, mediâ parte amplectantur, quæ aliquandiu *florem* occultant, donec Solis calore ex iis sese explicans & emergens expandatur in quatuordecim aut quindecim foliola mucronata, minora quàm in latifoliarum generibus, coloris vel cærulei, vel albi, vel utroque mixti, hoc est, externa parte subcærulei, interna albi, *staminibus* albis, quorum *apices* pallidi, medium occupantibus. Decussò flore apparet *capitellum* pene Ranunculi, conflatum ex *staminibus* ejus semini etiam similibus, non tomentosum ut in Anemonide genuina. Radix digitalis plerumque longitudinis & crassitudinis, in aliquot ramos divisa, & tuberculis obsita, fibras



fibras quasdam hac illac spargens, foris nigra, intus alba, quæ similiter fragmentis feri & pangi potest.

Locus.  
Tempus.

Hanc primùm ex Italia habuerunt Belgici horti.  
Floret novo vere cum Anemonidis latifoliae generibus. Semen Maio maturefcit aut paulò ferius.

## CAP. V.

De *Anemone genuina, hortensi & culta, seu Anemone semine papposo, & primò de latifolia.*

1. *Anemone Cyclamini seu Malvæ folio lutea* C. B. *Anemone latifolia* Clusii Ger. *Anem. latifolia, flore flavo*, 1. Clusii J. B. *Anem. Lusitanica, frus hort. latifolia flore simplici luteo* Park. parad.

Clus.

Statis ampla habet folia, circinata ferè rotunditatis, in ambitu ferrata, dura, firma, longoque petiolo fulta, supina parte intensiore viriditate prædita, pronâ plerunq purpurascencia, ut Cyclaminis propemodum folia, fervidissimi saporis: inter quæ palmaris exit *caulis*, teres, subhirsutus, summâ parte ferens terna laciniata folia, deinde ex illis emergentem pediculum, qui *florem* sustinet decem aut pluribus foliis constantem, externa parte flavis, internâ aureis, umbilicum occupante *capitulo* multis aureis *staminulis* septo. *Radix* tuberosa est, oblongiuscula, Tormentillæ vulgaris ferè æmula (talem certè eruebam) aliquot fibris prædita, foris nigricans, intus alba, solida, ingrati admodum saporis, quæq, gustantem, excitatâ nausæâ, quodammodo strangulet, deinde suâ acrimoniâ linguam aliquantulum vellicet.

Locus.

Lapidosis quibusdam Lusitanix collibus juxta Tagum, atque etiam inter vepres eruebat Clusius.

- \* 2. *Anemone latifolia flava pleno flore* C. B. *An. latif. flore luteo duplici* Park. *latifolia duplo flore flavo* 2. Clusii J. B.

A præcedente differt, *Foliis* aliquot à radice nonnihil laciniatis; iis verò quæ in caule sunt magnis & profundis laciniis divisis: *Flore* duplici foliorum serie constante, quorum externa sex aut septem orbiculato sunt mucrone, nonnulla etiam dentato, foris pallida, & tenuibus quibusdam purpurascens venulis quodammodo aspersa, interna autem decem, duodecim, aut plura paulò angustiora, foris etiam pallentia, omnia verò interna parte flava. Reliqua cum præcedente convenit: à qua certè non differt specie.

Tempus.

Seriùs aliis Anemones generibus & germinat & floret. Semen Junio maturum.

3. *Anemone Italica latiusculis spinosis foliis* 3. Clusii J. B. *latifolia purpurea stellata sive papaveracea* Park. *Geranii rotundo folio purpurascens* C. B. *Bulbocastani radice* Ger. Belgis *Anemone stellata*.

Clus.

Folia hujus ejusdem sunt amplitudinis cum superiorum foliis, sed Saniculæ foliorum panè divisurâ initio, & pronâ parte nonnihil purpurascencia, mox multifida & tenuius incisa: deinde emergit *Caulis* nudus, lanuginosus, dodrantalis, nonnunquam etiam pedalis, tribus laciniatis foliis tanquam involucri florem occludens initio, ut in superiore, tandem excrefcens *florem* sustinet in duodecim aut quindecim folia divisum, angusta, acuminata, foris quasi cineracei coloris & hirsuta, interiùs mista rubedine purpura nitentia, gratissimo aspectu: medium *caput* villosum, nigris staminulis circumseptum, quod excusso flore velut primùm emergentis Asparagi thyrsulus intumescit, & ex plano villosoque sive lanuginoso *semine* conflatum per maturitatem levissimo auræ flatu decutitur, & ejus arbitrio fertur. *Radix* novellarum plantarum semine natarum exiguæ olivæ similis est, vetustior autem nodosa & articulata, foris nigra, intus alba, fibris aliquot, per quas alimentum attrahit prædita.

Locus.

Itinere à Lericio ad Massam Liguriæ urbem copiosam observavimus, postea multis aliis Italiæ in locis. Clusius quibusdam Germaniæ locis secundùm Rhenum inter vepres in aprico Martio florentem conspiciebat.

Varietas.

Invenitur interdum floris foliis exalbidi obsoleti coloris exterius, intus ex purpura dilutiore albicantibus, quæ *Anemone hort. latifol. simplici flore* 4. Clusii.

4. *Anemone hortensis latifolia simplici flore* 5. Clus. *An. Geranii rotundo folio dilutè rubens* C. B.

Clus.

Ante hyemem sua profert folia, tertiæ foliis panè similia: inter quæ *caulis* ut in reliquis exoritur palmaris, nudus, lanugine pubescens, tribus foliis, vel quàm levissimè, vel non incisis, florem (quod in Anemones generibus vulgare est) occultantibus, in summo præditus, qui tamen ad binas uncias, sive binos pollices, vel etiam altiùs excrefcens supra illa foliola, in octona plerunq, rarò plura folia, dilutiore rubro & ad carneum quasi tendente colore interiùs nitentia, albicantibus unguibus, foris autem obsoletè rubentia & lanugine pubescencia explicatur, multis in umbilico violaceis staminibus

staminibus hirsutum capitulum ambientibus. Radix tuberosa & nodosa est, tenuibus aliquot fibris donata, foris nigricans, internè verò candida.

5. *Anemone sylvestris alba major* C. B. *magna, alba, plurima parte anni florens* J. B. *sylvestris latifolia alba, sive tertia Matthioli* Park. *Anem. Matthioli* Ger.

J. B.

Radix minimi digiti est crassitie, plurimis fibris donata capillaribus, nonnullis præterea crassioribus, quæ serpentes subinde novas ex lateribus plantas procreant, ingrati & acris saporis. *Caulis* dodrantalis, tenuis, rigidus, densâ lanugine canescens, subinde circa summitatem rubescens, concavus. *Flos* in singulorum caulium summitate priusquam dehiscat hirsutus, postea magnus, nonnihil odoratus, quinque, sex, septemve foliis constans, cuspide orbiculata, internâ parte penitus albis & glabris, externâ verò hirsutis, unguibus purpurascens: in medio *staminum* croceorum corona ambit *capitulum* tuberosum, ferè herbidum, quod maturo semine, parvo, plano, in lanuginem albam resolvitur. *Folia* Ranunculi ferè, triplici divisura ad pediculi usque extremitatem, inferius hirsuta & albicantia, supernè glabra, saturo virore tincta, atq; horum quidem alia incerto numero radix emittit pediculis palmaribus; terna verò in caule pediculis uncialibus & sesquiuncialibus caulem amplectuntur. *Folia* Clusio ingrati initio saporis, postea acris.

In Germania plurimis locis exit, in pratis. V. *Clus.* & *J. B.*

Locus.

- \* 6. *Anemone sylvestris alba minor* C. B. prod.

C. B. prod.

Ex radice subnigricante fibrosa *folia* subrotunda unciam vix superantia, longis pediculis villosis donata, terna aut quaterna, Ranunculi pratensis modo, tribus usq; ad umbilicum incisuris, dein singulis, aliis tribus minoribus laciniata, pallidè virentia, mollia & hirsuta exurgunt: inter quæ *cauliculus* candida lanugine pubescens, unciarum septem altus, in medio duobus foliolis parvis laciniatis cinctus; cujus summo *flos* unicus, parvus, triplo quàm in vulgari minor, quinquefolius, candidus; in cujus medio capitulum exiguum, multis brevissimis subluteis staminibus cinctum, infidet.

In summa ab *Anemone sylv. alba* majore, quam tertiam Matthiolus facit sola magnitudine differre videtur.

Hæc propè Herbipolim sponte nascitur.

Locus.

- \* 7. *Anemone Alpina alba major* C. B. prod.

C. B. prod.

Ex radice nigricante *folia* exurgunt acuta, Cicutariæ modo multis divisuris secta, atro-virentia & parte prona secundum venarum ductum villosa: inter quæ *cauliculus* tenuis, leviter hirsutus, uncias sex altus, cujus summo *flos* albus, major quàm in ulla *Anemone sylvestri*, vel etiam *Pulsatilla* vulgari ex septem foliis compositus, ex rotunditate in acumen definentibus, & pluribus in medio staminulis luteis donatis, infidet. An verò tandem hujus, ut & sequentis *flos* in plumosi seminis congeriem transeat, non constat.

- \* 8. *Anemone Alpina alba minor* C. B.

Tota planta uncias quatuor non excedit, *radiculam* habens parvam, nigram; *folia* longè minora quàm prioris, magisque villosa: cauliculo est biunciali, villosa, quem circa medium *folia* similia amplectuntur, cujus summo *flos* albus, sex foliis donatus, priore quadruplo minor, multis staminulis luteis præditus infidet: hæc, ad *Anemonem sylv. 2. Clus.* accedit.

Utraque in Austria provenit, illa in Blanckenstein, hæc in Taurero Raftadiensi.

Locus.

- \* 9. *Anemone trifolia* Ger. *trifolia flore albo* J. B. *sylvestris trifolia Dodonæi* Park.

Dod.

*Folia* huic Trifolii instar terna in pediculo coherent, non magna, lata, acuminata, indivisa, margine tantummodo crenato: cauliculus palmum altus, cui *flos* infidet candidus, aut ex candido purpurascens formam Ranunculi florum æmulatur, qui marcescens nonnihil purpurei coloris contrahit. *Radix* etiam obliqua in propagines aliquot extuberat, non absq; capillamentis fibrosis subnatis. Morisonus plurima *semina* spicatum annexa pappo involuta huic attribuit.

Sequentes *Anemones* tam latifoliæ quàm tenuifoliæ species partim è C. Bauhini pinace, partim è Parkinsoni Paradiso terrestri, partim è Catalogo Horti Regii Parisiensis, nonnullæ è Flora Joan. Rea desumptæ sunt. Quæ ex C. B. pinace mutuata pleræq; à consummatissimo Botanico Car. Clusio accuratè descriptæ fuere, quarum descriptiones in epitomen contractas C. B. titulis adjecit: reliquarum solos habemus titulos sine descriptionibus, quæ quidem necessariae non sunt, cum pleræq; hæc varietates satione fiant; & natura in florum *Anemones* coloribus non minus quàm in Tulipis & Iridibus ludat.



*Anemone latifoliae simplici flore.*

1. *Anemone latifolia simplici carneo flore* C. B. *incarnata* Park. parad.  
C. B. Pin.  
Flos decem aut duodecim foliorum purpurei ferè coloris, unguibus albicantibus.
2. *Anemone latifolia flore purpureo-saturo* C. B.  
C. B. Pin.  
Flos 8. foliorum, coloris purpureo-saturi, exterius splendentis unguibus magnis & ad pediculum purpureis.
3. *Anemone latifolia purpureo-violaceo flore* C. B. *viola purpureo* Park. parad.  
C. B. Pin.  
Flos octo foliis constans, externè dilutè purpurascens splendet, internè violaceus, unguibus magnis & argentei coloris.
4. *Anemone latifolia flore purpureo-violaceo altera* C. B.  
C. B. Pin.  
Flos qui ex 12. foliis constat: foris ex purpureo albescit & splendet: interius ex violaceo purpureo splendet, unguibus albis.
5. *Anemone latifolia violaceo flore* C. B.  
C. B. Pin.  
Flos octo vel plurium foliorum, externè subpurpureus & splendens, internè ex purpura violaceus unguibus rubescentibus, orbe albicante cinctis.
6. *Anemone latifolia flore violaceo saturo colore* C. B.  
C. B. Pin.  
Flos sex foliis præditus, violacei saturationis coloris, unguibus majoribus magisque candidis.
7. *Anemone latifolia flore variegato* C. B.  
C. B. Pin.  
Flos qui octifolius, foris ex purpureo saturatius rubet, interius ad unguis usque albus satura purpura & quasi Kermesina nitet: oris coccineis, in quæ radii purpurascens sparguntur: unguis magnos & albos habet.
8. *Anemone latifolia punctato flore* C. B. *latifolia amano violaceo, & punctis albis versicolor.* Hort. Reg. *purpurea striata* Park. parad.  
C. B. Pin.  
Flos octifolius violaceus, interna parte maculis albis aspersis.
9. *Anemone latifolia flore carneo* C. B.  
C. B. Pin.  
Floris modò majoris, modò minoris, octo folia extrinsecus nonnihil purpurascunt, intrinsecus ferè carnei, vel saturationis, vel dilutionis, unguibus albis.
10. *Anemone latifolia flore Orangei coloris* C. B. *an Anemone Parvo major & minor simplici flore* Park. parad. *an Anem. latif. flore simplici croceo pallescente? vivaci rubore radiato* Hort. Reg?  
C. B. Pin.  
Floris octo vel novem folia, externè carnei coloris, unguibus saturatè purpurascens, internè carnei diluti: Habetur major & minor.
11. *Anemone latifolia flore coccineo* C. B. Ger. *emac. coccinea* Park. parad.  
C. B. Pin.  
Floris octo folia, internè elegantissimo coccineo nitent, unguis orbis pallescens ambit, externè quadam lanugine pubescunt: Huc pertinet *Anemone latifolia flore coccineo simplici* Eyst. ex sententia C. Baubini.
12. *Anemone latifolia flore magno coccineo* C. B. Ger. *emac.*  
C. B. Pin.  
Floris octo folia, internè elegantissimo coccineo colore fulgent, nullis unguibus apparentibus, externè colore dilutior; & lanuginosa.
13. *Anemone latifolia flore coccineo phæniceo* C. B. *latifolia Byzantina* Ger. *emac.*  
C. B. Pin.  
Flos amplus octifolius, coloris ex coccineo phænicei, ut in Rhœade, unguibus parvis subpallidis.
14. *Anemone latifolia Saniculæ folio* C. B.  
Hujus C. Bauh. meminit ex Horto Eyst. sine descriptione.

*Anemone*

*Anemone latifoliae simplici flore à Parkinsoni Paradiso.*

- |  |                               |
|--|-------------------------------|
| 1. Anemone carnea vivacissima simplex. | 6. Anem. cramefina.           |
| 2. Anem. Perfici violacea.             | 7. Anem. incarnata Hispanica. |
| 3. Anem. Cochenille.                   | 8. Anem. rubescens.           |
| 4. Anem. Cardinalis.                   | 9. Anem. Moschatella.         |
| 5. Anem. sanguinea.                    | 10. Anem. Enfumata.           |

Anemone latifolia flore simplici emaculati coloris Hort. Reg.

*Anemone latifoliae flore pleno.*

1. *Anemone latifolia maxima versicolor* C. B. *Chalcedonica max. versicolor* Park. parad. max. *Chalcedonia Polyanthos* Ger. Hort. *latifolia pleno flore* 1. Clus.

C. B. Pin.

Folia florum externa & majora dena aut duodena, viridia sunt, eorum mucronibus coccineo colore leviter & virgatim infectis: interna minora & angustiora, dilutiore purpura ex rubro nitent.

Aliquando, ex prædicto flore uncialis pediculus, minorem florem ex octo latiorum foliorum partim viridium, partim coccineorum compositum, sustinet.

Anemone Hort. latifol. pleno flore 2 Clus. non differt à prima, nisi quòd in hac floris umbilicum glomerata & reflexa folia non occupant. Anemonem latifoliam fl. pleno 3. C. B. huc etiam refero.

2. *Anemone latifolia Parvo dicta major* 1. C. B. *tenuifolia (sed non recte) flore pleno coccineo* Ger. emac.

C. B. Pin.

Flos unicus viginti, triginta, aut pluribus foliis constans, eleganti, saturato splendidoque coccineo colore præditis, unguibus sanguineis, orbe pallido cinctis.

Variat flore prolifero.

*Anemone latifolia Parvo minus polyphylla* C. B.

C. B. Pin.

Hæc flores minùs plenos profert, interdum simplici, octo, novem, aut decem foliorum serie constantem.

Non differt specificè ab Anemone hort. latifol. pleno flore 1. Clusii, ex sententia C. Baubini.

4. *Anemone Geranii rotundifolia plena* C. B.

Ab Anemone hort. latifolia tertia Clusii sola multiplici foliorum serie differt.

*Anemone latifoliae flore pleno ex Horto Regio Parisiensi.*

1. *Anemone latifolia flore duplo*, foliis albo & amæno violaceo virgatis.
2. *Anem. latifolia Parvo dicta polyphylla*, flore suaverubente.
3. *Anem. latifolia flore pleno*, arboris Perficæ, quoad floris colorem æmula.
4. *Anem. latifolia multiplex flore violaceo*.

*Anemone tenuifoliae flore simplici.*

1. *Anemone tenuifolia flore multifido dilutè purpurascente* C. B. *tenuifolia flore dilutè purpurea* Ger. emac.

C. B. Pin.

Flos ex quatuordecim & pluribus foliolis dilutè purpureis, & quasi carneis, nullis unguum vestigiis constat.

2. *Anemone tuberosa radice* Ger. *tenuifolia purpurea vulgaris* Park. parad. *Oenantes foliis flore violaceo hexaphyllo* C. B.

C. B. Pin.

Flos qui ex sex interdum septem & octo foliis compositus est, communiter est purpureus seu violaceus, externa parte lanuginosus.

3. *Anemone tenuifolia coccineo flore hexaphyllo* C. B. *tenuifol. coccinea simplex* Park. parad. *Chalcedonica simplici flore* Ger.

C. B. Pin.

Flos floridi coccinei coloris, unguibus magnis, ex pallido, fusco & albo mixtis.



4. *Anemone tenuifolia coccineo flore octophyllo* C. B.

C. B. pin.  
Flos internè coccineus, unguibus albis, & externè coccineus, tenui lanugine pubescens & splendens.

5. *Anemone tenuifolia flore magno coccineo hexaphyllo* C. B.

C. B. pin.  
Flos intus elegantissimus coccineo colore nitet, foris lanugine pubescit; unguis albi sunt.

6. *Anemone tenuifolia flore coccineo sanguineo* C. B.

C. B. pin.  
Flos quinque, sex, interdum septem foliorum, coloris coccinei, ad sanguineum vergentis, unguibus magnis ex albidis, purpureis venis distinctis: aliquando flos ad cocti lateris colorem accedit, nec splendet.

7. *Anemone tenuifolia flore sanguineo coccineo* C. B. *tenuifolia flore coccineo* Ger. emac.

C. B. pin.  
Floris sex folia, externè lanugine obducta, coloris sunt sanguinei saturationis & splendentis, internè sanguinei coccinei permixti.

8. *Anemone tenuifolia flore sanguineo coccineo altera* C. B.

C. B. pin.  
Flos major hexaphyllus, sanguineo colore, vel inter coccineum & cochinellem medio, unguibus minoribus, & albicantibus.

9. *Anemone tenuifolia flore ex sanguineo & coccineo medio* C. B.

C. B. pin.  
Flos hexaphyllus coloris ex sanguineo, & coccineo medii, diluti, ei prorsus similis quam vulgus cochinellem appellat: unguis magni, albi & quasi argentei.

10. *Anemone tenuifolia flore amplo sanguineo hexaphyllo* C. B. Ger. emac.

C. B. pin.  
Flos coloris sanguinei elegantissimi, unguibus magnis albis.

11. *Anemone tenuifolia flore amplo atrorubente* C. B.

C. B. pin.  
Flos hexaphyllus, coloris sanguinei ex atro rubentis & quasi sericei panni villosi Kermesino colore præditi, cærulei.

12. *Anemone tenuifolia flore rubro saturo* C. B.

C. B. pin.  
Flos hexaphyllus, ruber, seu potius sanguineus, unguibus magnis saturis, venis albicantibus distinctis.

13. *Anemone tenuifolia flore niveo* C. B.

C. B. pin.  
Flos hexaphyllus niveus, cujus unguibus carnei quid aspersum: Apicibus ex obscura purpura nigricantibus.

14. *Anemone tenuifolia flore amplo candido* C. B.

C. B. pin.  
Flos hexaphyllus, prorsus candidus, unguibus externè virefcentibus, apicibus nigris.

15. *Anemone tenuifolia flore albicante* C. B.

C. B. pin.  
Flore est hexaphyllo candicante, staminibus albis, apicibus subcæruleis.

16. *Anemone tenuifolia flore ex albido majore* C. B. & *minore ejusdem, tenuifolia flore ex albido* Ger. emac.

C. B. pin.  
Flos hexaphyllus, coloris primum ex albidis virefcentis, dein ad carneum tendentis, unguibus externè virefcentibus, internè albis, staminibus carnei coloris.

17. *Anemone tenuifolia flore furvo albicante* C. B.

C. B. pin.  
Flos ex cineraceo sive furvo, albicans & tenui velut rubedine perfusus, ut ferè est Capuccinorum pannus.

18. *Anemone*

18. *Anemone tenuifolia* flore carneo friato C. B. Ger. emac.

C. B. pin.

Flos hexaphyllus externè carneus, oris albicantibus: internè exalbidus, venis carneis ad medium folium sparsis, staminibus purpurascens, apicibus nigricantibus.

19. *Anemone tenuifolia* Cretica albo magno flore C. B. prod.

C. B. prod.

Foliis est Ranunculi pratensis, vel hortensis repentis, specie trifolia, rarius quinquefolia divisis, per marginem crenatis: Caule pedali rotundo, flores duos vel tres albos, ex sex, vel septem foliis compositus, Papaveris erratici florum magnitudine superantes sustinente: quibus capitulum, seminibus aliorum Ranunculorum more confractum, succedit.

Hanc delineatum, Patavii natum, Laurentius Rosenauer Germanus Pharmacopæus, unà cum aliis Anno 1595. transmisit.

20. *Anemone tenuifolia* flore pallide coccineo C. B.

C. B. pin.

Flos hexaphyllus, foris tenui lanugine pubescens, coloris dilutè rubescentis, internè coccinei valdè diluti, unguibus amplis albis.

21. *Anemone tenuifolia* flore magno suaverubente, unguibus albis C. B.*Anemone tenuifolia* simplici flore è Parkinsoni Paradiso.

1. *Anemone* carnea pallida.
2. *Anem.* carnea vivida unguibus albis.
3. *Anem.* alba venis purpureis.
4. *Anem.* coccinea absque unguibus.
5. *Anem.* flore holosericeo.
6. *Anem.* sanguinea.
7. *Anem.* rubra fundo lutea.

8. *Anem.* coccinea dilutior.
9. *Anem.* alba staminibus purpureis.
10. *Anem.* carnea Hispanica.
11. *Anem.* alba carnis venis.
12. *Anem.* alba purpureis unguibus.
13. *Anem.* purpurascens.
14. *Anem.* facie florum pomi simplex.

*Anemone tenuifolia* simplici flore ex Horto Regio Parisiensi.

1. *Anemone tenuifolia* flore simplici majore albicante.
2. *Anem.* tenuifol. flore miniato venis albis distincto.
3. *Anem.* tenuif. flore albo, circa caulem purpurascens.
4. *Anem.* tenuif. flore simplici rubro pallentibus oris.
5. *Anem.* tenuif. flore simplici flammeo & albo splendoris particeps.
6. *Anem.* tenuif. luteo pallore decolor.
7. *Anem.* tenuif. holosericeo magis pulla: seu foliis fusco rubore saturatis.
8. *Anem.* tenuifolia flore simplice albo.

## Eadem flore

Amethystino.	Igneo.
Aqueo.	Leucophæo.
Argenteo.	Miniato.
Atro-purpureo.	Phœniceo.
Cœruleo.	Puniceo.
Cœruleo-saturo.	Purpureo.
Dilutè cœruleo.	Rubicundo sive sanguineo
Dilutè purpureo.	Rubro.
Dilutè violaceo.	Rubro-splendido.
Hyacinthino.	Suaverubente.
Ianthino.	Violaceo.
Ianthino dilutiore.	

1. *Anemone tenuifolia* multiplex rubra C. B. hort. *tenuifolia* pleno flore Clus. coccinea multiplex Ger. *tenuifolia* flo. coccineo pleno vulgaris Park. parad.

Ab *Anemone* hort. tenuif. simplici flore 2. Clus. sola multiplici foliorum serie differt. Flore est rubro, cœruleo, albo.

2. *Anemone tenuifolia* multiplex purpurea C. B.

Flos 20. 30. aut pluribus foliis constans, eleganti purpureo colore præditis, unguibus albis. Est etiam quæ purpureo-cœruleum florem, alia quæ suaverubentem & nitidum profert.

3. *Anem.*



3. *Anem. tenuifol. multiplex atro purpurascens* C. B. *tenuifol. fl. pleno atro-purpurascens* Ger. emac.

Folia *florum* externa & majora, rubra sunt, interna minora & angustiora, atro-purpureo nitent.

*Anemone tenuifolia flore pleno ex Horto Regio Parisiensi.*

1. *Anemone tenuifolia* flore duplici albo.
2. *Anemone tenuifolia* flore pleno sordide albo, & subcæruleo colore irrorata.
3. *Anemone tenuifolia* flore pleno albo nitide sordido, margine suaverubente.
4. *Anemone tenuifolia* foliis lutosè candidis, foliolis flammæ splendore lucentibus.
5. *Anemone tenuifolia* flore pallido pleno candore lactescente.
6. *Anemone tenuifolia* flore obsoletè rubro, foliolis atro-purpureis, medio villo concolori.
7. *Anemone tenuifolia* foliis, & foliolis vivaci cocco splendentibus, & nivis albedine virgatis.
8. *Anemone tenuifolia* flore pleno, foliis & foliolis coccineis: coccinea holosericeo pleno flore.
9. *Anemone tenuifolia*, foliis *florum* utrimque contractis cocco saturatiore nitentibus.
10. *Anemone tenuifolia* miniato colore, & albo varia.
11. *Anemone tenuifolia* pleno flore, ignis fulgore ardens, innocentèrque flammea.
12. *Anemone tenuifolia* pleno flore, foliis & foliolis fulgentissimo cocco splendentibus oris niveis.
13. *Anemone tenuifolia* flore pleno rutilo, & argenteo candore bicolori.
14. *Anemone tenuifolia* phæniceo flore foliolis interfuso candore lucentibus.
15. *Anemone tenuifolia* rubicundissimo flore, lacteis lacrymis asperso, & minus ardenti.
16. *Anemone tenuifolia* multiplex ranunculi flore.
17. *Anemone* flore pleno miniato, cacumine albescente, foliolis partim albidis partim miniatis.
18. *Anemone tenuifolia* flore pleno violaceo major.
19. *Anem.* flore violaceo dilutiori præcox maxima.
20. *Anem. tenuifolia* flore pleno ex griseo dilutè violaceo minor.
21. *Anem. tenuifolia* flore pleno, Mali Perficæ rubello flori concolor.
22. *Anem. circumfusus* foliis obsoletius purpurea, umbilico blandè virenti.
23. *Anem. tenuif.* flore maximo foliis & foliolis ex viridi pallente & purpureo violaceo colore pictis.
24. *Anem. tenuifolia* ianthino flore, lactis albedine stolato.
25. *Anem. tenuifolia* flore albo maximo.
26. *Anem. tenuifolia* flore amplo floreas foliorum nives grata viriditate diluens.
27. *Anem. tenuifolia* flore pleno carneo rutilis guttato punctis maxima.
28. *Anem. tenuifolia* maxima pallido candore lactea, & levi per oras rubedine conspersa.
29. *Anem. supina* & ferè jacens maxima languido rubore spectabilis.
30. *Anem. tenuifolia* amplo flore sessili, carnis colorem æmulante.
31. *Anem. tenuifolia* multiplex mutata *florum* facie quotannis nova.
32. *Anem. tenuifolia* flore maximo, flammæ & nivis colore vario, eminulis cirris blandè luteis.
33. *Anem. tenuifolia* multiplex alto & firmiori cauliculo amplum floris verticem promens, notabilem, mirà coloris suavitate.
34. *Anem. tenuifolia* minor flore niveo, & suaverubente semper elegans.
35. *Anem. tenuifolia* maxima foliis, & foliolis fulgenti cocco splendentibus, oris niveis.
36. *Anem. gigantea* flore flammeo dilutiori.
37. *Anem. vivido Cinnabaris* rubore splens, foliis albâ lineâ notatis.
38. *Anem. flore pleno* multiplici rubente, comâ fusca.
39. *Anem. tenuifolia* flore maximo sanguineo.
40. *Anem. tenuifolia* ruberrimo flore maximo.
41. *Anem. tenuifolia* flore maximo rubicundissimo, foliis albo candore radiatis.
42. *Anem. tenuifolia* multiplex ruberrimo flore, vittâ, seu staminibus violaceis.
43. *Anem. profundi coloris* amœnum ruborem, interfuso candore vittâ suâ diluens.
44. *Anem. tenuifolia* multiplex flammea, staminibus Citrii colore præditis.
45. *Anem. tenuifolia* multiplex coccinea, vittâ viridi.
46. *Anem. tenuifolia* hilari Cinnabaris fulgore ardentissima, expanso pleno flore unguibus albis.
47. *Anem. tenuifolia* flore pleno, fulgentissimo minio, & maculis guttato albis bicolori.
48. *Anem. tenuifolia* maxima purpureo flore.
49. *Anem. tenuifolia* propendente flore, ex violaceo & ferrugineo verficolori.
50. *Anem. tenuifolia* multiplex magno flore, violaceo & rubente colore mixto.
51. *Anem. tenuifolia* floribus dilutè violaceis, viridi colore, & rubro perfusis.
52. *Anem. tenuifolia* flore violaceo, foliis & foliolis lactis albedine striatis.
53. *Anem. gigantea* flore cæruleo.
54. *Anem. tenuifolia* flore pleno cæruleo, foliis & foliolis per oras interfuso candore pictis.
55. *Anem. altera supina*, & floris mole ferè jacens amethystina.
56. *Anem. foliis & foliolis* ex rubro purpureo & albo variegatis, comâ holosericeâ.
57. *Anem. prominulis ligulis* radicum longioribus, & contortis, instar capillorum Medusæ.
58. *Anem. tenuifolia* foliis latioribus pleno flore flammeo.
59. *Anem. tenuifolia* flore cæruleo albis interfecto radiis.
60. *Anem. foliosa* toto interdum flore subrubente, & lateritia.
61. *Anem. tenuifolia*, foliis ad basin rutilis, cacumine albescente.
62. *Anem. tenuifolia* multiplex foliosa, sanguinea major.
63. *Anem. foliosa* candidis floribus diluto rubore umbilicatis, & latissimum in orbem patens.

64. Anem. Hermaphrodita foliis circa basim, & media sui parte rubris, altera, lactis candore fulgentibus.  
 65. Anem. foliosa flore suaverubente multiplici.

## Eadem flore

Albo. Hyacinthino.  
 Amceno violaceo, & albo mixto. Lanthio.

*Anemone tenuifoliae flore plena è Parkinsoni Paradiso terrestri.*

1. Anem. tenuifolia flore coccineo pleno variegato.
2. Anem. tenuifolia flore coccineo saturo pleno.
3. Anem. tenuifolia flore pleno suaverubente.
4. Anem. tenuifolia flore albo pleno.
5. Anem. tenuifolia flore pleno albicante.
6. Anem. tenuifolia flore pleno roseo.
7. Anem. tenuifolia flore pleno carneo vivacissimo.
8. Anem. tenuifolia flore rubro-fusco pleno coma Amarantina.
9. Anem. tenuifolia flore pleno tricolor.

*Anemone tenuifolia flore pleno è Flora Joan. Rea.*

1. Anemone tenuifolia flore pleno vericolor.
2. Anem. tenuifolia elegantior flore pleno rubro.
3. Anem. tenuifolia flore pleno coccineo.
4. Anem. tenuifolia flore pleno coccineo variegata.
5. Anem. tenuifolia flore pleno coma scarlata.
6. Anem. tenuifolia flore pleno dicta Nacara.
7. Anem. tenuifolia flore pleno sulphureo.
8. Anem. tenuifolia flore pleno viridante.
9. Anem. tenuifolia flore pleno albo major.
10. Anem. tenuifolia flore pleno maxima albo.
11. Anem. tenuifolia flore pleno Columbina.
12. Anem. tenuifolia flore pleno Roseo.
13. Anem. tenuifolia flore pleno Roseo variegata.
14. Anem. tenuifolia flore pleno rubicante maculato.
15. Anem. tenuifolia flore pleno purpureo.
16. Anem. tenuifolia flore pleno Lavendulae colore.
17. Anem. tenuifolia flore pleno caeruleo.
18. Anem. tenuifolia flore pleno coma purpureo.
19. Anem. tenuifolia flore pleno coma Amarantina.
20. Anem. tenuifolia flore pleno coma Amarantina-variegata.
21. Anem. tenuifolia flore pleno quinque coloris.
22. Anem. tenuifolia dicta Bel-Lizwaice.

## CAP. VI.

## De Pulsatilla.

**P**ulsatilla nominatur, quod seminum tremuli pappi levissimo flatu huc atque illuc agitentur, unde & Herba venti.

Nomen Pulsatilla Italicum est, siquidem inibi ita vulgo dicitur hæc herba.

Est autem Pulsatilla nihil aliud quam Anemone seminibus cinnatis seu plumulâ caudatis.

1. *Pulsatilla vulgaris* Ger. *purpurea caeruleæve* J. B. *folio crassiore & majore flore* C. B. *Pulsat. Danica* Park. parad. *The greater or Danish Pasque-flower.*

J. B.

*Tenuia folia* sic satis *Pastinacæ sylvestris* foliis similia sunt, nisi ab iis magnitudine vincerentur, tenui divisurâ pilisque respondentia, ex pediculo longiore, palmari circiter, admodum villosa, & propter terram subrubente appensa. *Caulis* teres, cavus, densa lanugine obductus, palmaris aut drantalís, delapsa flore pedalis & major nullis vel ramis, vel foliis donatus, unico excepto folio, quod paulò infra florem nascitur, densa mollisque tomento comatum, circumcirca labri aut acetabuli instar caulem cingens, sibi que inferiore parte continuum, quod mox in lacinias numerosas tenuisque finditur. *Caulis* summo fastigio *flos* sedet unicus, magnus, è sex foliis acuminatis compositus, purpurascens, foris hirsutus, intus glaber, levem sed suavem odorem aspirans. Medium obfidet ex oblongo rotundum *capitulum*, fibris apicibusque luteis cirratum. postquam autem delapsus est



est flos, caulis supra folium supra dictum quintuplo aut altius excrescit, proque flore succedit comolum capitulum *staminum* holosericeorum mollitie, argentei splendoris; appenso unicuique stamini *semine* oblongo, tereti: delapsis porro caducis feminibus cum staminibus appensis caput relinquitur rotundum. *Radix* crassa, longa, nigra, in plura capita interdum divisa, superius ex reliquiis marcidorum foliorum comata, sapore nonnihil amarescente & tandem acrimonia linguam vellicante.

*Pulsatilla Danica* Park. major est vulgari nostrate tum radice & folio, tum etiam flore, qui colore est purpureo, hilariore minusque saturo, & culturae magis patiens, ut se saepius expertum scribit: nostras enim hortis non libenter affuescit.

Locus.  
Tempus.

In transmarinis montosis frequens oritur in Germania, Italia, Gallia. Floret Veris initio circa finem Martii seu Festum Paschatis, unde & nomen Anglicum: *Pasque-flower*.

A. 2. *Pulsatilla flore clauso caeruleo* J. B. *flore minore* Ger. *minore nigricante* C. B. *Anglica purpurea* Park. parad.

Lobelius florem caeruleum perpetuo clausum huic plantae attribuit: Clusius iconem Lobelii adhibet titulo *Pulsatillae vulgaris saturatiore flore*, cui *folium tenuius incisum floremque* minorem, purpurei coloris adeo saturi ut niger videatur, ascribit. Clusius *Pulsatillam* nostram Anglicam vulgarem intelligere videtur: Nam alterum illud genus praecocius, crassiore folio, ampliore flore dilutiorque *Pulsatillae Danicae* Parkinsoni respondet, cui & ipse *Danicam* suam eandem facit.

\* 3. *Pulsatilla rubra* Ger. J. B. *flore rubro* Park. *flore rubro obtuso* C. B.

f. B.

Differt a vulgari, non solum floris colore, sed etiam forma foliorum, quae tenuius divisa, florum item foliis quae longiora & obtusa, cum in vulgari acuta sint.

Locus.

Ex Aleppo Syriae urbe se habuisse Lobelius refert.

4. *Pulsatilla alba* J. B. *flore albo* Ger. C. B. Park.

f. B.

*Folius* est multo amplioribus quam reliquarum ulla, nec ita etiam minutim concisis, & ad Myrrhidis sylvestris foliorum divisuram quodammodo accedentibus, & nonnihil hirsutis. *Caulem*, qui cubito longior nonnunquam, medium cingunt confimilia quoque folia [terna]. *Ceterum flos*, qui summo cauli haeret unicus, lacteo est candore, quem villosum capitulum cristatumque consequitur, aliarum more. *Radix* item crassa. Planta est speciosa.

Locus.

In fummis Jurae montosis jugis copiose oritur. Clusius in *Escher* & *Durrenstein* Stiriae celsioribus jugis invenit, ubi Julio mense floret, &c. Difficiter cicurari posse tradit idem.

\* 5. *Pulsatilla lutea* J. B. *lutea Alpina hispida* C. B. *lutea prima Dalechampi* Lugd.

f. B.

Palmaris est planta, *radice* crassa, *foliis* caeruleae modo divisis, sed segmentis latioribus, valde hirsutis: *caulis* singularis unicum summo fastigio sustinens *florem*, colore luteo praeditum, foris hirsutum, intus glabrum, obidente medium, apicum magno numero.

Commemorat (inquit J. Bauhinus) Lobel. in Adv. & Dodon. *Pulsatillam* luteam; qui an nostram intelligant ambigimus: siquidem eam a vulgari colore tantum distinguunt.

Locus.

In Rhaetiae monte Braulio florentem Julio reperit J. Bauhinus: Cherlerus sub finem Junii in monte Gothardi.

\* 6. *Pulsatilla lutea Apii hortensis folio* C. B. J. B. *secunda Dalechampi*.

Lugd.

*Radice* est tenuiore, brevior, minus atra, *foliis* hortensi Apio similibus, paullo latioribus, hirsutis, radicem ambientibus, nullis in *caule*, dodrantali, lanuginoso, media sui parte villosa glomo pubescente, e quo prodit *flos* aurei coloris.

\* 7. *Pulsatilla lutea Pastinacae sylvestris folio* C. B. *lutea seu 5.* Ger. *emac. tertia Dalechampi* J. B. *Anemone sylvestris 3.* Clus. Hist. *Pulsatilla flore luteo* Park. par.

Lugd.

*Radice* est quam in superioribus graciliore, folio *Pastinacae sylvestris*, apicibus in medio flore coacervatis luteis, quos in seminis conceptaculum tandem formatos spissa lanugo vestit.

*Pulsatillae luteae* secundum genus (inquit J. Bauhinus) vidi apud fratrem: Quod sit tertium nos latet: Icon nobis quidem inepta & falsa videtur.

Hanc Clusius ita describit: Ab radice villosa capite multa germinant folia, *Pulsatillae* foliis parva similia, laciniata, & multis divisuris secta, mollia, parte supina viridia, pronam autem paululum candicantia & valde hirsuta; inter quae *caulis* emergit nudus, rotundus, lanugine obsitus, circa summum sustinens foliola, e quibus prodibat vulgari *Pulsatillae* similis pediculus, cui insidebat unicus flos major, ut plurimum *Pulsatillae vulgaris* flore, sex foliis constans, quae interiore parte valde flava erant, exteriori autem ob lanuginem dilutiora & pallentia: in hujus meditullio orbiculatum

culatum caput eminebat, luteis staminibus cinctum, cui villosa caesaries succedere videbatur: quam Augusto mense maturitatem consequi arbitrabatur Tobias Roellius, qui in Alpium planis eam observabat, nusquam verò abundantius quàm circa pedem montis S. Bernardi, quàm Helvetios spectat.

\* 8. *Pulsatilla folio tenuius inciso & flore minore sive palustris* C. B.

C. B. prod.

Folius est ad radicem in tenuissima & angusta segmenta divisus, eorum pediculis hirsutis; inter quæ *caulis* pedalis, rotundus, rufescens, levi lanugine aspersus, cujus medium folia capillacea acuta cingunt, ipsiusque summo *flos* unus, villosus capitulo ex capillaceis foliis composito sustentatus infidet, qui vulgari longè minor, ex foliis sex acutis Violæ nigræ colore compositus, staminibus in medio luteis. Capitulum villosa caesarie comosum & incanescens cum semine succedit.

In pratis udis & paludosis Michelfeldæ propè Basileam provenit; & in hortum translata cum Locum. vulgari vegetior quidem fit, sed formam & colorem refert.

\* 9. *Pulsatilla Apii folio vernalis, flore majore* C. B.

C. B. prod.

Ex radice nigra longiuscula folia plura, pediculis oblongis pilosis donata, crassa, dura, rigida; Apii foliorum instar in quinas lacinias, & hæ in alias divisæ, margine piloso, prodeunt: inter quæ *cauliculus* unciarum quatuor, nudus, at hirsutus, incanus exurgit, qui *florem* magnum, trium unciarum, longum, latumque, ex sex foliis compositum, multisque apicibus luteis, ut & duæ sequentes, donatum sustinet, qui colore variat, aliquando ex albo & subpurpureo aureus, aliquando intrinsecus albus, extrinsecus subpurpureus, vernali tempore florens.

In sylvis circa Francofurtum ad Oderam.

Locum.

\* 10. *Pulsatilla Apii folio vernalis, flore minore* C. B.

C. B. prod.

Et hæc ex radice consimili folia crassa, pauca, oblongis pediculis donata, Apii instar, sed in tres tantum lacinias, ad umbilicum divisa edit, quarum quælibet in alias binas ternasve lacinias, per marginem incisas secantur, & pilis vix conspicuis donantur; cauliculo villosissimo, uncias duas alto, *flos* priore media parte minor, & dilute purpureus infidet. Aprili, foliis plerumque carens, floret.

Locus idem qui priori.

Locum.

Has esse veras & genuinas *Pulsatillæ* species ex descriptionibus colligi & concludi nequit: contrarium nobis ob caulem nudum videtur; utcumque hic locum quem usurparunt, retinere permittimus, donec certius constiterit, quod referendæ sint.

\* 11. *Pulsatilla Apii folio Autumnalis* C. B.

C. B. prod.

Radice est longa, foris nigra intus candida: foliis ad radicem plurimis, Apii modo in tres tantum lacinias, & has in alias, divisas, glabris; inter quæ *cauliculus* triuncialis, albis pilis villosus, *florem* præcedente minorem, obsoleti coloris instar vulgaris, sustinens, qui ut & priorum flores, in capitulum hirsutum quod *semen* continet, abit.

Septembri mense florens in Lusatia reperitur.

Locum.

Hæc etiam species ejusdem farinae est cum duabus præcedentibus, quæ si rectè describantur caule nudo ad hunc locum nostro judicio minimè pertinent: siquidem notæ Anemonarum characteristica carent, quæ est habere caulem non solum *novandæ*, sed & determinatè foliatum, ex unica tantum distinctione: hæc autem folia flori dum adhuc tenerior est calycis vicem suppleant.

\* 12. *Pulsatilla folio Anemones secundæ seu subrotundo* C. B.

C. B. prod.

Radix crassa, nigra, aliquot propagines quandoque fundit: ex quibus prodeunt folia pediculis oblongis, hirsutis donata, instar Anemones Bulbocastani radice, subrotunda, infernè & per marginem levi lanugine candicante, semper in lacinias tres latas, & hæ in alias bifidas vel trifidas, minus profundas secta: inter quæ *caulis* emergit pedalis, subhirsutus, infra medium angustis foliis (qualia & flori subjiuntur) cinctus: *florem* subcaeruleum, septem foliis donatum, & reliquorum more in pappum abeuntem sustinens.

Ex Lusatia accepit C. Bauhinus. Miror Bauhinum folia in hac specie qualia in medio caule flori etiam subiecta scribere, cum *Pulsatillæ* genuinæ *flos* calice careat, nec ulla ei subjiuntur folia. Intribus præcedentibus generibus nullorum meminit in caule foliorum, quæ sunt hujus generis nota characteristica, omnibus in universum Anemones speciebus, quibus *Pulsatillam* accensentis, conveniens. An fortè iis careant, ac proinde hujus generis non sunt?

*Flos* proculdubio sex tantum petalis naturaliter donatus est, quod septem habeat accidentarium est & quodammodo monstruosum. Breynius etiam non nisi sex ei attribuit.

*Pulsatilla*



*Pulsatilla polyanthes violacea Anemones folio Breynii, eadem præcedenti.*

*Breyn.*

Radice nititur nigrâ, crassâ, non admodum profundâ, inferius in plures tenues ramos & fibras, superius in multa capita diffusâ: quæ novo Vere statim post solutas nives, imò nonnunquam sub illis caules multos sesquipalmes & dodrantes, rotundos, inanes, albis tenerisque pilis planè hirsutos emittit: horum quivis paululùm ultra medietatem coronulâ in lacinias plurimas dissectâ, extrinsecus perquam villosâ, intrinsecus glabrâ & venulis striatâ cingitur; in extremitate *florem* Pulsatillæ vulgaris quidem formâ & hirsutæ æmulam, sed longè ampliorem, è foliis sex latis, cœruleis vel violaceis compositum gerens spectabilem, odoris dulcis; cujus medium globus ex densis capitula lutea gestantibus constipatus *staminibus*, occupat: Hujus è centro capillamenta rursus densa & mollia, in cuspide, vel penicilli in morem conjuncta prorumpunt, sensim decedente flore altius sese ac latius, in globo villosâ cæsarie comoso & incanescente, expandentia; ac in cujusque infima cæsariei parte *semen* exiguum, longiusculum parvo in pericarpio villosò complectentia. Folia præterlapso floris tempore primum se conspicienda offerunt *Anemones hortensis latifolia simpliciflore* 3. Clus. latioribus foliis proxima, longis pediculis hirsutis suffulta in lacinias tres primarias ad pediculum usque divisa, & hæ in alias bifidas vel trifidas minùs profundas, quarum unaquæque iterum in anteriore parte dissecta: hæc folia justam consecuta perfectionem venosa, dura, rigida & præcipuè subtus sunt hirsuta.

*Locus.*

Asperis sterilibus & incultis Borussia ac Cassubia gaudet locis, ericetis sylvarumque marginibus. Variat floribus candidissimis, & interdum pulchrè rubentibus.

Hanc præcedenti eandem esse suspicatur Breynius, & meritò, nam proculdubio eadem est.

Ostendit nobis D. Hansius Sloane Pulsatillæ cujusdam à D. Magnol inventæ quinque circiter leucis à Monspelio, & in hortum suum translata caulem cum flore exsiccatum; quam Pulsatillam polyanthen Breynii esse conjectabatur. Radix Pulsatillæ vulgaris similis: Florendi tempore & foliis postnatis cum ea convenit. Caulis elatior est, valdè hirsutus coronulâ foliorum variè dissectorum, lanugine alba, longa pubescentium in medio cinctus.

\* 13. *Pulsatilla flore obsoleto, caule nudo Breynii.*

*Breyn.*

Radice ac foliis Pulsatillæ vulgari flore obsoleto persimilis; præter caules, qui nudi planè, nec ulla redimiti coronulâ, cujus summo contra *flos* multo major, magisque patulus, è colossino obsoletus, foliis octo constructus, ac innumeris crocos flavos gerentibus *staminibus* præditus, gloriose infidebat. Huic plumosa congeries cum semine à præcedente nihil diversa tandem succedebat.

*Locus.*

Ex Cassubia montibus initio Maii ad Autorem descriptionis allata est hæc Pulsatillæ species, qualem nec antea nec post vidit.

Suspicio ego plantam fuisse monstrosam, & individualement, à congenerum norma abludentem; maxime quod nullam habuit in medio caule foliorum coronulam, qualem in omnibus quas vidimus hujus generis plantis semper adesse observavimus; nisi fortè ad Caryophyllatas referenda sit.

*Vires.*

Ab Empiricis id compertum habet Brunfelsius, quòd Pulsatilla vulneraria sit herba. Quòd per Alembicum destillata aquam vulneribus mundificandis curandisque præster utilissimam, quæ & putridam carnem erodat. Cum autem gustu sit acerrimo magis externis quàm internis partibus corporis adhiberi debet, ut rectè Tragus.

Matthiolus radicem subdulcem esse ait, unde non longè abest à temperato. Sunt qui eam maxime præferant contra pestilentia contagia, & pota venena & virulentorum animalium ietus, si cum vino bibatur drachmarum duarum pondere, quare in Antidotis additur. Tragus radicem siccata sterutamenta ciere, crudam verò manu pituitam elicere scribit, quæ arguunt eam procul abesse à temperie.

# HISTORIÆ PLANTARUM

## LIBER DECIMUS TERTIUS,

Herbas Pomiferas & Bacciferas complectens.

### PARS PRIMA.

*De Herbis Pomiferis.*

**P**OMIFERAS voco quæ fructus plantarum omnium maximos producant [non omnes illarum species, sed aliquas] cortice crasso tectos quo à Bacciferis distinguuntur, quarum fructus membranâ duntaxat tenui vestiuntur, flores nudos, monopetalos, margine quinquepartito, summo fructui infidentes.

*Herbæ Pomiferae sunt vel*

*Capreolatae, pulpâ seu carne*

*Dulci vel insipida, semine*

{ *Thyreoides*, duobus in summitate eminentibus angulis velut cornuto, flore albo; *CUCURBITA*.  
Ad *marginis æqualis* absque eminentiis,

{ *Magno*, lato, rhomboide,

{ *Albo*, lineâ circa margines elatâ cincto, fructu maximo; *PEPO*.  
{ *Nigro*, nulla in margine elatâ lineâ, in medulla fungosâ aut rubente pulpa latitante; *CITRULLUS*, *Anguria*.

{ *Minore*, semine per maturitatem

{ *Albo*, angusto, oblongo, nucleo pineo nonnihil simili, fructu majore

{ *Æquali*, tuberculis non exasperato, moschum redolente, carne delicata; *MELO*.  
{ *Tuberculis spinosis bullato*, carne magis insipidâ & aqueâ, feminibus pulpâ humidâ copiosâ contentis; *CUCUMIS*.

{ *Nigro* aut pullo, minore & brevior, fructu itidem minore

{ *Undique hispido*, Olivæ figurâ, qui per maturitatem à pediculo avulsus cum impetu semina ejaculatur, pulpa purgatrice; *CUCUMIS asininus*.  
{ *Verrucosis tuberculis asperato*, minimo per maturitatem puniceo; *BALSAMINA mas seu cucumerina*.

*Amarâ*, pulpâ intus fungosâ levissimâ, semine parvo albo duro; *COLOCYNTHIS*.

*Capreolis carens*, fructu clypeiformi; *CUCURBITA clypeata seu Melo-pepo clypeiformis*.



## CAP. I.

## De Cucurbita.

**C**ucurbita nomen huic plantæ inditum existimat Scaliger à curvitate, geminatâ primâ, ut in *Cacula populus*. Mihi (inquit Vossius) non displicet Nunnefii opinio, qui censet corruptum esse ex *Colocyntha* *ἡ γὰρ μαρτυρεῖται*.

Notæ ejus characteristicae sunt semen thyreoides, duobus in summitate eminentibus angulis velut cornutum, flos albus, cortex fructus durus & q. lignosus.

Amant Cucurbitæ mirum in modum aquas, nam si propè in patens vasculum aqua subjiciatur à quinque vel sex digitorum intervallo ante posterum diem adrepentes cognoscuntur descendisse. *Matth.*

Sine semine nascuntur si per triduum antea spargenda semina oleo Sesamino macerentur.

Mulieres menstruæ vel solo aspectu tenellas enecant cucurbitas. Horum fides sit penes Autorem, nobis neūtiqum probantur.

Cucurbitarum semina quæ proxima collo fuerint proceras pariunt, quæ in medio rotundas, quæ in lateribus crassas brevioresque, quæ in fundo latas, si Veteribus credimus.

Siquis in Cucurbitam crudam excavatam infusum vinum per noctem sub dio exponat, & temperatum jejunus bibat, leviter alvum mollit: ut habet Dioscorides, & confirmat Tragus.

Caterum Zuccha nomen Italicum quo Cucurbitam vocant, à Græco *Σακχα* deductum videtur.

1. *Cucurbita longa*, folio molli, flore albo J. B. *oblonga*, flore albo, folio molli C. B. *longa* Park. *anguina* Ger. *The long Bourb.*

J. B.

Vitculas digitali crassitudine, angulosas, orgyas aliquot longas è radice tenera candida, in multas tenues partes distractâ emittit, quæ per terram sparguntur, alioqui pergulas & perticas capreolorum ope scandunt. *Folia* rotunda pedem aut sesquipedem lata [ in fecundo, aprico & humido solo ] molli lanugine tomentosa, crenis subinde nonnullis per ambitum incisa, ex pediculo tereti, oblongo, concavo. *Flores* nivei candoris, liliacei, quinquepartiti, intus villosi, exterius breviori pilo obiti. *Fructus* delapso flore in insignem adolescit magnitudinem, pedes quinque aut sex longus, cervice crassa, in ventrem modicè turgescens, qui siquid quod resistat offendat, curvatur. *Cortex* recenti tener, herbaceus, adulto durus, flavescent; medullâ albâ insipidâ, modicè fungosâ. *Semina* uncialis longitudinis ferè, longa, plana, compressa, una parte lata, duobus angulis conspicua, infernâ quâ germinare solent, plures angulos habentia, & sub tunica duriuscula, alba, medullam includentia albam, dulcem, esui gratam.

Accuratissimam omnium hujus plantæ partium descriptionem vide apud J. Bauhinum è Cordo descriptam.

2. *Cucurbita latior*, folio molli, flore albo J. B. *major sessilis*, flore albo C. B. *lagenaria* Ger. *major* Park.

Dodonæus hanc describit latiore, ventricosam & crassam, absque collo, & inferiore fede latiore, pyri turbinatam figuram quodammodo referentem.

3. *Cucurbita lagenaria* J. B. *lagenaria sylvestris* Ger. *lagenaria*, flore albo, folio molli C. B. *lagenaria minor* Park.

J. B.

Non variat foliis & flore à longa prius descripta, verum fructu plurimum differt, collo angusto, ventrèque crasso lagenas & phialas representans. *Semina* putamus magis fusca esse quàm longarum.

Lagenariæ has observavimus differentias.

1. *Lagenaria* mediocris magnitudinis, longiusculam valde virentem, maculis luteis conspersam. Hæc saccharo conditur.

2. Minorem, maculis albidis insignem.

3. Magnam, longo collo constantem, virentem, maculis luteis notatam.

4. Collo multo longiore, colore pallido, albisque maculis ornatam.

5. Mediam inter longam & lagenariam, corpore crasso, rotundo, magnitudinis circiter capitis, collo tenui, cubitum pænè longo.

6. Vulgatiorem majorem luteam, albedine conspersam.

Alias Cucurbitarum seu species, seu varietates tradit, & describit J. Bauhinus, quarum titulos hic proponemus.

1. *Cucurbita longa*, flore albo, protuberante ventre.

2. *Cucurbita lutea* cortice tenero. Hæc ad aliud genus, *Peponum* puta, pertinet.

3. *Cucurbita ovalis* ferè, variegata parva.

4. *Cucurbita pilâ palmariâ* non multo major, rotunda.

- \* 4. *Cucurbita capitata Tabernemontani, sive clypeiformis* J. B. *syvestris fungiformis* Ger. *capitata* C. B.

A præcedenti [ *Cucurbita* vulgari ] differt *foliis* in lacinias aliquot sectis *Vitis* instar; fructu subrotundo, superius depresso, fungiformi, subtus concavo ( ni pictura fallat ) cum ea convenit foliis mollibus, lanuginosis, floris colore niveo. Si modo rectè descripta sit, ad hoc genus propriè pertinet.

*Cucurbita* sitim sedat, urinam ciet & ventrem movet, semen genitale minuit, & Veneris appetentiam extinguit.

In cibis usurpatur hoc modo præparatus. Interiorem & candidam substantiam una cum mollibus & immaturis feminibus bulliunt, posteaque minutim concisa, cum cepa, butyro & sale coquunt. Hic cibus cum *Brassica capitata* confissa & cocta ferè convenit, macilentisque hominibus prodest. Itali in frusta concisas, in jure decoquunt. Boni saporis, & succi laudabilis, & febricitantibus etiam convenire hoc modo paratæ nobis visæ sunt, frigefaciunt enim & emolliunt.

*Cucurbita* convenit viribus cum *Cucumere*, tam in qualitatibus carnis quàm in seminis facultatibus. Folia recentia puerperarum mammis adhibita, monente Matthiolo lac imminuunt.

Semen recensetur in numero 4 frigidorum majorum.

Aqua stillatitia è fructu immaturo fert opem omnibus inflammationibus externis, oculorum, aurium, podagricis: intrinsecus quoque mirabiliter æstum corporis mitigat. *Schrod.*

Ad faciei ruborem, & Nucleorum Persicarum ʒiij. Sem. *Cucurbit.* ʒij. Ex his fiat oleum per expressionem, quo facies liniatur. Experimento probatum ait Alexis Pedemontanus. *D. Hulse è Chesneau.*

- \* 5. *Cucurbita Brasiliensis* Curuba dicta Marggrav.

*Marggr.*

*Caulis* sarmentosus est, humi repens aut scandens *Cucurbitarum* modò, ac capreolis suis vicinis arboribus aut pedamentis se annectens. *Folia* hinc indè *Cucumerum* modò ad semipedalia intervalla apposita habet, singula suis pediculis tres aut quatuor digitos longis, insidentia, in lacinias divisa, inferius hirsuta, uti & *caulis* & *pediculus*, albicantia, supernè viridia & glabra, splendentia, circumscripta, septangula aut octangula, sex aut septem digitos longa, & totidem lata aut paulò latiora. Inter folia in propriis pediculis nascuntur flores. Floris autem rudimentum est corpusculum conicum, ex viridi subflavum, in quinque foliola ex viridi flavescentia, deorsumque incurvata desinens. Ex hoc corpusculo prodit *flos* magnus, crassis foliis, exterius glabris, interioribus hirsutis, dilutè flavus, & exterius lineis seu striis virescentibus secundum longitudinem distinctus; plusquam semidigitum altus, unico folio constans, verum ultra medietatem in quinque lacinias secto, ellipticæ superius figuræ; in medio corpus rotundum flavi coloris, magnitudine *Avellanæ*, quod speciem præbet intestinorum vituli, constatque tribus partibus separabilibus. Fructus longus est circiter quindecim digitos, undecim crassus, cortice glabro ut *Pepo*, ex rubro purpureus. Caro seu pulpa ad flavedinem accedit, odoris dulcacidi instar *Pyrorum* agrestium, saporis ingrati, ideo non comeditur. Semen continet copiosum, figurâ & magnitudine *Cucurbitæ* seminis, sed quod exterius in superficie suâ fusco est punctulatum in obscure flavo.

## C A P. II.

### De Pepone.

**P**eponem dictum volunt *indè qd mavisdu* maturefcere, eò quòd maturitate flavescant C. B. *Pepo* à reliquis pomiferis distinguitur totius plantæ foliorum, florum, fructuum magnitudine, sed præcipuè semine rhomboide lineâ circa margines elatâ cincto.

1. *Pepo vulgaris. Cucurbita foliis asperis sive Zuccha flore luteo* J. B. *Cucurbita major rotunda, flore luteo, folio aspero* C. B. The common Pumpion, called by the vulgar, The Melon.

*J. B.*

Flagellis sarmentive longissimis, canaliculatis, modicè concavis, crassitudine pollicari, asperis, latè vagatur, & perticas, siquas nacta est, capreolorum innixu & voluminibus scandit. *Folia* larga, *Cucurbitæ* flore albo longè majora firmioraque, ficulneis lacinis, aspera, atro virore splendentia, & per ambitum serrata, ex pediculis dodrantalibus, solidis, modicè canaliculatis & spinulis horrentibus. Flores nonnihil odorati, fundo acetabuli instar, in quinque folia *Liliaceis* majora dissecantur, intus crocea & lanuginosa, foris ex croceo in herbaceam tendentia, costisque & venulis eminentioribus herbis rugosa, brevissimis pilis donata: medium florem occupant quæ aliarum plantarum apicibus respondent, crocea, bisulci animalis pedem exprimentia. Fructus & formâ & magnitudine & colore subinde variant. Est enim vel longus, vel compressus, vel globosus, vel pyramidalis, cortice duro & velut lignoso, colore viridi, aut in viridi subnigro, notis albis maculoso, vel striato, carne tenerâ, albâ, subdulci, non usque adeò insipida ut in *Cucurbitis* flore albo: semine cineraceo [ potius



tius albo ] magno, oblongo, altera parte anguloso, alterâ obtuso, juxta cujus margines circumcirca linea alata costæ instar, pulpâ candidâ, dulci & suavi.

Varia hujus genera sunt, magnitudine, facie & colore differentia. Multa recenset J. Bauhinus, quæ specie inter se differre mihi vix persuaserit: cujusmodi sunt

1. Cucurbita aspero folio, flore luteo, fructu semiarcu in morem intorto.
2. Cucurbita verrucosa C. B. Ger. Park. quæ non alia in re à precedentibus differt, quàm fructu verrucarum modo nodis plurimis tuberoso.
3. Cucurbita sessilis, flavescent, folio aspero.
4. Cucurbita sessilis, albicans, folio aspero.
5. Cucurbita medio crocea.
6. Cucurbita aspera mediæ magnitudinis, turbinata, variegati coloris.
7. Cucurbitæ turbinatæ majores.
8. Cucurbita aspera, pyriformis, parva, alba. Hanc foliis laciniatis describit: fructu albo, polito, quinque aut sex uncias longo, superius angusto, infra ventrioso, quem manu completi possis.
9. Cucurbita aspera minima turbinata pallida.
10. Cucurbita aspera turbinata, subcrocea.
11. Cucurbita aspera ovalis, flavo colore.
12. Cucurbita aspera pugillaris, ex rotundo oblonga.
13. Cucurbita aspera minuta sphaerica, crocea, variegata. An Pepo rotundus Melonis effigie?
14. Cucurbita alba aspera, fructu longo collo.
15. Cucurbita lagenam exprimens parva aspera.
16. Cucurbita alba verrucosa.
17. Cucurbita verrucosa parva.

Harum descriptiones si desideras J. Bauhini historiam adeas: nos eas huc transcribere non necessarium duximus: siquidem (ut nobis videtur) natura in Peponum, Melonum, Cucurbitarum, aliarumque hoc genus stirpium magnitudine, figurâ, colore, aliisque accidentibus, infinitâ ferè varietate ludat, neque certus sit & determinatus accidentalium hujusmodi differentiarum numerus, sed novæ indies ex semine producantur: ut in aliis nonnullis plantarum generibus, v. g. Tulipis, Caryophyllis, Anemonis, Auriculis Urli dictis, &c. contingit. Nec tamen huic sententiæ pertinaciter adhaeremus. Fortè enim in hoc genere, ut in Medicis cochleatis, Natura ingentem specierum numerum in regionibus calidioribus producit, quæ in se invicem, non permutantur, sed semine satè suam singulæ speciem perpetuò servant.

Vires.

Est, inquit Dodonæus, omnium Peponum natura frigida cum copiosa humiditate: habent autem vim quandam abstergendî, cujus beneficio urinam cient, & deorsum expeditius quàm Cucurbitæ aut Meloepones permeant, ut Galenus scriptum reliquit. Editur autem caro Peponum haudquaquam cruda, sed cocta: Descendit autem sic omnino faciliter, alvum facilem & quodammodo lubricum reddens. Alimentum autem confert exiguum, tenue, humidum frigidumque (vitiolum inquit Galenus) idque potissimum cum probè concocta non fuerit: quo casu Cholera morbo obnoxios efficere solet.

Nostrates pulpam in frustra concisam vel in jure carniū decoquunt, vel in lacte, atque ita vel cum ipso lacte, vel exempta & cum butyro condita seorsim esitant. Alii exemptis seminibus & humidâ interiore pulpa, pomis concisis cavum replent, & operculo tectos in furno coquunt, adeoque pulpam cum pomis mistam & probè subactam, butyroque conditam libenter comedunt: vulgus etiam in deliciis habet.

Semina sunt è numero quatuor frigidorum majorum: eorumque usus est in emulsionibus ad conterendum febrilem calorem. Urinas promovent & renibus calculo infestatis utilia sunt. Videntur autem renibus prodesse non tam absterfione quàm lenitione, ex sententia Casp. Hofmann. quam præstat, inquit, unctuositas eorum. Hæc ipsa faciunt opus suum in tussi calida & acri, in exulcerationibus & inflammationibus internis; quamvis in his suspecta sit oleositas.

2. *Cucumis, rectius Pepo, Ægyptius reticulatus seu Luffa Arabum Vellingii.*

Velling.

Foliis induitur hispidis, fuscâ viriditatem pallore hinc indè diluentibus, divisuris inæqualibus profundius laciniatis, Bryonix vel potius Balsaminæ maris folia æmulantibus. Florem educat amplum, specie venustum, languidam flavedinem striatim inducto aureo pigmento largius circum oras saturante. Idem stamina capaci sinu plurima submittit, quibus appendices [ forte apices ] grandiuiculus flavescentque connectit. Cæterum instructa numerosis capreolis planta, quaquaversum repatabunda, proxima quæque cincinnis suis implicat. Fructum promit semipedalem ab angusto collo paulatim laxius tumente ventre gravidatum, superficie modo lævior, modò tuberculis passim verrucosior. Cortice velatur tenui, ex obscuro virore pro maturitatis gradu plus minùsve flavescente. Eam vel nulli, vel tenues saltem excavant sulci: in longitudinem tamen atris lineis eleganter inscriptus, à colli principio ad umbilicum tanquam centrum suum commeantibus. Cum fructus bene maturus, cortice remoto innumera in conspectum veniunt albicantia filamenta, succosior medullâ stipata, miro adeò ordine contexta omnia, ut planè fateri necessum sit, non esse hoc rude & tumultuarium opus, sed quod egregius artifex cogitaverit prius quàm fecit. Idque evidentissimum evadit, cum tabefacta jam pulpa simplicem plexum inspicit. Sinum plexus hic triplicem efformat in longitudinem, in quo semina copiosa, candida, cortice nonnihil inæqualia, lactescente verò medulla Melonum æmula junctim asservantur.

In horto Arabis cujusdam propè Cairum urbem crescentem vidit Velling. qui Luffam appellabat: Vellingius ipse ob plexum mirabilem quo semina inclusa circumdat Cucumerem Ægyptium reticulatum nuncupavit. Morisonus noster rectius ob semina elatiore limbo circumdata Peponibus vulgò dictis annumerandam censet.

Arabs



Arabs prædictus, in balneis publicis, dempto cum semine cortice, plexum filamentorum succo suo madidum tergendis corporibus adhiberi confirmabat, quorum cutem morphæa fœdæque vitilignes infederunt, malum Ægyptio vulgo familiare.

- \* 3. *Pepo Indicus minor angulosus Tabern. J. B. Pepo minor angulosus C. B. Indicus angulosus Ger.*

*J. B.*

Hujus fructus utrinque tuberosus & extumescens, latus est uncias quinque & quatuor ferè longus; petiolum habet inflexum exasperatum & quinquangulum, striis per longitudinem aliquot sulcatum, regio amplior (cujus medio infixus hæret petiolus) multis costis, modò majoribus, quasique geminis, modò minoribus, sinumque aliquem latum inter majorum interstitia relinquentibus inæqualior quidem, non tamen aspera reddita est; costæ ipsius majores plurimæque à medio petioli centro deflectentes, versùsque ventrem excurrentes undique prominent, altera verò parte, quæ floris regionem spectat, iisdem quoque sulcis à costis latioribus inculcatis, & zonæ instar transversim Cucurbitam amplectentibus donata est, sed in eo distat à priori regione pediculum respiciente, quòd hæc tuberosa cum sit, non tamen in fastigium ita strictum confurgat, sed latius, ut aliquo modo sessilis inibi evadat, circa verò ventris extuberantiam depressionem fortiatur, quæ in altera regione ipsi adjacenti minimè conspicienda exhibetur, quia rectà ad pediculi culmen usque fastigiatur.

De hac se nihil habere certi & notatu digni scribit J. Bauhinus, suspicari tamen se ex icone & nomine esse eam genus aliquod Cucurbitæ folio aspero, dubitare etiam an bene hic posuerit.

- \* 4. *Pepo Brasiliensis furumu dictus, Lusitanis Bobora Marggr.*

*Marggr.*

Folia fert ferè similia nostratibus Peponibus, & florem quoque flavum quinque foliis constantem [potius monopetalon margine in quinque lacinias secto.] Fructus magnus est, orbicularis, compressus, striatus, coloris exterius cinnabarii cum plurimo albo mixti, interius autem crocei: Semen album quale nostratibus. Boni saporis est fructus coctus seu etiam assatus sub cineribus.

- \* 5. *Melones (rectius Pepones) aquatici edules Virginiani Ger. emac.*

*Ger. emac.*

Sarmentis five flagellis in longum excurrentibus & latè se diffundentibus, foliis, floribus & claviculis Peponi vulgari persimilis est & æqualis hæc planta. Fructus ex obscuro viridi nigricat, in longum quatuor propemodum uncias extenditur, in latum tres, neque major neque longior Malo vulgari majusculo; secundum caules è foliorum sinibus à radice ad summos usque ramulos exiens, carne, pulpâ interiore & feminibus planis vulgaris Peponis. Radix albicans ramulis longè se diffundit in terra, & primis statim pruinis corrumpitur.

Descriptio est D. Goodyeri apud *Ger. emac.* à nobis Latina facta.

- \* 6. *Macocks Virginiani five Pepo Virginianus Ger. emac. Pepo Virginianus C. B. The Virginian Water-melon, or Pumpkin.*

*Ger. emac.*

E radice alba in ramos latè se spargentes divisâ, ad primum brumæ accessum intereunte, sarmenta fundit aspera, angulosa, striata, humi procidua, octo aut novem pedum, & etiam longiora, in ramos divisâ, colore ex viridi nigricante, latè solum occupantia. Folia lata, angulosa, aspera Peponis vulgaris magnitudine æqualia, & similia, crassis, longis, hirsutis pilosis pediculis infident: claviculis donatur. Flores ampli, flavi, rugosi, Peponis vulgaris similes: quibus secundum caules succedit fructus, non propè radicem, sed versùs summitates plerumque, subrotundi, non in longum extensi sed compressi, longitudine tres uncias latitudine quatuor rarò excedentes, colore per maturitatem ex viridi nigricante. Caro interior seu pulpa esculenta ex luteo albicat, copiosam substantiam mollem in medio continens seminibus multis seriatim dispositis intermixtis, Peponis seminibus similibus, sed minoribus.

Descriptio est D. Joan. Goodyeri. Vid. *Ger. emac.* à nobis in Latinum versa.

Nos hoc anno [1685.] Peponem habuimus è semine Macoci Virginiani nomine misso ortam, quæ sarmentis foliis & floribus Peponem vulgarem adeò referebat, ut vix ovum ovo similis esset. Verum fructus paulò minor erat, colore undique flavicante seu pallido, figurâ oblongâ, utrinque turbinata.

Fortè plura sunt hujusmodi Peponum genera apud Virginianos, quæ omnia communi Macoci nomine insigniunt.

*Peponis species seu differentias sequentes recenset C. Bauhinus.*

1. *Pepo oblongus C. B. maximus oblongus Ger.*
2. *Pepo compressus minor C. B. minor sylvest. Ger.*
3. *Pepo rotundus Melonis effigie C. B. Indicus minor rotundus Ger. Melo Indicus parvus Park.*
4. *Pepo rotundus Aruntii formâ C. B.*



7. *Pepo maximus Indicus compressus* Lob. *Pepo compressus major* C. B. *Cucurbita aspera*, folio non fisso, fructu maximo, albo, sessili J. B. *Pepo* Park. parad.

Fructus magnus, qui interdum pondere ad triginta libras accedit, albus, utrinque sessilis, costis eminentibus & latis distinctus. Folia licet sint aspera admodum, differunt tamen ab aliis, quod non sunt laciniata & fissa, sed rotunda, ferè ad folia Bardanæ accedentia.

Hic, autore C. Bauhino, corticis colore & substantiâ variat; qui enim albido est colore substantiâ est molliore, qui obscurè virenti duriore.

8. *Pepo lagenarius folio molli, fructu virgato.*

Folia ei ampla, Peponis similia, verum mollia & minimè aspera. Flores magnitudine & colore flavo Peponis flores referunt. Fructus Cucurbitam lagenariam majorem, æmulantur collo oblongo angusto, ventre tumido & subrotundo, areolis pulchrè viridibus & albescentibus secundum longitudinem ductis eleganter depicti.

Ex semine ab ornatissimo Viro D. Hansf. Sloane transmissio, præteritâ ætate in hortulo nostro succrevit. Locus natalis nobis incognitus.

### C A P. III.

#### De Colocynthide.

Probabilem hujus vocis Colocynthis rationem apud Grammaticos non invenio: nam conjectura Martini quod ita dicatur, quod sit *καλὸν κωνὴν* esca seu cibus canum, vel quod *καλὴν κινὴν*, alvum movet mihi non arident.

1. *Colocynthis* Ger. J. B. *Colocynthis vulgaris* Park. fructu rotundo minor C. B. **Coloquin-tida.**

C. B.

Notiora Officinis poma hujus quàm herba, quæ per terram sparsa, striatis, asperis flagellis, folia per intervalla profert singularia, pediculis duarum triumve unciarum, vel etiam longioribus hærentia, aspera, incana & hirsuta, præsertim verò parte inferiore, punctis albicantibus notata, laciniata, Citrulli divisurâ, sed minore, ad quorum pediculos exeunt tortiles capreoli, & ipsi quoque hirsuti: flores luteoli; poma pugno æqualia Lob. subflava, virentia, viroscæque: deferuntur exempto cortice flavescente: pulpa candida, fungosa, levissima, amarissima, horrendo & ingenter amaro gustu fauces, viscera, intestinæque lædens, cui immersa semina [sex ordines seminum] parva, compressa, dura, polita, alba, vel rufescentis, vel, ut Dod. sordentis coloris, [Cucumerinorum magnitudine, verum rotundiora, tumidiora, duriora Park.]

2. *Cucurbita sive Colocynthis amara, pyriformis, variegata* J. B. *Col. pyriformis seu Pepo amarus* C. B. *Col. pyriformis* Ger. Park.

J. B.

Longius paulò à Colocynthidis, quàm Officinarum usus recepit, formâ recessit, præsertim foliis: sarmentis longissimis, asperis, canaliculatis, claviculæ beneficio ridicas topiarias conscendentibus: folia Cucumeris, magis laciniato, atrovirente superius & molliore, inferius herbido & aspero: floribus Peponis, croceis: Fructus succedunt pugillares, formâ pyri turbinatâ, viridantes, lirisque albicantibus virgati, consimilibus quoque notis temerè maculosi: carne candida, odoris gravis dum virent, saporis amari intolerabilis, cui semen emergitur copiosum, compressum, candidum, Peponis.

Præter descriptas alias aliquot Colocynthidis sive Peponis amari species proponit & describit J. Bauhinus.

1. *Cucurbita aspero folio, amara, grandis, oblonga, viridis.* Hæc, quod imprimis memorabile est, (si Cordo describenti fides) à geniculis radices in terram demittit tenues, quibus nutriendo fructui succurrit. *Colocynthis oblonga* C. B. Park.

2. *Cucurbita aspero folio, amara, grandis, rotunda, viridis.* A præcedenti duobus tantum differt, 1. Foliis in quinque partes divis. 2. Fructu minore globoso.

3. *Cucurbita aspero folio amara, turbinata, flava, candicantibus lineis inscripta, parva.* Fructus quatuor seminum ordines continet: ipse autem pyriformis est.

4. *Cucurbita oblonga, non angulosa, colore viridi, amara, folio aspero.*

5. *Cucurbita amara magna, folio aspero, colore vario.*

6. *Cucurbita aspera amara, fructu parvo, globoso, colore vario.*

7. *Cucurbita amara parva, mediocris magnitudinis.*

8. *Cucurbita sessilis & compressa, flava, amara.* Accedit ad Melopeponem clypeatum, fructus autem non est fimbriatus.

Vires.

Colocynthis est medicamentum virosissimum, & tantum non mors ipsa, ut Prophetarum filii clamant. 2. Reg. 4. inquit *Casp. Hofman.* Non tantum enim *αποσώματον* est, sed abrais intestinis dysenterias

sententias facit. Violentiam ipsius vel hoc indicat, quòd solo tactu & odore, abundè & cum magna perturbatione alvum dejicit; quod experiuntur qui eam pinunt aut alioqui tractant. Non tantum enim validissimè concutit totius corporis habitum, sed exagitat vi sua malefica omnia viscera, quantumvis diligenter præparetur & corrigatur. Diligentia inprimis illa est, nè detur nisi in malis pertinacissimis, & viribus adhuc integris.

Purgat pituitam crassam & glutinosam aliòsque humores similes è profundis & remotissimis corporis partibus: ut cerebro, nervis, articulis, pulmonibus. Unde commendatur & cum fructu exhibetur in cephalalgia, hemicrania inveterata, apoplexia, epilepsia, vertigine, asthmate, tussi, dyspnœa, morbis articularibus frigidis, dolore colico flatulento, hydrope, &c. ubi, inquit Hofmannus, malo nodo malus cuneus quaerendus est.

In his tamen malis, pergit idem, non subito oportet provolare ad Colocynthis substantiam per os dandam. Quæ enim in imo ventre sunt, in iis ferè sufficit inunctio umbilici partiumque vicinarum. Ubi verò inunctio præstat quod debet, clysteres defectum suppleant. Posthæc antequam substantia detur, infusa vel decocta præstò sunt. Tandem substantia, sed bene correctæ. Ea verò valde operosa est. Prima & potissima consistit in exactissima pulverisatione. Nisi id fiat, partes quædam substantiæ intestinis hærentes, & vasorum ora arrodentes, instar hirudinis sanguinem trahunt. Altera correctio est per pingua & lubricantia, quæ obtundunt acrimoniam ipsius, ut *tragacantha*, *masliche*, *Bdellium*; sed nec lubricantia tantum verum & cordialia, & hepatica & stomachica, adhibenda sunt.

Semen Lobelio constat non tantâ violentiâ ad purgandum quàm caro ipsa sive medulla. Dedimus namque (inquit) multo majorem dosin, quàm medulla, majore commodo, nullo aut longè minori tumultu.

## CAP. IV.

## De Anguria sive Citrullo.

**A**nguria Græcorum recentiorum vocabulum est, eo primùm Aetium usum esse volunt; rationem nominis non invenio: Aliàs Citrullus à Citri luteo colore dicitur.

Ejus notæ sunt semina Peponum similia, nullâ in margine elatâ lineâ, in carne media seu pulpa rubentè latitantia, colore nigricante; Fructus magnus Peponum non dissimilis.

1. *Anguria Citrullus dicta C. B. Citrullus folio Colocynthis secto, semine nigro, Quibusdam Anguria J. B. Citrullus Officinarum Ger. Anguria sive Citrullus vulgarior Park. Citruls.*

*J. B.*

Spargit per terram *sarmenta* fragilia, hirsuta, *foliis* vestita amplis, in profundas lacinias dissectis, asperis & hirtis, è quorum sinu exeunt capreoli, necnon pediculi, *flores* sustinentes luteos, quos *fructus* excipiunt magni & rotundi, quos ferè ambabus manibus ambias: Cortex duriusculus sed lævis, nullis tuberculis inæqualis, atroviridior, dilutissimè virentibus maculis perfusus: caro Cucumeris vulgaris, alba, firma, grati saporis: *Semen* fungosâ medullam occupante substantiâ immergitur, oblongum, latum, compressum, nigrum, rugosum, duriusculo cortice præditum, sub quo medulla alba, esui grata ut Cucurbitarum.

Corticis colore variat, qui aliis viret, aliis subcandidis maculis aspersus est: Caro aliis rubens & dulcior, aliis candida: Semina colore nigro, rubro, fulvo.

2. *Melo aquaticus, Jace Brasiliensibus Marggr. Citrullo affinis Melo Indicus sive Patheca J.B. Melo Indicus fructu oblongo C. B. The Water-Melon.*

*Marggr.*

*Caulem* habet sarmentosum, hirsutum, humi serpentem, & multis capreolis vicinis adminiculis se affigentem. *Folia* profundè laciniata & incisa, longa, striata, Angurix Matthioli ferè similia, quodlibet insidet pediculo sesquidigitum ferè longo, & caule humo affixa erecta stant folia. *Flos* parvus, flavus, pentapetalos, umbilico flavo. Fructus rotundus seu globosus, vel etiam ellipticus, cortice viridi, magnitudine capitis humani, aut paulò major vel minor, carnem habens albam & in medio rubram (nimirum ubi semina jacent) seu sanguineam, succulentissimam, boni saporis: tantam autem copiam aquæ dulcis frigida, ut inter edendum tanquam è poculo hauriri possit. *Semina* continet multa cucurbitarum magnitudine & figurâ [imò Peponum non cucurbitarum figurâ, nisi latè Cucurbitæ nomen sumat pro Pepone] in quibusdam coracini, in aliis ruffi coloris, quæ inter frigida majora usurpantur.

Amat solum sterile & arenosum, sed si arenâ fimo mixta teratur felicissimè provenit & fructus *Locm.* fert ingentis molis.

Fructus hi sunt quos in plateis urbium Italicarum venales circumferunt æstivo tempore, *Cucumere* & *Freddo* proclamantes. Pulpâ rubente circa semina & seminibus eidem immixtis pleni sunt, nullâ in medio fungosâ substantiâ aut cavitate reliquâ.

Quære an Melones aquatici edules Virginiani *Ger. emac.* à D. Goodyero descripti, superius traditi caulibus sarmentosis latè diffusis, foliis, floribus, claviculis Peponi vulgari similibus & æqualibus, verum fructu Pomum grandiusculum magnitudine non excedente, pulpam & semina compressa Peponis



Peponis familia continente, huic iidem sint, fructu ob climatis nostri frigiditatem in magnitudinem non proficiente.

Vires.

Anguriae fructus, (inquit Matthiolus) frigidus est & humidus, siti arcendae aptissimus. Quo fit ut Itali, ardente Sirio, ejus pulpâ internâ se refocillent. Confert ardentibus febribus & linguae ariditati quàm maximè. [Species illa quâ Itali aestivo tempore utuntur, cuiusq; esum etiam febricitantibus permittunt, est Melo aquaticus dicta: Qu. an hæc, an diversa species sit quam in Ægypto in tantam excrescere magnitudinem aiunt ut unus requirat unum hominem. Ad quas certis Cayri locis sedet venditor, qui prætereuntibus ex cochleari præbet succum.]

Anguriae usus illis convenit qui tenuis & imbecillis sunt temperamenti, macri & exangues; quibus acidæ potiones non conveniunt quæ maciem magis augent.

Semen Citrulli est è numero quatuor frigidorum majorum, cum quibus temperamento & viribus omnino convenit, ut eadem repetere non sit opus.

Citrulo vel Meloni Indico accedens Camolanga, J. B. adeò breviter & obscurè describitur ab iis qui de illo scripserunt, ut nihil certi & distincti quo innotescat inde colligere possimus.

### 3. Anguria carne lignosa C. B. Park.

Cæs.

Carne est intus lignosa, atque adeò dura ut pilæ modo resiliat, nec frangatur projecta.

### 4. Anguria Ægyptiaca C. B. Park. cujus superius meminimus.

Fructus hi nostratibus Anguriis majores sunt: Inveniuntur tantæ magnitudinis, autore Bellonio, ut tres quatuorve Camelo, unus homini onerando sufficiat, cortice flaviore, quæ intus semina tantum & aquam dulcissimam continent. *Alpin.*

5. Meminit insuper Parkinsonus noster alterius speciei, quam Anguriam Americanam versicolorepelle vocat, quæ à Citrullo vulgari differt colore viridi maculis & lituris albis variegato; pulpa seu carne interna nonnihil firmiore & durabiliore; semine deniq; longiore majore, rubicundiore, læviore & splendidiore.

## C A P. V.

### De Melone.

**H**oc genus (inquit C. Bauhinus) Palladius Melones quasi *μῆλωνες*, i. e. pomeos à Malorum figurâ appellavit, vel fortè ab odore.

Semine albo, angusto, oblongo nuclei pinei æmulo cum Cucumere convenit; fructu majore non spinoso, moschum redolente, carne delicata ab eodem differt.

### 1. Melo Ger. J. B. Park. vulgaris C. B. The Muskmelon.

J. B.

Sarmentosis asperisque & longis caulibus per terram se spargit: *foliis* asperis, angulosis sed minus quàm Cucumerum, quorum respectu rotunda dici possent, quibus magnitudine videntur cedere: è quorum sinu *flores* emicant lutei, Cucumerinis similes, floribus Pomorum Amoris pares [imò majores] indidem plures, unâ cum intortis capreolis; quos excipiunt *fructus* nonnihil pilosi, omnes ventriosi, modo sublongam, aliàs contractiorem rotundam figuram obtinent, majores & minores, torofi & canaliculati, in superficie aliquas velut à tineis corrosas femitas reticulatas habentes, colore virente & cinereo, cortice duriore quàm Cucumeris. Caro subest per maturitatem coloris Melini, mucilaginosâ, humida, defluens ubi nimium matura, sapore suavi, moschum subinde redolens, aut saccharum resipiens. Medullium occupat mucilaginosâ quâdam substantia, cui immerguntur semina, Strobilis quodammodo familia, minora, candida, sapida, numerosa.

Multiplex in fructu est differentia, non tantum colore cutis, carnis, saporêque & odore, verum etiam formâ oblongâ, sessili, &c.

### 2. Melo Hispanicus Ger. J. B. magnitudine sola à præcedente differt.

### 3. Melo rotundus parvus C. B. moschatellinus rotundus parvus & pyriformis J. B. Melo saccharinus Ger. Colocymbidem aut Arantiam vix superat, odore Moschi, sapore delicatissimo.

Meminit J. Bauhinus præterea *Melonis reticulati*; *Melonis turbinati*; *Melonis magni cortice virente lævi, semine parvo*; & tandem *Melonis longi*, longitudinis circiter quatuor palmorum, incurvi ut cornu vaccinum, &c. quarum descriptiones qui desiderat, ejus historiam adeat.

4. *Melones Abdelavi Egyptii* J. B. *Melo Egyptius* C. B. item *Melo Egypt.* ejusdem.

*Alpin.*

Planta à nostratibus non multum differt, sed fructus fert oblongos, acutos extrema & medium valde crassum habentes, Baobab alibi narratis fructibus proximos.

Horum usus ad cibum haud multum jucundus percipitur, cæterisque omnibus insipidiores & molliori pulpâ observantur. Habent tamen semina quæ aliis omnibus ad refrigerandum magis præstare putant. Qua de re omnes ea plus aliis in usu frequentiori habent; aliorum Melonum semina parvi facientes.

Veslingius fructum quâ parte ramo suo adhæret anguino flexu prius incurvari scribit, sensim deinde ventre gravido intumescens, versus alterum extremorum denuo gracilescere: Sulcis tenuibus interdum in longitudinem exaratum esse, cortice molli tenui, maturoque jam fructu rufescente; non eâ saporis gratiâ ut lautiorum aliquis ipsum mensâ dignetur.

Melones quamvis in deliciis habentur apud gulæ proceres, eorum tamen pulpa frigida est & humida, in ventriculo putrescere apta, febribus ac torminibus generandis idonea. Ego facile Dodonæo concederem Melones difficilius concoqui quàm Cucumeres, quantumvis J. Bauhino contrarium videatur, ob carnem odoratam; quodque ipse qui ventriculo laboravit frigido & pituitam coacervante, non semel observaverit, cucumeres sibi facile nocere, ventriculo difficulter eos concoquente, ructu diu post esum eisdem resipiente; cum Melones semper sine manifesta comederit noxa. At nos è contra nullum unquam ex esu Cucumerum nocumentum sensimus, at ex Melonum maximum non semel. Quocirca hæc fortasse idiosyncrasia tribuenda sunt. Ne Melonum caro in ventriculo vitiatur & noxam inferat, cum Sale & Pipere comedenda est (Alii Saccharo solo utuntur) & vinum copiosè superbibendum.

*Usus in cibis & Medicina.*

Semen est è numero quatuor frigid. maj. cum quibus viribus in omnibus convenit. Lac Melonum præstantissimum in febribus ardentibus remedium censetur. Seminum autem medullam aquâ fontanâ aut alio aliquo liquore congruo prius contusam per cribrum setaceum emulgent angustissimum, aut pannum ad institutum accommodatum. Seminis hic cremor febrientibus utiliter, teste Matthiolo, ex hordeacea ptisana propinatur. Datur etiam tussientibus, tabidis & marasmo affectis, atque etiam contra urinæ ardores valde prodest.

## C A P. VI.

### De Cucumere.

CUCUMIS vocem nonnulli à curvatura deducunt, unde Maro

— tortusque per herbam  
Cresceret in ventrem Cucumis.

Sed verius Scaliger à *Κκωδς*, quæ vetus Græcorum vox est. *Κκωδς* autem inquit Vossius, suspicor esse ab Hebræo *קקפ* i. e. Cucumis.

Notæ Cucumeris sunt Fructus tuberculis spinosis bullati, semina pulpâ humidâ copiosâ, gelatinæ æmulâ contenta.

Fructum hunc non fuisse Cucumerem Antiquorum, verum iis incognitum multis argumentis probat Casp. Hofmannus. Vide *Medicam. Offic.* lib. 2. cap. 76.

Ego certè, cum in Italia peregrinarer, miratus sum Italos hunc fructum Citrullum appellare, Melones autem aquaticos & Pepones, Cucumeres.

*Κκωδς* nomen apud Græcos, quemadmodum Cucumeris apud Latinos generale nomen est omnium horariorum fructuum, videlicet Peponum, Melonum, Cucumerum, Anguriarum & cæterorum ejusdem generis, ut Guilandinus quoque notavit. C. B.

1. *Cucumis vulgaris* Ger. *sativus* Park. *sat. vulgaris* C. B. *vulgaris, viridis & albus* J. B. **Cucumber.**

J. B.

Ex radicibus rectis multisque candidis capillamentis fibratis; hirtis sarmentis, crassisque humi fufis alternatim adnascuntur folia, palmi unius aut alterius quaquaversum amplitudine, tactu aspera, angulis hederaceis cæsa, & serrata, scandentia, Melonum foliis asperiora, & majora latioraq. [ & magis angulosa ] è quorum alis capreoli exeunt & flores, Lob. liliacei, ex luteo pallentes, conniventisque noctu aut marcescentes Volubilis ritu, quinquepartiti, semenciâ majores. Fructus oblongi, utrinque turbinati, viridanti colore aut albo. (Viridantes autem ubi maturi flavescent) semipedem longi, parum ventricosi, angulosi; verrucosis, subnigricantibus tuberculis asperati, cortice teneriore, carne duriuscula, candida, transparente, laxa, sapore non ita grato ac Melonum, sed peculiari quodam & agresti Trag. semine copioso, pineolis putamine exutis accedente, Melonum seminibus adeo simili (teste Lobelio) ut neutiquam, nisi quia angustius, [non omnibus Melonibus] & pusillo apiculo subtus protenso donatum est, discrepet, medullâ lactescente, admodum suavi & multi usûs Officinis.

Carnem



Carnem hic vocat pulpam illam interiorem feminibus intermixtam, cum caro potius dicenda sit substantia illa alba, crassior & firmior cuti proximè subjecta, ut in aliis Pomiferis: hanc autem substantiam totam (ut videtur) pro cortice habet.

Cucumis minor pyriformis Ger. C. B. *J. B.* à vulgari descripta non alia in re quàm fructus parvitate & figurâ differt.

2. *Cucumis flexuosus* C. B. *anguinus* Ger. *longissimus* J. B. *anguinus flexuosus* Park.

*J. B.*

Cucumis flexuosus, autore Lobelio, five anguinus prorsus simillimus est vulgari, flagellis, foliis & claviculis. Nos autem observavimus ei *folia* esse minùs aspera quàm in vulgari, quâdam etiam subrotunda, parùm laciniata & angulosa, alia magis. *Fructus* longi, instar serpentis se contorquentes, albi, quasi canaliculati & striati, pulpâ albâ, sapore vulgaris *semine* albo.

Ego (inquit J. Bauhinus) nostros hos longissimos Cucumeres specie à vulgaribus differre asserere non vereor, & tales naturâ non arte esse, quicquid dicat Matthiolus, cui ut in plerisque aliis suis credimus. Vidi (inquit) Citrulos nostros adhuc florentes in fistulas coniectos mira longitudine crevisse. E quorum semine qui postmodum orti sunt eandem retinuerunt formam, adeò ut in vite pendentes anguium modo contorti viderentur. Hæc ex Plinio habuit: qui tamen hos speciem suam semine sato servare non asserit. Matthiolo tamen suffragatur Dodonæus.

Vires.

Semen Cucumeris est è numero quatuor illorum famol. seminum frig. maj. Abstergit, aperit, urinam ducit. Usus creberrimi est in emulsionibus antipleuriticis, antinephriticis & simil. Schrod. Ejus farina cutim splendidam reddere dicitur.

Ipsa Cucumerum substantia frigida est & humida, succi excrementitii, adeòq, nonnisi robustioribus ventriculis edenda. *Idem.* At nos quamvis ventriculo non admodum robusto sumus, ut qui vitam sedentariam agimus, per multos annos Cucumeres copiosè ingessimus, quandiu tempestivi fuerunt, & esui idonei, ne tamen ullam vel levissimam noxam aut incommodum inde sensimus, quamvis jam ferè sexagenarii sumus: quin & cum Florentiæ in Italia febri laboraremus, præscribente D. Kirtone Medico Anglico ibidem degente, pulpam Cucumerum jusculis nostris incoctam non sine insigni solatio & levamine comedimus.

Verùm crudi cum comeduntur, in orbiculos tenues concisos & sale asperfos duplici paropside exceptos eousq, agitare convenit; donec humor aqueus copiosus eliciatur & extillet, quo effusò, aceto, oleo & pipere condiendi sunt, quomodo & palato & ventriculo gratissimi evadunt, & certè non insalubres.

Parvi aceto, sale, pipere & Anetho quotannis condiuntur; inseruntur etiam quandoq, Caryophylli, & per totum annum conservantur. Mirè præter cæteras vires, appetentiam excitando, æstuantì ventriculo conferunt. *J. B.* Hos Germani *Gurckens* vocant, quod nomen & nos Angli ab iisdem mutuati sumus. Vox *Gurckens* diminutivum videtur ab Anguria per aphæresin rejecta prima syllaba *An*, & addita diminutiva *kin* facta.

3. *Cucumis sativus major* C. B. *Hispanicus* Park. parad. ex *Hispanico* semine natus Ger.

\* 4. *Cucumis Ægyptius*, Chate J. B. *Cucumis Ægypt. rotundifolius* C. B.

*Alpin.*

*Folia* habet minora, albiora, molliora ac rotundiora quàm nostrates: fructus admodum differentes, longiores, viridiores, cortice plano, molli, æquali, sapore dulciori.

Vires.

Horum usum corporibus in cibo, ipsis tum crudis tum coctis vescientibus salubrem esse apud omnes Ægyptios creditur: Sunt enim concoctu faciliores. Medici aliqui ibi nonnullis febricitantibus crudos etiam mandendos concedunt, præsertimque peste affectis, quibus Cucumeres hos crudos esitatos summe conducere omnibus (quâ ratione nescit Alpinus autor) persuasum sit. Coctos in ardentibus febribus utiles esse ratione confirmatur, quando refrigerent atque humectent. In renum & vesicæ calidis morbis cum lacte coctos Cucumeres multis diebus non sine multa utilitate in cibo sumuntur. Lac etiam ipsorum seminum pro iisdem malis per os sumere sæpe solent. Ad oculorum verò aliarumq, partium calidas inflammationes pulpâ contusâ Cucumerum, lacti mixtâ utuntur: Et ad sedandos podagricos dolores à causâ calida concitatos succum lacte oleòq, rosaceo mixtum partes liniendo adhibent. Stillatitiam aquam ad libram, ad jecoris caliditatem corrigendam, & ad sanandos renes inflammatos, tum à calculis vexatos multis diebus ægros bibere consulunt, quibus ipsam satis iis conferre experientiâ compertum est. Sunt aliqui qui ad eadem hæc mala aquâ stillatitiâ lacti eorundem Cucumerum seminum mistâ uti solent.

\* 5. *Cucumis sylvestris Brasiliæ* Marggr.

*Marggr.*

Sarmentoso caule serpit super terram, in longis pediculis *folia* habens singulatim posita, quodlibet in tres lacinias sectum, ac in ambitu dentatum atque hirsutum. *Flos* flavus: *Fructus* ovi gallinæ magnitudine, ellipticæ figuræ, tuberculis admodum acutis, maturus est pallidus: Intus Cucumeris modo *semina* alba transverse sita multa. Edulis est.



## CAP. VII.

## De Balsamina.

**B**alsamina dicitur quod ex pomis ipsius immaturis, oleo injectis insolatione oleum seu Balsamum, ut Chirurgi vocant, ad vulnera consolidanda præstantissimum conficiatur. C. B.

*Balsamina rotundifolia repens seu mas C. B. Balsamina cucumeraria J. B. Balsamina mas Ger. Park. Cucumis puniceus Cord. hist. The male Balsam Apple.*

J. B.

Ex radice parva, fibrata, semestri pronascuntur viticulae unius aut duorum cubitorum, tenues, striatae, angulosae, quae claviculae ope, quas ad singula folia emittit, perticis se circumvolvunt. Folia Bryoniae vel potius Vitis foliis similia, minora, concinnius divisa, hilari virore nitent, penitus glabra, pediculo unciali aut fescuniam circiter longo, amaro quodam & acrimonia levi prædita. E foliorum alis flores prodeunt, ex quinque foliolis acuminatis compositi, colore ex albedo lutei, *staminibus* etiam luteis, quos excipiunt fructus sublongi, qui maturi rubent; vel (ut ait Lobelius) superficie, carneque nitentis purpuræ phoeniceae, turbinati, Cucumeris formâ, eodémq; modo tuberculis horridis bullati: Semine Citruli vulgò dicti, copioso, fusco, longiore quàm latiore, modicè acuminato, compressoque & aspero.

Locus natalis non traditur, nec enim nisi fata provenit; melius & felicius in Italia calidisque regionibus proficit quàm in Germania aut Anglia, ubi Augusto plerumque floret, & nunquam aut rarò & tardè fructus maturefcit.

Vulnera recentia conglutinare folia imposita feruntur, cum vino verò assumpta, coli intestino. *Vires.* rûmque dolores sopire, & ruptis convulsisque utiliter exhiberi. Oleum in quo fructus exempto semine, vel insolatus, vel in calentis aquae balneo decoctus, vel in fimo equino maceratus, vulnerum inflammationes arcet: eadem & facile ac citò unit ac per sanat. Doloribus ac ulceribus mammillarum auxiliatur; uteri exulcerationes ac inflammationes injectum curare posse existimatur; punctis ac vulneratis nervis utiliter adhibetur: adversus combustionem ex aqua oleove fervente ferro ignito vel igne multum confert: cicatrices extenuat, ramices quoque hujus inunctione sanescunt, si foliorum pulvis aliquot diebus interea exhibeatur. Steriles quoque hoc sæcundas reddi affirmatur, si post balnei convenientis usum, partes circa pubem ac uterum isto inungantur, ac demum viro mulier miscatur. Ego verò (inquit J. Bauhinus) de ea peculiarem experientiam nullam habeo. Poterunt itaque alii, si lubet, earundem virium facere periculum. Addit Tragus ex Hermolao; oleum ex ejus seminibus exprimi ad vulnera præcipuum.

## CAP. VIII.

## Herbæ Pomiferae capreolis carentes.

## De Cucumere sylvestri sive Asinino.

*Cucumis sylvestris sive asininus J. B. syl. asininus dictus C. B. agrestis sive asininus Park. asininus Ger. Wild Cucumber.*

J. B.

**M**elonis folium quodammodo refert, verum minus dissectum est non ita angulosum, in acumen productum: mollius quàm Cucumeres vulgares, iis etiam magis incanum, præsertim parte inferna, vel cineritium, crassius & asperius, longis & hirtis pediculis appensum, ex flagellis ramosorum caulium teretibus striatis & hispidis enatum. Flores sativi floribus multis numeris minores sunt, pentapetali, calathi formâ, colore ex albedo herbaceo, tantillum in dilutiorem flavedinem declinante, saturatius tinctis *apicibus* medium occupantibus. Fructus majorem glandem Cerri æquat, cui & formâ olivari respondet, superficie spinulis crebris brevibus horrente, qui maturus levissimo tactu virosum succum cum lubrico semine violenter ejaculatur. Semen maturum pullo est colore, vel ex cinereo nigricans, Colocynthis non dissimile sed minus. Radix longa, crassa, alba, paucis adnatis donata, in plures annos vivax.

In locis ruderatis & viarum marginibus aliisque incultis locis in Italia, Sicilia & Gallia Narbonensi frequentissimum observavimus. Circa Autumnum fructus maturantur. *Locus.*

Hujus succus expressus & inspissatus Elaterium dicitur, cujus parandi modum ex medulla seminis candida, plurima, (quæ minùs quàm fructus ingrata est, quæque præsertim sole exsiccata flammis admota tota urendo deflagrat) & pauca ei hærente mucagine medullosa à vulgari diversum tradit Lobelius. *Vires & Usus.*

Hujusmodi Elaterium è semine se neque vidisse unquam neque audivisse apud nos factum ait Parkinsonus, quamvis ipse pharmacopœus fuerit. Se verò tum viride tum album Elaterium à Dioscoride & Mesue memorata fecisse affirmat. Nam quod è pulpa seu substantia fructus quanvis leviter pressa & per cribrum adacta, viride erit, & per multos annos humida manebit, postquam primitus humore evaporato exsiccatum fuerit, ex aëre sci. humorem contrahens & mollescens; ut ad humiditatem



ditatem ejus absumendam multi etiam anni requirantur: Quod vero ex liquore albicante & feroso, è fructu dissecto sponte sua extillante, absque ulla pressura fit, per siccitatem albescit, quin & alba, dura siccatque manebit, nisi vel aeri humido exponatur, vel in loco humido ut mollescat aperta relinquantur. Viride autem Elaterium minorum virium est, minusque violenter sursum deorsumve purgat quam album. Hujus enim vel granum unum liquore aliquo solutum in corpore teneriore potenter operatur; imò nôsse se ait dimidium granum medicamento cuidam cathartico inditum ad illud acuendum, ventriculum conturbasse mirum in modum, & vomitus crebros excitasse, & postea per sedem violentius purgasse, quam granum integrum seorsim exhibitum credi possit.

Purgat pituitam ferososque humores vomitu & dejectione, atque idè è juncturis mirificè trahit.

*Sylvius.*

Movet menses, foetumque interimit, unde rarus ejus usus, præcipuè cum nec malignitate careat.

*Schrod.*

Omnium succorum hic maximè durabilis est, adeò ut ultra centum annos efficax manere credatur. *Theophr.* Erat Empiricus qui pilij. Ciceris magnitudine ex farina triticea & succo Cucum. A. fin. efformatas Hydropicis exhibebat, unde copiosa purgatio aquarum sequebatur. Mox lotionem crurum ex dec. Caulium instituta materiam deorsum traxit, iterumque pilulas dedit, & plurimos perfectè restituit. D. Soame ex Observationibus Hieron. Reufneri à Velschio editis.

## CAP. IX.

### De Cucurbita clypeiformi.

1. *Cucurbita clypeiformis sive Siciliana Melapepon latus à nonnullis vocata* J. B. *Cucurbita clypeiformis sive laciniata* Park. *Melopepo clypeiformis* C. B. *Pepo maximus clypeatus* Ger. *The Buckler or Simnel-Gourd.*

J. B.

**C**ucurbita hæc erecta provenit, absque capreolis. Folia profert Cucurbitis folio aspero non multum dissimilia. Fructus fungum representans tenero est exteriore cortice; carne luteolâ, firmâ, saporis aliarum Cucurbitarum, semine penè circinato: palmam manûs ferè implet, [imo longè majorem vidimus] labra reflectuntur & crispantur.

Parkinsonus caulem crassum, angulosum, asperum, intus concavum, altitudine tripedali ei attribuit: folia viridiora, magisque laciniata quam alius Cucurbitis.

2. *Cucurbita clypeiformis cortice molli, & ramosa* J. B. *An Pepo latus* Dod.

Hic fructus saturæ flavedinis latam, planamque ferè circa petiolum viridem, asperam, angulosamque superficiem gerit, unciam circiter latam: mollem corticem habet, raris sulcis exaratum, extremam circumferentiam multis quasi lobis mollioribus, rotundioribus, sibi invicem succedentibus exornatam obtinet, supremam partem dimidiâ sphaeræ, depressæ tamen undique minusque convexæ similem exhibet, inque medio sui foveolam aliquam, decidui floris latiore asperiorémque sedem spectandam offert. Cortex corrugatur successu temporis.

Hæc species non surrecta est aut sponte sustinens, sed procumbens & latè se spargens, an capreolos habuerit observare neglexit J. Bauhinus.

Alias præter prædictas Cucurbitæ clypeatæ species seu varietates, aut plantas pomiferas ad eam accedentes exhibet & describit J. Bauhinus, quorum tituli sunt,

1. Cucurbitæ clypeatæ affinis, sive Sicilianæ genus parvum, utrinque obtusum, quibusdam Melopepo rotundus J. B. Capreolis non caret.
2. Cucurbitæ genus, sive Melopepo compressus alter Lobelio. Melopepo compressus C. B.
3. Cucurbita aspera, cortice molli, alba, magnitudine Arantii. Pepo rotundus Aurantii formâ C. B.
4. Cucurbita clypeiformis tuberosa & verrucosa.
5. Cucurbita lata, clypeiformi accedens, minus tuberosa.
6. Cucurbitæ clypeatæ affinis, ovalis, angulosa, ad Citrum nonnihil accedens.
7. Cucurbitæ clypeatæ affinis, à pediculo in conum definens.
8. Cucurbitæ clypeatæ affines, utrinque aliquo modo turbinatæ.

His admiscet Cucurbitas aliquot Indicas, quas an rectè disponat dubitat. Nonnullæ ex iis aliò pertinent.

*U. m.*

Latorum & clypeiformium Peponum, Autore Dodonæo, caro durior est, qui & idcirco diutius quam reliqui incorrupti servari queunt. Eduntur autem hi non modò elixi, sed & in pingui aliquo fricti. Descendunt verò & per alvum haud segniter; alimentum verò adferunt quale aliorum.



## CAP. X.

De Granadilla seu Murucua & Maracoc & Flore passionis dicta.

**G**ranadilla Hispanis dicitur hæc planta à similitudine fructus cum Malo Punico seu Granato. Murucua & Maracoc sunt voces Americanæ, hæc Virginiana, illa Brasiliensis, quibus hæc planta indigenis innotescit, quarum significationem nescimus. Flos passionis cur dicta sit te docebit Jo. Baptista Ferrarius, nimirum, inquit, quod Divini Amoris manu vitalibus inscriptus doloribus sit, qui de similitudine partium floris cum corona spinea, clavis, flagello reliquisque quibus cæsus, tortus, vulneratus & cruci affixus est Dominus Christus fusè rhetoricatur.

1. *Granadilla Hispanis, Flos passionis Italæ* Col. not. in Rech. *Maracoc sive Clematis Virginiana* Park. *Murucua* 3. *Maliformis alia* Marggr. *Clematis trifolia flore roseo clavato* C. B.

Col.

*Radice* nititur vivace, repente, geniculata, fibrosa, fractu facili, colore ex pallido albicante, sapore subdulci, recentem Fabam imitata. *Sarmenta* emittit multa, tenuia, prælonga, ex viridi rubentia, quæq; terram tangentia facile se propagant, è geniculis five alis foliorum fibris demissis; capreolis è foliorum sinibus egressis arbores aliæve fulcra proxima arripiens & scandens. *Folia* trifida, lanceam imitata aut Lupuli folia, mediâ laciniâ productiore, quatuor aut sex uncias longa, latitudine ferè pari, minutum serrata, lævia, nervosa & aliquantulum venosa, diluto colore virentia, & circa petiolum binas quasdam extuberantias habentia magis virentes, & Milii magnitudine, odore gravi, Xyridis, & acri parùm sapore, alternis disposita, ternosque inter se digitos distita. *Flores* ex singulis foliorum alis quotidie totâ Æstate ad Autumnum usque emicant, odore jucundo Mellis vel Hyacinthi: effigie primùm antequam pandantur Nigellæ fructus folioso virenti calyce imitantes, oblongi, angusti, longo petiolo, ferè trigono, insidentes, in quinque apices desinentes, totidemque folia non rostrata claudentes: quibus deinde dehiscenibus candida intus & cava foliola conspiciuntur. His insident rotæ densarum fimbriarum, sili crassitudine, duplici ordine dissectæ, purpureis maculis suffusæ, quarum superiores rectis filamentis, brevioribus parùm expanduntur; inferiores verò rotæ longioribus, illisque in extremo aduncis uno cursu, quia ob majorem illorum longitudinem cavis calycibus foliorum comprimebantur. Ambas quinquaginta aut sexaginta circiter filamentis dissectas observavimus in novella planta. Ex harum & internarum aliarum brevissimarum umbilico *stylus* five colus, effigie columnæ cum basi vel imo torulo, longitudine ferè unciali, assurgit, erectus, rotundus, lævis, dilutè virens, globulum parùm oblongum pro capitulo eodem colore sustinens; hic verò parte ima quâ hæret columnæ luteis quinque lamellis pendulis, circumdispositis coronatur; ex obliquis crassiusculis ramosis petiolis, parum incurvis, rigidis, dependentibus, radiatum diadema rotundum æmulantibus: ex globulo verò summo tres capitati clavi, erecti, oblongi assurgunt, ex viridi albicantes, trigono positi inter se distantes in summo, & parum contorti, literam S oblongam imitantes, capitibus crassis, saturiore colore distinctis, & supernâ parte leni incisurâ divisus, ut bifida capita videantur, quanquam eorum ambitus sit rotundus & veluti quinquemartitus. Manè se explicant flores, tota die hiantes manent, noctu clauduntur, nec ampliùs aperiuntur, sed flaccescunt & decidunt. *Fructum* gerunt extuberantem Mali Appii magnitudine, rotundum, colore cinereo, tribus distinctum cellulis, quæ etiam in integro fructu observantur ob levem quandam extuberantiam, & trianguli effigiem in summo circa apicem. Acinos intus continet, oblique dispositos, centrum petentes, similes quodammodo illis Mali Punici vulgò *Granato* dicti, duplo majores, basi cavâ qua petiolo hærent, in acutum desinentes, minimè anguloso & lato capite, ut in Punico sunt, candicantes, diaphani & molliores, semine intus Mali forma & nigro, quod intra carnem acinorum diaphanam succosam & mollem apparet effigie quadam cordis æmulâ & exceptum ab illa, cavis punctis impressis asperum cernitur, medullam habens candidam & ferè insipidam. Exsiccatto fructu *semina* intus, ut in Cucurbita, si agitur crepitant: Inveniuntur etiam dissecto fructu *semina* adhuc nigra, carne illâ obducta, exusta, viscosa, nigricante dulcique sapore velut Cassiæ fistulæ, & alia detecta & soluta, ex flavo candicantia, asperiora, ossæo veluti cortice, Perfici mali ossibus data proportionem similia. Fructus hujus cortex est veluti coriaceus, ut Colocynthidis, intus cartilagineus, candicans, odore suavissimo & gratissimo sed remisso. Acinorum recentium sapor in maturo fructu ex dulci ad acidulum vergit, admodum gratus, & jucundo odore palatum feriente inter Fragum & Melopeponem. Aiunt multùm comesum alvum lenire & subducere potiùs quàm gravare. Fructus in hac planta non ex imo flore, at neque ex columna five stylo floris, qui torulo distinctus apparet & striatus more columnarum Ionicarum; sed ex globulo illo superno, clavos proferente perficitur.

Granadilla dicta fuit hæc planta ab Hispanis à similitudine quadam cum fructu Mali Punici cum internâ tum externâ, nisi quod minor sit & careat summâ illâ coronâ.

Marggravius & Parkinsonus hujus plantæ florem & fructus paullo aliter describunt colorum respectu, qui fortasse in aliis & aliis plantis variant ratione cæli, aut soli, aut utriusque.

- \* 2. *Murucua guacu* Marggr. seu fructu pyriformi.

Marggr.

*Caulis* contortus, quadratus, varius, coloris cinerascens seu grysei, pollicem crassus, seu etiam vitis & brachii crassitie, longè serpit, atque etiam arboribus & fruticibus se implicat. *Folia* habet lætè viridia, lævia & splendida, quinque aut sex digitos longa, non serrata, inæqualis figuræ, quædam



dam enim sunt simplicia, quædam in duas, quædam in tres partes five lacinias inæquales secta: adherent autem cauli pediculis suis subruffis, & nervus tendit per longitudinem laciniarum, transversim autem multæ venulæ intertextuntur. *Florem* fert insignem, magnitudine Rosæ majoris plenæ, exterius foliis quinque dilutè purpureis supernè & infernè, & quinque viridibus inferius, superius rubris alternatim positis. Supra hæc folia in orbem expanduntur filamenta insignia, sesquidigitum longa, crispa, medietate interiore totâ purpurea, exteriori rubro seu purpureo & albo variegata: in centro floris extat columna ex flavo albicans, teres & quasi tornata, lata unum digitum, cui superius apex ovalis figuræ, magnitudine seminis pyri impositus, & huic item clavi extremis suis cuspidibus infixi in uno puncto: infra ovalem autem figuram à fastigio columnæ quinque brachia extenduntur, ad latera, quorum quodlibet continet spongiforme corpusculum, flavo pulvere aspersum, ut in Lilio.

*Fructus* pyriformis est, initio viridis, maturus flavescentis ex viridi coloris, intus tribus lineis in tres partes dividitur secundum longitudinem, inter quas lineas multi processus, quibus *semen* cum pulpa fructus per tenues cuticulas annectitur. Pulpa alba succulenta, glabra, instar rudimenti avis in ovo, cui inhaerent in quolibet fructu semina 260. vel plura, nigra, splendida, compressa, quorum quodlibet suo folliculo includitur. Odor & sapor fructus dulcis & suavis. Cortex crassior est quàm Mali Aurantii.

Ufus.

Quando comeditur scinditur transversim (non secundum longitudinem) & pulpa paullum separatur à cortice, adherens illis processibus, ac dein unâ cum seminibus sorbendo instar ovi tremuli exhauritur.

Quando autem arimus est semen colligere & servare, pulpa cum seminibus per linteolum leniter exprimenda, & ita à granis separanda, granæque deinde suis folliculis adhuc inclusa triduo aut quadriduo chartæ imponenda, ut ex parte siccentur, postea summis digitis cuique grano folliculus detrahendus: aliâ ita glabra sunt ut comprehendi nequeant, nec inter edendum ore separari.

\* 3. *Murucua 2. seu maliformis* Marggrav.

*Caulis* & huic sarmentosus & subruffus: *Folia* pediculis digitalibus nixa, in quinq. lacinias secta, quæ suos nervos & venas habent; Horum quædam interdum etiam laciniata, quædam non. Ad singulos pediculos foliorum provenit etiam pediculus continens *florem* Rosæ circumferentiâ duplum, quiq. inferius tria folia viridia obtinet, supra autem hæc, quinq. longiora, infernè viridescencia, supernè cœruleo-purpurea, & inter hæc alia quinq. in totum purpurea, deinde Solis uti pingitur figurâ radiatim multa filamenta crispa & in orbem explicata, exteriori medietate cœruleo-purpurea, interiore dilutè cœrulea, vel etiam è contrario; vel aliis modis, coloribus aut diversis aut transpositis varia, ut apud Marggravium cernere licet. In medio floris *columellam* habet brevissimam, pallidam, superius in quinq. partes dissectam quæ ad latera curvata extenduntur; cuique parti spongiæ-forme corpus, lutescens, pulverem luteum aspersum habens adheret. In medio autem columellæ pisiformis orbiculus, ex flavo albicans, & huic tres clavi superius infixi, è flavo albi, & punctulis minimis purpureis variegati, & deorsum inclinati ut brachia columnæ. *Flos* totus suavis odoris. *Fructus* æquat pomum nostras vulgare, rotundus, cortice crasso, flavi exterius coloris, constans pulpâ succulentâ, vinoso-acida; croceâ, & linguam tingente croceo colore, & in illa multa granula seminis nigri, magnitudine seminis pomi vulgaris, sed variis tuberculis insigniti, & folliculo inclusi. Commendabilis est fructus tam odore quàm sapore.

\* 4. *Murucua 4. seu Pyriformis altera* Marggravii.

Marggr.

*Folia* huic in pediculo sesquidigitum longo cordis bubuli figurâ, circiter quinque dig. longa, quatuor ferè lata ubi latissima, in ambitu non serrata, latè virentia & splendentia. *Folia*, capreoli, florum pediculi eodem quo in aliis situ. Hi autem sesquidigitum longi tria folia continent sesquidigitum longa, in orbem instar floris disposita, viridia, & crasso modo serrata. Hisce foliis herbaceis infidet *flos* diametro plus quatuor digitorum, continens decem folia, quorum quinque supernè & infernè rubri coloris, quinque verò supernè rubri, infernè viridis coloris, ita alternatim posita. Supra hæc folia filamenta sesquidigitum longa in orbem stant erecta, (cùm in aliis speciebus incurbant) satis fortia & teretia, quorum inferior medietas è Lacca purpura & albo variegata est, superior seu extrema tota purpurea. In centro floris itidem columna erecta tornata, digitum alta, superius ovale corpus cum tribus clavis infixis, ex albo flavescentibus, infra quod quinque brachia rubra, punctulata, cæterum flavescentia, extenduntur in orbem, quorum quodvis ellipticum corpus habet, referens spongiam, compressum, albicans, cui pulvis luteus adheret. Floris odor suavis, fructus pyriformis.

Tempus.

*Murucua* omnes species ut plurimum florere incipiunt mense Augusto & florent usque ad Januarium. *Fructus* maturus copiosè mense Januario & Febuario, Martio, Aprili invenitur. Maio & Junio folia amittunt, novis subnascentibus.

5. *Murucua species foliis Hederæ scandentis* Marggr. *Clematis* seu *Flos passionis* flore viridi Hort. Paris.

Marggr.

*Caulis* tenui, in tria cornua diducta, superius serpit, & fruticibus se implicat. *Folia* Hederæ scandentis foliis figurâ similia, splendide viridia, inferius rotundo, viridi, herbosa ex viridi canescentia. Quodlibet folium distat ab altero circiter 2½ dig. suo petiolo insidens digitum longo, ex caule prodeunte, parvo foliolo dentato circumdatum: & prope petiolum habet etiam capreolos rufescentes, quibus se annectit.

etit. *Florem non describit.* Post florem provenit pomum ovale, magnitudine majoris Pruni, initio viride, cujus cortex haud ita crassus ut in cæteris speciebus, continens pulpam albicantem cum seminibus ut *Murucujaguacu*; lenticularis figuræ, magnitudine seminum Pomi, nigra, splendentia.

\* 6. *Murucuia* ete *Brasilensibus* Marggr.

*Marggr.*

*Folia* huic in totum dilutè viridia, in tria alia secta: & in pediculo cui [*flos*] infidet tria folia in ambitu serrata, viridia: *flos* ipse decem foliis constat, nimirum quinque exterius viridibus, interius albis, & inter hæc alia quinque alternatim posita, in totum alba. Ex medio floris prodeunt filamenta Solis figurâ, quæ ad mediætatem interiorem purpureo-cærulea, ad exteriorem alba sunt. In centro floris stamen in quinque brachia diductum, cæruleo punctatum, cum spongiæ-formi corpore, quod pulvere luteo aspersum. In Piliformis corporis medio tres clavi, infixi.

\* 7. *Murucuia vesicaria lanuginosa odoris gravis* Marggr.

*Marggr.*

Longissimè serpit caule suo, & capreolis se firmat. *Caulis* autem teres, hirsutus, rufus ac mollis: *folia* acuminata, cordis figurâ, ad tactum ut sericum mollia. *Florem* fert pataci magnitudine, decem foliis constantem, quinque inferius viridibus, superius albis, & quinque totaliter albis, alternatim positis: super his foliis multa filamenta alba in orbem expanduntur, ut in flore passionis, paulum contorta & interius in orbem purpurata: in medio *columella* albicans, punctulata rubro, cui quinque spongiæ-formia corpuscula cum tribus clavis imposita, coloris ex viridi albicantis. Post flores sequitur folliculus turbinatus magnitudine dactyli, qui intus cavus semina continet. Odor totius plantæ fortior & penetrans ut *Hyoscyami*, sed cui dulcedinis aliquid admixtum deprehenditur. Planta manibus tractata odorem imprimit.

\* 8. *Clematis seu Flos passionis Americana luteo flore* Hort. Par.

Foliis Hepatici Trifolii æmulis, floribus luteis à reliquis hujus generis distinguitur.

\* 9. *Flos passionis campanulatus pentaphyllos* Monting.

\* 10. *Flori passionis seu Granadilla affinis Coanenepilli seu Contrayerua* Hernandez. *Ferrum equinum volubile* Montingii.

*Hernand.*

Herba est *folia* ferens Lunæ crescentis in modum aut solearum quibus calceantur jumenta, signata quoque clavis luteo colore: *caules* volubiles, teretes, exiles, ac ornatos per intervalla prænarratis foliis; item capreolos & *flores* multicolores, *Vetonicæ* ferè formâ, sed longè minores; *radicem* verò prolixam & convolutam, minimum digitum crassam, fibratamque. Baccarum color è castaneo ad nigrum tendit.

Nascitur multis in locis agri Mexicani, sed præcipuè Xochitlani.

*Radicem* tusam atque devoratam ʒiij. pondere aiunt mederi spleni, restaurare motum impeditum; *Vires.* sedare dolores, appetentiam excitare, evocare urinam, calorem temperare, ventris dolorem lenire, semen retentum pellere, ac per somnos infomniave à suis jam pæne sedibus divulsam, viperarum obfistere ictibus, venenatis potionibus, venenisque aliis vim omnem adimere, expurgatis statim per inferna, præservare etiam à meretricum veneficis insidiis, nocuisque cibariis qua die fuerit devorata, denum venenorum omnium perniciosam vim hebetare.



# LIBRI DECIMI TERTII

## PARS SECUNDA.

### De Herbis Bacciferis.

**B**ACCAS hoc in loco appello fructus herbarum quoscunque membrana tenuiore vestitos, pericarpio seu pulpa intus humida aut molli semina ambiente eisdemve intermixta. Ex his nonnulli satis grandes sunt, ut v. g. *Poma amoris* & *Mala insana* dicta.

### Herbarum Bacciferarum TABULA.

*Hæ sunt vel*

{ Baccis è pluribus acinis compositis, mora Rubi æmulantibus: CHAMÆMORUS, CHAMÆPERICLYMENUM.

{ Simplicibus acinis,

{ In racemos dispositis,

{ Scandentes,

{ Capreolis, cauliculis

{ Spinosis, foliis Tami lævibus: SMILAX ASPERA.

{ Non spinosis, foliis vitigineis: BRYONIA ALBA.

{ Caulibus volubilibus, foliis Convolvuli: BRYONIA NIGRA.

{ Erectæ, foliis

{ Compositis seu ramosis, foliis

{ Ad Angelicam accedentibus, fructu per maturitatem rubro & suavi: ANGELICA BACCIFERA.

{ Ad Imperatoriam accedentibus, fructu venenato: ACÖNITUM RACEMOSUM, Christophoriana.

{ Simplicibus, Solani fimilibus, elata & grandis: SOLANUM racemosum Americanum.

{ Magis sparsis, foliis

{ Latioribus & majoribus,

{ Nervosis,

{ Ἐμπυλλόγετοι

{ Cum lingula seu folio secundario in medio folio: HYPOGLOSSUM, Bislingua.

{ Fructu solo seu bacca è medio folio enata, foliis

{ Majoribus & latioribus non spinosis: LAURUS ALEXANDRINA.

{ Minoribus, myrti æmulis, in mucronem spinosum & pungentem exeuntibus: RUSCUS, Oxymyr sine.

{ In caulibus fructus gerentes aliarum plantarum more, flore

*Cylindroide*

{ *Cylindroide* oblongo, elatior, radice nodosa: POLYGONATUM.  
 { *Campaniformi*, humilior, foliis binis ternisve: LILIUM CONVALLIUM.  
 { *Stellato*, in spica, foliis singularibus à terra exiens, in caule tamen duobus do-  
 nata: MONOPHYLLON.

{ *Minus nervosis*, seu paucioribus nervis conspicuis, & mollioribus, fructu

{ *Nudo*,

{ *Acaulis*, nullo scilicet præter floris pediculum caule, pomo magno, radice  
 grandi ~~dispari~~: MANDRAGORA.  
 { *Caulifera*

{ *Monococcus* & plerumque tetraphyllos: HERBA PARIS.  
 { *Baccis pluribus*, flore

{ *Campaniformi*, concavo & tubuloso, fructu nigro grandiore, venena-  
 to & lethifero: SOLANUM LETHALE, *Bella Donna*.  
 { *Stellato*, in quinque aut sex segmenta acuta partito & expanso, api-  
 cibus in umbilico in umbonem quandam coarctantibus, fructu

{ *Magno*, seu foliis integris, flore etiam amplo: MALUM INSA-  
 NUM: sive foliis pinnatis Agrimonie æmulis: POMUM AMO-  
 RIS.

{ *Minore*, seu quæ caule est perenni, foliis Capfici, fructu rubro  
 majore: AMOMUM *Plini*; sive quæ caule annuo, fructu in ra-  
 cemulis minore: SOLANUM *vulgare*.

{ *Occultato*, calycibus florum in vesicas excrefcentibus:

{ *Alsinæ foliis* & flore, fructu minore: ALSINE BACCIFERA.  
 { *Solanæ foliis* & flore, fructu rubro, luteo

{ *Majore*, Cerasi æmulo, vesiculis etiam magnis, per maturitatem ru-  
 bentibus [in vulgari Europæo] ALKEKENGI, *Solanum balicaca-*  
*bum*

{ *Minore*, vesiculis etiam minoribus, in verticillis ad caulium nodos: SOLA-  
 NUM SOMNIFERUM.

{ *Tenuissimis* & capillaceis, turionibus esculentis: ASPARAGUS.

{ *Parvis*, *Serpilli æmulis*, viticulis tenuibus, in palustribus nascens: VITIS IDÆA PALU-  
 STRIS, *Oxycoccus*.

Ad hoc etiam genus [Bacciferarum] retulimus Capficum seu Piper Indicum ob convenientiam  
 cum Solano in partibus præcipuis, quamvis nonnulli fortasse bæccæ descriptionem huic plantæ mi-  
 nimè convenire objicient.

## CAP. I.

## De Chamæmore, seu Chamærubo.

CHAMÆMORUS à foliorum cum Mori foliis similitudine dicitur; verum rectius mea sententia  
 C. Bauhinus Chamærubum appellat, siquidem folia & fructus ad Rubum propius quam ad  
 Morum accedunt.

A. I. Chamæmorus Ger. Clus. *Anglica Park. ejusdémque Chamæmorus Cambrobristannica* Rubo  
*Idæo minori affinis Chamæmorus* J. B. Chamæmorus folio *Ribes Anglica* C. B. *Vaccinia*  
*nubis* Ger. *Cloud-berries*.

Dodrantalibus prædita est viticulis, in quibus alternatim tria, quatuor, rarius quinque folia sca-  
 bra Malvæ, vel potius Mori, [novella vix, & primùm nata, maculi ramos Clusius (& nos pariter)  
 cum *Ribes vulgaris* foliis conferre.] foliis non valde dissimilia, in quinque præcipuas partes divisa &  
 per ambitum ferrata, longis pediculis innixa, quæ ex binis alis sive apophylis caulem amplecten-  
 tibus exeunt. Summum caulem exornat flos unicus, quinque foliolis ex nigro [fortè ex albo] pur-  
 purascentibus constans. Fructus Mori fructui [Rubus *Idæi vulgaris* verius] simillimus (unde no-  
 men) sed paulo minor, primùm albicans & acerbus, postea ruber, ex acerbo dulcis. Radix utcuin-  
 que nodosa, ex singulis nodis paucas fibras spargens, mirè se propagans, & quàm longissimè serpens,  
 adeò ut brevi tempore maximum spatium occupet.

K k k 3

Descriptio



Locus.

Descriptio est Thomæ Pennæ Doct. med. Londinensis. In summitatibus montium altissimorum *Pendle & Ingleborough*, solo putrido & palustri oritur. Anno 1668. circa finem Julii in summitate montis *Hinckle-baugh*, tres circiter mill. ab oppido *Settle* Eboracensis agri distantis copiosam cum fructu maturo inveni. Fructus autem figurâ suâ Rubi Idæi mora æmulatur, in eo diversus, quod singulares acini nonnihil majores sint. Color baccae ante plenam maturitatem ex parte Soli obversa ruber, cum jam perfectè maturuit è rubro in flavum mutatur; gustus quoque ex acerbo in dulcem, & meo saltem palato gratissimum, abit.

Parkinsonus Chamæmorum Cambrobritannicam seu Lancastrense Vaccinium nubis pro diversa specie proponit: verum nos sedulò inquirentes nullum præter superius descriptam Chamæmori speciem sponte provenientem neque in Cambria neque in Lancastria invenire potuimus, at neque de ea quicquam inaudire. Quid quòd descriptio Parkinsoni plantæ nostræ adamussim quadrat, & ut verum fateamur, melius quam ipsius Pennæ à nobis adhibita?

*Chamæmorum Norwagicum Clusii Park. J. B. Chamærubum foliis Ribes C. B.*

Clus.

Superiori non valdè affinem tantum (ut vult Clusius) sed eandem prorsus esse existimo: verum ne temere Lectori imposuisse videar, descriptionem Clusianam ex virgulis cum foliis & flore inter chartulas repositis ab Hoiero missis concinnatam subijciam. Erant inquit hæ virgæ tenues, digitalis longitudinis, fusci coloris, cortice obductæ, quibus inhærebant uncialibus petiolis folia, vulgaris Ribes foliis non valdè dissimilia, sed paulò magis orbiculata, in breves aliquot lacinias divisa, tribusque eminentioribus nervis aversâ parte prædita, à quibus multæ venæ ad circumferentiam sparguntur in ambitu dentata. E summis virgis exeunt oblongiores tenuioresque petioli, sustinentes singularem caliculum, è quo flos emergit candidus, nunc quaternis, modò quinis foliolis constans, umbilicum occupantibus multis exilibus staminibus albis cum flavis apicibus. Flori succedit fructus, Fragi magnitudine, rubens aut pallidus, cujus interior pulpa mollis, humida, mucilaginosa, exilium acinulorum plena, gustu non insuavis.

Locus.

Paludosis & humidis locis gaudet, & maturitatem acquirit fructus mensibus Junio, Quintili, Sextili.

Vires &amp; Usus.

Ex hoc fructu (inquit Hoierus) Electuarium ad Scorbutum rudi Minerva conficiunt quotannis Norwagii & Finmarchii. Baccas in fictili aut ahenò per se ad mediocrem consistentiam coquunt, nullo addito liquore; cum enim succi pleni sint & molles, alieno humore irrigari non expetunt. Quanquam in delicatioribus sunt nonnulli, qui melicrati Fionensis (quo summè delectantur Septentrionales isti) aliquid affundant. Hanc confectionem idoneis vasis exceptam, & ne corrumpatur ab ambiente aere butyro dissoluto obductam, usui studiosissimè reservant; nobile sanè & probatissimum illis adversus Scorbutum remedium. Etenim non facile credas quæ miracula gens illa solâ hac medicina faciat quotidie, ut omninò fatendum sit, nihil ad hanc esse vel Cochleariam illam tot encomiis hætenus celebratam, vel Becabungam, vel Sisymbrium, Cardaminem, & id genus alia, quibus Germani se efferunt.

Nonnulli Scorbuticos, quamvis ridiculè, bene tamen atque utiliter hunc in modum curant. In vicinam aliquam insulam moris abundantem exponunt, ibidè que solos relictos domum non transferunt, priusquam sanitati sunt restituti. Tum enim illi, quasi ab omni humanitate exclusi, vitæ tamen (quod credibile est) cupidi, moris istius vefci coguntur, sive ut extremo remedio promissam sanitatem recuperare tentent, sive ut sitim, quâ ut plurimum torquentur, extinguant. Dumque hoc ad satietatem agunt, sine dubio intra paucos dies oppidò convalescunt. Hyeme verò, quando id non licet, Electuario suo non minùs feliciter utuntur sine certa dosi aut custodia.

*Chamæmorus altera Norvegica Clus.*

Huc non pertinet, sed Ribesii species est.

A. 2. *Chamærubus saxatilis C. B. Rubus saxatilis Ger. Alpinus saxatilis Park. Alpinus humilis J. B. The Stone-Bramble, or Raspis.*

Clus.

Pedalem non superat altitudinem, teretibus, subrubentibus & hirsutis viticulis, in quibus bina aut terna folia Rubo Idæo à plerisque nuncupato panè similia, hoc est, terna simul ex eodem pediculo nascentia, rugosa, non hirsuta tamen, nullisque spinis horrentia, valdè exiccantis & adstringentis gustus, deinde amariusculi: in summis viticulis & supremis earum alis flores quidem fert (sed cujus formæ aut coloris ignoro, verisimile est Rubo Idæo aut humili pares) deinde fructum Rubo vulgari aut Idæo minorem, hoc est minore acinorum numero constantem: etenim binos tantum, ternos, quaternos aut ad summum quinos acinos habet, longè tamen majores quàm in ullo alio Rubi genere, omninò rubentes, & adeò succi plenos, ut quodammodo transpareant, acidi & palato gratissimi saporis. Continent singuli illi acini singula grana, alba, rugosa & inæqualia, adstringentis gustus. Radix longè latè que serpit, & longas interdum viticulas humi spargit, quæ subinde radices agunt.

Locus.

Montium altiorum incola est ubi in saxosis provenit. Nos in monte *Ingleborough*, & alibi in Eboracensis comitatûs montosis occidentalibus & borealibus observavimus.

Parkinsonus flores tetrapetalos aut pentapetalos (proculdubio naturaliter pentapetali sunt & ex accidente solum tetrapetali) colore roseo pallido aut albente.



## CAP. II.

## De Chamæpericlymeno dicto.

**C**hamæpericlymenum inscribitur hæc herba ob aliqualem fructus ejus cum Periclymeni similitudinem. Est autem planta singularis; siquidem uni flori plures succedunt acini, non in unam velut baccam constipati, ut in præcedenti, sed suis singuli disjunctis petiolis hærentes.

- A. 1. *Chamæpericlymenum* Park. Ger. Clus. *Periclymenum parvum Prutenicum Clusii* J. B. *Periclymenum* 3. sive *humile* C. B. *The Dwarf Honeysuckle.*

Clus.

*Radice* est reptatrice; *caliculis* sesquipalmaribus [Pennæo apud Clusium dodrantalibus] quibus quatuor, sex, aut etiam octo, ex adverso per intervalla adhærent *folia*, in imis cauliculis seu furculis minora, in extimis ampliora, Ascyri foliis satis similia, in mucronem desinentia, quinque nervis insignioribus ab ipso pediculo ad mucronem excurrentibus: E quorum sinu ad latus pediculi florem sustinentis aliquando unicus, ut plurimum bini, utrinque sci. unus, exsurgunt ramuli, binis aut quaternis foliis simili serie dispositis præditi. *Florem* porrò summis cauliculis nitentem, quatuor petalis candicantibus constantem producit, in cujus medio multæ bacculæ petiolis suis inhærentes, per maturitatem rubentes, intus albæ, racematim cohærentes [vacciniorum ruborum magnitudine Hoier.] succulentæ, sapore admodum dulci, [quæ manducatæ scabiem generare vulgò creduntur. Hoier.] Prutenis rusticis circa Gedanum valde expetitæ.

In Norvegiæ & Sueciæ maritimis copiosè nascitur. In Northumbriæ Angliæ montibus Chevioticis dictis ad latus occidentale Septentrionalis partis altissimi montis abundè provenit. Locuti.

Quin Periclymenum humile Pennæi & Hoieri atque etiam nostrum Northumbrium una & eadem plantæ species sit minimè dubito, quamvis Pennæo descripta ob cæli fortè temperiem aut soli ubertatem, major & elatior fuerit.

- 2. *Chamæpericlymenum Brasilianum.* *Camara tinga* seu *Camara flore rubro* Marggr.

Marggr.

*Caulis* hujus hirsutus in multos expanditur ramos: *folia* habet serrata, *Menthæ* crispæ similia, sed magis splendens, leni hirsutie prædita, & ad tactum mollia, bina sibi invicem ubique opposita, quodlibet brevi pediculo insidens. In extremitate ramorum, uti & ad exortum foliorum ad caulem proveniunt oblongi pediculi aliquot, juxta se positi, multos *flosculos* habentes rubros. Post flores sequitur uvula, baccis plena viridibus, magnitudine baccarum Sambuci, & uvula cum baccis similis est fructui Chamæpericlymeni Clus. Flos insignis odoris, & ipsa herba superat odore Mentham.

Variat floris colore flavo.

## CAP. III.

## De Smilace aspera.

*Baccifera fructu racemoso scandentes.*

**S**milax, si fabulis credimus, à Smilace puero in herbam sui nominis verso dicta est. *Ovid. Metamorph.*

*Et Crocon in parvos versum cum Smilace flores.*

Capreolis cum Bryonia alba convenit, foliorum formâ cum nigra, Caulibus spinosis ab utroque differt.

1. *Smilax aspera fructu rubro* Park. *aspera fructu rubente* C. B. *Smilax aspera* Ger. J. B.

J. B.

Longis, rigidis, striatis, contortis, valdè implicatis, lentis, sarmentosis *viticulis* excrefcit, nunc in hanc, modò in alteram partem (inquit Clusius) certâ quâdam serie servatâ inflexis, ex geniculis capreolos proferens, quorum ope vicinis arboribus aliisve advolvitur, & ab imis ad summa reptat. Horret autem spinis duris rigidisque, non tantum per sarmenta surgentibus, sed etiam per pediculos unciales plus minus, quibus *folia* ex intervallis singularia appenduntur. Cæterum folia Sigilli B. Mariæ dicti possidet, sed longè crassiora, rigida, nervosa, spinis non tantum per margines horrentia, sed & in dorso secundum nervos, nunc ampla & viridia, modò angustiora & albis maculis conspersa, autore Clusio. *Flores* è singulis extremorum ramulorum geniculatis tuberculis racematim cohærentes crebri erumpunt, parvi, albi, odorati, hexapetali, exiguis in medio apiculis. Hosce excipiunt



unt *fructus* rotundi seu *Uvæ*, per maturitatem rubræ, vel, ut Clusius, rutilæ, in quorum singulis *semina* duo vel tria, vel unicum, lubrica, magnitudine, colore & figurâ *feminum* Paliuri vulg. sed duriora, pulpâ albicante, nauseosâ cujusdam dulcedinis particeps. Clusius nucleos vocat duos osseos velut Asparagi, foris nigros, addens *radicem* longè latèq. serpentes sub terra fibras habere, tenues candidas, & germina summâ tellure spargere, minimi interdum digiti crassitudine, nodosa seu articulata, albicantia.

Locus.  
Vires.

In Sicilia, Italia & Gallia Narbonensi in sepibus passim.

Succedaneum est Sarsaparillæ in curanda lue Venerea, inque articularum & nervorum doloribus: Noxios humores per sudorem & transpirationem evacuat, cutis vitia expurgat. Datur vel in pulverem redacta, vel in aqua aliòve liquore decocta.

Fallopianus cum in monte Juliani Pisis vidisset Smilacem asperam, eâ usus est loco Sarsaparillæ per biennium quo ibi fuit, felici cum successu plurimos à lue Venerea liberans.

2. *Smilax aspera*, minus spinosa, fructu nigro J. B. C. B. *aspera fructu nigro* Clus. Park. *aspera Lusitanica* Ger.

Clus.

Similibus cum priore sarmentis & viticulis proxima quæq. amplectentibus nascitur, non est tamen adeò spinis horrida: *folia* etiam paullo breviora, atriora, molliora, nullis aut certè rarissimis aculeis obrita habet: *flos* alteri omnino formâ similis, sed colore differens, nam ex albo quasi carneus est; fructusque rudimentum, quod ex medio flore tanquam umbo prominet, rubescit, plenus autem & maturus *fructus*, non est rutilus ut in priore, sed omnino niger, & succulentior, quantum quidem Clusio videtur: *Officula* conveniunt.

3. *Smilax aspera Peruviana* sive *Salsaparilla* C. B. *aspera Peruviana* Park. *Smilaci affinis Salsaparilla* J. B. *Smilax Peruviana*, *Salsaparilla* Ger. *Sarsaparilla*. *Brafilensibus* *Juapecanga* Marggravii.

J. B.

Qualis reliqua sit plantæ facies vix certi quicquam afferre possum: *Radices* verò notissimæ sunt ad desudationes eorum quibus vagus concubitus luem affricuit. Sunt autem flagella longissima, plurimarum ulnarum, junci majoris crassitie, obsequiosa funiculorum flexibilitate, striis per longum decurrentibus, colore exterius fusco, cui substantia farinacea alba subest, crassiuscula, mollis, & digitorum attritu in pulvisculum solubilis, Agaricum ferè referens, sapore glutinoso, amaricante, non ingrato tamen; medullium verò lignosum, nitidum, lentum, fractuq. contumax. Pendent porrò flagella hæc ex pollicaris crassitudinis radice transversa, squammata, quæ sarmenta crebra sursum mittit, vitigineis non absumilia, parique crassitudine, veluti geniculis quibusdam intercepata, striata, aduncis spinis minacia, coloris buxei, substantiâ intus Palmæ instar fibrosâ, albicante, sapore nullo evidente.

Quæstio est an Salsaparilla dicta sit ipsissima Smilax ratione coeli & soli duntaxat differens, an plantâ eidem affinis. Nobis affinis potius videtur quàm eadem.

Sarsaparillam Marggravius sic describit,

*Caulis* sarmentoso, lignoso, lento, viridi serpit, aculeos seu spinas hinc inde habente acutas. *Folia* solitaria, quinque vel sex, vel etiam duodecim dig. longa, exterius acuminata, & tres, quatuor, aut quinque digitos lata ubi latissima; in quibus tres nervi insigniter conspicui secundum longitudinem tendunt, transversim autem multas venulas minutas habent, vario flexu discurrentes; exterius dilutè, interius virent saturatè. Ad quemlibet cujuslibet folii pediculum (qui brevior) duæ claviculæ prodeunt, lentæ, longæ, quibus aliis plantis se firmiter annectit. *Flores* fert racematim: sequuntur dein *baccæ*, primò virides, mox cinnabriz, ubi autem maturuere nigræ, rotundæ, magnitudine mediocrium cerasorum; quælibet in umbella consistit seu proprio breviori pediculo, quorum pediculorum decem aut duodecim uni longiori insident. *Baccæ* autem rugosæ ut cerasa siccata, intus continent unum aut duos lapides albo-flavos, duos, in quibus durus, albicans nucleus.

Fr. Hernandez quatuor species Sarsaparillæ distinguit.

Prima *Mecapatli* Mexicensibus dicta, eadem est (inquit) quæ apud Hispanos, ac præcipuè apud Hispanenses in vallibus aggeribusque passim nascitur referturq. ab Herbariis peritis in Smilacem Dioscoridis asperam; quam quoniam affabrè descripsit Dioscorides, de forma ejus nihil dicam.

Secunda species *Quaubmecatl* dicta *radicibus* furculosis innititur, unde profert *caules* volubiles & spinis horridos, capreolos multos ac semen nullum; *folia* verò Ocymi acuminata, & nonnullis secta crenis, nerveis verò discursibus secundum longitudinem excurrentibus.

Tertiam speciem invenit in radicibus Ætnæ, non longè ab oppido Atattaco, per omnia *Quaubmecaxochitl* similem, sed radicibus tenuibus, nec fibris crassioribus.

Quarta *Quaubmecapatli* dicta illa species est Sarsaparillæ cujus radices in nostrum orbem deferuntur, foliis magnis, cordis figura, caulibus volubilibus & spinosis, radice furculosa, fructu nullo [in hoc proculdubio erravit Hernandez] & capreolis hinc inde exorientibus.

Ex hac etiam descriptione patet Sarsaparillam congenerem quidem Smilaci asperæ plantam esse, non tamen planè eandem.

Vires.

Sarsaparilla partium est tenuium & sudorifera. Specificum est ad luem Veneream. Omnes ejus species, inquit Hernandez, placandis doloribus articularum, aliisq. à lue Gallica profectis utiles sunt; sudoribus item evocandis, curandisq. mali moris ulceribus, morbisq. inveteratis & insanabilibus, & qui è crassis lentisque humoribus habent ortum, aut ad nervos pertinent, & tumoribus præter naturam qui rebelles sunt discutiendis, curandis ulceribus, &c. Nam jure decocti per aliquot



quot dies propinato, eâ mensurâ quæ à multis jamdiu præscripta est, cum nota quoq; victûs institutione, cæterarumq; rerum quas non naturales vocant; aut pulvere radicum duarum drachmarum pondere, ex vino aut aqua devorato, aut evocato sudore, aut insensibili quodam perspiratu ægro-  
tantes restituuntur.

Zarzaparilla à similitudine quam cum Smilace aspera habet, nomen accepit, quæ Hispanis Zar-  
saparilla, qui Rubus viticula dicitur: *Zarfa* siquidem Hispanis, Lacuna teste, rubum: *parra* au-  
tem Matthiolo interprete vitem, & *parilla* parvam vitem, sive viticulam significant: hinc aliqui Sal-  
sam parillam Smilacis asperæ Hispanicæ radicem censuerunt: cum tamen Peruviana, cæli tempe-  
rati occasione & ipsius soli ingenio, longè efficacior sit quàm vel in Hispaniis, aut etiam Africa,  
nata: cujus usum primi Hispani ex Peru & novi orbis, sive Americæ provinciis ante quinquaginta  
annos in Europam invexerunt C. B. qui ante sexaginta annos hæc scripsit.

Prosper Alpinus Smilacem asperam quam in Zacyntho insula invenit veram Salsaparillam quâ  
medici utuntur ad luem Veneream curandam esse contendit. Habebat enim illa radices longas,  
crassas, asportatis Hispania radicibus Salsæ parillæ omnino similes, reliqua apud ipsum, Lib. de  
plantis Ægypt. cap. 43.

## CAP. IV.

## De China.

**N**omen habuit à China regione unde in Indiam Orientalem primùm illata est, & inde in  
Europam.

1. *China radix* J. B. *China radix*, & *Lugd. Fragofo* C. B. *China vulgaris* Officinarum Ger. *China*  
*radix* Officinarum Park. *Jupicanga Brasiliensibus* Pisoni. *Oleacatzan Pabuatlanica* Hernan-  
dez. *China*.

Radices hujus plantæ (describente J. Bauhino) magnæ crassæq; sunt [pugni interdum magnitu-  
dine Acoftæ] apophysis tuberosis inæquales, lentis fibrarum fragmentis hinc inde apparentibus,  
fatis ponderosæ, modò effretæ non sint, colore foris ex fusco rubente, intus ex modica rubedine  
albescente, substantiâ mediocriter compactâ, nullis fibrarum pectinûmve vel vestigiis apparenti-  
bus, quomodo ferè videmus Juglandium fungos compactiores, sapore nullo manifesto, unde *amls*,  
i.e. qualitatis expertis, nomen apud nuperos meruit.

Figura Lugd. hist. demonstrat eam sub terram serpere, ac variis ex locis teretes ac lignosos pro-  
cessus emittere, quibus nova radicum aliarum soboles adnascitur & incrementum capeffit, multis &  
tenuibus alioqui fibris capillata.

Optima est recens, sapore insipida, quod tamen improbat C. Hofmannus, densa, solida & pon-  
derosa, quæ neq; teredinem neq; cariem senserit, plena humore quodam pingui & unctuofo, qui  
masticando quidem satis evidens sit, in decocto autem evidentior: Decoctum autem sit aromati-  
cum, cum sapore modò acri, modò amaro, cum adstrictione aliqua, cum odore etiam aliquo, modò  
non ab adjectis aromatis traxerit, colore inter album & nigrum medio. Radicem candidam præ-  
rubente commendat Garcias.

Planta ipsa ab Acofta his verbis describitur,

Planta est multis tenuibus, spinosisq; sarmentis prædita, Smilaci asperæ non dissimilibus, quo-  
rum maxima minimum manûs digitum crassitudine non superant, foliis Plantaginis latifoliæ ma-  
gnitudine. [Garcias Mali Assyriæ, Linschotanus Aurantiæ foliis ea comparat.] Juxta arbores se-  
rendam esse perhibent, quoniam suo complexu hederæ modo eas scandit. *Garc.*

Huic eandem speciem esse existimo, & qualitatis tantum à loco natali ortis differre Chinam  
Indiæ Occidentalis, quam ita describit Guil. Piso. Ejus Brachia spinis acutissimis hinc inde \* *Lib. 4. cap.*  
obscita sunt clematis instar, vicinas arbores earumq; summitates sinuosis flexibus amplectuntur. Folia 62.  
fert Plantagini haud dissimilia, ac baccas croceas ad aureum colorem vergentes, ac racematim pro-  
venientes.

Nec diversam quam describit & depingit \* Francisc. Hernandez. Herba est (inquit) folia fe- \* *Hist. Mex.*  
rens oblonga, acuminata, & lineis secundum longitudinem discurrentibus insignia, caules volu- *l. 6. c. 55.*  
biles & tenues, fructum acinosum ac racematim dependentem in summis caulibus, qui cum matu-  
ruerit nigrescit: radicem contortam, geniculatam, fulvam, & Arundinaceæ similem, sed densam  
ac gravem. Arbores excelsas scandit atq; complectitur.

Differt ab Orientali China, cujus radix levior est, rarior, albidior, tenera ac minùs astringens,  
& tamen eisdem panè usûs præstare periclitatum est. Cum figura & reliqua descriptio conveniant non  
tanti facio has differentias, ut speciem distinctam putem.

Nascitur abundantissimè in Chinæ regno: invenitur tamen etiam in Malabar, Cochin, Cran- *Locus.*  
ganor, Coulan, Taner & aliis locis. Acofta. Quinetiam in Brasilia Americæ, inque regione  
Mexicana.

Quod ad facultates (verba sunt C. Hofmanni) conciliata fuit radici huic autoritas à mercatori *Vires.*  
bus Chinesibus post Annum 1535. Hi enim affirmabant, scribente Garcia & Acofta, curare il-  
lam luem Veneream, sine accurata illa victûs ratione quæ vulgo observatur, non tanto etiam tem-  
pore, nec tanto cum fastidio. Quare apud Indos cognita magno pretio fuit coempta. Hoc no-  
mine cum commendaretur ab Hispanis Carolo V. Imperatori, ut est apud Avilam, lib. 1. *Belli Ger-*  
*manici*



*manici*, & Vesalium in *Epist. de hac radice* usus est ille propria voluntate, sine ullius Medici cubicularii consilio: ideo sine successu, cum neq. servaret debitum vitæ modum, neq. continuaret. Quo factum est ut, facili momento relaberetur ad Guaiacum. Nihilominus negotio palam facto, non tantum Medici Principum volebant scire à Caesarianis rationem exhibendi, sed Principes ipsi sollicitabant Caesarem, pateretur rem innotescere. Tantum poterat inanis spes adipiscendi sanitatem absq. methodo Medendi. Quæ cum apud plerosq. omnes decollaret, cœpta fuit verti licentia temere decantata, in rigorem Guaiacorum, simulq. laboratum, quomodo China ad temperamentum Guaiaci deduceretur. Haftenus Hofmannus.

De viribus & usu radices Chinæ vide Garciam, Acoftam, Monardem, Vesalium, qui integrum de ea librum scripsit. Extractum cum Sp. Vini rari usus est, adhibetur crebrius in decoctis, sufficitq. una uncia vel duæ unciae pro lb. novem aquæ, inquit Schroderus. Quoniam omnis saporis expers est China gratissima est faciendo contra lue Veneream decocto, quod recipit radices Chinæ in orbiculos concisæ ʒij, aquæ fontanæ lb. sex aut septem macerentur simul diem & noctem in fictili novo: postea lento igne coquantur in fictili bene operculato aut in MB, ut fit decoctum Salis aut Guaiaci, quoad satis videbitur [Garcia ad dimidium usq. humoris consumptionem, verum minorem Chinæ quantitatem præscribit, nimirum unam tantum unciam pro septem aquæ libris.] Hujus decocti bibat quotidie bis quantum ægroto & Medico satis videbitur. Prodest hoc decoctum non tantum in Lue Venerea, sed etiam in omnibus morbis sudores postulantibus. Explicatius Garcias utile præterea esse scribit ad paralyses, tremores, articulorum dolores, sciaticam, podagram, tumores scirrhosos & oedematodes, tum etiam strumas extirpat. Succurrit ventriculi imbecillitati, inveterato capitis dolori, calculo & vesicæ ulceribus. Addit Acofta hemicraniam, herniis humoralibus & ventosis, in colli vesicæ & penis callis eorumq. ulceribus. Monardes addit, icterum solvere, & omnem hepatis intemperiem emendare, ad quam valde celebratur; febribus diuturnis, quotidianis & erraticis prodesse. Venerem admodum excitare creditur.

J. Bauhinus certum esse ait Chinam ritè administratam Lue Veneream superare, cutem mundare, dolores profligare, macies reparare, humiditatem habere oleosam, atq. firmiter substantiæ adhaerentem, ut hac ratione & diuturnam & multoties repetitam patiatur coctionem, si minimè cariosa fuerit, neq. admodum gracilis & ficca, sed mediocriter gravis, colore inter album & ruffum medio: præscribit autem unciam tantum Chinæ pro sex libris aquæ.

Præcipit Vesalius (atque etiam Monardes & Acofta) ut decoctum hoc calidum conservetur, vel singulis diebus recens fiat, alioqui ait acidum fieri & corrumpi. Sed experientiâ docetur oppositum, nec servatum quatuor dies acescit. *J. B.* Potest secundò vel tertio decoqui.

Fallopium ex decocti usu homines valde pinguescere ait. Cujus rei oculatus testis sit Alpinus 3 *Med. Egypt.* 16. & iterum *lib. 4. cap. 1.* ubi testatur, vidisse se plurimos emaciatis decocti hujus usu corpus recepisse. Quin Turcas qui delectantur uxoribus bene habitis, eodem decocto crasse facere delicias suas.

Piso tres Chinæ species reperiri scribit licet paucioribus cognitæ, quæ omnes sub eodem nomine comprehenduntur ob summam quam inter se habent similitudinem; verum ille non multò notiores illas facit, sed nos in media nocte relinquit.

2. *China spuria pyriformis* C. B. *spuria pyriformis sive turbinata* J. B.

Hujus descriptionem videbis apud Lobelium & J. Bauhinum.

3. *China spuria nodosa* C. B. *Pseudo-china* Ger. *Pseudo-china radix Clusii* J. B.

*Clus.*

Valde nodosa erat hæc radix & in aliquot tubera formata, subrutilo colore, sarmenti aliquam partem summo fastigio adhuc retinens, quale in Smilace aspera conspicitur, duri, lignosi multis venis, ut Smilacis sarmenta præditi: ipsius radices substantia etiam subrutila, ut in Acori adulterini radice, falsi initio saporis sive gustus cum videlicet vetusta, deinde exsiccantis. E Virginia allata est pro radice Chinæ, quamvis (ut scribit Tho. Harriotus Virginienfis historiæ auctor) indigenæ nullum illic usum norint, sed aliâ radice utantur Chinæ Orientali valde simili & fortasse eadem, è qua concisa contritaque & cum aqua expressa ad succum eliciendum panem conficiunt: è decocta fit jusculum gelatinæ æmulum in cibus laudatum, præsertim si oleo contemperetur. Huic cauliculos spinosos attribuit, & juxta arbores satum eas scandere & in fastigia earum summa evadere scribit; ut vix dubium sit ipsissimam Chinam Orientalem esse.

4. *China Michuacensis* Fr. Hernandez.

Herba est Arundinacea innitens radici rubræque, sed densæ ac gravi, è qua caules insurgunt arundinei, lævis ac ferulacei, longi, pollicemque crassi, foliis ornati per intervalla magnis, cordis figura, ac nervis secundum longitudinem discurrentibus, quod evenit in cæteris, quibus etiam hæc viribus similis est.

Nascitur Michuacani, ubi Phaco vocant. An hæc eadem sit præcedentium alterutri nescimus.



## CAP. V.

## De Bryonia.

**B**ryonia à *βρύον* pullulo, *germino* dicta putatur, quia pullulat & spargit se, & luxuriat vehementer. Alii à *βρύον* extollo, exalto deducunt, eò quòd in propinquos frutices scandens se extollat; verum cum *υ* scribitur quod huic Etymo repugnat. Vitis alba dicta est, non solum quòd foliis & viticulis vitem sativam referat, verum etiam quòd fructum in exiguae uvæ similitudinem, acinis licet raris, conformatum producat. Melothron appellari videtur à colorum concinnatione: nam Græci *μυρωδὴ* vocant *εἰμυατὰ* & *καλλωπισματα*, id est, colorum infectiones & concinnationes, quòd coriis fortè ex Bryoniae albæ fructu accedebant, ut conjectatur *J. B.*

Bryoniae albæ notæ sunt capreoli, caules non spinosi, folia vitiginea, vis cathartica vehementior.

- A. 1. *Bryonia alba* Ger. *alba vulgaris* Park. *aspera*, sive *alba baccis rubris* C. B. *Vitis alba* sive *Bryonia* J. B. *White Bryony*.

*J. B.*

Brachialem interdum crassitudinem *radix* adipiscitur, alba (exciccata similis Mechoacæ, circulos enim habet, verum differt quòd sit fungosa, sapore acri, amaro & viroso) unde *flagella* exeunt tenera, striata, subhirsuta, quæ longè latèque claviculæ beneficio se spargunt, & proxima quæq; scandunt: *folia* hederacea, angulosa, hirsuta, incana, viridantia, aut areis candidis discurrentibus undulata, ut in Cretica quam vocant recentiores: ex foliorum alis *flores* simul aliquot juncti, è quinque foliis compositi exeunt, colore albido in herbaceum languente, quibus succedunt acini Sambucinis pares, per maturitatem rubri, succo croceo, nauseoso, granulisque turgentibus.

Hujus duplex habetur species seu potius Varietas, altera *mas* seu *sterilis*, in qua Florum racemuli *Varietates* pediculo communi palmum longo insident, cum in foemina seu fertili pediculo perbrevis, vix unciali *maris & fa-* donentur: *flores* quoque duplo majores sunt, medium occupante pro stylo umbilico brevi, in qua- *mine.* tuor segmenta lata obtusa diviso, fimbriâ circum oras flavâ cincta: altera foemina seu fertilis. Flos monopetalos in quinque segmenta acuta dividitur, è luteo albicans, lineis nigris striatus: Summa autem baccæ insidet pediculo brevi ex ipso apice baccæ exeunte, & brevi postquam aperitur integer dilabitur.

Ad sepes frequens reperitur.

*Locus.*

- \* 2. *Bryonia alba baccis nigris* C. B. *alba vulgaris fructu nigro* Park. *Vitis sive Bryonia nigris baccis* J. B.

Prolixam & particularem hujus descriptionem vide apud J. Bauhinum è Cordo descriptam. Differt à priore radicibus & baccarum colore: hujus radix interiùs buxæ colore pallet: illius ex albedo sublutei coloris est: hujus baccæ maturæ nigricant, illius rubent. C. B. quæ notæ pro descriptione aut distinctione sufficiunt, nam reliquæ pleræque à Cordo adhibitæ utrique generi communes sunt.

Radix Bryoniae purgat validè serosos & pituitosos humores: splenetica, uterina, & jecoraria est, *Vires.* utpote quorum obstructions aperit. Hydropicorum aquas per vomitum ac secessum educit, menses ciet, foetum ejicit, suffocationes uteri arcet, asthmata sanat, podagricis convenit intus & extus. *Schrod.*

Platerus, referente Hofmanno, accipit radicem antequam germinet, & detracto cortice in taleolas sectam filo trajicit, modico calore ficcat, sive is solis sit, sive ignis. Mox infundit in vino generoso & iterum exciccatur. Hoc repetit aliquoties. Ita præparata, aiebat, purgat sine molestia.

Idem troch. parat hoc modo, Bryoniam ita correctam in pulverem redigit, & vino Malvatico, in quo Zingiber maduerit, irroratam cogit in pastillos tenuissimos: quos siccatos tenuiter pulverisat, & utitur in infusionibus. Ita purgat instar Agarici trochiscati. *Hofman. in de medicam. Officin.*

Conserva radicem magnitudine nucis Myristicæ bis in die sumpta, usu ejus per longum tempus continuato, Epilepsiam vel etiam hysterica passionem persæpe profligat & sanat. Idem præstat radicis frustulum poculo quo ager ad bibendum utitur perpetuo inditum. *D. Bowle.*

Hujus asparagis, qui prima germinatione exeunt solebant Veteres vesci, ut docet *Columella* l. 12. c. 7. Ab omnibus pro more per Ver edi tradit Galenus, eduliumque esse propter adstrictionem stomacho gratum. De iis etiam Paulus hoc modo scribit, Bryoniae asparagi stomacho quidem accommodati sunt, & urinam cient, parum tamen nutriunt, etsi cum coquantur olerum asparagis in nutriendo efficaciores sunt. Quæ de Vitis sylvestris, sive Tami quidem, sed nequaquam de hujus germinibus veritatem habent, inquit Dodonæus, nam hujus asparagi nequaquam altringunt, sed alvum vehementius commovent, stomachoque gravem molestiam inferunt.

Circulatores & Agyrtæ nonnulli ex hujus radice mira quædam monstra effingunt, quæ cum aliquot dies ficcæ arenæ mandaverint, pro Mandragoris postea distrahunt. *Trag. J. B.* Hæc impostura nostratum etiam vulgo illudere solent ejusmodi nebulones.

Bryoniae radix commendatur in Hydrops internæ, & externæ applicata regioni renum. *S. Grembs.* p. 58. Hydrops enim interdum audit Lethargus renum. *D. Tancr. Robinson.*

Dolorem ischiadicum radix recens tusa, cum Lini oleo mixta, & tepide applicata mirum in modum pacat. Renovandus est labor donec tota materia morbifica transudetur. *Tachenius de morborum principe*, p. 183. *Hel.*



Helmontius de vi & efficaciâ hujus radices in contusionibus lividis sanandis sapius agit; cui memorabile experimentum in quodam erudito amico nostro factum suffragabatur, inquit *D. Boyleus* in *experimentis de corporum porositate* p. 18. Habui è Collectaneis *D. Tancr. Robinson*.

Ad lateris dolorem, R talcolam radices Bryoniae, tosta calidè lateri applicetur. *Chefneau* ex libro *Arcanorum*.

Ad scrophulas tam apertas quàm non apertas, R Rad. Bryoniae quæ sit magna & bene nutrita fßß. in talcolas minutiss. sectam frige in sartagine quousque contabescant, cola; adde terebinth. abietis fßß. ceræ 3v. F. unguentum, materiâ ab igne remotâ. De hoc unguento, quod est valde viscidum, supra strumas cum panno lineo appones manè & vesperi; vel enim strumas resolvit, vel ad suppurationem deducit, tandemque sanat ulcera. Nunquam fallit, ait *Zacutus* cum juramento. Vide curationis processum lib. 1. *Prax. admirand.* Obs. 101. Communicavit *D. Edv. Hulsius*: qui & alias plurimas Observationes medicas Historiæ nostræ contulit.

Luna crescente, tempore verno Radicem Bryoniae terræ adhuc immersam excava, semper imponendo operculum ex superiore radices parte abscissum & omni manè duo vel tria exudantia cochlearia habebis. Succum hunc singulis matutinis horis à cochleari uno ad 2, vel 3, Hydropico exhibe; quo solo vili medicamine plures, Deo adjuvante, curavi. *D. Soame* è Dolai L. 3. C. 9. S. 21.

- \* 3. *Bryonia alba maculata* J. B. *Cretica maculata* C. B. *Cretica dicoccos* Park. *Bryonia Cretica* Pon. Ital.

C. B.

Hæc radice est longâ, sed ad vulgaris magnitudinem non accedente, & in eo diversâ quod circulares lineas non habeat: foliis quàm vulgaris minoribus, albis striis per medium discurrentibus vel maculis albis notatis: floribus majoribus, ex longis pediculis propendentibus. Cuilibet flori fructus succedit semicircularis, supernè in duas partes divisus, viridis primum, at per maturitatem ruber, semina duo continens, quare dicoccos appellari potest: in reliquis cum vulgari convenit.

## CAP. VI.

### De *Bryonia nigra*.

Hujus characteres generici sunt caules volubiles, folia convolvuli majoris.

- \* 1. *Bryonia nigra* *Dioscoridis* Park. *nigra* Ger. quid?

Park.

Ex radice crassâ, exteriùs nigricante, flavescente intus, succo lacteo prægnante, viscido & digitis adhærente, multa emittit sarmenta, longa, viridia, foliis obsita latis, acuminatis, integris & indivisis, per margines æqualibus, obscurè viridibus; è quorum sinibus capreoli exeunt tortiles quibus obvia quæque apprehendit. Versus summitates unâ cum capreolis exeunt racemi longiusculi florum albicantium muscosorum, quibus succedunt baccae per maturitatem nigricantes.

Hanc plantam nec unde aut à quo habuit, nec ubi viderit, si omnino viderit, nos docet, sed in media nocte relinquit.

- A. 2. *Bryonia nigra sylvestris* Ger. *sylvestris nigra* Park. *lævis*, sive *nigra racemosa* C. B. *Vitis nigra* quibusdam sive *Tamus* *Plinii*, folio *Cyclamini* J. B. *Sigillum* B. *Mariæ* Offic. *Black Bryony*.

J. B.

Radix magna, crassâ, tuberosa, rotunda ferè, foris nigra, intus alba, profundè in terram demersa, ut non nisi altissimè adacto ligone quis facillè consequi possit: viridis à nobis gustata saporem acrem linguæ imprimebat, non tamen ingratum aut amarum: ficcata candidissimâ substantiâ accedit ad Dracunculæ minoris radicem, nullis circulis donata quales apparent in Bryonia, quæ facillè in pollinem redigi potest, nec rara ut illa sed compacta, in eo accedens ad Mechoacam, ab ea etiam diversâ circulis, sapore quoque est non ingrato cum aliqua acrimonia; plures viticulas emittit, quæ proximis se circumvolventes in altum nituntur, nullis claviculis donatæ. Folia alternatim longissimis pediculis hærent, Cyclamini foliorum ferè formâ, sæpe tamen acutiora, & duplo triplòve minora, infra supràque læto virore splendentia, tenera, multis nervis sinuatis prædita, gustûs viscidum. Flores inde oriuntur unde foliorum pediculi, racematim coherentes, in sex laciniis divisi, ex luteo virentes sive chlori: Summis autem baccis innascuntur pediculis tenuibus brevissimis, & antequam baccae maturecant defluunt. Succedunt racemi uvarum rubentium, aut ex rubore fulcarum.

Ad sepes & in dumetis frequens oritur.

Locus.

- \* 3. *Bryonia*

- \* 3. *Bryonia laevis* sive *nigra baccifera* C. B. J. B. *Bryonia nigra baccifera* Park.

C. B.

Hæc à communi *Bryonia sylvestri*, quæ *Tamus* dicitur, potissimum in his differt, quòd comitumis florem minorem habeat & racemosa sit; hæc verò flore sit majore & baccifera. In descriptione etiam flores albos huic attribuit, cum præcedenti ex luteo virides sint: baccas *Cerasis* comparat, & singulatim in singulis pedicellis è caule prodire scribit.

Provenit in sylvis circa pagum *Huningen* Junio florens; at baccæ Septembris fine maturæ *Locus* sunt.

De viribus hujus plantæ non convenit inter Botánicos. Compertum est (inquit *Lobelius*) vel *Vires* mulierculis, vehementius urinam renumque sabulum, mensiumque saburram impellere potu. Incidit & attenuat lentam pituitam, præsertim in thoracis affectibus.

De vi purgatrice nihil dum comperi, inquit *Casp. Hofmannus*. *D. Mart. Lister* nobis affirmavit se quamvis tum radicem ipsam in substantia, ut vocant, tum ejus extractum larga dosi sæpius exhiberit, nunquam tamen observare potuisse eam vel per vomitum, vel per secessum, vel alio quovis modo sensibili operari.

Pulvis radicum cum aceto & stercore vaccino ad formam cataplasmatismatis redactus podagricos dolores lenit.

De hujus *Asparagis* accipit *Dodonæus*, quæ *Veteres* de *Bryonia* *Asparagis* tradunt, esui sci. aptos esse: nam hos *Matthiolus* verno tempore cum primum erumpunt *Asparagorum* more decoctos mandi prodit. Sunt etiam, qui asserunt in Hispania Batice in cibaria recipi.

- \* 4. *Icipo Brasiliensis* Marggr. *Bryonia* species videtur. An *Aparaqua* Hernandez?

Marggr.

Circumvolvitur se arboribus, lignum ejus lentum, vimineum, cortice cinereo. Folia dilutè virentia, hinc inde in ramulis posita, conspicuis venis transversim prædita, quatuor circiter digitos longa, acuminata. In ramulorum extremitatibus multi prodeunt flosculi, quinque petalis albis deorsum incurvatis constantes: in medio autem multa habent staminula coloris lutei. Odoris sunt suavis.

Fructus non describit, unde de genere hujus plantæ nobis non certò constat. Cum *Bryonia nigra* conjunximus tum quòd consimiliter caule scandat, tum quòd fructus racemosos producat.

## C A P. VII.

*Baccifera racemosa erecta.*

*De Angelica baccifera.*

**A**ngelica à foliorum similitudine dicitur. Statura elatiore, foliis *Angelicæ*, baccis minoribus, obscure rubentibus, dulci sapore à *Christophoriana* distinguitur.

*Panaces æmulus*, sive *racemosa Canadensis* Cornut. *Panaces æmulus*, sive *Racemosa Americana* Park. *Angelica baccifera* vulgo, *Berry-bearing Angelica*.

Cornut.

*Radix* pollicari crassitudine deorsum fertur: effossam vidi pedem longam, & nè sic quidem solidam sed abruptam. *Caulis* rotundus, geniculis articulatus, ramosus, obscure purpurascens, medullis cartilagine repletur. Folia ab eodem pediculo plura, ex rotundo in acumen gracilescunt, ambitu serrato. Ex geniculis prodeunt pediculi, caulem sinu amplexantes, cujus in finis cavitate oculus delitescit subsequenti uvæ rudimentum: sicque ramuli & caulis per genicula mediâ ætate non floribus modò sed & gravidis baccis racematim contextis onerantur. Flos viti æmulus primum herbaceus est, postea paulò magis candicat: hunc uva excipit, acinis per initia virentibus, deinde saturè rubentibus, quibus suavitas inest, gustui acceptissima, intus pleniori semine turgent. Sapor foliis & radici *Panaci* similis, uvæ gratior.

Singulis annis caulem & folia deponit, sequenti anno nova producit.

Ubique provenit solo macro, pingui, limoso, etiam inter difficultates saxæas.

## C A P. VIII.

*De Aconito racemoso seu Christophoriana.*

**F**oliis *Imperatoricæ*, fructu majore, facultate venienata & deleteria ab *Angelica baccifera* discernitur.



- A. 1. *Aconitum racemosum*, *Aëtea* quibusdam J. B. *Ac. racem. an Aëtea* Plinii lib. 27. cap. 7.  
C. B. *Christophoriana* Ger. *vulgaris* Park. *Herb* Christopher, or *Bane-berries*.

*Radice* crassiuscula, foris nigra nititur, fibris donata, interius Buxi colore lutea. *Caules* sesquicubitales, ramosi, tenues, teretes, geniculati. *Folia* rugosa, infernè splendentia, interdum utrinq, & si tota considerentur valdè ampla; abeunt enim in tria segmenta, pediculis palmaribus & sesquipalmaribus donata, atq, hæc rursus trifariam divisa, sæpiusq, interdum triplici illà divisurà dissecta, ut tandem terna simul folia singularia conspiciantur, Imperatoriæ quodammodo similia, oblonga, acuta, profundè satis incisa, quorum medium folium, incisuris duabus profundioribus dissectum, tripartitum apparet. *Flores* racematim dispositi, candidi, ex foliis quinque caducis compositi, intra quæ *stamina* candida, herbido nonnunquam apice. *Baccæ* succedunt rotundæ, paulò longiores, per maturitatem nigræ, striam lineamve ab una parte ostendentes, uvarum acinis aliqui similes, & in uvæ modum coherentes.

Locus.

Plerisque Germaniæ in locis, speciatim circa Rhenum Mosamq, in sylvis præsertim montosis occurrit, vivaci & diuturna radice, quotannis cauliculos & folia regenerans. Invenitur etiam in sylvis *Haselwood* in agro Eboracensi, non tamen copiosè.

- \* 2. *Aconitum baccis niveis & rubris* Cornut. *Christophoriana Americana baccis niveis & rubris* Park.

Cornut.

Verno tempore apud nos utrumq, hoc genus in pedalem *caulem* profilit. *Radix* nigrior, nec imum petit, nec in latera spargitur; sed coacta in se adnascentibus undiq, fibris capillatur. *Caulis* purpurascit, pulliq, pariter, qui multi ab radicibus germinant. *Folia* ni minora essent Vitium ac Ribes poterant videri, paulò rugosiora tamen, ac in viridi colore sunt obscuriora. *Caulium* cacumina, Maio mense, in uvam se spargunt, mille apicibus verius quàm *flosculis* compositam. (quanquam si seorsim *flosculum* ungue molliter præcidas nec vires, sex alba foliola apicibus substrata agnosces) Innascitur singulorum umbilico turbinata quædam *pilula*, quæ postquam pleniore incremento convalluit orbicularis est figuræ. Punctum purpureum istius baccæ extremum signat, similisque coloris longior subest pediculus; *bacca* ipsa nivea; variat tamen interdum colore; vidimus enim etiam rubellas.

In opacis & sylvestribus locis in America parte Septentrionali frequentissimum est.

Locus.

## C A P. IX.

*Solanum racemosum Americanum. Solanum magnum rubrum Virginianum* Park.

Park.

**C**aulis surgit crasso, firmo, tereti, rubente, quinque aut sex pedes alto, *foliis* nullo ordine positis, amplis, lævibus, venosis, pallidiùs virentibus & interdum rubentibus, Solani ferè figura, per margines æqualibus vestito, in ramos multos diviso, Solani lethalis in modum, E geniculis in superiore caulis parte exeunt pediculi seu furculi *flosculos* racematim dispositos sustinentes, exiguos, pallidè rubentes, tetrapetalos; quibus succedunt *baccæ* per maturitatem atro-rubentes, quatuor singulæ nigra, subrotunda *semina* continentes. *Radix* cruris humani crassitie, alba, pedem longa in pluris annos vivax: verum ni defendatur brumali frigore facillè corrumpitur.

E Virginia & Nova Anglia delata est hæc planta: nos eam in hortulo nostro Cantabrigiæ aliquot annos aluimus.

Locus.

## C A P. X.

- \* *Solanum racemosum Cerasorum forma* C. B. prod. vel *Cerasa amoris racemosa rubra*.

C. B. prod.

**E**X radice fibrosa caules exurgunt bicubitales, angulosi, aliquantulum hirsuti, in multos ramos latè se spargentes divisi, qui infirmi sunt, & nisi ridicè sustineantur in terram procumbunt, succi pleni. Ex caulis latere pediculi tres, quatuorve uncias longi, hispidi, *flores* sustinentes prodeunt. *Folia* habet in multas lacinias acutas, impari semper numero, Agrimonix foliorum instar divisa, & per margines incisa, aliis foliis minoribus interjectis, pallidè virentia, aspera & gravem odorem spirantia. *Flores* plures, quorum singuli singulis pedicellis insident, luteoli, ex quinque foliis acutis compositi, à calyce viridi, quinquetolio sustentati, in quorum medio *capitulum* parvum rufescens, apicibus donatum, quibus *fructus* succedunt, quasi in racemo dispositi, Cerasorum formæ & magnitudine, virides primum, deinde per maturitatem rubentes; in quibus non secus quàm in Pomo amoris copiosa, humida medulla, & semen minutum albicans & planum continetur.

Planta annua est, & singulis annis ferenda, quamvis in horto meo ex deciduo semine renata sit.

Hæc descriptio in omnibus fere, excepta fructuum in racemos dispositione Pomo Amoris vulgari convenit.

C A P.

## CAP. XI.

*Plantæ epiphyllocarpe.**De Lauro Alexandrina.*

**H**Æc planta & Ruscus, qui genere cum ea convenit, ab omnibus aliis cujuscunque generis sint unicâ notâ facillè distinguuntur, quòd in iis fructus è medio folio enascatur, unde & Græcis *ἐμπύλλοις* dictæ sunt. Eas fortasse rectius ad frutices retulerim. Verum, quantum memini, quamvis caules plures annos durent, non tamen germinant aut augentur post primum annum, sed novi quotannis Asparagi seu cauliculi è radice exeunt.

Hippoglossum seu potius Hypoglossum & Bislingua dicitur à foliolis secundariis, ceu lingulis, è medietate folii enatis.

1. *Laurus Alexandrina fructu pediculo insidente* C. B. *Hippoglossum sive Bislingua* Park. *Bonifacia sive Bislingua* J. B. *Hippoglossum mas & femina* Ger.

*J. B.*

Sesquicubitalibus, lentis, hilari virore perfusis, striatis viminibus multis à radice adolescit, per quos alternata ferè folia, interdum plura veluti ex geniculis radiata visuntur, nunc latiora nunc angustiora, pulchrè virentia, crassiuscula, nervosa, verum obsequiosa, acuminata, quorum unicuique mirabili naturæ industriâ in medio enascitur aliud foliolum, consimili forma, non item magnitudine, cujus è sinu flosculi ita exigui, ac ita dissecti ut veluti muscosi videantur, emicant hexapetali colore herbido dilutiorè, & in flavum seu pallidum inclinante, quibus delapsis *bacca* succedit majuscula, rubra, Ciceris magnitudine ut Rusco. *Radicem* Columna Rusco similem dicit, majorem tamen, à qua plures turiones, Asparagi vel Rusci modo, exeunt. Fructum in Anglia non fert ob cœli inclementiam: imò in Italia rariùs eum perficit.

Gaudet umbrosis & montanis, frequentissima in Liguria Alpibus, Urbinati agro & quibuldam *Locus* sylvestribus montibus. *Matth.* In Ungariæ montibus etiam nascitur, autore Clusio.

Herbam & radicem in pulverem redactam commendant ad exsiccanda manantia vulnera ac ulcera, præsertim faucium, ad columellam prolapsam levandam. *Vires.*

Tradunt ex vino potam strangulatis uteri succurrere, herniis ab prolapsu interaneorum extuberantibus mira celeritate mederi. Cùm genere cum Polygonato conveniat, non dissimile veri est easdem cum illo facultates obtinere.

2. *Laurus Alexandrina* Lob. Ad. part. alt. J. B. *Alexandrina genuina* Park. *Alexandrina fructu folio insidente* C. B. qui *perperam* hanc *Lauro Alexandrinæ* Col. eandem facit, *Parkinsoni sententiâ*.

Hypoglossum seu Bislinguæ persimilis est, quoad crescendi modum; è radice fibrosâ, durâ, ad caput nodosa, multa emittit *vimina*, Asparagi modo, foliis vestita alternatim positâ, utrinque nervosis, rigidis ut Hypoglossi, inferioribus latis & subrotundis, uncias duas longis, plus unâ latis, in mucronem Rusci modo fastigiatis, quàm Hypoglossi pallidioribus. A medio folii non averfi (ut Lobelius) sed adversi, autore Parkinsono (qui plantam in horto suo enutrivit, & à quo ramulum ejus habuit Lobelius) crassiore nervo flosculus emicat stellatus, ex albo virescens, adeò brevi pediculo intercedente ut immediatè adnatus videatur. Flori succedit *bacca* rotunda, parva, per maturitatem rubra, in qua continetur *semen* durum medullâ albâ.

Hujus semen in horto Pisano collectum Parkinsono communicavit D. Flud M. D.

*Locus.*

3. *Laurus Alexandrina vera* Clus. *Laurus Alexandrina & Chamadaphne* Col. *An Chamadaphne vera Dioscoridis* Park? *An Hippoglossum Matthioli* Ger.

*Col.*

Rusci effigie est, admodum majore, Hypoglossum latiore, flores & fructus Rusci modo proferens ex medio folio, absque ligulis. Folia quàm Hypoglossi latiora, colore verò magis diluto & molliora, nec nervulis five venulis in longum tantum directis per folia, sed divaricatis.

Parkinsonus hanc à præcedenti differre ait foliis angustioribus & longioribus, supernè paulò viridioribus, infernè pallidioribus, cujus fructus averfæ folii parti plerunque accrescit pediculo non minùs curto quàm antecedentis; & C. Bauhinum reprehendit quòd Laurum Alexandrinam Lobelii Lauro Alexandrinæ Col. eandem facit. Nobis tamen C. Bauhinus minimè reprehendendus videtur; tum descriptiones enim tum figuræ Lobelii & Columnæ conveniunt, ut mihi planè persuadeam utrumque eandem specie plantam describere & depingere. Utcunque duas dari species concedo, cùm Parkinsonus ipse utramque in horto suo simul coluerit: verum secundam Parkinsoni, i. e. Chamadaphnen veram Dioscoridis à Lauro Alexandrina Col. specie diversam puto.

Joan. Tradescantius hanc Parkinsono communicavit.

4. *Laurus Alexandrina ramosa, fructu è summitate caulium prodeunte* Hort. Paris.

Hanc in horto Regio Parisiensi vidimus, verum alieno tempore, nimirum sub exitum brumæ, cùm neque fructum neque florem edidisset: Nec tamen eget proluxa descriptione, cùm notæ in titulo allatæ ad eam à reliquis congeneribus distinguendam abundè sufficiant.



## CAP. XII.

## De Rusco seu Oxymyr sine.

**H**æc planta genere cum Hypoglossæ & Lauro Alexandrina convenit, ab iisdem differt foliis minoribus, Myrti æmulis mucrone acuto & spinoso, unde & Oxymyr sine dicitur.

A. *Ruscus* J. B. C. B. Park. *Ruscus* sive *Bruscus* Ger. *Oxymyr sine*. *Knee-Holly* or *Butchers* *hroom*.

Duorum dodrantum, nonnunquam etiam duum cubitorum altitudine, densis *viminibus*, lentis, fractisque contumacibus & striatis fruticat, usque in multos ramulos diductis, in quibus confertissima *folia*, Myrtinis paria, rigidula, nervosa, mucrone infesto pungentia, nullo pediculo ramis hærentia, parte prona ad latus inflexa, ut non sursum & deorsum, sed dextrorsum & sinistrorsum spectare videantur, dura & robusta, sapore amara, & adstrictoria vi efficacique pollentia; ad quorum medium *flos* minimus, perbrevis pediculo hærens, enascitur, qui ubi primum oritur, aciculæ nodulum figurâ suâ exprimit: expansus verò tria latiuscula foliola, inferiore quidem sui averſaque parte folium, cui quasi stragulo incumbunt, respicientia, lintris in modum excavata, sinuataque ostentat omnia, reliquis interim tribus, quæ ternorum instar radiorum sunt efformata, in angustum apicem definientibus. Florem deinde *fructus* sequitur rotundus, Asparagorum baccis major, rubescens, subdulcis, sub cuius pellicula bina latent *semina* magna, fulva, altera parte gibbosa, alterâ plana, insignis duritiei. Succrescit quotannis nova Asparagorum simillima propago aromatica aliquantulum, amara, ut annotat Lobelius. *Radices* crassæ, obliquæ, implexæ, fibras demittunt crebras, Asparagorum fibris similes, albas, longas.

*Vires.*

Radix recensetur inter quinque communes aperitivas. Ad infarctus & obstructions tollendas non parum conferre ipsi (inquit J. Bauhinus) multoties experti sumus. Usus ejus præcip. in obstructione hepatis [ictero] urinæ [stranguria] mensium. Alii de his qualitatibus dubitant. Alii, ut Dodonæus, in ipsis hydropicis obstructionibus magna utilitate præscribi posse & solere aiunt.

Jo. Bauhinus textorem quendam sexagenarium, cui pedes & abdomen totum in immensum propemodum tuebant, ipsumque adeo Scrotum capitis pueri amplitudinem æquabat; radicis hujus & Iridis atque Fœniculi decocto ex aqua usu [exhibitis interim etiam eradicativè purgantibus aliquoties, administratisque cæteris ad rem pertinentibus, potissimum omni præter jam dicto interdicto potu] unius tantum mensis spatio D. G. tanta foelicitate se perſanâsse refert, ut ipsemet [textor] sub mensis finem pedes ad se, & sæpius postea gratias habiturus & relaturus profectus sit. Reliqua vide apud J. B. lib. 5. cap. 40.

In ossibus fractis consolidandis non minus efficacem esse aiunt hanc radicem Polygonato aut Symphyto majore.

In Italia ipsum fruticem passim in scopas concinnari vidimus, inquit *Cherlerus*. Rustica plebs in carnario suspendit, tuerique eo à murum injuria pernas, & casei sui fscellas: neque enim acuminata in cuspidem foliorum ejus cacumina penetrare animalia illa audent. *Marcel*.

\* Tom. 1.  
part. 1. p. 582.

Barthol. Cabrolus non ignobilis chirurgus Monspelienſis, referente \* J. Bauhino, Rusci radice copiosè infusa in aqua, potaque manè & serò per se, & in pastu vino permixta, aliisque cibis, ut iustulis, ipsique adeò pani, unius mensis aut quinque septimanarum spatio duas puellas ascite laborantes curavit, ut altera viginti annos sana & incolumis supervixit. Jo. Bauhinus ex vacationis modo ac impetu (nam ex vulva magno impetu profluxerunt libræ octoginta aquæ sine ulla intermissione) potius hydropem matricis fuisse putat, cum vix credibile videatur tantam aquæ vim ex abdominis capacitate sine immensa virium, ac forte etiam vitæ, jactura tam impetuoso & continuo fluxu evacuari potuisse.

Exemplum mendici hydropici, in quo decoctum radicis Rusci mira perfecit, Vide apud Riverium Observ. Centur. 3. Obs. 52.

## CAP. XIII.

## De Polygonato seu Sigillo Solomonis.

**Π**olygonaton Dioscoridi lib. 4. c. 6. quod radix crebro geniculata sit: vulgo Sigillum Solomonis haud dubiè à vestigiis pluribus radici ligilli instar impressis. Foliis nervosis cum Lilio convallium & Monophyllo convenit: magnitudine sua, caule multis foliis vestito flore cylindraceo ab eisdem differt.

A. 1. *Polygonatum* Ger. *vulgare* Park. *latifolium vulgare* C. B. *Polygonatum vulgè* *Sigillum Solomonis* J. B. *Solomons Seal*.

J. B.

Summo cespite transversa vagatur Polygoni *radix*, digiti crassitudine, pyxidatâ commissurâ inæqualis & tuberosa, candore marmoreo, densò fibrarum agmine capillata, sapore subdulci. *Caules* cubitales, & sequicubitales, teretes, odore si terantur dissecenturve nauseoso, summitate recurva velut arcuati; in quibus alternatim disposita sunt *folia*, Lillii convallium, nervosa, superne in atro virore



rore splendens, infernè cæcia: ex quorum alis flores exeunt pediculo semunciali aut unciali, in pedicellos breves subinde diviso, singulares, bini, terni, ab inferiore parte caulis unâ & continuâ serie dependentes, cylindracei, albi, oris herbidis, in sena segmenta divis, quibus totidem adnascuntur apices crocei, stylo albo intus unâ cum apicibus latente. Hisce decedentibus baccæ oriuntur virentes, mox glaucæ, corymbis hederaceis pares, aut paulò etiam majores, tribus zonulis à summo ad imum pictæ, in quibus semina sena vel septena, alba, dura, magnitudine Vicæ.

In sylvis, locis umbrosis & juxta margines sepium nascitur, in omnibus ferè provinciis: in Anglia tamen nostra rarius est. Locus.

Variat baccis rubentibus, purpureis, nigris.

\* 2. *Polygonatum majus vulgari simile* J. B. *latifolium maximum* C. B. *majus* Park.

Clus.

Formâ (inquit Clusius) vulgari pænè simile est, in duplo majorem tamen altitudinem excrevit, crassioresque habet radices & caules, ampliora folia longè plures flores, majoresque baccas. Sponte nascitur vulgari permixtum in quibusdam Austriæ & Pannoniæ umbrosis locis.

A. 3. *Polygonatum floribus ex singularibus pediculis* J. B. *latifolium flore majore odore* C. B. *majus flore majore* Park. *latifolium* 2. Clusii Ger.

J. B.

Pedales huic sunt caules, striati, firmi, non valdè inflexi, sed recti fermè: folia vulgari similia, eodémque modo, hoc est, alternatim circa caulem disposita, brevioribus tamen quàm in illo spatiis, minora etiam, firmiora, ingrati gustûs: ex singulis alarum sinubus duo aut tres exeunt flores, brevibus magnâque ex parte singularibus petiolis inhærentes, vulgari tum formâ tum colore similes, verùm majores, & odore (qui in vulgari nullus est) floris Spinæ appendicis. Baccæ deinde, virides initio & sphericæ, quemadmodum in vulgari, majores tamen, postea nigricantes, semen continentes osseum, durum. Radix longa, obliqua, geniculata, candida initio dum recens eruta, deinde pallescens, nonnunquam etiam purpurascens, præsertim circa germina, vulgaris radici ferè par, tametsi etiam aliquantulum tenuior inveniatur, interdum verò amplior, ubi pingue & benè subactum solum nacta est.

Floret Maio, baccæ maturæ sunt Augusto, interdum etiam multa hyeme, atque etiam ipsa brumâ è caule pendentes conficiuntur. Nos in rupibus & petrarum fissuris invenimus in Angliâ non longè à *Serle* Eboracensis provinciæ oppido: & in monte *Saleva* propè *Genevam*. Clusius in nemorosis illis montibus vulgò *Leytenberg* nuncupatis, supra *Manderstorf*, &c. & in plerisque aliis trans-Danubianis Pannoniæ montibus inter saxa: item in sylva *Quercubus* consita ad lavam *Mœni* fluvii paulò infra *Francfurtum*. Tempus & Locus.

Huic perfimile est, & ut mihi videtur, idem

*Polygonatum latifolium minus flore majore* C. B. Park.

Radice habet subrotundam, flores inodoros, baccas per maturitatem cæcias: reliqua conveniunt. In monte *Creutzacho* propè *Basileam* provenit.

\* 4. *Polygonatum latifolium Ellebori albi foliis* C. B. *Polyg. maximo folio* Park. *amplitudinis foliorum Ellebori albi* J. B.

Clus.

Superiori similem habet caulem, ejusdémque vel majoris etiam altitudinis, non adeò tamen rectum, sed magis inflexum: folia duplo ampliora quàm reliquorum, ad *Ellebori albi* foliorum amplitudinem nonnunquam accedentia, dura, nervosa, lævia, dilutius virentia, neque subtus incana, nonnihil acidi gustûs initio, deinde paulatim acris: flores alteri similes, inodoros tamen, neque ex singularibus petiolis singulos, sed binos aut plures ex oblongiore pediculo dependentes, ut in vulgari, cui etiam similem fructum habet: radicem albam, longam, obliquam, geniculatam, dicto *Polygonato* magnitudine parem.

Crescit copiosè umbrosis locis inter *Brunnam* & *Weyspach*, aliisque vicinis montanis sylvis supra *Viennam* Austriæ. Locus.

\* 5. *Polygonatum latifolium ramosum* J. B. C. B. *latif. ramos. sive* 4. Clusii Park. *ramosum* Ger. *Broad-leaved branched Solomons seal.*

J. B.

Folia huic per caulem cubitalem ramósque *Polygonati* foliis similia æqualiaque, acutiore mucrone, venosa, mollia, alternato posita, quos ima parte *Perfoliatæ* modo complectuntur: è quorum uniuscujusque sinu longus exit pediculus, unicus, nutabundus, tenuis, cui inhæret flos majusculus, *Lili* convallium, laciniatis oris extrorsum reflexis, quem inferiore parte scribit Clusius nigricantibus quibusdam maculis aspersum, odore propemodum *Oxyacanthæ*. Fructus *Polygonati* minoris sive angustifolii fructui similis, trigonus initio & viridis, per maturitatem verò oblongior & rubescens, parvæque *Cornæ* interdum æquans, in quo multa grana albicantia congesta sunt. Radix à *Polygonati* vulgaris radice differt: nam neque crassa est, neque adeò candida, sed exilis & nodosa, sive in frequentes nodos extuberans pluribus crassis fibris constat, ut *Thalietri* quædam genera.



Locus.

In umbrosis montis *Wechsell* sylvis, deinde in *Durrenstein*, &c. invenit Clusius, ad quem etiam è Silesia transmissum est.

6. *Polygonatum minus* Lob. Ger. *angustifolium* Park. J.B. *angustifolium non ramosum* C.B. *Parrot-leaved Solomons seal*.

J. B.

Alba *radix* geniculatim incedit, haud secus ac prioris *Polygonati*. *Caules* cubito altiores, similes, sed in his *folia* multis numeris angustiora, Rubiæ foliis paria, lavia, venosa, viridia cum aliqua coerulei tinctura, quaterna aut quina radiatim ex caulium geniculis enascuntur, ceu & herbacei *flores* *Polygonati* vulgaris, succedentibus *baccis* minoribus: Clusio *fructu* initio verficolori, qualis est Graminis *Parnassi* quorundam sive *Unifolii* fructus, deinde per maturitatem rubro, granulis albis, duris, reliquorum instar repleto.

Locus.

In sylvis montosis propè Spadam urbeculam acidulis celebrem copiosissimum observavimus, inque sylvis montis Salevæ propè Genevam. In editis montanis sylvis & umbrosis locis provenit.

\* 7. *Polygonatum angustifolium ramosum* J. B. C. B. Ger. Park. *Parrot-leaved ramose Solomons seal*.

Clus.

*Caulem* habet cubitalem, angulosum, in multas tenues alas divisum, quæ æqualiter ex singulis angulis exoriuntur, quaternæ interdum, nonnunquam & quinæ, pro angulorum qui in caule numero: *ramuli* tenues, longis & angustis *foliis* obsiti sunt, binis, ternis aut quaternis æqualiter in circuitu prodeuntibus, in quibus *flores* *Polygonato* proximè descripto similes, paulo tamen minores, brevi pediculo dependentes inter foliorum alas sparsi sunt; quibus succedit *fructus* rotundus, ruber, pulpâ plenus, aliquot ossea grana continens. *Radix* vulgari similis est, candida, nodosa, propagines ad latera fundens, & candicantibus fibris obsita.

Ex Silesia habuit Clusius.

8. *Polygonatum Virginianum* Park. Ger. emac. *spicatum sterile*, & *spicatum fertile* Corn.

Cornut.

*Radice* constat alba, tenui, quo à vulgari differt, ex longis intervallis geniculata, quæ Lili, quod convallium vocant, instar repit. Maio mense *Cauliculus* pedalis assurgit, è cuius utroque latere exeunt *folia*, inæquali situ disposita, vulgaris facie, acutiora tamen, pinguiora, & minus nervosa, imò nec subtus incana, sed grata & pellucida viriditate utrinque micantia. *Flos* neutiquam ex alarum sinu prodit ut in Europæis *Polygonatis*, sed summum caulis apicem occupat, ibique plurimus spicatum aggeritur, unusquisque proprio petiolo in caulis fastigium desinente sustinetur. *Flos* exiguus est, & quinque albis foliolis compositus, asterisci figurâ cum expanditur, filamenta quoque tenuia ejusmodi foliolis interferuntur. Excusso flore globuli tenues succedunt, qui sensim eam magnitudinem assequuntur quam in separato folio appingi curavimus. *Baccas* istas [minores quàm in ullâ ex prædictis *olygonati* specie] subrotundas excurrentes, lineæ sex nigræ, æquis intervallis utrinque in puncto velut in polo sese interfecantes, singulas, albas initio separant velut sphaeram Meridionales circuli, pari naturæ ingenio ac si Geometra composuisset. Hæ baccæ non mediocrem subeunt maturitate mutationem, sensim enim rufescunt donec omnino rubeant, rubore splendido coccineo, ac tum temporis signaturæ linearum penitus obliterantur. Ægrè admodum gustatur, fastidiosum enim saporem obtinet, qui ferè ex dulci in amarum tendit, Solani lignosi more.

Locus.

In Virginia & Nova Anglia sponte provenit.

\* 9. *Polygonatum racemosum* Cornut. *racemosum Americanum* Park.

Cornut.

*Radice* firmatur crassâ, subalbidâ, pluribus internodiis extuberatâ, nec paucioribus capillatâ fibris: *Caule* aliquando simplici, nonnunquam etiam, sed rarè duplici, eoque rotundo atque atropurpurante in duo cubita elevatur. *Folia* habet latissimè expansa; Nervi simili atque in Plantagine ordine per eorum latitudinem discurrent; varii coloris, nunc purpurei, nunc atroviridis. Ut autem folium quàm in aliis speciebus durius ac nigrius est, ita & ejus ambitus rugosior lineâ obscuriore clauditur. In apice caulis uvæ floridæ simulachrum apparet. Mollia filamenta dilutè pallentia *flosculorum* loco petiolis insident: ferè vigent octiduo, quo elapso succedunt *acini* rotundi baccarum Juniperi magnitudine, eximiam uvam componentes: flavescent hi per initia, & mille notis quasi sanguineis interpunguntur, longè verò postea maturitatem adepti, evanescentibus maculis illi toti in Cerasorum ruborem transeunt. Eorum pulpa dulci sapore linguam afficit, *feminâ*, alba continet subrotunda, quibus satis vel levissimâ adhibitâ operâ planta hæc facillimè pullulat.

\* 10. *Polygonatum ramosum perfoliatum flore luteo majus & minus Americanum* Cornut. Park.

Cornut.

Huic statim gracilis in exortu *caulus*, teres & glaber, palmarem ferè longitudinem assequitur, mox in duos ramos diducitur, quorum singuli in plures postea divisi, cubitalem sæpe longitudinem superant. *Folia* caulem pervio utrinque ductu ita excipiunt, ut *Perfoliatæ* instar medium penitus obvalent: lavia hæc sunt, oblonga, venosa, & extremâ parte obtusa, pallidissimèque virent. E supremo caliculis apice, & ipsorum etiam foliorum sinibus, incurvo deorsumque nutante pediculo *flos* luteus



teus propendet, sex angustis sed longioribus foliis compositus, quæ, ut in Tuliparum genere fieri solet, separatim dividuntur. In interna floris parte filiquæ rudimentum cum adnatis corniculis, sexq. longa, sublateaque stamina delitescunt. Cum defloruit pediculus sursum flectitur. Semen albidum filiquâ coriaceâ initio viridi, deinde furvâ, triangularisque formæ concluditur. Radix non adeo crassa est, nec adeo candida atque præcedentium, sed solâ fibrarum copiâ densius contextâ capillatur, nec proinde latius graditur ut superiorum. Florent ineunte Junio, Julio semina perficiuntur, quo tempore filiqua reſeratis commissuris trifariam hiat, ut concepto semini exitum patefaciat.

Variat foliis angustioribus & longioribus & in acutissimum mucronem desinentibus: flore quoque multo pallidiore.

Ex nova Francia delatum est hoc & superius genus.

Hæc planta Polygonati speciebus minimè accensenda videtur, quin potius Bulbosis affinium familiaria inferenda: at neque præcedentes duæ veræ & genuinæ Polygonati species sunt.

- \* 11. *Polygonatum latifolium, perfoliatum Brasilianum* C. B. J. B. Park. *Accedit in multis ad præcedentem.*

C. B. prod.

Caule est bicubitali, striato, folia Perfoliatæ modo transeunte: foliis pallidè virentibus, tenuibus, nervosis, uncias duas latis, quatuor longis: flore magno albo, ex foliis quinque angustis, binas uncias longis composito, qui ex longo, tenuissimo pediculo dependet. Fructum non vidit autor.

Hoc in Brasilia apud Toupinambaultios crevit.

Polygonati vires summam recenset Schroderus his verbis.

Vulnerarium est & astringens, fluxiones quasunque sistit; ossa fracta consolidat. Radix in vino decocta & pota mira præstat in contusionibus & fracturis ossium, in herniis, &c. Extrinsecus faciei maculas abstergit, cutim dealbat, &c.

Baccæ pituitam mucilaginosam per vomitum ac secessum educunt. Dos. ʒ4. aut ʒ5.

Ad menses albos, & Rad. Sigilli Solomonis saccharo condit. Est experimento probatum remedium sæpius utentibus. *Matthiolum.*

In Cerevisia forti coctum optimè convenit in Arthritide. *D. Palmer* dictante *D. P. Hermann*o annotavit.

Sylvius L. 2. C. 21. S. 131. inter Medicamenta antepileptica Sigilla sexto in loco recenset, cuius acetum & oxymel infantibus epilepticis auxilio fuisse se novisse ait, & acrimoniâ suâ salem suum volatilem manifestare nemo negabit in arte peritus, inquit. *D. Soame.*

- \* 12. *Polygonatum latifolium cauliculis rubentibus non descriptum* Hort. Lugd. Bat.

- \* 13. *Polygonatum flore pleno odorato* Hort. Reg. Par.

## C A P. XIV.

### De Lilio convallium.

**L**ilium convallium Recentioribus dicitur hæc herba, quod in opacis & lucis vulgò nascatur. Lilium inter Spinis & Lilium convallium Solomonis. Notæ ejus sunt: caulis nudus, flores parvi campanulati; baccæ rubræ.

- A. 1. *Lilium convallium* Ger. *convallium vulgo* J. B. *convallium album* C. B. *convallium flore albo* Park. *Lilly convally or May Lilly.*

J. B.

Radice tenui & alba, fibrata, summo cespite reptante donatum, *coliculus* profert palmarem circiter, angulosum, à cuius medio ad summum flores pulchri in unam ferè partem vergentes per intervalla, penduli & nutantes, in pediculis tenuibus curvisque nascuntur, parvæ notæ effigie, oris in sex lacinias dissectis, totidem staminibus ex herbido luteis fundo adnatis, stylum triquetrum circumstantibus, odore suavissimo, sapore amaricante: quibus succedunt rubra *seminum* conceptacula globosa, ut in Asparagis. Folia bina aut terna, lata oblonga Orchidis foliis similia; potius nervosa Polygonati. Maio mense floret.

In ericeto Hampstedienſi propè Londinium copiosè provenit; item in umbrosis ad latera montis *Locis*, Ingleborough & alibi in Septentrionalibus Angliæ.

*Lilium convallium flore rubente* J. B. C. B. & aliorum, *floribus suave-rubentibus* Ger.

Solo floris colore à præcedente differt. C. Bauhinus florem minorem esse ait & minùs odoratum.

- \* 2. *Lilium convallium cum pluribus florum ordinibus* J. B.

Hujus *coliculus* non contentus est uno florum ordine, sed utrinque producit flores uncialibus & semuncialibus pediculis, appositâ unicuique ligulâ ad exortum pediculi paris cum eo longitudinis.

3. *Lilium*



3. *Lilium convallium magnum* J. B. An *Lilium convallium Alpinum* C. B?

Foliorum dispositio, fibrosa striatâque textura cum nitido virore respondet foliis Lilii convallium vulgaris, duplo tamen aut triplo majora sunt.

4. *Lilium convallium latifolium* C. B. J. B.

C. B.

*Radicibus* est tenuibus, longis, repentibus: *caule* pedali, *foliis* ternis, viridibus, nervosis, subrotundis, lævibus, palmaribus, uncias quatuor latis, basi sua caulem fistulâ modo ambientibus: *floribus* magnis, albis, rotundis, hiantibus, reflexis & odoratis, quibus fructus rotundus, rubens, *semen* durum continens succedit.

In hortis quibusdam colitur.

Vires.

Flores, ut & folia, adversus apoplexiam, epilepsiam, paralyfin, vertiginem, aliâsque morbos capitis frigidos auxiliares esse feruntur. Sunt etiam qui velint cor roborare, ac cardiacis prodesse & lithothymiz.

In Germania alicubi conficiunt ex floribus per æstatem ficcatis vinum vindemiarum tempore, ipsos calcatis uvis admiscentes, quo postea utuntur ad prædicta.

Sunt & qui recentiores flores cum vetere & generoso vino destillant, vel solos, vel cum floribus Lavendulæ & Roris marini, vitreis organis in balneo aquæ. Qui fortiozem volunt, repetunt infusionem, iterumque destillant. Sic parata aqua Matthiolo dicitur aurea, quia in vasis aureis argenteisve servatur, & in omnibus periculosis morbis exhibetur.

Non radices tantum, sed & flores exsiccati & in pulverem redacti infigne *Æsculapio* habentur.

## CAP. XV.

De *Monophyllo*.

**M**onophyllum dicitur hæc herbula quod radices inter reptandum folia singularia emittant; nam in caule duo plerumque folia sunt, interdum tria.

*Monophyllum* Ger. *Monophyllum* five *Unifolium* Park. *Monoph.* five *Lilium convallium minus* C. B. *Unifolium*, five *Ophris unifolia* J. B. *One-blade*.

Reptando fibrillas profert tenuis *radicula*, subdulcis, candida: unde *coliculus* palmaris exurgit, tenuis, folio uno aut altero, rarius tribus donatus, formâ ad folia Sigilli B. Mariæ dicti accedentibus, minoribus, per longitudinem nervosis, averâque parte hirsutis. *Flosculi* candidi, odorati, quatuor foliolis, totidemque staminibus concoloribus, cum stylo constant. *Baccæ* succedunt Lilii convallium per maturitatem rubentes.

Locus &amp; Tempus.

In omnibus pæne editioribus Belgii & Germaniæ sylvis & dumetis invenitur. Primò observavimus in Hollandia, in luco quodam prope Hagam Comitum. Floret Maio & Junio. Nos Maii 28. in flore invenimus.

## CAP. XVI.

De *Mandragora*.

**M**andragora dicitur, quòd solis fervidioris impatiens ad mandras pecorum, antra, aliâsque speluncas umbrosas provenire amet. *Mandre* enim aprica loca quò se recipiunt & stabulantur armenta etiam hodiè Itali è Græco significant.

Notæ ejus sunt quòd nullos caules producat præter pediculos flores & fructus sustinentes, radices grandes anthropomorphas quodammodo.

1. *Mandragora fructu rotundo* C. B. *Mandragoras mas* J. B. Ger. *mas vulgarior* Park. *The male Mandrake*.

J. B.

Anthropomorphon dixere *Mandragoræ radicem*, crassam, longam, bifidam, incoxantem hominem, ut sibi persuadent, referentem: [radix interdum simplex est & indivisa, interdum etiam trifida aut quadrifida] è cujus capite *folia* exeunt, mari quidem circiter cubitalia, sesquipalium ferè lata, principio & mucrone angustis, atro virore prædita, foetida: inter hæc à radice quoque [nullum enim profert caulem] pediculi exeunt crebri, duarum unciarum, aut palmares etiam, *florem* singuli sustinentes albidum, ac nonnihil purpurascens, modicè hirsutum, Campanulæ ferè formâ, quinis segmentis, è calyce foliato, laciniato, itidemque villoso, odore foetido. *Pomum* sequitur rotundum, parvi Mespili magnitudine, ex luteo viride, *semina* continens alba, subrotunda compressa. [Pomum plene

plenè maturum croceum colorem acquirit *Park.*] Radicum in Officinis prostant solummodo cortices.

In calidioribus regionibus Hispaniæ putà Italia, Creta & Cycladibus insulis sponte in sylvis & um-  
brosis exit, necnon propè ripas fluviorum; in frigidioribus & Septentrionalibus nonnisi in hortis sata  
oritur.

Mandragoras mas alter *Park.* foliis ex viridi subcinereis & nonnihil complicatis à præcedente differt.

- \* 2. *Mandragora femina* J. B. Ger. flore subcæruleo purpurascens C. B. item *Mandragora fructu pyri* ejusdem. *Mandragoras femineus* Park. The female Mandrake.

*Clus.*

*Mandragoræ* feminae folia angustiora, minora & nigriora sunt quàm mas, magis etiam rugosa crispâque, virofa & graveolentia & humi expansa: inter quæ longi pediculi exiliunt, per terram strati, quibus insident flores *Melopeponum* floribus formâ pæne similes, coloris ex cæruleo purpurascens, quibus succedunt fructus, non turbinati instar pyri, sed rotundi, Vesicariæ fructu triplo majores, initio virides, maturitate pallescentem ex luteo colorem adquirentes, odorati, succi pleni, femine abundantes plano ut maris fructus, sed minore nigriorêque. Radix pedalem aut ampliorum longitudinem æquat, interdum bifida, intus alba, foris verò fusca, cui aliquot fibræ adnascuntur.

Supra Gades itinere Hispalensi, non procul ab urbe *Xeres de la frontera* dicta, ad arborum margi-  
nes, quæ secundum flumina sita sunt, & quibusdam aliis Bætici locis uliginosis florentem observa-  
bat *Clusius* Februario, &c. *Locus.*

*Mandragoras* inter narcotica & hypnotica medicamenta recenseri solet. Quod an de radicum  
cortice (qui officinis in usu est) verum sit nescio. Fructus certe immeritò, suspectus est. *Casp.*  
*Hofmannus*, An quisquam Pomum ipsum cum vel sine cortice impunè possit esitare se valdè igno-  
rare scribit. Aetius omnem malitiam videtur rejicere in semen, quasi illo dempto caro sit indemnitas,  
nisi nimis copiosè ingeratur.

Verùm, ô bone, pulpam etiam cum semine innoxie esitari posse te docebit, *Jo. Faber Lynceus* Ro-  
mæ *Simplicium* Professor, Vir eruditissimus, & fide dignissimus. Is, teste *Joan. Terrentio* Notis in  
*Hernandez de Plantis Mexican.* lib. 8. cap. 28. coram suis Auditoribus magnum *Mandragoræ* pomum,  
unà cum feminibus jejunos absumpsit, sine ullo vel somni, vel alterius mali signo minimo, & ut expe-  
rimentum esset certius, jejunos usque ad prandium, per aliquot nempe horas, permansit, & à vino,  
nè vispharmaci debilitaretur, abstinuit. Idem experimentum se quoque per se fecisse testatur *Jo.*  
*Terrentius*.

Cùm ergo *Mandragoræ* poma & esculenta sunt & odorata, non est cur aliam interpretationem  
vocis Hebrææ *Dudaim*, quæ matri suæ *Lia Reuben* attulit, queramus. Cumque veterum testimonio  
semen *Mandragoræ* potum uteros purget, verisimile est *Rachelem* hujusce facultatis consciam poma  
*Mandragoræ* expetivisse, ut purgato utero aptior ad concipiendum redderetur, liberòsque non mi-  
nus quàm *Lia* soror & in ancilla *Zilpha* procrearet. *J. B.*

Cortex radicis, qui ad nos aliunde, potissimum ex Italia asportatur, narcoticus est ac soporiferus  
(inquit *Schroderus*) rari usus intrinsecus. Extrinsecus ejus usus est in oculorum rubore ac dolore, in  
*Erysipellate*, in tumoribus duris, strumis &c.

*Agyrtæ* & impostores pro *Mandragoris* circumferre & plebi divendere solent fictitias quasdam  
imagines ex aliarum stirpium radicibus recentibus efformatas, *Althææ*, *Arundinis*, sed præsertim  
*Bryoniæ*.

## C A P. XVII.

*Ipeca coanna Brasiliensis* Marggravo. *Herba Paris Brasiliana polycoccus.*

*Marggr.*

**E**X radice spithamæ longitudine & ampliori, flexuosâ, nodosâ seu geniculatâ, multis filamentis  
lateralibus præditâ, quæque corticem habet subruffum instar *Tormentillæ*, interius autem al-  
ba est & in medio habens medullam, à qua reliqua substantia viridis radicis detrahi potest,  
medullâq. removeri, progeneratur unus aut alter *caulis*, semipedalis aut paulò longior, teres, lignosus,  
lentus, coloris cinerescens, partim terræ incumbens aliâque radices agens, partim surrectus. In  
uniuscujusque hujus summitate sex, septem aut octo ut plurimum folia insident modo *Herbæ Paris*, sit-  
perius saturatè viridia, inferius dilutiora, nervo uno secundum longitudinem, & multis venis trans-  
versis prædita instar foliorum *Lupini*, ad tactum ut folia *Asari* sed molliora. E medio horum in  
proprio pediculo enascuntur decem, duodecim, aut quindecim flosculi, in capitulum congesti, parvuli,  
albi, pentapetali, cum totidem staminulis albis. Post flores sequuntur totidem baccae brunneæ seu  
saturatè Laccæ coloris, magnitudine *Cerasi sylvestris*: bacca intus continet pulpam albam succulen-  
tam, cum duobus granis seminis duris, flavescens Lenticularis figurâ.

Amat planta humidam sylvas & in hortos translata nullum sumet incrementum.

Radix contusa, & drachmæ unius pondere in poculo vini aquâ mixti macerata, deinde leviter bulli-  
ta, si bibatur, per vomitum & secessum purgat, & non solum in dysenteria sed etiam in affectibus  
ventriculi datur optimo successu. *Locus.*  
*Vires.*



## CAP. XVIII.

## De Herba Paris.

**H**erba Paris dicta caulibus non ramosis, unico in singulis flore & bacca, determinatè five ex una distinctione foliatis ab aliis omnibus plantis distinguitur.

A. 1. *Herba Paris* Ger. Park. J. B. *Solanum quadrifolium bacciferum* C. B. *Herb Paris* oz *True-love, One-berry.*

J. B.

*Radici* obtinet tenuem, geniculatam, repentem; *caulem* mediocriter crassum, teretem, solidum, duos palmos altum, propè terram rubentem, superius viridem: *folia* duobus cis summum caulem digitis quaterna, rarius quina [tenerè antequam hastam producat terna sunt] ex angusto principio lata, in acumen desinentia, rugosa & nervosa, per margines æqualia, infernè splendentia, supernè non item. *Flos* in hastula singularis, ex quatuor latiusculis, acuminatis, viridantibus foliis; inter quorum duo quælibet foliolum tenuissimum acutissimumque ejusdem coloris intercedit. *Stamina* pro foliorum numero octona, longa, acuta, viridia, additamenti croceis [aliàs albescentibus] obsita. In medio sessilis *baccula* quadrangula, & interdum pentagona, atropurpurea, ex cujus umbilico quaterna *filamenta* ejusdem cum ea coloris emicant. *Semen* acino inclusum album, minutum [magnitudine Papaverini aut Amaranthi] copiosum. Odor virosus & ingratus.

*Locus.*

In montium, sylvarum, convallium & frutetorum opacis, ac perinde aliis umbrosis pingui ac læto reperitur solo, ut rectè J. Bauhinus. Aprili mense è terra exit, & Maio aut Junio baccam perficit. De hujus viribus sic breviter Schroderus; Baccæ & folia refrigerant & siccant. *Uusus* baccarum internus est alexipharmacus in peste, venenatis morbis, venenisque assumptis (ex. gr. Arsenico) Extrinsecus foliorum usus est in bubonibus pestilentialibus aliisque calidis tumoribus, in paronychia, in ulceribus inveteratis.

Plantam hanc non Aconitum credendum esse, sed potiùs Alexipharmacum probat Lobelius experimento duorum canum, quibus Arsenicum & sublimatum dederat, quorum alter, cui pulverem Saxonicum exhibuit, convaluit; alter, cui nihil dedit, extinctus est. Vid. historiam integram *Adv.* pag. 105.

An tutum sit pestilentialibus morbis applicare narcotica, meritò controvertitur, inquit J. Bauhinus. Casp. Hofmannus ad fidam experientiam provocat Matthiolum adversus veneficia commendat, atq; se novisse quoddam veneficiis semistultos factos hujus plantæ semine ad viceffimum usq; diem hausto drachmæ pondere, pristinae sanitati omnino restitutos esse. Nos contra pronunciamus eos semistultos vel planè stultos esse, qui credunt veneficia à sagis illata (si tamen intulerint) tolli posse per verba, herbas, aut ejusmodi præstigias.

Quod ad verba attinet & nos cum Bauhino sentimus: non videmus tamen cur herbæ non possint corrigere & sanare morbos, quos spiritus mali humores corporis depravando intulerint.

\* 2. *Solanum triphyllum Canadense* Cornuti. *Herba Paris Canadensis rotunda radice* Park.

*Corn.*

In pedem surgit *cauliculus* teres & viridis, qui in medio sui tribus *foliis* adversis inter se, latioribus & in obtusum mucronem desinentibus colorisque obscure virentis intercipitur. Ultra hæc enim nudus transilit caulis, qui in summo *florem* unicum gestat, sex foliis constantem, quorum tria subjecta tota viridia sunt & brevia: tria verò superiora longiora & latiora atropurpureascent. Nascitur in eorum medio *pomum* exiguum, quod maturitate pullum & nigrum redditur, *seminibus* parvis Solani hortensis æmulis turgit. Sapor huic dulcis. *Radix* non per summam tellurem errat ut nostras, sed in tuberculum conglobatur.

*Tempus.*

Hujus flos colore nonnunquam variat, candidus siquidem reperitur. Ineunte Maio floret; Junio bacca maturefcit, Julio præter radicem omnia deficiunt.

\* 3. *Solanum triphyllum Brasilianum* C. B. *Herba Paris triphyllus Brasiliana* Park.

C. B.

Ex *radice* tenui, oblonga, oblique serpente *cauliculus* emergit singularis, glaber, palmum superans, circa quem *folia* terna, ex uno centro prodeuntia, & in latus sparsa, Solano tetraphyllo familia, latiora tamen, uncias quatuor lata, quinque longa, ex rotunditate acuminata, tenuia, lævia, venosa, supra quæ *cauliculus* unciam quatuor assurgit, cui tria alia *folia*, uncias tres longa, longèque angustiora insident calicis instar sustinentia *florem* magnum, album, venosum, ex tribus foliis, uncias duas longis, & ferè unciam latis, compositum.

*Locus.*

In sylvis Brasiliz apud Tououpinambaultios copiosè oritur. Habetur & in Canada, ut refert Parkinsonus.

A vulgari Herba Paris flore magno, tripetalo differt.

## CAP. XIX.

*Herbæ Paris affinis bifolia, Pomum Maiale Londinensibus.**Aconitum humile bifolium, sive Aconitifolia flore albo unico Leucoii campanulato, fructu Cynosbati Mentzel.**Mentzel.*

**E**X radice Anemones albâ, fuscâ, tuberculosa, quæ ad sui propaginem juxta terræ superficiem latè serpit, crassâque in terram altâque fibras demittit, exsurgit *cauliculus* uncias quinque vel sex longus, albus, rotundus, firmusque tanquam ferreum filum qui in duos iterum dirimitur cauliculos tanquam ramulos priori similes, uncias quatuor longos: quilibet ramulus folium unicum Aconiti pardalianchis Napellique foliis non absimile (licet non adeo minutim sit dissectum) sustinet. Duo hæc folia sex laciniis constant, quæ basi tenui juxta pediculum suffulta in latius foliolum saturatè viride desinunt, in extremo in duos apices, qui cum suis lateribus parum retrò flectuntur, divisa. Ex ala cauliculorum folia sustentium sub finem Aprilis & principium Maii erumpit flos cum suo pediculo non infirmo, semunciam longo: hic antequam aperitur ob staminum intus latentium & styli crassitiem Cynosbati ferè fructum refert: at ubi flos expanditur Campanulæ pendulæ sive Leucoii bulbosi speciem exhibet. Constat autem flos sex foliolis rotundis, concavis, candidis, ad margines parum plicatis & tactu facillè decidentibus: Intus latent *stamina* duodecim lutea, stylum crassum, tribus in summitate fissuris mucosis præditum circumdantia, odorémque Pyrolæ minimæ spirantia. Circa finem Maii cum flos decidit stylus incipit crassescere & demum Cynosbati formam & magnitudinem acquirere; cujus apex aliquid fungosum aut mucosum retinet. *Fructus* initio viridis per maturitatem flavescit parumque rubescit, cutèque satis crassa intra se corpusculum Fragi maturi formâ, semina exigua in superficie sustinens & tenui basi innixum claudit. Planta radice per terram serpendo se propagat: primo anno unicum foliolum cum suo caule protrudit: sequenti anno caulis cum suo folio fit crassior; tertio verò caulis bifurcatur, duoque folia cum suo flore & fructu profert. Hanc plantam Londino missam Pomi Maiialis titulo in hortulo nostro Cantabrigiæ aliquot annos aluimus: Est autem (ut puto) Virginie incola.

Ad Herbam Paradis nobis videtur accedere.

## CAP. XX.

*Monophyllo affinis Brasiliana innominata Marggr.**Marggr.*

**E**X radice alba, succulenta, oblonga, & multis filamentis prædita producit quatuor, quinque, sex aut plures caules, rotundos, cavos, fistulosos, virides, spongiosos, bipedalis aut etiam majoris longitudinis: quilibet autem tantum unicum sustinet folium & superius unicam *spicam*, quæ prodit è latere caulis velut è vagina. Folium autem quodlibet quatuor vel quinque dig. est longum & splendidè viride, figurâ cordis: Flosculi verò in spicam congesti, longiusculi & sex petalis constantes, quorum tria superiora coloris sunt cœruleo-purpurei, inferius vergentia obscurè purpurei. Inodorus est flos.

Cum fructum non describat autor, quod pertineat planta nescimus, ubicunque autem disponenda Monophyllum rectè dicitur, cum unicum tantum in uno caule folium obtineat.

## CAP. XXI.

*De Solano.*

**S**olanum, Σολύγῃ Græcis, quasi Sulanum, quod suis confert adversus febres ardentes, auctore Trago. *Martin.*

Solani notæ genericæ sunt Flores monopetali, quinquepartiti aut stellati, apicibus in umbilico oblongis, erectis & coitu suo umbonem quendam componentibus, semina parva compressa.

Et autem duplex vel fructu minore, v. g. Solanum vulgare, lignosum, &c. vel fructu majore, quod genus pomiferum dicitur; ut Pomum amoris, Mala insana, &c.



- A. 1. *Solanum lignosum* sive *Dulcamara* Park. *Solan. scandens* seu *Dulcamara* C. B. *Amara dulcis* Ger. *Glycypteros* sive *Amara dulcis* J. B. *Woody Nightshade* or *Bitter-sweet*.

*Sarmenta* lignosa, fragilia, tenuia, duos aut tres [imò quinque aut sex] pedes longa, vicinis se-  
pibus aut fruticibus se circumvolventia, aliàs humi procumbentia emittit. Cortex novellorum ra-  
mulorum vires, sed vetustiorum ipsorumque caudicum asperior cinericeo subcandicat colore, ex-  
trinsecus quidem, nam intrinsecus pulchrè etiam vires. Medulla intus fungosa. *Folia* alternatim  
enascuntur, Solani hortensis, atrovirentia, duabus pinnis nonnunquam imà parte aurita, pediculo  
circiter unciali. *Flores* in muscariis exiguis fœtidi sed pulchelli, cœruleo-purpurei, quandoque can-  
didi, in quinque folia angusta, acuminata, extrorsum reflexa partiti, in quorum medio apices lutei  
in umbonem compositi. Hisce succedunt *baccæ* per maturitatem coccinei coloris, sublongæ for-  
mæ, molles, lenti & ingrati saporis parvis, *granulis* compressis albescentibus repleta. Radix fibrosa.

Locus.  
Vires.

Aquosa & rigua amat, atque hinc circa scrobes & fossas sæpe reperitur. Junio & Julio floret.  
Sedizius viridem Dulcamaram contusam & cataplasmatibus formâ applicatam ait mitigare mamma-  
rum dolores, ac emollire earum duritiem, dissolvereque in iis grumescens lac.

Urinam ciere dicitur, & contra hydropem cum fructu exhiberi. Accipe, præceptore Trago,  
lignum de hac planta libræ pondere, ac minutim in frustula tali ludicri instar concisa cum mensura  
vini albi, in novam ollam, eamque operculo (per quod tamen foramen in medio exiguum trans-  
figito) probè contactam, ita quidem ut cum farina ex aquâ undique oblinatur, reponas superque  
carbones lento igne decoquito supra tertias, demùmque his utare. Hæc potio manè unâ hora an-  
tequam surgas, & vespere cum lecto te committere velis, cyathi vulgaris mensura sumpta mor-  
bum regium, præsertim inveteratum leniter per alvum & urinam exigit. Fertur ruptis & ex alto  
præcipitatis aut etiam casis succum utiliter bibi. Creditur siquidem concretum alicubi in visceribus  
sanguinem dissolvere, & partium læsarum sanitatem procurare: Efficax etiam censetur ad aperien-  
das obstructions hepatis & lienis. At Parkinsonus scribit quoties ex Medicorum præscripto illum  
exhibuit se comperisse satis violenter purgare. Et Prævotius ligno Dulcamaræ decocto inter bilera  
benignè evacuantia principem locum tribuit. Lib. *De medicina pauperum*.

R. Foliorum manip. quatuor concisos cum ʒiij. semin. Lini subtiliter pulverisat. decoque in vino  
moschato Cretico, aut larido porcino ad consistentiam cataplasmatibus calidum applicetur. Unius no-  
ctis spatio tumorem capitis humani magnitudine resolvit, & contusiones deploratas musculorum sa-  
navit. D. Hulse communicavit.

- A. 2. *Solanum vulgare* Park. *hortense* Ger. *S. hort.* sive *vulgare* J. B. *bacciferum* I, sive *Offi-  
narum* C. B. *Common Night-shade*.

J. B.

Primariæ *radici*, quæ plerunque parùm altè agi solet, numerosæ fibræ majusculæ & oblongæ ad-  
nascuntur: unde caulis affurgit unicus pedalis aut cubitalis, teres, quibuldam tamen velut alis mem-  
branaceis angulosus, solidus, obscurè viridis, seu ex viridi nigricans, in multas alas divisus. *Folia*  
in caule ad intervalla singularia, pediculis longis appensa, ad folia Atriplicis accedunt, atroviren-  
tia, modò sinuata aliàs integra, brevi & vix conspicua lanugine utrinque hirsuta, mucrone acuto.  
Juxta folia è caule exeunt rami majores, & ex ipsis foliorum alis alii minores. Ex adverso foliorum,  
plerunque tamen in caule aliquanto inferius, exeunt furculi seu pediculi majusculi, digitales aut  
longiores, in summitate dispersi in plures minores pediculos, quorum singuli *flores* sustinent mono-  
petalos quidem, verùm in quinque lacinias acutas totidem folia imitantes reflexas ad unguem ferè  
divisos, totidem pariter stamina cum apicibus suis luteis oblongis coeuntibus & stylum viridem è  
media bacca exeuntem occultantibus ambientes. Flores excipiunt *baccæ*, corymbis hederaceis  
pares, per maturitatem plerunque nigræ, interdum flavicantes, aut rubræ, succo prægnantes, in  
quibus *semen* plurimum minutumque. *Calix* floris parvus quinquepartitus: Flosculi & baccæ deorsum  
nutant.

Tempus.

Augusto & Septembri mensibus floret & semen perficit, superveniente hyeme primis statim pruinis  
corrumpitur.

- \* 2. *Solanum Brasiliense* Aguara quiya dictum.

Per omnia ferè cum præcedente convenit, ut vix possum mihi persuadere specie diversum esse,  
quin & Marggravius ipse idem facit. Verum folia Capfici ei attribuit, duo, tria, vel quatu-  
or juxta se posita, quod in nostrate non observavi nisi intelligat germina è foliorum sinibus, (quod  
videtur) cum inæqualis magnitudinis esse scribat: deinde semina purpurascencia.

3. *Solanum lanuginosum hortense* seu *vulgari simile*. *Hoary Night-shade*.

Solano vulgari major est & elatior, caule crassiore, lanuginoso, rubente: *Foliis* lanuginosis, mol-  
libus & incanis, mucronibus & segmentis obtusioribus, minùsque profundis quàm in vulgari Sola-  
no. *Flores* eundem obtinent situm & figuram, verùm duplo majores sunt & lanuginosi, teneriores  
quoque & molliores. *Baccæ* per maturitatem crocer.

Vires.

Locus ejus natalis mihi non innotescit, semen ejus Londino ad me misit Edvardus Morganus.  
Solanum hortense erat olim edule. Refrigerat cum adstrictione. Usus apud Dioscoridem est  
in Erysipelatis foris. Hoc Dodonæus vehementer improbat, quòd repellat. Adhibetur etiam in  
dolore capitis & in parotidibus externè.

Remedium



Remedium est præstantissimum in penis inflammatione ex lue Venerea orta curanda, cum albumine ovi. Succus carpis applicatus febrem tollit, ut & in gargarismis; internè non suadeo. Communicavit D. Palmer, ex dictatis D. Hermann Botanices Professoris & horti medici Leyden-  
sis præfecti.

Tumoribus mamillarum frigidis linimentum ex succo Sempervivi, Solani & albumine ovi tepidum sæpius inunctum mirificè prodest. Ex observationibus Marcelli Cumani ab Hier. Velschio editis excerptis & misit D. Barn. Soame.

4. *Solanum fruticosum bacciferum* C. B. *fruticosum Americanum dictum Amomum Plinii* Park. *Amomum Plinii* Ger. *Strychnodendros* J. B. *Tree Night-shade.*

J. B.

Arbuseula trium cubitorum aut altiore proceritate, gracili stipite, quam cortex integit cinereus, in ramis viridis. *Folia* Euonymi, atrovirentia, sapore subacri. *Flores* Solani hortensis, candidi, quinque foliis reflexis constantes, apicibus totidem in medio croceis conjunctis. Succedit singulis floribus bacca fructui *Halicacabi* Solani æqualis, coccinea, seminibus similibus referta, luteis orbiculatis, compressis. *Radix* multas fibras luteas annexas habet.

In nostris regionibus folia hyeme amittit. Tota planta [folia, flores, semina] odore & sapore caret.

Locus ejus natalis non traditur, Americæ tamen indigena putatur. Julio plerunque aut Augusto apud nos floret, rarius Junio. Vix ante Solstitium hybernum aut Natalitia Christi fructum maturat. Locus & Tempus.

§. *Solana fructu majore Pomifera dicta.*

- \* 5. *Solanum pomiferum fructu rotundo, striato duro* C. B. J. B. *Mala Æthiopica* Ger. Park.

J. B.

*Caule* est singulari *Solanum pomiferum* dictum, crassitudine digitali, recto, cubitum alto aut majori, minus patulo seu ramoso, glabro latè virenti, medullâ albicante pleno, spinis subinde donato, in ramos plures diviso. *Folia* Melanzanæ foliis paria, sinuata, atro-virentia, undique glabra, spinis fortuitis, averfa parte costæ mediæ innatis, horrentia. *Flores* Solani vulgaris albi, cono luteo. *Poma* sequuntur rotunda, torulis canaliculata sive striata, dura, quàm *Pomi amoris* vulgaris minora, per maturitatem rubra, pulpâ intus acidâ, non adeò molli & humida quàm illius: *Semina* parva, compressa, pallidè lutea, *Pomi amoris* similia.

Ex Æthiopia in Hispaniam primum invec̃ta existimatur *Dod.* inde ad nos venit.

Parkinsonus *Solanum pomiferum* herbariorum *Lob.* à Malis Æthiopicis dictis distinctum contendit, quòd scilicet nullas neque in caulibus, neque in foliis spinas habet. Nos cum Bauhino utroque *Solanum* illud Mali Æthiopici synonymum facimus.

6. *Solanum pomiferum fructu oblongo* C. B. *Sol. pom. fructu rotundo* J. B. *ubi tamen mendum typographicum subesse suspicor, & fr. oblongo scribendum.* *Mala insana Syriaca* Park. *Mala insana* Ger. *Mad Apples.*

J. B.

Fibrosas parùm altè defigit *radices* (inquit J. Bauhinus) *Caulem* plerunque erigit singularem, dorantalem aut pedalem, teretem, rubentem, lanugine quadam, quæ faciliè detergi potest, oblitum, crassitudine digitali, ab imo statim ramosum, ramulis creberrimis nullo ordine positis, è foliorum alis exeuntibus. *Folia* perampla sunt, palmaria scilicet aut sesquipalmaria, palmum ferè lata, quercinorum quodammodo figura & circumscriptione, per ambitum sinuata, non tamen crenata aut dentata, pediculis palmaribus crassissimis insidentia. Tum caulis, tum venæ majores foliorum rubent: *Folia* ipsa saturatè virent, pulvisculo quodam seu lanugine velut farina albicante aspersa: costæ seu nervo folii medio spinæ nonnunquam innascuntur. Ex adverso foliorum exeunt *flores*, nunc singuli, nunc bini ternive in eodem furculo, è calice spinulis rubentibus horrido, in quinque acuta segmenta diviso, monopetali quidem verùm in quinque aut sex lacinias stellæ in modum expansi, ampli, sinuosi, purpurei aut albicantes: quibus succedunt *poma* ovi vel cucumeris, circiter magnitudine, ex rotundo sublonga, colore purpureo virescentève, lævi cortice, succosa albicanteque intus pulpâ, in qua copiosa *semina*, albicantia, compressa, *Piperis* siliquastri æmula.

Belingela Lusitanis, Tongu Angolensibus, *Macumba* Congenibus *Marggr.* ab hac planta non diversam specie esse cum Marggravio sentimus; quantumvis Jo. de Laet Marggravium in hoc deceptum putet, falsus ipse.

Affinia cum essent *Mandragoris* hæc *poma*, quidam Recentiorum suspicati sunt marem Theophrasti *Mandragoram* esse, eoque esu lethalia rati, mala insana vocarunt; cum tamen nullos excitent furores, verùm in acetariis & bellariis iis utantur Itali & Hispani. Saporem habent Citri, *Marggr.*



\* 7. *Solanum pomiferum fructu incurvo* C. B. J. B.

J. B.

De hoc Rauwolfius, Halepi reperiuntur tria genera Melantzanorum, Arabibus etiam *Melongena* & *Bedengiam* dicta, cinerea, lutea & rubella, longitudine & curvitate eadem, longis Cucurbitis familia.

An à præcedente specie differat necne nos latet.

\* 8. *Solanum pomiferum fructu spinoso* J. B.

J. B.

Rauwolfio poma longa sunt & rotunda, majora, colore nigra, lævia, ita lucida ut splendeant. Melanzana nigra Lugdunensi Hist. inscribitur, fructus longus, altus, aliàs rotundus, colore nunc atro, nunc subnigro, cortice lævi & procul intuenti splendido.

\* 9. *Pomum de Hiericho, Melongenii congener* J. B. *Solanum spinosum fructu rotundo* C. B. *spinosum fructu rotundo, sive Pomum Hierichonticum* Imperato Park.

Imper.

Folia producit candicantia, simillima foliis Melangianæ Italis dictæ, sed paullo minora. Caulis & foliorum costæ spinosæ sunt: flores cœrulei instar florum Buglossi: Fructus rotundi pomi instar, quorum color antequam maturescant viridis, maturorum flavus, sapore insipido & aliquantum odorato.

Huic eandem aliquando existimavi plantam illam, quam olim apud Jo. Tradescantium vidi Lambethæ in horto enutritam, nomine *Plantæ spinosissimæ Virginianæ Boraginis flore*, quàmque Morisonus noster in *Prelud. Botan.* breviter describit sub titulo *Solani, foliis & caule spinosis*, cujus tamen fructum se nunquam vidisse fatetur.

Verùm à Paulo Boccone oculato teste edoctus *Solanum* isthoc dictum foliis & caule spinosis capsulas seminales atque etiam fructum Capparis formâ obtinere, sententiam muto, idque non tantum à Solano descripto seu Pomo de Hierico diversum arbitror, sed & an omnino ad hoc genus pertineat dubito. Donec tamen mihi certiùs constiterit ubi disponi debeat, locum quem ei assignarunt Botanici recentiores tueatur. Descriptionem autem ejus Bocconianam, quoniam plenior est & accuratior, hic subijciam.

10. *Solanum spinosum Indicum Borraginis flore* Ico. Roberti Hort. Paris. *Sol. foliis & caule spinosis* Moril. præl. *Solan. spinosum, maximè tomentosum* Bocc. *Jurepeba Brasiliensibus* Marggrav.

Bocc.

Radix ejus longè latèque sub terra reptat. Cauliculos promit pedales, subinde sesquipedales, aculeis mordacibus seu pungentibus frequenter armatos. Folia per nervorum longitudinem infernè & supernè paribus spinis infesta, in margine leviter sinuata, utrâque parte pingui tomento oblecta. Flores Boraginis facie. Capsulæ seminales atque fructus (ut Florentiæ vidimus) Capparis formâ.

Locus.

E Virginia in Angliam intulit Jo. Tradescantius: eandemque ibi nuperrimè observavit D. Banister.

Marggravius hanc sic describit, Planta est frutescens, quæ in quatuor, quinque aut sex pedum altitudinem assurgit, caule lignoso, eoque ut & ramis albâ lanugine vestitis, necnon raris hinc & inde spinis. Folia suo quodlibet pediculo rotundo, crasso & hirsuto insident, spithamæ longitudine, inferna parte lanuginosa instar foliorum Jacobææ, superna viridia, suntque præterea laciniata & quasi è septem triangulis composita. In summitate ramulorum fert flosculos, umbellatim quasi congestos, lactei coloris cum paucis cœruleo mixti, qui exactè quinquangularem stellam repræsentant, constantque unico folio in tot triangula effigiato & quasi diviso: in medio autem quinque staminula stant erecta.

Pisio florem Boragini simillimum ei attribuit sed odoratiorem.

Varietas.

Nuperrimè inter plantas in horto Medico Leydeni à Viro eruditiss. D. Jos. Palmero M. D. Londinensi, demonstrante D. Hermanno, observatas & annotatas invenio triplicem hujus speciem; unam spinis violaceis, fructu croceo; alteram spinis flavescensibus; tertiam, quam vocat Africanam perennem flo. Boraginis, fructu croceo.

Descriptio Marggraviana, & nomina huic plantæ imposita in horto Leydeni Solani speciem arguunt.

\* 11. *Solani species ex Apennino quibusdam* J. B. *Solanum peregrinum fructu rotundo* C. B. *Mala insana Europæa* Park.

Lugd.

Herba rara est, & foliorum & fructus figurâ insignis: foliis quidem oblongis, per ambitum sinuosis venosis, ternis ferè simul ex intervallis per caulem prodeuntibus teretem, digiti crassitudine, ferè cubitalem: fructu autem in caulium vertice rotundo exiguo Malo simili, Pruni magnitudine, semine pleno.

In



In Apennini sylvis umbrosis & densis reperiri retulit Dalechampius.  
 Planta hæc nobis hæcenus incognita est: invenio eam in Catalogo horti Regii Parisiensis.

Locus.

\* 12. *Solani species Fockii Fockii dicta Javanensibus Bontii.*

Bont.

Quantum ex foliis, floribus, fructu denique hujus plantæ conjicere licet, certo certius est hanc speciem Solani esse, nisi quod fructus longè grandiores sint quàm Solani nostri, utpote qui cubiti longitudinem quandoque excedant, corticèque tam lævi, ut speculi modo humanam effigiem remittere possit. Foliis quoque hirsutioribus est, & quasi lanam superinductam gerentibus. Crassitudine brachium humanum facile æquant [fructus]. Pleni intus sunt seminibus minutis, quales etiam in baccis Solani vulgaris inveniuntur. Fructus porro in his regionibus non solum sunt edules, verum etiam delicatissimi saporis, si coquantur cum vino & pipere eundemque gustum obtinent quem Cinaræ basis. Boni sunt nutrimenti, tum diureticam vim obtinent, ideoque calculo vesicæ & renum affectibus admodum utiles sunt.

Hujus est & alia species sylvestris, fructu planè sphærico & ubi maturuit flavo, cum domesticus *Species Sylvest.* purpureo sit, vel grandinis instar albo, sapore amaro, ut nonnisi ab Apris & Rhinocerotibus devoretur. Porro hujus plantæ caulis planè spinosus est, unde imprudenter non secus ac Rubus attingi non debet.

13. *Solanum pomiferum fructu rotundo striato molli C. B. Mala aurea odore fetido, quibusdam Lycopersicon J. B. Pomum amoris majus fructu rubro Park. parad. Poma amoris Ger. Apples of love.*

Caules ei infirmi, longissimi, intus concavi, pilis longiusculis hirsuti, humi procumbentes, ab exortu mox ramosi, ramis multis ipsum etiam caulem longitudine æquantibus, & in plures adhuc ramusculos divisus. *Folia* è tribus ferè pinnarum seu loborum circa margines dentatorum conjugationibus ad mediam costam adnexis, cum impari majore in extremo composita, interpositis etiam aliquot minoribus lobulis Agrimonie foliorum quadantenus æmula, nisi quod pinnæ seu lobi acutiores sunt, aut prorsus glabri, aut paucissimis pilis costis aversis innascentibus hirsuti, pallidius virides. *Flosculi* in furculis non ex alis foliorum, sed spatio inter duo folia medio ferè oriuntur, ut in vulgari Solano, decem aut duodecim simul, pediculis privatis uncialibus aut majoribus, quorum singuli nodum seu geniculum habent propè florem, ubi genuinus fructus pediculus incipit. *Flores* flavi sunt, monopetali quidem, verum in quinque segmenta eatenus divisi ut pentapetali videantur; umbone in medio flavo, è quinque staminum apicibus arctè coherentibus composito. *Figura* floris Solani vulgaris, nec eo major, *calix* pariter quinquepartitus, hirsutus, uti sunt & florum pediculi. Floribus succedunt fructus Cerasi majores, alias figurâ non multum dissimiles, per maturitatem è croceo rubescentes, carne seu pulpa humidâ esculentâ, semina plura flavicantia, vinaceorum ferè figurâ continentes.

In hortis nostris facta, quamvis feriùs germinat, luxuriat admodum, post mediam ætatem flo- *Tempus.*rens & Autumnno fructum perficiens: superveniente hyeme primis statim pruinis corrumpitur.

Aliam speciem proponit D. Morisonus in *Prælucl. Bot.* titulo Pomi amoris fructu molli, striato, *Varietas.* aureo, quæ solis fructus striis à præcedente distinguitur.

Succus herbæ valdè opportunus est incipienti epiphoræ fluxionibusque oculorum fervidis, glauco- *Virus.*ma facturis, si per initia admoveatur. Non enim modò irruentis humoris impetum sistit, sed etiam calorem moderatur sæpiùs periculo à recentioribus facto. Quinetiam Erysipelatis ignibusque facris vehementer obluatur.

Italis nonnullis eficiantur poma cum pipere, sale & oleo præparata, non secus atque Cucumeres. Sed eduntur & cocta; nescio quo commodo: Nam teter quam halat tota planta spiritus, ea parum tutò in cibos venire satis prodit. Succo aqueo abundant nobis gustantibus parum grato, & certè alimentum quod corpori præstant perexiguum est & vitiosum.

In oleo cocta ad scabiem sunt efficacia. Eadem arte Chymica oleum subministrant ad ambusta percommodum. *J. B.*

14. *Solanum tuberosum esculentum C. B. Battata Virginiana Ger. Park. parad. Arachidna Theophrasti fortè, Papas Peruanorum Clus. Papas Americanum J. B. Virginia Potatoes.*

Caulis bicubitalis ac tricub. ac etiam altior, [quinq. aut sex interdum cubitos longus *Clus.*] pollicari crassitudine, succulentus, subrotundus, striatus, subhirsutus, viridis, crebris punctis rubentibus maculofus, inanis, ramosus [ramis longis infirmis, in terram nisi adminiculis sustinentur procumbentibus,] inæqualis propter eas quas habet inde usque à foliorum pediculis adnatas membranaceas alas, atropurpureas, nonnunquam crispas. *Folia* sesquipalmaria ex tribus foliorum conjugationibus componuntur [interdum quatuor aut pluribus] quibus impar unum, reliquis majus ferè, alam claudit. Sunt autem singularia folia subhirsuta, ortu quidem inæquali, non aded tamen quin alam quoquo modo deformant, altero tanto longiora quàm latiora, atrovirentia & splendentia supernè, infernè abest & splendor & viroris intentio: conjugationes singulas intercedunt alia foliola rotundata, Lentii aut Lupino ferè paria, ortu & positu perinde inæquali. [Quæ primo nascuntur folia Barbareæ similia sunt ex atro purpurascencia, villosa, cæteris pallidè virentibus, absque pediculis palmum longis. *C. B.*]



Rami in plures pediculos abeunt, crassos, angulosos, pedales, atque hi rursus in alios numerosos hirsutos, geniculo uno donatos, unde cum parte reliqua pediculi cadunt faciliè vel sua sponte flores, quorum singuli ex calyce viridante quinquepartito, floribus Malvæ sylvestris procerioris magnitudine pares [uncialis amplitudinis aut majoris *Clus.*] Malorum insanorum formâ C. B. Nicotiana *Park.* Nobis Solani halicacabi vulg. singulari folio constantes, cum quinque apicibus obtusis in ambitu, exterius ex purpura candicantes, interius purpurascens, vel ex cœruleo purpurascens [interdum albescunt] Cæterum à stylo viridante quem circumstant quinque fibræ crocæ in umbonem coeuntes ad unumquemque apicem excurrit radius virens. Florum in eodem pediculo numerus decem aut duodecim, aut etiam major, quorum alii clausi, pauciores aperti: odor florum tiliæ. Succedunt poma floribus numero paria, castanæ circiter magnitudine, sed formâ orbiculatâ, immatura atrovirentia, matura atro-rubentia, rariùs alba & striata, humida & albicante pulpâ plenâ, quæ seminibus multis parvis, plenis, subrotundis, Solanorum similibus referta est.

*Radix* tuberosa est, aliquando pugni magnitudine, aliquando oblonga, aliquando minima [palmarum longitudine & sesquipalmarum ac etiam multo minor *J. B.*] inæqualis, quibusdam vestigiis donata, unde germina anno sequente emersura sunt, cute fusca aut atro-rubente tecta, medullâ sive carne firmâ & albâ, & quandoque tuber ex quo planta nascitur cum eruitur inane & flaccidum reperitur. Ad caulis exortum radices complures, fibrosæ, oblongæ, albicantes, per terram sparsæ, quandoque in profundum descendentes, quibus aliæ tuberosæ radices adnascuntur, itâ ut plantam hyemem versùs erutam ultra quadraginta [quinquaginta *Clus.*] tubera diversæ magnitudinis notaverimus, quas plerique erunt ne per hyemem putrescant, & sicco loco, calidiore tamen, alii in vase terrâ siccâ pleno reponunt, ut verno tempore rursus terræ committant.

*Tempus  
& Locus.*

Floret (inquit C. Bauhinus) apud nos mense Junio, & sæpe in Autumnum usque, & primis pruinis offenditur. E Virginia primùm in Angliam, inde in Galliam aliàsque regiones delata est. Hujus radices in Virginia *Openanck* dicuntur.

*Ufus radicum.*

Indi, Acostâ referente, radicibus panis loco utuntur, quem *Chunno* vocant: quin & aliud edulium, eodem *Chunno* nomine nuncupatum, admodum diu durans, ex ejusmodi radicibus Sole siccatis, inque partes dissectis conficiunt: Sed & viridem vel coctam, vel assatam manducant. Nostrates (inquit C. Bauhinus) aliquando Tuberum modo sub cineribus assant, & cuticulâ ablatâ cum Pipere comedunt, ad Venerem excitandam, semen augendum. Alii & tabidis utiles volunt, cum bonum alimentum præbeant. Non minùs quàm Pastinacæ & Castanæ alunt, & flatulentæ sunt. Relatum mihi nunc apud Burgundos harum radicum usum interdictum, persuasis earum esum lepram causare. Hactenus C. B. qui & Burgundos ramis reclinatis terræque tectis hanc plantam propagare scribit.

Nos in Anglia radices hæc eisdem modis præparamus quibus Battatas Hispanicas.

Ebrodunensis historiæ Autores Casparum Bauhinum immeritò carpunt, quòd Plantam hanc Solanis annumeraverit, qui sanè (quicquid illi ogganiunt) non contemnendis, imò validissimis rationibus permotus id fecit. Solanum (inquit) appellavimus propter formam aliquam foliorum cum malis aureis, florum cum Malis insanis; fructuum cum baccis Solani vulgaris; seminum cum Solanis pæne omnibus; denique propter totius plantæ odorem, quem cum Solanis communem habet. Nec enim à viribus, sed à similitudine & convenientia in partibus præcipuis notæ generum Characteristica desumendæ sunt.

Batata recens contusa, affusâ pauculâ aquâ, atque macerata, fermentando fit potus, quo Indigenæ utuntur, imò subinde abutuntur ad inebriandum. Hic potus nominatur *Mobby* & *Fetici*.

## C A P. XXII.

*De Capsico seu Pipere Indico, quod Solani species videtur, aut ad Solanum accedere.*

**K**ΑΨΙΔΩ Actuario à *ψις* mordeo, quòd semen comestum mordeat, imò adurat. Siliquastrum Plinii esse vel inde constat (inquit J. Bauhinus) quòd Plinius Castore Siliquastrum demonstrat caule rubro & longo, densis geniculis, foliis Lauri: semine albo tenui, gustu Piperis: & alio in loco, Panax Piperis: saporem reddit, & magis etiam Siliquastrum, ob id Piperitidis nomine accepto. Plantam hanc ad Solani genus referendam putamus ob folia & flores similes, quamvis fructus non satis respondeat, nec tamen multum abluat, membranæ enim internæ quibus semina adnascuntur humidæ sunt, & callosæ, adeoque fructus de bacca participat.

Differentia in foliorum latitudine vel angustia: in fructus colore & forma; colore qui in initio aliis viridis, aliis niger, in maturitate aut ruber aut croceus, flavus, vel rariùs albus: Figurâ aliis longâ, eaque vel crassa, vel gracili, vel incurvatâ; aliis brevis, eaque latâ cordatâ, vel rotundâ Cerasi formâ, vel angulosâ: & vel erecta, vel dependente: denique & caule piloso. C. B.

*Piper Indicum vulgatissimum* C. B. *Piper Indicum sive Calecuticum sive Piper Siliquastrum* J. B. *Capsicum majus vulgatiùs oblongus siliquis* Park. *Capsicum longioribus siliquis* Ger. **Guinny Pepper.**

*J. B.*

*Caulem* profert singularem, pedalem aut cubitalem, [in calidioribus regionibus sesquicubitalem aut bicubitalem] angulosum [teretem *Park.*] hirsutum, solidum, cætera virentem saturatiùs, eâ duntaxat parte quâ folia oriuntur rubentem: exeunt autem folia è dimidiatis geniculis, Persicariæ latiora, acuminata, atrovirentia, aut ex viridi in flavum vergentia, crassiuscula, glabra, nervo secundum

cundum longitudinem decurrente, à quo ad margines obliquæ venæ divaricantur, pediculo unciam unam aut duas longo appensa, circa margines æqualia. Ex horum alis ramuli propagantur, foliis confimilibus ornati. Flores verò tum è foliorum alis, tum ad ramorum divaricationes, pediculo longiori, canaliculato, saturata rubedine tincto, deorsum contorto insident exalbidi. Solani vulgaris floribus majores, aliàs iis perfimiles, naturaliter pentapetali, aliquando tamen ob culturam aut soli ubertatem luxuriante natura hexapetali, petalis acuminatis, stellæ in modum expansi, medium occupantibus violaceis apicibus [flavis Park.] totum autem florem subtus amplectente calyculo viridi in mucrones aliquot acuminato. Siliquæ succedunt nunc longæ, corniculorum instar habentes, vel rectæ, vel incurvæ; nunc breves & contractæ, per maturitatem punicantes, vel atro-rubentes, nitidæ: semen copiosissimum continent, compressum, rotundum, fulvum [ex albo flavicans] Radix brevis, nec caule crassior, numerosissimas à lateribus fibras circumquaque spargens. Nulla est pars plantæ quæ acrimoniâ non sit prædita, sed præter reliquas indomitus est seminum & filiquarum fervor urentissimus.

Frater Gregorius de Regio Capucinus apud Clusium in cur. post. hujus plantæ varietates seu species in tres classes redegit. Primâ continentur quatuor genera, fructum surrectum & sursum spectantem gerentia. Alterâ quatuor etiam genera habet, sed fructu rotundo & ad terram inclinato prædita. Tertiâ quatuor genera describuntur oblongas & deorsum propendentes filiquas habentia.

## PRIMA CLASSIS SEU DIVISIO.

### 1. Piper rotundum majus surrectum.

**F**RUCTUS huic rotundus mali Apiani instar, surrectus & cælum spectans, initio viridis, maturescens rubicundus, plenâ maturitate ruber ut corallium expositum. Hoc genus C. Bauhino Piper Indicum filiquis surrectis rotundis dicitur, cujus quatuor facit differentias, nimirum 1. Rotundum maximum obtusum. 2. Rotundum minus parum acuminatum. 3. Cordatum majus. 4. Cordatum minus angulosum.

### 2. Piper oblongum erectum majus pyramidale.

Fructus hujus corniculi similis est, tres aut amplius digitos transversos longus, mucrone surrecto & cælum spectante, initio viridis deinde ruber. Hanc C. Bauhinus Piperis Indici filiquis surrectis & oblongis primam differentiam facit.

### 3. Piper erectum minus pyramidale.

Caulis huic humilior & folia minora quàm congeneribus: fructus dimidia parte minor quàm præcedenti nec adeò mucronatus. Hæc Piperis Ind. filiquis surrectis & oblongis C. B. secunda est differentia.

### 4. Piper oblongum exiguum erectum pyramidale.

Hujus filiquæ unciales erant aut paulò majores. Folia illi Lauri odorati vulg. caule constat recto, binos aut tres cubitos alto & in plures ramos diviso. Fructus primò virescunt, dum maturantur nigredinem contrahunt, maturi rubent ut alii. His addit C. Bauhinus aliam adhuc differentiam filiquâ bifurcatâ ex Eyfset. horto.

## ALTERA CLASSIS.

### 1. Piper cordatum.

**F**olia majoris Ocymi hortensis foliis similia; caulis circiter sesquicubitalis: fructus è pediculo annuli modo nunc magis, nunc minùs contorto propendens, cordis formâ & ad terram conversus.

### 2. Piper cum filiqua olivari. An Quauhchilli seu Chilli montanum Fr. Hernand?

Folia Solani hortensis: caulis bicubitalis: fructus olivæ formâ propendens & terram spectans.

### 3. Piper cum filiqua rotunda Cerasorum modo.

Folia Circææ: caulis bicubitalis; fructus Cerasi sylvestris prorsus similis.



4. *Piper cum filiqua lata ac rugosa.*

Fructum gerit instar vesicæ rugosæ, aliquantulum latum ac longum, nec ullam cordis formam refert. Non est ingrati odoris, sed Iridis sylvest. minoris sive Armeniaci mali odorem refert.

## TERTIA CLASSIS.

1. *Piper oblongum recurvis filiquis.*

**C**aulis sesquicubitalis : filiquæ  $5\frac{1}{2}$  digitos transversos longæ, contortæ interdum, eaque non valde crassæ, cuspidè mucronata instar cornu hinnuli.

2. *Piper longum minus filiquis recurvis.*

Folia quàm præcedentis minora ; caulis cubitalis aut altior : filiquæ dimidiam superioris filiquarum longitudinem & crassitiem æquantes, mucrone etiam acuminato instar cornu.

3. *Piper bifurcatâ filiquâ.*

A præcedentibus hoc solo differt, quòd filiquas gerat non adeò mucronatas, sed æqualis fere crassitudinis, extremâ tamen parte aliquantulum angustiore, & nervo præditâ, quæ illam velut bifurcatam efficit.

4. *Piper filiquâ flavâ.*

Hujus filiqua quamvis brevior sit & magna ex parte in mucronem desinat, colore aureo prorsus ut Aurantia mala probè matura ; aliàs vulgari similis est, ut & ipsa planta.

Alias præter has Capfici species seu varietates præcipuè ex horto Eyst. proponit C. Bauhinus, nimirum,

1. *Piper Indicum fructu dependente Pomi amoris formâ.*

Cui folia Solani vulg. fructus rotundi, sulcis aliquot distincti pendent, rubore coralli.

2. *Piper Indicum fructu aculeato.*

Duplex est, inquit, majus & minus, illud rotundum, hoc orbiculatum, utrumque rubet & in innoxium quasi aculeum abit.

3. *Piper Ind. filiquis surrectis, cerasi formâ.*

*Clus.*

*Piper Brasiliæ* Clusii in notis ad Monardem cubitalibus ramis, virentibus, quàm in vulgari gracilioribus : foliis hortensis Solani ferè, aliquantulum angustioribus, flore etiam dicti Solani in longis pediculis, surrecto : fructu minimo, initio viridi, deinde nigricante tandem rubro, continente multa semina latiuscula & plana, tam fervidi gustûs ut fauces aliquot dies incendat gustatum.

4. *Piper Indicum caule piloso, flore majore.*

Marggravius quatuor recenset species in Brasilia observatas.

Prima vocatur Lusitanis *Pimenta Malaguetta* ( quam de Angola primùm venisse dicunt ) Brasiliensibus *Quiyaqui*, in arbusculæ formam & tres aut quatuor pedum altitudinem assurgens, caule lignoso, foliis in ramulis binis oppositis. Flores tres vel quatuor simul ad exortum foliorum exeunt. Fructus cylindrico-pyramidalis, majoris chordæ Violæ crassitie, cæteris speciebus acrior multo.

Secunda, *Quiya-cumeri* Brasiliensibus : à præcedente differt foliis paulò majoribus & solitariè positis ; fructu majore & crassiore & magis saturatè rubente.

Tertia, Brasiliensibus *Quiya-apua*, magnitudine est fructûs Cerasi nostratis acidi, coloris rubri. Hujus alia species habetur fructu dimidio minore, dilutiùs rubro, vel etiam flavescente.

Quarta, Brasiliensibus *Quiya-uca* foliis est quàm secunda angustioribus & longioribus, fructu tres dig. longo, cylindræo, acuminato, cùm maturuit rubro. Alia invenitur ejus species cujus fructus se deorsum incurvare solet instar unci.

Franciscus Hernandez in Historia sua plantarum Mexicanarum multas Piperis Indici species proponit & describit.

1. *Quauh-chilli* Mexicanis dictum, omnium minimum, fructu Oleastræ baccas forma & magnitudine imitante, cæteris omnibus acriore & urentiore.
2. *Chiltecpin* à culicibus, quos fructus ejus colore & parvitate videtur imitari. Hujus tres differentia sunt, natali solum loco & tempore quo leguntur distinctas: vide si placet Autorem, p. 136.
3. *Zenalechilli* dictum à sole: irriguis enim locis cessantibus jam imbribus, i. e. Augusto & Septembri solet feri.
4. Dictum *Chilchoztli*, à colore quo tingit croceo quæ eo parantur condimenta: sex, septemve dig. longum est, mediocriter tenue, interdum ex albo rubescens, interdum verò inclinans in passum.
5. *Tzinquabuyo* i. e. montanum, gracile est & quinque dig. longum, colore coralli.
6. *Teso-chilli* vocatum à mollitudine, longum est, amplum, particeps dulcedinis, rubri coloris atque adeo mitis acrimoniae, ut cum *Tlaolli* seu placentis ex *tritico Indico* paratis mandi consuescat. Fumo exiccatum hoc genus in annuos usus reponitur.
7. *Milchilli* dictum haud minus præcedenti, sed in acutum tenuemque sensim mucronem desinens, tandem quoque rubescens.

Præter memoratas alias quoque reperiri species haud dubium: & fortè earum numerus incertus est, novis quotidie ex semine subnascentibus: ut in aliis Plantarum generibus: Nihil tamen affirmo, quoniam nondum periculum feci. Cum tamen omnium folia Solano similia & pæne paria sint, aut media inter Solani & Lauri folia; & flores pentapetali, candidi, Solani; è quibus filiquæ oriuntur, primò virides, mox majori ex parte in rubrum, & demum in passum colorem inclinantes, refertæ parvo semine, exili, candicante compresso atque in orbem efformato, acris gustûs atque urentis naturæ; totaque ferè differentia in fructuum forma aliisque accidentibus consistat, verisimile nobis videtur non differre specie quæ pro diversis à Botanicis proponuntur generibus.

Est (inquit Fr. Gregorius Reg.) Piper hoc Americanum tantâ acrimoniâ præditum ut exulceret *Virēs* & pustulas exciret ubicunque applicatur, neque solum id præstat, sed etiam filiquas tantummodo *Usus.* aperiendo & semen eximendo adeo acris exhalat vapor, ut per nares penetrans cerebrum subeat, & ex eo eliciat tantam eamque lentam & viscidam materiam, ut admiratione dignum sit, quin & guttur ingrediens tussim excitat, & adeo vehementem vomitum ut omnia viscera rejici debere videantur; filiquas præterea & internas partes confringendo sternutamenta valde excitat, & manibus confractas tractando tantam in iis inflammationem parit, ut aliquot horarum spatio aduri videantur, remediumque petendum sit ab aquæ frigida aut vini lotionem. Hæc omnia sum expertus, inquit, dum semen è filiquis eximebam. Quinimo in ignem injectæ filiquæ gravem & tetrum excitant odorem qui nauseam & fastidium adstantibus provocat. Imò si filiquæ particula prunis injiciatur intra triduum aliudve conclave, fumus naribus exceptus omnibus quotquot in eo adsunt cerebri membranas vellicando immania & continua sternutamenta movet, quæ non cessant donec vel fumus diffletur aere externo admisso, vel paulatim evanuerit, fuligine scilicet præcipitata, ut sæpius experti sumus.

Brasilienses hæc pimenta, ut vocant Lusitani, conterunt cum sale, & mixturam illam vocant *Inquitayu*, eamque usurpant ad cibos inter manducandum, ut nos Salem. Eandem quoque miscent cum farina & piscibus coctis exemptis spinis, ac mixturam illam appellant *Pira-quiya*, quam usurpant iter facientes. Bene sapit & durat ad aliquot dies.

Modum præparandi hujus filiquas ad usum docet frater Gregorius. Iti umbra primo fiant, deinde cum eis uti volunt, cum farina in vase ad id apto lento igne exsiccant: Exiccatis & à farina ac pediculis suis liberatas forcipe una cum seminibus suis minutissimè incidunt, & ad singulas sic incisarum uncias pollinis farinæ libram addunt, & cum fermento panis instar pinsunt, massam probè fermentatam clibano coquunt, coctam in taleas sciunt, & denuo coquunt instar biscocti, tandem minutissimè terunt & per cribrum transmittunt.

Admirabilis, inquit, est hic pulvis ad condiendum omne genus cibi: valenter enim ventriculi & intestinorum flatus discutit, orexin excitat, cibis præsertim humidis & flatuosis inspersus, bonum saporem conciliat, atque etiam vino; concoctionem juvat, urinam & menses evocat, pituitosos humores undecunque, potissimum coxæ adhærescentes articulis discutit & evacuat.

## CAP. XXIII.

## De Solano lethali sive Bella Donna.

**A** Præcedentibus Solanis non specie tantum sed & genere differre nobis videtur, quantumvis nomen commune habeat. Flores habet campaniformes concavos, & tubulosos, reliquæ notæ ex descriptione peti possunt.

- A. 1. *Solanum lethale* Park. Ger. *melanoceras* C. B. *Sol. manicum multis* sive *Bella Donna*, *Deadly Nightshade*.

f. B.

Totum pulvillum opacat perniciofa Solani *Bella Donna* dicti luxuries: namque ex radice crassa tribus cubitis altiores caules erigit, pollice crassiores hirsutos, qui in tuber crassescunt, in multos ramos indidem ferè exortos brachiantur: folia Solani hortensis formæ, non sinuata, & plusquam duplo triploque majora, utrinque pilosa, supernè atrovirentia, infernè verò herbida. Flores striati, ex foliorum alis concavi, Campanularum instar, in quinque lacinias divisi, colore intus quidem lurido,



lurido, purpureoque, fundo luteo versicolore, extra verò tantillum ex herbido rubescentes, subhirsuti: occultant autem fibras quinas, ad exortum hirsutas, qualis & fundus est, *apicibus* albidis: *Stylus* verò productior extra floris oras promittitur capitulo viridante. Decedentibus floribus insident hirsuto quinquepartito calyci *baccæ* nitidæ Herbari Paridis.

Locus.

Juxta parietes sepimentaque agrorum, ad vias publicas, locis ruderatis & parùm cultis reperitur; sed rariùs in Anglia. Prope Cantabrigiam circa *Fulborn* vicum copiose provenit.

- \* 2. *Solanum somniferum* alterum Park. *somniferum bacciferum* C. B. *Solani lethalis* aliud genus Dod.

Dod.

*Folius* est quàm præcedens angustioribus, venosis, deorsum reclinatis: *caule* anguloso: *floribus* oblongioribus calathi specie, marginibus crenatis è pediculo dependentibus, quibus succedunt singulæ *baccæ* nigrae, aut ex nigro purpurascens seminibus refertæ, media sui parte calyci denticulato inhaerentes. *Radix* grandis, strumosa & albicans.

Locus.

Matthiolus *Solanum* istud agro ait exire Goritienfi, in monte Salvatino inter saxa.

Vires.

*Solanum* lethale dictum sive *Bella donna somniferum* est & malignum. Notæ sunt Historiæ de pueris ex esu baccarum ejus extinctis tum Wisbici in Anglia nostra, referente Gerardo, tum in partibus transmarinis, narrante Fuchsio. Quin & nupero perquam tristi experimento confirmata est vis ejus lethifera.

In calidis inflammationibus sine periculo adbiberi possunt ejus tum radices, tum etiam *baccæ* & folia.

*Bella donna* Venetis aliisque Italis dicitur, quia ex ejus succo vel aqua destillata fucum conficiunt mulieres, quo faciem oblinunt, & ex rubicunda pallidam efficiunt frigoris vehementiâ.

Hujus herbari folia recentia mammis imposita earum durities & tumores etiam cancriferos emolliunt, & discutiunt: ut sapius expertus est generosus Vir, D. *Percivalus Willughby*. Quod à nemine hætenus, quod scimus, proditum publicæ utilitatis causâ sine invidia communicamus.

Horum & ipse non ita pridem effectum vidi oppidò mirabilem. Nobilis Domina mihi nota ulcusculo cuidam paulò infra oculum, dextrumne an sinistrum oblitus sum, nec multum refert, quod cancriferos esse suspicabatur, folii recentis particulam imposuit; quæ noctis unius spatio uveam oculi tunicam adeò relaxavit, ut omnem explicandi sese & pupillam contrahendi facultatem ei adimeret: siquidem pupilla clarissimo lumini obversa vehementer dilatata perstitit, socio & pari suo plus quadruplo amplior; donec amoto folio uvea musculosam vim suam & tonum paulatim recuperaret. Atque hoc ne quis casui imputet, tribus distinctis vicibus in se ipsa experta est eadem nobilis Domina, me quoque tunc temporis fortè fortuna præsentem & spectantem.

An *Solanum* hoc efficiat frigiditate, an potius vi quadam narcotica, considerandum. Chirurgus qui Cancrum eradicaverat & ulcus sanaverat folii particulam loco imposuit ad humores repellendos, nè eodem rursus confluerent: verum ob symptoma prædictum eandem remove coactus fuit.

Pastor quidam in Chersoneso Cimbrica adversus dysenteriam morbum eò loci contumacissimum & contagiosissimum summo cum fructu & successu decumbentibus propinavit vinum cui infusæ sunt *baccæ Solani*. Non solum enormem fluxum sistunt & dolorem demulcent; verum malignitatem in sudorem resolvunt. *Ephem. Germ. An. 13. Observ. 64.*

Si per *baccas Solani sylvestris* illius furiosi, quod puto, intelligantur (inquit Luc. Schrock Scholio in hanc observationem) quadrabit huc quod Conr. Gesnerus, Syrupum ex eis paratum pro magno arcano commendans, ad Achill. Gasserum perscripsit: *Succum ex ejus fructibus expressum, & ad Syrupi consistentiam cum paucis Saccharo decoctum, ita efficacem esse, ut vel ligulæ aut Cochlearii parvi mensura somnum inferat, fluxiones sistat, dolores tollat, dysenteriam curet: gratus est palato, sed cavendum nè amplius detur; ego cum laude usus sum.* Utantur quibus videtur; ego ab ejus usu abstinendum censeo, nisi in tutiorum medicamentorum extremâ inopiâ.

Accidit, ni fallor, tempore Pontificis maximi Urbani ultimi, ut quidam de famulatio Cardinalis magni nominis (ut mihi hic Augustæ retulit ejus hortulanus) infunderet in vino Malvarico herbam illam quam *Bellam Donnâ* vocant, daturam aliâs, per noctem, ut ejus herbari effectus discerent; infusum hoc propinarunt cuidam fratri mendicanti ex conventu S. Hieronymi qui Patavii Fratrum ignorantia dicitur; à primo breve delirium, cachinni, gesticulationes variæ; dein insania vera, post stupor mentis, qualis est ebriorum vigilantium. Cardinalis pro ebrio in carcere includit; deinde à medico qui rem subolfecerat innocens pronuntiatur, qui aceti cyatho propinato à dementia quam *Bella Donna* causaverat eum liberat. *Hæschetterus Decad. 7. Observ.*

Observationem transmisit eruditissimus & amicissimus Vir, D. Edv. Hulse.



## CAP. XXIV.

De Solano vesicario sive halicacabo &amp; affinis.

**H**Ujus notæ sunt fructus in calycibus in vesicas intumescensibus occultati.

1. *Solanum halicacabum vulgare* J. B. *vesicarium* C. B. *halicacabum* Ger. *halicacabum sive Alkekengi vulgare* Park. *Winter Cherry*.

*Radix* geniculata sub terra reptat, fibras tenues obiter de se spargens. *Cauliculi* pedales aut altiores, tenues, teretes, subrubentes & subhirsuti, medullâ farcti, crebris geniculis intercepti; ad quæ *folia* bina simul ab eadem caulis parte, pediculis longis appensa, ocymi ferè figurâ aut Solani hortensis, sed majora, obscurius & sordidius virentia, per margines non crenata, brevi & vix conspicua lanugine hirsuta. E foliorum alis singulis singuli exeunt *flores*, pediculis semuncialibus aut uncialibus tenuibus hirsutis fulti, ampli, albi, monopetali, in quinque lacinias divisi, apicibus concoloribus. Delapso flore *calix* ejus in vesiculam laxam intumescit & extenditur, pentagonam, per maturitatem miniatam, *fructum* continens Cerasi parvi magnitudine & forma, colore miniato, pulpâ humidâ repletam; in qua *semina* plurima parva, compressa, alba; Baccæ ob imbecillitatem pediculorum deorsum dependent.

Nascitur in parietinis, locis umbrosis aliquantulum humentibus, quandoque propè uliginosas sepes & circa agrorum margines: nos in sylvis in insula Danubii juxta Viennam Austriæ observavimus; item prope Romam in scrobibus. Maio, Junio & Julio flores apparent, sub Autumnum fructus maturefcunt. Locum & Tempus.

- \* 2. *Solanum vesicarium Indicum* C. B. *Solanum sive Halicacabum Indicum* J. B. *Halicacabum Indicum rectum* Park. *Camaru Brasiliensibus* Marggr.

J. B. Park.

*Caulis* huic Solano cubitalis & bicubitalis, crassiusculus [firmus & erectus, angulosus, nodosus Park.] in crebros ramos diductus, per quos *folia* Halicacabi vulgaris majora nonnihil, laciniata, atrovirentia, venulis ex medio nervo obliquis in lacinias exporrectis, pediculo duum triumve unciarum. *Flores* è ramorum divaricatione, foliorumq; sinu prodeunt singulatim, ex albido lutei ut in vulgari, ejusdemque floribus similes, ex unico folio in quinque angulos exacuto, circa ungues quinque maculis atropurpureis notati, *staminibus* purpurascens, *apicibus* atropurpureis donatis, medium occupantibus. *Vesica* Halicacabo pares sequuntur, virentes quos acinus replet magnus, [adeo ut vesicam interdum dirumpat, & in quatuor partes dehiscat; per maturitatem etiam virefcens, aliquando tamen pars Soli obversa ex obscuro virore purpurascit. Tota planta insipida est, succum tamen mucilaginosum ad geniculos exsudat, odore viroso Lycoperfici Park.]

In frigidioribus hisce regionibus annuatim radicitus perit, ad primum hyemis accessum: an in calidioribus, quarum indigena est, perennet, me latet.

3. *Halicacabum sive Alkekengi Virginense* Park. *Virginian Winter-Cherry*. 2. An specie differat à præcedente.

Park.

*Cauliculi* huic infirmi & humi fusi, seu minùs erecti quàm vulgaris, majores tamen, quemadmodum & *folia*, circa margines dentata & laciniata, atrovirentia. *Flores* è geniculis exeunt singulis singuli ut in vulgari, in imis magis quàm in summis caulibus, quàm illius tantillo minores, quinque petalis albicantibus, propè ungues lineâ circulari rubente notatis compositi. Succedit *bacca* utriculo inclusa [seu vesicula tenui] quàm ferè replet, minore quàm in vulgari spatio vacuo relicto; minor quàm Halicacabi vulgaris, per maturitatem non ut in illo rubra, sed viridis, semine parvo albente repleta. *Radix* sub terra se diffundit, hyemes tamen nostras non fert.

*Coyotomatl* Fr. Hernandez seu vesicaria Mexicana à præcedentibus non videtur multum differre. *Folia* illi Solani, altera parte sinuosa hirsuta & pingua: *caules* prælongi, quadrati, purpurascens, & quaternis striis totidemque insignes dorsis: *Fructus* in vesicis magnis & quinque angulorum contentus, glutinosus, orbicularis, & nucibus Ponticis par, refertus *semine* exili & longiusculo, paleis perfimili, initio amarus, cum adoleverit dulcis atque edulis: *Radix* magna & furculosa.

*Coyotomatl*. Fr. Hernandez præcedenti eadem videtur, judicent Lectores.

Radicis cortex tulus & ex aqua devoratus duarum drachmarum pondere purgat interdum per superna bilem & pituitam.

Solani halicacabi baccæ nephriticæ, diureticæ ac lithontripticæ insignes sunt. Earum vis non solum præstantissima habetur ad renum vitia, ad ciendam urinam, sed ad ejus quoque acrimoniam retundendam. Valet etiam fructus epotus ad expugnandum morbum Regium autore Dioscoride. Sumi autem possunt vel vino infusa, vel in sero lactis aut Zythogalo decoctæ, vel in pulverem redactæ in quovis liquore.

Baccarum folliculi vesicam inflatam referunt, unde ex signatura seu nota impressa colligunt eas vesicæ dicatas & salutares esse.

Civis quidam Augustanus morbo articulari gravissimè laborans, ita ut sæpe per integrum semestre decumberet, coepit cujusdam suasu, singulis Lunæ mutationibus, in ipso illarum puncto octo fructus Halicacabi comedere, vel contusos ex vino bibere. Ita expelli sibi per urinam materiam mirè foedam totumque se ab hoc morbo liberum affirmabat. Alius ex consilio Ducis Ulrici Wirtembergici intra

Vires.

lingula



fungula decendia semel Majorana vel Origano naribus indito extraxit magnam mucī & pituitæ copiam, nec unquam amplius sensit Podagram. Ex Observationibus Jeremiae Martis (Obs. 10.) D. Soame. In calculo renum maximo profectu usus sum non semel fructibus Alkekengi duodecim, bene dentibus contritis interioribus granulis, & superbibito bono haustu Vini Juniperini. Idem ex eodem.

Suffitus seu fumus ex fructu Halicacabi contuso, cum cera mixto facta indè pasta, in luminum ferream ignitam injecta fumum suggerit, quo ore excepto catervatim vermes (è dentibus) cum spūto copioso rejecti, & crudelissimi dolores sopiti observati fuerunt. D. Hulse ex Ettmulleri praxi.

4. *Halicacabum seu Alkekengi Indicum Bontii, fortè idem cum secundo.*

Bont.

Circa fluminum ripas copiosè nascitur cum floribus suis pulchrè flavis, quibus minores paulo quàm Alkekengi vulgaris vesiculæ succedunt, quibus fructus continetur.

Vires &  
Usus.

Indi & Chineses hanc plantam cum Mandragoræ pomis, & Chilli seu Ricino Americano comedunt. Succus viridis expressus in usu est ad calidos renum & vesicæ affectus, tum in gonorrhœis Venereis quæ hic eveniunt acerbissimæ remedium est anodynum summè.

5. *Solanum verticillatum J. B. somniferum Park. Ger. somniferum verticillatum C. B.*

Plures ex eadem radice producit caules cubitales aut ampliores, satis crassos, rectos, teretes, hirsutos in aliquot ramos candicantes & lanuginosos divisos, quibus inhaerent numerosa folia, bina semper ex adverso sita, Mali Cotonei foliis similia, [J. Bauhino foliis Priapeiæ proxima, sed minora] densa, mollia, lanuginosa, & gustu aliquantulum calida, pediculis unciâ brevioribus hærentia. E quorum sinu flores caulem proximè verticillatim oriuntur terni aut quaterni, pallidi, longiusculi, quadrisariam divisi [J. Bauhino Solani vulgaris pares, ex quinque foliis compositi, apicibus aliquot in medio] quibus succedunt acini, in molli lanugine pubescentibus folliculis inclusi, maturitate vel rubri coloris, vel ex rubro crocei. Radix subest longa, crassa, dura, fusci coloris cortice donata.

Locus.

Spontanèam vidit Clusius in inferiore arce urbis Malaga vulgò dictæ, loco petroso & inter rudera, florentem & semine maturo præditam Februario: ibi vivacem & plures annos durare certum est, nam superiorum annorum, caules adhuc retinentem conspiciebat Clusius: in frigidioribus quotannis perit.

Huic per simile est si non idem,

*Solanum somniferum Antiquorum Alpin. exot. somniferum Antiquorum verum Park.*

Alpin.

Altitudine est bicubitali & ampliore, ab una radice grandi, non multum crassa, lignosa, albo cortice vestita, fortida & insipida tres aut quatuor, aut plures etiam caules producit, rotundos, rectos, fractu difficiles, albicantes, è quibus surculi alii exeunt, aliquando verò unus solummodo stipes oritur ex radice, qui in multos caules dividitur, qui longi sunt, recti, rotundi, albicantes, foliis vestiuntur non utrinque binis simul, sed singulis alternatim circum ramulos, à suis pediculis longis sursum pendentibus, Mali Cydonii folia magnitudine & figurâ æmulantibus, in quibus & in ramulis humiditas quadam resudat, quæ manui adhæret. In cauliculis verò juxta foliorum sinus inter folia flores multi, parvi, rubri, Leucoti figurâ, racematim circa caulem congesti cernuntur, à quibus folliculis parvi rotundi, in acutum terminantes, quadantenus striati succedunt, primò virides, & mox ad maturitatem perducti, rubri apparentes, figurâ planè imitantes Solani vesicarii vesicas, sed multò tamen minores, intus habentes granum rotundum, fructui Halicacabi simile, minus tamen, & cum maturuerit rubri coloris evadit.

Locus.

In Cretæ insulæ locis maritimis nascitur.

Vires.

Hujus foliis contusis emplastri modo ad calidas inflammationes utuntur: atque illitis ex ipsorum succo fronte, temporibus, ac aliis corporis partibus, in quibus pulsus sentiuntur, vel iisdem contusis emplastri modo impositis ad somnum familiarissimè utuntur, necnon ad exustiones.

6. *Alfne baccifera Ger. scandens baccifera C. B. repens baccifera Park. Cacubalum quibusdam vel Alfne baccifera J. B. Berry-bearing Chickweed.*

Clus. J. B.

Sarmentis veriùs quàm caulibus, usque numerosis prædita est hæc planta, infirmis, geniculatis, flexibilibus, humanam altitudinem superantibus, [quæ nervum transmittunt à quo cortex hirsutus facillè strictu cedit, crebris geniculis tuberosis donata. J. B.] Bina singulis geniculis & internodiis adnascuntur ex adverso sita, Alfines vulgaris foliis figurâ & colore similia, longè tamen majora, & ad Helxines folia, foliorum amplitudinem accedentia, mollia. Flores ex turgidis Halicacabi utriculis vix tantillum foliorum, quæ numero quinque, [Clusio sex] herbido pallore albescunt, apices bifidos proferunt, penitus latentibus staminibus simul & baccae rudimento, acini Piperis aut granorum Juniperi vulgaris magnitudine, quæ initio viridis, per maturitatem nigra, grana continet exigua, nigra, nitentia, rotunda, compressa. Radix candida, valdè fibrosa, longa & sarmentitia, quæ singulis annis novos caules promit, aliis per hyemem marcidis & corruptis.

Locus.

In sepibus primò non longè à Francofurto ad Mœnum, postea in Italia quoque & Gallia Narbonensi observavimus: Copiosam Clusius Salmanticensi agro, umbrosis locis & circa sepes, &c.



## CAP. XXV.

## De Asparago.

**E**ti *'Asparagus'* vel *'Asparagus'* Galenus 2. *Aliment.* omnes propemodum teneros caules & tenera germina, seu ex oleribus & herbis, seu ex suffruticibus, seu ex fruticibus arboribusque vocitet; attamen peculiari generi plantæ etiam tribuitur, quæ sic dicta, quod caulículos hos, qui prima germinatione è terra prodeunt, præcipuos habeat. C. B.

Asparagi notæ genericæ sunt folia tenuissima & quasi capillacea, turiones crassi, esculenti.

A. 1. *Asparagus* Park. *Sativus* Ger. *bortensis* & *pratensis* J. B. *sativa* C. B. *Manured Asparagus* or *Sperage*, corrupte *Sparrow-grass*.

*Cord.*

*Caules* emittit primo vere teneros, longos, teretes, virides, glabros sine foliis, ab uno cespite plures, qui paulatim in numerosos, tenues, lentos dividuntur ramos & virgas, & circa has *foliola* frequentia, uncia longitudine, individua, & capillorum aut setarum modo tenuia. Tota itaque herba cum Fœniculo aliquam in foliis similitudinem habet, & duum cubitorum altitudinem petit. *Flores* Sole in Geminis transeunte circa ramulos copiosos, parvos & pallidos producit, & post eos baccas Pisi quantitate, rotundas rubentisque, intus carne sua duo aut tria nigra & corneæ soliditatis *semina* claudentes. *Radicibus* nititur perennibus, numerosis, ab uno transverso, & propter caulium vestigia aspero villosoque dorso utrinque in obliquum descendentibus, longis, teretibus, lentis, foris cineraceis, intus autem candidis, quibus dulcis & glutinosus est sapor: *Coliculi* item teneri admodum suavem saporem habent, sic etiam ipsa *semina*.

In pratis ad Rhenum & Danubium sponte & copiosè provenit: nos in Anglia ad Promontorium *Locus* dictum *The Iyzzard point* in Cornubia invenimus.

Asparagus sylvestris tenuissimo folio C. B. vel ipso fatente solâ transplantatione & culturâ à sativo differt.

2. *Asparagus palustris* Ger. *marinus* crassiore folio Park. *maritimus* crassiore folio C. B. *marinus* J. B.

*J. B. Clus.*

*Caulis* est brevior, firmior, in tortuosos ramos divaricato: *Folia* brevioribus, crassioribus, latioribus robustioribus quàm in Asparago altili, ex cœrileo virentibus: *Baccis* duplo Juniperinis majoribus, non ad eodè corallii instar intensè rubentibus ut in illo, sed potiùs nigricantibus, *semina* quatuor aut quinque majuscula continentibus.

Montepelii in palustribus propè mare copiosum observavimus.

Asparagum hunc palustrem non possum animum mihi inducere ut credam à sativo seu altili specie diversam esse: Siquidem folia crassiora latioraque habere & saluginoso amaro sapore prædita, aliis plurimis plantis in maris vicinia nascentibus evenire solet, colorem etiam nonnihil mutare. Sola baccarum magnitudo & color obstare videtur. In hortos transferatur, & fiat experimentum, annon faciem mutabit.

*D. Magnol* Asparagum maritimum à sativo seu sylvestri, quod pro eodem habet, non culturâ tantum, sed & specie differre verisimile putat. Licet enim (inquit) ambo circa *Aguas mortuas* vulgò *Aignes mortes* oppidum in iisdem ferè locis orientur, istius tamen turiones dulces sunt, maritimi amari, folia etiam in isto tenuiora sunt, in maritimo crassiora.

Asparagi turiones seu germina recentia, leviter decocta & butyro condita sapore delicato palato *Vires* se commendant, & in cibis magni æstimantur verno tempore. Ventrem emolliunt urinamque cient, fetorem tamen mirum ei communicant, ut quivis in seipso facillè potest experiri.

*Radix* diuretica est, lithonriptica & ex aperitivis quinque. Ejus decoctum epotum ægrè meientibus, Regio morbo laborantibus, nephriticis & ischiadicis opitulatur. *J. B.* è Dioscoride.

Nota frequentiore usum diureticorum quorumcunque vesicam exulcerare, ideòque *D. Bowle* traumatica diureticis admiscere solebat.

Asparagum alvum solvere non credit *Casp. Hofmarinus*, quia est diureticum medicamentum.

In pituitosis Venerem stimulare posse & semen augere decernit idem, cum in biliosis subductâ materiâ contrarium faciant.

3. *Asparagus petraeus* sive *Corruda* Ger. *Asparagus foliis acutis* C. B. *Corruda* J. B. *sylvestris foliis acutis* Park.

*J. B. Clus.*

*Duris*, contortis, angulosis *virgulis*, candidis & lignosis ad hominis altitudinem fruticat, in frequentes ramulos striatos, alternatim ferè divisos, circa quos quina aut sena *foliola* ex uno puncto exeunt veluti in Larice, duriora & breviora quàm Asparagi altilis, & spinarum quàm foliorum nomine digniora, quippe acriter pungentia. *Flosculi* parvi, pallidi, è senis foliolis constantes, sub alis inter folia enascuntur, odore jucundo uti *Viola Martiæ*. *Bacca* prima fronte Asparagi altilis baccis similis, cinereæ, ingrati saporis, & teredini obnoxia, in quibus primum occurrit pellicula alba, pellucida, deinde rubra densa, tertio nigricans, postremò *semen* unicum vel duo alba, lateſcentia, duriuscula. *Radices* ab uno capite multæ, crassæ instar Asparagi altilis, sed breviores, nascuntur.

In



Locus.

In Italia ad sepes & in dumetis frequens: Provenit quoque circa Monspelium in Linguadocia: nec minus frequens in Castella & regno Granatenfi. Floret uvâ maturefcente, hoc est Augusto; semen Octobri maturum est.

4. *Asparagus sylvestris aculeatus* Ger. *aculeatus*, tribus aut quatuor spinis ad eundem exortum C. B. *petraeus* sive *Corruda aculeata* Park.

Clus.

Et hic etiam fruticosus est, in viridibus & mollioribus ramis sive *virgis* ramosis tres aut quatuor spinas ab eodem ferè exortu prodeuntes, hinc inde sparsas pro *foliis* ferens, virides itidem uti rami sunt.

*Florem* nullum in hoc conspiciebam, sed frequentes *baccas* rotundas, ut in superiore, initio virides, deinde per maturitatem nigricantes, succo & pulpâ virente plenas, quibus *semen* includitur durum, foris nigrum, intus candidum, ut plurimum unicum, interdum bina. *Radices* habet plures, crassas longas, superioribus non valde dissimiles.

Locus.

Ad mare propè Tauromenium in Sicilia vidimus. Frequens est, autore Clusio, ad Tagum fl. in Lusitania, atque etiam Bætica solo petroso, in collibus & sepibus. Novembri semine onustum invenit.

5. *Asparagus sylvestris spinosus* Clusii Ger. *aculeatus spinis horridus* C. B. *spinosus*, sive *Corruda spinis horrida* Park.

Clus.

Cubitales habet *virgas*, ramosas, candidas, lignosas, candicantibus, firmis, deorsum spectantibus spinis alternatim, & secundum virgarum ramorumque inæqualium inflexionem horridas: ad quas quina aut sena *folia* ex eodem capite simul prodeunt, ut in Larice, prioris Asparagi sylvestris foliis longiora molliorâque Larignis foliis non dissimilia, quæ commanducata subdulcia & aliquantulum gummosa deprehenduntur. *Flos* inter folia ex alarum sinu longo tenuique petiolo dependet, ex viridi pallescens, deinde *fructus* pæne rotundus, sed qui tricoccus videtur (tametsi unicum granum magna ex parte contineat, rarius bina, foris nigrum, intus candidum, firmum ut in superioribus) initio virens, maturitate rubescens & carnosus, sive succum & pulpam continens lentam & viscidam. *Radice* firmatur multiplici, instar aliorum sylvestrium Asparagorum, longâ, crassâ, intus albâ, foris flavescente. Fert initio veris aliquot turiones, instar altis Asparagi, qui illorum modo manduntur crudi & cocti cum aceto, oleo & sale.

Locus.

In insula promontorio Pachyno adjacente & alibi in maritimis Sicilia invenimus: Clusius supra Olyssipponem, salebrosis locis, juxta vias, non procul à Tago fl. aliis etiam Lusitaniæ locis & totâ ferè Bætici.

## CAP. XXVI.

De Vite *Idæa palustri*, seu *Vaccinio palustri*.

**H**anc plantulam viticulæ tenues, folia Serpylli, flosculi tetrapetali, locus palustris, baccæ interdum sublongæ à reliquis Bacciferis distinguunt.

Cæterum *Vaccinia* ineptè dicuntur hoc genus plantæ, cum *Vaccinia* Veterum Hyacinthi fuerint, ut in capite de Hyacintho ostendemus.

## CAP. XXVII.

- A. *Moschatellina foliis Fumariæ bulbosæ*, de qua Cordus J. B. *Ranunculus nemorosus Moschatella* dictus Park. *nemorum Moschatellina* dictus C. B. *Radix cava minima viridis flore* Ger. *The Mush-Wood-Crowfoot*.

**R**adicem habet semuncialem & uncialem, crassam, candidam, pluribus squamulis, caninorum dentium instar habentibus, quarum inferioris cavum superioris mucronem solidum excipit, succulentam, sapore nullo manifesto, è squamarum sinubus superioribus fibras emittentem plurimas, alias tenues, albas, prælongas, quibus alimentum haurit; alias majores, albißimas, filorum similes, ad intervalla rariora obiter denticulatas, tandemque in capita intumescentes, quibus sub terra repens latè se propagat. *Folia* tenera, pallidè virentia, Fumariæ foliorum divisurâ, duo aut tria, pediculis oblongis teneris & fragilibus insident. *Cauliculus* ut foliorum pediculis haud discolor ita non multo altior, palmaris, singularis, media parte foliis binis adversis cinctus, brevibus pedicellis appensis, reliquis supradictis, exceptâ solâ quâ superantur magnitudine, similibus. In caulis fastigio *capitellum* cubicum, è quinque flosculis coagmentatum herbaceis, monopetalis, verum in quinque laciniis obtusas totidem folia imitantes divisum cum plurimis in medio staminulis luteis. *Calix* floris trifolius. Vasculum seminale crassum, succulentum, quatuor intus semina claudit. Flores & folia moschum olent.

Martio

Martio mense exeunte & initio Aprilis apud nos floret. In umbrosis sepibus & senticetis, aut etiam sub arboribus solo laxo & arenoso multis in locis invenitur. Postquam defloruit, superficies plantæ non diu durat. Floribus succedunt totidem fructus, etiam per maturitatem pulpâ humidâ molli cum quatuor plurimum intus seminibus parvis, alvis oblongis, compressis Lini seminum figurâ, constantes, ut hâc æstate [Anni 1685] observavimus, semina matura nobis subministrante D. S. Dale Amico & vicino nostro.

Cum plantulæ hujusce fructus etiam maturus pericarpio seu pulpa molli humida & seminibus eadem inclusis confister, Baccifera genuina & propriè dicta censenda est.

A. 1. *Vaccinia palustris* Ger. Park. *Oxyecoccus* sive *Vaccinia palustris* J. B. *Vitis Idæa palustris* C.B. *Whortle-berries*, *Whols-berries* or *Whooz-berries*.

*Radix* tenuibus rubentibus fibrillas capillares subinde emittentibus sub terra repta. *Cauliculis* prælongis, filamentorum instar tenuibus, infirmis, atrorubentibus, in terræ superficie sparsis latè se diffundit: quos *folia* vestiunt non admodum crebra, situ æterno, dura, Serpylli foliis paria aut non-nihil minora, supernè viridia, subtus glauca seu, ut J. Bauhinus, ex cinereo virentia, glabra, marginibus plerunque reflexis, pediculis adeo brevibus insidentia ut immediate adnata videantur. *Flores* è summis ramulis exeunt, nunc singuli, nunc bini aut fortè etiam plures, ex sinibus foliorum exiguorum seu squamarum singuli, pediculis prætenuibus, digitum longis; purpurantes, Glycypicridis floribus similes, petalis quatuor acuminatis ad ungues junctis, reflexis, cum octo in medio staminibus seu apicibus croceis & stylo in unum acutum corpus seu umbonem coeuntibus: Quibus decidentibus succedunt *baccæ* quàm *Vaccinia nigra* majores, rubentes vel flavo-virides punctatis rubris creberrimis respersæ, non exactè rotundæ sed per sæpe oblongæ, umbilico purpurascente cruciformi insignes.

Floret Junio, fructus Julio maturèscit; in palustribus putridis.

Locus & Tempus.

2. *Vitis Idæa palustris Virginiana fructu majore.*

Hujus baccas à nova Anglia usque missas Londini vidimus & gustavimus. Scribitis seu tortis; *Carta* nostrates vocant eas inferciunt.

Nnn

LIBER



# HISTORIÆ PLANTARUM

## LIBER DECIMUS QUARTUS,

QUI EST,

De Plantis multifiliis seu corniculatis.



PLANTAS multifilias voco quæ ad singulos flores plures producant filiquas seu cornicula disjuncta: quibus tamen ob convenientiam in reliquis partibus, nonnullas filiquas conjunctis admiscemus.

*Plantæ multifiliæ seu corniculatæ sunt vel foliis*

*Crassis succulentis,*

*Majores latifoliæ, foliis*

*Ad radicem multis in globulos congestis, iis quæ in caule sunt majoribus & spissioribus, floribus in furculis reflexis in summis caulibus; SEDUM seu SEMPERVIVUM majus.*

*Ad radicem nullis; cum hæ plantæ à prima statim germinatione, excaulescant, radice*

*Odorata, in summis montibus nascens, foliis glaucis serratis; RADIX RHODIA.*

*Inodora, folio aliàs serrato, aliàs æquali, radicibus aliàs tuberosis, aliàs fibrosis; TELEPHIUM.*

*Minores angustifoliæ; SEDUM STELLATUM.*

*Texturæ rarioris & minus succulentis, quarum notæ genericæ sunt*

*Folia*

*Graminea triangula, caules nudi, flores in umbella; JUNCUS floridus.*

*Lata, integra & non dissecta, Althææ æmula, flores ex alis foliorum lutei; ABUTILON.*

*Digitata, flores non decidui, radices cathartice, HELLEBORUS NIGER.*

*Pinnata, Fraxini familia; Flores in spicas digesti; semina nigra, majuscula, splendentia; FRAXINELLA.*

*Flores,*

*Cucullati, folia circumscriptione subrotunda, laciniata, semina rugosa, facultas plurimum deleteria; ACONITUM.*

*Corniculati,*

*Unico cornu seu calcari retrorsum extenso, semina nigra triquetra, folia in tenues lacinas dissecta; DELPHINIUM, Consolida regalis.*

*Pluribus corniculis recurvum, penduli, semina nigra lucida, folia umbelliferarum modo divisa; AQUILEGIA.*

*Expansi, aut planifolii; [Folia plana hic voco quæ non sunt fistulosa aut concava]*

*Majores, rosei, semina majuscula rotunda, per maturitatem nigra, radices crassæ vel tuberosæ; PÆONIA;*

*Minores, Ranunculorum similes; Quæ vero hujusmodi flores producant plantæ sunt vel foliis*

*Integris, floribus nudis absque perianthio, aquosis gaudens; CALTHA PALUSTRIS.*

*Laciniatis; Aconiti aut RANUNCULI,*

*Caulifera, flore globofo; RANUNCULUS GLOBOSUS.*

*Acaulis cum flore in medio folio, radice tuberosa; ACONITUM HYEMALE.*

CAP.

## CAP. I.

## De Sedo seu Sempervivo majore.

**H**Ujus notæ sunt folia in globulos oculi bovini æmulos congesta, lata & succulenta, flores in furculis reflexis in summis caulibus stellati.

1. *Sedum majus arborescens* J. B. Ger. emac. *majus arborescens flosculis candidis* C. B. *majus legitimum* Clus. Park. *Tree-House-leek*.

Clus.

Frutex est potius quam herba, duorum cubitorum nonnunquam altitudine, brachiali verò crassitudine, multos ferens ramos pollicaris crassitudinis aut majores, qui in multas alas dividuntur digitalis crassitudinis, summo fastigio velut in orbem desinentes, multis foliis confertim & imbricatis sibi mutuò incumbentibus constantem, perinde ac in Sedo majore vulgari. Carnosa sunt autem ea folia, succi plena, & linguæ instar efformata, h. e. ab infima sede paulatim in latum sese dilatantia; in ambitu crebris & minutis veluti denticulis adeò leviter serrata ut vix appareant, gustu paululum adstringente: cortice denso, carnosio, succulento totus frutex cinctus est, cujus membrana exterior subfulca, maculisque seu potius sedis foliorum vestigiis respersa, ut in Tithymalo characia. Interdum summis majoribus ramis emergit crassus & veluti foliosus quidam pediculus, tanquam thyrsus gerens multarum gemmarum, quæ successu temporis in flores sese explicant, ex flavo pallescentes, stellarum instar in aliquot folia divisos cum suis staminulis. Jam maturescere incipientibus floribus, & ad seminis efformationem properantibus gracilescit hic pediculus. Semen exile est & nigrum. Semper viret hæc planta, nam antequam vetera folia abjiciat, nova semper producit, & faciliè ramulis pangitur.

Sponte nascentem observavit hanc plantam Clusius prærupto & scopuloso colle, non procul à *Locum*. *Scytri* arce regia, quinto ab Ulyssippone milliari. In Italia frequentem in fœtibus enutritam observavimus.

Legitimum id esse Sedum aut Sempervivum majus, Dioscoridi ἀνέμων τὸ μέγα neminem in Stirpium cognitione mediocriter versatum inficias ire posse affirmat Clusius: Nam quod hætenus pro Sempervivo majore habitum est, nihil aliud est quam Cotyledon altera Dioscoridis.

2. *Sedum majus vulgare* C. B. J. B. Park. *Sempervivum majus* Ger. *Houseleek*.

Folia edit terræ ac radicibus proxima, crassa, pingua, lenti succi plena, acuminata, densa, per margines æqualia, & in orbem ad effigiem oculi disposita, atque hujusmodi orbiculos complures proferens, latè atque in amplitudine sese diffundit, non rarò & tenues fibras emittit, quibus latius serpat, atque novos orbiculos progignat. Assurgit quandoque in medio horum caulibus pedem plus minus altus, erectus, crassiusculus, similibus sed angustioribus & acutioribus foliis veluti squamis obtektus, superius in ramos diductus reflexos. Flores scanfiles, serie quadam succedentes gerit, stellatos, rubentes aut obscurè purpurascens, polypetalos, quos excipiunt siliculae plurimæ seu cornicula femine minutissimo repletæ, in orbem dispositæ.

Inter petras in montibus sponte oritur, & ad macerias & muros. In Angliâ spontaneum non vidi, *Locum*. ubique tamen in domorum tectis, muris & maceriis vetustis & imbricamentis seritur. Caulis flori-ferus est post Solstitium æstivum; cum semen Autumno perfecit exarescit.

Refrigerat validè & astringit. Usus præcip. intrinsecus in febribus biliosis, sedat scil. sitim & *Vires*. compescit ardorem. Vulgare est plebi nostrati (inquit Schroderus) expressum succum cum Succo charo in febribus morbisque calidis propinare. Botanici nostrates præscribunt succum Zythogalo aut liquori posseti infusum; sèque eum bono cum successu hoc modo propinatum novisse ait *D. Tanderedus Robinsonus*, tum in aliis febribus, tum præcipuè in Erysipelatide & hæctica; Abundat enim hæc planta, sale Alkali medicamentoso.

Tragus succum aut aquam destillatam, linteolis in eis madefactis ac impositis in inflammationibus quibuscvis corporis, imprimis verò phrenetico morbo, apprimè conducere scribit, in inflammatione ac rubore oculorum, jecoris item & renum. Articulorum insuper morbo medentur, & ambustis auxiliantur.

Succus Solatri succo admixtus, & cum oculis Populeis decoctus in axungia suilla, ac percolatus ut fiat unguentum, mirè efficax est, omnibusque populeis unguentis Tragi judicio præferendus.

Galenus cum Dioscoride Epithematis loco succum cum aceto Erysipelatis foris imponunt, quod hodie, inquit Casp. Hofmannus nemo aufit.

Succus verrucis & pedum clavis illitus ut eo probè madefiant, deinde foliorum cuticulâ superimpositâ, eos tollit & sanat.

Ad cornua pedum, R Folia Sempervivi majoris q. l. contunde & superpone sex diebus continuis. *Cbesneau*.

Ad matricis & urethræ ulcera, R Succus Sempervivi majoris ʒiv. Litharg. ʒj. vitell. ovorum n° ij. diu agitat. in mortario plumbeo, utere. Remedium erat Chirurgi cujusdam Parisiensis. *Idem*. Habui ex collectaneis *D. Edv. Hulfe*. Medici Londinensis.

In febribus linguam molesti aridam vel etiam fissam lenient folia Sempervivi majoris, membrana externâ denudata. Aquæ puræ aut Rosacæ induntur, hinc subinde linguæ imponuntur, atque dentidem renovantur. *D. Soame* è Sylvii L. 1. C. 23. S. 64.

N n n 2

• 3. *Sedum*



3. *Sedum majus montanum dentatis foliis* C. B. *Sedum* 4. i. e. *Cotyledon altera secunda* Clusii Ger. *An Sedum latifolium floribus magnis albicantibus* J. B? *Sed. majus alterum flore Atlante* Park. *quid velis vox illa Atlante non satis capio.*

## Clus.

Pinguia, crassa, numerosaque habet folia, circa radicem densa, Acetabulo alteri five Sempervivo vulgari majori similia, minora tamen & in ambitu leviter dentata, succulenta & gustu acido: inter quæ multa in ambitu capita, è similibus sed minoribus foliis congesta exoriuntur, longis pediculis inhaerentia, quæ tandem aucta in novas plantas efformantur. Ex ipsius matris umbilico emergit *caulis*, dodrantalis, foliosus, rectus, ferens in ramulis florem alterius *Cotyledonis* instar albicantem, magnum, sex foliis constantem, cui succedunt *siliquæ* seu vascula totidem angulis discreta, *semine* exili plena. *Radix* Sempervivo vulgari majori similis, minus tamen crassa, candicans, subindè novas plantas, præter jam dictas, è lateribus fundens.

Locus.

Frequens est in omnibus jugis urbi Viennæ vicinis, atque in Austriacis, Stiriacisque Alpibus. Floret Julio.

Varietas.

Illis ipsis locis invenitur aliud genus huic valdè simile, per omnia tamen minus & cujus folia magis sunt dentata: quod *Sedum majus montanum dentatis foliis* alterum C. B. *Sedum* alterum minus magis dentatis foliis Park.

Invenitur & alia hujus varietas præcedenti per omnia simile exceptis floribus qui purpurei sunt & odorati.

4. *Sedum majus montanum foliis non dentatis, floribus rubentibus* C. B. *Sedum montanum latifolium flore purpureo* J. B. *majus angustifolium* Park. Ger.

## Clus.

Confertis, frequentibus pinguibusque five crassis atque in orbem digestis est hoc etiam genus foliis, superiore tamen minoribus, nec dentatis in ambitu, tametsi aliquantulum hispida appareant, sub quibus è radice capite aliæ similes plantæ crassis fibris præditæ in orbem se propagant & radices agunt; è matris umbilico palmaris, nonnunquam etiam dodrantalis exilit *caulis*, succulentus, rubescens, multis crassis succique plenis & mucronatis foliis cinctus, angustioribus quàm superiora & mucrone purpurascens, qui supremâ parte in ramulos dividitur, multis *floribus* superioris *Cotyledonis* alterius floribus formâ similibus onustos, minoribus tamen, duodenisque, angustis, mucronatis, stellæque instar decussatis foliis constantibus, coloris ex rubro purpurascens, totidem *siliquulis* in caput aut veluti coronam compactis, floris umbilicum occupantibus & vicinis quaternis staminibus eam ambientibus. *Semen* illis *siliquulis* five loculis aded exilis inest ut oculorum aciem propemodum fugiat. *Radix* mediocriter crassa & fibrosa est, *Cotyledonis* alterius modo.

Locus.

Plantæ quæ florem tulerunt tum in hac tum in superiore intereunt, perinde atque in *Sedo* majori vulg.

Crescit in Taurinarum Alpium jugis non procul Saltzburgo, ubi floret Julio, in hortos translata maturius, viz. Maio.

5. *Sempervivum rubrum montanum γαπαλῶδες* Col. *Sedum rubrum tomentosum* Park. *montanum tomentosum* C. B.

## Col.

Singula hujus folia, dum planta sine caule est, Vere incipiente ad invicem tomentosa lanugine contextuntur: apices enim foliorum, relictis foliis intermediis, tenuissimis densisque staminibus veluti Araneis intercipiuntur, ut semper angulos efforment, ita ut tota foliorum superficies operiatur innumeris figuris trigonis, tetragonis, pentagonis & hexagonis intersectis ad invicem, ut ex quolibet extremi folii apice efformentur. Autumno & hyeme antequam caulem edat incana est aut cinerea, nec folia conjuncta tomento aut aranea sunt, sed aperta & disjuncta, ut in vulgari: cum caulem edit tota planta colorem mutat & rubra efficitur.

E radice pusilla, tenui veluti filum, inter saxorum rimas ubi parum terræ inhaerente, multa folia, veluti Cinaræ fructus squamosus, in globulum composita, Nucis Regiæ obliquè dimidiatæ magnitudine orbem complentia, linguarum angustarum effigie, parva, carnosa, vulgaris majoris lutei Sempervivi modo, per ambitum hirsuta parum, in summo araneosa multum, colore cinereo: Æstate caulescente plantâ ita illi hærent densa ut pyramidem effigiant, atque nihil præter summum caulis appareat, in quo folia minora alternatim separantur. *Caulis* semipedalis, in summo bifurcatus in alas, in quibus *flores* magni, rubentes, roseo saturo colore, stellati, in decem radios secti, cum totidem apicibus medium fructum habentes: staminibus verò circa illum viginti, quorum cacumen luteum, minutum est. Florum folia expansa & radiantia, veluti plicata prius quàm dehiscerent, canaliculum vel plicam habent in singulis radiis, colore magis saturato; calycem verò dilutiorem, subtus hirsutum, totidèmq; oris distinctum.

Tempus &amp; Locus.

Julio floret & Augusto perficitur, in Æquicolorum montibus, & jugis altissimis, nudis, saxosis, meridiei expositis supra montem Flaminianum, le Serrone vulgò dictum, supercilium sci. appellatum.

6. *Sedum Alpinum roseum cauliculis rubentibus* Hort. Lugd. Bat.

In horto Regio Parisiensi habetur sub titulo Sedi Alpini mediū rosei, aculeo rubente.

Hanc plantam, nemo hætenus, quod sciam, descripsit, nec nos eam vidimus, idèoque nescimus an rectè hic collocavimus.

CAP.

## CAP. II.

## De Telephio.

**T**elephium dictum volunt, quod ulceribus malignis & deploratis, qualibus Telephus Myſiæ rex ab Achille vulneratus conſenuit, (quæ eam ob rem etiam Telephia vocantur) auxilia-  
tur: Fabaria vulgò à foliorum cum Faba ſimilitudine, Officinis Craffula major appella-  
tur. C. B.

Folia in Telephio non conglobantur in capitula, ut in Sedo majori; nam à prima ſtatim germi-  
natione excauleſcit. Flores velut in umbella pentapetali, quibus ſuccedunt theculæ plurimum quinque.

- A. 1. *Telephium vulgare* C. B. *Telephium ſive Craffula major vulgaris* Park. *Craffula ſive Faba*  
*inverſa* Ger. *Anacampſeros vulgo Faba craffa* J. B. *Opine, or Live-long.*

*ſ. B.*

Pedalis eſt & altior Anacampſeros, *caulibus* rectis, teretibus, ſolidis, quibus perquam crebra adna-  
ſcuntur *folia*, ſurrecta, ſucculenta, Portulacæ foliis longiora, colore glauco, rubedine aliquo ſubinde  
perfuſo, crenata. *Flores* in ſummis caulibus & ramulis [in quos ſummi caules dividuntur] in um-  
bellas digeſti, rubentes; pentapetali cum pluribus ſtaminulis; medium florem occupant *theculæ* ali-  
quot, plurimum quinque ſemen claudentes præ parvitate ſerè inconſpicuum. *Radix* ſubeſt tuberculis  
glanduloſis ſtrumofa, unde Fabæ inverſæ nomen. Nullo nec ſapore nec odore excellit.

Folia interdum integra ſunt & minimè crenata, flores non rarò albi, ut eos deſcribit Bauhinus,  
apud nos tamen ſæpius purpurei: atque hoc eſt Telephium 3. purpuſcente flore *Cluſ. Hiſt.* qui  
folia in caule rariora ei attribuit.

In umbroſis maximè & ad ſepes oritur, non raro tamen in agris & paſcuis.

*Locus,*

- \* 2. *Anacampſeros purpurea* J. B. *Telephium purpureum majus* C. B. *floribus purpureis* Park.  
Ger. *An Rapuntium umbellatum* Col?

*Cluſ.*

Ex radice craffiuſcula, & bulbis inſtar parvorum naporum, multiſque etiam fibris præditâ, aliquot  
ſingulis annis producit *caules* cubitales, quibus innafcuntur *folia* ſatis frequentia, inordinata, Tele-  
phii vulg. craffa, ſucculenta, in ambitu tamen nonnihil crenata & veluti ſinuofa. *Flores* coloris gra-  
tiſſimi ex rubro purpuſcentis: in reliquis cum Telephio vulgari convenit.

J. Bauhinus Anacampſeroti ſeu purpuſ. *caulem* rectum & rigidum aſcribit: *folia* quam vulgari  
angultiore, longiora, dilutiorèque virore tincta: *flores* rubentes, quo etiam colore ſunt ſtamina  
media & apices.

*Telephium purpureum minus* C. B. J. B. *minus flore purpureo* Park.

Non alia in re præterquam partium omnium parvitate à præcedente differre videtur. Videtiſ  
deſcriptionem ejus apud Bauhinum in Prodomo.

3. *Telephium latifolium peregrinum* C. B. *Craffula major Hispanica* Ger. *Telephium ſive Craffula*  
*major Hispanica* Park. *Anacampſeros maxima* J. B.

*Cluſ.*

Habet hoc duos, tres pluriſve *caules* à radice prodeuntes, cubitales, ſucculentos, in latus ſe incli-  
nantes; in quibus ordinata ſunt *folia*, h. e. ex intervallis bina, ſemper adverſis pediculis naſcentia,  
craffa, ſucci plena ut in vulgari, ſed majora & magis carnoſa. *Flos* in extremis ramis quaſi umbella-  
tim naſcitur, quemadmodum in Craffula majore, pallidus. *Radices* illi plurimæ glanduloſæ Craffulæ  
vulgari ſimiles.

Naſcitur in Hiſpaniæ umbroſis quibuſdam locis, unde ad Belgas delata facilè comprehendit & au-  
cta eſt, valdè enim vivax eſt, ut etiam rami in terram depacti ſtatim radices agant.

*Locus,*

Floribus eſt albis atque etiam rubris.

- \* 4. *Telephium Portulacæ folio* Morif. prælud.

*Morif.*

Sola craffitie ſeu ſpiſſitudine foliorum, Portulacæ æmulorum à cæteris ſuæ classiſ facilè diſtinguitur.

5. *Telephium ſemper virens* Ger. *repens folio deciduo* C. B. *minus repens ſive Cepæa Pânſi* Park.  
*Anacampſeros minor rotundiore folio ſemper virens* J. B.

*ſ. B.*

Inter Anacampſerota vulgò notum & hanc ſpeciem hoc intereſt diſcriminis, quod non tantum  
minor hæc, ſed & radices fibroſæ Sedi vermicularis, non tuberoſæ: foliorum ſeries non minus ſtipata,  
verum ea excepto colore glauco ad Portulacæ folia quam proximè accedunt magnitudine & circinata  
ſerè rotunditate, ſuntque admodum caduca, ſic ut ſæpe major pars caulis ubi exciderint foliis vidua



conspiciatur, relictis interim ubique foliorum ubi exciderint vestigiis. *Caules* graciles, teretes, non-nihil rubentes per terram repunt, dodrantem longi. *Flores* in umbella, Anacampserotis vulgaris, quorum singuli quinque foliolis ex albedine in purpureum vergentibus constant, *apices* verò sunt lutei: in medio autem flore coeunt quinque velut alabastri mucronati.

Tota hyeme viret: facile se propagat.

*Vires.*

Vulneraria est & astringens: Præcip. usus in consolidanda intestinorum erosione per dysenteriam introducta, in curanda hernia, in ambustis medendis. [Aqua destillata exhibita, aut radix cum melle in vino decocta ac pota.]

Magna dolores sedandi facultate pollet hæc herba, idque tam in recentibus vulneribus, quam in fordibus & inveteratis ulceribus efficiunt folia tusa & imposita.

Herba sub cineribus tosta & cum adipe suillo mixta & imposita paronychias egregie sanat.

Radix Telephii recens appensa, [aut aliquot saltem ejus nodi, prout nodi plures vel pauciores in ano protuberant] cum filo in dorso inter scapulas, hæmorrhoidum dolores ilico levat, simulque cum marcescente radice tabescit & evanescit omne tuberculum. V. *Ephemer. German. Ann. 2.* Observ. 195. ubi D. Wedelius Amuletum hocce miris præconis celebrat, ejusque efficaciam duobus exemplis comprobat. Nos ut non negamus Amuleti aliquam vim inesse posse, ita iis non multum fidimus.

• 6. *Telephium Indicum* Bontii.

*Bont.*

*Caule* est paulo elatiore quam *Telephium* nostras, foliis etiam aliquantum in figura variantibus. Incolæ Malai à forma *Moulin Bebec* vocant, quod Anatis rostrum significat, nam inversum Anatis rostrum admodum bene refert, præsertim illorum qui incisuras ad latus rostri habent. Semper viret hæc planta.

*Vires.*

Incolæ eâ utuntur contrita ad ipsorum scabiem & cætera biliosa ulcuscula in cute, quæ hîc nunquam desunt. Tum ad Erysipelata quoque utilis est cum aceto contusa. Malaicæ mulieres eâ quoque utuntur pro topico super bregma puerorum ubi futuræ nondum coaluerint, referentes id ad robur cerebri facere.

A. 7. *Rhodia radix* J. B. C. B. Ger. Park. *Rosewort*, o? *Rose-root*.

*J. B.*

*Tuberosa radice* nititur, quam ob Rosarum consimili odore saporéque Rhodiam appellant, foris in fusco splendente, intus albâ, fragili, roseum odorem halante, gustu Rosæ simili, non ignaviter adstringente. *Virgæ* ab una radice plures oriuntur, tenues, numerofo *foliorum* agmine dense stipati, substantiâ & positu Telephii vulgò dicti, angustorum, oblongorum, acuminatorum, & circumquaque ferratorum, colore glauco excepto mucrone purpurascente, sapore adstringente. *Flores* in umbella purpurascetes, quibus succedunt *siliquæ* oblongæ, extra reflexæ, corniculorum, Aquilegiæ aut Aconiti instar, rubentes, in quibus semen minimum oblongum & paleaceum.

*Locus.*

In excelsis montibus Cambriæ, Eboracensis Com. Westmorlandiæ, &c. v.g. *Snowdon, Caderidris, Ingleborough, Hardknot, &c.* ex ipsis rupium fissuris, præruptisque in locis exit.

*Vires.*

Modernis practicis vix in usu est, nisi quod interdum ad renum calculos decoctis incoquatur. Nos cum J. Bauhino judicamus eam non procul abesse à Rosæ aut Crassulæ temperamento, quacum facie externa adeo convenit, ut nulla ratio sit cur diverso nomine insigniatur.

• 8. *Rhodia radix foliis minus incis* Hort. Lugd. Bat.

• 9. *Rhodia radix major purpurea* Hort. Lugd. Bat.

C A P. III.

*De Cæpæ, & Sedis minoribus Stellatis.*

**H**Æ plantæ parvitate sua & foliorum angustia à præcedentibus differunt.

1. *Cæpæ* J. B. C. B. Ger. *Cæpæ Matthioli* Park.

*Clas. J. B.*

Spargit per terram *folia* succulenta, Portulacæ similia, minora, subrotunda. *Cauliculum* exferit dodrantalem, in terram procumbentem, atque in multos ramos fissum, cui ad singulas alas adnascuntur folia præcedentibus similia, angustiora, ex oblongo per extremum subrotunda. *Flores* in caulibus à medio summo tenus ex uncialibus pediculis plures congesti, suis tamen petiolis minoribus nixi, parvi, albicantes, pentapetali; quibus succedunt tenuia ut in Crassulis *capitula*, exili scobis instar *semine* plena. Annua autem est, singulis annis deciduo semine sponte resurgens.

*Locus.*

Circa Mōspeliū & Genevā sponte oriri dicitur.

A. 2. *Sedum*

- A. 2. *Sedum minus hamatodes* Ger. *minus flore luteo* J. B. *minus luteum folio acuto* C. B. *Vermicularis* & *Crassula minor vulgaris*, sive *Illecebra major* Park. The most ordinary pellovi *Prickmadam*, or *Stone-crop*.

*Radices* in terram demittit plures, innumeris filamentis capillatas. *Caules* exserit teretes, crassos, pingues, medullâ solidiore, carne molliore, infirmos & humi procumbentes, ramosos; *foliis* vestitos creberrimis, nullo ordine positis, initio glaucis, per vetustatem rubentibus, crassis & succulentis, quâ caulibus adhærent crassioribus, paulatim in acumen desinentibus, molli in ipso apice spinulâ donatis, non exactè tamen teretibus, sed supina parte planioribus. *Caules* qui flores sustinent eriguntur, altitudine dodrantali, foliis jam descriptis similibus vestiti, verum rarius dispositis & brevioribus. *Flores* in summis caulibus in quasdam velut umbellas dispositi, flavi, hexapetali, è calice in sex partes diviso, cum plurimis intus staminibus apices concolores sustinentibus. Singulis floribus succedunt vascula plurima *semine* repleta, qualia in *Sedomajore* & *Telephio* cernuntur, nimirum *Aconiti* aut *Delphinii*.

In muris & tectis ubiq, fere in Anglia occurrit.

Locus.

- A. 3. *Sedum minus luteum ramulis reflexis* C. B. *minus luteum flore se circumflectente* J. B. *Aizoon Scorpioides* Ger. *Vermicularis Scorpioides* Park.

Summo caule in ramulos diviso sese inflectentes instar summitatum *Scorpiuri* sive *Heliotropii* majoris à precedente differt.

Varietas potius præcedentis videtur quàm species distincta.

Inter acetaria multis locis recipitur (inquit J. Bauhinus) in quibus & sapit & palato gratum est; *Ufus*. æstuanti ventriculo confert, teste Dodonæo.

Cum *Sedo* majore temperamento & facultatibus convenire videtur, ejusque loco, si res postulat, usurpari potest.

- A. 4. *Sedum purpureum pratense* J. B. *minus palustre* Ger. *Sedum arvense sive palustre flore rubente* Park. *palustre subirsutum purpureum* C. B. *Small Marsh Sengreen*.

J. B. Clus.

Dodrantalem habet *cauliculum*, subrubrum, succulentum, tenerum: *foliola* longiuscula, subhirsuta, succi plena, *Vermicularis* folia referunt nisi quod planiora sint. *Flosculi* in summis cauliculis pentapetali, purpurascens aut carnei coloris, cum aliquot internis *staminibus* pallidis. Foridem succedunt *cornicula* quot sunt in singulis floribus folia, initio viridia, deinde purpurascens, *semen* exile continentia. *Radix* exigua est & inutilis, secundum quam ex infimo caule surculorum propagines in orbem humi diffusæ sunt, multis exiguis foliolis *Sedi* minimi acris fere similibus, minoribus tamen, angustioribus & obtusiore mucrone præditis cinctæ, saporis insipidi & aquei.

In humidioribus ubi aquæ scaturiunt ad latera montis *Ingleborough*, & alibi in montosis Septentrio-  
Locus.

*Sedum arvense* flore rubente C. B. prod. huic idem videtur: confer utriusq, descriptiones.

5. *Sedum echinatum vel stellatum flore albo* J. B. *Prickly-headed Sengreen, with a white flower*.

J. B.

Ex *radice* brevi, multis fibris capillata *caulis* unus vel plures prodeunt, spithamei, pingues, supini, teretes, sæpè simplices, aliàs in duas alas divisi, non tamen faciliè fragiles. *Folia* *Portulacæ*, subacida, carnosâ & succulenta, coloris viridis, extremâ orâ (quæ latior etiam est) serrata, saporis *Sedi* vulgaris majoris: folia inferiora caulibus excrescentibus exsiccantur & corrugantur. Caulibus ad certa intervalla adnascuntur flores stellati, *Sedi*, quinquepartiti, albi, apicibus purpurascens, quinq, foliis acuminatis, teretibus, viridantibus totum florem obvallantibus: *capsula* stellatæ succedunt ex radiis plurimum quinque, rarius sex, compressis, *semen* continentes minutum *Aizoi* vulgaris.

In muscosis sepium aggeribus non longè à Geneva, secus viam quæ inde ad oppidum *Fay* Locus.

ducit. Messanæ quoq, similibus in locis invenimus.

Ad *Cepæam* plurimum accedit.

6. *Sedum echinatum flore luteo* J. B.

Toto habitu simile est superiori [sed minus,] *foliis* tamen variat, non sinuatis, magis ad *Portulacæ* folia accedentibus, minoribus: *Flores* item non albos sed luteos promit, eodémq, tempore perficitur, gustu etiam simili.

Circa Portum Veneris & alibi in Italia plantam hanc invenimus; quin & ex semine Londino  
Locus: accepto ortam Cantabrigiæ in horto aluimus. Nostra tamen planta ab hac F. Columnæ descripta nonnihil diversa videtur: folia enim habet ad *Alfinem* accedentia, &, ut memini, nonnihil crenata. Annua est planta.

7. *Sedum*



7. *Sedum minimum montanum flore purpurascete parvo, semine stellato.*

*Radix* ei alba, tenuis, pluribus fibris capillata, vix ultra annum vivax. *Caulis* ex eadem radice emergit, nunc simplex, nunc plures [tres interdum quatuorve] semipalmares, creati, teretes, rubentes, *foliis* vestiti creberrimis, circumcirca nullo ordine positis, crassis, subrotundis, brevibus, apicibus obtusissimis, rubentibus: *Flores* in summo gerunt velut in umbellam dispositos, exiguos, pentapetalos, vix se pendentes, petalis acutis, saturatiore lineâ purpureâ per mediam longitudinem decurrente, ad margines pallidioribus. Vascula seminalia quinquepartita, stellata, radiis pungentibus.

Circa medium mensis Julii in præruptis & altissimis montis Juræ scopulis florentem inveni.

Huic non longè dissimilem invenit & descripsit in Indice suo plantarum circa Monspelium nascentium D. Magnol sub titulo *Sedi annui minimi stellati rubri*. Parvula, inquit, est planta, uncialis aut biuncialis, unico ut plurimum cauliculo affurgens. Folia crassa & subrotunda sunt, inter quæ flosculi albi oriuntur, satis magni pro plantulæ modo, quibus stellulæ rigidae, crebræ succedunt, in quibus parvum semen continetur. Annuæ est planta.

Locus.

Maio mense cum flore & stellulis sæpius invenit descriptionis autor in ingressu luci Gramuntii sub Illicibus.

## CAP. IV.

*Plantæ quædam exoticæ Chrysanthemi titulo à Jac. Breynio exhibitæ, Sedis stellatis affines.*

1. *Chrysanthemum aizoides Africanum primum seu latifolium Breynii.*

**H**ujus *caules* cubiti altitudinem attingunt, glabri, teretes, succi pleni, & coloris ex viridi albicantis, *Foliis* diluto nec invenuto virore pictis per longa intervalla frequenter binis donati, Portulacæ crassitie & succulentia; sed Calendulæ, quæ figuram & magnitudinem, respondentia: E quorum alis ramuli aliquot pullulant, minoribus foliis & gemmis jamjam onusti, sed eorum, floreæ spes [in horto Amstelodamensi] intempestivis pruinis præusta decoxit. Nam cujuslibet tantum caulis summitas *Florem* saltem unicum, peramœnum, ex *capitulo* viridi, crasso, in folia seu lacinias quinque decussato, mense Septemb. vel Octobri offerebat, eadem quæ flos mediocris Calthæ amplitudine, Floris autem Solis figurâ, umbone citrini coloris, quem per circumferentiam concoloria, angustissima ac uncialia petala copiosè cingunt, constante. *Semen* mihi non visum sequentium par judico.

Ex semine à Promontorio bonæ Spei dicto delato in horto Caroli Chirvy Amstelodami enatum est.

2. *Chrysanthemum aizoides Africanum secundum, seu teretifolium Breynii.*

Breyn.

Raritate & venustate primum antecellit, locis apricis & arenosis C. bonæ Spei proveniens.

Hoc ex semine ad fuscum inclinante, subrotundo, & eadem ferè quæ Hormini magnitudine in horto nostro succrevit. *Radice* verò constabat dodrantali, digitum crassa, tereti & alba, Raphani minoris oblongi, quæ figuram & consistentiam, simili, sapore tamen aqueo. Ex hujus capite *folia* complura, succulenta, sesquipalmaria, digiti infantis ferè crassitie, teretia & flavo-viridi lævora nitida edebat, quorum plurima convexa, ac in extremitatibus siccata. Inter hæc duo, tres, vel etiam (ni fallor) plures *Caules*, magnitudine & crassitie foliis penè æquales porrigebantur. *Florem* in *Beverningiano* horto dedit, Solis radiati instar formatum, eadem quæ primi generis figurâ, nisi quòd duplo penè major, umbone aureo, petalis majoribus & latioribus sulphureis, ima parte flavis radiato fuerit. Folia insuper aut lacinia capitis stellatæ, teretes & falcatæ erant. Plantam annuam, flore seminèq, edito evanescentem judico.

3. *Chrysanthemum Aizoides Africanum tertium, sive triangulari folio, flore aureo Breynii. After Aizoides Cap. bonæ spei Zanoni.*

*Species prima.*

Breyn.

Hujus [in horto Autoris educati] *radix* secundo similis, sed grandior: quæ aliquot humi jacentia, aliquot indè se efferentia, in orbem, velut Aloe pumila esset, *folio* diffundebat, jucundo virore oculos delectantia, dodrantalia, digitalis verò crassitie & triangularis figuræ. Ex illorum medio *caules* rotundi, ex viridi albicantes tres aut quatuor plusquam pedales, binis ut plurimum, & ut inferiora triquetris, sed minoribus foliis præditi, prorumpbant. Horum unicuique, senescente Autumno, crassum, oblongum, in quinq, lacinias angustas dissectum, calycis callosi Avellanæ Lombardicæ simile alabastrum addebatur; quod occultum suum decus meo etiam, sicut præcedens, horto invidit, quo *Beverningiani* maneret proprium ornamentum, ubi, stellæ in modum, in quinq, angulos resolutum *florem* aureo fulgore comantem protulit, primi generis minorem, umbilico dilutiore, tres visu jucundos, virides circulos exhibente ornatum, quantum ex pictura augurari licuit. *Semen* secundi generis minus.

*Species*

*Species secunda, flore purpureo.*

*Breyn.*

Rarissima est hæc, & quantum mihi constat, Europæ nostræ minùs reliquis nota, Antecedenti perfimilis, nisi quòd plerunque major, & folia floris umbonem luteum circumdantia purpurei coloris sint.

*Species tertia, flore carneo.*

*Breyn.*

Secundæ speciei valdè similis est; excepto quòd petala, quibus umbo floris radiatur, carnei sint coloris.

*Species quarta, minor flore flavo.*

*Breyn.*

Hæc, quantum ex figura à D. ten Rhyne transmissa Autori nostro conjectari licuit, pedalis circiter erat; caulibus procumbentibus, articulatis, quos folia triquetra, reliquis breviora & longè angustiora exornant. Flores in caulibus & ramis se solitarios ut in cæteris præbentes parvi sunt, capitulo trigono, petalis brevioribus ac paucioribus quàm primæ speciei, quorum color luteus seu flavus, cincto.

Tota hæc planta cum cõgeneribus omnibus antedictis, præprimis folia earum cum capitibus ut Aizoon succulenta sunt. Sapor aqueus, nitrosi quid occultans, quod in siccatis, quæ planè salta clariùs patet.

Cùm plantæ hæ nobis nondum fuerint inspectæ, an rectè Chrysanthemis annumerentur nescimus. Paulus \* Ammannus, cui cognitæ & examinatæ fuerunt, quò pertineant te certius docebit.

\* *Charactere Plantar. naturalis.*

Chrysanthemum, inquit, aizoides Africanum (1.) latifolium Breynii. (2.) teretifolium, (3.) triangulari folio, flore aureo, (4.) flore purpureo, caulibus & ramis purpurascens, (5.) flore carneo & (6.) triangulari folio minus, flore flavo in Cent. 1. & Prodr. p. 21. ad classem Chrysanthemorum non pertinent, quoniam non ferunt semina quadrangula nuda, more Chrysanthemorum; nec ad Asters, quia non habent semina papposa, sed magis Kali florido repenti Aizoidi Neapolitano Col. & dicantur Kalia Africana Kali florido repenti Aizoidi Neapolitano Columnæ affinia.

I. Habent enim vascula pentagona conis inversi instar, in summo plana, per margines quinque carnosus apicibus circumvallata, totidemq; intus cellulis donata, quæ per maturitatem dehiscens, semina parva, spadicea, rotunda effundunt: apices sive capsulæ dum maturefcere incipiunt, dehiscunt & flaccescunt, summo capitulo stellæ radiatæ figuram imprimentes.

II. Quædam ex hoc genere ferunt, vascula quindecim loculamentis donata, totidemq; apicibus oblongis, fungosis, in conum coeuntibus circumvallata, ut Chrysanthemum aizoides triangulari folio, flore aureo.

Quantum ex his capsularum seu vasculorum seminalium descriptionibus colligere licet plantæ hæc Sedis seu Aizoi exotici species sunt, non Chrysanthemi.

## C A P. V.

### De Pæonia.

*Παοία ἢ γλυκύσις*, quibusdam *πνίτεςον*, cujus radicem aliqui *Ἰδαίος δακτύλος* vocant, Pæonia dicta est à medico Pæone, qui eâ Plutonium ab Hercule vulneratum, Homero Odyss. 5. fingente, curasse perhibetur. Pæonia vetustissima inventa est, nomenque auctoris retinet, quam quidam Pentorobos appellant, alii Glycyfiden. Plin. lib. 25. c. 4. Fortè (inquit Bodæus à Stapel) à *παίων* vel *παιονίση* hymnos cano, quòd ob insignes virtutes multum laudaretur: nam Pæonias omnes herbas Veteres pro salutaribus habuerunt.

Pæoniæ notæ genericæ sunt flores rosei maximi, semina majuscula rotunda, per maturitatem nigra, radices crassæ vel tuberosæ; folia composita.

1. Pæonia mas Park. Ger. præcocior J.B. folio nigricante splendido, quæ mas C.B. The male Peionp.

J. B.

Pæonia mas præcocior, ut rarior, ita notabili foliorum & radice differentiâ à fœminâ dispescitur: ea siquidem quam fœmina videtur altius affurgere, ad sesquicubitalem aut bicubitalem altitudinem; pluribus caulibus nonnihil rubentibus, in aliquot ramos divisis, foliis vestitis Nucis Juglandis ferè positu & figurâ, sed latioribus, crassioribus, lanugine quadam averâ parte pubescentibus, ternis, quaternis, quinis, rariùs septenis, saturè virentibus, glaucòque obductis, caulium extremis ad commissuras parte interna rutilis, ex longis rubescentibus pediculis pendentibus. Flores supremis insident fastigiis singulares, patuli, quos carinata quædam folia sustinent, fimiles ferè floribus Pæoniæ fœminæ, sed dilutiores, non sine purpuræ tinctura, nervis reliquâ floris parte saturationibus, in quorum medio stamina purpurantia apices croceos sustinent. Succedunt cornicula alba, villosa in principio atque lucente lanugine pubescentia, rariùs terna, sæpius quina aut circiter, cristâ sanguineâ incurvâ superne



supernè donata: juxta cornicula stamina rutila, apicibus luteis farinaceis donata. Cornicula verò jam grandiora reddita, atq; per maturitatem dehiscentia recurvantur, elegantissimamque *granorum* ostentant seriem, utrinq; ordine positam, primùm acinis granati colore similium, mox atrocæruleorum, tandèmq; nigrorum, rotundorum, crassiorumq; quàm in fœmina, colore & substantiâ alioqui similium, quemadmodum & sapore. *Radix* ceu palus altè depangitur, recta, nonnunquam in adnata pauca divaricata.

*Locus & Tempus.*

Hujus flores Maii initio explicantur, mórq; decidunt. Gesnerus in Generoso dicto Helvetiæ monte reperiri audiverat.

Si seminetur Vere, ut plurimum per annum latitat, & post singulis annis foliorum divisurâ augetur.

## 2. *Pæonia mas tardior* J. B.

1. A præcedente differt *foliis* numerosioribus, quippe quinis aut septenis, impari aliquando bifido; dilutiùs quoq; virentibus, & aversâ parte, si cum prædictæ foliis conferantur, pallentibus, quâ & albâ quadam lanugine donata sunt. 2. Non caulium modo extremis sed ipsis quoq; foliorum costis interna seu adversâ parte rutilantibus. 3. Floribus tardiùs erumpentibus, nec citiùs quàm prioris decidant.

*Tempus. Vires.*

Floret hæc communiter sub finem Maii.

In usum Medicum veniunt radices & semina.

Ufus eorum præcipuus est in affectibus *cephalicis*, Epilepsia, Incubo, &c. *uterinis*, mensibus obstructis, lochiis purgandis, dolorèque post partum mitiganda, epatis obstructione. Extrinsicus suspenduntur grana ac radix de collo pro arcenda epilepsia. *Schrod.*

\* 6. *Simplic.*

Vidi (inquit \*Galenus) puellum quandoq; octo totis mensibus morbo Comitiali liberum, ex eo quo gestabat radicem tempore. Ubi autem fortè fortuna, quod à collo suspensum erat decidisset, protinus morbo correptus est; rursùsq; suspensio in illius locum alio inculpate se habuit. Visum ergo est mihi, satius esse denuo id certioris experientiæ gratiâ, detrachere: id cum fecissem, & puer iterum esset convulsus, magnam ac recentem radicis partem ex collo ejus suspendimus, ac deinceps prorsum sanus effectus est puer, nec postea convulsus. Experimentum hoc Galeni confirmant Montanus, Fernelius, Apollonius Menubenus lib. de Alce, cap. 7.

Qua hoc qualitate seu proprietate effecit ambigitur. Quâcunque tandem (inquit Julius Alexandrinus à Neustain suis in Galeni de simplicium Medicam. facult. librum notis) successus hujus spe frustramur hodie. Vel igitur tam efficax non est nostra hæc *Pæonia* quàm aliarum regionum aliquarum, vel leviora erant illius temporis mala hæc quàm nostri hujus sunt, ob immutatam in deterius fortè victus rationem. Alii in effossione sub certo syderum positu totum negotium consistere asserunt. Quæ opinio Magicâ aut superstitiosâ vanitate non vacat. An (inquit Casp. Hofmannus) Galeni radix non fuit naturâ suâ talis, sed quia *πεπρωμένη*, *adjurata*, ut sic vertam. Diabolus enim in multis aut juvat naturam, aut impedit.

L. 2. C. 21, Scd. 128.

Sylvius nihil grandis (inquit) hætenus ab hujus radice & semine sæpissime à me usurpatis vidi præstitum. D. Soame.

## 3. *Pæonia fœmina* Ger. *fœmina vulgaris flore simplici* Park. *communis vel fœmina* C. B. *fœmina vulgarior* J. B. *Female Peionp.*

J. B.

*Radices* glandulosas fibris quibusdam interceptas habet, ut *Asphodelus*, à quibus denuò & aliæ propagantur simili modo glandulosæ. *Caulis* viridis vix nisi ad exortum pediculorum foliorum rubedinem ullam ostendat: *folia* variè & inconditè dissecta, modo triûda, modò bifida (de singulis foliis intellige) aliàs etiam integra, supernè virentia, infernè albicantia aliquantulum & non-nihil hirsuta. *Flos* qualis in mascula [sed minor magisq; purpureus] cum staminibus & apicibus confimilibus perinde ut in *siliqua* [quæ tamen minores] at *semen* oblongum, per maturitatem nigrum.

*Tempus.*

Floret mense Maio: semen Julio ad maturitatem pervenit; multumq; se reptatu multiplicat.

## 4. *Pæonia fœmina Hispanica pumila* Park. *tenuius laciniata, subius pubescens, flore purpureo* C. B. *fœmina pumila* Ger. *quoad iconem.*

Clus.

Tenuius dissecta & laciniata habet *folia*, magis mucronata, aversâ parte brevi lanugine pubescentia & candicantia, adversâ verò virentia nec splendentia, multis venis à medio nervo in latera foliorum excurrentibus, ut in reliquis *Pæoniæ* generibus: *Caulis* graciles & dilutiùs virentes, singulos sustinentes unicum *florem*, aliorum generum floribus paulò minorem, simplici octo foliorum serie constantem, purpureum, hoc est minus rubentem quàm qui plenus est, sed non minùs odoratum, multis *staminibus* candidis quorum *apices* flavi, bina cornicula media cingentibus præditum, quæ maturitate dehiscentia *semen* continere conspiciuntur vulgaris *Pæoniæ*, initio subcæruleum, seminis *Tini* instar. *Radix* superiori similis, minùs tamen crassis sed gracilioribus bulbis constans.

Nata est Clusio semine ex Hispania missò: floret Maio mense cum aliis.

\* 5. *Pæonia*



- \* 5. *Paonia Pomi Arantii colore* C. B. *tertia* Clus. *femina flore carneo simplici* Park. parad.

Clus.

Folia huic *Paoniae* foeminae, paulò dilutiùs virentia quàm *polyandria*, splendentia, per oras non-nihil crispa, infernè cineracei coloris: flos simplici sex foliorum serie constat, coloris carnei dilutioris, in quo flavescent tenuiter elucere videtur: cornicula viridia medium florem occupant, & multis albis staminibus cinguntur, quorum apices aurei. Semen in corniculis nigrum: radix bulbaceis Asphodelinisq. tuberibus constat.

Floret Maio.

- \* 6. *Paonia Aquilinae foliis* C. B. *quarta Aquilinae foliis* Clus. *femina Aquilinae foliis* Park.

Caulis huic satis firmus: folia in ternas alas divisa, quæ totidem folia gerunt breviora & magis orbiculata quàm aliarum, atque in aliquot lacinias scissa, supernè dilutiùs virentia, infernè pubescentia & canescentia, adeoque similia Aquilinae foliis, ut primo intuitu pro illis accipi possint. Radicem habet multis bulbis longis præditam ut *Paonia* foemina. Florem non viderat Clusius.

7. *Paonia flore albo pleno major & minor* C. B. Clus. *femina flore pleno albicante* Park. parad.

Clus.

Humilior est illa quæ amplum, ex rubro purpurascens, plenumque habet florem: Caulis item quàm illi gracilior. Folia quidem multis lacinis ut alteri divisa, sed angustioribus: flores etiam minores, neq. adeò pleni, utpote qui sexaginta aut septuaginta foliorum numerum rarò superent, cum in vulgaris plenæ flore aliquando quadringenta observare meminerim. Hujus color initio dilutè purpurascens, & quodammodo carneus, deinde paulatim elanguescens, exalbidus fit, tandem totus ferè niveus, excepta foliorum basi & infima parte, quæ carneum quodammodo colorem retinet. Bina aut terna, ut plena vulgaris, habet in medio flore cornicula, minora tamen. Peculiarem etiam habet ejus flos notam, ut illi folia non faciliè defluant, sed diutissimè hæreant, imò donec temporis diuturnitate nigrescant, marcescant & ficitate contrahantur. Radices etiam habet hæc minores & graciliores quàm vulgaris.

Reperitur hujus generis flore longè ampliore, ut quæ Purpureæ plenæ flori non cedat magnitudine, ejusdem tamen cum descripto naturæ, diutissimè nimirum folia retinens, temporis successu etiam albescentia. Varietas.

- \* 8. *Paonia folio subtus incano flore albo vel pallido* C. B. *femina leucanthemos & ochrantemos* Park. *femina pumila* Ger. quoad descr.

Hanc, quæ in celsissimorum Cretæ montium convallibus abunde provenit, promiscuæ naturæ esse, hoc est, quæ neque mas, neque foemina esset, scribit Hon. Bellus ad Clusium.

Huc refert C. Bauhinus *Paoniam* flore niveo Clus. in Navarræ montibus inventam, cujus flos simplici foliorum serie constat, vulgari minor, radices etiam habentem illâ minores.

*Paoniam famigam flore albo pleno*

Depingunt & describunt Tabernamontanus & Gerardus: Figura apud Gerardum est eadem quam Clusius exhibet pro *Paonia* pleno flore albescente minore.

*Paonia flore variegato* C. B. *femina versicolor* Park. V. Clus.

Hujus flores interdum carnei sunt coloris, nonnunquam omninò rubri, aliquando etiam foliis vel media ex parte rubris, aliâ carnei coloris, vel utroque colore radiatim distinctis. Dubitat Clusius annon artificio colores illi fuerint inducti.

- \* 9. *Paonia promiscua* Ger. *promiscua strictiore folio* J. B. *femina promiscua* Park. *femina altera* C. B.

J. B.

Multa tam cum mascula, quàm cum foemina vulgari *Paonia* communia habet. Radix glandulosa ut foeminae vulgari, sed crassioribus glandibus: at folia propius ad masculæ folia accedunt, magis tamen incondita, singulæque strictiora & longiora, supernè ut masculæ saturè virentia, infernè verò magis albicantia, minùs tamen quàm foeminae vulgari, quibus etiam averfa parte multò minùs sunt pilosa. Flores saturatiùs sanguineo coccineove colore rubent, septem aut novem foliis constantes: Apices ac stamina & siliquæ ut in aliis.

- \* 10. *Paonia promiscua Vormarii folio latiore* J. B.

J. B.

Pulchrè hæc variat à reliquis *Paoniae* speciebus: Folia siquidem quæ imis ramis hærent, latiora sunt quàm cæterarum, rotundioraque, averfa parte glauca, hirsuta, adversâ saturatiùs virentia, itidemque pilis obsita, sed paucioribus quàm in opposita. Folium in terna aut quaterna aut etiam quina segmenta divisum est, nullâ divisione certa, sed temerè variante. Flos à reliquarum flore haud ablimilis: Siliquæ vero retortæ hirsutæ alba totæ contextæ.



11. *Pæonia flore pleno rubro* J. B. *femina*, *flore pleno rubro majore* C. B. *Pæonia femina multiplex* Ger. *femina vulgaris*, *flore pleno rubro* Park. Double-flowered female Prionp.

J. B.

Omnium *Pæonia* specierum longè pulcherrima est, specioso *floris* sanguinei saturi incremento, tam denso foliorum stipatu luxuriantis ut fidem numero superet. *Folia* sane *floris* sunt plurima, magnitudine & formâ inter se discrepantia. Extrema enim caulem proximè amplectentia reliquis omnibus majora sunt, & adinstar Rosarum odoratarum circinata rotunditatis: reliqua interius sita mirè variant; sunt enim quædam illorum graminea ferè, oblonga nempe & angusta, interque hæc aliquando colore albo tincta conspiciuntur, cum levi rubore, quædam verò fistulosâ inferius & quasi tubulosâ, arcto satis pèrvia meatu; quædam paulo majora, & ad latera utraque mirâ varietate modò magis minùsque profundè incisa, dissecta & alicubi ferrata, quædam adhuc majora latioraque majoribus quoque incisuris dissecta, quædam etiam, & quod observatu dignum, referunt suâ sectura & formâ ea omnia folia quæ viridia sunt. In medio *flore* duo assurgunt *calices* albi hirsuti, oblongi, inferius latiores, in medio ventrioli, in summo denique acuminati, cum inflexa quasi Galli cristam referente substantia rûbra, seminum futurorum rudimenta intra se continente. *Folia* multùm similia Promiscuæ Lobelii foliis, breviora tamen & utcunque latiora, nec vel tenui illa Promiscuæ lanugine internâ parte donata, sed instar masculæ glabra & virentia.

Ex hujus semine Clusio natæ sunt plantæ, caule, foliis, radice matrem planè referentes, quarum una tertio anno *florem* dedit, matris *flori* quidè concolorem, sed simplici sex foliorum serie constantem. Altera autem Byzantina prioris *florem* imitantem, h. e. simplicem octo foliorum seriem habentem, colorem tamen magis rubrum & saturum, & ad nigredinem quodammodo tendentem: Tertia *florem* plenum tulit matri concolorem, vel etiam majorem, & singulis annis cornicula five nuces, quarum aliquæ semine prægnantes fuere.

Cæterùm *flos* hujus plantæ omnium quos novimus multiplici foliorum serie constantium speciosissimus est & maximus, foliis numerosissimis compositus, non diu tamen durat, verùm intra sex aut octo dies postquam aperitur defluit.

- \* 12. *Pæonia flore pleno rubro minor* Clus. J. B. *flore pleno rubro minore* C. B.

Clus.

*Folia* hujus alterius foliis haud absimilia: *Flos* tamen ejus *flore* minor, nec adeò plenus, illi pæne qui carnei coloris plenus est par, non minùs tamen saturi rubri coloris quàm majoris, sed cujus *folia* interiora venis quibusdam nigricantibus aspersa conspiciuntur, medium *florem* occupant cornicula nullis staminulis obsita.

- \* 13. *Pæonia peregrina flore saturè rubente* C. B. *femina Byzantina* Park. parad. *Byzantina* Ger. emac. *Byzantina* prior Clus.

*Folia* habet præcedentis foliis non dissimilia, paulo tamen crassiora; *caules* illi similes aut ampliores, *florem* summo fastigio sustinentes unicum, simplici octo, decem, aut interdum plurium foliorum texturâ constantem, non purpureorum ut *polyanthes*, sed rubentium & elegantissimorum; *radicem* multis nodis oblongis, sive Asphodelinis bulbis præditam *Pæonia* feminae instar, exterius pallidioribus.

- \* 14. *Pæonia peregrina flore dilutè rubente* C. B. *Byzantina altera* Clus.

Hujus germina recens prodeuntia non rubent ut in priore, sed ex albo virescunt, ut etiam caules & foliorum pediculi, quæ in illo initio rubent. *Folia* superiore dilutius virentia læviâque, supernè & infernè non minùs quàm superioris splendent. *Flos* etiam paulò major dilutiore magisque florido colore præditus est: ejusdem filiquæ breviores, semina rotundiora, minùs nigra & splendentia. Hæc non adeò liberalis est in proferendis floribus ac superior.

Utraque semine Byzantio misso nata est.

Floret Maio cum aliis *Pæonia* generibus, aut cum illæ florere desinant.

Cùm Clusio ex semine *Pæonia* feminae vulgaris *flore pleno rubro* enatæ sunt tres varietates, suspicamur, imò fidenter affirmamus, nonnullas ex superius traditis *Pæonia*s non species distinctas esse, sed varietates tantum, quæ sationi & culturæ originem suam debent.

Tempus.



## CAP. VI.

## De Helleboro nigro.

**H**ellebori etymon superius tradidimus in capite de Helleboro albo. Hellebori nigri notæ sunt folia digitata, flores non decidui, si modò flores seu florum petala, & non potius floris calyx dicenda sunt folia illa lata, speciosa, alba, purpurascens, unguibus, quæ florum petala vulgò habentur, floris autem petala tubulosa illa foliola virentia quæ stamina & capitulum velut corona cingunt, quæ foliis prædictis calycis occultantur: radices cathartice.

1. *Helleborus niger verus* Ger. Park. *niger flore roseo* C. B. *niger flore albo*, interdum etiam valde rubente J. B. *True black Hellebore*, or *Christmas-flower*.

J. B.

Radicem habet numerosis fibris, vulgari paullo crassioribus donatam. Folia à radice pediculo spithamo, crasso, succulento, tereti, punctis purpureis ut Dracunculi majoris notato appensa, divisa ut plurimum in folia novem, viridantia, lævia, rigidiora, crassioraque quàm in vulgari flore viridi, lata, obrufa, ferrata, in extrema folii ora & paullo inferius, crenis autem viduâ reliqua portione tota: pediculi singularium foliorum, ut & averfi folii nervus, purpurascens. Inter folia flores occultantur, pediculo plurimum palmari & sesquipalmari, succulento & maculoso, ex foliis quinque candidis, ungue purpurascens extrinsecus, subrotundis, striato venularum discursu præditis. Ad floris innum foliolum oblongum integrum, pauloque inferius aliud tanquam vagina, interdum divisum in plura. Floris medium occupant staminula multa lutea, brevique, cum corona decem, duodecimve tubulorum virentium. Succedunt filiquæ corniculatæ intortæ, septenæ, in quibus semen parvum, rotundum nigrum: fit interdum, ut eunte in semina flore ejus folia colorem contrahant ferrugineum tam intra, quàm extra. Aliquando florem habet valde rubentem, interdum album pro anni constitutione.

In Alpibus non longè à Ponteba copiosum invenimus. J. Bauhinus se eum in variis sylvis *Locus* observasse tradit.

In horto Blaesensi aliam hujus speciem invenio quam Helleborum nigrum flore roseo, minorem *Alia Species* Belgicum vocant; qui omnibus suis partibus, foliis, caulibus, flore, præcedente minor est; flore ex albo roseo.

Purgat potenter humores melancholicos, utile per consequens medicamentum est omnibus affectibus inde originem trahentibus, quales, Mania, Insania, Hypochondriaca passio, Elephantiasis, Herpes, Cancer, Quartana, Vertigo, Epilepsia, Apoplexia, Scabies. Sed cautè & non nisi robustis, ob violentiam quam exercere aptus natus est, exhibere conducit. In decocto tamen minus est periculi. Corrigitur mastiche, cinnamomo, aniso, fœnic. & sim. *Schrod.*

Alii Helleborum nigrum rectè præparatum innoxium esse medicamentum scribunt, ut tutò pueris, gravidis & debilibus corporibus dari possit.

Dosis in substantia à gr. 15. ad 35. ʒij. robustissimis etiam ʒj. in infuso vel decocto à ʒj. ad ʒij.

Exhibetur vel substantia ipsius, vel infusum, vel decoctum. Substantia exhibetur, i. Formâ pulveris sumendo Helleb. nigri ʒij. zingib. mastich. rosar. rubr. cinnamom. anis. ana gr. 4. Misce in juscuto. In pueris sume ʒj. 2. Formâ pilularum, formando ex prædicto pulvere cum syrupo idoneo pilulas. 3. Formâ placentularum: vide Le Brun. 4. Formâ cydoniati. N. eundem, apud quem & reliqua.

Vis omnis hujus radices est in cortice aut fibrillis rejectâ medullâ. Optimè corrigitur Caryophyllis aromaticis. D. Palmer è dictatis D. Hermannii Horti Leydenensis præfetti. Jo. Hartmannus in fluxu mensium nimio Cingulum ex foliis Hellebori nigri compactum ita ut folia recentia assuantur fasciæ, circa lumbos corpori applicat.

2. *Helleborus niger bortenensis flore viridi* C. B. *Helleborastrum* Ger. *Helleboraster minor flore viridante* Park. *Elleborus niger vulgaris, flore viridi vel herbaceo, radice diuturna* J. B. *Bears foot*.

J. B.

Hic tum ab *bortensi flore albo*, tum ab *adulterino* manifesto discrimine sejungitur: licet enim radices fibrosæ, nigrae, eaque numerosæ similitudinem magnam cum *bortensi flore albo* insinuent, dissimilitudinem verò cum *adulterino*, reliqua tamen plantæ facies differentia fidem faciet. Folia enim ampliora, viridis herbacei, teneriora quàm illorum utriuslibet, in plura segmenta conciduntur, singulaque lacinia in acutum mucronem, non obtusum more *bortensis flore albo* desinunt, in ambiguo ferrata, nec tam saturo colore tincta, nec tam rigida ut adulterini. Jam verò flores pediculis palmariibus & dodrantalibus hærentes colore sunt herbaceo, adulterini Hellebori æmuli, quinis majoribus foliis constantes, umbilicis obsidentibus apicibus crebris pallecentibus. Semen corniculis aliquot surrectis conjunctisque aliorum more continetur.

In montibus Euganeis, inque monte illo excelsò cui inædificatur S. Marini urbs, decem circiter *Locus* mill. pass. Arimino distans, observavimus.

Folia cerevisiæ per tres aut quatuor horas infusa & pota, jejuno ventriculo, tribus matutinis, in *Vires* figue prophylacticum censentur adversus variolas aliisque morbos contagiosos. D. Johnson.



Pulverem foliorum exsiccatum, pauca quantitate, verminantibus pueris exhibent nostrates, vel in potu aut iusculo, vel in ficu, &c.

3. *Helleborus maximus* Ger. *maximus* sive *Consiligo* Park. *Helleborus niger fatidus*, *Consiligo* Plinii lib. 27. cap. 9. C. B. *Elleborus niger sylvestris adulterinus*, etiam *hyeme virens* J. B. App. tom. 3.

¶ B.

Planta est cubitalis, odoris virosi, radice fibrosa, obliqua, cortice subnigro, nonnihil cum acrimonia levi amaricante, lignosam & duram medullam obducente: caule tereti, quem investit primum cortex mixto cum virore rubellus, alter pallide virens, cui subest caulis lignosus, copiosam medullam viridantem complexus: folia pediculis palmaribus appensa, densissimo stipatu caulem ambiunt, in tria, quinque, saepius novem folia subdivisa, longa, striata, atrovirentia, in ambitu serrata, nullis interdum crenis incisa, dura, rigida, nervo per mediam longitudinem valde conspicuo decurrente, à quo utrinque in latera obscuriores venulae prodeunt: at superiora folia, ut in pauciores portiones sunt divisa, ita & latiores sunt tum portiones ipsius folii, tum pediculus. Ex alis prodeunt ramuli multi dilute virentes, ob mollitiem floris ponderi imparem deorsum reflexi, paucis foliis pallidulis parvis, integris donati; quibus insident flores singuli, bini, terni, quaterni, ovales ferè, nec ita ut in Helleboris expansi, ex pediculis semipalmaribus quadrantalibusve, ex foliis quinis herbaceis, extremam oram cum se magis explicant rubente, striatam compositi: in medio stamina plurima, capitello sulcato, exalbido, extra quae intra floris calathum, quatuor, rarius tres aut quinque, ceu tubuli concavi, magis virentes, brevioresque quam staminula, oris fimbriatis, leviter interdum purpurantibus: penitissimum floris medullium occupant cornicula Aquilegiae vel Hellebori, bina ternave, tuberculo innixa, in quibus semen.

Locus.

In Germania, lateribus montium quos eluctatur Rhenus, inter Coloniam & Moguntiam copiosissimum observavimus & alibi in montibus regionum transmarinarum.

*Veratrum nigrum* 4. *peregrinum* Clusii, *Helleboraster maximus alter* Clusii Park.

In paucis à praecedente differt, nimirum foliis paulò atrioribus, & florum oris ex purpura nigricantibus, praesertim trium interiorum petalorum: ideoque nos specie diversum nondum agnoscimus.

Tragus & Dodonaeus venenatam qualitatem huic plantae tribuunt, ideoque ab ea cavendum monent.

Vires.

Radice huiusce particulam in pecoribus medendis auriculae perforatae inserere soliti sunt Veterinarii antiqui. Recentiores omnibus ferè corporis jumentum partibus radiculam eam infigere solent, quavis etiam de causa laborantis. Quamprimum etiam jumentum aliquod parum late vivere intellexerint, ad hoc medicamentum tanquam sacram ancoram confugiunt, & plerumque successus votis respondet. *Kyberus* apud Tragum: qui tamen veterinarios *Gengenbacenses* non *Consiligine*, sed *Helleboro nigro* Dioscor. ad hanc rem uti ait. Germanos veterinarios nostri etiam imitantur in hujus radice vel caulis usu.

4. *Helleboraster alter trifolius spinosus* Park. *Helleborus niger trifolius* hort. Farnesi.

Folia tripartito divisa, durioribus & rigidioribus; denticulis circa margines asperioribus & pungentibus incis; & floribus pallidius virentibus à praecedentibus abundè distinguitur: caetera cum eis convenit.

In hortis curiosorum enutritum vidimus, locum ejus natalem ignoramus.

Folia singularia Laurinis comparat & magnitudine & substantia & figurâ Petrus Castellus. Cauli ei attribuit cubitalem, teretem, digiti crassitudine, foliis circumcirca vestitum: Flores in summis caulibus & ramulis Hellebori nigri vulgaris, dilute virides, aut subalbidos.

Tempus.

Incipit florere Novembri, & in Martium & Aprilem usque florens perseverat: quilibet autem flos apertus & in suo vigore perdurat ultra quadraginta dies.

## C A P. VII.

### De Fraxinella.

**F**raxinella à foliorum cum Fraxineis similitudine dicta est.

Foliis Fraxini, floribus in spica speciosis, seminibus magnis nigris splendentibus ab aliis plantis discernitur.

*Fraxinella*. Officinis *Dictamnus* J. B. *Dictamnus albus vulgè* sive *Fraxinella* C. B. *Fraxinella* Ger. Park.

¶ B.

Radices candidae sunt, varioque implexu multifidae: unde emergunt quotannis scapi plurimi, sesquicubito proceriores, hirsuti, rubescentes, [in ea tamen specie quae florem album profert pallide virides]



virides] medullâ multâ farcti; foliis vestiti nullo ordine positos, alatis, tribus vel quatuor pinnarum conjugationibus ad costam annexis cum impari in extremo costam terminante, Fraxini similibus, superne atro-virentibus, inferne dilutioribus & splendentibus, laurinis aequalibus, crenatis. In summis scapis *florum* thyrſi pulcherrimorum ex intervallis positorum, odore gravi, foliis quinque ex albo purpurascens, striis saturationibus notatis, aversâque parte nonnihil hirtis constantium, fibris ongis recurvis, denis numero, purpurascens, subque apicibus luteolis ex purpureo herbidis, minutis micantibus granulis atro-purpureis, resperſis, medium obsidentibus, unâ cum stylo pentagono pericarpio insidente, quod in plures filiquas seu theculas dividitur. Semen nigrum, lucidum, paulo majus quàm Milii Solis.

In præruptis montium Rheno flumini vicinorum hanc non semel observavimus. Floret Junio. *Locum.*  
Radix (quæ sola ferè in usu est) cardiaca & alexipharmaca censetur, contra pestilentia con- *Vires.*  
tagia utilis, quoquo modo sumpta. Autoritate Matthioli valet adversus venena, & venenosorum animalium ictus. Necat interaneorum vermes drachmæ pondere hausta. Datur contra frigidos uteri morbos: nam & menses & urinam movet, partum adjuvat, secundas & emortuum foetum educit tum supposita, tum cum Pulegio suffita, tum ex vino meraco ʒij pondere pota. Valet quoque ad alvi torsiones, & ad ejiciendos renum calculos.

Additur quoque utiliter in potionibus internorum vulnerum. Datur comitialibus & aliis cerebri affectibus.

Aquam destillatam pro Cosmetica habent Romanæ mulieres, & utuntur in inflammationibus oculorum. Ex his apertum est neququam posse esse succedaneum veræ Dictamni (inquit Casp. Hofman.) Verùm cum acris sit & amara, non video cur non eadem possit præstare quæ Dictamnus.

Siliquæ & flores contactu pruritum faciunt, & in calidioribus regionibus cutim exulcerant. Variat floris colore albo.

## CAP. VIII.

## De Althæa lutea seu Abutilo Avicennæ.

**F**oliis Althææ mollioribus, floribus è foliorum alis exeuntibus luteis, ab aliis hujus generis discernitur. Affinis & similis est Alceæ Venetæ, Sabdariffæ, Bammia moschata aliisque Alceis accenseri solitis plantis exoticis pentapetalis, cum conceptaculis in quinque cellulas dispersitis: verùm in hac thecæ disjunctæ sunt & tantum contiguæ, non conjunctæ unicum efficientes vasculum, ut in illis.

1. *Althæa lutea* Ger. *lutea* sive *Abutilon Avicennæ putatum* Park. *Al. Theophrasti flore luteo* C. B. *Theophrasti flore luteo, quibusdam Abutilon* J. B. *Yellow Mallow.*

J. B.

Cum Althæa vulgari de mollitie palma certat quod Abutilon vocant, radice parvâ, albâ, fibris aliquot adnatis donatâ, subdulci. Caulis foris tomento molli totus est obſitus, pingue quid attrahentis manibus allinens, incanus: cortici, qui facile delibratur subest lignum Saligni instar candidum & durum, medullam succulentam viridem continens. Ex caule folia nullo ordine nascuntur, pediculis palmaribus & minüs, lata, circinata rotunditatis, nisi in mucronem acutiorem definerent, lanugine incana & insigniter molli obducta: ex horum alis rami producuntur: indidem flores itidem prodeunt Caryophyllatæ aquaticæ, intense crocei, striati, pentapetali, medium occupante apiculorum luteorum glomere: totum verò florem complectuntur quinque folia incana, lanuginosa. Succedunt tomentosa capitula, Juglande paullò minora, suprema parte plana fere ex decem aut duodecim folliculis latiusculis, compressis, in mucronem acutum definentibus, in orbem juxta positus: in quibus semina semicircularia ferè, compressa, fusca, medullâ albâ, dulci.

Annua est planta, non diu durans. In hortis feritur. C. Bauhinus inter Ferrariam & Bononiam observavit ad duos cubitos excrecentem.

2. *Althææ Theophrasti similis* C. B. *Abutilon Indicum Camerarii* Park. *Abut. Indicum* J. B.

J. B.

Flore est pallido, subcandido, sive medio luteo, pediculo nixo subhirsuto, sicut & novella folia ac caulis, non tamen ejus ad tactum mollitie quâ vulgò notum Abutilon Italicum. Pediculi in fibras divulsi foliis venulas sparsas subministrant spiceas, in aversa parte folio existente pallidiore, internâ verò saturatiùs virente. Caulis penes internodia subruſcens. Florem excipit folliculus subniger, stellatim compactus, semen quoque continens nigrum: Exterius involucrium ex viridi flavescent. Radix pallida fibrosa.



## CAP. IX.

De *Caltha palustri*.

*A. Caltha palustris* J. B. *palustris vulgaris simplex* Park. *palustris flore simplici* C. B. *palustris major minor* Ger. *Marsh-Marigold*.

**R**adix plurimis fibris majusculis albescentibus, è foliorum marcescentium alis egressis, fibrillis tenuibus capillatis constat. *Folia* ima, quæ è radice exeunt, pediculis longis [semipedalibus aut dodrantalibus,] insident, fistulosis, Chelidoni minoris similia, verum multo majora, non maculosa, profundiore circa pediculum sinu, per margines crenata, glabra atrovirentia. *Caulis* ab eadem radice plures, dodrantes aut pedales, teretes, glabri, concavi, geniculati, ramosi, foliis paucis singulatim positis, iis quæ è radice exeunt similibus, sed brevioribus pediculis insidentibus vestiti, ad singula genicula in duos ramulos divisi, quos membranacea sua basi amplectitur pediculus folii quod ad singula genicula adnascitur. *Flores* in summitatibus caulibus & ramulorum singulorum singuli pentapetali, speciosi, flavi aurei, plurimis in medio staminibus & apicibus concoloribus, calice nullo: Floribus singulis plurimæ succedunt *siliquæ* seu *cornicula* radiatim sita, quæ per maturitatem superiore parte dehiscunt, & binos seminum eidem superiori parte adnascensium ordines ostendunt. Sunt autem semina oblonga, qua siliquæ adnascuntur viridia.

Locus.

Ad Rivulos inque palustribus & aquosis ubique ferè nascitur.  
Habetur in hortis culta flore pleno.

## CAP. X.

De *Aconito foliis & flore Ranunculi*.

**H**æ plantæ à capsulis seminalibus toto genere à Ranunculis differre, & ad hanc familiam pertinere deprehenduntur, nec tamen vera & genuina Aconita sunt, cum nec caulibus, nec floribus, nec seminibus cum eisdem conveniant, imò totus plantæ habitus ab Aconitis diversus est; sed suum & proprium genus constituunt.

*A. 1. Ranunculus globosus* Ger. Park. *parad. flore globofo, quibusdam Trollius flos* J. B. *montanus, Aconiti folio, flore globofo* C. B. *The Globe-flower or Tocher-gowlong*.

J. B.

*Radicem* nigram, fibrosamque Hellebori æmulam habet: *folia* ferè Aconiti, in quinque segmenta divisa, idq, ad ipsum usque pediculum dodrante longiorem, nisi quòd folia in caule nullo pediculo cauli adnascantur, consimiliter tamen divisa. *Caulis* sesquicubitalis, lævis, inanis, ramosus, *flores* sustinet vulgari Ranunculorum sorte majores, iis tamen concolores, sed minùs micantes, decem aut duodecim foliis constantes, intrò modicè reflexis, ut sessilem globum imitentur. Floribus succedunt *siliquæ* seu theculæ plurimæ, arctè stipatæ, *seminibus* parvis rotundis splendentibus repletæ, quæ per maturitatem summâ parte dehiscunt & semina effundunt.

Locus.

Ad latera montium, & in pratis montosis in Septentrionalibus Angliæ, inque Cambria copiosissimè. Ob floris venustatem in hortis colitur, quibus facillè affuescit.

Vires.

Notandum (inquit J. Bauhinus) Matthiolum tribuere suo Aconito flore Ranunculi usus & vires Lycoctoni, quas nostro inesse Ranunculo globofo flore vix credimus. Potest tamen in Animalibus fieri periculum. Schwenckf. quidem cæteris Ranunculis hunc minùs acrem ait, propterea minùs calefacere & ficcare.

*2. Aconitum hyemale* Ger. Park. *unifolium luteum bulbosum* C. B. *Ranunculus cum flore in medio folio, radice tuberosa* J. B. *Winter Wolfs-bane*.

J. B.

Rara est elegantia hujus plantæ, quippe quæ nullum producit *caulem*, sed ex *radice* tuberibus, si adultior sit, Anemones modo inæqualibus articulata, alias Staphylodendri nucem magnitudine duntaxat adæquante, exterius nigra, acri admodum gustanti, *Dod.* fervente *Camer.* fibris nonnullis capillatâ, *pediculos* aliquot promit palmares vel etiam dodrantes, teretes, cavi, nudos, præterquam quòd extremum in umbilicum inseritur folii, quod pediculo singulare insidet, circumscriptione rotundum ferè, sed ad pediculi usque commissionem multifidum, in radios stellatos subdivisos sectum, glabrum, splendidum, saturo virore tinctum; è cujus medio sessilis sine pediculo *flos* unicus emicat, Ranunculi, luteo auri fulgore, vel ad virorem declinante, senis longiusculis foliis constans, medium obsidentibus numerosis fibris, apicibusque luteis: horum delapsum excipiunt corniculatæ *siliquæ* Aconiti vel Hellebori nigri, quatuor aut quinque erectæ. *Semen* siliquis inclusum, rotundum compressum, flavescens.

Locus &amp; Tempus.

Non ab re *Anemone Bononiensium* nonnullis dicitur; quippe circa Bononiam & per totam etiam Lombardiam copiosissimè provenit, Februarii mensis initio florens.

Radicem



Radicem cum magna prudentia exhibitam purgare perhibet Camerarius: sin verò non ritè aut ni- Vires.  
mia quantitate usurpetur, esse valde nocuam.

## CAP. XI.

A. *Plantago aquatica minor stellata* Ger. emac. *aquatica stellata* C. B. *aquat. minor muricata* Park.  
*Damaſonium ſtellatum* Dalechampi J. B. *Star-headed Water-Plantain.*

7. B.

**A** Quaticæ Plantaginis fibroſas radículas in nodum collectas poſſidet, unde palmaribus nixa pe-  
diculis folia exeunt, Plantaginis aquaticæ æmula, multo minora, & ad pediculi inſertionem  
interdum pinnata. Coliculi plures, ſeſquipalmæres aut dodrantes, teretes, inanes, nodis  
ex longis intervallis geniculati; è quorum articulis inque ſummo caulium ſaſtigio radiati in orbem  
exeunt pediculi unciales, quorum unicuique inſidet quintum ſenſumve radiorum ſtella pulcherri-  
ma Aizoï peregrini Cam. ſtellas æmulans. Harum ſtellarum radii nihil aliud ſunt quàm filiquæ ſeu  
vaſcula membranacea ſemen exile ſubluteum continentia.

In aquis ſtagnantibus ſed rariùs invenitur: in ſtagno ſeu piſcina quadam ſecus viam publicam, ad Locu.  
ingreſſum Rumfordiæ oppiduli in Eſſexia copioſè oritur.

Parkinſonus huic plantæ flores albos tripetalos tribuit.

## CAP. XII.

De *Juncus florido* ſeu *Gladiolo paluſtri*.

**H**Ujus notæ ſunt folia graminea, triangula, canles nudi, flores in umbellam in ſummo canle  
diſpoſiti: Planta eſt ſingularis & ſui generis bulbosæ affinis, eſſe videtur; caule & ſtorum  
ſitu ac forma ad Moly accedit.

A. *Juncus floridus* J. B. Park. *floridus major* C. B. *Gladiolus paluſtris Cordi* Ger. *The ſtowing*  
*Ruſh or Water Gladiole.*

Cord.

Radices habet duas, quarum gracilior & nigrior deſcendit: craſſior verò in ſuperficie ſerè terræ  
transverſa fertur utrique: propagine aliquot & multæ fibræ adnaſcuntur. Habent radices ſaporem  
dulcem & glutinoſum. [Radix quam craſſiorem vocat, eſt (ut mihi videtur) radicis pars recentior  
& huius anni, quæ ut progreditur ſupernè folia, infernè fibræ albas majusculas emittit.] Folia eri-  
git multa, mollia, ſpongiola ſeu porola medullâ, triquetra, longa, ad exortum concava, & mem-  
braneis appendicibus caulem aliquouſque amplexa, ſupina parte verſus apices planiora. Caulis bi-  
cubitalis & altior, teres, glaber, ſpongiolus, non tamen concavus, foliis nudus, in cacumine flores  
plurimos geſtans in umbellæ formam diſpoſitos, pediculis ſemipalmaribus nudis tenuibus ſultos. Flo-  
res autem hexapetali ſunt, è carneo purpurantes, tribus exterioribus petalis carinatis & majoribus, quæ  
calycis eſſe videntur; tribus interioribus minoribus. Vaſculum ſeminale ſex thecis ſeu loculamentis  
conſtat, purpureis, in ſummo corniculatis, ſemine intus minutiffimo repleta. Vaſculum iſthoc in  
medio flore circumſtant ſtamina circiter novem, aliàs longis purpureis, aliàs brevibus apicibus capi-  
tata, pulviſculo flavo attræctantium digitos inſufficientibus. Umbellæ baſin tria inſignia acuta foliola  
circumſtant.

Nāſcitur autem (inquit Cordus) pinguibus limoſis & humentibus locis, quò fluviorum inundationes Locu.  
pervenire poſſunt. Apud nos plerunque in iſtis fluviorum alveis in limo propè ripas.

*Juncus floridus minor* C. B. Park. huc non pertinet.

## CAP. XIII.

De *Aconito*.

**A**Conitum dictum Plinio ab 'Akon, quoniam in nudis cantibus creſcit; Theophrasto ab 'Akon  
pago Mariandynorum. Prius etymon Ovidius probat cùm dicit,

Qua quia naſcuntur dura virgacia caute  
Agreſtes Aconita vocant.



Alii nomen quidem à cautibus deducunt, sed diversam ejus rationem assignant, quoniam sci. huic plantæ eadem vis in morte esset, quæ cotibus ad ferri aciem deterendam, statimque admota velocitas sentiretur. Plin.

Aconiti notæ sunt folia circumscriptione subrotunda, laciniata, flores cucullati, semina rugosa, vis in plerisque saltem speciebus deleteria.

1. *Aconitum magnum purpureo flore, vulgò Napellus* J. B. *Acon. cæruleum, seu Napellus* 1. C. B. *Napellus verus cæruleus* Ger. *verus flore cæruleo* Park. *Blue Helmet-flower* or *Monks-hood*.

J. B.

A radice (inquit J. Bauhinus) Napi parvi magnitudine, nigra, fibras è lateribus producente, caules emittit plures, bicubitales & altiores, teretes, læves [versus summam tamen partem lanugine brevi pubescunt] medullâ farctos, rigidos, fractu contumaces, ab imo ad summum foliis cinctos crebris, alterno aut potiùs nullo ordine positos, pediculis longis, supina parte canaliculatis infidentibus. Sunt autem folia obscure viridia, glabra, nervosa, in quinque insigniores lacinias ad pediculum ferè divisa, magis sci. aut profundius laciniata quàm in quavis alia Aconiti specie, singulis laciniis primariis in plura segmenta angusta, acuta profundè dissectis. In summo caule flores existunt crebri, velut in spicam digesti, singuli pediculis uncialibus infidentes, quinque petalis compositi, quorum supremum galeæ aut cuculli monachalis in modum concavum, stylos duos occultat, duo lateralia latiora, infima duo florem medium occupant. Sunt autem flores cærulei, saturationibus venis striati, intus pilis obfiti. Succedunt thecæ, non tres semper, sed quatuor aut plures, oblongæ, glabræ, semina multa continentes per maturitatem nigra, rugosa.

Vires.

Facultate est hominibus aliisque animalibus exitiali & perniciofa. Evidenti, sed perquam miseraibili experimento id Antverpiæ olim compertum in recenti adhuc est memoria (inquit Dodonæus) Cum enim ab imperitis hujus inter acetaria illatæ essent radices, quicumque eas ederunt, mox sævissimis correpti symptomatis, brevi vitam cum morte commutârunt. Quin & Turnerus perhibet, Gallos quosdam Antverpiæ pro Imperatoria in acetariis, comestis Napelli radicibus intra biduum omnes obiisse, exceptis duobus histrionibus, qui eas revomuerant. Est utique Napellus venenorum præsentaneorum facilè princeps.

Animal quod Napello nutritur, ejusque Bezoar seu remedium specificum ab Avicenna perhibetur, musne sit an musca inter Botanicos non convenit. Consule Dodonæum & J. Bauhinum.

N. Napellus in jugis montium Alpinorum nutritus vires admodum noxias exercet, delatus autem in hortos parum suis venenis operatur: quod experimento confirmat D. Martinus Bernhardus à Berniz in Ephemer. Germ. Ann. 2. Observ. 42.

Idem confirmat Pet. Joh. Faber in Panth. l. 1. cap. 43. Cicuta, inquit, & Napellus, quæ versus meridiem in montibus Pyrenæis venenata sunt, si transplantentur versus loca Septentrionalia & humida omnem malignitatem deponunt. Observationes has transmisit D. Tancréd. Robinsonus. Ego tamen non libenter vellem in memetipso experiri Napelli in hortis culti vires, mihi enim masticatus, linguam nonnihil stupefecit; qui tamen stupor non statim sentiebatur.

- \* 2. *Aconitum Napello simile sed minus, cæruleum, præcocius* J. B. *Ac. violaceum seu Napellus* II. C. B. *Ac. Lycotomum præcox* Park. *Ac. lycotomum* IV. *Tauricum* Clus. *Ac. violaceum* Ger. emac.

J. B.

Unius aut duorum cubitorum proceritatem assequitur, caule gracili subhirsuto & subrubente, non ita recto. Folia Napelli, minùs tamen crebrò partita, licet in quinque lacinias profundas, primarias divisa, quarum singulæ rursus variè subdividuntur, colore atrovirente [supernè] ex pediculis duas trèse uncias longis. Flores cærulei, cucullati, pilosi, quorum galea lingulas duas occultat purpurascentes, quorum capitulis impositus utriculus liquorem melleum continet: duæ horum alæ supermo suo margine galeam ingrediuntur, infimos margines excipiunt duo subiecta folia, quorum quatuor complexu comprehenduntur atro-purpureorum staminum villi. Radix subest nigra, oblonga, fibrata; [exigui Napi instar Clusio.]

Locus.

Invenitur in Tauricis montium jugis non procul à Saltzburgo, ubi floret Julio; in hortos translatum maturius, citius Napello, à quo difficulter discernitur, inquit J. Bauhinus.

- \* 3. *Aconitum spicâ florum pyramidalî* Moris. *Prælad. pyramidale multiflorum* Hort. Paris.

Moris.

Quoad radices & folia aliorum Aconitorum more provenit. Solummodo spicam fert florum cæruleorum cucullatorum, ad basin latiore quæ tandem in mucronem desinit pyramidis instar. Quæ notâ quam facillimè à cæteris suæ sortis distinguitur.

- \* 4. *Aconitum cæruleum Autumnale* Park. *Lycotomum Autumnale Napello simile* J. B. *cæruleum Napelli flore* C. B.

Clus.

Folia hujus media quodammodo sunt inter Aconiti radice bulbosa seu Thoræ Italicæ, & Acon. Neubergici: folia Thoræ quidem Ital. foliorum quasi amula, nonnihil tamen ad Acon. Neubergici foliorum formam accedentia, nec illius minùs ampla, atrâ viriditate splendens supernè. Caulis illi bicubitalis, crassus, firmus, striatus, virefcens & splendens, summo fastigio florum spicam Acon. Neu-



Neubergico ferè similem gestans, quibus etiam succedunt pares *siliquæ* seu capita, & simile semen. *Radix* illius etiam radici par, perennis, & multis ad latera adnatis se propagans.

Floret seriùs, nempe Augusto. De loco natali nihil habet Clusius.

In sepibus non longè à *Memminga* Sueviæ urbe invenimus *Aconiti* speciem medio Augusto flo-  
rentem, bicubitalem & altiore, valdè ramosum, foliis minùs dissectis quàm in Napello, cui figura Locus.  
quam habet Parkinsonus satis aptè respondet; tempore florendi cum hoc etiam convenit.

5. *Aconitum Lycoct. Napello simile, Neubergense, foliis latioribus, flore purpureo* J. B. *Aconitum pur-  
pureum seu Napellus III.* C. B. *Acon. purpureum aliud Park. Ac. purpureum Neubergense*  
Ger. emac.

Clus.

Latoria vulgari Napello habet *folia*, licèt similiter incisa & laciniata, magis atra similiter & splen-  
dentià: *caulem* rectum, firmum, rotundum, trium interdum cubitorum altitudinem æquantem, &  
in multos ramulos superiore parte sæpenumero divisum, qui *flores* spicæ instar congestos ferunt, co-  
lore purpureos, Napelli vulgaris floribus planè respondententes, hoc est quatuor foliis constantes, quinto  
veluti galeola supereminente, & bina circumvoluta instar litui cornicula occultente: *staminum* ta-  
men media congeris magis fusca est. *Florum* spica in extremò caule nascens, reliquis oblongior est,  
& magis expansa. Singulis floribus terna succedunt *cornicula*, interdum quaterna aut quina in caput  
unum congesta, *semen* atrum & inæquale continentia. *Radix* illi, vulgaris Napelli instar, parvo  
Napo similis, cui in lateribus adhærent alii Napi, fibris præditi, quibus se propagat.

Crescit in Montis Neuberg ducatus Stiriz jugo, ad vaccarum stabula. Floret Julio.

Locus.

6. *Aconitum Lycoctonum Lynceanum Napello simile* J. B. *Acon. comâ inflexâ, foliis angustioribus* C. B.

Clus.

Medium quodammodo inter vulgarem Napellum & genus *Aconiti* præcedens est: *folia* enim illis  
simillima obtinet; *caulem* inter illos medium, infirmiore tamen, & superna parte aliquantulum  
nutantem: *flores* utriusque floribus prorsus respondententes, nisi cassis supra quatuor folia eminens ma-  
gis sublevaretur & hiaret, rostroque magis mucronato esset: *semina* in ternis corniculis simul junctis  
similia: *radicem* etiam non multum variantem.

Ex Lynceanis montibus erutum Clusio missum est. Floret cum superioribus, aut paulò etiam Locus.  
seriùs.

7. *Aconitum cæruleum minus, sive Napellus minor* Park. C. B. *Acon. Lycoct. cæruleum parvum*  
Ger. *Acon. Lycoct. flore cæruleo, galeâ elatiore, radice bulbosa* J. B. *Aconit. Lycoct. X. Thora*  
*Italica* Clus.

Clus.

Præter fibras, quibus subinde radicatam terræ hæret, bulbos gerit turbinatos, è quorum basi fibræ  
aliz exeunt. *Folia* ex caule alternatim producuntur, mediocri amplitudine, quæ in quinque profun-  
das lacinias, rursus levius subdivisas, conscinduntur, splendenti virore prædita, subhirsuta: *flores* ga-  
leati, rari, cassidem longam erigunt, colore dilutè cæruleo.

Ex Italia ad Clusium transmissa est. Uberrim nascitur ad Monasterium Neüberg, secundum tor-  
rentem qui Monasterium alluit, &c. V. Clus. Hist. Locus.

8. *Aconitum Lycoctonum flore maximo* J. B. *Acon. cæruleo purp. flore maximo, sive Napellus IV.*  
C. B. *Acon. maximum Judenbergense* Ger. emac.

Clus.

*Folia* habet in quinque lacinias altè divisa, & illas denuò in ambitu concisas, Thoræ Italicæ foliis in-  
terdum adeò similia, ut si quis plantas antequam in flores abeant conferat, nullum ferè discrimen  
deprehendere queat, nisi Italicæ Thoræ splenderent, hujus minimè: *Caulem* bicubitalem nonnun-  
quam, rotundum, non valdè crassum, firmum tamen & rectum, ex viridi purpurascens, super-  
nè quinos aut senos ferentem *flores*, inter omnia Lycoctoni genera maximos, quatuor foliis ut reli-  
quorum generum constantes, supereminente galeâ longè majore & uncialis aliquando longitudi-  
nis, elegantis è cæruleo purpurei coloris, sub qua bina longa cornicula, extrema parte latiora, &  
litui Veterum Romanorum ferè instar inflexa, coloris dilutiùs purpurascens teguntur, *staminibus*  
nigris medium *florem* occupantibus. Floribus succedunt *cornicula* ut in reliquis, sed majora, *semen*  
inæquale & fuscum continentia. *Radix* parvi Napi formam æmulatur, nigricantibus fibris præ-  
dita: alias præterea similes radices lateribus adnatas habet, tenuioribus adhuc fibris, quæ singulis  
annis adhuc recentes caules proferunt: sed etiam infimi caulis nodis adnascuntur tubercula, non  
secus ac in Italica Thora.

Sponte provenit in Judenberg altissimo totius Stiriz monte. Floret Augusto. Copiosè etiam Locus.  
oritur in quodam Schuceberg jugo quâ difficillimus est ascensus.



- \* 9. *Aconitum maximum coma nutante* Park. *Lycost. coma nutante maximum* J. B. *maximum nutante coma* Ger. *inflexa coma maximum* C. B.

## Clas.

Trium interdum cubitorum alitudine affurgit, caule tamen satis gracili, rotundo, superiore parte, in multos ramos diviso & nutante. Summo caule longam *florum* spicam fert, Napelli vulgaris floribus similia, sed paulò dilutiore purpura splendentium, quorum singulis succedunt *cornicula* & *semina* qualia precedentium. *Folia* ampla & oblonga, in multas tenues profundasque lacinias magis dividuntur quam in ullo præter id quod Delphinii flore dicitur Acon. genere, quæ supernè quidem atrâ viriditate prædita sunt, non splendent tamen. *Radice* habet crassam & longam, Napi ferè magnitudine, foris nigricantem, & per intervalla multis fibris donatam, & superiore parte in multa capita extuberantem, è quibus caules emergunt, subinde tamen recentes exiguos Napos ad latera enatos habet, quibus se propagat.

Locu.

Primum ex Italia ad Viennam delatum est & Clusio communicatum.

10. *Aconitum Lycost. caeruleum calcari magno* J. B. *Acon. caeruleum hirsutum, flore Consolida regalis* C. B. *Acon. Lycost. hirsutum flore Delphinii* Ger. *emac. Acon. flo. Delphinii majus* Park. *Acon. Lycost. flo. Delphinii* 1. *Silesiacum* Clus.

## J. B.

Alitudine vix cedit Napello, caule firmo, inani, purpurascens, qui subhirsutus videtur. *Folia* Aconiti Lycostoni lutei foliis simillima, in latas dissecta lacinias, hirsuta. Summus caulis in longam abt *spicam florum* pulcherrimorum caeruleorum, longo, rostrato Aquilegiæ vel Consolidæ regalis corniculo, librantis se Columbae æmulo, cujus extremo hianti folia subiunt quaternaria aliorum Aconitorum modo, & in horum medio *stamina* multa. Ad florum verò exortum bina foliola angusta, ceu cornicula quædam eriguntur. Hisce succedunt ternæ junctæ corniculatæ filiquæ, *semen* continentes nigricans, rugosum. *Radix* Clusio crassa, tuberosa, nigra, rugosa, concava, graviter olens, multis tenuibus, fuliginosâque lanugine pubescentibus fibris prædita, ad cujus latera secundum infimum caulem singulis annis nova germina repullulant.

Locu.

Frequens est in montibus territorii Freywaldensis in Silesia, Augusto florens, at in hortos translatum Junio.

- \* 11. *Aconitum Lycost. flore Delphinii* Ger. J. B. *Acon. caeruleum glabrum flo. Consolida regalis* C. B. *Acon. flore Delphinii minus* Park.

## Dod.

Proceris affurgit caulibus instar Napelli: *folia* variè similiter, & creberrimis incisuris divisa: *flores* secundum caulem superius veluti in longam compositi spicam, è puniceo ac obscuriore colore purpuram æmulantur; formâ ferè floris Regii, in posterius videlicet corniculum desinentes: *Siliquæ* & *semen* ut majoris Lycostoni lutei. *Radices* oblongæ, crassæ tres aut quatuor demittuntur, paucis adhaerentibus filamentis.

12. *Aconitum folio Platani, flore luteo pallescente* J. B. *Acon. Lycostonum luteum* C. B. *luteum Ponticum* Ger. *lut. Pontic. serotinum flore albido* Park. *an Ponticum lut. præcox ejusdem?*

## J. B.

Ex radice flexuosis, numerosis, nigricantibusque fibris cirsive, implexis, satis jucundo odore præditis constante *caulis* surgit leviter hirsutus, duobus cubitis altior, inanis, striatus, rotundus, tenuis, lentus & nonnihil flexuosus, in alas divisus. *Folia* ampla, quinquepartito primariò divisa, singulis segmentis denuò subdivisis, superius ex atro virentia, inferius albicantia. *Flores* ex pediculis uncialibus & plusquam sextantalibus, quorum singulis appositum foliolum oblongum interdum dissectum, sæpius integrum, lutei, aut ex luteo albôve herbacei, oblongi, concavi, inferius hiantes, è foliolis quinque compositi, duobus lateralibus brevibus & latis, infimorum altero lato, altero acuminato, quinto in tubi modum concavo, in cujus intimo recessu duo cornicula, in spiram convoluta extremo, dorso brevem, hinc cum canaliculum sustinentia, occultantur: ad quorum conum in floris hiatu *staminum* conspicitur congeries herbidorum, *apicibus* vel albidis, vel herbidis, vel nigro mixto vesicoloribus. *Siliquæ* ternæ vel quaternæ, Aquilegiæ, rectæ, simul junctæ, in quibus *semen*, rugosum, nigrum, naturâ calidissimum veluti Pyrethrum, quod degustatum crebra spuma provocat.

Locu.

In colle la Bassie, & montibus Genevæ vicinis copiosè provenit. In altissimis montium vallibus nascitur, in variis Germaniæ, Austriæ, Pannoniæ & Helvetiæ locis, in sylva Hercynia præsertim.

## J. B.

Varietas.

C. Bauhinus Aconitum Lycostonum albis pallidive floribus ab Aconito Lycostono luteo separat. Idem facit & Parkinsonus; qui tamen non aliam inter ea differentiam notat quam in tempore tum germinandi tum florendi, quod illi menstruo minimum spatio serius est quam huic.

Vires.

Maligna est & homini adversa vis Aconiti, succus inprimis radices non solum assumptus homini brutisque venenum est, sed & telis aut sagittis illitus lethalia vulnera infligit.

Hujus autem semen aut radix in pulverem redacta & cum oleo temperata ut unguentum indè fiat illitu pediculos ac furfures enecat & abstergit: idem radix præstare potest si in aqua vel lixivio decoquatur, ac cum illa postea caput abluatur. *Trag.*



13. *Anthora flore luteo Aconiti* J. B. *Anthora* Park. *Aconitum salutiferum* seu *Anthora* C. B. *Anthora* sive *Aconitum salutiferum* Ger. The counterpoison to Monkshood, or salutary Wolfsbane.

J. B.

*Anthora* pernecabili *Thora* veneno adversa, dodrantem alta, interdum & cubito procerior, caule est singulari, rigido, anguloso, subhirsuto, cui *folia* alternatim adnascuntur, *Napelli* æmula, tenuius dissecta, & splendoris illius expertia, aversâ parte albicantia, sapore amaro prædita *Lobel.* *Nigella* quadantenus similia : *flores* non ingrato odore præditi, cucullati, & rictu hiantes *Napelli* penitus, excepto colore, qui huic ex flavo pallescens : *Corniculata* feminis vascula itidem consimilia. *Radix* ex bulbis olivaribus constat, foris fuscis, intus albis, gustu amaris fibratis.

Clusius considerata diligenter partium hujus plantæ omnium cum *Napello* similitudine, usum ejus suspectum habet, & satius ducit ab eo abstinere, præsertim tantâ copiam aliorum remediorum, quorum facultates jam sunt exploratæ. Jo. Bauhinus quoque rectè monet eâ cautè utendum.

Pesti specificè adversari dicitur hæc radix, & peculiariter radici *Thora*, ut nomen indicat. Om- *Vires.* nium tamen consensu purgat satis vehementer. Considerent lectores (inquit J. Bauhinus) an radix purgans conveniat commorvis à viperis & cane rabido, itémque peste laborantibus.

## CAP. XIV.

De *Staphide agria*.

*Στάφης ἀγρία* à foliorum cum vitigineis similitudine nomen accepit. Foliis & filiquis atque etiam viribus cum *Aconitis* convenit, flore cum *Delphinio*, ad quod etiam semine magis accedit quàm ad *Aconitum*. Latinis *Pedicularis* dicitur ab effectu.

*Staphis agria* J. B. C. B. Ger. Park. *Stavesacre* or *Wolfe-wort*.

J. B. Park.

Hirsutum habet caulem, cubito altiore, in multos ramos diductum ; in his *folia* longis hærentia pediculis, ampla, vitiginea, unde toti plantæ nomen comparatum, vel *Ricini* magnitudine & divisurâ digitatâ, pilosa. *Flores* pediculis frequentibus, tum è foliorum sinu, tum ex caulis fastigio, tum ex ramis exeuntibus insident, cærulei è quinque foliolis hirsutis compositi, apicibus & staminibus foliaceis medium tenentibus. Parkinsonus exactius *flores* *Consolidæ* regalis similes scribit cum calcari pariter retrorsum extenso, sed multo ampliores, colore obscurè cæruleo, quibus succedunt *filiquæ* tresquatuorve corniculatæ, ut in *Aconitis*, sed majores, in quibus *semina* magna, rugosa, nigra, triangula, uridæ facultatis vi gustatu os incendunt. *Radix* longa, lignosa, annua.

Nascitur in opacis : in Istria ( inquit Matthiolus ) Dalmatia, Apulia & Calabria frequentissimo *Locum.* proventu.

Vehementer calidam, acrem & causticam habet facultatem : hinc pro masticatorio habetur : purgat etiam sed cum metu strangulationis, ideò desit ejus usus. Pulvis capiti inspersus pediculos enecat, aut cum oleo tritus & inunctus. Quæ de ejus viribus habent Veteres apud ipsos vide. *Vires.*

Semen *Staphidis agriæ* exhibitum à gr. XII. ad ʒj. sursum & deorsum purgat, ptyalismum excitat, unde egregiè juvat in lue Venerea. *Franc. de la Boe Sylvius* cap. de purgant. & salivant.

Idem Lib. I. c. 5. S. 25. *Staphidis Agriæ* semina quindecim aiunt, si trita cum hydromelite assumantur, potenter humores pituitosos, glutinosos per Vomitum cum suffocationis periculo expellere. [ *Dod.* Herb. Belg. lib. 12. cap. 10. pag. 595. ] Ab illis namque inflammantur fauces, ardorque summus in iis accenditur. Eadem semina docent mansa pituitam ex capite allicere in os. Unde facilè patet eadem semina, si ex Aqua multa decoquantur, & illo decocto Os colluatur, posse levem sic excitari salivationem, quæ forsân felicius sit si non simul & semel quindecim semina, sed unum vel duo diebus pluribus exhiberentur, sicque paulatim salivatio levis excitaretur. D. Soame excerptit & misit.

## CAP. XV.

De *Aquilegia*.

**A**quilegia recens vocabulum est, quasi Aquilina ob florum mucrones aduncos ut sunt Aquilini ungues. Anglis *Columbine* dicitur, quia florum calcaria recurva columbarum cervicem cum capite & rostro tum figurâ tum colore referunt. An veteribus Græcis vel Latinis cognita fuerit, aut quo nomine dicta nondum constat.

Notæ illius genericæ sunt folia *Umbelliferarum* modo divisa, flores penduli cum pluribus corniculis recurvis, semina nigra lucida.

*Aquilegiam* stellatam, quæ caret illis corniculis recurvis in flore, pro specie degenerare habeo.

A. 1. *Aquilegia*



- A. 1. *Aquilegia flore simplici* J. B. *vulgaris flore simplici* Park. parad. *Aquilegia sylvestris* C. B. item *Aquil. bortenensis simplex* ejusdem. *Aquilegia carulea* Ger. **Single Co-lumbines.**

f. B.

Plusquam pollicari crassitudine est *radix*, candida, altè in terram descendens, ima parte ramosa & fibrosa, sapore subdulci, in multos annos vivax. *Folia* ex longis, rigidis, hirsutis pediculis terna, [interdum ter novena, pediculo nimirum primò trifariam diviso in ramulos & unoquoque ramulo in tres furculos, & singulis furculis tandem in tria folia] lata, obtusa, per margines rarioribus incisuris velut crenata, duabus tamen profundioribus in tres non rarò lacinias divisa, inferius glauca, supernè obscurius viridia, cum quadam cœrulei tinctura, Chelidonix majoris foliorum in modum. *Caules* tenues, sed rigidi, hirsuti, geniculati, ramosi amœnos *flores* sustinent, corniculis rostratis compositos, ut passis alis columbam (si cum lateribus alternatim interjectis foliis unum ex corniculis exemeris) egregio naturæ artificio deformet: atque hi quidem vel sylvestres, [vix alterius coloris quàm punice] vel hortenses, colore cœruleo, rubro, candido, carneo, herbaceo, versicolore infinitam pariunt varietatem: omnibus tamen semen Consolidæ regalis nigrum lubricum, splendens in corniculis surrectis Aconitorum continetur.

Locus.

In multis montanis sylvis cœruleo flore sponte nascens invenitur, in omnibus ferè Europæ regionibus: in Anglia certè non infrequens est.

Hujus varietas nobiscensetur

*Aquilegia multiplex* Ger. *flore pleno sive multiplici* J. B. *vulgaris flore pleno* Park. parad. *bortenensis multiplex flore magno* C. B.

f. B.

Ob floris elegantiam in hortis culta hæc stirps pluribus, densioribus & nitidioribus corniculis observatur: floribus etiam uberiore fœturâ multiplicibus, qui vel cœrulei prorsus sunt, vel violacei, vel cineracei, vel blandè rubentes, vel saturè rubri, vel albi, vel ex albo & cœruleo, violacœve multifariam commixti, vel alterius coloris, quis enim omnes enumeret: cætera similia.

2. *Aquilegia bortenensis multiplex flore parvo* C. B.

A priore (inquit C. Bauhinus) floris magnitudine & pullo colore differt. Verùm nos hujus generis flore parvo multiplici, non pullo tantum floris colore, sed & albedo, & ex albo & purpureo variegato insignes habemus. Flores hujus reliquis Aquilegiis magnitudine plurimum cedunt, eas tamen multiplicitate foliorum superant, ut dubitem annon à reliquis specie reverà diversa sit. Certè semine sata, quantum quidem hætenus observare potui, speciem suam servat, nec alterius generis plantas producit.

3. *Aquilegia rosea* Park. *flore roseo multiplici* C. B. *flore roseo* Ger. *flore simplici & pleno non corniculato* J. B. **Rose-Columbines.**

Clus.

Hujus flores carent corniculis illis litui instar inflexis, & plana duntaxat habent folia, qualia sunt ea quæ in simplici cornicula ab invicem segregant; constant verò flores vel simplici octo aut decem foliorum ordine dispositorum serie, vel eâ multiplicatâ ad senarium aut septenarium numerum, hoc est, ut singulis illis octo aut decem foliorum ordinibus [potius foliis] sena vel septena alia incumbant, interdum etiam plura eleganti spectaculo, non alternatim confusa ut in Rosâ plenâ, paucis staminibus cum corniculis, quemadmodum in vulgatiore, floris medium occupantibus, & simili nigro splendētēque semine plenis. In eadem planta conspiciere licet nonnunquam flores, quorum prima & secunda foliorum series calcari seu corniculo illo contorto caret, interiora reliqua, instar vulgaris, cornicula contorta habeant. Sed etiam hoc genus mirum in modum colorem variat: nam ex ejus quæ cœruleo flore est semine deciduo sponte natas plantas habui, quæ cœruleum, album, rubellum, suave-rubentem, cineraceum, purpureum remissum vel saturum, pullumque & quodammodo obsoletum florem tulerint, eumque vel simplici foliorum serie, vel multiplici constantem.

Hanc habeo pro specie *Aquilegia* degenerare: nam in eadem planta nonnullos flores observabis cum corniculis, alios sine eis.

4. *Aquilegia inversis corniculis* Park. *Aquilegia bortenensis multiplici flore inverso* C. B. *Aquil. flore pleno inverso* J. B. *Aquilegia flore inverso* Ger. emac.

Non alia in re à præcedentibus differt quàm floris figurâ corniculis inversis constantes, h. e. corniculorum contortis mucronibus omnibus ex floris centro prodeuntibus. Hæc etiam species degener nobis videtur, non tamen quantum fidenter illud affirmamus.

Hujus generis flos non tantum colore variat quantum reliquorum solent; siquidem non ultra tres aut summum quatuor colorum differentias in eo observavit Parkinsonus, nimirum album, purpurascens, rubentem, cinericeum aut obscurè & obsoletè purpureum.

\* 5. *Aquilegia*

\* 5. *Aquilegia degener* J. B. Park. Ger. *degener virescens* C. B.

Clus.

*Aquilegia* degenerem vocat Clusius exiguae Rosae formam æmulantes flores ferentem, coloris vel omnino viridis vel ex viridi purpurascens.

Hujus florem Parkinsonus *Aquilegiae* rosae flore pleno similem facit, verum exteriora petala prima scilicet seriei reliquis interioribus multo majora & latiora sunt.

Hanc quamvis alii speciem degenerem faciant Parkinsonus tamen veram & genuinam ab aliis distinctam *Aquilegiae* speciem esse vult, nec infirma ratione nititur, siquidem semen ejus satum speciem suam constanter propagat, nec diversi generis plantas producit.

\* 6. *Aquilegia montana magno flore* C. B. prod.

C. B. prod.

In *Aquilegiae* vulgaris altitudinem excrescit quidem, sed foliis plurimum differt, cum in lacinias tenuiores easque non obtusas ut in aliis, sed acutas dividantur, & folia pæne subrotunda sint: sic & floribus est caeruleis, vulgari similibus, sed multo majoribus.

In monte propè Thermas Fabarias copiose provenit.

Locum.

\* 7. *Aquilegia montana parvo flore, Thalictri folio* C. B. J. B.

C. B. prod.

Ex radice parva folia Thalictri formæ, sed exigua, pallide virentia prodeunt, inter quæ cauliculus tenuis, palmo minor, duobus tribusve foliis brevibus, oblongis, minimè divisis exsurgit, florem unicam caeruleum sustinens, formæ quidem vulgari similem, sed quintuplo minorem.

In Helvetiorum Alpibus reperitur.

*Aquilegia* foliis Thalictri, flosculis minutissimis albis, Menzel. quæ Fumariæ speciem primum conspecta præstare videtur, quæque in Apennini locis petrosis & in Alpibus circa Tridentum provenit, non aliter à præcedente quam floris colore differre videtur.

Locum.

\* 8. *Aquilegia pumila præcox Canadensis* Cornuti. *Virginiana flore rubescens* Park.

Corn.

Folia habet Thalictri pratensis figurâ & amplitudine paria, colore quadantenus similia, nam aliquanto pallidiùs virent. Caules tenuissimi, rubentes, vix palmum æquant. Flosculi in singulis apicibus crescunt, quinque corniculis cavis, non ut in nostrate aduncis, sed rigidis constantes: quæ cornicula à medio ad conum usque puniceæ obscuri coloris sunt, infra autem qua parte hiant croceo colore tinguntur. Hæc inter cornicula quinque foliola puniceæ etiam coloris medium tenent, quorum mucro deorsum vergit. Floris in medio stamina sunt alba quamplurima; quæ luteis apicibus fastigiantur, simul cum flore defluunt: Quæ in spinulam acuminantur in quatuor aut quinque recurvas filiquas formantur; Delphinii similes, in quibus semina nigra & nitida. Radices subsunt tenuissimis filamentis fibratæ.

Tragus & Matthiolus scribunt seminum pulv. ʒj. cum croco nummi pondere è vino bibitum certò Vires. sanare iterum, si lecto se contineat æger & sudet.

Camerarius in horto semen saccharo incrustatum laudat in viscerum obstructionibus, in vertigine, &c.

Aqua stillatitia Trago eadem efficit, præstâtque levamentum adversus syncopen: Abscessus proinde internos discutit, venenum quodvis expellit, ac tormina mitigat.

Clusius semen tenuissimè tritum & in vino datum mulieribus in partus difficultate optimo cum successu exhiberi scribit. Si primus haustus non sit efficax repetatur.

Camerar. docet decoctum herbar totius cum momento Ambra contra *adsumas* facere.

Semen in expellendis variolis & morbillis usus mulierculis est creberrimi. Schrod.

Extrinfecus frequens ejus usus est ad putredinem gingivarum scorbuticam emendandam, ulcerâq, oris & faucium emendanda. Schrod.

Folia nostratibus in usu sunt in collutionibus & gargarismis contra affectus faucium & asperæ arteriæ calidos.

## CAP. XVI.

## De Delphinio sive Consolida regali.

Consolidam regalem Veteres inter flores coronarios reposuere, Hyacinthum nominantes, cuius Dioscorides l. 3. c. 85. in Delphinio altero, quod & Hyacinthum vocitetur, meminit. Siquidem Plinius l. 21. c. 11. scribit discurrentes notas inesse, ut Græcarum literarum figurâ AI inscripta legatur: quod in Consolida regali hortenfi observatur, cum in floribus folium sit implicatum, quod in albo characteres habet occultatos ex virgulis caeruleis duas literas AI aut tres AIA exprimentes.

Delphinium duplex est Dioscoridi, cuius altera species Romanis buccinum dicitur. Quare si apud Dioscoridem vox *Δελφινιον* ad flores referatur, tum Consolida regalis hortenfis Delphinium erit, at Consolida regalis segetum alterum ejusdem Delphinium. Hæc è C Bauhini Pinace.

Ob floris figuram Delphinium imitantem Dioscoridis Delphinium credita est hæc planta. Consolida regalis à consolidandis vulneribus dicitur.

Characteres



Characteres hujus generici sunt folia in tenuissimas lacinias dissecta, flores unico corniculo retrorsum extenso seu calcari donati, semina nigra, triquetra.

1. *Delphinium elatius flore simplici diversorum colorum* Park. parad. item *Delph. elat. flo. pleno divers. colorum ejusdem.* *Consolida regalis erectior purpureo sive violaceo flore majore* J. B. item *Consol. reg. erectior flo. purp. sive violaceo pleno ejusdem.* *Consolida regalis sativa* Ger. Marks: spur.

Clus.

In bicubitalem plerumque altitudinem affurgit, interdum etiam majorem, nonnunquam infra illam consistit. Caulem verò habet rectum, firmum, striatum, quem indiscriminatim ambiunt multifida folia, frequentiora quàm in vulgari, è quorum alis prodeunt rami virides, similibus foliis onusti, desinentes in oblongam florum spicam sex foliis constantium, quorum quaterna in latera expanduntur, quintum supernum caudà aut calcari insignitum in posteriorem partem prominente, reliquis majus; cui subest sextum medium florem occupans, extrema parte longiusculum & bifidum; deinde per latera alarum multa stamina, umbilicum floris occupantia tegens. Flori succedunt, ut plurimum singulæ, rarius plura, longiora & crassiora cornicula, semen inæquale, maturitate nigrum continentia. Color floris in hoc genere mirum in modum variat, nam aut niveus est, aut exalbidus, aut carneus, isque vel saturatus, vel dilutus, aut cineraceus, aut purpureus seu violaceus, atque is vel dilutior, vel saturatior, nonnunquam etiam versicolor, h. e. vel media ex parte purpureus, alterà incarnatus sive suave-rubens, interdum etiam altera parte albus.

Hæc autem varietas satione acquiritur: nam unius generis semine omnes hi colores mihi nati. Aliud præterea in hac planta animadversione dignum est, illam videlicet inveniri floribus multiplici foliorum numero constantibus, omnium supradictorum colorum, nullo aut perexiguo calcari præditis, quibus succedunt minora quàm in superiore cornicula, bina, terna aut quaterna pleraque inania, rara, quæ paucum semen præbeant: è quibus terræ commissis raræ nascuntur plantæ plenum florem ferentes, pleræque simplicem, quarum tamen semine sponte deciduo denuo nascuntur quæ plenum florem proferunt.

Vires.

Visum acuit & roborat tum succus florum expressus, tum eorundem aqua destillata, imo vel continuus (ut aiunt) intuitus, unde nonnulli eorundem fasciculos in conclavibus suspendunt.

Herba in potionibus vulnerariis utilis esse perhibetur, consolidat enim & glutinat, unde & *Consolidæ* nomen adepta est. In pulverem redacta cum ejusdem aqua stillatitia pota confert cardiagiam, calorem præter naturam extinguit, bilem exæstuantem reprimat, necnon tussim & stillicidium, adversatur venenis. Succus expressus recentia vulnera sanat. *Matth.*

Conserva florum commendatur ad tormina ventris infantium, & ad ardorem stomachi. *Schrod.*

Attendat Lector censuram Casp. Hofmanni. In facultatibus vix aliud reperio quàm superstitiones, & nullo fundamento nixas medelas.

Decocto florum *Consolidæ Regiæ & Croci* 3j. in vino ex suppressione menstruum convaluit mater & filia ejus. *Achill. Gasserus* Obs. 81.

- \* 2. *Delphinium elatius cæruleo flore* Clus.

Clus.

Hoc genus multò uberius est superiore, atque interdum adeò amplum, ut humanam altitudinem superet, numerosiores ramos proferens, & plura majoraque folia, sive foliorum alas, non minùs tamen quàm supra descriptum in tenues lacinias divisas. Hujus flores superioris floribus formâ similes sed longè ampliores, & coloris aut cærulei elegantissimi, aut ex cæruleo purpurascens: Cornicula floribus succedentia crassiora, nigrum inæquale semen quale alterius continentia; quod satum genus suum conservare semper obse vavi, nullâ prorsus coloris mutatione facta.

3. *Delphinium majus sive vulgare* Park. par. item *Delph. vulg. flore pleno ejusdem.* *Delphinium vulgatum* Clus. item *Delph. humilior sive vulgatum pleno flore ejusdem.* *Consolida regalis hortensis flore majore & simplici* C. B. item *flo. maj. & multiplici ejusdem.*

Clus.

Hoc genus ramis suis in latitudinem magis diffunditur quàm superius, terram versùs potius reclinatis quàm erectis, foliis multis obsitis viridibus, in tenues & oblongas lacinias dissectis Fœnsuli ferè instar. Rami in florum rariùs dispositorum spicas oblongas exeunt, magna colorum varietate: nam præter cæruleum qui in arvis, invenitur & albo flore, & candicante, & rubro & dilutiùs rubente. Hujus generis mihi (inquit) natæ sunt qui simplici quidem sex foliorum textura constabant, sed terni, quaterni, quini simul commixti innascebantur, totidem brevissimis calcaribus præditi, majore tamen & grandiore in extimo illo flore qui reliquos veluti complectebatur. Sunt etiam in hoc genere quæ flores proferunt multiplici foliorum serie constantes unico tantùm calcari retrorsum extenso; magna colorum varietate. Parkinsonus purpureum, cæruleum, album, carneum, variegatum recenset.

4. *Consolida regalis arvensis* C. B. *Delphinium arvense* Park. *Consol. regal. flore minore* J. B. *Consol. regal. sylvestris* Ger.

Genere hæc non est diversa à proximè descripta, verùm spontanea cum sit, nullòque mangonio latiore exculta, tota strigosior evadit, nec temere dodrantalem magnitudinem quoad spontis suæ est excedit, nec adeò foliorum vel numero vel latitudine [vel segmentorum longitudine] luxuriat: magis etiam squalidus flos & minor, coloris cærulei. Semen in corniculis non dissimile sed minus, non ita facile in hortis satum germinans.

\* 5. *Consolida*

\* 5. *Consolida regalis maxima villosa* J. B.

Caule est longiusculo, contorto, admodum villoso: folia ferè palmum longa, pilosa, multifida, segmentis latis, non multò Peucedani foliorum segmentis angustioribus, villosis, non sine oblongis quibusdam veluti foliorum ligulis. Flores unicuique pediculo infidet unicus, magnus, candidus, quorum calcar & folia extrema foris tomentosa sunt, & virore quodam variegata; cornicula quæ succedunt densissimo villo sunt obfita.

Unde, inquit, hanc nacti sumus non recordamur.

6. *Consolida regalis latifolia parvo flore* C. B. *regalis peregrina parvo flore* J. B. *Delphinium Hispanicum parvum* Park. parad. *Consolida regalis latifolia* ejusdem Thear.

Ex radice fibrosa, oblonga, rufescente caulis cubitalis, rotundus, striatus, levissima hirsutiae albicans, in ramos brachiatus, exurgit. Folia prima quidem latiuscula, tripartitò divisa, segmentis latiusculis laciniatis, alia verò in summo caule & per ramos, parcius secta [tripartitò divisa C. B.] quædam integra. Flores parvi quàm strigolæ illius arvensis minores, colore cæruleo obsoleto [subcæruleo pallido seu languido Park.] qui alternatim surgentes spicam efformant: quibus excussis singulis ternæ succedunt erecta simulque juncta cornicula semen parvum continentia.

In insula Melitâ circa urbem novam in rudibus & muris, inque Sicilia & Italia invenimus. Locus. D. Wheeler in insula Corcyra *Consolidæ regalis* speciem foetidam observavit, verum non descripsit.

\* 7. *Consolida regalis hortensis flore minore versicolore* Moris. prælud.

Folia habet hortensis Delphinii vulgaris foliis tenuius dissecta: Flores minores rubros, striis nigris maculatos; quo facillimè ab aliis distinguitur.

8. *Consolida regalis serotina flore albo multiplici & simplici.*

Humilior est multò quàm *Delphinium surrectum* & ramosior, foliis tenuius incisus & delicatioribus. Florem non ante finem æstatis producit, [in horto nostro cum *Delphinio surrecto* unà sata non ante florere cœpit quàm illud pene defloruerat:] Erat autem floris color in omnibus quæ nobis, & amico cuidam nostro qui illud communicat, ex semine succreverunt plantis albus, ut putem eam \* D. S. Dale; floris colore rarissimè variare.

## CAP. XVII.

De *Ulmaria* majore seu *Barba capri*.

*Barba capri* J. B. Ger. emac. *B. capræ floribus oblongis*, *Melandryon* Plinii C. B. *Ulmaria major* sive altera Park.

f. B.

**R**adicem sortita est mediocriter crassam, fibrosam, cortice intectam crassiusculo ad rufedinem declinante, cui subest lignosa substantia cum copiosa medulla alba fatua. Caules duos tréve cubitos alti & majores, multis alis concavi, læves, teretes, medullofi, arcto tubulo (qui in alis nullus est) perforati. Folia Castaneæ oblonga, acuminata, serrata, plura ad costam alligata, nullis intercedentibus minoribus foliolis ut in *Ulmaria*; à qua & flores hujus plurimùm differunt, in ligulis videlicet racematim collocati, perpuffilli candidi.

Nobis observantibus plantæ hujus folia bicomposita seu triangulata sunt & Umbellatarum modo divisa, rugosa & circa margines pulchrè dentata: Unicuique flores plures theculæ disjunctæ succedunt.

In colle la Bassie prope Genevam hanc plantam observavimus, & in Helvetia non longè à Scaphusia, loco humido.



# HISTORIÆ PLANTARUM

LIBER DECIMUS QUINTUS,

QUI EST,

De Herbis flore monopetalo vasculiferis.

## SECTIO PRIMA.

*De Herbis flore monopetalo uniformi.*

**H**ERBAS vasculiferas vocamus quæ præter floris calycem, aliud habent vasculum, in quo semina continentur. Quid per florem uniformem, quid per difformem intelligimus, Libro primo, cap. II. explicuimus.

N. Nos in hoc opere flores monopetalos, laminâ eousque divisâ ut polypetali videantur, pro polypetalis habemus.

*Herbæ flore monopetalo uniformi sunt vel vasculo diviso in locumenta*

*Bina*, foliis in caulibus

*Alternis*; vasculo

*Operculo tecto*, quod per maturitatem abscedit; calice oris quinquepartitis acuminatis insigni, ut fructus glandem quodammodo referat; vi narcotica & virosa; *HYOSCYAMUS*.

*Bivalvi*, foliis pinguibus, vi narcotica præditis; flore è tubo longo in latitudinem expanso, margine

*Integro, anguloso*, colore rubente; vasculo oblongo, conoide; major & elatior; *NICOTIANA, Tabacum*.

*In quinque segmenta diviso*, colore luteo; vasculo brevior & subrotundo; humilior & minor; *PRIAPEIA, Hyoscyamus luteus*.

*Ex adverso binis*, nervosis; sapore amaro; *GENTIANA*.

*Terna*, seminibus in singulis cellulis

*Binis* majusculis; vasculo ipso floris calice contento, aut supra fundum ejus elato; vicinis plantis se circumvolvendo scandens, succo lacteo plerumque turgescens; flore campanam referente, margine integro; *CONVOLVULUS*.

*Pluribus* exiguis, lucidis, lactescentes & erectæ, flore

*Campanam*

- Campanam* referente, margine in quinque plurimum lacinias secto, flore ejusque calice vasculo feminali infidentibus; conceptaculis seminum
- { *Oblongis*, & in filiquas productis; SPECULUM VENERIS.  
 { *Brevibus & habitioribus*; foliis
- { *Hirsutis*; TRACHELIUM.  
 { *Lævioribus*; radice
- { *Carnosa* esculenta; RAPUNCULUS.  
 { *Lignosiore* aut *tenuiore*; CAMPANULA.
- Corniculato*, flosculis parvis in florem quandam totalem seu compositum constipatis; RAPUNCULUS *corniculatus*.
- Quaterna*, fructu spinoso, maximo; flore è tubo oblongo calathioide; facultate virosa; STRAMONIUM.

## CAP. I.

## De Hyoscyamo.

**Y**onduca i. e. Faba suilla vel porcina, quod Apri ejus pastu resolvantur & convellantur, presenti mortis periculo, nisi aqua copiosa statim se foris & intus proluerent, ut *Ælianus* prodidit, lib. 1. Notæ ejus sunt folia in caule alternatim posita: vascula feminalia operculo tecta, quod per maturitatem abscedit, calyx oris quadripartitis acuminatis insignis, vis narcotica & virosa.

A. 1. *Hyoscyamus vulgaris* J. B. *niger* Ger. *niger vel vulgaris* C. B. Park. Common Henbane.

J. B.

Odore foetido facile se prodit *Hyoscyamus niger*, nusquam non obvius, *Acanthii* vulg. foliis, mollibus, lanuginosis, pinguibus, incanis, per margines altius incis, copiosis, nullo ordine in caulibus, cubitalibus ramosis, crassis, densa lanugine obsitis. Flores confertim enascuntur calathi effigie, lutei, purpurascens linearum crebro discursu versicolores, fundo obscure purpureo, in quinque obtusa segmenta partiti. Stamina quinque brevia purpureos apices crassos & oblongos gestant; stylus longior apice rotundo albo, medium florem occupat. Calix floris hirsutus, oblongus, margine in denticulos rigidos acuminatos quinquepartito, delapso flore in ventrem extumescit, & vasculum seminale continet in bina loculamenta divisum, semine pusillo obscure cinereo refertum. Radix subest crassa, rugosa, intus alba, foris fusca, minus olida quam folia.

Secus vias ubique ferè gignitur in incultis, rudatis & pinguibus locis.

*Hyoscyamus* refrigerat & emollit mirè, somnum inducit, dolores sedat, acrimoniam mitigat, at rationem perturbat: unde internus ejus ulus rarissimus est. Adversus acres calidasque oculorum defluxiones prodest: sanguinis eruptiones muliebrique profluvia compescit: Et ad testium aliarumque partium inflammationes adhibetur; necnon ad Podagram & dolorem ischiadicum in fomentis. R. fol. *Hyoscyami*, decoquantur in lacte bubulo, & fiat cataplasma, quod mirificè proderit, ut ait *Duretus* in *Adversar.* supra *Hollerium*.

Vini Hispanici vel Græci in quo Seminis *Hyoscyami* modica quantitas per diem unum vel alterum infusum fuerit patera una horà somni sumpta requiem suaviter conciliat.

Seminum *Hyoscyami* & *Papaveris albi* ana ʒij. Conservæ Rosarum Rubrarum ʒij. in formam Electuarii redacta, & nucis myristicæ magnitudine exhibita hæmorrhagiam quamcunque sistunt. *D. Boyl.* de *Utilitate Philosoph. Nat.*

Apud nos (inquit \* C. Hofmannus) ex sem. *Hyoscyami* fit oleum, cujus ad parandum somnum miræ sunt vires, temporibus illiti. Est etiam in usu in gonorrhœa & nimis mensibus, regioni lumborum & perinæo adhibitum. In doloribus aurium, ubi leviora anodyna non inveniunt locum cum Croco aut Castoreo etiam infunditur. Ità in dentium doloribus cum lana imponitur.

Andegavenles & Pictones adversus pruriginem illam molestam, & tumores manuum pedumque à frigore contractos *Hyoscyami* citinos carbonibus inspergunt, fumumque exhalantem manibus pedibusque excipiunt.

N. Expressus quoquo modo succus (ut rectè *Casp. Hofmannus*) tutior est illo qui ex incisa planta profuit. Est enim is Opio similis. Rursus expressus ex semine sicco affusa aqua, tutior est illo qui ex tota planta viridi fit. Tandem aqua destillata omnium tutissima est.

*Hyoscyami* albi usus mitior est & tutior multò quam nigri.

Ratio cur succus expressus mitior sit è vulnere inflicto effluente hæc nobis videtur. Cum in omni planta duplex minimum succus sit, alter aquosior magisque insipidus, alter plantæ proprius & specificus; hic autem incisione facta è vasis, utpote majoribus, sponte effluat, ille ob vasorum angustiam non item; qui fit per expressionem totam lympham continet, quæ longè copiosissima est, & succum plantæ essentialem valde diluit & enervat: cum qui sponte effluat essentialis sit & specificus, sincerus & immixtus, in quo tota vis plantæ quæ talis residet.

Ppp 2

Semen



Semen Hyoscyami prunis impositum fumum emittit teterrimi odoris, quo naribus vel ore per infundibulum excepto Empirici expellunt vermiculos, qui aliquando in naso aut dentibus nascuntur eosque in subjecta pelvi aqua repleta excipiunt, ut melius oculis percipiantur.

2. *Hyoscyamus albus* J. B. Park. Ger. *albus major* vel 3. *Dioscoridis*, & 4. *Plinii* C. B. Item *Hyoscyamus albus minor* J. B. C. B. Ger.

J. B.

Non tantum flore alterius pari albo est, sed & *alabastris* striatis multo candidioribus magisque hirsutis, vasculum obvolventibus semine albedo refertum: adde *folia* hirsutiora, albidiora, quae tamen Nigri foliis magnitudine cedunt, laciniata: *Caulis* quoque eadem alba densiori lanugine est oblitus, quem ut celeri ortu eodem quo factus est anno protrudit, florēque & semen perficit, ita perennitate vincitur, ut qui nonnisi semestris sit vita.

Locus.

In Norbona ad Aurantium, & inferius cis transque Rhodani ostia, variis satorum & vervactorum secus vias marginibus sponte adolescit.

Pro eadem planta cum Parkinsono habeo *Hyoscyamum album* minorem Lob. quem Clusius quoque *Hyoscyamum album* vulgarem vocat.

Hanc speciem in muris & rupibus circa Genuam frequentem observavimus, quae à vulgari nigro *Hyoscyamo* differt foliis brevioribus & rotundioribus, viridioribus, [Clusius tamen & J. Bauhinus candidiora & molliora ei attribuunt] minus laciniatis, floribus minoribus, in nonnullis totis luteis, in aliis luteis cum fundo obscure purpureo.

3. *Hyoscyamus Creticus luteus major* C. B. *luteus minor* J. B. *Creticus alter* Clus. *Creticus* Park.

C. B. prod.

*Caulibus* est cubitalibus, robustis, ramosis, rotundis, molli lanugine oblitus: *Folii* latis, subrotundis, sinuatis & circumrosis, hirsutis, longiore pediculo donatis: ex quibus alii pediculi lanuginosi emergunt, *flores* sustinentes ex calyce hirsuto, in quinque apices secto prodeuntes, oblongos, Lamii *Melissophylli* formā, quinquariam divisos, quorum tria folia superiora majora & flava, inferiora duo pallidiora; ex quorum medio *stamina* quina purpurascētia, *apicibus* flavescentibus, una cum stylo oblongo ejusdem coloris, efferuntur. Floribus delapsis calyces indurantur, qui *semen* minutum, subruffum continent.

\* Bot. Monsp.

Præcipua differentia inter hanc speciem & præcedentem, annotante \*P. Magnol, est in floribus coloris cuius petala in hac ex albo sublutea sunt, fundo & staminibus obscure purpureis, in illa penitus lutea: proinde nobis non videntur specie differre.

Planta hæc, cujus descriptionem C. Bauhini Prodro-mo dedimus, quamque in Pinace pro *Hyoscyamo Cretico* altero Clusii habet, ipsissima est quam frater ejus J. Bauhinus pro *Hyoscyamo* 4. seu albo *Cretico* Clusii proponit. Quam enim describit J. Bauhinus ex semine Stutgardiam per Casabonam misso *Hyoscyami lutei Cretici* nomine in horto Montbelgardensi floruit: quam C. B. frater, ex horto Montbelgardiano à fratre J. B. primum accepit, semine à Casabona misso, ut ipse refert. Nos C. Bauhini sententiæ accedimus, & *Hyoscyamum* 4. five album *Creticum* Clusii pro diversa specie habemus, ob flores aureos quos ei attribuit. Nam Pr. Alpinus in *exor.* duas *Hyoscyami* species semine flavescente in Creta insula nascentes agnoscit, alteram flore luteo diluto, alteram flore aureo, cujus descriptionem, prolixam satis, ex Alpino proponemus.

- \* 4. *Hyoscyamus aureus* Alpin. exot. *Creticus luteus minor* C. B. 4. five *albus Creticus* Clus. *albus Creticus* Ger. emac.

Ab una radice multos producit *caules*, longos, tenues, sursum oblique actos, quadam veluti lanugine oblitos, fragiles, herbaceos, quos *folia* non plura, *Hederæ* terrestres magnitudine & figurā, quadantenus ad *Hyoscyami lutei Cretici* folia inclinantia, molli veluti lanugine obducta ambiunt. *Flores* verò & in caulibus, & in ipsorum cacumine producuntur parvi, aurei, ex parvis cytinis non duris, Leucoiis luteis ferè similes, sed tamen majores, quinq. foliis impari magnitudine, ex interna parte deficientibus compositi, unde ex ea parte quasi dehiscunt. In medio autem floris umbilico veluti oculus niger conspicitur, à quo quasi à centro ad circumferentiam quædam veluti filamenta, parva, carnei ferè coloris diffunduntur. Flos haud gratum odorem expirat. His floribus succedunt parvi cytini, herbacei coloris, nigri *Hyoscyami* multo minores, non duri, *semina* minuta, colore flavescentia continentes. *Radix* est parva, longa, crassa, mollis ac tenera. Planta est perennis.

- \* 5. *Hyoscyamus Aegyptius* Park. *rubello flore* Ger. *peculiaris flore purpurascēte* J. B. & *Hyosc. Syriacus* ejusdem *Hyosc. cauliculis spinosiss.* *Aegyptiacus* C. B. & *Hyosc. rubello flore* ejusdem.

Peregrinus est & cubitalis altitudinis, minimique digiti crassitudinis *caulem* acquirit in hortis, firmum, molli incanæque lanugine præditum; per quem hinc inde sparsa sunt folia, vulgaris foliis non valde ab similia, sed minora & frequentioribus laciniis divisa, tenuique (dum adhuc tenella sunt) & longa lanugine pubescentia. Summus caulis in aliquot ramos nutantes & inflexos dividitur, qui alternatim inter angustiora minoræque, nec laciniata folia caliculos ferunt vulgari similes, in quinq. cuspides satis firmos desinentes, in quibus *flores* colore quodammodo similes vulgari, h. e. pallentes & purpureis venis distincti initio nascuntur, sed deinde in paulò majorem amplitudinem excrecentes,



tes, in elegantem, ex rubro purpurascens colore mutatur, saturationibus tamen venis, nec umbilico purpureo, ut vulgaris nigri flores, sed candicante, stylis purpurascens ac quinque staminibus exornato. Floribus succedunt bullata, quemadmodum in vulgari, capitula, semen etiam simile continentia.

Ex hac planta iterum, monente Parkinsono, C. Bauhinus duas tréve facit. Utraque enim planta, (nimirum Hyoscyamus Syriacus Cam. & Hyosc. Ægyptius rubello flore Clus.) semine à Bern. Paludano accepto nata est; adeoque verisimile est eandem fuisse. Deinde cur quæso separat C. B. Hyosc. Ægypt. Clus. hist. ab ejusdem Hyosc. peregrino in Pann? Nunquid utriusque eadem descriptio? Cur Ægyptium Clus. cauliculis spinosiss. esse ait, cum Clusius spinarum non meminit? J. B.

Sic septem Hyoscyami species à C. Bauhino in pinace recensitæ ad quatuor facillè reducuntur.

Hyoscyamus albus Ægyptius Alpin. exot. huic idem videtur: cuius succum ad tussim ex acri vel *Virid.* falsa capitis destillatione phthisis prænuntiam utilissimum esse scribit. Ad eandem (pergit) tussim molestissimam Ægyptii cum eunt dormitum assumunt cochlearis mensura semina tenuissimè trita cum pari mensura Sacchari pulverizati: plurimum enim juvant humoris acrimoniam & saluginem hebetando, atque somnum inducendo. Mulieres etiam eam detrita sumunt itidem ad mensium abundantiam.

Non in Ægypto tantum sed (ut videtur) etiam in Creta sponte nascitur: nam ex semine Cretæ *Locis.* allato ortam scribit Clusius.

## CAP. II.

## De Tabaco sive Nicotiana.

**N**icotiana dicta est hæc herba à Joanne Nicotio Ulyssiponæ Lusitanie Regis Gallie legato, quam à Belga quodam è Florida allatam accepit, & in Galliam intulit, Anno 1559. Tabacum dicitur à Tabaco insula Floridae adjacente. C. Hofman. quod nomen aliis omnibus quibus insignitur prævaluit.

Brasilienses dicuntur vocare Patum seu Petum. Botanici nonnulli ob vim narcoticam ei cum Hyoscyamo communem Hyoscyami speciem faciunt, & Hyoscyamum Peruvianum appellant. Verum cum facie externa distet, & partium præcipuarum, floris putà & seminis ejusque conceptaculi figurâ, quantumvis viribus conveniat, ab Hyoscyamo distincta & sui potius generis planta censenda est.

Notæ ejus sunt Flos è tubo longo in latitudinem expansus, vasculum seminale bivalve, seminibus minutissimis innumeris refertum, folia in caulibus alternatim posita.

1. Tabaco latifolium Park. Nicotiana major latifolia C. B. Nicotiana major sive Tabacum majus J. B. Hyoscyamus Peruvianus Ger. Broad-leaved Tobacco.

J. B.

Planta nobis æstiva est, caule tres aut etiam quinque, vel plures cubitos alto, pollice crassiore, tereti, hirsuto, copiosâ medullâ albicante pleno: huic folia ampla, Helenio aut Hippolapatho majora, nullo pediculo, latis appendicibus cauli adnata, hirsuta, modicè in acumen desinentia, à medio nervo longitudinem percurrente transversis, nonnihilque sinuatis productis venis, crassis, alternatim dispositis, sapore acido & fervido sed evanido, masticata & contrita colore luteo inficientia: color tum cauli, tum foliis ex herbido in luteum pallescens, utrisque ad tactum glutinosus: caulis fastigium in surculos aliquot diducitur, ad quorum divaricationes folia longiuscula, quorum singulis flos infidet, tres circiter uncias longus, tubulo hirsuto herbaque concolore, paulatim laxiore reddito, tandemque in calathum explicato purpurascens, indivisum, cujus margines tamen in angulos quinque, acuuntur. Flore continentur cum pistillo stamina, quorum apices cinerulâ aspersi sunt griseâ. Floris autem imum obvallat utriculus in quinque lacinias divisus. Semen copiosum minutum, [imò pro plantæ magnitudine minimum & copiosissimum] rufescens, minus quàm in Priapeia, valculis clauditur conicis, Avellanæ vulgaris oblongæ minoribus. Radix alba, fibrosa admodum, insigni acrimonia est prædita. Tota planta odorem habet satis gravem.

In hortis nostris, hyemem interdum tolerat, ut ipse Cantabrigie expertus sum.

Tres alias seu species, seu varietates Tabaci latifolli proponit & describit Parkinsonus in Pa- *Varietates seu species tres.*

1. Primæ folia crassiora sunt & sordidius seu malignius viridia, terram versùs dependentia & non in directum à caule extantia, ut in descripta. Flores in hac specie ferè integri sunt & circinati, angulis parum extantibus & vix apparentibus. Cætera cum præcedente convenit.

2. Secundæ folia ampla, crassa, pingua, basi suâ caulem ferè amplectuntur, lateribus ad se invicem appropinquantibus velut complicata. Flores saturatione purpureo seu potius rubente colore tincti sunt, & productionibus angulis inæquales magis quàm in quovis alio Tabaci genere.

3. Tertiæ folia minora & breviora, basi caulem minimè cingunt, sed pediculis brevibus insident. Flores minores sunt, & tantillo pallidiores quàm primo in loco descriptæ.



2. *Tabacco angustifolium* Park. *Nicotiana major angustifolia* C. B. *Nicotiana sive Tabacum folio angustiore* J. B. *Sana sancta Indorum* Ger. *Narrow-leaved Tobacco*.

Præcedenti latifolia omnibus partibus minorem esse volunt Herbarii, verum quæ in hortulo nostro ex semine Parisiis accepto orta est altitudine saltem latifoliam æquabat imò superabat: nec flores aut vascula seminalia minora nobis visa sunt: verum insigne est foliorum discrimen, quæ non, ut in illa, cauli apprimuntur, sed pediculis hærent satis longis, angustiora etiam sunt & magis acuminata quàm illius. Flores saturatiore esse aiunt, quod nobis non animadvertum; in reliquis satis conveniunt, ut plura addere non sit opus.

3. *Nicotiana minima* C. B. *Tabacum minimum* Ger. emac. *Nicotiana sive Tabacum minus* J. B. *The least Tobacco*.

Peti maris & sceminae semine deciduo sponte nata est Clusio, superioribus paullo humilior, cujus folia, ut in priore, caules amplectuntur, sed multò angustiora, etiam infra secundi generis foliorum amplitudinem: floribus tamen saturatius rubentibus magis hoc quàm illud æmulatur.

Icon quæ extat hujus plantæ non respondet descriptioni Clusianæ, cum folia longis pediculis insidentia pingantur.

Johnsonus apud Gerardum flores ei virentes attribuit, etiam quàm Priapeiæ minores, unde liquet pro Tabacco minimo diversas specie plantas exhiberi. Tabacum autem Clusii minimum, cum ex majorum semine ortum sit, degener quædam species, seu accidentalis Tabaci varietas fuerit oportet, quæ speciem suam non servat seu propagat semine fato.

Vires &  
Ufus.

De Nicotianæ seu Tabaci viribus & usu multi multa. Peculiarem Tabacologiam conscripsit Joannes Neander, Medicus olim Bremanus, & inde Alstedius in sua Encyclopædia: Chrysostomus etiam Magnenus: Raphael Thorius hymnum composuit de Tabaco: Satis itidem prolixus est in ejus descriptione Nicol. Monardes in simplicium Medicam. hist. cap. 14. Vires ejus summam tradunt Schroderus & J. Bauhinus.

Herba recens abstergit, incidit, resolvit, aliquantulum astringit, resistit putredini. Sternutatoria est ac apophlegmatizans, anodyna, vulneraria, vomitoria. Usus præcip. externus, ad catarrhos cerebri exsicandos, somnum inducendum, lassitudinem ex labore discutiendam, uteri strangulatum compescendum. A peste præservat (in suffitu) sedat dentium dolores; dissolvit tumorem uvulæ (in gargar.) medetur lichenibus, phthiriasi, prurigini, achoribus ac favo; mundificat & consolidat vulnera & ulcera inveterata, sanat ambusta quoquo modo adhibita (balneatione scil. vel sola impositione foliorum recentium nostratis Nicotianæ, &c.) Nec tamen prorsus usum quoq. refugit internum, dum pro vomitorio exhibetur sat violento, quâ ratione curat febres aliôsq. morbos: sed cautione hic opus est.

Fumi Nicotianæ in tubo accensæ ore attracti & reddit per totam Europam usus est creberrimus: pituitam elicit & catarrhos exsiccat: unde evacuatis oris & faucium glandulis dentium dolori & capitis gravedini auxiliatur.

Verum quoniam calfacit & exsiccat, usus ejus minùs utilis est, imò nocivus iis qui calidioris sunt temperaturæ, biliosis & macilentis; ut in memetipso expertus sum, nisi cum dentes dolent & fauces humore turgent.

Sunt qui Fumi hoc modo accepti usum damnarit, Audivi (inquit C. Hofmannus) à militibus in Belgio versatis vidisse se dissecta capita eorum quibus patera cerebri ab Anatomicis dicta tota interiùs esset nigra, licet à carnifice interiùs. Audivi à Patricio Norico, qui in superiore bello Bohemico vidit omnes qui in conflictu cum hostibus interierint Anglos habere talia capita. Hinc discant sapere qui alias sapere nolunt. Idem nobis affirmavit D. Boucheret Pharmacop. Londinen.

Si hæc vera sint (de quo tamen est cur dubitem) non indè tamen sequitur fumum nocivum esse, cum multos novimus qui quotidie & copiosè per plures annos eo usi sunt, sanos tamen & validos vitam ad extremam senectutem produxisse, nec ullum inde incommodum, sed potiùs maximum juvamen percepisse: aliis enim ventriculum refocillat & concoctionem promovet, aliis alvum leniter solvit: alii nullum inde commodum, at neq. damnum sentiunt, quibus usus ejus adia-phorus est.

Usus hujus fumi primus in Angliam intulisse dicitur D. Gualterus Raleghæ, ex America redux, ubi servos & mancipia eo usos observavit ad somnum conciliandum.

Foliorum pulvis inspiratus attractusq. naribus (qui mos in Italia usitatissimus est) verbera & cujusvis generis supplicia non finit sentiri, vires addit, augeat animum, & ad labores tolerandos infractionem vim. Verum in eo utendo cauto opus est, ne modum excedas. Hernandez.

Folia Nicotianæ viridia contusa & applicata sedant dolorem podagricum & vim obtinent narcoticam. Inde etiam æstum & pustulas ab Urticis excitatas Nicotianæ succus aut folium viride applicatum restinguit & sanat.

Modum quendam purgandi cerebrum singularem refert Joan. Terrentius notis in Hernandez quem à Capucino quodam didicit, qui se multos à podagra liberasse asserbat. Ex Nicotianæ arido folio quantum Juglandi possis includere sumitur, digitisq. compressum linteolo mundo, vel serico includitur, & in nodulum n. cis Ponticæ magnitudine figuratur, filoque compingitur. Eum nodulum ori indimus & linguâ ad palatum sublevamus per dimidiâ horæ spatium statim effluit pituita tenacissima, fili instar ex ore dependens, quæ capite inclinato in vas subiectum excipitur. Et licet aliqua cerebri vertigo sequatur, ea tamen nisi Cerebrum admodum calidæ sit naturæ, statim evanescit, estque omnino innoxia.

Nonnulli Nicotianam ob vim narcoticam frigidam esse volunt. Verum calidam esse arguunt, odor resinosis non ingratus, & summa acrimonia, quâ & fauces urit, & non minore purgat per vomitum



vomitum violentia quàm ipse Helleborus, ut experientia multorum constat. Tandem nullum (inquit Joan. Terrentius) hætenus innotuit narcoticum, quod non sit calidum.

Ad calculum è renibus abigendum usus aquæ stillatiæ Nicotianæ viridis plures tenaciter adherentes abegit. *Chefneau ex Zacuti, lib. 2. prax. mirand. Observ. 66. E Collectaneis D. Hulse.*

Ad dentium dolorem, & Tabaci probè calcinati in crucibulo, inde in cavum dentis, & statim dolor sedatur, ut pluries expertus sum. *Chefneau.*

Olei Tabaci gutta una vel altera linguæ vel ori Felis aliûve Animalis instillata ocyssimè illud interimit. Franciscus tamen Redi observat non omnia animalia interficere oleum, neq. quæ perimit, eodem omnia temporis spatio: cum magna hoc respectu intercedat differentia inter Tabaci plantas, interq. Animalia in quæ agit. *D. Tancr. Robinson.*

Utuntur Chirurghi ad torporem ubi membra abscindunt. *D. Palmer è dictatis D. Hermann.*

Commendo usum Tabaci in peste; me enim liberabat peste correptum; omnesq. ferè domus, in quibus hæc planta vendebatur & *Noviomagi* & *Londoni* liberæ erant à contagio, cum vicinæ infectæ essent. *Diemerbroeckius de peste. Ex Adversariis D. Tancr. Robinson.*

Ad Paralyfin, & Folia Tabaci viridis, infundantur in vino malvatico. Hoc vino fricentur partes resolutæ post sudores. Præstat omnibus externis remediis. *Hartmannus. Communicavit ingeniosissimus vir D. Edv. Hulse.*

Testatur Anton. Recchus fumum Tabaci in uterum inspiratum, in suffocatione ejus, in difficili anhelitu, mulierum angustia, syncope, mira præstare, atque dicto citius. Ex excerptis *D. Hulse.*

Folia Tabaci si manui, chartæ aut linteo affricentur colorem pulchrè viridem præbent. Observante *D. Merret.* Notis in Anton. Neri p. 265.

Exemplum violentæ vomitionis semper immediatè sequentis insperionem pulveris Tabaci super femur contusum & laceratum habetur *Ephem. Germ. An. 12. Obs. 108. ut me monuit D. Tancr. Robinson.*

Nobilem virum adeò pinguem vidi, ut equo insistere nequiret quin statim sopiretur, nec loco ferè moveri posset: ille tamen nunc huc, nunc illuc vadit, mole illa deperdita, & pristinum habitum recuperavit, quod sola masticatione foliorum Tabaci peractum fuit, ut ipse mihi asseveravit: piruitosis enim & frigidis corporibus utile est. *Petrus Borellius Cent. 11. Obs. 11.*

At masticatio Tabaci non semper & in omnibus eundem effectum habet, ut ipse experientia didici in amico quodam nostro, qui ob id nihilo macilentior effectus est: affirmavit tamen ejus usum dentes antea vacillantes firmasse.

Novi tres juvenes robustissimos à dysenteria liberatos propinando decoctum Tabaci, quod maxima suâ violentia totam mali causam evacuavit, & reliquit anodynam & narcoticam qualitatem. *Diemerbroeck Observ. Medic. Obs. 19.* Quamvis hoc iis bene cessent, nimis tamen temerarium foret, me iudice, illud in exemplum trahere, & Nicotianæ decoctum dysentericis promiscuè propinare, purgat enim violenter tam per vomitum quam per secessum.

Willisius noster Tabaci usum in castris commendat, posse enim commeatûs inopiam, quæ inibi frequens esse solet, supplere, & milites laborum & periculorum minùs sentientes efficere. Morbis insuper castrensibus, colicæ, diarrhœæ, ulceribus, capitis & artuum doloribus, apprimè conducit, tam præservando, quàm sanando.

Lixivium Tabaci frequenter adhibetur in psora & lepra pecudum ac jumentorum. *D. Tancr. Robinson,* qui & præcedentem observationem misit.

Notum & incommoda quæ usum Tabaci sequi solent videri possunt in Sereniss. Regis Jacobi tractatu de Tabaco, & Simonis Paulli de abusu Tabaci.

4. *Priapeia*, quibusdam *Nicotiana minor* J. B. *Nicotiana minor* & *Eyst.* C. B. *Hyoscyamus luteus* Ger. *Tabacco Anglicum* Park. **English Tobacco, by some pellow Henbane.**

*Radix* nunc simplex, digiti minimi crassitie, nunc multiplex plurimas fibras tenellas albentes undique spargit, nec altè in terram descendit. *Caulis* simplex, rotundus, hirsutus, cubitalis & sequicubitalis, solidus, ramosus, digitum crassus in solo latiore, & ad tactum glutinosus. *Folia* in caule non admodum crebra, situ alterno, pediculis brevioribus donata, pingua, atrovirentia, ad margines æqualia, mucronibus obtusis, nec figurâ multùm dissimilia foliis Solani lethalis, verùm minora. *Flores* in summis caulibus & ramulis plures simul brevibus insident pediculis, herbacei seu ex luteo viridantes, oris extrorsum reflexis, & in quinque lacinias obtusas obiter divisas, calathi effigie, quinque intus *stamina* cum apicibus cineraceis & stylo concolore occultant. Insidet autem flos calici hirsuto, viscido, quinquepartito. Succedunt floribus *vascula* subrotunda, umbilicata, glandem virgæ virilis detectam repræsentantia, in binas partes per maturitatem dehiscentia, seminibus innumeris pusillis, sordidè flaventibus referta; gustu acri (ut vult J. Bauhinus.) Planta est annua, ex semine deciduo se renovans. Americæ originem debet.



## CAP. III.

## De Gentiana.

**G**entium Illyricorum regem omnes hujus herbarum inventorem faciunt, eisque nomen suum im-  
poluisse aiunt.

Gentianæ notæ genericæ sunt folia nervosa, in caulibus ex adverso bina, flores calathoi-  
des, margine in lacinias aliquot totidem folia imitantes plerunque diviso, sapor amarus.

## §. Gentianæ majores.

1. *Gentiana major* Ger. *major lutea* C. B. Park. *vulgaris major Ellebori albi folio* J. B. *The most common great Gentian, or Felwort.*

7. B.

*Folia* Hellebori albi foliis paria, circa radicem multa, per caules ex adverso sita, eosdem pediculis  
connatis amplectentia, nervis tribus aut quinque Plantagineis distincta, glabra, polita, lucida, hisque  
notis ab Hellebori albi foliis distincta. *Caules* cubitales, bicubitales, ac etiam interdum hominis altitu-  
dinem assequentes, singulares, læves. E foliorum superiorum minorum sinu flores verticillorum modo  
dispositi erumpunt, calycibus inclusi primum, postea intumescences, explicantur, qui singuli longiusculi  
& lutei: sequuntur vascula oblonga, in duas se partes aperientia, in quibus semen numerosum, le-  
viter rubens, ad Leucoii semen accedens, lævius. *Radix* crassa, longa, multifida, intus flavescent,  
sapore insigniter amaro: quæ cum sit fungosa, ficcata insigniter corrugatur, ac externè rufescit.

Locum.

In montium pratis & pascuis variis in locis observavi (inquit J. Bauhinus) florentem Junio, &  
semen maturantem Augusto. Nos in montibus circa Genevam copiosam vidimus, nec minus in  
Alpium pascuis montosis.

Vires.

*Radix* hujus plantæ (quæ præcipuè in usu est) alexipharmaca censetur. *Ufus* præcip. in peste  
aliisque venenatis affectibus; in obstructione epatis & lienis, &c. & hinc in hydrope, tum in suf-  
focatione uteri, in imbecillitate ventriculi, lumbricis, febribus intermittentibus, morfu canis rabi-  
di, &c. Extrinsecus adhibetur creberrimè in vulneribus ac fonticulis mundificandis, in morfu canis  
rabidi arcendo (cum Theriaco imposita) *Schrod.* Chirurghi ex ea efficiunt turundas ad ulcera &  
vulnera dilatanda. *D. Palmer.*

Ad canis rabidi morsum & ad ventriculi imbecillitatem exhibetur radices pulvis è vino potandus.  
Ad febres pellendas aqua destillata, vel succus inspissatus magnitudine Castanæ aut nucis juglan-  
dis, [dimidium ejus uno die, alterum postridie] deglutendus. *Schroderus* succum hunc creberrimi  
esse usûs scribit in febribus intermittentibus, in quibus ante paroxysmum à 3ß. ad 3j. aut Div. ex-  
hibetur felici cum successu.

*Gentiana* & solitaria & (vetus experimentum tentantibus) tantillo nucis vomicæ sociata nobis  
quoque olim in gregariis haud parùm certa, æquivalens aut constantius quid quàm nunc carior illa  
China China seu pulvis patrum præstitit. *Dan. Ludovicus de Pharmac.* moderno sæculo applican-  
da, p. 257. Communicavit *D. Tancrèd. Robinson.* *Dolæus* Lib. 3. Cap. 12. S. 12. Inter febrifuga  
Chinæ de China à plerisque æquiparari Gentianam scribit, quæ itidem cum vino exhiberi potest, vel  
in forma extracti in pilulis, vel in decocto.

Putredinis *Gentiana* hostis infestissima & veneni mors (inquit Lobel.) Pesti adeò præsens reme-  
dium, ut non modò homini sed etiam brutis, incolumitatem tueatur, & amissam restaurat, eoque  
solita Helvetia istam cum Flammula porcis propinare ne anima in vivo cadavere puteret.

Simlerus in descriptione Alpium refert pastores uti Gentianis ad ubera vaccarum, si à muribus A-  
raneis aut aliis bestiis venenatis lædantur.

Puer quidam integro anno cæcus Rad. Gentianæ incisæ & in vino ad dimidiæ partis consumptio-  
nem coctæ decocto oculis siphunculo injecto manè, per tres vel quatuor dies, convaluit. Oculos

\* *Observ.* 175. autem vellicabat & dolorem excitabat. Ex \* *Observ.* Reusneri à Velschio editis excerptis *D. Soame.*

2. *Gentiana magna flore purpureo* & albo J. B. *major purpurea* C. B. *major flore purpureo*, &  
*major flore albo* Park. *major purpurea* 1. *Clusii* Ger. *emac.* *Great purple Gentian.*

Clus.

A vulgari majore luteo flore nihil formâ differt; etenim ampla habet folia, Ellebori albi foliis haud  
multum absimilia, sed teneriora & saturatiore viriditate splendentia: *caules* digitali aut pollicari inter-  
dum crassitudine præditos, rotundos, cubitales, nonnunquam bicubitales, geniculatos, quos ambiunt si-  
milis folia, aliquantulum tamen angustiora, ex adverso sibi opposita. Extremos caules ambiunt  
binæ aut ternæ confertorum florum coronæ, qui non sunt lutei aut stellati, ut in vulgari majore,  
sed purpurei, majores, concavi, in fenas aut plures lacinias obtusas extremis oris secti, & purpureis  
quibusdam punctis, inferiore & interiore parte, quæ candidiores & dilutiores sunt, distincti, odoris  
expertes, totidem quot sunt lacinie staminibus longum & bifidum vasculum internè ambientibus,  
in quo continetur copiosum semen, planum, paleaceum, minus quàm in illa flava majore stellato  
flore, subrotundum. *Radix* crassa longa, foris plerunque flava, intus alba, impensè amara, digitalibus  
fibris subinde prædita est, singulis annis nova germina (quemadmodum major flava) preferens, &  
multo



multos caules ex eodem capite producents, præsertim cum adolevit, sed qui alternis duntaxat annis floriferi esse solent, interquiescente nimirum uno anno à partu matre.

In Stiria superioris Alpibus invenitur hoc genus flore albo *Clus.*

*Gent. purp.* in Pannonicarum Noricarumque Alpium jugis sponte & quidem copiose exit.

Verum neque hoc neque illud genus cicurare unquam potuit *Clusius*, aut ullâ diligentia efficere ut in hortis permanere vellent, nedum flores proferre. Quin cultura beneficio deterior evadit.

Floret Augusto, semen Septembri maturescit, nova nive cadere incipiente.

Locum.

Tempus.

- \* 3. *Gentiana major pallido flore, punctis distincto* *Clus. major flore punctato* *C. B. major flore pallido punctato* *Park.*

Superiori magnitudine & formâ planè similis est: flores tamen paulò minores visi sunt, obsolete lutei, plurimis maculis nigris intus & foris aspersi.

In Silesia montibus eruit *Achilles Cromerus*, medicus Nissensis, & ad Clusium misit. Huic relationem ab illo qui eum deducebat, in alio quodam præalto monte, aliam formâ non dispari reperiri quæ cœruleo flore esset. Hæc omnia *Clusius*. Verum hujusmodi ducum fides plerumque vacillat.

Locum.

4. *Gentiana Asclepiadis folio* *C. B. Park. folio Asclepiadis vulgo creditæ* *J. B. major 2. cœruleo flore* *Clusii Ger. Gentian, with Swallow-wort leaves.*

Caules plures ab eadem radice ad cubitum altos tollit, graciles, articulatos, duos firmosque, quorum singulis juncturis (quæ crebræ sunt) bina ex adverbo posita folia adnascuntur, *Asclepiadis* foliis formâ & magnitudine respondentia, mollia, quinque nervis secundum longitudinem excurrentibus insignita, mucronata, dilutius virentis coloris. A medio caule ad fastigium usque ex alarum sinu singulares ex adverbo siti exiliunt flores [interdum bini aut plures] oblongi, concavi, calathi formâ, quinque laciniis per extremum divisi, colore nunc purpureo & saturatiore cœruleo, modò dilutiore & velut cineraceo, quinque pallidis staminibus umbilicum occupantibus. Vasculum sequitur bicornis, quo per maturitatem hiante semen conspicitur planum, paleaceum, cineracei coloris, superiore minus. Radix lutea, digitalis crassitudinis, multas oblongas fibras ejusdem coloris in latum spargit, singulis annis augescens & nova germina proferens, valde amari gustus. Fertilior hæc est superiore, nec ut illa interquiescit, sed singulis annis, vetustior videlicet, multos caules floribus ornatos producit.

Copiose in Stiria, Pannonia & Austria inferiore provenit, ad montium radices, umbrosis collibus, nusquam verò in fummis & apertis jugis. Nos eam in montosis humidioribus propè Lindaviam & lacum Acronium, & ad latera montium in Stiria, propè *Shadwin* & alibi copiosissimam observavimus, ad sepes plerumque & in umbrosis.

Locum.

Pertinax quidem hæc est & ferè mitiora loca respuit (inquit *Clusius*) interdum tamen curâ & diligentia effecimus ut in hortis comprehenderet, & singulis annis repullularet, & flores ferret: at tamen quasi nativo aere & pabulo privata, atque tanquam compedibus vineta lugere videbatur, ac pristini vigoris & elegantie plurimum amittere.

Slavonici rustici hujus radices decoctum feliciter calculosis propinari experimento se compertum habere affirmant. Aretius & *Jos. Simlerus* tradunt eâ pastores uti ad ubera vaccarum, si à muribus araneis aut aliis venenatis bestis lædantur, curanda.

Viros.

5. *Gentiana cruciata* *C. B. Park. minor cruciata* *Ger. minor seu vulgi Crucata* *J. B. Cross-wort* *Gentian.*

*J. B.*

Reptant cum radice rami palmares, sesquipalmares & dodrantales, subrubentes, teretes: quos crebra ambiunt folia, bina semper adverba, vel potius unum continuum ad genicula, tanquam vaginâ caulem involvens, cujus utrinque exit segmentum *Gentianæ*, quadruplo minus, *Saponariæ* folio simile, tribus secundum longitudinem nervis insigne, læve, pingue, antiarum. Flores in ramulis extremis è foliorum alis conferti, cœrulei, quinquepartiti, è calicibus vix eminentes. Semen copiosum, minutum, oblongum, fulvum, insipidum, vasculis continetur oblongis, bipatentibus, folliculo membranaceo obvolutis.

Duas hujus differentias observasse videor (inquit *Clusius*) unam ramis humi procumbentibus & minorem, alteram firmis & erectis caulibus, eamque majorem: flores item alterius magis cœrulei spectantur, atque illarum altera radicem in foramina sectam minimè habet.

Varietas.

Nascuntur verò ea per universam Pannoniam, tum in collibus montibusque apertis & gramineis, tum siccioribus pratis & herbosis secundum vias publicas locis. Nos cum *Dod.* & *Trag.* in pascuis montosis inque collibus & incultis agris & secus itinera in Germania passim provenientem observavimus.

Locum.

Hujus radices recentioribus magnis laudibus efferuntur contra pestilentiam, & venenosorum animalium ictus. *Matthiolus* radicem tusam & ventri emplastri modo impositam ad vermes intestinorum, remedium expertum affirmat, necnon ad strumas ulceratas sanandas eodem modo tusam quæ nuper effossa sit, vel siccam in pulverem contritam valere.

Viros.

Cum autem amara sit & foliis & radice verisimile est eadem præstare quæ reliqua amara.



§. 2. *Gentianæ minores seu Gentianellæ.*

1. *Gentianella verna major* Ger. emac. *Alpina verna major* Park. *Alp. magno flore* J. B. *Alp. angustifolia magno flore* C. B.

J. B. Clus.

Graciles habet *radices*, longiusculas, plures coherentes, flavescentes, propagines è lateribus producentes: *Folia* humi fusa in orbem crebra [fena aut octona Clus.] bina semper ex adverso se spectantia, duplotriplève Hippii majora, unciis duabus interdum longiora, semunciam aut unciam ferè lata, in acumen desinentia, crassiuscula, unico nonnunquam, aliàs tribus per longitudinem nervis donata, lævia, Myrti latissimæ foliis ferè æqualia, impensè amara. Ex horum medio *cauliculus* exilit uncialis, quaternis plerunque foliolis multò minoribus, binis tamen alternatim semper contrario situ nascentibus oblitus, unde calyculus emergit unicum *florem* continens, magnum præ stirpis proportionem, calathi aut Campanulæ modo concavum, longum duas trèse uncias, in quinque angulos desinentem [J. Bauhino in quinque lacinias divisum] mucronatos, cum duabus utrinque ubi lacinia findi incipiunt appendiculis, elegantissimo & maximè vivido cœruleæ purpuræ colore, pallido pistillo intus prominente, qui quinque quodammodo costis ex infima ipsius floris interiore sede prodeuntibus fulcitur. *Florem* subsequitur longum & mucronatum *vasculum*, quod sese in duas æquales partes aperiens *semen* ostendit exiguum, striatum terrei coloris.

Locus & Tempus.

Crescit in Sneberg. & Etcher abundantissimè aliisque Alpibus continua serie productis, perpetuè quasi nive oblitis, ubi Junio & Julio, hoc est primo istic vere floret: Sub Julii verò finem & Augusto semen maturitatem adipiscitur: at in mitioribus locis in quibus rariùs invenitur, atque in hortos translata, Aprili & Maio. Clus. Nos speciem hanc in altissimo vertice montis Juræ Thuri dicto invenimus. Quamvis autem nonnisi in editissimis summorum montium jugis sponte proveniat, culturam tamen patitur, & hortis nostris haud difficulter assuefcit; ob floris pulchritudinem ab hortulanis & florum amatoribus summo opere expetita & studiosissimè culta. Amarissimus est totius plantæ sapor (inquit J. B.) ideòque jecinoris vitis nempe regio morbo & obstructionibus auxiliatur.

- \* 2. *Gentianella Alpina latifolia magno flore* C. B. prod. *major, sive Gentianella Alpina latifolia magno flore* C. B. Park.

C. B. prod.

Ad *radicem* nigricantem fibrosam *folia* humi sparsa quaterna quinave, subrotunda, crassa, Plantaginis vel Calthæ Alpinae formâ, unciam lata, duas longa: inter quæ *cauliculus* uncias quatuor altus, uno alterove folio donatus, cui utriculus insidet, unicum *florem* oblongum, cœruleum calathio similem sustinens, cujus calyci utrinque folium oblongum adponitur.

Locus.

Ex Helvetiæ Alpibus habuit C. Bauhinus.

3. *Gentianella minor verna* Park. *Alpina verna* Ger. *Alpina verna major* C. B. *Gentianula quæ Hippion* J. B.

J. B.

Singulari assurgit *cauliculo* gracili, aut subpurpurascens aut viridi, in quo fena aut plura pauciorave *folia* trinervia, bina semper inter se ex adverso respondentia. Caliculum summo fastigio fert, è quo *flos* longus inodorus exilit, extrema parte in quina velut foliola divisus, cœrulei coloris adeò elegantis & vividi, ut ipsum cœlum quod imitatur provocare videatur: singulæ floris plicæ aut foliolarum latius lineam candicantem habent, & alia quina tanquam mucronata foliola aut appendices lacinias floris ab invicem sejungentes: pallefcencia staminula medium *florem* occupant. Floribus succedit longiusculum *vasculum* mucronatum exile, durum rotundum *semen* continens. Ex eadem radice, quæ flavescent & fibrosa est, & quodammodo summa tellure spargitur, plures aliæ plantulæ assurgunt, quarum nonnullæ in cauliculum attolluntur & similem flosculum proferunt, alia duntaxat producant *folia* humi strata & veluti in orbem disposita, interdum Lenticulæ non majora, interdum semuncialia aut longiora, nervosa.

Locus.

In montibus circa Genevæ copiosè provenientem observavimus: Clusius in celsissimis Sneberg, Snealben, Etcher & Durrenstein jugis herbido solo, ubi sub finem Junii floret, at in mitioribus vicinis collibus & ficcioribus pratis Maio, semenque sub extremum Junium profert. Minus hæc hortum ferre potest quàm superior & omnem culturam respuere videtur. Clus.

4. *Gentianella purpurea minima* Col. Gent. *Alpina verna minor* C. B. The least purple vernal Gentian. *Gentianella æstiva minima Neapolitana* Park.

Col.

Eodem tempore iisdemque locis quibus proximè sequens invenitur & floret hæc etiam (inquit Fabius Columna, descriptionis autor) quæ minor altitudine, sed fruticosior ab imo ad summum. *Radice* nititur longiore, fibrosa, tantundem ferè intra terram ramosa & se extendente, ac supernè assurgit & se expandit. *Folius* eodem modo in terram stratis, binis utrinque, densè in imo caulibus hærentibus cruciatim, oblongioribus admodum proximè describendâ, angustioribus tamen: *caule* brevior, ab imo singulis geniculis ramoso, purpurante, magisque quadrato. In summo *flores* ex calicibus parvis atque profundè admodum in quatuor apices divisus, oblongo tubulo, inani, calathi effigie, multum exerto, atque in quatuor parvas hiantes parùm lacinias se dividentes conspiciuntur colore ex rubro purpurante, quorum medium sive umbilicus villosus est atque candicans, sicut & dilutior



dilutiores laciniarum oræ. Utriculum habent medium oblongum, teretem, bifido capite atque semine turgido, flavente, minuto, rotundo nitido, & reliquis omnibus pro proportionem plantæ crassiore, & ab illis diverso, Irionis lævis semini æmulo, Julio mense dissecto per medium vasculo effluente. *Radix* sapor acris & amarus.

Flore in quatuor lacinias diviso cum sequente planta convenit.

5. *Gentianella cœrulea oris pilosis* C. B. *Autumnalis fimbriata flore* Park. *Gentianula lanugine ad singulorum foliorum floris lacinias donata, flore quadripartito* J. B. **Autumnal Gentian with a fringed flower.**

Col.

*Radice* est longa, tenui, repente, perenni, nodosa & oculos habente, flavâ [J. Bauhino albida] gustu amaro. *Folia* angusta sunt admodum & lævia, Lini ferè paria, sed breviora, nec supra radicem densa, imò rara, & ab imo bina ex minimis [J. Bauhino unciâ breviora] semper ad singula genicula majora ad medium usque caulem, deinde paulatim decrefcentia, nervo unico secundum longitudinem decurrente. *Caules* sæpe singulares, aliquando plures, dodrantes & minores, quadranguli striis descendentes ex quolibet foliorum geniculo utrinque, in ramos aliquot divisi. In summo *calix* extuberat ex rotundo quadratus, purpurascens ex viridi, quatuor apicibus magnis *florem* circumdans oblongum, satis exertum colore cœruleo, calathoide, in quatuor duntaxat partes profundas divisum, non mucronatas, sed rotundas modicè & crenatas, quarum latera utrinque barbitio donata cœruleo, nec ullam habent ad imum laciniæ intrinsecus lanuginem, fimbriis tamen foliolorum circa centrum ob convolutionem elatis: foliolum enim alterum alteri infidet atque ex illo ortum ducere videtur. Medium occupant *apices* quatuor, obsoleto minio tincti, staminibus albidis infidentes. *Vasculum* seminale longum, quadrangulum, in duos apices albicantes desinens, in quo semen continetur minutissimum nigrum, quod findente se ut in aliis, utriculo decedit.

Hanc speciem in Germania non procul *Weissenburgo* invenimus cum ab Augusta ad Norimbergam *Locus*: iter faceremus: J. Bauhinus plures locos meminit in Germania. F. Columna in *Æquicolorum* montibus, *le Fosse* dicto loco observavit.

Mense Septembri in Germania floret; in Italia etiam Octobri & ad hyemem usque durat, nec *Tempus*. florida translata perit.

C. Bauhinus ex hac unica specie, ni multum fallimur, duas trêse facit, nimirum *Gentianam* Alpinam VI. seu *Gent. cœruleam oris pilosis*; item *Gentianam* pratensem VII. seu *angustifoliam* Autumnalem minorem floribus ad latera pilosis: itémque ex sententia *Cerberi* pratensem VI, seu *angustifoliam* Autumnalem majorem, quamvis sub hoc titulo duas species miscere videtur, ut *Synonyma* conferenti patebit.

- A. 6. *Gentiana palustris angustifolia* C. B. *Pneumonanthe* Ger. *Gentianella autumnalis Pneumonanthe dicta* Park. *Gentiane species, Calathiana quibusdam radice perpetua, sive palustris* J. B. **Dwarf Gentian or Calathian Violet.**

J. B.

Udos amat pratorum margines & humentia ericeta, singulari, aliàs multiplici, supra cubitalem altitudinem, recto, tenui, flexibili, geniculato *caule* assurgens: per quem aequalibus spatiis adversa conscendunt *folia*, palmari nonnunquam longitudine, culmum lata, superius atrovirentia, infernè dilutiora, trinervia, ut sunt omnium *Gentianarum*; è quorum sinu à medio ferè caule summo tenus prodeunt ramuli, *flores* jam singulares jam duos aut plures, elegantes, cœruleos, in quinque lacinias extrema parte divisos, calathi formâ, proferentes. *Radices* plures longæ, luteæ, amaræ. Clusio *radix* crassiuscula, circa summum caput in aliquot longas, lentâsque & flavescences fibras dividitur.

In agro Lincolnienfi & Eboracensi in ericetis humidioribus copiosè provenit: Invenimus & in *Locus*. transmarinis v. g. in pratis humidis ad radices montium, Lindaviâ non procul, in Germania. Statura & magnitudine pro ratione loci insigniter variat.

- A. 7. *Gentianellæ species quibusdam, An Cordo Pneumonanthe aut Gentiana fugax altera Clusii* J. B. *Gentianella Autumnalis Cœnaureæ minoris foliis* Park. *Gentiana pratensis flore lanuginoso* C. B. *Gent. fugax minor* Ger. **Dwarf Gentian or Dwarf Autumnal Gentian or Felwort.**

*Radice* nititur simplici, lignosâ, subluteâ, rectâ descendente, paucissimis fibris donatâ: *Caulis* exurgit nunc unicus, interdum plures, altitudine palmari aut semipedali, quadratus, ex viridi saturatè rubens aut purpurascens, fractu contumax & valdè ramosus; *foliis* cinctus ex adverso binis, nullis pediculis immediatè adnatis, longitudine digitali, è latiore principio paulatim in acutum mucronem facessentibus, tribus nervis insignioribus secundum longitudinem decurrentibus, obscurè virentibus & in atrum nonnunquam vergentibus. *Flores* ex alis foliorum exeunt, propè summitatem caulis crebri, purpurascens, è longo & majusculo tubo in quinque semunciales mucronatas lacinias expansi. Segmentorum basi in circulum disposita adherent foliola erecta, in tenuissima filamenta divisa [J. Bauhinus pilos barbulâsve purpurascens vocat] quorum coitus tubulo occultata quinque stamina cum stylo viridante continet; sunt autem sapore luculentius amaro quàm folia, non sine acrimonia quadam. *Vasculum* seminale oblongum, teretiufculum, per maturitatem summa sui parte bifariam diffilit, & semen effundit rotundum, obscuri coloris, pro plantulæ proportionem satis grande copiosum. Sapor totius plantæ amarus & calidus, radicis autem fatuus.

Floret apud nos sub exitum Augusti, aut aliquanto citius.

*Tempus.*

Hæc



Hæc est species illa in cretaceis collibus per totam Angliam frequentissima, quam Herbarii nostri in duas distrahunt. Consule *Ger. emac.* Estque *Gentiana fugax* 2. *Clusii*, cujus nota characteristica est, quo singulæ floris lacinie infimâ internâ parte purpurea lanugine pubescant.

Ab hac non differt specie (ut suspicor) *Gentiana fugax* quarta *Clusii*, quam se in Britannia non procul Dovera, observasse meminit, ubi aliam à descripta diversam *Gentianellæ* speciem nasci, mihi persuaderi vix patior, inquirant alii.

*Gentianella fugax quarta Clusii, flore dilute purpurascens & cæruleo elegantissimo J. B. Gent. brevi folio J. B. Gent. fugax minor Ger. Gent. autumnalis Centauræ minoris foliis Park.*

Dodrantedem non superat *cauliculis* & ramulis exilibus, minoribus etiam *foliis*, *Centuarii* minoris foliis penè paribus. Flores minores habet, licet formâ superioribus non absimiles, qui aut dilute purpurascunt, aut cærulei coloris elegantissimi sunt. *Cornicula* subflavo exili *semine* plena sunt. *Radix* licet tenuior à reliquis hujus generis non valde differt.

Hanc plantam à *Gentiana fugaci* secunda *Clusii* non differre specie suspicamus, ut superius monuimus: nec enim *Clusius* ipse ullas differentie notas adducit præter parvitatem omnium partium; quæ plerumque natalibus locis imputanda est.

\* 8. *Gentianella annua seu fugax prima Clusii flore ex cæruleo purpureo exiguo J. B. Gent. autumnalis ramosa C. B. Gent. æstiva purpureo-cærulea Park.*

*Clus.*

Cubitalem habet *caulem* firmum, geniculatum per quem ad singulos nodos sparsa sunt bina semper *folia*, sibi ex adverso opposita, trinervia, lata sede & sine pediculo cauli in hærentia, sensimque in longum mucronem definentia. Ab imo ferè caule è foliorum alis nascuntur dodrantes & pedales *ramuli*, tenues, minoribus foliis septi, quinos, septenos, aut plures *flores* foliis cinctos proferentes, in quinque mucronatas lacinias divisos, exiguos pro plantæ magnitudine, purpurascens ex cæruleo coloris: iis succedunt longa & angusta valcula, tenui *semine* plena. *Radix* singularis est, exigua, paucissimis fibris prædita.

*Locus.*

Nascitur in pratis herbidisque locis ad radices montium sitis, Julio & Augusto flores proferens. Hæc omnia *Clusius*.

\* 9. *Gentianella fugax tertia Clusii, flore virescente & subcæruleo, brevior & major J. B. Gent. flore brevior & major C. B. æstiva flore brevior Park.*

*Clus.*

Pari ferè (inquit *Clusius*) cum secunda [i. e. *Gentianella fugaci* nostrate] excrefcit altitudine, nec minùs frequentibus ramis est prædita: *caulis* etiam quadrangulus: terni aut plures in singulis ramulis *flores*, superiori similes, i. e. secundæ, sed breviores ampliorisque, virescentis initio coloris, deinde subcæruleo: quibus longa *cornicula* seu mucronata membranacea valcula, *semine* plena, ut in superiore, succedunt: *folia* in singulis nodis multò latiora, mucronata, trinervia, ex adverso inter se sita, viridis saturi & quodammodo nigricantis coloris. *Radix* superiori [secundæ] similis.

*Locus & Tempus.*

Obvia est hæc in omnibus pratis in sublimi sitis & montium jugis, florétque seriùs, Augusto videlicet.

\* 10. *Gentianella fugax quinta Clusii, flore cæruleo colore elegantissimo J. B. Gent. Alpina æstiva Centauræ minoris foliis C. B.*

*Clus.*

Longè exilior [quàm quarta *fugax*] vix trium unciarum altitudinem æquat, licet multis alis prædita: *foliola* *Centaurii* minoris in singulis geniculis, aliarum more habet: *flores* minori *Gentianellæ* vernæ perfimiles, venustissimo cæruleo colore præditos: *cornicula* qualia superior, [fugax quarta *Clusii*] admodum exili & nigro *semine* plena: *radicem* quàm in superioribus minorem, sed frequentioribus fibris donatam. Impensè amara est.

*Locus & Tempus.*

Floret in *Etscheri* jugis Augusti initio.

*Calathanam* vernam *Dalechampii* *C. Bauhinus* huic eandem facit, *Joannes* ejus frater aut *Cherlerus*, diversam. Differt floris colore è cæruleo purpurascens, albis intus staminibus.

Nos in ampla planitie prope Augustam *Vindelicorum* quam pertranseunt qui *Monachium* *Bavariæ* iter faciunt, copiosam invenimus *Gentianellæ* speciem Augusti mensis medio florentem, quam *Gentianellam* *Alpinam* minimam flore unico cæruleo elegantissimo denominavimus, quæ forte huic eadem fuit: aut potius

11. *Gentianella minima Bavaria Cam. minima elegantissima Bavaria Camerarii Park.*

Quæ duum generum est, major & minor. Major ramulos aliquot humi spargit foliis crebris *Centaurii* minoris similibus obliquis, verum nonnihil acuminatis; in quorum uniuscujusque fastigio flos unicus coloris cærulei amoenissimi, in quinque folia expansus. Aliam hujus speciem exhibet omnium minimam foliolis subrotundis.

12. *Gen.*



12. *Gentianella astricta cordata* Park. *utriculis ventricosis* C.B. *cærulea calice turgido pentagono nobis; cærulea cordata* Col.

Col.

*Radix* huic pusilla, fibrosa, tenuis, ex albo pallens & lignosa: ex qua *foliola* unguis minimi magnitudine prorumpunt, bina ex adverso opposita, inferiora minora atque subrotunda, effigie *Gentianæ* majoris vel *Arnoglossi*, lœvia, unico per medium discurrente nervo, ex viridi flavescentia. *Caulem* habet semipedalem ad summum, quadratum, striatum, purpurascens; foliis binis in singulis geniculis ex adverso oppositis hærentibus; à medio ad summum ferè alis divisum brevibus, in quibus *utriculi* ventriosi, magni admodum respectu plantæ insunt, ex albo viridantes, inanes, limbis quinque cartilagineis latis quinque angulos constituentibus, & in totidem ora acuta desinentibus, in quorum summo primum *flos* emicat parùm se exerens, convolutus, colore ex albo purpurascens; deinde subcrescens atque hians, quinquepartitus stellam foliolis repræsentat, adeò præstante cæruleo colore atque amœno, ut vix fictitius ex lapide Lazuli, *Ultramarinus* dictus æquè pulcher sit: & inter quinas illas floris lacinias majores alias habet intermedias parvas, cordis figuram imitantes, quæ aliis defunt quæ lineam veluti nervum albam habent, atque adeò floris centrum albicare cernitur. *Flos* enim non pluribus foliis sed unico tubuli instar cavo quod in extremo in stellam divisum est, constat, quamvis è pluribus componi videatur. In medio *staminula* quinque & fructus caput cernuntur. *Seminis* verò *conceptaculum* oblongum, teres, angustum, collo longo in summo capitato; in hoc ab aliis differens, quod perfectum à summo finditur copiosumque emittit minutum arenæ instar sed oblongius duplo semen, nigrum. Sapor amarûs, ingratus ut congenerum.

Copiosè provenit in ampla illa planitie propè Augustam Vindelicorum, quam pertransivimus veniendo à Monachio Bavaricæ. Floruit sub finem Augusti. Maturius floret, nimirum Junio, in pas- Locus. cuis montium Æquicolorum, ubi eam invenit Columna, propè S. Angeli dirutum antiquum templum supra Villam *Flaminianum* dictum.

Hæc species ab aliis nobis observatis *Gentianellis* in eo differt, quòd floris tubus non eminet omnino supra calicem, sed foliola tantum, in quæ summa parte dividitur, expanduntur supra eum ut in *Caryophyllis*.

- \* 13. *Gentiana Pennæi cærulea punctata* Park. *punctato flore subcæruleo Pennæi* J. B. *palustris latifolia flore punctato* C. B. *Pennæi minor* Ger.

Clus.

*Caulem* habet geniculatum, cubitalem, supra radicem aliquantulum rubentem: folia *Gentianæ* similia, ex intervallis bina, sed multò minora, venosa, quorum inferiora majora sunt, & longiora, pediculis rubentes habentia, superiora verò cauli sine pediculis adhærent, eumque ferè amplectuntur. A medio penè caule è foliorum cavis oriuntur flores pentaphylli, striati, utrinque tres, rariùs bini nisi circa summum caulem, foliis quinque subcæruleis constantes, nigricantibusque punctis elegantissimè notati, [unde nomen] quinque *staminibus*, quorum *apices* lutei, præditi. Floribus succedunt *vascula* cum *seminibus* *Gentianæ* similia, minora. *Radix* parva, multis fibris prædita, ex fusco lutea.

Provenit copiosè in Bokemuto Suitensium monte: floret Augusto. Locus.

- \* 14. *Gentianella Indica Bontii*.

Bont.

Quoniam (inquit) herba hæc tum formâ, tum floribus cyaneis *Gentianellæ* patriæ optimè respondet, meritò mihi *Gentianellæ* nomen illi indidisse videor; gustu tamen non amaricat, namque Gu- Vires. faratis & Indis inter olera ac *Seir* suum reponitur: tum alvum modicè ciet, urinas movet, obstructi- onibus denique viscerum tollendis inservit, ut meritò inter medicamenta alimentosa reponenda sit. Folia in usu sunt adversus tibiæ & pedum ulcera hic admodum familiaria, propter exsiccantem & abstergentem ejus vim. Aquam quoque ex illius foliis elicimus, quæ conducit colicis doloribus, diuturnis diarrhœis, cæterisque ventriculi & intestini affectibus à frigore ortis.

Hanc plantam veram & genuinam *Gentianellæ* speciem non esse suspicor. Hic maneat donec certius constiterit ubi disponi debeat.

- \* 15. *Bandura Cingalensium Gentianæ Indicæ species* P. Amman. *Planta mirabilis destillatoria* *Grimmii*.

Amman.

Capulis & seminibus *Gentianæ* est conformibus: Conspicius est in ea præter capsulas feminales folliculus foliaceus folio appensus, ad medietatem aquâ potabili dulci plenus, penem exprimens, qui aliquando longitudinem pedis & crassitiem brachii longè excedit.

Hujus iconem *Ephem. German.* An. 11. Obs. 146. exhibuit *Grimmius*, & præterea de ea addit, *Radix* ex terra humorem attrahit, qui beneficio radiorum Solis in plantam ipsam ascendens, per caules & nervos foliorum defluit, & in hoc naturali vase recipienti tandem reservatur, donec ad necessarium hominis usum adhibeatur. Receptacula hujus humoris quandiu nondum ad extremam provenerunt maturitatem superius operculo eleganti clausa sunt, quod interdum digitis pressum diffi- lit, hancque dulcem limpidam, amabilem, confortantem & frigidam aquam suppeditat, ita ut in- terdu sex vel octo receptacula plus minù tantum aquæ contineant, quantum unius hominis sitim, cum maximâ delectatione, bene restinguere possit. Interdu receptacula ferè plena sunt, interdum semiplena



- Vires.* semiplena & nonnunquam vel minus inest, nec etiam omnes eandem habent capacitatem, quod proficiscitur à constitutione aëris, prout ille diu siccus, calidus vel humidus extiterit.
- Vires.* In medicina suas etiam habet virtutes. *Radix* adstringentis est facultatis. *Herba* frigefacit & humectat, & potest succus cum proprio destillato liquore expressus internè usurpari ad febres ardentes, & externè ad inflammationes, Erysipelata & similia.
- Locus.* Crescit non longe à *Columbo* in humidis & umbrosis Sylvis.

## CAP. IV.

## De Convolvulo.

**C**onvolvuli notæ sunt viticulæ seu cauliculi perticis aut plantis vicinis se circumvolvendo scandentes, quamvis hæc nota non perpetua est in omnibus speciebus, nam *Dorycnium Creticum* *Alpini* aliis notis essentialibus & genericis cum *Convolvulis* convenit, & tamen erectum est. Vasculum seminale in terna loculamenta, quorum unumquodque semina bina majuscula, angulosa continet, divisum; Flos campanulatus margine integro; succus in plerisque speciebus lacteus.

1. *Scammonia Syriaca* C.B. *Syriaca legitima* Park. *Syriaca, flore majore Convolvuli* J. B. *Scammonium Syriacum* Ger. *Scammon* J.

J. B.

E radice longa, crassa, [brachiali crassitudine, foris obscurè cinereâ, intus albâ, fibrosâ] lacteo succo prægnante, multas aliquot cubitorum viticulas profert, proximis radicis sese convolventes scandentisque: folia triangula, ceu hastilis barbatus mucro, Smilacis lævis æmula, sed minora, glabra, tenuia, pulchrè viridia, pediculis brevibus insidentia. Ex alis foliorum propè summos caules exeunt flores pulchri, calathoides, purpurascens, Helxines Cissampeli floribus proximi; quibus succedunt capsulæ seminales rotundæ seu globosæ, seminibus intus nigris angulosis.

\* Annot. in  
Theophr. hist.  
lib. 9. cap. 10.

Radicis fissæ torulus five cor medium exemptum (inquit \* Jo. Bodæus à Stapel) planè idem est radici communis & probatoris Turbith Officinarum: verum aliquanto facilius frangitur hæc, tametsi perinde gummosa succoque lacteo prægnat atque Turbith.

Locus.

In calidis pingui exit solo, velut in Asia Mysia, Syria aliisque similibus. Reperitur & in Creta insula, Bellonio teste.

- \* 2. *Scammonia macrorrhizos* Alpin. exot. *macrorrhizos Cretica* Park.

Alp.

In omnibus cum *Scammonio Syriaco* convenit, hoc excepto quòd non habet radicem crassam, sed longam, solummodoque ut pollex crassam: lacteo verò succo purgatrice non minus quàm *Scammonium* mader.

Locus.

Ex insula Creta accepit Alpinus.

3. *Convolvulus Scammonia foliis* [et flore] æmulus Moris. An *Scammonia rotundifolia Virginiana* Park?

Moris.

Radice est crassa, in terram se demittente, atque longè latèque rependo sese propagante aliis radiculis, ex quibus pullulant novæ plantæ. Folia gerit *Scammonia*, triangularia, multò latiora ad basin quàm sunt *Scammonia* folia, minùs tamen acutis angulis. Flores habet dilutè pallidos, campanulatos, herbacei omnino coloris, *Scammonia* quodammodo æmulos: capsulas seminales tribus loculamentis, triplici membranarum serie separatas itidem, atque in singulis bina continentes semina angulosa, nigra aut potiùs fusca. Primo intuitu si juxta *Scammoniam* collocetur, ab ipsa primò foliorum structurâ, deinde radice longè latèque sub terra repente dignoscitur, cum *Scammonia* radicem longam, crassam Napi aut Raphani majoris instar obtineat. Lactescit ut aliæ pleræque sui generis.

Vires.

*Scammonium* purgat validè humores biliosos acres, serosos è partibus remotis, adeoque creberrimi usus est non modò per se, sed cum aliis admixtum.

Verum cum magnæ sit acrimoniæ (inquit Schroderus) intensæ caliditatis & siccitatis, infensæ malignitatis, mordacis flatulentia, excessivæ attractionis, ideoque aptum natum quod intestina erodit, viscera, cor, hepar, &c. conturbet, ventriculum flatibus mordacibus lacestât, vi suâ calefactoria ac exsiccatoria inflammet, & consequenter febres inducat; vi attractoria hypercartharses causet, correctione opus habet.

Quinque vitia habere aiunt, quibus nisi occurras luet æger tuus.

1. Est, quòd flatus quosdam mordaces gignat, usque adeò ventriculum lacestentes, ut sumentibus nauseam commoveant. Noxa hæc tollitur, si in excavato cydonio malo clibano aut prunis inassetur, pastâ undique circumlitâ, præsertim additis aut Dauci, aut Fœniculi, aut Apii semine, aut Galangæ.

2. Quòd inflammet acedinis, exsuperantiâ corporis spiritus, quo fit ut facilè febres excitet, iis præcipuè qui obstructionibus viscerum & humoribus putrescentibus obnoxii sunt. Sed id nocumen-



ti aufertur admittis inter coquendum quæ refrigerant & fervorem extinguunt, cuiusmodi sunt mucilago Psyllii, decoctum & pulpa Prunorum, succus aut aquæ rosar. violar. &c.

3. Quod eadem acredine sua recludat ora venarum, ut sequantur evacuationes nimix hypercharles dictæ. Hæc noxa tollitur adstringentibus, Mastiche, Myrob. Pomo Cyd. præcipue Aloe, quæ inter purgantia ventriculo valde grata est.

4. Est, quod acrimoniâ abradat intestina, & exulceret reliqua viscera, quod ex crebris puncti-  
onibus innotescit. Hic damus partim ea quæ lubricant & lentore suo obstant, ut secundo loco dictum est, partim adstringentia, tum viz. cum jam incipit agere.

5. Est, quod malignitate quadam indicibili principibus partibus bellum indicit. Hinc addimus cordialia, hepatica, stomach. &c.

Scammonium five succus Scammoneæ densatus per coctionem aut etiam per macerationem paratus Diagridium appellatur. Confectio autem ejus per coctionem hæc est,

Accipitur Coroneum, extrahiturque durior ejus illa pars media quæ semina continet (recisâ tamen superiori prius laminâ) cujus loco in excavatam partem Scammonium inditur; mox laminâ quæ prius fuerat recisâ, pro cooperculo additâ cooperitur, triticeâque pasta circumquaque malo cotoneo obducitur ac ita coquitur in clibano. Pomo refrigerato Scammonium eximitur & usui referatur.

Per macerationem paratur accipiendo Scammonii partes duas, succi Cydoniorum partem unam, & miscendo probè, deinde ponendo in locum calidum & quotidie movendo, donec mediocriter induretur ejus massa; è quâ fiunt pastilli qui quantum satis est exsiccentur.

Vera autem (inquit le Brun) Scammoneæ præparatio fit cum succo Limonum depurato, in quo dissolvitur in B. M. & fervens adhuc per linteum transmittitur, quo pacto crassa & impura ejus substantia, quæ nonnisi noxam parit, secernitur.

Quod ad electionem Scammonii attinet, optimum est quod ex Antiochia advehitur, nitidum, splendidum, (instar glutinis Taurini) citò liquefcens, friabile, colore cum frangitur fulvo, non valde ponderosum, tactu linguæ lactescens, nec vehementer calefaciens (nempe hoc Tithymali admixti argumentum est.)

At vulgare nostrum squalidum est & cinericeo colore & aspectu tristiore, quia non est liquor manans aut lachryma Scammoneæ, sed succus vi expressus, non ex radice tantum sed ex tota planta.

Dosis Scammonii præparati à gr. vj. ad gr. xij. aut ʒj. Dioscorides & Ruffus usque ad ʒj. exhibent. Paulus & Aetius usque ad ʒij. Quicquid sit Græcorum Scammonium fortè mitius erat, nec ut hoc tempore succo Tithymali adulteratum: standum itaque potius in dosi Mesue.

Scribit J. Bodæus à Stapel se sæpissime gr. xx. etiam xxv. cum violaceo syrupo, non sine felicissimo successu exhibuisse; pueris viij. x, xij. annorum grana x. xij, xv. non minori cum successu: quinquennibus gr. vj, septemve.

Consulo (inquit Fallopius) ut semper exhibeatis paucam quantitatem, quæ quantitas sit potius pro calcari: vocatur autem calcar pauca Scammonii quantitas addita medicamentis purgantibus pro rusticis, vel pro aliis robustioribus & cervicosis hominibus, aut etiam Monachis.

Denique cum nulla providentia sit satis, moneo denuo (verba sunt Casp. Hofmanni in fine capitis de Scammonio) 1. Ne Scammoneata dentur illis, quibus ventriculus (comprehendo intestina) est debilis, quales ferè sunt hypochondriaci. 2. Ne calidioribus & qui ad febres proni sunt. Valdè enim turbant corpora. 3. Ne in specie iis qui faciles sunt ad lipothymias. 4. Ne substantia detur in iusculis.

Verum quicquid hi contra Scammonium & Scammoneata declamant, si modò Scammonium rectè præparetur, & debita dosi exhibeatur, non est aliud præstantius remedium quod certius & etiam tutius operetur, præsertim aliis medicamentis admixtum. Neque qui hujus usum reprehendunt, ullum aliud medicamentum invenire possunt, quod ejus loco substituant in tantilla quantitate adeò utile & proficuum, tantæ efficacæ & tantarum virium. Audivi praticos nonnullos asserentes, se plus huic medicamento fidere quàm aliis cuicunque cathartico; nec securos esse posse de operatione aliorum purgantium, nisi Scammoneæ tantillum iis admisceatur. Hæc autem ferè nunquam frustratur medicum, unde non immeritò aliorum medicamentorum calcar appellatur: Quæ diximus confirmat Clarissimus Vir Franciscus de la Boe \* Sylvius (ut nos monuit D. Soame) Scammonium, inquit, blandè purgat, quicquid ganniant imperiti; testatur ubique Medicorum peritiorum experientia quotidiana. Ego certè post alios multos, aliquot millenis vicibus eo sum usus, sed semper cum successu optimo & operatione blanda.

\*Lib. I. c. 3. § 4.

Cæterum Scammonium quadam latente totius substantiæ proprietate operari creditur: Nam gustu quidem nulla in eo caloris vehementia deprehenditur. Cuicunque siquidem liquori aut rei permisceatur, nullam ei vel amaritudinem, vel acrimoniam, aut alium ingratum saporem communicat.

Novi civem Ulmensẽ, qui toties recidivam hæmorrhoidum passus est, quoties medicamentum ore assumpsit quod ingrederetur vel Scammonium, vel folia Senæ. Horum usû interdicto abacerbo hæmorrhoidum dolore per multos annos immunis saluberrimè vixit. E. Sculteri Armamentar. Chirurg. Obs. 76. D. Tanc. Robinson.

4. *Convolvulus Americanus Mechoacan dictus. Feticuca Brasiliensibus seu Radix Mechoacan* Marggr. *Bryonia Mechoacana alba* C. B. *Bryonia alba Peruana sive Mechoacan* Park. *Mechoacan* J. B.

Marggr.

*Caulis* sarmentosus est, longissimè serpens & scandens, multangularis, lentus, rufus, etiam viridis. *Folia* solitariè posita, quodlibet in suo pediculo digitum longo, figuram habens cordis uti pingitur, duabus ad latera auriculis, tenera ad tactum, unum, duos, tres & quatuor dig. longa, saturatè viridia, inferiùs nervo & venis transversis conspicua; nullum autem præter herbaceum habent odorem folia trita: *Caulis* verò incisus lacteum succum præbet. *Florem* fert Convolvuli magnitudine



dine & figurâ, unico folio constantem, album cum paucis incarnato dilutum, intus autem purpureum. *Semen* continet Pisi magnitudine, fulci coloris, verum haud rotundum, sed quasi duæ particulae exsectae essent ita ut ferè triangularis sit figura. *Radix* medium aut integrum pedem longitudine aequat, crassities plerumq; eadem, & ut plurimum dupla & bifida est, una parte brevior altera, exterius obscure cinerea seu fusca, recens refinam quandam fundit & est interius alba.

Hæc est descriptio Marggravii : cui ut oculato testi & veraci fidem potius adhibemus quàm aliis sibi minùs comperta ex aliorum relatu scribentibus : unde Mechoacanam veram & genuinam esse Convolvuli speciem minimè dubitamus : non autem Bryonia, ut vult C. Bauhinus : Nam quæ Monardes habet de fructu, Coriandri magnitudine, racematim coherente, ex aliorum relatu scribit, non *avm-lia* edoctus.

Mechoacana sylvestris Monardis à descripta non aliter videtur differre quàm ut planta sylvestris à culta ejusdem speciei.

Missa sunt Clusio ex Hispaniis duo seminis Mechoacan genera ; unum brevi calyculo five filiquâ, semineque nigro, quale est Scammoniae aut Convolvuli majoris : Alterum oblongiore aliquantum calyculo & semine ruffo, quàm superius longiore teneriorèque ; utriusque filiqua parte interiore lanuginosa erat. Posterior species fortè est quam Monardes describit, *flore Mali aureæ*, quinque petalis constante majoribus, subfusci coloris, è cuius umbilico protuberat calyx five vesicula quædam Avellanæ magnitudine, membranâ constans tenui, albicante, quæ in duas cellulas tenuissimâ pelliculâ secretas dividitur, & in singulis bina grana, Ciceris exigui magnitudine, colore per maturitatem nigro, gustu insipido, continentur. Hæc etiam Convolvuli species videtur, quamvis (ut suspicor) flos minùs rectè descriptus sit : semen etiam nigrum ; quo differt à Clusiana secunda. Prior Clusii species eadem videtur Marggravianæ.

Mechoacana à provincia ubi primò reperta est nomen obtinuit : postea tamen in multis aliis Americæ Meridionalis regionibus, ut v. g. *Nicaragua*, *Quito*, *Brasilia*, inventa est.

Plantæ quas describit Fr. Hernandez pro radice Michuacanica *Tachuache* nomine, floribus oblongis, coccineis, fructu Peponis formâ & magnitudine, lanugine obducto candenti, ac semine albo referto, tenui, latòque non sine bombycinis quibusdam filis, argenteis & lentis, ab omnibus à Monardo & Marggravio propositis diversæ videntur, & Apocyno potius affines quàm Convolvulo.

Ex insula Novæ Hispaniæ Mechoacan dicta, unde delata est, nomen obtinuit hæc radix. De ejus facultat. libellum singularem edidit Æg. Everartus Antverpiæ, 1587. ut & Jac. Gorræus Gallicè Parisiis. De eadem satis prolixè agit Monardes in Simp. Ind.

Pituitosos, aquosos serososque humores ex toto corpore, ac imprimis ex capite nervosq; genere, ac pectore blandè ac sine molestia educit. Addunt alii purgando etiam partes roborare. Quin & bilem flavasque hydropicorum aquas purgat, ex quo ipso cognoscitur (inquit Casp. Hofman.) quàm non sit mite medicamentum.

Tussi veteri, colico dolori, arthritidi, Lui Venereæ plurimum confert. Quia tamen calida & sicca, monet Schroderus, ne in calidis constitutionibus ejus usus sit continuus.

Sumitur in substantia ferè tantum, sumendo pulverem ipsius cum liquore idoneo, præsertim cum vino, quamvis etiam cum jusculo sumatur. In decocto non datur ; nam experientiâ compertum est, coctione vim ipsius perire & exsolvi. Liqueor non solus exhibendus est sed pulvis infusus. C. Hofm. liquorem etiam solum purgare scribit.

In pulvere servanda non est : ita enim ut in aliis vis ipsius facile exhalat. Pulvis sit crassiusculus.

Dosis à ʒβ ad ʒj aut ʒij. Corrigitur cum Cinnamom. Anisi aut Mastich. tertia parte. Eligatur recens, intus albicans non tamen candida, cortice cinereo recta non curiosa.

5. *Convolvulus Americanus Jalapium dictus. Mechoacanna nigricans sive Jalapium Park. Bryonia Mechoacanna nigricans C. B. J. B. Jalapium Ger. Jalap.*

C. B. prod.

Radice est Mechoacannæ simili, sed cortice nigricante vestita, interius rufescens, quæ tessellatim incisa rotunda, magnitudine & figurâ calculo aleatorio respondens ex India Gelapæ sive Celapæ nomine allata fuit. Ab Alexandrinis & Massiliensibus Jalapium vel Gelapo vocitatur, & à Massiliensibus Mechoacanna nigra vel mas existimatur.

Gustu est non ingrato & gummoso, & ob copiosam gummositatem si carbonibus vel igni admoveatur flammam concipit [hoc se nunquam observare potuisse scribit Parkinsonus.]

Vires.

Facultate vulgarem seu albam Mechoacam superat : nam ob gummi copiosum fortius humores serosos purgat, cum imi ventris levi dolore, & præcipuè viscera, hepar & ventriculum roborat. Quare drachmæ unius pondere exhibetur tutò, & sine fastidio opus suum exsequitur. [Cautiores in granis subsistunt ; Schroderus non ascendit supra ʒβ.]

Vis purgatrix potissimum in resina Jalapii consistit, ideòque monet Schroderus, si Jalappam adhibere volueris, vel in substantia, vel in extracto aut magisterio utaris. Vino enim si infundatur vires suas pro voto non communicat.

Jalapii plantæ descriptionem apud Botanicos non invenio.

- A. 6. *Convolvulus major* J. B. *major albus* C. B. Park. *Smilax laevis sive lenis major* Ger. **Great Bindweed.**

J. B.

*Radicibus* albis, tenuibus, sub terra reptantibus, & subinde fibras agentibus, sapore acriusculo, latè se propagat. Longissimis & velut contortis tenuibus, striatis *viticulis* subsidio proximi cujusque sustentaculi in altum nititur; ex quibus longis intervallis, pediculis unciâ longioribus hærentia prodeant *folia*, hederaceis longè majora, acuminata, duas alas hinc & hinc juxta pediculum promittentia, lævia, nitida, viridantia; ex quorum sinu profertur pediculus longus, singularis, cui infidet *flos* unicus, magnus, nivei candoris, calathi forma, cujus inum tubulum calix quinque foliolis oblongis compositus amplectitur. Duo insuper foliola oblonga, triangula, carinata, circa margines purpurascentia, florem antequam aperitur ceu folliculus excipiunt & occultant, ut & calicem flore dilapso. Tum *stamina*, tum *stylus*, tum eorundem apices albi. *Semina* in capitulo cerasi parvi magnitudine rotundo continentur fuliginosi coloris.

Ad sepes locis humectis frequens est. Superficies plantæ quotannis emoritur, radice vivaci.

Æstate floret. Radix ut & planta ipsa lacteo succo turgent, & gratum suis alimentum præstant J. B. quod miror cum cathartica sit.

Locus.

*Convolvulus major albus maritimus, crassiori & auriculato folio, Helxine cissampelos* Ad.

An à præcedenti specie differat, an accidentibus quibusdam duntaxat variat, inquirendum.

Vires huic plantæ ascriptas vide apud Botanicos. Catalogus plantarum Altdorffinus Mauriti Hofmanni *Scammonium Germanicum* ob vim catharticam appellat. Prænotius in lib. de Medic. Pauperum, inter benignè bilem evacuantia enumerat decoctum à M. j. ad M. ij.

Vires.

- A. 7. *Convolvulus minor vulgaris* Park. *minor arvensis* C. B. *Helxine cissampelos multis sive Convolvulus minor* J. B. *Smilax lenis minor* Ger. **Small Bindweed.**

*Radicibus* albis, lentis, tenuibus, raras fibras emittentibus longè latèque sub terra reptat. *Cauliculi* plures, tenues infirmi, vicinis plantis se circumvolvendo à sinistra dextram versùs in altum enituntur, interdum ramosi, aliàs cum nihil in propinquo est quod apprehendant in terram provoluti. *Folia* singulatim posita, pediculis longis, triquetra quodammodo, inferiora & majora unciam lata, fescunciam longa, angulis ad basin utrinque productis velut auriculata, glabra, per margines æqualia. *Flores* ex alis foliorum exeunt, in pediculis longis tenuibus bini plerumq. campaniformes, albi aut purpurascentes & interdum varii; *stilo* intus albo, bifurcato & *apicibus* purpureis: *calix* floris brevis, integer. Flori succedit *vasculum seminale* subrotundum exiguum, quatuor *semina* majuscula, angulosa continens. Tota planta lacteo succo turget.

In arvis & hortis vel cultis, vel neglectis, & ad vias frequens oritur.

Locus.

- A. 8. *Convolvulus arvensis minimus* D. Dent. **The least Bindweed.**

App. ad Cat. Cant.

Folia habet hæc planta angusta, cuspidata Sagittariæ ferè in modum, foliis Convolvuli minoris vulgaris multò minora: Flores etiam obtinet minores. Videtur itaque ab illo specie differre, quippe quod cum in eodem solo juxta crescant, supradictas tamen differentias fortiantur.

In arvis inter Harleston & Everiden parvam vicis, in Comitatu Cantabrigiensi Angliæ observavit D. Dent.

Locus.

- \* 9. *Convolvulus minor Africanus* Park.

Foliis ad basin minimè divisis verùm integris & floribus purpureis à præcedente differt, cætera ei similis.

10. *Convolvulus Alibææ folio* Park. *argenteus Alibææ folio* C. B. Ger. *emac. peregrinus pulcher folio Betonicæ* J. B.

J. B.

Ex *viticulis* proxima fulcra arripientibus, tenuibus, pilosis, pedalibus aut cubitalibus, longis pediculis hærent *folia*, argentei coloris, splendido tomento villosa, infima quidem & radici (quæ tenuis summo cespite vagatur) proxima Betonicæ purpureæ foliis similia, sed multò minora, crispis serratisque marginibus, reliqua etiam laciniata & profundè incisa, gummosa Clusio, si gustentur, subacria & subamara. *Flores* inter Helxines Cissampeli & Smilacis lævis flores medii, his minores, illis majores, purpurascentes, calathi formâ, ex continuo unico folio conflati, longis pediculis hærentes, quorum basin ambit folliculus ex pluribus foliis compositus. Radix Clusio tenuis, exilis, fusca, per summos cespites repit, & subinde alias plantas producit.

In hac plantâ præcipuè notabile est, quod non lactescat aliorum Convolvulorum modo.



\* *Helxine cissampelos* Dioscoridis Zanoni.

Adeò in paucis à descripto differt, ut vix possum mihi persuadere specie distinctam esse. Viticulis tricubitalibus: foliis supernè viridibus, subtus albis, pilis brevibus, rigidulis obsitis, unde & ad tactum aspera sunt: reliquæ notæ conveniunt.

11. *Convolvulus spicifolius* Park. *minimus spicifolius* Ger. *Linaria folio* C. B. *Volulus terrestris* J. B. *Cantabrica* Plinii quorundam Clus.

J. B.

Ex radice crassa, lignosa & sicca, nigricante [Clusio candicante, singulari, infima parte ramosa] vivaci, multorum capitum, crebros, junceos, tenues cauliculos profert, duos vel tres palmos ut plurimum longos, aliquando etiam cubitales, hirsutos, valentulos; per quos cernuntur nullo ordine folia, angusta, oblonga, pilosa, [Salicis foliis haud absimilia Clus.] gummola siquis mordeat & nonnihil amara. Extremis ramulorum insident ex calyculis hirsutis flores ex albo purpurascens, Helxines Cissampeli, Calathi figurâ, [unico folio constantes, sed ita implicato ut quinque videantur, florum oris in totidem angulos desinentibus, & dum clauduntur complicatis. Clus.]

Locus.

In Italia, Sicilia & Gallia Narbonensi vulgatissima est.

- A. 12. *Soldanella marina* Ger. *maritima minor* C. B. *vulgaris sive Volubilis marina* Park. *Brassica marina sive Soldanella* J. B. *Sea-Bindweed*, *Sea-Colewort*, *Scottish Scurvy-grass*.

J. B.

Per terram suas spargit viticulas, à quibus folia prodeunt subrotunda, retusis alis prædita, latiora quàm longiora, Chelidonii minoris similia, crassiuscula, liquore lacteo manantia, pediculis longis innixa. Flos magnus, purpureus, quadrantaliter ferè, campanulatus, non absimilis multum floribus herbarum quæ pro Nil Avicennæ exhibetur, aut Smilacis lævis, indivisus. Semen in loculis rotundis non tantum nigrum, sed & album, angulosum; [albo semine quæ sit nos nondum vidimus.] Gustu est salso, subamaro.

Locus.

Vires.

In litoribus maris arenosis frequens oritur, tum in Anglia, tum in exteris regionibus.

Herba in totum ventriculo inimica, acris, vehementissimè alvum ciet. Coquitur propter acrimoniam cum pingui carne. Validè aquas ducit, præcipuè prærogativæ in ascite; utilis etiam in Scorbuto; utendi modus varius, siquidem folia ejus ex sale, aceto & saccharo acetarii modo ad quinque aut sex buccellas comesta, mirabiliter aquas per alvum educunt. Eadem in jure carniū cocta adjecto dein saccharo aut melle propinantur; Possunt & sicca in pulverem redacta ad 3ij aut iij ex jure pulli bibi.

Fallopium asparagos hujus in hydropoe commendat. Altomarius autem de Ascitis curatione agens, Quidam ait ex rumoribus succum marinæ Brassicæ cum Sapa seu aqua lactis approbant cujus usum non valdè admitto. Namque ventriculo mirificè adversatur, & ipse pluries experientiâ vidi noxam potius inferre quàm auxilium aliquod hydropicis præstare, imò quosdam citius periisse observavi.

Corrigitur stomachicis. Zingib. Mac. Cinnam. sem. Anisi, &c. Dos. in substan. à 3ß ad 3i. Schrod.

- \* 13. *Soldanella maritima major* Park. *Soldanella vel Brassica maritima major* C. B. *Convolvulus marinus Soldanellæ affinis* J. B. *The greater Sea-Bindweed*.

J. B.

Hujus folia inferiora, quæ uncialibus pediculis committuntur, falcata Phyllitidis in morem sunt, adverso fine rotunda, vel lacunâ in medio exsculptâ corculum imitantia, fescunciam circiter longa, unciam lata, nervis obliquis à medio rectâ in latus expositis: superiora verò folia Hemionitidis alterius peregrinæ Clusii modo, auriculis pulchris geminatis, (in quas nervi excurrunt) pinnata. Flores ex foliorum alis prodeunt magni, ut in Convolvulo majore. Pericarpium & semen ut in Soldanella.

Locus.

In Regno Neapolitano ad mare provenit. Imper.

- \* 14. *Convolvulus marinus seu Soldanella Brasiliensis* Marggr. *Brazilian Sea-Bindweed*.

Marggr.

Ex radice lenta, longa, non crassa sed gracili, paucis fibris prædita, nigricantis exteriùs coloris, intus alba & Lactis glutinosi plena nascuntur aliquot caules, longissimè serpentes supra terram, qui hinc inde radices iterum agunt, teretes, lenti & virides. Adnascuntur illis folia alternatim posita, vel opposita, quodlibet suo pediculo quatuor aut quinque dig. longo infidens, obrotundæ figuræ, instar clypei stomachalis, lætè viride & aliquantum crassum, elegantibus venis obliquis transcurrentibus, & nervo in medio. Hinc inde quoque, propè pediculum foliorum petioli florum prodeunt, tres, quatuor, quinque, interdum & unicum florem sustinentes, Campanulæ seu Convolvuli majoris figurâ, coloris dilutè purpurei, & in basi nonnihil albicantis: in medio visitur breve stamen ut in Convolvulis solet. In hoc flore interiùs quinquangularis representatur stella, nam totus flos

flos superius quasi in quinque angulos definit. Claudat se flos post meridiem. Tota planta copiose lactescit, lacte glutinoso.

Parum admodum si quid omnino differt à Soldanella vulgari.

15. *Convolvulus Siculus minor flore parvo auriculato* Bocconi. *Small blue-flowered Sicilian Bindweed.*

*Cauliculos* ab eadem *radice* plurimos promit prælongos, tenues, humi stratos, [præter medium firmiorem qui initio erigitur,] nisi in propinquo sint plantæ aut perticæ quas arripiant, tunc enim iis, à dextra sinistram versus se circumvolvendo in sublime scandunt. *Folia* modicis intervallis singularia, longiusculis pediculis insident, figurâ ferè foliorum *Violæ*, nisi quòd acutiora sint & minora, circum oras æqualia, supernè lanugine quadam vix conspicuâ pubescentia, infernè canescentia. *Flores* ex alis foliorum exeunt, pediculis uncialibus tenuibus, singulares, campaniformes, pallidè cærulei, omnium convolvulorum minimi. Ad basin calicis uniuscujusque floris apponuntur duo foliola oblonga, angusta, ceu auriculæ quædam. Flosculis succedunt vascula subrotunda, quadruplici loculamento quatuor singula *semina* continentia, majuscula angulosa, pulla seu ex ruffo nigricantia.

Annua est planta, per totam æstatem in Autumnum usque floret.

Circa Cataniam Siciliæ urbem frequentem observavit & collegit Paulus Boccone, circa Panormum *Locu.* etiam sed rariùs.

16. *Convolvulus trifolius sive hederaceus purpur.* Park. *Convol. cæruleus* Ger. *cæruleus hederaceo anguloso folio* C. B. Nil *Arabum* quibusdam sive *Convolvulus cæruleus* J. B. An *Cocosamatis* seu *lutea Tamati Urinaria mirabilis* Hernandez?

J. B.

Tortilibus viticulis, tomentosis, proxima quæque arripiens in altum nititur, texturis topiariis peridoneus, nisi longiorem vitam teneritudo frigorum malè patiens negasset. *Folia* palmum circiter lata, paulò longiora, formâ hederaceâ, in trës acutas lacinias sinuantur, lanuginosa, colore ex herbido in flavum vergente, priora ad folia Sigilli B. Mariæ accedunt: [folia Lob. ternis angulis singula in teneriusculis pediculis.] *Flores* Smilacis lævis cyaneo colore adblandiuntur. Extra tamen in singulas quinque laciniarum zona excurrit albida, quo etiam colore totum floris infundibulum tam extra, quàm intra cingitur, quinis foliis herbæ concoloribus obvallatum, in quo stamina & apices lactei altè reconduntur. *Semen* nigrum, angulosum, Viciæ magnitudine. *Radix* subest parva, fibrosa, lignosis nervulis, fractu contumacibus facta, Cyclamen Hederæmve annosam imitata, nonnihil hirsuta. Quid sibi velint verba hæc postrema non satis capio, nisi fortè transposita sint.

Flores noctu se aperiunt (unde Florent noctis vulgò quidam in Italia nominant) postridie vi Solis pereunt. *Gest.*

Convolvulus hic (observante Parkinsono) circumvolutionibus suis motui Solis adversatur, seu contra motum Solis progreditur, quo cum aliis Convolvulis vulgaribus convenit. De loco natali nihil certi traditur.

17. *Convolvulus trifolius Virginæ* Park.

*Foliis* est præcedenti perfimilibus, sed minoribus, segmentis seu angulis lateralibus rotundioribus, eorumque etiam altero paulò longiore & deorsum reflexo. *Floribus* multò minoribus, & pallidè cæruleis cum marcescere incipiunt in purpureum saturationem mutantibus: *Seminibus* etiam minoribus.

18. *Convolvulus purpureus folio subrotundo* C. B. *cæruleus major rotundifolius* Park. par. *cæruleus folio rotundo* Ger. emac. *Campanula Indica* J. B.

J. B.

Congener videtur præcedenti, tortilibus flagellis, hirsutis, rubescentibus, circum perticas convolutis in altum nitens. *Folia* hederacea sive Cyclamini, acuminata, qualia nempe primùm pullulantia esse solent præcedentis, ad pediculum uncia longiorem, rubentem, hirsutum, falcata, subrus suprà pilosa. *Flores* campanulati seu calathi formâ, calyci insident in quinque acutas lacinias diviso, villosi, nigricanti, tres ferè simul juncti in privatis pediculis unciam longis, è fastigio alterius communis pediculi palmum longi, è foliorum sinu exeuntis, enatis, speciosissimi, purpurei.

*Semen* ex Syria & Orientalibus delatum aiunt. Æstate floret, & Autumno semen perficit, deinde *Locu* radicatus interit. *Tempus.*

Hæc planta Parkinsono in Theat. Convolvulus azureus sive cæruleus major dicitur, & Conv. cæruleus major fol. rotundo, sive Nil Avicennæ. Nonnullis *flos noctis* appellatur, quia flores ejus vespèri plerunque se explicant, totaque nocte aperti manent, donec tandem Solis calore contrahantur & marcescant.

19. *Convolvulus minor cæruleus Hispanicus* Park. parad. *cæruleus minor folio oblongo* Ger. emac. *peregrinus cæruleus folio oblongo* J. B. C. B.

C. B. prod.

*Radice* est singulari, oblonga rufescente, ex qua *caules* multi, tenues, pedales, interdum cubitales, flexiles, ramosi, levissimis pilis pubescentes prodeunt; quos *folia* oblonga, inferiora quidem uncias tres quatuorve, vix unciam lata, inordinate vestiunt, quæ sensim minora redduntur, & per marginem leviter



leviter hirsuta sunt. Ex omnium ferè foliorum finu pediculi tenuissimi, oblongi, exurgunt, quibus singulis flos cœruleus ad exortum pallidus, Campanulæ formâ, unico folio constans, & ex caliculo prodiens infidet. Floribus succedunt capitula membranacea parva, quibus semina parva nigricantia includuntur.

Flores hujus plantæ pulcherrimi sunt, & triplici colorum varietate spectabiles, circa margines cœruleo amœnissimo, media parte subluteo, fundo albo. [Morif. media parte albido seu ochroleuco, deinde ad fundum usque luteo.]

Locus.

Multis Hispaniæ & Lusitaniæ locis sponte oritur. Nos in Sicilia ad Promontorium Pachynum invenimus. In Mauritania circa Tingidem urbem copiosissimum observavit Robertus Spotswood istius urbis pharmacopœus.

\* 20. *Convolvulus minor argenteus repens Rupellensis* Morif.

Mor.

Humilis est hæc Convolvuli species, in terram procumbens, foliis longis, angustis, argenteis & omnino incanis: floribus campanulatis, rubris aut colossinis. Ex hac nota florum coloris, juncta canitie argentea foliorum angustorum & longorum nullo quasi negotio distinguitur à cæteris Convolvuli minoribus speciebus. Lacte turget ut congeneres pleræque. Radice est reptatrice.

Locus.

Ad oram maritimam circa Rupellam provenit: semine rarò ad maturitatem perducit.

\* 21. *Convolvulus peregrinus cœruleus Elatine similis n. d.* Hort. Lugd. Bat.

Flores monopet. Semina in capsulis angulosis ut in aliis Convolvulis. Ex Italia semina huc transferuntur.

\* 22. *Convolvulus Indicus Batatas dictus. Batatas, Camotes Hispanorum Clus. C. B. Battatas Occidentalis Indiæ, & Inbame Orientalis Lusitanorum Park. Sisarum Peruvianum, seu Batata Hispanorum Ger. Spanisch Potatoes.*

Tria hujus plantæ genera observavit Clusius, colore externo inter se differentia, etiam gustûs suavitate: nam aut cortex externus rubescebat quodammodo, sive purpurascens erat (& hoc genus præstantissimum judicabatur) aut pallefcebat, aut albus erat: singula tamen genera albam interiùs carnem habebant.

Producunt autem illa, (Cucumeris sylvestris modo) sarmenta humi diffusa, satis crassa [tenuia Marggr.] succulenta, lævia, viridia, [in terram subinde radices agentia Marggr.] quibus ad unius aut duorum digitorum intervalla, pediculis duos, tres, quatuorve digitos longis adherent folia utcumq; carnosa, Ari foliis seu potiùs Spinachiæ haud dissimilia, ex viridi utrinque canescentia. Florem an fructum ferat à nemine intelligere potuit Clusius: Marggravius temere nimis ferre utrumlibet negat: Radice autem fit satio: ea plerunque dodrantalis est, grandis, librali pondere, inæqualis, cui raræ & breves adnatæ sunt veluti fibræ: binæ autem, ternæ vel plures ex eodem capite aliquando dependent radices, fisari radicum instar, [Oenantes odore viroso æmulas Morif.] variæ figuræ, quædam enim quatuor, quinque, sex, digitos longæ sunt, Rapi instar crassæ, quædam rotundæ. Seritur vel integra si minor sit, vel in taleolas dissecta. Præbent de se succum lacteum incisæ.

Hanc plantam Convolvuli speciem esse verisimillimum puto, non tantùm ob sarmentorum & foliorum similitudinem & radicem lactescentem, sed & quia Fr. Hernandez cuidam hujus speciei, quam *Cacamotic Tlanoquiloni* seu Batatam purgativam vocat, flores malvaceos, i.e. ut se explicat, Caliculorum formâ vel cymbalorum, ascribit & appingit.

Ufus.

Coquantur, aut sub cineribus assantur, sũntque optimi saporis & præferuntur nostris Rapis. Modum condiendi vide apud Clusium.

Batata recens contusa & affusa pauculâ aquâ macerata, seipsum fermentando fit potus quo Brasilienses utuntur.

Sponte nascitur in novo orbe & vicinis insulis, unde in Hispaniam primò, deinde in alias Europæ regiones delata est.

Alterius speciei meminit Marggr. *Omenapo Teima* Brasiliensibus dictæ, quæ humi serpit, caule sarmentoso, viridi: folia habens cordis figura vel etiam aurita, solitariè posita, viridia, nervo & venis viridibus. Radix cruda est alba, sed cocta fit rubra, estque ut plurimum rotunda.

Tertiæ adhuc speciei *Pararo* dictæ præcedenti similis, nisi quòd caule sit purpureo, & nervis atq; venis foliorum purpureis; itidem & radice.

\* 23. *Cacamotic Tlanoquiloni seu Batata purgativa* Hernandez.

Hernand.

Folia fert Hederæ formâ, sed angulis quibusdam insignia; caules exiles, teretes & volubiles; flores malvaceos & purpureos, caliculorum formâ cymbalorumve; radicem verò obrotundam, candentem & teneram.

Nascitur regionibus calidis temperatisque sponte sua, ac etiam culta pertinaci quadam vivacitate, quales sunt Pahuatlanenses & Mexicenses. Radices duarum unciarum mensurâ devorata cubitum tendenti alvum mira lenitate & securitate expurgant. Dulci sapore & grato constat nec Pyris nostratibus cedenti.

\* 24. *Cara*

- \* 24. *Cara Brasiliensis*, Inhame de S. Thome, *Congensibus Quiquoaqui congo* Marggr. *Igname* sive *Inhame Lusitanorum* Cluf. *Rapum Brasilianum* sive *Americanum alterum* C. B.

Marggr.

*Caule* quadrato, ad angulos pennato, viridi, hinc inde rufescente, paululumque contorto longissime serpit super terram, aut etiam sepes ascendit, tamque late se propagat, ut integri hortuli duodecim decempedas in unoquoque latere habentis aream unica planta facile occupet. *Caulis* enim & *ramuli* ejus hic illic terram contingentes radices agunt, quinimo quamvis terram attingere nequeant, nihilominus fibras hasce protrudunt, sed ob defectum nutrimenti ad justam magnitudinem nequeunt pervenire. In *caule* septem, octo aut novem digitorum interstitio duo pediculi enascuntur oppositi, quinque aut sex dig. longi, iidem quadrati & pennati, quibus insident *folia* Sagittalis nostratis aut *Vomeris*, posteriori parte circinati figurâ, novem aut decem dig. longa, circiter sex lata ubi latissima: lata viriditate splendentia, satis solida, septem aut novem nervis ex pediculi insertione prodeuntibus, & per longitudinem excurrentibus, inferius prominentibus, superius profundè jacentibus; in extremitate sunt acuminata, acumine molli, digitum longo, ut in vomere, prominente. Copiosum liquorem aqueum fundit *caulis* incisus instar lachrymarum vitis. *Radix* crassa est plus uno pede, octo, novem, & duodecim digit. longa & plus quoque, cuticulâ ex cinereo fusca vestita, sub qua flavescit, intus carnem albam, succulentam & quasi lactescentem habens, non ingrati saporis. [ *Radices* Clusio scabro & inæquali cortice rectæ, ut *Aristolochiæ* longæ legitimæ radices, & multis exiguis fibris sparsim nascentibus præditæ. ] Cocta cum butyro, vel oleo & pipere condita bene sapit, sicca tamen est, & farinam refert, unde & pro pane à Guineensibus usurpatur. *Flores* velut in spicis gerit è superiore parte *caulium* egressis: verum Marggravio nec semen perfecit, nec flores explicuit, unde ad quod genus plantarum referri debeat nobis nondum certò constat.

Clusius alterum genus agnoscit à priore differens cortice inæquali & tuberculis obfito, cum viticulis spinosis, quam *Team Peru* nominant. Marggravius quoque aliud, *Cara-inambi* Brasiliensibus dictum, *caule* longè serpente qui *folia* habet hinc inde solitariè posita, quorum quædam sunt cordis figurâ, quædam insuper aurita, nervo secundum longitudinem & venis obliquis conspicua. *Radix* illius est candida.

- \* 25. *Convolvulus heptaphyllos Indicus pilosus* Breynii.

Breyn.

*Flagella* ei rotunda & cava, res quas arripere possunt circumplectentia: quibus *folia* longis pediculis adherent, profundè in lacinias septem speciosas, inferius angustas, ad medietatem sensim latiores, & postmodum rotundiores, tandem in acuminatas desinentes distributa. *Flores* concavi & monophylli aliorum *Convolvulorum* more perhibentur. Planta tota villosa est, parte inprimis foliorum prona, & in sarmentorum summitatibus.

*Insulæ Zeilan* indigena est.

Locus.

- \* 26. *Convolvulus Brasiliensis quinquefolius* Marggr.

Marggr.

Frutices atque arbores ascendit, iisque se implicat, *caulem* habens rotundum, uno latere plerumq. brunnum, altero viridem, per totum autem punctis brunnis undique variegatum & pilosum: intervallo autem semipedis ferè in *caule* ad latus extenditur semper ramus satis crassus, semipedem circiter longus, itidem hirsutus, qui subrotunda & quasi turbinata corpuscula, suis pediculis innitentia & hirsuta sustinet, quæ sese aperientia *florem* exhibent candidum, uno folio constantem instar Campanulæ: in eodem autem puncto è quo prodit pediculus qui *florem* sustinet, etiam pediculus ejusdem crassitie, ac quatuor circiter dig. longus enascitur, quinque *folia* in orbem disposita sustinens ut in Pentaphyllo ad tactum mollia, superius viridia, inferius subalbicantia, ac ubique pilis albicantibus prædita.

- \* 27. *Totoyaxit seu Pes passerinus* Hern.

Hernand.

*Folia* producit Passeris pedibus similia, sinuosa nempe & in quinque aut plures cuspides more Quinquefolii aut Heptaphylli divisa. *Radice*m fundit ovis gallinarum Pyrœ formâ & magnitudine similem, lacte affluentem, ex qua *caulem* profert teretem lentum, repentem humi, aut plantis vicinis sese advolventem. *Florem* Malvæ purpureum sed minorem.

- \* 28. *Convolvulus foliis laciniatis vel quinquefolius* C. B. *Egyptiacus quinquefolius* C. Baubini J. B. *major Arabicus sive Egyptius* Park.

C. B. prod.

*Viticulis* est tenuibus, geniculatis, lævibus: ex quolibet geniculo *folium*, longo tenuissimo pedicello donatum prodit, quod in quinque lacinias angustas longiusculas dividitur, & quandoque inferior una alterave bipartitur, & cuilibet lacinie tenuissimus mollisque aculeus insidet. Supra folii exortum, pedicellus æquè tenuis, duarum triumve unciarum longus & nudus exurgens *florem* purpureo-ceruleum, aliorum *Convolvulorum* formâ sustinet. Hujus ramulum tantum vidit C. Bauhinus. A Pr. Alpino in Exot. describitur *Convolvuli Arabici* titulo, estque proculdubio

Convol-



\* Notis in  
Alp. de Plant.  
Egypt.

*Convolvulus Aegyptius* \* Vesslingii.

Ex cujus descriptione, eleganti sanè & ornata, nonnulla excerptemus.

Fruticat à radice lignosa, longa, fibratâque, cortice pallido, nodulis innumeris scabro, quorum operâ facili reptatu, adminicula omnia transcendens, quocunque trahes retrahésque sequetur. A caudice virgulæ exeunt numerosæ & lentæ, prompto flexu ductoris arbitrium admissuræ. Folia longulè productis petiolis insidentia, latòque virore grata, septenis laciniis profundè discriminantur, quarum inferiores additamenta quoque sua naçtæ sunt. Flos vulgaris Convolvulus amplior, collectus primùm contractusque donec resupinis oris amœnam cœruleamque purpuram explicat: sinum obscurior inumbrat color, in quo brevis exurgens columella lepidum caput innumeris staminulis & appendicibus onerat. Flos discussis umbris à Sole expergefactus sese dilatat, eodem in meridie inclementius radiante collectis oris connivet. Emerito flore capsulæ sese proferunt Lini capitula æmulantes, in quibus terna vel quaterna semina, orobi magnitudinem haud superantia, fusca leviterque lanuginosa reconduntur.

Vix cultior est hortus in Aegypto cui non ornamentum commodet.

29. *Quamoclit* J. B. *Jasminum Millefolii folio* C. B. *Convolvulus tenuifolius sive pennatus* A-  
mericanus Park. *Quamoclit sive Convolvulus pennatus* Ger. emac. App.

J. B. Col.

Planta est anadendras, foliis prodiens oblongis & latiusculis, initio binis sibi invicem conjunctis, Aceris fructus referentibus, quæ diu durant, etiam sese perticæ involvente jam ipsâ plantâ; reliqua folia viticulis purpurascenscentibus [atrorubentibus] alternatim hærent, pinnata, tenui admodum divisura [Myriophyllo alteri apud Matthiolum familia] obscurè virentia, sed tenella pallentia, paucis primùm lobis seu pinnis, deinde pluribus utrinque ad terdenos usque, & unico in summo; at priores lobi bifurcantur. Flores elegantissimo rubore placent, in quinque angulos collectis oris Peti similitudine aut Jasmini albi vulg. longo petiolo hærentes interdum singuli, alias bini, alternato situ ex geniculis viticulorum prodeuntes, apicibus quinque pallidis. Fructus oblongus acuminatus ex squamulo calice exit, cartilagineo cortice, Convolvulorum modo, semina quatuor continens oblonga, nigra, dura. Sapor ipsius herbæ est subdulcis & modicè nitrosus: capsulæ verò nonnihil Piper seu brasma Piperis gustatu referunt, ut & semen, quod parùm abest quin haud minore caliditate fauces nonnunquam afficiat. Lactè quidem turget dilutiore. Perticis aut plantis vicinis se circumvolvendo scandit Convolvulorum more.

Augusti fine floret, & Septembri deinde fructus perficit. Americæ indigena habetur.

Quamoclit plantam novam ex India allatam Casalpini primus Gelsemini rubri alterius nomine breviter descriptam exhibuit: post eum Camerarius in horto & figuram & descriptionem ejus dedit sub titulo Quamoclit: eum secutus F. Columna accuratius descriptam & depictam edidit: tum J. Bauhinus, & tandem Parkinsonus & Johnsonus apud Gerardum, ut alios taceam. Vidi Florentiæ in horto magni Ducis.

Tempus &  
Locus.

- \* 30. *Convolvulus Africanus minimus* Park.

Morif.

Hic non scandit, sed aut humi cauliculi sternuntur, aut aliquando erecti stant. Folia sunt minima, subrotunda, plurimis venis à nervo medio ad marginem foliorum tendentibus donantur singula, & juxta appositionem singulorum foliorum alternatim positorum conspiciuntur petioli indidem exorti unciales, sustinentes flosculos campanulatos. Singulis floribus marcescentibus & deciditibus succedunt exiguæ capsulæ subrotundæ, tribus loculamentis separatæ pelliculâ membranaceâ trifariam ea dividente, atque in singulis bina minuta, angulosa interiùs, exteriùs rotunda continentur semina.

Locum titulus indicat.

- \* 31. *Convolvulus ramosus incanus foliis Pilosellæ* C. B. *Convolvulus ramosus minor* Morisoni;  
*Helxine cissampelos ramosa* Cretica Ponzæ Ital. Park.

Morif.

Hic à cæteris omnibus antedictis hac notâ speciali distinguitur, quòd singuli cauliculi in plurimos ramos bifurcationibus suis findantur, atque ex sinubus inter caules & folia protrudantur flores campanulati, quibus succedunt capsulæ & semina, cæterorum convolvulorum similia.

Nihil habet, neq. de foliorum formâ, neq. de florum colore, neque de semine, neque de loco natali, nisi quòd inter Convolvulos peregrinos eum reponat, quæ omnia adjecta oportuit. Supple ergo ex Parkinsono, qui descriptionem suam puto ex Italica Baldi editione Ponzæ transtulit (nam liber ille ad manum non est.) Folia parva, ad singula genicula bina, pilosa, Auriculæ muris vulg. valdè similia, superiora in caulibus minora. Flores ampli, pallidè rubentes, Convolvuli minoris in modum expansi: semina nigricantia aut fusca. Radix fibrosa annua.

Planta Ponzæ visa & descripta Cretæ insulæ originem suam debuit: alibi etiam inveniri verisimile est hanc speciem.

Locus.

\* 32. Con-

- \* 32. *Convolvulus Brasiliensis* Marggr. foliis *Smilacis* in longis pediculis.

Marggr.

Humi serpit *caule* cavo, qui hinc inde *folia* obtinet in longis pediculis posita, cordis figuratque *Smilacis* amula. *Flos* albus magnus, instar orbis mensarii minoris, uno tenui folio constans, in quinque angulos expanso, substratâ pallidâ stella quinquangulari. Sine odore est, nec lactescit hæc planta.

- \* 33. *Convolvulus Brasiliensis* foliis cylindraceis in brevibus pediculis Marggr.

Marggr.

Longè serpit *caule* suo sarmentoso, cinereo, paullùm piloso, qui duorum circiter digitorum intervallo *folium* habet brevi pediculo infidens, quatuor plus minùs digitos longum, figuræ cylindraceæ, nervo secundùm longitudinem, & venis aliquot obliquis conspicuum, pallidè viridis coloris. Prope quodlibet autem *folium* exoritur brevior pediculus, sustinens tria *foliola* figurâ cordis, quibus infidet *flos* Campanulæ figurâ, albus & in medio sex *stamina* alba habens, apicibus Ambræ coloris.

34. *Convolvulus rectus odoratus* Ponæ, major, rectus, Cræticus, argenteus Moris. *Dorycnium Creticum* Alpini, Park. *Dorycnium Imperati* J. B. *Cneoren album* folio *Oleæ* argenteo molli C. B.

Mor.

Herba est fruticosa, multis ab eadem radice *caulibus* simplicibus, rectis, incanis ornata, altitudine cubiti: numerosis *foliis*, *Oleæ* figurâ, eisdem circundantibus, angustioribus, molli lanugine re-  
tis & quasi argenteis, unde Argentinam vocant vulgò: in summis virgis, bicubitalibus & tricubita-  
libus & altioribus in hortis benè stercoreatis, coma est prædensa, in qua *flores* candidi, calathi effigie,  
& fructus *Convolvuli* minoris instar: Lactē caret aut modicum tribuit. Etiam si *caules* edat rectos,  
non verò scandentes, etiam parum aut nihil lactis habentes, in siccis & aridis arenosis proveniens, ta-  
men propter conformitatem in floribus campanulatis, capsularumque triplici divisura, & seminibus  
binis in singulis loculamentis contentis cum cæteris *Convolvuli* speciebus, aptius hic collocatur quàm  
inter *Dorycnia* dicta aut *Jaceas*.

Hyeme *folia* minimè abjicit, sed perpetua fronde viret.

Nascitur in Crætæ insulæ locis maritimis autore Pr. Alpino, à quo inter exoticas exactius describitur. Locum.

Ob notas characteristicas communes, quamvis non scandat, *Convolvulis* subjungimus.

- \* 35. *Convolvulus ramosus incanus foliis Pilosellæ* C. B. *Helxine cissampelos ramosa* Cretica Park. Ponæ Ital.

Pon.

*Caulis* huic in multos ramos diducitur, in ramulos minores subdivisos, *foliis* ad singula genicula binis, incanis & pilosis Auriculæ muris persimilibus vestitos, superioribus minoribus: *Flores* ampli colore incarnato, *Convolvuli* minoris similes: *Semina* in capsulis subrotundis singulis singula, nigricantia. *Radix* valdè fibrosa, annua tamen.

Si perpetuum ei sit in singulis capsulis singula duntaxat semina habere, à reliquis *Convolvulis* genere differt.

## C A P. V.

De Herbis flore monopetalo uniformi, vasculis seminalibus divis in loculamenta terna, lactescens.

HÆ in quinque genera vel classes dividi possunt.

Vel enim flore sunt Campanam referente, margine in quinque plurimùm lacinias secto: vel flore corniculato, flosculis parvis in florem quendam totalem constipatis, quæ *Rapunculi corniculati* vocantur: vel flore galeato, ut in *Trachelio* Americano ruberrimo dicto. Primum genus vasculi seminalis respectu dividi iterum potest in eas quæ vasculum habent breve & habitus, sive folio hirsuto sint *Trachelia* dictæ, sive glabro; *Campanulæ*: & eas quæ vasculum habent oblongum, & in filiquam productum; *Speculum Veneris*.

Omnibus his plantis commune est capsulam seminalem habere in terna loculamenta divisam, seminibus plurimis, lucidis rufis repleta; florem fructui infidentem; succo lacteo scatere.

### §. 1. De *Trachelio* sive *Campanula hirsuta*.

*Trachelium* dicitur quòd in colli affectibus commendetur; hinc *Cervicaria*, imò & *Uvularia* & à forma *Campanula* C. B. vel ab asperitate *Trachelium* dicitur. *Tetxan* enim à Græcis vocatur collum, atque adeò tota spina à capite usque ad os sacrum *et nō Tetxan*, ab asperitate, quæ nominis ratio & huic plantæ convenire potest, inquit J. Bauhinus.

#### A. 1. *Trachelium*



- A. 1. *Trachelium majus* Belgarum Park. Lob. Clus. *majus Belgarum sive giganteum* Ger. emac. *Campanula maxima* foliis latissimis C. B. *pulchra à Tossano Carolo missa* J. B. item *Trachelium candidum Anglicum majus*, foliis ferè *Digitalis* vel *Campanulae* J. B. Giant *Throatwort*.

J. B.

Hujus *radix* non altè quidem in terram demittitur, sed innumeris tamen fibris latè cespitem occupat, candicantibus, lactifluis, dulcibus: *Caules* complures, duorum aut trium cubitorum altitudine, concavi sunt, minimi digiti crassitudine, striati, minimùm hirsuti: *folia* *Urticae*, *Campanulae* majoris quidem formâ, hirsuta, palmari & sesquipalmari longitudine, latitudine palmari [ *folia* nostratis *Trachelii* gigantei infra eam magnitudinem subsistunt, quatuor uncias longa, fescunciam aut duas uncias lata, rugosa ] in ambitu serrata, alternatim ex certis intervallis cauli apponuntur: ex quorum alis singulis singuli *flores*, partim sursum vergentes, & partim deorsum inclinantes ex brevi pediculo purpurascens, albidum cum caeruleo, calathi effigie, in quinque lacinias longas, acutas, & interdum extrorsum reflexas partiti, foris glabri, intus hirsuti oriuntur: *apicibus* totidem luteis, *stylis* dilutioribus, qui supremâ parte in tres partes finditur, quæ circumflectuntur. *Calix* quinque cuspides longos habet. *Flore* marcescente succedit magnum capitulum, *Mespilo* simile, deorsum inclinatum, in quo *semen*.

Lobelius hanc plantam bis exhibet eodem in loco, nimirum *Obs.* p. 177. sub titulis 1. *Trachelii majoris Belgarum*, & 2. *Anglici Septentrionalis majoris Trachelii candidi*: ut faciliè esset probare, si operæ pretium foret. Gerardus quoque nostras bis eam descripsit & depinxit: verùm error iste in Gerardo à Tho. Johnsono emaculato detegitur & corrigitur.

Locus.

In Septentrionalibus Angliæ montosis, agro v. g. *Derbensi*, & *Eboracensi* copiosè provenit. Variat *floris* colore, nam in montibus propè maximum *Carthusianorum* cœnobium saturatiore caeruleo *floris* colore observavimus, nulla aliâ in re à nostrate diversum, *flore albo* etiam in hortis satum variat.

2. *Campanula hortensis folio & flore oblongo* C. B. *Viola Mariana* Ger. *Mariana flore purpureo* Park. *Mariana Dodonæi*, quibusdam *Medium* J. B. *Cobentry Bells*.

J. B.

*Radix* vesca, dulcis, alba, longa, crassa: quæ *caulem* emittit plusquam bicubitalem, teretem, hirsutum, asperum, in ramos divisum. *Folia* *Trachelii* majoris, angustiora, longiora, hirsuta, crenata, & modice per margines crispa. *Flores* ramorum extremitatibus insident, *Calathi* seu *Campanæ* formâ, majores quàm *Trachelii*, ventriosi, oris in quinque lacinias exterius reflexas divisos, colore caeruleo seu violaceo, rariùs purpureo, aut albicante, in quorum medio *stamina* latent lutea, *stylisque* erectior, luteo pulvisculo resperfus.

Insidet autem totus *flos calyculo* crebris thorulis hirsutis inæquali, in quinque acuminata foliola *floris* lateribus appressa dissecto. *Semen* exiguum spadiceum.

Secundo postquam sata est anno caulescit, cùmque *semen* perfecerit perit, & deciduo *semine* serrenovat.

Locus.

Nascitur (ut aiunt) in sylvis & montibus, necnon in opacis quibusdam tractibus, plerisque Italiæ & Germaniæ locis. *Matth.* Nobis neque in Italia, neque in Germania occurrit.

Vasculi seminalis respectu à reliquis hujus generis differt, quod in quinque loculamenta divisum obtinet.

- \* 3. *Medium Dioscoridis Rauwolfio* J. B. *Viola Mariana laciniatis foliis peregrina* C. B. *Vi. Mariana peregrina* Park.

Rauwolf.

*Violæ Marianæ* persimilis est planta, nec ita obvia cuius differentia apparet præterquam in foliis, quæ in hac divisa magis, *Cichorii* instar. *Flores* etiam magis panduntur, octo foliolis in orbem dispositis constantes. *Radix* austeritas major quàm capitulorum *seminum*, quæ tamen nondum erant matura.

Locus.

Inter fruteta sepèsque in altum assurgit, in profunda, tenebrosa & aspera valle Libani. *Floribus* in octo foliola expansis non solum à *Viola Mariana* differt, sed à quavis alia *Campanulæ* specie; ex enim omnes in quinque tantum segmenta marginem partitum habent: ut mihi dubium sit an omnino ad hoc genus pertineat.

- A. 4. *Trachelium majus* Ger. *majus flore purpureo* Park. parad. *Campanula vulgarior foliis Urticæ major & asperior* C. B. *Campan. major & asperior folio Urticæ* J. B. Great *Throatwort*, or *Canterbury Bells*.

J. B.

Multùm ad *Violam Marianam* accedit. *Radix* alba, vivax, *Rapunculi* sapore, non minùs grato. *Caules* cubitales [ imo bicubitales non rarò & altiores, minimi interdum digiti crassitudine, striati, concavi, purpurascens ] hirsuti: in quibus alternatim nascuntur *folia* *Urticæ*, pilosa, acutiora, [ inferiora longis pediculis hærentia, superiora brevibus ] *Flores* ex foliorum alis caerulei aut violacei, interdum albi, nolæ similes, interiùs pilosi, calyce parvo, non ut in *Viola Mariana* torulis cannulato, in lacinias quinque acutas, sicuti & *flores*, diviso. *Stylus* triceps, surrectior, colore albidus, *staminibus* circumstipatur quinque luteolis. *Vasculum* *seminale* ut in reliquis hujus generis.

In sylvosis & ad sepes frequens oritur. Variat interdum floris colore albo. Alitur etiam in hor- Locus.  
tis curiosorum Trachelium majus flore pleno seu geminato albo & purpureo.

Meminit Dodonæus speciei cujusdam, foliis aliquanto lævioribus, floribus elegantioribus, coloris purpurei è cœruleo: quæ C. *Baubino* Campanula urticae foliis oblongis minutis asperis.

Planta tota, sed præcipuè radix astringit & exsiccat, ideoque decoctum illius ad incipientes oris & Vires.  
tonsillarum inflammationes & exulcerationes, aliæque ejusmodi mala quæ adstrictione indigent confert. Utilis etiam est haud dubiè ad alia quævis ulcera ob insignem quem obtinet in exsiccando facultatem.

Radix alba, tenera, in acetariis apta jejunio verno præsertim. *Lob.*

\* 5. *Trachelium sive Cervicaria major lævior, flore albo magno J. B.*

*J. B.*

*Foliis* glabris differt multum à nostrâ Campanula majore & asperiore, ea enim vix apparentes habent pilos: serraturæ etiam minores, nec ita inæquales. *Flos* Campanulæ, alioqui magnus, albus. Tota planta prædicta minor atque tenerior apparet.

Plantam habuit ab Agerio *Cervicariae majoris flore albo* nomine: de loco nihil addit.

6. *Campanula repens flore minore cœruleo J. B. Camp. hortensis Rapunculi radice C. B. Cervicaria*  
4. *Dod. qui eam rectè descripsit.*

Perfimilis est hæc planta præcedenti [ *Trachelio majori* ] in nonnullis tamen manifestè differt. *Viz.* 1. Quod caules ejus teretes sint & ferè glabri, *Trachelii* verò majoris angulosi & hirsuti. 2. Quod in hoc *flores* minores longa serie versùs unam duntaxat partem vergant, cum in *Trachelio* quaquaversum diffundantur, & spica multo brevior sit. 3. Quod *flores* in *Trachelio* pluribus & longioribus intus pilis obfiti sint, in hoc paucis & brevioribus, quodque *Trachelium* in eodem communi pediculo duos trèse *flores* plerunque appensos habeat, cum *Campanula* isthæc ut plurimum unum duntaxat. 4. Quod in *Campanula* flores deorsum nutant, in *Trachelio* erectiores sunt. 5. *Campan.* mirificè per radicem serpit, *Trachelium* non item. 6. Denique *Trachelium* robustior est planta & procerior, ejusq; folia profundius serrata & longioribus pediculis fulta, eaque è quorum sinibus flores exeunt quàm in illa majora.

Hanc plantam in monte *Salève*, inque agris non procul Geneva versùs oppidum *Jay* copiosè Locus.  
crefcentem observavimus.

\* 7. *Campanula sive Cervicaria Bononiensis parvo flore J. B.*

*J. B.*

*Caulis* huic plusquam bicubitalis, rotundus, fungosus, nonnihil asper. *Folia* per caulem sine pediculis hærent, cum ferè amplectentia, in quo differt à præcedente, sunt etiam iis latiora, latitudinis pene trium unciarum, longa quatuor plus minus, serrata, inferna parte albicantes pilos habent, valde exiguos: Summitas quæ floribus vestita pedalis est, & quamplurimis abundat Campanulis, quibusdam ex brevibus pediculis cauli hærentibus, aliis ramulis brevibus duarum aut trium unciarum.

Ab Agerio siccam habuit. Circa Bononiam copiosè provenire dicitur.

Locus.

\* 8. *Campanula foliis subrotundis C. B. Trachelium subrotundis foliis Park.*

*C. B. prod.*

Ex radice tenui, repente *caulis* sesquipalmaris, levi lanugine pubescens exurgit, quem *folia* pauca subrotunda, uncias duas pene longa lataque, pediculo oblongo donata, tenuia, subaspera, per ambitum crenata cingunt: in caulis summo *flores* pauci, dilutè cœrulei Campanulæ formæ, deorsum pendentes, ex quorum medio stylus exurgens extra florem fertur.

Hæc à Campanula hortensi Rapunculi radice differre videtur altitudine, foliorum longitudine, florum magnitudine & numero, quæ pro radicibus multas tenues, transversas & obliquè repentes fibras habet, à quibus *radices* longæ, candidæ Rapunculi similes demittuntur.

\* 9. *Campanula Drabæ minoris foliis C. B. Park.*

*C. B. prod.*

Ex radice Rapunculi minoris forma *caules* sesquipalmares, lanugine levissimâ asperfi prodeunt: quos *folia* Drabæ minoris foliis similia, subrotunda, viridia, unciam longa, semunciam lata, per ambitum crenata, & in acumen fastigiata, subaspera, pediculis carentia alternatim vestiunt. *Flores* pauci, subcœrulei, sexanguli [ hoc præter aliorum hujus generis normam; fortè error est in numero ] calathi formæ, mediocri magnitudine, & pediculis oblongis donati, summo cauli insident.

In pratis circa Valesianorum thermas copiosè provenit.

Locus.

\* 10. *Campanula foliis Echii, floribus villosis C. B. Trachelium foliis Echii Park.*

*C. B. prod.*

Ex radice oblongiuscula *folia* angusta, quatuor aut quinque uncias longa, subaspera prodeunt, inter quæ *Caulis* palmaris, rariùs pedalis, rotundus, subasper, paucis, brevibus & angustis *foliis* vestitus  
R r r exsurgit;



exsurgit; ex cuius summitate flores unciales, lati, Campanulæ formâ, quini, seni, cœrulei, alternatim dispositi brevibus pediculis dependent, quorum extremitates, quemadmodum & calices pili oblongi, pappi instar ambiunt.

Locus.

Alia species.

Hæc in Baldo reperitur, & Helvetiorum Alpibus, Gothardo & monte Fracto.

Hujus & minor species, quæ minus hirsuta, semipalmatis foliis brevibus; cauliculo gemino, ex quorum quolibet reflexo flos unicus ille tamen minor, dependet.

Ex Helvetiorum Alpibus allata est.

- \* 11. *Trachelium altissimum*, hirsutum asperius, foliis angustis, floribus parvis J. B.

J. B.

Radice crassa nititur & subdulci: Caulem erigit bicubitalem vel tricubitalem, crassiusculum, hirsutum, foliis ornatum angustis, longis, ad Echii folia accedentibus, asperis. Flores confertim conglomerantur ut in Trachelio minore, Campanulati sed minores, cum tamen planta major.

Inter Sultz & Zenne Allatiz urbes, invenit descriptionis autor J. Bauhinus, mense Julio florens.

- \* 12. *Trachelium saxatile foliis Pulmonariæ Gallorum* C. B. *Saxatile spicatum* Park. *Rapunculus Saxatilis sive pyramidalis alter* Ger. emac.

Clus.

Radicem habet candicantem perennem, unde perfiliunt interdum plures cauliculi teretes, inæquales & contorti, palmares aut breviores longiorive pro vetustate plantæ aut loco in quo nata, candidâ lanugine tecti, singulis annis pereuntes, novis sequente renascentibus qui summo fastigio multis elegantibus floribus, cœruleis, spicæ in modum digestis sunt ornati, ut in Trachelio min. quibus succedunt vascula etiam illius similia, minutissimo semine plena, longiusculo tamen potius quam rotundo, coloris ex spadiceo fuscis. Folia inæqualiter hinc inde sparsa caules ambiunt, ad Pulmonariæ Gallicæ foliorum similitudinem satis accedentia, cum magnitudine, tum crenarum in ambitu formâ, atque ipsa etiam candidâ lanugine fermè obsita, pronâ præsertim parte. Tota planta lactescit, & ad Sonchi odorem proximè accedit, saporéque est dulci, præsertim radix, ut penè Rapunculus vulgaris.

Locus

Nascitur in asperis & saxosis montibus Brixianis, circa specuum oras, inter durissima saxa, ut non sine magno labore radices erui possint, nec usquam observavit F. Gregorius de Reggio Capuccinus, nisi in locis cavernosis ubi nullæ aliæ plantæ proveniant, nec humor penetret.

- \* 13. *Trachelium majus petræum* J. B. Ger. emac. *petræum majus globosum* Park. *Campanula Alpina sphaerocephala* C. B.

Pon. J. B.

A radice lignosa & rugosa, colore pallido purpurascente exeunt cauliculi multi, striati, subhirsuti, cubitales & cum rubore virides, [crassi, firmi, lignosi, incano tomento pubescentes, in ramos nullo ordine divaricati J. B.] qui inordinatè emittunt folia, oblonga, crenata, nigricantia, suâ pariter hirsutie communita, parte prona potissimum, ubi etiam albicant, & Salviæ folia referunt, magis tamen angusta & mucronata [quædam uncialia, longiora etiam, semunciam ferè lata, quædam breviora & angustiora præsertim quæ in summo constituta. Quæ verò ramis hærent prædictis multis numeris minora]. In summo caule sunt flores multi, acervatim congesti, & inferius ex eodem globuli quidam, at minori numero; & inferius adhuc inter caulem & folia alii, & adhuc pauciores, formam repræsentantes florum Umbellatæ Cervicariæ Penæ, sed minores, albi, in quinque & quandoq; septem mucronatas scissuras divisi, è quorum centro multa exeunt stamina sublutea, quorum unum modo proboscidis egreditur, versùs cacumen satis crassum, quod dum maturatur bifurcatum & aduncum evadit.

Tempus  
& Locus.

Decedente Augusto florens conspicitur, atq; talis per plures dies conservatur, unde Pona semen observare non potuit. Inter rimas illorum asperrimorum lapidum Baldi solum circa Coronæ Templum pullulat.

14. *Trachelium Duguesnii* Clus. *spicatum tenuifolium* Park. *Alopecurus Alpinus quibusdam*, *Echium montanum Dalechampii* J. B. *Echium Alpinum luteum* C. B. ejusdemq; *Campan. foliis Echii*.

J. B. Clus.

Pollicaris crassitudinis habet radicem, sensim gracilescantem, palmo longiorem, in apophyses aliquot abeuntem, teneram, rubentem rugoso cortice tectam. Caulis dodrantalis aut pedalis, crassitie respondet radici, firmus, cavus, singularis, hirsutus, crebris foliis vestitus, aliis palmum ferè longis, aliis brevioribus, potissimum superioribus, latitudine semunciali, hispida, ad Echii folia accedentibus. Thyrsus seu potius florum inter foliola latentium, pulcherrimo ordine dispositorum, Trachelii aut Rapuntii floribus similiū, sed minorum pallescentisq; coloris crassa spica nascitur. Evanescentes flores in capitula transeunt exile subflavumq; semen continentia.

Locus.

In altissimis jugis montis Juræ propè Thuri copiosum invenimus.

15. *Campanula foliis Anchusæ, floribus oblongis* C. B. *Rapunculus montanus, sive Trachelium montanum* J. B. *Trachelium montanum majus* Park.

J. B.

Folia multa propter terram, in quibusdam duabus uncis longiora, in aliis quadruplo, ad Echium accedentia, ex angusto principio sensim lateſcentia, sensimq; deinceps in acumen desinentia, utrinq; hirsuta, nonnihil crenata, costâ medium secante. Inter hæc surgit caulis ferè cubitalis, hirsutus, enodis, uno

uno aut altero foliolo exiguo donatus. Flores in caulis scapo superiore quinque aut plures, singuli in singulis pediculis non admodum longis, magni, Campanulæ urticæ folio similes, ex cœruleo albescentes, calyce hispido basin complectente. Radix crassiuscula & longiuscula, esui grata.

Burnonii in Rhætia invenit J. Bauhinus florentem Junio: Agerius in montibus Stiriac collegit.

Huic eadem videtur quam

Locus.

*Campanulam minorem foliis Succisæ flore magno denominavimus.*

Ad semipedalem altitudinem assurgit, foliis ad radicem oblongis, Succisæ ferè similibus quod ad figuram attinet, sed multo minoribus, hirsutis, per margines æqualibus, aut crenis vix conspicuis incisis. Cauliculi, tenues, teretes, hirsuti, non ramosi, uno vel altero folio vestiti antequam ad flores ventum est, qui alternatim caulem ad intervalla conscendunt, quatuor quinque vel sex, & quandam quasi spicam efficiunt laxam, nutantem, pediculis semuncialibus tenuibus, magni pro plantæ modo, & Trachelii majoris æmuli.

Invenimus inter *Glucknitz* & *Mertzschnitz* in montibus Austriæ & Stiriac determinantibus. Locus. Siccam à D. Philippo Skippon asservatam descripsimus, nam virentem per festinationem non licuit.

- \* 16. *Rapunculus nemorosus magno flore* Park. minor C.B. *Rapuntium* sive *Erinus magno flore* Col.

Col.

Radice est crassa, fibrosa, ex albo parum rufescente, sapore dulci ut Rapuntii vulgaris, lactescente, ac perenni, ut conjicere est ex novella sobole & radicis rugoso capite. Folia cum caule promit, primum exigua, rotundiora cacumine, vulgaris Pepli magnitudine, deinde longiora, quæ vix unciant æquant vel superant, semper longiora & angustiora, illaque in extremo acutiora, quæ caulismedio hærent. Caulis tenuis est, pedalis, striatus, paucis foliis interceptus, in quibus deinde flores, post discussos priores qui supra caulium cacumen producuntur ex quinquefoliata basi angustifolia, ut in aliis. Floris effigies ad Trachelii angustifolii Col. accedit, unciali longitudine, & semunciali ferè latitudine, in quinque lacinias oris margine inciso, obsolete cœruleo purpurascente colore venulis purpuro-cœruleis per longum depictus est flos, lacinias habens colore magis saturo; apicem in medio trifidum, in torto cacumine, quinque etiam staminibus circumdatum. Fructus ut congenerum, & semen arenæ instar minutum decidit per foramina tunc pervia minutum. Tota planta cum floribus lactescit, dulci sapore, edulis, gravior in cibo quàm Rapuntium.

In Asprensum colle quodam Castro subjacente.

Locus.

- \* 17. *Rapunculus nemorosus angustifolius magno flore major* C.B. *Rap. nemorosus* Ger. Park.

Folia ima oblonga habet, & circa margines dentata, succedentibus tamen breviora; quæ prælonga sunt, & marginibus pariter dentata, brevibus pediculis nixa, ad quorum exortum alia minora cauli apponuntur. Flores aliorum Rapuncolorum similes, pallide cœrulei. Radix alba, longa, minùs tenera quàm reliquorum.

- A. 18. *Trachelium minus* Park. Ger. emac. minus multis J. B. *Trach. sive Campanula pratensis flore conglomerato* C. B. *Little Throatwort or Canterbury-bells.*

Caules ex eadem radice plures erigit pedales aut cubitales, hirsutos, teretes, rubentes. Folia quæ à radice exeunt longis insident pediculis, ipsa tres digitos interdum longa, fescunciam lata, in acutum mucronem definentia, circa margines crenata & veluti crispa, brevi & vix conspicua lanugine hirsuta, ad tactum aridiuscula: superiora in caule minora, absque pediculis adnata, situ alterno. In summis caulibus & foliorum alis sedent flores plures simul conferti, absque pediculis calathoides, erecti, pulchrè purpurei, ad medium ferè in quinque lacinias acutas secti, stylo intus oblongo trifido, quem circumstant quinque staminula alba. Vasculum feminale in imo calice infra floris fundum situm, in tria loculamenta dividitur.

In pascuis montosis & cretaceis plerunque nascitur, & post mediam æstatem floret.

Locus.

Gerardus nostras hanc plantam bis descripsit & depinxit, primò *Trachelii minoris*, iterum *Violæ calathianæ* titulo; unde J. Bauhinus malà figurâ deceptus, cum (ut ingenuè fatetur) linguam Anglicanam, quâ eam Gerardus descripsit, non intelligeret, sub titulo Trachelii sive Violæ Calathianæ eam iterum proponit.

*Trachelium minus album* J. B.

Floribus est albis, non magnis, multis simul in extremitate caulis cubitalis, lævis: foliis longo pediculo uncias tres longis, duas latis, non in acumen definentibus ut cæterorum Tracheliorum, serratis, vix asperis, glabris. Ex sicca descripsit.

In horto Meier vidit. Q. an aliter quàm floris colore differat à Trach. min?



- \* 19. *Campanula media foliis inferius candida lanugine vestitis* C. B. *Campan. sive Cervicaria media Thalio, floribus caeruleis parvis* J. B.

*Thal.*

Locis montanis & Soli meridiano expositis nonnunquam prodit, caule tereti, aspero, foliis plurimis amictis, minoribus multò, viridioribus superius, inferius candidis, lanugine vestitis, quali folia Althææ, sicut & folia mediam figuram inter Urticæ majoris breviora folia & Althææ referunt. Caulis ut plurimum unicus est sine ramosis adnatis, sæpenumero tamen in plures dividitur brachiatas virgulas. Circa medium ferè caulis, ubi majora folia exoriri definunt, frequentes ~~propagines~~ adnascuntur, ordine per certa intervalla usque in apicem caulis consequenter, ac ex alis peculiaribus ad latera erumpentes, tenuibus quibusdam foliolis, iisque incrispatis parum, ac agminatim densèque sibi coherentibus constitutæ, ex quibus longa serie in scapo flores crebri prodeunt, eleganter cœrulei, similes prioribus sed multò minores.

Planta hæc nobis incognita est, nec alii puto præter Thaliu botanico visa, & descripta.

- \* 20. *Campanula hirsuta Ocimi folio caulem ambiente, flore pendulo* Boccon.

*Boc.*

Caulis constat pedali, striato, hirsuto, in multos cauliculos divaricato, quos ambiunt folia ampla, & illa quoque non leviter hirsuta, Violæ pentagoniæ æmula, caulem amplectentia, sed majora: Flos in summitate cauliculorum pendulus, purpureus, Campanularum formâ, variis foliorum longiorum & angustiorum appendicibus, quasi auriculis ad florum basin appositis, cinctus. Sequitur semen ut in aliis omnibus ejusdem classis. Radice nititur exili, quæ singulis annis perit.

*Locus.*

Messanæ in loco dicto lo Ringo nascitur.

- \* 21. *Trachelium pumilum Alpinum, singulis floribus ex singulis ramulis satis magnis* J. B. *Campanula Alpina pumila lanuginosa* C. B. *Trach. pumilum Alpinum* Clus. Park.

*Clus.*

Dodrantalis est plantula, cauliculo striato, in plures ramulos diviso, quorum singuli sustinent florem satis magnum, cavum, Campanulæ instar efformatum, in quinque angulos definientem, quem admodum vulgaris Trachelii aut Campanulæ flos, cinereo colore præditum. Floribus succedunt capitula satis magna, trigona, nutantia, seu deorsum spectantia, quæ continent semen vulgaris Trachelii semini non dispar, sed minus & exalbidum. Folia quæ per caulem sparsa sunt latiusculâ basi eum amplectuntur, & in oblongum mucronem definunt; quæ verò summâ tellure stirpi adherent, latiuscula sunt & longiori pediculo innixa. Radix pro plantæ exilitate satis magna, candicans, superna parte in plura capita extuberans, & quibusdam fibris hirsuta. Tota planta lanugine pubescit lacteoque succo abundat.

*Locus.*

Nascitur in Sneberg, aliarumque vicinarum Alpium jugis. Flores profert Julio.

- \* 22. *Trachelium ramosum floribus plerisque singularibus* J. B. *a precedente non multum diversum.*

*J. B.*

Radix crassiuscula, uncias quatuor longa, parum fibrosa: folia ad radicem multa ex brevibus pediculis, unciam unam vel duas longa, mediam lata: Caulis hirsutus, pedalis, in ramos divisus, qui definunt in folia brevia, lata, ex quorum medio oriuntur magnæ campanæ purpureæ, plerunque singulares. Ex Tracheliorum minorum genere est, (inquit J. Bauhinus) ex ficca quam nescivit unde habuit descripsit.

- \* 23. *Pyramidalis Valerandi hirsuta* J. B.

*J. B.*

Primo anno (inquit J. Bauhinus) mihi caulem non produxit, qui sequente demum anno in tantam excrevit altitudinem, ut faciliè lanceam æquaret, hirsutus, medullâ albâ factus, foliis vestitus infernè & supernè hirsutus, acuminatis ferratisque Trachelio majori accedentibus. Flores longâ serie campanulas imitati, Rapunculi vulgaris haud minores, cœrulei, per oras laciniati, ex uno pediculo plures.

Ex semine per Valerandum Dourez ex Sclavonia delato J. Bauhino nata est.

- \* 24. *Campanula Alpina Tragopogi folio* C. B. *Trachelium Tragopogi folio montanum* F. Columnæ J. B. Park. *Trach. Tragop. folio* Clus.

*Col.*

Radice[m] habet crassiusculam, albidam, lactescentem, & ex ea plures propagines, habentes folia angusta, longa, duriuscula, Croci aut Tragopogi formâ & magnitudine: Veris fine caules pedales edentes, subrubentes, atq; hirsutos, quibus folia alternatim rarâq; hærent; in quorum summo sex aut septem simul flores purpurei, Nolæ formâ, Trachelii vulgaris modo, ex basibus singulis quinque foliolis viridibus constructis exeunt. Fructus atque semina Trachelio etiam similia æstate perficit. Radix perennis est atque dulcis, esui apta sicuti vulgare Rapuntium.

*Locus.*

In D. M. Virginis monte sic vulgò dicto exoritur.

*Trachelium*

*Trachelium capitatum hirsutum foliis gramineis* Pauli Boccone.

Foliorum præcipuè hirsutie à præcedente differre videtur & statura pedali, flosculorumque in capitulum congestorum multitudine. Verùm his non obstantibus, cum ipse P. Boccone dubitat an eadem illi planta sit necne, non est cur nos separemus.

- \* 25. *Campanula Lychnoidea* J. B. *Lychnis hirsuta* L, seu *sylvestris Campanulæ flore* C. B. *Lychnidis sylv. species Myconi* Lugd.

Lugd.

Radice est fibratâ, palmum longâ, nigricante, nervum intus habente, in profundum actâ, sapore dulci, cum adstrictione. Ex ea ramulos fundit multos, rotundos, villosos, incanos, vix palmum excedentes, in quibus folia angusta, pilosa, incana, per cauliculos incerto ordine distributa, leviter adstringentia. In summo caulium vertice flores exeunt Campanulæ similes, quales in Convolvulo, rotundi, ex candido nonnihil purpurei.

Non alibi quàm in montibus *D. Mariæ* à Monteferrato à Mycono visa est.

Qu. Annon Convolvuli potiùs species sit?

Locus.

- \* 26. *Campanula Urticæ folio Brasiliensis* Marggr.

Marggr.

Caulis tereti, recto, paulum piloso, viridi, in tres aut quatuor pedum altitudinem assurgit, ac in longis pediculis bina semper folia opposita gerit, figurâ *Urticæ* foliis similia, sed majora, in ambitu ferrata, ad foliorum exortus etiam hinc inde rami opponuntur, qui eodem modo folia obtinent, in summitate caulis & extremitate ramorum minora. Flores ibidem fert in longam quasi spicam congestos, elegantissimos, pediculo digitum longo insistentes, ac deorsum propendentes, figurâ mitræ *Polonicæ*, & in extremo ambitu habentes quinque incisuras, sunt autem coloris coccinei & interiùs punctis saturatè rubris variegati, præterea habent in medio staminulum longum, pallidum, cum apice *Lilæ*ceo. Tota autem planta cum flore odorem refert *Marrubii*.

## §. 2. *Rapunculi & Campanulæ glabræ.*

1. *Rapunculus Creticus* seu *Pyramidalis altera* C. B. *Rapunculus Creticus*, *Petromarula* J. B. *Petromarula Cretica* seu *Rapunculus Creticus* Park. *Petromarula* seu *Lactuca petræa* Pon. Ital. Bell.

J. B. Bel.

Herbam teneram, lacte turgentem, floribus cœruleis, visui gratam Imperati sic describit Honorius Bellus. Folia profert cichoracea, magna profundè incisa, in orbem diffusa, saturè virentia, infernè splendentia, ad purpuram aliquando tendentia ut *Cyclaminus*, lævia; cum autem semine nata prodit, prima ejus folia *Violæ* nigre foliis simillima sunt, rotunda, & aut nihil, aut parùm duntaxat ferrata. Cauliculos autem multos habet, rotundos, striatos, bicubitales aut tricubitales: quibus innascuntur flores copiosissimi, purpurei, *Hyacinthi Orientalis* florum æmuli, densè compacti, ut spicam eamque magnam referre videantur; quibus succedunt semina minutissima. Radice firmatur magna, alba, in alas divisa, eduli, sapore *Rapunculi* radicem imitante. Tota planta lacte abundat.

In Creta ubique reperitur in arborum marginibus, secus vias lato solo, inter saxa, & supra parietes. Floret ibi æstatis principio, deinde exarescit tota præter radicem, quæ Octobri folia proferre incipit & viret tota hyeme.

Locus

& Tempus.

2. *Campanula Linifolia lutea montis lupi flore Volubilis* Ad. Lob. *Camp. lutea linifolia* Ger. Park. *Linum sylvestre luteum foliis subrotundis* C. B. item *Rapunculus nemorosus angustifolius* parvo flore ejusdem. Bis enim ponit hanc plantam sub diversis generibus. *Linifolia Campanula lutea* J. B.

J. B.

Folia per caules, ferè sesquipalmares alterno situ, oblonga, angustaque, Lini sativi foliorum æmula, lævia. Caules superiùs in ramos abeunt, qui flores gestant insignis magnitudinis, uncia longiores, croceo colore micantes, calyce in quinque longas angustas laciniâs fisso, capitulo sequente Lini sed magis turbinato. Radix longa, crassa lignosa, in plura capita tuberosa divisa.

In devexis montis Lupi propè Monspelium collegit Lobelius, quâ ad Septentrionem vergit, cui nec alibi visa, & usu minus cognita. Latioribus foliis in devexis montis Capouladou Junio mense cum flore invenit P. Magnol.

Locus

Vera Lini species est (inquit Morissonus) ex flore & semine: Campanula autem non est, quia nec lactescit, nec semen minimum lucidum, aliarum Campanularum more fert. H. B. p. 432.

Postea Hist. Ox. p. 576. sententiam mutat, & sibi contradicit. Est enim (inquit) à fine ultimo i. e. flore & capsula seminali Campanula, ergo malè collocatur inter Lini species à C. Bauhino. Hujus plantæ ramulum cum Monspelii essemus nobis communicavit D. Carolus Zueiker Dantiscanus.

An vera & genuina Campanulæ species sit, an inter Campanulam & Linum ambigat, me latet, ut qui vasculum seminale non observaverim.



3. *Campanula Persicifolia* Ger. Park. *angustifolia cœrulea* & *alba* J. B. *Rapunculus persicifolius* magno flore C. B. *Peach-leaved Bell-flower*.

J. B.

Ad sesquicubitalem altitudinem affurgit *caule* anguloso aut striato, glabro, rigido, inani, crebris foliis vestito nullo ordine positis. *Folia* angusta longa, glabra, ex atro virore splendentia, ad margines raris, nullo ordine positis & vix conspicuis denticellis incisa. *Flores* in summitate caulis ex alistoliorum exeunt in eodem furculo seu pediculo plures simul, pedicellis privatis brevibus, monopetali, Campanulati, ampli, margine in quinque segmenta diviso, quàm Rapuntii magis patuli, plerumque cœrulei, interdum albi, è calice quinquepartito; infra quem consistit *vasculum* calicis figurâ, in tria loculamenta dispartitum, *semina* continens parva, splendentia, tribus foraminibus per maturitatem pertusum, è quibus semina fundit. *Radix* quàm Rapuntio minor, magis fibrosa tortuosaque.

Locus.

Observavimus hanc in dumetis propè Spadam urbeculam acidulis celebrem in Germania inferiore, flore albo: in montibus & collibus Genevæ vicinis flore cœruleo. In Anglia quod sciam sponte non provenit.

4. *Campanula lactescens pyramidalis* Ger. *Pyramidalis larvis* J. B. *Rapunculus hort. latiore folio*, seu *pyramidalis* C. B. *Campa. major sive pyramidalis* Park. parad.

J. B.

Lacte turgēt *radix*, Rapunculi similis, restibili fecunditate se multiplicans, etiam ex frustulis repullulascens; ex qua *caules* trium quatuorve cubitorum surgunt, læves; *foliis* vestiti glabris oblongis, fortuitis crenis incisis, verum inferiora folia palmum aut sesquipalmum longa, palmo latiora, per extremum ferè obtusa, & ea quoque glabra, raris admodum casuris dissecta & vixdum serrata. *Flores* à medio caule ad summum usque fastigium cœrulei, campanulas oris laciniatis exprimunt, quàm Rapunculi vulgaris majores ac patentiores.

De loco natali nihil certi traditur. Floret Julio & Augusto.

Morifono folia hujus prima & terræ proxima Violæ nigræ forma similia, paulò tamen majora, quæ verò circa caules paulo longiore, utraque saturi viroris: caules validi & præalti: quæ quidem vera sunt.

- \* 5. *Rapunculus Alpinus pyramidalis minor* C. B. *Rapunc. sive Campanula pyramidalis minor* Park.

C. B. Prod.

*Radix* Rapunculi formâ: *Caulis* unus, sesquipalmaris, *foliis* pallidè virentibus, per ambitum crenatis, acuminatis, unciam latis, tres longis, alternatim cingitur. In summo *flores* pauci, cœrulei, Campanulæ formâ, pedicellis annexi, & filamento oblongo ex eorum medio prodeunte donati propendent: quibus singulis *capitulum* oblongum, pertusum succedit, cui *semen* minutum includitur.

In Italia provenit, sed locus excidit. C. B.

6. *Campanula Pyramidalis minor* Alpin. Exot.

Alpin.

A radice tres vel quatuor, vel plures etiam *caules* affurgunt, bicubitales & etiam longiores, recti, graciles, rotundi, ex quibus hinc indè ramuli multi ascendunt, infernè longi, supernè breves, ita ut servato æquali ordine in iis ramulis, quasi pyramis cum ramulis floribûsque appareat, unde nos *Campanulam pyramidalem minorem* nominavimus, ad differentiam *vulgatæ*, quæ longè amplior est. Ex summitatibus verò ramulorum *flores* propendent numerosi, qui parvis Campanulis sunt similes, colore aut cœruleo dilutiore, aut candido, hæque campanulæ sunt cum suis filamentis tanto artificio à natura libratæ, ut artifex peritissimus ita perbellè vix eas faceret, deorsum propendentes, figurâ florum qui in vulgaribus Campanulis spectantur, sed paulò majores, suaviter olentes. Hæc stirps infernè juxta terram admodum est foliosa: *folia* verò spectantur, longa, viridia, inferiùs latiuscula, & in acumen desinentia, magnitudine & figurâ quasi ad Rapunculos accedentia, vel ad Intybum sylvestrem; longè tamen extrinsecè undique serrata, supernè longè minora, tenuiora, ac magis mucronata cernuntur, singulæque ad uniuscujusque ramuli in caule exortum. *Radix* prægrandis crassâ, brevis, Nucis Juglandis ferè magnitudine, figura tamen longior, in acutum desinens, colore albo vel translucido, ad Rapunculi itidem radicem maximè inclinans. Sapor verò insipidus & viscidus observatus est. Stirps perennis est, & quo annosior eo radices habet numerosiores & crassiores.

Locus.

In valle S. Fidatæ duobus à Bassano oppido m. p. in locis opacis & humidis, nec alibi usquam, nascentem vidit Prosp. Alpinus.

- \* 7. *Rapunculus petraeus* Alpin. Exot. Park. Morif.

Alpin.

*Radix* huic oblonga est, digiti minoris crassitie, carnosâ & albâ, Rapunculo vulgari valdè similis, sapore dulci, subacri, unde in acetariis Rapunculi modo (ut audio) est satis accepta gustui. Ex radice *folia* complura fert, longissimis pediculis gracilibus inhzrentia, Hederæ foliis carnosissimis similia, minora tamen, longiora, magisque in acutum desinentia, tenuiora, colore viridi nigrescentia. E foliorum medio prodeunt tres surculi, graciles, recti, longi, rotundi, dodrantes, cum parvis foliolis, longis, tenuibus, utrinque alternatim suis petiolis caulibus adnascentibus. In cauliculis cacumine

cacumine capitulum parvum rotundum, aliquando oblongum extuberat, e flosculis complurimis cœruleis, in unum congestis, inodoris, quibus singulis succedunt capsulæ exiles, tribus loculamentis divisæ, in quarum singulis plurima minuta semina subruſſa, ſplendentia.

Nascitur propè Bassanum in agro Marosticensi, à Brenta flumine vix tertia milliaria parte distant, in colle lapideo Septentrioni exposito, radice rimis saxorum infixâ, ut propterea magno labore eruatur, vixque integra. Locus.

\* 8. *Rapunculus nemorosus angustifolius major majore flore* C. B.

Hic folia exhibet etiam angusta vulgaris Rapunculi esculenti in modum, profundè serrata: flores verò ampliores, nolæ alicujus patentioris in modum, quinqueſariam in margine partitos: quibus succedunt capsulæ trifariam junctæ, singulæ singulis foraminibus pertusæ illius more.

\* 9. *Trachelium parvum folio Bellidis subrotundo.*

Radix ei alba, simplex, lignosa, annua: Caulis erectus, striatus: Folia alternatim posita, subrotunda, absque pediculis cauli adnata Flores Trachelii majoris.

Circa Messaniam in montium urbi imminantium lateribus observavimus.

Ad § præcedentem pertinet.

Locus.

\* 10. *Campanula Alpina glabra flore dilutissimè cœruleo* J. B.

J. B.

Nihil hirsuti aut asperi (inquit J. Bauhinus) nobis in hac planta apparet. Folia aliquid similitudinis habent cum Hieracio Sabauda, in circuitu serrata, minora sunt quam Campanulæ repentis flore minore; flores etiam paulò minores videntur, in unum latus versi, ex brevi pediculo nutantes.

Ramulum habuit ferè pedalem, datum ab Agerio, qui in vertice montis Tyrolensis collegerat. Excepta glabritie parùm differt à Campanula repente flore minore. Locus.

A. 11. *Rapunculus esculentus* C. B. *esculentus vulgaris* Park. *vulgaris campanulatus* J. B. *Rapuntium parvum* Ger. *Rampions*.

Rapunculo vulgari radix alba est nunc simplex, nunc furculosa: Caulis sesquicubitalis, gracilis, hirsutus, angulosus & striatus, nunc unus, nunc plures, foliis cinctus nullo ordine positus, angustis, acutis, pediculorum expertibus, cauli adnatis basi latiuscula, sensim angustioribus ad apices usque, per margines crenis vix conspicuis leviter incisus, in summo ramosus, ramulis e foliorum sinubus exeuntibus.

In summis caulibus & ramulis, longis pediculis insident flores campanulati, in quinque laciniis acutas profundè divisi: singulæ autem laciniæ tribus striis purpureis insignes sunt. Stylus in medio flore trifidus in tria cornua reflexa; quem stamina quinque tenuia breviora circumstant. Floris color ex cœruleo purpurascens: Calix ex quinque angustis acutis foliolis componitur. Infra florem ad imum calicem vasculum est seminale tribus loculamentis distinctum, semine repletum copioso, exiguo, lucido. Tota planta lacteo succo turget aliarum Campanularum instar.

Vernis acetariis (inquit J. Bauhinus) expetitur hujus radix, minimi digiti ferè crassitudine, Napi usus parvi similitudine, alba, dulcis. Cum longo Pipere devorata lactis ubertatem facere perhibetur.

Estur non cocta tantùm sed & cruda in acetariis, quòd maximè gustui placeat, & appetentiam excitet; longe quàm Rapi aut Rhaphani delicatior. Lob.

In aggeribus fossarum, inque arvis non cultis nascitur; in hortis etiam ad acetariorum usum seritur Locus. & colitur ut grandior evadat. Æstate floret.

*Erinos major* Fab. *Columnæ*, *Rapunculo affinis* J. B.

C. Bauhinus hanc plantam habet pro Rapunculo esculento vulgari proximè descripto, cujus sententiæ & nos quoque accedimus: nihilominus descriptionem ejus Columnianam proponemus, ut Lectori judicium permittamus.

Radice constat carnosa, non magna, parvum Rhaphanum æquante ad summum, candida, gustu suavi, ex dulci acerba acetariis expetita, lactescente, in medio vel imo parùm extuberante, à qua folia exeunt primo vere, Ocimi foliis similia, minora tamen, mediis Ocimi foliis æqualia, per ambitum serrata, supernè hirsuta parùm atque viridia, infernè verò lavia atque polita, albidioraque. Caules postea ab radice emittit plures, secundum loci annique temperiem, pedales vel majores, angulosos, hirsutos: quos folia absque petiolis alternatim circumdant, longiora admodum angustioraque, minúsque serrata, ita ut qui viderit plantam sine caule, atque postea caule præditam, diversam absque dubio esse censeat, nisi domi cultam observaverit. Folia quidem quæ antequam caules ederet habebat terram tangentia marcida evanescunt, nec in illa amplius inveniuntur. Ex foliorum aliis ramuli exeunt, in quibus sicut in caulibus flores Maio exeunt, petiolis parvis hærentes, cavi, quinque divisuris in extremo dissecti, colore albicantes & etiam purpurascens, intus thyrsum habentes, qui in tres curvas partes dividitur: quibus siccatis florum basis extuberat, quæ hirsuta est & in quinque viridia folia definit, semen perficiens Junio & Julio fuscum, minutum, compressum, gustu acerbum, quod cum perfectum & siccatum est, per basis foramina, quæ tunc pervia sunt decidit. Tota planta lacte manat dulci disrupta. Hæc descriptio Rapunculo vulg. esculento per omnia convenit, nisi fortè floris colore, qui pro cœli aut soli diversitate variare sæpenumero solet.

A. 12. *Cam-*



A. 12. *Campanula rotundifolia* Ger. *minor sylv. rotundifolia* Park. *minor rotundifolia vulgaris* C.B.  
*The lesser round-leaved Bell-flower.* *Campan. parva, Anguillare Cantabrigiæ* J.B.

*Radice* est albâ, crassiusculâ, modicè fibrosâ, subdulci. *Folia* primo ortu aliquatenus *Violæ Martiæ* primis minoribus foliis similia, minora, sinuata, ex semuncialibus & uncialibus pediculis, quæ mox laciniata fiunt hederaceorum instar: At quæ in caule sunt longa, angusta, acuta ad margines æqualia, nec ullis pediculis nixa. *Caulis* pedalem interdum altitudinem assequitur, teres, glaber, obscurius viridis, foliis vestitus crebris, nullo ordine positus. *Flores* in summitate caulis cœrulei, campanulati, Rapunculi similes, margine in quinque lacinias diviso, penduli; è calice in quinque longa angusta segmenta partito exeunt. In medio flore *stamina*, & quatuor foliola parva, alba, quæ introrsum ad floris umbilicum incurvantur. *Semen*, ut in hujus generis reliquis, vasculo infra florem sito, tribus loculamentis distincto includitur.

Locus &  
Tempus.

In agrorum marginibus, inque dumeris & ad sepes præsertim in montosis, ubi pascua etiam occupat frequentissima est. Æstate & in multum Autumnum florer.

Descriptio est J. Bauhini à nobis interpolata.

13. *Campanula minor rotundifolia Alpina* C.B. *Rapunculus Alpinus minor rotundifolius* Moris.

*Radicem* hujus plantulæ non observavi; Morisonus noster tuberosam ei attribuit; Clusius, (si modo eandem describat) radicales fibras valdè serpentes & vicina loca occupantes, subinde germinantes & novas stirpes producentes. *Folia* ei ex rotunditate oblonga sunt & mucronata, circa margines ferrata [longissimis pediculis innitentia] *Flores* Rapunculi vulgaris formâ similes, [nunc eleganti cœruleo colore præditi sunt, vel saturato purpura sive violaceo nitentes, vel dilutiore purpureo colore & quasi cineraceo conspicui, interdum etiam nivei Clusio.]

Locus.

In Alpibus Stiriæ & Carinthiæ invenimus aut hanc, aut sequentem plantam.

*Campanula* illa, quam in sylvis montosis propè Lindaviam urbem, & alibi in Alpibus Stiriæ & Carinthiæ invenimus, *folia* habuit qualia modo descripsimus; *Caules* sesquipalmares & longiores, tenues, paucis foliis vestitos, imis latioribus, reliquis sensim angustioribus, ad margines dentatis, exceptis iis quæ in summis caulibus sunt. *Flores* versùs summos caules ex alis foliorum exeunt, longis pediculis, cœrulei, & *Campanulæ* minoris rotundifoliæ similes. In uno autem caule tres, quatuor, & non rarò quinque flores sunt; totidémque persæpe ex eadem radice caules exeunt.

14. *Campanula Alpina minima folio serrato oblongo.*

Plantula est semipalmaris, foliis angustis, oblongis etiam iis quæ ad radicem sunt, circa margines ferratis, in cauliculis crebris. In summis caulibus duo trève flores, præcedentium similes, pro plantulæ proportionem ampli cœrulei.

Clusius in hist. pro *Campanula minore Alpina* iconem habet Lobelii & Dod. Et revera descriptio ejus non convenit huic plantæ sed potius præcedenti: ut dubitem adhuc quam plantam intelligat Clusius *Campanulæ minoris Alpina* titulo, & putem J. Bauhinum rectè fecisse quòd non separet eam à præcedente.

*Campanula minor rotundifolia flore in summis cauliculis* C. B. i. e. *minor alba & purpurea* Ger. *minima sylvestris* Park.

An & quomodo differat à *Camp. minore rotundifolia* vulgari, examinent alii: mihi certe eadem videtur.

\* 15. *Campanula rotundifolia minima* C. B. prod. Park.

C. B. prod.

Plantula est trium unciarum, ex cujus radícula alba, capillari, oblonga exurgunt cauliculi (sæpe unus, plerunque terni aut quaterni,) tenuissimi, subrubentes, & ad radicem subhirsuti, majori ex parte nudi, singuli unicum flosculum subcœruleum, deorsum nutantem, calathi formâ sustinentes. *Foliola* habet ad radicem potissimum, exigua, subrotunda, ferrata, rigidiuscula, quandoque rubentia.

Locus.

In Rhætorum Alpibus inter saxa, florentem adhuc Septembri invenit C. Bauhinus.

\* 16. *Campanula linifolia cœrulea, vel Rapunculus campanulatus linifolius* J.B. *Camp. Alpina linifolia cœrulea* C. B. *linifolia cœrulea* Park.

C. B.

Ex radice tenui alba, cauliculi quaterni, quini, plures pauciorève, palmares & sesquipalmares, graciles, rotundi, simplices emergunt; foliis oblongis, angustissimis confuso ordine septi. *Flores* in summitate cœrulei.

Locus.

Rupes & summa juga montis *Wasserfall* Julio mense florens exornat. Monet C. Bauhinus hanc cum vulgari *Campanula minore* minimè confundendam. Diligentiùs conferant quibus montem illum adire contigerit, & plantam ipsam in statu videre.

- A. 17. *Campanula Cymbalariae foliis* Ger. emac. Park. *Cymbalariae foliis*, vel folio bederaceo C. B. *Camp. folio bederaceo*, species Cantabrica Anguillarae J. B.

Tenella est plantula, radice exigua, capillacea & albicante: coliculis tenuibus, palmaribus & sesquipalmaribus; per quos folia tenera, hilari virore perfusa, Hederæ vel Cymbalariae, angulosa angulis acuminatis, longis pediculis donata. Flosculus pediculo fili instar tenui, longiusculo, uni unicus, infidet gracilis, oblongus, per summas oras laciniatus, cœruleus, cæteroqui pallidus: [aliquando summo cauliculo, aliquando ex ejusdem lateribus prodeunte.]

In aggeribus udis ad aquarum margines in Occidentalibus Angliæ copiosè provenit: invenimus & Locus. in Septentrionalibus propè Sheffieldiam.

- \* 18. *Campanula rotundifolia Catanæa longius radicata* Bocconi.

Bocc.

Radix hujus altè in terram depacta est: Caules multi sunt, pedales, duri, rigidi: Folia Cymbalariae rotunda, leviter sinuata, ab imo usque ad fastigium ferme æqualia. Flos aliarum Campanularum formâ cœruleus; item & semen, lucidum, rufum.

E rimis saxorum erumpentem propè Catanam inveni. Differt ab ea quæ Cymbalariae foliis dicitur, radice, sed præcipuè foliis superioribus minimè angustis. Locus.

- \* 19. *Campanula serpyllifolia* C.B. Park. *Campanula Serpyllifolia* J. Bauhini.

C. B. prod.

Tota planta floribus exceptis Serpyllum refert, nam radice est tenui, obliqua, tenuissimis fibris capillata, & hinc indè repente: cauliculis plurimis rubentibus, in terram reflexis, cui novis fibellis adherent, qui in ramulos plures tenuiores dividuntur; quos foliola Serpylli vel potiùs Nummulariæ quæ flore est purpurascens, formâ subrotundâ, duo semper opposita, quædam majora, quædam Serpyllo minora, crenata, subtus pallidè virentia, pediculis brevissimis & levissimè pubescentibus, ambiunt. Cauliculi aliquando in pediculos nudos flores sustinentes desinunt: aliquando ex cauliculorum lateribus pediculi triunciales, in summo nudi, floribus ornati exurgunt. Flores bini vel terni, Campanulæ formâ, ex cœruleo rubentes, deorsum nutantes, singuli singulis pedicellis donantur.

In Baldo cum floribus legit descriptionis autor C. Bauhinus: in Rhætia florentem æstate invenit Locus. J. Bauhinus.

- \* 20. *Campanula Alpina latifolia flore pullo* C. B. Park.

C. B. prod.

Cauliculo est tenuissimo, palmo minore, qui ad partem usque mediam foliis uncialibus subrotundis, alternatim dispositis, leviter crenatis, pallidèque virentibus cingitur: at pars superior nuda est, cui ferè semper unicus flos, mediæ magnitudinis, pulli coloris infidet.

In Alpibus Austriacis, ut Sneeberg & aliis oritur. Forè hæc non differt specie à Campanula rotundifolia minima ejusdem C. B. nam vix animum induco ut credam dari tot Campanulæ rotundifoliæ minoris distinctas species. Locus.

21. *Campanula parva rotundifolia, flore cœruleo, pentagono, grandi.*

Folia huic Campanulæ rotundifoliæ minoris, in locis nonnullis hirsuta, aliis glabra. Cauliculi non assurgunt in altitudinem prout in illa. Flos pro parvitate plantæ grandis & insignis.

Invenimus primo in clivis maritimis prope Scaleam & portum S. Nicolai in Calabria; postea etiam Locus. alibi in Regno Neapolitano.

22. *Rapunculi genus folio serrato rotundiore* J. B.

J. B.

Complures statim à radice tollit caules, cubito altiores, nonnihil angulosos, subhirsutos, simplices, quibus ab imo ad summum adnascuntur alternatim folia, nonnihil hirsuta, uncialia & fescuncialia, semunciam circiter lata, pauca unciam attingunt, in acutum mucronem desinentia, per ambitum serrata, obliquis venis à medio nervo in margines exporrectis. Summus scapus flores ex intervallis profert Rapunculi vulgaris floribus similes, caliculo exiguo, pinnato, persimili, ex pediculis uncialibus & fescuncialibus tenuibus. Radix alba, Rapunculi vulgaris crassitudine, multifida, longiuscula. Floris color cœruleus; pistillus longus extra florem prominet.

In monte Jura collegimus.

Folia hujus plantæ quæ in caule sunt, nullis pediculis intervenientibus eidem adnascuntur, latitudine unciam unam æquant, inferiora etiam superant. Flores campaniformes sunt, pulchrè cœrulei, non autem exeunt singulares è foliorum sinubus, prout eos repræsentat figura J. Bauhini, sed tres, quatuorve simul in eodem communi pediculo. Locus.



- \* 23. *Rapunculus umbellatus latifolius* C. B. *Rapun. umbell.* 2. Cam. hort. *Rapunculi sylv. umbellati prima species* Park.

Hujus folia semunciali sunt latitudine, mucronata, in margine pilosa: *Caulem* erigit dodrantalem, pilis scatentem; in cujus summo fastigio proveniunt plurimi *flosculi*, in unum caput coacervati, cœrulei, integri in fundo, nolæ instar, singuli quinquefariam in margine partiti; quorum singulis deciduis succedunt *capsulæ* tribus loculamentis distinctæ, atque in singulis loculamentis plurima continentur *semina*, subruffa, splendentia.

- \* 24. *Rapunculus umbellatus angustifolius* C. B. *Rap. umbell.* 1. Cam. hort. depictus. *Rap. sylv. umbellati 2. species* Park.

*Folia* habet quàm præcedentis multò minora & angustiora paucioraque: *flores* minores, cœruleos, non tam patentes, plures simul in unum *capitulum* congestos, cum stylo in medio singulorum, qui in margine quinquefariam aliorum more dividuntur: *semina* in thecis tricapsularibus pellucida itidem producuntur.

Duas hæc species J. Bauhinus uno capite comprehendit, quod ita inscribit,

*Trachelii minoris duæ species, sive Rapunculus sylvestris major & minor Thelio.*

Utraque lacteo est succo sicut reliquæ Rapunculorum species: major ex una radice numerosissimos profert *coliculos* tenues, teretes, scabros, hispidos, sesquipedales, *foliis* plurimis, oblongiusculis, angustis, fimbriatis, ac hispidis præditos, in *umbella* parva *flores* cœruleos continentes: *semine* fulvente, exiguo.

Hæc rariùs obviam fit.

Locus.

Minor species locis aridioribus ac Soli expositis frequens est, maximè verò arenosis, foliis & caulibus brevioribus, ut & umbellâ suâ cœruleâ.

§. 3. *Campanula vasculo oblongo in siliquam producta, Speculum Veneris dicta.*

Speculum Veneris dictum puto à semine splendente, lucido, & speculi instar polito.

1. *Speculum Veneris* Ger. *Sp. Ven. majus* Park. *Onobrychis arvensis vel Campanula arvensis erecta* C. B. *Avicularia Sylvi quibusdam* J. B. *The greater Venus Looking-glass.*

E radice parvâ, albâ, lignosâ, singulari, fibris tamen majusculis furculosâ plures interdum caules fundit, infirmos, dodrantales & longiores, ab imo statim ramosos, *foliis* vestitos mollibus oblongis nonnihil serratis, per extremum rotundis, crispis; è quorum sinubus *flores* exeunt pulchri, purpureo-violacei, monopetali quidem, in quinque tamen segmenta totidem folia imitantia expansi, qui occidente Sole in figuram pentagonam, sagittæ parti alatæ similem coeunt, unde & nonnullis viola pentagona dicitur. Floris umbilicus albus: *stylus* tricuspis è medio flore exit; *stamina* quinque alba in ejus tubo occultantur. Floris basi pro *calice* quinque folia angusta, viridantia circumponuntur, quæ summum postmodum coronant fastigium clavæ quadratæ uncialis, *seminibus* parvis, rotundis compressis, per maturitatem lucidis & splendentibus colore leucophæis repletæ. Tota planta lacteum succum vulnerata fundit.

Locus.

Varietas.

Inter segetes in exteris regionibus frequens occurrit.

Datur hujus varietas per omnia major, foliis longioribus latioribusq; cætera perquam similis, quæ *Campanula* f. *Viola pentagonia* folio oblongo latiori *Morif. prælud.*

2. *Speculum Veneris flore amplissimo, Thracicum.*

Plantula est palmaris, radice simplici alba; caule tenui, infirmo, ramulis crebris fruticoso; *foliis* digitum longis, angustis, longitudine latitudinis triplâ, pediculis nullis, immediatè adnatis; inferioribus latioribus, ad Gratiolæ aut Hyssopi folia accedentibus superioribus angustioribus & acutis. *Flores* in summis caulibus & ramulis duplo majores quàm *Speculum Ven. vulgaris* purpurei, quàm illius pallidiores, fundo seu umbilico albo, minùs tamen quàm in illo; umbilicum album circulus latus cœruleus ambit, oræ extremæ purpurascunt. *Flores* magis concavi sunt & campaniformes quàm *Sp. V. vulgaris*, in quinque quidem segmenta minùs tamen profundè divisi. Quinque *stamina* in unum florem occupant, cum stylo in medio longiusculo trifido. Florem circumstant pro *calice* quinque foliola angusta, oblonga, acuta, ad margines nonnunquam setulis obsita. *Flores* antequam aperiuntur par cum reliquis congeneribus modo in quinque rugas sagittæ alas referentes complicantur, *siliquis* quadratis oblongis infidentes. Ad basin siliquæ bina plerumque sibi mutuo opposita folia; & ex alis foliorum bini exeunt ramuli. *Semina* rotunda, in hoc genere majuscula, splendentia, colore leucophæo.

Hujus plantæ semen in Thracia collectum à D. Covill Cantabrigienfi nobis communicavit D. Dent, Pharmacopola Cantabrigientis, rei herbariæ peritissimus, vetus amicus noster.

3. *Speculum Veneris perfoliatum*, seu *Viola pentagonia perfoliata*. *Perfoliate Venus Looking-glass.*

*Caulis* simplici lanuginoso & anguloso altius affurgit quàm reliquæ hujus generis, excepto parvo nostrate, altitudine dodrantali. *Folia* in caulibus crebra, latitudine pollicari, subrotunda; circa margines dentata, pediculis nullis immediatè cauli adhærescunt, eumq; ferè amplectuntur, ut ab eo perforari videantur; situ alterno. Ex alis singulorum foliorum oriuntur *flores* tres plerunq; rarius quatuor, nullis pediculis, non aded expansi ut in vulgari majore, segmentis etiam rotundioribus, & colore dilutiore. Calicis segmenta quinque, latiora sunt quàm in vulgari. Caulis interdum ramos emittit.

A. 4. *Speculum Veneris minus* Ger. emac. Park. *The least Venus Looking-glass.*

*Johnson.*

*E radice* tenui, lignosa *cauliculus* exserit rectum, in sterilibus duas tréve uncias altum, in lætiori solo pedalem plerunq; striatum seu angulosum, concavum, *foliis* parvis, longiusculis, circa margines sinuatis seu crispis vestitum; è quorum sinibus versùs summum caulem, & interdum etiam inferius, exeunt ramuli *siliquas* parvas alas seu cristatas sustinentes, fastigiis suis *flosculos* parvos purpurascens, minùs pulchros aut speciosos, quinque foliolis virentibus pro calice cinctos, gestantes. Floribus delapsis *siliqua* in longitudine & crassitie augentur, & peramplè evadunt, *semen* continentes minutum flavescens, foliola illa viridia flores obvallantia etiamnum retinentes. Planta est annua.

Extraneis scriptoribus nulla hujus mentio, quod sciam quamvis ipse in transmarinis regionibus non minùs quàm in Anglia inter segetes observaverim.

5. *Erinos* Fab. *Columnæ minor* J. B. *Rapunculus minor foliis incis* C. B. *Erini sive Rapunculi minimum genus* Col.

*Col.*

*Radicem* habet parvam admodum, fibris divisam, teneram, atque Rapunculo vulg. similem sapore, lactescentemque. *Folia* emittit parva admodum, digiti longitudine, parum hirsuta, oblonga, latioraque in summo, & per extremum serrata raris divisuris; nam quæ proximiora sunt radici octo dentes in circuitu habere videntur, superiora verò pauciores atque floribus hærentia binos. *Caulis* emittit, ab radice ex singulis foliolis alis divisum, ita ut fruticosa videatur, angulosum, hirsutum, tenuent, *Flosculos* edit Aprilis mense & Maio, inter folia ex calyce parum hirsuto, in quinque folia desinente exeuntes, oblongos, cavos, similes Tracheliorum floribus, purpureos, intus apicem vel thyrsulum luteum, in summo triplici divisurâ intortum, ut in congeneribus continentes. *Semen* perficit Junio & Julio minutum admodum, fuscum. Tota planta lacteo succo dulci turget uti Rapuntium.

In muris & ficcioribus Messanæ & Monspeli observavimus. Cùm primùm eam vidimus ad Spe- *Locus.* culum Veneris retulimus. J. Bauhinus hanc plantam iterum describit sub titulo *Alfines oblongo folio serrato flore cœruleo*. Caules ei palmares & sesquipalmares hirsutos ascribit, *flores* parvos, cœruleos.

Nos plantam hanc cùm primò Messanæ vidimus sic breviter descripsimus,

*Radix* ei alba, simplex, paucis fibris capillata: *Cauliculi* plures: *Folia* alternatim posita, verùm ubi ramuli prodeunt bina ex adverso, profundius dentata, & foliis *Alfines Chamædryoidis* non longè dissimilia: *Flores* parvi, dilutè cœrulei, è simplici tubo in quinque apices seu folia expansi. Calyx pariter quinque foliolis herbaceis confat, inque ipsius ima parte infra florem continetur semen, ut in Rosa fit, inque Viola pentagonia.

§. 4. *Rapunculi corniculati.*1. *Rapunculus spicatus* C. B. *spicatus alopecuroides* Park. *spicatus sive comosus, albus & cœruleus* J. B. *Rapuntium majus* Ger.

*J. B.*

*Radix* tum magnitudine tum sapore Rapunculo vulgari similis *folia* emittit *Violæ Martiæ*, longis appensa pediculis, nonnunquam nigrâ maculâ notata, quanquam videas & stricta, oblongaque, in caule bicubitali, inani, anguloso, lac manante: in cujus fastigio spicatus pulcher *flos* cœruleus, aut purpureo-violaceus, ex multis corniculis circa basin in segmenta arcuata fissis compactus, quibus succedunt *capitula* parva, subrotunda aut nonnihil angulosa, Rapunculi vulgaris familia sed minora, circa caulis fastigium arctè simul composita, in quibus *semen* minutum, subruffum, lucidum, copiosum.

In transmarinis invenitur sæpius in sylvosis. Nos primò in dumetis propè Spadam urbiculum *Locus.* Acidulis celebrem, postea in montosis circa Genevam & alibi. In Anglia, quod sciam, non reperitur, quicquid dicat Lobelius.

Flores colore albo & cinereo variant.

A. 2. Ra-



- A. 2. *Rapunculus corniculatus montanus* Ger. flore globofo purpureo J. B. folio oblongo, spica orbiculari C. B. *Alopecuroides orbiculatus* Park. *Rapuntium montanum rarius corniculatum* Col. **Horned Rampions, with a round spike or head of flowers.**

Col.

Rotundum globosum caput atque purpuro-cœruleum conficiunt curvi atque in seipfos nutantes florum corniculi supra basin quinque viridantium foliorum in summo caule sitam, in orbem concinnati. Hi ex calycibus primum orbiculare initium obsoleto colore ducunt, Orobi magnitudine crassescences, deinde in supinum atque curvum satis corniculum desinentes, atque inter seipfos, centrum petentes & annuentes, implicati. Paulatim verò se perficientia cornicula lœvia ac simplicia aliud tenuius, dimidio brevius, & in summo trifidum [stylus illud est] exserere incipiunt, deinde circa tuberculum imum incipiunt se sinuosè & undatim in quinque partes per longum findere, ac posteriùs in tenues limbos se dividentes atque dilatantes, formamque nostratis coli cui linum aptatur ad nendum imitantes, ita ab interno corniculo [seu stylo] separantur circa imum, & ventriosam formant effigiem, inter quos prorumpunt lutea staminula quinq. Perficiente se flore corniculorum [stylorum] apices trifidi etiam grandiores effecti torquentur, atque lacinia illa in totum ab interno corniculo [stylo] separantur, atque ita erecta permanent, donec tandem seminum utriculi quibus insident turgescere incipiant & tunc inversa recedunt deorsum spectantes [seu reflexa] Tunc similes Rapuntis vulgaris calyces, quinque apicibus ornati, foraminum notas ostendere incipiunt, qui postea perfecti non secus ac congeneres perforantur, semenque copiosum, fulvum, parum latius quam Trachelii angustif. montani decedit. Augusto floret. Radice nititur perenni, candida, crassiuscula, recta Rapuntii instar, minore quidem, atque per terram brachiata admodum, ut plures ex uno radicis cespice plantae perficiantur. Folia ima lœvia, Rapuntii vulgati æmula, rotundiora, ad formam Violæ Martiæ vel Campanulæ pyramidalis accedentia, majoris digiti unguis latitudine, per ambitum obtusè dentata. Cauli pedali striato imâ parte septem circiter folia duplo longiora adherent alternatim, vulgari Rapunculo similiora, per ambitum acutioribus dentibus divisa, & per medium caulem ad summum duo aut tria angustiora, acutiora, longis intervallis disposita, ut nudum caulem relinquant.

Tota planta dulci lacte turget, gustu suavi.

Locus.

In montibus Suffexiæ & Southamptoniæ *The Downs* dictis copiosè provenit.

Non possum satis laudare diligentiam & industriam Nob. Fabii Columnæ, qui tam curiosè & exactè observavit & descripsit hujus plantulæ flores, eorumque partes & progressus, ut summo jure oculatissimus cum sit, Lyncei titulum & dignitatem, imò principem inter Lynceos suos locum sibi vendicat.

Cujus descriptionem quamvis satis longam transcribere non piguit, quoniam reliquis hujus generis corniculatis Rapunculis, mutatis mutandis, eam convenire puto, ut pro nota generica inferre possit.

- A. 3. *Rapunculus Scabiosæ capitulo cœruleo* Park. C. B. *Scabiosa globularis, quam ovinam vocant* J. B. *Scabiosa minima hirsuta* Ger. emac. **Rampion with Scabious-like heads.**

Radix ei simplex, alba, lignosa, fibras breves tenues è lateribus emittens, in plura capita interdum divisa. Caules exinde oriuntur plures pedales aut cubitales, tenues, hirsuti interdum simplices, aliàs ramosi, foliis vestiti crebris, angustis, digitum longis, mollibus, hirsutis, non incis, verum ad margines nonnihil sinuatis aut crispis, absque pediculis immediatè adnatis nullo ordine posit. Caules & ramuli in prælongos pediculos, glabros, striatos terminantur, qui flores sustinent Scabiosæ æmulos, calicibus è plurimis foliolis latis in acutum mucronem desinentibus compositis obvallatos. Flores hi meritò compositi seu aggregati, sive mavis totales dicendi sunt, constant enim flosculis numerosissimis, densè stipatis, cœruleis, monopetalis quidem, verum in quinque segmenta longa expansis, quorum unusquisque pedicello suo privato insidet, & vasculo feminali, seminibus parvis lucidis repleto, prævius est. Tota planta lactescit, unde Rapunculis potiùs quam Scabiosis accensetur.

Locus.

In arenosis & sterilibus requietis agris & pascuis. Æstate floret.

Accuratissimam omnium hujus plantæ partium descriptionem vide apud F. Columnam, sub titulo Rapuntii alterius leptophylli capitati.

- \* 4. *Rapunculus Alpinus corniculatus* C. B. Ger. emac. *Trachelium petraeum minus globosum* Park. *Rapunculo comofo spicato aliquatenus affinis ex Baldo* J. B.

C. B. prod.

Radice est tuberosa, inæquali, quasi ex pluribus grumis compacta, albâ, digiti crassitie, [aliquando lignosa, pallida, rugosa & sesquipalmari Pom.] ex qua Cauliculus, (modò unus, modò plures) tenuis ac striatus, unciarum quatuor exurgit. Folia quæ ad radicem aliquando ex rotunditate oblonga, Bellidis cœruleæ forma; communiter subrotunda, crenata, Alliarie formâ, sed minora, saturatè virentia, tenuia, pediculis uncias quinque vel sex longis prædita, ex radice una cum cauliculis exurgunt: quæ verò cauliculis & quidem pediculis brevioribus adherent, longiora sunt & angustiora, profundius sed rariùs incisa, quorum quina vel sena Umbellæ subjiciuntur stellæ in modum; quæ cauliculi summo insidet, & ex floribus viginti, etiam pluribus, arctè junctis & ex cœruleo purpurascens constat, qui ex calicibus pediculis latis brevibus & striatis donatis prodeunt. Ex singulo calice flos unus, ad exortum tumidus, oblongus, sensimque angustatus, & in extremitate crenatus, formam Cucurbitæ vitreæ referens, in medio corporis tumore incisuras quinq. obtinens,

obtinens, quæ neq. ad collum perveniunt, nec totum corpus ad calicem usq. discindunt, in cujus medio multa filamenta nutriuntur, quorum unicum illius longitudinis est, ut aliquantulum crassum collum multum egrediatur, & quod maturitate bifurcatum sit. Semen non fuit observatum.

In Baldi montis jugis inter præcipitia propendit.

Locum.

\* 5. *Rapunculus Alpinus parvus comosus* J. B.

J. B.

*Radice* squamis veluti compactili, ex veteribus foliis residuis, ut in Nardo Celtica panè videre est, crassiuscula, sensim attenuatâ præditus est; *folia* fundente numerosa, unciam unam aut alteram longa culmum lata, ad Nardum Celticam accedentia, longis nixa pediculis: inter quæ *Cauliculus* surgit duum unciarum, non sine foliis, quæ angustiora: cujus cacumini flores insident Rapunculi comosi, qui cœrulei, quantum ex sicca planta J. B. colligere licuit, stylis longis, recurvis prominentibus.

Videtur nonnulla similia habere cum Rapunculo montis Baldi. In Stiriz montibus collegit Agerius. Locum.

\* 6. *Rapuntium umbellatum* Col. An *Telephium purpureum majus* C. B? Tel. floribus purpureis Park?

Col.

Huic *radix* fibrosa, candicans, perennis, crassiuscula, lactescens: *folia* Ocimi, per ambitum serrata magnis dentibus, vulgari Trachelio proximis, sicut etiam positi & ramis, verum levibus, nitidis; *caule* multis alis diviso, in quibus minora & angustiora folia alternata, & in summo umbellæ magnæ modo sunt densi *florum* corymbi, dehiscetes in oblongos & tenues admodum tubulos, quorum extrema pars in quinque lacinias stellæ modo divisa, purpuro-cœruleo colore micat, medium habentes oblongum *stamen*, tubulo pari, Valerianæ five Nardo montano non dissimiles, minores & parum etiam odori, *fructibus* etiam insidentes, qui quamvis rotundi trigoni sunt. Junio mense incipientes, deinde per alas alii emicantes singulis mensibus, etiam Octobri: at prioris & summæ umbellæ *semen* Augusto perficit, quod ex foraminibus ima parte conceptaculi, tunc ut in congeneribus effluit, minutum arenæ instar, obscurè flavicans. Tota planta lacte turget concrecente, sapore dulci ut congenerum.

Hæc planta (si modò rectè à Columna describatur) omnes habet Rapunculi notas, ac proinde *Telephium* non rectè ab Herbariis denominatur. Verum vix possum mihi persuadere eandem esse hanc plantam quam sub titulo *Telephii* floribus purpureis depingunt & describunt Clusius, Lobelius, aliique.

*Trachelium umbelliferum cœruleum* Ponæ Ital. Park. *Cervicaria Valerianoides cœrulea* C. B.

Nobis utriusque descriptiones exactiùs inter se conferentibus eadem omnino planta videtur cum præcedente à F. Columna descripta: notæ omnes conveniunt, nisi quòd Pona radicem satis tuberosam suæ plantæ adscribit, & saporem acrem nonnihil adstringentem, quæ non invenio in descriptione Columniana.

Proinde si planta à Columna descripta eadem sit *Telephio* floribus purpureis herbariorum, & hanc quoque eandem esse oportet.

\* 7. *Rapunculus Sonchi facie umbellatus* J. B. *umbellatus Sonchi folio* C. B. Clus.

Clus.

*Caulis* in pedalem excrevit altitudinem, vel etiam brevior: plura quàm primùm [*Rapunculus corniculatus montanus*] habebat *folia*, breviora pediculo eoque plano subnixa, supernè viridia, infernè exalbida, instar foliorum Sonchi, quibus formâ valdè respondebant, erant enim ut illa in ambitu dentata, sed minora. Summo cauli innitebatur veluti umbella longiusculorum caliculorum, striatorum, in quinque angulos desinentium, in quibus *flos* coloris mihi non comperti. Vidit sc. plantam duntaxat mutilam sine radice & floribus.

Considerandum inquit J. B. quantum hoc differat à Rapunculo montis Baldi ante dicto.

\* 8. *Rapunculus umbellatus folio gramineo* C. B. *minimus folio tenui gramineo* J. B. *Rapuntium altissimum angustifolium Alpinum* Col.

J. B.

Omnium Rapunculorum minimum in montibus Rhæticis invenimus, (inquit J. Bauhinus) cui *Radix* crassiuscula [longa, crassa, perennis, multos habens in summo cespites, annosos, ex quibus nova semper germina protruduntur. Col.] *Caliculus* tenuis, duum unciarum [unico latiusculo interceptus folio Col.] comosum gerit *florem* cœruleum, Rapunculi spicati. *Folia* caulem comitantur, ipso panè longiora, filii instar tenuia, numerosa.

Florentem observavit J. Bauhinus mense Junio.



§. 5. *Rapunculi flore galeato.*

1. *Trachelium Americanum rubrum* Ferrar. *Trach. Amer. flore ruberrimo, sive Planta Cardinalis* Park. parad. *Flos Cardinalis Barberini* Col. Annot. in *Hist. Mexican.*

Col.

Ex radice perenni, vegetâ, fibrosâ, candidâ, lateribus repente, cespite facilè se propagante, tenera, lactescente, dulci cum pauca caliditate, plures caules sive soboles juxta radicis vetustatem & ubertatem promit Aprili mense [Romæ;] sed primo vere folia in terra strata erumpunt, vulgari Rapuntio non dissimilia, nisi quia minora & angustiora, serrata, lævia, obscurè virentia, & in orbem juxta radicis caput expansa, quæ deinde in lævi, rotundo sed anguloso, concavo, candicante caule (tripedalem observavimus & aliquando multis alis divisum) qui crassior & vegetior est Rapunculo vulgari, minimi digiti crassitudine, majora & latiora fiunt, illi alternatim hærentia, & cochleatim quino ferè ordine circumdantia, semperque majora, ut in medio caule semipedalis fiant longitudinis, & duarum unciarum latitudinis, parùm incurva, per ambitum dentata, illâq disrumpit lacte manantia, sicuti & tota planta, verum non ita copioso ut in congeneribus, sed exiguo. A medio caule folia decrescere incipiunt ad summum usque, in quo flores coacervatim in spicam crassam, longam, dodrantalem, & in summo duplici velut umbella coronatam coactos, Junii initio observavimus; illisque se perficientibus spica producitur, & flores rariore ordine inter foliorum alas densè exseruntur, brevi petiolo hærentes, & ex calyce quinquefoliato Rapuntii modo, tubulo oblongo fescunciali, in summo coloris saturè coccinei, hilaris admodum, paulatim dehiscentes, circa finem Junii in quinque foliola dividuntur, novo quidem ritu in hoc genere, ut tria foliola dependant effigie barbularum, bina alia superiora & angustiora, veluti alæ obliquæ, tubulum medium exiguum ex illorum centro sive medio emicantem amplexentur, colore etiam coccineo, in cujus summo caput cæruleum sive violaceum, aviculæ cujusdam rostrum incurvum æmulans proferetur. Ab aliorum congenerum floribus hi variant, ut non Campanulas, sed galericulatos potius flores imitari videantur, non parùm ad Gladioli flores accedentes, quanquam naturâ sint tubulosi, at in summa dissectione differentes. Hujus floris medius tubulus, ex quo caput exeritur violaceum, supernam externi majoris floris tubuli partem disrumpit, relicto canali, sicut & medius internus stylus fructui insidens. In floris externa parte ima supra fructum, si tubulus eximatur, melleus liquor non paucus reperitur. Flores diu durant in statu aperti antequam marcescant, quod non paucam iis gratiam conciliat. Fructus in calycibus extuberantiores observantur profecti, Violæ Marianæ vasculis sem. perfimiles, semina flavicantia minuta ut in congeneribus continentes: Julio & Augusto mense perficiuntur, & ab imo planta denuo regerminat. Sapor dulcis in tota planta cum quadam caliditate, observatur.

Hæc omnia de planta Romæ culta intelligenda sunt; in frigidioribus regionibus semen rarò ad maturitatem producit.

- \* 2. *Rapunculus galeatus Virginianus, flore violaceo minore* Morif. *Flos Cardinalis cæruleus* Dodart.

Morif.

Hujus folia sunt prioris multò latiora, magisq viridia, & paululum serrata: ex quorum alis sursum versus exeunt flores ex calycibus quinque-foliatis, hirsutis, integri in fundo, profundius in margine divisi, purpureo-cærulei seu violacei: quibus singulis subveniunt capsulæ, tribus loculamentis distinctæ, atq in singulis conspicitur foramen ex quo decidit semen minutum, lucidum. Radix alba, multifida. Tota planta lacte scatet, sicut reliquæ omnes hujus generis.

- \* 3. *Rapuntium urens Soloniense* Bocconi; *Draba flore cæruleo galeato* C. B.

Boccon.

Radix huic minimi quasi digiti crassitudine, albicans, ex pluribus in apicem congestis seu concurrentibus Asclepiadis modo, non sine fibris. Caulis pedalis & bipedalis, atque in udis etiam major. Folia uncias tres longa, unam lata, tenuia, ambitu crenato, pallidè virentia, lata basi caulem cingentia. Flores è foliorum sinu exeuntes [in summis caulibus & ramulis plurimi velut in spicis] purpureo-cærulei, in fundo integri seu fistulosi, per oras quinquefariam divisi, Cardinalis floris aut Rapuntii coccinei quadantenus æmuli, subsequente semine ruffo, lucido, capsulis triangularibus (Rapunculorum more) incluso, ex foraminibus quibus capsulæ pertunduntur effluente. Tota planta præfervidi gustus est, atq gustata linguam vellicando quasi accendit & urit: quin & è quacunque parte vulnerata lacteus succus emanat.

In humidis ericetis & sylvis annosis passim in agro Soloniensi, inque ericetis Regiæ intra septa Chambort passim in humidis viget.

Locus.

\* 4. Ra-

\* 4. *Rapuntium Aethiopicum violaceo galeato flore, foliis Pinastris Breynii.*

Breyn.

Ex radice lignosa *virgulas* dodrantes profert, interdum etiam ampliores, lignosas, tenues, non valde ramosas, *Foliis* uncialibus, angustissimis, rigidis, triquetris, Pinastris æmulantibus, Chamaepeuces Alpini in modum, circumquaq; dense stipatas. *Flores* in virgularum & ramulorum summitatibus, ac aliquando etiam lateribus, pediculis longis innixi haud multum à *Floris Cardinalis* dicti differunt, coloris autem violacei, Ajugæ non multo majores; labello antè in lacinias quinque diviso, in fundo verò integro seu fistuloso, constantes: è cujus centro cuculli loco *stylus* prominens longus, cujus extremitati crassum, oblongum, subalbidum, antè pilosum caput, Rapuntiorum aliorum galeatorum ritu insidet. *Fructum* & *semen* non vidit Breynius.

\* 5. *Rapuntium Aethiopicum cæruleo galeato flore, foliis Coronopi Breynii.*

Breyn. \*

Perelegans & humilis est planta, plurimis viridibus, hirsutis & teretibus prædita ramulis, per quos *Folia* nullo certo, sed confuso ordine posita cernuntur, pollicaria, angusta, hirsuta, in lacinias aliquot laterales, instar Coronopi, vel potius Leucanthemi Alpini *Clus.* divisa. Ramuli in *pediculos* abeunt graciles, nudos, læves, uncias quatuor vel quinque, longos: quorum apices sæpissime rursus in duos pedicellos unciales dividuntur, in quibus singulis *flos* altero tanto, imò & triplo major, Cyani five Lazuli cœlestis decus æmulans, & longâ in medio maculâ alba notatus; qui antè in fissuras breviores latiorèsq; divisus, & ex calyculo quinquefoliato, hirsuto, originem suam primæ in modum speciei petit.

Hoc cum antecedente primùm in Europam, anno 1663. Domino à Beverningk ex promontorio Bonæ Spei siccum transmissum.

\* 6. *Rapuntium Aethiopicum cæruleo galeato flore, foliolis dentatis Breynii.*

Breyn.

Tenues & humi diffusos habet hoc genus *cauliculos*, frequentes, sesquipedales, interdum ampliores, *Foliis* parvis, crassiusculis, per circumferentiam crenatis, alternatim positis, & versus unam partem frequenter se torquentibus, amictos. *Flores* in extremis ramulis juxta longitudinem inter folia spicatum quadantenus exeunt, figura & magnitudine primi generis, coloris autem diluè cærulei.

\* 7. *Rapuntio affinis Lini facie Capitis Bonæ Spei Breynii.*

Breyn.

In locis herbosis Promontorii bonæ spei nascitur hæc prorsus nova & venusta planta, Lini sylvestris magnitudine & facie, sed magis lignosa, numerosioribûsq; ramulis, quos *Folia* bina è regione ambiunt, lætâ viriditate picta, & Lini effigie. *Flores* caulium & ramulorum cymis, ex albo suaviter rubentes, seu humani vultus formosam temperiem bellè representantes, innascuntur, eodem ordine & figurâ, quâ Lini sylvestris, ex quinis itidem foliolis conflati. Ast oblongus, subrotundusque qui flori subest *fructus* plantam hanc Rapuntio alteri leptophyllo capitato *Col.* magis affinem declarat; quamvis calyculus ipsi subdeat parvus contra morem Rapuntii.

## CAP. VI.

## De Stramonio.

**S**tramonii notæ genericæ sunt Flores oblongo tubo calathoides; conceptaculum seminis grande, in quatuor loculamenta divisum, in plerisque speciebus spinosum, facultas virosa.

1. *Solanum multis dictum seu Pomum spinosum* J.B. *Stramonium peregrinum* Ger. minus, sive *Nux Metel flore albo* Park. *Solanum pomo spinoso rotundo, longo flore* C. B. *Stramonium fructu rotundo, deorsum spectante & aspero* Col.

J. B.

Cubito altior est, radice multifidâ, lignescente. *Folia* per caulem longis appensa pediculis, ampla, sinuata, gravem odorem spirantia. *Flores* ex longo tubo calathoides, ampli, candidi, margine anguloso, quina in medio stamina cum longis apicibus occultant; quorum unumquodque sequitur pomum orbiculatum, Juglandis putamine calloso adhuc involutæ magnitudine, bullatum, brevibusque spinis asperatum, semine compresso, cinereo.

Parkinsonus caulem simplicem, non ramosum huic plantæ attribuit.

Ex Asia & Ægypto allata sunt ejus semina.

Sff 2

Fructus

Locum.



Vires.

Fructus ipse ac etiam tota planta soporiferæ sunt facultatis. Nucem Methel esse affirmant Pharmacopœi & Physici orientales, quia facultatibus iis præditus sit hujus fructus, quas Nuci Methel Avicenna tribuit. Eisdem autem effectus habere experientiâ comprobari testatur Dalechampi.

- 2. *Solanum fatidum* pomo spinoso rotundo, semine pallido C. B. *Datura Egyptia* Velling. in Alpin. de plant. Egypt. *Datura Contarena* Alpin. exot. *Egyptiaca flore pleno* Ponæ Ital. *Stramonium minus flore geminato purpurante* Park. parad. fructu rotundo, foliis per ambitum Xanthii modo incisis Col.

Velling.

Longâ crassâque fundatur radice, quæ subrubro perfusa colore odorantium capitibus gravedinosum Meconii halitum inspirat. Surgit ab ea caulis singularis, sed amplus, ramisque plurimis porro diremptus. Vidi quaternis quinisque ferè cubitis adustum, totum rotundo schemate, violæ obscurioris ornatu splendide coloratum. Folia longis petiolis insistencia, virorem suum nigredinis aliquâ misturâ obscurant, quorum inferiora producta amplius magisque dilatata variis utrinque divisuris inæqualiter exasperantur. Florem producit non vulgaris elegantiae specimen, unicum odoræ suavitatis in totâ planta compendium. Hunc denticulato calice enixum, ab angustiore cervice, mediocriter turgidulo ventre tubuli instar sensim diducit. Foliis constat, modò simplici, duplici modò, imò & triplici, quamvis hoc alterius additamentum videatur. Externâ facie purpuræ decorem induunt, internâ lacteo candore largius perfusi flores, omnium hoc proprium est ut resupinatis labris in laciniis aliquot dirimantur, quæ retortis sensim oris collectæ velut in caudas attenuantur. Fructum edit plus minùsve rotundum, spinoso horrentem cortice, nonnunquam innoxia scabritie æquabilior, quâ semina copiosa flava primùm, tandèmpale palleſcentia complectitur.

Hujus fructum Prosper Alpinus ex communi sententia Nucem Methel, plantam ipsam verum Dioscoridis Stramonium pronunciat. Viri clarissimi ad seminis vim deliram pariter ac stupefactionem respicientes Solanum maniacum Theophrasti & Hippomanem Cratevæ nuncupant; ab Ægyptiis vulgò Datura vel Tatura appellatur.

Frigoris minùs patiens est, unde semen rarò in hortis nostris perficit.

3. *Stramonium majus album* Park. *Stramon. spinosum* Ger. *Stramonia altera major sive Tatura* quibusdam J. B. *Solanum fatidum pomo spinoso oblongo* C. B. *Thorn-Apple of Peru*.

J. B.

Est ubi humanam proceritatem adæquat, ramis patulis brachiata, caule crasso, subhirsuto. Folia sinuata, Pedis Anserini vocati foliorum instar, sed quadruplo aut quintuplo majora, abominando putore nares ferientia. Flores ad ramorum divaricationem ferè, niveo candore insignes, ex tubulo pentagono in longum latumque calathum explicantur continuum, per marginem quinos mucrones totidem fissuris interceptos habentes, odore grato, sed obscuriore, in quibus latent stamina quinque, longa, herbida, apicibus ochris lineâ albâ variatis, unaque pistillum albidum. Cæterum floris tubulum obvolvitur laxior folliculus quinquangularis, totidem laciniis, totidèmpale mucronibus alternis per oram divisus. Fructus succedit altero tanto major quàm Juglans suo callo obducta, oblongus, turbinatus, pungentibus spinis undique senticosus, qui per maturitatem in quatuor partes æquales dehiscit, dissepimento membranarum, quibus semen copiosum adhæret, nigrum, compressum, medullâ albâ, sapore ingrato, distinctas. Radix subest ex numerosis fibris compacta.

Variat floris colore, nimirum vel flavo, vel Hyoscyami floribus accedente. Hinc tria hujus plantæ genera Acoſtæ cap. 53. & Coſtæ. Columna quoque Annotat. in res Medic. Novæ Hisp. has pro distinctis speciebus habet.

4. *Stramonium majus purpureum* Park. parad.

Park.

Magnitudine & figurâ partium omnium, caulis foliorum, florum, fructus cum præcedente convenit: colore caulium obscure purpureo, foliorum viridi saturatione nonnihil purpurascente, florum denique dilutiùs purpurascente ex albo differt.

Hanc plantam in hortulo nostro Cantabrigiæ unâ cum proximè præcedente aliquot annos coluimus, nec tamen, quantum observavi, semine satè unquam speciem mutarunt, sed suum singulæ generis semper propagarunt, quo fit ut specie distinctas existimem.

Habemus insuper Stramonii pumilum genus flore albo; quod non alia in re quàm staturâ & parvitate à Stramonio albo majore differt. Foliorum & florum, necnon fructuum figura, situs, magnitudo par: verùm bipedalem altitudinem rariùs excedit. Caulis insuper ramosus, & eodem quo illorum modo divisus. Ex semine autem deciduo facile seipsum renovat.

5. *Solanum fatidum pomo grandibus aculeis donato* Moris. prælud. *Stramonium ferox* Boc. *Datura Cochinesis spinosissima* Zanoni.

Boc.

Ad Stramonii majoris altitudinem propè accedit (minor erat multò in horto nostro) Ramis constat latè expansis qualique brachiatis; caule crasso, cavo, medulloso & ramoso; foliis angulosis, sinuatis ad Pedis anserini dicti folia accedentibus, majoribus paulò atque crassioribus, è virore palleſcentibus. Flores ad ramorum pæne omnium divisionem candidi absoluti, cœrulei, qui in folliculo quinquangulari è longo tubo in calathum laxantur continuum, quinque angulis quinisque fissuris distinctum; in hisce floribus sunt stamina quinque cum pistillo. Florem excipit fructus Nuci Juglandi



Juglandi magnitudine & formâ similis, crassioribus quàm in Datura putata spinis horridus & senticosus, unde ferox mihi dicitur, quatuor membranis intus divisus, è quibus nescio quid fungosum refectitur, cui *Semen* adheret copiosum, renis formâ, rugosum seu asperum, medullâ albâ refertum. *Radix* subest è numerosis fibris composita, annua. Floret æstate & semen perficit versùs finem Autumni.

Hujus si plenissimam & accuratam omnium partium descriptionem desideras, Jacobi Zanoni historiam Italicè conscriptam adeas.

Stramonii semen in pulverem redactum & in potu exhibitum mentem turbat & alienat, insaniam *Vires.* quandam 24 horas durantem inducens, unde à furibus inditur in cibos eorum quos depredari volunt referente Gareto; Acoſta autem impudicas mulieres illum 3ß. pondere amasiis suis ex vino aut alia quæ magis arridet materia præbere ait. Miser qui eum hausit diu velut mente alienatus remanet, aut ridens aut ejulans, aut dormiens, plerunque etiam alteri colloquens & respondens, ut interdum etiam sana mente esse credas, tametsi mentis non sit compos, neque eum agnoscat cum quo sermones confert, & colloquii habiti planè sit immemor postquam ad se redit. Sunt verò nonnullæ adeò exercitatz in hoc medicamento exhibendo, idque sic temperare nòrunt, ut ad certas, eâque quot velint horas, quibus id propinant mentem adimant. Nonnulli tamen ad provocandas urinas ex medicis Gentilibus utuntur. Horum primâ cura est medicamenta vomitum cientes exhibere; deinde acres clysteres injicere, fortèſque ligaturas & fricationes brachiis cruribusque adhibere, interdum etiam cucurbitulas applicare; quæ si non juvant venam secare in majore pedis articulo necesse est.

Gentiles verò Medici & Christiani indigenæ, cùm à cucurbitulis & venæ sectione abhorreant, nihil aliud quàm vomitum provocant, fortèſque ligaturas & fricationes adhibent. Quæ si non sufficiant, balnea ex aqua calida præſcribunt ad eliciendum sudorem: porrò à vomitu vinum propinant cui piper & cinnamomum admiscetur.

Radix drachma ex vino pota somnum profundum inducit, in quo varia insomnia & miræ rerum facies obversantur.

Semina per noctem in aceto macerata deinde exactè trita, utiliter illinuntur herpeti miliari & eryſipelatis serpentibus.

Unguentum ex succo foliorum cum adipe porcino paratum, ad partem aliquam aut membrum corporis igne vel aqua fervente ustulatum sanandum efficacissimum esse remedium multorum experientiâ comprobatum est.

#### 6. *Daturæ Malabaricæ Hummatu dicta prima species Hort. Malab.*

*Hort. Malab.*

A Stramonio majori albo superius descripto parùm differt; nimirum floris origine è foliorum sinubus, cùm in Stramonio majore albo flores in angulo divaricationis ramorum ferè ſiti ſint; tum fructus per maturitatem colore viridi, & ſeminum flavo seu ſubruffo, cùm illius fructus maturitate flavicent ſemina prorsus nigra ſint.

Verùm hæ differentiz non tanti ſunt, ut ſpecie diſtinctas putem: nam & in Stram. albo vulg. flores ſuperiores è foliorum ſinubus exeunt: & in *Hummatu* forte fructus & ſemina ante plenam maturitatem deſcripta fuere, vel forte etiam colore variant: reliqua certè deſcriptio *Hummatu* egregiè convenit Stramonio prædicto.

Herba trita & mixta cum oleo *Sirgelim* membris tumefactis imponitur. Succus foliorum expreſſus, & mixtus cum Saccharo dicto Lulitanis *Jegra de cãna* confert in morbo ſacro, parte affecta cum eo unctâ. Semina ad tria numero ſumpta conducunt in febre frigido: eadem trita & mixta cum aqua in qua macerata fuit *Oryza* membris tumefactis commodè imponuntur. *Hort. Malab.*

Quàm periculofus ſit ſeminum uſus internus ſuperius oftendimus.

#### \* 7. *Nila hummatu, Daturæ Malabaricæ ſecunda ſpecies Hort. Mal.*

*Hort. Malab.*

In humanam altitudinem affurgit, radice fibroſa, abicante, ſtipite purpureo-cœruleo seu purpureo-rubro & nigricante. Folia quàm præcedentis minora, petiolis interius purpureo-rubefcentibus appenſa, oblongo-rotundo, cuſpidata, uno latere ex inferiore parte petioli producta, margine æquabili, maxima ſerme ad medium latitudine tactu lenia & fractu facilia, coſtis quæ obliquo & annulari ductu ex media exeunt, ac venulas etiam tranſverſas emittunt, in adverſa ſtriata, odore quoque gravi: in foliis tenerimis adverſa pars ex rubro in totum nigricat, interiore viridi.

Flores ejuſdem formæ, ſed colore in totum ex cœruleo-purpureo-rubro fuſci, qui in calyce magis fulceſcit cùm in gemmis ſunt; pars interior campanæ albicat.

Fructus oblongo-rotundi ſunt, alii glabri, alii gemmulis hinc indè rigidis, ac valdè nitentibus, & purpureo-rubris obſiti, colore primum viridi, qui in purpureo-rubrum faceſſit. Calyx quoque rotundus ſed minor, & fructui minùs proximè adſtans. Semina ejuſdem formæ ac coloris.

In arenofis creſcit, & toto anno, maximè autem tempore pluvioſo floret.

Decocta proficua eſt pro membrorum doloribus vel pro eorum induratione in ablutione corporis, uti & pro febre frigida cùm ejus decocto in oleo corpus ungatur, ad quod etiam ſervit radix eodem modo uſurpata. Folia trita cum calce ſerviunt pro pruritu corporis facta perunctione. *Locit. Vires.*

Foliorum & fructuum decoctum cum oleo dolores corporis mitigat eodem modo adhibitum. Fructus contuſi & triti demptis ſeminibus perbellè ſanant apoſtemata & carbunculos iis impoſiti.

Semina largiùs ſumpta ſaporem inducunt, ac periculofa eſt eorum ſumptio, necem adferens.

Hæc in virtute prima eſt excellentior.

ſſſ 3

\* 8. *Mudela*



\* 8. *Mudala-nila-bummatu*, *Datura Malabarica* tertia species.

*Hort. Mal.*

A præcedente nonnisi in *floribus* differt, qui huic duplicati sunt vel triplicati, altero alteri innato, ut in *Datura Contarena*, quorum secundus ex primo, qui latiori est orificio, duos ferme transversos digitos, tertius ex secundo ferme tres eminet. Sunt autem flores singulares orificio minus lato quam præcedentis, quinque cuspidibus longioribus, ac medio inter duos cuspides intervallo unâ plicâ corrugati, & exteriores duo è fundo ad singulos cuspides tribus nervis parallelis paullum eminentibus striati, interior uno nervo eminente & duabus venis parallelis.

Intra hæc campanas, ubi se arctè in collo apprehendunt etiam oblongo-angusta foliola, quorum alia supernè, alia infernè exoriuntur, exteriori superficiei interioris campanæ arctius annexa, parte exteriori quoque rubro-fusca; purpurascentia, interiori albicante conspiciantur.

In flore interiori *stamina* quinque rubro-purpurascentia cum oblongis surrectis apicibus ut in *Nila-bummatu* proveniunt, parte inferiori, quâ quadrata, striata pilosa & candida, collo campanæ annexa & agglutinata. *Stylus* in totum purpurascens, supernè crassior ex capitulo oblongo, nigricante, purpureo, quod rudimentum fructus est, emergens.

*Calyx* quinque cuspidibus quoque eminet, ac versus singulos cuspides uno nervo eminente in longum striatus est, colore rubro-nigricante purpureo.

Hanc speciem superioris tantum varietatem esse suspicor.

\* 9. *Datura Indica foliis Malabarici* Breynii.

*Breyn.*

*Ramus* hujus ex India sub nomine *Dotter* seu *Dutroa* ad autorem transmissus pedalis longitudinis, quadrangularis, hirtus, & frequentibus internodiis distinctus erat; cui *folia* ex adverso bina adnata sunt, uncias quatuor aut quinque longa, duas lata ubi latissima, nervis, venis & toto habitu *Malabathrum* exquisitè representantia, nisi quod substantiâ minus solidâ, magis herbaceâ, ac in utraq; planitie pilis albis, brevibus atque subasperis, sicut & petioli illorum parvis quibus innituntur, sint obfita. E foliorum ortu ramusculi eodem ordine & serie quo folia ipsa procreverunt, foliis itidem geminis, sed quadruplo minoribus condecorati. Geniculum autem superius ramulorum loco *flores* binos, & rami cacumen quaternos, in angulos quatuor aut quinque desinentes, *Hyoscyami* haud dissimiles, sed ex calyculis planè hirsutis, asperis & veluti argenteis prorumpentes, ostentat, quorum observare colorem non licuit; neque de fructu & semine, an *Daturæ* vel *Stramonio* rectius æquiparanda, quicquam certi habere potuit.

LIBRI

# LIBRI DECIMI QUINTI

## SECTIO SECUNDA.

De Herbis flore monopetalo difformi.

*Herbæ flore monopetalo difformi sunt vel Pericarpio seu Vasculo subrotundo, bivalvi; Flore*

- Rictum exprimente*; major & elatior; caule multis foliis cincto; LINARIA.
- Violam referente*, pusilla, palustris; caule nudo, unico in summo flore; foliis humi stratis, pallidis, humore pingui madentibus; PINGUICULA.
- Rictum exprimente* absque calcari; vasculo in bina loculamenta diviso, è tribus foraminulis semina fundente, vituli nares referente; ANTIRRHINUM.
- Semistylari* seu corniculato, cum labello in palæ formam producto; pericarpio grandi, in sena loculamenta diviso; ARISTOLOCHIA.
- Auriculato parvo*; pericarpio bivalvi; foliis in caule ex adverso positis; SCROPHULARIA.
- Dactylothemam referente*, pendulo; floris calice itidem bivalvi; DIGITALIS.
- Galeato*; feminibus
- Compressis*, florum calicibus
- Membranosis tumidis & velut inflatis*, vascula feminalia occultantibus; PEDICULARIS, *Christa Galli*.
- Tumidioribus*,
- Magnis*, granorum Tritici æmulis, foliis paucioribus venis conspicuis; folio brevi laciniato & canaliculato pericarpium sinu suo excipiente; MELAMPYRUM, *Triticum vulgare*.
- Minutioribus*; foliis ad margines serratis; EUPHRASIA.

*Antirrhinum minimum* dictum Linariæ species est, quia flos ejus rictum exprimit & calcari donatur; capsula quoque feminalis binis loculamentis distincta est. *Elatine* quoque dicta utraque eodem pertinet ob eandem rationes. Tandem *Cymbalaria Italica* nomine nota genuina Linariæ species est. Quæ flore sunt galeato omnes vasculo etiam sunt bivalvi, seu in bina loculamenta partito.

### CAP. I.

De Pinguicula.

**PINGUICULA** Gesnero dicitur quod folia ejus ad tactum pingua sint ac si oleo aut butyro oblinerentur.

- A. I. *Pinguicula Gesneri* J. B. *Pinguicula sive Sanicula Eboracensis* Ger. Park. *Sanicula montana flore calcari donato* C. B. *Butter-wort*, Yorkshire *Sanicle*.

J. B.

Fibris aliquot albis pro plantulæ modulo satis crassis, non admodum altè in terram demissis radicatur. *Folia* per terræ superficiem sparsa sex aut septem, & interdum plura, pallidè ex luteo viridia, pinguicula & nitida ac si oleo aut butyro oblinerentur, binas uncias longa, unciam circiter lata, per extremum nonnihil obtusa, marginibus æqualibus & minimè crenatis. [Supina folii superficies brevi admodum lanugine curiosè intuenti obducta cernitur.] Inter hæc surgunt *pediculi* aliquot palmares aut altiores, quorum unicuique in summo fastigio hæret *flos* unicus purpureo-violaceus aut albus, Viola



Viola similis, monopetalos tamen, calcari longo donatus, in quinque segmenta divisus. [ Nostratis flos ferè semper dilute purpurascit aut ex pallida purpura cœrulescit ].

Locus:

In palustribus humidis, & montosis udis ubi aquæ scaturiunt sæpius occurrit.

2. *Pinguicula flore albo minore, calcari brevissimo.*

Hanc in summitatibus montis Juræ locis udis reperimus.

3. *Pinguicula flore amplo purpureo, cum calcari longissimo.*

Hanc unà cum priore iisdem in locis observavimus. Floris colore saturè purpureo, ejusdemque magnitudine & calcari prælongo, tum à præcedente, tum à vulgari nostrate differt.

A. 4. *Pinguicula Cornubiensis flore minore carneo.*

*Folia* huic circa margines reflexa sunt & velut convoluta, pellucida ferè, & venis rubentibus striata. *Flores* quàm in vulgari nostrate multo minores pallidiores, & ad incarnatum colorem dictum accedentes.

Locus.  
Vires.

In Cornubia locis palustribus observavi circa *Kilhamton* & alibi.

Vulnera recentia & plagas curare dicuntur folia trita & imposita. Succo ejus pingui & butyroso illito tum manuum rimas, tum tumores & fissuras in uberibus vaccarum rustici sanant. Hinc & *Sanicula Eboracensis* ei nomen inditum. Plebs Wallica syrupum ex ea conficit, quo se suosque purgant: quin & herbam jusculis incoquant in eundem usum. Purgat enim pituitam satis strenuè. Præterea unguentum ex ea conficiunt ad obstructions hepatis utilissimum.

*Dalechamps* asserit radicem pistam & pro malagmate impositam tertio die curare ischiadicos, eandem tritam & impositam locis dolore affectis quosvis dolores sanare. *At radix nimis parva est quàm ut pinsi possit in hunc usum.* *Camerarius* testatur vulnerariam esse herbam, præsertim ad ramicem puerorum eximiam. *S. Paulus.*

Tingit crines flavedine, & inservit instar gummi ad contorquendos mulierum capillos. *Idem.*

## C A P. II.

### De Linaria.

**L**inaria dicitur à foliorum similitudine cum Lini foliis.

Character ejus genericus est flos rictum exprimens, calcari donatus, cui succedit vasculum bivalve.

A. 1. *Linaria lutea vulgaris* Ger. J. B. *vulgaris nostras* Park. *vulgaris lutea flore majore* C. B. **Common pellsow Coad-flax.**

*Radicibus* albis, duris, lignosis sub terra reptando immensum se propagat, si locus suppetat. *Caulis* ex eadem radice plures surrigit, pedales aut cubitales, glabros, foliis vestitos crebris, nullo ordine positos, angustis, acutis, Pityusæ similibus adeò, ut nisi lac deesset difficile foret distinguere, antequam floreat planta. *Caules* autem summa parte ramosi: *Flores* in summis caulibus & ramulis velut in spicas aut thyrsos digesti, singuli pediculis brevibus, è foliorum alis egressis insident, lutei, rictu croceo, labello trifido, erecto folio in duas velut auriculas diviso, postica parte calcari seu corniculo, oblongo, acuto, *Consolida regalis* in modum producta, quo ab antirrhini floribus differunt, quibus aliàs perfimiles sunt. *Calix* floris parvus, quinquepartitus. *Vasculum* seminale turgidulum per maturitatem in duas carinas dehiscit, *feminibus* planis rotundis. Sapor plantæ amariusculus & subacris.

Locus.

Ad agrorum margines & vias publicas, inque pascuis sterilioribus frequens occurrit.

\* 2. *Linaria latifolia triphylla major* C. B. *Cretica latifolia major* Clus. Hist. Park.

A sequenti planta (cui aliàs perfimilis est) differt *caulis* altitudine cubitali aut ampliore, eoque in multos ramos diviso, quem ambiunt *folia* modò bina, interdum terna simul, aliquando incondita & nullum ordinem servantia, latitudine interdum unciali. *Vascula* ut in aliis *Linariæ* generibus nigrum semen continentia. Descriptionem pleniorē vide apud Clusium & C. Bauhinum, sufficit nobis notas posuisse quibus à sequente differt.

\* 3. *Linaria triphylla minor lutea* C. B. *Valentina* Park. parad. *Hispanica* 1. Clus. *Linaria triphylla* J. B. *Valentina* Clusii Ger.

J. B.

*Caules* ternos quaternosque ab eadem radice profert, pedales & longiores, crassiusculos, succulentos, teretes, inferiore parte rubentes, superius viridantes; quos ambiunt *folia* ex certis intervallis pulchrè disposita, ex eodem loco terna, caulem amplexantia, potissimum parte inferiore, circa fastigium enim sparsim nullo ordine digeruntur: accedunt verò nonnihil ea ad *Telephi* folia, minus crassa, succulenta, minimè tamen per ambitum incisa, circa exortum latiuscula, in obtusum desinentia,

tia, pari ferè latitudine cum longitudine, sinuatis nervis ad modum ferè plantaginis, postica parte minimè apparentibus, donata, acetabuli instar concava, coelestemque aquam exceptam continen-  
tia, sapore amaricante. Verùm flores serie longa dispositi, Linariæ vulg. similes sunt, lutei, tinctiore  
tamen labello, & rictu lanuginoso, corniculo purpurascens, extra folia viridantia, quæ floris basin  
ambiunt, porrecto: Floribus succedunt capitula rotunda, in quibus *semen*, quod nec Clusio nec  
J. Bauhino videre contigit. *Radix* singularis, crassiuscula, alba.

Circa Valentiam in pratis & locis umbrosis Martio florentem observavit Clusius Linariam latifo- Locus.  
liam triphyllam majorem C. B. Linariæ latifoliæ Valentini Clusii nomine à Doldio missam nos cum  
J. B. non distinctam suspicamus à descripta. C. B. præter mentem Doldii à Linaria Valentina Clusii  
plantam à se in Prodro-mo sub titulo allato descriptam separat, & cum Linaria Cretica latifolia Clusii  
conjungit. Et revera Lin. Cret. latif. Clusii in omnibus ferè convenit cum planta nobis hoc in loco ex  
Joanne Bauhino descriptâ; præcipua & ferè sola differentia est, quòd caules in Cretica Clusii h. e. la-  
tifolia triphylla majore Bauhini in multos ramos divisi dicantur, cum J. B. in descriptione sua ramo-  
rum non meminit: quam notam ab eo fortuito omissem putâsem, cum pictura ramulos exhibeat, nisi  
Paulum Boccone in Linariæ suæ Siculæ latifoliæ triphyllæ descriptione hac solâ notâ exceptâ, Bauhi-  
nianam Linariam triphyllam latifoliam cum sua omnino convenire observantem animadvertissem.  
Sunt ergo, si videtur, Linaria Cretica latifolia Clusii & Linaria triphylla latifolia C. B. una & eadem  
plantæ species, & diversa à Linariâ trifoliâ J. B. h. e. Linariâ Siculâ latifolia triphyllâ Bocconi, Lin.  
Valentinâ Clus. cum hæ caules habeant simplices & indivisos, illæ ramis brachiatis. Mihi tamen  
nondum satisfactum fateor.

\* 4. *Antirrhinum minus flore Linariæ luteum inscriptum* Ger. emac. App.

Ger. emac.

Multos hæc cauliculos seu ramulos, tenues, teretes, glabros humi sparfos initio à radice promit-  
tens quatuor aut quinque longos, foliis crebris, viridibus, brevibus, acuminatis, Serpylli æmu-  
lis, nisi quòd longiora, glabra, tres quatuorve simul inter se opposita vestitis inter quos exurgunt  
quinque aut sex, interdum decem aut duodecim, recti, teretes, tenues, glabri cauliculis, cubitum al-  
ti, in ramulos divisi, longis, angustis, tenuibus, virentibus, nullo ordine positis foliis amicti. Sum-  
mis caulibus & ramulis innascuntur quinque, sex aut plures flosculi lutei, conferti, ab imo sursum  
versus paulatim florentes, longam relinquentes spicam minutissimorum pericarpiorum, bifariam  
lineâ impressâ divisorum, ac si duæ valvulæ junctæ essent, altera ex valvulis alterâ paulò longiore:  
in quibus continetur *semen* minutissimum, nigricans. *Radix* brevis, exigua, alba, paucis fibris do-  
nata, annua.

\* 5. *Linaria Sicula multicaulis, Molluginis folio* Bocconi.

Boc.

Caules huic cubitales sunt, rotundi, ramosi, subrubentes. Folia angusta, unciam longa, inferiora  
circum genicula stellatim radiata, Molluginis instar, superiora autem inordinatè disposita, illiq;  
Kali modo carnosa, sulco canulato per longitudinem decurrente. Flores lutei, & vulgaris Linariæ  
minores. Floribus fatiscens succedunt Capitula rotunda, in quibus *semen* latet. *Radix* subest per-  
ennis, tenuis & fibrosa.

Panormi tota æstate floret, & copiosè etiam alibi in Sicilia.

Cum dubitet Paulus Boccone annon Linaria Cretica angustifolia Clus. cum planta hic proposita Locus.  
specie conveniat, ejus descriptionem subjiciemus, ut Lector studiosus eas invicem conferat: nobis  
autem proximè accedere videtur ad Linariam tetraphyllam luteam minorem Columnæ, quam idcirco  
proximo [ post Creticam Clusianam minorem ] in loco proponemus: Sola differentia esse videtur  
in numero foliorum ad singula genicula caulem ambientium: & quòd caulis Columnæ non dicatur  
ramosus.

\* 6. *Linaria Cretica angustifolia* Clus. Park. *Linaria quadrifolia exiguis flosculis cinereis* C. B.  
2. *an eadem præcedenti?*

Clus.

Virgis initio profert ab unâ radice satis copiosas, rotundas, læves, sesquipedalis vel pedalis longi-  
tudinis, quos binis aut ad summum ternis intervallis quaterna simul ambiunt folia, vulgaris Linariæ  
foliis duplo angustiora, deinde alia singularia, nullo servato ordine. Virgis innascuntur frequentes  
ramuli, foliis valdè tenuibus donati, qui velut ex umbella exigua (cujus forma paulatim evanescit)  
flores protrudit valdè exiles, qui quinque foliolis constare videntur, binis scilicet erectis supra cassi-  
dem albicantem vel cineraceam, binis latera occupantibus & uno propendente, candâ insuper sive  
calcari sub illis conspicuo, antrorsum reflexo. Semen in pericarpis seu vasculis, Lino ferè similibus,  
cineraceum & planum, quod deciduo flore brevi maturefcit, etiam herbâ adhuc virente.

Florebat sub finem Julii.

\* 7. *Linaria quadrifolia lutea* C. B. *tetraphylla lutea minor* Col. *Quintæ eadem videtur.*

Col.

Plantula est pedalis, exigua radice, viticulis multis, supinis assurgens; sed caulis est rectus, geni-  
culis singulis quaterna folia promens, in imo minora, atque à medio ad summum non quaterna, sed  
alternatim singula, & breviora: folia Lini aut Linariæ æmula, colore Brassicæ, infernè canalicu-  
lata, cauli cruciatim erecta hærentia. Flores in summo pauci, è petiolis brevibus prodeuntes, caly-  
cibus



bus quinquefoliatis hirsutis infidentes, effigie atque positu Linariæ vulgaris similes, verum minores atque lutescentes. *Fruſtus* crassi, rotundi, sex lineis distincti, apicello in summo emicante, in quibus *semen* nigrescens, lunatum, ut in congeneribus. Sapor idem amarus qui in aliis.

Tempus &  
Locus.

Aprili mense floret, & æstate perficitur. Anversæ Valvensium in montium lateribus Soli expositis sterilibus oritur.

C. Baubinus in pinace duarum Linariæ luteæ specierum meminit, quas tamen non describit.

Primam Linariam rectam angustifoliam IV. facit, titulo *Linariæ luteæ montanæ Genistæ tinctoriæ folio*: quæ inquit ad montem S. Bernardi, floribus aureis, mediæ magnitudinis reperitur.

Secundam, Linariam rect. angustif. V. titulo *Linariæ luteæ flore minimo*: quæ in agris Provinciæ Galliar, brevibus & angustis foliis & minutissimis flosculis luteis occurrit. Hæc Linaria minor æstiva Ger. emac. App. forté.

Paulus Boccone Linariæ cujusdam meminit, quam pumilam triphyllam Siculam appellat;

Cui pro plantæ tenuitate radicem satis crassam attribuit, plurifariam in ramos divisam, non sine fibris quibusdam etiam adnatis: *Cauliculos* tres aut quatuor, palmares, geniculatos, per terram stratos, circa quos *Folia* parva, subrotunda, Cruciatæ Dod. magnitudine, decussatim ad genicula composita. Hujus flosculos non observavit; quare nescio unde ei constare potuit Linariam fuisse quam describit.

Locus.  
Vires.

Ad montes Hyblæos in oppido Melilli nascitur.

Linaria lutea vulgaris alvi turbatrix est, autore Trago. Urinam tam potenter pellit, ut inde *Harnkraut* Germanis appelletur. Aquæ quantum vitrum exiguum capiat, admixtâ drachmâ corticis ebuli in pulverem redacti sumpta potio urinam potenter cit, quare hydropicis tantum id medicamenti exhibendum erit. Eadem aqua destillata pota alvum laxat, morbum discutit Regium, adversus quem herba ipsa in vino decocta ac pota inprimis facit, sicut & jecur obstructionibus liberat. Eadem aqua aut succus oculis inditus inflammationes eorum & ruborem tollit, quod se experientia & longa observatione didicisse scribit Tragus. Eadem linteolis imposita quævis ulcera emundat si cum ea colluantur loci affecti. Succus idem maculas & vitia faciei emendat. *Trag.*

Isteris non recentibus tantum sed jam ad hydropem spectantibus verissimum & efficacissimum præstat commodum, observante Lobelio in *Adv.*

Sunt qui herbam hanc intra calceos plantis pedum supponunt ad febrem quartanam abigendam.

Ad dolorem hæmorrhoidum, R. Herb. Linariæ cum flor. q. f. decoquatur cum adipe porcino, quousque adeps valde vireſcat, fiatque unguent. cui expresso & parum refrigerato vitellus ovi admisceatur. Ego non soleo vitellum ovi milcere nisi applicationis tempore, usque comperi unguentum in hac regione viriditatem amittere post annum, & cum eâ virtutem: id quod Massiliæ non contingebat. *Cbesneau.* Habui ab ingeniosissimo viro mihiq. amicissimo D. Edw. Hulse M. D.

Linaria sanat incredibiles hæmorrhoidum dolores, Grembs & Cardilucio autoribus, item Sennerto. D. Tancredus Robinson.

\* 8. *Linaria pumila Hispanica* Park. *pumila supina lutea* C. B. *lutea parva serpens* J. B. *Osyris flavo sylvestris* Lob. Ger.

Clus.

Palmaribus exit *virgulis*, frequentibus, humi sparsis, quas vestiunt *folia* vulgaris foliis similia. Extremos ramulos occupant multi *flores* flavi, vulgari minores, velut in spicam congesti; quibus succedunt capitula minora quam in vulgari, exiguo *semine* nigro plena. *Radix* tenuis est & candida; vulgaris modo serpens. Valdè amara est, & quia plerunque cum Chamapity nascens reperiatur, adeoque pumila fit, Salmanticenses Chamapityos genus esse censabant.

Locus.

Salmanticensi agro, aridis locis provenit, ubi tota ferè æstate floret. D. Magnol Linariam illam quæ in saxosis montis Lupi & montis Capouladou oritur pro hac habet.

\* 9. *Linaria latifolia Dalmatica* Park. *maxima foliis Lauri Dalmatica* J. B. *latifolia Dalmatica magno flore* C. B.

C. B.

*Caulibus* est lignosis, rotundis, firmis, cubitum superantibus, in ramos brachiatis, quos *folia*, præsertim inferiora, uncias duas, aut etiam tres longa, unciam lata, pediculis carentia, in summitate caulium semper breviora & angustiora, in apicem acutissimum desinentia, nullo servato ordine ambiunt. *Flores* habet Linariæ vulgaris floribus similes, sed triplo imò quadruplo majores, Antirrhini majoris magnitudine ex luteo rufescentes aureosve, quibus vascula ut in aliis succedunt.

Ex semine Florentia à Casabona misso in horto Montbelgardiaco crevit.

\* 10. *Linaria Americana parvo flore luteo* C. B. Park.

Ex radice *caules* plures sesquicubitales, rotundi, laves, rufescentes, in ramos plures divisi exurgunt; quos *folia* triplo quam in priore angustiora, in acutum apicem desinentia, atrovirentia, alternatim nulloque ordine disposita, cingunt. *Floribus* est aureis iisque longè quam in vulgari minoribus.

\* 11. *Linaria*

- \* 11. *Linaria Pannonica* flore luteo minore quàm in vulgari J. B. *Pannonica* major Park. Lin. flore pallido, rictu aureo C. B. *Pannonica* 1. Clus.

Clus.

Bicubitali interdum excrefcit magnitudine, rectum ferens caulem, lævem, viridem, multis foliis fativo Lino fimilibus circumfeptum, qui superiore parte in multos tenues brevèsque ramulos divifus eft, ferentes raros flores, Linariæ quidem vulgaris floribus respondentes, fed minores & pallidiores, rictu nonnihil villofo & aureo: *femen* in vafculis Linariæ vulgari fimilibus exile, nigrum: *Radix* longiufcula, candicans, multis tenuibus & majufculis fibris in latera expanfis nixa, perennis, fummo capite fingulis annis novos caules profert quidem; fed ex lateralibus fibris non germinat ut vulgaris. Tota amariufcula eft.

Crefcit in montium declivibus fecundùm publicas vias & graminè nudis locis, fuprà Pofonium ad Locum & Danubium, Gumpoftkirchen, Leytenberg, atque etiam in Moravia. Floret Junio & Julio, inter- Tempus. dum etiam Augufto & fubinde femen profert.

- \* 12. *Linaria lutea parva annua* J. B. *pumila*, foliis carnofis, flosculis minimis flavis C. B. *lutea* Moravica Clusii Park.

J. B.

Magnitudine varia mihi crevit, alias feſquipalmari aliàs plusquam dodrantali, ex radicibus parvis, albicantibus, pluribus: Sunt autem caules, qui tenues & numeroſi exiſtunt, & folia, quæ teneriora, anguſtioraque & craſſiora quàm in vulgari Linaria, colore glauco, terna vel quaterna aut quina, ex certis intervallis, aliàs vero incondita, ſubamaro ſapore: flosculi in ramulorum ſtagitiis Linariæ formâ, crocei, ſed quadruplo minores, odore nullo; quos excipiunt globuli oblongi ſemen continentes parvum, orbiculatum, compreſſum. Radix tenuis eſt & annua.

Nalcitur plerifque Moraviæ locis in collium acclivitatibus: Lutetiæ etiam extra portam Honoriæ Locum. in arborum marginibus & collibus. J. B. Floret quaſi tota æſtate in Autumnum uſque. Ex ſemine ſponte deciduo in hortis facilè renaſcitur.

Reperitur in ſterilibus locis circa Boutonetum, Sellam novam, la Columbiere aliifque Maio menſe florens. Botan. Monſp. Nos in cacumine montis Lupi duabus Monſpelio leucis diſtantis Autumno florentem invenimus; diverſum à nobis ſentit D. Magnol: vid. Linariam 8.

- \* 13. *Linaria annua anguſtifolia* flore majore luteo Morif.

Morif.

Hujus folia ſunt quaſi Pſyllii foliorum æmula, longiora. Caulem producit ſeſquipedalem, cujus cymis innalcuntur flores lutei, multò majores quàm pro tenuitate plantæ. Semina compreſſa, nigra.

Circa Burdegalam in ſatis arvis provenit.

Locus.

- \* 14. *Linaria maritima minima*, viſcoſa, foliis hirsutis, floribus luteis, Morif.

Folia edit hirsuta, viſcoſa, ſuperioris foliis multò dilutiùs virentia, pilis ſcatentia: caules ſemipedales, in quorum cimis flores fert minimos, luteos: quibus evaneſcentibus ſuccedunt capſulæ rotundæ, biſulcæ aliarum Linariarum more, continentes ſemina nigra, compreſſa ſeu foliaceæ.

Provenit in arenofis maritimis Armoricæ.

Locus.

15. *Linaria puſilla procumbens latifolia* flore pallido, rictu luteo.

Radix huic ſimplex quidem, ſed multis fibris majufculis donata, ſublutea, annua: Ex qua cauliculi emergunt plures infirmi, teretes, palmares, humi procumbentes, glauci, quæmadmodum & folia, quæ nunc ſingula, nunc bina ex adverſo, nunc terna & interdum etiam quaterna ſimul in caulibus oriuntur, unde & ramuli quoque nunc ſinguli, nunc bini, nunc terni ſimul exeunt. Folia Polygoni foliorum æmula ſed minora. Flores longis pedicellis ſubnixi, albi rictu luteo, calcaribus tenuibus longiſſimis retrorſum extenſis. Pars illa floris quæ erigitur in medio fiſſa binas veluti auriculas repræſentat, ut in Linaria purpurea parva. Florem circumſtant quinque foliola viridia pro calice. Poſtquam flos evanuit, pediculus ejus deorſum incurvatur. Vafculum ſeminale rotundum, bivalve, ſeminibus repletum puſillis, ruſſis. Quamprimùm ſemen matureſcit dehifcit capſula, ut difficile ſit ſemen colligere.

Frequens eſt Meſſanæ in vineis & hortis: Floret Maio & Junio.

Locus.  
& Tempus

- \* 16. *Linaria minima erecta* Park. An *Linaria minor æſtiva* Ger. emac. Append.

Park.

Singulari aſurgit caule, dimidium pedem altitudine vix excedente, foliis plurimis, puſillis, anguſtis, ex cœruleo viridibus amictis, Linariæ vulgaris ſimilibus; ſummo ſtagitio flores multos geſtante exiguos, pallidè luteos, rictu ſaturatiore, calcari exiguos. Semen minutiffimum, compreſſum, nigricans. Radix puſilla, annua.

De loco natali nihil certi habet.

Linariæ



*Linaria* minori æstivæ Johnsonus apud Gerardum *Caules* teretes, glabros, ex viridi albicantes, pedales, infirmos & vix se sustinentes attribuit: *folia* angusta, oblonga, acuminata, deorsum plerumque reflexa: *flores* in summis ramulis spicatos, sed non confertos. *Linaria* vulg. similis est, sed multis numeris minor.

\* 17. *Linaria* seu *Osyris alba* Park. *Osyris alba* Lobelii Ger.

Morif.

Ex *radice* oritur lignosa, multis bifurcationibus inferius divisa, multisque fibris inde emanantibus: Ex qua protruduntur multi *caules*, lenti, multis *foliis* angustis, oblongis, inordinatim dispositis onusti, haud absimiles foliis vulgaris luteæ. In caulium cimis proveniunt *flosculi* multi, spicatum dispositi, albi seu pallidi, vulgaris formæ, sed magnitudine eos excedentes. *Semen* in bicaularibus thecis, septo medio disjunctis & separatis, foliaceum, compressum, nigrum. *Radix* est alba, longa, crassa satis, multos annos durans.

Hæc herba à Lobelio in Hist. Belgica describitur. C. Bauhinus *Osyridem* albam *Lob. ico.* *Linaria* Pannonicæ 1. *Clus.* Synonymam facit, verum dubitanter: Nobis certè incognita est: Suspiciamus descriptionem Morisoni partim ad iconem factam, partim è Parkinsoni Theat. mutuam.

\* 18. *Linaria annua Chalepensis minor erecta, flore albo, lineis violaceis notato* Morif.

Morif.

Ad pedalem altitudinem rectè ascendit, *cauliculis foliis* compressis, uncialibus, rariùs dispositis vestitis. Ex horum sinubus oriuntur *flosculi* albi, lineis parvis, violaceis notati, & quod observatu dignum, calyces sustinentes prædictos *flores* habet ex quinque foliis compressis, uncialibus conflatos, & longitudine multum capsulas ipsas superantibus.

*Semen* hujus à D. Rob. Huntington in territorio Chalepensi collectum & ad descriptionis autorem transmissum est.

19. *Linaria purpurea magna* J. B. *purpurea major odorata* C. B. *Lin. altera purpurea* Ger.

J. B.

Sesquicubitalem è longa, nigra, contorta, lignosa *radice caulem* emittit, eumque teretem, glabrum, firmum, in ramos prælongos divisum, *foliis* ornatum longioribus latioribusque quam *Linaria* lutea, sapore nullo evidente. *Flores* longa serie per ramos nascuntur, antrosum hiantes, postica parte calcar promittentes, colore purpureo præditi, minores multò quam *Linaria* luteæ vulg. *Semen* in vasculis parvis, bichdis continetur.

Locum.

Circa Neapolin & ad radices montis Vesuvii.

Maxima est omnium quas hæcenus novimus *Linariarum*; flore parvo, intensè purpureo.

A. 20. *Linaria odorata Monspeßulana* J. B. *Linaria flore albicante Caryophyllata* Cam. Hort. *Linaria odorata* Lugd. *Lin. capillaceo folio erecta, flore odoro* C. B. prod. Q. *Lin. caryophyllata albicans* Park.

J. B.

Rectis & rigidis stat *caulibus*, bicubitalibus, juxta terram rubescentibus, quos *Linaria* vulgaris *folia*, angustiora densò stipatu ornant, sapore amaricante: Summum caulis fastigium in furculos aliquot abit, qui *flores* sustinent eodem quo in *Linaria* vulgata dispositos ordine, calcare longè breviori & parum apparente, quæ in re differunt à planta *Linaria* aliquatenus simili, sicuti & in eo quòd *flores* sunt majores, odore gratissimo, superiore folio pallido, purpurascensibus striis variegato, inferiore in tres lacinas albas diviso, rictu lanuginoso, amethystino, croceoque colore picto. *Semina* parva in vasculis subrotundis, herbæ *Linaria* jam dictæ similibus, sed majoribus, sapore (ut mihi videtur) adstringente. *Radix* vivax, insigniter repens, colore candida.

Locum.

Circa Monspeßium ubique occurrit: in Cornubia etiam Angliæ provincia, non longè ab oppido *Perin* in sepibus invenimus, Occidentem versus.

Descriptio quam proponimus J. Bauhini plena est & exacta. Clusius (ut ille [J. Bauhinus] observat) *Linaria odorata* nomine pingit, & describit tantum flores: cætera sunt alterius plantæ, nempe *Linaria* folio Bellidis. C. Bauhinus perperam folia capillacea ei attribuit; ni aliam, forte plantam intelligat.

\* 21. *Linaria odorata Monspeßulana minor cærulea* J. B. *arvensis cærulea erecta* C. B. prod.

Dodrantalibus & brevioribus, ex radícula fibrosa mox ortis *caulibus*, tenuibus, rigidis; quos *folia* vestiunt rara, alternatim ex longis intervallis, fili instar tenuia, semuncia longiora. *Flores* in cacumine serie quadam sibi invicem succedunt, *Linaria* odoratæ majoris, cærulei, calcari longo præditi.

An & quomodo à sequente planta differat considerandum. D. Magnol diversam facit, seque propè portum Cetium in arvis Aprilis & Maio mensè legisse scribit.

22. *Linaria graminea floribus congestis cæruleis.* An *Lin. cærulea calcaribus longis* J. B.

Altitudo ei dodrantalis, *folia* graminea: *flores* in summo caule densè stipati velut in brevi spica. Hanc sic describit J. Bauhinus;

*Radix*

*Radix* tortuosa, dura, alba, fibrata: *Caulis* singularis, simplex, pedalis, glaber, teres, gracilis: *folia* alia adversa, alia alternata, uncialia, angusta, acuminata, lœvia: *flores* per summum scapum eo ordine quo in *Linaria* vulgari, eadẽmque formã, dimidio minores, calcari ferẽ longiore, cœrulei, quinque herbacei coloris angustis longisque foliolis basin suffulcientibus: *Vascula* minora quàm *Linii* vulgaris.

In pascuis ad radices montis Veluvii copiosè oritur.

Locus,

23. *Linaria purpurea parva* J. B. *quadrifolia supina* C. B. Ger. *emac. quadrifolia Alpina* Park.

J. B. Clus.

*Radix* subest tortuosa cum fibris longiusculis [tenuis, alba, multos ex uno capite ramulos profert, atque etiam summa tellure serpit Clus.] *Caules* complures, palmares & majores, in terram reclinati, ramosi, *foliis* amicti veluti ex geniculis, modò singularibus, modò ternis aut quaternis, vix quadrantem uncie æquantibus, crassis, succulentis, coloris ex herbaceo candicantis & veluti cœsii. Extremis ramis *flores* multi, congesti hærent, *Linariæ* vulgaris, minores, longis calcaribus præditi, cœrulo-purpurei, folio superiore bifido, apicibus in rictu luteis, concolori etiam labelli portuuncula penitiora [Clusio elegantissimo colore præditi, ex violaceo quodammodo purpurascens, labro inferiore ubi hiat aut diducto rictu aperitur planè aureo.] Succedunt *vascula* parè rotunda, calyce ex quinque foliolis excepta, quæ continent *semina* longiuscula, compressa, qualia sunt *Alyssi*. Dod.

In Alpium præruptis per Stiriam & Carinthiam, inque monte Jura observavimus. Clusius per- Locu:  
ennem esse scribit.

24. *Linaria purpurea parva foliis sine ordine dispositis* J. B. *Lin. cœrulea repens* C. B. Park. *Moravica* 2. Clus. *Osyris purpureo-cœrulea repens* Ger.

Clus.

Tenuis & humi diffusos habet *cauliculos*, valdè frequentibus, angustioribus, sine ordine dispositis, crassiusculis, & coloris cœsii foliolis obfisos, in plures alas nonnunquam divisos; quarum fastigium occupant multi, spicæ instar confertim nascentes *flosculi*, colore superiori ferè similes, sed multò minores: quibus succedunt parva *capitula* semine plena, de cuius forma & colore nihil asserere possum (inquit Clusius) quandoquidem florentem & capitulorum rudimenta duntaxat præbentem in Moraviæ collibus inveniebam. *Radix* multis fibris latè sparitis constat, & perennem esse apparet.

In alveis fluviorum & torrentum Alpestrum observavimus.

Locus,

Ab hoc genere parum admodum differt, quantum ego quidem perspicere possum,

*Linaria Hispanica* 4. Clusii. *Lin. foliis carnosis cinereis* C. B. *Lin. parva Hispanica altera* Park.

Multos graciles infirmos fundit *cauliculos*, quos ambiunt frequentia, carnosã, tenuia molliãque *foliola*, cineracei quodammodo coloris: extremis cauliculis insident aliquot *flores*, superioribus minores, coloris cœrulei dilutioris ad cineraceum tendentis, quorum rictus flavus: illos sequuntur *vascula* maturitate hiantia, & cineraceum planum exiguum semen continentia. *Radix* alba, tenuibus villis prædita, annua.

Tota æstate & Autumno floret, & maturum semen profert.

Tempus,

\* 25. *Linaria tenuifolia æruginei coloris* C. B. *Hispanica* 2. Clus. *Hispanica atro-purpurea repens*. Park.

Clus.

Tenuibus frequentibusque ex eadem *radice* assurgit *cauliculis*, iisque imbecillibus & plerunque procumbentibus; quos vestiunt frequentia tenuiãque admodum & mollia *foliola*, æruginei quodammodo coloris. Summis ramulis & cauliculis insident aliquot *flores*, *Linariæ* vulgari formã similes, sed paulò minores, elegantes, coloris ex purpura ferè nigricantis, circa rictum flavescentes, tenui odore præditi. Floribus succedunt rotunda *capitula*, cineraceum planumque semen continentia. *Radix* candida est, tenuibus quibusdam fibris & quasi villis donata. Tota planta tenella est, & frigore faciliè corrumpitur.

Floret æstate, semen Augusto maturitatem consequitur, interdum etiam diutius floret. Semine Tempus.  
ex Hispania misso nata est.

\* 26. *Linaria foliis angustis, ex viridi canescentibus* C. B. *Hispanica* 3. Clus. Hist. *Linaria Hispanica tertia* Clusii Park.

Clus.

Multi huic graciles pedalesque à radice *caules* proveniunt: hos frequentia ambiunt *folia*, angusta, longa, ex viridi canescentia, ejus ferè coloris qui in *Lavendulæ* foliis conspicuus est, amari autem saporis. Circa summum caulem multi nascuntur *flores*, utcunque odorati, spicæ in modum conferti, formã superiori similes, quorum subrectum bifidum foliolum externa parte exalbidi coloris est, internâ purpurei, rictus deinde ægideus, five albicantis ex flavo coloris, hirsuto & purpureo labro, propendentibus tribus latiusculis, purpurascens barbulis. Flori succedunt *vascula*, sed plerunque inania [Francofurti.] Vivax est, & ex radice singulis annos novos profert caules.

T t t

\* 27. *Linaria*



\* 27. *Linaria tryphylla caerulea* C. B. *caerulea Apula triphylla* Col. Park.

Col.

*Radice* alba, tenui firmatur; ex qua plures, teneri *caules* pedales fruticant [ aliquando singulari caule invenitur ] læves, albicantes, *foliis* per genicula ternis, Rutaceis paulò majoribus, latioribus, acutioribusque, colore cinereo Rutæ aut Brassicæ, circa summum verò caulis alternatim dispositis, ex quibus Martio mense *flores* primum coacervati, cœrulei, minuti, extumescencia labra tantum lutea habentes, qui paulatim crescente caule decidunt, & *fructus* inter folia remanent rotundi; in quibus foliaceum, latum, compressum, nigrum, atque respectu plantæ magnum *semen*. Aprili mense perficitur. Sapore est palatum excalescente, nec dulci, nec amaro excedente.

Locus.

Cirinolanis agris pratensibus incultis obvia est.

\* 28. *Linaria tenuifolia Lugdunensis* Park. *Lin. capillaceo folio altera* C. B.

*Folius* est angustis capillaceis creberrimis in *cauliculis* teretibus, pedalem altitudinem rarò excedentibus, sapore amaricante & austero, ut uter alteri prævaleat vix internoscas, ramosis quorum fastigia occupant *flores* pauciores & minus conferti quàm in aliis, dum adhuc clausi sunt rubentes, cum explicantur albi rubore diluti: quibus succedunt *semina* parva, plana seu compressa in capitulis parvis oblongis. *Radix* nigra, fibrosa.

\* 29. *Linaria flore pallido, rictu purpureo* C. B.

Hæc proceritate *Linariam* vulgarem non excedit, *foliis* autem planè latioribus est & lætè virentibus; floribus albicantibus, rictu purpurascente decoris & multò rariùs dispositis quàm *flores* vulgaris *Linariæ*, qui densius & spicatim summas caulium cymas vestiunt.

\* 30. *Linaria minor caerulea erecta* Park.

*Folia* hujus plantulæ quæ è radice exeunt (si rectè pingantur à Parkinsono) præter normam aliorum sui generis omnium alata seu pinnata sunt, è tribus quatuorve pinnarum mediæ costæ adnexamum conjugationibus cum impari in extremo folio composita: [ in descriptione cauliculos aliquot ei attribuit parvis brevibus, binis sibi adversis foliolis vestitos, adeoque, ut videtur, folia hæc composita cauliculos foliosos vocat ] inter quæ duo trève *cauliculi* assurgunt, vix pedem dimidium alti, *foliis* longioribus & angustioribus obsiti, *flores* in fastigio gestantes quàm præcedentis [ *Linariæ* minimæ erectæ ejusdem ] ampliores, subcœruleos quibus succedunt *semina* illius similia. *Radix* fibrosa annua. Hæc est proculdubio

*Linaria annua purpuro-violacea, calcaribus longis, foliis imis rotundioribus, minor caerulea* D. Pelisserii  
Lob. Illustr. quæ

Lobelio in *Illustrationibus stirpium* describitur, qui de florum calcaribus nihil dicit, quamvis longiores sint quàm in plerisque aliis speciebus.

Locus.

In herbidis satorum marginibus intra lucum Gramuntium fitis Maio mense florentem vidit D. Magnol.

31. *Linaria semper virens* Alpin. exot. Eadem videtur secunda, seu *Linariæ odoratae* Monspeßulane J. B.

Alp.

*Caulibus* exit multis, bicubitalibus ac amplioribus etiam, rectis, rotundis, colore cœruleo nigricante, *foliis* utrinque alternatim longissimis, tenuibus, angustis, latitudine ad Linum accedentibus, vestitis: in quorum summis fastigiis spicæ modo *flores* producuntur plurimi, parvi, cœrulei, elegantés, calcar posteriori brevi, tenui, inflexo. Floribus hisce singulis succedunt *capsula* singulæ, bisulcæ, & septo medio pellucido divisæ, continentes hinc inde *semina* rotunda, tenuissima, nigra. *Radices* nititur multis, longis, crassis, albicantibus, ab uno principio scilicet, apice radices, ut in Phalangii ramosi & non ramosi radicibus observare licet.

Perpetuò viret, & per æstatem totam fleret; ac ita luxuriat & se diffundit, ut vix extirpari queat, aut impediri quin hortum totum ubi semel sata est occupet.

32. *Linariæ aliquatenus similis folio Bellidis* J. B. *Linaria Bellidis folio* C. B. *odorata* Park. *purpurea odorata* Ger.

J. B.

Ex vasculorum & superiorum foliorum argumento (inquit J. Bauhinus) in *Linariarum* classẽ refero. *Radix* subest crassiuscula, lignosa, alba, contorta, simplex, interdum multifida; ex qua germinant multa, per terram sparsa *folia*, ferè *Bellidis* majoris aut *Agerati*, profundè in ambitu serrata, glabra, amara; reliqua per ramos tenuia, angustissima, longiuscula: *Caulis* ex radice statim plures oriuntur, cubitales, teretes, multum ramosi, quos ferè totos unà cum ramis ornant longæ serie *flosculi*, è foliorum sinu prodeuntes, exigui admodum, & quodammodo hiantes, partim cœrulei, partim albi, nullo calcar donati: Vascula delapsis floribus succedunt, multa, parva, subrotunda, & veluti bipartita, quibus semen clauditur copiosum, minutum subraffum, amarum.

J. Bauhinus

J. Bauhinus hanc observavit in agris inter Lugdunum & Viennam; nos in agris Lugdunum inter *Locus*. & Gratianopolin, quinque aut sex leucis à Lugduno.

Descriptio Clusii *Linariae odoratae* conveniret plantae à nobis descriptae, si non diceret florem habere hamulum incurvum; sed & titulus odoris non convenit: Quare existimo una descriptione & uno titulo duas plantas esse ab ipso traditas, [nimirum *Linariam odoratam* Monsp. & plantam hic propositam] *J. B.*

Nos certè in hujus plantae floribus nulla observavimus calcaria aut cornicula: & uterque Bauhinus eos calcaribus carere affirmat. Et quod ad odorem attinet, nos nullum in ejus floribus sensimus; quin & Clusius ipse in calidis regionibus aliquantulum duntaxat odoratam esse scribit, in Germania verò & Belgicis hortis inodoram. Quocirca J. Bauhini sententiam amplectimur, nimirum Clusium duas plantas tum in figura tum in descriptione sua miscuisse; quem secuti reliqui plerique Botanici eundem errorem errarunt.

Potest hæc non incommode ad *Linarias* referri, verum propria & genuina *Linariae* species cenferi non debet; nulla in flosculis ferè convenientia nobis visa fuit, nec folia ullius nobis cognitae *Linariae* speciei foliis similia, cum è radice exeuntia ab iis quæ in caulibus plurimum sint diversa, unde cum primum plantam vidimus pro anomala & sui generis habuimus.

33. *Linaria arvensis angustifolia flore pusillo non descripta* Hort. Lugd. Bat.

Flores calyce donati. Semen in vasculis bivalvibus rotundis; quod omnibus *Linariis* commune est.

A. 34. *Linaria Elatine dicta folio subrotundo.*

*Elatine folio subrotundo* C. B. Park. *mas folio sub rotundo* J. B. *Veronica famina Fuchsi sive Elatine* Ger. *Round leaved female Fluellin, or Speedwell.*

*Radix* alba, simplex, tenuis, paucis fibris donata, rectà in terram descendit. *Caulis* tenuis, rotundus, vix palmum altus, verum flagella quæ ad latus supra terram spargit, longitudine non rarò spithamam excedunt. *Folia* quàm *Alfines* mediæ majora, rotundiora, pallidè viridia & canescentia, hirsuta & ad tactum mollia, circa margines plerunque æqualia, interdum tamen obiter dentata, pediculis brevissimis fulta, situ alternò. Ex alis foliorum emergunt pediculi singulares, longi, tenues, singulos flores sustinentes, *Linariae* similes, parvos, cum calcare tenui incurvo, rictu amplo, labello ex herbido flavescente, superiore adversà laciniâ bifidâ, pullâ. *Calix* floris pentaphyllos. Floribus succedunt *vascula seminalia* turgidula, è binis loculamentis composita semina continentia.

In arvis sponte & copiosissimè provenit. Seriùs post mediam ætatem floret.

A. 35. *Linaria Elatine dicta folio acuminato.*

*Elatine* folio acuminato, seu scemina foliis angulosis *J. B.* ab hac præcipuè differt foliorum figurâ quæ ei longiora sunt, in acutum definunt & ad basin aurículas habent velut *Acetosæ* ovilla. J. Bauhinus *Helxines* cissampeli foliis comparat aut sagittæ mucroni. Hæc species, inquit idem, magis seffilis est quàm illa, viticulas longissimas spargit. Flores consimiles sunt sed minores.

Cum priore.

In transmarinis plantulam hanc florum colore dilutè cæruleo variantem observavimus. *Locus.*

Facultatibus cum *Veronica* convenire aiunt.

Succus herbarum expressus ejusve aqua destillata, tum intus sumpta, tum exterius applicata ulcera fordida & cancrofa cohibere & perfectè sanare dicitur. *Vires.*

Nasum qui decreverant abscindere perdocti Medici complures, præceperantque ejusdem sententiæ Chirurgis valdè exercitatis id faciendum, quidam misellus Barbitonsor, qui de quopiam suo hero eximio Medico didicisset dissuasit: hujus litu & potu effecit, ut nec nalis abscindendus foret, & ut reliquo corpori in lepram prono optimè esset. Amaricant folia adstringuntque siccitate non exasperante. *Lob. Adv. p. 197.*

*Linaria Cymbalaria dicta.*

36. *Cymbalaria* C. B. *Italica* Ger. *Italica hederacea* Park. *flosculis purpurascens* J. B.

*J. B.*

Ex parietum rimis pendulas fibras evibrat, tenues, purpurascens, teretes, laves, longas, nervo, quem faciliè stringendo linquit cortex, farctas, in varias variè fibrillas facessentes; per quas folia est cernere longis appensa pediculis, hederacea, angulosa, supernè atrovirentia, internè *Cyclamini* modo purpurascens, tenera, succulenta, obscuro quodam amarore prædita. Ad exortum porro pediculorum quibus hærent folia tortiles surgunt alii pediculi, quibus flores singuli insident, *Elatines* aut *Antirrhini* minoris, purpurascens, calcari brevi, rictu pallido. Succedit capitulum globosum, semina claudens parva, crispa.

Basileæ observavimus in ipsius urbis muris: in Italia autem, uliginosis parietibus, maceris & saxis *Locus.* nihil frequentius.

Facultatis est humidæ frigidæque cum adstrictione quadam. Iis profectò hanc plantam pollere *Vires.* facultatibus facto periculo constat quibus primi generis *Cotyledonem*. Sunt qui eâ utuntur ad alba uteri profluvia, eandem recentem in acetariis propinantes, teste Matthiolo. *J. B.* Nostratibus qui acetariis rariùs utuntur conservam è foliis factam potiùs commendat Parkinsonus.



*Linaria Antirrhinum dicta.*

- A. 37. *Antirrhinum arvense minus* C. B. *minimum* J. B. *minimum repens* Ger. emac. *malè.*  
*sylvestre minimum* Park. *The least Calves-snout, or Snapdragon.*

*Radice* nititur parva, albâ, simplici, durâ, longis & tenuibus fibris donatâ. *Caules* ei palmares sunt, teretes, hirsuti, ramosi. *Folia* caulibus inferiora conjugatim, superiora alternatim adnascuntur vix digitum longa, angusta, hirsuta, mucrone obtuso. *Flores* ex alis foliorum exeunt singulatim, Antirrhini similes, pediculis semuncialibus aut longioribus, dilutè purpurascens, cum brevibus & tenuibus calcaribus, è calice tetrapetalo. Succedunt *capsellæ* oblongæ, ventricosæ, septi crassiusculi beneficio in duos loculos divisæ, *semine* parvo, obscurè ruffo aut pullo repletos.

*Locum.*

In arvis sæpius obvium se dat, nonnunquam & in vis publicis, & locis cultis. Æstate floret.

Hæc planta ob florem calcare donatum, & vasculum bivalve eodem cum Linaria modo hians & semina fundens, Linariæ potiùs quàm Antirrhini species censenda est.

### C A P. III.

#### De Antirrhino.

*Ἀντίρρινος* & *Ἀνάρρινος* Dioscoridi l. 4. c. 133. dictum quod fructu sit vituli narium simili. Appellatur & *Os leonis* Cæsalpino, qui existimat plantam hanc eandem esse quam intelligit Columella per illa verba, *Et hiantis sæva leonis Ora feri*; Siquidem flores hujus rictum leonini oris æmulantur; quod verum est de hujus plantæ floribus, non de Aquilegiæ, quam alii à Columella denotatam volunt.

Notæ hujus sunt flos rictum exprimens quo cum Linaria convenit, calcari carens, quo ab eodem differt, vasculum in bina loculamenta divisum, è tribus foraminibus semina fundens, vituli caput & nares referens.

1. *Antirrhinum vulgare* J. B. *purpureum* Ger. *purpureum sive roseum* Park. *majus alterum folio longiore* C. B. *Purple Calves-snout, or Snapdragon.*

*Radice* firmatur lignosâ, albâ. *Caules* cubitales & sesquicubitales, teretes, solidi, glabri propè terram, superius brevi lanugine hirsuti. *Folia* longa angusta, glabra Leucoii lutei, alterno aut potiùs nullo ordine posita, sapore subacri. *Flores* in summis scapis in thyrsi morem dispositi, ampli, monopetali, colore carneo albôve, rictum leoninum exprimentes, bifido folio surrecto, labello trifido, antequam in lacinias dividi incipiat nonnihil luteo fimbriâque villosâ donato, stylum & quatuor stamina apicibus flavis insignia continentes. *Calix* floris brevis, quinque segmentis obtusis, hirsutis constans: *Pediculus* ejusdem brevissimus hirsutus, è sinu folioli exigui, brevis, concavi, acuminati exit. Flores versùs eandem omnes partem vergunt, sùntque exterius hirsuti. Summitates caulium, & florum calices ad tactum viscosi sunt. Flori unicuique succedit *vasculum seminale* grande, caput vitulinum quodammodo referens, apice incurvo, in duo loculamenta divisum, quorum superius per maturitatem summa sui parte uno foramine, inferius duobus aperitur. *Semen* pusillum, angulosum, pulum seu nigrum.

*Locum.*

Descriptio est J. Bauhini, à nobis interpolata & aucta.

In aggeribus fossarum & ad sepès circa Monspelium abundè oritur.

Variat non rarò floris colore albo.

2. *Antirrhinum luteum* Ger. *luteo flore* C. B. *flore luteo grandi* Cam. *flore subluteo* Dod.

*Locus.*

Hoc à priore non floris tantum colore, sed & foliis variat brevioribus, latioribus, subhirsutis.

Circa Messanam urbem in muris sponte nascentem observavimus hanc speciem, unde Petrus Castellus in suo Messanensium plantarum catalogo Messanensem illam appellat; quamvis & alibi quoque sponte proveniat, in præruptis scopulis, ut Cæsalpinus rectè observavit: nam & nos in rupibus non procul *Pietra Santa* Hetruriæ oppido, cum Malsâ Lucam iter faceremus, copiosam invenimus: quin & in Germania spontanea occurrit.

*Varietas.*

C. Bauhinus *Antirrhini majoris rotundiore folio* Camerario in horto *Antir. majoris flore roseo* dicti, meminit; quod in agro Monspelienfi & Nemaufensi provenire refert. Nos à præcedente accidentaliter tantum differre putamus, ut qui neque in Monspelienfi neque in Nemaufensi agro hujusmodi Antirrhinum observavimus. V. C. B.

3. *Antirrhinum angustifolium sylvestre* J. B. *arvense majus* C. B. *sylvestre medium* Park. *minus* Ger. *The lesser wild Calves-snout, or Snapdragon.*

*J. B.*

Elegantula est plantula, tenui albicantèque radice; *cauliculis* palmaribus aut cubitalibus, teretibus, hirsutis, quos alternatim ornant *folia* Hyslopi paria, simul plura, inferius nonnunquam rubescencia, pingua & nonnihil acria, subamara. *Flosculi* ex foliorum alis bicolores, partim albi, partim purpurascens,

purascentes, Antirrhini majoris, sed multis numeris minores, quorum basin obvallant quinque vel septem folia viridantia, hirsuta, quædam longa, quædam brevia. Pericarpium calvariam catelli egregiè refert, ac oculorum fossas narèsq; corniculo inductas, in quo *semen*.

In arvis solo arenoso non rarò occurrit.

Hujus varietatem flore carneo, riètu striato in Italia & Sicilia observavimus.

Ex Hispania à Boelio allatam habuit Parkinsonus flore sanguineo splendido, riètu luteo, aut pallido:

Item aliam quam vocat Antirrhinum alterum flore albo minimum.

*Locus.*

*Varietates.*

- \* 4. *Antirrhinum album serrato folio* J. B. *Ant. folio dissecto* C. B.

*J. B.*

Unico, recto, ad cubitum, interdum duos, alto *caule* assurgit, in quo *folia* eo ferè ordine quo Lini disposita cernuntur, satis dura & aspera, pulchrè ferrata, longa satis & angusta. *Flores* albi, ferè similes sunt majori Antirrhino, satis magni proportionè plantæ; calycibus vituli narium æmulis succedentibus.

Propè Monspelium in ora maritima, vulgo *Plage*, quæ respondet prædio dicto *Aresquies*, inter *Locus* Juncos, versùs Miramvallem & Frontignanam.

Accedit ad nostram Cristam Galli Messanensem, & fortè eadem fuerit.

- \* 5. *Antirrhinum saxatile Serpylli folio* C. B. prod. *Saxatile Baubini* Park.

*C. B.*

*Radice* est parva; *ramis* multis reflexis, tenuibus, leviter hirsutis: *foliis* Serpylli vulgaris formâ, sed minoribus: *floribus* rubris, aliquando pallidè cæruleis, pedicellis oblongiusculis insidentibus, formâ & magnitudine unâ cum capitulo insidente Antirrhino arvensi minori similibus.

Folia inferiora sunt Antirrhini, superiora verò Serpylli, annotante D. Magnol, qui copiosum invenit inter rupes montis *Capouladou* non longè à Monspelio, tum & in locis *Garrigues* dictis inter *Laverune* & *Pignan* Maio & Junio mensibus cum flore.

Antirrhinum rari usûs est in medicina, sed propter floris elegantiam in hortis colitur.

Fabulosa sunt, frivola & superstitiosa quæ circumferuntur de viribus hujus plantæ & aliarum nonnullarum contra spectra, incantationes, veneficia; ad conciliandam gratiam Principum, Magnatum, &c.

#### C A P. IV.

##### De Aristolochia.

**A**ristolochiam \* Cicero nomen accepisse auctor est ab inventore Aristolochio, qua de causa \* *Lib. 1. de*  
dentem calumniæ vix evitare potuit. Contendunt enim nomen huic inditum quòd puer- *Divinat.*  
peris profuit. Sed quid impedit quo minùs ab Aristolochio nomen habeat, simulque salu-  
taris sit puerperis? Credibile enim non videtur Ciceronem de suo hoc finxisse, sed ab aliquo antiquo  
auctore, cujus scripta deperdita sunt, desumpsisse. Quod eò magis sit verisimile, quòd apud \* *Lib. 1. de*  
Galenum, in carmine Andromachi legatur *ἡ ἀσπὴν ἢ ζαν Ἀριστολόχῃ*. Nicandri etiam Scholiastes Ari- *Antidotis.*  
stotelem testem vocat à muliere inventam Aristolochiam. Nomen autem inventoris herbæ indi-  
tum fuisse verisimile est, qui sive vir, sive femina fuerit perinde est.

Rectius tamen indè deducitur nomen, quòd sit *ἀείων τῆς λοχίαις*. \* Dioscorides, *Ἀριστολόχια ἀνὸ* \* *Lib. 3. cap. 4.*  
*μαστὴν ἢ δὲ τῶν τῶν δολιχῶν ἀείων τῶνς λοχίαις*: Aristolochia ex eo nomen accepit, quòd optimè puerperis  
opitulari credatur. \* Plinius, Inter nobilissimas Aristolochiæ nomen dedisse gravidæ videntur, quoniam \* *Lib. 25. cap. 3.*  
esset *ἀείων λοχίαις*; Nostri *malum terra* vocant. Unanimes consensu omnes restituunt *λοχίσαις*, quæ  
vox parturientes non gravidas denotat. Quomodo Jo. Bodæus à Stapel Plinium defendit vide apud  
ipsum Comment. in Theophrast. hist. lib. 9. cap. 13. p. 1107.

Notæ Aristolochiæ diagnosticæ sunt flos semistifularis seu corniculatus labello in palæ formam  
producto, pericarpium grande in fena loculamenta dispersitum.

1. *Aristolochia rotunda* J. B. Ger. *rotunda vulgatiore* Park. *rotunda flore ex purpura nigro* C. B.  
*Round Birthwort.*

*J. B. Clus.*

Multa fundit ex una radice *sarmenta* cubitalia quadrangula, imbecilliora quàm Clematidis vul-  
garis; quibus alternatim adnascuntur *folia*, [mediæ inter Malvæ & Hederæ folia magnitudinis]  
admodum brevi pediculo hærentia, caulem alis suis penitus complexa, omnium maximè rotunda,  
mollia, [venosa,] pallescentia [colore ex viridi nigricante *Clus.*] ex quorum alis *flores* exeunt se-  
munciali pediculo hærentes, tubulo ex luteo pallescente in palam ex rubro nigricantem desinentes,  
latiorem quàm in longæ aut clematidis flore. [Succedunt *fructus* rotundi, parvi Melopeponis  
figurâ, qui multa grana continent ordine disposita, lata, nigricantia, intercurrentibus quibusdam  
membranis, & materiâ etiam fungosâ, albâ, singulis granis interpositâ, quod reliquis Aristolochiæ  
generibus commune est.] J. Bauhino utriculi sequuntur turbinati, striati, per maturitatem in sex  
partes dehiscences. *Radix* lubest ampla, tuberosa [rotunda J. B.] rugosa, foris fusco, intus buxco  
colore prædita, cortice crasso, tristi amarore gustum afficiens.

In Italia passim ad sèpes & in aggeribus fossarum habetur, pingui solo: nec minùs frequens in *Locus*.  
Hispania & Gallia Narbonensi. Floret vere.



- \* 2. *Aristolochia rotunda altera* Park. *rotunda altera* Clusii J. B. *rotunda*, flore ex albo purpurascente C. B. *The other Round-rooted Birthwort.*

Clus.

Ramulos seu palmites habet prioris, sed frequentiores & breviores: *folia* longæ quidem formam & colorem æmulantia, sed majora, longioréque pediculo quàm superioris fulta: *florem* ex albo purpurascensem, interius fuscum, longæ flori pænè similem: Ejus *fructus* priore longior, pyri in modum turbinatus, graciliore quàm in illa meta: *semen* planum, minus priore & rufum: *radix* superioris similis, cortice tamen magis flavo.

Locus & Tempus.

Floret paulò maturius superiore, omnéque semen ferè abiecit, quando prioris maturefcere incipit. Hanc nonnisi campestribus & inter segetes sponte nascentem conspiciebat Clusius. Superiore firmior est, & injuriarum hyemis tolerantior.

3. *Aristolochia longa* J. B. Ger. *longa vera* C. B. Park. *Long-rooted Birthwort.*

Clus.

Huic etiam *cauliculi* quadranguli, duos palmos longi, interdum longiores [cubitali circiter longitudine J. B.] in multos ramos divisi, humi uti Rotundæ diffusi. *Folia* quam illius minora, firmitiora, dilutioris coloris, longiore pediculo fulta, Soldanellæ foliorum pænè formâ. *Flos* similiter oblongus, concavus, ex viridi candicans, Rotundæ alterius florum effigie, sed extrema parte coloris magis herbacei, intus ut reliquorum villis obfusus. *Fructus* Pyri in morem turbinatur, sed non adeò tenui metâ ut alterius rotundæ fructus, qui maturitate dehiscens *semen* ostendit, latum, rufum & tandem fuscum. *Radix* adultiorum plantarum crassitudine est brachiali, longitudine pedem æquantem: Adultæ verò omnes plerunque extrema parte obtusæ sunt, & æqualis ferè per totam longitudinem crassitie, subinde tamen cuspidè ramosa: juniores gracilescunt, multasque fibras habent.

Locus.

Provenit campestribus locis inter segetes, & quibuldam vineis in Narbonensi Gallia; & novo Vere floret.

- \* 4. *Aristolochia longa altera* Clusii J. B. *longa Hispanica* C. B. Park. *The other long-rooted Birthwort.*

Clus.

Hujus *flos* à Gallicæ flore diligentius insipientibus nonnihil differre deprehendetur, quippe cujus extrema pars interiore parte purpurei coloris sit, qui in alia herbaceus. Hispanicæ etiam radix extrema parte non est gracilis in novellis plantis ut altera, sed plerunque obtusior, & radix ipsa brevior.

Locus:

Nascitur in Hispaniis inter vites regno Valentino frequentissima, ubi Martio florentem & jam semen perficere incipientem inveniēbam.

Verum hæ differentie non sufficiunt, me iudice, ad diversitatem specificam, ut vocant arguendam; cum in plerisque speciebus plantarum majores observari possint.

Utraque frigoris impatiens est, nec hyemes nostrastolerat, nisi in fœtilibus asservetur.

*Pbebuame* seu *Aristolochia Mexicana* II. *longa Hernandez* huic vel eadem est, vel simillima, quamvis ille *Aristolochiam clematidem* eam vocet; neque apud alterius Orbis colonos se vel vivam, vel pictam vidisse dicat.

5. *Aristolochia clematitis* Park. *clematitis recta* C. B. *clematitis vulgaris* J. B. *Saracenicæ* Ger. emac. *Creeping Birthwort.*

Clus.

Præcedentes magnitudine superat: *caulem* habet firmiorem, rotundum, striatum, supra cubitalem altitudinem assurgentem. Hujus *folia* reliquarum foliis multò ampliora, ex viridi pallescencia, longo pediculo fulta, formâ Longæ vel potius Rotundæ alterius folia referentia. *Flos* pallidus, copiosus in singulis alis, qui in aliis generibus singularis, Longæ floris formam quodammodo referens, quo evanescente succedit *fructus*, reliquarum fructu major, exigui mali magnitudine, *semen* continens quale est reliquarum *Aristolochiarum*, sed majus. Hujus *radix*, quæ reliquis cum gravitate quadam est odorator, tenuis est & ad minimi digiti magnitudinem nunquam accedens, longè latèque serpit, & sub terra altissimè mergitur, adeò vivax ut etiam frustulatim concisa facillimè renascatur, & magna difficultate eruatur; sapore est amaro, adeoque tenuium partium, ut statim gustata fauces eo imbuat.

Locus.

Circa Monspelium in vineis fossis & aggeribus plus satis luxuriat; autore Clusio in vineis adeò ibi frequens, ut vina ab illius odore vitium contrahant. Invenitur & in aliis plerisque Gallia, Hispania, Ungaria, Germaniæ superioris & inferioris locis referente Clusio: Nobis tamen in Germania peregrinantibus nusquam est conspecta. Floret cum reliquis.

Alia species.

*Aristolochiæ clematidis* speciem teneriorem foliis in extremo bifidis seu mucronatis in monte Hymetto propè Athenas observavit D. Georg. Wheeler. Itinerar. lib. 6. pag. 414.

- \* 6. *Aristolochia*

- \* 6. *Aristolochia clematidis* Bætica Clus. Park. *clematidis* Ger. *clematidis non vulgaris* J. B. *clematidis serpens* C. B. **Climbing Birthwort.**

Clus.

Longa, carnosa, tenuia striatâque habet *sarmenta*, quibus vicinas sepes & interdum arbusculas superat, iis se convolvens & implicans Convolvuli aut Lupuli modo. *Folia* illi reliquarum *Aristolochiarum* foliis similia, seu potius *Scammonia* *Monspeliaca*, extremo mucrone acuminato, superne lævia & viridia, inferne ex purpura albicantia, longo pediculo innixa. *Flos* *Aristolochiæ* longæ, incurvus, oblongus, ex purpura nigricans, intus tenui lanugine plenus, longissimo omnium pediculo insidens, reliquarum *Aristol.* similis, æquè magnus ac in vulgari *Clematide*, & à pediculo dehiscens; *semen* etiam simile. *Radix* prælonga, sarmentitia, *Smilacis asperæ* instar, (cum cujus crassioribus fibris magnam habet affinitatem) nunc per summa serpens, mox altè sub terra se condens, pallidi coloris, non ingrati saporis, gustata etiam aliquantulum adstringens deprehenditur, & manifestæ acrimonie. Tota planta odorata est.

Circa Hispalin, itinere Ulyssipponensi, plurimisque aliis Bæticæ locis, in dumetis, vepribus & vetustis quibusdam oleis, pingui solo sponte nascens observavit Clusius, semper istic virens, & Januario, Februarioque florens. Locus & Tempus.

7. *Aristolochia polyrrhizos* J. B. *Aristol. Pistolochia dicta* C. B. *Pistolochia* Ger. emac. *Pistol.* vulgatiore Park.

J. B.

Ex *radicis* argumento nomen invenit, quæ ex plurimis, longis, junceæ tenuitatis, buxi coloris radiculis, in unum tandem caput coeuntibus est composita. *Cauliculos* dodrantes habet aut pedales, rarò majores, graciles, angulosos seu striatos, ramosos. *Folia* longæ foliis similia, minora, magis rugosa, & aliquantulum in ambitu sinuosa: *florem* Rotundæ priori formæ æqualem, minorem tamen & aliquando nigrum, interdum ex herbaceo flavescentem: fructum rotundæ primæ fructus effigie, verum minorem, cum maturuit eâ quâ pediculo adhæret parte dehiscens ut in præcedente, [longæ verò & reliquarum extremâ] *semen* etiam simile.

In arvis propè *Sellam novam* agri *Monspeliensis* sub oleis invenimus: Clusius in olivetis & petrosissis Hispaniæ Galliæque *Narbonensis* locis. Serius floret reliquis *Aristolochiis*. Locus.

*Folia* in plantis nobis observatis brevissimis pediculis infidebant, erantque parva, acutiora quàm figura Clusiana repræsentat, extimis marginibus undique eleganter sinuata, ita ut dentata videntur, colore, præsertim inferiore parte, canescentia, & *Scammonia* *Monspeliacæ* æmula.

8. *Pistolochia Cretica* C. B. *Cretica semper virens* Park. *Cretica sive Virginiana* Ger. emac. *Aristolochia Pistolochia altera* J. B.

Clus.

Multa è summo radicum capite profert tenuia *sarmenta*, pedem aut plus vel minus longa, angulosa, striata, ramosa, lenta, fractu contumacia, humi sparsa, & ex atro virentia, in quibus incondito ordine nascuntur *folia* nervosa, superiori similia, magis tamen mucronata, & ad *Smilacis asperæ* foliorum formam quodammodo accedentia, minora, atrâque & immarcescibili virore prædita, oblongis pediculis nitentia, è quorum sinu nascuntur longi cavique *flores*, *Aristolochiæ* longæ floribus formæ similes, saturâ tamen rubedine foris magis distincti, interne verò aliquantulum flavescentes, oblongisque pediculis adhærentes. His succedit *fructus* *Aristolochiæ* longæ fructui non dissimilis, sed minor: numerosas autem hoc genus habet *radices* instar præcedentis aut *Smilacis asperæ*, verum graciliores, & fibris quibusdam tenuibus donatas, odoratas.

*Flores* profert Julio & Augusto.

Diligens & peritus Botanicus Thomas Johnsonus Gerardi Historiæ emaculator *Polyrrhizon* illam famosam *Virginianam*, (quam è Virginia allatam in horto Joan. Tradescanti Lambethæ propè Londinum cultam & florentem vidit) cum descriptione Clusiana *Pistolochiæ Creticæ* studiose collatam, eandem omnino speciem plantam esse invenit, nec ullâ insigniore notâ diversam speciem arguente differre: quocirca Parkinsoni judicium diversam statuentis non magni facio, sed potius cum Johnsono sentio eandem esse. Videtis descriptionem Parkinsoni in Theatro Botanico.

- \* 9. *Aristolochia Maurorum* C. B. *peregrina Rauwolfii* Clus. *Aristolochiis similis Rhasut & Rumigi Maurorum* J. B.

Rauwolf.

Aliquem ispirat odorem, sed ingratum. Ex *radice* furculi prodeunt plerumque quatuor, albicantes, fili modo tenues ad radicem, ex quibus parte superna hærent foliola septem aut octo utrinque, cinerea, opposita, magnitudine & situ foliis *Filicis Floridæ* respondentia, nisi quòd versus ima aurita sint, ad instar *Salviæ minoris*. Inter quorum ima, superioribus magis aliquanto inter se distantia, *flores* hærent *Aristolochiæ* similes, paullo majores, colore magis fusco, longioréque pediculo. *Radix* altè depacta est, qualitate sicca calidâque, ut amaritudinem ejus docere putat Rauwolfius.

Utriusque *Aristolochiæ*, tam longæ, quam rotundæ, radix calida & sicca censetur. Utraque *Viros* discutit, attenuat, aperit cum modica absterfione: rotunda tamen tenuiorum partium est, longa crassiorum. Quæ *Clematidis* vocatur fragrantior est (inquit Galenus) itaque eâ ad unguenta utuntur.



tur unguentarii, sed ad sanationes infirmior, & longè minùs quidem tenuitatis obtinet quàm rotunda. Lobelius Polyrrhizæ Arist. radicem reliquis duabus [longæ & rotundæ] præferendam ait, tum suavi aromaticitate, tum medicata efficaciore facultate: cujus causâ meritò Andromachi & Galeni theriacis aptiorem. Clematidis tamen vulgaris utrâque reperitur ignavior.

Utraque Aristolochia Cephalica, Epatica, & Pulmonica imprimis est. Hinc prodest ad tartaream mucilaginem resolvendam expectorandamque, ad menses ciendos, tumores internos rumpendos, venena discutienda. Insuper *Longæ* infusio ad scabiem exsiccandam vel vulgo hîc [in Germaniâ] usitatissima est. Extrinsecus adhibetur usu creberrimo ad exsiccanda & mundificanda vulnera.

*Rotunda* efficacior est, & imprimis mensibus ac secundinis ciendis celeberrima. *Schrod.*

C. Hofmannus ità distinguit virium respectu, Commendatur *Longa* in vulneribus & ulceribus sordidis, in vitii cutis, in purificandis dentibus: *Rotunda* in affectibus pectoris à crassis humoribus, in flatibus, in doloribus ventriculi, in singultibus, in ruptis, ubi sanguinis grumi dissolvendi sunt, in obstructionibus lienis, &c. Educit enim per urinas, menses, cutim, varia excrementa.

\* *In Ado.* Præcipua utriusque vis est (ut nomen indicat) ad uterum à partu expurgandum, & menses movendos. Tam efficaces sunt (inquit \* Lobelius) longa & polyrrhizos præsertim, ut radices utriusque pari momento, partim intrò datæ, partim in pessario admotæ, elicuerint fœtum, jam sescuidiem erumpere conatum, fœtusque involucria lacerata enixam puerperam tridui cruciatibus pænè enecatam.

Exhibetur ad affectus uterinos plerunq, in decocto.

## CAP. V.

## De Scrophularia.

**S**crophularia à radice nodosa & ab affectu nomen accepit, quòd ad scrophulas prodesse creditur C. B. Sunt autem Scrophulæ sive strumæ & choerades glandularum induratarum tumores in cervice, alis & inguinibus. Volunt ita dici quòd porcis sunt familiares, aut quòd numerosæ sunt sobolis & prolificæ veluti scrofa. Est autem Scrofa Sus quæ fœtus causâ alitur.

Scrophulariæ notæ sunt flos auriculatus, vasculum bivalve, subrotundum, acuminatum; folia in caulibus contrariis inter se pediculis bina, semina parva, fusca.

1. *Scrophularia aquatica major* C. B. *maxima rad. fibrosa* J. B. *Betonica aquatica* Ger. *aquat. major* Park. *Water-Betony*, rectius *Water-figwort*.

*Radix* crassa fibris numerosis, majusculis, longis, albis donatur. *Caulis* bicubitales sunt, quadrati, crassitudine minimi digiti, quàm Scrophulariæ vulgaris majores, glabri, inanes, ramosi. *Folia* per intervalla longiora ex adverso bina, pediculis sescuncialibus infident, duobus plurimum lobis ad pediculum donata, tres aut quatuor digitos longa, duos lata, circa margines crenata, mucrone obtusiore quàm Scrophulariæ vulgaris, & Betoniciæ foliorum figurâ suâ æmula, verum duplo triplòve majora. *Flores* in summitatibus caulis & ramorum, in eodem communi pediculo seu furculo plures, ex alis quidem foliorum quorundam, sed perexiguorum, angustorum, acutorum, non crenatorum & omnino dissimilium reliquis egrediuntur, parvi, monopetali, turgiduli, obscurè purpurei, duobus in summa parte extantibus latis & obtusis segmentis velut auriculis; *apiculis* flavis in ipsa floris apertura se ostendentibus; quibus succedunt *vascula seminalia* subrotunda, acuminata, è duobus loculentis composita, *semina* intus continentia parva fusca.

*Locus.*

Ad ripas fluviorum copiosè provenit, in ipsis aquis.

Hujus speciem quadruplo minorem, Londini alebat Thomas Bennæus, & Muttonus Belga Tor-naci, referente Lobelio, quæ

- \* 2. *Scrophularia palustris non fetida, sive aquatica minor* C. B. *Betonica aquatica minor* Park.

- A. 3. *Scrophularia major* Ger. *major vulgaris* Park. *vulgaris & major* J. B. *nodosa fetida* C. B. *figwort*.

*J. B.*

Fœtidi odoris tota est, Sambucum referentis. *Radix* obliquè agitur, alba, crassiuscula, & tuberi-bus inæqualibus strumosa. *Caulis* firmus, rectus, quadratus, cavus, purpurascens, ad binos cubitos excrefcit, in alas divisus. *Folia* Galeopsis, majora, acuta, serrata, ex caulis geniculis adversa, (quod tamen perpetuum non est) atrovirentia. *Flores* ex hirsutis pediculis calicibus quinquefoliis infident, Antirrhini minimi hiantis oris instar habentes, supremâ laciniâ in medio bifidâ, intus atropurpureâ, extrâ nonnihil virescente, lateralibus duabus cum infimâ extrorsum reflexâ magis ex viridi pallescentibus, prominulo è rictu stylo virente, altè reconditis tortuosis staminibus cum apicibus ochreis. [Stamina interdum in rectum exporriguntur, eorûmque apices pallidi è floris hiata apparent.] Vasculum seminale bivalve, subrotundum, in summo acuminatum.

*Locus.*

In sylvis, dumetis & sepibus nascitur non infreq. Julio & Augusto floret.

Ex



Ex re nomen habet; siquidem radix ejus strumas & hæmorrhoidas sanat. Utilis insuper est in cancrofis ac similibus serpentibus ulceribus malignaque scabie. Siquis hæmorrhoidum cæcarum infano dolore torqueatur, minimum quid Scrophulariæ vel radices, vel foliorum cum cibo aut potu capiendi statim dolore liberatur; siue ipsam plantæ substantiam siccam aut viridem, siue decoctum ejus assumat. Hen. ab Heers in Observ. qui se hoc sæpius expertum ait.

Siccæ radices pulvis impositus hæmorrhoidas ficit: Idem drachmæ pondere potus lumbricos venis pellit.

Aqua è radicibus destillata faciei ruborem tollit.

Ex hac herba unguentum conficitur ad omnis generis scabiem utilissimum: quo ipse (inquit Tragus) scabies Lepre simillimas curatas vidi. Ejus autem compositio sic se habet, Maio mense sumatur herba cum radice, sordibus diligenter expurgata ac lota, eaq. contundatur, post succum inde expressum in angusto vitro probè obturato per annum asservetur. Cùmque unguentum parare volueris, tum expressi succi, ceræ & olei æquis portionibus tantum accipe quantum unguenti parandum erit, quod ubi feceris conjunctim ea super carbones decoquantur & eousque temperentur donec unguentum fiat. *Trag.*

Ad Scrophulas sequens Emplastrum præscribit *D. Sibbalds Prod. Hist. Natural. Scotiæ.* & *Axung. porcin.* lb j. solvatur moderato ignis calore. Tunc ʒ folior. Scrophular. Cynoglossæ. Lamii flor. alb. Digitalis an. p. æ. q. ʒ. in minutas partes conscindantur, & in Axungia coquantur igne temperato, repetendo coctionem ter aut quater, usque dum unguentum saturati viroris sit. Tunc appendatur in librâ unguentum, sumendo dimidium ejus Ceræ & Resinæ tantundem, Terebinth. ʒij. viridis æris ʒj. dissolvantur simul omnia, tunc per linteum colentur, & fiat massa, super alutam q. ʒ. extendatur, & parti applicetur.

- \* 4. *Hujus aliam speciem depingit & describit Parkinsonus titulo Scrophulariæ majoris alterius elegantis.*

*Park.*

A vulgari differt floribus non ut in illa hiantibus, sed quatuor foliolis rubentibus compositis, seu majoris in quatuor foliola rubentia expansis: *vasculis* seminalibus non acuminatis: *foliis* interdum pluribus ad idem geniculum, præsertim inferius, sitis.

5. *Scrophularia folio Urticæ C. B. peregrina Cam. Park. flore rubro Camerarii J. B. Pettie-leaved Figwort.*

Ex eadem radice fibrosa & tuberculis carente plures emittit caules, medium tamen reliquis multò majorem, crassitudine digitali, firmum, ab imo ramosum, ramulis ex adverso binis, è foliorum alis exeuntibus, cubitales & altiores, quadratos, concavos, lanugine admodum brevi & vix conspicua hirsutos. *Folia* Urticæ æmula, sed pro latitudine breviora, obscurè viridia, glabra & splendens, inferiora in caule pediculis longis appensa, superiora ordine breviora. *Flores* in surculis è foliorum alis egressis sex, septemve aut plures, pediculis tenuibus hærentes, patentiores quàm Scrophulariæ vulgaris, nec adeò obsoletæ purpuræ, sed rubicundiores. His succedunt *capsulæ* subrotundæ, bivalves, *seminibus* intus exiguis pullis.

Odor plantæ foetidus & ingratus Scrophulariæ vulgaris.

Circa Pisas copiosè provenit, etiam in muris ipsius urbis, & alibi in Italia. Hæc est proculdubio *Locus*. Scrophularia Cretica 2. *Clus.* quod folio Urticæ esse dicit.

Aliam Schrophulariæ peregrinæ speciem describit Parkinsonus, quam peregrinam alteram appellat, altitudine bipedali; foliis pulchrè viridibus & velut alatis: floribus subluteis cum staminibus pallidis. *Alia Species.*

6. *Scrophularia flore luteo Ger. C. B. Park. lutea magna, amplis foliis J. B. Lamium Pannonicum alterum siue exoticum Clus. Yellow flowered Figwort.*

Ex radice crassa, nigra, fibrosa, Scrophulis carente *folia* antequam caulem edat plura in terram convexa exeunt, magna, rotunda, hirsuta, uncias quinque vel sex longa, similiterq. lata, ob pilos brevissimos aspersos mollia, Urticæ foliis simillima nisi ampliora ut plurimum essent, pingui & lento quodam veluti rore leviter aspersa, profundè per ambitum serrata, pediculis longissimis, [trium quatuorve unciarum] Altero anno *caulem* [C. B. caules plures] profert, bicubitalem circiter, [cubitales & sesquicubitales C. Bauhino, tripedalem *Col.*] quadratum [quadrangulum vel sexangulum *Clus.* utriusque enim formæ nascuntur] crassum, cavum, leviter hirsutum, [hirsutie alba oblitum] rectum, geniculis distinctum, ad quos *folia* bina plerunque opposita, [interdum terna in caule sci. hexangulo] ab imo caule ad summum paulatim decrefcentia, & pediculis sensim brevioribus fulta. Ex uniuscujusque ferè folii sinu, ab imo ferè ad summum, pediculus emergit palmaris circiter, C. Bauhino lavis, *Clusio* verò & *Columnæ* hirsutus, cujus circa fastigium foliola bina exigua conspiciuntur, supra quæ extremo pediculi cacumine *flores* hærent complures [tres vel quatuor *Col.*] lutei, Pisi minimi magnitudine, concavi, hiantes, quinque brevibus laciniis ora divisa parum habentes, apicibus itidem intus luteis, [tenui stylo cum staminibus emergente] Arbuti floribus admodum similes *Col.* basin habentes luteo-viridem, quinque foliolis constructam: quibus succedunt oblonga *pericarpia*, in acutum definentia, Scrophulariæ similia [capitulis Hyperici similia J. B.] in quibus similia *semina*, minuta & nigra continentur, Capitulum acumini filamentum capreoli instar insidet.

Maio



Locus.

Maio floret, ac etiam Æstate, & Autumno perficitur, deinde iterum ex radice germinat. *Col.*  
In valle Campoclarensum atque etiam supra Matesium umbrosis Septentrionalibus, nivosis locis invenit Columna; postremò etiam in Æquicolum montibus, in villa *Plagis* dicta.

Quatuor celeberrimi omnium Botanici, Carolus Clusius, Bauhinus uterque & F. Columna hanc plantam diligenter descripserunt, è quorum descriptionibus hanc nostram composuimus.

Galeopsis altera luteo-pallida *Park.* huic plantæ eadem est.

- \* 7. *Scrophularia Cretica* 1. *Clus. Cretica latifolia Park. Indica Ger. Scr. foliis Filicis modo laciniatis vel Ruta canina latifolia C. B.*

*Clus.*

Huic *folia* initio prodeunt humi expansa, Scabiosæ primis foliis non valdè dissimilia: deinde sefquicubitalis assurgit *caulis*, quadrangulus, cavus, viridis, angulis purpurascens, interdum etiam totâ eâ parte quæ Sole illustrata est purpureus: cujus infimam partem ambiunt longè ampliora *folia*, in multas lacinias divisa, ex adverso nascentia, deinde reliquum caulem alia, quæ alata sunt, & Filicis aut Alethorolophi foliorum instar ferè, multis laciniis prædita, quæ rursus in alias longè minores, & in ambitu ferratas secantur. A medio caule ad summum ex alarum sinu nascuntur rami etiam quadranguli, minoribus foliis præditi, & illi similiter in alios ramulos divisi, sustinentes *stipulos* instar utriculorum cavos, Scrophulariæ vulgaris floribus non abfimiles, ex flavo virescentes, sex foliis constantes, quorum bina infima valdè sunt exigua, & infernè aliquantulum reflexa, quæ in lateribus sunt, paulò quidem altiùs attolluntur, & suprema parte aliquantulum purpurascunt; sed bina superna majora sunt reliquis, & quodammodo reflexa, purpureisque ex atro coloris, paucis & brevibus flavis *staminibus* ex umbilico prodeuntibus. *Radix* pollicaris panè crassitudinis est, in multas fibras divisa, candicantis coloris.

- \* 8. *Scrophularia foliis laciniatis C. B. Prod. Scrophularia Indica Park. An Scroph. Indica capitulis maximis J. B?*

*C. B. prod.*

*Caule* est crasso, striato, subrubente & lævi: *foliis* atrovirentibus, lævibus, tenuibus, oblongis pediculis donatis, inferioribus palmaribus, instar foliorum Raphani, in lacinias quinque oblongas, crenatas, divisis: ex quorum sinibus folia minora, etiam laciniata, prodeunt. *Flore* est magno, elegantissimo, croceo inferiore parte, intrinsecus rubro.

Hujus ramulum duntaxat accepit descriptionis autor C. B. nomine *Scrophulariæ Hispanicæ* non scriptæ.

Adde ex Parkinsono, *Ramulos* hujus crassos esse, sed infirmos & humi plerunque hinc indè stratos, geniculis crebris interceptos: *capitula* majora & duriora quàm in quavis alia Scrophulariæ specie: *radicem* crassam fibris comosam, postquam planta semen dederit marcescentem, aliàs durantem.

9. *Scrophularia altera Ruta canina dicta Park. Scroph. Ruta canina dicta vulgaris C. B. Ruta canina Lob. Ger. Scrophularia tertia Dodonæo tenuifolia, Ruta canina quibusdam vocata J. B.*

*J. B.*

*Radicem* habet longam, simplicem, mediocriter crassam: *caules* cubitales, striatos, teretes, ferè nigricantes, medullâ fungosâ plenos, ramosos; per quos *folia* oblonga, angusta, profundè laciniata, graviter odorata: flores eo ordine dispositi quo in Scrophularia majore vulgari, copiosiores, parvi nigri; quos vascula excipiunt Scrophulariæ minora, acuminata, in duas carinas dehiscencia.

Locus.

Ad Rheni ripas propè Basileam primò, deinde in Italia, Gallia Narbonensi, & circa Genevam copiosè nascentem observavimus. *Radice* est diuturna.

- \* 10. *Scrophularia Ruta canina dicta minor Morif.*

*Morif.*

Pedalis est planta, duplo minor priore: *folia* multò tenuiùs dissecta: *flores* integri in fundo, quinque laciniis in margine divisi, *stamina* & *stylum* admodum brevia, ex ipsorum fundo orta habentes; quibus fatiscensibus succedunt *capsule* omnium minimæ, bifidæ, virides adhuc arètè junctæ & strictè unitæ, pyramidalem exhibentes figuram, acumine pungente præditam, sed exiccata sponte aperiuntur & *semina* plurima, reliquarum minora effundunt.

- \* 11. *Scrophularia Scorodoniæ foliis Morif. Lusitanica Hort. Leyd.*

*Morif.*

Ad altitudinem bipedalem ascendit, caule quadrato, crebris geniculis intercepto & in multos ramulos brachiato. Ad singula autem genicula bina è regione apponuntur *folia* mucronata, serrata, scabra, Salviæ sylvestris instar, quibus adeò similia sunt, ut antequam flores & semen producat, pro Scorodonia haberi possit. *Florem* fert unciali pediculo innitentem, integrum in fundo, quinquefariam in margine partitum, laciniis quatuor ferruginei coloris, infimâ virescentis: ex fundo floris exeunt quatuor stamina subviridia, perbrevia, unâ cum stylo ejusque apice ejusdem coloris. Hisce deciduis succedunt *capsule* pyramidales, mucronatæ, adhuc virides arètè sibi invicem junctæ, exiccata



exsiccatæ apertæ, inq. singulis cellulis *semina* continentes minuta, subfusca, cæterarum suæ sortis more. De loco, floreandi tempore & duratione nihil habet.

- \* 12. *Scrophularia Sambuci folio* Park. *Sideritis Sambuci folio* Alpin. exot.

Park.

*Caulibus* assurgit pluribus, quadratis, concavis, duos tréve cubitos altis, *foliis* aliquot alatisè geniculis exeuntibus cinctis, è pinnulis aliquammultis conjugatim ad costam mediam adnexis, foliorum Sambuci instar, compositis, Sambuci insuper ferè odore. E foliorum sinibus ad caulium ramoformum nodos, & summis caulibus exeunt *flores* multi, concavi, nutantes, obsoletè rubentis aut purpurei coloris; quibus succedunt *capsule* parvæ, rotundæ, nigricantes, acuminatæ, *seminibus* aliarum hujus generis æmulis repletæ. *Radix* longa, fibris aliquot aucta.

Ex Hispania transmissa est. Parkinsono è semine nata. Biennio tantum vivit & perfectis *seminibus* exarescit. D. More, ad quem cum Patavii commorabatur semina ejus cum aliis rarioribus transmissit Parkinsonus, eam Alpino communicavit. Locis umbrosis & humidis gaudet.

- \* 13. *Scrophularia peregrina Telepii folio non descripta* Hort. Lugd. Bat.

## C A P. V.

### De Digitali.

**D**igitalis à flore Digitale seu Dactylothemam referente dicta est, nec alio opus habet caractere generico quàm hujusmodi flore concavo, labiato, pendulo, cum vasculo bivalvi.

- A. 1. *Digitalis purpurea* J.B. Ger. *purp. vulgaris* Park. *purp. folio aspero* C.B. **Purple Fox-glove.**

J. B.

Est ubi cubitos duos superat *Digitalis purpurea*, *caule* pollicem crasso, anguloso, hirsuto, subrubente, concavo, ex *radice* fibrosa, amara. *Flores* in thyrsi longioris morem, frequentes, ab uno caulis latere penduli, brevibus hirsutis pediculis, quorum singulis est appositum foliolum acuminatum, calathi aut *Digitalis* fartorii munimenti effigiatur, colore foris coccineo, excepta inferiore parte, quæ propter nonnullam admixtam albedinem carneo est, intus verò similiter purpurei, inferiore parte (quæ & longis pilis obsita est) versicolore albis maculis nigro guttatis: floris basi penitus adnascuntur *stamina* alba aut purpurascencia, contorta, quæ *apices* didymos croceos guttatos sustinent: *stylus* tenuis purpurascens ex hirsuti oblongique *pericarpii* bivalvis mucrone protenditur, cui postea inclusum continetur *semen* minutum. *Folia* Verbasci opinionem rectè sustineant, oblonga, in acumen desinentia, hirsuta, in ambitu serrata, supernè atrovirentia, infernè incana: quæ ad radicem sunt longis nituntur pediculis, quæ in caulibus nullo ordine posita, crebra. *Calix* floris plerunque quinquefolius; floris margo in quinque dividitur segmenta.

Amat solum arenosum.

Variat interdum floris colore albo, sed rariùs; nam è millibus vix unam plantam reperies flore albo insignem: hinc *Digitalis* flore magno candido J.B. alba folio aspero C.B. major alba Park. alba Ger.

1. Parkinsonus alterius adhuc *Digitalis* albæ speciei meminit, quam *Dig. albam alteram* seu *minor* Varietates. rem appellat, cui folia præcedenti quidem similia tribuit, verùm minora paulò & breviora, obscuriùs virentia; *caulem* humiliores vix tripedalem: *flores* minores: in reliquis conveniunt.

2. *Digitalis* major flore carneo *ejusdem* Park. à vulgari purpurea, *foliis* paulò minoribus differt: floribus quoque minoribus, dilutiùs rubentibus seu carneis.

3. *Digitalis* media flore luteo rubente *ejusdem*. Mediæ est magnitudinis inter *Digitales* maximas & minores: *foliis* luteæ minoris aliquatenus æmulis, quàm præcedentis minoribus, *floribus* longis, angustis *Dig. albæ* alterius seu minoris ferè magnitudine, colore luteo aut Baticeo, rubore velut persulo, quem colorem nos *Calney* appellamus, & in Aurantiis nonnullis cernitur. Cum *semen* deiderit radicibus exarescit, secundo plerunque à satione anno.

Hæc *Digitalis* varietates, quamvis accidentibus potiùs quibusdam quàm specie à vulgari purpurea differre putem, nolui tamen omittere, ut Lectori integrum sit de iis iudicium ferre.

*Digitalis* herba emetica est. Somerseti Angliæ rustica turba hujus decocto febricitantibus purga-Vires. tiones & interdum superpurgationes & vomitiones humidioribus alvo molitur. Lob. Ob.

Parkinsonus efficacem esse contra Epilepsiam affirmat, si duo ejus manipuli cum ÿiv. Polypodii quercini in cerevisia decoquantur, & decoctum propinetur. Qui enim viginti & sex annos continuos eo morbo laborarant ita ut singulis mensibus bis terve caderent, hujus decocti usu penitus liberati sunt, saltem per integros sedecim menses nè unum quidem paroxysmum senserunt. Verum medicamentum hoc robustioribus tantum convenit, siquidem violenter admodum purgat & vomitiones immanes excitat.

Strumosis conducere tritam & impositam succumve ejus in unguento experientiâ compertum est. Park. Novi plures (inquit D. Batesius in MS. nondum edito) qui in strumosis tumoribus *Digitalis* floribus valde confidunt, quos quidam in butyro Maiali, quot possunt immittentes curant insolandos per æstatem. Alii cum adipe porcino miscent, & sub terra defodiunt per quadraginta dies, utrique flores cum unguento reserant, unâ linteis inducunt & tumoribus applicant: hocce tumoribus discutiendis vel maturandis, ulceribus detergendis vel explendis sufficere ferunt se expertos. Quinto & sexto quoque die Diacarthamo purgant, interim continuè decoctum Herbar Robertianæ præbent:



bent: pars ulceris rubens parte unguenti tenuiore illinatur: pars autem crassior unguenti lintheamini imponatur, quod nunquam mutetur. Sunt qui novella & primò erumpentia plantæ germina accipiunt, eorūque succum expressum in butyro coquant ad succi consumptionem, atque hoc novo succo addito bis tēve repetunt.

N. 1. Oportet ut paretur sufficiens quantitas unguenti eo anni tempore quo flores haberi possunt, cū nonnunquam integer annus aut eo amplius ad curam perficiendam requiratur.

N. 2. Quamvis ulcera primò majora fiant nē metuas, siquidem unguentum postquam humores omnes absumpserit & exsicaverit, ea demum sanabit & cute obducet.

N. 3. Unguentum hoc in Scrophulis humidis & purè manantibus præcipuè utile est, in ficcis parum valet; sed ad Basilicon & præcipitatum confugiendum. Habui ex relatione viri amicissimi, tum rei Herbariæ tum totius Medicinæ peritissimi D. E. Hulse.

Proverbium est Italicum *Aralda tutte le piaghe salda*. i. e. Digitalis sanat omnia vulnera.

2. *Digitalis maxima ferruginea* Park. *angustifolia flore ferrugineo* C. B. *ferruginea folio angustiore* J. B. *ferruginea major* Ger. emac.

J. B.

Tres aut quatuor cubitos altus est *caulis*, mediocriter crassus, firmus, teres, lævis, cujus scapus summus in alas aliquot scinditur. *Folia* Digitalis sublateæ angustifoliæ foliis proxima, longa, angusta, acuminata, atrovirentia, [ex viridi canescentia Park.] nervosa, averfa parte subhirsuta, levi crenarum vestigio per ambitum incisâ alternatim cauli adnascuntur. *Flores* longa serie thyrsoidè dispositi, Digitalis purpureæ, breviores, rigidiores, foris toti hirsuti, ferruginei, intus eodem colore saturatiore, & striis variegato picti, labro productiore villosa dependente, in medio rictu hiantes, latentibus sub superioris folii margine *apicibus* luteis: insidet autem floris recurva basis calyci stellato quinque radiis constanti. *Capitula* quàm in vulgari purpurea minora *semine* minuto, fusco repleta.

Catalogus Horti Regii Paris. Digitalis ferrugineæ duplicis meminit, nimirum 1. *Latifolia*, cui synonymam facit Digitalem maximam ferrugineam Park. & 2. *Angustifolia*, quæ est C. Bauhini Digit. angustifolia flore ferrugineo; J. Bauhini Digit. ferruginea folio angustiore. An hæc duæ speciei differant nescimus, examinent alii: certe Dig. fer. fol. ang. J. B. in parem cum Parkinsoniana Dig. max. ferruginea altitudinem assurgit. Verum quicquid sit de ferruginea latifolia & angustifolia, dari duas Digitalis ferrugineæ species certum est, cū Tho. Johnsonus vir summæ fidei & diligentiz, utramque viderit & descripserit:

Digitalis ferruginea major.

Alteram *majorem* appellat, *foliis* imis pedalis, atrovirentibus, venosis: *caulibus* tricubitalibus: *floribus* hiantibus, amplis, cum labello sursum inflexo.

Digit. ferruginea minor.

Alteram Dig. fer. *minorem*; cui *folia* multò minora, angustiora, lævia & intensius viridia: *caules* pedales; *flores* parvi, superioris colore similes. Hanc apud Tradescantium vidit medio Julio florentem.

Hæc species caule est quadruplo humiliore quam superior, proinde eadem esse non potest quam J. Bauhinus describit, quæ in parem cum illa altitudinem assurgit. Quocirca vel tres dantur Digitalis ferrugineæ (quod non credo) species, nimirum 1. *Major latifolia*, quæ est Parkinsoni maxima: 2. *Major angustifolia*, C. B. J. B. 3. *Minor* Ger. emac. vel Parkinsono & J. Bauhino descriptæ speciei conveniunt.

Hic insuper addit Catalogus Parisiensis quartam adhuc speciem, viz. Digitalem latifoliam flore ferrugineo minore.

3. *Digitalis lutea magno flore* C. B. *amplo flore* Park. *flore majore, folio latiore* J. B.

J. B.

Minor huic quàm purpureæ magnitudo; nec dissimilis *radix*: *Caules* angulosi, nonnihil hirsuti: *Folia* angustiora, longa, infernè nervis hirsutis rugosa, supernè penitus glabra, atrovirentia, in ambitu crenata, sapore subamaro & acri: *Flores* Digitalis purpureæ pares, foris intusque hirsuti, sed colore, extra quidem dilutè luteo, intus verò croco saturatiore languidèque luteo vericoulores.

Locus & Tempus.

In montosis circa Genevam & in Germania invenimus. Floret Junio & Julio.

C. Bauhinus pro Ephemero Dioscoridis *Column*. hanc habet: verum *Columna* flores albos Ephemero suo attribuit, qui huic lutei sunt. Fortè tamen *Columna* colorem pallidè luteum pro albo habuit; ni floris color interdum variet.

4. *Digitalis lutea vel pallida parvo flore* C. B. *flore minore sublateo, angustiore folio* J. B. *minor lutea sive pallida* Park. parad.

J. B.

Duorum cubitorum altitudinem æquat vel etiam superat, *caule* digitali, ramofo, lævi, ex *radice* pollicari emicante: cui alternatim adnascuntur *folia* spithamam longa aut breviora, duas aut tres uncias lata, acuminata, in ambitu crenata, supernè glabra, atrovirentia, infernè herbida, subhirsuta: *flores* tanquam thyrsus longa serie effigiantes, quanquam ortu diverso, eodem tamen ferè omnes vergunt dimidio minores Digitalis purp. floribus, colore luteo in herbaceum languente, idque tam intus quàm foris, labro intrinsecus villosa; quorum unicuique ad pediculum folium acuminatum penitus glabrum est appositum. *Semen* in loculis bivalvibus aliarum hujus generis more. *Radix* fibrosa, perennis, nec ulla cœli injuria aut gelu vehementiori facillè corrumpitur.

Locus & Tempus.

In montibus circa Genevam, itémque circa Salernum & Neapolin in Italia copiosè provenit. Junio, Julioque mensibus floret.

C. Bau-



C. Bauhinus aliam adhuc *Digitalem angustifoliam luteo parvo flore* in Prodomo describit: quæ an aliter quàm partium omnium parvitate à præcedenti differat Lectori considerandum relinquo: Descriptionem ejus videat apud C. B. in *Prod.*

- \* 5. *Digitalis Virginiana*, *Lysimachia* facie, foliis subrubentibus, flore violaceo minore Morif. An *Digit. Virginienfis seu Americana serratifolia* Hort. Parif. & Lugd-Bar?

Morif.

*Caules* promit bipedales, subrubentes: quos ambiunt per intervalla ad singula genicula bina *folia*, mucronata, Limonii majoris primo ortu foliis haud abfimilia, ex adverfo adnascencia, quæ à caule perforari videntur adeò arctè eum cingunt. Ex alis ad genicula superiora enascuntur pediculi alios procreantes; quibus innascuntur flores calyce & forma *Dactylothece* seu *Digitalis* minoris, nisi quòd *flos* integer in fundo tantum, in margine quinquefariam sinuetur, ut in *Nicotiana* fœmina, coloris violacei: in fundo autem floris quatuor *staminula* arcuata latent, quorum singulorum extremo, aliarum *Digitalium* florum more duo apponuntur testiculi rubelli, lentiformes in superiore floris parte: est enim *stylus* propendens versùs inferiorem partem luteus, lanuginosus. *Floribus* succedunt thecæ bicafulares, in mucronem acutum bifurcatum definentes, continentes in se semina minuta, infinita, cæterarum *Digitalium* more.

Floret Æstate, atque eadem exeunte & ineunte Autumno semen suum perficit.

Tempus.

Foliorum situs & florum figura diversam à *Digitali* plantam arguunt.

## CAP. VI.

### De Pediculari seu Crista galli.

**P**ediculari Lobelius scribit vocari hanc herbam, quòd facultatibus sit virosis, pratis infesta, & pediculis hostis. Contra Dodonæus Pediculari ab effectu nominat, quòd pecori ac jumentis, quæ in pratis ubi hæc provenit pascuntur, pediculorum copiam gignat. Mihi hujusce herbæ folia, pediculi tergo rugis suis perquam similia sunt, & indè forte nomen.

Notæ hujus generis sunt præter flores galeatos & vasculum bicafulare, florum calyces tumidæ & velut inflatæ folliculos seminum occultantes, *Semina* compressa.

- A. 1. *Pedicularis sive Crista galli lutea* Park. *pratensis lutea vel Crista galli* C. B. *Crista galli* Ger. *galli femina* J. B. *Yellow-rattle or Cocks-comb*.

*E radice* parva, alba simplici, surculos ad latera emittente, non altè in terram demissa *caulis* assurgit plerunque singularis, pedalis, rigidus, levis, quadratus, rectus, tenuis, inanis nigris non rarò maculis & lituris variis, & versùs supremam partem purpurascens, in ramos aliquot divisus, quos adverfo situ posita bina semper ambiunt *folia*, sine pediculis, lata basi, exinde sensim angustata ad apices usque, longitudine digitali, acuta, per margines dentata, cristam galli imitantia, venis insignibus à medio ad singulos dentes hinc indè excurrentibus. E foliorum sinibus ramuli exeunt per paria seu duo adverfi. In summis caulibus & ramulis conferti & spicam mentientes *flosculi* è foliorum pariter sinibus singuli singulis exeunt, brevibus admodum pediculis; *calicibus* turgidis, compressis, in quatuor acuta segmenta summo margine incis. *Flores* monopetali, flavi, cucullati, stylum tenuem & quatuor stamina cum suis apicibus occultant. Delapso flore calix in majorem longè vesicam intumescit, & vasculum seminale amplum, compressum intus continet, in duo loculamenta per medium divisum, & *semina* plura, compressa, margine membranaceo cincta, colore pulvereo continens. Seminibus maturis illico dehiscunt vascula membranæ, & cum exiccantur lucida fiunt.

Floret Junio, & semen brevi maturat, quod statim effundit, & mox radicitus exarescit ante fœniscium.

In pascuis præsertim sterilibus exit, non rarò & in arvis, utrobique inutilis & vitiosa, ut rectè *Locus*. J. Bauhinus.

2. *Crista galli mas* J. B.

A fœmina differt statura & altitudine, interdum sesquipedali: caule robustiore, foliis lationibus: *floribus* multò majoribus; summitatibus magis albescens, utriculis hirsutis.

Hanc in pratis circa Genevam unà cum fœmina observavimus. In Anglia nondum invenimus. *Locus*.

3. *Crista galli spicata flore luteo magno Messanensis*.

*Radice* est surculosa, annuâ tamen: caule cubitali aut etiam altiore, recto, firmo, quadrato, nonnihil lanuginoso. *Folia* plerunque bina ex adverfo sita sunt, longa, angusta, pallidè viridia, rariùs & majoribus circa margines dentibus, extantibus velut laciniolis, incisa, Cratægoni *Euphrosynes* facie foliis similia. Spica florum in summo congesta, grandis, quadrata, lanuginosa, & nonnihil etiam viscosa. *Flores* lutei, ampli, cucullati, figurâ florum *Ladani* segetum, ex utriculis fatis amplis, vasculum seminale bivalve claudentibus. Semen non observavimus. Columnæ arenæ instar minutissimum est, copiosum flavum.



In lateribus montium Messanæ imminentium hanc & sequentem invenimus, Maio mense in statu & vigore.

4. *Trixago Apula unicaulis*, *πτεγσαγος* Col. *Crista galli spicata flore vario ex albo & purpureo*. An *Antirrhinum folio serrato* J. B?

Præcedenti simillima est, in his præcipue differt: 1. Quod minus procera sit: 2. Quod caules in ea & aliquando etiam foliorum margines rubeant. 3. Quod flores minores sint & diversi coloris, cuculli v. g. rubent, labia in medio albescent, ad margines rubore diluuntur.

F. Columna hanc plenius & exactius describit; Herba est unicaulis semper, ab radice singulari prodiens, caule pedali aut ad summum sesquipedali, quadrato, hirsuto, albescente aut purpurascente, foliis cincto ad intervalla digitalia ex adverso binis sine petiolo hærentibus, angustis, oblongis, obtusis, crassis & carnosiss, ex viridi albicantibus, hirsutis, raris dentibus serratis, in medio caulis majoribus, triunciali longitudine. Summo cauli infidet spica quadrata, cristatis foliis rotundioribus, hirsutis, densis, Eufragiæ vulgari similibus constructa; ex quibus flores galericulati, magni admodum proportionem plantæ latis barbulis, albis, pallentibus, capitulis verò purpurascensibus hirsutis, ex quibus luteum stamen veluti dens exeritur, &c.

Cum priore, à quâ fortasse non differt specie.

A. 5. *Pedicularis pratensis rubra vulgaris* Park. *pratensis purpurea* C. B. *Pedicularis* Ger. *Pedicularis*, quibusdam *Crista galli flore rubro* J. B. *Red Rattle*.

J. B.

Flores ut in *Crista galli* vulg. è vesiculis laxis, glabris emicant, verum non ita compressis, canaliculatis, tantillum cum multo virore rubescentibus: colore sunt rubro, rarius carneo aut albo, laciniâ superiore rostratâ, apices luteos quatuor bina cavitate insculptos stylumque purpurascens sinu suo occultante, inferiore seu labello in tres laciniolas circinatas profundè inciso. Folia cum *Filipendula* nonnihil habent simile, at longè minora, minutiùsque incisa, colore viridi vel spadiceo, in caulibus angulosis, concavis, palmaribus, aut dodrantalibus, infirmis. Radix nonnihil amaricat, alba, rugosa, formâ radicis *Petroselin* vulgò dicti, minimi digiti crassitudinem vix attingens, in crassiusculas fibras divisa. Ex summa porro radice folia exoriuntur lata, crassa, in mucronem desinentia, per ambitum serrata, è quorum sinu reliqua folia cum caule emergunt. Sic & primogenitæ plantæ folia prima *Dryopteris*, æmula formâ & laciniis, ut etiam aliquos fallere possit. Cæterum semen fuscum, rotundum in vasculis magnis falcatis, in rostra desinentibus.

Locus.

In pratis, pascuis & ericetis, locis humidioribus, abundè exit per totam Angliam.

A. 6. *Pedicularis palustris rubra elatior*. An *Pediculariæ campestris* prior species Trag?

Hæc præcedente plus duplo major est & elatior, caulibus firmis, erectis: Differt quoque & floribus calicibus, quæ in hac subhirsutæ sunt minusque turgidæ quàm in illa, & ipsis etiam seminibus, ut conferenti patebit.

Locus.

In locis palustribus & aquosis provenit.

*Alectorolophum* tertium *Clus.* huc refero; ejusdemque genus alterum ad præcedentem: nam & notæ omnes conveniunt: & *Clusius* eam propè Londinum collegit, ubi certo certius non alia occurrit species.

Hujus herba (si Trago fides) inter cætera pabula à pecoribus devorata pediculorum in illis ingentem procreat copiam, quo morbo vix tandem citra magnum periculum liberantur.

7. *Crista galli montana*, floribus pallidis in spicam congestis.

Radix ei simplex, alba, paucis fibris donata, magnitudine & figurâ radicis *Tragopogi*, nisi quòd longior sit, sapore non ingrato Nucis Avellanæ, paullo amariore. Folia ad radicem unum vel duo, alata ex pluribus pinnarum conjugationibus Filicis ferè in modum composita, inferius hirsuta, in acutum desinentia, singulis pinnis ad margines serratis *Cristæ galli* vulg. luteæ folia benè imitantibus, viroris ad luteum tendentis. Caulis ab eadem radice singularis, dodrantalis aut pedalis, teres, firmus, nonnihil hirsutus, intus concavus, [minimè ramosus quantum memini] spicam in summitate gestans palmarem florum densè stipatorum, pallidè luteorum, *Cristæ* vulg. luteæ similium, nisi majores essent & vix sese aperirent, è calyce ventricoso, pentagono emicantium, pediculis nullis. Ad singulos flores singula habentur folia iis quæ ad radicem similia, superiora tamen in spica pinata esse desinunt, suntque *Pedicularis* vulg. lut. foliis persimilia. In calice latet seminis conceptaculum turbinatum, seminibus minutis, rotundis repletum. Unicum plerunque habet hæc planta in caule folium infra spicam.

Locus.

In summis jugis montium altissimorum Maximum Carthusianorum cœnobium circundantium invenimus. Differt autem tum à *Pediculari* majore Dalechampii J. B. tum à *Pediculari* bulbosâ ejusdem.

\* 8. *Pedicularis major Dalechampii* J. B. *Alpina Filicis folio major* C. B. *major Alpina* Park.

Dalechamp.

*Filipendulæ* Alpinae affinis est, radice foris nigrâ, Napi modo gracilescente, rugosa, nonnihil furculosa: caule fermè cubitali, virgato, unico; foliis Filicis, in longo pediculo ordine collocatis, per ambitum crenatis, exeunte per caulem alternatim unoquoque foliorum pediculo: flore pallido, spicati

catim in summo caule congesto, semine copioso, in latis corticosis vasculis incluso, Alyssi modo.

In vertice montis aurei Gergobiz Arvernorum propinqui gignitur. *Dalechamp.*

A præcedente differt radice foris nigra; foliis in caule pluribus, alternatim positis: vasculo semini lato. Locus.

- \* 9. *Filipendula montana altera* C. B. *montana mollior altera* Park. *Alectorolophus* 11. Clus. hist.

Clus.

Sequenti per omnia ferè simile est, sed longè mollius, cujus flores modo pallidi modo purpurei sunt: radix etiam crassa, & fibras Asparagi radicibus similes agens.

Non in summis tantum Alpibus, sed & in inferioribus uliginosisque pratis nascitur. Locus.

- \* 10. *Pedicularis bulbosa* J. B. *Filipendula montana flore Pedicularis* C. B. *Filipendula montana major albida* Park. *Alectorolophus Alpinus major* 1. Clus. *Filipendula montana* Ger.

Complures ab una radice emittit caules cubitales, minimi ferè digiti crassitudine, læves, concavos: in quorum cacumine flores multi, acervatim congesti, oblongæ spicæ instar, quemadmodum in Orchidibus; cucullati, Pedicularis, majores, è calyculis pentagonis inter minutiora folia prodeuntes, exalbido colore. Folia palmaribus nixa pediculis, pinnata, Filipendulæ divisurâ, statim ex radice prodeunt, qualia per caules pauca, præterquam in summitate, ubi florum spica incipit, quo loco satis sunt frequentia: Floribus succedunt mucronata capitula maturitate dehiscencia, semineque ostendentia exiguum inæquale, cineracei coloris. Radices capillaribus fibris intertextæ, multæ, principio angusto, sensim extuberantes, multum Filipendulæ radicibus cedentes. Vestigia veterum caulium demonstrant non esse annuam stirpem.

An Herba foliis Asplenio similis *Gesn. m. fr?* Radicibus tuberosis, & caulibus ab eadem radice pluribus à Pediculari montana nostra differt.

- \* 11. *Pedicularis Alpina lutea* C. B. Park. *Alpina, flore luteo, radice nigra* J. B.

Lugd.

Hæret radice crassa, nigra, multifida: folia exinde profert longo pediculo nixa, quæ foliolis multis constant, toto ambitu minutissimè incisus ex adverso sitis ut in Filipendula, quæ causa nominis fuit [Filipendulæ Alpine *Lugd.*] Caulis pede altior flores luteos spicatim ferè congestos in vertice sustinet, quibus delapsis vascula succedunt oblonga, Antirrhini loculis similia, minuto semine plena.

Eam gignunt summa Alpium juga.

Descriptio hujus plantæ imperfecta: Differt à Pediculari montana nostra, radice nigra, & foliis in caule pluribus (ni pictura fallat) & minutissimè ut in Filipendula incisus. Locus.

- \* 12. *Crista galli umbellata* C. B. prod. *galli lutea umbellata* Park.

C. B. prod.

Radice est tenui, parva; caule palmo parum altiore, tenui & erecto: foliis paucis, unciam longis, angustis, per ambitum crenatis: Caulis summo flores plures, quasi in umbella dispositi, triplo majores & latiores quam in vulgari, quibus valvulæ latæ, membranæ, semen continentes succedunt.

In Castiliæ agris collecta fuit. Locus.

- \* 13. *Crista galli angustifolia montana* C. B. Park.

C. B. prod.

Caule est cubitali, anguloso: foliis oblongis, angustis, acuminatis, margine crenatis, binis sibi ex opposito correspondentibus; ex quorum alis foliola minora prodeunt, & plerunque cauliculus unam alteramve unciam altus, minutissimis foliolis cinctus: ipse verò caulis in ramos semipalmares, etiam majores, dividitur: quibus flores pallidi, eo quo in vulgari ordine, sed longè minores insident, quibus valvulæ semen latiusculum includentes succedunt.

Hæc in montibus urbi [Basileæ] vicinis reperitur. Locus.

## C A P. VII.

### De Euphrasia seu Euphrosyne.

\* *Euphrasia* (inquit Dalechampius) dicta est hæc herba, quia oculos juvat & delectat, quam vocem imperiti linguæ Græcæ depravantes in Euphrasiam verterunt. Hunc refutat J. Bauhinus, quia nihil de hac herbula apud veteres Græcos aut Latinos occurrit.

Hujus notæ sunt folia venosa ferrata, semina albicantia.

- A. 1. *Euphrasia* J. B. Ger. *vulgaris* Park. *Officinarum* C. B. *Eye-bright*.

Plantula est palmaris aut sesquipalmaris, radice simplici, tortuosâ tamen seu huc illuc reflexâ, fibris paucis majusculis donatâ, lignosâ, albâ caulibus teretiusculis subhirsutis & in apricis purpurascenscentibus



scenibus, ramosis, ramulis crebris è foliorum alis exeuntibus, caulem medium interdum longitudine superantibus. Sunt autem folia bino ordine in caule adversa, sine pediculis adnata, Chamædryos aut Alfines chamædry-folia, saturo virore splendentia, rugosa, dentata, averſa parte hirsuta, sapore pingui & subamaro. *Flosculi* in foliorum alis singulis singuli è calicibus quadripartitis sessilibus exeunt, pulchelli, lactei, purpurantibus lineis intus striati, labello in tres bifidas lacinias diviso, & maculâ flavâ in medio picto; galea reflexa pariter bifida staminula aliquot occultat. Flori succedit *vasculum seminale* oblongum, compressum, bivalve, in duo loculamenta divisum, *semina* intus plura oblonga, cinerea continens.

Locus:  
Vires.

In pascuis sterilibus, vulgatissima, post mediam ferè æstatem in Autumnum usque floret.

Euphrasia quoquo modo sumpta, seu in pulverem redacta, & cum vino albo pota, seu per se sola masticata & deglutita, seu succus ejus expressus, aut aqua destillata videndi potentiam mirificè roborat & adauget, debilem aut amissam reparat & restituit. Inflammationibus & caligini oculorum adhibetur tula, & imposita, aut succus ejus oculis inditus, sed præcipuè aqua distillata.

Fit ex Euphrasia, autore Arnaldo Villanovano, vindemiæ tempore vinum, cujus usu senum etiam oculi rejuvenescere feruntur, &c.

Casp. Hofmannus usum ejus despiciabilem facere ait incertitudinem herbar, quòdque Arnoldus aliisq, usum ejus restringunt ad pingues & pituitosos. Et quod ad vinum attinet malè illud cessisse socio & commilitoni suo Pena scribit. Nec mirum, non enim curat quamvis caliginem, sed illam quæ est à frigiditate, neque hanc omnem, sed positivè à pituita. Calidam enim & siccam esse plantam ostendit gustus, qui amarorem quendam præ se fert. Casp. Hofman.

Verum si oculorum caligini conducit, non illud efficit calore aut siccitate: multa enim calida & sicca oculis non prosunt, sed vel tenuitate partium, vel specifica quadam proprietate. Tenuium autem esse partium vel illud argumento est, quòd Tragus vino decoctam ac calidam propinatam morbo atquato utilissimam comperit.

Et Macis ʒβ. Euphrasie ʒij. Fiat pulvis subtilissimus. Dosis factis debitis evacuationibus ʒij. Valet ad Scotomiam & imagines. Maroldus pulverem Doctoris Helidæi appellat. Dodonæus semen foeniculi & saccharum addit. Fuchsius in catarractis & suffusionibus commendat.

Fabric. Hildanus Autor imprimis celebris & fide dignissimus Centur. Epist. 103. tantum esse ait Euphrasie in imbecillitate visus vim atque efficaciam, ut ejus usu septuagenarios quosdam propter vigilias & studia plurima amisso visu, in decrepita ista ætate eum recuperasse observaverit. D. Tancred. Robinſon; qui oculistas quos vocant tum in Anglia, tum in transmarinis regionibus herbam ipsam exhibere tum in acetariis, tum in jusculis, tum etiam pani incoctam & potui ordinario infusam, extrinsecus autem in collyriis, & fomentis applicare adnotavit.

\* 2. *Euphrasia linifolia* Col. part. 2. foliis Lini angustioribus C. B. minima Park.

Folia huic longè exiliora & angustiora sunt quàm Lino. Tota planta non excedit dodrantem cum radice. Vulgari Euphrasie flore, fructu, semine ac sapore similis est.

A. 3. *Euphrasia pratensis rubra* C. B. Euphr. parva purpurea J. B. *Cratæogonon Euphrosynes facie* Ger. *Euphrasia pratensis rubra major* Park. Red meadow Epe-bright, or Epe-bright-Cow-wheat.

E radice alba, lignosa, tenui, huc illuc reflexa, nunc simplici, nunc multiplici seu in plures fibras sparsa caulis exurgit dodrantalis aut pedalis, firmus, teres, qui tamen quadratum simulat, lanugine brevi subhirsutus, solidus, ab imo statim ramosus. Folia digitum longa, angusta [unam circiter tertiam partem digiti lata] à basi ad mucronem sensim angustata, nervosa, nervis seu venis admodum conspicuis, denticulis per margines rarioribus ferrata, Pedicularis in modum, bina in caule conjugatim, absque pediculis adnata. Flores in summis caulibus & ramulis in longas velut spicas digesti, singuli ex alis foliorum singulis egressi pediculis brevissimis, galeati, purpurantes aut carnei, rarius albi, labello trifido. Calix pro floribus modo satis grandis, summâ parte in quatuor acuta segmenta divisus, vasculum seminale intus continet oblongum, Euphrasie vulgaris.

Locus  
& Tempus.

Inter segetes & in pascuis, locis præsertim humidioribus frequens oritur & post mediam æstatem floret.

A. 4. *Euphrasia lutea latifolia palustris*. Yellow Marsh Epe-bright. An *Crista galli* affinis planta Romana, seu *Crista galli* major Italica J. B?

Cratæogono Euphrosynes facie aut Cristæ galli non admodum dissimilis est. Radix ei simplex, alba, sapore nullo insigni: Caulis pedalis, teres, hirsutus. Folia in caulibus nunc bina ex adverso, nunc alternatim adnata absque pediculis, è lata basi in tenuem mucronem sensim desinentia, fuscunciam longa, per margines dentata, rugosa. Ex alis foliorum emergunt flores Fistulariæ, galeati, flavi, labello latiusculo, & in tres lacinias diviso, è calice oblongo, striato, in quatuor segmenta expanso. Vasculum seminale oblongum, in binas cellulas divisum, gestans in apice stylum prælongum a flore residuum. Semen exiguum, rotundum, rufum. Tota planta, cum in statu est, glutine quodam seu lentore viscoso madet.

Tempus  
& Locus.

Floret Julio & Augusto. In agri Cornubiensis occidentaliore parte, ad rivos & in palustribus copiosè provenit: invenimus & in agro Staffordiensi. Planta hæc Euphrasie semen non habet. Nondum descriptam putamus, quod mirum, cum in Cornubia adeò frequens sit. Cristæ galli affinis J. B. diversa videtur.

A. 5.



A. 5. *Cratægonon foliis brevibus obtusis Westmorlandicum*. **Short-leaved Eye-bright-Cow-wheat.**

*Radix* huic (ut putamus non descriptæ *Euphrasie* speciei) alba, dura, fibris majusculis prædita, & (ut mihi videbatur) repens. *Caules* semipedales, graciles, erecti, rigidi, non ramosi, nonnihil hirsuti, fragiles. *Folia* per paria sine pediculis caulibus adnascuntur, figurâ & magnitudine *Alfines* *Chamædryfoliæ*, rugosa, per margines dentata, viridis ad cinereum tendentis, & nonnihil splendentia. *Flores* in summis caulibus ex alis foliorum exeunt, brevibus pediculis nixi, figurâ florum *Cristæ galli*, tubo longiore, colore fordidè purpureo, calice quadripartito; quibus succedunt *vascula* ventricola, in binas partes impressâ lineâ divisa. *Semina* albicantia *Cratægoni*. Sapor plantæ acris nonnihil & amarus.

Propè *Orton* vicum in Westmorlandia, juxta rivulum, qui decurrit secus viam, qua inde *Crosbei-* Locus & Tempus;  
am itur. Post mediam æstatem floret.

6. *Euphrasia pratensis lutea* C. B. *prat. major lutea* Park. *Coris Monspessulana lutea* J. B. *Euphr. lutea montana angustifolia major altera* Col. **Yellow narrow-leaved Eye-bright.**

Col.

*Caule* est singulari, cubitali, tenui, lignoso, ferè rubente, quadrato sed obtusis angulis [J. B. rotundo] *foliis* cincto angustioribus, Lino aut Hyssopo paribus, crassis, per ambitum rarioribus dentibus, ternis sc. ferratis, per rariora genicula binis cauli hærentibus: ex quibus alæ [ramuli] utrinque cruciatim, alterno versu oppositæ binæ panduntur obliquæ, oblongæ, admodum caulis & plantæ proportionē: à quorum medio ad summum usque densi *flores* uno versu disponuntur duplicati, galericulati, galericulati, deorsum spectantes, ex utriculis prodeuntes, sed colore luteo saturato seu aureo oculis recreantes. *Semina* perficit Octobri mense, *Euphrasie* similia angulosa candida, quæ pericarpiis ficcis atque dehiscentibus ab imo incipiunt decidere.

Seriùs post mediam sci. æstatem floret: atque durat hyeme lignosa planta, ficca, foliis nuda, Tempus.  
cacuminibus tantum racemosis adherentibus. Sapore amaro, adstringente, & extergente, linguam exasperante gustantibus nobis visa fuit Col.

Primò eam invenimus in Germania, non procul Altdorfio Norimbergenfium Academia, deinde Locus:  
in Hetruria, tandem in Narbonensi Gallia.

\* 7. *Euphrasia pratensis Italica latifolia*, C. B. *pratensis minor purpurea* Park. *Euphrasia tertia non scripta* Col. **The lesser broad-leaved purple Italian Eye-bright.**

C. B. prod.

*Radicem* habet lignosam, parvam, nigricantem, in tenues fibras divisam: *caulem* semipedalem Col. Bauhino palmarem aut minorem, quadratum, rubentem, leviter hirsutum, sæpius simplicem, aliquando statim ab exortu in duos, rariùs plures parvos ramulos divisum: quem *folia* pauca, crassa, hirsuta, rotunda ferè, & bina adversa, in crenas profundas, inferiora quidem quæ minora in ternas, superiora verò in quinas senave divisa suâ basi cingunt.

*Flores* è foliorum sinu, aliquando à medio caule, aliquando tanquam ex spicâ comæve, ex utriculis velut oblongo calice prodeunt bini, galericulati, purpurascens, quibus *semen* oblongum angulosum candicans in utriculis succedit. Amaro est sapore. Ubi nascitur ita frequens invenitur, ut humum tapetò opertam purpureo inspicere videaris. Annua est planta. V. *Botan. Monsp.*

Variat in calidioribus regionibus v. g. in Apulia & Cirinola in pratis & pascuis floris colore atque Varietas.  
etiam comâ albâ: in frigidis locis colliumque pratensibus herbosis flore est semper purpureo.

In via Romana, etiam Romæ in monte Testaceo provenit, passim etiam in Castilia, maximè Locus.  
circa *Escorial* reperitur. Circa Monspelium ultra pontem Sellæ novæ juxta viam qua itur ad pagum *S. Jordi* in sterilibus istis locis dictis *Garrigues* Maio mense florentem invenit D. Magnol.

\* 8. *Euphrasia Italica latifolia altera* C. B. *purpurea latifolia* Park. *major sylvestris purpurea latifolia* Col. **The greater broad-leaved purple Eye-bright.**

Col.

*Radice* est tenui, intorta, lignosa, bifurcata vel magis divisa: *Caule* sesquipedali, quadrato, hirsuto, subrubente, per genicula, digitalibus intervallis, *foliis* vestito unciam longis, latis verò tertiam illius partem, in acutum desinentibus, per ambitum ferratis: ex quorum sinubus à medio ad summum usque Caulis alæ [ramuli] surgunt utrinque, obliquæ parvi, minoribusque foliolis ornata, quibus summa parte à medio usque densi *flores* insunt uno versu dispositi, ex alternatis tunc foliolis prodeuntes, galericulati, purpurascens, ex utriculis emicantes hirsuti, non dissimilibus cæteris; quibus *fructus* succrescunt crassiores, minùsque congeneribus oblongi, *feminibus* turgidi angulosi, candidis, parùm Vulgari majoribus, quæ Septembri & Octobri mense perficiuntur.

Augusto floret, amaro tota sapore. Æquicolorum collium semitis & Quercetis, depressioribus etiam Locus;  
am locis, umbrosis atque humentibus gudet.

\* 9. *Euphrasia lutea Alsinifolia radice squamata* C. B. *Anonymos radice Dentariæ* Col. *Euphr. lutea minor radice squamata* Park.

C. B. prod.

*Radice* est velut bulbosa, alba, ex quatuor crassiusculis squamis coagmentata: *caule* pedali, aliquando palmari, lavi, cavo & ramoso, ramulis ex alarum cavis prodeuntibus, quem *folia* bina, petiolis  
U u u 3



petiolis carentia basi sua situ adverso cingunt, Alfinis Trixaginis foliis formâ similia, sed acutiora, Flores lutei, Euphrasiz floribus respondentes: quibus succedit *semen* nigrum rotundum, in apicem exiguum desinens, quod geminum parvo petiolo insidet.

Locus.

Hæc montosis asperis & humidis gaudet. In Alpibus Helveticis & Austriacis, inque Pyrenæis montibus invenitur.

*Semina quæ vocat vasa seminalia fuisse existimo; aliâs ad hoc genus minimè pertinet.*

*Dentaria Buguloides radice globosa Mentzel. eadem videtur præcedenti.*

Mentzel.

Altitudine sua & foliis Bugulam luteam mentitur; at *radix* Dentariæ est, globosa, squamulis tanquam denticulis murium alabastrinis circumcirca referta. Ex hac *cauliculus* nunc unus, nunc plures & in ramulos divisi exurgunt quadrati, ad singula internodia foliola Chamædryos bina sibi opposita sustinentes. Ex horum alis *flosculi* erumpunt aurei, oblongis calycibus in quinque foliola divisis, florum Euphrasiz formâ. Eos sequuntur *pericarpia* rotunda, in quibus *semen* observare non licuit.

Locus.

Collegit hanc *Mentzelius* mense Maio in Alpium quodam excelsissimo & prærupto jugo dimid. mill. Germanico ab oppido *Mittenwald* dicto mediâ viâ inter *Innsbruck* & *München*.

\* 10. *Euphrasia purpurea minor* C. B.

Mag.

Ex parvula *radice* fibrosa *caulem* emittit sæpius palmo minorem. *Folia* per caulem rara sunt, ex intervallis bina caulem cingentia, oblonga, rugosa, satis profundè crenata & leviter hirsuta: in summitate *spicam florum* producit, qui bini semper oppositi nascuntur, purpurei, & Antirrhini *flosculos* imitantes: labrum superius tripartitum est tribus punctulis albis notatum. Succedunt floribus longi utriculi, *semine* minutissimo subrufo pleni. Annua est planta. In feminis colore descriptio C.B. nostræ non convenit.

Locus.

Maio mense florentem invenit descriptionis autor ultra pontem Salenovæ, juxta viam quâ itur ad pagum *Saint Jorði* in sterilibus illis locis dictis *Garrigues*.

Semina non sunt Euphrasiz sed Antirrhini, quocum & floribus convenit.

## CAP. VIII.

## De Melampyro seu Tritico vaccino.

**M**ελάνψυρον à μέλας & ψύρον. Ex tritici enim mutatione nascitur Melampyrum, ut ex melino nigrum fiat, teste Galeno. Nos ejusmodi in plantis specierum transmutationem dari non concedimus. Caterum Melampyrum dictum putamus, quod semen ejus triticeum referat magnitudine & figurâ, colore nigro differat: Cum autem inter segetes tritici frequens nascatur, ejusque grana triticeis sæpenumero admixta sint, hinc orta occasio fingendi ex tritici mutatione nasci.

Triticum vaccinum dicitur quod gratus pastus sit bobus & vaccis saginandis.

1. *Melampyrum multius sive Triticum vaccinum* J. B. *Melampyrum purpurascens comâ* C. B. *purpureum* Ger. *Cratægonon flore vario* Park. *Common purple Cow-wheat*.

J. B.

Lignosa est & exigua radiculâ, aliquot confimilibus fibris donatâ: ex qua surgit *caulis* singularis, quadratus, hirsutus, purpurascens, multis alis concavus: *Folia* ex intervallis ex adverso posita, Linariæ alia, alia lata & profundè laciniata, aspera, atro-virentia: at quæ in supremo thyrso sunt crebriora existunt, breviora, latiora, digitata, hilari purpurâ tincta: ex quorum alis galeati *flores* exeunt, subhirsuti, casside purpurante, labello luteo, rubore confuso, cervice penitus lutea, reliquo tubulo purpurascens: quibus succedunt in capsellâ oblongâ, turgida, in bina loculamenta divisâ, tegmine membraneo in aristam desinente breviusculam, obvoluta *semina* duo aut tria, triticeis minora, nigriora.

Locus.

Ufus.

Inter segetes passim reperitur in exteris regionibus: in Anglia, quod sciam, non provenit.

Melampyrum (inquit J. Bauhinus) nondum, quod sciamus, in medicina usum obtinuit, sed plerunque negligi solet. Scribit Clusius, eam in Occidentali Frisiæ seu Flandriæ parte (ubi copiosissimum ait) panem vitiare, & atriores reddere: quinimo eos qui eo vescuntur plerunque capitis gravidine tentari solere, non secus ac si lolio victitassent. Ego semine hujus sæpius quidem panem tinctum observavi, sed nullum pravam saporem ei adferre deprehendi, nec insalubriorem à rusticis ideo haberi animadverti, nec eam ullo modo separare student. Quin & Tabern. qui admodum sapidum panem ait, se sine ullo nocumento sæpe comedisse testatur.

Gratus pastus bubus & vaccis saginandis, ut non incongruè forsan Pabulum bovinum aut vaccinum quis nuncupare possit. J. B.

2. *Melam-*

2. *Melampyrum caerulea comā* C. B. *caeruleum* Ger. *Melampyro affinis Parietaria caerulea* quorundam J. B. *Melampyrum* 4. Park. quoad Synon. *Cratægonon flore vario* quoad iconem.

Clus.

Quadrangulo assurgit caule, pedali, nodoso, villis quibusdam hirsuto; in quo alternatim ad nodos bina semper ex adverso nascuntur longa folia, secundum pediculum lata, & sensim in mucronem desinentia, aliquantulum villosa. Summus caulis & rami desinunt in foliorum comam superioribus minorum, ad pediculum laciniatorum, mollique lanugine pubescentium, coloris purpurei, nunc dilutioris, modò saturatioris elegantissimi & violacei: inter quæ bini sibi semper oppositi flores nascuntur, longiores concavi, aliquantulum hiantes, superiore labro nonnihil reflexo & villosa, inferiore latiusculo & deorsum propendente, coloris initio lutei, deinde omninò aurei, omnes tamen, licet alternis contrario situ nascentes antrorsum exporrecti & spectantes. Radix candicans est, annua.

In sylvis montosis non longè à Gratianopoli, quà indè ad max. Carthusianorum cœnobium Locm. itur.

Hanc cum primò invenimus *Parietariam sylv. speciosiore* denominavimus, cui Caulis quàm in vulgari nostrate erectior, summitates purpureæ, flores pulchri, aureo colore nitentes; adèd tamen in paucis differt, ut nesciam an specie diversa censenda sit.

Semen maturè colligendum antequam exiliat è vasculis, & statim telluri reddendum, ut sponte excidar: Nudum enim si contrectetur fecunditatem perdere existimatur. De omne genus *Melampyro* hoc intelligendum.

- A. 3. *Melampyrum cristatum* J. B. an *luteum angustifolium* C. B? Park. Crested Corn-wheat.

Radice parvâ, lignosâ aliàs simplici, aliàs multifidâ, albâ alimentum haurit. Caulis semipedalis est & altior, aliàs teres, aliàs angulosus valdè ramosus, ramulis ipso etiam caule longioribus, plurimùm aduersis, inæquali interdum ortu, foliis vestitus *Melampyri Sylvatici* flore luteo, verùm longioribus & angustioribus, binis plurimùm oppositis. Flores in caulis & ramulorum summitatibus, in spicis crassis, quadratis, longi, hiantes seu galeati, purpurei plerunque cum rictu luteo, quos sequuntur *siliquæ* breves apicibus acutis, & *Melampyri Sylvatici* siliquis similes: *Semina* itidem paria. *Calix* floris brevis, margine in quatuor segmenta partito. Singulos autem flores & siliquas sinu suo ceu alveolo excipit folium sursum versùs duplicatum, cujus superior margo utrinque figuram Lunæ falcata refert, arcu minutis denticellis concinnè crenato cristatòque: quin & apex hujus folii in longum & angustum mucronem procurrit. Ex his foliis ita duplicatis & squammatim incumbentibus componitur spica: Sunt autem purpureo plerunque colore tineta.

In Sylvis Cantabrigiensibus & Bedfordiensibus copiosè provenit. Observavimus insuper in syl. Locm. vosis montium propè Genevam.

- A. 4. *Melampyrum Sylvaticum flore luteo* sive *Satureia lutea sylvestris* J. B. *Mel. luteum latifolium* C. B. *Cratægonum vulgare* Park. *Cratægonon album* Ger. Common wild Corn-wheat.

J. B.

*Melampyri* vulgationis segetum radices habet, strigosius plerunque, coliculis dodrantalibus aut cubitalibus, quadratis, subhirsutis, in frequentes prælongos ramos conjugatim divisis. Folia geniculis adnectuntur bina opposita, atropurpureo colore maculosa, interdum culmum lata, interdum duplo latiora, uncias duas plus minus longa (ingrati & aliquantulum acris saporis Clus.) quorum quæ suprema floribus opposita sunt vulgationis *Melampyri* segetum modo laciniata sunt. Cæterùm tubuli formâ flores hiantes alterius *Melampyri*, toti lutei sunt, conspectiores, bini & unam ferè in partem vergentes è calycibus quadripartitis; quibus compressa succedunt vascula rostro adunco, semina tria, vel etiam quatuor magna, oblonga, granorum Tritici æmula comprehendentia. In hac planta interdum observavi colorem cœruleum vel dilutè rubentem. J. B.

In sylvis, sylvarum marginibus, dumetis, sepibus umbrosisque locis circa Quercuum aliarumque Locm. vetustarum arborum radices, in omnibus ferè Europæ regionibus invenitur.

- \* 5. *Melampyrum lanuginosum Baticum* C. B. *lanuginosum* Park. *Parietaria montana Batica* Clus. cur. post.

Clus.

Pedalis longitudinis caule prædita erat elegans hæc planta, quadrangulo, & tenui mollique lanugine tecto, in aliquot ramos secundum radicem diviso, quos per intervalla ex adverso semper nascencia ambiunt folia oblongiuscula & angusta, per oras serrata, perinde ferè ut *Stœchados* serrata folia. Summum ramorum fastigium in oblongiusculam, squammatam, mollique tomento constantem spicam definit: è qua flores elegantes, oblongi prodeunt, formâ quidem aliorum florum similes & in latus propendentes.



\* 6. *Scordio affinis Elephas ob florem* C. B. *Scor. af. Elephas Columnæ Park. Elephas Campoclarensum* Col.

Col.

*Radix* habet parvam, obliquam, albescentem, teneris, crassiusculis, ex viridi albis, translucidis foliolis, triticeï grani effigie ac magnitudine, paulo tamen latioribus, incisuram illam præferentibus, veluti dentatam, ut etiam in Scordio observavimus: *Caulem* quadratum, virentem, succosum, cavum, tenerum, nonnihil hirsutum, sicut & *folia*, quæ primo obtutu lævia videntur, bina ex opposito cauli hærentia, primum parva, deinde cum caule grandiora, atque oblongiora, magnitudine Menthæ, sed retusiora, ut etiam serraturâ, quæ rarior est, ad Scordii folia accedentia, colore albidior, splendidiore atque succosa, sapore linguam vellicante. Ex eorum verò sinibus & caulis geniculis utrinque à medio ad summum, & aliquando etiam ab imo ferè, alæ multæ exeunt, sed minoribus foliis atque acutioribus, formâ & serraturis: inter quæ folliculi bini ex singulis geniculis, parvo petiolo hærentes, Narcissi ferè odore suavi *flores* emittunt luteos, aureo colore rostratos, Elephantis caput representantes. Caput enim è folliculo exerunt cum cervicis incisura & crassitie recurvum nasum sive rostrum proboscidis instar, semuncie longitudine producentes: in cujus medio ex inferiore parte superioris velut mandibulæ dentes bini sunt, recurvi: ex capitis verò fronte utrinque dependent veluti maxillæ supercilia formantes; sub quibus maculæ sunt excavatæ, ut oculos purpureo, roseo colore representent: inde ex inferiore parte & sub collo latum est folium, auriculas referens, quatuor divisum incisuris, ut in galericulatis floribus, sed longè latius, unciam enim æquat latitudine. Floribus decisis, intra singulos folliculos parum hirsutos *utriculi* perficiuntur ventriosi, quadrati, sed obtusis angulis, in quibus *semina* ob cutis tenuitatem & illorum copiam extuberant, ut illorum crassities videatur quæ Milii vel Anagallidis est magnitudinæ. Colore sunt cinereo, gibbosa & rugis circum delineata, numero ferè triginta in singulis pericarpis, quæ cum perfecta sunt utriculos dirumpunt, atque decidunt.

Ab imo florere incipit Junio, atque Julio perficitur.

Loca umbrosa diligit, frigida atque humentia Septentrionalia in Valle Campoclarensum.

Tempus.  
Locum.

HISTO-

# HISTORIÆ PLANTARUM

LIBER DECIMUS SEXTUS,

QUI EST,

De Plantis Flore uniformi tetrapetalo Siliquosis  
& Capsulatis.



ARUM notæ sunt calyx quadrifolius unâ cum flore deciduus, flores plures simul in summis caulibus & ramulis, successivè se aperientes, nullis ad pediculorum bases appositis foliolis, loculamenta in singulis vasculis seminalibus plerunque singula, rarius bina.

Dividi possunt in siliquosas & capsulatas seu filiculosas.

*Siliquosas* voco quæ vascula habent in longitudinem producta, bivalvia ferè & membranâ intergerinâ duplicem seminum seriem determinante secundum longitudinem divisa; quibus etiam accenseo quæ vascula habent in latitudinem diffusa, modò majora sint, & membranæ dissepientes ad latitudinem seu planum vasculorum parallelæ.

*Capsulatas* seu filiculosas appello, quæ vascula proferunt breviora, seu simplici intus cavitate, seu dissepimentis, sive membrana alveolos determinans ad latitudinem seu planum siliquæ perpendicularis sit, sive parallelæ.

N. Calycem habere unâ cum flore deciduum non est perpetua & constans nota omnium hujus generis specierum; unam enim novimus, nimirum *Thlaspi Alyssoni* dictum campestre minus, in quâ à flore delapso restant calycis folia.

## SECTIO PRIMA.

De Plantis flore uniformi tetrapetalo siliquosis.

*Herbæ flore tetrapetalo siliquosæ sunt vel semine*

{ *Compresso*, lato, foliaceo, in nonnullis etiam margine membranaceo cincto; *siliquâ* vel

{ *Longâ*, angustâ: hæc autem sunt flore vel

{ *Majore*: radice

{ *Æquali*, nec dentatâ squamosâve, nec tuberosâ; flore odorato

{ *Flavo*, in parietinis & rudibus rupibusve plerunque nascens: *KEIRI Leucoium luteum*.

{ *Purpureo*, albo aut vario; foliis

{ *Incanis*: *LEUCOIMUM vulgare purp.*

{ *Virentibus*: *LEUCOIMUM folio virente*.

{ *Dentatâ* seu squamosâ, tuberosâve; caule non ramoso, foliis in uno pediculo ternis, quinis aut septenis: *DENTARIA, Coralloides*.

*Minore*;



{ *Minore*; variis nominibus Hesperidis, Drabæ, Leucoii insignitæ: *LEUCOIUM filiquosum*  
*flore minore*

{ *Lata*, brevi,

{ *Glabra*, major, flore purpureo majore, Urticæ folio: *VIOLA lunaris*, *Bulbonach.*  
 { *Hirsuta* minor, flore luteo aut albido, parvo, foliis incanis: *ALYSSON*, *Lunaria*.

{ *Tumidiore* & non compresso, filiqua

{ *Lata*, brevi: *PARONYCHIA*; item *Sedum petraeum luteum* dictum, & *Bursa pastoris* loculo ob-  
*longo*.

{ *Tereti longa*; semine

{ *Sublongo*, majore; flore

{ *Majore*, odorato, præcipuè sub vesperam, Leucoii æmulo: *HESPERIS*.  
 { *Minore*, inodoro, foliis subrotundis, *Allium olentibus*: *ALLIARIA*.

{ *Rotundo* seu globoso

{ *Majore*, foliis feminalibus bifidis, filiquis

{ *Secundum* longitudinem, membranâ intergerinâ duplicem seminum seriem differ-  
*minante disseptis*; foliis

{ *Levibus*,

{ *Majoribus*, glaucis seu subcæruleis, carnosis, semine mjiore & minus acri,  
 per maturitatem nigro: *BRASSICA*.  
 { *Minoribus*, laciniatis, odore fetido & ingrato, semine acriore & calidiore,  
 per maturitatem fulvo aut pullo: *ERUCA genuina*.

{ *Asperiusculis*, imis saltem ad radicem, nam superiora in plerisque glabra sunt  
 aut glauca: semine

{ *Mitior* & minus acri, radice

{ *Carnosa*, esculentâ,

{ *Majore* & rotundiore, substantia laxiore: *RAPA*.  
 { *Minore*, longiore, & subacri, substantia solidiore: *NAPUS*.

{ *Duriore*, minore, & minimè tuberosa; filiquis & feminibus *Rapæ*:  
*NAPUS sylvestris*.

{ *Fervido* & acerrimo; foliis tam quæ ad radicem, quàm quæ in caulibus  
*asperis* [excipe *Sinapi genuinum*, cujus folia in suprema glabra] *SIN-*  
*NAPI*. Hujus generis humiliores, filiquis teretiusculis majoribus &  
 longioribus, semine majore, minus acri *RAPISTRA* appellantur

{ *Crassis fungosis* & in quibusdam speciebus articulatis membrana non disseptis, radice

{ *Carnosa*, esculenta, acri, flore subcæruleo aut purpurascente: *RAPHANUS*.

{ *Tenui*, furculosa, dura, non esculenta. *RAPISTRUM articulatum*.

{ *Integris* floribus

{ *Luteis*, filiquis

{ *Brevioribus* & crassioribus: *ERUCA spuria*  
 { *Longioribus* & tenuioribus: *ERYSIMUM*, *Irio*.

{ *Albis*, vel purpurantibus, aut etiam ex luteo albidis; filiquis per maturita-  
 tem

*Valvulis inspiras revolutis diffilientibus, & semina cum impetu ejaculantibus :*

CARDAMINE.

*Non diffilientibus, foliis minimè dissectis, iisdemque & caulibus imis asperis, summis lævibus;*

*Major, siliquis longioribus, erectis, cauli approximantibus; TURRITIS.*

*Minor, siliquis brevioribus à caule extantibus; PILOSELLA siliquata.*

*Angustis, curtis, exiguis, seu floribus albis, foliis amplis, integris, oblongis, radice reptatrice & vivaci, sapore & odore Rhaphani acri: RHAPHANUS rusticanus: five floribus luteis minoribus, foliis magis laciniatis: RHAPHANUS aquaticus.*

## CAP. I.

## De Leucoio folio incano.

**L**eucoion duplex est, aliud bulbosum, aliud fruticosum. Prius à floris candore nomen accepit; posterius à foliorum potius canitie cineraceæve albedine: illud ad Bulbosarum genus pertinet, hoc hujus loci est: estque duplex, vel flore purpureo albôve; vel flore flavo. Notæ illius genericæ sunt Flos major odoratus purpureus aut albus; siliquæ longæ compressæ, bivalves, membrana intergerinâ secundum longitudinem in bina loculamenta divisâ, semina itidem compressa.

Hujus duplex habetur genus, alterum folio incano, flore purpureo, alterum folio virenti, flore albo.

1. *Leucoium incanum majus C. B. Leucoium hyemale & diu durans, purpureum, roseum, ac etiam album J. B. Leucoium album, five purpureum, five violaceum Ger. emac. Leucoium simplex sativum diversorum colorum Park. Stock Gilliflower.*

*J. B.*

Non tam florum, quàm caulis & foliorum color Leucoio nomen fecit: siquidem *foliis incondita semunciam aut unciam [imò interdum duas minimum uncias] lata, palmum unum aut duos longa, per margines æqualia, tota albescent, obtuso mucrone, incanâ mollique lanugine pubent. Caulis cubitalis & sesquicubitalis aut altior, lignosus, teres, in ramos multos fissus, incanus similiter & tomentosus. Flores extremis ramulis hærent, ex oblongo calice piloso erumpentes, ampli, è quatuor petalis oblongis in extremo subrotundis compositi, colore vel rubro vel purpureo, dilutior aut saturatior, vel etiam albo præditi, odore suavissimo fragrantibus: unde siliquæ nascuntur palmum aut semipedem longæ, compressæ quando maturæ, mucrone bifido, duos seminum versus continentes, quæ compressa, orbiculata, medio rufa, margine seu fimbria cænente cincta, sapore acriusculo. Radix lignosa, alba. Magna est in hujus plantæ floribus colorum varietas. Alii enim candidi sunt, alii incarnati, alii rosei, alii purpurei aut violacei, alii sanguinei, pulcherrimève rubentes, alii denique diversicolores, albi viz. maculis & lineis vel purpureis, vel suaverubentibus, vel roseis, vel violaceis picti & variegati; prout naturæ ludere placuit. Cærulei coloris in hoc genere hætenus non vidimus. C. B. Et tamen Tragus Leucoii seu Violæ cæruleæ meminit. C. Bauhinus in Phyt. inter floris colores luteum numerat. Frater J. B. in hoc genere non putat extare luteum; nec nos unquam vidimus. At Parkinsonus noster in *Parad.* Leucoii speciem proponit titulo*

*Leucoii sativi albido-lutei simplicis:*

Cui folia viridiora: flores pallidè lutei & propemodum albi; in aliis à Leucoio vulgari descripto nihil differentia.

*Leucoium flore pleno diversorum pariter colorum*

Ab eo quod simplici est flore specie minimè differt, siquidem ex ejus semine oritur: vel mango-  
nio repetitæque crebriore transplantatione (ut aiunt) ex simplici multiplex fit. Lugdunensis tamen transplantandum monet antequam floruerit. Hujus flos non petalorum tantum multiplicitate, sed colorum varietate insignis est. Reperiuntur enim colore albo, rubro, purpureo, variegato, ut in præcedente, insignes.

- \* 2. *Leucoium incanum minus C. B. Leuc. æstivum flore purpureo & roseo ac albo J. B. The lesser Stock-Gilly-flower or July-flower.*

Binis foliis emergunt, hyemalibus Leucoiis similibus, minoribus, tenerioribus, flore nunc purpureo, nunc roseo, nunc albo. A majore (inquit Lobelius) non formâ, sed magnitudine solâ differt: *Caulis foliisque* habet similia, sed minora: flores etiam non unitus coloris: sed vel candidos, vel rubentes, vel puniceos, uti majoris: *siliquas* etiam & *semina* similia.

J. Bauhinus



J. Bauhinus fratrem reprehendit quòd hoc & præcedens genus seu Leucoium majus solâ magnitudine differre scribit; in eo enim ( inquit ) etiam differunt, quòd hoc non arborecat, & folia etiam prima, ni fallor, differentiam aliquam habent.

Parkinsonus Leucoium habet, quod appellat Leucoii alterum genus ex seminio oriundum, quod à vulgari Leucoio majore differt, quòd majus multò & elatius non rarò evadat. Nunquam tamen flores variegatos edat, Hyemem etiam non ferat, quo cum Leucoio hoc minore æstivo convenit, quod Vere satum floret Julio, Augusto, Septembri; Autumno perit, nec hyemem profert, etiam repositum. Duplex ergo ( si his Autoribus fides ) Leucoii æstivi genus est alterum Leucoio hyemali majus & elatius, alterum eodem minus.

*Leucoium melancholicum* Park. *floris colore livide rubente melancholico* Eyft. *Leucoium livide rubente colore* C. B. *Hesperidis species est, vide inter Hesperidas.*

- A. 3. *Leucoium marinum maximum* Park. *Leucoium maritimum* Camerarii J. B. item *Leucoium maritimum magnum latifolium* ejusdem: *marinum majus* Park. *maritimum sinuato folio* C. B. *L. marinum purpureum* Lobelii Ger. emac. **Broad-leaved Sea-Stock-Gill-flower.**

Park.

*Eradice* alba, lignosa, longa, in multos ramos divisâ *folia* promit longa, crassa, albicantia, mollia, in orbem circa radicis caput humi sparsa, rigidiora quàm hujus generis reliquorum, in profundas lacinias utrinque, cornu cervi ferè in modum, incisa & velut dentata, pulchro aspectu. Secundo à satione anno *caulem* protrudit, incana lanugine candicantem, altitudine circiter tripedali, in multas alas divisum, crassum sed tamen infirmum & vix se sustentem; cui innascuntur *folia* angustiora, parùm admodum laciniata, aut etiam æqualia, & in fastigio *flores*, alios supra alios, multos, minùs odoratos quàm Leucoii incani hortensis, tantillo majores, colore purpureo-cœruleo pallido: quibus succedunt *siliquæ* reliquorum similes, *semina* claudentes majora, obscuriora. Postquam semen dederit radicitus interit.

Locus.

Hanc attulit J. Tradescantius in Angliam ex insula Cracina propè Rupellas in Gallia: eandem invenimus in litore arenoso insulæ Angleseie in Anglia è regione Caernarvan oppidi in Wallia, atque etiam in extrema parte Cornubiæ, & alibi in litoribus arenosis: cui specie omnino idem putamus

*Leucoium marit. majus.*  
Clus.

*Leucoium marinum majus* Clusio descriptum, sed non rectè depictum; *Leucoium maritimum magnum latifolium* J. B. Descriptio Clusiana sic se habet. *Caulis* ei pedalis est, interdum major, ramosus admodum & humi procumbens: *folia* longa, crassa, mollia, canentia, & quodammodo lanuginosa, Cichorei aut Erucæ modo divisâ, & velut præmorla: *flores* secundum ramulos odorati, dilutioris purpuræ colore sed ad rubri vini fæces quodammodo tendentis: *Siliquæ* longæ, crassiusculæ, planæ tamen ut vulgaris Leucoii, plana & subruffa *semina* continentes. *Radix* multifida, sed non perennis; postea enim quàm planta florem & semen protulit ( quod altero plerunque à satum anno interdum & tertio fieri solet ) perit. *Æstate* floret.

Locus.

Nascitur in Mediterranei maris litoribus in Hispania & Gallia Narbonensi. Nos ad Mare Mediterraneum propè Monspelium invenimus ipsissimum illud *Leucoium*, quod in litoribus nostris oritur, quòdque ex Parkinsono descriptum, dedimus, unde minimè dubitamus quin una & eadem specie planta sint *Leucoium marinum maximum* Park. & *Leucoium marinum majus ejusdem* & Clusii.

C. Bauhinus è Keiri marino flore candido Lob. ico. ( cujus figuram Clusius assumpsit quanvis descriptioni suæ non conveniat ) novam Leucoii maritimi speciem fecit, titulo *Leucoii maritimi candidi*, quàm rectè ipse viderit.

4. *Leucoium maritimum angustifolium* J. B. C. B. *marinum minus* Lob. Clus. Park. Ger. **The lesser narrow-leaved Sea-Stock-Gill-flower.**

Clus. J. B.

*E radice* crassa, lignosa, alba, cui plures crassæ fibræ & plura capita esse solent, multi *caules* exoriuntur, singulares vel ramosi, dodrantes, teretes, satis firmi, multò tenuiores [ addit J. Bauhinus & candidiores quàm præcedentis, quod non probamus ] *Folia* breviora, parva, candida, nullo aut obscuro laciniarum vestigio incisa, minùs crassa quàm præcedentis. *Flores* in ramulis superiore minores coloris pulcherrimè rubentis, & dum flaccescere incipiunt saturatoris, quales Leucoii vulgaris rubri flores, & odorati quidem illi, verùm minùs superiore: *siliquæ* succedunt tenuiores multò & breviores quàm in præcedente, teretes, semine copioso, minutissimo, ruffo refertæ.

Tempus & Locus.

Floret Julio & Augusto, eodem quo satum est anno, deinde perit. In arenosis Maris Mediterranei litoribus propè Frontignanam & albi observavimus, sat copiosè.

- \* 5. *Leucoium maritimum repens* C. B. *maritimum procumbens* Moris.

*Cauliculis* surgit pedilibus, infirmis, atque idcirco humi facilè procumbentibus, in plurimas alas divisus: *foliis* constat Leucoii vulgaris incani figurâ, è diluto virore albicantibus. *Flosculi* in carneo colore modicè rubent: cætera cum præcedentibus conveniunt.

C. Bauhinus dubitat an ex semine prioris in hortis natum sit: cùm ( inquit ) in hortis satum longioribus quidem sit cauliculis, sed in terram reflexis, folio latiore, flore purpureo, totaque æstate floreat.

Hoc genus, siquidem à præcedentibus diversum sit, nobis certè incognitum est, ideòque nec plura habemus quæ de eo dicamus.

- \* 6. *Leucoi-*



- \* 6. *Leucoium sylvestre inodorum, flore parvo, pallidiore* Eyll.

*Radices* oblongiusculas, albescentes in terram demittit, è quorum capite numerosa expanduntur *folia*, oblonga, subincana, instar Leucoii majoris 4. *Tab.* variè inæqualitérque in ambitu circum-rosa aut quasi sinuata. *Caulis* indè unus aut alter assurgit, nonnunquam cubitum æquans, nonnunquam pedalis, in summitate fasciculatim gerens flosculos, parvos, pallidiores, inodoros, Leucoii lutei vulgaris æmulos, sed minores, flavo-pallidos, quibus in longis, angustis, surrectis *siliquis* succedunt *semina* flavescentia, minuta, plana, compressa, reliquorum suæ fortis more.

- \* 7. *Leucoium maritimum latifolium* C. B. *marinum latifolium* Ger. Park. *maritimum latifolium, flore cæruleo purpurante* J. B.

*Morif. Lob.*

*Folius* est latoribus, rigidioribus, hirsutioribus profundè laciniatis, quæ sursum versùs perforantur à caulibus. *Flores* ex cæruleo purpurascunt in palmaribus & sesquipalmaribus *coliculis*. *Siliquæ* quam Leucoii lutei vulgaris multo breviores & tenuiores, teretes, *semina* oblonga teretiuscula in se continentes. Unde pater plantam hanc ad Hesperidas potiùs quàm Leucoia referendam esse.

Maritimis gaudet natalitiis. In declivibus etiam montis *Capouladon* inter rupes primo vere floret in *Locu.* loco dicto las Cambrettes *Botan. Monsp.*

- \* 8. *Leucoium saxatile Thymi folio, hirsutum, cæruleo-purpureum* C. B. *Litboreoleucoion minimum, supinum Valvensium* Col. *saxatile Thymi folio* Park.

*Col.*

Plantula est exigua, grata oculis propter *florum* copiam, colore venustorum, quos Maio mense profert, cæruleo-purpureos, variegatos, medium quid luteo-candidi habentes, *staminulis* intus parvis: *Siliquas*, illis deficientibus, è medio calice folioso profert parvas, breves, crassas, inanes, in apicem longum desinentes, in quibus *semina* continentur exigua, copiosa, rufescentia, æstate perfecta. *Folia* sunt brevia, magnitudine durioris Thymi, hirsuta, colore cinereo, sicuti tota planta. Alternatim viticulis multis dense adnata, ut unaquæque planta comosa sit admodum, atque orbem viticulorum frequentia conficiat. Quamvis æstate floreat, nunquam perit, semper regerminans, novas è geniculis densis viticulorum soboles foliorum proferens, quapropter etiam hyeme reperitur. Tota fumi odore gravi, ac sapore gustata putet.

Singulis viticulorum cacuminibus tres aut quatuor insunt *flores*, aut *siliquæ*, duratque ad Autumnum cacumine & *siliquis*. Acris est foliis & *siliquis*, linguam vellicans mansa, magis quàm Leucoium ad Thlaspeos gradus accedens.

Saxis præruptis montis Averfa oppido hærentis Septentrionalis frequentissima est.

Plantulam hanc ad Leucoii genus non pertinere suspicamur ob *siliquas* crassas, teretiusculas, ut *Locu.* pictura eas repræsentat, & *semina* parva rotunda.

- \* 9. *Leucoium maritimum candidum* C. B. *marinum flore candido* Lobelii Ger.

Hujus iconem vide apud Lobelium, Gerardum, & Clusium in Hist. sub titulo Leucoii marini majoris, nam descriptio alterius plantæ est.

## C A P. II.

### De Leucoio folio viridi flore albo, odorato.

**H**Oc genus foliorum & florum formâ cum præcedente convenit, illorum colore viridi, horum naturaliter albo differt.

*Leucoium album odoratissimum folio viridi* C. B. *hyemale, diu durans, flore albo, folio viridi & livido glabro* J. B. *An Keiri simplex flore albo* Park. parad.

C. B. prod.

*Radice* est multifida; *caule* viridi, ramofo, aliquando minimi digiti crassitie: *foliis* glabris, atro virore splendentibus, crassis, Leucoii lutei [potiùs incani] foliis formâ respondentibus: *floribus* albis, Leucoii incani similibus, suaviter admodum, & quidem vesperi, Hesperidum modo, olentibus; quibus *siliquæ* longæ, crassiusculæ, virides, *seminibus* planis repletæ succedunt.

Hoc per plures annos durat, si hyeme in cella asservetur.

*Leucoium Hispanicum foliis latis Rapiſtri perfoliatis, flo. purp.* Mentzel.

Ultra pedem longum provenit.

Leucoia ob florum pulchritudinem & odoris fragrantiam in hortis coluntur.



## CAP. III.

## De Leucoio, luteo seu Keiri.

**H**OC genus non tantum foliorum colore viridi, sed & eorundem formam præcipue tamen floris colore à præcedentibus differt, qui in hoc luteus est, in illis natura purpureus aut albus, nunquam ne ex accidenti quidem, ( quantum nos hætenus observavimus ) luteus.

- A. 1. *Leucoium luteum*, vulgò Cheiri, flore simplici J. B. *luteum vulgare* C. B. *Keiri* sive *Leucoium vulgare luteum* Park. *Viola lutea* Ger. Wall-flower.

*Radicibus*, furculisque seu ramulis ubertim fruticantibus luxuriat, lignosis, albicantibus quos obfident folia nullis appensa pediculis, crebra, unciali & ampliore longitudine, ex angusto principio sensim dilatata, virentia aut canescentia, idque maximè pronà parte, sapore subacri. Flores crebri, lutei valdè odorati, sapore parùm grato, staminibus senis styloque chloris, in medio penitus ferè latentibus. Succedunt *siliquæ* longæ, in quibus *semen* latum, rufum, gustu acri & amaro.

Locus.

In muris passim & copiosè provenit.

*Leucoium luteum flore pleno* J. B. & aliorum

Non differt specie ab eo cui flos simplex, sed cultura tantum. Cultu & mangonio talem evadere aiunt, præsertim si tenellæ plantæ antequam floruerint sæpius transferantur. Lugd.

Vires.

Flores Leucoii lutei partium sunt tenuium, discutiunt, extergent, cordiales ac nervini sunt, dolores mitigant, menses cient, secundinas proritant, fœtum pellunt; unde medicamentis, quæ Græcis *ῥῥῖνα* dicuntur accensentur à Galeno 7. *Simpl.*

In usu sunt conserva ex floribus, aqua destillata, & oleum ex floribus infusis, quod præservat ab Apoplexia, & paralyticos juvat, estque insigne anodynum in vulneribus & inflammationibus partium nervosarum, ut & in malis uterinis interitis.

Quæ de Leucoii viribus habent Veteres apud ipsos vide, vel, si placer, apud J. Bauhinum Hist. Plant. Lib. 21. Cap. 13.

Episcopus Tridentinus ad præservationem ab Apoplexia & Paralyfi feliciter utebatur conserv. florum Cheiri in aqua sua propria adsumptâ. D. Soame ex Observat. Hier. Reusneri à Velschio editis Obs. 11.

2. *Leucoium luteum magno flore* C. B. prod. *Keiri* sive *Leucoium luteum simplex majus* Park. parad.

A vulgari Leucoio luteo differt magnitudine & colore, quia parvum fruticem valdè ramosum & totum virentem refert. Folia est majoribus, viridibus, splendidibus: floribus magnis, ita ut hujus folium unum vulgaris florem integrum parè adæquet, odoratissimis, intensiorisque lutei coloris, [ Park. aurei intensioris ] quin & spica florum multo longior est quàm in illa, & diutius durant flores antequam marcescant aut contrahantur: *siliquæ* crassiores & breviores in apicem seu mucronem tenuem desinentes. Tenerius est quàm vulgare, nec adèd ramis luxuriat, nec ita facilè ramulis aut furculis depactum comprehendit & propagatur: nec hyemes nostras facilè tolerat nisi à gelu vehementiore defendatur.

C. Bauhinus *Leucoium luteum maximum foliis tuberculis obsitis* ab hoc specie distinctum facit, cujus (inquit) flores magnitudine thalerum Philippicum superant. J. Bauhinus *Leucoium luteum arborescens* proponit, cujus flos interdum pervenit ad amplitudinem monetæ quam *Fulium* vocant, quamvis ipsè tantæ magnitudinis non viderit. Nos non libenter agnoscimus differentiam quam vocant specificam inter hæc plantas. Examinent alii quibus utramque varietatem colere contigerit.

Utrumque hoc genus, tum majus, tum maximum flore pleno reperitur: Hinc *Leucoium luteum pleno flore majus* C. B. & *Leucoium maximum luteum flore pleno* Park. parad.

Varietates  
duæ.

Duas insuper alias Leucoii lutei flore pleno seu species seu varietates recenset & describit Parkinsonus in *Parad.* nimirum

1. *Keiri* sive *Leucoium luteum alterum flore pleno*.

Cujus flores non spicatim dispositi sunt quemadmodum præcedentium, sed in latitudinem magis diffusi; ut omnes simul & eodem ferè tempore aperiantur, non gradatim alii post alios ut superiorum; & colore sunt pallidiore.

2. *Keiri* sive *Leucoium luteum majus flore pleno ferrugineo* Park.

Cujus flores non multò majores sunt quàm vulgaris lutei flore pleno, verùm colore saturatiore tincti, petalorum averla parte ex fusco rubente, unde veluti variegati apparent. Hanc varietatem & nos sæpius vidimus in hortis curiosorum enutritam. Ob floris elegantiam in pretio est.

\* 3. *Leucoium*

- \* 3. *Leucoium luteum serrato folio* C. B. *Leuc. lut. ser. fol. flore grandiore* Pini.

C. B. prod.

A Leucoio luteo magno flore foliis potissimum discrepat, quæ duplo patet longiora, angusta, per latera crenis asperis serrata, & in aculeum finientia, quæ similiter crassa sed pallide virentia, mollia, quia parte inferna quasi lanugo aspersa est. Flores lutei sunt & magni.

4. *Leucoium sylvestre* Ger. *luteum sylvestre* Clusii J. B. *Keiri seu Leucoium sylv. Clusii* Park. *Leuc. luteum sylv. angustifolium* C. B.

Clus.

Multa secundum radicem habet folia Leucoii lutei foliis similia, angustiora tantum, viridia, amaricantis gustus, inter quæ unus, interdum plures assurgunt caules pedales aut ampliores, angulosi, striati, multis alis concavi, carinatis foliis obliti; multos sustinentes flores, flavos, Leucoii lutei æmulos, sed minores, minusque odoratos. Floribus succedunt oblonga cornicula ut in sativo, plano semine plena. Radix longa est, candicans, & multis tenuibus fibris prædita.

Invenitur in montibus illis supra Badenses thermas, & in Leytenberg, salebrosis præsertim & meri- Locus.

J. Bauhino folia alia quidem sinuata, semunciam lata & angustiora, unciam & fescunciam longa, alia angusta nulloque modo incisa, viridantia: in hortis cultu multo magis luxuriat, duplâ longitudine latitudinæque. Habet & aliud Leucoii lutei sylv. genus, quod Pannonicum vocat serrato folio obtuso & acuto: An hujus sit alia species, an varietas tantum asserere non audet.

Morisonus noster semen huic plantæ teres, oblongum, rufum ascribit, unde ad Hesperidas potius referenda videtur.

Parkinsonus *Leucoium sylv.* inodorum flore pallidior *Eyft.* quod C. Bauhinus Leucoio suo luteo sylv. hieracifolio synonymum facit Leucoio sylvestri Clusii eandem specie plantam esse verisimile existimat; cujus sententia nobis non improbat: verum descriptionem Leucoii illius Hieracifolii C. B. subiciemus, ut utrisque collatis Lector judicium ferat.

*Leuc. lut. sylv. hieracifolium* circa radicem crassiusculam albicantem, in oblongas fibras capillatas abeuntem folia plura habet per terram sparsa, eaque oblonga, angusta, subaspera, sinuosa, & per æstatem in planta luxuriante Hieracii instar sinuata, quæ circa caulem pedalem, striatum, nonnihil incanum alternatim disposita, oblonga, latiuscula, ut in Keiri vulgari pallide virentia, ob raras crenas inæqualia, tactuque ob levissimam hirsutiem aspera. Caulis major pars floridus est. Flores lutei sunt, Keiri floribus minores, oblongis pediculis donati, quibus siliquæ triunciales strictissimæ in summo utrinque parum reflexæ succedunt.

In sylvis prope Neustadium Harciniæ reperitur.

Præter hirsutiem caulis & foliorum nihil video in hac descriptione, quod non conveniat cum Locus. præcedente. An caulis & folia hirsuta sint necne in præcedentis descriptione omisum, hirsuta aut subaspera esse non negatum.

*Keiri Alpinum foliis dentatis, flore flavo odorato* Zanoni.

Non videtur nobis specie diversum à Leucoio luteo sylvestri Clusii J. B. nam & folia alia quidem sinuata, semunciam lata & angustiora ei attribuit, alia angusta, nulloque modo incisa: & D. Agerius (inquit) attulit Bononiæ *Leucoium sylvestre* folio valde angusto (quod eandem fuisse speciem quam D. Zanoni describit verisimillimum est) Camerarius etiam pulchram & raram speciem Leucoii sylvestris reperit Bononiæ. Quin & Morisonus noster Leucoio luteo sylvestri Clusii semen teres, oblongum, rufum ascribit; non planum ut Clusius.

*Keiri Alpinum foliis dentatis* Zanoni foliis est angustioribus quàm *Leucoium luteum sylvest.* Clusio descriptum; iisque ad margines sinuatis, & inferiore medietate rarius utrinque dentatis: [folia tamen superiora dentata non sunt.] Semen majus est semine Leucoii Clusiani quamvis planta ipsa minor sit. Verum hæ notæ non speciem diversam, sed varietatem potius accidentalem arguunt. Haud tamen præfractè negaverim specie distinctam esse à Clusiano Leucoio, sed ab omnibus J. Bauhino descriptis & memoratis, diversam nequam concesserim. Descriptionem particularem & exactam vide apud Jacobum Zanoni, qui in Alpibus Bononiensibus invenit inter rupium fissuras.

- \* 5. *Leucoium luteum montanum altum* Ponæ Ital. *luteum montanum serrato folio* C. B. *Keiri sive Leucoium montanum luteum* Park.

Pon.

Caulibus assurgit pluribus, rectis, firmis, lignosis, altitudinem humanam interdum superantibus; foliis oblitis brevibus, viridibus, acuminatis, circum oras dentatis. Flores simplices sunt, quàm vulgaris Keiri ampliores, nec minus odorati. Siliquæ tenuiores sunt, semine rubente repletæ. Radix lignosa, in multos ramos sparsa, & in calidioribus regionibus vivax.



\* 6. *Leucoium Creticum luteum utriculato semine* Alpin. exot. Park.

Alpin.

Frutex est pedalis altitudinis, ramulis multis, ab radice tenui, lignosa, in parvas radículas divisâ exeuntibus, rotundis, albicantibus, asperis; in quibus folia multa, circum ramulos densa, simulque stipata, alba, Leucoid vulgaris minora, in extremis latiora, asperis pilis obsita, dura, quæ in germinum fastigiis in orbem veluti aguntur. Ramuli in summitatibus, ut in nostris Leucoidis, flores producant plures, circumstipatos, à suis longis petiolis pendentes, luteos, quinquefolios, parvos; à quibus fiunt folliculi rotundi, colore flavescentes, semina suis loculamentis continentes, Leucoidis similia, sed latiora tamen, albicantia. Planta non est annua.

Si hæc planta ab Alpino rectè describatur & depingatur cum quinque petalis in flore, in nostra Methodo ad aliud genus pertinet.

\* 7. *Leucoium terrestre majus frigidarum regionum* Col. *Leucoium luteum Erucæ folio* C. B. Park.

Col.

Floribus est Leucoio maritimo non dissimilibus: odori sunt, suavemque ceræ novæ odorem remittunt, sapore acres, umbellatim ferè in summo alarum & caulis existentes; qui [caulis] parum hirsutus est, rotundus, cubitalis, tribus alis divisus, qui cum decidunt flores è petiolo siliquas emittit, multas, alternatim in summo dispositas, Leucoio fimiles. At folia è radice pedali vel longiore bifida aut trifida, candida, in terram strata inveniuntur, pedem longa grandiora & quæ proxima cauli, verum prima minora, & Erucæ sativæ vel Papaveris erratici folia laciniis profundis imitantia, colore virentia, parum hirsuta, mollia, succosa & acri sapore, sicuti tota planta.

Locus.

Junio floret inter saxa vallis Campoclarensium, supra locum vulgò dictum *il Colle di mez*, locis umbrosis atque humentibus & frigidis.

In descriptione Columniana de floribus colore nihil invenio. C. Bauhinus luteum facit.

## CAP. IV.

### De Dentaria.

**D**entaria à radice forma & colore denominatur, quæ candidissima ex pluribus quasi dentibus componitur. C. B.

Miror Clusium plerisque hujus generis plantis semina Hesperidis tribuere, hoc est crassa, teretia, & oblonga, cum ex nostra & J. Bauhini observatione, in Dentaria heptaphyllo, tum filiquæ tum etiam semina compressa sunt: mirum autem hanc speciem hac in parte à reliquarum omnium norma abluere.

1. *Dentaria triphylos* Clus. hist. C. B. Park. *enneaphyllos* Clusii J. B. *Dentaria coralloide radice, sive Dentaria enneaphyllos* Ger. *Teethwort*.

Clus.

Caulem profert pedalem, firmum, rotundum, lævem, quem in summo ferè ambiunt terni pediculi, (rarissimè plures) singuli terna folia sustinentes, ampla, mucronata, in ambitu serrata, saturè virentia, gustu fervido. Summum caulem exornant quini aut seni flores, Dentariæ Heptaphylli florum æmuli, deorsum spectantes & propendentes, colore ex herbaceo pallecente. Flores sequuntur oblonga cornicula, torosa, mucronata, qualia sunt Dentariarum pentaphylli & heptaphylli cornicula, & in his etiam simile semen, hoc est Hesperidis ferè, sed crassius & virescens, quod dissiliens corniculis exsilit, antequam probè maturum videatur. Alia præterea folia à radice profert, terna tantum in singulis pediculis oblongis nascentia, superioribus multò ampliora, sed breviora: Radix novella alba est, vetusta nigricat, multis articulis sic distincta, ut è plurimis dentibus coagmentata videatur, Dentariæ *apollinis* radici non valdè dissimilis.

Locus.

Exit in umbrosis Austriæ, Stiria, Carinthia, Pannoniaque sylvis, non modò ad montium radices, sed etiam circa mediam earum regionem, ubi præaltarum arborum sylva in Alpibus hujusmodi plerumque definere solent. Inveniebam & ultra Dravum in monte Greben imminenti, atque etiam Harcinia sylva Bohemiam ambiente. Floret Aprili, vicinis Viennæ Austriacæ sylvis, & aliis humilioribus; semine prægnans est Maio. At in montibus hæc omnia seriùs.

2. *Dentaria pentaphyllos* C. B. Park. *pentaphyllos* Clusii Ger. *Coralloides prima quinquefolia* J. B.

Clus.

A radice nodosa & in plurimos articulos distincta tenuibusque aliquot fibris ex articularum distinctione prodeuntibus donata exeunt aliquot folia, longis pediculis nixa, in quinque profundas, & ad pediculum usque sectas, lacinas divisa, in ambitu crenatas, scabra & tactu aspera, saturè virentia. Caulis pedalis & amplior, rotundus, quibusdam ex intervallo foliis, aliis paribus, donatus, summo fastigio quinos aut senos flores, bulbiferæ floribus fimiles gerens, colore tamen paullo magis saturatè pur-

purpurascēte, qualis ferē in floribus Bulbonach: Succedunt longiora cornicula, *semine* quali præcedens plena.

Dentaria *pentaphylla* altera Clusii cū non aliter à descripta differat quā *foliis* mollioribus, neq. *Dentaria pentaph. altera.* adeo saturā viriditate præditis & radice magis dentata, sive inæquali, & pluribus crassis squamis exasperata; nos cum C. Bauhino eā à præcedente non separamus.

In sylvosis jugis montis Juræ copiosè nascentem observavimus: Clusius ad Allobrogicarum Alpium *Locus.* radices supra Lemanum lacuni.

3. *Dentaria heptaphyllos* C. B. Park. *heptaphyllos* Clusio Ger. *Coralloides altera* sive *septifolia* J. B.

*Clus.*

*Folia* aliquot è radice exeunt, quina interdum, sed maxima ex parte septena, longæ costæ inhærentia, foliorum Fraxini instar digesta, h. e. ut ex adverso bina semper respondeant, folium impar extremam alam occupet, omnia in ambitu serrata, dilutius virentia quā sextæ [Dentar. quinquefoliæ] folia, & subtus candicantia: *caulem* etiam pedalem, rotundum binæ aut ternæ foliorum alæ, iis quæ à radice prodeunt non dissimiles, ornant; ejus autem summum *flores* superioris floribus pares, candidi tamen coloris. *Cornicula* quæ succedunt etiam paria, simile *semen* continentia. *Radix* minus squamata quā præcedentis, & paucis crassioribus fibris firmata; [J. Bauhino Alabastritis mar-moris politi æmula, obliqua, tuberibus inæqualis] Semina compressa J. B.

In Jura & Saleva montibus copiosè exit.

*Locus.*

- \* 4. *Dentaria baccifera* Clus. *bulbifera* Ger. Park. *heptaphyllos baccifera* C. B. *Coralloides minor bulbifera* J. B.

*Clus.*

Oblongā serpit *radice*, dentata quidem, sed veluti ex multis nodis constante, tenui, alba, interdum etiam purpurascēte, subinde ex lateribus novās propagines generante, ingrato, & linguam primū siccante gustu, deinde acri: Ex cujus lateribus prodeunt oblongo pediculo sive costæ (quæ secundum terram purpurascit, postea viridis est) inhærentia *folia*, quina plerūque, interdum plura, magna ex parte inter se opposita, alteroque latere tantum crenata, eò quod imparem numerum facit, & extremæ alæ insidet, duntaxat utrinque crenato, gustu initio acido, postea acri & fervente. *Caulis* cubitalis est, gracilis, nudus, quem circa medium binæ aut ternæ alæ, interdum plures, ex tribus tantummodo foliis, jam descriptis respondentibus, constantes ambiunt, [J. Bauhino foliis quinis ad rachin annexis compositæ, modò recta è regione positæ, modò alternatim, fescunciam aut duas uncias longis, semuncia latioribus] superna verò pars oblongis angustisq. foliis, nunc leviter, modò nihil crenatis, confuso ordine, obsita est. Extremo cauli insident quaterni, quini, aut plures *flores*, Leucoii aut Hesperidis quidem florum æmuli sed minores, albi aut ex candido leviter purpurascētes; quibus succedunt *siliquæ* seu cornicula, Sinapi corniculis similia, breviora tamen, quæ unā cum suis pediculis marcescentia plerūque decidunt & pereunt, nonnunquam tamen crassescunt & matura *semen* ferunt Hesperidis semini ferè par, quod diffilientibus corniculis excutitur. Sed præter id semen, ad singulorum ferè foliorum quæ caulem ambiunt alas & exortum tubercula quædam adnascuntur, bulbulis Liliæ cruenti bulbiferi haud absimilia, ac velut è squamis compacta, initio viridia, deinde pulla, ingrati admodum gustus, quæ facillimè decutiuntur, & præmatura sponte decidunt, terræque sepulta novellas plantas gignunt.

Reperitur hoc genus (ut putat Clusius) in omnibus Germaniæ montanis sylvis; v. g. in sylvis Hæ- *Locus.* sic non procul Martpurgo, Misniæ, Austriæ, Stiræ, Carinthiæ, Pannoniæ, &c.

Florere autem solet Aprili: bulbuli nigricantes Maio conspicui alarum cavis inhærentes.

*Tempus.*

- \* 5. *Dentaria baccifera foliis Ptarmicæ* C. B. *angustifolia bulbifera* Park.

*Eyfl.*

*Radice* constat obliquè procedente, multis, carnosis, dentatis, subalbicantibus articulis coagmentata, indeque propagines fundit, atque *caulem* unum aut alterum erigit, rotundum, lævem cubitalem, circa quem arcta sede articulatim *folia* longa, lævia, Ptarmicæ modo tenuiter serrata, in acutum mucrorem finientia porriguntur, saturati viroris, ac juxta exortum singulorum in geniculis ipsis soboles, seu improprie magis loquendo bulbuli, crasse squamati, subobscurè purpurascētes. *Flores* in cacumine emicant tetrapetali, albidii, fasciculatim dispositi, floribus Bulbonach dictæ consimiles. Semina non vidit descriptionis auctor in corniculis, sed semina præcedentis paria & compressa esse conjectatur.



## CAP. V.

De *Leucois* quibusdam flore parvo montanis aut peregrinis.

1. *Leucoium sylvestre latifolium flosculo albido, parvo.* *Hesperis sylvestris latifolia flore albo, parvo* Park. *Hesperidi Alpina murariæve affinis surrecta & magna* J. B.

Park. J. B.

**F**olia hujus plantæ quæ ad radicem ampla sunt & lata, ex crasso pediculo, circa margines sinuata & dentata, asperiuscula, subhirsuta & lanuginosa, præsertim æstate. Secundo à satione anno exoritur *caulus* bicubitalis & altior, nunc unus, nunc plures, crassi, hirsuti, recti, supernè ramulos rectos alternatim inter folia proferentes lato principio eum amplectentia. In extremis ramulis multi *flosculi* exigui, albi, ad luteum nonnihil vergentes, in longas spicas dum sensim aperiuntur excurrentes; quibus succedunt *siliquæ* plurimæ, sex, septemque uncias longæ, latiusculæ, compressæ, multo tenniores & infirmiores quàm *Leucoii* incani, ideòque deorsum nutantes, glabræ, *semine* compresso, latiusculo, & pæne quadrato repletæ. *Flores* parum odorati & ferè inodori: Foliorum sapor J. Bauhino amaricans, Parkinsono calidiusculus & exiccans. *Radix* alba, lignosa, non altè descendens, sapore acri J. Bauhino, quæ *semine* ad maturitatem perducto interit.

Locus.

In monte Saleva propè Genevam copiosè oritur. Collegimus etiam in montibus non longè à Lucà versùs Massam.

J. Bauhinus dubium movet annon hæc sit Sinapi & Thlaspi media Provincialis planta Lob. Ad.

2. *Leucoium montanum minus flore parvo.* *Draba alba siliquosa* C. B. Park. *Draba prima repens* Ger. emac. *Hesperis Alpina, sive muralis minor repens* J. B. rectius *Leucoium montanum*, quo nomine ab *Alphonso* Pancio ad *Clusium* missus est.

*Radix* obliquè serpit summo ferè cespiti hærens, fibras crebras subinde demittens, capita etiam plura habet. *Folia* in orbem multa per terram sparguntur, ex angusto principio sensim latescencia, sinuata & serrata, candicantia, & hyeme quidem rubentia, pilosa, Barbareæ murariæ foliis accedentia, sapore acri prædita, at quæ per caules cernuntur, lata basi eos complectuntur, non minùs jam dictis dentata. Cæterum *flores* in dodrantalis *caulis* ramorumque fastigiis multi, coacervati, albicantes, quos longa serie sequuntur *siliquæ* duas, tresve uncias longæ, alias ferè sesquipalmares, angustæ, compressæ, in quibus *semina* foliacea ruffa, saporis acris.

Locus.

In montibus Jura & Saleva propè Genevam, præsertim locis humidis ad aquarum scaturigines nobis observata est. In parietinis, murorumque rimis & inter saxa nasci tradit Hist. Lugd. Floret Aprili.

- \* 3. *Leucoium montanum succulentum.* *Draba alba siliquosa repens* C. B. Park. *altera repens* Ger. *Hesperidi Alpina sive muraria affinis, Draba succulenta* J. B.

Clus.

Frequentibus ramulis prædita est ex eadem radice prodeuntibus, tenuibus, deinde in caput extuberantibus; ex quo aliquot *folia* quasi in orbem disposita prodeunt, crassa, succulenta, atra viriditate splendentia, Auriculæ urli flore carnei coloris foliis magnitudine & formâ ferè respondentia, sed nonnihil in lateribus dentata, acri gustu & illico linguam vellicante. Ex horum medio pedalis aut major exit *caulus*, gracilis, quem per intervalla ambiunt & amplectuntur folia superioribus minora & ad petiolum latiora. *Flores* spicæ instar supremum caulem ambiunt ut in priore, albi: quibus succedunt teretia & oblonga *cornicula*, ruffum, pusillum & planum *semen* continentia. *Radix* tenuis & repens latè sese diffundit, novas plantas singulis annis producens, vivax & totâ hyeme vivens.

Locus.

Crescit in declivi montis *Herr enalben* supra *Zeehof* villam cœnobii Gamingensis: ubi ferè floret, at in hortos translata maturius cum præcedente.

- \* 4. *Leucoium Creticum minimum folio subrotundo* C. B. *Creticum marinum cæruleum* Park. Alpin. exot.

C. B.

*Cauliculo* est palmo minore, viridi, striato, levissimis pilis asperfo: *foliis* subrotundis, pallidè virentibus, longis pediculis donatis, aliquando binis ex opposito, aliis alternatim sitis. *Cauliculi* summum in duos pedicellos abit [interdum plures] quorum singuli *flosculum* oblongum, cæruleum, quadrifolium, modò unum, modò duos [aut etiam plures] sustinent, parvos, oblongos, pulchrè cæruleos, quibus succedunt in *siliquis* longis *semina* minuta, nigricantia. *Radix* exigua, tenuis à semine perfecto marcescens: verùm Autumno lata hyemem perfert, & sequenti Vere in caulem abit. Pleniorem descriptionem videbis apud Alpinum.

*Leucoium*

*Leucoium maritimum minimum* C. B. *maritimum minimum* Park.

Ab hoc non multum differre videtur. In litore maris, inquit, propè Terracinam reperitur.

An hæc sit vera & genuina *Leucoii* species semine scil. plano & compresso nescimus, verum cum *Leucoii* nomen illi imposuerunt qui de eo scripserunt, *Leucois* annumerandum censuimus; idem de frequentibus *Creticis* dictum esto.

- \* 5. *Leucoium Creticum thlaspiifolium* C. B. *maritimum Creticum majus* Park. *maritimum Creticum* 1. Clus.

Clus.

*Caules* habet procumbentes, rotundos & duriusculos, multis ramis donatos, in quibus *flosculi* initio rubentes; deinde ex cœruleo purpurascens, petalis extremo bifidis, & cordis, ut vulgò pingitur, effigiem propemodum referentibus, quasi ex umbella, *Irionis* vulgaris instar, sensim prodeuntes, qui (ubi floris folia conjungebantur) radiantem imitabantur flavam stellam. Floribus succedunt duarum ferè unciarum *siliquæ* sive cornicula teretia, in quibus *semen* oblongiusculum castanei coloris. Ipsius verò plantæ *folia* longiuscula sunt, à *Thlaspi* foliis non valdè differentia, nullis (in caule præsertim) evidentibus crenis donata, crassiuscula & aliquantulum amara.

*Josephus Casabonus*, ex peregrinatione *Cretica* redux semen ad *Clusium* mittebat, *Leucoii marini* Locum. appellatione, è quo tres diversæ plantæ ortæ sunt, hæc & sequentes duæ, quæ idcirco hujus potius varietates, quàm species distinctæ censendæ sunt.

- \* 6. *Leucoium Creticum floribus minoribus* C. B. *Creticum minus* Park. *maritimum Creticum* 2. Clus.

Clus.

Hæc priori similis est, nisi quòd *flosculos* habeat dimidio minores, & initio prorsus albos, deinde tamen paulatim purpureum quidpiam contrahentes, sed nihilominus magis ad albedinem incli-

nantes. Floret utraq. [hæc & præcedens] Julio, medio Vere, hoc est Aprili, lata.

Tempus.

- \* 7. *Leucoium Creticum foliis oblongis crenatis* C. B. *Cret. oblongis foliis crenatis* Park. *Creticum* 3. Clus.

Clus.

*Folia* initio promit præcedentibus duabus longiora, evidentibus & conspicuis crenis secundum oras donata, *Leucoii Dioscoridis Lobeliani* [i. e. *Leucoii incani* vulg.] è quorum medio exit *cauliculus* rectus, palmari altitudine minor quum florere incipit, nempe Augusto: A latere verò plures fundebat ramulos, in quibus *flores* secundo generi amplitudine pares, colore tamen differentes, nam propius accedebant ad *Leucoii marini Lobeliani* latifolii colorem, magisque purpurantes erant quàm in primo genere.

*Turritim* vulgarem *Morisonus* ad hoc genus refert; & rectè si semina compressa habeat prout ille asserit, quod nobis non observatum.

## C A P. VI.

De *Leucoio* siliqua lata, brevi, *Viola Lunaria*, & *Alysson* dicta.

1. *Viola lunaria major siliqua rotunda* C. B. *Lunaria major siliqua rotundiore* J. B. *Viola lunaria* sive *Bulbonach* Ger. Park. *Sattin*, or *Honesty*.

J. B.

*C*aulis assurgit sesquicubitali aut altiore, [digiti minimi interdum crassitie,] colore glauco aut rubente, hirsuto. *Folia* *Urticæ*, majora aliquando duplo aut triplo, hirsuta, serrata, opposita interdum, aliàs ad ramulorum propagationes singularia, sapore oleraceo. Ramis [ & summitati caulis] insident *flores* multi, [eodem ferè modo dispositi quo in *Brassica*,] purpurascens aut carnei, striati [ *Brassicæ* vulgaris floribus pares, *Leucoii* minores, aliàs iis similes] odore debili, ungue intus conspicuo & albicante. *Stamina* quatuor virescentia apicibus luteis seu chloris [vix è calice emergunt.] Hæc omnia excipit *caliculus* oblongus, phœniceus, è quatuor foliolis, duobus majoribus totidem minoribus, compositus, [*Leucoii* calici similis.] *Siliquæ* latæ, subrotundæ [nonnihil tamen longiores,] compressæ, bivalves, argenteâ bracteolâ exteriores utrinq. laminas intercedente, filum summa parte emittentes, *seminum* orbiculorum compressorum duplicem ordinem continentem. *Radix* strumosa seu glandulosa, [unde nomen *Bulbonach*.] *Semen* ut in hoc genere maximum est, ex ruffo nigricans, & cum aliqua amaritudine acerrimum. Folia per hyemem retinet: secundo à satione anno caulem fundit, & cum semen maturuit perit.

Copiose



Locus.

Copiosè crescit in saltibus Thuringiæ sylvæ Cam. In montanis sylvis Austria, Stiria, vicinarumque sylvis locis, atque etiam in Pannonia interamni sponte magnâ copiam provenit. Clus.

Violam lunariam majorem alteram & Cam. C. B. quam præcedente minorem & flore albo esse scribit à sequente planta non differre puto, nihil tamen temere affirmare ausim. J. Bauhinus Lunariam majorem aliam flore albicante odorato perennem Cam. hort. sequentis plantæ synonymam facit.

Vires.

Calido, acrisque & amaro gustu est, præsertim semina, sed tamen radices in acetariis ut Rapuntia manduntur. Absterget, modicè calfacit, & urinam cit ut Rapunculus. Pulvis seminis amarissimi cum aqua appropriata exhibetur in epilepsia. Cam. Schwenckf.

Quidam in Helvetia chirurgus ex Lunariæ perennis confusis foliis & Sanicula parabat unguentum vulnerarium non contemnendum. Idem.

- \* 2. *Leucoium lunatum* seu *lunarium latifolium majus alterum*, *siliqua rotunda, flore albo* Morif.

Hoc priori foliis latis, & siliquis planis rotundis simile est. Perenni nititur radice quæ hyeme non marcescit: caules ei sunt cubitales, lignosi: folia multa, lata: siliqua planæ, compressæ, rotundæ, utraque paulò minora quam prioris. Flores autem profert candidos instar Violæ matronalis.

Locus.

Provenit in sylvis nonnullis Germaniæ, ut Hercinia.

3. *Viola lunaris longioribus siliquis* Ger. *Viola lunaria major siliqua oblonga* C. B. *Lunaria major siliqua longiore* J. B.

Latis hæc est Lunariæ præcedentis foliis, serratis acuminatisque: flos confimilis purpureus: at quæ eum excipit siliqua oblonga est, & quæ prædictæ Lunariæ siliquis multum cedit latitudine, binis utrinque membranis mediam argenteam sponte per seminis maturitatem relinquentibus. Radice est perenni.

Locus.

In montibus Jura & Saleva propè Genevam provenit quidem, sed non copiosè, quod nos vidimus. Maio mense in hortos translata floret.

4. *Leucoium Alyssoides clypeatum majus* C. B. *Alysson Dioscoridis* Ger. Park. *Alysson siliqua lata aspera*, quibusdam *Lunaria flore luteo* J. B. *Dioscorides his addidit.*

J. B.

Radice simplici & lignosa candicante nititur, sapore prædita fervido: ex qua plures eriguntur caules, recti, rigidi, incanæ lanugine hirti, qui cis fastigium in ramos aliquot abeunt: in quibus flores numerosi, parvi, melini, Erysimi floribus formâ & magnitudine similes: quibus delapsis siliqua oriuntur, ex oblongo rotundata, villo aspero tectæ, compressæ, semen claudentes similiter compressum. Folia germinatione prima ex oblongo rotunda, postmodum in longum porrectiora, in obtusum mucronem desinunt, nonnihil sinuata, Leucoii foliis similia, albicantia, hirsuta & tactu aspera, sapore oleraceo prædita.

5. *Leucoium Alyssoides clypeatum minus* C. B. *Leuc. pellatum Romanum minus* Col. *Alyssum alterum Dioscoridis minus* Park. *Thlaspi incanum Mechliniense nobis videtur.*

Differt hoc à præcedente natalibus calidioribus; radice perenni; foliis minoribus mollioribusque; flore majore, candido, cum illius luteus sit, petalis in cordis figuram dissectis; peltis duplo minoribus. Ab imo flores & fructus Vere incipit proferre.

Locus.

Copiosè circa Romam undique in incultis fruticat. Plenam omnium partium descriptionem si desideras, Columnam adeas.

Nos hanc plantam à Columna descriptam pro *Thlaspi Mechliniensi* habemus, nam & descriptiones per omnia, semine fortè excepto, conveniunt, & nos circa Romam *Thlaspi* illud dici solitum copiosum observavimus. Semen *Thl. Mech.* nec *Clusius*, neque *J. Bauhinus*, describunt, *Lobelius* autem, qui exiguum semen, cæteris minus ei attribuit non multum moror. Tale ei esse quale describit *Columna* mihi planè persuadeo. Quod si ita sit, rectius hinc disponitur planta quàm inter *Thlaspeos* species.

Semina, describente *Columna*, ruffa sunt, rotunda, compressa, tenuia.

*Thlaspeos Mechliniensis synonyma sunt*

*Thlaspi fruticosum incanum* C. B. Ger. *incanum Mechliniense* Park. *Thlaspi capsulis sublongis incanum* J. B.

*Thlaspeos*

*Thlaspeos capsulis sublongis incani J. B. incani Meeblimienfis Park. fruticosi incani C. B. Ger. descriptio sic se habet apud J. Bauhinum.*

Ex radice latis crassa cubitum longos ac etiam longiores, lentosque ramos, & planè lignosos, ridentes, erectos producit, in ramulos aliquot divisos. Folia priora longa quatuor uncias, & unam lata, superiora Leucoii lutei, incana aut in nigro virentia, subhirsuta, sapore oleraceo, subacri. Flores inæquali licet pediculorum tenuissimorum ortu, in umbella dispositi, albi, quatuor foliis cordatis constantes, staminibus in medio luteolis. Capsule succedunt sublongæ, hirsutæ. Radix sub terra latè serpit Drabæ instar, autore Clusio.

In agro Romano abundat, ad hyemem usque florens.

Leucoii peltati Romani minoris descriptio apud Columnam cum hac egregiè convenit. Radix perennis; Flores albi, umbellatim nascentes, petala cordata; staminula luteola. Locus etiam suffragatur. Locus.

A. 6. *Leucoium seu Lunaria vasculo sublongo intorto.*

Radice habet albam, duram, simplicem, fibris majusculis donatam: Caulem erectum, teretem, striatum, hirsutum, altitudine dodrantali, versùs summum ramulos hinc indè emittentem, in quibus, ut & in summo caule flosculi parvi, albi, petalis in medio fissis. Floribus succedunt siliquæ oblongæ, latiusculæ, glabræ, & (quod huic speciei peculiare est) intortæ, membrana tenui dissectæ, cui adnascuntur hinc indè quatuor aut quinque seminum oblongorum, compressorum paria. Folia in caule crebra, nullo ordine absque pediculis adnata, non tamen eum amplectentia, utrinque pilosa, rarioribus incisuris ad latera dentata, vix digitum longa, aut dimidium lata, in acutum definentia. Sapor herbarum vix ullus manifestus. Semen nonnihil acre.

In udis ad scaturigines aquarum è lateribus montium Ingleborough, Hinckelhaugh aliorumque vicinorum in Septentrionalibus Angliæ erumpentium nascitur, & post mediam æstatem floret. Locus.

C A P. VII.

De Herbis quibusdam Siliquis latis, semine non compresso, flore parvo.

A. 1. *Paronychia vulgaris Ger. vulgaris Alpinæ folio Park. Bursa pastoris minor loculo oblongo C. B. B. pastoria minima oblongis siliquis, sive verna loculo oblongo J. B. Common Whit-low-grass.*

J. B.

**R**adice est tenui & tandem fibrosa: à qua per terram sparguntur folia multa, vix unciam longa, mucronata, hirsuta, virentia modò, modò rubentia, oris per extremum aliquot crenis incis, sapore primum subastringente, tandem acri, nitroso & vellicante: inter quæ caulis nunc unus, aliàs bini, terni & plures, teretes, palmares, aliquando vix sextantales, foliis nudis flosculos sustinent simul multos, albos, quatuor foliolis ad ungues ferè bifidis constantes, ex pediculis oblongis: loculo longiusculo, compresso, nullà lacunâ, ut in Bursa pastoris distincto, sed in acutum definente, membranâ tenui valvas intercurrente dissecto, Semen minutum rotundum continente.

Floret mense Martio, seriùsve aut citius prout hyems acrior aut mitior fuerit. In agris & hortis præsertim sterilibus & arenosis, nonnunquam & in muris & tectis. Annua est planta, semine Tamper. deciduo se quotannis renovans. Locus.

2. *Bursa pastoria Alpina hirsuta C. B. Park.*

C. B. prod.

Radice est unciali, foliolis copiosis, pallidè virentibus, in orbem humi stratis, mollibus, incanis, Lenticulæ magnitudine, leviter crenatis, aliquando integris: cauliculis aliquot tenuissimis, leviter hirsutis, penè nudis, tres quatuorve uncias longis: flosculis parvis, albis: loculis flavescentibus, oblongis, multo quàm in vulgari majoribus, semen minutum, rufum continentibus.

In Alpibus Helvetiorum, ut monte Fraeto & Spligel reperitur. Locus.

3. *Paronychia Sediformis flore luteo Leucoium luteum Aizoides montanum Col. Sedum Alpinum hirsutum luteum C. B. petraeum Ger. petraeum montanum luteum Park. Phyllon thelygonon Dalech. J. B.*

Radix ei simplex [tenuis, sesquipollicem longa Col.] paucioribus fibris donata, superiore parte in plura capita divisa ut in Caryophyllis & Psyllio perenni. In singulis capitibus, seu ramulis in quos plantæ radix supra terram divaricatur, densum foliolorum agmen ceu cæspes extat. Folia singula angusta, velut graminis aut Caryophylli, in acutum definentia, ad latera utrinque brevibus pilis rigidiusculis hirta, ut Aloes folia, si magnis parva componere licet, quadantenus imitari videantur, siquidem setulæ hæc adeò concinnè dispositæ sunt, ut incuriosius spectanti folia dentata videantur. Locus.



tur. E centro seu medio singulorum cæspitum, (seu ut Columna vocat globulorum) foliorum, emergit *cauliculus* triuncialis rariùs palmaris, firmus, rotundus, lævis, viridis, foliis nudus, in summo gestans *flosculos* quinque, sex aut etiam plures, luteos, tetrapetalos, petalis obtusis, longis petiolis fultos, relinquentes post se *vasculum* seminale oblongum, compressum, in acutum desinens, figura Paronychiæ vulgaris, nisi quòd majus sit & longius membranâ pariter ad planum filiquæ parallelâ disseptum.

Locus.

In monte Saleva è scopulorum rimis exit, florétque sub finem Aprilis & initio Maii.

A. 4. *Bursa pastoris major loculo oblongo* C. B. *Bursæ pastoris loculo sublongo affinis pulchra planta* J. B. *Tblaspi Veronicæ folio* Park.

J. B.

Per terram spargit folia Barbareæ muralis aliquatenus similia, breviora, latiora, magisque rotundata, unciam [J. Bauhino duas uncias] lata, per ambitum serrata, hirsuta, aspera nonnihil, cujus modi etiam per caules ramósque, sed portione minora cernuntur, sine pediculis. Statim autem è radice tenui plures emittit *caules*, alios aliis feliciter adolescentes, cubitum altos & ampliores, nonnunquam in ramos plures divisos, quos non ut Barbarea cauli apprimat, sed abscedentes diducit. Flores singulis alis multi coherent, parvi, albi, quos excipiunt serie longa loculi Paronychiæ vulgaris similes, bifores, qui in medio striam habent, quorum altrinsecus abscedentibus valvulis *semen* apparet minutum, relictâ dissepiente membranulâ. In singulis filiquis plura continentur semina, sex aut octo utrinque numeravimus.

Locus.

Ad latera montium in Occidentali Comitatus Eboracensis parte *Craven* dicta non infrequens est: invenimus etiam in Italia, medio circiter itinere inter Lucam & Pisas ad sæpes; & in Gallia Narbonensi circa Monspelium oritur.

## CAP. VIII.

## De Hesperide.

**H**esperis unde dicta sit in ejus descriptione dicemus. Notæ ejus genericæ sunt flos speciosus Leucoii æmulus, semina teretiùscula oblonga majora.

1. *Hesperis bortenensis* C. B. *Hesperides flore purpureo, albo & vario* J. B. *Viola matronalis* Dod. Lob. *matronalis purpurea* Ger. *Eruca alba & purpurea* Lugd. *Dames Violet, or Rocket.*

*Radicibus* aliquot parvis lignosis & albis nititur; *caules* erigens cubitales & sesquicubitales aut altiores, [teretes] hirsutos, [medullâ farctos;] in quibus alternatim folia Eruce, sed non ita lacinata, in ambitu serrata, acuminata, hirsuta, in virore nigricantia, [quatuor digitos longa, pediculis brevibus nixa,] sapore acriùsculo. Ex alis foliorum erumpunt ramuli, in quibus, [ut & in summitate caulis,] flores formâ ad Leucoium luteum accedentes, odoris suavissimi, quadrifolii, colore nunc albo, nunc purpureo, aliàs confusis cum albedine maculis purpureis variato, [pediculis semuncialibus & longioribus infidentes.] Semen in filiquis longis, [bivalvibus, membranâ intergerinâ disseptis] continetur oblongum, rufum, acre.

Tempus  
& Locus.

Aprili, Maio & Junio mensibus floret. Provenit, inquit J. Bauhinus, in Sequanorum vallibus, qua Rhenus fluit sub sepibus. In agro Neapolitano, cum Salerno Neapolin iter facerem, in pratis florentem observavi mense Junio. In Anglia nondum vidi spontaneam, quamvis Lobelius in Angliæ pratis eam fruticare scribit.

Nominis  
ratio.

Hesperis dicitur, quoniam ejus flos sub vesperam præsertim grato odore nares feriat, interdium aut nullum, aut levissimum spirer, quod Theophrastus & Plinius de Hesperide tradunt.

Varietates.

Ab hortulanis nostris *Rocket*, i. e. Eruce nomine colitur cum flore pleno purpureo albo, & vario.

Vires.

Eruce ut sapore ita facultate proxima videtur tum foliis tum semine Dod. Lob. tussi, convulsis & difficulter spirantibus mederi traditur apud Clusium: urinas insuper & sudores propellere, incidere, abstergere & digerere. J. B.

2. *Hesperis flore viridi* C. B.

Magnitudine quoad omnes sui partes à vulgata differt. Flore est viridi & inodoro.

In horto quodam Basileæ legit C. Bauhinus. Degener quædam prioris species esse videtur è semine nata.

3. *Hesperis Syriaca* J. B. *Syriaca Camerarii* Park. *peregrina filiquis articulatis* C. B. *quibusdam Leucoium melancholicum, & nostrâ sententiâ recte.*

*Dodrantalia folia* aut minora, palmum lata, valdè aspera & hirsuta, longis nixa pediculis, Hesperide flore obsoleto multò ampliora, nonnihil in ambitu sinuata: Flores in brevibus sed crassioribus caulibus, figurâ quidem vulgaris Hesperidis, sed colore fusco & lurido, multis venulis per eorum



rum petala discurrentibus, sub noctem valde odorati, interdiu odoris expertes. Sequuntur *siliquæ* insignis longitudinis, recurvæ torosæ, multo quàm Hesperidis colore obsoleto crassiores: *Semen* paulò crassius: *Radix* non absimilis.

In Syriæ montanis crescit teste Clusio. C. Bauhinus à Parkinsono reprehenditur quòd Hesperidem Syriacam Leucoio melancholico eandem plantam faciat. Alii Leucoium melancholicum Hesperidi montanæ primæ Clusii idem statuunt; & revera Hesperis Syriaca & Hesperis montana prima Clus. in paucis magnitudine excepta differunt. Syriaca scil. multò vegetior est, ampliora habens folia, crassiores caules majorésque flores, ejusdem planè coloris sub noctem valde odoratos, interdiu odoris expertes: Cornicula multò crassiora, semen paullo crassius. Hæ autem diversitates coeli fortasse & soli differentiis tribuendæ sunt.

4. *Hesperis sylvestris flore parvo* C. B. *sylv. angustifolia flore parvo* Park.

C. B. prod.

*Caulis* est cubitali, viridi, striato, nodoso, multis alis ferè palmaribus donato & concavo: *foliis* quàm in vulgari acutioribus in ambitu profundius serratis, viridibus, subhirsutis, & minùs vulgari asperis: *floribus* plurimis, quadrifoliis, subcæruleis, parvis, ita ut hujus flos integer vix vulgaris foliolum adæquet, quibus *siliquæ* strictissimæ succedunt.

Circa Monspelium in horto Dei, ad aggeres riparum collecta fuit. D. Magnol in incultis circa urbem.

5. *Hesperis sylvestris Hieracii foliis hirsuta* C. B. *sylv. folio sinuato* Park.

C. B. prod.

Tota planta hirsuta est, *caulem* habens pedalem, angulosum, hirsutum, pallidè virentem, in summo in ramos aliquot alternatim dispositos divisum: *folia* Hieracii instar laciniata & sinuata, oblonga, angusta, acuminata, crassa, hirsutis aspera, quorum superiora pediculis carent. *Flores* in calicibus hirsutis rubri, magnitudine Hesperidis vulgaris flores æquant, quibus similes *siliquæ* *semen* continentes succedunt.

In saxosis humidis Provinciæ lecta fuit.

6. *Hesperis montana* & prima Clus. *montana*, pallida, odoratissima C. B. *Hesperis colore ineleganti* J. B. *Hesperis Pannonica* Park. parad. *Viola matronalis flore obsoleto* Ger. emac.

Clus.

Cubitali excrescit altitudine, multisque ramis prædita est, quos confuso ordine ambiunt *folia* Matronali Violæ similia, paulò tamen latiora & crassiora, acidiusculo primùm gustu, postea acri & salivam ciente: extremis ramis in oblongis pediculis infident *flores*, Leucoii aut Hesperidis foliis formæ similes, non explicati tamen, sed se contorquentes, coloris admodum inelegantis & obsoleti, hoc est, pallidi & furvi, infinitis venulis ex atro purpureis singula foliola intercurrentibus, odore interdiu nullo, aut admodò tenui, ut vix naribus percipi possit, sub vespere autem gratissimo & suavissimo. Flori succedunt longa torosæque, ut in vulgari, corniculæ, ferè tamen quadrangula, in quibus continetur *semen* vulgari Hesperidi simile, subruffum. *Radix* fibrosa, quæ ut plurimum biennium non superat, sed postquam defloruit & semen tulit perire solet: si tamen præcis caulibus ad frugem pervenire non sinatur, nova germina interdum producit.

Sponte nascentem & semine prægnantem invenit Clusius in Prellenberg Hamburgensi monti vicino, Ungariæque extremo quæ Austriam spectat mense Junio.

Solent quæ semine nascuntur plantæ floris colore multum variare, nonnullis maternum colorem retinentibus, aliis aut dilutiùs pallecentibus, aut magis obsoletum adquirentibus, omnia tamen folia crebris venis ex atro purpurascens distincta habentibus.

Suspiciatur Johnsonus apud Gerardum emaculatum plantam hanc minimè diversam esse à Leucoio Melancholico *Horti Eyst.* siquidem flores & siliquæ Leucoii illius conveniunt hujus descriptioni, nec caules & folia multum abluunt. Consule si placet Gerardum emac. in hac planta.

Parkinsonus Leucoium illud melancholicum dictum Leucoio alteri saxatili obsoleto flore Columnæ unam & eandem specie plantam esse fidenter affirmat: unde & iconem Leucoii saxatilis obsoleto flore Col. assumit, & proponit in Theat. Bot. sub titulo Leucoii Melancholici. C. Bauhinus ipse Leucoium melancholicum Hesperidis Syriacæ synonymum facit; & revera Hesperis Syriaca ab Hesperide montana prima Clusii vix alia in re quàm magnitudine differt, unde eadem specie planta videtur. Quæ si ita sint, (ut mihi quidem etiam videtur) C. Bauhinus ex una planta quatuor facit, nimirum, 1. Leucoium incano folio hortense VII. seu lividè rubente colore: 2. Hesperidem montanam pallidam odoratissimam: 3. Hesperidem siliquâ corniculatâ, flore obsoleto.

4. Hesperidem peregrinam siliquis articulatis.

Certè planta illa *Leucoium Melancholicum* dicta, non est verum & genuinum Leucoium (ut & Parkinsonus rectè monet) sed Hesperidis species. Quocirca & huc transferenda, & Hesperis flore obsoleto denominanda.

*Leucoii autem Saxatilis alterius obsoleto flore* Col. quod Parkinsonus *Leucoio melancholico idem esse fidenter affirmat, descriptio sic se habet.*

Hujus *radix* crassa, longa, foris pulla, intus alba est & nervosa. *Caulis* ve-d semipedalis, rotundus, viridis, hirsutus, alis duabus divisus [hoc non constans & perpetuum esse puto] in quarum summo



summo flores alternatim Leucoio similes, hirsutis calycibus, colore ex luteo & viridi purpurante obsoleti, parum odori; è quibus *siliquæ* producuntur trientales, hirsutæ, nodosæ, corniculatæ, in terram deflexæ, sex aut septem semina intus habentes in singulis valvulis. *Folia* in imo longo petiolo, divisura Papaveris maritimi; vel etiam Leucoii in arenis orti, hirsuta, crassa velut albi Hyoscyami & magis, odore gravi: quæ caulii hærent breviora & absque petiolo, nec laciniosæ, sed ferraturis & magnis dentibus divisa, Hyoscyamo similia, sed quadruplo minora, propè caulem latiora.

Locus &  
Tempus.

Maio floret & Junio siliquas perficit, in saxorum rimis & vetustorum mœnium Campoclarensum, inque rupibus Vallis Soli expositis. Sapore dulci calfaciente Raphani ferè tota planta est, odore gravi non ingrato.

Foliis magis laciniatis ab Hesperide 1. Clusii differre videtur, quæ differentia accidentalis potiùs est quàm specifica.

Leucoium melancholicum Parkinsonus sic describit:

*Folia* habet majora, longiora & viridiora quàm Leucoium incanum majus minùsve, ad margines sinuata, humi jacentia, aspera nonnihil & hirsuta; è quorum medio exsurgunt caules bicubitales, subasperi pariter, foliis consimilibus sed minoribus hic illic obsiti, summitatibus suis flores gestantes numerosos, amplos, priorum similes, majores, colore obscurè aut sordidè lutescentes, quibus succedunt *siliquæ* oblongæ, teretiusculæ, *seminibus* oblongis, itidem teretiusculis & majoribus quàm Leucoii incani repletæ.

7. *Hesperis Pamonica inodora* J. B. Park. *ylv. inodora* C. B.

f. B.

Cubitali assurgit altitudine, duùm generum foliis donatum: infima ex angusta cervice mox dilatantur, tandè in acumen desinunt, sinuatis nervis prædita; alia lata sessilique basi caulii adnascuntur, utraque serrata, hirsuta, candidiora mollioræque quàm in Hesperide nostra vulgari: flores colore sunt exalbicante, vel purpurascete, formæ tamen, unà cum subsequenter longis torosis *siliquis*, *seminibus* ruffo cum vulgari Hesperide conveniunt.

Clusius solo floris odore, cujus in hac nullam gratiam percipere potuit, à vulgari differre asserit.

Locus.

Crescit passim ad montium radices, & vinetorum in collibus sitorum margines Viennensi agro. Floret cum vulgari, nempe Maio & Junio. *Clus.*

## C A P. IX.

### De Alliaria.

**S**eminibus oblongis, teretiusculis majoribus cum Hesperide convenit; floribus parvis albidis, foliis subrotundis, odore Allii, unde nomen sumpsit, ab eadem differt.

*Alliaria* Ger. Park. J. B. C. B. *Jack by the hedge, Sature alone.*

Ex radícula tenui, lignosa, alba, Allium obolente caules promit cubitales & sesquicubitales, tenues, subhirsutos [teretes, striatos, solidos.] Folia primùm rotunda Hederæ terrestris modo [verùm iis longè majora] mox nonnullum acumen assequuntur per ambitum crenata [pallidè virentia, glabra, pediculis longis nixa] sapore & odore Allii mitiore [ad intervalla longiora in caulibus alterno aut nullo ordine sita] in summitate caulii & ramulorum flosculi multi, albidii, quatuor foliolis exiguis constantes [brevibus admodum pediculis nixi] in quorum medio apices ex viridi flavescetes. Semen in siliquis longis, angulosis [bivalvibus membranâ intergerinâ disseptis] oblongum nigricans.

Locus.

Vires &  
Usus.

In sepibus & aggeribus fossarum, Vere floret.

Alliaria dicitur quia Allium redolet digitis comminuta. Usus ejus est ad embammata five intinatus. Rustici pro fassamentorum condimento utuntur. Recens urinam ciere dicitur, sicca veneno adversari si in vino coquatur. Contra veterem tussim ex resina & melle sicca lingitur. Podagras acri aceto circumlita mulcet.

Singularem vim habet quâ putredini resistit, unde & herba ipsa ex melle, & succus ejus inspissatus ad gangrenam aliaque ulcera putrida atque maligna unguentis cataplasmatibusque inditur.

Semen emplastri modo impositum, vulvæque admotum mulieres uteri strangulatu oppressas liberat & excitat.

Semen tritum naribusque impositum sternutamenta excitare cerebrumque purgare Tab. prodidit.

Herbam in oleo & aqua decoctam & potam asthmaticis subvenire scribit Cam.

Folia enematis incoquant nonnulli ad colicos & nephriticos dolores, & calculum.

Scordium legitimum ut odore ita & viribus refert. G. Fabr. Hildanus Centur. 2. Obs. 44. Succus (inquit) Alliariæ in Gangranis, ulceribus putridis & sordidis magnarum est virium, ut à frequenti experientia edoctus sum: mirum igitur nemini videri debet, quod nonnulli Antiquorum, Arabum præcipuè, pro Scordio vero Alliariam aliquando substituerint, non quod verum Scordium ipsis fuerit incognitum, sed quod in Alliaria easdem ferè vires repererint: præterea Scordium minime crescit in multis regionibus, neque nisi ficcum & obsoletum haberi potest, cum Alliaria ubique fere locorum prodeat. Communicavit D. Tancredus Robinson.

CAP.

## CAP. X.

De Leucois quibusdam spuris, Eryfimi siliquis & semine.

**H**erbas hæc ob convenientiam cum Leucois in floribus, quamvis siliquis & seminibus discrepent, iis subjungendas duximus.

- \* 1. *Leucoium marinum parvum folio virente crassifculo* J. B.

J. B.

*Caulis* ei tenues palmares: *folia* per illos rara, quædam unciâ paullo longiora, nonnihil sinuosa, succulenta & crassiuscula, glabra, virentia: *flores* latis magni pro herbe proportionem, purpurascens; quibus succedunt *siliquæ* tenues semunciales circiter, aut paullo longiores brevioresve, *semina* minuta ruffa, verum non compressa, continentes.

- \* 2. *Rapistrum floribus Leucii marini* C. B. *parvum Massiliense* Park.

C. B. prod.

Planta semipalmaris est, *radice* oblongiuscula, alba, fibrillis donata; *cauliculis* trium quatuorve unciarum: *foliis* vulgari Rapistro luteo similibus, uncialibus, crenatis & subasperis: *stoculis* parvis, subcæruleis, Leucii marini similibus, quibus *siliquæ* parvæ, angustæ *semen* minutum continentes succedunt.

Circa Massiliam in rupibus.

Locus.

- \* 3. *Sinapi marinum Egyptianum* Alp. exot. Park.

Alpin.

Ex *radice* oblonga, gracili, lignosa, alba, *caule* unico vel duplici assurgit, rotundo, rubescens, pingui, Macropiperis crassitie, oblique sursum & non recta in aere acto: qui hinc inde inæqualibus intervallis fert alios cauliculos, in apice habentes *flores* cæruleos ut in Leucois, parvos; à quibus deflorescentibus succedunt *siliquæ* parvæ, tenues, oblongæ, in acutum desinentes, quæ habent minuta *semina* rotunda, gustui acerrima, ad Rutæ odorem inclinantia. *Folia* habet hæc planta pauca, longa & lata, utrinque foliolis oblongis, ordinatis, quinis, Senecionis aut Cinerariæ modo crenatis, crassis, pinguibus & succosis, Eruce colore & quandoque rubescentibus. Tota hæc planta valde acris est, & ad erucæ odorem aliquatenus inclinare videtur.

*Leucoium spurium Eruce folio.*

4. *Eruca purpurea aliis cærulea sive Viola petraea* J. B. *Eruca cærulea* Park. *cærulea in arenosis crescens* C. B.

J. B.

*Radice* nititur recta, palmari, alba vel subrubra, tenui, subacri, fibris aliquot capillata, matrice lignosa. *Folia* per terram spargit plurima, oblonga, hirsuta, Bursæ pastoriæ divisurâ profundâ, crebrâ, sapore oleraceo quodammodo, colore viridi, aliquando infernâ parte rubente. *Caulis* modò singularis, modò terni, quaterni, seni & plures, palmum nonnunquam superantes, interdum cubitales, hirsuti, striati, propter humum purpurantes, supernè virentes, concavi, brachiati: in quibus ex intervallis *folia* infimis alis breviora, latitudine iis parum cedentia, nec tam altè ut plurimum laciniata. *Flores* ex ramorum lateribus, & summo fastigio alterno situ multi insident pediculis semuncialibus tenuibus, tantilla lanugine obsitis, odorati, suaviter cærulei, aut purpurei, vel purpuro-vio-lacei, albive, suaveolentes, quatuor foliolis latiusculis constantes, *Staminula* lutea cum *stylo* continentes: quibus decidentibus suboriuntur *siliquæ* oblongæ, glabræ, in quibus *semen* minutum, subrufum, acré.

Variat hæc ætatis ratione, necnon loci, prout lato solo surgit, vel squalido aut sabuloso nascitur, ac sæpe iisdem in muris modò major, modò minor, foliis valde varians.

In muris & rupibus variis in locis invenit J. Bauhinus, ut circa templum & castellum Bessfordiæ, Locus Bifantii, &c. Nos inter Hertzmann oppidulum & Moguntiam urbem in Germania observavimus & collegimus.

5. *Rapistrum floribus Leucii marini* C. B.

Plantula semipalmaris est, *Radice* oblongiuscula, alba, fibellis donatâ. *Cauliculi* trium quatuorve unciarum, *foliis* vulgari Rapistro luteo similibus, parvis, uncialibus, crenatis & subasperis: *stoculis* parvis, subcæruleis; quibus *siliquæ* parvæ, angustæ, *semen* minutum continentes succedunt.

Circa Massiliam in rupibus inventum fuit.

Locus.



## CAP. XI.

## De Brassica.

**B**raffica, Catonis panacea, Festo seu Verrio dicta videtur à *præsecando*. Dura sanè Etymologia, sed mollior videbitur, si duo sciamus; unum est composita à *seco* in compositione & solere mutare in *i*, unde *diffico*, *subfico*, aliæque de quibus fuscè Aldus in Orthographia: Alterum est *B* in multis olim sonuisse ut *P*, qua de re vide Liphium de Pronunciat. L.L. cap. 12. Quibusdam placet *Brafficam* dici quasi *Passicam*, quòd ex scapo præsecetur & *passa* fiat: imò hanc Etymologiam Varroni ipsi tribuunt Grapaldus, Raderus & alii. Sed Varro idem scripsit quod Festus. Sic enim ille lib. 4. de L.L. *Braffica ut præfica*, quòd ex scapo præsecetur. Sic enim locus is legitur non solum in nuperis editt. sed etiam Aldina Anni 1513. & Mediolanensi Ann. 1500. Tertia eorum sententia est, qui deducunt à *Cesum* i. e. *voro*, quia avidè eà Veteres vesci solebant. Quartum est etymon Jos. Scaligeri. Docet is in conjectaneis *Brafficam* dici à Græco *πρασινη*, utpote hortulanum olus. Nam *πρασινη* notat areolas hortenses, unde & *pratium* nomen accepit. Hoc Etymon inprimis placeret, nisi esset *Braffica* vox à majori Græcia, quæ pro ea dixit *Cesum*. Hesychius, *Βερίκη, κεδμήν, ἰταλιώτης*, ubi *ἰταλιώτης* non sunt Latini sed Tarentini & alii. *Hæc omnia Vossius in Etymolog.*

*Braffica* Recentioribus Caulis dicebatur quod præ cæteris herbis insigni caule vigeat; Hinc nostrum *Cole & Colewort*.

Notæ *Brafficæ* characteristice sunt folia in hoc genere maxima, glauca seu subcærulea, carnosæ, semina rotunda, minus acria.

1. *Braffica capitata alba* J. B. C. B. Park. Ger. *White Cabbage*.

## J. B.

*Caulis* producit crassum, albicantem, crasso cortice tectum, medullâ parùm acri & subdulci. *Folia* quæ primùm erumpunt lata habet & amplia, subrotunda, nullis effatu dignis laciniis sinuata, longis crassis pediculis hærentia, costis nervisque albicantibus crassis intertexta, colore cæsius aut cinereo cærulecente, quorum inferiora avulsâ aut fortè decidua stipitem relinquunt densa vestigiorum serie rugosum & inæqualem: Superna verò quæ remanent lata quoque & subrotunda, & ex viridi albicantia & cæsia, mutuo incubitu in caput maximum durissimum conglobantur; tam arcto complexu ut difficilè separentur. Horum interiora planè albicant. Porro glomer appetente vere, quo tempore semini ergo transplantari solet, parùm dehiscens, è medio caulem erectiorem profert, *floribus* luteis aut luteo-pallidis, quibus delapsis *filiquæ* longæ nascuntur, teretes, acuminatæ, *semina* parietum medulloforum interseptu claudentes rotunda.

Hæc interdum elegantissimâ naturæ varietate ad quinquaginta capitula minora fert, magni illius glomeris loco.

Radix alba, plurimis fibris donata, neque altè in terram descendit, neque in latitudinem multum se diffundit, unde gelu asperiore facilè corrumpitur.

*Brafficæ* folia (ut rectè C. Hofmannus) in superficie habent salsum quid, nitrosum & leviter amarum cum acredine quadam, cùm in profundo aquea & frigida sint.

Vires.

Scribit Galenus *Brafficam* habere contrarias vires solvendi & stringendi alvum. Si enim (ait) illud voles, aut leviter coctum cum suo jure dabis, aut jus ipsum: si hoc, effuso jure primo, affundes aliam aquam calidam (hoc enim peculiariter monet) eâque post coctionem iterum effusâ, edendam dabis ipsam *Brafficam*. Quod tanto melius fiet quò læpius effusa fuerit aqua, & repetita coctio. Hinc illud Scholæ Salernitanæ,

*Jus caulis solvit, cujus substantia stringit.*

*Braffica* in cibis ex sententia Galeni & omnium ferè Medicorum, quocunque modo præparetur facit in corpore *χολή μαχθηρόν & δυσίον*, succum crassum & melancholicum; quod facile quivis in seipso colligere potest ex ructibus fœtidis & ingratis quos excitat.

Ipsè vidi verrucas illitas succo *Brafficæ* ingenti miraculo spatio quatuordecim dierum evanuisse in ancilla quadam, cui manus obstitæ erant verrucis, quas sinebat sponte exficcare sua citra deteriorationem ullam. *Sim. Pauli.*

Julius Alexandrinus testatur se scire in longum sinuosum vulnus protensum ab humero prope modum ad nates usque ipsas, qua in parte extrema ejus ora plurimum semper remitteret saniosæ materiæ cujusdam, nec profundum tamen, nec ultra carnosam membranam valdè adactum, cùm remediis aliis non posset, ex foliorum *Brafficæ* vino nigro & austero incoctorum applicatione resiccatum coaluisse intra paucos dies.

Camerarius dicit folia ejus in ulceribus & lepra vino incocta admodum utiliter adhiberi. Tragus tantæ *Brafficæ* esse efficaciam ait, ut urina eorum qui vescuntur *Brafficâ*, Fistulis, Cancro, Serpigni & similibus vitiis mederi queat. *Sim. Pauli.*

Noto ex Platero, quòd in principio inflammationis faucium, ubi refrigerare & repellere simul studemus, aqua ex acido liquore in quo *Brafficam* capitatam condire & asservare solemus exstillata, vulgo magno successu usurpetur.

Cùm quidam Scorbuto tam miserè laboraret, ut maculis toto pectore & cruribus diffusis, membrisque rigentibus vix incedere posset, jussus est potu quotidiano uti ex Vini lb iij. quibus *Brafficæ* rubræ concisæ m. iv. cum zingib. 3℔. Cinnam. 3℔. immacerata fuerant. Ex Observ. Ottonis Heurnii

Heurnii Prof. Lugd. Bat. habuit *G. Hieron. Velschius*: è cuius Observ. §1. transcripsit, & ad nos misit *D. Barnham Soame*.

Ad lateris dolorem, & fol. Brassicæ; butyro illinatur frustulum, & pulvere Cynimi aspersum calidè imponatur. *Hartman*.

Brassicam ad arcendam ebrietatem valere Veteres unanimi consensu tradunt, confirmant etiam Recentiores. Fontanus Med. Pract. lib. 1. cap. 8. Brassicæ folia ebrietati mirè adversantur.

2. *Brassica capitata rubra* J. B. C. B. Ger. Park. **Red Cabbage.**

*J. B.*

Quod folia attinet albæ familia quodammodo sunt: at colore magna varietate ludunt. Quædam enim atro-purpurea, quædam atro-virentia, aut etiam dilutiùs virentia; nonnulla quoque cæcio nebulæ aspersu glauca sunt, at omnes rubris costis ac nervis intertexta: in reliquis cum alba convenit.

Hyemem facilè perfert autore J. Bauhino.

3. *Brassica Italica tenerrima glomerosa, flore albo* J. B. *Bras. alba capite oblongo non penitus clauso* C. B. *Bras. Sabauda* Ger. Park. **The Savoy Cabbage.**

*J. B.*

Hæc caule & foliis adeoque tota stirpe inter albas candidior teneriorque videtur. Folia quoque, quæ ampla sunt atque rotunda, per se dilutiùs virentia, candicantibus venis intertexta sunt, quædam etiam eorum modicè crispa, ac vario contortu nonnihil rugosa: Foliorum quoque pediculis brevibus auriculæ quædam foliaceæ adhærent. Flores albi, quadrifolii uti cæterorum, quos nonnisi tepidiore Sole illustrata profert, quippe algidi frigoris impatiens, minùs arcto foliorum implexu glomerem laxiorem minoremque efformans.

Lautior hæc, quippe tenerior, delicatioribus expetita, eorum potissimùm qui ejus nòrunt gratiam, mensis apponitur.

4. *Brassica Sabauda rugosa* J. B. *patula* Ger. Park. *An Brassica alba crispa* C. B?

*J. B.*

Hujus folia rotunda, rugosa valdè, ac ità quidem rugis inæqualia sunt, ut singula ceu ex vesicis aut valvulis quibusdam confimilibus congesta videantur, subtus extuberantibus atque prominentibus, aversâ parte cavis, ex brevibus pediculis hærentia: color foliorum ex luteolo quodam & atro viret, quæ pallidè viridantibus costis quoque intertexta sunt. Eadem etiam in densum globum coguntur, sed parvum & candicantem, dum extremitates interim obscuriùs virent. Flos luteus: semen ut in reliquis. Hyemem non fert. Brassica patula Ger. Park. diversa videtur à J. Bauhini Bras. Sabauda rugosa, cum Bras. patulæ folia in caput non conglobentur: Synonymam feci quia utrique [Gerardus & J. Bauhinus] eandem adhibent figuram. Descriptio

Brassicæ rugosæ longioribus foliis *J. B.* meliùs convenit Brassicæ patulæ, quæ hujusmodi est.

Folia ampla, sesquicubitalia ex longis pediculis inferiore parte hærent. Hæc quàm Sabaudicæ scriptæ dilutiore virore, candidiorumque costarum interceptu, candidior apparet, totaque rugosa, ac veluti sacculis referta est: tenera quoque magis videtur, nec in capita cogi solet ut Sabauda flore luteo. Hyemem vix fert.

5. *Brassica florida* Ger. *cauliflora* C. B. *multiflora* J. B. *caule florida* Park. **Colliflower.**

*J. B.*

Perampla hæc quoque fert folia, cubitalia, longiora quàm Brassicæ capitatæ albæ, acutiora, nec ità lata, nullâ insigni laciniarum divisurâ, dilutè virentia, quædam etiam colore magis glauco, exteriora præsertim, nervis candicantibus conspicua, per ambitum ex longiuscula distantia denticulata & veluti serrata. In caput glomeratur sed mollius, minùs denso foliorum incubitu formatum: Inter quorum sinum flores densissimo stipatu prodeunt exigui pallidi aut candicantes, velut in umbella positi, qui cum cauliculis suis asparagorum tenellis germinibus teneritudine & gratiâ certare videntur: atque ob id lautioribus tantùm patinis expetiti.

Hujus semen è plantis in hortis nostris nascentibus collectum si seratur, mirabili metamorphosi Brassicam capitatam, aut albam vulgarem producit, ut oporteat quotannis semen è transmarinis calidioribus regionibus petere. Verùm de hac degeneratione ex semine diximus in parte generali.

\* 6. *Brassica caulorapa* J. B. *Rapocaulis* Park. parad. *gongylodes* C. B. *Caulorapum rotundum & longum* Ger.

*J. B.*

Hæc patulis foliis glomerem nullum facit, verùm quo solo signo ab aliis facilè separatur, brevis caulis, quâ foliorum opæ subest, in Rapum esculentum extuberat. [Flores in caulibus tenuibus lutei, parvi, quos excipiunt siliquæ angustæ, oblongæ, Seminibus Sinapeos ferè paribus repleta.]



7. *Brassica rubra vulgaris* J. B. *rubra* C. B. Ger.

f. B.

Procerior hæc reliquis esse videtur. Stipite namque velut arborefcit alto, duorum trium aut quatuor pedum aut etiam cubitorum, crasso, atropurpureo, imâ parte verrucoso, aliâ singulo, aliâ in ramos divaricato: quem *folia* fortuito positi stipant lata, ex viridi rubentia, aliâ sanguineo rubore aut obscuriore etiam tota perfusa, non sine obductu nebulæ cujusdam glaucae: crebro crassarum venarum discursu rugosa, patula sinuatâque. Flores lutei cauli erecto hærent: quos *siliquæ* excipiunt palmarés, in quibus semen rufum, rotundum. Hujus *folia* patula manent ac expansa. Hyemem profert, ac sæpe, præsertim culta, arboream acquirit proceritatem firmitatēque, ac ita in plures durat annos. Sæpe etiam laterales producit ramulos. Ramorum extrema adventante Vere delicatioribus in acetaria expetuntur.

8. *Brassica laciniata rubra* J. B.

A præcedente vixdum magnitudine variat. *Folia* potissimam faciunt differentiam, quæ profundis laciniis sinuatis nonnihil variant, iisdem modò in latiores, modo in minores rursus sectis, ut tota penè crispa videatur, idque potissimum propter minorum laciniarum contortum. Hyemem fert.

9. *Brassica rubra minor* J. B. *arvensis* C. B. *tertia* Fuch. *Sylvestris* Ger. Park.

Minutioribus est caulibus & tenuioribus foliis, flore luteo. Fuch. Omnium minima, sylvestris penè similis, *folia* primæ rubræ, multò minoribus, alioquin omnino similis. Seritur propter semen, ex quo oleum paratur quod venditur pro Napi seminis oleo. Dod. gall. Confusio est inter Botánicos de hac planta, ut suspicer eos non satis clarè intellexisse quid scriberent.

10. *Brassica alba vulgaris* J. B. *alba vel viridis* C. B. *vulgaris sativa* Ger. *sativa* Park.

f. B.

*Radix* tophosa est, ex qua stipes, qui foliis nervorumque divisurâ atque intertextu rubræ quodammodo respondent: *folia* tamen subrotunda, ex longis crassis pediculis delicatiora videntur, in quibus in circuitu præsertim serraturæ quædam apparent. Tota planta albicat, & cæcio quodam colore obducta est; auriculas habet uti prædictæ. Flos albus est, [potius pallidus.]

11. *Brassica laciniata alba* J. B.

Rubræ laciniatæ hand multum absimilis proportionem est, non penitus alba, caule interdum purpurascens; cui *folia* pallidè viridantia glaucâ quâdam nebulâ obducta sunt. Foliorum quoque laciniæ profundæ quidem, minus tamen crispæ.

12. *Brassica fimbriata* C. B. *tophosa* J. B. Ger. *nigra* Dod.

Morif.

Hujus *folia* angustiora sunt & longiora antecedentis foliis ad costam usque mediam semel atque iterum profundius incisa, per margines verò admodum crispæ, quæ aduersa parte bullis seu quasi ampullis numerosissimis protuberantibus, in averfa parte concavis inæqualia sunt. Tota quasi nigrescunt aut ex atro virescunt.

A. 13. *Brassica arborea seu procerior ramosa maritima* Morisoni. An *Brassica arvensis* C. B? *Sylvestris* Ger. Park? Wild Colewort.

Descriptio Brassicæ rubræ vulgaris superius è Joan. Bauhini historia proposita non ineptè convenit huic plantæ, ut dubitem an specie diversa censenda sit necne: certè quòd in maris vicinia oritur accidentarium esse puto: deinde in plures annos durare Brassicæ illi rubræ cum hac commune est, ut testatur J. Bauhinus. Hanc inquit [Bras. rubram] per aliquot annos ex semine deciduo, in muro, è regione fenestrarum ædium in quibus moror durantem vidi: tandem Ramosam esse seu in ramos divaricari Brassicæ rubræ ex æquo convenit. Vel ergo J. Bauhinus Brassicam maritimam proceriorem à rubra vulgari specie revera diversam per errorem pro Brassica rubra habuit & descripsit; vel Brassica rubra vulgaris & Brassica hæc procerior maritima una & eadem specie planta sunt.

Locum.

In clivis maritimis propè Doveram oppidum observavimus, & alibi etiam locis consimilibus. Hæc planta est quam in Cat. Ang. titulo Brassicæ sylvestris exhibuimus.

14. *Brassica Anglicana minima nivea* J. B. *fimbriata pumila* C. B.

Ad. Lob.

Meminimus (inquit Lob.) etiam in Angliæ hortis pusillam Brassicellam, totam niveam præterquam extremas oras laciniolas, fimbriatâsq; plicis crispantibus & undulis rugosis, purpureis aspersas maculis, quas etiam ad corollas & olfactoriola nectenda dum tenella adhuc est, in hortis colunt.

15. *Brassica*

15. *Brassica alba crispa* C. B. *crispa laciniosa* J. B. *Sativa crispa* Ger. *Caulis crispa* Park. parad.

J. B.

Omnium hæc elegantissima fert *folia*, ex longis pediculis auritis oblonga, cubitalia, altiora, nervis albidis eleganter picta, atque multiplici eorum divaricatione intertexta, ambitu quoque suo multiplicibus convolutionum spiris sinuato, ita crispa ut Struthii avis plumas, militibus gloriosis cristarum loco expetitas quodammodo repræsentent. *Costæ* etiam plerunque dilute purpureæ sunt, sicut & ipsi caules. *Flos* luteus. Hæ in cibo rubris non inferiores.

16. *Brassica thyrsoidea* J. B. *asparagodes crispa* C. B. *epiphyllis*.

J. B.

E rubræ *Brassicæ* genere est, patulis, ex viridi atrorubentibus foliis, subinde *laciniatis*, per quæ passim supina parte nova crisporum foliolorum soboles consurgit, pulchris lemniscis, naturæ fusu spectando, hinc inde exorientibus, nunc brevi amento tenuique appensis, nunc latiusculo petiolo hærentibus, atque etiamnum in alia deinceps fertula struppósque luxuriantibus. *Flores*, *siliquæ*, *seminque* ad *Brassicam* rubram vulgatiorem accedunt.

De hac verè scripsit hist. Lugdunensis autor. *Folia* hujus nunc sunt laciniata & frequentissimis *Varietates* divisuris incisa, qualia *Brassicæ* crispe, nunc planè lata & expansa. Eadem nonnunquam tota videntur, nonnunquam venis per ipsa folia dispersis & mediâ costâ rubent. Omnes hæc varietates & plures adhuc nobis ortæ sunt in hortulo nostro Cantabrigiæ ex semine hujus plantæ deciduo.

Vivax est, & in multos annos durat, nec hyemes nostras reformidat.

- \* 17. *Brassica tenuissimè laciniata* J. B. *Brassica angusto Apii folio* C. B. *Bras. Selinoides* Ger. Item *Brassica lato Apii folio* C. B. *laciniata* Park.

Huic folia crispa & per ambitum profundè incisa ad mediâ usque costam: in hoc genere quædam frequentioribus & profundioribus, aliæ rarioribus & minùs profundis incisuris dissectæ apparent. Hinc duæ species C. Bauhino, altera lato Apii folio, altera angusto Apii folio.

- \* 18. *Brassica spinosa* C. B. Alpin. Exot. Park.

Hujus solùm binos ramulos habuit C. Bauhinus, quorum descriptionem dedit. *Caulis* lignosus, crassus, in ramulos duos, alterum palmo majorem, alterum minorem, rotundum, lævem, striatum dividitur: circa quos *folia* biuncialia, & semunciam lata, per ambitum leviter sinuata, quibus & minora interjiciuntur: ramuli in spinas acutas, unciales & minores abeunt.

Pr. Alpinus in Exot. eam plenius describit *caule* cubitali & ampliore; multis *ramis* longis, teretibus, mollibus *Brassicæ* colore, crassis & firmis, in alios innumeros ramulos subdivisis, in plures tenues albas acutas spinas exeuntes; juxta quas flosculi Hyacinthinis similes, in rubro albicantes, in singulis ramulis singuli, quibus succedunt *fructus* rotundi parvi, cicerum magnitudinæ, in acutum definites, colore flavescentes, gustui non injucundi. Hæc planta à radice foliacea est *foliis* longis, crassis, *Brassicæ* similibus tum colore, tum sapore.

Hanc dum viridis est decoctam in aqua Ægyptii, Æthiopes, Syri, apud quos nascitur, comedunt.

- \* 19. *Napo-brassica* C. B. prod.

C. B. prod.

*Radicem* habet Napo aut Carotæ pæne similem, admodum fibrosam & villosam, ut barbata aut pilosa, propter multiplices & minutas fibras, dici possit: & licet frequenter fibram pollice crassiorrem habeat, attamen semper prima *radix* tuberosior & longior, quæ Napum imitatur, conspicitur. Ex hac *caulis* sesquicubitalis, lævis, rotundus, in ramos brachiatus exurgit. *Folia* ad radicem unâ cum pediculis oblongis palmaria, *Brassicæ* sylvestris modo & subrotunda, & in profundas laciniâs divisa; quæ verò in caule oblonga sunt, angusta, sinuata, pediculis carentia. *Flores* lutei, intensioris coloris quàm in vulgari, magni, qui in caule palmum excedente inordinatè longis pediculis insident, quibus *siliquæ* angustæ, unciales succedunt.

In locis frigidioribus agri Norici, montanis potissimum & versùs Bohemiam colitur. *Radix* esui *Locum* apta est, quare aliqui eam ut *Brassicam* floridam condunt; pauperes minutim ut Rapas condunt.

20. *Brassica campestris albo flore* Clus. *campestris perfoliata flo. albo* C. B. *Perfoliata siliquosa* J. B. Ger. *Perf. siliquosa vulgaris*, seu *Brassica campestris* Park.

J. B.

Sesquicubitalis & altior est, [pedalis Clus.] *caule* tereti, tenui, candicante, & in alas diviso è foliorum sinu prodeuntes. *Folia* non divisa, oblonga, subrotunda, Napi, colore glauco, rigidula, pinguis, fragilia, à caule videntur quasi transadigi, sapore oleraceo, [servido Clus.] *Flores* exalbidæ, [albi Clus.] *Brassicæ*. *Siliquæ* perquam longæ, angulosæ [quadrangulæ Clus. & Cord.] in quibus continetur *semen* *Brassicæ* semine minus ex ruffo fuscum Clus. *Radix* tanquàm alba, gustu *Brassicæ*.



Locus.

Clusius hanc & sequentem in agris & campestribus nascentes conspiciebat, & Martio mense florescentes in Murciano agro, juxta vias ad Eliocrotam urbem, vulgo *Lorca* dictam: J. Bauhinus in agris segetum circa *Marbach* Ducatus Wirtembergensis. In Anglia, quod scimus, sponte non provenit, quantumvis Lobelius eam *Perfoliatam* *Napifoliam* Anglorum *siliquosam* appellet. An *Brassica* *sylv.* folio *Betæ Thal*?

- \* 21. *Brassica campestris purpureo flore* Clus. *campestris perfoliata flo. purpureo* C. B. *Perfoliata siliquosa purpurea* Clusii J. B. *Perf. siliq. flore purpureo* Park.

Clus.

Firmioribus est *virgū* nec adeo ramosis, cujus *folia* in summo aliquantulum serrata. *Flores* prioris floribus similes sunt, majores tamen, *Leucoii* aut *Hesperidis* floribus magnitudine pares, colore autem *Lunariæ Græcæ* floris, purpureo videlicet: *Siliquæ* & *semen* præcedenti similia. *Radix* licet dura fibrisque quibusdam prædita sit, vivax tamen non est, sed prolato semine perire solet.

Locus.

Cum priore.

- \* 22. *Brassica sylvestris Fabaria foliis* Bocconi.

Bocc.

*Caulis* huic pede longior est, tenuis, ramosus, teres; quem amplectuntur (*Perfoliatæ* modo) lævia rotundaque *Telephii folia*, ambitu nonnihil sinuata. *Flosculi* in summitate purpureo-cœrulei, quibus succedunt *siliquæ* angustæ & longæ.

Non differt à præcedente nisi radice quæ in hac perennis est. Ad *Tauromenium* invenit Autor.

- \* 23. *Brassica sylvestris latifolia foliis non sinuosis* C. B. *Bras. sylv. major latifolia* Thallio J. B.

Thal.

*Radicibus* constat inutilibus, lignosis, candidis: *caule* sesquipalmari, non admodum recto, rotundo, simplici, nonnunquam etiam brachiato: *foliis* mollibus, lævibus, subflavis, integris sine incisuris aut sinuosis crispaturis, mucronatis, duas uncias longis, unam latis. In summitate in exiguis pediculis racemus *florum* candidorum existit, ex oblongis vasculis *Brassicarum* sativarum modo prominentium: quibus deperditis *siliquæ* oblongæ pronascuntur, *semina* *Brassicæ* sativæ minora continentes.

- \* 24. *Brassica sylvestris Alpina* C. B. *Turritis Alpina* Park? & an *Barbarea muralis* J. B?

C. B. prod.

Ex radice exigua alba, *Caulis* palmo altior, rotundus, lævis exurgit. *Folius* est tenuibus, pallide virentibus, leviter sinuatis, circa radicem oblongis, plerisque uncialibus, in caule paucis, pediculo carentibus. In summo *flores* albi, quasi in umbella dispositi, longiusculis pediculis donati.

Locus.

In montibus Austriæ nata est.

Quò pertineat hæc planta ex imperfecta hac descriptione certò colligi nequit: locum ergo quem occupavit per me teneat, donec certius quid de ea edoctus fuero.

Duas trêve adhuc præter superius propositas *Brassicæ* *sylvestris* species adjicit Thallius, nimirum *sylv. foliis* membranaceis, *sylv. mediam*, & *sylvest. minorem*, quas cum se non novisse scribat C. Bauhinus, nec quisquam præterea Botanicus aliquid lucis iis illustrandis, & ab aliis congeneribus distinguendis attulerit, non est cur nos illarum rationem habeamus.

## CAP. XII.

*Brassica sylvestris seu Brassicæ affinis Turritis dicta.*

Hæc in multis à *Brassica* differt foliis imis hirsutis, flore minore albo, vel ex albo in luteum languente, siliquis erectis, cauli approximantibus. *Turritæ* autem nomen accepit ab extremorum caulium forma, qui in metæ aut pyramidis effigiem definit.

1. *Brassica sylvestris foliis circa radicem Cichoraceis* C. B. *Glastrifolia Cichoroides* J. B. An *Turrita major* Clus. Ger. Park?

J. B.

*Radice* est annuâ, mediocriter crassâ, albâ, nonnihil purpurascente, fibrosâ, subacri. *Folia* germinatione prima antequam caulem proferat, partim laciniata *Cichorei* vulgaris instar, vel *Hieracii*, partim nullo modo incisâ, glauca, *Isatidis* foliis similia, palmo sæpe longiora, semunciam lata, lanuginosa, sapore acri & amaro: adulta & quæ in caulibus sunt integra, nullâ divisurâ incisâ, glabra, utrinque glauca, oblonga, ita pinnis alarum coeuntia, ut à caule perforari videantur, sapore *Brassicæ* vulgaris. *Caulis* cubitalis & bicubitalis tenuis, colore herbaceo admixtâ aliquâ purpurâ, multis ramis longis tenuibusque brachiatus. Ex alis & summis ramis *flores* prodeunt multi simul juncti ex pediculis semuncialibus, ex luteo in albidum languentes, odore nullo manifesto, quaternis foliis constantes, quæ totidem foris circumstant, sed longè minora & virefcentia, mucronatâque cum

cum illa subrotunda sint; in medio crocata stamina multa cum stylo viridi. Succedunt tandem siliquæ longæ, rectæ, graciles, in quibus semen.

Invenitur circa Basileam in sabuletis ad Rhenum & alibi.

Quærit J. Bauhinus Annon hæc sit Turruta major sive altera Clusii, & revera eadem videtur.

Locus.

2. *Turritis pulchra nova* J. B.

J. B.

Caulis surgit tricubitali, striato, hilari virore perfuso, subhirsuto: Foliorum inferiorum quædam tres uncias longa, angusta, circumquaque integra, pediculo longo: alia longiora, quatuor aut quinque uncias colligentia, pediculum versus profundiusculè incisa: at enim quæ per caulem conspiciuntur latiora & breviora sunt, sextantalia circiter, caulem pinnulis complexa, Myagri foliis aliquatenus similia, sapore nullo evidente: color omnium viridis. Porro ex folii uniuscujusque per caulem sinu, cubitali serie sursum versus, ramulus prodeit, ut in præcedente; cujus extremum occupant conferti flosculi exiles, foliolis oblongis albis constantes, fatuo sapore. Succedunt siliquæ longæ.

Florentem mense Maio Argentinæ in horto Frid. Meier vidit J. Bauhinus.

Locus.

A. 3. *Turritis* Ger. *vulgatior* J. B. Park. *Brassica sylvestris foliis integris & bispidis* C. B. *Cotter-mustard*.

Radice nititur simplici, albâ, lignosâ, altè in terram descendente, paucis fibris capillatâ. Caulis ei singularis, sesquicubitalis & altior, firmus, teres, solidus, propè terram hirsutus, supernè glaber. Folia ad radicem hirsuta, ad margines sinuata, obtusa duas uncias longa; quæ in caulibus sunt glabra, alternatim posita & nonnihil glauca, latâ basi cum processu hinc inde velut auriculato, absque pediculis adnata, in acutum desinentia. Flores in summis caulibus parvi, tetrapetali, pallidi; quibus succedunt longa serie siliquæ, tres digitos longæ, teretes, membranâ intergerinâ duplicem seminum seriem determinante dissepitæ. Sunt autem semina parva, per maturitatem ruffa. Siliquæ non dependent deorsum, neque à caule extant, sed ei velut appressæ ad perpendiculum ferè eriguntur, pediculis semuncialibus aut longioribus insidentes, suntque crebræ admodum ut caulem ferè occultent.

In Anglia quatuor in locis Spontaneam observavimus, viz. 1. In agro Norvicensi, viâ inter Nordovicum urbem & Yarmouth portum in sepibus: 2. Circa Slough vicum, viâ quæ Londinum ducit, in aggeribus terrenis: 3. In colle Dorsethill, non longè ab oppido Tamworth in agro Warwicensi: Et nuper 4. propè Colcestriam in Essexia, in ascensu collis Lexdeni vici, ad viam utrinque, copiosè.

Floret Junio, & semine maturo radicitus exarescit.

Tempus.

\* 4. *Brassica sylvestris minor seu Turritis supina folio Bellidis* Morif.

Morif.

Hæc à superioribus caulibus procumbentibus & folio omnino Bellidis simili, facilè distinguitur. De loco natali nihil addit, nec unde habuit.

\* 5. *Turritis major* Ger. Park. *Turrita major* Clus. *Brassica sylvestris ramosa, tota pæne glabra* C. B. Item *Brassica sylv. foliis circa radicem cichoraceis ejusdem?*

Clus.

Multa promit secundum radicem folia Turritæ vulgatiore foliis majora, in ambitu nonnihil crispa & sinuosa, minus tamen aspera, & colore dilutius virente: inter quæ caulem promit, interdum plures, bicubitalis ut plurimum, in aliquot ramos divisos; per quos inordinata nascuntur folia, valdè latâ sede eos complectentia, foliorum Perfoliatæ siliquolæ dictæ pæne instar. Summo caule multos similiter fert flores, \* superioris floribus paullo majores, coloris ex albo interdum pallentis, ali- \* *Turritæ vulgari.* quando omnino nivei: quos subsequuntur conferta longa cornicula, semine altero aliquantulum crasse flore plena. Radix est alba, prioris radice crassior & durior, paucioribusque fibris donata, nec vivax, verum altero à fatione anno prolato semine exarescit.

Rariùs invenitur priore, & umbrâ magis delectari videtur. Floret Aprili & Maio.

Quærit J. Bauhinus, annon Brassica sylvestris foliis circa radicem Cichoraceis C. B. huic eadem sit. Et revera nobis utriusque descriptiones diligenter conferentibus omnino eadem videtur.

A. 6. *Barbarea muralis* J. B. *Erysimo similis hirsuta planta* Park. *Erysimo similis hirsuta, non laciniata alba* C. B. *Wall-cress, or Cotter-mustard with Daisie-leaves.*

Radice lignosa, albida, tenuissimis fibris capillata, sapore oleraceo est: caulis teres, hirsutus, interdum rubescens, rectus, pedalis vel cubitalis, ac etiam major, ramosus aliquando: ad cujus imum folia multa, circumquaq; procumbentia ut plurimum, unciam longa, aliquando longiora, trientem uncia ferè lata, subrotunda, hirsuta, asperiuscula, ferrata, pediculis brevibus aut nullis, interdum ubi caulescere potissimum incipit, satis longis pediculis adhærent: in caule minora, nullo pediculo adnexa, pinnata, sapore eodem cum radice. Flores in ramulorum extremitate multi simul juncti, candidi, apicibus in medio luteis, quibus succedunt siliquæ copiosæ, longæ, tenues, secundum caulem surrectæ.

J. Bauhinus



J. Bauhinus Barbaram, Herbam S. Alberti Bononiensem *Lob.* unam eandemque cum hac plantam esse existimat, quamvis C. Bauhinus diversam faciat. Hanc olim pro Cardamine pumila Bellidis folio *Classi* habuimus. Ostenfa est nobis aliquando pro Turrita minore, & reverà magnam habet cum Turrita vulgari convenientiam, ut non ineptè ita denominari posset.

*Locus.*

In muris & rupibus in Borealibus & Occidentalibus Angliæ partibus copiosè provenit.

Brassica spuria minima foliis hirsutis & glabris.

A. 7. *Bursa pastoria sive Filosella filiquosa* J. B. *Bursæ pastoris similis filiquosa major & minor* C. B. *Paromychia major & altera minor* Park. *Codden House ear.*

*ſ. B.*

Radix huic tenuis & fibrosa. Folia per terram sparsa, pediculis donata, nonnihil hirsuta & per margines nonnunquam sinuata, vulgaris Alfinis magnitudine sed longiora, & ad Bursæ pastoriæ folia accedentia, non laciniata. Caulis interdum adeo brevis ut unciam non excedat, aliàs etiam dodrantalis & major, juxta terram nonnihil hirsutus & ruber, superius glaber & viridis [seu potius glaucus.] Cùm ramosus est ad ramulorum exortum apponitur folium absque pediculo, aliàs nudus. Flosculi ordine nullo è tenuibus & oblongis pediculis parvi, albi, tetrapetali, petalis subrotundis non bifidis. Siliquæ tenues teretes & oblongæ.

*Locus.*

In arenosis & siccioribus, vere floret.

### C A P. XIII.

#### De Rapo.

**R**apum, Græcis *ῥαπὺν*, *ῥαπυλὸν*, item *ῥάπος* & *ῥάπος*. Rapa quod ex terra rueret, quasi Rapa, Varrone teste, dicta est. Alii quod passim rapiatur nomen inditum esse putant. A Græcis tamen traxisse id nomen facile videri potest, qui Raphyn & Rhapyn, auctore Athenæo dicunt. *ſ. B.*

A reliquis hujus generis Radice carnosâ, dulci in grandissimum tuber excrecente facilè à congeneribus distinguitur.

A. 1. *Rapa sativa rotunda* C. B. *Rapum majus* Ger. *Rapum* Park. *Rapum sativum rotundum & oblongum* J. B. *Round and long Turneps.*

*ſ. B.*

Rapis folia per terram sparguntur ampla, ad Brassicæ rubræ folia quodammodo accedentia, atrovirentia, aspera, & ad costam usque ferè utrinque laciniata, saporis holeracei: flores lutei: semen in siliquis rufum, rotundum, Brassicæ proximum: radix sessilis in ventrem amplissimum capite humano interdum paullo minorem extuberat, tenuem fibram alimentum suam demittens, aliàs pugillari par aut etiam suppar, quibus utrisque caro candida, firma satis, sapore acri, magis minùsve vegeto prædita. Hactenus J. Bauhinus. His adde, *Caulis* hujus plantæ humanam altitudinem æquare: folia superiora quæ in caule sunt, oblonga esse, glabra, glauca, lata basi caulem amplecti & in acutum mucronem desinere: Flores quales Rapistris vulgaris, pediculis longis, tenuibus, glabris insidere; quibus succedunt siliquæ teretes, bivalves, membrana intergerinâ dissepit binos seminum rotundorum ordines continentes.

*Locus.*

Passim in agris & hortis seruntur radicem causâ tam in Anglia, quàm in exteris regionibus.

*Varietates.*

Variat colore radicis externo, viridi, puniceo obsoletè nigricante: Habentur etiam non rarò apud nos in Anglia, quæ foris & intus flavescent, qui color à coctione manifestior & saturatior evadit. Variat insuper radicis magnitudine & parvitate: Plinius & Tragus quadraginta, Amatus quinquaginta, & sexaginta libras, pendentes viderunt: Matthioli etiam in territorio Ananienfi infinitos se vidisse quinquaginta libras excedentes refert, & nonnullis in locis ad centum libras accedentes. Quàm hoc incredibile? nec tamen temere rejiciendum, cùm ad magnitudinem augendam multum conducat solum pingue & regio calida, modò humor nè defuit.

2. *Rapa sativa oblonga seu femina* C. B. *Rapum radice oblonga* Ger. *emac.*

Non aliter differt à præcedente quàm figurâ radicis in longitudinem productæ, & sapore delicatiore.

3. *Rapa sylvestris & Cæs.* C. B. *Rapum sylvestre* Ger. *sylv. non bulbosum* Park. *sylvest.* Matthioli J. B.

Rapum sylv. Matthioli sic describit, exit folio, caule, flore, semine domestico simile, sed agrestioribus foliis. [Non ergo aliter differt à sativo quàm ut neglectum à culto.] Radix illi inest Raphani modo longa, crassaque, sed sapore per omnia domesticum refert. J. Bauhinus suspicatur Rapum hoc Matth. non differre à Rapistro, quem consule.

Lobelius in Adv. de Rapo sylv. non bulboso hæc habet. Est frequentissimum, præsertim apud Flandros, Germanos, qui serunt hoc quo folia bobus pabulo cedant. Luxuriat enim tanto foliorum numero, ut radix jam non tuberosâ aut Raposâ, sed exilis nec ventriosa uspiam sit, alioqui sativæ rotundæ

rotundæ turbinatæ non abfimilis, sed discretu facilis crispior rugosioreque & uberiore folio.

Apud nos in Anglia, & ut puto apud Flandros etiam & Germanos, Rapum illud quod bobus saginandis in agris seritur, idemmet est quod radicis gratiâ vel in hortis colitur vel etiam in agris seritur. Verum quidem est, si vel nimis dense succrescat, vel etiam foliis luxuriat, radicem non grandescere, aut in caput extuberare; sed exilem manere. Verum hoc accidentarium est & Rapo sativo evenit, nec speciei diversitatem arguit: ideoque hortulani nostri cum Rapas serunt, plantarum exorientium plus dimidiam partem evellunt & extirpant ut locus reliquis suppetat, aliter enim radices grandescere & in latitudinem se diffundere nequeunt: nec officii Raporum attutis à jumentis aut ovibus depasci, quin potius cum folia demordentur & coarcentur, radices in magnitudinem magis proficerent, ni à pedibus depascentium animalium violarentur. Quocirca nullum adhuc sylvestre Rapum agnoscimus à sativo specie diversum. Nec moratur, quod Gerardus nostras oleum nostratibus vulgo *Rape Oil* i.e. *oleum Rapi* dictum, ab hujus semine, (quod in insula Eliensi in hunc usum copiose seri affirmat) tuso & presso elici scribat. Est enim (ni multum fallor) Napus sylvestris, qui ibidem seritur ad oleum *Rape Oil* dictum conficiendum, aut *Brassicæ sylvestris* species. Ex quo hæc scripsi, Indicem Plantarum circa Monspelium nascentium à *Pietro Magnol* M.D. editum nactus, invenio ibidem pro distincta specie propositum Rapum sylvestre non bulbosum, quod Autor se Septembri mense cum floribus collegisse asserit in herbis satis & pratensibus locis circa Boutonem. Utinam certas notas nobis dedisset quibus possemus distinguere Rapum sylvestre à sativo: nam quod ad radicem attinet, illa in sativo, ut dixi, non raro tenuis & gracilis evadit.

Radix culinaria est, modicum nutrit, inflationem parit, humentem ac laxam carnem generat. *Vires.* Quamobrem (inquit J. Bauhinus) ut id vitium emendetur, solent nonnulli eam cum lacte decoquere, ut palato magis ardeat, & efficacius nutriat. Nostrates decoctæ succi aquei partem exprimere, deinde butyro & pipere condire solent. Urinam ciet, & genitale semen augeat: Ventrem nec sistit nec movet.

Seminis usus præcip. est in Antidotis. Venerem excitat, variolâque & morbillos expellit, semidrachmæ pondere potum. *Matth.*

Raporum succus & jusculum in quo decoquantur commendantur ad febrem quartanam abigendam.

Raporum erudorem comestorum in Scorbuto sanando efficaciam experti sunt nostrates, qui primi in *Terra nova* dicta America insula sedes fixerunt.

Raporum longorum assatorum succus cum saccharo ad tussim infantium usus est non contemnendi. *Schwenek.*

Rapi orbiculati, sub cinere calente affi infimus orbiculus calidissimus, post aures applicitus magnâ efficaciam revellit, capitisque & dentium dolores citissime sedat, magno secreto. *Idem.*

Rapum extrinsecus adhibetur in ulceribus crurum &c. optimo successu, ut in mammarum tumoribus, alibique in tumoribus scrophulosis & scorbuticis. *D. Needham.*

Desperata tussis orta ab assiduo usu succi limonum tandem curata erat ab usu decocti raporum. *Tulpi Observ. p. 311.*

In aphthis plebs nostra (de Hollandis loquitur) usu & medicorum præceptis edocta, posthabitis omnibus operosioribus & sumptuosioribus medicamentis, tutissime utitur vel solo Raporum jusculo saccharo edulcorato, vel si tempestas anni id negat, solâ cerevisiâ tenui saccharatâ. Quæ duo ubi intemperant, omnes oris partes aluendo, & in imas fauces descendendo, non modo aphtharum acrimoniam, si quæ sit, placant, sed omnes etiam qualitates excessivas mitigant, atque hoc pacto maturationem perficiunt. *Ketelaer in Commentario medico de Aphthâ.* Habui inter alia multa à Cl. viro *D. Edw. Hulsio* M.D.

Raparum decoctum, tam crudarum, quam prius assatarum copiosius haustum est laudatum in Ileo: item juscula decoctionis raparum, quæ & leniunt, & blandè simul abstergunt. Ab eodem ex *Ettmulleri* prax. cap. de Ileo.

## CAP. XIV.

## De Napo.

1. *Napus* J.B. *Napus sativa* C.B. *Bunias* Ger. *Rabeu* gentile.

7. B.

**C**aulis affurgit cubitali & altiore, multis alis concavo: folia parte infima pinnis caulem ramosque amplectuntur pediculis destituta, aut iis membraneis hærentia, & inferiora quidem sinuata, superiora non item, in acumen desinunt: [Lobelio folia minus scabra quam Rapo.] Flores lutei *Brassicæ semen* quoque simile aliquatenus in *siliquis* longis; at radix *Rapitia* est, minus tamen in ventrem extuberans, altiusque demissa, sapore carnis compactioris candidæ acrisculo, [suaviore quam Rapi Longi, cibusque delicatior *Lob.*] Color radicis plerumque candidus, interdum luteus aut croceus.

In hortis seritur. Monspelii copiosè provenit, non tamen sponte, ut puto.

Radices Napi calidiores sunt quam Rapi, isdem tamen viribus pollent, ut eadem repetere non sit *Locu.* opus. Semen potum venenorum vires hebetat, ob id & antidotis admiscetur, ut Theriacæ. *Vires.*

Napi Groelandici vires in Scorbuto ab experimentis deprædicat Th. Bartholinus A& Med. An. 176.

A. 2.



A. 2. *Napus sylvestris* J.B. C. B. *Bunias sive Napus sylvestris nostras* Park. *Bunias sylvestris Lobelii* Ger. **Wild Rabeu.**

Flores, filiquæ, semina sativæ proxima sunt, folia crebrius dissecta laciniatæque, nullis itidem pediculis cauli adnexa. Verum radix sylvestrem naturam sapit, minor & pollicis articulum parum superans, turbinata, saporis acris. *J. B.*

Folio ad Brassicas magis accedit quàm ad Rapas; folia autem inferiora quæ è radice exeunt asperiuscula sunt superficie supina saltem.

*Locus.*  
*Usus.*

Inter segetes & in aggeribus fossarum sponte & quidem frequens oritur apud nos in Anglia.

*Semen* hujus calfactum, trusatilibusque molis pressum magnam olei vim remittit, quo non ad obsonia modò, sed ad lumina quoque lucernarum utuntur. Aviculas caveis inclusas Cardueles, Miliarias, Fringillas & id genus similes semine hujus apud nos Aucupes alunt. *Ruel.*

Ex hujus semine tuso & presso oleum **Rape-Oil** nostratibus dictum elici censemus, ut superius, quoque innuimus.

\* 3. *Napus sylvestris Cretica* Park. C. B.

*C. B. prod.*

*Folia* est ad palmi longitudinem accedentibus, instar foliorum Rapiſtri albi vel Irionis vulgaris, in laciniis octo vel decem divisis, per margines crenatis, asperis: caule albedo, rotundo, ramoſo, subaspero, summitate, (cui flores non insident) aculeatâ: floribus (quos non vidit C. Bauhinus, ut nec radicem) *siliqua* angustissimâ, biunciales succedunt, quæ *semen* exiguum, nigricans continent.

Buniadis agrestis nomine ex Creta ab Honorio Belli accepit C. Bauhinus, à Cretensibus *συλοφύτης* vocatur.

CAP. XV.

De Sinapi & Rapiſtro.

$\Sigma$ ινάπιν dictum putatur *κατὰ τὸ εἶναι τῆς ἰσχυρῆς τῆς ἰσχυρῆς* Quod olfactu oculos lædat, vel quasi *οἶστρον* *ῥάπιν*, Atticis enim idem est *ῥάπιν* cum *σινάπιν*. Nos potiùs exoticum esse putamus hoc vocabulum, cujusmodi sunt *ῥάπιν* & *σινάπιν* & alia nonnulla similiter terminata. Quod verò Gallis *Moutard* vocatur, ex eo factum videtur, quod cum musto Sinapi ad intinctus conteri soleat. Camerario Mustarda dicta placet quasi mustum ardens, quòd ignea vi semen nares & cerebrum apprehendat, lacrymas excutiendo, nullo asperissimi saporis odore prævio. *J. B.*

Rapiſtrum dicitur ob similitudinem herbe cum Rapo.

Notæ Sinapeos genericæ sunt sapor foliorum, sed præcipuè seminum, fervidus & acerrimus; folia tam quæ in caulibus, quàm quæ ad radicem aspera.

In hoc genere species illa elatior, siliquis quadratis, brevibus cauli appressis, semine minore & acriore propriè Sinapi dicitur: Humiliores siliquis teretiusculis majoribus à caule extantibus, semine majore, at minùs acri, Rapiſtra appellantur.

A. 1. *Rapiſtrum arborum* Ger. Park. *flore luteo* C. B. J. B. **Charlock or wild Mustard.**

Tanta Rapiſtri lutei, ubi adolevit, cum Sinapi affinitas, ut obiter intuentem fallat. *Radix* alba, lignosa: *Caulis* cubitalis & sesquicubitalis, in ramos crebros divisus: *Folia* Rapiſtia, non tamen in tot laciniis utrinque divisa, extremâ etiam parte latâ & oblongâ; attrita non acri illo Sinapeos odore nares feriunt, sed oleraceo penitus; *Flos* luteus, minimè diversus: At in *siliquis* longè maximum discrimen; siquidem ex in Rapiſtro duplo longiores quàm in Sinapi, nec ut illæ quadrangulæ, compressæ, sed multangulæ & turgidulæ, brevibus pediculis insidentes nec à caule multum extantes: quibus dehiscentibus *semina* comparent, similiter membranulæ mediæ adhaerentia, sed numero plura, eaque lucida & nigra, cum Sinapeos sint ruffa, nec ullo nitore perpolita, minoræque, quibus tamen acrimoniâ parùm admodum cedunt.

*Locus.*

Inter segetes copiosum nimis.

A. 2. *Sinapi siliquâ hirsuta, semine albo vel ruffo* J. B. *Sinapi album* Ger. *Apri folio sive album* C. B. *at folia Apri non habet hoc genus, sed Rapi.* **White Mustard.**

Hujus *radix* simplex est, alba, lignosa, [digitali crassitudine, longitudine palmari & sesquipalmari, multas, longas è lateribus fibras obliquas emittens. *J. B.*] *Caulis* cubitalis aut sesquicubitalis & altior interdum, ramoſus, hirsutus, inanis [J. Bauhino duos aut tres cubitos altus, crassitudine pollicari: verum in nostris agris eam staturam & magnitudinem non assequitur, sæpius infra cubitum subsistit.] *Folia* Rapæ, profundè sinuata seu laciniata, præsertim inferiora, pilis spinulifve supra infræque donata. *Flores* lutei, Rapiſtri vulgaris, præterquam quòd longioribus pediculis infideant, suaveolentes: quibus succedunt *Siliquæ* à caule extantes, hirsutæ, & seminibus protuberantibus quodammodo nodosæ,



sa, in latum tenuem & oblongum mucronem desinentes, qui excidentibus duabus filiquarum partibus remanet appensus cum interjecta membranâ lucidâ *semina* separante tria vel quatuor hinc inde, quàm Rapiſtri majora, alba, rotunda, quàm Sinapeis minùs acia.

Quod in agris nostris abundat, & frumentorum viciū est, semen habet rufum, & plena maturitate Variet. te fulcum, aliter non differre videtur à descripto.

A. 3. *Sinapi sativum* 2. Ger. emac. descrip. *Sinapi filiquâ latiusculâ glabrâ, semine ruffo sive vulgare* J. B. Common Mustard.

J. B.

Ad cubitos aliquot excreſcit, caule imâ parte hirsuto, superiore glabro, frequentibus ramis brachiato [imo omnium hujus generis nobis cognitorum altissimo & ramosissimo] eoque tereti & fungosâ medullâ pleno. *Folia* inferiora quidem lata, dissecta tamen, Rapiſtis similia, hirsuta, superiora verò tenuiora & glabra, [hoc est, minus aspera quàm inferiora] odore si terantur eodem qui in semine percipi solet. *Flores* Erucae minores, & Rapiſtri lutei, ex quatuor foliolis apicibusque medium occupantibus compositi, quos quatuor foliola, pallido herbaceo colore prædita obvallant, odore suavi. Hos excipiunt *siliquæ* glabræ, satis breves, Erucae majoris similes, sed minores, ex brevi pediculo, quæ commissurâ ratione, ut in illa, dehiscunt, *semina* claudentes plus minus octo, cum in Eruca multò sint plura, colore minùs obscuro & paulò majora, in hoc à Rapiſtri seminibus differentia quòd ruffa sint, nec lucida, cum illa nigra sint & nitida. *Radix* candida, lignosa, fragilis, fibrata.

[*Sinapi Rapi folio* C. B. *sativum* Ger. *sativum* Rapi folio Park. pro *Sinapi* vulgari accipitur, verum malè ab Autoribus describitur, ut descriptiones eorum cum nostra conferenti patebit.]

Annotat J. Bauhinus ad hanc plantam, Nullum, quod noverit, botanicum bonam iconem exhibuisse Sinapeos de quo hic agitur, vixque ab aliquo ritè descriptam videri. Et revera mira est inter Botanicos confusio & obscuritas in historia hujus generis.

Thomas Johnsonus omnium optimè, quamvis breviter & succinctè *Sinapi* hoc vulgare, nostratibus *Mustard* dictum descripsit, in suo Gerardo emaculato. *Sinapi* nostrum vulgare (inquit) *folia* habet Rapacea: *Caulem* teretem, superius glabrum, tres, quatuor, vel quinque cubitos altum, in multos ramos divisum, *foliis* angustis, oblongis, deorsum dependentibus, superiore præsertim parte vestitis: *Siliquæ* breves sunt, cauli appressæ & ferè quadrangulæ: *Semen* rufum, aut ex ruffo nigricans.

*Siliquas* quadrangulas esse & cauli appressas, miror J. Bauhinum in descriptione omisſisse: cum in Rapiſtri vulg. arborum illius meminerit.

C. Bauhinus, annotante fratre, hic omnia turbare videtur, & Entia præter necessitatem multiplicare.

In hortis & areis, inque fossarum aggeribus, & terra recens effossa spontè & copiosissimè exit.

Seminis Sinapeos pro condimento usus est frequentissimus. Nostri (inquit J. Bauhinus) musteum semen nocte macerant aquâ, deinde manibus expressum adjecto aceto pilâ terunt. In variis modis condimentum hoc præparant. Quidam Semen Sinapeos ad ignem exsiccant, deinde in mortario tundunt, tufum per setaceum trajiciunt; & farinam cum aceto probe permiscunt ad Electuarii prope modum consistentiam. Alii in mola ad id parata cum Agresta unâ conterunt. Confectio hæc Mustarda tam Anglis quàm Gallis dicitur, quòd cum musto Sinapi ad intinctus conteri solet. Camerario Mustarda dicta placet quasi Mustum ardens, quòd ignea vi semen nares & cerebrum apprehendat, lacrymas excutiendo, nullo asperrimi saporis odore prævio, ut superius monuimus.

Nihil hodiè Mustardâ ad intinctus ubique, hyeme præsertim, frequentius: nihil magis pulas commendare videtur. Quòd si vel assidua consuetudine, vel esu gratia ciborum exoleſcit, hujus acrimoniam fastidiosius gustum revocant, & hoc velut irritamento elanguescentem appetentiam invitant, quo velut igniculo morosius palatum titillante, vorandi moliuntur aviditatem. J. B. Sed hujus vis confestim in sublime fertur, nec aliud magis in nares & cerebrum penetrat, unde sternutamenta ciet, & sensum vellicans lacrymas elicit. Hinc Comitibus auxiliatur, & uteri strangulatu oppressos excitat, quin & Lethargicis somnolentiam excutit, & omnibus in genere morbis cephalicis auxiliatur, paralyticis & apoplecticis, vel naribus inditum, vel in sinapismis adhibitum.

Multas præterea vires Sinapi tribuunt Medici & Botanici tum Veteres, tum recentiores, menses & urinam ciendi, Venerem irritandi, accessus febriles arcendi, catarrhos minuendi, raucedinem curandi, pituitam expectorandi, alvum molliendi, tumores discutiendi.

Inter hæc est vis rubificandi, hoc est, cutim in ruborem attollendi, quod fit per phoenigmos aut finapismos, inde dictos quòd materia eorum sit Sinapi. Hoc fit ideò ut humores in profundo habitus latentes ad superficiem trahantur; quod vocabant Methodici *υποστυψιν*, & medicamenta inde *υποστυπνικα*. C. Hofman.

Sinapi insigniter conducit iis quibus ventriculus ac intestina multis viscidis lentisque humoribus scatent, quos liquefacit, fundit, atque abstergit, quâ ratione quoque Scorbuticis commendandum, cujus quidem nimia acrimonia aceto temperanda, nè nimis nares feriat. Qui edulcorant saccharo valetudini minùs consulunt, quippe Saccharum figit ejus acrimoniam, quâ Scorbuto resistit. Simon Paulus.

Semen Sinapeos in mortario tritum & cum vino albo mixtum, multas centurias Scorbuticorum & languentium hominum in obsidione Rupellensi sanitati restituit. Plerique enim obsessorum & urbe inclusorum fame & inedia pressi, multa sordida & quæ natura abhorret esitare coacti, respirandi difficultatem, gingivarum putredinem, dentium nigritiem & vacillationem, aliæque Scorbuti symptomata contraxerant, unde multi moriebantur, donec tandem Sinapi in fossis circa urbem copiosè inventum, & quo dictum est modo adhibitum omnes liberavit. Ex relatione D. Mervault, qui toto obsidionis tempore in urbe manebat. Communicavit D. Tancredus Robinson.

Sinapi



Sinapi cum vino calido magna quantitate potum curat febrem quartanam si exhibeatur duabus horis ante paroxysmum. D. Palmer ex relatione D. Hermanni.

Dantiscanus quidam valde pronus ad Vertiginem & Apoplexiam consilio Medicorum solebat semen Sinapeos ad preservationem masticare. Cum verò propter senium ulterius id facere non posset, in pollinem redactum assumebat ore volutando. Tandem cum nè hoc quidem modo eodem frui posset, in linteolo ligatum olfaciebat. Hoc autem efficiebat, ut diutissime vivens, ab his malis omnino immunis degeret. D. Soame ex Observat. Hieron. Reusneri à Velschio editis.

4. *Eruca Monspeliaca echinata filiqua quadrangula* C. B. *Monspeliaca filiqua quadrangula* Park. *Sinapi echinatum* J. B. Lugd.

C. B. prod.

Ex radice semipalmari, crassiuscula, leviter fibrata, albicante caules ad exortum purpurascens, terni quaternive pedales, aliquando cubitales [J. Bauhino sesquicubitales] teretes, striati, pilis rubris hirsuti, in ramos brachiat exurgunt. Folia ad radicem humi sparsa, pauca, oblonga, angusta, sinuata, hirsutic aspera, bina ternave simul juncta; in caulibus, præsertim filiquis onustis, penè nulla, oblonga, leviter sinuata. Flosculis est luteis; quibus filiquæ succedunt brevissimæ, trientem pollicis vix æquantes, quadrangulæ in apicem acutum rigidumque desinentes, læves, oblongo pediculo insidentes, per maturitatem durissimæ, quarum quælibet latera quatuor habet, quæ ad formam alarum Percæ piscis elevata in medio finem ostendunt. His per longum dissectis utrinque duæ capsulæ distinctæ conspiciuntur, in quarum quælibet semen unicum, rufum, cochleæ instar convolutum, acuminatum & acre continetur.

Locus.

Floret in segetibus circa Monspelium Martio, Aprili & Septembri mensibus: Nobis conspecta est inter segetes non longè à Luca Italiae urbe, secus viam qua inde Pisas itur.

Hæc planta in suo genere singularis est, & à reliquorum Rapistrorum analogia florum & filiquarum respectu abscedit, ut nesciam planè quò eam referam. Foliis quoque ab hujus generis reliquis differt; ima enim & à radice exeuntia longissima sunt, angusta, utrinque ad mediam usque costam incisa, Cichorei sylvestris foliorum modo, in triangularia nimirum segmenta quorum basis costæ adnascitur; bina autem adversa sibi mutuo occurrunt & coaptantur, & figuram rhomboidem efficiunt. Potest fortè non incommode ad Erucam referri.

## C A P. XVI.

### De Raphano.

**P**ΑΡΑΝΘΟΣ ἢ ῥΑΠΑΝΘΟΣ i. e. *paranthos* *raphanthos*, auctore Athenæo, i. e. quòd facile appareat, sibi nomen ascrivit: nam tertio à satù die profilit, & revera nullam hætenus plantam novimus, quæ citius è semine germinat.

Radici nomen, ut autor est Varro, è Græcia venit in Latinum, cum veteres Græci radicem dixerint, quam nunc Rhaphanum. A Radice autem nomen Anglicum *Radish* deducitur, non à colore hujus radici rubro, ut nonnulli perperam imaginantur, quoniam corruptè *Reddish* pronunciat & scribitur, quasi rubida aut subrubra.

Hujus notæ sunt filiquæ crassæ, fungosæ, membranæ non interceptæ, at neque manifestè bivalves, in nonnullis speciebus articulatae seu nodosæ.

1. *Raphanus* J. B. *sativus* Ger. *vulgaris* Park. *Raph. major orbicularis vel rotundus* C. B. *item minor oblongus* ejusdem. *Radish*.

J. B.

Folia proximè ad Rapi folia accedunt, sic ut facilè versatissimis imponere possint; paullò tamen magis sunt sinuosa: cætera etiam minùs conveniunt, Raphano enim flos purpurascens, apicibus luteis: Siliquæ crassiores, breves, fungosæ, in loculos tuberosos convallibus interceptos, [minùs manifestos] distinctæ, acuminatæ; in quarum spongiosæ substantiæ meditullio latent semina simplici serie, subrotunda, rubra, quàm Brassicæ aut Sinapeos cujuscunque majora. Radix crassa & carnosa, longa, magnitudine varia exteriore cortice, præsertim parte quæ extra terram eminet rubro, rariùs albo, gustu acri & mordaci. Recto vix surgit caule, cubitum unum aut alterum alto, valde ramoso.

Raphani præter vulgarem jam descriptum tres aut quatuor sunt varietates, nimirum,

1. *Raphanus niger* C. B. *niger rotundior radice* Park. *pyriformis, sive radice nigra* Ger. *Black Radish*.

Foliis, caulibus, floribus, filiquis & semine à vulgari Raphano non multum differt. [Parkinsonius folia ei minora attribuit & profundius laciniata, flores & semina minora] præcipua differentia est in radice, quæ foris nigra est, seu cortice nigricante tecta, intus alba, crassa, figurâ Rapi, aut potiùs Pyri turbinata, substantia durior & firmior quàm vulgaris Raphani, nihilo tamen minùs acri & mordaci.

Hujus semen satum Raphanos dedit quorum nonnulli nigricabant, maxima tamen pars foris cortice albo integebatur. Park.

2. *Raphanus*

2. *Raphanus orbiculatus* Ger. *orbicularis* vel *rotundus* C. B.  
 3. *Raphanus minor præcox* Park. parad. *Radicula sativa minor* Ger. *Raphanus minor oblongus* C. B.

Raphani radix culinaris potissimum est, rarioris in medicina usus: ex iis quibus assidue vescimur *Vires.* (inquit Galenus) & obsonium potius est quam medicamentum. Acrem & calidam esse sapor evincit; unde nos iis potius assentimur qui vim roborandi ventriculum concoctionemque promovendi ei attribuunt, quam Galeno aliisque contrarium asserentibus, ob eam maxime (ut puto) rationem quia ructus movet; unde cibis illiberalis Plinio dictus est.

Utilis esse putatur ad calculos atterendos, urinæque & menses ciendos: ad tussim prodest cum melle. Salutaris esse traditur adversus fungorum & Hyoscyami venena. Elixir si sumatur valet ad eos qui tussi diuturna infestantur, quique crassiores succos in pectore cumulant, autore Dioscoride: cui libenter assentior, nam Rhaphani cocti (ut rectè Plinius) dulcescunt & in Naporum vicem transeunt. In tussi & asthmate infantium succum Raphani cum saccharo paratum per vices exhibendum præscribit Dolæus Lib. 5. C. 4. S. 18.

Raphanus domesticus esculentus (ait Fernelius) sine offensione ulla vomitione purgat, atque ventriculum blandè exinanit ..... nulli ætati, neque prægnantibus infensus. Teruntur autem radices ejus concisæ uncia duæ, affusæque mullâ succus exprimitur tepidus offerendus. Seminis [quod efficacius est] semuncia vel 3ij. similiter teruntur, additâ mullâ, aut sero lactis, aut aquâ hordei.

Radice cum sale tritam in malignis febribus sub pedibus ligari testatur Schwenckfeldius.

Aqua Rhaphani per triginta dies manè ac vespèri pota singulis vicibus tribus aut quatuor uncias medetur calculo, facitque ad aquam intercutem.

Non temnendus est Rhaphani usus adversus pedum clavos, quippe qui decrescente Luna post pedum lotionem eò usque rasi ut doleant quidem sed non cruententur, plerunque evanescunt si cubitum iturorum clavis corticis Raphani id latus aut ea pars applicetur quæ à Raphano resecatur saucia.

Qui plura de Raphani viribus velit J. Bauhini historiam adeat.

Ad calculum, R. Succ. radic. Raphani 3iv. Mel. 3ß. F. potio, tribus vel quatuor matutinis iteranda. Valdè probatum remedium. *Liber Arcanorum.* Vel R. Radic. Rhaphani in taleolas incisæ q. s. Mellis quantum necesse est ut lento igne coquantur. Effluet indè aqua, quæ ad 3iv. data mirabilem præstat effectum. *Chefneau.* Has duas formulas inter alias multas à se ex variis autoribus collectas ad me transiit ingeniosissimus & eruditiss. Vir D. *Edv. Hulsim*, M.D. vetus Amicus noster: item sequentem ad nephriticos affectus.

R. cortic. acerr. Rhaphani 3j. ossium Mespilorum 3ij. Blandè conquassat. infund. horas octo in Vini albi 3iv. & modicè calens propinetur. Est secretum quod vocant raphaninum. Ex Corbei pharmacica, Autore Antonio Mizaldo multis probatum experimentis.

- A. 2. *Rapistrum album articulatum* Park. *flore albo, siliquâ articulatâ* C. B. *flore albo striato, Sinapi album agreste* Trago J. B. *White-flowered Charlock with a jointed God.* *Raphanus sylvestris* Ger.

E radice alba, lignosa, alias simplici, aliàs multifida *caulis* emergit pedalis & major, à radice statim ramosus, & spinulis rigidioribus asper. *Folia* utrinque hirsuta sunt, laciniata, præsertim inferiora, & propè exortum, nam eorum extrema lata sunt & integra, colore ad glaucum nonnihil tendente. *Flores* albi, *Eruce* majoris aut *Leucoii* lutei similes è calice rubente exeunt [non enim in hoc genere, ut in Sinapi & reliquis Rapistris quamprimum flos aperitur dehiscunt calices] striis cœruleis variegati. *Siliquæ* succedunt pediculis longiusculis hirtis infidentes, glabræ, oblongæ [longitudine digitali *J. B.*] nodis instar caudæ scorpionis distinctæ, sex interdum aut octo, in quibus pro nodorum numero semina magna, ruffa.

Inter segetes passim & copiosè reperitur.

*Locuti.*

*Rapistrum flore luteo, siliquâ, glabrâ, articulatâ.*

Floris præcipuè colore à descriptâ differt, nec minus frequens inter segetes reperitur.

- \* 3. *Alfina nodosa Dalechampii* J. B. *Alfina nodosa Gallica* C. B. Lugd.

*Lugd.*

Radice constat simplici, longa, parùm capillata, ex candido flavescente: *Foliis* propè terram multis, ex eadem radice ortis, & in orbem radices caput cingentibus, longiusculis, angustis, *Alfines* [Androsaces Matthioli *Moris.*] haud multùm dissimilibus: *caulibus* multis, pedibus aut minoribus longioribusve pro ratione foli: *flore* albo, non tamen quinque ut perperam Lugdun. sed quatuor petalis composito: semine in nodosis, striatisque globulis, multis sese ordine consequentibus & quasi veruculâ transfixis, siliquam parvam, uncialem componentibus. In singulis nodis seu globulis striatis singula continentur semina rotunda, ruffa.

In agro Monspelienti plurima gignitur. Nescio (inquit D. Magnol) ubi tantam viderit copiam *Locus.* circa Monspelium cum nullus alius Botanicus (quamvis sedula adhibita perquisitione) eam adhuc invenire potuerit. Verendum ne parum hanc plantam perspexerit *Lugdunensis* historiarum autor. Forte non aliam viderit quam Rapistrum album vulg.



\* 4. *Raphanistrum siliqua articulata, striata maximâ* Moris.

Non differt à Rapistro albo vulgari, nisi magnitudine florum & siliquarum propius ad Raphani sativi vulg. siliquas accedentium spongiosa suâ substantiâ. Semina in articulis seu nodis contenta major.

\* 5. *Eruca palustris major flore albo* J. B. *Eruca palustris major* Tab.

*Radice* nititur crassa, lignosa, aspera: *cauliculis* donatâ pluribus, magnis, rotundis mediocriter altis: quibus infident *flores* multi, exigui, candidi. His decidentibus succedunt *siliquulae* oblongae, tenues, *semen* acris saporis includentes: *Folia* ejus magna, profundè ferrata, acuminata.

C. Bauhinus Erucam palustrem majorem Tab. Sinapeos sui 2. Apii folio seu albi synonymam facit. Verùm si intelligit Sinapi femine albo descriptio Erucæ pal. majoris ei neutiquam convenit, cum Eruca pal. florem habeat album, Sinapi verò illud luteum; & Sinapeos albi siliquæ non tenues sint & oblongæ, sed crassæ satis & nodosæ. Verùm in Sinapeos speciebus, earumque synonymis ordinandis admodum confusus est & obscurus C. Bauhinus: nec mirum cum apud Botanicos omnes qui ante eum scripserunt Sinapeos species breviter, imperfectè & obscurè descriptæ sunt, nec bene à se invicem distinctæ: ut difficillimum sit, nè dicam impossibile, decernere quas plantas describant, aut intellectas vellent, imò nè ipsos satis scivisse arbitror. Consule J. Bauhinum in historia Sinapeos albi.

## CAP. XVII.

## De Eruca.

**E**ruca *Ἐρῦρα*, eò dicitur quia erodit: nam si gustaveris os & linguam satis acriter vellicabit. Aliis ab urendo, quasi Uruca, u in e versò, quòd igneæ sit virtutis, & in cibo sumpta Veneris incendium moveat.

Hujus notæ sunt folia laciniata, glabra, siliquæ angulosæ, odor foetidus.

1. *Eruca major sativa, annua, flore albo, striato* J. B. *Er. sativa* Ger. *latifolia alba sativa* Dioscoridus C. B. *sativa alba* Park. **Garden Rocket.**

Albâ, lignosâ, tenui radice est donata, sapore acri: *caules* subhirsuti, cubitales & sesquicubitales: *folia* Sinapi albi, minora, tenera, glabra, ejusdem cum radice saporis: *flores* è coeruleo [potius è luteo] albidis, striis nigricantibus picti, ex calycibus hirsutis: *Siliquæ* ex brevibus pediculis glabræ, quales in Sinapi siliquâ glabra, sed longiores, à lateribus se aperientes: per membranam distinctæ cui adherent multa *semina* flava, majora, quàm Sinapi jam dicto, minùsque rotunda. Odor hujus plantæ validus & ingratus nè dicam foetidus, nec minùs sapor, quanvis Itali eo delectentur, & acetariis gustûs gratiâ Erucam perpetuò admiscunt: fortè tamen viribus potius quàm sapore se illis commendat initio, & postea usu frequenti palato etiam se conciliat.

Vires.

Eruca (ut rectè Plinius) diversæ est à Lactuca naturæ, conciliatrix Veneris, idcirco jungunt illi ferè in cibus, ut nimio frigori par fervor immixtus temperamentum aquet. Itali etiam nunc dierum Acetarii Erucæ tantillum admiscunt, ejusque gustu mirificè delectantur.

Eruca non Medicorum tantum, sed & Poetarum testimonio stimulandæ Veneri nata videtur.

Martialis,

*Et Venerem revocans Eruca morantem.*

Columella,

*Excitat ad Venerem tardos Eruca maritos.*

Ovidius,

*Nec minùs Erucas jubeo vitare salaces.*

Folia (ut autor est Matthiolus) decoquunt, additoque saccharo tussientibus pueris propinant. Semen contusum, ex vino potum lumbricos interimit, tumentem lienem minuit. Folia contusa palpebris imposita visum acuunt. Semen cum melle mistum maculas omnes & nævos faciei illitu tollit, efficacius verò addito felle vaccino aut bovino. Ossium fragmenta extrahit radix in aqua decocta; & imposita Ego præfero folia radici, quicquid scribat Matthiolus J. B. At Matthiolus hoc & pleraque alia è Plinio transtulit.

Sunt qui pro certo (inquit Camerar.) affirmant, multos sese annos ab Apoplexia & ejusmodi affectibus immunes perstitisse pulvere ex Erucæ & Cymini partibus æqualibus.

2. *Rapistrum*

2. *Rapistrum flore albo lineis nigris depicto* C. B. *album; nigris lineis* Park. *Lampsana Apula* Plinii & Dioscoridis. An *Eruca Romana* seu *gentilis siliqua angustâ, folio lato* J. B? Idem videtur *Rapistro flore albo, articulata siliqua*.

Col.

Foliis, caule ac flore *Erucae sativæ* adeò similis est, ut primo aspectu florida quemlibet falleret: differt foliorum duritie, atque nervorum asperitate inferna parte & caulis. Radice est candida, crassa, longa, sylvestris Raphani modo, acrique sapore. Folia emittit in terra jacentia, dura, virentia, parum hirsuta, nervis aspera, magnitudine & divisurâ *Erucae sativæ*, sapore oleraceo. Caulis edit plures, bipedales ferè, alis divisos, sed summa alarum folia circa flores oblonga sunt Raphani modo, non ut in *Eruca* utrinque incisa, & in hoc ab illa etiam differt. Flores in summo albi, nigris lineis depicti *Erucae sativæ* modo, magnitudine atque positu adsimiles: siliquis verò postmodum ab illa differt, quas non *Erucae* modo breves & ventriosas, sed longas & tenues profert.

Floret Martio & Aprili, atque Maio perficitur: margines aggeresque viarum atque agri Cirinolæ hanc fundunt. Tempus & Locus.

Foliorum sapor magis herbaceus quàm acris, unde indigenæ iis vescuntur, *Lampsanam* etiam appellant.

- \* 3. *Eruca Chalepensis caulibus & siliquis hirsutis, foliis inferioribus maculatis* Morif.

Hæc caules protrudit cubitales & sesquicubitales, in multos ramos brachiatos, hirsutos, quorum summis fastigiis innascuntur flores satis ampli, albi, striis nigris picti. Folia per terram strata maculis insigniuntur nigris. Floribus deciduis succedunt siliquæ curvæ, quadrangulares, hirsutæ: quibus notis ab *Eruca sativâ* vulgari satis distinguitur.

Hujus semina Chalepo transmisit ad descriptionis autorem D. Robertus Huntington.

- A. 4. *Eruca sylvestris* Ger. Dod. *sylvestris vulgatio* Park. *major lutea, caule aspero* C. B. *rennifolia perennis flore luteo* J. B. **Wild Rocket.**

J. B.

Radice hæret albâ, crassa, satis longa, ex qua multi prodeunt caules, crebris alis concavi, striati, parum hirsuti. Folia crebris incisuris Dentis leonis, aut argutioribus Hieracii minoris divisa, alias Nasturtii, cujus etiam folia colore atrovirente & glabro imitantur, sapore fervido sativæ; cujus & flores, sed colore præditos luteo, serie simili dispositos gerit odoratos; siliquis succedentibus longis, angulosis, erectis, seminibus Sinapis sylvestris similibus, acris & amarulculis repletis. Odor totius plantæ fetidus & ingratus, nostris saltem naribus.

Circa muros, inque ipsis muris & rudibus multis in locis observavimus, v.g. Cæstriæ, Yarmuthi, Taunoni, Lichfeldiæ, &c.

- \* 5. *Eruca sylvestris angustifolia, flore luteo* J. B. *sylv. angustifolia* Lob. Ger. Park. *angustifolia Austriaca* C. B. **Narrow-leaved wild Rocket.**

Lob.

Promit inflexis cubitalibus cauliculis flores luteos *Erucae sylv.* Cornicula siliquarum Sinapi sunt aut Nasturtii sylv. ubi semen acre, uti folia angustiora, *Erucae sylvestris* concoloria, sed minimè divisa, Tarraconis ferè paria, quibus idcirco affinis naturâ putatur.

Si à præcedente diversa sit nobis incognita est.

- \* 6. *Eruca Bellidis folio* Morif.

Caulis edit pedales & altiores aliquando; in quorum cymis proveniunt flosculi lutei, tetrapetali, *Erucae sylvestris* foetidæ floribus magnitudine pares; quibus succedunt siliquæ spicatum quasi digestæ longiores & crassiores siliquis *Erucae sylvestris* foetidæ. Deinde hujus caules non sunt ut illius recti sed reflexi. Hisce notis distinguitur ab *Eruca sylvestri* foetida, sed præcipuè foliis adeò *Bellidis* majoris similibus; ut si quis ea cerneret per terram in orbem strata circa radice caput antequam planta excaulescat & floreat, audacter assereret esse *Bellidis* majoris speciem, ni gustum in opem advocet.



## CAP. XVIII.

De *Erucis spuris*.

**H**is folia, ut reliquis, laciniata sunt, verum flores minores, filiquæ breves at strictiores quam in genuinis *Erucis*.

\* 1. *Eruca Alpina radice serpente* Zonani.

Zanon.

Ex radice crassa, fibris scatente multa profiliunt folia, supernè obscurè viridia, infernè subalbida, undique lucida, carnosa, crassa, multum sinuata: ex quorum medio proveniunt plures caules, fractu faciles, versus terram cortice albicante tecti, qui sursum versus virescunt: Ex horum singulis geniculis, (qui sunt satis frequentes) præcipue in inferiore parte versus terram, singula exeunt folia, cæteris per terram stratis similia sed minora, minusque incisa, atque per singula genicula alternatim disposita, cauli duabus auriculis foliosis adhærentia. Ex alis inter caulem & folia exiliunt interdum quaterna aut quina foliola, unciali pediculo innixa, paulò cæteris minutius incisa, imò quasi crispata, concurrentia in unum & idem centrum, pediculi sci. summitatem; atque in caulium cymis nascuntur plurimi flosculi albi, quorum singula petala in extremo sunt bifida, cum staminulis multis, tenuibus, luteis in medio. Floribus evanescentibus succedunt filiquæ seminibus flavis repletæ.

Locu.

Provenit in montibus saxosis territorii Bononiensis & Mutinensis, præcipue in monte *Cimone* inter saxa.

Hanc plantam rectius fortè ad *Erysimum retuleris*.

\* 2. *Eruca Monspelienfis filiqua aspera*. *Sinapi Monspellulanum filiqua aspera hirsuta* J. B.

J. B.

Statim è radice lignosa folia exeunt frequentia, similia ferè *Erucæ* minoris foliis, acria, interque hæc caules aliquot palmares aut etiam cubitales, in ramulos aliquot divisi, floribus Sinapeos luteis, parvis. Decidentibus filiquæ succedunt crebræ, unciam longæ, teretes, asperæ, aliquæ secundum caules ramisque ascendentes, aliæ longè ab iis abscedentes, & veluti recta foras protensa, semen claudentes minutissimum saturatè rufum.

Locu.

Autumno invenit autor inter Monspelium & montem *Esperon*: Cherlerus in udibus fossis inter Monspelium & thermas *Ballerucanas*: D. Magnol inter *Lateram* & *Perauls* in humidis.

A. 3. *Eruca aquatica* Ger. emac. Park. *Eruca quibusdam sylvestris repens flosculo parvo luteo* J. B. *Eruca sylvestris minor, luteo parvæque flore* C. B. *Sium alterum aquaticum luteum, vel Cardamine tenuifolia montana* Col.

J. B.

*Spithamam* unam aut duas altos habet caules, striatos, modicè pertusos, interdum rubentes: quibus folia adnascuntur *Nasturtio* vel *Erucæ* paria, consimilitèrque crebris divisuris incisa, latiora in inferioribus partibus, gustu oleraceo, colore atrovirente. Flores parvi, lutei, quadrifoli, acri sapore; quibus succedunt filiquæ cylindræ, breviores quam in *Eruca*, longiores quam in *Radicula sylv. Dod.* cum qua magnam habet affinitatem, semen continentes minutum. Radix insigniter repens albet, sapore magis ignavo quam *Raphanus*.

His adde foliorum lobos per oras dentatos esse ut rectè annotat *Columna*, quod florum calices unà cum floribus ipsis dehiscant, ut in *Rapistro* vulgari: quod filiquæ pediculis modicè longis & à caule extantibus insident, quod filiquæ ipsæ nonnihil sursum recurvæ sunt.

Locu.

Ad fluvios & fossas, inque alveis torrentum siccatis saxosis oritur, & Junio mense floret. Cum C. Bauhinus *Sium* alterum aquaticum luteum &c. Col. ab hac planta separet, & specie distinctam faciat, *Columnæ* descriptionem subijciemus:

In excelsis montium planis inter *Marerii Comitatus* *Æquicolorum* fines & *Tornempartis* quodam torrentis alveo saxoso, æstate siccato, Septembri mense hanc invenimus inter saxa repentem, cauliculis per genicula aquaticarum more multis capillamentis hærentibus villosis; foliis utrinque longis petiolis in lobos divisus ut in vulgari *Crescione* [*Nasturtio* aquatico vulgari] sed amplius per oras dentatis, minoribus & angustioribus; ex quorum sinibus alæ exeant in summo, densis botribus, parvis admodum onustæ, qui in luteos flores parvos dehiscunt, iisque defluentibus locum occupant filiquæ tenuiores, vulgari eodem modo dispositæ, in quibus semen extuberat minutum præ maturitate hiantè filiqua deciduum. Parum acris gustu est, colore flavicante.

Tempus.

Aprili floret, Maio caulescit, & perficitur Junio.

Hæc descriptio melius convenit *Erucæ* nostræ aquaticæ quam *Bauhiniana*, ut non dubitem eam esse quam describit *Columna*.

In secunda & nupera editione pinacis C. B. *Eruca palustris minor* Tab. sylv. foetida *Gesn. col.* separatur ab *Eruca sylvestri* *Fuchsi Tur. Lugd.* *Erysimum* verum *Lugd.* & sub titulo *Erucæ palustris* & *Nasturtii* folio, filiqua oblonga proponitur.

\* 4. *Rapha-*

\* 4. *Raphanus minimus repens luteus foliis tenuiter divisis.* Morif.

*Radicem* edit longè latèque repentem Raphani rufficani modo, quin & uda humidàque amat loca. *Folia* gerit tenuiter divisa, Nasturtii hortensis in morem: *flores* luteos, amplos satis pro tenuitate plantæ, *caulibus* vix palmaribus aut sesquipalmaribus innixos; post quos deciduos sequuntur *siliquæ* curtæ, vix semunciales, terna, quaterna *semina* acria, mordacia in se continentes.

Q. quomodo differat hæc planta ab *Eruca aquatica* Ger.

\* 5. *Eruca sylvestris minor Bursæ pastoris folio* C. B. Park. Prod. *pumila Sicula Bursæ pastoris folio* Bocconi.

C. Bauhinus in Prod. sic eam describit: Ex *radice* crassiuscula *cauliculis* palmo altior, subasper, brebus alis brachiatus exurgit. *Folia* ad radicem sparsa, sesquiunciam longa, Bursæ pastoris mediæ modo laciniata, subaspera, in caule nulla, nisi quæ alis, & vix quidem laciniata subjiuntur. *Flores* fubaurei satis magni, longis pediculis insidentes, quibus *siliquæ* breves succedunt. Monspelii passim in vineis reperitur Æstate & Autumno florens. B. M. Paul Boccone *Eruca* suæ *pumila Sicula* &c. caules numerosos, reclinatos tribuit, *siliquas* mediocriter longas, quæ (quod præcipuè notabile est) semen maturum tactæ diffiliendo evibrant.

Exit ineunte Maio inter saxa oppidi *Montaperti*, non procul *Agrigento*: in agris etiam *Lutetia* vicinis frequens reperitur, ubi Novembri mense vix unciam caulis excedit.

*Eruca* minimo flore Monspelienfis J. B. ab hac diversa videtur, quam se Monspelii florentem observasse ait circa ætatem in quibusdam muris: foliis quippe accedebat ad *Erucam* luteam sylvestrem: *flores* habuit minimos luteos: *siliquas* unciam longas.

*Eruca* Monensis laciniata lutea qu. an ab hac differat.

\* 6. *Sinapi aquaticum Patavinum* J. B.

J. B.

*Folia* huic minutim dissecta divisurâ *Chondrilla* à Matthiolo exhibitæ; quæ autem juxta radicem sunt latiora minúsque dissecta existunt, per segmentorum oras serrata: *radices* parvi ferè digiti crassitudine, sesquipalmm longa, teneræ, albæ, paucis fibris donatæ, sapore acri & amaro.

Patavii observavit J. Bauhinus ad Portam Livianam in aqua & juxta aquam, mense Februario.

Cum radícula sylv. *Dod.* aliquid similitudinis habere videtur, potissimum quod folia inferiora attinet, non tamen eadem est.

Ex brevi hac & imperfecta descriptione ad quod genus pertineat hæc planta expiscari nequimus.

\* 7. *Eruca sylvestris minor incana* C. B. Park.

C. B. prod.

Ex *radice* *cauliculis* læves, virentes, quatuor, sex, & octo unciarum, in plures alas unciales divisi prodeunt. *Folia* ad radicem plura, biuncialia, tenuissimè laciniata, quæ etiam *cauliculos* alternatim cingunt, omnia incana sunt. *Flosculi* plurimi, pallidè lutei, quibus strictissimæ & breves *siliquæ* succedunt.

Monspelio allatum habuit C. Bauhinus: verum D. Magnol eam ibi non invenit.

A. 8. *Barbarea* J. B. Ger. *flore simplici* Park. *Eruca lutea latifolia* sive *Barbarea* C. B. *Nasturtium hybernium* Thal. *Winter-cresses*.

*Radice* albâ donata est, crassâ & oblongâ, perenni, sapore acriore. *Caules* cubitales, striati, firmi, medullâ farcti, multis alis concavi, in quibus *folia* Raphani minora, laciniâ extremâ Nasturtii folium extremum æmulante, atro virore splendentia, sapore minùs vegeto quàm radix. Ex alis foliorum versùs summos caules ramuli creberrimi exeunt, in quibus, ut & in summo caule, *flores* in spicas longas excurrentes parvi, lutei, tetrapetali, quibus succedunt *siliquæ* tenues, teretes, unciam circiter longæ, *caulibus* appressæ in quibus *semen* exiguum & colore ruffum. Tota planta glabra est. *Flosculi* pediculis brevibus insident.

In muris & aggeribus fossarum juxta rivulos & aquas fluentes, non rarò etiam in campestribus cultis, Maio & Junio mensibus floret.

Datur & hujus alia species distincta, cujus *folia* sunt minora, frequentius sinuata, *caules* pares, *siliquæ* crassiores, & *semina* grandiora, minùs fusca & quasi subalbescencia: etiam planta est perennis, & à præcedente prædictis notis quàm facillimè distinguitur. Hujus *flos* conspicitur in hortis plenus.

Nasturtio ut sapore ita facultate affinis est, acris & calida. Acetariis additur, hyeme præsertim cum Nasturtii copia non est, unde Nasturtium hybernium dicitur; medetur verò eadem & Scorbuto non minùs quàm Nasturtium. Unguentis admiscetur succus ad sordida & impura ulcera expurganda & ficcanda.

Semen acre est, diureticum & lithontripticum: Herba quoque autore Lobelio, urinam ciet, calculos & farctus vesicæ decocto aut cibo expellit, ut Laver.

Inexplicabili cum ægotantium juvamento apud Francisc. Indiæ de Gatta vomitorium medicamentum paratur cum aqua stillatitia Aranciorum immaturorum tepida, & sufficienti quantitate pulveris Scopæ regię (quo nomine quid intelligat nisi Barbaream velit nescit J. Bauhinus) podagricis, gonagricis & ischiadicis affectibus præcipuè præsentaneo & maximo juvamento. J. B. tom. 2. part. 2. lib. 21. cap. 12. pag. 869.



- A. 9. *Eruca filiquâ cauli appressâ Erysimum dicta. Erysimum vulgare* C. B. *Er. Dioscoridis Lobelio* Ger. *Er. Tragi flosculis luteis, juxta muros proveniens* J. B. *Irio sive Erysimum vulgare* Park. *Hedge-mustard*.

*Radice* nititur albâ, lignosa, simplici, acri & Rapæ sapore; [minimi digiti crassitudinem rariùs assequitur.] *Folia* altè sinuata [potius laciniata] hirsuta, quorum forma ad Erucas aut Bursas aut Cichoreum sylvestre accedit, extremo tamen obtusa sunt. *Caulis* sesquicubitus altus, foliorum ortu alterno stipatus, hirsutus, ramosus. *Flosculi* pusilli, luteoli, quatuor foliolis constant, qui cùm successivè aperiuntur in spicas prælongas excurrunt. *Siliquæ* breves, vix digitum longæ, teretes, hirsutæ, cauli appressæ, pediculis brevibus nixæ, in acutum mucronem desinentes, genuinam *seminum* feriem continent oblongorum, exiguorum. In muris & ruderibus, & ad sepes non rarò invenitur.

Vires.

Irionis usus est in mucilagine tenaci pulmonum, atq; tussi chronica.

Est (inquiunt Adversariorum auctores) moderata quædam totius substantiæ & incidentis cum humidis abstergentibus partibus permixtio, cujus beneficio crassæ pituitæ citra exsiccationem nimiam inciduntur, & incisæ propter flatum nonnihil commixtum non magno conatu expectorantur & absteruntur. Arteriacum igitur est laudatissimum, nempe idem unum præparans & educens. Exempla succurrunt quamplurima, quæ secundissimè tum præceptoribus, tum nobis postea successerunt. Phonascos memini tum juvenes, tum ætatis provectæ, quibus fermè jam amissa voce & spiritu limpida sonoraq; vox pauculis diebus restituta fuit, unius Erysimi & opera eximii præceptoris Rondeletii, qui primus usum monuit. & Erysimi totius recentis M. 6. Radicum Helenii, Tussilaginis succo adhuc prægnantium, Glycyrrhizæ ana ʒ iij. Boraginis, Cichorei, Capill. Veneris an. M. ii ʒ. Florum cordialium, Anthos, Stechadis vel Betonicæ an M. ʒ. Anisi ʒvj. Passularum mundatarum ʒij. Incisis & contusis fiat omnium decoctio in q. l. aq. Hordei, hydromelitis & succi Irionis ʒ vi. Ad lib. ij vel iij. Expressionis dissolve Sacchari q. l. Fiat Syrupus: qui diu & continuè utendum purgato corpore.

Extrinsecus utile est Erysimum in Cancro non exulcerato, tumoribusque renitentibus.

Erysimi decocto multos colico dolore laborantes curavit Riverius, quod etiam ex vino efficacissimum est remedium. Communicavit D. Hulſe.

10. *Eruca flosculis pediculis carentibus. Erysimum alterum Italicum* Ger. *verum sive montanum* Park. *alterum Matthioli siliquis parvis, quibusdam Dentaria* J. B. *Erysimum polyceration sive corniculatum* C. B.

*Radix* alba, nunc simplex, nunc furculosa & fibrosa lignescit. *Cauliculi* plures, non erecti, sed deorsum nutantes, teretes, striati, lenti, satis validi, cubitales. *Folia* quæ ad radicem Erysimi vulgaris aut Dentis leonis foliis non valdè dissimilia, profundè ad nervum medium usq; propemodum dissecta, reliqua verò quæ caulem & ramos vestiunt Atriplicis folia primâ facie referre videntur leviter laciniata, unciam plus minus longa, crebra, nullo ordine posita. *Flores* è foliorum sinubus exeunt perpusilli, lutei, nunc unus, nunc duo trè sive simul, pediculis vel nullis, vel brevissimis; quibus succedunt *siliquæ* compressæ nonnihil, modicè in arcum curvatæ, ad imum crassiores & paulatim versus apicem gracilescences, *semen* copiosum, minutissimum rufum continentes.

Locus.

Hanc plantam propè Rhegium in Calabria invenimus.

Notabilis est in hac planta pediculorum carentia in floribus & siliquis.

11. *Eruca maritima Cretica siliquâ articulata* C. B.

C. B. prod.

Tota planta albicat, *folia* habens ad radicem breviora, angusta, in minores lacinias divisa & subaspera: *cauliculis* est palmaribus, reflexis, striatis, (*flores* non conspecti) *siliquis* plurimis, incurvis, articulatis, trium quatuorve unciarum, asperis, *semen* minutum, subrufum continentibus, quam ex Creta Honorius Belli misit.

## C A P. XIX.

### De Erysimis.

**E**rysimum aliis ἀνὰ τὸ ἰριον, à foliorum multiplici sectione: aliis quasi ἱερὸν, quòd sit pretiosum; aliis ἀνὰ τὸ ἔρπον, quòd ob suam caliditatem trahendi facultate præditum sit, dictum videtur C. B.

Erysimum Latini ab irruendo nuncuparunt Irionem, quòd ignea vi & fervido sapore irruat in gustum. J. B. Eadem habet Jo. Bodæus à Stapel.

Irionem seu Erysimum hoc in loco appellamus Herbam hujus generis quamcunque flore luteo, siliqua longa angusta.

Difficile admodum est inter Erucam & Erysimum certas distinctionis notas constituere. Nos pro Erucis habemus herbas hujus generis flore luteo, siliquis brevioribus & habitioribus; pro Erysimis quæ flore luteo sunt, siliquis longioribus & strictioribus.

1. Eryſi

1. *Erysimum non laciniatum Draba dictum. Draba lutea* Park. *lutea siliquis strictissimis* C. B. *Draba*  
4. Ger. emac. *lutea quibusdam* J. B.

J. B.

Lignosa est *radix*, alba, minimo digito minor, sapore Raphani rustici, minus fervido: ex qua *caules* aliquot attolluntur, recti, rigidi, cubitales & majores, ramosi; quibus *folia* ab imo ad summum crebra alternatim adnascuntur, omnia uniformia, longitudine quadrantali & majore, latitudine circiter unciali, acuminata ex angusto principio, quâ pedicello brevi adnectuntur, hirsuta, serrata, sapore remissione quàm radix. *Flosculi* Erysimi, luteoli, quadripartiti, quibus succedunt *siliquæ*, quæ in sicca semen claudebant tenue, longum, rufum.

Assurgit interdum in humanam altitudinem: Superficies quotannis emoritur, radice restibili.

J. Bauhinus viridem vidit in montibus Rhætici Junio mense florentem. Nos in Italia aliquoties *Locus*.  
vidimus viis humidis ad sepes; in Germania propè oppidum *Weissenberg*.

- A. 2. *Erysimum Galeno & Theophrasto, Myagro affinis planta siliquis longis* J. B. *Camelina* Ger. *Camel. sive Myagrum alterum amarum* Park. *Myagrum siliquæ longæ* C. B. *Creatic*  
*Wormseed.*

Hujus plantæ *radix* lignosa, alba, simplex, fibris aliquot donatur. *Caulis* cubitalis vel bicubitalis, singularis, firmus, striatus, subhirsutus & nonnihil rubescens, medullâ subamarâ plenus, in furculos aliquot divisus: *folia* Camelinae similia, alternatim posita, unciam lata, tres quatuorve longa, ex angusto principio sensim dilatata, sensim deinde in mucronem desinunt, tactu aspera, viridia, sapore amaro prædita: *flores* parvi, multi, conferti, lutei, *apicibus* itidem luteis, brevibus pediculis infident: quibus delapsis alternatim succrescunt *siliquæ* tenues, unciâ longiores, quadratæ, erectæ, in pediculis à caule extantibus, *semen* copiosum, flavescens, tenue, oblongum, amarum claudentes.

In insula Eliensi, in Salicetis propè urbem copiosam invenimus.

Parkinsonus plantam hanc bis ponit. Primò, Pro Myagro fativo. Secundò, Pro Myagro al- *Locus*.  
tero amaro.

- A. 3. *Erysimum latifolium Neapolitanum* Park. *latifolium majus glabrum* C. B. *Iris lævis* Apu-  
lus *Erucae folio* Col. *Smooth broader-leaved Hedge-mustard.*

Col.

Autumno exit *foliis* parvis, per terram in orbem stratis, oblongis, [adultæ in profundiores lacinias sex aut septem dividuntur, *Erucae* sativæ minora, ad Erysimi vulg. magis accedentia, verum lævia, virentia, & in extremum angustius desinentia] *Caulem* edit unicum, bipedalem, quàm illius crassior, lævem, teretem, solidum, candicantem sicut & foliorum nervos, foliis multis alternatim hærentibus vestitum, ex quibus alæ multæ foliis refertæ, angustioribus, paucioribusque lacinias divisas, longiore & angustiore cacumine, odore gravi, amaro sapore, statim acri. In summo insunt *flores* multi, simul congesti, parvi admodum, lutei; qui siliquas per caulis cacumen dispositas relinquunt post se copiosas, duas minimum uncias longas, tenues, teretes, extuberante intus *semine* copioso utrinque, minuto, flavo, salso primò & acri sapore. Differunt hujus *siliquæ* ab alterius vulgaris longitudine quâ illas excedunt, & positu; non enim hærent cauli Sinapeos modo ut in illa, sed rectæ & elatæ sunt, sylvestris *Erucae* modo dispositæ. *Folia* acriora sunt *semine*. *Radix* candida, gustu admodum fervido ut Sinapi.

Floret mense Aprili, (serius apud nos) Cirinolæ frequens, locis aridis, marginum viarum atque *Tempus* &  
*mœnium* amantior. Circa Londinum in aggeribus terrenis & locis ruderatis copiosè provenit, *Locus*.  
v. g. inter urbem & Kensington vicum, itemq, circa Chelsey: invenimus & alibi in Anglia, nimirum in ipsis Bervici oppidi mœniis; & circa ædes D. Edw. Bullock Ar. Faulkburni propè Withamiam in Essexia.

4. *Erysimum angustifolium majus* C. B. item *Rapistrum Italicum siliquis longissimis ejuld. angustifolium* Neapolitanum Park. *Rapistrum montanum Irionis folio* *καπνιαχελυγαν* Col.

Col.

*Radice* nititur longa satis, omnibus tenuiore, longisque fibris divisa atque candicante, gustu acri. *Folius* est Rapistro æqualibus aut æmulis, aliquanto minoribus, in lobos binos aut ternos divisus, cacumine acuto Irioni multum similibus, sed majoribus, ex viridi albicantibus, hirsutis, mollibus, præsertim caulem ambientibus, quæ longè tenuiora, longioribus lobis & cacumine, ut lobi duas uncias longi, cacumen verò palmum sit. [Folia nobis Rapistro Genevensi sylvestri similia vasa sunt quàm vulgari Rapistro, pediculis longis infidentia, quæ primò exeunt integra, nec omnino laciniata, succedentia & quæ in caule existunt inferiora duos vel tres vel etiam quatuor hinc inde lobos obtinent, cacumine in longum procurrente, quæ in summis caulibus & ramulis angusta, oblonga, integra absq, laciniis.] *Caule* unico tripedali, aliquando ab radice fruticoso, alis multis diviso, hirsuto, aspero, a cujus medio ad summum semipedales, & deinde paulo minores eriguntur *siliquæ*, admodum tenues, crasso cacumine [unde ob imbecillitatem & gravitatem deorsum nutant] brevibus & vix semuncialibus pediculis infidentes, *semina* intus ab utroq, latere continentes minuta, non multum acria, obscure flaventia: quas antecedunt *flores* lutei, parvi, coacervati, è calicibus parvis quadrifoliis prodeuntes, minores congeneribus.

Juxta semitas saxolas vel maceries, atq, juxta ædificia montana *Æquicolum* provenit. Maio *Locus*.  
mense floret.

\* 5. Ery-



\* 5. *Erysimum flore pallido, Erucae foliis.**Eruca inodora* J. B. *An Eryfimo fimilis herba S. Alberti Cæf?*

J. B.

Longa nititur *radice*, simplici, cum paucis fibris, lignefcente, fatis gracili: *Caulis* cubitum æquat, ramosus: *Folia* dodrantalia ferè, *Erucae* luteæ sylv. cultæ quodammodo divifurâ, quanquam inferiora Jacobææ penè modo lateſcant: *Flores* ex luteo pallidi: *Siliquæ* uncias duas longæ, graciles. Nul- lum ego in hac planta inſignem five odorem, five ſaporem animadverti.

Locus.

In terra argilloſa vitium quæ ſunt ultra Rhenum ad *Burckheim*, uno milliari ab urbe Briſaco invenit J. Bauhinus.

\* 6. *Sinapi & Thlaſpi media Provincialis planta* Ad. *Draba Eryſimi flore & ſiliquis* C. B. Park.

Ad.

Provenit hæc non procul Magdalena fano & cautibus illis celliſſimis, famigeratiſſimis Gallo- provinciæ; *floresque* Auguſto promit luteos Eryſimi, nec *ſiliquas* diſpares; in gracilibus ramis ad ſum- mum & imum, una è *radice*, digitum craſſâ, fibroſâ, pedem longa. *Rapiſtri folia*, *Thlaſpi* aut *Drabæ*, leviter laciniata, albida & hiriſura, ſapore Eryſimi aut *Buniadis Barbareæ*. J. Bauhinus dubium movet annon hæc ſit Heſperis ſylv. latifolia flore albo parvo Park?

\* 7. *Sinapi Eryſimo Tragi cognatum five ſimile* J. B.

J. B.

Cubitalis eſt planta, *radice* nixa craſſiſculâ, candidâ, paucis fibris donatâ. *Cauliculos* ſurrigit pedales, cubitales, altiorem, teretes, canâ & mollicellâ lanugine pubeſcentes, in ramos longos diva- ricatos: *Folia* inferna Eryſimi vulg. profundis laciniis diviſa; ſuperna anguſtiora, *ſagittæ minoris* in- ſtar alata, paucis aut nullis laciniis diſſecta. Per cauliculorum extrema ex pediculis *flores* prodeunt lutei, quadrifolii, Eryſimi prædicti floribus majores: quibus *ſiliquæ* etiam longiores ſuccedunt, tri- entales ferè, anguſtæ, teretes, caulibus non appreſſæ, *ſemen* continentes exiguum, ſuſcum, acre.

Locus.

In Austria ſecus vias obſervatum & lectum eſt ab Agerio.

8. *Sinapi, potiùs Eryſimum, Genevenſe ſylveſtre* J. B.

J. B.

Huic ex *radice* ſimplici, alba, lignefcente multi ſtatim exoriuntur *caules*, propter terram nonnihil hiriſuti, ramiſi: per quos *folia* *Erucae* ſimilia, diviſurâ non minùs frequenti diſſecta, verùm latitu- dine Monſpeſſulano majori [proxime deſcribendo] cedentia, diviſurâ etiam diverſâ; licet *flores* Monſpeſſulani floribus ſint majores: *Siliquæ* ex pediculo mediocriter longo graciles, tres uncias lon- gæ, *ſemen* bipatentibus valvis claudens minutiffimum, ruſſum.

Locus.

In alveo fluvii Arvæ prope Genevam copioſe exit.

\* 9. *Eryſimum Monſpeſſulanum Sinapeos foliis. Sinapi ſylveſtre Monſpeſſulanum, lato folio, ſoſculo luteo minimo, ſiliquâ longiſſima* J. B.

J. B.

Per hujus *caules*, ſeſquicubitales ferè, nonnihil ſtriatos, teretes ferè & ſolidos *folia* conſpiciuntur Dentis leonis foliis reſpondentia, tum magnitudine, tum laciniatâ diviſurâ, glabra, aut nullis certè effatu dignis pilis donata, odore & ſapore acri prædita: *Flores* lutei parvi: *Siliquæ* dein oriuntur denſiſſimæ & longiſſimæ, admodum acri ſemine reſertæ.

Locus.

Floret & ſiliquas fert menſe Martio circa Monſpelium locis ficcis.

A. 10. *Eryſimum Sophia dictum.*

*Sophia Chirurgorum* Ger. Park. *Naſturtium ſylveſtre tenuiſſimè diviſum* C. B. *Scripbium Germani- cum* five *Sophia* quibuſdam J. B. *Flirtweed*.

J. B.

- Alta eſt cubitum aut ſeſquicubitum, compluribus *ramis* fruticans, duris, lignoſis, in multas alas diviſis, teretibus, ſubhiriſutis. *Folia* tenuiter inciſa Abſinthii Pontici Officinis dicti, ſapore oleraceo, levi acrimoniâ prædita: *Floſculi* crebri, parvi, luteoli: quibus ſuccedunt *ſiliquæ* unciam circiter longæ, fili inſtar tenues, ſeminum loculos foris oſtentantes: ipſum verò *ſemen* minutum, ruſſum. *Radix* alba.

Locus.

In veteribus maceriis, locis ruderatis, lapidoſis, ac non rarò arenofiſis, ac aliis incultis exit, ubi ſemel nata ſingulis facilè recurrit annis, ut rectè J. Bauhinus. A Junio in Autumnum uſque & qui- dem particulatim floret.

Vires.

Præſtans habetur remedium ad Diarrhœas 3j ſemin. *Sophiæ* Chirurgorum. Nec ſemen tantùm verùm etiam herba ventris fluores ſiſtit, adverſus dyſenterias commendatur, & ſanguinis profluvia reprimat. Ad vulnera & ulcera ſordida ac maligna valere dicitur [in emplaftris.]

In agro Eboracenſi ſemen hujus plantæ exhibetur in affectibus nephriticis & calculoſis, nec ſine ſucceſſu. D. *Tancredus Robinson*.

11. *Eryſimum*

11. *Erysimum Germanicum Trinciatellæ folio.*

*Folius* est ad radicem multis, oblongis, angustis, ad margines utrinque raris hinc inde extantibus laciniolis, seu dentibus donatis, Trinciatellæ Cordi foliorum æmulis, subtus saltem hirsutis. *Cauliculi* semipedales confimilibus *foliis* sed multò minoribus cincti. *Flores* satis ampli lutei: *Siliquæ* longæ, graciles.

Hæc ex sicca à D. Phil. Skippon asservata, nam virentem ob festinationem describere non licuit. *Locus.*

In arenosis & umbrosis propè Rot oppidum & inter Donavert & Weissenberg in Franconia Germaniæ invenimus.

\* 12. *Erysimum latifolium foliorum laciniis triangularibus.* *Eruca latifolia* C. B. Park. An *Eruca* *tertia* Anglica Cam. hort?

C. B. prod.

*Caule* est cubitum excedente, albo, crasso, striato, ramofo; *foliis* glabris, pallidè virentibus, ad radicem pedalis, profundis incisuris laciniatis, per quorum medium nervus latus excurrit, quem utrinque foliorum lacinia biunciales, alarum instar, triangulares, corosæ, figuræ diversæ, supernè & infernè continuæ cingunt; quæ verò in caule breviora sunt, & horum quædam *Eruca* vulgaris foliis similia, suprema verò angusta & parùm sinuata. In caulis summo *flores* satis magni, aurei; *staminibus* plurimis donati; quibus *siliquæ* oblongæ strictissimæ succedunt.

*Eruca* nomine in horto C. Bauhini facta est.

\* 13. *Erysimum fruticosum Indicum Tanaceti folio.* *Eruca Indica Tanaceti folio* Zanoni.

*Folia* profert multa, per terram strata, viridia, Tanaceti foliis quoad dispositionem & divisuram haud dissimilia: ex quorum gremio exit *caulis* sesquipedalis, qui sursum versùs in multos ramusculos finditur, inque horum cymis proveniunt *flosculi* multi, *flavi*, quibus pereuntibus singulis superveniunt singulæ *siliquæ* biunciales, bivalves, spicatum longis petiolis cauli adhærentes. Tota planta gustui calida & acris est.

Floret versùs Augusti mensis finem, Septembri exeunte semen maturat [in Italia scilicet.]

*Tempus* &  
*Locus.*

\* 14. *Erysimum Dioscoridis Zanoni, Erysimi annui Cretici nomine missum.*

Zan.

E radicis capite cespitem foliorum exerit, longis & subrotundis pediculis annexorum, maculis sanguineis, per ætatem evanescentibus, hic illic aspersis. Sunt autem folia ipsa laciniata, duos circiter digitos transversos lata, palmo subinde longiora, in apicem deorsum reflexum desinentia, tenera & succulenta, supernè viridia, subtus pallida, *Eruca* sylvestri similia. E foliosi cespitis supradicti medio exurgit *caulis*, ramosus, medullâ viridi plenus, succulentus, frangi contumax, lævis & nonnihil splendens, colore viridi dilutiore, ad nodos ubi folia adnectantur maculosus guttulis sanguineis, crebris geniculis præcipuè versùs radicem, distinctus, è quorum singulis singulæ enascuntur folia, & è foliorum sinibus ramuli, foliis confimilibus verum minoribus & magis incisus amicti. Circa finem Aprilis in summis caulibus & ramis apparent florum umbellæ seu noduli, qui explicati florem flavum ostendunt cum apicibus concoloribus: quibus decidentibus succedunt *siliquæ* corniculatæ Fœnugræci figurâ, verùm angustiores multò & tenuiores. Umbella floribus sese paulatim explicantibus in spicam longam excrevit *siliquarum* paululum compressarum, unciali circiter longitudine aut majore, per maturitatem seminibus protuberantibus repletarum. Circa finem Augusti *siliquis* dehiscentibus excidunt *semina*, flava, lucida, oblonga, Nasturtii seminibus similia. *Radix* longa, alba, nodosa, tactu aspera, summa parte unciam dimidiam crassa, mediâ tenuior, lenta & obsequiosa odore valido, acuto, sapore subamaro & subacri: folia minus acria & amara sunt; semina acriora, & mordacia Sinapeos in modum.

\* 15. *Eruca maxima Canadensis* Cornuti.

Cornut.

Inter dendrolachana hæc *Eruca* numerari potest, siquidem hominis proceritatem implet: potissimum quando radix ejus, quæ fibris albis constat, latiori solo cohæret. Sylvestres enim plantæ, quo levi magis & subactâ terrâ differuntur eò majus incrementum capiunt. Numerosis *caulibus* adolefcit, rotundis, & tomento quodam asperiore vestitis, quos undique *folia* exornant uti *Lythymachia*, longa, acuta, in ambitu crenis inæqualibus serrata, tenui lanugine obsita; gustu subacido initio, tandem subacri. *Flosculi* in cymis mira fecunditate luxuriant, Junio ac Julio mensibus. Lutei sunt illi, quatuor foliis constantes, in quorum medio staminula quatuor & pistillum hæret, quod collapsò postmodum flore in *siliquam* efformatur longiusculam, rectam & seminibus turgentem exiguis, sapore dulcibus, maturis Augusto, Septembri deciduis.

\* 16. *Erysi-*



\* 16. *Erysimum alterum siliquis Erucae* C. B. Park.

Tab.

Duobus tribusve *caulibus* assurgit, obscure viridibus, Erysimi vulgaris nonnihil similibus, minus ramosis, *foliis* undique oblitis, amplis, obscure itidem virentibus, in tres, quatuorve lacinias æqualibus ferè incisuris sectis, extrema parte latiore, circa margines inæqualiter sinuatà seu dentatà: *flores* parvi, lutei, quàm illius tamen majores, spicis brevioribus, nec *siliquis* adeò arctè cauli appressis, neq, adeò angustis aut tenuibus, sed brevioribus, Erucae *Radix* minus longa, magis fibrosa, annua. Nobis incognita est.

## C A P. XX.

### De Cardamine.

**C**ardamine inde dicta est quòd gustu Cardamum, id est, Nasturtium representet. Cardamines autem nomine nobis censentur plantæ flore tetrapetalo albo, siliquis angustis seu tenuibus valvulis per maturitatem revolutis diffilientibus & semina cum impetu ejaculantibus, foliis in plerisque speciebus pinnatis.

Nasturtii aquatici siliquæ ( quantum meminimus ) siliquæ non diffiliunt, quo à reliquis hujus generis differt.

- A. 1. *Nasturtium aquaticum amarum* Park. *aquat.* 2. *sive majus & amarum, item 3. sive aquat. erectum folio longiore* C. B. *Sium Matthioli & Italarum* Ger. *Sisymbrium Cardamine, sive Nasturtium aquat. flore majore elatius* J. B. **Bitter Cresses.**

*Caules* habet cubitales & altiores, in opacis ferè infirmos & teneros, in apricis firmiores, versùs superiora canaliculatos, *foliis* stipatos ex intervallis alternatim nascentibus, odore & sapore Nasturtii vulgaris, nonnihil amaricante, tribus plerunque pinnarum conjugationibus compositis cum impari in extremo folio. Sunt autem pinnulæ seu segmenta singularia oblonga & sinuata, infima verò ubi primum prodeunt rotundiora. Propè summitatem caulis ramuli aliquot è foliorum sinubus exeunt, in quorum extremis *flores* simul multi, ut in Cardamine vulgari, & eadem ferè magnitudine, tetrapetali, petalis subrotundis, minimè bifidis, albi, cum staminibus in medio sex apices purpureos sustinentibus, pediculis tenuibus uncialibus insidentes: quibus succedunt *siliquæ* fuscunciales tenues, quæ per maturitatem extremo tactæ diffiliunt, *seminibus* parvis rufescentibus repletæ.

Locus.

In palustribus & aquosis provenit. Vere floret. Quod Nasturtium aquaticum II. & III. C. B. ad idem caput reduco, in eo Joannem ejus fratrem sequor, qui non præter rationem id facere mihi videtur.

- A. 2. *Cardamine* Ger. *Nasturtium pratense majus, sive Cardamine latifolia* Park. *Nast. prat. I. sive pratense magno flore* C. B. *Iberis Euchsii, sive Nasturtium prat. sylvestre* J. B. **Ladies Smock, or Cuckow-flower.**

E *radice* satis crassa, alba, multisque fibris tenuibus capillata, vivaci, *caules* profert, rariùs plures, plerunque unicum, dodrantalem, rectum, reretem, firmum, glabrum & quasi contortum, juxta terram rubentem, qui in ramos dividitur, in quorum summitate *flores* simul multi, ex albo purpureascentes, ampli & speciosi, quatuor foliis obtusis venolis constantes, in quorum medio *stamina* lutea sena cum stylo, pediculis uncialibus insidentes; quibus succedunt *siliquæ* atro-purpureæ, sesquidigitales ferè, aut certè digito longiores, erectæ, rigide, nonnihil compressæ, membranâ intergerinâ secundum longitudinem in duo loculamenta divisæ, duplicem *seminum* seriem exiguorum, longiusculorum, è viridi luteorum continentes. Siliquæ hæ per maturitatem levi tactu valvis se convolvuntibus diffiliunt, & cum impetu semen ejaculantur ad modum Persicariæ siliquosæ aut Cardamines impatientis dictæ. Folia duùm sunt generum, inferiora enim per terram sparguntur, ex longis & tenuibus pediculis in quatuor quinque aut sex foliola rotunda divisâ, ad costam per intervalla adhærentia [plerunque bina sibi invicem respondent, ut folia alata videantur, & quatuor aut quinque segmentorum conjugationibus cum impari in extremo composita] superius brevi lanugine hirsuta, inferius glabra. Superiora verò quæ in caule sunt, quaterna aut quina per intervalla, sine pediculis singulatim cauli adnexa, glabra, in tenues portiunculas pinnasve conjugatim ad sex interdum septemve, paria mediæ costæ adhærentes divisæ, cum impari in extremo. Sapore est tota Nasturtii aquatici.

Locus.

Altera species.

Ad rivulos & in pratis passim Aprili & Maio mensibus floret.

Aliam speciem habet C. Bauhinus quam Nasturtium pratense parvo flore vocat. Parkinsonus Cardaminem minorem laciniatis foliis.

\* *Cardamine odorata granulosa* Park. *Nasturtium pratense* odoratum, radice granulis tuberosa C. B.

Præcipua inter hanc & præcedentem plantam [ *Nasturtium pratense* parvo flore C. B. ] consistit 1. in Radicibus quæ plurima tubercula granulosa fibris intermixta obtinent, 2. in Floribus, quàm illius aut cuiusvis alterius *Cardamines* odoratiores sunt.

\* *Nasturtium pratense rotundifolium minuto flore* C. B. *Sisymbrii alterius seu Nasturtii aquatici* tertia species Thal.

De hoc confule *Thalium*.

\* 3. *Sio minimo* *Prosperi Alpini* affinis *siliquis latis* *Bocconi*.

*Bocc.*

*Cauliculis* huic sunt tenues, geniculati & ramosi: *Folia* exigua, per marginem, uti *Fumaria*, divisa: *Flores* in ramulorum fastigiis pauci, subeuntibus *siliquis* planis, latis, in mucronem desinentibus, è quibus vel levi tactu quatuor aut quinque *semina* compressa ac panè quadrata exiliunt. *Radix* tenuibus fibris constat.

Nascitur in *Madonia* monte *Siciliæ*, Veteribus *Nebrode* dicto.

*Locut.*

A. 4. *Cardamine impatiens* vulgè *Sium minus impatiens* Ger. *S. minimum* *Noli me tangere* dictum, sive *impatiens Nasturtii sylvestris folio* Park. *Sisymbrii Cardamines speciei quædam insipida* J. B. *Impatient Ladies Smock*.

*Radice* nititur alba, simplici, furculo uno vel altero & fibrillis paucis capillaribus donatâ, sapore *Nasturtii* remissione. *Folia* ad radicem pauca, pallidè viridia, mollicella, quinque aut sex pinnularum medio nervo annexarum conjugationibus composita. Sunt autem pinnulæ singulæ eodem fere modo incisæ quo *Nasturtii* amari dicti. *Caulis* simplex, cubitalis, ramosus, inferius purpurascens; satis firmus & erectus, striatus, glaber, foliis per intervalla vestitus crebris, alternatim positus, eodem modo divisis quo inferiora, verum segmentis longioribus & acutioribus, sapore *Nasturtii* remisso & vix perceptibili. In summitatibus caulis & ramorum, flores eodem situ quo in reliquis hujus generis albi, perexigui, tetrapetali, quibus succedunt *siliquæ* tenues, erectæ, digitales, quæ per maturitatem, si extremo tangantur, cum impetu diffiliunt, & semen ejaculantur parvum, fulvum.

In plantis vegetis & lætioribus folia latiora sunt, & ad *Nasturtii* amari folia proximè accedunt, in reliquis *Eruce aquaticæ* minoris folia fere imitantur.

Inter saxa sub rupibus propè vicum *Wharf* dictum tribus circiter milliariis ab oppido *Settle* distans, stantem versùs montem *Ingleborough*, in Comitatus *Eboracensis* parte Septentrionali, oritur.

Considerata paulo attentius plantæ quam proposuimus descriptione à nobis inventæ & observatæ in loco prædicto, suspicamur eam diversam esse à *Cardamine impatiens* seu *Sio minimo Alpini* cujus idcirco descriptionem subiciemus.

Autumno exit è semine deciduo, foliola in orbem spargens pinnata, unciâ non multò longiora, quæ per hyemem durant, vere autem novo augmentur & aliquanto majora evadunt. *Eruca palustris æmula*, verum minora, pinnulis circa margines duabus tribusve crenis profundius incis. E foliorum centro exurgit caulis tenuis, pedalis aut etiam altior, multis alis divisus, in quibus ut & in summo caule flosculi parvi, albi, alii supra alios paulatim se aperientes, quos excipiunt *siliquæ* longæ, graciles, seminibus minutis ex albido luteis repletæ, quæ vel leviter tactæ acutum ejaculantur: imò quod longè mirabilius videtur, etsi *siliquas* non tetigeris, si tamen manum velut tacturus proximè admoveas, semina in appropinquantem evibrabunt; quod tum *Morisonus* se sapius expertum scribit, tum *Johnsonus* apud *Gerardum* verum esse affirmat; quod tamen mihi vix persuaserint.

Hanc plantam *Cantabrigiæ* olim in hortulo nostro coluimus, postea in rupibus quibusdam udis propè *Rhenum* in *Germania* invenimus spontaneam. Folia autem minora ei sunt quàm *Nasturtio* nobis descripto & omnino glabra: nostrum ergo fortasse idem est *Nasturtio* aquatico *Italico* Park. seu aquat. erecto folio longiore C. B. *Sio Matthioli* & *Italarum* Lob. quod *Gerardus* & alii pro *Nasturtio* aquatico amaro habent: vel species quædam nondum descripta. An *Cardamine Alpina* media *Clusii*? i. e. 13. nobis.

Eandem (puto) æstate præterita Anni 1685. invenimus non procul *Halstedio* oppidulo, viâ quæ *Londinum* ducit in fossâ ad viâ latus ubi aqua scaturit, cujus folia infima quæ è radice exeunt nonnihil aspera seu pilis brevibus hirsuta sunt.

A. 5. *Cardamine impatiens altera hirsutior. Sisymbrium Cardamine hirsutum minus flore albo* J. B. *The lesser Cuckow-flower, or Ladies Smock. Nasturtium aquat. IV.* sive aquat. minus C. B.

*Radix* ei alba, simplex, furculosa. *Folia* per ambitum spargit *Nasturtio* pratensi similia sed minora, nonnihil hirsuta, tribus plerunque conjugationibus eidem costæ adnexis composita cum impari in extremo folio segmento, odore & sapore *Nasturtii* hortensis sed remissione. *Caulis* surrigit plures palmares aut dodrantes, uno vel altero folio donato, ramosos, in summitate flores gestantes perexiguos, albos, quadrifolios, petalis minimè bifidis; quibus succedunt *siliquæ* unciales aut tantillo longiores, angustæ, pediculis longiusculis insidentes, bivalves, membranâ intergerinâ duplicem seminum



Locus &  
Tempus.

femina seriem determinante dissepta, quæ per maturitatem extremo tactæ cum impetu diffiliunt, & semen undique spargunt. *Semina* parva, rotunda, nonnihil compressa, & subruffa.

Floret Aprili & nonnunquam etiam Martio: nec in udis tantum & umbrosis, sed & hortensibus provenit. Ad acetaria utuntur plurimi etiam apud nos.

A præcedente differt sapore acriore; foliis hirsutioribus, mollioribus, sordidiùs virentibus, paucioribus ad mediam costam pinnulis & minùs concinnis adnexis.

Si hæc sit *Sisymbrium* alterius five *Nasturtii* aquat. tertia species *Thal.* quod considerandum proponit J. Bauhinus; itémque *Cardamine* five alterum *Sisymbrium* Dioscoridis *Lob.* ut idem dubitat, C. Bauhinus in *Pin.* tres ex ea species facit, ut examinanti patebit.

*Nasturtium* aquaticum minus C. B. *Park.* *Cardamines* species esse videtur & præcedenti eadem, ut ibi monuimus. Hinc quatuor ex una species facit C. Bauhinus.

A. 6. *Nasturtium aquaticum vulgare* Park. *aquaticum supinum* C. B. *aquat. five Cratæva Sium* Ger. *Sisymbrium Cardamine five Nasturtium aquaticum* J. B. *Water-cress* seg.

*Radix* vicem suppleant capillares fibræ candidæ, quas intra aquas è geniculis demittit. *Caules* oblongi, procidui ferè, satis crassi, concavi, striati, glabri, ramosi, ex viridi nonnihil rubentes. *Folia* viridia & atrovirentia, *Erucæ* facie, è duabus tribusve pinnarum conjugationibus composita, cum impari in extremo, glabra, sapore *Nasturtii* hortensis miciores. *Flores* in summis caulibus & ramulis parvi, albi, quadrifolii, apicibus in medio luteis, qui quoniam sensim aperiuntur, in longas velut spicas procurrunt. Succedunt *siliquæ* in pediculis semuncialibus unciales ferè, à caule extantes, sursum nonnihil incurvæ, bene habitæ, duobus seminum exiguum fulvorum ordinibus repletæ.

Locus:

In aquis vadosis circa piscinas & rivulos frequens Julio & Augusto præcipuè mensibus apud nos in Anglia floret, interdum etiam maturius.

Ufus.

In acetariis utuntur, & juscula ad sanguinem purgandum verno tempore ex eo conficiunt nostrates.

*Nasturtium* aquaticum specificum contra Scorbutum medicamentum censetur: ad calculum etiam valere creditur: urinam ciet, menses educit, hydropicos juvat.

Septentrionales, (ut verè Lobelius) in quadrageno veris jèjunio multum in acetariis vorant ad sanguinem purgandum; ac potionibus ad calculum admiscunt, nec malè cedit; jusculis etiam incoquant.

Viribus cum *Nasturtio* hortensi convenit, ut plura addere non sit opus.

Hoc modo Sennertus spiritum *Nasturtii* aquatici comparavit:

& magnam copiam *Nasturtii* aquat. contunde in mortario marmoreo: exprime manibus succum, in quo portio aliqua fermenti solvatur, ut succus consistentiam sapæ dilutioris acquirat. Ex hoc succo & *Nasturtio* manibus expresso, seu glebis aut pilis *Nasturtii* fiat quasi SSS. Pinfentur omnia fortiter manibus aut pistillo, reponantur in convenientem locum per octiduum: deinde l. a. per B. destilletur spiritus. Dosis C. j. aut ij. hybernis mensibus Scorbuto laborantibus. Ad hunc modum sp. *Chelidon.* *Becabung.* *Cochlear.* Trif. fibrini elici potest. *Sim. Paullus.* Ex notis Cl. Viri D. Edv. *Hulfii.*

Modus præparandi salem volatilem è *Nasturtio* aquatico, *Cochlearia*, &c. extat *Ephemer. German. An. 6. & 7.* Ex observatione D. Below. *Obser. 21.*

\* 7. *Nasturtium Alpinum palustre rotundifolium* Zanoni. An *Nasturtium montanum* Asari folio Bocconi?

Zan.

*Radice* constat rotundâ, durâ, tuberosâ, asperâ, exteriùs subrubente, multis fibris scatente, cortice ablato contumace testâ, quæ major & viridis sursum versùs pennam anserinam magnitudine excedit, at deorsum versùs minor & fibrosa albescit. *Folia* inde proveniunt subrotunda, paululum sinuata, in margine parùm crenata aut dentata, spissa, membranæa, lævia, modicùm lucida, præcipuè prima è terra exeuntia, quæ multis scatent nervulis à pediculi centro in circumferentiam decurrentibus, quæ innituntur petiolo striato, ruptu facili, relicto intus filamento nervoso: ex meditullio horum foliorum à radice ortorum protruditur *caulis* dodrantalis, succi plenus, terram versùs viridis; cui alternatim ad singulas alas adhærent *folia*, similiter rotunda, sed multò minora. In summis caulibus & ramulis pullulant mense Maio plurimi *flores* albi: quos sequuntur *siliquæ* breves, bivalves, tenues, ab initio virides, at exsiccatæ colorem mutant: Aperiuntur Julio, & si tangantur illico semina per terram spargunt, imperfectè rotunda, flava, lucida, fervidiq; gustûs; ut aliorum congenerum.

Locus.

Reperitur in loco aperto ubi pascuntur pecora in territorio Mutinensi, propè fontem jugem aquæ limpide & frigidissimæ, qui ab indigenis pastoribus *Baccara* appellatur.

Huic nobis idem esse videtur

*Nasturtium montanum Asari folio* Bocconi; quod sic describit.

Bocc.

*Folius* est rotundis, Asaro similibus, ambitu nonnihil sinuatis: *Flos* albus: *Siliquæ* longæ innumera, quæ maturæ ad levissimum tactum diffiliunt. *Radix* subest crassa, cava, nodosa, serpens aut repens, tenuibus fibris subinde ad nodos enatis terræ se affigens. Perpetuum est, & quibûdam *Cochlearia Italica* dici meruit.

Locus.

Circa fontes & rivulorum margines montis *Bargæ* in *Hetruria* crebrò nascitur.

\* 8. Car-

- \* 8. *Cardamine Alpina minor Reseda foliis* Park. *Nasturtium Alpinum minus Reseda foliis* C. B.

C. B. prod.

Ex radice alba, tenui & oblonga cauliculi laves, tenues & recurvi, communiter indivisi, palmog; minores prodeunt: foliis longis pediculis, instar Resedæ vulgaris, præditis, in lobos tres vel quatuor subrotundos divisis: flores in cauliculorum summis albi, mediocris magnitudinis, quibus siliquæ strictissimæ, sesquiunciales succedunt.

In Rhætorum Alpibus Julio florens reperitur, inque Helvetiorum Alpibus & Pyrenæis montis.

Locus.

- \* 9. *Nasturtium Alpinum Bellidis folio majus* C. B. Park.

C. B. prod.

Ex radice caulis cubitalis, rotundus, lavis, ad exortum statim divisus prodit. Folia habet tenuissima Bellidis formâ, uncias quatuor longa; quæ verò in caule sunt pediculis carent, & instar Thlaspi vulgaris lato semine, leviter sinuata, eum ambiunt. Flores albi in caulis summo, quasi in spica, uncias sex longa; quibus siliquæ triunciales, angustæ, semine rufescente, rotundo, plano refertæ succedunt.

Circa Fabarias thermas ad aquæ defluxum.

Locus.

- A. 10. *Nasturtium Alpinum Bellidis folio minus* C. B. *Sinapi pumilum Alpinum folio Bellidis Clusio* J. B. *Cardamine pumila Bellidis folio Alpina* Ger. emac. *Plantula Cardamines alterius æmula Clusii* Park.

Clus.

Sena aut septena humi secundum radicem expansa habet foliola, Bellidis foliolis non dissimilia, teneriora tamen, & levi acrimonia prædita: è quorum medio tenellus & gracilis prodit cauliculus, raris foliolis septus, palmaris aut paullo altior, in cujus summo seni aut septeni erant flosculi [in planta Clusio descriptâ] albi, in quibusdam plantis totidem sine flore siliquæ five cornicula, satis magna pro plantulæ ratione, duplici serie, quemadmodum in Cardamines alterius & similibus corniculis, semen continentia exiguum, planum, rufescens, nonnullâ acrimoniâ præditum. Radix summa tellure serpens nova germina subinde profert.

Observabat eam Clusius in Etscheriano jugo scopulis inhzrentem. Eandem nuper in rupe S. Vincentii propè Bristolium in Anglia invenit D. Jac. Newton.

11. *Cardamine trifolia* Ger. *Alpina trifolia* Clus. Park. *Nasturtium Alpinum trifolium* C. B. *Iberidi Fuchsii affinis trifolia Cardamine* J. B.

Clus.

Nigricantibus ex purpura ramulis per terram serpit, in quibus oblongo ejusdem coloris pediculo terna perpetuò folia immittuntur, circa pediculum angustiora, per oras latiora & quasi orbiculata, in ambitu nonnihil crenata, initio tenella & viridia, deinde dura, nigricantia, acidulo primùm gustu, postea acri: Cauliculi teretes inter folia erumpunt, ex purpura nigricantes, palmares, nullis aut rarissimis (quæ terna etiam eisdem inhzrent) foliis præditi. Flores extremis ramis insident candidi, Cardamines pratensis vulg. per similes. His succedunt torosæ & oblongæ siliquæ, Dentariarum corniculis ferè similes sed minores, semine etiam minore, licet simili, plenæ. Radix summa tellure serpit, & subinde parvulas candidasque fibras agit, sic ut faciliè ramulis terrâ obstitis pangi possit.

Invenit Clusius in sylvis montibus, nudo solo potiùs quàm herbido, ad Abietum & præaktarum arborum radices, tota etiam hyeme virentem. Floret Junio, in cultis verò etiam Aprili.

Locus.

- \* 12. *Cardamine Alpina media* Clus. *Alpina media* Clusii Park. *Nasturtium Alpinum minus foliis in orbem sparsis* C. B.

Clus.

Folia habet elegantissimo ordine in orbem disposita, duarum ferè unciarum longitudine, profundioribus crenis incisa, & laciniata ut Nasturtii aquatici vulg. folia, hirsuta & aspera, supernè veluti cinereo colore aspersa, infernè autem viridiora, gustu initio aliquantulum acido, deinde acriusculo; ex quorum medio prodit cauliculus, dodrantalis, tenuis, albos flosculos in summis ramulis ferens, deinde cornicula teretia, parva: Semen observare non licuit. Radix longiuscula est, alba, quibusdam fibris capillata.

Nascitur in Stiriz inferioris scopulis ad coenobium Newberg, quod Alpium ejus provinciæ jugo ipsi imminenti nomen imposuit. Florebat Augusto.

- \* 13. *Nasturtium foliis Barbareæ* C. B. Park.

C. B. prod.

Radice est parvâ, capillaceâ, albicante; cauliculis pluribus, tenuissimis, fragilibus, reflexis, nonnihil villosis, nonnunquam in alas divisis, semipalmaribus, palmaribus, & nonnullis cubitalibus: foliis ad radicem pluribus, parvis, tenuissimis, viridibus, foliorum Barbareæ modo, sed minùs frequenter sinuatis: quæ in cauliculis rariora sunt & quædam minimè sinuata. Flosculus est minimis, albis; siliquis oblongiusculis & strictissimis.

In finibus Bohemiæ versus Austriam collectum est.

A a a a

Locus.

- \* 14. Car-



\* 14. *Cardamine Alpina insipida* Col. Park. *Nasturtium Alpinum inspidum* C. B.

Col.

Radice est admodum tenui, brevi, nullis præditâ fibris: *Foliola* habet pollicari longitudine, incisuris Chondrillæ, aut Sinapis echinati, verum aspera & hirsuta, sicuti & *caulis*, qui tenuis, dodrantalis, in summo ramis aliquot divisus, alternatim *siliquas* in longis petiolis elatas profert, & exiles admodum, digitali longitudine, & magnas respectu plantæ, in quibus *semen* minutum, vel ut punctum *siliquæ* inscriptum. *Flores* in summo plures, parvi, Napacei, albi.

Locus.

F. Gregorius supra pontem quendam hanc reperit inter *Rosennahim* & *Abling*. arenoso aliquantulum loco, quam recentem suo gustui inspidam & inodoram cognovit.

\* 15. *Sinapi agreste flore purpureo* J. B. *Sinapi umbellâ purpureâ* C. B. *agreste Neapolitanum* Park. *Sin. alterum agreste nostras* Col.

Col.

Radice firmatur parvâ, tenui, fibrosa, parùm altè in terram descendente, albidâ: ex qua *folia* exeunt Chelidonii majoris incisurâ, distant quod nec succum luteum edunt, nec cæsia, sed viridia sunt, asperâ hirsutie oblita, atque extremum folium non retusum ut Chelidonia sed acutum habent, atque minora sunt: *Caulis* angulosus est, atque alis multis dividitur: *Flores* edit purpureos, umbellatos, Chelidonio pares: *siliquas* postea alternatim frequentèrque hærentes, rectas, quarum extremæ partes cœlum versùs tendunt, quibus spica confici videtur *siliquarum* duorum digitorum, quæ cum exsiccari incipiunt flavescent, atque vento flante vel aliquo illas tangente disrumpuntur ab imo, atque *semina* ejaculantur flava Cardamines modo, parva, gustu acri, sicut etiam folia.

Locus &  
Tempus.

In agro Neapolitano oritur, in valle supra ædem S. Mariæ vitæ inter rubos, cynocramben, &c. Floret Martio & Aprili.

C A P. XXI.

De Rhabano sylvestri cum siliquis curtis.

A. 1. *Raphanus rusticanus* Ger. Park. C. B. *sylvestris sive Armoracia multis* J. B. *Radish*.

**R**adix crassa, surculosa, repens, sapore fervidissimo: *Caules* singulares, bicubitales, concavi, striati, recti & rigidi: *Folia* inferiora antequam caulem proferat ampla, Lapathi, rugosa; ubi caulem autem profert, in eo folia palmum longa unciali latitudine aut paulo majore, in ambitu profundè satis serrata, gustu minùs fervido quàm radix, ex quorum alis surculi tenues prodeuntes *flores* sustinent positu & formâ Nasturtii palustris cum apicibus luteis. Succedunt *siliculæ* parvæ, breves pro plantæ magnitudine.

Locus.

Gaudet solo humido. Copiosum observavimus sponte natum in fossis & ad rivulos in Northumbria circa Alnevicum & alibi. D. Martinus Lister ad ripas rivuli Skiptronensis & alibi in *Bolland* in ea Eboracensis comitatûs parte quæ *Craven* dicitur.

Vires.

Eisdem cum Rhabano sativo facultates obtinet, sed fortiores. In condimentis appetitum facit, at caput lædit. Urinam & arenulas violenter pellit. Commendatur & ad tussim & phthisin. Specifice scorbuticis prodest. Ciet vomitum si succus vel infusio in aceto cum melle tepida assumatur & aqua superbibatur. *Schrod.*

Hujusce radices in aqua priùs maceratas ad acrimoniam tollendam Lemovicensis plebs oleo conditas esitat, tum fresas, tum elixas, tum aliis modis præparatas. *Le Jardinier François.*

Raphani rustici vires in calculo ab experimentis deprædicat Tho. Bartholinus, A& Med. An. 1676. Observ. 38, 39. Affirmat succum Rhabani resolvissè calculosam substantiam è corpore humano exemptam. E collectan. D. Tancr. Robinson.

Radix Armoraciæ meritò commendatur à Gabelcofero Centur. 1. Cap. 14. ad Anorexiam. D. Hulse ex Ettmulleri praxi.

A. 2. *Raphanus aquaticus* Ger. Park. *aquat. Tabernamontani* J. B. *aquat. foliis in profundas laciniâs divisis* C. B. *Water Radish*.

*Caules* huic bicubitales aut altiores, striati, concavi subinde rubentes. *Folia* interdum profundè laciniata, aliàs integra & per margines duntaxat serrata, oblonga, acuminata, in caule alternatim posita. *Flores* in summitatibus caulis & ramorum pro plantæ ratione parvi, tetrapetali è calice quadrifolio, lutei, tenuibus & longiusculis pediculis insident; quibus succedunt *siliquæ* parvæ, breves, a caule extantes, & rectos fere angulos cum illo efficientes.

Locus.

In fossis lacustribus & fluviis sub finem Junii mensis & Julii initio floret.

Ego hanc plantam omnino specie eandem esse existimo ei quæ J. Bauhino describitur sub titulo Radiculæ sylvestris sive palustris, h. e. Rapistro aquatico Tabernæmontani. Confer descriptionem J. Bauhini cum ipsa planta. Proinde Raphanus aquaticus *Tab.* & ejusdem Rapistrum aquaticum non differunt specie.

Icon

Icon *Raphani aquatici* qui apud C. Bauhinum in *Prodr.* & alios extat, minimè conuenit plantæ nobis hoc in loco descriptæ: sed alterius cuiusdam speciei esse videtur. Lobelianam iconem non multum improbamus.

3. *Raphanus aquaticus alter* C.B. Park.

*Morif.*

*Caulem* emittit tripedalem, aliquando altiore, in ramulos tenuiter diuisum, glabriores multo cæterorum suæ familiæ, ad quorum genicula nascuntur folia costis asperis prædita, profundius sinuata, ferrata versus eorundem partem inferiorem.

In summis alis proveniunt flores albidii, tetrapetali, cum staminulis luteis in medio singulorum. *Radice* constat longâ flexili, fibris scatente.

Si detur huiusmodi *Raphanus aquaticus* flore albedo aut purpurascete, qualis describitur à Parkinsono & Morifono, nobis certè incognitus est. Figura *Raphani palustris* alterius apud Parkinsonum & C. Bauhinum in prod. bene respondet *Raphano aquatico* priore in loco nobis descripto qui tamen flores luteos minimos profert, non albos aut purpurascetes, quod ego unquam viderim: J. Bauhinus *Rapistrum aquaticum* *Tab. Ger.* pro *Radícula sua palustri* cui flores luteos tribuit, habet, hoc est ut nos existimamus pro *Raphano aquatico* vulgari nostrate.

Dux species esse videntur, altera folio in profundas lacinias diuiso, quæ à C. Bauhino depicta est.

Alter a folio plerunque integro, interdum ad pediculum laciniato, quæ apud nos vulgaris: utraque autem flore luteo.

LIBRI DECIMI SEXTI  
SECTIO SECUNDA.De *Tetrapetalis filiculosis seu capsulatis.**Herbæ flore tetrapetalo capsulata seu filiculose sunt vel*

(*Polypermæ*, capsulâ

(*Tumidiore & subrotundâ*, seminibus

{ *Rotundis* aut tumidioribus, flore

{ *Luteo*: MYAGRUM.  
    *Albo*: DRABA.

(*Compressis*. *LEUCOIUM filiquâ subrotundâ*: duplex est spinosum & non spinosum.

*Tumidiore sed nonnihil compressâ*, foliis crassis & carnosiss, subrotundis, flore albo, semine globoso, sapore salso & amaro, in maritimis plerunque nascens: COCHLEARIA.

(*Compressiore & latiore*, sapore

{ *Acriore*, foliis plerunque

{ *Variè incisis*, odore acuto & nares torquerite: NASTURTIUM.

{ *Integris magnis*, sapore & odore Piperis, radice reptatrice: LEPIDIUM vulgare, Piperitis.

(*Minus acri*, membranâ cellulas dissepiente ad planum filiquæ

{ *Parallelâ*: ALYSSON.

{ *Transversâ*: THLASPI, cuius varia genera, nimirum vel 1. Floribus & filiquis in longas spicas excurrentibus; vel 2. In umbellas dispositis. 3. Seminibus compressis, capsulis biscutatis, cuius generis *Leucoia biscutata* dici possunt; vel 4. Sapore fatuo: BURSA PASTORIS dicta.

(*Monopermæ*, foliis



## Lævibus

## { Glaucis,

{ *Maritima*, flore albo, Brassicæ foliis & facie : *BRASSICA marina monosperma*.  
 { *Terrestres*, flore luteo, 1. Foliis laciniatis, vasculo erecto, cauli appresso, tumidio-  
 re, per maturitatem albo : *MYAGRUM monospermon*. 2. Foliis integris, ad tingen-  
 dum utilibus, filiquis compressis, latis, pendulis, per maturitatem nigris *Linguam*  
*avis* dictam referentibus : *GLASTUM*, *Isatis*, vel flore albo, foliis *Glasti*, capsulis  
 rotundis : *LEPIDIUM glastifolium*.

## { Virentibus,

{ *Eruce facie* maritima : *ERUCA marina*.  
 { *Myagri facie*, capsulis rotundis : *MYAGRO AFFINIS*.  
 { *Nasturtii facie*, capsulis verrucosis : *Coronopus Rœllii*.

## { Hirsutis aut asperis

{ *Virentibus Rapiſtri facie* : *RAPISTRUM monospermon*.  
 { *Incana*, *Leucoii facie* : *LEUCOIUM Siliculofum*, *Lunaria peltata*, &c.

## CAP. I.

## De Tetrapetalis filiculosis capsula tumidiore &amp; subrotunda.

## De Myagro.

**M**YAGRUM nomen accepit, quod insidentes vel prætervolantes muscas lentore suo implicet & retineat, necnon capret.  
 Nos hoc in loco Myagrum habemus pro herba tetrapetala filiculosa capsulis tumidio-  
 ribus, floribus luteis, seminibus oblongis aut subrotundis.

A. 1. *Myagrum* Ger. *sativum* C. B. *sylvestre* seu *Pseudomyagrum* Park. item *Myag. sativum* ejusdem. *Gold of pleasure*.

## J. B.

Ex uno caule cubito altiore rami tenues, teretes, recti, subhirsuti, fungosâ medullâ farcti, ramosi prodeunt; quibus alternatim latiore basi adnascuntur folia Drabæ, oblonga, mollia, non aspera & Rubiæ cui Myagrum Dioscorides comparat, pallida, pinnis caulem amplectentia, leviter in ambitu serrata, sapore oleraceo. Ex pediculis satis longis flores pusilli, luteoli, quadrifolii; quorum singulis singula succedunt pericarpia, gigantis uvarum aliquatenus similia, turgidula, oblonga, cum quatuor angulis vel costis, semina continentia multa, oblonga, triangula, Nasturtio minora, coloris ferè Fœnugræci, sapore Nasturtii, quæ in ore retenta contrahunt mucilaginem quandam. Radix ubi adolevit lignosa nonnihil & fibrosa.

## Locus.

Inter segetes Lini non rarè invenitur.

Non est cur Parkinsonus Pseudomyagrum Matthioli à Sefamo Tragi diversam speciem faceret cum C. Bauhinus qui in Phytop. & Matthiolo à se edito ea separaverat in Pinace iterum conjungat, & errorem illum emendet. Vide J. Bauhinum in hac planta, qui fratrem notat, quod ea in Phyt. & Matth. distinxerat.

Aliquibus in locis (inquit C. Bauhinus) feritur olei causâ, & latioribus foliis est, multis locis sponte provenit, & hoc strigosius: hinc figurarum varietas, ut in Matthiolo nostro videre est.

2. *Myagrum sylvestre* C. B. *Myag. Turcicum* J. B.

Hoc longè tenerioribus virgulis quàm præcedens nascitur, sed culturâ fruticosior fit, [ait Camer.] semen minus in vasculis vegetioribus profert.

Quia rarior est Myagri Turcici nomen sortitur ab hortulanis.

3. *Myagrum fatidum* C. B. Park.

## C. B. prod.

Ex radice caules cubitales, aliquando sesquicubitales, virides, crassi, rotundi & asperi exurgunt: quos folia pallide virentia, subaspera, levissimè sinuata, quatuor vel quinque uncias longa, sesquiunciam lata, alternatim cingunt, qui in summo in alas breves dividuntur, quibus flores pallide lutei, longis petiolis donati, veluti umbellæ, insident; hisque utriculi orbiculati minutum semen continentes succedunt.

## Locus.

In Alpibus Helvetiorum, ut monte Fractò & Spligel reperitur.

## CAP. II.

## De Draba.

**D**Rabæ notam genericam faciam capsulas tumidas & subrotundas, flores albos.

1. *Draba vulgaris* Park. *Dioscoridis* Ger. multis flore albo J. B. *Draba umbellata*, vel *Draba major capitulis donata* C. B.

Vix cubitum superat *Draba*, caule tenui, rotundo, striato, firmo, ex radice lignosa surgente, candicante, tenui, longè latèque serpente & quibusdam fibris præditâ: quem folia alternatim basi suâ amplectuntur oblonga, unciâ & fescunciam lata, sinuata ex viridi cineracea. Caulium fastigia in creberrimos abeunt furculos, & ipsos quoque foliosos: quibus umbellatim insident *flosculi* candidi; quibus delapsis *capsulae* suboriuntur, corculum imitatae, ex cono stylum exiguum prominentes, quæ binis suis loculis totidem *semina* parva, ruffa continent.

In agrorum marginibus, in Germania, Italia, Gallia non infrequens est. Nulli ferè agrorum *Locum.* margines circa Viennam, totâque adeò inferiore Austria hæc plantâ non sunt obfita (inquit Clusius) quæ subinde in ipsâ etiam arva latè irrepit. Floret Maio & Junii initio: semen sub finem Junii maturum est.

2. *Draba foliis Barbareae. Camelina Myagrum Aldrovando* J. B.

J. B.

Folia numerosa è radice exeunt, longo pediculo hærentia, repanda, principio subangusto, oblonga, laciniata, qualia ferè sunt *Barbareae*, costâ insigni, pallidè virenti donata, à qua nervi saturatiore colore exeunt. *Caulis* inter hæc prodeunt multi, pedales, teretes, ac crassi satis lentique, quibus folia præcedentibus ferè similia, sed superiùs nullo pediculo hærent.

Summitatibus *flosculi* insident candidissimi, tetrapetali, quales *Scorodothlaspi*, velut in umbellis dispositi. Succedunt vascula sublonga. *Radix* alba est, simplex, fibris tenuibus capillata. Odor foliorum herbidus, sicut & sapor, gratus tamen satis: radicis verò ad *Nasturtii* saporem quodammodo accedit, sed minus acris, ac minus palatum, & linguam vellicat.

Semen hujus ab Aldrovando acceptum in horto Monbelgardenfi J. Bauhino succrevit.

- \* 3. *Draba minor cum orbicularibus capitulis* J. B. C. B. Park. *minor* Clus.

Clus.

Multa promit à summo radicis capite *foliola*, longis pediculis nixa, aliquantulum angulosa, villis quibusdam obfita; inter quæ gracilis exilit *cauliculus*, palmaris, paucis foliolis longioribus obfitus, qui à medio ferè ad summum orbicularibus capitellis onustus est, membranulâ in binas partes divisâ, *semen* exile, fuscum continentibus. *Radix* pro plantæ exilitate satis crassa, paucissimis fibris donata. *Egrè à nobis impetramus, ut hanc plantam Historiæ nostræ inseramus, cujus descriptio ex sicca planta desumpta est, eâque floribus carente.*

- \* 4. *Draba Chalepensis repens humilior, foliis minùs cinereis quasque viridibus* Moris.

Moris.

A *Draba* vulgari triplici nomine distinguitur: 1. Parvitate, est enim humilior: 2. Foliis minùs cinereis & quasi viridibus: 3. Pluribus filiculis, utrinque etiam tumidis, onerantur cauliculi, qui copiosè sic provenientes numerosiore seminum copiam ad maturitatem faciliè perducunt, cum in *Draba Arabum* semina rariùs ad maturitatem perveniant, ob nimiam rependi licentiam. Semine Chalepo misso orta est Oxonii. Floret cum prima specie.

5. *Thlaspi Alpinum minus, Nobis Draba Alpina minor, capitulo rotundo* C. B. Park. *petraeum minus* Ger. foliis *Globulariæ* affine, sive *Alsinesolia cum Myagri foliis* J. B.

Ad *Thlaspi Globulariæ* folio accedere videtur, sed hoc quàm illa exilius. Nam & *radix* longa, crassa in plura capita divisa, & foliola numerosissima quibusdam albidis pilis obfita, quædam interdum sinuata, succulenta, crassiuscula & oblongiuscula, humi sparsa, atrovirentia: quibus præteritorum foliorum filamenta substrata. Ex quibus *furculi* emergunt palmares, aut etiam longiores teretes, glabri, per quos alternatim nascuntur folia, angusta, subpinguia, atrovirentia, ex ima parte coliculum amplectentia. In furculorum divisorum cacuminibus *flosculi* quoque plurimi, lactei, dictæ plantulæ floribus similes; Sapore est acri.

In rupibus humidioribus montium Juræ & Salevæ propè Genevam invenimus. C. Bauhinus in *Locum.* monte Wafferfall collegit: J. Bauhinus in monte *Nombre* propè Burmum Rhætorum cum vasculis mensè Junio, &c.

Descriptio C. Bauhini in Prod. meliùs convenit Plantæ nobis inventæ in rupibus Juræ & Salevæ, quam superiùs posita è J. Bauhini Hist. Siquidem Plantæ nobis observatæ caules tenues erant, & in



plures ramulos brachiati: *folia* ad radicem plura, brevina, acuta, leviter crenata, in caulibus pauca & angustiora: *Flosculi* in summo albicantes, oblongis pedicellis infidentes, &c.

- \* 6. *Thlaspi Alpinum majus* C.B. *Alp. majus capitulis rotundis* Park. Nobis *Draba Alpina major*.

Vix alia in re quàm partium omnium magnitudine à præcedente differre videtur. Fortè hoc est quod J. Bauhinus describit.

Sunt qui *Thlaspi Alpinum* petrarum myagryodes *Ponæ* ab utroque hoc *Thlaspi* distinguunt.

- \* 7. *Draba tenuifolia* Park. *tenuifolia, velut spicata* C.B. *Drabæ species glabra* J. B.

C. B. prod.

*Radice* est oblonga, tenui, albicante: *caulibus* pedilibus, aliquando cubitum superantibus, fragilibus, brevibus, brachiatis: *foliis* paucis, tenuibus, pallidè virentibus, nonnihil in ambitu dentatis, triuncialibus, unciam latis, basi lata caulem cingentibus, alatis, gustu ferventi & acri præditis: floribus albis, parvis, in *cauliculis* palmaribus quasi in spica natis: quibus singulis *semen* rotundum parvum, longo pedicello infidens succedit. [J. Bauhino capsulæ parvæ flosculis succedunt.]

Uterque Bauhinus ab Agerio plantam hanc accepit siccam, in horto Bononienfi collectam.

### C A P. III.

#### De Cochlearia.

**C**ochlearia à foliorum forma modicè cava, parvum & non valdè profundum cochlear referente Recentioribus dicta: quam aliqui Telephium, alii Britannicam Plinii l. 25. c. 3. volunt (licet formâ & sapore *Thlaspi* & *Nasturtii* affinis sit) eò quòd ei malo, quod *Stomacacen* & *Scelotyben* vocant (*Scorbutum* esse volunt) auxilio esse Britannicam Plinius scripserit. C. B. Verùm *Cochlearia* Britannicæ descriptionibus quæ apud Veteres extant non respondet; proinde verisimilius videtur *Hydrolapathum* magnum Britannicam Plinii & aliorum esse, ut multis probare nititur Abrahamus Muntingius lib. de Britannica antiquorum vera.

Notæ *Cochleariæ* genericæ sunt *Statura* humilis, *vascula* modicè tumida, *folia* subrotunda, crassa, succulenta, *semina* globosa, *locus* maritimus.

- A. 1. *Cochlearia* J. B. *rotundifolia* Ger. *major rotundifolia sive Batavorum* Park. *folio subrotundo* C. B. *Common round-leaved Scurvy-Grass* or *Garden Scurvy-Grass*.

J. B.

*Cochleariæ radix* subest crassiuscula, recta, cui adnatæ fibræ aliquot longæ, albæ, tenuissimis capillamentis comatæ: à qua statim oriuntur *folia* multa, pediculis secundum terram purpurantibus, palmum longis, crassa, succulenta, modicè in *Cochlearis* ferè modum cava, saturato virore prædita, supina parte profundo nervorum discursu sulcata, rotunda, alias angulosa: at quæ in caulibus nascuntur magis sunt laciniata, longioraque & sine pediculis, geminâ alâ caulem amplectentia. *Caules* à radice plures, angulosi, in apricis subpurpurei, alias virides, solidi, ramosi, infirmi & vix se sustententes, dodrantes & longiores. *Flores* multi, candidi, quadrifolii, petalis angustis extremis subrotundis, minimè bifidis, cum sex circiter in medio staminulis luteis, pediculis semuncialibus à caule extantibus. *Capsula* feminales turgidulæ binis loculentis constant, in quorum singulis tria aut quatuor plerunque semina parva, rotunda, ruffa, continentur. Totius plantæ sapor cum amarore quodam acris, *Nasturtium* resipiens, sicut & odor.

Locu.

Ad litus maris sponte oritur variis in locis circa Angliam, præsertim in Cumberlandia & Lancastria, in ipsis etiam scopulis è saxorum fissuris & petrarum rimis exit: quin & procul à mari ad latera montium, secus rivulos aquarum ibidem defluentium observavimus plurimam v.g. in Montibus *Penigent*, *Ingleborough*, *Stanemore*, *Castleton*, &c. Hujus autem quæ in montibus oritur folia multò minora sunt & rotundiora planioraq. quàm maritimæ & *Coryledonis* foliis similia: Verum in hortos translata faciem mutat planta & maritimæ magnitudinem assequitur.

Vires.

*Cochlearia* acris est & calida, sale volatili abundat, unde fixos & crassos humores spirituales ac volatiles reddit. Morbis illis medetur qui à sale fixo nimis copioso originem ducunt; inprimis verò *Scorbuto*, cujus peculiare aut proprium seu specificum (ut vocant) medicamentum est, unde & Germanicè & Anglicè indè nomen sumpsit. Usurpari solet à nonnullis in lacte aut vino decocta. Verùm quia partes illæ in quibus præcipua vis & utilitas hujus herbæ consistit, admodum volatiles sunt, & coctione facillè evanescant, succus herbæ expressus, aut ejus infusum efficacius esse videtur quàm decoctum.

Recens cerevisiæ infusa in vitro probè obturato brevi intra tres quatuorve dies totam suam vim antiscorbuticam seu spiritum volatilem ei communicat: Nos experientiâ edocti ejusmodi cerevisiam pro potu ordinario *Scorbuticis* commendamus. Minus commoda est in qua *Cochlearia* diu infusa fuerit, nam diuturna infusione partes terreæ & fixiores herbæ eliciuntur & *Cerevisiæ* communicantur, partisque volatiles vel avolant, vel cum fixioribus complicatæ vim suam amittunt.

Scorbutus

Scorbutus populis qui in salis & maritimis degunt, præsertim Septentrionalibus, ferè endemius est, usque qui piscibus Sale conditis plurimum victitant. Hinc quæcunque Sale volatili abundant, ut *Cochlearia*, *Nasturtium*, *Raphanus*, *Becabunga*, ad hujus curationem maximè valent.

Tales plantarum species in quacunque regione à Deo creantur quales hominibus & animalibus ibidem natis maximè conveniunt, imò ex plantarum nascentium frequentia se ferè animadvertere posse quibus morbis [endemis] quælibet regio subiecta sit, scribit Solenander. Sic apud Danos, Frisios, Hollandos, quibus Scorbutus frequens, *Cochlearia* copiosè provenit.

Qui *Cochlearia* succum fastidiunt is extat tinctura seu essentia liquida, quæ passim in Germania usurpatur. R. *Cochlear.* recentis q. v. Contunde in mortario marmoreo, eamque inditam vasi convenienti aquâ vix subrepida, vel, quod melius, proprio succo crudo irrota; in quo tantillum fermenti vel facis cerevisiæ solutum est. Consperge raro sale. Ubi hæc probè l. a. remissa sunt, reponantur vase optimè operculato tandiu in locum subterraneum, usque dum acriorem odorem spirant quàm cum recens *Cochlearia* contusa est: quod ubi advertis destillentur per Alembicum in M. B. & obtinebis Sp. *Cochlearia*. Postea R. nova *Cochlearia* folia, contunde & exprime torculari valido ex iis succum, eumque levi aqua in M. B. in vase aut vitro optimè lutato defæca, & per chartam bibulam filtra. Hujus hac arte depurati succi tribus partibus affunde partem 1. Sp. *Cochlearia* paullo ante descripti. Digere vel circula l. a. quibus si addideris paululum Sacchari essentia *Cochlearia* parata est, quam præstantissimam & efficacissimam in Scorbuticis affectibus comperi, ubi in aquis destillatis convenientibus, imò vel vino Rhenano & similibus vehiculis, una itémque altera uncia diluitur, maximè si misturæ simplicis dietæ aut diaphoretici in peracutis aliquot guttulæ ad ʒj. pro dosi remisceantur. Atque ea hæc & Trifolii fibrini essentia invicem remissa æquis partibus constat essentia liquida. S. *Paulus*.

*Cochlearia* succus cum herba contusa imposita & alligata faciei maculas sex horarum spatio tollit, postea verò decocto furfuris est abluenda. D. *Palmer* è prælect. D. *Hermanni*.

In Epilepsia contortas partes præ reliquis spirituosus aromatis fovere convenit, inprimis Spiritu *Cochlearia*, quo sæpissimè hostem fugatum gloriari possumus. D. *Soame* è *Dolæi*. L. 2. C. 1. S. 19.

In excrescentia gingivarum scorbutica succus *Cochlearia* cum alumine usto mistus perquam egregius est: sicuti ad hæc ipsa gingivarum vitia ex scorbuto nulli cedit Vermicularis, cujus decoctum cum alumine & melle nobile experimentum est gargarizando usurpatum. D. *Hulse* ex *Ettmulleri* praxi.

A. 2. *Cochlearia folio sinuato* C. B. *Coch. vulgaris* Park. *Britannica* Ger.

Folia promit multa, crassa & succulenta, longiora quàm lata, & interdum angusta, aliàs ad margines aequalia, aliàs nonnihil sinuata, interdum etiam plana, aqualia & acuminata, vel è contra in medio paullum concava, & subrotunda, obscurè viridia & nonnunquam subfusca, longis pediculis infidentia: inter quæ surgunt cauliculi tenues, paucis foliis cincti, longioribus & minoribus, flosculos sustinentes multos, albicantes, cum staminibus in medio luteis, capitulum viride ambientibus, quod augescens fit vasculum feminale, turgidulum, cum tamen maturuit nonnihil compressum *Thlaspeos* in modum, cui inest semen minutum, rufum, acre. Radix multis fibris albescentibus constat, in limum altè demissis.

Ad ripas *Tamefis* fluvii utrinque copiosè oritur, inque salis palustribus quæ maris æstus aliquoties inundat, in *Essexia*, *Cantio*, & universâ orâ maritimâ Meridionali Angliæ ad *Portlandiam* & *Plymouthium* usque. Ego equidem suspicor *Thlaspi* hederaceum *Lob. Ger. Park.* nihil aliud esse quàm hoc genus *Cochlearia*, quæ non rarò foliis triangulis *Hederaceorum* æmulis provenit.

A. 3. *Cochlearia minor rotundifolia nostras*, & Park. An *Thlaspi hederaceum* Lob?

Hæc præcedenti per omnia ferè similis est, sed minor. Folia parva subrotunda, unguem minimi digiti magnitudine vix excedentia, angulosa, præsertim quæ in caulibus sunt. Caules dodrantaless tenues, infirmi: flosculi parvi, purpurascens.

Ad mare in insula *Anglesea* invenimus.

Hæc quamvis in hortis facta, è semine deciduo se aliquoties renovans, statura & magnitudine augetur, nunquam tamen præcedentes dimensiones ullatenus assequitur, unde specie distinctam opinamur.

\* 4. *Cochlearia minor erecta* C. B.

C. B.

Ex radícula capillacea cauliculus tenuis, lævis, palmo minor prodit: foliola habet ad radicem pauca, exigua, oblongis capillaceis pedicellis donata; & quæ cauliculum alternatim ambiunt lente minora sunt, exiguis pedicellis donata, & instar *Cochlearia* *Britannica* sinuata. In cauliculo summo flosculi albi, quibus siliquæ parvæ oblongæ, semen minutissimum nigrum continent.

In *Daniæ* insula *Amagria* oritur.

Cauliculis erectis; flosculis albis, siliquis oblongis, si modò rectè describatur, à præcedente differt.

\* 5. *Cochlearia Danica repens* C. B.

Hæc unciarum trium est, radiculâ & foliis priori similibus, sed numerosioribus, inter quæ cauliculi semiunciales, minutis flosculis albis ornati. Hæc eodem quo prior loco provenit, humi instar *Herbæ Cancræ* [ *Herniariæ* ] serpit, omnino foliis, floribus, seminum loculis & gustu priori respondens.

Si



Si hæc revera cauliculis serpat, omnino specie distincta est à præcedente, verùm si duntaxat humi procumbat Herniarie in modum, fortè eadem fuerit vel præcedenti, vel Cochlearie nostrati rotundifoliae minori.

6. *Cochlearia Arenorica Thlaspi hederaceum* Hist. Lugd. Cat. Paris. *Thlaspi hederaceum* J. B. Ger. Park. *Tbl. exoticum* I. seu *repens hederæ folio* C. B.

*Lob. Ob.*

In Portlandiæ peninsula, Cornubiæ vicino portu Plimuthæ aliisque maritimis Angliæ cautibus repens herbula dodrantalibus & spithamæis gracilibus cauliculis, striatis, puniceis; foliis sinuosis, hederaceis, carnosiss. Flosculi candidi, & semen exile in folliculis gustu & habitu Thlaspi expriment.

Hanc plantam, nisi sit Cochlearia minor rotundifolia nostras (cujus folia quæ in caulibus angulosa sunt & hederacea referunt) neque nos, neque quisquam alius, quod scimus, Anglus in locis à Lobelio memoratis, aut alibi in Anglia (quod mirum) invenit.

#### C A P. IV.

##### De Leucoio siliqua subrotunda.

1. *Leucoium cum siliquis rotundis flore luteo* J. B. *Thlaspi incanum marinum Hispanicum, Eruca peregrina* Clusii Park. *Leucoium incanum siliquis rotundis* C. B. *Leucoium marinum luteum majus* Clusii & Lobelii Ger.

*J. B.*

**P**lures ex radice candida, fibrata, mediocriter crassa caules profert, cubitum altos, teretes, leviter hirsutos, & in multas alas diductos. Folia semunciam plus minus lata, palmum longa, subhirsuta & nonnihil incana. Flores extremis ramis copiose congesti harent, parvi, lutei: quibus superveniunt utriculi turgidi, medium dissepiente membranula tenui, cui adhærent semina foliata orbiculata, rufa, Leucoii granis similia.

*Tempus & Locus.*

Aprili mense floret, & in maritimis Istriæ & Illyriæ passim provenit. Donrez. Crescit quibusdam locis incultis & secus vias in Castella, ubi Maio floret. Clus.

2. *Thlaspi spinosum* Ger. *spinosum fruticosum* C. B. Park. *Leucoium spinosum* sive *Thlaspi spinosum* alius J. B.

*J. B.*

Dodrantali ferè est radice, crassiusculâ, contortâ, lignosâ, foris propemodum fuscâ, intus buxâ, in plura capita facessente. Stolones lignosi, crebri, duarum triumve unciarum, aut paullo longiores, fusco aut incano, porraceove cortice vestiti, in ramos frequentes divisi, alii in spinas longiusculas, rigidas, mordaces rectasque abeunt, positi & formâ Pimpinellæ spinosæ. Folia per imos ramos pauca, per superiores conferta, incondita, Thlaspeos montani lutei, semiuncialia, atq; uncialia, vix culmum lata, mucrone obtuso, crassa, incana, sapore Brassicæ acrisculo. Extremis ramulis hærent ex mediocribus pediculis gemino ordine, viridantes capsulae, capitulis Myagri similes, bifores, dissepimento membranulæ lucidæ in duos loculos distinctæ, semen continentes rufescens, rotundum, compressum, gustu acri.

*Locus.*

In summis rupibus montis Lupi non procul Monspelio copiose provenit.

*Cardamine pusilla saxatilis montana* Dioscoridis Col. *Nasturtium pumilum vernum* C. B.

Ob fructum ovalem tumidum ad hoc genus pertinere videtur. Vide inter Nasturtia.

#### C A P. V.

##### De Tetrapetalis filiculosis capsulâ compressâ.

##### De Nasturtio.

**N**asturtium ὀξυδάμων Dioscoridi l. 2. c. 185. Theophr. 7. Hist. 1. vel quasi ὀξυδάμων quia ὀξὺς δαμάει caput domat, h. e. purgat acrimoniâ suâ. Nam id quod nigrius est capitis vitia purgare ait Plinius l. 20. c. 13. vel est id nomen à ὀξυδα, quod cordatos facit. Nam dicunt τὸς ἰδιότροπος ὀξυδάμων ὀξυδάμων ἢ ὀξυδάμων ἢ ὀξυδάμων. Hinc proverbium in pigros & desides ὀξυδάμων ἔσθι, Nasturtium comede. Quod Plinius respexit, cum verbis ante allatis subiungit: & inde vigoris significatio proverbio id vocabulum usurpavit, veluti torporem excitantis. Nasturtium autem quasi Nasitor-

tium

tium dictum est, quod nasum torqueat, odore & seminis acrimonia sternutamenta provocans. *Plin. Varro, Isidor.*

Nasturtii notæ characteristicæ sunt Sapor acris, odor acutus & nares feriens, folia plerunquevariè incisa.

1. *Nasturtium hortenfe* Ger. Park. *vulgare* J. B. *hortense vulgatum* C. B. **Common Garden-Cress.**

*Radice* est albâ, lignosâ, simplici, nonnunquam tamen multifidâ aut furculosâ, fibris tenuibus capillatâ, minus acri quàm sunt folia, quæ minutis incisuris secta sunt: adulta & quæ in caulibus existunt, vel *Eruce* modo dividuntur, vel integra sunt & oblonga, sapore acri, acetariis expetita. *Caulis* plerunque singularis, (interdum plures) teres, glaber, solidus, in alas multas divisus, ab imo statim ramosus, & crebra ramulorum subdivisione fruticosus admodum, glauco quodam polline obductus, qui facile detergi potest. *Flosculi* in summitatibus caulibus & ramorum exigui, tetrapetali, ex albo dilutè rubentes, pediculis brevibus insident, qui dum successivè aperiuntur, in spicas longas excurrunt furculi seminibus onusti. *Semen* fulvum seu rufum in filiquis seu vasculis parvis, compressis, rotundiusculis Thlaspeos vulgarissimi, in summo fissis. Singula *vascula* in binas cellulas divisa, binâ duntaxat *semina* continent; in singulis scilicet cellulis singula.

Floret Maio & Junio, cùmque semen perfecit radicitus exarescit.

Dux præterea habentur Nasturtii hortensis seu Species seu varietates, altera folio integro æquali, J. Bauhino Nasturtium hortense latifolium seu Dioscorideum dicta; C. B. Nast. hort. latifolium; Gerardo N. h. Hispanicum; Park. N. h. latifolium Hispanicum. **Broad-leaved Garden-Cress:** altera folio crispo, quæ Nasturtium hortense crispum Joh. Bauhini J. B. hortense crispum C. B. hort. crispum latifolium & angustifolium Park. **Curled Cress.**

Caulibus, floribus, seminibus cum Nasturtio vulgari convenit, foliis plurimum differt, quæ huic miris modis laciniata & crispis oris fimbriata sunt: quin & folia feminalia in hac specie non sunt tripartitè divisa, quemadmodum in vulgari, sed integra, unâ duntaxat utrinque in margine incisurâ secta.

Acris & calida est tum herba, tum præcipuè semen: unde atten. aper. abstergit. *Ufus præcip.* *Viros.* est in tumido liene, mensibus obstructis, foetique mortuo expellendo: tartaream mucilaginem pulmonum incidit, & Scorbuto confert. Vulgo quidem ad expellendos morbillos inservit semen. Extrinsecus usu venit in apophlegmatismis, errhinis, phoenigmis: furfures ac scabiem fordem capitis aliarumque partium sanat tritum aut frixum cùmque porci axungia illitum. *Scrod.*

Usurpatur passim ad ciborum condimenta & intinctus. Venit quoque vere & per æstatem cum Lactu atque aliis herbis oleo, aceto & sale, in mensas. Lactuæ frigiditatem attemperat, ventriculorum calore suo refocillat, & concoctionem promovet.

Belgæ Nasturtio cum pane & butyro Maio mense frequenter utuntur. Facit ad grave illud malum quod Scorbuto appellant: nec minor est hujus quàm vel Cochleariæ, vel Nasturtii aquatici in hoc morbo vis & facultas.

In affectibus comatosis seu lethargicis nil præstantius est quàm Nasturtium tam coctum, quàm in acetariis ab experientia *P. Foresti Observ. Med. Lib. 10. Obs. 39.*

Ex Paræo observat Sim. Paulus, ad scedam crustosam puerorum scabiem nihil tam promptum esse & efficax, quàm Nasturtium hortense tritum aut frixum cum porci axungia: nam intra viginti & quatuor horas crustæ ut decidant perficit, quinetiam si eo quis utatur diutius, persanat, ut ille experientia cognovit.

A. 2. *Nasturtium sylvestre* J. Bauhini: *Thlaspi angustifolium* Fuchsii J. B. *Thlaspi minus* Ger. *Nasturtium sylvestre* Osyridis folio C. B. Park. **Narrow-leaved wild Cress.**

Dodrante majus est, sativo simile formâ & odore & sapore, ni minor esset; *radice* satis crassâ, lignosâ, fibris donatâ, albâ, saporis fervidi: ex qua *caules* emittuntur plures, crassitudine radici sup-pares, perquam carnosî, duri. *Folia* infima caduca, Nasturtii vulgaris foliis similia, laciniata, multò tamen minora: ab Iberide huic absimili differunt, utpote cui folia infima per extremam oram serrata duntaxat aut crenata existunt, & latiora: nam superiora tenuia, angusta, Iberidis pane sunt odore, & sapore vehementer acri. *Flosculi* minimi, albidî, visum ferè fugiunt, ad Iberidis flores accedentes: quos necdum delapsos *filiquæ* numerosissimæ excipiunt, ex longiusculis pediculis parvæ, rotundæ, compressæ, & supremo margine fissæ: quibus dehiscentibus duo *seminula* ruffa, oblonga cum valvulis excidunt, relicta membranâ albâ dissepiante.

Spiritus Nasturtii (nescio an de hoc intelligat) exhibetur à Danicis medicis maximo cum successu. *Viros.* Sed hic spiritus fermentatione elicitur, circulator, & unitur cum proprio suo sale fixo & oleo. Modus præparationis extat in *Tho. Bartholini Act. Med. An. 1671. Obs. 184.* hæc nobis suggestit D. *Tancredus Robinson.*

Castra ego in Germania secutus observavi complures meorum commilitonum hydrope vel dysenteria laborantium pristina sanitati esse restitutos, quibus suavis Chirurgi castrentis singulis vicibus seminis Thlaspeos 3ß. propinabatur. S. Paulli Quadrip. Bot. Clas. 3. p. 505.

\* 3. *Nasturtium Alpinum capsulâ* Nasturtii vulgaris Joh. Bauhini J. B. *Alpinum capsulâ* Nasturtii hortensis C. B. Park.

J. B.

Vix tres uncias altum est, *radice* lignosâ, paucis fibris donatâ: *Coliculi* duo aut tres, per quorum summa *capsulæ* Nasturtii vulgaris, non dissimili ordine positæ: *Folia* parva, simplicia, crassâ, angustâ, unciâ, quantum animadverti, breviora: *flosculi* parvi, albi, ut existimo.

In



*Locus.* In Rhætia monte *Nombre*, propè balnea *Wurmbes* ætate florebat & filiquas habebat. Ex herba sicca descripsi.

4. *Nasturtium Alpinum tenuissimè divisum* J. B. C. B. *Cardamine Alpina* Ger. *Alpina minima* Park.

Aliàs trium unciarum plantula est, aliàs ferè dodrantalis, [Clus. uncialis,] *Foliola* habet minutissima, terna, quina, septena ad costam annexa [Clusio viridia, gustu acri & fervido] sic ut tota interim ala semuncia interdum non sit longior, aliàs uncias duas excedat, sapore fervido *Nasturtii*. *Coliculos* habet plures, nonnunquam unicum: in cuius fastigio *flores* multi sunt coacervati, candidi, pro plantæ proportionem magni, è quatuor foliis *Pastoriae* minimæ. *Radix* alba, crassiuscula, longa, fibris longis donata.

*Locus.* In ipsis scopulis summi jugi *Sneberg* invenit Clusius, Augusto mense florentem. Invenitur etiam in *Tirolensibus* & *Salisburgensibus* montibus, teste *Camerario*.

In planta nobis observata in monte *Jura siliculae* succedebant oblongæ, compressæ, mucronatæ, *Paronychiæ* vulgaris similes, verùm minores: fortè cum adultiores sunt in crassitiem intumescunt. Huic aut potius proximè sequenti similis est si non eadem planta

5. *Tblaspi montanum minimum Monspelisum folio laciniato* J. B.

J. B.

*Lignosis*, albis prolixis, multifidis *radiculis* nititur, ex quarum capite *surculi* emergunt numerosi, interdum vix unciales, aliàs trium, quatuorve unciarum altitudine, ramosi; *Flores* congesti, exiles, albi; quibus paullatim delabentibus sensim succedunt longiore intervallo diffusæ *siliquæ*, milu grano æquales, ex rotundo oblongæ, in duos loculos interveniente candida membranulâ divisæ, ex pediculis longiusculis pendentes: *Semina* minuta, ruffa. Folia tum ex radice statim, tum ad caulium ramorumque divisiones uncialia vel semuncialia, in profundas angustissimas lacinias ad costam usq, incisa.

*Locus.* In *Boutonet* propè *Monspelium* à *Cherlero* collectum est. *D. Magnol* nec ibi nec alibi circa *Monspelium* invenit.

*Flore* exili à præcedente planta differt & cum sequenti convenit; verùm siliquæ formâ præcedentem potius imitari videtur.

6. *Nasturtium Alpinum folio alato, Tblaspi montano minimo Monspel. J. B. simile, si non idem.*  
*An Cardamine pusilla saxatilis montana Doroed's Col.*

Ex radice simplici, albâ, lignosâ, fibris majusculis donatâ *cauliculus* exurgit nunc simplex, nunc multiplex, ab imo statim ramosus, palmi interdum altitudine, sæpius tamen duarum duntaxat triumve unciarum, rotundus, foliis vestitus alternatim positus ad ramulorum exortum. Sunt autem folia tam quæ à radice exeunt, quàm quæ in caulibus existunt, ad modum *Valerianæ Græcæ*, septem vel octo vel etiam pluribus, (interdum paucioribus) pinnularum mediæ costæ adnexarum conjugationibus cum impari in extremo folio composita. Sunt autem pinnulæ figurâ ferè rhomboide & à se invicem remotius seu rarius sitæ. *Flosculi* in summitatibus caulibus & ramulorum, eodem modo dispositi quo in reliquis hujus generis, minutissimi, albi, quadrifolii, cum *faminulis* in medio luteis. Vascula seminalia *Thlaspeos* minoris, compressa, exterius gibba, interius concava, semen continentia exiguum, ruffum.

*Tempus & Locus.* Initio Maii floret, & maturo semine (quantum quidem ego ex habitu plantæ conjicere potui) exarescit. In *Saleva* monte, locis udis, observavi.

*Cardamine* pusilla, saxatilis montanas *Doroed's Col.* ab hoc non diversa videtur; siquidem descriptiones conveniunt, nisi quod *Columna* fructui ovalem figuram attribuat. Vide descriptionem apud *Columnam*, quæ in nonnullis nostrâ paullo plenior est. Montibus umbrosis, & humentibus locis terrenis invenit.

\* 7. *Nasturtium pumilum supinum vernum* Botan. Monsp.

Magn.

A pumilo verno præcipuè distinguitur, quòd ramulos supinos habeat, divifuras foliorum inæquales & ultimum ac impar folium majus. *Flores* & *capsulæ* eadem sunt.

*Locus.* In humidis versùs *Lateram* & *Perauls* invenit *D. Magnol*.

\* 8. *Nasturtium sylvestre Erucae affine* C. B. *Nast. syl. Valentinum* Clusio J. B. Park. *Eruca Nasturtio cognata tenuifolia* Ger.

Clus.

Unico hæc planta assurgit caule, sed statim à radice supra solum multis alis diviso, hirsuto & aspero, virente, rotundo, pedalis longitudinis: inferiora folia qualia sint pronunciare non possum, quia jam in semen magna ex parte evalerat planta cum observabam; quæ tamen sub alis cauli inhærebant, tenuia erant & multifida, *Nasturtii* vulgaris & legitimi foliorum pæne æmula, tenuiora tamen & viridia, acri gustu, ut *Nasturtium*. Extremis ramis fert multos spicæ in speciem congestos *flosculos*, quatuor foliolis pallescentibus constantes, in quibus totidem *famina*; quibus evanescentibus succedunt *siliquulæ* breves, duabus valvulis sive utriculis constantes cum lingula prominente, non quidem sursum erectæ ut reliquorum congenerum, sed deorsum inflexæ, in quibus *Nasturtii* æmulum semen. *Radix* est singularis, candicans, satis crassa, non tamen vivax, sed quæ singulis annis perit.

In

In regno Valentino Martio mense, florentem hanc plantam & semine jam plenam inveniebat *Locus*: Clusius.

- A. 9. *Nasturtium petraeum* Tab. Ger. *Bursa pastoris minor* Park. *minor foliis incis* & *Thalis* C. B. *B. pastoria minima* Ger. *parva folio glabro spisso* J. B. *The lesser Shepherd's Purse, or flock-cress.*

*Radix* ei alba, lignosa, simplex, fibris paucis majusculis donata, languido sapore *Nasturtii*. *Folia* primò erumpentia simplicia, rotunda, parva; reliquæ *Bursæ pastoris* modo nonnihil laciniata, crassa, glabra, vix sextantalia, à radice crebra. *Cauliculi* plures semipedales aut dodrantes, interdum nudi, aliàs foliis parvis, nullo ordine positis vestiti, non ramosi. *Flosculi* plurimi in summis caulibus parvi, albi, tetrapetali, successivè aperiuntur; quibus succedunt *capsulæ* minores & rotundiores quàm in vulgari *Bursa past.* duo plerunque seminum paria continentes.

In solo arenoso apud nos plerunque provenit, nonnunquam & in petrosis.

*Nasturtium petraeum* Tab. Ger. huc refero, cum J. Bauhino.

*Locus.*

- \* 10. *Nasturtium minimum vernum foliis tantum circa radicem* Botan. Monsp.

*Magnol.*

In isto foliola in orbem disposita tantum circa radicem oriuntur, leviter incisa, quædam etiam sine incisuris. *Cauliculum* unum, aliquando duos producit, uncias duas altum, in cujus summitate flosculi albi sunt, ex quibus capsulæ oriuntur sicut in *Thlaspi*, pro plantæ parvitate satis magnæ.

Primo vere floret in ingressu luci *Grammuntii*.

*Locus.*

## C A P. VI.

### De Nasturtio Iberide,

**I**beris vox Latina est ab Iber Iberis vel Hiberis, quòd in Hispania copiosè nasceretur. *Nasturtii* species est, à flore, siliquis & odore.

1. *Iberis* J. B. *Ib. Cardamantica* Lob. *Iberis latiore folio* C. B. Park. Ger. *emac. Scitatica cressæ.*

J. B.

Statim è radice alba, lignosa, mediocriter crassa, paucis fibris donatâ plures profert caules, dodrantes & altiores, duros, frequentibus alis concavos. *Folia* quidem prima longis pediculis appensa, semunciam lata, duas trêve uncias longa, per extremum ferrata: superiora verò & quæ in caulibus ramisque *Linariæ* foliis paria, angusta, acuta, nullo pediculo donata, nec crenâ ullâ incisa: sapor omnibus fervidus *Nasturtii*. *Flores* extremis ramulis coacervati hærent, candidi, *Nasturtii* floribus similes. *Semen* continetur minutum in parvis thecis oblongis, quarum valvulas dissepit membranula.

In incultis, ruderatis & secus vias ubique ferè tum in Germania, tum etiam in Italia, Sicilia & *Locus*: Gallia Narbonensi.

2. *Iberis Nasturtii folio* C. B. Park. *b. e. Iberis* Cam. ep. & *Matth. mag. fig. Cardamantica tenuifolia* Ger. *emac.*

Nihil aliud est quam *Thlaspi angustifolium Fuch.* five *Nasturtium sylvestre* J. B. ex sententia J. B. cui & nos libenter suffragamur: ideòque Iberidem in duas species non distinguimus.

- \* 3. *Iberis humilior, annua Virginiana ramosior* Morif. *Aliis Piperitis seu Lepidium Americanum.*

*Morif.*

Hæc facillè distinguitur à priore 1. *Duratione*: 2. *folia* producit latiora, viridiora, magis crenata: 3. *Caules* humiliores & ramosiores: 4. tandem *Flores* duplo majores, & consequenter majores itidem capsulas.

*Iberis* dicta odore & sapore est *Nasturtii*, proinde etiam viribus cum eo convenire videtur.

Veteres, Dioscorides, Galenus, Plinius è Damocrate ad dolorem ischiadicum eam commendant. *Vires.* *Radix* contusa magnâ copiâ (difficulus autem tunditur ætate & recens, tunc enim fortissima, & usus efficacior) cum modica axungia, adhibetur toti cruri & maxime coxendici; finitur per quatuor horas in viris, minus in mulieribus, deinde aufertur & crus in balneo ponitur, post inungendum ex oleo & vino, ac demum terfa pinguedine & sudore, tegendum molli lana, ut æger ambulet: Si opus fuerit repetendum post dies viginti.



## CAP. VII.

## De Lepidio.

**Lepidium** Dioscoridi l. 2. c. 205. sic dictum quod *λεπίδα* seu squamas & maculas faciei debeat; vel *ἀπὸ τοῦ λεπίου*, id est, *ἐκδύειν*, quod suā acrimoniā urenti ulceret, excoriet, eāque facultate vel ferro notas fronti servorum inuistas debeat, de quo forsan Columella lib. 10. Lepidium Plinio lib. 20. c. 17. C. B.

Lepidii notæ genericæ sunt Folia integra magna, flosculi parvi albi, filiquæ itidem parvæ, sapor & odor Piperis, & in vulgari specie radix reptatrix.

A. 1. *Lepidium latifolium* C. B. *Lep. Pauli* J. B. *Piperitis* sive *Lepidium vulgare* Park. *Raphanus sylvestris* Officinarum, *Lepidium Aeginetæ* Lobelio Ger. **Dittander, Pepperwort.**

*Radix* digitali crassitudine & major, alba, gustu acri & calido sed qui subitò evanescit, sub terra reptat. *Caules* emittit plures, bicubitales, teretes, læves, medulla farctos, ramosos, minimo digito minores, glauco quodam polline, qui facile detergi potest obductos. *Folia* longa, lata, in acutum desinentia, Mali Citrix similia, sed sæpius majora, glabra, pinguis, obscurius virentia, alternatim adnata, per margines serrata: quæ à radice exeunt & in imo caule sunt, pediculis longis suffulta. *Flosculi* in summis caulibus & ramulis pro plantæ proportionem minimi, tetrapetali, albi, conferti & copiosi, pediculis tenuissimis insident; quos excipiunt *vascula seminalia* minutissima, compressa, apice acuto, *semina* continentia.

Locus.

Reptatu suo hortulanis inuisa est. Semen autem ad maturitatem rarò perducit. Ad fluviorum ripas sed rariùs apud nos provenit: ut v. g. prope pontem Hithensem Colcestriæ, necnon Camaloduni, ad pontem *Heybridge* dictum copiose & alibi prope *Fulbridge*.

2. *Lepidium glastifolium* C. B. *Lepidium non repens* J. B. *Lep. annuum* Lob. Ger. Park. sed *perperam*. **Annual Dittander, or Peppertwort.**

Morif.

*Radix* fibrata, ex qua *folia* oriuntur, primùm palmaria & sesquipalmaria, angustiore principio penes pediculum sextantalem aut quadrantalem, sensim dilatata ad ternas circiter uncias, sensim denuò in obtusum mucronem desinentia, nullis per ambitum crenis dentata, sapore Lepidii fervido. *Caulem* profert bicubitalem & altiore aliquando, qui supèrne in multos ramulos finditur, *flosculis* onustos plurimis, albidis, majoribus multò quàm sint præcedentis *flores*; quos sequuntur *siliculae* rotundæ, planæ, bifidæ, membranâ per maturitatem pellucidâ & albâ disseptæ, *semina* plurima, sub-ruffa continentem, sapore acri *Thlaspeos* æmula. *Folia* inferiora glauca, Glasti foliorum colore & glabritie æmula; superiora, caulibus alternatim aut nullo ordine adnascencia, perquam angusta sunt & tenuia.

Quamvis annuum dicatur Lob. & aliis: *radix* tamen hyemem perfert interdum, & in plures annos durat, etiam postquam semen perfectum dederit.

Locus.

In agris prope Ratisponam in Germania observavimus copiosè enatum. Verùm quam ibidem collegimus planta capsulas habuit numerosissimas, perexiguas, sphaericas monospermas, unico in singulis semine ruffo: unde specie ab hac diversa sit oportet.

\* 3. *Lepidium Dioscoridis* Zanoni; *maximum Chalepense* Morif.

*Radix* demittit satis crassam, longitudine circiter palmari, albam, ruptu difficilem, superius viridem & asperam, plurimis radiculis longis, rotundis à majore hac exeuntibus, quæ huc illuc rependo alias plantas producant, more Lepidii vulgaris, quibus undique scaterere conspicitur locus in quo plantatur, ut difficulter inde erui & penitus eximi possit. *Caulem* edit simplicem aut aliquando duplicem, rotundum, lævem, lucidè virentem, qui in pingui solo proveniens superat cubitalem altitudinem; ex cujus singulis geniculis exsiliunt *folia* caulem ambientia, quemadmodum fit in Lepidio vulgari, sed Laurinis foliis similia. In summis caulibus ramatim prodeunt *flores* tetrapetali, albidis, cum staminulis & apice in medio, quibus flaccescentibus totidem succedunt *capsulae* rotundæ, bivalves, includentes in se *semina* ruffa, Nasturtii vulgaris fimiñibus minora.

Sapor hujus plantæ acrior est quàm Lepidii vulgaris, ac proinde potentius remedium est contra dolorem Ischiadicum, Lepram, & dolorem Splenis.

Locus &  
Tempus.  
Vires.

Floret æstate: Semina Chalepo transmissa sunt à D. Rob. Huntington.

Vis foliorum acris & excalfaciens (inquit Dioscorides) quapropter trita herba ischiadicis præsentissimum est auxilium, si cum Heleni radice quatuor horis illinatur lienosis simili modo prodest, lepras eximit. Radix appensa collo [adalligata brachio *Plin.*] dolore dentium liberare existimatur.

Mulierculæ nostrates Buræ seu S. Edmundi burgi in Suffolcia, referente Parkinsono, ad partum facilitandum decoctum in cerevisia propinant.

## CAP. VIII.

## De Thlaspi.

**T**hlaspi à fructus forma, qui veluti infractus & contusus est, à *θλάω* *infringo, conquasso*, nomen accepit.

Thlaspeos notæ characteristicæ sunt capsulæ seu vascula seminalia compressa.

Duo autem Thlaspeos genera sunt, vel enim membrana cellulas seu loculamenta dissepienti ad planum seu latitudinem capsulæ parallela est, & quæ ejusmodi capsulam habent *Alyssa* dicuntur; vel ad latitudinem filiquæ transversa seu perpendicularis, quod genus *Thlaspi* simpliciter dicitur.

## De Thlaspi Alyssio dicto.

Alysson ab *α* privativa & *λύω* rabies dicta est, quod demorsos à cane rabido mirificè juvet. Alysson Galeno 2. de Antid. herba est Marrubio similis, orbes habens in furculorum summitatibus asperiores & magis spinosos, flores ad cœruleum vergentes: unde specie diversa est ab Alyssio Dioscoridis & Plinii, quæ foliis est rotundis, & fructu duplicium Scutulorum effigie.

1. *Thlaspi Narbonense Lobelii* Ger. *Thlaspi Alysson dictum maritimum* C. B. *Nasturtium vel Thlaspi maritimum* J. B. *Sea-Creacle Mustard*.

E radice alba, simplici, lignosa, perenni, paucis fibris capillata ramulos emittit plures, imbelles, humi procumbentes striatos [lignosos satis, fragiles, hirsutos, subrubentes *f. B.*] quos folia occupant alterno aut potius nullo ordine posita, [uncialia, perangusta, incana hirsutæ obsita, sapore Nasturtii] *Flosculi* in summis ramulis congesti, albi, quadrifolii, medio seu umbilico obscuriore, in universum floribus Nasturtii aquatici vulg. simillimi. *Vasculum seminale* parvum, compressum summa parte acutâ [J. B. utrinque acuminatum] semina duo vel tria continens pusilla, ruffa.

Ad mare Mediterraneum ubiq. ferè occurrit, & Leucoii lutei quandam similitudinem habet, nisi quod ramuli infirmiores sint & procumbant, quodque tum ramuli, tum folia multò minora. Semina in hac specie compressa & plana sunt, in singulis vasculis bina; Nam filiculæ membranâ intergerinâ, in duas cellulas discreta sunt, in quorum singulis singula semina.

Parkinsonus hanc speciem cum Thlaspi Cretico albo umbellato majore confundit.

2. *Thlaspi minus quibusdam, aliis Alysson minus* J. B. *Thl. Alysson dictum campestre minus* C. B. *Thl. arvense minus luteum* Park. *Thl. Græcum* Ger. *Small Madwort*.

*f. B.*

Planta hæc è semine deciduo se quotannis renovans crebris virgulis fruticat, duris, teretibus, asperis & incanis, in ramos fissis, & in terram aliquando reclinatis. *Flosculi* in summis caulibus & ramulis crebri, [è calice quadripartito,] velut in spicas excurrentes, ut in Thlaspi minore & hujus generis aliis, pediculis brevibus infident, flavi tetrapetali, adeò exigui, ut vix aperiantur, nec eorum partes facilè possint discerni: quibus serie longâ (ut in hoc genere fieri adsolet) capsulæ succedunt, à caule extantes, Lenticulæ grano formâ non dissimiles, verum multò minores, supina parte concavi, circumactò circulo in medio protuberantes, ubi semina subsunt pusilla, quaterna, singulis locellis membranâ disclusis bina, ruffa. *Folia* infima ad Thymi aut Alfinæ minimæ folia accedunt, semunciali longitudine, pediculo angusto, versùs apicem dilatantur, incana, ad tactum aspera, minùs tamen quàm ea quæ in caule sunt, crebra, oblonga, & pro longitudine angustiora iis quæ ad radicem. *Radix* demittitur lignosa, alba, simplex & interdum furculosa. Sapore est Nasturtii, sed multò remissiore, radix tamen satis acris est & mordax.

Aprili & Maio floret, serius citiusve pro veris temperie.

Circa Genevam in glareosis passim, atque etiam circa Moguntiam in Germania, Monspelium in Gallia Narbonensi.

Non unâ semper facie occurrit hæc planta, aliàs pusilla admodum, aliàs dodrante major. Variat etiam non rarò floribus colore albo, autore J. Bauhino, qui Montbelgardi in sua vinea copiosè provenire flore albo scribit. Clusius qui florem pentapetalon huic attribuit proculdubio falsus est.

C. Bauhinus duas hujus species facit, minorem hic propositam, & majorem: verum distinctas esse non fidenter affirmat, quin potius unam & eandem suspicatur: Morisonus in Prælod. Thlaspi Alysson minimum habet: ab Alyssio majore & minore partium omnium parvitate discretu facile.

At nos majoris speciei ramulum habemus vasculis duplo quàm descriptæ majoribus quæ fortè

3. *Alysson Anguillare* J. B.

*f. B.*

Fruticosa est, ramis duris, lignosis, teretibus, hirsutis: folia similia Thlaspi minori Alyssio dicto, latiora, asperiora, hirsuta, subrotunda, in obtusum acumen desinentia. *Siliquæ* eâ sunt dispositæ serie quâ in jam dicto Thlaspi, hirsutis pedicellis hærentes, compressæ circinatæ rotunditatis, in umbonem modicè protuberantes, triplo majores quàm Thlaspi modò dicti, multum asperæ, stylum exiguum è summo proferentes, membranulâ lucidâ valvulas determinante.

Ex sicca planta descripsit, unde nec quale semen animadvertere potuit, nec quales flosculi afferere.

B b b b

Dubit



Dubitat J. Bauhinus & quærit, Annon hoc sit Thlaspi Græcum propinquius fortè Dioscoridis, Polygoni folio aut Olex, Lentis semine Lob? h. e. Thlaspi Alysson dictum campestre majus C. B. quod à minore specie non differre ipse C. Bauhinus suspicatur.

4. *Thlaspi montanum luteum* J. B. *montanum luteum majus* Park. *montanum incanum luteum* Serpylli folio majus C. B. *supinum luteum* Ger.

J. B.

Non pauca huic cum præcedente [Alyssò minore] communia, potissimum verò *folia* oblonga, incana, maximè infernâ parte, aspera, ad Olex formam nonnunquam accedentia: *Radix* longa, lignola, multifida, numerosos, humi fusos, lignosos *caules* profert, cinericeos, dodrantes & longiores. *Flores* copiosi, eo ordine digesti quo in jam dicto Thlaspi, multò majores, & saturatè lutei: *capsellæ* quoque non dissimiles, *stylum* è capite proferentes, umbilico prominulo, *semen* claudentes.

Locus.

C. Bauhinus invenit propè Basileam, circa *Burfecken* supra rudera in monte.

Magnitudine excepta nihil invenio in descriptione hujus plantæ quod non conveniat præcedenti. Verùm quam accepit J. Bauhinus à Tossano Carolo ex *Champagnole* Burgundiæ, folio erat multò majore, ad Oleam accedente; *floribus* Leucoii lutei, ejusdemque odoris. *Floruit* toto Junio ac Julii principio.

D. Magnol in *Botan. Monsp.* in priore juxta capsulam quatuor foliola viridia adesse observavit, in hoc verò nulla, capsulas etiam multum differre. In iisdem locis cum priore reperitur, & eodem tempore floret.

Nos in Ætna Siciliæ monte hujus generis plantam observavimus palmarem, plurimis cauliculis, flosculis albis qui ut in reliquis successivè aperiuntur, non tamen in longas spicas excurrunt, sed velut in capitula conglomerantur, ob loci frigiditatem ut puto, nam habemus alibi collectas hujus generis spicas prælongas. Ab omnibus aliis hujus generis plantis differt, quòd folia calycis una cum flore non decidant, sed maneant vasculo subjecta, quod P. Magnol Thlaspi Alyssò dicto campestri minori proprium facit.

5. *Thlaspi verum primum* Dioscoridis Zanoni.

Zan.

Mirum in modum ludit natura in productione foliorum hujus inferiorum, versùs terram provenientium, & superiorum caulibus ejusque ramorum geniculis adherentium: prima enim *folia* dense protrudit, longis costis innitentia, quorum lobi alternatim costis singulis adherent, quique sunt tenuiter divisa foliorum Hypecoi adinstar, à radice usque ad tertiam caulis partem, deinde quædam folia latiore basi cingunt caulem divisa in aliquot lacinias, superiora autem folia sunt integra, mucronata, ac Perfoliatæ modo cingentia caules & caulium ramos ad singula genicula; quod in nulla alia Thlaspeos specie observatur. In summis fastigiis caulibus & ramulorum *flores* proveniunt minutuli, albi, quorum singulis singulæ subveniunt *filiculæ*, rotundæ, bifidæ. Hæ capsulæ secundum ramorum cymas spicatum proveniunt, relinquentes (post semina matura & valvas delapsas) septa media pellucida exiccata petiolis adherentia, ut in aliis.

Locus.

Provenit hoc Thlaspi non solum in Persia sed & in Syria.

## C A P. IX.

De Thlaspi membranâ cellulas determinante ad latitudinem filiquæ transversæ, & primò

§. 1. De iis quorum surculi floriferi flosculis paulatim se explicantibus in spicas longas excurrunt.

A. 1. *Thlaspi vulgatum* J. B. *Vulgatissimum* Ger. *Vaccariæ folio* Park. *arvense Vaccariæ incano folio* majus C. B. *Æthyridate* Mustard.

J. B.

**E**X radice satis crassa, fibrosa, lignosa, alba, subacri *caules* exsurgunt hirsuti, teretes, rigidi, brachiati: quibus *folia* sine pediculis adherent, longa, sensim angustiora reddita, serrata five crenata, geminis pinnulis caulem amplectentia, sapore cum morfu acri. *Flosculi* minimi, albi, multi, ut in Bursa pastoria dispositi, quatuor foliis virentibus sustentati, apicibus candidis. Capsulæ præmature ortu *flores* occupant, foliaceæ, subrotundæ, infractæ, in summo fissæ, in quibus *semen* acre Sinapi aut Nasturtii.

His adde, Folia quæ à radice exeunt longis pediculis inniti; filiculas seu vascula sem. longioribus pediculis infidere quam in Nasturtio hortensi, deorsum reflexis, & bina duntaxat semina, hinc inde unum, continere.

Locus.  
Vires.

Inter segetes præsertim solo arenoso aut glareoso frequens oritur.

Thlaspeos semen calidum est & sic. Usus præcipue in internis abscessibus rumpendis, mensibus ciendis, Ischiadicis affectibus curandis. Extrinsecus abstergit ulcera quæcumq; manantia, insuperq; ptarmicum est, sed minus vulgare. Schrod.

Gravidis, quia foetum necat, infestum censetur. Idem.

Ingreditur hoc semen Theriacam.

A. 2. *Thlaspi*

- A. 2. *Thlaspi Vaccariæ incano folio perenne*. An *Thlaspi capsulis hirsutis* J. B? An *Thlaspi villosum capsulis hirsutis* C. B. prod? Park.

Hæc species præcedente humilior est & minor, aliàs ei admodum similis. *Radix* pariter simplex, alba, plurimos *caules* fundit, humiliores quàm illius, & vix se sustinentes quin humi procumbant. *Folia* in eo differunt quòd & minora sunt & altiùs sinuata. Verùm differentia maximè conspicua est in *floribus*, qui in hac specie triplo majores sunt quàm in illa, & in vasculis feminalibus, quæ & longiora & hirsutiora, habentque in summo apiculam seu spinulam longiorem. *Semina* quàm præcedentis minora.

Floret cum priore. Maio mense in Wallia primò observavi hanc plantam, quæ hyemem per- *Locus* tulerat.

*Thlaspeos capsulis hirsutis* descriptio apud J. Bauhinum in plerisque convenit nostræ huic plantæ, verùm, quod miror, nullam in floribus magnitudine differentiam notavit. *Folia* quoque inferiora in nostra planta (quantum memini) *Erucae* modo divisa non sunt, sed integra & per margines duntaxat leviter sinuata; neque capsulæ pilosæ sunt, sed potiùs brevi lanugine & veluti tomento incana. C. B. *radicem* tenuem, oblongam suo *Thlaspi villoso* attribuit, *caulem* unicum, pedalem, quò à nostro differt: *folia* ad radicem humi strata, longis pediculis donata, orbiculato cuspidè: reliqua conveniunt.

- \* 3. *Thlaspi Vaccariæ incano folio minus* C. B. Park.

C. B.

Tota planta villosa & incana est: Ex *radice* crassiuscula rufescente *cauliculi* semipalmares, etiam minores, recurvi & quasi repentes, villosi & incani prodeunt, *foliis* parvis, incanis, *Vaccariæ* similibus, pediculis carentibus & alternatim dispositis vestiti; quorum summitate *flosculi* plures, albi, quasi in subrotunda spica uniti, quibus *thecæ* parvæ succedunt.

In agris Monspelienibus repens, & in Provincia propè Massiliam paulò majus & erectius re- *Locus* peritur.

Suspicio hoc non differre specie à præcedentibus. Fortè parvitas & foliorum canities loco natali debetur. Verùm nihil affirmo. D. *Magnol* copiosè in sylva Valena, viâ qua itur ad pagum *Viols*, invenit Maio mense cum flore.

- \* 4. *Thlaspi Vaccariæ folio, Bursæ pastoris siliquis* C. B. *Vaccariæ folio Monspeliacum* Park.

C. B.

*Caulis* est cubitali, rotundo, striato, lævi, viridi, ramoso; quem *folia* *Vaccariæ* similia, atrovirentia, glabra, pediculis carentia cingunt: *flores* parvi, albi: *siliquæ* *Bursæ pastoris* formæ, sed majores.

Non longè Monspelio in *orto Dei* dicto collectum est.

*Locus*.

- A. 5. *Thlaspi Dioscoridis* Ger. *Drabæ folio* Park. *Tbl. cum siliquis latis* J. B. *arvense, siliquis latis* C. B. *Creacle-mustard, Penny-cress*.

J. B.

Vulgaris notitiæ est hoc *Thlaspi*, *radiculâ* obliquâ, albâ, lignosâ, sapore oleraceo, tandem sub-amaro: *caulibus* sesquipalmaribus & cubito altioribus, angulosis, striatis, alatisque. *Folia* sine pediculo adnascuntur sinuata, pinnulis acutis productionibus, in atro virentia, sapore inter *Brassicam* & *Cepas*, odore ad *Allium* accedente: *Flores* pusilli, *Bursæ pastoris*, albi: quibus succedunt *siliquæ* latæ, rotundæ, compressæ seu foliaceæ, glabræ, supremâ orâ fissæ, in medio magis eminentes propter *semina* contenta, rotunda cum striis circularibus, saporis acris. *Flores* in summitatibus *caulis* & *ramulorum* (ut in reliquis hujus generis) successivè expansi in spicam quandam longam percurrunt, nullis ad eorum pediculos (qui in hoc genere unciales sunt) appositis foliolis aut ligulis: *Folia* mollia & glabra sunt.

In agris inter segetes occurrit, sed rariùs in Anglia: invenimus *Worminfordæ* in *Essexia* propè *Locus* fluvium *Sturam*; item propè oppidum *S. Osiethæ*, *Saxmundhamiæ* in *Suffolcia*, & circa oppidum *Stone* in *Staffordiæ* comitatu.

- \* 6. *Thlaspi arvense Acetosæ folio* C. B. *Thlaspi majus* Tab. Ger. Park.

Hujus *folia* inferiora longa angusta, *Glasti* aut potiùs *Acetosæ pratensis* foliorum æmula esse dicuntur: *caules* pedales & altiorem, foliis crebris longiusculis vestiti, summa parte ramosi; in quibus *flosculi* parvi, albi, quos sequuntur *capsulæ* bivalves, prona parte convexæ, supinâ cavæ, seminibus rufis repletæ.

Mihi hætenus non satisfit de hac planta, an sci. detur ejusmodi in rerum natura. *Tabernæmontani* auctoritati non multum tribuendum est.



7. *Thlaspi arvense perfoliatum majus* C. B. Park. *rotundifolium* Ger. *oleraceum* Tab. *Bursa pastoris* foliis *Perfoliata* J. B.

J. B.

*Radix* huic tenuis est, supra unica, mox fibrosa; aliquot *cauliculos* palmares & breviores (interdum unicum) emittens, colore in fusco leviter rubente & virente, veluti glauco, laeves, teretes, ex foliorum alis ramulos interdum producentes. *Folia* superiora alternatim caules sine pediculis amplexantur, alis eorum ferè concurrentibus, ut à caule perforari quadantenus videantur, unciali longitudine, dimidio angustiora, densiuscula, glabra, glauca ut *Perfoliata*. *Flosculi* positi florum *Bursæ* vulgaris, parvi, albi, involucri quatuor foliorum in fusco viridium circumdati, ex pediculis tenuissimis semuncialibus: in medio *stamina* crocea. Decidentibus floribus, imò antequam etià in totum deciderent subnascuntur *siliquæ* parvæ, *Bursæ* pastoris, formâ cordatâ, veluti infractâ, ut in *Thlaspi*, *seminâ*, continent parva, compressa, rotunda, subruffa. Sapor plantæ subacris.

Locus.

Circa *Bresciam* in Italia, & *Genevam* in Gallia observavimus. Occurrit etià variis Germaniæ in locis, & circa *Monspelim*.

*Thlaspi* alterum mitius *rotundifolium* *Bursæ* pastoris fructu *Col.* huc proculdubio pertinet; quo *C. Bauhinus* rectè illud refert.

8. *Thlaspi arvense perfoliatum minus* C. B. *Tbl. perfoliatum minus* Park. *Tbl. minus* *Clusii* Ger.

Clus.

Aliquot habet *foliola* per terram sparsa, *Brassicæ* campestris foliorum formam & colorem pænè imitantia, sed longè minora: quæ verò per *caulem* sparguntur (qui singularis est & palmaris altitudinis, rarè major) rara sunt, latiorèq; pediculo ipsum quodammodo amplectuntur, *Brassicæ* campestris foliorum instar, & gustu aliquantulum acri. *Flores* pusilli, albi, summis *cauliculis* insident, quos subsequuntur compressa *vascula*, iis quæ in *Cretico Thlaspi* conspiciuntur similia, superiore parte fissâ, duobus utriculis planis prædita, in quorum singulis bina aut terna *granula*, flavescentia, acris saporis.

Locus.

Crescit in petris, & siccis quibusdam, umbrosis tamen, *Austriæ* collibus. Floret *Aprili*: Semen *Mai* maturum *Clus.*

Q. An hæc planta reverà specie differat à præcedente. Fortè (inquit *J. Bauhinus*) eadem est cum nostra [præcedente] sed minor ratione loci ubi provenit.

- \* 9. *Thlaspi montanum minimum Monsbeliensium folio laciniato* J. B.

J. B.

*Lignosis*, albis, prolixis, multifidis *radiculis* nititur, ex quarum capite *surculi* emergunt numerosi, interdum vix unciales, alias trium quatuorve unciarum altitudine, ramosi, congesti, exiles, albi: quibus paulatim delabentibus sensim succedunt longiore intervallo diffusæ *siliquæ*, *Milii* grano æquales, ex rotundo oblongæ, in duos loculos interveniente candidâ membranulâ divisæ, ex pediculis longiusculis pendentes: *semina* minuta, ruffa. *Folia* tum ex radice statim, tum ad caulium ramorumque divisiones uncialia vel semuncialia, in profundas angustissimas lacinias ad costam usque incisa. Sapor acer.

Locus.

In *Boutonet* juxta *Monspelim* à *Cherlero* collectum est. Diligentissimus *P. Magnol* quid sit se ignorare scribit.

10. *Thlaspi foliis Globulariæ* J. B. *Alpinum Bellidis ceruleæ folio* C. B. *Thlaspeos albi supini* varietas Ger. *Tbl. montanum Glaßi folio minus* Park. C. B. app.

J. B.

Longè latèque serpit *radiculis* longis, crassiusculis, in aliquot capita divisis nixum, quæ subinde reptando demissis fibris denuò radicanitur. *Folia* per terram sparsa, aut in eam reclinata, satis crebra, *Globulariæ* foliis quodammodo similia, pediculo unius aut duarum etià unciarum, ad exortum rubente nitentia, vix totam unciam longa, subrotunda, crassiuscula, atrovirentia, potissimum hyberna, sapore amaro: *Caules* palmares, aut etià longiores, teretes, glabri; per quos alternatim nascuntur *folia*, coloris ferè glauci, pediculorum expertia, ima parte caulem amplexa, quo ferè modo *folia* *Bursæ* pastoris *perfoliatæ*, acuminata. Summum caulis cacumen confertos sustinet *flores*, *Iberidis* *Fuch.* in modum nec ita dissimiles, majusculos, lacteos, plusculis etià apicibus in calyce viridante latentibus: Quibus succedunt *siliquæ* latiusculæ, compressæ, *Bursularum* *pastoriarum* æmulæ, ex sinu suo apiculas exiguas emittentes: *semen* complectentes subruffum, exiguum, acriusculum & subamarum.

Locus.

In montosis pascuis inter *Settle* & *Malham*, & versus *Ingleborough* in provincia *Eboracensi* plurimum. *Clusius* in declivi montis urbi *Badensi* imminens quarto à *Vienna* *Austriæ* milliari invenit.

- \* 11. *Thlaspi siliquâ cordatâ peregrinum* J. B.

J. B.

Pedalem altitudinem assequitur. *Caulis* in aliquot ramulos divisus, *foliis* stipatur lini facie, in summo obtusis, glaucis, temere oppositis. Cujus ut & ramulorum ejus extrema *flosculi* ornant exigui purpurei, quos excipiunt *siliquæ* foliaceæ, cordatæ, eleganti virore conspicuæ, minimi digiti unguem latæ, lineâ quadam bipartitæ, & ut uno verbo dicam, *siliquis* *Thlaspeos* *Drabæ* folio figurâ



ra per similes. *Radicula* duriuscula est & alba. *Plantæ* sapor subamarus, non sine acrimonia quadam. *Semen* ejus parvum, oblongum, luteolum, acrisculo est sapore, minimè ingrato. Floruit Julio & Augusto in horto Zuingeri, Basileæ.

Tempus & Locus.

\* 12. *Thlaspi Alpinum repens* C. B. Park.

C. B. prod.

Ex radice oblonga cauliculi plures, per terram repandi, trium, quatuor vel quinque unciarum; foliis parvis, subrotundis, inordinatè dispositis vestiti prodeunt, floribus copiosis, magnis & albis ornati, quibus *siliquæ* *Thlaspi Bellidis* folio similes succedunt. Sapore est *Eruce*.

Ad *Thermas Fabarias Helvetiorum* collectum est; Variat ratione loci: illud enim foliis est leniter hirsutis, floribus communiter purpurascens, rariùs albis: hoc verò foliis est glabris, floribus albis.

Locus.

\* 13. *Thlaspi saxatile rotundifolium* C. B. Park.

C. B.

Ex radice alba, longa, fibris carente, sublignosa cauliculi plures, tenues, pedales, reflexi, & fibris capillaceis deorsum missis terræ affixi prodeunt. Foliis est parvis, subrotundis, tenuibus, inter quæ cauliculi palmares, nudi exsurgunt, flores paucos, pallidos sustinentes, quibus *siliquæ* parvæ tenuissimo filamento donatæ, semen minutum concludentes succedunt.

In locis petrosis circa oppidum *Lauffen* reperitur. Suspicio hanc plantam *Veronica* speciem esse.

Locus.

\* 14. *Thlaspi parvum saxatile flore rubente* C. B. Park. *montanum carnosum rotundo folio* Park. *Lithothlaspi quartum carnosum rotundo folio* Col.

Col.

Saxorum rimis etiam hæc gaudet; verum locis magis depressis invenitur, propè Castrum Podium Poponiscum *Æquicolum*: cuius radice longa satis, lævis, candicans, dura; ex qua tres, quatuorve prodeunt viticuli, in diversa tendentes, recti, rotundi, rubentes: circa quos densa, carnosæ, rotunda, parva admodum folia, nec fructus magnitudinem superantia, circa radicem in imo rubescens aliquid, sed colore *Brassicæ* reliqua, ac per viticulos semper angustiora, longiora, densiora, ad flores usque. In summo verò parvæ umbellæ huic proferuntur botris ex viridi rubentibus, circa quos exterius in orbem aperiuntur flores, velut coronantes umbilicum ac compressi, suaverubentes, sanguineis lineis eleganter depicti, staminibus intus luteis, deinde succrescentibus paulatim mediis floribus & se aperiuntibus, viticuli ad pedalem interdum longitudinem producantur, succedunt fructus, dispositi ut in superiore, sed minores, & circa summum ferratis vel dentatis oris purpurantibus. Sapor radice & foliorum amarus; seminis verò parum acris, quod minutum *Irionis* modo atque flavescens est, copiosum in folliculis utrinque, à superioribus differens.

Locus.

Maio floret.

In declivibus montis *Capouladen à las Cambrettes*, non procul *Monspelio* inter rupes cum flore & semine Maio & Junio mensibus collegit *D. Magnol*.

Tempus & Locus.

*Parkinsonus* plantam eodem capite repetit: primò eam ponit sub titulo *Thlaspeos parvi saxatilis* flore rubente; deinde *Thlaspeos montani carnosum rotundo folio*; aut certè titulos confundit.

\* 15. *Thlaspi saxatile Polygalæ folio* C. B. Park.

C. B.

Cauliculis est pedibus, foliis *Polygalæ* formâ, sed longè minoribus, flosculis exiguis albidis; thecis rotundis, infractis; semine minutissimo. In saxosis circa *Monspelim*.

In Appendice ad *Pinacem* C. Bauhinus hanc videtur substituere pro *Thlaspi montano* nono, i. e. saxatili vermiculato folio, si eum rectè intelligimus, & tamen describit pro diversa specie; fortè pro nono interferendum vult inter octavam speciem & eam quæ pro nona ponitur in *Pinace*, quæ jam pro decima habenda est, &c.

\* 16. *Thlaspi montanum semper vivens* C. B. Park. *Thlaspi semper vivens species candida* J. B.

Caulis hujus crassus est & lignosus, à radice ad ramos usque cortice subfusco scabro tectus, multis foliolis oblongis, incanis five candidis cinctus. Flores in umbellis albi: *Siliquæ* parvæ, subrotundæ: Semen acre.

\* 17. *Thlaspi fruticosum alterum* Lob. J. B. *Thlaspi fruticosum folio Thymbræ hirsuto* C. B. *Thlaspi fruticosum Hispanicum* Park. *fruticosum minus* Ger. VI. *Hispanicum albo flore* Clus.

Multas statim à radice emittit virgas inæquales, frequentibus ramis donatas. Folia illius angusta, mucronata, nullo servato ordine caulem & ramos ambiunt, satis manifestæ acrimoniæ. Extremi rami multos albos flosculos in caput congestos ferunt: quibus excussis subsequuntur planæ thecæ in spicæ speciem nascentes, superioribus similes, duobus utriculis constantes, in quibus semen. Radix crassiuscula dura non vivax.

J. Bauhinus siccæ plantæ ramulum *Heidelbergæ* à *Sprengero* accepit pro *Thlaspi fruticoso* *Lobellii* altero: cuius folia alternatim disposita, rara, unciâ breviora, vix culmum lata, in acumen desinentia, & albida five cinerea: capsulæ cum cuspidè in extremo, similes *Thlaspi Mechliniensis*; flosculi majusculi albi, illius similes, similiterque dispositi: folia tantum diversa. Hæc autem planta vel eadem est, vel similis *Clusio* descriptæ.



- \* 18. *Thlaspi fruticosum folio Leucoii marini* Ger. frutic. folio *Leucoii marini minoris* J. B. frutic. *Leucoii folio angustifolium* C. B. Park.

Lob.

Virgæ huic numerosæ, sparæ, crebris *Leucoii minoribus foliis*: flores candidi, copiosi, & semen compressum *Thlaspi*, parvi. Radix lignosa, fibrosa.

- \* 19. *Scorodotblaspi Ulyssis Aldrovandi* J. B.

J. B.

Radice nititur singulari, albâ, paucis fibris donatâ. Ea veluti in capita divaricatur, numerofo foliorum stipatu longis pediculis præditorum, quæ ex principio angusto sensim ovatam figuram acquirunt, & subrotundo ambitu finiuntur; quorum priora foliis *Bellidis* quodammodo respondent, quædam leviter laciniata, quædam paucis denticulis, alia ferè nullis donata. Color virens est, plusculis ex costa nervis excurrentibus. At quæ alterno positu cauliculis hærent folia, præsertim suprema, minimis ceu alis caules amplectuntur. Cauliculorum fastigio flosculi insident albi, parvi, Bursæ pastoris vulgaris; quos bursæ sequuntur obliquæ, subrotundæ, cordatæ, non multum compressæ, ad *Thlaspeos* cordati bursulas accedentes. Tota cæterum planta *Allium* redolet manifesto odoratu, ac etiam non tacta. Radicula & folia oleraceo gustu prædita sunt, grato & vel tantillum acredinis sapidæ in faucibus relincente, non sine halitu *Alliariæ*.

Tempus.

Flores & siliquas produxit Julio.

- \* 20. *Thlaspi Alexandrinum* C. B. Park. *Alexandrinum Cortusi* Job. Bauhini J. B.

J. B.

Herba est dodrantalis, ex radice singulari quaternos [aut etiam plures] caules emittens, teretes, glabros, multis alis concavos: ad quorum divaricationes, propagationesque, superiore præsertim parte, folia singula, velut *Perfoliatæ*, ramos amplectuntur, subrotunda. Ramorum extremis longa serie utrinque ex brevibus pediculis appenduntur siliquæ circinatæ, quales ferè *Thlaspeos tenuifolii* Fuchsi, majores, in mucronem leviter obtusum desinentes, quas secundum longitudinem percurrit costa, à qua utrinque valvulæ bipatentis siliquæ dehiscences abscedunt, dissepimento medio relicto, inque singulis valvulis singula semina compressa, ruffa, ex latiore basi in acutum desinente.

21. *Thlaspi spanospermon Americanum* Park. luteum *spanospermon* Cornut.

Huic plantæ radix est durior, multisque fibrillis hæret: folia sunt digitali longitudine initio, admodum angusta, humi sparfa, & subpinguia: cauliculi semipedales, non sine adnatis ramulis longiusculis & capillaribus, foliis quidem vacuis, sed mille flosculis luteolis, tetrapetalis ornatis: qui postmodum, relictis aridis cauliculis quibus appendebantur, omnes decidunt; fructusque unus tantummodo aut alter sparfim hinc inde spectatur, folliculi sci. compressi & oblongi, quales sunt *Glasti sativi*, in quibus semen concluditur acri sapore. Sapor plantæ subacris vulgaris instar *Nasturtii* leviter linguam pungit.

- \* 22. *Thlaspi clypeatum arborefcens Creticum* Park. Alpin. exot.

Alpin.

Cubitalis altitudinis ramulos multos à brevi caudice digiti crassitie producit, longos, teretes, lignosos, à quibus alii ramuli exeunt, qui in summitatibus utrinque ex opposito flosculos parvos, albos habent, crebros, à quibus siliquæ parvæ, oblongæ, depressæ, scutorum figurâ à suis pediculis parvis pendentes, semen intus continentes rotundum, depressum, acre: Ramuli superius folia, pauca habent, longa, incana, tenuia, in extremis acuta; sed ramuli inferius ferunt furculos tenues, multos, ex quorum una parte foliola oblonga, tenuia, densa simul stipata pendent, quæ incana sunt. Radice nititur hæc planta multiplici, tenui, lignosa, inutili; Semina acria sunt, calida & ficca.

Hæc planta eadem videtur *Thlaspi fruticoso* alteri Lob. J. B. superius è Clusio & J. Bauhino descripto, aut *Thl. fruticoso folio Leucoii marini minoris* J. B.

¶ 2. *Thlaspi umbellatum*.

In hoc genere petala florum exteriora duo duobus interioribus plus duplo majora sunt, capsulæ bina tantum semina continent, hinc inde unum.

1. *Thlaspi Creticum quibusdam flore rubente & albo* J. B. *umbellatum Creticum Iberidis folio* C. B. *Creticum umbellatum flore purpureo & albo* Park. *Thlaspi Candia* Ger. *Candy-Tuft*.

E radice alba, simplici, furculosa, satis crassâ pro plantæ modo, sapore acri & amaro, caulis emergit pedalis aut dodrantalis, teres, solidus, ab imo statim ramosus, ramis creberrimis, durus, lignosus, glaber, viridis. Folia in caulibus & ramulis crebra, alterno aut nullo ordine posita, oblonga, angusta, glabra, *Iberidis foliis* æqualia & majora, paucis & majusculis crenis seu denticulis & margines incisa. Summi caules & ramuli striati flores sustinent velut in umbellas dispositos, speciosos, tetrapetalos petalis duabus exterioribus plus duplo majoribus quàm sunt interiora, successive se aperientes,

tes, pediculis semuncialibus nixi, colore plerunque purpureo, rariùs albo. Singulis flosculis succedunt thecae compressae, oblongae, mucrone bifido, cum stylo oblongo à flore residuo: *Semina* bina ruffa in singulis.

Annua est planta. Sapor totius acris & vehementer amarus. Floris gratia in hortis colitur.

In sylvis montosis propè Salernum in regno Neapolitano, & Viterbum in Etruria spontaneum invenimus. *Locum.*

2. *Thlaspi umbellatum arvense amarum* J. B. *umbellatum arvense Iberidis folio* C. B. Park. *Tbl. amarum* Ger.

*J. B.*

Sesquipedalis est & altior planta; *cauliculis* pluribus, ramosis, striatis, subhirsutis: quibus adnascuntur *folia* oblonga, Iberidis, ex angusto principio sensim dilatata, & circa extremitatem crenata, crassiuscula, subhirsuta, sapore perquam amaro, subacri. *Flores* tanquam in umbella dispositi, quanquam inaequali ortu, ex albo purpurascetes, aut etiam penitus albi, quatuor constant foliolis, quorum duo majora longiora, ita ut ex iis unum simul utrumque inferius aequet aut etiam superet. Capsulae fissae, infractae, Nasturtii vulgaris *semen* continent minutum, acre. *Radix* lignosa, albida, fibrosa.

A *Thlaspi* Cretico differt foliorum angustia; floribus sensim expansis summis caulibus & ramulis in spicas procurentibus; cum in Cretico seminalia etiam vascula floribus delapsis umbellatim disposita sint: florum colore ex albo leviter purpurascente: omnium denique partium minore magnitudine.

Morisonius in Praeludiis *Thlaspeos* quandam speciem habet, Iberidis folio tenuissimè diviso, cui *Alia species.* folia multò tenuius dissecta sunt quam *Thlaspeos* Iberidis folio; flores & semina: ceteraque partes minores.

Inter segetes in monte Saleva propè Genevam & circa Thuri vicum propè Juram montem. *Locum.* Variis locis occurrit inter segetes in Germania.

- \* 3. *Thlaspi umbellatum Creticum flore albo odore minus* C. B. *umbellatum Creticum, flore albo odorato* Park. *parvum, umbellato flore niveo odorato* J. B.

*Clus.*

Humile est, ex semine natum, singularibus *virgis* assurgit, rotundis, in plures ramos divisis, per quos, ut & per caulem, sparsa erant angusta, & extremo mucrone serrata *folia*, Cretici foliorum aemula, acri gustu praedita. Summo caule & extremis ramis nascebantur veluti quaedam in unum caput congestae umbellae florum niveorum, odoratorum, quibus successerunt thecae Cretici *Thlaspi* vasculis similes, in quibus *semen*. *Radix* etiam Cretici instar non vivax.

Considerandum proponit J. Bauhinus quantum differat *Thlaspi* hoc ab ejusdem Clusii *Thlaspi* in Allobrogibus invento, flore niveo.

4. *Thlaspi umbellatum Nasturtii folio Monspeliacum* C. B. Park. *umbellatum Narbonense* Ger. *umbellatum tenuiter diviso folio amarum Narbonense* J. B.

*J. B.*

Planta est multum accedens *Thlaspi umbellato arvensi* amaro: *foliis* crassiusculis cum aliquot parvis laciniis sive portiunculis: *floribus* ferè iisdem, sed paulò minoribus: altitudine semispithamea: *cauliculis* aliquot firmiusculis in ramulos divis: *radice* singulari, crassiuscula, in fibras distributa. Hæc J. Bauhinus, qui plantam è semine Monspelio misso *Thlaspi umbellati* nomine natam fusè describit his verbis:

Præcedenti anno sata per hyemem eduravit, & sequenti ineunte Aprili *cauliculos* primum protrudere coepit ex una radice plurimos, striatos, longâ serie foliorum ad extimam usque prominentiam caulis donatos. *Folia* autem ima sustinentur petiolo unciali, supernè in quatuor portiones crassiusculas, latiusculas, mediâque sui parte sulcatas desinente: media porro *folia* summâque petiolo duas circiter uncias plus minùsve longo producuntur, crenarumque imparili numero pro petioli longitudine brevitateque differunt, ita ut longiores pediculi quatuor vel quinque portionibus à se invicem impari intervallo è regione collocatis diffusiue constent: breviores verò, modo duobus, sed rarissimè, modo tribus, Trifolii in modum, modò quatuor, modò quinque quoque sed rariùs dispari, longitudine donantur. Florere porro coepit jam declinante Maio: in reliquis cum *Nasturtio* praedicto convenit: quæ si placet vide.

- \* 5. *Thlaspi Creticum flore albo majus* C. B. *Creticum album umbellatum majus* Park.

*C. B. prod.*

*Radice* est oblonga, paucis fibris donata: *cauliculis* palmum superantibus, rotundis: *foliis* patucis, oblongis, angustis, lævibus, alternatim caulem vestientibus. In *cauliculis* summo *flores* candidi, magni, quibus thecae magnæ, apice medio donatae succedunt.

- \* 6. *Thlaspi*



- \* 6. *Thlaspi saxatile vermiculato folio* C. B. *montanum vermiculato acuto folio* Park. *Litbo-  
thlaspi montanum fruticosius vermiculato acuto folio* Col.

Col.

*Radice* lignosâ, albâ, magnâ, inter saxorum rimas se infinuat; ex qua crassâ, lignosâ, rugosâque propago multos *viticulos* breves, palmares emittit, angustis, parvis, carnosis, vermiculatis, rotundis fere *foliis* nigrescentibus, acutis in summo, atque per ambitum hirsutis parùm, densis circa illos harentibus; at circa flores rarioribus & brevioribus. *Flores* verò in magnas velut umbellas rotundas conferti, candidi vel suave-rubentes, petalis superioribus parvis, inferioribus majoribus, *Thlaspeos* Cretici florum ritu, quibus paullo minores sunt; staminibus intus quatuor luteis. *Flores* autem adeò crebri & densi sunt, ut planta tota iis oblecta videatur cum floret. Succrescentibus mediis floribus atque dehiscenibus, exteriores & imi, *fructus* per caulem brevibus admodum petiolis, minoribus corpore *fructus* infidentes relinquunt, latos admodum, cavos Cochlearis modo, atque *Thlaspeos* vulgaris *Vaccariæ* folio dicti majores, parùm elatos, cavam caulibus, convexâque nobis partem ostendentes. *Fructus* hi lati sunt, supernâ parte fissi, non rotundi sed angulosi. Gustu admodum acri sunt folia, at *semina* acriore, quæ lata, compressa, fulva, aliis minora, singula medio folliculo vel disco, ut duo insint singulis fructibus integris.

Tempus &  
Locus.

Maio floret, ac æstate perficitur. Reperitur Anversæ Valvæ saxosis montibus, in quibus nihil terreni reperitur.

7. *Thlaspi marinum Baticum* Park. parad.

Park.

A *Thlaspi* Cretico umbellato vulgari differt foliis primis quæ à radice exeunt antequam excaulescat nonnihil dentatis seu serratis circa margines, caulibus minùs ramosis; umbellis tamen florum purpurascenitum similibus; *semine* pallidiore flavo.

- §. 3. *Thlaspi seu Leucoium biseutatum*.

Hujus generis plantæ ob *semina* compressa rotunda ad *Leucoia* accedunt, & *Leucoia* filiculosa seu *biseutata* dici possunt.

1. *Thlaspi biseutatum asperum hieracifolium & majus* C. B. *clypeatum Lobelii* Ger. *clypeatum hieracifolium majus* Park. *Lunaria biseutata* J. B. *Buckler Mustard*.

J. B.

*Caules* habet exiles, pedales aut dodrantes, ab eadem radice plures, uno vel altero *foliola* ad ramulorum divaricationes donatos; ea enim magna ex parte statim ex radice oriuntur, per terram sparsa, palmum longa aut breviora, paullo semuncia latiora, crassiuscula, saturo virore prædita, ad latera sinuata, aspera & brevibus pilis utrinque hirsuta. Summis caulibus & ramulis *flores* innascuntur coarctati, tenuissimis pediculis harentes, parvi, luteoli: atque hos sequuntur *pericarpia* pulcherrima, foliacea, peltata, didyma, ad ligulam, extra Scutulum quoque prominulam, adnexa, quorum singulis singula clauduntur *semina*, latiuscula, orbiculata, compressa, rufa: [sapore & effigie *Leucoii* purpurei & albi potius quàm *Nasturtii Lab.*] *Radix* atque in terram descendit, mediocriter crassa, per plures annos vivax, & hyeme folia retinens.

Locus &  
Tempus.

In Germania, Italia, Sicilia & Gallia variis in locis observavimus, Maio, Junio, & reliquis æstivis mensibus florentem.

- \* 2. *Leucoium Alyssoides umbellatum montanum* Col.

An ad præcedentem plantam, cujus eam synonymam facit C. Bauhinus, referre debeam dubito: quocirca descriptionem ejus è Columna hic proponam, & rem Lectoris Botanici judicio submittam.

*Folia* huic longa, *Leucoio* luteo magnitudine proxima sed minora, per ambitum magis sinuata, hirsuta, carnosâ, dura atque aspera, è radice longa, nodosa, candicante ex pullo, nervosa, sicco sapore, simul ex pluribus germinibus prodeuntibus *Leucoii* more; ex quibus *caulis* tenuis, hirsutus, bipedalis aliquando, raris interceptis foliolis, in cujus summo parùm dividitur, & *flores* veluti *Corymborum* modo densi, in umbellam dispositi emicant, lutei, ampli: quibus succedunt *fructus* læves, rotundi, duplices, latere conjuncti, compressi, apicem habentes medium, in medio extuberantes: quo *semina* singula, compressa, parva, flava, continentur; ut bina singulis duplicibus fructibus insint, sapore etiam sicco. *Folia* gustu dulci ferè, non acri.

Tempus  
& Locus.

Augusto mense floridam & *semine* refertam invenit autor in excelsis *Æquicolorum* frigidisque jugis herbidis *Cornio* dictis, inque *Valvensium* montibus in valle supra Anversam præruptis umbris saxi juxta fluminis decursum.

- \* 3. *Thlaspi*

- \* 3. *Thlaspi biscutatum asperum minus* C. B. *clypeatum asperum minus* Park. *Iondraba Alyssoides Apula spicata* Col.

Col.

Martio mense exit, radice admodum exigua, alba, ex qua folia è terra parum elata sed convexa, hirsutie alba, molli, densa oblita, digitali latitudine majora, oblonga forma, nervulis crassis, pilosis; quorum aliqua circa petiolum, radicem versus, laciniam habent, reliquam partem raris & magnis respectu folii serrata dentibus. Caulem è medio emittit rotundum, hirsutum, asperiusculum, pedalem aut paullo majorem, duabus vel tribus in summo alis divisum, è foliolis angustioribus multum nec laciniatis prodeuntibus, reliqua parte nudum, nisi propè humum duo vel tria hærent folia. In summo flosculi emicant Sinapeos modo, lutei, exigui, quibus deficientibus ab imo paulatim locum implent flosculi duplices, rotundi, Lentis magnitudine, simul latere conjuncti, compressi, parum hirsuti, in spicæ modum sursum elati, atque Aprilis fine perficiuntur.

Cirinoz in sylva propè D. Rocchi *Mezzana* appellata, inter Pyrastros, *Oxyacanthas* & *Asphodelos*. Sapor plantæ totius acris. Locus.

- \* 4. *Thlaspi biscutatum villosum flore calari donato* C. B. Park. *Leucoium montanum flore pedaleso* Col.

Huic folia sunt Napi modo circa caulem, atque etiam à radice prodeuntia, quæ hirsuta, profundè incisa, candicantia ex viridi, parum carnosæ, mollia, gustu acriscula, linguam mansa diu vellicantia; Flores in summo caulis hirsuti, crassi, albicantes, & coherentium alarum densos profert, quorum externi primùm dehiscunt, Leucoii ritu, colore luteo, minùs saturo, tetrapetali, apice inter brevissima staminula in medio prominente, caliculos habentes hirsutos, ut in Leucoio: sed his accedit, quòd binas appendices rotundas, inanes demittant inferna parte, quæ petiolo hærent. His succedunt exigui clypeoli effigie fructus, in apicem desinentes, Lenticulæ magnitudine. Radix carnosæ, pedem longa, candicans, lignosa, ex dulci parum acris, minimi digiti crassitudine.

In saxosis Gallo-provinciæ, Bornii non procul ab insulis Stæchadibus provenit. C. B. *Columna* Locus.  
Maio floridam habuit ex oppido *Filettino* in montibus Romanæ ditionis ortam, cujus flores & fructus gustu acres esse percepit.

5. *Thlaspi biscutatum flore sulphureo* Hort. Oxon. An *Thlaspi biscutatum annuum asperum* Hort. Paris?

Folius est asperis, & canescentibus, non saturè viridibus, ut in vulgari *Thlaspi biscutato*: Floribus etiam sulphuris colore tinctis non ut in illius flavis. Radice insuper annua, non ut illud vivaci. Q. An non hoc sit *Leucoium Alyssoides umbellatum montanum* Col.

- \* 6. *Thlaspi biscutatum Raphani aut Irionis folio* Bocconi.

Cum reliquis biscutatis *Thlaspeos* speciebus convenit hæc nostra *Caule*, *Flore*, *Fructu*: Folii solummodo discrepat, quæ *Raphani* aut potius *Irionis* formæ & magnitudinis sunt. Radice est admodum exili & imbecilla, ex qua sæpenumero plures cauliculi exeunt. Annuum est hoc nostrum.

Circa Panormum, Agrigentum & Massiliam copiosè gignitur locis incultis & asperis. Locus.

- \* 7. *Thlaspi fruticosum Persicum foliis Keiri Zanoni*; *latifolium platycarpon Leucoii foliis* P. Boccon. *fruticosum Leucoii folio* C. B. Park.

Zan.

Ex radice longa, satis crassa, fibrillas plurimas in terram demittente oriuntur quasi in cespite multa folia longa, crassa, lævia, supra obscurè viridia, subtus palleſcentia (decurrente per medium nervo subtili & vix perceptibili) ad extremum subrotunda; inter quæ oritur caulis pedalis, similibus foliis sed minoribus, ad genicula alternatim dispositis vestitus, qui in plurimos ramos se findit; atque in summis fastigiis ramorum proveniunt umbellatim plurimi flores, albi, petalis duobus majoribus, & duobus duplo quasi minoribus: in horum medio apparent plurima staminula rufa, apicibus totidem luteis ornata. Florum odor satis gratus ad Violæ nigræ odorem accedens. Flores evanescentes relinquunt post se capsulas peltatas latas, in mucronem obtusum desinentes, colore obscuriore, versus petiolum quadratas, bifidas semina continentes compressa, lata, Cinnamomei coloris, sapore amaro, acuto & pungente, velut Sinapi.

Floret per totam æstatem, sed copiosius vernâ tempestate, & frigore durante. Sponte provenit Locus & Tempus.  
in Persia.

Huic proculdubio idem est *Thlaspi latifolium platycarpon Leucoii foliis Bocconi*, quamvis Jac. Zanoni dubitet, quoniam P. Boccone neque florum ullius odoris, neque foliorum amaroris (qui in *Thlaspi* insignis *Persico* observatur) non meminit. Verùm hoc est argumentum tantum negativum & nihil concludit. Potuit enim Boccone has qualitates, aliàsve quas in descriptione præterit, vel non animadvertere, vel oblivisci, vel brevitati studens omittere. Descriptio Bocconiana sic se habet:

*Surculi* frutescit fragilibus, cubitalibus, subinde majoribus, rotundis, circa quos folia plura nullo ordine servato densè congesta sunt, crassa, glabra, indivisa, Leucoii æmula, per extremum retusa. Summitatem occupant flores Leucoii, albi, quasi in umbellam congesti; quos excipiunt vascula biscutata, in quibus semen utrinque compressum. Radix subest crassa, vivax.



6. 4. *Thlaspi fatuum Bursa pastoris dictum.**Bursa pastoris* J. B. Ger. *major vulgaris* Park. *major folio sinuato* C. B. *Shepherd's purse.*

Nonnunquam palmaris, pedalis interdum & cubitalis [aut etiam sesquicubitalis] est planta. Radice nititur exili, rectâ, albâ, fibrosâ, sapore subdulci & nauseoso; è qua prodeunt folia oblonga, modò integra, plerunque tamen profundè utrinque laciniata, laciniis in acutas cuspides definientibus, Dentis leonis ferè in modum, nonnihil hirsuta, pediculis uncialibus [potius ex angusto principio sensim dilatata] cum superiora quæ in caulibus sunt latâ basi, absque pediculis iis adnascantur, laciniâ ceu auriculâ utrinque productâ eos velut amplectentia, nec omnino laciniata sint. E foliorum medio *caulis* unus, duo, tres, quatuorve, aut plures exsurgunt, in ramulos alternatim positos divisi, medius ab imo statim. Summi caules & ramuli in longas veluti spicas excurrunt flosculorum pediculis tenuibus semuncialibus infidentium. Sunt autem *flosculi* parvi, albi, quatuor petalis subrotundis minimè bifidis compositi, cum *staminibus* aliquot apices luteos gestantibus. Flosculis delapsis pediculi in uncialem longitudinem excrescunt, & seminum receptacula sustinent, ex acuto principio in latiusculam bifidam crumenulam definientia, à caule extantes, & rectos cum eo angulos efficientes, aut etiam deorsum nonnihil reflexi. *Semina* in singulis vasculis continentur multa minutissima, per maturitatem fulva aut subrufa.

Hæc planta foliis mirè ludit, unde illam quæ folio est integro & non sinuato pro diversa specie non habemus: atque idcirco cum J. Bauhino ad idem caput reducimus B. past. folio sinuato primam, secundam & tertiam species C. B.

**Locus.** Secus vias locis desertis & incultis, inque areis, compitis ac rudibus passim provenit, totâque ætate floret, viget ac semen perficit.

**Vires.** Astringit & constipat, hinc valet in hæmorrhagia narium [si pessum è cotone factum & ejus succo intinctum naribus indatur *Brurf.*] diarrhœâ, dysenteria, lienteria, [vino rubro vel aqua fluviali in qua chalybs candens extinctus fuerit decocta ac pota, vel ejus succus expressus] in mitione cruenta & gonorrhœa [succis expressis 3j. epotâ aut herbæ siccatae juris duplo *Matth.*] menstruorum fluxu nimio. Externè vulneribus solidandis à plebeiis adhibetur, nec sine successu. Quinimo additur sæpius cataplasmatis febrifugis quæ carpis imponuntur.

*Bursa pastoris* non tantum hæmoptoicis opitulatur, sed etiam certò medetur gonorrhœæ; quam singularem observationem post Tabernamontanum celeberrimo Seberio practico insigni debemus. *Sim. Pauli.*

## CAP. X.

*De Tetrapetalis filiculosis monospermis.**De Brassica marina monospermo.*

**F**oliis carnosis cæsiis cum Brassica convenit, floribus albis, capsulis subrotundis, monospermis ab eadem differt.

*Brassica maritima* C. B. *marina monospermos* Park. *marina Anglica* Ger. *monospermos Anglica* J. B. *Sea-Colewort.*

Folia aliquot è radice ampla, lata, crassa, circa margines undulata, & veluti crispa, fragilia, pediculis crassis infidentia, colore cæsius seu ex viridi cinereo promit: è quorum medio *caulis* exsurgit crassus, bipedalis aut altior, foliis aliquot vestitus, summa parte in multos ramulos & furculos variè divilus & subdivilus, *florum* pallentium alborum congeries densas & umbellofas sustinentes, quibus succedunt *siliquæ* breves & crassæ, aliæ nuclei cerasi magnitudine, aliæ altero tantò majores, figurâ utrinque turbinatâ & acuminatâ, & thorulis quibusdam secundum longitudinem donatæ, vel alias tuberculis exasperatæ, colore cinereo, quibus singulis singulum inest *semen*, pullum, vicia ferè magnitudine. Radix crassa in multos ramos divisa, multos annos vivax: quin & folia per hyemem virorem suum retinent.

**Locus.** In arenosis maris litoribus circa Angliam ubique ferè invenitur. Verno tempore pro olere estur.

C A P. XI.

*Myagrum monospermon* J. B. *monospermon majus* Park. *monospermon lasifolium* C. B.

J. B.  
**C**assa & alba est radix, annua tamen: quæ caules profert aliquot cubitum aut sesquicubitum altos, glaucos, teretes, leves, solidos, medullâ candidâ farctos, multis alis concavos, superiore parte valdè ramosos, ramulis prælongis à caule extantibus & angulos ferè rectos cum eo efficientibus. *Folia* Glasti sativi superioribus foliis nonnihil similia, plerunque tamen laciniata, præsertim inferiora, [ parva, cum Brassicanis magnitudine nequiquam conferenda, ] similitèrque illis cæsa, pinnis suis caules amplectentia, sapore oleraceo. *Flores* lutei, quadrifolii, minores multò quam Brassicæ (imo Erysimi vulgaris pares) paulatim nec eodem tempore sese explicant, aliis primulùm è calice erumpentibus, aliis in semen abeuntibus, quod singulare in singulis spiculatis burulis sursum spectantibus, & caulibus ramulisque appressis.

J. Bauhinus spontaneam observavit in agro inter *Dampierre* & *S. Mauritium*. Junio mense apud nos floret, & semine plenam maturitatem adepto radicitus interit. Locus & Tempus.

C A P. XII.

*Myagro affinis capitulis rotundis* J. B. *Myagro similis siliqua rotunda* C. B. Park.

J. B.  
**M**ultos (inquit ille) ex radice simplici, lignosa producit caules: [ Quæ in nostro hortulo vere satæ sunt plantæ è singulis radicibus singulos prodixerunt, ] cubitales & bicubitales, [ Quæ apud nos proveniunt cubitalem altitudinem non excedebant, ] teretes, fragiles, hirsutos, ab imo statim ramosos, frequentibus ramulis è foliorum alis egressis: per quos floribus tenuissimis, minoribus quàm in Myagro, pallidis, longa serie succedunt alternatim disposita capitula exigua, Coriandro minora, semuncialibus pediculis tenuibus à caule extantibus hærentia, per maturitatem nigra, in apiculum desinentia, à quo quatuor costulæ minimùm alata ad pediculum usque porriguntur. In singulis capitulis semen inest unicum flavum, oleaginosum, nullo sapore manifesto. *Folia* Myagro similia, minora, aspera, obscurius virentia, nonnihil succulenta; quæ per caules & ramos alternatim disposita, nullis pediculis, amplexicaulia, alas utrinque pinnatas proferunt sapore viscido, & nisi obstat leviuscula acrimonia [ quæ postea sentitur & linguam calefacit ] fatuo: infima ex longis pediculis leviter sinuata sunt. *Descriptio est Jo. Bauhini à nobis interpolata & aucta.*

Annua est planta, semine deciduo se renovans.

Hujus ramulum invenimus inter plantas nostras siccas, ubi collegimus jam non recordamur. Ex semine Londino misso in hortulo nostro succrevit, floruit & semen perfecit.

C A P. XIII.

*Myagro similis flore albo* J. B. *Myagrum monospermon minus* C. B. Park.

J. B.  
**N**umerosa statim à radice fundit folia, glabra, uncias tres longa, ad Iberidis folia accedentia, laciniata nonnihil: Inter quæ caules surgunt medullâ farcti, alis concavi: Quorum exortum folia ambiunt alata & veluti denticulis laciniata. *Flosculi* in fastigiis candidi, exigui, quos vascula sequuntur subrotunda, acuminata, longo pediculo hærentia, ad Myagrum cum rotundis capitulis accedentia. *Radicula* longa, alba, simplex, vel cum paucis fibris.

Inter Bononiam & Florentiam reperit J. Bauhinus. Passim in satis circa Monspelium reperitur Locus & Tempus.  
Maio & Junio cum flore & capitulis. *Botan. Monsp.*



## CAP. XIV.

*Eruca marina* Ger. *marina Anglica* Park. item *maritima Italica* ejusdem. *Eruca maritima Italica*, *siliqua bastæ cuspidi simili* C. B. *Cakile* quibusdam, aliis *Eruca marina* & *Raphanus marinus* J. B.

J. B.

**Q**Uamvis tenuis longa tamen satis est hujus *radix*; numerosos *caules* proferens, dodrante altiores: *folia* *Reledæ* minora, pinguiora, gustu acri, subsalfo. *Flores* peculiaribus *furculis* lateralibus insident, *Eruca* aut *Brassicæ* positu & formâ, colore purpureo. *Siliquæ* crassiusculæ, breves, bina *semina* singulæ continent. Nos unicam in vasculo cellam seu cavitatem observavimus.

## CAP. XV.

*Lepidium glastifolium* C. B. *Lep. non repens* J. B. *Lep. annuum* Lob. Park. minus rectè. *Woad-leaved Dittander.*

**H**Æc herba ex observatione nostra hujus loci est, siquidem *capsulas* producit monospermas; numerosissimas, sphaericas cum apice in summo, perexiguas, scabras, pediculis tenuibus semuncialibus, acuto, cum caule angulos facientibus, insidentes, qui *flosculis* parvis, albis succedunt. *Flosculi* autem successivè se aperientes paulatim in prælongas spicas excurrunt.

Miror Morisonum filiculas bifidas, membranâ per maturitatem pellucidâ & albâ disseptas ei attribuire, nisi fortè aliam plantam describat, nobis incognitam.

Locus.

In agris quibusdam propè Ratisponam Germaniæ urbem copiosum observavimus.

## CAP. XVI.

*Rapistrum monospermon* J. B. C. B. Park.

J. B.

**E**X *radice* longiuscula, albicante, parùm fibrosa, *caules* pedales, aliquando altiores, rotundi, tenues, ramosi, eleganter virentes, leviterque hirsuti exurgunt. *Folia* humi sparsa crassâ sunt, *Rapi* foliis similia, ad principium laciniata, deinde subrotunda, leviter sinuata & hirsuta. *Flores* secundùm cauliculos palmares & tenues velut in spica dispositi, eleganter lutei aureive, quibus *siliquæ* succedunt rotundæ, elegantes; propter strias [per eas quemadmodum in semine *Coriandri* discurrentes] in filamentum oblongum abeuntes, quæ quasi geminæ sibi insident, parte tamen superiore majore, cum in ea *semen* parvum, oblongiusculum, sed unicum (unde ei nomen) contineatur.

Locus.

In Italia non procul à Liburno portu; circa Genevam etiam & Monspelium spontaneum invenimus.

\* 2. *Rapistrum maximum rotundifolium monospermon Hispanicum* Park. *maximum rotundifolium monospermon* Cor.

Præcedente elatior est, foliis majoribus in lacinias dissectis, extremo majore, subrotundo, magisque piloso. Quin & ramulis crebrioribus, floribus amplioribus, albis in calycibus subluteis, seminibus [potius vasculis seminalibus] rotundioribus, summa parte minimè acuminatis ab eodem differt.

Hanc speciem plenius describit Jacobus Cornutus in historia Plantarum Canadensium his verbis: Omnes hujus generis species *foliorum* amplitudine superat: hæc verò sunt, Raphani modo, extremâ parte rotunda, & ambitu crenata, supinâ variis asperitatibus in spinulas setaceas leviter extuberant, amplitudine palmari. Circa caulem subnascuntur his utrinque in eodem pediculo minora.

*Caulis* ad duo cubita elevatur, striatus, angulosus, ut folia hispida in multiplices furculos divisus, in quibus longè minora quàm in caule folia glomeratim aggeruntur & sine ordine locantur: sunt enim illa & magnitudine & figurâ *urticæ* Græcæ similia; onusti sunt furculi innumera florum pagine, adeò ut integrâ vigeant ætate; *Flos* ex rotundo capitulo subflavo in quatuor candida foliola separatur, inter quæ tenuia filamenta & pistillum viride cum apicibus luteis apparent. Cuique flori succedit *semen* unicum, parvum, subflavum, rotundum, rotundâ quoq; capsulâ membranaceâ *Coriandri* magnitudine inclusum, quamvis initio dum viret paulo longior appareat, per maturitatem tamen orbicularis est figuræ.

Locus.

In Hispania nascitur.

CAP.

## CAP. XVII.

## De Leucoio filiculoso monospermo.

1. *Leucoium filiculosum flore luteo umbellatum monosp.* *Tblaspi saxatile incanum, luteum, Serpyllis folio minus* C. B. *Ionthlaspi luteo flore incanum douardii, montanum, umbellatum* Col. *Tblaspi montanum luteum minus* Park.

Col.

**F**olius exit incanis, asperis, parvis, angustis, oblongis, formâ & effigie congeneri plantæ à Matthiolo pro Alyſſo depictæ, minoribus duplo, circa viticulos rotundos, purpurantes, in terra stratos, hirsutie albâ asperâ obfitos: in quorum summo flores odorati, non parvi ut in congenere, sed magni respectu plantæ, atque non in umbellam, sed veluti longum corymbum in orbem per viticulos disponuntur, colore luteo, hilari aureove, petalis infractis in cordis figuram: quibus ab imo fructus succedunt, alternatim etiam per orbem circa viticulos longis petiolis hærentes, figurâ rotundâ, Lentis magnitudine, incanâ hirsutie asperi, longum habentes apicem, in quibus unicum semen compressum fulvumque continetur.

Maio & Junio florida & frequentissima in Æquicolorum montibus habetur: plana juga diligit. *Tempus*  
Folia dura & veluti humore carentia sicco sunt sapore, herbaceo, nec acrimoniam exferere videntur, sicuti & semina. Eadem radice regerminat post flores, semperque vivit. *Locus*

2. *Leucoium filiculosum monosp. fructu compresso. Lunaria peltata minima* quibusdam, ad *Tblaspi* referenda J. B. *Tblaspi minus clypeatum* Ger. *clypeatum minus Serpylli folio* Park. *Tbl. clyp. Serpylli folio* C. B. *Ionthlaspi minimum, spicatum, lunatum* Col.

Col.

Hujus radix exigua, tenuis & albicans, fibrillis aliquando divisa invenitur: plures emittit viticulos, tenues, asperos, dodrantes ad summum, supinos, aliquando rectos in unicaule planta: quos folia circumdant alternatim disposita, candicantia, exigua admodum, duplo minora quàm Thymi durioris dicti, asperiusculi uno versu quandoque disposita. A medio verò viticuli, (qui aspera hirsutie & candicante obducuntur) ad summum usque fructus cartilaginei rotundi, Lentis magnitudine, compressi, velut in longam spicam dispositi dependent, uno etiam ferè versu penduli è petiolis incurvis exiguis, minimum, in quatuor foliola divisum calycem habentes, oculos ferè fallentem. Flores velut in umbellam confertos in summo semper habet exiguos, & omnium minimos, luteolos, qui statim folliculos proferunt è medio rotundos, hirsutos [J. Bauhino non rectè glabros] in medio parum ventriosos, limbo circumductos, in ima parte veluti fissos Thlaspeos modo. Hi perfecti paleæ colore fiunt, ab imo decedentes, Maii fine; semen intus unicum habentes ovali figurâ, compressum, flavum aut rufum. Plantæ sapor parum acris, Leucoii modo siccans.

In montium radicibus & collibus Soli orienti expositis sterilibus frequens Anversæ Valuentium, Aprilis mensis fine & Maio. Circa Monspel. collegimus: Cherlerus in Nemaufensi agro. *Locus*  
*Tempus.*

## CAP. XVIII.

*Tblaspi montanum Glaſti folio* C. B. *montanum Glaſti folio majus* Park. *Tblas. Pannonicum Clusii* Ger. *Tbl. folio Alliarie* J. B.

J. B.

**H**ujus folia infima lata & rotunda sunt: quæ autem superius in caulibus, quos à fibrosa, obliquè acta, serpente, alba, tenui, lignosa, Alliumque obolente radice plures emittit, teretes, læves, cubitales altioresque. Folia inferiora sunt Alliarie similia, alia ad Napi folia quodammodo accedunt, oblonga, averſa parte cæſia, adversâ in luteo virescentia, duabus pinnulis subrotundis caulem amplectentia, sapore oleraceo, nonnihil ad Cepas quoque accedentes è quorum alis rami enascuntur, similiter foliati. Flores Nasturtii aquatici albi, quadritolii. Siliquæ uno loculo donatæ, subrotundæ, nullâ fissurâ, semen continent singulæ singulum, flavum, gustu amaro & acris.

Invenitur umbrosis locis ad arcem Stichenſtain, & quâ iter est ex ea arce ad Sneberg: nusquam alibi Clusio observatum. Floret Junio, semen Julio & Augusto ad maturitatem pervenit. *Locus*  
*Tempus.*



## CAP. XIX.

## De Glasfo seu Ifatide.

**G**lastum Latinis, *Vitruvio*, *Mela*, *Casare* & *Marcello Empirico* testibus, vitrum dicebatur. Vitrum idèd à Latinis dictum existimo quòd Gallis & Britannis antiquis *Glassa* diceretur, quod Vitrum rectè interpretati sunt. *Glassa* autem fortè dicta est à colore vitreo seu

*valispy.*

Glasti notæ sunt folia ad tingendum utilia, filiquæ compressæ, latæ, pendulæ, per maturitatem nigra *Linguam avis* dictam imitantur.

*Glastum sativum* Ger. Park. *Ifatis sativa vel latifolia* C. B. *Ifatis sive Glastum sativum* J. B. **Wood.**

Pollicaris hujus *radix* albida & lignosa ad cubitum & sesquicubitum descendit, inquit J. Bauhinus. *Caules* surrigit minimi digiti crassitie, bicubitales, rigidos, teretes, læves, subrubentes, in summo valdè ramosos; *foliis* creberrimis, nullo ordine positis vestitos. *Flores* in ramulis lutei, crebri, exigui, quatuor foliolis longiusculis, obtusis, minimè bifidis compositi, pediculis longis, tenuibus subnixi [J. Bauhinus octo folia flori tribuit, verùm quatuor illa quæ minora vocat calicis sunt non floris] *Stamina* lutea, exigua. *Capsulæ* seminum per maturitatem nigricantes, latæ, obtusæ, *Linguæ avis* similes sed minores, costa longitudinem percurrente, secundum quam etiam aperiuntur, singulæ singula semina flavicantia continent. Ob pediculorum tenuitatem capsulæ deorsum dependent ac si pilis appensæ forent. Folia ima ad Cynoglossum accedunt, nonnihil glauca, oblonga, glabra. Quædam tamen ex prioribus interdum hirsuta, inquit J. Bauhinus, ac etiam nonnunquam sinuata, ad Hesperidis folia accedentia. Quæ in caulibus & ramis nullo pediculo interveniente adnascuntur, pinnatis barbulis ad basin donata, oblonga, angusta, in acumen definentia, glauca, glabra, quædam tamen ex inferioribus averfa parte ad margines præsertim & nervum medium rarioribus pilis hirsuta. Tum caules tum folia glauco quodam polline obducta sunt, quæ faciliè detergi potest. Secundo à satione anno caulescit & floret, & postquam semen perfecit radicitus exarescit, semine deciduo se renovans.

*Locus.*

Seritur in Mediterraneis Angliæ. Sylvestris à Sativo nonnisi culturâ differre videtur.

*Vires & Usus.*

De Ifatidis cultura & præparatione ad lanas tingendas integrum librum scripsit Henricus Crolachius.

Glastum facillimè & copiosissimè præbet salem volatilem, imò sine igne, egregii usûs in Scorbuto & Angina. Hæc planta multò meliùs tingit lanas quam *Indigo*, quod admixtione salis corrosivum evadit. *Wedelius de Sale volatili plantarum.*

*Cultura & præparatio.*

De cultura & præparatione Ifatidis lubet huc transferre quæ habet *Wedelius* loco citato.

Optimè inquit crescit iis in arvis, quibus priùs *Linum satum* fuerat; sin minùs antecessore hoc gaudeat, stercoreari eadem probè postulant.

Alterutro horum factò, aut foditur terra ad sationem, aut aratro ad id aptato quadrijugali profundius aratur. Sin communi aratro præstare id libuerit, lentè festinandum est, morâ enim eget.

Quod Autumno aratro præparatum est arvum hyemalibus feriis ad Purificationis Mariæ festum relinquatur uberi irrigationi.

Semen ipsum perinde est, recénsine an vetustum sit, modò non fumi accessione (quod notabile est) corruptum fuerit.

Post festum Purificationis, molliori cœlo, feritur, & ex voto quidem magis modicâ nive positâ, & ea quidem cautione, nè densè nimis satio fiat.

Elapso uno alteròque die, quæ mora non de nihilo est, studiosè mediante occatione, terrâ obtegitur.

Post Pentecosten diligenter repurganda ab aliis herbis.

Post festum S. Joannis ad primam messèm maturefcit: cum extima folia flavedinem præ se ferunt, vel metus est flores ipsum meditari, ferro ad id parato in terra herba detruncatur in cumulum hinc colligitur & ad loturam fertur.

Factâ lotione pabone ad locum aptum mittitur, sparsim dispergitur, & vertendo siccatur: marcior hic seu colono, si minor fiat & superficiariè, seu emtori, si justus, lucrum fcenerat, illi quidem aucto globulorum numero, huic meliori præparatione. Sin inconstans tempeftas minùs faveat, ut modò siccetur, modò imbris irrigetur, quæ liberari ab extraneo humore debebat, periculum subit corruptionis, & testis hujus, nigredinis, quod sæpe unicâ nocte contingit.

Absumpta superflua humiditate congeritur, & trufatilibus molis infertur.

A conquassatione seu comminutione & tritura hac, qualis quidem succulentis adhuc convenit, in acervum obtusum seu rotundum compingitur, superna parte tecta pro arcenda pulvia, circa latera verò ventilabra fabricantur, ut herbacea sanies residua per noctem excludatur.

Abactò liquore digeritur in magnos globos, & tecto patulo ad id factò, ad machinam illam vecta imponitur, ut siccetur, adeò omni studio superflua humiditas abigitur, nè in putrilaginem fatiscat. Relinqui hic loci potest, quamdiu id fert occasio; aut globuli jam leniter exsiccati propriæ inferri domui, vel ad ulteriorem præparationem mercatoribus vendi possunt.

Globuli enim hi, quos sexagenos vendi videas, tabulatis ingesti & accumulati, sensim incalescunt, & urinosum sal volatile de se exhalant, eò citius quo calor ambientis æstivo tempore & eorum copia major; illud verò non solum quo continentur spatium, sed totam sæpe domum & vicinas odore suo replet. Tandem aquâ etiam affusâ magis intenditur calor, donec non in cineres, ut quidam volunt, sed pulverem grossum tinctorum usibus aptum fatiscat, quod hinc Glastum *ἄγρ' ἔχειν*, seu præparatum audit.

Secunda

Secunda vice propullulans, non, uti prius, solicis unguiculis ab immixtis aliis herbis repurgatur, sed oves in agrum mittuntur ut pasti interfito hoc gramine repurgent ifatidem, neque enim illi vel esu nocent, vel conculcando in terram, nisi pastoris negligentia diutius ac par est inhæreant agro.

Exactis sex septimanis à prima messe denuò ut superiori tempore detruncatur, & iterum elapsis totidem hebdomadis, si cœlum Autumnale faveat, tertiâ vice; licet hæc minori bonitatis notâ, tum ob caloris Solaris digerentis insufficientiam, tum ob tempus loturæ minùs aptum.

Sequenti anno iisdem arvis, quæ priùs ifatidem tulerant hordeum inseritur.

Sin semina desiderantur, tertia messe pars intacta relinquitur, unde vertente anno in semen exit. Haftenus Wedelius.

Nostrates in præparando Glasto methodum hanc non per omnia observant, ut ab amico, quem super hac re consului, certior factus sum.

Seritur circa initium Martii apud nos, solo pingui, calido & bene stercoreato; circa medium Maium seriùs citiùsve pro anni temperie & herbæ maturitate decerpitur.

Quamprimum demetitur ad molam ilico deferitur & molendo comminuitur tandiu donec in globulos formari aptum sit absque ulla mixtura.

Globos hosce craticulis vimineis (*hurdles* nostrates vocant) imponunt ad exsiccandum; cùmque penitus sicca evaserint, molæ iterum subijciunt & in pulverem quàm possunt subtilem comminuunt.

Pulverisatum in area complanata, seu tabulato in acervum componunt, & copiosâ aquâ affusâ irrigant seu madefaciunt, donec concalescat & vaporem emittat; adeoque per plures septimanas calentem & effumigantem sinunt ut paulatim maceretur & maturescat, humore aqueo evaporante, medicamentoso concocto. Ad calorem autem moderandum nè nimis invalescat, per tres, quatuorve hebdomadas palâ quotidie versant; mucedinem autem inter exsiccandum & canitiem contrahit, quam iterum deponit, antequam plenam maturitatem adipiscitur, perfectum saccis inferciunt, & dividunt.

Æstate calida & serena succo meliùs concocto ad pigmentum conficiendum nobilius & præstantius evadit; pluviam autem & humidâ foliis magis luxuriat, & uberiore proventu ferentem ditat, cùm citâ regerminatione ad quatuor aut etiam quinque messes eadem æstate adolescat. Prima messis omnium præstantissima habetur, reliquæ ordine, sequentes antecedentibus, deteriores.

Glastum autem non solum colorem cœruleum de se præbet, verum aliorum ferè omnium colorum basis & fundamentum est. Verum pro instituti nostri ratione de Ifatide satis: qui plura desiderat (nec enim hæc ad artis hujus prorsus rudem & ignarum instruendum sufficiunt) eos consulat qui hanc materiam ex professo tractarunt, nimirum Crolachium prædictum, & Auctorem anonymum *Artis Agriculturae* Anglicè conscriptæ.

Joanni Bodæo à Stapel non assentio agrum Glasti proventu non emaciari sed latificari potius, quamvis frumento producendo magis fortasse idoneum evadat: nec enim triticum solo valde opulento satum fertilissimum est; siquidem foliis & culmis supra modum luxurians vim omnem in ea effundit, nec granorum admodum ferax est, neque plena & farinâ prægnantia procreat.

## CAP. XX.

*Coronopus Ruellii* Ger. recta vel repens *Ruellii* Park. *Coron. Ruellii* sive *Nasturtium verrucosum* J. B.  
*Ambrosia campestris repens* C. B. *Swines Cresses*.

J. B.

**T**erræ apprimat caules nunquam surgentes, spithamæos, ramosos, rigidulos; per quos folia laciniata, cæsurâ foliorum *Nasturtii*, nec ita dissimili aut odore, aut sapore: *flosculi* secundum caules minuti, albi; *seminum loculi* scabri, inæquales, lappulas imitati, quasi echini parvi muricati, quorum singulis *granum* unicum, nigrum, gigarto vitigineo ferè par inest. *Radix* longiuscula, satis crassa.

In uliginosis & ad vias tam in Anglia quàm in exteris regionibus reperitur.

*Locus.*



# HISTORIÆ PLANTARUM

## LIBER DECIMUS SEPTIMUS,

QUI EST,

### De Herbis flore tetrapetalo anomalis.

**P**RO floribus tetrapetalis hoc in loco habeo monopetalos etiam profundè in laciniis petalorum æmulas ad ungues ferè fillos, nè à recepta Botanicorum sententia nimis recedam.

*Herbæ flore tetrapetalo uniformi anomala & sui generis variæ.*

Harum notæ Characteristicæ, generum indices sunt.

*Florum petala tenuia, ampla, fugacia, succus lacteus aut flavus, acer, vis narcotica; & in plerisque speciebus calix bifolius seu bivalvis caducus; PAPAVER, cujus duo sunt genera; Alterum, vasculis seminalibus brevibus in plurimas cellulas divisus, operculo stellato; iisque vel glabris; PAPAVER Sativum & sylvestre plurimarum specierum; vel hispidis; ARGEMONE: Alterum filiquosum; PAPAVER corniculatum; cujus omnino species est Chelidonium majus dictum, siquidem succo flavo acri turget, & calicem habet bivalvem caducum.*

*Vasculum seminale in quaterna loculamenta partitum, loculamentis superiore parte aliquousq, disjunctis, & in angulos eminentibus; foliis in plures lobos seu segmenta divisus, glaucis, glabris, odore vehementi; RUTA. Rutæ flos interdum pentapetalos est, & vasculum quinis loculamentis compositum: verum hoc accidentarium esse puto & luxuriantis naturæ lusui tribuendum: naturaliter enim & ordinariè quaterna tantum petala, & totidem in seminis conceptaculo loculamenta obtinet.*

*Vasculum seminale tricoccum in summo stylo, & succus lacteus in plerisque speciebus acer & fervidus; TITHYMALUS.*

*Flores staminosi; in spicas congesti, Flosculorum tubi in vascula seminalia elliptica, (quæ per maturitatem horizontaliter rumpuntur) intumescens, seminibus intus binis, puliciformibus. Hujus generis aliæ caulibus sunt*

*Nudæ, foliis vel*

*{ Latioribus, nervosis; PLANTAGO.*

*{ Angustis, in nonnullis etiam ad margines dentatis aut laciniatis; CORONOPUS.*

*{ Foliosis, foliis angustis, binis oppositis, florum spicis è foliorum alis egressis; PSYLLIUM.*

*Siliquæ flores antevergentes, quæ per maturitatem quadrifariam partiti & dehiscens, quatuor seminum series ostendunt. Flores summis filiquis insident, & integri unà cum calicibus decidunt; LYSIMACHIA filiquosa. Hujus species quas novimus omnes præter Virginianas luteas filiquas producunt lanigeras.*

*Vascula seminalia in bina loculamenta divisa, & plerunque compressa: Flosculi parvi, petalis ad ungues junctis, ita ut integri decidunt, suntque vel floribus*

*{ E foliorum alis exeuntibus,*

*Singulatim, ita ut è singulis alis singuli egrediantur flores; ALSINE spuria, nimirum foliis Chamaedryos, Hederulæ, Veronicæ.*

*{ Spicatim, ita ut è singulis foliorum alis egrediantur singuli surculi flores multos in spicas dispositos sustinentes, vasculis sem. compressis, Bursæ pastoriæ æmulis; VERONICA.*

*{ In summis caulibus spicatis; VERONICA spicata.*

*Anagallis*

*Anagallis aquatica* dicta major & minor tam rotundifolia, quàm longifolia, itémque *Anagallis aquatica* quarta Lob. floribus & seminum conceptaculis cum *Veronica* conveniunt ideòque *Veronica* potiùs quàm *Anagallis* speciebus annumerantur. Ad idem etiam genus pertinent *Chamaedryos spuria* dictæ species omnes.

*Papaveris spinosi*, si rectè accipio mentem Botanicorum qui illud descripserunt, calix trifolius est, quâ in re differt à reliquis *Papaveris* speciebus nobis observatis. Loculamentorum vasculi feminalis respectu plurimùm inter se differunt *Papaveris* species; Nam *Chelidonii majoris* siliqua simplex est & indivisa, unicâ intus continuâ cavitatè; *Papaveris corniculati lutei* in bina loculamenta secundùm longitudinem dividitur; *Pap. corniculati flo. phæniceo* in terna; ejus quæ flore est violaceo in quaterna. *Papaveris vulgaris* tam *Hortensis* quàm *Sylvestris* capitulum in plurimas cellulas dividitur incerto numero, usque ad duodecim aut interdum quindecim, prout planta vegetior est aut languidior. O. perculi autem stellati radii indicant numerum cellularum in quas capitulum dividitur.

Hinc patet à numero loculamentorum in quæ dividitur seminis conceptaculum solo & per se plantarum genera non rectè semper distingui.

Huc etiam referenda sunt *Pentaphyllum siliquosum primum & secundum* Morrifoni, nec non *Trifolium Lusitanicum bivalve flore rubro* ejusdem, quæ siliquarum respectu cum *Chelidonio* majore conveniunt.

## CAP. I.

## De Veronica.

**V**eronicam Recentioribus quasi *psoraleum* dictam existimat C. Hofmannus, quia triumphat inter plantas noviter repertas.

*Veronica* notæ sunt, Flosculi parvi tetrapetaloides, nam quæ videntur petala distincta ad ungues juncta sunt, adeò ut flos integer decidat, unde strictè & propriè loquendo flores monopetali sunt non tetrapetali. 2. Vascula feminalia in bina loculamenta divisa & plerumque compressa *Thlaspeos* instar.

In hoc genere calycis folia non decidunt unâ cum flore, ut in *Tetrapetalis filiculosis*, *Nasturtio*, *Thlaspi*, &c. sed à flore delapso restant ad seminis usque maturitatem: præterea flores è sinu foliorum exeunt, præter illorum normam, in quibus nulla ad florum exortum apponuntur foliola.

*Veronica* autem in triplici sunt differentia. Aliæ enim flores spicatos producant, spicis summos caules & ramulos terminantibus quæ *Veronica* spicata dicuntur. Aliæ florum spicas producant è foliorum alis exeuntes: quod genus *Teucris* seu *Chamaedryos spuria* nomine insignitur.

Aliæ denique flores singulares seu solitarios secundum caules, è foliorum sinibus proferunt, quæ *Alina* spuria censentur.

§ I. *Veronica spicata.*

1. *Veronica spicata latifolia* C. B. Ger. major latifolia foliis splendentibus & non splendentibus J. B. *spicata latifolia major* Park. Great broad-leaved spiked Speedwell or fluellin.

## Clas.

Cubitalis profert caules, interdum etiam ampliores, non valdè ramosos, certè quàm rarissimis alis, sed multis nodis præditos; folia contrariis inter se petiolis ad singulos nodos nascentia, duas aut tres uncias longa, unam lata, crassa ex atro viridia, splendentiaque, raris & vix conspicuis crenis serrata, gustûs admodum astringentis & exsiccantis, deinde acris. Summo caule spicatim crescunt multi conterti flosculi *Veronica* rectæ dictæ floribus formâ similes, sed colore paulò dilutiores, ab infima parte spicarum explicare se incipientes quemadmodum *Teucris* & aliarum spicarum flores. Semen in planis vasculis continet, exile, fuscum. Radix crassa est, multisque fibris donata, singulis annis novos ex lateribus caules producat.

2. Est alia hujus species cubitalem altitudinem non excedens, multisque in summo caule ramis *Secunda* prædita, cujus folia superioribus non minùs ampla & crassa sunt, sed neque splendent, neque adeò crenis.

3. Conspicitur & tertia species, secundæ non valdè dissimilis, cujus folia evidentioribus crenis *Tertia* species. serrata sunt, ramulique oblongiore florum spicâ præditi: in reliquis conveniunt; utrique sapor idem qui priori.

Invenitur hoc genus cum suis speciebus in multis Pannoniæ sylvis montibus, & ad radices *Stiriaca*. Locum.

Florat Julio, aliquando etiam Junio, in hortis præsertim: Semen Augusto & Septembri maturum est. Tempus.

2. *Veronica spicata recta, profunde serrata, quam Lyfimachiam cæruleam quidam vocant* J. B. *Lyfimachia spicata cærulea* C. B. *cærulea* Ger. emac. *cærulea spicata* Park.

## J. B.

Cubitalis, teres, glabra, ex certis intervallis terna aut plura folia ad nodos habet, Parmicæ foliis similia, uncias duas aut tres longa, culmum lata, valdè serrata, glabra. Spica longa floribus densè congestis constat, cæruleis, quibus deciduis remanent longa staminula. Succedunt plura exigua



*marfupiola* in quibus *semen* minutum. Parvâ & fibrosâ *radice* nititur, non reptante, sed plures à capite turiones seu germina novella protrudente quotannis, quibus valde se propagat.

Locus.

In Pannoniâ & vicinis Austriæ atque Stiria regionibus vel secundum rivos, vel in montanis pratis sponte nasci narrat Clusius.

- A. 3. *Veronica spicata recta major & minor* J. B. *spicata minor* C. B. *assurgens sive spicata* Ger. Item *Veronica spicata angustifolia* C. B. *erecta angustifolia* Park. The lesser spiked *Fluellin* or *Speedwell*.

J. B.

Obliquam *radicem* agit, fibratam; *caulem* rectum tollens, interdum quatuor unciarum tantum, aut pedalem vel cubitalem; interdum altiore multo, simplicem plurimum, ad cujus nodos *folia* nascuntur angustiora, acutiora quam *Veronica* vulgaris, leviter crenata, hirsuta, ad radicem latiuscula. *Caulis* in spicam longam definit, plerumque visu simplicem, interdum *floribus* *Veronica* vulgatae caeruleis densissime stipatum, paullatim florescentibus, primum inferioribus denique summis: quibus exidentibus staminula remanent longa: *Semen* autem planis bifidis *capsulis* continetur.

*Veronicam* spicatam majorem à minore magnitudine tantum variare existimat J. Bauhinus. Clusius & Lobelius specie diversam faciunt. Altera (inquit Clusius) major est, latioraque habet folia & longiorem florum spicam: altera minor graciliorem breviorémque caulem, angustiora folia, minorémque spicam. Ego equidem non libenter multiplico species præter necessitatem, ideoque cum J. Bauhino sentio has duas non distingui specie; nihil tamen fidenter affirmo.

C. Bauhinus *Veronicam* secundam erectiorem angustifoliam Clus. ab ejusdem *Veronica* recta vulgari majore non distinguit. J. Bauhinus quoque *Veronicam* secundam majorem angustifoliam Clus. multum convenire scribit cum *Veronica* sua spicata recta. Descriptio Clusii sic se habet:

Fibrosa *radix* lateribus se propagat, novos singulis annis stolones promens, cubito non minores, rectos, virides, veluti nodis aut geniculis distinctos. *Folia* in singulis nodis bina ex adverso nascentia, oblonga, *Lysimachia* caerulea dicta penè similia, sed crassiora & in ambitu minus serrata, gustu adstringente & ingrato, postea acriusculo. Summi rami in spicas desinunt caeruleorum stoliculorum quatuor foliolis constantium, in quorum umbilico duo staminula cum exiguo stylo. *Semen* in bifidis vasculis, planis quidem, sed aliquantulum tumentibus & pulvinatis, exile admodum & rufum.

Variat foliis paullò latioribus, prima tamen specie angustioribus, caulibus minus ramosis, dilutioréque florum spicâ. Sapor quidem astringit & exiccat, sed non adeò vehementer ut in prima specie.

Locus & tempus florendi eadem quæ primæ speciei. Clus.

Cæterum *Veronica* spicata minor nobis observata est in pascuis quibusdam medio circiter itinere inter Cantabrigiam & Novum Mercatum.

J. Bauhinus Genevæ & in Sabaudia observavit florentem Julio: Montbelgardi etiam in agris propè Audincourt.

4. *Veronica parva saxatilis cauliculis nudis*. *Teucrium minimum* Clus. hist. *Chamaedrys spuria minima* Park.

Eodem modo per terram sese expandit in varios divisa cespites, quo *Coryledon* Matthiolo altera aut *Sedum* serratum. Clusio instar minoris *Gentianæ* vernæ elegantis, ex eodem radicularum capite breves ramusculos in ambitu fundit, humi recumbentes & sustinentes quaterna aut sena foliola, alternis quidem sibi opposita, sed adeò arcuè congesta, ut eodem exortu nasci videantur, quæ parva, subrotunda, hirsuta, per margines crenata. E foliorum medio, ut in *Sedo* serrato dicto, exilit cauliculus, duarum triumve unciarum, teres, gracilis admodum, foliis nudus flores in summo fastigio gestans, non binos tantum (ut vult Clusius) sed quinque, sex, aut etiam plures *Chamaedryos* spuria aut *Veronica*, caeruleos cinereosve, quadrifolios, qui tamen ut in reliquis integri decidunt. Ad singulos florum pediculos singula foliola oblonga. Vascula seminalia magna, compressa, bifida.

Locus.

In montis Juræ vertice *Thuri* copiosum invenimus: Clusius in summo *Sneberg* jugo. An *Chamaedrys Alpina* minima hirsuta C. B. Prod?

- \* 5. *Teucrium sextum* Clus. *Chamaedrys Alpina saxatilis* C. B. Park. *Teucrium petraeum pumilum* Ger. emac.

Clus.

*Pumilum* est admodum, semipalmaribus *virgulis*, quadam lanugine pubescentibus, quas bina semper inter se opposita vestiunt *folia*, minoris *Chamaedryos* foliis satis respondentia, inter quæ summis *virgulis* oblongiusculi nascuntur è barbatis *calyculis* flores, à superiorum formâ diversi, concavi enim sunt extremis oris laciniati, latiores, caerulei tamen etiam coloris, è quibus duo staminula cum longo stylo exeunt. Defluentibus integris stoliculis succedunt crassiores & majores *siliquæ*, exiguo semine plenæ. *Radix* etiam per summa serpit, tenuibusque fibris prædita est.

Locus.

*Veronica petraea* semper virens Ponæ.

In summo *Etcheri* jugo nec usquam alibi invenit Clusius.

C. Bauhinus *Veronicam* petraeam semper virentem Ponæ in Baldo huic synonymam facit: At Descriptiones non satis conveniunt. V. Ponam.

- \* 6. Cha-

\* 6. *Chamaedrys spuria minor angustifolia* C. B. J. B. Park.

C. B. prod.

Radice est nigricante, lignosa & fibrosa: ramulis plurimis in terram reflexis, palmaribus, rotundis, rufescentibus, nonnihil pilosis, rigidis, duris, & in ramulos plures subdivisis: foliis ad radicem nonnunquam oblongis, latiusculis, obtusis, minimè crenatis: reliquis verò ad cauliculos, brevibus, angustis, crenatis & in apicem desinentibus. Flores habet copiosos in spica oblonga dispositos, modò pallidè cœruleos, modò carnosos, staminulis & stylo donatos, quibus ut sylvestri semen minutum succedit in parvis thecis.

Æstate floret in agris nostris ficcioribus & incultis; copiosè circa balneum Bruglingen occurrit. Locus.

\* 7. *Chamaedrys spuria bederacea repens, sive scutellata repens* C. B. *Chamaedrys bederacea, sive Teucrium pratense foliis bederaceis* Cat. Altdorf. *Fungermanni*.

Nomen sine descriptione. Circa Altdorfiam in Germania oritur.

\* 8. *Veronica Alpina Bellidis folio hirsuta* C. B. *minima Bellidis folio* Park.

C. B. prod.

Radice est per terram transversim repente, fibris oblongis nigricantibus donatâ: cauliculo semipalmari vel paulò altiore, tenui, hirsuto, duro, flexili, reclinato: cujus folia ad radicem plura, Bellidis cœruleæ foliis formâ respondent, parva, subrotunda, atrovirentia, hirsuta & crassa, in cauliculo pauca, binis ex opposito sitis: Cauliculorum summitatibus flosculi aliquot cœrulei, quasi in umbella, ex parvis hirsutis calyculis prodeuntes, quaternis quinifve foliolis & staminulis binis cum stylo compositi insident: Semen verò in valculis brevibus, compressis, ex medio veluti umbone stylo prodeunte, continetur.

Hanc in Helvetiorum Alpibus reperimus. Locus.

§ 2. *Veronica cum floribus foliis intermixtis, è singulis eorundem alis singulis.*\* 1. *Veronica terrestris annua, folio Polygoni, flore albo* Moris.

Moris.

Plantula est palmaris, cauliculis rectis: foliolis ad singulos nodos oblongis, angustis, Polygoni æmalis; è quorum sinibus singulis singuli exeunt flosculi, albi, tetrapetali; quos sequuntur capsulae cordiformes, tumida, septo medio distinguente duplicem seriem seminum compressorum, rufforum. Radix tenuis est, inutilis: post semina ad maturitatem perducta exsiccat tota planta.

Floret Maio, & semina perficit Junio; ubi sponte oriatur nescimus, sed semine deciduo singulis annis sese propagat in hortis nostris copiose. Tempus.

A. 2. *Alfne foliis Veronicae Ger. foliis subrotundis Veronicae* Park. *Veronica foliis, flosculis cauliculis adhaerentibus* C. B. *Serrato folio hirsutiore, flosculis & loculis cauliculis adhaerentibus* J. B. *Speedwell-Chickweed.*

Radice nititur tenui, simplici, fibrillis aliquot tenuibus oblongis capillata. Caules profert plures, [interdum unicum] palmarem aut dodrantalem, ima parte ramosum, rubentem, hirsutum, foliis vestitum infra flores conjugatim binis, triangularibus, minimi digiti ungue minoribus, hirsutis, circa margines serratis, pediculis brevibus aut nullis donatis. Verum folia illa è quorum sinibus flores exeunt alternatim adnascuntur, suntque longiuscula, non crenata, Thymi familia. Flores perexigui, monopetali, quadripartiti, cœrulei, intus striati calice quadrifolio continentur, pediculis brevissimis in foliolorum alis sessiles singulis singuli; quos excipiunt loculi bipartiti Veronicae aut Thlaspeos, pluribus seminulis compressis, per maturitatem fulvis repleti.

Ad margines agrorum ficciores, non rarò & in muris antiquis, hortorum areis & locis rudatis. Locus.  
Planta est annua; Maio plerumque mense floret.

A. 3. *Alfne foliis Trifaginis Ger. Park. Chamaedryfolia, flosculis pediculis oblongis insidentibus* C. B. *Alfne serrato folio glabro* J. B. *Germander-Chickweed.*

J. B.

Pumila est planta è radice alba fibrosa caules aliquot surrigens rubentes, nonnihil hirsutos, articulatos, ad quorum singula genicula oriuntur folia parva, bina semper adversa, nervis rubentibus intersecta, longiora quàm latiora, serrata ut Chamaedrys vulgaris, brevissimis pediculis appensa. Ex alis singulis singuli pediculi semunciales foliolis quatuor glabris circumseptum sustinent flosculum ex quatuor foliolis cœruleis, rariùs albis, infernè continuis, staminula pauca & stylum tenuem circumstantibus. Floribus decidentibus succedunt loculi bipartiti, turgiduli, in quibus semen rotundum.

In hortis & areis locisque cultis tota æstate floret. Locus.



- A. 4. *Alfne bederacea* Ger. *hederulæ folio* C. B. *hederulæ folio minor* Park. *Alfnes* genus Fuch-  
*sio folio bederulæ hirsuto* J. B. *Ivy-Chickweed* or *small Henbit*.

J. B.

*Radice* habet superius singularem & glabrum, rubentem, sine ullis adnatis, inferius verò quam-  
 pluribus fibris tenuissimis, albicantibus capillatam, sapore terrestri. *Ramulos* per terram spargit do-  
 drantales & longiores, infirmos, angulosos, lanuginosos, nonnunquam in alios ramulos subdivisos,  
 nervulo medio separabili fretos; in quibus *folia* alternatim sita, semuncialibus pedicellis, hirsutis  
 appensa, prima germinatione rotunda, mox in Hederacei folii modum angulata, sed crebrius incisa in  
 tres, quinque, septemve portiunculas, carnosa, superna parte atrovirentia, inferne dilutiora, admix-  
 ta interdum obscura purpura, utrinque hirsuta: Ad uniuscujusque folii exortum pedicelli fulci aut  
 purpurascens, unciales ferè, in averfam partem intorti, sustinent quatuor foliola cordata, glabella,  
 margine lanuginoso, quæ complectuntur *flosculum* pallide cœruleum, quaternâ divisurâ insectum,  
 inferne continuum, striatum, *staminulis* binis tantillum cœruleis donatum, qui facillimè excidit.  
 Succedunt didymæ *capsellæ* per transversum futurâ commissæ, in quibus *semina* bina, terna, quater-  
 na, aliquando unicum, oblonga, gibba foras, intus concava, naviculæ instar in cujus medietate tu-  
 berculum prominet, malum cymbulæ æmulans.

Locus.

In arvis inter sata primo vere floret.

- A. 5. *Alfne recta triphylos* sive *laciniata* Park. *triphylos cœrulea* C. B. *folio profunde secto, flore*  
*purpureo seu violaceo* J. B. *Alfne recta* Ger.

J. B.

Aliquando duarum aut trium unciarum est plantula, non rarò etiam palmaris, aut dodrantalis,  
*coliculis* notis, ut vult J. Bauhinus, supinis sed rectis ferè & pilosis; in quibus *folia* opposita, in ali-  
 quot profundas lacinias cæsa, alia integra, potissimum inferiora, pinguiscula; ex quorum sinu or-  
 ti petioli *flosculos* gestant purpureos, qui bifidas post se relinquunt *capsellas*: aliàs inter folia sedent  
 flores. *Radix* parva, fibrosa.

Locus.

In transmarinis inter segetes sæpius observavi: in Anglia rariùs invenitur; loca vide in Catal.  
 Angl.

Hanc plantam bis ponit Parkinsonus, primò sub titulo allato Trib. 6. cap. 17. n. 5. p. 760. secundò  
 sub titulo *Alfnes rectæ flore cœruleo* Trib. 14. cap. 32. n. 6. p. 1260.

- A. 6. *Veronica pratensis minor* Park. *minor* Ger. *pratensis serpyllifolia* C. B. *semina quibusdam,*  
*aliis Betonica Pauli, serpyllifolia* J. B.

J. B.

Plurimas *fibras* longas, tenues albas in terram demittit. Cauliculi quoque & ramuli in ter-  
 ram reclinati è geniculis radices agunt. *Coliculi* attolluntur aliquot semipalmares aut palmares, te-  
 nues, geniculati: ad singulos articulos *folia* bina opposita Serpylli, oblonga, subrotunda, nonnihil  
 interdum crenata. *Flosculi* ex foliorum supremorum alis tenui & brevi pediculo singulatim exeunt,  
 hoc est, ex singulis alis singuli, pulchelli, inodori, quatuor foliolis ad unguis junctis constantes,  
 quorum tria cœrulea aut albicantia, striata, quartum reliquis minus albidum, nullis striis pictum:  
*stamina* in medio alba, apicibus cœruleis. Succedunt *Utriculi* Veronicæ similes.

Locus &  
 Tempus.

In pratis ac humentibus exit, inque sylvis, locis arenosis, & agrorum limitibus: Maio & Junio  
 mensibus viget ac floret, sed per totum annum durat.

- \* 7. *Veronica maxima* Lugd. *Chamædrys spuria major latifolia* C. B.

Lugd.

*Radice* est nigra, pluribus fibris capillata: *caulibus* multis, fruticosa, cubitalibus: *foliis* Quercis,  
 multum crenatis, semper geminis caulem quadratum Chamædryos instar amplexantibus, surculis  
 multis ex alarum sinibus provenientius, minimè foliosis. *Floribus* constat minoribus, Veronicæ mo-  
 re tetrapetalis, puniceis, dense & quasi spicatum in summis caulium digestis: quibus succedunt *cap-*  
*sulæ* cordiformes, bivalves, rotundiores, septo medio junctæ, *semina* hinc inde à latere ejusdem septi  
 continentes. Floret ineunte æstate & paulò post semina perficit.

Locus.

In Sequanis gignitur ad montium confragosa præcipitia inter saxa.

8. *Veronica saxatilis* J. B. *minor Alpina* Park. *serpyllifolia omnium minima* Ponz. *Alpina frute-*  
*scens* C. B. *frutescens Serpyllifolia* Ger. emac.

J. B.

Multis *ramusculis* surculosis, rotundis & lævibus exoritur, altitudinis ad summum unius palmi cum  
 dimidio. Fert *folia* Serpylli modo, sed aliquanto longiora, in nigro colore virentia, obiter subinde  
 crenata, sed rariùs, glabra, per extremum rotunda, bina opposita. Summos caules ornant *flores* ma-  
 jusculi, tetrapetali, colore cœruleo dilutiora, Chamædryos spuria vulgaris floribus similes. Succedunt  
*capsulæ* compressæ, cordatæ, Veronicæ vulgaris repentis similes.

Locus.

In summis jugis montis Juræ propè *Thuri* invenimus: Pona in altioribus summitatibus Baldi Ori-  
 entem versus.

Uterque



Uterque Bauhinus huic synonymam faciunt Veronicam tertiam fruticantem Clus. quam sic describit.

Pedalibus est *furculus*, duris, lignosis, lentis & flexibilibus, humi sparsis & diffusis, ac veluti cinctis frequentibus nodis, unde ex adverso semper utrinque *ramuli* enascuntur virentes, in quibus bina inter se opposita *foliola*, viridia, crassiuscula, splendentia, longiuscula & minutulis crenis serrata, amari saporis. Extremis ramulis seni aut octoni insident *flosculi*, ex alarum sinu prodeuntes, tetrapetali, cœrulei coloris elegantissimi, pallente umbilico & rubro circulo eum ambiente, unde duo *staminula* prominent, & ex medio velut umbone *stylus* muscæ proboscidi ferè similis. Semen in latioribus majoribusque vulgari Veronica vasculis & compressis, exiguum, planum, fulvescens. Radix lignosa & multas fibras spargens: quin & ipsi furculi proximè radicem, atque etiam longius à radice (si paulum terrâ operiantur) ad singulos nodos fibras & radices agunt.

Provenit in Sneberg & Alpestribus Stiria jugis, ubi Junio floret.

Parkinsonus, & rectè quidem meâ sententiâ, separat Veronicam fruticantem Clusii ab Alpina minima serpyllifolia Ponæ: Hæc enim non fruticat, neque pedalem longitudinem assequitur, sed palmaris est & herbacea semper: quin & florum colore differt. Veruntamen si non convenient specie, admodum affines sunt, & vix ulla alia in re quàm magnitudine differunt hæc duæ.

- \* 9. *Chamædrys spuria tenuissimè laciniata* J. B. Cham. *Austriaca foliis tenuissimè laciniatis* C. B. *Austr. laciniata* Park.

J. B.

Sanè quàm elegans hæc est Chamædryos species. Caules erigit pedales & altiores, teretes (præterquam crassiores qui ab ima parte quadrati videntur) firmos, ramosos, lanugine quâdam modicâ obritos. Folia secundùm genicula singula plerumque hærent utrinque plura tenuissimè ac profundis segmentis laciniata. Ramulorum extrema *vascula* ex longiusculis pediculis gerunt singularia, cordata, Chamædryos vulgaris spuria, foliaceo caliculo comprehensa, in quibus semen exiguum coloris spadicei, compressum. Radix crassiuscula, multis nigris fibris donata.

In Goritienfi agro ab Agerio lecta ad J. Bauhinum transmissa est.

C. Bauhinus flosculos subcœruleos in spicam oblongam dispositos huic ascribit.

- \* 10. *Chamædrys Hispanica foliis tenuissimè divisis* C. B. Park.

C. B. prod.

Hæc caule est priore multò teneriore, rotundo, leviter piloso, geniculis pluribus distincto; foliis brevioribus angustiusque divisis, & ad singula caulis genicula junctis: at cauliculus in tenuissimorum & parvorum foliorum quasi cespitem absumitur; & ad summum geniculum in duos pedicellos, triunciales, foliis nudos dividitur, quibus *flosculi* parvi, stylo oblongo donati insident. Plura non licet.

§. 3. *Veronica spicata, spicis è foliorum alis egressis, Chamædrys spuria dista.*

1. *Chamædrys spuria angustifolia* J. B. *spuria major angustifolia* C. B. *Veronica supina* Ger. emac. *Ver. Teucrii facie* Park. *Teucrii tertii quarta species* Clus.

Multas ab una radice, tenui sed longâ, repente, lignosa, fibrosa *virgulas*, per terram diffusas, interdum nonnihil humo elatas profert, teretes & hirsutas, itidèque lignosas, tenues, longitudine palmari & dodrantali: in quibus bina per intervalla *folia* opponuntur, oblonga, in ambitu serrata. Virgulæ in ramulos aliquot circa extremum divise *flores* sustinent in spicam digestos, non simul se expandentes, sed inferiores primùm, cœruleos, *staminibus* concoloribus & *stylo* tenuissimo, quorum pedicellis brevibus & tenuibus appositum est foliolum tenuissimum, oblongum, viride.

Nascitur pluribus locis in pratis, juxta flumina, rivulos, scrobes ac fontes, subinde & in nemorosis, ut rectè J. Bauhinus: Et Junio, Julio ac Augusto cum floribus viget. In Anglia non invenitur spontanea.

2. *Chamædrys falsa maxima, an Teucrium* 1. *sive majus Pannonicum* Clusio J. B. *Chamædrys spuria major altera sive frutescens* C. B. *Ch. ma. sp. frutescens* Park. *Teucrium majus Pannonicum* Ger. emac.

J. B.

Congener vulgari Chamædryi spuria, verùm multis numeris eâ major est. Folia longa acuminata serrata per hirsutos caules bina: Rami itidem ex adverso positi longam sustinent florum spicam, Chamædryos vulgatæ similem, majorem, succedentibus compressis, bifidis capsulis.

In sylvis Germaniæ atque etiam circa Genevam plurimis in locis oritur.

Clusius caules cubitales, quadrangulos, subhirsutos Teucrio suo quarto attribuit: folia Chamædryos spuria vulg. bina semper inter se opposita, per ambitum serrata, amari saporis. Flores in spicis longis è foliorum superiorum sinibus egressis cœruleos, quatuor foliolis constantes, quorum quod superiorum partem obtinet latiusculum semper est venisque distinctum: Radicem fibrosam admodum & vivacem, quotannis novos caules producentem, qui infima parte secundùm matrem radices agunt & se propagant.

Hujus



Hujus genus invenitur inter vepres, non minoris longitudinis virgas ferens, tenuiores tamen humisque diffusas, adeo frequentes ut magnos caespites interdum late tegunt, minoribus foliis & dilutione flore.

- A. 3. *Chamaedrys sylvestris* Ger. *spuria sylv.* Park. *spuria latifolia sive samina* J. B. *spuria minor rotundifolia* C. B. **Wild Germander.**

Numerosis fibris *radicatur*, & reclinatis in terram ramulis subinde radices agit, seque reptando propagat. *Caulis* surrigit spithamam & interdum cubitum altos, lanuginosos, teretes, tenues & infirmos; quibus adversa inter se per intervalla adnascuntur *folia* sine pediculis, ferrata, hirsuta, saturè viridia, rugosa, è lata basi in mucronem non admodum acutum sensim desinentia, *Chamaedryos* legitimæ familia, unde plantæ nomen. Ex alis foliorum exeunt *flores* in thyrsum digesti, qui quadrifolii videntur cum sint revera monophylli, petalis ad ungues junctis, hilari cœruleo colore nitentes, saturatoribus lineis striati, umbilicis albis: in medio stylus prætenuis, violaceus cum duobus *staminibus* apices albos sustentibus. *Calix* floris quadrifolius. Flores autem pediculis brevibus infident è finu folioli exigui seu ligulæ exeuntes. *Vascula* seminalia compressa didyma, *Veronica* familia.

Locus.

Maior mense floret, in pascuis frequens.

Sapor huic plantæ amariusculus; odor ferè nullus. Folia quæ in summis caulibus sunt, contra aliorum plantarum normam, pediculos habent longiores quàm quæ in imis.

- A. 4. *Chamaedrys spuria foliis pediculis oblongis infidentibus.* *Alysson* *Dioscoridis montanum* Col. *Chamaedrys spuria affinis rotundifolia scutellata* C. B. **Wild Germander with leaves standing on long foot-stalks.**

Plurimis exiguis prælongis fibris in terram demissis *radicatur*. *Caulis* teretes, hirsuti, tenues, in terram resupini, & subinde radices agentes, *foliis* vestiti per intervalla binis oppositis, pediculis semuncialibus infidentibus, hirsutie longa candicante subasperis, circum oras ferratis magnis dentibus, brevioribus & pallidioribus quàm *Chamaedryos spuria* vulgaris. *Flores* in thyrsos digesti ex alis foliorum similiter exeunt, rarius dispositi [tres aut quatuor ex tenui admodum petiolo ac hirsuto] semuncialibus pediculis infidentes, monopetali sed in quatuor segmenta ad ungues ferè fissi, pallidè purpurei aut cœrulei, saturatoribus lineis striati: [quibus succedunt fructus depressi, ex duobus ovalibus folliculis scutulorum formâ constructi, latere inter se conjuncti, ipsique per oras hirsuti, foliola bina utrinque basis habentes, atque intus depressa semina fulva quina aut sena singulis lateribus continentes.]

Locus.  
Vires.

In sylvosis humidis ad aquarum præcipuè rivulos nascitur.

*Chamaedrys spuria* [de præcedenti specie intellige] optimum est remedium in Rachitide, si ex ea fiat decoctio. D. Palmer.

- \* 5. *Chamaedryos falsa species Teucrium quintum* Clusii J. B. *Cham. spuria minor latifolia* C. B. Park. *Teucrium Pannonicum* Ger.

Clus.

Multas statim à radice fundit *virgulas* dodrantes, purpurascens, humi procumbentes, quas alternatim bina semper ex adverso sita amplectuntur *folia*, *Chamaedryos* foliis formâ & colore similia, & eodem modo per oras ferrata, minora tamen, gustu linguam exsiccante, deinde amariusculo: summæ virgulæ in ramulos divisa numerosos *flosculos* in spicæ formam nascentes gestant, quatuor foliolis constantes, eo quod superiorem floris partem occupat reliquis majore & latiore, cui circa umbilicum duo *staminula* inhaerent, *stylisque* è medio umbilico protuberat; integri deinde *flosculi*, qui sunt aut cœrulei coloris elegantissimi, aut dilutionis & quasi cineracei, sponte decedentes *siliquulas* relinquunt planas, exili subrusto *semine* plenas. *Radix* valdè fibrosa est & vivax, singulis annis novas virgulas producens: quin & ipsæ virgulæ nonnunquam secundum radicem fibras agunt.

Locus.

Nascitur omnibus fere ficcioribus agris incultis, herbosisque aggeribus & colliculis secundum vias publicas inferioris Austriae.

- \* 6. *Veronica tetragona montana recta minima* Col. *Chamaedrys spuria latifolia minima* C. B. *Cham. spuria minima* Park. g.

Col.

Pratenfi Teucrio *Veronica* facie dicto admodum similis est, at minor omnibus sui partibus præter *flores* qui in hac plantula majores omnibus congeneribus sunt, colore cœruleo saturatiore, brevibus infidentes petiolis, circa summas duas alas, quibus dividitur *caulis* palmaris, quadratus, rubescens, hirsutus, geniculis senis divisus, quibus *folia* hærent bina alternatim [caulis laterum respectu] disposita, in imo tritici grano magnitudine paria, atque in singulis geniculis [paullatim] majora, donec indicis unguis magnitudinem assequantur, hirsuta, oblonga, circumferrata obtusis dentibus multis, *Chamaedryos* ferè modo, sed absque petiolis, & circa caulis genicula latiora; in summo duas alas emittentia, caulisque foliolis intermediis parvis admodum veluti detruncatum terminantia. Julio proficitur, atque *thecas* apice longo *Chamaedryi spuria* vulg. similes promit duplices per alas dispositas, tenuibus ramulis etiam divisas. *Radix* repit ex geniculis composita ex quibus dependet. Sapor foliorum exiccans.

Locus.

In summis frigidisque montium Æquicolorum pascuis oritur, loco dicto S. Angelo.

- A. 7. *Veronica*



- A. 7. *Veronica mas supina* & *vulgatissima* C. B. *mas vulgaris supina* Park. *vulgatior folio rotundiore* J. B. *vera* & *major* Ger. *Male Speedwell* o? *fluellin*.

J. B.

*Viticulus* supinis, è geniculis radices agentibus in terræ superficie reptat. Sunt autem *cauliculi* seu viticulæ hæc tenues, teretes, longæ, hirsutæ, geniculatæ, *foliis* binis aduersis, ad singulos articulos enatis, hirsutis, in ambitu serratis, Pruni foliis similibus, sapore amaro & acri, donatæ. Flores ex alis foliorum spicatum oriuntur Chamædryos adulterinæ more, è quatuor foliolis ex dilutâ purpurâ cœruleis, striatis compositi, staminibus concoloribus medium occupantibus: quibus decussis semen relinquitur Chamædryos adulterinæ loculamentis parvis Bursæ pastoris amulis inclusum.

Flosculi revera monopetali sunt, nam quæ foliola distincta videntur ad unguem coalescunt, unde & flos integer decedit. Ad singulos autem flosculos apponitur ligula.

In pascuis siccioribus & ericetis copiosè provenit. Locis apricis, arenosis, & sabulosis delectatur. *Locis* Æstate floret.

Est & alia (inquit J. Bauhinus) mihi hujus generis, foliis duabus uncis longioribus, & uncia latioribus; caulibus cubitalibus, & alia multò minor foliis ad Veronicam foeminam serpyllifoliam accedentibus.

8. *Veronica mas erecta* C. B. Park. *recta mas* Ger.

J. Bauhino eadem est præcedenti, & revera si vel figuram ejus, vel descriptiones quæ extant attendas, parùm variare animadvertas. *Caulibus* dicitur esse erectioribus & assurgentibus, Gerardo tamen repentibus; *foliis* magis dentatis; (icon tamen pauciores dentes ostendit) in summis caulibus longis & angustis: *floribus* & capsulis minoribus.

Vulneraria insignis ac sudorifera est. Usus præcip. in erosione ac obstructione pulmonum ac lie- *Vires* nis; hinc & imprimis in colica, phthisi, scabiè, pruritu, peste, vulneribus. Extrinsecus fatiosissima est in vulneribus abstergendis, in duritie lienis, & in colica. *Schrod.*

Summatim intus sumpta valet 1. Adversus tussim & vitia pulmonum. 2. Adversus pestem & morbos contagiosos. Extrinsecus ad vulnera, ulcera, scabiem, cutis vitia commendatur.

Decoctum Veronicæ satis magnâ dosi aliquando assumptum foeminam quandam calculo, quem per sedecim annos in rene sinistro aluerat liberavit. Calculus nempe primo ad ureteres protrusus est, deinde in vesicam delatus, tandemque continuo ejusdem decocti usu foras ejectus. *Ephemer. German. An. 1. Observ. 107.*

Insigniter Veronica sterilibus prodest. Nobilissima quædam foemina post septennium sterilitatis meo consilio pulverem Veronicæ in aqua ejusdem per multos dies sibi propinabat, & statim concepit. Postea illa hoc consilium aliquot aliis dedit, & X. vel XII. ex illis ex sententia profecit. Syrupus Veronicæ ulceribus pulmonis est admirabilis. *Hofman.*

Cum immedicabili tibiæ ulcere illustrissimus Guntherus per aliquot annos laborasset, ac serpentis ulceris totam propemodum tibiæ obfidentis cacoethis dolores per intervalla septimanarum aut mensium recrudescerent mitigari deberent, nullum præsentius percepit levamen quam si madefaceret lintea aquâ Veronicæ, eaque tibiis applicaret. Cessabat enim inflammatio, & alia quæ eam comitari solebant symptomata.

Veronica vim insignem traumaticam obtinet: Fistula thoracis quæ balneatorum industriam, omniumque medicamentorum vires elusit, tandem sanata est solius aquæ hujus plantæ usu interno. *Ephemer. Germ. An. 13. Observ. 166.*

Extractum Veronicæ mixtum cum extracto baccarum Juniperi in obstructionibus viscerum & pectoralibus morbis est præstantissimum remedium; maximo cum fructu non rarò eo usus sum: materiam morificam per urinam expellit, sed præmittenda sunt laxativa & aperitiva. *D. Tancr. Robinson, & G. Fabric. Hildani Epist. 73.*

Ingenuè fateor cum aliquando variis medicamentis adversus crustosam scabiem puerorum usus essem incassum, me ad recensiti exempli imitationem jussisse parentibus dicto modo aquâ Veronicæ intincta linteamina applicarent compressa nè stillarent furis brachiisque pueruli ejusdem, meque sic cum ex voto restituisse pristinæ valetudini; jussi tamen ut nutrix decoctum Fumariæ ex sero lactis quotidie hauriret. *Sim. Paulus.*

In colica, calculo, ipsa peste Crato plurimi fecit hanc herbam: imò vel simplex decoctum Veronicæ longè præfert omnibus aliis generosioribus internis medicamentis contra calculum, cujus hæc sunt verba. *Idem.*

Ulus clysteris ex solo decocto Veronicæ cum Saccharo magis quàm ulla medicamenta per os sumpta proderit. In decoctum vel adeps vervecinus ad renes, vel cuniculi, vel capi adjiciatur, ut ita lubricitatem faciat. Si ista non sunt ad manum parum butyri recentis addatur. *Idem.*

Ipsè sanctè testare possum sapiculè plus commodi & levaminis percepisse multos agros, five colicis passionibus, five nephriticis doloribus tortos, ab usu simplicis clysteris, ex lacte vaccino & saccharo parati, in quo ad exemplum Cratonis, vel Veronicæ, vel florum Chamomil. non Romanæ sed vulgaris temperatoris decoxi, quàm ex aliis majoris apparatus, v.g. ex pulegio, origano, ruta, calamintha, &c. confectis: Cum hi sæpe exagitent humores. *Idem.* Ex collectaneis D. Edv. Hulfii cui ob plurimas Observationes communicatas ego & Lectores mei, si qui futuri sunt, multum debemus.



§. 4. *Veronica aquatica Anagallis aquatica dicta.*

- A. 1. *Anagallis rectius Veronica aquatica minor folio subrotundo* C. B. *aq. flore caeruleo, folio rotundiore minor* J. B. *aq. vulgaris sive Becabunga* Park. *aq. sive Becabunga* Ger. **Common Brooklime.**

7. B.

*Radicibus* nititur albis, fibrosis, quas ex geniculis subinde demittit. *Caules* rubentes, rotundi, fungosi, in terram reclinati, quam ubi attigerint, fibris enatis radicanter denuo. *Folia* ex adverso bina singulis geniculis, longiusculis pediculis hærentia, adnascuntur, pinguiuscula, atrovirentia, ad uncias duas longa, subrotunda, crenata: è quorum sinu ramulus prodiens flores sustinet spicatos, cæruleos, ex quatuor foliolis compositos, [verius unifolios in quatuor lacinias totidem folia mentientes divisos] striato umbilico albo, apicibus dilutissime cæruleis, ternis; ex *calicibus* quos quaternaria folia viridia componunt. *Semen* capsulis supervenientibus didymis clauditur copiosum. Sapor plantæ nullus manifestus.

Locus.

In rivulis & ad fluviorum margines exit.

2. *Anagallis rectius Veronica aquatica folio rotundiore major* J. B. *aquat. major folio subrotundo* C. B. *aquat. sive Becabunga major* Park. *Anagallidis sive Becabunga varietas major* Ger. **The greater round-leaved Brooklime.**

*Anagallis hæc aquatica* est jam dictæ omnino similis, nisi quòd *caulibus, foliis* (quæ ubi maxima trientem longa sunt & sextantem lata) & *floribus* major est ac latius diffusa.

3. *Anagallis, rectius Veronica, aquatica major folio oblongo* C. B. *aquat. flore caeruleo, folio oblongo major* J. B. *aquat. major* Ger. *aquat. folio oblongo crenato* Park.

7. B.

Illis similis & hæc *radicibus* fibrosis ex articulis caulium hærens. Verùm *caules* recti, angulosi, crassif, cavi, cubitales & majores, infernè rubentes: *folia* bina opposita, sine pediculis caulem amplexa, longiora quàm jam dictæ *Anagallidis*, palmi longitudine, latitudine unciali & fescunciali circiter, crenata, sapore nullo insigni: *Caulis* in ramulos finditur è foliorum alis ortos. *Flores* spicati, crescenti modo figuræque prædictæ *Anagallidis* similes, calyculis & capsulis didymis itidem respondentibus.

- A. 4. *Anagallis, rectius Veronica aquatica minor* Ger. *aq. min. folio oblongo* C. B. *aq. flore purpurascens, folio oblongo minor* J. B. *aq. folio oblongo crenato* Park. **The lesser long-leaved Brooklime, or Water-Pimpernel.**

*Radicibus* fibrosis, ex articulis caulium demissis hæret. *Caulem* erigit crassum, teretem, concavum. *Folia* bina opposita, sine pediculis caulem amplexa ad singulos geniculos; [vidimus & terna ad geniculum naturæ lusu] longa, angusta, in acutum desinentia, circa margines crenata. *Flores* in surculis ex alis foliorum exeuntibus spicati, spicis laxis, dilutè purpurascens, parvi, monopetali, in quatuor tamen segmenta totidem folia imitantia ad unguem ferè divisi, minores quàm in *Becabunga*, brevibus infidentes pediculis, quorum singulis ad exortum ligula appositæ est. *Calix* floris quadrifolius. Succedunt *capsula* didymæ quales in *Becabunga*, *seminibus* exiguis turgidæ. Planta hæc pedalem altitudinem vix superat.

Locus.

Vires.

In rivulis & aquis vadosis non infrequens est.

Viribus [Becabunga] cum Nasturtio aquatico convenit, nisi quòd imbecillior sit. Calfacit & humectat moderatè. Usus præcip. in Scorbuto. Calculum renum & vesicæ insigniter expellit: menses ciet; foetum mortuum ejicit. Extrinsecus opitulatur phlegmonis & erysipelati. *Schrod.*

Rustici certo experimento vulnera recentia consolidare norunt *Becabunga* recenti, si ei modicum salis & telæ araneæ miscant, atque ita duplicato linteo instar cataplasmatum obducant ac vulneri applicent. *Sim. Pauli.*

Mulierum experientiâ doctus sum totius formæ miracula edere in condylomatibus & hæmorrhoidum cæcærum doloribus. Retulit mihi honestissima matrona, cum nullis anodynis sibi mitigari hæmorrhoidum cæcarum dolores potuissent, celsissè eos illico dummodo per horæ quadrantem *Becabunga* in aqua coctam cataplasmatum formæ hæmorrhoidibus applicuisset. Et testatur Fabricius in notis Crollianis se scire solâ *Becabunga* coctâ in Cerevisia, & bis quotidie appositâ fati magnum ulcus, universam ferè tibiam occupans, & ad os ferè profundum feliciter in scorbutico quodam sublatum fuisse. *Idem.*

- A. 5. *Anagallis rectius Veronica, aquatica angustifolia* J. B. *angustifolia scutellata* C. B. *aquatica 4. Lobelii* Ger. *emac. aquat. angustifolia sive 4. Lobelii* Park.

*Radiculis* pluribus fibrosis terram apprehendit. *Caules* palmares & longiores [J. Bauhino cubitales] teretes, infirmi & humi procumbentes, crebris geniculis intercepti, è geniculis subinde radices agentes quibus se propagat. *Folia* ad singula genicula ex adverso bina, oblonga, angusta, acuminata Graminis leucanthemi minoris figurâ & magnitudine, & interdum majora, [J. Bauhino trium quatuorve unciarum longitudine, latitudine culmi, nervo unico per longum donata] ad margines interdum denticulis quibuldâ vix conspicuis incisâ, aliâ omnino æqualia, in aquosis glabra, in ficcio-

ficcioribus & extra aquas hirsuta, uti sunt & caules, & subinde rubentia. Flores in pedicellis tenuibus ex alis foliorum exeuntibus, ramosis, singuli privatis pedicellis prætenubus intident semuncia brevioribus, parvi, tetrapetali petalis tamen ad ungues junctis, plerunque lactei, interdum dilutè purpurascens, è calice quadrifolio. Flosculis succedunt *vascula* compressa, didyma Veronicæ aut Thlaspeos, *feminibus* intus parvis. Surculi flores sustinentes singulatim plerunque ex alis foliorum exeunt, non bini ex adverso, & paucos omnino flores sustinent, ad singulorum autem pediculos apponitur ligula. Sapor plantæ herbaceus.

In aquosis & ad rivulos, inque palustribus & fossulis per æstatem exiccatis sæpius observavi.

Locum.

- \* 6. *Anagallis aquatica*, *Pulegio similis*, *caulibus quadratis* Trag. *Anag. aquat. foliis Pulegii* Park. *foliis Pulegii*, *Serpillivæ* C. B.

*Flosculis* cœruleis esse dicitur *Anagallidis* terrestris similibus: radicibus albis reptatricibus, reliquarum in modum.

*Si à præcedentibus distincta sit, nobis certè incognita est.*

## CAP. II.

## De Papavere.

**P**apaver dictum censet Vossius à *Papo*, quomodo *cadaver* à *cado*. Nomen ex eo fuerit, quòd inderetur *Pape* ad conciliandum somnum. *Papa* (pro quo vulgò minùs rectè *pappa* scribunt gemino *pp*) puerorum est cibus, quem & nos hodie *Pap* appellamus; unde verbum *papo* apud Persium, — *pappare minusum* *Pescis*, &c.

Græcis *Μῆλον* & *Μυρόν* dicitur, (utroque enim modo scribitur) *ἵκεν τὸ μὲν ὀνὶν* à non ministrando dicitur, quod velcentes eo suis muneribus fungi non possint.

Ex his aliud *Rhœas* dicitur à *ῥῆο* fluo, quòd ab eo liquor emanet, ut aliqui volunt. *Gaza fluidum* vertit, quia flos statim defluit postquam semel explicatus fuerit.

Papaveris characteristica sunt florum petala ampla, tenuia, fugacia; succus lacteus aut flavus, acer; vis narcotica; & in plerisque speciebus calyx bifolius seu bivalvis, caducus.

Papaveris duo sunt genera, Alterum conceptaculo seminis brevioris & crassioris in plurimas cellulas diviso, operculo stellato tecto; idque vel foliis integris majus; *Papaver sativum*: vel foliis dissectis minus, seu flore minore, & in nonnullis speciebus capitulis hispida, in *Argemonis* dictis, seu flore majore, in *Papavere rhœade*.

Alterum *Siliquosum*, *Papaver corniculatum*: cujus revera species est *Chelidonium* majus dictum, siquidem succo flavo acri turget, calycem habet bivalvem caducum & florum petala tenuia fugacia.

*Papaver sativum* J. B. *Poppo*.

J. B.

Digitali crassitudine circiter *radicem* habet, amaro lacte, sicuti & tota planta, turgentem. *Caulis* surgit bicubitalis, in alas divisus, lævis plurimum, nonnunquam modicè hirsutus: cui *folia* adnascuntur *Lactucæ*, oblonga, laciniata, crispata, colore glauco. *Flores* aliàs simplices, aliàs multiplices, fimbriati & non fimbriati; colore albo, rubro, carneo, variegato: quibus *codia* succedunt globosa, ventriosa magis, magisve oblonga, alias pugno paria, alias juglandi, stellato operculo intecta, septis membranceis *semen* nunc atrum, nunc fuscum, nunc album disclusum continentia: ac odorem spirat virens planta virosum & *æstuans*. Hæc est Descriptio *Papaveris sativi* in genere, cujus aliquamulæ sunt seu species seu varietates, quæ ad duo genera, (quantum mihi videtur) reduci possunt; Alterum

1. *Papaver sativum* petalis circa margines æqualibus, unguibus coloratis capitulis clausis.

Hoc genus vel est semine albo, vel semine nigro; quorum utrumque tum floris colore, tum petalorum multiplicitate variat.

Alterum

2. *Papaver sativum*, petalis laciniatis, unguibus albis, capitibus ad opercula per maturitatem foraminulis hiantibus.

Hoc etiam genus semine albo, vel nigro: floribus simplicibus vel plenis: utrisque vel albis, vel purpureis, vel pulchrè rubentibus & penè coccineis, vel ex diversis coloribus mixtis variat.

In C. Bauhini pinace has species invenio.

1. *Papaver hortense* semine albo: *sativum* Dioscoridi, album Plinio.
2. *Papaver hort.* semine nigro: sylv. Dioscoridi, nigrum Plinio.
3. *Papaver flore rubro*, semine fusco.
4. *Papaver cristatum* floribus & semine albis.

D d d d

5. *Papaver*



5. Papaver cristatum floribus rubris, semine nigro.
6. Papaver pleno flore album.
7. Papaver pleno flore nigrum.
8. Papaver laciniatis floribus.

Quæ omnes ad genera superius posita faciliè reduci possunt.

3. *Papaver spontaneum sylvestre* Ger. emac. *vulgare*, *cujus capitula foraminibus hiant, semine incano* *древниев*, Dioscoridi C. B. *Wild Poppy*.

*Radix* ei alba, simplex [interdum surculosa] crassiuscula. *Folia* sinuata, glabra, glauca, per margines dentata, absque pediculis caulibus adnata, singulatim posita. *Caulis* cubitalis aut altior, digiti interdum crassitie, teres, glaber, solidus, ramosus. *Flores* in summis caulibus & ramulis nascuntur singulares, pediculis longis, amplissimi, quadrifolii, ex albo purpurascens, petalis propè ungues maculis amplis saturè purpureis notatis. In medio flore *capitulum* styli loco circumstant numerosissima *stamina* alba, apices nigricantes sustententia. *Calix* floris bivalvis, qui quamprimum flos aperitur defluit. Capitula subrotunda, grandia, operculo ad umbilicum stellato, in tot cellulas dividuntur quot sunt in umbilico radii, innumeris seminibus repleta.

Tota planta succo lacteo amaro turget, qui incisione facta emanat.

Tempus.  
Vires.

Junio mense apud nos floret.

Succus papaveris inspissatus *Opium* dicitur: est autem succus ille qui sponte emanat vulnere in capite facto, nam qui è tuso Papavere exprimitur *Meconium* appellatur [Cum capita ipsa & folia decoquantur succus Meconium vocatur, multum Opio ignavior. *Plin.*]

Est autem cum aqua Papaveris destillata, tum oleum, tum maxime Opium narcoticum & anodynum, soporem utique conciliat, & sensum doloris aufert. Hoc efficit, non frigiditate sua, ut nonnulli volunt, (siquidem sapor amarus, virosus odor, inflammabilitas, & vis exulcerandi planè contrarium arguunt) sed qualitate hæcenus incomperta. Usus est eximii in diarrhoea, dysenteria, catarrhis, tussi, &c. Verùm in eo sumendo summa cautio adhibenda est.

\* Observ. l. 3.  
c. 15.

Quæ Bellonius de Opio habet merentur legi, ideòque huc transferemus: Opium nunc fit in Turcia, maxime in Achara, Carachara, Spartada, Emetelinda, & aliis urbibus vicinis Paphlagoniæ, Cappadociæ & Ciliciæ. Conserunt agros Papavere albo ut nos Tritico. Serendo observant, ut unusquisque rusticus tantum serat, quantum putat se habiturum homines qui colligant. Ubi papaver capita produxit leniter dissecant, unde effluunt aliquæ lactis guttæ, quas concrefcere sinunt: nullus autem est Turca qui non coemat, etiam pauper, & secum circumferat, tum tempore Pacis, tum Belli. Mercator quidam Judæus ex Natolia certò nobis affirmavit nullum elabi annum quin efferentur ex Paphlagonia, Cappadocia, Galatia & Cilicia onera quinquaginta Camelorum, ut transferrentur in Persiam, Indiam & Europam, & alias regiones longinquas, atque in universum Dominium Magni Turcæ. Dicebat præterea in majori adhuc usu esse apud Perlas quàm Turcas. Semel experiri voluimus quâ dosi exhiberi posset unâ vice sine nocumento. Invenimus quandam consuetum quotidie comedere, qui nobis præsentibus comedit pondus 3℔: sequenti die dedimus ei unâ vice drachmam unam, nec ullum ei detrimentum evenit, nisi quòd quasi ebrius videretur. Turcæ commendant, qui sibi persuadent se magis strenuos, & minùs timidos periculorum belli reddi, ità ut Turcæ exercitum colligente ita consumatur, ut regio vacua eo remaneat.

Nos Opium experti sumus, verùm nullum symptoma animadvertimus, nisi quòd excalefaceret pectus, & nonnihil caput turbaret, & insomnia pareret. Credimus quòd si in Europa, ut Gallia, Germania & Italia ea diligentia adhibeatur quam adhibent, posset etiam fieri sicut in Asia. Natoliæ clima est æquè frigidum atque Galliæ.

Optimum Opium valdè amarum est, gustu calidum, ita ut os inflammet. Coloris est lutei, inclinantis in colorem pilorum Leonis, simul coacervatum massa velut ex multis parvis granis diversæ coloris. Odor gravis est & vehemens.

Quamvis autem verum sit Turcas, Perlas aliàsque nationes Orientales Opio, uti ad spiritus recreandos, addendos animos, audaciàmque in bellicis conflictibus augendam (inebriat enim non secus ac vinum aliique generosi liquores) potissima tamen causa cur illud assidue ingerunt, est ad appetitus venereos excitandos; ut in secretis colloquiis iis fatentur quibus familiarius utuntur. Et D. Sachsius in *Ephemer. German.* An. 2. Observ. 69. plurimorum testimonio sibi relatum narrat, quòd post pugnam in Hungaria ad Levenx oppidum commissam, Christiani milites Turcas occisos spoliantes plerosque erectâ hastâ & Priapismo fœdatos invenerunt, quod ex sumptione Opii ante prælium proculdubio contigit. Quod verò Sachsius Opium in quibusdam, puta Orientalibus, Venerem stimulare, in aliis verò, ut Occidentalibus aut Septentrionalibus, eandem frænare existimet, mihi non probatur: in utrisque enim stimulare minimè dubito.

\* Itinerar.  
Ind. Orient.  
p. 11.

Ex Opio (inquit \* *Joh. Jacob. Saar* novennali Indiæ peregrinatione celebris) parant Indi Electuarium, quo Chinenles utuntur ad excitandam Venerem, cujus usu adeò Veneris cestro irritantur, ut per totam noctem ei litent, sæpe aufugientibus, nec ulteriorem vim sustentibus sortis. Apud Perlas & Indos ad eisdem usus crebrò adhiberi Opium testis est Olearius in *Itinerar. Persic.* l. V. cap. 15. & 18. Et cum Mandelslo apud Cham in urbe Amadabat convivio interesset, variz oblatæ fuerunt præparationes Opii in cista aurea; de qua convivæ ad Venerem irritandam sumplerunt. Papaveris semen olim, ut ex Dioscoride, Plinio, & Apuleio liquet, in sanitatis usum compinsebatur panibus, quod & nos etiam novimus ab aliquibus factitatum (inquit P. Gassendus.) Scribit Matthiolus gentes Alpinas quæ Tridentinas valles, Stiriam, superioremque Austriam incolunt, semine Papaveris placentulis misto vesci, oleoque expresso in cibis continuè uti, nec tamen ob id vèrternos fieri, aut diuturniore somno capi. Et Wagnerus *Histor. Natural. Helvetiæ* p. 262. In Argovia, inquit, Papaver uberrimè satum provenit, ac oleum è semine ejus exprimitur, cujus usus in lampadibus præcipuè loco olei Olivarum: nonnulli etiam id butyri loco in cibis adhibent, cum farina etiam



etiam subigunt, laganâque conficiunt, quæ sine noxa comedunt [D. Tancred. Robinson historiolum misit.] utcumque usum ejus sine necessitate nemini inassueto confulerem. Sistit enim spirituum motum & in morbis acutis concoctionem impedit, adeoque materiæ peccantis separationem & sanguinis depurationem.

Ad dolorem acerbissimum ophthalmiæ, & emulsion. factam ex sem. Papaveris cum lacte, aqua lactucæ & decocto Fœnugræci: est efficax remedium. Sennertus.

Laudanum opiatum eximii usus est in medicina ad dolores leniendos, humorum orgasmos seu motus effrænes & inordinatos sedandos & coercendos.

- A. 4. *Papaver rhæas* Ger. *erraticum rhæas sive sylvestre* Park. *erraticum rubrum campestre* J. B. *erraticum majus*, *foliâ Diosc. Theophr. & Plinio* C. B. *Red Poppy, or Corn-rose*.

*Radice* nititur albâ simplici, paucis fibris donata, minimi digiti crassitudine. Caules ab eadem radice in solo latiore plures assurgunt cubitales & altiores, teretes pilis rarioribus rigidiusculis hirsuti [pili versus summitates caulis & ramulorum non eriguntur & extant ab iisdem, sed appressi sunt] solidi, ramosi, ramulis alternatim è foliorum sinibus ortis. *Folia* in multas lacinias hinc inde secta, Senecionis majoris aut Jacobææ vulgaris, aut Coronopi divisurâ; lacinia singulares in acutum terminantur, hirsuta, circum oras dentata. Flores in fastigiis caulium & ramulorum (qui inlongissimos pediculos excurrunt) singulorum singuli è conico, bivalvi, viridante, hirsutisque involucrio, perquam caduco se explicant, perampli, quadrifolii petalis ex angusto principio in circulem circumferentiam dilatatis, puniceo colore insignes, qui brevi decidunt. *Capitulum* in medio flore plurima densa agmine circumvallant *stamina* obscure purpurea, cum *apicibus* concoloribus, pulvisculo flavo intus repletis. Est autem *capitulum* oblongum, glabrum, cum umbilico seu operculo stellato, in tot cellulas divisum quot sunt in stella radii, semine copiosissimo ex obscure cœruleo purpurascente repletum. Caules incisi lac amarum fundunt copiose, odore viroso.

Inter segetes passim, Junio mense ineunte floret.

Duas hujus plantæ seu species, seu varietates observavimus. Alteri *radix* sublutea, alteri alba: *Species duæ* spinulæ illi in caule albæ, huic rubræ; illi *calix* longior, *flos* amplior, colore saturatiore, unguibus *plex.* nigris; huic *calix* brevior, *flos* minor, pallidior, petalis ad unguis angustioribus, absque ullis maculis.

Dodonæus, Bauhinus aliique duplicem hujus speciem faciunt, majorem jam descriptam, & minorem, foliis minoribus oblongis, non Erucæ per margines divisurâ, sed tantummodo serratis, reliqua majori similem.

Variat insuper interdum hoc genus Papaveris floris colore albo, & petalorum multiplici serie: *Varietas.* quæ ob raritatem & elegantiam in hortis coluntur.

C. Bauhinus aliam adhuc habet speciem, quam vocat Papaver erraticum Pyrenaicum flore flavo: quam cum siccam tantum viderit & imperfectè descripserit, nec nos aliunde ejus notitiam habuimus, omittimus.

Hujus flores præcipuè Officinis in usu sunt, Refrigerant validè, somnum conciliant, dolorem se- *Vires.* dant. Usus præcip. in febris, pleurisi (cui specificè prosunt) angina, aliisque morbis (imprimis pectoris) refrigeratione opus habentibus; in inordinato mensium fluore (infus. florum in Sp. vini.)

Extrinsecus sunt qui herbâ hepatis impositâ hæmorrhagiam narium sistere conantur: quam vim & radici ascribunt. In usu sunt pulvis florum, aqua stillatitia, syrupus & conserva eorundem. *Schrod.*

Aquam destillatam florum si eorundem colore phœniceo tinctam desideras, cum aqua inter destillandum in vas recipiens incipit defluere, sublato Alembici capitulo in ejus rostrum florum manipulum immittas, qui ob humorem roridum rostri lateribus adhærescentes ibidem manebunt. Reponatur deinde capitellum. Aqua destillata elegantem Rubini colorem contrahet. Hoc modo aliorum quoque florum aquæ destillatæ eorundem coloribus imbui possunt. *D. Hulse.*

Decoctum corticis median. Sambuci vel Ebuli cum syrupo Papaveris ad sudores movendos efficacissimum est. N. B. Narcotica addita diaphoreticis vel diureticis, sudores magis promovent, ut patet in Theriaca & Mithridatio cum Opio. *D. Bowle.*

De papavere Argemone dicto.

Argemone dicta est, quod *argyrea* oculorum & nubeculas expurget.

Argemone à reliquis Papaveribus foliis dissectis, floribus minoribus differt.

- A. 5. *Argemone capitulo rotundiore* Park. *capit. brevior* C. B. *capit. brevior hispido* J. B. *capit. torulo* Ger. *Round rough-headed bastard Poppy*.

*J. B.*

*Folio* est Adonidis, aut Papaveris corniculati violacei tenuiter dissecto, piloso: *caulibus* ex radice simplici gracili multis, pedalis & majoribus, tenuibus, hirsutis, racemosis: *Flores* sunt punicei, valde caduci, paullo Adonidis floribus majores, formâ papaveraceâ. *Capitula* turbinata, nucleo Avelanæ paria, rigidulis spinulis undequaq; obsita, denticulata stellâ operculata, *semine* farcta copioso, minutissimo, rotundo, nigro.

Inter segetes, inque agris restitilibus & fossarum aggeribus, solo præsertim glareoso non raro *Locus* invenitur.



A. 6. *Argemone capitulo longiore* C. B. Ger. Park. *capitulo longiore spinoso* J. B. **Long rough-headed bastard Poppy.**

*Folia* huic minora & tenuius incisa quàm Papaveri erratico vulgari. *Caules* ex eadem radice plures, [interdum unicus] longis pilis hirti. *Flores* phœnicei, unguibus nigris, multis numeris minores quàm Papaveris rhœados, admodum caduci. Succedit *capitulum* oblongum, canaliculatum, stellato operculo obtectum, spinulis mitiusculis, albis, rariùs dispositis, sursum spectantibus oblitum: *Semina* minuta, per maturitatem nigra, rugosa. *Radix* longiuscula, simplex.

Locus.

Inter segetes & ad agrorum margines reperitur, sed non ità frequens.

A. 7. *Argemone capitulo longiore glabro* Moris. prælud.

Moris.

*Folia* habet magis dissecta quàm sunt Papaveris rhœadis folia; minus autem quàm sunt Argemones capitulo hirsuto. *Florem* fert phœniceum, cui succedit *capitulum* biunciale, glabrum, per loculamenta triangularia continens minuta *semina* aspera, aliorum Papaverum & Argemonarum more.

Locus.

Plantam hanc in agro Cantabrigiensi observavit & ad nos ejus capitula transmissit D. Pet. Dent, medicus & pharmacopœus Cantabrigiensis, insignis Botanicus, & vetus amicus noster: & nuper etiam in vicinia nostra invenit & ad nos attulit D. Sam. Dale vicinus & amicus noster qui Brantiae pharmacopœiam & medicinam exercet, rei Botanicæ, apprimè gnarus. Nobis virentem & florentem nondum videre & observare contigit. Quod si hæc planta Argemone dicenda sit capitulum hirsutum habere non erit Argemones nota característica.

8. *Papaver spinosum* J. B. C. B. Ger. emac. *Spinof. Americanum* Park. *Ficus infernalis* Italorum, an *Glaucium* Dioscoridis?

C. B. J. B.

Ex radice tenui, oblonga, fibrosa *caulis* sesquipalmaris, aliquando altior [dodrantis, unicus J. B.] ramulosus, rotundus, striatus, minimis aculeis donatus, [minacibus spinis armatus] albâ medullâ plenus exurgit. *Folia* omnium prima ex semine prodeuntia oblonga, angusta sunt, sublequentia verò, quemadmodum & ea quæ in caule sunt, Papaveris corniculati instar laciniata, succo luteo prægnantia, mollia & nitida, medium caulem amplectentia, palmum aut sesquipalmum longa, duas uncias lata: laciniarum mucrones in flaventes spinas acutas exeunt. Parte supina folii virorem intercipiunt maculæ lacteæ ut in Carduo Mariæ [parte supina viridi, at nervis quasi tenui pulvere asperso albicantibus] posticâ parte neutiquam conspiciendæ, ubi tamen nervi acutis spinulis horrent, & costa, quæ supinâ parte innocens, caulem versus nonnihil rubescit, inde ad mucronem usque albet. *Caulis* & ramulorum summis insident *flores* Papaveris corniculati lutei, tetrapetali, è capitulis papaveraceis senticosis in tria cornicula aculeata desinentibus exeuntes, concoloribus fibris de more medium occupantibus, odorem Chelidonii majoris quodammodo referentes: quos excipiunt capitula oblonga, hexagona, pentagona & tetragona, quæ tenella summa parte rubescunt, matura verò nigricant, spinis frequentibus & firmis horrida; *semine* nigro, sextuplo aliorum majore, rotundo, in apicem desinente & elegantissimè striato plena. Julio & Augusto floret.

A. 9. *Argemone Cambro-britannica lutea* Park. *Cambr. lut. capitulo longiore glabro, paucis spinulis ad loculamentorum juncturas ornato* Moris.

*Folia* à radice longâ, exterius fuscâ, in ramulos aliquot divisâ cum fibrillis appensis, in plures annos vivaci, promit multa, humi fusa, ampla, alata, seu ex pluribus pinnarum mediæ costæ annexarum conjugationibus composita, impari in extremo folio alam claudente, pinnulis circa margines altius incisis, saturatius viridia & (quantum memini) subglauca: inter quæ plures exurgunt *cauliculi*, cubitum alti, foliis confimilibus, sed minoribus ad intervalla vestiti, in alas aliquot divisi, in quibus singulis singuli *flores* satis ampli & speciosi, pulchrè lutei, quatuor petalis subrotundis constructi, multis in medio *staminibus* luteis *capitulum* ambientibus oblongum, viride, glabrum; quod flore delapso extumescit, donec per maturitatem majus evadat Argemones capitulo, confimiliter tamen ima parte angustius, summâ latius & majus, operculo stellato tectum, & in multas cellulas aliorum Papaverum more divisum, in loculamentorum juncturis paululum hispidum, plurima *semina* minuta, per maturitatem nigra & rugosa continens.

Locus.

Ad latera montis *Snowdon* in Wallia secus viam quâ à *Caernarvan* oppido ad *Llanberris* vicum itur, spontaneam observavimus.

\* 10. *Argemone Alpina lutea* Park. *Alpina lutea Scandicis foliis* C. B.

C. B. prod.

Huic *folia* sunt ad radicem parvam multa, in multifidas tenuésque alas instar foliorum Scandicis incisa, viridia & lævia: inter quæ *cauliculi* bini ternive, palmares, nudi, levissimis pilis vestiti rectâ assurgunt, qui *florem* unicum mediæ magnitudinis, luteum, quadrifolium sustinent: ex floribus umbilico plurimi *apices* flavescentes emergunt. *Flori capitulum*, parvum subrotundum, asperiusculum, semen continens succedit.

Locus.

In monte *Sneberg* inter saxa reperta est.

\* 11. *Arge-*



\* 11. *Argemone Alpina Coriandri folio* C. B. *Argem. lutea* Ponæ.

A præcedente differre videtur, si modò utraque rectè descripta sit, quantumvis Parkinsonus eandem esse asserat.

Huic enim folia *Ranunculi Coriandri folio* formâ similia esse dicuntur, longis hirsutis pediculis nixa, leviter hirsuta.

A. 12. *Papaver corniculatum luteum* J. B. Park. *cornutum flore luteo* Ger. *corniculatum luteum*, *ægestus* Diosc. & Theophr. *sylv. ceratitis* Plinio C. B. *Yellow horned Poppy*.

J. B.

Digitus crassitudine est *radix*, longa, nigricans, luteo succo, sicut & tota planta, eoque viroso & amaro prægnans. *Folia* crassa & hirsuta, spithamam longa, digitos verò quatuor lata, Verbasci Monspelienfis foliis similia, per ambitum serrata & profundius incisa & sinuata, ac veluti crispa, glauca & pinguis. Humi autem procumbunt, & hyemis injuriam contumaciter perferunt, quæq; ad radicem oriuntur crassos pediculos habent, potissimum primo anno cum caule destituuntur, quem sequenti ætate primum fert, robustum, solidum, glabrum, geniculatum, & in multos ramos divisum, foliis è geniculis prodeuntibus, prædictis minoribus & parcius incisis quò summitati propiora sunt, aliquâ hederaceorum similitudine: E cujusq; autem sinu bina plerumq; erumpunt germina, unum individuum, florem fructumq; ferens, alterum juxta alterius folii sinum rursus in bina prædicto modo dividitur, eaq; divisio ad summitatem ramulorum ab hac herba servatur. Minora igitur & individua germina seu pediculi singulos ferunt *flores*, colore luteos, Papaveris sativi floribus æquales, quatuor latis tenuissimiq; foliis constantes: in quorum medio ejusdem coloris numerosa *stamina* capitulum constituunt, ex quo deinde incurva, gracilis, corniculataq; *siliqua*, tangenti aspera, digitali longitudine [imo sesquipalmari] erumpit. Fœnugræci *siliquæ* æqualis, non tamen adeò in acumen definens, & in summitate nigricans, capitulum alata sagittæ quandam similitudinem præ se ferens habet, sed obtusa acumine *siliqua* utrinque lineam profundam ceu incisam per longitudinem habet, quæ commissuræ ejus sunt, quibus matura aperitur. *Semina* intus continentur Papaveri similia, colore admodum nigro, duplici serie, nam *siliquæ* per longitudinem disseptæ sunt.

In litoribus maris arenosis sponte oritur, & non alibi apud nos in Anglia. Æstate floret & *siliquas* Loc. maturat.

13. *Papaver corniculatum phœnicium hirsutum* C. B. item *phœnicium glabrum* ejusdem, *corniculatum rubrum* Park. *cornutum flore rubro* Ger. *corniculatum Phœnicium glabrum* Ger. emac.

Clus.

*Folio* est Erucæ foliorum instar laciniato & altè inciso, \* vulgari minore, tenuiore non adeò incano, \* *Papav. cornicul. luteo*. sed hirsuto. *Caules* interdum vulgari non minores, teneriores tamen & graciliores procumbunt in terram: *flores* minores, nonnunquam intenso colore rubent, & illi primi sunt, quos planta florere incipiens producit, interdum languidiore & quodammodo pallente colore mediis foliis ad phœnicium tendentibus, qualis ferè in Adonidis flore dicto cernitur, nimirum quando mediam ætatem superans planta jam deficere incipit, & hirsutia illa in caule & foliis dilabi: aliòqui si quis vigentem plantam & flores primum producentem conspiciat, deinde jam adultam & senescentem, ex florum colore, & caulis ramorum foliorumque hirsutia vel glabricia facile quis diversas esse stirpes sibi persuadeat. Prælonga autem floribus succedunt *cornicula*, tribus loculamentis distincta, quibus insident latiuscula quadam opercula seu capita, in quibus triplici serie *semina* nigra, rugosa, papavere majora. *Radix* longa est, alba, satis crassa, & in ramos divisa, quæ tamen perennis non est, sed plerumque prolato semine, sequente hyeme perire solet.

Nascitur agro Salmanticensi, secundum vias & agrorum marginibus, ubi florebat Junio, semen autem Julio proferebat: Viennensi etiam agro & per Moraviam atque Bohemiam sponte nascitur, in arvis, &c. Succo croceo minimè turget hæc planta.

Quærendum an hæc sit cujus meminit D. Wheeler circa Trojam à se observatæ, flore nigro in fundo, superius rubro, paulatim in aureum languente, circa margines.

A. 14. *Papaver corniculatum violaceum* J. B. C. B. *cornutum flore violaceo* Ger. *corniculatum flore violaceo* Park.

Clus.

*Folia* huic multò sunt minora, teneriora, valde minutim dissecta, non candicantia sed viridia: *Colliculi* tenelli, subhirsuti: *Flos* superiore non minor, coloris ex purpureo cœrulei exsaturati, & nigra Violæ pænè æmuli, fugax admodum & qui levissimâ aurâ excutitur. Huic succedunt *cornicula* digitali duntaxat longitudine, plerumque etiam breviora, exilia, duriuscula rigidiorèque hirsutia prædita, in quibus continetur semen valde exile, coloris ex cineraceo nigricantis. *Radix* tenuis est & inutilis, nec supra annum spatium perdurat.

Invenitur (authore Clusio) multis Hispaniæ locis, sed nonnisi inter segetes; Maio mense floret. In agro Cantabrigienfi inter segetes spontaneum observavimus inter *Swafham* & *Burwel* vicos. Loc. & Tempus.

## De papavere dicto Chelidonio.

Chelidonium à *χελιδών* hirundo dictum est. Chelidonium visui saluberrimam hirundines monstravere vexatis pullorum oculis ea medentes: quibusdam sic dictum quòd in hirundinum adventu floreat, & discessu marcescat. Plin.

Cum autem Chelidonium notis genericis cum Papavere conveniat, ut in hujus capitis initio ostendimus; ejus species censenda est.



A. 15. *Chelidonium majus* Ger. *majus vulgare* C. B. Park. *Chelidonia* J. B. *The greatercelandine*.

J. B.

*Radix* minimo digito crassior, fibrosa, rubra, rubrum croceumve succum, ut & folia caulisque, fundit. Aliquot caules producit teretes, hirsutos, propter radicem & genicula tuberosos, ut in ea planta quam *Noli me tangere* vocant, ruffum mordacemque & ingratum illum succum fractos remittentes. *Folia* cum Aquilegiae foliis similitudinem aliquam habent, utcumque tamen majora, longiora, numeroque plura, ad costam ex intervallis adnexa, plurimum fena, Septimo alam claudente, non raro tamen quaterna cum quinto in extremo impari. Singularia folia Quercinorum æmulam divisuram habent, Trago tenera, colore herbaceo, altera verò parte ex casio viridi. *Florum* furculi ad genicula ex adverso foliorum exeunt; ramuli ex ipsis foliorum alis: in summitate autem furculi seu pediculi communis flores quatuor aut quinque privatis suis pediculis ex ipso furculi fastigio oris unciam aut fescunciam longis insidentes, umbellam quandam efficiunt. Flores crocei, quadrifolii, cum multis intus staminibus concoloribus. Hos calix bivalvis tegit, qui quamprimum flos aperitur defluit ut in Papaveribus, è quorum genere hæc planta esse videtur. *Siliquæ* oblongæ, bivalves, minimè disseptæ, quibus *semina* utrinque adherent parva, longiuscula, per maturitatem nigra & splendentia.

Loca.

In parietinis & maceris, ad Sepes, & in locis ruderatis, umbrosis potius quàm apricis, gignitur.

Ab Aprili mense in multam ætatem floret.

16. *Chelidonium majus laciniatum* Park. *majus foliis magis dissectis* Ger. *emac. majus foliis quernis* C. B. *folio laciniato* J. B.

Qui vulgatius illud *Chelidonium majus* novit facile oblatam hanc ejus varietatem discet: Cætera similia, *folia* minora, concinnius crebriusque incisa: *florum* itidem folia aliquibus incisuris secta, & veluti fimbriata, accedentia ad flores plantæ, quæ quibusdam dicitur *Cuminum siliquosum* & *Hypecoum*.

Variat interdum foliis tenuissimè laciniatis.

Vires.

Calidum est & siccum: Bilem per alvum & urinam educit, visum acuit. Hinc conducit in ictero [Syrupus è succo cum toto] obstructione hepatis, lienis & ureterum. *Radix* quantum ejus manus capere potest, purgata, in sextario rosacei aceti decocta, ita ut deinceps percoletur, decoctoq; adjiciatur Theriacæ ʒij. cyathiq; vulgaris mensurâ exhibita, à peste correptos attestante certâ experientia (inquit Tragus) liberabit, si postquam biberunt in lectum se composuerint & sudaverint. Aqua ejus destillata oculis indita, claritatem iis adfert, maculas eorum rubras emendat, sicut & faciei si inde colluantur: eadem per aliquot dies pota obstructos meatus hepatis adaperit, morboque regio medetur. Herbar pulvis ulcera & vulnera purgat sanatque inspersus.

Succus herbar illius Herpetem miliarem efficaciter compescit & sanat. Herbam tritam cum axungia verrucas absumere refert Rondeletius. Hoc multoties expertus est Zacutus.

Lobelius raro intus sumendam sentit *Chelidonium*, sed commodius foris utendam ad impetigines & ploras puerorum. Nos etiam ob acrimoniam plantæ in Lobelii sententiam propendimus. Unde nec succum, cum acerrimus sit, ad oculorum affectus adhibendum cum J. Bauhino aliisque censemus, nisi iis additis quæ acrimoniam ejus retundant, cujusmodi dicitur esse lac muliebre.

Succi hujus magna quantitas ingreditur compositionem Aquæ illius ardentis, quam *Mirabilem* vocant.

*Chelidonium majus* in curanda tabe magnopere celebrari nos monuit D. *Tancredus Robinson*; esseque egregium illud specificum D. *Garenciers* de tabe Anglica; idem affirmat (inquit) Simon Pauli *Quadripart. Botan.* p. 46.

Succo *Chelidoniæ* verrucam linguæ sublatam narrat Zacutus Lusitanus Prax. Admir. lib. 1. obs. 73. Folliculum Nattæ & Ranulæ sub lingua ejusdem usu extirpavit nostro tempore Pet. Marchettus exp. Med. & Chir. Patavii Professor. Ex observ. Marcelli Cumani à Velschio editis excerptis D. *Soame*.

Ulricus Gasserus Pater meus impetigines & maculas manuum volarumque, necnon scissuras ex morbo Gallico relictas experimento sequenti in multis sustulit, & *Chelidoniæ* cum toto M. iij. Coq. in lixivio tonsorio bono, & teneantur manus quotidie à jejuno in hoc fomento per duas vel tres horas, ut sudent, idque continetur per quatuor vel quinque hebdomadas. Idem ex Observat. Achil. Gasseri.

Sæpius à nostris in dysenteria cum successu probatum est experimentum Cratoni adscriptum, quod sic habet, Aq. *Chelidonii* datur ad ʒij. vel iv. cum pulvere radicis ejusdem ʒij. vel ʒj. Hieron. Reusnerus in \* Observ. à Velschio editis. D. *Soame*. An de *Chelidonio* minore hoc accipiendum?

\* Obs. 71.

Extractum *Chelidoniæ* non solum in externis nubeculis, verum incipiente suffusione præstantissimum esse sæpius expertus sum; incidit enim & attenuat crassos humores visum obfuscentes. Sed quia utcumque acre est, non ultra magnitudinem capitis aciculæ pro vice oculo imponendum est, idq; fiat manè in lecto. *Fabric. Hildani Centur. Epistolar.* 59.

17. *Oribonna vera* Dioscoridis Zanoni, *Chelidonii majoris species*.

Zan.

*Radix* ei satis crassa, per duorum digitorum altitudinem æqualis descendens, aliquantulum crispa, substantia mediocriter duræ, deinde attenuata, in varios ramos & fibras minores undique diffusas spargitur, colore intus & foris è flavo rubescens velut *Chelidoniæ* majoris, sapore mordaci & exsiccante. E cujus capite exit foliorum cespes, pediculis nixorum concavis satis longis, supernâ parte



parte canaliculo per longum extenso excavatis, costâ elevatâ inferna parte oppositâ subrotundâ, unde pediculi quodammodo triangulares evadunt. Folia autem ramosa sunt, ramis majoribus minoribusque, in quos dividuntur & subdividuntur, Eruce foliis satis similibus, verum circumscripti-one subrotunda sunt, adeo ut ad Geranii primi Matth. similitudinem propius accedant, tenera, flaccida, succosa, hirsuta, crebris nervulis subtus satis elevatis, & variè divaricatis, aliis rectis, aliis re-tortis, ad margines undique excurrentibus prædita, sursum reflexa, unde ad tactum aspera redduntur, partim ob pilos, partim ob nervulos supradictos, qui superna parte apparent depressi in totidem sul-cos tenues, colore clariore, dentibus majoribus, minoribus, aliis acutis, aliis in extremo sub-rotundis, nullo ordine positos cincta. Foliorum incisuræ admodum irregulares sunt, nonnullæ adeo profundæ ut ad mediam usque costam pertingant. E medio foliorum cespite *caulis* exir, nunc unus, nunc plures pro radice magnitudine, inferna parte præcipuè hirsuti admodum & pilosi, tere-tes, à nodo ad nodum concavi, lenti & obsequiosi, nodis crassis raris tuberosis intercepti, teneri, succulenti, rupti aut incisi succum flavum stillantes Chelidoniæ majoris in modum, in ramulos divisi, & subdivisi, qui summitatibus suis foliola aliquot sustinent oblonga, angusta, acuta, in stellæ formam disposita, è quorum medio enascuntur pediculi aliquot tenues, oblongi, singuli florem sustinentes calice è quatuor foliolis ovatis composito inclusum, tetrapetalon, petalis variè incisis & laci-niatis, incisuris ad ungues ferè pertingentibus, coloris flavi, multis in medio staminulis flavis apices pariter flavos sustinentibus in rotundum diffusis, ut flos Anemones cujusdam florem parvum re-præsentet. Delapsis floribus restant *siliquæ*, aliæ longæ, aliæ breves, aliæ rectæ, aliæ incurvæ, primò virides, postea per maturitatem flavicantes, *seminibus* repletæ nigricantibus, Chelidoniæ majoris se-minibus simillimis, quæ pariter ab una parte oculum habent velut pupillam unde cristulam emit-tunt ex albo flavicantem.

Hoc modo satis prolixè describit hanc plantam Jacobus Zannoni, quæ nihil aliud est quàm Cheli-doniæ majoris species, nec satis scio an distincta à Chelidonia quernis foliis, quicquid ille contradi-cat. Suspicio illum lapsum in numero foliorum ex quibus calix componitur, quæ in Chelidoniis ex nostra observatione bina tantum sunt.

## CAP. III.

## De Pentaphyllo siliquoso.

1. *Pentaphyllum siliquosum Brasiliæ Tareraya Brasiliensis*: an *Fraxinella siliquosa*? an *Quin-quefolium*; folio *Caprifolii* Marggr?

Marggr.

**E**X radice longa paucis filamentis prædita, lenta, albissima assurgit *caulis* tres circiter pedes lon-gus, multis ramis præditus: *folia* ejus in longis pediculis alternatim positos quatuor, quinque, sex aut septem juxta se in orbem posita, oblonga, viridia, nervo & multis venulis intersecta, foliis *Caprifolii* haud absimilia, sed ad tactum mollia & glutinosa. In summitate *caulis* primò parvis foliis alternatim positos oritur, brevibus, obrotundis; dein alternatim prodeunt ad ea pediculi longi, ad quodlibet unus, continens cylindraceum corpus album, quatuor foliolis viridibus, parvulis, acu-minatis insidens, hoc corpus sunt quatuor *floris* petala, quo se aperiante inferius primò prodeunt fi-lamenta septem, tres aut quatuor digitos longa: hinc quatuor foliola floris expanduntur, quæ stant erecta, figuram habentia cochlearis, filamenta autem septem barbæ felinæ modo, directè ad latera vel antrorum extenduntur, egregiè purpureæ: foliis albis decidentibus decidunt & sex stamina, sep-timum in medio manet, ac abit in siliquam teretem semipedem longam, continentem semen vix magnitudine Sinapis, rotundum quidem, sed quod in uno latere incisuram habere videtur. Tota planta ad tactum glutinosa est, & ad cujuslibet rami seu pediculi foliorum annexum acuta est spinula. Flos inodorus est, sed folia referunt odorem Majoranæ.

Fert flores & semen toto anno.

2. *Pentaphyllum peregrinum siliquosum bivalve minus* Moris. *Lupinus peregrinus pentaphyllos* C. B. *Lup. Arabicus sive pentaphyllum peregrinum* Ponz Ital. *Pentaphyllum siliquosum Arabicum al-bidum* Park.

Moris.

Plurima *folia* per terram strata obtinet, longis pediculis innixa, quina Pentaphyllorum more in idem centrum i. e. summum pediculum coeuntia, molliuscula. Ex horum medietate oritur *pedicu-lus* pedalis aut semicubitalis, qui in alios ramusculos dividitur, rotundus, rectus, gracilis, mollis to-tus, à principio ad fastigium usque foliolis trifoliatis densè convestitus, inferioribus majoribus multò, & pentaphyllis, petiolis satis longis insidentibus; superioribus trifoliis & brevibus admodum pedi-culis innixis. In caulis alis superioribus umbellæ in modum multi pediculi longi satis & æquales ap-parent, in quibus singulis quaternæ *petala* parva, alba, longa, tenuia satis sub exortum è capsula, & versus finem formam seminis Ferulæ aut Pastinacæ latifoliæ representantia, alba, leviter olentia, con-stituentia florem album, cum *staminulis* quinque sensive, uncialibus, subnigris: quibus singulis succe-dunt *siliquæ* singulæ, bivalves, unciales, crassæ satis pro proportionem plantæ, nullâ siliquæ cavitatem in loculos dirimente membranâ intergerinâ secundum longitudinem productâ, *seminibus* infinitis ni-gris, rotundis, minutissimis repletæ.



Tempus.

Floret per totam æstatem, floribus citò evanescentibus, filiquis uncialibus crassis residuis. Annua est planta: Autumno se serens, ineunte æstate pullulat, & circa finem æstatis aut initium Autumni semen perficit.

Locus.

Ex semine Chalepo Syriæ urbe transmissò enata est.

3. *Trifolium corniculatum Lusitanicum flore rubro* Park.

Park. Moris.

Folia aliquot longa, angusta, in eodem pediculo terna, humi strata è radice emittit; è quorum medio protrudit *cauliculus* rotundos, hirsutos, dodrantes, in plurimos ramos brachiatos, ima parte confimilibus foliis vestitos, superius singularibus, longiusculis, angustis, è quorum sinibus egrediuntur pediculi unciales, singuli singulos flores sustinentes, pentapetalos [tetrapetalos Moris.] rubros, staminula quina senave continentes, corniculi rudimento in medio apparente, quo sensim augeſcente & productiore facto flores tandem decidunt, relictis filiquis cum jam perficiuntur longis, angustis, teretibus, hirsutis, bivalvibus propendentibus, innumeris minutissimis seminibus repletis, nullâ membranâ intergerinâ in duo loculamenta divisis. Radix tenuis, annua.

## CAP. IV.

De *Lyfimachia*.

**L**Yfimachia à Lyfimacho rege inventore, teste Plinio, nomen accepit; vel à pugna dirimenda, id enim est *λύσιμαχία*. Est namque vis ei (si veteribus fides) belluarum etiam animos feroces & mutuos hostiles congressus placandi. Et hoc autorem habet Plinium, cujus lib. 25. c. 7. verba sunt, *Invenit & Lyfimachus herbam Lyfimachiam, quæ ab eo nomen retinet. Vis ejus tanta est, ut jumentis discordantibus jugo imposita asperitatem cobibeat.*

Hujus notæ sunt filiquæ flores antevertentes, quæ per matur. quadrifariam partiti & dehiscences, quatuor seminum series ostendunt; Flores summis insidentes & integri una cum calycibus decidentibus unde tetrapetali propriè dicti non sunt. Hujus species quas novimus omnes præter Virginianas luteas filiquas producant lanigeras.

- A. 1. *Lyfimachia speciosa*, quibusdam *Onagra dicta*, filiquosa J. B. *Lyfim. Chamænerion dicta latifolia* C. B. *Chamænerion* Ger. *Chamænerion flore Delphinii* Park. *Rosebay-Willow-herb.*

J. B.

*Lyfimachia* species reliquas proceritate superat, tres, quatuorve aut plures cubitos alta, caule glabro, canaliculato, subrubente, copiosâ medullâ albâ, fungosâ pleno, foliis multis ab imo ad summum, sicut & in ramis donato, ad Salicis aut Nerii folia accedentibus, oblongis, mediocriter angustis, acuminatis utrinque; glabris, rara quadam per ambitum creparum vestigia ostendentibus, obliquis ad latera venis à nervo medio secundum longitudinem decurrente deductis, sapore subastringente & glutinoso, non sine aliquâ obscurâ acrimoniâ. In ramis rubentibus longa serie nascuntur *filiquæ* longæ, quadratæ, rubentes aut ex rubore in cinereum declinantes, subhirsutæ, per maturitatem in quaternas carinas dehiscences, quatuor seminum papposo tomento delicatissimo involutorum perpusillorum, oblongorum cinereorum ordines continentes. Siliquarum porrò fastigia in quaterna foliola angusta explicantur flores sustinentia speciosos Leucoii, purpurascences, quorum medium occupant stamina candida apicibus rubentibus aut luridis, pistillo longiore in quatuor cruscula desinente. Radix alba, crassa, longè latèque repit, gustu insipido viscosoque.

Locus.

In pratis propè Sheffieldiam Eboracensis provinciæ oppidum, & alibi in Septentrionali Angliæ parte provenit; invenitur & circa Basilicam in monte *Montets*, &c. Ob florum pulchritudinem in hortos sæpe transfertur, verum ob effrenem reptandi licentiam odiosa est.

2. *Lyfimachia filiquosa, speciosa, angustifolia* J. B. *Chamænerion alterum angustifolium* Ger. *Lyfim. Chamænerion dicta angustifolia* C. B. *Lyfim. filiquosa angustifolia, Chamænerion Gesnero dicta* Park.

Superiori tota quidem facie similis est. Foliis confertim multis simul coacervatis, Linariæ foliis & longitudine & latitudine paribus. Flores confimiles, purpurantes, longis, incanis jam dictæ corniculis insident, minores [non tamen multo.] Radix repens cum præcedentis radice convenit.

Locus.

In alveis torrentum & fluviorum in Foro Julii Italiæ, & ad Arvam & Rhodanum fluvios propè Genevam copiosè spontaneam observavimus.

- \* 3. *Lyfimachia Chamænerion dicta Alpina* C. B. Park.

C. B. prod.

Ex radice fibrosa cauliculi rotundi, supernè albicantes, palmares, nonnunquam pedales exurgunt, foliis duplicibus cincti, aliis Rorismarini formâ, sed brevioribus & angustioribus, nullo ordine dispositis, aliis brevissimis, iisque vel prædictis interjectis, vel ex eorum sinu prodeuntibus. Cauliculorum summis flores longis pediculis subcæruleis vel candicantibus insident, elegantes, purpureo-cærulei vel albo-cærulei quadrifolii, satis magni, quibus foliola quatuor brevia & viridia subjiciuntur, & ex eorum



eorum medio stamina aliquot exurgunt: *siliquæ* longæ, angustæ, *semen* minutum cum lanugine continentes, succedunt.

In Alpibus Helvetiorum provenit.

Non video, magnitudine excepta aliisque accidentibus à loco natali ortis, quid differat à præcedente.

Locus.

- A. 4. *Lyfimachia filiquosa hirsuta majore flore purpureo* J. B. *Siliquosa hirsuta magno flore* C. B. *Filius ante patrem* Dod. Lob. *Lyfimachia filiquosa* Ger. *Great hairy coddled Loose-strife* or *Willow-herb*, called also *Codlings and Cream*.

*Radice* est surculosa fibrillis capillata, è cuius capite plura erumpunt germina majuscula, rubentia, in summa tellure reptantia, quibus se latè diffundit & propagat. *Caules* tentes, sed tamen rigidi, bicubitales & altiores, teretes, hirsuti, medullâ farcti, ab imo ad summum usque ramosi. *Folia* ex adverso bina, oblonga, modicè lata per margines argutè denticulata, utrinque hirsuta, & *Salicis* cuiusdam aut malûs *Perficæ* foliorum æmula, absque pediculis caulibus adnascuntur. *Flores* ex alis foliorum versùs caulis & ramulorum summitates exeunt singulares, siliquis quadratis hirsutis rubentibus, duas tréve uncias longis infidentes, purpurei speciosi, ex quatuor foliis cordatis striatis compositi, in quorum medio stamina aliquot apicibus albidis insignia cum stylo productiore albo, quadrifariam in summitate diviso, reflexis segmentis. Calix floris quatuor acutis laciniis constat. Flos & calix unà decidunt. *Siliquæ* præpropere ortu flores antevertentes, per maturitatem in quatuor partes reflexas à mediâ erectâ diffiliunt, quatuor seminum exiguum lanugine candida adhærente alatorum ordines continentes. Odor plantæ compressæ suavis; sapor amaricans & nonnihil acris.

Juxta scrobium, fossarum, fluviorum, rivulorumque margines aliisque humidis locis reperitur, ut rectè J. Bauhinus. Serius apud nos & post mediam ætatem floret. Tota superficies hyeme marcescit radice restibili.

Trago *Salicaria*, nostratibus *Willow-herb* à foliorum similitudine dicitur. Hæc autem species privatim *Codlings and Cream* ab odore foliorum paululum compressorum, Poma elixa flori lactis immissa referente.

- A. 5. *Lyfimachia filiquosa hirsuta parvo flore* C. B. *siliquosa hirsuta flore minore* J. B. 12. *sive sylvatica* Ger. An *Lyfim.* *siliquosa sylvestris hirsuta* Park. *The lesser hairy coddled Loose-strife* or *Willow-herb*.

E *radice* fibris creberrimis albis comosa *caules* erigit cubitales aut etiam bicubitales, teretes, hirsutos, *foliis* vestitis ima parte ex adverso binis, salignis, utrinque molli lanugine hirsutis, ad margines perexiguus denticellis incisis, modicè in acumen definentibus. *Siliquis* longis infident *flosculi* exigui, longè minores quàm supra descriptæ *siliquæ* hirsutæ, coloris ex rubro pallentis vel albid.

In aquosis & ad rivulos invenitur.

A superiore statura humiliore, foliis minoribus nec pariter rugosis, floribus longè minoribus & pallidioribus differt.

Locus.

- A. 6. *Lyfimachia filiquosa major* Park. *siliquosa glabra major* C. B. *campestris* Ger. *Levis* J. B. *The greater smooth-leaved coddled Willow-herb* or *Loose-strife*.

*Caules* huic bicubitales & altiores, teretes, rubentes, ramosi: *Folia* per intervalla bina opposita pediculis perquam brevibus infident, sesquidigitum lata, duos tréve digitos longa, in acutum mucronem definentia, figurâ ferè foliorum *Urticæ* aut *Asclepiadis*, glabra, aut adeò raris pilis obita ut oculorum aciem ferè fugiant, per margines serrata. In summitatibus caulium & ramorum folia figillatim sita sunt, è quorum alis singulis singuli exeunt flores, oblongis siliquis infidentes, calice in quatuor acuta segmenta diviso, foliis quatuor in medio bifidis compositi, minores dilutioresque quàm in prima specie: *Stamina* intus octo albicantibus apiculis capitata, cum stylo in medio exili, apice crasso quadrifido insigni. *Radix* subest multifida, fibrillis quamplurimis capillata.

In humidis & uliginosis saxosis hortis, areis, sylvis; ætate floret.

Locus.

- A. 7. *Lyfimachia filiquosa glabra media sive minor* Ger. emac. *siliquosa 4. sive glabra minor* C. B. *The lesser or middle smooth-leaved coddled Willow-herb* or *Loose-strife*.

*Radice* est fibrosa, & ut mihi videbatur, reptatrice: *Caulibus* cubitalibus & bicubitalibus, rigidis, quodammodo quadratis, propè terram rubentibus, *foliis* per intervalla cinctis ex adverso binis, semunciam latis, duos digitos longis, absque pediculis lata basi cauli adnatis, glabris, per margines serratis, in acutum mucronem sensim definentibus. In summitatibus caulium & ramorum folia figillatim sita sunt, è quorum alis singulis singuli exeunt flores, parvi, quatuor foliis bifidis compositi, pallidè purpurei, saturationibus lineis striati, è calice in quatuor acuta segmento divisa. *Stylus* non ut in præcedente quadrifidus est; *stamina* quoque multo sunt breviora. *Flores* siliquis infident prælongis, quadratis, brevi lanugine hirsutis, rubentibus, *Folia* inferiora in furculis primò erumpentibus breviora sunt & pro longitudinis ratione latiora quàm superiora, non serrata, ad prunellæ aut *Anagallidis* hujus folia accedentia.



A. 8. *Lyfimachia filiquosa glabra minor angustifolia* Ger. emac. *filiquosa glabra angustifolia* C. B.  
**The least smooth coddled Willow-herb.**

*Radice* videtur esse reptatrice, quæ è superiore sui parte fibras tenues, prælongas, purpurantes in terram demittit. *Folia* primò erumpentia exigua, angusta, Hyssopi aut Anagallidis quartæ Lobelii foliorum æmula. *Caules* pedales, interdum etiam cubitales, teretes, tenues, rigidi, fragiles, brevi & vix conspicua lanugine hirsuti. *Folia* ex adverso bina, præterquam in summis caulibus, ubi (ut in reliquis) alternatim nascuntur, duos digitos longi, vix semunciam lati, nullis pediculis, ad appositionem angustiora, medio latiora, in acutum deinde paulatim mucronem desinentia, ad margines reflexa plerunque, ut averſa parte quodammodo concava videantur, vel omnino glabra, vel brevi adeò lanugine hirsuta ut visum ferè fugiat. Ad margines interdum nescio quæ dentium rudimenta habere videntur, interdum omnino æqualia sunt. *Siliquæ* quadratæ, hirsutæ, rubentes, digitales aut sesquidigitales, pediculis uncialibus insidentes, *flores* in summitatibus suis gestant tetrapetalos, pallidè purpurantes, saturationibus lineolis striatos, è calice quinquepartito, petalis in medio profundius fissis.

Hæc humilior est multò quàm præcedens foliis minoribus, obscuriùs virentibus nec per margines dentatis.

*Locus.*

In palustribus oritur. Hyeme ad radicem sparſi cernuntur foliorum brevissimorum subrotundorum, crassorum densè stipatorum globuli quidam Sedi iminimi summitates mitantes, quæ sunt prima plantæ Vere exorituræ germina.

A. 9. *Lyfimachia filiquosa glabra minor latifolia nostras.*

*Folia* huic glabra, atrovirentia magnitudine & figurâ Ocymi ferè aut Origani. *Caules* infirmi, bipalmæres: *Siliquæ* longæ nutantes.

*Locus.*

Ad rivulos in lateribus montis Cheviotæ in Northumbria Angliæ observavi, nec dubito quin & alibi in montibus ad rivulos nascatur.

10. *Lyfimachia lutea Virginiana* Ger. emac. *lutea filiquosa Virginiana* Park. *lutea corniculata* C. B.  
**App. Tree Primrose. Lys. Americana** Col. *Axochiotl* Hernandez.

C. B.

Ex *radice* oblonga, alba, digitalem crassitudinem superante, paucis fibris capillata *caulis* exurgit initio rotundus, at supra medium ob plurimos ramos angulosus, subcinereus, lævis [hirsutus,] crassitudine digitali, medullâ factus, & superiùs punctis rubentibus variè notatus. *Folia* longa, angusta, in caule crebra, alternatim posita, ad margines sinuata & obiter dentata. *Flores* *Lyfimachia* modo summis siliquis insident magni, tetrapetali, lutei, Primulæ veris floribus similes, è calice quadrifolio, pediculo rotundo, articulato donato. In medio flore *stylus* conspicitur, qui viridis usq; ad articulum descendit, & apicibus quatuor sulphurei coloris crucis in modum dispositis donatus est, quem *stamina* octo circumstant, quorum quatuor singulis foliis adposita, alia quatuor ipsis interjecta sunt; hisque singulis capitulum oblongum albicans insidet. *Flos* odoratus est, ultra diem non persistens, cum is qui sub vesperam aperitur ad sequentis diei vesperam flaccescat, unde *Ephemerum* dici meretur. Flore cum pedicello ad articulum delapso altera pediculi pars sesquiuncialis, sensim ad uncias binas, etiam ternas, oblongatur, & in siliquam sive corniculum abit, & propter semen copiosum, parvum, angulosum, pullum quod continet, intumescit; quod ubi maturuit, ipsa cornicula, (quæ utrinque ad caulis latera numerosa sunt) in quatuor partes dehiscunt, quaternis loculamentis quatuor seminum ordines continentia, nullâ intus lanugine seminibus adhærescente. [In singulis foliorum alis singuli flores sedent: cornicula sessilia pediculis carent, ad basin crassiora, sensim versùs apicem tenuiora, raris pilis hirsuta.]

Plantam hanc *Lyfimachia Americana* titulo describit & depingit F. Columna, Annotat. ad *Res medicas Novæ Hispan.* Nard. Ant. Recchi: & *Axochiotl* seu *Florem aquæ* prædicti Recchi seu Hernandez, lib. 7. cap. 48. Hist. Mexicana, descriptum & depictum esse existimat, quod & nobis etiam videtur.

Primâ qua fata est æstate caulem non edit, verùm anno sequente, semine autem ad maturitatem perducto radicitus exareſcit.

*Camaranbaya* Brasiliensis altera species *Marggr.* huic eadem esse videtur.

11. *Lyfimachia Virginiana altera, foliis latioribus, floribus luteis majoribus* Cat. Altdorf.

Hæc præcedente elatior est & major, ut quæ humanam interdum altitudinem multum superet, foliis latioribus, & pro magnitudine brevioribus, ad margines minus sinuatis & propemodum æqualibus: *floribus* etiam multò amplioribus.

In hortis nostris frequentior est præcedente.

12. *Lyfimachia fruticescens Brasiliensis, Camaranbaya indigenis* Marggrav.

*Marggr.*

In quatuor pedum altitudinem affurgit, & dividitur in multos ramos rufos, pilosos. *Folia* solitariè posita in brevibus pediculis oblonga, hirsuta, ad quorum quodlibet *flosculus* provenit, calyce fere duos digitos longo, cui insident quatuor foliola viridia, & cuique ex his supersidet foliolum flavum, constâtque

statque quilibet flos quatuor foliis flavis. Ex calice floris fit *siliqua*, ut in congeneribus, quæ *semen* continet minutulum, rotundum splendens, coloris ex pallido subflavescentis.

Fert florem & semen ab Augusto in Novembrem.

Præcedentibus persimilis est, si non alteri earum eadem.

Tempus.

\* 13. *Lyfimachium Indicum* Bontii.

Bont.

Crescit in Java circa fluminum ripas. Florum colore albo, & totius plantæ facie à vulgaribus *Lyfimachiis* multum abludit: Est enim *Lyfimachio* Europæo procerior, *caule* unico, duro, firmo, in coronam aliquot foliorum novitiorum desinente, quem ambiunt ordinatâ quâdam ferie ab imo ad summum *folia* bina ex adverso posita, longiora & solito angustiora, unico nervo recto, multis venulis obliquis divisa. Circa horum pediculos ad caulem alii cauliculi emergunt longiusculi, in quorum extremitatibus *flores* nascuntur, *Periclymeni* flores, quos vulgò *Lilia sylvestria* appellant, non malè referentes.

Inter olera à Mauris recipitur. Ad *Malvæ* naturam quàm proximè accedere videtur: nam in clysmatis ad ventrem & intestina eluenda in frequenti est usu.

An propriè ad *Lyfimachia* genus pertineat ob descriptionis imperfectionem nescimus. Icon florem tetrapetalum repræsentat.

C A P. V.

De *Tithymalo*.

**T**ithymalus & Tithymallus cum duplici *II* à *ῥῖσ* mamma & *μῆλα* tener dictus putatur, quòd tenerum lac non secus ac mamma quædam effundat. Lobelius Adv. autor est hanc vocem scribendam esse per diphthongum Tithoimalus, quod mammam sive papillam uberris exitiosam virosamve non ineptè interpretatur. Nam *μῆλα* vocem exitiosam significare Eustathius docet. Hujus una species Characias dicitur, id est, vallis, sic dicta quia vallis septisque muniendis apta sit, aut quòd plerumque his in locis proveniat.

Notæ Tithymali characteristicae sunt vasculum seminale tricoccum in summo stylo, & succus lacteus, acer in plerisque speciebus, in una alterave insipidus.

*Pityula*, *Apios*, *Peplus*, *Peplis*, *Lathyris*, *Chamaesyce*, *Esula*, *Cataputia* nomina sunt variis Tithymali speciebus imposita.

*Pityula* dicitur quasi *πυρῖνα*, quòd folia *Piceæ* similia ferat.

*Apios* à radice pyriformi.

*Peplus* & *Peplis* à *peplo* sive flammeolo, quòd ramulorum ambitu & quasi rotundo amictu velum efformet, ac tellurem operiat. *Lob.* & alibi, quia fruticat uberiore undequaque ramulorum comosa concinnaque sobole, in *pepli* speciem collecta.

*Lathyris*, quod folia duo, quæ caulis partem summam amplectuntur cavitatem satis magnam ostendunt. Etenim inter duo folia quæ umbellam ambiunt semen quasi inter duas januas seu bivalvi continetur. *J. Bod. à Stapel.*

*Cataputia*, quòd semen in pilulis quibusdam sive catapotis ferat: vel (quod magis arridet,) quòd semen in catapotis sumptum purget. *Stapel.*

*Chamaesyce* à lacteo *Fici* succo & humilitate nomen accepit. *Idem.*

*Esula* non invenio etymon probabile, nam quod *J. Bodæus* adfert non placet.

- A. 1. *Tithymalus Characias Amygdaloides* C. B. Ger. emac. *Characias vulgaris* Park. *Tithymalus sylvaticus* toto anno folia retinens *J. B. Wood-spurge.*

*J. B.*

Radice nititur albâ, validâ, lignosâ, intortâ, variè divisâ, multis fibris donatâ, à qua exurgunt *rami* lignosi, cubitali longitudine majores, flexiles, cortice exteriori insigniter rubente & hirsuto, interiore virente; *foliis* supra rami medietatem crebris, quatuor ferè uncias longis, semunciam aut paulo plus latis, infernè canâ lanugine pubescentibus, excurrente per longum nervo ad medium usque folium rubente, deinceps viridi, supernè quoque pilis sed minùs evidentibus leviter hirsutis, atro virore splendentibus. Ex summis ramis oriuntur *pediculi* in umbellæ formam, rubentes similiter & hirsuti, singuli singula folia ad exortum, iis quæ in ramis sunt minora, reliquis similia habentes, fescunciam longi ad geniculum quoddam, ubi rursum duo folia præcedentibus minora, opposita, pedicellique bini ex præcedentium pediculorum unoquoque explantantur, iique rursum cum foliis suis minimis bipartiti *flosculos* sustinent foliolis circumdatos, minimos, herbaceo colore præditos, ita compositos ac si quatuor semilunulis, gibbis omnibus introspectantibus rhombum aliquo modo quis imitetur. Tota planta odore gravi est præter lignosam radicem, & lac fundit.

In sylvis & dumetis copiosè provenit, tum in Angliâ, tum in exteris regionibus.

Locum.

2. *Tithy-*



2. *Tithymalus Amygdaloides* sive *Characias* J.B. *Characias rubens peregrinus* C.B. *Characias Monspeliensis* Ger. Park. *Characias* 1. Clus.

Clus.

Unicus huic magna ex parte est *caulis*, interdum plures, cubitales & ampliores, rubente cortice tecti, minimi digiti crassitudinem æquantes, infima parte glabri, foliorum duntaxat vestigiis insigniti, veluti infecti ac vulnerati essent, superna verò foliis duris, lævibus, viridibus, majoribus quidem longioribusque quàm sint Oleæ folia, minoribus tamen quàm Amygdalæ, ornati, deinde in plures junceos & firmos ramulos, umbellæ in modum divisi; quos ambiunt veluti acetabula aut caveolæ, foliis balnearum similes, & in his *flos*, non subluteus aut pallidus, ut in aliis, sed niger: postea *fructus* tricoccus, in quo *semen* per maturitatem exiliens, reliquarum Lactiarum seminis instar. *Radix* dura est & lignosa.

Locus.

In saxosis circa Monspelim: in Italia quoque, propè Lericium & alibi in asperis & montosis observavimus. Martio flores profert, autore Cluso.

3. *Tithymalus Characias folio lanuginoso* C. B. Park. *Tithym. Characia vulgari sylvatico idem est, ut nobis videtur.*

Præcedenti ferè similis est, plures tamen ei caules ab una radice prodeunt: folia molliora & lanugine pubescentia; flores pallidi.

Locus.

Crescit etiam in Hispaniis, deinde tam in Narbonensi quàm reliqua Gallia, tum etiam apud Helvetios cæterosque Germanos.

J. Bauhinus eandem facit Tithymalo Characiæ nostratæ vulgari sylvatico, cui & nos suffragamur, adeoque C. Bauhinus ex una plantæ specie duas facit. Verùm Morisonus Tithymalum Characiam lanuginosum pro distincta specie ponit in Prælud. Bot. quem passim in sylvis Gallæ Soloniensis provenire & à foliis lanugine obductis à cæteris suæ sortis faciliè dignosci scribit.

- \* 4. *Tithymalus Characias radice repente* Morif. prælud.

Morif.

Folia gerit oblonga, radicem longè latèque serpentem producit, quâ notâ distinctu est facilis.

- \* 5. *Tithymalus Characias radice pyriformi* Morif. prælud.

Morif.

Sola radicum tuberositate pyriformi dignoscitur inter omnes Tithymalos Characias dictos.

- \* 6. *Tithymalus Characias Salicis minoris folio* Morif. prælud.

Morif.

Hic à similitudine foliorum Salicis longifolia viminæ notu facillimus.

- \* 7. *Tithymalus arboreus* Alpin. exot. Park. *dendroides* J. B. *myrtifolius arboreus* C. B. *Myrsinites arboreus* Ger. Tree-spurge.

Cæs.

Frutex est bicubitali altitudine & ampliore, lignosus, arboris æmulus, uno quasi caudice pollicem & amplius crasso, in ternos aut quaternos ramos perpetuè fuso, digiti crassitie; foliis circa surculos novellos longioribus Myrsinite ac virentioribus [Lobelio folia Esulæ majoris foliis paria & admodum similia, imò majora] comâ luteâ, fructu Characiæ.

Locus.

In scopulis nascitur & præruptis, copiosius in præcipitiis qui Saltus Cerviæ vocatur inter Massam & Petram sanctam, ubi & nos eum observavimus: invenimus & in montosis supra Messanam Siciliæ urbem. Folia figurâ suâ & magnitudine accedere videbantur ad Mezerei Germanici folia. Flores [Alpino] velut in umbellis parvis.

- A. 8. *Tithymalus magnus multicaulis, sive Esula major* J. B. *Tithymalus palustris fruticosus* C. B. *Esula major Germanica* Ger. Park.

J. B.

Mirum quàm luxuriat fecundiore solo enatus Tithymalus iste, quem vulgò Esulam majorem Germanicum vocant. Lignosa enim candidaque radix, non brachii modò humani crassitudinem assequitur, sed & suræ nonnunquam superat, longè latèque vario implexu propagata perennat. Nec minor caulium quos emittit luxuriosa ubertas, minimi digiti circiter crassitie, rubescentes, & plurimis alis concavos. Folia Cataputiæ minoris oblonga, multum illis magnitudine cedentia, hyeme decidunt. Flosculi umbellati, concavi, luteoli, quatuor peltata foliola surrigunt, cum totidem staminibus. Semen in loculis triquetris reliquis non dissimile.

Locus.

Rarior est in Italia, Gallia & Anglia, nisi in hortis colatur. In Germania verò superiore & inferiore ad Rhenum, ut & in Silesia ad sabulosas fluminum crepidines, copiose oritur.

Uterque Bauhinus Tithymalum palustrem Cæsalpini hujus Synonymum faciunt. Verùm Tithymalus ille quem nos in paludibus Pisani frequentem observavimus ab hoc diversus videbatur, siquidem folia ejus hirsuta erant, & ad Tithymali Characiæ Amygdaloidis nostratis folia accedebant, quibus

quibus & ea comparat Cæſalpinus: folia autem Eſulæ majoris Germanicæ dictæ Tithymali paralii foliis ſimilia ſunt. Eſt ergo paluſtris noſter Piſanus (ut puto) idem qui

9. *Tithymalus Characias pratensis incanus* Botan. Monſp. *incanus hirsutus* C. B. *inſcribitur*. An *Tithym. Characias lanuginosus* Morif. præluſ.

Magnol.

Cui *radix* craſſa, multos *caules* pedales & cubitales, rubentes proferens; in quibus plurima *folia* indifcriminatim oriuntur, caulibus adhaerentia, longa & lata, leviter in ambitu ſerrata & ſinuata, ſupra & infra molli lanugine pubeſcentia. *Flores* aliorum more velut in umbellam congeſti, ex luteo ruſcentes, *loculi* triquetri, villoſi & verrucoſi in quibus *ſemen* continetur.

In pratis circa Lateram Junio menſe cum flore & ſemine plurimis in locis reperitur.

Moriſonus Tithymalum ſuum characiam lanuginofum in ſylvis Gallia Soloniienſis provenire ſcribit, unde videtur potiùs varietas Tythymali ſylvatici toto anno folio retinentis. Locus.

- A. 10. *Tithymalus paralius* J. B. Ger. *paralius ſive maritimus* Park. *maritimus* C. B. *Sea-purge*.

*Virgis* aliquot lignoſis, rubentibus, ad pedalem aut cubitalem altitudinem aſurgit, *foliis* crebris ab imo ad ſummum ulque obſitis, anguſtis, oblongis, medio tamen latioribus, Lini foliis nonnihil ſimilibus, verùm craſſis & cæſiis, ſucco lacteo acerrimo turgidis: ſummis *virgis* innascentur umbellatim ferè ut in aliis Tithymalis *flores* pallidè lutei, quibus ſingulis ſubſunt folia bina lata furculos & pediculos cingentia: ſequuntur capſulæ tricocce ut in hujus generis reliquis. *Radix* ſubſt ſatis craſſa, oblonga, lignoſa, vivax.

In arenofis maris litoribus frequens eſt.

Dubitat Geſnerus hort. an Tithym. paralius à Matthiolo & Trago pictus ſit cypariſſias: idque ſanè ſumma ratione: Nam deſcriptio Tithym. Cypariſſia ſimilis Pityuſæ multis J. B. qui aliorum Botanicoꝝum Tithym. cypariſſias eſt, Tithymalo paraliſo convenit: & planta illa quæ in ſabuloſis ad Rhenum copioſè provenit, (qui locus Tithym. cypar. ſimili à J. Bauhino aſſignatur) mihi non alia viſa eſt quàm Tithymalus noſter paralius. Alii curioſiùs examinent, & plantas invicem conferant. Locus.

- \* 11. *Tithymalus* fortè dictus Lucæ Gbino Pityuſa, quibuſdam *Characias Pannonicus* J. B. *Tithym. Characias 4, ſive rubens Germanicus* C. B. *ejusdemque Tithym. Characias 5, ſeu anguſtiſolius. Tith. Characias anguſtiſolius* Park. Ger. emac.

J. B.

*Radice* eſt magnâ, longâ, craſſâ, è qua crebri naſcuntur *caules*, inæquales, dodrantes ſextantes ac fortè dodrante majores, *foliis* multis amiſti, Parali foliorum latitudine, longitudine majori, interdum brevior, acuminatis, ſpiſſis, colore ferè myrſinitis.

Hunc Cluſius titulo *Characis 3. Auſtriaci* ſic deſcribit:

Multos ab una *radice* proſert *caules* pedales, nonnunquam etiam cubitales, firmos, laeves, infima parte nonnihil purpuraſcentes, & foliorum quæ deciderunt veſtigiiſ notatos. Hos deinde ambiunt confuſo ordine naſcentia *folia*, craſſiuſcula, lævia, duas interdum uncias longa, mucronata. Summi *caules* in multas virgulas inter folia emergentes dividuntur, quæ bina ſubrotunda ſeu quodammodo circinata foliola, & quaſi vaſculum ſeu labellum imitantia ſuſtinent, in quibus *flores* reliquorum Tithymalorum floribus ſimiles, qui cum ſuis virgulis & vaſculis pallido ſubluteoſe colore præditi ſunt: ſuccedunt triangula *capitula*. *Radix* longa, digitalis craſſitudinis, infimâ parte in aliquot fibras diviſa. Maturo ſemine *caules* ſingulis annis emoriuntur, novo autem Vere recentes alii è radice germinant, qui ſubſequenti anno flores ferunt.

Naſcitur plerique Pannoniæ locis, ſed Vienneniſi agro tantâ copiâ in gramineis & ficcioribus paſ- Locus. cuis, ut Junio menſe (tum enim floret) omnino pallescere videantur.

D. Magnol in umbroſis circa pontem Caſtri novi Salenovæ & Lateræ paſſim reperiri aſſerit.

12. *Tithymalus serratus Dalechampii* J. B. *Characias serratus* Ger. *Characias folio serrato* C. B. *Char. serratus Monſpelienſium* Park.

J. B.

Cubitali *caule* præditiſ eſt, per quem *folia* uncialia, alia culmo latiora, alia etiam minùs lata, pleraque non acuminata, ſed ſubrotunda, denticulis per ambitum crenata, glabra: at verò quæ umbellæ pediculis ad coitum ſubjiciuntur folia, multò latiora quàm longiora, nonnulla quoque orbiculata, nihilòque ſeciùs in ambitu ſerrata. *Flores* acetabulorum cavo infidentes muſcoſi, lutei: *capitula* majuſcula, triquetra, ex tenui pediculo Myrſinitis ferè paria.

In Gallia Narbonenſi paſſim & copioſè oritur, circa Nemauſum, Monſpelium, &c. nec alibi (in- Locus. quit J. Bauhinus) temere reperitur: Verùm Cluſius Tithymalum myrtiren Valentinum appellat, unde Valentino etiam regno communem eſſe colligitur.

13. *Tithymalus Myrſinites* J. B. Park. Lob. *Myrſinites latifolius* Ger. C. B. item *Tithymalus anguſtiſolius Myrſinites* eorundem.

J. B.

*Rami* dodrantalibus craſſiuſculis per terram maximâ ex parte funditur, quos ſeriè quadam ambiunt *folia* Myrti, pinguiuſcula, colore glauco prædita, in acumen definentia. Ramorum extrema in furculos abeunt indidem ortos, pyxidata folia rotunda tranſadigentes, umbellatim diſpoſitos: quibus



bus inter folia infident flores colore herbido, quorum singularia foliola pulvilli instar habentia, an-  
fulis croceis donata sunt. Pericarpia triquetra, totidem grana continent.

Locus.

Juxta arcem Rhegii in Calabria sponte ortam invenimus.

Tithymalum latifolium & angustifolium C. B. pro eadem planta habeo: siquidem figuræ Lobelii, quæ in Adv. habetur titulo *Tithymali Myrsinitis*, quæque in Obs. tit. *Myrsinitis myrtifolii* unius & ejusdem plantæ sint, cum in Observationibus ad Adversaria Lectorem referat: nec refert quòd utramque ponat in Icon. Plant. alteram nomine *Tithymali myrtifolii* Obser. p. 192. alteram titulo *Tithym. myrtitis* Diosc. Adv. p. 150. cum ipsèmet in Obs. utramque iconem pro ejusdem plantæ habuerit.

14. *Tithymalus maritimus Juniperi folio* Bocconi. An *Tithymalus cyparissias vulgaris* Park?

Bocc.

Hic (inquit) Tithymali arborefcntis facie fruticat: pedali & altiore quandoque est caule, supernè variis ac multiplicibus ramis distincto, valdè comoso; tenuibus foliis copiosissimis, longissimis, Juniperi formâ, sed mollioribus & minoribus circumvestito, ad Tithymali leptophylli figuram accedentibus. Flores & capsulas seminales aliorum Tithymalorum more (id est fructum tricoccum) profert. Perpetuus est.

Locus.

Propè Massiliam in arenosis ad mare invenimus, ubi & Paulus Boccone.

Tithymali cyparissias vulgaris tum figura tum descriptio apud Parkinsonum ab hac planta non multum abladunt, ut examinanti patebit.

\* 15. *Tithymalo marino affinis Linariae folio* C. B. *amygdaloides angustifolius* Tab. *linifolius paralis* congener Park.

Hic (inquit C. B.) à Linaria antequam floreat solo lacteo succo distinguitur: quomodo ergo differt ab Esula Officinarum sive Tithymalo pineo?

Locus.

In declivibus montis Capouladou soli expositis, inter rupes versus las Cambrettes & in aliis campis lapidosis copiosè oritur. Botan. Monsp.

\* 16. *Tithymalus maritimus spinosus* C. B. *maritimus Creticus spinosus* Park. An *Tithymalus spinosus Creticus* Alpini?

Bel.

E Tithymalorum genere est (inquit Bellus) spinas proferens, floribus luteis, foliis parvis rotundis, lac copiosum effundens, radice (si rectè memini) carnosa.

Tithymalum suum spinosum Alpinus ita describit, Planta est dodrantalis, primo ætatis suæ anno ramulis & foliis Apios Græcorum maximè æmulatur. Radice nititur in principio crassa, tuberosa, sed longâ, in acutum desinente, non absimili Apios radici. Anno verò secundo ramuli breves, tenues dodrantes in cymis fruticant, & in crucium modum ramulorum extrema dividuntur, & desinunt in spinulas tenues, acutas. Æstate foliola ramuli abiciunt, quo spinulæ duriores & nigra evadunt. Lacteo succo acri turget.

17. *Tithymalus maritimus Venetus* Park. *maritimus purpurascens floribus* C. B. *Esula rara in Lio Venetorum insula* Lob. *Es. Veneta maritima* Ger.

Lob.

Sesquicubitum duobusque cubitos longos caules, fungosos, rugosos, fuscus, crassos minimum digitum, multis ramulis divisos emittit pedalibus; & foliis situ binis per intervalla, majoribus quàm terribilis Alypi, ad Glycyrrhizam proximis, lentis, pinguibus Thymelææ; flores pendulos prominentibus purpurascens & fusco, obsoleto Aristolochiæ, Vincetoxici effigie. Radix foris pulla, intus villosis lineisque pelliculis, cujusmodi in Tarton-raire, cinereis, sesquicubitum longa, digitum minimum crassa, succo distenta: Univerfa planta lactescit, & prorsum Tithymali parali cui convictrix ferè semper visitur æquiparatur.

Locus.

Sed non alibi quàm in litoribus & insulis sinus Adriatici facilè reperitur, & in Lio insula exigua, quæ obex est maris alluvionibus.

18. *Lathyrus major* C. B. *Cataputia minor*. L. & *byris major hortensis* Park. *Lath. sive Cataputia major & minor* Ger.

Radix huic simplex, fibris aliquot capillata. Caulis sesquicubitalis, teres, solidus, crassitudine pollicari, foliis vestitus crebris, tres digitos longis, salicis similibus, coeruleo-viridibus in crucis formam dispositis. Primo à satione anno hyemem tolerat, sequenti æstate in ramos dividitur, in quibus folia ad singulos flores bina, iis quæ in caule sunt multum dissimilia, nimirum à lata basi in acutum mucronem sensim desinentia, nonnihil initio concava, aliàs ad foliorum Hederæ aut Asclepiadis formam accedentia, colore ex viridi flavicante & minimè coerulea. Ad flores singulos ramuli in furculos duos divaricantur, adeò ut flos in ipso ramulorum divortio seu divaricationis angulo collocetur: in plures deinde furculos minores intus concavos singuli majores dividuntur. Flos quatuor foliolis componitur. Vasculum seminale majusculum, tricoccum.

Ab hac non alia in re quàm partium omnium magnitudine differt Lathyrus minor hortensis Park.

Lathyrus



\* 18. *Lathyrus minor conglomerato flore* C. B. *minima* Park. *minima* C. B. *Lathyrus minor* Dalecham-  
pii Lugd.

19. *Tithymalus cyparissias* J. B. C. B. Ger. *Pityusa Tithym. pinea sive Esula minor* Park. *capressinus*  
J. B. **Common Cypress Spurge.** *Tithymalus pineus* Ger. *huic idem videtur.*

J. B.

*Radix* minimo digito crassior, sæpè tenuior, fibrosa, lignosa & nonnunquam serpens. *Caules* pro-  
mit dodrantes & cubitales, primò simplices, postea ramosos, in quibus *folia* primò Linariæ mol-  
lia, quæ postea tenuiora multò cum in ramos dividitur. *Flores* in umbellæ quali formam dispositi,  
longis pediculis folia quibus donantur perforantibus, lutei, ex quatuor quasi semilunulis conjunctis,  
extrorsum vergentibus corniculis compositi, *apicibus* item luteis: quibus triquetri succedunt *loculi*,  
in quibus *semen*. Ab eadem quoque radice exurgunt *cauliculi* (ego pro abortu habeo, licet à non-  
nullis pro privata specie proponatur) quorum folia breviora multò, pinguiora, subrotunda, aver-  
sa parte plurimis punctulis seu stigmatibus rufis notata, in quibus ramulis non memini florem observare.  
Hinc patet quid sentiendum sit de Tithymalo stictophyllo Thal. i. e. cyparissia foliis punctis croceis  
notatis C. B. foliis maculatis Park. Lacte autem partibus omnibus turget.

Hic Tithymalus pro anni tempore & ætate insigniter variat: non rarò enim verno tempore co-  
mà rubentè aut flavà exit.

Prætorum margines & sepium istam sæpius alunt Esulam. In Anglia sponte non provenit, quod  
sciam. Mirum nobis videtur Botanicos de *Tithymalo pineo*, sive Esula minore, planta passim cognita  
& vulgo in hortis culta tam confusè & obscurè scribere, ut nesciam planè quid sibi velint, quòve ti-  
tulo illum proponant. Ab aliis speciebus, mihi saltem notis, discretu facilis est, radicibus reptatri-  
cibus, statura humili, foliis oblongis, angustis, virentibus, mollibus & teneris, in caule creberrimis,  
Linariæ adeò similibus ut obiter intuentem pro iis fallant; verum succo lacteo facillè distinguuntur se-  
cundum vericulum illum vulgarem, *Esula lactescit, sine lacte Linaria crescit.*

*Tithymalo Cyparissia similis, Pityusa multis* J. B. *Tith. foliis Pini, fortè Dioscoridis Pityusa* C. B.  
*Tithymalus pineus* Ger. *Pityusa, Tithymalus pinea sive Esula minor* Park. *potius Tith. cypa-*  
*rissias vulg. ejusdem.*

J. B.

Tithymalus hic rarus etsi Cyparissia vulgò dictæ similis, ab eo tamen alius est, *radice* longiore,  
crassiore, minùsque fibrosa: *Caules* multi, ferè cubitales, simplices, interdum in ramos multos do-  
drantes diducti; per quos *folia* conferta, crassiora, firmioraque quàm Cyparissia & magis glauca:  
extremis ramorum insident *umbellæ* magnæ, foliis peltatis, non majoribus Cyparissia.

De Tithymalo cyparissia & pineo dictis confusè admodum scribunt Botanici, ut mihi panè per-  
suadeam unam & eandem specie plantam esse. Ast hoc in loco à J. Bauhino descripta, videtur esse  
Tithym. paralius, aut alia quædam species nobis incognita. Notandum tamen plantam Parkinsono  
sub titulo allato descriptam esse Tithymalum cyparissiam J. Bauhini superius proximè descriptam:  
quæque hoc in loco à J. Bauhino describitur, sub titulo *Tithymali Cyparissia vulgaris* à Parkinsono de-  
scribi; siquidem foliis brevioribus & crassioribus & in caule crebrioribus magisque confertis seu den-  
sius sitis à Tithymalo pineo differre scribit, Lobelium secutus.

Crepidines sabulosi fluminum & vicini colles frequentius hunc alunt, inquit J. B. Abundat in *Locus.*  
planitie arenosa propè Argentinam, & Basileæ ad Rhenum versus *Haltingen*, ut & propè Monspeli-  
um. Planta autem illis in locis frequens nobis non alia visa est quàm Tithymalus paralius, ut superi-  
us diximus.

Omnia Tithymalorum genera adurendi vim obtinent (inquit Tragus) imprimis verò lacteus eo-  
rum succus, quare rarò citra noxam sumi possunt. Dodonæus Tithymalorum omnium succum per  
inferna purgandi validam vim habere scribit, Bilem, pituitam & aquosos humores ducere, etiam in  
exigua quantitate sumptum; sed ventriculum vehementer conturbare, & interna viscera inflamma-  
re; eamque ob causam ab ejus usu doctos ac prudentes medicos abstinere.

Esula pituitam validissimè, præcipuè per inferiora, purgat, unde & Rusticorum Rhabbarbarum  
audit. Est autem acris, ignea & erodens, adeò ut impudentium mendicorum fraudi inserviat, qui  
ejus succo cutem sibi met exulcerant scabritiei specie. *Schrod.*

C. Hofmannus se nunquam consuluisse ait, sed fuisse tantum spectatorem audaciæ vulgaris quæ to-  
ta Cochlearia admetitur. Si quis tamen (inquit) uti velit, *Esula præparata* Offic. utatur, quæ per viginti  
quatuor horas steterit in infusione acerrimi aceti, iterumque exsiccata. Hujus dosis est à ʒij. ad  
ʒj. & sine noxa purgat. Casp. Dornavius ita corrigit, R. Esula præp. ʒiv. Macis, Galangæ à ʒij.  
Spodii præp. ʒj. Trag. Bdellii ana ʒiij. Fiat pulvis, cujus dos. à ʒβ. ad j.

20. *Tithymalus Cyparissias* Alpin. exot.

Alpin.

A *radice* crassa, quatuor digitos longa, lacteo succo turgente, (ut & reliqua planta tota dum re-  
cens est) *caules* producit multos, tenues, junceos, parvis capillamentis, brevibus, multis, tenuibus,  
Pini foliis similibus vestitis, propè radicem nudos, sed punctis nigrescentibus crebris maculatos,  
quorum singuli umbellam ex tribus aut pluribus furculis constantem obtinent, & in principio um-  
bellæ unum utrinque foliolum, oblongum, parvum, extremo acutum, Myrti folio simile, mi-  
nus tamen & tenuius, quilibet etiam umbellæ furculus circa medium utrinque folium prædi-  
cto simile & minus; à quo furculus usque ad extremum spicæ modo fert foliola, ex una parte incli-  
nantia,



nantia, aliis longè breviora latioraque cum floribus parvis, Leucosii similibus, atque fructibus parvis triquetris, *semina* terna parva, rotunda, alba, Pipere minora continentibus. Inter caules prædictos graciles nonnunquam unus vel duo, crassitie minoris digiti visuntur, qui in plures iidem cauliculos foliatis dividuntur, ad exortum antequam dividantur nudi & punctis emaculati.

Locus.

Cretam insulam agnoscit matrem hæc species.

21. *Tithymalus annuus Lini folio acuto* Botan. Monsp. *An annuus Pityusæ folio* Lob. *An Tithymalus linifolius* Cam?

Magnol.

Dodrantalem & interdum pedalem altitudinem acquirit, quamvis modò minor, modò major conspicitur. Secundum caulem plurima oriuntur *folia*, longa, Lini folia æmulantia, in aculeatum quasi apicem definentia. *Flores* ut in aliis speciebus. *Folia* circa flores disposita, latiora sunt & multis apiculis donata. Radix lignosa est, quæ singulis annis perit.

Locus.

In marginibus fatorum circa Salenovam, *la Colom. Oiere* & alibi pluries vidit D. Magnol. Nos in Sicilia inter segetes observavimus, & pro *Tithymalo linifolio* Cam. habuimus.

*Tithymalus Linariæ folio, lunato flore* Moris. prælud.

A foliis *Linariæ* similibus, & flore *Lunæ* crescentis referente figuram faciliè dignoscitur.

At hæ notæ *Tithymalo* cyparissiz J. Bauhino superius descriptæ conveniunt, ergo illi idem videtur.

- A. 22. *Tithymalus segetum longifolius* Append. Cat. Cant. *Long-leaved Corn-Spurge.*  
*An Esula minor sive Pityusa* Ger. emac?

Altitudinem dodrantalem vix assequitur. *Folia* oblonga in acumen definunt. Tota planta colore est luteo-viridi præter caulis partem terræ proximam, quæ rubescit.

Hæc species cum præcedente seu XXI. convenit magnitudine, foliorum figurâ, colore, loco, ut eandem esse suspicer, non tamen fidenter affirmaverim, cum plantam nondum viderim.

Locus.

Inter segetes prope pagum *Kingston* dictum ultra sylvam via quæ *Gamlingsay* ducit reperitur: observavit etiam D. Dale inter segetes circa *Comberton* cis *Kingstoniam*; ostendit etiam nobis siccam plantam à se collectam, cujus altitudo semipedalis, aut dodrantalis, *caulis* firmus, foliis non admodum crebris cinctus, neque ut in *Esula* exigua Tragi in acutos apices terminatis, sed obtusioribus & subrotundis. Summis caulibus ut in reliquis congeneribus velut umbellæ quædam florum insident: umbellarum autem basin totidem folia acuminata cingunt quot sunt umbellam componentes radii. Vascula feminalia parva & ut in reliquis tricoeca. Radix parva, annua, paucis fibris donata.

*Tithymalus foliis brevibus aculeatis* C. B. i. e. *Pityusa Matthioli* & aliorum, nobis incognitus est, queratur apud Autores à Bauhino citatos.

- A. 23. *Tithymalus leptophyllus* Park. *minimus angustifolius annuus* J. B. *Esula exigua* Tragi Ger. emac. *Tithymalus sive Esula exigua* C. B. *Dwarf Spurge* or *small annual Spurge.*

J. B.

Palmaris aut semipalmaris est plantula, *radiculâ* nitens tenui, tres aut quatuor uncias longâ, *cauliculis* & ramulos multos eâ quâ jam dixi longitudine, ac etiam dodrantes obtinens, *foliis* stipatis semunciam unciarve trientem longis, semiculmum latis, in acutum mucronem productis, crebris, sursum spectantibus, lacte turgidis. *Flosculi* herbidi, & pericarpium ut in reliquis congeneribus triquetrum, *semina* rotunda, canentia continens.

Locus.

Planta est annua: inter segetes frequentissima.

- \* 24. *Tithymalus sive Esula exigua foliis obtusis* C. B. J. B. Park.

Radice est exili, oblongiusculâ, capillatâ: *cauliculis* pluribus, ad terram resupinatis, aliquantum repentibus, biuncialibus, triuncialibus, aliis palmo minoribus, rotundis, lacteo succo turgentibus, qui *foliolis* oblongis angustis, sed semper in summo obtusis & velut absæctis inordinate vestiuntur.

Locus.

In agris Patavinis & Massiliensibus reperitur.

*Tithymalus exiguus saxatilis* C. B. J. B. Park.

C. B. prod.

*Radiculam* habet capilli modo tenuem, longiusculam; *cauliculis* tenues, unciales & biunciales, angustissimis & brevibus *foliolis* cinctos: *flosculos* exiguos, rubentes.

Hæc planta non alia esse videtur à *Tithymalo leptophyllo* fol. obtusis, partium omnium parvitate solâ diversa, quam soli sterilitati deberi verisimile est.

Locus.

Circa Monspelium locis asperis provenit, vide *Botan. Monsp.*

\* 25. *Tithymalus Siculus polycoccus*, *Portulacæ folio* Bocconi.

Bocc.

*Caule* affurgit pedali aut altiore, supernè amplo & valdè ramoso : *Folii* ad *Portulacæ* aut *Tithymali helioscopii* figuram circumvestito. *Flores* & *semen*, ut in cæteris suæ classis, in alarum sinibus atque ipsis ramis insident, & ordine distribuuntur ; rotundis subsequenter *capitulis* ; binis, tenuibus *apicibus* donatis, in quibus *semen* *Cannabis* figurâ atque colore concluditur. Ea est plantæ ejusque alarum durities & contumacia, ut media hyeme arida & foliis spoliata perduret adhuc, & capsulas feminum (quod notatu dignum) unguibus frangere aut evellere (adeo pertinaciter hærent) sine rami particula non possis. Ex semine deciduo quotannis nascitur.

A. 26. *Tithymalus helioscopius* Ger. Park. C. B. *helioscopius sive solisequus* J. B. *Sun-Spurge* or *Wart-wort*.

*Radix* ei simplex, alba, rectâ descendens, fibris aliquot donata, unde *caulis* exurgit singularis, semipedalis aut pedalis, teres, raris pilis hirsutus. *Folia* in caule frequentia, nullo ordine posita, *Portulacæ* aut *Peplios* similia, digitum & interdum sesquidigitum longa, extremitate subrotunda, argutis denticellis circa margines crenata. Surculi [quinque ferè] è summo caule nati umbellam quodammodo efficiunt, quos totidem circumstant folia, iis quæ in caule majora & rotundiora. Singuli surculi in tres alios pariter sparguntur, quos tria circumstant folia. *Flores* in ipsis caulibus & surculorum divaricationibus singulatim siti, parvi, herbidi, tetrapetali, petalis subrotundis & minimè lunulatis. E medio flore egreditur *stylus*, cujus apex in *vasculum* seminale turgescit triquetrum, trioccon, ad floris latus reflexum. Tota planta succo lacteo acri turget.

Æstate floret &amp; semen maturat; hyeme perit.

In hortis oleraceis &amp; arvis pinguioribus, nec rarò in rudibus ad urbium mœnia, &amp;c. occurrit.

Tempus &  
Locus.A. 27. *Peplus sive Esula rotunda* C. B. Ger. J. B. *Esula rotunda sive Peplus* Park. *Petty Spurge*.

Dod.

*Dodrantis* herbula est, lacteo succo manans, *Helioscopio* *Tithymalo* similis, ejusque quædam veluti species, sed omnibus partibus minor. *Cauliculi* subrubent : *Folia* exigua, in rotunditate oblongiuscula, circa margines æqualia, (quâ certâ notâ à *Tithym. Helioscopio* distinguitur, cujus folia crenata sunt) infernè majora, supernè minora. Coma circinata, seu in umbellæ formam coacta. *Capitula* tribus loculis discreta *semina* continent reliquis similia. *Radix* tenuis, fibrosa, annua.

In hortis &amp; vineis exit, &amp; subinde in agris neglectis aut non cultis. Æstate viget, ac usque ad Hyemem perdurat.

Locus &  
Tempus.28. *Peplus minor* J. B. Tab.

J. B.

Patulis in orbem ramis varièque divaricatis terram subjectam inumbrat, *foliis* *Pepli* majoris, rotundis ferè, in modicum acumen leviter definientibus, dimidio minoribus : *pericarpia* pusilla majoris, aut *Chamæsyces*, triquetra, lævia, tribus locellis totidem claudunt *semina*.

In arvis requietis circa *Montpelium* observavimus.

Locus.

A. 29. *Peplus* J. B. Ger. Park. *maritima folio obtuso* C. B. *Small purple Sea-Spurge*.

J. B.

Terræ faciem ceu muliebre flammeum patulis ramis, variè divaricatis, palmaribus & sesquipalmaribus, rubentibus, crassiusculis operit, per quos veluti ad articellos *folia* adversa nascuntur, rubentia, duplo triplòve *Chamæsyces* majora, crassiora paulò, longiora, per extremum rotunda, quorum pars ea quæ sub nervo (qui solus folium per longitudinem medium dividit) productior est quàm quæ supra nervum, & veluti pinnata. *Flosculi* luteoli proximè ramos oriuntur. *Capitula* tricocca, lævia, duplò majora quàm *Chamæsyces*. *Radix* longiuscula, crassiuscula, simplex.

In litore maris arenoso inter *Pensantiam* & *Marketjeu* Cornubiæ oppida. In maris Mediterranei litoribus frequens reperitur.

Locus.

\* 30. *Peplus annua foliis acutis, flore muscoso* Bocconi.

*Dodrantis* est huic *caulis*, subrubens; dum in hortis colitur amplâ laxâque umbellâ & quasi comosâ, alioqui contractiori donatur, ubi natali solo spontanea est. *Folia* exigua, è rotundo acuminata sunt, *Herbæ* terribilis minora. *Flores* muscosos gerit. *Semina* verò in capsulis ad echini formam aliquatenus involucris suis accedunt.

In agro *Lugdunenfi* frequens inter segetes reperitur.

Locus.

31. *Chamæsyce* Dod. Lob. J. B. C. B. Ger. Park.

J. B.

Gracilem *radicula*m habet, longitudine circiter palmari, fibris aliquot tenuissimis donatam : *ramulos* quadrantales, ac etiam pedales, in alas subdivisos, rubentes, subhirsutos in orbem terræ apprimunt : quibus ad genicula adnascuntur *foliola*, conjugatim disposita, subrotunda, quæ terram spectant rubentia, supernè viridantia, nisi quod in medio purpureâ notâ sunt maculosa; quædam tamen in extremis ramulis suprà infrâque omnino saturâ rubedine tincta sunt. *Flosculi* ad ramulorum divaricationes

Eeee 3



cationes inter folia emicant purpurei. *Pericarpia* tricoeca *Efulæ* exigua Trago dicta sub foliis latitant.

Locus.

In agris & vineis tam Siciliæ & Italiæ quàm Galliæ Narbonensis frequens oritur, quicquid contradicat Lobelius.

- A. 32. *Tithymalus platyphyllos* Fuchsi J. B. *arvensis latifolius* Germanicus C. B. *Tithymalus peregrinus* Clus. Hist.

f. B.

*Radice* nititur simplici, alba, lignosa, adnatis aliquot donata. *Caulis* indè exurgit sesquicubitalis & bicubitalis rectus, teres, glaber, rubescens, intus concavus, singularis modò, modò plures, inter quos eminet medius inter contractioris altitudinis locios, per quos tamen omnes frequentes observantur rami, quorum exortui *folium* magnum semper apponitur, duarum unciarum longitudine, latitudine unciali, talia quoque fortuito ortu crebra per caules ramósque spectantur: at caulis fastigium in pediculos aliquot seu radios umbellam mentientes abit, unico in medio sedente flosculo, quorum coitum coronat rosa foliorum oblongorum, crenis parùm conspicuis denticulorum: è quibus pediculis unusquisque subdividitur pari modo in alios, & horum quilibet denuo in alios, flosculis singularibus singulas divaricationes occupantibus. *Flosculi* cotylis insident perexigui, luteoli, quatuor petalis exiguis, flavis, non cordatis compositi: quos sequuntur vixdum delapsos tricocchi *fructus*, minores & minus asperi quàm *Verrucoso* dicto, sex sulcis ita insculpti ut hexacocci videantur. Annuæ est planta ex semine deciduo sese quotannis reparans: interdum tamen hyemem tolerat.

Locus.

In agris non admodum infrequens est. In hortulo nostro & pomario hic Noctæ in *Essexia* sponte provenit.

- \* 33. *Tithymalus platyphyllos* Clus. Ger. *latifolius Hispanicus* C. B. Park.

Clus.

Pedali, interdum majore altitudine affurgit, in aliquot à radice divisus ramos, nonnunquam simplici caule præditus, quem ambiunt ampla folia, rotundiora & quasi orbiculato mucrone prædita, ad statidis novellæ foliorum formam accedentia, viridia, crassiuscula & aliquantulum carnosa, pallescente & acri succo turgentia. *Flos* ramulis insidet ex flavo purpurascens, ac veluti acetabulis five balnearum foliolis comprehensus, ut in aliis. *Radix* crassa est & candida.

Uno Valentino regnò inter *Biar* & *Huenimiente*, viâ salebrosâ inter medios frutices, Martio mense florentem duntaxat observabat Clusius.

34. *Tithymalus non acris flore rubro* J. B. *montanus non acris* C. B. qui huc refert *Efulam dulcem* Tragi, & *Pityusam* sive *Efulam* minorem alteram floribus rubris Lob. Ger. Park. Sweet red-flowered Spurge.

f. B.

Tuberculis inæqualem habet *radicem*, longiusculam, fibratam: *caules* pedales vel cubitales, primò purpurascens, non sine adnatis ramulis, *foliis* amicti Tithymali verrucosi, modicè in acumen rotundum definentibus, glabris. *Pediculi* è caulis fastigio aliquot exeunt (subjecta foliorum oblongorum rosulâ) umbellæ formâ, in furculos subdivisi; singuli *flosculi* in medio foliorum duorum similibus acetabulis, parvi, quadripartiti, rubentes: E medio flosculo rubro exoritur ex brevi pediculo *fructus*, parvus triquetus, tuberculis exasperatus, ex cujus medio stylus, & ad latus pediculus vel ramulus sustinens folia alia duo & in medio alium florem ac fructum. Cæterum emanat è vulnere lacteus liquor, ut in reliquis Tithymalis, verùm nequaquam acer aut fervidus, sed adstringens, unde Tithymali aut *Efulæ* dulcis nomen meruit.

Locus.

In montibus circa Genevam observavimus.

- \* 35. *Tithymalus tuberosus* Germanicus C. B. Park.

Hujus meminit Camerarius in horto. An & quid differat à præcedente inquirendum.

- \* 36. *Tithymalus Ragusinus non descript.* Hort. Lugd. Bat.

- \* 37. *Peplis major Brasiliensis flosculis albis* Caacica indigenis Marggr.

Marggr.

Ex *radice* alba, lignosa, lactescente, paullo majori semipede, multi prodeunt *caules*, teretes, nodosi, virides, uno latere rufescentes, multis ramis donati, qui partim humi jacent, partim stant erecti: ad nodos caulium & in ramulis bina folia opposita reperiuntur, in ambitu subtiliter serrata; ramulorum paulo minora iis quæ ad caules. In extremitate caulium & ramorum multi nascuntur *flosculi* subtilissimi, albi, tetrapetali, quos excipit triangularis *capsula*, in qua semen. Tota planta copiosè lactescit, quod lac commendatur à Lusitanis ad oculorum rubedinem & dolorem auferendum.

Tithymali non acris species esse videtur.

38. *Apios* J. B. vera Ger. *Apios* seu *Tithymalus tuberosus* Park. *Tithymalus tuberosa* pyriformi radice C. B.

f. B.

Facilis à *radice* est Apii cognitio, quæ quia oblonga, turgida, inque Pyri modum turbinata, plantæ nomen fecit, quam Napi radici rectè comparaveris. Hujus è capite ramuli aliquot exeunt palmo breviores, *foliis* satis frequentibus amicti *Efulæ* rotundæ seu Pepli, at minoribus, ex angusto principio sensim dilatatis, perque extremum rotundis.

Adfer-



Adfertur ex Creta, sed & Apuliæ peculiarem esse monet Imperatus. Apios à radice pyriformi *Locus*. Græcis dicitur.

\* 39. *Peplis montana folio Nummulariæ C. B. altera Ang.*

\* 40. *Apios radice oblonga Ger. emac. Apios sive Ischas altera J. B. Tithymalus tuberosa oblonga radice C. B. Apios sive Tithymalus tuberosus oblonga radice Park.*

*Clus.*

*Radice* constat tuberolâ, non in Pyri formam turbinatâ instar prioris, sed æquali propemodum ubique crassitudine, unciam, interdum etiam binas uncias, longâ, cujus extrema pars in quatuor alias radices five crassas fibras sensim gracilescentes definit, & paucis fibris prædita est, colore foris fusca, intus candida, lacteo succo turgens ut Tithymali. Ex summo ejus capite exeunt quini aut seni *ramuli*, in terram procumbentes, palmares aut ampliores, secundum radicem nonnihil purpurascens, *foliis* viridibus non magnis, sed prioris foliorum instar, & incondito ordine eas ambientibus præditi; illi deinde in minores & graciliores dividuntur; bina folia paullò rotundiora & contrario situ nascuntur sustinentes; in quorum medio exoritur *flos*, ex flavo rubescens; cui succedit *capitulum* trigonum, rugosum & tuberculis oblitum, in quo *semen*.

Semine peregrè accepto Jacobo Plateau nata est.

41. *Tithymalus lunato flore Columnæ Park. sylvaticus lunato flore C. B.*

*Col.*

Hujus *radix* exigua respectu plantæ, foris nigra, plures edit *caules*, pedales ab imo rubentes & læves, à medio (ubi plura simul folia in rotæ ferè speciem hærentia) ad summum usque virescentes, & hirsutos, *foliis* brevibus, rotundioribus, alternatim dispositis vestitos, [circa imum foliis denudantur Characiæ ritu.] E summis foliis alæ aliquot exeunt, cava *folia* rotunda in cacumine gerentes, ex quibus bina alia, petiolis junceis infidentia exeunt, cava pelvicularum modo; in quibus *flores* ex herbaceo lutei, quatuor foliolis constructi Lunæ effigiem exprimentibus nuper crescentis, corniculis extrorsum conversis, gibbis intro spectantibus & sibi invicem admotis, *staminibus* intus quatuor luteis, ex quorum umbilico exit *stylus* in summo fructum sustinens deorsum nutantem, trigonum, apicibus aliquot in summo villosum. *Folia* mollia, hirsuta, cinerea ex viridi, latitudine ferè unciali, & longitudine quadruplo majora, reliqua verò minora eadem proportionem. *Comæ* basis quinquefoliata est, quinque etiam petiolis cacumen divisum, in quo flores & fructus comam effigiant ut in aliis.

In valle supra D. Mariæ sanitatis Neapoli reperit Columna copiosam, Martio mense florentem, *Locus*. inque Asprensibus Sabinorum vallibus. Loca diligit parum umbrosa, edita, atque humentia.

Accedere videtur hæc planta ad Tithymalum Characiam nostratam vulgarem. At verò florum petala lunulata non sunt huic speciei propria, sed aliarum nonnullarum communia.

42. *Tithymalus verrucosus J. B. verrucosus Dalechampii Park. myrsinites fructu Verrucæ simili C. B.*

*J. B.*

Plures hujus *radices*, tenues, in unam tandem coeunt, minimi digiti crassitudine, ac etiam majore, lignosam, cubitalem ferè, cortice externè nigro, internè albo, lacte viscido prægnante: virgæ multæ, lentæ & fractu contumaces, tenues, subrubentes, pedales ac etiam cubitales, alternatim adnata *folia* sustinent, deorsum ferè secundum caulem reflexa, uncia longiora, semunciam ferè lata, tenui lanugine obtecta, magis tamen infrà quàm suprà, quò fit ut inferior quoque pars magis quàm superna albicet; inferiora folia interdum rubent, necnon etiam superiora. *Flores* in umbella flavescunt, foliolis peltatis, ut Umbilici Veneris primulum à satù è terra prorumpentis: quibus succedunt capitula rotunda, crispo ceu arenularum minutissimarum congestu, aut verrucarum instar asperata, quæ matura ubi se aperiunt in tres partes dividuntur, in quibus terna *semina*, colore & figurâ ferè similia Gallitricho medullam habentia albam, oleaginofam valde.

In aridis & sabulosis gignitur propè Lugdunum ad Rhodani fluentia *J. B.* Nos circa pagum *Tbu-* *Locus*. *iri* duabus à Geneva leucis invenimus, & in Germania aliquoties.

43. *Peplios altera species C. B. Tithymalus Epithymi fructu Col.*

*Col.*

Saxorum rimas, montium & vallium incolit hæc planta, perenni fruticans *radice*, pluribus tenuibus *ramulis*, pedalibus, in imo lignosis, rubentibus amplam comam efformans. *Folia* alternatim exigua, Lino æmula, in imo minora hærent, & circa summum semper majora latioraque, ut propè capitula sint ferè rotunda, Helioscopii modo, sed minora. Comam profert ex basi quinquefoliata, Tithymalorum ritu, & *flores* non ex pelvicularum cavis, sed ex binis oppositis foliolis distinctis brevi petiolo producuntur, quinis rufescentibus foliolis compositi, ex quibus longo petiolo *fructus* eriguntur, criniti, orbiculati, Ciceris vegetioris magnitudine aut magis crassi, hirsutæ obdueti, pilulis Cynorrhodi, aut potiùs Cuscutæ pares: quibus ob ficcitatem hiantibus terna *semina* inveniuntur, cellulis distincta ut in congeneribus. *Ramuli* à medio ad summum virescunt tenerioresque sunt, & *folia* mollia ex cinereo virentia. Tota planta acri lacte turget.

Maior mense floret, & æstate perficitur.

Tithymali verrucosi species est, à præcedente tamen, ut mihi videtur, distincta.

In floris descriptione vel Autoris vel Typographi errore pro quaternis foliis quinis positum est.

*Tempus.*

44. *Tithymalus*



44. *Tithymalus folio longo glauco, caule rubro, capsulis verrucosis, elatior, Siculus.*

Elatior & major est multò Tithymalo verrucoso vulgari, foliis longis, dimidiam plus unciam latis, in mucronem acutum sensim definentibus, in caule crebris, alternatim positis, colore glauco. *Caules* cubitales & altiores, teretes, rubentes minores seu graciliores multò quam Tithym. Characiæ Monspeliensis, foliis minùs crebris obfiti, nec ut in illo abscedentibus & vestigia sui relinquentibus. Propè summum caulem ramuli aliquot è foliorum sinubus exeunt, in quibus ut & fastigio caulis florum coma qualis in aliis sui generis. Flores eorùmq; pediculos & acetabula describere negleximus; in sicca autem non possunt discerni. Fructus verrucosus est.

Locus.

Propè Messanam invenimus.

## CAP. VI.

## De Euphorbio.

**E**uphorbium unde dictum sit nos docet Plinius lib. 25. cap. 7. *Invenit* (inquit) *Rex Juba quam appellavit Euphorbiam medici sui nomino & fratris Musæ, à quo Divus Augustus conservatus fuit.* Lege, monente Jo. Bodæo, frater is fuit Musæ.

\* 3. xxi. 70. vus. 8.

Dioscorides Euphorbium Libycam arborem esse scribit Ferulæ specie; Plinius foliis Acanthinis spectari ait: \* Galenus spinosam arborem dixit; quod (inquit Stapelius) experientia comprobatur. Verùm quam pro Euphorbio proponit Dodonæus herba potius esse videtur quam arbor.

Bodæus à Stapel Dodonæum tenellam plantam describere ait Euphorbii nomine, Lobelium adultam Cerei spinosi titulo, vidisse se tenellam bis in Horto medico Lugduno-Batavo; adultam semel ibidem.

At neque Euphorbium *Dod.* neque *Cereus spinosus Lob.* five diversæ sint plantæ, five una & eadem, vera & genuina Euphorbiæ plantæ sunt: Ea enim est quam describunt Horti Malabarici Auctores sub titulo *Schadida-calli*. Quæ quoniam notis præcipuis succo lacteo acri, & vasculo seminali tricocco cum Tithymalo convenit ei merito subjungitur; quamvis flore, si rectè describatur, pentapetalo ab eodem differat.

Ut olim, ita nunc dierum Euphorbium è mediterraneis Africæ à mari remotissimis delatum est.

Falsum est quod de fructu refert Leo Africanus, & Jul. Scaliger, exire eos è radice cucumerum specie, sed oblongos adeò, ut binos interdum pedes expleant, viginti aut viginti quinque numero, qui ubi maturuerint ferro punctim aperiuntur.

1. *Euphorbium vulgè sed falsò creditum. Euphorbium Ger. Park. C. B. Euphorbii tenella planta Bod. à Stapel.*

Bod.

Huic *folia* longa, crassa, virentia sunt, in rotunda ac tereti nonnihil plana figura angulosa: cucumerem referrent si non anguli & eminentiores partes albicantibus spinis plurimis duplici ferè ordine obsiderentur. Effluit ex his vulneratis liquor vehementer acris & mordax, facile concre-scens. *Folia* exsiccata ex cinericeo albicant.

Vires.

Euphorbium est succus concretus acerrimus, non tamen plantæ descriptæ sed paulò inferius describendæ titulo *Schadida-calli*. Genera Euphorbii duo sunt. 1. Sarcocollæ modo pellucidum, flavum, Pisi magnitudine, in guttas æquales densatum, modicè cavernosum. 2. In utriculis quibus excipitur in massam densatur candicantem, aut vitri colore. *Schrod. è Dioscor.* Dof. à. gr. ij. ad x.

Eligendum est purum, translucidum, candidum aut flavum & acre, quod levi linguæ contactu os accensum diu detinet, Annotinum, nimirum per ætatem perfectionem suscipere creditur, acrimoniâ cum tempore mitiore redditâ. Recens improbandum, ceu virium violentiâ suspectum.

Insignem quidem vim obtinet serum ac aquas ex toto corpore purgandi. Verum enimverò non sine violentia ac molestia, quam præter substantiæ proprietatem malignam, vi inflammandi exferit. *Schrod.*

Monet C. Hofmannus non tutum esse Euphorbii usum interiorem ne in visceribus refrigeratis. Monet autem, 1. Nè detur ulli calido & sicco, præsertim in morbo tali. 2. Nè tenuerit pulverisetur; contra enim quàm in Colocynthide faciendum esse.

Euphorbii usum egregium in carie ossium & vulneribus vide apud *Fabric. Hildanum & Wisemanum* nostrum. Sed cavendum est nè inspergatur ulceribus faucium, narium, palati ac linguæ, aut iis locis ubi tendines aut nervi patent & denudantur, ne mordicando & vellicando symptomata periculosa excitet. *D. Tancr. Robinson.*

2. *Cereus Peruanus spinosus fructu rubro, nucus magnitudine C. B. Cereus spinosus Ger. Cereus spinosus Americanus Park. Euphorbii adulta planta five Cerei effigie Lobelii Bod. à Stapel.*

Lob.

Hæstas surrigit quaternas & quinas, novendecim & viginti cubitorum, virgatis & ad normam directis striis canulatis: in externis extantibus striarum angulis obrufis exseruntur stellulæ, corneis stilibus radiatim è suo centro quoquoersum minacibus, uno duntaxat prominulo horsum, eque directo longius tota quandam effigiatam Echino-melocacti præfert & concolorem superficiem, sed brachium æquabili ductu æquante; Columellæ aut Cerei funalis prælongi instar. Ejus è medio & striarum



arum dorsis, anfatim, angustiore cervice, cucumeris ventre, surriguntur brachia terna, quasi folia teretia, crassa, eundem commensum proportionis & figuram sortita. Intus torulus ligneus prædurus, carpi crassitie, obductus est callosâ carne & succo Aloes: gummeo enim turget perquam amaro lentore. Flores in fastigio summo promit, referente qui attulit, Digitalis purpureæ. Fructus hilari purpura miniata rubet, Ficûs ferè effigie, gustu non insipido.

Bodæus ut diximus, hanc plantam à precedente non aliter differre scribit quàm ut juvenem ab adulta.

### 3. Euphorbium verum Antiquorum, Schadida-Calli Hort. Malab.

Frutex est altitudine duorum hominum, nascens in arenosis, radice crassâ, rectâ in terram descendente, fibras hinc inde emittente, intus lignosâ, cortice exterius fusco, intus cándido & lacteo tecta. Stipes qui ex radice simplex exoritur, diversis nodis distinctus, ac inter nodos in tres oras angustas eminentes, quæ planis lateribus terminantur extenuatus; in oris angulis extuberat, inter angulos sinuatus, & in angulis spinis rigidis, acutis & rectis fuscis & nitentibus, quæ binæ & binæ, ac cuspidibus à se mutuo averfis prodeunt, munitus, cortice crasso, exterius viridi-fusco, etiam cum est vetustior, vestitus: intus sub cortice pulpâ humidâ & albicante; nullo ligno; ex qua, ut & è suo cortice inciso lac copiosum emanat. Folia in oris in extuberantibus angulis, supra ex spinis surrecta prodeunt, & quidem rara in singulis angulis unum numero in uno parvo, crasso plano, viridi ac lacteo pediculo, suntque minuta, rotunda, crassa, lactea, nullis striata venis, oris versùs spinas nonnihil inflexa. Flores in oris prodeunt maximè ex sinubus cavis inter angulos extuberantes seu spinarum ordines intermediis ex parte eorum profundiori, terni simul in uno pediculo parvo, ferè semidigitali rotundo, viridi, lacteo, crasso, ex sinubus rectâ exsurgente, qui duos minores pedunculos laterales transversim versùs oppositas partes emittit; èstque medius flos pedunculo communi insidens, reliqui duo pedunculis lateralibus: constant autem foliis quinque curtis, crassis, solidis, rigidis, planis in superiore parte, medio corculo rotundo-plano, piloso, exterius ex viridi flavo circumpositis; suntque etiam lactei & viridi-diluti seu ex viridi subflavi coloris odoris nullius; habentque in medio stamina quatuor, quinque aut sex, surrecta, bifurcata, supernè rubra, quæ ex corculo inordinatè prodeunt, suntque etiam lactei. Floribus prodeuntibus folia decidunt. Fructus qui ex florum corculo medio pedunculo surrecto, crassio, semidigitali, rotundo & viridi prodeunt, sunt plani, ac tribus eminentibus rotundiolis ungulis constantes, lactei ac colore viridi, dein ex parte parum rubescentes, saporis quoque adstringentis, continentque in unoquoque angulo, tanquam propriâ capsulâ semen, quod rotundum est ac cinereum, intus albicans.

Tota planta lactiflua est lacte acri & linguam adurente: semel in anno floret, Januario aut Feb. Tempus.

Jo. Commelinus qui in Horti Malabarici Partem secundam commentatus est, hanc plantam verum esse Euphorbium se exinde scire scribit, quòd sibi frustum hujus cum gummi ex Barbaria fuerit allatum, & deinde invenerit complures capsulas seminales, flores & frusta plantæ in succis coriaceis inter Euphorbium.

Videtur autem Malabaribus modus colligendi gummi esse incognitus, & lacteus succus Medicis tantum esse in usu.

Non est ergo cur C. Hofmannus fabulosum putet, quòd Cordus 4. Hist. 108. tribuat huic plantæ fructum in trifido folliculo, ternis utriculis conjunctum, Lathyridi similem.

### 4. Esula Indica Bontii.

Bont.

Præcedenti plantæ affinis & similis esse videtur. In tantam (inquit) altitudinem assurgit ut ingentes arbores scandat, crassitudine sæpe brachiali & amplius: plena est spinosis extuberantiis, quæ tamen utpote molles puncturas non inferunt, foliolis hinc inde excrecentibus quæ admodum similia sunt foliis Sedi majoris vulgaris. Caule est trigono, quo vulnerato succus lacteus qualis ex Esula desultim exit; ut nisi tibi caveas facilè vestem, & quod pejus est, faciem & oculos commaculet, quibus propter vim causticam admodum inimicus est.

Ex hoc succo conficimus extractum utile ad Cachexiam, hydropem, paralyfin & reliquos stupidos & frigidos affectus, qui levi pharmaco non moventur.

Ab hac planta neq; formâ, neque figurâ, neque crescendi modo differt ea, quæ lachrymam istam flavam à se emittit, quæ Officinis nostris Gutta Gemou corruptè dicitur, Indis Lonan Cambodia vocatur; quòd in Cambodia vicinâ Chinæ regno Provincia proveniat, ubi etiam copia Aloes hepatica exprimitur. Succus hic præparatus longè tutius quàm crudus sumitur; nam eo modo vomitivam suam & infestam ventriculo facultatem maxima ex parte deponit. Modus autem præparandi talis est. R. Gutt. Cambodiæ lbj. contundatur grosso modo: contusa inf. in vitrea phiala capaci, in aceto acerrimo destillato, ut materiam superet tres digitos circiter, expone dein Solaribus radiis qui propter fervorem nobis in multis ignis Chymici usum præstant: post octo aut decem dies rursus arctissimè coletur, & rursus f. a. inspissetur in extracti debitam consistentiam. Hujus extracti gr. 12. ad 20. exhibentur in forma catapotiorum solida, vel vino diluta, & sic materiam peccantem educunt copiosè & sine molestia per alvum solummodo: Hoc extractum ego longè prætulim Scammonio in his calidis & humidis regionibus.

De viribus Schadida-calli apud Horti Malab. Auctores hæc habes.

Ex radice addito paxillo Assæ foetida vulgò Emplastrum, præparatur, quod ventri puerorum pro lumbricis commodè superimponitur. Cortex radicis contritus & sumptus cum aqua purgativus est. Lignum ejus contritum & decoctum cum aqua juvat in doloribus podagræ, si ejus fumus seu vapor excipiat in parte affecta.

CAP.



## CAP. VII.

## De Ruta.

**R**uta, Πήγανον, haud dubie Græcæ originis est, siquidem Πύνη apud Athenæum legitur, & Nicandri Theriacorum interpres & Iolas Græcorum scriptor antiquissimus & cujus nomen vel olim tantum audiebatur, in Peloponnesiacis suis, scribunt, quam tota Græcia Πήγανον vocant in Peloponneso Πύνη appellari: & Hesychius Πύνη τὸ σέμψυλον, καὶ Πήγανον λεῖκον interpretatur. Varro denique l. 4. de L.L. Quæ in hortis nascuntur alia peregrinis vocabulis, ut Græcis, Ocimum, Menta, Ruta, quam nunc Πήγανον appellant, &c.

Est autem Πύνη ῥόδον serva, quia (ut Dioscorides docet) valetudinem conservat. Voss. Etymolog. Πάσι δὲ καὶ τὸ Πήγανον ἀπὸ τῆς συνήθους ἀνομάσαι Πήγανον γὰρ ἐνεῖπεν διὰ δεξιότητά το σπέρμα, καὶ ὅλος πο-  
λλὸν ἐστὶ τῆς κρύουσι. Aitunt facultate sua Πήγανον dictum, quod siccitate sua & calore condenset & co-  
agulet semen. Hinc uterum gerentibus inimicum est. Plutarch.

Rutæ characteristicae sunt, Vasculum seminale in quaterna loculamenta partitum, quæ superiore parte aliquousq; disjuncta sunt & in angulos elata; folia in plures lobos seu segmenta divisa, gla-  
bra, glauca, odore vehementi.

1. Ruta sativa vel hortensis J. B. hortensis latifolia C. B. hortensis major Park. hortensis Ger.  
Garden Rue.

## Cord.

Frutex est [potius Suffrutex] caudice cubitali aut bicubitali, crassitudine digitali, colore cinereo, in multos ramos divisus: Ex his veris initio multos emittit longos, teretes, egregie virides & flexi-  
les surculos; in quorum summitate Veris exitu & Æstate in æquali ordine flores sunt, Leucoio simi-  
les, minores tamen, quatuor & interdum quinque, luteis & Cochlearis modo concavis foliis con-  
stantes, sursum spectante eorum concavitate: in medio flore quadripartitum & nonnunquam quin-  
quepartitum est capitulum, colore viride, exiguum quandam apicem habens: Stamina ab ima ejus  
parte exeunt lutea, octo aut decem, in latitudinem resupinata: ex his medius numerus supra fo-  
liorum concavitatem extenditur; reliqua autem quatuor foliorum spatiis interposita sunt. Semen  
in mediis capitulis fert parvum, in rotundo modice oblongum, colore nigrum. Folia omnibus ra-  
mulis adnascuntur, in longis pediculis incerto ordine disposita, parva, in plures & inæquales partes  
secta, virentia, [potius subcoerulea] mollia & pingua; ex his maxima pars semunciam longitudine  
non excedit, latitudine paulò minore. Radice nititur ex uno principio multifida, numerosa, capil-  
lamenti fibrata, colore flavâ. Viret tota hyeme, non flaccelcentibus foliis, antequam novo Vere  
alia enascantur, quo tempore etiam surculi qui semen protulerunt in summitate exarescunt. Coma  
ejus acrem, aromaticum, interimque gravem spirat odorem; eadem sapore amaro, fervido & tenui  
palatum excalescit, maximè viridia adhuc florum capitula.

2. Ruta hortensis altera C. B. hortensis minor Park.

Parkinsoni sententiâ à sylvestri majore mox describenda non differt specie, sed culturâ tantum.  
Virgis humilioribus minoribusque assurgit quàm præcedens: foliis est minoribus & obscurius viren-  
tibus. Rariùs apud nos floret, odore est minùs gravi, & sapore non adeò amaro. Ita eam descri-  
bit Parkinsonus; paulò aliter Cordus, Rutæ latifoliæ per omnia respondet, præterquam quòd multo  
minoribus constet omnibus partibus: folia siquidem Fumariæ modo in exiles partes divisa habet;  
non tamen in tantam latitudinem diffunditur. Semen habet oblongum, nigrumque, gustu vehemen-  
ter acre. Parkinsono descripta non alia esse videtur quàm Ruta sylvestris major in hortos translata  
& culta. Si detur Rutæ species inter vulgarem sativam & sylvestrem majorem media, tum folio-  
rum tum capitulorum respectu, nobis certè incognita est.

3. Ruta sylvestris major J. B. C. B. Park. montana Ger. Wild Rue.

Hæc hortensem majorem omnibus partibus refert verum minor & humilior est multo; folia quo-  
que in angustiora longioraque segmenta divisa habet, colore obscurius viridi, nec adeò casto; odore  
est graviore magisque viroso, sapore quoque acriore. Flores excipientia capitula multò sunt quàm in  
sylvestri altera majora, nec ut illius quadrangulo ut vult J. Bauhinus, cui contrariatur Parkinsonus &  
ipsa etiam experientia, nam & hujus capitula quadrangula sunt quamvis minùs manifestè quàm  
illius.

## Locum.

In collibus petrosis circa Monspelium & Nemaufum provenit. Observavimus etiam in Hetruria  
non longè ab oppido Massa.

De Ruta minore sylvestri Park. & Dod. non habeo quid dicam: consulat Lector Dodonæum.

4. Ruta sylvestris minor C. B. J. B. sylv. minima Ger. Peganium Narbonensium Lob. Ruta  
montana Park.

## Clus.

Herba est multis foliis per terram stratis, multifidis, tenuissimèque divisis, ex pallida viriditate  
candicantibus, gravissimi acerrimique odoris: ab radice, quæ longa est, candida, lignosa, & minimi  
interdum digiti crassitudine, binos aut ternos aliquando fert caules, in ternos aut quaternos ramulos  
sefe



seſe ſuperiore parte dividentes, qui florem ſuſtinent hortenſi ſimilem, minorem tamen, & ex luteo pallescentem, deinde *capita* quadrangula, multò quàm præcedentis minora, in quibus *ſemen* continetur exile, nigrum, acre. Frigoris valdè impatiens eſt.

In agris ſterilioribus non circa Monſpelium tantum, ſed per totam Narbonenſem Galliam invenitur. Siccis petroſiſque & Sole aduſtis locis (inquit Cluſius) ſponte naſcitur, tum in Hiſpaniis, &c. Floret Junio & Julio: Semen Auguſto maturum eſt. Locus & Tempus,

Tota planta graviſſimi odoris eſt, tantæque acrimoniæ ut per triplices chirothecas ad legentis manus penetrare non ſemel expertus ſum: & ſiquis quàm eam decerpiſſet manu faciem demulceat, ilico vehementem inflammationem excitat, quemadmodum rectiſſimè ſcripſit Dioſcorides. *Cluſ.* Vires & Uſus.

Ruta (inquit J. Bauhinus) ut experientia teſtis eſt, ſerculis abdicatur, nec culinæ ſervit, propter injucundum quem habet odorem, & ſaporem quem obtinet ferventem, quo homines graviter afficit. Quia tamen omni veneno reſiſtit, ideo peculiaris fit pauperum Theriaca. Eſt enim tantarum virium, ut eas neminem ſatis deſcribere poſſe arbitratur Tragus.

Ruta omnis digerit & incidit viſcidos & craſſos humores, flatuſ diſcutit, à peſte aliſque affectibus malignis præſervat, viſum acuit, ſomnia venerea arcet & laſciviam reſiſtit, pleuritidi medetur, imbecillitatem ventriculi corrigit, colicam diſcutit, morſum canis rabidi curat, menſes & urinam movet.

Extrinſecus ejus uſus eſt in iſtibus ſerpentum, carbunculis, febrium paroxyſmibus arcendis (inunct. dorſ.) cephalalgia ex crapula, hemicrania, in febribus malignis (pro epithemate pulſum cum ſale & aceto) in dolore capitis, febrium ardentium ac malignorum, (ſimiliter pedum plantis adhibita.)

Ob tria autem præcipuè celebratur Ruta, 1. Ob caſtitem præſervandam, & libidinem reprimendam, ſecundum illud Scholæ Salernitanæ, *Ruta facit caſtum*. Cur autem *Ruta viris coitum minueret mulieribus auget*, ratio eſt quòd viri calido ſunt temperamento, mulieres frigido. Interim tamen an revera res ita ſeſe habeat meritò ambigitur.

2. Ob viſum acuendum: quod & Schola Salernitana docet,

*Nobilis eſt Ruta quia lumina reddit acuta:  
Auxilio Rutæ vir lippe videbit acutè.*

Et alibi,

*Feniculum, Verbena, Roſa, Chelidonia, Ruta,  
Ex his fiet aqua quæ lumina reddit acuta.*

3. Ad peſtem aliòſque morbos malignos & contagioſos præſervandos & curandos. Vel vino indita, juxta illud ejuſdem Scholæ Salern.

*Salvia cum Ruta faciunt tibi pocula tuta.*

Vel alio quovis modo uſurpata.

Rutæ præparationes quaſdam è J. Bauhini hiſtoria proponemus.

1. Ruta conſerva hoc modo fit. R. Comarum Rutæ recentis & foliorum ʒj. Sacchari albiſſimi ʒiij. Comæ cum foliis in mortario lapideo tundantur cum piſtillo ligneo. Deinde iis optimè tuſis Saccharum in pulverem tritum adjicitur, Ruſus omnia ſimul tantisper tunduntur, donec in unum corpus redigantur, & deinde pyxide vitrea inſolentur per menſem.

De hoc ſume jejunis contra peſtem ʒß.

2. Acetum ita conficies, R. comas cum foliis; Pone ſuper linteum 24 horas, ut aliquo modo flacceſcant: poſtmodum conſcinde, phialam imple, ſuperaffunde Vini acetum optimum, obtura & inſola; Poſt duos menſes cola & ſerva ad uſum.

3. Ut Oleum conficias, R. Rutæ recentis incifa & contuſa ʒiij. Olei veteris lib. i. Macera ad Solem aut in loco aliquo calido diebus quindecim, deinde in duplici vaſe coquito, & abjecta Ruta priori recentem injicito, & iterum quindecim diebus macerato, poſtea ſimili modo coquito, & tertio demum idem repete, & colato.

Si vel Oleum Rutæ, vel defectu illius expreſſum ex recenti Ruta ſuccum capias, & inſtilles aliquot guttulas in aquam Graminis, Rutæ, Scordii, &c. & pueris propinaveris, ſeruntur certo experimento lumbrici ad unum omnes emori. *Sim. Paullus.*

Ad Epilepſiam, R. ſucci Rutæ ʒj. Mel. Scyllit. ʒß. M. Eſt præſens remedium Epilepticis. *Valeriolæ.*

Sylvius Prax. L. i. C. 46. S. 80. inter medicamenta antepileptica, quæ ibi ordine recenset, primum locum tribuit Rutæ tam hortenſi quàm ſylveſtri, quarum utraque Sale volatili acri & mordicante, adeoque convenienti ſpiritus acidi correctorio turget. *D. Soame.*

Dolæus etiam L. 2. C. i. S. 19. conſulit ut in Epilepſia Ruta digitis teratur & naſo indatur quomodo applicandum Polium montanum; aliæque ſalia volatilia naribus admoveantur, quæ inſerviunt abbreviando paroxyſmo. *Idem.*

Et Fabric. Hildanus Obſerv. Centur. IV. Succum Rutæ in Epilepſia ſibi in frequenti uſu fuiſſe ſcribit, ejusque efficaciam & ſucceſſum ſe non raro inveniriſſe.

D. Bowle Syrupam è ſucco Rutæ paratum in omnibus capitis & nervorum affectibus ſummopere commendat in Obſervationibus ad nos tranſmiſſis.

In menſium difficultate Anton. Mizaldus Rutam cum vino Hyſſopi coctam & hauſtam commendat. *D. Soame* è Dolæi L. i. C. 14. S. 14.

Ad matricis ſuffocationem, R. Fol. Rutæ minutim incifa cum albo & luteo ovi agitentur & coquantur in ſartagine in formam *Aumelette*, & calidè ſupra umbilicum applicentur. Experimentum erat cujuſdam qui etiam ovorum teſtas imponebat.

Calculo.



Calculo arenulisque pellendis efficacissimam deprehendi dec. Rutæ Sylvestris quam lapideam vulgo vocant. Achilles Gasserus Obl. 70. D. Soame.

- \* 5. *Ruta sylvestris flore magno albo* C. B. *Harmala* Ger. *Ruta quæ dici solet Harmala* J. B. *Ruta sylvestris Syriaca, sive Harmala* Park.

Fruticosa hæc est planta, multos ab una radice emittens cauliculos, pluribus ramis donatos, pedales, ex viridi nigricantes: in quibus folia oblonga, densa five pingua & carnosæ, saturè virentia, multifida, Anthoræ foliis non valdè dissimilia, gustu lento, gummoso, amaro, aliquantulum tamen mordaci: flores in summis ramis candidi, pentapetali, multis in mediò fibris luteis præditi, deinde capitula hortensis Rutæ capitibus majora, molliora tamen quàm illa & triangula, semine referta inæquali, anguloso, ex rufo nigrescenti. Radix dura est, minimi interdum digiti crassitudinem æquans, fibrosa, colore ex luteo pallescente. Tota autem planta graveolentis atque ingrati odoris est.

\* Observ.  
lib. 2. cap. 21.  
Locus &  
Tempus.

\* Bellonius ait arenosis circa Alexandriam Ægypti locis nasci. Plurimam in Castella nova circa Madritium & Guadalaiara collibus & salato solo provenire prodidit Clusius: florere Julio & Augusto, semen Septembri maturescere. In frigidioribus regionibus vix aut rarè admodum ad florem pervenit; est enim frigoris valdè impatiens. Ruta aliquibus in locis excrescit in magnitudinem & proceritatem arboris æmulam. Ipsi etenim vidimus baculum satis grande è stipite Rutæ factum. Et Josephus Rutæ cujusdam Machæruni in ipsa Regia plantatæ meminit quæ à nulla Ficu vel cellitudine, vel magnitudine vincebatur.

## C A P. VIII.

### De Plantagine.

**P**lantago à latitudine foliorum plantam pedis æmulantium dicta existimatur. Ἀρνόγλωσσον à linguæ agnitiæ similitudine.

Hujus notæ genericæ sunt flores staminosi in spicas congesti; flosculorum tubi in vascula feminalia elliptica (quæ per maturitatem horizontali sectione in mediò diffiliunt) intumescences; femina intus bina puliciformia.

Hujus generis aliæ caulibus sunt nudis foliis vel latioribus & nervis insignibus *Plantagines* simpliciter dictæ, vel angustis, & in quibusdam speciebus dentatis aut laciniatis, *Coronopi* & *Holosteï* nominibus notæ: Aliæ caulibus sunt foliosis, foliis angustis, binis oppositis, florum spicis è foliorum alis egressis, ut *Psyllia*.

#### §. 1. *Plantago simpliciter dicta.*

- A. 1. *Plantago latifolia vulgaris* Park. *latifolia sinuata* C. B. *latifolia* Ger. *major folio glabro non laciniato ut plurimum* J. B. *Great Plantain* or *Way-bread*.

Radix ei digitali crassitudine, obliquè acta, brevis & velut abscissa, plurimas fibras albentes in terram demittit. Folia lata, ad margines interdum propè pediculos nonnihil laciniata aut velut dentata, aliàs æqualia, brevi lanugine hirsuta, quæ in teneris & primò erumpentibus admodum conspicua in explicatis & vetustioribus vix apparet, adeò ut omninò glabra videantur, septem nervis averfa præcipuè parte conspicuis distincta, pediculis longis nixa, quo ab Arnoglossò differt. Caules ab eadem radice multi, teretes, hirsuti, breviores quàm illius, ad terram reflexi, verum spica florum multò longiores sunt, stamina breviora cum apicibus purpureis. Semina singulis flosculis succedunt bina.

Locus.

Ad vias ubique.

2. *Plantago latifolia minor* Ger. Tab. J. B. *latifolia glabra minor* C. B.

In omnibus excepta magnitudine præcedenti similis esse dicitur. Fortè strigosior in sterilibus nata planta Tabernamontano visâ & descripta est.

- Plantago rosea* J. B. *rosea spicata* Ger. *latifolia rosea multifloris* Park. *latifolia rosea, flore expanso* C. B. *ejusdemq. latif. rosea, floribus quasi in spica dispositis.* *Rose Plantain.*

J. B.

Plurquam pollicari radice perennat, folia per terram spargens Plantaginis latifoliæ, pilosa & nervosa: inter quæ caules surrigit satis crassos, hirsutos, in quorum fastigio folia crebra, inferioribus dimidio minora, interiore orbita Allines, admodum parva, virescentia, rosam deformant. Hæ foliorum congeries aliquando in spicas longas pyramidales excurrunt. E foliorum sinibus enascuntur flosculi & semina.

Plantago



*Plantago incana latifolia* Gareti Clus. *rosea exotica* Ger. emac. *rosea flore expanso* J. B. *latifolia incana spicis variis* C. B.

Folia huic præcedentis, magis tamen incana, uti est & tota planta. Capita mirum in modum variant: nam quædam Roseæ Plantaginis capita æmulantur, alia spicæ instar sunt efformata, nonnulla ex media rosa brevem veluti spicam producant, in quibusdam ex infima spicæ parte alia capitula dependent: alia aliter sunt efformata.

Videtur esse *Plantago incana* seu *Arnoglossus rosea*: & variè ludere in spicæ forma.

- \* 3. *Plantago maxima Hispanica*, quam Hispani caulescentem vocant Cornuti. *Plantago maxima tota glabra* C. B. *latifolia maxima* Park. *Plantago marina magna* J. B. *Great Spanish Plantain*.

C. B. prod.

Ex radice nigricante, fibrosa folia sex, septem, octo, glabra, carnosæ, & nervosæ, uncias sex longa, quatuor lata, pediculis panè palmaribus, initio rubentibus donata, prodeunt: inter quæ pediculi nudi, tres, quatuor, quinque, bicubitales, atrorubentes, rotundi, striati, spicam pedalem sustinentes exurgunt.

Circa Monspelium reperitur, in maritimis versus *Perauls*. D. Magnol.

Non video qua in re, præterquam magnitudine & caulium altitudine, à *Plantagine* majore latifolia differat.

Reperitur quoque foliis tenuibus, laciniatis, glabris, pedilibus, uncias sex latis; caule etiam superante, & ad spicæ exortum folia habente.

Cornutus pedalem foliis longitudinem assignat, latitudinem semipedalem, pediculum palmarem, colorem ex viridi obscure rubescentem.

Floret, inquit, apud nos sub exitum Septembris.

Locus.

Tempus.

- A. 4. *Plantago major Paniculæ sparsæ* J. B. *latifolia spicæ multiplici sparsæ* C. B. *latifolia spiralis*, Park. *Plant. paniculis sparsis* Ger. emac. *Befome Plantain*.

Sola differentia [inter hanc & latifoliam vulgarem,] in paniculâ spicatim sparsâ, onustâ innumerâ herbaceorum flosculorum racematim coherentium fœturâ.

A Th. Johnsono Gerardi emaculatore in insula *Thanet*, & à Th. Willifello in eadem insula circa *Reculver* inventa est.

Locus.

- A. 5. *Plantago incana* Ger. *major incana* Park. *latifolia incana* C. B. *major hirsuta*, media à nonnullis cognominata J. B. *Hoary Plantain* or *Lambs-tongue*.

*Radix* crassa & velut præmorsa plurimis fibris è capite exeuntibus terram apprehendit. *Folia* resupina & terræ accumbentia, pediculis brevioribus quàm *Plantago major*, septem nervis insignioribus prædita, densa & incana lanugine utrinque hirsuta, per margines æqualia. *Caules* inter folia exeunt plures, pedales, teretes, hirsuti, nudi, minimè striati aut sulcati, in fastigio spicas sustinentes duos digitos longas, flosculis dense stipatis compositas, longâ & densâ coma staminum pallidè purpurascens cum apicibus albis insignes. *Vascula* seminalia parva, subrotunda, singula semina bina pŷyllis æmula sed minora continent. *Flosculi* summis vasculis infident, è quatuor foliolis acutis aridiŷculis & velut membranaceis compositi.

In glareosis & ad vias passim.

*Plantago Salmanticensis* villosa seu incana lanuginosa Clus. quid differat à descripta non video, nisi quòd maxima anni parte caule viduam & floris expertem esse scribat.

Locus.  
*Plantago Salmanticensis*  
Clus.

- \* 6. *Plantago exotica sinuosa* Park. *peregrina sinuosa* C. B. *umbilicata* J. B.

Lob. Park.

*Radix* ei *Plantaginis* vulgaris simillima, spithamam longa, creberrimè fibrata: è cujus nodulo sive basi, primo à satione anno, plantagineum, latum, unicum, admirabili naturæ opificio expansum folium prodiit, paulatim propagando in latum gyrum umbilicatum excrecens, & *Cochlidis* instar per circuitum ascendens, in spiras duas tantum, aut semiternas convolutum, ac veluti ex pluribus conjunctis in unum contiguisque *Plantaginis* majoris foliis conflatum, spithamæ altitudinis aut pedalis ferè, cujus summum folium *Plantaginis* latifoliæ servat figuram, sinuosam tamen & rugosiorè. Folio hoc hyeme marcescente vere proximo plura folia exorta sunt arctè stipata, ac si plura folia in unum conjuncta essent, singula formam *Plantagineam* gerentia, verum rotundiora & per margines sinuata & rugosa; è quorum medio caulis exortus est cubitalem altitudinem superans, summa parte capitula spicata, crassa, brevia, paululum compressa gestans, in quibus semina.

Semine à Casp. Pilleterio ad *Lobelium* Monspelio missò succrevit Londini in horto f. Nismit Scoti, Chirurgi & Archibotani Regii.

- \* A. 7. *Plantago quinquenervia* Ger. *quinquenervia major* Park. *lanceolata* J. B. *major angustifolia* C. B. *Ribwort* or *Ribwort Plantain*.

*Radix* huic qualis latifoliæ: *Folia* longa, angusta, acuta, nervis quinque insignioribus longitudinem percurrentibus, hirsuta, minùs tamen quàm *Arnoglossi* dicti, & obscurius viridia, obiter nonnunquam dentata, aliàs per margines æqualia. *Caules* pedales, nudi, striati & angulosi, ab eadem radice plures, semipedales & dodrantes, in cacumine spicas gestant breviores & habitiores quàm latifolia

F f f f



latifolia vulgaris, è *flosculis* pariter dense stipatis compositis. *Stamina* longa tenuia *apices* sustinent majores, è luteo albos. *Spica* ab imo summum versus sentim fleret, unde & pauciora una *stamina* apparent quàm in latifoliis; antequam fleret nigricat secus quàm in illis, in quibus virefcit. *Semina* *Pfyllii* majora & longiora quàm prædictis.

Locus.

In pascuis ubique invenitur.

*Plantago angustifolia minor* C. B. Park. *quinquenervia minor* Ger.

Parvitate sola omnium partium à præcedente differt. Qu. annon loco natali debeatur hæc diversitas.

*Plantago quinquenervia rosea* Ger. emac. *angustifolia rosea* & *multiformis* Park. *angustif. major* *caulium summitate foliosa* J. B. C. B. item *angustifolia prolifera* C. B.

Clus.

Multa ex radice promit *folia* Plant. *angustifolia* foliis non dissimilia: inter quæ emergunt nudi pediculi seu potius *cauliculi*, summo fastigio sustinentes *capita* multis longiusculis foliis (minoribus tamen & angustioribus quàm ea quæ ex radice nata) constantia: deinde interdum ex illis foliosis capitibus plures alii pediculi, quorum fastigio innascuntur spicarum loco alia foliacea capita: prodeunt tamen & alii ex radice pediculi foliacea duntaxat capita sustinentes.

Variant hujus capita Rosas imitantia foliorum componentium angustia & latitudine; alia enim foliolis longioribus & angustioribus rariùs sitis componuntur; alia latioribus & brevioribus densius stipatis, concinniores & pulchriores Rosam efformantibus. Videtis descriptionem J. Bauhini.

Nos Roseam quinquenerviam Gerardi & C. Bauhini, & angustifoliam exoticam Clusii pro una & eadem specie habemus: utramque autem pro Plantaginis angustifoliae varietate.

8. *Plantago quinquenervia cum globulis albis pilosis* J. B. *angustifolia paniculis Lagopi* C. B. Park.

J. B.

Ex radice oblonga, fibris oblongis capillata & rufescente numerosa per terram spargit *folia*, quinquenervia hirsuta, coeuntibus pediculis in caput radices, ita ut propter tomentum coitus vix appareat. *Cauliculi* plurimi, aliquando supra viginti, alii erecti, alii supini, nudi, leviter hirsuti, rotundi, altitudine impares, alii palmares & spithamæ, alii duas, tresve uncias non superantes *capitula* gestant tomento albo villosio iulos Salicis imitata [C. Bauhinus capitulis Lagopi ea comparat in quibus ad latera *flosculi* rufescentes, parvi, tenuissimis pedicellis infidentes conspiciuntur, quibus *semen* minutissimum succedit.]

Locus.

Circa Messaniam, Monspelium & Nemausum hanc observavimus.

\* 9. *Plantago angustifolia fruticans* C. B. Park. Clus. cur. post.

Park.

*Folia* huic quam Plantagini angustifoliae lanceolata albidiora; *caules* elatiores & lignosi, foliolis exiguis vestiti: *spica* admodum breves, & quàm illius molliores.

Locus.

Nascitur ad ripas fluminum in Hispania, Boel.

10. *Plantago trinervia folio angustissimo* C. B. Park. *angustifolia Alpina* J. B.

J. B.

Ex radice crassiuscula, longa, [albicante C. B.] parùm fibrata, circa caput crassescente, *folia* oriuntur ad lanceolatae Plantaginis *folia* accedentia, sed multò angustiora, & trientem circiter uncia lata, sesquipalmaria, quinquenervia [C. Bauhino trinervia] parùm hirsuta, nigricantia, solidiuscula. *Caules* plures exurgunt, ad radicem hirsuti, [aliquando villosi, glabri nonnunquam C. B.] foliis longitudine æquales *capitula* gerunt semuncialia, Plantagineis nigriora.

Locus.

Nos cum J. Bauhino hanc in monte Thuri invenimus. C. Bauhinus sæpius ad vias, maximè ad rudera, suam notavit.

*Plantago trinervia altera minima montana incana* Col. *trinervia montana* C. B. Park.

A nostra foliorum canitie præcipuè differt, in reliquis satis convenit, ut vix dubitem eandem esse. Lector si placet descriptiones invicem conferat.

11. *Plantaginella aurea Alopecuroides Brasiliæ foliis gramineis* Breynii.

Breyn.

*Radix* ei exigua, mille fibris niveis comata: *Foliola* multa, graminea & angusta Graminis Luzulae minoris J. B. sed omninò glabra, in orbem diffundens: ex quorum gremio *coliculi* quinquaginta vel plures profiliunt, tenuissimi, plantæ exilitatem globulis oblongiusculis lanuginosisque Plantaginis angustif. paniculis Lagopi minoribus uberrimè compensantes, singuli singulis coliculis triuncialibus vel brevioribus infidentes, compositi ex pilis lenissimis leucophæi coloris, inter quos *flosculi* flavi permixti, summâ amœnitate, veluti punctula aurea, emicant, quod jucundissimum huic plantulæ in Brasilia vigenti aspectum conciliat.

Vires.

\* 6. Simplic.

Plantago (ut habet \* Galenus) aquosum quiddam frigidum obtinet, & quiddam austeri, quod terreum est, & ficcum, ut refrigeret simul ac ficeat. Vulneraria est herba. Usus præcip. in fluxionibus cujusunque generis, v. g. alvi, exputione sanguinolenta, gonorrhœa, mictione involuntaria, mensium profluvio, &c. Extrinsecus in mundandis consolidandisque vulneribus & ulceribus. Schrod.

R. Radicum



R. Radicum Symphyti majoris recentium uncias sex, foliorum Plantaginis manipulos duodecim. Horum succo expresseo unâ cum radicibus prædictis sufficienti quantitate Sacchari exceptis, & in mortario lapideo aut ligneo contusis fiat Electuarium. Adversus vomitum aut expuitionem sanguinis nullum certius & præsentius remedium. *D. Boyl. de Utilitate Philosoph. nat. part. 2. p. 150.*

Succus Plantaginis vel merus, vel cum succo Limonum mixtus insigne est diureticum. *D. Needham.*

Ipse recordor quendam ex impuro concubitu gonorrhœam cruentam sibi parasse, post universarium usum solâ Plantaginis essentia in decocto Sarsæ & Sassafras dilutâ restitutionem in integrum esse consecutum, cum parum abesset quin nescio cujus partis diminutionem pati coactus fuisset. *S. Paul.*

Radix lota, recens ex terra extracta, tantillum cultro rafa, auris meatui indita observatur instar incantamenti quandoque dolores dentium sistere. *Sim. Pauli.*

Heurnius videt in Hydropo intumescensibus cruribus plantaginem aquaticam humorem in vesicas evocasse, quæ maximam vim aquarum profundebant. *Idem.* Ad febrium chronicarum rigorem, R. succi Plantaginis q. l. bibatur cum aqua mellis. Est mirabile medicamentum, inquit *Bayrius.*

In herniâ & umbilici eminentia cataplasma Joelis commendatur, quod conficitur ex Arnoglossa & Musco qui supra frutices Prunorum sylvestrium nascitur: simul in vino cocta & contusa instar cataplasmatum imponantur.

Non diffiteor æquè feliciter consolidatam fuisse non solum puerorum, sed etiam natu majorum, imò honestissimarum matronarum umbilicalem herniam à Plantagine seu Arnoglossa & musco Quercino quàm ab illo qui Acaciam German. seu Prunum sylv. investit: sed ille, qui tener & friabilis albicat, & qui non trunco sed frondibus Quercus innascitur, qui *ἀσπύς* est, nec terram sapit, nec redolet. *Simon Paulus.* Ex excerptis *D. Hulsii,* Hæc omnia. Mulierculæ Gallicæ toto gestationis tempore ad abortum præcavendum singulis ferè diebus sumunt sem. Plantaginis 3℥. in jussulo aut ovo, & non sine fructu. *River. prax. pag. 479.*

Quidam cum per mensem gonorrhœa laborasset, in fluxum sanguinis è pene incidit; quapropter petiâ intinctâ in Aq. Rosarum & aceto applicatâ fuisse; à quibus nihil fuit adjutus, tandem jussimus succum Plantaginis per Syringam immitti, Unguento Comitissæ renibus applicato, cessavitque fluxus. *D. Soame ex Observ. Hieremix Martis.*

Ego curo puellas impetigine laborantes butyro loto in aqua violarum: post hoc butyrum misceo succo Plantaginis, & linitur facies. *D. Soame ex observationibus Marcelli Cumani ab Hieronymo Velschio editis. Observ. 21.*

## §. 2. Plantago Coronopus dicta.

Coronopus, id est, Pes cornicis, dicitur à foliorum figura; quæ ita in orbem disponuntur ut eum quadantenus repræsentent.

Differt à Plantagine foliis angustis, & in nonnullis speciebus dentatis seu laciniatis.

1. *Plantaginellæ affinis Bibinella Siciliæ herbula* Cæf. J. B. *Coronopus foliis acutis in margine dentatis nobis.* *Coron. Prochyta insulæ* Col. Park. *Coron. sylvestris hirsutior* C. B. *Plantago angustif. serrata* Clus. Park.

*Cæf.*

Minor est Lanceolâ & viridior: *Folium* medio quodam modo se habet inter Lariceolam & Plantaginem; parvis circumquaque apicibus ut Coronopo, frequentioribus. *Coliculos* fert palmares, pleños semine ut Plantago. Herba assumitur inter olera.

Huic omnino eandem puto *Plantaginem* illam alteram *angustifoliam* Clus. cur. post. quæ circa Hispaniam crescit, cui à radice multa exeunt *folia*, valde serrata & quodammodo aculeata: inter quæ dodrantes emergunt pediculi, sustinentes oblongam florum spicam instar Holostei ferè.

Coronopum Prochyta insulæ sic describit Columna. A vulgari differt foliis parùm latoribus carnosioribus, hirsutis admodum, atque parum asperis, dentibus sequenti plantæ similioribus. Cætera non differt à vulgari.

Propè Messanam in lingua illa quæ portum efficit, & alibi in Sicilia invenimus.

*Locus.*

2. *Plantago Apula laciniata bulbosa* Col. *Apula bulbosa* Park. *pilosa bulbosa* C. B.

*Radice* (inquit Columna) nititur crassis admodum fibris composita, Ellebori crassioribus, longis, semipedalibus, nigrescentibus, corrosis, tenuibus capillamentis adherentibus terram undique amplexantibus, è crasso, rotundo veluti bulbo Avellanæ nucis magnitudine dependentibus: Ex quo *folia* multa in orbem in terra strata, Plantaginis quinquenervia familia, ambitu verò Coronopi vulgaris modo incisa, dentata magnis lobis, inter quos alii sunt intermedii, parvi admodum, Coronopo maritimo Prochyta insulæ rupibus frequentissimo familia, pariter hirsuta, sed minùs aspera. Thyrsos emittit æstate plures (septem invenimus) pedales, teretes, tenues, quorum tertia aut major pars in *spicam* teretem florum Arnoglossæ modo refertam abit, *staminibus* pallentibus dependentibus.

Copiosa hæc in incultis Apuliæ præsertim Cirinolæ, quibus pro Armentorum pascuis utuntur.

*Locus.*

- A. 3. *Coronopus vulgaris sive Cornu cervinum* Park. *Coronopus hortensis* C. B. *Coronopus sive Cornu cervinum vulgo spica Plantaginæ* J. B. *Bucks-horn Plantain.* *Cornu cervinum* Ger.

*J. B.*

Utpurimum tenuis est *radix*, adultior tamen digiti crassitudine reperitur, alba, vix ullo excellenti sapore exceptâ adstrictione. *Folia* statim à radice crebra, longa, angusta, nervosa, in laciniis aliquot laterales, ceu cervini cornu ramos, unde nomen, divisa, sapore nonnihil adstringente. Inter hæc *caules* surriguntur Plantaginis, rigiduli, tenues, teretes, hirsuti, dodrantes & cubitales, thyrsulum Plantagineum sustinentes, *flores* & *semen* Plantaginis proferentem.

F f f f 2

In



In hortis colitur, nec aliter à sylvestri differre videtur, quàm magnitudine aliisque accidentibus à cultura ortis.

Qui sponte provenit folia per terram spargit numerosa in orbem, Coronopi vulgaris modo, divisuris & laciniis crebrioribus, longioribus, rigidis pilis hirta, eoque nomine ferè incana: in umbilico ad foliorum veluti radiorum in centro concursum multa lanugo, mollis, candida. *Cauliculi* complures, palmares & dodrantes, rigidi, asperi, hirti spicam gerunt Coronopi vulgaris spicæ similem. *Radix* singularis, fibrata, crassiuscula, mediocriter longa, lignosa matrice farcta, C. Bauhino Coronopus sylvestris hirsutior appellatur: non est tamen Coronopus Prochytae insulae *Columnæ*, ut nobis videtur.

Locus.

Nascitur (ut rectè Dodonaus) locis incultis, aridis, præsertim arenosis & glareosis, in Anglia frequentissimè. Quoniam arenosa loca amat in maritimis ubique ferè reperitur.

\* 4. *Coronopus minimus tenuifolius maritimus* Col. *marit. tenuif. lævis* C.B. *tenuifolius maritimus* Park.

Col.

Hanc plantulam invenit Columna in mœniis & locis contra *Cestrum Ovi* dictum Neapoli, *Folii* in terram stratis, exiguis admodum, ut maritimi Abrotani foliorum lacinias latitudine suâ minimè superarent, quatuor uncias longis, tribus utrinque barbulis dissectis, longis, incurvis, effigie laciniatam nobis dictam *Tragopogona* referentibus, sed longè minoribus: *radice* vulgari simili sed minore; *Thyrsum* spicatis non dissimilibus, qui exsiccati in terram procumbunt, eodem modo quo in congeneribus; sapore astringente. Tota planta lævis est, nec hirsuta.

Coronopus min.

Marit. hirsutus

Suspicio hanc plantulam non differre specie à Coronopo vulg. sed ratione loci tantum: observamus enim in maritimis & humidioribus locis proventientem foliis lævibus variare.

Ejusdem farinae est & *Coronopus maritimus minimus hirsutus* C. B. *Park.* cui *folia* in tenues lacinias *Scabiosæ* minoris sive *Stæbes* foliorum instar divisa, parvitate sola à Coronopo sylv. vulgari diversa.

A. 5. *Plantago marina* Ger. *marina vulgaris* Park. *Coronopus maritima nostras* J. B. *maritima major* C. B. *Sea-Plantain*.

*Radix* brevis, nigricans [at Parkinsono longa, albicans] crassa, fibris aliquot donata. *Folia* quàm in Coronopode vulgari crassiora sunt longè, & succulentiora, strictiora, interdum pænè juncea, plerumq. ad margines æqualia, nec ullis dentibus donata, interdum tamen uno vel altero; quadrantalia acetum palmaria, sapore falso: *flos* purpureus, spicatus vulgati, ut & *semen*.

Locus.

In maritimis & salis palustribus ubique ferè per Angliam reperitur, ubi luxuriat valdè, foliis prælongis, obiter dentatis; spicis etiam longis. In Cornubia & Episcopatu Dunelmensi etiam procul à mari copiosè provenit, ubi foliis est angustioribus & brevioribus, nullis denticulis, spicis etiam brevioribus, ut minus attentis facile possit imponere pro diversa specie.

*Holosteum* à mollitie foliorum & capitum per antiphrasin dictum volunt, ut fel dulce *Plin. lib. 27. cap. 10.*

6. *Holosteum Plantagini simile* J. B. *Salmanticense primum* Clus. *hirsutum albicans majus* C. B. *Salmanticum* Ger. Park.

J. B.

*Radix* huic longa, crassa, nigricans, lignosa, plurium capitum: *folia* per terram sparsa, tota albidâ, hirsuta & tomentosa palmaria quædam, quædam multò minora, non totam semunciam lata, quinque nervis per longum distincta, gustu adstringente; exsiccata convolvuntur & in acumen desinunt: *caules* spithamei aut breviores, [reperiuntur etiam cubitales] similiter hirsuti, *thyrsum* gerunt longum aliquot unciarum, interdum unius, *Plantagini* & *Cornu cervino floribus* & seminibus similes.

Locus.

Circa Monspelium in aridis olivetis & ad vias. Clusius aridis collibus Salmanticæ vicinis observavit, ubi flores proferebat Maio. Monspelii floret Aprili & Maio, & nonnunquam Autumno. Frigoris impatiens est.

\* 7. *Holosteum Salmanticense minus* Clus. *Crescit iisdem in locis, foliis Psylli foliorum latitudinem non excedentibus, longioribus tamen & minus incanis, in cæteris prorsus simile est præcedenti. Diversæne sint species Holosteum majus & minus Clusii asserere non ausim.* J. B.

*Holosteum* Alpin. exot. non multum differre videtur à Salmanticensi Clus. *folia* longè ferè affirmat Alpinus & icon quam exhibet demonstrat.

8. *Holosteum strictissimo folio majus* C. B. *Holost. angustifolium majus sive Serpentaria major* Park. *Coronopus* Ger. *Coronopus Serpentina* J. B.

J. B.

Insignis crassitudinis & longitudinis est *radix*, in capita aliquot subinde divisa, ex qua foliorum feges magna pullulat, longitudine Coronopi esculenti, sed latitudine trientem aut quadrantem non adæquantium: *Caules* inter ea plures, palmares & altiores, nudi, enodes, thyrso Coronopi insignes.

Locus.

Provenit in montibus Gallo-provinciæ, Arvernix, & passim in Italia, autore Lobelio.

*Coronopus Massiliensis Lobelii Serpentariæ* fortè *varietas* J. B. *Coron. sive Serpentaria minor* Ger. *Holost. Massiliense* C. B.

Lob.

Densissimo sparsoq. foliorum stipatu luxuriat, Sedi minimi saxei montani vel Pinastrî ritu, positu & rigiditate; innumera etiam sobole cauliculorum dodrantalium *semen* pusillum *Plantaginis* aut *Serpentinæ* vulgaris spicis includentium. *Radix* longiuscula, lignosa, crassior, gustu nonnihil calida aromatica.

Collibus



Collibus & cautibus Massiliæ vicinis ad Maris allusiones inter Tragacantham passim luxuriat. Locus.  
Mihi sanè videtur (inquit J. Bauhinus) iconem Lobelii esse lusum Coronopi Serpentinae, & non respondere descriptioni Lobelii quæ videtur convenire nostro Coronopo maritimo Rainaudeti.

Titulus Lobelii, nimirum *Coronopi & Sedi montani media planta Massiliensium* optimè convenit Coronopo maritimo Rainaudeti *J. B.* qui quidem in arenosis ad mare propè Massiliam copiosè provenit, non tamen icon, quæ (ut rectè J. Bauhinus) videtur esse Coronopi serpentina: icon Serpentinae omnium minimæ *Lob.* melius convenit Coronopo illi maritimo Rainaudeti dicto *J. B.* at folia cauliculis perperam appicta sunt.

Ego equidem duas duntaxat dari Coronopi strictissimo folio species suspicor, nimirum Coronopum serpentinum *J. B.* dictum, & Coronopum minimum maritimum Rainaudeti *eiusdem*.

\* 9. *Coronopus serpentina omnium minima J. B.*

*Radice* est crassa: *caulibus* verò & floribus Coronopi serpentinae, sed *foliis* latioribus. A J. Bauhino mense Junio Burmii Rhætorum collecta est. Eadem videtur præcedentibus.

Dubitat J. Bauhinus an tres plantæ quas figuris exhibet Lobelius ab invicem sint distinguendæ, vel non potiùs varietates. Hæ sunt, 1. Serpentina *Adv.* Coronopus sylvestris five Serpentina Matthioli *Obs.*

2. Coronopi & Sedi montani media planta Massiliensium *Ad.* quoad iconem.

3. Serpentina omnium minima *Obs.*

10. *Coronopus maritimus Rainaudeti J. B.*

*J. B.*

Huic *radix* sesquipalmaris, crassa, fusca, sicca, insipida, è qua innumere oriuntur radiatorum foliorum stellæ, tali verò ferè dispositione, quam in Phyllo Dalechampii videmus vel Erica *Matth.* confertiorum, repandorum, semenciâ breviorum, angustiorum quàm Serpentinae *Matth.* Radiorum umbilicus totus villosus, Lupini latitudine, è quo *coliculus* exit uncialis, nudus, hirsutus, *thyrsulo* ferè totus obsessus.

In arenosis ad mare propè Massiliam invenimus.

*Locus.*

\* 11. *Coronopus Siculus fruticosus platyphyllos Bocconi.*

*Boc.*

Nihil differt ab aliis Coronopi speciebus hic nisi quòd crassa *radice*, atque in summo multipliciter brachiata quasi frutescat. Ei *folia* sunt hirsuta, lata, brevia, paululum in ambitu divisa, quæ denso cespite plantam coronant.

In plaga maritima *Brazzetto* dicta propè Pachynum promontorium videre licet.

An differat specie à præcedente dubito.

*Locus.*

\* 12. *Coronopus maritimus roseus Bocconi.*

*Boc.*

Spicas fert foliaceas, depresso; Florem herbaceam (ut in Plantagine rosea majore & media) ex densa frequentique foliorum dilutè viridum structura compositum: *Folia* subtus glabra, in lacinias aliquot per latera incisa exhibet, hortensis Coronopi foliis per terram stratis paria. *Radix* illi est crassa, altè in terram depacta.

*Lusus naturæ esse videtur, ut hoc genus alia.*

\* 13. *Holosteum sive Leontopodium Creticum C. B. Park. Ger. Leontopodium Cretense Clus.*

*C. B. prod.*

Ex *radice* rufescenti & quasi squamata, paulatim gracilescente & in fibras divisa *folia* viginti, etiam plura, palmaria, angusta, nervis tribus per longitudinem discurrentibus distincta, & hirsutæ subaspera prodeunt: inter quæ pedicelli plures, molli, rufescente lanugine pubescentes, duarum triumve unciarum conspiciuntur, quibus singulis *capitulum* crassiusculum, rufescens infidet: *flosculi* albicantes, umbilico nigricante præditi, quandam foraminum speciem præbent: at in senescente & arecente planta pediculi crassiores & rigidi facti unà cum capitulo, terram versùs ad radice caput adeò curvantur, ut pedem leoninum quodammodo referant. *Semen* parvum, Psyllio simile, autore Bello.

Holosteum Creticum alterum C. B. Leontopodium Creticum aliud *Clus. hist.* Parkinsonus præcedenti eandem facit. Nobis nondum constat an eadem sit necne, in Parkinsoni tamen sententiam magis propendemus.

§. 3. *Plantago caulifera Psyllium dicta.*

Psyllium à figura seminum Pulices referentium, magnitudine etiam parium dicta est.

1. *Psyllium vulgare Park. majus erectum C. B. J. B. Psyllium sive Pulicaris herba Ger. Fleawort.*

*Radice* alitur simplici, alba, fibris tenuibus capillata. *Caulis* ab eadem radice exoritur nunc simplex, nunc multiplex, teres, hirsutus, erectus, solidus, ab imo ad summum usque ramosus, pedalis aut altior, *foliis* vestitus ad intervalla ex adverso binis, angustis, acutis, pilosis, Hyssopi aut Draconis herba foliis figurâ suâ non multum dissimilibus, verum angustioribus, nervosis & plantagineis, obiter nonnquam dentatis. Summi caules & ramuli ad tactum pingues & viscidii sunt. E foliorum alis pediculi exeunt oblongi, tenues, spicas gestantes breves è pluribus flosculis compositas. *Flosculi* autem in quatuor segmenta acuta totidem folia simulantia divisi, colore pallido; *stamina* oblonga, apicibus suis insignia,



fignia, ut in Plantagine, exserunt. *Flosculi* cuiusque tubus turgescens in vasculum feminale degenerat, *semina* intus bina, compressa, splendentia, puliciformia, unde herbae nomen, continens, quod per maturitatem in medio horizontaliter rumpitur.

Sapor plantae amarus; odor nullus manifestus.

Locus.

Circa Monspelium in agris copiosè provenit.

2. *Psyllium Dioscoridis vel Indicum crenatis foliis* C. B. *Indicum foliis crenatis* Park.

In Prodro-mo descriptum, à præcedente non aliter differt quàm foliis crenatis aut Coronopi foliorum instar nonnihil lacinatis. Hunc describit Paulus Boccone sub titulo Psyllii foliis laciniatis.

3. *Psyllium majus supinum* C. B. J. B. *majus semper virens* Park. *semper virens* Lobelii Ger.

Lob.

Iisdem in tractibus, sed marginibus & squalidis olivetorum incultis collibus sarmentosius lignosiusq., prolixâ foliorum & surculorum caudatâ comosâque fœturâ densissima implexa fruticat, & reptando caespitem ornat latiore aspectu, sed hirsutiae ex viridi albicante: *Semine* haud dissimili, sed majore fuscâque sive Castaneæ corticis colore: *Radice* lignosâ dura, fibrarum procurfu prolixa.

Locus.

Circa Monspelium & in Italia frequens habetur.

Vires.

Evacuat bilem flavam, mucilaginéque sua acrimoniam humorum obtundere aptum est. Hinc commendatur maximopere in Dysenteria & corrosione intestinorum.

Semen Psyllii hoc peculiare præ cæteris purgantibus habet, quòd qualitate refrigerandi sit præditum. Verum enimverò non tamen extra reprehensionem positum est, quam incurrit ratione virulentiae suae. *Schrod.*

Dubitat C. Hofmannus an sit venenatum necne: Interim inquit valdè me movent Aegyptii, de quibus scribit Alpinus 4. Medic. r. uti illos Psyllio in febribus ardentibus.

Nimius usus stomachum offendit & animi deliquium inducit, una cum mortis periculo.

Ad Ophthalmiae dolorem, & mucilag. sem. Psyllii & Cydoniorum in aq. ros. & plantag. factæ ana ʒj. album. ovi bene conquassat. tantundem Camphoræ gr.v. mista in oculos instillantur à causa calidâ affectos *Chefneau*. Ex collectaneis *D. Hulse*.

Experientiâ scio in exco-riatione palati vel uvulae & linguae ex materiâ calida adusta Aq. Portulacæ vel Psyllii conferre. Ex Psyllii tamen semine præstaret fortassis lentum illum & viscidum humorem elicere Mucilaginem Officinis dictam. Excerptit ex Observationibus Marcelli Cumani ab Hieron. Velschio editis, & ad me transmissit *D. Barnhamus Soame*.

Dolores capitis maximos ex causâ calidâ subortos, quos alia remedia non mitigabant, felici successu curabat Sebastianus medicus Argentinen-sis applicito fronti epithemate ex sem. Psyllii cum Aq. Rosarum infus. extractâ mucilagine & pauculo aceto mixtâ. Idem *D. Soame* ex Observ. Hieron. Reusneri.

## CAP. IX.

### De Coride.

*Coris caerulea maritima* C. B. *caerulea Monspeliaca* Ger. *Monspeliensium* Park. *Monspessulana purpurea* J. B.

Clus.

**M**Ultis fruticat ramulis, palmaribus ut plurimum, interdum dodrantalibus, firmis, rotundis, purpurascens, qui densis foliis stipantur Ericæ [majoris sci.] crassiusculis, succulentis, amariuscule, serie quadam interdum dispositis, aliquando autem inordinatis & inconditis. *Spicae* aut *capitula* extremis ramulis inhaerent, ex innumeris calyculis in quinque mucrones divisis, & totidem maculis nigris in singulas divisiones impressis, constantia; è quibus flos emicat non inodorus, purpureus aut ex purpura coeruleus, elegantissimi & quasi immarcescibilis coloris, quatuor foliolis bifidis constans, quorum duo superiora reliquis majora sunt. *Semen* deinde in calyculis nonnihil pungentibus continetur, rotundum, nigricans. *Radix* crassa est pro plantæ proportionem, palmaris longitudinis, foris rubra, ut quâ interdum linei panni etiam infici possunt. Nullum ego (inquit J. Bauhinus) in ulla parte plantæ sive odorem, sive saporem manifestum sentio.

Tempus &  
Locus.

Floret Maio mense nonnunquam etiam Martio, ficcis quibusdam circa Salmanticam & Monspelium locis; maritimis item Valentiae & Galliae Narbonensis, ubi tota major, crassior & succulentior.

# HISTORIÆ PLANTARUM

## LIBER DECIMUS OCTAVUS,

QUI EST,

De Herbis flore papilionaceo, seu leguminosis.



**R**ORES papilionacei dicuntur, quia Papilionem alis expansis quadantenus referunt. Folia seu petala his difformia sunt, nec figurâ, nec situ inter se convenientia, numero quatuor, verum ad ungues juncta; unde tetrapetali propriè dicti non sunt, sed monopetali tetrapetaloides: Sed ut alias diximus, nos in hoc opere flores monopetalos profundè & ad unguem ferè in lacinias petala æmulantes divisos pro polypetalis cum Botanicorum vulgo habemus. Quod si quis hoc nolit, ad monopetalos flore difformi facile transferuntur hæ plantæ. Florum petala, seu mavis lacinie quatuor sunt, ex quibus unum erigitur reliquisque ferè latius & majus est, *clypeus* seu *vexillum* nonnullis dictum, alterum ei inferiùs opponitur carinatum, tum stamina, tum filiquæ rudimentum protegens & occultans, bina lateralia sibi invicem similia sunt.

Nos clarioris doctrinæ gratia librum hunc in tres sectiones dividemus. *Prima* erit de Leguminibus seu Herbis flore papilionaceo scandentibus.

*Secunda* de leguminibus & Leguminosis non scandentibus, seu erectis seu provolutis, non trifoliatis.

*Tertia* de Leguminibus non scandentibus trifoliatis. Quibus subjungemus filiquosas quasdam anomalas filiqua bivalvi, tum floribus tum filiquis ad Papilionaceas accedentes.

### SECTIO PRIMA.

*De Leguminibus & leguminosis seu Papilionaceis scandentibus.*

*Herbæ flore papilionaceo scandentes sunt vel*

*Volubiles*, quæ perticis aut plantis vicinis se circumvolvendo à dextra sinistram versùs, in altum enituntur, suntque trifoliæ, semine reniformi; *PHASEOLUS plurimarum specierum.*  
*Capreolata*, quæ capreolis aut clavibus intortis plantas aut fulcimenta vicina arripiunt, & se sustentant: suntque vel foliis

*Glaucis glabris*, è pinnis paucioribus & majoribus in hoc genere compositis, caule

*Æquali*, h. e. nec compresso, nec membranulis aucto, foliis

*Simplicibus*, seu integris, ex adverso binis, triangulis; *APHACA.*  
*Pinnatis*, pinnis paucis, in hoc genere maximis, duabus præcipuè ad *apex* exortum caulis amplexantibus, caulibus majoribus & fistulosis; *PISUM.*

*Membranulis secundum longitudinem excurrentibus aucto, compresso, anguloso, foliis*

*Simplicibus*, seu integris & non pinnatis, nisi pro pinnis accipiantur quæ in summis foliis sunt auriculæ aut lobi; *OCHRUS* sive *Ervilia* Dod.  
*Pinnatis*,

*Unico tantùm pinnarum pari, filiquis*

*Secundùm longitudinem aversâ parte duabus membranulis extantibus alatis; LATHYRUS sativus.*  
*Planis & æqualibus*, nullis in dorso extantibus membranulis, radicibus

*Tuberosis;*



{ *Tuberosis*; CHAMÆBALANUS *Leguminosa*; *Terræ glandes*.  
 { *Fibrosis*; LATHYRUS *Sylvestris*.

{ *Pluribus pinnarum conjugationibus*; CICERCULA.

{ *Viridioribus & plerunque hirsutis*, è minoribus & pluribus pinnis compositi s, semine

{ *Tumidiore, globoso*, filiquis pro plantæ modo longioribus; VICIA *plurimarum specierum*.  
 { *Compresso*, & pro plantæ modo grandi, filiquis brevibus; LENS.

*Faba Sylvestris* & *Græcorum* seu *Veterum* vulgo dicta, cum capreolis scandat, ob filiquarum conformitatem *Vicia* speciebus potius quàm *Fabæ* accensenda est, quamvis foliorum figurâ & pinnarum paucitate *Fabam* potius quàm *Viciam* imitetur.

## CAP. I.

## De Phaseolis.

**P**haseoli nomen acceperunt ab effigie & longitudine filiquarum aut fructus, qui linternem lembumque naviculam, Phaseolum dictum expriment, hinc etiam *σάκκος* dicuntur. Phaseolum autem à Phaseolo diversum esse monet Galenus: Phaseolum enim inquit Lathyrum esse vel illius speciem.

Phaseolorum notæ sunt caulibus scandere, trifolios esse, semina habere reniformia, filiquas simplices.

His ob convenientiam in reliquis notis nonnullas non Trifolias subijcimus.

1. *Smilax hortensis* J. B. Sm. hort. sive *Phaseolus major* C. B. *Phaseolus albus* Ger. *Phaseolus vulgaris* Park. Common Kidney-beans.

Convolvulorum more perticas & pergulas proximas conscendit, *sarmentis* à sinistra dextram versus circumvolutis. *Folia* ad intervalla exeunt in communi pediculo oblongo terna Trifoliorum more, è lata basi in acutum mucronem desinentia hederaceis ferè similia, per margines æqualia, glabra, obscurè viridia. E foliorum alis exeunt *flosculi* duo trèlve, interdum plures ad sex usque simul in eodem communi pediculo seu furculo brevifurculo, purpurascetes, albi vel pallidi, in quibus petalum superius non reflectitur retrorsum, sed concavum est, & ad latera striatum; lateralìa duo ampla sunt & concava. Ad basin uniuscujusque floris præter calicem duo folia concava triangula, nullis pediculis donata, ad florum nondum expansorum tutelam apponuntur. Floribus succedunt *filiquæ* palmum & sesquipalmum longæ, angustæ, compressæ, crassæ & carnosæ, cum teneræ adhuc sunt edules, sex, septem aut plura semina continent, renis figurâ, sinum in medio impressum habentia lævare eximio, colore mirum in modum vario, albo, cinereo, luteo, glauco, rubente, cœruleo, amethystino, albo nigris venis & lituris distincto, &c.

Tempus.

Æstate & Autumno floret, frigoris impatiens est, & pruinis faciliè corrumpitur.

2. *Phaseolus niger* J. B. *Phaseolus Æthiopicus*, *lobis flavescensibus*, *fructu nigro* C. B. *Phaseolus peregrinus* 14. Clus.

Clus.

*Sarmentis*, foliis, floribus cum vulgari Phaseolo convenit. Pediculi seu furculi floriferi Clusio oblongi esse dicuntur, *florè*que binos, ternos, quaternos, senos, interdum etiam octonos, ex adverso ut plurimum nascentes sustinere: quibus succedunt totidem, oblongi, teretes *lobi*, initio virides, deinde maturitate flavescetes, in quibus bina, terna, quina, sena, vel etiam octona *grana* vulgarium quidem formam referentia, sed tantillo minora, & coloris quando matura nigri.

Phaseolum hunc in hortulo nostro aluimus aliquot annos, & à vulgari specie distinctum existimamus, cum aliquoties satis fructus seu seminis colore non variavit.

3. *Phaseolus flore coccineo* Park. Ger. emac. The Scarlet Kidney-bean.

Hic in multis à Phaseolo vulgari primo in loco descripto differt. Ille enim seminum valvas seu lobos è terra exferit foliorum formâ: hic autem minimè. Deinde hujus *flores* majores sunt & ex alis foliorum exeunt plurimi simul in furculo seu pediculo communi prælongo, velut racematim; cum illius longè pauciores sint in furculo triplo brevior: color florum in hoc coccineus pulcherrimus, in illo albus aut purpureus, minus venustus aut spectabilis. Hujus porro *filiquæ* eminentiis plurimis seu tuberculis asperæ sunt, illius læves; breviores quoque sunt & crassiores hujus quàm illius. *Semina* in utroque ejusdem propemodum figuræ sunt, verum in hoc majora & crassiora purpurea, nigris ductibus & lituris, varia. Quin & folia huic minora & acutiora rugosioraque esse videntur quàm vulgari Phaseolo; flores autem ampliores. Duobus denique concavis ad basin floris foliis caret hæc species.

Phaseolus puniceo flore Jac. Cornuti esse videtur. Ob florum pulchritudinem & durabilitatem potius quàm ob fructum in hortis colitur: nec dedignantur Matronæ nostræ fertis suis & corollis eos intexere.

4. Pha-



4. *Phaseolus vulgaris Italicus humilis*, seu minor albus cum orbita nigricante J. B. *Smilax siliqua sursum rigente*: vel *Phaseolus parvus Italicus* C. B. Item, *Phaseolus niveus minor circa hilum nigra macula insignitus* J. B. *Phaseolus peregrinus*, minore fructu albo, nigra macula insignito C. B. 1. e. *peregrinus* 4. Clus. *Phaseolus erectus* Park. *peregrinus fructu minore albo* Ger. emac.

Matth.

Hoc genus passim in campis feritur mense Maio, & quandoque post messem, sine pedamento per se subsistens, & in latum sese expandens, foliis hederaceis, majoribus tamen & mollioribus, venosis, ternis ex uno pediculo prodeuntibus. Flores emittit candidos, Pisi majores, è quibus palmaria cornicula prodeunt, teretia, & in acutum desinentia, primo quidem exortu viridia, & per maturitatem albicantia. In his semina plura continentur reniformia, alba, præter umbilicum, qui tantum in iis nigricat.

Clusius Phaseolo suo peregrino quarto brevem firmumque caulem tribuit, pedalem longitudinem raro excedentem, in brevissimos ramos divisum: folia breviori pediculo inhaerentia: pediculos ex alis prodeuntibus longos, crassiusculos, firmos, binos flores magna ex parte sustinentes: fructum niveum, circa hilum macula nigra insignitum.

Cum Clusius binos tantum in uno pediculo flores habere hunc dicat: Matthiolus autem in icone plures eidem appingat, colligit J. B. Phaseolum Clusianum à Matthiolino diversum esse. Verum cum descriptiones conveniant, ego mallem dicere Matthioli iconem falsam esse, aut Clusium fortè errasse in numero siliquarum eidem surculo inhaerentium, quàm species temere multiplicare. An Matthioli icon falsa sit necne Itali facile determinabunt, apud quos Phaseolus isthic in agris magno proventu feritur. Nos plenos saccos Romæ in foro venales vidimus, & totos agros eo confitos in vicinia urbis, ut & Florentiæ, non satis tamen curiosi fuimus in eo observando.

Variant (si C. Bauhino fides) hoc genus Phaseoli. Sunt majores & minores, sunt albi, subnigri: illi macula nigra, hi albâ notati: est & minor albidus cum orbita rubente aut nigricante. At unius erant generis quos nos in Italia vidimus, nimirum candidi cum macula circa hilum nigra, ex quibus Itali juscula conficiunt.

Memorat insuper J. Bauhinus duos congeneres descripto Phaseolos; primum vocat Phaseolum parvum album cum orbita minima rubente & parvo hilo albo; alterum Phaseolum minimum album cum orbita magna rubente, & hilo in medio albo: quales nobis nondum videre contigit.

Quin & Morisonus duas seminum species è Tingi Africa urbe sibi missas narrat macula circa hilum nigra notatas majorem & minorem: altera alterius magnitudine duplâ.

5. *Phaseoli tumidi minores nivei* J. B. *Phaseolus peregrinus* 2. Clus. *Phaseolus peregrinus bortenfi affinis fructu tumidiore, minore niveo* C. B. *peregrinus* 2. Clusii Park.

J. B.

Magnitudine vulgaris Phaseolis minores sunt, nec ut illi sinuati circa umbilicum, interim pulvinati magis & tumidiore omni ex parte proportionem suam. Colore nivei sunt & splendent, ac si ex eborescunt. Planta autem ipsa tota formâ & nascendi modo à vulgari haud differt, ac non opus sit eam pluribus describere.

E Guatemala novi Orbis provincia delatus esse dicitur.

6. *Phaseolus tumidus minimus niveus siliqua brevi, Virginianus. The Virgin, or Virginia-pease or Kidney-bean.*

Præcedenti persimilis est, nec scio an specie diversa: siliqua brevi latiusculâ, fructu Pisi majoris magnitudinem vix excedente, non tamen perfectè sphericâ, sed in longitudinem productiore.

- \* 7. *Phaseolus lata siliqua, fructu exiguo nigro, umbilico candido* J. B. *Brasilianus alter, fructu nigro, Pisi magnitudine* C. B. *Phaseolus Brasilianus alter* Clus. ad Monard. *Brasilianus alter Pisi magnitudine* Park.

Clus.

Est hoc genus vulgari simillimum flore purpureo: at siliquæ scabræ sunt, breviores & latiores quàm nostri vulgaris: Fructus est exiguus, Pisi vulgaris magnitudine, totus niger, nisi quâ parte siliquæ adhæret, quæ candida est.

Brasilianis frequentem esse audivit Clusius.

- \* 8. *Smilax bortenfi sive Phaseolus Anagyridis similis ferè colore rubescens*, J. B. *Phaseolus peregrinus Anagyridis fructu similis, colore rubescens* C. B. *Phaseolus peregrinus* 3. Clus. tertius Clusii Park. *bortenfi rubra* Ger.

Sarmenta habet oblonga ex singulari caule statim secundum radicem ipsam prodeuntia, & in multos ramos divisa: purpurascunt ea juxta alas, ad quas etiam adnascuntur terna folia, minus ampla quàm vulgaris, & dilutiore colore virentia, longo pediculo inhaerentia, qui ex parte qua folia sustinet, contrariâque quâ sarmentis inhaeret ex atro purpurascit. Flores in oblongis petiolis plerumque bini, magni, Pisi formâ, foris ex candido pallescentes, interiore verò parte ex purpura cœrulei. His succedunt totidem prælongi lobi, teretes & quasi cylindracei, in quibus fructus reliquis Phaseolis minor, Anagyridis legitimæ fructui parve similis, rubescentis coloris.

Semine ex Hispaniis misso Clusio natus est.

\* 9. Pha-



\* 9. *Phaseoli Africani parvi, nonnihil albicantes* J. B.

De Phaseolorum more scandit. *Folia* terna, minora strictioraque quam in vulgaribus obtinet, paulò duabus uncis longiora, non totam semunciam lata, nervosa, glabra, crassa. *Flores* ex obsoleta quadam fuligine in luridum pallorem languescunt, vix dehiscentes. *Siliquæ* sesquipalmum longæ, vulgaribus angustiores, vix culmum latæ *grana* claudunt nonnihil candicantia, dimidio minora Phaseolis nostratibus, circa germen fusca.

Ex Africa & insula D. Thomæ semen delatum est.

- \* 10. *Phaseolus Laburni fructu ex nigro subvirescente, sive Ægyptius flore luteo* J. B. *Phaseolus peregrinus, Anagyridis fructui similis ex nigro subvirescens* C. B. *peregrinus* 5. Clus. quintus Clusii Park. *peregr. fructu minore frutescens* Ger. emac.

Clus.

\* Palustris.

Sarmenta tenuia habet Phaseolo peregrino tertio Clusii familia: *folia* aliorum Phaseolorum vulgarium longè minora, & Trifolii \* mœnianthis foliorum perquam similia, ex atro virentia, circa pediculos purpurascantia. *Flores* in spicæ modum congesti, magni, Pisi vulgaris formâ & magnitudine ferè, coloris flavi, in oblongo crassiusculoque pediculo ad foliorum exortum prodeunte nascuntur. Lobos breves angustosque esse intelligebam ab his qui conspexerant, & terna aut quaterna grana continere, parva, Laburni grani non minora, utroque tamen mucrone plerunque obtusiore, pulli coloris seu potius ex nigro subvirescentis.

11. *Phaseolus peregrinus Purkircherianus* 1. Clus. *Phas. lato, striato sive radiato semine* J. B. *Ph. peregrinus bortenfi affinis, semine lato, albo, multis nigris venis striato* C. B. *peregrinus primus* Clusii Park. *niger* Ger.

Clus.

*Caules* huic & sarmenta reliquorum similia; *folia* vulgaris foliis similia sed atriora: è quorum alis breves ramuli prodeunt, multis floribus, vulgaris haud absimilibus, minoribus tamen, albis, uvæ in modum congestis onusti: quibus succedunt oblongæ *siliquæ* seu lobi, vulgaribus multò latiores, continentes ternos aut quaternos fructus planos, communibus Phaseolis latiores, albos, sed multis nigris maculis sive venis ab hilo in latitudinem ductis elegantissimè depictos.

In frigidioribus regionibus ob defectum Solis radiorum fructum non facilè ad maturitatem perducit.

Hujusmodi Phaseolum habemus à J. Bauhino Tom. II. p. 267. icone eleganter expressum, qui potius niger dicendus est cum albis striis seu venis, quàm albus cum nigris.

- \* 12. *Phaseolus peregrinus* 6. Clus. *peregrinus angustifolius, an idem cum Smilace bortenfi minore?* C. B. Ger. emac. *peregrinus* 6. Clusii Park.

*Folius* angustioribus à Smilace minore differt. Fructu est vulgaris Phaseoli fructu minore & planiore subrubri coloris.

- \* 13. *Phaseolus peregrinus* 7. Clus. *peregrinus angustifolius alter, fructu ex albo & nigro vario* C. B. *peregr.* 7. Clusii Park.

Sarmenta huic Purkircheriani similia, non tamen adeò luxuriant aut altè assurgunt: *Folia* quàm Phas. vulgaris multò angustiora, præcedentis non valdè dissimilia. *Flores* in uncialibus pediculis parvi, uvæ in modum congesti, albi initio, sed ubi senescunt pallecentes: *Siliquæ* planæ latæque sunt, Purkircheriani lobis ferè pares, breviores tamen, per maturitatem fulvescentes, *semen* continentes planum, illius grani minus, sed similibus coloribus albo & nigro varium, nunc in longitudinem extensis nigris striis, nunc confuso ordine sparsis maculis nigris majoribus aut minoribus per univèrsum Phaseoli corpus, nonnunquam integro fructu nigro, vel exiguis maculis albis consperso aut dimidia duntaxat ex parte.

Exigua nobis esse videtur inter hunc & Purkircherianum differentia.

- \* 14. *Phaseolus peregrinus* 8. Clus. *peregrinus foliis minoribus, fructu exalbido, nonnunquam variegato* C. B. *pereg.* 8. Clusii Park.

*Folia* ei Purkircheriani foliis similia, sed paulò minora: *Flores* etiam illius floribus similes, uvæ instar nascentes; quibus & planæ, ut in præcedente, succedunt *vaginæ*, duo, tria aut quatuor grana continentes, superioribus magnitudine respondentia, non adeò candicantia, sed coloris interdum exalbescens aliquando nigricantibus maculis secundum longitudinem vel confuse notata, interdum toto etiam pæne fructu nigricante.

Præcedenti adeò similis est ut nobis non videatur specie distincta.

15. *Phaseolus peregrinus* 9. Clus. *peregrinus Purkircheriano similis, fructu lato, albo, striato* C. B. *peregr.* 9. Clusii Park.

Fructus Purkircheriano major, sed totus albus, nisi quidam radii sparsi varium quodammodo effecissent t. Sarmentis, foliis, floribus & vaginis eidem similes erat. *Quid ergò verat quin eundem specie dicamus?*

- 16. *Phaseolus peregrinus* 10. Clus. *peregrinus lobo & fructu nigro* C. B. *peregr.* 10. *Clusii* Park.

Sarmenta huic ut in aliis: *folia* octavi generis *Clusii* similia, secundum articulationes quibus connexa sunt purpurascētia: *Flosculi* in ramulo digitali superiorum similes, uvæ quoque instar congesti, sed quorum galea obsolete purpurascit, bina lateraliter folia coloris sunt floridioris: His succedunt planæ, latæ, fusæ & nigricantes *vaginae*, *semina* continentia plana Purkircherianis minora, per maturitatem prorsus nigra.

- 17. *Phaseolus peregrinus* 11. Clus. *peregr. fructu variegato* C. B. *peregr.* 11. *Clusii* Park.

Cætera præcedenti similis *flores* habet octavi floribus pares, albos, *vaginas* septimi & octavi generis lobis similes; in quibus *semina* tria vel quatuor, plana, dilutâ rubedine prædita, quæ nigris venis seu radiolis secundum longitudinem distincta sunt, nonnunquam magnis vel exiguis maculis nigris confusè aspersa, interdum etiam utrinque prorsus, vel altera duntaxat ex parte nigra, emicantibus sparsim parvis rubentibus maculis, ut ex marmore aliquo *πικνία* tornata videantur.

- *Phaseolus peregrinus* 12. Clus. *peregr.* 12. *Clusii* Park. *Phas. lati, coloris tegularum, cum striis per medium nigris* J. B. *Pb. peregr. fructu subrubente, nigris striis variegato* alter C. B.

Præcedenti per omnia ferè similis est: sed *flores* ejus Decimi floribus valdè similes sunt, paulò tamen dilutiùs purpurascunt: *fructus* autem magis diluta rubedine præditus, tegularumque colorem quodammodo refert, quem raræ per longitudinem nigrae striæ varium faciunt, aliquando autem plurimæ totum pæne atrum reddunt.

- 18. *Phaseolus peregrinus* 13. Clus. *Pb. Æthiopicus lobis nigris venis aspersis, fructu atro splendente* C. B.

Decimo cætera non dissimilis est, *Lobis* tamen longioribus & quasi cylindraceis, non fuscis aut nigricantibus ut illius, sed per maturitatem nigris duntaxat venis confusè sparsis insignitis, octo, novem, aut plura interdum continentibus *semina*, renis quidem formam exprimentia, sed longiora, tumidiora, atrî omnino & splendentis coloris. Floret paulò maturiùs superioribus, eam ob causam *semen* faciliùs ad maturitatem pervenit.

- 19. *Phaseolus peregrinus* 15. Clus. *Phas. Æthiopicus lobo saturo purpureo, fructu atro* C. B. *Clus.*

Hujus *sarmenta* purpurascunt: terna illa longo pediculo inharētia *folia*, pro parvis appendicibus, quæ in aliis generibus, bina interdum foliola adjuncta habent: *flos* etiam magis satur [quàm decimi quarti] & prorsus Amethystinus: *lobi* præterea, initio quidem virides, paulatim putpureum colorem contrahunt, maturitate tandem purpureum saturum & ferè nigrum. *Fructus* in ipsis comprehensus initio purpurascens, deinde atrî omnino coloris.

- 20. *Phaseolus peregrinus* 16. Clus. *Pb. Guinenfis fructu fusco spadiceo* C. B. *Clus.*

Hujus lobum non conspexit Clusius, sed tantum *fructum*, qui semuncialem magnitudinem non superabat, satis densus & crassus, coloris fusci cum spadiceo commixti: Satus crevit ad palmarem altitudinem, *cauliculo* satis firmo & rotundo, binasque aut ternas foliorum alas protulit, in quibus ut reliquis *Phaseolis* terna *folia*, sed valdè crassa & pingua, Trifolii Asphalticis foliorum magnitudinem non excedentia.

- 21. *Phaseolus Zurratensis siliquâ hirsutâ, Couhage dicta. Phaseolus siliquâ hirsuta* Park. *Phaseolus pruritus excitans hirsutie siliquarum* Ger. emac. *An Nicotiana Brassiliensium* Marggrav?

Hujus *siliquæ* ex India Orientali ad nos delatæ, variae magnitudinis, aliæ breviores & rotundiores *Phaseoli* vulgaris lobis, aliæ etiam multò is longiores, brevi & densa hirsutie villosa oblitæ sunt, quæ cuti affricta pruriginem quandam molestam Urticarum instar excitat, brevi sine ulteriore no-cumento evanescentem; *siliquæ* hæ confertim & quasi racematim nascuntur, & *semina* continent fusca, punctata [Parkinsonio nigra, splendentia] Fabæ equinæ magnitudine, hilum habentia album in parte laterali, non verò in umbilico aliorum *Phaseolorum* more. Terræ commissa in horto D. Caroli Hatton plantas produxere.

Hujus plantæ *siliquæ* duodecim duobus Cerevisiæ sextariis infunde, & infusum propina, ad  $\frac{1}{4}$  Vires. sextarii singulis matutinis; certissimum est Hydropis remedium. Communicavit D. Samuel Hufbands eques atratus, qui in insula Barbados aliquot annos vixit, ejusque sæpe in servis suis Æthiopibus experimentum fecit.

- 22. *Planta*



- \* 22. *Planta leguminosa Brasiliانا Phaseoli facie, flore purpureo maximo* Breynii.

Breyn.

Sarmentorum longissimorum beneficio arbores & frutices proximos, sese iis circumvolvens, scandit. Ramuli ejus juniores, per intervalla unciarum duarum triumve, *Folii* tribus oblongis ex uno pediculo, uncialibus vel fescuncialibus ad summum, Terebinthi foliorum instar duriusculis & admodum venosis, ornantur. Ex foliorum appendicum finu petioli exeunt singulares, *Florem* gerentes unicum, valde speciosum, Lathyri Narbonensis facie, sed vel quadruplo majorem, gravioréque purpurâ coloratum, cujus basin calyculus, foliolis duobus membranaceis, rigidiusculis constructus ambit; & huic alius adhuc calyculus subest, qui medio petioli appositus, & quâ formam priori similis.

Locus.

Oritur in saltibus & dumetis Brasiliæ.

- \* 23. *Phaseolus minimus fructu rubro, siliquis longissimis erectis* Morif.

Morif.

Phaseolus hic minimus *siliquas* fert longas, tenues, palmares & sesquipalmares, petiolis curtis in-nixas & per consequens erectas, continentes in se *semina* dena aut duodena, reniformia rubra minima, magnitudine Phaseoli minoris Italici.

- \* 24. *Phaseolus minimus fructu viridi, exiguo, ovato* Morif.

Morif.

*Caulis* constat pedali aut sesquipedali: *folia* etiam edit terna subviridia, minora, tenuiora, singulis distinctis petiolis innitentia, majorum Phaseolorum more. Petiolis curtis junguntur *flores* parvi, ex luteo virides: quibus fatiscenibus succedunt *siliquæ* tenues, teretes, tres uncias longæ, recentes adhuc virides, intumescenibus ubi apparent semina, in quibus singulis continentur *semina* ovata viridia, decem aut duodecim, nunc plura, nunc pauciora, Pisi minoris magnitudine, sed figurâ ovata seu oblongâ.

25. *Phaseolus Lablab Alpini* J. B. *Phaseolus Ægyptiacus nigro semine* C. B. *Isem Ægypti. semine ruffo* ejusdem.

Arbor est sarmentosa (inquit Alpinus) quæ crescit ad Vitis magnitudinem, sarmentisque Vitis modo extenditur. *Folii* figuræque similis est omnino vulgari Phaseolo. *Flores* fert bis anno, Vere & Autumno, Phaseolorum floribus aliquatenus similes, à quibus *siliquæ* longæ, instarq; Faba-rum latissimæ cernuntur, quæ *semina* Phaseolis planè familia continent, quorum alia niger, alia sub-rubra cernuntur.

Locus.

Hæc arbor vivit annos 100. & amplius, perpetuèque viret, Ægyptiis frequens in cibo, nostrisq; non minùs suavis. Hoc (inquit Clusius) creditu difficile est iis qui Phaseolorum & leguminum natura-m nòrunt.

Veslingius notis in *Alpini lib. de Plant. Ægypti. Lablab* hunc in modum describit. *Folia* obscurius virefcentia ramulis insident ad nigrum tendente purpurâ coloratis: Nec dissimilis *florum* tinctura, qui copiosi, ac spiceo veluti congestu, non circa summum tantum caudicem, sed ipsam juxta foliorum exortus virgulâ suâ prodeunt: alibi candido colore lactescente nascuntur, cætera vix ab aliis Phaseolis specie mutantes. *Semina* in siliquis rectè notavit Prosper Alpinus, alia nigricantia, sub-rubra alia sed maculis ferè nigris infusata, hilisque candentibus insigniuntur.

Descriptio hæc in omnibus, excepto semine, cum ea quam Honorius Belli elaboravit ad intuitum plantæ sibi ex semine Ægypto transmissa enata, adeò exactè convenit, ut nemini dubium esse possit, eandem specie plantam fuisse quam uterque descripsit.

Quin & ex Veslingiana descriptione constare arbitror, utramq; Clusii Lablab, [ut & Belli] ejusdem specie plantæ semina fuisse. Non enim aliter differunt quàm colore, qui in altera niger erat, hilo admodum longo albo eminenti; in altera ruffus [J. Bauhino spadiceus, maculis nigris ut Bellus, saturè rubentibus ut J. Bauhinus, asperus] hilo pariter eminente candido.

Descriptio Alpini in siliquarum longitudine à Clusiana recedit. Fortè ex brevioribus fuit quam Clusius à Paludano recepit.

26. *Phaseolus Brasilianus foliis molli lanugine obsitis, fructu magno* C. B. *Phas. Brasilianus multis, spadiceus, magnus, cum magno hilo nigro plurimum ambiente* J. B. *An Macouna Brasiliensis* Marggr? *Brasilianus* Ger. *Brasilianus magnus* Park.

J. B.

Castanæ magnitudine est, orbiculatus, unciali plus minùs latitudine, pulvinatus, cortice tectus rugoso, spadiceo, dilutiore saturioréve, circa hilum verò dilutiore & fere albicante; cujus orbitam ferè totam ambit hilum pullum, culmum latum, sulco medio secundum longitudinem exaratum, in principio punctum impressum habens.

Planta Clusio è semine nata *foliis* Phaseolo vulgari ferè similis erat, nisi quòd minora erant & averfa parte hirsuta, præsertim teneriora folia, & extremi caules tenui molliq; lanugine fulvescente obsiti.

Habetur & hujus varietas cinerea aut ex cinereo nigricans.

Due species.

An planta Clusio descripta eadem sit J. Bauhino descriptæ dubito. Certè nos fructum habemus ei qui à J. Bauhino describitur non dico simillimum sed eundem prorsus; alium etiam cinereum, hilo non eminente, adeò politum ac splendens ac si torno elaboratus esset.

Singulare est & insigne in hoc fructu quòd hilus totum ferè in circulum ambit; quod miror à Clusio tam sicco pede præteritum, si quem nos & J. Bauhinus intelligimus describat. Marggravius Brasilianorum Macunam his verbis describit:

*Caulis*



*Caule* sarmentoso, satis crasso, lento, altas ascendit arbores, & implicat se ramis; in quolibet pediculo tres aut quatuor digitos longo tria ubique *folia* sibi invicem apponuntur, phaseolorum more, tres aut quatuor digitos longa, nervo & venis obliquis prædita, superius saturatè viridia, inferius albicantia, & subtilissima lanugine ad tactum sericum æquantia. In pediculo tres, quatuorve digitos longo, qui superius in plures breviores dividitur, proveniunt *flores* quatuordecim aut sedecim, juxta se, calycibus insistentes instar siliquarum Pisi. Figura floris est quasi duæ siliquæ Pisi apertæ, una alteri insertæ essent: nam quinque foliis constat *flos* quilibet, quorum quatuor duos digitos singula longa, quinta unum digitum; sine odore, coloris flavi: in medio stamen fistulosum pallidum, superius multipliciter divisum in fila, quorum quodlibet apicem habet fuscum. Flores sequuntur *siliquæ*, spithamam longæ aut etiam longiores, tres dig. circiter latæ, exterius rugosæ, utpote setis pungentibus ruffis præditæ, quæ non solum adhærent & pungunt, sed etiam pustulas ardentes excitant, quæ vix oëtiduo sanantur, & insignem excitant pruritum. Siliquæ maturæ exterius nigrescunt, & aperiunt se atque diffiliunt: interior earum superficies est instar matris perlarum, alba, splendida & quasi polita: in qualibet continentur ut plurimum tres phaseoli orbiculares, compressi, coloris luridi, cum semilunari macula nigra in uno latere, majores verticillo. Floret plerunque mense Junio & Julio.

Si hæc planta rectè à Marggravio descripta sit flore pentapetalo à reliquarum Papilionacearum seu leguminolarum norma recedit.

Siliquarum setæ pruritum excitandi facultate cum Phaseoli Zurratenfis, *Couhage* dicti siliquarum villis conveniunt. Differre videtur specie à Phaseolo Brasiliiano nobis è J. Bauhino descripto, & forte Zurratenfi idem est.

• 27. *Phaseolus Brasilianus* Jaroba indigenis dictus Marggr.

Altissimas arbores ascendit *caule* lento tereti, qui hinc indè in longis pediculis tria folia apposita habet Phaseoli modo, sunt autem planè similia foliis *Macuna*. Fructus autem similis fructui *Cnesti*, *Higuero* Ovicul.

Ubiq; provenit, sed præcipuè hortensibus locis sata atque excolta.

Ufus est radicum ad mensas secundas.

Ufus.

28. *Phaseolus Indicus ruber* Bontii. *Pisum Indicum minus coccineum* C. B. *Pisum Americanum coccineum*, aliis *Abrus* J. B. *Arachis Indicus* sive *Africanus* Park.

*Clus.*

Hujus semina sata Clusio, aliisque, Vicæ aut Lentis modo prodibant, duobus duntaxat crassiusculis foliis initio, ipso videlicet semine bifariam se dividente, & in folia formante, ut in aliis nonnullis leguminibus accidere solet: inter ista verò folia nascebatur *cauliculus*, sustinens aliorum foliorum alas, quæ ex multis foliolis, contrario situ semper nascentibus constabant denis, duodenis aut pluribus, nullo impari alam finiente, instar Vicæ sylvestris aut Lenticulæ: valde caduca est planta quæ nisi fulciatur procumbit, Pisorum instar: inter foliorum alas, quæ sarmenta aut caules amplectebantur, satis firmi & oblongiusculi exoriebantur pediculi, sustinentes alternis decem aut duodecim *flores*, [Phaseoli florum figurâ fortè, aut Vicæ seu Lentis, nam nihil certi de illis traditur] Istis pediculis inhærebant (floribus sc. delapsis) decem, duodecim aut plures pediculi, breviusculi satis crassi & rugosi, è quorum singulis graciliore breviorèque adhuc petiolo dependebat *siliqua*, rugosâ, spadicei foris coloris, unciam aut paulo amplius longa, semiunciam lata, illaque aliquantulum plana, mucrone instar hamuli curvo, interna parte albi, in qua continebantur quaterna aut quina *semina* durissima, orbicularis ferè vel ovalis figuræ, prorsus rubra, & nitentia instar Corallii expoliti, quum probè matura sunt, summa autem parte, quâ siliquæ inhæserant omnino atra, & præ lævore splendentia.

Alpinus lib. de *Plant. Egypt.* arborem appellat, at valdè improprie Clusii sententiâ, & etiam nostrâ, cum volubilem, *Leblab* modo serpentem, altius se attollentem, latiusque expandentem, esse scribat, & ridicè se convolventem pingat.

Est hic fructus insigniter durus, qui satus & post triennium è terra erutus adeò incorruptus repertus est, ac si pridie duntaxat terræ commissus fuisset. *Clus.* J. Bauhinus tota nigra habuit, aliisque quæ colore spadiceo sunt, nigrâ tamen maculâ notata, quæritque an naturale ipsis hoc sit, an accidat per vetustatem: Nos naturale potius esse putamus; nam satis vetusta habemus, quæ colorem adhuc retinent. *Veslingius* notis in *Alpin. Plant. Egypt.* se tota coccineo colore decora non vidisse scribit, sed quâ parte folliculo neciebantur splendido semper atrore maculata. *Folia* eodem observante, virgulis suis æquatis insident ordinibus, omniâque celestis calor promum condum mirâ conversione prosequuntur; siquidem ut nocte media terram, [adductis proximè ad se invicem singularum conjugationum foliorum pronis seu infernis superficiebus] sic meridie culminante sole, *εγρὸς κατὰ*, [adductis ad se supinis eorundem partibus] & sublati alarum extremis cælum spectant.

Alpinus ex Arabia in Ægyptum delata scribit hæc Pisa: Proveniunt tamen tum in Africa, tum in America.

Hoc Pisum rectius in puellarum cultum quàm corporis alimentum vel medicamentum cedit (inquit Piso) nec memini unquam in Brasilia hæc sicut cætera legumina advenis vel indigenis, etiam si probè elixa accepta fuisse, quòd ea pravi nutrimenti & difficillimæ concoctionis esse deprehenderent.



29. *Pisum Americanum* aliud, magnum, bicolor, coccineum & nigrum simul, sive *Phaseolus bicolor* Anacock dictus J. B. *Phaseolus peregrinus* ex rubro & nigro distinctus C. B. *Phaseolus Aegyptius* Ger. Park.

J. B.

Fructus hic durus, qui dentibus frangi non potest, resistens etiam malleo: injectus in aquam subfidit instar lapidis, colore miniato sicuti Abrus, eleganti atque splendente, verum media ferè parte, [in aliis vix tertia] niger est, compressus, nec exquisitè rotunditatis, sed in oblongum vergens, eà præsertim parte ubi umbilicus est. Hic diversarum magnitudinum est ac formæ; magnus, qui Lupini femine duplo ferè major; mediocris cum eodem æqualis ferè, & parvus eodem minor. Est eis omnibus velut umbilicus sublongus, qua parte adhærebat siliquas ut existimamus. Apertis cum difficultate medulla est durissima, ex albo flavescens: saporem notabilem non profert.

Fructus hosce vidimus, qualis stirps eos producat nescimus; putamus ex *Phaseolorum* genere esse.

- \* 30. *Flos Clitoridis Ternatensis* Breynii.

Breyn.

Lepidissimum sui spectaculum oculis offert anadendras etiam hæc per se infirma, sed tortilibus virescentibus ramis proxima adminicula quæ arripere potest conscendens planta, quam *folia* multa alterno situ ambiunt, *Glycyrrhizæ* sylv. Herbariorum quodammodo æmula, minora tamen, pulchriusque viridia, ac bina tantum vel terna, ac totidem ex adverso uni costæ inhærentia, uno impari extremam alam occupante. E quorum appendicibus pedicellus tener & parvus circa medietatem, ubi nonnihil reflexus, foliolis duobus tenuissimis cinctus exsurgit, *Florem* sustinens admodum magnum, hiantem ac speciosum, quasi papilionaceum, cujus tamen inferius labellum superiori folio videtur adnatum. Hic Flos ex magno calyce subviridi, membranaceo, in quinque lacinias desinente, & foliola duo rotunda ac membranacea circa basin habente, prorumpens, tam saturè profundo cœruleo est colore, ut etiam multos ficcus post annos, aquam in qua maceratur, brevi temporis spatio, colore adeò ferè cœruleo tingat veluti *Anil* quod ex Indiis in Europam transfertur. Floribus labentibus succedunt (ut fertur) *siliquæ* longæ & tenues, seminibus formam *Phaseolorum* parvorum exprimentibus refertæ.

Flores coctos Ternatensibus cibo esse aiunt.

- \* 31. *Phaseolus quadrangulus* Bontii.

Bont.

Mirum hoc leguminis genus foliorum magnitudine & fructus insuetâ figurâ cæteris præminet: licet crescendi modo & qualitate iisdem similis sit. Ex uno eodémque caule tria folia sibi conjuncta emergunt, atque ex eadem quasi centro pediculus provenit, ex quo *Phaseolus* quadrangularis dependet, *Pisis* rotundis repletus, qui ubi maturuerit dehiscit & fit edulis.

## C A P. II.

### De Piso.

**P**isum à *πῖσος* tundere dictum existimatur. Frangere legumina Veteribus solenne fuit: Aliis à *Pisa* quæ inter Ossam & Olympum, in qua copiosissime nascitur. *Gassend.* Verum non memini usquam legisse de alia *Pisa* quam quæ sita erat ad Alpheum amnem in Elide Peloponnesi: Aliis demum à *πῖς* & *πῖον*, quod humi procumbat.

Notæ *Pisi* genericæ sunt folia glabra, glauca, pinnis amplissimis caulem adeò arcuè amplectentia, ut ab iis transadigi videatur, è paucioribus & majoribus in hoc genere lobis composita, caulibus quam congeneribus major & fistulosior.

#### *Pisi Descriptio generalis.*

J. B.

Generali quadam notione *Pisa* circumscribemus, quorum differentias petet studiosus Lector ex Synonymis. In genere ergo hoc legumen, sicuti alia, brevis durationis, tenui est *radice*, fibrosa: *caules* fistulosi, dum adhuc teneri sunt, fragiles, longi, alienæ opis indigi, & nisi palis sustententur proculdum. *Folia* genicula adverso situ ita complectuntur, ut ab eo transadigi videantur, quanquam in annatis furculis eorundem sit pinnata dispositio, eo quod furculi superest in capreolos tortiles, quibus proxima quæque arripit, abeunte. *Flores* ad genicula è foliorum sinibus exeunt duo trèse simul in eodem furculo seu pediculo communi, formâ ad *Genistæ* flores accedentes, sed colore albo, vel purpureo, vel ex albo virescente, vel variegato. *Siliquæ* succedunt binæ ferè, teretiusculæ, penfiles, bifloræ, & carnosâ pulpâ, minus tamen multò quam in *Faba*, in quibus reclusis ad commissuram annectuntur *Pisa*, aliàs majora, aliàs minora; nunc rotunda, nunc quadrata, aut alias inæquali superficie, interdum alba, flava, rubra, fusca, subcœrulea aut virescentia. Color totius plantæ glaucus aut ex viridi canescens.

1. *Pisum vulgare, parvum, album, arvense* J. B. *sylvestre primum* Park. *arvense flore candido, fructu rotundo albo* C. B. **Common white field-pease.** *Pisum minus* Ger.

Flores huic albi, duo tréve simul in eodem communi pediculo; quibus totidem succedunt *siliquæ*, minores quàm hortensium, *semina* continentés parva, rotunda, alba.  
Hoc genus vulgò in agris feritur; & ad iuscula hyberno tempore expetitur.

2. *Pisum arvense flore roseo, fructu fusco, aut ex cinereo nigricante.* An *Pisum minus fructu subnigro* Matth? **Gray Pease.**

Hujus *flos* roseo aut purpureo est colore [folio erecto seu clypeiformi pallidiore, lateralibus, quæ quasi umbonis locum obtinent, saturatioribus] *Fructus* fuscus aut subniger, Piso albo vulgari aliquanto major, per maturitatem non adeò exactè rotundus, sed valleculis depresso inæqualis & interdum nonnihil angulosus.  
Seritur in agris.

3. *Tertium genus arvense, quod in Catalogo Plant. Angl. Pisum flore roseo, fructu variegato Anglice Maple-Pease denominamus.* An *Pisa minora rubra variegata* J. B.

A precedente fructus tantum colore differt, qui ex cinereo & rubente colore variegatus est.

4. *Pisa minora ex purpureo variegata, Vicia similia* J. B.

J. B.

Parva hæc sunt, nec Viciis multò majora, in quibus tamen puncta quædam ex cinericeo purpurea conspiciuntur, ut in Viciis vulgaribus, à quibus ideo non ità facile distingui possunt. Herba verò, caulis & *siliquæ* multum à Viciis vulgaribus differunt, quia angustiores, rotundiores, nec hirsutæ.

5. *Pisa parva, viridia* J. B.

C. B.

*Pisa* viridia, minora, rotunda, ejusdem valdè magnitudinis cum *Pisis* ex purpureo variegatis, ni minora, quaterna vel quina in una *siliqua*, coloris ex albo virentis, unicoloria demptà eà parte qua *siliquæ* hærent, quæ pars nigricat. In foliis discrimen non animadverto.

6. *Pisum sylvestre nigrum maculatum Beticum* Park. *Pisum maculatum Boelii* Ger. *emac.* App.

Flores è luteo pallido virescunt: *Semina* fusca seu obscurè cinerea, maculis nigerrimis velut holsericeis punctata. Annua est planta.

7. *Pisum erectius comosum* J. B. *umbellatum* C. B. Ger. **Rose-pease.**

Erectius est vulgari *Piso*, *caule* firmiore, crassiore, potissimum parte superiore, striato, inani, sua vi assurgit; ex intervallis foliorum alas, costà medià cui annectuntur in tortiles capreolos abeunte, producens, sed nullo flore, nullo fructu, præterquam in summo caulis fastigio, quod floribus albis, numerosis, in orbem positis densè stipatur, quos *siliquæ* vulgato sativo eadem, radiata série comantes excipiunt, geminæ aut tergemina, eidem pediculo appendæ; *Pisa* continentés alba, sativis vulgatis minora paullo, orbiculata, ad arvensia accedentia, permixtis pinnatis foliis quàm in reliquo caule minoribus. *Radix* fibrosa ut in cæteris.

8. *Pisa sine tunicis durioribus in siliqua magna alba* J. B. *Pisa sine cortice duriore* C. B. *Pisa lep-roloba quæ simul cum folliculis comeduntur* Cam. hort. *Pisum excorticatum* Ger.

In magnam altitudinem excrescit: *Siliquæ* magnæ, albæ, sine duriorè tunica, totæ mandi possunt. In cæteris vulgari *Piso* correspondet.  
Huic fortè idem est

9. *Pisum siliquâ carnosâ incurvâ seu falcata, eduli.* **The Sickle Pease.**

*Flos* huic albus est: *Siliquæ* latæ crassæ & carnosæ, incurvæ, quæ Phaseolorum modo coctæ antequam maturuere, edules sunt. *Folia* maculis albis quàm in aliis generibus latioribus infecta sunt. *Pisa* rotunda, alba, hortensibus albis præcocius minora.

In horto nostro aliquot annos aluimus. Fructuum autem aviculæ valdè avidæ sunt, ut ab earum rapinis eas agrè possis defendere.

10. *Pisum flore rubente, striato, pro coccineo misso.* **The Scarlet Pease.**

Ex *Pisis* majoribus est, *siliquis* longis, teretibus, rectis, multa intus *semina* continentibus, ad octona, albicantia aut flaventia, rotunda.



11. *Pisum majus quadratum* C. B. *majus* Ger. *The Houncival Pease.*

Dod.

*Caules* habet longos, fistulosos, fragiles, ex candore virescentes, ramosos, humi sparsos, nisi propè appositis adminiculis sustineantur. *Folium* frequens amplum & longum, ex multis rotundis, lœvibus ac candidis, uni costæ adnatis, & ex adverso fitis compositum, extrema parte in capreolos ac claviculas definit, quibus juxta assistentibus adminiculis sese implicat. *Flos* candidus circa umbilicum purpuream notam habet: *siliquæ* longæ sunt, teretes, cylindri figurâ, in quibus grana continentur Ochris, id est, Pisis minoribus majora, quæ exficcata angulosa sunt, inæqualisque angulos habent, colore aliàs candido, aliàs sordido. Radices subsunt parvæ.

12. *Pisa majora alba* J. B. *The white Hasting.*

J. B.

*Pisa* alba maxima, Pisis vulgaribus sunt similia, flore albo. *Semina* quidem alba, non ita angulosa ut illa [*Pisa* magna rubra variegata J. B.] majora quàm sunt *Pisa* comosa, nec ita rotunda.

13. *Pisa magna rubra variegata* J. B. *Pisum bortenfe majus* C. B. *Pisum majus* Matth.

J. B.

Hominem magnitudine multum excedit. *Florem* fert purpureum in medio, & in latiori parte roseum. *Siliquæ* magnæ, succulentæ: *Pisa* intus valdè magna, non rotunda ut minora, sed angulosa, vel potiùs compressa pulchri coloris variegati ex albedine & rubedine, cortice crasso ubi coquuntur, à Germanis magni fiunt in cibo.

14. *Pisa Virginiana* C. B.

Hoc *Pisum* ex nobis hætenus cognitum longè maximum & altissimum est, ad hastæ ferè altitudinem assurgens, flore præcedentis simili. Fructus magnus, per maturitatem compressus nonnihil & angulosus, superficie valleculis inæquali, colore cinereo, cum hilo nigro: *Siliquæ* magnæ, teretes, longæ, octo, novem aut decem interdum *Pisa* continent.

Sapore & bonitate (ut rectè scribit C. Bauhinus ex Descr. Virgin.) *Pisa* nostratia longè superant, potuisset addere & magnitudine.

\* 15. *Pisi pulchra species folio anguloso* J. B.

Hujus *viticula* multò quàm vulgaris teneriores, delicatiorisque apparent: Ad foliorum origines *foliola* bina lata, Aphaces Dod. folia quodammodo æmulantia, obtusiora, imâ utrinque parte angulosa, & quasi ferrata. In pediculis verò, qui in capreolos definunt, quaterna tantum folia hærent, geminâ oppositione, *Pisi* vulgaris minora, plerunque etiam denticulata. *Flores* singulares tenuibus pediculis hærent quàm in *Piso* vulgari multò minores, rubelli in sicca planta, quibus singulis singulæ succedunt *siliquæ*.

\* 16. *Pisum sylvestre* Clus. *sylvestre perenne* C. B. Ger. *sylv. alterum* Ger.

Nec sarmentis nec foliis à vulgari *Piso*, quod in arvis feritur multum differt: numerosa enim & oblonga ab eadem radice profert *sarmenta*, angulosa, striata, fractu contumacia: *folia* deinde uncialia, membranacea, viridiæque, bina semper, modò hinc, modò illinc ipsa sarmenta amplectentia, è quorum medio ala extenditur quatuor aut sex foliorum, contrario semper situ nascentium, quæ in capreolos, quibus sese vicinis plantis implicat, definit. Summa sarmenta in multos deinde ramos dividuntur, qui ex foliorum alis oblongas tenuisque virgulas promunt, in quibus multi exigui candicantesque flores spicæ instar congestis nascuntur, Ciceris sylv. Matth. flosculis perfimiles; quibus excussis succedunt *lobi* *Pisi* vulgaris vaginis paullo graciliores, continentes grana Clymeni Matth. granis similia, fusca, ingrati saporis. *Radix* lignosa, nigricans, minimi digiti crassitudinem interdum æquat, & tenuibus fibris donata est, perennis & singulis annis nova sarmenta, longè sub terram sese condentia proferens, antequam germinet.

Variis Pannoniæ in locis invenit Clusius & circa Viennam sylvos montibus. Floret Junio, semen Julio maturum est.

A. 17. *Pisum marinum* Ger. pag. 1250. *spontanum maritimum Anglicum* Park. item *Pisum aliud maritimum Britannicum* ejusdem. *English Sea-Pease.*

*Caulibus* est angulosis [triangulis] crebris geniculis interceptis, humi procumbentibus, ramosis; binis ad singulos articulos & ramulorum exortus appositis *foliis*, è quorum medio (ut cum Clusio loquar) ala extenditur quinis aut senis pinnularum viridium, subrotundarum paribus, mediæ costæ adnexis composita, extremâ ala in capreolos abeunte. *Flores* propè summos ramulos octo aut decem simul juncti in eodem furculo seu pediculo communi, è foliorum sinu egresso, ut in reliquis Leguminibus, dilutè rubri, cùmque omnino aperti sunt in medio pallidè cœrulei, quos sequuntur totidem *siliquæ*, breviores & minores quàm in *Piso* vulgari, octo aut decem interdum *semina* continentes, hilo albo ad dimidiam ferè partem semicirculi in modum cinctæ, per maturitatem olivacei fere coloris, aut paulo obscurioris, *Piso* albo vulgari minora, non tamen rotunda, sed nonnihil angulosa & inæqualia, sapore amaro, uti est & tota Planta.

Radix

Locus &  
Tempus

*Radix* inter filices & lapillos in maris litore aggestos ad ulnæ altitudinem se infinuat, donec ad *Locus*. arenam usque penetret, ibidemque longè latèque vagatur fibris tenuibus longissimis, quibus immensum se propagat, locum idoneum nacta. Superficies quotannis emoritur, radice superflite. Semine sata etiam in hortis haud difficulter provenit, & feliciter adolescit, ut ipse expertus sum, quicquid repugnat Parkinsonus.

Refert *Gesnerus* lib. de *Aquatilibus* 4. p. 256, ex Epistolis *D. Caii*, & post eum *Joan. Stow* in Chronico suo, litoris *Aldeburgici* & *Orfordiensis* accolæ, tenuioris conditionis homines in magna annonæ caritate, quæ contigit Anno 1555. pisces hisce se suosque sustentasse. Quæ [verba sunt *Gesneri*] faxis insidentia (mirabile dictu) nullâ terrâ circumfusa Autumnali tempore sponte nata sunt, adeo magnâ copiâ, ut sufficerent vel millibus hominum.

Quod *Pisa* hæc miraculo quodam ad sublevandam inedia tunc primùm enata sint mihi vix persuaserint, quod solito copiosior fuerit eo anno illorum proventus non abnuerim. Proculdubio enim tam hic, quàm alibi, consimilibus in locis multis antea sæculis extiterunt, quamvis in usum non fuerint recepta: Et certè nisi urgente fame & in melioris alimentii inopia, ob amarorem nemo illis libenter velceretur, cum etiamnum ab hominibus sint neglecta, quamvis locus eorum nunc satis notus sit, & ubertim quotannis proveniant: quin & ab Avibus ipsis plerumque intacta manent, quamvis in nudis filicum & lapillorum cumulis marini æstus impetu aggestis eorum visui exposita sint.

*Camdenus* autem noster aliique à scopo nimium aberrant, cum *Pisa* hæc seminibus è naufragiorum reliquiis in litus fortè fortuna vi tempestatis aut æstu maris ejectis tunc temporis orta suspicantur; cum sint radicibus prælongis, perpetuis, fructu minore, amariore, & ut verbo absolvam, totâ facie à *Pis*is satis cujuscunque generis diversa.

*J. Bauhinus* *Pisi* sylvestris titulo hanc speciem intelligere videtur, quamvis eam cum *Piso* sylvestri *Pannonico* perperam confundat. Folia rectè *Capparum* foliis similia, modo leviter acuminata, obliquis venis striata esse scribit, reliqua etiam descriptio benè convenit.

In crepidine seu aggere illo è lapillis & filicibus æstus marini impetu coacervatis composito, qui ab *Aldeburgo* *Suffolciæ* oppido in longum ad *Orfordiam* ferè usque procurrit, portumque *Orfordiensem* ab Oceano dividit, copiosè provenit; invenimus etiam non longè ab *Hastings* *Suffexiæ* portu, & alibi in maris litore saxoso, sed rariùs.

*Pisa* cujuscunque generis flatulenta sunt, ideòque *Turnerus* omnibus quotquot ventriculum habent aut lienem flatibus obnoxium nimium earum usum quacunque ratione præparatorum fugiendum suadet, nisi addatur *Anisum*, aut *Cyminum*, aut *Mentha*, aut aliud aliquid *æquor*. Vires & Usus.

*Pisa* alba & *hortensia*, viridia adhuc, antequam plenam maturitatem adeptæ sunt, in aqua cocta, & deinde butyro condita æstivo tempore delicatissimum nostratibus habentur ferculum, & nobilium mensis præcocia & verna inferuntur; nec valde flatulenta sunt. *Dodonæus* medium quodammodo locum obtinere ait inter ea quæ boni ac pravi sunt succi; multum ac parùm nutriunt; faciliè ac difficilè concoquantur; tardè & citò descendunt; flatulenta sunt & flatibus expertia:

Eadem sicca tempore *Quadragesimali* jusculis incoquantur, & ex iisdem pulres fiunt, vulgo & etiam ditioribus acceptæ. Verum sicca nobis multò flatulentiora videntur quàm viridia & recentia, palato & ventriculo delicatiorum minùs grata.

Scholæ *Salernitanæ* *Pisa*

*Sunt inflativa cum pellibus atque nociva;*  
*Pellibus ablatis sunt bona Pisa satis.*

*Pisa* nigricantia cum *Avena* mixta à nostratibus pro equorum pabulo usurpantur; in frequentissimo etiam usu sunt ad porcos saginandos. *Dodonæus* totâ substantiâ quandam cum *Fab*is similitudinem habere scribit, duobus ab eisdem differre, tum quòd non æquè ac *Fabæ* sunt flatulentæ, tum etiam quòd detergendi facultatem non habent, ideòque segniùs quàm illæ per alvum secedunt.

*Pisa* viridia cruda comesta in *Scorbuto* à piscium & carniùm salitorum esu contracto inter navigandum, summopere commendantur.

*Mart. Rulandus*, referente *J. Bauhino*, in *Balnear.* Lib. 1. Clafs. 3. c. 1. ad *Scabiem*, *lepram*, *ulcera*, & omnia cutis vitia balneo utitur sæpius experto ex *Pis*is cum foliis *Quercus* in aqua fluviali decoctis.

### C A P. III.

#### De Lathyro.

Λ'αυρ' q. λ'αυρ' dicitur, quòd *Venerem* maximè excitet, à λ'α particula augmentiva, & αυρ', quod significat *αφροδισιας, ερμηνεις* *J. Bod. à Stapel*. At nobis non arridet illud *erymon*.

*Lathyri* notæ genericæ sunt caules membranulis secundum longitudinem extantibus aucti, compressi & angulosi. Folia ex unica tantum pinnarum mediæ costæ annexarum conjugatione composita.



1. *Lathyri majoris species flore rubente & albido minore dumetorum, sive Germanicum* J. B. *Lathyrus sylvestris* Dod. *Lathyrus angustifolius* Clus. ex sententia J. B. *Lathyrus syl. major* C. B. *Lath. sylv. Dodonæi* Park.

¶. B.

*Lathyro* huic longissima sunt *flagella*, ad cubitos aliquot porrecta, angulosa & membranulis aucta, in varios ramos divisa: *Folia* ex pediculis palmo longioribus, longa, venosa & acuta, bina juncta, pediculo inter utrumque in capreolos abeunte, proxima fulcra amplexantes. *Flores* longis hærent pediculis, Pisorum æmuli, rubentes, minores quàm Narbonensis *Lathyri*. *Siliquæ* rubræ, angustæ, panè rotundæ, grana continent minora quàm *Viciæ* sativæ, nigricantia rugosa nonnihil & maculosa. Hilus mediam partem seminis occupat: Sapor leguminosus. *Radix* subest perennis, longa, digito crassior, singulis annis germinans. Eadem est (ni fallor) quam reperi colore partim albo ac nonnihil ex luteo pallido.

Locus.

In dumetis & sepibus variis Germaniæ in locis reperit J. Bauhinus, quæ apud ipsum vide. Nos propè maximum Carthusianorum cœnobium: quin & in Angliæ Suffexia, ni multum fallor, propè pagum rusticum *Poynings* dictum: item in Comitatu Cantabrigienfi propè *Castle-Campes* vicum ad sepes juxta viam publicam quæ *Bartloviam* ducit, observante D. Dale.

Aveshujus semina perquirunt, & siliquas perforant ut ea devorent.

- A. 2. *Lathyrus major latifolius* Ger. emac. *major perennis* Park. *latifolius* C. B. *major latifolia, flore majore purpureo speciosior* J. B. *Clymenum* Matth. *Pease everlasting* ing.

¶. B.

*Lathyro* præcedente omnibus partibus speciosior est, membraneis alis venosis secundum caules prolixos aptis: *Folia* bina, nervosa, rigidiora, in obtusum mucronem desinentia, unciam circiter lata, pediculo membraneo in cirros facessente adnectuntur. *Flores* singulari appendice, dodrantali interdum, nituntur, multi juncti, magni, purpurei, & colore grati [addit Parkinsonus & odore] quos sequuntur *siliquæ*, uncias tres longæ aut etiam majores, vix semunciam latæ, nonnihil compressæ, *semina* parva, quàm *Viciæ* minora, rotunda, nigricantia continentes, & ut vult Gerardus, saporis amari.

Locus.

In sylvis apud nos invenitur, sed rariùs. Occurrit etiam in agro Monspelianno.

3. *Lathyrus major Narbonensis angustifolius* J. B. *Lathyrus angustifolius* Park.

Foliorum angustia præcipuè differt à præcedente, imò hac notâ solâ, ut affirmat Camerarius. J. Bauhinus folia quaterna ad originem pediculi foliati observavit, quorum duo majora & alia duo minora; quæ tamen in ramulo quem habemus sicco non cernuntur. Possent proculdubio & aliæ differentiæ observari si quis plantas diligenter inter se conferre voluerit, nam tanta est in foliis differentia, ut vel sola sufficiat ad diversitatem specificam, ut vocant, arguendam.

Morisonus *Lathyrum sylvestrem* majorem C. B. hujus synonymum facit, quàm rectè ipse viderit. Fortè tamen hic fuerit quem Clusius in Francofurtensi agro observatum *Lathyrum sylvestrem angustifolium* appellat; quem tamen nos cum J. Bauhino ad primam speciem retulimus.

Locus.

Circa Monspelim variis in locis observavimus. V. Botan. Monsp.

- A. 4. *Lathyrus luteus sylvestris dumetorum* J. B. *sylvestris flore luteo* Park. Ger. emac. *sylv. luteus foliis Viciæ* C. B. *Care everlasting. Common pellow bastard* Detch.

¶. B.

Ex radice repente, vivaci, angulosis fistulosisque flagellis latè se propagat, infirmis tamen & humi provolutis ni sustineatur, bicubitalibus & altioribus. *Folia* quædam calamos pinnatis alis amplectuntur, alia extremis adnatorum insident, bina opposita, ut *Lathyro* siliquâ hirsutâ, vel *Cicerculæ*, breviora; inter quæ tortiles capreoli enascuntur. *Flores* cæteris *Lathyris* similes, ex longis pediculis, parvi, lutei. *Siliquæ* succedunt glabræ, quæ maturæ nigræ, striatæ, interdum nonnihil incurvæ; *Semina* parva sex vel septem, panè rotunda, lucida, non variegata, sublutea.

Locus.

In dumetis & sepibus passim luxuriat, non rarò etiam in pratis & pascuis.

- \* 5. *Lathyrus luteus latifolius* Botan. Monf. *Lathyri species lutea* J. B. An *Lath. arvensis annuus luteus, siliquis hirsutis* Moris?

¶. B.

*Folia* habet bina, oblonga, ex quorum medio capreolus in aliquot partes supernè divisus profilit: *Flosculus* luteus à præcedente diversus, cui flores sunt simul in uno pediculo juncti. *Folia* etiam sunt minora, & tota planta multo major ramosiorque, quatenus hucusque observare potuit J. Bauhinus.

In horto Frid. Meier J. Bauhino visa est. Pediculi flores ochroleucos sustinentes in Morisoni planta longi sunt, sesquipedales aliquando, vulgò palmares: *siliquæ* longæ, asperæ.

Locus.

In satis circa Salenovam non longe à Monspelio & alibi Aprili & Maio mensibus cum flore occurrit.

6. *Chamaelanus leguminosa* J. B. *Lathyrus arvensis repens tuberosus* C. B. *Lath. arvensis* fructu  
Terra glandes Park. Terra glandes Dod. Lob. Ger. Pease-Earthnut.

J. B.

Ex radice argumento Chamaelanon, quasi terrestrem glandem dicas, denominarunt; siquidem ex filis tenuibus, longissimis pendulae subsunt glandes, crassiusculae, oblongae, pulpa candida, dulci, nonnisi alta fossione inveniendae; unde infirmi emergunt coliculi, sed longi, cubitales vel majores, ramosi, humi procumbentes: in quibus observare est bina fere folia, ex adverso sita, Viciae familia, unciam circiter longa, obtusiore mucrone, reliquo pediculo in capreolos abeunte. Flores leguminosi, Pisi, plures congesti privato inhaerent surculo, purpurei & odorati, siliquas relinquentes parvas, oblongas, compressas, semina claudentes quatuor aut quinque, rotunda, compressa.

Non eget prolixa descriptione haec planta, siquidem radicibus suis tuberosis, esculentis, ab aliis Lathyris abunde distinguitur.

In agris inter segetes frequentissime reperitur in regionibus transmarinis. Observavimus in Brabantia & circa Genevam: In Anglia, quod sciam, spontanea non occurrit.

- \* 7. *Lathyrus duplex* G., seu supra infraque terram siliquas gerens Morif.

Morif.

Parvula haec Lathyrus species cauliculos pedales per terram stratos producit: ad quorum singula genicula bina exeunt foliola, angusta, mucronata, atque ex alis inter cauliculos & folia protruduntur capreoli curti, & petioli breves item, sustinentes flores dilute rubicundos, papilionaceos, quibus succedunt siliquae unciales, duplici membranacea ala in prona parte cinetae, Lathyrus sativi in modum; inque singulis continentur bina, aut ad summum terna semina rotunda. Radice constat satis numerosa, fibrillis juncta: atque insuper siliquas intra terram gerit, continentes in se semina, siliquarum floribus succedentium supra terram paria, Arachidis Theophrasti instar.

Semina Chalepo accepta à D. Roberto Huntington: Provenit in Asia Syriaeque sponte. Floret apud  
nos Augusto & Septembri; Octobri maturantur semina. Locus & Tempus.

Huic affinis & fortasse eadem est,

*Araco similis planta ex Hisp. missa* Bod. à Stapel.

Infra supraque terram siliquam fert parvam, sed magnitudine & forma aequalem, in qua semen rotundum, unicum, colore foris obsoleto sive nigricante, iustus ex luteo albicante. Cauliculos statim è radice emittit plures quincunciales aut paullo majores, tenues, humi procumbentes. Foliola è caulium geniculis exeunt glabra, angusta, parva, in mucronem desinentia Araco sive Ciceræ Dod. non dissimilia, sed minora, bina uni insistentia, inter quae medius haeret capreolus. Flores purpurei.

Seminibus in singulis siliquis singulis à praecedente differt.

- \* 8. *Lathyrus Baticus flore luteo* Park. *Lathyrus aestivus flore luteo* Ger. emac. App.

Mor. Park.

Caulis profert ternos aut quaternos, ulnam excedentes, binis alis membranaceis auctos aliorum more: quin & bina foliola breviter, latiuscula, ad exortum pediculi folia sustinentis bina angusta, longa, qui deinde in capreolos abit. Flores fert luteos, venis purpureis distinctos: quibus succedunt siliquae longae, plures simul junctae, semina continentes rotunda, alpera & velut reticulata, senu aut plura. Adde ex Gerardo emac. Folia bina minutissima, hinc inde unum, cauli apposita ad exortum pediculi foliorum, quae angustissima sunt, tres uncias longa: Flores parvos esse; siliquas glabras, teretiusculas, biunciales: semina arenae colore obscuriore.

- \* 9. *Lathyrus arvensis siliquis Pisi minoris* Morif.

Morif.

Haec parvula & annua Lathyrus species convenit in reliquis cum antedictis; solâ siliquâ curtâ cylindracea ad instar Pisi minoris ab illis differt & distingui potest.

- \* 10. *Lathyrus angustifolius leptomacrobolus, semine rotundo, flore rubello* Morif.

Morif.

Folia gerit angusta, longa & quasi graminea; Caulis exserit pedales & sesquipedales, procumbentes, è quorum sinibus oriuntur pediculi triunciales, sustinentes flores minores, papilionaceos, eleganter rubellos, obsoleti veluti coloris, nunc singulos, nunc binos; quorum singulis succedit siliqua tenuis, rotunda, longa, triuncialis, sequentis siliquâ tum longior, tum crassior: in singulis continentur semina novena, dena, rotunda, parvula, Viciae sylvestris more. Radice constat tenui, gracili, quotannis pereunte.

Provenit inter segetes copiosè circa Blasas: floret Junio, & semina maturantur Augusto.

Locus & Tempus,

- \* 11. *Lathyrus angustifolius, leptomacrobolus, semine anguloso, flore caeruleo* Morif.

Morif.

Folia edit quàm praecedentis angustiora, graminea pariter, sed omnino tenuiora. Florem fert parvum, papilionaceum, caeruleum, praecedentis minorem: cui succedit siliqua angulosa, brevior & tenuior quàm praecedentis, continens septena, octona, minuta pariter, angulosa, & quasi triquetra semina.

Floret



Locum.

Floret promiscuè cum præcedenti menſe Julio inter ſegetes eundo Blæſis ad villam Domini de la Noue.

- A. 12. *Lathyrus filiqua hirsuta* J. B. Rough-codded Chickling. An *Lath. angustif. fil. hirsuta* C. B?

J. B.

Radice est ſingulari, tenui, annua: anguloſi caules cubito longiores ſunt: folia bina Lathyri flore rubro albiv: at ſorum purpuraſcentium pediculi longi ſunt, ſequipalmare aliquando, licet & vix palmare interdum exiſtant, in quorum ſtagitiis plures diſpoſiti flores, qui delapſi ſiliquas relinquunt, breviores & latiores quam in maiore Germanico, ſequiunciam ferè longas, non totam ſemunciam latas, hirsutas, aſperas, ſemina comprehendentes maioris Germanici ſeminibus ſimilia, minora, ruſſa, vel nigricantia, rotunda, ſuperficie criſpa.

Locum.

Circa agrorum limites in Hockley, Ralegh & alibi ſponte naſcentem invenimus in Eſſexia: nec non in tranſmarinis propè Genevam inter ſegetes.

13. *Lathyrus ſativus flore fructuque albo* C. B. *Lathyrus anguloſo ſemine* J. B. *Cicercula ſive Lathyrus ſativus flore albo* Park. *angustifolius flore albo* Ger. emac. *Manured Chickling*.

J. B.

Anguloſis, prolixis ſatis caulibus præditus, in ramos multos diviſis. Folia pediculo hærent latiusculo, duabus ad exortum appendicibus caulem amplectentibus: ſunt ea verò gemina, oblonga, acuminate, glabra, ſtriata, inter quæ proſiliens pediculi reliquum in tortiles abit claviculas, quibus proxima apprehendit. Ex pinnatarum appendicum ſinu pediculi exeunt ſingulares, ſorem gerentes unicū, majusculum, album; quem excipit ſiliqua lata, compreſſa, duabus membranulis extantibus averſa parte ſecundum longitudinem alata, ſemina claudens anguloſa, candida: Radix fibroſa, gracilis.

Locum.

Circa Genevam in agris copioſè ſeritur; & etiam in Germania.

14. *Lathyrus ſativus flore purpureo* C. B. *angustifolius flore purpureo* Ger. emac. *Lath. flore rubro* J. B. *Cicercula flore purp.* Park.

Dod.

Flores habet ex rubra purpura in puniceum inclinantes: grana anguloſa, obſoleta nigròque proxima. C. B. cætero præcedenti ſimilis.

Hic eſt, ni fallor, *Lathyrus æſtivus Bæticus flore cæruleo* Boelii Ger. emac. App.

- \* 15. *Lathyrus angustifolius ſemine maculoſo* C. B. *Lathyrus quadam, quibusdam Egyptia Aracus* J. B. *Lath. Egyptiacus* Ger. emac. *Cicercula Bætica & Egyptiaca Cluſii* Park.

J. B.

Lathyro albo ſimilis eſt, infirmus, clavicularum ope bacillis juxta depactis ſeſe implicans; caulibus anguloſis, quibus membranulæ ſecundum longitudinem adnatæ: foliis culmum latis, acuminatis, craſſiuſculo pediculo adnexis, binis, ſtriatis, inter quæ capreoli oriuntur: ad baſin autem pediculi duæ veluti alæ, & flores ex longo petiolo inflexo ſingulares inſident Piſi floribus æquales, ſupremo folio lato ſuſum expaſo, foris carneo, intus cœruleo, exceptâ infimâ ora rubente, colore prædito, aliſ duabus foris coccineis, maculâ cœruleâ medium pingente, intus cœruleis exceptâ angulâ purpuraſcente orbitâ, carina ex herbaceo albicat. Siliquæ latæ, ſequiunciam longæ, compreſſæ nonnihil, inſigni ſulco fimbriato altiùs exarata, ſemina continent bina vel terna, magnitudine Lathyri albi anguloſi, ac ferè quadrata, à craſſiori latere ad oppoſitum devexa, & in anguſtum compreſſa, coloris fuſci, minutiffimis maculis anthracinis conſperſa, guſtu Piſorum dulceſcente, & dentium attritu ſubſtantiâ qualis Piſorum æquabili.

Locum.

Reperitur non in Ægypto tantum ſed & Hiſpania.

- \* 16. *Lathyrus folio tenuiore floribus rubris* J. B. *angustissimo ſive capillaceo folio* C. B. prod. An *Lath. major angustissimo folio* Park? *angustifolius brachyplatolobus flore rubello* Morif.

J. B.

Hæc aliàs eſt cubitalis, aliàs vix palmaris, radice tenui, fibroſa: Coliculi crebri, per quos folia tenuiſſima, longa, Caryophylli hololſtei vel graminis. Flores rubri pro plantæ proportionem magni, ſimiles Lathyro flore rubro, cui forte eadem eſt, foliis tantum ludens. Siliquæ latæ ſunt, ſemina continentes tria quatuorve, Orobi exiſtimari magnitudine, pæne rotunda, aſperata, fuſcis maculis obſita, hilo lineis fuſcis picto.

Locum.

Qua itur Monſpelio Frontignanum invenit J. Bauhinus ficcis & ſylveſtribus locis Aprili menſe florentem. Hujus deſcriptionem Parkinsonianam vide in fine hujus capituli inter Lathyros Parkinson.

17. *Lathyrus flore coccineo.* An *Cicercula flore rubente* Park? *Lath. Bæticus miniatus* Boelii?

Hic inter ſegetes nobis inventus circa Genevam, atque etiam circa Liburnum portum in Italia, cauliculis aſſurgit ſemipedalibus, erectioribus ferè quàm aliorum, foliis veſtitis in oblongo pediculo binis oporitis, anguſtis, acutis, unciali aut ſequiunciali longitudine: Ad exortum pediculi bina apponuntur foliola, pro plantæ magnitudine majora latioraque quàm aliis plerique Lathyris. Flores è foliorum ſinibus exeunt in pediculis uncialibus aut longioribus, tenuibus ſingulares, coccinei. Siliquas non obſervavimus.

Lathyri Bæticæ miniati Boelii deſcriptionem accuratam vide inter Lathyros Parkinsonianos, à Johnſono elaboratam, & à nobis Latinam factam ex Appendice ad Gerardum emaculatam, huc tranſlatam.

Præter

Præter hunc & alium adhuc observavimus Lathyrum flore coccineo, foliis gramineis, ad radices montis Vesuvii propè Neapolin, in Italia: An

18. *Lathyrus angustifolius humilior Ervum Monspeliensium* C. B.?

Fortè inquit *D. Magnol* intelligit C. B. Lathyrì speciem quam in sterilibus circa Boutonetum & in aliis sterilibus satorum marginibus habemus humilem cum foliis gramineis, venosis, & floribus phœniceis.

19. *Lathyrus Tingitanus flore amplo ruberrimo.*

*Caules* ex eadem radice exeunt plures, bicubitales & longiores humi procumbentes nisi adsint plantæ aut fulcimenta quæ arripiant & scandant; compressi, appendicibus duabus membranaceis secundum longitudinem productis donati. *Folia* ut in reliquis congeneribus ad singula genicula singula, è binis pinnulis ad mediam costam annexis composita, Lathyrì perennis dumetorum magnitudine & figurâ: costa cui adnectuntur pinnulæ in capreolos exit. Tum caules tum folia glauca sunt, ut in plerisque congeneribus. Ex alis foliorum exeunt surculi palmares & longiores, duos plerunque, interdum tres flores amplos, pulcherrimos saturo rubore & velut sanguineo tinctos sustinentes, quibus succedunt *siliquæ* tres digitos longæ, latiusculæ compressæ, læves, sex vel etiam octo *semina* continentes compressa, oblonga, pulla, obscurioribus lineis varia. *Siliquæ* ubi semina sunt protuberant paulum, ut in Orobo. Planta est annua & semine renovanda.

Semen hujus plantæ cum aliis rarioribus *D. Alexander Balam* primus, quod sciam, à Tingi Africæ urbe in Angliam intulit.

C A P. IV.

*Lathyrì Parkinsoniani, quorum nonnulli Johnsono etiam descripti sunt in Appendice ad Gerardum emaculatum.*

1. *Lathyrus annuus major Baticus.* Park.

*Park.*  
**D**UOS trêse *cauliculus* producit, bicubitales, compressos, membranulis secundum longitudinem excurrentibus utrinque veluti alatos: ad quorum genicula in pediculo\* oblongo, in capreolos deficiente *folia* bina adversa, modicè lata & oblonga, & ad pediculi exortum duo minora, cauli appositata. *Flores* in pediculis oblongis quadratis singulares, saturatiore purpurâ tincti quàm Lathyrì majoris perennis flores, verum minores; quibus succedunt *siliquæ* longæ, pallidæ, Lathyrì prædicti similes, uti sunt & semina. \* *Unciali.*

*Radix* neque altè in terram descendit, neque in crassitudinem excrescit, sed quotannis emoritur.

2. *Lathyrus major siliquâ brevi* Park.

A Lathyro annuo *siliquis* Orobi nascendi modo parùm differt; Floris duntaxat petalum exterius seu erectum albicat, interiora seu lateralia purpurascunt: quæ sequuntur *siliquæ* breves sunt & crassæ, *semina* continentes parva, rotunda, nigricantia.

3. *Lathyrus minor siliquâ brevi* Park.

Hic à præcedente parvitate sua præcipuè differt, & quòd *siliquæ* ejus subasperæ sunt. Alium adhuc minorem habemus *siliquâ* longiore & angustiore.

4. *Lathyrus major angustissimo folio* Park. An *Lathyrus major angustissimo folio* C. B. prod?

*Caulis* hujus tenuis est & infirmus; *folia* longa gramineis angustiora, bina & interdum terna simul. *Flores* in singulis pediculis singuli, cœrulo-purpurei, & interdum rubentes. *Semina* parva nigricantia *siliquis* parvis extremitatibus incurvis contenta.

Hunc eundem esse existimat Lathyro majori angustissimo folio C. Bauhino in Prodrômò descripto: cujus descriptionem superius positam vide.

5. *Lathyrus palustris Lusitanicus* Park. *palust.* *Lusitanicus Boelii* Ger. emac. App.

Hic initio parum admodum à prima specie differt. *Flores* plerunque bini in eodem pediculo; petalo exteriore splendente purpurâ tincto, mediis pallidioribus: *Siliquæ* graciliores quàm primæ speciei, & longitudine pares, colore pallidi, *semina* intus continentes septem aut octo, parva, ante maturitatem incana & nigris maculis notata, per siccitatem nigricantia. *Caules*, *folia*, *siliquæ* earumque pediculi nonnihil pilosa sunt & hirsuta.

6. *Lathyrus*



6. *Lathyrus minor angustissimo folio* Park.

Hic præcedente omnibus sui partibus minor est, infirmior & tenerior: *Folia* tenuitate, angustia & longitudine Fœniculaceis paria: *Flores* pallidè rubent. *Siliquæ* & *semina* præcedentis familia.

7. *Lathyrus æstivus flore miniato* Ger. emac. App. *Cicercula flore rubente* Park. *Lathyrus Bæticus miniatus* Boelii.

*Cicercula* five potiùs *Lathyro* Ægyptiaco *Clus.* in omnibus ferè similis est, nisi quòd folia huic angustiora & longiora sunt; *flores* colore Aurantii mali fordidiore; quos excipiunt *siliquæ* breves, teretes, *seminibus* fulcis, angulosis repletæ.

Omnes hæ *Lathyri* species Parkinsono enatæ sunt ex *seminibus* à Gulielmo Boelio ex Hispania delatis, exceptâ duntaxat antepenultimâ cujus *semina* ipse invenit Anisi *seminibus* mixta, dum ea repurgaret.

Ultimam speciem sic describit Johnsonus in Appendice ad Gerardum suum emaculatum:

*Caulibus* & *foliis* *Lathyridi* latiore folio *Lob.* similis est, sed multò minor, bicubitalem longitudinem non attingens: *foliola* pariter obtinet exigua, acuminata, *caulibus* adnascencia bina ad exortum pediculi semuncialis compressi, *folia* sustinentis bina, tres uncias longa, & in capreolos desinentis. *Flores* minii colore minus splendido tincti, singuli in singulis pediculis, brevibus, glabris: *Siliquæ* Pisi vulg. arvensis similes sed minores, sescunciales, *semina* quatuor, quinque, vel sex, angulosa, colore fabuli aut obscurè luteo, Pisorum magnitudine & sapore, continentis.

Præter descriptas alias adhuc duas species nobis ignotas, nec scio an à quoquam descriptas memorat & C. Bauhinus in Pinace, nimirum

1. *Lathyrum angustissimo folio*, Americanum variegatum, quem Orobi Americani nomine in horto suo crevisse refert.

2. *Lathyrum peregrinum foliis* Viciæ, flore subcæruleo, pallidè purpurascente: eundem fortè cum *Cicercula* nostra Messanenfi. Hic etiam Bauhino in horto suo crevit.

## CAP. V.

De *Lathyro viciaeformi*, seu *Vicia Lathyroide*.1. *Lathyrus annuus siliquis* Orobi Ger. emac. *Bæticus elegans siliquis* Orobi Park. Rectius ob folia pinnata, *Viciæ æmula*, *Vicia Lathyroides* diceretur.

**C**aulis fundit plurimos, prælongos, infirmos, humi stratos, nisi in propinquo sit quod viticulis suis arripiant, angulosos, alis membranaceis utrinque extantibus. *Folia* quæ primò emergunt & in caule inferiora simplicia sunt, angusta, oblonga, acuta, & omnino qualia *Cicercula* Messanenfi nobis descriptæ; superiora alata, duabus tribùve pinnarum conjugationibus, quæ tamen non semper sibi mutuo ex adverso respondent; media costa ut in reliquis hujus generis in capreolos exit. E foliorum alis emicant *flores*, pediculis palmaribus & longioribus, nunc singulares, nunc bini in eodem pediculo, mediæ magnitudinis, bicolores, folio erecto rubente, reliquis albis, quibus succedunt *siliquæ* oblongæ, compressæ, nodosæ seu protuberantes ubi *semina* sunt, velut Orobi, *semina* quinque aut sex continentis, pulla, variegata.

Bæticæ Hispaniæ Indigena est.

Locus.

2. *Lathyrus* seu *Cicercula Messanenfi*. An *Lathyrus viciaoides*, vexillo rubro, labialibus petalis rostrum ambientibus cæruleis Morisoni?

*Radix* ei simplex, tenuis. *Caulis* compressi, membranacei, pedales & longiores, humi strati. *Folia* primò erumpentia minimè pinnata sunt, sed velut graminea aut Caryophyllea, foliis *Erviliæ* *Donzi* adèd similia, ut pro eadem planta habuerim, cum primò è terra exiret: quæ in superiore caulis parte folia pinnata sunt uno aut altero atque etiam tertio pinnarum pari; folium deinde medium in capreolos faceffit. E foliorum sinibus emergunt *flores* pediculis sescuncialibus. Color in folio erecto seu clypeo ruber intensior, inter coccineum & sanguineum medius, striatus, in reliquis purpureis dilutior. Sequuntur *siliquæ* duas uncias longæ, latæ, cum nondum maturæ sunt, ductu in medio lato rubro secundum longitudinem insignes, per maturitatem albentes, *semina* continentis tria quatuorve, fusca lineis tamen nigrioribus pulchrè variegata.

In Sicilia insula circa Messanam urbem inveni.

Locus.

Eandem hanc putamus *Cicercula* five *Lathyro* Bætico dumetorum *Park.* *Lath. Bætico æstivo* dumetorum *Boelii* Ger. emac. ex cujus descriptione adde, *Caulis* membranulis secundum longitudinem extensis auctos: *Folia* duabus tribùve pinnulis hinc indè ad mediam costam annexis, non tamen semper ex adverso sitis constare, iisque angustis, obscurius virentibus, extremo subrotundis. *Flores* in eodem pediculo plerunque binos.

Vide etiam hujusce descriptionem in Appendice ad Gerardum emaculatum, ubi nonnulla invenies à nobis omissa.



A. 3. *Lathyrus Viciaformis seu Vicia Lathyroides nostras.*

*Folia* ex tribus aut quatuor pinnularum, medio nervo annexarum conjugationibus composita sunt; nervo in claviculas desinente. *Flores* communi pediculo prælongo è foliorum sinibus exeunte tres vel quatuor aut quinque insident ampli, purpureo-cœrulei.

Hujus ramulùm ad nos attulit *Tho. Willisellus* à se inventæ in prato quodam *Peckham-field* dicto, loco squalido & aquoso non longè à *Southwark* oppido. Locus.

Quod ad vires attinet *Lathyrus* cum congeneribus convenit.

*Chamaebalani* leguminosæ radicibus seu Terræ glandibus per inopiam frugum pauperiores vescuntur. Sapor illis subdulcis & astringens Glandis aut Castanæ, acuti Castanæ tardius conficiuntur difficilius, autore *Dodonæo*, quàm *Rapam* aut *Pastinacam*, sed alimenti tamèn non minus quàm *Pastinacæ* subministrant, minus quàm illæ inflant, tardius descendunt. Crudæ difficilius concoquantur & ægrius descendunt. Veneris incentivæ sunt: sanguinis, uteri, renium & ventris fluores compescunt. Nauseam fortasse nonnullis movent, at vomitiones minime cient ut *Tragus* scripsit. Vereor (inquit *J. Bauhinus*) ne *Tragus*, qui putabat hanc plantam esse *Apion*, sibi etiam persuaserit ejus radices & vomitiones ciere. Vires.

Ex hujus floribus, autore *Camerariò* in horto, aquam destillant quidam, qui adeò rosaceam ementur, ut pro illa non rarò vendi soleat.

C A P. VI.

De Ochro sive Ervilia.

*Ochrus sive Ervilia* Dod. Ger. emac. Och. sive Er. flore & fructu albo Park. Och. folio integrè capreolos emittente C. B. *Lathyri species quæ Ervilia sylv. Dodonæo J. B.*

f. B.

**A** Ngulosos aliarum *Lathyrorum* instar caules profert, cubitales & bicubitales, quibus, nullo intercedente pediculo, amplexicaulia adnascuntur folia, oblonga, priora simplicia, reliqua in capreolos abeuntia, non rarò non in hos tantùm degenerantia, verùm novam foliorum sobolem è lateribus aut mucrone, jucundo naturæ lusu, parientia. *Flores* è foliorum sinu prodeuntes singulares & pediculis brevibus hærentes, *oxypt.* petalo erecto seu clypeo intus circa mediam partem nigris lineis striato. *Siliquæ* uncias duas longæ [nobis vix fescunciales] semunciam aut tertiam unciz partem latæ, secundùm longitudinem pinnatæ *Lathyri* sativi modo, in quibus quinque aut sex plus minùs continentur pisa, melina & obscura quadam flavedine, non exactè rotunda, sed ex mutuo compressu utrinque sessilia, linea quadam albicante media longitudine prædita, quæ nihil aliud est quam hilum quo pisum pediculo suo adhæret, magnitudine Pili albi [nobis tantillo minora fuere] cum quo magna similitudo, idem quoque sapor. *Siliquæ* per maturitatem ferè stramineo aut xerampelino colore sunt.

Inter segetes propè *Liburnum portum* in Italia spontaneum observavimus.

*Parkinsonus* alterius speciei meminit, cujus flores ad purpuram rubentem inclinant: semina obscuriora sunt & nigricantia. Locus. Altera species.

C A P. VII.

De Aphaca.

**A** Phaca quibusdam dicta videtur ab à privativa & *phax* Lente, quòd Lentem minimè referret: vel potius ab à i. e. *quæ* & *phax* lente, quòd Lenti simillima sit.

Foliis integris, triangulis, & ex adverbo binis à *Piso* & *Lathyro* distinguitur.

*Aphaca* Park. Ger. emac. *Vicia quæ Pitine Anguillaria, latà siliquâ, flore luteo J. B. Vicia lutea foliis Convolvuli minoris C. B. Bellon Detchling.*

f. B.

Ex radice tenui & annua plures profert caules dodrantes, cubitales & sesquicubitales, angulosos, ramosos, tenues, imbecilles, nec nisi capreolorum opæ, quibus se proximis circumvolvunt; humo surgentes; *Folia* ex intervallis bina opposita cauliculis sine pediculo adnascuntur, triquetra, *Helxines cissampeli*, lævia, tenera, striata, sursum plerumque spectantia, & caulem veluti complexa; ex quorum alis subinde rami prodeunt, foliis itidem vestiti, necnon claviculæ tortiles, itidemque pediculi duabus uncis longiores, quibus singulis singuli insident flores lutei, *Lathyri* lutei floribus similes, quos *siliquæ* excipiunt unciales aut fescunciales, latiusculæ, modicè falcatæ, compressæ, in quibus sex septemve semina, Lentibus minora, non ita compressa, sed paullo rotundiora, quæ modò nigricant, modò rubescunt, modò variegata videntur.

Inter segetes frequens est.

Locus.

C A P.



## CAP. VIII.

## De Vicia.

**V**icia aliis à vinciendo ut Varr. de R.R. cap. 31. quòd capreolos habet ut Vitis, quibus scandit, & alias plantas vincit. At nos cum Vossio in Etymolog. Viciam à Græcis esse censemus. Nam Asianis Βίσιον vocatur, teste Galeno, lib. 1. de aliment. facult. cap. penult. Notæ Vicie characteristicæ quibus à reliquis leguminibus scandentibus distinguitur sunt folia minime crassa seu glauca, sed viridiora & plerunque hirsuta, è minoribus & pluribus pinnis composita.

1. *Vicia sylvatica maxima, Piso sylvestri similis* J. B.

J. B.

Omnium Viciarum quotquot hætenus videre licuit maxima est, multorum cubitorum, foliis ad Vicie sepium folia accedentibus, multò majoribus, & Piso sylvestris respondentibus, sescuncialibus, unciam latis, modicè obtusis. Flores furculi cuiusdam longissimi extremum occupant, numerosi, purpurascens, subsequenter filiquis pari cum Pisorum magnitudine, compressioribus, latis, glabris. Radix crassa, nodis intercepta, reptatrix, caulium complurium propagine fertilis, perennis.

Locus.

In sylvis in ascensu montis Salevæ, ab eo latere quod Genevam spectat: J. Bauhinus propè Tigurum & alibi in Germania invenit.

A. 2. *Vicia Ger. vulgaris sativa* Park. J. B. *sativa vulgaris semine nigro* C. B. *Common Tare* or *Detch.*

J. B.

Annua est planta; caulibus cubitalibus & procerioribus, angulosis, striatis, hirsutis, cavis. Foliorum conjugationes decem aut duodecim, costæ adhærent, longæ, tandem in tortiles claviculas, quibus proxima arripit adminicula, desinenti, uncialia aut paulò minora, angusta, per extremum lata, hirsuta; eadem interdum alternatim rachi alligantur. Ex uniuscujusque costa flos aliquando enascitur unus, [interdum plures] pediculo brevi, quem filiqua excipit quadrantalibus & longior, unciam ferè lata, hirsuta, ubi semina sunt protuberans, semina claudens Pisis arvensibus albis supparia, nigricantia, compressa.

Locus.

In agris seritur ubique per totam ferè Europam.

Ufus ejus est apud nostrates cum Pisis & Avena mixta pro equorum pabulo. Seritur interdum seorsum & viridis in herba demetitur pro jumentorum pabulo in graminis inopia, &

*Vicia pastæ distendunt ubera vacæ.*

3. *Vicia albo semine* J. B. *Vicia sativa alba* C. B. Park. *An Vicia Indica fructu albo, Pisum Indicum* Gerardo Ger. emac. App?

J. B.

Mirifico foliorum lusu pæne imponat alicui, veluti Proteus aliquis, ut eadem non eadem putari possit: ex his enim alia ferè rotunda, alia longa & angusta: flos unicus, vel geminus, multà purpurâ pictus, brevi pediculo hærens: Siliquæ diversæ quoque à præcedente, seminibus copiosis (novem enim grana in una numeravi) gravida, albis penitus, aut subpurpureis, variis, aut virore pallentibus ad Pisorum viridium (quæ magnitudine quoque adæquant) figuram pallorémque accedentibus, à quibus tamen sejunguntur, quòd quæ filiquæ adnectuntur non, ut illa, nigricant.

Locus.

*Vicia Indica*  
*flore albo.*

J. Bauhinus propè Bedfordiam reperit in agro, satam cum Pisis.

Vicia Indica fructu albo Ger. à vulgari Vicia sativa non alia in re differt quàm quòd elatior sit, & fructum seu granum producat majus, rotundius Piso albo vulgari colore, figurâ & magnitudine simile & æquale.

At neque Viciam majorem folio cordato, flore rubro, fructu albo Pisi minoris instar Morif. ab hac specie differre putamus.

\* 4. *Vicia sylvestris quasi incana, flore albo* J. B. *sylvestris flore albo* Ger. emac. *sylv. alba* Park. *sylv. hirsuta, incana* C. B.

Clus.

Multos ex eadem radice, quæ perennis est, profert ramos, teretes, striatos, pedales, etiam cubitales interdum, quos ambiunt foliorum ala, quemadmodum in Vicia vulgari sativa & sylvestri, sed densiore lanugine obductæ & quasi incanæ: capreolis, quibus vicino graminì se implicat, extremam alam occupantibus. Flores in supernis foliorum alis terni plerunque, Vicie vulgaris floribus persimiles, candidi coloris, superiore tamen folio obsoleti coloris venis internè distincto, inferiore folio ejusdem coloris. Succedunt filiquæ seu vaginæ planæ, (quantum videlicet ex illarum rudimentis colligere licuit) Vicie vulgaris filiquis similes. Radix fibrosa est, tuberculisque, ut Leguminum plerq, radices vivaces, [imò & non vivaces, ut Fabæ] donata.

Locus.

Nascitur in arvis desertis apud Chyzreg oppidum in Pannonia situm; Maio mensè florens.

\* 5. *Vicia maritima flore albo longo* Morif. hist.

Hujus caules pedales sunt & sesquipedales. Ex geniculis hinc inde, aliarum Viciarum ritu, alternatim proveniunt costæ mediæ, protrudentes capreolos aliquot versùs finem, atque costis singulis folia obtusa, quasi cordata, è regione sена adnascuntur: Inter caulem & costam exiliunt flores albi, longi,



longi, quibus succedunt *siliquæ* unciales, subrotundæ, continentes *semina* quina, nunc plura, nunc pauciora.

6. *Vicia luteo flore sylvestris* J. B. *sylv. lutea, siliquâ hirsutâ, nondum descripta* C. B.

J. B.

Ex una radice numerosi iidemque flexuosi exeunt *cauliculi*, angulosi, in alas alternatim divisi; quibus *folia* hærent *Viciæ* sativæ similia, dena, duodena, plus minus, quorum costa in tortilem claviculam terminatur. Alarum foliorumque commissuris *flores* singulares ex brevissimis pediculis pendent, speciosi satis, ex luteo pallidi, quibus *siliquæ* succedunt, vulgatæ *Viciæ* siliquis breviores, habitiores, crassiores, latiorisque, alba hirsutie pubescentes, in quibus *semina* quaterna aut quina, fusca, maculata, aliquantum angulosa, compressaque, sapore leguminoso.

Circa Liburnum & alibi in Italia inter segetes observavimus: J. Bauhinus circa Monspelium mensis Martio & Aprili.

Locus & Tempus.

\* 7. *Vicia sylv. lutea cum galea fusca* J. B.

J. B.

In sicca inferiora labra lutea apparent. *Flores* majores quàm luteæ superius proximè descriptæ, bini ex brevibus pediculis juxta folium, ut in illa, *folia* verò diversa, quinque tantum conjugationes supputavi, foliolâ breviora, latiora, ad foliola *Viciæ* sepium perennis accedentia, paulò rotundiora tamen. *Siliqua* etiam quamvis nondum matura nobis videbatur, attamen ad modò dictæ *Viciæ* siliquam eam suo tempore accessuram colligere haud difficile fuit.

Circa Bononiam ab Agerio collecta est.

Ex imperfecta hac descriptione à sicco ramulo sumpta nihil certi colligi potest. Morisonus pro prioris varietate habet.

Locus.

\* 8. *Vicia multifolia cum siliquis latis* J. B.

J. B.

*Folia* huic omnino similia erant *Viciæ* multifloræ: Foliorum ut in illa conjugationes plurimæ, ad duodecim supputavi; angusta autem sunt & in acutum desinunt; in iis magni pili: *flores* parvi, singulares, ex brevissimis pediculis, sicci lutei apparent: *siliquæ* singulares etiam, primò valde hirsutæ, postea minùs, sed tactu asperæ, unciâ unâ & semis breviores, & unciam semis ferè latæ, in iis grana quinque observavimus, cujus sint coloris vel magnitudinis dicere non possumus, quia immaturæ.

Ab eodem Agerio siccam accepit. In satis intra & circa lucum Gramuntium Aprili & Maio mensibus invenit D. Magnol. Flos non luteus est, prout in sicca apparuit, sed pallidè albus.

Locus.

9. *Vicia flore obsolete purpureo, siliquâ hirsutâ. An Aracus major Baticus Boelii* Ger. emac. app. Park.

Totâ facie ad *Viciam* sativam accedit, verùm *folia* summâ parte crenata sunt. *Flores* obsolete purpurei, umbone obscuriore seu saturiore, ex alis foliorum singulis singuli, nullis pediculis; quibus succedunt *siliquæ* hirsutæ, breviores quàm *Pisi* vulgaris, non minùs tamen per maturitatem turgidæ & ferè teretes, duo aut duo  $\frac{1}{2}$  uncias longæ, per maturitatem nigricantes: *Semina* qualia fuerint per oblivionem aut incuriam à nobis observatum non est.

In foliis plantæ nobis descriptæ non plures quinque pinnularum mediæ costæ adnexarum conjugationes numeravimus.

Hujus semen unde habuimus jam non recordamur.

Araci Batici caules cubitales & longiores: *folia* ex sex, septem aut pluribus foliolis acutis Lentis similibus mediæ costæ adnexis composita: *Semina* in singulis siliquis quaterna circiter, rariùs rotunda, plerunque nonnihil compressa & interdum angulosa, nigricantia, magnitudine *Pisi* sylvestribus supparia, *Viciæ* sapore.

10. *Vicia sepium perennis* J. B. maxima dumetorum C. B. Ger. emac. Park. Benth. & Detch.

J. B.

Ad sepes provenit, caule duorum triumve cubitorum longitudine, non admodum crasso: *folia* non multum à *Viciæ* vulgaris sativæ abludentibus, subinde tamen variantibus, in tarsum dispositis per conjugationes, quales aliquando in uno folio tredecim numeravi, quamvis soleant multò etiam paucioribus constare [in planta quam præ manibus habemus non ultra septem numeramus.] Singulæ *folia* seu pinnulæ à *Viciæ* sativæ eo potissimum differunt, quòd qua parte costæ adnectuntur latiora sint, indeq. sensim attenuentur in mucronem [licet & quædam rotunda satis reperiantur] minùs hirsuta, sapore fatuo, viscido. *Flores* unico pediculò rubenti hærent plures, ad sex usque, è calice purpureo exeuntes, unicolores, non bicolores, ut in *Viciæ* sativæ & sylvestri vulgatori, quamquam intensionem quandam & remissionem coloris in partibus floris est observare, siquidem *folia* ejus inferiora saturiore purpurâ tincta sunt & pænè nigricant, superiora dilutiùs purpurascunt [in nostrate hanc coloris differentiam non est observare, sed omnia *folia* ejusdem sunt coloris, saturatioribus lineis obscuriùs striata.] *Siliquarum* insigne discrimen, tam felicem sci. florum ubertatem una duritaxat aut altera, [interdum tres] *siliquæ* excipiunt, minores multoque breviores, latiusculæ interim & compressæ, glabræ, non ut sativæ hirsutæ, per maturitatem nigra, præque nigredine pænè lucentes, *semina* claudentes *Pisi* sapore, medullâ luteâ, formâ variâ, modò longiora, interdum fusque deque aut altrinsecus compressa, non exactè rotunda, plusquam dimidio sui *siliquæ* adhærescentia, intercedente apophysi longissimâ, ut in *Lathyro* minore, minora quàm *Viciarum* sativarum, coloris albi punctulis discursantibus. *Radix* perennis, reptatrix, *Aristolochiæ* clematis instar, tenuior tamen, & fibris multo minoribus, dulce quid [aliorum leguminum de more] resipiens.

In sepibus & dumetis Maio mensè florens ubique reperitur.

Locus.

H h h h

11. *Vicia*



11. *Vicia sylvestris* sive *Cracca major* Ger. *Aracus* seu *Cracca major* Park. *Vicia vulgaris sylvestris* semine parvo & nigro frugum J. B. *Vicia* semine rotundo nigro C. B. **Strangle Tare** or **Wild Detch.**

*Radix* ei nunc simplex, nunc ramosa, *caules* emittit plures, infirmos, humi procumbentes nisi quando capreolis suis vicinis stirpibus se alligant, dodrantes aut pedales. *Folia* ut in *Vicia sativa* hirsuta, angustiora tamen, nec in extremitate adeò obtusa, paucioribus etiam conjugationibus ad eandem costam adnexis [sex ad summum] composita. *Flores* ad singulas foliorum alas singuli, in latiore solo bini ternive, hilari purpurâ nitentes, non bicolores ut in *Sativa*, pediculis brevibus aut nullis harentes. Succedunt *siliquæ* longæ, graciles, teretiufculæ, per maturitatem nigrae, *seminibus* parvis, rotundis, *viciæ sativæ* triplo ferè minoribus, copiosis (ad decem aut duodecim eximere memini) repleta. Color *seminum* non penitus niger (ut volunt Botanici) sed ex pallidè viridi & nigro varius.

Tempus  
& Locus.

Vere floret & per totam deinde æstatem. Ad fepes & in aggeribus, locis præsertim arenosis, sæpius provenit apud nos quàm in arvis & cultis: imo verò in palcuis arenosis non rarò invenitur. Hinc & quia semen non perfectè nigrum est, aliquando dubitavimus, an hæc planta sit *Cracca major* Botanicoꝝ necne, necdum planè nobis satisfactum est, putamus tamen eandem esse.

12. *Vicia angustifolia* purpuro-violacea *siliqua* lata, glabra Botan. Monsp.

Magn.

*Folia* multa habet, oblonga & angusta, obtusa, *florem* magnum, purpuro-violaceum, cui succedit *siliqua* fuscuncialis longitudinis, semuncialis latitudinis, glabra.

Hæc est (inquit) proculdubio quam invenit J. B. ut dicit cap. de *Vicia vulgari sylv.* inter saxa mense Aprili, quâ itur Frontignanâ foliis angustissimis, flore pulchro purpureo: ego ad præcedentem potiùs retulerim *Viciam* illam J. B. quin ni *siliquarum* latitudo obstaret hanc illi eandem dicerem.

13. *Vicia sylvestris* flore fusco.

Hanc in Sicilia invenimus ad pedem montis Ætnæ.

14. *Aracus minor Lusitanicus* Park. *Legumen pallidum Ulyssipponense* Nonii Brandonii Ger. emac. App.

*Caulibus*, foliis, *siliquis* *Araco* majori Bætico similis est, verùm minor, minùsque aut potiùs non omnino pilosa: *Flores* pallide lutei: *Siliquæ* minores, glabræ: *Semina* minora.

- A. 15. *Vicia segetum* cum *siliquis* plurimis hirsutis C. B. *Vic. parva* sive *Cracca minor* cum multis *siliquis* hirsutis J. B. *Vic. sylvestris* sive *Cracca minima* Ger. emac. **Small wild Tare** or **fine Tare.** *Aracus* sive *Cracca minor* Park.

J. B.

E *radice* exili & tenui quadrati, tenues & infirmi exeunt *cauliculi*, dodrantes & longiores, importuna alarum ubertate luxuriantes. *Folia* *Lentis* foliis paria, lævia, pinnata, rarò sibi mutuò respondentia, ad medium nervum adnexa, ad octo aut novem paria, qui in tortiles capreolos variè partitiros faciens, segetem infesto complexu arripit & strangulat. E foliorum alis hinc indè enatis pediculis *sifoculi* insident racematim, septem aut octo interdum, eodem spectantes, pusilli, dilutè cœrulei, quos *siliquæ* excipiunt semunciales, hirsutæ, quarum singulis bina *grana* insunt, rotunda, nigricantia, *Rapistræ* vulgaris majora.

Locus.

Inter segetes nimis frequens.

- \* 16. *Vicia pratensis verna* seu *præcox Soloniensis*, semine cubico seu hexaedron referente Morif. hist. Morif.

*Florem* fert exiguum, rubentem, papilionaceum, ex singulis geniculis ortum; atque singulis floribus singulæ succedunt *siliquæ*, curtæ, tenues, pollicares: in quarum singulis continentur *semina* angulosa, minuta, terna aut quaterna, hexaedrum referentia.

Præcitate & tenuitate partium, denique *seminibus* cubicis à cæteris *Viciis* nullo negotio distinguitur.

Locus.

Sub exitum hyemis in pratis neglectis & minimè herbidis, contra regiam Chambort in agro Soloniensi intra septa ejusdem nominis sitam viget.

- A. 17. *Viciæ* sive *Craccæ minimæ* species cum *siliquis* glabris J. B. *Aut Vicia segetum singularibus siliquis* glabris C. B. **Fine Tare with smooth pods.**

Præcedente minor est & tenerior, tota glabra, *foliis* longioribus & angustioribus, paucioribus ad mediam costam, quæ in capreolos facessit. Pediculo tenuissimo, longo ex foliorum alis exeunte, innascitur *flos* unicus, sæpe vel duo, vel tres, majores quàm \* præcedentis, pallidè cœrulei lineis purpureis saturatioribus striati; quibus succedunt *siliquæ* glabræ, nonnihil compressæ, *semina* tria quatuorve continent.

\* *Viciæ* cum *siliquis* plurimis hirsutis.

Locus.

Inter segetes, non rarò & in sylvis locis humidioribus oritur.

- \* 18. *Vicia*



\* 18. *Vicia parvum* genus folio longo J. B.

J. B.

Cubitale, Monspelio allatum dedit ramum frater C. Bauhinus angulosum, foliis alatis, costâ in capreolos facessente; singularia folia fescuncialia & duarum unciarum, graminea, vix culmum lata, in acumen desinentia. *Flosculi* longo furculo peculiari hærent, multi, oblongi. Sequuntur filiquæ Cracæ minores, nonnihil longiores.

Circa Monspelium in plurimis ficcioribus satorum marginibus occurrit. Bot. Monsp.

Locus.

A. 19. *Vicia multiflora* C. B. Ger. *sylvestris multiflora sive spicata* Park. *multiflora nemorensis perennis seu dumetorum* J. B. *Sylvestris spicata* C. B. *Tufted Detches*.

*Radices* huic longæ, tenues. *Caules* cubitales aut bicubitales, ramosi, infirmi, ut hujus generis omnium, striati, brevi lanugine hirsuti. *Folia* componuntur è plurimis pinnularum conjugationibus ad mediam costam quæ in capreolos definit, annexis. Sunt autem pinnulæ longitudine digitali, angustæ, utrinque hirsutæ, obscure virides, mucronibus acutis. E foliorum sinubus exeunt spicæ prælongæ florum purpurascensium longiusculorum, deorsum dependentium, quibus succedunt *siliquæ* unciales, latiusculæ, deorsum dependentes, *semina* continentes subrotunda, per maturitatem nigra, *Lentis* magnitudine, tria aut quatuor in eadem siliqua.

In dumetis & sepibus, non rarè etiam in pratis æstate floret. Floribus deorsum dependentibus cum Galega convenit, unde nonnullis Galega sylvestris dicitur. C. Bauhinus ex una specie ni multum fallimur duas, imo tres facit. Sunt enim ex sententia fratris Vicia ejus multiflora h. e. Galega sylvest. Dod. & Vicia sylv. spicata, i. e. sylvestris secunda Clus. una & eadem Viciæ species: nec diversa videtur Vicia Onobrychidis flore ejusdem C. Bauhini, ut & D. Magnol arbitratur.

A. 20. *Vicia sylvestris multiflora maxima. The great tufted Wood-Detch. Vicia perennis multiflora spicata major* Moris. hist.

Hæc præcedenti perfimilis est sed elatior & ramosior; foliis latioribus, pariter hirsutis; floribus subalbidis, aut dilutè admodum cœrulescentibus, saturationibus lineis cœruleis striatis.

In sylvis sed rariùs invenitur. In sylva quadam propè Caerwent in Wallia primùm observavi: D. Johnson copiosam invenit in sylvis propè pontem Greta in confiniis Comitatus Eboracensis & Dunelmensis Episcopatus.

Locus.

\* 21. *Vicia maritima multiflora alba Messanensis.*

Hæc floris colore à sylvestri multiflora vulgari differt. Invenimus spontaneam in lingua illa Fretum Siculum & portum Messanensem intercedente. Circa Neapolin eandem observavimus flore vario ex albo & cœruleo. Aliter etiam, ut putamus, differt, verùm nos non satis curiosi fuimus in differentiis observandis.

\* 22. *Vicia perennis incana multiflora* Botan. Monsp.

Magn.

Viciæ multifloræ vulgaris magnitudinem assequitur, à qua differt quòd folia villo incana & quasi argentea sint: flores similiter spicati, purpureo-violacei, sibi invicem propinquiores; & antequam explicati sunt spica recurva est.

In pratis circa Lateram Junio mense floret: Siliquas nondum viderat D. Magnol.

Locus.

\* 23. *Viciæ pulchrum genus multifolium, sive Galegæ species quibusdam* J. B.

J. B.

Costæ longæ in capreolum desinenti alligantur folia interdum viginti, in acumen desinentia, glabra: *Florum* idem positus ex longo pediculo, qui pauciores, ut animadvertere adhuc licuit, paullò majores singuli, quales ferè Viciæ sepium, purpurascens, nisi fallat sicca planta.

Agerius dedit nomine Galegæ alicujus ex monte Apennino.

*Vicia Onobrychidis flore* C. B.

C. B.

*Caules* habet pedales, teretes, striatos; quos foliorum alæ, ut in Vicia vulgari, sed breviores & angustiores, uni costæ ex adverso respondentes ambiunt, capreolis extremum occupantibus. Ex foliorum alis superioribus pediculi semipalmes, nudi exurgunt, quorum summitatibus flores plures, oblongi, galericulati, Onobrychidi tertiæ Clus. formâ similes, infernè pallidi, supernè violacei coloris insident.

Floribus succedunt *siliquæ* planæ, deorsum reclinatæ, *semina* sena, septena numero continentes. Monspeffuli provenit. Viciæ multifloræ eadem videtur D. Magnol & nobis.

24. *Faba sylvestris Græcorum sive Faba Veterum* Park. *sylv. fructu rotundo atro* C. B. *Aracis fabaceus & Faba Kairina, cui semina minora* J. B. *Faba sylvestris* Ger.

J. B.

Legumen plusquam cubitale, cujus caules satis crassi, angulosi, inanes, nonnihil hirsuti: *Folia* quaternaria vel sena [rariùs] conjugationibus duabus digesta, costæ adherent longiusculæ, Fabæ vulgaris foliis similia, hirsuta, nigricantia, neque ullum est folium quod imparitatem faciat, pediculus enim five *pæds* in capreolos abit, quibus proxima apprehendit: verùm ubi cauli pediculus adnectitur, pinnæ adnascuntur binæ, veluti in Pisib; atque ex eodem oriuntur loco flores purpurei, similes ferè floribus

H h h h 2



floribus Viciæ vel Aphacæ, ex singulis foliorum sinubus singuli, pediculis brevibus & ferè nullis, albidis, saturatioribus lineis purpureis striati, umbone è purpureo nigricante; quibus decidentibus superveniunt *siliquæ*, mediocriter longæ, magnæ, hirsutæ, latiusculæ, per maturitatem nigricantes, quibus *semina* continentur, Pisi ferè magnitudine, gravissimi & ingratiissimi saporis & odoris, nigra & Holoferici in modum splendentia, rotunda, sex aut septem numero.

*Locus.*

Planta est annua, ætate florens: provenit sponte in Apulia, campestribus locis, inque Gallia Narbonensi & Aquitania.

25. *Aracis fabacens serratus* & *Cocco vico semine majore* J. B. *Faba Veterum foliis serratis* Boelii Ger. emac. App. F. *Veterum serratis foliis* Park.

Præcedenti similis est caule, flore (ut existimo) purpureo, Viciæ sepium, & siliquis, quæ, ut illi, latæ, uncias tres longæ, singulares, ex brevi pediculo hærentes, in circuitu hirsutæ. In foliis tres conjugationes, pulchrè dentatæ, præter alas binas: Folia in capreolos definunt, ad quorum latus præter conjugationum foliolum unum solum adest, minus cæteris.

*Cocco vico* Bello dictum, J. Bauhino satum, plantam produxit, quæ florebat Maio, similis autem erat præcedenti Araco fab. verum flores bini, omnino purpurei, internè non striati: ternus ordo parvorum foliorum, quorum quædam similia sine serraturis, alia verò cum serraturis: Alæ in principio pediculorum cristatæ ut in descripto. Sapor non displicet. In siliquis latis numeravi septem grana: Sapor in virentibus leguminosus cum aliqua ingratitudine. Mense Junio siliquæ maturæ, latiores multò quàm in Faba Veterum vulg. Pisi autem duplo majora, minùs nigra cum hilo albo.

Hoc genus cum serrato supra dicto idem esse puto; obstant siliquæ binæ ad singulas alas: verum, seu idem sit illi, five diversum, ipsissimum est quod nos inter frutices circa Baias invenimus à vulgari veterum Faba multum diversum, ternis in singulis alis foliorum conjugationibus eorundemque majorum, & circumferratorum. Floribus binis in singulis foliorum sinubus usque non striatis, siliquis latioribus, seminibus majoribus.

## C A P. IX.

### De Lente.

**L**ens vel ex *lenis* factum est, vel ex *lentis*, quomodo Vett. dixisse in recto, ait Priscianus in VII. Ratio nominis esse creditur quia comela lenes & lentos faciat. *Invenio* (inquit Plinius lib. 17. cap. 12.) *apud Auctores æquanimitem feri vescentibus ea.*

Lens à reliquis viciis distinguitur, semine compresso & pro plantulæ modo grandi, siliquis latis, brevibus.

Cæterum Lens minutum & vile est legumen, unde proverbium *mira de Lente*, apud Græcos dici solitum, quoties res humilis & pusilla splendidis encomiis magnificisque laudibus attolleretur cui Anglicum nostrum respondet *Great matter of a wooden Platter*.

Pauperum & tenuium cibus est, quæ fastiditur simul ac lautior fortuna contigit, unde Proverbi-um *Drives factus jam desist gaudere Lente*, in eos dictum, quibus ad uberiores conditionem evectis fastidio sunt ea quæ prius inopes boni consulebant.

*Vires.*

Quod ad vires attinet, Lens ex Veterum autoritate oculorum aciem obtundit, ægrè concoquitur, stomacho incommoda est, eumque & intestina inflat: alvum autem sistit si cum cortice edatur inducit gravia insomnia, ad nervosa, & pulmonem & caput incommoda est. Galeno corpus Lentium ficit & ventrem sistit, Decoctum verò propellit. Quapropter prior aqua diffunditur cum cohibendi gratiâ sumuntur. Præcipua vis adstringendi est in cortice, detergendi in succo. Lens ergo decorticata illam adstringendi vehementiam & ea quæ ipsam consequuntur amittit; magis tamen nutrit quàm quæ cortice spoliata non est, verum succum crassum ac pravum gignit, tardèq; comeat, non tamen alvi fluxus desiccatur uti ea cui cortex non est ademptus. Externè in cataplasmatibus ad multa adhiberi solebat à Veteribus. Vide Dioscoridem & Plinium.

#### 1. *Lens* J. B. *minor* Ger. Park. *vulgaris* C. B. *Lentils*.

Planta est annua, radice tenui, alba, paucis fibris donata. Caulis ei satis crassus pro plantulæ modo, dodrantalis, hirsutus, angulosus, infirmus & procumbens nisi in propinquo sit quod scandat, à radice statim ramosus. Folia è quorum sinubus ramuli exeunt alternatim posita, ut in reliquis ferè leguminibus, quinque aut sex pinnularum mediæ costæ adnexarum conjugationibus composita, costa media in claviculam exeunte. Singulæ autem pinnulæ oblongæ, angustæ, hirsutæ in acutos apices definunt. Ex alis foliorum exeunt furculi tenues, oblongi, duos aut tres flores gestantes, parvos, alben-tes; superius tamen folium, quod clypeum appellant, cæruleis intus, lineolis striatum est. Flosculis succedunt *siliquæ* breves, latæ, compressæ, glabræ, duo vel tria semina, quàm pro plantulæ modo majora, compressa, per maturitatem flavicantia continentia.

#### 2. *Lens major* J. B. C. B. Ger. Park.

Lente vulgari omnibus partibus speciosior est & major, herba, foliis, flore albo, siliquis, ut & semi-ne, quod Lentis vulgaris duo aut tria grana facile æquat.

#### \* 3. *Lens*

- \* 3. *Lens Hungarica major perennis* Hort. Leyd.

Reliquæ omnes Lentis species singulis annis intereunt, hæc perennat.

- \* 4. *Lens maculata* Park.

- \* 5. *Vicia sylvestris cum Lentis filiqua* J. B.

Dodrantaem habet *caulem*, gracilem, angulosum, glabrum, ramosum : *folia* duarum triumve unciarum, tarfi effigie, singularia Craccæ minimæ foliis non majora, per extremum obtusa & veluti cordata : costæ extremum in tortiles cirros abit. Ex alæ sinu enatus pediculus uncialis *florem* gerit unicum Lentis flori similem, quem excipit *filiqua* unciâ longior, semunciam lata, glabra, compressa, duo aut tria claudens semina, orbiculata, Lentis majoris.

Nemausi collegit Cherlerus.

Locus.

## SECTIO SECUNDA.

De Herbis flore papilionaceo seu Leguminosis non Scandentibus.

**H**Æ vel sunt filiquis simplicibus, vel filiquis geminatis duplici alveolo duas seminum series continentibus. Prioris generis plantæ sunt vel filiquis articulatis, vel articulis carentibus iisque vel erectis, [apertis aut utriculis inclusis] vel propendentibus. Quocirca Sectionem hanc in quinque membra seu subsecciones dividemus.

- Prima erit, De leguminosis filiquis erectis.  
Secunda, De Legum. filiquis propendentibus.  
Tertia, De Legum. filiquis utriculis inclusis.  
Quarta, De Legum. filiquis articulatis.  
Quinta, De Legum. cum filiquis geminatis.

## SUBSECTIO PRIMA.

De plantis leguminosis non scandentibus filiquis simplicibus erectis: Lupino, Faba, Glycyrrhiza, Galega, Onobrychide, Orobo, &c.

Herba flore papilionaceo erecta seu non scandentes sunt vel filiquis ad singulos flores

Simplicibus, unico alveolo unicum semen aut unicam seminum seriem continentibus; suntque vel

*Monosperme*, floribus in spicas è foliorum alis egressas dispositis, filiquis

{ Rarius & à se invicem remotius sitis,

{ *Echinatis* seu aculeatis; *ONOBRYCHIS vulgaris*, *Caput gallinaceum*.

{ *Lævibus*, orbiculatis seu peltatis; *Polygalo Gesneri affine*, *CAPUT GALLINACEUM*, J. B.

{ *In capitulum conglobatis*, asperis, *Glycyrrhizæ* facie; *GLYCYRRHIZA echinata*.

*Polyperme*, filiquis

{ *Articulis non interceptis*, calicibus

{ *Expansis*, filiquis visui expositis

{ *Erectis*, foliis

{ *Digitatis*, caule tereti, floribus in summis caulibus & ramulis in spicas dispositis, semine amaro; *LUPINUS*.

{ *Pinnatis*, pinnis

Hhhh 3

Majoribus,



- { Majoribus, conjugationibus paucioribus, floribus è foliorum alis exeuntibus, filiquis & seminibus maximis, caule anguloso inani; *FABA*.  
 { Minoribus & pluribus, radice  
 { Dulci repente lutea, caule procero, filiquis brevibus compressis; *GLYCYRRHIZA*.  
 { Inspida, saltem non dulci, floribus spicatis, filiquis  
 { Tenuioribus seu strictioribus; *GALEGA*.  
 { Habitioribus; *OROBUS Sylvaticus filiqua erecta*.  
 { Propendentibus,  
 { Nodosis, torulis seminum protuberantibus velut articulatis; *OROBUS sativus*.  
 { Aequalibus seu planis,  
 { Longis & minoribus,  
 { Teretioribus, foliis  
 { Pinnatis, aliàs cum, aliàs sine impari in extrema ala folio; *OROBUS Sylvaticus filiqua propendente*.  
 { Integris, longis gramineis, caule erecto tereti; *CATANANCE*.  
 { Compressis, floribus corollæ in modum confertis, seminibus compressis quadratis; *SECURIDACA*.  
 { Brevibus tumidis & vesicarum instar inflatis; *CICER sativum*.  
 { Membranaceis tumidis & vesicarum instar inflatis filiquas occultantibus; *LOTO AFFINIS*, *Anthyllis leguminosa*, *Trifolium basilicacabum*.  
 { Articulatis; v. Tab. sequentem.  
 { Gemellis seu duplicatis.

## CAP. I.

## De Lupinis.

**L**UPINUS nonnulli à *lupus* dici existimant, rationemque hanc adferunt, quòd *lupinus* quadam naturâ terram vorat. Nam (ut Plinius ait lib. 18. cap. 14.) Tellurem adeò amat, ut quamvis frutetoso solo conjectum inter folia vepresque, ad terram tamen radice perveniat. Sed rectius Isidorus Lib. 17. Orig. cap. 4. qui Græcum esse origine docet. Est enim ἀπὸ τοῦ λύπης, quo respiciens Maro 1. Georg. ait tristisque Lupini.

Nempe quia, ut loco dicto Isidorus ait, *Vultum gustantis amaritudine contristat*. Aquâ tamen si macerentur amarorem exuunt: unde Zeno Cittieus rogatus unde fieret, quòd cum naturâ adeò teretricus esset, vinum si biberet, fieret suavior, sibi hoc cum Lupino commune esse respondit. Meminere Athenæus lib. 3. & Laertius in Zenone.

Ex Lupino macerato fiebant nummi, quorum in Comædiis usus erat. Plaut. Pœn. Act. 3. Sc. 2.

A.G. *Agite, inspicite aurum est. Col. Profecto spectatores Comicum. Macerato hoc pingues sunt auro in Barbaria boves. Verum ad hanc rem agendam Philippum est.*

Hinc Horat. Lib. 1. Epist. 7.

*Nec tamen ignorat quid discent æra lupinis.*

Ubi, ut Turnebus à Mureto edoctus scripsit lib. 1. Advers. cap. 15. per *æra* intelliguntur nummi ærei, per *lupinos nummi* Comici è Lupinis confecti, ut omnino fallantur qui corrigunt, *quid discent æra Lupinis*. Hæc omnia è Clariss. Vossii Etymologico.

Lupini notæ sunt folia digitata, caules teretes, flores in summis caulibus & ramulis in spicas digesti, filiquæ erectæ.

1. *Lupinus sativus* Ger. *sativus flore albo* C. B. *sativus albus* Park. *vulgaris, semine & flore albo, sativus* J. B. *White Lupines*.

Caulis huic cubitalis & sesquicubitalis, mediocriter crassus, teres, hirsutus, erectus, ramosus, medullâ farctus [quamvis alii concavum faciant] foliis nullo aut alterno ordine positus vestitus. Folia pediculis duas trêse uncias longis innituntur, ex septem plerunque segmentis oblongis angustis, è pediculi

pediculi fastigio eodem puncto enatis, Pentaphyllum in modum composita: (Folia hujusmodi *Jungio* non ineptè digitata dicuntur) è glauco obscure virentia, ad margines æqualia, subtus hirsuta lanugine incana & quasi argentea ad margines præcipuè. Horum latera noctu contrahuntur, ipsaque insuper ad pediculum terram versùs reflexa dependent. Flores in summis caulibus & ramulis in spicas digesti, papilionacei, albi, pediculis brevibus. Floribus succedunt *siliquæ*, tres uncias longæ, hirsutæ, erectæ Fabacearum instar, pulposæ, compressæ, quinque vel sex *semina* majuscula, orbiculata & nonnihil angulosa, compressa, qua parte *siliquæ* adherent cavitatem quandam velut umbilicum exiguum habentia, foris alba, intus lutea, sapore amaro, continentis. Radix subest dura, alba, multifida.

In Italia in agris seruntur: non modò ad alimentorum usum, sed (si Matthiolo credimus) ad *Locus* agros impinguandos.

Lupinum alterum album *Park.* huc refero.

Seruntur in Hetruria (inquit *Matt.* & nos etiam id observavimus) non modò ad alimentorum usum *Vires.* sed ad agros impinguandos, & *Plinius* pingnescere hoc satum arva vineasque dixit, ita ut optimi fimi vicem repræsentet.

Semen in aqua dulci calida maceratum amaritudinem deponit, & gustui gratum redditur ut citra aliam coctionem esitetur. *Galenus* elixum cum garo ac oxygaro, vel etiam sine his sale mediocri conditum mandi scribit, & fieri tunc nutrimentum succi crassi, & tardè descendere. At ubi nativa etiam amaritudo manet extergendi digerendique vim obtinet, interficit lumbricos tum illitus tum addito melle linctus, tum in posca potus; quin & decoctum ejus idem præstat. Foris impositus ex emplasticorum genere est; unde & decoctum in fotu, & farina in cataplasmatibus vitiligines, achoras, pustulas, psoras, gangrenas, ulcera maligna juvat, partim extergendo, partim citra mordacitatem digerendo. Sunt qui farinam ischiadicis cum aceto illinunt. Elicit menses & foetum cum Myrrha & melle impositum, & alia multa præstat, quæ vide apud *Dioscoridem*, *Galenum* & *Plinium*.

Quod *Theophrastus* dixit viridem à nullo animali mandi propter amaritudinem, de fructu intelligendum est: nam hodie etiam pro boum pabulo seritur inter rapas. *J. B.*

2. *Lupinus caeruleus major villosus C. B. exotius hirsutissimus J. B. caeruleus maximus Park. major flore caeruleo Ger. emac. Indicus Cornuti. The greatest blue Indian Lupine.*

Radice est lignosa, rufescente, fibrosa: Caule cubitali, rotundo, firmo, striato, molli lanugine obfuso, (nam in hoc longè major est hirsuties quàm in aliis Lupinis) in summitate in paucos ramulos diviso, [Cornuto multis ramulis brachiato] ramulis quandoque etiam subalaribus rudimenta floris futuri habentibus, qui rarè nostro cælo perficiuntur. Folia septena aut octona, [Corn. novem aut undecim] molli lanugine obfusa & quàm in cæteris latiora, stellæ in modum disposita; pediculis villosis, tres quatuorve uncias longis, insident; quæ decidua sunt, maximè ubi semen perfici incipit. Flores magni sunt, eleganter cærulei & inodori, semper quini in ordine ceu verticillatim dispositi, ita ut quamplurimum quatuor, rariùs quinque ordines conspiciantur, & quo planta perfectior sit eo etiam magis à se invicem distinguuntur, & quintus ordo plerunque perit, dum inferiores semen perficere student. Siliquæ sequuntur hirsutæ, unciam latæ, duas longæ, sed pauca, cum ex quinque ordinibus vix binæ singulo ordine proveniant (quod raritatem & peregrinam plantæ naturam ostendere videtur) quæ semen vulgaribus majus, compressum & rufescens, asperum, *J. Bauhino* totum luridum continent. [Cornuto Siliquæ trium ad summum seminum capaces sunt; semina non lævem, ut reliqua, superficiem habent, sed pumicosâ asperitate rudem.]

Hæc planta tum à *Clusio* in *Hist.* describitur, tum à *C. Bauhino* in *Prodromo*, cuius etiam descriptionem adhibuimus, & tamen (quod mirum) à *Jac. Cornuto* in *Hist. Plant. Canad.* pro non descripta habetur.

3. *Lupinus medius caeruleus. An Indicus medius caeruleus Park?*

Præcedenti similis est sed minor & humilior, pariter villosus. Flores etiam minores, colore itidem cæruleo aëneo lucentes, cum maculâ in medio albicante, vetustate, antequam flos marcescit, in rubellum colorem mutatâ. Siliquæ villosæ, minores: semina etiam minora, valdè compressa, per maturitatem contracta cavitatem quandam utrinque obtinent, pulchrè variegata, minimè ut superioris aspera, sed lævia ut in reliquis.

Londino semen habuimus, quod in hortulo nostro Cantabrigiæ satum plantam produxit, quæ *semen* maturum dedit.

4. *Lupinus caeruleus minor Park. flore caeruleo Ger. sylvestris flore caeruleo C. B. sylvestris purpureo flore, semine rotundo vario J. B.*

*J. B.*

Ex sylvestrium Lupinorum genere est, caule cubitali, robusto, recto, tereti, striato, solido, alis satis frequentibus concavo & ramoso. Folia Lupini sativi, nonnihil hirsuta, multò minora, in quinque, sex, vel septem radios longos, angustos fissa; pediculo inhaerent longo, sapore ingrato & odioso. Flores longa serie crebri, agminatim ascendentes, Cicercularum & Pisorum flores referunt, coloris purpurei [potius cærulei] quibus succedunt siliquæ rectæ, semina continentis parva, stigmatibus variata, rotunda. Radicem porro demittit satis profundè, non magnam tamen, glandulis ad fibras adnatis strumofam.

In Sicilia circa Messanam sponte & copiosè provenit: alibi etiam tum in Italia tum in Narbo- *Locus.* nensi Gallia, locis arenosis & inter segetes invenitur.

5. *Lupinus*



5. *Lupinus angustifolius caeruleus elatior*. An *Lupinus Gadenfis marinus* flore caeruleo Park? *Lupinus minor caeruleus Tingitanus* Morif?

Lupino sylvestri caeruleo similis est, sed erectior & elatior multò, ut qui ad cubitalē altitudinem assurgat, ipsum etiam Lupinum sativum proceritate æquans vel excedens: *Folia* ut in sylvestri minore angusta, novena plerunque in eodem pediculo, extremis obtusioribus quàm in aliis Lupinis, ut quasi abscissa videantur. *Semina* Lupini sylvest. caerulei seminibus *similia*, sed colore nonnihil diversa, maculis nimirum ex fusco flavicantibus varia.

Semen hujus *Lupini Gadenfis* titulo nobis communicatum est.

- \* 6. *Lupinus flore flavo Indicus* Bontii.

Bont.

Sapore est fastidioso & amaro. *Flores* fert flavos, quibus *siliquæ* succedunt Pisorum nostrorum siliquis fimiles. Pediculi ex ipso caule satis longi & recta extensi emergunt, qui desinunt in quinque vel sex *folia* oblonga, tenuia. *Flores* autem & *siliquæ* etiam cauli cum tenui pediculo adnascuntur.

Agrestes sunt, & in hortis (quod sciam) non coluntur.

Vires.

Decoctum eorum alvum movet & urinas, ideòque magis inter medicamenta quàm alimenta locanda veniunt.

*Folia* & sapor *Lupinum indicant*, at *spica pendulæ* ad aliud genus pertinere arguunt: *Lupinus* est anomalous.

7. *Lupinus flore luteo* Ger. Park. *Sylvestris flore luteo* C. B. luteo flore, semine compresso vario, J. B. The pellow Lupine.

Hic prima specie minor est & humilior, verum & ramosior, & in latitudinem magis diffusus. *Folia* angustiora longioribus pediculis insident, utrinque hirsuta, & in acutos mucrones desinentia. *Flores* in summis caulibus & ramulis in spicas longas digesti, è pluribus florum verticillis compositos, [sex septemve interdum] in singulis verticillis quinque plurimum stoculi, pediculis brevissimis nixi, flavi, odorati. Ad exortum pediculi uniuscujusque floris antequam aperitur apponitur foliolum lanuginosum, concavum, quod explicato flore decidit [Hoc & aliis Lupini speciebus commune est] *Flores* ejusdem figuræ cum præcedentis, nec pro plantæ modo minores. Floribus succedunt *siliquæ* surrectæ, hirsutæ, compressæ, sescunciam aut duas uncias longæ, quatuor vel quinque semina compressa, colore ex albo flavicante & fusco varia continentes: Ramuli in hoc, sed magis in præcedente, supra florum thyrsus, qui in summo caule est, assurgunt & in altum emicant. *Folia* contrahunt se noctu instar primæ speciei, non tamen dependent deorsum reflexi, sed potius sursum eriguntur.

- \* 8. *Lupinus peregrinus minor, sive angustissimo folio* C. B.

C. B. prod.

Ex radícula oblonga capillacea, cauliculus tenuis, palmaris, quàm minimùm hirsutus exurgit, circa quem foliola quina, sena, septena, brevia, angustissima, subhirsuta, quæ oblongis pedicellis insident. *Flores* & semina nondum vidimus.

Ex horto Contareni *Lupini Africani minimi* nomine habuit C. Bauhinus.

\* Ex distatis  
D. Hermann.

Fructus, annotante \* D. Palmer, rotundus, orbiculatus & in lateribus crenatus. Ex eo farina in Officinis conficitur pro cataplasmate.

- \* 9. *Lupinus caeruleus minor perennis Virginianus repens* Morif.

Morif.

Hic quoad caules, folia, flores, siliquas, seminæque cum sylvestri caeruleo minore convenit: sed (quod notatu dignum) à duratione & rependi sub terram facultate à caeruleo minore (cum quo prima facie maximam habet affinitatem) cæterisque suæ familiæ quàm facillimè discernitur, ut prolixiore descriptione ei opus non sit.

Præter descriptas alias adhuc Lupinorum species exhibet & describit Parkinsonus: nimirum

1. *Lupinum alcerum album*, cui florum petala media, superiore seu gibbâ parte; supremum cavâ, caeruleo colore tincta seu maculata sunt: major est vulgari.
2. *Lupinum minimum caeruleum*, qui partium omnium parvitate præcipuè à sylvestri caeruleo minore differt. An fortè idem Lupino peregrino minori C. B.?
3. *Lupinus flore carneo*, à Lupino Indico medio (cui aliàs similis est) colore floris, parvitate omnium partium, & hirsutie minore diversum.

Verum cum hæ nobis nondum visæ, nec à quoquam alio descriptæ, nihil ampliùs habemus quod de illis dicamus, nisi quòd semina à *Gulielmo Boelio* collecta fuerint, quòdque valde teneræ essent, & semen post primum annum ad maturitatem non perducerent.

D. Magnol *Lupinum* flore purpurascens latifolium hirsutum C. B. in *Matth.* se in satis in luco Gramuntio sitis & in aliis circumpositis invenisse scribit. *Botan. Monsp.*



## CAP. II.

## De Faba.

**F**aba, Græcis *ῥαυός*, à Faliscis, Hetruriz populo, *Haba* dicta est, unde vocabulum sumptum videtur. Martinius à *nda*, i.e. *vescor, pascor*, deducit, ut sit quasi Paba. Isidorus à *ῥαυός*.

A Dodonæo hoc genus leguminis *Boona* Latine dicitur, qui Germanismo fultus, idioma- tique Alemannico abusus, at aliis doctior videretur, nomenclaturam hanc novam excogitavit (in- quit J. Bauhinus.) Cæterum Boonæ sive *Bean* nomen à Baiana Italico deductum videtur, quæ tota Insubriâ & Liguriâ recentes Fabas vendentium voce appellari autor est Hermolaus.

*Κάλαμος* Græcis dicti creduntur quia sunt *ὡς τὸ ῥάυον δρυὸς, ὃ ἀπὸ τοῦ ῥάυου*.

Fabæ notæ genericæ sunt siliquæ erectæ, crassæ; semen maximum, ad latera compressum oblon- gum cum hilo magno in extremo, caules angulosi, firmi, concavi.

A. 1. *Faba* C. B. *Faba*, *Cyamos leguminosa* J. B. *major hortensis* Ger. Park. *Garden-beans*. *J. B.*

*Radice* partim est recta, partim serpente, strumosa & fibris donata, ex qua caules surriguntur duo- bus cubitis altiores, [imò in latiori solo humanam altitudinem superantes, vel singuli vel bini ter- nive pro fertilitate soli] quadrati, inanes, *foliis* adversis, cæssis, ex oblongo rotundis, ad unam co- stam adnexis: ex quorum alis flores oriuntur simul aliquot juncti, congeneribus Pisib. similes, quo- rum supremum folium ungue purpurascens albidum, striis purpurantibus pictum est; duo lateralia in medio nigra, in ambitu alba, stamina occultans colore est ex albo herbaceo. *Semen* in *siliquis* magnis, crassis, carnosissimis, hirsutis, surrectis, oblongum, latum, planum, compressum, maximum, di- midiam drachmam interdum pendens, colore plerumque albo, interdum rubente, hilo in summa parte longo, nigro.

Postquam semen dederit radicitus exarescit.

Faba fructu albo & fructu rubro, non sunt duæ distinctæ Fabarum species; siquidem experientiâ nostrâ, Fabæ rubræ satæ non semper rubras producant, sed interdum, imò sæpius albas. Hæc co- loris mutatio accidentalis est varietas, quæ vel solo, vel culturæ debetur.

2. *Faba minor sive equina* C. B. *minor sylvestris* Park. 3. *sive communis* Ger. emac. *Field- beans*, or *Pease-beans*.

*Caulibus, foliis, floribus & siliquis* hortensi seu majori Fabæ similis est, sed minor. *Folia* tamen pluribus pinnarum conjugationibus constant, magisque conferta sunt. *Flores* è foliorum sinibus exeunt in pediculis parvis, sex plerumque in eodem pediculo, qui delapsi totidem relinquunt *sili- quas*, minores & rotundiores quàm præcedentis, *semina* claudentes minora, tumidiora, rotundiora & modicè oblonga, alia pallidiora, alia nigriora. Fecundius est plerumque hoc genus Faba majori seu hortensi, tum siliquarum ad singulas alas numero, tum seminum in singulis siliquis.

Fabis [hortenses intellige] in cibis utimur frequentissimè: suntque in multis regionibus (ut rectè *Usus & Adversariorum auctores*) vere & tota æstate magnum annonæ supplementum. Nos Trago subscri- *Virg.* bimus recentes innoxias esse in cibo, & bonum succum gignere. Veteres eosque secuti Dodonæus, Casp. Hofm. & è recentioribus alii, Fabas flatulentas esse aiunt, & tanto flatulentiores quò viridiores, cujus consequens est, difficilis etiam esse concoctionis; quod tamen nos non experimur quamvis æstivo tempore Fabis frequenter vescimur; nec probamus sententiam Dodonæi aridas & exsiccatas recentibus præ- ferentis, quòd sci. minus flatulentas putet, sed potius cum Trago eas operarius relinquimus. Nec video cur porcos aliâque animalia saginent, & non æquè homines.

D. Mundy de esculentis p. 121. se novisse scribit rusticum quendam pauperem, qui in gravi an- nonæ difficultate fabis solis elixis, nec alia re, liberis aluit; pueris tamen ita pastis melius coloratos aut habitiores vix alios videres, unde constat copiosè nutrire fabas aridas, postquam ventriculus eas ferre assueverit. D. Tancredus Robinson.

De facultate adstrictoria farinæ fabarum, ejusque proinde usu in dysenteria medicos dissentire video. Casp. Hofmannus à farina fabacea, seu Faba fresa Veteribus dicta & lomento fabæ, quia paratur sine cortice non oportere ait ullam expectare adstrictionem, quæ corticis est, non autem substantiæ. Qua, pergit, ex limitatione intelligit unusquisque, quo in errore versentur illi, qui hac farinâ vel in aceto solo, vel in aceto & aqua decoctâ utuntur in alvi fluxibus ex debilitate reten- tricis; nisi enim totæ decoquantur nihil fit.

Dodonæus è contra Fabam cum putaminibus descendere ait nec omnino facilè, nec omnino tar- dè; absque his autem alvum constringere; Nos in Dodonæi sententiam propendimus, cum videamus in frumento florem farinæ fursuribus excussis potentius astringere, & fursures extergere, farinaque descen- sum promoveri: rem tamen experientiâ determinandam relinquimus. Faba minor facultate ac tem- peramento admodum similis est majori; non tamen tam hominum cibo quàm equorum faginæ servit ac utilis est.

Farina Fabarum non tantum intra corpus utilis est in diarrhoea & dysenteria, sed & extra in ma- culis à Sole contractis, aliisque cutis sordibus extergendis (si illa fricentur) in fugillatis discutiendis. Aqua destillata ex floribus diuretica est, maximè usûs in maculis faciei extergendis eaque fucan- da. Flores autem suavissimum odorem exhalant, ut agri aut horti Fabis confiti, cum in flore sunt, odor etiam è longinquo sentiat.

An Boona sive *Bean* sit Veterum Faba non levis est inter botanicos controversia. Vide sis Do- donæum, J. Bauhinum & Casp. Hofman: in *De Medicam. Officin.* Certè Veterum Faba parva fuit &



& rotunda, ut patet ex innumeris ferè locis Theophrasti, Dioscoridis, &c. E contra impossibile videtur, certè vix credibile est legumen adeò vulgare & quotidiani usùs in desuetudinem abiisse, aut nomen mutasse, inque ejus locum & nomen Boonam successisse nemine conscio. Hæc enim nobis pro Faba, & Faba Latinis pro *κωκυθ* unanimi consensu tradita est. Contra sententium argumenta (inquit C. Hofman.) peccant in eo quòd comparisonem instituant cum Faba nostra majore, cum deberent cum minore. Fortassis illa tum non fuit perducta ad id magnitudinis mangonio.

Ad renum Affectus, & Cinerem è truncis Fabarum. Fiat ex iis lixivium, coletur per manicam Hippocratis, dulcoretur saccharo & aromat. cinnamom. de quo  $\frac{3}{4}$  vj. propina. Ab atroci dolore renum in feb. dupl. tertiana subintrante sum liberatus hoc auxilio. Guido à Cauliaco. Provocat urinas vias mundificando, pus & arenulas expellendo & menstrua provocando. Communicavit D. Edv. Hulsius M. D. Philosophus & Medicus insignis, cum aliis multis ex variis Autoribus in gratiam nostram à se collectis. Effectum autem, & rectè, tribuendum sentit salibus in lixivio contentis. Nam & ego (inquit) aliquando sceminae cuidam Nephriticis doloribus obnoxio, cujus pedes valdè intumuerant diætam præscripsi in qua bona quantitas cinerum genistæ incocta est, quæ magno numero calculos è renibus deturbavit, verùm dolore adeò atroci, ut usum ejus omittere coacta sit.

Hinc ad provocandam urinam præscribit Chesneau Salem ex truncis fabarum extractum, ad gr. viij. in aliquo liquore convenienti sumendum; vel si sal in promptu non sit, lixivii ex cineribus facti & clarificati ad  $\frac{3}{4}$  vj. cum Syrup. de Althæa  $\frac{3}{4}$  j.

Memini quendam alvi cruenta excretionem jugi per tres vel quatuor menses laborantem solo usu Fabarum rubrarum pulmenti in modum in lacte coctarum, manè & vespere devoratarum sanatum fuisse, aliis medicamentis nil juvantibus. Sim. Paulus Quadrip. Botan. p. 30.

Symbolum illud Pythagoricum *ἀνὴρ κωκυθὸν ἀνιζάμενος* variè interpretantur Veteres & Recentiores. Alii de Fabis simpliciter accipiunt, à quibus ideò abstinere præcipit Pythagoras, quia sunt flatulentæ, Veneris incentivæ, & mentis tranquillitati contrariæ, insomnia turbulenta efficientes: vel ut alii volunt, (teste Plinio lib. 18. cap. 12.) quia mortuorum animæ sunt in iis, & quia in floribus earum literæ lugubres reperiuntur. Alii *κωκυθ* symbolicè & ænigmaticè testiculos appellatos aiunt, quia sunt *ἀνὴρ ὡς κωκυθ*, unde non à Faba comedenda, (quæ ipse frequenter vescébatur) sed à rei Veneris proluvio voluisse philosophum homines deducere. Tandem alii, ut Plutarchus ipse, à muneribus Reip. tractandis abstinendum interpretantur. Nam Veteres vice calculorum in magistratibus eligendis Fabis utebantur.

## CAP. III.

## De Glycyrrhiza.

**G**lycyrrhiza, id est, radix dulcis, recentioribus Græcis, Theophrasto Scythica radix dicta est, quia Scythæ hac & Hippacæ, id est, cafeo equino, ad duodecim dies durare posse dicuntur in fame & siti. Hippacen nonnulli Plinium secuti pro herbæ nomine perperam habuerunt. Plinius hac de re sibi non constat ut patebit loca conferenti: nam lib. 28. c. 14. *equinum coagulum quibusdam hippacen vocari ait*; at l. 25. c. 8. herbam eam facit, inquires, *His duabus herbis, Scythice sci. & Hippacæ, Scythas etiam in duodenas dies durare in fame, sitive tradunt*. Reprehendendus etiam est Plinius, quòd Scythicam radicem Theophr. diversam fecerit à Glycyrrhiza.

Glycyrrhiza insuper à sedanda siti nonnullis Adipson vocatur. Columella. Et quia famem sitimque sedat glycyrrhiza, ob hoc *ἀδύλα* vocata est: nonnulli ipsum hydropicis dedere, teste Galeno, nè sitirent: Hoc (inquit Jo. Bod. à Stapel) non parvo agrorum levamine fieri recentiorum comprobatum est experimento.

Glycyrrhizæ notæ sunt radices dulces, repentes, luteæ, caules proceri, filiquæ breves compressæ, erectæ.

*Glycyrrhiza vulgaris* Ger. emac. *vulgaris* Park. *siliquosa vel Germanica* C. B. *radice repente, vulgaris Germanica* J. B. *Liquorice*.

*J. B.*

Sarmentosæ radices longè latèque implexu vago reptant, colore buxæo, foris nigricantes, sapore melleo, cui stipes multum dulcedine cedit, subhirsutus, nonnihil purpurascens. *Folia* in alam Fraxini instar disposita, quorum singularia minora, per ambitum integra, atrovirentia, modicè viscosa, dum adhuc tenera; sapore acerbo & subacido [Trago autore, Dictamno vulgari aut Ciceri sunt similia.] *Flores* racemosi, purpurantes, Dod. dilutè cœrulei, singularibus Trifolii bituminosi floribus perfimiles. Hos excipiunt *siliquæ* glabræ in quibus *semina* parva, rotunda, compressa, dura, tria aut quatuor.

Apud nos seritur Pontefracti in Comitatu Eboracensi, & Worklopi in Nottinghamia. Glycyrrhiza autem Anglica præcipuè æstimationis est, & ex transmarinis regionibus advectæ præfertur. In Germania quoque multis in locis, in agris colitur. Rariùs autem in Germania & Anglia floret, ideòque sterilis à nonnullis, sed temere, credita.

Tam folia quam caules hyeme quotannis pereunt, & novæ sequenti vere proveniunt.

Non paucis Galliæ Narbonensis locis autore Lobelio multum sponte oritur, etiam propè *Latera* oppidum. Floret Julio & semen fert Septembri.

Glycyrrhiza caliditate & frigiditate temperata est, in reliquis ad humiditatem inclinat, pulmonica ac nephritica, acrimoniam mitigat, expectorationem promovet, asperitatem lenit, (humores sci. in-

*Locus &  
Tempus,  
Vires.*



incrassando) alvum infantium leniter mollit. Usus præcip. in tussi, raucedine, phthisi, pleuritide, vesicæ erosione, urinæ acrimonia. *Schrod.*

Succus Glycyrrhizæ inspissatus ad hæc præcipue æstimationis est.

Tragus Glycyrrhizæ radicem ejusque succum extractum ipsi etiam Saccharo præfert. Nemo enim (inquit) ignorat amara & Saccharum sitim excitare, quam dulcis radix & succus ejus restinguunt.

Cortex ejus (inquit Dodonæus) amaritudinem quandam habet, & calidioris est qualitatis particeps, quam idcirco abraderi oportet. At C. Hofmannus hoc nihil esse ait, nam Amaror est interior (augetur is etiam à diuturna coctione ut in aliis dulcibus) ab eo verò est absterfio. Estne ergo, pergit, semper tutus in leniendis asperis? non est, quantumvis reclamant ignari. In universum omnibus malis succurrit ab acris, salis & mordacibus humoribus excitatis.

Ex hujus succo cum aromatibus mixto fiunt parvi panes seu rotulæ ad tussim & pulmonis vitia.

Glycyrrhiza cum tantillo Cinnamomi in aqua decocta, inservit nonnullis pro potu ordinario, & post fermentationem inebriat non minus quam Cerevisia.

#### C A P. IV.

##### *De Galega.*

**G**alega Herbariis cur dicatur ignoramus. C. B. quasi Gallica Fracastorio dicta putatur. Verum Galega Italica vox est testibus Matthiolo, Dodonæo, aliis. Quod nomen apud Veteres obtinuit non constat. A quibusdam Rutæ nomen inditum ab effectu & viribus, non verò odore.

Galegæ notæ genericæ sunt Flores spicati penduli, reliquæ erectæ teretes, tenues.

1. *Galega* Lob. Ger. J. B. *vulgaris* C. B. Park. *Ruta capraria* Gesn. *Goats Rue.*

*J. B.*

Hinc inde per terram spargit tenues radices, albas; Caules verò tollit bicubitales, & altiores, striatos, inanes, ramis compluribus brachiatos. Folia Viciæ, pinnata, impari alam claudente, longiora, spinulam mollem ex extremitate proferentia, sapore leguminaceo. Flores peculiaribus insident furculis, ex foliorum alis exortis, viciæ multifloræ, jubam longam efficientes, colore albo, vel ex albo violaceo. Siliquæ teretes, tenues, longæ, erectæ, in quibus semen.

In Italia passim provenit, ad aquarum rivos præcipue; & ut aiunt, in Hispania. Clusius in *Locu.* Pannonia abundantissimam vidit, inter Muram & Dravum flumina, paullo supra eorum confluentes. Radix multos annos durat.

Celeberrimum est Alexipharmacum ac sudoriferum, venenum, imprimis pestilentielle, insigniter *Vires.* discutiens. Usus ejus præcipuus in petechiis expellendis, aliisque morbis pestilentialibus, ipsaque peste curanda, in morbillis, in Epilepsia infantum (exhibetur succi cochl. i.) in ictibus serpentum, in lumbricis, quos etiam extrinsecus applicata fugat. Estur & herba ipsa cruda vel cocta ad hos usus. *Schrod.*

Herba hæc, secus ac aliæ [Alexipharmacæ] citra saporem est, & insuper qualitatibus primis temperata. *Idem.* quod imprimis notabile est.

Galegæ planta tota, & totius illius aq. stillatitia commendatur ad pellendos contagiosos, pestilentes & malignos morbos, cujus adeò certa experimenta volunt nonnulli, ut qui Galegâ solum sit instructus vindicari ab his malis certò queat.

Nobiliss. Vir, Patriæ suæ decus, D. Robertus Boyleus in tractatu de *salubritate & insalubritate aeris*, tres quatuorve paginas impendit Galegæ viribus celebrandis in pestilentialibus & malignis morbis ex propria observatione & experientia; ut nos monuit D. Tancred. Robinson.

Galegæ sylvestris succus Epilepsiam sanat. D. Palmer ex dictatis D. Hermannii: Quam plantam intelligat Galegæ sylvestris nomine non satis scio, fortè viciam sylvestrem multifloram.

Varias Galegæ præparationes ad usus prædictos vide apud Hofmannum, Schroderum & alios.

2. *Galega Indica minor hexaphyllos.*

Sopheræ species est (inquit P. Ammannus.) Est enim planta siliquosa pentapetala floribus aureis, quasi in globum contortis, siliquis angustis, recurvis, seminibus flavescentibus propemodum, ex oblongo quadratis.

3. *Sofera* Alpini & Belli J. B. *Galegæ affinis Sophera dicta* C. B. *Sophera sive Securidaca Aegyptiaca villosa* Park. An *Hoxocoquamodit* Cam. hort?

*Belli.*

Suffrutex est, ad duorum triumve cubitorum altitudinem assurgens, caule firmo, recto, fibroso, multos ramos firmos à foliorum alis undique spargente, in quibus folia Myrti foliis similia quidem, verum angustiora, alata, h. e. in longo pediculo utrinque sita contrariis semper inter se petiolis, numeroque paria, ut in Lentisci folio conspici licet, supernè latè virentia, infernè verò saturâ viriditate prædita, graviter olentia, vesperi supernâ folii parte, quâ petiolo inhaerent coeuntia, infernâ parte terram spectante, sicque clausa totâ nocte permanent, manè verò circa Solis ortum denovo expanduntur. Croceos fert flores, inodoros, plures in uno ramulo pendentes, multaque intus stamina



stamina cum *siliqua* rudimento continentes, in caulis & ramorum summitatibus nascentes: quibus succedunt *siliqua* rotundæ, digitum longæ & cœlum spectantes, plurima *semina* continentes rotunda, aliquantulum compressa. Diutissime floret, subinde novos & recentes *flores* proferens, semperque virens. *Radix* habet multifidam, lignosam. Non ultra sena in eodem folio pinnarum paria observavit Bellus.

Hon. Bello videtur suam plurimum ab Alpini Sophera differre, quod ex descriptione & icone colligere licet. Equidem Alpini figura vitiosa, duplici potissimum nomine (inquit C. Bauhinus) primum quod in costæ extremitate malè posuerit folium quod imparitatem faciat; dein quod *siliquas* dependentes pinxerit, cum omnes oblongæ, cylindræ, sursum spectant. Non tamen differentes facio, cum ab Hon. Belli integram plantam ex Creta, & à Prospero Alpino *semina* (unde plantæ enatæ) acceperim, in utraque solam differentiam in foliis notavi, quæ in Ægyptiaca acutiora & atrovirentia sunt. C. B.

Alpinum defendit Cl. Vesslingius *Observ. in lib. P. Alpini de Plant. Egypt.* Utriusque inquit culpæ [quam Bellus sci. & Bauhinus Alpino imputant] facile & fidenter Prosp. Alpinum purgo. Quamvis enim frequentius paria sint foliorum agmina, interdum tamen adjectum extremæ virgulæ primum folium: imò in eadem plantâ & parem foliorum ordinem & imparem observavi.

*Siliquæ* cœlum sanè spectant. At nec hoc perpetuum est, cum cœlestis calor inæqualis dispensatio humiditatumque modò copia, modò inopia positum illarum permutet. Hæc Vesslingius, cui ut oculato testi & veracissimo libenter fidem adhibemus.

Camerarius Noribergæ suæ decus Sopheram circa ramorum exortus, seu in alarum cavis, qua parte costarum latior extremitas caulem amplectitur, verrucis parvis rubentibus, quæ æstu intensissimo liquorem candidum, pellucidum exudabant, spectabilem in horto aluit. C. B.

## CAP. V.

De Orobo sylvestri *siliquis erectis*.1. *Orobus Brasiliensis flore luteo* Paiomirioba dictus Marggr.

Marggr.

**E**X unica radice multi prodeunt *caules*, circiter tres pedes longi, lignosi, virides, nodosi, in multos ramos divaricati, qui è nodis prodeunt: in quolibet ramulo octo vel novem folia, nimirum quatuor vel quinque paria, sibi invicem opposita, planè similia Orobi Pannonici *Clus.* In extremitate ramorum nascuntur *flosculi*, pentapetali, planè similis illius Orobi Pannonici sed omninò lutei. Flores sequuntur *siliquæ*, quatuor, quinque, sex, aut septem dig. longæ, teretes, paulum compressæ, haud crassæ, incurvatæ ut Ensis Polonicus; quæ per maturitatem fiunt fuscæ & sponte rumpuntur, atque effundunt *semen* rotundum, latiusculum, compressum, fuscum, paulò majus Lentibus. In qualibet *siliqua* 50 & interdum paulò plura continentur *semina*. Toto anno floret & fert *semen*. *Radix* longa, recta, multa superius habet filamenta, flavi coloris.

Vires.

Aqua destillatur ex hac planta, quæ comminuit & expellit calculos Vesicæ. *Radix* contra venena & stranguriam: folia contra *Bichos de Cu*; *semen* cum aceto contra impetiginem valet: Planta quoque contusa & calidè applicata laterum doloribus auxiliatur. An *siliquas* erectas producat, non dicit autor, ut in icone erectas appingit; Puto Marggravium errasse in numero petalorum floris, nisi sit error Amanuensis aut Typographi.

2. *Orobus Brasiliensis Tareroqui dictus, Metapasto Lusitanis* Marggr.

Marggr.

Species est Payomiriobæ, ejusdem figuræ & eadem radice, caule, ramis, flore quoque sed paulum minore, eadem dispositione foliorum & ejusdem coloris, differt tamen foliorum figura: nam hujus sunt digitum aut paulo plus longa, figuræ ovalis, ad exortum suum angustiora, superius viridia, inferius nonnihil incana, nervo secundum longitudinem & venis obliquis prædita. *Seamen* rotundum, nigrum, minutum, & multum diversum à semine Payomiriobæ.

Post Solis occasum folia sua componit & quasi marcescit, manè iterum explicat. Hoc & aliis fere omnibus leguminibus convenit.

3. *Orobus sylvaticus purpureus vernus* C. B. *sylvat. purpureus major* Park. *Pannonicus* i. *Clus.* *sylvat. vernus* Ger. *emac. Galega nemorensis verna* J. B.

J. B.

Veris munus Galega sylvat. pedem altos habet *caules* cum incipit florere, *foliisque* satis angustis & mollia, postea majores, angulosos, ex radicibus multiplicibus, fibrosis, nigris, perennibus numerosos surgentes: in quibus *folia* ex duabus tribusve conjugationibus composita, quorum singularia Parietariæ foliis paria, unciam aut fescunciam lata, uncias circiter tres longa, in longum mucronem definitia, tribus secundum longitudinem decurrentibus costis; bina quoque foliola caulem foliorumque pediculos amplectuntur veluti pinnulæ. Flores in longo pediculo veluti spicati, sex vel septem aut octo, quales Leguminibus, purpurei primum, postmodum cœrulei, quos *siliquæ* excipiunt, uncias duas longæ, nigræ, erectæ, in quibus *semina* rotunda, exigua, interdum verò oblongiuscula, amaricantia. *Radix* quorannis iterum pullulat.

Locus.

In dumetis à la Bastie, & alibi circa Genevam inque Germaniæ & Helvetiæ sylvis frequens.

C. Bauhinus



C. Bauhinus Astragalum Columnæ hujus plantæ synonymum facit : J. Bauhinus valdè dubitat an sit eadem necne, quoniam majorem florum numerum Astragalo suo tribuit Columna, (viginti nimirum) quàm unquam in Orobo descripto observavit : in foliis præterea non depinguntur, nec describuntur nervi ad Plantaginem accedentes.

4. *Orob. sylvaticus pallido flore* C. B. *Galega montana Dalechampii* J. B. *An Orob. Alpinus latifolius* C. B. Park?

7. B.

Cubitalis est planta, caule striato, ex quo per intervalla orti pediculi longitudinis mediocris quinque senasve annexas denso agmine sustinent foliorum conjugationes, quæ Galegæ vulgo notæ foliis quàm simillima : Flores in peculiari appendice spicam æmulantur, colore præditi luteo-pallescente, figurâ florum Genistæ quoque. Radix subest multiplex, tuberosa & longissimis fibris donata. Siliquas (quas mihi, inquit J. Bauhinus, observare non licuit) testatur Dalechampius esse nigras seminibus plenas Lenticulæ similibus.

Invenit J. Bauhinus in monte Thuri non longè à Geneva : nobis ibi plantas indagantibus non comparuit.

Sibi persuadet Parkinsonus, & mihi unà, Orob. Alpinum latifolium C. B. in Prodomo descriptum non differre specie à planta hîc proposita. Vide & confer descriptiones Bauhini & Lugdunensis.

5. *Galegæ nemorensi vernæ similis flore albo* J. B. *Orob. Pannonicus* 4. Clus. *Orob. sylvaticus annuus flore albo* Park. *Orob. montanus flore albo* Ger. emac.

Clus.

Aliquot ab una radice prodeunt caules, cubitales, striati, recti, folia alternatim proferentes pennata, quaternis foliis satis amplis & mucronatis constantia (quibus adnascitur aliquando extremâ alâ quintum) viridibus, per quæ aliquot venæ transversim à medio nervo excurrunt, subacidi quidem initio gustus, sed postea amariusculi. Flores ex alarum sinu brevi petiolo insidentes prodeunt quini aut seni, antrorsum spectantes. Vicæ floribus non dissimiles, albo colore præditi, qui in binis foliolis sursum reflexis [atqui unum duntaxat folium in floribus papilionaceis sursum reflectitur] pallescit, odoris expertes. Lobi quales in primo genere ferè, in quibus semen fuscum majus quàm in reliquis generibus. Radix minimè vivax est, sed prolato fructu perire solet ut plerisque Leguminum generibus accidit.

In Alpibus Austriacis nascentem invenit Clusius : itémque in Pannonia interamni in monte quodam sylvofo Greben arcu vicino. Flores protulit Aprili & Maio in hortos translatus, deinde semen.

Orob. Pannonicum 4. Clusii C. Bauhinus Galegæ montanæ Dalech. eandem facit : J. Bauhinus, cui potius accedo, distinguit. Nam in Galega montana plures sunt in foliis pinnaarum conjugationes. Judicet Lector.

- \* 6. *Orob. sylvestris angustifolius Asphodeli radice* C. B. *sylvaticus angustifolius* Park. *Orob. quorundam radice bulbosa, flore albo*. J. B. *Orob. Pannonicus* 3. Clus. *montanus angustifolius* Ger. emac.

Clus.

Graciles promit cauliculos, rectos, firmos, angulosos, pedales & cubitales : folia per intervalla uni costæ inhaerentia, quaterna plerunque, ex adverso sita, erecta, angusta, trium ferè unciarum longitudinis, gustu aliquantulum acido initio, deinde amariuscule, nullis capreolis prædita, quod caules satis firmi adminiculis non egeant. Flores in longis nascuntur furculis, spicæ instar congesti, florum Pisi aut Vicæ formâ, seni aut octoni, candidi coloris : deinde oblongi lobi nigricantes, prioris lobis pares, semine nigro, interdum etiam maculoso pleni, qui per maturitatem cum strepitu dehiscunt semen abiciunt. Radicibus nititur quinis aut senis, minimi digiti longitudine, crassiusculis, Asphodeli aut Pæoniæ scemina minoris oblongis bulbis ferè similibus, minoribustamen, foris nigris, intus albis.

In pratis Austriæ Thermis Badenibus vicinis, inque montosis ultra Danubium locis ad cædua- Locum sylvarum margines invenit Clusius. Floret cum superioribus & semen Junio perficit.

Araci vel Apios leguminosæ species Tossano Carolo J. B. excepto floris colore purpureo in omnibus cum descripta planta convenit.

## CAP. VI.

De Leguminibus siliquis aculeatis seu echinatis monospermis Onobrychide & Glycyrrhiza echinata.

**O**nobrychis nonnullis ab *Orō* Afinus & *βρυχ* quasi Afini palmes dicta putatur : aliis ab *ὄρος* & *βρυχ* frendeo, ab afini ruditu, quod eo depasto fremant afini, nec injuria, siquidem cum semen jam maturuit depascantur : Semen enim rigidis suis aculeis eorum palatum & os compungit.

Notæ ejus genericæ sunt floris spicati, siliquæ aculeatæ monococcæ.



- A. 1. *Onobrychis sive Caput gallinaceum* Ger. *Onob. vulgaris* Park. *foliis Viciae, fructu echinato* major C. B. *Polygalon Gesneri* J. B. *Medick Detchling, or Cocks-head, & nunc vulgò nota nomine Saint-foin.*

J. B.

Multarum notarum argumento Polygalon indigitabat Gesnerus herbam è radice mediocriter crassa longa, vivaci, cortice obiecta nigro, intus albâ, ramos proferentem multos, palmares vel etiam cubitales, rubentes, in terram reclinatos; è quibus orti pediculi folia conjugatim disposita sustinent Lentis, inferius magis albicantia & pilosa, superius viridantia magis, plurima, cum impari in extremo, mucronata: E foliorum alis exeunt pediculi prælongi, florum spicas sustinentes in longum excurrentes unde & semina non coacervata sunt sed rariùs disposita. Flores pulchrè rubent supremo folio (quod plerunque reflectitur) lineolis saturatioribus eleganter striato, è calice hirsuto. Sequuntur seminum conceptacula subrotunda, modicè compressa, spinulis asperata, & per ambitum gibba, cristam ferratam, membraneam erigentia, semina singularia, reniformia continentia.

Locus.

Ad latera collium Gogmagog dictorum propè Cantabrigiam, inque satorum ibidem marginibus necnon campestri planitie propè Novum mercatum, inque ejusmodi planitie montosa *Salisburyensi*, ut & alibi in Anglia sponte provenit, semper tamen solo cretaceo & sicco, locis apricis, ut circa *Royston* oppidum. In transmarinis propè Genevam copiosè provenientem observavimus in pratis, ubi & J. Bauhinus.

Hæc est quæ non ità pridem seri apud nos cœpit pro jumentorum pabulo *Saint-foin*, i.e. Sancti fœni nomine, semine è Gallia petito, maximo multorum emolumento. Multam enim ex ejus esu Vaccis & aliis animalibus lactis copiam contingere compertum est, unde Polygalon & meritò Gesnero dicitur. Præterea solo gaudet sterili & cretaceo, aut sicciore, nec graminis neque frumenti admodum feraci; unde à quo seri cœpit hujusmodi agrorum annui redditus soli Dominis multoties iterantur.

Dienisibus Allobrogum, ubi pratorum copia non est, in asperis & lapidosis locis, pauculâ terrâ tectis, bidente tantum scalptis, injecto fimo & diligenter comminuto ea gens serit, & humo insperso stercore operit. A satumbar si subsequatur facillimè comprehendit, & optime proficit, dispersis huc illuc cauliculis, sic vestiens & operiens solum, ut in jejuno & squalidissimo solo latissimi prati speciem ostendat. Secatur singulis annis ter, cum adolevit & corroborata est, & pecori gratissimum pabulum est. Gaudet præcipuè locis aridis & sabulosis, in quibus floret Æstate & semina perficit Autumno. Moris.

Ingeniosissimus Vir & rei herbariæ peritissimus D. Sloane exhibuit nobis ramulum ficcum *Onobrychidis* cujusdam quam majorem non descriptam vocat. Vulgarem *Onobrychidem* foliis & spicâ refert; sed florum color videtur esse cæruleus.

2. *Onob. minor flore parvo purpureo, siliquâ echinatâ, majoribus aculeis.* An *Onobrychis fructu echinato minor* C. B.

Omnibus sui partibus, siliquis exceptis, præcedente minor est foliis brevioribus & angustioribus, paucioribus ad mediam costam adnexis, non ultra sex paria numeravimus; cauliculis procumbentibus sesquipalmaribus aut etiam interdum dodrantalibus, geniculatis, internodiis longioribus, ramosis. E ramorum sinibus pediculi exeunt unciales aut fescunciales, flores aliquot congestos sustinentes, parvos, purpureos, quibus succedunt siliquæ echinatæ & cristatæ, præcedentis fimiles, verum majores, spinulis crassioribus & longioribus munitæ, sex septemve in eodem pediculo, eæque satis confertæ, unicum intus semen continentes singulæ, petiolis brevissimis hærentes.

Locus.

In insula ad Promontorium Siciliæ Pachynum invenimus. Reperitur etiam circa Monspehum.

Miror C. Bauhinum fructus parvos *Onobrychidi* suæ minori tribuere, cum nostræ hujus Capitæ gallinacei vulgaris (ut diximus) majores sint.

- \* 3. *Polygalum minus saxatile* J. B.

J. B.

Tota quanta est vix palmum superat. Radicula candida est, longiuscula, modicè pro plantulæ modulo crassa, divisa in capita, paucis fibris donata. Ex qua foliola statim emergunt, costæ hærentia, repanda, Capitæ gallinacei, sed obtusiora, latioraque, pilis candidis obsita. Coliculi graciles sunt, confimilibus foliis vestiti, supernè divisi: quorum extremis flosculi insident, luteoli, aut palliduli, hiantes, exigui, pauci, Astragalorum positi, nec in spicam abeuntes, ut in *Polygalo* Gesneri: Capitula sequuntur exigua, rotunda, aliquot apiculis supernè donata.

Locus.

Collegit Cherlerus circa arcem Episcopi *Monspeliensis*, in locis incultis, asperis & saxosis: Nondum invenire potuit P. Magnol.

4. *Glycyrrhiza echinata* Park. *echinata Dioscoridis* Ger. *Glyc. Dioscoridis echinata, non repens* J. B. *Glyc. capite echinato* C. B. *Rough-headed Liquorice.*

J. B.

Ut minus nota ità minoris hodie usûs *Dioscoridis Glycyrrhiza*, cui non, ut vulgatæ, radices tenues, circumquaque repentes, sed crassæ, latæ, rectæque depactæ, simplices, brachii longitudine ac crassitudine, buxi (inquit Dod.) luteivæ intus coloris, foris rarè alterius, sed tamen quandòque nigricans, minori verò dulcedinis gratia (Dod. ait, dulci sapore cum austeritate quadam) stolones autem plures virgulæ hominis proceritatem subinde assequuntur: Folia *Lentisci* majora, acuminata, conjugatim rachi alligantur, viroris saturati, & tactu nonnihil glutinoso. Flores è foliorum alis exeunt parvi,



parvi, cœrulei: sequuntur fructus ex pluribus oblongis *siliquis* echinatis glomerati, ad imum cohærentibus, quorum singulis singula insunt *semina*.

Ubi sponte proveniat ab idoneo aliquo autore traditum non invenio: verisimile tamen est circa *Locus*. Antiochiam Syriæ nasci: Nam Lobelius à Valen. Dourez se Glycyrrhizam spinosam Antiochenam accepisse scribit, quæ J. Bauhini sententiâ non erat diversa ab echinata.

## SUBSECTIO SECUNDA.

*Legumina non scandentia siliquis simplicibus, non articulatis propendentibus.*

### CAP. I.

*De Orobo vero seu genuino credito.*

**O**robus dicitur *ὄρος* id est mons, quod boves eo vescantur & saginentur. Dioscor. lib. 2. cap. 131. *ὄρος δὲ καλεῖται ἐπὶ τοῖς βοσκόθεν, boves autem saginas si elixum apponatur.*

An Orobus vulgo creditus seu Mochus Italicus sit verus Antiquorum Orobus ambigitur: non esse arguit quod nulla huic insit amaritudo, nullusque ingratus sapor, sed leguminosus & pisorum vulgare. Inter legumina præter Lupinum nullum amarum inveni, inquit J. Bauhinus. Orobus ergo Antiquorum huic ævo incognitus videtur. Adde siliquam non esse cylindraceam ut Orobi Theophr. E contra Honorius Belli ex Cydonia Cretæ ad J. Bauhinum misit semen (ut ipsi videbatur) Orobi vulgaris, hæc addita inscriptione Orobus *ὄρος* live *πίος*, quod rustici serunt singulis annis & boves eo saginant Antiquorum more.

Hujus nota est siliqua nodosa, torulis seminum protuberantibus velut articulata.

1. Orobus sive Ervum multis J.B. Or. receptus Herbariorum Ger. vulgaris Herbariorum Park. *siliquis articulatis, semine majore C. B.*

*Cauliculis* infirmis, ab eadem radice pluribus assurgit, pedibus aut altioribus, angulosis glabris, ab imo statim ramosis. *Folia* longa, decem aut duodecim, aut etiam pluribus pinnularum obtusarum extremo crenatarum conjugationibus ad medium nervum seu *stipitem* adnexis, composita, nullo in extremo impari pinnâ, neque verò claviculâ. E foliorum alis ut in hujus generis reliquis, exeunt pediculi *flores* in summo gestantes nunc singulos, nunc binos, exiguos, quàm Lentis tamen majores, folio clypeiformi exterius purpurascens, interius albo, purpureo-cœruleis lineis striato. Flosculis succedunt *siliquæ* unciam longæ, tenues, cylindraceæ, per maturitatem albentes, articulatis torulis, in quibus semen rotundum, (angulosum redditur ubi siccum) leguminoso duntaxat gustu, non amaro.

In agris circa Monspelium & Genevam vulgaris est.

*Locus.*

- \* 2. Orobus Creticus Park. Matth. *semine minore C. B.*

Hunc præcedente majorem facit Parkinsonus: At Matthiolus semina minora ei attribuit. Verisimile est eundem specie esse, & siquid intercedat discriminis, id loco & culturæ deberi, autor Parkinsonus, quem & nos libenter sequimur. Idem etiam videbatur J. Bauhino, qui semen ejus ab Honorio Belli ex Cydonia Cretæ missum accepit.

*Orobo similis Lathyrus Cretensis Belli J. B.*

item,

*Orobo similis Aracus Cretensis Belli ejusdem.*

Horum semina Orobi seminibus simillima erant. Primi solum discrimen erat in colore, qui medius erat inter Orobum & Aracum ab eodem Bello missum: Secundi semina paulò majora erant, & colore ad glaucum accedente.

Cæterum cum Orobus Veterum hodie incognitus est, vires ei adscriptas omitemus, siquis curiosior eas scire Dioscoridem, Galenum, Plinium consulat.

3. Cicer Orobaeum Park. Orobaeum Theophrasti Ad. Lob. Orobus *semine obtuso triangulo C. B.*

*Ad. Lob.*

*Culmo* assurgit sesquipedali, geniculato lateratim, quasi in obliquum flexo, leviter striato, fistuloso: *folioli* in imo nervulo prolixo hærentibus Lentis aut Araci. A medio autem ramulis donatur & foliatis pediculis: & juxta summos alarum geniculos complures confertæ *siliquæ*, uno ferè exortu nixæ, sese tangunt & stipant, cylindraceæ, unciam longæ, rectæ, teretes, inter transversa pusilla intervalla foras protuberantibus singulis quasi torulis, ternis & quaternis, articulatim distinctis: ipsa



intus semina nullâ membranulâ distincta Pisum Arietinum ferme æquant, obtusè triangula, Orobo duplo majora, colore albida, pallida & subfulva, non ingrati saporis Ciceris aut Pisi.

Locus.

Norbonæ & Gallo provinciæ plerisque satis per messes flavet.

## C A P. II.

### De Orobo sylvatico filiquis propendentibus.

- A. 1. *Astragalus sylvaticus* Ger. sylv. foliis oblongis glabris C. B. *Astragaloides* sive *Astragalus* sylvat. *Astragalo magno* Fuchsi vel *Chamaebalano leguminosæ* affinis planta J. B. *Lathyrus sylvestris lignosior* Park. *Wood-pease*, or *Heath-pease*.

J. B.

**E**X radicibus longis, quasi repentibus, varièque implicatis, partim tenuibus, partim tuberosis, Chamæbalani Dodon. perquam similibus, nisi è tuberibus plures capillares fibræ prodirent, externè nigris, internè albis, sapore subdulcibus, caules exurgunt multi dodrantes aut pedales, angulosi. Foliis ad eandem costam adnectorum duo aut tria paria præter ea quæ ad caulem sunt, nullo in extremo neque impari folio, neque capreolo, costâ mediâ in pilum tenue procedente. Ex alis foliorum emergunt siccis floriferi, non admodum longi, duos aut tres flores sustinentes pallidè purpureos, & ad carneum dictum colorem tendentes. Siliquæ flores excipiunt sefquidigitum aut duos digitos longæ, angustæ, teretes, primùm subrubræ, deinde per maturitatem nigræ semina octo aut plura parva, subrotunda, ex viridi flavicantia continentes.

Locus &  
Tempus.  
Vires &  
Ufus.

In sylvestris & dumetis Aprilis floret, & Maio semen perficit.

Saporem habent hujus radices tubera ad Glycyrrhizam accedentem, iisque utuntur Scoti montani ad eisdem thoracis affectus quibus Glycyrrhiza convenit. *Karemyle* illis dicitur, & ea tubera cum aqua temperata ad famem & sitim diutius tolerandam utuntur, & utilissima experiuntur: dulci enim suâ substantiâ humores in ventriculo acidos & acres corrigit & mitigat, imò figit & compescit, adeoque famis & sitis remedium est. Ex propterea si non sit eadem planta quæ Theophrasto *Scythica* dicitur (quæ Glycyrrhiza esse communiter à doctis censetur) ei certè consimilis est leguminosa, filiquosa quoque & facultatis ejusdem. Et verisimile admodum Autori nostro videtur, hujus plantæ tubera cibum esse à Dione in Severi Imperatoris vita memoratum, quo usus dicit Britannos, ut per aliquot dies (ab hostibus pressi) famem & sitim tolerarent. Hæc enim vires Glycyrrhizæ pares habet, pascimque in montibus nostris sponte provenit planta, & ad hunc usque diem montanis nostris (qui præcorum Scotorum mores & vivendi rationem retinent) ad eisdem usus ejus tubera usurpantur. Glycyrrhiza autem (quod sciam) nullibi in tota insula nisi plantata nascitur. D. Sibbald. in Prodr. nat. Hist. Scotiæ.

Siliquæ hujus plantæ erectæ vix possunt dici, sed potiùs propendentes, aut sitis inter erectum & propendentem mediis. Quæ sequuntur etiam an filiquas erectas, an propendentes obtineant non satis scio. Nonæ autem & undecimæ speciei Clusius filiquis propendentes appingit. Verùm quia Orobi nomine à Botanicis intigniuntur illis subjiciendas censui.

- \* 2. *Astragalus quibusdam, Araco Tossani Caroli similis* J. B.

J. B.

Hujus flores vario constant colore, albo quippe, luteo, & leviter rubescente. Radix bulbosa ut Præonæ: Caules cubitales, angulosi: Folia duas, tres, quatuorve conjugationes habent, quæ Arachi foliis longiora sunt, de cætero eis valdè similia, sed non in capreolos desinentia. Florum pediculi palmo minores, angulosi, in quorum extremitatibus flores plures, quales Lathyro luteo sylvestri. Juxta principium foliorum & pediculorum appendices acutæ.

Locus.

In editioribus pratis circa Bononiam collegit Agerius.

3. *Orobus sylvaticus Viciæ foliis* C. B. *Pannonicus* 2. Clus. *Astragaloides* Ger. *Astragalus Herbariorum* Park. *Astragalus major* Fuchsi J. B.

J. B.

Radice est satis longâ & crassâ, dulci: Caulibus rectis, cubitalibus, striatis angulosis: Foliola Viciarum modo disposita, novem, vel undecim, interdum unguibus longiora, aliâs multò minora, ex rotundo oblonga, ad costam unam adnexa, subcærulea, quæ exsiccata nigrescunt. Flores ex pediculis longis satis magni, purpurei, ex eodem pediculo plures; formâ Viciarum: quibus succedunt filiquæ longæ, teretes, admodum affines filiquis Astragali sylvatici Thal. Clusio flores purpurascere sunt colore, qui vetustate in cæruleum commutatur.

Locus.

Abundat in colle la Bastie, ad ripas Rhodani, & in montis Salevæ sylvestris propè Genevam: in Germania quoque non admodum rarus est.

- \* 4. *Astragalus Alpinus Helveticus* C. B. *Astragalus Alpinus* Park. *Astrag.* 2. Clus. *Astragaloides Helvetica* Park.

Clus.

Hanc plantam in Cantabris, Helvetiorum Alpibus atque etiam Pannonicis observabat Clusius, ramulis aliquot ex una radice prodeuntibus, gracilibus, interdum surrectis, ut plurimum autem procumbentibus, foliis Ciceris foliorum instar in ala ordine dispositis, sed rarioribus & longioribus, nec



nec in ambitu ferratis, sed valdè accedentibus ad Orobi primi folia: flore Viciæ aut Ciceris flori simili, ex cœruleo purpurascēte, cui succedunt *lobi* Arachi filiquis ferè pares, in quibus *semen* continetur. *Radix* est tuberosa, nigra, dura, cui propagines adnascuntur sarmentitius radiculis inhaerentes, illi similes sed minores.

Hanc Clusius habet pro Astragalo Dioscoridis legitimo *Col.* quem C. B. (ut diximus) Orobi Pannonici i. *Clus.* synonymum facit.

- \* 5. *Orobis Venetus* Clus. Ger. emac. *Sylvaticus Venetus* Park. *latifolius parvo flore purpureo* C.B. *Galega nemorensi vernæ similis multiflora, flore purpureo & albo* J.B.

Multos ex eadem radice fundit ramos pedales & angulosos, & ad singulas foliorum alas modò in hanc, modò in illam partem inflexos, humique ut plurimum diffusos: folia ad singulas alas quaternaria aut senaria, uni costæ inhaerentia, bina semper ex adverso sita, nullo extremo impari numero faciente, Orobi Pannonici i. foliis pænè similia, sed dilutè virentia. Flores oblongis virgulis, ex alarum cavis prodeuntibus innascuntur, numerosi, in comam inflexi, pusilli, coloris purpurei. Oblongi *lobi*, mucronati, Viciæ loborum pænè æmuli, rotundiores & magis teretes, maturitate rufescentes, *semen* continent Orobaceum, oblongiusculum, albicantis coloris. *Radix* dura, lignosa, multis fibris in diversa tendentibus donata, vivax est & singulis annis frequentiores caules profert.

Hæc species semine Venetiis misso Clusio enata est, & Maio mense floruit.

Differt à Pannonico primo *Clus.* foliis dilutius virentibus, paulò obtusioribus, nec trinerviis: floribus pluribus in eodem furculo, minoribus, in utramque partem converfis, non in unam tantum ut in illo: addit Morisonus, & filiquis propendentibus.

- \* 6. *Orobis Americanus luteus filiquis incanis* Breynii.

*Breyn.*

Rara, inquit, ad nos ex *Curacao* insula delata est planta, Viciæ instar nascens, penitus autem hirsuta ac incana; caules verò proferens rectos, pedales cubitalēve: quos *Folia* vestiunt alata, dena & aliquando duodena, ex adverso ordine uni rachi biunciali inhaerentia: singularia verò folia à *Polygalo Gesneri* in eo tantum discedunt, quòd tam inferiore quam superiore parte incanà densaque lanugine sunt pilosa. Flores pusilli, Medicæ similes, ex calyculo villosa in plumatas cuspides instar *Lagopi* exeunte provenientes, quadrantalibus & longioribus infident pediculis, è foliorum alis exortis, spicam longam efficientes, flavi: quos *filiquæ* excipiunt incanæ, teretes, uncias ternas longæ, & acinacis in morem contortæ, in quibus multa *semina* oblongiuscula, parva, ceu *Fabeolæ* minutæ formata, obscurè cinerei coloris, nigricantibus maculis interstincta & subdulci gustu, continentur. *Radix* eandem fermè vim quam *Cocci Orientales* ad pisces attonitos reddendos obtinere dicitur.

7. *Orobis Alpinus latifolius* C. B. Park.

C. B. prod.

Ramis est cubitalibus aut altioribus, angulosis, viridibus: foliis in singulis alis octonis, uni costæ adnatis, & sibi invicem oppositis, uncias tres longis duas latis, viridibus, nervosis, & cæteris Oroborum foliis minùs acutis: è virgulis ex alarum cavis, palmaribus, nudis prodeuntibus flores unciales, *Genistæ* formæ, pallidè lutei, at folio superiore rufescente, dependent, stylo ex illorum medio promittente. Lobos & semina non vidimus.

Ex Helvetiorum Alpibus habemus.

*Locum.*

### CAP. III.

#### De Cicere sativo.

**L**Atini nominis ratio incerta est. Cicer à Græcis esse ait *Isidorus*, lib. 17. cap. 4. Sed Græcis est *ἰσίδωρος*. Fortasse tamē sit à Græco *κίονος*, i. e. *robur, vires*, ob vim quam habet; solum enim ob falsilaginem suam urit: ideòque nonnisi pridie madefactum seri debet, ut ait *Plinius* lib. 18. cap. 12. Ab eo dicti *Cictrones*, ut à *Piso Pisones*, à *faba Fabii*, à lente *Lentuli*, uti testatur *Plinius* lib. 18. cap. 3. ubi ait prima hæc cognomina indè esse, ut quisque genus aliquod optime sereret. *Voss. Etymolog.* *ἰσίδωρος* Græcis dicitur, vel quod semina in vasculo quasi flatu distento bina ferat ad instar testiculorum, vel quòd maxime Venerem excitet. *ἰσίδωρος* enim, teste *Suida* & *Aristophanis* scholiaste, *τὸ τῷ ἀνδρὶ αἰσθητὸν*.

1. *Cicer sativum* C. B. Ger. *arietinum* J. B. *sativum sive arietinum, nigrum, rubrum, vel album* Park. *Chichez, oz Chich-pease.*

J. B.

Suà vi surrigitur Cicer, caulibus hirsutis, durioribus, ramosis. Folia pinnata, hirsuta, claviculæ expertia, quorum singularia haud malè foliis *Ononidis* comparaveris, denticulata sive ferrata: ex quorum alis flores emicant singulares, colore purpurascēte vel albo. *Siliquæ* teretes, breves, turgidæ, ac velut flatu distentæ velicarum instar, semine farctæ, *Piso* æquali, colore albo, ruffo aut nigro, cujus capiti appositum corniculum. Sapor ad *Pisâ* accedit, ut & *radix*. Bina aut ad summum terna sunt semina in singulis filiquis.

Ilia 3

Triplex



Triplex habetur Cicer Sativum, 1. *Candidum*, quod & Columbinum vocatur: 2. *Rubeum*, Venereum dictum: 3. *Nigrum*, ceteris minus & angulosius, quod Arietinum appellatur. *Matib.*

*Locus.* In Hispania, Italia & Gallia passim in agris feritur: pullo crassoque solo gaudet. Floret Junio & Julio mensibus, atque subinde in siliquis semen producit.

*Vires.* Cicera apud Veteres erant in cibario usu, ut hodiè apud Italos, à quibus non tantum cocta sed & cruda dum viridia adhuc sunt, esitari observavimus: præstat autem in aqua elixa mandere, & virentia adhuc ante adepram maturitatem, ut Pisà & Fabas solemus. Est autem Cicer edulium non minus quam Faba statulentum, sed valentius quam illa. Ad Venerem autem stimulat, creditumque est etiam semen generare, unde quidam equis admixtissimi ipsum exhibent. Attrahendi, extergendi, aperiendi, incidendi, digerendi vi pollent: urinam cient & calculum frangunt: lædunt autem vesicam exulceratam & renēs. Tragus & Plinius decocti jus calculum pellere scribunt, rectius & modestius quam Dioscorides, Galenus, Simeon Antioch. qui evidenter lapides confringere affirmare non erubescunt. Si (inquit J. Bauhinus) tanta vis est Cicerum, maxime Bithyniensium, ut evidenter frangant calculos, pretiosiores erunt auro & cæteris omnibus lithontripticis: nullum enim existimamus veraciter dici posse frangere calculum; nec etiam si fieret evidenter id appareret.

Cicera Diofcoridi *εὐαλαία* sunt: Quomodo hoc (inquit C. Hofman.) cū sint *ανδραγαθὰ φάρμακα* & *πικρὰ*? quia propter substantiam quandam terreā (potius nitrosā) abstergunt & alvum movent, non secus ac Beta, Brassica, alia hujus generis. Tum verò edere oportet non sicca, sed in aqua decocta. Sicca enim, qualia etiā frixa sunt, alvum sistunt. Dicendum cū Antiocheno habere quasdam partes salas in superficie quas in decoctione deponunt, quibus ventrem movent, quasdam dulces in centro, quibus urinam eliciunt.

Jus eorum ictericos juvat : decoctum lumbricos ejicit, menses & foetus educit, & lac gignit. In cataplasmatibus pforas, lichenas, parotidas sanant, testes inflammatos discutunt, ulcera maligna consolidant.

Apud nos tantum fere usurpatur decoctum Cicerum rubrorum in impedita urina: sed monent Practici ne usurpetur frequentius in iis, in quibus exulcerationes sunt diatarum partium (quod ex Dioscoride & Plinio habent.) Idem datur vel solum, vel cum maci, petroselino, aliis ad cienda τὸ ἀγχνη: imò etiam ad angendum lac, si Diis placet. At hoc è Veteribus habent. Sed quomodo ἀγχνηται μεμνημένοι εἰς ἱστέον? Abstergendo cutis vitia. C. Hofman.

\* 2. *Cicer montanum* Ledebour C.B. Park.

*C. B. prod.*

*Radice* est longa, in profundum, nisi fissilium lapidum interventu prohibeatur, descendente; à quâ exurgunt *pediculi* palmares, tenues, hirsuti, utrinque *foliis* duodenis & pluribus, subrotundis, sed nonnihil quàm in Cicere sativo longioribus, marginibus hirsutis, modò æqualiter, modò inæqualiter ex adverso nascentibus, folio tamen extremo impari, vestiti. *Flosculi* ad radicem oblongiusculi, pallidi, formâ ad florem Loti tetragonolobi accedente: His succedunt *siliquæ* prætumidæ, duabus vallibus constantes, semine reniformi, Medicæ in modum flavescente prægnantes.

Vernis mensibus floret in montibus Thuringiæ circa Northusam.

\* 2. *Cicer montanum lanuginosum erectum* C. B. Park.

**C. B. prod.**

Ramis est pedalibus, rectis, rotundis, molli lanugine hispida, in ramos semipalmates, etiam multo minores, brachiatis, in quibus *folia* Vicæ sylv. formâ, longa, modò latiora, modò angustiora, mollia, levi lanugine oblita, dena, duodena, & totidem ex adverso eidem costæ inhærentia, extremo semper impari numero faciente ramulorum: apicibus spica *florum* pallidorum & hirsutorum insidet; quos sequuntur *siliquæ* oblongæ, lanuginosæ, in exiguum recurvum filamentum definentes, quæ *semen* nigrum, minutum continent.

Hoc angustioribus foliis in Valefia ad Thermas Lucenſes Julio florens reperitur: at quod paulò latioribus, in montibus Francenhufanis.

## C A P. IV.

*De Leguminibus supra infrâque terram fructum ferentibus,  
seu Arachyda.*

**A** Raci vel Arachi nullam apud Grammaticos invenio Etymologiam.

\* 1. *Arachyda aut Aracoides Homorii Belli* J. B. *Vicia* similis, supra infraque terram fructum ferens C. B. An Theophrasto *Araco* ~~similis~~ Clus. *Arachidna* *Gretica* Park.

**Bell.**

*Herba est dodrantalis, foliis leguminosis Lentis, vel Viciz, minoribus, obtusis, cordatis. Viti-  
culis tenuibus, quorum extremis flores hærent purpurei Viciz. Circa radices sub terra fert filiquas  
parvas, Lenticulæ similes, in quibus modò unum, modò bina semina, rotunda, nigra, in altera verò  
non nigrum, sed Orobo simile. At quos fructus in caule proferat pluribus occupationibus præpe-  
ditus hætenus observare non potui.*

## Addis



Addit J. Bauhinus, Nigrum semen Viciae sativae simile esse, dentibus durum attritu, sapore Pisorum; medullâ alba: Album verò simile formâ, sapore & duritia.

Clusius plantam siccam inter semina à Jo. Pona missa in Horto Botan. Lugd. Bat. serenda, in quibus nonnulla ab Hon. Bello communicata, repertam sic descripsit.

Statim à radice in plures ramulos dividitur, semipedalis aut dodrantalis ad summum longitudinis, tenues, angulosos: quos alternis ambiunt exiguorum foliorum alae, Lenticulae aut Araci foliorum alis similes: ea parte extrinsecus latiuscula, & quodammodo cordis (ut vulgò pingi solet) formam imitantia, per medium secundum longitudinem nervo secta, qui extrinsecus foliorum partem nonnihil superat; nascuntur autem in singulis alis ex utroque latere quaterna vel quina, vel ex adverso sita, vel inaequali serie: ipsa vero extrema ala in capreolum definit; & se convolvit, ut in Lenticula & Vicia. Illius florem non conspexit Clusius, sed siliquas duntaxat in alarum sinu nascentes, latiusculas, unciam longas, aut paulò longiores, fuscas, nonnihil villosas, mucrone incurvo & quasi hamato praeditas, continentes bina aut terna semina nigra, rotunda, non angulosa, quae maturitate diffiliunt. Radicem habebat Lenticulae aut Araco similem, è cuius capite, summa quasi tellure, plures parvas, tenues, albas fibras quaquaversum spargebat, e quarum singulis dependebant singulae, interdum geminae siliquae, breves & rotundae, extrinsecus parte in curvum mucronem desinentes, tenellae & candicantes, continentes unicum ut plurimum semen, nonnunquam [quae majores] & alterum, rotundum, illo non minus quod siliquae in plantae ramis nascentes proferunt, sed albicantis aut subfusci coloris.

Mirum J. Bauhinum in planta à Bello accepta nullos observasse capreolos, cum Clusius, ut vidimus, capreolos plantae à se descriptae attribuat, atque etiam in iconè appingat.

Parkinsonus duas adhuc alias profert Arachidinae species: primam è semine Ulyssipponè sibi à Boelio missa ortam, quam Jo. Bodæo à Stapel sub titulo Araco similis descriptae eandem esse suspicor.

2. *Arachis sub terra siliquifera Lusitanica Park.*

Park.

Præcedenti similis est: Ramuli tenues pedalem longitudinem non multum superant, in terram plerumque procumbentes, foliis parvis, angustis, numerosis, ordine dispositis, ad summities usque vestiti. Flores è foliorum sinubus exeunt, parvi, rubentes, quibus excussis succedunt siliquae parvae, semina exigua, rotunda continentes. Radix in terram rectâ descendit, fibris multis adhaerentibus. A radice capite & inferius exoriuntur siliquae breves, crassae, dum adhuc sub terra latitant albicantes, quae postea aeri expositae colorem mutant & obscuriores fiunt, singula, vel bina summum semina continentes, iis quae supra terram nascuntur multò majora, & nonnihil maculosa.

Ex imperfecta hac descriptione an capreolis donetur necne non discimus.

Planta hæc, si eadem sit Bodæo à Stapel descripta, ad hoc genus non pertinet, sed ad Lathyrum, + Annot. in Theoph. Hist. lib. 1. cap. 11. ubi descriptionem ejus Stapelianam vide. Hanc autem illi eandem esse suspicor, quia & illa Stapelio nata est ex Hispanico semine à Guil. Boelio missa.

3. *Aracus umbrae Americanus Park. Mundabi Brasiliensis Marggr.*

Marggr.

In pedalem aut bipedalem altitudinem assurgit, caule quadrato aut striato, ex viridi rufescente, & piloso. Hinc inde enascuntur ramuli, primò quasi caulem amplectentes, & foliis angustis acuminatis stipati: mox habent nodum, ac trium vel quatuor digitorum longitudine extenduntur; continetque quilibet ramulus quatuor folia, duo semper sibi opposita, paulò plus quam duos digitos longa, sesquidigitum lata, superne late viridia, instar trifolii, inferne paulum canescentia, nervo conspicuo & subtilibus venulis quasi parallelis dotata, raris quoque pilis vestita. Ad exortum ramulorum qui folia gerunt prodit pediculus sesquidigitum circiter longus, tenuis, flosculum generis flavum, & per oras rubentem, duobus foliis constantem more Viciarum aut trifolii. Radix illius haud longa, tenuis, contorta, filamentosa, cui adnascuntur folliculi, ex albicante grisei, figurâ minimè cucurbitæ, oblongæ, magnitudine Myrobalani, fragiles, quilibet autem in se continet duos nucleos, pelliculâ saturatè purpureâ vestitos, carne intus albi, oleaginosa, sapore Pistaciorum, qui comeduntur cocti, & inter bellaria apponuntur: multum tamen comesti capitis dolorem causare aiunt. Fructu integro quassato nuclei intus strepunt.

Hæc est proculdubio planta illa, cuius siliquam describit Parkinsonus sub titulo allato, quàmque in Americæ regionibus tam versùs Austrum quam versùs Occidentem sitis, inque insulis adjacentibus frequentissimam esse scribit, cuius fructus nautis nostris nuculae terrestres perperam dicuntur.

4. *Legumen trifolium sub terra fructum edens. Mandubi d' Angola Marggrav.*

Marggr.

Caliculo tenui, sarmentoso, longè super terram serpit, instar Jeticu, ac novas fibras agit in terram, atque hinc inde, unius, duorum, aut trium digitorum intervallo, profert pediculos, tres aut quatuor digitos altos, striatos, qui tria folia Phaeolorum modo disposita sustinent, dilutè viridia, duos & amplius digitos longa, figuræ ellipticæ, nervo secundum longitudinem & venis oblique currentibus. In eodem caule etiam flosculi proveniunt in suis pediculis egregiè flavi. Caulis multas fibras agit, quibus sub terra annascuntur retis ferè figurâ & nucis Avellanæ magnitudine aut paulò majores folliculi, quorum substantia alutam ovillam crassitie æquat, exterius terrei aut umbrosi coloris, interius splendide albi: quilibet autem folliculus secundum longitudinem circumcirca quasi futuram monstrat, & pressus secundum illam finditur, continens in se duo grana, vel etiam unum, si minor sit, more seminis Pisorum adhaerentia, Pisiformia & ejusdem magnitudinis, & consistentiæ cum Pisif recentibus, flavo-pallida, & cum ficcis saporis; quae comeduntur. Sæpius irrigari desiderat, amat enim humiditatem.

C.A.P.



## CAP. V.

## De Legumine floribus spicatis, siliqua tumida semine reniformi.

Siliquis tumidis & vesicæ instar inflatis cum Cicere convenit, semine reniformi & floribus spicatis necnon magnitudine sua & duratione ab eodem multum differt.

*Astragalus Baticus Clusii Park. Astragalus Lusitanicus Clusii Ger. Astr. Baticus lanuginosus, radice amplissima C. B. Astrag. fortè lanuginosus Baticus J. B.*

Clus.

Cubitales aut ampliores sunt huic Astrag. caules, minimi ferè digiti crassitudinem æquantes, pentagoni sive angulosi, duri, subrubentes & lanuginosi: folia lanuginosa & incana in longa costa ex adverso semper inter se opposita, veluti in Viciæ aut Ciceris foliis, gustu primum adstringente, deinde fervido. Flores copiosi, Lupini aut Fabæ vulgaris florum æmuli, secundum oblongos ramulos seu virgas, ex alarum sinu prodeuntes nascuntur, serie quadam digesti, albidì omnino, sed antequam aperiantur & explicentur ex luteo foris nigricantes. Fructum ferè dicitur (nam florentem duntaxat observabat Clusius) in lobis, qui gustatus fauces, os & linguam inflammatione torqueat. Radix pro stirpis magnitudine amplissima, brachialis nonnunquam crassitudinis, palmaris verò longitudinis, deinde in duos aut tres ramos divisa, foris nigra, rugosa, intus candida, dura & lignosa, ingrati saporis, quæ arefacta cornu duritie superat.

Locus.

Collibus quibusdam supra Ulyssipponem, quos Tagus alluit, inter vepres observavit Clusius: item, sylvestris locis non procul Hispali.

Honorius Bellus, (si modò eandem plantam intelligat, quod opinatur Clusius, titulo *Phaseoli novi* generis) siliquas ei attribuit rotundas, pollicari crassitudine, tumentes & multo aere plenas, colore rubras, in quibus continentur sex aut octo semina, ad luteum tendentia, compressa, Phaseoli figurâ.

## CAP. VI.

## De Leguminibus nonnullis incertæ sedis.

\* 1. *Onobrychis* 3. Clus. *Onob. Tragacanthæ foliis, floribus in globum congestis C. B. Onobrychis globoso capite Park. An Astragalus Syriacus Lob. Ger. Park. J. B? Syriacus brisatus C. B?*

Folia huic mollia, incanâ lanugine pubescentia, ut Tragacanthæ legitimæ folia, & eodem modo uni costæ inhzrentia, quindecim & plura, interdum etiam viginti quinque, uno extremam costam occupante. Cauliculi in hac oblongiores sunt [quàm in Onobr. 4. Clus.] fusco cortice testè, lenti, fractu contumaces, humi fusi & plerumque nudi, qui extrema parte frequentes ramulos suis alatis foliis onustos proferunt, & in unciali villosoque pediculo multos flosculos in caput & globum congestos, Tragacanthæ floribus proximos, candicantes; deinde membranaceas siliquas Ervi siliculis minores & Dorycnii Hispanici valvulis pares, singularia semina Fœnugræco similia continentes.

Locus.

Londini in horto J. Richzi pharmacopœi Regii observavit Clusius Julio & Augusti initio florentem. Descriptio Lobelii in Observ. adeò brevis est & generalis, ut nihil certi ex ea colligi possè videatur.

\* 2. *Astragalus Alpinus magno flore C. B. Alpinus claviculatus magno flore Park.*

Lugd.

Radix edit nigram, lignosam, dimidium pedem longam, supernè in multa veluti caulium principia divisam, crassiuscula, laminulis corticosa; ex quibus foliola multa exeunt, longa, humi strata, Lenti similia, utrinque ex adverso ordine digesta. Flores in cacumine nudarum virgularum emicant oblongi, lutei: deinde siliqua oblonga, nigra, bivalves, in quarum vertice tenuis villus oritur, capreolo, viticulæve similis.

Locus.

C. Bauhinus suæ hujus generis plantæ Florem ex cœruleo purpurascens esse scribit.

In solo macro & sabuletis Alpium apricis gignitur; floret vere, & semen suum perficit æstate.

\* 4. *Hedysarum argenteum Alpin. exot. argenteum Creticum Park.*

Alpin.

Planta est fruticosa, foliisque habet complura, Ciceris similia, & flores argenteos, Trifolii proximos, multos in cauliculorum cacumine simul congestos, parùm olentes, sapore subdulci amarescente: Floribus tenuia cornicula succedunt, in quibus sunt semina parva, rotunda.

Planta est perpetua, & nunquam vel etiam hyeme foliis se exspoliât.

\* 3. *Onobrychis minima Park. Astragali persimilis palmaris pusilla planta Ad. Ferro equino Gallico affinis C. B.*

Adv.

In collibus quibusdam Gallo-provinciæ (inquiunt Adversariorum auctores) hanc sublegimus, elegantia neutrquam spectatu indignam; radicibus namque prorepit lignosis, implexis, corticosis, densò exortu,



exortu, numerosos cauliculos fruticantes, duos sed breves, vix binas aut ternas uncias excedentes, & foliola emittentes pusilla, Lentis, Astragali aut potius Tragacanthæ, quam tota refert, rigidiuscula, incanâ hirsutie: flosculis luteolis aut albidis, Ornithopodii gustu præficcio & æquè duro.

De hac nihil habemus quod dicamus, nisi nobis incognitam esse, si modò rectè describatur floribus luteolis.

C A P. VII.

De Securidaca genuina.

Securidaca, Græcis *παρακλιν*, à forma seminis in utraque lingua dicitur securem ancipitem æmulante, quæ & hujus generis notâ esto: nullius enim plantæ semen Clusii judicio, Veterum Securim aptius refert quàm hujus.

*Securidaca lutea major* C. B. *major*, sive *Securidaca major vera* Park. *Securidaca flore luteo, filiquâ latâ oblongâ* J. B. *Hedysarum majus* Ger.

J. B.

Ex radice multos statim emittit caules, cubito longiores, ramosos procumbentes: folia lævia, Lentis majoris, sensim lateſcentia, sex, octove conjugationibus ad costam annexis, uno in summa alâ imparitatem faciente: indidémque adèò unde foliorum pediculus appendix peculiaris, in fastigio umbellatim flores sustinens Meliloti nobilis Tragi, luteos, quibus succedunt filiquæ, palmo longiores, nonnihil sulcatæ, rostro recurvo, compressæ; valdè brevi pediculo hærentes, duobus hinc & indè aggeribus veluti fossam intercipientes, seminum receptaculum, rufforum, quadrangulorum, membranis distinctorum.

Nullius plantæ semen Clusii judicio aptius Veterum securim refert, quàm hujus, quam aliquot locis inter segetes in Hispania observavit. Nam infra Madritum secures videre meminit quæ essent hinc semini simillimæ, nempe in medio quâ manubrium trajicitur & adaptatur crassiores & utrinque in planam aciem desinentes. Locu.

C A P. VIII.

De Catanance leguminosa.

Catanance dicta creditur quasi amoris illicium esset necessarium seu necessitate inconcussa & fatali adigeret ad amandum.

Hæc planta foliis integris gramineis, caulibus erectis teretibus ab aliis omnibus leguminibus abunde distinguitur.

*Catanance leguminosa quorundam* J. B. *Ervum sylvestre* Ger. *sylvestre sive Catanance* Park. *Lathyrus sylvestris minor* C. B.

J. B.

Lathyrorum familiæ congener legumen est, tenuibus firmis, erectis, ramosis caulibus, quibus nullæ membranæ aptæ. Folia & longitudine & latitudine graminea, interdum angustiora pediculis destituuntur, venosâ, acuta. Flores tenuibus pediculis insident è foliorum sinu ortis, palmum nonnuncquam longis, Siliquæ tres uncias plus minus longa, angustæ, rectæ, grana decem, duodecim aut plura continent, nigricantia, rotunda. Radice nititur simplici, parva, alba, inutili.

Flores ex singulis foliorum alis exeunt in pediculo prælongo plerumque singuli, rariùs bini, colore cremefino seu sanguineo amœno splendentes.

In agrorum marginibus & inter vepres non rarò occurrit. Locu.

C A P. IX.

*Sagittaria cordialis Brasiliensis* Marggr.

Marggr.

IN tripedalem altitudinem assurgit, caule tereti, hirsuto, alato, foliis in illum insertis Sagittæ figurâ, eo sci. modo quo plumæ sagittis inferi solent, ex caule prominentibus, in utroque latere hirsutis. Folia præterea habet caulis & ramuli ejus angustæ, oblongæ, superiùs viridiæ, inferiùs incanæ in totum autem pilosæ, & majora sunt cauli inferiùs adnata. In summitate caulis pediculi aliquot longi erumpunt, in quibus flosculi proveniunt, figurâ florum Pisorum, lutei, tribus foliis constantes, quorum superius secundum longitudinem striis purpureis est variegatum. Post flores sequuntur siliquæ fuscae aut nigrae, Pisorum siliquis similes, continentes semen splendens, virescens seu Olivaceo colore, figuræ quasi semilunulae, seu rectiùs cordis, ut pingi solet. Admodum autem vermibus obnoxium est, & vix inter decem unum reperitur, quod non sit perforatum. Radix recta est, tres aut quatuor digitos longa, tenuis, unam atque alteram prolem adjunctam habens.

S U B.



## SUBSECTIO TERTIA.

## De Leguminibus cum siliquis utricularis seu vesiculis inclusis.

**H**ujus generis siliquæ in calycibus in vesicas membranaceas intumescens intumescens occultantur.

1. *Lotus affinis Aegyptiaca* C. B. *Absus* Alpin. Velling. *Absus seu Lotus Aegyptiaca* Park. Alpin.

Herbula est palmi magnitudine, vel aliquanto major, foliis trifoliis sed rotundioribus, quaternis singulæ alæ appensis, Flores parvos albos & semina Pyri seminibus proxima ferens.

Veslingius flosculos nivei candoris producere scribit, & dilutiore flavedine lactescentes: nec circa summum tantum caulem, sed etiam inter foliorum exortum dispositos. Semen atro colore splendendum parvis includit siliquis cicerum æmulis; & caulem suum raris brevibusque spinulis innocenter obarmat.

Planta hæc ad Cicerum potius quam Anthyllidis genus pertinere videtur: quamvis nos C. Bauhinum secuti huc retulimus.

- A. 2. *Anthyllis leguminosa* Ger. *leguminosa vulgaris* Park. *Lotus affinis Vulneraria pratensis* C. B. *Vulneraria rustica* J. B. *Kidney-Root* or *Nadies finger*.

*Radix* ei simplex, longa, recta, lignosa, nigricans, sapore leguminoso. *Caules* semipedales & altiores, ex eadem radice plures, in terram reclinati, teretes, tenues, hirsuti, rubentes, foliis paucis alternatim positis vestiti. *Folia* pinnata è quatuor aut quinque conjugationibus composita cum impari in extremo, pinguiuscula, infernè hirsuta, modicèque canescentia, supernè ex luteo virescentia, sapore subdulci & subacri: At quæ in extremis ramis floribus subjecta sunt, lata sunt, digitata, oblonga, membranæ. *Flores* in ramulorum fastigio in capitulum latum conglomerati, luteoli, odore nullo excellenti, quorum singuli ex vesicula laxa, lanugine argentea villosa emicant, parvi, papilionacei. Succeedunt *siliquæ* in folliculis latitantes, parvæ, quarum singulæ singula semina, rarius bina continent, sublutea, sapore leguminoso.

Locus.

In pascuis siccioribus, præsertim cretaceis & arenosis, macro solo, frequens oritur. Descriptio est J. Bauhini, à nobis aucta.

3. *Anthyllis leguminosa purpurascens flore* Clus. *Lotus affinis hirsuta flore subrubente* C. B. *Anthyllidis leguminosa vulgaris varietas* Park. *cujus sententia nobis etiam arridet.* *Purple-flowered Nadies finger.*

Lugd.

*Radix* est tenui, modicè fibrata; *foliis* multis, humi quaquaversum jacentibus, quæ ex multis aliis foliolis constant, inæqualiter dispositis, supremâ parte grandioribus & latioribus: *caule* dodrantali, *flores* multos sustinente, antequam aperiuntur subrubentes, postquam reclusi sunt luteos: *semen* fert parvum in brevibus *siliquis*, quarum singulæ vesicâ includuntur, ut superioris.

Verum non opus est tanta verborum ambage, nec enim alia in re à præcedente differt quam floris colore, obiter saltem intuenti observabili, nec enim nos utramque inter se curiose contulimus cum utraque simul ad manum non fuerit.

Locus.

In agrorum marginibus circa portum Liburnum & alibi in pascuis Italix observavimus.

4. *Trifolium balicacabum sive Vesicarium* J. B. *Anthyllis leguminosa vesicaria Hispanica* Park. *Lotus pentaphyllos vesicaria* C. B.

J. B.

*Caules* fundit cubito longiores, villosa lanugine obductos, in ramos alternatim ortos divisos: *folia* terna, non rarò quaterna, sena aut septena, hirsuta, ita certè ut extremum folium longè reliqua magnitudine excedat, *Oleæ* folio majus: Ex alarum ortu prodeunt pediculi, quorum cacumini insident *flosculi* lutei, parvi, quibus succedunt insignis magnitudinis turgidæ *vesicæ*, fuscæ, lanuginosæ *siliquas* claudentes in quibus *semina* bina aut terna, compressa, satis crassa pro plantæ tenuitate. *Vesiculæ* dictæ florum calices sunt, imâ parte lati, summâ ad acutum vergentes.

Locus.

Circa Messanam & alibi in Sicilia: observavimus & in Italia.

5. *Auricula muris Camerarii* J. B. *Anthyllis leguminosa marina, Batica vel Cretica, sive Auricula muris Camerarii* Park. *Lotus affinis hirsuta circinatis siliquis* C. B.

J. B.

*Radix* nititur parva, colore buxo, sapore dulci; ex qua *caules* pedales circiter, numerosi supini, in terram reclinantes, teretes, hirsuti. *Folia* alternatim è caulibus exeunt, mediocriter crassa, rigidiuscula, tactu aspera & pilosa, pinnato, eo quidem ordine, ut extimum impar sextuplo ferè conjugatim dispositis in alam foliis majus sit, principio angustiore, medio ampliore, denique in mucronem definens; sapor utrisque aliquantulum fervidus. *Flores* cujusmodi Leguminibus, parvi, crocei, hirsutis viridantibusque foliolis ambiti. *Siliquæ* latæ, compressæ, similes Medicæ lunatæ, sed paulò minores, in se convolutæ, hirsutæ, *semen* claudentes figurâ renis, alterâ parte gibbosum, altera sinu insculpto cavum.

Locus.

In insula ad Promontorium Pachynum & alibi in Sicilia invenimus.

Hæc

Hæc planta anomala & sui generis esse videtur, nec nota generica cum Anthyllide leguminosa convenit: ob convenientiam tamen in foliis ei subjungendam duximus.

6. *Anthyllis falcata* Cretica Park. *Trifolium falcatum* Alpin. exot.

*Alpin.*

Falcata admodum est, versùs radicis caput foliosa: folia enim longa, lata, rotunda & aspera, ex albo nigricantia, densè & confertim humi procumbunt, quæ ex tenui exortu in latitudinem semipollicarem versùs extremum deficiunt obliquè seu semicirculariter. Cauliculos ex radice protrudit plures, graciles, longos, humi stratos, obliquè actos: quorum geniculis terna aliquando nunc quina adnascuntur folia, terna superius simul juncta, & bina inferius, quæ cingunt caulem. Flosculi sunt lutei, aut ex albo pallidè lutei, fastigii cauliculi infistunt, papilionacei; quorum singulis succedunt *siliquæ* membranaceæ, bivalves, in margine fimbriatæ & sinuatæ, exterius circinatæ, unguis humani magnitudine, rotundæ, simul junctæ, unum eandemque exortum è caulis summo habentes. Radicibus nititur parvis & tenuibus.

Hæc planta persimilis videtur præcedenti, si non eadem.

## SUBSECTIO QUARTA.

De Papilionaceis seu leguminosis non scandentibus quarum Siliquæ per maturitatem articulatim rumpuntur.

*Herbæ flore papilionaceo siliquis articulatis, sunt vel iisdem*

*Lavibus,*

{ *Ad alterum laus dentatis, seminibus arcuatis aut lunatis; FERRUM equinum.*  
 { *Equalibus ad margines,*

{ *Rostis, seminibus oblongis, teretibus, rectis POLYDALON, Cornilla.*  
 { *Recurvis; ORNITHOPodium.*

*Asperis, foliis*

{ *Pinnatis, floribus spicatis, siliquis longis, isthmo loculos dirimente; HEDYSARIUM clypeatum.*  
 { *Integris, siliqua campoide; SCORPIOIDES Bupleuri folio.*

## CAP. I.

De Colutea, Scorpioide dicta.

**Q**Uamvis Colutea frutex lignosus sit, ob convenientiam tamen cum hoc genere in floribus & siliquis, ab his non separandam putavimus, sed principem inter Leguminosas siliquis articulatis locum ei tribuendum.

1. *Colutea scorpioides* Ger. J. B. *Scorpioides major* Park. *siliquosa* sive *Scorpioides major* C. B. f. B. Clus.

Suffrutex est ex radice se spargente, satis lentis & fractu contumacibus ramulis, majoribus cinereo cortice obductis, minoribus viridantibus, striatis & angulosis. Folia quina, septena aut novena, ad Lentis folia accedentia, rotundiora, pinguiuscula, Coluteæ Vesicariæ, si magnitudinem excipias, confimilia. Flores inter folia ex pediculis semuncialibus, & uncialibus lutei, bini ferè, rariùs singulares aut terni, unciam circiter longi; Genistæ floribus similes, labello duplici, inferiore rotundo, integro, striato, superiore bifido & quasi alato, duobus crasculis innixo: galea in Rostri acutiem mucronata, ex luteo virefcens apicum albitantem cirros occultit, quos subsequuntur *siliquæ* longæ, siliquis Telephii sive Scorpioidis *Matth.* similes, teretes, quibusdam velut articulis distinctæ, quæ oblonga, lævia, subfusci coloris & ingrati saporis, *semina* singula singulis articulis inclusa habent. Flores nonnihil odorati. Folia ingrati & amari admodum Saporis.

In collibus circa Genevam, Monspelium & Salernum observavimus spontaneam. Maio & Junio *Locus & Tempus.* floret.

2. *Colutea*



2. *Colutea Scorpioides humilis* Ger. J. B. *filiquosa minor* C. B. *Colutea humilior* Park.

Clus.

Est jam dicta humilior, humique diffusa, neque foliorum numero, aut situ, aut formâ, neque florum formâ & colore à superiore differens: sed hujus *virgæ* palmares aut pedales duntaxat hyeme interdum marcescere solent, & novo Vere denuo è radice nova germinare: filiquæ & semina paria: *radix* similiter dura & lignosa latè se spargit.

Locus.

Sponte nascitur ad Calenberg vicinisque Viennæ montibus abundè, tum etiam in nonnullis Pannoniæ montanis locis; in hortis culta paulò major fit, & ut plurimum virgas hyeme retinet. Floret Maio.

\* 3. *Colutea Scorpioides humilior, filiquis & seminibus crassioribus* Moris. hist.

Moris.

Folius est glaucis, *virgis* pedalibus aut cubitalibus, lignosis, rotundis, rugoso & rufescente cortice vestitis, in frequentes ramos divisus. *Folia* alata, terna, aut aliquando plura, uni costæ, binis semper ex adverso sitis, adherent, uno impari extremam alam occupante, Coluteæ vulgaris foliis similia, sed majora, glaucique vel cæsi coloris. *Flores* & forma & colore Coluteæ vulgaris similes, sed majores; quos excipiunt *filiquæ* breviores & crassiores, magis & distinctius articulatæ quàm vulgaris Coluteæ, atque in singulis internodiis filiquarum singula semina cylindracea majora & crassiora continentur.

Locus.

Ad oram maritimam Tingitanam viget, unde ejus semina habuit descriptionis autor, ut & ex Italia ab Alexandro Balam communicata.

\* 4. *Colutea filiquosa minor coronata* C. B. *Col. scorpioides montana* Clusii Ger. *Colut. scorpioides quædam, sive Polygala Cortusi similis planta, sed major* J. B.

Clus.

*Radice* nititur crassa & lignosa, lentâ tamen, & flavescente cortice obductâ, multisque fibris prædita: ex qua plures singulis annis, ineunte Vere novas producit *virgæ*, pedales, nonnunquam etiam cubitales, lentas, vimineas, læves, virides, & in his temere sparsa alata *folia*, quina, septena aut novena uni costæ inharrentia, exiccantis primùm gustûs, deinde nonnihil acrimoniæ in summis labris relinquentis. *Flores* in foliorum oblongis virgulis inharrent copiosi, leguminacei, in orbicularem coronam dispositi, flavi, nullo grato odore commendati: quibus succedunt articulatim distinctæ *filiquæ*, superioribus breviores, *semen* in singulis articulis continentes, Coluteæ parvæ sive Polygalæ Valentini Clusii modo.

Locus &amp; Tempus.

Crescit in montium qui à Danubio & Calenberg illi imminenti ad Alpes extenduntur radicibus inter vepres & ad vinetorum margines. Floret Junio, nonnunquam etiam Maio: subsequens hyems virgas corrumpit.

5. *Colutea minima sive Coronilla* Ger. *Colutea parva species Polygala Valentina* Clusii J. B. *Polygala Valentina* Clusii Park. *Polygala altera* C. B.

Clus.

Fruticosa est hæc planta, binos palmos alta, multas ferens virgulas lentas, Sparti aut Junci instar. *Folia* singulis costis inharrent, impari plerunque numero, quina, septena aut plura, Lenticulæ similis, magis tamen carnosa, & ad Rutæ colorem accedentia, adstringentis & ingrati gustûs. *Flores* Meliloti similes, lutei, coronæ in modum summis virgulis [quæ magna ex parte nuda sunt & maturo semine exarescere solent] insident. Incurvæ deinde, longæ & teretes succedunt *filiquæ*, tribus aut quatuor internodiis distinctæ, quæ *semen* continent durum, oblongiusculum, nigrum, ingrati saporis. *Radix* longa, dura, lenta, crassiuscula est.

Locus &amp; Tempus.

Clusius agro Salmanticensi, Murciano & Valentino regnis, locis arenosis & collium declivibus observavit. Floret Aprili, Maio & Junio: Semen Julio maturum est.

J. Bauhinus Coluteæ suæ, cujus titulum inter Synonyma præmisimus, virgulta tribuit dura, lignosa, crebrè veluti articulata, &c.

Nos plantam hanc in clivis maritimis propè Salernum in Regno Neapolitano, atque etiam in Hetruria collegimus.

6. *Polygala Valentina secunda* Clus. An *Polygala major Massiliotica* C. B? *major montana* Park. *Colutea scorpioides Coronata* Lob. Obs.

Clus.

Præcedenti admodum similis est, majoribus *virgis*, firmioribus & utcunque rubentibus; majoribus etiam, viridioribus, frequentioribus & carnosius *foliis*; majoribus & dilutioris coloris *floribus*: *filiquis* etiam paulò crassioribus, *semine* verò omnino simili.

Locus.

In collibus sylvestribus Valentiniæ Hispaniæ vicinis invenitur. Viret perpetuò & diutissimè floret & Vere & Autumno. In monte Cetio inter alia arbuscula versùs mare Maio florentem legit D. Magnol, & in sylva Valena circa Caravettes. Botan. Mouspel.

7. *Colutea scorpioides maritima glauco folio* C. B. prod.

C. B. prod.

*Virgis* est pedalibus, rariùs cubitalibus, lignosis, rotundis, rugoso cortice vestitis, in frequentes ramos divisus: *folia* alata, septem aut novem uni costæ, binis semper ex adverso sitis, adherent, uno impare extremam alam occupante, Coluteæ foliis similia, sed multo minora, obtusa & cordata, glaucique vel cæsi coloris. *Flores* & formâ & colore Coluteæ similes, sed minores, pediculis tenuibus



nibus *siliquæ* tenues oblongæ, unciales, articulis distinctæ infident, quarum singulis articulis singula *semina* parva inclusa sunt.

Hæc in maritimis propè Terracinam collectæ.

Locus.

8. *Colutea caule Genistæ fungoso* J.B. *Polygala major Massiliotica* C. B. *Polyg. Valentina* 3. Clus. *Val. marina* Park.

Oblongis, lentis, fungosis seu medullosis & omnino virentibus virgis prædita est, quas rara obsepiunt *folia*, superioribus adhuc crassiora & molliora: *flos* secundæ par. *Semen* observare non licuit.

Invenitur in Valentia Hispaniæ urbis maritimis. Hæc descriptio apprimè convenit plantæ illi *Locus*. quam in clivis montosis propè S. Chamas Gallo-provinciæ oppidum invenimus.

J. Bauhinus *flosculos* exiguos satis huic attribuit, in orbem coaggestos: *Siliquas* angustas articulatæ, ut in Scorpioide folio Portulacæ, in tenuissimum, Scorpionis simillimum *ipiculum* terminatas.

9. *Colutea Scorpoides Cretica odorata* Alpin. exot.

Alpin.

Suffrutex hic totus argenteo colore lucidus, crescit cubitali altitudine & majore. *Folia*, *floræ* & *siliquæ* vulgaris *Coluteæ Scorpoidis* more proveniunt. Differunt, primò quoad *folia*, quæ in extremo latiora sunt, & costæ nudæ pauciora adherent, quippe quinque utrinque binatum seu conjugatim apposita, & unum in costæ mediæ extremo, coloris argentei. *Flores* & figurâ & colore similes videntur floribus *Coluteæ* prædictæ, odore tamen differunt qui his suavis est & fragrans, illis fœtidus & ingratus. *Siliquæ* insuper vulgaris sunt exiliores & tenuiores, albæ, brevioresque, Creticæ autem *siliquæ* crassiores sunt & nigricantes, atque articulis magis evidenter apparentibus conspiciuntur; & consequenter *semina* ibidem contenta sunt multò majora.

Vere & ineunte æstate flores fert, toto mensè Maio: Julio & Augusto *siliquæ* maturescunt & *Tempus*. sub finem nigrescunt.

Frigoris est impatiens hæc stirps, unde ægerrimè hyeme vivit, nisi summâ curâ custodiatur sub tecto.

## C A P. II.

### De Coronilla herbacea.

1. *Ferrum equinum Gallicum* Park. *Gallium siliquis in summitate* C. B. *Polygonum Cortusi* J. B.

J. B.

**C**Rassæ huic, lignescentes duræque *radices*, dodrante longiores, nunc simplices, nunc multifidæ, intus albæ: quæ statim plurimas emittunt *virgulas* lignosâs, dodrantes aut breviores, humi stratas: quibus conjugatim hærent *folia*, ut plurimum novena, similia Ornithopodio quorundam, nisi essent breviora & rotundiora, solidiora, spissiora & magis alba, saporis adstringentis, nervo unico secundum longitudinem prædita. *Flores* ramulorum nudorum extremo infident lutei ut Ornithopodii jam dicti vel *Polygalæ* Valentiniæ primæ Clus. *Semina* item consimiliter in *siliquis* longis, crebris internodiis interceptis.

Ad latera montis Salevæ propè Genevam & in Delphinatu propè Gratianopolin, & alibi in trans- *Locus*. marinis inveni: J. Bauhinus in Rhætiæ monte Nembre.

2. *Securidaca major articulata* Park. *dumetorum major, flore vario, siliquis articulatis* C. B. *Melilotus quinta Tragi* J. B. *Hedysarum majus siliquis articulatis* Ger. emac.

J. B.

Vivaci *radice* reptat, multis adnatis variè se propagans: fibris aliquot donata, crassitie radicum convolvuli majoris, lignosâ candidâque matrice faretâ, sapore amaricante: hinc emergunt longissimi *caules*, crassitudine cum radice pari, striati, intus concavi, ramosi: *folia* pinnata, *Securidacæ*, pinguiuscula, atrovirentia, octo, decem, aut duodecim foliorum conjugationibus constantia, impari uno extremam alam claudente. Ex foliorum alis pediculi producuntur palmares & breviores, angulosi, quibus pendulæ impositæ sunt coronæ *florum* *Securidacæ*, quorum folium supremum purpurascens sursum explicatur, lateralia bina in album languescunt, carina penitus albet, sub rostro atro-purpureo stamina occultans argentea: *flos* interdum totus albet, solo carinæ rostro purpurascente. *Siliquæ* succrescunt uncias duas aut tres longæ, angulosæ, tenues, crebris nodis articulatæ, *semine* longo, mediocriter amaro.

Ad agrorum margines in Germania passim, inque pratis, agris & secundum vias, per universam *Locus*. Pannoniam, Austriam, Stiriam, Moraviam atque Bohemiam. Clus. Floret Junio & interdum totâ etiam æstate.



## CAP. III.

*Sesban* Alpini. *Sesban* five *Securidaca* *Aegyptiaca articulata* Park. *Galega* *Aegyptiaca siliquis articulatis* C. B.

*Alp. Vessing.*

**F**rutex est in *Aegypto*, Myrti magnitudine; foliis *Securidacæ*, sed longioribus & angustioribus, virgarum latera pari ferè numero stipantibus, si maturior planta fuerit: *Ramos* habens diluto virore nonnihil rufescentes, asperitudine quadam ad contactum inæquales. *Flores* fert croceos, *Anagyridi* perquam similes, racematim multos ab ala vel ramulo pendentes; à quibus *siliquæ* longæ producuntur, *Fœnugræco* proximæ, in quibus semina sunt *Fœnugraci* seminibus non parum similia. *Siliquæ* (id adnotante *Vessingio*) seminibus inclusis prægnantes pro illorum numero distinctis velut loculis coarctatæ sunt. Idem truncum ipsum fruticis raris brevibusque spinis aculeatum observavit; unde non mirum *Aegyptios* eo uti ad sepes texendas pro agrorum distinctione.

*Vires.*

Semina humentem stomachum ficcare & roborare aiunt, & ad cohibendum quemcunque fluxum alvi, nec minùs ad menses immoderatos sistendos utilia esse, seu in decocto, seu in pulvere sumpta.

*Morisonus* in *Hist. C. Bauhinum* & *Parkinsonum* reprehendit quòd *siliquas* articulatas huic plantæ tribuerint, cum non satis intelligerent quid sit *siliqua* articulata propriè loquendo. *Siliqua* enim articulata (inquit) in multos articulos suis interstitiis distinctos dividitur transversim, & in singulis interstitiis (exsiccatâ filiquâ & ruptâ) singula continentur semina.

Nos plantam nondum vidimus, at nec *Morisonus* se vidisse ait, ideòque an *Siliquæ* ejus reverà articulatæ sint, an nodosæ tantùm seu protuberantes ubi semina sunt, & in interstitiis depresso seu angustatæ, nescimus.

## CAP. IV.

*Nil* five *Anil*, *Glastrum Indicum* Park. *Coluteæ* foliis *Anil* nominatum *J. B.* *Herva de Anil* *Lusitanis* *Marggr.* *Phaseolus Americanus* vel *Brasilianus* *VI. C. B.* at perperam *Phaseolum* vocat. *Ameri* *Hort. Mal. Polygala Indica frutescens* *Hermannii*.

**Q**ualisnam planta sit ex qua *Indigo* vulgò dicta conficitur inter *Botanicos* non convenit. Verior sententia est fruticem leguminosum esse, *Coluteæ* affinem. *J. Bauhinus* quos habuit ramulos pedales similes ferè ramis *Cytisi* filiquâ latâ fuisse scribit, rigidulos, incanos, ac ferè argenteos, in folia divisos *Coluteæ* vulgaris, ovata, glauca, quinquefolia communiter, rariùs trifolia ex communi costa incana. *D. Finchius* apud *Parkinsonum* folia *Senz* ei attribuit, sed breviora & latiora, qualia & *Parkinsoni* icon repræsentat. *Marggravius* *Anil* plantam sic describit:

Ex radice gracili, longa, in multos ramis distributa lignosa ac lenta plures assurgunt caules duos, tres, & quandoque plures pedes longi, teretes, humi serpentes, & hinc inde filamentis in terram demissis se firmantes, versùs extremitatem autem se surrigentes: ex hîcè maximam partem jacentibus caulibus alii plures in altitudinem assurgunt, ex quolibet octo, novem, sæpiùs & decem, itidem teretes, lignosi, uno latere paulùm rufescentes. Caules omnes ornantur ramulis unum digitum longis, alternata serie dispositis, & quilibet habet septem cinerascens foliola, bina sibi opposita, & extremum solum. Foliola in medio secundùm longitudinem nervulum habent, non serrata, similia foliis *Trifolii corniculati* *Dod.* Juxta ramulos enascuntur breves pediculi, & in iis flosculi quatuor, quinque, sex aut plures, planè parvuli, purpurei cum albo diluti, figurâ cassidis apertæ, ut in *Hedera* terrestri vel *Urtica* mortua, odoris jucundi.

Malè comparat flores hujus plantæ floribus *Hederæ* terrestris aut *Lamii*, cum hujus flores proculdubio papilionacei sint.

*Fr. Hernandez* stipites multos, sex cubitos longos, ac minimum digitum crassos ei attribuit, coloris cinerei, laves; folia *Ciceris*; flores ex albo rufescentes; siliquas acervatim cauli appensas, ascaridibus crassiusculis similes, semine nigro plenas, sapore nonnihil amaro & leguminoso.

*Parkinsonus* fruticem hunc *Sesban* Alpini affinem facit, siliquis teretibus, uncialibus, *Fœnugraci* seminibus, sed utraque extremitate acutioribus.

*Siliquula* *Anil* quam *Terentius* ad *C. Bauhinum* transmisit angusta erat, vix uncialis, cui grana aliquot exigua, subviridia cum hilo albo in medio, ut in *Phaseolis*, inerant.

Cum ergo in florum colore, & siliquarum parvitate consentiant hi Autores, unam & eandem plantæ speciem esse quam describunt mihi persuadeo: quamvis in descriptione foliorum non bene conveniant. Nec diversam esse puto quam sub *Ameri* titulo proponunt & describunt *Horti Malabarici* Autores pro Arboris specie, cum tamen hæc planta vix frutex, nedum arbor censenda sit, siquidem duos duntaxat [*Finchius* apud *Parkinsonum* tres annos durare scribit] annos vivat, ut *Hernandez* asserere videtur. In magnitudine certè insignis est differentia: quocirca *Ameri* descriptionem subijciemus.

Arbuscula

Arbustula est altitudine humana, brachii crassitie, ligno duro, ramis maxime transversis; foliis alatis, è quinq; aut septem pinnarum mediæ costæ adnexarum conjugationibus compositis cum impari in extrema costa folio; sunt autem singulæ pinnæ seu foliola oblongo-rotunda, texturâ tenui & densâ, nervo medium percurrente averſa parte, elato, nullas, saltem conspicuas, venas emittente, colore ex viridi subcæruleo, parte averſa obscuriore, averſa clariore, sapore subamaro, & languido ardore diutius masticata. Flores in brevibus furculis è foliorum sinubus exeuntibus plures simul spicatim aggregati, parvi, papilionacei, quatuor petalis compositi, quorum inferius & carinatum stylum viridem occultans viride, lateralia duo angusta, interiori ora saturo rosaceo rubore tineta, superius & clypeatum reflexum est ac viridi-dilutum. Sunt autem flores odoris nullius. Calyx florum quinque cuspidatorum & viridium foliorum est.

Floribus deciduis succedunt parvæ, ferme unciales, rectæ, rotundiolæ, & angustæ siliquæ, suis furculis brevibus, tenuibus pedunculis appensæ, spadiceo-fuscæ, semina oblongo-rotunda, per maturitatem fusca & nitentia continentes.

In arenosis & petrosis locis nascitur.

Parandi pigmenti, quod Latini cæruleum, Mexicani *Mobuitli* & *Tlecobuilli* appellant, referente Hernandez, hic est modus. Folia incisa in ahenum cortinamve ferventis aquæ sed jam ab igne sepositæ tepentisque aut melius (ut rei affirmant periti) frigescentis neque ignem expertæ conjunguntur, concutunturque vehementer rutris, ac paulatim aqua infecta transfunditur in testam aut dolium, & tandem per foramina paulo sublimiora effuso humore, quicquid è foliis discessit permittitur residere. Fax illa pigmentum est: ficcatur id sole, & sacco cannabino percolatur, mox efformantur parvæ rotæ, quæ catinis superpositis carbonibus solidantur, ut recondi tandem queat in annuos usus.

Pigmenti hujus parandi modum paulò aliter describit Autor anonymus historię gemmarum à D. Chapezeau editas; quem apud ipsum vide, vel apud Wedelium in Experimento novo Chymico de Sale volatili plantarum. Descriptio enim Hernandez mihi verisimilior videtur.

Ceterum Wedelius non levi errore tenetur, cum Indigo & Glaſtum ex eadem profapia propullulare scribit, neque nisi præparatione differre: cum certissimum sit plantas ipsas diversissimas esse, nec minùs naturâ quàm loco distare, cum hujus respectu toto cœlo, illius toto genere differant.

Datur & alia *Nil* sive Indici species, quam Marggravius describit, toto genere à præcedente diversa, & Corymbiferis plantis annumeranda; Hernandez quoque aliam describit speciem, & fortè diversam à Marggraviana; Nos inter Corymbiferas dictas plantas de iis agemus.

Quod ad vires attinet, Ad dolores calculi nephriticos mitigandos servit radix in decocto data. Eadem & viribus veneni obsistit decocta cum aqua *Lanie*, scilicet teneri *Coqui Indici*, & epota. Folia in difficultate mingendi juvant, sitrita cum aqua ventri applicentur. Amè vulgò dicta Indigo pro exsiccandis tumoribus proficua est. Hort. Malab.

Hernandez scribit pulverem mederi plagis veteribus si ante urinâ abluantur. Folia contusa & emplastri modo applicata dolorem capitis mitigare dicuntur, maxime in infantibus, etiam in aqua macerata & cerebro applicata.

Ingeniosissimus Vir \* D. Martinus Lister M.D. in Ictericis affectibus pilulas ex Indigo Barbadenſi ad drachmam quotidie sumendas præscripsit aliquoties; quæ id effecerunt ut ægri copiosius urinam redderent. Et revera verisimile videtur Indicum non minùs quàm Crocum huic morbo profligando idoneum esse; cum partium tenuium sit & facile penetret, quemadmodum alia tingendo apta. Observat D. Tancrèd. Robinson confectionem hanc venenosa qualitatē participem à Medicis antehac haberi solitam.

Color vulgò dictus Indigo fluxiones mirè sistit, nam valdè astringit; ut lochii nimium fluentibus, & alvi, uterique procidentia decantatum remedium præbeat. Ex observatione D. Muralti. Ephem. German. Ann. II. 113.

Plantam hanc ob convenientiam in multis cum Colutea eidem subjungendam duximus, quamvis revera siliquarum respectu, quæ ut puto articulata non sunt, ad hoc genus non pertineat.

## CAP. V.

## De Hedyſaro clypeato lævi.

\* 1. *Onobrychis clypeata lævis* Park. *semine clypeato lævi* C. B.

C. B. prod.  
EX radice rufescente, paucissimis fibris donata, caulis unus [nonnunquam duo] pedalis, nodis distinctus exurgit: circa quem folia alata ex senis septenisve fibris, oblongis, glabris, uni costæ inhaerentibus, unòque extremam alam occupante composita. Ex alis tenues & oblongæ virgulæ flores purpureo-cæruleos, velut in spica dispositos sustinentes prodeunt: quos sequuntur fructus plani, læves, clypeiformes, communiter terni, sibi invicem per longum coherentes, semen minutum includentes.

In Helvetiorum Alpibus, ut monte Fracto & ad thermas Fabarias provenit.

Hujus descriptio in multis excepto siliquarum lævore, Hedyſaro nostro clypeato minori convenit: specie tamen diversam esse vel locus convincit.

Kkkk 2

\* 2. *Onobrychis*



- \* 2. *Onobrychis incana* foliis longioribus C. B. *Astragalus incanus* siliquis incurvis Botan. Monsp.

C. B.

*Caulis* habet rotundum, ramosum, incanum; *folia* plura, acuminata, angusta, uni costæ annexa, incana velut cinere aspersa: *Cauliculi* semipalmates, nudi spicam *florum* purpurascensium, aliorum formâ sustinent: quibus succedunt *siliquæ* oblongæ, incanæ, incurvo mucrone donatæ, duabus valvulis constantes: *Semen* minutum, nigrum, planum & semicirculare continentes.

Locus.

In Provincia Galliz reperitur.

- \* 3. *Onobrychis incana* foliis rotundis C. B.

Hujus meminit C. Bauhinus in Prodro-mo his verbis,

Alteram non minus incanam, sed minorem, semipalmarem, foliis brevioribus & rotundis, ex Aragonia & Castilia saxosis D. Albinus attulit.

Hujus & præcedentis an siliquæ articulatae sint non meminit C. Bauhinus; nec nos aliunde earum notitiam habemus, proinde an plantæ ipsæ ad hunc locum pertineant nescimus. Ob nomen commune impositum huc retulimus.

4. *Hedysarum triphyllum* Canadense Cornuti Park.

Cornut.

Hujus altitudo in frigidis locis duorum ferè cubitorum est, in apricis in unum tantum erigitur. *Caulis* numerosus ab radice pullulat, angulosus ac medullosus: fibris ille multis striatur, aliis virentibus, aliis pallentibus, aliis rubentibus. Mediâ caniculâ spicatim *flores* prodeunt Hedysari legitimi facie, ampliores multo. Horum superiora folia saturatius rubescunt, laterum alæ & subjecta carina dilutius ac pallidius rubet. *Siliqua* per floris marci di centrum oritur, falcatis per internodia discriminata, asperissima, quæ lineis supra & infra rubentibus clauditur. *Radice* nititur fibrosa, subnigra, maxime vivaci. Aprili pullulant folia, initio quidem rubentia, quæ tandem atrovirescent, & Trifolii Asphaltitis more dividuntur. Tota planta inodora est. Sapor virenti non ita conspicuus, siccatæ subacris.

Locus.

Mediis in sylvis nasci dicitur in America Septentrionalis regione nova Francia dicta. Siliqua, annotante Morifono, constat pluribus siliculis seu loculis triangularibus articulatis junctis, asperis: Ob conformitatem siliquarum quamvis planta trifolia sit, Hedysari adjunximus; ut & sequentem.

- \* 5. *Polygala Gesneri* affine *Caput gallinaceum* J. B. *Securidaca Pennæ*, sive *Securidaca* 2. altera species Clus.

J. B.

Prolixam agit *radicem* & crassiusculam, lignosam & in fibras filamentorum instar ductilem, lentam, fractuque contumacem, foris nigricantem, intus albam, simplicem aliàs, aliàs multifidam, & in numerosa capita diductam; ex quibus densa pullulat foliorum cauliumque sèges: *Caulis* autem palmates, aut etiam dodrantes, tennes, subhirsuti, ad medium usque foliosi, cætera nudi, *spicam* gerunt unius, duarum aut trium ferè unciarum, *floribus* congestam purpureis Polygali Gesneri, quæ tamen hic in latum diffunditur per extrema, non autem in metæ formam fastigiatur: floribus etiam adhuc non omnino delapsis succrescunt *siliquæ*, Acaciæ siliquarum quodammodo formâ, unico aut duobus peltatis orbiculis constantes, quodam velut isthmo loculos determinante; quod si unicum est conceptaculum, brevem mucronem profert (id quod etiam in extremo ubi plura sunt observare licet) margine aliàs æquabili, nec cristato, umbone protuberante ob contentum *semen*, Craccæ minori par, nigricans, rotundumque, nisi quippiam uncinuli instar inæqualitatem faceret.

Singuli porro orbiculi præter tunicam semen integram extrinsecus reticulatum habent obductum plexum, circa oras hærescentem, aliàs liberum, spinulis mitibus asperatum, radiis rectis in margines exporrectis. *Folia* quædam à radice mox germinant, alia per caules, trium plus minus unciarum longitudine, foliolis conjugatim dispositis constantia, duplo minoribus quàm Polygali Gesneri, acuminatis, utrinque hirsutis, & argenteo splendore subinde micantibus. Foliorum per ramos pediculi longiusculi squamulas habent appositas rubentes.

Locus.

In sabuletis & campestribus ad semitas præpè montem Lupi Monspelienfium eruit Cherlerus.

Hæc est proculdubio Securidaca Pennæ Clus. i.e. Securid. dumetorum minor pallidè cœrulea C. B. Ger. Securidaca articulata minor Park. Item fortasse Onobrychis clypeata aspera minor C. B. prod. V. Hedysarum clypeatum minus superius positum.

Pennæ Securidacæ suæ siliquam securis formam quam nos *Billhook* (ea vox, putatoriam sive arborariam falcem significat) vulgò appellamus, probè referentem, vel cultri genus, quo nostri & Belgici futores uti solent.

- \* 6. *Trifolium Americanum* spicatum Marggravii.

Marggr.

Ex radice lignosa, lenta, gracili aliquot assurgunt caules sesquidigitum circiter alti, qui unum atque alterum ramulum nanciscuntur. *Caulis* rotundus, pilosus & quasi geniculatus: ad geniculum autem in brevi petiolo nascuntur juxta se tria folia, superius viridia, inferius pilosa & canescentia. *Flosculos* fert in spicam congestos, purpurei coloris. Post quos proveniunt *siliculae* compressæ, hirtæ, curvæ seu lunatæ, ut in Ferro equino, & quasi decissæ; nam matura in tot concedunt partes, quot grana continent seminis. *Semen* est magnitudine Sinapi, sed figurâ Phaseoli, ex albo flavescens, & punctum



punctum fuscum parvulum loco hili habens, sapore quasi Pisi. Inter eundem hæ siliquulæ facillimè vestibus adhærescunt, ideòque Lusitani vocant hanc *herbam Amoris*.  
Passim in Brasilia nascitur.

Locus.

C A P. VI.

De Hedysaro clypeato aspero.

**H**edysarum à Suaveolentia dicitur; odorem enim emittit Fœnugræco, Lupino & Meliloto non dissimilem. Hujus notæ sunt flores spicati, siliquæ oblongæ, asperæ, articulatæ, isthmo loculos dirimente.

1. *Hedysarum clypeatum* Ger. emac. *clypeatum vulgare* Park. *Astragalus Romanus* sive *Hedysarum clypeatum*, *siliquæ asperæ* J. B. *Onobrychis semine clypeato aspero major* C. B. *French Thonp-suckle*.

J. B.

*Ramis* est cubitalibus, bicubitalibus & tricubitalibus, concavis, procumbentibus, glabris, crassiusculis, multis ex radice statim ortis: per quos alternatim ferè nascuntur *folia* palmaria & ferè dodrantalia, alæ instar hærentia, quinque aut sex conjugationibus, extremoque folio impari constantia. *Folia* singularia Glycyrrhizæ foliis quodammodo similia, paullo breviora, latioraque & glabra, exceptis marginibus brevibus pilis ornatis, sapore nullo manifesto, nisi tantillum adstringente. Ex alarum sinu prodeunt furculi singulares, qui in spicam digestos ferunt *flores* amœnos, Genistæ, sed rubentes: è quibus *siliquæ* compressæ, asperæ, ternis aut quaternis aut quinis *seminibus* orbiculatis, clypeoli effigie in eadem rectâ locatis complures videntur. [Siliquæ ex pluribus orbiculis clypeiformibus asperis sibi invicem articulatim commissis componuntur.] In plures annos vivit, nisi hyems asperior fuerit, quam non facillè tolerat.

In montibus Messanæ imminentibus provenit, ubi & flore albo observavimus. Frid. Meyerus *Locus*.  
in pratis Senensium copiose enatum observavit.

Ob florum pulchritudinem in hortis colitur.

2. *Hedysarum clypeatum minus flore purpureo*. An *Onobrychis semine clypeato aspero minor* C. B? *Onob. clypeata aspera minor* Park?

*Radice* nititur tenui albâ, lignosâ, simplici cum paucis fibris. *Folia* exigua admodum, oblonga, angusta, bina ex adverso, ad quatuor vel quinque paria, eidem pediculo seu costæ adnectuntur, cum impari in extremo. *Cauliculi* ex eadem radice duo aut tres, palmares, in summitate & in pediculis oblongis *flores* gestantes in capitulum coacervatos, quinque vel sex, aut fortè plures, purpureos, satis amplos pro plantulæ modo: qui decedentes relinquunt *siliquas* præcedentis pares aut etiam majores, confimiliter ex multis clypeolis hirsutis aut asperis, sibi mutuò in eadem rectâ commissis compositas, quorum singulis singula insunt *semina*.

In insula parva ad promontorium Siciliæ Pachynum dictum, nunc *Capo Passaro*, collegimus.

*Onobrychis clypeata aspera minor* C. B. si rectè descripta sit, *radice* crassa, *foliis* brevibus, *flosculis* parvis & rubentibus, *semine* minutissimo in clypeolis exiguis, à nostra diversa est, quod tamen mihi non videtur verisimile.

Locus.

- \* 3. *Onobrychis major annua siliculis articulatis asperis, clypeatis, undulatis (id est) antrorsum & retrorsum) junctis, flore purpureo-rubente* Moris.

Moris.

*Caules* producit non tam proceros, nec tam crassos quàm *Hedysarum clypeatum vulg.* Iis ad eundem modum costæ adnascuntur, quibus pariter *folia* adhærent, dilutiùs multò virentia, foliis *Hedysari* prædicti flore albo similia. *Flores* in cymis caulium spicatum proveniunt, à floribus dicti *Hedysari* colore diversi, sunt enim multò dilutiùs rubentes, admixto paucò cœruleo aut violaceo colore: deinde *siliquæ* longæ articulantur siliculis asperis clypeatis, non rectâ junctis, ut in priore perenni, sed undarum in modum ante & retro plicatis, seu angulos obtusos in singulis articulorum plicis efficientibus.

Semine ex Aleppo misso à D. Huntington enata est Oxoni in Horto Academico.

Locus.

C A P. VII.

De Ferro equino.

**F**errum equinum à figura seminis soleam equinam referente dicitur, quæ & hujus generis nota característica est.



1. *Ferrum equinum* Lob. Ger. *equinum majus* Park. *equinum filiquâ singulari* C. B. *Solea equina* J. B. *Horse-shoe Detch.*

J. B.

*Radix* hujus alba, paucis donata fibris lignescit, [Matth. gracilis quatuor digitorum longitudine] à qua statim plures proferuntur *caules*, palmares aut dodrantes, angulosi [striati Matth.] unde *folia* exeunt Securdacæ minoris, pinnatim digesta, & per extremam oram latescencia, leviterque in corculi morem fissâ: Hinc ex sinu, viz. foliorum *flosculi* exeunt lutei, singulares, quos *filiquæ* etiam excipiunt singulares, nullo pediculo, tres circiter uncias longæ, culmum latæ, nonnihil incurvæ, compressæ, artificis naturæ rarum spectaculum. Dorsum his continuum, opposita pars simbricatis sinibus laciniola, vel (ut Matthiolus ait) *filiquæ* oblongæ, pressæ altera parte, incurvæ, incisuris divitæ, foraminum rotundorum speciem referentibus, prominente utrinque foraminum orificio; *semen* lunatum bicornè, *Soleæ* equinæ figurâ; ut *filiqua* pro contenti seminis figurâ numeròque totidem equinæ *soleæ* simulacra repræsentent.

Locus.

Circa Liburnum & Neapolin in Italia observavimus.

- \* 2. *Ferrum equinum polyceraton* Col. *Ferrum equinum filiquâ multiplici* C. B. *equinum polyceraton* Park.

Col.

Totius figuræ brevitatem distat à vulgari ferro equino, ac etiam *filiquarum* copia, quas inter foliorum alas longo petiolo insidentes, non ut in vulgari hærentes, quaternas aut plures profert, tenuiores, rufescentes, incurvas, C literam lunatam exprimentes, velut resupinas itorum crescentis Lunæ modo.

Locus.

In Valuentium montibus Soli expositis tenuibusque locis reperimus, atque etiam Cirinolæ. D. Magnol prope Monspelium in locis sterilibus dictis *la garrigue dau Terral*, & depressis incultis montis Ceti vere cum flore & filiquis sæpius legi. *Botan. Monsp.*

- A 3. *Ferrum equinum Germanicum filiquis in summitate* C. B. Ger. *emac. equinum comosum* Park. *Ornithopodio affinis vel potius Soleæ vel Ferro equino herba* J. B.

J. B.

Longissima radice nititur, crassa, lignosa, fibrosa, nigricante, subdulci; *visceralis* producens multas, palmo longiores, interdum dodrantes & cubitales, in terram reclinatas, ramosas, tenues, subrubentes; in quibus *folia* Lentis pinnata, paullo quàm Ornithopodii majora, [primum biina utrinque pediculo seu *stipite* adnexa, deinde terna, postmodum quina atque sena, & in *stipite* extrema aliud, ut 13 numero inf. it] non continua usque serie costæ ad caulem usque adherentia, ut in Ornithopodio Dod. jam dicto, cum costa quæ cauli adnascitur sit aliquousque foliis vidua, ut in Ferro equino, subamara. E summis foliis & caule producuntur petioli nudi semipedales & longiores, in quorum summis *flores* octo aut novem, coronæ instar radiatim penduli colore luteo saturato & effigie Meliloti quam nobilem vocant, quibus succedunt *filiquæ*, crebris internodiis interceptæ, aduncæ, in acutum desinentes, filiquis Ferri equini similes, minores tamen, minusque incurvæ, nec ita latæ, nec adeò sinuatæ ut veluti perforatæ videantur ut in vulgari, sed minus dimidio circulo, in quibus *semine* oblonga minus incurva, ut Lunulam referant.

Locus.

In Anglia variis in locis occurrit solo cretaceo inque montosis Septentrionalibus. Nec tamen loca calidiora refugit; nam J. Bauhinus Monspelii prope patibulum invenit, florentem Aprili & Maio. Columna in *Æquicolum* montibus & sylva Capuccinorum.

## CAP. VIII.

### De Scorpioidæ bupleuri folio.

**H**æc planta Campoides rectius diceretur quàm Scorpioides, siquidem filiquæ ejus eruoam in se convolutam proxima similitudine referunt, suntque plurimum hirsutæ.

1. *Scorpioides filiquis singularibus villosis: an Scorpioides majus* Park. *parad? The great rough Caterpillars.*

Ex radice plerunque singulari, ferè buxæ, exili, rectâ, longiusculâ, dodrantes vel pedales [& lato solo etiam longiores] ramulos per terram sparsos, subhirsutos emittit; ex quibus nascuntur *folia* Bupleuri pinguiora, minus nervosa, locis calidis albida, mediocriter spissa, brevibus & raris pilis nonnihil hirsuta, longiusculis pediculis, duabus longis angustis auriculis ad exortum donatis, appensa, alternatim posita, sapore herbaceo cum aliqua acrimonia, & ex eorundem alis pediculi singuli palmares & sesqui-palmares, aut etiam longiores, tenues, quorum summitatibus singulis singuli *flores* insident, papilionacei, flavi, similes Melikoto Germanicæ Fuchsi: Quibus succedunt *filiquæ* hirsutæ, non tamen asperæ, majores quàm in vulgari Scorpioidæ, per maturitatem citrinæ, in se convolutæ erucarum instar, tuberculis semen continentibus [minus tamen conspicuis quàm in vulgari] gibbosæ, quæ per maturitatem articulatim rumpuntur.

2. *Scor-*

2. *Scorpioides filiqua campoide hispida* J. B. *Bupleuri folio* Ger. C. B. *Bupleuri folio minor, pluribus corniculis asperis* Park. *Pichip Caterpillars.*

J. B.

Descriptio quam ex J. Bauhini hist. desumptam præcedenti accommodavimus hujus plantæ erat. Scorpioides enim non aliter inter se differunt quam numero filiquarum in eodem pediculo, earundem superficie magis minùve asperâ, ipsisque magis minùve contortis & convolutis; & fortè etiam totius plantæ magnitudine. Huic ergo in eodem pediculo duæ trêve *filiquæ* hærent, magis convolutæ, magisque hispide seu asperæ quam præcedentis, per maturitatem fuscæ, tuberculis *semen* falcata Luna effigie continentibus gibbosæ.

Hæc species frequentissima est circa Monspelium & alibi in Gallia Narbonensi.

Locus.

*Scorpioides multiflorus* Boelii Ger. emac. App. idem videtur præcedenti.

- \* 3. *Scorpioides filiqua crassa* Boelii Ger. emac. App. An *Scorp. majus* Park. parad?

Hujus flores nonnihil ampliores sunt quam reliquorum cujusvis, in singulis pediculis singuli vel bini: *Siliquæ* contortæ, non tamen villosæ aut asperæ ut præcedentium, sed striatæ duntaxat eleganter & velut reticulatæ, quam alterius cujusvisque Scorpioides filiquæ septuplo majores, Eruce densius pilosæ maximæ magnitudine. *Semen* rotundum sed paulò oblongius, Pisi arvensis ferè magnitudine, obscurè luteum.

- \* 4. *Scorpioides Bupleuri folio, siliquis lenibus* Park.

Hoc genus per omnia præcedentibus simile est, exceptis floribus, qui in singulis pediculis singuli, rariùs bini; & siliquis quæ angustæ sunt & læves, absque ulla omnino asperitate aut hirsutie. Morifono idem habetur sequenti seu Scorpioidi Bupleuri folio, corniculis asperis & rugosis seu rigidis striatis, seu sulcatis à sese dicto: malè ergo siliquis lenibus à Parkinsono inscribitur.

5. *Scorpioides filiqua coccleatâ & striatâ* Olyssipponensis Hort. Paris.

Siliquas in eodem pediculo plures gestat, valdè contortas & in se convolutas, nullis neque spinulis asperas, neque villis hirsutas, sed secundum longitudinem duntaxat striatas, graciles, per maturitatem nigricantes.

6. *Scorpioides Matthioli* Ger.

A nobis Trifolii siliquosis, Fœnugræco & similibus annumeratur. Possit tamen hic non ineptè collocari ob filiquas articulatas longas se contorquentes: aptiùs sanè quam inter Trifolia.

- \* 7. *Scorpioides Viciæ foliis minima* Morif. hist.

*Cauliculos* edit pedales, humiles, & per terram stratos: ex quorum geniculis oriuntur costæ mediz, alternatim cauli adhaerentes, & bis quatuor *foliis* longis, mucronatis, glabris, alternatim etiam sitis, uno impari extremum costæ claudente, onustæ; atque ex alis inter costam & caulem oriuntur petioli biunciales aut triunciales, sustinentes in eorum fastigio binos aut ternos, nunc plures, nunc pauciores *flosculos* papilionaceos, luteos; quorum singulis singulæ succedunt filiquæ longæ, tenues, articulatæ, continentes *semina*, minuta, rotunda, longa, in singulis interstitiis singula.

## CAP. IX.

### De Ornithopodio.

**O**rnithopodium à siliquis aviculæ pedes cum unguiculis referentibus dicitur.

- A. 1. *Ornithopodium radice nodosa* Park. *tuberculis nodosa* C. B. item *Ornithop. majus* Ger. C. B. Park. item *Ornith. minus* eorundem. Orn. flore flavescente J. B. & Orn. *inerosum* Dalechampsii ejusdem. *Birds-foot.*

*Radice* donatur, alba, simplici, fibras aliquot majusculas subinde emittente. Tum radix ipsa, tum fibræ majores fibrillis tenuibus capillatæ sunt, quibus tubercula seu granula quadam appenduntur. *Cauliculos* emittit plurimos, humi ferè fusos, aut paululum extantes, in lætiori solo semipedales aut longiores, tenues, hirsutos, teretes, *foliis* per intervalla vestitos alternatim positos, pinnatis per costam totam ad ejus usque cum ramis aut caulibus connexum, quinque aut sex ferè conjugationibus, impari extremum occupante. *Flores* tres, quatuor aut quinque, rariùs plures, simul juncti umbellæ ferè in modum, surculorum ex alis foliorum emergentium fastigiis insident, pediculis brevibus aut nullis, foliolo alato ad umbellæ basin appposito, perpusilli, leguminacei, folio supremo purpurantibus lineis striato, lateralibus duobus albidis, medio filiquam occultante vix conspicuo, subluteo. Floribus



bus totidem *siliquæ* succedunt, compressæ, sursum reflexæ, hirsutæ, articulis seu nodis quinque, sex, septemve distinctæ, in acutum velut unguiculum desinentes, omnes simul pedem aviculæ digitarum exprimentes. Singulis nodis singula insunt semina, parva, flaventia.

Hæc proculdubio est *Ornithopodium tuberosum* Dalechampii, quamvis in nonnullis minùs rectè describatur: *Ornithopodium* etiam perpusillum *Lob.* ut vel locus arguit: nam in marginibus herbidis Greenwichi ad Tamesin fluvium non procul Londino oriri asserit. Nullam autem præter hanc neque ibi, neque alibi in Anglia *Ornithopodii* speciem sponte provenire audacter affirmaverim.

Locus.

In arenosis & glareosis plurimis in locis occurrit, æstate florens. Videntur Herbarii tres ex una planta species fecisse.

## 2. *Scorpioides leguminosa altera* J.B.

Plures ex eadem radice emittit *cauliculos*, tenues, teretes, dodrantales, humi procumbentes, ramosos, *foliis* cinctos quatuor aut quinque pinnularum ad mediam costam annexarum conjugationibus compositis, impari extremam claudente costam, Ferri equini foliis similibus [quippe quæ cordata ferè, notabili nervo donata sunt.] Ex alis foliorum egrediuntur pediculi, duas uncias longi, in summitate flores duos, tres vel etiam quatuor gestantes velut in umbella, flavos, quibus succedunt totidem *siliquæ*, tenues, recurvæ, interdum in circulum flexæ, quas cornicula vocat Jo. Bauhinus, minime articulata [Jo. Bauhinus obscuris quibusdam articulis distinctas scribit] quæ quamvis rotundæ videantur incuriosius spectanti, sunt tamen paululum compressæ, multò angustiores quàm *Scorpioides leguminosa* vulgaris, glabræ, nullis interim neque striis, neque lanugine donatæ, *semina* oblonga, flavicantia claudentes.

Locus.

In vineis & hortis ad latera montium Messanæ imminentium observavimus & collegimus Maio mense florentem. Agerius in agro Neapolitano propè *Fundi* collegit, ad vias inter Scillas.

## 3. *Ornithopodio similis hirsuta* Scorpioides C.B. *Scorpioides leguminosa* J.B. Ger. Dod. Park.

J.B.

*Radice* habet longam, tenuem, simplicem, in capita aliquot subinde divisam: ex quibus non tantum prodeunt *coliculi* palmares, & sesquipalmares, hirsuti; verum etiam *folia*, quæ *Ornithopodii* foliis æqualia, exigua, hirsuta, acuminata, & nonnihil incana, pinnatim digesta in conjugationes decem aut plures, ad costam adnectuntur: quanquam & ex ipsis caulibus consimilia quoque folia oriantur. Flores extremis ramulorum hærent coacervati, *Ornithopodii* floribus haud absimiles: quibus superveniunt intortæ *siliquæ*, sensim attenuatæ, modicè compressæ, striatæ.

Locus.

Circa Messanam Siciliæ & Neapolin Italiæ urbes frequens oritur.

# SUBSECTIO QUINTA.

## Legumina non scandentia siliquis geminatis.

*Herbæ flore papilionaceo, siliquis geminatis, duplicem seminum seriem continentibus sunt vel floribus*

{ Luteis aut pallidis, siliquis

{ Glabris, crassioribus & durioribus,

{ Angulosis, nonnihil incurvis, dorso sulcato,

{ Major perennis, folio dulci, GLAUX vulgaris, Glycyrrhiza Sylvestris.

{ Minor annua, siliquis

{ In foliorum alis sessilibus; VICIA Sesamea Apula Col. Astragalus marinus Baticus Park.

{ In spicis è foliorum alis egressis; SECURIDACA Sicula siliquis falcatis BOCCONI.

{ Teretibus,

{ Rectis mucronatis, floribus radiis nigris notatis; ONOBRYCHIS 3. Clus.

{ Recurvæ falcem referentibus; SECURIDACA minor.

{ Pilosis, membranaceis,

{ In alis foliorum sessilibus, oblongis; FOENUGRÆCO Sylvestri Tragi in quibusdam accedens plan-

ta J.B.

{ In spicis è foliorum alis egressis, tumidis & vesicæ instar inflatis; CICER Sylvestre Matth.

{ Purpureis vel caruleis.

Scandens



{ Scandens, Americana, major, radice tuberosa; APIOS Americana Corn. Terræ glandes Amer.  
seu Virginianæ Park.  
Erectæ seu non scandentes, filiquis

{ Turgidulus, floribus confertis in spicis

{ Productioribus, ex alis foliorum egressis; ONOBRYCHIS 1. Clus.  
Brevioribus & in rotundum coactis, summos caules & ramulos terminantibus; GLAUX  
Hispan. Clus.

{ Tenuioribus & angustioribus, floribus in spicis rariùs sitis, & paucioribus, filiquis

{ Brevioribus; ONOBRYCHIS 2. Clus. Huc etiam refert Onobrychidem 4. Clus. quæ à secundâ  
vix aliquâ notâ characteristicâ differt.  
Longioribus & arcuatis; ASTRAGALUS Monspessulanus J.B.

{ Compressis, latis, ad margines serratis; SECURIDACA peregrina Clus. Lunaria radiata Robini J.B.

C A P. I.

De Tragacantha.

**T**ragacantha i.e. hirci spina, folia habet pinnata, viciæ in modum, costâ mediâ cui pinnulæ annexæ sunt in longam, rigidam, acutam spinam procurren- te; filiquas geminatas, duplici alveolo duplicem seminum seriem continentes.

Est & Tragacantha gummi è vulnere radice incisæ emanans: quale autem ad nos adfertur (inquit J. Bauhinus) est glutinosum, candidum aut flavum, aut ex ruffo pallefcens, contortum in cruciarum vermiculorumve formam, tanquam violentiore pressu per densius colum transmissum, sapore subdulci & ferè fatuo aquam cui infunditur in lentam sequacemque mucaginem convertens.

Vim habet, auctore Discoride, meatus obstruendi, & acrimoniam obtundendi. Usus ejus est ad medicamenta ocularia, & ad tussis & arteriæ asperitates, & vocem retusam, & destillationes in eclegmate eum melle. Subdita etiam linguæ liquefcen- te succo devoratur. Sed & macerata in passo drachmæ pondere bibitur ad renum dolorem & vesicæ ro- sionem, admixto cornu cervino usto ac loto, aut modico alumine scisso. Extrinsecus (inquit Schroderus) ad dysenteriam valet (in clysteribus) ad rubedinem & acres destillationes oculorum (soluta in aqua rosacea vel lacte) ad palpebrarum scabritiem.

Aqua calidâ solvitur, mucilaginemque exhibet, aliis medicamentorum formulis, e. gr. trochiscis formandis, convenientem.

1. Tragacantha Massiliensis J. B. Tragacantha C. B. Trag. vera Park. Trag. sive Spina hirci Ger. f. B. Ad.

Frutex est virgis mediocriter crassis donatus, extremum versùs magis crassescens, iisque albidis & lanuginosis, cubitalibus, è quibus squammatim prodeunt spinæ candidæ, creberrimæ, sextantales, rigide & infestæ, foliis utrinque quasi pinnis donatæ, parvis oblongis, incanis, quæ per hyemem etiam retinent, vere sequente abiciunt, novis succrescentibus foliorum alis. [Spinæ hæc dum adhuc foliorum costæ seu nervi medii sunt molles sunt & vix pungentes, postea decidentibus foliis pinnatis crassescunt & in spinas rigidas abeunt.] In summo inter spinosa folia & spinas stipantur multi flosculi invicem collecti, Genistellæ similes, sed albi. Siliqua etiam numerosa, recta, Ciceris aut Genistellæ spinosæ modo, curta, gemella, duplici alveolo binos seminum ordines continens [exilium, albican- tum, Sinapi magnitudine, angulosorum. Radix alba, longa, lignosa, crassitie digiti, prolaxis flexibus subter humum merfa. Lob.]

Prope Massiliam ad maris litus invenimus. Quin & in Sicilia in ascensu montis Ætnæ quatuordecim supra Cataniam milliari- bus prope nivis repositoria vel hanc vel aliam Tragacanthæ speciem invenimus, quod mirum in loco tam frigido.

Easdem vires cum gummi obtinet.

\* 2. Tragacantha altera Poterium fortè Clusio J. B. Trag. altera seu minor, Poterion fortè Dioscoridis Park. Tragacanthæ affinis lanuginosa, sive Poterium C. B. Trag. Granatensis foliis incanis deciduis, flore albo Moris.

Clus.

Præcedenti Tragacanthæ simillima est, fruticosa admodum, multos pedales habens ramulos, flexi- biles, latè circumquaque sese diffundentes, candicantes & dum adhuc tenelli sunt lanuginosos, mul- tis, longis, canescentibus spinis horrentes. Foliorum plurimæ simul junctæ alæ, Lenticulæ aut Tra- gacanthæ proximæ, exiguæ, candidæ, lanuginosæque primo vere exeunt per intervalla, dulcis sapo- ris. Foliis hyeme decidentibus nervi illi medii quibus folia inhærebant in rigidas & acutas spinas eva- dunt, ut eo tempore tota planta sine foliis conspiciatur, contra quam in præcedente.

Istam neque florentem, neque semen ferentem vidi sed sub ea plurimos folliculos bombycinis si- miles aut Hypecoi Matth. folliculis pænè pares, inanes, inveni, quos ab illa excidisse & florem ex similibus prodire album, non magnum incolæ referebant: de semine nihil certi intelligere potui.

Radix



*Radix* lenta, longa, in multos ramos divisa, nigro cortice foris obducta, materie intus candida fungosa, dulci: interior pars gummosum quidpiam & subdulce refert.

*Locus.*

Nascitur plurima circa *Guadix & la Venta el peral* Granatenfi regno, in collibus, arido & inutili solo; nec alio loco conspexi.

Johnsonus in Gerardo suo emaculato iconem hujus plantæ accuratam exhibet, è Clusio ut ait, in qua flores & filiquæ seorsim pictæ exhibentur. Siliquæ autem crassæ & curvæ, duplicem intus seminum reniformium seriem continent, ut figura ostendit.

- \* 3. *Tragacantha humilior floribus luteis* C.B. *Syriaca flavescens* Park. *Trag. Rauwolfii* J.B. *An Tragacantha Alp. ex?*

Paulò humilior est prima [*Tragac.* precedenti] perfimilis tamen, nisi quòd flosculos fert luteos, confertos, pediculis longis harentes, quorum singulares rotundis & flavescens folliculis insident.

- \* 4. *Tragacantha tertia Rauwolfii. Trag. Syriaca purpurascens* Park.

Huic altitudo precedenti par; *virgæ* robustæ, rubentiores, in quibus conspiciuntur alba, lanuginosa *Poterii capitula*, purpureis *flosculis* ornata speciosis.

5. *Tragacantha altera seu Poterium densius ramificatum* Alpin. exot.

*Alp.*

Ramulis nigris in latum diffunditur, eosque & breves habet & longè plures, & spissos, ita ut in planta nihil vacui appareat. A ramorum cymis proveniunt spinæ horridæ, & veluti spinis crebris densa tota planta est undique stipata, ut tota ipsis planta tegatur, & nulli rami extra folia & spinas conspiciantur: cimæ etiam omnes lanugine spissâ infarctæ, latiores apparent. Hic frutex parvus, incanus totis, per terram sparsus terram ipsam attingit, & vix è terra sele erigit, ipsiusque rami subter spinas obruti, nigrescunt & subtiliores sunt.

Cretæ insulæ indigena est.

Hæc planta esse videtur quam in Sicilia ad pedem montis *Ætnæ* vidimus & collegimus: *Caulis* satis crassi erant, nigricantes, creberrimis spinis horridi, summa parte valde ramosi. Spinæ tenuiores brevioresque quam *Tragacanthæ Massiliensis*: folia etiam minora, angustiora, breviora, minus incana, longiore tamen lanugine pubescentia. Ramuli à terra non affurgunt. Flores & filiquas non observavimus.

*Locus.*

Ad pedem montis *Ætnæ* loco satis frigido invenimus, unde à loco sequenti potiùs eandem dicemus, verum nec icon respondet, neque descriptio per omnia.

- \* 6. *Tragacantha altera Alpin. exot. Cretensis aut Idensis nigra, tota echinata* Moris.

*Alpin.*

*Radice* nititur longâ, crassâ, lignosâ, nigrâ, à qua quatuor aut plures exeunt *caules*, nigri, rotundi, duri, lignosi, qui in complures ramulos dividuntur, nigros, breves, subtiles, totos spinis albis armatos, sed in summitatibus habent spinas quasdam germinum instar, multis foliolis parvis tenuibus, ex una tantum parte præditas, in quibus furculorum summitatibus flores parvi, prioris *Tragacanthæ* proximi. Tota hæc planta est veluti similis *Echino*. *Radix* insipida est, sed aliquantulum quasi odorata.

- \* 7. *Tragacantha altera humilior & spinosior Echinus dicta* Alpin. exot. *Echinus Creticus* Park.

*Alpin.*

Planta est parva, *Echini* terrestris magnitudine, & figurâ orbiculari tota, terræ inhærens, vix palmari altitudine supra terram eminens, atque *radicem* usque ad furculorum medietatem terræ infixam habens: in parte interna qua terræ adhæret, apparent ramuli breves, subtiles, nigri, multi dense simul stipati, à multis, parvis, tenuibus, simul conjunctis, terrâ occultatis proficilcentes, desinentes in spinas parvas, breves, acutas, tenues, albicantes, in extremo stellatim compositas, nudas & spoliatas foliis, unde superficies partis extimæ non plana sed ad rotunditatem inclinans cernitur, tota spinis densissimè stipatis & undique horridis armata; quæ spinæ ex germinibus ramulorum, qui innumeri sunt, in orbem stellarum modo desinentes, totam superficiem complent ex germinibus. Numerosi flosculi papilionacei, ac veluti *Hyacinthi* floribus figurâ ferè similes, sed longè tamen minores, quibus thecæ parvæ, oblongæ, & geminis cellulis præditæ succedentes, totum *Echini* dorsum exornant.

## C A P. II.

### De Astragalo seu Vicia sesamacea.

**S**equentes plantas filiquis geminatis seu duplici alveolo binos seminum ordines continentes non ineptè *Astragali* nomine donat Morisonus, quem sequimur, à forma seminum, in plerisque Talem seu *Astragalum* aut officula sesamoide articulis digitorum substrata referentium. His notis à reliquis leguminibus facile distinguuntur, à *Tragacantha* autem quòd herbacæ, nec spinosæ.



- A. 1. *Glaux vulgaris leguminosa* sive *Glycyrrhiza sylvestris* Park. *Glycyrrhiza sylvestris floribus luteo-pallescentibus* C. B. *Fenum Græcum sylvestre*, sive *Glycyrrhiza sylvestris quibusdam* J. B. *Hedysarum Glycyrrhizatum* Ger. emac. *Wild Liquorice* or *Liquorice Detch.*

Crassâ radice nititur, cubitum & sesquicubitum longâ, albâ, sapore dulci: ramos vimineos per terram spargens, tres aut quatuor cubitos longos, atque etiam interdum longiores, teretes, glabros, fractu contumaces. Folia instar Glycyrrhizæ disponuntur, conjugationibus quatuor, quinque, aut sex, uno impari alam claudente, quod tamen non est perpetuum. Sunt ea verò, si singula seorsim contempleris, Pisi sylvestris foliis similia, supernè ex viridi glauca & glabra, infernè ex viridi flavescencia & hirsuta, sapore eo quem radici inesse dicebamus. Ex foliorum porro alis pediculus circiter palmaris enascitur, qui leguminaceos crebros flores ex flavo pallentes sustinet. Siliquæ non minus floribus frequentes, incurvæ, dorso sulcato; unde si nervum auferas ex duabus compositæ videntur, quarum singulæ suis membranis dissepiuntur, semen claudentes Fœnugræci, minus, lucidum, cui sinus insculptus.

In dumeris & ad latera montium, inque pratorum marginibus non raro obviam se dat.

Locus.

Quam plantam intelligant Adversariorum Autores *Glaux* vel *Glaucis* cujusdam leguminosæ herbariorum floribus purpureis, titulo me fugit. Cur in titulo floribus purpureis ponunt & tamen in descriptione flores non rariùs flavere aiunt? Cur juxta agrorum viarumque margines obviam sese dare in Anglia scribunt, cum nobis nihil ejusmodi in Anglia nec visum, nec auditum? Videntur Anthyllidem leguminosam describere, quæ quidem satis frequens in Anglia, verum neque descriptio huic bene convenit, & alibi eam proponunt.

2. *Cic. sylvestre* Matth. Ger. *sylv. multifolium* J. B. *sylv. majus* Park. *sylv. foliis oblongis hispida majus* C. B.

J. B.

Perenni radice, crassâ & dulci donatum est, ramos bicubitales & altiores profert, striatos, tortuosos, concavos: folia hirsuta, pinnata, sativi Ciceris positu, sed longiora, angustiora, nec per ambitum ferrata, ad Lentis majoris folia propius accedentia, nisi in obtusum & subrotundum mucronem desinerent, subdulcia: conjugationes multæ, ad tredecim supputavi. Ex foliorum alis pediculus palmaris exit, rigidulus, spicam brevem sustinens florum subluteorum, quibus racematim coherentes succedunt folliculi breves, ventriosi, hirsuti, geminati, semina continentes duplici loculamento, autore Dod. exigua, dura, plana, splendentia, gustu Phæoli.

In agris inter segetes copiosè crescentem vidimus, inter Genevam & oppidum Fay.

Locus.

Hæc planta sapore dulci, florum colore & spica, filiqua geminata, aliisque accidentibus *Glaucem* vulgarem sive *Glycyrrhizam sylvestrem* refert, unde & primo aspectu *Glaucem alteram perennem folliculis turgidis* eam denominavimus.

3. *Securidaca Sicula filiquis foliaceis* Bocconi. *Astragalus marinus Lusitanicus* Boelii Ger. emac. App. *Ast. marinus Baticus* Park.

Johnson.

Ex eadem radice quinque vel sex, aut etiam plures exferit caules [in hortis latiore solo sata] teretes, striatos, rubentes, modicè crassos, erectos, filiquarum tamen pondere subinde versùs terram reclinatos, cubitum altos: Folia multis viridibus per intervalla obfita, nullo ordine, *Glaucis* vulgaris similibus, sed minoribus, unoquoque folio ex quatuordecim aut pluribus foliolis in apices rotundos desinentibus, mediæ costæ, novem aut decem uncias longæ utrinque conjugatim adnexis, composito. Flores pediculis longis teretibus, striatis, hirsutis è foliorum cavis versùs summos caules exeuntibus insident, plures simul, in spicæ breves conferri, colore pallido seu ochroleuco, *Securidacæ* minoris similes, sed multò majores, qui in spicæ abeunt semipalmares circiter, è multis filiquis uncialibus per maturitatem albescentibus, modicè incurvis, triangulis, dorso sulcato, arctè stipatis *Glaucis* vulgaris in modum, conflatas. Singulæ autem filiquæ binos seminum ordines continent, inque singulis ordinibus semina tria vel quatuor, obscurè seu ex luteo liventia, *Securidacæ* minoris similia, sed quadruplo majora, sapore nullo insigni. Radix parva, tenuis, alba, paucis fibris donata, rectà in terram descendens, & semine maturo inarescens.

In lingua illa inter fretum Siculum & portum Messanensem hanc invenimus, & à florum colore filiquarum tum figurâ, tum crescendi modo, & foliorum similitudine *Glaucem peregrinam annuam* denominavimus; & per errorem pro *Vicia Sesameæ* Apula Columnæ habuimus, proque *Fœnugræco* sylvestri Tragi in quibusdam accedente planta J. B. quas jam pro distinctis tum ab hac, tum à se invicem speciebus agnoscimus. Ejus semina olim Londino accepimus, nescio quo titulo.

Miror Parkinsonum pro *Astragalo marino Batico* Boelii nobis exhibere *Viciam Sesameæ* Apulæ Col. cum Johnsonus Gerardi emaculator plantam quam proposuimus hoc in loco apud ipsum viderit, & pro *Astragalo marino Lusitanico* Boelii descripserit, cujus etiam descriptionem omnibus numeris absolutam Latinam factam mutuati sumus.

Ex quo hæc scripsi, re seriò perpensâ, & consideratis quæ de *Fœnugræco* sylv. Tragi in quibusdam accedente planta observata sunt à D. Magnol, sententiam muto, & Parkinsonum excuso: Verifissimum enim puto hanc etiam plantam florum & filiquarum situ variare, alias nimirum eas caulibus adnasci pediculis brevibus aut nullis, in ipsis foliorum sinubus sedentes; alias pediculis longis ex iisdem sinubus egressis insidere, [in diversis plantis, intellige, non in eadem] unde eundem Boelii *Astragalum marinum Baticum* Parkinsonus cum floribus & filiquis in foliorum alis sessilibus descripsit; Johnsonus cum eisdem longis pediculis insidentibus.



4. *Vicia Sesamacea* Apula Col. *Astragalus marinus* Bæticus Park. *Ornithopodio affinis* *hirsuta* semine stellato C. B.

Col.

Hujus radix tenuis est & pusilla, lignosa, flavescent, pluribus furculosa cauliculis rotundis, pedibus aut paulò majoribus, albicantibus, pilosis; foliis pinnatis, Viciæ modo cauli alternatim hærentibus, novenis utrinque pinnulis, atque in cacumine singulis, auriculas circa caulis genicula utrinque angustas ut in congeneribus habentibus. Inter illorum & caulis sinus congesti sunt flores parvi, leguminosis adsimiles, ex pallido albicantes, vix conspicui, atque statim ex illis siliquæ sex vel septem, vel octo succrescunt gibbosæ, oblongæ, albescentes, pilosæ, curvo cacumine, sylvestri Nigellæ, Ilopyro aut Sesamo similes, fissuram grani Tritici modo habentes, per quam ficcata dividuntur, semine intus hærente Pisi vel Sesami modo, fulvo, parvo, minore atque compresso. Maio mens perficitur, & ab ima florere incipit ala.

Locus.

Cirinolæ in Reguli vinea *Acquamea* dicta & sterilibus agris, nec alibi Columnæ visa.

Hæc præcedenti quidem similis est, verum tum florum & seminum parvitate, tum siliquarum hirsutie, tum situ seu modo crescendi, manifestè differt, ut specie diversam esse minimè dubium sit. Ast jam mutata sententiâ, suspicor vel eandem omnino esse, his non obstantibus, ob rationes in præcedente planta dictas; vel potius Fœnugræco sylvestri Tragi in quibusdam accedenti plantæ J. B. ut & *Stellæ leguminosæ* dictæ, ut rectè C. Bauhinus.

5. *Onobrychis* quibusdam flore pallido, vel *Polygalon* J. B. *Onob. spicata* floribus pallidis, nigris radiis notatis C. B. *Onob. foliis Viciæ longioribus* Park. *Onob. 3. Clus. Onob. 3. Clusii flore pallido* Ger.

Clus.

Sesquicubitalibus affurgit ramis, rectis, firmis, duris, viridibus, in quibus folia Lentis sive Viciæ sylvestris, longa angusta, duodecim aut quindecim, & totidem ex adverso, eidem costæ hærentia, uno etiam (quod extremæ costæ infidet) impari, lanugine obsita, gustu ingrato & amaro, deinde nonnihil acri: Ramuli extremo caule ex alarum sinu prodeuntes palmares, striati, in dodrantes spicas, *flosculorum* trifolii flores æmulantium, oblongiusculorum, pallidorum desinunt, quibus impressi nigricantes quidam radii. His succedunt siliquæ *Onobrychidis* 2. *Clus.* similes, mucronatæ, duabus valvulis constantes, in quibus semen Fœnugræco pæne simile, sed minus & nigrum. Radix crassa, dura, lignosa, longa, aliquot fibris donata, candicans, perennis.

Locus & Tempus.

Valde rara est, invenit Clusius ad Hamburgum urbem duobus supra Posonium mill. & ad oppidum *Fischmuntz* ad Fischam flumen situm paulò supra quàm in Danubium se exonerat, publica viâ. In hortos translata mensè Maio floruit atque tota deinceps æstate: Augusto semen protulit.

6. *Astragalus Africanus* flore luteo odorato Botan. Monsp. Breyn.

Breyn.

Folius gaudet pennatis, Hedysari clypeati positu, sed multò angustioribus, minoribus, magisque pilosis, in quibus etiam conjugationes longè plures supputantur. Flores in spicam circiter dodrantes fert, Hedysari clypeati pariter quæ formam respondent, flavos autem & odore cerebrum mirifice oblectantes: Quos siliquæ excipiunt unciales, subalbidæ, Coluteæ instar tumentes, corticosæ, duræ, intrinsecus cuticulâ duplici membranaceâ in duas distinctæ cellulas, in quarum singulis semina tria vel plura, Coluteæ majora, ex glauco sublutea, ac molli lanugine alba pubescentia pedunculis suis inferiori siliquæ margini adherent.

Locus.

In Barbaria juxta *Gigeri* sponte nascitur.

Ad Cicer sylvestre Matthioli accedit.

*D. Magnol* eandem hanc plantam (ut videtur) sub eodem titulo describit his verbis,

Radix ejus longa & crassa est: folia ex variis capitibus orta plurima habet, in orbem disposita, lobata, semunciam lata, unciam longa, superius & inferius glauca, in marginibus tantum pilosa; in quarum costis quæ etiam pilosæ sunt, quindecim & viginti foliorum conjugationes numeravi, folio ultimo semper impari: inter quæ scapi plures oriuntur pedales, spicam florum papilionaceorum sustinentes, qui ex luteo pallidi & odoratissimi sunt: ipsique succedit siliqua tumida villosa, paulò major quàm siliqua Ciceris, subtus per longitudinem concava, in extremitate mucronata, duos seminum ordines continens, quæ majora sunt quàm semina Astragali Bæticæ *Clus.*

Locus.

In Barbaria circa propugnaculum dictum *la Tour de France* sponte nata inventa est, & Monspelium delata hæc planta; ubi nos in horto Regio à *D. Mich. Chycoineau* cultam vidimus multos ante annos cum Monspelii commoraremur, Anno 1665.

7. *Securidaca minor* Lob. *minor lutea* Ger. *emac. altera sive minor* J. B. *lutea minor corniculis recurvis* C. B. *Hedysarum minus sive Securidaca minor* Park.

J. B.

Lignosâ simplici radice & candida nititur; ex qua emergunt caules striati, cubitales, aliquando vix duas uncias longi. Folia pinnata, *Securidacæ* majoris, minora, per extremam oram latefcentia, saepe & fissa. Flores singulares, pediculi fastigio ordine ascendentes insident, ex luteo pallidi: quibus succedentes siliquæ, ut minores quàm *Securidacæ* siliquæ latâ oblongâ, ita multò magis incurvæ; parum abest quin utriusque finis coitu circulum efficiant, torosiores quàm *Securidacæ* jam dictæ, & propemodum, rotundæ, in quibus geminus granorum crassorum, quadrangulorum, ruforum versus, intergerina membranâ disseptus.

Locus.

In collibus circa Messaniam & Monspelium collegimus.

Hæc



Hæc planta pro Astragalo Monspeffulano à nonnullis habita est, ob iconum transpositionem apud Lobelium & Clusium.

8. *Apios Americana* Cornuti. *Terræ glandes Americanae sive Virginianæ* Park.

Cornut.

*Radix* hujus in multas subrotundas & oblongas olivarum magnitudine glandes mediis inter se nervulis coherentes exit. Veris initio *surgulis* multis vitilibus, non validioribus Convolvulo pullulat, quibus proximis quibusque circumvolvit sese, & illaqueat pedamentis aut perticis, quarum proceritatem vel summam crescendo assequitur. *Folia* his hinc inde nascuntur non è regione cauliculorum disposita, sed inæquali situ, in amplas lacinias dissecta, nunc septem, nunc novem, numero semper impari ex eadem costa oriuntur: Singula sunt *Asclepiadis* figurâ, brevior tamen pediculo fulciuntur. [Flores fert papilionaceos, coloris obscure carnei vel potius obsoleti seu fuliginei, in spicam digestos; quibus succedit spica brevis, conflata ex pluribus siliquis gemellis in unum centrum, caulis sci. fastigium coeuntibus, sursum spectantibus, atque unicuique *siliquæ* duplex est series seminum: seu potius unaquæque siliqua duplex est, ex duabus secundum longitudinem coherentibus & veluti agglutinatissimis composita.] *Folia* simul Octobri mense decidunt, cauliculi que tabescunt. Tubercula radicum sub terra adulescunt, & Hyeme tota interquiescunt donec sequente Vere regerminant.

Descriptionem Cornuti è Morissoni nostri historia supplevimus, additis verbis uncis inclusis.

Hæc planta caulibus scandit, adeoque incerti laris est: Nam caulium respectu ad scandentes spectat, siliquarum verò ad hanc classem.

\* 9. *Onobrychis flore purpureo* Ger. *spicata flore purpureo* C.B. Park. *Onobrychis quibusdam purpureo flore* J. B. *Onob. 1.* Clus.

Cubitales plerunque habet *caules*, frequentes (si vetusta sit planta) rotundos, duos, humi procumbentes; in quibus frequentia *folia*, Lenti similia, angusta, hirsuta, seu lanugine quadam obducta, quindecim subinde, & totidem alia ex adverso uni costæ adhaerentia, uno impari extremam alam occupante, gustu amaro & ingrato. Ex alarum cavis exoriuntur ramuli, similibus foliis septi, ex quibus dodrantes exeunt pediculi, striati, ferentes multos *flores*, Trifolii florum æmulos, oblongiusculos, eleganti purpurâ nitentes, inodoros, confertos, & veluti spicam trium interdum unciarum longitudinem æquantem efficientes, nonnunquam etiam longiorem, præsertim quando in semen abeunt, quod bifidis, brevibus, turgidiusculisque *vasculis* continetur, exile, nigrum, durum, sapore ingrato, ut alia legumina. *Radix* illi magna, longa, dura, in obliquas nonnullas fibras sese spargens, & subinde ad cauliculorum exortus recentes fibras agens, vivax & perennis.

Frequentem ad Danubii ripas, supra Posonium, arido solo, apud Petronellam oppidum invenit *Locus*, Clusius, &c.

\* 10. *Onobrychis floribus Viciæ dilutè cæruleis* C. B. *floribus cæruleis* Park. *Onob. quibusdam subcæruleo flore* J. B. *Onobrychis 2.* Clusii Ger.

Clus.

Multos ex eadem radice promit vimineos *cauliculos*, pedales, nonnunquam etiam longiores, humi fufos, crebris nodis distinctos, & in his alata *folia*, h. e. tredecim, quindecim, septendecim, aut pluribus & oblongis foliolis uni costulæ inhaerentibus constantia, extremo semper impari numerum faciente. Prodeunt deinde ex alis tenues pediculi seu virgulæ, *flosculos* in spicam confertos ferentes, Pisi aut Viciæ florum formâ, sed longè minores, colore dilutè cæruleo, vel ex cæruleo purpurascente: His succedunt exiles *siliquæ*, quali duplicata, continentibus pusillum *semen* renis formâ, nigrum. *Radix* minimi digiti crassitudinem ferme æquat, dura, lignosa, contorta obliquè se spargens, & altè sub terra condens, rarisque fibris donata, quæ summa parte in aliquot capita extuberat, è quibus singulis annis novos cauliculos fundit.

Rara est: infra Viennam invenit Clusius viâ publicâ, secundum orbitas, inter *Schwecker* & *Gott-Locus*, *zessorf* paucas duntaxat plantas, Junio florescentes; item non procul à *Znaim* Moraviz oppido.

11. *Astragalus quidam montanus vel Onobrychis aliis* J. B. *Onobrychis 4.* Clusii Park. *Onob. montana 4.* Clusii Ger. *Onobrychis floribus Viciæ majoribus cæruleo-purpurascens, vel foliis Tragacanthæ* C. B.

Clus.

Multa *folia* promit ab eadem radice, Lenticulæ aut Tragacanthæ foliis proxima, uni similiter costæ inhaerentia, molliora tamen, viridia quidem illa, sed lanugine quadam candicante pubescentia, lento primùm gustu, deinde nonnullam amaritudinem relinquentem, postremò linguam vellicante. Nascuntur inter foliorum alas *cauliculi* ferè dodrantes, supini, exiles, quadam lanugine obducti, aliquot *flosculis* onusti, Viciæ sylvestris aut Lenticulæ florum magnitudine, colore ex cæruleo purpurascente: quos excipiunt *siliquæ* pusillæ, geminis cellulis constantes, *semine* (quod cum probè maturum non esset, observare non potuit Clusius) plenæ. Multas ex eadem radice, quæ longa crassiusculâq. est) & obliquas fibras agit, propagines & ramulos dodrantes, humi fufos in latera emittens.

Crescit in summo Sneberg jugo, atque in Etscheri summis scopulis.

*Locus.*

Vel hanc plantam, vel ei valde similem invenimus in altissimo vertice montis Juræ *Thuri* dicto. Descriptio J. Bauhini satis bene convenit nostræ plantæ, non item figura: nostra caules habet rubentes, folia in acutum desinentia.



\* 12. *Astragalus Monspeliensis* J.B. *Securidaca minor* Ad. descr.

J. B.

*Radice* est durâ, lignosâ, crassitudine digitali & crassiore, longitudine cubitali, dulci, intus albâ, cuius cortex crassus, subfuscus, quæ antequam è terra erumpat dividitur in aliquot portiones five capitata, tres quatuorve digitos longa, ut nisi quis profundè fodiat, multas esse plantas existimet: ex quibus prodeunt *coliculi* simplices, concavi, rubentes, vix palmares *foliis* vestiti brevibus, in mucronem exarctis, pilosis, amarescentibus, crebris, sic ut ad costam unam adnexa foliola 21. supputârit J. Bauhinus. In virgularum extremitate *flores* multi, non multum floribus Polygali Gesneri dissimiles, purpurei, interdum albi, non in spicam digesti, sed conglomerati, Trifolii floribus similes sed majores: quibus succedunt *siliquæ* duas uncias longæ, incurvæ, rubentes, teretes.

Lobelius, Clusius, aliique Botanici *Securidacam* minorem pro *Astragalo* *Monspeliensi* habent, & ob id à J. Bauhino reprehenduntur. Verum & nobis, cum *Monspeli* essemus Anno 1665. *Securidaca* minor ab ipsis *Monspeliensibus* pro *Astragalo* *Monspel.* ostensus est. Utcunque Planta J. Bauhino sub titulo *Astragali* *Monspeliensis* descripta & depicta à *Securidaca* minore diversa est, *foliis* primo, quæ mucronata, non obtusa, *radice* dein crassâ, numerosâ: *Floribus* denique quæ in *Securidaca* & minores, & alterius coloris.

Ex quo hæc scripsimus D. Magnol Botanicum *Monspeliense* seu Indicem plantarum circa *Monspelim* nascentium nacti sumus: à quo moniti *Astragalum* hunc *Securidacæ* minoris nomine à Lobelio in *Ad. describi*, librum illum consulimus, & rem ita se habere comperimus: siquidem *Securidaca* minor eo in loco à Lobelio descripta floribus purpureis esse dicitur, & toto anno in aridis & glareosis *Frontignani* florere, quod *Securidacæ* luteæ corniculis reflexis non convenit; quamvis per errorem ejus figura pro *Securidaca* minore posita fuerit in *Obs. & Icon. Plant.* quod nobis aliisq. imposuit.

Locus.

In locis ficcis vulgo *Garrigues* circa *Salenovam*, & in elato colle dicto *Ferrand* ad levam *Ladi* amnis, quæ respicit *Castrum-novum*, multò copiosius crescit quàm loco à J. Bauhino designato, secus vias itinere *Narbonam* versùs, propè *Gigant*, uno à *Monspelio* milliari, ubi florentem vidit mense Aprili J. Bauhinus.

\* 13. *Astragalus incanus* *siliquâ incurvâ* D. Magnol. *Onobrychis incana* C. B. prod.

C. B.

*Caulem* habet rotundum, ramosum, incanum: *folia* plura, acuminata, angusta, uni costæ adnexa, incana velut cinere aspersa: *cauliculi* semipalmares, nudi, spicam florum purpurascens aliorum formâ sustinens: quibus succedunt *siliquæ* oblongæ, incanæ, incurvo mucrone donatæ, duabus valvulis constantes, *semen* minutum nigrum planum & semicirculare continentes.

Locus.

In Provincia *Galliæ* reperitur. C. B. In via qua itur ad montem *Lupi* Aprili mense cum flore reperitur, & abundè etiam inter vicos *Affes* & *Fontanes*. D. Magnol.

14. *Fœnugræco sylvestri* *Tragi* in quibusdam accedens planta J. B. *Ornithopodio affinis* *hirsuta*, *Stella leguminosa* Botan. *Monsp.*

J. B.

*Palmari* est altitudine, *caulibus* donata teretibus, hirsutis, striatis, crassiusculis: *Folia* *Tribuli* terrestri paria, perquam hirsuta, conjugatim costæ duum unciarum ex caulibus geniculis ortæ adhærent: indidèmq. *flores* copiosi, dimidiatum verticillum efficiunt, parvi, palliduli, quorum unicuique succedit *siliqua* hirsuta, in acumen desinens, in duas partes findi facilis, quarum unaquæque suis undique membranis convestita *semen* continet copiosum, *Fœnugræci* sativi minus. *Radix* duum unciarum, simplex, gracilis.

Locus.

Circa *Monspelim*, ad *Episcopi* *Monspeliensis* castellum, loco arido, vix unam atque alteram plantam observavit *Cherlerus*.

Hujus duplicem differentiam observavit D. Magnol: in plerisque flores & *siliquæ* pediculis insident, sicut in figura *Stellæ leguminosæ*; in aliis verò cauliculis adhærent ut in figura J. B. exprimitur, in reliquis similes sunt, & flores habent purpureo-cœruleos, non pallidulos, quales suæ plantæ tribuit J. Bauhinus. Sunt ergo (ut videtur) *Fœnugræco sylvestri* accedens, &c. J. B. & *Stella leguminosa* una & eadem species plantæ.

*Stella leguminosa* J. B. Park. Ger. *Ornithopodio affinis* *hirsuta*, fructu stellato C. B. Arturo Cortusi.

*Folius* exit *leguminosæ* *Scorpioidis*, *flosculus* *Lampsanæ*. *Semen* exile, pullum in corniculis tantillum falcatis, uno pediculo aptatis & radiatim congestis, stellam exprimentibus, gustu leguminoso & glutinoso.

C. Bauhinus *Viciam* *Sesamaceam* *Apulam* *Col.* hujus Synonymam facit, sed malè; siquidem *Viciæ* *sesam.* Ap. *flores* & eis succedentes *siliquæ* in ipsis foliorum sinibus sedent, pediculo brevi aut nullo: hujus autem in longis pediculis è foliorum alis egressis, ob quam etiam rationem diversa sit oportet à *Fœnugræco sylvestri* *Tragi* in quibusdam accedente plantâ J. B. [Hæc ratio non concludit: Variat enim hæc species florum sitis respectu, qui, nonnunquam in foliorum alis sessiles sunt, brevi aut nullo pediculo, aliis in longis pediculis è foliorum alis egressis plures simul stipati nascuntur ut nos docuit D. Magnol; unde nec reprehendendus est C. Bauhinus.] Quod si rectè describatur *flosculus* *Lampsanæ*, anomala est & sui generis planta; quod non libenter concesserim.

Hanc præcedenti eandem statuit D. Magnol, cui sanè multum debemus quòd *Stellæ* huic nebulosæ illustrandæ aliquam lucem attulerit.

Locus.

Reperitur (inquit) copiosè in sterilibus locis ultra pontem *Salenovæ*, tum & in loco dicto *la garrigue* *dan Tarrall* Maio mense cum flore.

15. *Astra-*



15. *Astragalus Monspeliensis candidior & Onobrychis alius* J. B. *Astrag. purpureus montanus* Park. villosus floribus globosis C. B.

*Folia* huic multò candidiora quàm præcedenti, pili longiores: caules non multum majores quibus insident *flores* multi, purpurei, multò plures quàm in *Astragalo* Monspeliensi, conglomerati, densa pilorum lanugine hirsuti.

Genevæ in monte Salevæ collegit J. Bauhinus florentem mense Junio.

Locum.

Nos in eodem monte in saxolis Soli expositis hanc ut putamus plantam invenimus; erat autem nostra *radix* crassâ, in multa capita divisâ, unde propagines multæ, crassæ, lignosæ, in ramos creberrimos divisæ, variè intortæ & scabræ, densò veluti cespite terram operiunt. Germina inde erumpunt plurima quæ in folia explicantur alata, decem aut duodecim pinnularum, molli & incana lanugine pubescentium, quàm *Lentis* minorum, acuminatarum, ad mediam costam seu nervum adnexarum conjugationibus composita. *Cauliculi* multi, fescunciales, interdum tamen palmares, teretes hirsuti, mediâ parte, interdum etiam imâ, foliis cincti in eodem pediculo coacervatis, ut vix alata videantur. *Flores* in summis cauliculis numerosissimi, in capitulum Anthyllidis leguminosæ simile conglomerati, ad basin, pariter ut illius, duobus foliolis latis & in multos radios acutos divisis, ceu calice quodam, cinctum. Florum color rubescens: Vascula seminalia non vidi, nondum enim defloruerat, Junio mense.

J. Bauhinus *Astragalum* 3. Clusii huic similem si non eandem putat; & revera descriptio Clusiana in omnibus, exceptâ fortè radice, huic plantæ convenit; ea autem hujusmodi est:

*Folia* habet pusilla Ciceris aut *Lentis*, tota incana; *cauliculos* breves, duros, & in his flosculos Pisi formâ, pusillos, congestos & purpureos, summis pediculis inhærentes: *radicem* tamen ut plurimum singularem.

Descriptio autem *Astragali* purpurei herbariorum quorundam, quæ habetur in *Hist. Lugd.* huic exactè respondet, ut non dubitem eandem esse, cum & locus etiam suffragetur. In Juræ montis saxosis collibus provenit, radice grandi, foliis Ciceris sylvestris, villosis, guttu adstringentibus; flore ex albo purpurascete.

Tandem descriptio *Astragali* persimilis pusillæ plantæ palmaris apud *Lobellium* in *Adv.* excepto floribus colore, huic etiam plantæ quadrat. *Radices* (inquit) prorepit implexis, corticosis, densò exortu numerosos producentibus *cauliculos*, fruticantes, duros, sed breves, vix binas aut ternas uncias excedentes, & *foliola* emittentes pusilla, *Lentis*, *Astragali*, aut potius *Tragacanthæ*, quam tota refert rigidiusculâ, incanâ hirsutie; *flosculi* luteolis aut albidis *Ornithopodii*, guttu præficcò & æquè duro.

Suspicio hanc plantam non rectè hic collocari, verum quoniam J. Bauhinus eam *Astragalo* Monspeliensi affinem & similem facit, tantisper locum quem ei assignavit tueri permisimus, donec certius nobis innotescat ubi disponi debeat. Foliola digitata capitulis subjecta Anthyllidi leguminosæ potius congenerem arguant, ut & ipsa capitula numerosis floribus densè stipatis composita. Vide descriptionem.

16. *Securidaca siliquis planis dentatis* Ger. emac. *siliquis planis utrinque dentatis* C. B. *peregrina* Clusii Park. *Lunaria radiata* Robini J. B.

J. B.

*Radix* huic longa cum aliquot fibris, *coliculos* plures profert, angulosos, in ramulos subdivisos: *Folia* dodrantalia, Viciarum ac *Securidacæ* minoris modo disposita; in quibus foliola multa, sibi invicem apposita, nonnihil cordata, (ultra viginti novem supputavimus) desinunt in unicum foliolum sine capreolo. Inter superiora folia exoritur pediculus longus, in cujus extremitate *flosculi* hiantes, quales ferè in *Vicia* Cracca minore dicta, rubelli, plures simul. Sequuntur *siliquæ*, unciam longæ, recurvæ, ex ruffo subcinereæ, utrinque dentatæ, nervo per medium decurrente distinctæ, in quibus gemino versu continentur *semina* exigua, compressa, *Lentis* colore ac rotunditate, verum multis numeris minora, sapore leguminoso. Septem supra unum pediculum supputavimus. J. B.

Hæc est descriptio in hortis cultæ, in sylvestribus multò strigosior est.

In lingula illa inter fretum Siculum & portum Zancleum procurrente, atque alibi circa Messanam frequens oritur. In horto nostro æstate præcedenti Anno 1685. lata, hyemem pertulit, unde perennis esse videtur, de quo tamen dubito, cum æstate ad frugem vix pervenerit & subsequens hyems admodum clemens & mitis fuit.

Locus.

- A. 17. *Glaux montana purpurea nostras*. Purple mountain-Milkwort.

*Radix* ei parva, lignosa, fibras subinde per intervalla in terram demittens; ramulos per terram spargit plures, infirmos, hirsutos, foliis crebris vestitos, octo aut novem pinnarum conjugationibus cum impari in extremo compositos, exiguis, hirsutis, sapore nullo manifesto. *Flores* summis cauliculorum fastigiis insunt, in spicas breves digesti, *Glycyrrhizæ* sylvestris in modum, pro plantulæ modo ampli, purpurei: Singuli autem è calice longiusculo villosò in margine quinque-partito exeunt. *Siliquæ* succedunt breves [vix quartam digiti partem longæ;] tumidiusculæ, hirsutæ, latiusculæ, intus duplici membranâ intergerinâ [arctè tamen cohærent hæ membranæ] in duo loculamenta divisæ, ut singulæ siliquæ in duas digitis facillè diduci & dividi possint. In utrovis loculamento quatuor aut quinque *semina* continentur parva, subrotunda, nonnihil compressa.

In montosis & campestribus Cantabrigiæ Comitatus *Gogmagog-hills*, *Newmarket-beath*, *Royston-beath*, &c. Observavimus etiam similibus in locis in Comitatu Eboracensi.

Hanc olim habuimus pro *Glaucæ* Hispanica Clusii: verum ab eruditissimo & amicissimo viro D. Hansio Sloane diversissimam plantam pro *Glaucæ* illa accepimus quam idcirco seorsim nunc proponemus, & differentias ostendemus.



18. *Glaux Hispanica Clusii* Park. *Hispanica* J. B. *Glaux Dioscoridis* Ger. qui pro præcedente eam habet. *Ciceri sylvestri minori affinis, si non idem* C. B. Dioscorides *his Milkwort, or Spanish Milk-wort.*

*Clus.*

Ternis vel quaternis à radice assurgit *cauliculis*, dodrantem altis, gracilibus, incanâ lanugine pubescentibus: *foliis* serie quadam secundum costâ longitudinem utrinque digestis, sive alâ foliorum illos vestiente, Onobrychidis aut Astragali prioris in modum, mollioribus tamen, supernè virentibus, infernè canâ lanugine obfritis, gustu nonnihil amaro. *Flos* extremo cauliculorum fastigio innascitur, confertus, capituli spicæve brevioris & obtusæ instar, Glycyrrhizæ vulgaris florum formâ & colore perquam similis. *Radix* candicans & exilis, quæ an vivax sit asserere nequeo. Hactenus Clusius.

In planta sicca ad nos à D. Sloane transmissa radix erat simplex, rectâ descendens, ima parte in surculos [unum vel alterum] divisa; unde exhibant cauliculi quatuor vel quinque, quales describit Clusius, rubentes, firmiores & robustiores multo quàm præcedentis; foliis vestiti è decem aut duodecim pinnularum oblongarum, obtusarum, averâ parte hirsutarum conjugationibus cum impari in extremo compositis. *Flores* quales describit Clusius, non tamen summos caules terminant, sed è foliorum alis in pediculis oblongis hirsutis egrediuntur. Singulis flosculis succedunt *siliquæ* breves & velut triangulæ, linea ab uno latere rectâ, ab altero incurva terminatæ, exterius musco quodam subruffo denso innascente scabræ, geminatæ, & in duas faciliè separabiles, quarum singulæ unicum duntaxat intus *semen* continent, satis grande, compressum, subulvum, præter muscum villosum siliquæ etiam lanugine pubescunt.

*Locus.*

Nusquam alibi quàm ad ripas fluminis Thormis Salmanticam alluentis, paulò infra eam urbem observabat Clusius, nomine vulgari carentem, mense Junio. Verùm (inquit) is locus procul à mari distat, juxta quod Dioscorides Glaucem nasci tradit.

19. *Glaux Catalonica non descripta.*

Elegantissimæ hujus plantulæ ramulum ad me transmisit idem ingeniosiss. Vir D. Sloane. Qualis fuerit radix aut ima folia nescimus: ramulus transmissus vix palmaris erat, foliis, ut in hoc genere, seu foliorum alis, crebris vestitus. Folia autem quatuor duntaxat aut quinque pinnularum, oblongarum, angustarum, acutarum, lanuginosarum, (subtus præcipuè) conjugationibus constant, impari folio alam terminante. *Flosculi* in glomerulis seu globulis in foliorum alis sessilibus, aut certè brevissimis pediculis donatis, quantum in sicca discernere licet, cœrulei, quorum singulis succedunt *siliquæ*, structuræ & figuræ insolitæ, breves, & propemodum quadrangulæ compressæ in acutos apices productæ, incanæ & hirsutæ, è duabus siliquis sibi mutuò commissis propemodum ut in *Thlaspeos* biscutati vasculo, compositæ; non enim, ut in aliis hujus generis siliquis, planis lateribus commissis cohærent, sed dorsis tantum lineâ rectâ conjunctis, versùs apicem ad se mutuò retrorsum reflexæ, imis lateribus sursum recurvis. An plura an singula semina sit in singulis siliquis nobis non constat.

- \* 20. *Astragalus perennis, foliis hirsutis, caule recto aphylo, flore ochroleuco odoratissimo* Moris.

*Moris.*

Hæc planta plurima edit *folia*, alata, hirsuta & per terram strata, binatim seu conjugatim *folia* ex adverso adhaerentia, uno impare extremum costæ claudente. Ex meditullio foliorum per terram sic stratorum oriuntur *cauliculi* hirsuti itidem, pedales & altiores, sustinentes plurimos *flores*, luteo-pallidos seu ochroleucos, fragrantissimi odoris, ad longitudinem trium unciarum in summis caulium spicatum digestos, quorum singulis succedunt *siliquæ* gemellæ, crassæ admodum, triquetra, vix unciâ longitudine superantes: harum singulæ bina vel terna continent *semina*, ossa sesamoidea referentia, seminibus cæterorum suæ sortis crassiora. Planta est perennis.

# S E C T I O T E R T I A.

## De Leguminibus trifoliatis.

**L**EGUMINA trifoliata sunt vel Trifolia propriè dicta, quæ terna duntaxat habent folia in extremo pediculo; vel minùs propriè sic dicta, quæ præter folia terna in extremo pediculo bina insuper habent ad ejus à caule exortum seu basim, quæ *Loti* appellantur, & quodammodo pentaphylla sunt.

Trifolia propriè dicta sunt vel floribus in capitula aut spicas congestis, vel eisdem magis sparsis & rariùs sitis.

Quæ floribus sunt in capitula aut spicas congestis, sunt vel 1. *Seminibus & siliquis in calycibus plerumque occultatis*, floribus erectis, capitulis aut spicis summos in plerisque caules terminantibus, seu spicæ lanugine nulla aut rariore obsitæ sunt, calycibus florum vel strigosioribus & striatis nec à delapso aut marcescente flore in vesicas intumescensibus ut in *Trifolio pratensi montano*, &c. vel in *vesicis tandem intumescensibus*, ut in *Trifolio fragifero*, &c. five spicæ molles sunt & villosæ mollitiæ suæ pedem leporinum referentes, ut in *Lagopo*. 2. *Seminibus & siliquis visui expositis & extra calyces apparentibus*, floribus pendulis, capitulis aut spicis è foliorum alis egressis, siliquis seu folliculis scabris aut rugosis, in *Melilotis*.

Quæ floribus sunt magis sparsis & rariùs sitis sunt vel siliquis *rectioribus*, seu *productioribus* in *Fenu-græco*, seu *brevioribus* in *Anonide*, vel iisdem *intortis & cochleatis* in *Medica*.

## Herbæ flore papilionaceo non scandentes trifoliæ sunt vel

Propriè sic dictæ, quæ terna duntaxat folia habent in extremo pediculo, suntque vel floribus

In spicas congestis, seminibus & siliquis

In calycibus occultatis, suntque vel spicis

{ *Mollibus & villosis*; *LAGOPUS* dicta, quia mollitiæ suæ pedem Leporis refert.  
{ *Lanugine nulla aut rariore obsitæ*, calycibus

{ *Delapso flore in vesicas intumescensibus*; *TRIFOLIUM Fragiferum* seu *vesicarium*.  
{ *Strigosioribus & striatis*, in vesicas membranaceas non extumescensibus; *TRIFOLIUM spicatum* plurimarum specierum.

*Expositis*, & extra calices apparentibus, floribus in spicis è foliorum alis egressis, pendulis, odoratis; siliquis seu vasculis feminalibus scabris aut rugosis; *MELILOTUS*.

Sparsis & rariùs sitis, siliquis

Rectis aut nonnihil incurvis,

{ *Productioribus*, compressis, seminibus lineâ ab angulo ad angulum depressâ fulcatis,  
FOENUM *Græcum*.  
{ *Brevioribus*, semine reniformi; *ANONIS*.

*Intortis*, gyris paucioribus aut pluribus, fructu lævi aut spinoso, scutellato, doliato, orbiculato, plurimarum specierum; *MEDICA*, seu *Trifolium cochleatum*.

Minùs propriè dictæ, quæ præter folia terna in extremo pediculo, bina habent ad ejus exortum cauli adnata, adeoque etiam pentaphyllæ dici possent; *LOTUS* herba plurimarum specierum.

Species illæ *Medicæ* quæ jumentorum pabulo seruntur, radice sunt perenni & vivaci; Siliquis intortis quidem sed paucioribus volutis, nec sibi invicem contiguis ut unum glomerem efficiant.



## CAP. I.

De *Trifolio capitulis minùs mellibus, calycibus strigosioribus,*§. I. *Trifolium pratense montanum album.*

- A. 1. *Trifolium pratense album* Park. C. B. *minus pratense flore albo, sive 2. Ger. pratense flore albo minus, & femina glabrum* J. B. *White-flowered Meadow Trefoil.*

**C**ONTRACTIORE est habitu quàm mas; *coliculis* brevioribus, infirmis, per terram sparsis, per quos *folia* terna, parva, rotunda, glabra, retusa. *Flores* glomerati, minores, ex longioribus appensi *pediculis*, coloris albi, gustui dulces. *Semina* in exiguis & curtis *siliquis* bivalvibus, quaterna aut quina minuta in singulis conspiciuntur, quo à *Trifolio* purpureo vulg. differt. *Folia* præsertim inferiora maculâ lunulatâ albicante pinguntur.

Locus.

In pascuis non minùs vulgare est quàm *Trifolium pratense purpureum*.  
Ab hoc specie diversum esse non concesserim

2. *Trifolium affine Quadrifolium phæum Lobelii* J. B. *Quadrif. hortense album* C. B. *Lotum quadrifolium* Ger. *Quadrif. fuscum* Park.

*Folia* huic supinâ superficie colore nigro-purpureo tinâta sunt, quatuor non rarò in eodem pediculo, quod ubertati soli, aut loco umbroso, aut alii cuidam accidenti primò deberi suspicor, quamvis flagello plantatam speciem retineat.

Vires.

A matronis nobilibus summo studio in hortis colitur pro præsentaneo remedio purpureæ puerorum febris.

3. *Trifolium pratense album, siliquâ bivalvi, caule fistuloso, folio subtus nigropurpureis maculis notato* Morif.

Morif.

*Cauliculos* profert procumbentes, cavos seu fistulosos, pedales & sesquipedales; in quorum summis alis exeunt *flores* papilionacei, magni, subalbidi seu ochroleuco colore præditi; quorum singulis succedunt *siliquæ* parvæ, bivalves, singulæ continentes *femina* bina aut terna minuta. A præcedente distinguitur *foliis* latioribus, & subtus maculis nigro-purpurantibus notatis; *caulibus* multò longioribus & fistulosioribus; *siliquis* brevioribus cum paucioribus intus feminibus.

Locus.

In humidis pratis, præsertim ubi hyeme aquæ stagnârant oritur, & cum præcedente floret ætate.

- A. 4. *Trifolium pumilum supinum flosculis longis albis* P. B. *An. Trif. parvum, album, Monspesulanum, pilosum, cum paucis floribus* J. B?

E radice annua plurimi exeunt *cauliculi* semipedales & longiores, resupini, & terræ velut appressi, ramosi, ramulis è foliorum alis egressis, villosi, *foliis* alternatim adnâscentibus per intervalla vestiti; quæ *pediculis* longis [ in lætiori solo sesquipalmaribus ] hirsutis, duabus ad basin veluti auriculis membranaceis caulem amplexis, insident, terna simul ut in reliquis *Trifoliis*, villosa, cordata, maculâ albicante lunulatâ in medio picta. Versùs superiorem caulium partem è foliorum alis exeunt *pediculi* palmares & breviores, in summo *flosculos* sustinentes quatuor vel quinque, albos, papilionaceos, tubo longiusculo, è *calycibus* striatis, zonâ rubente cinctis, & in quinque longa & tenuia segmenta divis. *Plasculis* delapsis aut marcescentibus *calicibus* ad pediculum reflectuntur & capitula sub terra condunt, èque summo seu extremo pediculo in medio *caliculorum* emergunt radii plurimi, seu pali rigidi, compressi, ima parte latiores, versùs apices continuè angustiores, apicibus ipsis, quinque spinulis longiusculis in stellæ dimidiatæ modum expansis & cum primùm apparent ad latera villosis, radiatis. Radii hi non omnes unâ erumpunt, sed successivè alii post alios, & versùs pediculum reflectuntur, ut tandem capitulum quoddam echinatum componant. Singulis *calycibus* singula insunt *femina* capsulâ inclusa majusculâ spadicea.

Locus.

Multis in locis, solo arenoso aut glareoso, tum in Anglia tum in exteris regionibus observavimus rarum hoc *Trifolii* gentis.

D. Morifono hæc planta titulo *Trif. albi tricocci, subterranei* Gustonii reticulati: D. *Magnol* tit. *Trif. subterranei* sive folliculos sub terram condentis descripta est. Nobis ante triginta annos observata est post Autores *Phytologiæ Britannicæ*, ut patet ex Appendice ad *Caralogum plantarum* circa Cantabrigiam nascentium. *Maior* flores.

5. *Trifolium minimum supinum flosculorum & seminum globulis plurimis confertim ad radicem nascentibus.*

*Foliola* omnium *Trifoliorum* minima, prælongis & tenuissimis *pedicellis* insident, triangula ferè, obtusa, crenata. Globuli quamplurimi denso cæspite circa radicis caput conferti, terræ incumbentes, è *flosculis* eorûmque *calycibus*, (quorûm tamèn neque formam neque colorem observavimus) compositi.

Locus.

Circa Messanam in sterilibus & arenosis invenimus.



- \* 6. *Trifolium montanum album* C. B. *mont. majus albo flore* Park. *majus albo flore incanum* Clusii  
J. B. *majus flore albo* Ger. emac.

Clus.

Ternis aut quaternis interdum assurgit virgis aut *coliculis*, pedalis, firmis, rectis, teretibus: circa quos nascuntur rara *folia*, oblonga, angusta, dura, nervosa, carinata, & dorso elatiore, terna semper ab uno exortu prodeuntia ut in reliquis Trifolii generibus, incana, in ambitu veluti dentata, ab radice frequentiora & majora. *Flores* extremis ramulis, in quos cauliculi separantur, inhaerent, parvi, frequentes, conferti, & spicam quodammodo formantes albo colore & nonnullo odore præditi. *Radix* vivax, minimi digiti crassitudinem æquans, fusco & denso cortice tecta, longa, aliquot fibris donata.

In pratis ficcioribus Viennæ Austriæ vicinis, tum in Moravia & Bohemia floret Maio & Junio. *Locus.*  
In herbis Sylvæ Valenz D. Magnol sæpius occurrit. *Botan. Monsp.*

7. *Trifolium pratense album* à Fuchsio depictum, siue *mas* J. B.

J. B.

*Folia* huic hirsuta, oblonga, venosa, crenata, terna ex longo pediculo appensa, per *caules* cubitales, simplices, plures ex radice crassiuscula, inque plura capita interdum divisa: exorti *flores* glomerati, albi, Trifolii pratensis purpurei alioqui similes.

Circa Genevam in pascuis & agrorum marginibus observavimus: J. Bauhinus aliis etiam in locis variis florentem Augusto, Septembri & Octobri.

Alii Botanici speciem hanc cum Trifolio albo vulgari confundunt, à quo tamen diversissima est.

- A. 8. *Trifolium pratense hirsutum majus flore albo-sulphureo seu oxordun* The great white or yellowish Headed Trefoil.

Ex radice nigra, minimo digito tenuiore *caules* exurgunt plures, pedales vel cubitales, teretes, hirsuti, ad terram inclinati. *Folia* etiam hirsuta sunt, neque crenata, neque ullo modo incisa, inferiora minora & rotundiora, longis pediculis hirsutis infidentia, superiora longiora, cauli propius admoti. *Florum* spica longiuscula, acuminata, congesta, colore pallido seu oxordun & in adultioribus plantis ad sulphureum accedente. Ubi spicæ pediculus incipit bina adversa oriuntur folia, cum inferius semper alternatim cauli adnascantur.

In pascuis ficcioribus & dumeris frequens reperitur. Observavi & in transmarinis propè Genevam, unde mirari subit à nemine hæcenus descriptum. *Locus.*

A præcedentibus duabus plantis differt *florum* colore albo-sulphureo seu ochroleuco, foliis non crenatis, imis minoribus, summis majoribus ut alias notas omittam.

## §. 2. Trifolia floribus purpureis in capitula vel globulos congestis.

1. *Trifolium bituminosum* Ger. *Asphaltites siue bituminosum* Park. *bitumen redolens* C. B. *Asphaltites siue bituminosum odoratum* J. B. & non odoratum.

J. B.

In fruticem excrevit cubitalem & sesquicubitalem, *virgulis* rigidis, incanis, ac etiam nigricantibus, striatis. *Folia* terna, per primam adolescentiam rotunda, mox oblongantur in acuminatum mucronem desinentia, incana itidem & hirsuta, odore Bituminis fastidioso, tactu glutinoso. *Flores* non planè glomeratim congesti, sed oblongiori capitulo dispositi, colore purpureo-violaceo, ex calicibus oblongis, striatis, villosis. *Semen* nigrum, asperum, hirsutum, in cuspidem desinens foliaceum, ejusdem cum reliqua planta odoris, saporis Cæsalp. medicati.

Congener huic totoque adeò vultu idem jamdudum colo, excepto eo quòd *folia* quidem odore omni penitus destituta sunt, *flores* verò suaviter, licet obscurè, redolent. Quod huic plantæ unde accidat C. Bauhinus ostendit.

*Semen* (inquit) Italicum in Germania terræ mandatum profert plantam odore bituminoso: at semen plantæ in Germania educatæ rursus satum sapore & odore deficientem producit, & si iteretur fatio verisimile est sobolem degeneraturam tandem in plantam omni odore & sapore destitutam.

In Italia, Sicilia & Gallia Narbonensi, in saxosis collibus non procul à mari abunde provenire observavimus. *Locus.*

In Paralyfi oleum ex hujus semine expressum valde commendatur. D. Soame è Sylvii L. 2. C. 21.

S. 124

Hujus varietas habetur magnitudine omnium partium, præcipuè *florum* & *seminum*, differens. *Morif. prælod.*

- A. 2. *Trifolium pratense purpureum* C. B. *pratense purp. vulgare* Park. *pratense* Ger. *purp. vulgare* J. B. Common purple Trefoil or Honey-suckle Trefoil.

J. B.

Ex radice crassiuscula, adultiori ferè digitali, fibratâ, *viticula* tenuis, striatâ, partim humi repunt, partim surriguntur, subhirsutæ. *Folia* terna in eodem pediculo, nunc rotunda, alias oblonga, interdum spiculatis albis lineis notata, nonnunquam obliquis candicantibus striis virgata. *Flores* glomerati plerumque purpureascent seu rubent, rarius & ex accidenti albescent, odore non insuavi, gustanti ficitatem afferentes. *Flosculorum* tubi melleum liquorem continent quem pueri flosculis è caliculis evulsis exugere solent. J. Bauhinus refert se observasse Trifolium hoc in area arcis Montbel.



Montbelgard. in horto & extra urbem habere maculata folia; maculas autem esse albicantes, semicirculares, ad cordis formam nonnihil accedentes, quod pro re insolita habere videtur, cum nihil apud nos sit usitatus.

Locus.  
Usus.

In pratis & pascuis ubique vulgatissimum habetur.

Sunt Hiberni, qui suo *Chambroch* (quod est *Trifolium purpureum pratense*) aluntur, celeres, & robusti, ut nos monuit D. Tancredus Robinson.

A. 3. *Trifolium pratense purpureum majus*. The greater purple Meadow-Trefoil.

*Radix* hujus lignosa, minimum interdum ferè digitum crassa, superius in multos veluti ramos dividitur; qui sub terra undique reptantes, & hic illic germinantes latè plantam diffundunt, & magnum spatium occupant. *Cauliculi* inde emergunt dodrantes aut pedales, in terram reclinati, purpurei, crassiores quàm in purpureo vulgari, ramosi ramulis è foliorum alis exeuntibus, quæ alternatim ut in illo posita, sed crebriora. *Folia* ipsa majora longiora & acutiora quàm in vulgari, brevioribus pediculis, notis albis semilunaribus non semper picta. *Flores* in summis caulibus & ramulis majores, saturatiùs purpurei, in spicas seu capitula majora & breviora coacervati quàm in illo; quin & spicæ longiore pediculo insident quàm in illo. *Venæ* seu nervi obliqui manifestiores sunt magisque conspicui averla præcipuè folii parte in hac planta quàm in illa.

Locus.

In pascuis satis frequens est, minùs tamen quàm *Trifolium purp. vulg.* Seritur etiam in agris pro boum & jumentorum pabulo; quibusdam audit *Common Clover-grass*.

4. *Trifolium pratense minus flosculis purpureis* C. B. *prat. min. purpureum* Park.

*Cauliculi* huic tenues, rigidi, pedales, ramulis crebris divisi. *Folia* parva brevibus pediculis modo terna, modò quaterna habet. *Flores* in summis ramulis multi, perexigui, velut in umbellas laxas congesti, purpuro-rubentes. *Radix* tenuis, alba, fibris capillata.

5. *Trifolium purpureum majus folio & spica longiore* J. B. *montanum, spica longissima rubente* C. B. *Lagopus major folio pinnato* Park. *major, spica longiore* Ger. *Trif. majoris tertii altera species* Clus.

J. B.

Ad cubitum & sesquicubitum excrefcit, *caulibus* crassiusculis, valentulis, variè divaricatis. In *foliis* subinde ludit, interdum semunciam vix excedunt, subrotunda, frequentius oblonga, acuminata, trium unciarum, semunciali latitudine, concinnè per ambitum crenata, admodum venosa, crispata, tergemina, pediculo nixa in vaginam valdè latam, pinnatam, trium unciarum aut longiorem, caulem complectentem desinente. *Flores* rubentes in spicam palmarem & majorem, satis crassam dispositi, ex *calicibus* in pinnas longas, tomentosas dissectis.

Locus.

In collibus circa Genevam invenitur spontaneum. D. Magnol observavit copiosum in umbrosis, herbidis locis sylvæ Valenz, viâ qua itur ad pagum *Viols*, non longè à Monspelio.

6. *Trifolium montanum purpureum majus* C. B. Park. *Trif. majus Clusii secundum, non album sed rubrum* J. B. *majus flore purpureo* Ger.

Clus.

*Trifolio* majori albo non valdè diffimile est, vel amplitudine, vel formâ: *folia* tamen paullò angustiora, & crassior *flosculorum*, qui confertim nascuntur, spica, eâque summo caulis fastigio inherens, sine ullo petioli vestigio, & quasi inter folia latens, cui plerunque adnascitur alia brevior, rarissimè tertia. *Flosculi* verò differunt colore, qui non albus est sed ruber, & odore cujus sunt expertes. *Radix* illius radici ferè par.

Locus.

In Hamburgensi monte & aliis Pannoniæ & Austriæ montibus Alpestribusque pratis, præsertim ficcioribus Viennæ vicinis, tum pariter in Moraviæ & Bohemiæ sylvis copiosè invenitur.

7. *Trifolium spica oblongâ rubrâ* C. B. *Trif. majus flore purpureo* Ger. *montanum majus purpureum* Park. *majus tertium purpureum Clusio* J. B.

Clus.

Majore multò excrefcit altitudine, quæ plerunque cubitalis est: *caules* etiam habet crassiores, nodosos. *Folia* ex singulis geniculis alternatim prodeuntia, longa, striatâque, dorso magis eminente & elato, laxâ quâdam veluti vaginâ, in binas appendices desinente, caulem amplectentia, deinde terna numero ex eodem pediculo nascentia, superioris duplo longiora, illis tamen non minùs dura & per oras denticulata, gustu nonnihil adstringente. Huic spica longior & major, elegantissima rubrorum *flosculorum* è *caliculis* hispidis emergentium serie composita. *Radice*m habet superiorum radici similem, vivacem & singulis annis plures caules proferentem.

Locus.

Cum priore invenitur. Vide loca: non multum differt, ipso Clusio fatente, à *Trifolio purp. majore*, folio & spicâ longiore J. B. loco penultimo descripto.

8. *Trifolium montanum purpureum minus* C. B. *montanum minus Thalio purpureum* J. B.

Brevioribus constat *cauliculis*, & foliis acutè mucronatis, & capitulis etiam, èstque flore quandoque purpureo, quandoque candido.

Ex brevi hac descriptione an hæc sit species à reliquis distincta certò colligere nequimus.

9. *Trifolium*



\* 9. *Trifolium montanum purpureum folio acuto crenato* C. B.

C. B. prod.

*Cauliculis* est pedalis, firmis, rectis: *foliis* rarioribus, oblongis, angustis, nervosis, acutis sursumque spectantibus, in ambitu dentatis, aliquando profundius incis. In cauliculi summo flores purpurei, quasi in globo conferti.

In montosis pratis Maio Juniôque florens reperitur.

Locus.

\* 10. *Trifolium montanum purpurascens folio obtuso crenato* C. B. Park.

C. B. prod.

*Caule* est ramosiore, *foliis* oblongis, angustis, sed obtusis, & supernè & utrinque crenatis, cujus ramuli frequentioribus & angustissimis *foliis* donantur. *Flores* quàm in priore rariores & purpurascens.

In pratis montosis circa Genevam.

Utraque hæc planta nobis incognita, nimis breviter tamen descripta est.

Locus.

A. 11. *Trifolium stellatum glabrum* Ger. emac. *capitulis* *Dipsaci* quorundam. *Smooth Starry-headed Trefoil*, or *Crested Trefoil*.

E radice alba, simplici, annua *caules* emergunt plures, palmares aut dodrantes, in terram ferè procumbentes, teretes, hirsuti, ramosi. *Folia* longis pediculis insident, lanugine molli pubescentia, non crenata, longiuscula, extremitatibus subrotundis, è quorum alis oriuntur *ramuli* alterni. In summis caulibus & ramulis *capitula* *Dipsaci* aut *Eryngii* similia, pediculis brevibus insident, ad quos folia bina opposita appendicibus suis caulem amplectuntur. *Flosculi* pallidè purpurascunt, quorum calices in quinque radios seu spinulas terminantur, quorum infimus maximus longissimisque.

In palustribus maritimis pluribus in locis occurrit, in aggeribus maximè. Vidimus & collegimus prope *Hollandiam* vicum non procul *Harvico* in *Essexia* copiosum; circa *Leigh* non procul ab ostio *Tamesis* fluvii in eodem Comitatu. D. *Johnson* Gerardi emaculator in paludibus salis *Darfordiæ* in Cantio. Observavimus etiam in transmarinis circa *Messanam* *Siciliæ*. D. *Balam* è *Tingide* *Africæ* urbe misit.

Locus.

12. *Trifolium stellatum* C. B. *stellatum* *Monspessulanum* Park. *stellatum purpureum* *Monspessulanum* J. B. *stellatum hirsutum* Ger. emac. *Rough Starry-headed Trefoil*.

J. B.

Palmares & interdum bipalmares, non planè surrectos, interdum etiam in terram prociduos, fundit ex gracili, albâ, lignosâ, capillatâ radice *caules*, totos densâ lanugine obritos, inanes, quandoque rufescentes, rarissimè in alas divisos: *folia* longis nixa pediculis, cordata, tantillum per oras superiores crenata, penitus hirsuta. *Florum* glomeres subrotundi, coloris purpurei, perquam villosis constant calycibus, quorum pinnæ diductæ radiatam stellam repræsentant. Planta est annua. Plenior descriptionem videtis apud C. *Bauhinum* in Prodr. qui flores interdum sed rariùs luteos esse scribit, quod nunquam vidimus.

Ad radices montis *Vesuvii* copiosum observavimus, nec minùs frequens in *Sicilia* circa *Messanam*, & *Gallia* *Narbonensi* circa *Monspelim*. Hoc genus est (ni multum fallimur) quod depingit & describit *Alpinus* in exor. *Trifolii* clypeati argentei titulo, cui *semina* nigra, oblonga, lata, tenuia, foliacea, figurâ ad antiquos clypeos *Venetos* maximè accedere visâ tribuit; quod observandum an huic *Trifolio* conveniat necne. C. *Bauhinus* semen planum esse scribit. Descriptio *Alpini* in floris colore, quem argenteum facit, à planta nostra abludit, cui flos rubescens. Fortè per florem capitulum intellexit.

Locus.

\* 13. *Trifolium glomerulis Personatæ* Cherleri J. B. *globosum repens* C. B. prod. Park.

J. B.

In humum reclinat palmares *caules*, quos à reptante capillacea, rufescente radice emittit plures, hirsutos, *foliis* vestitos per extremum latioribus, pilosis: uniuscujusque coliculi fastigio capitulum hæret unicum, majusculum, in *Personatæ* modum glomeratum, & aristis longis, sed lanugine quadam albicante intertextis horrens, *flosculis* inter aristas apparentibus parvis, purpureis: basin autem amplectuntur terna *folia*, magna, squamatim incumbentia subeuntiaque, lata, albicantia, per margines purpurascens, similibusque striis virgata, nescio quid *Garyophyllatæ* aquaticæ foliis simile habentia.

*Monspeli* in squalidis & ficcis locis circa *Episcopi* castellum legit *Cherlerus*. Provenit etiam in luco *Gramuntio* copiosè. C. B. *Botanic. Monsp.* Descriptionem. C. B. vide & confer.

Locus.

A. 14. *Trifolium parvum hirsutum, flore parvo diluti purpureo, in glomerulis oblongis, semine magno.* *Small large-seeded Trefoil*.

J. B.

E radice alba, simplici, adnatis aliquot donata, annua *caules* emittit plures, teretes, hirsutos, ramosos, in sterilioribus vix palmares, in latiori solo cubitales & longiores, in terram reclinatos, ad genicula nonnihil recurvos. *Folia* hirsuta, per margines æqualia, obscurè viridia; quæ à radice exeunt minora, obtusiora, interdum etiam cordata, pediculis longis insident: quæ in caulibus sunt inferiora breviora & obtusiora, longioribus pediculis fulta: superiora paulatim longiora, acutiora, brevioribus pediculis. *Flores* exigui, pallidè purpurei, evanidi, in capitula densè stipata glomerati, summis caulibus & ramulis insident. *Capitula* in sterilioribus in globuli formam coacta, lato solo in longum excurrunt; ad singulorum capitulorum basin unum semper, interdum duo opponuntur folia,

folia,



folia, pediculis in membranas striatas dilatatis. E latere capituli majoris seu primarii subinde erumpit capitellum aliud secundarium pediculo donatum. Calices five vascula seminalia singularia striata, turgidula, hirsuta, in quinque spinulas desinentia, singula singula semina flavicantia, majuscula, folliculis occultata continent. Planta est annua.

Locus.

In pascuis sterilibus frequens occurrit in Anglia.

A. 15. *Trifolium parvum rectum*, flore glomerato cum unguiculis J. B.

Longis tenuibusque fibris radicum multos simul caules supinos emittit, palmares & sesquipalmares, teretes, glabros, propter terram albescentes, cetera atro-rubentes aut virentes: folia minuta, tergemina, glabra, venosa, leviter serrata, nonnulla etiam cordata, longis pediculis caulem membranis appendicibus ima parte amplexis nixa, brevibus interdum, praesertim in summis ramis, haerentia. Flores tum summo caulium fastigio, tum ex eorum lateribus glomeratim cohaerent minuti, unguiculum aviculae imitati, ex calycibus majusculis, glabris, striatis, per extrema denticulatis, duris.

Locus &amp; Tempus.

Nemausi ex locis hispidis & saxosis evulsit Cherlerus, ubi rarius occurrit: Maio floret: ingruente aestu, ut alia multa, fatiscit & exsiccatur ab it.

D. Magnol *Trifolium capitulis Thymi* C. B. hujus synonymum facit: merito autem quaerit cur J. Bauhinus rectum dicat, cum in descriptione caulem supinum ei optime attribuat.

Vel hanc speciem, vel ei simillimam observavi prope *Novum Mercatum* oppidum, juxta Molendinum, alibi etiam in arenosis ad mare. Quin & D. Sam. Dale idem vel ei proximum *Trifolium* invenit in agro quodam dicto *the Parsonage Field* quam transit semita Creffingam ducens, dimidio a Brantia milliari.

Instanti aestate, Deo dante, hanc speciem curiosius observabimus, quod si differre comperietur Lectorem ejus rei in Appendice certiore faciemus.

16. *Trifolium cujus caules ex geniculis glomerulos oblongos proferunt* J. B. A 13. in paucis differt. J. B.

Tenuem hoc sed duram & lignosam agit radicem, quae plures quidem emittit surculos, sed pedales, teretes, rigidos, pallide virentes, & ad singula genicula recurvos. Folia quam in praecedente altero tanto majora, longiora, neque cordata, neque serrata, longiusculis pediculis infidentia, qui ex membranea quadam articulos vestiente appendice prominent. Geniculis porro capitula etiam oblonga, denso flosculorum purpureorum agmine stipata infident, quatuor, quinque, aut plura, sed pro singulis geniculis singula, quorum calyculorum nullis stris donatorum apices recurvi, rigidi, interim in acutum fatiscunt mucronem, nec tamen ita durum, ut spinosum dicere auserim, nullis item denticulis praeditum.

Locus.

Nemausi in incultis rupetis legit Cherlerus. In plerisque cum sequente convenit, [in omnibus inquit D. Magnol,] nisi quod C. Bauhinus flores luteos illi attribuat; at J. Bauhinus huic recte purpureos. Ne Lectori imponere videamur C. Bauhini descriptionem subijciemus.

*Trifolium capitulo oblongo aspero* C. B. Park.

C. B. prod.

Radicem habet capillaceam albam: cauliculos plures, pedales, laeves, rotundos, & quasi articulatos, paucis foliis rotundis vestitos. Ex singulis articulis flosculi plures simul juncti, iique lutei prodeunt. His succedunt capitula oblonga, pluribus quasi spinis recurvis donata, & per maturitatem exasperata, quibus singulis folium tripartitum subijcitur. Semen exile est.

Locus.

Patavii in edito monte prope Arqua, quod longe minus altero (quod Monspeffulo habemus) legimus.

Secluso floris colore praecedenti non admodum dissimile est: quod notavimus antequam D. Magnol Botan. Monipel. videremus.

17. *Trifolium capitulis Thymi* C. B. Park.

C. B.

Radice est oblonga, alba, tenui, capillacea: Cauliculis semipalmaribus, humi sparsis: foliis obtusis, in ambitu serratis, cujus virgulis capitula rotunda, ut in Thymo, flosculorum rufescentium infident; quae per maturitatem indurantur, minutumque semen subruffum continent.

Locus.

Monspeffuli locis siccioribus provenit.

Vide *Trifolium parvum rectum* flore glomerato cum unguiculis J. B.

3. *Trifolia calyculis in vesicas intumescentibus seu spumosis, Fragifera dicta.*

18. *Trifolium fragiferum* Ger. emac. *fragiferum* Frisicum C. B. Clus. Park. Strawberry-Cress.

Cauliculis supinis ad nodos radices agentibus late se propagat. Folia singularia ad exortum suum appendicibus latis membranaceis in duo oblonga & acuta segmenta exeuntibus caulem amplectuntur: pediculis autem longis hirsutis infident, terna simul ad eundem exortum, parva, obscure viridia, argute denticulata, mucronibus obtusis, non tamen cordata. Florum spicae est foliorum alis egrediuntur, pediculis semipalmaribus aut palmaribus infidentes, parvae, subrotundae, Trifolii pratensis aemulae, flosculis exiguis, pallide purpureis gradatim se aperientibus, evanidis compositae: quibus marcescentibus calices in vesiculas turgidas hirsutas, deorsum flexas, bicornes extumescunt; unde capitulum augetur in magnitudinem Nucis myristicae, Tragi figuram imitatum. Singulae vesiculae singulas siliculas unicum intus semen claudentes continent.

Locus &amp; Tempus.

Julio & Augusto mensibus floret in locis aquosis ubi per hyemem aquae stagnarant.

19. Tri-



19. *Trifolium pratense folliculatum* C. B. *Trif. Salmanticum* Ger. *pratense Salmanticum Clusii* Park. *folliculaceum* sive *vesicarium minus purpureum* J. B. An *Trif. vesicarium ampullatum rubello* flore Moris?

J. B.

Humi fufos producit ex tenui simplicéque radice caules dodrantes, foliis ornatos ternis, parvis, per extrémum obtusis, circumcirca crenatis, pediculo longo appensis: è quorum sinu exit pediculus, uncia longior, flores sustinens, in orbem glomeratos, parvos, rubentes, quos membranei excipiunt utriculi, satis laxi, bicorni fastigio dehiscentes. Semen exile, subrufum.

Hæc pulchella planta se per terram spargit, degustata nullum habet manifestum saporem. Clusius flosculos elegantissimâ purpurâ rubere scribit, quod & nobis observatum, cum plantam circa Liburnum & alibi in Italia primò videremus, unde *Trifolium fragiferum* sive *vesicarium floribus nitidis rubellis* eam denominavimus. Figura Clusiana non exprimit folliculos membranaceos in capitulum Fragi æmulum conglomeratos.

Circa Monspelium in hortis inter olera; in pratis etiam aliisque quamplurimis humentibus & Locus. herbis locis oritur. *Botan. Monsp.*

An *Trifolium fragiferum* Lulitanicum tomentosum Park?

- \* 20. *Trifolium caule nudo glomerulis glabris* J. B.

Ex radice crassiuscula caules exeunt simplices, nudi, glabri, pedales, in glomerem florum purpureorum fastigiati, subjectis foliis exilibus viridantibus. Sequuntur utriculi flosculorum numero respondentes, laxiusculi, squalidi, veluti nervulis intertexti, albi, è quorum orificio adhuc flosculorum prominent reliquæ. Folia tergemina, glabra, subrotunda, ferè uncialia, pediculo hærent palmari & sesquipalmari è radice.

Viâ quâ Nemauso ad Gari pontem itur collegit Cherlerus haud ità frequentem.

Locus.

- \* 21. *Trifolium capitulo spumoso levi* C. B. *vesicarium leve* Park.

C. B. prod.

Radice est albâ, oblongâ, fibrosâ & capillatâ: cauliculis multis, humi sparsis, tres, quatuor, rariùs sex uncias longis: foliolis parvis, oblongo petiolo hærentibus, per marginem acutiusculè crenatis: floribus parvis, luteis; quibus capitula incana, veluti ex pluribus vesiculis sibi invicem insidentibus composita, squamamque referentia succedunt; quibus semen parvum rotundum & planum inclusum est.

Circa Monspelium in agris & luco Gramontio reperitur: circa Neapolin Italarum in maritimis. Locus.

- \* 22. *Trifolium capitulo spumoso aspero minus* C. B. *vesicarium asperum minus* Park.

C. B. prod.

Hujus radix transversim fertur, & fibris capillaceis terræ infigitur: ramulis suis per terram reptat: è quibus pediculi biunciales & triunciales, nudi eriguntur, qui capitulum parvum, subrotundum, ex rufescentibus floribus compositum sustinent; quibus capitulum quasi ex vesiculis pluribus compositum, subasperum & initio virens, minutum semen subruffum continens succedit. Folia parva sunt, rotunda & crenata.

Hoc apud nos ad Rheni ripam herbido & arenoso loco, & circa Monspelium provenit.

Locus.

- \* 23. *Trifolium glomerulis tomentos per caulium longitudinem* J. B.

J. B.

Angulosi & glabri caules: folia parva, ex oblongo rotunda, glabra, crenata, pediculo donata ferè unciali, cujus exortui adnata gemina pinna, majuscula, ex lato mucronata, caulem complexu suo comprehendit; indidémque flosculi minuti, palliduli, glomerati oriuntur, quos sequuntur glomeruli folliculorum tomentosorum, candicantium, conclusorumque: in quorum singulis semen unicum, pullum, rufescens, nitidum, apophysi veluti donatum, quemadmodum in Foenugræci semine animadvertimus.

In squalidis Gallo-provinciæ quibusdam locis legit Cherlerus, mense Julio.

Hanc plantam D. Magnol in *Botan. Monsp.* accuratius describit & depingit *Trifolii fragiferi tomentosi* titulo.

Locus.

Radix (inquit) alba & fibrosa est, ex qua plures oriuntur cauliculi, palmares, humi sparsa: in articulis duæ sunt appendices satis latæ, inter quas pediculi folia sustinent trifolia, venosa, glabra, serrata. Ex quolibet articulo flosculi glomerati purpurascens producuntur, similes floribus pratensis folliculati, brevissimis pediculis nixi, quibus globuli succedunt magnitudinis fragorum, veluti cotone incani, pluribus utriculis vel glomerulis compositi: in quolibet utriculo unicum semen continetur, parvum, subrotundum, cerei coloris. Multitudo globulorum aspectu pulcherrimum reddit.

Maio & Junio reperitur variis in viis herbidis, præcipuè ubi aquæ per hyemem stagnarant, circa Gramontium quâ itur Grabals & alibi.

Tempus & Locus.

An *Trifolium capitulo spumoso lævi* C. B. prod? verum C. Bauhinus flores luteos illi attribuit, fortè per errorem.

D. Magnol tribus *Trifolii* parvi speciebus flores luteos, quos illis C. Bauhinus attribuerat, abjudicat. 1. *Trifolio capitulo oblongo aspero*. 2. *Trif. capitulo spumoso lævi*. 3. *Trif. capitulo Lago-pi rotundiore, seu globoso flore*.



- A. 24. *Trifolium supinum cum glomerulis ad caulum nodos globosis, floribus purpurantibus. An Tr. nodosum capitulis Thymi Morif. prælud.?*

*Radix* ei alba, simplex, fibris majusculis donata: ex qua emergunt *ramuli* complures, in terram procumbentes, glabri, versùs radicem supina parte nonnunquam rubentes, *foliis* alternatim positis, in pediculis longiusculis ternis, subrotundis & ad margines dentatis vestiti. *Globuli* sessiles ad alas foliorum, non spinosi, ex quibus emergunt *flores* pallidè purpurei, rariùs dispositi. Semen nondum maturuerat.

*Locus.*

In marginibus arenosis propè Saxmundam Suffolciæ oppidum inveni: postea attulit *Thomas Willifellus* circa Londinum collectum: tandem etiam in transmarinis circa Messanam Siciliæ urbem inveni. Capitula seu globuli è calicibus arctè stipatis congesti sunt.

- \* 25. *Trifolium capitulo glomerato rigido J. B. globofo flore, vel capitulo Lagopi rotundiore C. B. capitulo globofo Park.*

C. B. prod.

*Radicem* habet longam, tenuem & capillaceam, fibrosam, albam: *caules* plures, tenues, rotundos, palmo minores, quandoque pedales, in ramulos leviter hirsutos divisos; quos *folia* parva, nonnihil pilosa, longiora quàm stellati majoris, per extremum rotunda, crenata cingunt, [quibus juxta pediculum communiter duo alia subjiciuntur.] *Caulium* fastigia ornant *capitula* singularia, glomerata, compactiora quàm majoris stellati, Botonariæ paria, sed Bardanz echinorum alperitate hispida. *Flores* parvi, lutei, [rufescentes D. Magnol.]

*Locus.*

Maiso mense Monspeffuli circa Castelnovum copiosè provenire observavit C. Bauhinus. In satis copiosè oritur, sed semper cum floribus rufescentibus. *Botan. Monsp.*

## C A P. II.

*Trifolia spica molli & villosa Lagopi dicta.*

1. *Trifolium albo-incarnatum spicatum, sive Lagopus maximus J. B. Lagopus maximus Ger. max. flore rubro Park. Trifolium spica subrotunda rubra C. B. The greatest Pares-foot Cretail.*

J. B.

**S**atis prolixa *radice* donatum est, gracili, fibrata. *Caules* plures, dodrantes & cubitales, hirsuti, simplices. *Folia* ex piloso pediculo, vaginâ suâ brevi, hirsutâ caulem complexo, terna, subrotunda, latiora quàm longiora, crenata, non cordata. *Spica* duarum aut trium unciarum, *floribus* constat albis dilutâ purpurâ remissis ex *calycibus* admodum villosis, in quinque pinnulas desinentibus. *Semen* majusculum, subrotundum, lucidum, pallidum, accedens ad Meliloti vulgaris, sapore Pisorum.

Annua est planta, ex semine deciduo, siquidem maturo Julio & Augusto, se conservat.

*Locus.*

In Italia circa Neapolin observavimus cum floribus pulchrè rubentibus aut coccineis: Quod prope Genevam oritur albo-incarnatos obtinet.

- A. 2. *Lagopus vulgaris Park. trifolius quorundam J. B. Lagopodium sive Pes leporis Ger. Trifolium arvense humile spicatum sive Lagopus C. B. Pares-foot, or Pares-foot Cretail.*

J. B.

Nomen ex argumento *spica* indeptus est, quæ molli villo cineraceo, purpurascéntè leporinos pedes imitatur, *flosculis* albidis & minutis, tantillum prominulis, quos semen excipit exile fulvum. *Spica* pediculis longis insident, è foliorum alis exeuntibus. *Coliculi* plurimi palmum aut sesquipalmum alti, [imò in latioribus dodrantes aut pedales] ramosi, toti incana lanugine pubent; in quibus hirsuta Trifolii *folia*, unciam circiter longa, culmum lata, acuminata, villosa & incana, averfa præsertim parte, pediculis lata & striata basi, in duas prælongas velut aurículas exeunt, caulem amplectantibus. Quæ è radice exeunt *folia*, multo latiora sunt, & pediculis longioribus fulta. Sapor plantæ stringens & strenuè exiccans.

*Locus & Tempus.*

Frequens est inter segetes, maximè solo arenoso, fertùs autem & post mediam plerunque æstatem floret.

- \* 3. *Ebenus Cretica Alpin. exot.*

Alpin.

A radice stipes assurgit rectus, tricubitalis & amplior, argentei coloris, è quo plures rami exeunt, sursum ex-obliquo in rectum aëti, foliis Cytisi, sed longioribus & tenuioribus, in acutum desinentibus, ternis simul junctis, totis candidis. In summitate verò caulium flos visitur rotundus, flori præteritis trifolii figura & magnitudine quàm similes, coloris purpurei, & in aliquibus carnei, ex multis flosculis Cytisi florum æmulis congestus, qui circumquaque intermixtos habet quosdam villos, albos, tenuissimos, velut sericeos, quorum mixtione ex rubro colore flos redditur longè visui elegantior. *Radix* istius plantæ est longa, gracilis, lignosa, nigra, bifida.

- \* 4. *Lagopus*



Park.

4. *Lagopus minor flore ruberrimo* Park.

Folia habet mollia, incana, angusta, in acutum mucronem definita, breviora tamen quam *Lagopi angustif.* Hispan. Clus. Caules ad semipedalem altitudinem vix ascendunt. Spicam gerit tenuem, barbulis multo tenuioribus quam prædicti *Lagop.* frequentiore. Flores protrudit elegantissimos, rubicundi coloris; quibus singulis flaccescentibus succedunt capsula singula, villosa, pluribus radiis in margine earundem stellatim dispositis onustæ, quando semen in capsularum fundo est maturum. Planta est annua.

Semine ex Hispania accepto J. Parkinsono exorta est.

5. *Lagopus supinus* Park.

Ex Hispania attulit Boelius.

6. *Trifolium lagopodoides annuum hirsutum pallide luteum seu ochroleucum* Moris. hist.

Moris.

Folia edit terna acuta, incanâ lanugine obsita, atque ex vaginulis aliorum more pediculis biuncialibus ortis innitentia: in fastigio caulium pedaliū erectorum, nonnunquam reclinantium, proveniunt spicæ longæ, unciales & biunciales, *Lagopi vulgaris* instar, coloris pallide lutei, seu potius ochroleuci floribus compositæ. Floribus hisce evanidis singulis singula succedunt capsula, quinquepartita in margine divisæ, & singula semina subrotunda continentes in fundo. De loco nihil habet.

7. *Trifolium angustifolium spicatum* J. B. Trif. montanum, angustissimum spicatum C. B. *Lagopus major angustifolius* Park. *Lagopus altera angustifolia* Ger. emac.

J. B.

Radix huic unica, tenuis, longiuscula, lignosa: caules ex eâ plures, satis firmi, palmares aut pedales, simplices; in quibus folia terna, graminea, hirsuta, pediculo nixa unciali, caulem longè striatâ vaginâ obvolvete: Spica duarum circiter unciarum longitudine aut major, ex floribus purpureis congesta, in calicibus lanuginosis, pinnae quinque protendentibus. Vidimus hujus generis altitudine cubitali, foliis angustissimis duas trêse uncias longis.

In montibus supra Messanam, atque etiam circa Monspelium, utrobique copiosè provenit. Flores in nostra dilutè rubent. Locu.

8. *Lagopus angustifol.* Hispanicus Clus. Ger. emac. Park. Trif. angustif. Hisp. sive *Lagop. angustif.* flore dilutè rubente J. B. Trif. Hispanicum angustifolium spica dilutè rubente C. B.

Clus.

Unicum fert caulem, gracilem & satis firmum, nodis quibusdam distinctum & in aliquot ramos divisum, nascentibus ad singulos nodos pediculis, satis laxa sede caulem & ramulos amplectentibus, quorum extremis terna insident folia, non orbiculata, sed longiuscula & angusta, carinata, sive dorso elatiore, canescentia instar foliorum vulgaris *Lagopi*: Summi rami desinunt in longas calycularum spicas, è quibus emergunt flosculi vulgaris floribus formâ similes, & ferè concolores, hoc est, dilutè rubentes.

Semine ex Hispaniis accepto natum est: cui simile, vel fortè hoc ipsum genus se observasse meminit Clusus Salmanticensi agro ad Vinetorum margines.

Nos in montibus Messanæ imminentibus, item circa Monspelium observavimus. A præcedente Locu. tota specie diversum agnoscimus.

C A P. III.

*Trifolia spicata flore luteo.*

A. 1. *Trifolium luteum lupinum* Ger. emac. pratense luteum femina flore pulchriore sive *Lupulino* J. B. pratense luteum capitulo *Lupuli*, vel agrarium C. B. Pop-Crefoil.

**P**lures cauliculos spargit, infirmos, & vix se sustinentes, palmares, aut dodrantes, hirsutos, rubentes ramis creberrimis fruticosos. Folia parva, latiuscula obtusa, glabra, præsertim supina parte, venulis creberrimis, si luci obijciantur, vel ex adversa parte faciliè conspicuis, striata, pediculis longiusculis appensa. Versus caulis & ramulorum summitates florum spicæ ex alis foliorum exeunt, lupulorum capitula imitant, sed minores multo, flosculis luteis compositæ, per maturitatem deorsum reflexis, minimè deciduis. Petalum in flore superius & erectum amplum est & striatum. Singuli autem flores singula semina occultant. Ab aliis plerisque *Trifoliis* differt quod flosculorum singularium calyces perexigui sunt & vix visibiles.

In agris inter segetes, solo præsertim arenoso aut glareoso.

Locu.

A. 2. *Trifolium lupulinum alterum minus.* An Trif. luteum, flore *Lupulino* minus J. B? The lesser Pop-Crefoil.

A radice simplici, surculosa tamen & minutissimis etiam fibrillis capillata, è quibus tubercula quædam

M m m m

dam



dam seu granula dependent, plurimos fundit ramulos, parvis cum præcedente longitudinis, aut etiam majores, tenuiores, glabros, inferne rubentes. Folia quam illius minora, viridiora, obtusiora, & ad cordis formam propius accedentia. Flosculorum spicæ longis pariter & tenuibus pediculis è foliorum alis egressis insident, plus duplo minores, minoribus flosculis compositæ, saturatius flavæ. Flosculi pari modo per maturitatem deorsum reflectuntur. Semina quam illius majora, in singulis flosculis singula.

Locus.

In pascuis inter gramina frequens occurrit.

\* 3. *Trifolium montanum* Lupulinum C. B. Park.

C. B. prod.

Ramus est cubitalibus, glabris: foliis rarioribus, parvis, subrotundis, levissimè denticulatis, longissimo pediculo donatis: Rami fastigio capitulum Lupuli formæ, sed oblongum ex flosculis spadiceis compositum insidet.

Locus.

In montibus supra Ilfeldam provenit.

Ob formam capituli Lupulinis Trifoliis adjecimus quamvis colore florum differat.

4. *Trifolium capitulo spumoso aspero majus* C. B. prod. *vesicarium asperum majus* Park.

C. B. prod.

Radice est oblonga, fibrosa: Caulibus bicubitalibus, tenuibus, flexibilibus, à vicinis fruticibus sustentatis; Foliis rotundis, Trifolio vulgari similibus, crenatis, prælongis pediculis donatis: inter quæ pediculi nudi, palmares, quandoque pedales efferuntur; qui singuli capitulum subrotundum, ex floribus aureis compositum, nonnunquam parvæ Avellanæ magnitudine sustinent. Hos folliculi membranæ, sibi invicem incumbentes, nonnihil à filamentis quibusdam exasperati sequuntur.

Locus.

Hoc in Salicetis Michelfeldæ Huningam versus, iis se suffulciens reperitur.

Nos ob floris colorem ad Trif. lupulinum potius quam ad folliculaceum seu vesicarium retulimus, quamvis & Trifolium lupulinum quodammodo vesicarium & squamosum seu spumum sit.

*Trifolium saxatile hirsutissimum* C. B. prod. Park.

C. B. prod.

Radici lignosa, transversim repenti, rufo cortice rectæ quasi truncus ex multis plantulis simul junctis, caule carentibus insidet, tota planta duas tréve uncias non superant. Folia habet Trifolii, parva, mollia, incana & velut argentea, supernè crenata & pedicellis brevissimis insidentia: inter ipsa folia capitula parva, rotunda, longiusculis pedicellis donata, in quorum medio pili breves mollissimi flavescerentes conspiciuntur. Nec florem, nec semen vidimus, & in altissimis Helveciorum jugis legimus.

Ex imperfecta hac descriptione, quò referenda sit hæc Trifolii species colligere non possumus.

*Trifolium erectum annuum capitula sublonga è calycibus magnis constata, Calabreusæ.*

Cauliculi huic semipedales, teretes, recti, rigidi, hirsuti, ramosi: folia parva, modicè lata, extremis subrotundis, argutissimis denticulis circumcirca crenata, in summis caulibus & ramulis flores in capitula sublonga congesti, è calycibus majusculis, in summo, ut moris est, quinquepartitis, segmentis singulis latioribus quam in hujus generis plerisque, exeunt; quorum nec formam, nec colorem observare potuimus; jacti enim, circa medium Junium, præterierant. Singuli calyces singulas occultant siliquas breves, latiusculas, bina intus semina subrotunda, compressa [in planta sicca] contentes.

Locus.

Hanc speciem in Regno Neapolitano ad maris littus collegi, cum Messanâ Neapolin redirem.

C A P. IV.

De Meliloto.

**A** Mela & Melis, quasi Lotus mellea, vel à flavo colore florum, vel ab odore melleo quem succata emittit; vel, ut vult, Jo. Bodæus à melleo sapore, qui in caule ejus & radice deprehenditur dum comeduntur: verum hæc de Meliloto Ægyptiaca intelligendum.

Notæ hujus generis characteristice sunt Flores penduli in spicis è foliorum alis egressis, siliquæ seu folliculi breves, scabri rugosive.

1. *Trifolium odoratum* Park. Ger. *Lotus hortensis odora* C. B. *Lotus sativa odorata, annua* J. B. *Sweet Cicetill.*

Radix ei gracilis, simplex, alba, lignosa, fibris aliquot donata. Caulis cubitalis & altior, rectus, gracilis, striatus & nonnihil angulosus, glaber, inanis, ab imo statim ramosus. Folia cauli alternatim adnascuntur in pediculis longis ternis simul, pallidè viridia, glabra, circum oras serrata, inferiora in caule breviora, obtusiora & rotundiora, superiora longiora & acutiora, ut in aliis Trifoliis ferè fit. E foliorum superiorum alis longis pediculis nixæ egrediuntur spicæ seu globuli, flosculis papilionaceis dilutè cæruleis, (quorum in odore persistaci præcipua gratia) compositi. Singulis flosculis



culis singula succedunt *vascula*, duo aut tria intus *semina* continentia, fulva, odorata. Semine ad maturitatem perducto quotannis perit.

- A. 2. *Melilotus vulgaris* Park. Germanica Ger. *emac. descript. Officinarum Germaniae* C. B. *Trifolium odoratum* sive *Melilotus vulgaris flore luteo* J. B. Common Melilot.

*Radice* albâ, tenui, lentâ, fibrillis brevibus capillatâ, altè in terram descendente firmatur. *Caules* emittit plures [interdum unicum] cubitales, sesquicubitales & altiores, glabros, teretes, striatos tamen, infirmos, inanes parva intus cavitare, ramosos, *foliis* ad intervalla alternatim nascentibus vestitis, ternis in eodem pediculo tenui, fescunciali, oblongis, denticulatis & plerumque circumrosis, glabris, obscurè virentibus. *Flores* in spicis longis ex alis foliorum exeuntibus, rarius siti, exigui, flavi, pediculis brevibus, tenuibus penduli, quibus succedunt *siliquæ* breves, pendulæ, rugosæ, per maturitatem nigrae, *semina* singula aut bina flavicantia continentia, sapore leguminoso.

Junio & Julio mensibus floret, & ad sepes & in vepretis, interdum & inter segetes copiosè exit. Tempus & Locum.

Leniter resolvit, digerit, emollit, dolores sedat. Hinc emplastris & cataplasmatibus digerentibus ac *Vires.* resolventibus, necnon concoquentibus, tum & acopis omnibus utiliter admiscetur. Utuntur eâ vulgò Officinæ pro vera Veterum Meliloto.

Ad Pleuritidem mitigandam hunc fctum prodesse experiemini, & Herba Meliloti, Parietaria verè ana M. ij. Betonice M. j. mista & decocta in aq. sape pectori superponantur. *Simon Paulus.*

Emplastrum de Meliloto Mesue egregium est anodynum, discutiendo non flatus tantum, sed & frigidam crassamque materiam in tumoribus externis, necnon hepatis lienisque.

Cum Dioscorides dixit Meliloton esse boni odoris, intelligendus est de exsiccata herba, quia nulum ferè odorem virens habet, sed quum aruerit fragrantissimum, quod neque Theophrasto prætermisum, lib. 6. de causis Plantar. Sertula (inquit) campana siccata plenius olet. \* *Marantba.*

Trifolium caballinum *Camer.* & Italis dicitur, quia equi herbam hanc avidissimè in pabulum sequuntur. Apud nos etiam in Anglia subinde seritur pro equorum & jumentorum pabulo. \* Method. cogn. simp. l. 2. c. 6.

3. *Melilotus flore albo* Park. Germanica Ger. *major candida* Trag. White flower'd Melilot.

Præcedenti persimilis est, differt tamen *caulibus* crassioribus, firmioribus magisque lignosis, altioribus etiam & erectioribus; *foliis* minoribus vestitis, minùs odoratis: *floribus* candidis, minoribus, pluribus simul in spicis longioribus, succedentibus *capitulis* parvis, subrotundis, non ut in præcedente incurvis. *Radix* subest lenta, tenuis, albicans, quæ plerumque secundo à satione anno, postquam planta semen dederit, præsertim si copiosius fuerit, interit.

A præcedente reverà specie differt, quamvis plerique Botanici utrasque eodem titulo comprehendant, & hanc illius varietatem tantum accidentalem faciant, solo floris colore diversam.

In Germania, Italia & Gallia Narbonensi frequentem observavimus; in Anglia, quod sciam, non *Locum.* occurrit spontanea.

Dodonæus quinque Meliloti differentias recenset. 1. Flore luteo. 2. Flore candido. 3. Pere-Quinque spinam flore purpureo-cæruleo inodoro. 4. Flore luteo, longioribus siliquis. 5. Flore luteo foliis per circumferentiam non crenatis. cres.

Tertiam & quintam species invenio in Catalogo Hort. Reg. Parisiensis.

4. *Melilotus magno semine* [rectius folliculo,] *rotundo, rugoso* J. B. Mel. Italica folliculis rotundis C. B. Italica Park. Italica & Patavina Ger. Italian Melilot.

J. B.

Duorum cubitorum altitudinem assequitur, *radice* simplici, rectâ, lignosâ, alba, gracili. *Caulis* angulosus, purpurascens, rigidus, lævis, arcto tubulo pervius, plurimis ramis brachiatus. *Folia* trigemina pediculis rubescentibus fescuncialibus & longioribus appensa, inferiora lata, cordata, per margines aequalia, superiora minora, angustiora, crenata, *Flores* melini, vulgaris Meliloti sed majores, in spicas longas ex alis foliorum egredientes digesti. *Pericarpia* rotunda, Pisi minoris magnitudine rugosa, *semen* modò unum, modò duo continet. Radicibus quotannis emoritur & semine deciduo se renovat.

5. *Melilotus angustifolia repens, folliculis rotundis* C. B.

C. B. Prod.

*Radicem* habet albam, oblongam, tenuem, capillaceam: à qua *cauliculis* plures semipalmares, rariùs palmares, per terram sparsi prodeunt: circa quos *foliola* oblonga tribus petiolis pediculo infidentia, quæ lævia sunt & per margines crenata: ex quorum alis pediculi emergunt tenues, oblongi; quibus *flores* parvi, luteoli, octo, novem, decem, & quandoque plures, alternatim dispositi affiguntur. His totidem folliculis rugosi, singuli *semen* unicum continentia succedunt.

Montispeffuli in arvis & ad pedem montis Lup.

Locum.

6. *Melilotus nova Berardi, seu erecta folliculis rotundis minor.* The lesser round-rodded Melilot.

Præcedente [Italica] omnibus suis partibus minor est; *caulibus* cubitalibus & altioribus, erectis, rotundis, virentibus; nec enim caules, nec foliorum pediculi rubent, ut in præcedente. *Folia* multò quàm in Italica minora, minùs glauca, aliàs similia, inferiora nempe lata & cordata ferè, per margines



gines aequalia; superiora longa, angusta, circum oras crenata, supremis mucronibus obtusis & velut abscissis. Flores similiter melini, at minores, in spicis ex alis foliorum superiorum egressis, crebriores quam in præcedente, quibus succedunt *Pericarpia* rotunda rugosa. Radix alba simplex quotannis emoritur.

Locus.

Provenit in montosis pratis Delphinatus Galliae.

- \* 7. *Melilotus lutea minor, floribus & siliculis majoribus, spicatum & rard dispositis, foliis angustioribus, maculis sub exortum notatis* Moris.

Moris.

Caulis profert ejusdem altitudinis cum præcedente, sed magis ad rubedinem inclinantes: Folia quam illius angustiora sunt, & sub exortum maculis subrubentibus afficiuntur. In summis ramulis proveniunt spicatum flosculi lutei, præcedentis majores, quorum singulos singulae sequuntur siliculae, majores & rarius dispositae, spicatum pariter pendulae, in quibus continentur semina duplo majora seminibus præcedentis.

Ex seminibus Chalepo transmissis Oxonii orta est.

- A. 8. *Melilotus minor* Trag. *Trifolium luteum minimum* Ger. emac. Park. *pratense luteum capitulo brevior* C. B. *prat. luteum mas flore minore, semine mulso* J. B. *Small pello* Trefoil, or *Melilot Trefoil*.

Radice nititur simplici, lignosa, altè in terram descendente, fibris aliquammultis tenuibus, quibus granula seu tubercula subinde appensa sunt, donata. Cauliculos fundit plurimos, humi procumbentes, pedales & longiores, striatos, brevi admodum lanugine hirsutos, ramosos, foliis ad intervalla vestitos in eodem pediculo ternis, obscurè virentibus, obtusis, per margines crenatis, brevi & vix conspicua lanugine averfa præcipuè parte obsitis. Ad imum folii pediculum ubi cauli apponitur appendices duæ in acutum terminatae membranaceæ caulem amplectuntur. Quæ è radice exeunt & in imis caulibus sunt folia, minora sunt, longioribus pediculis, & plerunque cordata. Ex alis foliorum pediculi exeunt fuscunciales, tenues, spicas sustinentes flosculis parvis, luteis aggestas, quos excipiunt *pericarpia* compressa, rugosa, per maturitatem nigra, semina continentia.

Locus.

In pascuis frequentissimum est.

- \* 9. *Meliloto vulgari nostrati affinis, folio minore & angustiore* J. B.

J. B.

Angulosos & prolixos caules profert, minores quam vulgaris Meliloti, divisione pari: folia itidem tergemina & odorata, sed non parum tum longiora, tum angustiora, quam nostratis vulgaris, per ambitum crenata: flores lutei, consimiliter spicati, sed singuli minores: *pericarpia* circularibus lineis rugosa, singula unicum semen continent. Adeo coactæ brevitatis reperitur interdum, ut palmm non superet, radice prolixa & simplici.

Hujus figura quæ habetur apud J. Bauhinum rectè refert plantam quam D. Magnol pro Meliloto angustifolia repente folliculis rotundis C. B. habet, in saxosis la Colombiere propè Monspelium inventam: & fortasse una eademque planta est quæ C. Bauhino describitur sub titulo allato, & J. Bauhino sub titulo initio proposito. Descriptionem C. B. quinto in loco propositam vide & confer.

- \* 10. *Melilotus corniculis reflexis major* C. B. *Mel. Syriaca* Park. *Syriaca odora* Ger. *Trifolium Italicum* sive *Melilotus Italica corniculis recurvus* J. B.

J. B.

Præcelsum est hoc Meliloti genus, trium quatuorve cubitorum, & altius interdum, alis multis brachiatum, iisque crassis satis & firmis. Folia terna, ex brevibus pediculis, Meliloti vulgaris haud multum dissimilia, oblonga, serrata, glabra: è quorum sinu pediculi exeunt palmares, in cacumine comantibus onusti floribus Meliloti Syriacæ, luteis, odore fragranti & pertinaci: quos filiquæ sequuntur falcatae, unciales, compressæ, striatae, gemino versu alato pendulae.

In Syriaca filiqua videtur magis curva falcatave, in Italica minus, propter degenerationem, ut vult Lobelius.

Locus.

In Gargano Apuliæ monte provenit, Matthiolo referente. Seminibus Syriacæ Patavii satis corniculis exiit minus falcatis, & ignaviore odore.

Melilotum alteram pusillam Londinensem Ad. Lob. C. Bauhinus huc refert.

11. *Melilotus Messanensis procumbens, folliculis rugosis sublongis, spicis florum brevioribus.*

Plantam hanc in lingua illa fretum Siculum & Portum Messanensem interjacente observavimus, loco humido. Rami in terram procumbebant: flores lutei in spicas breves congesti: Siliqua sublongæ, sed breviores quam Meliloti Syriacæ, circularibus lineis rugosæ, per maturitatem ex flavo albicantes; semina quam vulgaris Meliloti majora.

Locus.

In lingua portum Messanensem à Freto Siculo dirimente, loco humido collegimus.

- A. 12. *Trifolium Meliloto affine Ornithopodii filiquis, rectius ad Trifolia filiquosa refertur.*

E radice alba simplici multos emittit cauliculos in terram reclinatos; in humidior aut pinguiore solo palmares aut tesquipalmares, aliàs vix quadrantales, satis crassos pro plantulae modulo, solidos & non concavos, ramosos. Foliola perexigua, è membranacea appendice cauliculos amplectente exeunt,



eunt, pediculis prælongis circa margines velut spinulis dentata, obtusa aut extremis subrotunda. E foliorum sinibus exeunt pediculi semunciales aut breviores, tres plerunque *flosculos* pallidè purpureos sustinentes, (interdum binos vel etiam unicum,) quibus succedunt totidem *siliquæ* crassiusculæ, curvæ, recurvæ, feminibus majusculis arctè stipatis ad octo aut decem farctæ, per maturitatem pal-  
lentibus.

In aggeribus ad mare arenosis, & alibi etiam in Mediterraneis occurrit.

Locus.

- \* 13. *Melilotus Egyptia Alchimelech vocata* J.B. *Melilotus Egyptiaca* Park. Mel. 'corniculis re-  
flexis minor. C. B.

Alpin.

Supra terram expansa planta est, parva, modicè repens, ferè nihil aut parum in altum se attollens: *foliis* Trifolii *siliquosi* minoribus tamen, floribusque parvis, multis, longis, racemi modo ordinatis, croceis, odoratis, à quibus promanant *siliquæ* parvæ, obliquæ; *semen* continentes minutum, rotun-  
dum, subnigrum, declinans ad rubrum, odoris non omnino expers, sapore stiptico cum aliquo amarore.

- \* 14. *Melilotus Indiae Orientalis* Park.

Park.

Semipedalem altitudinem vix superat, *caulibus* tenuibus, fuscis, *foliis* viridibus, in eodem ped-  
culo ternis, parum aut non omnino dentatis obsitis, non ramosis; quorum fastigia occupant *flos-  
culi* multi, perexigui, flavi; quibus succedunt *capitula* rotunda Meliloti Italici, *semen* parvum, ni-  
gricans, odore valido Meliloti, claudentia. *Flores* valdè remissum aut potius nullum Meliloti odo-  
rem exhalant. *Radix* tenuis, annua.

Plantam hanc cum nondum viderim, an sit vera & genuina Meliloti species me nescire fateor;  
ex descriptione Parkinsoni nihil certi concludi potest. Capitulis & *flosculis* cum Melilotis convenit,  
sed non eorum situ in summis caulibus.

Parkinsonus se semina hujus sub titulo superius posito inter alia rariora ex Italia accepisse  
scribit.

Hanc eandem esse puto Meliloto minimæ rectæ luteæ, *siliquis* crassis curtis in capitulum conge-  
stis semine Fœnugræci Morisoni, cujus idcirco descriptionem subijciemus.

*Melilotus minima recta lutea, siliquis crassis curtis in capitulum congestis, semine Fœnugræci Moris.*

Moris.

Reliquas Melilotos parvas, procumbentes excedit magnitudine & latitudine foliorum, quibus  
proximè accedit Meliloto luteæ Italicæ folliculis rotundis rugosis. Vix pedalem attingit altitudinem.  
In cymis caulium *flosculos* profert plurimos, satis raros, luteos; quibus succedunt *siliquæ* parvæ curvæ,  
crassiores prædictarum omnium Melilotorum *siliquis*; in quarum singulis continentur *semina* bina,  
ternave, satis magna, ab angulo ad angulum Fœnugræci modo cavata.

- \* 15. *Melilotus Syriaca seu Chalepensis, major, coronata, siliquis curvis biuncialibus* Moris.

Moris.

*Caules* producit pedales, rectos; in quorum cymis proveniunt *flores* lutei, capituli in modum di-  
gesti, ejusdem cum cæteris magnitudinis: quorum singulis deciduis succedunt *siliquæ* singulæ,  
usque ad numerum denarium, compactè junctæ, communi petiolo propendentes, curvæ, binas  
uncias longæ: in singulis continentur plurima *semina* recentia flavescentia, quæ tandem subruffa  
evadunt.

E semine à D. Huntington Chalepo Syriæ emporio transmissio Oxonii in Horto Botanico Academ- Locu-  
enata est.

16. *Trifolium Americanum* C. B. J. B. Park. *Americum* Ger.

Trifolio bituminoso simile, *caules* fert à radice complures, rotundos, ramosos, in latus declinantes:  
*folia* colore in virore subnigra, figurâ rotundiuscula, primis & è radicibus exeuntibus bituminosi Tri-  
folii formâ, colore & odore quoque quadantenus similia, latiora tamen & per ambitum magis cre-  
nata. *Flores* in summo ramulorum exeunt exigui, subcandidi, spicatum digesti. *Fructus* inde ro-  
tundi, aliquantulum plani, Aphaces à nobis (inquit Dodonæus) descriptæ semini fere similes. *Radix*  
in plures dividitur.

Melilotis annumeravimus quia *flores* in spicis è foliorum alis egressis pinguntur.

17. *Melilotus vesicaria Cretica* hort. Altdorf.

Hujus ramulum habemus ex horto Altdorfino. Perfimilis videtur Meliloto Italicæ, verum major,  
vasculis seu filiculis vesicæ instar inflatis, majoribus, pendulis.



## CAP. V.

De Trifolii floribus magis siliquosis, siliquis angustioribus &amp; productioribus, &amp; primò

De Fæno Græco dicto.

**F**OEnugræcum, ità enim in Columellæ & Plinii codicibus scribitur, Græcis *πῖλος*, à Veteribus pro jumentorum pabulo feri solitum est. Notæ ejus sunt siliquæ productiores, incurvæ, compressæ, seminibus angulosis, lineâ ab angulo ad angulum depressâ sulcatis, repletæ.

1. *Fenum Græcum* Ger. *Fenugræcum* J.B. *Fenum Græcum sativum* C. B. Park. *Fenu-*  
*greek.*

*Dod. f. B.*

*Caulem* emittit singularem, tenuem, virentem, intus concavum, in alas ramósque divisum, [se-  
micubitum non excedentem *Cæs.*] *Folia* pratenfi Trifolio similia, rotundiora tamen ac minora,  
[majuscula, crenata, modò oblonga, modò latiora quàm longiora *f. B.*] quæ superiore parte vi-  
rent, inferiore verò parte ad cineritium inclinant. *Flores* ex foliorum alis exeunt, Lupinorum pa-  
res, aut potius minores, subcandidi: *Siliquas* longas palmares & sesquipalmares profert, brevissimis  
pediculis hærentes, falcatas, graciles, angustas, compressas, mucrone tenui, longo, inani, in qui-  
bus *semina* non magna, formâ oblongâ, ferè quadrata, flavescentia, odorata [cum gravitate non-  
nullâ] cavitare quâdam singulis oblique impressâ. *Radice* nititur tenui, candida, simplici, lig-  
nosa.

Multis in locis feritur, ubi sponte oriatur proditum non invenio.

*Vires.*

Farina seminis (quod solum in usu est) emollit, digerit, maturat, discutit, paregoricum est,  
usûsque adeò famosi, ut cataplasma dictarum intentionum Chirurgis vix usitatum sit, quin Fœnu-  
græcum vel hujus mucilaginem recipiat. Crebrique usûs est in clysteribus emollientibus; mucilagi-  
nosâ quippe suâ substantiâ obtundit acrimoniam, intestinâque erosa oblini: insuper conducit ejus  
mucilago ad oculorum sugillationes discutiendas imposita. *Schrod.*

Decoctum, secundum Veteres, quos consule, fœminarum malis plurimis subvenit.

Ad Ischiadem; R. Fœnugræci in melicrato cocti usque ad dissolutionem q. v. quod deinde con-  
tundatur & cum melle iterum coquatur, extensumque super pannum applicetur: confestim juvat &  
ad podagram, & ad omnem dolorem articulare inquit Bayrius. Hanc observationem inter alias  
multas à se ex variis Autoribus collectas ad me transmissit Eruditissimus & amicissimus Vir D. Edv.  
Hulsius, M.D. Londinensis.

Certissimum est Fœnugræcum optimum esse ophthalmicum, & notavi in quodam puero, qui  
post purgationem syrup. foliorum Senæ cum tantillo radice Mechoacanæ sequenti remedio spa-  
rio tridui omnino discussam esse sugillationem adnatæ oculi tunicæ, quam violentior Epilepsie in-  
sultus invexerat. R. pulp. pomorum dulcium ad consistent. pulvis in f. q. aq. Fœniculi & Verbenæ  
coctæ s. s. agita per setaceum novum. Deinde add. mucilag. Fœnugræc. aq. ros. extract. 3j. Lapi-  
dis hæmatitis exquisitè triti 3j. Camphoræ, Tutie præparatæ 9j. Boli Armeniacæ parum, Aq. ro-  
sæ q. s. F. epithema pro oculis. *Ex ejusdem* notis è Sim. Paulli Quadrip. Botan. excerptis.

Tumores mammarum frigidis applicetur farina Fœnugræci cum succo Apii mixta. D. Barnb.  
*Soame* ex Observationibus Marcelli Cumani è Velschio editis. Obs. 44.

2. *Fenugræcum sylvestre* Dalechampii J. B. *sylvestre* C. B. Park. Ger. emac.

*f. B.*

Minus est sativo, caule tamen dodrantali interdum. *Folia* gerit terna, & inter hæc flores per to-  
tum caulem corniculatos: *Siliquas* multò breviores, sescunciales, recurvo vacuòque & tenui mu-  
crone donatas, quàm in sativo tamen latiores; *semen* quidem continentes minus: *Radice* longam,  
lignosam, furculosam.

*Locus &  
Tempus.*

Montepelio attulit Cherlerus collectum in via Frontignana versùs *Balleruch*, florens Maio & Junio,  
Julio siliquas ferens. Copiosè etiam oritur ad lævam Ladi amnis ultra pontem *Castri novi* in colle  
dicto *Ferrand. Botan. Monsp.*

\* 3. *Fenum Græcum sylvestre alterum polyceration* J. B. *Fenum Græcum aliud sylvestre* Park.  
*Fen. Græc. sylvestre alterum* Dod.

*Lob.*

*Folia* Fœnugræci æmula, nonnihil etiam ambitu serrata. *Flores* exiles Scorpioidis leguminosæ  
Narbonicæ: agro calidiore, iisdem natalitiis quibus Scorpioides gaudet. *Siliquæ* succedunt oblon-  
gæ, graciles, minùs aduncæ, quaternæ aut quinæ, *semen* parvum claudentes.

Hortis hic duntaxat quibusdam reperitur, Hispaniâ delato semine.

Hedysarum minimum *Lugd.* C. Bauhinus hujus synonymum facit, J. Bauhinus sequentis, ut &  
Fœnum Græcum sylv. alterum *Dod.* sed dubitanter: unde verisimile est has non differre specie.  
Certè Montepelienfes plantam sequentem nobis ostenderunt pro Fœno Græco sylvestri.

Quod si ita sit, icon *Lob.* & *Dod.* minùs proba est, neque descriptio exacta. Breynius Hedysarum  
minimum *Lugd.* à Fœno Græco sylvestri altero *Dod.* specie diversum esse concludit: Nobis nondum  
constat: maneat tamen interim, si videtur, separatæ.

4. *Securidaca*



4. *Securidaca* genus triphyllon J. B. *Hedysarum minimum* Lugd. An *Fanum græcum* sylvestre alterum Dod? *Fæn. græc. sylv. Herbariorum* Lob?

J. B.

Pedales habet, graciles, sed robustos caules, foliis donatos ternis simul junctis, per extrema brevioribus, crenatis: quibus veluti ad caulium articulos, mediocribus intervallis distantes *siliquæ* falcatae verticillatim apponuntur, Meliloti Italicae siliquis pares, denæ aut duodenæ caulem coronantes, semuncia longiores, graciles, striatae.

In collibus propè *Castelneuf* cis *Ladum* *Monspeliacum* amnem.

Locus.

5. *Fanum Græcum sylvestre polyceration majus* *Creticum* *Breynii*.

E radice alba, oblonga, in multas fibras divaricata caulem sesquipedalis aliquando longitudinis emittit, qui statim propè radicem in plures ramos virentes, ac terræ plerunque incumbentes dividitur; à quibus alii minores exeunt ramuli, qui ut ceteri foliis vestiuntur numerosis, *Fœnugræci* sylv. polycerationi *Monspeliaci* paribus, nisi aliquanto majora, cordata, venis eminentioribus prædita, ac per extremum minus crenata essent. E foliorum alis *flosculi* luteoli, plerunque terni vel bini tantum, *Monspeliaci* multò majores, longioribusque pedicellis innixi emergunt: hi in *siliquas* dependentes, falcatas & admodum venosas, triplo *Monspeliaci* majores. *Semina* lutea, icidem grandiora, Galegæ non malè convenientia continentes, abeunt.

In *Creta* sponte provenit.

Locus.

## C A P. VI.

*Reliqua Trifolia siliquosa miscellanea continens.*

1. *Tripholium Asphaltion Canadense* *Cornuti*.

Corn.

**F**rutex hic ad cubiti altitudinem in *America* Septentrionali attollitur: *Virgam* habet tenuem junceaam, atro-purpuream, quæ statim ab infima parte *Squidus*, h.e. ramulares propagines emittit; Summitate in plures diducitur, à quibus folia Loto arbori similia prodeunt, acutiora tamen & angustiora, qualia *Ægopodia* *Dioscorides* nominare consuevit, leviter etiam hirsuta sunt, ac velut oleosa pinguedine obrita, ex uno longiori pediculo nascuntur. Hæc defracta aut ex attritu non olent, verum cum levius attrectantur, oleosus hic humor digitis apprimitur, molestus gravitate odoris, qui quidem odor in novella planta Rutæ est, in adultiore hirci aut bituminis. Cujusque rami extremum flos occupat purpureus, ut in *Scrophularia* tribus exertis foliolis constans, & uno semper intus reflexo, quod postremum superant tenuia filamenta tria, albo apice donata. Floris foliola intus alba sunt, licet à tergo sint purpurea. Flori succedunt *siliquæ* digitum longæ, æquæ quàm folia hirsutæ, oleosæ, virides, extremo purpureæ, in quibus alveolis discreta conduntur semina, lata, oblonga ut *Cytisi*, medio sinu excavata, ut *Faba purgatrix*, aut renes *Animantium*, quo fit ut intortum veluti corniculum efforment. Radix longa fibrosa, insigni fervore prædita est, ac ferè pari acrimonia linguam mordicat quàm *Anemone*. Annua est, & nonnisi satù perennat.

2. *Mungo* sive *Phaseolus orthocaulis* *Col.* Annot. in res medicas *Novæ Hisp.* Fructus niger *Coriandro* similis *C. B.* *Mungo* *Garcia* *Park.*

Col.

*Mungo* apud *Indos Orientales*, à *Persis* ac etiam à *Turcis* dicitur *Masc*; quod ab *Hispanis* diceretur *Max*. Planta est tripedalis, hirsuta tota, foliis *Phaseoli* nostratis effigie & magnitudine, albicante hirsutie obrita, caule erecto non procumbente, angulis quinque distincto, singulisque geniculis auriculatis ut in *Phaseolo*, nunc in dextram, nunc in sinistram inflexo, alternatim longis petiolis hærentibus, & ad cacumen usque semper decrescentibus. In summo ex foliorum alis breves producuntur petioli Septembri mense; in quibus flores parvi, ex viridi lutescente colore languido, *Phaseolo* similes, ex quibus *siliquæ* hirsutæ, triunciales, in rostrum incurvum desinentes, per maturitatem rufescentes, in quibus dena semina distincta continentur, primum virentia, oblonga, teretia, ut in *Phaseolis* latere hærentia, in quibus est linea alba, sed non incurva; & perfecta nigrescentia, exiguis *Castaneis* maculis variegata.

Apud *Orientales* cibo frequens est elixum semen & butyro conditum, uti alia legumina, è quibus *Ufus*, hoc in deliciis habetur, & suavius ac jucundius aliis videtur.

Sato semine post aliquot dies germen extra terram exurgit, turgidum capite bifido, ferè ex petiolo purpureo-rubente. Postea hians emittit parumper foliola in summo seminis corticem deferentia; tertio magis emissa foliola conjuncta ostenduntur, adhuc seminis corticem habentia: quarto expansa foliola ex germinis medio erupta: deinde caulem emittit, & in singulis geniculis terna foliola, plantaque perficitur.

*Garcia* semen *Mungo* viride per maturitatem nigrum fieri tradit, *Coriandri* ficci magnitudine; equorum pabulum esse, interdum etiam ab hominibus edi. Nihil habet quo quis legumen esse suspicari posset.

*Guzarate* & *Decan* incolæ, eodem *Garcia* referente, in febribus hoc modo utuntur. Febricitans cibo abstinet per decem, nonnunquam per quindecim dies, post quos hujus fructus decoctum illi propinatur,



propinatur, in quo nonnihil pulpæ remanserit; deinde cortice delibratum *Mungo*, & instar Orizæ coctum febricitanti exhibent: panem verò Triticeum nonnisi post multos dies.

Quæ Avicenna de hac, ut creditur planta, sub nomine Meisce sive *Mex* habet. Vide apud ipsam Lib. 2. tract. 2. p. 499.

Columna autem nec ubi vidit, nec unde aut à quo habuit hanc quam describit plantam nobis retulit.

Hæc planta tota facie Phaseolum refert, in eo tantum differt, quod non scandat, sed erigatur & per se subsistat: Rectius ergo ad Phaseolos refertur, quamvis nostra Methodus id non patitur.

3. *Trifolium Alpinum Rbeticum Astragaloides* J. B. *angustifolium Alpinum* Park. Ger. emac. *Alpinum flore magno, radice dulci* C. B. *Liquorice or Sweet-rooted Trefoil.*

Non ita obvium alibi quam summis montium jugis hoc Trifolium, cui *radix* crassa, longa, in plura capita aliquando divisa, terram versùs comosa, substantiâ albâ, dulci: ex qua pediculi germinant longiusculi, ima parte vaginam imitati. *Folia* tria, oblonga, uncialia aut sextantalia, angusta, acuminata, glabra, obliquis venulis intertexta. Inter hæc surgunt *cauliculi* nudi, enodes, vix foliorum cacumen attingentes: quorum fastigio insident glomerati *flores*, magni, rari, purpurei. *Semen* Cracæ minoris, compressum in *siliquis* semuncialibus, foliaceâ vagina textis.

Locus.

In Rhætia in monte prope Burmium invenit J. Bauhinus, mensè Junio florens.

Pona radici saporem subamarum attribuit, uterque Bauhinus dulcem, unde & plantam ipsam *Glycyrrhizæ Astragaloidem* quibusdam dictam refert C. Bauhinus, sibique ex Hispania *Glycyrrhizæ Hispanica* nomine missam ait. Fortè variat radicis sapore pro loco natali, non enim tot curiosos gustatores in radicis sapore falsos fuisse facile crediderim.

In Horto Dei dicto apud Monspelienfes multò majus invenitur C. B. unde delatum nobis Monspelii ostensum est.

\* 4. *Trifolium Glycyrrhizites* Park. *Trif. dulce montanum Monspelienfis.*

*Radice* nititur crassâ, longâ, profundè in terram descendente & variè diffusâ, *Glycyrrhizæ* perisili; è cujus capite emergunt *ramuli* aliquot, *foliis* frequentibus vestiti, ab eodem exortu ternis, oblongis & angustis, circa margines æqualibus, pediculis brevibus nixis: pediculi indè seu furculi exeunt breves, *flores* in spicas congestos sustinentes purpureos, Trifolii pratensis æmulos.

An & quomodo à præcedente differat considerandum: Lobelius diversum affirmat. Idem est proculdubio ei cujus meminit C. Bauhinus sub priore quod in Horto Dei apud Monspelienfes multò majus inveniri ait: nam & hoc ibidem loci oritur, referente Parkinsono.

\* 5. *Trifolium peltatum Creticum* C. B. J. B. *odoratum, peltatum Creticum* Park.

C. B. prod.

Ex *radice* tenui, oblongâ, fibrosâ *cauliculi* exurgunt palmo minores, glabri, penè nudi, *foliis* parvis, parum crenatis, oblongis pediculis donatis vestiti. *Cauliculorum* summis *flosculi* quaterni quinive, ordine succedentes, formâ Ornithopodii, luteo-pallidi insident: quibus *siliquæ* luteæ, planæ, membranæ, quasi semicirculares, in filamentum abeuntes, *semen* unum vel alterum parvum, compressum continentes, succedunt: quæ dum molles sunt dulcissimæ, esui aptæ, at ubi induruerint amarissimæ.

Hoc rusticis in Creta *Macvelas* dici Honor. Belli auctor est, qui Trifolii Cretici odorati nomine misit.

Trifolii quoddam genus observavi in agro Neapolitano annuum, erectum capitulis è glumis acerosis conflatis. Florem non vidi quia tum circa finem Junii jam defloruerat.

6. *Scorpioides Matthioli* Ger. *Scorpioides Matthioli sive Portulacæ folio* Park. *Telephium Scorpioides* J. B. *Telephium Dioscoridis seu Scorpioides ob siliquarum similitudinem* C. B. Item *Scorpioides Portulacæ folio* ejusdem ex sententia Parkinsoni & nostra.

J. B.

Ex gracili *radice* aliquot emittit *ramulos*, palmares & sesquipalmares, tenues, teretes. *Folia* rara, brevi pediculo annexa, Portulacæ minus succulenta, lævia, indivisa, [candicantia *Cæs.*] quibus subsunt bina, exigua, circinata, Coluteæ Scorpioidis formâ & magnitudine. In summis ramulis *flosculi* exigui, Lentis floribus minores, perisili tamen formâ, colore luteo: quibus *siliquæ* succedunt, Scorpionum caudas imitant, crebris internodiis interceptæ intortæque, graciles, prælongæ.

Locus & Tempus.

Circa Liburnum, Messanam, Monspelium abundè oritur, Aprili, Maio & Junio florens, brevique siliquas & semina perficiens.

Rectius fortè inter Legumina siliquis articulatis collocaretur.

7. *Trifolium siliquis Ornithopodii nostras*: vide inter *Melilotas*; rectius tamen hac refertur, ob flores sparsos & siliquas longas, quibus à *Melilotis* differt.



C A P. VII.

De Trifoliis siliquis brevioribus seminibus deliquium passis, seu De Anonide.

- A. 1. *Anonis spinosa flore purpureo* C. B. Park. *An. five Resta bovis* Ger. *An. five Resta bovis vulgaris, purpurea & alba spinosa* J. B. *Rest-harrow, Cammock, Pettip-whin.*

7. B.

**L**ongè latèque *radices* spargit albidas, fractu contumaces: *ramis* verò lignosis, simplicibus & frequentibus fruticat, cubitum unum aut alterum longis, tenuibus, rotundis, hirsutis, rubescentibus, lentis, spinis longis & rigidis armatis, interdum verò nullis priusquam decidunt folia. *Folia* spinis ferè proximo ortu, incondita, sublonga, Ciceris singularibus foliis similima, nigricantia, hirsuta, in ambitu crenata, sapore leguminoso, tactu glutinosa, odorataque [imò foetida.] *Flores* Coluteæ sed colore purpurascens vel carneo, rariùs albo. *Siliquæ* parvæ rotundum *semen* continent, Viciz formâ & sapore.

*Anonis spinosa lutea major* C. B. *spinosa montana lutea major* Park. foliis paulo majoribus & longioribus, floribus luteis, ejus quæ spinis caret similibus à descripta differt.

Aliam adhuc speciem seu varietatem proponit Parkinsonus, quam spinosam luteam minorem vocat, quæ non alia in re quàm brevitate & parvitate sua à præcedente differt.

In pascuis sterilioribus passim.

Locus.

Cortex radices, ut & radix ipsa, urinam ciet, calculos renum & vesicæ atterit, carnosam ramicem absumit, dentium dolores mulcet, hepatis infarctus liberat, vel in pulverem redactus, & vino albo tenui infusus, vel in posca decoctus, & aliquandiu bibitus.

Hujus radici, aut potiùs radices cortici (inquit Sim. Paulus) vix suppar remedium reperitur, quod cum eo componi queat, tam in vesicæ quàm renum calculo. Matthiolus in Dioscor. notat, se novisse quendam, qui radices hujusce pulvere duntaxat pluribus mensibus sumpro carnosum ramicem absumpsit, licet à medicis nullo alio modo quàm sectione ustionéve curari posse statutum esset.

Hæmorrhoidibus cæcis mariscisve discutiendis infusum aliquandiu bibitum prodest.

Antequam spinas protrudit conditur cum sale pro cibario. *Schrod.*

- A. 2. *Anonis non spinosa purpurea* Ger. *non spinosa flore purpureo* Park. J. B. *spinis carens purpurea* C. B. *Purple Rest-harrow without prickles.*

Clus.

Multos annuatim ex radice dura lignosa & perenni fert cubitales, nonnunquam longiores *sarcu-los*, rotundos, lentos, firmos tamen, ramosos, molli lanugine obductos: multa folia alternatim caulem latâ basi amplectentia, plerunque terna ex eodem pediculo prodeuntia, interdum singularia, molliora & ampliora quàm vulgaris: summa virgæ & rami desinunt in oblongam spicam *florum* vulgari quidem similibus sed coloris magis sanguinei. Fert deinde *siliquas* vulgari per similes, & ipsum etiam *semen*. Tota planta lento quodam humore & hircinum virus olente obsita est, Fraxinellæ ferè odoris instar: nullo autem aculeorum vallo munita est.

Silesiaca prata hoc genus alunt.

Locus.

Descriptio Clusii in omnibus ferè convenit *Anonidi nostræ vulgaris non spinosæ purpureæ*, non tamen icon. *Anonis* enim non spinosæ nostras spinosæ alioqui similis est; cujusmodi D. Agerium fibi dedisse refert J. Bauhinus, in Slavonia collectam.

In pascuis sterilioribus & agrorum marginibus passim provenit nostras, quam Clusianæ eandem esse vel hircinus odor, quem in ea observavi, mihi persuadet.

Locus.

3. *Anonis non spinosa repens* Morisoni.

Morif.

Hæc primo statim intuitu ab Anonide vulgari spinosa discernitur, primò quòd non donetur spinis; secundò, quòd radice longè latèque repente prædita sit.

Hanc autor in multis Galliæ & Angliæ locis, præcipuè circa Oxonium provenire scribit, & æstate florere. Si à præcedente specie diversa mihi incognita est.

4. *Anonis non spinosa purpurea supina minima.*

Hanc in sterilioribus Calabriæ juxta mare observavimus. Fortè *Anonis* æstiva minor floribus rubris Boelii Park.

5. *Anonis purpurea spicata erecta, annua latifolia, siliquis rectis lentiformibus* Morif.

Morif.

*Caules* huic sunt bipedales, nonnunquam in solo latiore tripedales, erecti, nullis spinis donati, quibus adhærent pediculis satis longis tergemina folia, satis ampla, bis tève *Anonidis* vulgaris spinosæ foliis longiora (præcipuè inferiora) serrata, non viscosa. In caulium summis fastigiis spicatim proveniunt *stosculi* plurimi, minores, purpurei, papilionacei: quibus fatiscens succedunt *siliculae* lentiformes, bivalves, erectæ, curvæ, & suis calycibus immerse quasi, & vix extra eosdem conspicuæ, vulgaris *Anonidis* ritu, sed densius multo in spicam compelluntur; *semina* minuta reniformia, seu deliquium in medio patientia continentes.

6. *Anonis*



- \* 6. *Anonis purpurea procumbens verna seu præcox fruticosa annua, viscosa, filiquis crassioribus lentiformibus, variis dispositis* Morisoni.

Morisoni.

Caules protrudit pedales & longiores, ligneos, duros; ad quorum singula genicula oriuntur folia tergemina, rotunda, valde crenata; atque pediculis curtis, ex geniculis ortis innituntur flosculi papilionacei, dilute rubri: quorum singulis succedunt filiquæ singulæ, bivalves, continentes semina satis magna pro proportionem plantæ.

Junio & Julio florentem observavit descriptionis autor: Verum nec hujus, nec præcedentis locum natalem novit.

- \* 7. *Anonis lutea sylvestris minima* Col. *Anonis spinosa lutea minor* C. B. *montana spinosa lutea minor* Park.

Col.

Pusilla hæc satis est, nec semipedem superat caulis altitudine; è radice dodrantali, tenui, nuda, nigra. Ex illa plures fruticant tenues cauliculi, veluti squamosi auricularum cartilaginibus exictis: è quibus folia exigua, vulgaris Ononidis modo terna, & per ambitum dentata exeunt: inter quorum & cauliculorum sinus quinquepartiti oriuntur singuli calyces, respectu plantæ magni, rigentibus foliolis, angustis, oblongis, aculeatis constructi; in quibus post flores luteos, exiguos ut à calyce occidantur, filiquæ suboriuntur rotundæ, breves admodum, semina renum effigie incurva, exigua, Phaseoli similia continentes.

Locus.

Augusto floret in Æquicolum inculis, depressis aridis locis, à Villa Mercato via ad molendum. Quærit D. Magnol, annon hæc sit Anonis pusilla glabra fruticans Trifoliis affinis J. Bauhino?

8. *Anonis lutea, parva, procumbens, maritima. Anonis maritima mitis folio lucido serrato* Bocconi fortè.

Radice alitur albâ, longâ, simplici, raris fibris capillatâ [in nonnullis fibræ plures sunt & majores] Cauliculi inde exorti plures, teretes, villosi, nonnihil rubentes, humi procumbunt. Folia parva, tripartitè divisa, pediculis nullis: (verum inferiora duo foliola caulem amplectuntur ut in Lotus fit, ac proinde hæc planta eodem modo trifolia est quo Lotus quinquefolia) saturè viridia, splendentia, in margine eleganter dentata, alternatim posita. Flores lutei Anonidis. Siliquæ breves, tumidæ, teretiusculæ, duobus intus seminum reniformium ordinibus. Annua est planta, mitis nec aculeis prædita.

Locus.

In arenosis maris litoribus in Sicilia frequentissima est, Catanæ, ad Promontorium Pachynum, Punto Cerciolo, &c. Addit Bocconus, Saccæ Agrigenti & alibi passim. In Maremma Hetruricæ etiam nota est.

Ni trifolia esset, ad genus Leguminum filiquis geminatis referri deberet. Planta est singularis & sui generis.

9. *Anonis viscosa spinis carens lutea major* C. B. *lutea non spinosa, Dalechampia Natrix* J. B. *Natrix Plinii sive Anonis non spinosa lutea major* Park. *Anonis sive Spina lutea* Ger. *Heliolepis* Harrow.

Caules ex eadem radice plures exurgunt, rotundi, pedales atque etiam cubitales, in multos ramos divisi, spinarum expertes. Folia Anonidis vulgaris, hirsuta, pallidè viridia, alternatim posita, per extremum crenata seu potius dentata. Flores Genistæ vulgaris, lutei, pediculis oblongis insidentes, qui ultra florem nonnihil procurrunt: nam petiolus ille è quo flos immediatè dependet, ex hoc modò dicto pediculo longo erectoque exoritur. His succedunt filiquæ longiores strictioresque quam in vulgari Anonide, [unciales J. B.] teretes, hirsutæ, semen continentes pullo colore, Cam. Herba tota hirsuta est & ad tactum glutinosa seu pinguis, graviter odorata, ut reliquæ congeneres.

Locus.

Primò hanc observavimus in arenosis insulæ exiguæ à Promontorio Siciliæ Pachyno dicto, nunc Capo Passaro, vi maris nuper abruptæ: deinde ad fluvium Arve propè Genevam; tandem circa Monspelium copiosè.

Planta quam in Sicilia observavimus major & elatior videtur ea quæ circa Genevam & Monspelium oritur, foliis etiam majoribus, floribus, quantum ex ficea discernere licet minimè striatis.

- \* 10. *Anonis non spinosa flore luteo variegato* C. B. *non spinosa lutea variegata* Park.

A descripta differt floris colore, qui luteus sed pallidior est, & lineis subrubris variegatus.

11. *Anonis pusilla, glabra, fruticans, Trifoliis affinis* Cherleri, J. B. *An Ononis sylvestris lutea minima* Col? *superius posita.*

J. B.

Lignosis palmaribus & brevioribus fruticat surculis, subrubentibus, tenuibus, glabris: quos folia stipant crebra, tergemina, glabra, viridantia, circumcirca crenata, oblonga, Medicæ nostratis foliis quadantenus similia: ex quorum sinu prodeunt per totos ramos flores majusculi, conformatione leguminosorum, lutei, calyce in quinque segmenta flore longiora, acuta, ex rubro nigricantia diviso. Succedunt filiquæ turgidæ, nigricantes glabræ, Craccæ minimæ minores, semina quatuor aut quinque sinuata continentes.

Locus.

In collibus sterilibus Narbonensis Galliæ, inter Illices, Thymos aliòsque frutices multa:

- \* 12. *Anonis*



\* 12. *Anonis non spinosa floribus luteis Brasiliana Marggravii.*

Multi caules, teretes, lenti, pilosi, ex una radice enascuntur, longi, partim humi procumbentes, partim surrecti, ad tactum quasi pinguisculi seu glutinosi: e quibus hinc inde alternatim, & quasi se amplecterentur in exortu, prodeunt ramuli, quos eodem modo hinc inde petioli breves complectuntur, atque quilibet tria foliola, quidam etiam tantum unum continent; suntque foliola oblonga, angusta, nervo secundum longitudinem & venulis obliquis inferne prædita, & leviter pilosa. Flosculos ex sinu prodeuntes fert luteolos Ononidis modo.

\* 13. *Trifoliis affinis Anonis minima hirsuta Cherleri J. B. An Anonis viscosa spinis carens lutea minor vel An. viscosa minor flore pendulo C. B?*

J. B.

Pari cum lutea minima glabra assurgit altitudine, lignosa duraque & albicante demissa radice, in multos ramulos hirsutos, rubentes, vel incanos fissa: folia terna, angustiora, longiora, per extremum duntaxat crenata, alioqui cæsuræ ignara, hirsuta: calyces per ramos crebri, magni, pilosi admodum, in quinque longas aristas desinentes, pediculo contorto, deorsum terram spectantes, cancellis suis florenti complexi parvum, cætera albidum, rostellum ferrugineo. Tota est tactu viscida.

In rupetis Monspehiacis & Nemaufinis utcumque obviam animadvertit & legit Cherlerus. In af. Locu. peris versus Miravallem circa rupes quæ antro imminet, & supra Boutonnetum versus Monferrier. Botan. Monsp.

*Anonis viscosa minor flore pendulo C. B.*

Quam Morisonus precedenti synonymam & eandem facit, in Prodr. sic describitur.

Plantula est semipalmaris, totaque hirsuta: radiculâ alba oblongâ, tenui, partim fibrosa; à qua cauliculi plures, duarum triumve unciarum, exurgunt, iisque tenues, rotundi, foliis parvis, plurimisque ternis ex uno pediculo prodeuntibus, forma & situ vulgaris Anonidis similibus, viscosi, flores parvi sunt, lutei, propendentes, quibus minutum semen in exigua filiqua succedit, & nullis spinis donatur. Ex Gallia Narbonensi habuit.

\* 14. *Anonis lutea annua recta hirsuta, viscosa, filiquis hirsutis brevioribus Morif. An Anon. viscosa spinis carens, lutea, latifolia annua Botan. Monsp?*

Morif.

Ad pedalem altitudinem ascendit, caulibus rectis, ad quorum singula genicula alternatim appenda conspiciuntur folia longiora, trifoliata, viscosa simul & hirsuta, crenata: [latiora & majora quam in Natrice]: atque in cymis caulium proveniunt flosculi papilionacei, lutei, minores, e longis pediculis propendentes; ex quorum summitatibus prostant filamenta rigida, uncialia. Floribus singulis evanescentibus singula succedunt filiquæ bivalves, hirsutæ, viscosæ, semina in se continentia reniformia reliquarum Anonidum more.

*Anonis viscosa spinis carens lutea latifolia annua Botan. Monsp.*

Magnol.

Caulem habet elegans ista Anonidis species pedalem & sesquipedalem, in plurimos ramos divisum, villosum: folia terna ex eodem pediculo propè ramum foliaceo prodeuntia, villosa, latiora & majora quam in Natrice Plinii. In summitate ramulorum spicæ velut florum oriuntur, qui lutei sunt, calycibus foliorum viridum villosorum circumdati. Siliquæ parvæ, latæ, leviter pilosæ unum, duo, & aliquando tria semina rotunda, subnigra continent: radix pro plantæ magnitudine satis crassa, sed quæ singulis annis perit. Tota planta viscosa est.

Copiosè reperitur parùm ultra antrum Frontignanense sub ilicibus, juxta viam, Augusto & Septembri mensibus cum flore. Locus & Tempus.

\* 15. *Anonis lutea annua filiquâ glabrâ brevior Morif.*

Morif.

Caulis emittit pedales & altiores, quorum geniculis singulis adherent longis pediculis terna folia viscosa, longa, crenata: in caulium cymis longis etiam pediculis propendent flores lutei, satis magni pro proportionem plantæ, rarè seu singulatim petiolis insistentes: quibus deciduis succedunt filiquæ curtæ, glabræ, propendentes ex calycibus quinquefariam divisæ. Anonidis vulgaris filiquis crassiores multo, in quarum singulis bina ternave continentur semina.

Hujus semina ex Syria habuit, communicata à D. Huntington.

\* 16. *Anonis latifolia Cicer sylvestre trifolium J. B. dicta. Cicer sylv. latifolium triphyllon C. B. Cicer sylv. triphyllum Park. syl. latifolium Ger.*

J. B.

Digitalem demittit radicem, singularem aliquando, aliàs in paucas fibras divisam, lignosam, drantalem, quæ terram versus in plura capita squammata dividi incipiens, ex singulis unum vel plures tollit caules cubitales & in ramos aliquando subdivisos, lignoscentes, hirsutos: Pediculis autem longis tria hærent conjunctim folia, majora quàm sativi Ciceris, rotunda, hirsuta, circumquaque ferrata: flores Ciceris, mediocriter magni, quos filiquæ excipiunt, binæ ferè, ex unico longo pediculo, uncia longiores, hirsutæ.

Genevæ provenit in monte Salevæ J. B. & alibi in Alpibus.

Locu.

\* 17. *Anonis*



17. *Anonis purpurea præcox frutescens flore rubro amplo* Morif. *Cicer sylvestre alterum* Lugd. *Cicer arborescens indicum perenne* Zanoni. C. *sylv. alterum triphyllum* Park.

*Morif.*

Suffrutex est lignosâ materiâ constans, radice crassâ, longâ, lignosâ, multifidâ, cortice nigro testâ, intus candidâ: ramulis multis furculosis: foliis ternis, subrotundis, simul junctis & serratis: flore amplo, rubro Pisi instar, ineunte Vere sese expandente, undè Verna seu præcox dicitur; quibus singulis evanescentibus succedunt siliquæ singulæ, propendentes, hirsutæ, viscosæ, biunciales & bivalves, cum parvo aculeo ad extremitatem, Natricis Plinii siliquis multo crassiores, semina in se continentes pæne duplo cæterarum suæ familiæ majora, & deliquium Anonidum cæterarum more patientia. Bipedali altitudine assurgit, & perpetuâ fronde viret.

*Locus.*

Provenit in montibus Delphinatus, à D. Berardo Apothecario Gratianopolitano detecta.

Hujus ramulum in horto Regio Parisiensi collectum ad me transmisit D. Hans Sloane M. D. & rei herbariz peritissimus.

18. *Trifolium fruticosum spinosum Brasilianum* Marggr.

Ex radice recta, paucis filamentis prædita ad unius aut duorum pedum altitudinem arbusculæ pæne figurâ assurgit, in multos ramulos expansa: suntque caulis ramuli lignosi, atque hinc indè acutis spinis muniti. In pediculis propriis in quolibet ramulo tria foliola sibi sunt apposita, more Trifolii. Hinc inde prodeunt in pediculis digitum longis flosculi, ex viridi albi, magnitudine florum Anagallidis, subcilia staminula in medio habentes. Flosculos sequuntur siliquæ teretes, circiter duos digitos longæ, in quibus semen rotundum referens Limacis concham, coloris epatici. Quando semen est maturum siliquæ sponte diffiliunt & effundunt semen. Herba odorem habet instar Foenugræci.

*Locus.*

Copiosè nascitur in sinu omnium Sanctorum. Ob floris descriptionem imperfectam an ad hoc genus propriè pertineat necne non ausim asserere, aut negare. Staminula tamen subcilia in medio flore huic generi minimè conveniunt.

## CAP. VIII.

### De Medica Sativa & frutescente radice perenni.

**M**edica natales suos ipso nomine fatetur, locumque unde venerit vocabulum indicat, inquit J. Bauhinus. Externa olim Græciæ (verba sunt Plinii) à Medis est advecta per bella Persarum, quæ Darius attulit: hinc Gentile nomen obtinuit.

Gallis *Saint foin* & *Foin de Bourgogne* & *grand Treffe* dicta est: Onobrychis autem vulgaris *Luzerne* seu *Luzerne*; quam Auctor Hist. Lugd. perperam confundit cum Medica sativa. Hinc patet quanto in errore versentur tam Spermatopolæ, tum etiam Agricola nostrates, qui pro Fæno sancto seu Burgundiacum, Onobrychidis seu capitis Gallinacei semen habent.

Hoc genus siliquis paucioribus volutis intortis, iisque non contiguis sibi invicem sed paulò remotioribus à Medica minore annua differt.

1. *Medica major erectior floribus purpurascens* J. B. *Trifolium siliquâ cornutâ sive Medica* C. B. *Trif. Burgundiacum* Ger. *Fænum Burgundiacum sive Medica legitima* Park. *Burgundy Trefoil*, or *Medick-fodder*.

*J. B.*

Valdè quàm luxuriat, obsequioso fœnore cultorem fovens, caulibus ut numerosis ita prolixis: folia terna, oblonga, per extremam oram, quæ obtusa est, crenata: flores copiosi, velut in spicam digesti, purpurascens: siliquæ cornu caprini instar contortæ, in quibus semen minutum & candidum. Radix subest longa, tenuis & lignosa, in multos annos vivax.

*Locus.*

Circa Genevam & Avenionem in Provincia in agris satam vidimus pro jumentorum pabulo. Circa Monspelium spontaneam observavimus.

Siliquæ hujus intortæ quidem sunt sed paucioribus volutis, iisque non contiguis sibi invicem ut unum glomerem efficiant, sed paulò remotioribus.

- A. 2. *Medica frutescens, sive flavo flore Clusii* Park. *Medica sylvestris* J. B. *Trifolium luteum sylvestre siliquâ convexâ, vel Medica frutescens* C. B. *Trif. siliquâ cornutâ* Ger. emac.

*Clus.*

Multos ex eadem radice profert ramos, cubitales aut longiores, humi plerunque fufos, teretes, viminalis & flexibiles, in multas alas divisos: Folia terna uni petiolo inhzrentia, legitimæ Medicæ foliis respondentia, & dorso eminente, sed longè minora. Flores in extremis ramulis confertos, alterius floribus formâ pares, flavo tamen colore, non inodoros: cornicula deinde plana, contorta, corniculorum legitimæ Medicæ instar, angustiora tamen quàm illa: in quibus grana sativæ granis familia continentur, sed paulò minora. Radix legitimæ radici par, crassiuscula, latè sparsa, fibrosa, perennis, singulis annis novos caules profert.

*Locus.*

In montosis & campis patentibus inter segetes, inque aggeribus terrenis floret Junio & Julio.

Flore purpurascens ex viridi variantem observavimus propè Nordvicum urbem; nisi fortè ea fuerat Medica legitima, cum hac specie promiscuè orta, quæ eo loci copiosissimè provenit.

Medica



Medica sativa & legitima non modò in variis Hispaniæ locis sponte oritur, sed etiam diligenter colitur in pecudum pabulum, sed maxime equorum, vice Fœni communis, quippe quod propter ubertatem singulis annis pluries demeti possit. Gallis, ut diximus, *Saint Foin*, & *Foin de Bourgogne* dicitur, inque meridionalibus Galliæ regionibus rigua sua prata ejus seminibus conferunt, ter eundem singulis annis secantes, restibili radice & inexhausta fecunditate. Agro pingui & bene stercostrato delectatur; è contra *Onobrychis arido* & glareoso seu sabuloso, ediro tamen. Quomodo nobilibus & Viris generosis consulit, ut ex agro Turnonensi aut Burgundiaco seminum involucri cochleata [aut ipsa semina nuda] Fœni verè & propriè Burgundiaci *Saint Foin* dicti acquirant, & serant in agris suis, quæ cum triplici scœnore persolvent ipsis pretium, modò in aquis bene subactis & pinguibus seratur. Cum enim apud Gallos ter quotannis secetur, quidni etiam hic in Anglia? ubi terra pinguior, magisque rigua, & ubi humor magis abundat ex frequentibus imbribus. Qui in Hispania rem observârunt (annotante Camer. in hort.) ubi quotidianus ejus usus est, referunt nullo cibo tam viridi, quam arido, prius magisque latari, saginari & pinguescieri jumenta pecusque omne, parcius tamen dari, quoniam inflat, & multum sanguinem creat. Agrum stercostrat, ac adeo suavis est ac nutriens, ut pecus arcere necesse sit, nè vel disrumpatur aut sanguinem detrahare oporteat. Animalium vitiis plerisque medetur. Ad Maciem mularum, ut Columella prodidit, nulla res tantum quantum Medica prodest. Semen (ut tradit Diosc.) ficcatum jucundi saporis gratiâ conditaneo sali admiscetur. Viride quibus refrigeratione opus est illitu suffragatur. *J. B.*

Semel sata in multos annos durat: Plinius tricenos (inquit, mendum in codice fuisse suspicor,) rectius Palladius denos.

3. *Medica frutescens perennis fructu orbiculato* Slonii.

Ramulis numerosis, longissimis, in terram prociduis, nisi vicinis plantis sustententur luxuriat. Folia parva, ima latiora, summa angustiora & productiora, utraque obtusa, & circa margines denticulata. Flores versus summos caules è foliorum sinibus exeunt, in pediculo communi plures, ad quatuor vel quinque parvi, lutei, quos excipiunt *siliquæ* orbiculatæ, Medicæ orbiculatæ majoris seu *J. B.* similes & æquales, laxiores tamen paulò, nec spiris adeo arctè sibi mutuò commissis, per maturitatem nigricantes; *semina* continent non reniformia ad modum Medicarum annuarum, sed quodammodo triangula, & si parva magnis componere licet, Mayzii seu frumenti Indici granis similia. Sero florum ortu, quos non ante mediam ætatem promit, nec minùs tarda fructuum maturitate, quos Autumno demum perficit redivivam & perennem pollicetur plantam, quamvis superficies hyeme marcescat.

Ex semine ab ornatissimo Viro D. Hansio Sloane missò nobis enata est.

C A P. IX.

De Medica cochleata minore seminibus reniformibus.

1. *Medica scutellata* J. B. *Trifolium cochleatum* Ger. *Trifolium cochleatum fructu latiore* C. B. The most common smooth Snail-Trefoil.

*J. B.*

**C**ubitales, robustos hirsutisque habet caules, non tamen semper erectos (ut vult J. Bauhinus) sed interdum procumbentes. Folia longiora, acutiora, profundius circa margines dentata, pediculis longis fulta. Flores singuli aut bini, in eodem pediculo è foliorum alis exeunte, flavi, tantillo minores quàm Medicæ turbinatæ spinulis recurvis, minùsque striati, quibus succedunt *siliquæ* cochleatæ magnæ, læves velut è scutellis quatuor aut quinque compositæ, ut inferior major superioris convexum luo cavo excipiat, cochleas terrestres bene imitantes, per maturitatem nigræ, *semina* plura, majuscula, reniformia, per maturitatem flavicantia, continent.

Ad agrorum margines propè Liburnum Etruriæ portum observavimus. Folia hujus maculâ in medio sordide flavicante interdum notantur, quæ tamen nisi curiosius intuenti non facillè est observabilis. In hortulo nostro singulos duntaxat in singulis pediculis flores profert, non binos. Fructus magnitudine, & figurâ cochleæ terrestris æmulâ ab aliis omnibus hujus generis facillè distinguitur.

2. *Medica orbiculata* J. B. *Trifolium cochleatum vel scutellatum fructu latiore, folio minuto obtuso* C. B.

*J. B.*

Subest ei radix parva, lignosa, multos fundens ramulos, palmares, aut in latiore solo pedales, per terram sparfos; Folia terna, parva, glabra, ferè triquetra, per extremum lata & nonnihil crenata, maculis interdum nigris resperfa. Flores exigui, flavi, oblongis pediculis donati. *Siliquæ* helicoides, compressæ, membranæ, ex tribus quatuorve orbiculis, altero alteri imposito constantes, magnitudinis fere unguis [ & majores ] ubi maturuerunt nigricantes; *semina* continent ruffa, plana sed recurva. Hujus *siliquæ* in ambitu nonnihil undulatæ seu crispæ sunt.

In insula ad promontorium Pachynum & alibi in Sicilia hanc observavimus.

*Locus.*



3. *Medica orbiculata nodosa & fructu minore.*

Cauliculi huic dodrantes aut pedales: folia parva, triquetra, ut in præcedente, per extremum lata & crenata: Flores in pediculis oblongis, tenuibus, è foliorum sinibus egressis, plures simul (quinque vel sex interdum numeravimus) lutei, quibus totidem succedunt *siliquæ*, præcedentis similes sed duplò minores & per oras æquales, minimè undulatæ, maturitate pariter nigricantes.

Locum.

Propè Messanam in Sicilia invenimus.

4. *Medica orbiculata fructu lato, simplici voluta.*

Ramulum duntaxat hujus vidi cum fructu inter plantas siccas D. Philippi Skippon. Folia brevibus pediculis infidebant, ipsa etiam brevia, extremo lata, circumscriptione subrotunda, circa margines dentata, glabra, nervosa, non maculata. Flores ex alis foliorum exeunt singuli aut bini in eodem pediculo, flavi; quibus succedunt *fructus* pro plantæ magnitudine latissimi, circinate rotunditatis, è sesquigyro vel duobus gyris membranaceis, quorum inferior duplo angustior est quàm superior, compositi, parvo in medio foramine, oris minimè fimbriatis aut undulatis sed planis. Semen non vidimus.

5. *Medica orbiculata minor spinosa, simplici majore voluta.*

Folia huic admodum sunt exigua, circa extremum dentata. Flores tres quatuorve in eodem pediculo przlongo & tenuissimo. Fructus pro plantæ proportionem magni, lati, duobus gyris constans, uno integro, lato, in medio duarum medietatum, alterius supra, alterius infra multo angustiorum; circa margines spinis raris, brevibus duplici ordine huc illuc vergentibus, muniti. Verùm (quod præcipuè notabile est in hoc fructu) nervi supra ejus superficiem eminent, veluti totidem rugæ, variè huc illuc reflexi & inosculati. Fructus autem per maturitatem non nigricat.

Locum.

Circa Messanam in Sicilia observavimus.

6. *Medica orbiculata elegans, orbiculus circum oras rugosis.*

Folia huic, ut reliquis congeneribus ima obtusiora, summa acutiora, minùs tamen quàm *Medica* scutellatæ, circa margines denticulata denticellis rarioribus majoribusque. Flores è foliorum alis duotresve simul in eodem communi pediculo exeunt, lutei, quàm præcedentium pallidiores, omnium minimi, quibus succedunt *fructus* orbiculi aut rotulæ figuræ, per maturitatem albicantes, aspectu pulchri, rugis circum oras eminentibus eleganter velut crispatis; semen reliquorum simile flavicans.

Locum.

Hanc speciem in Sicilia propè promontorium *punto Cerciolo* dictum, non longè à *Puzos* collegimus, ubi & multas alias rariores plantas.

Orbiculus circum oras rugosis ab aliis omnibus Medicis facillè distinguitur, præsertim si colorem per maturitatem è flavo albicantem adjicias.

7. *Medica doliata seu orbiculata, orbiculorum gyris circa margines utrinque rugosis, per maturitatem nigricantibus.*

Folia huic ampla, superiora acuminata, inferiora extremitate subrotunda. Fructus parvi, in longis pediculis bini, doliati potius quàm orbiculati, è tribus vel quatuor circumvolutionibus constans, ad spirarum margines utrinque profundis rugis sulcati.

8. *Medica doliata lævis, tornata major & minor lenis Park.*

Fructus hujus læves sunt, duri, per maturitatem nigri, dolii figuræ, plures simul in eodem pediculo congesti, minores: reperiuntur tamen, Parkinsono autore, majores, singuli & bini in eodem pediculo nascentes.

Locum.

Hanc etiam in Italia & Sicilia invenimus.

9. *Medica Catalonica elegans Edwardi Morgani.*

Fructus figuræ doliaris est, & crebris tuberculis scaber, similis ligno illi quo brachia manùsque muniunt Itali, ad pilam inter ludendum defendendam & feriendam propellendamve.

Hancubi collegimus jam non recordamur.

10. *Medica cochleata spinosa, echinis magnis utrinque turbinatis cum spinulis reflexis. Medica majoris Baticæ species prima, spinulis intortis Ger. emac.*

Caulis fundit cubitales aut sesquicubitales, quadratos, hirsutos, striatos, satis crassos, ramosos, infirmos tamen, nec se sustinentes, rubentes interdum, maximè propè terram. Folia in caulibus alternatim posita sunt longioribus intervallis, terna simul in pediculis longis, quæ propè radicem obtusiora, versùs summitates caulium in mucrones acutiores exeunt; singula singulis maculis nigris mediam partem occupantibus insignia, circa margines leviter crenata. Ad exortum uniuscujusque pediculi hinc inde opponitur veluti auricula quædam dentata & in acutum exiens. E foliorum sinibus propè summitates caulium exeunt pediculi, *flosculos* sustinentes duos vel tres, rariùs plures, flavos, satis grandes, clypeiformi petalo nigricantibus lineis striato. Flosculis succedunt fructus echinati grandes, nucis myrsiticæ parvæ magnitudine, utrinque turbinati, singulis volutis duplici serie spinularum



spinularum mitiorum, hinc inde reflexarum & recurvarum, non extantium sed fructui appressarum munitis; *semina* intus continentes magna, reniformia colore rubro seu spadiceo splendente.

Hæc species foliis maculosis, echinorum magnitudine, spinulis recurvis, seminibus spadiceis à reliquis suæ sortis distinguitur.

11. *Medica magna echinata. An magna turbinata* J. B? *Medica majoris Bæticæ spinosæ species altera* Ger. emac. Hedge-hogs.

Hujus etiam cauliculi seu ramuli humi procumbunt, striati, glabri, quadrati, subinde rubentes, tres vel quatuor pedes longi: *Folia* pariter lævia, circa margines eleganter crenata, acutiuscula, nullis maculis notata: *flores* parvi, lutei, reliquorum similes: Fructus echinati magni, nucis myristicæ parvæ magnitudine, & interdum etiam figurâ, elliptici sci. aliàs rotundi, turbinati, sex aut plurium circumvolutionum arcu commissarum; unaquæque spira gemino spinularum [rigidiuscularum acutarum oblongarum utrinque extantium] ordine munita est, medium secante zonulâ perpetuâ. *Semen* compressum renis instar sinuatum, colore spadiceo obscuro seu nigricante, & velut polito. Fructus seu echinus hujus nonnihil lanuginosus videtur, quod in nullo alio genere hætenus observavimus.

In insula ad Promontorium Siciliæ Pachynum dictum invenimus. Apud nos ob fructus echinati *Locus.* elegantiam frequens in hortis feritur.

Fructus magnitudine & hirsutie, spinulis crebris rigidis, & feminis colore spadiceo ab omnibus nobis hætenus cognitis Medicæ speciebus faciliè distinguitur.

- A. 12. *Medica echinata glabra cum maculis nigricantibus* J. B. *Trifolium cochleatum folio cordato maculato* C. B. *Trif. cordatum* Ger. *Medica Arabica Camerarii, sive Trifolium cordatum* Park. Heart-Trefoil, or Claver.

J. B.

Bicubitales per terram spargit *caules* [in solo lætiore aut hortis culta fortasse, apud nos enim spontanei caules vix pedalem longitudinem superant] glabros, & in iis *folia* terna, glabra, per extremum latiuscula & serrata, quorum quædam cordis effigiem nonnunquam exhibent, quam, cum planta primum provenit, asperæ maculæ nigricantes repræsentant [Apud nos *folia* maculas hæc ex rubro nigricantes perpetuò retinent] *Flores* lutei, parvi, duo, aut tres: *Siliquæ* cochleatæ, parum compressæ, spinulis per margines non tamen admodum rigidis aut pungentibus obsitæ, magnitudine mediocri. *Semina* per maturitatem flavicant.

In pascuis ficcioribus & arenosis maritimis præcipuè, in Angliâ nostrâ, nec minùs in regionibus *Locus.* transmarinis, frequens est. *Folia* cordatis, maculâ in medio singulorum ex rubro nigricante pictis, *siliquis* parum compressis, spinulis minùs rigidis armatis, ternis quaternisve in eodem communi pediculo seu furculo, minoribus, ab aliis speciebus faciliè discernitur.

Medicæ speciem habemus nescio ubi collectam, fortè circa Messanam, cum hac inscriptione.

13. *Medica foliis & semine Medica cordatæ echinatæ, echinis durioribus.*

Fructus majores sunt, spinis longis, crassis, duris & rigidis muniti, è quatuor aut quinque volutis compositi.

14. *Aliam adhuc foliolis minimis, echinis satis magnis pro plantæ parvitate, compressis, quatuor volutis constans, spinis longis, crassis rigidis horrentibus.*

15. *Medica doliata spinosa major Sigeæ.*

Hujus caules & folia reliquorum familia sunt, [in sicco hirsuta videntur] *Flores* eòsque sequentes fructus in pediculis uncialibus singuli aut bini; hi majusculi, figuræ doliaris, spinulis brevibus rigidis, non extantibus, sed fructui ferè appressis, horridi è quatuor, quinque, aut sex summum spirarum voluminibus compositi, arcuè junctis.

Circa Messanam observavimus.

Aliam hujus speciem habemus fructu majore & longiore, spinulis brevibus arcuè appressis. *Locus.*

16. *Medica magna turbinata* J. B. *Trifolium cochleatum turbinatum sive fructu compresso, oblongo* C. B.

J. B.

Cubitales & sesquicubitales *caules* emittit, hirsutos, multis ramis fissos, *foliis* tergeminis, hirsutis, Trifolii pratenfis purpurei paribus, aliis veluti triquetris, per oras incisis, quorum pediculi longiusculi pinnis caulem ambiunt. *Flores* parvi, lutei, pediculo hærent unciali & fescunciali; quos sequuntur fructus turbinati, sex aut plurium circumvolutionum, arcuè commissarum, duri. Unaquæque spira gemino denticellorum ordine cæolata est, medium secante zonulâ perpetuâ. *Semen* compressum, renis instar sinuatum, Fœnugræci semini par, aut etiam paullo longius.

Hæc planta, si descriptionem rectè intelligo, mihi hætenus incognita est: accedit tamen ad Medicam nostram magnam echinatam.

17. *Medica spinosa Sigeæ, fructu ovali spinulis brevioribus & rigidioribus.*

*Caules* huic glabri, vel raris admodum pilis hirsuti, rubentes. *Folia* prælongis pediculis insident, quàm Medicæ doliatæ spinosæ majora, breviora, obtusiora, argutiùs denticulata, averâ parte glauca, brevi



brevi & vix conspicuâ lanugine hirsuta. Flores duo trêsvé simul in eodem pediculo è foliorum alis exeunte, flavi, exigui. E foliorum singulorum sinu unâ cum pediculo florifero ramulus etiam exit ut in aliis congeneribus. Quæ primò exeunt folia cordata sunt, posteriora, quæ in caulibus sunt, lata & obtusa, non tamen cordata, nervis seu venis plurimis conspicuis parallelis à media costa versùs margines tendentibus pulchrè striata. Flosculis succedunt *echini* figuræ ovalis, spinis brevibus, rigidis, extantibus horridi, duri, pîso majores, [semina intus reniformia, flavicantia continentes] per maturitatem nigricantes.

Locus.

Propè Messanâ Siciliæ hanc speciem invenimus.

18. *Trifolium cochleatum spinosum Syriacum foliis laciniatis Breynii. Trif. fructu echinato, foliis eleganter dissectis* Botan. Monsp.

Breyn.

*Radix* humum non admodum profundè nixa petit alba & fibrata: à qua *cauliculi* lignosi, rotundi, virides, pedales vel etiam cubitales, in terram reclinati, plurimis præditi ramis, prodeunt: in quibus hinc inde sparsa sunt *folia*, angusta, terna semper uni petiolo longo in hærentia, dilutè viridia, Medicæ frutescentis, sed profundius ferrata, vel potiùs laciniata. Flores ex foliorum alis in oblongo pediculo frequenter bini tantùm simul enascuntur, flavi coloris, à Trifoliorum cochleatorum floribus nihil differentes: quibus fructus cochleæ modo circumvoluti, longis & rigidiusculis spinulis rectâ extantibus vel non multum reflexis, exasperati, Trifolii cochleati fructu spinoso majore, sed dimidio minores succedunt, *semina* flava, compressa, renis instar formata continentes.

Locus.

Circa Haleppum Syriæ à Rauwolfio inter segetes observatum. D. Magnol sibi Monspelii in horto sponte enatum ait; verùm, ut probabile nobis videtur, è semine è Syria allato ibi fortè fortuna sparsa: nam alibi (quod sciam) circa Monspelium non invenitur: Suspicio enim D. Car. Sweikerum à D. Magnol communicatum habuisse, non invenisse in vicinia Monspelii spontaneam.

19. *Medica doliata spinosa, m. m. m. Medica tornata spinosa* Park. *Medic. tun-trefoil, or Medick.*

*Caules* huic hirsuti, minores & breviores quàm Medicæ scutellatæ. *Folia* longioribus pro magnitudine pediculis infident, circa margines dentata, minora quàm illius, quadrata ferè, in acutos mucrones desinentia, subglauca, media parte maculâ oblongâ, luteo-viridi notata, averfa parte hirsuta. E foliorum alis exeunt pediculi *flores* luteos sex septémve confertos gestantes; quibus succedunt *doliolorum* figurâ *pericarpia* parva, cochleata, spinosa, spinulis brevibus, raris, per maturitatem nigricantia & *semina* fulva continentia. *Pericarpia* imâ parte quâ pediculo junguntur latiora sunt, summâ angustiora, utrâque plana, conî segmentum cui vertex abscissus est, imitantur, quinque circiter spiris seu circumvolutionibus constantia.

20. *Medica doliata spinosa, hirsuta minima.*

Hujus folia plus quadruplo minora sunt quàm præcedentis, hirsuta, prona præsertim parte, non rarò cordata. Fructus præcedentis similes, plus quadruplo pariter minores.

- \* 21. *Medica echinata, magna, hirsuta* J. B. *Trifolium cochleatum polycarpon* C. B. ex sententia D. Magnol. At C. Baubinus inter *Trifolia cochleata hispida* id non reponit.

*Folia* huic prima subrotunda, postmodum nonnihil acuminata & ferrata, terna uni pediculo innixa, *Caules* ad duos trêsvé cubitos per terram sparguntur. Flores multi, coacervati, ex longo pediculo, lutei. *Siliquæ* simul aliquot coherent, spiris duabus aut tribus, vel etiam quinque ferruminatæ, brevissimis velut spinis obtusis exasperatæ.

- \* 22. *Medica hirsuta echinis rigidioribus* J. B. *Trifolium fructu compresso, spinis horrido* C. B. ex sententia D. Magnol.

Per terram se expandit cubitalibus & longioribus caulibus. *Folia* parva, hirsuta & per extremam oram lata: Flores lutei: echini cochleati, pauci & ferè singulares, longis suisque deque vergentibus rigidiusculis spinis horrent, non admodum densis: convolutiones sunt tres aut quatuor.

- \* 23. *Medicæ marinæ spinosæ species* Ger. emac. *marina major spinosa* Park.

Ger. emac.

Hujus caules seu ramuli omnium [intellige species majores de quibus antea scripserat] minimi sunt & brevissimi, vix pedem unum aut alterum longitudine excedentes, quadrati, virides, subhirsuti, humi strati. *Folia* Medicæ scutellatæ similia, mucronibus paulò obtusioribus, non maculata, mollia & pilosa. Flores secundum ramulos è foliorum sinubus exeunt, pediculis prætenuibus infidentes singuli singulis, perexigui, lutei: in ipsis caulium fastigiis & propè summos caules nulli. Floribus succedunt *pericarpia* parva, rotunda, intorta, pîso non majora, brevissimis acutis spinis horrida, in quibus semen continetur flavicans, renis figurâ, exemptu difficillimum. *Radix* ut superiorum albicat; & sub Hyemis adventum emoritur.

Cum præcedente convenit floribus in singulis pediculis singulis, ab eodem differt spinisechinorum brevibus.

Descriptio est *Goodyeri* apud Gerardum emaculatum, à nobis in Latinum versa.

24. *Medica*



24. *Medica echinata hirsuta* J. B. *Trifolium echinatum arvense* C. B. *Tribulus terrestris minor repens* Lugd.

f. B.

Craffiuscula est & proluxa, sed singularis radix, alba. *Caules* multi, tenues, per terram sparguntur, dodrantes & cubitales, striati, hirsuti. *Folia* terna, subrotunda, ad *Trifolium pratense* luteum accedentia, nullo notabili sapore prædita, pilosa, albescentia, maxime parte inferiore. *Flores* parvi, lutei, simul aliquot congesti; eodemque modo simul coacervata ex eodem pediculo longiusculo capitula, Piso non majora, contortis helicibus constantia, globosa, quatuor, aut quinque, atque etiam plura, mollibus spinulis echinata.

Passim provenit maxime inter segetes propè patibulum Monspelii & alibi. Floret & semina per-  
ficit mense Aprili & Maio. Locus & Tempus.

- A. 25. *Medica echinata minima* J. B. *echinata parva recta* Park. *Trifolium echinatum arvense fructu minore* C. B.

f. B.

Hæc est *caulibus* circiter pedibus aut minoribus, tenuibus; quos ornant *folia* terna, *Medicæ* echinatae foliis similia penitus, parva, hirsuta: *Flosculi* pusilli, lutei, multi simul congesti. Sequuntur ejusdem pediculi fastigio hærentes quam proximè glomerati *echinuli* muricati, tres aut quatuor vel quinque juncti, Orobis grano non majores: *radices* tenues.

In arenosis & sabulosis locis Dalechampus legit, & nos etiam sæpius in Anglia & transmarinis: Locus. ni fortè altera præcedens species sit quam nos observavimus, nostra enim plerunque procumbit non erigitur: locus tamen exigere videtur ut hæc sit; nec enim alibi unquam nostram quam in arenosis & sabulosis invenisse meminimus. Revera, nisi J. Bauhini autoritas obstarer, utramque speciem eandem dicerem.

26. *Medica marina* Clus. Park. *Trifolium cochleatum marinum* Ger. *Trifol. cochl. maritimum tomentosum* C. B. *Trif. cochl. marinum, sive Medica marina* J. B. *Sea-Claver.*

Quantum quantum est totum villosa incanaque lanugine obductum est. *Caules* tres aut quatuor, pedales atque etiam cubitales, ramis frequentibus brachiati, humi fusi & procumbentes. *Folia* ex brevibus pediculis terna, parva, obtusa, frequentia. *Flores* extremis ramis inhærentes, suis petiolis ex alarum sinubus exiliunt quini aut seni simul congesti lutei, Trifolii lutei ferè similes: *siliquæ* deinde glomeratæ & contortæ sive inflexæ, spinulis oblitæ, dolioli ferè figurâ [J. Bauhino orbiculares] in quibus semen continetur subruffum, *Medicæ* semini simile. *Radix* crassa, cubito longior, tenera, perennis seu vivax, ex candido pallescit, gustu quodam ingrato, saluginoso & amaricante.

In litoribus arenosis Maris Mediterranei frequentem observavimus.

Locus.

27. *Medica ciliaris Guilandini.*

*Radix* est perenni longè latèque repente: *caulibus* bipedalibus, surrectis: *folliculis* pluribus in eodem pediculo congestis, compressis, orbiculos aut rotulas imitantibus, mollibus & oblongis spinulis seu setis, ciliis æmulis in circumferentia donatis, per maturitatem nigricantibus.

Hanc in Alpibus Carinthiacis invenimus, ad sepes.

*Folia* parva sunt pro magnitudine plantæ, breviter obtusa.

Locus.

28. *Medicæ ciliari Guilandini similis sed minor, poliusæta, annua. An Trifolium fructu cochleato ciliare* Botan. Monsp.?

*Flagellis* est pedibus aut cubitalibus, procumbentibus, reliquorum instar: *Folia* oblongis, per extremum latis & obtusis: *Floribus* eisque succedentibus *siliquis* in pediculis uncialibus tenuibus pluribus simul coacervatis, (sex septemve numeravimus) compressis & latiusculis, duabus ferè circumvolutionibus compositis, spinulis longiusculis, minis rigidis, non rectè extantibus sed incurvis, per circumferentiam, *Medicæ* ciliaris instar, cinctis.

Circa Messanam in Sicilia invenimus.

Locus.

29. *Medica cum orbiculis laxis echinatis minoribus, non extantibus spinulis.*

Hujus *folia* parva sunt, per extremum lata, crenata, & interdum in mucronem seu angulum leniter producta: *caules* tenues: *flores* in pediculis è foliorum sinubus egressis multi, coacervati, quibus succedunt totidem *capsulæ* echinatae, compressæ, exiguæ, tribus ferè spirarum circumvolutionibus, non tamen arctè junctis, compositæ. Spirarum zonulæ utrinque dentatæ sunt, denticulis non extantibus, sed in zonulæ aut fructus superficiei plano jacentibus, duplicem coronam imitantæ.

Circa Messanam invenimus.

Locus.

Octo aut decem siliquis in eodem pediculo observavimus. Huic perfimilis est, & fortè eadem

30. *Trifolium folio obtuso, folliculis cordatis* C. B. *Medica coronata Cberleri parva* J. B. *An Trifolium folliculis coronæ similibus* C. B. prod.?

f. B.

Pedalibus donata est *caulibus*, tenuibus, subrubentibus: è quibus alternatim ex longis intervallis *surculi* exeunt singulares, unciales & longiores, qui extremo mucrone ternos quaternosve gestant *echinulos*, unicâ ferè aut sesquialterâ circumvolutione constantes, utrinque denticulatâ, gemellam coronam



nam imitata. Echinos sustinenti furculo ad exortum, brevi pediculo hærent tergemina folia hirsuta, aliquando subrubra ferè cordata, in ambitu crenata tam exigua ut simul omnia dimidiatus unguis digiti minimi facile possit tegere.

Locum.

In saxosis, aridis & squalidis Gallia Narbonensis, maximè verò in collibus inter Nemausum & Userum observavit & legit Cherlerus.

Hæc parvitate sua & spirarum paucitate à precedente nobis observata differre videtur: hæc autem accidentia loco fortè natali steriliori & ficiiori imputanda.

31. *Medica lunata* J. B. Park. *Trifolium siliqua falcata* C. B. *siliqua lunata* Ger. emac.

Folia huic parva, Medicæ legitimæ, circa margines dentata: flores lutei: siliquæ latæ, compressæ, pollicis ungue majores, ad Auriculam muris Cam. accedentes, sed speciosiores & majores, striatæ, in circuitu longiusculis spinulis munitæ, cristam galli non malè exprimunt. De loco nihil certi traditur, nisi quod Lobelius Lunariam radiatam Italorum eam vocet.

Locum.

Nos circa Messanam Sicilia Medicæ speciem invenimus cui titulum fecimus *Medica fructu compresso circum oras dentato*, quæ multo minor erat descriptâ [fructum intelligo] & integrâ aut sesquialterâ circumvolutione constabat, alias similis. An *Medica lunata* quædam minor J. B? Ad margines vinearum provenit.

Restant adhuc tres quatuorve Medicæ cochleatæ species, à C. Bauhino in Prodromo descriptæ. Verum descriptiones adeo obscuræ & generales sunt, absque certis, caracteristicis & distinctivis notis, ut nos dubios relinquant, an specie distinctæ sint ab omnibus superscriptis necne, præsertim cum nullis iconibus illustrentur. Quicquid tamen de his sit, superesse adhuc alias species, nec à nobis, nec ab alio quoquam hætenus descriptas, aut observatas minimè dubitamus, cum natura in hoc genere, specierum varietate & figurarum elegantia, mirum in modum ludere & sese (ut ita dicam) oblectare gestiat.

32. *Trifolium falcatum* Park. *F. Gregorii Rhegiensis* Clus. ap. ult. *Trifolium siliqua falcata alterum* C. B.

Clus.

Hujus ramuli binos circiter palmos longi sunt, & humi sparsi: folia trifolio similia: flosculi exigui, flavi & inodori: cornicula alternis, jam in hoc, modò in altero ramuli latere per brevissima intervalla confertim nascuntur, & cauliculo vel ramulo adhærent nullo ferè petiolo, & in singulis nodis quinque plurimum conjunctim, semunciam longa & falcule modo curva.

Locum.

Invenit hoc genus Fr. Gregorius in summo quodam colle arenoso cœnobio Montis Calvaria ad Bononiam vicino.

A. 33. *Trifolium cochleatum modiolis spinosis* Cat. Ang.

Cum diu est ex quo hoc viderim non bene recordeor, an ab omnibus superius traditis distinctum sit necne. Fructus parvus erat coni segmentum aut rotæ modiolum aliquatenus representans. Orfordiæ Suffolciæ in aggeribus maritimis ad portum copiosè.

Locum.

*Trifolium cochleatum fructu magis tortili, quod Maurelia Cydonia, Kaimidis Retimi nomine ex Creta Honor. Belli misit.*

Hujus meminit C. Bauhinus, non describit, quod sciam.

## CAP. X.

## De Loto herba.

**L**otus nomen accepit à voluptate, ab antiquo verbo לוט, quod significat *desire, impetare, desiderare, volo, expeto, desidero, video.* Jo. Bod. à Stapel.

Loti à reliquis leguminibus trifoliatis distinguuntur quòd præter folia terna in extremo pediculo, bina habeant ad ejus exortum cauli adnata, ut quodammodo Pentaphyllæ dici possint.

1. *Lotus siliquosa flore fusco retragonolobus* J. B. *siliqua quadrata* Ger. emac. *quadrupinnatis siliquis* Park. *ruber siliqua angulosa* C. B. *Square-robbed* Wetth.

J. B.

Radice tenui, paucis fibris donata nititur, ex cujus capite oriuntur caules pedales interdum aut longiores, teretes, hirsuti, in aliquot alas divisi, procumbentes ferè. Folia ex certis intervallis terna juncta, reliquis duobus semper caulem amplectentibus, ut in Loto corniculata, sed longè majora, hirsuta. Flores ex singulis foliorum alis plerumque singuli, pediculis fescuncialibus insidentes, exeunt: ad ipsam tamen calicis basin apponitur folium reliquis quæ in caule simile, tribus tantum partibus constans. Flores autem Pisi formâ, minores, holosericum coccineum vulgo dictum saturum provocantes; Scutum tamen seu folium erectum dilutius est umbone seu folio medio. Siliquæ fescunciam circiter longæ, angulosæ, crassiusculæ, quatuor membranarum sinuatis, ceu sagittarum alis, appositis donatæ: in quibus continentur semina magna, rotunda, subflava, quæ dentibus resistunt, sapore pisi, esculenta, undè & ipsa planta, *Pisum quadratum* nonnullis dicitur.

Floret



Floret Junio, cùmque semen perfecit radicitus exarescit.  
In collibus Messanæ Siciliæ imminentibus spontaneam inveni.

Tempus.  
Locus.

2. *Lotus filiquosa lutea Monspelienfis* J. B. *pratensis filiquosus luteus* C. B. *pratensis Monspelienfium* Park. *trifolia corniculata* Ger. icon malè filiquas incurvas representat. *Lotus quadrata filiqua*, flore luteo Hort. Pat.

J. B.

Ut fibris multis obsitam habet radicem, ita plurium aliquando capitum: folia Loti corniculata quina, quorum duo cauli adnascuntur, majora tria simul coherent, jam dictæ Loti [Ornithopodii filiquis] folia magnitudine vincentia: flos unicuique cauliculo in cacumine unicus, magnus luteus, quatuor ftris ad latera donatus, ex longo calice erumpens: filiqua succrescit unica, fescunciam longa, quatuor secundum longitudinem membranulis angustis decurrentibus velut quadrata, prioris instar.

Circa Genevam in pratis, necnon circa Monspelium copiosè provenit.

Locus.

Aliam hujus speciem invenimus in pratis propè Tybridis fluvii ostia unà cum descripto nascentem cui titulus in Catalogo nostro plantarum transmarinarum,

3. *Lotus filiquosa lutea filiquis pinnatis strictioribus & longioribus.*

Hanc videtur describere D. Magnol sub titulo *Loti maris. luteæ filiquosæ, folio pingui glabro*, quæ foliis glabris pinguibus & crassis, filiquis etiam angustioribus à præcedente distinguitur. In utraque radix magna est, quæ tuberosum habet odorem.

In toto tractu maritimo in herbis, præcipuè circa stagnum Volcarum inter juncos oritur. Bo- Locus; tam. Mons.

4. *Lotus edulis Cretica* Park. *pentaphyllos filiqua cornuta* C. B. *Trifolium sive Lotus Hierazune edulis filiquosa* J. B.

Bel.

Multos tenues caulas à radice profert. Folia Trifolii, angusta, crassiuscula, aliquantulum mucronata, terna semper sibi conjuncta. Flores luteos Pisi, quibus succedunt filiquæ rotundæ, falcata, ac pro ratione plantæ magnæ.

Inter segetes invenitur & in marginibus agrorum frequentissimè, herbæque omnibus nota est. Si- Locus. liquæ ejus, antequam durescere incipiunt, in foro venales reperiuntur: à pueris & foeminis libentissimè eduntur, succosæ enim sunt & dulces, Pisi recentis gustu.

Hanc vel ei similem plantam invenimus propè Neapolin in Italia, atque etiam in Sicilia. Trifolium corniculatum Creticum flore luteo Park. app. corniculatum Creticum Alpin. exot. huc refero: cùm Alpinus ipse eandem credat Lotum Hierazune dictam & Trifolium suum corniculatum Creticum.

Lotus nostra quam circa Neapolin copiosam invenimus, cauliculis erat longis, ad terram reclinatis, ad intervalla satis longa foliis vestitis reliquarum similibus, duobus ad pediculi exortum, tribus in ejus extremo, pro longitudine sua satis latis, glabris, quantum in sicca discernere licet. Ex alis foliorum egrediuntur pediculi tres uncias longi, unicum singuli florem sustinentes luteum, ad cujus basin apponuntur folia terna. Floribus succedunt filiquæ crassæ, digitum circiter longæ, recurvæ. Semina quot vel qualia continuerint non recordamur.

*Loti speciem circa Neapolin in Italia observavimus, quam Lotum incanum majorem, seu Trifolium corniculatum filiqua grandi, incanum maritimum denominavimus.*

Magnitudine sua & foliorum canitie à reliquis hujus generis differt. Propè urbem ipsam è petrarum rimis versus Paufilypum montem oritur & Trifolio corniculato primo Dod. multo major & fruticosior visâ est. An Lotus pentaphyllos major alter C. B?

- A. 5. *Lotus corniculata glabra minor* J. B. *Lotus sive Melilotus pentaphyllos minor glabra* C. B. *Trifolium filiquosum minus* Ger. *corniculatum primum* Dod. *Birds-foot Trefoil.*

J. B.

Nigro cortice radix lignosa, multifariam partita, coeuntibus in unum portionibus longissima evadit, raris fibris donata, reptans, sapore subdulci & adstringente: virgulæ tenues, humi ferè procumbentes, brachiatæ, folia sustinent ex intervallis terna Trifolii aut quina, quorum duo inferiora cauliculo adnectuntur, pilosa: [sunt quæ paucos aut nullos pilos habent] acuminata, pingua, adstringente sapore prædita. Flores densè tanquam in umbella stipati, Genistæ floribus similes, lutei, quorum supremum folium reliquis latius, rotundumque, sursum flexum, foris intusque lineis purpurantibus striatum, infimum sursum quoque mucronem spectans, apices luteos continens ipsumque utrinque geminis foliis tanquam alis coercetur: quibus delapsis cornicula five filiquæ rectæ, tenues subnascuntur.

In pascuis ubique obviam se dat.

Locus.

Hujus aliam speciem invenimus inter segetes & in locis humidioribus fruticosiorem & ramosiorem, foliis angustioribus: cui titulum fecimus in Cat. Ang.

- A. 6. *Trifolium corniculatum minus, angustioribus foliis fruticosius.*

*An Trifolium corniculatum frutescens tenuissimis foliis* C. B. Prod. cujus descriptionem v. infra.

- A. 7. *Loti*



- A. 7. *Loti corniculati major species* J. B. *Lotus pentaphyllos flore majore, luteo, splendente* C. B. *Trifolii filiquosi varietas major* Ger. emac. *Trif. corniculatum tertium* Dod. **The greater Birds-foot-Trefoil.**

f. B.

Altior est multò quàm vulgaris: *caulibus* enim cubito ac etiam sesquicubito altioribus assurgit. *Foliis* per ramos tribus ex uno pediculo, uncialibus circiter, duobus itidem pediculi expertibus caulem complexis. *Flores* peculiaribus furculis, & in summo caule in orbem congesti, majores, lutei foliis quibusdam coronæ subiectis. *Siliquæ* numerosæ, rectæ, unciales & fescunciales. Hujus *caules* & *folia*, sed præcipuè umbellæ antequam flores aperiantur incana lanugine hirsuta sunt, seu pilis molli-bus canescentibus obsita. In pratis humidis & ad sèpes.

Videtur hanc describere D. Magnol sub titulo *Loti pentaphylli majoris hirsutæ candicantis* C. B. Vide *Botan. Monsp.*

- \* 8. *Lotus pentaphyllos major hirsutæ candicans* C. P. *Melilotus vulgaris alter sylv.* Cæf.

In sylvestribus & veteribus ædificiis nascitur, brevior, *foliis* subhirsutis, candidioribusque: *flore* velut in capitulis copioso, odoris exigui, *Lotum* æmulantis, *siliquas* fert incurvas.

Quam plantam intelligat Cæsalpinus nescimus: nullam enim *Loti* speciem novimus floribus in capitula congestis, *siliquis* incurvis. Rectius fortasse ad *Melilotum* retuleris.

9. *Lotus pentaphyllos minor hirsutus, siliqua angustissima* C. B. *Lotus corniculata siliquis singularibus vel binis tenuis* J. B. *Lot. cornic. minor pilosus* Park. *Trifolium corniculatum minus pilosum* C. B. prod.

f. B.

Multifidâ, infirmâ *radice* terræ hæret: *caules* emittens rectos, numerosos, pedales, ramosos, sub-rubentes, longis albicantibus pilis obsitos: ad quorum nodos terna folia *Meliloti* nobilis, oblongiora, acutiora, binaque nihilo minora cauli ad pediculi exortum adnata. E foliorum sinu *pediculus* exit singularis, tenuis, uncialis & longior, in cujus cacumine *flos* luteus ex calicibus hirsutis. *Siliquæ* plerunque singulares, rarissimè binæ, unciam longæ, teretes, *semine* copiosissimo, ad vicenarium ferè numerum, tenui, *Portulacæ* pari, ruffo, rotundo, sapore leguminoso refertæ.

Propè Neapolin in Italia collegimus. Invenitur & in Gallia Narbonensi.

10. *Lotus pentaphyllos frutescens tenuissimis glabris foliis* C. B. pin. *Trifolium corniculatum frutescens tenuissimis foliis* C. B. prod. *Lotus corniculatus frutescens* Park.

Locus.

C. B. prod.

*Caulibus* est tenuibus, viridibus, glabris, pedilibus, in plures ramos palmo minores brachiatis, *foliis* angustissimis cinctis. *Cauliculi* summatibus, quemadmodum & *pedicellis* ex foliorum alis prodeuntibus, *flosculi* bini terni, rariùs quini, in orbem dispositi, lutei coloris insident; quos *siliqua* binæ, ternæ, breviores & crassiores quàm in præcedente, in longum apicem definentes, in quibus *semina* exigua, sequuntur.

Monspelio habuit C. Bauhinus & ex Italia. Hoc perfimile est, si non idem *Trifolio* nostro corniculato angustifolio fruticosiori, cujus superius meminimus sub prima specie. *Flores* tamen, còsq; sequentes *siliquæ*, in hoc pauciores sunt in eodem pediculo quàm in illo.

11. *Lotus filiquosus glaber flore rotundo* C. B. *Trifolium hæmorrhoidale alterum minus, sive Lotus Libya Dalechampii* Park. *Trif. rectum Monspellanum* J. B.

f. B.

*Caules* habet rectos, robustos, bicubiales, ramosos, nonnihil angulosos, glabros penitus, aut parùm hirsutos: *folia* quina, bina minuta, cauli apposita ad pediculorum exortum, reliqua tria extremo hærent pediculo, quibus folia *Trifolii* albi Dod. magnitudine cedunt & rotunditate, superant verò lanugine. *Flores* confertim conglomerati privatis furculis ex foliorum sinu ortis, corollæ instar penduli, albicantes, inferioris folii rostellum atropurpureo. *Siliquæ* in orbem radiatæ, numerosissimæ, tenues, viginti quatuor interdum, omnium pediculis mediocriter brevibus, in furculi caput coeuntibus, uncia breviores, teretes, glabræ, fuscæ, seminibus refertæ nigricantibus, *Papaverina* æquantibus.

Locum.

Ad rivos & in locis humidis, circa Messanam Siciliæ, Tropiam Calabriæ, & Monspelium Gallie Narbonensis hanc observavimus.

*Oxytriphylum* Scribonii, *Lotus* sylv. *Clus. hist.* i. e. *Lotus fruticosus Granatensis* Park. huic eadem videtur.

12. *Lotus pentaphyllos filiquosus villosus* C. B. *Lotus incana sive Oxytriphylum Scribonii Largi* Ger. *Lotus hæmorrhoidalis major sive Trifolium hæmorrhoidale majus* Park. *Trifolium album rectum, hirsutum valde* J. B.

f. B.

Multis ex eadem *radice stolomibus* rectis, cubitalibus & bicubitalibus fruticat, gracilibus, lignosis, teretibus, hirsutis & ramosis. *Folia* canâ lanugine pubescunt, terna, quædam subrotunda, potissimum priora & parva, cum parvis duabus appendicibus: superiora in obtusiorém mucronem definunt, & ex iis quædam majora, ad quæ appendices etiam magnæ, ita ut sint quina folia, sapore insigniter citra morsum ullum aliâmvæ ascititiâ qualitatem astringente. *Flores* extremis ramulis emicant, plures



plures juncti, positi patulo: singularium forma quæ Trifolio Asphaltio, sed color candidus, ex calice valde hirsuto & viroso. Juxta calices & flores foliola longa: breves, crassiusculæ superveniunt siliquæ, coloris spadicei, formâ stercoreis magni muris caudati: semen in iis rotundum exiguum flavescens.

Inter Monspelium & Peroul: Circa Messanam Sicilia major & lignosior habetur. D. Magnol in Locus. Valenâ Sylva se bicubitalem & tricubitalem observasse refert.

13. *Dorycnium Monspellianum fruticosum* J. B. *suppositivum Monspeliense & Hispanicum* Park. *Hispanicum* Ger. *Trifolium album angustifolium, floribus veluti in capitulum congestis* C. B.

J. B.

Totum albidum est, ad sesquicubiti altitudinem excrecere solitum, cujus novelli adhuc ramuli obsequiosi, fractûque contumaces existunt, adultiores, aut loco asperiore nati, multum durefcunt: Folia ex intervallis terna, quaterna, sed sæpius quina, radiata sine pediculis adhærent, oblonga, angusta, albâ lanugine pubescentia, Clusio adstringentis gustûs. Flores extremis ramulorum innascuntur, in orbem glomerati, albi, quorum singulares ad Trifolii pratensis albi flores accedunt, sapore (ut nobis quidem videtur) nonnihil adstringente. Hosce excipiunt folliculi plures simul juncti, parvi, quibus singulis semina continentur singula, versicoloria (ur prodidit Clusius) seu varia, qualia ferè Tithymali paralii semina tum figurâ, tum colore, tum etiam magnitudine. Radix satis crassa, dura & lignosa, exterius nigra, interius alba.

In saxosis collibus & ad sepes propè Monspelium nascitur.

Locus.

14. *Dorycnio congener planta* J. B. *Dorycnio congener Clusii* Park. *Lotus pentaphyllos incanus* G. B. *Doryc. Monspeliensum* Ger. quoad iconem, nam descr. est alterius plantæ.

J. B.

Cubitalibus & viminis modo obsequiosis virgis, superioris gracilioribus, nec ut illius lignosis, ab eadem radice pluribus oritur, in frequentes ramos divisâ, foliis cinctis crebris, quinis simul ab eodem puncto ortis, quàm præcedentis longioribus, angustis, acuminatis, minûs etiam quàm illius incanis. In summis caulibus inque pediculis longis è foliorum alis egressis flosculi parvi, plures simul in capitulum subrotundum congesti, quantum memini ex albo rubescentes; quibus succedunt siliquæ parvæ subrotundæ, per maturitatem spadiceæ, singulæ singula semina continentes rotunda, Sinapeos magnitudine.

In palustribus propè stagnum marinum *L'estang* dictum non longè Monspelio copiosè provenit. In Germania juxta fluv. Lycum Augustam Vindelicorum præterfluentem invenimus. *Dorycnio congener* Clusii species à nostro diversa esse videtur: cum flores longè majores sint & diversi coloris: folia breviora latioraque. *Glaux Alpina* in Exot. quoad folia & florum colorem, & locum natalem cum planta nobis descripta convenit; differt paucitate florum in eodem capite, & numero seminum in eadem siliqua: in his accedit ad Trifolium album rectum hirsutum valde J. B.

Locus.

15. *Trifolium argentatum floribus luteis* J. B. *Lotus asperior fruticosior* Park. *Lotus fruticosus incanus siliquosus* C. B. An *Trifolium glutinosum saxatile argenteum flore odorato* Zanoni?

J. B.

Basis hujus singularis, lignosa, gracilis caules fundit palmares & longiores, tenues, hirsutos: Folia terna alterâ parte argenteo nitore splendens, pilosa, alterâ verò viridantia. Flores cacumini caulium hærent, magno, lutei, hirsuti, è laciniato villosa calice.

In collibus circa Monspelium collegimus.

Secundùm Zanoni floribus succedunt siliquæ hirsutæ unciam longæ, continentes semen planum, ovale. Ad pedem *Montis Baldi* crescit & locis saxosis gaudet.

Locus.

16. *Lotus sylvestris Dioscoridis* Pona Ital. *Sylo. Creticus* Park.

Pona.

Caules surrigit pedales foliis vestitos ad singula genicula quinis, quorum duo minora cauli hinc inde adnascuntur, reliqua tria intermedia ejusdem originis brevissimis & ferè nullis pediculis intercedentibus hærent, parva, obscurè viridia. Flores parvi, lutei, partim è foliorum alis exeunt, partim summos caules terminant, bini plerunque simul; quos totidem sequuntur siliquæ valde tenues & longæ, semina continentes Sinapeos non majora. Radix parva, dura, annua. Sapor totius plantæ leguminosus cum aliqua amaritudine mox evanescente.

- \* 17. *Melilotus quadam Cretica* Alp. exot.

Alpin.

Ex radice tenui, longa, gracili, in aliquot tenuiores radículas divisâ cauliculos fert longos, graciles, foliis, Trifolii corniculati Cretici similibus, sed longioribus pediculis innitentibus, vestitos, & per terram stratos, ac veluti circa radicem luxuriantes; in quorum summitatibus proveniunt bini flores lutei, Trifolii falcati floribus magnitudine & figurâ similes, quibus singulis singula cornicula, longâ, recta succedunt, inque his continentur semina flavescencia, parva & rotunda, gustui primò subdulcia, mox cum modico calore aliquantulum astringentia.

- \* 18. *Lotus wolontegæ fruticosa Cretica argentea, siliquis longissimis propendentibus rectis* Moris.

Moris.

Caules edit fruticosos, bicubitales, aliquando altiores, incanos, ad quorum singula genicula exeunt bina folia, in mucronem obtusum terminata, atque in summo pediculo terna majora & obtusiora, omnia tam subtus quàm supra argentei lucidi coloris. Ex singulis alis inter pediculum folii & caulem exiliunt pediculi unciales, gerentes in cymis summis ternos, quaternos, nunc plures, nunc pauciores



pauciores flores luteos; quorum singulis delapsis succedunt *siliquæ* singulæ, Loti vulgaris glabræ filiquis duplo crassiores, sesquiunciam longæ, rotundæ, rectæ non curvæ, quo à Trifolio corniculato Cretico *Alpini* distinguitur.

Semina Chalepo usque Syriæ emporio transmissa hanc plantam descriptionis auctori produxere.

19. *Lotus flore luteo, corniculis articulatis, Sicula. An Trifolium Scorpioides Park?*

*Radix* alba, simplex, in nonnullis plantis in fibras spargitur imâ parte: *Cauliculi* plures, in terram procumbentes: *Folia* glauca, è quinque foliolis composita, si annumerat pinnas seu aurículas ad pediculorum exortum hinc inde cauli adnatas, ut in reliquis Lotis. *Flores* parvi, lutei, Trifolii corniculati, sed minores, ad nodos vel singulares, vel bini & interdum terni simul. *Siliquæ* longæ, tenues, corniculatæ seu contortæ spiræ in modum, aut Scorpioidis Telephii, articulatæ, *seminibus* oblongis, flavicantibus in singulis internodiis.

Locus.

In Sicilia propè promontoriolum dictum *Punto Cerciolo* non longè à *Puzanu*. Hæc nobis ostensa est *Monspeli* (quantum memini) pro *Coronopo* ex codice *Cæsareo*.

20. *Lotus filiquis Ornithopodii J. B. C. B. An sylvestris Creticus Park? cujus icon non bene respondet Plantæ.*

J. B.

Unica ex *radicula*, albâ, duriusculâ, paucis fibris donatâ, *cauliculi* exeunt aliquot, teretes, in aliquot ramulos ex fescunciali intervallo divisi: Ex quorum geniculis *folia* hærent quina quorum inferiora duo superioribus tribus magnitudine cedunt, nullo sapore manifesto prædita: *Extrema flosculi* occupant lutei, quales in Loto corniculatâ glabrâ, nigris lineis striati; quibus succedunt *siliquæ*, ex uno geniculo duæ, tres aut plures, [imo sex plerunque] fescunciam aut ad summum duas uncias longæ, falcatæ, compressæ, atro-purpureæ, *seminum* extuberantias pulchrè exprimentes. Nobis in una *siliqua* ad quatuordecim *semina* animadversa compressa.

Locus.

Propè *Messanam* Siciliæ in lateribus montium urbi imminuentium invenimus, & in insula ad promontorium *Pachynum* nunc *Capo Passaro* dictum.

\* 21. *Melilotus, rectius Lotus, Hispanica foliis maculatis C. B. Park.*

C. B. prod.

Ex *radice* parva *ramuli* palmares, aliquando pedales, tenues, emergunt, quos ambiunt *folia* bina hinc inde: ex quorum alis petiolum prodiens tria *folia* sustinet, obtusa, atrovirentia, & ob venas candidas per ea discurrentes maculata. *Flores* parvi, pallidi.

Locus.

In montibus Castiliæ frequens.

22. *Dorycnium Dioscoridis fortè Ponæ Park. Jaceæ Oleæ folio affinis C. B. item Cneoro albo affinis ejusdem.*

Pon.

Ad sesquipedalem altitudinem assurgit, multis ramis fruticosus, quibus adnascuntur *folia* crebra, parva, longa, angusta, rugosa & venosa, quàm *Oleæ* minora, nullo ordine posita. *Flores* papilionacei, nunc albi, nunc pallidi. Semen non vidit auctor; verum leguminosa fuerint oportet filiquis inclusa congenerum modo. *Radices* fibrosæ.

Hujus *semina* è *Creta* ab *Honorio Belli* ad se missa *Lago-chymicæ* nomine scribit *C. Bauhinus* in *Pin.*

Imperfecta *Ponæ* descriptio nobis non satisfacit.

23. *Lotus sativa Græca maculato folio C. B.*

*Lotus sativa*, & cum folium modò maculâ rufâ, modò nigrâ notatum sit, & caligini oculorum medeatur, à quibusdam *τετραλλομαῖν*, id est, Trifolium oculatum vocatur *Ang.*

C A P. XI.

De Cytiso.

**C**Ytiseum à Cythno insula in qua inventus est dictum volunt. *Plin.* lib. 13. cap. 24. *Inventus hic frutex in Cythno insula, inde translatus est in omnes Cycladas, mox in urbes Græciæ, magno casei proventus, propter quod maxime miror rarum esse in Italia. Non astuum, non grandinum, non nevus injuriam expavescit: Adjicit Hyginus nè hostium quidem ob nullam gratiam ligni.*

*Jo. Bodæo* à *Stapel* nomen impositum videtur *ἔρδ τὸ λωὸς τὸ δὲς χύων*, quòd *mammillas lactis æqualiter distentas faciat*. Lac copiosum generare Cytisum docet *Columella* lib. 5. c. ult. Cytisum in agro esse quamplurimum maxime referet, quod *Gallinis*, *apibus*, *capris*, *bubus* quoque & omni generi pecudum utilissimus sit, quod ex eo citò pinguescit, & lactis plurimum præbet ovibus, tum etiam, quod octo mensibus viridi eo pabulo uti, & postea arido possis. *Mulieres* quidem si lactis inopia premuntur Cytisum aridum in aqua macerare oportet, & cum tota nocte permaduerit, postero die expressi succi ternas beminas permisceri modico



modico vino, atque ita potandum dari, sic & ipse valebunt, & pueri abundantia lactis confirmabuntur. Eadem ferè habet Plinius loco supra citato.

Cùm Cytisus nihil aliud sit quàm Trifolii filiquosi genus fruticescens, non obstante lignea substantia quâ constat, iis subjungendum duxi.

1. *Cytisus hirsutus* J. B. *Cyt. foliis subruffa lanugine hirsutus* C. B. *Hispanicus arboreus* Park. *Pseudo-cytisus hirsutus* Ger. *Shrub-trefoil*.

J. B.

Trium & quatuor cubitorum *virgæ*, nigricantibus, hirsutis, non admodum fruticosis, neque lentis, donatus est. *Folia* terna, nonnihil oblonga, hirsuta utrinque: [*Clusio* supina parte viridia, pronâ subruffa lanugine hirsuta] *Flores* in ramulorum fastigiis potissimum fert, licet & ad latera interdum habeat, plures simul congestos, magnos, luteos, [aureo colore fulgentes *Clus.*] & calicibus longis, lanuginosis: *siliquas* verò longis pilis obfusas, sescunciâ longiores, paulò triente uncie latiores, per maturitatem nigricantes, *semina* claudentes *Genistæ* seminibus paria, subnigra, ex observatione Parkinsoni.

Hanc speciem *Clusius* solummodo ad montium radices circa Calpen, & in *Bætice* maritimis flo. *Locus* rentem invenit: Nos in Italia & Sicilia frequentem observavimus.

2. *Cytisus incanus* Ger. *incanus folio oblongo Austriacus* C. B. *incanus Germanicus* Park. *Cyt. Clusii Pannonicus alter foliis omnino incanis* J. B. *Cytisus V. Clusi hist.*

*Clus.*

*Cubitalis* nonnunquam fert *virgæ*, rectas, tenues, vimineas, lentas, quas ab infimo ad summum usque exornant *folia*, terna, uni petiolo inhaerentia, *Cytiso* Gesneri ferè similia, sed omnino incana, angustiora, gustu amaro, quæve trita pinguis esse videntur. Ex singulis interdum foliorum sinibus ramuli prodeunt, similibus foliis sed minoribus obfusi, ferentes in summo quinos aut sextos *flores*, *Loti* pratensis herbæ [quam à praegrandibus *siliquis* nonnulli *siliquosam* cognominant] floribus per similes, coloris aurei, odoris non expertes: & ex folliculis deinde *siliquas* planas, oblongiusculas, hirsutas omnino, atque in his *semen* subruffum, planum, nonnunquam tumidiusculum & rotundiusculum, durum, quod maturitate dehiscens *siliquis* excidit. *Radix* dura est & lignosa, nigricans & summâ tellure sparsa.

*Clusio* frequens est toto Viennensi agro, & multis aliis cùm Austriæ superioris & inferioris, tum *Locus* & Pannoniæ locis aridis propter vias. Floret Julio & subinde usque in Autumnum; *semen* sub Augusti Tempus. finem & Septembri maturefcit.

Parkinsonus *Cytisum* album *sylvestrem* Cord. *hist.* huc refert, quam C. Bauhinus pro distincta specie proponit sub titulo *Cytisi* albicantis folio trifolii vulgaris.

- \* 3. *Cytisus hirsutus major foliis pinnatis* C. B. *Cytisus pinnatus* Ger. *incanus major foliis pinnatis, sive quinti species altera Clusii* Park. *Cytisi secundi species altera Pannonica Clusio, hirsuta valde* J. B.

*Clus.*

Multò major est, crassioribus *virgæ* [quàm quinta species *Clus. hist.*] admodum hirsutis, foliis duplo amplioribus, *siliquis* seu lobis maioribus: ipsi etiam *flores* colore magis aureo rutilant.

Juxta sepes in Pannonia & Austria nascitur hoc genus, sed rarius est, & minùs obvium superiorem *Locus*. [*V. Clus.*] illius etiam *semen* vermiculis obnoxium.

- \* 4. *Cytisus incanus siliqua longiore* C. B. *Cytisus octavus* Ger. *Cytisus montis Caeleus* J. B.

J. Bauhinus è ramo sicco ita describit, Teretes, tenues propagines alternatim producit, tantillum hirsutas, in extremis, per quas folia terna, *Dorycnii* ferè *Montpelienensis* paria, quædam brevissimo & pænè nullo pediculo; inter *Cytisi* genera minora folia non observavi. Qui collegerunt dicunt ad aliquot cubitos excrefcere. *Flores* pediculo brevi hærent, longo per ramulorum extrema agmine, *Genistellæ* pares, lutei, calyculo subhirsuto, in acutas lacinias diviso. Rami interdum candidi cùm deflorescit.

Adversariorum auctores sequentibus verbis, Qua quis Româ regiâ viâ Florentiam adit, oppidulo cui nomen Aquapendulæ, declivi & depressa etiam planitie feracissima *Cytisum* fruticem quinque sexve cubitis proceriorem, *Genistæ* sarmentis pluribus, gracilibus, præduris, striatis, vidimus statim ab imo, aut paulò superiùs lignosa radice, è tenuibus pediculis folia terna, non ita numerosa, similia *Pœnugræco*, angustiora, habitiora, Rutacea: *Genistæ* vel *Spartii* vel *Pisi* flores lutei, sed minores. *Siliqua* *Genistæ* par, cinericea, gracilior, compressior; intus loculis sunt dissepta *semina* nitentia ex atrore, *Genistæ*. Est cana universa planta, ut *Rhamnus* *Montpelienensis* aut *Halymus*. Sapor *Ciceris* aut similis leguminis. Reliqua vide apud auctorem.

J. Bauhinus *Cytisum* hunc Lobelii non separaret ab Hispanico primo *Clus.* nisi ipse *Clusius* ac etiam Lobelius separarent: in quam sententiam & nos etiam propendimus. Parkinsonus extra scopum jaculari videtur, cùm hunc habet pro *Cytiso* incano folio oblongo Austriaco C. B.

- \* 5. *Cytisus incanus folio medio longiore* C. B. *Cyt. tertius Hispanicus cum brevi pediculo* J. B. *Cyt. Hispanicus incanus sive sextus Clusii* Park. *Cyt. semper-virens* Ger.

*Clus.*

*Pedalibus*, rarò *cubitalibus* assurgit ramulis, tenuibus, omnino incanis, quos exornant terna semper folia, brevi pediculo inhaerentia, quorum medium duplo longius est reliquis, cinerei & canescentis coloris, adstringentis verò & linguam exsiccantis saporis. Ramusculi ferè ab imo ad summum



mum per singulorum foliorum exortus, floribus luteo colore fulgentibus, jucundi odoris onusti sunt, binis aut ternis simul nascentibus, ex molli quadam & candida lanugine hirsuta vaginula, similis cum superioribus formæ, sed minoribus. Semen non observavit Clusius.

Locus & Usus.

Invenitur variis Hispaniæ locis, præsertim Bætica, sed nusquam abundantius quàm Valentino regno, ubi plurimus ejus usus est: nam illius ramis nudis & à suis foliis liberis, supra tegetes ab his qui bombyces alunt sparsis, jam saturi Mori foliis bombyces sericea sua stamina his ramis advolvunt, quæ deinde à mulierculis & pueris explicantur. Valentini Boga & Boxa blanca appellant.

6. *Cytisus supinus foliis incana lanugine infernè pubescentibus* C. B. *hirsutus* Ger. *Austriacus*, sive *septimus* Clusii Park. *Cytisus tertia Clusii Pannonica sparsis ramis* J. B.

Clus.

Aliquot ramis præditus est, sparsis & humi fufis, tenuibus, lentis, fractu contumacibus, qui nullis aut certè rarissimis foliis sunt obfiti, multos autem ex lateribus ramulos proferunt, tenellos, hirsutos, in quibus folia longis pediculis nixa, terno semper numero, superioribus breviora, elato dorso, superne viridia, infernè cana lanugine pubescentia, amariusculi saporis & herbacei odoris. Ex alarum in extremis ramulis, & per totos interdum ramulos sparsarum sinu prodeunt terni aut quaterni simul juncti, nonnunquam singulares flores Quinti [Clus.] flori forma similes, lutei coloris, qui tamen dum marcescere incipiunt aureum colorem adeo saturum contrahunt, ut purpurascere videantur: folliculi unde flores emergunt pallent & lanugine pubescunt. *Siliquæ* planæ & hirsutæ subfuscum exiguum semen continent. *Radix* dura, lignosa, juxta quam rami per terram sparsi subinde fibras agunt.

Locus & Tempus.

Sponte provenit sylvulâ quadam ad *Lachn* pagum primo ab urbe Vienna milliari, & plerisque aliis locis urbi vicinis: crescit etiam in utriusque Pannoniæ sylvis, & in Interamni ultra Dravum fluvium. Maturius floret reliquis Pannonicis, Maio videlicet, nonnunquam etiam Aprili, & novos interdum ex ramulis flores per totam deinde ætatem profert.

7. *Cytisus supinus foliis infernè & siliquis molli hirsutæ pubescentibus* C. B. *Cytisus Pannonicus sive septimi species altera* Clusii Park. *Cytisi tertiæ Pannonici tertia species Clusii supinis ramis* J. B.

Clus.

Pedalibus exit *virgæ*, tenuibus, viridibus, supinis & humi fufis, quas ambiunt similia folia, flores etiam pares extremis virgis quini, seni aut plures simul congesti innascuntur, nulli autem per virgas sparsi ut in superiore: *Siliquæ* & *semina* non differunt. Virgarum foliorumque pars inferior & siliquæ molli hirsutiâ pubescunt.

Locus.

Hunc in folis Pannoniæ sylvis Maio mense florentem invenit Clusius.

8. *Cytisus supinus sylvestris Ratisponensis floribus luteis ad exortum foliorum prodeuntibus* Hort. Altdorf.

Hanc plantam in Suevia, inque Bavaria propè Ratisponam invenimus. Folia utrinque hirsuta, acuminata, pediculis oblongis insident.

\* 9. *Cytisus minoribus foliis, ramulis tenellis, villosis* C. B. *Cyt. Hispanicus primus* Clusii, folio *viridescente* J. B. *Pseudo-cytisus primus* Ger. *Hispanicus primus* Park.

Clus.

Hic interdum arbusculæ magnitudine excrescit, duro stipite, cujus materia flavescit, sed cor five pars interior nigricat: is autem cum majoribus ramis & virgultis candicante cortice obducitur: tenelli ramuli toti villo obfiti: folia numerosa ramos ambiunt, terna uni pediculo inhaerentia, Medice modo, dilutioris viriditatis, sapore viridum leguminum, amari tamen. Aliquot flores extremis ramulis quasi spicæ instar nascuntur, Genistæ similes, minores, lutei, nonnihil odorati: deinde lobi Genistæ pares, oblongi, asperi tamen & hirsuti, in quibus exiguum semen tumidiusculum, nigricans, Genistæ minus. *Radix* lignosa, & in diversa tendens.

Locus & Tempus.

Crescit in Salmanticensi agro, & aliis utriusque Castellæ locis secundum publicas vias. Floret Junio; semen profert Julio & Augusto.

10. *Cytisus foliis angustis, incanis quasi complicatis* C. B. *Cyt. Hispanicus Clusii secundus* J. B. *Pseudocytisus 2.* Ger. *Hispanicus secundus* Park.

Clus.

Hic duorum cubitorum duntaxat altitudinis, fruticosus, virgas profert candidas omnino, tenues, ramosas: folia superiori similia, terna semper ex uno pediculo nascentia, minora, prorsus incana, nunquam expansa, sed semper quasi complicata, prominente dorso, impenitè amara. Flores ut in altero, extremis ramis insident, superioribus formâ similes, sed intensior & planè aureus color; *siliquæ* etiam longiusculæ, asperæ, ex purpura nigrescentes, mucrone deorsum inflexo. Semen paulò majus est & subnigrius altero: *Radix* similis.

Locus.

Loco & florendi tempore cum præcedente convenit.

Nos in sylvis montosis propè Viterbum viâ quâ Romam itur Cytisi speciem invenimus cortice glabro candicante; foliis parvis, obscurè viridibus, glabris, minimè expansis, sed quasi complicatis, pluribus simul, siliquis oblongis, compressis, asperis seu hirsutis, parvo intus semine; quam huic eandem dicerem, ni magnitudo & foliorum color obfaret. C. Bauhinus tamen adnotat hunc circa Monspelium foliis esse viridibus; qualem & D. Magnol se copiosum observasse ait in Gramuntio luco, Maio mense florentem.

11. Cytis-



11. *Cytisus glaber nigricans* C. B. *Cyt. Gesneri*, cui flores ferè spicati J. B. *Cytisus* Ger. *Pseudocytisus niger* Park.

J. B.

*Virgulis* est cubito longioribus, lentis & multis alis tenuibus concavis, brevi pilo circa fastigium ramulorum hirsutis. *Folia* semper terna uni pediculo inhaerent, prona parte hirsuta, quarum longitudo nervus percurrit, Clusio folia saporis amariusculi, Ramorum extrema in longas abeunt spicas luteorum Pisi floribus similium, sed minorum & brevibus pediculis haerentium, odoris grati, Clusio melleum quiddam spirantis; quibus *siliquæ* superveniunt unciam aut fescunciam longæ, planæ, culmum latæ, compressæ, hirsutæ, *Semen* parvum, spadiceum, Clusio flavescens, continentes. *Radix* dura, lignosa, longa, rarioribus fibris donata.

In Austria & Sciria, itinere à Vienna ad Venetias copiosum observavimus.

Locum.

- \* 12. *Cytisus glaber viridis* C. B. *glaber siliquâ angustâ* J. B. *Cytisus siliquosus* Ger.

J. B.

*Folia* huic Cytiso terna quidem illa, ex rotundo sublonga, ut Cytiso Gesneri, verum glabra. *Flores* ad virgularum angulosarum latera ex foliorum alis singulares, quantum animadvertere licuit, satis magni, longiore calyce quam in Cytiso glabro siliquâ latâ, à quo & siliquæ distinguunt, ex latere, ut mox de floribus dicebamus, prorumpentes, culmo angustiores uncias duas longæ, pediculo brevissimo haerentes, glabræ, quæ sicca nigra; inter Cytisos tenuiores siliquas non observavimus, in quibus *semen* orbiculatum, rufum, compressum, Lente minus.

Thomas Johnsonus in Gerardo suo emaculato hanc speciem parum admodum vel non omnino à præcedente differre scribit: sed florum situs repugnat. Ni folia glabra essent, Ratisponensem nostrum existimarem.

13. *Cytisus glaber siliquâ latâ* J. B. *Cytisus* 2. Ger. *glabris, foliis subrotundis, pediculis brevissimis* C. B. *Pseudocytisus foliis subrotundis* Park.

J. B.

Accommodus est tonsilibus arearum marginibus, reliquisque topiarii operis deliciis, obsequiosis virgulis, quæ alicubi ad tertium & quartum cubitum assurgunt, glabræ, & ubi tenuari occipiunt angulosa: per has *folia* terna, semper juncta concinna & rotunda, uncia brevioribus pediculis haerent; at verò in ramulorum qui flores aut siliquas sustinent extremis non jam ea terna, sed bina aut singularia, fortuito posita, latiora & in acumen desinentia. Verum tum hæc, tum illa lato virore arident, nullis obsita pilis. *Flores* summitatibus ramulorum acervatim insident, lutei, Genistellæ æmuli, ex pedicellis semuncia brevioribus, quibus succedunt *siliquæ*, unciam unam aut alteram longæ, semunciam latæ, compressæ, glabræ, in quibus *semina* fusca, subrotunda, compressa.

Hanc plantam in clivis maritimis propè Salernum in Italia sponte nascentem observavimus: Can- *Locum.* tabrigiæ in hortulo nostro aliquot annos coluimus. Folia in virgis inferiora pediculis satis longis insident.

14. *Cytisus foliolis glabris, siliquis Ornithopodii hirsutis* C. B. *Pseudocytisus Hispanicus Baubini* Park. C. B. *prod.*

Hic virgis est rotundis, striatis, duris, tricubitalibus, in varios ramos, nonnihil lanuginosos brachiatis, quos *folia* numerosa, terna uni pediculo inhaerentia, in summis ramulis exigua, dilute virentia ambiunt. *Flores* parvi, lutei, Genistæ similes, quibus *siliquæ* unciales, molli hirsutie tectæ, ternæ, quaternæ, quinæ uni pediculo inhaerentes, quibus *semina* parva, plana, nigricantia inclusa sunt.

In Hispania ad agrorum limites frequens est; non tamen cum Cytiso primo Clusii, cujus pars in- *Locum.* terior nigricat, confundi debet, & ramuli toti villis obsiti sunt.

Nescio an hæc species ad legumina siliquis articulatis potius referri debeat.

15. *Cytisus hirsutus flore luteo purpurascente* C. B. *magnus flore luteo purpurascente* Pona Italic.

16. *Cytisus serratifolius seu glaber Dioscoridis Langerio flore rubro* Hort. Altdorf.

17. *Cytisus incanus siliquis falcatis* C. B. *Cyt. siliquâ incurvâ, folio candicante* J. B. 7. *Cornutus* Ger. *Galenii creditus Maranthæ, cornutus* Park.

Marant. J. B.

*Cytisus Maranthæ* frutex est totus candidus, eam altitudinem attingens ad quam Myrtus crescit. *Folia* singulis pediculis terna, retusa & nonnihil fissa, quæ si digitis terantur odorem Erucae proximum, gustata verò Cicer recens æmulantur. *Florem* excludit in ramorum cacuminibus, latum aspectuque pulcherrimum, colore luteum sed saturato, [parvum, Genistæ pilosæ flori proximum, ex longo pediculo.] *Siliquas* producit pulchras, latas, contortas unâ & nonnunquam pluribus spiris, in quibus *semina* parva, vix ineunte æstate maturescunt. Caudex nigrum cor retinet Ebena simillimum, quod evenit ratione vetustatis; nam in adolescente non observatur.

Ad Baias propè Neapolin in Italia copiosum invenimus. Marantha eum sæpius collegit propè *Locum.* Neapolin, in colle quodam, quâ ad Nesidem insulam itur. Honor. Bellus in insulis Rhodo propinquus & Rhodo ipsa nasci tradit.

Ex hujus ligno ensium manubria Turcæ conficiunt; & *Caloieri* Patmi sphaerulas precatórias effor- *Ufus.* mant. Bellus.



# Appendix ad Legumina,

Continens plantas quasdam, ob siliquas bivalves quas  
producunt, Leguminosis affines.

**H**Æ vel sunt foliis pinnatis Leguminum instar, vel foliis variè dissectis, floribus tamen ad papilionaceos accedentibus.  
Prioris generis plantæ sunt vel foliis bicompositis seu ramosis Filicum nonnullarum in modum, vel foliis tantum pinnatis.

## SECTIO PRIMA.

*De Siliquosis anomalis, Leguminosis affnibus, foliis variè dissectis, floribus ad Papilionaceos accedentibus seu*

*De Fumariis siliquosis.*

**F**UMARIÆ notæ sunt Flores spicati ad Papilionaceos accedentes, calcaribus retrorsum productis, quorum medio circiter tubo pediculus inferitur, Siliquæ bivalves velut Leguminosarum, folia dissecta aut pinnata.

A. 1. *Fumaria alba latifolia* Park. *alba latifolia claviculata* Ger. emac. *claviculis donata* C. B. *Fumaria cum capreolis* J. B. *Climbing fumitory*.

E radice simplici, tenui, sublutea, paucis fibris capillata, gustu amaricante Cauliculos emittit plures, tenellos, infirmos, angulosos, humi procumbentes, nisi in propinquo sint frutices quos clavculis suis apprehendant. Folia ex intervallis alternatim oriuntur, tenella, pallidè virentia, acuminata, Lentis quodammodo figurâ, integra, nec laciniata neque ullo modo incisa, quinque aut sex pinnulis ad eandem costam adnexis composita, extremâ costâ in claviculam prætenuem exeunte. Flores in spicis ex adverso foliorum oriuntur, Fumariz vulgaris floribus figurâ similes, sed minores breviorisque, colore albo nonnihil virente, duabus partibus compositi, alterâ sursum, alterâ deorsum reflexâ, marginibus velut crispis aut fimbriatis. Succedunt siliquæ breves, nonnihil compressæ, tria vel quatuor semina, exigua, nigra, splendentia, reniformia continentes.

Tempus  
& Locus.

Floret circa finem Maii: inque uliginosis saxosis, arenosisve & ad ripas lacuum & fluviorum reperitur, sed rariùs.

C. Bauhinus aliam præter hanc Fumariz viticulis & capreolis plantis vicinis adhærentis speciem habet; quam & D. Magnol Aprili & Maio mensibus florentem circa Thermas Ballerucanas, & sub magnis rupibus ultra pontem S. Jean de Vedas propè primum molendinum se invenisse asserit. Nos tamen suspicamur non diversum esse à præcedente quam intelligit D. Magnol. Quòd si C. Bauhinus Fumariam nostram majorem scandentem flore pallidiore intelligat, perperam viticulos & capreolos ei attribuit. Nos dubios & suspensos relinquunt, qui Entia sine necessitate multiplicare odimus.

2. *Fumaria siliquosa semper virens* Cornuti. *Siliquosa Americana* Park.

Corn.

Rectà surgit caule pedali, rotundo, glabro, tenui velut cinere asperfo, qui leviori tactu facillè defloratur. In foliis cæsius lævor & divisura similis vulgari, amplitudo tamen est major. Brumale tempus ea non metuunt. Cauliculi alatim pullulant: floribus in apice spicantur, Radici curvæ similibus, colore autem diversis: horum enim canaliculus carneo, os autem patulum fulvo atque aureo colore splendet. Floribus succedunt siliquæ, falculæ in modum contortæ, flavescentes, in quibus semina Milii, modo compressa, rotundiora tamen concluduntur. Radix fibrosa est, vulgarique densius capillata.

Planta hæc acris simul & amaræ qualitatibus est particeps.

3. *Fumaria que Split dicitur* J. B. *Fumaria lutea* Ger. C. B. *lutea montana* Park. *Pellows fumitory*.

J. B.

Numerosos, teneros & delicatos profert caules, dodrantes, per quos folia spectantur Radicis cavæ vel Adianti, sed minora multò, mollicella, glauca, potissimum parte inferiore, sapore insigniter



gniter acri & fauces vellicante, pauco adjuncto amarore. Flores lutei vel albi cornicula relinquunt. Fumariæ bulbosæ, minora, semine plena nigro, nitido. Radix crassiuscula nigricat.

Provenit in collibus cultis & agris Apuliæ & Calabriæ, alibi etiam in Italia & Illyria.

De hac herba Achilles Gasserus in Observationibus ab Hier. Velschio editis, Observ. 99. hæc habet; Cum in Italia studiorum gratiâ versarer, in magno usu & fama erat herba quàm Split in Slavonia, Venetiis autem herbam Sclavonicam vocabant, amara & foliis Rutam ferè æmulantibus, quæ causa est ut quibusdam illius genus, aut *Harmel* Arabum videretur. Hæc copiosè nata in finibus Bosniæ, circa Castrum dictum *Bosmaprin* mirè laudabatur ad varios affectus, Podagram, Arthritidem, Ischiadem, nervorum affectus, Spasmus, Paralyin, Epilepsiam, Apoplexiam & similes. Quod cum clariss. Viro Georgio Laubio Med. Aug. & amico meo literis significassem, hoc modo respondit: Mitto tibi pro *Arnoldo* quæ habeo de herba Split, ex Venceslao Lavinio Moravo hom. liter. Est species Fumariæ seu Corydalis. Invenitur in montibus Bosniæ inter saxa; folio, sapore & flore Fumariam referens: Semen habet in siliquis. Est semper viridis, plurèsq; radices agit, inter se commixtas: possit Fumaria Alpina nominari. Usus ejus in omnibus nervorum affectibus frigidis: Cerebrum confortat, leniter purgat, urinam movet, oppilationes mesenterii aperit & hepatis. Radix amara & acris est: Formula hæc,

R. Radic. Split ʒj. vel Mj. contunde minutim; pone in Vini albi M. j. in olla vitreata sat magna: integatur crusta panis bene oblita in circumferentia: Bull. lento igne per horam j. Datur jejuno pro vice ʒj. hujus decocti tepidè, & per quinque dies continuetur. Prima vice sumptum inebriat, post leviter exhilarat & morbum citò levat, victu convenienti instituto. Corroborat Cerebrum, & quod Melancholicis ac Maniacis conveniat credit quidam Medicus. Greg. à Klo Medicus in Bavaria asserit hæc omnia vera esse, & ipsemet cum esset debilitatis artubus, ut vix ambulare posset, timens præterea Epilepsiæ superventum curatus est hac herba, ita ut in alium quasi novumque hominem se conversum putaret. Hic verò dat ʒij. decoct. Ex excerptis D. Suame.

4. *Fumaria bulbosa radice cava major* C. B. *F. b. radice cava flore purpurascens & albo* J. B. *Radix cava major alba* Ger. Item *R. c. major purpurea* ejusdem. *R. c. ma. flore albo* Park. item *R. c. ma. flore carneò* ejusdem.

ʒ. B.

Radice est bulbosa, cava, lata & sessili, fibris aliquot donata, colore intus forisque buxea, sapore amaro, interdum non major nuce Juglande, aliàs pugno maximo major, quasi ex compluribus bulbis compacta, continuis tamen eâ formâ qua Brutorum renes nonnunquam conspiciuntur. Hinc exsurgit *caulis* unus aut plures, teneri & magnâ sui parte sub terra latentes, angulosi, compressi, dorantales & altiorem, foris obsoletâ purpurâ colorati, intus pallidi, nervorum agmine rubentium in circulo stipati, succum remittentes, qui primo statim occurfu linguam cum amarore & acrimonia vellicat. *Folia* in caule bina ortu inæquali, pediculis crassis, cauli concoloribus & longis; colore glauco prædita, quæ trifariam rursus cum peculiaribus pediculis subdividuntur: singularia folia divisurâ Aquilegiæ minoris: A caulis medio ad summitatem usque in thyrsi modum digesti flores pulcherrimi, ex brevibus pedicellis, veluti Consolidæ regalis, calcaris extremo recurvo & veluti nucleato obtusove, ut in Aquilegia, purpurei vel albi, labris utrinque divulsis rictum ostentantes, lingua tanquam in ore latente, binis foliolis ad capita coeuntibus, cannulatis, foris albis, intus puncto coccineo saturo in summitate notatis, id quod commune est tam ei quæ flore albo est, quàm ei quæ purpureo: quin etiam utrique inter flores quæ eorum pediculi oriuntur pro singulis pediculis singula folia oblonga, striata, mucronata, integrâ & modicè concava. *Siliquæ* maturo ortu sequuntur oblongæ, in quibus semen parvum, nigrum.

Plantulæ ex semine deciduo folium unicum producunt oblongum, subrotundum, simile Auriculæ Leporis primum proveniente.

Eam quæ flore est purpurascens in agro Mediolanensi copiosam invenimus primo vere, cum Mediolano Taurinum iter faceremus. Flore albo prædita ubique ferè ad sepes, inque scrobibus umbrosis Alpium Helveticarum nobis observata est.

Radice cavam viridi flore Lob. à descripta non separat C. Bauhinus, quem nos hac in parte non inviti sequimur.

5. *Fumaria bulbosa radice solida, calcaris & folio cristato* J. B. *F. bulb. radice non cava major* C. B. itemque minor ejusdem.

ʒ. B.

Radice est bulbosa, non cavâ, rotundâ, Avellanæ magnitudine, interdum majore, non tam altè defixa ut ea quæ radice cava, membranula quæ faciliè trahenti cedit investita, foris buxea, intus sub-alba, amara, cui fibræ capillares aliquot adnatæ. Planta sæpe palmaris & minor, interdum dodrantalis & pedalis, nec multò minor Radice cava, caule lævi, subrubro, binis foliis prædita, ex oblongis pediculis cauli concoloribus, non adversis, in tria alia subdivisis, quæ tenuius deinde subdividuntur. Juxta radicem aut paulo altius folliculus unicus carinatus, calcaris gallinacei instar, membranæus, in quo aliorum foliorum rudimenta. Extremo cauli insident flores Radicis cavæ, purpurantes, qui pediculo mediocriter longo tenuique adhærescunt, albi, tres, quatuor, novem, duodecim aut plures, conferti in spicæ formam; inter quos ad singulorum pedicellorum exortum folium unum, dissectum variè, fimbriatum & cristatum. Succedunt siliquæ, ut in præcedenti.

In hoc genere flores albos nondum observavi.

In Belgio, Germania & Sabaudia arborum quorundam sepes & margines hac scatere dicuntur.

Non separabimus nos unquam (inquit J. Bauhinus) has duas Fumarias radice solida non cava [majorem & minorem C. B.] siquidem magnitudine tantum variant. C. Bauhinus diversas affirmat, & florum herbaceis rudimentis differre ait. Nos fratris senioris sententiam amplectimur.



\* 6. *Fumaria tuberosa* insipida Cornuti. *Tuberosa Americana* Park.

Corn.

Insipidam ideò appellamus hanc quod gustanti & olfacienti omnis pæne saporis & odoris expert esse percipitur. Ramosum huic & velut pennatum *folium* nascitur, tam tenui divisurâ quàm est Juniperi: ejusdem coloris est cum reliquis Fumariis. Pediculi ab radice ad folia usque dilutissimè purpurascunt. *Radix* in duo tubercula rotundatur, quæ geminum velut testiculum repræsentant, villis quampluribus velut adnata pube vestitum, ac ferè ei similis est Satyrio, quod ab eadem radice figura Cynoforchidem nominârunt. De flore nihil statuo (inquit) necdum enim apud nos floruit, eum tamen album esse intelligo.

A Canadensi solo repetitur.

## SECTIO SECUNDA.

De Siliquosis anomalis folio bicomposito seu ramoso, flosculis in globulos coactis.

**P**LANTAS hæc ob lobos seu siliquas bivalves conformes Legumini-bus subjungendas duximus quamvis foliorum compositione, sed præcipuè florum figurâ, situ, aliisque accidentibus ab eisdem plurimùm differant.

Harum pleræque ad tactum aut frigidioris aeris appulsu folia illico contrahunt ac si sensu prædita essent, unde *Æschynomene* & *Mimosa* & *Sensitive* dictæ sunt: quæ facultate, quamvis obscuriore, fortasse etiam *Acacia* *Ægyptiaca* & *Indica* pollent, quæ foliis & floribus cum *Æschynomene* conveniunt; atque idcirco ab iis minimè separandæ sunt, quantumvis lignescant & in fructus satis grandes aut etiam arbores evadant. Primum ergo de *Acacia* agemus, deinde de *Æschynomene*.

## CAP. I.

De *Acacia*.

1. *Acacia vera* J. B. *Acacia foliis Scorpioidis leguminosa* C. B. *Acacia Dioscoridis* Ger. *Acacia vera sive Spina* *Ægyptiaca* Park. *Acanthus Theophrasti*.

J. B.

*Acacia* plantam adolescentiorem, ex semine natam à se Patavii visam describit J. Bauhinus spinis horrentem simili ferè spinis *Berberis*, eodémque ferè ordine dispositis, binis ut plurimum simul junctis, à se invicem divaricatis albis, cortice ex nigro cineraceo, ligno ex luteo pallescente, foliis ad lentis folia accedentibus, pinnatim multis, ad costam unam coherentibus, ut pollice, teste Bellonio, possis tegere 350. folia. Siliquæ, quas hæcenus habere contigit, *Lupini* siliquis quodammodo similes, nigricantes sive fuscae, compressæ, angusto isthmo interceptæ (an pluribus quàm duobus soleat isthmis distingui, *avvolutis* non habeo quod dicam: *Asterudis*. *Veslingius* ex *avvolutis* siliquarum ejusdem arboris alias digiti, alias manus quoque *spithamæ* mensuram superasse didicit, nec ternis tantum aut quaternis, sed octonis, etiam denis, pluribusque seminibus, inter arctatos lobulos invicem subornatis) eoque fragili: unicuique loculo, ad latera apertili semen inest unicum, minus quàm *Carobæ*, spadiceum, circulo in unguem ducto, ut in *Tamarindis*, dentium contemptrici duritie in eo medulla. Caterum siliquam intrinsecus succingit pellicula rufescens, inter quam & extremum corticem concretus liquor apparet, qualis ferè in *Cajous*, sed valdè paucus. Flores pulcherrimi sunt, sphaerica rotunditate globuli, in corollarum contextum olim recepti, staminum innumerabilium densa pbalange, *Cerasi* minoris ambitum æquantes, ex se pulverem remittentes. Coloris sunt flavi, pediculi singulorum globulorum tenues unciales. *Alpinus* ait odore esse non ingrato, *Cayri* quidem flavos vel pallidos; in montanis verò *Arabie* albos: Arborem magnitudine esse *Mori*, ramisque latius expansis, candice *Pruni*, trunco æquali. *Veslingius* caudicem spinis carentem non raro ampliorem se deprehendisse ait, quàm ut brachio suo circumdari potuerit: non *isidorus*, teste *Theophrasto*, sed à mediocri saltem altitudine, densiore sylva ramorum, in latus magis quàm in rectitudinem se exporrigentem.

Hujus arboris, *Alpino* auctore, mas atque fœmina reperitur. Mas quidem spinis est horridus, & fructum non edit: Fœmina spinis paucioribus mollioribusque referta est, easque extra ramos tantum habet, non autem intra: quæ arbor est fecundissima, florereq; orientibus *Pleiadibus*, *Novembri* scilicet mense, incipit; & rursus iisdem occidentibus, mense scilicet *Martio*, bisque in anno fructus fert atque maturat.

Vires.

*Ægyptii*, ex observatione *Alpini*, *Acacia* arboris utuntur succo, ex siliquis immaturis expresso, vel etiam ex floribus vel foliis, ad oculos roborandos, atque ab inflammationibus, quæ ibi sunt frequentissimæ, tuendos, ad oris auriumque omnia ulcera, necnon ad labiorum fissuras, ad dentes colabentes roborandos atque firmandos, succo in pulverem redacto, post ablutionem ex decocto ejusdem



dem succi vel foliorum, vel florum parato, factam, utuntur supra gingivas alperlo, ac eo dentibus confricatis. Sanguinem spuentibus drachmam singulo mane, aliquo liquore dissolutam potandam offerunt, mirasque ad quamcunque sanguinis fluxionem firmandam semper vires habuisse apud eos cognitum est. Ego sapissime hoc solo auxilio multas mulieres ab immodico uteri profluvio penes mortuas revixisse atque sanatas fuisse certo scio. In iis quidem quæ has immodicas patiuntur vacuationes, clysteribus ex Acaciæ foliorum florumque decocto paratis in uterum injectis utuntur, atque etiam succo pulverisato prædicto cum decocto dissoluto atque immisso. In alvi fluxionibus eodem modo tum clysteres frequentant, tum per os succum feliciter exhibent. Ad anum utrumque foras procidentem succo dissoluto cum foliorum florumque decocto nihil habent præstantius ac frequentius quo utantur. Ad eos qui ex quacunque causa articulos debiles habent fomentum ex iisdem omnibus paratum pro præsentaneo auxilio habent. Omnes ejus fomento utuntur ad defendendos articulos ab humorum decursu, atque non minus in eisdem tumefactis atque inflammatis, præsertim in principio dum humores adhuc in cursu sunt. Hincque usus ad podagricos dolores frequentissimus est, maximamque vim habet Acacia, ut à podagricis incurfibus homines præservet. Non desunt qui ad ea mala non modò foris fomenti vel balnei modo Acaciæ utuntur, verum etiam succi modicum per os sumere ante fluxionis tempus per aliquot dies consuecunt, ut ipsæ internæ viæ angustiores factæ minùs cursui humorum pateant. Aliqui etiam ex succo Acaciæ atque aceto linimentum parant ad liniendos articulos debilitatos, quo sanè mirificè eos roborant ac firman. Multos novi recentèr à podagra tentatos usu assiduo Acaciæ planè convaluisse, qui singulis diebus per horam ad minus, pedes in decoctum Acaciæ calidum detinebant, eoque fomentabantur, pedesque absterfos linimento ex succo Acaciæ opobalsamo, acetòque parato etiam inungebant. Ad pudendum aliarumque debiliùm ulcera difficilia succi aquâ pluries loci pulverizati usus est illis familiarissimus; decocto etiam utuntur ad exsiccandas pustulas omnes, præsertimque Gallicas, sed decoctum parant, etiam cum modico ligni Guaicai. In pueris etiam ad achores in capite orientes & decocto, & pulvere utuntur. Hæc omnia Alpinus.

Acaciæ vim validam adstringendi inesse veteres & recentiores consentiunt: qua mediante prædicta pleraque præstat; ad quæ Dioscorides eam commendat. Pro succo Acaciæ Officinæ olim Pruni sylvestris succum substituere solebant.

*De Gummi Arabico dicto.*

Cortices, spinas, filiquas & semina quæ reperiuntur cum gummi Arabico satis demonstrare censemus gummi illud provenire ex Acacia, inquit J. Bauhinus. Accedit Bellonii & Alpini testium idoneorum id asserentium autoritas; quibus potius fidendum quam Matthioli & aliorum ratiunculis in contrarium adductis, quibus refutandis immorari non erit operæ pretium. Scio (inquit Alpinus) totam gummarum quantitatem quæ ex Ægypto convehitur esse Acaciæ arborum, quando nulla ibi arbor sit excepta hac, quæ gummas educat, ac Ægyptus & Arabia Prunis, Cerasis atque Pomis careat.

Vim habet gummi meatus obducendi, acria medicamenta quibus admiscetur hebetandi, & in am-Vires. bustis pustulas excitari non finit illud cum ovo, autore Dioscoride.

2. *Acacia Indica Farnesiana Aldini.*

Ad Avellanæ nucis magnitudinem in horto Farnesiano succrevit, cubitorum duodecim altitudine, caudicis diametro semipalmari [palmum Romanum intellige] figurâ suâ & cortice dictam Nuncem omnino æmulans si aculeis careret, dum scilicet sine foliis spectatur hyemali tempore. Rami infunt longi, alti atque erecti, sed juncturis haud in rectum sibi respondentibus, fractu contumaces & flexiles cortice lævi, ut in Avellana. At ramusculi novelli ex parte terram aut Septentrionem spectante viridi cinerei, superiore Solique opposita obscure rubentes atque albis punctis commaculati apparent, qui tandem solidiores effecti cinerei cum diluto virore toti visuntur. Folia Maio mense alternatim in ramis, modò ex una parte, modo ex altera ante primos flores elucescunt, ramosa, pinnatæque Filicis foeminæ in modum, quatuor, quinque, sex, septem, aut octo ramulorum paribus composita, nullo in extremo impari foliorum ramulo; in quorum unoquoque parva & oblonga sunt foliola viridia, instar foliorum Lentium, invicem opposita, sese ex ordine contingentia, interdiu expansa, noctu ad se mutuò adducta [opposita scilicet] Aculei cuilibet folio in lateribus pediculi connascuntur bini, initio colore carneo, postea albescentes, validi, unciam & amplius longi, qui remanent diu in ramis & caudice etiam deciditibus foliis.

Flos Quintilis mensis initio apud nos, postquam folia pauca è vetere ligno emerferunt, apparet, *Tempus.* non quidem in multa copia, sed qui fructum perficiat: Septembre autem incipiente, post plurima etiam alia enata folia, iterum floret copiosè ex novellis furculis: At fructum ex his non edit, fortè ob frigus insequens: nam Alpinus bis in anno Acaciam in Ægypto fructus ferre & maturare scribit. Verni flores pauciores sunt numero, & singulatim oriuntur, brevique annectuntur pediculo: Autumnales verò copiosissimi prodeunt, atque tres, quatuor, quinque, vel sex propè orti & quasi simul, longoque pediculo pendentes hærent, caterò non differunt. Porro flos iste cum parvulus est viridi cernitur colore, parvumque figurâ imitatur Fragum, deinde lutescit, & post duos vel tres dies albens, fit cano hominis capillo haud absimilis, parvæ etiam pilæ in modum est rotundus, apparètque quodammodo tomentosus ac lanuginosus, quasi ex pluribus flocculis consarcinatus: sed reverà à medio prodeunt infinita quædam, mirum in modum tenuissima filamenta, in summo luteum apicem parvum, rotundumque, ac arenæ granulo similem habentia, quæ circumposita cum suis appendiculis globum luteum efformant, fructus Cerasi magnitudine ac figurâ. Adhuc autem exactius hunc florem examinans, reperi parva & oblonga valcula (scilicet potius caliculos) optimè



simul confarctæ in perfectam rotunditatem, numero aliquando 95, 100, 110, & plus, & minus, quæ omnia oclusa sunt viridia, aperta verò, scilicet cum efflorescunt, singula quælibet quadraginta vel quinquaginta, tenuissima brevique & lutea filamenta ( seu capillamenta aut potius pilos ) in summo fortita, parvulum granum luteum pro apice continent atque emittunt. Sapore est flos iste parum adstringente cum levicula amaritudine: odor verò gratus & suavis, nec dissimilis Keiri, at paulò acutior: quem ficcatus diu pertinaciter retinet. Per mensem integrum prima vice, secunda per duos & plus florens conspicitur, floribus aliis marcescentibus, aliis subnascen-  
tibus.

Siliquæ è floribus centro prodeunt, numero variaz, solitariaz interdum, aliquando verò binæ, ternæ, quaternæ, senæ, septenæ, denæ etiam, nec rarò plures ab uno eodémque flore. Cum enim ortum ducant siliquæ ab illis vasculis in flore dictis quæ centenæ quandoque numerantur, nec etiam erit impossibile ab uno globoso tantum flore centenas oriri siliquas: posito autem figuræque simillimæ conspiciuntur Piperi Æthiopico *Matth.* sed sapore & internis seminibus differunt; per maturitatem nigerrimæ dum parvæ adhuc valdè adstringentes sunt, contortæ, rotundiores & veluti cornicula, maturelcentes paulatim minus adstringentes, magisque acres; maturæ figurâ & magnitudine Lupinorum siliquas æmulantur, aliquantulum contortæ, sex uncias longæ, digiti minoris crassitie, rotundiusculæ & tuberculosa ob semina inclusa, Cortex ficcus validus est.

Semina Carobæ similia; matura dura atque nigra, non rotunda sed longiuscula, medullâ bivalvi, in quolibet lobo plura, incerto numero, sine ordine posita & confarctâ, substantiâ quâdam candida & levi interposita. Mirum, vel unum semen tantum paululum ore mansum adeò calefacit os & palatum, atque Allii odorem adeò æmulatur, ac taliter eo odore os inficit, ut etiam à longè mirè foreat halitus ejus qui hujusmodi semen parum manderit.

Semen ab insula S. Dominici dicta seu Hispaniola transmissum fuit. Plantæ è semine Indico enata post triennium florere cœperunt.

*Acacia secunda Vet.*

Acaciæ alterius meminit Dioscorides in Cappadocia & Ponto nascentis, similis Ægyptiæ, multò tamen minoris, & ad humum depressæ ac tenerioris, sed spinâ aculeorum specie obfita, folia habentis Rutæ similia: Semen autem in folliculis conjunctis, trium aut quatuor capacibus, minus Lente.

Hæc tota in succum expressa astringit, verum inferior est facultate, & ad ocularia medicamenta inepta.

*Cordem, quæ Acacia Dioscoridis quibusdam.*

Halepi in mercatorum tabernis nomine *Cordem* reperit Rauwolfius siliquas venales, castaneæ modo fuscas, quæ duos aut tres sacculos habent compressos, & in unoquoque *semen* rubens simile Balsaminæ nostræ mari, ex Ægypto maximè allatas. Quidam existimant veram Dioscoridis Acaciæ.

*Acaciæ congener Lob.*

Quædam Acaciæ congener est, foliis & spinis Jujubæ concoloribus, cui furculi tortiles per crebra intervalla geminis aculeis donantur, cornua Limacis exerta referentibus, interque cirri exiles foliola Acaciæ primæ positi & similitudine gerunt. *Lob. Adv.*

*Acaciæ congener alia.*

Ex Peruvianis insulis alia, quæ non foliis dissimilis, in viminibus sesquipedalibus spinulis adunatis donatur, concoloribus Uvæ crispæ. *Ad. Lob. & Pena.*

## C A P. II.

### De Plantis Æschynomenis seu vivis & mimosis dictis in genere.

**F**acultas sentiendi Animalibus tam propria censei solet, ut eorundem differentia essentialis à Philosophis constituatur. Verum Plantæ nonnullæ *Æschynomenæ* Veteribus dictæ, Recentioribus *vivæ & sensitivæ & mimosæ*, haud obscura sensus indicia produunt: siquidem folia earum manu aut baculo tacta & paululum compressa, pleno etiam meridie, splendente Sole, illico se contrahunt; in nonnullis etiam speciebus cauliculi teneriores concidunt & velut marcescunt; quod idem ab aere frigidiore admissio patiuntur. Quomodo hæc fiant si sensum omnem & motum spontaneum iis denegemus mechanicâ aliquâ ratione explicare perdifficile est. Quid si dicamus spirituum nervos & vasa replentium contractioni aut ingressui prohibito ea deberi? Quemadmodum enim Animantium pulmones aere inspirato repletæ extenduntur & attolluntur, sic pariter folia spiritibus & vaporibus per nervos influentibus; quemadmodum etiam iidem pulmones aere seu expirato, seu per poros elapso vacuæ concidunt & contrahuntur, sic itidem folia spiritibus exhausta. Jam verò spiritus folia distendentes cum in continuo fluxu sint, perque eorum poros expirent, nisi novi jugiter à radice subministrantur, flaccescant ea & contrahantur necesse est, ut in avulsis videmus.

Fieri ergo potest ut tangentis manus, nervorum compressu spirituum influxum impediatur ad tempus, aut fortasse etiam reperiatur nonnihil, unde iis qui nervos implebant evaporantibus folia necessario contrahantur aut collabascunt. Fieri etiam potest, ut tam digiti quam ambientis frigus, spiritus contrahat & condenset, eorumque motum sistat, adeoque folia contrahi & collabascere faciat. Valvulas enim in plantarum vasis, nisi quis eas ad oculum demonstraverit, non libenter admiserim.

*Locus.*

Hujus plantæ Theophrastus nomine Æschynomenes circa Memphin Ægypti nascentis meminisse creditur. Verum hodie in Ægypto non invenitur, siquidem Bellonius & Alpinus nullam ejus mentionem faciunt; & Guilandinus se istam diu multumque in Ægypto circa Memphin, Helio-  
polin,



polin, Tanaïm & Alexandriam quaesitam nunquam offendere potuisse. Verisimile ergo est aliunde advectam ibi olim plantatam fuisse.

Plinius Lib. 24. Cap. 17. ejus meminisse videtur his verbis, *Adjecit his Apollodorus sectator ejus [Democrati] herbam Æschynomenem, quoniam appropinquante manu folia contraheret.*

C A P. III.

De Plantis Æschynomenis foliis bicompositis seu ramosis.

1. *Caaco Brasiliensis; Herba viva vulgo Marggrav. Æschynomene spinosa II. seu foliolis Acaciae latioribus, siliquis longis hirsutis Breyn. An mimosa spinosa Fernambucensis Zanoni? The Sensitive Plant.*

**C**aulis habet striatum, viridem, longum, haud crassum, lignosum, aculeatum, fragilem tamen & medullosum, qui partim terræ incumbit, partim assurgit & aliis se implicat. In varios panditur ramos, & rami in ramulos, duos aut etiam quatuor digitos longos, aculeatos: quilibet autem ramulus quinque, sex aut octo costas habet sibi semper oppositas, quamlibet unum aut sesquidigitum longam, quæ costæ continent foliola lætè viridia, ordine posita & sibi opposita, angusta, oblonga ut Lentium, sine pediculis, ad tactum tenera, in medio secundum longitudinem subtili nervulo donata, qui non potest videri nisi foliolum lumini obvertatur. [Nobis folia sunt quæ Marggravius ramulos vocat.] Folia autem in plantula nobis visa, quæ ex semine provenit, observata bicomposita fuere *Filicis femina* in modum, primò ex duabus tribusve costarum paribus medio nervo adnexis; secundò ex sedecim, octodecim, aut etiam viginti pinnarum paribus singulis costis adnexis, absque impari in extrema costa: Ad caulem ubi ramuli prodeunt brevis provenit pediculus, (rarò plusquam unus in uno loco, sed in uno habens multos [flores] & in summitate, caulis quasi spicatum congesti sunt globuli) unum digitum longus, qui capitulum producit rotundum magnitudine Globulariæ Montpelienis *Clusii*, vel etiam majus, constans coruleo-purpureis, (vel etiam incarnati coloris) floiculis egregiis, arctè junctis, ita ut capitulum hirsutum videatur. Post flores proveniunt *siliquæ*, tenues, striatæ, hispidae, mollibus aculeis munitæ, tres circiter digitos longæ, in quibus semen nigerrimum splendens, oblongum, figuram ferè habens cordis, magnitudine grani filiginis. *Radix* hujus plantæ perennis est, & semper protrudit caules recentes: Est autem pedalis aut paulò majoris longitudinis, quatuor circiter digitos crassa superius, sed quæ paulatim attenuatur versus inferiora; est autem contorta instar furis, & multa habet filamenta ad latus è sui medio, unum aut duos pedes longa, exterius coloris Umbræ, interioris alba, lignosa, medullosa, lenta, filamentosa: tota fortem odorem habet, planè similem Raporum nostratum diu in cella tempore hyberno servatorum. Herba inodora sed saporis subdulcis: Mirabilis autem, nam manu, pede aut baculo tacta, statim contrahit se & componit, brevi autem post iterum se explicat. Etiam circa Solis occasum quasi tristitiâ affecta se componit.

Eandem huic omnino plantam esse mihi planè persuadeo *Mimosam spinosam Fernambucensem* Jacobi Zanoni, quamvis ille diversam velit, figura duntaxat seminis, (quod summa parte per longum sulcatum scribit, frumenti nostratis similitudine) repugnare videtur.

2. *Caaco seu Herbe vivæ tertia species Marggr. Æschynomene spinosa tertia sive foliolis Acaciae angustioribus, siliquis parvis echinatis Breynii. Planta humilis hortulanis nostris.*

*Breyn.*

Validioribus spinis undique horret hic frutex, Rosarum magnitudine; ramis multis rotundis, hirsutissimo cortice, atrorubenti obductis: quos frondes nullo ordine & tamere nascentes, fescunciam longæ, tenues hirsutæque ambiunt; subtus ad exortum duobus hamatisque sentibus armatæ, & superius in quovis latere quatuor aut subinde quinque suffraginibus *foliola* obscurè virentia, Acaciae angustiora habentibus, densè adeò in orbem alatæ ut flabellum è plumis confectum perminutum non male exprimere videantur. Globulos secundæ fert minores, *floiculis* rigidioribus & magis patulis congestos, ternos, senos, vel nonnunquam plures simul junctos: quibus *siliquæ* superveniunt pilis rigidis echinatæ, tenues, in tres distinctæ loculos, quorum singulis singula *semina*, præcedentium paria, sed aliquanto minora, coloris ex spadiceo fusci, inclusa.

Marggravius *siliquas* & *semina* ita describit. Semen continetur in *siliquulis* parvulis, teretibus, hispideis, fuscis, quarum multæ conjunguntur, figuræ Rosæ: quælibet autem *siliquula* habet tria grana & totidem tubercula; Semen autem coloris est olivacei, paulò obscurioris, rotundum & paulò compressum, instar lentium, sed minus. *Siliquulæ* etiam sponte diffiliunt in tot partes quot *semina* continent.

Hæc fortè est Pinahuihuiztli seu Herba verecunda Fr. Hernandez, quæ imperfectè admodum describitur Lib. 4. Cap. 32. Hist. Mexic.

Hæc ex seminis figura ea esse videtur quæ hortulanis nostris Plantæ humilis nomine colitur, ad frugem tamen, quamcunque curam adhibueris in regionibus nostris quæ ambientis frigus non pervenit.



- \* 3. *Æschynomene spinosa* IV. seu foliis *Acaciæ angustioribus*, frondibus validissimas spinas habentibus Breynii. An *Herba virva* alia fruticescens, Lusitanis *Silva d'Agõe* dicta Marggr?

Breyn.

Frutex hic itidem Brasiliensis, spinis adhuc validioribus passim armatus, & altius utpote in *Oxyacanthæ* altitudinem excresecens, cortice purpurante, lento, & in ramis piloso tectus. Hujus frondes seu folia *Acaciæ* instar sunt ramosa, ac observatione profecto digna: illorum enim quodlibet ex pediculo pæne dodrantali, crasso, lignoso, piloque abundante hirsuto & rufescente constat, per intervalla semuncialia octo, decem aut duodecim paria suffraginum, biuncialis latitudinis, sibi directè opposita habens: qui foliis compluribus utrinque, admodum exiguis, densius quàm congeneres omnes mirabiliter adèd pennatæ, ut tanquam in alis avicularum pennulæ appareant: inter cujuslibet suffraginum paris medium, ex petioli lupina & carinata parte aculeus longus & gracilis progignatur, & in mediâ suffraginum distantia utrinque ad petioli latus crassæ, aduncæ, Rosarum similes, validissimæque spinæ, eo modo ut par semper suffraginum & par spinarum, par spinarum & par suffraginum, (in medio sicuti dictum aculeum semper habentium) alternatim ordine accuratissimo se invicem excipiat. *Flosculos* fert sui congenerum de more in globulum coagmentatos sed majorem; deinde *siliquæ* è floris centro longissimæ, hirsutæ progerminare feruntur.

4. *Æschynomene spinosa* I. seu latifolia Brasiliensis siliquis radiatis Breynii. *Juqueri-omnino* Marggrav. An *Herba mimosa* Clus?

Breyn.

Planta est fruticescens, caules ramosque proferens pallidè virentes, quadrangulares, fragiles, medullâ niveâ refertos, & in angulis densissimè spinarum vallo luteorum munitos. Hi alternatim per interstitia uncialia longiorave frondibus æquè ac rami quadrangularibus spinosisque ornantur: quæ in extremitate ferè in duas semunciam vix attingentes expanduntur suffragines, quarum singulæ foliis utrinque duobus, aversâ parte hirsutis, adversâ verò glabris & latè virentibus præditæ, Senæ haud minoribus, nec dissimilibus, excepto quòd altera eorum pars alteram longitudine & latitudine vincat, & interius foliolum inferius multo brevius semper & longè minus observetur: cujuslibet folii longitudinem nervus erectus, superiori tamen lateri propius quàm inferiori transit, costas quasdam semilunaris figuræ in inferiori latere cum venulis parvis in utroque fundens. Inter frondium appendices pilis rigidis exasperatas petioli vel solitarii tantum (vel subinde plures simul juncti) angulosus, tenuis, uncialis longitudinis, atque spinulis multis præditus exit; globulum sustinens villosum, *Acaciæ* dimidio minores, ex innumeris tubulosis *flosculis*, staminula pallida emittentibus, purpurei coloris, & squamulis compluribus, pallidiusculis, spinosis confarcinatum: quem *siliquæ* tandem subsequuntur membranaceæ, novem, decem, imò & duodecim in orbem, *Glycyrrhizæ* *Dioscoridis* instar dispositæ, longitudine unciam superantes, pallidi coloris, & pilis longiusculis hirtæ, circumque margines longioribus veluti spinulis radiatæ: hæ per intervalla sunt tumidiusculæ, depressæ interstitiis, ac *Securidacæ* instar geniculatæ; de quibus semine maturo filum utrumque latus fimbriæ instar cingens solvitur, & siliqua ipsa diffilit in capsulas quatuor aut quinque parallelogrammas; in singulis seminum unicum comprehensum; olivacei coloris & figuræ ovalis, *Acaciæ* quadruplo minus continens, cujus utramque superficiem area circularis pingit.

- \* 5. *Æschynomene spinosa* foliis *Acaciæ* latioribus, frondibus longissimos aculeos habentibus Breyn.

Breyn.

Hæc ex semine Americano, oblongiusculo, olivacei coloris tam feliciter extitit, ut intra annum ternos in cubitos adoleverit. Caudicem habebat ligneum, rotundum, digiti crassitie, & multis spinis deorsum inflexis rigentem: ex quo ramuli confuso ordine oriebantur spinosi, frondibus inumbrati frequentissimis; præcedentis admodum similibus, nisi quòd tenuiores, multò minùs hirsutæ, spinisque minoribus ac infirmioribus, aculeis contra altero tanto longioribus præditæ, & suffragines eorum, quæ laxius dispositæ, foliis majoribus *Æschynomenes* spinolæ secundæ Breyn. melius convenientibus minus arctè pennatæ. Hæ frondes æquè ac antecedentis tactæ, ut & vesperi sine contrectatione, sed tardius paulò foliola complicantes, deorsum suffragines detorquebant.

6. *Æschynomene mixta* I. seu *Herba casta Americana*, foliis *Acaciæ* latioribus, siliquis latis, compressis, majoribus Breynii *Plantæ sensitivæ* nomine hortulanis nostratibus nota. *Herba mimosa Jamaicensis* Zanoni.

In cubitalem altitudinem [imò ulnæ Italicæ & dimidiæ Zan.] attollitur, caule unico principali, verum prope terram multos ramos emittente, lignoso, glabro, splendente ac si vernice oblineretur, subinde rubente, frondibus seu foliorum alis per intervalla crebra vestito, uti sunt & rami, qui si reclinati ut sæpe terram attingant radices plerunque agunt. Frondes seu foliorum alæ bicompositæ sunt, ut in spinosa secunda Breyn. primò ex duobus tribusve alarum seu suffraginum paribus, pediculis brevibus, crassis mediæ costæ adnexis; deinde suffragines dicti seu foliorum totalium alæ ex foliolorum seu pinnularum paribus sedecim, octodecim, aut etiam viginti, & fortasse etiam pluribus. Sunt autem pinnulæ hæ angustæ, glabræ, glaucæ, aut obscurius virentes, per margines æquales, in acutos mucrones terminatæ, nullâ in extrema ala impari pinnulâ: dum tenellæ sunt rubent aut purpurascunt, qui color in plenam maturitatem adeptarum marginibus durat. Ex frondium sede pediculus exurgit fuscuncialis, nudus, cujus cacumini insident flores tubulosi in spicam Pimpinellæ instar globosam condensati. His evanidis apparent siliquæ novem, decem, pluresve simul junctæ, unciales, membranaceæ, fuscæ, compressæ, à Genistæ siliquis haud multum abhorrentes, tot in utroque latere extrinsecus tuberculis præditæ quot semina numerantur intrinsecus, quæ nigra, forma & circulis *Æschynomenes* spinolæ secundæ paria. Ja. Zanoni semina gigartis seu vinaceis similia sed minora,



nora, nonnihil compressa, lucida, valde dura, colore castaneo [verius ex spadiceo nigricante.] Idem accuratius florum spicas seu globulos describit his verbis. Versus summos caules & ramos, Septembri mense, è foliorum sinibus singulis singulos exferit oblongos pediculos, uno vel altero foliolo, diversæ à reliquis figuræ, nimirum cordiformi donatos, summo fastigio capitulum granulatum viride, quod postea in luteum mutatur, sustinentes. Excrecente paulatim capitulo granula inferiora primò aperiuntur & fiunt florum calices, quibus exiccatis superiora gradatim explicantur, ut nunquam plus media parte capituli florida appareat. Sunt autem flosculi in quatuor vel quinque dentes seu angulos secti, habentque in medio multa filamenta seu *staminula* è luteo albicantia, *apices* minutos, subrotundos coloris obliqui & odoris tenuis sustentia.

Plantæ hujus semen ex insula Barbados, ubi sponte oritur, quotannis in Angliam mittitur.

Locum.

- \* 7. *Æschynomene mitis secunda seu Herba casta Zeilanica siliquis latis, compressis, minoribus* Breyn.

Hujus siliquam duntaxat habuit J. Breynius, quæ cum quinq; aliis uni adnata fuerat pediculo: erat autem ex spadiceo fusca, nullis articulis intercepta, Herbe castæ primæ perquam fimilis, ut & semen; ex quo D. Sye propullulavit planta, Mimosa minori haud absimilis facie & motu.

- \* 8. *Æschynomene mitis Americana foliis Acaciæ angustioribus, siliquis longis angustis, semine quadrangulari* Breyn. *Mimosa spuria Fernambucensis, dicta Mimosa Italica* Zanoni.

Neque statura & magnitudine, neque foliorum figura à reliquis Mimosis differt. Folia duntaxat nonnihil tenuiora sunt, superna parte perfectè viridia, inferna pallidiora. Caulis plerunque sesquicubitalem altitudinem assequitur, propè terram subrotundus.

Differt à prima specie seu Mimosa spinosa Fernambucensi Zanoni, 1. Parvitate totius plantæ, præcipuè foliorum. 2. Quòd folia tactu non se comprimant illius in modum. 3. Siliquis longis, tenuibus, mucronatis, caulibus spinis destitutis, quo differt à mimosa quartâ Zanoni, cujus siliquis sunt etiam tenues & longæ, verum caules spinosi.

Hæc à multis annis variis Italiæ locis familiaris facta est, adeò ut advena & peregrina jam non habeatur planta in illis regionibus, unde & nomen *Mimosa Italica* adeptæ est.

Plenior omnium ejus partium descriptionem qui desiderat Jacobi Zanoni historiam petat.

- \* 9. *Æschynomene mitis Americana foliis Acaciæ brevioribus* Breynii.

Breyn.

Arbustula est rarissima, in *Corocao* insula nascens, Frondibus Acaciæ, in quibus folia breviora, pedunculis longioribus, quàm in reliquis *Æschynomenes* generibus infidentia cernuntur. Globulos uberrimos, *Æschynomenes* spinosæ 3. Breyn. simillimos, flosculis verò majoribus, elegantioribus paucioribusque compositos gerit. Siliquarum figurâ nos latet, inquit Descriptionis autor Jac. Breynius.

- \* 10. *Frutex pavoninus sive Crista pavonina Sinensum* Breynii. *Foliis ramosis cum hoc genere convenit, floribus cum sequente.*

Breyn.

Frutex hic cortice lævi, præprimis in junioribus purpuratus, in *Ambon* insula aliisque Indiæ locis ad quinque cubitorum altitudinem assurgit: Frondibus purpureis spithamæ longitudinis, sub origine spinam hami modi incurvam habentibus alterna vice inumbratus, quæ per certas distantias suffraginibus quinque, septem, pluribus paucioribusve, in quolibet latere biuncialibus sunt præditæ, purpurei itidem coloris, aculeolumque etiam purpureum sub singularum exortum monstrantibus. In harum suffraginum unaquaque octo, decem, duodecim, vel quatuordecim foliola observantur Coluteæ Scorpioidis venosiora, pari semper numero sibi mutuo opposita, ita ut nullum Suffraginis extremum claudat. Floribus exornatur incomparabilis suavitatis, de quibus in ramorum summitatibus plures subinde quàm quinquaginta, spicam longam spectabilem efformantes numerare licet. Illorum quilibet triunciali petiolo purpureo, inferius juxta sedem spinulâ, & superius geniculis sæpissimè duobus donato suffulcitur, ac Cassiæ in modum Brasiliæ, in globoso ante perfectionem celatur utriculo; quinq; ex obsoleto purpurascens foliis composito, quorum infimum carinatum, extrema parte inflexum veluti cucullus super reliqua minora resupinatur, atque *florem* in illis reconditum venustissimum cum explicatur petalis quinque, è purpureo rubentibus & ex aureo fulgore variegatis constantem occulit. Singulorum in medio florum *stamina* stant decem, purpurea, longissima, sursum versùs reflexa, flaventes in *crocos* desinentia, inter quæ *stylus* custoditur prolixus & crassus, tandem in *siliquam* à Pisorum haud multum recedentem excrecens, corticosam, duram ex purpureo castanei saturati coloris, intrinsecus verò album, ac valvulis spongiosis & crassis ex cinereo ferrugineis in novem vel decem separatam cellulas: quarum unaquæque *semen* Ceratiæ simile continet, olivacei coloris, cum tempore ex spadiceo rufum seu fuscum, circularibus lineis densissime cinctum, quod ex pedunculo in margine siliquæ supremo dependet.



## SECTIO TERTIA.

*Plantæ Æschynomene foliis pinnatis tantum, non ramosis, floribus vel papilionaceis vel pentapetalis.*

## CAP. I.

*Mimosa non spinosa major Zeilanica Breyn. Dyabibala Cingalensium D. Hermans.*

*D. Syen.*

**R**adice firmatur rotundâ & subrufâ, quæ paulò infra terræ superficiem in tres quatuorve partes finditur, & rursus postquam profundius delituerit, in plures subdividitur, paulatimque in capillamenta coloris albicantis definit. Huic innititur *caulis* rotundus, concavus, mollis & tener, coloris dilutè virescentis, cui alterno ordine adnascuntur *folia* longa, ex plurimis aliis lateralibus, nervo medio intercurrente conflata, pari modo ut in aliis Mimosis liquet, nisi quòd folium hocce angustius, ac non ramosum, & tota planta præterea dilutiorem colorem obtineat, sensûque obtusior sit prædita. Juxta foliorum exortum flores enascuntur papilionacei, nunc singulares, nunc bini ternive, pediculis brevioribus inherentes, figurâ (quantum ex sicca planta colligere datum) ad Genistæ flores propemodum accedentes, colorisque lutei vel aurei, labello autem inferiore hirsuto. Hisce succedunt *siliquæ* angustæ, compressæ & articulatæ, trium unciarum utplurimum longitudine, quinque vel sex *semina* suis internodiis distincta continentes, quorum numerum externè facile quis distinguat, cum non solum foras promineant, sed & iis in locis ubi conspiciuntur semina, siliqua planè sit aspera & scabrosa, articulationibus præterea, quæ ea distinguunt, tam teneris, ut si vel leviter tantummodo tractentur, facili negotio à se invicem separentur: siliquæ extremitati insuper appendicula quædam ut plurimum adhæret capillacea. *Semen* ipsum Lentis fermè est magnitudine, coloris ex griseo vel subfusco flavescentis & exactè renis figuram exhibens, pari modo ut in Spartio monospermo altero C. B. videre licet.

Calorem intensum & solum apprimè humidum amat.

## CAP. II.

*Herba viva Hist. Lugd. Acoftæ Park.*

*Acofta.*

**N**onnullis Afiz locis planta quædam invenitur, vulgò *Herba viva* nuncupata, à circumforaneis illis *foques* appellatis *Herba amris*, ab Arabibus & Turcis *Suluc*, & à Persis *Sulique* dicta. Exilem habet *radicem*, à qua supra terram exiliunt octo ramuli, (costæ potiùs) duos digitos longi, *foliis* utrinque è regione digestis, & inter se respondentibus onusti, quæ utplurimum ad Ervi folia accedunt, nec dissimilia foliis Polypodii, sed longè tenuiora, itémque lævia, & grato virore oculos pascuntia, uti Tamarindorum folia. E medio capite radice prosiiliunt pediculi quatuor, foliis vix longiores, *florem* singuli suum sustinentes flavum, aspectu pulcherrimum, minorum Caryophyllorum floribus similem, sed sine odore.

Nascitur nonnullis Afiz locis calidis & humidis.

Hæc Planta singularis est & ab aliis Æschynomenis longè diversa. Integram ejus historiam vide apud Acoftam. Herba est magica & ad amatoria celebratur.

*Locus.*

## CAP. III.

1. *Chamæcrista pavonis Brasiliæana siliquâ singulari Breyn.*

*Breyn.*

**E**adem panè quâ mimosa spinosa secunda Breynii facie procreſcit, quanquam minus, nec adeò ramosum, & nullo aculeorum vallo munitum. *Caules* namque ex sua radice fundit quadrangulares rubentes, spinarum penitus expertes, & ad singulas foliorum alas modo in hanc, modo in illam partem inflexos, ac geminatis, latis, in acutum desinentibus, nervosis circumque pilosis auriculatos appendiculis: inter quas *folia* alternatim exoriuntur palmaria, pennata, seu ex innumeris, pallidè virescentibus foliolis, Acaciæ haud parùm æmulantibus, trinerviis, uni costæ adnatis, sibi invicem oppositis congesta, vesperi se complicantibus & mane illucescente Sole se aperientibus reliquorum hujus generis more. E foliorum alis solitarius plerunque tantum, tener & oblongus exit pediculus, cui Flos insidet amœnus, Sophera Alpini quadruplo minor, subrubicundique coloris, petalis quinque acutioribus compositus; cujus in meditullio corniculum falcatum, lanugine densâ hirsutum staminula inter multa ludit; quod collapsò postmodum flore hirsutiem suam exuens in *siliquam* efformatur pulchram, angustam, sextantalem, breviorémve Cristæ pavoninæ, sed nigerrimam, cum pluribus intus membranulis, veluti parietibus intergerinis in diversas concamerationes, singulis seminibus singulis repletis, dispescitur.

2. *Herba*



2. *Herba mimosa spuria seminibus quadratis.*

*Cauliculos* surrigit dodrantes, teretes, graciles, satis rigidos, erectos, cacumine tamen nutante, rubicundos, hirsutos, ab imo statim ramosos, ramulis alternis è foliorum alis exeuntibus: imi tamen ramuli ex adverso bini in singulis plantis oriuntur. *Folia* per intervalla crebra, hinc inde singula, caulibus per totam longitudinem ab imo ad summum usque adnascuntur, alata Vicia alicujus in modum, è pluribus pinnularum oblongarum obtusarum conjugationibus composita [decem interdum aut duodecim numeravimus] per margines æqualia, glabra, supernè viridia, infernè glauca, brevibus pediculis fulta cum auriculis acutis hinc inde ad exortum racheos cauli adnascuntibus. Versus summos caules ex alis foliorum [aliàs ex parte caulis inter duo folia mediâ] exeunt flores, tres plerunque simul, pediculis tenuibus semuncialibus sustentati, calyci è sex segmentis in longos & acutos mucrones exeuntibus composito inclusi, pentapetali, petalis obtusis, flavi, magnitudine & colore florum Ascyri aut Chamæcisti, cum plurimis intus staminibus seu corniculis crassis, erectis & stylo in medio.

*Huic persimilis est, si non eadem, Chamæcrista Pavonina Americana siliquâ multiplici Breynii, quam sic describis,*

*Breyn.*

Venustate ac concinnitate priori [Chamæcristæ pavoninæ Brasil. siliquâ singulari] in multis cedit. *Caulem* habet rotundum, striatum haud inflexum, ramos multos, pilis tenerimis pubescentes ferentem. Horum alæ quam illius breviores, earumque foliola pauciora ac ampliora, Mimosæ spinosæ secundæ Breyn. foliorum lobulos superantia, & averfa parte subhirsuta. *Flos* dimidio minor quàm Brasilianæ, & copiosius in singulis alarum sinubus, pediculo brevior fultus; quo evanescente succedit *siliqua* nigricans, Brasilianæ angustior, magisque compressa, ac in plures indem concamerationes divisa, *semen* continens quale est Brasilianæ, sed minus.

In Americana insula dicta *Curacao* oritur. Nobis descripta ex semine Londino accepto, colore spadiceo, figurâ quadratâ aut rhomboide, enata est. Siliquas non vidimus, nec enim eas in hortulo nostro perfecit. Semen quotannis ex insula *Barbados* una cum Plantæ sensitivæ & humilis dictæ seminibus in Angliam delatum est. *Locu.*

## F I N I S.

## De ICONIBUS Sculpendis Admonitio.

Cum accuratæ specierum Icones non tantum ad Historiam Stirpium exornandam, sed etiam ad descriptiones illustrandas, ut à quibusvis etiam rudioribus & fastidiosis facile intelligi & comprehendi queant, summo opere conducant: ne Opus hoc tam necessariis adminiculis destituatur, Typographus & Bibliopolæ, quorum Typis & Impensis excudi coeptum est, decreverunt, quàm elegantes & accuratas, vel ex figuris ad vivum delineatis, vel ex optimis exemplaribus excusis, à præstantissimis Chalcographis expressas Icones quanta fieri potest festinatione adjicere & evulgare, modo sumptus ne deficiant. Quod ne fiat, generosos aliosque huic studio deditos, eive faventes orant ut in Societatem Operis veniant, & ad sumptus sublevandos modico ære initio deposito in partem pretii pro uno pluribusve exemplaribus, cum jam absoluta & tradita sint, persolvendi, inceptum suum promovere dignentur.

Ne vero Mecenates suos immodicis collationibus nimium gravent, aut longa expectatione fatigent, figuras per partes edere statuerunt, singulis tribubus seorsim exhibitis, nec pro sequenti tribu symbolam petere, priusquam antecedens peracta & contributoribus tradita fuerit.